







*Caroli Emanuelis Scotti Monachi Cisterciensis*  
*Rome 1682*

23. f.

... ..  
... ..

7.22

# CLYPEUS THEOLOGICÆ THOMISTICÆ,

AUTHORE

P. F. JOANNE BAPTISTA GONET,  
BITERRENSI, ORDINIS FF. PRÆDICATO-  
RUM, PROVINCIAE TOLOSANÆ, STRICTIORIS OBSERVAN-  
TIÆ, IN ACADEMIA BURDIGALENSI  
ANTECESSORE.



TOMUS SECUNDUS,

Continens Tractatus de Prædestinatione, de Trinitate, de Angelis,  
& de Homine.

EDITIO NOVISSIMA,

*Post Tres Gallicanas, prima in Germania; Tractatibus aliquot, qui nondum  
in lucem prodierunt, auctior & correctior.*



COLONIAE AGRIPPINÆ,

Sumptibus JOANNIS WILHELMI FRIESSEM Junioris.

ANNO M. DC. LXXI.

*Cum Privilegio Sacrae Caesareae Majestatis, Catholici Regis Hispaniarum, & permissu Superiorum.*

11-3-R-3



REVERENDISSIMO ET AMPLISSIMO  
D O M I N O

D. Æ G I D I O

CELEBERRIMI MONASTERII  
S. PANTALEONIS INTRA COLONIAM ORDINIS  
S. BENEDICTI Abbati dignissimo, Sacrae Congregationis Burs-  
feldensis ejusdem Ordinis per Germaniam PRÆSIDENTI  
principali, fundi Domino in Suchtelen &c.



Reverendissime & Amplissime Domine,



Vb umbra patrocinii Tui , in arena digla-  
diari gestiens , novus hic meus & secundus  
Theologiæ Thomisticæ *Clypus* , altum si-  
lendo, altiùs Te, Reverendissime Præsul, Pa-  
trone colendissime, inclamare auditus est:  
*Manus tua deducet me , & tenebit me dextera*

*tua.* Iniquum enim foret aliundè , & non ex illo etiam fonte  
benigni-

## D E D I C A T I O

benignitatis tutelam implorare, undè tam ampla in Parentem, in Filium, in domum totam, librariàmque negotiationem nostram derivantur proluxæ voluntatis argumenta: talem enim erga nos benevolentiam, eam comitatus significacionem, hoc officium humanitatis nunquam non prætulisti; ut lex ipsa pietatis hodiernum obsequium, cui & publicum munus, & privatum affectum impendo, hoc quaecunque mearumque gratitudinis pignus præcipiat reposcâtque. Patrum mihi pro Te, ad maxima quæque nato, videtur; quamplurimos, præcelsosque Ordinis tui sanctissimi montes, dum officii eos causâ tanquam PRÆSIDENTS principalis Congregationis Bursfeldensis conscendis, virtutum tuarum ac singularis sapientiæ fama, longè lateque impletos esse: ad colles etiam & valles, ad omnes, ad orbem universum, divulgandum venit Tuum ter Benedictum Nomen: audires enim, quantam de Te existimationem boni quique, tota urbe ac orbe vicino diffusi, mecum conceperint; si, quæ debentur virtutibus laudes, tua non vetaret modestia referre. Dabis igitur unum hoc meritissimo juri tuo; dabis desiderio & decori meo; dabis Te vocanti sine voce *Clypeo*, ut quò gloriosius in publico spectetur, manu tua deducatur, teneatur dexterâ tuâ, tuo brachio sustentetur: illis, inquam protegatur alis, quibus aliàs usa gavisâque fuit non mediocri suo, quamplurimo communi bono, & Philosophia, & Theologia Philippi; quæ ante annos non adeò multos à Parente meo, se se ideo publicâ luce donatam videbat gaudebatque; quia Te, tanto suo Patrono, Promotore maximo, non metuebatur, qui id honoris splendorisque invideret. Iam tum ego cœperam ex his, dum à Parente toties cum eâ, quam merebaris, præcipuâ commendatione tua, tenerioribus animis ingererentur, æstimare tuam librorum æstimationem; amare sublimem scientiæ & eruditionis amorem, quæ deinde æstimatio mea, qui continuatus amor, nescio quænam sumpserit, venientibus annis, uberiora incrementa, quibus præter florentissimum litterarum vigorem, quem sibi à Te, in se inductum, Abbatia gratulatur, aliam nullam à te licentiam amari donarique, quam eam, quæ & eruditionis simul ac sapientiæ sacratioris, & divinarum virtutum, religiosæque perfectionis studiosa ac retinens, compositorum morum, sanctissimæque vitæ docet infertque continentiam. Accipe nunc *Clypeum*, assume eum, ut assumant eundem Tui: teneat eum dextera tua; & tenebit

# D E D I C A T I O d

nebit illum sinistra Licentiatorum, subditorum tuorum; quos si domi desideres, curiosâ eruditione suâ, Clypeus noster, manibus tractatus, facillè suaviterque retinebit; si foras emittas, inter fatalia disceptantium jacula tutos illæsoſque servabit; victoriosos restituet: & sic patere me in nominis tui felici auspicio; in virtutum tuarum ac decorum atrio, laborum meorum, in itæque negotiationis librariæ primitias, publicæ consecrare salutem, quò rationes meas jam olim contuli, certus non posse me Patriæ vilem esse, quem tui nominis insignibus exornare volueris. Habe ergo Clypeum, & me meosque protege.

*Reverendissima & Amplissima Dominationis Vestra*

Servus humillimus ac devotissimus

IOANNES WILHELMUS FRIESSEM junior,  
Bibliopola Colonienſis,



2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 2680, 2681, 26

1. The first step is to identify the problem or question that needs to be answered. This involves understanding the context and the specific requirements of the task.



# INDEX.

## TOMI SECUNDI.

### TRACTATUS QVINTVS.

<b>D</b> E Prædestinatione & Reprobatione, earumque cum libertate concordia, pag. 1.	
Disputatio prima de existentia prædestinationis,	2
<i>Art. I.</i> An homines prædestinentur à Deo?	<i>ibid.</i>
§. I. Existentia & convenientia prædestinationis breviter suadetur,	<i>ibid.</i>
§. II. Solvitur tritum & commune argumentum, quod contra prædestinationem fieri solet,	4
§. III. Statuitur prædestinationem esse necessariam ad salutem,	5
§. IV. Solvuntur objectiones,	6
<i>Art. II.</i> Quos actus intellectus & voluntatis exigit prædestinatio usque ad sui executionem?	7
§. I. Quibusdā præmissis difficultas resolvitur,	<i>ibid.</i>
§. II. Solvuntur argumenta in contrarium,	8
<i>Art. III.</i> An, & in quo actu intellectus, essentia prædestinationis consistat?	9
§. I. Resolvitur prima difficultas, & prædestinationem in actu intellectus, non autem voluntatis, formaliter consistere demonstratur,	<i>ibid.</i>
§. II. Alia difficultas expeditur,	10
§. III. Solvuntur objectiones,	11
<i>Art. IV.</i> An prædestinatio sit pars subiectiva vel objectiva divinæ providentiæ?	13
§. I. Referuntur sententiæ, & vera eligitur,	<i>ibid.</i>
§. II. Solvuntur objectiones,	14
<i>Art. V.</i> Corollaria notatu digna,	15
<i>Disp. II.</i> De causis prædestinationis,	15
<i>Art. I.</i> An electio efficax prædestinatorum	
<i>Tom. II.</i>	

ad gloriam sit purè gratuita, & merita prævisa antecedit, vel supponat?	<i>ibid.</i>
§. I. Præmittuntur quæ apud omnes sunt certa, & referuntur sententiæ,	<i>ibid.</i>
§. II. Electio gratuita prædestinatorum ad gloriam, autoritate Scripturæ sacre firmatur,	19
§. III. Aliud celebre Apostoli testimonium expenditur,	20
§. IV. Præcluditur aditus evasionibus Adversariorum,	<i>ibid.</i>
§. V. Mens Augustini aperitur,	21
§. VI. Quid de D. Thoma?	24
§. VII. Ratio fundamentalis nostræ conclusionis exponitur,	<i>ibid.</i>
§. VIII. Aliis argumentis eadem veritas suadetur,	26
§. IX. Corollaria præcedentis doctrinæ,	27
<i>Art. II.</i> Convelluntur fundamenta Adversariorum,	29
§. I. Exponuntur testimonia Scripturæ & sanctorum Patrum, quæ videntur favere adversæ sententiæ,	<i>ibid.</i>
§. II. Solvuntur argumenta ex ratione petita,	30
§. III. Aliæ adversariorum ratiunculæ infringuntur,	31
§. IV. solvuntur argumenta ex absurdis & inconvenientibus petita,	32
<i>Art. III.</i> An detur ex parte nostra causa meritoria vel dispositiva primi effectus prædestinationis?	35
§. I. Referuntur sententiæ, & prima conclusio statuitur,	<i>ibid.</i>
§. II. Hæreticorum fundamenta convelluntur,	37
§. III. Statuitur secunda conclusio, & ostenditur hominem ex viribus naturæ	

# INDEX DISPUTATIONVM

- non posse se disponere, etiam remote,  
ad primum auxilium gratiæ, 38
- §. IV. Diluuntur argumenta aduersæ  
sententiæ, 39
- §. V. Exponuntur quædam testimonia  
D. Thomæ, 40
- §. VI. Explicatur Chrysostomus, & ab  
errore Semipelagianorum vindica-  
tur, 41
- §. VII. Sententia Molinæ rejicitur, 42
- §. VIII. Duo corollaria notatu di-  
gna, 43
- §. IX. Solvuntur argumenta Molinæ, 44
- Diff. II. De effectibus prædestinatio-  
nis, 46*
- Art. I. Vtrum glorificatio, & justificatio,  
& quæcumque efficax vocatio, sint ef-  
fectus prædestinationis? ibid.*
- §. I. Quibusdam præmissis, referuntur  
sententiæ, 47
- §. II. Conclusio affirmativa statuitur, *ib.*
- §. III. Solvuntur objectiones, 48
- Art. II. An gratia per peccatum inter-  
rupta, & vocationes inefficaces, inter  
effectus prædestinationis computari  
debeant? ibid.*
- §. I. Resolvitur prima pars quæ sit, *ibid.*
- §. II. Expeditur alia difficultas, 49
- Art. III. An determinatio voluntatis ad  
actus supernaturales, prout à libero  
arbitrio exeunt, sint prædestinationis  
effectus? 51*
- §. I. Hæc sententia Molinæ rejicitur, *ib.*
- §. II. Molinæ fundamenta convellun-  
tur, 53
- Art. IV. An substantia prædestinati sit  
sua prædestinationis effectus? 54*
- §. I. Quibusdam præmissis conclusio affir-  
mativa statuitur, *ibid.*
- §. II. Solvuntur objectiones, 56
- §. III. Corollaria præcedentis doctri-  
næ, 57
- Art. V. An malum & permissio ejus in ele-  
ctis sint prædestinationis effectus? 58*
- §. I. Quibusdam præmissis prima pars  
quæ sit, duplici conclusione resolvit-  
ur, *ibid.*
- §. II. Resolvitur secunda difficultas, &  
ostenditur permissionem peccatorum  
in electis esse prædestinationis effe-  
ctum, 59
- §. III. Solvuntur objectiones, 60
- §. IV. Aliud argumentum solvitur, 61
- Diff. IV. De certitudine prædestinatio-  
nis, 64*
- Art. I. An prædestinatio sit certa, non  
solum certitudine præscientiæ, sed  
etiam certitudine causalitatis medio-  
rum? ibid.*
- §. I. Quibusdam præmissis referuntur  
sententiæ, *ibid.*
- §. II. Conclusio affirmativa statuitur, &  
authoritate D. Thomæ firmatur, 65
- §. III. Concilia & SS. Patres, *ibid.*
- §. IV. Eadem veritas ratione suade-  
tur, 66
- §. V. Absurdus & inconvenientibus sen-  
tentia Molinæ exploditur, *ibid.*
- Art. II. An conclusa Dei revelatione pos-  
sit aliquis in hac vita habere certitudi-  
nem infallibilem de sua prædestina-  
tione & salute? 68*
- Digres. I. De signis prædestinationis, 69*
- Digres. II. De parvo numero electo-  
rum, 71*
- Diff. V. De Reprobatione, 73*
- Art. I. An, & quid sit reprobatio? ibid.*
- §. I. Vtraque difficultas resolvitur, *ibid.*
- §. II. Solvuntur objectiones, 74
- Art. II. An reprobatio prævisionem de-  
meritorum antecedit, vel illam sup-  
ponat, seu ab eâ à causa motiva  
dependeat? 75*
- §. I. Quibusdam præmissis referuntur  
sententiæ, & prima conclusio statui-  
tur, *ibid.*
- §. II. Statuitur secunda conclusio, 77
- §. III. Calvinismus huic sententiæ insu-  
pienter objectus, 78
- §. IV. Solvuntur objectiones, 79
- Art. III. An peccatum originale sit cau-  
sa reprobationis? 83*
- §. I. Mens Augustini aperitur, *ibid.*
- §. II. Quid de Divo Thomæ? 83
- §. III. Eadem veritas rationibus suade-  
tur, 85
- §. IV. Exponuntur & conciliantur quæ-  
dam testimonia D. Thomæ, 86
- §. V. Alia ejusdem S. Doctoris testimo-  
nia exponuntur, *ibid.*
- §. VI. Solvuntur argumenta extratione  
petita, 88
- Art. IV. Qui sint effectus reprobatio-  
nis? 91*
- §. I. Quibusdam præmissis difficultas re-  
solvitur, *ibid.*
- §. II. Solvuntur objectiones, 93
- §. III. Duo corollaria notatu digna, 94
- Art. V. An Deus det omnibus reprobis  
media ad salutem sufficientia? 95*
- §. I. Referuntur sententiæ, & prima con-  
clusio statuitur, *ibid.*
- §. II. Statuitur secunda conclusio, *ibid.*
- §. III. Eadem veritas exemplo parvulo-  
rum demonstratur, 96
- §. IV. Idem ostenditur exemplo infide-  
lium, 97
- §. V. Idem probatur exemplo amen-  
tium, 98
- §. VI. In peccatoribus exæcatis & in-  
duratis eadem veritas declaratur, 99
- §. VII. Concilii senonensis & Colonien-  
sis

- lis testimonia exponuntur, 100
- §. VIII. Alia ratio desumpta ex natura peccati mortalis breviter exponitur, 101
- Art. VI.* Convelluntur fundamenta adversæ sententiæ, *ibid.*
- §. I. Exponuntur quædam testimonia Scripturæ & SS. Patrum, *ibid.*
- §. II. Solvuntur argumenta à ratione petita, 102
- §. III. Solvitur argumentum de puero ad usum rationis perveniente, 104
- §. IV. Aliud argumentum solvitur, 105
- Art. VII.* An omnibus iustis, instante præcepti supernaturalis obligatione, semper auxilium sufficiens concedatur? 106
- Disp. VI.* De concordia libertatis cum D. providentia & prædestinatione, seu cum efficacia Divinorum Decretorum, 107
- Art. I.* Quæ indifferentia sit de ratione libertatis creata? 108
- §. I. Quibusdam præmissis difficultas resolvitur, *ibid.*
- §. II. Solvuntur objectiones, 109
- Art. II.* Quæ sit radix & origo libertatis creata? 111
- §. I. Prima libertatis radix explicatur, *ibid.*
- §. II. Ostenditur hanc D. Thomæ doctrinam ab ipso Ecclesiæ capite, & Apostolorum Principe, primitus esse derivatam, 112
- §. III. Altera libertatis radix detegitur, 113
- §. IV. Solvuntur argumenta in contrarium, 114
- Art. IV.* Explicatur celebris & perantiqua distinctio sensus compositi & divisi, 115
- Art. V.* An divinæ prædefinitiones, seu decreta ab intrinseco efficacia, quæ à Thomistis prædeterminantia appellantur, libertatem tollant, aut laxant? *ibid.*
- §. I. Quibusdam præmissis difficultas resolvitur, *ibid.*
- §. II. Statuitur secunda conclusio, 120
- §. III. Stabilitur tertia conclusio, 122
- Art. IV.* Convelluntur fundamenta adversæ sententiæ, 123
- §. I. Primum Adversariorum fundamentum evertitur, *ibid.*
- §. II. Cujusdam Recentioris argumenta solvuntur, 125
- Art. VII.* An omnis suppositio antecedens, seu ex libera nostræ voluntatis electione non descendens, destruat arbitrii libertatem? 128
- §. I. Pars negativa statuitur, & testimo-

- niis Conciliorum & SS. Patrum firmatur, *ibid.*
- §. II. Ratio fundamentalis exponitur, 129
- §. III. Diluuntur argumenta P. Annati, & mens ac doctrina Anselmi, de duplici necessitate antecedente & consequente, explicatur, 131
- §. IV. Aliud ejusdem Annati argumentum dissolvitur, 134
- §. V. Alia adversæ sententiæ argumenta diluuntur, 137
- §. VI. Aliud argumentum solvitur, 139
- §. VII. Indiculus falsitatum, quas Thomistis solent imponere Adversarii, 141

## TRACTATUS SEXTVS.

## De Sacro Trinitatis Mystério.

## Disputatio Proæmialis.

- DE existentia seu veritate Mystérii Trinitatis, pag. 143
- Art. I.* Præcipui Hæreticorum errores circa Mystérium Trinitatis recensentur, *ibid.*
- Art. II.* Vera & realis personarum distinctio in Deo contra Sabellianos ostenditur, 144
- Art. III.* Vnitas essentiæ inter Patrem & Filium contra artianos probatur, 145
- Art. IV.* Spiritum Sanctum esse verum Deum, ac proinde ejusdem essentiæ, cum Patre & Filio, contra Macædonianos ostenditur, 148
- Art. V.* Tres tantum personas esse in Deo, autoritate & ratione probatur, 149
- Disp. II.* De processionebus Divinarum Personarum ad quæstionem 27. primæ partis, 150
- Art. I.* An sint in Deo processionibus ad intra? *ibid.*
- §. I. Dari in Deo Processiones, autoritate Scripturæ, ratione Theologicæ, & duplici congruentiâ, ostenditur, *ibid.*
- §. II. Solvuntur argumenta in contrarium, 152
- Art. II.* In quo divinæ Processiones consistant? 153
- §. I. Referuntur sententiæ & primæ rejicitur, *ibid.*
- §. II. Solvuntur objectiones, 154
- §. III. Impugnatur sententia Scoti, 155
- §. IV. Alter dicendi modus rejicitur, & vera sententia stabilitur, 156
- §. V. Corollaria præcedentis doctrinæ,

# INDEX DISPUTATIONVM

na,	157	solvuntur,	200
<i>Art. III.</i> Quodnam sit principium quo Divinarum processionum?	158	§. IV. Solvitur alia obiectio,	201
§. I. Quibusdam præmissis referuntur sententiæ,	<i>ibid.</i>	<i>Art. VI.</i> An divinæ relationes gaudeant existentiis relativis, realiter inter se, & ab existentia essentiae, virtualiter, seu ratione distinctis?	202
§. II. Durandi sententia rejicitur,	159	§. I. Conclusio negativa statuitur, & au- thoritate D. Thomæ probatur,	<i>ibid.</i>
§. III. Fundamenta Durandi convellun- tur,	160	§. II. Eadem veritas ratione suade- tur,	203
§. IV. Impugnantur alie sententiæ, & vera statuitur,	<i>ibid.</i>	§. III. Solvuntur obiectiões,	204
§. V. Præcipue solvuntur obiectio- nes,	162	<i>Disp. IV.</i> De personis divinis,	206
§. VI. Alia argumenta solvuntur,	164	<i>Art. I.</i> Vtrum ratio personæ verè & pro- priè reperitur in Divinis?	207
<i>Art. IV.</i> Cur una ex divinis processioni- bus sit generatio, & non altera?	165	§. I. Explicatâ definitione personæ, sen- tentia affirmativa statuitur,	<i>ibid.</i>
§. I. Præmittuntur quæ apud omnes sunt certa, & ratio dubitandi proponi- tur,	<i>ibid.</i>	§. II. Solvuntur obiectiões,	<i>ibid.</i>
§. II. Duplex dicendi modus rejici- tur,	167	<i>Art. II.</i> Quodnam sit significatum forma- le ac directum hujus nominis, Persona Divina?	209
§. III. Canariensis & sequacium senten- tia improbat,ur,	169	§. I. Quibusdam præmissis, referuntur sententiæ,	<i>ibid.</i>
§. IV. Sententia D. Thomæ exponi- tur,	171	§. II. Rejiciuntur quatuor primæ senten- tiæ, & ultima ut vera eligitur,	<i>ibid.</i>
§. V. Alia argumenta solvantur,	173	§. III. Solvuntur obiectiões,	210
§. VI. Corollaria ex dictis,	176	<i>Disp. V.</i> De pluralitate personarum,	212
<i>Disp. III.</i> De relationibus divinis,	177	<i>Art. I.</i> An in Deo, secundum se conside- rato, & ut præintellecto relationibus & personis, detur aliqua subsistentia absoluta?	<i>ibid.</i>
<i>Art. I.</i> An inter relationem divinam, & divinam essentiam, sit aliqua distinctio actualis ante operationem intelle- ctus?	<i>ibid.</i>	§. I. Duplici conclusione difficultas pro- posita resolvitur,	<i>ibid.</i>
§. I. Præmittuntur quæ sunt certa de fi- de, & referuntur sententiæ,	<i>ibid.</i>	§. II. Eadem veritas ratione suade- tur,	213
§. II. Sententia Durandi rejicitur,	179	§. III. Ratio fundamentalis expendi- tur,	214
§. III. Impugnatur Sententia Scoti,	180	§. IV. Solvuntur obiectiões,	<i>ibid.</i>
§. IV. Durandi & Scoti fundamenta sol- vuntur,	181	<i>Art. II.</i> An subsistentia in personis divi- nis realiter multiplicetur?	216
<i>Art. II.</i> An essentia divina sit de conce- ptu formali & quidditativo relatio- num, & è converso?	184	§. I. Statuitur prima conclusio,	<i>ibid.</i>
§. I. Quibusdam præmissis referuntur sententiæ, & prima conclusio statui- tur,	<i>ibid.</i>	§. II. Statuitur secunda conclusio,	217
§. II. Statuitur secunda conclusio,	185	§. III. Conclusio ratione suaderetur,	218
§. III. Diluuntur argumenta Adversar- iorum,	186	§. IV. Duo corollaria præcedentis do- ctrinæ,	219
§. IV. Altera difficultas resolvitur,	189	§. V. Solvuntur obiectiões,	<i>ibid.</i>
§. V. Convelluntur fundamenta adver- sæ sententiæ,	191	<i>Disp. VI.</i> De pertinentibus ad unitatem vel pluralitatem in divinis,	222
<i>Art. III.</i> Quomodo realis relationum di- stinctio itare possit, cum perfecta iden- titate illarum in essentia?	192	<i>Art. I.</i> Statuitur regula & conclusio ge- neralis, ex qua plures resolvuntur dif- ficultates,	<i>ibid.</i>
<i>Art. IV.</i> An spiratio activa realiter à pa- ternitate & filiatione distinguatur?	195	<i>Art. II.</i> An ens substantivè acceptum, pluraliter dicatur in Divinis?	223
<i>Art. V.</i> An relationes divinæ addant ali- quam perfectionem relativam ad es- sentiam?	196	<i>Art. III.</i> Quibus nominibus, ad decla- randam in divinis unitatem in essen- tia, & distinctionem in personis, uten- dum sit?	224
§. I. Sententia negativa præfertur,	197	<i>Disp. VII.</i> De cognitione personarum divinarum,	225
§. II. Satisfit obiectiões Adversario- rum,	199	<i>Art. I.</i> An effectibus naturalibus my- sterium Trinitatis demonstrari pos- sit?	226
§. III. Alie obiectiões proponuntur &			



- §. I. Conclusio negativa statuitur, *ibid.*  
 §. II. Præcipue objectiones solvuntur, *ibid.*  
 §. III. Convelluntur alia fundamenta adversæ sententiæ, 227  
 §. IV. Duo corollaria notatu digna, 229  
*Art. II. An & quot den tut notiones in divinis?* 230  
 §. I. Quid nomine notionis intelligant Theologi, breviter explicatur, *ibid.*  
 §. II. Respondetur quæsito, 231  
 §. III. Solvuntur objectiones, *ibid.*  
*Diff. VIII. De persona Patris,* 232  
*Art. unica. An innascibilitas per negationem, vel per aliquid positivum, in ratione notionis constituitur?* 233  
*Diff. IX. De persona Filii, ad quæst.* 34  
 & 35. D. Thomæ, 234  
*Art. I. An Verbum ex cognitione omnium personarum divinarum per se procedat?* *ibid.*  
 §. I. Quibusdam præmissis referuntur sententiæ, 235  
 §. II. Sententia Scoti rejicitur, *ibid.*  
 §. III. Præcipue objectiones solvuntur, 236  
 §. IV. Sententia Puteani refellitur, *ibid.*  
 §. V. Præcipua Puteani fundamenta convelluntur, 237  
 §. VI. Sententia Vazquezii impugnatur, *ibid.*  
 §. VII. Solvuntur objectiones, 239  
*Art. II. An Verbum per se procedat ex cognitione creaturarum possibile?* 240.  
 §. I. Conclusio affirmativa statuitur, *ibid.*  
 §. II. Solvuntur objectiones, 241  
*Art. III. An Verbum per se procedat ex cognitione futurorum?* 243  
 §. I. Referuntur sententiæ, & vera eligitur, *ibid.*  
 §. II. Solvuntur argumenta in contrarium, 245  
 §. III. Duo corollaria notatu digna, 246  
*Art. IV. An propriè & perfectè, ac soli Filio, ratio imaginis conveniat in Divinis?* *ibid.*  
 §. I. Præmittitur unum quod apud omnes est certum, ex quo inferuntur quædam corollaria, *ibid.*  
 §. II. Difficultas proposita triplici conclusione resolvitur, 247  
 §. III. Solvuntur objectiones, 248  
*Digressio unica. Præcipua Verbi Divini Encomia, in primo capite Evangelii D. Joannis contenta,* *ibid.*  
*Diff. X. De persona Spiritus sancti,* 252  
*Art. I. Præsum si Spiritus Sanctus non procederet à Filio, distingueretur ab illo?* *ibid.*  
 §. I. Græcorum error, circa processio-

Tom. II.

- nem Spiritus Sancti, testimoniis Scripturæ, & SS. Patrum refellitur, *ibid.*  
 §. II. Eadem veritas rationibus Theologicis suaderetur, 254  
 §. III. Convelluntur præcipua fundamenta Græcorum, 255  
 §. IV. Alia difficultas resolvitur, *ibid.*  
 §. V. Solvuntur objectiones, 257  
*Art. II. An Spiritus Sanctus pro principio sui productivo duas personas simul spirantes per se postulet?* 260  
 §. I. Conclusio affirmativa statuitur, *ibid.*  
 §. II. Solvuntur objectiones, *ibid.*  
*Art. III. An Pater & Filius propriè sint, dicanturque unum Spiritus Sancti principium?* 261  
*Digressio. I. De tribus nominibus Spiritui Sancto propriis,* 264  
 §. I. Cur tertia sanctissimæ Trinitatis persona Spiritus Sanctus appelletur? *ibid.*  
 §. II. Cur Spiritus Sanctus, amor appelletur? 265  
 §. III. Cur nomen Doni Spiritui Sancto attribuitur? *ibid.*  
*Digr. II. De aliis nominibus Spiritui Sancto propriis, vel appropriatis,* 266  
*Digr. III. De effectibus seu operationibus attributis Spiritui sancto, respectu totius creaturæ,* 267  
*Digr. IV. De effectibus attributis Spiritui sancto respectu rationalis creaturæ,* 269  
*Digr. V. De variis Spiritus Sancti figuris & apparitionibus,* 270  
 §. I. Cur sub specie & figura columbæ Spiritus Sanctus apparuerit? *ibid.*  
 §. II. Cur aquæ figuram Spiritus Sanctus assumpserit? 272  
 §. III. Cur sub ignis specie Spiritus Sanctus apparere voluerit? 273  
 §. IV. Cur Spiritus Sanctus in forma venti seu spiritus vehementis advenerit? 275  
 §. V. Cur Spiritus Sanctus, sub figura linguae ignis, super apostolorum capita descenderit? 276  
*Diff. XI. De constitutivo divinarum personarum,* *ibid.*  
*Art. I. An in personis divinis admittendæ sint proprietates, quibus constituuntur & distinguantur?* 277  
 §. I. Conclusio affirmativa statuitur, *ibid.*  
 §. II. Solvuntur objectiones, *ibid.*  
*Art. II. An personæ divine constituuntur & distinguantur proprietatibus absolutis, vel relativis?* 278  
 §. I. Vera sententia statuitur, *ibid.*  
 §. II. Adversariorum argumenta solvuntur, 279  
*Art. III. Quomodo persona Patris per relationem constitui, & ab aliis distin-*  
 gui

a 4

- gūipossit? 280  
 §. I. Ratio dubitandi proponitur, & varii dicendi modi referuntur, ac refelluntur, *ibid.*  
 §. II. Vera solutio propositæ difficultatis, 281  
 §. III. Solvuntur objectiones, 282  
 §. IV. Alia argumenta solvuntur, 284  
 §. V. Corollarium præcedentis doctrinæ, 285  
 §. VI. Solvuntur argumenta in contrarium, *ibid.*  
*Disp. XII. De æqualitate, & similitudine Divinarum Personarum.* 286  
*Art. unus.* An similitudo & æqualitas Divinarum Personarum sint relationes reales, vel rationis? *ibid.*  
 §. I. Præmittuntur quæ de fide sunt certa, & referuntur sententiæ, *ibid.*  
 §. II. Sententia Scoti rejicitur, 288  
 §. III. Scotistarum fundamenta solvuntur, 289  
 §. IV. Alia Scotistarum argumenta diluuntur, 290  
 §. V. Corollarium notatu dignum, 292  
*Disp. XIII. De missione divinarum personarum,* 294  
*Art. I. Quid sit missio, & quibus personis conveniat?* *ibid.*  
 §. I. Præmittuntur quæ apud omnes sunt certa, & referuntur sententiæ, *ibid.*  
 §. II. Vera sententia statuitur, *ibid.*  
 §. III. Solvitur obiectio ex autoritate D. Thomæ desumpta, 295  
 §. IV. Corollaria notata digna, *ibid.*  
*Art. II. An missio invisibilis fiat solum secundum dona gratiæ sanctificantis?* 296  
 §. I. Conclusio affirmativa statuitur, *ibid.*  
 §. II. Solvuntur objectiones, 297  
 §. III. Corollarium notatu dignum, 298.  
*Art. III. Vtrum in missione invisibili, personæ divinæ, ratione gratiæ, fiant specialiter, etiam secundum substantiam suam, præsentem in anima iusti?* *ibid.*  
 §. I. Quibusdam præmissis conclusio affirmativa statuitur, *ibid.*  
 §. II. Corollaria præcedentis doctrinæ, 300

TRACTATUS SEPTIMVS.

De Angelis.

Disputatio Proæmialis.

- DE existentia & creatione Angelorum, *pag.* 303  
*Art. I. Vnde probetur dari Angelos?* *ibid.*  
 §. I. Dari Angelos divina revelatio docet, *ibid.*  
 §. II. Naturalis ratio Angelos esse demonstrat, 304  
 §. III. Dari Angelos ipsa quoque docet experientia, 305  
*Art. II. Vtrum Angeli ante mundum corporeum à Deo creati sint?* 306  
*Art. III. In quo loco Angeli creati sint?* 308.  
*Disp. I I. De substantia Angelorum secundum se,* 309  
*Art. I. Vtrum Angeli sint omnino incorporei & immateriales?* *ibid.*  
 §. I. Hæc sententia ut temeraria rejicitur, *ibid.*  
 §. II. Angelos omnis prorsus corporis esse expertes, ratione suadet, 310  
 §. I. I. Brevis responsio ad ea quæ pro Angelorum corporeitate adduci solent, 311  
 §. IV. Corollarium ex dictis, 313  
*Art. II. An multitudo Angelorum, numerum specierum materialium, & naturæ humanæ individuorum, excedat?* 314  
 §. I. Præmittuntur quæ apud omnes sunt certa, *ibid.*  
 §. II. Duplici conclusione difficultas resolvitur, 315  
*Art. III. An sint, vel esse possint plures Angeli in eadem specie?* 316  
 §. I. Præmittitur quod apud omnes est certum, & referuntur sententiæ, *ibid.*  
 §. II. Statuitur prima conclusio, 317  
 §. III. Solvuntur objectiones, 318  
 §. IV. Secunda conclusio stabilitur, 319  
 §. V. Præcipuæ objectiones solvuntur, 321.  
*Art. IV. Vtrum Angeli sint ex natura sua incorruptibiles?* 323  
 §. I. Conclusio affirmativa statuitur, 324  
 §. I. I. Diluuntur argumenta adversæ sententiæ, 325  
 §. II. Corollarium notatu dignum, 326  
*Digressio Brevis. An Angeli in donis naturalibus, & gratuitis, superent homines?* *ibid.*



# ET ARTICVLORVM.

*Disp. III. De modo quo Angeli corpora assumunt.* 329  
*Disp. IV. De loco Angelorum, ad questionem 52. D. Thomæ,* 331  
*Art. I. Quænam sit Angelis proximitas rationis existendi in loco, cum connaturali, tum violento?* *ibid.*  
*§. I. Quibusdam præmissis referuntur sententiæ,* *ibid.*  
*§. II. Sententia Scoti rejicitur,* 332  
*§. III. Modus dicendi Vazquezii impugnatur,* 334  
*§. IV. Sententia D. Thomæ statuitur,* *ibid.*  
*§. V. Expediuntur difficultates, quæ contra D. Thomæ sententiam proponi solent,* 336  
*§. VI. Secundum Adversariorum fundamentum diluitur, & solvuntur argumenta ex aliquibus exemplis desumpta,* 338  
*§. VII. Convelluntur alia fundamenta adversæ sententiæ,* 340  
*§. VIII. Corollaria præcedentis doctrinæ,* 342  
*§. IX. Alia corollaria notatu digna,* 346  
*Art. II. Vtrum unus Angelus possit in pluribus locis adæquatis simul existere?* 348  
*Art. III. Vtrum unus Angelus possit naturaliter esse simul in duobus locis inadæquatis, inter se distantibus, absque eo quod sit in medio?* 349  
*§. I. Proponitur status difficultatis, & conclusio affirmativa statuitur,* *ibid.*  
*§. II. Solvuntur objectiones,* 350  
*Art. IV. Vtrum plures Angeli possint simul esse in eodem loco?* 351  
*Disp. V. De motu locali Angelorum,* 352  
*Art. I. An, & quomodo, Angelus possit moveri localiter?* 353  
*Art. II. Vtrum Angelus motu tam continuo quàm discreto moveri possit?* 355  
*§. I. Prima pars quæ sit resolvitur,* *ibid.*  
*§. II. Solvuntur objectiones,* 356  
*§. III. Altera difficultas resolvitur,* 357  
*§. IV. Respondetur argumentis in contrarium,* *ibid.*  
*Art. III. Vtrum Angelus possit transire de uno loco ad alium, non transeundo per medium?* 358  
*§. I. Conclusio affirmativa statuitur,* *ibid.*  
*§. II. Solvuntur objectiones,* 359  
*Art. III. Vtrum motus angeli, tam continuus, quàm discretus, in instanti, per correspondentiam ad nostrum tempus, fieri possit?* 360  
*§. I. Pars negativa defenditur,* 361  
*§. II. Instantiæ contra hanc rationem D. Thomæ proponantur & solvuntur,* 362.

*§. III. Solvuntur aliz objectiones,* *ibid.*  
*Disp. VI. De ævo & tempore Angelorum,* 365  
*Art. unicuique. Quæ sit mensura esse angeli, & operationum eius?* *ibid.*  
*Disp. VII. De quidditate cognitionis angelicæ,* 368  
*Art. unicuique. Vtrum intelligere angeli sit ejus substantia, vel ejus esse?* 369  
*Disp. VIII. De medio cognitionis angelicæ,* 370  
*Art. I. Vtrum Angelus indigeat speciebus ad cognoscenda alia à se?* *ibid.*  
*Art. II. Vtrum Angeli intelligant per species à rebus acceptas?* 372  
*§. I. Conclusio negativa statuitur, & ex Scriptura, ac SS. Patribus suadetur,* *ibid.*  
*§. II. Rationes D. Thomæ expenduntur,* 373  
*§. III. Corollaria notatu digna,* 375  
*§. IV. Solvuntur objectiones,* 376  
*Art. III. An species per quas Angelus intelligit, ab ejus essentia fluant ut propriæ passionis?* 377  
*§. I. Hæc sententia ut probabilior eligitur,* *ibid.*  
*§. II. Solvuntur objectiones,* 379  
*Art. IV. Vtrum Angeli per species universales intelligant, & eò universales, quod ipsi sunt in natura superiores?* 380  
*§. I. Vera sententia statuitur,* *ibid.*  
*§. II. Corollaria notatu digna,* 382  
*§. III. Diluuntur fundamenta adversæ sententiæ,* 383  
*Disp. IX. De objecto cognitionis angelicæ,* 384  
*Art. I. Vtrum Angelus cognoscat seipsum per suam substantiam tanquam per speciem impressam & expressam?* 385  
*§. I. Vtraque pars quæ sit resolvitur,* *ibid.*  
*§. II. Solvuntur objectiones,* 386  
*§. III. Corollaria ex dictis,* 388  
*Art. II. Vtrum Angeli interiores comprehendant superiores?* 389  
*§. I. Quibusdam præmissis referuntur sententiæ,* *ibid.*  
*§. II. Statuitur prima conclusio,* 390  
*§. III. Secunda conclusio stabilitur,* 392  
*§. IV. Convelluntur fundamenta adversæ sententiæ,* *ibid.*  
*Art. III. Per quam speciem Angelus cognoscat singularia?* 393  
*§. I. Statuitur vera sententia,* 394  
*§. II. Solvuntur objectiones,* *ibid.*  
*Art. IV. Vtrum Angeli futura contingentia seu libera naturaliter cognoscere possint?* 396

- tiæ? *ibid.*  
*Disp.* IV. De statu naturæ lapsæ, 530  
*Art.* I. Quodnam fuerit primum Adæ peccatum, à quo vitiata & corrupta fuit hominis natura? 531  
*Art.* II. Quas privationes & defectus, aut vulnera Adæ peccatum in naturam humanam induxerit? 534  
*Art.* III. An homo in statu naturæ lapsæ, per peccatum originale factus sit debiliior ad bonum, & prerior ad malum, quàm fuisset in statu puræ naturæ? 537.  
 §. I. Quibusdam præmissis referuntur sententiæ, *ibid.*  
 §. II. Conclusio negativa statuitur, *ibid.*  
 §. III. Solvuntur objectiones, 539  
*Disp.* V. De statu naturæ reparatæ, 541.  
*Art.* I. An primi parentes peccati sui veniam & æternam salutem consecuti fuerint? *ibid.*  
*Art.* II. An homines in statu naturæ reparatæ per Christum, intensiorem gratiam, & plura ac majora merita habent, quàm habuissent in statu innocentia, si perseverassent? 543  
*Art.* III. In quo differat gratia statûs naturæ lapsæ, & per Christum reparatæ, à gratia statûs innocentia? *ibid.*  
 §. I. Præmittuntur quæ ferè apud omnes sunt certa, *ibid.*  
 §. II. Prima difficultas expeditur, errorque Lutheri & Calvini proscribitur, 544  
 §. III. Alia difficultas resolvitur, & sententia Jansenii, breviter confutatur, 545  
*Disp.* VI. De statu naturæ puræ, *ibid.*  
*Art.* I. An status naturæ puræ possibilis sit? *ibid.*  
 §. I. Quibusdam præmissis referuntur sententiæ, *ibid.*  
 §. II. Statuitur prima conclusio, 546  
 §. III. Secunda conclusio stabilitur, 584  
*Art.* II. Convelluntur fundamenta adversæ sententiæ, 549  
 §. I. Solvitur primum & præcipuum argumentum Jansenii, contra possibilitatem statûs naturæ puræ, *ibid.*  
 §. II. Alia Jansenii argumenta solvuntur, 551  
 §. III. Diluuntur argumenta sumpta ex parte concupiscentia, quam homini in statu naturæ puræ convenire diximus, 553  
 §. IV. Solvuntur argumenta contra statum puræ naturæ, ex miseriis corporis desumpta, 556





# TRACTATUS QUINTUS.

## DE

# PRÆDESTINATIONE

## ET REPROBATIONE,

### EARVMQVE CVM LIBERTATE CONCORDIA.

*Ad quæst. 23. primæ partis.*

## PRÆFATIO.



*Altissimum & multorum naufragiis celebre pelagus ingredimur, cum arcum prædestinationis mysterium explicandum suscipimus, cuius magnitudo plurimorum ingenia absorbit, & altissimas cæli columnas (quas Angelos, vel sacros Ecclesiæ Doctores D. Gregorius interpretatur) sacro horrore concutit: Quia quantalibet quisquis virtute*

*Lib. 17.  
Moral.  
cap. 17.*

proficiat, quantalibet scientiâ excrescat, penetrare non sufficit, quo nos Conditor moderamine iudiciorum regit. Nonne columna cæli contremuit, quando Apostolus exclamavit: O altitudo sapientiæ & scientiæ Dei, quam inuestigabiles sunt viæ eius, & incomprehensibilia iudicia eius: Nonne columnæ cæli contremiscunt, quando ipsi etiam Seraphim caput & pedes alis suis velant? quos etiam (*ut inquit D. Bernardus*) latet quid ante mundum fuit, quid erit post consummationem.

*Serm. 4.  
de vero  
vii 1/2a.*

Nunquid (*ait Iob*) nosti ordinem cæli, & pones rationem ejus in terra? *Quæ verba expendens Gregorius: Ordinem cæli noscitur, inquit, est supernarum dispositionum occultas prædestinationes videre; rationem verò ejus in terra ponere, est ante humana corda talium secretorum causas aperire. Quod utique facere in hac vita positus nullus potest. Ut enim à parvis ad majora veniamus, quis intelligat, cur vivit alius insidians morti proximorum, & moritur alius qui profuturus esset vitæ multorum? Alius culmen potestatis assequitur, qui non nisi lacerare studet, alius tantummodo læsos defendere concupiscit, & tamen ipse oppressus jacet. Alius malè inchoans, usque ad vitæ terminum ad pejora prorahitur; alius bene incipiens, per longitudinem temporum proficit ad augmenta meritorum. At contra alius malè vivens diu reservatur ut se corrigat: alius bene quidem videtur vivere, sed in hac vita eò usque durat, quoad perversæ prorumpat. Alius Catholicæ matris ventre editus, juxta vitæ terminum, erroris voragine devoratur; alius autem vitam suam in Catholica pietate consummat, qui ortus in perfidia, cum lacte matris hauserat virus erroris. Alius celsitudinem bene vivendi appetere & vult; & valet; alius nec vult nec valet; alius valet & non vult. Quis ergo ista iudiciorum secreta cælestium discutiatur? Quis intelligat discretam quitatis occultam? Dicatur ergo: Nunquid nosti ordinem cæli, & pones rationem ejus in terra? Quis enarrabit cælorum rationem, & concentum cæli quis dormire faciet?*

*Lib. 10.  
Moral.  
cap. 32a*

*Obscurissimum hoc prædestinationis mysterium, egregiâ Canticorum metaphorâ commendatur, ubi sponsi comæ, quæ supremi Iudicis super filios hominum consilia non obscure exprimunt, sicut elatæ Palmarum dicuntur, quod vim omnem ingeniorum superent, & nigra quasi corvus, quod nedum hominum, quos hic nocturnas dixerim, sed & cælestium mentium lumina, suâ obscuritate tenebris involvant.*

*Cant. 8,*

*Cum igitur non nisi per sacræ caliginis tenebras, humana mentes nec possunt nec debeant divina contemplari mysteria, ut inquit Dionysius, magnam profecto huic mysterio iniuriam irro-*

# PRÆFATIO.

gant, qui suo potius iudicio, quàm Scriptura & Patrum testimonio metiendum putant : & qui vulgi mentibus, novo hoc, & nimium sensibus lenocinante explicandi genere, ita blandiuntur, ut difficultatibus complanatis, ad humillimorum ingeniorum captum, mysterium hoc sese demissuros, & sutoribus etiam ac tonsoribus se palam facturos promittunt. Sane ut sapienter olim contra Abailardum Bernardus scribebat: Nihil magis contra rationem, quàm ratione rationem conari transcendere. Nihil magis contra fidem, quàm credere nolle quidquid non possit ratione attingere. Religionis maiestate nihil indignum magis, aut periculosius, quàm ea nostris sensibus, Scriptura & Patrum testimonio neglectis aut pro arbitrio detortis, metiri. Affurgit supra sensus, supra rationem celestium oraculorum veritas, & qua posuit, tenebras latibulum suum, divina revelationis tenebras amat; & ea qua caligine sacra foventur ac servatur, humanarum rationum luminibus evanescit. Audiant qui ad deos suos sensus depererunt, & ubique rationem, non qua Traditionem & Scripturam consulendam iubet, sed qua sese in iudicem erigit, & ad suum subiectum cetera vocat, quid Augustinus scripserit : Quæris tu rationem, ego expavescam altitudinem. O altitudo divitiarum sapientiæ & scientiæ Dei ! Tu ratiocinare, ego mirer. Tu disputa, ego credam. Altitudinem video, ad profundum non pervenio, o altitudo ! Requievit Apostolus, quia invenit admirationem, nemo quærat à me occultam rationem. Ille dicit inscrutabiles sunt viæ ejus, & tu investigare venisti ? Si scrutari inscrutabilia venisti, crede quia peristi. Tale est velle scrutari inscrutabilia, & investigabilia investigare, quale est velle invisibilia videre, & ineffabilia fari.

Hinc ergo prudenti Augustini consilio obtemperemus, & in huius contemplatione mysterij, non rationem & mundanam sapientiam, sed scripturam & sanctos Patres consulamus. Non afferamus, inquit, stateras dolosas, ubi appendamus quod volumus, & quomodo volumus pro arbitrio nostro, dicentes hoc grave, hoc leve est : sed afferamus divinam stateram de Scripturis sanctis, tanquam de thesauris Dominicis, & in illa quid sit gravius appendamus; imò non appendamus, sed à Domino appensa recognoscamus.

Iste monitum volui, Amice Lector, antequam profundissimum hoc prædestinationis pelagus, D. Augustino & S. Thomae ducibus, ingredi der. Quò verò explicatio hac tractatio evadat, sex disputationibus, quæ solent in controversiam versi complectar. Prima erit de existentia & essentia divina prædestinationis. Secunda de eius causis. Tertia de eius effectibus. Quarta de illius certitudine. Quinta de reprobatione, quæ prædestinationi opponitur. Sexta & ultima, libertas creata cum divina providentia & prædestinatione concordiam explicabis.



# DISPUTATIO PRIMA. DE EXISTENTIA ET ESSENTIA Prædestinationis.

**N**OMEN prædestinationis tripliciter usurpatur. Primum in ampla quadam & larga significatione, pro decreto scilicet, prædefinitione, seu præordinatione æterna cuiuscunque rei à Deo efficiendæ in tempore. Sic eam accepere Dionysius de divinis nominibus cap. 5. Damascenus oratione 1. de imaginibus, Auther Hypognosticon libro 6. Ilidorus libro 1. sententiarum cap. 18. Hieronymus super caput 1. ad Ephes. ubi ait, *Prædestinare est prædefinire*. Et D. Augustinus tractatu 68. in Joannem, dicens: *Deus facit futura eam prædestinando*. Et de prædestinatione Sancti. cap. 10. *prædestinatione sua Deus ea præscribit quæ vult ipse facit*. Quam acceptionem, non stricte, sed generale esse docent Hugo Victorinus libro 1. de Sacramentis parte 2. cap. 21. & D. Thomas hic art. 1. ad 2.

Secundò usurpatur pro destinatione seu deputatione reproborum ad æternum supplicium. Sic Augustinus libro 15. de civitate cap. 1. Fulgentius libro ad Monimum cap. 23. 28. & 29. Prosper ad 10. & 11. objectionem Vincentianam, & Concilium Valentinum capite 3. ubi ait *Fidenter fateamur prædestinationem electorum ad vitam, & prædestinationem impiorum ad mortem*. Cæterum hanc etiam acceptionem à proprietate significationis deficere, ex eo convincitur, quod punitio, seu æterna damnatio, non est finis rationalis creaturæ, quem prædestinatio respicere debet.

Tertiò prædestinatio cum omni proprietate sumitur, pro transmissione creaturæ intellectualis ad æternam beatitudinem: qualiter prædestinationis nomen, quotiescunque absolute profertur, accipiendum esse docent communiter Theologi, & de illa sic accepta disputant cum Magistro in 1. dist. 40. & 41. & cum D. Thoma hic quæst. 22. De hac etiam eleganter differunt plures ex SS. Patribus, præsertim Augustinus in libris de prædestinatione Sanctorum, de dono perseverantiæ, & de natura & gratia. Prosper contra Collatorem, & ad objectiones Gallorum. Fulgentius libro 1. ad Monimum, & Anselmus libro de concordia prædestinationis cum libero arbitrio.

## ARTICULUS PRIMUS.

*An homines prædestinentur à Deo?*

**H**ÆC difficultas in triplici sensu agitari potest. Præmissis est, an de facto sit ponenda in Deo hominum prædestinatio? Secundus, an illa fuerit Deo conveniens? Tertius, an supposito quòd aliqui homines salventur, necessarium fuerit illos à Deo prædestinari, & in vitam æternam, absolute & efficaci decreto præordinari? & in omnibus est resolvenda.

Tom. 11.

§. 1.

*Existentia & convenientia prædestinationis breviter suadetur.*

**D**ico primò: Dari in Deo prædestinationem. Hæc conclusio certa & indubitata fidenter la est, de ejus enim veritate à nemine dubitatum est, præterquam ab aliquibus Gentilibus, qui divinam providentiam negaverunt, & in quorum persona dicitur Job. 22. *Nubes latibulum ejus, nec nostra confidat, & circa cardines eali perambulans*. Veleiam ab Atheistis, qui negantes immortalitatem animæ, negaverunt consequenter prædestinationem ad gloriam: de quibus dicitur Sapient. 2. *Et nescierunt sacramenta Dei, nec speraverunt mercedem iustitiæ, nec iudicaverunt bonorem animarum sanctarum*. Veldenique ab aliquibus hæreticis qui infallibilitatem & certitudinem divinæ prædestinationis, cum libertate & contingentia nostrorum actuum conciliare non valentes, aut non volentes, negaverunt homines à Deo prædestinari.

Probat ergo primò conclusio ex variis Scripturæ testimoniis: dicitur enim ad Romanos 8. *Quos prædestinavit, hos & vocavit*. Ad Ephes. 1. *Prædestinavit nos in adoptionem filiorum Dei, per Iesum Christum Actuum, 23. Crediderunt quotquot erant præordinati ad vitam æternam*. Et alibi passim, sub electionis nomine hæc veritas traditur, ratioque Divi Thomæ hic articulo 1. ad hanc formam reducta, illam suadet. Ratio transmissionis creaturæ rationalis in finem vite æternæ, prædestinatio appellatur: At hæc ratio existit in Deo ab æterno, cum quidquid in tempore exequitur, ab æterno in sua mente dispositum habeat: Ergo datur prædestinatio in Deo.

Vel aliter (ut à varietate sententiarum circa prædestinationis essentiam pro nunc abstrahamus) potest ratio Divi Thomæ proponi. Quidquid Deus in tempore exequitur, ab æterno in sua mente disponit, & æternæ voluntate decernit: cum nec voluntas ejus aliquid de novo in tempore velle, nec ejus intellectus aliquid de novo intelligere seu disponere possit, ratione immutabilitatis physice, vel moralis: de quo Tractatu præcedenti: Sed Deus in tempore plures homines & Angelos ad gloriam transmittit: Ergo hanc transmissionem ab æterno in suo intellectu disposuit, suæque voluntate decrevit: Sed vel in actu intellectus disponentes, vel in actu voluntatis decernente, vel in utroque simul, sita est prædestinatio: Ergo illa datur in Deo. Unde Bernardus in Tractatu de libero arbitrio, loquens de providentia Dei, ait quòd illa attingit à fine usque ad finem, hoc est ab ortu creatura, usque ad finem destinationem à Creatore, sive in quem urgebat

A ji

INTA

Disp. 3.  
Art. 4.



tura, sive quem accelerat causa, sive quem concedit A gratia.

Dico secundò: Conveniens fuit Deum homines prædestinare.

Probatur primò ratione. D. Thomæ hic art. 1. Ad divinam providentiam pertinet res in finem ordinare: Sed per prædestinationem creatura intellectusalis efficaciter in finem ultimum (claram scilicet Dei visionem) dirigitur, & ordinatur: Ergo illa est Deo conveniens.

Confirmatur & magis illustratur hæc ratio. Finis ad quem res creata ordinatur est duplex: alter qui est naturæ creatæ proportionatus, quem scilicet res creata potest attingere secundum virtutem suæ naturæ; alter qui excedit vires & facultatem naturæ creatæ, scilicet vita æterna, quæ in clara Dei visione consistit. Sicut ergo conveniens est quòd Deus generali suâ providentiâ, omnes creaturas in fines eis connaturaliter debitos, efficaciter ordinet & promoveat. Ita etiam infinite ejus sapientiæ & bonitati congruit, ut per specialem aliquam providentiâ, quæ prædestinatio appellatur, aliquos homines & Angelos, per auxilium gratiæ efficaciter ordinet & transmittat à lætæternâ beatitudinem. Ad illud enim ad quod non potest aliquid virtute suæ naturæ pervenire, oportet quòd ab alio transmittatur, sicut sagitta à sagitante mittitur ad signum: inquit S. Doctor. Unde Vates Regius loquens de electis ait: Sicut sagitta in manu potentis, ita filii excussorum. Quibus verbis, sagittis à sagitante excussis, quæ non proprio motu, sed illius impulsu, in scopum feruntur, aptissime prædestinatos comparat: quia celestis gloria totius naturæ vires superat, altiusque astringit, ut possit ad eam creatura rationalis pertingere, nisi speciali Dei ordinatione, seu prædestinatione, à modo sagittæ, ad illam transmittatur: juxta illud Isaiæ 49. Posuit me sicut sagittam electam, in pharetra sua abscondit me. Cui etiam consonant præclara hæc Augustini verba in Psalm. 119. Novit Dominus sagittare ad amorem, & non pulchritudinis sagitta ad amorem, quàm qui verè verbis sagittatur, imò sagittatur cor amorem, ut adjuvet amantem; sagittatur, ut faciat amantem.

Probatur secundò conclusio Conveniens est quòd Deus se communicet creaturis intellectuales secundum omnes ordines quibus potest illis se communicare, bonum enim est sui diffusivum & communicativum, ut ait Dionysius. Unde sicut Deus in ordine naturæ se communicat omnibus creaturis, eis largiendo esse, vitam, sensum, intelligentiam, omnesque facultates, potentias, & perfectiones conaturaliter debitas; & adeò manifestus est, ut etiam in malos dives sit, quibus innumera quotidie bona largitur: Qui flos loci huius (inquit Tertullianus) super iustos & iniustos aequaliter spargit, qui temporum officia, elementorum servitia, totius gentis tributa, dignis simul & indignis patitur occurrere. Et sicut etiam in ordine gratiæ, dona supernaturalia hominibus distribuit, illisque gratiam sanctificantem & auxiliantem largitur; ita etiam congruum fuit, ut aliquibus creaturis intellectuales, in ordine gloriæ, per clarâ suæ essentia, suorumque attributorum manifestationem, se communicaret: non potest autem se hoc modo communicare, nisi præviâ prædestinatione: quia ut supra cum D. Thoma dicebamus, Ad illud ad quod non potest aliquid virtute suâ naturâ pervenire,

oportet, quòd ab alio transmittatur. Ergo conveniens fuit aliquos homines & Angelos à Deo prædestinari.

Confirmatur: In creatura intellectuali est capacitas perveniendi ad istum finem, ut ostendimus in Tractatu de visione beata: Ergo convenientissimum fuit, ut in illum transmitteretur & perduceretur à Deo per auxilium gratiæ.

Addo quòd, convenientissimum est, Deum sua attributa pluribus tam hominibus quàm Angelis manifestare: Atqui per prædestinationem plurimum manifestantur divina attributa, cum quia finis prædestinationis est clara & intuitiva visio Dei ut est in se: tum etiam, quia in directione & transmissione creaturæ intellectuales in vitam æternam, mirum in modum refulcet Dei potentia, sapientia, bonitas, misericordia, & iustitia, ut constabit ex dicendis in discursu hujus Tractatus: Ergo &c.

## §. II.

Solvitur tritum & commune argumentum quod contra prædestinationem fieri solet.

Non inutile forsitan erit diluere hic, & manifestè ostendere, stultam prorsus esse & illuoriam imperitorum vel pravorum quorumdam hominum, in negotio salutis, satis vulgarem rationationem, qui sic de se argumentantur. Si à Deo prædestinatus sum, salvabor si sum reprobus, damnabor; quocumque ergo modo, sive bene, sive malè vixero, salvabor si sum prædestinatus, & damnabor si reprobatus sum.

Hoc argumento delusus olim quidam Monachus, tempore D. Augustini, à religione defecit, & sicut canis reversus est ad vomitum, ut refert ipsemet S. Doctor libro de dono perseverantiæ cap. 15. Eadem rationatione & discursu moventur hæretici hujus temporis, ut necessitatem honorum operum, & nostrorum ætuum libertatem excludant. Quare ad illos dirigi possunt lepida hæc Tertulliani verba. Lib. 2. contra Marcionem c. 5. canes quos foras Apostolus expellit, latrantes in obroditis. hæc sunt argumentorum ossa quæ neci c. 5.

Huic igitur argumento cornuto, quod ex parte diaboli est, & quod multarum hæresum origo, fomes, ac seminarium fuit, dicendum est cum Augustino citato, illud à confutanda Dei gratia & prædestinatione non debere detertere Catholicos: Sicut (inquit) non deterremur à confutanda Dei præscientia, si quis de illa populo se loquatur, & dicat: sive nunc rectè vivatis, sive non rectè, tales vos eritis postea, quales vos Deus futuros esse præcivit: vel boni, si bonos, vel mali, si malos &c.

Cur etiam in aliis negotiis, non pari modo rationantur impii? Cur non dicunt: novit Deus hunc agrum v.g. hoc anno feracem fore, aut sterilem. Si feracem novit, sive à me cultus fuerit, sive non, uberes mihi fructus feret. Si sterilem, ergo talis erit, etiam si ipsum assidue coluerim. Vel prævidit Deus fore me doctum, vel non fore? Si primum, omnino doctus ero, sive studeam, sive non? Si secundum, etiam si nulli parcam labori, & totos impendam dies noctesque in studiis, nihil proficiam. Similiter prævidit Deus te hodie cœnaturum, vel non?

si pri-

Si primum licet de cœna nihil cogites, nihil ad eam pares, nec te moveas, cœnabis tamen opipare. Si secundum, quantumvis pro cœna sollicitus sis, in cœnatu eris. An non ridendi & explodendi sunt hi & similes discursus? Similiter etiam absurda est hæc argumentatio, quæ Monachum illum in apostasiam & desperationem induxit, & falsa illa consequentia. Si sum prædestinatus, quidquid fecero, salvabor. Si enim es à Deo electus ad gloriam, utique non per quemcunque, sed solum per bona opera comparandam. Sicut enim Deus non statuit nisi per media idonea finem concedere, ut sanitatem per medicinam, victoriam per strenuam pugnam, scientiam per diligentiam in studiis, si salutem æternam, non nisi per bona opera. Et sicut Deus ab æterno prævidet & constituit fertilem fore agrum tuum, per diligentiam te ejus culturam; vel sterilem, si illum incultum relinques: te doctum fore, per assiduam in litteris operam, indoctum, per studiorum negligentiam: te cœnatum iis quæ paraveris, & non cœnatum, per desidiam & otiositatem tuam: Ita prævidet & prædestinavit te salvandum, per mandatorum observantiam, non salvandum, propter eorum transgressionem: ut eleganter exponit Angelicus Doctor hic art. 8. his verbis. *Sicut sic providentur naturales effectus, ut etiam cause naturales ad illos naturales effectus ordinentur, sine quibus illi effectus non provenirent: ita sic prædestinatur à Deo salus alicujus, ut etiam sub ordine prædestinationis cadat quicquid hominem promoveat in salutem, vel orationes propriæ, vel aliorum, vel alia bona, vel quidquid hujusmodi sine quibus aliquis salutem non consequatur. Unde prædestinatus conandum est ad bene operandum, & orandum, quia per hujusmodi prædestinationis effectus certitudinaliter impletur: propter quod dicitur 2. Petri 1. Satagite ut per bona opera certam vestram vocationem & electionem faciatis.*

Hanc doctrinam ex purissimis ac limpidissimis SS. Patrum fontibus hausit D. Thomas. Prosper enim 2. de vocat. Gentium cap. 36. sic dicitur: *Quoniam quod Deus statuit nulla potest ratione non fieri, studia tamen non tolluntur orandi, nec per electionis propositum, liberi arbitrii devotio relaxatur, cum implenda voluntatis Dei, ita sit prædestinatus effectus, ut per laborem operum, per instantiam supplicationum, per exercitia virtutum, sint incrementa meritorum; & qui bona egerint, non solum secundum propositum Dei, sed etiam secundum sua merita coronentur.* Item Gregorius Magnus hæc scribit: *Obtinere nequaquam possunt que prædestinata non fuerunt, sed ea que sancti viri efficiunt, ita prædestinata sunt, ut ea precibus obtineant. Nam ipsa quoque præmissa prædestinatio, ita est ab omnipotente disposita, ut ad hoc electi ex labore perveniant, quatenus postulando mereantur accipere, quod eis omnipotens Deus disposuit donare.*

## §. III.

*Statuitur prædestinationem esse necessariam ad salutem.*

Deo tertio: Prædestinationem ita esse necessariam ad salutem, ut sine illa impossibile sit aliquem de facto salvari: nec satis esse generalem providentiam ordinis supernaturalis, seu voluntatem antecedentem quæ Deus vult omnium salutem.

Est contra Catharinum lib. 2. de prædest. cap. ultimo, affirmantem plures salvari, qui non prædestinantur à Deo. Distinguit enim duo genera salvandorum, alterum per prædestinationem, sub quo numerat Beatissimam Virginem, Apostolos, & alios eximie sanctitatis: alterum eorum qui sine illa salvi fiunt, sub quæ cæteros comprehendit.

Est etiam contra Molinam, Suarem, Lessium, & alios Recentiores, quæ existimant prædestinationem esse factam dependentem à scientia media explorantæ futurum consensum voluntatis creatæ, decent non adeo esse necessariam ad salutem, quin potuerint homines salvi fieri sine illa, per solam providentiam generalem, quæ Deus velit conferre illis media sufficientia ad salutem, quibus possint uti si velint, nullum absolute prædestinando, sed solum sub conditione. Addunt aliqui, quod si Deus voluntate absoluta & per se efficaci vellet salvare homines, eorum libertas destrueretur; quia ex illa induceretur necessitas antecedens, libertati contraria.

Nullum tamen de facto posse salvari, nisi fuerit prædestinatus, docent omnes fere Theologi, & adeo constanter, ut Soto ad R. mat. 2. Bannez hic art. 7. concl. 3. Gonzalez disp. 70. sect. 1. dicant id sine præjudicio fidei negari non posse. Dicitur enim Matthæi 25. *Venite benedicti Patris mei possidete paratum vobis regnum: præparatio autem regni celestis fit per prædestinationem, ut docet Augustinus Tractatu 68. in Joannem: ubi explicans illa verba Christi: In domo Patris mei mansiones multe sunt, dicit: Deus fecit illas prædestinando, facturus est operando: Unde Fulgentius de fide ad Petrum cap. 35. ait: Firmissime tene, & nullatenus dubites, omnes quos vasa misericordiae gratuita bonitate Deus fecit, ante constitutionem mundi in adoptionem filiorum Dei prædestinatos à Deo; nec perire posse aliquem eorum, quos Deus prædestinavit ad regnum celorum, nec quempiam eorum quos non prædestinavit ad vitam, Ulla possit ratione salvari.* Sentit ergo prædestinationem esse adeo necessariam, ut nullus sine illa possit salvari.

Favet etiam D. Thomas hic art. 7. ubi docet numerum salvandorum esse Deo certum, non solum ratione cognitionis, quia scit quot sint salvandi, sed ratione electionis & dispositionis: ubi per definitionem & electionem, intelligit prædestinationem. Et in 1. ad Annib. dist. 46. quæst. unica art. 2. ad 2. ait quod voluntas antecedens non habet esse totum, nisi voluntas consequens adiungatur: Ergo semit homines non posse salvari per solam voluntatem antecedentem, & generalem providentiam supernaturalem, quæ Deus decreveret dare auxilia sufficientia, abque prædefinitione & voluntate absoluta usus illorum, nec consequenter abque prædestinatione.

Potest etiam suaderi conclusio ratione § præcedenti exposita. Prædestinatio est ratio transmittendi aliquem in vitam æternam: Sed nullus salvari potest, nisi transmittatur à Deo in vitam æternam, cum illa excedat vires creaturæ intellectualis, sicut sagitta non potest attingere scopum, nisi transmittatur à sagitante: Ergo nullus salvatur, nec salvari potest, nisi fuerit à Deo prædestinatus.

Confirmatur: Sic se habet prædestinatio Dei ad consecutionem salutis æternæ, sicut providentia in aliis rebus ad finem quem intendit: Sed



nihil potest consequi finem per providentiam intentum, nisi per divinam providentiam: Ergo nec potest aliquis consequi salutem æternam, qui non fuerit ad illam prædestinatus. Unde Prosper in resp. i. ad objectiones Gallorum: *prædestinationem* (inquit) Dei nullus Catholicus negat. Et in Epist. ad Rufinum de libero arbitrio: *Prædestinationem tamsumpiam est negare, quam ipsi gratia contrarie*

19 Probatur in super conclusionis. Si ad salutem consequendam sufficeret sola voluntas antecedens & conditionalis salvandi homines, si ipsi velint, & sola generalis sufficientia, absque prædefinitione & voluntate absolutæ usus illorum, nulla esset differentia ex parte voluntatis divine inter prædestinatum & reprobum, & tota illorum discretio proveniret ex libero hominis arbitrio: Sed hoc est contra Apostolum 1. ad Corinth 4. dicentem, *Quis enim te discernit?* &c. & contra Augustinum 11. de civit. cap. 19. ubi docet discretio nem bonorum & malorum Angelorum fuisse à Deo, & ait, *Inter sanctos Angelos & immundatos fuisse, discretum, ubi dictum est: & divisit Deus inter lucem & tenebras; solus quippe ille ista discernere potuit.* Quod à fortiori de hominibus sentiendum est, nam ut lepidè ait Bernardus serm. 2. de verbis Isaïæ: *Quid putas non discernet inter glebas, qui discernit inter stellas?* Ergo &c. Sequela Majoris est evidens, nam voluntas antecedens, & generalis providentia, æqualis est respectu omnium, & auxilia quæ ex illa proveniunt, relinquunt voluntatem indeterminatem: Ergo quantum est ex parte talis voluntatis & providentiæ, nulla est differentia seu discretio inter prædestinatum & reprobum, sed tota provenit ex ipso libero arbitrio. Unde D. Prosper in carmine de ingratis cap. 6. in fine, referens sententiam Semipelagianorum, qui negantes propositum Dei absolutum & efficax, dicebant Deum velle omnes homines salvos fieri, si tamen vocanti Deo consentire voluerint, sic habet.

*Cum sine delectu, seu lex, seu gratia Christi, Omnem hominem salvare velit, doneque vocant: Sic sit propositum, ut nullus non possit ad illud, Libertate sua, proprioque vigore venire: Sitque salus digni salvari ex fonte volendi.*

20 Præterea, si quis salutem consequeretur sine prædestinatione, & decreto efficaci & absoluto, illum transmittente in vitam æternam, affectio talis finis esset à casu, & præter intentionem Dei; quod repugnat infinite ejus sapientiæ & providentiæ; & Deus ageret tunc non secundum consilium voluntatis suæ, ut ait Apostolus, sed secundum determinationem & propositum voluntatis creatæ; nec eligeret homines, sed potius ab illis eligeretur: contra illud Christi Ioan. 15. *Non vos me elegistis, sed ego elegi vos.*

21 Denique hæc sententia Catharini, speciale Dei dilectionem erga electos penitus evacuat, non distinguit prædestinationem à providentia generali ordinis supernaturalis, divinatorum decretorum & auxiliorum efficaciam enervat, aetudinem hujus mysteri deprimit, pluraque alia congerit & accumulat absurda & inconvenientia, quæ patebunt ex infra dicendis. Unde Fulgentius: *Omnia & vocationis nostra iustitia, & iustificationis præmia, semper in prædestinatione Deus habuit, quia in vocatione, & in iustifica-*

tionem, & glorificationem Sanctorum, gratia sua futura præstavit. Et rursus cap. sequenti: *In illa quippe immobilitate consilii, secundum bonum placitum eius, quod proposuit in eo, in dispensatione plenitudine temporum, instaurare omnia in Christo, quæ in cæli & quæ in terra sunt: in ipso ex æternitate dispositionis sue, in prædestinatione jam fecit quacunque effectum operis sui, tempore congruo faciendi disposuit.*

## §. IV.

*Solvuntur objectiones.*

Objicies primò: Si prædestinatio esset absolute ad salutem necessaria, sequeretur quod reprobis non posset salvari, nec consequenter ipsi imputari damnatio: Sed hoc non est dicendum: Ergo nec illud. Sequela Majoris probatur: cum enim divinum decretum sit æternum & immutabile, reprobis non potest prædestinari: Ergo si prædestinatio sit ad salutem absolute necessaria, sequitur reprobis non posse salvari.

Responden distinguendo Majorem. Reprobis non posset salvari: Potentiæ consequenti, & in sensu composito, concessio Majorem. Potentiæ antecedenti, & in sensu diviso, nego Majorem: ad cujus probationem eodem modo distinguendum est Antecedens, & neganda Consequentia. Solutio est D. Thomæ hic art. 3. ad 3. & art. 3. ubi sic habet: *Non oportet dicere quod Deus possit non prædestinare quem prædestinavit, in sensu composito accipiendo, licet absolute considerando Deus possit prædestinare vel non prædestinare.* Eodem modo respondet Quæst. 6. de verit. artic. 4. ad 8. his verbis: *Dicitur communiter quod hæc propositio, Deus potest non prædestinare vel prædestinare, in sensu composito est falsa, in diviso vera, & ideo omnes locutiones illa quæ sensum compositum impleant, sunt falsæ simpliciter.* Legendus est etiam quæst. 23. art. 5. ad 3. ubi inquit: *Quævis non esse effectus divina voluntatis non possit simul stare cum divina voluntate, tamen potest à deficiendi effectum. simul stat cum divina voluntate.* Non enim ista sunt incompatibilia: Deus vult istum salvari, & iste potest damnari; sed ista sunt incompatibilia: Deus vult istum salvari, & iste damnatur. Idem proportionaliter dicendum est de reprobis.

Alii eandem solutionem sub alii terminis tradunt: dicunt enim, quod hæc propositio, *reprobis potest salvari sine prædestinatione*, est vera, si illa particula *sine* reduplicet supra potentiam: falsa verò, si determinet verbum *salvare*: nam licet reprobis non tollat potestatem ad salutem, impedit tamen actualem ejus consecutionem. Quæ etiam solutio sumitur ex D. Thomæ quæst. 1. de potentia art. 5. ad 1. ubi ait: *Hæc locutio, Deus non potest facere nisi quod præstiterit facturum, est duplex: quia exceptio potest referri ad potentiam quæ importatur per *potest*, vel ad actum quæ importatur per *facere*. Si primo modo, tunc locutio est falsa, plura enim potest facere quam præstiterit facturum: si autem secundo modo, sic est vera, & sensus est, quod non potest esse quoddam aliquid fiat à Deo, & non sit à Deo præstitum.*

Objicies secundò: Homo potest salvari per auxilia sufficientia ordinis supernaturalis, cum per illa sufficienter ordineur & promoveatur ad vitam æternam: Sed auxilia sufficientia proveniunt ex voluntate Dei antecedente, & generali providentia ordinis supernaturalis: Ergo tunc prædestina-

stinatione homo potest salvari, per voluntatem antecedentem, & providentiam generalem ordinis supernaturalis.

Respondeo distinguendo Majorem. Potest salvari per auxilia sufficientia, potentia antecedenti, & ab actu divisa, concedo Majorem. Potentia consequenti, & conjuncta cum effectu, nego Majorem. Solutio patet ex dictis in præcedenti.

#### ARTICULUS IV.

*Quos actus intellectus & voluntatis exigit prædestinatio, usque ad sui executionem?*

§. I.

*Quibusdam præmissis difficultatibus resolvitur.*

26 **C**ertum est ad prædestinationem ex parte voluntatis divinæ necessarium esse decretum absolutum & efficax, quo Deus intendat, statuat, ac decernat dare gloriam quibusdam Angelis & hominibus, & quo illos eligat ad gratiam, & ad merita quæ sunt media ad ejus allocationem necessaria, ut constet ex dictis articulo præcedenti. Certum est etiam, ex parte intellectus divini requiri scientiam simplicis intelligentiæ, quæ Deum dirigat in formandis suis decretis, & quæ finis possibilitatem, & mediorum ad illum conducentium efficaciam & causalitatem demonstret. Ostendimus etiam in Tractatu de scientia Dei, scientiam mediam, futurum voluntatis nostræ consensum indagantem ac explorantem, ad prædestinationis negotium non esse necessariam, & de hoc iterum redibit sermo infra, quando agemus de certitudine prædestinationis, ejusque concordia cum libertate creata. Unde ad duos tantum actus præsens difficultas devolvitur. Primus est actus voluntatis qui executionem immediate præcedit, & appellatur usus. Secundus est actus intellectus qui electionem subsequitur, & vocatur imperium. **Q**uæritur ergo primò, ad negotium prædestinationis, præter electionem, seu decretum intentionis, quo Deus intendit dare gloriam prædestinatis, & gratiam ac merita quibus illam consequantur, sit necessarius in voluntate Dei alius actus, qui usus activus, seu decretum executionis, appellari solet, ut talia media executioni mandentur; Secundo dubitatur, an præter judicium regulans electionem, & illam antecedens, necessarium sit in divino intellectu imperium regulans usum & executionem.

27 **I**n quo tres reperio sententias. Prima utrumque actum in Deo negat. Secunda primum admittit, & alterum rejicit. Tertia utrumque ad negotium prædestinationis necessarium esse existimat. Primam tuetur Vazquez hic disp. 83. cap. 3. & 1. 2. disp. 47. cap. 2. Secundam defendit Suarez lib. 1. de essentia prædestin. cap. 14. Tertia verò communis est in Schola Thomistarum, eamque tenent ex Patribus Societatis, Bellarminus lib. 2. de gratia & libero arbitrio cap. 9. Grano Tractatu 5. disp. 6. sect. 1. Herice, Ruiz, & alij; cum quibus

Dico primò: Præter electionem mediorum ad ordinem intentionis spectantem, requiritur in voluntate Dei decretum executivum de iisdem mediis, ab electione aliqua ratione distinctum. Hanc conclusionem primò statuo, quia ex istius actus necessitate pender necessitas imperij di-

stincti à judicio regulante electionem.

**P**robatur ergo primò conclusio ratione fundamentalis. Omnis actus in voluntate nostra receptus concedi debet voluntati divinæ, si in suo formali conceptu imperfectionem non involvat: Sed datur in voluntate nostra usus ab electione distinctus: Ergo iste actus debet divinæ voluntati concedi, & pro negotio prædestinationis admitti. Major patet: nam de rebus divinis, & de actibus divini intellectus & voluntatis, debemus philosophari juxta ea quæ videmus in rebus creatis, seclusis imperfectionibus. Minor autem quam negat Vazquez ubi supra, contendens in voluntate creata non dari usum ab electione distinctum, probatur primò ex D. Thoma 1. 2. quæst. 16. art. 1. ubi docet usum esse actum voluntatis moventis & applicantis potentias animæ ad suos actus. Et art. 4. in corp. ait quòd *usus sequitur ad electionem*, Et in resp. ad 1. quod *medium inter electionem & executionem*. Et quæst. 17. art. 3. ad 1. sic habet: *Post determinationem consilij, quæ est judicium rationis, voluntas eligit, & post electionem ratio imperat ei per quod agendum est quod eligitur; & tunc demum voluntas alicujus incipit uti exequendo imperium rationis.*

**S**ecundo probatur eadem Minor ex doctrina quam tradit idem S. Doctor locis citatis, præcipue quæst. 16. art. 4. in corpore, ubi docet voluntatem duplicem habitudinem ad volitum dicere: unam secundum quod est in voluntate per quodam proportionem, & alteram ad volitum habendam realiter; & quia ad primam spectat electio, & ad secundam usus, inferit usum esse post electionem. Ex qua doctrina potest hæc formari ratio contra Vazquem. Actus conjungens voluntatem cum volito solum affectivè, distinctus est essentialiter ab actu conjungente voluntatem cum volito ut realiter habente: At electio solum primo modo conjungit voluntatem cum volito, nam ex vi illius volitum non habetur in re: usus autem realiter eam conjungit cum volito, cum ex vi illius potentie exequentes applicentur, & effectus statim sequatur. Ergo electio & usus essentialiter distinguuntur.

**C**onfirmatur: Actus habentes idem objectum materiale, sub diversis rationibus inspectum, essentialiter distinguuntur: Sed electio & usus idem objectum materiale, sub diversis rationibus inspicuntur: Ergo essentialiter distinguuntur. Major constat in intentione, fruitione, & simplici complacentia, quæ licet circa finem versentur, quia tamen illum sub diversis inspicuntur rationibus, essentialiter distinguuntur. Item hæc conclusio, *Terra est rotunda*, prout attingitur per medium mathematicum pertinet ad Astrologiam, & prout demonstratur per medium physicum, seu à materia singulari abstractum, spectat ad Philosophiam, ut docet S. Thomas supra quæst. 1. proœciali art. 1. ad 2. Minor autem probatur. Licet electio & usus terminentur ad media, tendunt tamen in illa sub diversis rationibus; nam media ad finem dupliciter considerari possunt, primò ut effectus in genere causæ finalis in ordine intentionis, secundo ut causæ illius in ordine executionis: cum autem electio ad ordinem intentionis pertineat; usus vero ad ordinem executionis; hinc fit quòd electio terminetur ad media prout sunt effectus finis, quocirca ad finem non terminatur nisi tantum ut quo, prout est ratio appetibilitatis mediorum; *usus autem terminatur ad media, prout sunt causæ*

causa finis in ordine executionis; & ideo terminatur ad finem non ut causam, sed ut effectum: Ergo electio & usus idem obiectum materiale sub diversis rationibus inspicunt.

31. Probatur secundò conclusio ex dicendis disputatione sequenti. In sententia D. Augustini, & S. Thomæ datur electio ad gloriam, omnino liberalis, prævisionem meritorum præcedens, & voluntas ejusdem gloriæ, merita prævisa supponens; & consequenter non liberalis, sed ex iustitia, ut ostendimus disputatione sequenti: Arnsi ille duplex actus voluntatis divinæ circa gloriam, quorum alter spectat ad ordinem intentionis, & alter ad ordinem executionis, distinguatur in Deo, hoc non potest subsistere, ut ex ibi dicendis constabit: Ergo hoc duplex decretum, intentionis & executionis, ab æterno debet in divina voluntate constitui.

Dico secundò: Præter iudicium regulans electionem, constituendum est in Deo imperium, regulans usum & executionem.

32. Probatur primò conclusio ex illis verbis Psalmi 148. *Ipsæ dixit & facta sunt, ipsæ mandavit & creata sunt.* Ex eo illo Genesis 1. *Fiat lux, & facta est lux, & vidit lucem quod esset bona &c.* Quæ verba Augustinus libro imperfectæ de Genesi ad litteram cap. 5. intelligit de actu divini imperii, & ait: *In eo quod dixit, imperium ejus intelligitur: in eo quod factum est, potentia: in eo quod placuit, benedixit.*

Probatur secundò ex D. Thoma quæst. præcedenti art. 1. ad 1. ubi ait: *Præcipere de ordinandis in finem, competit Deo, & secundum hoc convenit ei ratio prudentiæ & providentiæ.* Et in hac quæst. art. 4. in corp. *Providentia (inquit) est ratio in intellectu existens, præceptiva ordinationis aliquorum in finem.*

33. Probatur tertio conclusio: Præter decretum electivum pertinens ad ordinem intentionis, datur in voluntate Dei decretum executivum, præcedenti conclusionem ostendimus: Ergo præter iudicium antecedens electionem, & eam regulans, debet admitti in Deo alius actus intellectus, qui supponat electionem, & ad eam subsequatur, & regulet usum & executionem, qui non potest effectus, quam actus imperii. Consequentia patet: nam ad multiplicationem virtuali actuum voluntatis in Deo, necessario debent etiam multiplicari virtualiter actus intellectus, cum diversus actus voluntatis indigeat diversâ directione intellectus.

34. Confirmatur: Quia præter intentionem finis datur in voluntate Dei electio mediorum, ab illa virtualiter distincta, admittitur in divino intellectu, præter iudicium regulans intentionem, iudicium regulans electionem, à præcedenti virtualiter distinctum. Ergo similiter si præter electionem mediorum, datur in voluntate Dei alius actus virtualiter distinctus, pertinens ad ordinem executionis, debet pariter in intellectu divino recognosci actus imperii, supponens electionem, & regulans usum & executionem.

35. Denique susceperit conclusio: In Deo est prudentia respectu actuum liberorum, sicut & aliæ virtutes intellectuales & morales, quæ in suo conceptu nullâ includunt imperfectionem: Sed actus proprius prudentiæ, ut dicitur ab eubulia, synesis, & gnome, est imperium monasticum respectu propriarum actionum: ut docet S. Thomas, 2. 2. quæst. 47. art. 2. ubi ait principalem actum prudentiæ esse præcipere, Et quæst. 51. art. 2. &

4. eubuliam & synesim à prudentia simpliciter supra distinguit, per hoc quod eubulia fit bene consiliativa, synesis bene judicativa, prudentia autem bene præceptiva. Quam doctrinam sumpsit ex Aristotele 6. Ethic. cap. 9. ubi eubuliam docet esse rectitudinem consilii ad finem bonum simpliciter, pervias bonas, & tempore convenienti, deinde hæc verba subiunxit: *Propter quod circa eadem quidem prudentia est & synesis, non est autem idem synesis & prudentia: prudentia enim quidem præceptiva est, synesis autem judicativa solum.* Ergo in Deo recognoscendum est imperium monasticum respectu propriarum actionum, ad regulandum usum & executionem.

## §. II.

*Solvuntur argumenta in contrarium.*

Contra primam conclusionem plura obijcit Vazquez, ad demonstrandum non dari in voluntate creatæ usum ab electione distinctum: Sed quia hæc pertinent ad Tractatum de actibus humanis, ubi variè à nostris Thomistis diluuntur & solvuntur; ideo illis omissis, alia argumenta hic subiiciemus, ad probandum quod licet in nobis deus usus ab electione distinctus, in Deo tamen admittendus non sit.

- Obijcies ergo primò: Si daretur in Deo usus ab electione virtualiter distinctus, deberet ab æterno in Deo existere: Sed hoc non potest dici: Ergo nec illud. Major patet, nullus enim actus voluntatis divinæ potest in tempore incipere, alioquin Deus mutaretur, ut constat ex dictis Tractatu præcedenti; Minor verò probatur. Usus est applicatio potentie ad executionem & productionem creaturarum: At hæc non est ab æterno, sed in tempore, sicut & ipsa rerum productio: Ergo &c.

- Respondeo distinguendo Majorem: Deberet ab æterno existere, quoad denominationem volentis, concedo Majorem. Quoad denominationem applicantis potentiam executivam ad opus, nego Majorem. Non enim est necesse quod actus voluntatis aut intellectus divini quoad omnem denominationem aut formalitatem, ab æterno in Deo existant: nam imperium in quo consistit actualis executio, etsi sub denominatione dirigentis, æternum sit, sub denominatione tamen exequentis in tempore existit. Similiter etiam quamvis usus quoad denominationem volentis media prout exequibilia, sit ab æterno; quoad denominationem tamen applicantis potentiam executivam ad opus, existit in tempore.

- Obijcies secundò: Ratio cur in nobis requiritur usus ab electione distinctus, est distinctio potentie exequentis ab intellectu & voluntate: Sed potentia exequens Dei, ne virtualiter quidem ab intellectu divino distinguitur, ut tenet frequentior Thomistarum sententia, & nos docuimus in Tractatu de scientia Dei: Ergo usus ab electione distinctus in Deo necessarius non est.

Confirmatur, & magis explicatur hæc ratio. Actus quo Deus in tempore exequitur, est imperium ipsum, in sententia quam ibidem ut veriorum & probabiliorum amplexi sumus: Sed usus ad imperium sequitur: Ergo nequit ad executionem applicari, nec consequenter in Dei voluntate constitui.

Ad objectionem respondeo, quod licet in Deo non distinguatur adæquatè potentia exequens

ab intellectu, distinguitur tamen inadæquate, vel saltem quoad munia; & hæc distinctio sufficit ut ad ejus applicationem requiratur usus ab electione distinctus. Unde ad confirmationem, distinguo Majorem. Est imperium, quoad munus dirigentis, nego Majorem. Quoad munus exequentis, concedo Majorem. Et distinguo Minorem: sequitur ad imperium, ut dirigens, concedo Minorem. Ut exequens, nego Minorem, & Consequentiam,

41 Dices, Inter imperium ut dirigens & exequens, non est virtualis adæquata distinctio, sed vel inadæquata virtualis, vel solum quoad munia. Ergo nequit inter duas illas rationes media re actus voluntatis, virtualiter adæquate distinctus ab imperio, sub utraque ratione, qualiter necessarium est usum ab imperio distingui.

42 Sed nego Consequentiam, nam inter gratiam ut auxiliantem, & ut justificantem, solum est distinctio rationis; & tamen mediant inter utrumque conceptum dispositiones ultimæ, disponentes ad unum, & supponentes aliud, ut docent Thomistæ in materia de justificatione, & conficit ipsemet Vasquez. Item intellectio ut dictio, solum ratione differt à seipsa ut est contemplatio; & tamen inter illos conceptus mediat verbum realiter distinctum. Denique paternitas divina, ut forma hypostatica, inadæquate solum distinguitur à seipsa ut referente; & tamen inter illam, ut constituentem personam, & referentem, mediat generatio, quæ pro eo quod dicit in recto, virtualiter adæquate à paternitate distinguitur, ut ostendimus Tractatu sequenti. Non debet ergo inconueniens censeri, quod inter imperium divinum ut dirigens, & ipsum ut exequens, mediet usus adæquate distinctus ab illo, etsi inter illos duos conceptus sola inveniat inadæquata distinctio.

Argumenta quæ militent contra secundam conclusionem, & quæ probant, præter judicium regulans electionem, non dari in Deo nec in nobis imperium regulans usum & executionem, Tractatu præcedenti proposita sunt, & soluta, & de hoc iterum erit agendum in Tractatu de actibus humanis, ubi de prædicto actu imperii fuisse differunt & disputant nostri Thomistæ contra Recentiores.

### ARTICULUS III.

*An, & in quo actu intellectus essentia prædestinationis consistat.*

43 **E**xaminatis actibus ad negotium prædestinationis ex parte voluntatis & intellectus divini requisitis, restat investigandum in quo ex illis essentia prædestinationis consistat: circa quod dux occurrunt difficultates, breviter hic resolvendæ. Prima est generalis: an scilicet prædestinatio consistat essentialiter in actu intellectus, aut voluntatis, vel utriusque simul? Secunda specialis: supposito enim quod prædestinatio formaliter & essentialiter in actu intellectus sita sit, adhuc restat discutiendum, an talis actus sit judicium regulans electionem, vel imperium regulans usum & executionem?

44 Prima sententia docet essentiam prædestinationis in actu voluntatis eligentis aliquos ad gloriam, & media ad ejus consecutionem; conno-

tando tamen ordinem ad intellectum ordinantem, & conferentem media inter se & cum fine, formaliter consistere. Ita Vasquez disp. 87. ca. 3. & plures alii ex Recentioribus, sequentes Scotum, D. Bonaventuram, Gregorium & Aureolum in 1. dist. 4. In quam etiam sententiam ut probabiliorē inclinat Suarez lib. 1. de essentia prædestin. cap. 17.

Secunda in utroq; actu essentiam prædestinationis ex æquo constituit. Pro qua referuntur A. lenius, & Gidius, Marfilus, Petrus de Tarantasia, & ex Recentioribus, eam ut probabiliorē amplectitur Herice, pro illa referens Molinam & Beccanum.

Tertia quæ est communis in Schola D. Thomæ, in actu intellectus adæquate essentiam prædestinationis consistere docet; licet supponat & connotet actum voluntatis, qui est electio mediorum ad finem. Ita Capreolus, Ferrariensis, Cajetanus, Bannez, Gonzales, Alvarez, & alii quos referunt & citant Salmanticenses, & Joannes à S. Thoma: eamq; etiam tenent ex Patribus Societatis Bellarminus, Granada, Ruiz, & alii quos supra citavimus: quamvis aliqui ex illis in judicio regulante electionem, Thomistæ verò in imperio regulante usum & executionem, essentiam prædestinationis constituent.

#### §. I.

*Resolvitur prima difficultas, & prædestinationem in actu intellectus, non autem voluntatis formaliter consistere demonstratur.*

**D**ico primò: quamvis prædestinatio actus voluntatis præsupponat & connotet, essentialiter tamē & in recto, in actu intellectus consistit.

Prima pars conclusionis est certa, eamq; Adversariorum argumenta inferius subiicienda suadent; & insuper potest probari ex eo quod prædestinatio est libera & efficax ordinatio, quæ per convenientiam & efficaciam media Deus destinat seu transmittit creaturam rationalem in vitam æternam: At nulla ordinatio ad intellectum pertinet: est per se libera, & efficax ad aliquem effectum, sed solum ut conjuncta divinæ volitioni & electioni: quia cum voluntas in agente intellectuali sit primum liberum, & primum movens quoad exercitium, est prima radix totius libertatis & efficaciarum quæ in actibus intellectus reperitur. Ergo prædestinatio actum voluntatis præsupponit & connotat. Addo quod prædestinatio, ut infra dicemus, essentialiter consistit in actu imperii: At imperium actum voluntatis (mediorum scilicet electionem, ex qua habet efficaciam) supponit & connotat. Ergo & prædestinatio.

Probatur ergo secunda pars, de qua solum est difficultas & controversia. Primò quia prædestinatio est pars providentiæ, est enim perfectissima providentia, quæ creatura rationalis ad æternam beatitudinem efficaciter ordinatur: Sed providentia, licet supponat & connotet actum voluntatis, essentialiter consistit in actu intellectus, ut fuse ostendimus Tractatu præcedenti. Ergo & prædestinatio. Hanc rationem tangit D. Thomas quæst. 6. de verit. art. 1. his verbis: *Sicut providentia consistit in actu rationis, sicut & prudentia cuius est pars, eo quod solius rationis est dirigere vel ordinare: ita etiam prædestinatio in actu rationis consistit dirigenti & ordinanti in finem.*

Secundò probatur ex Augustino de bono per-



severantiae cap. 14. ubi ait: *Hac praedestinatio Sanctorum, nihil aliud est quam praescientia & preparatio beneficiorum Dei, quibus certissimi liberantur quicumque liberantur*: At praescientia ad intellectum pertinet, ut per se est manifestum; & etiam praeparatio non passim ut patitur, sed agentis ut agat, ad intellectum spectat; ut expressè docet D. Thomas quaest. 6. de veritate art. 1. ad 8. & 12. Et in hac quaestione art. 2. ad 3. ubi sic ait: *Duplex est preparatio, quaedam patientis ut patiatur, & hac preparatio est in preparato; alia est agentis ut agat, & hac est in agente; & talis preparatio praedestinatio est, prout agens per intellectum dicitur se preparare ad agendum, inquantum praecipit rationem operis faciendi*: Ergo praedestinatio non in actu voluntatis, sed intellectus, essentialiter & in recto consistit.

48 Denique suadet eadem pars. Praedestinatio essentialiter est ordinatio creaturae rationalis ad gloriam: quocirca D. Thomas illam definiens ait esse transmissionem creaturae rationalis in vitam aeternam, & praedestinati in scriptura sacra, *Praordinati* appellantur: juxta illud Actuum 13. *Crediderunt quodnot erant praordinati ad vitam aeternam*: Sed ordinare ad intellectum pertinet, & non ad voluntatem: Ergo & praedestinatio. Major patet, Minor verò probatur multipliciter. Primò ex Aristotele 2. Metaph. cap. 2. dicente quòd *sapientis est ordinare*: quare opus naturae dicitur opus intelligentiae, ratione ordinis reperi in illo. Idem docet D. Thomas quaest. 6. de veritate art. 1. in corpore ubi ait: *solus ratio est id rigere & ordinare*. Et 2. 2. quaest. 83. art. 1. probat orationem esse actum intellectus, quia consistit in quadam ordinatione inferioris ad superiorem.

Secundò, Ordinare unum ad aliud, est unum cum alio conferre: Sed collatio unius cum alio, ad intellectum practicum spectat, sicut ad speculativum illatio unius ex alio: Ergo ordinare ad intellectum pertinet & non ad voluntatem.

Tertiò, Ordo rerum, secundum quòd à principio egrediuntur, & inter se invicem collocantur, pertinet ad artem quae est habitus intellectus, ut docet D. Thomas quaest. 5. de veritate art. 1. ad 9. Ergo ordinatio rerum in finem, quae ad providentiam spectat, ut ibidem ait S. Doctor, soli actui intellectus competere potest.

Quartò, Ordinare aliquid in finem, idem est quòd dirigere illud in finem: Sed directio in finem ad intellectum spectat, & non ad voluntatem, quae cum sit potentia caeca, non potest alias dirigere, sed ab intellectu dirigi debet: Ergo idem quod prius.

Denique, Ordinare pertinet ad superiorem, ut constat in rebus humanis: nam dux in exercitu ordinat quid à militibus agendum sit, Princeps in republica, quid vassalli facere debeant, Praelati in Religione, quid subditi debeant operari: Sed intellectus in homine est suprema potentia, & nobilior voluntate, ut docent Thomistae in libris de anima: Ergo ordinare ad intellectum pertinet, & non ad voluntatem, quae solum habet exequi ordinationem rationis, volendo unum propter aliud; quòd non est formaliter ordinare, sed ordinem ab intellectu practicum sequi & supponere, ut eruditè expendit Cajetanus 1. 2. q. 17. art. 1. unde si objectum sine ordine proponatur, absque ordine etiam à voluntate appetitur.

49 Dices, Habitus charitatis in voluntate resi-

det, & tamen ordinativus est, cum ex imperio & ordinatione illius, actus aliarum virtutum finem charitatis attingant, & meritorii fiant: ut docet D. Thomas 1. 2. quaest. 114. art. 4. ex quo 2. 2. quaest. 23. art. 4. infert charitatem esse formam virtutum, quia scilicet ordinat actus illarum ad finem, qui in moralibus obtinet rationem formae.

Respondet habitum charitatis esse ordinativum motivè: hoc est movendo intellectum, ut per fidem, vel per prudentiam infusam, ordinet actus aliarum virtutum in finem supernaturalem: non talem elicitive, hoc est eliciendo actum ordinativum formaliter.

Dico secundò: Praedestinatio non importat ex aequo actum intellectus & voluntatis, sed adaequatè consistit in actu intellectus, connotando solum in obliquo actum voluntatis.

Hac conclusio patet ex jam dictis: nam praedestinatio, ut supra dicebamus, est pars providentiae: providentia autem non importat ex aequo actum intellectus & voluntatis, sed essentialiter consistit in actu intellectus, connotando solum in obliquo actum voluntatis; ut ostendimus Tractatu praecedenti, & expressè docet D. Thomas quaest. 5. de veritate art. 1. ubi ait: *Providentia includit scientiam & voluntatem, sed tamen essentialiter in cognitione manet, non quidem speculativa, sed practica*. Diff. 8. art. 2.

C Adde quòd praedestinatio, ut dicemus conclusionè sequenti, essentialiter consistit in actu imperii: Sed actus imperii est elicitive à solo intellectu, quamvis supponat electionem & motionem voluntatis, eamque connotet in obliquo, ut docet S. Thomas 1. 2. quaest. 17. art. 1. Ergo & praedestinatio.

Adde etiam, quòd Augustinus supra relatius ait, praedestinationem nihil aliud esse quam praescientiam & praeparationem, quorum utrumque ad intellectum pertinere monstravimus: Ergo actus voluntatis non constituit, etiam inadaequatè, praedestinationis essentiam, sed in obliquo solum & de connotato in ea importatur: ut constat etiam in prudentia, omnipotentia, & aliis virtutibus, & attributis, ad quae necessàriò exiguntur actus utriusque potentiae, & tamen ex illis non constanter in recto, sed in actu unius in recto consistunt, altero ingrediente tantum de connotato. f2

§. II.

*Alia difficultas expeditur.*

SUPposito quòd praedestinatio essentialiter in actu intellectus & non voluntatis consistat, restat discutiendum, an talis actus sit iudicium regulans electionem, quòd de mediis convenientia iudicatur, vel ipsum imperium supponens electionem, & regulans usum & executionem: manifestum est enim, praedestinationem in iudicio regulante electionem ad gloriam non posse consistere, quia iudicium illud non est de mediis ad finem praedestinationis ordinatis, sed de fine praedestinationis, praedestinatio autè in efficaciis mediis ordinatione consistit. Unde D. Thomas quaest. 5. de veritate art. 1. ad 2. hoc statuit discrimen inter scientiam practica & providentiam, quòd illa est non solum de mediis, sed etià de fine, providentia autem solum est de mediis ut ordinatis ad finem. Et quaest. sequenti art. 1. in corp. & in resp. ad 2. id ipsum affirmat de praedestinatione, & docet quòd illa supponit electionem ad gloriam: quòd etiam asserit hic art. 4. Tota ergo difficultas procedit de iudicio regu-

regulante electionem ad gratiam, & media ad gloriam efficaciter conducentia; & de iudicio practico talem electionem subsequente, quod imperium appellatur. Pro cuius decisione

54 Dico tertio: Prædestinationem non consistere in iudicio regulante electionem, quo de mediis convenientia iudicatur, sed in iudicio practico subsequente electionem, quod imperium vocatur.

Hæc conclusio est expressa D. Thomæ quæst. præcedenti art. 1. ad 2. ubi ait: *Præcipere de ordinando in finem, competit Deo, & secundum hoc convenit ei ratio prudentia & providentia.* Et in hac quæst. art. 4. dicit quod prædestinationis est pars providentia: *providentia autem sicut & prudentia, est ratio in intellectu existens, præceptiva ordinationis aliquorum in finem.* Quibus veniens rationem fundamentalem nostræ conclusionis infirmat: Nam prædestinatio, utpote providentia, consistit in actu principali prudentiæ: Sed talis actus (ut ex Aristotele & D. Thomas vidimus art. præcedenti) est imperium: Ergo in actu imperii essentialiter consistit prædestinatio.

Præterea, Prædestinatio est ordinatio efficax mediis quibus electi infallibiliter vitam æternam consequuntur. Sive, ut ait Augustinus iuprà relatus, *est preparatio mediis quibus certissime liberantur quicumque liberantur*: Sed iudicium electionem regulans, est sit ordinatio de mediis, non tamen est efficax ordinatio de his mediis determinatè, cum adhuc illo posito liberum sit Deo, non solum in sensu diviso, sed etiam in sensu composito, hæc aut illa media in ordine ad gloriam eligere: Ergo in prædicto actu essentia prædestinationis consistere nequit: unde cum illa in actu intellectus consistit, & non possit consistere in iudicio regulante electionem ad gloriam, ut supra ostendimus, relata ut consistat in iudicio practico subsequente ad electionem, & regulante ipsam & executionem, quod obtinet rationem imperii.

Confirmatur & magis illustratur hæc ratio. 56 Prædestinatio, cum sit efficacissima, & omnino infallibilis, si in aliquo actu divini intellectus formaliter consistat, debet consistere in illo qui est omnium efficacissimus: Atqui actus iudicii antecedens electionem non est talis, sed solum actus imperii ad illam subsequens, & regulans usum & executionem: Ergo non in illo actu, sed in isto prædestinatio essentialiter consistit. Maior patet. Minor verò simul declaratur & probatur. Nam intellectus per iudicium præcedens electionem, iudicat tantum de convenientia mediis in ordine ad opus, unde ille actus explicatur per modum indicativi, ut si dicamus, *hominem est hoc facere, vel hoc est convenienter facere*, & pertinet ad illam habitudinem quam dicit voluntas ad finem per modum intentionis & affectus, & non ad eam quæ tendit in finem per modum executionis & causalitatis: unde in se non habet efficaciam ad executionem operis, nisi tantum radicaliter: posito enim iudicio de convenientia mediis, potest non sequi effectus, ob difficultatem executionis. Imperium autem superaddit quandam intimationem rei exequendam, movendo ad hoc quod fiat, & explicatur per modum imperativi, ut sic dicatur, *fac hoc*; pertinetque ad habitudinem quæ voluntas tendit in finem per modum executionis & causalitatis; quapropter stante imperio efficaci, non stat non sequi operationem & executionem mediis:

A Ergo imperium est actus intellectus practici omnium efficacissimus, ac proinde in illo inveniuntur omnia ad constituendam essentiam prædestinationis necessaria. Est enim ratione sui ratio ordinis mediis in finem, cum ad intellectum practicum ordinatio pertineat, & est efficax in virtute electionis præcedentis, actus enim voluntatis præcedens, virtualiter clauditur in actu subsequenti: quod iudicio electionem præcedenti petere nequit. Licet enim illud sit ordinatio mediis in finem, caret tamen efficaciam, quam non potest habere ab electione subsequente; quia unus actus non dat efficaciam alteri, nisi vel influat in ipsum, vel in eo virtualiter permaneat: ad quod requiritur quædam antecessio, seu prioritas, saltem virtualis, quam non habet electio respectu iudicii à quo regulatur, sed solum respectu imperii ad illam consequentis, quo regulatur usus & executio operis.

## §. III.

Solvuntur obiectiones.

Obijcies primò contra primam conclusionem. In Scriptura prædestinatio appellatur propositum, electio, & dilectio. Matth. 22. *Multi sunt vocati, pauci vero electi.* Ad Ephes. 1. *Elegit nos in ipso.* Et infra. *Prædestinavit secundum propositum voluntatis suæ.* Ad Rom. 9. *Iacob dilexi:* Sed propositum, dilectio, & electio, sunt actus voluntatis: Ergo prædestinationis essentia in actu voluntatis consistit.

Confirmatur primò: Damascenus lib. 2. de fide cap. 9. dupliciter definit prædestinationem, dicit enim quòd *prædestinatio est rerum præcuratio quæ Deus fungitur.* Et rursus, *Providentia est voluntas Dei, per quam res omnes apte congruenterque gubernat*: Ergo prædestinatio, quæ est quædam providentia, est actus voluntatis. Item Augustinus de prædest. Sanct. cap. 15. prædestinationem vocat, *propositum miserendi.* Et tandem D. Thomas in Opusculo de prædestin. cap. 1. ait: *Quamvis prædestinatio supponat actum cognitionis,*

D *nam tamen actum voluntatis eligentis, ad eam quæ solè gratuita voluntate conferuntur.* Confirmatur secundo: Prædestinatio essentialiter est ille actus divinæ mentis, quo Deus destinat hominem ad gloriam: unde prædestinatio idem sonat ac præcedens destinatio, ut notat D. Thomas quæst. 6. de verit. art. 1. Sed actus destinandi, essentialiter est actus voluntatis, utpote decretum & propositum Dei: Ergo & prædestinatio.

Ad objectionem respondeo cum Divo Thomas loco citato in responsione ad primum. Quòd 60 *quia in actionibus animæ, præcedens actus includitur quodammodo virtute in sequenti, & quia prædestinatio præsupponit electionem, quæ est in actu voluntatis, ideo in ratione prædestinationis aliquid includitur ad voluntatem pertinentis, & propter hoc propositum, & alia ad voluntatem pertinentia, in definitione prædestinationis quandoque ponuntur.* Et in resp. ad 2. ait: *Prædestinatio non est idem quòd electio, sed præsupponit eam, & inde est quòd prædestinati, etiam electi dicuntur.* Addo quòd sicut prædestinatio in Scriptura, interdum nominibus pertinentibus ad voluntatem significatur, ita sæpe nominibus ad intellectum spectantibus explicatur: ut ad Roman. 11. *Non repulit Deus plebem suam quam præscivit, id est*

prædestinavit, ut explicat Augustinus de dono A perseverantiae cap. 17. Et 2. ad 1. mo. 2. *Firmū fundamentum Dei stat, habens signaculum hoc, novit dominus qui sunt eius.* Non potest ergo ex Scriptura efficaciter probari quod essentia prædestinationis in actu voluntatis aut intellectus consistat, sed hæc questio determinanda est discursu Theologico, & ex principiis Philosophiæ moralis, ex quibus voluntas providentiam, ac proinde prædestinationem, quæ est ejus pars, esse formaliter ordinationem mediorum, atque adeo dicere in recto actum intellectus practici, & in obliquo actum voluntatis.

61 Ad primam confirmationem eodem modo respondetur. Et ad D. Damascenum, dico quod sollicitudo & cura quam ponit in prima definitione, non est actus voluntatis, ut perperam intelligit Vazquez, sed actus intellectus, qui est imperium seu præceptum, ut expressè sentit D. Thomas 2. 2. quæst. 47. art. 9. dicens hanc sollicitudinem esse partem prædictæ quæ in intellectu reidet. Et in solutione ad 1. ait quod in præcepto & directione rationis sollicitudo consistit. In secunda autem definitione actum voluntatis ponit, vel quia ad prædestinationem præsupponitur, vel in illa virtualiter clauditur, juxta dicta, & idem dico ad D. Augustinum.

62 Locus D. Thomæ difficilior explicatur. Plures dicunt illum mutasse sententiam: quod agere sustineo, nisi quando ipsemet Præceptor Angelicus expressè aliquam sententiam retractat. Verisimili potest, opusculum illud D. Thomæ non esse: tum quia inter alia opuscula non invenitur: tum etiam quia in Romana editione, quæ cæteris præferenda est, in illius operibus non habetur, sed reperitur solum in fine primæ partis, Lugdunensis impressionis, factæ anno 1552, ubi ab aliquo studioso fuit insertum. Potest etiam responderi verba prædictæ testimonii intelligi de actu cognitionis, respectu futurorum, quorum præscientia ad prædestinationem supponitur, ut docuit D. Thomas 3. parte quæst. 1. art. 3. ad 4. illorum scilicet (interprete Cajetano) quæ non causantur per prædestinationem. Non autem de scientia præparativa mediorum quibus finis prædestinationis obtinetur. Posteriora autem verba interpretari possumus de denominatione præsupposita & virtuali.

94 Ad secundam confirmationem negatur Minor: Nam licet destinatio connoret actum voluntatis, formaliter tamen est ordinatio mentis, per quam concipit agens ipsam rationem operis faciendi, ut explicat D. Thomas hic art. 2. ad 3. Unde si prædestinatio significat aliquando propositum exequendi talem ordinationem, est minus propriè.

95 Obijcies secundò contra eandem conclusionem, In illo consistit essentialiter prædestinatio, quo posito, & secluso quocumque alio, Petrus v.g. consequitur gloriam, & sine quo, quocumque alio posito, eam non consequitur; gloria enim est effectus præcipui prædestinationis: Sed talis est actus voluntatis divinæ; sicut enim impossibile est aliquid consequi gloriam sine voluntate Dei efficaciter, ita repugnat quod Deus velit eam efficaciter alicui conferre, & quod illam non consequatur: Ergo in actu voluntatis prædestinatio consistit essentialiter.

96 Confirmatur primò: Prædestinatio, & providentia generalis quæ Deus provider etiam reprobis auxilia sufficientia ad salutem: solum di-

stinguuntur in hoc quod prædestinatio includit voluntatem efficacem dandi gloriam, providentiam verò generalis includit tantum inefficacem: Ergo cum idem sit constitutum & distinctivum rei, prædestinatio in actu voluntatis consistit.

Confirmatur secundò: Prædestinatio & reprobatio ad eandem potentiam pertinent: Sed reprobatio est actus voluntatis, utpote detestatio & odium Dei, juxta illud ad Roman. 9. *Iacob dilexi, Esau autem odio habui*: Ergo & prædestinatio.

Ad objectionem, concessa Majori, nego Minorem. Si enim per impossibile Deus haberet solum actum voluntatis considerendi Petro gloriam, nec ex tali actu voluntatis subsequeretur actus imperii illum efficaciter ad gloriam ordinari: de facto Petrus eam non consequeretur: Unde ad probationem in contrarium, dico ideo non stare Deum efficaciter velle alicui gloriam, nisi eam suo tempore efficaciter consequatur; quia ex vi illius volitionis efficacis, tanquam ex prima radice sequitur actus imperii, qui est efficax ordinatio mediorum in finem vitæ æternæ. Unde hoc argumentum solum probat prædestinationem initiativè & radicaliter consistere in actu voluntatis, & illum in ejus essentia importari, saltem præsuppositivè, & de connotato, ut antea declaravimus.

Ex quo etiam patet responsio ad primam confirmationem. Respondetur enim verum esse prædestinationem distinguì à communi providentia, per hoc quod includit de connotato actum efficacem divinæ voluntatis considerendi media efficaciter ad consecutionem finis; ex hoc tamen non inferitur quod essentialiter consistat in actu voluntatis, sed tantum quod consistat in actu intellectus, connotante efficacem volitionem, & eam in virtute continente.

Ad secundam, concessa Majori, nego Minorem: Nam sicut approbatio, cum sit quadam examinatio simul cum judicio rationis, ad intellectum pertinet, ita & reprobatio. Unde D. Thomas hic art. 3. docet quod illa est pars providentiæ, sicut & prædestinatio: providentia autem, ut ostendimus Tractatu præcedenti, ad intellectum pertinet. Nec obstat quod Apostolus reprobationem, odium; & prædestinationem, dilectionem appellat: his enim nominibus appellatur ad significandum, quod utraque actum voluntatis supponit, ut supra vidimus ex D. Thomæ. Sic idem S. Doctor 1. 2. quæst. 13. art. 1. ad 1. docet electionem collatione appellari, non quia essentialiter collatio sit, sed quia collationem factam per intellectum supponit. Et qu. 16. art. 1. ad 1. ait Augustinum asserere quod uti est referre, non quia usus essentialiter sit ordinatio, sed quia tendit in obiectum per rationem ordinatam.

Obijciestertiò contra secundam conclusionem. De conceptu prædestinationis non solum est ordinatio, sed etiam efficacia & motio quoad exercitium: At efficacia & motio ad voluntatem spectat, sicut ordinatio ad intellectum: Ergo de essentia prædestinationis in recto, non solum est actus intellectus, sed etiam actus voluntatis.

Respondet ex supra dictis: Motionem volitivam esse à voluntate, motionem autem ordinativam ab intellectu, in virtute præcedentis actus voluntatis, ut docet D. Thomas locis supra citatis. De essentia autem prædestinationis non est motio appetitiva, sed ordinatio motiva, & ideo est



est ab intellectu adæquate ut elicentia voluntate autem solum remota, originaliter, & antecedenter.

72 Dices: Esse volitivum ita est proprium voluntatis, ut nullo modo intellectui communicari possit: Ergo etiam esse motivum quoad exercitium.

Sed nego. Consequentiam & paritatem. Ratio discriminis est, quia ratio volitivi est substantia actus voluntatis; efficacia autem motiva, non est substantia, sed modus ejus: unde sicut libertas, tamen si voluntati tribuatur ut primo principio, actui tamen intellectus ex subordinatione ad voluntatem communicatur, quia illa est quidam modus illius; ita ob eandem rationem intellectui efficacia motiva communicari potest, licet ratio volitivi illi communicari nequeat.

73 Objicies quædā contra ultimam conclusionem. D. Thomas 2. 2. quæst. 49. art. 6. ad 3. ait: *In rebus ordinatio ad finem quæ includitur in ratione providentiæ, importatur rebus ordinis, & indicij, & præcepti.* Ergo, juxta D. Thomam, providentiæ & consequenter prædestinatiō, non consistit adæquate in imperio, sed etiam in consilio & judicio regulante electionem.

74 Respondeo rectitudinem consilij & judicij importari in ordinatione, in qua providentiā consistit, non constitutive & formaliter, sed virtualiter & præsuppositivè: tum quia sine illis rectitudo imperij subsistere nequit: tum etiam quia in actibus anime ordinatis, præcedens claudicatur virtualiter in sequenti. Unde ut docet D. Thomas quæst. 1. de verit. art. 1. ad finem corporis, *In prudentia quodammodo includitur, & voluntas quæ est de fine, & cognitio finis:* quia scilicet uterque actus ad illam supponitur.

75 Objicies ultimò contra eandem conclusionem. Prædestinatio est causa suorum effectuum: Sed imperium subiectionis electionem, non est causa effectuum prædestinationis: nam in vi decreti seu electionis efficacis Dei, illi constituntur futuri: Ergo in imperio electionem subsequente prædestinatio non consistit.

76 Confirmatur primò: Si per impossibile posita electione efficaci non sequeretur imperium, homines essent prædestinati, quia ex vi electionis inalienabiliter gloriam consequerentur: Ergo antecedenter ad illud salvatur prædestinationis efficacia.

77 Confirmatur secundò: Illud imperium cum supponat decretum efficax divinæ voluntatis, eiq; imitatur, non est scientia simplicis intelligentiæ, sed visionis eorum quæ ad finem prædestinationis conducunt: At scientia visionis suum obiectum non causat, sed causatum supponit: Ergo imperium subsequens electionem, non causat prædestinationis effectus, ac proinde in illo prædestinatio non consistit.

78 Ad objectionem, concessa Majori, nego Minorem. Ad cujus probationem distinguo Antecedens: Constituntur futuri, inchoativè, & in ordine intentionis, concedo Antecedens. Completè, & in ordine tam intentionis quàm executionis, nego Antecedens & Consequentiam. Sicut enim in sententia Suaris, & aliorum qui admittunt in Deo potentiam executivam, ab intellectu & voluntate virtualiter distinctam, ex hoc quòd electio divinæ voluntatis sit efficax, non sequitur ex vi illius rem electam constitui completè futuram, ita ut necessarius non sit concursus potentia exequutiva, quæ est posterior ipsa

et quòd solum in suo ordine illam futuram constituat; ita nec in nostra sententia sequitur, necessarium non esse concursum imperij divini, sed solum colligitur illud cum efficaci electione esse infallibiliter connexum.

Ex quo patet solutio ad primam confirmationem: Dato enim illo impossibili, solum inchoativè homines essent prædestinati, non verò formaliter; nec in illo casu gloriam consequerentur, sed solum esset gloria inchoativè futura, non tamquam completè, nec executioni foret mandanda: quia ad executionem & productionem rerum non sufficit electio, seu decretum iniectionis, sed præterea requiritur usus activus, seu decretum executionis, & consequenter imperium illud digens, ut constat ex dictis articulo præcedenti.

Ad secundam, concessa Majori, distinguo Minorem. Scientia visionis suum obiectum non causat, sed causatum supponit: quando est purè speculativa, concedo Minorem. Si scilicet eminenter speculativa & practica, nego Minorem & Consequentiam. Vel secundò distinguo eandem Minorem: Scientia visionis suum obiectum non causat, reduplicativè ut visionis sit, traseat. Ut est practica, & approbationis, nego. Utraque solutio latè fuit exposita in Tractatu de scientia Dei.

## ARTICULUS IV.

*An prædestinatio sit pars subiectiva vel obiectiva divinæ providentiæ?*

## S. I.

*Referuntur sententiæ, & vera eligitur.*

Communis consensus Theologorum est prædestinationem esse partem providentiæ. Ita D. Thomas in 1. dist. 40. quæst. 1. art. 2. & qu. 6. de veritate ar. 1. Quare tota difficultas est in explicando quomodo sit pars, & an comparetur ad illam tanquam pars subiectiva, id est ut inferius essentialè ad superius, ita quòd providentiā ut sic dividatur in quatuor vel quinque attributa virtualiter distincta: scilicet in providentiam naturalem, supematuralem generalè, prædestinationem, reprobationem & providentiam ordinis hypostatice; eo fere modo quo virtus moralis in Deo dividitur in misericordiam, justitiam, liberalitatem, &c. tanquam in diversa attributa, virtualiter inter se distincta. Vel solum sit pars obiectiva illius, ita ut una & eadem providentiā virtualiter indistincta attingat illos tres ordines, naturæ, gratiæ & unionis hypostatice, & solum ratione diversorum obiectorum materialium ad quæ se extendit, diversa nomina fortiaur. Sicut scientia licet sit unicum attributum virtualiter indistinctum, dividitur tamè in scientiam simplicis intelligentiæ & visionis, approbationis & improbationis, &c. per ordinem ad diversa objecta materialia ad quæ terminatur, ut in Tractatu de scientia Dei declaravimus.

Prima ergo sententiā docet prædestinationem ab aliis providentiæ partibus distingui attributaliter, sicut distinguuntur intellectus & voluntas, vel scientia & amor, & cōsequenter comparari ad providentiam ut sic, tanquam partem subiectivam illius. Pro hac sententiā refertur Soto super Epistolam ad Roman. cap. 9. Illam insinuat Molina quæst. præcedenti art. 2. disp. 2. & probat.

babilem reputat Suarez libro 1. de prædestinatione cap. 15. eamque expresse docet Herice<sup>2</sup> disp. 22. cap. 7. Hanc etiam docuisse S. Thomam locis suprà citatis asserunt Vasquez disp. 87. ca. 5. & Alarcon Tractatu 4. disp. 1. cap. 5. num. 10. Sed falluntur, nam in his locis illam ne leviter quidem infirmat S. Doctor, sed solum dicit prædestinationem esse partem divinæ providentiæ: quomodo autem sic pars, ibidem non explicat, sed solum art. 1. hujus quæst. ubi ait: *Prædestinatio quando ad objecta, est quædam pars providentiæ.* Unde

- 83 Secunda, & vera sententia, quæ in Schola Thomistarum communis est, asserit providentiam Dei esse unicum attributum, virtualiter indistinctum, & dividi in providentiam naturalem, supernaturalem generalem, prædestinationem, reprobationem & providentiam ordinis hypostatici, tanquam in diversas partes objectivas, & per ordinem ad diversa connotata materialia. Ita Cajetanus, Banez, Nazarius, & alii, quos referunt & sequuntur Salmanticenses, cum quibus

Tract. 5.  
disp. 5.  
dub. 3.

Dico primò: Providentiam Dei esse unicam, simplicissimam, & virtualiter indistinctam, subindeque prædestinationem non esse partem subiectivam illius, nec ad illam comparari ut inferitis essentialia ad superius univocum vel analogum.

- 84 Probatnr conclusio ratione fundamentali. Unitas aut diversitas providentiæ desumitur ex fine ultimo intento ab ipso provisorio, & non ex finibus particularibus rerum provisarum: Sed tantum est unus finis intentus à Deo in providentia omnium rerum: Ergò tantum est una providentia. Major patet, tum ex D. Thoma 2.2. quæst. 50. distinguente providentiam regalem, militarem, & economicam, ex diversis finibus provisoris, & non ex finibus intermediis & particularibus rerum provisarum. Tum etiam, quia providentia regalis & monarchica apud homines est unica in specie atoma, quia respicit omnia sub ratione unius finis universalissimi, qui est bonum totius regni. Addo, quòd si unitas aut diversitas providentiæ, ex finibus particularibus rerum provisarum desumeretur, tot essent providentiæ specie distinctæ, quot sunt fines particularibus rerum, distincti secundum speciem; & alia esset providentia secundum speciem pro animalibus, alia pro cælis, alia pro hominibus; quod nullus unquam dixit. Minor autem probatur: Finis Dei ultimus in productione, conservatione, vel mutatione omnium rerum, est communicatio suæ bonitatis, & manifestatio suæ gloriæ: juxta illud Pauli 1. ad Corinth. 3. *Omnia vestra sunt, vos autem Christi, Christus autem Dei.* Quo loco intendit Apostolus, quòd omnia creata & creanda in mundo, sunt propter electos, electi propter Christum, & ultimatè omnia propter gloriam Dei: Sed iste finis, ut patet, est unicus: Ergo est unicus finis in providentia omnium rerum à Deo ultimatè intentus.

- 85 Confirmatur primò: Esti effectus per omnipotentiam producti sunt plures, omnipotentia tamen est una, absque virtuali discrimine, prout ad omnes extenditur, quia omnes conveniunt in ratione communi creabilis, quæ est objectum qua si formale omnipotentis Dei. Similiter quamvis plura fiantur à Deo, scientia Dei est una, ex eo quòd omnia sub eadem ratione scibilis adveniunt, scilicet essentis divinæ, quæ est Deo ra-

tio objectiva sciendi creaturas. Item quamvis scitibilia per divinam artem sint plura, quæ tamen omnia sub ratione scitibilis conveniunt, ratio artis non multiplicatur virtualiter in Deo. Deniq; lex æterna una est, virtutem distinctionem excludens, ut docet D. Thomas 1.2. quæst. 95. art. 1. quia licet plura sint quæ jubet & prohibet, omnia tamen ordinantur ad bonum commune, ad quòd lex dirigit per modum regulæ. Ergo pariter, quamvis plura provideantur à Deo, quia tamen omnia adunantur in ordine ad finem communem (ostensionem scilicet bonitatis Dei, & divinæ gloriæ manifestationem) providentia Dei una erit, absque virtuali discrimine.

Quod potest magis declarari & confirmari: Sicut lex æterna dirigit per modum regulantis, ita providentia per modum ordinantis: At licet regulata per legem æternam diversa sint, & fines particulares inter se differant, quia tamen omnia adunantur in ordine ad bonum universale, cadunt sub eadem lege virtualiter indivisibili: Ergo quamvis ordinata ad finem providentiæ, inter se distinguantur, & particulares fines diversos inspiciant, quia tamen omnia adunantur in ordine ad finem universalissimum provisoris, providentia erit una.

Confirmatur ampliùs: Licet idem multiplicentur in Deo, quia significantur ut objectum intellectus, sive ut id quòd à Deo intelligitur; ars tamen & scientia non multiplicantur, quia significantur ut id quòd Deus intelligit, ut docet D. Thomas suprà quæst. 15. art. 2. ad 2. At providentia significatur non per modum objecti intellecti, sed ut id quòd Deus practicè intelligit & ordinat de agendis in finem: Ergo est una, nedum formaliter, sed etiam virtualiter.

Dico secundò: Prædestinationem esse partem objectivam providentiæ divinæ.

Probatnr breviter: Ideo Tractatus de celo verbi gratiæ, est pars objectiva Philosophiæ naturalis, quia cum ejus objectum sit ens mobile in sua latitudine, Tractatus de celo agit de quodam mobili in particulari, sub ente mobili ut sic contento particulariter: Sed divina providentia ad omnia providenda se extendit, secundum ordinem quem dicitur ad finem, ostensionem scilicet attributorum Dei: prædestinatio verò solum erga media efficaciter ad gloriam conducunt versatur, quæ sub ratione medii ordinabilis ad finem illum universalissimum, ut partes continentur: Ergo est pars objectiva divinæ Providentiæ.

## §. II.

### Solvuntur obiectiones.

Obijcies primò: In Deo sunt plures species relationum realium, scilicet paternitas, filiatio & spiratio. Plures species virtutum moralium: nempe misericordia, justitia, liberalitas mansuetudo, &c. Plures idem specie diversæ, ut colligitur ex D. Thoma supra quæst. 15. artic. 2. Quidni ergo etiam poterunt in illo admitti plures providentiæ virtualiter inter se distinctæ?

Confirmatur primò: Virtutes morales non desumunt suam entitatem & specificationem à fine ultimo ad quem ab operante ordinantur, sed à fine proximo quem immediatè respiciunt, ut docent Theologi in Tractatu de virtutibus: Ergo licet providentiæ finem ultimum provisoris respici-

spiciat, non sequitur illam esse unicum attributum virtualiter indistinctum.

91 Confirmatur secundò: Quæ sunt diversi ordinis, essentialiter, aut saltem virtualiter distinguuntur: unde Deus ut author naturalis, virtualiter distinguitur à seipso ut est author supernaturalis: Sed providentia naturalis & prædestinatio sunt diversi ordinis: Ergo saltem virtualiter distinguuntur.

92 Ad objectionem respondeo, concessio Antecedente, negando Consequentiam & paritatem: Nam relationes plurificantur in Deo ob diversam oppositionem propter quam realiter distinguuntur, quæ oppositio non invenitur inter providentiam & prædestinationem. Virtutes morales virtualiter in Deo distinguuntur, quia illæ non specificantur à fine ultimo quem ex parte operantis, & imperativè respiciunt, sed ab objectis propriis: iustitia à iure unicuique; servando, misericordia ab aliena miseria sublevanda, &c. quæ cum sint objecta diversa formaliter, specificant virtutes realiter in nobis distinctas, & in Deo virtualiter, quatenus iustitia divina respicit Dei dignitatem prout continet objectivè honestatē iustitiæ creatæ, & misericordia divina bonitatē Dei attingit, prout est ratio sublevandi alienam miseriam. Providentia autem quia virtus est ordinativa universalissimi provisorii, finem universalissimum respicit, à quo accipit unitatem nedom formalem, sed etiam virtutalem.

Deniq; ut colligitur ex D. Thoma supra qu. 15. art. 2. ad 2. Inter ideam & providentiam notabile intercedit discrimen. Nam providentia se tenet ex parte Dei providentis & intelligentis, & significatur ut id quod Deus practicè intelligit & ordinat de agendis; unde cum divino intellectu communisurari debet quoad unitatem in modo attingendi proprium objectum, ac proinde sicut intellectus divinus absq; virtuali diversitate sufficiente ut dicantur plures intellectus, in Deo omnia attingit quæ sub objecto proprio continentur: ita providentia, absq; virtuali diversitate ad omnia se extendit, quæ comprehenduntur sub ratione ordinabilis in finem inspectum ab illa. Idea verò se tenet ex parte objecti intellecti, & significatur ut id quod à Deo intelligitur: unde non cum intellectu, sed cum objecto proportionatur quoad unitatem vel diversitatem; atq; adeò cum objecta à Deo intellecta plura sint, plures etiam dantur idex in Deo.

Ad primam confirmationem dicendum quòd 93 licet aliquæ virtutes morales specificentur in nobis à fine proximo: ut iustitia, misericordia, clementia, &c. Tamen dantur aliquæ, quæ ex propria ratione habent respicere finem ultimum, & ab illo unitatem & specificationem desumunt: ut charitas, providentia regalis, & a fortiori providentia divina.

Ad secundam distinguo Majorem: Quæ sunt diversi ordinis ex parte ejus quod in recto & formaliter dicunt, distinguuntur saltem virtualiter concedo Majorem. Quæ sunt diversi ordinis ex parte ejus quod de connotato & materialiter important, nego Majorem. Unde ad Minorem respondeo providentiam divinam non esse diversi ordinis à prædestinatione, ex parte formaliter importati, sed tantum ex parte materialiter connotati: quia etiam ratione, Deus ut author supernaturalis, non distinguitur virtualiter à seipso ut authore naturali, quia hæc distinctio solum petitur ex parte diversorum effectuum quos

producit, & non ex parte ipsius omnipotentia.

Obijcies secundò: Pars subiectiva dicitur illa quæ addit aliquid supra rationem communem & superiorem: Sed prædestinatio addit aliquid supra providentiam generalem, scilicet efficaciam mediorum, & consecutionem finis, ut infra dicemus: Ergo est pars subiectiva, & non tantum objectiva divinæ providentiæ.

Respondeo distinguendo Majorem. Quæ addit aliquid se tenens ex parte rationis formalis, concedo Majorem. Se tenens solum ex parte objecti seu connotati materialis, nego Majorem. Similiter distinguo Minorem, & nego Consequentiam. Itaque non omnis additio ad aliquid facit partem subiectivam, sed additio ad rationem formalem & per se. Nam intellectus practicus addit aliquid supra intellectum, scilicet ordinem ad operationem, & tamen non est pars subiectiva illius, quia ratio practici se tenet tantum ex parte objecti materialis intellectus, non autem ex parte objecti formalis. Item scientia visionis vel approbationis in Deo, addunt aliquid supra scientiam ut sic, scilicet præsentiam objecti in mensura propria vel superiori æternitatis, & decretum seu beneplacitum divinæ voluntatis; & tamen non sunt partes subiectivæ, sed objectivæ tantum divinæ scientiæ. Cum ergo efficacia mediorum & consecutio gloriæ, quas addit prædestinatio supra providentiam generalem, non sint aliquid se tenens ex parte rationis formalis divinæ providentiæ, quæ est respicere finem ultimum simpliciter ipsius provisorii, prædestinatio non est pars subiectiva, sed tantum objectiva divinæ providentiæ.

Obijcies tertio contra secundam conclusionem: 97 Partes objectivæ alicujus virtutis vel habitus, sunt ejusdem rationis & conditionis: Sed prædestinatio non est ejusdem conditionis ac aliz partes divinæ providentiæ: Ergo non est pars objectiva illius. Major constat: nam omnes conclusiones Theologicæ v.g. quia sunt partes objectivæ habitus Theologici, procedunt ex principiis fidei, & nuntur divinæ revelationi virtuali. Minor verò probatur: Prædestinatio importat infallibilem finis consecutionem, quam non dicunt aliz partes divinæ providentiæ: ut constat in reprobatione, quæ est quædam providentia quæ versatur circa res quæ nunquam consequentur suum finem: Ergo prædestinatio non est ejusdem conditionis & rationis, ac aliz partes divinæ providentiæ.

Respondeo partes integrales vel objectivas alicujus virtutis vel habitus, debere esse ejusdem conditionis essentialis, non tamē semper requiri ut sint ejusdem conditionis accidentalis: hoc autem quod est consecui infallibiliter finē rei provise, non est conditio essentialis, sed tantum accidentalis divinæ providentiæ ut sic, quæ solum respicit essentialiter finem ultimum ipsius provisorii: scilicet gloriam Dei, & divinorum attributorum manifestationem, & hunc semper consequitur, ac proinde in illo omnes ejus partes semper conveniunt.

## ARTICULUS V.

*Corollaria notata digna.*

EX dictis in hac disputatione colliges primò: 99 prædestinationem rectè sic definiri ab Augustino libro de dono persever. cap. 14. Prædestina-



stinatio est præscientia, & preparatio beneficiorum Dei, quibus certissime liberantur quicumque liberantur. In qua definitione, nomine præscientiæ non debet intelligi scientia mediæ, ut contendunt ejus defensores: Tum quia D. Augustinus illam excludit ac reprobavit, non solum quantum ad abusum, sed etiam quantum ad substantiam, & docuit quod Deus prædestinatione suâ ea præscivit quæ fuerat ipse factururus, & quod si futura nostra bona opera præscivit, utique prædestinavit: ut Tractatu de scientia Dei fusè expendimus. Tum etiam quia scientia mediæ, cum sit purè speculativa, non potest dare infallibilitatem & efficaciam necessariam prædestinationi, ut infra ostendemus. Nomine ergo præscientiæ intelligitur scientia Dei practica, seu approbationis, divinæ voluntatis decretò nixa, quæ non supponit, sed facit rerum existentiam & futuritatem, & ad quam pertinet actus divini imperii, in quo prædestinationis essentiam consistere demonstravimus. Additur Preparatio: ut per hoc nomen magis declaretur, quod prædestinatio non est quæcumque præscientia seu cognitio, sed cognitio practica, seu actus imperii quo mediæ ad salutem & vitam æternam conducentia præparantur, ac executioni mandantur. Subjungitur Beneficiorum Dei: hoc est donorum, seu bonorum quæ Deus prædestinatis confert, inter quæ non solum numeratur gratia habitualis quâ iustificantur, sed etiam actualis quâ excitantur, moventur & adjuvantur ad bene operandum ipsæque bona opera quibus gloriam æternam promerentur, ac magnum perseverantiæ donum, quod ut dicit Tridentinum sess. 6. cap. 13. Alium de haberi non potest, nisi ab eo qui potens est, eum qui sit statuere ut perseveraret, & eum qui cadit resistere. Et tandem ipsa gloria, quæ beneficiorum Dei maximum est, & ultimus, ac præcipuus divinæ prædestinationis effectus. Denique dicit Augustinus: Quibus certissime liberantur quicumque liberantur, ut declarem vim & efficaciam intrinsicam auxiliorum gratiæ, quibus electi ad æternam beatitudinem infallibiliter perducuntur; & significet, prædestinationem non nitantur mediis ex se fallibilibus, & moraliter tantum excitantibus, & quæ ex sola præscientia futuri consensûs habeant certitudinem & efficaciam, ut docent defensores scientiæ mediæ, sed auxiliis ex se efficacibus & ex infinita divinæ voluntatis & omnipotentis virtute & efficacia descendentibus: ut enim inquit ipse Augustinus de prædest. Sanct. capite decimo. Quando Deus promissit Abraham fidem & conversionem Gentium, non de nostra voluntatis potestate, sed de sua prædestinatione promissit: promissit enim quod ipse factururus fuerat, non quod homines; quia essi faciant homines bona quæ perveniunt ad colendum Deum, ipse tamen facit ut illi faciant quæ præcepit, non illi faciunt ut ipse faciat quod promissit, &c.

100

Colliges secundo: optimam etiam esse prædestinationis definitionem à Divo Thoma traditam hic articulo primo ubi ait: Prædestinatio est ratio transmissionis creaturæ rationalis in vitam æternam. Prima particula ponitur loco generis, & denotat prædestinationem, sicut & providentiam, esse actum divini intellectus, ut supra ex eodem sancto Doctore monstravimus. Aliæ verò designant triplicem differentiationem, quæ (ut infra ostendemus) inter prædestinationem, & generalem providentiam reperitur. Prima se tenet ex parte subiecti, creaturæ scilicet rationa-

lis, quæ sola est capax beatitudinis. Secunda ex parte finis, scilicet vite æternæ, à prædestinatione inspecti. Tertia sumitur ex efficacia & infallibilitate mediorum, quibus electi ad finem illum infallibiliter transmittuntur & perducuntur: quæ omnia clarè patebunt ex dicendis corollario 4.

Colliges tertio: Spuriæ ac illegitimæ esse hanc prædestinationis definitionem quam tradidit Molina hic art. 1. disp. 1. Prædestinatio est ratio ordinis seu mediorum in Deo, quibus prævidet creaturam rationalem perducendam in vitam æternam, cum proposito eundem ordinem exequendi. Nam præterquam quod hæc definitio longissima est, & propterea non parum viciosa, illa tacite inculcat scientiam mediæ; quia dicit esse ordinem mediorum quibus Deus prævidet, non autem dicit quibus Deus præparat creaturam rationalem: prævisio autem mediorum, sine præparatione à Deo facta, est scientia mediæ. Augustinus autem dicit, quod prædestinatio est præscientia & preparatio beneficiorum Dei, & non solum præscientia. Præterea cum scientia mediæ sit ad summum questio problematica, & sub litigio, & disputatione Theologorum relicta, eam in descriptione prædestinationis inferere, ejusque definitionem præscientiæ illi futuri nostri consensûs exploratrice inspicere, est velle res dubias & disputabiles, voluntarij definitione terminare.

Colliges quarto: Inter prædestinationem & providentiam plura reperiri discrimina. Primum est, quod subiectum prædestinationis est sola creatura rationalis; providentiæ autè subiectum est omnis creatura: quia illa respicit beatitudinem supernaturalem, cujus capacitas in sola creatura rationali invenitur; illa verò quoscunque essectus ab omnipotentis productos, quorum aliz creaturæ sunt capaces.

Secundum est, quod prædestinatio respicit finem, à superexcedentè facultatem rationalis creaturæ: Providentiæ autè superexcedentiam istam non petit, sed circa quemlibet finem, live naturalem, live supernaturale versatur, mediæ ad illum ordinando, ut docet D. Thomas hic art. 1. & q. 6 de ver. ar. 1. in corp. cujus verba statim referemus.

Præterea difficultas est & controversia inter Theologos, an prædestinatio à providentiâ distinguiatur, per hoc quod illa est infallibilis, non solum quoad ordinem mediorum in finem, sed etiam quoad actualem ipsius consecutionem: ista verò solum petat infallibilitatem ordinis, non verò affectuonis finis. Partem negativā tenent Cajetanus & Bannez quæst. præcedenti artic. 1. & Alvarez li. 4. de auxil. disp. 3. & sequenti, asserentes providentiam divinam non solum quoad ordinem mediorum, sed etiam quoad actualem finis consecutionem, esse infallibilem. Sententia tamen affirmativa quam tunc tenent Capreolus in 1. dist. 40. quæst. 1. art. 1. Ferrariensis 3. contra Gent. capite 94. Nazarius quæst. præcedenti articulo 1. Gonzales & Marcus à Serra, videtur verior, & doctrinæ Divi Thomæ conformior. Nam S. Doctor quæst. 6. de verit. art. 1. in corp. duplicem prædestinationis à generali providentiâ differentiationem exponens, sic ait: Prædestinatio quantum ad duo à providentiâ differt: providentiâ enim dicit universaliter ordinationem in finem, unde se extendit ad omnia quæ à Deo in finem aliquem ordinantur, sive sint rationalia; sive irrationalia, sive bona, sive mala. Prædestinatio autem respicit tantum illum finem qui est prin-

*principali rationali creatura, utpote gloriam: & ideo prædestinatio non est nisi hominum, & eorum qua spectant ad salutem. Differre etiam alio modo: In qualibet enim ordinatione ad finem est duo considerare, scilicet ipsum ordinem, & exitum vel eventum ordinis: non enim omnia qua ad finem ordinantur, finem consequuntur: providentia ergo ordinem in finem respicit tantum, unde per Dei providentiam omnes homines ad beatitudinem ordinantur; sed prædestinatio respicit etiam exitum vel eventum ordinis, unde non est nisi eorum qui gloriam consequuntur. Idem docet in 1. dist. 40. quæst. 1. art. 2. in corp. & ibidem ad Annibaldum quæst. unica art. 1. Ergo ex mente D. Thomæ, de conceptu & ratione providentiæ non est infallibilitas eventus seu consecutionis finis, bene tamen de ratione prædestinationis.*

*Eadem veritas hac ratione suadet: Reprobi per generalem providentiam ordinis supernaturalis ordinantur ad gloriam, eique conferuntur, vel saltem offeruntur à Deo auxilia sufficientia quibus illam adipisci possunt, ut Tractatu præcedenti ostendimus. At reprobi gloriam nunquam consequuntur: Ergo de ratione generalis providentiæ non est infallibilis affectio finis ad quem creatura ordinatur.*

*Confirmatur: Providentia efficaciam accipit ex voluntate finis quam supponit: Ergo sicut abique imperfectione constituitur in Deo duplex voluntas respectu finis ad quem homines ordinantur: una antecedens & inefficax, quæ vult omnes homines salvos fieri; altera consequens & efficax, quæ solum vult prædestinatos salvari, ut loco citato demonstravimus. Ita etiam abique imperfectione duplex providentia in Deo admitti potest: quarum una sit efficax, & altera inefficax ad finis consecutionem; & consequenter de ratione omnis providentiæ non est affectio finis particularis ad quem Deus ordinat creaturam. Dixi, Finis particularis, quia omnis providentia habet annexam alicujus finis consecutionem: in omni enim providentia Deus suam bonitatem, vel justitiam, aliaque attributa ostendit: manifestatio autem attributorum est finis ultimus à providentia inspectus; omnis tamen providentia non infert infallibiliter consecutionem finis ad quem ipsa creatura ordinatur, ut constat in reprobatione, quæ est quædam providentia quam Deus habet circa aliquos homines, qui nunquam æternam beatitudinem consequuntur.*

*Dices: D. Thomas quæst. præcedenti art. 4. ad 2. ait: In hoc est immobilis & certus divina providentia ordo, quod ea qua ab ipso providentur, cum ea eveniunt eo modo quo ipse providet, sive necessarii, sive contingenter. Et in resp. ad 3. assentit quod Divina providentia non deficit à suo effectu, nec à modo eveniendi quem providit. Et 3. contra Gentes cap. 94. docet ordinem divine providentiæ immutari non posse, & providentiam non posse à suo effectu cassari. Ergo juxta D. Thomam, de ratione providentiæ est infallibilitas non solum ordinis mediorum ad finem, sed etiam eventus consecutionis finis.*

*Respondet primò cum Ferrariensi, ubi supra: D. Thomam loqui in sensu permissivo, quatenus providentia in aliqua sui parte, nempe in prædestinatione, habet annexam utramque infallibilitatem ordinis & eventus; non autem quod de conceptu providentiæ ut sic sit utraque infallibilitas. Vel secundò dicatur cum eodem ibidem: quæ à Deo providentur, non esse finem, sed media: nam licet finis in executione sit effe-*

*ctus providentiæ, non tamen est immediatè provisorius ab illa, sed effectus mediorum quæ ordinantur ad finem: circa media autem immutabilis est divina providentia, & quoad hoc verum est illam nunquam frustrari vel cassari, nam eo ipso quod provideat de mediis, infallibiliter illa ponitur in esse: quia tamen aliquando confert media tantum sufficientia, aliquando verò efficacia, consequens sit quod non semper annexam habeat finis affectuionem; & sic intelligendum est id quod de providentia Dei canit Ecclesia: *Demum providentia in suis dispositionibus non fallitur.**

*Instabis: Ad perfectissimam providentiam spectat non solum ordinatio mediorum, sed etiam finis affectio: Atqui providentia Dei in summo gradu perfectionis existit: Ergo de ratione illius non solum est ordinatio mediorum, sed etiam finis affectio.*

*Respondeo ex eodem Ferrariensi, distinguendo Majorem. Ad perfectissimam providentiam, supponentem voluntatem finis consequentem & efficacem, concedo Majorem. Supponentem voluntatem finis inefficacem & antecedentem, nego Majorem. Unde cum providentia Dei generalis non supponat voluntatem consequentem, sed solum antecedentem de salute omnium hominum, ut supra diximus, quamvis sit perfectissima, non debet tamen habere infallibiliter annexam ipsius finis consecutionem; sicut prædestinatio, quæ supponit voluntatem consequentem & efficacem circa salutem electorum.*

*Urgebis: Voluntas consequens mediorum non potest oriri nisi ex voluntate consequenti finis; sicut electio efficax mediorum necessarii supponit efficacem intentionem finis: Sed providentia Dei generalis supponit voluntatem consequentem mediorum, cum sit efficax ad illorum positionem, & eaque de facto ponat & conferat: Ergo illa supponit voluntatem consequentem & efficacem finis, & non solum antecedentem & inefficacem.*

*Respondeo distinguendo Majorem. Voluntas consequens mediorum efficaciam ad finem, non potest oriri nisi ex voluntate consequenti illius, concedo Majorem. Voluntas consequens mediorum tantum sufficientium, nego Majorem, & sub eadem distinctione Minoris, nego Consequentiam: quia providentia inefficax ad finem, non supponit voluntatem consequentem mediorum efficaciam, sed tantum sufficientium.*

*Ex dictis etiam in hujus disputationis decursu facile intelliges, quomodo sint ordinandi actus divini intellectus & voluntatis, ad prædestinationis negotium pertinentes. Nam sicut in nobis antequam alicquem finem consequamur, debet primò præcedere cognitio finis. Secundò ejus intentio. Tertiò actus consilii de mediis eligendis. Quartò judicium, seu sententia quæ judicatur quæ media sint utilia, quæ inutilia. Quintò proponuntur media voluntati ut eligat. Sextò voluntas eligit quæ sibi magis placent. Septimò juxta D. Thomam supra relatum, intellectus imperat executionem mediorum. Octavò voluntas applicat potentias executivas, qui actus vocatur usus activus. Deinde sequitur executio, seu, usus passivus. Idem proportionaliter, & seclusis imperfectionibus, in Deo reperitur. In primis enim Deus scientiâ simplicis intelli-*



gentiæ cognovit omnia possibilia, & inter ea cognovit tres ordines rerum: scilicet naturæ, gratiæ, & unionis hypostaticæ, secundum quos potuit se communicare. Cognovit etiam omnia media quibus potest obtineri quilibet finis proprius istorum ordinum; & inter alia cognovit naturam & virtutem auxiliorum efficacium ordinis gratiæ, & infallibilem connexionem quam sine læsione libertatis habent cum actibus liberis pro quibus conferuntur. Supposita istâ generali cognitione, secundum intelligimus Deum voluisse ostensionem suæ bonitatis, secundum communicationem illius triplicis ordinis; taliter tamen ordinatam, quod prius voluerit Incarnationem,

& inter alia pro gloria Christi voluit beatificare aliquas creaturas rationales; & licet beatitudinem illarum voluerit, ut medium respectu gloriæ Christi, illam tamen voluit ut finem utriusque ordinis naturæ & gratiæ. Tertiò, quia istam beatitudinem voluit efficacie aliquibus ex creaturis rationalibus, & non aliis, quod est diligere & eligere eas, ut explicat D. Thomas hic art. 4. idèd tunc intelligitur quidam creaturas rationales præ aliis dilexisse & elegisse ad beatitudinem. Præterea, quia media perducunt illas creaturas ad beatitudinem, poterant esse diversa. Quartò judicavit bonum esse illas ad eam perducere per ista media determinata, & non per alia; & tunc quidò voluntas Dei accepit & elegit ea. Sextò intellectus divinus ex motione voluntatis imperavit illa executioni mandati, post quem actum fuit in voluntate divina usus activus, seu decretum executivum de mediis in tempore exequendis, & tandem in tempore fuit facta executio. Cum autem Deus sit actus purissimus, & omnis potentialitatis, & compositionis expertus, hi actus non possunt distingui realiter, aut formaliter, sed tantò virtualiter, vel per ordinem ad diversa objecta & connotata materialia ad quæ terminantur; quo etiam modo le invicem præcedunt, & habent rationem prioris & posterioris, ut libet exposuimus.

Potèd hæc non agimus de omnibus causis prædestinationis; nam satis constat ex dictis, solum Deum esse causam efficientem illius, manifestationem divinarum perfectionum, causam finalem. Actum divini imperii transmittens creaturam intellectualem in finem vitæ æternæ, causam formalem. Et tandem creaturam rationalem, sive intellectualem, esse causam materiale, sive materiam circa quam illa versatur. Unde hic solum disputandum erit de causa motiva prædestinationis, & discutendum, an illa sit divina bonitas, & gravis ejus dilectio circa electos, vel præscientia futurorum meritorum?

## ARTICULUS I.


*An electio efficax prædestinatorum ad gloriam sit pure gratuita, & merita prævisa antecedit, & supponat?*

**H**æc celeberrima controversia non procedit de prædestinatione secundum suam rationem essentiali consideratam, & prout importat actum divini imperii, in quo suprà ostendimus essentiam prædestinationis consistere; sed de illa, prout dicit electionem efficacem salvandorum, quæ ad actum imperii præimponitur. Unde consilio diximus in titulo hujus articuli: *An electio efficax prædestinatorum ad gloriam sit.*

### §. I.

*Premittuntur quæ apud omnes sunt certa, & refertur sententia.*

**I**n hac questione duo certæ & ineluctabiles fidei tenenda sunt, & aliud in controversiam revocatur. In primis de fide certum est, & in multis Conciliis contra Pelagianos definitum, electionem hominum ad primam gratiam & vocationem, esse omnino gratuitam, & à meritorum præscientia independentem, ut egregie demonstrat D. Augustinus cap. 15. de prædest. Sanctorum, exemplo Christi, quicum sit nostræ prædestinationis exemplar, prædestinatus est ad gratiam unionis, absque ullis præcedentibus meritis, & ex sola gratuita Dei electione & dilectione. Est (inquit) prædestinatus lumen prædestinationis & gratia ipse Salvator, ipse mediator Dei & hominum homo Christus Iesus, qui ut h. esset, quibus tandem suis, vel per ipsum, vel per alios præcedentibus meritis, natura humana quæ in illo est comparavit? Respondetur quæstio: ille homo ut à Verbo Patri coeterno in unitatem personæ assumptus, Filius Dei unigenitus esset, unde hoc meruit? Quod ejus bonum qualecunque præcisi? quid egit ante quid, credidit quid prævisit, ut ad hanc ineffabilem excellentiam perveniret? Et tandem circa finem capitis, sic concludit. Sicut ergo prædestinatus est ille unus, ut caput nostrum esset, ita & multi prædestinati sumus, ut membra ejus essemus. Humana h. merita conficiant quæ perierunt per Adam, & regnet quæ regnat Dei gratia per Iesum Christum Dominum nostrum. Quæque in capite nostro præcedentia merita singulari illum generationis invenit, ipse in nobis membris ejus, præcedentia merita multiplicata regenerationis inquirat. Neque enim retribuitur illi Christo illa generatio, sed tribuitur. Sic & nobis ut ex aqua & spiritu renasceremur, non retribuitur illi pro aliqua merito, sed gratis tribu-



## DISPUTATIO II.

*De causis prædestinationis.*

**U**bi fons Nili erumpat, quæ prima tanti fluminis origo? tot curiosi scrutatores, frustrato semper labore inquisierunt; ut iure addivertat & impossibilia, olim proverbialiter jactaretur, fontes Nili invenire. Unde egregie Lucas lib. 10.

*Arcanum naturæ caput non prodidit ulli;*

*Nec levis populi parvum te Nile videre,*

*Amovique sinus, & Gentes maluit ortu*

*Mvari, quam nescire tuos.*

Sed longè aliorum & secretior est divinæ prædestinationis origo, & unde fluat fluminis illius imperius, qui lætificat civitatem Dei, unde inquam hoc divinæ gratiæ flumen oriatur, difficile est explorare; nec ejus origo sciri potest, nisi ab eodem spiritu, qui solus addidit nos divini cordis recessus scrutatur. Ejus ergo revelationi humiliter insistentes, divinæ prædestinationis causas & originem, juxta Scripturæ Sacræ, SS. Patrum, præsertim Augustini & Thomæ, dogmata nunc inquirimus.

tum. Non putare debemus priores nos dedisse aliquid, ut retribuatur nobis regeneratio salutis. Ille facit in hominibus principium fidei, & perfectionem in Iesum, qui fecit dominum & perfectorem Iesum.

2. Secundum quod etiam fide catholica sancitum est, & in Tridentino contra hujus temporis hæreticos definitum est, prædestinationem in ordine executionis, à meritis & bonis operibus dependere, saltem in adultis, quibus beatitudo confertur, non solum titulo hereditatis, sicut parvulis; sed etiam titulo præmii & mercedis, & tanquam corona iustitiæ, ut loquitur Apostolus. Sicut enim gratia definit esse gratia, si detur ex meritis, ita & præmium cessat habere rationem præmii & coronæ, si merè gratis, & nullis præcedentibus meritis conferatur.

3. In his conveniunt omnes Catholici, sed gravis difficultas est, & multorum ingeniorum tortura, an ipsa electio prædestinatorum ad gloriam, seu intentio & volitio efficax quam Deus habet dandi gloriam electis, & per quam illos discedit à reprobis, quæ à quibuldam, *Decretum innotivum*, appellatur, supponat merita prævisa, & ab illis pendeat tanquam à causa motiva, cuius intuitu Deus incitetur & moveatur ad illos eligendos præaliis? An verò illa sit purè gratuita, & extola Dei liberalitate & bonitate præcedens, nec supponat merita & bona opera prævisa ut motivum eligendi, sed potiùs illa respiciat ut effectus à se derivatos & procedentes. U. no verbo punctus difficultatis est, an Deus incipiat discernere prædestinatum à non prædestinato, per electionem ad gloriam, & deinde subsequatur electio ad gratiam, & ad media quibus infallibiliter gloriam consequetur? Vel an priùs eligat unum præalios ad gratiam, & ad media, seu merita, & postea ad gloriam?

4. In qua difficultate tres reperio sententias. Prima docet electionem efficacem prædestinatorum ad gloriam, merita prævisa supponere, & ab illis ut à causa motiva dependere: unde pro priori ad prævisionem meritorum, solum recognoscit in Deo voluntatem inefficacem dandi gloriam, prædestinatis & reprobis communem. Ita censent Molina, Vazquez, Lessius, Becanus, & alii Recentiores.

Secunda sententia, quæ est Catharini, distinguit inter eximè sanctos, & alios non ita evectæ sanctitatis, asseritque illos magis meritorum prævisionem efficaciter eligi ad gloriam, istorum verò efficacem electionem merita prævisa supponere.

Tertia absolute docet prædestinationem non fieri ex prævisis meritis, nec illa ut motivum, sed ut effectus à se causatos respicere. Ita præter Thomistas docent celeberrimos ex Societate Doctorum, Toletus, Suarez, Granado, Henriques, Salmeronius, Ruizius, Maldonatus, Petavius, Typhanius, & Bellarminus lib. 2. de gratia & libero arbitrio cap. 1. ubi asserit hanc sententiam esse traditionem universæ Ecclesiæ; *Quamvis enim* (inquit) *aut exortam hæresim Pelagianæ veteres Patres questionem illam non adeo accurate tractaverint, sed tantum occasione oblatâ, breviter sententiam suam aperuerint, ut S. Augustinus docet libro de bono persever. cap. 20. qui tamen cap. 10. Cyprianum, Ambrosium, & Nazanzum pro hac sententiâ citat. Ceterum post illam hæresim exortam, omnes omnino qui sanctitatis nomine in Ecclesia clauerunt, hanc ipsam sententiam aperte docuerunt, ut perspicuum est ex S. Augustino in libro de prædestinatione Sanctorum, &*

Tom. II.

A de bono perseverantia, in libro de correctione & gratia, in Epistola 205. ad Sixtum, & alibi passim, ex S. Prospero in 2. libro de vocatione gentium cap. 1. & ultimo, in libro contra Colliorem, & in responsione ad capitula Gallorum, ex S. Fulgentio in libro de Incarnatione & gratia Christi. S. Gregorio lib. 1. Dialogorum cap. 33. S. Anselmo, Beda, Primasio, Sedulio, & aliis in cap. 9. ad Roman. S. Bernardo serm. 23. & 78. in Cantica, S. Thoma 1. p. quæst. 23. & S. Bonaventura in 1. sent. dist. 41. quæst. 2. Neque solum sanctissimi Patres hoc affirmant, sed antiquiores & doctores ex ipsis, quos ceteri postea secuti sunt, ad fidem Catholicam hanc sententiam pertinere tradunt, & contrarii ad Pelagianos rejiciunt. Notabo aliqua loca, ut si qui fortè contra sententiam, intelligant ex iudicio sanctissimorum Patrum, in quo manifesto errore versentur. Et postea referre testimonia Augustini, Prosperti, Petri Diaconi, Fulgentii, Cælestini, Leonis, & Gelasii, ac tandem sic concludit: Itaque Sedes Apostolica, non tantum semel, sed etiam secundo & terro adversus Pelagianorum reliquias, pro defensoribus gratiæ, prædestinationis sententiam tulit, ut jam hæc sententia, non quorumvis Doctorum opinio, SED FIDES ECCLESIAE CATHOLICÆ DICI DEBEAT. Hæc Bellarminus. Ex quibus patet quàm insipienter & inconsideratè, Recentiores aliqui, sententiam de gratuita prædestinatione, ad Calvinismum, vel Jansenismum pertinere dicant: eùm Doctissimus ille Cardinalis asserat, illam ad fidem Catholicam pertinere, & non quorumvis Doctorum opinionem, sed Catholicæ Ecclesiæ fidem dici debere, omnesque omnino qui sanctitatis nomine in Ecclesia clauerunt, hanc ipsam aperte docuisse sententiam, & contrariam ad Pelagianorum errorem rejecisse. Et certè sine ingenti temeritate negari nequit, sententiam illam de gratuita prædestinatorum electione ad gloriam, maximum in Scriptura & SS. Patribus, præsertim Augustino & Thoma, habere fundamentum, ut constabit ex dicendis paragraphis sequentibus.

B

C

## D §. II.

Electio gratuita prædestinatorum ad gloriam, auctoritate Scripturæ sacrae firmatur.

Dico igitur: Electionem Prædestinatorum ad gloriam non fieri ex prævisis meritis, nec illa respicere ut motiva quibus Deus inducat ad illos eligendos, sed ut effectus ab ipsa derivatos, & ad illam subsequentes. Hanc conclusionem tam sepe, & tam disertè docent sacrae literæ, ut mirari satis non possim, quomodo à Catholicis Doctore revocari possint in dubium. Omnis tamen pluribus testimoniis, ista tantum brevitatis causâ exponam,

Primum habetur Lucæ 12, his verbis: *Nolite timere pusillus grex, quia complacuit Patri vestro dare vobis regnum.* Ubi Christus loquitur de electione efficaci prædestinationis propria, ut indicant illa verba, *Pusillus grex*, quibus datur intelligi, solum cum prædestinatis esse sermonem, qui pusillus grex appellatur, comparatione numeri reproborum. Constat secundo, quia Christus intendebat illos exhortari ut deponerent curam temporalium; quia si complacuit Patri dare cælestè regnum, quantò magis de necessarii ad præsentem vitam curam habebit: si autem loqueretur de simplici complacentia regni cælestis, non rectè id suaderet, cum ex illa non sequeretur effectus. Loqui autem de electione ad glori-

con-

constat ex nomine regni: sola enim gloria nomen regni absolute meretur. Quod autem prævisum merita antecedit, indicat nomen patris, quo Deus non insignitur quando ex meritis movetur, sed nomine iusti iudicis, juxta illud 2. ad Timot. 4. *testificatio est mihi corona justitiae, quam reddet mihi Dominus in illa die iustus iudex.* Super quem locum videatur Nicolaus de Lira.

7 Secundum testimonium sumitur ex Apostolo ad Ephel. 1. ubi gratuitam Dei prædestinationem mittit in modum commendat, his verbis: *Benedictum Deus & Pater Domini nostri Iesu Christi, qui benedixit nos in omni benedictione spirituali in caelestibus in Christo, sicut elegit nos in ipso ante mundi constitutionem, ut essemus sancti & immaculati in conspectu eius, in hereditate. Qui prædestinavit nos in adoptionem filiorum per Iesum Christum in ipso, secundum propostum voluntatis sue, in laudem gloriae gratiae suae &c.* Quo loco loqui Apostolum de electione ad gloriam in se, non verò ad gratiam, quæ est gloria virtualiter & in semine, patet. Tum quia loquitur de illis quos benedixit Deus omni benedictione spirituali in caelestibus: gratia autem quæ est reprobis, & prædestinatis communis, nec est omnis benedictio spiritualis, quia deest ei perseverantia ultima, & glorificatio; nec est benedictio in caelestibus, cum illa deret etiam viatoribus adhuc in terra degentibus. Tum etiam quia Glossa Angelica explicans illa verba, *Propter sanctos, addit, in eterna beatitudine.* Faveat etiam illa verba, *in conspectu eius,* hoc est eum conspicendo, ut explicat D. Thomas ibidem. Hanc ergo electionem prædestinatorum ad gloriam, esse purè gratuitam, & antecedere prævisionem meritum, docet Apostolus: Primum quia ait Deum non eligere, non quia futuri eramus sancti, sed ut essemus sancti, ac proinde ceteris nostram sanctitatem, nostraque merita, non esse motiva, sed effectus divinæ prædestinationis. Unde Hieronymus in illum locum Apostoli: *Non dignetur Paulus & qui ei similes sunt, quia erant sancti & immaculati, sed eliguntur & prædestinantur, ut consequenti vitæ, per opera atque virtutes sancti ac immaculati sint.* Secundò, quia talem electionem tribuit solo beneplacito voluntatis divinæ: *Prædestinavit nos (inquit) secundum propostum voluntatis sue, in laudem gloriae gratiae suae.* Tertio, quia ibidem talem electionem nomine sortis appellat, ad significandum, illam nullam habere causam ex parte nostri, sed ex solo beneplacito divinæ voluntatis pendere, ut infra magis ponderabimus. Unde Augustinus de prædest. Sanct. cap. 18. versans illum locum Apostoli: *Elegit nos (inquit) Deus in Christo ante mundi constitutionem, prædestinavit nos in adoptionem filiorum &c.* Fecit hoc secundum sapientiam voluntatis sue, ut nemo de sua, sed de illius erga se voluntate glorietur. Fecit hoc secundum divitiarum gratiae suae, secundum bonam voluntatem suam, quam proposuit in dilectionis suo, in quo sortem consecutus sumus, prædestinatis secundum propostum, non nostrum, sed eius qui universa operatur.

## §. III.

*Aliud celebre Apostoli testimonium expenditur.*

**A**lterum ejusdem Apostoli testimonium, habetur capite 9. Epistolæ ad Romanos ubi de causa nostræ prædestinationis ex instituto discutitur, eam refert in solam Dei misericordiam voluntatem, eligentis hos, & relinquentis illos; & ad hoc probandum inducit exemplum duorum geminorum, Jacob & Esau, qui cum nondum nati essent, nec aliquid boni egissent aut mali, non ex operibus, sed ex vocante dictum est: *Jacob dilexi, Esau autem odio habui.* Erpaulò post: *Misereror cui miseror, & misericordiam præstabo cui misereror.* (Id est, ut clarè dicunt Exaud. 3. *Misereror cui voluero; & clemens ero in quem non placuerit.*) *igitur non volentis neque currentis, sed misericordiam est Dei.* Et postea: *Cujus vult misereri, & quem vult indurare; scilicet non impatiendo malitiam, sed non impatiendo misericordiam:* inquit Augustinus Epistolâ 10 f. ad Sixtum.

**C** Sed quia hinc videbatur sequi imponendum illud argumentum, quòd videlicet Deus injustè conquiretur de hominibus, si totum hoc ex ejus voluntate penderet: *Voluntati enim ejus quis resistit? Ad illud solvendum inducit exemplum figuli, & addit: O homo tu quis es qui respondes Deo? Nunquid dicit figmentum ei qui se finxit, quid me fecisti? An non habet potestatem figulus lutum ex eadem massa facere aliquid quidem vas in honorem, aliud verò in contumeliam? &c.* Quorum verborum, ut capio, talis est sensus: quòd pro absoluto dominio possit Deus prædestinare quos voluerit, ad ostensionem gloriæ & virtutis suæ, etiam nullâ inæqualitate præcedente; sicut figulus ex eadem massa pro suo placito format vasa ad fines tam distinctos: ita ut quædam usui honorabili deserviant, scilicet ad potum & cibum: alia autem ad turpem, & ad recipiendam excrementa. Unde D. Thomas hunc locum exponens ait: *Deum liberam potestatem habere facere ex eadem corrupta materia humani generis, sicut ex quadam luto, nulli faciendo injuriam, quosdam homines preparatos ad gloriam, quosdam autem in miseria derelictos.* Jerem. 18. *Sicut lutum in manu figuli, ita in manu mea vos domus Israel.*

**E** Aliâ utitur comparatione S. Thomas hic art. 5 ad 3. ubi docet, quòd sicut ex simplici Architecti voluntate pender quòd hic lapis sit in ista parte parietis, ille in alia: ita ex simplici Dei voluntate est quòd iste prædestinatus sit, non verò ille. Concludamus ergo cum eodem Apostolo cap. 11. ejusdem Epistolæ ad Roman. *O altitudo divitiarum sapientie Dei, quam incomprehensibilia sunt judicia ejus! &c.* Vel dicamus cum Tertuliano: *O profundum divitiarum sapientie Dei, ut investigabilia judicia ejus, usque Dei judicis, ita & investigabiles viæ ejus; utique intelligimus & scientia, quæ nemo monstraverit, nisi fortè isti censorum divinitatu, dicentes, sic non debuit Deus, & sic magis debuit.*

## §. IV.

*Præcluditur aditus eversionibus Adversariorum.*

**T**Am clarum & evidens Apostoli testimonium, n. multipliciter conantur eludere Adversarii

Lib. 2.  
contra  
Marci-  
nom.

versarii. In primis enim respondet Molina hic articulo 1. disputatione 5. membro 11. & Lessius de prædestinatione sect. 3. numero 32. Scripturam ibi non loqui de electione Jacob ad gloriam & hereditatem cœlestem, sed solum de electione ad bona temporalia, in quibus Jacob fuit prælatus Esau, & populus Israeliticus Idumæo descendenti ad Esau, ac oraculum illud Malachia Prophetæ fuisse impletum tempore David. 2. Regum 8. ubi dicitur: *Facta est univ. s. Idumæa servienti David.*

10. Sed contra: Licet verba illa Malachia ad litteram intelligantur de ipsis personis Jacob & Esau, vel de populis ab utroque natis, deque eorum temporalis prosperitate ac successu inæquali; tamen certum est illa adduci à Paulo, ad declarandum inscrutabile prædestinationis mysterium, & ad demonstrandum, prædestinationem electionem, & reproborum ejectionem, ex nullis eorum operibus, sed ex solo divinæ voluntatis arbitrio esse; ibique induci Jacob in exemplum omnium electorum, & Esau in typum omnium reproborum, ut tradit Magister in 1. dist. 4. 1. D. Thomas hic art. 3. in argum. *sed contra*, & ad Roman. 9. lect. 2. & Cajetan. ibidem; adduntque hunc esse communem sensum Patrum utriusque Ecclesiæ tam Græcæ quam Latine: de quo etiam videri potest Bellarminus lib. 2. de gratia cap. 10. Unde ex prædicto testimonio demonstratur argumentum efficax ad gratiarum Dei prædestinationem suadendam. Nam sensus spiritualis unius loci Scripturæ probat rem esse de fide, quando in alio loco ejusdem Scripturæ declaratur sensum illum spirituale & mysticum, fuisse intentum à Spiritu sancto: Sicut verbi gratia illud Exodi 12. *Os non comminatus es eo*, licet in sensu literali intelligatur de Agno Paschali, Joan. tamen 19. declaratur illud in sensu spirituali impletum fuisse in Christo, qui per Agnum Paschalem designatus est.

11. Secundò respondet alii cum Valentia: Apostolum in hoc solum excludere opera facta ex viribus naturæ, non verò opera gratiæ: vel solum excludere opera facta, sed non prævisa.

Sed contra. Si Paulus solum excluderet opera facta ex viribus naturæ: & non opera gratiæ prævisa, electio non fieret ex vocante & misericordie Deo, nec secundum propositum Dei, sed ex operibus, & secundum propositum hominum. Item facilis esset solutio hujus questionis, quare Deus elegerit Jacob & non Esau? Statim enim diceretur, hoc idè esse, quia in æternitate prævidit opera Jacob facta in gratia, & non opera Esau; & ita non oportuisset Paulum exclamare, & dicere hanc questionem esse investigabilem, & reducendam ad solam voluntatem & misericordiam Dei, nam posset facile reduci ad differentiam operum. Unde Divus Augustinus variis in locis rejicit utramque hanc responsionem. Nam Epistola 109. ad Sixum, exponens hunc locum Apostoli, irridet secundam solutionem. *Quis (inquit) istum acutissimum sensum desuisset Apostolo non mireris? hoc quippe ille non vidit, quando scribit velut obversantem ovis questionem, non id potius tam breve, tam apertum, tam sicut isti (scilicet Pelagiani) putant, verum absolute: unquam respondit. Hic erat locus discendi quid isti sentiant: non autem hoc dicit Apostolus.* Et libro primo contra duas Epistolas Pelagianorum capite septimo sic ait: *Propter quod profecto discipuli, qui dicente veritate, non ex operibus, sed ex vocante dictum est, vos dicitis ex futuris operibus.*

Tom. II.

A *bus qua Deus illum facturum esse præferebat, Iacob fuisse electum, atque ita contradicere Apostolo dicenti non ex operibus: quasi non posset dicere, non ex prædictis sed ex futuris operibus.*

Primam autem responsionem tangit & impugnat in Enchiridio cap. 98. ubi sic ait circa prædictum locum Apostoli: *Quæ in rescriptura opera, vel bona huius, vel mala illius, quæ Deus utique præferebat, vellet intelligi: nequaquam diceret non ex operibus, sed diceret ex futuris operibus, eoque modo istam solveret questionem, imò nullam, quam solvere eposset, faceret questionem.* Ubi apparet quòd sanctus Augustinus excludit quæcunque bona opera, sive naturæ, sive gratiæ, sive existentia, sive prævisa ut futura ante efficacem electionem prædestinatorum ad gloriam,

B

§. V.

*Mens Augustini aperitur.*

Quamvis ex dictis paragrapho præcedenti non obscurè colligatur veritatem quam profiteamur, esse de mente Augustini, & oppositum sentientes toto obio ab ejus principiis aberrare: quia tamen hujus sancti Doctoris sententia, in materia de gratia & prædestinatione, tantoponderis est & momenti, ut Hormisdas Papa in Epistola ad Possessorem Episcopum, & Joannes II. in Epistola ad Avienum Senatorem, remittant Catholicos ad libros Augustini, ut ibidem videre possint, quid hac in re Romanæ asseveret Ecclesiæ; & Suarez Prolegom. 6. de gratia capite sexto dicat: *Quidquid in hac materia Augustinus ut certum affirmat, & ad dogmata fidei pertinens, à quolibet sapiente & erudito Theologo, tenendum ac defendendum esse: idè hujus S. Doctoris mentem & doctrinam, oportet hinc operosius inquirere, & diligentius investigare.*

In primis ergo sententiam quæ docet electionem prædestinatorum ad gloriam, esse purè gratuitam, & à prævisione meritorum independentem, veram & germanam Augustini doctrinam esse, tenent graves Scriptores: Baronius ad annum 409. Sixtus Senensis libro sexto Bibliothecæ, annor. 252. Cordub. libro primo, question. 9. Pererius tomo 6. disp. selectarum in S. Scripturam disp. 13. Bellarminus & alii. Imò ipse Catharinus, aliqui ex Adversariis, meritum electionem ad gloriam fieri ex prævisis meritis asseverant, se ab Augustino hac in parte discedere, ingenuè profiteantur.

Deinde Augustinum in ea fuisse sententia aperte colligitur ex Epistolis Prosperi Aquitani & Hilarii Arelatenfis ad eundem. Nam Prosper initio Epistolæ proponit questionem de electione gratuita ad gratiam independentem à meritis prævisis, & tandem in fine Epistolæ propositam questionem, nimirum de gratuita electione ad gloriam per modum intentionis, referens quòd Massilienses dicerent novam esse illam Augustini sententiam, & Patres Augustino antiquiores docuisse electionem ad gloriam non esse omnino gratuitam, sed post prævisa merita & opera facta ex gratia. Augustinus autem non negat hanc esse suam sententiam, & in libris de prædestinatione Sanctorum & de bono perseverantiz, in quibus respondet Epistolis Prosperi & Hilarii, non conqueritur de Massiliensibus quòd sententiam alienam sibi imposuissent, sed illam tanquam suam diligentissime explicat, & plu-

C 3

plu-





pluribus Sacra Scripturae testimoniis confirmat. Iulianus verò refert inter alia, quòd Massilienses de Augustino conquererentur tanquam dividente homines in duas classes, electorum scilicet & reprobos, ante prævisa opera, eosque ex voluntate Dei ita distinguente, ut non esset transitus ab una classe ad aliam. Unde molestè ferebant quòd illa verba Apostoli, *Deus vult omnes homines salvos fieri*, intelligeret Augustinus de solis prædestinatis, per distributionem accommodam. At Augustinus huic querelæ non cessit, & in eadem explicatione verborum Apostoli persistit: Ergo constat Augustinum docuisse voluntatem efficacem Dei circa gloriam salvandorum, anteedenter ad præscientiam operum. Unde Valquez prima parte disputatione nonagesima prima, capite tertio, numero decimo tertio hæc scribit: *Osiorum & Recentiores qui ipsum sequuntur, existimant se re ipsa Augustino adversari, quòd ille dixerit prædestinationem ante merita prævisam fuisse. Quam quidem Augustini sententiam, severam & diffisilem admodum esse arbitrantur; & sententia Græcorum, Gallorum, & Massiliensium, assertentium prædestinationem ex meritis fieri, se consentire putant.*

16 Confirmatur primo: D. Prosper & S. Hilarius in eisdem Epistolis testantur ex Augustini doctrina plurimos in Gallia vitos gravissimos & doctissimos, atque in Episcopali dignitate constitutos, fuisse turbatos, & existimasse illa sequi tale fatale quandam necessitatem, homines induci in desperationem, bonorum operum sollicitudinem tolli, & hæc sententiam lapsis curam resurgendi adimere, & sanctis occasionem temporis afferre: quæ etiam absurda & inconvenientia nobis obijciunt Adversarii. Sed hæc vultur, quantumvis tardus & stupidus, suspicari posse sequi ex sententia, quæ docet prædestinationem niti præscientiæ futuri consensûs voluntatis, & prævisionem meritorum seu bonorum operum supponere: Ergo manifestum est, Augustinum in ea non fuisse sententiam, sed docuisse prædestinationem purè gratuitam, & præscientiam meritorum anteedentem.

17 Confirmatur ampliùs: Sententia Augustini in materia de gratia & de prædestinatione erat omnino diversa, & totaliter opposita doctrinæ Fausti Regienfis, Galliarum Episcopi, & Semipelagianorum Antesignani. Nam, ut testatur Sixtus Senensis loco suprâ citato, Faustus duos edidit libros de gratia & humanæ mentis arbitrio, in quibus, suppresso Augustini nomine, ejus opinionem intellatatur, illumque S. Doctorem, & acerrimum divinæ gratiæ vindicem, tanquam Manichæum & Gentilitæ superstitionis reum traducit & calumniatur: Sed Faustus in præfatis libris, prædestinationem supponentem prævisionem futuri consensûs, & præscientiam meritorum, æperissimè docet; & alteram quæ meritorum præscientiam anteverit, tanquam Gentilitæ superstitionis impietatem detestatur: Ergo sententia quæ gratuitam Dei prædestinationem profiteretur, tanquam legitimus Augustini fœtus habenda est. Major, & Consequentia patet. Minor etiam aptè colligitur ex Faustolibro secundo de libero arbitrio capite secundo, ubi ait: *Præscientiam & prædestinationem Dei malè intelligunt, asserentes quòd inde humanorum actuum causa nascatur.* Et capite tertio & sequentibus sæpè repetit & inculcat tanquam præcipuum suæ doctrinæ fundamentum, *Nisi præscientia exploraverit, prædestinatio nihil dæcernit.* Ac tandem capite sexto

A sententiam Augustini, tanquam Gentilitæ superstitionis impietatem detestatur. Exponens enim hæc verba Apostoli: *Non ex operibus, sed ex vocante dictum est, Jacob dilexi, Esau autem odio habui*, sic ait: *Hæc verba hoc vult intelligi Gentilitæ superstitionis impietas, quòd Deus absque nullo inter bonum & malum moderatoris examini, non ordine regenti, sed jure dominantis, illum affectu dignum reddat, hunc odio: illum recipiat studio, hunc excludat imperio &c.* Quare Baronius loco suprâ citato, postquam ostendit libros Fausti de gratia & libero arbitrio fuisse ab Hormisda Papa, & ab universali Ecclesia damnatos tanquam hæreticos, & Pelagianam doctrinam continentes, sic concludit numero trigésimo secundo. *Cum igitur Fausti sententia, ubique ab Ecclesia Catholica fuerit contradicendum, videant quantum periculo quidam ex Recentioribus, dum in Novatores insurgunt, ut eos confutent, à sancti Augustini sententia de prædestinatione recedant: cum alioquin arma non desint quibus hæretici prostigentur.*

Denique Augustinum fuisse gratiæ prædestinationis propagatorem acerrimum, ex pluribus ejus testimoniis aptè colligitur. Nam sanctus Doctor libro de corrept. & gratia capite sexto explicans illud Joannis sexto: *Nonne ego vos duodecim elegi, & unus ex vobis Diabolus est*, sic ait: *Illos debemus intelligere electos per misericordiam, illum per judicium: illos ergo elegi ad obtinendum regnum suum, istum ad effundendum sanguinem suum.* Ubi C Augustinum loqui de electione & efficacia, constat ex eo quòd loquatur de electione non communi cæteris Apostolis & Judæ: inefficax autem electio omnibus communis est. Quòd autem de electione ad gloriam loquatur, constat ex illis verbis, *Ad obtinendum regnum suum*: Sed Augustinus docet hanc electionem esse ex misericordia: Ergo merita prævisa præcedit, nec ab illis movetur, aliàs esset ex justitia, & non ex misericordia.

Præterea idem Augustinus de gratia & libero arbitrio capite nono exponens hæc verba Apostoli, *Gratia Dei vita æterna*: ponderat quòd cum possit dicere Apostolus, & rectè dicere, *stipendium justitiæ vita æterna*, maluit dicere, *gratia autem Dei vita æterna*, ut hinc intelligeremus, non pro meritis nostris Deum nos ad æternam vitam, sed pro sua miseratione perducere. Quod verificari non potest de perductione seu allocatione vitæ æternæ in executione, quia hæc in executione stipendium justitiæ est, & dicere quòd datur sine meritis, esset error: Ergo loquitur de illa in intentione, & de ipsa electione prædestinatioem ad gloriam, quæ est purè gratuita, quamvis ipsa gloria in executione per merita sit acquirenda. Sicut quando Rex ex thesauris suis de promittit muneris, illa exhibitio mera liberalitas est ex parte Regis insinuentis certamen, licet ex parte athletarum, præmium per meritum & laborem sit acquirendum.

E Denique idem sanctus Doctor gratuitam prædestinationem clarissimè docet in libro Soliloquiorum animæ ad Deum capite 28, quòd est de profunda prædestinatione & præscientia Dei. Nam ibidem numero 2. alloquens Deum sic ait: *Mundus autem de nobis filia hominum eos quibus tibi complacuit habitare, quos ab inaccessibilibus profundis secretis judiciorum incomprehensibilium sapientia tua, semper justorum, licet occultorum, sine eorum meritis prædestinasti ante mundum:*

Tempo 6.  
pag. 243.  
editionis  
Venetæ:



*peccasti de mundo, iustificasti in mundo, & magnificasti eos post mundum.* Non omnibus autem hoc faciū, quod admirantur tabescentes omnes sapientes terræ.

Respondent Valquez & alii Recentiores: Augustinum prædictis locis loqui de electione ad gloriam in semine, scilicet de electione ad gratiam, quæ est semen gloriæ, de qua verum est dicere, illam esse purè gratuitam, & ex divina misericordia, ac merita prævisa antevertere.

Sed contra primò: Augustinus in primo testimonio loquitur de electione discernente cæteros Apostolos à Juda & reprobis: At electio ad gloriam in semine, non sic discernit, cum Judas electus fuerit ad gratiam, quæ est semen gloriæ, & consequenter ad gloriam in semine: Ergo non loquitur de electione ad gloriam in semine, sed de efficaci electione ad gloriam in seipso.

Secundò, Augustinus præfato loco dicit *Apostolos electos esse ad regnandum cum Christo*: Sed regnare cum Christo, est proprium gloriæ, & non gratiæ huius viæ, alioquin reprobis qui est in gratia, posset dici regnare cum Christo, quod est absurdum: Ergo idem quod prius.

Tertiò, Augustinus dicit *Apostolos electos fuisse ad regnandum cum Christo, non quomodo electus est Iudas*: Si autem de sola electione ad gratiam ageret, non solum non diceret *ad regnandum cum Christo*, ut jam expendimus, sed neque excluderet Judam, cum ille ad gratiam fuerit electus, sicut & alii: Ergo, &c.

Quartò, Augustinus in secundo testimonio loquitur de vita æterna quæ nobis reddetur in futuro: Sed hæc non est nisi gloria in seipso, non ut contenta virtualiter & seminaliter in gratia huius viæ, nam ista etiam nunc habetur: Ergo Augustinus non loquitur de gloria in semine.

Quinò, idem S. Doctor ibidem ait: *Cum Apostolus posset vitam æternam appellare stipendium iustitiæ, maluit illam gratiam appellare*. At hoc non potest verificari de gratia, sed solum de gloria: nam gratia cum detur merè gratis, & ex nullis præcedentibus meritis, stipendium iustitiæ appellari non potest: Ergo Augustinus ibi non loquitur de electione ad gratiam, sed ad gloriam.

Deniq; idem S. Doctor in tertio testimonio ex libro Soliloquiorum desumpto, loquitur de illis quos Deus iustificat in hoc mundo, & magnificat post hunc mundum, ut constat ex verbis suprà relatis: Sed illi sunt prædestinati ad gloriam, ut patet: Ergo loquitur de electione prædestinatorum ad gloriam.

Secundò respondent alii: Augustinum loqui de electione ad gratiam ut perseverantem finaliter, quæ non est communis prædestinatis & reprobis, sed propria prædestinatis.

Sed hæc etiam solutio non satisfacit: Primò quia si quæ inconvenientia ex efficaci electione ad gloriam sequuntur, eadem inferuntur ex efficaci electione ad perseverandum finaliter ante merita prævisa: Ergo ista concessa, concedi etiam debet electio efficax ad gloriam, merita prævisa anteverrens.

Secundò, Gratia ut finaliter perseverans, est medium efficax in ordine ad gloriam: Sed, ut constabit ex dicendis §. sequenti, efficax electio, mediè efficacis ad finem, efficacem suis intentionem supponit: Ergo &c.

Tertiò, Perseverantia in executione non ponitur in adultis, nisi dependenter à propriis a-

ctibus, & tamen juxta hanc solutionem, electio ad illam, bona opera prædestinati præcedit: Ergo etiam electio ad gloriam, non obstante quòd in executione conferatur adultis dependenter à meritis, antecederet illorum prævisionem.

Denique respondent alii cum Lessio: Electio nem ad gloriam appellari ab Augustino gratuitam, & ex misericordia, per exclusionem præcedentium operum naturalium, non per exclusionem præcedentium meritorum gratiæ: quia, inquiunt, intentum D. Augustini locis suprà citatis, erat impugnare Massilienses, qui ponebant prædestinationem post prævisa merita quæ erant ex conatu naturæ, & non ex auxilio gratiæ.

Sed hæc etiam solutio est insufficiens, & rejicitur primò: Quia Augustinus locis citatis, non solum docet electionem prædestinatorum ad gloriam esse ex misericordia, quia non est ex meritis, sed etiam quia est meritorum causa: quod egregiè declarat D. Prosper 2. de vocat. Gentium capite trigésimo quinto dicens: *Deus huius quos elegit sine meritis, dat unde ornantur ex meritis*: Ergo Augustinus intendit electionem prædestinatorum ad gloriam, esse purè gratuitam, & non solum non esse ex meritis naturæ, sed neque etiam ex meritis gratiæ.

Secundò, Plures ex Massiliensibus contra quos agebat Augustinus, asserbant electionem ad gloriam esse ex prævisis meritis gratiæ, ut constat ex Prospero Epistolà ad Augustinum, ubi sic habet: *Hæc ipsorum* [scilicet Massiliensium] *definitio atque professio est, omnem quidem hominem Adamo peccante peccasse, & neminem propter opera sua, sed per Dei gratiam in generatione salvari. Qui autem credituri sunt, quiviv in ea fide qua per Dei gratiam sit servanda mansuri, prævisse ante mundi constitutionem Deum, & eos prædestinasse in regnum suum, quos gratia vocatos, dignos futura electioe, & de hac vita sine bono discessuros esse prævideri*: Ergo non omnes Semipelagianipro causa electionis ad gloriam opera naturæ constituebant, sed aliqui opera prævisa ex gratia, ac proinde Augustinus contra illos disputans utrumque impugnatur.

Addo quòd sancti Patres, ut confutent errores hæreticorum, alia solent addere ad complementum doctrinæ, ut magis consentanea suis principiis. Et ita sanctus Augustinus, dum probat contra aliquos Semipelagianos, electionem ad gloriam non esse ex operibus naturæ, simul ostendit illam esse omnino gratuitam, & à quorumcumque meritorum prævisione independentem.

Addo etiam, quòd idem sanctus Doctor locis infrà referendis docet hanc questionem: cur Deus unum eligat gloriam, non verò alium, esse inscrutabilem, & reducendam cum Apostolo ad solam voluntatem divinam: quod esset falsum, si à gratuita prædestinatione non excluderet merita gratiæ, sed solum merita naturæ: nam posset facile reddi ratio huius questionis, & hæc diversitas reduci ad differentiam operum quæ fiunt ex auxilio gratiæ, ut constat ex suprà dictis.

\* \* \*

Quid de D. Thoma?

Ratio fundamentalis nostrae conclusionis exponitur.

24 **A**ugustini vestigia secutus est fidelissimus ejus Discipulus D. Thomas, & gratuitam prædestinationem electionem ad gloriam ita expressisse docuit, ut de ejus mente dubitare, sit in media veluti luce cæcutire. Nam S. Doctor hic art. 5. ad 3. ait: *Quare hoc elegit ad gloriam, & illos reproboavit, non habet rationem nisi divinam voluntatem: quod falsum esset, si electio prædestinatorum ad gloriam supponeret præscientiam meritortum.* Et articulo præcedenti docet electionem prædestinati ad gloriam, non oriri in Deo ex bonitate prædestinati, sed causare in illo necessariam bonitatem ad gloriæ consecutionem: At bonitas necessaria ad illius consecutionem sunt merita: Ergo secundum D. Thomam, illa non supponuntur ad electionem ad gloriam, sed causantur originaliter per illam. Item quæst. 6. de verit. art. 2. sic habet: *Quod Deus velit alicui dare gratiam & gloriam, hoc ex mera liberalitate procedit.* Et art. 6. Præscientia (inquit) meritortum vel proprium vel aliorum, non est causa prædestinationis. Et in cap. 9. Epistolæ ad Romanos, lect. 3. *Non potest esse quod merita consequentia gratiam sint ratio miserendi aut prædestinandi, sed sola Dei voluntas secundum quam misericorditer aliquos liberat.* Denique super cap. 1. Epistolæ ad Ephesios, exponens hæc verba Apostoli: *In quo etiam nos forte vocati sumus, prædestinati secundum propositum ejus qui operatur omnia secundum consilium voluntatis sue,* hæc scribit: *Ponit Apostolus voluntariam Dei prædestinationem, cuius quidem prædestinationis ratio non sunt merita nostra, sed mera Dei voluntas: propter quod subdit secundum propositum ejus.* Et certe, si Rex in edictis, legibus, & ordinationibus suis, pro ratione suam proferri voluntatem, hæcque in litteris, ac diplomatibus regijs, communiter inscribitur clausula, *Caræ est nostre bonæ plebs.* Multo magis Deus, Rex regum, & supremus omnium dominus, laudem unum beneplacitum, suæque voluntatis æquitatem, pro ratione unica suorum omnium operum habere, & palam profiteri poterit.

25 Dices, D. Thomas 3. p. qu. 1. art. 3. ad 4. ait: *Prædestinatio supponit præscientiam futurorum:* Ergo ex D. Thoma illa non est purè gratuita, sed de peccatis ad prævisionem meritortum.

Sed nego Consequentiam, nam D. Thomas ibi loquitur de prædestinatione Christi, quam docet supponere præscientiam futurorum: id est peccati originalis, & peccatorum actualium, quæ in illo ut in radice continentur, & ab illa dependere in genere causæ materialis. Unde acutè ibidem observat Cajetanus, futura esse in duplici differentia: quædam enim constituuntur per ipsam prædestinationem, & sunt effectus illius, & horum præscientia non præsupponitur ad prædestinationem. Alia verò sunt futura, quæ non constituuntur per ipsam prædestinationem, sed ad eam præsupponuntur tanquam subiectum, sicut natura præsupponitur ad ordinem gratiæ, eo quod gratia perficiatur naturam & subiectetur in illa; & hoc modo præscientia peccati originalis futuri præsupponitur in Deo ad prædestinationem Christi, tanquam morbus naturæ, ad quem sanandum cælestis medicus venit.

26 **R**atio fundamentalis nostræ conclusionis sumitur ex D. Thoma locis citatis, & potest breviter sic proponi. Qui ordinatè vult, prius vult finem, quàm media ad finem: Sed Deus ordinatè vult: Ergo prius vult finem quàm media ad illum: Atqui gloria est finis, & merita sunt media ad illam conducentia: Ergo prius vult gloriam quàm merita, & consequenter electio ad gloriam non potest esse ex prævisione meritortum. Fundatur hæc ratio in hoc principio quod 3. Ethic. cap. 8. & alibi sæpissimè tradit Aristoteles: videlicet: *Finem prius esse volitum ab agente, quàm media ad illum.* Ex quo bene inferitur, quod Deus prius in signo rationis voluit electis bonum vitæ æternæ, nullis præsuppositis meritis, etiam prævisis, & postmodum determinavit media, scilicet merita, per quæ ad vitam æternam pervenirent.

27 Mitum est quantum hoc argumentum torqueat Adversarios: unde ut ab illo se expediant in omne laus se vertunt. In primis occurrit Molina dicens Majorem argumenti solum veram esse in his qui distinctis actibus volunt finem & media: non autem in Deo, qui unico simplicissimo actu utrumque attingit.

28 **C** Sed hæc solutio communiter rejicitur: quia licet Theologi non admittant inter actus divini intellectus aut voluntatis aliquam prioritatem realem, admittunt tamen prioritatem, sicut & distinctionem virtuales, aut rationis rationatæ, per ordinem ad diversa objecta materialia ad quæ terminantur. Sic scientia simplicis intelligentiæ prius in Deo concipitur, quàm scientia visionis: quia prius concipiuntur res sub statu possibilitatis, quàm existentie vel futuritionis. Sic prædestinatio Christi dicitur esse prior prædestinatione Angelorum & hominum, quia reliqui electi sunt in ipso, ut dicitur ad Ephesios. Cum ergo finis sit ratio volendi & eligendi media, & ipsa media sint volita propter finem, negari non potest in Deo prioritatem quædam virtualis, & secundum rationem cum fundamento in re, inter intentionem finis & electionem mediorum.

29 Secundò respondet Vasquez, Majorem esse veram respectu illius qui sibi vult & intendit finem, non autem in eo qui vult finem alteri: unde cum Deus non sibi, sed nobis velit gloriam, non sequitur illam esse volitam & intentam à Deo, antecederet ad prævisionem meritortum.

30 Sed hæc etiam responsio minimè infringit rationem D. Thomæ: quod enim finis intendatur sibi vel alteri, parum refert, dummodo sit ratio volendi & appetendi media ad ejus consecutionem necessaria: unde cum gloria prædestinationis volita, habeat rationem finis, & consequenter sit ratio illius volendi gratiam & merita, & omnia alia media ex divina dispensatione ad ejus consecutionem necessaria, illa prius debet esse volita & intentata à Deo, quàm merita.

Confirmatur: Sive enim quis intendat sibi finem, vel alteri, semper electio mediorum debet regulari à prudentia: Sed non potest perfectè regulari à prudentia, nisi ex expressa & formali inten-

intentione finis; quia recta ordinatio prudentiæ causatur ex recta intentione finis, sicut notitia conclusionum ex notitia principiorum: Ergo quamvis gloria sit finis à nobis obtinendus, debet tamen prius esse volita & intenta à Deo, quam merita, quæ sunt media ad illam conducentia.

32 Confirmatur ampliùs: Non alia de causa desiderans finem sibi, debet prius efficaciter illum intendere, quam ad electionem efficacem procedat, nisi quia habet in potestate sua finem obtinendum, & media: At Deus non solum gloriam habet in sua potestate, sed etiam merita & bona opera, quæ sunt media ad illam conducentia, & omnia quæ nostræ subjacent potestati: aliàs falsum esset quod Augustinus multoties asserit, præcipuè in Enchiridio cap. 97. & de corrept. & gratia cap. 14. Denique scilicet, *magis habere in sua potestate voluntates hominum, quam ipsi suas*: Ergo ut eligat efficaciter merita, debet prius intendere gloriam, quamvis illa sit finis à nobis obtinendus. Addo, quòd licet Deus non intendat beatitudinem, ut sibi acquirendam, eam tamen intendit, ut à se communicandam hominibus: Ergo non minus debet eligere media ex efficaci intentione illius, quam si eam sibi acquirendam intenderet.

33 Ex his confutata manet responsio aliorum, qui dicunt, quòd quando finis intenditur ut præmium & ut corona (ut contingit in proposito) non est necesse quòd sit volitus efficaciter ante media quæ conducunt ad ejus assecutionem, id est ante merita. Nam finis, si habeat rationem præmii & coronæ, siue non, debet semper esse ratio volendi media, cum tota bonitas mediorum sumatur à bonitate finis: Ergo semper est prius volitus & intentus.

Addo, quòd ut gloria per modum præmii & coronæ intendatur, statim est ut efficaciter intendat illam per merita in ordine executionis ponenda, nec requiritur quòd talis intentio à meritis tanquam à causa motiva dependeat: ut supra insinuavimus, & latius expendemus in solutione argumentorum.

34 Tercio respondetur alii cum Vasque, hoc argumentum solum probare voluntatem quandā inefficacem dandi gloriam, præcedere in Deo voluntatem dandi merita, quæ sunt media ad illam conducentia. Sicut enim Pater v.g. ex simplici & inefficaci voluntate quā vult filium suū Doctorem vel Episcopum fieri, movetur ut ei præbeat studiorum subsidia: ita etiam (inquit Vasquez) Deus ex inefficaci intentione & voluntate antecedente, quā vult omnibus dare gloriam, moveri potest ad electionem mediorum. Cui responsioni valde affinis est solutio Lessij asserētis quòd ante merita prævisa, est volita à Deo beatitudo in communi, non tamen in particulari, & ut applicata huic singulari, v.g. Petro.

35 Verum neque his solutionibus argumentum diluitur, nam contra primam sic insurgo primò. Electio mediorum debet proportionari intentioni finis: Ergo efficax electio mediis efficacis ad finem, efficacem finis intentionem supponere debet, ut debita proportio salvetur. Ille enim esset plane imprudens, vel stultus, qui non intenderet efficaciter aliquem finem, & tamen eligeret media efficaciter ad illum conducentia.

Secundò, Non minus electio supponit intentionem, quam executio electionem: At realis & efficax finis executio per media, necessario supponit efficacem electionem: Ergo & efficax electio

A Etio necessario supponit efficacem intentionem.

Tercio, Non minus pendet electio ab intentione, quam assensus conclusionis ab assensu præmissarum: At assensus certus & evidens conclusionis, præsupponit certitudinem & evidentiam in assensu præmissarum: Ergo efficacia electionis necessario supponit efficaciam intentionis.

Quartò, Ex inefficaci finis intentione, non nisi à casu potest ad efficacem procedi electionem: At iste procedendi modus divinæ voluntati repugnat: Ergo in illo efficacia electionis mediorum, efficaciam intentionis supponit. Minor patet, Major probatur. Intentio inefficax finis est conjungibilis cum negatione assecutionis finis: Ergo ex vi illius, non per se, sed per accidens, & consequenter à casu, potest obtineri finis: & inde non nisi à casu, potest ex illa ad efficacem electionem procedi.

B Denique exemplum quo se tegit Vasquez, in nullo servat paritatem: pater enim filio Episcopatum desiderans, non habet illum in potestate sua, neque exhibet media efficacia ad ejus assecutionem, & sic non mirum quòd illa mediorum dispositio ex efficaci voluntatis fine non oriatur, Deus autem prædestinans homines ad gloriam, & finem acquirendum, & media ad illum efficaciter conducentia, habet in sua potestate, ut supra dicebamus: Ergo repugnat ut ex inefficaci intentione salvandi homines, moveatur ad electionem efficacem mediorum.

C Ex quibus facile impugnari potest solutio Lessij. Nam volitio gloriæ solum in communi, & nulli in particulari applicata, non potest esse efficax, sed tantum simplex complacentia & amor illius; cum beatitudo in communi, & ut abstracta à circumstantiis, & à personis in particulari, non possit poni in actu, nec sub hac ratione ab aliquo assequibilis sit. Ergo si electio efficax mediorum supponat intentionem efficacem finis & non solum simplicem complacentiam & amorem illius, ut jam ostendimus contra Vasque, manifestum est, ante merita prævisa supponi in Deo intentionem beatitudinis in particulari, & ut applicatam huic singulari, & non solum volitionem beatitudinis in communi, & abstractam à circumstantiis & personis in particulari.

D Confirmatur primò: Cognitio antecedens electionem prædestinatorum ad gloriam, eamque dirigens, est de hominibus & mediis in particulari: Ergo & ipsa electio: illi enim actus sibi mutuo correspondent.

Confirmatur secundo: Eligere aliquid in communi, & postea in particulari, dicit imperfectiorem, utpote processum ab imperfecto ad perfectum: Ergo repugnat quòd Deus prius velit gloriam hominibus in communi, & postea in particulari. Maxime quia voluntas consequens & efficax, qualis est electio ad gloriam, non fertur in res in communi, sed in particulari, & cum omnibus circumstantiis.

E Confirmatur tertio: Est sic possibilis electio efficax ad gloriam absolutè, & non ut applicata isti præ alio, procedere tamen ex electione ad illam ut particulariter applicatam, est constitutio operandi modus: Ergo semel probato debere efficacem electionem ad gloriam, præcedere electionem mediorum, non debet esse ad illam in consulo, sed ad illam ut istis applicatam præ aliis. Unde

Respondet quartò idem Lessius, quòd omnis ordinatè appetens, prius intendit finem quam

media ad illud conducentia, si media non solum efficacia sint, sed etiam formaliter ut talia eligantur electione efficaci; secus autem si quavis media sint efficacia, non tamen ut efficacia formaliter amentur, qualiter in presenti docet contingere.

Sed hæc responsio in primis destruit decretum prædestinationis, de cuius intrinsicæ ratione est, quod sit præparatio mediorum efficacium & beneficiorum Dei quibus certissime liberantur quicumque liberantur, ut ex definitione Augustini supra tradita constat.

Deinde electio solum efficax respectu auxiliorum gratiæ quoad suam entitatem, communis est prædestinatis & reprobis: cum in sententia Lessii & aliorum Recensorum, ipsis etiam reprobis conferantur auxilia gratiæ entitativè efficacia; illi enim docent, auxilium efficax entitativè non distinguì à sufficienti: At electio discernens prædestinatos à reprobis, nequit illis esse communis: Ergo debet esse efficax, non solum respectu entitatis auxiliorum, sed etiam respectu efficaciarum & connexionis quam habent cum gloria.

Tertiò hæc responsio Lessii Deo asserit cæcitatem vel imprudentiam. Quæro enim, an quando Deus intendit efficaciter dare gloriam electis, in illo priori intentionis cognoscit efficaciam mediorum quæ ad illam conducunt, vel non? Si non cognoscit, caret scientiâ; si verò ea cognoscit & non eligit, caret prudentiâ: quomodo enim prudenter procedit, qui intendens affectionem alicujus finis qui unice dependet ex efficacia mediorum, eligit media quæ quidem cognoscit esse efficacia, & tamen non vult ea ut efficaciam; sic enim manifestè exponitur casui & fortunæ, ac frustrationi finis quem intendit.

Quarta solutio nem quorundam Modernorum qui dicunt efficacem intentionem gloriæ, & meritum, se invicem præcedere in diverso genere causæ. Nam intentio gloriæ præcedit electionem mediorum seu meritum, in genere causæ finalis, & media ipsa, seu merita, præcedunt intentionem gloriæ, seu electionem prædestinatorum ad gloriam, in genere causæ materialis & dispositivæ. Sic in sententia Thomistarum, in reprobatione voluntas præcedit, & manifestandi suâ iustitiam, est prior in Deo in genere causæ finalis, quam peccata, & eorum permissio, posterior verò in genere causæ materialis & occasionalis. Hanc inquam responsionem prætermitto, quia illa punctum difficultatis non attingit: prioritas enim in genere causæ materialis & dispositivæ, non est prioritas motivi & causæ finalis, de qua solum agimus in presenti, nec pertinet ad ordinem intentionis, sed executionis: Ergo quamvis daretur quod merita prævisa in genere causæ materialis & dispositivæ electionem ad gloriam præcederent, propterea tamen non essent priora electione ad gloriam, in ordine intentionis, & in ratione motivi, & veluti rationis finalis; sed solum in ordine executionis, seu affectionis, quatenus qualificant ipsam personam, & reddunt subiectum dignum & idoneum ut illi detur gloria, quod nullus Catholicorum negat. Et in hoc sensu loquitur S. Thomas hic art. 5. in corp. ubi ait: *Nihil prohibet quod aliquis effectus sit ratio & causa alterius: posterior quidem privus, secundum rationem causæ meritoria, quæ reducitur ad dispositionem materia, sicut si dicamus quod Deus præordinavit se daturum alicui gloriam ex merito.* His enim verbis

A solum intendit declarare quiddam merita præcedunt gloriam in genere causæ dispositivæ & materialis, quatenus reddunt hominem idoneum ad hoc ut illi in executione detur gloria ex meritis; quia sic præordinavit Deus ut ex meritis detur gloria, non tamen vult quod merita se habeant ut motum propter quod Deus elegit nos ad gloriam; sed potius talem electionem in gratuitam Dei voluntatem reducit, ut constet ex locis supra relatis.

## §. VIII.

*Aliu argumentu eadem veritas suadetur.*

B PRæter rationem jam expositam, quæ præcipua est fundamentalis, alix probabiles adduci possunt ad gratuitam Dei prædestinationem suadendam.

Prima est ex independentia Dei, & adducitur à D. Thoma quæst. 6. de verit. art. 2. his verbis: *Finis divina voluntatis est ipsa Dei bonitas, quæ non dependet ab aliquo alio: unde ad hoc quod habeatur à Deo, nullo alio indiget; & ideo voluntas eius non inclinatur primò ad aliquid faciendum per modum debiti, sed liberaliter tantum, in quantum est bonitas eius in opere manifesta.* Ubique autem occurrit aliquid sine quo aliud à Deo volitum esse possit, hoc non procedit ab eo secundum rationem alicuius debiti, sed secundum meram liberalitatem: & perfectio autem gratiæ & gloriæ sunt huiusmodi bona quod sine eis natura esse potest, excedant enim naturalis virtutis limites; unde quod Deus velit alicui dare gratiam & gloriam, hoc ex mera liberalitate procedit. In his autem quæ ex liberalitate procedunt, tantum causa volendi est ipsa superabundans affectio volentis ad finem, in quo attenditur perfectio bonitatis: unde causa prædestinationis nihil aliud est quam bonitas ipsius Dei.

Secunda ratio sumitur ex discrimine voluntatis divinæ à nostra. Nam ut altè pro more suo, discurrens idem Angelicus Doctor hic articulo quarto, & supra questione vicesima articulo quarto hoc discriminis est inter voluntatem Dei & nostram, ejusque amorem & nostrum; quod voluntas nostra (inquit) non sit causa bonitatis rerum, sed ab ea moveatur sicut ab obiecto; sed amor Dei est infundens & creans bonitatem in rebus. Unde amor Dei erga homines, quo vult illis gratiam & gloriam, est purè gratuitus, nullam sui causam habet qui prima omnium bonorum est causa, ille nullis hominum prævisis alligitur meritis, qui totum in illis bonum prævenit & infundit, & omnia eorum merita causa & donat. Ille (inquit Dionysius) *sibi procurator & motor est.* Vel ut loquitur Bernardus sermone 70, in Cantica: *Præcedit benignior, reppenditur inferior, expectatur superior.* Eandem rationem tangit Chrysostomus homil. 7. in Epistolam ad Timotheum. his verbis: *Infinita Dei bonitas radix est & ratio amandi homines omni dilectione indignos; est enim tanta divina bonitas, ut ipsa sola sufficiat ad rationem, & causam amandi, non expectat à nec requirit à causis ex parte eorum qui amantur.* Electio ergo hominum tam ad gloriam quam ad gratiam, est purè gratuita, & ex bonitate & misericordia Dei, non verò ex meritorum & bonorum operum præscientia originem ducens: unde Ofese 2. dicitur, *Disponso te in miserationibus.* Apud homines uxor viro dotem affert: Deus autem nos disponit in miserationibus, nullâ præcedente meritorum vel imitæ bonitatis dote, sed solâ misericordia: juxta illud Je-



Jerem. 31. *In charitate perpetua dilexite, ideo attraxite miserans.*

45 Tertia ratio petitur ex altitudine & incomprehensibilitate mysterii prædestinationis, quæ tollitur ex Adversariorum sententia. Si enim electio prædestinatorum ad gloriam fieret ex præviis eorum meritis, posset de facili assignari ratio cur iste assumatur, & alter relinquatur: posset liquidem dici, quod ille prævidetur bene operaturus, alter verò male operaturus: Sed hoc est contra altitudinem hujus mysterii, de quo Apostolus ait ad Rom. 11. *O altitudo divitiarum sapientie & scientie Dei: quam incomprehensibilia sunt iudicia eius! &c.* Est etiam contra Augustinum de prædestin. Sanct. cap. 7. *Ex duobus* (inquit) *atque grandævus impius, cur hic assumatur, & alius relinquatur: id iudicia Dei incomprehensibilia!* Et Epist. 112. explicans significationem ligni crucis, ad profundum reducit occultam rationem, cur unus eligatur, non verò alter. Videndus est etiam S. Thomas 3. contra Gentes cap. 16. ubi docet quod non est ratio inquirenda quare Deus hos eligat & convertat, & non illos, *hoc enim ex simplici eius voluntate processit, quod cum omnia fierent ex nihilo, quædam facta sunt alius digniora, & sicut ex simplici voluntate artificis procedit, ut ex eadem massa similiter disposita, quædam vasa formet ad nobiles usus, & quædam ad ignobiles: in æta illud ad Romanos nono. An non habet potestatem figulus lutum ex eadem massa facere aliud quidem vas in honorem, aliud in contumeliam? Idem docet hic articulo quinto ad tertium his verbis: Quare hos elegit ad gloriam, & illos reprobavit, non habet rationem nisi divinam voluntatem: unde Augustinus dicit super Ioannem, quare hunc trahat & illum non trahat, noli velle dydicare, si non vult errare. Sicut etiam in rebus naturalibus, quod hac pari materia sit sub ista forma, & illa sub alia, dependet ex simplici divina voluntate: sicut ex simplici voluntate artificis dependet, quod ille lapis est in ista parte parietis, & ille in alia, quamvis ratio artis habeat quod aliqui sint in hac, & aliqui sint in illa.*

46 Quartum argumentum sumitur ex eo quod in Scriptura prædestinatio frequenter sortis nomine designatur: Ad Ephesios 1. *Sorte vocati sumus secundum proposuitum eius qui operatur omnia secundum consilium voluntatis sue.* Ad Colossenses 1. *Dignus nos fecit in partem sortis Sanctorum.* Plura sunt alia loca in quibus Sanctorum electio sortis nomine designatur: ut Danielis 2. *Sapientia 24. & Actuum 26.* Hujus autem appellationis nulla alia ratio esse potest, quam quia sicut aliquid dicitur sorte alicui contingere, quod ei accidit absque prævia causa & studio ejus: ita prædestinationis nulla reperitur causa ex parte nostri, sed illa in solam gratuitam Dei electionem reducenda est, juxta illud Psalm. 17. *Salvum me fecit, quoniam voluit me.* In cuius rei typum, terra promissa, quæ figura erat regni celestis, sorte iussa est a Josue distribui. Et Esther 10. *Deus duas sortes esse præcepit, unam populi Dei, & alteram cunctarum Gentium, ut significaret, populum illum, non ex meritis, sed quasi sorte separatum esse à cæteris.* Hoc argumento ex sortis appellatione desumpto utitur S. Augustinus concione 2. super Psalm. 30. ad gratuitam prædestinatorum electionem suadendam.

47 Quinta ratio supra fuit insinuada. Quando tam finis affectio, quam mediour efficacia applicatio, subsunt potestati alicujus, potest efficaciter velle finem ante prævisa media: Sed tam gloriæ affectio, quam hominum merita, sub-

sunt potestati Dei; potest enim quem voluerit, & per ea media quæ voluerit, salvum facere, ex Augustino de corrept. & gratia cap. 14. Ergo Deus ante prævisa merita potest gloriam velle efficaciter prædestinatis, & ex hujus finis intentione, media ad illius affectionem efficaciam, eligere ac preparare.

Confirmatur & magis illustratur hæc ratio. 48 Si in potestate ejus qui proponit præmium, est dare alteri vires, industriam, fortunam, cæteraque omnia ad merendum necessaria; ita quod non solum præmium, sed etiam meritum, & victoriam dare possit, talis bene potest ante merita prævisa intendere dare ei præmium, virtualiter volendo dare illi meritum, ex vi talis intentionis: eod quod merita illa non debeat ipse præmiator expectare vel supponere, sed donare & causare. Unde cum in potestate Dei sit dare hominibus merita, & bona opera, & quidquid ad merendum requiritur; quia hæc non de nostræ voluntatis potestate, sed de sua prædestinatione promittit & donat, ut docet Augustinus de prædestin. Sanct. capite decimo. Et quia, ut loquitur idem sanctus Doctor, dum merita nostra remunerat, sua dona coronat: potest ante prævisa merita, ex motivo suæ largitatis vel misericordiæ, eligere homines ad gloriam, obligando se ex vi talis intentionis & voluntatis, ad dandum illis ipsa merita & bona opera, & quidquid ad merendum requiritur.

Ex quo habes notabile discrimen, quod intercedit, quantum ad hoc, inter Deum & Reges ac Principes terræ. Nam Principes, cum non habeat in sua potestate merita militum, non potest, ante illorum prævisionem, velle efficaciter, sed tantum ineffaciter, illis conferre præmiis; Deus verò, cum in sua potestate habeat merita prædestinatorum, ante illa prævisa, potest velle illis conferre præmium per merita, non solum voluntate inefficaci & antecedente, sed etiam efficaci & consequente.

Denique eadem veritas demonstrari potest omnibus argumentis quæ militiam contra Scientiam mediam: ut enim liberè farentur Adversarii, illa sublata, non potest ad effectum electio prædestinatorum ex præviis meritis.

## §. IX.

### Corollaria præcedentis doctrina.

EX dictis colliges primò: electionem ad gloriam factam ante prævisa merita, extendi etiam ad determinatum gradum beatitudinis, quem in particulari habebit quilibet prædestinatus. Quia non solum gloria absolute considerata, sed etiam in gradu determinato, est finis meritorum: Ergo sic debuit terminare efficacem electionem antevertem merita. Consequentia patet ex suprà dictis, nam finis ut sic ordine intentionis est prior mediis ad illum ordinatis.

Colliges secundò: prædestinationem non solum hominum, sed etiam Angelorum fuisse ante prævisa merita. Probat eadem ratio: quia volitio quæ Deus voluit Angelis gratiæ & merita, est volitio non finis, sed mediour: Ergo supponit volitionem finis ad quem media ista ordinantur, & consequenter supponit electionem ad gloriam. Addo, quod prædestinatio hominum & Angelorum, est ejusdem rationis & speciei,



Diff. 5.  
art. 7.

ciei, ut docet D. Thomas hic art. 1. ad 3. Ergo si-  
cut prædestinatio hominum supponit electionē  
absolutam ad gloriam ante prævia merita, ita  
& prædestinatio Angelorum. Hoc Corollarium  
probat etiam omnia argumenta, quibus Tracta-  
tu præcedenti divinorum decretorum efficaciam,  
ad statum innocentie Angelorum & hominum  
esse extendendam, monstravimus. Videri etiam  
potest Eftius, in 1. sentent. dist. 41. ubi hanc sen-  
tentiam fuisse & docēse explicat & defendit.

51 Colliges tertio: gloriam & merita, non uno  
actu, sed diversis virtualiter, esse à Deo efficaci-  
ter volita. Nam electio ad gloriam ut finem, ob-  
thet rationem intentionis, voluntas autem gra-  
tiæ & meritorum, rationem electionis sortitur:  
At electio & intentio in nobis distinguuntur  
realiter, & in Deo virtualiter; sicut actus lumi-  
nis principiorum in nobis causat realiter actum  
scientificum, & in Deo virtualiter: Ergo electio  
ad gloriam, & voluntas gratiæ & meritorum,  
virtualiter in Deo distinguuntur.

52 Colliges quarto: præter decretum intentionis  
gloriæ, meritorum prævisionem antevitens,  
dari aliud executivum circa gloriam, merita  
prævia supponens. Ita frequentius tenent nostri  
Thomistæ, contra Nazarium, Alvarem & Her-  
reram, & colligunt manifestè ex fundamentis  
dispositi præcedenti art. 2. statuti: ibi enim ostendi-  
mus, quod sicut in nobis intentio & usus sunt  
duo actus voluntatis distincti, quorum primus e-  
lectionem mediorum præcedit, secundus verò  
post electionem est, & circa executionem me-  
diorum & finis versatur. Ita de Deo, nostro mo-  
do intelligendi, asserendum est, & in voluntate  
divinæ, præter electionem mediorum, ad ordi-  
nem intentionis spectantem, admittendum est  
decretum executivum de iisdem mediis, ab ele-  
ctione aliqua ratione distinctum; quod decretum  
est ipsa volitio, quæ Deus vult efficaciter suam  
potentiam executivam applicare, ad hoc ut præ-  
destinati suo tempore gloriam consequantur.

53 Potest insuper eadem veritas hac ratione sua-  
deri. Actus exterior habere nequit honestatem  
alicujus virtutis specialis, nisi actus aliquis inter-  
ior voluntatis, cum honestate formaliter gau-  
deat. Sicut enim actus exteriori non competit  
formaliter libertas, sed solum ratione interioris  
ita nec honestas seu bonitas moralis, quæ in li-  
bertate fundatur, eamque supponit: Sed exterior  
gloriæ collatio, gaudet formaliter honestate ju-  
stitiæ, ut docent Theologi in Tractatu de meri-  
to. & constat ex verbis Apostoli 2. ad Timot. 4.  
*De reliquo reposita est mihi corona iustitiæ, quam red-  
de tibi Dominus in illa die iusti iudex: Quibus de-  
clarat gloriam dari à Deo ut iusto Iudice, & tan-  
quam coronam iustitiæ, & consequenter non solum  
ex gratitudine, aut fidelitate, sed ex vera &  
propria iustitia: Ergo datur aliquis actus volun-  
tatis divinæ, huiusmodi honestate formaliter  
gaudens; cumque electio efficax ad gloriam, spec-  
tans ad ordinem intentionis, tali honestate non  
gaudeat, sed sit purè gratuita & liberalis, admit-  
tendum est in Deo decretum executivum, in-  
duens talem honestatem.*

54 Confirmatur Merita, cum sint media mora-  
lia, non aliter causant finem executionem, nisi  
intermedio voluntatem præmittitis ut velit præ-  
mium conferre: Ergo si merita iustorum causent  
temporalem gloriam executionem, movent vo-  
luntatem divinam, illamque inclinant ad gloriam  
exhibendam: At divina voluntas temporaliter

moveri non potest; nec motivum aliquod de  
novo in tempore habere, sicut nec in tempore a-  
liiquid velle de novo: Ergo ab æterno movetur  
à meritis; cumque de voluntate gloriæ intenti-  
va hoc nequeat verificari, necessariò admitten-  
dum est in Deo decretum aliquod executivum  
ab intentivo distinctum, quod merita prævia  
supponat, & ab illis tanquam à causâ motiva de-  
pendeat. Hoc etiam probant plura Scripturæ, &  
Sanctorum Patrum testimonia, quibus Vasquez  
& alii Recentiores suam firmatè conantur sen-  
tentiam, quæ licet illam nec leviter indigent,  
hoc tamen corollarium vehementer suadent, ut  
magis constabit ex dicendis articulo sequenti.

Colliges ultimo: præscientiam cooperationis  
vel boni usus liberi arbitrii, non esse causam, ra-  
tionem, aut conditionem sine qua non prædesti-  
nationis.

Probat: Effectus prædestinationis non po-  
test ad eam præsupponi, nec ut causâ, nec ut ra-  
tio, nec ut conditio sine qua non illius: Sed co-  
operatio vel bonus usus liberi arbitrii, est effectus  
prædestinationis, ut dispo. sequenti ostendemus,  
& expressè docet S. Thomas quæst. 6. de verit.  
art. 2. ad 11. ubi ait: *Hoc ipsum quod est velle accipere  
gratiam, est nobis ex prædestinatione.* Et hic art. 5.  
*Non est distinctum (inquit) id quod est ex prædestina-  
tione & ex arbitrio nostro: sicut nec est distinctum quod  
est ex causa prima & secunda.* Ergo cooperatio, vel  
bonus usus liberi arbitrii, ut à Deo præscitus,  
non potest ad prædestinationem præsupponi ut  
causâ, vel ratio, aut conditio sine qua non illius.  
Eadem ratione utitur S. Augustinus cap. 17. & 18.  
& 19. de prædestinatione Sancti. contra Massili-  
enses, asserentes præscientiam fidei quæ credere  
incipimus, esse rationem prædestinationis, &  
hunc errorem impugnant, ostendendo talem fidem  
esse effectum prædestinationis. Quod specialiter  
probat ex illo ad Ephes. 1. *Sortem consecuti sumus,  
prædestinati secundum propositum eius qui universa o-  
peratur.* Ex quo inferi ibidem cap. 1. 9. *Ipse ergo ut  
credere incipimus operatur, qui universa operatur.*

Præterea, si ex parte Prædestinatorum dare-  
tur causâ, ratio, vel conditio suæ prædestinatio-  
nis, solubilis esset quæstio quam D. Paulus & S.  
Augustinus, aliique SS. Patres proponunt ut in-  
solubilem, cur scilicet Deus hunc prædestina-  
verit & non illum? vel quod idem est, quare hunc  
& non illum traxerit? Nam assignare ex parte  
hominis causam, rationem, seu conditionem, ra-  
tione cuius iste prædestinetur & non ille, est sol-  
vere quæstionem. Unde Lessius li. de prædestin.  
& reprob. sect. 4. num. 46. non veretur dicere:  
*Non esse inscrutabile, cur vocatio in illo sit inefficax in  
actu secundo, in isto efficax, id enim pendet ab arbitrii  
libertate, in cuius manu est facere, ut sit efficax vel in-  
efficax.* Cum tamen D. Prosper cap. 2. §. de vocat.  
Gentium expressè doceat, *Hanc quæstionem profun-  
ditatem non posse solvi per humani arbitrii velle vel  
nolle.*

Confirmatur exemplo figuli quo utitur D.  
Paulus ad hoc explicandum: nulla enim potest  
assignari causa, cur ille ex eadem massa lucifor-  
met quædam vasa in honorem, alia verò in con-  
tumeliam, sed hoc ad solum beneplacitum suæ  
voluntatis reducit.

## ARTICULUS II.

## Convelluntur fundamenta Adversariorum.

**F**undamenta Adversariorum, alia desumpta sunt ex Scriptura, & SS. Patribus, alia ex ratione petita. Quæ sunt primi generis, hoc §. diluuntur; alia verò in sequentibus.

## §. I.

Exponuntur testimonia Scripturæ, & Sanctorum Patrum, quæ videntur favere adverse sententia.

**58** Obijciunt in primis Adversarii contra nostram sententiam illud Matthæi 25. *Venite benedicti Patris mei, possidete paratum vobis regnum: Esurivi enim, & deditis mihi manducare &c.* Ubi particula illa causalis enim (inquit Vazquez) non solum ad temporalem gloriæ exhibitionem, sed etiam ad æternam ejus præparationem, est referenda. Secundo illud Pauli 1. ad Corinth. 2. *Oculus non vidit, nec auris audivit, nec in cor hominis ascendit quæ præparavit Deus diligentibus se.* Ubi etiam ista verba, *Diligentibus se*, causam præparationis, & non solum executionis subindicant. Tertiò illud Pauli ad Rom. 8. *Quos præcivit, & prædestinavit conformes fieri imaginis filii sui.* Id est, quos præcivit bene operaturos; & conformes futuros imaginis filii sui, hos prædestinavit. Unde Ambrosius super caput 8. Epistolæ ad Roman. exponens illa verba Apostoli, dicit: *Deus eos quos præcivit devotos, elegit ad promissa præmia capeffenda.* Et lib. 7. de fide: *Quorum (inquit) merita præcivit, horum præmia prædestinavit.* Cui concinit Fulgentius lib. 1. ad Monimum cap. 24. His verbis: *Prædestinavit ad regnum quos ad se præcivit misericordia prevenientis auxilio redituros.* Item Augustinus lib. 1. ad Simplic. quæst. 2. ait: *Electio non præcedit iustificacionem, sed electionem iustificatio.* At eadem est ratio de præcedentia meritum: ergo etiam ex Augustino præscientia meritorum electionem prædestinatorum ad gloriâ antecedit. Unde ibidem subdit: *Quod dictum est quia elegit nos Deus ante mundi constitutionem, non video quomodo sit dictum, nisi præscientiâ.* Denique S. Thomas super cap. 8. Epistolæ ad Roman. lect. 6. expendens hæc verba Apostoli: *Quos præcivit, hos & prædestinavit,* hæc scribit: *Circa ordinem autem præscientiæ & prædestinationis dicunt quidam quod præscientia meritorum bonorum & malorum est ratio prædestinationis, & reprobationis &c.* Et paulò post subiungit: *Et hoc quidem rationabiliter diceretur, si prædestinatio respiceret tantum vitam æternam quæ datur meritis: sed sub prædestinatione cadit omne beneficium salutare, quod est homini ab atero divinitus præparatum: unde eadem ratione omnia beneficia quæ nobis confert ex tempore, præparavit nobis ab æterno.* Vnde ponere quòd aliquod meritum ex parte nostra præsupponatur, cuius præscientia sit ratio prædestinationis, nihil est aliud quam gratiam ponere dari ex meritis nostris. Quibus verbis S. Thomas apertè videtur docere, quod quàmvis prædestinatio ad gratiam fit purè gratuita, & independens à præscientia meritorum; prædestinatio tamen ad gloriâ merita prævisa supponit.

**59** Ad primum & secundum testimonium respondent Estius & alii; Scripturam his locis non significare bonorum operum merita causam esse præparationis regni, sed possessionis il-

lius; & particulam illam causalem, enim, non esse referendam ad dictionem, paratum, sed ad verba antecedentia, *Venite & possidete*: Quæ solutio probabilitate non caret. Secundo tamen responderi potest, dato etiam quòd ibi Scripturæ loquatur de æterna præparatione gloriæ, & non solum de ejus temporali possessione, & consecutione; hæc debere intelligi & explicari de decreto executivo, quod præscientiam meritorum supponit, non verò de intentivo, quod est purè gratuitum, & meritorum prævisionem antecedens, ut exposuimus 4. corollario §. præcedentis.

Ad tertium testimonium dicendum est, aliquando in Scriptura nomine præscientiæ intelligi decretum Dei prædestinantis, ut docet D. Augustinus de bono perseverantiz cap. 18. ubi sic intelligit illud ad Roman. 11. *Non repulit Deus plebem suam quàm præcivit*: id est prædestinavit. Et ibidem subdit. *Quid nos prohibet quando apud aliquos verbi Dei tractatores legitimus præscientiam Dei, & agitur de vocatione electorum, eandem intelligere prædestinationem.* Unde non est sensus verborum Apostoli, quòd Deus præcivit prius meritâ prædestinatorum, & postea eos prædestinaverit; sed quòd eos prædestinando, illorum merita in sua prædestinatione præciviverit. Quare constructio illa verborum Apostoli supra relata, non est legitima, & reprobatu à D. Thoma ibidem lect. 6. ubi inquit, quòd *Convenientius sic ordinatur littera: Quos præcivit, hos & prædestinavit conformes fieri imaginis filii sui: ut ista conformitas non sit ratio prædestinationis, sed terminus vel effectus.*

Potest etiam responderi: ly *præcivit* significare scientiam approbationis, & sensum esse, Deum per actum imperii (in quo ut supra ostendimus prædestinatio essentialiter consistit) præparasse, & completè prædestinasse eos quos per scientiam approbationis, fundatam in decreto, ex vi suæ electionis efficacia, præcivit futuros initiativè conformes imaginis filii sui. In quo etiam sensu explicari possunt verba Ambrosii, & Fulgentii.

Ad Augustinum respondent aliqui cum Belarmino libro 2. de gratia cap. 14. illum libros ad Simplicianum juvenem scripsisse, & senem effectum, sententiam de electione ad gloriâ quam citato loco docuerat, retractasse: Sed hæc responsio non placet. Tum quia Augustinus in libris retractationis, ubi quæ minus veritati consentanea docuerat, humiliter retractavit, mentione factâ librorum ad Simplicianum, doctrinam in eis contentam non reprobavit, nec retractat, sed potiùs commendat, asserendo elaboratos esse pro libero arbitrio, sed divini gratiæ vicille. Tum etiam quia in libro de prædestinatione Sanctorum cap. 4. remittit Sempelagianos ad librum quem scripsit ad Simplicianum, quod minimè faceret, si aliquid in eo docuisset contrarium verè doctrinæ de prædestinatione & electione, quam contra Massilienses asseruere contendebat. Unde meliùs respondetur; juxta doctrinam traditam ultimo corollario §. præcedentis, quòd quando Augustinus loco citato dicit quòd electionem præcedit iustificatio, & quòd quândo Apostolus dixit elegit nos Deus ante mundi constitutionem, hoc non est dictum nisi præscientia: loquitur de electione ad gloriâ in ordine executionis, non in ordine intentionis; hæc enim in sententia Augustini merita prævisa

præcedere, supra §. 5. ostensum est. Vel nomine præscientiæ, intelligit scientiam fundatam in decreto, ut ipsemet cap. 18. libri de bono perseverantiæ, alios SS. Patres exponit.

- 62 Eodem modo exponendus est locus D. Thomæ desumptus ex commentario super caput 2. Epistolæ ad Romanos. Ibi enim S. Doctor sumit prædestinationem non pro decreto intentivo gloriæ, quod in ejus sententia meritorum prævisionem antevertit, sed pro decreto executivo illius, quod merita prævisa supponit: solumque intendit docere, hoc intercedere discrimen inter prædestinationem ad gloriam & prædestinationem ad gratiam, in ordine executionis consideratas, quod prima non est purè gratuita, sed dependet à præscientia meritorum. Secunda verò est purè gratuita, & independens à meritis.

## §. II.

*Solvuntur argumenta ex ratione petita.*

- 63 **C**ontra gratuitam prædestinationem objicitur primò, Si Deus ante prævisa merita eliget homines ad gloriâ, eam consequerentur, etsi nulla haberent merita: Consequens est falsum, ut patet: Ergo &c. Sequela probatur: Voluntas illa sic eligens est efficax, ac proinde debet infallibiliter fortiri suum effectum: Ergo si illa sit purè gratuita, & independens à præscientia meritorum, sequitur quod etiam nullis existentibus meritis, electi gloriâ consequerentur.

- 64 Respondeo negando sequelam Majoris: Licet enim ante prævisa merita Deus velit dare gloriam prædestinatis, non tamen sine meritis; imò potius ex voluntate illa gratuita, tanquam ex prima radice oritur voluntas dandi gratiam & merita, quibus tanquam mediis electi vitam æternam infallibiliter consequantur: juxta illud quod ex D. Prospero supra retulimus, *Deus huius quos elegit sine meritis, dat unde ornantur ex meritis.* Unde præcipua Adversarii nostri argumenta in hac materia, duplici æquivocatione laborant. Prima est, qui non distinguunt inter hoc quod est Deum velle dare gloriam per merita, & velle dare propter merita. Primum est verissimum, & significat Deum non velle dare gloriam in executione sine meritis & bonis operibus, quia vult illam dare per modum præmii & coronæ. Secundum verò est falsum, & denotat Deum, intuitu meritorum quæ prævidet, moveri & excitari ad eligendum homines ad gloriam. Primum significat, bona opera intrare prædestinationem ut effectus ex illa subsecutos & derivatos. Secundum verò denotat merita prævisa ad illam spectare ut motiva intendendi & volendi gloriam.

Secunda æquivocatio est similis præcedenti, & consistit in hoc, quod Adversarii has duas propositiones confundunt: *Deus gratis vult dare gloriam. Et Deus vult dare gloriam gratis:* quæ tamen sunt valde diversæ, & diligenter distinguendæ. Prima enim est verissima, & significat quod Deus gratuito motivo movetur ad intendendam gloriam. Secunda falsa, & erronea, & denotat quòd in ordine executionis Deus velit dare gloriam adultis sine meritis & bonis operibus. Unde subtiliter Scotus in reportatis dist. 41. quæst. unica §. *De argumento*, explicat hanc propositionem, *Deus vult Petrum præmiare propter merita*, & dicit quod *ly propter merita*, potest constitui cum *ly vult*, & sic est sensus, Deus propter merita vult

Petrum præmiare, & est falsa. Vel potest constitui cum *ly præmiare*, sic Deus vult Petrum præmiare propter merita, & in hoc sensu est vera.

Quando verò additur, quòd voluntas illa sic eligens gratuito homines ad gloriam efficax est: Ergo nullis etiam existentibus meritis, electi gloriam consequentur: neganda est Consequencia, si enim est efficax, non est possibile quod in electis nulla invenitur merita, quia ad hoc ipsum efficax est, ut causet ipsa merita, & merita sint effectus ejus; nam illa est efficax voluntas finis, quæ virtualiter continet media, & causat de facto illa.

Obijcitur secundo: Quod est volitum per modum coronæ, non potest efficaciter intendi ante prævisa merita: Sed Deus vult gloriam adultis per modum præmii & coronæ, & non solum per modum hæreditatis, ut definitur in Tridentino, & constat ex verbis Apostoli supra relatis: Ergo Deus nequit illam efficaciter intendere ante prævisa merita. Minor patet, Major verò probatur. Corona essentialiter dependet à meritis, & refertur ad illa: Ergo quod est volitum per modum coronæ, non potest efficaciter intendi ante prævisa merita.

- Respondeo negando Majorem: ad cujus probationem, distinguo Antecedens. Corona dependet essentialiter à meritis, in ordine executionis, & in genere causæ efficientis, concedo Antecedens. In ordine intentionis, & in genere causæ finalis, nego Antecedens, & consequentiam. Ut enim gloria in ordine intentionis sit prior præscientia meritorum, sufficit quòd licet dependeat à meritis in genere causæ efficientis, non dependeat ab illis, sed potius illa causet, in genere causæ finalis.

Dices: Implicat intelligi coronam ut coronam, sine ordine ad merita: Ergo implicat intendi sine ordine ad illa, & consequenter ante illorum prævisionem.

- Respondeo distinguendo Antecedens; sine ordine ad merita, ut causantia in omni ordine, nego Antecedens. Sine ordine ad merita, ut causantia in ordine executionis, & causata in ordine intentionis, concedo Antecedens, & distinguo Consequens eodem modo: ex quo solum sequitur debere attingi merita à decreto intentivo coronæ, ut ejus effectus, non autem ut motiva illius.

Instabis: Quia pœna ut pœna est effectus demeritorum, implicat in ordine aliquo intelligi aut intendi efficaciter absque prævisis demeritis ut motivis: At corona ut corona, non minus est effectus meritorum, quàm pœna demeritorum: Ergo implicat intelligi aut intendi efficaciter absque prævisis meritis, ut motivis & causis illius.

Respondeo distinguendo causalem Majoris: Præcisè quia est effectus demeritorum, nego Majorem. Ex hoc, & quia alias pœna ut pœna non est de primaria intentione Dei, sed bonum occasionatum, concedo Majorem, & concessa Minori, nego Consequentiam. Nam corona ut talis non est bonum occasionatum, sicut pœna, sed per se amabile, & ideo potest ratione sui in ordine intentionis amari absque occasione & prævisione meritorum, & non ut causata in illo ordine à meritis, sed ut illa causans & inferens.

Obijcitur tertio: Gloria in executione non confertur adultis, nisi ut præmium meritorum: Ergo ab æterno Deus non aliter eam conferre decrevit



decrevit, quàm x meritis prævisis. Probat A  
Consequentia, non enim aliter ab æterno fuit  
decreta gloria, ac in tempore executioni man-  
datur: Ergo si in tempore confertur dependen-  
ter à meritis, ex illis ut prævisis decreta fuit ab  
æterno, & consequenter nullum datum in Deo  
decretum efficax circa gloriam, merita prævisa  
antevertens.

70 Confirmatur, Actus exterior & interior sunt  
formaliter ejusdem honestatis Sed exterior glori-  
æ collatio gaudet honestate justitiæ, ut doce-  
tur in Tractatu de merito: Ergo etiam intentio  
eam tribuendi, debet esse ex justitiâ, & non ex  
pura liberalitate, & consequenter supponere  
præscientiam meritum.

71 Respondeo ex doctrina tradita corollario ult-  
timo §. præcedentis: Duplex circa gloriam con-  
stituendum est decretum in Deo, intentionis u-  
num, & executionis alterum. Primum cum exe-  
cutione in modo attingendi objectum non ad-  
equatur, imò potius opposito modo procedit, un-  
de enim incipit intentio, terminatur executio;  
ac proinde loquendo de isto, falsum est dicere,  
gloriam eodem modo esse à Deo decretam &  
intentam, quo in tempore executionis mandatur.  
Si verò de secundo decreto loquamur, verum  
est ab æterno per illud esse volitam gloriam, eo  
modo quo in tempore fuit executam; unde cum in  
tempore confertur ex meritis, ex illis etiam  
fuit volita per decretum executivum.

72 Ad confirmationem dicendum est, Majorem  
esse veram de actu interiori, immediatè imperā-  
te exteriori; falsam autem de interiori, solum  
mediatè imperante exteriori: intentio autem  
efficax gloriæ, immediatè non imperat gloriæ  
exhibitionem, sed tantum mediatè; illa enim  
immediatè imperatur à decreto executivo, un-  
de hoc decretum honestate justitiæ formaliter  
gaudet; aliud verò est purè liberale & gratui-  
tum, & meritum præscientiam antecedit.

73 Dices: Cuiuslibet decreto divino debet aliquis  
effectus ad extra correspondere: Sed voluntati  
gratuitæ dandi gloriam, nullus correspondet ef-  
fectus ad extra: Ergo in Deo non datur talis vo-  
luntas, seu decretum illud gloriæ intentivum,  
meritorum præscientiam antevertens. Minor  
probat, quia si aliquis effectus illi correspon-  
deret, deberet esse gloria, gratis & sine meritis  
collata, quæ tamen non ita de facto confertur.

74 Respondeo prætermisissæ Majori, de qua dispu-  
tant Theologi in Tractatu de voluntate Dei, ne-  
gando Minorem; ad cujus probationem, nego  
sequelam: licet enim voluntas dandi gloriam sit  
ante prævisa merita, non tamen est voluntas dā-  
di gloriam sine meritis, sed per merita & bona  
opera ab ipsa præparanda: unde effectus illius  
ad extra, est gloria in executione ex meritis  
communicata.

75 Obijciunt quartò: Si electio prædestinatorum  
ad gloriam esset purè gratuita, & antecedens  
prævisionem meritum, etiam reprobatio fieret  
ante prævisa demerita, ut constabit ex infra dicendis:  
Ergo & Antecedens, Sequela Majoris videtur  
manifesta, nam si ante prævisionem meritum  
Deus elegit homines ad gloriam, ex vi talis ele-  
ctionis manebit in Deo certus & determinatus  
numerus salvandorum, & non solum formaliter  
sed etiam materialiter: Ergo reliqui non sic ele-  
cti, manebunt exclusi à gloria: Ergo illa electio  
erit virtualis exclusio reliquorum à gloria ante  
prævisa demerita.

Respondeo distinguendo Majorem. Si repro- 76  
batio sumatur purè negativè, & pro voluntate  
non admittendi aliquos ad gloriam, transeat Ma-  
jor. Si sumatur positivè, & pro voluntate in di-  
gendi penam, nego Majorem. Solutio patet  
ex dicendis diff. §. ubi agemus de reprobatione.

Obijciunt quintò: Si prædestinatio fieret ante 77  
prævisa merita, maxime quia id petit ordinatus  
modus appetendis media, & dependentia essen-  
tialis electionis ab intentione: Sed hæc ratio ni-  
mis probat: Ergo nostra sententia falso nicitur  
fundamento. Major constat ex supra dictis, Mi-  
nor verò probatur. Si hæc ratio valeret, proba-  
ret quòd Deus, etiam de potentia absoluta, non  
potuit efficaciter eligere homines ad gratiam, &  
ad merita, nisi præsupposita intentione efficaci  
gloriæ: Sed hoc non est dicendum: Ergo &c. Se-  
quela Majoris probatur: quia Deus non potest  
ullâ potentia appetere inordinatè, nec essentia-  
les dependentias variare.

Respondeo concessa Majori, negando Mino- 78  
rem; ad cujus probationem dicendum est, Deum  
duobus modis potuisse se gerere in collatione  
gratiæ & meritum. Uno modo ut vellet & a-  
maret illa ut media solum sufficientia, nec ut in-  
fallibiliter cum gloria connexa. Secundo taliter  
quòd vellet & amaret gratiam & merita, ut me-  
dia efficacia, & infallibiliter cum gloria con-  
nexa. Primo modo potuit Deus efficaciter eligere  
homines ad gratiam & ad merita, absq; præsup-  
posita intentione gloriæ, non autem secundo  
modo. Sicut enim repugnat assensum evidentem  
conclusionis, quatenus conclusio est, haberi sine  
evidenti præmillarum assensu; ita electionem ef-  
ficacem medii ut infallibiliter connexi cum fi-  
ne, poni sine prævia efficaci finis intentione.

## §. III.

*Alia Adversariorum ratiuncula infringuntur.*

Obijciunt sextò: Secundum Scripturam & SS. 79  
Patres, numerus electorum, si comparetur  
ad multitudinem reproborum, valde exiguus  
est: unde Christus sæpe repetit in Evangelio,  
*Multi sunt vocati, pauci vero electi.* Et Lucæ 12. nu-  
merum electorum vocat parvulum gregem: No-  
tæ (inquit) *timere pusillus grex*, qui (ut Tercullia-  
ni verbis utar) *est de singularitate sua famosus, ut a-*  
*les Orientis quem phœnicem vocant.* Sed non videtur  
conveniens, nec divinæ bonitatis consonum, hæc  
exiguitatem numeri salvandorum referre in so-  
lum beneplacitum voluntatis divinæ, eodem dica-  
tur Sapient. 1. *Sentite de Domino in bonitate;* & bo-  
num, ut docet Dionysius cap. 1. de divin. nomi-  
nibus, sit maxime sui diffusivum & communicati-  
vum: Ergo illa debet reduci ad angustias volun-  
tatis humanæ, quæ non se conformat antecedenti  
Dei voluntati, ejusq; electioni non consentit;  
& consequenter prædestinatio à futuro consen-  
su voluntatis humanæ, tanquam à causa, vel sal-  
tem tanquam à conditione dependet.

Respondeo primò ex Augustino, hanc exigui- 80  
tatem numeri salvandorum, in peccatum origi-  
nale, & in primi parentis culpam, qui totam na-  
turam humanam reddidit Deo exosam, tanquam  
in causâ debere reduci. Ita S. Doctor in En-  
chir. cap. 99. ubi ait: *Qui liberantur ex universa*  
*generis humani damnatione, sic oportuisse libera-*  
*ri, ut ex pluribus non liberatis ostenderetur quid*  
*meruisset universa conspectio, & quòd istos*  
*de-*

debitum iudicium Dei duceret, nisi eius indebita misericordia subveniret. Et Epist. 157. ad Optatum inquit: *Tam parvam esse multitudinem electorum, ut ipsa relictorum multitudo offenderetur, quàm nullius momenti apud Deum iustitiam sit quantalibet numerofitas iustissime damnatorum, atque ut hinc intelligat qui ex ipsa damnatione redimuntur, hoc fuisse debitum malle illi universe, quod tam magna parti eius redditum cerneretur, non solum in eo qui originati peccato multa addunt male voluntatis arbitrio, verum etiam in tam multis parvulis, qui tantummodo proprio peccati originalis obstricti, sine gratia mediatorum ex hac luce rapiuntur.*

81 Respondeo secundò, Deum hac paucitate numeri electorum, divinæ electionis eminentiam voluisse ostendere, & significare quàm gratuitus, quàm admirabilis, quàm Dei proprius, quàm humilibus pervius, ac superbis repugnans, & denique quàm excelsus, & sublimis sit ille finis, ad quem electos suâ prædestinatione evehit & transmittit. Videmus enim, quòd quancò aliqua sunt nobiliora & excellentiora, tantò sunt rariora & minus communia; ut constat in auro, gemmis, unionibus, & lapidibus preciosis: Mediocritas in turbam nascentia, sepe natura prodicit, eximia vero ipsa raritate commendat, inquit Seneca Epist. 42.

Quatuor modis divina bonitas se diffundit, & ad extra communicat: scilicet in ordine naturæ, gratiæ, gloriæ, & unionis hypostaticæ: cum hoc tamen discrimine, quòd prima communicatio, quæ est omnium infima, est aliis magis extensa, & totum universum continet, omnibusque creaturis communis est. Secunda minus porrigitur, & solas creaturas intellectuales, quas Deus ad ordinem supernaturalem evexit, sibi suo complectitur. Tertiâ adhuc minus extenditur, & solum prædestinatis propria est. Ultima denique, quæ est omnium præstantissima, aliasque in infinitum excedit, solam Christi humanitatem, ad esse personale Verbi Divini assumptam, respicit.

Addo, etiam quòd intentio Dei prædestinantis fuit, sibi singulari & speciali vinculo & titulo devincire electos, quapropter rarum debuit fuisse hoc beneficium: nam teste Senecâ libro 1. de beneficiis cap. 14. *Beneficium quod quibuslibet datur, nulli gratum: quod vultis gratum esse, rarum effice: qui patitur sibi imputari vulgaris est.*

#### §. IV.

*Solvuntur argumenta & absurda ex inconvenientibus perita.*

82 Denique arguunt quidam Recentiores cum Lessio, ex pluribus absurdis & inconvenientibus, quæ dicunt sequi ex nostra sententia. In primis allèrunt illam videri rudem & asperam, Deique bonitate indignam. Quæ enim (inquiunt) non dicam bonitas, sed æquitas patitur, ut Deus ante omnem præscientiam futuri nostri consensum, & nullâ omnino habitâ ratione usus liberi arbitrii, quosdam homines efficaciter ad gloriam eligat, & reliquos spernat & abiciat?

83 Secundò, Hæc sententia non parùm derogare videtur divinæ sinceritati: quia non sincerè agere, est actiones externas non convenire interno affectui: Sed si vera esset nostra sententia, Dei actiones externæ longè essent dissimiles interno ipsius affectui, nam Deus omnes homines, maxime verò fideles, per Ecclesiam nomine Deile-

quentem, indifferenter hortatur ut salutem suâ operentur, omnibus eadè sacramenta exponit, ac Christum Dominum in Eucharistia offert; & sic actiones Dei externæ pro salute hominum, sunt paræ erga omnes fideles; & nihilominus in nostra sententia, interni eius affectus sunt erga illos omnino dispares ac dissimiles; cum occulto mytherio, sine ullis meritis vel demeritis prævisis, quosdam efficaciter eligat ad gloriam, & ceteros ab ea excludat, seu ad illam non assumat. Certe ludere videtur sic amans, vel illudere.

84 Tertiò dicunt, hanc sententiam studium propriæ salutis, & zelum animarum extinguere. Nam si illa esset vera, posset unusquisque dicere: si sum antecesser prædestinatus, quamvis hic & nunc non sum sollicitus de mea salute, non tamen ab illa excidam, sed suo tempore conseqvar certissimè. Si verò non sum ita prædestinatus antecesser, irriti erunt mei conatus ad salutem meam operandam. Idem dilemma facere posset quisvis vocatus ad procurandam animarum salutem. Posset enim dicere: vel hæc anima cujus hic & nunc salutem promovere possum, electa est antecesser à Deo, vel non? Si primum, me hic & nunc quiescente, nihil tamen illi peribit de gloria, imò nec de gradu gloriæ ad quem est destinata. Quòd si hæc anima non est electa antecesser, frustra laborabo. Ex hoc inferunt illi Authores, nostram sententiam populis prædicandam non esse, eò quòd homines in salutem procuranda segnes, bonorumque operum minus studiosos reddere possent.

85 Denum concedunt, decretum efficax dandi gloriam ante prævisa merita, omnem evertere libertatem, & fatalem necessitatem inducere: quia, inquiunt, tale decretum est quædam suppositio meam libertatem antecesser, & in sua efficacia, à quocumque actu meæ voluntatis independens, nec in manu mea est illud ævertere, aut illi jam dato & posito resistere.

86 Hæc sunt præcipua quorundam Recentiorum argumenta, quibus nostram sententiam, & firmiter, ac inconcussam gratuitæ prædestinationis fundamentum conanant evertere. Quibus in primis respondeo, quòd hæc omnia inconvenientia fuerunt olim D. Augustino à Pelagianis & Semipelagianis sæpius objecta, ut fusè ostendimus Tractatu præcedenti, eaque S. Doctorem nihil moverunt, quominus sententiam suam de gratuita Dei prædestinatione, constanter tueretur, & perseveranter teneret usque ad mortem.

Neque scandala quæ ob id oriebantur, & nonnullis accidebant, curanda esse putavit, iudicans esse passiva, & quæ ex inficitia veritatis, & imperitia Divinarum Scripturarum nascerentur. Ita Pererius Tom. 6. deputationum selectarum in sacram Scripturam, ad illa verba Apostoli ad Roman. 9. *Ergo cuius vult miseretur, & quem vult indurat.* Idem testatur Claudius Typhanus, novissimus Societatis scriptor, libro de prioribus & posterioribus cap. 53. ubi hæc scribit. *Quemadmodum ubi primum Augustinus suam illam de discretionem electorum à reprobus ex solo Dei beneficio, sententiam evulgavit, nonnulli Catholici, & non contenti in Ecclesia auctoritatis viri (plures scilicet Galliarum Episcopi) eam sunt offensi, dicebantque, ut vera esset, populis predicandam non esse, quod homines in salutem procuranda segnes, bonorumque operum minus studiosos reddere possent: si non desuere postea, suntque adhuc, qui doctrinam illam, non modo falsam, sed*

*Disp. II. art. 4. §. 4.*



valde duram & inhumanam existiment. Verum ut illorum offensio & oppugnatio, Augustinum à sua illa sententia, quam Doctore Apostolo, & magistrâ Scripturâ sacrâ didicerat, non deterruit, nec postea S. Thomam, aliosque Scholasticos ab Augustino seduxit: Ita nec nos ab eodem nunc removere debet dissentientium ab illo authoritas, aliorumque scandalum. Quin potius doctrinam hanc, ad gratiæ divinæ commendationem, ad admirandam iudiciorum Dei altitudinem, ad hominum de se suisque meritis nimis presumentium superbiam depressendam, ut cum timore ac tremore Domino serviant, ac salutem suam operentur, & in Dei bonitate ac misericordia sperent, & non in seipsis, sed in Domino glorientur, palam ac publice prædicandum cum Augustino libro de dono perseverantiae cap. 19. 22. 23. & 24. existimamus, nec in ea docenda timendum scandalum, eò quod, ut nos monet Gregorius Magnus homil. 7. in Ezechielem, Cùm de veritate scandalum oritur, magis est sustinendum scandalum, quam veritas relinquatur.

Quibus autem durior videtur hæc sententia, id inde accidit, quòd putent nos velle Deum panis æterni addicere reprobos, nullâ habita ratione peccatorum, & finalis impenitentia eorum. Quòd Deum ex se existiment, eamque quasi suo pede metiantur, putantes eum in consiliis ac decretis suis, ab obiectis bonis & malis, sicuti nos pendere ac permoveri. Quòd natura divinæ eminentissimæ, & supremæ in res omnes, etiam homines & Angelos, potestatis magnitudinem, non satù attendant. Et infra num. 5. addit: Non plus esse difficultatē ad hanc questionem explicandam & capiendam, quàm in reddenda ratione, cur Deus voluerit infantem hunc ex parentibus Catholicis nasci, baptizari, & salvari; illum ex Barbaris, & Canadæis natum, sine baptismo decedere: illum in tugurio ex pauperibus nasci, hunc in palatio ex divitibus? Cur ex duobus in idem peccatum lapsis, uni det gratiam contritionis, neget alteri? Cur ex duobus iusta uni perseverantia in iustitia concedatur, quæ alteri non conceditur? Deus enim, inquit S. Thomas 1. 2. quæst. 114. art. 9. Gratis perseverantiæ donum largitur, cuiuscumque illud largitur. Itaque si Deus hæc & alia sapienter, & sine iniquitate facit, quia Deus & Dominus, etiam nullâ lege tenetur impedire omne peccatum, & servare omnes. Hæc Typhanius loco citato. Quibus prælibatis, ad singula inconvenientia quæ nobis obijciuntur, sigillatim respondendum est.

87 Ad primum ergo dicendum, sententiam quæ gratuitum Dei prædestinationem commendat, nec esse rudem nec asperam: quia ut ait Augustinus in Psal. 118. versu 39. Amator veritatis suæ clamat quod verum est: nec Dei bonitate indignam, sed potiùs multum ei consentaneam, ut hic art. 5. ad 3. explicat D. Thomas, ostendens ex ipsâ bonitate divinâ sumi rationem prædestinationis aliquorum, & reprobationis aliorum. Sic enim (inquit) Deus dicitur omnia propter bonitatem suam fecisse, ut in rebus divina bonitas representetur. Neceesse est autem, quòd divina bonitas, quæ in se est una & simplex, multiformiter representetur in rebus..... Voluit igitur Deus in hominibus, quantum ad aliquos quos prædestinat, suam præsentare bonitatem, per modum misericordiæ, parcendo: & quantum ad aliquos, quos reprobat, per modum iustitiæ, puniendo. Et hæc est ratio, quare Deus quosdam reprobat. Licet ergo pertineat ad bonitatem Dei, ut sua antecedenti & quasi primariâ intentione, vel ut loquitur Ecclesia Lugdunensis in libro de tribus

Tomus II.

A Epistolis, Bonitate Creatoris, ut omnibus secundum se beatitudinem velit, considerata præcise naturâ humanâ secundum se, & prout est capax beatitudinis; spectat nihilominus ad bonitatem Dei, quatenus est universalissima, & ad omnia se extendens, etiam providere suæ iustitiæ, & eillocum assignare in universo, nec ita velle omnibus bonum peculiare eorum, quòd universale tollat: nam etiâ Deus aliquos particulatim & privatim lædendo, bonus est universo, ut egregiè expendit Tertullianus libro 2. contra Marcionem capite 13. Sic rotas (inquit) Deus bonus est, dum pro bono omnia est. Sic denique omnipotens, quia & iuvandi & lædendi potens. Minus est tantummodo prodesse, quia non aliud quid possit, quam prodesse. De eiusmodi quâ fiduciâ bonum sperem, si hoc solum potest? Quomodo innocentia mercedem sestet, si non & nocentia sperdem? Dissidam necesse est, ne nec alteram partem remuneretur, quæ utramque non valuit. Quibus verbis docet, & eleganter declarat, quòd aliter bonitas universalis se diffundit, quam oportet sic aliquorum partes agere, ut non omitat contrariorum: aliter particularis, cui non interest omnibus providere, sed quorundam tantum in particulari curam gerere.

C Ad illud quod addit de æquitate divinâ, 88 respondet D. Thomas ubi suprâ his verbis. Neque tamen propter hoc est iniquitas apud Deum, si inæqualitas non inæqualibus præparet. Hoc enim esset contra iustitiæ rationem, si prædestinationis effectus ex debito redderetur, & non daretur ex gratia. In huius enim quæ ex gratia dantur, potest aliquis pro libito suo dare cui vult plus, vel minus (dummodo nulli subtrahat debitum) absque præiudicio iustitiæ. Et hoc est quod dicit Pater familias Matthæi 20. capite: Tolle quod tuum est, & vade. An non licet mihi quod volo facere? Nunquid non in domo figuli distincta sunt vasa: illa quidem in gloriam, ista in ignominiam destinata? Quid ergo (inquit Augustinus in Psal. 48.) non aude reprehendere in officina figulum, & aude reprehendere in mundo Deum?

D Ad secundum inconveniens, in primis dico illud posse retorqueri in Adversarios: cum enim iuxta illorum principia, Deus uni de gratiam in ea occasione in qua scit convertendum, & alteri solum in ea occasione in qua scit esse frustrandam, non videtur habere veram & sinceram voluntatem de hominum salute, sed potiùs de industria videtur insidiari salutem aliquorum, dum eos ponit in illis occasionebus & circumstantiis in quibus præcit eos insalubriter lapsuros, relictis aliis infinitis, in quibus certò per scientiam mediam præferat, eos bene operaturos, ac in bono perseveraturos. Sicut dux viæ censetur viatoribus struere insidias, cum illos ducit per vias aut semitas in quibus certò scit quod illi in manus latronum incident, & ab eis spoliabuntur, & occidentur. Vel sicut venator vitæ avium aut ferarum sylvestrium insidiatur, dum eas ad certum locum vite compellit, ut incidunt in casses & laqueos quos paravit. Certò ludere videtur sic amans, vel illudere.

E Respondeo secundò negando sequelam, ad probationem, concessa Majori, nego Minorem. Ad probationem Minoris dicendum est, actiones Dei externas quibus Deus omnes homines, maximè verò fideles, hortatur ad salu-

E tem

reem & penitentiam, & omnibus indifferenter proponit salutis præcepta, consilia, & remedia, esse effectus & signa voluntatis Dei antecedentis, quâ vult omnes homines salvos fieri, consideratâ naturâ humanâ secundum se, & prout est capax salutis, ac in finem supernaturalem ordinatâ, ut docet Divus Thomas in prima dist. 46. questione prima, articulo primo his verbis: *Hujus enim voluntatis effectus est ipse ordo in finem salutis, & promerentia in finem, omnibus communiter propofita, tam naturalia, quàm gratuita; scilicet potentia naturales, & præcepta legû, & huiusmodi.* Cùm ergo hæc voluntas sit in Deo propriè & formaliter, & non solum metaphoricè, vel emineenter, ut Tractatu præcedenti ostendimus, actiones Dei exterius quibus Deus omnibus hominibus proponit salutis præcepta & remedia, sunt veræ, sinceræ, & non fallaces divini animi & affectûs significaciones.

Diff. 4.  
art. 3.

31 Ad tertium nego Antecedens, quoad utramque partem, ad evitum probationem dico, idem proflus dilemma de præscientia in Adversarios intortuque posse in hunc modum. Vel nunc sum de illorum numero, quos Deus ab æterno prævidisse salvandos, vel non sum? Si sum, nulla mea impoterum dissolutio aut segnitie faciet ut inde excidam, cum divina præscientia falli non possit; quid igitur de bonis operibus sollicitus sum? Si non sum, nullâ sollicitudine efficiam ut in illo numero comprehendar: quid igitur reitâ nisi desperato? Hac retorisione utitur Augustinus contra Semipelagianos capite decimo quinto de dono perseverantiæ, ubi sic habet: *Ista cum dicunt, ista nos à consuetudine Dei gratia, id est, quoniam secundum merita nostra datur, & à consuetudine secundum eam prædestinatione Sanctorum, deterere non debemus: si non detereremus à consuetudine præscientia Dei, si quid de illa populo si loquatur, ut dicat: sive nunc rectè vivat, sive non rectè, tales vos eritis, quales vos Deus futurus esse præcipit, vel boni si bonos, vel mali si malos. Numquid enim si hoc audire, nonnulli in torpore, segnitieque perantur, & a labore, proclivi ad libidinem, post concupiscentias suas tam, propterea de præscientia Dei falsum putandum esse quod dictum est? Nonne si Deus illos bonos futuros esse præcivit, boni erunt, in quantalibet nunc malignitate versentur; si autem malos, mali erunt, in quantalibet nunc bonitate cernantur? Sicut ergo hic discursus est vitiosus, ita inanis est ratiocinatio Adversariorum. Nam ut egregiè discutit idem Augustinus in eodem libro capite decimo septimo. Sicut ille qui dicit Deus castum futurum esse præcipit, quamvis id incertum habeat, agit ut castus sit: ita ille qui castum futurum prædestinavit, quamvis id incertum habeat, non idcirco non agit ut castus sit (hoc est non idcirco non est sollicitus agere ut castus sit) quoniam Dei dono se audit futurum esse quod quaerit, imò etiam gaudet eum charitas, nec inflatur, tanquam id non acceperit. Non solum ergo prædicationis prædestinationis ab hoc opere non impeditur, verum ad hoc adiuvatur, ut cum gloriatur, in Domino gloriatur. Uterque igitur qui de numero electorum est, sive ex prævisione, sive ex prædestinatione, sollicitus de bonis operibus ac salute esse debet, quia & prædestinatio & præscientia, habet per sollicitudinem & opera bona, electionis effectum reipâ conferre, ut explicat Divus Thomas hic articulo octavo. Nec ulla ratio est, cur minus solliciti simus ut præstemus id quod per nos ipsos Deus fieri*

A prædestinavit, quàm id quod Deus nos facturos esse præcivit. Nam sicut non fieret id quod Deus præcivit esse futurum, nisi adhiberetur ea media per quæ id futurum esse præcivit, ita non fieret id quod præordinavit, decrevitque talibus mediis fieri, nisi quoque talia media per quæ istud fieri decrevit, adhiberentur.

Ex hoc patet responsio ad illud quod additur de zelo salutis animarum: quoniam enim prædestinatio effectum suum non sine hominum aliorum cooperatione fortitur, per illam non tollitur verus & sincerus zelus animarum, in ea quam Augustinus tradidit veritate fundatur, ex qua ferventes cooperatores esse debemus voluntatis Dei, fratrumque salutis adiutores. Unde idem sanctus Doctor de correptione & gratia capite decimo quinto quondam verba refert qui dicebat: *Pereat infirmus, quid ad nos? firmum fundamentum Dei sit, & nemo perit nisi filius perditionis.* Et statim ea acriter redarguit ac terendum, tubdens: *Abstine ista agere, si securus nos in hac negligentia esse debere credamus.* Verum est enim quia nemo perit nisi filius perditionis: sed aut per Ezechielem Prophetam, ille quidem in peccato suo moritur, sanguinem vero eius de manu speculatorum requirit. Addit idem Augustinus ibidem, quod Nesciens quæ perineat ad prædestinatorum numerum, qui non perineat, sic affuit de omni charitatis affectu (qui non est alius nisi animarum zelus) ut omnes velimus salvos fieri.

Ad id verò quod addunt Adversarii, populus non esse prædicandum nostram sententiam, ne forte ex ea scandalizentur, vel in desperationem adducantur. Resp. idem fuisse obiectum à Massiliensibus contra Augustini sententiam, ut referunt Prosper & Hilarius in Epistolis ad Augustinum, & constat ex ipso Augustino in libro de dono perseverantiæ capite decimo quarto, ubi sic habet: *Amici (Massilienses) prædestinationi desunt enim utilitati prædicationis adversari: quasi verò adversaria sit Apostoli prædicanti? Nonne ille Doctor Gentium in fide, & veritate prædestinationem toties commendavit, & verbum Dei prædicare non desistit? Cur ergo prædicationi, præceptioni, exhortationi, correptionique, quæ omnia frequenter scriptura divina, existimamus inutilem desunt enim prædicationis quam commendat eadem divina scriptura. . . . . Cur non a nobis prædicabitur prædestinatio, quæ ab omnibus Ecclesiæ Doctoribus publice prædicata est? Hanc prædicavit Cyprianus, hanc Ambrosius. Dicatur ergo verum maxime ubi aliqua quaestio ut dicatur impellit, ut capiant qui possunt, ne forte iam taceat, propter eos qui capere non possunt, non solum veritate fraudentur, verum & falsitate capiantur qui verum capere, quæ caveatur falsitas possunt. Quamvis ergo quidam prædicatione gratiæ prædestinationis scandalizentur, ea tamen deterrenda non est, quia ut ait Gregorius magnus supra relatus: Si de veritate scandalum sumitur, nihil permittitur nisi scandalum, quàm veritas relinquatur. Alperâ factor est, & quæ solo auditu hominum corda conturbet, altissima divinæ prædestinationis prædicatio, & merito à Propheta secretum horrore appellatur. Sed nunquid blandientes populus veritates semper proponende sunt? Nunquid demulcendæ sunt suavi cantu illorum aures, & suavissima eis carmina cantanda? Audiant Deum, sic adulantes, & dulcia populi*

92

93

E

lis prædicantes, severè increpantem. *Va-  
ro-  
bi qui confutis pulvillo, sub omni cubito manus, &  
faciis cervicalia super capita universa atati ad capien-  
das animas. Propter hoc dicit Dominus Deus: Ecce  
ego ad pulvillo vestros quibus vos capita animas volan-  
tes, & dirumpam eos de brachiis vestris, Ezechielis de-  
cimo tertio.*

94 Ad ultimum inconveniens quod est de liber-  
tatis questione, plura dicemus in ultima disputa-  
tione, ubi agemus de concordia libertatis cum  
divina providentia & prædestinatione. Nunc  
breviter respondeo, quod licet decretum gra-  
tuitæ prædestinationis meam libertatem ante-  
cedat, & ab illa ut à causa, vel ut à condi-  
tione non pendeat, eam tamen non tollit vel  
lædit, tum quia antecedit antecedentiā causa-  
tivā actūs & libertatis ejusdem etiam quia deri-  
vatur ex efficaci voluntate Dei, in qua tota no-  
stra libertas eminentiſſimo modo continetur; ac  
proinde etſi non formaliter, æquivalenter ta-  
men, ad nostram voluntatem consequitur, quo-  
ad effectum conservandi libertatem illam, ut  
loco citato latius exponemus. Nec obſtat quòd  
non ſit in manu mea, tale decretum avertere,  
vel ei reſiſtere, ejusque efficaciam impedit:  
ſi enim ei non poteſt reſiſti, & illud velit  
& ſtatuat quòd liberè operemur, firmum & cer-  
tum eſt, quòd liberè operabimur: ut egre-  
giè expendit ſanctus Thomas ſuprà quæſtione  
decima nona, articulo octavo ad ſecundum his  
verbis: *Ex hoc quòd nihil voluntati divine reſiſtit, ſe-  
quitur quòd non ſolum ſiant ea quæ Deus vult fieri, ſed  
quòd ſiant contingenter vel neceſſariò, quia ſic vult  
fieri Deus. Quam doctrinam deſampliſ ex Anſelmo  
capite primo de concordia præſcientiæ &  
prædeſtinationis, ubi hæc ſcribit: Quoniam  
enim quòd Deus vult, non poteſt non eſſe, ſi Deus  
vult voluntatem humanam, nullà cogi vel prohiberi  
neceſſitate ad volendum, & vult effectum ſequi volun-  
tatem, tunc neceſſe eſt voluntatem eſſe liberam, & eſſe  
quòd vult.*

### ARTICULUS III.

*An deſur ex parte noſtra cauſa meritorea  
vel diſpoſitiva primi effectus  
prædeſtinationis?*

#### §. I.

*Reſeruntur ſententia, & prima conſuſio  
ſtatuitur.*

95 IN hac celebri quæſtione rejiciendi ſunt duo  
hæreticorum errores, & duæ Catholicorum  
ſententiæ conſutandæ.

Primus error fuit Pelagii, qui cum exſtima-  
ret liberum arbitrium ſufficere ad bene operan-  
dum, & per gratiam ſolum adjuvari ut faciliùs  
poſſet, conſequenter etiam aſſerebat, gratiam  
aliosque effectus ſuper-naturales ad prædeſtina-  
tionem pertinentes, dari nobis intuitu alicu-  
jus boni operis facti ſine gratia, tanquam pro-  
pter meritum, non ſolum de congruo, ſed etiam  
de condigno.

Secundus error fuit Semipelagianorum, ſeu  
Maſſilienſium, qui Pelagii hæreſim aſſiquiter  
temperantes, aſſerebant, nos quidem non poſſe  
ſine gratia Dei opera aliqua bona facere, ſed de-  
bere præveniri voluntates noſtras ab ipſa, ut ali-

Tom. II.

A quòd opus bonum vel inchoetur, vel conſumi-  
metur; ſed tamen dicebant ante ipſam gratiam  
præcedere ex parte noſtra, non quidem bona o-  
pera, ſed initia quædam fidei & bonæ voluntatis  
quorum intuitu Deus movebatur ad dandam  
primam gratiam auxiliantem. Hujus erroris me-  
minere Hilarius & Proſper in Epistolis ad Au-  
guſtinum, eumque, latè proſecuti ſunt Caſſianus  
Presbyter Maſſilienſis lib. 12. de inſtitutis Cæ-  
nobiorum cap. 11. & ſequentibus, & collat. 13,  
per totam, & Fauſtus Regienſis Episcopus in  
duobus libris de gratia & libero arbitrio.

B Prima verò Catholicorum ſententia exiſti-  
mat dari ex vitibus naturæ cauſam diſpoſitivam  
non tamen meritotiā primi auxilii ſupernatu-  
ralis. Pro hac referuntur Scotus, Durandus, Gab-  
riel, Ricardus, Javellus & alii.

Secunda docet, quòd licet opera bona ordi-  
nis naturalis, non ſint ratione ſui diſpoſitiones  
phyſicæ vel morales ad primam gratiam auxili-  
antem, ex lege tamen Dei, & pacto inito cum  
Chriſto, de non neganda gratia facienti quòd in  
ſe eſt, habent connexionem inſalubilem cum il-  
la. Ita Molina in concordia diſp. 1. o. & plures ex  
Recentioribus.

Dico primò: Opera bona moralia ex viribus  
naturæ proſecta, nec de condigno, nec de con-  
gruo primam gratiam auxiliantem promereri.  
C In prima parte conſiſtentiſ, ut in fidei dogmate  
omnes Catholici conveniunt: eſt enim definita  
in pluribus Conciliis, præſertim in Milevitano,  
Palæſtino, & Arauſicano ſecundò, in quibus  
Pelagio præcipitur, ut fateatur gratiam Dei,  
non ſecundum merita noſtra conferri. Ratio et-  
iam ſuffragatur, nam ut docent Theologi in  
Tractatu de merito, meritum de condigno adæ-  
quari debet præmio in morali æſtimatione: Ac  
huiusmodi æqualitas operibus naturæ ad ſuper-  
naturalem præmium repugnat, cum res ordinis  
naturalis & inferioris nequeat in morali æſtima-  
tione, rem ſuperioris ordinis adæquare, ut ex  
terminis manifeſtum apparet: Ergo etiam repu-  
gnat, quòd opera naturalia ſint condignè me-  
ritoria præmii ſupernaturalis.

Præterea, ut ſuprà dicebamus, prædeſtinatio  
Chriſti eſt exemplar noſtræ: Sed unio hypota-  
tica, quæ eſt primus ac præcipuus prædeſtinatio-  
nis Chriſti effectus, fuit purè gratuita, & abſque  
ullis præcedentibus meritis, ut ex variis Scrip-  
turæ teſtimoniis demonſtrat Auguſtinus capite 15.  
de prædeſtinatione Sanctorum. Ergo ſimiliter  
prima vocatio, ſeu primum gratiæ auxiliū, quòd  
eſt primus effectus noſtræ prædeſtinationis, da-  
tur purè gratis, & abſque ullis præcedentibus  
meritis naturæ. Unde Fulgentius libro de Incar-  
natione & gratia capite 19. docet, quòd ſicut in  
generatione carnali præcedit Dei operatio om-  
nem hominis geniti voluntatem vel affectum,  
& ſicut in conceptione Chriſti, Spiritus ſancti  
operatio, Virginis operationem antecellit: ita in  
ſpiritali hominis generatione, non præcedit  
voluntas hominis, ſed ſubſequitur Spiritus ſan-  
cti operationem.

Quòd autem nec de congruo primam gratiam  
auxiliantem, bona opera naturalia mereantur,  
oſtendit primò ex Scriptura. Dicitur enim ad  
Ephæſeos 1. *In quo omnes ſorte vocati ſumus, præde-  
ſtinati ſecundum propoſitum ejus qui operatur omnia  
ſecundum conſilium voluntatis ſue.* Quibus verbis  
Apoſtolus docet nos eſſe ſorte vocatos, & ad  
gratiam electos, ac proinde nullis præcedentibus  
meri-

E 2

meri-

meritis, vel occasionebus aut congruitatibus; qui enim forte eligitur, omnem istam præventionem excludit. Unde S. Thomas ibidem lect. 1. *Gratia quæ est primum prædestinationis effectus, non potest ratio aliqua assignari ex parte hominis.*

Præterea idem Apostolus 2. ad Corinth. 3. ait: *Non sumus sufficientes cogitare aliquid ex nobis quasi ex nobis, sed sufficientia nostra ex Deo est.* Ex quibus verbis hoc argumentum deducitur. Omne opus bonum ad vitam æternam conducens, debet præcedere sancta cogitatio: At huiusmodi cogitationem habere ex nobis non possumus, id est sine Dei gratia, ut Paulus aperte testatur: Ergo nec bonum aliquod opus meritorium de congruo primæ gratiæ elicere. Quo argumento utitur Divus Augustinus de prædestinatione SS. capite 2. & Divus Thomas hic art. 5. & quodlib. 1. art. 7.

100 Denique dicitur ad Roman. 9. *Non est volentis, neque currentis, sed Dei miserentis.* At si homo ex solius naturæ viribus primam gratiam auxiliantem mereretur de congruo, salus supernaturalis, de qua ibi loquebatur Paulus, non esset solius miserentis Dei, sed etiam volentis & currentis hominis, cum aliquid liberum arbitrium haberet sine Dei gratia, nempe initium vitæ spiritualis; & aliquid à Deo miserente per gratiam, scilicet consummationem: Ergo tale meritum de congruo operibus naturæ negandum est.

Secundò probatur ex Tridentino sess. 6. cap. 101 s. ubi docet exordium nostræ justificationis desumi à vocatione Dei, quâ nullis eorum existentibus meritis vocantur, &c. Ubi illa universalis negativa, omne meritum tam de condigno quàm de congruo videtur excludere. Idem colligitur ex aliis Conciliis suprâ relatis, contra Pelagianos definitibus, gratiam secundum merita nostra non dari. Si enim his verbis solum meritum de condigno excluderent, nihil contra semipelagianos definitur; cum valde probabile sit (ut constat ex infâ dicendis) semipelagianos, non condignum, sed solum congruum meritum, in operibus naturæ, respectu primæ gratiæ constituisse.

102 Tertiò eadem pars duplicatione Theologica potest demonstrari. Prima est isti primum gratiæ auxilium daretur à Deo intuitu boni operis naturalis, tanquam meriti de congruo, non daretur purè gratis, sed ex aliquo debito, seu iustitia, saltem imperfecta: At hoc destruit rationem gratiæ: Ergo &c. Minor constat, tum ex ipso vocabulo gratiæ, quod gratuitam & liberalem donationem designat. Tum ex Apostolo ad Rom. 11. dicente: *Si autem gratia, jam non ex operibus: alioquin gratia jam non esset gratia.* Tum denique ex Fulgentio, libro de incarn. & gratia Christi cap. 18 ubi hæc scribit: *Si verò nostrum est velle credere, priusquam nos gratia Dei incipiat adjuvare, iniuste gratia dicitur, quia non gratis datur homini, sed bona retribuit voluntati.* Major autem, in qua est difficultas, probatur tripliciter. Primò ex Augustino de verbis Apost. Ierem. 17. cap. 2. ubi docet quòd dari aliquid gratis est dari pro nihilo. Secundò ratione: Quod enim datur in recompensationem, non datur purè gratis: Sed quod confertur intuitu operis merentis de congruo, datur in recompensationem: Ergo non datur purè gratis. Item quod datur ex motivo gratitudinis, purè gratis non confertur: Sed quod datur intuitu meriti de congruo, confertur ex gratitudine: Ergo non datur purè gratis.

103 Dices: gratia justificationis est simpliciter gra-

tiæ, & gratis simpliciter justificari dicimur, & tamen fides gratiam justificantem meretur de congruo, in sententia probabil. quam non obfure tradit Augustinus Epist. 105 his verbis: *Sed nec ipsa remissio peccatorum sine aliquo merito est, si fides hanc impetrat.* Ergo ratio gratiæ simpliciter compatitur cum merito de congruo.

Respondeo dato Antecedente, de quo disputant Theologi in Tractatu de merito, distinguendo Consequens. Compatitur cum merito de congruo, habito ex gratia, concedo. Habito ex viribus naturæ, nego. Nam omnis gratia ad minus in radice omne meritum & omne debitum excludere petit, ne illam naturæ debitam, & cum illa connexam constituamus; & quia cum hoc quod est conferri ob merita de congruo habita ex gratia, componitur exclusio omnis debiti in radice, scilicet in primo divinæ gratiæ auxilio; cum hoc verò quod est dari ob merita habita ex viribus naturæ, hoc non componitur: consequens sit, quòd ratio gratiæ simpliciter talis, sit composibilis cum hoc quod est dari ob meritum congruum, habitum ex viribus gratiæ; secus autem cum hoc quod est conferri intuitu meriti de congruo, habitum ex viribus naturæ; & ita ex eo quòd primum auxilium est gratia simpliciter, recte inferitur, illud non dari intuitu boni operis naturalis, ut meriti de congruo.

Secunda ratio Theologica est. Meritum de congruo facit sibi aliquâ ratione debitum præmi: Sed nullum opus ordinis naturalis, potest supernaturalem gratiam sibi debitam facere: Ergo nec illam de congruo promereri. Major est certa, Minor probatur, quia ut ad illam sibi debitam faceret, deberet ad illam ut finem ordinari: At opus naturale nequit finem supernaturalem respicere; ea enim quæ sunt ordinis inferioris, non ordinantur, nec dicuntur habitudinem ad ea quæ sunt ordinis superioris: Ergo opus naturale nequit sibi debitam facere gratiam supernaturalem.

Confirmatur: Forma supernaturalis petit excedere totius naturæ exigentiam: At si deberetur operi naturali, non excederet exigentiam illius: Ergo &c.

105 Dices: Magis distat ordo hypostaticus ab ordine gratiæ, quàm ordo gratiæ ab ordine naturæ, cum illa distantia sit infinita, hæc autem finita; & tamen potest ordo hypostaticus cadere sub merito de congruo actuum pertinentium ad ordinem gratiæ: ut enim docent Theologi in Tractatu de Incarnatione, antiqui Patres promeruerunt de congruo sublimitatem, vel ad minus circumstantias Incarnationis. Ergo etiam ordo gratiæ terminare poterit meritum de congruo actuum spectantium ad ordinem naturæ non obstante distantia quæ inter utrumque ordinem reperitur.

106 Respondeo Majorem esse vetam de distantia enitativa, falsam de distantia proportionis & habitudinis. Nam hoc modo plus distat ordo gratiæ ab ordine naturæ, quàm ordo hypostaticus ab ordine gratiæ. Cum enim isti ordines intra genus ordinis supernaturalis continentur, unus potest terminare habitudinem actuum spectantium ad alium. E contra verò, cum ordo gratiæ & naturæ sint omnino diversi, unus non potest ordinari ad alterum, sed forma supernaturalis totius naturæ exigentiam excedit. Quæ responsio & doctrina potest hoc exemplo illustrari. Plus distat Deus ab intellectu perfuso lumine



mine gloriæ, quam substantia spiritualis ab oculo corporeo; & tamen potest Deus ab intellectu lumine gloriæ perfuso videri, secus autem substantia spiritualis ab oculo corporeo. Cujus alia ratio esse nequit, nisi quia illa major distantia est in genere entis, non in ratione habitudinis potentæ & objecti. Idem cum proportionem dicentium est in præfenti, scilicet quod ordo hypostaticus potest attingi ab ordine gratiæ, quamvis ordo gratiæ non possit attingi ab ordine naturæ, quia licet ordo hypostaticus magis distet ab ordine gratiæ, quam ordo gratiæ ab ordine naturæ; illa tamen major distantia est in genere entis, non tamen in ratione proportionis & habitudinis, propter rationem quam assignavimus.

## §. II.

*Hæreticorum fundamenta convelluntur.*

107 **D**UO sunt præcipua Pelagianorum & Semipelagianorum motiva, ad docendum gratiam intuitu operum naturalium à Deo conferri, ut supra insinuavimus, & aperte colligitur ex Epistolis Properi & Hilarii ad Augustinum. Primum erat, quia si Deus solâ suâ voluntate, & nullâ existente causâ, occasione, vel merito aut demerito ex parte hominis, suam gratiam concederet vel denegaret, esset personarum acceptor, ac injustus luorum donorum distributor: quod repugnat Apostolo ad Roman. 2. & ad Ephes. 6. dicenti, *Non est acceptio personarum apud Deum.*

108 **S**ed hoc fundamentum facile potest convelli. Vitium enim acceptationis personarum, tunc solùm incurritur, quando quod debetur pluribus, uni soli confertur: At divina gratia nulli debetur, alias gratia non esset; Ergo Deus eam tribuens uni & non alteri, nullo ex parte eorum præcedente discrimine, acceptor personarum non est.

109 **C**onfirmatur, & magis illustratur hæc ratio: Personarum acceptio opponitur justitiæ distributiæ, ut docet D. Thomas 2. 2. quæst. 63. art. 1. Sed justitia distributiva non habet locum in gratuitis & indebitis, qualia sunt dona & auxilia gratiæ, ut egregie expendit idem S. Doctor in cap. 9. Epistolæ ad Roman. lect. 3. ubi hæc scribit, *Justitia distributiva locum habet in his quæ dantur ex debito, puta si aliqui meruerunt mercedem, ut plus laborantibus major merces donetur; non autem habet locum in his quæ sponte & misericorditer aliquis dat: puta si aliqui duos pauperes in via inveniens, det uni quod potest, vel disponit in elemosinam dare, non est iniquus, sed misericors. Similiter si aliquis duobus æque ipsum offendentibus, uni dimittat offensam, & non alteri, est misericors uni, & justus ad alterum, neutri vero iniquus. Cum ergo omnes homines propter peccatum primi parentis, damnationi nascantur obnoxii, quos Deus per suam gratiam liberat, solâ misericordiâ liberat; & sic quibusdam est misericors quos liberat, quibusdam autem justus quos non liberat, neutrum autem iniquus. Idem docet hic art. 5. ad 3. his verbis: Neque propter hoc est iniquitas apud Deum, si inæqualiter in æqualibus præparet. Hoc enim esset contra justitiæ rationem, si prædestinationis effectus ex debito redderetur, & non daretur ex gratia. In his enim quæ ex gratia dantur, potest aliquis prohibito suo dare cui vult, plus, vel minus (dimmodo nulli suberat debitum) absque præjudicio justitiæ. Et hoc est quod dicit Pater*

*familias Matthæi 20. tolle quod tuum est, & vade. An non licet mihi quod volo facere?*

Confirmatur ampliùs: Absque vitio acceptationis personarum, Deus ex pluribus creaturis possibilibus qualdam decrevit producere, aliis relictis intra statum possibilitatis; & tamen ex parte illarum quas de facto produxit, nulla ratio inducens ad sui productionem præcessit. Et ut Deus humanitatem Verbo copularet, nullum ex parte illius meritum præcessit, & tamen ex hoc quoddam alias humanitates sibi unibiles reliquerit, tale vitium non incurrit: Ergo similiter licet Deus uni & non alteri suam gratiam largiatur, nullo ex parte illorum præcedente discrimine, non potest argui tanquam personarum acceptor, ac injustus luorum donorum distributor. Unde bellè S. Prosper libro primo de vocatione Gentium capite decimo: Si enim de parentum carnalium judicii conquiri non audemus, cum aliquos filios suos, ante ullam morum examina, ante aliqua pietatis obsequia, indulgentiore complectuntur affectu. In dominis quoque ipsa famulos libera est dispositio, nec justè à quoquam reprehenditur, qui de unius conditione familia, quædam sibi quos benignius honestaret, & quos liberalius erudiret, elegit. Nunquid de summi Patris, & veri Domini benevolentissimâ aequitate causandum est, quod in magna domo ejus, innumera differentia universa videntur.

Secundum Hæreticorum fundamentum erat: Si Deus suam gratiam conferret non præcedente voluntatis consensu, periret libertas, & in incertum divinæ voluntatis duceretur, ut refert Hilarius Epist. ad August. & colligitur ex ipso Augustino libro 2. cont. duas Epistol. Pelagian. ubi respondens argumentis Pelagianorum cap. 5. ait: *Nec sub nomine gratiæ satum asserimus, quia nulli hominum meritum, Dei gratiam dicimus antecedi.*

Sed hoc etiam fundamentum futile est ac ruinofum: licet enim Dei gratia humanas præveniat & præparet voluntates, & nullis præcedentibus hominum meritis conferatur, illa tamen non impedit, sed potius efficit libertatem hominis determinationem & consensum; & causat in nobis, ut inquit Augustinus, *liberrimam, fortissimam, & invictissimam voluntatem: ac operatur in cordibus hominum, non ut nolentes credant, sed ut volentes ex nolentibus fiant. Vel ut loquitur Prosper lib. 2. ref. cap. 16. sent. 6. Arbitrium hominis gratia non abolet, sed adest. Vel etiam ut lepidè ait Bernardus Tractatu de gratia & libero arbitrio: Gratia non aufert, sed transfert voluntatem.*

Addo quoddam, cum omnis causa sit prior saltem naturâ & causalitate suo effectu, tantum abest quod ex præveniente gratia sequatur libertatis excidium, quin potius implicet eam causam in nobis liberam nostræ voluntatis determinationem & consensum, nisi illum præveniat, & prioritate saltem naturæ antecedat, ut alibi fusiùs exponemus.

Confirmatur argumento ad hominem, ex doctrina ipsorum hæreticorum desumpto. Etenim Cassianus inter Semipelagianos præcipuus, aperte fatetur quosdam nihil de salute cogitantes, imò etiam nolentes, gratiâ Dei præveniri, ut constat ex Collatione 13. cap. 15. ubi exemplum adducit de Andrea, Petro, cæterisque Apostolis,

petro 3 quot

Dem nihil de sua salutis remedio cogitantes, spontanea A gratia sua dignatione praelegit. Et post pauca subdit: Invitum ac repugnante attrahit Paulum, alium ita praecepti sibi inseparabiliter adherere, ut sibi postulant, brevissimas pro sepultura patris non concedat inducias. At in his a divina gratia praevenitis, libertas arbitrii sublata non est; sed salva ac incolumis permanet: alias eorum conversio non fuisset meritoria, nec bona moraliter: Ergo ex eo quod in omnibus, divina gratia voluntates nostras praeveniat, & bonum opus praecedat, non sequitur libertatis excidium. Unde Prosper libro quem scripsit contra ipsum Collatorem B c. 18. circa finem: Non conturbat nos superbientium ineptia querimonia, quod liberum hominum arbitrium incausantur auferri. si & principia; & profectum. & perseverantiam in boni usque in finem, Dei dona esse dicantur, quoniam opulationes divinae gratiae, stabilita sunt voluntati humanae.

## §. III.

Statuitur secunda conclusio, & ostenditur hominem ex viribus naturae non posse se disponere, etiam remote, ad primum auxilium gratiae.

113 Dico secundò: Opera bona moralia, ex naturae viribus habita, nec etiam dispositivè ad primam vocationem concurrunt. Ita docent celeberrimos Theologi, adeò constanter, ut oppositam sententiam quidam haereticam, aliteroneam, alii temerariam existimant. Exiamplem Doctor Anglicus quodd. 1. art. 7. hanc de illa ferat censuram. Ad Pelagianorum errorem pertinet dicere quod Homo possit se ad gratiam preparare, absque auxilio divinae gratiae: & est contra Apostolum, qui dicit ad Philippenses 1. qui capit in nobis opus bonum, ipse perficiet.

114 Probatur primò conclusio ex illo Pauli 1. ad Corint. 4. Quis enim te discernit? quid habes quod non accepisti? si autem accepisti, quid gloriaris quasi non acceperis? Ex quibus verbis tale argumentum formatur. Omnis discretio unus ab alio, in ordine ad spirituales salutem, est ex Dei gratia per Christum, alias de aliquo ad salutem supernaturalem conducente, possemus ut de nostro, id est per gratiam non accepto, gloriari, contra Pauli sententiam: At si homo ex operibus naturae viribus habitis, ad primam gratiam auxilientem se disponeret, ab alio non sic operante, in ordine ad spirituales salutem se discerneret, discretione non habità ex gratia, ut manifestum est: Ergo ne in hoc incidamus inconveniens, & Apostolo aperte contradicamus, dicendum est hominem per opera bona moraliter ex naturae viribus elicita, non posse ad primam gratiam auxilientem se disponere.

115 Probatur secundò ex Tridentino sess. 6. cap. 5. dicente, justificationis exordium à Deipre Jesum Christum praeveniente gratia esse sumendum, Sed hoc esset falsum, si homo per opera bona ex viribus naturae elicita, posset ad primam gratiam auxilientem se disponere: nam illi actus dispositivè ad justificationem concurrerent, eamque aliquo modo inchoarent; sicut inchoat generationem ignis, qui primam dispositionem ad illam inducere incipit, unde justificationis exordium, non à praeveniente Christi gratia, sed à libero sumetur arbitrio: Ergo &c.

116 Confirmatur: Concilium ibidem cap. 8. definit initium omnis justificationis esse fidem:

Sed hoc verum non esset, si homo per opera viribus naturae elicita, ad primum gratiae auxilium se disponeret; huiusmodi enim opera fidem antecedentia, alicuius justificationis primum essent initium: Ergo idem quod prius.

117 Probatur tertio ex D. Thoma 1. 2. quæst. 112. art. 3. in corp. ubi aperte docet, quod præparatio, si consideretur secundum quod est à libero arbitrio, nullam necessitatem habet ad gratiae consecutionem, sed secundum quod est à Deo movente. Et quæst. 109 art. 6. ad 2. & ad Rom. 10. lect. 3. explicat illud axioma, Faciemus quod in se est, Deum non demergat gratiam, de faciente quod in te est, ut est motus auxilio divino. Et 3. contra Gent. cap. 149. loquens de auxilio divino movente nostrum liberum arbitrium, sic concludit. Homo igitur non movet seipsum, quod ad adipiscendum auxilium, quod supra ipsum est, sed potius ad hoc adipiscendum à Deo movetur. Motus autem moventis præcedit motum mobilis ratione & causâ. Non igitur propter hoc datur nobis auxilium, quia nos ad illud per bona opera promovemur, sed potius nos iaceo per bona opera proficimus, quia divino auxilio praevenimur.

118 Potest inique luvaderi conclusio triplici ratione. Prima sumitur ex D. Thoma loco proxime citato, ubi sic discutitur. Nullum agens particulare potest universaliter praevenire actionem primi & universalis agentis, id quod omni actio particularis agentis originem habet ab universalis agente, sicut in istu inferioribus omni motus praevenit motui celesti: sed anima humana ordinatur sub Deo, sicut particulare agens sub universalis; impossibile est ergo esse aliquid rectum motum in ipsa, quem non praeveniat actio divina.

119 Secunda ratio quam habet idem S. Doctor 1. 2. quæst. 119. art. 6. potest sic proponi. Finis & principium alicujus effectus debent proportionari quoad ordinem: At finis omnis dispositionis ad gratiam supernaturalem, est Deus, non ut author naturæ, sed ut author gratiæ: Ergo principium illius debet esse Deus ut author gratiæ, & non author naturæ, & consequenter à libero arbitrio procedere ut divini gratiæ adjuto. Prima & secunda Consequentia, cum Majore, probatione non indigent. Minor autem probatur: Omnis effectus cujus finis proximus est supernaturalis, habet pro fine ultimo Deum ut supernaturalem autorem: At omnis dispositio ad gratiam supernaturalem, habet pro fine proximo aliquid supernaturale, scilicet formam ipsam: Ergo respicit pro fine ultimo Deum ut autorem supernaturalem.

120 Confirmatur & magis illustratur hæc ratio: Omnis effectus cujus principium aliquod excedit exigentiam totius naturæ, est supra naturæ exigentiam, & consequenter supernaturalis: At omnis dispositio ad formam supernaturalem, est effectus alicujus causæ excedentis potius naturæ exigentiam: Ergo excedit ipsæ exigentiam totius naturæ, & consequenter est supernaturalis. Major est evidens, Minor probatur. Dispositio etiam causat formam in genere causæ materialis, causatur tamen ab illa in genere causæ finalis: Ergo omnis dispositio ad formam supernaturalem, finaliter causatur ab illa: At forma supernaturalis, totius naturæ exigentiam excedit: Ergo omnis dispositio ad formam supernaturalem, est effectus alicujus causæ excedentis exigentiam totius naturæ.

Tertia ratio sic potest formari. Omnis dispositio positiva ad totam supernaturalem, positivè cum ea connectitur, eamque positivè exposcit Sed

Sed talis connexio & exigentia nequit actibus naturalibus in ordine ad formam supernaturalem competere : Ergo actus ordinis naturalis non possunt ad gratiam præparare. Minor est per se nota, ea enim quæ sunt ordinis inferioris & naturalis, non debent habitudinem & connexionem cum rebus ordinis superioris & supernaturalis. Major autem in qua est difficultas, probatur ex differentia in modo causandi, quæ intercedit inter subiectum & dispositiones, respectu formæ supernaturalis. Illud enim solum concurret per obedientialem potentiam, quæ consistit in non repugnantia ad formæ receptionem : dispositiones autem non causant ratione potentie obedientialis, non repugnando receptioni formæ, aliis æquæ elongatum maneret subiectum à forma recipienda, illis positis, ac antea; si quidem solum haberet ex adventu dispositionum non repugnantiam, quam ratione sui antea habebat; causant ergo dispositiones positive inclinando & approximando subiectum ad formam recipiendam : A positive inclinare, est positive petere formam inducendam : Ergo omnis dispositio ad formam supernaturalem, positive illam petit, & cum ea connectitur.

Denique probari potest conclusio ex duplici absurdo & inconvenienti quod sequitur ex ad versa sententia. Si homo ex viribus naturæ possit ad primam gratiam & vocationem se disponere, poterit etiam illam saltem de congruo promereri : Consequens est falsum & erroneum, ut constat ex dictis §. 1. Ergo & Antecedens. Sequela Majoris probatur. Cum omnis dispositio ex se & ex sua natura dicat ordinem & habitudinem ad formam ad quam disponit, & sit magna ratio eam inducendi in subiectum, quandam rationem debiti secum affert; unde si aliunde talis dispositio sit moralis, & consistens in actibus liberi arbitrii, vix potest ab illa aliqua ratio meriti separari, Quare S. Prosper contra Collatorem cap. 6. illum redarguit, eò quod assereret dari in natura quadam inritia fidei & bonæ voluntatis, & tamen negaret gratiam secundum merita nostra dari. *Velu nolū convincerū gratiam Dei secundum merita nostra dari, cum aliquid in ipsis hominibus præcedere affirmas, propter quod gratiam consequantur. Nec enim nullius meriti haberi potest potentia fidei, quærentis pietas, pulsantis instantia.*

Præterea, si homo per opera naturalia ad primam vocationem, primumque gratiæ auxilium se disponeret, gratia non esset præveniens, sed præventa à natura, & à libero arbitrio; nec dux illius, sed pedissequa : omnis enim dispositio prævenit formam ad quam disponit, eamque prioritate temporis, vel saltem naturæ antecedit. Quam etiam rationem tangit S. Prosper in eodem libro cap. 39. his verbis : *Quoniam si secundum ipsos (scilicet Semipelagianos) auferatur liberum arbitrium, cum à gratia prevenitur, auferetur etiam gratia, cum à libero prevenitur arbitrio.*

## §. IV.

*Diluuntur argumenta adversa sententia.*

Objicies primum : Licet in natura non detur vis proxima & immediate productiva actuum supernaturalium, ut docent Thomistæ contra Sūarem & alios Recentiores, negari tamen non potest, in illa dari virtutem saltem radicalem & mediatam, seu potentiam obedi-

entialem radicalem & remotam in ordine ad illos; alioquin potentie vitales animæ (Intellectus scilicet & voluntas) merè passivè se haberent ad actus supernaturales, nec possent elevari ad illos eliciendos, ut latè expendimus in Tractatu de visione beata. Ergo similiter, quævis in natura non possit dari vis proxima dispositiva ad gratiam, non videtur tamen posse negari, in illa dari virtutem dispositivam, saltem remotam & mediatam, & consequenter hominem, per actus moraliter bonos, ex naturæ viribus elicitos, remore saltem ad primum auxilium gratiæ posse se disponere. Consequentia videtur manifesta, cum ex paritate rationis, cum etiam quia non minus est de ratione formæ supernaturalis excedere facultatem activam naturæ, quàm facultatem dispositivam; unde si in natura admittatur vis productiva actuum supernaturalium, radicalis & remota; non est cur ei denegetur vis dispositiva, saltem initialis & remota.

Respondeo hoc argumentum laborare in æquivoco; nam aliud est potentia remore dispositiva ad gratiam, & aliud dispositio remota ad gratiam. Primum concedimus convenire naturæ, quia ad hoc sufficit quod in natura sit potentia remota elicitiva actuum supernaturalium disponendum ad gratiam iustificantem. Secundum autem negamus, eò quod ea quæ sunt ordinis inferioris, non possint disponere & præparare subiectum ad recipiendam formam ordinis superioris, ut supra ostendimus. Unde in forma ad argumentum, concessio Antecedente, & primo Consequente, debet negari secundum. Et eo enim quod in natura detur potentia remore elicitiva actuum supernaturalium, & consequenter remore dispositiva ad gratiam, non sequitur hominem per actus moraliter bonos ex naturæ viribus elicitos, posse remore ad primum gratiæ auxilium se disponere. Ratio autem discriminis inter potentiam activam remotam, & remotam dispositionem est, quia potentia activa non influit ratione sui, sed ut elevata per formam supernaturalem dantem vires proximas elicitivas: dispositio autem remota, ratione sui causalitatem exercet in formam, nec ad illam exercendam indiget elevari per dispositiones proximas; licet enim illæ desiderentur ut forma causetur, & de potentia subiecti educatur; non tamen requiruntur ut elevent remotas dispositiones; sicut habitus & auxilia ordinis supernaturalis exiguntur ad elevandas potentias animæ.

Objicies secundò: Actus purè naturales impetratoriè ad primam gratiam concurrere possunt. Ergo & dispositivè. Consequentia patet ex paritate rationis : Antecedens verò probatur ex D. Thoma 2. 2. quæst. 83. art. 16. in corp. ubi docet orationem peccatoris ex bono natura desiderio procedentem, Deum exaudire; non quasi ex iustitia, quia peccator hoc non meretur, sed ex pura misericordia. Ergo ex D. Thoma oratio naturalis habet vim impetrandi apud Deum. Unde ibidem in resp. ad 2. art. *Quamvis ejus oratio (scilicet peccatoris) non sit meritoria, potest tamen esse impetrativa: quia meritum inimitur iustitia, sed impetratio inimitur gratia.*

Respondeo negando Antecedens : nam ut docet S. Thomas quæstione citatâ; art. 15. ad 1. Oratio qua impetrat gratiam gratum facientem, procedit ex aliqua gratia. Et in resp. ad 3. art. Oratio inimitur principaliter fidei, non quantum ad efficaciam merendi, sed quantum ad efficaciam impetrandi.

impetrandi: Ergo ex mente D. Thomæ, ut oratio sit impetratoria, debet ex gratia procedere. Unde quando loco citato in argumento docet Deum exaudire orationem peccatoris ex bono naturæ desiderio procedentem, loquitur de desiderio naturæ, non nudæ, sed elevatæ per gratiam auxiliantem, & in fide fundato.

## § V.

*Exponuntur quedam testimonia D. Thomæ.*

127 **D**ivus Thomas in primo & secundo libro sententiarum, quædam docet quæ primâ fronte videntur aperte militare contra nostram conclusionem, & favere sententiæ, quæ docet hominem ex viribus naturæ posse se præparare ad gratiam. Nam in 1. dist. 47. quæst. 1. art. 3. in corp. ait: *Opus bonum præcedens gratiam, non est causa meritoria gratiæ, sed solum dispositio quadam.* Et in resp. ad 2. inquit: *Prædestinatio respectu gloriæ habet rationem iustitiæ distributive.* (in ordine scilicet executionis, ut alibi exposuimus) *sed respectu primi effectus, scilicet gratiæ, habet rationem magis liberalitatis quàm iustitiæ, quia gratia datur gratiæ, & non redditur meriti; unde ex parte recipientis non est assignare causam quare dignus sit gratiæ, sed solum dispositionem quandam.* Quæ verba explicari non posse de gratia habituali, ex eo convincitur, quod illa non est primus prædestinationis effectus: loquitur autem S. Doctor de primo effectû prædestinationis: Ergo non de gratia habituali & sanctificante, sed de actuali & auxiliante, ejus verba procedunt; cùmque primam gratiam opera supernaturalia nequeant præcedere, manifestè videtur sentire, actus merè naturales ad primam gratiam disponere, etiam illam non promerereantur.

128 Secundum testimonium habetur in 2. dist. 5. quæstione secunda, articulo primo, ubi inquit, *An Angeli indigneris gratiâ ut converterentur in Deum?* & postquam retulit sententiam aliquorum qui docebant ad conversionem meritorium duplicem gratiam requiri: aliam gratum facientem, informantem actum, ac reddentem meritorium; alteram gratiam datam à qua elicitur substantia actus, sic ait: *Sed istam gratiam ponere non videtur necessarium, nisi ipsa libertas arbitrii gratia dicatur, quæ procul dubio nobis à Deo est.* Et tandem concludit: *Est idem aliter est dicendum, quod ad eliciendum actum conversionis sufficit liberum arbitrium, quod se ad habendam gratiam per hunc actum præparat & disponit: sed efficacia conversionis ad meritum, non potest esse nisi per gratiam; unde unus & idem motus est conversionis liberi arbitrii in quo gratia infunditur, qui est dispositio ad gratiam, secundum quod exiit à libero arbitrio, & meritorium secundum quod gratiâ informatur.*

129 Tertium habetur in eodem libro dist. 28. qu. 1. art. 4. in corp. ubi relata sententia exigente lumen gratiæ gratis datæ, ut quis se ad gratiam præpararet, sic ait: *Istud autem ponere videtur inconueniens, quia præparatio quæ est ad gratiam, non est per actum qui fiat adequandi ipsi gratiæ, æqualitate proportionis, sicut meritum æquatur premio; & idem non oportet ut actum quibuscumque homo se ad gratiam præparat, sint naturam humanam excedentes.* Ergo ex mente D. Thomæ, actus merè naturales sunt præparationes ad gratiam.

130 Hæc testimonia adeo clara & perspicua pluribus Thomistis visa sunt, ut nullam aliam solu-

tionem invenirent, nisi quod D. Thomas sententiam ibi traditam, in summa Theologica, quæ est veluti ultimum ejus testamentum, postea retractavit. Sive ut alii dicunt, id quod junior docuerat in sententiis, senior & doctor factus, in summa Theologica, & super Epistolas Pauli ad meliorem & clariorem formam redegit. Verùm præterquam quod non ita de facili concedendum est, D. Thomam mutasse aliquam sententiam, nisi quando ipsemet expresse & in terminis eam retractat: ferendum non est id quod aliqui dicunt, Angelicum scilicet Præceptorem, Semipelagianis aliquando fuisse, & ex Collationibus Patrum, quas (ut refertur in ejus vita) ad componendos mores, assidue perolvebat, hausisse hanc doctrinam, quam in libris sententiarum expressit. Nam præterquam quod hæc responsio S. Doctori non parùm videtur injuriola, coherere non potest cum esset usus plurium summorum Pontificum, qui universam sancti Thomæ doctrinam approbarunt; eamque, putam, illibatam, & sine ullo prolixo errore conscriptam esse pronunciant. Hac ergo responsione, seu potius fuga & evasione rejecta,

Ad primum testimonium respondeo D. Thomam ibi non loqui de prima gratia auxiliante, sed de gratia habituali ad quam homo se præparat per actus procedentes à libero arbitrio, non nudo, sed elevato per gratiam auxiliantem. Nec refert, illum ibi loqui de primo prædestinationis effectû, qui est prima vocatio: debet enim intelligi non de primo simpliciter, sed de primo inter principales prædestinationis effectus, qui sunt gratia & gloria: inter quos primus effectus est gratia habitualis.

Ad secundum dicatur sententiam illorum Doctorum quam ibi impugnat D. Thomas, dicentium ad rationem meriti requiri gratiam gratum facientem, & ad substantiam actus gratiam gratis datam, non procedere de gratia gratis data, fluida & transeunte, sed de habituali & permanente. Unde quando S. Doctor gratiæ necessarium ad substantiam actus impugnat, non excludit necessitatem gratiæ auxiliantis, fluidæ, & transeuntis, sed gratiæ habitualis, & permanentis. Quod autem hæc sit vera & germana mens S. Thomæ, constat manifestè, quia sententia ibi impugnata eadem est ac illa quam refert & impugnat in ultimo testimonio: At hæc expresse loquitur de gratia habituali: Ergo & ista. Minor probatur: Postquam D. Thomas loco ultimo citato docuit gratiam sumptam pro excitativo voluntatis ad bonum, necessariam esse ut homo se ad gratiam disponat, hæc verba subiungit: *Si autem accipitur gratia pro aliquo munere HABITUALI gratiæ infusæ, sic duplex est opinio: quidam enim dicunt, quod nullus possit se ad gratiam gratum facientem præparare, nisi per aliquod lumen menti infusum, quod est donum gratiæ gratum data.* Ecce quomodo Authores isti necessitatem doni habitualis expolcunt menti infusum, ut homo se præpararet ad gratiam gratum facientem; quam sententiam ibidem impugnat D. Thomas: Ergo opinio quam rejicit tam in secundo quàm in tertio testimonio, est de dono habituali requisito ut homo se ad gratiam disponat. Quod etiam ex eo manifestum videtur, quod ratio quæ utitur, scilicet quia aliàs daretur processus in infinitum solum convincit, si ad præparationem donum habituale exigatur. Si enim donum gratiæ actuale necessarium constituitur, cùm hoc dispositio



nes prævias non petat, vitatur processus in infinitum. Afferendum ergo est, quod in utroque testimonio, quando ait D. Thomas, *Ad substantiam actus ad gratiam disponentis, gratiam non requiri, nisi gratia nomine liberum intelligamus arbitrium*: non excludit gratiam actualis auxilii, sed doni habitualis, & nomine liberi arbitrii, non utitur contrapositive ad gratiam actualem, sed habitualem.

133 Dices: D. Thomas loco primò citato in fine corp. articuli ait: *Ad gratiam gratum facientem habendam, ex solo libero arbitrio se homo potest preparare*. Et in resp. ad 4. docet quod etiam ad fidem habendam aliquis se preparare potest per id quod in naturali ratione est: Ergo S. Doctor ad se præparandum ad gratiam & ad fidem, excludit necessitatem omnis doni supernaturalis, tam actualis, quam habitualis. Quod potest confirmari ex ultimo testimonio, ubi ex eo probat non requiri gratiam ut homo disponatur ad gratiam, quia cum dispositio non sit æquanda formæ, non est necessarium quòd actus disponentes ad gratiam, excedant naturam humanam: At hæc ratio pari efficacità excludit necessitatem doni actualis, ac doni habitualis: Ergo idè quod prius

134 Respondeo ex ipso D. Thomæ quod lib. 1. art. 7. in resp. ad 1. quod quando dicitur homo se preparare ad gratiam vel ad fidem, ex se, vel per solum liberum arbitrium, aut per id quod est in naturali ratione &c. non excluditur necessitas auxilii divini; sicut nec quòd dicitur ignis ex se calefacere, excluditur necessitas celestis motus. Idem docet in 2. ad Annibal. dist. 29. art. 4. ad 3.

135 Ad confirmationem: dicatur D. Thomæ non dixisse quòd actus disponentes ad gratiam non sint illi adæquandi absolute, æqualitas enim, quoad ordinem saltem, requiritur; sed dixit non esse illi adæquandos eà æqualitate quâ meritum adæquatur cum præmio. Unde quando intulit non debere excedere naturam humanam, cum eodem addito est accipiendum; scilicet sicut illa excedit meritum. Et hoc verum est, nam meritum excedit taliter humanam naturam, quòd petat illam eveham ad aliam naturam, per donum scilicet gratiæ habitualis quâ fit homo particeps naturæ divini, quem excessum non habent actus ad gratiam præparantes, cum non petant naturam humanam elevatam ad participationem divini naturæ, sed tantum in ordine supernaturali per auxilia gratiæ constitutam.

Obijcies ultimò: D. Thomas in supplement. quæst. 14. art. 4. ait: *Opera extra charitatem facta, non sunt meritoria ex condigno, neque æterni, neque temporalis alicuius boni apud Deum, sed quia divinam bonitatem docet, ut ubicunque dispositionem invenit, perfectionem adiciat, idè ex merito congrui dicitur aliquis mereri aliquid bonum per opera bona extra charitatem facta, & secundum hoc opera ista ad triplex bonum valent: scilicet ad temporalium consecutionem, ad dispositionem ad gratiam, & ad assuefactionem bonorum operum*. Quibus verbis S. Doctor aperte proficitur, hominem per bona opera naturalia mereri de congruo aliquid bonum, & per illa ad gratiam se disponere.

136 Respondeo quòd quando D. Thomas docet quòd opera extra charitatem facta, homo de congruo promereri potest aliquid bonum, non loquitur de bono supernaturali, & ad ordinem gratiæ pertinente, sed de bono temporalis, & ad ordinem naturæ spectante, quare addit quòd illa opera valent ad temporalium consecutionem.

Tom. II.

Quando verò subjungit, quòd illa opera valent etiam ad dispositionem ad gratiam, intelligendus est de dispositione, non positiva, id est habente connexionem positivam cum gratia: neque etiam de dispositione negativa infallibili, id est omne impedimentum receptioni formæ excludente (hanc enim, ut infra dicemus, homo lapsus non potest habere ex facultate naturæ, & viribus liberi arbitrii) sed de dispositione negativa fallibili, id est aliquòd impedimentum receptioni formæ excludente: solumque intrendit S. Doctor, quòd per exercitium bonorum operum quæ extra charitatem sunt, mitigantur passionnes, & remouentur plura peccata quæ gratiam demerentur, & quibus homo clauderet Deo ostium cordis, & divini gratiæ plura & majora poneret obstacula: unde addit, quòd illa opera valent ad dispositionem ad gratiam, & ad assuefactionem bonorum operum.

#### §. IV.

Explicatur Chrysostomus, & ab errore Semipelagianorum vindicatur.

138 Chrysostomus in quibusdam locis videtur docere, Deum suâ gratiâ nostras non prævenire voluntates, sed nostram electionem & consensum expectare, ut nobis primam gratiam & vocationem largiatur. Nam hom. 12. in Epist. ad Hebræos hæc scribit: *Oportet nos eligere primùm quæ bona sunt, & tunc ipse quæ sua sunt introducit: non antecedit nostras voluntates, ne ledatur arbitrium; cum autem nos elegerimus, tunc multam nobis offert auxilium*. Et homil. 17. in Joan. ad illa verba, *Conversus autem Iesus, sic ait: Hinc admoneri possumus, Deum suum in nos beneficium nostras non prævenire voluntates, sed à nobis incipiendum esse; sed cum nos prompto paratoque animo ad suscipiendam gratiam exhibemus, tunc multas nobis offert salutis occasiones*.

Propter hæc & similia testimonia, Vazquez hæc disp. 91. cap. 8. latissime probare conatur, Chrysostomum, & alios ex Patribus Græcis, in errorem Semipelagianorum esse lapsos; additque Cassianum, Chrysostomum Discipulum, suo Magistro hunc errorem, quem habet collat. 13. didicisse. Et cap. sequenti, prolixè refert expositiones Theologorum ad præfata testimonia, quas omnes parvipendit, & totis viribus conatur evertere.

140 Ab hoc tamen errore, seu potius calumnia, rectè Chrysostomum vindicavit noster Sixtus Senensis, lib. 3. Bibliot. annotat. 101. & ait. Joannem OEcolampadium Lutherani hæresis professorem, hunc errorem illi Sancto Doctori primò imposuisse, refertque plura hujus sancti Patris testimonia, quibus aperte gratiam prævenientem admittit, & docet initium nostræ justificationis esse gratiam Dei, & non nudam naturam, totamque Semipelagianorum doctrinam evertit. Nam homilia de Adam & Eva tomo 1. hæc scribit: *Omnium bonorum affectuum, atque operum, & omnium studiorum, omniumque virtutum, quibus ab initio fidei ad Deum tenditur, Deum prosequamur auctorem, & non dubitemus ab ipsius gratia omnia hominis merita provenire, per quam etiam fit ut aliquid boni & velle incipiamus & facere*. Videri etiam potest homil. 12. in 1. ad Corinthios, ad verba illa Apostoli, *Quid habes quòd non accepisti?* Et homil. 38. ad populum

F

Antio-

Antiochenum, & pluribus aliis locis expressè A  
docet initium fidei & bonæ voluntatis, ex Deo,  
& non ex nobis, & à Dei gratiâ præveniente,  
non verò à libero hominis arbitrio, ortum du-  
cere. Unde patet quàm vanus fuerit labor Vaz-  
quezii, & quàm inutiliter ac otiosè desudave-  
rit, ad demonstrandum Chryfostomum cum Se-  
mipelagianis sensisse, & in eorum errores inci-  
disse. Et mirum est; illum Authorem alia Pa-  
trum testimonia exponere, & nolle in eodem  
sensu supè interpretari Chryfostomum, cuius verba  
eandem explicationem sine vi patiuntur.  
Unde

141. Ad primum testimonium suprà relatum, in  
primis dici potest cum Sixto Senensi, ubi suprà, B  
quod Chryfostomus ibi loqui videtur de gratia  
habituali & sanctificante, ad cuius adeptiorem  
prærequiritur motus liberi arbitrii ad illam dis-  
ponens, quem motum & dispositionem à gratia  
actuali & præveniente procedere, Chryfostomus  
ibi non negat, & in aliis locis suprà citatis  
affirmat. Quod si quis contendat, Chryfostomum  
ibi loqui de gratia actuali, non solum de habi-  
tuali; Secundo responderi potest, illum solum  
intendere, gratiam actualem non antecedere  
voluntates nostras, antecedentiâ necessitante, &  
impediente liberum consensum & cooperatio-  
nem liberi arbitrii, qualem Manichæi contra  
quos agit, docebât; At enim, *Omnia Dei sunt, non  
ita ut liberum arbitrium ledatur.* Et postea subdi-  
rit: *Non antecedit voluntates nostras, ne ledatur arbi-  
trium.* Sic enim S. Thomas hic art. 1. ad 1. & 3.  
contra Gentiles cap. 90. interpretatur Damasce-  
num dicentem: *Omnia quidem præcognoscit Deus,  
non autem omnia prædeterminat;* & dicit, Dama-  
scenum his verbis solum intendere excludere  
prædeterminationem imponentem necessita-  
tem, ut in rebus naturalibus, non autem præde-  
terminationem cum libertate compositam.

142. Ad alium locum ex hom. 17. in Joan. respon-  
det Joannes à S. Thoma, ipsum fuisse insigniter  
à quibusdam depravatum, illumque legi debe-  
re juxta editionem Venetam Francisci Zileri an.  
1183. in qua sic legitur: *Conversus Iesus, & videns  
eos sequentes, dicit eis: quid queritis? Hinc admoneri  
possumus, Deum suum in nos beneficium nostras præveni-  
re voluntates, nec à nobis incipiendum esse, sed cum  
nos prompto, paratoque per illum animo, ad suscipiend-  
um gratiam exhibemus, tunc multas nobis offert sa-  
lutis occasiones, & confert.* Ita relictus est lo-  
cus. Et rectè, nam omnino inconsequens erat,  
ex illis verbis, *Conversus Iesus &c.* inferre Deum  
nostras non prævenire voluntates suis benefi-  
ciis, cum potius oppositum sequatur. Si enim  
conversus Dominus, prior eos interrogavit &  
affatus est: ergo prior prævenit. Quomodo ergo  
potuit dicere Chryfostomus, hinc, id est ex  
istò loco, nos admoneri, nostras voluntates non  
præveniri Dei beneficiis, cum totum oppositum  
sequatur? Si verò alia lectio Chryfostomi susti-  
neatur, tunc juxta primam solutionem respon-  
dendum est, ipsum loqui de gratia sanctificante,  
quam Deus non immitit nobis, nisi prius nos  
disponamus: hanc tamen dispositionem ex Deo  
esse, Chryfostomum non negare.

*Sententia Molina rejicitur.*

143. Dico ultimò: nullam esse legem statutam, ut  
homini facienti quod in se est ex facultate  
naturæ, Deus infallibiliter conferat auxilia gra-  
tiæ.

Probatur primò ex Concilio Arausicano 2.  
can. 6. ubi damnatur qui dixerit; *sine gratia Dei  
credentibus, volentibus, desiderantibus, & pulsantibus  
nobis misericordiam conferri*: conferretur au-  
tem, si esset talis lex statuta: Ergo illa admit-  
tenda non est.

Dices, Concilium in illo canone solum pro- 144  
scribere errorem Semipelagianorum, qui pone-  
bant aliquale meritum, & moralem causali-  
tatem in operibus naturæ, respectu primæ gratiæ  
& vocatiōis supernaturalis; non tamen dam-  
nare illos qui licet adjungant gratiam facien-  
tibus quod in se est ex facultate naturæ, & viribus  
liberi arbitrii, omne tamen meritum & causali-  
tatem moralem à naturæ operibus excludunt  
respectu divinæ gratiæ.

Sed contra primò: Concilium damnat eos qui 145  
asserunt, *credentibus, volentibus, desiderantibus, &  
pulsantibus, misericordiam conferri*: Ergo dam-  
nat etiam eos qui asserunt auxilia gratiæ dari ex  
misericordia, & non ex iustitia, vel debito, fa-  
cientibus quod in se est ex facultate naturæ; &  
consequenter eos qui operi naturali gratiam in-  
fallibiliter annexunt, etiam absque merito &  
causalitate morali.

Secundo, falsum est quòd Semipelagiani alii 146  
quale meritum in operibus naturæ respectu pri-  
mæ gratiæ constituerent. Nam Faustus & Cas-  
sianus Semipelagianorum Coriphæi & Antefi-  
gnani, expressè docebant quòd illa initia fidei  
& bonæ voluntatis, quæ asserunt esse in nobis  
ex nobis, & ex viribus liberi arbitrii, non erant  
meritoria auxiliorum gratiæ. Faustus enim lib.  
1. de libero arbitrio cap. 17. sic ait: *Sed ante omnia  
arrogantiam laboris rejungimus, nec nobis quid-*

147. *quam de eius meritis vendicamus.* Et Cassianus  
collat. 13. cap. 13. inquit: *Et nihilominus gratia  
Dei semper gratuita perseverat.* Et cap. 14. *Propterea  
namque est Deus, occasione sibi tantummodo à nobis,  
bona voluntatis oblata, ad hæc omnia conferenda.* Et  
in hoc sensu Semipelagianorum errorem intel-  
lexisse videtur Hilarius in Epist. ad Augustinum,  
cum refert ipsos asseruisse: *Nec negari gratiam, si  
præcedere dicatur talis voluntas, qua tantum medi-  
cum querat, non autem quidquam ipsa tam valeat.*

Tertiò, sicut S. Prosper & alii SS. Patres infe- 147  
rebant ex doctrina Cassiani, & aliorum Semipe-  
lagianorum, assentientium homini desideranti,  
pulsanti, & facienti quod in se est ex facultate  
naturæ, infallibiliter conferri gratiam, sequi il-  
lam secundum merita nostra dari: *Nec enim* (in-  
quit Prosper suprà relatus) *nullius meriti esse po-  
test perentis fides, queremus pietas, pulsantibus instans.*  
Et ut arguit Augustinus lib. 2. contra duas  
Epist. Pelagian. capite 2. *si sine Dei gratia, per  
nos incipit cupiditas boni, ipsam captam erit me-  
ritum, cui tamen ex debito, gratiæ veniat aditu-  
rium; ac sic gratia Dei non gratis dabitur, sed se-  
cundum meritum nostrum dabitur.* Ita etiam nobis  
argumentari licet contra Molinam, & ostendere  
sequi ex ejus doctrina, gratiam ex meritis &  
non gratuito, nec ex misericordia, sed ex ju-  
stitia, à Deo conferri. Etenim quidquid datur  
ex-

ex lege & pacto homini operanti, datur illi ex iustitia, saltem imperfecta: nam lex & conventio fundat rationem iustitiæ, ut patet ex illa parabola Christi, in qua operarii conveniunt cum Domino de denario; ibi enim Dominus dixit uni: *Nonne ex denario convenisti mecum? tolle quod tuum est, & vade.* Ergo si auxilia actualia prævenientis gratiæ, dantur à Deo ex pacto & conventionē, facientibus totum quod possunt ex facultate naturæ, dantur illis ex iustitia, atque adeo auxilia illa non erunt dona gratiæ, sed debita operibus.

148 Confirmatur ex illo ad Roman. 4. *Ei autem qui operatur, merces non imputatur secundum gratiam, sed secundum debitum.* Ergo si est lex quod operanti ex facultate naturæ totum quod potest, dentur auxilia gratiæ, talia auxilia dabuntur illi secundum debitum, non secundum gratiam.

149 Dices, Tale debitum & obligationem esse solum in ordine ad Christum, qui tale pactum cum Patre æterno iniit, non autem in ordine ad hominem bene utentem naturali facultate liberi arbitrii.

Sed contra: Si aliquis Rex ad instantiam Principis concederet legem, per quam promitteret se daturum aliquam civitatem cuicumque ex militibus sui exercitus illam prius ingredienti, certè qui prius ingrederetur talem civitatem, faceret eam sibi debitam ex iustitia, fundata in lege statuta ad instantiam Principis; & supposita tali lege, opus illud haberet aliquam proportionem cum valore illius civitatis: quia lex dedit illi talem proportionem, quamvis secundum se, & seclusà lege, illam non haberet. Ita similiter si Pater æternus, ad instantiam & petitionem Christi, condidit legem, quæ statuit facientibus quod in se est ex facultate naturæ, & viribus liberi arbitrii, subrogare auxilia gratiæ, illa erunt aliquo modo debita ex iustitia homini facienti quod in se est ex viribus naturæ; quia supposita tali lege, opera naturalia, quamvis aliunde improporcionata, & inferioris ordinis, habebunt aliquod jus in auxilia gratiæ.

150 Secundò probatur conclusio ex S. Augustino, sæpe asserente, nullam posse assignari rationem ex parte hominis, quare Deus vocet istum, & non illum, & cur istum trahat, & illum non trahat? & docente, Deum quandoque vocare meretricēs & histriones, aliosque homines nequissimos, legisque naturalis maximos transgressores, relictis aliis qui vivunt sine querela, & bonis operibus moralibus intendunt: ut patet ex Tractatu 6. in Joannem, & quæst. 2. ad Simplicem, circa finem: At hæc vera non essent, si daretur lex illa quam Molina in Deo fingit: Ergo illa admittenda non est. Minor probatur: nam si daretur talis lex, facillè posset reddi ratio, cur Deus unum vocet & trahat per suam gratiam auxiliantem, non verò alium: quia scilicet hic fecit quod in se erat, & quod poterat ex facultate naturæ, & viribus liberi arbitrii, non verò ille; & sic falsum esset quod docet Prosper cap. 25. de vocatione gentium: *Hanc questionis profunditatem non posse solvi per humani arbitrii velle vel nollet: imò (ut cum Augustino loquar) nullam quam solvere opus esset, Apostolus faceret questionem.*

151 Tertiò suadetur conclusio. Nullum opus salutare, discernensque hominem in ordine ad finem supernaturalem, & inicians salutem, potest juxta Concilia, Scripturam, & Patres, effici ab

Tom. II.

homine absque auxilio gratiæ: At constituta huiusmodi lege de annexenda infallibiliter gratia auxiliante, consequenter ad conatus naturales, posset homo efficere absque adiutorio gratiæ opus aliquod salutare, ipsum discernens ab alio in ordine ad salutem, illamque inicians: Ergo talis lex concedenda non est. Probatur Minor. Istà lege supposita, opus naturale ad salutem conduceret: Ergo esset salutare, & eliciens tale opus, poneret aliquid ad quod infallibiliter adjungeretur gratia, quod non eliciens non poneret: Ergo se discerneret in ordine ad gratiam à non eliciente. Item tali opere posito, infallibiliter ad esset gratia, quæ se ad salutem spiritualem disponeret: Ergo esset salutis spiritualis initium: & tamen hoc opus eliceretur ab homine, absque divinæ gratiæ adiutorio. Ergo absque illo se discerneret ab alio, opus salutare efficere, & salutem iniciaret.

Confirmatur: Circumcisio ad cujus præsentiam Deus in lege antiqua gratiam conferbat, nec physicè, nec moraliter gratiam causabat, in sententia plurium Theologorum, & tamen nemo negabit Circumcisionem eis quibus applicabatur fuisse salutarem? eo quod Circumcisione posita, Deus gratiam adjuugebat: Ergo quamvis conatus naturales primam gratiam non causent, si tamè illis positis Dei misericordia infallibiliter adjungatur, tales actus erunt salutes, & consequenter homo ex propriis viribus eos eliciens, efficiet sine gratia opus utile ad salutem.

152 Quartò probatur conclusio ex fundamentis suprà statutis. Repugnat Christum meruisse, vel potuisse mereri, fieri aliquam legem à Patre gratiæ: Sed per pactum & legem quam Molina fingit in Deo, destrueretur ratio gratiæ: Ergo illa est impossibilis. Minor probatur: Tum quia repugnat gratiæ quod detur ex operibus, vel ex aliquo merito, etiam de congruo; alioquin non esset gratia, sed debitum. Atqui, ut suprà ostendimus, supposita illà lege Molinistâ, gratia daretur ex operibus, & ex aliquo merito, saltem de congruo: Ergo destrueretur ratio gratiæ. Tum etiam, quia (ut suprà arguebamus) est contrariationem gratiæ prævenientis, præveniri à libero arbitrio: Sed supposita illà lege, gratia præveniretur à libero arbitrio, quia supponeret bonum illius usum, viribus naturæ habitum: Ergo idem quod prius.

Denique probatur conclusio. Non licet admittere in Deo aliquam legem, aut pactum, nisi illud habeat fundamentum in Scriptura, vel Conciliis, aut SS. Patribus: Sed pactum illud de concedenda infallibiliter gratia homini facienti quod in se est ex facultate naturæ, & viribus liberi arbitrii, non habet fundamentum in Conciliis, aut SS. Patribus; imò potius ex illis oppositum colligitur, ut suprà ostendimus: illud etiam non innotescit nobis ex Scriptura, ut constabit ex infra dicendis: Ergo est fictitium & chimericum.

## §. VIII.

Duo corollaria notatu digna.

153 EX dictis colliges primò: hoc axioma, *faciens quod in se est, Deus non denegat gratiam*, intelligendum esse de faciente quod in se est, non ex viribus naturæ, sed ex auxilio gratiæ effica-



efficaciter movere ad iustificacionem, ut explicuit S. Thomas ad Roman. 10. lect. 3. ubi dicit: *Hoc ipsum quod aliqui faciunt quod in se est, convertendo se ad Deum, ex Deo est movente corda ipsorum in bonum.* Et 1. 2. quest. 109. art. 6. ad 2. Cum dicitur homo facere quod in se est, dicitur hoc de potestate hominis, secundum quod est motus à Deo. Idem docet quæst. 112. art. 3. in corp.

156 Colliges secundò: neque etiam dispositione negativa infallibili, posse quempiam ex propriis viribus se ad gratiam disponere. Quia tunc potest aliquis dispositione negativà infallibili se disponere, quando potest omne impedimentum receptionis formæ excludere: At homo propriis viribus non potest vitare omne peccatum mortale, per quod ponitur sufficiens impedimentum ad gratiam: Ergo nec potest se dispositione negativà infallibili ad gratiam auxiliantem disponere. Unde S. Thomas ad Hebræos 12. lect. 3. dicit: *Hoc ipsum quod aliqui non ponit ob-  
staculum gratiæ, est ex gratiæ Dei.*

Dices, idem S. Doctor 3. contra Gent. cap. 159. ait: *Cum hoc sit in potestate liberi arbitrii impedire divinam gratiæ receptionem, vel non impedire, non immerito in culpam imputatur eis qui impedimentum præstat gratiæ receptioni:* Ergo tenet D. Thomas esse in potestate liberi arbitrii, non ponere impedimentum gratiæ, & consequenter negativè saltem se disponere ad ejus receptionem.

158 Respondeo, D. Thomam loqui de libero arbitrio, prout erat in homine integro, non verò post est in homine lapsò, ut ibidem exponit Ferrariensis, & constat ex capite sequenti, ubi sic habet: *Quod dicitur est in potestate liberi arbitrii esse ne impedimentum gratiæ præstat, competit hiis quibus naturalis potestas integra fuerit.*

159 Dices rursus: saltem sequi ex hac doctrina D. Thomæ, infallibilem fore divinæ gratiæ assistentiam in homine integro, si faceret totum quod potest ex facultate naturæ, & viribus liberi arbitrii: At hoc non est dicendum, cum enim gratia sit ordinis supernaturalis, nunquam potest habere infallibilem nexum cum actibus ordinis naturalis & inferioris, ut suprà dicebamus: Ergo &c. Sequela Majoris probatur: Homini integro non peccanti, infallibilis foret divinæ gratiæ assistentia: Ergo si in ejus potestate naturali constitutum erat non peccare, infallibilis erat divinæ gratiæ assistentia homini integro, facienti quod poterat ex facultate naturæ.

160 Respondeo negando sequelam Majoris, ad cuius probationem dicatur, D. Thomam loqui de homine integro, non integritate purè naturali (in hac enim non fuit de facto creatus, nec si in illa conderetur, ei foret oblata gratia supernaturalis; cum hæc oblatio elevationem hominis ad finem supernaturalem supponat) sed de homine integro integritate iustitiæ originalis, quæ partem inferiorem superiori subijciebat, & hæc Deo, nedum ut auctori naturæ, sed etiam ut auctori gratiæ. Ita Ferrariensis loco citato, ubi sic habet: *Per naturalem potentiam intelligitur S. Thomas liberi arbitrii potentiam, qua etiam voluntas dicitur, nullo peccato, nullaque inordinatione vitiatam, sicut erat in primo parente antequam peccaret.* Cum ergo in homine sic constituto, essent supernaturalia præcepta, ad quorum observantiam gratiæ egebat ut principio eliciente, & collectio naturalium, ad quorum impulsionem indigebat etiam gratiæ, non ut pri-

A cipio eliciente, sed ut expediente, id est appetitum inferiorem frenante, ne contra rationem insurgeret, sit quod etiam in homine sic constituto, non verificetur fore infallibilem gratiæ assistentiam, si faceret totum quod potest ex facultate naturæ, & viribus liberi arbitrii.

## 9. IX.

Solvuntur argumenta Molina.

O Bjicit in primis Molina quædam Scripturæ testimonia, ad probandum dari in Deo legem, seu pactum dandi auxilia gratiæ facienti quod in se est ex facultate naturæ. Primum habetur Joan. 1. ubi dicitur: *Dedit eis* (scilicet hominibus) *potestatem filios Dei fieri:* hæc enim potestas non aliter potest intelligi data hominibus, nisi quatenus si faciant totum quod in ipsis est, præsto illis aderit Deus, ut fidem consequantur & gratiam. Præterea ad id suadendum adducit illud primæ ad Timot. 2. *Deum vult omnes homines salvos fieri.* Et istud Apocal. 3. *Ego sto ad ostium, & pulsò:* id est (inquit Molina) sine ulla intermissione stat Deus ad ostium cordis nostri, paratus nostros vivere conatus, & consequenter homini bene conanti, divinæ gratiæ auxilium abesse non poterit.

C Ex his tamen testimoniis, non rectè colligitur dari in Deo legem illam, quam Molina excogitavit. Non quidem ex primo, ut patet ex Augustino lib. 1. contra duas Epistolas Pelagianorum cap. 3. ubi ait: *Datur ergo potestas ut filii Dei fiant qui credunt in eum, cum hoc ipsum datur ut credant in eum: quæ potestas nisi datur à Deo, nulla esse potest ex libero arbitrio.* Unde etiam acutè observat Cajetanus super caput 1. Joan. quod Evangelista non dixit: *dedit eis potestatem ut se facerent filios Dei, sed dedit eis potestatem filios Dei fieri.* Sicut enim (inquit) *in naturalibus elementis est potestas non ut se moveant sursum aut deorsum, sed ut moveantur terrâ deorsum, & ignis sursum: ita Christi fidelibus data est potestas, non efficiendi se ipsos filios Dei (actio enim hæc omnem creaturam facultatem excedit) sed ut fierent filii Dei: potestas autem hæc, donum gratiæ est &c.*

163 Confirmatur: D. Joannes explicans quibus hæc potestas conferatur, addit: *hi qui credunt in nomine eius:* Ergo ante fidei illustrationem, huiusmodi potestas non datur, & consequenter ex illo testimonio non rectè inferitur, facientem quod est in se per vires liberi arbitrii, habere in sua potestate, filium Dei fieri, per infallibilem divinæ gratiæ assistentiam.

164 Quod etiam ex secundo testimonio id minime colligatur, in hunc modum ostenditur. Lex ista in sententia Molina fundatur in meritis Christi: At voluntas antecedens salvandi omnes homines, in prædicto testimonio contenta, merita Christi anteverit, & competit Deo ut Creatori, & generali Providori: Ergo &c.

165 Tertium etiam testimonium dari in Deo talem legem non probat, sed solum indicat sincerum affectum, quo Deus sui bonitate allectus, auxilium suæ gratiæ omnibus generaliter offert, cum quo tamè fiat, quod illud de facto aliquando denegat in peccatis præcedentis peccati, saltem originalis: ut ex Augustino docet D. Thomas 2. 2. quæst. 2. art. 5. ad 1. De quo infra, cum de effectibus probationis differemus.

Dices, Potestas ut filii Dei fiant, non solum datur

Diff. 1.  
art. 5.  
166.



datur hominibus in eum credentibus, sed etiam his quibus Evangelium prædicatum non est; alioquin illi essent extra statum, & viam salutis, quod de nullo homine viatore dici potest: At istis hæc potestas non aliter competere potest, nisi quatenus si faciant quod possunt ex naturæ viribus constituentur filii Dei: Ergo lex illa constitutenda est. Minor probatur. Illis talis potestas convenire non potest, quatenus si faciant quod possunt ex viribus gratiæ, constituentur filii Dei; cum supponamus illos destitutos omni divinæ gratiæ auxilio: Ergo solum potest eis convenire prædicta potestas, quatenus si faciant quædum ex se possunt per vires naturæ, prælo eis aderit auxilium præveniens gratiæ.

167 Respondeo duplicem esse distinguendam potestatem in hominibus, ut fiant filii Dei adoptivi per gratiam: unam proximam & activam, per quam possunt proximè suis actibus se ad gratiam iustificamentum disponere; & de hac ait Augustinus, *Tunc dari, quando datur hominibus ut credant in Deum*, unde illa competit solis fidelibus. Alteram remotam & quasi passivam: id est per quam homines sunt in potentia obedientiali, ut per divinam gratiam illustrati, constituentur completè potentes, ut se ad gratiam habendam disponant; & hanc potestatem asserimus omnibus hominibus esse communem, & insuper potestatem illam proximam, omnibus in communi esse oblatam; quatenus pro omnibus mortuus est Christus, & pro omnibus sacramenta instituit, & omnibus patens est Ecclesiæ; non tamen omnibus in particulari applicatam, sed quibusdam (saltem his qui infidelis negativè appellantur) in penam præcedentis peccati, saltem originalis, denegatam, ut infra latius exponemus. Unde in forma respondeo distinguendo Majorem: Potestas ut filii Dei sint, datur etiã his quibus Evangelium prædicatum non est: Potestas remotæ & passivæ, concedo. Potestas proxima & activæ, subdistinguo: datur &c. si ly dari, idem significat offerri, concedo. Si idem denotet & adu & de facto conferri, seu intrinsecè recipi, & applicari, nego. Quomodo autem cum hoc stet quod illi non sint extra statum salutis, & obligentur præcepto penitentiae, loco citato dicemus.

168 Obijcies secundò celebrem locum Augustini 19. de civit. cap. 13. ubi sic habet: *Deum ergo naturarum omnium sapientissimus conditor, & iustissimus ordinator, qui terrenorum ornamentorum maximum instituit mortale genus humanum; dedit hominibus quadam bona huius vite cõgrua, &c. eo pacto æquissimo ut quicquid mortaliibus talibus bonis relictum fuerit, accipias ampliora atque maiora, & ipsam immortalitatis pacem.* Quo loco per bona ampliora, atque meliora, non possunt intelligi nisi dona gratiæ, sicut per immortalitatis pacem, dona gloriæ veniunt intelligenda.

169 Respondeo hunc locum fuisse coram Clemente VIII. die ultima Septembris anni 1602. à Patre Valentia objectum, ei; respondisse Patrem Lemos, textum Augustini non fuisse ab eo fidelitè retatum, sed corruptum & adulteratum: non enim legitur in codice, *Bona ampliora atque meliora, & ipsam immortalitatis pacem*, sed *Bona ampliora atque meliora, IPSAM SCILICET IMMORTALITATIS PACEM*, ac proinde particulam *scilicet* fuisse à Valentia mutatam, in particulam *Et*, quæ variatio & corruptela, sensum Augustini omnino immutabat: Si enim loco pat-

tulicæ & ponatur particula *scilicet*, & legatur *ipsam scilicet immortalitatis pacem*, manifestum fuit, Augustinum loqui tantum de bonis gloriæ, & non de bonis gratiæ, ac proinde indubitatum manet, illum non loqui de usu temporalium, habito ex solis viribus naturæ, quem certum est apud omnes Catholicos, non esse meritorium vitæ æternæ; sed de solo bono usu temporalium, habito ex auxilio gratiæ, & procedente ex mōtione vel imperio charitatis, sub qua solum ratione potest esse meritorium vitæ æternæ.

Obijcies tertio: D. Thomas quæst. 14. de veritat. art. 1. ad 1. ait: *Si quis in sylva enutritus ductum naturalis rationis sequatur in appetitu boni & fuga mali, certissime tenendum est, quod ei Deus vel per inspirationem revelaret ea quæ ad credendum sunt necessaria, vel aliquem fidei Prædicatorem ad eum dirigeret, sicut misit Petrum ad Cornelium.* Idem docet in solutione ad 2. & quæstione vigesima quarta de veritate, articulo primo ad 2. & in 2. dist. 28. quæst. 1. art. 4. circa finem corporis, & in resp. ad 4. Ergo ex mente D. Thomæ, homini facienti quod potest ex propriis viribus, est divinæ gratiæ infallibilis assilientia.

Ad hoc argumentum, missa solutione eorum qui dicunt D. Thomam mutasse sententiam, Respondeo in omnibus his testimoniis, ipsum loqui de faciente quod est in se, non ex viribus nudæ naturæ, sed naturæ auxiliatæ per gratiam. Et quod hæc sit vera & germana mens D. Thomæ, suadet tripliciter. Primò quia ita clarè se explicat, tum locis suprà relatis, tum etiam in 2. sent. ad Annibald. dist. 28. articulo quarto ad 3. his verbis: *Ad certum dicendum quod potestas nostra nihil operari potest sine Deo qui operatur in omni natura & voluntate: unde cum dicimus aliquod esse in nobis, non excludimus Dei auxilium.* Et quodlib. 1. articulo 7. ad 1. Per hoc (inquit) quod hominibus est se præparare per liberum arbitrium, non excluditur necessitas auxilii divini, sicut nec per hoc quod ignis est calefacere, excluditur necessitas calefactus motus. Secundo id aperit colligitur exemplo Cornelii quod loco relato adducit S. Doctor: hunc enim non ex sola facultate naturæ fecisse quod in se erat, sed speciali auxilio prævenientis gratiæ, constat ex ipso D. Thoma 2. 2. quæst. 10. art. 4. ad 3. cuius verba infra referemus. Deniq; id patet ex eo quod D. Thomas loquitur de homine non ponente impedimentum gratiæ, per torius legis naturæ observantiam, ad quam in statu naturæ lapsæ, non sufficere vires naturæ, sed vires gratiæ requiri, est constans Theologorum opinio, & expressa ipsius S. Doctoris sententia 1. 2. quæst. 109. art. 4.

Dices: Homo in sylvis nutritus, de quo agitur in primo testimonio, supponitur impotens operari ex vi auxilii gratiæ: At de illo ait D. Thomas, quod si faciat quod est in se, certissime illuminabitur de necessario credendis: Ergo debet intelligi de faciente quod in se est, non ex viribus gratiæ, sed naturæ. Major probatur: Talis homo supponitur destitutus illustratione fidei, quæ est primum auxilium supernaturale sufficiens, & consequenter omni alio auxilio gratiæ sufficienti: Ergo supponitur impotens ad operandum in vi auxilii gratiæ.

Respondeo negando Majorem, ad cuius probationem nego Antecedens, quamvis enim ille homo non haberet fidem explicitam de Deo ut auctore supernaturali; haberet tamen de illo fidem implicitam, ac proinde non esset omnino au-

xilio supernaturali destitutus. Ratio est, quia in statu elevationis naturæ humanæ ad ordinem supernaturalem, impossibile est quoddam factum ponatur conversio in Deum ut auctorem naturalem, sine conversione in eum ut auctorem supernaturalem, ut docetur in Tractatu de gratia unde cum ille homo ductum rationis naturalis sequens in appetitu boni & fuga mali, esset in Deum ut auctorem naturæ conversus, esset etiam implicite, saltem conversus in illum ut auctorem supernaturalem, ac proinde haberet fidem de illo, saltem implicitam; & Deus in tali casu aliquem fidei prædicatorem ad eum dirigere, ut ei explicite proponeret mysterium Trinitatis & Incarnationis, aliaque ad salutem necessaria; sicut misit Petrum ad Cornelium, & Paulum ad Macedones; vel per internam inspirationem illum immediate per seipsum instrueret ac illuminaret. Solutio est D. Thomæ 2. 2. quæst. 10 art. 4. ad 3. ubi loquens de Cornelio, dicit: *Ille infidelis non erat, aliquem eius operatio accepta non fuisset Deo, cui sine fide nullus placere potest: habebat autem fidem implicitam in Deum, manifestat & Evangelij veritate, unde ut cum in fide plenius instrueret, missus est ad eum Petrus.*

Querunt hic aliqui, an prima gratia seu primus prædeterminationis effectus cadat, vel cadere possit sub merito operum procedentium à gratia? Verum questio ista propriam sedem habet 1. 2. quæst. 114. & 3. parte quæst. 2. ubi fuscè tractatur, an principium meriti possit cadere sub merito?

Dubitari etiam potest, an purus homo possit esse causa meritoria prædeterminationis alterius, quoad omnes suos effectus. Partem affirmativam tenet Vasquez, hic disp. 94. ca. 5. cuius fundamentum est, quia idem est mereri prædeterminationem quoad omnes suos effectus, & illam mereri quoad primum, cum cæteri ab isto dependant: Sed purus homo potest alteri mereri, vel impetrare primum prædeterminationis effectum, scilicet primam vocationem, seu primam gratiam excitantem, ut patet in D. Stephano, qui suis orationibus obtinuit à Deo aliquas gratias prævenientes, quibus D. Paulus est conversus: unde dicit Augustinus, *Si Stephanus non orasset, Ecclesis Paulum non haberet*: Ergo purus homo potest esse causa meritoria prædeterminationis alterius, quoad omnes suos effectus.


Neque valet si dicas, orationem illam Stephani, cum fuerit medium conducens ad glorificationem Pauli, fuisse primum suæ prædeterminationis effectum. Nam contra hoc potest instari: Licet merita Christi quibus nostram prædeterminationem promeruit, cum effectu conducat ad nostram glorificationem, non possunt tamen dici esse nostræ prædeterminationis effectus: Ergo similiter quamvis oratio S. Stephani fuerit medium conducens ad glorificationem Pauli, non potest tamen esse, nec dici effectus prædeterminationis illius.

Hæc tamen opinio, ut dicit Suarez libro 2. de causis prædeterminationis ca. 24. non solum est falsa, sed etiam singularis, & consequenter explodenda; unde dicendum est cum communi Theologo sententia, purum hominem non posse mereri aut impetrare omnes effectus prædeterminationis alterius, & consequenter nec esse causam prædeterminationis illius.

Ratio fundamentalis huius assertionis deducitur ex opposito fundamento Vasquezii. Nam

A quando unus homo impetrat, aut meretur alteri primam gratiam vocantem, cum reliquis: tunc prius effectus prædeterminationis (D. Pauli v. g. ut in eodem exemplo persistamus) non est prima illa gratia inherens Paulo, sed oratio potius D. Stephani, est unus ex effectibus, & prior prædeterminationis Pauli. Ergo talis oratio non potest esse causa primi effectus prædeterminationis Pauli. Consequentia patet, Antecedens probatur, Quodcumque beneficium & gratia conducens cum effectu ad glorificationem alicujus hominis, est effectus prædeterminationis illius, quia est medium ad illam, ut dicemus disputatione sequenti: Sed oratio v. g. D. Stephani, fuit medium conducens ad salutem & glorificationem Pauli: Ergo fuit effectus prædeterminationis illius. Ex quo deducitur, potius esse dicendum, orationem Stephani pro Paulo ortum habuisse & emanasse à Prædeterminatione Pauli, quam à contra, quod oratio Stephani mereretur aut impetraverit prædeterminationem Pauli. Unde patet responsio ad fundamentum Vasquezii.

Ad instantiam, nego paritatem. Ratio discriminis est, quia merita Christi Domini, cum pertineant ad gratiam unionis, & non adoptionis, & sint ordinis hypostatici, qui in infinitum ordinem gratiæ excedit, non possunt esse effectus nostræ prædeterminationis, quæ non extenditur ad dona tam alta, sed tantum ad illa quibus proximè, vel remotè adoptamur in filios Dei; imò potius è contra omnes effectus prædeterminationis Christi, quæ est causa nostræ tripliciter. Primo in genere causæ finalis, juxta illud Apostoli 1. ad Corinth. 3. *Omnia vestra sunt, vos autem Christi, Christus autem Dei*. Secundò in genere causæ formalis, seu exemplaris, quia ut dicit idem Paulus ad Rom. 8. *Quos præscivit, & prædestinavit conformes fieri imagini filij sui*. Unde Augustinus cap. 1. de prædeterminatione Sanct. vocat Christum, *Præclarissimum lumen prædeterminationis & gratiæ*. Tertio in genere causæ efficientis, saltem moralis & meritoriz, quia suis actionibus & passionibus nobis promeruit omnes prædeterminationis effectus: juxta illud Apostoli ad Ephes. 1. *Qui benedixit nos in omni benedictione spiritali, in caelestibus, in Christo id est per Christum, & ejus merita*. Sed de hoc fuscè in Tractatu de Incarnatione.



## DISPYTATIO III.

## De effectibus prædeterminationis.

C Onsideratis causis divinæ prædeterminationis, consequens est ut ejus effectus investigemus; acturi postea de illius certitudine, ejusque cum libertate concordia.

## ARTICULUS I.

*Utrum glorificatio & iustificatio, & quæcumque efficax vocatio sint effectus prædeterminationis?*

A Gimus hic solum de justificatione per peccatum non interrupta, & de vocatione efficaci. An verò gratia per peccatum interrupta, & vo-

Vocationes inefficaces, inter effectus prædestinationis computari debeant, dicemus articulo sequenti.

## §. I.

*Quibusdam præmissis, referuntur sententia.*

**N**otandum primò: Quod sicut duo solent distinguì genera actuum charitatis, quorum aliqui dicuntur eliciti, & immediatè ab illa procedentes, ut amor Dei & proximi. Alii vocantur imperati, qui scilicet immediatè ab alia virtute eliciuntur, & à charitate solum imperantur, ac in finem supernaturalem diriguntur & ordinantur: ut jejunare, vel martyrium pati propter Deum. Ita etiam duo distinguì debent genera effectuum prædestinationis: quidam sunt immediatè, & quali elicitive ab ipsa prædestinatione; alii vero mediatè, & quasi imperativè, quia sunt ab alia providentia, naturali scilicet, sicut etiam supernaturali generali; ordinantur tamen per prædestinationem ad ejus proprium finem, vitam nimirum æternam. Sicut enim gratia utitur naturæ ut sibi inferiori & subdita, ita & prædestinatio imperat naturali providentiæ, & dirigit illam ad suum finem.

**N**otandum secundo, Tres condiciones esse requisitas & sufficientes, ut aliquid sit effectus prædestinationis. Prima, quod causetur à Deo. Secunda, quod causetur ex intentione efficaci dandi gloriam. Tertia, quod de facto conducat ad ejus consecutionem. Quod prima conditio requiratur, patet: nam tam prædestinatio, quam ejus executio activè sumpta, est in Deo: Ergo effectus prædestinationis est effectus Dei. Et per hoc excluduntur peccata à ratione effectus prædestinationis, quia illa non polluant à Deo causari, sed sunt extra spheram activitatis illius. Quod etiam necessaria sit secunda conditio, non minùs est evidens: quia prima intentio efficax dandi gloriam, est radix & causa electionis, & executionis mediæ, & omnium quæ ad negotium prædestinationis concurrunt: Ergo omnia media prædestinationis procedunt ex hac efficaci intentione; prædestinatio enim solum ordinat & exequitur media ex vi illius intentionis excogitata. Ex hac conditione sequitur tertia: nam si ex intentione efficaci dandi gloriam, provenire debent omnes effectus prædestinationis, illi ad gloriæ consecutionem cum effectu debent conducere; voluntas enim Dei efficax frustrari non potest. Addunt aliqui quartam conditionem, quod scilicet id quod dicitur effectus prædestinationis, sit per Christum, vel deur ex meritis Christi, quia ut dicitur A. 4. *Non aliud nomen est sub celo datum hominibus, in quo oporteat nos salvos fieri.* Et Paulus ad Eph. 1. *Prædestinavit nos in adoptionem filiorum, per Jesum Christum.* Cæterum hæc conditio non est per se & intrinsecè requisita ad prædestinationem absolutè, sed ut de facto sit in nobis: nam gratia collata bonis Angelis in primo instanti creationis fuit effectus prædestinationis illorum; & tamen juxta probabiliorè sententiam, non fuit ex meritis Christi, eo quod illi non fuissent redempti, & gratia ex meritis Christi concessa, redemptiva & sanativa sit. Et si status Innocentia durasset, adhuc homines fuissent prædestinati; & tamè Filius Dei non fuisset homo, ut ex Tractatu de Incarnatione suppono.

**H**ac generali doctrinâ præsuppositâ, ad effectus prædestinationis in particulari descendim⁹;

& quærimus utrum glorificatio, & justificatio, & quæcumque efficax vocatio, sint effectus prædestinationis? In qua difficultate varia sunt Authorum placita: Durandus enim in 1. dist. 41. quæst. 2. docet solum gratiam esse effectum prædestinationis, non gloriam. Alii è contra solum gloriam dixerunt esse effectum prædestinationis non verò gratiam, quod tribuitur Gabrieli, Ocho, & aliis. Alii autem ex istis solum gloriam, & primam gratiam justificantem, inter prædestinationis effectus contineri, unde ab illis excludunt dispositiones ad gratiam, & vocationes etiam efficaces. Ita D. Bonaventura art. 1. quæst. 1.

Cæterum communis sententia inter Theologos est, hæc tria inter præcipuos prædestinationis effectus debere computari: hos enim videtur enumerare Apostolus ad Rom. 8. dicens: *Quos prædestinavit, hos & vocavit, & quos vocavit, hos & justificavit; quos autem justificavit, hos & glorificavit.* Nec movere debet quòd Paulus loquitur de præterito, *vocavit, justificavit, glorificavit*: id enim ponitur (inquit S. Thomas in ca. 8. ad Rom. lect. 6.) *vel propter certitudinem futuri, vel quia quod in quibusdam est futurum, in aliis est completum.* Unde sit

## §. II.

*Conclusio affirmativa statuitur.*

**D**ico igitur: Glorificatio, justificatio & quæcumque efficax vocatio, sunt effectus prædestinationis.

Probatur primò conclusio quoad omnes partes. Prædestinatio est præparatio mediæ efficaciter inferentium finis consecutionem, & consequenter causat mediæ, & ad finem extenditur; sicut medicus applicans efficaciam remedia salutis, non solum causat mediæ, sed etiam sanitatem quæ est finis: At vocationes efficaces, & justificatio non interrupta, sunt mediæ efficaciter inferentia consecutionem finis, & glorificatio est finis obtinendus: Ergo ad omnia hæc extenditur prædestinatio causalitas.

Probatur secundo conclusio, quantum ad primam partem, contra Durandum. Glorificatio, seu consecutio gloriæ, est aliquis effectus de novo in rerum natura à Deo factus: Ergo & provius, si quidem Deus nullum effectum facit nisi providentiæ suæ. Vel ergo ille effectus est ex providentiæ generali, seu communi reprobis & prædestinatis, vel tantum prædestinatorum propria? Primum dici non potest, cum reprobi cadant à gloria, nec illam consequantur, & in hoc præcisè à prædestinatis distinguantur: Ergo debet esse à providentiæ specialis prædestinatorum, seu ab ipsa prædellinatione, & sic est effectus ejus. Unde D. Thomas hic art. 3. ad 2. ait: *Prædestinatio est causa ejus quod expectatur in futura vita in prædestinatis, scilicet gloriæ, & cum quod percipitur in presenti, scilicet gratia.*

Tertiò secunda & tertia pars conclusionis, contra Gabrielem & D. Bonaventuram suaderi potest, ex absurdo & inconvenienti quod sequitur ex illorum sententia: scilicet dari causam meritoriam, vel saltem dispositivam primi effectus prædestinationis, quod à Theologis, ut Pelagianorum vel Semipelagianorum error, communiter reprobat, ut constat ex dictis disputatione præcedenti. Sequela probatur: Iuxta communè Theologorum sententiam, nostri sunt bonis operi-



bus à gratia profectis, gloriam de cōdigno promeremur: Ergo si illa sit primus, imo & unicus prædestinationis effectus, ut docet Gabriel, manifestum est dari in nobis causam meritoriam, non solum de congruo, sed etiam de condigno, primi effectus prædestinationis. Idem inconueniens sequitur ex sententia D. Bonaventuræ: si enim sola gloria & gratia iustificans sit prædestinationis effectus, dabitur ex parte nostra causa saltem dispositiva ad primum effectum prædestinationis, cum ad gratiam iustificantem actus nostri saltem dispositivè concurrant, ut docent Theologi in materia de iustificatione. Ut ergo hæc vitentur inconuenientia, dicendum est, nec solam gloriam, nec solam gratiam iustificantem sed etiam primam gratiam auxiliantem, & primam vocationem efficacem, quarum nulla datur ex parte nostre causæ meritoria vel dispositiva, ut ostendimus disputatione præcedenti, inter prædestinationis effectus annumerari.

## §. III.

*Solvuntur obiectiones.*

7 **O**bjicies primò cum Durando. Prædestinationi non est de fine sed de mediis quibus pervenitur ad finem, unde ab Augustino definitur: *Præscientia & preparatio beneficiorum, quibus certissime liberantur quicumque liberantur.* Sed glorificatio finis est, & non medium: Ergo non est prædestinationis effectus.

*Disput. 1. art. 3.*

8 Confirmatur primò: Prædestinatio supponit efficacem electionem ad gloriam: illa enim, ut supra ostendimus, consistit formaliter in actu imperii, qui electionem efficacè supponit: At ex vi hujus electionis efficacis constituitur beatitudo futura: Ergo actus in quo essentia prædestinationis consistit, gloriam ut futuram supponit, & consequenter illam non causat.

9 Confirmatur secundò: Omnis effectus prædestinationis debet esse objectum illius: Sed glorificatio non est objectum prædestinationis: Ergo nec ejus effectus. Probat minor: Objectum prædestinationis debet esse objectum non intentionis, sed electionis: At beatitudo non est objectum electionis, cum objectum electionis, ut ab intentione distincta sit medium & non finis; beatitudo autem finis sit, & non medium: Ergo glorificatio non est objectum prædestinationis.

10 Ad objectionem, relictis variis solutionibus respondeo communi solutione, quam in prima probatione conclusionis innuavi, prædestinationem immediatè esse de mediis; quia tamen hæc in executione efficaciter inferunt finem, mediati esse de fine.

Ad primam confirmationem, concessa Majori, distinguo Minorem, illamque concedo de futuritione inchoata, & in ordine intentionis: secus autem de futuritione completa, & in ordine executionis: cum quo bene sit, quòd prædestinatio quæ essentialiter in actu imperii consistit, posterior sit electione ad gloriam, & concurrat ad dandam illi futuritionem completam, ut supra fusè declaravimus.

*Disput. 1. art. 3. 12*

Ad secundam, concessa Majori, distinguo Minorem. Non est objectum prædestinationis, immediatam concedo: mediatam nego. Ad impugnationem: concessa Majori, similiter distinguo Minorem. Beatitudo non est objectum electionis, immediatam concedo: mediatam nego. Cum

enim finis in executione causetur à mediis, quæ sunt immediatum electionis objectum, est objectum electionis saltem mediatum, non quidem prout est causa finalis, seu prout est in intentione, sed prout est terminus, & in executione.

Objicies secundò cum Gabriele & D. Bonaventura: Effectus prædestinationis nequeunt esse reprobus & prædestinationis communes: Sed iustificatio & vocatio sunt communes electis & reprobis, cum multoties istis concedantur, sicut & illis: Ergo non sunt prædestinationis effectus.

Respondeo concessa Majori, negando Minorem: Licet enim vocatio & iustificatio possint in reprobis inveniri, non tamen eodem modo quo in prædestinatis; quia in his inveniuntur cum ordinatione efficaci & perseverantia usque ad consecutionem gloriæ, in reprobis sine illa, unde non eodem modo se habent.

Ex dictis in hac conclusione colliges, amorem beatificum, gaudia accidentalia, & omnia quæ beatitudinem & gloriam consequuntur, esse effectus prædestinationis; cum omnia hæc ad eandem providentiam pertineant, ad quam pertinent gratia & gloria; live ut proprietates necessariò consequatur, live ut accidentia exoriantur.

## ARTICULUS II.

C *An gratia per peccatum interrupta, & vocationes inefficaces, inter effectus prædestinationis computari debeant?*

## §. I.

*Resolvitur prima pars questii.*

**D**ico primò: Gratia interrupta per peccatum, est effectus prædestinationis, non solum ut recuperata per poenitentiam, sed etiam ut primò collata.

Hanc statuo contra Vasquez, & paucos Recentiores, ipsum secutos. Et quidem quòd prout recuperata, sit effectus prædestinationis, non negat Vasquez, loquendo de recuperatione nunquam interruptenda; nam si recuperata iterum amittatur, idem est dicendum de illa, ac de primò collata, semel interrupta. Quòd autem ut primò collata, sit effectus prædestinationis, sic potest suaderi. Gratia interrupta, quatenus primò collata, cum effectu conducit ad finem prædestinationis, & inluit in beatitudinem: Ergo est effectus prædestinationis. Consequentia patet, Antecedens probatur. Propter illam gratiam quæ peccatum præcessit, datur prædestinato novus gradus gloriæ, ultra gradum correspondentem gratiæ in qua resurgit, vel saltem datur idem gradus gloriæ novotitulo, ut abstrahamus ab opinionibus, sicut docent Theologi in Tractu de poenitentia, quando agunt de reviviscencia meritorum. Ergò illa gratia quæ præcessit, ex eodem ipso jure quod ante lapsum habuit inluit in beatitudinem, & ad finem prædestinationis conducit.

Confirmatur & explicatur hoc: Duobus hominibus existentibus æqualibus in contritione, & gratia, illi per se correspondente, datur major gloria illi qui ante lapsum habuit majorem gratiam: Ergò gloria non solum est effectus contritionis, & gratiæ illi correspondentis, sed etiam gratiæ per peccatum interruptæ: contritio enim



se solum habet ut removens prohibens respectu antecedentis gratiæ, & non ut ratio influens in gloriam illi correspondentem, atque adeo gratia non solum ut restaurata, sed etiam secundum se influens in gloriam, & consequenter est prædestinationis effectus.

18. Confirmatur ampliùs: Intentio Dei perducendi hunc electum ad tantum gradum gloriæ, non consequitur effectum absque illa gratia, quæ peccatum antecessit; quia nisi præcessisset, non daretur homini penitenti tanta gloria: Ergo prior illa gratia cum effectu conducit ut medium ad gloriam: Ergo effectus talis electionis ad beatitudinem. Vis & efficacia hujus rationis magis confabit ex solutione argumentorum, quæ solent fieri in contrarium.

19. Obijcies ergo primò: Gratia primò collata, & per peccatum amissa non valet ad gloriæ consecutionem, nisi ut per penitentiam restituatur; nam solum ratione contritionis & penitentia merita per peccatum mortificata reviviscunt: Ergo gratia interrupta per peccatum non est effectus prædestinationis, nisi ut recuperata per penitentiam, non verò ut primò collata.

20. Respondeo distinguendo Antecedens: Si particula ut significet conditionem requiram, concedo Antecedens. Si reduplicet rationem formalem, nego Antecedens, & Consequentiam.

Explicatur: Sicut hæc propositio, *ignis non calefacit, nisi ut applicatus*, est vera, si particula ut reduplicet conditionem requiram ad agendum; secus autem si reduplicet rationem formalem agendi, quæ non est applicatio, sed ipse calor. Ita etiam cum dicitur, quòd gratia interrupta per peccatum non valet ad consecutionem, vel augmentum gloriæ, nisi ut per penitentiam restituatur; verum est si ly ut denotet conditionem requiram, sine qua talis gratia non influens in gloriam; secus autem si exprimat & significet rationem formalem talis valoris & influxus: sic enim non est à penitentia, quæ se habet tantum ut removens prohibens, sed à jure & proportionem, quam habet gratia sanctificans respectu gloriæ.

21. Obijcies secundò: Gratia causata per primam justificationem, quæ antecessit peccatum, destructa fuit per peccatum quantum ad suam numericam entitatem, & postea per aliam actionem novam & distinctam à prima reproducitur non eadem numero, sed eadem secundum speciem in eadem quantitate: Ergo prima illa gratia, quæ peccatum antecessit, non influens in gloriam, nec consequenter est prædestinationis effectus, sed illa solum, quæ per penitentiam restituitur.

22. Respondeo quòd licet gratia causata per primam justificationem non sit eadem numero physice & entitative cum ea, quæ reparatur, bene tamen moraliter & æquivalenter: Esi enim amissa gratiâ postea succedat alia entitativè distincta, eandem tamen gloriam respicit, & idem habet jus ad illam, & sic censetur eadem numero gratia formaliter & in esse gratiæ, quamvis materialiter & in esse entis sit diversa. Sicut quamvis superficies æris ambiente aliquam turrim continuò fluat & varietur, censetur tamen idem locus formaliter, quia aliæ superficies advenientes habent eandem correspondentiam & distantiam ad polos & centrum mundi, quam habebat præcedentes, ut explicari solet in Physica. Unde quamvis talis gratia non possit physice influens in gloriam influere, quia non redit physice secundum suam entitatem, potest moraliter in

eam influere: ex hoc enim quòd illa manet in acceptatione divina, postea ablato impedimento datur prædestinato aliquis gradus gloriæ illi correspondens; vel ut alij volunt, idem gradus gloriæ novo titulo, seu gloria quadam accidentalis: quod sufficit ut aliquid sit prædestinationis effectus; nam glorificatio corporis, ejusque doctes & revelationes extra verbum sunt prædestinationis effectus, & tamen ad gloriam accidentalem pertinent.

Obijcies tertio: Effectus prædestinationis debent continuari, & conjungi cum finali perseverantia, & cum gloria, quæ sunt ultimi & præcipui ejus effectus: Sed gratia per peccatum interrupta cum illis non continuatur, nec conjungitur, ut patet: Ergo non est prædestinationis effectus.

Respondeo quòd ut aliquid sit prædestinationis effectus, debet continuari & conjungi cum finali perseverantia, & cum gloria, vel secundum continuationem physicam in existendo, vel secundum continuationem moralem, & secundum permanentiam illorum in divina acceptatione; & hæc continuatio per peccatum non interruptur, quia culpa non tollit voluntatem remunerandi merita, & conferendi gloriam sublati impedimento.

Obijcies ultimò: Esi gratiæ Adami in statu innocentie aliquis gradus gloriæ correspondeat, & consequenter ad finem prædestinationis conducatur, illa tamen non fuit effectus prædestinationis, ut primò collata, sed solum ut per penitentiam reparata. Ergo similiter quamvis gratia hominum in hoc statu per peccatum interrupta, quatenus primò collata, influens in beatitudinem, & ad finem prædestinationis conducatur, non erit effectus prædestinationis, nisi ut reparata per penitentiam.

Respondeo concessio antecedente, de quo disputant Theologi in tractatu de Incarnatione, negando consequentiam & pariterem. Ratio discriminis est, quia cum gratia status innocentie non præsupposuerit præcipientiam & prædestinationem Christi, nec ex ejus meritis data fuerit: ex intentione efficaci glorificandi Adamum (quæ intentio fuit posterior Christi prædestinatione) imperata non fuit; unde ex vi primæ infusionis ad finalem perseverantiam ordinem non dicebat, sed solum ex vi reparationis factæ per Christum. In nostra autem gratia, quatenus primò collata, oppositum contingit: cum enim prima illius collatio sit ex meritis Christi, ejusque prædestinationem supponat, ex intentione gloriæ in electis præparatur & imperatur, & ex vi primæ infusionis ordinem ad gloriam; & ad finalem perseverantiam importat.

## §. II.

Expeditur alia difficultas.

Deo secundò: Etiam vocationes inefficaces in electis esse prædestinationis effectus, non elictos, sed imperatos. Est etiam contra Vazquem, & Valentiam, alioque recentiores.

Probatür breviter: Licet vocationes inefficaces in prædestinatis non conducant ad gloriam immediatè, mediatè tamen, & dispositivè ad illam conducunt, quatenus paulatim emolliunt cor hominis, ut tandè Deo vocanti respondeat:

vel obiectivè, quatenus in memoriam reductæ excitant ad gratiarum actionem & ad humilitatem propter resistenciam præteritam : Ergo præparantur à Deo ex intentione gloriæ, & consequenter sunt effectus prædestinationis. Utraque Consequencia patet ex dictis, Antecedens verò probatur. Primò, quia id sæpè contingere, experientia testatur, quòd scilicet Deo quis gratias agat propter vocationes illas, quibus non respondit: ut constat ex Augustino lib. 6. Confess. capite 17. & libro 8. capite 9. ubi memorans vocationes divinas, quibus multoties resistit, excitatur ad pœnitentiam, humilitatem, & gratiarum actionem. Et ex Bernardo serm. 2. Dominicæ 6. post Pentecosten, ubi exclamatur: *Ego peccabam, & tu distimulabas, Non continebam à sceleribus, & tu à verbis sublimibus, Prolongabam ego multo tempore iniquitatem meam, & tu Domine pietatem tuam.*

Secundò idem Antecedens probatur ex illis verbis Pauli ad Romanos 8. *Diligentibus Deum omnia cooperantur in bonum*, quod ut docet glossa ex Augustino desumpta, etiam ad peccata prædestinatorum extenditur: Ergo cum vocationes inefficaces ad bonum prædestinatorum aliquid ex prædictis modis conducant, sunt prædestinationis effectus.

18. Confirmatur: Permissio peccati, quæ in denegatione gratiæ efficacis supponitur sufficiente consistit, est prædestinationis effectus, quatenus ad excitandam humilitatem conducit, & quatenus ex illa movetur homo ad cognoscendam infirmitatem propriam, & indigentiam uberioris & fortioris auxilij, ut ostendimus art. 5. Ergo similiter cum vocationes inefficaces in prædestinatis ad eisdem fines conducant, illæ sunt prædestinationis effectus. Quòd autem non sint effectus ab illa immediate elicit, sed solum imperati, patet, quia vocationes inefficaces, & auxilia sufficientia pertinent ad providentiam generalem ordinis supernaturalis, & ordinantur per prædestinationem ad ejus proprium finem, salutem scilicet electorum, modo antea explicato.

29. Obijcies primò: D. Thomas ad Roman. 8. lectione 6. exponens hæc verba Apostoli: *Quos prædestinavit, hos & vocavit*, ait: *Hæc vocatio est efficax in prædestinatu*: Ergo ex D. Thomâ sola vocatio efficax est effectus prædestinationis. Idem colligitur ex Augustino de prædestinatione Sanctorum capite 16. ubi dicit: *Deus vocat prædestinatos, sed non ad vocationem, quâ vocati sunt, quâ noluerunt venire ad nuptias*, quæ, ut patet, est vocatio inefficax. Et lib. 1. ad Simplicium quæst. 2. & alibi passim docet, quòd sola illa vocatio est effectus prædestinationis, quæ est vocatio secundum propositum, vel ut loquitur Fulgentius lib. 1. ad Monimum, *quæ est ex proposito congrua*: Sed vocatio congrua, & secundum propositum est efficax: Ergo idem quod prædictum.

30. Respondeo primò: Quòd quando sancti Patres docent, solam vocationem efficacem, vel congruam, aut secundum propositum, esse prædestinationis effectum, loquuntur de effectibus prædestinationis elicitis, & immediate ab illa procedentibus, non vero de imperatis & mediatis, undè hæc testimonia suadent quidem secundam partem nostræ conclusionis, sed non militent contra primam.

31. Secundò responderi potest, SS. Patres loqui de vocatione efficaci, vel simpliciter, & per or-

A dinem ad actum perfectum, conversionem scilicet peccatoris, ad quam datur, vel de vocatione efficaci secundum quid 1, & per ordinem ad actus imperfectos, qui paulatim emolliunt cor hominis, illudque disponunt ad conversionem perfectam, per ordinem ad quos potest dici congrua, vel secundum propositum.

Obijcies secundò: Communia electis & reprobis non sunt prædestinationis effectus: Sed vocationes inefficaces & auxilia sufficientia sunt communia electis & reprobis, & utrique indifferenter conceduntur: Ergo non sunt effectus prædestinationis.

Confirmatur: Vocationes inefficaces, & auxilia sufficientia sunt à providentia generali ordinis supernaturalis, & voluntate Dei antecedente: Ergo non sunt effectus prædestinationis. Consequencia videtur manifesta, effectus enim prædestinationis sunt à providentia Dei speciali & voluntate consequente.

Ad objectionem respondeo, distinguendo Majorem. Non sunt effectus prædestinationis elicit, concedo, imperati, nego. Et concessa Minori, distinguo Consequens: Ergo vocationes inefficaces non sunt effectus prædestinationis: elicit, concedo, imperati, nego, Undè

Ad confirmationem dicendum est, vocationes inefficaces, & auxilia sufficientia in electis esse quasi elicitivè à providentia generali, & voluntate Dei antecedente, & à prædestinatione imperativè, quia non eliciuntur à providentia generali, nisi ut subordinata prædestinationi, & ex finis ejus efficacis intentione.

Obijcies tertio: Non omnes vocationes inefficaces in prædestinatis conducunt ad gloriam etiam mediata: Ergo omnes non sunt prædestinationis effectus. Consequencia patet ex supra dictis, Antecedens vero probatur: quia omnes non offeruntur memoris, nec omnes paulatim leniunt cor hominis, nam contingere potest quòd aliquis viris longo tempore deditus, multoties interitus pulsatus, repente convertatur, & pœnitentiam agens, vel ad martyrium caput, statim moriatur, & consequatur gloriam: At in tali casu non omnes vocationes occurrunt memoris, cum hoc in tam brevi tempore sit moraliter impossibile, nec illæ dispositivè cor emolliendo, extraxerunt consensum: Ergo non omnes vocationes inefficaces, aliquo ex prædictis modis, ad finem prædestinationis conducunt.

Propter hoc argumentum quidam recentiores Thomistæ conclusionem nostram restringendam existimant ad illas vocationes, quæ in memoriam reductæ excitant ad prædictos effectus. Magis tamen placet aliorum sententia, qui nostram conclusionem propter verba Pauli superius relata, universaliter accipiendam esse contendunt. Undè in forma respondeo negando Antecedens, ad cujus probationem in primis dico, nullam dari vocationem internam, vel auxilium sufficiens, quod non producat in animam aliquem actum imperfectum, qui hominem excitet ad disponat ad perfectiorem, ut docent celeberrimos Thomistæ in tractatu de auxiliis, & colligunt ex verbis illis Iaiæ ss. *Verbum meum, quod egredietur de ore meo, non revertetur ad me vacuum, sed faciet quacunque volui, & prosperabitur in his, ad quæ missus sum.* Quibus verbis significatur, vocationem internam, quâ Deus animam alloquitur, nunquam ita esse steri-

sterilem & infecundam, quin semper aliquem fructum, saltem imperfectum, in anima producat. Ratio etiam suadet: nam omnis vocatio interna, omneque auxilium sufficiens excitat & movet animam, & sub genere auxilij movetur, & excitans continetur: sed videtur impossibile, quod anima excitetur formaliter, nisi per actum vitalem a se elicicum, cum excitatio hæc verè sit vitalis. Similiter impossibile est, quod Deus actualiter moveat animam, & quod anima non moveatur actualiter, cum movens & motum dicantur correlativè: Ergo omnis vocatio interna, & omne auxilium sufficiens aliquem actum saltem imperfectum in anima producit. Sed quidquid sit de hac sententia,

36. Respondeo secundò, nullam dari vocationem in prædestinatis, quæ aliquo modo non conducatur ad finem prædestinationis, saltem objectivè, excitando ad gratiarum actionem: licet enim in hac vita non omnes in memoriam revocentur, in patria tamen per visionem in verbo omnes suas vocationes, sive efficaces, sive inefficaces prædestinati cognoscunt, & ex cognitione illarum ad gratiarum actionem excitantur.

37. Obijciè ultimò: Nemo prudens ex intentione efficaci finis eligit & applicat media inefficacia & infructuabilia, præsertim si habeat in sua potestate media efficacia & infructuabilia: Ergo cum Deus in infinitis suis omnipotentis thesauris habeat infinita media, & auxilia efficacissima, quibus potest electos suos ad vitam æternam perducere, incongruum videtur, quod ex efficaci intentione beatitudinis ipsi præparet & tribuat vocationes aliquas inefficaces, & auxilia purè sufficientia, quæ debent frustrari suo effectu.

38. Respondeo distinguendo Antecedens: Si talia media nullam habeant vim, & efficaciam, neque in ordine ad effectum principalem, neque in ordine ad alios minus præcipuos, concedo Antecedens. Si talia media habeant vim & efficaciam in ordine ad aliquem effectum, qui ad alium perfectiorem, saltem mediatur & dispositivè concurrat, nego Antecedens, & Consequentiam. Itaque non superfluum, sed valde prudentem, Deus intendens efficaciter gloriam electis, dat aliqua media & auxilia inefficacia, & infructuabilia suo effectu. Id enim congruit, tum ut per illa media & auxilia (quæ, ut supra diximus, semper sunt efficacia secundum quid, & in ordine ad aliquem actum imperfectum, quem in anima producant) paulatim emolliat cor hominis, illudque disponat ac præparet ad conversionem perfectam. Tum etiam ut homini ostendatur infirmitas sua, libertas, inconstantia, & ingratitude, & ut sic magis ad interiora revocetur, & tandem reformetur.

## ARTICULUS III.

*An determinatio voluntatis ad actus supernaturales, seu actus supernaturales proprii a libero arbitrio exeunt, sint prædestinationis effectus?*

39. Partem negantem tenet Molina hic art. 5. disp. 1. membro 10. ubi etiam actibus supernaturalibus tribuit, quod sunt effectus prædestinationis, non tamen formaliter, quatenus a libero arbitrio exeunt, & consequenter determinatione

Tom. I. I.

A voluntatis ad bonum, seu bonum usum liberi arbitrij, ab effectibus prædestinationis excludit.

Præcipuum ejus fundamentum est, quia existimat gratiam & liberum arbitrium partialiter in actus supernaturales influere, & se habere sicut duos homines, vel equos eandem cimbam, vel currum trahentes: Sed effectus a duabus causis partialibus procedens non est ab una, lub ea ratione & formalitate, quæ exit & procedit ab altera, ut patet in exemplo adducto tractionis navis: Ergo actus supernaturales, ut exeunt a libero arbitrio, non procedunt a gratia, nec consequenter sunt prædestinationis effectus.

Præterea, quod actus supernaturalis sit liber & vitalis, a gratia non habet, sed a libero arbitrio: Ergo consideratus prout exit a libero arbitrio non est effectus gratiæ, nec consequenter prædestinationis. Utique Consequentia patet, Antecedens probatur. Quod actus supernaturalis sit liber & vitalis, debet habere a principio libero & vitali: Sed gratia, cum non sit indifferens, sed unum actum determinatè respiciat, non est libera; & cum veniat deorsum, & procedat a principio extrinseco, scilicet Deo eam animæ infundente, non est principium vitale: Ergo quod actus supernaturalis sit liber & vitalis, a gratia non habet, sed a libero arbitrio.

## S. I.

*Hæc sententia Molina rejicitur.*

Dico tamen, determinationem nostræ voluntatis ad bonum, seu bonum usum liberi arbitrij, ut tenet se ex parte nostra, esse prædestinationis effectum. Ita communiter docent nostri Thomistæ cum Angelico Præceptore hic art. 5. in corpore, ubi ait: *Non est distinctum, quod est ex libero arbitrio, & ex prædestinatione, sicut non est distinctum, quod est ex causa secunda & causa prima. Divina enim providentia producit effectus per operationes causarum secundarum, ut supra dictum est, unde & id, quod est per liberum arbitrium, est ex prædestinatione. Et quæst. 6. de veritate art. 2. ad 11. Hoc ipsum (inquit) quod est velle accipere gratiam, est nobis ex prædestinationis, unde non potest esse causa prædestinationis.*

Probatur etiam conclusio ratione fundamēntali, quam insinuat idem S. Doctor locis citatis. Id, quod causatur a gratia, est prædestinationis effectus: Sed determinatio voluntatis ad bonum supernaturale, v. g. ad credendum, vel ad diligendum Deum super omnia, seu bonus liberi arbitrij usus in supernaturalibus causatur a gratia: Ergo est prædestinationis effectus. Major est evidens, quia prædestinatio est causa gratiæ, quæque præparatio, ut docet Augustinus de prædestinatione Sanctorum cap. 10. his verbis: *Inter gratiam & prædestinationem hoc tantum interest, quod prædestinatio est gratia præparatio, gratia vero ipsa donatio*: Ergo quod procedit & causatur a gratia, est effectus prædestinationis. Nam ut communiter dicitur, quod est causa causalæ, est causa causati: unde D. Thomas hic art. 5. *Mais il est (inquit) quiddam, quod est gratia, est prædestinationis effectus.*

Minor verò, in qua est difficultas, probatur multipliciter. Primò ex Cælestino primo in epistola 1. ad Episcopos Gallicæ, ubi definit, quod nemo nisi per gratiam libero bene utatur arbitrio: Ergo bonus usus liberi arbitrij a gratia procedit.

G 2 Undè

Unde Augustinus libro 1. Retra. cap. 9. circa finem sic habet: *Quia omnia bona, & magna, & media, & infima, à Deo sunt, sequitur ut ex Deo sit & bonum usum liberi voluntatis, qui in magno numeratur bonum.* Et super Psalm. 77. *Deus cooperatorem sibi facit hominibus spiritum in opere bonorum factorum.* Et de coarctis. & gratia cap. 1. *Desiderat auxilium gratia, inimum gratia est.* Idem colligitur ex D. Thoma hic art. 5. ubi reprehendit eos qui distinguunt inter id quod est ex gratia, & id quod est ex libero arbitrio, quos non possit esse idem ex utroque.

44. Secundò probatur eadem Minor ex eodem Augustino Epist. 107. & libro 1. contra duas Epist. Pelag. cap. 19. ubi docet quod *gratia facit homines ex nolentibus volentes, & ex repugnantibus consentientes.* Ex quibus verbis hoc deducitur argumentum. Bonus usus liberi arbitrii, & consensus ipse ad gratiam Dei, non potest procedere ex libero arbitrio ut nolente ac repugnanter, sic enim ab illo potius proveniret dissensus, quam consensus: fit ergo ex libero arbitrio ut volente & consentiente: Sed fieri ex nolente volentem, & ex repugnanter consentientem, est effectus gratia & operationis divinæ, intus in corde hominis operantis, inquit Augustinus locis citatis, & de gratia & libero arbitrio cap. 21. ubi sic habet: *Agit Deus omnipotens in cordibus hominum, etiam motum voluntatum eorum, ut per eos agat quod eos agere ipsi voluerit.* Ergo bonus usus liberi arbitrii, & consensus ipse ad gratiam, provenit ab ipsa gratia, intus in corde hominis operante.

45. Confirmatur primò: Ex eodem Augustino Epist. 105. *Quod promittit Deus, non facit nisi Deus:* Sed Deus interdum promittit in scriptura consensum & determinationem nostræ voluntatis, ut patet quando promittit Abraham fidem & conversionem gentium, in qua includitur consensus & determinatio liberi arbitrii: Ergo talem consensum & determinationem facit per gratiam intus in corde hominis operantem, & consequenter secundum Augustini principia, negari non potest, bonum usum liberi arbitrii esse effectum gratia & operationis divinæ. De quo fusè Tractatu præcedenti.

Disp. 5.  
art. 2.

46. Confirmatur secundò ex D. Thoma super Epist. ad Hebræos cap. 12. lect. 3. ubi agit: *Hoc ipsum quod est non ponere obstaculum gratia, ex gratia procedit. Unde si aliquis peccat, & tamen moveatur cor ejus ad removendum illud, hoc est ex dono gratia Dei vocantur per inferos dicant.* Sentit ergo aperte D. Thomas, quod quicquid ex parte liberi arbitrii se tenet etiam ipsum non ponere obstaculum, & ipsum velle recipere gratiam, est effectus ipsius gratia.

47. Tertio probatur Minor principalis, Initium sui dei, & justificationis exordium, provenit à gratia, ut definitur in Concilio Aragonico 2. can. 5. his verbis: *Si quis initium fidei, ipsumque crudelitatem assensum, quo in eum credimus qui justificat impium, non per gratia domini, sed naturaliter in se dicit à apostolica traditionibus contradicere.* Et in Tridentino sess. 6. cap. 5. assertur, *ipsum justificationis exordium in adultum, à Deo per Christum Jesum praeveniente gratia sumendum esse.* Sed determinatio voluntatis ad credendum mysteriis revelatis, est initium fidei: ut enim docent Theologi in Tractatu de fide, fides incipit à pia motione voluntatis, quæ determinat intellectum ad credendum mysteriis sibi propositis, ex quo inferunt, in demonibus & damnatis non esse fidem, quia in illis non est pia

illa motio & determinatio voluntatis, sed edunt in vii & coarcti. Item liber consensus nostræ voluntatis pertinet ad nostræ justificationis exordium, nam ut dicitur in Tridentino citatos: *Adulti gratia excusantur & adjuvantur liberè assentiendo & cooperando, ad justificationem disponentur.* Ergo determinatio voluntatis ad bonum, seu bonus usus liberi arbitrii, à gratia præveniente procedit.

Dices cum Molina: Consensum & determinationem liberi arbitrii, seu actus supernaturales quibus homo liberè consensit Deo vocanti & excitanti, & se determinat ad credendum, vel diligendum Deum super omnia, esse quidem effectus divinæ gratia, & ab illa causari, non tamen formaliter & reduplicativè quatenus procedunt à libero arbitrio, partialiter in illos influente.

Sed contra primò: Deus per suam gratiam, non solum facit nobiscum nostram operationem, sed etiam facit ut sciamus illum juxta illud Ezechielis 36. *Faciunt ut in præceptis meis ambuletis.* Et juxta Augustinum libero de gratia & libero arbitrio capite 15. ubi ait: *Certum est nos velle cum voluntatem, sed ille facit ut velimus, &c.* Ergo quod actus nostri liberi elicantur à nobis, seu à nostro libero arbitrio exeant, habetur à gratia faciente ut velimus, & consequenter actus supernaturales sunt effectus gratia, etiam prout à libero arbitrio procedunt.

Secundò, Gratia est adæquata virtus proxima agendi & influendi in actus supernaturales: ut enim ostendimus in Tractatu de visione beata, non datur in nobis potentia obdientialis proximè & immediatè activa esse & unum supernaturalem, sed tantum radicalis & remota: At quia actus non potest sub aliqua ratione à principio remoto procedere, sub qua non causetur à proximo: Ergo actus supernaturalis, prout procedit à libero arbitrio, causatur à gratia.

Tertio, Eito admitteremus gratiam non esse adæquatam virtutem proximam, negari tamen non potest esse adæquatam rationem elevandam & proportionandam liberum arbitrium ad actus supernaturales: At actus supernaturalis non procedit à libero arbitrio, nisi ut proportionato & elevato: Ergo sub nulla ratione procedit à libero arbitrio, sub qua non causetur à gratia.

Quartò Actus supernaturalis, prout exit à libero arbitrio, procedit ab illo ut subordinato Deo: At non ut auctori naturali: Ergo ut supernaturalis, & consequenter causante mediante gratia actum supernaturalem faciente ut exeat & emanet ab ipso libero arbitrio.

Denique, Deus, cum sit prima & universalissima causa, attingit suos effectus secundum omnes modos & formalitates reales eius inventas, & in ipsum ut in ultimum finem reducibiles, ut demonstrant Philosophi in Metaphysica, & docet D. Thomas 6. Metaph. lect. 3. & 1. Perhiem. lect. 14. ubi ait: *Voluntas divina est intelligenda ut extra ordinem entium existens, velut causa quadam profundius totum ens.* & omnes ejus differentias: Sed actus supernaturalis exire & procedi à libero arbitrio, est aliquis modus vel formalitas entis, ut per se patet; non enim est purum nihil, aut ens rationis: Ergo in Deum ut in primam causam reduci debet: Sed non in Deum ut Auctorem naturæ, ut supra dicebamus: Ergo in Deum ut gratia largitorem, & Auctorem supernaturalem.

Potest



74. Potest insuper suaderi conclusio aliaratione fundamentali. Quidquid ad salutem conducit, est effectus prædestinationis : Sed bonus usus liberi arbitrii etiam prout est à nobis, conducit ad salutem : Ergo est prædestinationis effectus. Major patet, Minor probatur. Tum quia, ut supra dicebamus, determinatio voluntatis ad credendum mysterijs tevelatis, & consensum, quo Deo vocanti & excitanti libere assentimur, est initium fidei, & justificationis exordium. Tum etiam, quia id maximè conducit ad salutem & vitam æternam, quod conducit ad meritum : Sed bonus usus nostræ voluntatis, etiam prout à nobis est, conducit ad meritum : nam ut docent Theologi in tractatu de merito, conditio essentialiter requisita ad meritum, est, quod opus sit liberum & voluntarium : est autem liberum & voluntarium, quatenus exit à voluntate nostra : Ergo bonus usus liberi arbitrii, etiam prout est à nobis, conducit ad salutem. Item, quod Deus à nobis exigit, ut salvemur, ad salutem conducit : Sed ut salvemur, Deus à nobis exigit usum, & cooperationem liberi arbitrii : ut enim ait Augustinus sermone 15. *Qui fecit te sine te, non te justificat sine te.* Et Bernardus libro de gratia & libero arbitrio : *Tolle liberum arbitrium, non erit quod salvetur ; collegationem, non erit unde salvetur. Opus hoc sine duobus effici non potest, uno à quo fit, altero in quo fit &c.* Ergo bonus usus, & cooperatio liberi arbitrii, etiam prout est à nobis, conducit ad salutem.

Hanc rationem tangit S. Thomas ad Rom. 9. lectione 3. his verbis : *Manifestum est quod omne Dei beneficium, quod homini confert ad salutem, est divina prædestinationis effectus : divinum autem beneficium non solum se extendit ad infusionem gratia, quâ homo iustificatur, sed etiam ad gratia usum : sicut etiam in rebus naturalibus non solum causat ipsas formas in rebus, sed etiam ipsos motus & operationes formarum, id quod Deum est principium omni motus, cuius operatione cessante à movendo, & ex formis nullum motum vel operatio sequitur.*

## §. II.

*Molina fundamenta convelluntur.*

75. EX dictis §. præcedenti facile convelli possunt duo præcipua Molinae fundamenta initio articuli proposita. Ad primum enim, nego Majorem : quod scilicet gratia & liberum arbitrium ad actus supernaturales partialiter concurrant, & se habeant sicut duo homines, vel quæ eandem cibam, vel currum trahentes. Virtus enim ad æquata proxima, & causa, cuius est virtus, non dicuntur causæ partiales : gratia autem & liberum arbitrium sic comparantur, quod illa est ad æquata virtus proxima, & liberum arbitrium ratione sui gaudet tantum virtute temota & radicali : Ergo non concurrunt partialiter. Unde D. Thomas 3. contra Gent. cap. 70. *Non sic idem effectum causant naturalis, & divina virtutes attribuitur, quasi partim à Deo, & partim à naturali agente fiat, sed totum attribuitur instrumenti, & principali agenti etiam totum.* Et opusculo 1. capite. 23. expresse negat Deum concurrere cum creatura ad operandum eo modo, quo duo homines, vel equi concurrunt ad tractionem ejusdem navis, vel currus. Idem tradit D. Augustinus varijs in locis, quæ fuscè expeditimus tract. præcedenti disp. 5. art.

Tom. I. L

A 2. §. 2. in quibus docet, nō ita tribui Deo operationes nostras, ut pars debeat tribui Deo, & pars nobis, sed totum Deo : quia ut dicebat Cyprianus : *In nullis gloriamur nisi, cum nostrum nihil sit, idque probat ex illis verbis Apostoli, Non est volentis, neque currentis, sed miserentis Dei: Non quia (inquit) velle non debemus & currere, sed quia ipse in nobis & velle operatur & currere.* Et addit : *Hoc nobis expedit, & credere, & dicere, ut sit humilis & submissa confessio, ET DETUR TOTUM DEO.* Videri etiam potest D. Bernardus libro de gratia & libero arbitrio, ubi eandem veritatem elegantè expressit, his verbis : *Quod à sola gratia capimus est, pariter ab utroque perspicitur, ut mixtum non significatum, ut simul, non vicissim, per singulos profectus operentur, non partim gratia, partim liberum arbitrium, sed totum singula opere individuo peragunt, totum quidem hoc & solum illa, sed ut totum in illa, sit totum ex illa.*

Ad secundum fundamentum Molinae, respondeo distinguendo Antecedens. Quod actus supernaturalis sit liber, à gratia non habet, ut à potentia, concedo Antecedens. Ut à virtute potentia, vel ejus applicatione, nego antecedens, & Consequentiam. Ad cujus probationem dico, quod licet gratia auxiliana non sit libera ut quod, est tamen libera ut quo, utpote effluxus quidam à primo libero, & quædam participatio libertatis divinæ. Illa etiam est vitalis ut quo, quia est vis quædam ordinata ad elevandum hominem ad vitam supernaturalem ac divinam participativè. Sicut semen, quamvis non sit animatum nec vivens ut quod, potest tamen dici vivens ut quo, quia est vis quædam instrumentaria, ordinata à natura ad generationem viventis. Nec obstat quod gratia veniat deforis, & à Deo infundatur, quia Deus est primum vivens, & velut fontale totius vitæ principium : juxta illud Prophetæ *Quoniam apud te est fons vitæ, & id in quo vivimus & movemur & sumus*, urdicitur Aëtorum 17. Unde proprie non reputatur tanquam agens D extrinsecum, respectu hominis, sed inter causas illius internas computatur, ut eruditè expendit S. Thomas 3. contra Gentes cap. 88. ubi legendus est.

Instabis : Principium liberum ut quo, debet esse indifferens ut quo ad utrumque extremum libertatis : verbi gratia ad amorem & odium, vel negationem amoris, & utrumque æqualiter ac indifferenter respicere : Sed gratia auxiliana, & movens ad actum amoris verbi gratia, non est indifferens ad utrumque extremum libertatis, nec æqualiter & indifferenter respicit amorem & odium, vel negationem amoris, sed determinatè respicit amorem, & cum eo habet indissolubile nexum : Ergo non est libera ut quo.

Respondeo distinguendo Majorem. Principiū liberum ut quo, per modum potentia, debet esse indifferens ut quo &c. concedo Majorem. Principium liberum ut quo, per modum virtutis, vel applicationis potentia, nego Majorem, & concessa Minori, distinguendo est Consequens, distinctione Majoris. Itaque ut aliquid sit liberum per modum potentia, vel ut alij dicunt, libertate potentiali, debet utrumque contrarietatis, vel contradictionis extremum æqualiter respicere. Ut autem sit liberum per modum virtutis, vel applicationis potentia, seu libertate actuali, & per modum principij actualis ipsius operationis (quæ solum libertate gaudet gratia

G 3 movens

movens & auxilians, juxta vetiorem Thomistarum sententiam ) sufficit quod ita applicet voluntatem ad unum extremum, ut in ea relinquat vires & potentiam ad oppositum.

## ARTICULUS IV.

*An substantia prædestinati sit sua prædestinationis effectus?*

## §. I.

*Quidam præmissa conclusio affirmativa statuitur.*

19. **V**T status difficultatis aperiatur, & certa ab incertis separentur, supponendum est primo, substantiam prædestinati secundum se inspectam intra limites puræ naturæ, non esse prædestinationis effectum; quia effectus prædestinationis finem ejus respicere debent: substantia autem prædestinati in prædicta consideratione finem prædestinationis non respicit, sed adæquate sitit intra limites & finem naturæ. Addo, quod effectus prædestinationis non est indifferens ad finem reprobationis: Atqui substantia prædestinati intra limites puræ naturæ considerata indifferens est, ut prædestinetur & reprobetur. Ergo sub hac consideratione effectus prædestinationis esse non potest.

20. Supponendum secundum, illam non esse effectum prædestinationis proximum, & elicitedum: Tum quia effectus elicitedus prædestinationis debet esse supernaturalis ratione sui, sicut actus elicitedus à virtute super naturali non potest non esse ratione sui supernaturalis: substantia autem prædestinati ratione sui supernaturalis non est. Tum etiam, quia effectus elicitedus providentiæ naturalis: Ergo à supernaturali, qualis est prædestinatio, elicitedus non potest procedere. Unde solum difficultas est, an imperativè saltem ab illa procedat? quod ut magis declaretur,

21. Supponendum est tertio: dupliciter aliquid esse posse effectum prædestinationis imperativè. Primo quoad ordinationem supponentem existentiam rei ordinatæ. Secundò, quoad existentiam, ut aut primò rei productio imperetur ex intentione finis prædestinati: certum est igitur, substantiam prædestinati esse saltem primo modo prædestinationis effectum, quia per prædestinationem ordinatur ad gloriam, & ad illam transmittitur. Unde dubitatur solum de secundo modo imperij, an scilicet substantia prædestinati, est ex vi alterius providentiæ quasi elicitedus ad finem naturalem ordinari, & in re produci: non tamen procedat ab illa independentèr à prædestinatione, sed ut subordinata illi tanquam imperanti eo modo, quo actus aliarum virtutum ab illis eliciti à charitate procedunt ut imperant illorum productionem. Pro resolutione

Dico, substantiam prædestinati esse effectum prædestinationis in sensu explicato. Ita communiter docent Thomistæ, paucis exceptis, qui existimant substantiam prædestinati esse tantum subiectum, quod prædestinatur, non verò ipsius prædestinationis effectum.

22. Probatur primò ex Augustino epist. 105. ubi explicans illud Apostoli ad Roman. 8. *Præscindam electionem propositum Dei maneret.* Secundum e-

A *lectionem* (inquit) *quæ eligendus facit ipse, non invenit.* Ergo juxta Augustinum electio ad gloriam causa est substantiæ eligendorum, & consequenter substantia prædestinati est prædestinationis effectus: omne enim, quod ab electione in ordine intentionis causatur, est in executione effectus prædestinationis.

Probatur secundò ex D. Thoma in 1. dist. 47. quæst. 1. art. 4. ubi inquit: *Omnis causa, cujus operatione interveniente complatur effectus prædestinationis, dicitur prædestinationem juvare, vel per modum causæ meritoria, vel per suadendo ad bonum, vel per modum dispositionis, vel etiam naturalis operationis; sicut motus celi, & omnes causæ naturales juvant prædestinationem, inquantum earum officio perficitur generatio & sustentatio electorum.* Ex quibus verbis hoc argumentum desumitur. Eatenus aliqua causa, sive moralis, sive naturalis dicitur prædestinationem juvare, quatenus ejus operatione perficitur effectus prædestinationis: At motus celi juvat prædestinationem, quatenus illo perficitur electorum generatio: Ergo hæc est prædestinationis effectus, & consequenter electorum substantia, quæ per illam produciatur.

Tertio probatur ex eodem S. Doctore hic art. 8. ubi in argumento, *sed contra*, probat prædestinationem precibus Sanctorum juvari, ex illo Genesis 28. ubi dicitur, quod Isaac rogavit Dominum pro Rebecca uxore sua, & dedit conceptum Rebecca, ex quo conceptus natus est Jacob: At si substantia Jacob prædestinati non esset prædestinationis effectus, argumentum D. Thomæ non convinceret: Ergo juxta D. Thomam substantia prædestinati est prædestinationis effectus. Probatur Minor. Prædestinationem precibus Sanctorum juvari, est illius effectus precibus Sanctorum obtineri: Ergo ex eo, quod navitas Jacob obtenta fuerit precibus Isaac, non colligitur prædestinationem Jacob precibus Isaac juvari, nisi ejus navitas sit prædestinationis effectus.

Probatur quartò ratione, quam indicat idem Angelicus Doctor in corpore ejusdem articuli, his verbis: *Ita prædestinatur à Deo salus alicujus, ut etiam sub ordine prædestinationis cadat, quicquid bonum prominet in salutem, vel orationis propria, vel quicquid hujusmodi, sine quibus aliquis salutem non consequitur.* At substantia prædestinatus est, ut sine illa prædestinatus salutem non consequatur: Ergo cadit sub ordine prædestinationis, & consequenter est illius effectus.

Confirmatur, & magis illustratur hæc ratio. Quicquid aliquid modo ad prædestinationem conducit, si fiat ex intentione gloriæ, est effectus prædestinationis: At substantia prædestinati ad prædestinationem conducit, & aliàs sit ex intentione gloriæ: Ergo est prædestinationis effectus. Minor quantum ad secundam partem patet infra dicendis: probatur verò quantum ad primam. Nam substantia prædestinati est causa efficiens æquum, quibus homo iustificatur, & promeretur gloriam: est etiam causa efficiens ipsius gloriæ & visionis beatificæ, quam producit mediante intellectu per lumen gloriæ elevato: illa enim potest esse motivum per modum objecti, gratiarum actionis, pro creationis & conservationis beneficio: Ergo substantia prædestinati ad prædestinationem conducit.

Dices, ad hoc ut aliquid sit effectus prædestinationis, non sufficere, quod ad illius finem, scilicet gloriam, quocunque modo conducit, sed

infer

insuper requirit quoddam ad illam ordinetur, ut medium ad finem : At substantia prædestinati non ordinatur ad gloriam, ut medium ad finem, sed solum ut subiectum ad formam accidentalem quam recipit, & à qua perficitur : Ergo non est prædestinationis effectus. Minor patet, Major probatur. Prædestinatio vel in electione consistit, vel saltem illam supponit : At electio non nisi circa media versatur, sicut intentio solum est respectu finis : Ergo ut aliquid sit effectus prædestinationis, requiritur quod ad illam ut medium ad finem ordinetur. Unde, ut supra diximus, licet merita Christi ad nostram prædestinationem, ejusque finem conducant, quia tamen ad eam non comparantur ut media ad finem, effectus illius non sunt.

68. Sed facile respondetur, distinguendo Majorem. Ut aliquid sit effectus prædestinationis, elicitus & immediatus, requiritur quoddam ad illam ordinetur ut medium ad finem concedo Majoré. Ut sit effectus illius imperatus & remotus, nego Majorem. Ad cujus probationem dicendum est, quoddam electio dupliciter potest aliquid attingere : uno modo immediate, & quasi elicitivè, & sic solum potest erga media proprie dicta versari. Alio modo mediatè, & imperativè, sicque potest attingere omne quoddam ad media quæ sunt illius obiectum quovis modo concurrunt. Unde quia substantia prædestinati habet concursus jam explicatos, ad dona gratiæ & gloriæ, quæ sunt effectus elicitivi prædestinationis & electionis, consequens fit quod ab electione & prædestinatione attingatur mediatè & imperativè; quod non potest competere meritis Christi, quia cum illa (ut supra annotavimus) ad ordinem hypostancum pertineant, & totum ordinem gratiæ & gloriæ, omnemque hominum & Angelorum prædestinationem in infinitum excedant, ab illa imperari non possunt.

69. Denique probari potest conclusio, evolvendo præcipuum Adversarii nostri fundamentum. Non repugnat ab intinseco quoddam substantia prædestinati fieri ex intentione gloriæ, & alias sic fieri congruit intentioni prædestinationis : Ergo de facto substantia prædestinati fit ex intentione gloriæ, & consequenter est effectus prædestinationis. Consequentia patet, Antecedens quantum ad primam partem suadet primo. Ex vi decreti ordinantis Christum ad esse filium naturalem Dei, fuit factus Christus ut homo, quia prout sic est subiectum suæ prædestinationis. Ex vi etiam decreti ordinantis hominem ad finem naturalem, scilicet naturalem beatitudinem, posset fieri homo ; si conderetur in pura natura : Ergo ex vi decreti efficaciter ordinantis ad gloriam, potest fieri, saltem imperativè, substantia subiecta ad gloriam ordinari.

70. Secundo probatur eadem pars. Si aliqua repugnantia in hoc esset, maxime quia substantia prædestinati ut sit subiectum gloriæ, debet ad illius intentionem supponi, & consequenter ex vi talis intentionis non potest fieri : At hæc ratio nulla est : Ergo &c. Major est præcipuum fundamentum adversarij sententia : Minor verò probatur tripliciter. In primis enim id quod est prius in genere causæ materialis, potest esse posterius in genere causæ finalis : Ergo etsi substantia prædestinati sit subiectum gloriæ, & consequenter prior illa in genere causæ materialis, potest ab illa in genere causæ finalis causari, ac proinde ex intentione ad gloriam imperativè procedere.

A Secundo, Substantia genita potest esse generationis subiectum, & causari à generatione efficienter. Substantia etiam creata est subiectum creationis acceptæ passivè, & ab illa causatur : Ergo substantia prædestinati, esto sit subiectum prædestinationis, poterit ab illa imperativè procedere.

B Tercio, Licet potentia vitalis sit principium effectivum & receptivum sui actus, potest fieri ex intentione illius : Ergo pariter, licet substantia prædestinati sit subiectum gloriæ, quam respicit prædestinatio ut finem, poterit ex illius intentione procedere. Quorum omnium ratio est, quia non repugnat mutua inter duos causalitates in diverso genere causæ, qualiter inter electionem ad gloriam, & substantiam prædestinati debet intervenire, ut ex intentione gloriæ procedat.

Dices : substantiam prædestinati non solum esse subiectum gloriæ, sed etiam finem cui Deus gloriam intendit, & ideo non posse imperari ex intentione ejus.

Sed contra primò : Christus, etiam ut homo, est finis cui Deus vult filiationem naturalem, & tamen fit ex vi ejusdem decreti quo filio intenditur : Ergo ex eo quod substantia prædestinati sit finis cui Deus gloriam intendit, non repugnat ex intentione gloriæ imperari.

C Secundo, finis cui, & finis cuius gratia distinguuntur & se invicem præcedunt in diverso genere causæ. Nam sanitas verbi gratia, quam medicus appetit ægrotum, est prior illo in genere causæ finalis, & in ratione finis qui, vel cuius gratia : ipse verò æger cui desideratur, eam præcedit in genere causæ materialis, & in ratione finis sui. Item Christus, cum sit finis totius ordinis naturæ & gratiæ, & ut dicitur Eccles. 24. *Primogenitum ante unum creaturam*, est prior genere humano in ratione finis sui : ipsum verò genus humanum ut redimendum, & consequenter ordo naturæ, Christum præcedit, in genere causæ materialis, & in ratione finis sui, ut explicari solet in Tractatu de Incarnatione : Ergo non obstat quoddam substantia prædestinati sit finis cui respectu gloriæ, poterit ab illa ut fine cuius causari, & consequenter ex illius intentione procedere.

Quod autem hoc valde congruum sit, patet 72. Tum quia id ostendit maximum amorem Dei erga electos, & curam specialem quam habet de illis. Tum etiam, quia Deus in beatitudine supernaturali electorum, quæ est finis prædestinationis, intimè reperitur unitus in ratione speciei intelligibilis, ut ostendimus in Tractatu de visione beatifica : Ergo congruum est ut substantia electorum, & omnia entia naturalia, ad illam ut ad finem ordinentur, & ex ejus intentione producantur. Probat Consequentia : nam congruum est, ut ubicunque Deus reperitur unitus secundum suam substantiam, exerceat rationem ultimi finis. Sic quia specialiter unitus humanitati Christi, ipsa Christi humanitas, & totum unitum, sunt propter Christum. Item quia specialiter modo est presens in Eucharistia, propter unionem cum humanitate Christi, Eucharistia est finis omnium aliorum sacramentorum. Denique, quia est specialiter in anima iusti per gratiam, omnes alie creature sunt propter iustos : Ergo quia supernaturalis beatitudo includit Deum ut unitum intellectui beato in ratione speciei intelligibilis, oportet ipsam beatorum substantiam, & om-

Diss. 2.  
art. 3.

& omnium entis naturalia, ad illam ut finem ordinari, & ex ejus intentione imperativè procedere.

## §. II.

## Solvuntur objectiones.

**O**bjicies primò : Apostolos ad Roman. 8. exponens effectus divinæ prædestinationis, primo loco recenset vocationem, dicens : *Quos prædestinavit, hos & vocavit.* At si substantia prædestinati esset effectus prædestinationis, debuisset incipere ab ipso esse substantiali prædestinati, & non ab ejus vocatione : Ergo ex Apostolo substantia prædestinati non est effectus prædestinationis.

**74.** Confirmatur ex D. Thoma ibidem lect. 6. ubi explicans præfata verba Apostoli, sic ait : *Primum autem in quo incipit prædestinatio impleri, est vocatio hominis, quæ quidem est duplex : una exterior, quæ fit ore prædicatoris ; & alia interior, quæ nihil aliud est quam quidam motus in finem quo cor hominis movetur a se, ad assensum huius quæ sunt fidei vel virtutis.* At si substantia prædestinati esset effectus prædestinationis, non inciperet prædestinatio in vocatione impleri, sed potius inciperet in substantiæ productione : Ergo illa non est prædestinationis effectus.

**75.** Confirmatur ampliùs ex eodem S. Doctore super caput 1. ejusdem Epistolæ lect. 3. ubi postquam asseruit, *prædestinare nihil aliud esse quam ante in corde disponere quid sit de aliqua res sciendum, hæc verba subiungit : Possit tamen aliquis de futura rei seu operatione disponere : uno modo quantum ad ipsam rei constitutionem, sicut artifex disponit qualiter debeat facere domum. Secundo modo quantum ad ipsum usum vel gubernationem rei, & ad hanc secundam prædispositionem pertinet prædestinatio, non ad primam ; id enim quæ aliquis videtur, refertur in finem : sed cum res in se ipsa constituitur, non dirigitur ex hoc ipso in alud, unde prædispositio constitutionis rei, propriè prædestinatio dici non potest.* Et paucis interpositis ait : *Relinquitur ergo quod prædestinatio dicatur propriè eorum solum quæ sunt supra naturam.* At generatius substantiæ prædestinati pertinet ad rei constitutionem, & supra naturam non est : Ergo non est propriè prædestinationis effectus.

**76.** Respondeo negando sequelam Minoris. Quia Apostolus ibi effectus prædestinationis imperatos & improporionatos, qualis est ipsius prædestinati substantia, non recenset, sed tantum elicitos & proportionatos, seu proximè ad beatitudinem conducentes, inter quos vocatio est prior, saltem ordine executionis, & idcirco ab illa incipit. Ex quo patet responso ad primam confirmationem desumptam ex auctoritate Divi Thomæ, ibidem S. Doctor solum intendit quod vocatio est primum in quo incipit prædestinatio impleri, vel inter effectus elicitos seu proportionatos, vel inter ea quæ per se requiruntur ad prædestinationem, ut propriè media non verò absolute : substantia autem prædestinati non est effectus prædestinationis, ut medium, sed ut subiectum.

**77.** Ad secundam confirmationem, dicatur generationem substantiæ & prædispositionem, considerari posse dupliciter. Vel præcisè in ordine ad agens, vel prout ad finem dirigetur. Primo modo prædispositio illius non est prædestinatio, sed ars, ut docuit D. Thomas quæst. 5. de verit. art. 1.

**A** ad 9. Secundo modo, si dirigatur ad finem naturalem, est providentia naturalis, si ad supernaturalem est providentia supernaturalis generalis, si ad supernaturalem efficaciter, est prædestinatio. Et consequenter substantia prædestinati, ut subest primo ordini ad finem, est effectus providentiæ naturalis : ut subest secundo, est effectus providentiæ generalis : ut subest tertio, est effectus prædestinationis. Quando autem ait D. Thomas prædestinationem propriè esse solum eorum quæ excedunt facultatem naturæ : vel intelligendus est de effectibus elicitis, vel si de imperatiis de excessu quoad ordinem, non quoad substantiam.

**B** Objicies secundò : Effectus prædestinationis debent esse ex meritis Christi : Sed substantia prædestinati non est ex meritis Christi : Ergo non est effectus prædestinationis. Major constat : Christus enim omnes effectus nostræ prædestinationis promeruit, ut docetur in materia de Incarnatione. Minor verò probatur ex Augustino Epist. 105, ubi ait : *Christus non pro ullis ut homines conderentur, sed pro impiis mortuus est ut iustificarentur.*

**78.** Respondeo concessa Majori, distinguendo Minorem. Substantia prædestinati nudè sumpta, & intra limites puræ naturæ considerata, concedo. Ut ordinatur ad gratiam & gloriam, & ad illam efficaciter transmittitur, nego. Ex quo patet responso ad locum Augustini : solum enim intendit, hominis generationem, intra limites puræ naturæ consideratam, non esse ex meritis Christi ; non negat tamen, illam ut ordinatam & transmissam ad gratiam & gloriam, cadere sub meritis illius.

**C** Addo, quod multa depurantur meritis Christi, propter quæ tamen mortuus non dicitur : meruit enim sibi gloriam corporis, & sui nominis exaltationem, ut in confesso est apud omnes Catholicos : meruit etiam illuminationes & gaudia accidentalia Angelorum, ut plures docent ; & tamen non dicitur mortuus propter gloriam sui corporis, & propterea nominis exaltationem, nec propter illuminationes & gaudia accidentalia Angelorum. Mors etiam præmatura illius qui capitur ne malitia muret intellectum ejus, effectus est meritorum Christi, & propriæ prædestinationis. Nativitas etiam parvuli prope fontem, ex qua provenit quod illi ministraret baptizmus, & in gratia decedat est effectus suæ prædestinationis, & meritorum Christi : & tamen non dicitur Christus mortuus pro aliquo ut cito moriatur, nec ut prope fontem nascatur. Quorum omnium ratio est, quia particula, propter, denotat finem præcipuum mortis & passionis Christi : unde quia hæc omnia non sunt fines præcipui mortis & passionis Christi, quæ ad justificationem & gloriam electorum tanquam ad finem præcipuum ordinantur, ideo etiam meritis Christi depuenter, non tamen Christus dicitur mortuus pro illis.

**D** Objicies tertio : Prædestinatio hominum eorum substantiam productam, vel saltem prævisam supponit : Ergo eam non causat. Consequentia patet. Antecedens probatur primò, Prædestinatio nostra supponit culpam originalem, cum illam supponat prædestinationi Christi, ut ex Augustino docet D. Thomas 3. p. q. 1. art. 4. & nostra posterior sit prædestinatione Christi : At peccatum originale supponit substantiam prædestinati productam : Ergo prædestinatio nostra substantiam prædestinati prævisam supponit.

Secundo,



Secundò, Anre voluntatem prædestinandi & eligendi hos determinatos homines præ alijs, intelligitur in Deo voluntas antecedens salvandi omnes homines; hæc enim generalis voluntas præcedit illam specialem, quâ discernit prædestinatos à reprobis? Sed voluntas illa generalis salvandi omnes homines supponit eorum substantiam & esse, cum supponat voluntatem eos creandi. Ergo prædestinatio substantiam prædestinati producit, & supponit.

Tertiò substantia prædestinati per providentiam naturalem producitur? Sed providentia naturalis antecedit supernaturalem, sicut natura præcedit gratiam; Ergo, prædestinatio substantiam prædestinati supponit.

Denique, forma accidentalis supponit esse subiecti, in quo recipitur, & consequenter volitio ejusdem formæ supponit volitionem ejusdem subiecti. Sed decreto prædestinationis vult Deus homini dare gloriam, tanquam accidens illi superadditum; Ergo tale decretum supponit volitionem subiecti illius, quod est ipsa prædestinatio substantia.

32. Respondeo negando Antecedens: Ad ejus primam probationem, distinguo Majorem. Supponit culpam originalem: in uno genere causæ, scilicet materiali, concedo Majorem. In omni genere causæ, nego Majorem, & concessa Maiori distinguo Cōsequens distinctione Majoris:

Ad secundam & tertiam probationem ejusdem Antecedentis eodem modo respondendum est, nempe voluntatem antecedentem salvandi omnes homines, & providentiam naturalem antecedere prædestinationem in genere causæ materialis, & esse posteriores illi in genere causæ finalis, quod luctetur, ut substantia prædestinati sit prædestinationis effectus, ut supra ostendimus, & amplius declarari potest: Ex eo enim, quod ista decreta priora sint decreto electivo ad gloriam, non sequitur effectus inde dependentia ab illo; Ergo nec sequitur effectus talium decretorum non causari ex vi decreti electivi ad gloriam. Consequentia patet, Antecedens autem probatur. Bene stat unum decretum esse prius alio in uno genere causæ, & in alio dependere ab illo; Ergo ex eo quod providentia naturalis, & voluntas antecedens salvandi omnes homines, & decretum permittendi peccatum originale priora sint decreto electivo ad gloriam, non sequitur ea non dependere ab illo.

Secundò id probatur argumento ad hominem, contra aliquos ex nostris. Nam Thomistæ unanimiter docent, auxilia sufficientia esse in prædestinati effectus prædestinationis, & tamen illa sunt effectus providentiæ communis supernaturalis, quæ prior est providentiæ prædestinativæ, ut ipsi farentur; Ergo ex eo, quod substantia prædestinati sit effectus prædestinationis naturalis, & hæc prædestinatione sit prior, malè colligitur non esse de facto prædestinationis effectum. Undè Ad ultimam probationem Antecedentis principalis, distinguo Majorem. Forma accidentalis supponit esse subiecti in quo recipitur, in genere causæ materialis, concedo. In omni genere causæ temper, nego. Nam quando forma accidentalis habet rationem finis cuius gratiâ, sicut habet gloria respectu prædestinati, tunc licet subiectum receptivum illius præcedat in ordine executionis, & in genere causæ materialis, & sufficientiæ, illa tamen est prior subiecto in quo recipitur, in ordine intentionis, & in genere cau-

sa finalis. Undè ex hoc potest desumi efficax argumentum in favorem nostræ sententiæ: cum enim substantia ipsius prædestinati ordinetur ad gloriam, sicut finis cui ad finem qui, sive cuius gratiâ, debet ex intentione gloriæ, ut finis procedere, vel imperari.

Objicies ultimò: Si substantia prædestinati, vel ejus productio esset effectus prædestinationis, esset primus illius effectus; nihil enim est prius ipsa substantia rei & productione illius: Sed hoc non potest dici; Ergo nec illud. Major est evidens, Minor verò probatur primò. Si substantia prædestinati esset primus prædestinationis effectus, qui afferret dari ex parte nostra causam meritoriam, vel dispositivam primæ vocationis, ut dicebant olim Semipelagiani, non propterea teneretur fatei dari in nobis causam nostræ prædestinationis: Sed hoc est falsum, & contra communem Theologorum sententiam: Ergo & illud. Sequela probatur: Ut ex parte nostra deret aliqua causa nostræ prædestinationis, necesse est, ut deret aliqua causa primi effectus illius: At licet deret ex parte nostra causa primæ vocationis, non deretur causa primi effectus prædestinationis; ipsa enim vocatio non esset primus ejus effectus, sed potius ipsum creationis donum, ejus nulla potest in nobis causa præsupponi; Ergo dato quod substantia prædestinati sit prædestinationis effectus, clarè sequitur, eum, qui fateretur dari ex parte nostra causam primæ vocationis, non ideo teneri concedere, dari ex parte nostra causam prædestinationis.

Respondeo distinguendo Majorem. Esset primus illius effectus, imperatus & improportionatus, concedo Majorem. Elicitus & proportionatus, nego Majorem. Ad cujus probationem dicendum est, quod ex eo, quod aliquis afferret dari ex parte nostra causam primæ vocationis, necessariò fateri deberet, dari etiam ex parte nostra causam nostræ prædestinationis; quia licet non diceret dari ex parte nostra causam primi effectus, abstrahendo ab elicitis & imperatis à proportionatis & improportionatis; afferret tamè, dari ex parte nostra causam primi effectus eliciti & proportionatis: quod satis est, ut ex parte nostra deret causa nostræ prædestinationis.

### §. III.

#### Corollaria prædestinæ doctrinæ.

EX dictis colliges primò, bona omnia natura- lia esse effectus prædestinationis imperatos: nam quamvis fiant ex providentia naturali, per prædestinationem tamen ordinantur ad salutem & bonam electorum. Undè D. Thomas 1. 2. quæst. 114. art. 10. & 1. 2. quæst. 17. art. 2. & quæst. 83. art. 6. docet bona temporalia in prædestinatis conducere ad beatitudinem, ideoque posse cadere sub merito, & esse objectum spei, ac pro illis posse fieri orationes.

Colliges secundò locum & tempus nascendi & moriendi, aliaque nativitatibus & mortibus circumstantias, esse in electis prædestinationis effectus: quia etiam hæc in prædestinatis ad finem prædestinationis conducunt. Nam puerum verbi gratiâ statim moriturum, nasci prope fontem, conducit ut ei baptismus conferatur, sicque salvetur; & hominem, dum est in statu gratiæ, suffocari in flumine, vel à latronibus occidi, aut aliâ morte violenta & fortuita mori, conducit illi ut in gratia decedat, & gloriam consequatur.

Unde Apostolus ad Rom. 8. ait : *Diligentibus Deum omnia cooperantur in bonum*, quod D. Augustinus & S. Thomas ad ipsas etiam permissiones peccatorum extendunt, ut videmus articulo sequenti.

87. Colliges tertio: bonam indolem, & bonum ingenium esse in electis prædestinationis effectus, non quia hæc conducant ad facilius credendum, vel ad supernaturales actus elicendos, ut quidam docent: quia, ut alibi offendimus, ad æquæ rationis proximè agendi respectu actuum supernaturalium est virtus supernaturalis infusa: sed quia hæc conducunt ad vitanda peccata: nam ex bona hominum inclinatione, & ingenij bonitate mulieres proveniunt, ut pauciora committerentur peccata: sicut è contra mala hominum indoles & inclinatio ad plura committenda maxime juvat. Unde D. Thomas 3. cont. Gent. cap. 162. *Adhuc etiam Deus hominem contra peccatum per naturale lumen rationis, & alia naturalia bona, quæ homini confert.*

88. Colliges quartò: bona opera moralia, quæ fine auxilio gratiæ fiunt ad prædestinatis, esse effectus prædestinationis. Tùm quia conducunt ad gaudium accidentale, quod de illis prædestinati percipient in gloria. Tùm etiam, quia dum quis bene operatur, si opus in præcepto sit, vitatur peccatum. Tùm denique, quia bona illa opera menti objecta dant occasionem laudis, & gratiarum actionis.

## ARTICULUS V.

*An malum & permissio ejus in electis sint prædestinationis effectus?*

## §. I.

*Quibusdam præmissis prima pars quaesiti duplici conclusione resolvitur.*

89. Notandum primò: malum aliud esse peccatum, & aliud culpam: & rursus in malo culpæ duo esse distinguenda, materiale scilicet & formale, seu malitiam materiale, & entitatem physicam, quæ illi subest, eamque sustentat.

90. Notandum secundò: quòd quando quaeritur, an permissio peccati in electis sit prædestinationis effectus, quaestio non procedit de permissione actus, quæ in volitione permittendi peccatum consistit, sed de passiva, consistente in carètia gratiæ efficacis, quæ posita vitatur peccatum.

91. Tertio recolendum est id, quod initio hujus disputationis annotavimus, nempe tres conditiones requiri, ut aliquid sit prædestinationis effectus, scilicet quòd causetur à Deo, quòd efficaciter ad finem vitæ æternæ conducatur, & quòd sit à Deo volitum ac præparatum: ex intentione efficiendi dandi gloriam. His præmissis

Dico primo: Mala peccati in electis sunt effectus prædestinationis, non tamen mala culpæ, seu peccata, quia talia sunt, & secundum malitiam, & deformitatem materiale, quæ important.

92. Probatur: Mala peccati causantur à Deo, juxta illud Ecclesiastici 11. *Bona & mala, vita & mors, paupertas & honestas à Deo sunt.* Et Amos 3. *Si erit malum in civitate, quod non fecerit Dominus.* Secus autem mala culpæ, Deus enim non est causa, vel auctor peccati, quia, ut inquit S. Thomas 1. 2. quæst. 79. art. 1. *Omne peccatum est per recessum ab ordine, qui est in Deum sicut in finem, Deum autem omnia inclinat & convertit in se ipsum, ut dicit Dionysius cap. 1.*

de divin. nomin. Item mala peccati conducunt ad finem vitæ æternæ: per multas enim tribulationes oportet nos intrare in regnum celorum, ut ait Scriptura, & consequenter à Deo præparantur electis ex intentione dandi illis gloriam. Mala autem culpæ non conducunt ad vitam æternam, sed potius ejus affectionem impediunt, ac proinde ex intentione gloriæ non possunt à Deo præparari. Ergo licet mala peccati sint in electis effectus prædestinationis, non tamen mala culpæ. Cõsequentiā patet: nam tres illæ conditiones requiruntur, & sufficiunt, ut aliquid sit prædestinationis effectus.

Dico secundò: Materiale peccati in electis est effectus prædestinationis.

Probatur primò conclusio eadem ratione, quâ præcedens. Materiale peccati est effectus omnipotentis & voluntatis Dei, & in finem prædestinationis conducit, & consequenter ex illius intentione in electis à Deo præparatur: Ergo est effectus prædestinationis. Consequentia patet ex dictis: Antecedens autem, quantum ad primam partem, est certum, cum enim materiale peccati sit aliqua entitas creata, & aliquis actus physicus & vitalis, non potest subterfugere divinam causalitatem, & omnipotentiam, sed debet à Deo ut primo ente, & primo actui pendere, ut tractatu præcedenti fuisse ostendimus.

Probatur verò quantum ad secundam. Tùm ex illo Pauli ad Roman. 8. *Diligentibus Deum omnia cooperantur in bonum.* Tùm etiam, quia materiale peccati solet esse poena illius, & vexare peccatorem, ut à peccato deterreatur. Illud etiam potest esse occasio laudis & admirationis consideranti benignitatem Dei, qui ad id, quo ipse offenditur, eum concursum non negat.

Probatur secundò conclusio. Omnes generationes prædestinatorum sunt prædestinationis effectus, ut articulo præcedenti ostendimus: At multorum generationes peccaminosæ sunt, ut constat in illis, qui ex illicito concubitu sunt procreati: Ergo materiale peccati est effectus prædestinationis esse potest.

Denique Permissiones peccatorum in electis sunt effectus prædestinationis, ut § sequenti ostendimus: Ergo & materiale peccati. Consequentia patet: nam permissio peccati non solum importat in Deo denegationem auxilij efficacis, sed etiam influxum in materiale peccati, cum enim peccatum sit quidam defectus & privatio, vel saltem illam includat, non potest poni in rerum natura, nisi ab aliqua entitate physica sustentetur.

Dices primò: Ad effectus prædestinationis concurrat Deus concursu speciali, cum ex illius speciali amore procedant: Sed ad materiale peccatum concurrat solum concursu generali: Ergo materiale peccati non est prædestinationis effectus.

Secundò, possumus à Deo petere nostræ prædestinationis effectus: At materiale peccati à nobis postulari nequit, nisi ex consequenti desideretur formale: Ergo effectus prædestinationis esse non potest.

Ad primum respondo, quòd licet ad materiale peccati concurrat Deus concursu generali eliciente, concurrat tamen concursu speciali imperante, quatenus specialis providentia in prædestinato imperat generalem quoad omnes effectus ad illius finem conducentes.

Ad secundum dicatur effectus prædestinationis esse in duplici differentia: alij sunt, qui ratione sui ad finem prædestinationis conducunt, & istos possumus absolute petere: alij verò solum

Disp. 3. art. 4.

et misericordia divina ad prædictum finem ordinantur, cum ex natura sua ad eppositum finem propendeant; & istos absolute petere non possumus, sed solum sub conditione, quod Deus velit ad finem prædestinationis illos ordinare; & illius generis est materiale peccati, unde à Deo non potest postulari absolute, sed sub conditione prædicta, ut de permissione peccati, seu denegatione gratiæ infra dicemus.

## S. II.

*Resolvitur secunda difficultas, & ostenditur permissionem peccatorum in electis esse prædestinationis effectum.*

98. **D**ico tertio, permissionem peccati in electis esse effectum prædestinationis illorum. Est contra Vazquez, Arrubal, Meratium, & alios Recentiores: est tamen D. Thomæ super Epistolam ad Romanos capite 8. lect. 6. ubi exponens illa verba: *Diligentibus Deum omnia cooperantur in bonum*, inquit: *Sed nunquid etiam peccata cooperantur in bonum? Quidam dicunt quod peccata non continentur sub hoc, quod dicit omnia, quia secundum Augustinum, peccatum nihil est, & nihil sunt homines, cum peccant. Sed contra est, quod in glossa sequitur: Usque adeo talibus Deus omnia cooperatur in bonum, ut si qui horum deviant & exorbitant, etiam hoc ipsum eis faciat proficere in bonum; unde & in psalmo dicitur, cum ceciderit iustus, non colliditur, quia Dominus supponit manum suam. Quibus verbis sanctus Doctor rationem fundamentalem nostræ conclusionis insinuat. Id enim, quod fit à Deo ob fructum spirituales rationales creaturæ, provenit in electis ex intentione beatitudinis, & consequenter est prædestinationis effectus: Sed permissio peccati, seu denegatio gratiæ efficax ad vitandum peccatum fit à Deo ob fructum spirituales rationales creaturæ: Ergo in electis fit ex intentione beatitudinis, & cōsequenter est prædestinationis effectus. Major patet, Minor probatur primò ex illo Pauli, *Diligentibus Deum omnia cooperantur in bonum*, quod, ut vidimus, D. Thomas, & Glossa ex Augustino desumpta, extendunt etiam ad ipsa peccata. Secundò ex sanctis Patribus: nam Augustinus de natura & gratia capite 24. docet medicinale fuisse David, quod Psalmo 29. dicebat: *Avertisti faciem tuam à me*. Dixerat enim in abundantia sua, non morabor in eternum, & sibi tribuebat, quod à Domino habebat: *Quare ostendendum ei fuerat, (aversione scilicet faciei, per quam gratiæ privatio designatur) unde haberet & reciperet humilium, quod superbus amiserat*. Idem docet Gregorius libro 2. Moralium capite 26. his verbis: *Fit ut aliquando se hæc gratia utiliter subtrahat, & præsumenti, quantum in se infirmetur, ostendat; tunc enim vere cognoscimus bona nostra unde sint, quando hæc quasi amittendo sentimus, quia à nobis servari non possunt*. Eri libro 33. capite 11. Nonnulli per accepta dona virtutum, per impensam gratiam bonorum operum, in superbia vitium cadunt, sed tamen, quo ceciderint, non cognoscunt. Proinde contra eos hostis antiquus, quia iam interius dominatur, etiam exteriori favere permittitur, ut qui in cogitatione elati sunt, per carnium luxuriam prosterantur. Ecce infra: *Fit plerumque, ut nonnulli per superbiam in luxuriam corruerint, ex aperto esse malum culpa latens erubescant; & tunc etiam majora corrigunt, cum prostrati in minimis**

Tom. 1. l.

**A** gravius confunduntur: res enim se inter minora conspiciunt, qui se liberos inter graviora crediderunt. Et paulò post: *Eccē qui de virtute se excolit, per vitium ad humilitatem redit: qui verò acceptis virtutibus extollitur, non gladio, sed ut ita dixerim, medicamento vulneratur. Quid est enim virtus, nisi medicamentum, & quid est vitium, nisi vulnus? Quia ergo nos de medicamento vulnus facimus, facit Deus de vulnere medicamentum, ut qui virtute percutimur, vitio curemur: nos namque virtutum dona retorquemus in usum vitiorum; ille vitiorum illecebras assumit in artem virtutum.*

**E**i concinit Divus Bernardus sermone 2. in enarratione Psalmi 90. his verbis: *Nomine cooperatur nobis iste casus in bonum, unde & humiliora efficiamur & cautiore?* Et Damascenus libro 2. fidei, ubi hæc scribit: *Permittitur quæ quandoque in turpam incidere actum ad emendationem deterioris assuetudinis. Verbi causa, qui est elatus in virtutibus, & celsæ facti sui, hunc finit Deus in adulterium probati, ut per casum in cognitionem propria infirmitatis veniens, humiliatus confiteatur Domino.*

Denique Augustinus 14. de civitate Dei capite 13. *Audeo dicere (inquit) superbi esse utile cadere in aliquod apertum, manifestumque peccatum, unde sibi displiceant, quoniam subiacendo ceciderunt: sicut enim Petrus sibi displicuit, quando stetit, quam sibi placuit, quando presumpsit. Hoc dicit & facit Psalmus: Imple facies eorum ignominia, & querent nomen tuum Domine: id est, ut ex eis placas querentibus nomen tuum, qui sibi placerant querendo suum. Ex quibus omnibus testimoniis liquet, permissionem peccati ex fine salutis, & profectus spiritualis in electis provenire à Deo.*

**C**onfirmatur ex D. Thomæ 1. 2. quæst. 79. art. 4. ubi loquens de creatura quæ ad minus includit permissionem peccati dicit quod, *Excacatio ex sui natura ordinatur ad damnationem ejus qui excacatur, propter quod ponitur etiam reprobatum effectum, sed ex divine misericordie excacatio ad tempus ordinatur medicinaliter ad salutem eorum qui excacantur, sed hæc misericordia non omnibus impenditur excacatis, sed prædestinatis solum, quibus omnia cooperantur in bonum, sicut dicitur ad Rom. 8. Quo nihil clarius & expressius in favorem nostræ sententiæ dici potest.*

**R**esponder Vazquez, Ecclesiæ Patres vulgari modo fuisse locutos, exprimentes eventus quos Deus ex peccato deducit, ac si essent finis permissionis peccati.

**S**ed contra primò: Verba Patrum possunt absque incommodo accipi in rigore quem sonant, ut ex argumentorum solutione constabit. Ergo absque necessitate in vulgari sensu accipiuntur.

**S**ecundò, Mens Patrum erat finem permissionis peccati assignare, non eventum ex ipsa sequutum: Ergo explicare eventum, & non causam finalem, esset diminutè procedere, & non solum vulgari locutio.

**T**ertio, Patres quandoque indifferenter docent, Deum peccata permittere propter gloriam suam, & propter bonum nostrum, ut constat ex Damasceno supra citato, qui docet Deum aliquando velle permittere peccatum propter gloriam suam, aliquando propter bonum ipsius peccantis: Atque, propter suam gloriam, denotat causam finalem: Ergo etiam ly, *propter bonum peccatorum*, finalem causam, & non solum eventum

H 2

tum

tum designat. Id etiam patet ex verbis D. Thomae supra relatis, quibus asserit, quod ex divina misericordia excusatio ad tempus ordinatur medicinaliter ad salutem electorum. Hoc enim verbum *ordinatur*, causam finalem, & non solum eventum significat.

Denique, Quod conducit ad aliquem finem, potest ex ejus intentione preparari & amari: Sed permissio peccati ad finem praedestinationis conducit, cum conducit ad humilitatem, poenitentiam, gratiarum actionem, & similes actus virtutum, qui ad vitam aeternam ordinantur: Ergo et intentione talis finis potest à Deo preparari, & consequenter sic preparari. Si enim ex tali fine preparari potest, non est cur de facto non preparari, cum id conducit maxime ad ostensionem divinae sapientiae, providentiae, omnipotentiae, & dilectionis erga electos.

101. Confirmatur: Permissio peccati, cum sit effectus divinae providentiae, quae est ordinatio medium in finem, est voluta à Deo propter aliquod bonum finem: ut enim dicit Augustinus in Enchir. cap. 11. *Deum cum sit summus bonus, nullo modo fuerit aliquid mali esse in operibus suis, nisi esset ad id impotens & bonus, ut bene faceret etiam de malo.* Sed non potest excogitari finis permissionis peccati, qui sit melior, & ordinis divinae sapientiae & providentiae convenientior, quam salus & protectio spiritualis ipsorum electorum: Ergo ex ejus intentione & amore est voluta à Deo in electis permissio peccatorum.

102. Ex dictis colliges, permissionem peccatorum in reprobis esse effectum praedestinationis electorum; conducit enim ad finem praedestinationis, & ex hac intentione preparatur à Deo; ut constat ex Apostolo ad Roman. 9. ubi ait: *Suscepit* (id est permisit, ut ibidem exponit D. Thomas) *in multa patientia reprobos, aptos ad interitum, ut ostenderet divitias gloriae suae in ipsa misericordia, quae preparavit in gloriam.* Ecce ap. 11. loquens de ruina Judaeorum, haec scribit: *Nunquid sic offenderunt ut caderent? absit: illorum delictis salus est generibus, ut illos amarentur: quod si delictum eorum divitiae sunt mundi, & dimissio eorum divitiae gentium, missio eorum reconciliatio est mundi.* Erant sunt rami ejus, ut ego inferar, &c. Videti etiam potest S. Thomas ad Roman. 8. lectione 6. ubi docet, quod, sicut malum, quod accidit in universo, non semper ordinatur ad bonum illius, cui accidit, bene tamen ad bonum universi: ita malum culpa, seu permissio illius, non semper eligitur in bonum ejus, cui permittitur peccatum, bene tamen in bonum nobilissimum partium, scilicet electorum: juxta illud Proverb. 11. *Qui stultus est, serviet sapienti: quia scilicet, inquit S. Doctor, Etiam mala peccatorum in bonum iustorum cedunt, quia Deus illos propter se diligit, secus autem peccatores; nam sicut per culpam jumenta facta sunt, juxta illud Psalmistae, *Homo cum in honore esset, non intellexit, comparatus est jumentis insipientibus, & similis factus est illis*: ut jumenta tractantur à Deo totum quod in illis est, in utilitatem sanctorum dirigendo & ordinando.*

### S. III.

*Solvuntur objectiones.*

103. Obijcies primò: Effectus praedestinationis debet esse gratia & beneficium Dei, cum

praeformatio secundum Augustinum sit preparatio gratiae & beneficiorum Dei: Sed permissio peccati non est gratia, nec beneficium Dei, sed potius denegatio gratiae & beneficij: Ergo non est effectus praedestinationis.

Confirmatur, Saltem negari non potest quin majus bonum sit ipsa gratia, quam negatio ejus: Ergo denegatio gratiae nunquam potest esse gratia & beneficium respectu hominis. Consequentia videtur manifesta: quomodo enim potest esse beneficium & gratia id, quod tollit majus beneficium & majorem gratiam?

Ad objectionem respondeo distinguendo Majorem. Debet esse gratia, vel intrinsece & ratione sui, vel extrinsece & ratione alterius, ad quod ordinetur, concedo Majorem, Intrinsece & ratione sui semper, nego Majorem; & sub eadem distinctione Minoris, nego Consequentiam. Nam licet permissio peccati intrinsece & ratione sui gratia non sit, prout tamen ordinatur ut praeformatio humilior & ferventior perseveret in gratia & charitate, gratia est extrinsece, & Dei beneficium: juxta illud Prophetae, *Bonum mihi Domine, quod humiliasti me.* Unde Ambrosius: *Fideli factus est Parvulus, postquam fidem sperdidit deservit, atque adeo majorem gratiam reperit, quam amiserat.*

Ad confirmationem dicendum, quod licet majus bonum sit ipsa gratia, quam denegatio ejus, si hæc duo praeceperit secundum se considerentur, si tamè considerentur secundum aliquas extrinsecas circumstantias & ordinatione divina, interdum majus bonum est, ac proinde Dei beneficium aliqua carentia gratiae ad tempus, quam gratia ipsa: quia fortasse si illo tempore homo esset in gratia, fieret remissior, aut superbius vel incautus, unde postea caderet in irreparabiles: cadens verò, & postea surgens, humilior, cautior, & ferventior reviviscit. Sicut qui vult ignem ardentius accendi, aliquot guttis alpegit carbonem, & ad tempus exstinguit aliquid ut fortius accendatur. Unde Gregorius: *Si plerumque gratia Deo amore ardens vita post culpam, quam in securitate torpens innocentia.*

Obijces secundò: Omnis effectus nostræ praedestinationis confertur nobis ex meritis Christi: Sed permissio peccati, seu denegatio gratiae efficacis ad evitandum peccatum, non confertur nobis ex meritis Christi: Ergo non est nostræ praedestinationis effectus. Major est certa, Minor probatur. Tum quia Christus non est mortuus ut praeformatio permittat peccatum, sed potius ut eos præservet à peccato. Tum etiam, quia aliàs Christus postulasset à Patre quod praeformatio gratiam denegaret, cum ab illo postulaverit omne præmium meritorum suorum, omneque nostræ praedestinationis effectus. Ex quo ulterius sequeretur, quod etiam nos possemus à Deo postulare, ut permitteret nos labi in peccatum, nobisque denegaret gratiam efficacem ad illud evitandum, quod videtur absurdum; cum potius quotidie Deum orare debeamus, ne nos inducat in tentationem, id est ne nobis gratiam efficacem ad evitandum peccatum, & superandas tentationes denegat. Sequela autem probatur: Quod Christus potest petere, etiam à nobis postulari, cum orationes nostræ orationi Christi possint esse conformes: Ergo si Christus rogavit Patrem, ut permitteret nos aliquando labi in peccatum, id potest etiam à nobis postulari.

Re-



**108.** Respondeo concessa Majori, distinguendo Minorem, Permissio peccandi, præcisè & secundum se sumpta, non conferatur nobis meritis Christi, concedo, Secundum quod est nobis utilis ad salutem, & prout ex illa aliquid bonum provenit electis, puta humilitas, vel fervor charitatis &c. nego. Unde ad primam probationem dicendum est, quod licet Christus non sit mortuus, ut Deus absolute subtrahat nobis gratiam; mortuus tamen est, ut non aliter à Deo nobis subtrahatur aliquando, nisi ut talis subtrahitio sit occasio majoris boni, & mediū ad salutem conducentis, & idem dicendum est de oratione Christi.

Ad illud verò quod additur: In primis negari potest sequela Majoris, ad cujus probationem dicendum est, illud inter Christum & nos intercedere discrimen, quod voluntas Christi non est ipsa quæ peccatum est commissura, & ideo potest postulare permissionem peccati, absque eo quod ex eo possit inferri, illum in peccato permissio sibi complacere: voluntas autem nostra peccatum est commissura, unde si illius permissionem peteret, in peccato, virtualiter saltem & indirecè, sibi complaceret.

**109.** Potest etiam secundo responderi, quod quamvis non possimus desiderare, vel à Deo absolute petere permissionem peccandi, & denegatione auxilij efficacis, possumus tamen illam postulare sub conditione, nempe si ad maiorem humilitatem, vel perseverantiam in gratia, à Deo judicetur idonea. Vel etiam possumus petere ab illo absolute, & desiderare ordinationem, quæ divina misericordia si de peccatis nostris ad bonum nostrum, & gloriam suam, hoc enim est desideratum effectum prædestinationis, sub formalitacione quæ effectus ejus est.

**110.** Objicies tertio: Negatio gratiæ efficacis in qua consistit permissio peccati, ad finem prædestinationis non conducit: Ergo effectus prædestinationis non est. Consequentia patet, Antecedens probatur. Primum quia negatio gratiæ efficacis est medium per se conducentis ad finem reprobationis: Ergo nequit ad finem prædestinationis conducere, cum isti fines sint inter se oppositi, & consequenter media ad unum apta, ad alium consequendum nequeant esse idonea.

**111.** Secundo probatur. Negatio gratiæ efficacis non conducit ad finem remorem prædestinationis; nempe manifestationem bonitatis & gratiæ Dei: Ergo nec ad finem proximum, scilicet beatitudinem. Consequentia est evidens, Antecedens autem probatur ex D. Thoma 1. parte quest. 104. art. 4. ad finem corporis, ubi ait: *Redigere aliquem in nihilum, non pertinet ad gratiæ manifestationem, cum magis per hoc divina potentia & bonitas ostendatur, quod res in esse conservetur: unde simpliciter dicendum est, quod nihil omnino in nihilum redigitur.* Ex quibus verbis sic probatur absurdum: Quia annihilatio non est actio, sed carentia actionis conservantis, per quam bonitas & potentia divina manifestantur, infero D. Thomas annihilacionem non pertinere ad manifestationem gratiæ Dei: Ergo similiter quod denegatio gratiæ efficacis non sit actio Dei, sed carentia actionis gratiam infundentis, per quam divina bonitas & potentia manifestantur, non pertinere ad divinæ gratiæ manifestationem, quæ est finis prædestinationis remotus.

**112.** Respondeo negando Antecedens, ad cujus primam probationem, distinguo Consequens. Er-

go nequit ad finem prædestinationis conducere, per se & ex natura rei, concedo. Per accidens & ex divina misericordia, nego. Quæ solutio sumitur ex D. Thoma supra relato, qui docet excruciationem, quæ denegationem gratiæ efficacis importat, per se ordinari ad damnationem; ex misericordia verò divina in electis ordinari ad sanationem; & in hoc maxime ostendi divinam omnipotentiam & misericordiam, quod ea media quæ ex natura sua tendunt in damnationem, in bonum prædestinatorum convertat, & colligat ex spinis vias, & ex tribulis fides.

Ad secundam nego Antecedens, ad cujus probationem, concessio Antecedente, distinguo Consequens. Non pertinet ad divinæ gratiæ manifestationem, per se & ratione sui, concedo. Per accidens & ratione illius ad quod ordinatur, nego. Sicut enim licet annihilatio per se & ratione sui ad manifestationem divinæ gratiæ non conducat, si tamen Deus illam ordinaret ad hoc ut homines à malo detereretur, vel ut illis manifestaret gratiam doni creationis, tunc per accidens, & ratione illius ad quod ordinaretur, Dei potentiam & bonitatem manifestaret. Ita etiam licet denegatio gratiæ in seipsa præcisè non manifestet gratiam & bonitatem Dei, illam tamen ostendit, quatenus ordinatur à Deo, ut ex illa peccator sumat occasionem majoris humilitatis, & perseverantiæ in gratia.

#### §. IV.

##### *Aliud argumentum solvitur.*

**O**bjicies ultimum. Si permissio peccati in electis esset effectus prædestinationis, maxime quia illa est volita & prædestinata à Deo ex intentione penitentis, ratione cujus potest conducere in vitam æternam: Sed hoc dici nequit: Ergo nec illud. Major docetur communiter à Thomistis: Minor verò in qua est difficultas, probatur primo, Ex intentione sanctorum morbum permittere, non est prudens & sapientis provisorii, sed crudelis medici: At peccatum morbus est, penitentia sanandus: Ergo repugnat Deum ex intentione penitentis peccatum permittere.

Secundo, Intentio penitentis necessitè supponit prævisionem peccati, & consequenter ejus permissionem: Ergo permissio peccati nequit esse volita, & prædestinata à Deo ex amore & intentione penitentis. Consequentia videtur manifesta, Antecedens probatur. Penitentia non est de primaria intentione Dei, sed de bonum occasionatum, ut docet Damascenus lib. 2. fidei cap. 29. & alij Patres frequenter: At bonum occasionatum, cum non ametur nisi occasione mali, illius prævisionem necessitè supponit: Ergo intentio penitentis necessitè supponit prævisionem peccati.

Confirmatur: Quia Christus Dominus prædestinatus fuit ut Redemptor, & consequenter ex intentione redimendi peccatis, quos prædestinatio supponit originalem culpam prævisam, ut contra Scotum docent nostri Thomistæ 1. parte quest. 1. art. 3. At penitentia eligitur ut destrictiva peccati: Ergo illius prævisionem supponit.

Tertio, Intentio effectus penitentis adest prævisum peccatum, est autem virtualis peccatum: At repugnat Deo virtualis, sicut & formalis amor peccati: Ergo & penitentiam intendere ante peccatum prævisum. Minor patet: Major autem inquit:

in qua est difficultas probatur. Intentio efficax finis, est virtualis amor omnium quæ sunt necessaria ad existentiam illius; At peccati existentia necessaria est ut pœnitentia existat: Ergo intentio pœnitentis ante prævisum peccatum, est virtualis amor existentie peccati.

118. Confirmatur: Ex vi intentionis efficacis pœnitentis, constituitur peccatum futurum; Sed futuritio peccati ex vi intentionis pœnitentis haberi non potest, nisi talis intentio sit virtualis amor illius: Ergo idem quod prius.

119. Propter hæc argumenta, Suarez, etiam concedat cum Thomistis, permissionem peccati in electis esse prædestinationis effectum, docetamen illam non esse volitam à Deo ex præelecta pœnitentia, sed solum ex præintenta humilitate, vel patientia. Quia, inquit, pœnitentia aliter respicit peccatum ac humilitas vel patientia. Humilitas enim non respicit peccatum directe ut malum culpæ est, & aversum à Deo, sed solum quatenus in eo relucet propria fragilitas & miseria, quæ ex suspensione divini auxilij accidit, licet non sine peccato & malitia. Patientia vero respicit injuriam, quatenus malum vexationis infert patienti, non quatenus causat aversionem à Deo: unde non est necesse, quod Deus intendens humilitatem vel patientiam in electis, velit peccatum in ratione culpæ & malitiæ. Pœnitentia autem directe respicit ipsam malitiam & aversionem à Deo, ut materiam expiandam, & datur in remedium ipsius peccati, ut peccatum est, unde non potest esse de primaria sed tantum de secundaria intentione Dei, nec ab illo intendi, nisi post culpam prævisam.

120. Hæc tamen non obstantibus, veritem, & probabilior existimo sententiam Gonzales, Joannis à S. Thoma, aliorumque Thomistarum, docentium permissionem peccati esse effectum prædestinationis, ex præelecta pœnitentia, & non solum ex præintenta humilitate, vel patientia, à Deo preparatum. Ita colligitur ex D. Thoma loco supra relato, ubi ait: *quod ex divina misericordia vel providentia ordinatur permissio peccati ad sanationem, in quantum Deus permittit aliquos cadere in peccatum, ut peccatum suum agnoscentes humilientur & convertantur.* Convertentur autem in peccatore, idem est quod pœnitentia: si ergo æquiparat D. Thomas in permissione peccati, ordinationem ejus ad humiliationem & ad conversionem peccatoris, non minus ex motivo pœnitentis, quam ex motivo humilitatis, potest Deus velle, & de facto vult in electis permissionem peccati. Addo quod, permissio peccati potest esse à Deo volita ex intentione humilitatis, quia ad illam conducit: Ateriam conducit ad bonum pœnitentis: Ergo similiter potest ex ejus intentione à Deo præparari. Unde ad argumentum in contrarium,

121. Respondeo, concessa Majori, negando Minorem. Ad cujus primam probationem dicendum est, quod licet non sit prudentis medici ex intentione solius sanitatis morbum permittere, bene tamen ex intentione robustioris sanitatis, vel perseverantis in sanitate, & ita Deus potest ex intentione uberioris gratiæ, & charitatis intensioris ac ferventioris, in prædestinatis peccatum aliquando permittere.

122. Ad secundam probationem ejusdem Minoris, respondent aliqui cum Joanne à S. Thoma, in pœnitentia duplex bonum considerari: bonum scilicet destructionis peccati, & bonum manife-

stationis virtutis reparandi à peccatis, quæ pœnitentia gaudet. Hac distinctione supposita, asserunt primum bonum intendi non posse sine prævisione peccati, & occasione illius; secundum autem bonum esse posse de primaria intentione, & ante prævisionem peccati intendi. Unde sicut medicus intendere potest ante morbum prævisum, ostendere virtutem alicujus medicamenti, & ex hac intentione morbum permittere, non autem potest primo intendere bonam curationis, nisi prævisio morbo, & imprudenter morbum cauteret, ex intentione sola liberandi ab illo. Ita Deus potest primo intendere manifestare virtutem reparativam quæ pœnitentia gaudet, & ex hac intentione peccata permittere, & illis prævisis velle pœnitentiam ut destructivam peccati.

123. Sed hæc solutio & doctrina, quamvis subtilis & acuta, patitur difficilem instantiam: Intentio enim manifestandi virtutem pœnitentis, amorem illius secundum suam essentiam debet supponere; sicut intentio manifestandi virtutem attributorum, ex illorum amore procedit in Deo: At essentia virtutis pœnitentis est esse destructivam peccati: Ergo si prout destructiva peccati non potest intendi ante prævisionem illius, nec bonum manifestationis virtutis reparativæ peccati quæ pœnitentia gaudet, poterit ante illius prævisionem intendi. Unde

124. Secundo respondent alij: Pœnitentiam posse considerari tripliciter: scilicet ut destructivam peccati, ut manifestantem omnipotentiam Dei, quam maxime parcendo & misitando manifestat, ut canit Ecclesia; & denique ut utilem ad uberiotis gratiæ consecutionem, & ad perseverantiam finalem. Dicunt ergo, quod quamvis intentio pœnitentis, prout præcisè est destructiva peccati, ejus prævisionem supponat, & sit bonum occasionatum, secus tamen si illa confideretur ut utilis ad manifestationem omnipotentis Dei, vel ad uberiotem gratiam, & perseverantiam finalem. Unde sub his duabus considerationibus & formalitatibus, potest à Deo intendi & prædestinari ante prævisionem peccati.

125. Sed hæc etiam solutio difficultate non caret. Nam ut supra dicebamus, pœnitentia essentialiter habet quod sit destructiva peccati, unde cum illa non possit intendi & amari à Deo, nisi ametur secundum suam essentiam, non potest ab illo intendi nec diligi, nisi intendatur & ametur ut destructiva peccati. Addo quod, pœnitentia non aliter conducit ad manifestationem divinæ omnipotentis, vel ad uberiotis gratiæ consecutionem, nisi quatenus est destructiva peccati, & tota ejus utilitas ad prædictos fines, supra vim destructivam peccati fundatur: Ergo impossibile est quod ametur & intendatur, prout est utilis ad illos fines, nisi etiam ametur & intendatur ut destructiva peccati, & consequenter nisi ejus præcipientiam & permissionem aliquo modo supponat.

126. His ergo solutionibus prætermisiss, & in sua probabilioris telictis: facilius existimo, & conformius ad principia supra statuta solvit argumentum, distinguendo Antecedens. Intentio pœnitentis necessario supponit prævisionem peccati, & consequenter ejus permissionem, in genere causæ materialis, vel occasionalis, concedo Antecedens. In genere causæ finalis, nego Antecedens. Ad cujus probationem, similiter distinguo Minorem. Bonum occasionatum mali prævisionem supponit, in genere causæ materialis

lis, vel occasionalis, concedo Minorem. In genere causæ finalis, nego Minorem.

127. Ex quo etiam patet responso ad confirmationem. Nam quia Christus Dominus prædestinatus fuit Redemptor, & incarnatio facta ex intentione redimendi genus humanum, solum sequitur Christi prædestinationem, & Incarnationis decretum, supponere præsentiam peccati originalis in genere causæ materialis & occasionalis, cum quo bene fiat quod illam præcedant in genere causæ finalis, quia ad gloriam Christi tanquam ad finem ordinatur omnis nostra redemptio. Solutio patet ex dictis articulo præcedenti, ubi ostendimus, substantiam prædestinati esse priorem intentione gloriæ in genere causæ materialis, nihilominus illâ posteriorem in genere causæ finalis. Idem cum proportionem dicendum est de prævisione & permissione peccati, respectu intentionis penitentis: cum hoc discrimine, quod substantia prædestinati est prior intentione gloriæ in genere causæ materialis subiectivæ, quia gloria, cum sit forma quedam accidentalis, debet in substantia prædestinati, vel in ejus potentiis recipi. Peccatum verò præcedit intentionem penitentis in genere causæ materialis destruendæ, quia peccata sunt materia destruenda per penitentiam, sicut substantia panis est materia Eucharistiæ, destruenda per consecrationem.

128. Ad tertiam probationem Minoris principalis, nego Majorem. Ad cujus probationem, distinguo Majorem. Intentio efficax finis, est virtutis amor omnium quæ sunt necessaria ad existentiam illius, ut amara ab intendente finem, concedo Majorem. Quæ sunt necessaria, solum ut permittat ab intendente finem, nego Majorem, & sub eadem distinctione Minoris, nego Consequentiam. Quia existentia peccati, ad penitentiam non est necessaria ut amara à Deo, sed solum ut ab illo permittat. Unde

129. Ad confirmationem nego Majorem: Nam quando ea quæ requiruntur ad existentiam finis, non sunt causabilia ab intendente finem, ex vi intentionis non constituuntur futura physice vel causaliter, sed logice tantum & illative: id est, bene valet hæc illatio: Est efficax intentio finis: Ergo ea quæ requiruntur ad ejus existentiam, erunt. Unde quia peccatum non causatur à Deo intendente penitentiam, sed solum ab illo permittitur, hinc fit quod ex vi talis intentionis non constituatur physice futurum peccatum, sed tantum permissio illius, ex cujus futuratione evidenter inferitur quod peccatum erit: sicut ex celsatione divini concursus conservantis creaturas, recte inferitur quod illæ in nihilum decident: juxta illud Prophetæ Psalm. 103. *Avertente autem reficiem turbabuntur: auferes spiritum eorum & desicient, & in pulverem suum revertentur.* Vel sicut ex subtrahione salis inferitur corruptio cagnium, & ex remotione columnæ lapidem sustentantis, casus illius: ut in Tractatu de scientia Dei declaravimus.

Diff. 4.  
art. 5.

130. Dices, In intentione efficaci penitentis cognoscitur à Deo peccatum futurum: At nihil ut futurum cognoscitur, nisi in causa determinata ad dandum illi existentiam, ut in Tractatu de scientia Dei fuere ostendimus: Ergo intentio illa determinat causam existentis peccati, & consequenter dat illi futurationem physicam.

Diff. 4.  
art. 1.

131. Respondeo prætermissa Majori, distinguendo Minorem. Nihil ut futurum cognoscitur, nisi in

A causa determinata, determinatione dante existentiam, nego Minorem. Dante vel inferente, concedo Minorem, & nego Consequentiam. Itaque ut in aliquo decreto futurum cognoscatur, sufficit vel quod determinet causam, vel quod inferat causæ determinationem; & quia intentio efficax penitentis causat peccati permissionem, ex qua licet non causetur peccatum, evidenter tamen inferitur voluntatem creatam ex propria malitia & debilitate se deterrminaturam ad illud; & consequens fit quod in decreto intentio penitentis, & permissio peccati, cognoscatur peccatum ut futurum infallibiliter.

Quæres pro complemento hujus disputationis, an omnia dona gratiæ quæ Deus conferit electis, sint effectus prædestinationis eliciti?

132.

Respondeo solum gloriam & perseverantiam finalem, esse effectus elicitos prædestinationis, cetera autem dona quæ electis conferuntur, esse effectus ab illa imperatos, proportionatos tamen, & à providentia generali ordinis supernaturalis elicitos.

Probatür breviter: Id est effectus prædestinationis eliciti, quod per se petit prædestinationem pro causa ordinante; sicut ille solus actus elicitur ab aliqua virtute, qui per se petit ab illa procedere: At nullum ex donis gratiæ, præter finalem perseverantiam, & gloriam, petit per se prædestinationem pro causa ordinante, cum omnia præter illa possint reprobis concedi, & de facto concedantur multis. Ergo nullum est ex donis gratiæ (exceptis perseverantiâ finali & glorificatione) qui sit effectus prædestinationis elicitus.

133.

Dices primò: Multa auxilia præparat Deus electis, quæ non præpararet, nisi electi essent: Ergo hæc auxilia sunt, quoad substantiâ, effectus prædestinationis eliciti. Antecedens est certum. Consequentia verò probatur. Providentia generalis ordinis supernaturalis, est communis prædestinationis & reprobis: At hujusmodi auxilia communia illis non sunt: Ergo non sunt effectus eliciti providentiæ communis, sed tantum providentiæ specialis, quæ prædestinatione est.

134.

Respondeo concessio Antecedentis, negando Consequentiam. Ex eo enim quod Deus multa auxilia præparat electis, nisi electi essent, si electi non essent, solum colligitur hæc auxilia esse effectus prædestinationis, ut imperantis providentiæ generalis ordinis supernaturalis, & sibi illam subordinantis. Sicut ex eo quod multos actus virtutum moralium eliciunt amici Dei, quos non elicerent si Deum non diligenter, non sequitur tales actus esse à charitate elicitos, sed tantum charitatem imperare virtutibus moralibus, ut prædictos actus eliciant. Ad probationem autem illius Consequentis, distinguo Majorem. Providentia generalis ordinis supernaturalis, communis est prædestinationis & reprobis, quoad omnes effectus, nego majorem: quoad aliquos, concedo Majorem, & concessio Minori, nego consequentiam.

135.

Dices secundò: Auxilia supernaturalia sunt, effectus proportionati cum fine prædestinationis: Ergo sunt ab illa eliciti, & non tantum imperati.

136.

Sed nego Consequentiam, quia aliud est esse effectum prædestinationis elicitem, aliud proportionatum, licet plures docti Theologi utrumque confundant. Nam ut aliquid sit effectus prædestinationis elicitus, debet immediate ab illa pro-

pro-

procedere, & eam pro causa ordinante exposcere; ut autem sit illi proportionatus, satis est quod sit in eodem ordine cum fine prædestinationis, quamvis à providentia supernaturali & generali petat immediate procedere; ut patet in actibus virtutum moralium supernaturalium, qui proportionati sunt cum fine charitatis, & tamen non eliciuntur, sed imperativi tantum ab illa procedunt. Sicut ergo, ut in eodem persistamus exemplo, actus istarum virtutum à charitate imperantur, & etiam actus virtutum acquisitarum; cum hoc tamen discrimine, quod illi ratione sunt proportionati sunt cum imperio charitatis, utpote in eodem ordine supernaturali existentes, actus autem naturales sunt impropportionati quia in inferiori ordine constituti. Ita in præfati dicimus, dona naturalia & supernaturalia, præter finalem perfectionem & gloriam, esse effectus prædestinationis imperatos: cum hac tamen differentia, quod primi sunt impropportionati, utpote ordinis inferioris; alij verò proportionati, quia sunt in eodem ordine cum fine prædestinationis.

## DISPUTATIO IV.

### De certitudine prædestinationis.

**C**Ita certitudinem prædestinationis qua-  
tuor hic occurrunt discutienda. Primum,  
an prædestinatio sit certa non solum cer-  
titudine præscientiæ, sed etiam certitudine cau-  
salitatis mediolorum? Secundum, an illa possit esse  
omnimodè certa quoad nos? Id est, an possimus  
in hac vita, seclusa speciali Dei revelatione, ha-  
bere certitudinem infallibilem nostræ prædesti-  
nationis & salutis? Tertium, an saltem dentur  
aliqua signa illius? Quartum, an numerus electo-  
rum excedat numerum reproborum?

### ARTICULUS PRIMUS.

*An prædestinatio sit certa, non solum certi-  
tudine præscientiæ, sed etiam certitudine  
causalitatis mediolorum?*

#### S. I.

*Quibusdam præmissis referuntur sententia.*

**1.** **S**uppono primò: Prædestinationem esse ita  
certam & infallibilem respectu consecutio-  
nis finis, ut nullus sit electus qui pereat, vel pe-  
rierit, aut etiam qui petire possit, saltem poten-  
tiâ consequenti, & in sensu composito.

Probatur hæc suppositio ex Scriptura, & SS.  
Patribus. Dicitur enim Joann. 6. *Omne quod  
das mihi Pater, non perdam ex eo.* Et cap. 10. *Nemo  
rapies oves meas (id est prædestinatos) de manu mea.*  
Unde Augustinus de correptis, & gratia cap. 7.  
loquens de electis, ait. *Horum si quisque perit, sal-  
vatur Deus, sed nemo eorum perit, quia non fallitur Deus,  
Horum si quisque perit, vitio humano vincitur Deus;  
sed nemo eorum perit, quia nullà re vincitur Deus.* Et  
Fulgentius de fide ad Petrum cap. 35. *Firmius  
crede, & nullatenus dubites, omnes quos vasa misericor-*

**A** *die Deus fecit gratiâ à bonitate ante mundi constitutio-  
nem, in adoptionem filiorum Dei prædestinatos esse à Deo,  
neque perire posse aliquem eorum quos Deus prædestina-  
vit ad regnum, neque quemquam eorum quos non præ-  
destinavit ad vitam, nullâ ratione posse salvari.* Ratio  
etiam id suadet: ut enim supra ostendimus ex  
D. Thoma quæst. 6. de veritate art. 1. *Providen-  
tia ordinem ad finem respicit, sed prædestinatio respicit  
etiam exitum vel eventum ordinis: unde licet provi-  
dentia non consequatur semper & infalli-  
biliter finem rei provizæ, bene tamen prædesti-  
natio.*

**B** Suppono secundò ex eodem Angelico Præ-  
ceptore ibidem art. 3. duplicem esse certitudi-  
nem: unam cognitionis, quando scilicet cognitio  
non declinat in aliquo ab eo quod in re invenit-  
tur, sed hoc modo existimat de re sicuti est: alte-  
râ causalitatis, seu ordinis causæ ad effectum;  
quando videlicet causâ infallibiliter effectum  
producit, & habet nexum cum eo indissolubi-  
lem. Quæritur ergo, an prædestinatio utraque  
gaudeat certitudine, vel tantum sit certa certitu-  
dine cognitionis, seu præscientiæ?

**3.** Primus modus dicendi est Molinae, qui to-  
tam divinæ prædestinationis certitudinem re-  
ducit ad infallibilitatem divinæ præscientiæ quæ  
ante omne decretum quo tangat & determinet  
voluntatis nostræ indifferentiam, sicut ad quid  
illa, in his vel illis occasionibus & circumstantiis,  
se determinabit; & hac determinatione scitâ  
& præsuppositâ, decreto suo subscribit, & statuit  
hominem ponere in illis occasionibus & cir-  
cumstantiis in quibus præscivit consensusurum. Ita  
docet præfatus Auctor variis suis doctrinæ lo-  
cis, præterea hic art. 3. disp. 1. membro 11. §.  
uos verò, ubi inquit: *Collautes præterea certitudinem  
totam divinæ prædestinationis, non in decreto quo Deus  
ei quem prædestinat providens statuit de mediis quibus li-  
bertate sua perventurum in vitam æternam providebat,  
neque etiam in ratione ipsa providendi, sed in præscientiâ  
quâ id providebat, ratione cuius tale decretum a providen-  
tia sortis sunt ratione prædestinationis.* &c. Ecce quomo-  
do reducit Molina certitudinem prædestinatio-  
nis, quâ differt prædestinationis à non prædestina-

**D** *sortis sunt ratione prædestinationis.* &c. Ecce quomo-  
do reducit Molina certitudinem prædestinatio-  
nis, quâ differt prædestinationis à non prædestina-  
to, & ob quâ providentia divina rationem prædesti-  
nationis sortitur; non ad decretum, seu ordina-  
tionem divinam, sed ad præscientiâ illâ futuri con-  
sensus voluntatis humane exploratricem, quam  
scientiam mediam appellat. Unde in eadem  
quæst. art. 6. in parvo commentario illius, affir-  
mat *Prædestinationem esse certam, in ea tamen non  
aliâ esse certitudinem, quam divinæ præscientiæ, quâ  
Deus providet per mediâ, per quam unusquisque prædesti-  
natus est, perventurum cum in vitam æternam.*

**4.** **B** Secunda sententia huic directè opposita, ag-  
noscit in prædestinatione, non solum certitudi-  
nem cognitionis & præscientiæ, sed etiam ordi-  
nis & causalitatis, fundatam in vi & efficacia in-  
trinseca divinorum decretorum & auxiliorum,  
quibus Deus illas & incoliunt arbitrij libertate,  
hominum voluntates movet & applicat ad vo-  
lendum quod ipse vult ubi, quando, & quomo-  
do ille vult, ut Augustinus docet in Enchirid. cap.  
98. & causal voluntatis nostræ consensus & deter-  
minationem. Hanc vitam sequuntur Tho-  
mistæ, alique scientiæ mediæ  
impugnatores:

\*\*\*

#### S. II.



## §. II.

*Conclusio affirmativa statuitur, & auctoritate  
D. Thomæ firmatur.*

**D**ico igitur: prædestinationem non solum gaudere certitudine cognitionis & prædictæ, sed etiam ordinis & causalitatis medi-  
orum.

**f.** Probatur primo ex D. Thomæ, qui variis in locis expressissime docet hanc sententiam. Nam hic art. 7. inquit: *Numerus Electorum est Deo certus, non solum ratione cognitionis, sed etiam ratione electionis & definitionis.* Et quod lib. 12. art. 3. querit, *Utrum prædestinatio sit certa?* Et respondet: *Quod prædestinatio habet certitudinem ex parte scientiæ Dei, quæ non potest falli; & ex parte voluntatis divinæ, cui non potest aliquid resistere; & ex parte providentiæ, quæ certissimo modo ducit ad finem:* Ergo S. Doctor non solum certitudinem cognitionis & scientiæ, sed etiam causalitatis & providentiæ, seu ordinationis medi-  
orum, in prædestinatione agnoscit. Unde in 1 ad Annibal. dist. 40. qu. 1. art. 3. ad 2. *Sicut prædestinatio respectu gloriæ habet certitudinem præscientiæ & causæ, ita reprobatio respectu ejus quod est ad finem, Nam prædestinatio respectu gratiæ habet certitudinem præscientiæ & causæ, sed reprobatio respectu culpæ certitudinem præscientiæ solum.* Denique idem S. Doctor quæst. 6. de verit. art. 3. expressè rejicit sententiam illam Molinæ, tanquam repugnantem Scripturæ & dictis Sanctorum, & indicat triplex inconueniens & absurdum quod ex illa sequitur: ait enim: *Non potest dici quod prædestinatio supra certitudinem providentiæ nihil aliud addat, nisi certitudinem præscientiæ: ut si dicatur quod Deus ordinar prædestinatum ad salutem, sicut & quemlibet alium, sed cum hoc de prædestinato scit quod non deficit a salute: sic enim dicendo, non diceretur prædestinatum differre à non prædestinato ex parte ordinis (causæ scilicet ad effectum) sed tantum ex parte præscientiæ eventus; & sic præscientiæ esset causa prædestinationis, nec prædestinatio esset per electionem prædestinantis, quod est contra auctoritatem Scripturæ, & dicta Sanctorum.* Unde præter certitudinem præscientiæ, ipse ordo prædestinationis habet ineffabilem certitudinem.

**6.** Non ignoravit Molina hunc locum D. Thomæ, eumque vidit ubi valde esse contrarium, unde ab illo tribus modis tentavit se expedire loco supræ citato §. VI. ad id. In primis dicit quod D. Thomas solum constituit differentiam inter providentiam communem, & prædestinationem, eò quod providentia sit indifferens ut finis sequatur aut non: de ratione autem prædestinationis sit, ut ad beatitudinem prædestinatus perveniat; hanc tamen certitudinem solum esse ex præscientiâ, quâ Deus prævidet arbitrium, cum posset deficere, non defecturum. Secundo dicit, quod D. Thomas non constituit certitudinem in singulis effectibus prædestinationis, per comparationem ad voluntatem Dei absolutam, sed in toto effectu prædestinationis in ordine ad consecutionem finis. Tertiò addit, quod si D. Thomas, ut ejus verba redolere videntur, intendat docere quod prædestinatio habet certitudinem ex absoluta electione Dei, & divinæ voluntatis efficacia, & non ex præscientiâ sola illius sententiæ quoad hoc non adhaeret.

**7.** Verùm prima solutio textui manifestè adversatur: nam solum ponit infallibilitatem prædestinationis ex præscientiâ eventus, & prævisio-

*Tom. II.*

**A** ne boni usus liberi arbitrij, cum tamen ibidem D. Thomas expressè asserat, quod præter certitudinem præscientiæ eventus, ipse ordo prædestinationis habet infallibilem certitudinem. Et cum loco relato ad Annibal. dicit in terminis, quod *prædestinatio respectu gloriæ (& consequenter respectu medi-  
orum quæ ad illam conducunt) habet certitudinem præscientiæ.* Et causæ: Ergo talium est quod docet Molina, nempe quod hæc de ratione prædestinationis sit ut ad beatitudinem prædestinatus perveniat, hæc tamen certitudo est solum ex præscientiâ, quâ Deus prævidet arbitrium, cum posset deficere, non defecturum. &c.

**B** Secunda etiam solutio non satisfacit, nec quædrat menti & doctrinæ D. Thomæ. Nam incon-  
veniens quod inferit, nempe quod non esset prædestinatio per electionem prædestinantis, eodem modo currit respectu cujuscumque effectus prædestinationis, ac respectu collectionis omnium effectuum. Est enim magnum inconueniens, quod quilibet effectus prædestinationis non sit ex speciali intentione Dei, & à prædestinatione, prout est specialis providentia, si non elicitivè, saltèm imperativè. Quod si quilibet à prædestinatione procedit, vel ab illa imperatur, quilibet, præter certitudinem præscientiæ, debet habere certitudinem ordinis & causalitatis, in ordine ad effectum quem Deus intendit.

**C** Addo quod, gratia est unus ex effectibus præcipuis prædestinationis, & tamen D. Thomas loco citato ad Annibal. dicit quod *prædestinatio respectu gratiæ, habet certitudinem præscientiæ, et causæ.* Ergo constituit certitudinem causalitatis in prædestinatione, non solum per ordinem ad totam collectionem effectuum, sed etiam in ordine ad singulos in particulari. Quare solum tertia responsio quadrat Molinæ, nempe se recedere à D. Thomæ, si doceat, ut ejus verba sonant, quod prædestinatio habet certitudinem ex absoluta electione Dei, & non ex præscientiâ sola. Quam tamen sententiam adeo certam existimat S. Doctor, ut aliam, quæ solum certitudinem præscientiæ in prædestinatione agnoscit, dicat esse contra auctoritatem Scripturæ, & dicta Sanctorum.

## §. III.

*Concilia & SS. Patres.*

**P**otest etiam probari conclusio ex Conciliis. 9. & SS. Patribus, qui prædestinationis & gratiæ infallibilitatem, non ex aliquo à Deo præsupposito & prævisio, sed ex ipsa ordinatione, operatione, ac efficacia divinæ voluntatis & omnipotentis desumunt; & consequenter non solum certitudinem præscientiæ, sed etiam causalitatis in prædestinatione agnoscunt. Consequentia patet: Antecedens probatur primo ex Tridentino sess. 6. cap. 13. ubi loquens de magno perseverantiæ dono, quod est unus ex præcipuis prædestinationis effectibus, illius certitudinem & infallibilitatem reducit non in divinam præscientiam explorantem futurum humanæ voluntatis consensum, & occasiones ac circumstantias temporis & loci expectantem, sed in virtutem & efficaciam infinitam divinæ omnipotentis: ait enim: *Munus perseverantiæ, de quo scriptum est, qui perseveraverit usque in finem, hic salvus erit, aliunde haberi non potest, nisi ab eo qui POTENS EST, cum qui stat statuerit perseveranter stet, & cum qui cadis resistere.*

10. Secundò probatur idem Antecedens ex Augustino suprà relato de corrupt. & gratia cap. 7. ubi loquens de electis ait: *Horum si quinquam perit, viro humano vincitur Deus, sed nemo eorum perit, quia nullà re vincitur Deus.* Et cap. 14. *Deo volenti saluum facere, nullum hominì resistit arbitrium: sic enim velle & nolle in volentis audentis est potestate, ut divinam voluntatem non impediatur, nec superes potestatem.* Et cap. 8. ejusdem libri diserte de fide D. Petri, ejus firmitatem & indefectibilitatem, ad ipsam præparationem & operationem Dei reducit, non verò ad prævisum consensum voluntatis Petri. Quis [inquit] ignorat tunc fuisse peritissimam fidem Petri, si ea qua fidelis erat, voluntas ipsa deficeret; & peremptam, si ea voluntas maneret? Sed quia preparatur voluntas à Domino, ideo pro illo non posset [inveniri] oratio. Ergo infallibilitas illa orationis Christi, & inficientia fidei Petri, ex præparatione ipsa Dei sumitur, non ex consensu prævio & præsupposito ex parte voluntatis nostræ. Unde subdit Augustinus: *Voluntas quippe humana non libertate consequitur gratiam, sed gratia potius libertatem, & ut perfecter dilectibilem perpetuitatem, & insuperabilem fortitudinem.* Et cap. 12. ejusdem libri, loquens de promissione facta Abraham, quâ Deus illi promissit, quòd eum constitueret patrem multorum, per fidem scilicet & conversionem Gentium, illius firmitatem & infallibilitatem docet non esse defundendam ex divina præscientia, hanc autem voluntatis explorante consensum, sed ex ipsa prædestinatione quâ Deus facit id quod promittit. Nam ibi versans illud Apostoli de Abraham: *Plurimum sciens, quia quæ promissit Deus, potens est & facere,* subdit: *Non ait quæ præstavit potens est promittere, aut quæ prædicturus potens est ostendere, aut quæ promissit potens est præscire, sed quæ promissit potens est & facere.* Ipse ergo eos facit perseverare in bono, qui facit bonos. Quod etiam clauissimè expresse in libro de prædest. Sanct. cap. 10. his verbis: *Quando promissit Deus Abraham in semine ejus fidem Gentium, dicens: Patrem multarum Gentium per te, non de nostrâ voluntatè potestate, sed de sua prædestinatione promissit. Promissit enim quòd ipse facturus fuerat, non quòd homines; quia etsi faciamus homines bonos qua perimus ad colendum Deum, ipse facit ut illi faciant quæ præcepti, non illi faciunt, ut ipse faciat quòd promissit: alioquin ut Dei promissis complaceatur, non in Dei, sed in hominum est potestate.*

11. Ex quibus locis hoc potest deduci argumentum: Secundùm Augustini doctrinam, Deus solum promittit id quod facit, non id quod præscit, aut supponit: Ergo divina promissio, non de præscientia eorum quæ Deus supponit, sed de ordinatione & prædestinatione eorum quæ facit, infallibilitatem trahit: At Deus promittit etiam consensum & cooperationem liberam nostræ voluntatis, ut cùm promissit Abraham obedientiam & fidem Gentium: Ergo talem consensum & cooperationem facit in nobis per suam gratiam, & non solum præscit illam, ut ex potestate & nostræ voluntatis determinatione descendente; ac proinde respectu illius habet non solum certitudinem cognitionis & præscientiæ, sed etiam ordinis & causalitatis. Unde dicit idem Augustinus de bono pervers. cap. 18. in fine: *Prædestinasse est hoc præscire quòd fuerat ipse facturus.* Et de prædest. Sanct. cap. 10. *Prædestinatione quippe Deus ea præscit quæ fuerat ipse facturus.* Quibus etiam locis aperte declarat, prædestinationem respicere solum id quod Deus facit, ac

proinde gaudere non solum certitudine præscientiæ, sed etiam causalitatis. Quod etiam patet ex eo quòd ibidem hoc statuit discrimen inter præscientiam & prædestinationem, quòd prædestinatio est solum eorum quæ sunt à Deo, scilicet bonorum, præscientia verò se extendit etiam ad facta aliena, videlicet ad mala, quæ Deus non facit: *Præscire autem (inquit ibidem) potens est etiam quæ ipse non facit, sicut quæcunque peccata.*

## §. IV.

*Eadem veritas ratione suadetur.*

12. Potest etiam suaderi conclusio, & Molinæ sententia confutari ex tribus principiis suprà statutis. In primis enim prædestinatio (ut suprà ostendimus) claudit vel præsupponit electionem efficacem salvandorum ad gloriam: At voluntas efficax Dei solum objectum infert, & infallibiliter causat: Ergo & prædestinatio: Ergo illa est certa, non solum certitudine præscientiæ, sed etiam ordinis & causalitatis.

Secundò, Prædestinatio consistit in imperio practico divini intellectus, ut in prima demonstratione monstravimus: At imperium practicum Dei est causa infallibilis suorum effectuum: Ergo prædestinatio est causa infallibilis mediorum efficacium ad gloriam infallibiliter conducentium.

13. Tertiò, Bonus usus liberi arbitrii, seu determinatio nostræ voluntatis ad bonum, causatur à gratia, & consequenter est prædestinationis effectus, ut constat ex suprà dictis: Ergo prædestinatio respectu illius gaudet non solum certitudine præscientiæ, sed etiam causalitatis. Consequentia patet: ut enim docet D. Thomas quest. 6. de verit. art. 3. certitudo causalitatis est illa quæ sumitur ex ordine causæ ad effectum, quando scilicet causa infallibiliter effectum producit: Ergo si prædestinatio comparetur ad contentum & determinationem liberi arbitrii, sicut causa ad effectum quem infallibiliter producit: Manifestum est, illam gaudere non solum certitudine præscientiæ, sed etiam ordinis & causalitatis.

## §. V.

*Absurdus & inconvenientibus sententia Molina exploditur.*

14. D. Thomas loco citato de verit. tria insinuat absurda & inconvenientia, quæ sequuntur ex Molinæ sententia, ait enim: *Non potest dici quòd prædestinatio supra certitudinem providentiæ nihil aliud addit, nisi certitudinem præscientiæ...* Sic enim ducendo, non diceretur prædestinatum differre à non prædestinato ex parte ordinis, sed tantum ex parte præscientiæ eventus, & sic præscientia esset causa prædestinationis, nec prædestinatio esset per electionem prædestinantium.

15. Primum ergo inconveniens est, si prædestinatio certitudinem & efficaciam haberet solum ex præscientia eventus, & futuri consensu voluntatis creatæ, & non ex vi intrinseca, & à causalitate mediorum quæ Deus præparat electis, sequeretur prædestinatum non differre à non prædestinato, nisi ex parte præscientiæ eventus, & boni usus liberi arbitrii, & consequenter non magis Deo debere prædestinatum, quam

quàm reprobis: Sed hoc esse errare in fide, secundum quam tenemus fieri prædestinationem esse specialissimum Dei beneficium; imò & omnium maxium; ac veluti originem et fontem omnium gratiarum et beneficiorum Dei. Ergo, & Sequela Majoris probatur ex ipso Molina, qui locis supra relatis expressè docet, quod prædestinatio solum differt à providentia generali ordinis supernaturalis, quæ est communis prædestinatis et reprobis, ratione præscientiæ, supponens et non causans consensum nostræ voluntatis: Ergo etiam prædestinatus non differt à non prædestinato, nisi ratione præscientiæ eventus, et boni usus liberi arbitrii. Consequentia patet, quia prædestinatus et prædestinatus correlativè se habent, tanquam actus et obiectum: Ergo si prædestinatio differt à providentia communi, solum ratione præscientiæ, idem dicendum est de non prædestinato, et consequenter non magis Deo debet prædestinatus, quàm reprobis. Nam quod Deus habuerit præscientiam eventus, et futuri consensum nostræ voluntatis, non augeat neque mutet ordinem gratiæ & auxiliorum, quæ conferuntur prædestinatis, sed cum eadem gratia ex parte Dei, imò cum minori, poterit contingere, & de facto sæpè evenit, in sententia Molina, quòd aliquis quia bene nitur illa, cognoscatur esse salvandus, & sit prædestinatus; alius verò cum majori vel æquali non salvetur, quia noluit bene operari, & uti gratiâ.

15. Neque valet si dicas, majorem gratiam factâ esse prædestinato, quia illi collata est pro tempore & loco quo Deus per scientiam mediam præcaverat esse consensurum & bene operaturum: alteri verò noluit præbere talem gratiam in ea occasione in qua erat consensurus; & sic licet sit eadem gratia intrinseca, & idem donum Dei in utroque, in prædestinato tamen est major gratia extrinseca, & in esse gratiæ, seu beneficii, quàm in reprobis.

Non valet inquam hæc responsio: Primò quia illa reducit efficaciam prædestinationis & gratiæ, ac specialem Dei electionem erga electos, in aliquid purè naturale, scilicet in circumstantias temporis & loci, quæ utique ordinis naturalis sunt.

Secundò, quia Apostolus ad Roman. 11. ait: *Reliquia secundum electionem gratiæ salva facta sunt*: Ergo discretio prædestinati à reprobis reduci debet ad ipsam electionem gratiæ, non verò ad electionem occasionum & circumstantiarum temporis & loci.

Tertiò, Etiam si Deus eligat occasiones & circumstantias temporis & loci, effectus tamen inde resultans, scilicet consensus, seu mutatio liberi arbitrii, adhuc ex vi talis electionis non sequitur: quia talis electio, juxta Molina, non est ex vi sua intrinseca potens illum effectum ponere, sed si ponitur, ex eo est, quia voluntas voluit se in ea occasione determinare, & Deus id prævidit ante decretum, & consequenter ante electionem suam: Ergo talis effectus non est ex speciali electione ipsius Dei prædestinantis, & consequenter ratione illius, Deo nihil magis debet prædestinatus, quàm reprobis.

16. Confirmatur & magis urgetur hæc ratio. Quando Deus prævidit per scientiam mediam, quod Paulus v. g. in tali occasione, præventus tali gratiâ moraliter excitante, consentiet, perseverabit, & salvabitur: Petrus autem in eadem oc-

A casione, eadem gratiâ præventus, non consentiet, nec salvabitur, etiam vidit quod sine nova gratia ex parte Dei, si voluisset Petrus consentiret, & salvaretur, & quod erat possibile illi mutatio voluntatis in Petro, sine nova gratia: Ergo vidit intra statum illum conditionatum esse possibilem salvationem Petri, ejusque discrecionem à reprobis, per solum differentiam voluntatis: Ergo intra illum statum vidit Deus multorum salutem, non ex speciali sua gratia nasci, sed ex aliquo merè naturali, ex parte arbitrii nostri se tenente, nempe ex ejus determinatione & consensu, vel ex aliqua occasione extrinseca, & aliqua circumstantia temporis vel loci. Unde eum dectum conditionarum, ut transeat in absolutum, solius conditionis purificatione indigeat, prædestinatio ad statum absolutum deducta, non indigebit novâ aliquâ & speciali gratiâ supernaturali, sed solâ purificatione illius conditionis, quæ merè naturalis est, utpote à causis naturalis ordinis dependens, & sic prædestinatus non differt à reprobis, nisi ratione præscientiæ alicujus rei naturalis.

Denique hæc responsio & doctrina Molina non evitat difficultates quas evitare intendit, sed incidit in eadem inconvenientia quæ nobis obijcit. Nam si ex una parte voluit Deus omnes homines salvos facere, & ex alia vidit per scientiam mediam infinitos rerum ordines & modos quibus posset omnes illos homines de facto salvare, & potuit tali tempore aut occasione, aut tali auxilio congruo vocare, quo consentirent de facto: quomodo deicit tantam bonitatem, & sincerum illum aff. Quæ enim Deus habet salvandi omnes homines, ex omnibus illis modis & mediis eligere illud quod non est habendum effectum, relicto eo quod effectus fortiteretur, cum in manu ejus esset eligere quod vellet? & quomodo factâ illâ electione, non inducimur in desperationem, cum non sit possibile (potentia salutem consequenti, & in sensu composito) illos quos Deus posuit in illis occasionibus & circumstantiis in quibus præcivit perituros, salvari; alioquin scientia Dei falleretur. Quomodo etiam Deus non dicitur infidari saluti hominum, dum in hoc totam electionem & industriam suam ponit ut uni det gratiam in occasionibus, in quibus prævidet non frustrandam; alteri verò solum in occasionibus, in quibus illam frustrandam videt. Ex hac ergo doctrina & responsione Adversariorum, non cessant illæ querelæ quæ inducuntur contra ponentes absolutam decreta, futuræ nostræ voluntatis consensum prævenientia, & prædestinationem purè gratuitam, ac præscientiæ meritum antecedentem. Unde Lessius, Martino-nus, alique Theologi ejusdem Societatis, assa-runt quòd nec etiam Deus ex præsupposita scientia media præparat specialia beneficia pro electis, & docent quòd tota gratia prædestinati differt à gratia reprobis ex eventu & cooperatione nostra; quod est penitus evacuare electionem secundum gratiam, totumque prædestinationis mysterium funditus evertere.

Secundum inconveniens quod sequitur ex Molina sententia, petitur ex eo quod si prædestinatio sit solum certâ certitudine præscientiæ, & si bonus usus liberi arbitrii præsupponatur ut à Deo præcitus ante prædestinationis decretum, nec ex ejus efficacia & causalitate descendat, sequitur ex parte nostra dari causam & motivum sufficiens prædestinationis, non solum ad gloriam

xiam, sed etiam ad gratiam: quod est incidere in errorem Pelagianorum & Massiliensium, disputatione secundâ impugnatum. Sequela probatur: Ille bonus usus sic prævisus, prout descendit à me, & exit à meo libero arbitrio, est aliquid bonum & placens Deo, cum per illum voluntas subijciatur gratiæ, & generalis Dei providentia per illum reddatur efficax, & prædestinativa, ut docet Molina supra relatus; atque adeo Deus speciali amore diligit illum hominem sic benè cooperantem & strenuè agentem cum gratia, quo non diligit alterum ignavum & torpentem, licet eandem gratiam recipiat. Sed illud quod ex parte hominis est ita placens Deo, & dignum speciali amore, etiam est dignum aliquâ recompensatione & retributione Dei: Ergo ex parte nostra datur causa & motivum sufficiens prædestinationis ad gratiam, bonus scilicet illius usus à Deo prævisus. Quod si Deus noluerit propter illud motivum dare gratiam, sed liberaliter, non erit ex defectu motivi ex parte hominis, sed quia ipse Deus non vult illi uti: nobis autem sufficit, pro inconvenienti inferre quod ex parte nostra detur id quod sufficit ut Deus inveniat motivum dandi nobis primam gratiam, & prædestinandi nos ad illam, & quod non utitur isto motivo, non est quia non detur ex parte nostra, sed quia non vult eo uti.

19. Confirmatur & magis illustratur hæc ratio. Petitio & desiderium bonorum operum, & fidei ac bonæ voluntatis initia, quæ ponebant Semipelagiani dari in nobis ante gratiam, & non esse effectus illius, nec dona Dei: secundum doctrinam SS. Patrum erant sufficiens motivum ut Deus daret gratiam, & prædestinaret homines ad illam. *Qui enim* (inquit Augustinus de prædest. Sanct. cap. 2.) *dicat eum qui jam capit credere, ab illo in quem credidit nihil mereri.* Et S. Prosper libro contra Collatorem cap. 3. *Nec enim nullius meriti haberi potest potentia fides, quærent pietas, pulsant instantia.* Ergo cum bonus usus liberi arbitrij in se non sit minoris bonitatis & excellentiæ, quàm illa prima initia quæ ponebant Semipelagiani ante gratiam, ille non minuserit meritum vel motivum ad prædestinandum homines ad gratiam, si non sit effectus & donum ipsius prædestinationis & gratiæ. Frustrâ ergo Molina ponit bonum illum usum, seu cooperationem liberi arbitrij, esse solum conditionem ut gratia & prædestinatio sit efficax, non autem motivum cujus intuitu gratia detur: si quidem cooperatio illa, seu determinatio voluntatis, est de se bona & placens Deo, non minùs quàm desiderium petentis, & fides pulsantis; & aliunde non est effectus causatus à gratia & prædestinatione, ut docet Molina: habet ergo quicquid requiritur, ut sit motivum dandi gratiam, & prædestinandi nos ad illam.

20. Tertium inconveniens quod infert D. Thomas ex sententia quæ docet quod prædestinatio supra certitudinem providentiæ nihil aliud addit nisi certitudinem præscientiæ, est quia Prædestinatio non esset per electionem prædestinantis: Quod (inquit) est contra auctoritatem Scripturæ, & dicta Sanctorum. Dicitur enim ad Roman. 11. *Reliquia secundum electionem gratiæ salva facta sunt.* Ad Ephes. 1. *Elegit nos in ipso ante mundi constitutionem, ut effusis sanguinibus & immaculati in conspectu eius.* Et infra: *In quo etiam & nos sorte vocati sumus, prædestinati secundum propositum ejus qui operatur omnia secundum consilium voluntatis suæ.* Joann. 15. *Non vos me elegistis, sed ego elegi vos.* Idem constat

A ex testimonio Augustini disp. 2. art. 1. relatis. Quod autem hoc inconveniens ex Molina sententia sequatur, breviter ostendo. Illud solum est per electionem prædestinantis, quod à Deo causatur, & quod est effectus ipsius gratiæ & prædestinationis; cum enim electio divina sit efficax non supponit, sed ponit & causat suum objectum: Ergo cum in sententia Molina, consensus & bonus usus liberi arbitrij, prout ab illo exit, non causetur à gratia, nec sit prædestinationis effectus, ut constat ex dictis disp. præcedenti, talis consensus non est ab electione ipsius Dei prædestinantis; sed solum ab electione ipsius humanæ voluntatis, ex innata libertate se determinantis ad illum.

B Confirmatur ex Augustino de prædest. Sanct. cap. 19, ubi ex illis verbis Joann. 15. *Non vos me elegistis, sed ego elegi vos*, probat contra Semipelagianos, fidem non præciri ante decretum & prædestinationem Dei: *Non enim* (inquit) *quia credidimus, sed ut credamus, elegit nos Deus, nec priores eum elegisse dicamur, falsumque sit (quod absit) non vos me elegistis, sed ego elegi vos.* Ex quibus verbis hoc potest arguementum de sumi. Secundum Augustinum hæc consequentia est bona: Deus præscit ante decretum fidem credendum: Ergo non eligit ut credant, sed ipsi credendo eligit illum. Ergo similiter hæc consequentia erit legitima: Deus præscit ante decretum consensum liberum quem ego daturus sum vocationi ad credendum, si vocet in his occasionibus & circumstantiis: Ergo Deus non eligit consensum meum liberum, nec eligit me ut consentiam fidei, sed ego prior eligo eum consentiendo.

C Omittimus referre & solvere argumenta in contrarium, quia solum sunt illa quæ vel astruere conantur scientiam mediam, vel destruere efficaciam intrinsicam divinatorum decretorum, aut prædestinationum, antequam de prævisionem nostri consensûs. Unde vel soluta sunt, vel solventur infra, quando agemus de concordia libertatis cum divina providentia & prædestinatione.

## ARTICULUS II.

*An seclusa Dei revelatione possit aliquis in hac vita habere certitudinem infallibilem de sua prædestinatione & salute?*

D Ico primò: neminem in hac vita, seclusa Dei revelatione, posse certò scire, an sit de numero prædestinatorum. Conclusio est certa de fide, contra Calvinum, aliosque hujus temporis Hæreticos, asserentes omnes fideles teneri fidem divinam credere se esse prædestinatos, & consequenter omnes habere certitudinem infallibilem de sua prædestinatione & salute. Qui error à Tridentino proscibitur sessione 6. cap. 12, his verbis: *quædam in hac mortalitate vivitur, de arcano divina prædestinationis mysterio usque adeò præsumere debet, ut certò statuatur se omnino esse in numero prædestinatorum.*

E Eadem veritas ex Scriptura & SS. Patribus colligitur. Dicitur enim Ecclesiastes 9. *Sunt iusti atque sapientes, & opera eorum in manu Dei, & tamen nescit homo, utrum amore vel odio dignus sit, sed omnia in futurum servantur incerta.* Quis ergo (inquit Bernardus) potest dicere ego sum de electis, ego sum de numero filiorum; reclamante Scripturâ, nescit homo an odio vel amore dignus sit? Quis (addit Augustinus) ex multitudine fidelium, quædam in hac mortalitate vivitur, in numero prædestinatorum se esse præsumat.

Serm. in Septuag.

De corrupt. & gratia

Cap. 13. Ratio



24. Ratio etiã id fùadet: Nemo enim potest certò scire ea quæ pendent ex sola voluntate Dei, nisi Deus ea revelaret: nam ait Apost. 2. ad Corinth. Nemo novit quæ sunt Dei, nisi spiritus Dei: Sed nostra prædestinatio pendet ex sola & gratuita voluntate Dei, ut patet ex dictis disp. 2. Ergo seclusa Dei revelatione, nemo scire potest, an numero prædestinatorum adscriptus sit.

25. Confirmatur: Nemo potest habere certitudinem infallibilem de sua prædestinatione & salute, nisi etiam habeat infallibilem certitudinẽ de sua perseverantia, quæ est certissimum salutis pignus, arrha cœlestis gloriæ, & ut ita dicam, prædestinationis cum glorificatione fibula, quã utraq; indissolubili nexu connectitur, juxta illud Christi Matth. 10. Qui perseveraverit usque in finem, hic salvus erit, unde lepidè Blesensis: Cùm virtutes omnes currant ad bravium, sola perseverantia coronatur, & gloria filia Regis est in sinubus aureis; quia nihil prodest gloria bonæ conversationis in principio, nisi sit gloriøsus & finis. Quia de causã in sinib; vestimenti Summi Sacerdotis, Deus jussit apponi malogranatã, quibus coronam natura indidit, ut significaretur, coronam dari soli perseverantia. Cùm ergo nemo, seclusa speciali Dei revelatione, possit habere infallibilem de sua perseverantia certitudinem, ut docet Augustinus de dono persever. cap. 13. & definit Tridentinum sessio 6. can. 16. manifestum est, neminem in hac vita posse esse de sua prædestinatione & salute securum. Unde Hieronymus Epist. ad Jovinianum: Ne lauderis hominem in vita sua, omnes in certamine sumus, sed quis accipiet bravium, solum mors manifestabit.

26. Confirmatur ampliùs: Seclusa fide & revelatione divina, non potest aliquid certò cognosci, nisi per causam, vel per effectum: Sed neutro modo potest cognosci prædestinatio: illa enim, ut diximus, non habet aliam causam, quàm gratuitam divini voluntatis decretum, quod nobis occultum est, & nullus datur effectus cum quo habeat indissolubilem nexum, nisi sola finalis perseverantia, de qua etiam, ut ostendimus, nemo potest habere infallibilem certitudinem: Ergo seclusa Dei revelatione, nemo potest esse certus de sua prædestinatione & salute; quãdij est in hoc mundo, ubi ut quidam ait: Est via in lubrico, vita in periculo, salus in dubio.

27. Si autem quæras, cur hoc secretum voluerit Deus suis amicis & electis occultare? Respondeo idcirco Deum nobis illud voluisse celare, ut magis simus de salute nostra timidi & solliciti, & ut hoc salutari timore, dona gratiæ suæ in nobis custodiamus. Nam ut bellè Petrus Celsensis: Quasi quidam custos super innumerares gazas, sic timor in ultimo carissimum ponitur, ad conservandas incomparabiles gratias. Gemma pretiosissima pietas, sed facile ab impietate subripitur, nisi timore custodiatur.... Habemus bonas & pulchras gratiarum puellas, sed sub custodia diligentissimi pedagogi, scilicet timoris, qui, ut ait Tertullianus, Fundamentum salutis est: presumptio impedimentum timoris. Timoris ergo si speremus non posse delinquere: sperando enim timebimus, timendo cavebimus, cavendo salvi erimus: contra si presumamus neque timendo, neque cavendo, difficiè salvi erimus.

28. Dicit etiã potest cum Basilio Seleuco, aliisque SS. Patribus, ideo nobis occultari prædestinationis secretum, ut quò magis celatur meta, ad Deum diligentius contendamus cursum, & festinemus ingredi in illam requiem, ut ait Apo-

stolus. Unde apud Isaiam cap. 6. volabant Seraphici Spiritus, amoris & contemplationis penitus, quia celabatur illis cursus meta, nec sciebant quò pergerent: velabant enim alis suis Dei pedes & caput: Eò quòd, ut declarat Bernardus, ipsos etiam latet quod ante mundum fuit, quodve futurum est post consummationem.

Serm. 4.  
de verbis  
Isaie.

## DIGRESSIO PRIMA.

## De signis prædestinationis.

Quamvis Deus decreverit occultum prædestinationis mysterium, non præteritam in electos suos, sed eos quibusdam lignis notavit: inquit Bernardus serm. 2. in octava Paschæ. Quoniam autem sint illa signa, quibus electi à reprobis discerni possunt, placet breviter hic exponere, & ex Scriptura & SS. Patribus referre.

Primum ergo prædestinationis signum est: 29. viciis fortunæ adversitas, & afflictio pro Christi nomine æquo animo tolerata. Prædestinatio enim nostra fuit facta ad typum & normam prædestinationis Christi, quem Augustinus appellat. Preclarissimum lumen prædestinationis & gratiæ: Unde Apostolus ad Rom. 8. Quos præfivit, & prædestinavit conformes fieri imaginis filij sui. Prædestinatio autem Christi, quantum ad gloriam corporis, & sui nominis exaltationem, fundatur in passionibus, & ignominis crucis: juxta illud Lucæ 24. Nonne hæc oportuit pati Christum, & ita intrare in gloriam suam? Unde egregiè Tertullianus: Christus savoris post sella gustavit, nec ante Rex gloriæ in caelestibus salutatus, quàm Rex Iudeorum prescriptus in cruce. Ergo similiter (inquit Gregorius) Electorum est hic conteri, ut ad premia debent æterna hereditatis erudiri: nostrum est hic flagella percipere; quibus servatur de aternitate gaudere, hinc enim flagellat omnem filium quem recipit.... Eant ergo nunc reprobi, & voluntatum suarum desideria inultà iniquitate consumant; atque eò temporaria flagella non sentiant, quò æterna eos supplicia expectant.

De Prædest. Summ. cap. 15.

Lib. de  
crucis  
militie  
cap. 14.  
Lib. 16.  
moral.  
cap. 17.

Item prædestinatio, ut suprà vidimus, rectè describitur: Transmissio creaturæ rationalis in caelestem gloriam. In qua descriptione Deus prædestinatos sagittario comparari videretur, qui prædestinatos veluti tot sagittas in finem ulciminum, quali scopum intentum, transmittit: tribulatio verò diviniæ charitatis arcus est, ex quo electi ejaculantur. Novit Deus (inquit Augustinus) sagittare ad amorem. Nemo pulchrius sagittat, nemo certius: nam infallibiliter scopum ad quem collimat attingit: Sagittat verò, cùm temporalibus poenis electos flagellat. Tendam, ait Jeremias, arcum suum, & posui me quasi signum ad sagittam, immisi in venibus meis filias pharetrae suæ, & sagitta eius erubuit cruorem meum. Hinc electi, Filij excusorum, à Regio Vate appellantur: quia cum eos Deus per flagella excutit, quasi sagittas in cœlum transmittit.

Thren. 3.

Præterea, electi vocantur ab Apostolo ad Ephes. 1. In Christo signati: quia sicut moneta ut valorem habeat, debet notari sigillo Principis, ita electi, ut ad regnũ cœleste admittantur, debent in Christo sigillari, & imaginẽ crucifixi in se exprimere, juxta illud Apostoli 2. Corint. 4. Mortificationem Iesu Christi in corporibus nostris circumferamus.

ser, ut & vita Iesu manifestetur in corporibus nostris. Unde bellissime Tertullianus in scorpiano cap. 6 *Dilectio hominem martyrem Deo excudit.* Er in Apologetico irridens Gentiles, qui ligna & lapides sculpebant, & secabant, ut idola conficerent, ex hoc infert, per tormenta, Sanctorum corpora Deo consecrari. *Si per hac, inquit, causatur aliqua divinitas: ergo qui puniuntur, consecrantur, & numina erunt dicenda supplicia.*

Non est etiam omittendum id quod notat D. Bernardus super Cantica, scilicet quod *Nemo potest transire a deliciis in delicias.* Ex quo infert, quod si quis in hac vita in labore hominum non sunt, in labore profectum demonum erunt. Quam etiam rationem tangebatur Abraham, dum dicebat diviti copuloni: *Memento quid recipisti bona in vita tua, & Lazarus similiter mala: nunc autem hic consolatur, tu vero cruciatur.* Lucae 16.

30. Secundum prædestinationis signum est libenter audire verbum Dei, & delectari sermonibus spiritualibus: juxta illud Christi Domini: *Qui ex Deo est, verba Dei audit.* Item: *Beati qui audiunt verbum Dei, & custodiunt illud.* Unde Bernardus: *Magna mihi consolatio est, fratres mei, in verbo illo Domini: Qui ex Deo est, verba Dei audit.* Propter ea enim vos libenter auditis, quia ex Deo estis. Certitudinem utique non habemus, an de numero sumus electorum, sed spei fiducia consolatur nos, ne dubitatione hujus anxietate penitus cruciemur. Propter hoc data sunt signa quedam & indicia manifeste salutis, ut indubitable sit eum de numero esse electorum, in quo ea signa pertranseant. Porro inter ea quas fiduciam præstant & materiam spei, unum illud maximum est, de quo nunc copius loqui: qui ex Deo est, verba Dei audit. Item Chrysologus hanc verba Christi expendens: *Ores mea vocem meam audiant & sequuntur me.* Oves bona (inquit) pastoris sui audiunt, attentius auribus vocem, pastoris sui semper sequuntur arbitrium. pastoris sunt totam faciem voluntatem: ascendunt collis, pecunt ardua, mutant sepe regiones; & sic apia pascuis, irrigua fluviis umbrosa, accommoda, secreta quicquid loca penetrant, repertiunt amantissimas, & delicias perfruantur. Et vos filii quos Iesus Christus gregi adscripsit, Dominici gregis portio copiosa, viva & divino visitata jam vellere, molli satum, celesti germine perfusunda; si per vestre vocis auditum ad loca sepe salutaria, ad salutaria pascua pervenistis: qua ordinamus attendite, qua dicimus audite.

31. Tertium signum est inimicorum dilectio, juxta illud Matth. 5. *Diligite inimicos vestros, ut sitis filij Patris vestri qui in calis est.* At si filii, ergo heredes, ut arguit D. Paulus: Negari ergo non potest celestis gloriæ hæreditas Christianis, qui parcendo inimicis, Dei filius effici meruit. Nunc scio quod certissime regnaturus sit in Israel, aiebat Saul ad Davidem, post insigne clementie ipsius facinus, quando scilicet ipsi pepercit, cum facile potuisset illi necem inferre. Regum 24. Idem dici potest de Christianis, quod celestis habitationis typus fuit, singulæ portæ ex olivatum lignis etant constructæ, ut significaretur, quod misericordia, & inimicorum dilectio, cæli portas aperit. Diligite ergo inimicos vestros: Nam dilectio sola (inquit Augustinus) distinguit inter filios Dei & filios Diaboli. Vel ut ait Tertullianus: *Iubemur diligere inimicos, quoque & orare pro eis qui nos persequuntur, ut hac via perfecta & propria bonitas nostra, non communis: amicos enim diligere omnium est, inimicos autem solum Christianorum.*

Serm. I.  
in Ser-  
monibus.

Serm. 173

Tract. 5.  
in epist.  
Joann.  
Ad Scapulum  
cap. 1.

Quartum prædestinationis signum est humilitas: Unde Christus Lucae 12. appellat prædestinatos, *pupillum gregem*, non solum propter electorum paucitatem, sed etiam ob humilitatis devotionem: & quis, ut ait venerabilis Beda, Ecclesiam suam, quantalibet numerose sit dilatam, tamen usque ad finem mundi humilitate vult crescere, & ad promissum regnum humilitate pervenire. Item D. Gregorius exponens illud quod dicitur de Leviathan Job. 41. *Omne sublimis videt, ipse est Rex super omnes filios superbia*, subdit: *Quia Redemptor noster corda regis humilium, & Leviathan ipse Rex dicitur superborum, aperte cognoscimus quod evidentissimum reproborum signum superbia est; at contra humilitas, electorum.*

Lib. 34  
moral.  
cap. 13.

Quintum prædestinationis indicium est devotio singularis erga sanctissimam Virginem, quæ est veluti via lactea, quæ electi pergunt ad Regis celestis palatium, & mystica scala Jacob, per quam Deus descendit in terram, & homo ascendit in cælum. Hæc (inquit Doctor mellifluus) peccatorum scala, hac mea maxima fiducia, hac tota ratio spei mea. Sicut ergo impossibile est (addit Anselmus) ut illi à quibus oculus hæc misericordia avertit, salventur; ita necesse est, ut hi ad quos convertit oculos suos, pro eo ad vocem, iustificentur, & glorificentur. Unde merito ei applicat Ecclesia illud Ecclesiastici 24. *In electum meum mitte radices.* Et illud Proverb. 8. *Qui me invenit, invenit vitam, & habiet salutem à Domino.* Plerique etiam Maræ nomen stellam interpretantur, nec immerito; Maria quippe (ait Damianus) juxta sui nominis præsegiem, fassula portendit. Maria bona est prædestinatorum fortuna. Qui sub hac stella feliciter nascitur & vivit, fortunatè vivet, & ipsa propitiâ, quod tendit, feliciter pervenit.

Sextum divinæ prædestinationis signum est futuræ gloriæ spes firma. Illa enim non solum de præmio securus, sed præproperè beatorum facit, & celestem gloriam prælibare incipit. Hinc Philo Judæus spem vocat, *Gaudium ante gaudium, & possessionis futura inchoationem.* Imò Chrysostomus in sermone de spe ait: *Fides gloriam inchoat, & spes sustinendo consummat.* Hæc religionis anchora, fidei fomes, virtutum vigor, difficultatum omnium victrix, baculus nostræ peregrinationis, & nostrorum laborum refrigerium & levamen. Hanc (inquit Augustinus) in terram sanctam, tanquam anchoram præmissimus, ne in isto mari turbati naufragaremus. Quæ admodum enim de navi que in anchora est, vellet dicimus quod jam in terra sit, licet adhuc fluctuet: sic contra hujus peregrinationis nostras tentationes, spei nostræ afundata est in illa civitate Ierusalem.

Alia salutis & prædestinationis signa refert D. Bernardus serm. 1. & 2. in octava Paschæ, ubi expendens hæc verba 1. Joan. 5. *Tria sunt que testimonium dant in terra, spiritus, aqua, & sanguis*, hæc exponit de signis nostræ prædestinationis & salutis: ita ut per spiritum intelligat exercitium operum spiritualium, per aquam, fontem lacrymarum, ad abluenda peccata; & per sanguinem, sanguinolentum poenitentis martyrij, ad pravas affectiones perimendas. Videretiam potest Vivaldus in opere regali, ubi de signis prædestinationis subtilissime disserit.

## DIGRESSIO II.

De parvo numero electorum.

36. **C**ertum & exploratum est apud omnes, quòd si loquamur de omnibus omnino hominibus qui sunt in mundo, tam infidelibus quàm Christianis, tam hereticis quàm Catholicis, multo major est numerus reproborum, quàm prædestinatorum. Nam Christiani pauci sunt, comparati infidelibus: ut Gentilibus, Turcis, Judæis, & Mahometanis, & inter ipsos Christianos plures sunt heretici, & schismatici. Unde dicit Angelus ad Ekdram, 4. Eldræ cap. 8. (sicet hic liber non sit canonicus.) *Hoc seculum fecit Deus propter impios futurum propter paucos.* Et infra: *Multi qui demeriti sunt, pauci autem salvabuntur.*

Ratio etiam suffragatur: Primò quia prædestinati sunt amici Dei, & prædestinatio est specialis ac singularissima Dei amicitia: At una ex conditionibus ad amicitiam requisitis, est quòd sit circa paucos, ut docet Aristoteles lib. 8. Et hic, & ibi D. Thomas lect. 6. Ergo prædestinati, comparative ad reprobos, pauci sunt.

Secundò, Prædestinati sunt veluti Reges & Principes, reprobi vero ut ipsorum famuli & servi: unde Proverb. 11. dicitur: *Qui sultus est servus sapientis.* Et Malach. 1. *Major servus minoris,* quòd dictum est de Elii typo reproborum, in ordine ad Jacob, qui eximipiar est prædestinatorum: Sed quilibet Rex multos debet habere servos, & semper sunt plures servi & famuli, quàm Principes & Domini: Ergo & plures reprobi quàm electi.

Tertiò, Omne pretiosum solet esse rarum & non vulgare, ut constat in auro, gemmis unionibus, & lapidibus pretiosis: unde Seneca epist. 42. *Meliocritia & in turbam nascentia sæpe natura produxit, eximia verò ipsa raritate commendat:* Sed prædestinati in Scriptura lapidibus pretiosis comparantur, reprobi verò tærcori & luto: Ergo prædestinati pauci sunt, comparative ad reprobos. Hoc præmissis,

Restat difficultas & controversia inter Theologos, an ex Christianis, qui vales sunt, & qui in fide Christi, & S. Romanæ Ecclesiæ obedientia, extra quam non est salus, vivunt, & moriuntur, plures sint prædestinati, quàm reprobi?

37. Partem affirmativam tenent Syveller in Rosa aurea Tract. 2. super Evang. Dominicæ in Septuagesima, Suarez de prædest. lib. 6. cap. 3. Granada tract. 12. disp. 4. Ruiz disp. 84. qui plures ex Catholicis salvari putant; & inter hos Ruiz in devoto sexui favens, asserit plures fœminas esse prædestinatas, quàm viros.

Sententia tamen negativæ communior est inter Theologos, ut fatetur Suarez loco citato num. 8. eamque docent Cajetanus super cap. 25. Matthæi, Vazquez & Molina super art. 7. hujus quest. Alvarez de auxiliis disp. 43. Philippus à S. Trinitate hic disp. 17. dub. 4. & ex Scripturæ interpretibus, Nicolaus de Lyra, & Maldonatus citati à Vazque, & Cornelius à lapide in cap. 24. Numerorum.

38. Verùm quis hominum scire potest consilium Dei, aut quis consiliarius ejus fuit? ut ait Apostolus: præsertim in hoc occultissimo & obscurissimo mysterio, quod merito sacratissimum & secretissimum fidei ænigma appellari potest? Melius certe esset hæc in parte judicii suspendere,

A & nihil in particulari circa electorum numerum definire, sed potius per electorum semitas sollicitum esse ambulare, ac sobriam S. Thomæ sententiam sequi, quæ hic art. 7. cum Ecclesiæ sententiens, inquit: *Melius dicitur quòd soli Deus cognovit est numerus electorum, in superna felicitate locandus.*

Quia tamen sapientibus & insipientibus debitorum sumus, & aliunde hujus questionis resolutioni utilis esse potest ad excitandum in nobis Dei timorem, qui est initium sapientiæ, ac fundamentum salutis, & ut loquitur D. Ambrosius, *Clavus anime fluctuanti*: placet breviter hic ostendere sententiam quæ asserit, ex Christianis & fidelibus multò plures esse reprobos, quàm electos, Scripturæ, SS. Patribus, & historis Ecclesiasticæ magis esse consonam, quàm aliam, quæ numerum electorum docet excedere multitudinem reproborum.

In primis ergo formidabilis est hæc Christi 39. sententia, quam non semel, sed pluries in Evangelio expressit, & læpius inculcare voluit, *Multi sunt vocati, pauci vero electi.* quam sententiam plures ex SS. Patribus, & Scripturæ Interpretibus, ad ipsos etiam fideles & Christianos extendunt: ut Augustinus contra Cresconium lib. 3. cap. 76. Chrysostomus homil. 24. in A & a Apost. Gregorius homil. 19. in Evangeli. Lyranus, & Carthusianus, alique Scripturæ interpretes.

C Item Christus Lucæ 13. cu-dam interroganti: *Domine si pauci sunt qui salvantur? Resp. id est: Concedite intrare per angustam portam, multi dico vobis querunt intrare, & non poterunt. Quibus vobis confirmavit Dominus quod audivit,* (inquit Augustinus serm. 32. de verbis Domini) paucos scilicet esse qui salvantur, voluitque hoc responso tegnitem ac desidia, nostram excitare & increpare: dum ex una parte videntes majorem partem fidelium, non ad modum asperam vitam ducere, & xalia existimantes majorem pacem illorum salvari, aliqualem fiduciam concepinus, quòd licet negligentiiores sumus, nec ad modum in nos tæveri, & etiam aliquando contentiamus, de electiõibus sæculi frui, adhuc salvabimur, & peremeritæ locens dabitur. Dominus autem: tædices has præscindere cupiens, & omnem à nobis locordiam & negligentiam excutere, oculos nostros ad diffiditatem adipiscenæ salutis erexit: *Cominate,* inquit, *intrare per angustam portam.* Quasi dicat, nolite solatium quæere pro vestra iactantia & desidia cogitando quòd plures salvantur, etiam meo diocet curâ & studio, sed alacris estote, & valde solliciti ad conitendendum intrare per angustam portam, *Quia multi querunt intrare & non poterunt.* Id est, quia etiam ex his qui non omnino torpescunt, & jacent in suis vitiis, sed etiam aliqui her de sua salute solliciti sunt, & querunt intrare in cælum, non poterunt.

D Præterea Isaiæ 17. et 24. numerus electorum 40. comparati paucissimis spicis, quæ à mellifloribus relinquuntur in agro etiarissimis olivarum bacis, quæ excusâ oleâ remanent in ramorum cacumine, vel paucissimum granis, quæ emanent in vinea, siuâ vindemiâ. Et erit (inquit Propheta) *si ut congregans in messe quod risisterio, & brachium ejus sibi auferet, & erit sicut querens sibi in valle Raphaim, & relinquetur in eo sicut racemus, & sicut excussio oleæ duarum vel trium olivarum in summitate rami.* Et cap. 24. *Quomodo si pauca oliva quæ remanserunt, excutiantur ex oleâ, racemi cum sinita fuerit vindemia.* Quæ verba expendens Hieronymus ibidem ait: *Tanta*

erit Sanctorum paucitas, de quibus Dominus loquitur in Evangelio, multi vocati & pauci electi, ut eorum paucitas baculo olivaceo rarissimum comparatur, quæ cum excessu fuerint atque demissa, vix pauci remaneant in ramorum cacumine? & quomodo cum fuerit finita vendemia, solent pauperes, egestate cogniti, vacuas circuire vites, & paucæ uvarum grana colligere. Unde etiam ab Apostolo electi, Reliquia appellantur, quia pauci: ad Rom. 9. Si fuerit numerus filiorum israel sicut arena maris, reliquæ salvæ sicut. Et cap. 11. Reliquia per electionem grana, salva facta sunt. Ex quibus omnibus testimoniis liquet, numerum prædestinatorum esse valde exiguum, comparativè ad multitudinem reproborum.

41. Quod potest confirmari ex eodem Apostolo ad Ephes. 1. ubi loquens de electis inquit: Qui dignos nos fecit in partem sortis Sanctorum. Et ad Ephes. 1. Sorte vocati estis. Ubi electos dicit esse sorte vocatos, ut eorum paucitatem designet. Nam sicut foetres, cum inter plura hominum millia mittantur, paucissimi tantum contingunt, & interdum insipientibus & pauperibus, relictis sapientibus & divitibus: ita paucissimis, inter multa hominum millia, fors prædestinationis contingit, & sæpe eliguntur pauperes, insipientes, rustici, & ignobiles: relictis divitibus, sapientibus, nobilibus, & Regibus ac Principibus. Unde idem Apostolus 1. ad Corinth. 1. Videretis vocationem vestram, fratres, quia non multis sapientes secundum carnem non multi potentiores, non multi nobiles, sed quæ stulta sunt mundi elegit Deus, ut confundat sapientes, & infirma mundi elegit Deus, ut confundat fortia; & ignobilia mundi & contemptibilia elegit Deus. &c.

42. Eadem veritas illustrari potest, & salvandorum paucitas amplius demonstrari ex variis figuris, quibus Deus eam in Scripturis declarare voluit. Nam aquis diluvij omnes, excepto Noë, & familia ejus, perierunt; & ut dicitur 1. Petri 3. Pauci, id est octo anime, salva facta sunt per aquas Omnes habitantes Sodomam, & Giliimastegionem, excepto Loth, & filii ejus, flammis ulticibus consumpti sunt, Genes. 19. Ex sexcentis millibus pugnantium qui egressi sunt de Ægypto, nullus præter Josue & Caleb, in terram promissam, quæ fuit regni celestis typus & figura, ingressus est. Numer. 14. In devastatione Jerichosola Rahab cum suis servata est, Josue 6. Denique, ut notat Augustinus Tract. 122. in Joann. & alii SS. Patres duplex nobis à Joanne Evangelista Apostolorum piscatio, ipsius Christi jussu facta, proponitur Prima initio suæ prædicationis; secunda post illius resurrectionem. Prima bonos & malos significat, quos nunc habet Ecclesia. Secunda tantummodo bonos, quos habebit in æternum, completam in fine mundi resurrectionem mortuorum. In prima capta est multitudo piscium tanta, ut & rete scinderetur, & impleta duo navigia mergerentur. In secunda verò, quæ ad dextram navigij (per quam beatitudo designatur) facta est, pauci pisces capti sunt: scilicet centum quinquaginta tres, ut hac paucitate piscium, paucitas electorum designaretur.

43. Accedunt etiam testimonia SS. Patrum. Nam Chrysostomus homil. 40. ad populum ait: Quot esse putati in civitate nostra qui salvi fiant. Infestum quidem est quod dicturus sum, dicam tamen: Non possunt in tot millibus centum inveniri: quin & de his dubito: quanta enim in juvenibus quoque malitia, quantum in senibus torpor, &c. Quæ verba, licet videan-

tur per hyperbolem dicta, certissimum tamen existimat Chrysostomus, plures damnari quam salvari. Augustinus l. 3. contra Cresconium Grammaticum cap. 66. dicit quod Boni verique Christiani qui per seipso multi sunt, in comparatione malorum pauci sunt: pauci multa grana quibus horrea magna complentur, pauci divinus in comparatione palmarum. Et alibi ad id probandum adducit locum illum Genes. 22. Sicut stella cæli, & sicut arena maris, sic erit semen tuum. Ubi per stellas cæli, electos intelligit, & per arenam maris, reprobos. Unde ex Augustino, in quo numero arenæ maris excedunt stellas cæli, in eodem, numerus reproborum excedit numerum electorum.

- Item plures Scripturæ Interpretæ, expetentes verba illa Sponsi Cantic. 2. Sicut lilium inter spinas sic amica mea inter filios, docent quod sicut spinæ liliorum quotitatem excedunt, sic prædestinatorum numerus, à reprobis longè superatur. Et notant quod Scriptura non dicit, sic amica mea inter extraneas, sed inter filias: ut per hoc designetur, numerum reproborum excedere numerum prædestinatorum, non solum per comparationem ad Gentiles & infideles, qui sunt extra Ecclesiam, sed etiam comparatione factâ inter ipsos fideles & Christianos, qui sunt Ecclesie filij. Unde D. Gregorius homil. 19. in Evang. Ad fidei plures veniunt, sed ad celeste regnum pauci perveniunt.

- Quod potest etiam ex historia Ecclesiastica confirmari. Nam Baronius ad annum Christi 976. num. 3. tom. 10. narrat Beatum Nilum Abbatem, inter spiritualia colloquia, dixisse aliquando, Quod ex decem millibus vix reperitur una anima hu temporibus, quæ ad manum sanctiorum Angelorum perveniat. Quo auditu ceperunt omnes quasi uno ore dicere: Absit, hoc non est verum, hæreticus est qui hoc dicit, &c. Quibus Beatus Nilus respondit: & dixit: Si verò demonstravero vobis, Magnum Basilium, & Chrysostomum, Ephrem beatisimum, & Theodorum Studiam, sed & Apostolum ipsum, nec non sanctum Evangelium, eadem sentientes, & dicentes, quid patiemini vos, qui in conspectu aperientes ora loquimini, & Spiritui Sancto adversari, & sanctorum Patrum metuenda verba hæretici tribuitis: Hæc Baronius loco citato.

- In ejusdem veritatis confirmationem, testetur Cornelius à lapide, in caput 14. Numer. formidabilem historiam, quam hic de verbo ad verbum transcribam. Cum (inquit) D. Bernardus Abbas Clarevallensis, ab hac vita migrasset, quod contigit anno Domini 1153. horrenda visio Lingonensis Episcopo facta est. Apparuit enimque Eremita quidam mortuus, quem viventem olim noverat, qui divino timore compunctus, ante aliquot annos, cum esset Decanus, dives, & nominatus, omnia contemnens, eremitorium pro Christi amore intravit. Quem cum de statu suo, & divini judicii distinctione interrogasset, ille respondit: Eadem in qua ego de corpore migravi, triginta hominum millia ab hac luce transierunt: è quibus Bernardus, Clarevallensis Abbas, quæ eadem hora obiit, una mecum ad celos evolavit: duo alii ad purgatorium missi sunt: ceteri omnes, per sententiam summæ judicij condemnati, ad infernum perpetuo cruciati descendunt. Intelligite hæc qui obliuiscimini Deum, Psalm. 49.

Dices primò, In Scriptura multitudo electorum vocatur innumerabilis: Apocal. 7. Vidi turbam magnam quam dinumerare nemo poterat, ex omnibus



omnibus gentibus, tribubus, populis, linguis, stantes ante Thronum : Ergo ex Scriptura major saltem pars fidelium salvatur.

Sed negatur Consequentia: Nam ut notat Augustinus locis suprà allegatis, licet prædestinati absolute loquendo, & nullâ factâ comparatione sint multi; respectu tamen multitudinis reproborum paucissimi sunt. Sicut licet multitudo stellarum sit maxima, & ferè innumerabilis, exigua tamen est, si comparetur cum arenis quæ sunt in littore maris. Unde ibidem annotavit S. Thomas, quòd cum dicitur: *Ex omni tribu, lingua, populo, natione, illa electum quendam & segregationem paucorum ex multis demorat, & paucitatem electorum designat.*

48 Dices secundò, Non est minor Dei providentia circa homines, quàm circa res alias naturales: Sed ex aliis rebus naturalibus plures consequuntur finem, quàm ab illo deficient, ut ex se patet: Ergo etiam ex hominibus plures consequuntur finem vitæ æternæ, quàm ab illo deficient, ac proinde plures sunt prædestinati quàm reprobi.

Respondet cum D. Thoma hic art. 7. ad 3. negando Consequentiam, & paritatem: Nam bonum, inquit, proportionatum communi statui nature, accidit ut in pluribus, & deficit ab hoc bono ut in paucioribus: Sed bonum quod excedit communem statum nature, invenitur ut in paucioribus, & deficit in pluribus.... Cum igitur beatitudo æterna, in visione Dei consistens, excedat communem statum nature, & præcipue secundum quod est gratiâ destituta, per corruptionem originalis peccati, pauciores sunt qui salvantur.

## DISPUTATIO V.

### De Reprobatione.

**H**ortatur Propheta Regius fideles inter medios cleros, sive ut habet alia versio, inter medias fortes, recumbere. Quod propterea dictum putat Bernardus: Quoniam est locus inter timorem & securitatem, tanquam inter levam & dexteram, media videlicet spes, in qua mens & confidentia, molli minime supposito charitatis strato, suavissimè requiescit. Quatenus scilicet spes à timore repressa, & Dei protectione eversa, per infermorum, celestiumque considerationem, in salutari medio constituitur. Hoc enim modo (inquit idem Bernardus) sepe cellarum incolæ in calum ascendunt, & in infernum descendunt. Sicut enim assidue contemplando revivere amant gaudia celestia, ut ardentius ea appetant; sic & dolores inferni, ut horreant, & resugiant. Et hoc est quod per impiorum salute deprecabatur Regius Yates, dicens: Descendant in infernum viventes, videlicet ne huc descendat morientes. Postquam ergo per considerationem mysterii prædestinationis, in celestem patriam, spe futura gloriæ, ascendimus, & celorum excelsa penetravimus; oportet, ut metu & consideratione reprobationis æternæ, in profundum inferni descendamus, & miseram reproborum sortem contemplerur. Agemus ergo primo in hac disputatione de existentia & essentia reprobationis. Secundò de eius causâ motiva. Tertiò de illius effectibus. Et ultimò, an Deus omnibus reprobis, tam parvulis, quàm adultis, media ad salutem sufficientia conferat, discutietur.

Tom. II.

## ARTICULUS PRIMUS.

### An, & quid sit reprobatio?

#### §. I.

Veraque difficultas resolvitur.

**D**ico primò: Dari in Deo reprobationem, seu decretum aliquod efficax, & immutabile, quo ab æterno aliquos homines & Angelos voluit à gloria excludere. Ita definitur in Concilio 3. Valentino can. 3. his verbis: *Fidenter faciemur prædestinationem electorum ad vitam, & prædestinationem impiorum ad mortem.* Item in Scriptura sæpe fit mentio expressa reprobationis, præsertim toto cap. 9. Epistolæ ad Romanos: aliquando verò sub parabolis & figuris, ut Matth. 13. ubi regnum cælorum simile dicitur *sagena missa in mare, & ex omni genere piscium congreganti, quam cum impleta, esset educientes, & secus litus sedentes, elegerunt bonos in vasa, malos autem foras miserunt.* Quæ verba expendens Chryzologus ferm. 47. sic ait: *Similitudo hæc prodit, cur in Apostolorum piscatores elegerit Christus, & captores piscium fecerit hominum piscatores, ut divini iudicii typus arte piscatoriâ monstraretur.* Pisces congregat capturas confusus, sed in vasa discretio dat electos: sic vocatio Christiana iustos & iniustos, malos, bonosque congregat, sed bonos maloque electio divina discernit.

Præterea, in Sacris Paginis id dicitur reprobum, quod cum habeat necessaria ut possit consequi finem, ab illo tamen deficit. Sic Apostolus ad Hebræos 7. vocat reprobam terram illam, quæ habens sufficientem humorem ad fructificandum, producit tamen spinas & tribulos; ed quod deficit à fine ad quem fuit creata à Deo, scilicet ut daret herbarum virentem, & facientem fructum suum, ut dicitur Genesis 1. Item quia cognitio veritatis est finis intellectus, & voluntas ad bonum morale ordinatur: Gentiles à cognitione veritatis fidei deficientes, dicuntur ab eodem Apostolo ad Roman. 1. traditi in reprobum sensum. Et ad Titum cap. 1. homines male operantes, vocantur ad omne opus bonum reprobi: Sed multi sunt homines qui habent auxilia necessaria ut possint consequi finem suum, qui est vita æterna, qui tamen ab illo deficient, ut constat experientiâ: Ergo multi sunt homines reprobi.

Denique eadem veritas triplici ratione D. Thomæ demonstrari potest. Primam sic proponit hic art. 3. *Prædestinatio est pars providentiæ: ad providentiam autem pertinetmittere aliquem defectum in rebus quæ providentiæ subduntur: unde cum per divinam providentiam homines in vitam æternam ordinantur, pertinet etiam ad divinam providentiam, ut permittat aliquos ab ipso fine deficere, & hoc dicitur reprobare.*

Secunda habetur super cap. 9. Epistolæ ad Roman. 1. ubi S. Doctor sic dicitur: *Considerandum est quòd finis omnium divinarum operum est manifestatio divine bonitatis: Proverb. 16. Omnia propter seculi sui operatus est Dominus, impium quoque ad diem malum. Tanta est autem divine bonitatis excellentia, quòd non potest uno modo, nec in una creatura sufficienter manifestari, & idcirco diversa creaturas condidit in quibus diversimodè manifestatur, præcipue autem in creaturis rationalibus, in quibus ejus iustitia manifestatur, quantum ad eos quos pro-*

K

eorum

Serm.  
51. in  
Canti-  
on.

Epistola  
ad fra-  
ncos de  
monis  
Dei.

*eorum meritis puni, misericordia vero in illis quos ex sua gratia liberat; & ideo ut utrumque in hominibus manifestetur, quosdam misericorditer liberavit, sed non omnes.*

3 Tertiā rationem addit idem Doctor Angelicus in 1. ad Annibal. dist. 40. art. 3. quæ sic potest proponi. Necessè est ut ostendatur humani arbitrii defectibilitas, & gratiæ necessitas: Sed hæc non perfecte ostenderetur, si non esset reprobatio: Ergo illa datur. Major patet, Minor probatur. Non enim perfecte ostenderetur libertas arbitrii creati, si non posset homo finaliter peccare, & in impenitentia finali mori. Similiter gratiæ necessitas non perfecte manifestaretur, nisi ostenderetur necessitas doni perseverantiæ finalis, quæ non potest ostendi, nisi permittendo quod aliqui homines peccent, & in peccato moriantur, & consequenter à consecutione vite æternæ deficiant.

6 Dico secundò: Reprobatio in Deo non dicit solam negationem prædestinationis, sed actum positivum intellectus & voluntatis, quo ab æterno decrevit aliquos excludere, vel non admittere ad gloriam, ob manifestationem suæ iustitiæ. Ita communiter docent Theologi.

7 Probatur breviter: Primò quia in Scriptura sacra reprobatio nominibus importantibus actum positivum significatur. Ad Roman. 9. *Cuius vult miseretur, & quem vult indurat.* Et suprà: *Iacob dilexi, Esau autem odio habui.*

8 Secundò, Reprobatio est actus providentiæ, ut docet D. Thomas hic art. 3. Sed providentia actum positivum intellectus & voluntatis includit, ut Tractatu præcedenti ostensum est: Ergo & reprobatio.

9 Tertiò, Ex reprobatione sequitur infallibiliter æterna reprobationis pena: Sed hæc ex vi solius negationis actus non potest sequi: Ergo reprobatio in sola negatione prædestinationis non potest consistere.

10 Quartò, Si reprobatio in sola negatione prædestinationis consisteret, sequeretur quod Angeli & homines merè possibiles, & nunquam futuri, possent dici reprobati: Sed hoc est absurdum: Ergo & illud. Sequela probatur: Angeli & homines merè possibiles non sunt à Deo prædestinati, ut patet: Ergo si reprobatio in sola negatione prædestinationis consistat, sequitur Angelos & homines merè possibiles posse dici reprobatos.

11 Denique, Deo perfectior modus agendi tribuendus est: Sed perfectior modus agendi est per actum positivum, quam per solam suspensionem actus: Ergo reprobatio in actu positivo, & non in sola negatione prædestinationis consistit.

Si autem queratur, an talis actus sit intellectus, aut voluntatis? Respondeo reprobationem supponere quidem actum voluntatis, essentialiter tamen in actu intellectus consistere, scilicet in imperio efficaciter ordinante media ad finem reprobationis conducentia. Reprobatio enim est pars objectiva providentiæ, sicut & prædestinationis: Sed providentia consistit essentialiter in actu imperii, ordinantis media ad consecutionem finis a providere intentus; & solum in obliquo & præsuppositivè actum voluntatis importat, ut constet ex dictis Tractatu præcedenti: Ergo & reprobatio. Itaque, sicut prædestinatio, quæ est providentia specialis circa electos, supponit dilectionem & electionem eorum, & consistit formaliter in actu imperii, quo Deus imperat gra-

tiam & alia media ad consecutionem gloriæ efficaciter conducentia, ut in prima disputatione ostendimus sic reprobatio quæ ad providentiam oppositam spectat, supponit ex parte voluntatis divinæ actus oppositos dilectioni & electioni, scilicet abominationem, seu odium reproborum, & eorum electionem, seu exclusionem à gloria, & consistit formaliter in actu imperii, quo Deus imperat promissionem peccati, & denegationem gratiæ, aliaque media ad finem reprobationis, manifestantem scilicet divinæ iustitiæ, efficaciter conducentia, de quibus infra art. 4. differemus.

## §. II.

## Solvuntur objectiones.

B Obijcies primò contra primam conclusionem: Durum videtur & asperum asserere, quod Deus aliquos homines creaverit, quos decrevit non reddere participes vite æternæ, ipsosque à regno celorum excludere: Sed nulla crudelitatis species Deo tribuenda est, juxta illud Sapientiæ 1. *Sentite de Domino in bonitate, & illud Tertulliani: Tam pater nemo, tam pius nemo:* Ergo in Deo reprobatio admitti non debet, seu decretum absolutum & efficax, quod aliquos homines, vel Angelos, à gloria velit excludere.

Respondeo eandem objectionem fuisse D. Prospero olim propositam, nam inter objectiones Gallorum, hæc habetur cap. 13. *Quod quidam homines non à Deo creati sunt, ut vitam adipiscerentur æternam, sed ut habitum tantum saculi præsentis ornarent, & ad utilitatem nascerentur aliorum.* Cui objectioni sic D. Prosper ibidem respondet: *Universos homines non ignoramus creati à Deo significari, & de hac universitate alios damnandos cum Diabolo, alios regnatos esse cum Christo: Quod ergo etiam hi creaturi qui æternæ vite participes non erunt, nulla est culpa Creatoris, qui nature author est, non verò vitæ quod natura contraxit. Ornari autem etiam talium conditione mundi huius varietatem, quæ non intelligat, qui videat studii & operibus quorundam impiorum, tot commoda vitæ præsentis instructa, in inventionem arcium, in constructionem urbium, in institutionem legum, & confederationem populorum? Quibus verbis reprobationem negativam, seu decretum excludendi aliquos à gloria, ad peccatum originale refert. De quo infra art. 3.*

D Obijcies secundò contra primam conclusionem. Ad perfectissimam providentiam pertinet efficere quod res quæ illi subijciuntur, suum finem infallibiliter consequantur: Sed providentia in Deo in summo gradu perfectionis existit: Ergo ad illam pertinet efficere, ut homines quæ illi subijciuntur, suum finem consequantur, & non permittere quod aliqui ab illo deficiant, & consequenter non datur reprobatio.

Confirmatur: Nullus sapiens hoc quod facit propter finem aliquem, à fine obtinendo excludit, quantum est ex parte suæ: Sed Deus omnes homines fecit propter beatitudinem: Ergo neminem debet ab ea excludere, & consequenter neminem reprobare.

E Ad objectionem respondeo negando Majorem: de ratione enim perfectissimæ providentiæ est, ut habeat vim perducendi ad finem omnia quæ illi subjacent, & quod de illis secundum suam naturam provideat, ita ut si sint naturæ defectibiles, provideat de illis defectibilibus efficiendo scilicet ut aliqua finem illum consequantur, & permittendo ut alia ab eo deficiant, ut ex una parte manifestetur defectibili-

tas naturæ sic ordinatæ , & ex alia ostendatur A  
efficacia divini auxilii.

- 16 Adde cum D. Thoma, quæst. præcedenti art. 2. quod quamvis ad particularem provisionem pertineat excludere malum & defectum ab iis quorum gerit curam, secus tamen ad provisionem universalem; cum enim hic respiciat bonum commune quod potest impediri, diminui, aut retardari per bona particularium, fit inde ut permittere debeat malum aliquid & defectum in particularibus, propter bonum totius. Cum igitur Deus sit universalissimus totius entis provisor, ad ipsum pertinet permittere, ut sint aliqui defectus in particularibus, ne impediatur bonum totius universi: si enim omnia mala impedirentur, multa bona deessent universo. Nam si non esset corruptio, non esset generatio: si non esset occisio animalium, non esset vita leonis; nec esset patientia martyrum, si non esset persecutio tyrannorum: denique, si non esset peccati permixtio, non esset divinæ iustitiæ, delectibilitatis, liberi, & necessitatis gratiæ manifestatio, ut antea exposuimus. Unde bellissime Gregorius Magnus lib. 32. Moral. cap. 13. Sic niger color in pictura subternitur, ut superjectus albus vel rubens pulchrior ostendatur: ita malos bene ordinans Deus, feliciora exhibebit gaudia beatorum, ostens-  
fis ante eorum oculo supplicis reprobos.

- 17 Ad confirmationem dicendum cum eodem S. Doctore in 1. ad Anibal. dist. 40. quæst. unica art. 3. ad 3. quod natura humana habet quidem ordinem ad beatitudinem, non tamen necessarium, cum possit deficere; & ideo, ut illius conditio manifestetur, Deus permittit quod aliqui ab illo bono deficiant. In forma igitur distinguo Majorem: Si illud necessarium & indefectibile ad talem finem ordinatur, transeat. Si ad illum ordinatur contingenter ac defectibiliter, nego. Tunc enim potest permittere ut in aliquibus individuis deficiat consecutione finis, propter aliquem alium finem: nam sic illi providet conformiter ad suam naturam.

- 18 Obijcies secundò contra secundam conclusionem. Ad reprobandum non requiritur actus positivus, sed sufficit sola prædeterminationis negatio: Ergo reprobatio non dicit actum positivum, sed negativum in Deo. Consequentia patet, Antecedens probatur. Eo ipso quod quis non eligatur, vel non prædestinetur, manet necessarium reprobis: unde in Scriptura reprobatio interdum nominibus negativis exprimitur; ut patet ex illo Matth. 25. Nescio vos. Et Lucæ 13. Nescio unde sis: discite à me omnes operari iniquitatis.

- 19 Respondeo negando Antecedens, ad ejus probationem dicendum, quod licet modo de facto, supponatur hominum vel Angelorum creatione, ex negatione prædeterminationis alicujus, sequatur necessario illum esse reprobum; hoc tamen nõ inferitur ex vi negationis prædeterminationis absolutione: Nam, ut supra dicebamus, homines & Angeli merè possibiles, non sunt prædestinati, & tamen non propterea dicuntur reprobis, sed quia negatio prædeterminationis habet adjunctum actum positivum, quo Deus ab æterno decrevit alicuius non dare gloriam.

- 20 Nec obstat quod in Scriptura sacra interdum reprobatio nominibus negativis explicetur: Scriptura enim interdum solet ponere nomina negativa pro positivis, Levit. 10. Offerentes coram Domino igneus alienum, quod ei præceptum non erat: Id est quod eis erat prohibendum: Psal. 42. de gente

non sancta, id est peccatrice. Similiter quando D. Thomas hic art. 3. ad 1. ait: In quantum igitur Deus quibusdam non vult hoc bonum quod est vita æterna, dicitur eos habere odium, vel reprobare. Ly non vult, non est accipiendum negative, pro negatione volitionis, sed positive, pro actu volitionis.

Ex dictis inferes, reprobationem sic rectè à Cajetano definiri hic art. 3. Reprobatio est præscientia, seu providentia de his qui ab æterna vita excluduntur, cum voluntate permittendi culpam, & inferendi damnationis penam. Quam definitionem elicit ex verbis S. Thomæ in eodem articulo dicentis, quod Reprobatio non nominat præscientiam tantum, sed etiam voluntatem permittendi aliquem cadere in culpam, & inferendi damnationis penam.

## ARTICULUS II

An reprobatio provisionem demeritorum antecedit, vel illam supponat, seu ab ea ut causa motiva dependeat?

## §. 1.

Quibusdam præmissis referuntur sententiæ, & prima conclusio statuitur.

Notandum primò ex D. Thoma in 1. ad Anibal. dist. 41. quæst. unica art. 3. in reprobatione duas includi voluntates, seu volitiones. Una est voluntas denegandi gloriam ut rem indebitam, & ad quam nullum jus habent homines, etiam ad illam ordinati per voluntatem Dei antecedentem, & providentiam generalem ordinis supernaturalis; maximè quia illud amiserunt per peccatum primi parentis. Altera verò est voluntas puniendi, & infligendi penam æternam damni & sensûs, propter peccata commissa. Prima vocatur à D. Thoma citato, voluntas de contradictorio, secundum quam vult aliquem non salvare. Altera, velut de contrario, secundum quam vult aliquem damnare. Aliæ eam appellare solent Recentiores Theologi: primam enim vocant, reprobationem negativam, non quod illa in sola negatione prædeterminationis consistat, ut existimant aliqui, quos supra impugnavimus; sed quia ad carentiam gloriæ, ut est pura negatio beneficii impediti, terminatur. Alteram, reprobationem positivam appellant, quia positive respicit penam damni & sensûs, quam reprobis ob peccata commissa promeretur.

Notandum secundò: Reprobationem negativam in hoc à positiva differre, quod hæc habet non solum terminum à quo, nempe exclusionem à gloria, sed etiam terminum ad quem, scilicet penam, sive damni, sive sensûs: Illa verò solum habet terminum à quo, nempe exclusionem à gloria, ut beneficio indebito, non verò terminum ad quem, quia ex vi exclusionis ut sic præcisè, & ut habet rationem puræ negationis, non intelligitur reprobis esse damnum, aut ulli penæ, sive damni, sive sensûs deputandus.

Notandum tertio: Hic solum nos agere de præscientia demeritorum personarum, seu peccatorum actualium quæ à reprobis committuntur: utrum verò prævisio peccati originalis, sit causa motiva reprobationis, articulo sequenti discutiemus.

His præsuppositis, misso errore Calvini, aliorumque Hæreticorum hujus temporis, asseren-

tium Deum ante omnem prævisionem operum decrevisse aliquos non solum excludere à gloria, sed etiam aeternam poenā punire, ac in eum finem illos impellere ad peccandum, & ad omnia flagitiorum genera perpetranda: qui error damnatur à Tridentino sess. 6. can. 12. ubi definitur nullū à Deo prædestinari ad malū, sed ad bonū.

- 25 Prima sententia inter Catholicos allerit, utramque reprobationem tam positivam, quam negativam, supponere præscientiam peccatorum, & ab ea tanquam à causā motiva & meritoria dependere Ita docent omnes Auctores negantes efficacem electionem prædestinatorum ad gloriam ante prævisā merita, quos disp. 2. retulimus: præcipue Catharinus, qui in oppositam sententiam debacclatur, illam duram, impiam, & crudelem appellans; secutus in hoc Faultum Regiensē, Semipelagianorum cori-  
pheatum, qui in libris de gratia & libero arbitrio, acriter etiam in eam invehitur, & *gentilitie superstitionis impietatem*, appellat. Hanc etiam docuit Magister Soto ad cap. 9. Epist. ad Romanos, quamvis postea in fine libri quarti sententiarum, loquens de opposita sententia, dicat: *Nescio si salutarium iterum questionis admoveam, an mentem mutarem, ut in hanc sententiam irem.*

- 26 Secunda ergo opinio distinguit inter reprobationem positivam & negativam, & inter voluntatem excludendi à gloria ut beneficio indebito, & infligendi poenā damni & sensus; & primā docet supponere præscientiam demeritoria, & in illa fundari; non tamen secundā, sed hanc ex puro divinæ voluntatis beneplacito ortū ducere. Ita communiter docent Thomistæ, quos referat & sequuntur Salmanticenses tract. 6. disp. 8. dubio 1. & Joannes a S. Thoma disp. 10. art. 1. cum quibus

- 27 Dico, ante prævisionem omnis demeriti personalis, voluit Deus aliquibus denegare gloriam, seu illam gloriam, ut indebito beneficio, excludere Probari potest in primis hæc conclusio ex illis verbis Pauli ad Roman. 9. *Cum nondum nati fuissent, aut aliquid boni vel mali fecissent, non ex operibus, sed ex vocante dictum est: Iacob dilexi, Esau autem odio habui.* Sed quia hoc celebre Apostoli testimonium disp. 2. fuit expendimus, omnesque Adversarios evasiones ibidem confutavimus. hic solum cum D. Thoma ibidem lect. 2. annotandum est, Apostolum in his duobus filiis, ex iisdem parentibus, ex eodem concubitu, & eodem tempore natis, aptissimum apposuisse exemplum: Primò ad excludendum Judæorum errorem, confidentium de meritis patrum. Secundò ad rejiciendum errorem Astrologorum, qui diversitatem eorum quæ hominibus accidunt, nativitati attribuant, & diversitati constellationum sub qua nati sunt. Tertiò ad retundendum errorem Pelagianorum, dicentium secundum merita præcedentia gratiam dari. Quartò ad explodendum errorem Origenis, qui posuit quod anime hominum simul cā Angelis creatæ sunt, & quod pro meritis eorū quæ ibi egerunt, diversitate vitæ sortiuntur: secundum quem non potest verificari illud Apostoli, *Cum nondum aliquid boni aut mali egissent.*

- 28 Addit S. Doctor in fine hujus lectionis: *Sicut autem dilectio de qua hic loquitur, pertinet ad aeternam Dei prædestinationem, ita odium de quo hic loquitur, pertinet ad reprobationē, quā Deus reprobat peccatores, nec est dicendum quod ista reprobatio sit temporalis.* Per quod excluditur responsio quo-

undam Recentiorum, asserentium hæc verba Prophetæ: *Iacob dilexi, Esau autem odio habui,* non intelligi de dilectione pertinentē ad aeternam prædestinationem, nec de odio ad reprobationem aeternam spectante: quia probabilissimum putant, Esau non fuisse reprobatum à regno cælorum, sed solum à temporalibus hereditatibus repulsum: juxta illud Malach. 1. *Posui mentes ejus in solitudinem, & hereditatē ejus in dracones deserti.*

Sed hi auctores ad temporalia solum respiciunt, & corticē litteræ solum attendunt, nec advertunt Apostoli hæc verba Prophetæ, ad mysticam & spirituale sensum elevasse, eaque assumpsisse ad probandum Deum absque ullius injuria, quoddam secundum propolū elegisse ad gloriam, & aliantem beneficium voluisse negare, ante prævisā illorū merita vel demerita: quem sensum fuisse prosequitur Augustinus Epist. 105. & quæst. 2. ad Simplician. ac alibi sæpe. Unde an Esau fuerit reprobatus à vita aeterna vel solum à temporalibus hereditatibus repulsum, nihil refert ad propolū, cum in hoc non consistat vis apostolici discursus, sed Apostolus hic Iacob & Esau, in typum & figuram omnium electorū & reprobatorū assumat.

Addo, quòd idem Apostolus ad Hebræos 12. Esau inter peccatores & impenitentes numerat: quod non leve argumentum est, ipsum non solum à temporalibus hereditatibus, sed etiam à cælesti regno fuisse exclusum ac reprobatum. Ne quis, inquit, fornicator, aut profanus, ut Esau, qui propter unam escam vendidit primitivā suā: scitote enim quoniam & postea cupiens hereditare benedictionem, reprobatus est; non enim invenit poenitentiam locum, quamquam cum Lachrymis inquisisset eam. Scio aliquos hoc interpretari cum Theophylasto & Cæterano, de poenitentia apud Isaac patrem suum, & de reprobatione ab ejus benedictione, sed D. Chrysostromus homil. 31. ad Hebr. & D. Thomas super cap. 12. ejusdem Epistolæ alique SS. Patres communiter, Esau non veram poenitentiam erga Deum habuisse existimant.

D Probatum secundo conclusio celebritestimonio D. Thomæ, desumpto ex loco supra citato ad Annibaldum, ubi hæc scribit. *Voluntati divinae de salute hominū, duplex voluntas opponi videtur: scilicet voluntas de contradictorio, secundum quam vult aliquem non salvari & voluntas de contrario, secundum quam vult aliquem damnare. Prima quidem voluntas non requirit aliquam rationem ex parte voliti, cum salus gloriæ non sit debita natura humana; non enim requiritur ratio, quare non deus alicui cui dare non debeat. Sed voluntas damnationis respicit rationem voliti ex parte damnati, cum damnatio de debito inferatur.* Quibus verbis nostram conclusionem, & docuit, & probavit. Deus enim est supremus gloriæ dominus, nullique homini gloria debetur: Ergo absque ullius injuria, vel crudelitatis nota, potest efficaciter decernere, illam quibusdam conferre, & aliis negare, absque eo quod ex parte hominum meritum vel demeritum propriæ voluntatis supponatur. Patet Consequentia: Tum quia in hoc ratio supremi dominij consistit, posse scilicet facere de se sua quidquid voluerit, absque alterius injuria. Tum etiam, qua in dando uni, & negando alteri, quod nulli eorum debetur, nulli interrogatur iniustitia aut injuria. Unde inquit S. Thomas hic art. 5. ad 3. *In his quæ ex gratia dantur, potest aliquis pro libito suo dare cui vult plus vel minus (dummodo nulli subtrahat debitum) absque prejudicio iustitiæ.* Et hoc est quod dicitur



*paterfamilias Matib. 20. cap. Tolle quod tuum est, & vade, an non licet mihi quod volo facere?* Denique quia prima gratia nulli hominum est debita, potest Deus decernere, eam aliis dare, & aliis negare, absque injuria & crudelitatis nota: Ergo idem etiam potest dici de gloria.

32 Respondent Adversarii, quòd licet Deus, ut supremus gloriæ Dominus, absolute potuisset ita se gerere, non tamen ex suppositione elevationis naturæ humanæ ad ordinem supernaturalem, & voluntatis antecedentis quæ vult omnes homines salvos fieri. Tum quia ex vi istius elevationis, & voluntatis, manent homines ordinati ad gloriam, eaque fit illis quodammodo debita: velle autem negare alicui debitum, absque præsupposita culpa, injuriosum est. Tum etiam, quia ista duæ voluntates: desiderare omnibus gloriam, & ante prævisam culpam velle efficaciter aliquibus eam negare, videntur repugnantes, & impossibiles.

33 Sed contra hanc doctrinam, & responsionem plures fieri possunt instantiæ. In primis enim falsum est, quòd supposita tali elevatione, & voluntate antecedenti, gloria sit hominibus debita. Tum quia ex vi illius voluntatis non debent homini auxilia efficaciac: alias nulli possent, eâ voluntate supposita, absque culpa denegari: Ergo ex vi illius, actualis gloriæ consecutio debita non est; non enim stat finem deberi, absque debito mediæ, efficaciter ad illum conducentium. Tum etiam, quia si gloria esset debita ex vi hujus voluntatis, prædestinatio non esset specialis providentia intra ordinem gratiæ, nec donum perseverantiæ finalis esset beneficium speciale, quod repugnat Tridentino sess. 6. cap. 13. & D. Thomæ 1. 2. quæst. 14. art. 9.

34 Secundò, Dico quòd ex vi illius elevationis & voluntatis antecedentis, debita esset gloria aliquibus hominibus vagè & in communi, non esset tamen debita illis aut illis in particulari: Ergo dato quòd illa elevatione & voluntate supposita, Deus non potuerit in sensu còposito velle efficaciter omnes homines à gloria excludere, potuit tamen ante omne demeritum velle efficaciter his aut illis in particulari, gloriam ut beneficium ini debitum denegare, etià ante prævisam demerita.

35 Tertiò, Supposita hac elevatione, & voluntate, potest Deus, in sententia Adversarii, aliquibus gratiam congruam negare, nullis eorum prævisis demeritis: Ergo pariter poterit aliquos ante prævisam demerita à gloria excludere. Patet Consequentia: Deus enim non minus est gloriæ quàm gratiæ dominus, nec gloria ex vi hujus voluntatis hominibus magis est debita, quàm gratia congrua: Ergo si istam potuit velle efficaciter quibusdam negare, nullis prævisis demeritis, istam similiter ante prævisam demerita, absque injustitia denegare potuit, non obstante naturæ humanæ elevatione.

36 Denique id quod addunt Adversarii in eadem responsione: nempe has duas voluntates, velle scilicet voluntate antecedente salutem omnium hominum, & velle ante prævisionem demeritorum aliquos à gloria excludere, esse repugnantes & impossibiles, falsum est: Tum quia licet hæc duæ voluntates circa idem objectum versentur, illud tamen (ut infra ostendemus) sub diversis motivis & rationibus attingunt. Tum etiam, quia in omnium sententia, Deus, quantum est de se, voluntate antecedenti sibi còplacet in gratia efficaci, vel congrua, omnibus danda, & tamen

Aute omnem culpam prævisam vult illum quibusdam denegare: Ergo etiam respectu gloriæ, ante omnis culpæ prævisionem poterit duplicem illam voluntatem.

Quartò principaliter arguitur. Finis prius est intentus quàm media, & ex intentione finis agens intellectuale movetur ad electionem mediæ. Ex quo principio supra intulimus, prius Deum eligere prædestinatos ad gloriam, quàm prædeslinet media efficaciac ad illam. Sed finis à Deo intentus in reprobatione, est excludere reprobos à regno cælorum, ad ostensionem suæ justitiæ in illis, & suæ misericordiæ in prædestinatis: Ergo prius nostro modo concipiendi, est voluntas in Deo excludendi aliquos à regno cælorum, quàm permittere & prævidere peccata, & consequenter reprobatio negativa non fit ex præsentia peccatorum, sed ex simpliciter Dei voluntate procedit.

Confirmatur & magis illustratur hæc ratio. Sicut connaturalis modus agentis intellectualis, in præparando media consecutiva finis, est incipere ab ipsa intentione finis, & ex illa procedere ad electionem mediæ ad illum conducentium. Ita & in præparando media defectiva à fine, connaturalis modus operandi est incipere à voluntate defectus à fine, & ex illa progredi ad volitionem & electionem mediæ ad illum conducentium ad desiciendum à fine. Unde sicut Deus præparans electis gratiam, cum effectu conducentem ad gloriam, debet prius intendere efficaciter gloriam. Ita & præparans reprobis permissionem peccati, & gratiæ efficacis denegationem, conjungendam cum ultimo effectu reprobationis, scilicet cum exclusione à gloria, debet prius intendere exclusionem à gloria, quàm peccati permissionem, & gratiæ denegationem; & sic permissio peccati nunquam remittendi, supponit efficacem voluntatem exclusionis à gloria.

Confirmatur amplius: Omnis effectus supponit suam causam: Sed permissio peccati est effectus reprobationis, ut docet D. Thomas hic art. 3. his verbis: *Sicut prædestinatio includit voluntatem conferendi gratiam & gloriam, ita reprobatio includit voluntatem permittendi cadere in culpam*: Ergo illam supponit.

Denique eandem veritatem demonstrant omnia argumenta quibus disp. 2. ostendimus, electionem prædestinatorum ad gloriam, præscientiam meritum antevertere. Quam sententiam ita certam existimat Bellarminus, ut dicat lib. 2. de gratia & lib. arb. cap. 11. *Illam non quorundam doctorum opinionem, sed FIDEM ECCLESIAE CATHOLICÆ dici debere*. Unde sic possumus arguere. Electio hominum ad gloriam, facta est ante prævisionem operum, ex solo beneplacito divinæ voluntatis: Ergo & reprobatio negativa, seu exclusio aliquorum à gloria, ut beneficium indebito. Consequentia patet: Tum quia eodem modo loquitur Apostolus, loco citato, de reprobatione, ac de prædestinatione, quantum ad independenciam à præscientia operum. Tum etiam, quia hoc ipso quòd intelligimus, Deum aliquos ad gloriam eligere, ceteri qui non eliguntur, ab illa manent exclusi, & consequenter reprobati, saltem reprobatione negativa.

## S. II.

*Statuitur secundæ conclusio.*

Dico secundò: Reprobatio, ut dicit voluntatem puniendi & infligendi pœnam, non est

ante prævisa peccata, sed ab illorum præscientia ut à causa motiva dependet. Ita D. Thomas loco superius allegato ex 1. sent. ad Annibaldum, ubi ait: *Voluntas damnationis respicit rationem volenti ex parte damnati, cum damnatio ex debito inferatur.*

Colligitur etiam hæc veritas ex Concilio Valentiniano 3. cap. 3 ubi sic dicitur: *Fidenter fatemur prædestinationem electorum ad vitam, & prædestinationem impiorum ad mortem: in electione tamen salvandorum misericordiam Dei præcedere meritum bonum; in damnatione autem periturorum, meritum malum præcedere iustum Dei iudicium.* Quibus verbis Concilium inter prædestinationem & reprobationem positivam, quam damnationem appellat, hoc discrimen constituit: quod prima, quia est ex Dei misericordia, & gratuita dilectione, antecedit præscientiam meritorum; secunda verò, quia est actus iustitiæ punitivæ, supponit merita mala seu peccata prævisa. Eandem differentiam tradit S. Thomas ad Rom. 9. lect. 2. veris finem, his verbis: *Disfert quantum ad hoc (scilicet reprobatum à prædestinatione) quod prædestinatio importat præparationem meritum quibus pervenitur ad gloriam, & idem præscientia meritorum non potest esse aliqua ratio prædestinationis, quia merita prævisa cadunt sub prædestinatione. Sed præscientia peccatorum potest esse aliqua ratio reprobationis ex parte pœnæ cum præparatur reprobatum, in quantum scilicet Deus proponit se puni-  
tum malos, propter peccata quæ à se ipsis habent, non à Deo.*

42 Dices, Concilium Valentinum, & D. Thomam ibi non loqui de voluntate intentiva pœnæ, sed tantum de voluntate executiva illius, quæ demerita prævisa supponit.

Sed contra: juxta hanc explanationem non potest sublevari discriminem illud quod Concilium & S. Thomas statuunt inter prædestinationem & reprobationem, gloriæ enim exequendæ, & voluntatis executivæ illius, datur aliqua ratio ex parte nostræ, scilicet merita, ut in 2. disp. ostendimus: Ergo ut inter reprobationem & prædestinationem, prædictum discriminem subsistat, hæc testimonia intelligenda sunt de deputazione ad pœnam, secundum voluntatem intentivam, & non solum de ipsa executione, aut voluntate executiva illius.

43 Probatur etiam conclusio ratione. Sicut punire aliquem sine culpa, injustum est: ita & velle eum punire, illi quoque ad pœnam deputare ante prævisionem culpæ. Ergo cum Deus sit summè iustus, non potest velle punire aliquem, eumque ad pœnam destinare, nisi post prævisionem culpæ.

44 Dices, Corona ut corona, non minùs dependet in executione à meritis, quàm pœna ut pœna à demeritis: At non obstat e illà dependentiâ, corona potest priùs incendi, quàm merita prævideantur, ut constat ex dictis disp. 2. Ergo etiam non obstat dependentiâ pœnæ in executione à demeritis, quin ante illorum prævisionem à Deo eligi vel intendi possit.

Respondeo negando paritatem. Ratio disparitatis est primò: quia quòd electio ad gloriam, etiam ut coronam, fiat ante prævisa merita, nulli ex hoc inferitur injuria, bene autem si decretum infligendi pœnam antecederet præscientiam peccati. Secundò, quia corona in ordine intentionis non dependet à meritis, sed causat illa, eò quòd cum sit bonum, per se, & non occa-

sionatum, possit incendi independentè ab alterius prævisione. Pœna autem, quia bonum occasionatum est, nec exequi, nec intendi potest, nisi occasione culpæ prævisæ.

Ex quo sumi potest secunda ratio pro nostra conclusione. Nam pœna, ut pœna, est bonum quoddam occasionatum: Sed bonum occasionatum, cum non ametur nisi occasione mali, illius prævisionem necessariò supponit: Ergo voluntas puniendi & infligendi pœnam, supponit in Deo prævisionem culpæ, & ab illa dependet. Unde Damascenus lib. 2. de fide cap. 29. docet quòd Deus ex se ipso movetur ad miserendum: ad puniendum verò non nisi ex nostra præsupposita culpà. Et Tertullianus lib. 2. contra Marcionem sic ait: *Deus ex se ipso bonus est, ex nobis iustus (intelligit iustitiâ vindicativâ) Prior est bonitas Dei, secundum naturam, posterior severitas secundum causam; illa propria, hæc accommodata: illa edita, hæc adhibita.*

Denique velle punire aliquem, est illum odio habere, non solum negativè, sed etiam positivè: At odium Dei positivum necessariò supponit culpam, juxta illud Sapient. 14. *Odium sunt Deo impius, & impietas ejus:* Ergo voluntas puniendi, & infligendi pœnam sensus, culpæ prævisionem supponit. Et idem dicendum est de voluntate infligendi pœnam damni, seu carentiæ visionis beatæ, prout habet rationem privationis & pœnæ: hæc enim sub hac ratione, non minùs culpæ, saltè originalis, prævisionem supponit, quàm voluntas infligendi pœnam sensus. Unde Deus vult reprobis denegare gloriam duplici titulo: indebiti scilicet beneficii, ante prævisionem culpæ, & pœnæ debite, post peccatorum prævisionem. Nam sicur quòd aliquid non debeatur alicui, non tollit quominus possit illud demereri: ita & quòd denegetur per modum indebiti beneficii, non tollit quin simul alio titulo, nempe ob demerita, & per modum pœnæ, denegari possit.

### §. III.

D Calvinismus huic sententiæ inspicitur alienum.

VAlentinus Herice tract. 3. disp. 3. in sententiam Thomistarum jam explicatam acriter invelitur, eamque Calviniani erroris fulgine omnibus modis tingere ac denigrare conatur. Nam ibidem cap. 3. dicit, illam defendere nulli Catholicorum debere permitti. Et infra, relatis quatuor conclusionibus, quibus P. Beccanus errorem Calvinistarum, de prædestinatione & reprobatione exponit (& quos idem Herice, Thomistarum sententiam continere dicit) sic tandem concludit: *Ex hac Lectò reprehender, quàm sit fugienda doctrina Thomistarum (scilicet Alvaris, Bannis, & Zumel, quos cap. 1. citaverat) propriam consonantiam cum Calvinii erroribus.* Sic egregius noster Encomiastes, cui concinit Alarcon. Tract. 4. de prædest. disp. 5. cap. 1. num. 1. & 7. & plures alii ejusdem familiæ: quibus in primis oppono, mirum esse quòd pro hac sententia solos Thomistas referant, illamque non viderint apud Jacobum Granado tract. 6. disp. 2. ubi docet (teste Arriagâ ejusdem Societatis) reprobationem non solum negativam, & sumptam pro voluntate excludendi reprobos à gloria, sed etiam positivam, & prout importat voluntatem eis infligendi pœnam æternam damni & sensus demerita prævisa antevertere. Quare si opinio Alvaris, solum reprobationem negativam in benefici-

Trad. de providentia & prædest. disp. 39. sect. 1. iust. id.

etiam divinz voluntatis referentis, aliquam meretur censuram; à fortiori sententia Granado Calvinianæ erroris notam vitare non poterit.

48 Secundò dico, hoc telum in ipsum Adversarium facile posse retorqueri. Nam etiam Faustus Semipelagianorum Antesignanus, in libris de gratia & libero arbitrio, ab Hermisda, & universali Ecclesia damnatis ut hæreticis, & Pelagianam doctrinam continentibus (ut fateatur ipsemet Herice tract. 3. disp. 26. cap. 3.) expresse docet prædestinationem & reprobationem à præscientia meritorum & demeritorum, ut à causa motiva procedere; & Augustini sententiam oppositam docentis, *gentilitia superstitionis impietas appellatur*. Ex quo prudens Lector facile deprehendit, quam sit rugienda plectra Herice, *propter nimiam ejus consonantiam cum Fanstii, & aliorum Semipelagianorum erroribus*, ut ipsius verbis utar.

Quòd si respondeat, Faustum in hoc non esse hæreticum, nec ullam promereri censuram: similiter etiam nos dicimus, Calvinum non errasse, nec esse reprehensionis dignum, ex eo præcisè quòd docuerit reprobationem negativam, seu voluntatem excludendi reprobos à gloria, ex merito Dei beneplicito procedere, & antevertere præscientiam demeritorum, sed in aliis quæ huic doctrinæ Catholicæ immixcuit, vel ex illa per malam consequentiam deduxit.

49 Calvinus ergo duo asseruit. Primum est, prædestinationem & reprobationem merita & demerita antecedere, esseque secundum beneplacitum Dei prædestinantis ac reprobantis. Secundum quòd ex hoc intulit, est tolli nostram libertatem, & consequenter in executione salvari homines, & reprobari seu damnari, absque ullis meritis vel demeritis. Primum docuit locis quæ refert Beccanus in summa Theologiæ cap. 16. & in hoc non damnatur Calvinus, nec ullam promeretur censuram, sed sub lite ac disputatione Theologorum versatur. Imò Bellarminus supra relatius asserit, quòd sententia quæ ponit prædestinationem ante præscientiam meritorum, *Non quorumvis doctorum opinio, sed FLIDES ECCLESIAE CATHOLICÆ, dici debet*. Secundum asseruit lib. 3. inlit. c. 23. ubi hæc scribit: *Non dubitabo igitur cum Augustino simpliciter fateri, voluntatem Dei esse rerum necessitatem, atque id necessarium futurum quod ipse voluerit*. Id ipsum docuerat lib. 1. cap. 18. & lib. 2. cap. 25. Ex quo ulterius super cap. 1. Epistolæ ad Romanos, intulit Deum esse causam peccati, non solum permittentem, sed etiam efficientem. Certum est (inquit) non sinendo tantum & conivendo, Deum permittente homines prolabi, sed iudicio id ordinare utcumque à propria conscientia, tum à diabolo in huiusmodi & alia agantur, idè voce utitur Paulus, quæ nimis violentè torquent, qui solà Dei permissione in peccatum egi nos putant. Idem docet lib. 2. inlit. cap. 8. & lib. 3. cap. 2. aliisque in locis, quæ Tractatu præcedenti retulimus.

Disp. 1.  
art. 4.  
§. 2.

Igitur in his tribus Calvinus erravit, & ab Ecclesia damnatur ut hæreticus. Primò, quòd docuerit prædestinatos & reprobos absque libertate salvari & damnari. Secundò, quòd dixerit Deum esse autorem peccati, & necessitate miseris mortales ad omnia flagitiorum genera perpetranda. Tertiò, id quòd adseruerit, salvari & damnari homines in executione, absque ullis meritis & demeritis. Nam licet hoc ultimum expresse non dixerit, colligitur tamen per evi-

dentem consequentiam ex aliis quæ asseruit. Cum enim absque libertate meritum vel demeritum esse non possit, negans expresse libertatem, solumque in voluntate mota à Deo spontaneitatem admittens, ex consequenti negavit meritum & demeritum, ac proinde cogitur dicere homines in executione salvari & damnari absque meritis, & prædestinationem nec antecedenter merita supponere ut motiva divinz intentionis, nec illa consequenter inferre ut motiva executionis: quòd cum nos constanter negemus, toto celo à Calvinii errore distamus, ut ingenuè fateatur Arriaga, loco supra citato, ubi loquens de sententia Granado & Thomistarum, & acrem illam Herice censuram, meritò reprehendens, subdit: *Ego ab hac censurâ abstinens, opinor in alio longè diverso sensu ab Hæreticis fuisse traditam, quatenus illi dicunt Deum cogere & impellere ad peccatum*. Ex quibus facile intelliges, Herice nec doctrinam Thomistarum, nec Calvinii errorem intellexisse, sed temere ac inconsideratè scripsisse *fugientem esse doctrinam Thomistarum, propter nimiam consonantiam cum Calvinii erroribus*.

Certe majori attentione opus est, nec ita leviter præcipitandum iudicium, cum de Catholicorum sententiis agitur, ut hæreticorum errore noceant, cum tam longè abint ab hæreticorum sensu. Quomodo id Christianæ charitati, modestiæque conveniat, fateor me ignorare, nec video quâ fronte disputationes, quæ inter Catholicos & Religiosos vires sine contentione, ut Apostolus monet, sine amaritudine & felle, solius indagandæ veritatis causâ tractandæ sunt, ad tam amara verba, imò gravissimam consumeliam reducantur. Sed hujus Authoris consuetudo est, dum rationum pondere destituitur, verborum aculeos in Thomistarum scholam infingere, & contumeliarum spicula in eos vibrare, cum sagittis argumentorum ejus pharetra evacuata est, atque Sepiarum more, atramentum ante se vomere, ut piscatoris effusit manuum. Nec mirum quòd conturbetur Thomistis fidem eripere, cum etiam Deo, qui, ut ait D. Joannes Chabritus est, abstulerit charitatem: docuit enim amor Dei cum proprioritate non competere: quam sententiam ut singulararem, & temerariam communiter rejiciunt Theologi, & nos iliam Tractatu præcedenti continuavimus.

Tract. 2.  
disp. 14.  
cap. 2.

Disp. 6.  
art. 1.

## §. IV.

Solvuntur objectiones.

Obijcies primò: D. Prosper in resp. ad 2. objectionem Gallorum ait: *Quia Dei præscientiam non latuit nec fessellit, sine dubio talem nunquam elegit*. Et in responsionibus ad objectiones Vincent. resp. 12. *Quia, inquit, præfati sunt Casjivi, non sunt prædestinati*. Idem habet Fulgentius lib. 1. ad Monimum cap. 24. his verbis: *Prædestinavit illos ad supplicium, quos à se præfavit, voluntatis male vitio discessuros*.

75

Respondere in primo & secundo testimonio, particulam *quia*, non sumi in sensu causali, sed illativo, ex præscientia enim peccati nunquam remittendi, ad reprobationem negativam bona est illatio & consequentia, quamvis talis præscientia non sit illius causâ. Eodem modo explicat D. Thomas quæst. 2. de verit. art. 14. verba Originis dicentis: *Quia futurum est aliquid, idèd scitur à Deo, inquam hæc, & dicit, Hoc esse intelligendum secundum causam consequentem, non secundum causam essendi*; id est in sensu tantum illativo, non

76



non causali. Quod si aliquis velit hanc particulam, *Quia*, in sensu causali usurpari, secundo poterit respondere, S. Propter in his locis loqui de præscientia peccati originalis, quam fuisse causam reprobationis negativæ, ostendimus articulo sequenti. Quantum verò ad locum Fulgentij, nulla in eo est difficultas: ex ipso enim textu manifestum est, illum loqui de reprobatione, ut dicit voluntatem puniendi & infligendi pœnâ, sub qua ratione demeritorum præscientiâ supponit, ut in secunda conclusione ostendimus.

Obijcies secundo ex Tridentino sess. 6. cap. 11. & Augustino de natura & gratia cap. 26. *Deus suâ gratiâ semel iustificatos non deserit, nisi prius ab eis deseratur.* At si esset in Deo efficax voluntas excludendi reprobos à gloria, ante illorum prævisâ demerita, prius Deus desereret hominem, quàm desereretur ab illo: Ergo &c.

Hoc argumentum petit explicationem illius dicti, *Deus neminem deserit, nisi prius deseratur.* Multi diversa dicunt, vera tamen intelligentia est de desertione per subtractionem gratiæ habitualis, per quam iustificamur, quam semel datum Deus nulli subtrahit, vel denegat, nisi in pœnam præcedentis peccati. Possunt etiam, ut infra dicemus, hæc verba Concilij interpretari de gratia auxiliante sufficienti, quam Deus in executione non negat, nisi ob culpam præcedentem. Aliqui etiam hoc dictum extendunt ad denegationem gratiæ efficaci: quia licet culpa & denegatio gratiæ efficaci sint eodem instanti temporis, culpa tamen præcedit gratiæ denegationem, prioritate instantis à quo, seu naturæ, in genere causæ materialis dispositivæ: sicut corruptio generationem, vel apertio fenestæ ingressum venti in aulam, ut alibi fuisse expendimus. Unde Augustinus: *Diabolus suggerit, homo consentit, Deus deserit.*

Obijciens tertio: In Deo est voluntas antecedens salvandi omnes homines: *Vult enim omnes homines salvos fieri, & ad agnitionem veritatis venire*, ut dicitur 1. ad Tim. 2. At hæc voluntas superflua esset, & prorsus irritoria, si simul cum illa Deus vellent efficaciter aliquos à gloria excludere non prævisis illorum demeritis. Imò hæc duæ voluntates videntur impossibiles: sunt enim de eodē objecto, nullâ circumstantiâ immutato: Ergo &c.

Confirmatur primò Magis opponitur voluntati inefficaci salvandi omnes homines, voluntas efficax negandi alicui salutem, quàm simplex voluntas ac complacentia de negatione illius: At cum voluntate illa simplicis complacentiæ inefficaci de omnium salute, non stat simplex complacentia opposita de negatione salutis, ante hominum prævisâ demerita: Ergo minus poterit cum illa componi voluntas efficax aliquos à gloria excludendi, ante peccata illorum prævisâ.

Confirmatur ampliùs: Voluntas illa salvandi omnes homines est conditionata, dandi scilicet omnibus gloriam, si ipsi velint: At voluntas hoc modo conditionata, seu à consensu & determinatione liberi arbitrij ut à conditione dependens, stare non potest cum voluntate absoluta & efficaci denegandi gloriam ante prævisâ demerita: Ergo idem quod prius.

Hoc argumentum qui potissimum confidunt Adversarij, manifestam patitur instantiam in denegatione gratiæ cōgruæ, vel efficaci, ut supra annotavimus. Deus enim homini dans auxilium sufficiens ad aliquem actum, simplici complacentiâ & voluntate antecedenti illi desiderat

A gratiam congruam, vel de se efficacem; & tamen ante ullam culpam prævisam, vult efficaciter illam denegare, cum primæ gratiæ negatio, seu prima peccati permisso, pœna præcedentis peccati non sit, sed ex simplici Dei voluntate procedat. Sicut ergo voluntas illa antecedens de gratia efficaci vel congrua omnibus concedenda, in sententia Adversariorum, est vera & sincera, nec opponitur cum alia voluntate absoluta, gratiam congruam & efficacem pluribus denegandi ante prævisâ peccata. Ita & voluntas antecedens quâ Deus omnibus salutem desiderat, erit vera & sincera, & componibilis cum voluntate efficaci excludendi reprobos à regno celorum, ante prævisâ illorum demerita. Unde ad argumentum, nego Minorem. Sicut enim volens projicere merces in mare, tempestate subortâ, ad vitam salvandam, non simulatoriè, sed verè illas vult servare, voluntate tamen inefficaci, & simplicis complacentiâ. Ita Deus occasione defectibilitatis naturæ, & ut magis ostendat attributa sua, volens efficaciter aliquos excludere à gloria, non simulatoriè, sed verè omnibus salutem exoptat: desiderio tamen inefficaci, & simplici complacentiâ, cadente super illorum salutem, secundum se consideratam, & ut præcisam à circumstantiis. Unde falsum est quod additur, illas scilicet voluntates esse de eodem objecto, nullâ circumstantiâ variato. Prima enim est de salute hominis secundum se, altera verò attendit in homine defectibilitatem naturæ, & in denegatione gloriæ majorem conducentiam ad ostensionem gloriæ Dei, seu attributorum ejus, aliisque circumstantiis, sub quibus per voluntatem simplicem non attingitur. Unde

Ad primam confirmationem, nego Majorem, nam voluntas antecedens salvandi omnes homines, & simplex complacentia de negatione salutis, tendunt ad gloriam secundum eandem rationem, & sub iisdem circumstantiis, ideoque opponuntur: secus autem voluntas efficax negandi salutem aliquibus, & voluntas antecedens de salute omnium, quæ attingunt gloriam & ejus negationem, sub diversitate jam explicata. Sicut in projiciente merces in mare, non potest cum voluntate antecedenti illas conservandi, voluntas antecedens illas projiciendi componi, bene tamen voluntas consequens quia illæ sunt de objecto eodē, sub eadē ratione, secus autem voluntas consequens & antecedens.

Ad secundam nego etiam Majorem: cum enim homines non possint velle salutem, nisi Deus velit eos velle, & nisi in eis operetur ipsum velle, ut docet Apostolus ad Philip. 2. & Augustinus in Solil. cap. 24. ubi ait: *Velle quod bonum est non possum, nisi tu velis*, implicat quod in Deo sit decretum aut volitio salvandi homines, dependens tanquam à conditione, à consensu & volitione hominum, illamque ab humana voluntate expectans: ut Tractatu præcedenti disp. 4. fuisse ostendimus. Et manifestè patet in parvulis sine baptismo decedentibus, cum enim illi non habeant usum rationis & liberi arbitrij, voluntas antecedens salvandi omnes homines, quæ non solum ad adultos, sed etiam ad parvulos se extendit, non potest dici conditionata, si ipsi velint, & ab ipsorum consensu & volitione, tanquam à conditione pendere. Quo argumento utitur Augustinus in Enchirid. cap. 27. ubi sic ait: *Multis salvi non sunt, non quia ipsi nolint, sed quia Deus non vult, quod absque ulla controversia manifesta: ut in par.*



in parvulis. Et libro 4. contra Julianum cap. 8. A  
Sic contra illum arguit: Sed ponis Apostolicum  
testimonium, & ab eo dicis pulsantibus aperiri, qui om-  
nes homines vult salvos fieri, & in agnitionem verita-  
tis venire, quia ipsi nolunt petere, cum Deus velit dare:  
nolunt quærere, cum Deus velit ostendere: nolunt pul-  
sare, cum Deus velit aperire. Sed hanc sensum vestrum  
insantes illi ipsi suâ taciturnitate convincunt, qui nec  
petunt, nec quærunt, nec pulsant, imò etiam cum bap-  
tizantur, reclamant, resistunt, reluctantur, & acci-  
piunt tamen & inveniunt, & aperitur eis, & intrant  
in regnum Dei, ubi sit eis æternitatis salus, & agnitio  
veritatis, longe pluribus insensibus in istam gratiam  
non adoptatis ab eo, qui vult omnes homines salvos fe-  
ri, & in agnitionem veritatis venire. Quibus dicere  
non potest, volui & noluisse, quia si voluisset, quis eor-  
um qui nondum habent voluntatis sue arbitrium,  
voluntatis ejus omnipotentissime restitisset? Et infra:  
Si Deus vult omnes homines salvos fieri, & ad agni-  
tionem veritatis venire, sed idèdon veniunt, quia ipsi  
nolunt: cur tot millia parvulorum qui non percepto  
baptismate moriuntur, non veniunt in regnum Dei,  
ubi certa est agnitio veritatis? Nuncquid aut homines  
non sunt, ut non pertineant ad id quod dictum est om-  
nes homines? Aut aliquis poterit dicere, Deus quidem  
vult, sed ipsi nolunt, qui nondum velle seu nolle ista no-  
verunt, quando nec hi qui parvuli baptizantur, atque  
moriuntur, & per illam gratiam ad agnitionem ver-  
itatis, quæ in regno Dei est, certissimam veniunt, idè  
veniunt, quia ipsi renovari Christi baptismate volue-  
runt? Cum ergo nec illi propterea non baptizentur,  
quia noluerunt, nec isti propterea baptizentur, quia  
volunt, cur Deus qui vult omnes homines salvos fieri,  
& in agnitionem veritatis venire, tam multos in re-  
gnum suum, ubi est certa veritatis agnitio, qui nullo ei  
resistunt voluntatis arbitrio, patitur non venire?

Voluntas ergo Dei antecedens, quæ vult om-  
nes homines salvari, solum potest dici condi-  
tionata virtualiter, quia virtualiter in voluit has  
conditiones: vellem omnibus gloriam, nisi natu-  
ræ defectibus obstarat, suavitè guber-  
nanda; & nisi ad majus bonum universi, &  
eorum attributorum majori manifestationi,  
eandem denegare aliquibus, esset conveniens.  
Ita colligitur ex S. Thoma in 1. dist. 46. quæst. 1.  
art. 1. ad 2. ubi ait: Voluntas antecedens potest dici  
conditionata, nec tamen est imperfectio ex parte vo-  
luntatis divinæ, sed ex parte voliti, quod non accipitur  
cum omnibus circumstantiis quæ exiguntur ad rectum  
ordinem in salutem. Quibus verbis aperte docet,  
voluntatem antecedentem non dici condi-  
tionatam, eo quod dependeat tanquam à condi-  
tione, à consensu seu determinatione liberi ar-  
bitrii, ut docent Aversarii, sed ex eo quod attin-  
gat suum objectum, scilicet salutem hominum,  
ut præcisam à circumstantiis particularibus, de-  
fectibilitatis scilicet naturæ humanæ, mani-  
festationis suorum attributorum &c. Et quia il-  
lam veller, nisi tales considerationes obstarant.

61 Dices, Ex hac doctrina & solutione sequi,  
Deum non solum non voluisse omnibus homi-  
nibus gloriam efficaciter, sed nec illam omni-  
bus velle potuisse: Sed hoc est absurdum: Ergo  
&c. Sequela probatur: Bonum particulare, cum  
detrimento boni universalis, non est appetibile  
à Deo, cum ut sic inditatur rationem mali: Sed  
juxta doctrinam traditam, si omnes homines  
salvarentur, impediretur bonum universale,  
major scilicet perfectio universi, & major divi-  
norum attributorum manifestatio: Ergo si hæc  
doctrina sit vera, sequitur quod non solum non

voluit Deus omnibus hominibus efficaciter  
gloriam, sed quod nec etiam eam velle potuit.

Sic arguit quidam Modernus adversus no-  
strum Alvarem, inefficaciter tamen. Nemo ve-  
nim negare potest, plura in universo accidere  
in detrimentum particularium, propter bonum  
commune universi, & ostensionem attributo-  
rum Dei, quæ de potentia absoluta potuerunt  
non evenire, id Deo efficaciter volente & dis-  
ponente: ut rerum corruptibilium corruptio-  
nes, monstra, & aliaque sunt particularia ma-  
la, ad pulchritudinem universi conducentia:  
Ergo ex eo quod in electione inefficaci aliquo-  
rum ad gloriam, & aliorum exclusionem, magis  
bonum universi resplendat, & elucescant  
magis divina attributa quam si omnes salva-  
rentur, non licet colligere, non potuisse Deum,  
de potentia absoluta, omnes salvare, sed solum  
infertur, id fuisse convenientius suavitati divi-  
ne providentiæ, & sapienti modo operandi:  
Deus autem non tenetur id quod melius est ef-  
ficere, & majori bono universi consulere, licet  
nunquam possit male operari, quia bonum par-  
ticulare, cum detrimento boni universalis, non  
est malum morale, nisi solum respectu illius, qui  
aliquâ lege tenetur ad consulendum bono uni-  
versali.

Obijces quarto: In prædestinandis & repro-  
bandis hominibus & Angelis, debemus Deo  
concedere connaturaliorem modum operandi,  
nisi oppositum nobis ex revelatione constiterit:  
Sed modus connaturalior operandi in repro-  
bandis hominibus & Angelis est, ut Deus ne-  
minem velit efficaciter à gloria excludere ante  
prævisionem demeritorum, & aliunde opposi-  
tum in Scriptura revelatum non est: Ergo in  
Deo debemus admittere reprobationem suppo-  
nentem præsentiam demeritorum, & ab illa  
tanquam à causâ movia dependentem.

Respondeo concessa Majori, negando Mi-  
nore. Nam, ut supra arguebamus, sicut in præ-  
parando media consecutiva finis, connaturalius  
proceditur, incipiendo ab intentione finis,  
quam ab electione mediorum; ita in prepara-  
ndo media defectiva à fine connaturalior modus  
operandi, est incipere à voluntate defectus à  
fine, quam à voluntate mediorum conducen-  
tium ad deficiendum à fine.

Obijces quintò cum Herice, loco supra cita-  
to. Deus nullum adultum decrevit à felicitate  
ætæna rejicere, nisi simul etiam statuerit illum  
ætènis cruciatibus mancipare: Ergo si voluit  
illum à gloria excludere ante prævisâ demeri-  
ta, etiam decrevit ante illorum prævisionem,  
eum damnare, & suppliciis æternis addicere.  
Unde præfatus auctor contendit duas conclusio-  
nes supra nobis positas, quas etiam statuit Alva-  
rez disp. 50. de auxiliis, esse inter se pugnantes,  
& contradictionem involvere.

Sed facile responderur, distinguendo Ante-  
cedens. Quia simul etiam statuerit &c. Si ly simul  
designet simultatem durationis, vel instantis in  
quo, concedo Antecedens. Si ly simul excludat  
prioritatem naturæ & instantis à quo, nego An-  
tecedens, & Consequentiam. Itaque in negotio  
reprobationis, ut infra latius exponemus, duo  
signa seu instantia rationis vel naturæ distinguen-  
da sunt, in quorum primo Deus ante prævisio-  
nem culpæ saltem actualis (de originali enim di-  
cemus articulo sequenti) vult aliquibus dene-  
gare gloriam, ut beneficium indebitum, & per-  
mittere

mittere quod incidant in culpam, & in ea finaliter perseverent: tum ob fines occultos sive providentiarum etiam ad offendendum supremum & absolutum dominium quod habet in dona supernaturalia gratiæ & gloriæ. Quæ permissio supposita, in illa tanquam in medio certo & infallibili videt futura peccata reprobatorum, & decernit ea punire penâ æternâ damni & sensûs: in quo nulla repugnantia vel contradictionis umbra apparet, ut imaginatur Herice.

67 Dices: Saltem crudelitatem sapit aliquem excludere è regno cœlesti, sine aliqua culpa præsupposita; cum talis exclusio sit maximum malum quod homini inferri potest: Ergo hoc non debet Deo attribui: dicitur enim Sapientiæ 1. *Sentite de Domino in bonitate.*

Respondeo primò, hoc argumentum & similia facile solvi, juxta dicenda articulo sequenti, ubi ostendemus reprobationem negativam, seu voluntatem excludendi reprobos à gloria, supponere culpam originalem præviâ, & ab illa ut à causa motiva dependere. Sed abstrahendo pro nunc ab hac sententia,

Respondeo secundò, negando absolute Antecedens: non enim dedecet divinam bonitatem, nec præ se fert aliquam crudelitatis notam, alicui non velle conferre beneficium indebitum: ut pater in Rege, denegante alicui Episcopatum, vel aliam dignitatem ei non debitam. Quod ut fiat evidentiùs, hoc argumentum, cui potissimum confidunt Adversarii, in illos retorqueo. Illi enim existimant denegationem primæ gratiæ congruæ, seu primam peccati permissionem, esse omnino gratiam, & in solum divinæ voluntatis beneplacitum referendam, cum illa nullam culpam præcedentem supponat; & tamentalis carentia gratiæ congruæ, talisque permissio peccandi, ex maximum malû, & majus quavis penâ præsertim si peccatum nunquam sit remittendum, ut contingit in malis Angelis. Si ergo nihil est ibi crudelitatis, nihil injustitiæ, nihil contra divinam bonitatem, & viscerum divinæ misericordię: similiter etiam in illa prima exclusionē, seu non electionē ad gloriam, ut beneficium indebitum, nulla est injustitiæ, aut crudelitatis nota: parificatur enim permissio peccati nunquam remittendi, & exclusio à gloria. & ex prima, secunda infallibiliter sequitur. Ergo in omni sententia, querela illa diluenda est, nec cessare potest, nisi considerando quòd ad Deum ut supremum Dominum, & universalem Providorem pertinet de omnibus disponere, & unicuique dare locum suum, nec indifferenter omnes ad gratiam & gloriam efficaciter eligere, sed permittere quòd aliqui ab illa deficiant, ut suis iustitiæ detur locus, & magis splendescat magnitudo suæ misericordię circa electos, & pulchritudo universi magis reluceat, ut egregie explicat D. Thomas hic art. 7. ad 3. ubi legendus est.

68 Opponent ultimò Adversarii quædam inconvenientia, quæ dicunt sequi ex nostra sententia. Ex illa enim, inquit, sequitur primò, Deum æquali curâ hominum perditionem inquirere ac desiderat & querit illorum salutem: Consequens est absurdum, ut patet: Ergo &c. Probatur sequela: Sicut enim Deus ex intentione gloriæ, mediâ procurat electis, nempe vocacione & gratias efficaces, ut dist. 3. ostendimus, ita ex intentione exclusionis à gloria, mediâ reprobis procurat,

scilicet peccatorum permissiones: Ergo æquali curâ perditionem istorum, ac salutem illorum desiderat.

69 Sequitur secundò, tolli à reprobis & electis sollicitudinem ad bene operandum: unusquisque enim poterit apud se ita discurre & ratiocinari. Si antecederet ad prævisionem operum sum ad gloriam electus, vel ab ea exclusus, cum tale decretum sit efficax, & non possit frustrari; quidquid postea faciam, infallibiliter gloriam consequar, si sum electus; vel ab ea decidam, si electus non sum. Unde tertio addit Lessius de prædest. sect. 2. num. 21. ex hac sententia homines in quandâ veluti desperationem suæ salutis adduci.

70 Ad primum nego sequelam Majoris: ad cuius probationem dicatur esse manifestum discrimen inter prædestinationem & reprobationem, consistens in eo quòd merita & omnia quibus prædestinatus consequitur gloriam, sunt positivè causata à Deo, & speciali affectu illi volita: demerita autem quibus reprobus tendit in perditionem, à Deo positivè procurata, volita, aut causata non sunt, sed tantum permessa; & ideo non eodem modo Deus se habet in ordine ad prædestinationem, ac in ordine ad perditionem & reprobationem.

71 Ad secundum inconveniens quod Semipelagiani adversus doctrinam Augustini opponebant, ut constat ex Epistolis Prosperi & Hilarii, similiter negandum est illud sequi ex nostra sententia. Nam licet voluntas intentiva gloriæ, aut exclusionis ab illa, sit purè gratuita, nec merita aut demerita ut motiva supponat: decretum tamen executivum illa supponit, & ab illis ut à causa motiva dependet, ut supra declaravimus.

72 Ad tertium quod opponit Lessius, & quod etiam Semipelagiani Augustino objiciebant, responderi ipsemet S. Doctor de prædest. Sanct. cap. 11. his verbis: Sanè cum Apostolus dicat, ideo ex fide, ut secundum gratiam firma sit promissio: miror homines infirmitati suæ se male committere, quàm firmitati promissionis Dei. Sed incerta est mihi inquit de me ipso voluntas Dei: quid ergo? Tua ne tibi voluntas de te ipso certa est, nec times? Cùm igitur utraque incerta sit, cur non homo firmitati quàm infirmitati fidem suam, spem, charitatemque committit? Et de dono persever. cap. 6. Tutores igitur virum suorum Deo damus, non autem nos illi ex parte & nobis ex parte committimus. Et rursus cap. 22. An timendum est ne tunc de se homo desperet, quando spes ejus ponenda demonstratur in Deo: non autem desperaret, si eam in se ipso superbißimus & infelicißimus poneret. Firmatas ergo & certitudinem spei nostræ, in Deo ipso, & in virtute gratiæ, & non in nobis, ac in viribus liberi arbitrii fundari debet: juxta illud Jerem. 17. Maledictus homo qui confidit in homine, & ponit carnem brachium suum, & à Domino recedit cor ejus. Unde Apostolus ad Hebræos 6. meritò comparat spem anchoræ navis, dicens: Quam velut anchoram habemus animam tuam ac firmam. Sicut enim anchora, dum per aquam descendit, non firmat navim, quoniam aqua elementum est liquidum & instabile; ac dum terzæ adhæret, firmissimè navim retinet. Sic spes nostra, dum humanæ industriæ & viribus liberi arbitrii adhæret, non potest non semper nutare & fluctuare, sed cùm Dei omnipotentis, & infinitæ divinæ voluntatis efficaciz nititur, firmissima & tutissima permanet, nec hujus mundi turbines ac procellas timet. Unde Ecclesia in quadam collecta sic Deum exorat: Familiam tuam quæ sumus Domine

continua

continua pietate custodi, ut quæ IN SOLA SPE A  
GRATIAE CALESTIS INITIATUR, sua  
semper protectione gubernetur.

Viginti quinque alia inconvenientia apponit  
Catharinus contra eandem gratuite prædestina-  
tionis & reprobationis doctrinam. Sed iste vi-  
ginti-quinque objectiones (inquit Pererius)  
non sunt novæ, nec recens inventæ a Catharino,  
vel aliis hujus temporis. Sed illa ipsa olim, vi-  
vente etiam Augustino, a Massiliensibus, aliis-  
que Galliarum Episcopis, adversus ipsum objecta  
sunt. Et tamen non moverunt Augustinum, quo-  
minus sententiam suam constanter tueretur, &  
perseveranter tenereturque ad mortem; neque  
scandalum, si quæ ob id oriebantur, & nonnullis  
accidebant curanda esse putavit, judicans esse  
passivam, ut quæ ex inficitia veritatis, & imperitia  
Scripturarum nascerentur. Beatus quoque Tho-  
mas, non minori pietate ac religione, quam in-  
genio & doctrinâ præditus, istiusmodi objectio-  
nibus, arque offensionibus, & scandalis, nihil  
perturbatus aut motus est, nec ab Augustini  
sententia abduci potuit. Quin etiam ipsemet A-  
postolus, qui tam religiosè curabat & cavebat,  
ne cui scandalum daret, ut affirmaret se nun-  
quam carnes manducaturum, si ob id quicquam  
fidelium scandalizandus esset; hanc tamen do-  
ctrinam prædestinationis & reprobationis ho-  
minum, licet videret offensionis & scandalo fore  
multis veritatis & Scripturæ ignaris, eam tamen  
& apertè, & affirmatè, & enucleatè tradere vo-  
luit, nec dubitavit illas sententias scriptas in hac  
Epistola relinquere: *Miserere cui miseretur. Non  
est volentis, neque currentis, sed miserentis Dei. Cujus  
vult miseretur, & quem vult indurat. An non habet  
potestatem singulis luti ex eadem massa facere aliud  
quidam vas in honorem, aliud in contumeliam?*

Concludamus ergo hunc articulum cum  
Magistro sententiarum, libro 1. sent. dist. 41.  
cap. 4. *Elegit ergo eos quos voluit, gratuita miseri-*  
*cordia, non quia fideles futuri erant, sed ut fideles es-*  
*sent, eisque gratiam dedit, non quia fideles erant, sed*  
*ut fierent.... Ita etiam reprobat quos voluit, non*  
*propter futura merita, quæ prævideret, veritate tamen*  
*rectissimâ, & a nostris sensibus remotâ.*

## ARTICULUS III.

*An peccatum originale sit causa repro-*  
*bationis?*

74 **O**stendimus articulo præcedenti, demerita  
personalia, seu peccata actualia, non fuisse  
motivum reprobationis negativæ, seu voluntatis  
divinæ efficacis excludendi reprobos à glo-  
ria, nunc breviter discutiendum est, an saltem  
originalis culpa fuerit causa motiva illius?

Partem negativam tenent plures ex nostris:  
affirmativa tamen videtur probabilior, & do-  
ctrinæ D. Augustini & S. Thomæ conformior,  
eamque docent plures docti Thomistæ, inter  
quos est P. Thomas de Lemos, vir eximie eru-  
ditionis & sapientiæ, & in Augustini doctrina  
insigniter versatus, qui olim contra Gregorium  
de Valentia, & Ferdinandum de Valtidia, in  
Congregatione de auxiliis, feliciter disputavit,  
& ingenii sui monumenta Sole ipso clariora re-  
liquit, nimirum Tractatum de auxiliis manu-  
scriptum, in tres tomos divilum, in quo hanc  
sententiam disertè tradit, & variis utriusque S.

Tom. II.

Doctores, Augustini & Thomæ, testimoniis illu-  
strat. Hanc etiam se 1. p. quæst. 23. docuisse ait  
Cypullus in Tractatu de Incarn. quæst. 1. art. 3. du-  
bio 1. §. 1. c. Illi quoque ut probabiliori adhæret  
illustrissimus Dominus Godoy, Episcopus Oxo-  
niensis, in manuscriptis Tractatibus de reproba-  
tione. Horum inhærens vestigiis, illam pariter  
ut probabiliolem sequar, præcipue propter illu-  
stria & expressa D. Augustini & S. Thomæ testi-  
monia: *Ab his enim duabus columnis (ut de Augu-*  
*stino & Ambrosio ait Bernardus) crede mihi, dis-*  
*solvi avellor, cum his me aut errare aut sapere scior.*

Epist. 7.

### §. 1.

*Mens Augustini aperitur.*

**D**ico primò, juxta Augustini doctrinam, pri-  
ma causa reprobationis hominum fuit ori-  
ginale peccatum.

Probatur primò ex Augustino de dono per-  
sever. cap. 8. ubi ait: *Qui liberatur à massa perditionis,*  
*gratiam diligit; qui verò non liberatur, debitum*  
*agnoscat: nimirum suæ perditionis. Et Epist. 105.*  
*Quantum meritum obdurationis, & invenimus. Me-*  
*rito namque peccati, universa massa damnata est, nec*  
*obdurat Deus imperitico malitiam, sed non im-*  
*pertiendo misericordiam. Querimus autem meritum mi-*  
*sericordiae, nec invenimus.*

Secundò, Augustinus, & alii SS. Patres, nomi-  
ne dilectionis & odii Dei, prædestinationem &  
reprobationem intelligunt: juxta illud Aposto-  
li, *Iacob dilexi, Esau autem odio habui.* Sed juxta  
eundem Augustinum, causa odii Dei erga Esau,  
& consequenter erga omnes reprobos, qui per  
illum delignantur, fuit originale peccatum:  
Ergo ex Augustino originalis culpa fuit causa  
motiva reprobationis. Major patet. Minor pro-  
batur ex eodem Augustino, libro 1. ad Simplic.  
quæst. 2. ubi explicans locum illum Apostoli, *Ia-*  
*cob dilexi, Esau autem odio habui,* ait: *Deum odio ha-*  
*bere, non Esau hominem, sed Esau peccatorem.* Et ad-  
dit, *Cur ergo Iacob dilexit, nunquid peccator non*  
*erat? Sed dilexit in eo non culpam quam debebat, sed*  
*gratiam quam donabat. Et Epist. 105. Quid oderat*  
*in Esau antequam fecisset aliquid mali, nisi originale*  
*peccatum?*

Tertiò, Idem S. Doctor variis in locis asserit  
Deum derelinquere reprobos in massa perdi-  
tionis, & non liberare eos (quod est eos repro-  
bare, & à gloria excludere) propter peccatum  
originale. Celebris est locus in Enchir. cap. 98.  
ubi loquens de Jacob & Esau, qui omnium ele-  
ctorum & reproborum fuere typus & figura, sic  
ait: *Ambo itaque gemini, natrâ filij, ira nascebantur,*  
*nullus quidem operibus propriis, sed originaliter ex*  
*Adam vinculo damnationis obstricti: sed qui dixit mi-*  
*sererebui cui miseris ero, & misericordiam præstabo*  
*cui miseris fuero, Iacob dilexit per misericordiam*  
*gratiam, Esau autem odio habuit per judicium de-*  
*bitum.* Et libro 2. ad Bonifacium cap. 7. hæc scribit:  
*Vocato datur gratium bonum, cuius boni*  
*est vocatio ipsa principium: non vocato redditur ma-*  
*lum, quia omnes rei sunt, ex eo quòd per unum homi-*  
*nem peccatum intravit in mundum.* Et paulo post  
ibi autem dicitur: *Ergo cui vult miseretur, & quem*  
*vult obdurat, qui facit aliud vas in honorem, aliud in*  
*contumeliam: bonum quidem immerito & gratis da-*  
*tur, quia ex eadem massa est cui datur; malum verò*  
*merito & debitum redditur, quia in massa perditionis,*  
*malum malo non male redditur.*

Quarto, Voluntas reprobandi, ex eodem Au-  
gustino,

L 2

gustino,



Augustino, libro 4. contra Julian. cap. 3. & libro 5. cap. 4. & libro 6. cap. 10. est iudicium Dei, & adus iustitiae vindicativae: Sed in instanti quo fit reprobatio, Deus nihil potest judicare & vindicare, nisi solum peccatum originale; fit enim reprobatio eodem modo, & in eodem instanti pro omnibus: in nullo autem conveniunt omnes, nisi in solo originali peccato: Ergo reprobatio hominum, secundum Augustinum, fit ratione culpae originalis.

- 79 Denique, Secundum eundem Augustinum libro 4. contra Julian. cap. 2. libro 2. ad Bonifacium cap. 6. & libro de dono perseverantiae, cap. 9. & 12. eodem modo fit reprobatio adultorum, ac parvulorum: Sed reprobatio parvulorum fit propter solum originale peccatum, ut constat: Ergo & adultorum, loquendo saltem de reprobatione, prout dicit voluntatem efficacem excludendi à gloria.

## §. II.

## Quid de Divo Thomae?

Dico secundò, etiam D. Thomam apertissime favere huic sententiae.

- 80 Probatur multipliciter. In primis enim est expressa auctoritas D. Thomae quæst. 6. de veritate art. 2. ad 9. ubi ait: *Electio Dei quæ unum elegit, & alium reprobat, rationalis est; nec tamen oportet quod ratio electionis sit meritum, sed in ipsa electione ratio est divina bonitatis; ratio autem reprobationis est in hominibus PECCATUM ORIGINALE*, ut Augustinus dicit. Quo nihil clarius & expressius dici potest.

- 81 Secundò, Idem S. Doctor illud clarissimè docet in cap. 9. ad Rom. tota lect. 3. Cum omnes homines (inquit) propter peccatum primi parentis damnationi nascantur obnoxii, quos Deus per suam gratiam liberat, solà misericordiam liberat, & sic quibusdam est misericors quos liberat, quibusdam autem iustus quos non liberat, neutrum autem iniquus. Loquitur autem ibi de liberatione à miseria aeternae, seu de prædestinatione ad vitam aeternam, ut patet ex verbis antecedentibus: Sic igitur (inquit) non potest esse quod merita consequentis gratiam sint ratio misericordiae aut prædestinandi, sed solà Dei voluntas, secundum quam misericorditer aliquos liberat. Ergo juxta S. Thomam causa reprobationis, seu non liberationis à miseria aeterna, in illis qui non sunt prædestinati, inter quos sunt aliqui per Baptismum regenerati, alia non est quam peccatum originale, propter quod omnes homines damnationi nascuntur obnoxii.

- 82 Tertiò, Idem Sanctus ibidem lect. 4. exponens cur homo luto comparatur, ait: *Humana natura vilem habet ex sua materia, quia, ut dicitur Genes. 2. fecit Deus hominem de limo: sed majorem vilem habet ex corruptione peccati, quæ per unum hominem in hunc mundum intravit, & ideo homo luto merito comparatur.... Similiter & Deus liberat, habet potestatem ex eadem corrupta massa generis humani, sicut ex quadam luto; nulli sciendo injuriam, quosdam homines facere prepatatos in gloriam, quosdam autem in miseria (peccati scilicet originalis) derelinquit*: Ergo ex D. Thomae prima causa ob quam Deus quosdam in miseria derelinquit, seu reprobat, & ad gloriam aeternam non preparat, est peccatum originale.

- 83 Denique, Ne quis dicat D. Thomam hanc mutasse sententiam, & oppositum docuisse in summa Theologica, quæ est veluti ultimum ejus testamentum, ex illa etiam in confirmationem ejusdem sententiae, tria testimonia deprimam.

Primum sumitur ex hac quæst. art. 1. ad 3. ubi docet quod prædestinatio hominum in vitam aeternam, est à statu miseriae, non verò Angelorum. Hinc enim evidenter sequitur, reprobationem hominum esse eorum relictionem in miseria, in quam per peccatum originale inciderunt, prout deque causam reprobationis hominum esse peccatum originale.

Secundum habetur in eadem quæst. art. 5. his verbis: *Voluit igitur Deus hominibus quantum ad alios quos prædestinat, representare suam bonitatem, per modum misericordiae, parcendo, & quantum ad alios quos reprobavit, per modum justitiae, puniendo. Haec est ratio quare Deus quosdam eligit, & quosdam reprobat. Et hanc causam assignat Apostolus ad Roman. 9. dicens, Volens Deus ostendere iram, id est vindictam, iustitiae, & notam facere potentiam suam, iussit, id est permisit, in multa patientia vasa irae apta in interitum: &c. Ex qua S. Thomae doctrina, Apostoli auctoritate confirmata, evidenter patet, quod Deus homines non reprobat, nisi ex iustitia, iramque seu vindictam iustitiae ostendere volens, ac prout de supponendo aliquam culpam ex parte hominis: Sed non culpam actuale, ut ex eodem S. Doctoris articulo præcedenti ostendimus: Ergo saltem culpam originalem.*

Confirmatur à D. Thomae ibidem ait, *Quid Deus voluit quantum ad aliquos quos prædestinat, suam repraesentare bonitatem, per modum misericordiae, parcendo. Parcere autem significat alicuius debiti condonationem: ex quo sequitur quod aliquos reprobat, non parcendo, hoc est eis aliquod debitum per peccatum originale contra-*

tum non condonando.

Dices fortè, D. Thomam nomine reprobationis intelligere non voluntatem, intentivam exclusionis à gloria, sed executivam, quæ ad illam terminatur ut penam, & ex motivo puniendi. Sed contra: In eodem sensu loquitur ibi de reprobatione, ac de prædestinatione: Sed loquitur ibi de prædestinatione, ut est in ordine intentionis: nam illo testimonio utitur Thomistæ ad probandum voluntatem gloriæ intentivam, esse purè gratuitam, & à meritorum prævisione independentem: Ergo etiam ibidem loquitur de reprobatione, ut est in ordine intentionis, seu de voluntate efficacie excludendi improbos à gloria.

Tertium testimonium sumitur ex 2.2. quæst. 2. art. 5. ad 1. ubi S. Thomas docet, auxilium gratiæ ad diligendum Deum & proximum, & ad credendum articulos fidei, quibusdam denegari in poenam peccati originalis. Hoc (inquit) auxilium quibuscumque divinitus datur, misericorditer datur, quibus autem non datur, ex iniustitia non datur, in poenam præcedentis peccati, & scilicet ORIGINALIS PECCATI, ut Augustinus dicit in libro

de corrupt. & gratia. Ex quo loco hoc potest argumentum desumi. Illud est causa reprobationis, quod est causa primi effectus illius; prædestinatio enim & reprobatio, ex parte actuum divini intellectus & voluntatis, nullam possunt habere causam, sed solum ex parte effectuum qui ad illos consequuntur. Unde S. Thomas hic art. 5. in corpore ait: *Nullus fuit transiens mentis qui diceret merita esse causam divinae prædestinationis ex parte actus prædestinantis. Sed peccatum originale, juxta S. Thomam, est causa primi effectus reprobationis, scilicet denegationis primæ gratiæ, ad credendum & diligendum Deum: Ergo ex S. Thomae, peccatum originale est prima causa reprobationis.*



*Ex eum veris rationibus suadetur.*

**P**rima petitur ex eo quod in Scriptura voluntas reprobativa nomine odii significatur, ut patet ex illo, *Iacob dilexi, Esau autem odio habui*: in quibus verbis, ut supra annotavimus, prædestinatio & reprobatio omnium designantur: At nisi talis voluntas pro motivo habeat peccatum, saltem originale, nequit nomine odii significari: Ergo illud respicit pro motivo. Minor probatur primo ex D. Thoma supra quæst. i. d. art. 2. ad 4. afferente Deum solum odio habere peccatores, in quantum tales: Ergo voluntas significatur nomine odii, pro motivo habet peccatum, saltem originale. Secundo, Odio habere, non est quomodocumque velle malum, sed velle malum alicui ex displicentia illius: Ergo Deus illa voluntate quâ Esau odio habebat, volebat ei malum ex displicentia ejus: At non ex displicentia ejus secundum esse naturale, juxta illud sapientia: *11. Nihil odisti eorum que fecisti, nec ex displicentia illius ut insecti peccatis personaribus, secundum illud Apostoli ad Roman. 9. Antequam quidquam boni vel mali fecissent, &c.* Ergo ex displicentia illius, ut insecti peccato originali, orta fuit illa voluntas exclusiva à gloria.

**S**ecunda ratio potest sic proponi. Peccatum originale est vera & sufficiens causa reprobationis, si ante illam prævidetur à Deo: Sed peccatum originale fuit reverà ante hominum reprobationem à Deo prævisum: Ergo fuit vera & sufficiens causa reprobationis. Major patet: quia peccatum originale ponit in hominibus indignitatem, & positivam Dei inimicitiam, redditque totum genus humanum Deo exosum, ac proinde illi exhibet sufficiens motivum ut velit efficaciter aliquos homines à gloria excludere: Ergo si ante hominum reprobationem prævidetur à Deo, illud erit vera & sufficiens causa reprobationis. Minor autem probatur: Peccatum originale, ut docent S. Thomas, ejusque discipuli 3. p. quæst. 1. art. 3. antecessit Christi prædestinationem: Ergo & nostram, & consequenter reprobationem, quæ vel fuit prædestinatione posterior, vel simul cum illa. Hæc ultima consequentia patet, prima verò probatur. Prædestinatio nostra supponit prædestinationem Christi, & est effectus illius: Ergo quicquid supponitur ad prædestinationem Christi, debet supponi ad nostram.

**R**espondent Adversarii: culpam originalem fuisse quidem prævisam à Deo ante reprobationem hominum, ut sufficiens causam reprobationis illorum, eam tamen de facto Deum noluisse ut causam reprobationis illorum assumere. Sed hoc gratis omnino & sine fundamento dicitur. Nam sicut si homines prævisi essent in gratia, ante prædestinationem illorum ad gloriam, optimè sequeretur quod propter illam essent ad gloriam prædestinati: nec dici posset in tali casu non esse homines prædestinatos ad gloriam, propter præcedentem gratiam. Ita per oppositum, si homines prævideantur cum peccato originali, & positiva macula ac inimicitia, ante reprobationem, dici non potest, si consequenter loquamur, quod non fuerint de facto reprobatum propter illud. Et licet sine fundamento in priori casu diceretur, quod licet gratia sit sufficiens causa prædestinationis ad gloriam, tamen de facto Deus non eos propter illam prædestinaret:

Tom. II.

**A** ita & sine fundamento asseritur, quod licet originale peccatum sit prævisum ante reprobationem, & sit secundum se sufficiens reprobationis causa, de facto tamen noluit Deus propter illud homines reprobare.

Addo quod hæc responsio adversatur doctrinæ D. Augustini & S. Thomæ, qui locis supra relatis docent homines fuisse reprobatos in penam peccati originalis, & consequenter Deum de facto illud acceptasse ut causam reprobationis illorum.

**A**ccedit quod ista sententia, magis suavem ostendit Dei prædeterminationem & reprobationem, magisque misericordiam erga prædestinatos: & justitiam erga reprobos manifestat: dum illi à massa perditionis ex sola misericordia extrahuntur, & isti iustè in eadem massa relinquuntur. Unde D. Augustinus supra relatus: *Qui liberatur à massa perditionis, gratiam diligit: qui non liberatur, de bitum agnoscitur.* Splendet etiam in reprobatione comparativa ratio supremi dominij, quatenus è duobus in aequali damnatione existentibus, unus vult dare gloriam, & alterum ab ea excludere: & in absoluta, pulchritudo divini justitiæ, quatenus ex motivo puniendi culpam originalem, vel exclusionem reprobatorum à regno; & sic plura D. Thomæ testimonia, quæ primâ fronte videntur pugnare, facile conciliantur, ut constabit ex infra dicendis.

Denique hic modus dicendi magis distat à sententia Calvinij, qui tam prædeterminationem quam reprobationem ante peccatum tam originalem quam actuale constituit: licet in hoc præcise non sit hæreticus, sed in aliis quæ huc doctrinæ adjunxit, ut antea exposuimus.

**Q**uod vero aliqui S. Thomæ Discipuli docent, fieri quidem reprobationem propter originale peccatum, at non in omnibus reprobatis, sed in his solum quibus originale peccatum remissum non fuit, non vero in illis quibus fuit remissum, sustineri non potest: Primo, quia D. Augustinus & S. Thomas, locis supra relatis, simpliciter & absolute docent hominum reprobationem fieri in penam peccati originalis: Sed propositio indefinita, in materia doctrinali, æquivalere universaliter. Ergo universaliter id asserunt de omnibus reprobatis, & non solum de illis quibus non est remissum originale peccatum.

**S**ecundo, D. Thomas supra relatus dicit quod in electione ratio est divina bonitas: ratio autem reprobationis est in hominibus peccatum originale: Sed divina bonitas in omnibus prædestinatis est ratio electionis, ut fatetur illi Authores contra quos disputamus: Ergo in omnibus reprobis peccatum originale est causa reprobationis.

**T**ertio, Idem S. Doctor hic art. 5. ad 3. docet, quod sicut prædestinatio est actus divinæ misericordiae, ita & reprobatio est actus divinæ justitiæ punitivæ seu vindicativæ: Sed prædestinatio ut licet, & respectu omnium electorum, est actus divinæ misericordiae: Ergo & reprobatio actus justitiæ vindicativæ, & consequenter in omnibus hominibus reprobis Deus vindicat & punit aliquod peccatum: non actuale, quia hoc non est causa reprobationis, in aperta sententia S. Thomæ, ut supra vidimus: Ergo originale. Nullius ergo hominis reprobatio fit nisi propter originale peccatum, alias falsum esset reprobationem ut sic esse actum justitiæ punitivæ.

Denique, D. Augustinus locis supra adductis docet Esau odio habitum fuisse à Deo, & repro-

L. 3.

batum,

batum, propter originale peccatum: Quid, inquit, oderat in Esau antequam fecisset aliquid mali, nisi originale peccatum? & tamen extra dubium est, Esau sicut & Jacob fuisse applicatum circumcissionis remedium, ac proinde in utroque delectam culpam originalem: Ergo juxta S. Augustinum, peccatum originale, etiam in illis quibus fuit demissum, est causa reprobationis.

96 Addo quod, ut supra annotavimus, omnis reprobatus per Esau figurabatur, sicut omnis predestinatus per Jacob: unde si causa reprobationis in Esau fuit originale peccatum, idem dicendum est de omnibus aliis reprobis, siue illis remissa fuerit culpa originalis, siue non. Idem constat ex verbis Gregorii Magni, articulo sequenti, §. 3. in fine referendis.

### §. IV.

*Exponuntur & conciliantur quedam Testimonia D. Thomæ.*

97 Recentiores Thomistæ, qui hanc sententiam veluti S. Thomæ contrariam impugnant, hoc præcipue fundamento nituntur, quod S. ille Doctor hic art. 7. ad 3. & tertio contra Gentes cap. 161. & alibi sæpe, hominum reprobationem, seu aliquorum à gloria exclusionem, soli Dei beneplacito ac mere voluntati attribuit, & ad universi complementum & suavem rerum dispositionem, alios à Deo eligi, alios reprobari, docet. Ex quo concludunt reprobationis, seu exclusionis aliquorum à gloria, causam esse meram Dei voluntatem, non verò peccatum originale. Itaque exponendum est, quis sit S. Thomæ hac in re sensus, & quomodo sententiæ à nobis posite non repugnet. Pro quo

98 Observandum est, reprobationem duplici modo spectari posse: absolute scilicet & comparative. Absolute, cum quaritur simpliciter, seu ut loquitur S. Thomas, IN GENERALI, cur aliqui à Deo reprobandi, & quæ sit aliquorum reprobationis causa, nullâ comparatione factâ cum eis qui eliguntur. Comparative verò, cum quaritur IN SPECIALI, ut ait idem Sanctus, cur Deus hunc potius quam istum reprobet, cur cum omnes homines per peccatum primi parentis eidem damnationi nascantur obnoxii, aliquos ab hac massa & conspersione liberet, & ad vitam æternam eligat; alios verò in eadem massa derelinquat, & non eligat ad vitam æternam.

99 Hoc posito, facilis est S. Thomæ sensus: cum enim causam reprobationis aliquorum ad solum Dei beneplacitum, & meram voluntatem refert, de ea loquitur comparative, & in speciali: absolute verò & in generali de ea loquendo, eam non soli Dei voluntati, sed iustitiæ, aliquam ex parte hominis causam semper supponenti, attribuit.

Et ne quis id à metemerè & sine fundamento dictum existimet: duo expressa ejusdem S. Doctoris testimonia subjiciam, in quibus suam mentem ita aperte declarat, ut nullus dubitationi relinquantur locus. Primum habetur ad Roman. 9. lect. 4. ubi hæc scribit: *Circa electionem bonorum & reprobationem malorum, duplex questio moveri potest. Una quidem IN GENERALI, quare Deus velit quosdam inducere, & quorundam misereri. Alia verò IN SPECIALI, quare velit hunc misereri, & hunc rei suam inducere. Et potest quidem ratio hujus questionis assignari, secundæ autem questionis non potest assignari ratio, nisi simplex Dei voluntas. Cujus ex-*

*plum pater in rebus humanis &c. Deinde ostendit rationem, cur vult quosdam reprobare & inducere, esse iustitiam, quæ meritum ex parte hominis supponit, quod ad peccatum originale refert.*

Idem docerem cap. 6. Joan. his verbis: *Quare autem non omnes avertos trahit, sed aliquos; licet sint omnes æqualiter averti, ratio quidem IN GENERALI potest assignari, ut scilicet in illis qui non trahuntur, appareat & refulgeat ORDO DIVINÆ JUSTITIÆ: In illis autem qui trahuntur, immensitatis divinæ misericordia. Quare autem IN SPECIALI trahat bene, & illum non trahat, non est ratio aliqua, nisi beneplacitum voluntatis divinæ: unde dicit Augustinus, quem trahit, & quem non trahit, quare illum trahat, & illum non trahat, noli velle judicare, si non vis errare. Et infra. Sic ergo Deus ad complementum universi quosdam quidem trahit, ut in eis appareat sua misericordia; quosdam verò non trahit, ut ostendatur in eis sua iustitia; sed hos trahit, illos non trahit, secundum sue beneplacitum voluntatis. Ex quibus verbis manifestum relinquitur, quod licet Deus ad complementum universi, quod requirit ut multiformitas graduum conservetur in rebus, quosdam eligat, & quosdam relinquat, seu reprobet, quosdam trahat & quosdam non trahat; tamen cum quosdam relinquit, & quosdam non trahit, hoc facit ex iustitia, proindeque causa est ex parte hominis cur hoc faciat, licet ad complementum universi hoc faciat. Sic ergo*

C (inquit) Deus ad complementum universi quosdam quidem trahit, ut in eis appareat sua misericordia; quosdam verò non trahit, ut ostendatur in eis sua iustitia.

Idem omnino docet loco ex prima parte citato. Nam ibi primò loquens de reprobatione absolute & in generali, sic ait: *Vult igitur Deus in hominibus, quantum ad aliquos quos predestinat, suam representare bonitatem, per modum misericordie, PARCENDO, & quantum aliquos quos reprobat, per modum iustitiæ, PUNIENDO; & hæc est ratio quare Deus quosdam eligat, & quosdam reprobat. Quibus verbis aperte docet reprobationem absolutam non fieri nisi ex iustitia, ac proinde supponere ex parte hominis aliquam causam, scilicet culpam originalem. Postea verò agens de eadem reprobatione in speciali, & comparative, & querens quare Deus hos reprobat, istos verò eligit, nullam aliam rationem vel causam assignat, nisi divinam voluntatem. Sed quare (inquit) hos eligit & illos reprobat, non habet rationem, nisi divinam voluntatem.*

### §. V.

*Alia ejusdem S. Doctoris testimonia exponuntur.*

PRÆTER hæc Doctoris Angelici testimonia, alia adduci possunt ad probandum peccatum originale non esse causam reprobationis hominum. Nam D. Thomas hic art. 3. agens de reprobatione, docet illam esse actum divinæ providentiæ: At si reprobatio facta ponatur ob originale peccatum, non providentiæ, sed vindictivæ iustitiæ actus erit, ut constat ex supra dictis: Ergo juxta S. Thomam reprobatio hominum non est ex peccato originali.

Deinde, Idem S. Doctor ibidem aperte docet, voluntatem permittendi cadere in culpam includi in reprobatione. Verba ejus sunt: *Reprobatio includit voluntatem permittendi aliquem cadere in culpam, & inferendi damnationis penam pro culpa: Ergo ex S. Thoma permissio cadendi in culpam*

ipam originalem, est effectus & non causa reprobationis hominum.

104 Tertiò, Doctor Angelicus ibidem in resp. ad 1. docet quod cum in Scriptura Deus dicitur odio habere reprobos, hoc non debet intelligi in proprietate sermonis, de vero odio strictè sumpto, sed Deum odio habere reprobos, exponit per hoc quod est indebitum beneficium illis non conferre: At si reprobatio fieret in pœnam peccati originalis, illa haberet rationem odii strictè sumpti, ut cõstat ex dictis §. Ergo ex D. Thoma reprobatio non fit in pœnam originalis peccati.

105 Ad primum non est difficile respondere, atque salvare quòd reprobatio hominum sit actus divinæ providentiæ, & simul quòd fiat in pœnam originalis peccati: bene enim utrumque coheret, & utrumque simul S. Thomas in hac questione edocuit. Sicut enim articulo 3. allegato dixit reprobationem esse actum divinæ providentiæ, ita art. 1. ad 3. & art. 5. etiam ad 3. docuit Deum ex hominibus æqualibus & in natura & in peccato originali, quosdam prædestinasse per modum misericordie, parcendo, & quosdam reproballes per modum iustitiæ, puniendo, ut antea exposuimus. Quantum ad hoc ergo S. Thomas docet reprobationem esse actum divinæ providentiæ, quia ex hominibus æqualibus in natura, & in peccato originali, non omnes prædestinavit, sed quosdam permittit deficere à prædestinationis fine, eos reprobando: cum quo tamen optimè stat, quod qui in particulari reprobi manserunt, in pœnam peccati originalis reprobi fuerint. Sicut si duo eodem modo offendissent Regem, & ipse veller providentiâ suâ ostendere & misericordiam & iustitiam in illis duobus, & uni offensam remittere, ab altero verò debitam pœnam exigere: hic inveniremus & actum providentiæ, quantum ad hoc quod est non velle utrumque punire, sed simul suam misericordiam & iustitiam ostendere, & actum misericordie erga illum cui offensam dimittit, & iustitiæ erga illum in quo debitum exigit. Est manifestius dicere, esse actum divinæ providentiæ, quòd in genere aliqui homines sint reprobi, & non omnes prædestinati: quòd autem illi homines qui reprobanantur, ex culpa sua reprobetur nõ tam ad providentiam pertinet, quam ad vindictivam iustitiam. Sicut per oppositum, licet actus sit divinæ providentiæ, quosdam prædestinare & non omnes reprobare, tamen quòd isti in particulari sint prædestinati, actus est divinæ misericordie. Et ratio hujus est, quia dummodo aliqui sint reprobi, & non omnes prædestinati, satisficit divinæ providentiæ, si illi qui reprobanantur, ex peccato originali reprobanantur, si non.

106 Vel secundò dicatur, & ut crediderim melius: actum esse divinæ providentiæ quosdam permittit à fine deficere propter originale peccatum, sicut S. Thomas docet citato art. 3. Sed includere ex parte subiecti, & quali materialiter, actum iustitiæ excluderis illos à regno, propter originale peccatum: ita quòd ille actus iustitiæ, qui est reprobare propter originale peccatum, habeat se ut materiale, respectu actus divinæ providentiæ, qui est permittit aliquos deficere à fine. Accedit enim, & materialiter se habet ad actum divinæ providentiæ, qui est permittit quòd aliqui à fine deficiant, quòd illi qui sic deficere permittuntur, permittantur deficere ex sola divina voluntate, sine aliqua causâ ex parte ipsorum, sicut fuit in Angelis: vel quòd permit-

tantur deficere ob originalem culpam, ut fit in hominibus. Quare S. Thomas secundum id quod formale est in illo actu, & non materiale, dixit illum esse actum divinæ providentiæ.

Nec est novum quòd in uno & eodem actu, in quo est duplex bonitas vel malicia, & ad diversas virtutes vel vitia spectans, una se habeat materialiter respectu alterius. Sicut in isto actu qui est furari propter mœchiam, deformitas furti, & ejus formalis malitia contra iustitiam exercita, se habet materialiter respectu mœchiæ, quæ est finis à quo formaliter specificatur actus ille. Sic ergo permittit aliquos deficere à fine, etiam ob originale peccatum, est formaliter actus providentiæ, ut S. Thomas docet illo art. 3. sed iustitia quæ ibi intervenit, excludens illos à regno, propter originalem culpam, materialiter se habet ad specificationem actus providentiæ. Quæ etiam ratione in actu opposito prædestinationis, qui etiam est formaliter actus divinæ providentiæ ordinantis homines in vitam æternam, materialiter se habet magna illa misericordia quæ à massa damnationis extrahuntur. Solutio est S. Thomæ hic art. 1. ad 3. docentis quòd non à termino à quo, sed à termino ad quem, actus specificatur; quia non specificatur ex eo quòd se tenet ex parte subiecti & materialiter.

Denique responderi potest, idèd S. Thomam dixisse reprobationem esse actum providentiæ, & non iustitiæ vindictivæ, quia loquebatur de reprobatione ut sic, & prout se extendit etiam ad Angelos, qui ex præiussa culpa reprobi non fuerunt. Quando verò agit in particulari de reprobatione hominum, expressè docet illam esse actum iustitiæ punitivæ, ut constat ex locis suprà adductis.

Ad secundum testimonium dicendum, quòd quando S. Thomas docet reprobationem includere voluntatem permittendi cadere in culpam, hoc debet intelligi de permissione cadendi in culpam actualem, non remittendam, quæ, ut dicens articulo sequenti, est reprobationis effectus, non verò de permissione cadendi in culpam originalem, quæ non est effectus, sed causâ reprobationis.

Vel etiam dici potest, D. Thomam, per voluntatem permittendi reprobam cadere in culpam, intelligere lapsum in culpam, siue in illam primò cadere permittatur, siue in illa derelinquatur, ut sic reprobationem tam Angelorum quàm hominum cõprehendat. Et hanc esse ejus mentem, testimonia suprà inducta, quibus dicit homines à Deo reprobari, nihil esse aliud, quàm eos in peccato originali, & in massa perditionis relinqui, satis apertè declarant. Nec est faciendum in his verbis, *permisso cadendi in culpam*: nam hæc verba non significant semper quòd in culpâ primò aliquis cadere permittatur, sed etiam quòd in præexistente derelinquatur. Sic enim Ecclesia in missa pro defunctis jam in Purgatorio existentibus, Dominum exorans precatur, *ne cadant in obscura*: per quæ verba non intendit quòd de novo non cadant in illa obscura, vel alia, quia hoc impossibile est, sed tantum quòd in illis obscuris in quibus jam sunt, non derelinquantur, vel diu remanere sinantur. Sic etiam S. Thomas per hæc verba, *Permiso cadendi in culpam*, intelligere potuit non solum permissionem de novo cadendi in culpam, sed permissionem derelictionis in ipsâ. Imò ut omnis difficultas tollatur, ipsemet Doctor Angelicus in eodè articulo.



culo suam mentem exposuit, & quod in corpore dixerat, voluntatem permittendi cadere in culpam, in solutione ad secundum vocavit derelictionem à Deo, dicens: *Reprobatio verò non est causa ejus quod est in presenti, scilicet culpa, sed est causa derelictionis à Deo. Est tamen causa ejus quod redditur in futuro, scilicet pena aeterna.* Quibus verbis manifestum est, quod per permissionem cadendi in culpam, intelligit derelictionem à Deo, sive quā de novo in culpam cadere permittitur, sive quā derelinquitur in ipsa jā commissa.

111 Ad tertium respondeo D. Thomam loco citato, loca Scripturæ, in quibus Deus dicitur odio habere reprobos, non explicasse de odio Dei strictè, sed latè sumpto, prout scilicet importat voluntatem denegandi beneficium indebitum: tum quia ad solvendum argumentum hoc satis erat: tum etiam quia ibi generalem doctrinam, quæ etiam ad reprobationem Angelorum extendi possit, tradere intendebat. Quando verò super cap. 9. Epist. ad Roman. agit specialiter de reprobatione hominum, explicat hæc verba de odio propriè & strictè sumpto.

112 Præter hæc testimonia ex summa Theologica desumpta, potest objici aliud ex questionibus disputatis, quæst. 6. de verit. art. 2. ad 9. ubi S. Doctor ait: *Sufficientem causam ad volendum hominibus exclusionem à regno esse gloriam illis non deberi.* Ergo juxta D. Thomam, talis voluntas non habuit pro motivo culpam originalem.

113 Respondeo primò, D. Thomam duplicem solutionem argumento adhibere. In una asseruit motivum exclusionis à gloria fuisse originalem culpam: in alia gloriam hominibus non deberi, pro causa assignavit, ac proinde utramque sententiam ut probabilem nobis reliquit.

Respondeo secundò, quod licet voluntas excludendi homines à gloria, de facto habuerit pro motivo peccatum originale, nos tamen defendimus potuisse Deum velle hominibus exclusionem à gloria, absque eo quod ab illo, aut quovis alio peccato moveretur. Unde D. Thomas primam solutionem assignavit pro eo quod de facto contigit: attendens verò ad id quod poterat evenire, dedit secundam. Quasi dixerit, etsi de facto Deus peccatum originale habuerit pro motivo ad volendam exclusionem reproborum à gloria, potuit tamen non motus ab illo, dictam exclusionem velle, quia ad hoc sufficit gloriam hominibus non deberi.

### §. VI.

*Solvuntur argumenta ex ratione petita.*

114 Objicies primò: Ut voluntas excludendi homines à gloria, esset pena peccati originalis, necessarium esset quod Deus vellet illos excludere à gloria, propter originale peccatum: Sed non potest dici, saltem respectu reproborum, quibus originale peccatum fuit remissum: Ergo in illis saltem talis voluntas non fuit pena originalis peccati. Major videtur manifesta, Minor verò probatur. Velle aliquem efficaciter excludere à gloria, propter originale peccatum, & velle illud efficaciter remittere, sunt incompensabiles voluntates: Ergo Deus non voluit, nec velle potuit, à gloria efficaciter excludere propter originale peccatum eos, quibus voluit efficaciter peccatum originale remittere.

115 Confirmatur: Si peccatum originale esset prima causa ob quam Deus vellet efficaciter reprobos à gloria excludere, esset etiam prima causa propter quam vellet efficaciter permittere, ut

illi inciderent in peccatum actuale: propter quod damnantur, eisque denegare gratiam efficacem ad illud evitandum: Sed hanc permissionem, & gratiæ negationem, peccatum originale causare non potest, saltem in reprobis baptizatis, quibus fuit remissum: Ergo peccatum originale non potest esse causa saltem reprobationis illorum. Major est evidens, voluntas enim excludendi reprobos à gloria, debet esse causa mediorum quæ ad illam conducunt, inter quæ permisso peccandi, seu gratiæ denegatio computantur, ut infra dicemus. Minor verò probatur: quia ex Apostolo ad Rom. 6. & ex Tridentino Sess. 5. can. 5. *Nihil damnationis remanet in his*

qui per baptismum renovantur: maneret autem, si propter peccatum originale remissum, Deus permitteret ut reprobi baptizati in peccatum actuale propter quod damnantur inciderent, eisque gratiam efficacem ad illud evitandum, & ad perseverandum in accepta justitia denegaret: imò peccatum originale jam remissum, esset prima veluti radix & causa damnationis illorum, & punitionis aeternæ. Quod manifestum erit, si ascendamus usque ad investigandam primam reprobationis radicem, dicendo: ideò iste baptizatus damnatur, quia in peccato actuali mortuus est: ideò autem in peccato actuali mortuus est, quia iustus à Deo in illo derelictus est: ideò autem in illo fuit derelictus, & non ab eo mundatus, sicut alii, quia permissus fuit in illud cadere, permissione quæ fuit primus reprobationis effectus: ideò autem permissus fuit cadere, quia absoluta & efficaci voluntate decreverat Deus illum à regno excludere: ideò autem voluit Deus illum à regno efficaciter excludere, quia peccatum originale habebat: Ergo de primo ad ultimum, prima radix ob quam Deus induxit super baptizatum omnem effectum reprobationis, fuit originale peccatum, quod cum perfecta remissione illius coherere non potest.

Respondeo concessa Majori, negando Minorem: ad cujus probationem, distinguo Antecedens: Si *ly propter peccatum originale*, se teneat ex parte objecti, ita ut sensus fiat: volo excludere hunc hominem à gloria, exclusione exequenda propter originale peccatum, non comparatur cum hac alia voluntate, volo efficaciter remittere peccatum originale, concedo Antecedens: quia non stat Deum culpam remittere, & in eternum illam punire. Si autem *ly propter*, non ex parte objecti se teneat, sed ex parte actus, tanquam ejus motivum; ita ut sensus fiat, propter peccatum originale volo hunc hominem à gloria excludere: exclusionem exequenda non propter illud, sed propter alia peccata actualia committenda, nego Antecedens. Nam hæc voluntas rectè comparatur cum alia voluntate efficaci remittendi culpam originalem: sicut diximus in 2. disp. hæc duas voluntates: gratis volo dare gloriam, & volo eam dare ut coronam, & consequenter per merita ut in executione ponenda, rectè inter se coherere.

Instabis: Non stat voluntatem efficacem excludendi à gloria esse penam peccati originalis, seu ab illo ut à motivo procedere, nisi etiam in executione ipsa exclusio à gloria fiat in penam culpæ originalis: Ergo si hoc secundum non possit stare cum hac voluntate, volo efficaciter remittere peccatum originale, primum etiam cum eadem voluntate componi non poterit. Consequentia patet, Antecedens probatur tripli-



tripliciter. Primò quia eodem modo executioni mandatur exclusio reprobatorum à gloria in tempore quo ab æterno fuit volita à Deo: Ergo eo ipso quòd fuit volita ab æterno, ex motivo puniendi peccatum originale, debet in tempore executioni mandari ex eodem motivo, & in pœnam ejusdem peccati inferri.

118 Secundò, Actus exterior imperatus, & interior imperans, spectant ad eandem virtutem, & ex eodem motivo procedunt: At temporalis exclusio reprobatorum à gloria, comparatur ad voluntatem divinam exclusivam ab illa, ut actus exterior ad interiorem imperantem: Ergo procedit ex eodem motivo, & consequenter eo ipso quòd voluntas efficax exclusionis à gloria habeat pro motivo culpam originalem, & sit pœna illius, non potest actualis exclusio non respicere pro motivo culpam originalem, & non esse pœna illius.

119 Tertiò, Si Deus prævisis meritis intenderet homini dare gloriam, motus ex illis meritis deberet in executione propter talia merita gloriam conferre: Ergo si prævisio peccati originali, Deus motus ex illo voluit efficaciter exclusionem reprobatorum à gloria, non potest non esse talis exclusio in executione pœna peccati originalis.

120 Respondeo negando Antecedens. Ad cujus primam probationem, distinguo Antecedens. Eo modo executioni mandatur exclusio reprobatorum à gloria in tempore, quo ab æterno fuit volita à Deo: per decretum exequens, concedo Antecedens. Per intentivum, nego Antecedens, & distinguo Consequens eodem modo. Pro cuius intelligentia recolenda sunt quæ in prima & secunda disputatione diximus, de duplici decreto intentivo & executivo, ad negotiū prædestinationis concurrente. Itaque sicut ibi diximus, decretum executivum gloriæ commensurari cū ipsa executione, & ex eodè motivo procedere, scilicet autem intentivum: ita dicimus in præsentī, decretum executivum exclusionis à gloria, ex eodem motivo procedere ex quo gloria in executione denegatur; non est tamen necessarium quòd decretum intentivum eodè gaudeat motivo quo temporalis exclusio, sed potest diversum habere: unde bene stat quòd habeat pro motivo peccatum originale, & quòd in tempore non excludantur reprobi à gloria propter illud, sed propter peccata actualia quæ commiserunt.

121 Ad secundam probationem, distinguo majorem, illamque concedo de actu interiori immediate, imperante exteriori; nego autem de interiori solum mediātē imperante exteriori. Unde etiam distinguo Minorē. Temporalis exclusio reprobatorum à gloria, comparatur ad voluntatem divinam exclusivam ab illa ut actus exterior ad interiorem imperantem mediātē, concedo Minorem; immediate, nego minorem, & Consequentiam. Itaque hoc argumentum solum probat decretum executivum exclusionis à gloria, & temporalem exclusionem ab illa, eodem motivo gaudere, quia hoc decretum est actus interior immediate imperans illam: scilicet autem de intentivo, quod solum mediātē imperat talem exclusionem. Unde

122 Ad tertiam probationem dicatur, quòd si merita illius hominis solum essent motivum intendendi, non autem exequendi gloriam, posset Deus talia merita in executione non remunerare per gloriam; nam ut modò dicebamus, ipsa temporalis executio tam gloriæ quam pœnæ,

cum decreto executivo, non verò cum intentivo debet commensurari.

Ad confirmationem argumento principali sub-junctam, cui potissimum confidunt Adversarii, multiplicitè responderi solet. In primis aliqui dicunt, quòd licet peccatum originale per sacramentum baptismi deletum, non possit in reprobis baptizatis esse causa privationis gloriæ aut gratiæ iustificantis, bene tamē denegationis gratiæ auxiliantis, & consequenter permissionis peccandi. Neque hoc derogat perfectæ remissioni illius, sicut illi non derogat, quòd in homine baptizato remaneat concupiscentia, & formæ peccati, & alia vulnera ex peccato originali relicta, de quibus S. Thomas 2. 2. quæst. 85. art. 3.

Ad definitionem verò Tridentini supra adductam, respondent Concilium præallegatis verbis definire contra quosdā hæreticos, qui dicebant peccatum originale post baptismum quoad culpam remanere, & per ejus applicationem solum effici quòd non imputetur ad pœnā. Unde quando dicit, in renatis, seu baptizatis, nihil damnationis remanere, solum intendit, applicato baptismum, non manere culpam, nec creatum pœnæ, non tamen negat quòd ablata per baptismum originali culpā, plures ejus effectus remaneant, inter quos est debitum carenti auxiliis efficacibus ad perseverandum in accepta iustitia, ut patet ex verbis D. Gregorii infra referendis.

125 Secundò alij respondent, quòd licet in reprobis baptizatis nihil damnationis remaneat, secundum præsentem iustitiam, & statum temporalem, sub quo sunt statim post baptismum, remanet tamen in eis damnatio finaliter, & secundum æternam Dei prædestinationem. Potest enim homo considerari, ut continetur in massa perditionis, in qua cum Adamo peccavit virtualiter, vel ut postmodum nascitur, & actu ac formaliter in propria persona contrahit & re habet maculam peccati originalis. Inter quos status multiplex est differentia: nam ille prior est, iste posterior, secundum illud non est adhuc homo in se formaliter, sed in alio; secundum istum, est in se formaliter, & non est in alio. Primus est status ordinis innocentie, secundus naturæ lapsæ: ille intentionis, iste executionis: ille dicit debitū incurrendi originale culpam, & incursum in alio, scilicet primo parente; iste dicit actualem ejus inhaerentiam in se, & non solum in alio. Quæ cum ita sint, nihil mirum quòd eidem homini, secundum diversos illos status, diversa quoque prædicata conveniant, & quòd secundum unum dicatur reus, secundum alium innocens: secundum unum habens aliquid damnationis, non vero secundum alterum; ratione unius reprobari, non verò ratione alterius. De secundo ergo statu hominis baptizati, dicunt loqui Tridentinum, quando definit in renatis seu baptizatis nihil esse damnationis; quia, ut supra dicebamus, hic solum intendit proscribere errorem Calvinistarum assertentium per baptismum peccatum originale de facto & re ipsa non deleri, tolli, aut delui, sed extrinsecè tantum, & per meram non imputationem remitti.

His tamen solutionibus prætermisissis, ac in sua probabilitate relictis: duplici aliā responsione argumento proposito, quod est omnium in hac materia difficillimū, ac veluti Adversariorum Achylles, occurrī potest. Prima & facilior, ut existimo, est, si Major absolute negetur. Licet enim peccatum originale sit causa ob quā Deus velit efficaciter reprobos à gloria excludere, non est tamen

sola & adæquata causa illius volitionis: quia ex A duplici titulo Deus homines reprobavit, ut supra insinuavimus: titulo scilicet indebitæ gratiæ, sicut Angelos; & titulo etiam debitiæ iustitiæ punitivæ, propter originale peccatum. Cum autem post primum actum reprobationis, dimissum est aliquibus reprobis peccatum originale, jam tota demeritoria ejus causalitas finita est; unde primi effectus reprobationis, qui est permissio in actuale peccatum, originalis culpa causa non est, sed huius effectus est causa alius titulus indebitæ gratiæ, qui sicut à principio etiam causa fuit reprobationis, pariter causa est permissionis in peccatum, sive negationis auxilij efficacis, quod utriusque etiam debicum non est.

127 Itaque cum utraque causa simul concurreret ad reprobandum, & indebita gratiæ, & debita iustitiæ per originale peccatum: utraque immediata causa fuit tenens se ex parte hominis, ad hoc ut Deus primum actum habuerit circa reprobos, quo illos à regno excludit, & utraque erat ex se ipsa prima & radicalis causa respectu subsequentium omnium effectuum reprobationis, sed dimisso per baptismum postea peccato originali in aliquibus reprobis jam peccatum originale non mansit, nec aliqua ejus causalitas, nec virtus ob quam Deus inducat super illos reliquos effectus reprobationis. Unde permissio in peccatum actuale, propter quod reprobis baptizatus damnatur, non fit propter primam causam aut radicem, sed propter aliam causam & alium titulum indebitæ gratiæ. Quoties enim ad aliquem effectum duplex causa, quarum qualibet est sufficiens ad illum producendum, concurrit, si una ablata, altera remaneat, talis effectus produci potest. Unde juxta hanc solutionem dicendum est, quod in reprobis baptizatis peccatum originale fuit immediata & proxima causa ex parte ipsorum, ut Deus illos à regno excluderet, qui est primus actus reprobationis; & rursus ex se dicebat ordinem, sicut prima & radicalis causa ad ceteros omnes reprobationis effectus, sed quia postea totaliter dimissum fuit per baptismum, nullo modo causavit, etiam ut prima & radicalis causa, reliquos effectus reprobationis, sed ex alia causa jam explicata, illi effectus consequuntur.

128 Aliter hoc explicat P. Lemos in Tractatu de Auxiliis cap. 36. ubi ait, quod originale peccatum esse in baptizatis primam radicem & causam permissionis peccati, & ceterorum effectuum reprobationis, potest intelligi dupliciter. Uno modo formaliter, ita quod originale peccatum remissum, influxum aliquem formalem aut virtuale habeat in homine baptizato, in ordine ad permissionem peccandi, & incidendi in peccata actualia, alioque reprobationis effectus. Et hoc modo non concedit originale peccatum in baptizatis esse primam radicem seu primam causam permissionis peccati, quia cum totaliter & omnibus modis dimissum sit, nihil damnationis affert baptizato, nec aliquem influxum etiam virtuale habet supra primum reprobationis effectum. Secundo peccatum originale potest dici prima radix & causa permissionis peccati, & aliorum effectuum reprobationis, quodammodo materialiter, absque ullo prorsus influxu in talem permissionem, vel in aliquem alium reprobationis effectum, sed præcisè per hoc quod proxima causa demeritoria fuit, ob quam Deus formavit illud decretum de exclusionè à regno, & postea tale decretum, ex vi suæ immutabilitatis, vel ut antea diceba-

mus, quatenus in eo permanet titulus indebitæ gratiæ, causa est permissionis in actuale peccatum, & ceterorum effectuum reprobationis.

Itaque decretum illud immutabiliter causat permissionem peccandi in reprobis baptizatis, non secundum quod habitum fuit ex originali peccato, nec secundum quod originalis culpa ibi virtualiter existens operatur, sed tantum ratione suæ immutabilitatis, quia ob quamcumque rationem semel habeatur, ex propria immutabilitate tantum, & non secundum quod occasionem ab hac vel alia causa sumit, habet quod permissionem in peccatum actuale causet. Est manifestius dicere, quod licet peccatum originale vera causa demeritoria fuerit ut illud decretum circa reprobos haberetur, tamen ad hoc quod illud decretum firmitatem habeat & infallibiliter impleatur, & permissionem peccati actualis causet, omnino per accidens se habet, & merè materialiter, quod peccatum originale præcedat. Quod ex eo constare potest, quod non minus id haberet, etiam si peccatum originale non præcederet, sed ex mera Dei voluntate, sicut in Angelis, habitum esset. Non sequitur ergo, quod si peccatum originale est prima causa ob quam voluerit Deus excludere à regno, & illud decretum sit causa permissionis in peccatum, quod peccatum originale in reprobis baptizatis sit prima radix permissionis in peccatum. Et est exemplum accommodatum finem huic materiz, quod magis quietabit intellectum. Nam peccatum originale fuit prima causa radicalis, vel saltem occasio, ut Christus prædestinaretur, & incarnaretur, ut frequentius docent Theologum S. Thoma 3. p. quaest. 1. art. 3. & tamen hac supposita Majori, non sequitur: Sed Christi prædestinatio & incarnatio est causa nostra prædestinationis & gratiæ: Ergo peccatum originale est prima causa nostræ prædestinationis & gratiæ. Nec hic tenet argumentum de primo ad ultimum, quia permissio in peccatum originale, cum nostra prædestinatione & justificatione ordinem non habet, ut illius causa vel ratio sit. Sic ergo etiam non sequitur: Peccatum originale fuit prima causa ut Deus hoc decretum haberet, ita ut hos à regno excludere: Sed hoc decretum est causa permissionis in peccatum actuale, ob quod quidam damnatur. Ergo peccatum originale est causa talis permissionis & damnationis. Non inquam hoc sequitur, quia licet peccatum originale fuerit causa prima & radicalis ut Deus hoc decretum habuerit, ita ut hos à regno excludere: ibi tamen totaliter quievit, & postea ex sua propria firmitate & immobilitate, vel secundum quod in illo permanet titulus indebitæ gratiæ, habet permittere quod reprobi baptizati in actuale peccatum cadant, propter quod damnandi sunt. Unde juxta hanc doctrinam & solutionem, neganda est etiam Major argumenti propositi. Ut enim aliquid sit causa reprobationis, modo explicato, non requiritur quod causet primam permissionem peccandi, & ceteros reprobationis effectus, sed sufficit quod divinam voluntatem moveat ad formandum decretum absolutum & efficax excludendi aliquos à gloria, quod decretum postea, ratione suæ firmitatis & efficaciz, vel quatenus in eo virtualiter permanet titulus indebitæ gratiæ, erit prima radix & causa permissionis peccandi, & aliorum reprobationis effectuum.

Secundo respondet idem Auctor, ubi supra, 139

concessa Majore, negando Minore: quod scilicet peccatum originale non causet in reprobis baptizatis permissionem peccandi, & denegationem auxiliorum efficacium. Et si enim culpa originalis in reprobis baptizatis non sit causa par se & immediata permissionis in peccatum actuale, quia talis culpa est jam totaliter remissa, est tamen causa illius mediata & virtualiter, ratione alicujus effectus ex illa relictæ: sicut homo mortuus dicitur pater filii posthumus, ratione seminis ab eo decisi, & in utero matris relictæ. Præcipuus enim peccati originalis effectus est, quod homines justificati, in accepta justitia stabiles esse non possint, nisi ex fortiori dono gratiæ conserventur, quod quibus datur, misericorditer datur: quibus autem non datur, ex justitia non datur, quia hoc provenit ex primi parentis peccato. Quæ est expressa D. Gregorii sententia in expositione Psalmi 101. ad illud versiculum: *Quia cinerem tanquam panem manducabam*: Sic enim ibi habet: *Et cum juxta Apostoli sententiam, neque volentis, neque currentis, sed miserentis sit Dei; alios qui corruerant, misericorditer erigit, alios qui stare videbantur, cadere jussit permittit*. Ex peccato namque primi parentis accepimus, ut ne in tanta infirmitate esse possimus. Quod & S. P. Augustinus magis exponit lib. de corrept. & gratia c. 12. loquens enim de hominibus post naturæ lapsum reparatis per gratiam, ait: *Nam si in tanta infirmitate vita hujus ipsi relinqueretur voluntas sua, ut in adiutorio Dei, sine quo perseverare non possent, manerentque vellent, nec Deus in eis operaretur ut vellent: inter tot & tantas tentationes, infirmitate sua voluntas ipsa succumberet, & idcirco perseverare non possent, quia deficientes infirmitate nec vellent; aut non ita vellent infirmitate voluntatis, ut possent.*

131 Patet ergo ex utroque S. Doctore, effectum esse in hominibus baptizatis & justis ex peccato primi parentis relictum, quod in accepta justitia sine speciali gratiæ dono perseverare non possint, sed quantum in ipsis est ab illa cadant: quod homo in natura integra non habebat, ut docetur in Tractatu de gratia. Quare cum Deus reprobis baptizatos cadere in actuale peccatum permittit, & auxilia efficaciam ad perseverandum in accepta justitia illis denegat, justè eis tribuit quod ipsi ex infirmitate ex peccato primi parentis derivata postulant. Unde hæc auxilia duplici titulo eis denegantur: primò quia non sunt illis debita, quo etiam titulo negata fuere malis Angelis. Secundò, quia homines in statu naturæ lapsæ, ex corruptione & infirmitate ex peccato originali relictæ, hoc habent quod in accepta justitia sint minùs stabiles, quàm in statu naturæ integræ; & sic peccatum originale, nō in seipso, sed in suo effectu, manens in homine baptizato & justificato, causa est permissionis in actuale.

## ARTICULUS IV.

*Qui sint effectus reprobationis.*

## §. I.

*Quibusdam præmissis difficultas resolvitur.*

132 Notandum primò, quod cum eadem sit oppositorum scientia, de effectibus reprobationis eodem proportionali modo philosophandum est, ac de effectibus prædestinationis. Unde sicut tres requiruntur conditiones ut aliquid sit prædestinationis effectus, scilicet quod causetur

A à Deo, quod efficaciter ad finem vitæ æternæ ducat, & quod intentione talis finis sit à Deo volitum ac præparatum. Ita etiam ut aliquid sit effectus reprobationis, oportet quod sit à Deo quod cum effectu conducatur ad finem reprobationis, qui est divinæ justitiæ manifestatio, & quod ex intentione talis finis sit à Deo volitum ac præparatum.

Notandum secundò, siue potius supponendum ut certum de fide: quod licet peccatum, quantum ad formale, ad finem reprobationis conducatur, non tamen potest esse effectus illius, sicut nec divinæ providentiæ; quia sub hac ratione, cum avertat à Deo ut ultimo fine, non potest esse ab ipso volitum, nec causatum, ut fusi ostendimus Tractatu præcedenti contra Calvinum, & alios hujus temporis Hæreticos, qui impiè contra Deum blasphemantes, illum faciunt auctorem peccati, & non solum permissionem, & dicunt illum, non sinendo tantum & connivendo permittit homines prolabi in peccatum, sed, ut loquitur Calvinus supra relatius, iudicio ac decreto suo id ordinare & necessitare miseros mortales ad omnia flagitiorum genera perpetranda. Quem errorem damnavit Tridentinum sess. 6. can. 6. & longè ante Araucanicum 2. can. 1. mo his verbis: *Aliquos verò ad malum divina predestinatio prædestinatos esse, non solum non credimus, sed etiam si sunt qui tantum malum credere velint, cum omni detestatione illi anathema dicimus*. Ubi consultò additur illa conditionalis, *si sunt*, quia tunc temporis Pelagiani & Macilenses, Augustino & ejus Discipulis hunc errorem falsò imponebant, eos sub nomine prædestinatorum infamando: à cujus infamie suspicione Augustinum post ejus obitum vindicavit Prosper lib. ad capita Gallorum cap. 1. & 6. & ad responsiones Vincentianas resp. 20. & 14. Dixi autem peccatum, quantum ad formale: quia loquamur de materiali peccati, seu de entitate physica quæ malitiam moralem sustentat, probabile est illam in reprobis esse reprobationis effectum, cum sit volita & causata à Deo, & ad finem reprobationis, divinæ scilicet justitiæ manifestationem, conducatur quemadmodum diximus disp. 3. art. 5. in electis illam esse posse prædestinationis effectum; quia similiter ad ejus finem potest conducere, & ex ejus intentione à Deo præparari. His præsuppositis, de tribus tantum superest difficultas, an sint reprobationis effectus: scilicet de permissione peccati originalis & actualis, de induratione & exaceratione peccatoris, & tandem de æterna damnatione. Pro resolutione,

Dico primo: permissionem peccati originalis non esse reprobationis effectum. 134 Hæc conclusio patet ex dictis articulo præcedenti, ubi ex D. Augustino & S. Thoma ostensum est, peccatum originale fuisse causam reprobationis in hominibus, ex quo clarè deducitur ejus permissionem non esse effectum reprobationis: aliàs peccatum seipsum præcederet, & esset causa suæ permissionis, quod implicat.

Præterea, ut ibidem ostendimus, permissio peccati originalis ordine rationis in mente divina antecedit in genere causæ materialis prædestinationem Christi: Ergo à fortiori antecedit prædestinationem nostram, quæ præsupponit prædestinationem Christi, & est illius effectus; & ex consequenti etiam antecedit reprobationem, quæ vel sit simul cum prædestinatione, vel est illa posterior.



Dico secundò; Permissio peccati actualis per penitentiam non delicti, est effectus reprobationis; scilicet autem permissio illius quod per penitentiam remittitur.

Prima pars est contra Suarem, & alios Recentiores, existimantes permissionem peccati non debere numerari inter reprobationis effectus, sed reduci ad providentiam generalem ordinis supernaturalis. Est tamen manifestè D. Thomæ hic art. 3. in corp. ubi ait: *Sicut prædestinatio includit voluntatem conferendi gratiam & gloriam, ita reprobatio includit voluntatem permittendi aliquem cadere in culpam &c.* Sed voluntas conferendi gratiam est effectus prædestinationis, ut disp. 3. ostensum est. Ergo etiam voluntas permittendi culpam, seu denegandi gratiam efficacem ad illam evitandam, erit effectus reprobationis.

136 Confirmatur: Electio medii efficaciter conducentis ad finem, est effectus intentionis ipsius finis: Sed permissio peccati nunquam remittendi, est medium efficaciter conducentis ad finem reprobationis, scilicet exclusionem reprobatorum à gloria, ob manifestationem divinæ justitiæ, licet collatio gratiæ efficacis est medium efficaciter conducentis ad finem prædestinationis, videlicet consecutionem gloriæ. Ad divinam misericordiæ ostensionem: Ergo si prædestinatio gratiæ est effectus prædestinationis, ita permissio culpæ est reprobationis effectus. Unde Apostolus ad Roman. 9. ait: *Deus volens ostendere iram suam, & notam facere potentiam suam, sustinuit in multa patientia vasa iræ, ipsa in interitum*: id est peccare permittit, ut ibidem exponit S. Thomas.

137 Confirmatur ampliùs: Ut aliquid sit reprobationis effectus, tres tantum conditiones requiruntur: scilicet quòd causeatur à Deo, quòd cum effectu conducatur ad finem reprobationis, & ex ejus intentione à Deo præparetur, ut diximus in 1. notabili: Sed hæc conditiones reperiuntur in permissione peccati nunquam remittendi; illa enim causeatur à Deo, eo modo quo privatio vel negatio gratiæ causari potest, conducit de facto ad finem reprobationis, & ex ejus intentione procedit, cum illam supponat: Ergo habet quidquid requiritur ut sit reprobationis effectus.

138 Probatur etiam secunda pars: Omnis effectus reprobationis, de facto debet ad reprobationis finem, qui est æterna damnatio, conducere: At permissiones peccatorum quæ aliquando remittuntur, ad æternam damnationem de facto non conducunt, cum peccata semel dimissa, per subsequentem culpam non redeant, ut docet Theologus cum S. Thoma 3. p. quæst. 88. art. 1. Ergo tales permissiones effectus reprobationis non sunt.

139 Dico tertio: indurationem & excaciationem, in peccatoribus reprobis, esse effectum reprobationis. Ita D. Thomas hic art. 3. ad 2. ubi ait: *Reprobatio est causa derelictionis à Deo.* Et 1. 2. quæst. 79. art. 4. *Excacatio ex sui natura ordinatur ad damnationem ejus qui excacatur, propter quod ponitur etiam reprobationis effectus.* Quibus verbis nostram conclusionem & docuit, & probavit. Nam id omne quod est à Deo, & de facto ad finem reprobationis conducit & ordinatur, est effectus illius: Sed obduratio & excacatio peccatoris à Deo est, juxta illud ad Roman. 9. *Cujus vult miseretur, & quem vult indurat* (non impertiendo malitiam, sed denegando gratiam, ut explicat Augustinus Epist. 106. & docet D. Thomas loco citato art. 3.) & aliunde illa in reprobis de facto

A conducit ad damnationem æternam, & divinæ justitiæ manifestationem, ac ex intentione hujus finis à Deo procedit: Ergo in reprobis est reprobationis effectus. E contra verò in prædestinatis est effectus prædestinationis, quia ut ait D. Thomas ubi suprà: *Ex divina misericordia excacatio ad tempus, ordinatur medicinaliter ad salutem eorum qui excacantur, sed hac misericordia non omnibus impenditur excacatio, sed prædestinatis solum, quibus omnia cooperantur in bonum, sicut dicitur ad Roman. 8.*

De hoc reprobationis effectu eleganter differt D. Bernardus lib. 1. de consider. cap. 2. ubi cordis duritiem sic describit. *Quarum à me quid durum? Ipsum est quod nec compunctione scinditur, nec pietate molitur, nec movetur precibus, minis non cedit, flagellum duratur. Ingratum ad beneficia est, ad consilia infidum, ad judicia severum, in verecundum ad turpia, impavidum ad pericula, inhumanum ad humana, temerarium ad divina: prætorum obliviscens, præsentium negligens, futura non providens. Ipsum est cui prætorum, præter solas injurias, nihil omnino non præterit, præsentium nihil non perit, futurorum nulla nisi forte ad ulciscendum prospectio seu preparatio est, & ut in brevi cuncta horribile mali mala complectar, ipsum est quod nec Deum timet, nec homines reveretur, jam ante dixerat, Pontificem Eugenium alloquens: Ne pergas adhuc querere quid sit? si non expavisti, tuum est. Solum est cor durum quod semetipsum non exhorret, quia nec sentit.*

C Dico ultimo: æternam peccatoris damnationem esse ultimum ac præcipuum reprobationis effectum. Ita D. Thomas hic art. 3. ad 2. ubi ait: *Reprobatio non est causa ejus quod est in presenti, scilicet culpe; est tamen causa ejus quod redditur in futuro, scilicet pena æterna.* Ratio etiam id fadet: Nam prædestinatio & reprobatio inter se opponuntur, & habent terminos seu effectus inter se oppositos: unde sicut ultimus prædestinationis effectus est consecutio gloriæ; ita ultimus effectus reprobationis, est exclusio à gloria, & æterna damnatio.

Quærit hic aliqui, an etiam substantia reprobis sit effectus reprobationis, sicut substantia prædestinati est effectus prædestinationis, ut in 3. disp. ostendimus.

D Respondeo negativè: quamvis plures, etiam ex nostris, partem affirmativam sequantur. Ratio discriminis est, quia gloria electorum est finis superexcedens & perficiens illorum substantiam, unde ejus productionem ex intentione talis finis imperari maxime congruit: exclusio autem à regno non est finis perficiens substantiam reprobatorum: quare nullum argumentum seu congruentiam habemus, ut asseramus Deum ex intentione excludendi reprobos à regno produxisse illorum substantiam. Quamvis ergo substantia reprobatorum, ad finem reprobationis de facto conducatur, quia tamen ejus productio ex illius intentione non fit nec imperatur à Deo, non debet computari inter reprobationis effectus. Ut enim supra dicebamus, ut aliquid sit effectus reprobationis, tres requiruntur conditiones: scilicet quòd sit à Deo, quòd conducatur ad finem reprobationis, & quòd ex ejus intentione producat, vel saltem imperetur.

Huic sententiæ faver D. Prosper in resp. ad 3. object. Vincent. ubi ait: *Nemo à Deo ideo creatus est ut periret: ut enim nascantur homines, conditoris est beneficium, ut autem pereant, prætorum est meritum.*

Neque obstat id quod dicitur Proverb. 16. *Non siverse*



*niverſa propter ſemetipſum operatus eſt Dominus: im-  
pium quoque ad diem malum. Senſus enim horum  
verborum non eſt, quod Deus impiorum ſub-  
ſtantiam ſeu naturam eo ſine condiderit, ut eos  
à gloria excluderet, & pœnis æternis addiceret:  
ſed ut explicant Elius & Salazar ibidem, intan-  
tum Deus dicitur impium ad diem malum feciſſe,  
inquantum peccata quæ impij ex propria ma-  
litiâ & defectibilitate committunt, ad ſuam glo-  
riam ordinat, quia ſupplicium de illis ſumens,  
juſtitia ſuæ ſeveritatem oſtentat. Unde in ver-  
ſione Septuaginta ſic legitur: *Omnia operatus eſt  
Dominus propter ſemetipſum: impij autem in die mala  
peribunt.* Vel ut habetur in paraphraſi Chaldaica:  
*Impiis ſervatur in diem malum.**

144 Alij hunc locum aliter interpretantur, & vo-  
lunt ideo Deum dici creaviſſe impium ad diem  
malum, quia illum condidit, ut per illum diem  
malum, hoc eſt diem afflictionis, ad pios exer-  
cendos, aut puniendos, immitat. Multi enim di-  
vinâ permiſſione ſemper ſuiſ malis moribus exer-  
citiis bonorum ſunt. Eſt malus homo quidam  
malleus Dei, quo ſculpit in lapidibus vivis & e-  
lectis imaginem filij ſui, ut electi mereantur in  
coeleſti edificio collocari, quem tamen malleum  
poſt opus perfectum artifex frangit. Ne igitur  
putes gratis eſſe malos in mundo & nihil boni  
de illis agere Deum: *Omnia enim malum* (inquit Au-  
guſtinus) *aut iude vivit ut corrigatur, aut ut per il-  
lum bonum exerceatur.*

## §. II.

*Solvuntur objectiones.*

145 **O**bjicies primo contra primam concluſio-  
nem. Permiſſio peccati originalis eſt effe-  
ctus divinæ providentiæ, cum non ſit à Deo tem-  
erariè & fortuito: Sed illa in reprobis non eſt  
effectus prædeſtinationis, ut patet: Ergo effectus  
reprobationis eſt. Conſequentia videtur mani-  
feſta, quia providentia divina adæquatè dividitur  
in prædeſtinationem & reprobationem: unde ſi  
talis permiſſio non ſit effectus prædeſtinationis,  
oportet quod ſit effectus reprobationis.

146 **R**efpondeo diſtinguendo Majorem: Eſt effe-  
ctus divinæ providentiæ generalis, concedo Ma-  
jorem, Specialis nego Majorem, & conſeſſa Mi-  
nori, nego Conſequentiam. Itaque præter præ-  
deſtinationem & reprobationem, quæ ſunt pro-  
videntiæ ſpeciales ordinis ſupernaturalis, datur  
intra illum ordinem providentia aliqua ge-  
neralis, ad quam pertinent aliqui effectus ſuperna-  
turales, cujuſmodi eſt gratia, & juſtitia origina-  
lis collata Adamo in ſtatu innocentis, & conſe-  
quenter permiſſio peccati originalis.

147 **O**bjicies ſecundo contra eandem concluſio-  
nem. Quidquid conducit ad finem reprobationis,  
eſt effectus illius: Sed peccatum originale, &  
conſequenter ejus permiſſio, in reprobis, ad fi-  
nem reprobationis, qui eſt excluſio à gloria, vel  
divinæ juſtitie manifeſtatio, de facto conducit:  
Ergo eſt ejus effectus.

148 **R**efpondeo primò diſtinguendo Majorem. Si  
ex intentione illius producat, vel imperetur,  
concedo Majorem. Secus, nego Majorem. Pec-  
catum autem originale non fuit à Deo permiſ-  
ſum ex intentione finis reprobationis, ſed ex in-  
tentione Incarnationis & prædeſtinationis Chri-  
ſti, ut ſupra annotavimus. Vel ſecundò diſtinguo  
eandem Majorem. Quidquid conducit &c. ut  
medium, concedo Majorem. ut cauſa, nego Ma-  
jorem. Similiter diſtinguo Minorem. Peccatum

A originale ad finem reprobationis conducit, ut  
ejus cauſa motiva concedo Minorem. Ut me-  
dium ad illum ordinatum, nego Minorem, &  
Conſequentiam. Solutio patet ex dictis articu-  
lo præcedenti.

Advertendum tamen eſt, quòd originale pec-  
catum poteſt dupliciter conſiderari. Primò, ut  
præceſſit in Adamo tanquam in capite totius ge-  
neris humani, & hoc peccatum primariò fuit  
peccatum perſonæ, & ſecundariò peccatum na-  
turæ, convenienterque appellari poteſt pecca-  
tum originariæ naturæ ab illo derivantur ſingula o-  
riginalia peccata, quæ ſingulis filijs Adæ à eo  
ſimul cum natura communicantur. Et ſecundum  
hanc conſiderationem, peccatum Adæ, & ejus  
permiſſio, non dicit ordinem ad reprobationem  
alicujus, ſed ſolum conſideratur illud peccatum  
tanquam morbus totius naturæ humanæ, in cu-  
jus remedium venit Chriſtus. Secundò conſide-  
rari poteſt ut contrahitur per carnalem propa-  
gationem à ſingulis filijs Adæ, & ut illis ineſt; &  
in hac conſideratione, permiſſio ſeu dereliſtio  
in peccato originali quod ineſt reprobis, perti-  
net ad reprobationem, ſaltem quando non re-  
mittitur, ſed in illo perſeverat reprobis uſque  
ad mortem. Quod ut magis declaretur,

Advertendum eſt ſecundo, peccatum origi-  
nale, etiam ut contractum in poſteris, poſſe ad-  
huc ſpectari duobus modis. Primo ſecundum ſuam  
primam contractionem, & primum eſſe. Secun-  
dò quantum ad ſuam permanentiam, & veluti  
continuationem vel permiſſionem perman-  
endi, ſicut dicitur de alijs peccatis, quantum  
ad commiſſionem eorum, & indurationem, vel  
permanentiam in illis. Primo modo dicendum  
eſt, permiſſionem originalis non eſſe effectum  
reprobationis, ſed eam antecedere, & eſſe illius  
cauſam, ut ſupra explicatum eſt. Secundo verò  
modo eſt reprobationis effectus. Videatur Alva-  
rez diſp. 40. & 110. de auxilijs.

Objices tertio contra ſecundam concluſionem.

D Reprobatio eſt actus juſtitie punitivæ: Sed per-  
miſſio primi peccati actualis non poteſt eſſe actus  
punitivæ juſtitie, cum nullam culpam præce-  
dentem ſupponat: Ergo non poteſt eſſe reprobationis  
effectus.

**R**efpondeo primò diſtinguendo Majorem.  
Reprobatio eſt actus juſtitie punitivæ, quantum  
ad ultimum ejus effectum, qui eſt æterna dam-  
natio, concedo Majorem. Quantum ad primum,  
qui eſt prima permiſſio peccandi, nego Majorem.

Vel ſecundo diſtinguo eandem Majorem. Re-  
probatio pro materiali eſt actus juſtitie vindic-  
tativæ, concedo Majorem. Pro formali, nego  
Majorem. Nam ſub hac ratione eſt actus divinæ  
providentiæ, cujus eſt permittere non ſolum  
mala naturæ, qualia ſunt monſtra, corruptiones,  
& ægri tudines, ſed etiam mala oppoſita gratiæ,  
qualia ſunt peccata, quæ ſunt veluti monſtra ordi-  
nis gratiæ, & defectus ſeu corruptiones illius.

Tertio data Majori, nego Minorem: licet eni-  
m prima permiſſio peccandi non ſupponat  
culpam præcedentem actualem, ſupponit tamen  
culpam originalem, & ſit in pœnam illius, &  
conſequenter eſt actus juſtitie punitivæ. Solutio  
eſt D. Thomæ 2. 2. quæſt. 2. art. 7. ad 2. ejus verba  
ſupra retulimus.

Objicies quarto contra eandem concluſionem.  
Voluntas permittendi reprobis peccatum nun-  
quam remittendum, eſt prior in Deo ſecundum  
rationem voluntate reprobandi illum: Ergo per-  
miſſio

missio peccati non ex effectus reprobationis. A  
Consequencia videtur manifesta, nullus enim effectus potest suam causam præcedere. Antecedens verò probatur: nam, ut supra ostendimus, voluntas damnandi aliquem, supponit prævisionem peccati numquam remittendi, & consequenter ejus permissionem.

153 Respondeo primò, distinguendo Antecedens.

Est prior voluntate reprobandi, reprobatione positivà, quæ importat voluntatem damnandi & infligendi pœnam æternam damni & sensûs, concedo Antecedens, Reprobatione negativà, quæ dicit solum voluntatem excludendi à gloria, ut beneficio indebito, nego Antecedens. Hæc enim voluntas prius in Deo concipitur, quam voluntas permittendi peccatum: quia, ut supra dicebamus, sicut in consequendo finem, connaturalius agens incipit ab intentione illius, & postea procedit ad eligenda media consecutiva illius: ita in deficiendo à fine, connaturalius incipitur à voluntate defectûs ab illo, quam à voluntate defectûs à mediis. Unde sicut in prædestinatione prior est in Deo voluntas glorificandi electos, quam voluntas dandi gratiâ & merita, quæ sunt media ad vitam æternam conducentia. Ita in reprobatione, prius in Deo concipitur voluntas excludendi reprobum à gloria, quam voluntas permittendi peccatum actuale, quia talis permissio habet rationem mediæ ad illum finem conducentis.

154 Secundò respondent aliqui cum Capreolo: etiam voluntatem damnandi, & infligendi pœnam damni & sensûs, esse in Deo priorem voluntate permittendi peccatum. Quam responsionem explicant, prænotando ex D. Thoma supra quæst. 19. art. 9. in corpore: quod pœna potest considerari dupliciter, vel per se, ut pœna est, & malum ejus cui infligitur, vel ratione adjuncti, & quatenus est manifestativa iustitiæ vindictivæ Dei, qualiter de illa gaudent beati, & Deus illam vult, abique eo quod dicatur odio habere homines. Quâ doctrinâ suppositâ dicunt, quod licet pœna, ut pœna est, non sit volita & intenta à Deo antecedenter ad prævisionem culpæ, ejusque permissionem, bene tamen quatenus est utilis ad manifestationem vindictivæ iustitiæ, seu quatenus in eo relucet bonum divinx iustitiæ, quod est per se volitum & intentum à Deo. Hæc solutio sustineri potest, dummodo addatur quod voluntas damnandi, seu infligendi pœnam, quatenus in ea relucet bonum iustitiæ divinx, est prior in genere causæ finalis prævisione & permissione culpæ: ab ea tamen dependet & est illâ posterior in genere causæ materialis seu occasionalis. Nam, ut supra ostendimus, cum posterioritate in genere causæ materialis itare potest prioritas in genere causæ finalis, eò quod causæ sint sibi invicem causæ, & quod est prius in uno genere, potest esse posterius in alio.

### S. III.

*Deo corollaria notata digna.*

155 EX dictis in hac disputatione inferes primò, hunc ordinem esse statuendum in actibus divini intellectûs & voluntatis, ad reprobationis negotium concurrentibus. Primò Deus voluit voluntate antecedente, omnes homines salvos fieri, & simul decrevit dare omnibus hominibus in suo capite iustitiam originalem, cum hac conditione, quod si illam conservaret, etiam in posteros eam transfunderet; simulque voluit

ipsi dare auxilia sufficientia ad illius conservationem. Postea in alio signo rationis, propter aliquem occultum finem, vel propter finem generalis providentiæ, quæ utamque creaturam secundum suæ naturæ conditionem gubernat, voluit Adamo denegare auxilium efficax, cuius subtractione prævidit quod deficeret ab originali iustitia, & ex permissio ac prævisio originali peccato, fumpsit occasionem ostendendi suam misericordiam in Christi Incarnatione, quem decrevit in tertio signo mittere pro redemptione humani generis à peccato originali, & ab aliis actualibus, quæ in illo protunc, ut in causa, & veluti in radice, prævidit. Deinde in quarto signo rationis, ex omnibus hominibus quos infectos originali peccato prævidit, efficaciter ex meritis Christi venturi quosdam elegit ad gloriam, & alios in pœnam ejusdem originalis peccati, & ad ostensionem suæ iustitiæ erga illos, & majoris misericordiæ erga electos, voluit permittere ut deficerent à consecutione gloriæ, seu positive eis non voluit gloriam. In quinto autem signo rationis, ex vi hujus intentionis, excogitavit media apta ad consecutionem talis finis, & videns in aliquibus hominibus esse aptum medium in solo originali peccato eos relinquere, in alijs vero permittere ut cadant in hæc vel illa peccata actualia, ac in illis perseverent, has permissiones per subsequentem electionem approbavit. Et tandè in sexto signo, per actum imperij sui intellectûs, hæc media ad prædictum finem ordinavit: in qua ordinatione mediorum, formaliter consistit reprobatio, ut supra ostendimus.

Inferes secundo: Voluntatem antecedentem quæ Deus vult omnes homines salvos fieri, posse dici conditionatam, non solâ in sensu supra à nobis art. 2. expósito, quia scilicet Deus vellet efficaciter omnes homines salvos fieri, si hoc pulchritudini universi, & majori divinorum attributorum manifestationi non obesset, & nisi obstaret naturæ defectibilitas suaviter gubernanda, sed etiam quia Deus vellet illos salvare, & efficaciter ad vitam æternam perducere, nisi eos videret peccato originali infectos, & nisi illos primâ culpa parentis odiosos & execrabiles fecisset. Parer hoc ex dictis articulo præcedenti, ubi ex doctrina D. Augustini & S. Thomæ ostendimus, causam motivam reprobationis in hominibus fuisse peccatum originale. Cui sententiæ favet etiam D. Gregorius libro 4. Moral. ubi ait: Si parentem primum nulla peccati putredo corrumpet, nequaquam ex se filios gehennæ generaret, sed hi qui nunc per Redemptorem salvandi sunt, soli ab illo electi nascerentur. Quod Gregorius dictum explicat S. Thomas quodlib. 5. art. 3. his verbis: Quod verò Gregorius dicit, quod si primus homo non peccasset, nequaquam ex se filios gehennæ generaret, indubitanter verum est; non enim in filios transfunderet peccatum originale, secundum quod homines filij iræ nascuntur: quod autem subdit, quod hi soli qui nunc salvandi sunt nascerentur, intelligendum est quod pronomen facit simplicem demonstrationem, quæ videlicet soli electi nascerentur, quantum est ex ratione originis, non autem demonstrationem personalem, quia alie persona essent hominum qui salvarentur. Hæc S. Thomas, quibus Gregorius exponit, quod si primus parens non peccasset, soli electi generarentur, licet non essent iidem qui modo salvantur, ex qua doctrina clarè convincitur, quod de facto quotquot reprobatii sunt, propter peccatum originale reprobatii fuere.

## ARTICULUS V.

*An Deus det omnibus reprobis media ad salutem sufficientia?*

§. I.

*Referuntur sententia, & prima conclusio statuitur.*

157 **H**anc quæstionem hic inferimus, tum quia de illa hic tractant omnes ferè Theologi, tam domestici, quàm extraneis: tum etiam, quia ejus resolutio necessaria est ad omnes reprobationis effectus perfectè intelligendos.

Tres autem circa illam reperio Authorum sententias. Prima docet omnibus reprobis dari à Deo media ad salutem sufficientia. Ita Suarez libro de providentia circa reprobos cap. 1. & sequentibus. & alii Recentiores communiter. Secunda distinguit inter adultos & parvulos, & asserit illis media sufficientia ad salutem conferri, secus autem istis. Hanc tenet Vazquez hic disp. 96. & 97. asserens illam docere omnes Theologos alicujus notæ.

Tertia verò non omnibus reprobis, etiam adultis, media ad salutem sufficientia conferri, sed quosdam adultos & parvulos in penam peccati mortalis, actualis, vel originalis, illis privari existimat. Hanc docent Bannez hic art. 3. dub. 3. Zumel art. 4. concl. 7. Gonzalez disp. 77. sect. 3. Joannes à S. Thoma disp. 10. art. 3. Alvarez de auxiliis disp. 112. conclus. 3. Aravius 3. p. quæst. 86. & eruditus Episcopus Oxoniensis, in manuscriptis Tractatibus de reprobatione, dubio 2. eamque probabiliorē reputat Ledesma quæst. unica de auxiliis art. 16. dicto 4.

Ex extraneis verò illam tenent Abulensis in cap. 4. Exodi quæst. 12. & in 2. cap. Deuteronom. quæst. 10. Gregorius Ariminensis in 1. dist. 46. quæst. unica post medium. Adrianus quæst. 3. de pœnit. Henricus quodlib. 8. quæst. 5. Rossensis in resurrectione art. 36. Lutheri. Michael Medina lib. 3. de recta fide in Deum. Villegas 1. p. contr. 16. cap. 2. & 3. Denique Ruardus Taper, licet asserat oppositam sententiam videri magis piā, hanc tamen putat esse doctrinā Patrum magis conformem; ipseque Vazquez 1. p. disp. 97. cap. 3. agnoscit eam esse apertè sententiam Augustini, cujus auctoritate nolle suam sententiam confirmare. Et eū pro se quædam Prosperi & Fulgentii testimonia protulisset, statueret tamen sibi esse suspecta, quod diligentissimi & exactissimi Augustini Discipuli sunt, & oppositam videantur sequi sententiam, ut ex testimoniis superius capite in prima classe relatis constat. Et quod annotatione singulari dignissimum est, eū loca quæ in illo capite asserit ex duobus illis SS. Patribus, nihil aliud contineant, quàm quod exprimit definitio Tridentini sess. 6. cap. 1. nimirum quod Deus suā gratiā iustificatos non deserit, nisi ab eis deseratur: Si ea illi suspecta sunt, debet consequenter Tridentini definitio illi reddi suspecta. Subdit idem Author in fine ejusdem capitis, quod temere affirmabimus, auxilium sufficientis alicui denegari. Atque (inquit) ab Augustino, & aliis qui id docuerunt, petere possumus, undenam hujus voluntatis Dei certiores fuerint effectus? Loca enim Scripturæ, si qua sunt, quæ priori sententiæ favere videantur, cap. 6.

**A** facile declarabimus. Quamvis verò Vazquez Scripturæ sensum Augustino certius vel profundius penetraverit? Vel sola hujus S. Patris auctoritas, magis nobis sufficere non valeat, quàm quæcumque ratiuncula Vazquis? quietiam 1. 2. disp. 193. cap. 4. num. 39. sibi etiam conformis, hanc eandem sententiam, omnibus auxilia sufficientia dari negantem, proficetur esse Augustini & Discipulorum ejus doctrinam. Mihi verò (inquit) in hac parte non probatur doctrina Beati Augustini, sed existimo esse aliter philosophandum. Sed quomodo cumque philosophetur Vazquez, pro resolutione hujus gravissimæ difficultatis,

Notandum est cum Banne, Alvarez, Zumel, & aliis Thomistis citatis, quod quando quæritur, an Deus det omnibus reprobis media seu auxilia sufficientia, Verbum *Dare* potest accipi dupliciter. Primò ut est correlativum ad recipere, & quatenus denotat intrinsecam receptionem & applicationem divinorum auxiliorum. Secundò modò sumitur, prout significat idem quod præparare & offerre in communi, seu paratum esse, quantum est ex parte sua, illa conferre.

Dico ergo primò: Si *ly Dare* sumatur, prout significat idem quod præparare seu offerre in communi, Deus omnibus reprobis tam parvulis quàm adultis dat media seu auxilia ad salutem sufficientia,

Probatur breviter: Deus habet voluntatem antecedentem de salute omnium hominum, quæ non solum est voluntas signi, sed etiam beneplaciti, ut Tractatu præcedenti ostensum est: Atqui proprius hujus voluntatis effectus est Træparare media seu auxilia ad salutem sufficientia, ut ibidem declaravimus: Ergo Deus omnibus hominibus dat auxilia ad salutem sufficientia, si *ly Dare* accipitur, prout significat idem quod præparare, seu offerre in communi.

Præterea, ut ibidem contra Jansenium ostendimus, Christus pro omnibus mortuus est: At passio Christi pro omnibus oblata, causa est sufficiens salutis omnium, & veluti generalis quædam apotheca, continens omnia media, seu remedia ad salutem necessaria, & fons ille de quo dicitur Zachar. 13. In illa die erit fons patens domus David, & habitantibus Hierusalem, in ablutionem peccatoris & menstruatæ: Ergo idem quod prius.

§. II.

*Statuitur secunda conclusio.*

**D**ico secundò: Si *ly Dare* sumatur, prout est correlativum ad recipere, & prout significat ipsam intrinsecam receptionem auxiliorum, Deus non dat omnibus reprobis media seu auxilia ad salutem sufficientia, sed plures illis privantur in penam peccati mortalis, actualis, vel originalis. Ita docent Thomistæ supra citati.

Probatur primò ex Augustino de corrept. & gratia cap. 1. ubi ait: Si hoc adiutorium vel Angelo vel homini, quamprimum facti sunt, desinisset, quomam non talis natura facta erat, ut sine divino adiutorio manere posset, si vellet, non utique suā culpā cecidissent. Adiutorium quippe desinisset, sine quo manere non possent. Nunc autem quibus deest tale adiutorium, iam peccati peccati est. Ubi Augustinum loqui de adiutorio gratiæ sufficientis, fatecur Vazquez 1. p. disp. 97. cap. 2. Et patet primò, quia loquitur de adiutorio illo quo, ut patet ex verbis immediatè præcedentibus: adiutorium autem sine quo,



apud Augustinum, est auxilium sufficiens: sicut adjuutorum quo, est auxilium efficax. Secundò, quia loquitur de gratia, quā deficiente non imputatur ad culpam defectus operationis, quod solum verificatur de gratia sufficiente: alias homo nunquam peccaret, cum semper quando non operatur, instante præcepto, ei auxilium efficax denegeretur: Ergo sentit Augustinus, aliquando homini negari auxilium sufficiens, in pœnam peccati, saltem originalis.

Idem docet S. Thomas fidelissimus ejus discipulus. Nam 2. 2. quæst. 2. art. 5. ad 1. loquens de auxilio gratiæ, quo fit ut actus sit in nostra potestate, & sine quo modo non potest credere, sperare, & diligere (quod utique sufficiens est, ut patet) ait, tale Auxilium quibuscumque datur, misericorditer datur: quibus autem non datur, ex justitia non datur, in pœnam precedentis peccati, saltem originalis, ut dicit Augustinus in libro de corrept. & gratia. Quibus verbis ex Augustino cap. 5. & 6. de corrept. & gratia collectis, ut ibidem notatur in margine, S. Doctor totam Janfenij & Molinæ doctrinam funditus evertit: docet enim in primis auxilium sufficiens (de quo ibi loquitur, ut ostendimus) dari aliquibus in statu naturæ lapsæ (ut patet ex illis verbis: *Quibus autem datur &c.*) quod negat Janfenius, qui nullum auxilium sufficiens ab efficaci distinctum, in statu naturæ lapsæ agnoscit. Secundò asserit illud non dari omnibus, sed aliquibus in pœnam peccati, saltem originalis, denegari, ut colligitur ex verbis sequentibus: *Quibus autem non datur, ex justitia non datur &c.* Et sic corrumpit doctrinam Molinæ, Suaris, & aliorum Recentiorum, qui admittunt in statu naturæ lapsæ aliquod auxilium sufficiens omnibus commune, & omnibus generaliter concessum.

Probatur secundò ex eodem Augustino Epist. 107. ad Vitalem, ubi inter duodecim præcipua fidei dogmata quæ recenset, hæc tria tanquam certa fide tenenda statuit contra Pelagianos. *Scimus gratiam Dei non omnibus hominibus dari. Scimus eum quibusdatur, misericordiâ Dei gratuita dari. Scimus eum quibus non datur, iusto Dei iudicio non dari.* Idem docet Fulgentius lib. 1. de verit. prædestin. & gratiæ cap. 15. ubi ait: *Gratiam Dei non omnibus hominibus generaliter dari, gratuitum quippe donum Dei est gratia.*

Probatur tertio conclusio ex Augustino ferm. 11. de verbis Apostoli cap. 4. ubi dicit: *Communis est omnibus natura, non gratia.* Idem docet S. Thomas de verit. quæst. 24. art. 15. his verbis: *In nullo inveniuntur omnes homines convenire, nisi in aliquo naturali:* At hæc essent falsa, si in statu naturæ lapsæ daretur aliquod auxilium sufficiens omnibus commune; nam omnes homines convenirent non solum in aliquo naturali, sed etiam in aliquo gratuito & supernaturali; & omnibus communis esset talis gratia, sicut & natura, ut patet: Ergo juxta utrumque S. Doctorem, non datur in statu naturæ lapsæ aliquod auxilium sufficiens, omnibus commune, & omnibus generaliter concessum.

Hæc testimonia adeo aperta sunt, & ita clare ostendunt non dari gratiam illam sufficientem omnibus communem, & omnibus generaliter concessam, quam Recentiores admittunt, ut Vazquez 1. p. disp. 97. cap. 2. ingenue fateatur, quod Augustinus ejusque discipuli, omnium clarissime id tradiderunt. Unde cap. 6. subdit: *Quocirca ego non dubitarem, Augustinum, ejusque Discipulos, Pro-*

*perum & Fulgentium, illum fuisse sententia. Err. 2. disp. 193. cap. 4. num 37. sic habet in margine: Augustinus concedit lapsum hominem interdum destitui auxilio sufficiente ad non peccandum. Quæ ingenua Adversarii confessio, non leve stabilimentum præbet nostræ sententiæ: nam ut inquit Suarez prolog. 6. de gratia cap. 6. Quidquid in materia de gratia Augustinus ut certum affirmat, & ad dogmata fidei pertinens: à quolibet sapiente & erudito Theologo tenendum ac defendendum est, etiamsi certò non constet esse ab Ecclesiâ definitum. Sed, ut supra vidimus, Augustinus hanc propositionem: Gratia Dei non omnibus hominibus datur, ut omnino certam affirmat, imò & inter præcipua fidei dogmata illam reponit: Ergo illa à quolibet sapiente & erudito Theologo tenenda est.*

### §. III.

*Eadem veritas exemplo parvulorum demonstratur.*

Eandem veritatem sæpe demonstrat Augustinus contra Pelagianos & Semipelagianos, exemplo invincibili parvulorum, quos ipsa suā taciturnitate omnem illorum loquelam confundere, omnesque argumentationis humanæ vires infringere, sæpe testatur. Sic ergo potest hoc argumentum proponi. Baptismus in nova lege est unicum medium seu remedium ad salutem parvulorum sufficiens, ut docent Theologi cum S. Thoma 3. p. quæst. 68. Sed baptismus non datur omnibus parvulis, ut patet in illis qui nascuntur apud infideles, vel qui in utero matris moriuntur: Ergo non datur omnibus reprobis auxilia ad salutem sufficientia.

Dices: Defectum & carentiam baptismi in illis parvulis, non oriri ex divina providentia sic disponente, sed ex culpa vel negligentia parentum aut ministrorum Ecclesiæ, qui hujus remedii applicationem negligunt, aut ex causis naturalibus, quæ mortem illorum parvulorum causant, vel accelerant.

Sed utrumque diserte rejicit Augustinus de dono persever. cap. 12. his verbis: *Namquid res humanas in parvulis non divinâ providentiâ, sed fortuitis agi casibus opinabimur, cum rationales vel damnanda vel liberanda sint anime, quandoquidem nec passer cadit in terram sine voluntate patris nostri qui in cælis est? Aut parentum negligentia sic tribuendum est, quod parvuli sine baptismo moriuntur, ut nihil ibi agant superna judicis, tanquam ipsi qui hoc modo male moriuntur, parentes sibi negligentes, voluntate propria de quibus nascerentur elegerint? Quid dicam quod parvulus aliquando antequam illi per ministerium baptismi succuri possit, expirat: Plerumque etiam festinantibus parentibus, & paratâ ministris, ut baptismus parvulo detur, Deo tamen NOLENTE non datur, qui cum parvulum in hac vita non tenuit ut daretur. Et de natura & gratia cap. 8. loquens de eodem parvulo sine baptismo decedente ait: Ego autem dico parvulum natum in eo loco ubi ei non potuit per Christum baptismum subveniri morte preventum, idcirco talem fuisse, id est sine lavacro regenerationis exisse, quia aliud esse NON POTUIT . . . Recte ergo ea damnatione quæ per universam massam currit, non admittitur in regnum celorum, quamvis Christianus non solum non fuerit, sed NEC ESSE POTUERIT.*

Ex quibus verbis hoc argumentum conficio.

Auxilium



Auxilium quoaliquis est Christianus, est auxiliū efficax: auxiliū quo potest esse Christianus, est auxiliū sufficiens: Sed ex Augustino puerille nec fuit nec potuit esse Christianus: Ergo nec auxiliū efficax nec sufficiens habuit ad salutem.

169 Confirmatur: parvulis morientibus in utero matris, non est humanā diligentia applicabilis baptisimus: tum quia tales pueri non possunt subijci operationi ministrorum Ecclesiæ: tum etiam quia baptismi non sunt capaces infantes nondum nati; renasci enim non potest nisi natus: At quod puer moriatur in utero, etsi possit quandoque ex humana culpa, aut aliquo actu humanā diligentia vitabili provenire; multo-  
B tior tamen id provenit ex sterilitate seminis, aut ex naturali matris aut fœtus infirmitate, quæ ex libero actu hominis non dependet: Ergo in his casibus non est provisus parvulis baptismus humanā diligentia applicabilis. Unde inquit Prosper in carmine de ingratis.

*Multos, sanctis genitoribus ortos,*

*Nullo salvari studio potuisse suorum.*

170 Dices: Deum habere voluntatem antecedentē salvandi omnes homines, quam voluntatem et si Vazquez neget parvulos comprehendere, id tamen affirmat Augustinus libro 4. cont. Julian. cap. 8. & constat ex eo quod alias Christus omnium parvulorum redemptor non esset, cum illius redemptio non excedat objectivē voluntatem generalem quam Deus habet de salute hominum, utpote ex illa imperata: At ex vi hujus voluntatis, etsi efficacia media ad salutem omnibus non conferantur, bene tamen sufficientia, ut ostensum est Tractatu præcedenti: Ergo ex vi illius præparat Deus parvulis media sufficientia ad salutem, & consequenter baptismum ut humanā diligentia applicabilem, cum ille sit unicū remedium à Christo pro parvulis institutum.

171 Huic argumento quod est præcipuum fundamentum Adversariorum, patet solutio ex dictis in præcedenti conclusione: ubi ostendimus quod si ly *Dare* accipiat prout significat idem quod præparare seu offerre in communi, Deus per voluntatem antecedentem quā desiderat omnium salutem, omnibus reprobis tam parvulis quā adultis dat media seu auxilia ad salutē sufficientia. In forma igitur, concessa Majori, distinguo Minorem. Per voluntatem antecedentē conferuntur auxilia sufficientia: id est offeruntur, & pro omnibus absque ullius exceptione instituantur, concedo Minorem. Conferuntur, id est applicantur, & intrinsecē in omnibus recipiuntur, nego Minorem & Consequentiam.

172 Itaque ex vi illius voluntatis necessarium non est, ut eodem modo exhibeantur omnibus media sufficientia ad salutem, quod Adversarii negare non possunt, cum fateantur aliquibus parvulis applicari de facto baptismum, aliis autem non applicari, sed solum ut applicabilem per humanam diligentiam fuisse relictum. Non ergo eodem modo omnibus exhibentur media sufficientia ad salutem, ex vi illius voluntatis antecedentis, sed diversimodē. Nos autem diversitatem istam taliter extendimus, quod aliquibus de facto applicandus provideatur baptismus, illis scilicet qui de facto lavacro regenerationis abluuntur: aliis solum ut proximē applicabilis per humanam diligentiam, illis videlicet quibus ob negligentiam hominum non fuit applicatus. Aliis denique, nec ut applicatus, nec ut aliqua diligentia applicabilis, sed ut pro illis quantum est

A ex parte Dei institutus, eisque oblati, & per merita Christi quoad sufficientiam obtentus. Quem providentiæ modum sufficientem concipimus, ut parvuli quibus baptismus, nec applicandus, nec proximē applicabilis fuit relictus, aliter divinæ providentiæ supernaturali subjaceant, ac subiaceret homo in puris naturalibus constitutus, & quādam illam comparantur damnati, cum istis nec conferatur nec offeratur baptismus, nec pro ipsis fuerit institutus, ut eruditè ait illustrissimus D. Godoy, in manuscriptis Tractatibus de reprobatione.

Patet ergo ex jam dictis, Deum non dare omnibus parvulis media seu remedia ad salutem sufficientia, sed aliquos de facto illis privari in pœnam peccati originalis. Ex quo potest desumi ratio efficax ad probandum etiam plures adultos carere mediis & auxiliis ad salutem sufficientibus. Ut enim discurret Augustinus. 4. cont. Julianum cap. 8. *Deus non est benevolenter selestissimis & impiusis hominibus, propriā voluntate repugnantibus, quā innocentissimis parvulis, qui propriā voluntate non repugnant saluti, etsi originali culpā sint inquinati.* Ergo si Deus in pœnam peccati originalis, aliquando neget parvulis remedia ad salutem sufficientia pro illis instituta, cur non dicemus etiam adultis aliquando in pœnam tantæ multitudinis peccatorum, quæ ab illis committuntur, negari à Deo auxilia quibus possint adipisci salutem?

C Adde quod, Deus non solum adultis, sed etiam parvulis, salutem desiderat per voluntatem antecedentem, ut ibidem docet Augustinus; & tamen, ut ex eodem Sancto Doctore ostendimus, illis aliquando negat remedia sufficientia ad salutem: Ergo licet Deus omnibus adultis æternā salutem desideret, aliquando tamen eis denegat auxilia sufficientia ad ejus acquisitionem.

Hoc argumentum multoties urget Augustinus contra Semipelagianos, qui asserabant omnes quotquot in mundo sunt adultos, esse sufficienter ad credendum per gratiam illuminatos: Cur (inquit) *causam parvulorum ad exemplum majorum non patiuntur asseri homines qui contra Pelagianos non dubitant esse originale peccatum, quod per unum hominem in omnes intravit &c.* Sicut autem parvulis quibus vult subvenit, quibus non vult non subvenit: sic & in majoribus non dubitemus fieri, ex ore quippe infantium & lactentium perfecti laudem, ut ibidem S. Doctor discurret. Et libro 4. contra Julian. cap. 8. *Si dixeris mihi, cur ergo non convertit omnium nolentium voluntates? Respondebo: cur non omnes morituros adoptat lavacro regenerationis infantes? Et alibi alloquens Pelagianos, ait: Vos ora obstruunt, & linguas premunt, qui loqui nondum valent.*

#### §. IV.

*Idem ostenditur exemplo infidelium.*

E Adem veritas exemplo infidelium potest demonstrari. Fides enim supernaturalium mysteriorum necessaria est ad salutem, ut docent Theologi cum S. Thoma 2. 2. qu. 2. At plures reprobis negat Deus auxilia ad credendum sufficientia: Ergo illis negat auxilia sufficientia ad salutem. Major est certa, Minor probatur ex communi sententia Theologorum, qui docent cum D. Thoma eadem parte qu. 10. art. 2. dari illis hominibus ad quorum aures prædicatio

Evangelii non pervenit, infidelitatem negativam, seu ignorantiam invincibilem mysteriorum fidei: At nisi isti hominibus neget Deus auxilia sufficientia ad credendum, infideles negativi non erunt, sed culpabiliter mysteria supernaturalia ignorabunt, quia poterunt credere, & ad id tenebuntur, & consequenter in non credendo peccabunt: Ergo illis negat Deus auxilia ad salutem sufficientia.

177 Confirmatur: Ad credendum duo sunt necessaria, sufficientes scilicet propositio veritatum divinarum & supernaturalium, & submissio seu pia motio voluntatis ad earum assensum: Sed non datur omnibus hominibus duplex hæc gratia: Ergo nec auxilia ad credendum sufficientia omnibus conferuntur. Major patet, Minor probatur. Propositio veritatum supernaturalium fieri potest tantum, vel viâ ordinariâ, dum mittuntur prædicatores & ministri Ecclesiæ, vel extraordinariâ, dum immediate per Angelos, vel per seipsum Deus homines instruit, sicut olim docebat Prophetæ, & internas revelationes & visiones: Sed ministri rari sunt, nec omnibus communiter exhibentur, ut patet: constat etiam prædicatores non omnibus & singulis hominibus missos fuisse, nec mitti: Ergo non omnibus auxilium sufficientes ad cognoscenda mysteria fidei datur. Multominus illud quod requiritur ex parte voluntatis ad illis assentiendum: nam sæpe asserit D. Augustinus ex his quibus prædicatur Evangelium, alios quidem intuitu à Deo doceri, illorum voluntatem tangi, & cor eorum aperiri, ut dicitur Actuum 16. de Lidia quadam purpuraria; alios autem non tangi, nec aperiri cor eorum ad assentiendum veritatibus propositis: Multi, (inquit) audiunt verbum veritatis, sed alii credunt, alii contradicunt. Volunt ergo isti credere, volunt autem isti: Quis hoc ignoret? quæ hoc neget? sed cum aliis preparatur, alii non preparatur voluntas à Domino, discernendum est utique quid veniat de misericordia ejus, quid de iudicio.

Hanc rationem tangit Epistola Syriodalis Episcoporum Africanorum in Sardinia exulum, his verbis: De gratia non dignè sentit quisquis eam putat omnibus hominibus dari, cum non solum non omnium sit fides, sed adhuc gentes nonnulla reperiantur ad quas fidei prædicatio non pervenit: beatus autem Apostolus dicit, quomodo invocabunt in quem non crediderunt? aut quomodo credent ei quem non audierunt? quomodo autem audient sine prædicante? Non itaque gratia omnibus datur, quando quidem ipsi gratia participes esse non possunt qui fideles non sunt, nec possunt credere ad quos invenitur ipse fidei auditus minime pervenisse. Similia habet Prosper ad caput 16. responsionis ad capitula Gallorum, sent. 4. ubi ait: Scimus quidem in omnes fines terræ Evangelium destinatum, sed non putamus jam omnibus terræ finibus prædicatum; nec possumus dicere, quod ibi sit gratia vocatio, ubi mater Ecclesia adhuc nulla est regenerationis.

Huic argumento quod in hac materia potissimum est, respondent Adversarii, quod licet infidelibus negativis non dentur auxilia proxima sufficientia ad credendum, & ideo in non credendo non peccent; dantur tamen illis auxilia sufficientia remota, quibus si bene utantur, infallibiliter Deus alia ulteriora ad credendum necessaria donabit: ex quo solum sequitur, aliquibus reprobis negari auxilia sufficientia proxima ad consecutionem salutis, non autem sufficientia remota.

Sed contra primò: Habenti auxilium sufficientem remotum ad aliquem actum, etsi careat proximo, imputatur ad culpam omisio actus: Ergo si hominibus ad quorum aures Evangelii prædicatio non pervenit, dentur auxilia sufficientia remota ad credendum, etsi negentur proxima, imputabitur eis ad culpam non credere, & consequenter infideles negativè non erunt, sed privativè & contrariè. Consequentia patet, Antecedens autem docent plures Theologi, quos refert & sequitur Ledesma, qu. unicâ de auxiliis art. 16. conclusione 3. eâ ductus ratione: quia nempe habentes auxilium remotum, habent in sua libera potestate proximum, ac proinde etiam ipsum actum, & consequenter liberè & imputabiliter illam omittunt.

Secundò impugnatur hæc responsio. Primus actus in ordine supernaturali est actus fidei: Ergo primum auxilium sufficiens ordinis supernaturalis, est auxilium sufficientes ad credendum, & consequenter carentes hoc auxilio, carent omni auxilio supernaturali, ac proinde etiam sufficienti remoto ad salutem. Omnes consequentiæ sunt notæ: Antecedens autem probatur ex Tridentino sess. 6. cap. 8. ubi explicans verba Pauli ad Romanos 3. & 5. asserentis homines just fieri ex fide, ait: *Intelligenda esse in eo sensu quem perpetuus Ecclesiæ Catholice consensus tenuit & expressit, ut scilicet per fidem ideo justificari dicamur, quia fides est humane salutis initium, fundamentum, & radix omnis justificationis.* At primus actus supernaturalis, est primum justificationis initium, quandoquidem omnis actus supernaturalis aliquâ ratione ad justificationem disponit: Ergo primus actus supernaturalis est actus fidei.

Idem probatur ex Augustino Epistolâ 105. ubi dicit: *Restat igitur ut ipsam fidem unde omnis iustitia sumit initium, non humano tribuamus arbitrio, sed gratuitum donum Dei esse fateamur.* Et de prædest. Sanctorum cap. 2. sic habet: *Fides unde pietas exordium sumitur, donum Dei esse monstratur.* Idem docet cap. 3. & 7. & alibi passim. Ex quibus sic ostendo Antecedens. Solus primus actus supernaturalis potest esse id unde omnis nostra iustitia sumit initium: Sed actus fidei est id unde omnis nostra iustitia initiat: Ergo est primus actus in ordine supernaturali, & consequenter primum auxilium sufficientes ordinis supernaturalis, est primum auxilium sufficientes ad credendum.

## §. V.

Idem probatur exemplo amentium.

Ex amentibus etiam desumi potest argumentum non leve, ad probandum Deum interdum in pœnam peccatorum præcedentium denegare reprobis auxilia ad salutem sufficientia. Non magis enim demeretur peccatû quod hominaturalis rationis usu privetur, quàm quod negentur ei auxilia ad salutem sufficientia, nec magis hæc debentur homini rationis compoti, quàm homini existenti debeat expeditio & usus rationis naturalis, imò multò minus: At Deus potest hominem existentem privare expeditione & usu rationis naturalis, & de facto interdum hoc facit in pœnam præcedentium pecca-

peccatorum, ut constet in Nabuchodonozor : A  
Ergo à fortiori poterit hominem rationis naturalis compotem, privare usu supernaturalis rationis, & gratia sufficienti ad salutem, & aliquando de facto privari in pœnam peccatorum præcedentium.

183 Respondendis esse diffinitatem, consistentem in eo quod expeditio usus rationis homini non debetur titulo connaturalitatis, auxilium tamen sufficiens est illi debitum, ratione obligationis quæ tenetur inexcusabiliter præcepta legis supernaturalis adimplere : hæc enim obligatio stare non potest sine potentia adimplendi præcepta supernaturalia, sicut nec talis potentia reperiri absque auxilio supernaturali, saltem sufficienti.

184 Sed contra : Infideles negativi ad nullius præcepti supernaturalis observantiam sunt inexcusabiliter obligati : Ergo in illis saltem, ex obligatione inexcusabilis legis supernaturalis, probari non potest præsentia gratiæ supernaturalis ad salutem sufficientis. Consequentia patet, Antecedens probatur dupliciter. Primum à priori : Non enim stat obligatio legis siue naturalis siue supernaturalis, absque promulgatione, ut ostenditur in Tractatu de legibus : At infidelibus negativi lex supernaturalis promulgata non est : Ergo ad legis supernaturalis observationem non tenentur saltem inexcusabiliter.

185 Secundò probatur inductione. In primis enim ad credendum non obligantur, aliàs peccarent non credendo, & infideles negativi non essent, cum in hoc consistat negativa infidelitas, prout à privativa aut contraria distinguitur. Unde ait Augustinus Epist. 105. *Ipsa ignorantia in eum intelligere noluerunt, sine dubitatione peccatum est, in eum autem qui non potuerunt, pœna peccati.* Item docet D. Thomas 2. 2. quæst. 10. art. 1. his verbis : *Infidelitas purè negativa non est peccatum, sed pœna peccati, quia talis ignorantia divinarum ex peccato primi parentis consecuta est.* Item infideles negativi non obligantur inexcusabiliter ad diligendum Deum dilectione supernaturali, neque ad sperandum in ipso prout est auctor supernaturalis, cum tam amor quàm spes Dei auctoris supernaturalis, ejus cognitionem supponant, quâ infideles negativi non gaudent : Ergo ad nullius præcepti supernaturalis observantiam inexcusabiliter sunt obligati. Patet Consequentia : nam vel non datur aliud supernaturale præceptum legis divinæ supernaturalis, vel cuiusvis supernaturalis præcepti obligatio, spei & charitatis obligationem supponit. Obligatio autem legis supernaturalis positiva, v. g. susceptionis sacramentorum, non habet locum in infidelibus negativis, ut patet : Ergo nullius supernaturalis præcepti obligatione inexcusabiliter tenentur.

#### S. VI.

In peccatoribus excæcati & indurati eadem veritas declaratur.

186 Deum peccatoribus excæcatis ac induratis subtrahere interdum in pœnam præcedentium peccatorum omnia auxilia supernaturalia, & sui desertores ita deserere, ut omni tam sufficienti quàm efficaci gratiâ, saltè per aliquod tempus & spatium vitæ, priventur, docent plures graves Scriptores & insignes Theologi, inter quos sunt duo illustissimi Cardinales : Cajetanus scilicet in 1. quæst. sententia 8. & Bellarmi-

nus libro 2. de gratia & lib. arbit. cap. 6 ubi illam variis Scripturæ & Patrum testimoniis firmat.

In primis adducit illud Eccl. 7. *Considera opera Dei, quod nemo potest corrigere, quem ille despicitur.* Certe (inquit Bellarminus) qui hoc dixit, pro comperto videtur habere, aliquos à Deo interdum ita despicitur ac deseri, ut converti nequeant. Unde Isidorus libro 2. de summo Bono cap. 15. *Nonnulli ita despicuntur à Deo, ut deplorare mala sua non possint, etiam si velint.* Et Augustinus (serm. de verbis Domini, loquens de peccatore obdurato, ait : *Cum vult non potest, quia quando potuit non voluit : ideo per malum velle, perdidit bonum posse.*

Favet etiam Gregorius Magnus 11. Moral. cap. 5. ubi docet interdum Deum ita derelinquere hominem, propter ejus culpam, ut licet vox sonet exterius, interior tamen non tangatur. *Hinc est enim (inquit) quod Cain & divina voce admoneri potuit, & mutari non potuit ; quia exigente culpâ malitia, jam intus Deus cor reliquerat, cui foris ad testimonium verba faciebat.* Item D. Thomas 3. cont. Gen. cap. 162. asserit peccatores interdum privari in pœnam peccati, non solum infusione gratiæ, sed etiam exteriori custodia, per quam occasiones peccandi homini ex divina providentia tolluntur, & provocantia ad peccatum comprimuntur : Ergo ex Scriptura 2. SS. Partibus, Deus peccatores excæcatis & induratis, in pœnam delictorum præcedentium, interdum omni auxilio gratiæ, etiam sufficientis, privat, saltem per aliquod tempus.

Ratio etiam quam ibidem insinuat Bellarminus, id suadet. Nam gratia sufficiens, ut docent Recentiores, in quibusdam sanctis cogitationibus intellectus & piis affectionibus voluntatis consistit, vel, ut volunt Thomistæ, in motione quadam seu qualitate supernaturali, ad actus illos potentias animæ applicante : Sed manifestum est, & ipsâ experientia constat, quod multi peccatores excæcati & obdurati, quando peccant & transgrediuntur præcepta, non semper sentiunt, nec habent bonas illas cogitationes in mente, & pios illos affectus in corde, nec conscientia moribus ac stimulis semper excitantur ; imò potius in peccato sibi complacent, & vulneribus suis, quæ intensissimè diligunt, acerbissimè gloriantur : Ergo tunc gratiâ sufficienti carent.

Ridicula autem & perabsurda est quorundam Recentiorum responsio, qui ut ab hoc argumento sese expédiant, eò confugiunt ut dicant, hujusmodi peccatores non carere quidem istis cogitationibus & affectibus immixtis, nec istis bonis desiderijs, in quibus gratiam sufficientem locant, sed ad illa non advertere, nec ea percipere : unde dicunt dari interdum in homine cogitationes de quibus non cogitatur.

191 Hanc absurditatem & inane commentum solidè refellit Bellarminus, ubi suprà, his verbis. *Dicunt aliqui ut cum quidem perpetuò pulsare ad osium cordis, & peccatores vocare, sed eos aliis rebus intentos non percipere vocationem Dei.* Sed hac responsio cum ipso experimento apertissimè pugnat, nam cum vocatio, pulsus, tractus, excitatio illa Dei, sit actio nostra, quamvis non libera, nimirum bona cogitatio, bonumq. desiderium, repente ac divinitus immixtum : quemodo potest fieri ut non sentiat, ut nobis, si sit non solum in nobis, sed etiam à nobis ?

Præterea, quamvis daretur quod quilibet peccator, quotiescumque peccat, has pias cogitationes haberet in mente, ad quas non adverteret,

& de quibus non cogitare, ut illi dicunt: illæ tamen essent prorsus inutiles, nec illis posset excitari peccator, nec de obligatione præcepti admoneri. Nam cogitatio quam homo non advertit, similis est voci quam non audit: sicut ergo vox quæ non auditur, dormientem suscitare non potest, ita & cogitatio quæ non advertitur, non potest excitare peccatorem, nec inter excitantes gratias numerari.

- 193 Denique, ut egregie ratiocinatur Academia Duacensis in censura, propof. 144. *Si hac Spiritus Sancti præveniens inspiratio putatur omnibus, ubique, & semper esse communis, jam non ubi & cum vult, sed semper & ubique spirat Spiritus Sanctus. Neque orandus erit Deus ut Spiritus sui inspiratione præveniente moveat & emolliat infidelium, & induratum corda, sed illi tantum erunt monendi, ut divina inspirationi consentiant & cooperentur, quandoquidem jam satis habent ex parte Dei, unde credant & convertantur.*

### §. VII.

#### *Concilii Senonensis & Colonienfis testimonia exponuntur.*

- 194 **C**ontra doctrinam §. præcedenti expositam Objicit Antonius Richardus (nunc Stephanus Dechamps, Societatis Jesu) testimonia Concilii Senonensis & Colonienfis. Primum enim decreto fidei 15. agens de necessitate gratiæ hæc habet: *Neque tamen tanta gratia necessitas libero præjudicat arbitrio, cum illa semper sit in promptu, & ne momentum quidem prætereat, in quo Deus non stet ad ostium, & pulset.* Secundum verò in Enchirid. de sacram. penitent. cap. 16. ait: *Deus aded vult omnes homines salvos fieri, ut nemini, quantumlibet scelerato, gratiam suam subtrahat.* Et infra docet quòd duplex est gratia: *Vna generalior, quæ est bonus motus, bonaque cogitatio, veluti cum peccator Deo inspirante agnoscit peccatum suum, cum terrore gehenna concutitur, cum de amittenda aeterna beatitudine dolet: altera specialior &c.* Et (subdit): *Deum nulli hominum gratiâ illâ generalius acceptâ deesse, aded ut nullus sit peccator tam sceleratus, cui Deus, quoad in hac vita superstes fuerit, hanc gratiam subtrahat &c.*

- 195 Respondent aliqui, illa Concilia esse tantum provincialia, nec fuisse à Sede Apostolica confirmata, ac proinde illorum definitiones ad dogmata fidei non pertinere, & posse sine temeritate, nota à Catholicis negari. Unde narrat Joannes à S. Thoma, quòd cum in disputationibus habitis coram Paulo V. inter Patres Societatis & Dominicanos, Concilii Senonensis auctoritas pro sententia Patrum Societatis adducta fuisset, omnino elisa est, & liquidè negata; quia illud Concilium non fuit per Sedem Apostolicam confirmatum, nullo in contrarium reclamante aut quidquam objiciente, neque ex parte suæ Sanctitatis, aut Cardinalium, neque ex parte censorum, neque ex parte ipsorum Patrum Societatis qui objiciebant. Hac tamen prætermisâ solutione.

- 196 Respondeo verba Concilii Senonensis necessariò debere explicari, & cum aliqua restrictione aut modificatione intelligi. Nam ut demonstrat Cardinalis Bellarminus loco citato: auxilium Dei necessarium ad conversionem, non adest peccatoribus omnibus momentis, sed certis temporibus, prout judicat Deus munera sua esse distribuenda: *Idque (inquit) experientia ipsa testatur, non enim sensimus a seipso non illuminari à*

Deo, aut immitti bona desideria quibus excitemur ad conversionem. Idem docet Ruardus Tappereus in explicatione att. 7. Lovanienfium his verbis: *Mihi certum est, non omnibus & singulis semper adesse hujusmodi auxilium, quo opus est ut convertatur, aut converti possit peccator.* Et certè absurdum videtur dicere, peccatores, etiam quando dormiunt, aut ludunt, vel comedunt, aut ad negotia secularia distracti sunt, omni horâ, omni quoque momento temporis, divinis illis moribus, & inspirationibus moveri ac excitari: nam ut inquit Bellarminus ubi (suprà): *Si talis gratia præveniens semper adesset, semper actu bona cogitaremus & vellemus.*

Quando ergo Conciliū Senonense asserit, Dei gratiam ita esse in promptu, ut ne momentum quidem prætereat, in quo Deus non stet ad ostiū & pulset, hoc intelligendum est, vel de quolibet momento in quo urget gravis aliqua tentatio, vel instat alicujus præcepti supernaturalis obligatio. Vel etiam de præparatione ipsius, non autem de actuali ipsius collatione, Ut cum initio hujus articuli ostendimus, Deus per voluntatem antecedentem quâ desiderat omnium salutem, semper paratus ad auxilia gratiæ conferenda, dummodo homines eorum receptioni non ponant, vel posuerint impedimentum.

- Ad Concilium Colonienfem faciliè respondetur, illud solum intendere, quòd Deus non ita deserit peccatorem, ut omnino, & toto tempore vitæ suæ, ei auxilia gratiæ subtrahat; non ramen negare, illum sui desertores interdum ita deserere, ut omni gratiâ tam sufficienti quàm efficaci, saltem per aliquod tempus vel spatium vitæ priventur. Unde Concilium non dicit absolute, & sine addito, quod Deus peccatori, quoad in hac vita superstes fuerit, hanc gratiam subtrahat, ut refert Antonius Richardus, sed *PENITENS SUBTRAHAT, vel ut habetur in margine, SÜBTRAHAT, vel ut habetur in margine, SÜBTRAHAT*: Quas particulas non debuit ille Auctor suppressere, sed fideliter ac sincerè verba Concilii referre.

- Non est etiam omittendum, quòd idem Richardus, seu Stephanus Dechamps, ex verbis sequentibus ejusdem Concilii probare nititur Deum, omnibus paganis ac infidelibus gratiam interiorem ad salutem sufficientem tribuere; & tamen ex lectione textus manifestè apparet, Concilium ibi loqui solum de gratia præveniente extrinseca, seu de beneficiis gratuitis ordinis naturalis: ut sunt pluvie, fruges terræ, serenitas temporis, & pulchritudo universi, seu divinorum attributorum per creaturas manifestatio. Nam postquam Concilium docuit Deum nulli hominum gratiam funditis subtrahere, pulchrumque esse peccatorem tam sceleratum, cui Deus quoad in hac vita superstes fuerit, gratiam penitus subtrahat: sibi obstrictum illud quod dixit Paulus ad viros Listrios Actorum 14. Deum scilicet in præteritis generationibus dimisisse omnes gentes ingredi vias suas; quòd statim solvit, & dicit: *Non sic intelligendum, quasi Deus gentibus gratiâ suâ deseruit. Quin imò ipse Paulus statim subjecit, benefaciens, de celo datus pluvias, & tempora fructifera, implens cibo & lætitiâ corda eorum.* Item Actorum cap. 17. Paulus ad viros Athenienses ait: *Deum scisse ex uno omne genus hominum inhabitare super universam faciem terræ, designans statuta tempora, & terminos habitationis eorum, quærere Deum, si fortè attraherent cum aut inve-*

Lib. duba-  
refsi  
Janse-  
niana  
p. 180

Tomò  
2. in 1  
p. diff.  
5. art.  
6.



inveniant. Quæ omnia verba (quæ mentem A  
Concilii clarè exponunt, ipsumque loqui solum  
de gratiis extrinsecis, seu beneficiis gratuitis ordi-  
nis naturalis, apertè declarant) omisit etiam  
præfatus Auctor.

199 Addo quod postquam idem Concilium ex re-  
citatis verbis Apostoli, intulit Deum nulli genti  
gratiâ suâ deesse, & dixit: *Isneputandus est ulligen-  
ti gratiam suam subtraxisse?* ut explicet quænam sit  
hæc gratia præveniens, statim subjungit: *Verum  
cum gentes id quod de Deo cognosci potest, manifestum  
habuerint, quodd Deus illis per GRATIAM PRÆ-  
VENIENTEM MANIFESTAVERIT, nec tamen  
cum cognovissent Deum, sicut Deum glorificaverunt,  
aut gratias egerunt, sed evanuerunt in cogitationibus  
suis, factum est ut gentes DEI GRATIAM contem-  
nentes ac repudiantes, dimisissent ingredi vias suas.* Ex  
quibus verbis, quæ etiam Richardus subtrahit,  
liquet Concilium nomine gratiæ prævenientis,  
omnibus infidelibus concessâ, nihil aliud intel-  
lexisse, quàm pulchritudinem universi, in quo  
tanquam in speculo diuina attributa relucunt, a-  
liæque beneficia naturalia, quibus homines ad  
Dei cognitionem & amorem extrinsecè & obje-  
ctivè moventur ac excitantur.

## §. VIII.

Alia ratio desumpta ex natura peccati mortalis brevi-  
ter exponitur.

200 PRæter argumenta jam exposita, probari po-  
test conclusio ratione desumptâ ex natura  
peccati mortalis, cujus essentia cum consistat in  
hoc quod avertat ab ultimo nostro fine superna-  
turali, multò magis, quantum est de se, nos avertit  
à mediis quibus revertamur ad illum finem:  
ubi enim non est jus ad finem, multò minùs ad  
media, inter quæ possibillimum gratia numeratur:  
Ergo homo per peccatum mortale incurrit debi-  
tum carenti omnibus mediis ad salutem con-  
ducentibus.

201 PRæterea peccatum mortale, cum sit morbus  
lethalis animæ, & causa ejus mortem spiritualem,  
ipsumque principium vitæ supernaturalis des-  
truit, ut egregiè expendit Augustinus serm. 6. de  
verbis Domini cap. 1. his verbis: *Sicut anima est  
vita corporis, sic vita anima Deus: sicut expirat cor-  
pus, cum anima non emittit: ita expirat anima, cum  
Deum amittit: Deus amissus, mors anima; anima e-  
missa, mors corporis.* Sicut ergo mortuus non exi-  
git quod ei dentur aut debeantur principia mo-  
tuum & actuum vitalium ordinis naturalis: ita  
homo in peccato mortali existens, nullum habet  
jus ad auxilia gratiæ, quæ sunt principia mo-  
tuum & actuum vitalium ordinis supernatura-  
lis, sed meretur illis privari in pœnam præce-  
dentis peccati. Quod si Deus ex sua misericordia  
aliud præstet, & hæc auxilia peccatori tribuat,  
tunc præter ordinem in illo supernaturali ordi-  
ne operatur, ut docet D. Thomas 3. con. Gent. cap. 161. his verbis: *Licet autem ille qui peccat, im-  
pedimentum gratiæ præstet, & in quantum ordo rerum  
exigit, gratiam non deberet recipere; tamen quia  
Deus præter ordinem rebus inditum operari potest, sic-  
ut cum cæcum illuminat, vel mortuum resuscitat, in-  
terdum ex abundantia bonitatis suæ, etiam eos qui im-  
pedimentum gratiæ præstant, auxilio suo pravenit.*  
Quod si Deus præter ordinem operatur, quo-  
ties gratiam homini qui est in peccato mortali  
largitur: ubi est lex dandi infallibiliter grati-  
am saltem sufficientem homini bene morali-

Tom. II,

## ARTICULUS VI.

Convelluntur fundamenta adversæ sententiæ.

## §. I.

Exponuntur quadam testimonia Scripturæ & SS.  
Patrum.

IN primis objiciunt Adversarii illud Joannis 1. 202  
*Illuminat omnem hominem venientem in hunc mun-  
dum.* Quod non solum de illuminatione ratio-  
nalis luminis, sed etiam de illuminatione per  
gratiâ, intelligunt Chrysostomus homil. 7. in  
Joan. Cyrillus Alexandrinus lib. in Joan. cap. 11.  
& D. Thomas ibi lect. 5. in medio: Ergo omnes  
homines supernaturalem illustrationem recipi-  
unt, & consequenter nullus est reprob. bus cui ne-  
getur à Deo auxilium supernaturale sufficiens  
ad salutem.

PRæterea, sæpè in Scriptura Deus omnes ut 203  
ad se veniant invitat: Matth. 11. *Venite ad me  
omnes qui laboratis.* Mat. 22. *Omnes sitientes veni-  
te ad aquas.* Matth. 22. *Quoscumque inveneritis vo-  
cate ad nuptias.* Hæc autem generalis invitatio,  
& vocatio Dei, vana esset, si gratiam talem suf-  
ficientem ad fidem & salutem omnibus non  
conferret: Ergo &c.

Ad primum respondeo ex D. Thoma super 204  
cap. 1. Joan. lect. 5. Illuminari per Verbum du-  
pliciter intelligi posse: Primò de lumine cog-  
nitionis naturalis, de quo Psalmo 4. *Signatum est su-  
per nos lumen vultus tui Domine.* Secundò de lumi-  
ne gratiæ, de quo Mat. 6. *Illuminare Jerusalem  
quia venit lumen tuum.* Priori modo intelligen-  
do, omnes homines in hunc mundum venientes,  
per Verbum illuminantur: omnes enim intelle-  
ctum recipiunt, qui est lumen naturalis ratio-  
nis, derivatum à Verbo: intelligendo autem secun-  
dò modo, tripliciter explicari potest quod Deus  
illuminat omnem hominem venientem in hunc  
mundum. Primò cum Origene, de omni homi-  
ne veniente in hunc mundum, non per solam cog-  
nitionem, sed in Ecclesiam per fidem; & sic verum  
est omnem hominem in hunc mundum, id est in  
Ecclesiam per fidem venientem, per Verbum il-  
luminari lumine gratiæ. Secundò ex Chrysosto-  
mo, accipiendò adventum in mundum, pro crea-  
tione: nam etiam in hoc sensu verum est omnem  
hominem venientem in hunc mundum, à Verbo  
illuminari, quantum est de se, id est secundum  
voluntatem antecedentem, ex qua non sequitur  
omnes in se recipere supernaturalem illustratio-  
nem, ut constat ex suprà dictis. Tertiò ex Augu-  
stino exponitur, ut ly *omnem* sit distributio ac-  
commoda, & sensus fiat: illuminat omnem ho-  
minem, non simpliciter, sed omnem qui illumi-  
natur, quia nullus nisi à Verbo illuminatur lu-  
mine gratiæ. Ita D. Thomas ferè de verbo ad  
verbum ibidem: ex quibus patet, quàm falsò  
contra nostram sententiam in commentario hu-  
jus loci ab Adversariis adducatur, cum nihil pro  
illa expressius ibi docere poterit.

Ad alia testimonia generalitatem divine voca- 205  
tionis indicat, dicitur illa intelligi de vocatio-  
ne ad legem, quæ ad omnes homines aliquo mo-  
do se extendit. Nam ad legem naturæ omnes ve-  
nientes ad usum rationis vocantur. Ad legem au-

N 3

tem

tem gratiæ, quantum est ex parte Dei, omnes secundum voluntatem antecedentem, non autem secundum voluntatem consequentem & efficacem; cum lex gratiæ, seu super naturalis, omnibus non fuerit promulgata, sed ab aliquibus invincibiliter ignorata, ut constat in infidelibus negativè, de quibus supra.

Secundò opponunt Adversarii testimonium 206 D. Prosperi, vel Authoris operis de vocatione gentium, qui inter opera D. Ambrosii tomo 4. habetur. Nam ille Author lib. 2. cap. 10. hæc scribit: *Elaboratum est quantum Dominus adjuvit, ut non solum in novissimis diebus, sed etiam in cunctis retro sæculis probaretur gratiam Dei omnibus hominibus adfuisse: providentiæ quidem pari, & bonitatis generali, sed multi modo opere, diversaque mensurâ, quoniam sive occultè sive manifestè, ipse est (ut ait Apostolus) Salvator omnium, maxime fidelium.* Et rationem assignans subiungit: *Dicens enim quod est Salvator omnium hominum, confirmavit bonitatem Dei super universos homines esse generalem; adjutiendo autem, maxime fidelium, ostendit esse partem generis humani, quæ merito fidei divinitus inspirata, ad summam atque æternam salutem, specialibus beneficiis provehatur.* Ergo ex mente D. Prosperi, Deus omnibus hominibus, etiam infidelibus, auxilia ad salutem sufficientia impertitur.

Huic testimonio in primis responderi potest, 207 D. Prosperum, vel hujus operis Auctorem, loqui per distributionem accommodam temporum & hominum, & solum intendere, nullum fuisse retro sæculum, in quo aliquibus hominibus gratia supernaturalis concessa non fuerit, unde ibidem ait. *Nulla pars mundi ab Evangelio vacat Christi, & licet illa generalis vocatio non quiescat, tamen etiam ista specialis, jam universis est facta communis.* Ex omni gente, ex omni conditione adaptantur quotidie millia senum, millia juvenum, millia parvulorum &c.

Vel secundò dicatur: omnibus hominibus 208 supernaturalem gratiam adfuisse, ut oblatam in communi, licet non in omnibus in particulari receptam. Sic autem intelligendum esse, constat ex eo quod præsentiam gratiæ probat, quia Deus est omnium Salvator: ex hoc autem principio non potest colligi præsentiam gratiæ, ut in omnibus intrinsecè recepta, sed solum ut oblatam ac præparatam in communi, ut antea exposuimus.

Denique obijciunt Recentiores quædam S. 209 Thomæ testimonia, in quibus videtur admittere gratiam sufficientem omnibus communem. Nam 3. contra Gentes cap. 159. ait: *Deus quantum est in se, paratus est omnibus dare gratiam: vult enim omnes homines salvos fieri, & ad agnitionem veritatis venire.* Et in caput 12. Epistolæ ad Hebræos lect. 2. *Gratia nulli deest, sed omnibus, quantum in se est, se communicat.* Et r. p. quæst. 49. art. 2. ad 3. *Deus non deficit ab agendo quod est necessarium ad salutem.*

Respondet hæc & similia testimonia, quæ inutiliter congerunt & accumulunt Adversarii, ne leviter quidem militare contra nostram sententiam: quoniam in his locis S. Doctor solum intendit declarare, Deum per voluntatem antecedentem omnibus hominibus offerre seu præparare auxilia seu remedia ad salutem sufficientia; nam pro omnibus instituit sacramenta in Ecclesia, & pro omnibus Christum misit, & illius merita decrevit, quæ sunt ex se sufficientia ad salutem; non dicit tamen illa media & auxilia, per

A voluntatem illam generalem omnibus esse applicata, & in omnibus intrinsecè recepta; imò potius oppositum docet locis supra relatis, præsertim 2.2. quæst. 2. art. 5. ad 1. ubi aperte docet auxilium necessarium ad credendum & diligendum Deum, quibusdam in penam peccati præcedentis, saltem originalis, in statu naturæ lapsæ denegari.

## §. II.

*Solvuntur argumenta à ratione petita.*

Obijcies primò: Si Deus aliquibus non com- 211  
municet auxilia ad salutem sufficientia, maxime infidelibus: Sed isti auxilia sufficientia consequuntur: Ergo nulli homini talia auxilia denegantur. Major patet ex supra dictis, Minor probatur primò. Singulis gentibus sunt præficti Angeli custodes, ut docet communis sententia infra quæst. 13. At nisi Angeli excitare possent in gentibus & infidelibus illustrationes supernaturales conferentes ad salutem, inanis esset illorum præfectura & custodia: Ergo omnibus infidelibus dantur auxilia sufficientia.

Secundò probatur eadem Minor. Si Deus infidelibus auxilia ad salutem sufficientia denegaret, maxime propter peccata quæ committunt, quibus gratiæ impedimentum ponunt: 212  
Sed hæc ratio non obstat: Ergo &c. Minor probatur, nam multi sunt Hæretici & Catholici qui plura & graviora peccata committunt, quam Gentiles & Ethnici, ac proinde plura & majora ponunt gratiæ impedimenta, quibus non obstantibus, auxilia ad salutem sufficientia recipiunt.

Tertiò eadem Minor principalis suadet. 213  
Christus est caput omnium hominum, etiam infidelium, ut docet D. Thomas 3. p. quæst. 8. art. 1. At proprium est capitis in sua membra influere: Ergo Christus influit in omnes homines, etiam infideles, aliqua auxilia supernaturalia ad salutem sufficientia.

Respondet concessa Majori, negando Minor. 214  
Ad cujus primam probationem dicendum cum D. Thoma, loco in argumento citato, art. 4. ad 3. *sicut præficti & infideles non privantur interiori auxilio rationis naturalis, ita etiam non privantur exteriori auxilio totius naturæ humanæ divinitus concessio, scilicet custodia Angelorum, per quam etsi non juvantur, quantum ad hoc quod vitæ æternæ bonis operibus mereantur, juvantur tamen quoad hoc quod ab aliquibus malis retrahuntur, quibus & sibi ipsis & aliis nocere possunt, nam & ipsi Demones arcantur per bonos Angelos, ne noceant quantum volunt.* Ex quibus constat, custodiam Angelorum in infidelibus non esse frustraneam, quamvis in illis non excitent supernaturales illustrationes, juvantes ad opera conducentia ad salutem: sufficit enim illos ministerio Angelorum juvari ad bonum morale efficiendum, & pauciora committenda peccata, ut mitius in inferno puniantur.

Ad secundam probationem dicatur, peccatū 215  
esse impedimentū sufficienti ad denegationem gratiæ sufficientis, non tamen necessitans Deum, ut eam semper peccatoribus denegat: quare aliis qui majoribus sunt irretiti peccatis, multoties conceditur; unde licet ratio sufficienti ex culpa sumatur, quæ quod sufficienti meretur ut homines non solum supernaturali gratiâ, sed & naturali priventur; ratio tamen efficacis est divina voluntas, de qua absque ulla impietate nos credimus velle quandoque homines per negationem

omnis supernaturalis auxilii punire, sicut ipsi Adversarii, abique impietatis specie fatentur, Deum in pœnam præcedentium peccatorum, aliquando homines gratiâ proximè sufficienti privare.

- 216 Ad ultimam probationem ejusdem Minoris respondeo ex D. Thoma loco allegato in solutione ad 1. *Quod illi qui sunt infideles, etsi actu non sint de Ecclesia, sunt tamen de Ecclesia in potentia; quæ quidem potentia in duobus fundatur: primò quidem & principaliter in virtute Christi, quæ est sufficiens ad salutem totius generis humani, secundariò in arbitrii libertate.* Verba sunt D. Thomæ: unde in forma, concessâ Majori, distinguo Minorem. De ratione capitis est influere actu vel potentia, concedo Minorem. Actu semper, nego Minorem. Et insito tum in parvulis non baptizatis, tum in adultis reprobis, & usu rationis carentibus, quorum Christus est caput, & tamen nullam supernaturalem gratiam actu in eos influit. Unde cum Augustino meriò dicere possumus, quod omnia Adversario rum argumenta, vires suas perdunt in parvulis, eorumque ora obstruunt, & linguas premunt, qui loqui nondum valent.

- 217 Obijces secundò: Omnis homo quandiu est in hac vita potest salvari, aliàs esset extra statum salutis, sicut illi qui sunt in termino damnationis: At salus hominis non est possibilis nisi per gratiam: Ergo omni homini quandiu est in hac vita, datur gratia supernaturalis sufficiens.

- 218 Confirmatur: Nullus est peccator, quantumcunque obduratus & obstinatus in malo, qui quando vivit non possit de peccatis agere pœnitentiam: nam ut scribit S. Thomas 3. p. quæst. 86. art. 1. *Dicere quod aliquod peccatum sit in hac vita de quo quis pœniterenon possit, erroneum est:* Actusne gratia sufficiens, homo non potest pœnitere de peccatis: Ergo illa nulli peccatori, quantumcunque obdurato, vel excecato denegatur.

- 219 Ad objectionem respondeo ex Banne, ubi supra, solutione ad ultimum: concessâ Majori & Minori, negando Consequentiam in sensu conclusionis. Sicut ista consequentia non valet: Omnis homo, quandiu est in hac vita, potest credere: At non potest credere nisi per gratiam: Ergo omni homini confertur gratia, ad credendum sufficiens. Et ratio est, quia ut homo dicatur potens salvari, sufficit quod licet non habeat gratiam dantem potentiam, possit tamen illam recipere, & Deus possit illam conferre, quod totum verificatur de homine quandiu est in hac vita, & ideò verè dicitur posse salvari.

- 220 Dices: Licet hæc doctrina sit vera, loquendo de auxilio efficaci, quod non dat potentiam, sed illam supponit, & ad actum applicat, non tamen de gratia sufficienti dante potentiam: Ergo nulla solutio. Probatur Antecedens: Nam effectus formalis præsens, abique forma præsentem seu existentem præstari nequit: At posse consequi salutem, est effectus formalis gratiæ sufficientis: Ergo non stat hominem posse consequi salutem, & actu in se non habere gratiam sufficientem receptam.

- 221 Respondeo ex alia doctrina ejusdem Bannis ibidem notabili 2. ante conclusionem 6. possibile dici dupliciter. Primò extrinsecè, ab extrinseca potentia alterius: nam ut docet Aristoteles 3. Ethic. cap. 3. id quod per amicos possumus, per nos ipsos posse censetur. Secundò intrinsecè, ratione principii actu in subiecto existentis, proportionari ad id quod possibile dicitur. Quâ doctrinâ suppositâ, nego Antecedens: ad proba-

tionem distinguo Minorem. Posse consequi salutem, potentia homini intrinsecè, est effectus formalis gratiæ sufficientis, concedo Minorem. Potentiâ extrinsecè, nego Minorem, & distinguo Consequens: Ergo non stat hominem posse consequi salutem, per potentiam intrinsecam, & in se actu non habere gratiam sufficientem, concedo: per potentiam extrinsecam, nego. Et hanc solam nos damus infidelibus, & aliis peccatoribus omni auxilio destitutis, quandiu sunt in hac vita, fundatam principaliter in potentia Dei, & virtute meritum Christi, & minùs principaliter in arbitrii libertate, ut docuit D. Thomas 3. p. quæst. 8. art. 3. ad 1.

Infabitis: Ex hac doctrina & solutione sequi quod etiam Angeli post lapsum, & homines qui sunt in inferno, sint in statu salutis: Sed hoc est erroneum: Ergo &c. Sequela probatur: nam etiam Deus potest dæmones ad se convertere, & damnatos omnes ad pœnitentiam revocare, illosque glorificare: Ergo si hæc potentia extrinseca sufficiat, ut infideles & alii peccatores auxilio supernaturali destituti, dicantur esse in statu salutis, sequitur quod Angeli post lapsum, & homines in inferno existentes, sint etiam in statu salutis.

Respondeo negando sequelam. Ad cuius probationem, in primis dico: potentiam ad salutem, quàm infidelibus & peccatoribus omni supernaturali auxilio destitutis concedimus, non fundari solum in potentia Dei, sed insuper in arbitrii libertate ad bonum & malum, quâ Angeli post lapsum, & homines damnati non gaudent.

Secundò respondeo posse salvari ab extrinseco, se habere dupliciter. Primò de potentia absoluta: secundò de potentia ordinaria. Primo modo possunt Angeli post lapsum & homines damnati salvari, sed hoc non sufficit ut dicantur esse in statu salutis. Secundò modo possunt peccatores & infideles salvari quandiu sunt in hac vita, & hoc sufficit ut dicantur esse in statu salutis. Ita S. Prosper ad objectionem C. Vincentianam. *Multorum (inquit) hominum malitia talis est, qualis & Daemonum: sed hoc inter malos homines distat & Dæmones, quod hominibus, etiam valde malis, superest, si Deus miseretur, reconciliatio: Dæmonibus autem nulla est in æternum servata conversio.*

Addo quod, infideles & peccatores, quandiu sunt in hac vita, possunt salvari, non solum potentiâ divi: à, sed etiam ratione sufficientiæ meritum Christi, quæ pro ipsis fuerunt applicata quoad sufficientiam, & ut sic à Deo acceptata, & ideò verè dici esse in statu salutis: secus autè Angeli post lapsum, & homines jam damnati, quia pro illis Christi merita applicata non fuerunt, etiam quoad sufficientiam, nec à Deo ut sic acceptata.

Ex his patet responsio ad confirmationem, principali argumento adjunctam; dicendum est enim, hominem duobus modis posse dici potentem ad agendam pœnitentiam. Primò ab intrinseco, id est per principium sufficiens intrinsecè in ipso receptum, & hoc modo regulariter loquendo peccatores sunt potentes ad agendam pœnitentiam, ratione auxilii sufficientis quod instante præcepto de agenda pœnitentia à Deo recipiunt. Secundò ab extrinseco, potentiâ fundatâ in virtute gratiæ conferibilis à Deo, & in virtute arbitrii nō obstinati in malo; hoc feci modo peccatores indurati & excecati, quibus Deus interdum in pœnam præcedentiū peccatorum auxilia sufficientia denegat, possunt dici poten-

potentes ad pœnitendum, non autem primò. A Unde verissimum est quod docet D. Thomas loco allegato, erroneum esse dicere, quod aliquod peccatum sit in hac vita de quo quis pœnitere non possit: potentiâ scilicet intrinsicâ, vel extrinsecâ jam explicatâ.

- 227 Dices: Ut quis inexcusabiliter obligetur ad aliquem actum, debet esse intrinsicè potens ad illum eliciendum: Sed peccatores obdurnati & excecati, inexcusabiliter obligantur ad agendam pœnitentiam: Ergo debent esse ab intrinsicè potentes ad pœnitendum de peccatis, per principium & auxilium sufficiens, intrinsicè in illis receptum.

- 228 Respondeo negando Majorem: potest enim quis inexcusabiliter obligari ad aliquem actum, quamvis careat potentiâ intrinsicâ ad illum, si talis defectus & carentia ex ejus culpa oriatur. Quod declarant Theologi variis exemplis. Primò quidem servi, qui contempto iussu domini sui, ad civitatem eum mittentis, & intimantis periculum, & foveam in via constitutam, omnibusque necessariis ad eam vitandam instruens; si tamen servus ille contra præceptum domini voluntariè se in foveam projiciat, non exiit obligatione præcepti, justèque punitur, etiam postquam fractis tibiis impotentem ad ambulandum se reddidit.

- 229 Aliud exemplum adducunt de homine ebrio, qui non desinit esse reus homicidii quod committit, licet pro tunc, & ex eo quod sit expertus usus rationis, sit impotens aliud faciendi: quia scilicet in hunc impotentem & ebrietatis statum liberè se coniecit. Hoc exemplo utitur S. Thomas; cont. Gent. cap. 160. his verbis: *Quamvis illi qui in peccato sunt, vi ære non possint per propriam potestatem, quin impedimentum gratia præsent vel ponant, nisi auxilio gratia præveniantur: nihilominus tamen hoc eis imputatur ad culpam, quia hic defectus ex culpa præcedente in eis relinquitur: sicut ebrius ab homicidio non excusatur quod per ebrietatem committit, quam suâ culpâ incurrit.* Idem docet Abulensis in cap. 2. Deuteron. quæst. 10.

- 230 Tertium exemplum est dæmonis & damnatorum, qui tenentur ad Deum se convertere, & non peccare, licet non possint sine auxilio gratiæ quod eis non datur, quod non obstante verè mortaliter in singulis actibus peccant, ut docet S. Thomas quæst. 16. de malo art. 5. quia in hunc statum ex voluntaria culpa devenerunt. Similiter ergo quamvis aliqui peccatores inducati & excecati careant potentiâ intrinsicâ, & auxilio sufficienti ad pœnitentiam, & ad evitanda omnia peccata mortalia; quia tamen in talem impotentiam ex voluntaria culpa inciderunt, & auxiliis sufficientibus in penam præcedentium peccatorum privati sunt; ideo nec à peccatis excusantur, nec ab obligatione pœnitendi eximuntur. Unde Augustinus lib. 1. operis imperfecti in Julianum pag. 155. ait: *Peccandi necessitatem, illius peccati esse penam, quod nullâ necessitate commissum est.*

- 131 Instabis: Si impotentia proveniens ex culpa præcedenti non excuset à peccato, sequitur quod motus primò primi sensualitatis, ignorantia invincibilis, & infidelitas negativa, erunt peccata: illa enim proveniunt ex culpa præcedenti, scilicet peccato originali, quod est nobis voluntarium in capite: Sed hoc est falsum & erroneum: Ergo & illud.

- 232 Respondeo negando sequelam. Nam ut egre-

giè docet S. Thomas in 1. dist. 50. quæst. 1. art. 2. in corp. *Oportet quod secundum hoc quod aliquod rationem culpe habet, secundum hoc ratio voluntatis in ipso reperitur. Sicut autem est quoddam bonum quod respicit naturam, & quoddam quod respicit personam; ita etiam est quoddam culpa naturæ, & quoddam persona. Unde ad culpam personalem requiritur voluntas persone, sicut patet in culpa actuali, quæ per actum persone committitur: ad culpam verò naturæ (id est peccatum originale) non requiritur nisi voluntas in natura illa. Quibus verbis aperte declarat, ad culpam personalem requiri voluntatem personæ, & non sufficere voluntatem naturæ.* Unde cum motus primò primi sensualitatis, ignorantia invincibilis, infidelitas negativa, & alia quæ in nobis ex peccato originali relinquuntur, non sint voluntaria voluntate personæ, sed tantum voluntate naturæ, non habent rationem culpe, sed pænæ, ut docet idem S. Doctor 2. 2. quæst. 10. art. 1. ubi ait: *Infidelitas, si accipiat secundum negationem puram, sicut in illis qui nihil audierunt de fide, non habet rationem peccati, sed magis pænæ; quia talis ignorantia divinatorum, ex peccato primi parentis consecuta est.*

### §. III.

*Solvitur argumentum de puero ad usum rationis perveniente.*

**O**bjicies tertio: Quilibet puer ad usum rationis perveniens, tenetur ad Deum se convertere, ut docent Thomistæ cum Angelico Præceptor 1. 2. quæst. 89. art. 6. Ergo tunc recipit auxilium sufficiens ad talem conversionem, & consequenter nulli adulto auxilium sufficiens ad salutem denegatur.

Respondeo puerum ad usum rationis pervenientem non teneri se convertere in Deum ut auctorem supernaturalem (nisi fortè tunc ei tanta deret à Deo illuminatio, quod illum ut auctorem supernaturalem agnoscat) sed solum obligari ad conversionem in Deum ut finem naturalem, & luminis naturalis ac boni honesti, quod tunc incipit cognoscere, auctorem. Quare licet quilibet homo ad usum rationis perveniens, à Deo recipiat auxilium speciale ordinis naturalis, quod sit potens ad talem conversionem, non tamen quilibet recipit auxilium supernaturale quo possit in Deum ut auctorem & finem supernaturalem se convertere, quod tantum auxilium est ad salutem sufficiens. Unde ad Argumentum, concessio Antecedente, & primâ Consequentia, neganda est secunda.

Dices: Si auxilium illud sit ordinis naturalis, sequitur hominem ex viribus naturæ posse ad gratiam se disponere: Sed hoc est falsum & erroneum, ut disp. 2. ostendimus: Ergo & illud. Sequela probatur. Conversio in Deum ut ultimum finem, est dispositio ad justificationem & gratiam; unde D. Thomas loco citato ait: *Si puer perveniens ad usum rationis; seipsum ordinaverit ad debitum finem, per gratiam consequetur remissionem originalis peccati.* Ergo si puer perveniens ad usum rationis, possit cum solo auxilio speciali ordinis naturalis, in Deum ut ultimum finem se convertere, poterit etiam ex viribus naturæ ad gratiam se disponere.

Respondeo negando sequelam Majoris, ad cuius probationem, distinguo Antecedens. Conversio in Deum ut ultimum finem naturalem si-

mul. &



mul & supernaturalem, est dispositio ad gratiam, concedo: ut naturalem tantum, nego. Similiter distinguo Consequens: Ergo si puer ad ulum rationis perveniens, possit cum solo auxilio ordinis naturalis, in Deum ut ultimum finem naturalem & supernaturalem se convertere, poterit ex viribus naturæ ad gratiam se disponere, concedo. Si possit solum se convertere in Deum ut auctorem naturæ, nego.

237. Instabis: In statu elevationis naturæ humanæ ad ordinem supernaturalem, homo non potest se convertere in Deum ut finem naturalem, nisi etiam se convertat in Deum ut finem supernaturalem, sicut docent nostri Thomistæ in Tractatu de gratia: Ergo si puer ad ulum rationis perveniens, cum solo auxilio entitativæ naturalis, possit in Deum ut finem naturalem se convertere, poterit etiam cum eodem auxilio se convertere in Deum ut auctorem supernaturalem.

238. Respondeo distinguendo Antecedens. Non potest &c. in sensu composito, seu potentia consequenti, & habente suum effectum, concedo Antecedens. In sensu diviso, seu potentia antecedente & ab actu separata, nego Antecedens, & Consequentiam.

Quamvis ergo conversio actualis in Deum ut finem naturalem, sit semper conjuncta cum conversione in illum ut finem supernaturalem, potentia tamen proxima & completa ad primam conversionem, potest esse sine potentia proxima & completa ad alteram: unde quamvis necesse sit quod in eodem instanti in quo datur auxilium efficax ad unam conversionem, detur etiam efficax in ordine ad aliam, non tamen requiritur quod quicumque habet auxilium sufficiens ad conversionem naturalem, habeat etiam ad supernaturalem: in hoc enim distinguitur auxilium efficax à sufficienti, quod primum dat possibilitatem consequentem, seu applicatam ad actum, & cum illo indissolubiliter conjungitur; alterum vero tribuit solum possibilitatem antecedentem, carentem applicatione ad actum, & ab illo separatur.

## §. IV.

*Aliud argumentum solvitur.*

239. Obijciunt ultimò quidam Recentiores, cum Antonio Richardo, seu Stephano Dechamps, Jesuita, cujus supra meminimus: Calvinus, & alii heterodoxi, gratiam sufficientem communem, seu omnibus hominibus generaliter concessam, repudiant, eamque Pelagianismum redolere, & ex fecibus Scholasticorum hauritam esse conclamant. Imò Calvinus lib. 2. inst. cap. 2. num. 6. ejus assertores, phreneticos appellat: *Phreneticos* (inquit) *nihil moror, qui gratiam pariter & promissæ expostam esse garriunt.* Ergo qui gratiam illam communem rejiciunt, Calvino, & alijs hujus temporis hæreticis, patrocinari videntur.

240. Respondeo primò idem argumentum tetorquendo in Adversarios. Nam olim Faustus, & alii Semipelagiani, hanc gratiam communem & omnibus generaliter concessam docebant, ut constat ex D. Prospero in Epist. ad Augustinum & in carmine de ingrat. cap. 10. ubi alloquens Semipelagianos, habet hos verba.

*Gratia qua Christi populus sumus, hoc cohæbetur  
Limite vobiscum, & formam hanc adscribitis illi:  
Tom. II.*

*Ut cunctos vocet illa quidem, invitetque, nec ullum  
Præteriens, studeat communem asserere salutem  
Omnibus, & totum peccato absolvere mundum.*

Item Faustus in libris de gratia & libero arbitrio, in eos qui hanc gratiam omnibus communem negabant, acriter invehitur, eosque Gentiles, impios, & hæreticos, insulte appellat. Nam lib. 1. cap. 3. Sic habet: *Nunc veniendum est ad illos, qui dum gratiam alijs dari, alijs negari asserunt, minus gratia cum Pelagio perdididerunt.* Et cap. 17. *Ille verò impius est, qui eam (scilicet gratiam) non omnibus ingerit, non omnibus restatur impendi.* Eandem gratiam omnibus communem, & voluntati humanæ subditam, & ab ea quantum ad efficaciam & usum dependentem, docent his temporibus Arminiani & Sociniani, qui (teste P. Francisco à S. Augustino Macedo, Franciscano, in libro cui titulus est: *Mens divinitus inspirata Sanctissimo Patris Domini nostri Innocentio X. super quinque propositiones Cornelii Jansenii*) à Calvinismo, ad Semipelagianismum transierunt. Ergo ut à Semipelagianorum semitis recedatur, non debet gratia illa omnibus communis admitti, sed à Christianorum scholis relegari.

Quòd si Adversarii respondeant, Faustum & alios veteres ac novos Semipelagianos, non errasse eò quòd gratiam illam communem docuerint; sed quia illam naturam subjeciebant, & asseriebant eam dari intuitu bonorum operum naturalium, seu initii cujusdam fidei & bonæ voluntatis, quod in homine à natura, & ex viribus liberi arbitrii, esse existimabant. Similiter etiam nos respondemus, Calvinum, aliosque hujus temporis hæreticos; ab Antonio Richardo relatos, non errare, nec aliquam promereri censuram, ex eo præter se quòd doceant gratiam Christi non esse omnibus hominibus generaliter concessam, nec ita communem, sicut legem, vel naturam, sed in alijs quæ huic doctrinæ Catholice malitiose permiscunt. Mos enim solemnus omnium hæreticorum est, ut falsis vera, & vera falsis misceant, miscendoque perturbent omnia, quòd venenum quasi melle cumculitum, ab ineautis cum securitate hauriatur. Unde hæreticorum doctrina lepræ jure confertur: quia ut ait Augustinus: *Nulla falsa doctrina est, quæ non aliqua vera intermiscet.* Vera ergo falsis inordinatè permixta in una disputatione vel narratione hominis, tanquam in unius corporis colore apparentia, significant lepram, tanquam veris falsisque colorum facibus humana corpora variantem atque maculantem. Propter hoc idem Augustinus illud Psalmi 54. *Quoniam in multis erat mecum*, explicat de hæreticis, qui non in omnibus, sed in multis cum doctrina Ecclesiæ conveniunt, & in multis ab ea discedunt. Igitur propter errores qui in libris hæreticorum continentur, non debent veritates Catholice, quæ in eisdem libris inseruntur, rejici vel abnegari, sed potius oportet verum à falso, triticum à palea, aurum à terra, & pretiosum à vili separare: juxta illud Jeremix 15. *Si separaveris pretiosum à vili, quasi os meum eris.*

Ut ergo Doctrina Catholica Thomistarum, ab erroribus damnatis Calvinii, facile secestratur, sciendum est tria potissimum in hac materia à Calvino & alijs heterodoxis edoceri. Primum est, non dari in Deo voluntatem antecedentem de salute omnium hominum, nec generalem in Christo redemptionem, per quam omnibus hominibus media ad salutem sufficientia

Quæ  
unicæ  
art. 1.

241.

Libro  
1. 90.  
Evangel.  
c. 40.

pra-

preparantur. Ex quo inferunt Christum pro solis electis esse mortuum, & pro illis solum media ad salutem necessaria preparasse. Secundò docent nullam in statu naturæ lapsæ dari gratiam sufficientem, & moraliter excitantem, sed solum gratiam efficacem & physicè prævenientem: ex quo etiam deducunt, Deum in statu naturæ lapsæ jubere hominibus impossibilia, homines peccare in eo quod vitare non possunt, & iustis interdum deesse gratiam quâ possint implere præcepta. Denique asserunt gratiam non omnibus hominibus indifferentem & promiscuè esse expositam, nec illam esse ita communem sicut naturam: multisque, præsertim illis quibus nunquam annunciatus est Christus, eam denegari. Duo priora hæretica sunt, & a Concilio Tridentino proscripta: tertium verò catholicum, nec ab Ecclesia damnatum, seu, ac disputationi Theologorum relictum. Imò ut supra vidimus, D. Augustinus in Epistola ad Vitalem: hanc propositionem, *Scimus gratiam vi non omnibus hominibus dari*, inter præcipuas fidei regulas collocat: Sed hoc de gratia efficacè quâ aliquis de facto operatur, non potest intelligi: hanc enim gratiam Vitalis, & alii Pelagiani, quos ibi Augustinus impugnat, non dicebant esse omnibus communem, quin imò illam, ut infra ostendemus, omnino repudiabant, quia eam cum libero arbitrio conciliare non valebant: Ergo juxta Augustinianæ doctrinæ principia, nulla datur gratia sufficiens omnibus communis, & omnibus indifferenter exposita, qualem Recentiores admittunt. Unde falsum est illud quod ex Maldero Antverpiensi Episcopo refert idem Antonius Richardus in disp. de lib. arbit. libro 1. sect. 4. §. 1. sententiam scilicet illam, quæ adultis saltem omnibus, tribuit sufficientem gratiam quâ salvari queant, apud Hispanos, & ubique in Christianis Academicis ad eò receptam esse, ut omnes D. Thomæ Discipuli, unanimi consensu illam doceant, & ita certam existiment, ut oppositum sine errore affirmari non valeat.

243. Non diffiteor quidem Thomistas, hæc duo tanquam certa fide tenenda unanimiter profiteri: omnibus scilicet, tam parvulis quàm adultis, media seu auxilia ad salutem sufficientia, per voluntatem Dei antecedentem, & generalem Christi redemptionem esse divinitus oblata, seu præparata, & omnibus iustis, instante aliquâ gravi tentatione, & alicujus præcepti supernaturalis obligatione, de facto collata & concessa. Cæterum quòd illa media seu auxilia omnibus indifferenter & promiscuè, etiam infidelibus & paganis, concedantur, ac in eis intrinsecè recipiantur, pauci sunt ex Schola D. Thomæ, qui huic adhærent sententiæ; imò (ut supra ostendimus) Bannæz, Sumel, Gonzalez, Alvarez, Joannes à S. Thoma, Aravius, qui in Salmanticensi vel Complutensi Academia floruerunt, & Illustrissimus Dominus Godoy, qui primam Theologiæ Cathedram in eadem Salmanticensi Academia, summa cum laude nuper occupabat, & nunc, ob insignem quâ fulget eruditionem & sapientiam, Episcopali insulâ decoratus est; oppositum expresse docent, ut supra retulimus.



## ARTICULUS VII.

*An omnibus iustis, instante præcepti supernaturalis obligatione, semper auxilium sufficiens concedatur?*

Certum & exploratum est apud omnes, auxilia sufficientia iustis, semper & quolibet momento à Deo non conferri, quia (ut supra annotavimus) auxilium sufficiens consistit, vel in bonis cogitationibus intellectus, ac piis affectibus voluntatis, vel in motione & qualitate supernaturali ad actus illos potentias animæ applicante: iusti autem non habent semper & singulis momentis has sanctas cogitationes, & pios affectus, seu divinas motiones, ut patet quando dormiunt, vel etiam in vigilia, quando ad alia negotia distrahi sunt: Ergo non semper & quolibet momento auxilia sufficientia à Deo recipiunt. Quæritur ergo, an saltem pro eo tempore quo instat obligatio alicujus præcepti supernaturalis, talia auxilia semper illis à Deo concedantur? Pro resolutione.

Dico: Deum semper tribuere iustis auxilia sufficientia, pro eo tempore & loco quo instat alicujus præcepti supernaturalis obligatio.

Probatum primò ex nova Constitutione Innocentii X. hæreticos damnantis eos qui dicunt universaliter: *Alia Dei præcepta iustis voluntibus & conantibus esse impossibilia, & deesse illis gratiam quâ possibilia sunt, id est sufficientem*. Idem definitur in Tridentino sess. 6. cap. 11. his verbis: *Nemo temerariâ illâ, & à Patribus sub anathemate prohibita voce uti debet: Dei præcepta homini justificato ad observandum esse impossibilia*.

Secundò probatur ex Concilio 1. Aulæ can. ultimo, sic loquente. *Hoc etiam secundum fidem Catholicam credimus, quod acceptæ per baptismum gratiâ, omnes baptizati, Christo auxiliante & cooperante, quæ ad salutem pertinent, possint & debeant, si fideliter laborare voluerint, adimplere*. Ergo nulli homini justo desunt auxilia ad salutem sufficientia.

Tertiò probatur ex Augustino de natura & gratia cap. 26. ubi exponens differentiam quæ inter medicum corpus sanantem, & Deum animam justificantem reperitur, sic ait: *Medicus homo cum sanaverit hominem, jam de cætero sustentandum elementis & alimentis corporalibus, ut eadem sanitas apto subsidio convalescat atque persistat, Deo dimittit, &c. Ipse autem Deus, cum ad perfectam sanitatem, hoc est ad perfectam vitam, justificationem perduxerit, non deserit si non deseratur, ut pie semper justusque vivatur*. Sicut enim oculus corporis, etiam plenissimè sanus, nesciendore lucis adjutus, non potest cernere: sic etiam homo, etiam perfectissimè justificatus, nisi æterna luce justificationis divinitus adjuvetur, recte non potest vivere: sanat ergo Deus, non solum ut delect quod peccavimus, sed ut præstet etiam ne peccemus. Hæc verba Augustini usurpat Tridentinum ubi supra, dicens: *Semel justificatos Deus gratiâ suâ non deserit, nisi prius deseratur ab eis*: quod quidem licet aliqui sic interpretentur, ut per gratiam justificantem non declinat Deus inhabitare iustos, nisi prius ipsi per peccatum mortale, in instanti saltem natura, & in genere causæ materialis antecedente, deseruerint Deum: tamen plures

plures ad gratiam aliquam actualem volunt debere extendi, quæ in iustis superflua antequam peccent, & cui ipsi resistant, eamque abiciant, proutquam Deus ulteriorem gratiam illis subtrahat. Unde ex illis Tridentini verbis hoc potest formari argumentum. Vel Deus prior deseruit actu iustum, vel iustus Deum, vel saltem iustus nunquam incidit in peccatum? Hoc tertium est hæreticum, & contra experientiam. Primum contra Tridentinum, & Augustinum: Ergo secundum: Atqui si Deus subtraheret à iusto gratiam sufficientem ad implenda divina præcepta, jam Deus ipse prior iustum desereret: Ergo ut salvetur iustum prius deserere Deum, quam deserat ab ipso, necesse est, Deum gratiam sufficientem in eo conservare, cui prior ipse homo iustus resistat, & sic hanc omnibus iustis ex mente Tridentini & sancti Augustini dari. Unde ait idem Augustinus super Psal. 56. *Adest ille qui præbuit exemplum, ut præberet & auxilium.* Et Leo Pap. serm. 16. de passione: *Iugiter admonemur, ut donec gratia Dei non negligenter habeamus: iuste enim nobis inquit præcepta, qui præcurrit auxilio, & benigne incitat ad obedientiam, quæ ducit ad gloriam.* Quæ verba maxime in iustificatis locum habent, & sufficientem gratiam, quâ possint ad gloriam per obedientiam præceptorum pervenire, evidenter ostendunt.

248. Quattò probatur conclusio Qui dat esse & vitam, cùm præcederet mors, multò magis censetur velle dare conservationem illius vitæ, & consequentia ad illud esse: Sed Deus quando iustificat hominem, è morte illum eripit, & dat ei primum esse supernaturale, & vitam gratiæ: Ergo multò magis censendus est velle dare auxilium sufficiens ad conservationem illius esse & vitæ supernaturalis.

Denique duæ præcipuæ rationes quibus supra ostendimus, Deum peccatoribus aliquando denegare auxilia gratiæ ad salutem sufficientia, cessant in iustis: prima quidem quæ petitur ex distinctione gratiæ à natura, & quæ fundatur in hoc quòd non debeat gratia æquè esse universalis & communis ac natura. Nam licet deus quòd omnibus iustis concedatur auxilium supernaturale sufficiens, quando instat obligatio alicuius præcepti supernaturalis: tamen cùm numerus iustificatorum sit valde exiguus, semper stat quòd multò plucibus communis est natura, quam gratia illa sufficiens.

Altera etiam ratio quæ petitur ex motivo denegandi gratiam, non habet locum in iustis, Cùm enim illi sint conversi in finem supernaturalem, & habeant in se principium vitæ supernaturalis, scilicet gratiam sanctificantem, non sunt indigni mediis quibus illum finem assequi possint, & actus vitales supernaturales exercere, sicut peccatores qui ab ultimo fine averfi sunt, & carent principio vitæ supernaturalis, idque irreparabiliter, quantum est de se, ut docet D. Thomas supra relatus.

249. Obijcies: SS. Patres docent gratiam interdu deesse hominibus iustis & sanctis, quando peccant & transgrediuntur præcepta: Ergo falsum est quòd Deus semper conferat iustis auxilium supernaturale sufficiens, pro eo tempore & loco quo tenentur observare præcepta. Consequentia patet, Antecedens verò probatur. Nam D. Chrysostomus homil. 72. in Joannem, de casu Petri loquens: *Neque enim (inquit) frigiditate, sed superni auxilii derelictu contigit.* Et homil.

31. in Epistolam ad Hebræos: *Negatio Petri non tam erat socordia ac negligentia, quam ex eo quòd Deus eum deseruerat, crudiens ut humanam sciret mensuram, & non repugnaret iis quæ dicebantur à Magistro; neque ejus quàm aliorum essent elatiores spiritus, sed sciret quòd absque Deo nihil potest fieri.* Item S. Augustinus serm. 124. de tempore: *Quid est homo sine gratia Dei, nisi quòd fuit Petrus cùm negavit Christum? & idèd Beatum Petrum paululum Dominus subdeservit, ut in illo totum hominum genus posset agnoscere, nihil se sine Dei gratia prevalere.* Idem docet Cajetanus in cap. 16. Matth. in illa verba: *Tunc cepit desolari & jurare: ubi hæc scribit: Considera & treme vir iuste.* Petrus paulò ante, ipso resuati testante, mundus, ac per hoc in charitate existens, sacramentis Corporis & Sanguinis Christi dignè communicans, præmonitus de futura hac tentatione, paratus potius mori, quàm negare Christum, ad unius ancilla vocem illum negavit, & successivè addidit perjurium. Quare hoc quia magna est differentia inter charitatis gratiam habituales, & usum illius: quia non sumus sufficientes ex nobis ad usum charitatis & gratiæ quam habemus in anima infusam à Deo, sed egemus ad utendum illà, continuo gratuito Dei auxilio, quo quia Petrus caruit tunc: quia Deus reliquit Petrum tunc sibi ipsi prædito charitate & gratià habituali, idèd cecidit & perdidit charitatis gratiam.

Respondendo, quòd quando SS. Patres asserunt gratiam deesse iustis & sanctis, quando peccant & transgrediuntur præcepta, noluunt omnem gratiam tam sufficientem quàm efficacem illis deesse, sed loquuntur specialiter de gratia efficaci, quæ cùm sit nobilissima & perfectissima species gratiæ, simpliciter & antonomastice gratia appellatur. Unde ista propositio: *Quando Petrus negavit Christum, gratia ipsi desuit:* si intelligatur universaliter de omni gratia tam sufficienti quàm efficaci, falsa est, & erronea. Si verò intelligatur & explicetur de denegatione gratiæ efficaci, vera & Catholica est, nec potest, nisi errando, erronea appellari. Hanc enim gratiam docent SS. Patres interdum Deum iustis subtrahere vel denegare, ut eorum superbiam & præsumptionem puniat, vel impediat. Unde inquit Bernardus serm. 54. in Cantica: *Argumentum superbiæ, privatio est gratiæ.*

## DISPUTATIO VI.

*De concordia libertatis cum D. Providentia & prædestinatione, seu cum efficacia Divinorum Decretorum.*

- E Nulla est in toto Theologiæ speculativæ Oceano difficultas, quæ prolixioribus implicetur salebris, illà quæ divinæ scientiæ, providentiæ, & prædestinationis certitudinem, omnipotentis voluntatis irresistibilitatem, & divini auxilii efficaciam, cum humana libertate tentat componere. Unde rectè ait Cardinalis Sadoletus. *Magnum concursum accerimarum disputationum excitare, magnamque mare commovere, quicquid hanc difficultatem omnium questionum, & si verum scire volumus, pene inexplicabilem, tractari possulant.* Veruntamen cùm ejus explicatio ad veritates fidei propugnandas, & hæreticorum sophismata diluenda, necesse

Lib.  
1. in  
Epist.  
ad Ro  
man.

faria sit, eam breviter hic aperire tentabimus. Sed quia duorum extremorum concordia non potest perfecta intelligi, nisi utriusque natura prius dignoscatur, antequam illius difficillimæ concordia explanationem aggrediamur, aliqua de natura & origine libertatis, breviter hic præmittenda & exponenda esse censuimus.

## ARTICULUS I.

*Quæ indifferentia sit de ratione libertatis creata?*

## §. I.

*Quibusdam præmissis difficultas resolvitur.*

1. **S**uppono tanquam certum & indubitatum in Schola D. Thomæ, essentiam libertatis, in sola spontaneitate, seu immunitate à coactione, non salv. ri; sed ad illam requiri indifferentiam activam, seu potentiam ad oppositum. Hoc ira verum & certum existimat S. Thomas, ut oppositam sententiam, non solum ut hæreticam & fidei contrariam, sed etiam ut totius moralis Philosophiæ principia subvertentem, proscribat. Nam quæst. 6. de malo art. unico hæc scribit: *Quidam posuerunt quod voluntas hominis ex necessitate movetur ad aliquid eligendum, nec tamen poterat quod voluntas cogebatur.... Hac autem opinio est hæretica, tollit enim rationem meriti & demeriti in humanis actibus, non enim videtur esse meritorium vel demeritorium quod aliquis sic ex necessitate agit quod vitare non possit. Est etiam annueranda inter extraneas Philosophiæ opiniones, quia non solum contrariatur fidei, sed etiam subvertit omnia principia Philosophiæ moralis.*
2. Ratio etiam id suadet: Actus enim morales & humani debent subijci regulis morum, & ab illis dirigi & regulari: Sed actus necessarii, quamvis spontanei, & à coactione immunes, non possunt regulis morum subijci, nec ab illis dirigi aut regulari: Ergo nec esse actus humani, nec consequenter bonitatem aut malitiam moralem habere, & sic omnia Philosophiæ moralis principia funditus evertuntur. Major & Consequentia patent, Minor autem probatur. Illa actio non potest dirigi & regulari per regulas morum, quæ non est variabilis secundum medium & extrema, ita quod aliter se habere non potest: munus enim regulæ est imponere modum regulato, determinando iptum ad unum, scilicet ad id quod recta ratio dicitur: Atqui actus necessarii, licet spontanei, non sunt variabiles, sed determinati ad unum, ita quod aliter se habere non possunt: Ergo tales actus non subduntur regulæ, nec ab ea possunt dirigi aut regulari.
3. Confirmatur: Regula, ut talis, datur in supplementum naturæ, ita ut actus qui per principia naturalia non est determinatus, determinetur per principia moralia, scilicet regulas morum, quæ sunt recta ratio, & leges divinæ & humanæ: Cum ergo actus necessarii, licet spontanei, sint per principia naturalia determinati, non possunt subijci regulæ, nec ab ea dirigi & determinari.
4. Addo quod hæc sententia pugnat cum hoc celebri, Philosophiæ moralis principio: *Nemo peccat in eo quod vitare non potest*: quod S. Augusti-

nus lib. de duabus animabus cap. 11. usque adeo esse notum, & per se manifestum assentit, ut non solum à nemine ignoretur, sed & insuper à toto genere humano canteretur & declametur. *Nonne ista (inquit) cantant & in montibus pastores, & in theatris Poetæ, & indocti in circulis, & docti in bibliothecis, & Magistri in scholis, & Antifistites in sacris locis, & in orbe terrarum genus humanum?*

Non est etiam omittendum, hanc sententiam, quæ totam libertatis essentiam in sola spontaneitate, seu immunitate à coactione collocat, à Calvini errore vix posse secerni, & à Tridentini fulminibus se tueri: non enim aliâ ratione Tridentini Patres less. 6. can. 4. contra Calvinum definiunt, stante motione gratiæ efficacis, liberum arbitrium posse dissentire, si velit, nisi quia iudicant potentiam illam dissentendi esse de ratione libertatis. Ipseque Calvinus non negavit sub motione gratiæ efficacis voluntatem agere spontaneè & sine coactione, sed tantum asseruit, sub tali motione illam non retinere potentiam ad oppositum, ut in Apologia Thonitarum fusè ostensus est.

Hoc supposito tanquam certo, inquirimus quamnam indifferentia sit de ratione libertatis creata? Duplex enim in voluntate creata potest dari, vel concipi indifferentia: una versatilis, vaga, ac effrænis, quæ dicit potentiam eligendi & se determinandi, independentem à divina motione & applicatione, & componendi dissensum, vel negationem actûs, cum prærequisitis ad operandum, sive ut alii dicunt, potentiam dissensendi in sensu composito. Secunda verò non est ita vaga & effrænis, sed temperata subordinatione & subiectione ad Deum, ut primum liberum, primumque determinans, & consequenter divinæ motionis & applicationis necessitatem non excludit, nec importat potentiam dissentendi in sensu composito, sed tantum in sensu diviso: id est quod sub efficaci Dei motione voluntas retineat potentiam ad dissentendum, quamvis non possit actualem dissensum cum illa componere, vel conjungere. Primam indifferentiam Recentiores volunt esse de ratione libertatis creata: Thomistæ verò, alique gratiæ efficacis defensores, illam rejciunt, & alteram solum ad libertatis essentiam pertinere existimant.

Dico igitur: ad essentiam aut perfectionem libertatis, non pertinere indifferentiam illam versatilem, quæ divinæ motionis & applicationis necessitatem excludit: imò illam esse omnino impossibilem.

Probat primum conclusio ex variis testimoniis D. Thomæ, quæ Tractatu præcedenti fusè expendimus, quibus docet de ratione liberi arbitrii creati esse moveri & determinari à Deo, & consequenter ejus indifferentiam non debere esse ita vagam & effrænam, ut primi liberi motionem & determinationem excludat, sed temperatam subiectione & subordinatione ad Deum, ut primum liberum, primumque determinans. Inlignis est locus i. parte quæst. 19. art. 3. ad 5. ubi ait: *Causa quæ est ex se contingens, oportet quod determinetur ab aliquo exteriori ad effectum, sed voluntas divina quæ ex se necessitatem habet, determinat seipsam ad volitum ad quod habet habitudinem non necessariam.* Quibus verbis hoc discernitur inter voluntatem divinam & humanam constituit, quod voluntas divina determinat seipsam, absque eo quod ab alia priori causa determinetur, quia est primum liberum, & primum determinans.



simpliciter: voluntas autem humana, quia non est primum liberum, nec primum determinans simpliciter, sicut nec prima causa suarum operationum, non se determinat nisi prius naturā ab alia causa superiori, scilicet voluntate divinā, quæ est primum liberum, primumque determinans, determinetur & inclinetur. Unde 3. contra Gentes cap. 2. sic habet. *Quod indifferenter se habet ad multa, non magis unum eorum operatur, quam aliud: unde à contingente ad utramque non sequitur aliquis effectus, nisi per aliquid quo determinetur ad unum.* Idem docet Scotus in 4. dist. 49. quæst. 6. §. dico ergo, his verbis: *Est contra naturam voluntatis determinari à causa inferiori, quia tunc ipsa non esset superior: non est autem contra naturam ejus determinari à causa superiori: quia cum hoc fiat quod sit causa in suo ordine: Videlicet non potest Ferrariensis 3. contra Gentes cap. 8. ubi eandem doctrinam diserte tradit.*

8. Confirmatur primò: Idem est liberum arbitrium seipsum determinare ad agendum, ac seipsum movere & applicare: Sed per hoc quod liberum arbitrium seipsum moveat & applicet, ut secundum movens & secundum liberum, non excluditur quin à Deo ut primo movente & applicante moveatur & applicetur: Ergo ex hoc quod seipsum determinet, ut secundum liberum, & secundum determinans, non tollitur quin à Deo ut primo libero, primoque determinante determinetur. Major patet, Minor autem probatur ex eodem D. Thoma quæst. 3. de malo art. 2. ad 4. ubi sic ait: *Manifestum est quod cum aliquid movet alterum, non ex hoc ipso quod est movens, ponitur quod sit primum movens, unde non excluditur quin ab altero moveatur & ab altero habeat similiter hoc ipsum quod movet: Similiter cum aliquid movet seipsum, non excluditur quin ab alio moveatur, à quo habet hoc ipsum quod seipsum movet: & sic non repugnat libertati, quod Deus est causa actus liberi arbitrii.* Item quæst. 24. de veritat. art. 1. cum sibi quinto loco objecisset, quod mens humana, cum non operetur nisi ut à Deo mota, sicut instrumentum non agit nisi ut motum ab arte, non seipsam movet, & consequenter non operatur liberè; respondet concedendo voluntatem à Deo moveri, sicut instrumentum ab arte. *Per hoc tamen (inquit) non oportet quod excludatur ratio libertatis, quia aliquid potest esse ab alio motum, quod tamen seipsum movet.* Idem docet 1. p. 105 art. 4. ad 2. & 3.

9. Confirmatur secundò: Voluntas creata habet quod se ad volendum determinet, ratione dominij quod habet supra suos actus liberos; in tali enim dominio consistit ejus libertas, & consequenter facultas eligendi & se determinandi. Sed dominium illud quod voluntas creata habet in suos actus liberos, non impedit quin Deus in illos perfectius & excellentius dominium habeat: Ergo quod voluntas creata seipsam determinet, non impedit quin à Deo ut primo libero & supremo Domino determinetur. Major est evidens, Minor probatur primò ex Augustino sæpe relato, asserente Deum habere eorum inclinandum omnipotentissimam potestatem, magisque habere in potestate voluntates hominum, quam ipsi homines, & dicente, quod *non ira est liber homo, ut Deum non habeat Dominum, qui dixit sine me nihil potestis facere.* Secundò ex D. Thoma in 2. dist. 75. quæst. 1. art. 2. ad 3. ubi inquit: *Determinatio actus & finis in potestate liberi arbitrii constituitur: unde remanet sibi dominium sui*

A *actus, licet non ita sicut primo agenti.* Tertiò ratione: Nam dominium quod voluntas habet supra suos actus liberos, non est supremum & absolutum, sed à Deo dependens, eiq; subordinatum: unde sicut videmus quod dominium nile quod Vassallus ut Feudatarius habet in fundum, non impedit quin Rex aut Dominus habeant in illum dominium supremum & directum; ita nec dominium quod voluntas in suos actus liberos habet, impedit quin Deus nobilis & perfectius dominium in illos habeat.

Hanc rationem tangit S. Thomas 1. contra Gentes cap. 68. his verbis: *Dominium quod habet voluntas supra suos actus, per quod in eis potestate est velle vel velle, excludit determinationem virtutis ad unum (intellige ad unum per modum naturæ, non retinendo potentiam ad oppositum, qualiter ignis determinatur ad comburendum, & Sol ad illuminandum) & violentiam causæ exterioris agentis; non autem excludit influentiam superioris causæ, à qua est ei esse & operari.* Et 1. 2. quæst. 109. art. 2. ad 1. Homo (inquit) est dominus suorum actuum, propter deliberationem rationis, sed quod deliberet vel non deliberet, est hujusmodi etiam sit dominus, oportet quod hoc sit per deliberationem precedentem; & cum hoc non procedat in infinitum, oportet quod finaliter deveniatur ad hoc quod liberum arbitrium hominis creetur ab aliquo exteriori principio quod est supra mentem humanam, scilicet Deo.

Probatur secundò conclusio. Indifferentia illa versatilis quam Molina fingit in libertate creata, postulat ut voluntas, positis omnibus ad agendum prioritatis rationis, naturæ & casualitatis prærequisitis, possit non agere in sensu composito, seu cum illis componere dissensum & negationem actionis: at hoc non solum non est de ratione libertatis creatæ, sed etiam illi repugnat, & contradictionem involvit, ut infra ostendimus: Ergo talis indifferentia ad essentiam libertatis creatæ non pertinet, & implicat contradictionem.

D Tertiò, Hæc indifferentia Moliniana subtrahit à Deo rationem primi liberi, & primæ causæ respectu determinationis volutatis creatæ; quia ut talis indifferentia in actum se exeat, non indiget cōcursu Dei prævio eam applicante, sed tantum simultaneo, & concomitante: cōcursus autem simultaneus determinationē voluntatis creatæ non causat, quia illam non determinat, sed potius ejus determinationem supponit, vel expectat, ut Tractatu præcedenti suo ostendimus: Ergo talis indifferentia reiicienda est.

Denique eandem conclusionem probant omnia argumenta quibus necessitas gratiæ de se efficacis in Tractatu de auxiliis demonstrari solet: Hæc enim indifferentia versatilis & Moliniana, rectā fronte cum necessitate talis gratiæ pugnat: unde, ut supra dicebamus, ab omnibus ejus defensoribus procul abjicitur.

## §. II.

## Solvuntur objectiones.

O Bbijes primò: SS. Patres comparant liberum hominis arbitrium aequilibrio æque in utramque partem propenso, & cardini versatili, qui in ortum & occalum æquali facilitate vertitur: Ergo juxta SS. Patres libertas volutatis nostræ consistit in indifferentia illa in utramque partem versatili, quæ extrinsecum Dei motionem & prædeterminationem excludit. Consequenter videtur

detur manifesta: cum enim voluntas à Deo A præmota, sit determinata ad unum actum, v.g. ad amorem, ei; veluti affixa, quamvis sub tali motione & prædeterminatione seruet potentiam & facultatem ad oppositum, ut docent Thomistæ, non potest tamen sub illo statu esse veluti libra, in perfectò æquilibrio constituta, vel cardo versatilis, cui est indifferens & æquè proutum verti ad ortum vel ad occasum. Antecedens autem probant, tum ex Basilio libro de Spiritu Sancto cap. 1.6. ubi ait: *Angeli ceciderunt, quia a quali libramento poterant in virtutem & vitium revertere.* Tum ex Augustino libro 3. de libero arbitrio cap. 1. cussus verba sunt: *Morus quo huc atq; illuc voluntas convertitur, nisi esset in nostra potestate, neq; laudandus homo esset, cum ad celestia, neque culpandus, cum ad inferiora detorquet cardinem voluntatis.* Plura alia testimonia videri possunt apud Ruizium de scientia Dei, disp. 42. & 43. & apud Petavium tomo 1. dogmatum Theologici-um, libro 5. cap. 2. & 3.

13. Respondeo concessio Antecedente, negando Consequentiam. Nam quando SS. Patres comparant liberum arbitrium æquilibrio aut cardini versatili, hæc similitudine solum declarare intendunt, hominem non habere virtutem operativam, affixam & determinatam ad unum, qualem habent causæ naturales & necessarie, sed indeterminatam & indifferentem ad utrumlibet, & docere quod voluntas creata in ordine causæ secundæ, & in ratione secundæ liberi, & secundæ determinantis, potest seipsam flexere, & determinare ad quodcumq; voluerit; nolunt tamen per hæc exempla SS. Patres excludere subordinationem & dependentiam quam habet à Deo ut primo libero, primoq; determinante, nec consequenter negare necessitatem divinæ motionis & applicationis; imò potius iidem exemplis quibus utuntur, illam apertè declarant. Libra enim in perfectò æquilibrio constituta, nunquam in unam partem inclinabit, nisi ab aliquo pondere determinetur; & cardo versatilis nusquam verget versùs ortum, potius quàm versùs occasum, nisi ab aliquo moveatur, & versùs illam partem impellatur. Ità pariter, cum voluntas nostra ex sua natura sit indeterminata & indifferens ad utrumlibet, nunquam se determinaret & in actum exiret, nisi à Deo moveretur & determinaretur: *Ab indifferenti enim ad utrumlibet non exit actus determinatus, nisi ab aliquo alio inclinetur ad unum*, inquit Commentator 2. physicorum. Vel ut loquitur S. Thomas suprà relatus: *Quod indifferenter se habet ad multa, non magis unum eorum operatur quàm aliud, nisi ab aliquo determinetur ad unum.*

16. Ad quo, quando SS. Patres comparant liberum arbitrium libris in perfectò æquilibrio constitutis, aut cardini in utramq; partem versatili, loquuntur de libertate potentiali, & in actu primo cōsiderata, quæ est indifferens ad utrumlibet, nec magis ad unam partem determinata quàm ad alteram, non verò de libertate actuali, & in actu secundum redacta: hæc enim, ut patet, est ad unum actum determinata, cum potentia tamen & facultate ad oppositum, nec gaudet indifferentiā illā potentiali & privativā, quæ omnem determinationem & actum excludit: Unde cum voluntas prædeterminata sit libera in actu secundo, & in actuali exercitio libertatis, non debet sub hoc statu comparari libris in perfectò æquilibrio constitutis, aut cardini in utramq;

partem versatili, sed potius libris in unam partem inclinati, cum potentia tamen & facultate vergendi in alteram; in hoc enim libertas actualis nostræ voluntatis consistit.

Objicies secundò: Libertas creata est quædam participatio libertatis divinæ & increatæ: Sed libertas divina in eo consistit, quod Deus ita seipsum determinet, ut à quocunq; agente extrinseco determinari non possit: unde D. Thomas in 2. dist. 25. quæst. 1. art. 1. ad 1. probat in Deo esse liberum arbitrium, *Quia determinatio sui actus non est sibi ab alio, sed à seipso*: Ergo similiter de ratione libertatis creatæ erit quod voluntas ita seipsam determinet, ut à quocunq; alio determinari non possit, & cōsequenter quod gaudeat indifferentiā illā versatili, quam Recentiores in illa agnoscunt.

Respondeo libertatem creatam esse quidem aliquam divinæ & increatæ libertatis participationem, sed diminutam & inadæquatam: habet enim homo ratione libertatis sibi inditæ dominium in suos actus, ratione cujus potest ut secundum librum, & secundum determinans, se determinare ad volendum & eligendum hoc vel illud; quia tamen non est, nec esse potest, prima causa suæ determinationis, non potest habere in suos actus, liberos dominium ita absolutum & independentem, ut divinæ motionis & applicationis necessitate excludat. Unde, ut suprà vidimus, D. Thomas statuit hoc discrimen inter Deum & causas secundas contingentes & liberas, quod causa libera & contingens determinatur ab aliquo exteriori ad effectum: voluntas autem divina, quæ ex se necessitate habet, seipsam determinat ad volitum ad quod habet habitudinem non necessariam.

Ex quo patet, quàm sit à veritate & doctrina D. Thomæ alienum, quod dicit Petrus à S. Joseph in sua defensione D. Thomæ: *nimirum quod libertas divina & creata in eo conveniunt, quod sicut Deus, prout ut liber est, ab alio quàm à se non determinatur ad agendum; ita creatura, quæ libera est, ita se determinat ad agendum, ut ad hoc ab alio, salvâ libertate, determinari non possit.* Idem repetit dicens, quod creatura ratione libertatis sunt Deo similes, quatenus sicut Deus seipsam determinat ad suas volitiones, eò quod liber est; ita creaturæ rationales seipsas determinant ad suas operationes, neq; ad eas ab illo agente extrinseco, salvâ ipsarum libertate, determinari possunt. Patet, inquam, falsitas hujus doctrinæ: Tum ex discrimine ex D. Thomas relato inter Deum & causas secundas liberas & contingentes. Tum etiam, quia idem S. Doctor quæst. 22. de verit. art. 9. statuit hanc differentiam inter Deum & alia agentia creata, quod illa, cum sint omnino extrinseca voluntati, non possunt eam intrinsecè immutare & determinare: Deus autem, cum sit author & principium animæ, & eminentissimo modo omnem ejus libertatem & determinationem continet, potest, salvis juri- bus libertatis illius, eam intrinsecè determinare & immutare, ejusq; inclinationem transferre de uno in aliud.

Deniq; idem Præceptor Angelicus clarè mentem suam aperit, & prædictam Petri à S. Joseph doctrinam penitus convellit in 2. dist. 25. quæst. 1. art. 1. ad 3. his verbis: *Determinatio actionis & finis in potestate liberi arbitrii constituitur, unde remanet illi dominium sui actus, licet non ita sicut primo agenti.* Unde contra hunc Auctorem, sub Michælis clypeo & la-  
baro

baro pugnandum est, & hoc potentissimo verbo, quis ut Deus? vel ut loquitur S. Thomas: NON ITA TAMEN SICUT PRIMO AGENTI, tota ejus doctrina facile subvertetur.

## ARTICULUS II.

*Quæ sit radix & origo libertatis creata?*

**D**Vplicem libertatis nostræ radicem agnoscunt Thomistæ cum S. Doctore. Perihetm. lect. 14. Unam remotam, & extrinsecam, ac in Deo existentem. Alteram proximam, & intrinsecam, & in ipso homine residentem. Prima est efficacia infinita divinæ voluntatis, attingentis substantiam & modum in nostris operationibus. Secunda est indifferens uel objectiva judicii, quâ intellectus judicat, bonum propositum voluntati ut prosequendum, non habere necessariam connexionem cum bono in communi, ad quod est naturaliter determinata voluntas. Utrique libertatis radix breviter hic explananda est.

## §. I.

*Prima libertatis radix explicatur.*

**21. D**ico primò: Secundum principia D. Thomæ, prima radix contingentie & libertatis in rebus, est summa efficacia divinæ voluntatis, cujus causalitas se extendit ad omne ens, & ad omnes modos & formalitates entis.

Hanc conclusionem perpetuò & constanter docet D. Thomas in omnibus locis in quibus agit de concordia libertatis creatae cum voluntate Dei, ejusque providentia & prædestinatione: nusquam enim aliter hæc extrema inter se conciliat, quam ad infinitam divinæ voluntatis efficaciam recurrendo. Ut videri potest suprà quæst. 19. art. 8. ubi quærit: *An voluntas Dei necessitatem rebus voluit imponat?* Et rejectâ sententiâ aliquorum, qui libertatem & contingentiam rerum volebant peti solum ex ipsis causis secundis liberis & contingentibus, sic concludit. *Et idè melius dicendum est, quòd hoc contingit propter efficaciam divinæ voluntatis.* Cum enim aliqua causa efficax fuerit ad agendum, effectus consequitur causam, non tantum secundum id quod sit, sed etiam secundum modum fieri vel essendi. Ex debilitate enim virtutis activæ in semine, contingit quòd filius nascitur dissimilis patri in accidentibus que pertinent ad modum essendi. Cum igitur voluntas divina sit efficacissima, non solum sequitur quòd fiant ea que Deus vult fieri, sed quòd eo modo fiant, quo Deus ea fieri vult. Vult autem quadam fieri Deus necessario, quadam contingentem, ut sit ordo in rebus ad complementum universi: Et idè quibusdam effectibus præparavit causas necessarias, qua defecere non possunt, ex quibus effectus de necessitate proveniunt: quibusdam autem præparavit causas contingentes defectibiles, ex quibus effectus contingentem eveniant &c. Idem ibi idem ferè terminis repetit opusculo 3. cap. 2. 6. Ad efficaciam (inquit) divinæ voluntatis pertinet, ut non solum fiat quod Deus vult, sed ut hoc modo fiat quod illud fieri vult: Vult autem quadam fieri necessario, & quadam contingentem, quia utrumque requiritur ad completum esse universi: ut igitur res utroque modo provenirent, quibusdam adaptat necessarias causas, quibusdam vero contingentes. Et quæst. 23. de verit. art. 5. *Voluntas divina est agens fortis-*

**A** sumum, unde oportet ejus effectum ei omnibus modis as-  
similari, ut non solum fiat id quod Deus vult fieri, quod est quasi assimilari secundum speciem, sed ut fiat eo modo quo Deus vult illud fieri, id est necessario vel contingentem, cito vel tarde. Idem docet 1. p. quæst. 22. art. 4. præsertim in resp. ad 1. & 3. quæst. 23. art. 6. quæst. 83. art. 1. ad 3. 1. 2. quæst. 10. art. 4. ad 1. tertio cont. Gent. cap. 94. quæst. 6. de verit. art. 3. ad 3. & 1. ad Annibal. dist. 47. quæst. 1. art. 4.

**Respondent Adversarij:** D. Thomam in his locis libertatem & contingentiam rerum in efficacia divinæ voluntatis reducere, non quòd libertatem & contingentiam rerum suâ efficaciam & causalitatem immediate producat; sed quia produxit causas liberas & contingentes, ex quibus effectus liberi & contingentes procedunt. Sed contra primò: D. Thomas loco primò relato, scilicet 1. p. quæst. 19. art. 8. initio corporis articuli, hanc responsonem adducit, eamque duplici ratione impugnat, ut ibidem videri potest, & in fine sic concludit: *Non igitur propterea effectus voliti à Deo eveniant contingentem, quia causa proxima sunt contingentes, sed propterea quia Deus voluit eos contingentem evenire, contingentes causas ad eos præparavit.* Idem habet quæst. 23. de verit. art. 5. citato.

**24. C** Secundò: Verbum *præparare*, seu *aptare* causas contingentes ad suos effectus, quo utitur S. Doctor locis relatis, non idem sonat ac illa creare vel producere, ut Adversarij malè interpretantur, sed potius significat eas movere & applicare ad agendum: ut patet quando dicitur Proverb. 3. *Præparatur voluntas à Domino.* Hæc enim verba, non creationem, sed motionem & applicationem voluntatis designant, sicut & ista Apostoli ad Hebræos 13. *Deus autem pacis apert vos in omni bono, ut faciatis ejus voluntatem.* Unde S. Thomas hunc locum exponens, sic ait: *Deus quando immittit homini bonam voluntatem, apert eum: id est facit illum aptum, & idè apostolus dicit: apert vos in omni bono.* Spuria ergo ac legitima, & à mente S. Doctoris proflus extranea est hæc Adversariorum interpretatio.

**25. D** Tertio, hæc responso subtrahit ab immediata Dei causalitate, & consequenter ab ejus prædestinatione, prædefinitione, ac providentia, ipsum modum libertatis & contingentie qui in nostris actibus liberis reperitur, quod est apertissime contra D. Thomam quæst. præcedenti art. 4. ad 3. ubi ait: *Modus contingentie & necessitatis cadit sub provisione Dei, qui est universali provisioni totius entis.* Et 1. Perihetm. lect. 14. *Voluntas divina est intelligenda ut extra ordinem entium existens, & veluti causa quadam profundius totum ens, & omnes ejus differentie: sunt autem differentie entis possibile & necessarium; & idè ex ipsa voluntate divina ordinantur necessitas & contingentia in rebus.* Item docet 6. Metaph. lect. 3. in fine, ubi sic dicitur, & infallibilitatem divinæ providentiæ cum humanorum actuum contingentia & libertate, hoc modo conciliat. *Sciendum est (inquit) quòd ex eadem causa dependet effectus, & omnia qua sunt per se accidentia illius effectus: sicut enim homo est à natura, ita & omnia ejus per se accidentia, ut risibile & mentis disciplina susceptibile. Si autem aliqua alia causa non faciat hominem simpliciter, sed hominem talem, ejus non erit constituere ea qua sunt per se accidentia hominis, sed solum uti eis. Politicus enim facit hominem civilem; non tamen facit eum*

enim mentis disciplina susceptibilem, sed hac ejus proprietate utitur ad hoc ut homo fiat civilis. Sicut autem dictum est, ens in quantum ens est, habet causam ipsum Deum. Unde sicut divina providentia subditur ipsum ens, ita etiam omnia accidentia entis, in quantum est ens, inter quae sunt necessarium & contingens. Ad divinam igitur providentiam pertinet, non solum quod faciat hoc ens, sed quod det ei contingentiam vel necessitatem.... Quod quidem est singulare in hac causa; reliqua enim causa non constituunt legem necessitatis, vel contingentiae, sed constituta à superiori causa utuntur; unde casualitati cujuslibet alterius causa subditur solum quod ejus effectus sit, quod autem sit necessarium vel contingenter, dependet à causa altiori, quae est causa entis, in quantum est ens, à qua ordo necessitatis & contingentiae in rebus provenit. Non poterat S. Doctor felicitus, & clarioribus verbis, mentem suam exponere, ac primam nostrae libertatis radicem detegere. Unde ad complementum hujus quaestionis, & confirmationem hujus doctrinae, quae scholae nostrae, unum est de causae ornamentum, oportet hic breviter ostendere, ex quibus fontibus eam hauserit Angelicus Praeceptor.

## S. II.

*Ostenditur hanc D. Thomae doctrinam, ab ipso Ecclesiae capite, & Apostolorum Principe, primis esse derivatam.*

16. **H**oc curiosè & eruditè ostendit P. Hyacinthus Libelli vir Caramuelis judicio eruditissimus, & ingeniosissimus, ac Romae olim Professor Theologiae in conventu Fratrum Praedicatorum super Minervam, nunc verò sacri Palatii Magister dignissimus in quodam opusculo de origine doctrinae D. Thomae, circa concordiam divinae gratiae, & decretorum divinarum, cum libertate nostra, ab eodem Caramuele in sua Theologia fundamentali, in expositione Theismi de scientia Dei, relato: ubi haec habet.

27. Primus haec eorum qui Ecclesiam Dei aequam adolesceret praefocare tentavit, fuit Simon Magus, seductor insignis, qui incredibilem habuit apud suos Samaritanorum exultationem; adeo ut eum omnes virtutem Dei magnam appellarent; & nisi hujus irruentis mali principio Deus obstitisset, periculum fuisset ne adhuc in cunis vagiens Ecclesia comprimeretur. Multa crepuit de se, quae potius potentia quam opinionibus appellari debent, sed (quemadmodum antiqui scriptores nobis reliquerunt) arbitrij creari libertatem potissimum tentavit evetere, ut cōcussio libero arbitrio, quod est Christianae Religionis fundamentum, ædificium quod Apostoli suā doctrinā parabant extruere, prorsus impediret. Et quoniam vir erat callidissimus, & sycophanta vaserimus, jam jam plurimos ad sui sequelam traxisset, quos veluti nepotes, Satanæ genitori, cujus cum primogenitū Ignatius Martyr Episcopus ad Trallianum appellavit, generasset, nisi Deus opportunitè occurrisset. Ipsi enim turbas Caesareæ seducendi occurrat S. Petrus, Apostolorum Princeps, qui ipsum veluti apostatam, & desertorē acerbis verbis redarguit, defectionem increpavit, subdolo doctrinae technas detexit, disputando sophismata resolvit, atque de invidiis argumentis pervicaciam confodit. Inter capita de quibus disputatur S. Petrus, & Simon Magus, unum fuit de libertate arbitrij creati, contra quam argumentabatur Simon in-

dem prorsus argumētis, quibus urgent nos Adversarii nostri, & quibus solent impugnari nostra decreta praeventientia, & praedefinitia, nostra auxilia efficaciac, nostra praesentia independentia à veritate objectiva & futuritione: cui S. Petrus, post Christum primus Ecclesiae Minister, iisdem prorsus modis respondit, quibus nos respondere solemus; adeo ut, me quidem iudice, nec tantillum nostrae responsiones, à responsionibus D. Petri differant. Sed undenam haec acceperim, tenete. Extant libri Recognitionum S. Clementis Romani, viri domi suae nobilis, ut qui ex Caesarum familia originem traxerit, quive D. Petro successit, & quem narrat à Petro viventē ad Apostolatū apicem vocatum, nimirum ut eo defuncto Romanam Ecclesiam gubernaret. Hunc libros praedictos scripsisse tradunt omnes qui res antiquas curiose scrutantur.

Inter alia quae libro 3. paulo post principium narrantur, una disputatio est inita Caesareae inter Simonem Magum, & Petrum Apostolum, ubi multa divine D. Petrus de malo, de felicitate, de studiis hujus vitae disseruit. Sed de libero arbitrio, inquirente & contradicente Mago, D. Petrus ea respondit & resolvit, quae modo nos ipsi respondemus, & quae S. Thomas nobis dictavit ut responderemus. Quod ut quam verum sit cognoscatis, placeat hic disputationē, quoad ea quae rei nostrae inserviunt, transcribere. Dicebat Simon, quid unumquodque, sicut ei fato decerneretur, vel sapit aliquid, vel intelligit, vel patitur; & in nulla re hominem esse sui arbitrij. At contra S. Petrus argumentatur est, necesse esse hominem esse sui arbitrij, aliter convulsa esse omnia, frustra studium sectandi meliora, frustra principes hujus mundi legibus praesse, frustra punire, vana jura populorum, miseros esse eos qui servant cum labore justitiam: beatos verò illos qui in deliciis positi, cum luxuria & scelere viventes tyrannidem tenent. Quibus Simon minime acquiescens, & ultimum experimentum doctrinae D. Petri facere volens iniecit, interrogans, si quod Deus vult esse, est: & quod Deus vult non esse, non est? Quasi diceret: si hoc mihi concedas, jam fateberis nihil à nobis liberè agi; quippe quod Deus vult esse, necessarium est. Quae obiectio tam valida Simoni videbatur, ut confidens Petrum non responsurum, se obtemperaturum sponderit, si illi D. Petrus responderet. Quod argumentum illud est, quod Adversarii nostri insolubile existimant, & cui S. Thomas imperturbabili ac eodem semper tenore verborum responderet, cui Thomae summā animorum concordia, & antiquis temporibus satisfecerunt; & hodie quo tempore molestius perurguntur satisfaciunt. Videamus quae oracula fuderit Petrus, & attentè proprietatem at-

que magnificentiam doctrinae perpendere. Dicit, omnium quae moventur, quaedam necessariò moveri, quaedam voluntariè, & liberè moveri: solent motus necessitate duci, qui statutum compleant, & cum hominem verò actus suos liberè ac voluntariè eliceret. Iam ergo inquit (haec sunt verba D. Petri) ignoras Simon, & valde ignoras quomodo in singulis quibusque voluntas Dei sit. Quaedam enim voluit, ut diximus, ita esse, ut aliud esse non possent, quam id quod ab ipso instituta sunt. Et his neque praeiudicium, neque supplicium statuit. Ea verò quae ita esse voluit, ut in sua potestate habeant agere quod velint, his pro actibus ac voluntatibus suis statuit, ut aut remunerationes ac

mereant



mereantur, aut penas. Cum ergo in duas ut docui, A partes dividantur cuncta quæ moventur; secundum eam quam supra diximus distinctionem, omne quod vult Deus, est: quod autem nō vult, non est. Hæc ætius D. Petrus. Quod si sincerè perpenderent hi quibus displicet nostra doctrina, mutarent sententiam, cum primū iis D. Petri doctrina displicere constaret. Cum enim urgeret Sisiōn, fieri non posse, ut cum voluntate efficacæ Dei, libertas humana componeretur. Respondit Petrus, optimè cohærere, quoniam necesse est illum actum esse liberum, quem Deus vult esse liberū. Hæc est necessitas præveniens, Thomistica, amica libertatis. Hæc prædeterminatio fovens libertatem. Hæc infallibilitas antecedens, libertati contubernalis. Hæc S. Thomæ fræquens doctrina. Hoc tandem furtum augustissimum auspiciatū factum, & quo nos magno utilitatis compendio utimur ac religiosè & felicissimè semper utemur.

39. Unum remanet contrariis nostris effugium, dicere scilicet, libros recognitionum D. Clementis suppositos esse, vel ad minimū ab Ebionitis, cæterisque Hæreticis, qui eo tempore contra Ecclesiam dimicarunt, depravatos atque corruptos. Scio primū non dicēros cordiores Theologos; si quidem Patres ex prædictis libris recognitionum, argumenta fortissima contra Hæreticos eliciunt, quibus præcipuè constat traditio. Et nihilominus contra Hæreticos, illos liberos penitus negantes, eruditè disputat Lambertus Gruterus Veneradius, in præfatione affixa principio operum D. Clementis: ipsum videte.

30. Ferendum potius esset, si dicerent prædictos libros esse corruptos, ex quibus proinde non possunt ullius roboris argumenta depromi. Sed quamquam verum sit præfatos libros ab Ebionitis fuisse corruptos, in materia tamen de libero arbitrio integri usque ad hæc nostra tempora pervenerunt, ut observavit Bellarminus, vir accuratissimus: nam ante Ruffinæ ætatem (inquit ipse libro 1. de Grat. & libero arbitrio cap. 25.) qui hos libros Latinos fecit, nulli fuerunt Hæretici, qui libero arbitrio nimis tribuerent, quod postea fecerunt Pelagiani. Multi autem fuerunt Hæretici, qui negaverunt liberum arbitrium, ut Simon Magus, Manes, à quo Manichæi, & alij. Itaque si in iis libris negaretur liberum arbitrium, suspicari possemus insertam fuisse eam doctrinam à Manichæis, vel alijs huiusmodi Hæreticis: at liberi arbitrij confessionem non possumus ulli Hæretico illius temporis ascribere. Deinde veteres Patres qui dicunt hos libros corruptos esse ab Hæreticis, non tacent in quibus articulis corrupti sunt, sed scribunt in articulis de divinitate Filij, aliisque similibus esse corruptos. Corruptelam autem in articulis de libertate arbitrij, nullus veterū unquam notavit. Hæc omnia prædictus Pater ex relatione Caramuelis loco citato.

## §. III.

*Alteræ libertatis radix detegitur.*

31. Dico secundò: Indifferentiam objectivam iudicij esse proximam & intrinsecam nostræ libertatis radicem.

Hanc etiam conclusionē expressè & in terminis docet S. Thomas variis in locis. Nam 1. Periherm. lect. 14. postquam verbis supra relatis, primam nostræ libertatis radicē, ex infinita divi-  
Tom. II.

voluntatis efficaciac, totum ens, & omnes ejus differentias profundentis, petendam esse docuit, statim subdit. Alteram radicem contingentie Philosophus ponit ex hoc quod sumus consiliativi. Et infra. Philosophus signanter radicem contingentie in his quæ sunt à nobis assignavit ex parte consilij, quod est eorum quæ sunt ad finem, & tamen non sunt determinata. Idem docet 1. p. quæst. 83. art. 1. his verbis. Quia iudicium rationis ad diversa se habet, & non est determinatum ad unum, necesse est quod homo sit liberi arbitrij, ex hoc ipso quod rationalis est. Et 1. 2. quæst. 17. art. 1. ad 2. Ex hoc voluntas liberè potest ad diversa ferri, quia ratio potest habere diversas cognitiones boni. Et iterum quæst. 24. de veritat. 2. in corp. Totæ ratio libertatis ex modo cognitionis dependet. Et paulò post: Totius libertatis radix est in ratione constituta. Et ibidem probat in brutis non esse libertatem, quia iudicium eorum est determinatum ad unum: quæ ratio non valeret, si indifferentia objectiva iudicij non esset radix libertatis.

32. Probat etiam conclusio ratione fundamentali. Cum voluntas sit appetitus rationalis, sequens directionē rationis, & cognitionē intellectus: quod sit determinatum vel indifferens ad opposita, provenire debet ex determinatione & indifferentia ipsius cognitionis, & cōsequenter in differentia objectiva iudicij esse radicem libertatis.

C Confirmatur: Quando affirmatio est causa affirmationis, negatio est causa negationis, & cōtra: Sed in brutis negatio libertatis oritur ex eo quod iudicium eorum est determinatum ad unum, ut docet D. Thomas supra relatus. Item amor beatificus, non est liber, sed necessarius, quia regulatur per lumen gloriæ, & cognitionē clarā & intuitivā, quæ repræsentat Deum ut habentem omnem rationem boni, ac proinde ut necessariò diligendum. Ergo in nobis indifferentia objectiva iudicij, quæ intellectus iudicat objectū propositū voluntati ut prosequendum, non continet omnem rationem boni, atque ita posse ab illa amari vel rejici, erit proxima radix & origo libertatis. Ex quo infero, &

D Dico tertio: De potentia Dei absoluta non posse fieri, ut voluntas sub indifferenti iudicio rationis tendat in aliquod objectum, & nihilominus non liberè feratur in illud.

Ratio est, quia voluntas, cum sit appetitus rationalis, sequens ductum rationis, & cognitionem intellectus, ferrur in bonum apprehensum, per rationem, eo modo quo ipsi proponitur; unde si proponatur ut indifferens, & ut non habens omnimodam rationem boni, voluntas non potest non ferri in illud cum indifferentia, atque adeò cum libertate. Quæ etiam ratione utitur D. Thomas 1. 2. quæst. 10. art. 1. in sed contra, ut probet quod voluntas aliqua appetit naturaliter.

E Motus voluntatis (inquit) sequitur actum intellectus: sed intellectus aliqua intelligit naturaliter: ergo & voluntas aliqua vult naturaliter.

33. Confirmatur & magis illustratur hæc ratio. Si posita indifferentia objectiva iudicij, voluntas non liberè fetetur in objectum, sequeretur quod in illo actu operaretur sine ulla cognitione: Sed hoc repugnat, ut ostendunt Philosophi in libris de anima, & constat ex ipsa natura voluntatis, quæ est appetitus rationalis, id est sequens ductum & cognitionem rationis: unde dicit Augustinus: Invisi amare possumus, incognita nequaquam: Ergo &c. Sequela Majoris probatur. Ille actus non procederet à voluntate ut  
P  
directa

directa per illam cognitionem, quæ repræsentat objectum ut indifferens, alioquin sicut illa cognitio est radicaliter libera; & etiam actus voluntatis esset formaliter liber, & sicut in illa cognitione esset indifferentia objectiva, ita & in actu voluntatis reperiretur indifferentia formalis. Nec procederet etiam à voluntate ut directa per aliam cognitionem; suppono enim nullum alium actum intellectus præsupponi: Ergo procederet à voluntate absq; ulla directione & cognitione intellectus. Sicut ergo voluntas, etiam de potentia Dei absoluta, non potest ferri in incognitum, ita nec amare necessariò aliquid objectum, quod ut indifferens ei ab intellectu proponitur.

36. Confirmatur ampliùs ex D. Thoma loco ultimo citato in resp. ad 1. ubi docet quòd voluntas potest considerari dupliciter. Primò ut natura: secundò ut potentia libera. Primo modo tendit in bonum naturaliter, & simplici ejus apprehensione dirigitur. Secundò liberè in illud fertur, & judicio indifferenti rationis regulatur. Sicut ergo implicat quòd à voluntate primo modo considerata, exeant nisi actus purè naturales & necessarii, quales sunt prima intentio finis, vel amor beatitudinis in communi: ita & ab illa secundo modo spectata, non possunt nisi actus liberi procedere, & ita repugnat quòd voluntas, ut est potentia rationalis, & indifferenti judicio rationis regulata, ad aliquem actum necessitetur.

## §. IV.

*Solvuntur argumenta in contrarium.*

37. **C**ontra præcedentem conclusionem insurgit Suarez prolegom. 1. de gratia cap. 4. & 5. eamq; totis viribus conatur evertere. In primis objicit auctoritatem D. Thomæ quæst. 22. de verit. art. 8. ubi dicit, Deum posse necessitare voluntatem, non cogere. Et Augustini in Enchir. cap. 98. docentis, Deum posse inclinare voluntates hominum ad quodcunq; voluerit, & quomodocunq; voluerit: Sed hoc esset falsum, si non posset voluntatem hominis necessitare ad amandum objectum ut indifferens ei ab intellectu propositum: Ergo &c.

38. Secundò arguit Calvinus & alij hujus temporis Hæretici, dixerunt Deum decreto suo & gratiâ efficaci, necessitare hominis voluntatem, ejusq; libertatem & indifferentiam tollere; & tamen illi non sustulerunt indifferentiam objectivam judicii, neq; dixerunt hominem moveri per gratiam ad actus bonos, sicut bruta incitantur à natura ad pabulum, vel sicut beati moventur à Deo ad amorem beatificum: Ergo Patres Tridentini, qui hoc non obstante hunc errorem proscripterunt, censuerunt ad libertatem non sufficere judicium rationis indifferens, eoque existente in intellectu, voluntatem posse necessitari à Deo per motionem aliquam in illa receptam, eamq; determinantem ad unum, sine potentia & facultate ad oppositum.

39. Terriò Voluntas regulata per judicium rationis indifferens, non gaudet uisi virtute & potentia infinità ad se determinandam: Ergo potest vinci ab agente virtutis infinitæ, & consequenter necessitari ut agat vel non agat.

40. Quartiò Voluntas non solum potest necessitari ab objecto, sed etiam à Deo, ut docet D. Thomas ubi suprà: At si non possit necessitari à

A Deo, supposita indifferentiâ objectivâ judicii, solum poterit necessitari ab objecto: Ergo &c.

Quintò: Si homo non posset necessitari à Deo ad amandum objectum, illi ut indifferens ab intellectu propositum, voluntas creata non posset extrahi per divinam omnipotentiam à suo connaturali modo operandi: Consequens est falsum, & divinæ omnipotentie injuriosum: Ergo & Antecedens. Sequela Majoris probatur: Connaturale est voluntati ferri necessariò circa objectum absq; indifferentia ei propositum: Ergo si Deus non possit aliter necessitare voluntatem ad amandū aliquid objectum, quàm proponendo illud absq; indifferentia, non poterit voluntatem à suo connaturali modo operandi extrahere.

Hæc tamen parum urgent, & ex principiis statutis facile dilui possunt. Ad primum enim respondetur, D. Thomam loco citato docere quidem, Deum posse necessitare voluntatem creatam, eamq; intrinsecè immutare (quòd ultro fateamur) non tamen dicere ibi, neq; alibi, quòd possit illam necessitare, quando movet eam per judicium rationis indifferens, ad volendum aliquid bonum; id enim manifestè ejus naturæ repugnat, ut ostendimus; quia cum illa sit appetitus rationalis, non potest ferri in objectum alio modo quàm sit ei ab intellectu propositum. Unde ad Augustini testimonium ibidem adductum, facile respondetur, Deum, ratione suæ omnipotentia, & supremi dominij quod habet in nostram voluntatem, posse illam movere & applicare ad quodcunq; voluerit, & quomodocunq; voluerit, dummodò id non implicet contradictionem, nec inodiosè ille repugnet naturæ ipsius voluntatis, ut contingit in proposito.

Ad secundum dicendum, quòd licet Calvinus, & alij hujus temporis Hæretici, indifferentiam objectivam in homine moto per gratiam efficacem, non negaverint formaliter & expressè, & ut ita dicam, in actu signato, eam tamen sustulerunt virtualiter, argutivè, & in actu exercito; dacerunt enim voluntatem moveri à Deo per gratiam efficacem spontaneè solum & non liberè, & sine indifferentia & potentia ad oppositum, eoque modo quo equus à fessore movetur & incitatur ad currendum; hoc enim exemplo utitur Calvinus libro 2. instit. cap. 3. Unde cum motus purè spontanei nullam supponat vel patiantur indifferentiam objectivam judicii, ut constet in prima intentione finis, & in amore beatitudinis in communi, manifestum est, Calvinum, & alios hujus temporis Hæreticos, re ipsa & de facto indifferentiam objectivam judicii sustulisse de medio, licet fortè eam formaliter & expressè non negaverint.

Vel etiam dici potest, Calvinum dupliciter errasse, primò in fide, asserendo Deum suâ gratiâ movere hominis voluntatem purè spontaneè, & nullam relinquendo indifferentiam seu potentiam ad oppositum, sub ipsa motione gratiæ. Secundò in Philosophia, existimando voluntatem posse à Deo necessitari, remanente in intellectu indifferentiâ objectivâ judicii; & Concilium primum errorem proscriptisse, alterum verò noluisse attingere, sed illum disputationibus Philosophorum & Theologorum reliquisse.

Ad tertium, concessò Antecedente, distinguo

45. Con-

Consequens. Potest vinci ab agente virtutis infinitæ, id est potest efficaciter determinari ad actum, concedo Consequentiam. Potest vinci, id est necessitari, retento iudicio indifferenti, nego Consequentiam. Quia etsi infinita efficacia omnipotentia divinæ, petat taliter dominari voluntati creatæ, ut illam quocumq; voluerit vertere possit: juxta illud Proverb. 21. *Sicut dispositiones aquarum, ita cor Regis in manu Domini, quocumq; voluerit vertere illud: non tamen petit, quod illam possit necessitate, medio iudicio indifferenti; quia, ut supra dicebamus, in hoc modo necessitandi contradiçtio involvitur.*

46. Ad quartum dicatur, voluntatem posse necessitari à Deo, mediante iudicio necessario, & non aliter: quo pacto beati necessitantur in patria ad amorem beatificum, & homines in via ad amorem beatitudinis in comuni; ad quam necessitatem, non solum objectum, sed etiam divina omnipotentia concurrat: unde concessa Majori, neganda est sequela Minoris.

47. Ad quintum nego etiam sequelam Majoris, ad cuius probationem dicendum est, non solum connaturale esse voluntati creatæ ferri necessariò in objectum, ei absq; indifferentia propositum, sed etiam illam petere connaturaliter, ut objectum quod non est summum bonum, nec cum illo connexum, indifferenti iudicio ei proponatur. Unde si Deus aliquid objectum creatum sine indifferenti iudicio ei proponeret, illam non moveret eo modo quo connaturaliter petit, eamq; à suo connaturali modo operandi extraheret.

48. Dices, Repugnat quòd Deus proponat voluntati aliquid objectum creatum, putà divitias, atq; indifferenti iudicio rationis; quia non potest hoc modo tale objectum voluntati proponere, nisi causet in intellectu iudiciū aliquid, quo iudicet divitias esse summum bonū, vel cum illo necessariò connexum: Sed hoc iudicium Deus non potest in intellectu causare; alioquin cum illud sit falsum & erroneum, Deus esset causa falsitatis & erroris: Ergo &c.

49. Respondeo negando Antecedens, ad cuius probationem dicendum est, quòd ut Deus aliquid bonum creatum, v.g. divitias, absq; indifferenti iudicio rationis proponat, necessariū non est iudicium erroneum, quo intellectus iudicet illas esse summum bonum, vel necessariò cum summa bonitate connexum, sed sufficit illas cognoscere ut bonas, cognitione imperfectā, non cognoscendo bonitatem quæ in illarū carentia potest inveniri, nec limitationē bonitatis earum: hanc autem cognitionem potest Deus in intellectu causare, quia, in illa non reperitur error aut falsitas, sicut in iudicio quo divitias esse summum bonum iudicaret.

## ARTICULUS IV.

*Explicatur celebris & perantiqua distinctio sensus compositi & divisi.*

50. Duplíciter intelligi potest sensus compositus & divinus. Primus sensus qui videtur apertior, est hæreticus, & est Lutheti, Calvini, & aliorum hæreticorum huius temporis, qui dicunt sensum compositum esse, quando motio divina & gratia efficax cum ipsa voluntate coniungitur & componitur: divinus vero, quando ab illa dividitur & separatur. Ita colligitur ex Calvino in

Tom. II.

Antidoto super can. 4. sextæ sessionis, ubi ait: *Differret quidem à Deo hominis voluntas, quando erit contraria. Verum si in obedientiam composita fuerit, iam sublatum est dissentienti periculum.* Appetitus hunc sensum declarat Vincentius Lemis, Theologus Arafricanus, in Epistola prodroma ad Petavium pag. 22. ubi hanc propositionem: *Voluntas prædeterminata potest dissentire*, ipse sic explicat, ut voluntas dissentire possit, excuspi (inquit) prædeterminatione, non retenti. Hic sensus procul dubio hæreticus est, ex illo enim sequitur manifesta libertatis destructio, ut constabit ex infra dicendis.

Hanc tamen pravam & perverfam sensus compositi & divisi intelligentiam, communiter attribuant Thomistis defensores scientie mediæ. Suarez libro 1. de concursu Dei cap. 10. num. 5. ubi ait: *Potest voluntatem motio divina non consentire in sensu composito: id est EXISTENTE DE I MOTIONE.* Et libro 3. cap. 9. num. 4. *At fortasse dicent (inquit) potentiam physicè prædeterminatam ad consentiendum, idè posse dissentire, quia potest carere excitatione determinante ipsam, & tunc non consentire.* Ita enim in respa respondent, qui ajunt, cum Concilium docet posse dissentire, intelligendum esse in sensu diviso. Item in tomo de auxiliis Lugduni recentier impresso, libro 5. cap. 18. num. 9. sic habet: *Potencia in sensu diviso, non est potentia propriè activa, sed magis passiva, quatenus potest auferre illam prædeterminationem, & relinquere voluntatem in sua naturali potestate.*

Idem docet Lessius in opusculo de gratia efficaci cap. 3. num. 19. ubi volens impugnare sensum compositum & divinum Thomistarum; sic ait: *Sensus compositus nihil est aliud, quàm si decretum divinum & motio divina componatur cum voluntate: id est, SI VOLUNTATI ADHÆT: Et sensus divinus, SI ADHÆT, ET TOLLATUR: At quid mirum, si motione illa sublata, voluntas possit non velle?*

In eodem errore & hallucinatione versatur Molina 1. p. quæst. 14. art. 13. disp. 18. num. 2. ubi loquens de sensu composito & diviso Thomistarum, sic ait: *In re proposita non aliter intelligere possunt (Thomistæ) sensum divinum, quàm quod si Deus ex æternitate non statuisset movere arbitrium concursu ex se efficaci, & in tempore quando actus elicitur, non moveretur illud eodem efficaci concursu, posset tunc non elicere eum actum.* Ex quibus locis liquet, illos Authores manifestè imponere Thomistis, compositionem solum prædeterminationis cum voluntate; facere sensum compositum, & ablationem seu divisionem ejusdem prædeterminationis ab illa, facere sensum divinum: quod tamen ipsi, ut infra ostendemus, constantissimè negant, & contraquam Calvinianum dogma rejiciunt.

Eundem sensum falsò attribuit Alvari Aegidius Coninck disp. 2. dubio 3. & Meratius in tract. de gratia disp. 6. sect. 1. Bannezio & Zúmel: imò & Vázquez cæteris audacior, illum imponit D. Thomæ. Nam 1. p. quæst. 14. art. 13. disp. 68. cap. 3. sic habet: *Si respondeas (inquit) cum Thoma hic ad 3. consequens esse necessarium ex suppositione quòd Deus fieret, & tunc esset in seipso, in sensu composito, non tamen absolute & ex se, non supposita scientiæ Dei, quod vocant in sensu diviso.* Ubi manifestè attingit D. Thomæ perverfam illam sensus compositi & divisi intelligentiam, addendo illa verba: *Non supposita scientiæ Dei:*

P 2

Dei:

directa per illam cognitionem, quæ repræsentat objectum ut indifferens, alioquin sicut illa cognitio est radicaliter libera; etiam actus voluntatis esset formaliter liber, & sicut in illa cognitione esset indifferens etiam objectiva, ita & in actu voluntatis repetitur indifferencia formalis. Nec procederet etiam à voluntate ut directa per aliam cognitionem; suppono enim nullum alium actum intellectus præsupponi: Ergo procederet à voluntate absque ulla directione & cognitione intellectus. Sicut ergo voluntas, etiam de potentia Dei absoluta, non potest ferri in incognitum, ita nec amare necessarii aliquid objectum, quod ut indifferens ei ab intellectu proponitur.

36. Confirmatur amplius ex D. Thoma loco ultimo citato in resp. ad 1. ubi docet quod voluntas potest considerari dupliciter. Primum ut natura: secundum ut potentia libera. Primo modo tendit in bonum naturaliter, & simplici ejus apprehensione diriguntur. Secundò liberè in illud fertur, & judicio indifferenti rationis regulatur. Sicut ergo implicat quoddà à voluntate primo modo considerata, exeant nisi actus purè naturales & necessarii, quales sunt prima intentio finis, vel amor beatitudinis in communi: ita & ab illa secundo modo spectata, non possunt nisi actus liberi procedere, & ita repugnat quoddà voluntas, ut est potentia rationalis, & indifferenti judicio rationis regulata, ad aliquem actum necessitetur.

## §. IV.

*Solvuntur argumenta in contrarium.*

37. **C**ontra præcedentem conclusionem insurgit Suarez prolegom. 1. de gratia cap. 4. & 5. eamque totis viribus conatur evertere. In primis objicit auctoritatem D. Thomæ quæst. 22. de verit. art. 8. ubi dicit, Deum posse necessitare voluntatem, non cogere. Et Augustini in Enchir. cap. 98. docentis, Deum posse inclinare voluntates hominum ad quodcumque voluerit, & quomodocumque voluerit: Sed hoc esset falsum, si non posset voluntatem hominis necessitare ad amandum objectum ut indifferens ei ab intellectu propositum: Ergo &c.

38. Secundò arguit Calvinus & alij hujus temporis Hæretici, dixerunt Deum decreto suo & gratiâ efficaci, necessitare hominis voluntatem, ejusque libertatem & indifferenciam tollere; & tamen illi non sustulerunt indifferenciam objectivam judicii, neque dixerunt hominem moveri per gratiam ad actus bonos, sicut bruta incitantur à natura ad pabulum, vel sicut beati moventur à Deo ad amorem beatificum: Ergo Patres Tridentini, qui hoc non obstante hunc errorem proscriptum, censuerunt ad libertatem non sufficere judicium rationis indifferens, eoque existente in intellectu, voluntatem posse necessitari à Deo per motionem aliquam in illa receptam, eamque determinantem ad unum, sine potentia & facultate ad oppositum.

39. Tertiò: Voluntas regulata per judicium rationis indifferens, non gaudet nisi virtute & potentia infinità ad se determinandum: Ergo potest vinci ab agente virtutis infinitæ, & consequenter necessitari ut agat vel non agat.

40. Quartò: Voluntas non solum potest necessitari ab objecto, sed etiam à Deo, ut docet D. Thomas ubi suprâ: At si non possit necessitari à

A Deo, suppositâ indifferentiâ objectivâ judicii, solum poterit necessitari ab objecto: Ergo &c.

Quintò: Si homo non posset necessitari à Deo ad amandum objectum, illi ut indifferens ab intellectu propositum, voluntas creata non posset extrahi per divinam omnipotentiam à suo connaturali modo operandi: Consequens est falsum, & divinæ omnipotentiae injuriosum: Ergo & Antecedens. Sequela Majoris probatur: Connaturale est voluntati ferri necessarii circa objectum absque indifferencia ei propositum: Ergo si Deus non posset aliter necessitare voluntatem ad amandum aliquid objectum, quam proponendo illud absque indifferencia, non poterit voluntatem à suo connaturali modo operandi extrahere.

Hæc tamen parum urgent, & ex principiis statutis facile dilui possunt. Ad primum enim responderet, D. Thomam loco citato docere quidem, Deum posse necessitare voluntatem creatam, eamque intrinsecè immutare (quod ultro fatemur) non tamen dicere ibi, neque alibi, quod possit illam necessitare, quando movet eam per judicium rationis indifferens, ad volendum aliquid bonum; id enim manifestè ejus naturæ repugnat, ut ostendimus; quia cum illa sit appetitus rationalis, non potest ferri in objectum alio modo quam sit ei ab intellectu propositum. Unde ad Augustini testimonium ibidem adductum, facile responderetur, Deum, ratione suæ omnipotentiae, & supremi dominij quod habet in nostram voluntatem, posse illam movere & applicare ad quodcumque voluerit, & quomodocumque voluerit, dummodo id non implicet contradictionem, nec modus illi repugnet naturæ ipsius voluntatis, ut contingit in proposito.

Ad secundum dicendum, quod licet Calvinus, & alij hujus temporis Hæretici, indifferenciam objectivam in homine moto per gratiam efficacem, non negaverint formaliter & expressè, & ut ita dicam, in actu signato, eam tamen sustulerunt virtualiter, argutivè, & in actu exercito; docuerunt enim voluntatem moveri à Deo per gratiam efficacem spontaneè solum & non liberè, & sine indifferencia & potentia ad oppositum, eoque modo quo equus à fessore movetur & incitatur ad currendum; hoc enim exemplo utitur Calvinus libro 2. instit. cap. 3. Unde cum motus purè spontanei nullam supponant vel patiantur indifferenciam objectivam judicii, ut constet in prima intentione finis, & in amore beatitudinis in communi, manifestum est, Calvinum, & alios hujus temporis Hæreticos, re ipsa & de facto indifferenciam objectivam judicii sustulisse de medio, licet fortè eam formaliter & expressè non negaverint.

Vel etiam dici potest, Calvinum dupliciter errasse, primò in fide, asserendo Deum suâ gratiâ movere hominis voluntatem purè spontaneè, & nullam relinquendo indifferenciam seu potentiam ad oppositum, sub ipsa motione gratiæ. Secundò in Philosophia, existimando voluntatem posse à Deo necessitari, remanente in intellectu indifferentiâ objectivâ judicii; & Concilium primum errorem proscriptum, alterum verò noluisse attingere, sed illum disputationibus Philosophorum & Theologorum reliquisse.

Ad tertium, concessio Antecedente, distinguo

45.  
Con-



Consequens. Potest vinci ab agente virtutis infinitæ, id est potest efficaciter determinari ad actum, concedo Consequentiam. Potest vinci, id est necessitari, retento iudicio indifferenti, nego Consequentiam. Quia etsi infinita efficacia omnipotentia divine, petat taliter dominari voluntati creatæ, ut illam quocumq; voluerit vertere possit: iuxta illud Proverb. 21. *Sicut divisiones aquarum, ita est Regni in manu Domini, quocumq; voluerit vertet illud: non tamen petit, quod illam possit necessitare, medio iudicio indifferenti; quia, ut supra dicebamus, in hoc modo necessitatio contradiçtio involvitur.*

46. Ad quartum dicatur, voluntatem posse necessitari à Deo, mediante iudicio necessario, & non aliter: quo pacto beati necessitantur in patria ad amorem beatificum, & homines in via ad amorem beatitudinis in communi; ad quam necessitatem, non solum objectum, sed etiam divina omnipotentia concurrat: unde concessa Majori, neganda est sequela Minoris.

47. Ad quintum nego etiam sequelam Majoris, ad cuius probationem dicendum est, non solum connaturale esse voluntati creatæ ferri necessariò in objectum, ei abq; indifferentia propositum, sed etiam illam petere connaturaliter, ut objectum quod non est summum bonum, nec cum illo connexum, indifferenti iudicio ei proponatur. Unde si Deus aliquid objectum creati sine indifferenti iudicio ei proponeret, illam non moveret eo modo quo connaturaliter petit, eamq; à suo connaturali modo operandi extraheret.

48. Dices, Repugnat quòd Deus proponat voluntati aliquid objectum creatum, putà divitias, atq; indifferenti iudicio rationis; quia non potest hoc modo tale objectum voluntati proponere, nisi causet in intellectu iudiciu aliquid, quo iudicet divitias esse summum bonu, vel cum illo necessariò connexum: Sed hoc iudiciu Deus non potest in intellectu causare; alioquin cum illud sit falsum & erroneum, Deus esset causa falsitatis & erroris: Ergo &c.

49. Respondeo negando Antecedens, ad cuius probationem dicendum est, quòd ut Deus aliquid bonum creatum, v.g. divitias, abq; indifferenti iudicio rationis proponat, necessariu non est iudiciu erroneum, quo intellectus iudicet illas esse summum bonum, vel necessariò cum summa bonitate connexum, sed sufficit illas cognoscere ut bonas, cognitione imperfecta, non cognoscendo bonitatem quæ in illarum carentia potest inveniri, nec limitatione bonitatis eorum: hanc autem cognitionem potest Deus in intellectu causare, quia in illa non reperitur error aut falsitas, sicut in iudicio quo divitias esse summum bonum iudicaret.

## ARTICULUS IV.

*Explicatur celebris & perantiqua distinctio sensus compositi & divisi.*

50. Duplicitè intelligi potest sensus compositus & divinus. Primus sensus qui videtur apertior, est hæreticus, & est Lutheri, Calvini, & aliorum hæreticorum huius temporis, qui dicunt sensum compositum esse, quando motio divina & gratia efficax cum ipsa voluntate coniungitur & componitur: divinus vero, quando ab illa dividitur & separatur. Ita colligitur ex Calvino in

Tom. II.

A Antidoro super can. 4. sextæ sessionis, ubi ait: *Dissentiet quidem à Deo hominis voluntas, quando erit contraria. Verum si in obedientiam composita fuerit, iam sublatum est dissentendi periculum.* Apertius hunc sensum declarat Vincentius Lenis, Theologus Atracianus, in Epistola prodroma ad Petavium pag. 22. ubi hanc propositionem: *Voluntas prædeterminata potest dissentire*, ipse sic explicat, ut voluntas dissentire possit, excusâ (inquit) prædeterminatione, non retentâ. Hic sensus procul dubio hæreticus est, ex illo enim sequitur manifesta libertatis destructio, ut constabit ex infra dicendis.

B Hanc tamen pravam & perversam sensus compositi & divisi intelligentiam, communiter attribuant Thomistis defensores scientiæ mediæ. Suarez libro 1. de concursu Dei cap. 10. num. 5, ubi ait: *Potest voluntatem motioni divine non consentire in sensu composito: id est EXISTENTE DEI MOTIONE.* Et libro 3. cap. 9. num. 4. *At fortasse dicent (inquit) potentiam physicè prædeterminatam ad consentiendum, idè posse dissentire, quia potest carere excitatione determinante ipsam, & tunc non consentiret.* Ita enim in re ipsa respondent, qui ajunt, cum Concilium docet posse dissentire, intelligendum esse in sensu diviso. Item in tomo de auxilijs Lugduni recentè impresso, libro 5. cap. 18. num. 9. sic habet: *Potentia in sensu diviso, non est potentia propriè activa, sed magis passiva, quatenus potest auferre illam prædeterminationem, & relinquere voluntatem in sua naturali potestate.*

Idem docet Lessius in opusculo de gratia efficaci cap. 3. num. 19. ubi volens impugnare sensum compositum & divinum Thomistarum; sic ait: *Sensus compositus nihil est aliud, quàm si decretum divinum & motio divina componatur cum voluntate: id est, SI VOLUNTATI ADJIT: Et sensus divinus, SI ADJIT, ET TOLLATUR: At quid mirum, si motione illâ sublata, voluntas possit non velle?*

In eodem errore & hallucinatione versatur Molina 1. p. quæst. 14. art. 13. disp. 18. num. 2. ubi loquens de sensu composito & diviso Thomistarum, sic ait: *In re proposita non aliter intelligere possunt (Thomistæ) sensum divinum, quàm quod si Deus ex æternitate non statisset movere arbitrium concursu ex se efficaci, & in tempore quando actus elicitur, non moveretur illud eodem efficaci concursu, posset tunc non elicere cum actum.* Ex quibus locis liquet, illos Autores manifestè imponere Thomistis, compositionem solum prædeterminationis cum voluntate; facere sensum compositum, & ablationem seu divisionem ejusdem prædeterminationis ab illa, facere sensum divinum: quod tamen ipsi, ut infra ostendemus, constantissimè negant, & tanquam Calvinianum dogma rejiciunt.

E Eundem sensum falsò attribuit Alvari Egidius Coninck disp. 2. dubio 3. & Meratus in tract. de gratia disp. 6. sect. 1. Bannezio & Zimeli: imò & Vazquez cæteris audacior, illum imponit D. Thomæ. Nam 1. p. quæst. 14. art. 13. disp. 68. cap. 3. sic habet: *Si respondeas (inquit) cum Thoma hic ad 3. consequens esse necessarium ex suppositione quòd Deus scierit, & ut erant in scholis, in sensu composito, non tamen absolute & ex se, non suppositâ scientiâ Dei, quod vocant in sensu diviso.* Ubi manifestè affingit D. Thomæ perversam illam sensus compositi & divisi intelligentiam, addendo illa verba: *Non suppositâ scientiâ*

P 2

Dei:

D<sup>ci</sup>: & ex suppositione scientiæ Dei. Quasi D. Thomas vellet præsuppositâ scientiâ Dei, res evenire necessariò, & eâ sublatâ, libet & continenter.

55. Horum vestigiis inhaerens Petrus à sancto Joseph, in eundem scopulum impigit, & sensum compositum & divinum eodem modo exposuit & intellexit, in opusculo quod defensionem D. Thomæ inscribit. Ibidem enim in præfatione, observatio 4. pag. 5. sic habet: *Observandum quartò: quando inquirimus an voluntas nostra à Deo ita moveatur, ut posita ejusmodi motione, illa non possit non operari, non considerare voluntatem nostram, formaliter ut substantem motui divini, seu ut facientem sensum compositum cum illa. Si enim voluntas reipsa subsistat motui divini, spectetur pravius ut est potentia quædam libera, & ut minus præcipua ab ejusmodi motione, neque dubitat quin ea ut sic, in sensu diviso, possit non edere actum ad quem moveretur, & scilicet ad oppositum. Sicut dubium non est, quin fur possit fugere, & saltem suæ consulere, si concipiatur ut divinus à rationis quibus constituitur est. Et disp. 1. scilicet 4. pag. 8. Nec inquit hic locum habere potest vulgaris illa evasio de composito & diviso. Nam valde ridiculum est dicere cum qui absolute non potest, vel præmotionem tollere, vel effectum illius impedire, agere tamen liberè, quia in sensu diviso, seu ut à tali motione præcipuus, potest non agere. Sic enim dicendum esset, neque nos necessariò velle beatitudinem, quia si concipiatur ut divinus ab eo instinctu quo naturaliter eam optamus, sic possumus eam non velle. Et similiter qui à se calidum amovere non potest, non calefit necessariò, sed liberè; quia si concipiatur ut divinus à corpore calido, non calefit, imò nec calefieri poterit. Denique toto illo opusculo hanc spuram & illegitimam, imò & erroneam, sensus compositi & divisi intelligentiam, passim Thomistis attribuit, à qua tamen penitus illi abhorrent, ut constat referendo expressa illorum testimonia.*

56. Primum sese offert Bannez, quem aliqui parum in antiquorum libris versati, primum præmotionum auctorem asserunt. Hic ergo 1. p. quæst. 14. art. 13. dubio ultimo, his verbis præfaram distinctionem explicat. *Necessitas in sensu composito non est accipienda in illo sensu quòd stante scientiâ Dei de Antichristo futuro, nulla maneat contingentia in causis quæ produciuntur sunt Antichristum, sed sit totaliter determinata ab ipsa scientiâ Dei, ut necessariò producant Antichristum in tempore à Deo disposito: Hic ENIM SENSUS EST FALSISSIMUS ET CONTRA FIDEM.* Vide quomodo loquatur de illo sensu composito, quem Adversarii ipsi & alii Thomistæ attribuerunt.

57. Secundo loco occurrit Alvarez gratiæ efficacis, & physice prædeterminationis propugnator acerrimus, qui variis in locis ita clare circa hoc mentem suam aperuit, ut mirum sit quòd Ægidius Coninck, & alij ejusdem Societatis Theologi supra relati, ei perversum illum sensum attribueret audent. Nam disp. 5. de auxiliis num. 14. hæc scribit. *Advertimus quosdam Theologos in Dialecticis principis descere, dum arbitrantur hanc propositionem, homo motus à Deo auxilio efficaci, non potest dissentire vocatiori divini in sensu composito, nihil aliud significare, quàm quòd tempore quo illa motio est in homine, ille non potest dissentire, sed necessariò convertitur; ablata*

A però motione efficaci, tunc possit dissentire, & non converti. Sed isti Auctores non attingunt veram sensum compositum, sed solum faciunt compositionem auxiliij efficacis cum voluntate creata, non autem componunt auxilium efficace & actualem resistantiam in eodem subjecto, pro eodem tempore; quam compositionem significat ista propositio: liberum arbitrium motum à Deo auxilio efficaci ad consensum, potest dissentire in sensu composito. Sicut enim ista propositio, *albus non potest esse niger, in sensu composito, non significat quòd quando albedo est in homine, tunc non potest esse niger, ablata verò albedine, possit esse niger, sed significat albedinem & nigredinem esse formas simul impossibiles in eodem subjecto, ita ut impossibile sit aliquid simul esse album & nigrum, & propterea est vera propositio. Ita hæc liberum arbitrium motum à Deo auxilio efficaci, non potest dissentire in sensu composito, non significat quòd quando motio efficaci est in homine non possit dissentire, si velit, ablata verò motione efficaci, tunc possit dissentire: sed significat hæc duo esse impossibilia simul, quòd scilicet auxilium efficace sit in libero arbitrio, & liberum arbitrium dissentiat: & propterea illa propositio est vera, quoniam auxilium efficace, & actualis resistantia, nec sunt, nec esse possunt simul in eodem, quamvis efficace auxilium simul compatiatur secum in eodem arbitrio potentiam ad dissentendum si velit, quòd sufficit & requiritur ad libertatem.* Eodem modo hanc distinctionem explicat disputat. 94. ubi etiam conquiretur de Auctoribus qui oppositum sensum impingunt Thomistis, cum ab eorum mentis sit omnino alienus.

Item libro 2. Responsionum cap. 1. numero 38. 34. *Sensus compositus (inquit) non est ille qui in argumento insinuat, quòd videlicet quando gratia efficaci est involuntate, non possit voluntas non agere actum illum ad quem determinatur, ablata verò motione possit non agere.* Hic enim sensus CONFICTUS FUIT A CALVINO. Et iterum cap. 4. numero 9. *Calvinus in eo deceptus est, quia putavit illam propositionem (liberum arbitrium motum à Deo gratia efficaci, non potest dissentire in sensu composito) nihil aliud significare, nisi quòd postquam jam gratia efficace in voluntate posita est, non possit liberum arbitrium dissentire ac refragari, ablata verò motione possit.* Et in hac significatione accipere videntur sensum compositum, qui nostram sententiam impugnant. Nos autem multò aliter intelligendum esse compositum sensum illius propositionis contendimus. Non enim per illam significatur, quòd quando est motio efficace in homine, tunc non possit dissentire, aut refragari, ablata verò motione possit. Si enim hoc sensui concederetur, absque dubio everteretur libertas arbitrii, nec posset per distinctionem illam sensus compositi & divisi, ejusdem arbitrii libertas concordari cum decreto absoluto voluntatis divine, prædeterminantis omnes actus bonos futuros, nec cum efficacis auxiliij præoperantis gratia. Sensus ergo legitimus illius propositionis in sensu composito acceptæ est: hæc duo simul esse impossibilia, quòd nimirum auxilium efficace ad consentiendum, sit in homine, & homo dissentiat. Quo nihil clarius & expressius dici potest.

Similia habet Gonzalez 1. p. quæst. 19. art. 8. disp. 57. num. 48. Hæc (inquit) propositio (stante prædeterminatione & prædestinatione divina voluntatis de futura penitentia Petri, perus potest non penitere) in sensu diviso vera est, falsa autem in sensu

sensu composito; quia quamvis stante ipsâ Dei prædestinatione, ab intrinsecâ indifferentiâ ad utrumlibet, sit Petrus potens, possibilitate causæ proximâ, non penitere, tamen nunquam ita continget, stante illâ suppositione; & ideo quod nunquam ita continget, quodam lato sensu, dicitur impossibile; id est impossibilitate conditionatâ, seu consequentiâ, & hoc appellatur non posse in sensu composito, quod tamen nullatenus impedit libertatem quantum ad usum, quia libertas quantum ad usum non consistit in hoc quod est facere oppositum ejus quod aliquis facit, sed in hoc quod est posse proximè intrinsecâ indifferentiâ non impedita, facere oppositum ejus quod aliquis facit. Paralogizatur autem arguens sæpè in hac materia, dum putat sensum divisum in prædictâ propositione nihil aliud esse, quam quod Petrus possit non agere penitentiam, scilicet illa suppositione; sensum autem compositum esse, quod illam non possit non agere, stante illa suppositione. Ex hac autem intelligentiâ mirum est quantâ contrarietatem inferat, fingens sub hostem quem feriat. Hæc autem est magna fallacia in explicandâ illâ vulgata distinctione.

Hæc Gonzalez. Eodem planè modo sensum compositum & divisum explicant omnes alii Thomistæ, tam antiqui, quam recentiores: ut videri potest in opusculò de vero sensu composito & diviso, ab uno ex studiosis Conventus nostri Tolozani composito, & Parisiis impresso anno 1638. Idque ingenue fatetur P. Annatus, variis in locis, præsertim in libro de libertate incoactâ, contra Apologismam Jansenii, cap. 2. §. 4. ubi hæc scribit: *Inde processit error Jansenii, quod putaverit se eodem modo philosophari posse, quo Thomistæ, cum tamen diversissima sint illorum principia: nam Thomistæ cum victrice concupiscentiâ v.g. ponunt sufficientem gratiam ad resistendum, nec putant quidquam requiri in alterutro casu, quod habeat rationem principii, & virtutis activæ; & ideo dicere possunt, similitudinem esse potentiam ad utrumlibet oppositorum immediate ac proximè, neque unquam sensum compositum & divisum sic explicaverunt, ut dicerent voluntatem posse unum in sensu composito, & in sensu diviso, hoc est successive, atque ex hypothese quod fiat mutatio in prærequiritu, posse alterum. Nunquam Thomistæ ita sensum illum compositum & divisum explicaverunt.* Et rursus in eodem libro contra Commentatorem cap. 5. §. 1. paginâ 226. *Quem inveniunt Jansenii inter Thomistas, qui concedat ita necessarium esse quoddam exercitium consensum quem voluntas præbet motioni gratiæ, quando illa inhaeret, quomodo necessarius est amor beatificus, quando durat visio? Quem inveniunt qui dixerit voluntatem, divinâ gratiâ prædeterminatam, carere proximâ ad dissentiendum potentia? Quem dabant, qui distinctionem sensus compositi & divisi sic interpretetur, ut sensus sit voluntatem à Deo motam posse dissentire, quando illa motio aberit, & adveniat alia? Si ergo nullus inter Thomistas inveniatur, qui hoc modo sensum compositum aut divisum explicaverit, vel intellexerit, cur Suarez, Lessius, Molina, Vazquez, Coninchus, Meratius, & alii Societatis scriptores, hanc peccatam ac perversam intelligentiam & explanationem ipsi attribuant? ut scilicet fingant hostem ex palea quem configant, & umbras aspecitæ persequantur, & Thomistis Calvinianum errorem, à quo longissimè distant, possint affingere. De quo sùlè in Apologia Thomistarum.*

60. Ex his ergo habes (Amice Lector) veram & germanam sensus compositi & divisi intelligentiam. Non enim dicitur sensus compositus &

Tom. II.

A divisus, ex eo quod componatur aut dividatur præmotionem à voluntate. & significet quod eâ positâ & retentâ voluntas non potest dissentire, sed tantum eâ remota & excussa: ut perperam intelligunt & explicant Auctores relati. Sed sensus vocatur compositus, ex eo quod conjungat actualem dissentium cum præmotione, & consequenter cum assensu qui ad eam infallibiliter sequitur: quod manifestat contradictionem involvit. Et divisus, ex eo quod ab eâ dividatur & separet actualem dissentium, & solam potentiam relinquit ad dissentiendi relinquatur, in quo nulla est implicantia aut repugnantia. Nam ut ait D. Thomas quest. 23. de verit. art. 5. ad 3. *Quamvis non esse effectus divina voluntatis non possit simul stare cum divina voluntate, tamen potentia descendens effectum simul stat cum divina voluntate: non enim sunt ista impossibilia, Deus vult istum salvari, & iste potest damnari; sed ista sunt impossibilia: Deus vult istum salvari, & iste damnatur.* Quod sub aliis terminis explicat Capreolus, dicens quod voluntas habet similitudinem potentiae, id est simul & semel habet potentiam ad opposita, non tamen potentiam simultaneam, id est non habet potentiam ad opposita simul ponenda & verificanda; ita ut tota similitudo teneatur ex parte potentiae, non autem ex parte actuum oppositorum, ad quos potentia se extendit.

Igitur hæc propositio, *Homo præmotus potest dissentire, eodem modo explicari debet, quo ista: Homo justus potest peccare*, quæ in sensu composito est falsa, & in sensu diviso vera. Sensus autem compositus in hac est, quod homo justus manens justus non potest peccare, seu non potest conjungere peccatum cum illa justitia: in quo etiam sensu intelligi debet illud primæ Joan. cap. 3. *Omnis qui natus est ex Deo peccatum non facit: quoniam semen ipsius in eo manet, & non potest peccare, quoniam ex Deo natus est.* Sensus verò divisi, quod homo habens gratiam, simul cum illa habet revera potentiam ad peccandum, quod peccatum si poneretur, delitesceret gratiam: licet nunquam possit ponere simul hæc duo, & peccatum cum gratia conjungere. Idem cum proportionem de efficaciâ Dei motione dicendum est: illa enim positâ in voluntate, liberum arbitrium potest dissentire in sensu diviso, quia etiam, prout stat sub tali motione, semper retinet potentiam proximam & expeditam ad dissentiendum; sicut homo sub gratia constitutus, potentiam proximam ad peccandum: non potest tamen dissentire in sensu composito, quia cum talis motio inferat infallibiliter consensum, & ille sit in eodem instanti temporis cum illa, nunquam potest componi cum actuali dissentiu, sicut nec gratia sanctificans cum peccato mortali.

Hæc distinctio sic intellecta & explicata, ita celebris est & antiqua, ut D. Thomas quest. 6. de verit. art. 4. ad 8. asserat, quod illa communis erat suo tempore, eaque communiter utebantur Theologi ad conciliandam libertatem cum prædestinatione. *Dicitur communiter (inquit) quod hæc, Deus potest non prædestinare prædestinare, in sensu composito est falsa, in diviso vera; & ideo omnes locutiones illæ quæ sensum compositum implicunt, sunt falsæ simpliciter.* Quod etiam repetit hic art. 6. ad 3. ubi ait: *Non oportet dicere, quod Deus possit non prædestinare quem prædestinavit, in sensu composito accipiendo, licet absolute considerando,*

P;

derando,

derando, Deus possit prædestinare vel non prædestinare, sed ex hoc non tollitur prædestinationis certitudo. Et in Boëtium de consolatione lib. 5. proâ ultimâ ait : *Ista ratio : quod à Deo prævisum est, necessariò evenit, solvitur dicendo, quod verum est necessariò evenit, necessitate conditionatâ, non necessitate absolutâ. Alii aliter solvunt, quòd illa propositio est vera in sensu composito, sed falsa in sensu diviso : unde cum dicitur quidquid prævisum est, necessariò evenit, verum est in sensu composito : ergo impossibile est prævisum à Deo non evenire ; tamen in sensu diviso falsa est, quia eventus rei saltem contingentis, in se non est necessarius.*

63. Favet etiam Aristoteles 1. de celo textu 119. Sedendi (inquit) & standi simul quis habet potentiam, quia quando habet illam, habet & alteram, sed non sic ut simul sedat & stet, sed alio tempore, & 1. Elench. agens de fallacia compositionis ait : Propter compositionem verò huiusmodi sunt, ut possibile est sedentem ambulare, & non scribentem scribere : non enim idem significat, si dividens quis dicat & componens, quod possibile est sedentem ambulare, & non scribentem scribere ; & hoc identidem si quis componat non scribentem scribere, significavit pro se quòd quod habet potestatem ut non scribens scribat ( Ecce sententiam compositum quo componitur non scriptio cum actuali scriptio ) Si quis autem non componat, quoniam habet potestatem quando non scribit ut scribat. Ecce sententiam divisam, quo dividitur non scriptio ab actuali scriptio, & significatur dari potentiam in homine non scribente ut scribat, & vice versa in scribente ut non scribat.

Denique Venerabilis Beda in axiomatibus Philosophicis ex Aristotele collectis, littera O, sic habet: *Omnia futura de necessitate eveniunt 1. Perbierni. Verum est in sensu composito, non autem in sensu diviso, vel verum est ex hypothesi, non autem simpliciter. Si enim futura sunt, utique eveniunt necessario. Implicat enim contradictionem eventura esse & non eventura. Non tamen quæcunque eventura sunt, eventura necessario simpliciter, sive necessitate quadam absolutâ.*

#### ARTICULUS V.

*An divinæ prædefinitiones, seu decreta ab intrinseco efficacia, quæ à Thomistis prædeterminantia appellantur, libertatem tollant, aut ledant?*

64. Celebris est his temporibus hæc controversia: hoc enim sæculo, quòd major in divina voluntate statuitur efficacia, eò minor à quibusdam Recentioribus ponitur in humana libertas, & quod S. Thomas supra relatâ contingentie radicem appellat, illi necessitatis causam, & libertatis ruinam ac perditionem esse existimant. Quantum hoc sit à veritate, & à Sanctorum Patrum doctrina alienum, placeat breviter hic ostendere, & difficilem hanc humanæ libertatis cum divinæ voluntatis efficaciam concordiam, quæ ingeniorum gehennæ, & humanæ mentis Euripus, meritò appellari potest, exponere ; & ostendere quòd sicut in ineffabili Incarnationis Myfterio, Dei sapientia, humana divinis, & divina humanis mirabiliter copulavit, Tantoque fœdere utramque naturam conservavit, ut nec inferiorem consumeret glorificatio, nec superiorum minueret assumptio ; Ita & in prædestinationis Myfterio inscrutabili, ejus omnipotentia

Leo  
Papa  
sermo  
1. de  
nati-  
vitate.

A liberum nostræ voluntatis consensum, cum invictissima ac insuperabili suorum decretorum efficacia & fortitudine, tam inviolabili nexu, & tam amicali vinculo sociavit, ut nec decretorum efficacia arbitrii libertatem lædatur aut minuat, nec arbitrii libertas aut mutabilitas, divinæ voluntatis efficaciam impediatur aut retardet.

#### §. I.

*Quibusdam præmissis difficultas resolvitur.*

Notandum primò : Duplicem distingui à 65. Thomistis prædeterminationem : unam æternam, & in Deo manentem : alteram temporalem, & in creatura receptam. Prima dicitur decretum prædeterminans, seu divina prædefinitionis, secunda appellatur præmotio vel prædeterminatio physica, vel gratia efficax, & prædeterminans ; quando movet & applicat voluntatem ad actus supernaturales.

Notandum secundò : In his nominibus, Decretum prædeterminans, prædeterminatio physica, gratia prædeterminans : particulam præ non designare prioritatem durationis, sive temporis, sed duntaxat naturæ, seu causalitatis & dependentiæ, quam explicat Aristoteles in post prædicamentis in cap. de priori & simul, dum ait, quòd illud est prius à quo aliud pendet tanquam à causâ, & nihilominus convertitur subalternandi consequentia, ita ut si verum sit unum esse, verum etiam sit esse & alterum : quomodo causâ etiam in actu, est prior suâ operatione & effectu, quia licet non possit concipi causâ in actu, nisi concipiatur ejus operatio, & effectus ab illa procedens, nihilominus, quia operatio & effectus dependent à causâ in actu, idèò causâ in actu dicitur prior suâ operatione & effectu, prioritate dependentiæ & causalitatis, quæ vocatur etiam *prioritas instantis à quo*. Ab hac ergo prioritate dependentiæ seu causalitatis, divinum decretum, secundum Thomistam, denominatur prævium, seu determinans, ejusque motio & executio, præmotio seu prædeterminatio appellatur.

Notandum tertio, Divinam motionem in 67. creatura receptam, ab eisdem Thomistis physicam appellari, non quòd forma naturalis sit, seu per modum naturæ ad unum determinans (absit) sed quia ex propria essentia, & ab intrinseco est efficax, independenter à quocunque creato consensu : quod est esse physicam Theologicè, non Philosophicè. Exemplum tibi dat ipse Thomista, dum docet gratiam physicè expellere peccatum, non quòd exerceat oppositionem formæ naturalis seu physicæ ; sed quia oppositionem habet cum illo ex sua propria essentia, & ab intrinseco, independenter à quacunque lege extrinseca.

Notandum quartò : nos hic solum agere de 68. decreto prædeterminante, & æterna Dei prædefinitione : disputatio enim de prædeterminatione temporali, & gratia efficaci ac prædeterminante, non est præsentis instituti, sed pertinet ad Philosophiam, vel ad Tractatum de auxiliis ; ea tamen quæ hic de decreto prædeterminante dicemus, facile applicari poterunt physiciæ prædeterminationi, & gratiæ prædeterminanti, quæ sunt ejus vis ac instrumentum, & quæ ab illo, sicut radii à sole, rivuli à fonte, & effectus à causâ, promanant.

Notandum ultimò : Duplicem solere in nobis 69. distingui libertatem, unam potentialè ac in actu primo,



primo, quæ consistit in potentia seu facultate quâ voluntas potest velle aut non velle, eligere vel non eligere, & se determinare ad amandum vel non amandum hoc vel illud objectum: alteram actualem & exercitiam, quæ est ipsamet actualis electio & determinatio voluntatis, in qua consistit libertatis potentialis, seu habitusalis exercitium. His præmissis.

Dico primò: decretum prædeterminans causare libertatem actualem nostræ voluntatis.

70. Probatur primò: Illud causat libertatem actualem nostræ voluntatis, quod reducit libertatem potentialem de actu primo ad secundum: Hoc facit decretum prædeterminans in sententia Thomistarum, applicat enim voluntatem, & facit quòd illa in actu secundo se determinet ut secundum liberum & secundum determinans, ut constabit ex infra dicendis: Ergo libertatem ejus actualem causat. Unde Augustinus de corrept. & grat. cap. 8. ait: quòd gratia causat in nobis *liberrimam, fortissimam, & invictissimam voluntatem*. Et subdit, *Voluntas quippe humana, non libertate consequitur gratiam, sed GRATIA LIBERTATEM, & insuperabilem fortitudinem*. Et lib. 1. contra duas Epist. Pelag. cap. 19. Gratia (inquit) operatur in cordibus hominum, non ut homines, quod fieri non potest, nolentes credant, sed ut volentes ex nolentibus fiant.

71. Favet etiam D. Thomas 1. p. quæst. 83. art. 1. ad 3. ubi ait: *Deus movendo causas voluntarias, non auferit, quin actiones earum sint voluntarie, sed potius hoc in eis facit*. Et in 2. dist. 25. quæst. 1. art. 2. ad 1. *Deus operatur in voluntate & in libero arbitrio secundum ejus exigentiam*. Unde etiam si voluntas aut hominis in aliud mutet, nihilominus tamen hoc sua OMNIPOTENTIA FACIT, ut illud in quod mutatur VOLUNTARIE VELIT. Quæ verba maxime ponderanda sunt: si enim hoc facit Deus sua omnipotentia, manifestum est ad conciliandum libertatem actualem humanorum cum divinorum decretorum efficacia, non esse recurrendum ad præscientiam, futurum nostræ voluntatis consensum explorantem, sed ad infinitam divinæ voluntatis efficaciam, attingentem substantiam & modum libertatis in nostris operationibus, & ad omnipotentissimam illam potestatem, quam, juxta Augustinum, Deus habet cordium inclinandorum.

72. Probatur secundò conclusio. & ratio præcedens magis illustratur. Libertas actualis nostræ voluntatis in libera ejus electione & determinatione consistit, ut diximus in ultimo notabili: At hæc solum à decreto prædeterminante causari potest: Ergo & actualis libertas. Major pater, Minor verò sæpè fuit à nobis demonstrata, ex eo quòd ad rationem causæ & principii actualis respectu alicujus effectus, duæ conditiones indispensabiliter requiruntur: videlicet quòd illum prioritate saltem naturæ & causalitatis antecedit, & inquam ac indissolubilem cum eo habeat connexionem: quæ conditiones soli decreto prædeterminanti, respectu liberæ determinationis nostræ voluntatis, quadrare possunt. Nam decretum indifferens, nec illam prioritate naturæ antecedit, sed eam potius ab humana voluntate supponit, vel expectat; nec habet intrinsecā & indissolubilem cum illa connexionem, sed potest indifferenter connecti cum consensu vel dissensu, & ad utrumque mediâ voluntatis determinatione transire. Ideo dicendum est de decreto moraliter tantum excitante, illud enim nõ

est ab intrinseco, & ex propria vi & efficacia, cum liberi arbitrii determinatione connexum, sed tantum ab extrinseco, & ex accidenti, ex libertate scilicet arbitrii creati, quæ per accidens in talibus occasionibus & circumstantiis, ad consensum potius quàm ad dissensum se determinat.

73. Dices cum Adversariis: liberam nostram voluntatis electionem & determinationem non deberi, nec posse, salvâ libertate, à Deo immediate causari, sed tantum à voluntate creata, ex innata libertate, sub concursu indifferenti, & morione tantum morali, ad consensum potius quàm ad dissensum se determinante.

74. Sed hæc responsio & doctrina Adversariorum, Tractatu præcedenti disp. 4. art. 2. fuisse impugnata est, ejusque falsitas patet etiam ex dictis supra disp. 3. art. 3. ubi contra Molinam ostendimus, determinationem voluntatis ad actus supernaturales, esse divinæ prædeterminationis effectum, nec solum subjacere ejus præscientiæ, sed etiam ejus providentiæ & causalitati; ubiq; pluria Sanctorum Patrum testimonia, in hujus veritatis confirmationem, adduximus: præsertim definitionem Crelektini i. in Epistola ad Episcopos Galliarum, ubi definit, quòd Nemo, nisi per gratiam libero beneatur arbitrio. Et D. Augustini lib. 1. retractat. cap. 9. dicens: *Quia omnia bona, & magna, & media, & minima ex Deo sunt, sequitur ut à Deo sit & bonus usus libera voluntatis, quæ virtus est, & in magnis numeratur bonis*.

75. Confirmatur primò: Deus cum sit primum liberum, & tale per essentiam, ac supremum habeat in nostras voluntates dominium; omnem liberam illarum determinationem, quæ est libertas per participationem, eminentissimò & perfectissimò modo in se continet: Ergo potest illam causare, & efficere sine libertatis dispensatione, ut voluntas humana in suo ordine, & ut secundum liberum & secundum determinans, ad suos actus liberos se determinet. Consequentia patet: causa enim efficiens potest producere effectus quos virtualiter aut eminenter præcontinet.

76. Confirmatur secundò ex Augustino de corrept. & gratia cap. 14. dicente: *Deus magis habet in potestate voluntates hominum, quàm ipsi suas*. Ex quibus verbis hoc potest confici argumentum: Dominium divinum ita est summum ac perfectum, quòd quidquid potest creata virtus & dominium, potest & Deus, & multò amplius, ac perfectiori modo: Sed voluntas creata, ratione domini quod habet in suos actus liberos, potest salvâ libertate se ipsam determinare & applicare ad suos actus liberos eliciendo: Ergo à fortiori Deus id præstare poterit. Unde, inquit S. Thomas quæst. 21. de verit. art. 8. *Sicut voluntas potest immutare actum suum, ita & multò amplius Deus*. Hanc rationem fufius expendemus infra, quando adversus sententiam fundamenta convellamus.

77. Confirmatur tertio: Si Deus non possit, salvâ libertate, voluntatem creatam ad suos actus liberos determinare & applicare, ejusq; determinatione ab illa expectare, & veluti emendicare, ac precario obtinere debeat, sequitur ejus dominium in nostras voluntates, non esse regale & monarchicum, sed tantum civile & politicum: Consequens est falsum, ut constat ex verbis Augustini nuper relatis, & ex illo Proverb. 21. *Sicut divisiones aquarum, ita cor Regis in manu Domini, quocunque voluerit verteret illud*: Ergo & Antecedens. Sequela Majoris probatur: Dominium supremum & perfectum, ut docent Theologi, consistit

sistit in potestate utendi aliquā re, eamque applicandi ad quodcunque dominus voluerit; sic voluntas, quia ceteras potentias animæ ad suos actus applicat, eis dominari & imperare dicitur; & charitas ceterarum virtutum regina appellatur, quia illas ad operandum movet & applicat, & illarum actus ordinat, & cum ultimo fine conjungit: Ergo si Deus non possit uti voluntate creatā, & eam, salvā ejus libertate, determinare & applicare ad quodcunque voluerit, illamque solum possit moraliter movere, & suasionibus allicere, manifestum est, ejus dominium in nostras voluntates, non esse regale & supremum, sed civile tantum & politicum.

78. Ex dictis in hac conclusione inferes, sublato decreto prædeterminante, tolli etiam omnem libertatem actualem, seu omnem liberam nostræ voluntatis determinationem. Sublatā enim causā, tollitur effectus: Ergo si decretum prædeterminans causet libertatem actualem nostræ voluntatis, & efficiat quoddam voluntas creata, sub indifferentia objectivā judicii, quæ est proxima & intrinseca libertatis radix, se ad volendum & operandum determinet, retinendo potentiam ad oppositum, in quo libertas actualis nostræ voluntatis consistit; manifestum est, quoddam sublato decreto prædeterminante, omnis etiam libertas actualis nostræ voluntatis destruitur.

79. Confirmatur: Decretum prædeterminans, ut supra ostendimus, reducit libertatem potentialem de actu primo ad secundum, & facit quoddam illa in actu secundum se exeat: Ergo illo sublato, libertas nostræ voluntatis semper maneret potentialis, suspensa, indeterminata, & otiosa, ac veluti paralytica, & nunquam sese explicaret in actum secundum. Ut enim supra vidimus ex Commentatore, & D. Thoma, à principio indifferenti, ut indifferens est, nunquam exit actus determinatus, nisi ab aliquo determinetur & inclinetur ad illum; sicut à frigido, ut tali, nunquam procedit calidum, nec à calido frigidum, &c.

Nec obstat quoddam proprium sit agentis liberi sese determinare, nam, ut infra dicemus, licet secundum liberum debeat in suo ordine se determinare, non tamen independentem à motione, determinatione, & applicatione primi liberi, primique determinantis, à quo libertas actualis nostræ voluntatis, quæ est aliqua perfectio simpliciter simplex, tanquam à primo fonte emanare debet, sicut omnis sapientia defusum est descendens à Patre luminum, ut dicitur Jacobi 1.

## S. II.

*Statuitur secunda conclusio.*

**D**ico secundò: Decretum prædeterminans, libertatem potentialem nostræ voluntatis non lædit.

80. Hæc conclusio sequitur ex principiis supra de libertate statutis. Ostendimus enim in primo articulo, de ratione libertatis potentialis nostræ voluntatis, non esse indifferentiam illam versatilem & Molinianam, quæ divinæ motionis & applicationis necessitate excludit. Sicut enim de ratione causæ efficientis non est quoddam sit prima, sed quoddam efficiat, licet moveatur ab alia priori; ut patet in igne & calo, terra & Sole; ita non est de ratione liberi arbitrii, ut se primò determinet, sed ut determinet se juxta suam naturam: id est si fuerit primum liberum, determinet se primò; si verò fuerit secundum, quale est vo-

**A**luntas creata, secundariò tantum, & dependentem à motione & applicatione primi liberi, primique determinantis & applicantis: Ergo licet decretum prædeterminans, cum indifferentia illa versatili stare non possit, quia tamen alteram indifferentiam non excludit, nec impedit, sed potius efficit quoddam liberum arbitrium in suo ordine, & in ratione secundum liberi & determinantis, se secundariò moveat & determinet, ut infra magis declarabimus, libertatem potentialem nostræ voluntatis non lædit.

**B** Præterea in secundo articulo ex D. Thoma 81. demonstravimus, duplicem esse nostræ libertatis radicem: unam extrinsecam, & in Deo existentem, infinitam scilicet divinæ voluntatis efficaciam, substantiam & modum in nostris operationibus attingentem: alteram intrinsecam, & in ipso homine residentem, nempe indifferentiam objectivā judicii, quā positā in intellectu, ostendimus implicare contradictionem quoddam voluntas necessitetur, seu ad unum per modum naturæ determinetur. Nec Suarez, licet in utrumque latus se vertat, probare potest oppositum, ejusque argumenta, ut vidimus, parum urgent, & facile diluuntur. Cùm ergo decretum prædeterminans descendat ab infinita divinæ voluntatis efficacia, substantiam & modum in nostris operationibus attingente, illudque non tollat, sed causet indifferentiam objectivā judicii (applicat enim intellectum, ut formet judicium indifferens, quod repræsentet voluntati objectum ad quod illam movet, ut indifferens, & ut bonum aliquod particulare, quod non habet necessariam connexionem cum bono in communi, quodque proinde potest acceptare vel respicere) libertatem potentialem nostræ voluntatis non lædit aut violat, sed potius perficit & conservat.

**C** Trivola autem ac levis est impugnatio Petri 82. à S. Joseph, in opusculo quod D. Thomæ defensionem appellat, ubi sic dicitur: Neque ad libertatem sufficit, quoddam per decretum divinum relinquatur indifferentia judicii, quā homo judicet medium non habere necessariam connexionem cum fine. Nam illa judicii indifferentia, est quidem radix libertatis, ceterum ipsa libertas formalis, omnium consensu, in voluntate consistit. Quare ut homo sit liber, non tantum requiritur ut sit liber in judicando, sed etiam & maxime ut sit liber in eligendo, seu ad volendum & non volendum. Cùm ergo per decretum divinum, & motiones prædeterminantes, voluntas irrefragabiliter adstringatur ad unam partem, sequitur hominem non manere liberum, etsi habeat judicium indifferens ad utrumlibet, nisi eo modo, quo fur qui catenis & compedibus confectus est, dicitur liber ut fugiat, quia videt ostium apertum, quo elabi posset, si esset solutus. Ad idque, illa parum consonare cum doctrina Alvarii & aliorum Thomistarum, qui fatentur libertatem esse formaliter in ipsa voluntate, & tantum radicaliter in intellectu, & qui ad libertatem formalem & propriè dictam, requirunt indifferentiam activam ad agendum & non agendum; item ad agendum hoc vel illud, neque ad eam sufficere indifferentiam objecti: hac autem quis non videt coherere non posse?

**E** Verum hæc levissima sunt, & nullius penè roboris ac momenti. Libenter enim & ultro fateamur, ad libertatem non sufficere indifferentiam objectivā judicii, sed in super requiri indifferentiam activam in voluntate, modo superius explicato: id est, facultatē seu potentiam ad agendum vel

vel non agendum, quæ tamen divinæ motionis & applicationis necessitate non excludat; sed negamus, & constanter negamus, fieri posse, etiam de potentia absoluta, quod indifferentia illa iudicii præcedat in intellectu, & in voluntate non sit potentia illa proxima & expedita, seu indifferentia illa activa quæ ad rationem libertatis requiritur. Rationem supra assignavimus: cum enim voluntas sit potentia cæca, sequens ductum & cognitionem intellectus, non potest ferri in objectum, nisi eo modo quo ipsi repræsentatur ut amabile: id est necessarii, si illud ut necessarii diligibile, & ut continens omnem rationem boni, repræsentetur, ut in visione beatifica contingit: liberè verò, si illud repræsentetur ut bonum aliquod particulare, non habens necessarium connexionem cum bono in communi; ut contingit in nobis viatoribus, qui Deum solum cognoscimus per fidem & cognitionem obfcuram. Voluntas ergo, cum sit appetitus rationalis, essentialiter subordinatur intellectui, & ab ejus cogitatione dependet, ac in proxima quasi agendi potestate, per iudicium rationis complectitur: unde implicat quod iudicium indifferens de aliquo actu, sit in intellectu, & in voluntate non sit libertas, seu potentia proxima ad illum eliciendum, vel non eliciendum.

84 Non obstat, quod per decretum divinum, & motionem prædeterminantem, voluntas determinetur & applicetur ad unum actum. Nam ad illum non determinatur vel applicatur per modum naturæ, ut agentia naturalia, in quibus non remanet potentia ad oppositum, sed per modum liberi, & relinquendo in illa potentiam ad oppositum. Unde talis motio non habet rationem vinculi & impediementi, ut imaginatur arguens, sed potius resolvit ipsam indifferentiam potentiae, eamque transfert de actu primo ad secundum; quod non est eam ligare, sed solvere; nec eam impedire, sed expedire, eamque actuare & perficere, ab illa tollendo defectum potentialitatis & suspensionis, ut infra ostendimus.

85 Ex quo patet, quàm ineptum sit exemplum quod ab illo Auctore adducitur. Nam potentia locomotiva non subordinatur essentialiter visui, sicut voluntas intellectui; nec per visum complectitur & redditur expedita, sicut libertas per iudicium rationis indifferens. Item catenæ & compedes in fure ligato & compedito, habent rationem obicis & impediementi; & impediunt ne potentia gressiva in actum exeat: decreta autem divina, & motiones prædeterminantes, non impediunt, sed efficiunt quod libertas in actum secundum prorumpat, eamque transferunt ab indifferentia potentiali ad actualem, ac proinde, ut infra dicemus, illam actuant & perficiunt, non verò ligant aut impediunt. Unde principia doctrinæ Thomistica rectè inter se coherent, eorumque connexio non est capiti difficilis, ut Petrus à S. Joseph existimat, sed oculis agris odiosa lux, quæ puris est amabilis: ut ait Augustinus 7. Confessionum cap. 16.

86 Sed & id quoque mirabile est, nec dicam ridiculum, quod ait idem Auctor in sua Idea Theologica, lib. 1. de Deo, cap. 18. *Patres scilicet Dominicanos, in privatis colloquiis plerumque affirmare solitos, in eorum sententia, postea motione physice prædeterminante, voluntatem non agere necessario, sed tantum insalubriter &c.* Quasi verò Patres Dominicani, solum id dicant clanculum, & in angulis, ac veluti mustitando, nec palam in Scho-

lis, in Academiis, in Templis, voce, scripto, in concionibus & lectionibus publicis, ubique terrarum id profiteantur, & doceant? Certè alterius mundi fecivem, vel ut melius dicam, novi orbis scriptorem, profiteatur necesse est solitariuste, & fateatur nusquam se legisse Thomistas, quos impugnatur, nisi oculis alienis, vel alienatis; cum non viderit apud Alvarem, Joannem à S. Thoma, Salmanticenses, & alios D. Thomæ Discipulos, integras disputationes & tractatus, quibus ostendunt physicam prædeterminationem non tollere, sed causare; nec laxare, sed perficere libertatem; & quod pejus est, ibidem asserere audeat; *Bannem & Alvarem, NECESSITATEM ANTECEDENTEM, PLANE INELUCTABLEM, in voluntate præmotam perspicuè admittere, quamque (inquit) omnes sinceri physica prædeterminationis Defensores probare tenentur, sic consequenter loqui velint.* Primum enim apertissimè falsum est, & mera hujus Auctoris impostura, vel hallucinatio. Licet enim Bannez & Alvarez cum aliis Thomistis doceant, prædeterminationem physicam esse aliquam suppositionem antecedentem, ex qua sequitur infallibiliter liber nostræ voluntatis consensus; nusquam tamen dixerunt, imò nec somniarunt, illam esse necessitatem antecedentem, plane ineluctabilem, ut crederet ille Auctor, imò potius oppositum expressissimè docent. Nam Bannez 1. p. quæst. 9. art. 3. dub. 1. conclus. 2. sic ait: *Effectus contingentes aut liberi, si comparentur ad scientiam, vel providentiam, sic voluntatem Dei, sunt necessarii SECUNDUM QUID, scilicet EX SUPPOSITIONE, quæ necessitas est conditionalis, seu potius CONSEQUENTIA, NON CONSEQUENTIS.* Alvarez verò disp. 22. de auxili. num. 40. *Necessitas (inquit) futuri consensus, quæ desumitur ex antecedenti decreto voluntatû divinæ, NON EST NECESSITAS ABSOLUTA, SED CONDITIONALIS, ET SECUNDUM QUID, ut supra dictum est; unde actus nostri liberi qui necessarii sequuntur ex hujusmodi suppositione, non sunt simpliciter necessarii, sed liberi, ut ex communi sententia antiquorum disp. 25. patebit.*

Alterum etiam quod addit, non minùs à veritate alienum est: nam ut fuscè ostendimus infra art. 7. potest dari suppositio antecedens, setens ex parte causæ primæ, & primi principii nostræ libertatis, quæ non tollit, sed causat libertatem, & quæ proinde, quantum ad effectum conservandi libertatē, est virtualiter, seu æquivalenter consequens; & talis est, ut ibidem dicemus, suppositio physice prædeterminationis.

Tertiò probatur conclusio. Ad libertatem non requiritur, voluntatem positam omnibus naturæ & causalitate ad agendum prærequisitis, posse non agere in sensu composito, seu posse componere non actionem cum prærequisitis ad agendum prioritare naturæ & causalitatis; sed latius est posse non agere in sensu diviso, seu voluntatem sub divina motione & applicatione, retinere potentiam ad non agendum, seu ad dissentiendum, absolute & simpliciter, ut demonstrabimus articulo sequenti, convellendo primum ac præcipuum Adversariorum fundamentum: At decretum prædeterminans, ejusque motio, sunt de prærequisitis ad agendum, prioritare tantum naturæ & causalitatis, ut supra demonstravimus, & communiter docent nostri Thomistæ; nec tollunt à voluntate mota potentiam ad dissentiendum, seu ad eliciendum actum oppositum, nam ut ait S. Prosper de vocat. gent. lib. 1.



lib. 2. cap. 9. *Deus ad obediendum sibi ipsum velle se donat, ut etiam à perseverantibus illam mutabilitatem quæ potest nolle, non auferat.* Et D. Thomas suprà relatus alletit: *Quod quamvis non effectus divine voluntatis non possit simul stare cum divina voluntate, tamen potentia deficiendi effectus, simul stat cum divina voluntate.* Ergo decretum prædeterminans, libertatem potentialem nostræ voluntatis non destruit.

89 Hanc rationem tangit idem S. Doctor 1. 2. quæst. 10. art. 4. ad 3. his verbis: *Si Deus mover voluntatem ad aliquid, impossibile est poni quod voluntas ad illud non moveatur.* (Ecce impossibilitatem componendi dissentium cum divina motione.) *Non tamen est impossibile simpliciter.* (Ecce potentiam absolutam ad dissentium, quam voluntas sub illa retinet.) *Vnde non sequitur quod voluntas à Deo ex necessitate moveatur.* Ecce quomodo ad libertatem sufficit absoluta potentia ad dissentiendum, nec requiritur quod dissentus possit cum divina motione componi.

90 Deniq; probatur conclusio: De libertate creataphilosophari debemus per analogiam & similitudinem ad increatas, cum illa illius sit imago, effluxus, & participatio: Sed libertas divina & increata cum divinorum decretorum immutabilitate & indefectibilitate coheret, ut Tractatu præcedenti ostensum est. Ergo etiam libertas creata cum infinita eorumdem decretorum efficacia & immutabilitate stare poterit. Hanc rationem fusè ac eruditè expendit Gaspar Ram. Cancellarius Academiæ Oscensis, Tractatu de divinis præmotionibus.

### §. III.

#### *Stabilitur tertia conclusio.*

91 **D**lco tertio: decretū prædeterminans, libertatē potentialē nostræ voluntatis perficere.

Probatur primò: Libertas nostræ voluntatis est perfectior, quando exit in actum secundum, quam dum remanet in potentia & in actu primo; nam actus secundus semper excedit primū in perfectione, sicut in actualitate: Sed decretum prædeterminans facit quod libertas potentialis exeat in actum secundum, & quod voluntas sub indifferenti iudicio rationis se determinet, ut secundum liberum, & secundum determinans: Ergo ejus libertatem perficit.

92 Confirmatur primò: Indifferentia actualis & positiva, est perfectior potenti & privativa; nam prima est perfectio simpliciter simplex, quæ in Deo formaliter reperitur, non autem secunda: Sed decretum prædeterminans transfert libertatē ab indifferentia potentiali ad actualem, quia facit illam actu velle, & actu in suo ordine se determinare, & reducit eam de potentia in actum, ut docent Thomistæ: Ergo illam perficit.

93 Confirmatur & declaratur amplius: Illud perficit libertatem, quod ab illa tollit aliquem defectum & imperfectionem, ut ex ipsis terminis liquet: Sed decretum prædeterminans tollit aliquem defectum & imperfectionem à libero arbitrio, scilicet potentialitatem & suspensionem, seu carentiam actūs: Ergo illud perficit. Unde Fulgentius de incarn. & gratia cap. 20. *Gratia humanum non auferret, sed sanatur; non adimittit, sed corrigit; non renovetur, sed illuminatur; non evanescit, sed adjuvatur, atque servatur arbitrium.* Et Prosper sent. 6. *Arbitrium hominis gratia non abolet, sed adest.* Quibus verbis duo illi eximii Augustini Discipuli, & gratiæ efficacis defensores

acerrimi, illam nobis exhibent, non solum ut libertatis amicam & contubernalem, sed etiam ut ejus parentem & nutricem, quæ illam fovet, conservat, nutrit, & adolere facit.

94 Secundò principaliter arguitur. Inferiora perficiuntur per subordinationem & conjunctionem ad superiora, ut patet in Luna. quæ illuminatur & perficitur per conjunctionem ad Solem, in fluvii qui crescunt & angustur dum remeant in Oceanum, & in creaturis intellectualibus, quæ sanctificantur & beatificantur per amorem & conjunctionem ad Deum. Unde bellissimè Marcilius Ficinus in convivium Platonis cap. 21. *Qui Deum vero amore profectus fuerit, Deum inveniet, & se in Deo recuperabit, quia ad suam, per quam creatus est, redibit ideam, ubi rursus reformabitur, quia idea sua perpetuo coheret.* Sed per decretum prædeterminans, & motionem efficacem, voluntas nostra Deo ut primo libero actu subordinatur, & conjungitur fonti & principio totius libertatis creatæ, efficacis scilicet infinitæ divinæ voluntatis, quæ (ut suprà ostendimus) est prima creatæ libertatis radix: Ergo per decretum prædeterminans, ejusque motionem, libertas nostra perficitur.

95 Hanc rationem fusè prosequitur Guillelmus Gibiusus, in libro de libertate Dei & creaturæ, ubi egregiè & eleganter expendit, quod cum reliquæ omnes perfectiones, eò cumulatiores sint & latiores, quò principio suo magis accedunt, absurdum videretur dicere, quod libertas nostra, ubi ad Deum, perfectionis omnis & libertatis scaturiginem, reducitur, eique per prædeterminationem, & motionem efficacem actu conjungitur & subordinatur, statim effugiat & evanescat. Certè si omnis paternitas quæ est in terra, ab ea quæ in Deo est derivatur, ut dicitur ad Eph. 3. & si omnis sapientia deorsum est descendens à Patre luminum, ut habetur Jacobi 1. Item si omnis perfectio quæ simpliciter simplex appellatur, dicit ordinem dependentiæ, & subordinationem ad Deum, ut totius bonitatis & perfectionis principium: cur etiam libera nostra voluntatis determinatio, quæ inter perfectiones simpliciter simplices numeratur, non proveniat à libera determinatione Dei, tanquam à primo totius libertatis fonte; & cur liberum per participationem, non pendebit in actum suorum determinatione ab eo quod est liberum per essentiam?

96 Deniq; suadetur conclusio. Omnis motio quæ attemperatur & accommodatur naturæ subiecti quod movet, illud perficit: Sed motio decreti prædeterminantis, naturæ & conditioni voluntatis creatæ attemperatur: Ergo illa perficit. Major patet, Minor probatur. Voluntas, cum sit appetitus rationalis, perit moveri sub indifferenti iudicio rationis, & cum facultate & potentia ad oppositum: Sed motio decreti prædeterminantis utrumque præstat, ut jam ostendimus, & nostri Thomistæ communiter docent: Ergo naturæ & conditioni voluntatis creatæ attemperatur. Hanc rationem tangit S. Thomas quæst. 6. de malo art. 1. ad 3. his verbis: *Deus movet voluntatem, IMMUTABILITER, propter efficaciam virtutis moventis, quæ deficere non potest* (Ecce infusibilitatem & efficaciam divinæ motionis, petitam non ex Dei præscientia, futurum nostræ voluntatis consensum explorante, sed ex efficacia infinita divinæ voluntatis)



*Sed propter naturam voluntatû mota, non inducitur necessitas, sed MANET LIBERTAS.* Ecce ejus dulcedinem & suavitatem, naturæ voluntatis humanæ accommodatam.

6. I.

*Primum Adversariorum fundamentum evertitur.*

97 *Confirmatur & magis illustratur hæc ratio.* Cum voluntas creata sit agens physicum simul & morale, nec moraliter solum, sed etiam physice in suos actus influat, utroque modo petit à Deo moveri; moraliter scilicet, per ostensionem bonitatis; & physice, per internam applicationem & motionem. Prima motio se tenet ex parte objecti, & dicitur intentionalis & metaphorica. Secunda se tenet ex parte potentia, & vocatur realis & physica. Una convenit Deo in ratione finis ultimi: altera ei competit in ratione primi principii. Quia ergo decretum prædeterminans utroque modo movet voluntatem, nec unquam illam physice movere & applicat ad aliquem actum eliciendum, quin simul illam moraliter excitet per ostensionem bonitatis finitæ & limitatæ, quæ potest quidem eam invitare & allicere, non tamen cogere vel necessitare, accommodatur naturæ & conditioni voluntatis creatæ & consequenter ejus libertatem non lædit, sed perficit.

98 *Utrumque hoc genus motionis agnoscunt SS. Patres in voluntate creata.* Nam S. Thomas 1. p. quæst. 105. art. 4. ostendit Deum movere voluntatem, non solum per modum objecti, sed etiam *INTERIVS INCLINANDO.* Et D. Augustinus interduam unam motionem explicat, interdum alteram. Nam de spiritu & litera cap. 34. dicit. *Visum suasionibus agit Deus ut velimus.* (Ecce motionem morale & metaphoricam) Et lib. 1. ad Simplic. quæst. 2. *Quis, inquit, audeat dicere defuisse Deo modum vocandi, quo etiam Esau ad eam fidem MENTEM APPLICARE, voluntatemque conjungeret, in qua Iacob iustificatus est?* Ecce physicam motionem, & internam mentis applicationem. Utramque etiam eleganter expressit D. Bernardus in libro de gratia & libero arbitrio, versis finem, his verbis: *Deus voluntatem APPLICAT OPERI, & opus explicat voluntati.*

## ARTICVLVS VI.

*Convelluntur fundamenta aduersæ sententiæ.*

99 *Uo sunt præcipua fundamenta quibus Adversarii ducuntur ad rejicienda decreta prædeterminantia, ut libertati contraria.* Primum est, quia existimant esse de ratione causæ liberæ, ut positis omnibus ad agendum prærequisitis, possit non agere, etiam in sensu composito, seu cum illis non actionem seu dissensum componere: Sed decretum prædeterminans, juxta Thomistas, est de prærequisitis ad agendum, prioritate saltem naturæ, & cum eo non potest componi dissensus vel negatio actionis; quia cum sit ab intrinseco efficax, non potest frustrari suo effectu: Ergo tale decretum actu humanorum libertatem destruit.

100 *Secundum fundamentum est huic affine, & sumitur ex doctrina Anselmi, docentis omnem suppositionem antecedentem, & quæ ex electione seu consensu nostræ voluntatis non descendit, ejus libertatem destrueret: Sed decretum prædeterminans est aliqua suppositio antecedens, & quæ non dependet ab electione seu potestate nostræ voluntatis: Ergo libertatē destruit.* Hæc sunt præcipua Adversariorum fundamenta, quæ breviter hic convellenda sunt. Unde sit

Tom. II.

**D**ico ergo primò: non esse de ratione agentis liberi, ut positis omnibus naturæ & causalitate ad agendum prærequisitis, possit non agere in sensu composito, seu cum illis negationem actionis componere, sed sufficere quod tunc sit potens ad non agendum in sensu divio, seu quod negatio actionis sit tunc absolute possibilis.

Probatur primò conclusio ratione fundamentali. Ea quæ secundum ordinem naturæ tantum prærequirunt ad agendum, sunt simul cum actu (prioritas enim naturæ, est solum prioritas causalitatis & instantis à quo, non verò prioritas temporis & instantis in quo) unde quia quod est, quando est, necesse est esse, impossibile est quod positis omnibus naturæ prærequisitis in agente libero ut operetur, possit non agere in sensu composito, seu negationem actionis cum illis componere, aliàs posset non actum cum actu, & formam cum ejus negatione conjungere.

Confirmatur: Illa quæ prioritate solum naturæ & causalitatis operationem antecedunt, constituunt agens liberum in ratione principii actualis operationis; unde sicut principium actuale operationis non potest cum ejus negatione componi, ita nec illa quæ prioritate solum naturæ operationem agentis liberi antecedunt.

Probatur secundò: Unum ex prærequisitis ut Deus operetur ad extra, est æternum decretum de illo opere, v.g. de creatione mundi: Sed posito tali decreto, Deus non potest non agere in sensu composito, id est non potest componere suum decretum de creatione mundi, cum non creatione; quia id implicat, propter ipsius immutabilitatem; & nihilominus Deus liberrimè creavit mundum: Ergo non est necessarium ad salvandam libertatem, & quod positis omnibus naturæ & causalitate ad agendum prærequisitis, possit quis non agere in sensu composito.

Respondet Suarez, in libertate divina duo concipi signa: unum in quo concipitur Deus indifferens ad utrumque; scilicet ad creationem mundi, vel non creationem; & aliud in quo se determinat ad ejus creationem. Ratione prioris (inquit) Deus dicitur liber, quia potest utrumque in sensu composito, non verò ratione posterioris.

Sed contrà primò: Divina decreta non possunt in Deo esse vel concipi ut futura, sed solum ut præsentia, & egrediendi à voluntate divina: ut in Tractatu de scientia Dei, contra eundem Suarem fusè ostendimus, & expressè docet D. Thomas quæst. 6. de verit. art. 3. ad 10. his verbis: *Actus prædeterminationis, cum mensuretur æternitate, nunquam cadit in præteritum, sicut nunquam est futurum, sed semper consideratur ut egrediens à voluntate per modum libertatis.* Ergo non possunt cum fundamento in re concipi illa duo signa quæ Suarez fingit in libertate Dei.

Secundò, dato & non concesso, quod illa duo signa in libertate Dei distinguui possint, tamen absurdum est dicere, quod in secundo signo in quo Deus concipitur se determinare ad creationem mundi, & illam decernere, non sit nec concipiatur ut liber: nam in tali signo Deus eligit creationem mundi, ut medium ad manifestandam suam gloriam & bonitatem: Electio autem est proprius actus libertatis.

Addo quod, nulla potentia amittit propriam &

Q 2

spe-

specificam perfectionem, pro illo iustanti tempore, vel rationis, aut naturæ quo reducitur ad actum secundum; sed potius tunc magis perficitur & actuatur, ut patet in nobis: nam voluntas nostra, dum actum eligit, & se determinat, est perfectiori modo libera, quàm dum est constituta in actu primo, & gaudet libertate & indifferentiâ solum potentiali: Ergo similiter in eo signo in quo actus liber concipitur ut egrediens à voluntate Dei, & divina libertas actus se determinans ad creationem mundi, Deus concipitur perfectiori modo liber, quàm in alio signo, in quo juxta Suarem concipitur ut indifferens ad utrumque.

197 Probatur tertio conclusio argumento ad hominem. In sententia Adversariorum gratia congrua est de prærequiritis ad agendum, & tamen illa non potest componi cum dissensu, vel cum negatione actionis: alioquin falleretur divina præscientia, quæ prævidit hominē in his occasibus & circumstantiis infallibiliter consensurum; & eadē gratia simul esset congrua & incongrua, quod implicat: Ergo non est de ratione libertatis arbitrii, ut positio omnibus ad agendum prærequiritis, possit non agere in sensu composito, seu negationem actionis cum illis componere.

108 Idem argumentum fieri potest de homine actu operante. Nam in instanti quo loquor, ipsa locutione meā jam existente, & reduplicatā, impossibilis est pro tunc actualis negatio locutionis; aliàs duo contradiçtoria possent esse simul, nimirum locutio & non locutio, & idem posset simul esse & non esse; & tamen pro illo tunc, locutio mea est libera, cum liberē loquar, ut supponimus: Ergo stat libertas locutionis pro aliquo nunc, pro quo tamen non est possibile oppositum, nimirum negatio locutionis; quia ad libertatem locutionis sufficit quod non locutio sit absolute possibilis: Ergo similiter stare poterit libertas amoris v. g. in voluntate ad amandum prædeterminata, quamvis cum tali prædeterminatione non possit conjungi negatio amoris quia ad libertatem amoris sufficit quod non amor sit absolute possibilis.

109 Confirmatur & magis illustratur hæc ratio alio exemplo aptissimo. Dicunt enim Philosophi partem substantialem, v. g. formam, etiam extra totum, esse verē potentem ad componendum: sed in quo quæsitio sensu? An ne quia extra totum sit possibilis ipsa actualis compositio? hoc sanē implicatorium est, cum actualis compositio, non extra, sed solum intra totum possibilis sit. Solum ergo volunt quod pars extra totum sit verē potens ad componendum, in hoc sensu, quod habeat quidem potentiam ad componendum, etiam in statu quo est extra totum, licet actualis compositio in illo statu nunquā sit possibilis. Et si queratur quomodo hæc stare possint inemptentia pro hoc statu, & quod extremum pro eodem statu possibile non sit? Respondetur rationē esse, quia ad hoc ut alicui in sit pro aliquo statu seu duratione vera potentia ad aliquid, non requiritur quod illud, etiam pro illo statu seu duratione, sit possibile, sed sufficit quod sit possibile absolute: potentia enim non specificatur ab extremo possibili pro omni statu, sed ab extremo possibili absolute, ut patet manifestē in Deo ipse namq; adhuc supposito decreto de non creando alio mundo, habet verē potentiam ad creandum alium mundum, quia alius mundus, licet supposito illo decreto possibilis non sit, est tamen possibilis absolute. Sic ergo pars, etiam in statu

A quo est extra totum, habet veram potentiam ad componendum, licet extra totum actualis compositio possibilis non sit, per hoc præcisē quod sit possibilis absolute. Similiter etiam voluntas ad amandum prædeterminata, est verē proximēque potens ad non amandum, non quia sub illo statu sit possibilis actualis positio non amoris, seu cum tali prædeterminatione conjungibilis (hoc enim implicat in sententia Thomistarum, quia cum illa sit ab extrinseco efficax, infallibilem habet nexum cum operatione) sed quia etiam, stante prædeterminatione ad amandum, negatio amoris est absolute possibilis.

Respondent Adversarii, negando Consequentiam, & pariter: quia, inquit, in exemplis adductis de gratia congrua, & actuali locutione, impossibilitas alterius extremi provenit ex aliqua suppositione libera, & libertatis usum includente, vel supponente, ac proinde inducit solum necessitatem & impotentiam consequentem, & secundum quid: suppositio autem decreti prædeterminantis ad amorem, ex qua provenit pro illo tunc impossibilitas negationis amoris, libertatis usum non involvit, sed illum omnino antevertit; Unde sensus compositus ex illa descendens, inducit necessitatem antecedentem, libertati contrariam. Ita Suarez tomo 1. de gratia prolog. i. cap. 6. num. 7. ubi inquit: *Distingui potest duplex sensus compositus, unus qui sit ex suppositione præveniente, alius qui ex subsequente; & quando necessitas est in sensu composito priori modo, per talem sensum compositum non salvatur libertas, quia illa suppositio inducit necessitatem simpliciter, & libertati contrariam, juxta doctrinam Anselmi. Quando vero suppositio est consequens, tunc optime accommodatur distinctio sensus compositi & divisi, quia necessitas in tali sensu composito non repugnat libertati.*

Sed hæc responsio & doctrina Adversariorū, facile impugnari potest. In primis enim fallum est quod decretum prædeterminans non involvat usum libertatis; licet enim illum non includat formaliter, includit tamen illum radicaliter, seu eminenter; quia, ut suprà dictum est, tale decretum oritur ab efficacia insipida divinæ voluntatis, quæ, ut docet Augustinus, magis habet in sua potestate voluntates hominum, quàm ipsi homines, & quæ in sententia D. Thomæ est prima radix & origo totius contingentiæ & libertatis creatæ. Si ergo sensus compositus, juxta Suarem, non tollit libertatem, quando involvit usum liberi arbitrii, manifestum est sensum compositum ex suppositione prædeterminationis descendentem, libertati non magis obesse, quàm sensum compositum proveniente a gratia congrua, vel ab ipsa libera operatione voluntatis creatæ: sicut enim in gratia congrua formaliter includitur consensus conditionatus voluntatis nostræ, scientiā mediā prævisus; ita & in gratia prædeterminante includitur radicaliter, eminenter, & casualiter; quia talis gratia est quidā effluxus à primò libero, & à prima totius libertatis radice procedit; unde licet non sit ut libera ut quod, & formaliter, est tamen libera ut quo, & casualiter; eoque ferè modo quo semen dicitur vivens ut quo, quia est instrumentum generantis ad vitam communicandam.

Præterea fallum est quod suppositio prædeterminationis physiciæ, omnino, seu omnibus modis, liberum nostræ voluntatis consensum antevertat, illudque adverbium, omnino, additur

ditur à Suare, loco citato, dum sententiam Thomistarum refert, ut aliquo colore possit illam impugare. Nam licet illum antecedit prioritate naturæ & rationis, non tamen prioritate durationis & temporis: suppositio autem liberum nostræ voluntatis consensum solâ prioritate naturæ antecedit, libertatem non tollit, sed causat; nec illam destruit, sed edificat. Ratio est, quia prioritas naturæ est prioritas causalitatis & originis; unde solum convenit causæ, respectu effectûs; vel principio actuali, respectu operationis. Sicut ergo causâ non destruit aut tollit effectum, sed illum causat & perficit; ita & suppositio, solâ prioritate naturæ liberum nostræ voluntatis consensum antecedit, libertatem non tollit, sed causat, nec eam lædit, sed conservat. Unde etiam falsum est quod additur à Suare, omnem scilicet suppositionem antecedentem destruere libertatem: illa enim quæ accomodat naturalis modo agendi voluntatis, & quæ illam movet, & applicat sub indifferentia objectiva iudicii, & relinquendo potentiam ad oppositum, solâque prioritate naturæ liberum nostræ voluntatis consensum antecedit (qualis est in sententia Thomistarum suppositio decreti prædeterminantis) libertati creatæ non præiudicat, sed potius illam statuit & causat, & est consequens virtualiter, aut æquivalenter, ut infra latius exponemus, impugnando secundum fundamentum adversæ sententiæ. Ut de sit

## § II.

*Cujusdam Recentioris argumenta solvuntur.*

**F**RANCISCUS Annarus in libro quem pro defensione scientiæ mediæ edidit, disp. i. cap. 6. §. 3. pluribus argumentis suadere conatur, esse de ratione liberi agentis, posse omnibus ad agendum prærequisitis, posse non agere in sensu composito, seu negationem actionis cum illis conjungere.

113 Primò sic arguit: Liberum agens, quatenus tale est, suppositis ad agendum prærequisitis, potest agere in sensu composito: Ergo & non agere, etiam in sensu composito. Probatur Consequentia ex communi sensu Auctorum, qui cum dicunt illud esse liberum agens, quod potest agere & non agere, utrumque sine dubio eodem modo usurpant, & eodem modo posse putant: Ergo si agens liberum, positis prærequisitis ad agendum, possit agere in sensu composito, poterit etiam eodem modo non agere.

114 Confirmat hoc argumentum: Quia potentia illa liberi agentis, est potentia dominativa, quæ datur illi optio actionis & non actionis: ut autem in illo sit perfectum dominium, debet posse conjungere non actionem cum illis circumstantiis cum quibus conjungit actionem, alioquin non conjungit ex dominio, sed ex necessitate.

115 Secundo, Agere agens liberi, est agens liberum componere cum prærequisitis ad agendum ipsam actionem: Ergo agens liberum posse non agere, idem est ac posse absolute non componere actionem suam cum prærequisitis ad agendum. Rursus agens liberum componere suam actionem cum prærequisitis ad agendum, ex Didaco, est facere ut pro eodem instanti temporis simul sint in libero arbitrio, & prærequisita ad actionem, & ipsa actio: Atqui agens liberum potest absolute loquendo non componere suam actionem cum prærequisitis ad agendum: Ergo absolute loquendo facere potest, ut pro eodem instanti temporis

sint prærequisita, & non sit actio. Denique pro eodem instanti temporis esse prærequisita ad agendum in libero arbitrio, & non esse actionem, est componi non actionem cum prærequisitis ad agendum: Sed agens liberum, absolute loquendo, primum potest: Ergo & secundum: Hoc autem est posse non agere in sensu composito, significant compositionem non actionis cum prærequisitis ad agendum: Hoc igitur potest agens liberum, & quæcunque necessitas impedit ne hoc possit, impedit ne sit liberum.

116 Tertiò, Agens liberum debet hoc posse ad quod aliquando tenetur: Sed tenetur aliquando componere non actionem cum prærequisitis omnibus ad agendum: Ergo debet hoc posse. Major est certa, quia ad impossibile nemo tenetur: Minor verò probatur. Quando aliquis peccat, tenetur componere negationem peccati cum prærequisitis ad agendum, quia componere non peccatum cum prærequisitis ad agendum, non est aliud quam facere ut eodem instanti quo sunt illa prærequisita, sit etiam non peccatum, seu non sit peccatum: Atqui homo tenetur facere ut pro eodem instanti in quo sunt prærequisita ad peccandum, non sit peccatum, alioquin non peccaret in eodem instanti: Ergo homo tenetur componere non peccatum, seu negationem peccati, cum prærequisitis ad peccandum.

117 Quartò, Hoc quod est non agere, positum in definitione liberi agentis, aliter dicitur in sacris litteris & Conciliis, *Renuere, abjicere, dissentire, resistere*. Quibus aperte significatur, esse in potestate libera agentis, componere cum prærequisitis ad agendum ipsum non agere: quid enim est quælo dissentire, nisi dissensum ponere? Est autem de ratione dissensus, ut ponatur pro eodem instanti pro quo quis movetur, & incitatur ad consensum: nemo enim dissentire dicitur, antequam moveatur, neque postquam motus fuit, & obtemperavit motioni: Ergo posse dissentire, est posse ponere dissensum, pro eo instanti quo est motio, atque adeò componere dissensum cum motione.

118 Quintò, Exigimus ab Adversariis, ut distinctionis alterum membrum exponant, cum voluntatem quam negant positam ad agendum prærequisitis posse non agere in sensu composito, dicunt tamen posse non agere in sensu diviso? Quid, inquam, est voluntatem posse non agere in sensu diviso? nempe sumendum est oppositum ejus quod est posse non agere in sensu composito, distinctionum enim membra debent esse opposita. Et quia posse non agere in sensu composito, est facere posse ut pro eodem instanti temporis, simul sint prærequisita, & non actio; consequenter posse non agere in sensu diviso, non erit aliud quam facere posse ut pro alio instanti temporis quo non sunt prærequisita, sit non actio. Atque ita definitio liberi agentis habebit hunc sensum; agens liberum est illud quod habet potestatem agendi pro tempore quo sunt prærequisita ad agendum, & simul habet etiam potestatem non agendi, sed pro tempore quo illa non erunt. Quali verò sit illum agens tam necessarium de quo nõ liceat hoc ipsum affirmare; videlicet illius potentiam agendi, quæ cum prærequisitis ponit actionem, esse etiam potentiam non agendi, pro tempore quo prærequisita deest.

119 Denique, Agens liberum, positis omnibus ad agendum prærequisitis, proprie, simpliciter, & absolute dicitur potius ad non agendum: Sed

non potest taliter denominari, nisi possit negationem actionis cum illis componere: Ergo &c. Minor probatur, uam potentia conjuncta cum sui effectus impossibilitate, non sufficit adtribuendum denominationem simpliciter & absolute potentis: Ergo si positis omnibus ad agendum prærequisitis, negatio actionis sit impossibilis, non potest agens liberum, positis omnibus ad agendum prærequisitis, proprie, simpliciter, & absolute dici potens ad non agendum.

120 Hæc sunt præcipua P. Annati argumenta quæ (ut consideranti patebit) æquè militant contra gratiam congruam, quam ille admittit, quàm contra decretum prædeterminans, & gratiam de se efficacem, quam docent Thomistæ. Nam posita gratia illa congrua, quæ est de prærequisitis ad agendum, implicat de facto poni dissensum, & negationem actionis cum illa componi; alioqui, ut supra dicebamus, falleretur divina præscientia, & eadem gratia simul esset congrua & incongrua. Idem etiam patet in prædestinatione, & in dono perseverantiæ, & confirmationis in gratia, quæ libertatem non destrunt, & tamen uon possunt cum peccato & damnatione componi. Unde D. Thomas quæst. 23. de verit. art. 5. ad 3. *Non enim ista sunt impossibilia: Deus vult istum salvari, & iste potest damnari: sed ista sunt impossibilia, Deus vult istum salvari, & iste damnatur.* Idem docet Augustinus cap. 12. libri de corrept. & gratia, ubi agens de perseverantiæ dono quod electi ex meritis Christi recipiunt, dicit illud donum esse tale, *ut non solum sine illo perseverantes esse non possint, verum etiam ut per hoc donum non nisi perseverantes sint.* Quod idem est ac cum tali dono non perseverantiam non posse componi. Unde cap. 6. libri de bono persever. loquens de eodem dono: *Quomodo (inquit) potest amitti, per quod sit ut non amittatur quod possit amitti.* Id etiam ex Adversarius appetit prohibetur Petavius tomo 1. libro 9. cap. 7. his verbis: *Illud quod per Christi merita tribuitur donum, non solum dat posse si velint, sed etiam velle quod possint; & est tale ut eo dato non nisi perseverantes sint, id est, ut certo, & quod in scholis dicitur, infallibiliter perseverent, tamen si liberè gratia illi donoque consentiant, non necessariò, sed ut ut dissentire possint, si velint, quod Tridentina suscit Synodus, quamvis ut non dissentire velint, eodem illo perseverantia dono perficitur.* Ergo ex contestatione ipsorum Adversariorum, ad libertatem non requiritur ut negatio actionis cum omnibus ad agendum prærequisitis possit componi. Quod in agis patebit ex solutione argumentorū.

121 Ad primum ergo distinguo Antecedens: liberum agens, suppositus ad agendum prærequisitis ex parte potentia & actus primi, potest agere in sensu compositionis, concedo Antecedens: prærequisitis ex parte applicationis potentia, & actus secundi, nego Antecedens: his enim positis, liberum agens proprie loquendo non potest agere, sed de facto agit, & est in exercitio actuali suæ libertatis; unde implicat, quod cum illis negationem actionis componat, alias simul ageret & non ageret. Itaque in sententia Thomistarum, prærequisita ad agendum sunt in duplici differentia: quædam enim se tenent ex parte potentia & actus primi, ut habitus, virtutes operative, & auxilia sufficientia; & hæc, cum constituent solum principium habituale operationis, possunt indifferenter cum actione vel non actione componi: alia se tenent ex parte applicationis potentia, & se habent per modum

A reductivi de actu primo ad secundum; & ista, cum constituent principium actuale operationis, non possunt ab ea separari, nec cum illis negatione componi. Quando verò dicit arguens, quod Auctores in illa definitione liberi agentis, quæ dicitur esse illud quod positis omnibus ad agendum prærequisitis potest agere, ly potest, eodem modo, & in eodem sensu usurpatur: verum est si per ly prærequisitis, intelligantur ea quæ prærequiruntur ex parte potentia & actus primi: secus autem si designentur ea quæ solum prærequiruntur ex parte applicationis potentia: his enim positis liberum agens non potest agere vel nō agere, sed de facto agit, retinendo tamen potentia ad non agendum, seu ad non continuandam actionem quam elicit. Unde.

Ad confirmationem, similiter dicendum est, 122 quod potentia liberi agentis in actu primo considerati, & ut liberi libertate tantum potentiali, est potentia dominativa, quæ datur illi optio actionis & non actionis; potentia verò liberi agentis in actu secundo, non habet dominium illud potentiale, sed actuale, quia actu eligit operari, retinendo potentiam ad non agendum, seu ad non continuandam actionem; & hoc secundum dominium est multò perfectius quàm præcedens, quia illud includit defectum potentialitatis, & carentia seu suspensionis actus, quod illud caret: unde hoc reperitur in Deo formaliter, aliud verò solum eminenter.

Ad secundum in primis respondeo, Antecedens, prout jacet, non esse verum. Nam falsum est quod agere agentis liberi, sit agens liberum componere cum prærequisitis ad agendum ipsam actionem; hoc enim convenit etiam agenti necessario, ut patet.

Secundò, hoc dato & non concessò, non valet Consequentia, quia ad hoc ut agens liberum possit non agere, non requiritur quod possit non componere positivè actionem suam cum prærequisitis ad agendum prioritare naturæ, sed sufficit quod possit illam non componere negativè, 123 quod potest præstare, etiam quando illa prærequisita non sunt.

Tertiò, distinguo Majorem secundi argumenti. Agens liberum componere suam actionem cum prærequisitis ad agendum, est facere ut pro eodem instanti temporis simul sint in libero arbitrio prærequisita ad actionem, & ipsa actio: in eodem instanti temporis formaliter, concedo: in eodem instanti temporis materialiter, nego. Solutio patebit ex statim dicendis.

Quartò, Minor ejusdem argumenti, quæ asserit quod agens liberum potest absolute loquendo non componere actionem suam cum prærequisitis ad agendum, falsa est, si per ly prærequisitis, intelligantur ea quæ prærequiruntur ex parte actus secundi, & quæ actionem solà prioritare naturæ & causalitatis antecedunt, ut constat ex supra dictis.

Denique, ut ostendatur hoc argumentum esse pure sophisticum, illud in Adversarius retorquet, hoc modo. Agere agentis liberi est, agens liberum componere ipsam actionem, non solum cum prærequisitis, sed etiam cum concomitantibus, inter quæ est concursus Dei simulaneus in ejus sententia: Ergo agens liberum posse non agere, idem est ac illud posse absolute nō componere actionem suam cū concursu Dei simultaneo, & aliis actionem cōcomitantibus. & cū ea indissolubiliter connexis: Sed posse cōponere actio-



nem suam cum concursu Dei simultaneo, & aliis actionem concomitantibus, est posse cum illis componere negationem actionis: Ergo agens liberum posset non agere, idem est ac illud posse componere negationem actionis cum concursu Dei simultaneo, & aliis actionem concomitantibus, & cum ea inseparabiliter connexis, quod tamen manifestam implicat contradictionem.

Item prædestinatum salvari, est illum componere salutem cum prædestinatione: Ergo illum posse non salvari, idem est ac illum posse absolute non componere salutem cum prædestinatione: Sed posse non componere salutem cum prædestinatione, est posse cum illa componere negationem salutis: Ergo prædestinatum posse non salvari, est illum posse componere cum prædestinatione negationem salutis: quod tamē esse impossibile docet D. Thomas supra relatus, & D. Bonaventura infra referendus. Sicut ergo hæc argumenta purē sophistica sunt, ut patet, ita illud quod ab Adversario proponitur, quod neque vi materiæ, neque vi formæ concludit.

Ad tertium concessa Majori, nego Minorem, ad cujus probationem, nego Antecedens: Ad probationem in contrarium, distinguo Majorem. Componere non peccatum cum prærequisitis ad agendum, non est aliud quàm facere ut in eodem instanti quo sunt illa prærequisita, sit etiam non peccatum: in eodem instanti formaliter, concedo Majorem: in eodem instanti materialiter, nego Majorem; & sub eadem distinctione Minoris, nego Consequentiam.

Explicatur: Posse componere unum cum alio, non est solum posse facere quod existat unum in ea duratione materialiter sumpta in qua existit aliud, sed insuper requiritur quod illa duratio utriusque extremi coexistentiam mensuret, aut mensurare possit. Quamvis enim iustus v.g. in eodem instanti in quo habet gratiam sanctificantem, possit pro tunc peccare lethali, quia gratia sanctificans, præcisè sumpta, & ut non est associata dono confirmationis, non tollit potentiam ad peccandum; nihilominus idē iustus qui potest peccare in illo instanti, non potest coponere gratiam cū peccato lethali: quia licet possit ponere illud in eo instanti in quo gratia existit, non tamē prout in eo existit gratia, & prout formaliter & reduplicativè ejus præsentiam & existentiam mensurat, sed tantum prout prædictū instans habet quod mensuraret in exercitio peccatum, si tunc haberet. Item licet ille qui elicit actum amoris, in eodē instanti materialiter sumpto possit non amare, quia liberè amat, non tamen in eodem instanti formaliter: implicat enim quod idem instans coexistentiam amoris & non amoris simul mensuret; alioqui idem posset simul esse & non esse, & contradictoria de eodem simul verificari. Idem cum proportionē dicendum est de promotione ad actū amoris, quæ est in eodem instanti temporis & durationis cum illo, cumque solā prioritate naturæ & causalitatis antecedit: licet enim voluntas in eodem instanti in quo est præmoia ad actum amoris, possit ponere dissensum seu carentiam amoris, non tamē potest dissentire, seu non amare in sensu composito: quia nō potest talem dissensum seu carentiam amoris ponere in eodē instanti formaliter sumpto, & quatenus formaliter & reduplicativè mensurat præmotionē & amorem qui actū ad voluntate producit, sed solum in eodem instanti materialiter sumpto, & prout abstrahit ab hoc

A quod ille amor sit productus vel non. Videantur Salmanticenses tom. 1. in 1. p. tract. 4. disp. 10. dub. 5. §. 6.

Ad quartum nego quod quando in Tridentino definitur liberum arbitrium motum & excitatū à Deo posse dissentire, significetur per hoc, esse in potestate liberi arbitrii componere eipsum non agere cum prærequisitis ad agendum. Ad probationem in contrarium, dicendum est, de ratione quidem dissensūs actualis, & actū positi, esse ut existat in eodem instanti formaliter pro quo quis movetur & incitatur ad consensum: hoc tamen non esse de ratione dissensūs solum possibilis, aut ponibilis, de quo solum loquitur Tridentinum in illo canone 4. sess. 6. Hic enim solum petit, quod possit existere in eodem instanti materialiter sumpto, in quo existit motio. Nā (ut supra ostendimus) ut alicui insit pro aliquo statu seu duratione vera potentia ad aliquid, nō requiritur quod illud etiam pro illo statu seu duratione sit possibile, sed sufficit quod sit possibile absolute.

Ad quintum jam patet solutio, constat enim ex dictis, membra hujus distinctionis, *In sensu composito, & diviso*, esse inter se opposita, non eo modo quo contendit arguens: ita ut posse non agere in sensu composito, sit posse facere ut pro eodē instanti temporis simul sint prærequisita, & non actio. Et posse non agere in sensu diviso, sit posse facere ut pro alio instanti temporis quo non sunt prærequisita, sit nō actio (hic enim sensus Calvinisticus est, non Thomisticus, ut art. 4. ostendimus) sed modo jã explicato, ita ut posse non agere in sensu composito, sit negationē actionis posse in eodē instanti formaliter sumpto cū prærequisitis ad agendum coexistere. Posse verò non agere in sensu diviso, si illā posse existere in eodē instanti, non formaliter, sed materialiter considerato.

Ad ultimum concedo Majorem, & nego Minorem: ad cujus probationem, distinguo Antecedens. Potentia conjuncta cum sui effectus impossibilitate, non sufficit ad tribuendam denominationem simpliciter & absolute potentis, si talis impossibilitas sit absoluta, & ex natura rei procedēs, concedo Antecedens. Si sit solum pro aliquo statu aut duratione, & ratione alienius suppositionis descendētis à libertate, vel à prima ejus origine & radice, nego Antecedens, & Consequentiam. Solutio patet ex suprà dictis: nam (ut supra arguebamus) Deus adhuc supposito decreto de non creando alio mundo, simpliciter & absolute denominatur potens ad creandum alium mundum, quia licet alius mundus, supposito illo decreto, possibilis non sit, est tamē possibilis absolute. Pars, etiam in statu quo est extra totum, habet veram potentiam ad componendum, per hoc præcisè quod compositio sit possibilis absolute, licet extra totum actualis compositio possibilis non sit. Et prædestinatus verè potest damnari, licet actualis damnatio nunquam possit cum prædestinatione conjungi. Unde D. Bonaventura in 1. dist. 40. quaest. 2. ad 1. *Quando alicui debetur locus secundum prædestinationem divinam, potest quidem cadere, & locum perdere, & alius qui non est prædestinatus potest locum acquirere, & tamen nunquam hoc evenire.* Et D. Thomas hic art. 6. ad 2. *Licet sit possibile eum qui est prædestinatus mori in peccato mortali, secundum se consideratum* (id est ab intrinseca indifferentia caulæ proximæ, etiam stante illa suppositione) *tamen hoc est impossibile, postea (prout scilicet ponitur)*

eum esse prædestinatum. Vnde non sequitur quod prædestinatio falli possit.

### ARTICULUS VII.

*An omnis suppositio antecedens, seu ex libera nostræ voluntatis electione non descendens, destruat arbitrii libertatem?*

**H**unc articulum jungimus præcedenti, ut secundum Adversariorum fundamentum convellamus, & mentem ac doctrinam Anselmi, quæ illi maxime abutuntur in hac materia, elucidemus, ac exponamus. Unde sit

#### §. I.

*Pars negativa sustinetur, & testimoniis Conciliorum & SS. Patrum firmatur.*

**D**ico igitur: Omnis suppositio antecedens, seu ex libera nostræ voluntatis electione non descendens, non destruit libertatem.

**129** Probatur primò conclusio ex Concilio Coloniensi in Enchir. Christianæ institutionis d'e sacri. prenit. ubi sic habetur: *Duplex est necessitas: una absoluta quam vocamus necessitatem consequentis: veluti necesse est Deum esse, Deum unum esse, hominem esse animal rationale, mortale, nam hæc aliter se habere nequaquam possunt. Alia est necessitas consequentia, quæ necessario evenire dicimus non quæ suâ naturâ necessaria sunt, sed necessario sequuntur, propter præcedentes causas &c.* Et hac distinctione ibidem conciliat libertatem cum divina præscientiâ: unde ex hoc loco efficax argumentum desumitur ad probandum omnem suppositionem antecedentem non destrui libertatem. Necessitas enim quæ est ex causis præcedentibus, oritur à suppositione antecedente, ut manifestum est: Sed necessitas orta ex causis præcedentibus non semper destruit libertatem: Ergo neque necessitas provemens à suppositione antecedente. Major patet, Minor verò sic ostenditur. Juxta Concilium, necessitas orta ex causis præcedentibus, est necessitas consequentia tantum, & non consequentis, ut constat ex verbis relatis: Sed necessitas quæ est tantum consequentia, & non consequentis, non præjudicat libertati, ut ibidè docet Concilium, & consentiunt omnes Theologi & Canonistæ, ut constat ex canone Nabuchodonosor, alijs vasisire, §. quamvis, 23. quæst. 4. & ex Glossa ibidè: Ergo necessitas orta ex causis præcedentibus, non semper destruit libertatem.

**130** Probatur secundò conclusio ex Anselmo, cui potissimum in hac materia confidunt Adversarii. Nam Sanctus ille in libro de concordia libertatis cap. 7. in principio docet scientiam Dei esse causam rerum, & probat hac ratione quæ etiam utitur Magister in 1. dicit. 38. *Si Deus à rebus habet scientiam, sequitur quod ille prius sit quam ejus scientia, & sic à Deo non sint à quo nequeunt esse nisi per ejus scientiam.* Item cap. 10 ejusdem libri, agens de concordia præscientiæ & prædestinationis cum libero arbitrio, ait: *Quamvis suâ voluntas utatur potestate, nihil amen facit, quod Deus non faciat in bonis suâ gratiâ.* Ex quibus locis sic arguo. Divina scientia, juxta Anselmum, est causa futuritionis rerum, & gratia boni usûs liberi arbitrii, seu determinationis liberi arbitrii ad bonum: quia (inquit) nihil facit voluntas, quod Deus non faciat in bonis suâ gratiâ: voluntas autem bene utitur libeto ar-

bitrio, & ad bonum se determinat: Ergo illum bonum usum & talem determinationem facit Deus in nobis suâ gratiâ: Sed omnis causa est prior saltem naturâ & causalitate suo effectui, ut docent Philosophi, & lumine naturali notum est: Ergo ex Anselmo scientia Dei est suppositio antecedens, respectu futuritionis rerum, & gratia respectu boni usûs & determinationis liberi arbitrii: Sed nec Dei præscientia, nec divina gratia, tollunt velledunt libertatem & contingentiam rerum, ut est certum de fide, & toto illo opusculo docet Anselmus: Ergo ex doctrina Anselmi, falsum est quod omnis suppositio antecedens, & ex libera nostræ voluntatis electione non descendens, destruat arbitrii libertatem.

**B** Confirmatur: Idem Sanctus cap. 1. ejusdem libri sic habet: *Quoniam enim quod Deus vult non potest non esse, si Deus vult voluntatem humanam nullâ cogivi prohiberi necessitate ad volendum, vel non volendum, & vult effectum sequi voluntatem, tunc necesse est voluntatem esse liberam, & esse quod vult.* Quibus verbis aperte docet voluntatem divinam, ratione infinite efficacis quâ pollet, causare substantiam & modum libertatis in nostris operationibus, & efficere quod voluntas creata infallibiliter simul & liberè operetur, & consequenter dari aliquam suppositionem antecedentem, quæ non tollit, sed causat infallibiliter libertatem, & quæ necessitatem solum consequentia & non consequentis inducit.

Probatur tertio ex D. Thoma 1. p. quæst. 19. **132** art. 8. ubi tertio loco hoc sibi argumentum objicit: *Illud quod habet necessitatem ex priori, est necessarium absolute: sed res create à Deo, comparantur ad voluntatem divinam, sicut ad aliquid prius à quo habent necessitatem: Sequitur ergo quod omne quod Deus vult sit necessarium absolute.* Ecce ipsūmet Adversariorum fundamentum, cui sic respondet. *Ad Tertium dicendum quod posteriora habent necessitatem, juxta modum priorum: unde & ea quæ sunt à voluntate divina, talem necessitatem habent, qualem Deus vult ea habere, scilicet vel absolutam, vel conditionalem tantum, & sic non omnia sunt necessaria absolute.* Quibus verbis S. Doctor duo docet quæ Adversariorum doctrinæ aperte repugnant. Primum est, res omnes creatas, & consequenter actus liberos nostræ voluntatis, qui utique aliquid creatum sunt, comparari ad voluntatem divinam ut ad aliquid prius, & in eam reduci tanquam in primam & universalissimam causam. Secundum est, quod quidquid habet necessitatem ab aliquo priori, non est necessarium absolute. Quia (inquit) *Posteriora habent necessitatem, juxta modum priorum.* Ex quo inferit, aliqua habere à voluntate divina necessitatem absolutam, ut Solem oriri, ignem calefacere &c. Alia verò hypotheticam tantum, & conditionalem: ut prædestinatum salvari, præventum gratiâ efficaci converti &c. Ergo falsum est, quod omnis suppositio antecedens, & de libera nostræ voluntatis electione non descendens, tollat libertatem, & necessitatem antecedentem, seu absolutam inducat.

**E** Confirmatur: D. Thomas ibidem sibi objicit aliud argumentum, quod etiam communiter nobis opponunt Adversarii. *Omnis causa quæ non potest impediri (seu cui non potest resisti) ex necessitate suum effectum producit: Sed voluntas Dei non potest impediri, nec resisti: dicit enim Apostolus ad Rom. 9. Voluntati enim ejus quis resistit?*

Ergo

*Ergo voluntas Dei imponit rebus volitis necessitatem. Cui sic respondet: Ad secundum dicendum, quod ex hoc ipso quod nihil voluntati divina resistit, sequitur quod non solum fiant ea quæ Deus vult fieri, sed quod fiant contingenter vel necessarid, quæ fieri vult.*

Quibus verbis duo etiam docet doctrinæ Adversariorum directè opposita. In primis enim asserit, voluntati Dei efficaciam non posse resisti, nec illam posse impediri & frustrari suo effectu. Secundò hanc, ut ita loquar, irresistibilitatem, non solum non obesse libertati creatæ, sed etiam illam firmare & statuere: si enim voluntati divinæ non potest resisti, & illa velit ut liberè operemur, firmum & certum est quod liberè operabimur. Id ergo quod Adversarii putant maximè nocere libertati, juxta D. Thomam, est illud quod maximè eam firmat, fovet, & statuit; idque quod dicunt illius esse ruinam & perditionem, vel ut alii loquuntur, ejus ultimum vulnus, idem S. Doctor asserit esse primam ejus originem & radicem. Quis ergo non videat, eos à doctrina D. Thomæ peregrinari, & derelinquere fontem aquæ vivæ, ut fodiant sibi cisternas dissipatas, sicut dicitur Jeremiæ 2.

## §. II.

*Ratio fundamentalis exponitur.*

124 **V**T vis & efficacia præcipuæ rationis quæ ducuntur Thomistæ ad probandum dari aliquam suppositionem antecedentem quæ libertati non præjudicat, sed potius eam statuit & firmat, melius & facilius percipitur: quæro ab Adversariis, cur impossibilitas vel necessitas orta ex suppositione consequente, seu ex libera nostræ voluntatis derterminatione descendente, libertatem ejus non tollat, aut lædet? Vel aliis terminis, cur id quod libertatem consequitur, & consequendo facit aliud extremum pro tunc impossibile, non præjudicat libertati? Respondebunt sine dubio, quia eo ipso quod libertatē consequitur, est utique ipsius libertatis effectus, ac proinde potius signum libertatem ostendens, quàm eam destruens. Hæc est profecto omnium concors & vera responsio, ex qua efficax argumentum desumo ad probandum omnem suppositionem antecedentem, eam præcipuè quam involvit divina prædefinitio, seu decretum prædeterminans, non præjudicare libertati. Si enim secundum responsum jam datam, & juxta rei veritatem, suppositio consequens non tollit libertatem, quia est effectus illius; à fortiori suppositio antecedens divinæ prædefinitionis, seu decreti prædeterminantis, eam non destruet; quia ut docent Thomistæ, tale decretum oritur à primaradicè & principio libertatis, infiniti scilicet divinæ voluntatis efficaciæ, ipsamque libertatem, per modum causæ seu principii actus illius antecedentis implicat autem quod aliquid libertatem anteceditur causa libertatis, & quod libertatem destruat: nam causa effectum suum non destruit aut annihilat, sed potius illum producit, fovet, & conservat. Cùm ergo Thomistæ doceant decretum prædeterminans, & physicam prædeterminationem ac gratiam efficacē, quæ ab illo fluunt & emanant, non aliter antecedere liberi arbitrii consensum & derterminationem, quàm per modum causæ & principii actualis illius, & in tali decreto, seu prædeterminatione & gratia efficaci, solam prioritatem naturæ & causalitatis agnoscant, manifestum est, juxta illorum principia, suppositionem illius, quam-

A vis antecedentem, non destruere, sed causare libertatem, & omnem necessitatem aut impossibilitatē ab ea inductam, non magis nocere libertati, quàm illam quæ ad suppositionem ipsius actus liberi consequitur: sicut enim hæc suppositio est effectus aut signum libertatis, ita & alia est illius causa & origo; & sicut prima formaliter consequitur libertatem, ita & altera est eam consequens virtualiter, seu æquivalenter, quantum ad effectum conservandi libertatem, ut in solutione argumentorum fusiùs expendemus.

Sed quia discursus ille perspicuè satis intentum ostendit, haud dubiè Adversarii negabunt principium quod hic supponimus, nimirum talem posse esse decreti prædeterminantis & physice prædeterminationis naturam, ut libertatem antecedit, & nihilominus antecedendo causet: hoc enim, inquit, est de ratione liberi agentis, ut ita se ad volendum & operandum determineret, quod à nulla causa superiori, salvâ ejus libertate, determinari possit: nam ut dicitur Eccles. 15. *Deus ab initio constituit hominem, & reliquit eum in manu consilii sui. Apposuit tibi ignem & aquam; ad quod volueris porrige manum tuam &c.*

Verùm in hac responsione, quæ est veluti summa & medulla doctrinæ Molinistice, multa improbanda & impugnanda occurrunt. In primis enim quod primò asseritur, talem videlicet non posse esse decreti prædeterminantis & physice prædeterminationis naturam, ut libertatem antecedit, & nihilominus antecedendo causet, manifestè veritati repugnat: quia implicat dari vel concipi aliquam causam, quæ prioritate saltem causalitatis & naturæ suæ effectum non antecedit, quod lumine naturali notum est, & patet inductione in omnibus causis secundis: Sol enim naturâ præcedit radium, ignis calorem, & essentia proprietates quæ ab ipsa dimanant. Ergo tantum abest quod divinum decretum, ejusque influxus & motio, non possint in nobis causare libertatem, si liberi arbitrii derterminationem & consensum prioritate naturæ antecedit, quin potius oppositum, nec fieri nec concipi possit, & manifestam contradictionem involvat.

Aliud etiam quod in eadem responsione subjungitur, scilicet de ratione liberi agentis esse, ita se ad volendum & operandum determinare, ut à nulla superiori causa determinari possit, & veritate & sana doctrina non minùs alienum est. Licet enim hoc cujuslibet causæ creatæ, etiam Angelicæ, potestatem excedat, quia ut rectè ait Doctor Subtilis suprà relatus: *Contra naturam voluntatis est, determinari à causa inferiori, quia tunc ipsa non esset superior*: Non est tamen cur hujusmodi vim & potentiam supremæ & omnipotentissimæ causæ denegemus, ut ibidem docet idem Scotus, subdens: *Non est autem contra naturam voluntatis, determinari à causa superiori, scilicet Deo. Cujus disparitatis duplex ratio, eaque egregia, assignari potest. Prima est, quia cùm Deus sit primum liberum, & tale per essentiam, omnem libertatem creatam & participatam, omnemque liberam nostræ voluntatis derterminationem, eminentissimo & perfectissimo modo continet, magisque habet, ut inquit Augustinus, in potestate voluntates hominum, quàm ipsi suas.* Si ergo creata voluntas seipsam quasi suâ libertate præveniens, potest se in consensum liberum determinare, cur omnipotens eandem suâ efficaciam præveniens, idem præstare non poterit:

Hanc rationem tangit D. Thomas quæst. 22. de A  
verit. art. 8. his verbis : *Sicut voluntas potest im-*  
*mutare actum suum , ita & multò amplius Deus.*  
Potestque confirmari & illustrari discursu quo  
utitur Innocentius Papa in Epistola ad Concili-  
um Carthaginense, quæ inter Epistolas Augu-  
stini est 91. ubi sic ratiocinatur : *Ergo eris tibi in*  
*providendo præstator , quàm potestis in esse qui te ut*  
*effectus effectus : Quem sapientissimum Pontificem i-*  
*mitati , si militer de camnis : Eris-ne tibi ad tuos a-*  
*ctus determinandos præstantior & potentior,*  
quàm potest is esse qui te ut effectus effectus ?

135 Hanc rationem breviter ac dilucidè proponit  
Ildephonius Michaël, Zamorenfis, tomo 1. in 1.  
p. quæst. 19. art. 8. cap. ultimo, ubi sic discurreit :  
Nunquam destruitur effectus per antecessorem sua  
causæ , cum sit de essentia effectus subsequi ad causam ,  
& sit de ratione causæ antecedere prioritate aliquâ ef-  
fectum ; nam causa est , ut dicitur in 2. physicorum , ad  
quam sequitur effectus : libertatem autem causæ secun-  
dæ , nisi falli velimus , vel nisi superbiamus , non debemus  
apprehendere ut primam & independentem , sed ut par-  
ticipatam , posteriorem , dependentem , & subsequen-  
tam post primam causam , ejusque decretum & influ-  
xum.

139 Secunda ratio sumitur etiam ex D. Thoma  
eadem quæst. 22. de verit. art. 9. ubi hæc scribit.  
Ex parte voluntatis mutare actum voluntatis non po-  
test , nisi quod operatur intra voluntatem , hoc est ipsa  
voluntas , id quod est causa esse voluntatis , quod se-  
cundum fidem solus Deus est : unde solus Deus potest in-  
clinationem voluntatis quam ei dedit transferre de uno  
in aliud secundum quod vult. Quibus verbis hoc di-  
scrimen statuit inter Deum & agentia creata ,  
quod nulla creatura , quantumvis perfecta , po-  
test in seutem humanam illabi , & ut ita loquar  
intra voluntatis officinam intrare , nec conse-  
quenter ipsam immutare , & applicare ac deter-  
minare ad volendum , ex quo inferunt Theologi,  
quod ipsi etiam Angeli non possunt naturali-  
ter cognoscere actus nostros liberos , nec pene-  
trare cordis humani cogitationes ; quia illæ  
clauduntur intra secretum cordis nostri & pe-  
doris , in quod nulla creatura , etiam angelica ,  
invitâ voluntate potest intrare. Cæterum  
Deus , cum sit auctor & principium ipsius vo-  
luntatis , & supremum habeat in illam domini-  
um , potest intra ipsam illabi , & in ejus sinum  
ingredi : juxta illud Ezechielis 44. *Porta hæc*  
*clausa erit : non aperietur , & vir non transibit per*  
*eam , quoniam Dominus Deus Israel ingressus est per*  
*eam ; & consequenter solus Deus potest , illâ*  
*voluntatis libertate , eam intrinsecè immutare ,*  
applicare , & determinare.

140 Hanc doctrinam latius expendit 3. contra  
Gent. cap. 88. ubi sic discurreit : *Oportet quod*  
*omnis motus voluntatis ab interiori procedat : nulla*  
*autem substantia creata conjungitur animæ intelle-*  
*ctuali , quantum ad sua interiora , nisi solus Deus ,*  
*qui solus est causa ipsius , & sustinet eam in esse :*  
*A solo igitur Deo potest motus voluntarius causari.*  
Et infra : *Illud solum agens potest causare motum*  
*voluntatis absque violentia , quod causat principium*  
*intrinsecum hujus motus , quod est potentia ipsa*  
*voluntatis : hoc autem est Deus qui animam solus*  
*creat. Solus igitur Deus potest movere voluntatem*  
*per modum agentis absque violentia.* Quibus ver-  
bis , hoc etiam inter Deum & creaturas agno-  
scit discrimen , quod agentia creata , cum sint  
omnino voluntati extrinsecæ , non possunt eam  
intrinsecè immutare & applicare , sed tantum

extrinsecè & objectivè movere & excitare :  
Deus autem , cum sit auctor & principium  
animæ & voluntatis , ac intimè illi conjunga-  
tur , veluti anima ipsius animæ , & sicut prin-  
cipium in quo vivimus , movemur , & sumus ,  
ut dicitur Actorum 17. non reputatur tanquam  
agens extrinsecum , sed computatur inter causas  
internas ipsius voluntatis , non formaliter ut a-  
nima , sed radicaliter & eminenter , sicut cau-  
sa prima. Unde potest utroque modo move-  
re voluntatem , extrinsecè scilicet & objectivè ,  
eam alliciendo & invitando ad suamorem &  
prosecutionem : quod præstat in ratione summi  
boni & ultimi finis , cuius morio est tantum mo-  
ralis & metaphorica , ut docent Philosophi. Et  
etiam effectivè , eam intèrius inclinando , & ap-  
plicando ad quodcumque voluerit , quod ei  
competit in ratione primæ causæ & primi prin-  
cipii , ut egregiè explicat idem S. Doctor 1. p.  
quæst. 105. art. 4. ubi quærit : *Utrum Deus possit*  
*movere voluntatem creatam ?* Et in corpore arti-  
culi distinguit duplex genus motionis , quarum  
una se tenet tantum ex parte objecti , & altera  
ex parte potentie , & concludit , *Quod utro-*  
*que modo proprium est Dei movere voluntatem (in-*  
*tellige efficaciter , ut ibidem explicat) Sed ma-*  
*ximè secundo modo , INTERIUS EAM INCLI-*  
*MANDO.* Et articulo sequenti docet quod  
Deus in omnibus agentibus operatur tribus  
modis : scilicet finaliter , effectivè , & for-  
maliter. Et in resp. ad 3. ait : *Deus non solum*  
*dat formas rebus , sed etiam conservat eas in esse , &*  
*applicat eas ad agendum , & est finis omnium actio-*  
*num.* Denique art. 4. primo loco sibi objicit  
hoc argumentum quod nobis frequenter oppo-  
nunt Adversarii. *Omne quod movetur ab extrin-*  
*seco , cogitur : Sed voluntas non potest cogi : Ergo*  
*non potest à Deo moveri.* Cui sic respondet : *Ad pri-*  
*imum ergo dicendum , quod illud quod movetur ab al-*  
*tero , dicitur cogi , si moveatur contra inclinationem*  
*propriam : sed si moveatur ab alio quod sibi dat pro-*  
*priam inclinationem , non dicitur cogi. Sicut gra-*  
*ve , cum movetur deorsum à generante , non cogitur.*  
*Sic igitur Deus movendo voluntatem , non cogit ip-*  
*sam , quia dat ei propriam ejus inclinationem.* Qui-  
bus verbis docet Deum inovendo & determi-  
nando voluntatem hominis , eam non cogere  
vel necessitare ; quia cum sit ejus author , dans ei  
propriam inclinationem , non se habet ut agens  
extrinsecum respectu illius , sicut reliqua agentia  
creata , sed ei intèimè unitur & conjungitur tan-  
quam radix & principium ipsius libertatis. Un-  
de sicut si substantia animæ haberet aliquem in-  
fluxum prævium in voluntatem , eamque sub in-  
differentia objectiva iudicii ad volendum & o-  
perandum prædeterminaret , non destrueret e-  
jus libertatem , sed potius eam causaret , quia est  
radix talis potentie , & cum ea intèimè conjun-  
gitur. Ita similiter , quia Deus est auctor & prin-  
cipium ipsius animæ & voluntatis , eiq. intèimè u-  
nitur , ut primum liberum , & prima causa liber-  
tatis creatæ , quamvis ipsam ad volendum , & ad  
operandum applicet & prædeterminet , non tol-  
lit aut lædit ejus libertatem , quia ejus influxus  
est influxus radicis & principii ipsius libertatis ,  
& habet pro effectu ipsum actum liberum , etiam  
in quantum liberum , & substantiam ac modum  
libertatis in ejus operationibus simul attingit ,  
eamque movet & applicat ad volendum , sub in-  
differentia objectiva iudicii , quæ , ut supra o-  
stendimus , est proxima radix libertatis.



Diff.  
10.  
dubio  
4. §. 3

Potest hoc amplius declarari & illustrari alio exemplo aptissimo, quo utuntur Salmanticenses in Tractatu de voluntate Dei. Si in manibus hominis esset aliqua libertas intrinseca, distincta à libertate voluntatis, eique essentialiter subordinata, tunc ejus natura esset, quod hoc ipso quod voluntas efficaciter vellet aliquid fieri à manibus, illa etiam liberè & secundario illud vellent, licet possent velle oppositum; nec in tali casu, imperium aut motio voluntatis applicantis manum ad opus, ejus libertatem læderet; quia talis libertas esset solum secundaria, & essentialiter dependens à libertate voluntatis, tanquam primi liberi, primique determinantis & applicantis potentias & facultates animæ; & etiam quia voluntas illam determinans & applicans, non se haberet per modum principii purè extrinseci respectu illius, sed esset illi intimè conjuncta, & in eadem essentia animæ radicata. Ita similiter dicimus, quod quia libertas nostræ voluntatis est tantum secundaria, à Deo tanquam primo libero, primoque determinanti essentialiter subordinata; & aliunde Deus non se habet ut agens purè extrinsecum respectu voluntatis, sed illi intimè coniungitur, tanquam radix & principium libertatis, illam consequenter non destruit, aut lædit, quamvis voluntatem prædeterminet, quia per hoc non impedit, sed facit quod voluntas in suo ordine, & ut secundum liberum & secundum determinans, seipsam moveat & determinet. In hoc enim nulla plane est repugnantia aut implicancia, ut saepe ostendimus, & docet D. Thomas ubi suprà art. 5. ubi secundum loco sibi hoc argumentum proponit *Vna operatio non potest esse simul à duobus operantibus, sicut nec unus numero motus potest esse duorum mobilium: si igitur operatio creatura est à Deo in creatura operante, non potest esse simul à creatura, & ita nulla creatura aliquid operatur.* Quod est idem argumentum quod nobis frequenter opponunt Adversarii: dicunt enim, quod si voluntas movetur, applicatur, & determinatur à Deo; seipsam non movet, nec applicat, aut determinat; & sic tollitur ejus libertas, cum de ratione causæ liberæ sit seipsam determinare & applicare. Cuius respondet S. Doctor: *Ad secundum dicendum quod una actio non procedit à duobus agentibus unius ordinis: sed nihil prohibet quin una & eadem actio procedat à primo & secundo agente.* Ita similiter nos dicimus, quod libera determinatio voluntatis creatæ, non procedit à duobus agentibus ejusdem ordinis, sed nihil prohibet quin procedat à primo & à secundo agente, tanquam à duabus causis essentialiter subordinatis; à Deo scilicet, tanquam à primo libero, & primo movente, & applicante; & à voluntate humana, ut à secundo libero, & secundo movente & applicante: sicut nihil vetat, quin eadem plantæ generatio sit à Sole, ut à primo generante; & à terra, tanquam à generante secundo.

142 Unde ad locum Ecclesiastici suprà adductum, quod nobis saepe obijciunt Adversarii: respondet idem Doctor Angelicus 3. cont. Gent. cap. 90. quod *Hæc verba & c. sufficiunt ad hoc solum inducuntur, ut homines esse liberi arbitrii ostendatur, non verò ut eorum electiones à divina providentia subtrahantur.* Quod fufius expendit in hac 1. parte quæst. 22. art. 2. ad 4. his verbis: *Ad quartum dicendum, quod in hoc quod dicitur Deum hominem sibi reliquisse, non excluditur homo à divina providentia, sed ostenditur*

Tom. II.

A *quod non praestigetur ei virtus operativa, & determinata ad unum, sicut in rebus naturalibus quæ aguntur tantum, quasi ab altero directæ in finem, non autem seipsæ agunt, quasi se dirigentia in finem, ut creatura rationales per liberum arbitrium quo consulantur & eligunt, unde signatur dicit in manu consilii sui. Sed quia ipse actus liberi arbitrii reducitur in Deum sicut in causam, necesse est ut ea quæ ex libero arbitrio fiunt, divina providentia subdantur.* Quibus verbis aperte declarat, hæc verba Ecclesiastici ad hoc solum induci, ut explicetur facultas quæ pollet homo ratione libertatis sibi indita, ut in suo ordine, & in ratione secundi liberi & determinantis, eligat & se determinet; per illa tamen non excludi subordinationem & dependentiam quam habet à Deo in primo libero & determinante, nec consequenter divinæ motionis & applicationis necessitatem. Sicut nec per hoc quod ignis est calefacere, excluditur necessitas caleficientis motus: quo exemplo idem sanctus Doctor utitur quod lib. 1. art. 7. ad 1. & in 2. sent. ad Anib. dist. 29. art. 4. ad 3. ubi ait, *Potestas nostra nihil operari potest sine Deo qui operatur in omni natura & voluntate: unde cum dicimus aliquid esse in nobis, non excludimus Dei auxilium.*

## §. II.

Diluuntur argumenta P. Annati, & mens ac doctrina Anselmi, de duplici necessitate antecedente & consequente, explicatur.

C **P**Ræcipua Adversariorum argumenta desumuntur ex autoritate & doctrina Anselmi libro 2. *Cur Deus homo*, cap. 18. ubi duplicem necessitatem distinguit: alteram antecedentem, quæ tollit libertatem; alteram consequentem, quæ libertati non nocet. Verba Anselmi sunt: *Est namque necessitas præcedens, quæ causa est ut sit res, & est necessitas sequens, quam res facit. Præcedens & efficiens necessitas est, cum dicitur cælum volvi, quia necesse est ut volvatur, sequens verò quæ nihil efficit, sed sit est cum dico te ex necessitate loqui, quia loqueris.* Cum enim hoc dico, significo nihil facere posse, ut dum loqueris non loquaris: non quod aliquid te cogat ad loquendum. Nam violentia naturalis conditionis cogit cælum volvi, te verò nulla necessitas facit loqui. Idem docet in libro de concordia prædestinationis cum libero arbitrio, cap. 10. ubi ait: *Pariter igitur quamvis necesse sit fieri quæ præstuntur, & quæ prædestinantur, quedam tamen præstata & prædestinata non eveniunt eâ necessitate quæ præcedit rem, & facit, sed eâ quæ rem sequitur, sicut suprà diximus.* Nox enim quamvis prædestinat, facit, voluntatem cogendo, aut voluntati resistendo, sed in sua eam potestate dimittendo. Quamvis tamen suâ voluntas utatur potestate, nihil tamen facit quod Deus non faciat in bonis suâ gratiâ, in malis non suâ, sed ejusdem voluntatis culpa. Et cap. 3. de concordia præscientiæ & prædestinationis docet, necessitatem consequentem esse illam quæ descendit de libera voluntate.

Ex his Anselmi testimoniis, quædam deducit argumenta P. Annatus in libro quem, pro defensione scientiæ mediæ edidit disp. 1. cap. 6. §. 4. ad probandum prædeterminationes absolutas & efficaces, à prævisione scientiæ mediæ independentes, quæ à Thomistis, decreta prædeterminationis, appellantur, destruere libertatem.

Primò sic arguit num. 155. *Necessitas quæ facit rem esse, & quæ causa est ut res sit, est necessitas*

R 2 place-

præcedens, & inimica libertati, ex Anselmo :  
 „Necessitas quæ sequitur ex prædefinitione, facit  
 „rem esse, & est causa ut sit res: Ergo est necessitas  
 „præcedens, & inimica libertati, juxta mentem  
 „Anselmi.

145 Secundo, Necessitas sequens, & quæ libertati  
 „non nocet, alia non est ex Anselmo, quam illa  
 „quam res facit, & quæ descendit delibera voluntate :  
 „Sed necessitas quam infert prædefinitio,  
 „non est illa quam res facit, nec descendit de libera  
 „voluntate : Ergo non est necessitas quæ apud  
 „Anselmum dicitur sequens, & quæ non nocet  
 „libertati. Quod si sub secundo illo tradita  
 „distinctionis membro contineri non potest, restat  
 „ut ad primum reducatur, & credatur esse necessitas  
 „præcedens, & noxia libertati, aut dainetur  
 „Anselmum unâ cum sua distinctione.

146 Tertiò, Prædefinitum actum liberum, est præ-  
 „definitum actum qui non trahat necessitatem ef-  
 „ficienti ex causa antecedenti, & independenti ab  
 „illius voluntate cui liber dicitur: Atqui actum  
 „esse prædefinitum, est trahere necessitatem ef-  
 „ficienti ex Dei prædefinitione: Ergo prædefinitum ac-  
 „tum liberum, est prædefinitum actum qui non sit  
 „prædefinitus, quod implicat. Ibidem num. 134.

147 Quarto, necessitas quam abhorret agens libe-  
 „rum, illa est cujus causam ipsum nec impedire  
 „potest, nec vincere : Necessitas agendi quæ se-  
 „quitur ex prædefinitione, seclusâ scientiâ mediâ,  
 „est huiusmodi: Ergo illa est quam abhorret  
 „liberum agens. Neq; hoc argumetur (inquit)  
 „eget probatione, sed meditatione. Ita num. 136.

148 Denique, Quando antecedens est causa con-  
 „sequens independens à libertate, nemo dubi-  
 „tare potest, quin non sit tantum necessitas con-  
 „sequentiæ, sed & consequentis quoque, ut vide-  
 „re est in consequentiâ auctoris beatifici ex visio-  
 „ne, & actûs violenter coacti ex vi cogente. Cùm  
 „ergo divina prædefinitio, seclusâ scientiâ mediâ,  
 „nec pendeat à nostra libertate, nec illam supponat,  
 „& tam insolubiliter sibi connectat positionem  
 „actûs prædefiniti, quam visio beatificum  
 „amorem, quare dicitur tantum necessitas conse-  
 „quentiæ, & non etiâ consequentis? Ita num. 137.

149 Priusquam his argumentis respondeamus: præmittendum existimavi, mirari me, quomodo adversarii Anselmi auctoritatem tantopere contra nos urgeant; cùm illam in aliis materiis in quibus cum illis non convenit (ut cùm agitur de peccato Angelorum, & queritur an prima illorum operatio sit à Deo; & utrum Deus positivè influat in actus malos; & peccaminosos) non solum facillimè abjiciant, sed etiam ferè contemnant. Uade Vazquez toto ultimo quæsit. 94. dub. 6. querens utrum per opera aliâs Deo debita, hoc est præcepta, satisfieri possit, respondet affirmative, & sibi objicit auctoritatem Anselmi, oppositum docentis libro 1. *Cur Deus homo* cap. 20. quam sic excipit. *Ad tertium ex Anselmo respondimus supra, & contra ipsum probavimus, apud Deum fieri posse satisfactionem de aliis debitis, multa quæ alia contra ipsum adduximus quibus ostendimus non probare quod contendit.* Similiter Theophilus Raynaudus tomo de Christo, editionis Antverpiensis pag. 100. fatetur Anselmum docuisse, plures substantias divinas, eandem non posse humanitatem terminare; & tamen oppositum ibidem docet. Quid ergo, si nos similiter in præsentia Anselmi auctoritatem negaremus, & uno verbo infringemus argumenta proposita, quorum to-

A tam vim, ac robur Adversarii ex ejus auctoritate desumunt?

Verum quia majori reverentiâ Sanctos Patres colimus, & in Schola Thomistarum non audiri solent hæc voces: *Perperam Chrysostomus, Perperam Augustinus*, quæ in libris quorundam Recentiorum leguntur; idèò hæc omisissâ responsione, & admissâ Anselmi auctoritate, quem ut Doctorem eximium, sanctissimum Præfulem, ac patrè haud ultimi nominis veneramus. Respondè illum per necessitatem præcedentem, libertati contrariam, non aliâ intellexisse, quam eam quæ oritur ex aliqua causa extrinseca cogente, seu ad unum per modum naturæ determinante, ut contingit in amore beatifico, aut in volitione boni in communi. Per necessitatem verò consequentem, eam significare, quæ vel ex ipsâ electione & libertate voluntatis immediatè descendit, vel ex ejus prima causa & radice oritur: qualis in sententia Thomistarum est suppositio decreti prædeterminantis. Nam, ut supra dicebamus, licet hæc suppositio sit formaliter antecedens, tamen quantum ad effectum conferendam libertatis, est virtualiter seu æquivalenter consequens; idè quod causa libertatis non magis possit ei nocere, quam ejus effectus.

Quod autem hæc interpretatio sit legitima, patet ex ipso Anselmo, cap. 10. libri de concordia, ubi explicans necessitatem antecedentem, C dicit esse illam *quæ præcedit rem, & facit*, & statim addit: *Non enim hæc Deus quæ vivis prædefinit, facit voluntatem cogendo, aut voluntati resistendo.* Quibus verbis satis apertè declarat, se loqui tantum de præcedenti cogente, seu ad unum per modum naturæ determinante: unde libro 2. *Cur Deus homo*, cap. 18. ut hanc necessitatem explicet, adducit exemplum de ortu Solis, & de motu cæli, quæ constat esse agentia naturalia, seu ad unum per modum naturæ determinata. Et Clemens Alexandrinus libro 2. Stromatum necessitatem illam *πρωταίη* appellat: id est naturalem, & per modum naturæ moventem ac determinantem.

D Quando ergo Anselmus dicit quod necessitas antecedens est illa quæ præcedit rem & facit, hoc non est intelligendum de quacunque prioritate & efficientia (alioquin, ut supra dicebamus, causa libertatis destrueret libertatē, quod absurdissimum est) sed de præcedenti cogente, seu ad unum per modum naturæ determinante, nec relinquente in voluntate potentia ad oppositum, & de efficientia liberi arbitrii determinationem & cooperationem impediētem ac excludentem. Similiter quando ait quod necessitas sequens est illa quam res seu voluntas facit, intèdit solum quod voluntas illam facit secundariò, & ut secundum liberum, & secundum determinans: non autem primariò, & in depēdenter à motione & applicatione primi liberi, primigis determinantis. Uade addit: *Quamvis tamen suâ voluntas utatur potestate, nihil tamen facit quod Deus non faciat in bonis suâ gratiâ; in malis, non suâ, sed ejusdem voluntatis culpâ.* His præmissis, Annati argumenta facillè diluuntur.

Ad primū enim respondetur distinguendo Majorem. Necessitas quæ facit rem esse, & quæ causa est ut res sit, est necessitas præcedens: si faciat rem esse, illam determinando ad unum per modum naturæ, & excludendo determinationem & cooperationem liberi arbitrii, concedo Majorem. Si non determinet illam ad unum per modum naturæ, sed per modum liberi, nec impedit, sed efficiat,

ciat determinationem & cooperationem liberi arbitrii, nego Majorem. Similiter distinguo Minorem: Necessitas quæ sequitur ex prædefinitione, facit esse, & est causa ut res sit, eam determinando ad unum per modum naturæ, & excludendo determinationem & cooperationem liberi arbitrii, nego Minorem: Eam determinando ad unum per modum liberi, & causando liberi arbitrii determinationem & cooperationem, concedo Minorem, & nego Consequentiam.

354 Ad secundum eadem facilitate respondetur, distinguendo etiam Majorē. Necessitas sequens, & quæ libertati non nocet, alia non est ex Anselmo, quàm illa quam voluntas facit: ut mota & applicata à Deo ut à primo libero & determinante, concedo Majorem. Quam facit independentem à motione & determinatione primi liberi, primique determinantis, nego Majorem. Eodem modo distinguo Minorem. Necessitas quam infert prædefinitio, non est illa quam voluntas facit: dependenter à motione & applicatione Dei, ut primi liberi, & primi determinantis, nego Minorem. Independentem ab illa, concedo Minorem, & nego Consequentiam.

355 Secundò responderi potest, aliter distinguendo eandem Minorem. Necessitas consequens est illi quæ descendit de libera voluntate: vel formaliter, vel æquivalente, concedo Majorē: formaliter tantum, nego Majorem. Similiter distinguo Minorem. Necessitas quam infert prædefinitio, non descendit de libera voluntate: formaliter, concedo Minorem. Eminentem, seu æquivalente: nego Minorem, & Consequentiam. Solutio patet ex suprà dictis: cum enim Deus sit primum liberum, & magis habeat in sua potestate voluntates hominum, quàm ipsi homines, omnemque eorum libertatem, seu liberam determinationem eminentissimo & perfectissimo modo præcontineat, potest, seclusis imperfectiōibus, præstare totum id quod potest voluntas creata; unde sic illa se ipsam quasi suâ libertate præveniens, potest se in consensum liberum determinare; ita & Deus suâ efficaciam præveniētem, eam potest determinare. Vel ut loquitur D. Thomas suprà relatus: *sicut voluntas potest immutare actum suum, ita & multo amplius Deus*. Quare sicut supposito quæ descendit à voluntate humana, est formaliter consequens, quia descendit à secundo libero, & causa secunda libertatis creata; ita & illa quæ oritur à divina prædefinitione, est eminentem seu æquivalente consequens, quoad effectum servandi illam libertatem, quia descendit à primo libero, & à prima totius contingentie ac libertatis radice, infinita scilicet divine voluntatis efficaciam. Unde talis suppositio reducit ad secundum membrum distinctionis tradite ab Anselmo, scilicet ad necessitatem consequentem.

356 Nec valet ratiocinatio Adversarii, qui loco suprà citato num. 136. sic discurret. *Sed & hoc quoque videtur absurdum, negari antecedentem esse necessitatem, cuius causa est antecedens, cum constet apud omnes quamcumque necessitatem sequi conditionem suæ causæ, atque ab ea denominari*. Et ita naturaliter dicitur necessitas illa, quæ causam habet naturalem; violenta, quæ vim extrinsecus illatam; absoluta, quæ existentem atque operantem absolute; conditionata, quæ suspensam ex aliqua conditione. Tam quo sensu & quâ probabilitate dicitur consequens, aut negabitur antecedens necessitas illa cuius causa est antecedens? Et illa quæ dicitur antecedens, quare sic

*dicatur, nisi quia est ex causa antecedenti? Non valet, inquam, hæc ratiocinatio, seu potius grammaticalis observatio; nam ut docent Dialectici, aliud est id à quo significatio nominis imponitur, & aliud id ad quod significandum imponitur: lapis enim dicitur à lādendo pedem, omne tamen quod lædit pedem non est lapis. Ita pariter, licet necessitas antecedens hanc denominationem à causa præcedenti desumat, omnis tamen causa quæ liberi arbitrii consensum & determinationem præcedit, non debet, nec potest dici necessitas antecedens: alioquin, ut suprà arguebamus, indifferentia objectiva iudicii quæ voluntatis electionem præcedit, esset necessitas antecedens: imò & ipsa libertatis causa, eam destruere, ac necessitatem antecedentem inducere diceretur, quo nihil absurdius imaginari potest. Sola ergo illa necessitas dicitur simpliciter antecedens, quæ ad unum per modum naturæ antecederet determinat.*

Ad tertium etiam patet solutio: Major enim eodem modo distinguenda est, quo in præcedentibus argumentis. Prædefiniri actum liberum, est prædefiniri actum qui non trahat necessitatem essendi ex causa antecedenti: prædeterminate ad unum per modum naturæ, concedo Majorem: prædeterminate ad unum per modum liberi, nego Majorem. Vel ex causa antecedenti, quæ non habeat in sua potestate voluntates hominum, & earum libertatem ac determinationē radicaliter seu eminentem non contineat, concedo Majorem. Ex causa antecedenti, quæ habeat in sua potestate voluntates hominum, earumque libertatem eminentissimo & perfectissimo modo contineat, nego Majorem. Unde cum divina prædefinitio prædeterminet ad unum per modum liberi, & descendat ex infinita efficacia divine voluntatis, quæ est prima radix nostræ libertatis, eamque radicaliter seu eminentem præcontineat: quamvis actus liberi nostræ voluntatis, ex illa trahant aliquam necessitatem essendi (scilicet infallibilitatis) remanet tamen illa & incolumis arbitrii nostri libertas.

Ad quartum respondeo Majorem (quæ asserit quod a necessitate quam abhorret agens liberum, est illa cuius causam nec impedire potest nec vincere) esse verā, quando causa est particularis, & finita ac limitatæ virtutis, ut sunt omnia agentia creata: secus autem quando est universalis, & infinitæ virtutis & efficacie, ut est divina prædefinitio. Nam hæc, ratione hujus universalis causalitatis, & infinitæ efficacie quæ pollet, est dativa & causativa libertatis, & substantiam ac modum libertatis, in nostris operationibus attingit, ut suprà ostendimus. Unde tantum abest, ad libertatem requiri quod agens liberum ejus vim & efficaciam possit vincere aut impedire, quin potius illi resisteret, eamque vinceret, aut impediret, tolleretur libertas; quia prima ejus radix, infinita scilicet divine voluntatis efficacia, destrueretur. Quare D. Thomas suprà relatus asserit: *Ex hoc quod nihil voluntati divine resistit, sequi quod non solum fiant ea quæ Deus vult fieri, sed quod fiant contingenter vel necessariis, quæ sic fieri vult*. Et Sylvius in opusculo de primo Motore, & 1. p. quæst. 19. art. 8. restatur hanc propositionem: *Quod ex inimpedibili per necessarium sequitur consequentiam, hoc inimpedibile est & necessarium*, fuisse damnatam Romæ à Xisto IV. anno 1476. in quodam Petro de Rivo, Doctore Lovaniensi,

& ab eodem Rivo retractatam. Idem asserunt A Doctores Lovanienses in justificatione & defensione ejusdem Censuræ suæ, Parisiis impressæ anno 1641. Nam ibidem cap. 4. num. 81 expressè dicitur, prædictam propositionem in ipsa Universitate Lovaniensi fuisse olim ante 112. annos censam & abjectam, & deinde Romæ ipso Rivo præfente, sub Xisto IV. damnatam, & ab eodem Rivo recantatam.

159 Ex quo duplici testimonio, omni exceptionemajore, infringitur responsio Cardinalis De Lugo dicentis propositionem à præfato Authore assertam, & ab illo Pontifice proscriptam, non fuisse illam quam retulimus, sed istam: *Quod ex præcedenti ordine successivæ durationis sequitur per necessariam consequentiam, necessarium & inimpedibile est.* Neque enim par est credere, Sylvium, virum prudentem, sapientem, & in omni palli suo solidum, hujus propositionis censuram in suis ad primam partem D. Thomæ commentariis voluisse inferere, eamque in opusculo quod de primo Motore edidit, confirmare, ac denudò asserere, & tam sedam levitatis, vel ignorantie, aut negligentie, & dormitionis, in hoc duplici eximio opere, notam imprimere, nisi de illius veritate fuisset omnino certus. Multo minus credibile est aut probabile, Professores Lovaniensis Academiarum, quæ magnam sibi promeruit toto terrarum orbe auctoritatem, idem voluisse tam expresse asserere, præsertim in justificatione Censuræ, quam ipsi Nuncio Apostolico, Galatino Episcopo, die 9. Septembris 1588. per Decanum ejusdem Facultatis, Dominum Henricum Cuvichium, exhibuerunt, nisi de ejusdem propositionis Censura fuissent etiam certi. Crediderim potius his quæ præfatus Cardinalis, in sui de hac propositione judicii confirmationem, loco citato adducit, deesse quidpiam, quam Sylvio & Doctoribus Lovanensibus, in his quæ ad manum illis erant exquirendis aut investigandis, diligentiam & sedulitatem defuisse.

160 Certe tamen, etsi gratis concedatur, dictam propositionem non fuisse damnatam, sed aliam quam refert De Lugo, semper tamen illa remanet de errore suspecta, quia ut ostendit Sylvius ubi supra, prior illa propositio ex posteriori sequitur. Nam si non est necesse id quod per necessariam consequentiam sequitur ex aliquo præcedenti ordine successivæ durationis, esse inimpedibile & necessarium; à fortiori non erit necesse, id quod per necessariam consequentiam sequitur ex aliquo præcedenti liberi arbitrii determinationem & consensum, prioritate naturæ, esse necessarium & inimpedibile, seu non liberum, & contingens. Quia ut supra arguebamus, ea quæ prioritate naturæ contingentiam & libertatem antecedunt, eam causant & non destrunt; prioritas enim naturæ est prioritas casualitatis & dependentiæ, & competit causæ & principio actuali, in ordine ad effectum quem actu producit.

161 Ad quantum distinguo Majorem. Quando antecedens est causa consequentis, independens à libertate, nemo dubitare potest quod non sit tantum necessarius consequentia, sed & consequentis. Si antecedens sit causa consequentiæ, solum quantum ad substantiam & entitatem actus, verum est. Si sit causa consequentis, non solum quantum ad substantiam, sed etiam quantum ad modum contingentiam & libertatis in conclusionem (ut contingit in proposito) falsum, Nam ut supra ex D. Anselmo retulimus:

*Quoniam quod Deus vult non potest non esse, si Deus vult voluntatem humanam nullā cogi vel prohiberi necessitate ad volendum, tunc necesse est voluntatem esse liberam & esse quod vult.* Unde patet disparitas ad exemplum de visione beatifica ab argente adductum. Hæc enim, cum tollat indifferentiam objectivam judicii, quæ est proxima radix libertatis, nec in voluntate beatorum relinquitur potentiam ad non diligendum Deum, in amore beatificum non influit libertatem, sed necessitatem. E contra verò, cum divina prædefinitio utrumque præstet, causat libertatem & contingentiam in actibus prædefinitis.

## §. I V.

*Aliud ejusdem Annati argumentum dissolvitur.*

Idem Authorem disp. 1. cap. 6. §. 1. probat admit- 161 tendam esse in Deo scientiam mediam, eò quod *Admissa scientiā mediā non sit difficile ad intelligendum, quomodo Deus prædefinire possit actum liberum, illas à ejus libertate, & eaque seclusā quomodo sit divina prædefinitio cum libertate actus prædefinit, adeo sit capta difficile, ut sit hic etiam unus ex maximis Adversariorum laboribus. ... Suntque aliqui Authores, qui cum habeant usum scientiæ mediæ, velintque nihilominus retinere prædefinitiones actuum liberorum, huc difficultati succumbunt, ut videre est in Cajetano &c.*

Respondeo primò: hunc modum ineundæ 163 libertatis quem Molina excogitavit, non esse ita facilem, quin ex illo gravissimæ emergant difficultates, & plura sequantur absurda & inconvenientia, quæ Tractatu 3. fusè expendimus impugnando scientiam mediam. Sed nec ita clarum & perspicuum, quin multi existiment veritatem illam objectivam futurorum contingentiam, à divino decreto independentem, eoque anteriorem, quæ est præcipuum scientiæ mediæ fundamentum, esse obscurissimam, ac prorsus inintelligibilem. Unde Suarez lib. 1. de essentia prædest. cap. 7. num. 8. & tomo 1. de grat. proleg. 2. num. 12. ait quod non intelligentes qualiter futura conditionata contingentia sint scibilia, prout antecedunt determinationem divinæ voluntatis, quiescere debent, confluentes ad infinitatem divinæ scientiæ.

Præterea, Dato quod modus ille conciliandi 164 libertatem à Molina excogitatus, sit ita facilis & perspicuus, ut ab omnibus intelligi valeat, & facilem reddat, ut ait Adversarius, bonorum actuum prædefinitioem; alter verò obscurior, & difficilior, & paucis intelligibilis: dico tamen hanc nimiam facilitatem & claritatem in hac materia esse valde suspectam, ac similem ignibus illis fallacibus & fatuis, qui viatores decipiunt, & ad precipitia ducunt. Nam D. Augustinus de prædest. Sanct. cap. 14. loquens de hac concordia, ait *Esse difficile ad solvendum questionem.* Epist. 2. ad Valentinum *difficillimam* vocat Epist. 1. *Difficillimam & paucis intelligibilem.* Et in libro de gratia Christi cap. 47. sic ait: *Ista questio ubi de libero arbitrio voluntatis, & de Dei gratia disputatur, ita est ad discernendum difficilis, ut quando descenditur liberum arbitrium, negari Dei gratia videatur; quando autem asseritur Dei gratia, liberum arbitrium putetur auferri.* Unde gravi difficultate premissi facietur libro 2. de peccat. meritis & remissione, cap. 18. ne liberum arbitrium gratiā, aut gratiam libero arbitrio excludat.



Ipsa etiam ratio (inquit) quæ de iis rebus à talibus quales sumus iniuri potest, quemlibet nostrum querentem vehementer angustat, ne sic defendamus gratiam, ut liberum arbitrium asserere videamur: rursum liberum sic asserimus arbitrium, ut superbâ impietate, ingrati Dei gratiæ iudicemur. Ex quibus verbis Julianus sumpsit occasionem calumniandi tandem Augustinum, quasi dixisset gratiam non posse cum libero arbitrio coherere. Quam calumniam à se repellit S. Doctor libro 4. contra ipsiū, cap. 8. his verbis: Tu autem vir honestus & verax, abstulisti verba quæ dixi, & dixisti quod ipse sinxisti. Ego enim dixi istam questionem ad discernendum esse difficilem, non autem dixi non posse discerni. Redde verba mea, & vanescet calumnia tua.

Denique idem Augustinus libro de gratiâ & libero arbitrio, quem ad Valentinum Abbatem, & ad Monachos cum illo commorantes direxit, ut illis difficilem hanc libertatis cum divina gratiâ & prædestinatione concordiam, quæ maximas inter illos rixas & contentiones concitaverat, explicaret hæc scribit cap. 1. Nunciatum est mihi de vobis, fratres, & aliquibus qui in vestra congregatione sunt, & ad nos inde venerunt, per quos & ista direximus, quod de hac (concordiâ scilicet liberi arbitrii cum gratiâ & prædestinatione) diffusiones in vobis sunt. Itaque dilectissimi ne vos percurber huius questionis obscuritas, moneo vos primum, ut de his quæ intelligitis agatis Deo gratias, quidquid est autem quod pervenire nondum potest vestræ mentis intentio, pacem inter vos & charitatem servantes, à Domino ut intelligati orate &c.

Augustino concinunt celebriores Theologi, quos recenset Alvarez disp. 118. de auxiliis. Quatuor tantum hæc referam, ingenio & eruditione præclaros. Primus est Cardinalis Cajetanus, qui variis in locis huius concordiæ obsecuritatē & difficultatem ingenue proficitur (quod perperam vocat P. Annatus difficultati succumbere). Nam in cap. 9. Epist. ad Roman. hæc scribit. Et cum obijci, conjunge hæc duo simul (nempe electionem Dei esse infallibiliter effectum habituram, & quemlibet nostrum esse liberi arbitrii) Respondeo me scire quod verum vero non est contrarium, sed nec scire conjungere; sicut nescio mysterium Trinitatis, sicut nescio animam immortalem, sicut nescio Verbum caro factum esse, & similia, quæ tamen omnia credo. Et i. p. quæst. 22. ad art. 4. eandem difficilem questionem pertractans, ait: Iu ea quiescere debet intellectus, non evidentiâ veritatis inspecta, sed altitudine inaccessibleis veritatis occulta. Et hoc ingenio meo satisfactorie videtur, propter rationem prædictam, tum quoniam, ut ait Gregorius, minus de Deo sentit, qui hoc tantum de eo credit, quod suo ingenio metiri potest. Nec propterea negandum ali-

mus, & experimur in nobis, scilicet quod omnia quæ sub libero arbitrio nostro continetur, evitabilia à nobis sunt, & propterea digni sumus panâ vel premio. Quomodo autem hoc salvo, divina salvetur providentia ac prædestinatio &c. credere quod sancta Mater Ecclesia credit. Scriptum est enim, aliora te ne quæsieris, plurima enim sunt supra sensus humanos revelata, & hoc est unum ex illis, Similia habet Dominicus Soto in cap. 9. Epistolæ ad Romanos.

Sed quia fortè Patrum Dominicanorum testimonio Adversarii possent esse suspecta, unum proferam ex Patribus Societatis, quem Possivinus virum insigni eruditione & perspicuitate re-fertum appellat. Hic est Benedictus Pererius, qui tomo 6. disputationum selectarum in sacram Scripturam, ad illa verba Apostoli ad Rom. 9. Ergo cuius vult miseretur, eandem questionem (de concordia scilicet libertatis cum prædestinatione & gratiâ) expendens, ait: Hæc duo manifestæ esse, & ex sacris litteris, & secundum rectam rationem; homines à Deo prædestinatos, necessariò (necesse dico infallibilitatē) salutem suam consequi, nec perire posse, & hominem esse liberi arbitrii ad eligendum quodcumque voluerit, sive bonum, sive malum. Verum quo tandem vinculo sive glutino connectantur ista & copulentur inter se, videtur incomprehensibile homini in hac vita. Et paulò infra, huius difficultatis intelligentiam, non secus ac mysterii sanctissimæ Trinitatis, cum Cajetano, differt usque ad æternæ vitæ fructuionem, asseritque D. Augustinum hanc non potuisse comprehendere difficultatem, imò & Apostolum argumentum sibi propositum non alio modo diluisse, quàm per hanc exclamationem: O homo tu quis es qui respondeas Deo!

Expressius adhuc loquitur Franciscus Zúmel 1. 2. quæst. 111. art. 3. disp. 7. ubi hæc scribit: Mirabile est argumentum quod Adversarii consueverunt, cum dicunt se non posse intelligere, quo pacto salvetur concordia liberi arbitrii cum gratiâ, nisi tollendo prioritatem divini auxilii efficacis: mirabile, inquam, est argumentum, quia ipsi non intelligunt, fides & Ecclesiæ intelligit &c. Postea subdit: Quod si ego non intelligo, non ob hoc deferenda est veritas Catholica: etenim si tam clara & aperta esset liberi arbitrii cum gratiâ efficaci concordia, ut isti dicunt, non est cur tantopere laboraret Augustinus, & laboraret Ecclesiæ &c.

Eadem veritas ratione tuaderi potest. Primò quia concordia gratiæ efficacis & doni per se levem tantæ, cum libertate & mutabilitate arbitrii creati, pertinet ad mysterium prædestinationis, & est præcipuus ejus effectus: Ergo sicut prædestinationis mysterium non potest in hac vita penetrari, & clarè cognosci, ita nec illa concordia.

Secundò, Quia ut supra vidimus ex D. Thoma, vinculum illud quo hæc extrema inter se connectuntur, est effectus divini omnipotentis: Deus enim (inquit S. Doctor) hoc sua omnipotentia facit, ut voluntas illud in quod mutatur, voluntarie velit: Sed effectus divini omnipotentis non possunt solo lumine naturali à nobis penetrari & comprehendi: Ergo nec illa concordia. Unde inquit Augustinus lib. 1. contra litteras Petilianas cap. 84. Si tibi proponam questionem, quomodo Deus Pater attrahat ad solum homines quos in libero dimisit arbitrio: fortassis eam difficile soluturus es: quomodo enim attrahit, si dimittit ut quis quod voluerit eligat? &c.

tamen utrumque verum est, sed intellectu hoc penetrari pauci valent.

- 170 Tertiò, Si in ordine naturali tot sint arcana & secreta quæ humani ingenii vires transcendunt, & à nobis in hac vita perfectè cognosci non possunt, ut natura temporis, compositio continui, fluxus & refluxus Oceani, multa quæ alia quæ Philosophorum ingenia absorbent, aut torquent: quid mirum, si divinæ gratiæ operatio in nobis, secretissima sit, ac soli ejus largitori plenè cognita? Si difficile estimamus quæ in terris sunt, & quæ in prospectu sunt invenimus cum labore: quæ autem in cælis sunt quæ investigabit? sensum autem tuum quæ sciet, nisi tu dederis sapientiam, & miseris Spiritum sanctum de altissimè? Sapientiæ 9.

- 171 Sicut ergo Suarez suprà relatus ait, quòd non intelligentes qualiter futura contingentia conditionata, sint scibilia, prout antecedent determinationem divinæ voluntatis, quiescere debent confugientes ad infinitatem divinæ scientiæ. Ita similiter nos dicimus, quòd licet in hac vita plenè & perfectè non intelligamus, qualiter possit Deus movere efficaciter liberum arbitrium ad bonè, liberè, & infallibiliter operandum, quiescere debemus confugientes ad efficaciam infinitam divinæ voluntatis & omnipotentis. Et mirum est quòd Suarez, & alique Recentiores, hanc fidem cæcæ à Thomistis exigant, quantum ad ea quæ spectant ad scientiam mediam, & ad veritatem objectivam futurorum contingentium ante decretum; & tamen quando agitur de concordia libertatis cum divinorum decretorum & auxiliorum efficacia, non solum eam exhibere recusent Augustino, aliusque Theologis suprà relatis, asserentibus in hac difficultate & obscurissima concordia, capitandum esse intellectum in obsequium fidei, ejusque claram & evidentem notitiam, usque ad visionem beatificam esse differendam; verum etiam ipsos Thomistas derideant, eò quod asserant, non esse possibile humanæ menti, nexum hunc divinæ motionis efficacissimæ cum nostræ voluntatis libertate, in hac vita comprehendere, cum tamen utrumque; connexorum fateri necesse sit. Quod, inquit Petrus à S. Joseph, in opusculo quod D. Thomæ defensionem appellat, Per-

*Diff. velle dictum esse apud Pythagoræos qui jurabant in verba Magistri: apud illos autem qui non tam curant quid quisque privatus Doctor asserat, quàm quod solide probet, levis hac credulitas parùm appositè ingeritur.*

- 172 Sed audiat quæso Petrus, non Pythagoram loquentem, non privatum doctorem discurrentem & ratiocinantem, sed ipsummet Augustinum, ipsum, inquam, Ecclesiæ Salomonem, oracula fundentem serm. 20. de verbis Apostoli cap. 7. ac sibi dicentem. *Quæru tu rationem, ego exparvècam altitudinem: O altitudo divitiarum sapientiæ & scientiæ Dei! tu ratiocinare, ego mirer: tu disputa, ego credam: altitudinem video, ad profundum non pervenio: O altitudo!... Requievit (Apostolus) quia invenit admirationem, nemo quærat à me occultorum rationem. Ille dicit inscrutabilia sunt judicia ejus, & tu scrutari venisti? Ille dicit investigabiles sunt viæ ejus, & tu investigare venisti? Si inscrutabilia scrutari venisti, crede jam peristi. Tale est velle scrutari inscrutabilia, & investigabilia investigare, quale est velle invisibilia videre, & ineffabilia fari. Ergo adificetur domus, cum perveneris ad dedicationem, tunc forsasse inveniet ipsoꝝ occultorum aperitissimam rationem. Certè sapiens hæc Augustini admiratio, securior nobis videtur quàm*

omnis humana ratiocinatio. Sacra hæc obsecritas & caligo (in qua, ut ait Dionysius, Deus splendet) clatior ac lucidior nobis apparet, quàm lux illa Molinistica, quæ clarè videre præsumit, ubi Doctorum Aquila se caligare fatetur. Hæc docta Augustini ignorantia, sapientior est omni humanæ sapientiæ: nam ut dicit Hieronymus: *Melius est aliquid nescire, quam cum periculo discere.* Vel ut loquitur ipsemet Augustinus, *Melior est fidelis ignorantia, quàm temeraria scientia.*

Dices: Argumenta quæ sunt contra concordiam libertatis cum divina providentia & prædestinatione, sunt solubilia, & de facto solvuntur à Theologis: Ergo hujus concordia possibilitas potest in hac vita manifestè cognosci. Consequentia videtur manifesta: qui enim solvit argumenta quæ probant aliquorum extremorum conjunctionem repugnare, evidenter ostendit illam esse possibilem.

Pro solutione hujus argumenti, observandum est cum Cajetano: aliquod mysterium posse demonstrari evidenter possibile duobus modis, positivè scilicet & negativè. Tunc demonstratur evidenter positivè, cum probatur mediis naturalibus possibilem esse connexionem prædicati cum subiecto, v.g. Dei cum homine. Dicitur verò demonstrari evidenter negativè, quando ostenditur nihil reperiri quod evidenter probet illud mysterium esse impossibile, & solvuntur argumenta quæ sunt contra ejus possibilitatem: v.g. si infidelis arguet contra fidelem, hoc modo. *Omni natura quæ est una numero, est etiam una in supposito: Sed natura divina est una numero: Ergo & una in supposito:* fidelis autem distinguere Majorè, dicens eam esse veram in naturis finitis, non autem in natura infinita; & assereret nullo modo probari posse de natura infinita, quòd sit una in supposito, jam evidenter negativè probaret possibilitatem mysterii Trinitatis. Si verò præterea ipse fidelis (quod tamen fieri nequit) haberet medium efficax, quo evidenter probaret hanc propositionem, *natura infinita potest esse in tribus suppositis realiter distinctis*, in tali casu probaret evidenter positivè possibilitatem mysterii Trinitatis. Hoc præsupposito.

Ad argumentum respondeo, concessio Antecedente, distinguendo Consequens. Ergo hujus concordia possibilitas potest in hac vita evidenter cognosci: Evidenter positivè, nego. Evidenter negativè, concedo. Ad probationem in contrarium, similiter dicendum est, quod ille qui solvit argumenta quæ probant aliquorum extremorum conjunctionem repugnare, ostendit illam esse possibilem, evidenter negativè, non tamen evidenter positivè. Unde omnia argumenta quæ suprà adduximus, cum ad probandum divinorum decretorum efficaciam non ledere arbitrii libertatem: tum ad convellenda adversæ sententiæ fundamenta, hujus concordia possibilitatem, solum evidenter negativè ostendunt, & si interdum probando nostram sententiam diximus evidens aut manifestum esse, decretum prædeterminans non tollere aut ledere libertatem, hoc de evidentiæ negativa non verò de positiva intelligentum est.

(::)

## §. V.

*Alia aduersæ sententiæ argumenta diluuntur.*

176 **O**bjicies primò: Si Deus vellet impouere necessitatem voluntati creatæ, non posset id præstare per aliquid fortius & potentius, quam per motionem illam physicam, derivatam à decreto prædeterminante, quia nihil illà habet fortius & potentius: Ergo si de facto illam mouet & prædeterminat, per talem motionem, & prædeterminationem, ei necessitatem imponit, ejuſque libertatem destruit.

177 **R**espondeo ex Capreolo in 1. dist. 35. quæst. 1. art. 3. concesso Antecedente, negando Consequentiam. Quia licet Deus nihil illà motionem habeat fortius & potentius, habet tamen diversos modos mouendi per illam, quibus potest imponere necessitatem, vel causare libertatem. Nam potest hominem mouere ad unum per modum naturæ, tollendo ab ejus intellectu indifferentiam obiectivam judicii, & à voluntate potest ad oppositum; ut contingit in amore beatifico, & in volitione boni in communi. Potest etiam illum mouere ad unum per modum liberi, relinquendo in intellectu indifferentiam obiectivam judicii, & in voluntate potentiam ad oppositum; quo pacto mouet hominē in statu viæ ad omnes actus humanos & deliberatos; ac proinde per talem motionem, nō imponit ei necessitatem, sed potius causat & perficit ejus libertatē.

Explicari potest res ista exemplo quidem humili, sed tamen aptissimo, quod habet recens Author Ildephonus Michaël Zamorensis romo 1. in 1. p. ad art. 8. quæst. 19 ubi refert, olim dum in gymnasio Complutensi publicè théses de physica prædeterminatione defenderet, à quodā fuisse obiectū, Deum suā motionem physicā ita voluntatē premere, & libertatē omnem veluti conterere & cominuere, non secus ac si quis imensum ferri pondus super ova projiceret, quæ dubio procul miserè cōfringeret. Sed acutè respondit citatus Author, durius esse ferri pondus, & crassius exemplum, quàm ut admitti possit, ubi de motione Dei agitur omnino spiritali, & quæ res pro cuiusq; natura mouet. Sed si Deus cum voluntate cujus principium est conferatur, & ita esse habere existimetur ut gallina cum ovis quæ produxit, probari sibi exemplū, nec alio luculētiore possentem istam explicari. Ita enim gallina quæ ova produxit, iis incubat, eaq; industriā sese componit, ut nullū frangat, nullum lædat, sed ea foveat & calefaciat, & ex iis pullos educat. Idem plane de Deo sentiendū: cum enim sit voluntatis Author, ita eā regit, moderatur, & foveat, ut libertatem nō lædat, sed potius seruet & foveat, juxta illud quod ex D. Prospero suprà retulimus: *Arbitrium hominis gratia Dei non abolet, sed adest.*

178 **O**bjicies secundò: Illud destruit libertatem voluntatis, quod tollit ejus indifferentiam: Sed decretum prædeterminans tollit indifferentiam voluntatis, cum eam determinet ad unum actum eliciendum, ad amorem v. g. potius quàm ad odium: Ergo destruit ejus libertatem.

179 **A**d hoc argumentum patet solutio ex suprà dictis: Major enim distinguenda est. Quod tollit ejus indifferentiā, actuale & positivam, concedo Majorem. Potentialem & privativam, nego Majorem; & sub eadē distinctione Minoris, nego Consequentiam. Itaq; duplex solet in voluntate distinguī indifferentia: una potēstialis & privativa, seu suspensiva, quæ cum importet potentialitatem, & suspensionem ac carentiam actūs,

**A** dicit imperfectionē; nec reperitur formaliter in Deo, sed tantum eminenter. Alia actualis & positiva, quā voluntas à Deo eligit & se determinat, retinendo potentiam ad oppositū; & hæc est perfectio simpliciter simplex, & convenit Deo formaliter, & non tantum eminenter. Licet ergo decretum prædeterminans, primam indifferentiā, seu potentialitatem ac suspensionem voluntatis tollat, eam actuando, & reducendo de actu primo ad secundū; quia tamen non tollit, sed causat secundam; libertatem nostræ voluntatis non tollit, sed perficit, auferendo ab ea aliquem defectum & imperfectionem, ut suprà explicatū est.

**O**bjicies tertio: Voluntas non potest determinari per aliquid prævium ad ejus operationem, etiam prioritatem naturæ: Ergo nec prædeterminari. Consequentia patet, Antecedens probatur. Determinatio voluntatis debet esse voluntaria & libera: Ergo non potest esse quid prævium ad ejus operationem, etiam prioritatem naturæ. Antecedens est certum, Consequentia verò probatur. Nihil potest esse voluntarium & liberum, nisi vel supponat actum voluntatis, vel sit ipsemet actus voluntatis: Ergo si determinatio voluntatis sit libera & voluntaria, nō potest esse quid prævium ad ejus operationem, etiam prioritatem naturæ.

**R**espondeo distinguendo Antecedens. Voluntas non potest determinari formaliter per aliquid prævium, concedo Antecedens. Non potest determinari causaliter, nego Antecedens, & Consequentiam. Ad cujus probationem, similiter distinguo Antecedens. Determinatio causalis voluntatis debet esse voluntaria & libera, causaliter & ut quod, concedo Antecedens: formaliter & ut quod, nego Antecedens & Consequentiam.

**E**xplicatur: Duplicē in voluntate creata solent distinguere Theonistæ determinationem: unam causalem, & alteram formalem. Prima est à solo Deo, ut à primo libero, & determinante, primoq; electionū nostrarū principio: secunda est à Deo & à voluntate creata simul operantibus. Ad primam voluntas se habet merè passivè, illā à Deo recipiendo: ad secundā Deo movēti & applicanti liberè cooperatur. Prima antecedit libertatē nostræ voluntatis electionē, prioritatem naturæ; secunda verò est ipsa libera electio & actio voluntatis, quatenus exit ab ipsa, ut mota & applicata à Deo. Deniq; prima determinatio est libera & voluntaria, solū casualiter & ut quod, quia efficit quod actus liber & voluntarius exeat à voluntate: sicut semel dicitur vivens ut quod, quia est instrumentū generantis ad vitā comunicandam. Altera verò est voluntaria & libera, non solū ut quod & virtualiter, sed etiam ut quod & formaliter: unde licet ista non possit esse quid prævium ad operationē voluntatis, etiam prioritatem naturæ, bene tamen illa.

**O**bjicies quarto: Voluntas prædeterminata ad actum amoris v. g. non retinet potentiam ad actū odii, vel ad negationē amoris: Ergo non liberè, sed necessariò amat. Consequentia patet, ad libertatē enim requiritur ut voluntas ita moveatur & determinetur à Deo, ut sub tali motione & determinatione, retineat potentiam ad oppositū, ut constet ex suprà dictis. Antecedens verò in quo est difficultas, probatur primò. Possibili posito in actu, nullum sequitur impossibile: Sed posita prædeterminatione ad amorē, sequeretur impossibile, si voluntas non amaret: Ergo nō est possibile eam nō amare. Major patet, Minor verò probatur. Fieri non potest, ut in eodē instanti simul sit amor & nō amor, vel odium: Atqui si vo-

luntas præmota ad amorem, non amaret, simul essent amor & non amor, vel etiã odiũ in voluntate: Ergo posita prædeterminatione ad amorẽ, sequeretur impossibile, si voluntas non amaret.

Secundò, Si voluntas præmota ad amandum posset non amare, posset irritam facere divinam præmotionem: Sed hoc est impossibile, cum illa sit executio & instrumentum voluntatis Dei absolute & efficacia, quæ nunquam potest frustrari: Ergo idem quod prius. Sequela Majoris probatur. Si voluntas præmota ad amorem, non amaret, irritam faceret divinam præmotionem: Ergo si posset non amare, poterit illam irritam facere. Consequentia videtur manifesta, quia ut communiter dicitur: *Quod facit actus actus, hoc facit potentia possibiliter*. Ergo si actus non amare, sit irritam facere divinam præmotionem, posse non amare, est eam posse irritam facere.

Tertiò, frustra est potentia quæ nunquam reducit in actum: Sed illa potest ad non amandum quæ est in voluntate præmota ad amorem, nunquam reducit in actum: Ergo est frustra.

Antequam hæc argumenta diluamus, Advertendum est, illa æq; militare contra gratiam congruam, ac contra gratiam prædeterminantem, ac proinde ab Adversariis esse solvenda. Nam si homo vocatus vocatione congruã, vocationi nõ consentiret, sequerentur plura impossibilia nẽpe quod eadem vocatio simul esset congrua & incongrua, quod divina præscientia falleretur, & quod in eadem voluntate simul essent assensus ac dissensus, ut consideranti patebit. Item si homo excitatus gratiã congruã non consentiret divinæ vocationi, redderet gratiam illam incongruam, & falleret divinam præscientiam: Ergo si posset non consentire, poterit reddere gratiam incongruam, & fallere divinam præscientiam: *quod enim facit actus actus, hoc facit potentia possibiliter*. Tertiò, Potentia ad dissentiendum quæ est in voluntate excitata gratiã congruã, nunquam reducit in actum; nusquam enim contingit, vel contingit, quod vocatus gratiã congruã, divinæ vocationi non consentiat; quia ut docent ejus defensores, talis gratia sæpè & infallibiliter fortitur suum effectũ: Ergo talis potentia est otiosa & frustranea; frustra enim est potentia, quæ nunquã reducit in actũ. Videant ergo Adversarii, quomodo tela projecta in projectientẽ recidant.

Neque valet si dicas inter gratiã congruam & prædeterminatẽ, hoc interesse discriminẽ, quod prima includit liberũ nostræ voluntatis consensum, ut à Deo prævisum per scientiam mediam; altera verò illum non includit, sed antecedit. Nã præterquam quod hæc disparitas nõ est ad rem, nec juvat ad solvenda argumenta proposita, fuisse antea impugnata est. Ostendimus enim, quod sicut gratia congrua formaliter includit liberum nostræ voluntatis consensum, ut à Deo prævisũ per scientiam mediam; ita & gratia prædeterminans includit illum radicaliter, virtualiter, aut eminenter: Tum quia procedit ab infinita divinæ voluntatis efficacia, quæ est prima nostræ libertatis radix & origo: Tum etiam, quia liberum nostræ voluntatis consensum non aliter antecedit, quàm per modum causæ & principii actualis illius, ac solã prioritate causalitatis & naturæ, illumque connocat tanquam effectum à se causatũ, & derivatũ: quia, ut docet Augustinus, talis gratia causat in nobis liberrimam, fortissimam, & invictissimam voluntatem, facitque homines ex nolentibus volentes, & ex repugnantibus consentientes. Hæc p̃ximillò,

Ad argumentum respondeo, negando Antecedens. Ad cujus primam probationem, distinguo Majorem. Possibili posito in actu, nullum sequitur impossibile: Per se loquendo & absolute, nullaq; factã suppositione, concedo. Per accidens, & factã aliquã suppositione, nego: Nam quando aliquis est iustus & habet gratiam, retinet potestiam ad peccandum, & tamen si in eo instanti in quo habet gratiam poneretur peccatum, sequeretur aliquid impossibile, nempe quod in eodẽ homine gratia sanctificans & peccatum simul reperirentur. Item quãdo quis amat, retinet potentiam ad non amandum, & per consequens est tunc possibilis carentia amoris, quæ tamẽ si tunc poneretur, sequeretur aliquid impossibile, nimirum quod in eadem voluntate simul esset amor & ejus carentia. Idem cum proportionẽ dicendum est de prædeterminatione ad amorem, cum enim prioritate tantũ natura illum antecedit, & sit in eodem instanti temporis & durationis cum illo, eandem habet impossibilitatem cum negatione amoris, ac ipsemet amor qui infallibiliter eam consequitur.

Ad secundam probationem, distinguo Majorem. Si voluntas præmota ad amandum posset non amare, potentia consequeretur, & in sensu composito, posset irritam facere divinam præmotionem, concedo Majorem. Si posset non amare, potentia solum antecederet, & in sensu diviso, nego Majorem. Ad cujus probationem, concedo Antecedente, nego Consequentiam. Ad axioma verò quod adducitur, dicendum est illud verificari quando sit comparatio inter potentiam & proprium actum ei correspondentem; secũs autem si non fiat hoc modo comparatio, ut contingit in proposito. Nam actu non amare, stante prædeterminatione ad amorem, est actus potentie consequentis, quæ est infallibiliter cum actu conjuncta: potentia verò ad odiũ, quæ est in voluntate prædeterminata ad amorẽ, est solum potentia absoluta, & antecedens, quæ est ab actu separata; sive ut alii dicunt, est solum potentia pure possibilis, non autem potentia positionis, qualis est etiam potentia ad dissentium quæ est in voluntate, gratiã congruã excitata, ut docent Adversarii. Unde

Ad tertiam probationẽ dicendum est, quod ut potentia quæ est ad utrumlibet non sit frustra, sit est quod ponat unum ex duobus actibus contrariis quos respicit, & tunc servet potentiam absolutam & antecedentẽ ad alium ponendum; licet talis potentia sub tali statu & suppositione nunquam in actu reducatur, imò nec reduci possit. Patet hoc in ipsa voluntate, quæ dum actu amat, retinet potentiam ad odium, nec frustra est talis potentia, licet exerceri non possit, nisi sublato illo actu, & non simul cum illo, quia ad hoc nulla est potentia ut simul duo oppositi actus conjungantur. Idem cum proportionẽ dicendum est de voluntate ad amorem prædeterminata: potentia enim ad odium quam sub tali prædeterminatione retinet, nõ debet censeri otiosa, quia absolute potest in actum reduci, licet sub tali suppositione & statu nunquã reducatur in actũ. Sicut etiam licet in sententia Adversariorũ, potentia ad dissentiendum quæ remanet in voluntate excitata gratiã congruã, nunquam in actu reducatur, nõ censetur tamẽ otiosa & superflua.

Addo quod, plures sunt aliæ potetie, quæ nunquã reducuntur in actũ, & tamen non censentur frustraneæ. Nam prædestinatus potest damnari,



& reprobis salvari, & tamen nunquam evenit aut eveniet, quod prædestinatus damnetur, aut reprobis salvetur: juxta illud D. Bonaventuræ, quod suprà retulimus: *Quando alicui debetur locus secundum prædestinationem divinam, potest quidem cadere, & locum perdere, & alius qui non est prædestinatus, potest locum acquirere, & tamen nunquam hoc eveniet.* Item ille cui ex Christi meritis tribuitur perseverantiæ donum, potest quidem non perseverare, si velit; tamen certò & infallibiliter perseverat, & nunquam contigit, neque contingit, quod actu & defecto non perseveret, ut docet Petavius tomo 1, lib. 9. cap. 7. cujus verba art. præcedenti §. 2. retulimus. Unde Augustinus de corrept. & gratia cap. 7. *Horum si quisquam perit, salitur Deus: sed nemo eorum perit, quia non salitur Deus. Horum si quisquam perit, vitio humano vincitur Deus: sed nemo eorum perit, quia nullà re vincitur Deus.*

190 Objicies quartò: Voluntas prædeterminata ad amorem, non habet potentiam expeditam ad odium: Ergo non remanet perfectè libera. Consequentia patet, ad perfectam enim libertatem requiritur potentia proxima & expedita ad actus oppositos. Antecedens verò probatur. Ille non censetur habere potentiam expeditam ad aliquem actum, qui habet obicem & impedimentum ligans ipsam potentiam, & ipsam impediens ne eliciat talem actum; ut constat in eo qui est confectus compedibus, vel ligatus vinculis; talis enim ratione illius impedimenti non censetur habere potentiam expeditam ad ambulandum: Sed voluntas prædeterminata ad amorem, habet aliquod impedimentum, & veluti quoddam vinculum ipsam ligans, & impediens ne in actum odii prorumpat, nempe prædeterminationem ad amorem: Ergo non habet potentiam liberam & expeditam ad odium.

191 Respondeo negando Antecedens, ad cujus probationem, concessa Majori, nego Minorem. Sicut enim actus ipse amoris quem voluntas elicit, ut à Deo prædeterminata, non impedit potentiam, nec censetur esse obstatum respectu illius, ita nec prædeterminatio ad amorem. Quia sicut amor actualis liberè elicitur à voluntate, & oritur ex ejus electione; ita & prædeterminatio ad illum, datur per modum liberi, & ex prima totius libertatis & contingentie radice descendit. Unde multiplex est disparitas inter prædeterminationem applicantem voluntatem ad amandum, & vincula seu compedes quibus homo detinetur & constrigitur. Prima est, quia illa detentio non est aliquid liberum, vel datum ut determinet per modum liberi, secus autem prædeterminatio; hæc enim est libera ut quo, seu casualiter & radicaliter, daturque voluntati, ut in suo ordine & in ratione secundi liberi & determinantis, se liberè determinet, ut suprà ostensum est. Ex quo oritur secunda differentia: vincula enim & compedes, non accommodantur naturæ potentie progressivæ nec voluntariè ac fuaviter illam deunt, sed violentè & coactè: prædeterminatio autem attemperatur naturæ ipsius voluntatis, eamque movet & applicat ad agendum, fortiter & fuaviter; quia illam movet sub indifferentia objectiva judicii, & cum potentia ad oppositum, ut ejus natura & conditio exposcit. Quod Spiritus Sanctus significare voluit per Oseam Prophetam, cum cap. 11. ait: *In funiculis Adam traham eos, in vinculis charitatis, divi-*

Tom. II.

A enim prædestinationis decreta, & gratiæ efficaces, vocantur quidem vincula, quia eorum certitudo efficacissima, insuperabilis, & immutabilis est; sed tamen amoris vincula, quia suavisissima, & naturæ voluntatis accommodata. Vincula sunt, non tam ligantia, quàm ornantia: Amor enim (ut ait Chrylogus) quem ligat, liberat, quem onerat, ornât & coronat. Vincula sunt, sed antea. Quis autem aureis vinculis trahi, imò & ligari & onerari non vellet? *Delectantur compedibus mulieres* (ait Ambrosius) *dammodo auro ligentur: onera esse si pretiosa sunt, nec putant, nec vincula.*

Aliud etiam inter vincula & prædeterminationem intercedit discrimen. Vincula enim non solvunt, sed ligant potentiam progressivam, & impediunt ne in actum prorumpat: prædeterminatio verò solvit suspensionem & indeterminationem voluntatis, & facit quod in actum se exeret, habeatque actuale suæ libertatis exercitium; unde illa non habet rationem vinculi impediens, aut cogentis, sed actum primum cum secundo indissolubiliter conjungentis.

## §. VI.

*Aliud argumentum solvitur.*

192 Objicies ultimo: Ille non censetur esse completè potens ad operandum, nec consequenter perfectè liber, qui caret aliquâ actualitate aut virtute necessariò requisitâ ad operandum: Sed ille qui non est prædeterminatus ad actum amoris v.g. caret aliquâ virtute vel actualitate, ad operandum necessariò prærequisita, scilicet prædeterminatione, quæ secundum Thomistam est de prærequisitis ad agendum: Ergo ille qui non est prædeterminatus ad actum amoris, non est completè potens, nec consequenter perfectè liber ad amandum.

193 Communis solutio hujus argumenti distinguit inter prærequisita, ad agendum quæ se tenent ex parte potentie & actus primi, & ea quæ se habent per modum applicationis potentie, seu reductivi de actu primo ad secundum; & docet prædeterminationem esse solum de prærequisitis hoc secundo modo, & consequenter ex ejus carentia & defectu, non sequi in voluntate defectum potentie & virtutis activæ, sed tantum carentiam applicationis & actualitatis reducentis de actu primo ad secundum. Potestque hoc explicari exemplo concursus concomitantis Dei, aliquo modo distincti à concursu creaturæ, qui est in sententia Adversariorum indispensabiliter desideretur, ad hoc ut creatura apponat suam partem concursus, non tamen sine illo desinit habere creatura posse simpliciter ad agendum. Quia concursus concomitantis Dei non est de numero eorum quæ dant posse simpliciter, separabile ab actu; sed de numero eorum quæ præsupponunt hoc posse, & requiruntur ad ipsum agere.

194 Verum contra hanc responsionem & communem doctrinam Thomistarum, instant quidam Recentiores, & dicunt primò, illam coherere non posse cum eorum principis. Thomistæ enim docent prædeterminationem antecedere actum secundum, prioritate naturæ & causalitatis: Sed præcedentia causalitatis & naturæ est actus primus: unde licet Solis fecunditas non præcedat nisi naturæ & causalitate emissionis sui radii; tamen Solis virtus est actus primus: Ergo & prædeterminatio.

Secundò, Prædeterminatio, secundum Thomi-

itas, est radix & principium libertatis actualis, seu libera operationis: Sed radix & principium præcedit ut actus primus id cuius est radix: Ergo & prædeterminatio, per modum actus primi operationem liberi arbitri antecedit.

196 Tertiò, Si prædeterminatio non sit actus primus, cum illa non sit actus secundus, sed realiter ab operatione distinguitur, erit actus tertius: Atqui hoc est absurdum, cum omnes Philosophi adæquatè dividant actum in primum & secundum, & nullum agnoscant actum tertium, & idem quod prius.

197 Quartò, Quod pertinet ad ordinem operativum, & non tanquam ipsa actus, nec tanquam pura conditio ad agendum, debet pertinere ad illum tanquam virtus agendi, ac proinde se tenere ex parte actus primi: Sed prædeterminatio pertinet ad ordinem operativum, & non tanquam actio, cum ab ea realiter distinguitur, nec tanquam pura conditio ad agendum: Ergo tanquam virtus agendi ex parte actus primi se tenens.

198 Quintò, Causa secunda non subordinata, nec subiecta primæ, nec dum non agit, sed nec agere potest: Atqui juxta Thomistam, causa secunda constituitur subiecta & subordinata primæ, per prædeterminationem: Ergo sine illa, non solum non agit, sed nec agere potest, ac proinde prædeterminatio constituit causam secundam potentem ad operandum.

199 Denique, Nullum concretum constituitur formaliter tale per aliud, quam per formam abstractam illius; sicut albus per albedinem, iustus per iustitiam: Sed forma abstracta hujus nominis operans, est sola operatio: Ergo quod non est operatio, non constituit principium quæ operans, sed quæ potens ad operandum.

200 Hæc tamen parum urgent, & facile dilui possunt. Ad primum enim, concessa Majori, nego Minorem: nam cum actus primus sit separabilis à secundo, illum præcedit non solum prioritate à quo & naturæ, sed etiam prioritate in quo & existentia. Unde patet disparitas ad exemplum de virtute & fecunditate Solis: idcirco enim virtus & fecunditas Solis est actus primus, quia est separabilis à secundo, saltem per absolutam Dei potentiam; illumque non solum prioritate à quo, sed etiam in quo, præcedit. Secus autem prædeterminatio, hæc enim est omnino inseparabilis ab operatione, cum causam secundam in ratione principii actualis constituat; eamque solâ prioritate à quo, non verò in quo, antecedit.

201 Ad secundam distingo Majorem. Prædeterminatio secundum Thomistam est principium libertatis actualis, seu libera operationis: Principium habituale, nego Majorem: Principium actuale, concedo Majorem. Similiter distingo Minorem. Radix & principium habituale præcedit ut actus primus, concedo Minorem. Radix & principium actuale, nego Minorem, & Consequentiam.

202 Ad tertium nego sequelam Majoris. Licet enim prædeterminatio non sit actus primus, neque secundus, non tamen est actus tertius, sed aliquid medians inter actum primum & secundum, & se habens per modum nexus & vinculi utrumque conjungentis. Sicut in sententia probabilis, unio neque est materia neque forma, sed aliquis modus seu nexus intermedius utramque conjungens.

203 Ad quartum nego etiam Majorem: nam in ordine operativo datur medium inter hoc quod

est esse conditionem ad operandum, & virtutem seu potentiam operativam: scilicet esse applicationem efficacem ad operandum, seu reductivum de actu primo ad secundum, & hoc modo se habet prædeterminatio, quæ propterea à quibusdam Thomistis appellatur *complementum potentia*, quia quælibet potentia completur & perficitur, per hoc quod applicatur ad agendum, & de actu primo ad secundum reductivum.

Ad quintum distingo Majorem: Causa secunda non subiecta nec subordinata primæ, nec habitualiter, nec actualiter, non potest agere, concedo Majorem. Si sit illi subiecta & subordinata habitualiter, seu in ratione actus primi, & principii habituales operationis, quamvis non sit illi subordinata actualiter, seu in ratione principii actualis operationis, nego Majorem. Similiter distingo Minorem: Causa secunda constituitur subiecta & subordinata primæ per præmotionem: In ratione principii actualis, concedo Minorem. In ratione principii habituales, nego Minorem, & Consequentiam. Vel secundo distingo Majorem. Non potest agere: potentia consequenti, & cum actu conjuncta, concedo Majorem. Potentia antecedenti, & ab actu separata, aut separabili, nego Majorem.

Itaque duplex solet distingui principium operationis: alterum habituale, & ab operatione separabile: alterum actuale, & cum actione indissolubiliter connexum. Primum constituitur per virtutes operativas, & per auxilia sufficientia: secundum verò per prædeterminationem, & gratiam efficacem. Illud solam potentiam antecedentem, & ab actu separatam essentialiter importat: istud verò potentiam consequentem, & cum actu conjunctam, atque ab eo inseparabilem; unde quamvis causa secunda non præmota, nec Deo in ratione principii actualis subordinata, non sit potens ad agendum hoc secundo modo, seu potentia consequenti; bene tamen primo modo, ac potentia antecedenti, ab actu separabili.

Ad ultimum, concessa Majori, distingo Minorem. Forma abstracta hujus nominis operans est operatio. Si ly operans sumatur formaliter, & pro principio formalis operationis, concedo Minorem. Si sumatur causaliter, & pro principio effectivo illius, nego Minorem. Similiter distingo Consequens. Ergo quod non est operatio, non potest constituere principium operans: si per principium operans intelligatur principium formale operationis, concedo. Si intelligatur principium causale & effectivum illius, nego.

Duplex ergo debet distingui principium operationis: Alterum formale, quod constituitur per ipsam operationem, sicut albus per albedinem, & iustus per iustitiam. Alterum causale seu effectivum, quod debet constitui per aliquid prius naturâ ipsâ operatione. Cum enim tale principium, operationem prioritate naturæ antecedit, ejus constitutum eadem prioritate debet illam præcedere, ac proinde constitui non potest per ipsam operationem, vel per concurrentem simultaneum in ea imbibitum, sed tantum per concurrentem prævium, seu per prædeterminationem aut gratiam efficacem, applicantem voluntatem, & eam de actu primo ad secundum reductentem.

## §. VII.

*Indiculus falsitatum, quas Thomistæ solent imponere Adversariis.*

**R**em haud inanem, nec Lectori inutilem, aut injucundam me facturum putavi, si in hujus disputationis fine, brevissimè colligerem falsitates & absurda, quæ nobis in hac materia imponere solent Adversarii, ut in hac charta veluti in parva tabella, unico ictu oculi conspici possint.

207 Dicunt ergo primò Adversarii, nos sentire voluntatem nostram à Deo determinari, non verò se determinare. Nos autem dicimus, illam à Deo ut primo libero determinari, & ut secundum liberum se determinare; duplicemque determinationem distinguimus, unam causalem, quæ est à solo Deo applicante voluntatem ad operandum; & alteram formalem, quæ est à Deo, & à voluntate creata simul operantibus, & istam volumus esse effectum prioris.

208 Dicunt secundò, nullam indifferentiam activam, sed passivam tantum nos in voluntate creata agnoscere. Dicimus nos, illam utramque gaudere: passivam quidem, in ordine ad divinam motionem quam recipit: & activam, respectu propriæ operationis quam elicit. Hanc tamen nolumus esse ita vagam & effrenam, qualem docent Adversarii, sed temperatam subordinatione & subjectione ad Deum, ut ad primum movens, & ad primum determinans.

209 Dicunt tertio, nos docere voluntatem à Deo prædeterminatam non posse non operari aut agere oppositum. Dicimus nos, utrumque posse in sensu diviso, licet non in sensu composito.

210 Dicunt quartò, juxta Thomistæ, idem esse posse non agere in sensu diviso, quod ablatà præmotione, & à voluntate divisa. Hunc tamen sensum tanquam Calvinisticum rejicimus, & dicimus posse non agere vel dissentire in sensu diviso, significare quod voluntas sub ipsa Dei motione, absolutam ad non agendum vel ad dis-

A sentiendum potentiam retinet & conservat.


Dicunt quintò, nos totam libertatem ponere in intellectu, non autem in voluntate. Sed hoc nusquam somniavimus, nam in intellectu proximam libertatis radicem collocamus; in voluntate verò tanquam in propria sede aut cubili, eam residere profitemur.

Dicunt sexto, nos in voluntate præmota necessitatem antecedentem admittere. Hoc tamen constanter negamus, & inter suppositionem antecedentem, & necessitatem antecedentem distinguimus, ut constat ex suprà dictis.

Dicunt septimò: liberum arbitrium per præmotionem physicam & gratiam efficacem moveri à Deo irresistibiliter & ineluctabiliter. Nos dicimus in his terminis latere æquivocationem: si enim carentiam actualis resistentiæ & dissensus significant, vera est illa propositio: secus autem si his vocibus potentia resistendi seu dissentendi excludatur: hæc enim, ut suprà ostendimus, non tollitur aut absimitur per prædestinationem & gratiam efficacem, sed solum actualis dissensus & resistentia impeditur.

Plerique etiam hallucinantur in intelligentia harum vocum, *Prædeterminatio physica*: existimant enim particulam *præ*, prioritatem temporis aut durationis designare, cum tamen, juxta Thomistæ, solam naturæ & causalitatis prioritatem significet; illudque nomen *physica* Authores illi philosophicè usurpant, prout significat idem quod *naturalis*, seu per modum naturæ movens; cum tamen Theologicè sumi debeat; prout scilicet denotat motionem divinam esse ab intrinseco & ex sua natura efficacem, quamvis causas liberas ad unum per modum liberi, & non per modum naturæ determinet.

Hæc de profundissimo & inscrutabili prædestinationis & reprobationis mysterio dicta sufficiant. Verum quia ut ait Propheta Regius, *ab-ys- sus abyssum invocat*, ab abyssu mysterii prædestinationis, transeamus ad abyssum mysterii SS. Trinitatis.



# TRACTATUS SEXTUS

## DE SACRO TRINITATIS MYSTERIO.

A quæst. 27. primæ partis usque ad 45.

### P R Æ F A T I O.



**I**n ipso hujus Tractatus veluti limine, cum de profundissimo Trinitatis Mystério tractare aggredior, hæc mihi triplex exclamatio posse merito usurpari videtur, quam & Aegyptii dum sacrificarent, cæco quodam ritu, & ipsa etiam Ecclesia primis temporibus, in hujus mysterii significationem usurpabat. O tenebræ, O tenebræ, O tenebræ. Quid enim hic nisi tenebræ, ubi ratio caligat, mens deficit, & ut profunde Divus Hilarius 2. de Trinit. Etiam verborum significantiam, rei ipsius natura consumit. Quis enim capiat quomodo in hoc sacro mysterio, & processionis sint, & nullus sit motus: fluxu quodam aeterno, & immutabiles: semper antiquæ, semper novæ: semper compleantur, semper incipiant: producant terminum, & non causent effectum? Quomodo personæ ut notat D. Ambrosius contra Arrianos) & ex alio sint, & non ex materia: non sint ex subjecto, nec tamen sint ex nihilo: ab alio sint, & non dependeant: in alio, & non recipiantur: ad aliud, & in se subsistant. Quomodo & sine corruptione sit fecunditas, & sine divisione pluralitas, & sine solitudine unitas. Quomodo demum & unitas in Trinitate, & Trinitas in unitate existat. Ubique sanè tenebræ, & ut dicebat Samaritana, puteus altus est? Verùm in quo hauriam habeo, nimirum fidem, qua nobis has tenebras dispelleret, & veritatem, in hoc quàm in Democriti puteo occultatorem, eruet. Hæc una nobis semper consulenda est, & veluti in labyrintho Dedaleo, ut nos extricemus, manu tenenda. Etenim ut rectè Ambrosius libro 1. de fide: In ipsis Gymnasiis jam Dialectica tacet, non quæro quid loquantur Philosophi, requiro quid faciant: soli in suis gymnasiis remanserunt. Vide quàm fides argumentis præponderet. Illi quotidie a suis confortibus deferuntur qui copiosè disputant, isti quotidie crescunt qui simpliciter credunt: non creditur Philosophis, creditur piscatoribus: non creditur Dialecticis, creditur Publicanis.

Cæterum nedum in quo hauriam, quod cæteris commune est, habeo: sed & quod nobis peculiare censeo, habeo & qui mihi lapidem puteo superpositum, ut alter Jacob amoveat: Doctorem scilicet Angelicum & profundissimum, quem ut ubique, sic in hoc mysterio profundissimo semper sequor, utinam & mentem affecuturus: ejusque non solum doctrina, sed etiam ordini & methodo inherens, hunc Tractatum in quatuor præcipuas partes distribuam, & agam primò de processione Divinarum Personarum, deinde de Divinis relationibus, postea de Personis, prius in communi, deinde in particulari; ac demum de variis Divinarum Personarum comparationibus. Idque congruo ordine: cum enim relationibus constituentur Personæ, & relationes fundentur in processionibus, prius de istis, deinde de relationibus constituentibus, ac tandem de Personis constitutis, tractandum est: ordo enim scientificus à principiis sumit exordium. Sed antequam Scholasticas & Metaphysicas quaestiones, qua circa hoc Mysterium in Scholis agitari solent, discutiamus: præcipuos Hæreticorum errores oportet hic breviter refellere, & in ipsius Mysterii veritate firmanda & defendenda, aliquantulum immorari.

DISPU.



## DISPUTATIO PROOEMIALIS.

De existentia seu veritate Myſterii Trinitatis.

**H**æreticorum instantia cogit fidei Doctores, de his quæ sunt fidei disputare (inquit S. Thomas quæst. 10. de potentia art. 2.) Unde ut Hæreticorum convellantur errores & fidei veritas, circa sacratissimum Trinitatis Myſterium, firmiter stabilitur, hanc disputationem in hujus Tractatus limine, ut cæteris præambulam, intituimus.

## ARTICVLVS I.

*Præcipui Hæreticorum errores circa Myſterium Trinitatis recensentur.*

**V**ariè Diabolus Divinissimæ Trinitatis gloriam annulatus est, variè per Hæreticorum mentes, quasi per quædam totius falsitatis organa, illius summx veritatis lucem obumbrare, & quasi caligine quadam involvere conatus est. Constat tamen duo præcipua fuisse capita, & quasi fontes, unde errores omnes, vel saltem præcipui, qui circa hoc myſterium famosiores sunt, emanarunt: errores scilicet Sabellianorum & Arrianorum. Illi enim ex unitate omnimodæ essentix inferebant unitatem etiam personæ, ita ut ea quæ distinctionem personarum in Scriptura designant, non ad diversitatem ipsarum personarum in se, sed ad differentiam officiorum vel actionum ejusdem personæ referrent. V. G. quod eadem persona, prout ingenta, & principium creandi, diceretur Pater: prout incarnata, diceretur Filius: prout sanctificans creaturam, diceretur Spiritus sanctus; quasi extensione quadam & dilatatione ejusdem personæ in diversos effectus. Sic enim refert Athanasius oratione contra Gregales Sabellii, explicans illud *Deus de Deo*, ubi illa verba Sabellianorum ponit, *Dilatari Patrem in Filium, sumendo carnem, & in Spiritum sanctum, sanctificando homines.*

In eundem errorem lapsum fuisse Praxean, testatur Tertullianus in libro quem adversus ipsum scripsit, ubi cap. 1. sic habet. *Variè Diabolus annulatus est veritatem, affectavit illam aliquando defendendo concutere, unicum Dominum vindicare, omnipotentem mundi conditorem, ut & de unico hæresim faciat: ipsum dicit Patrem descendisse in Virginem, ipsum ex ea natum, ipsum passum, &c.* Quare Optatus Millevitanus libro 3. adversus Parmenianum, Praxean Patrispassianum appellat, quia Patrem passum esse dicebat. Et Tertullianus ubi supra ait: *Duo negotia Diaboli Praxeas Roma procuravit: Prophetiam expulit, & hæresim intulit: Patrem factum fugavit, & Patrem crucifixit.*

Alii per extremum Praxeæ & Sabellii oppositi, distinctionem Personarum in Deo agnoscetes, negaverunt unitatem essentix, & consubstantialitatem Filii cum Patre. Hujus hæreseos primum fuisse autorem Originem multi existimant, quibus favere videtur S. Thomas hic quæst. 14. art. 1. ad 1. ubi Originem dicit *fontem fuisse Arrianorum*. Idem tamen S. Doctor 4. contra Gentes cap. 6. in fine, hujus erroris prima semina jecisse Platonicos docet: illi enim ponebant summum Deum Patrem & Creatorem omnium

rerum, à quo primitus effluxisse dicebant quandam mentem, superiorem aliis rebus omnibus, in qua essent omnium rerum formæ, quam *paternum intellectum* nominabant.

Sed quidquid sit de hoc, communiter tamen hic error Arrio tanquam auctori tribuitur: quia ab eo ita confirmatus, propagatus, ac dilatatus fuit, ut per totum ferè orbem hoc venenum se diffunderit. Quare à S. Sylvestro, & Constantino Magno, generalis & œcumenica Synodus 318. Patrum, qui ex toto orbe clarissimi & præstantissimi habiti sunt, Nicææ collecta est, ut illorum sapientiâ, prudentiâ, & eruditione, Arriana impietas jugulareretur, & flamma hæc, quæ totum ferè orbem corripuerat, penitus extingueretur. Unde in symbolo ab ipsis edito, Filii Divinitas aperte declaratur, illeque genitus, non factus, & consubstantialis Patri dicitur. Quâ voce omnis Arriana impietas jugulata est, & caput hujus Draconis contritum; nec Arrianorum tantum, sed & semi-Arrianorum error proscriptus est. Extincto enim Constantinopoli Arrio, & in morem Judæ, in secessu effusus ejus visceribus, paulò post orta est Semi-Arrianorum secta, qui errorem Arrii utcumque temperantes, Filium Patris similem, ei quæ coeternum fatebantur; illum tamen esse illi æqualem & consubstantialem negabant, vocem *ἐμὸν ὅμοιον*, quæ consubstantialē significat, quasi emolito rigore, *ἐμὸν ὅμοιον*, hoc est, similem in substantia, commutantes: ita ut ipsâ similitudine vocis & consonantia peroribus fallerent, quasi voce Catholicæ utentes.

Semi-Arrianis adungi & annumerari solent Macedoniani, qui teste D. Thomâ 4. cont. Gent. cap. 16. licet rectè sententint de Patre & Filio, quoad identitatem essentix, hanc tamen Spiritui sancto denegabant; ipsum esse creaturam, & famulum ac ministrum Dei, & de illo ea dici posse quæ de Angelis in Scriptura profertur, asserentes; unde & ΠΝΕΥΜΑΤΟΜΑΧΙ dicti sunt, eo quòd de Spiritu Sancto litigarent, inquit Augustinus libro de hæresibus, hæresi 32. Quæ etiam hæresis adeò invaluit, ut generalis Concilii falce præscindendi oportuerit, quod ex 150. Patribus Constantinopoli collectum fuit; cui & S. Gregorius Nazianzenus interfuit, & à Damaso Papa confirmatum est.

Sopitas hæreses has, & consumpta perversitatis dogmata, velut ossa putrida ab impietatis tumulo exhumata, suscitavit superiori sæculo circa annum 1555. novi hæretici Michaël Servetus, & Valentinus Gentilis Italus. Ille enim de Lutheranorum grege juvenis, & animo ferociens, mirati se dixit, cur tam Lutherani, quàm Calvinistæ in rebus minoris momenti litem Ecclesiæ moverint; putà circa Sacramenta, Purgatorium, vota, & similia; in primo verò fidei Myſterio convenirent? Unde librum de Trinitatis erroribus composuit, in quo docuit nullam esse distinctionem Personarum, quæ, subindeque non dari in Divinis processione, Combustus autem est Genevæ à Calvinio, licet paratus abjurare suam hæresim: habuit tamen successores impietatis, Ministros in Transylvania.

7 Valentinus autem dixit, tres Personas Trinitatis esse tres Spiritus aeternos, essentiali differentia distinctos: Patrem longè esse ceteris eminentiorem, illumque solum esse verum & summum Deum, seu essentialiorem, alias verò Personas essentialitas. Sic minorem Patre Filium constituit Arrii discipulus. Traditus est etiam ultimo supplicio, & flammis additus Bernæ, undecimo post Serveri mortem anno, cum diceret ceteros Martyres pro Christo occubuisse, se autem mori pro gloria & eminentia Patris. Habet & Valentinus in Polonia aliquos suæ hæresis successores.

8 Inter hæc vitiosa extrema, & alia Gentilium & Hæreticorum deliria, media incedit Catholica veritas: docens primò Personarum distinctionem, secundò Essentiali unitatem, tertio tres tantum Personas in Deo repetiri. Quas veritates sequentibus articulis & assertionibus, breviter exponemus, ac defendemus.

## ARTICVLVS II.

*Vera & realis personarum distinctio in Deo, contra Sabellianos ostenditur.*

**D**ico primò: Datur in Deo realis Personarum distinctio.

9 Probatur primò ex illo Genesis 1. *In principio creavit Deus caelum & terram.* Et postea. *Spiritus Domini ferebatur super aquas.* Ex quibus verbis colligunt SS. Patres mysterium Trinitatis: Augustinus de Genesis ad litteram cap. 1. Origines, & Rupertus, explicantes *ly in principio*, id est in Filio, & per Spiritum Domini, tertiam designari Personam asserentes. Ad quod in Hebræo habetur *creavit, ELOHIM*, id est Dei, seu Iudices. Quibus verbis, per *ly (creavit)* quod est in singulari numero unitas Divina Naturæ; & per *ly Elohim*, quod est in plurali, Personarum pluralitas designatur. Eadem veritas verbis sequentibus declaratur. Nam ut notat Angelicus Doctor 1. p. quæst. 74. art. 3. ad 3. insinuat per sonam Patris, in Deo dicente: *fiat lux*; Persona Filii, in verbo quod dicitur: *Personæ Spiritus sancti*, in complacentia, quâ vidit Deus lucem quod esset bona.

10 Potest etiam probari conclusio istis testimoniis, quibus Deus introducit loquens in plurali numero: Genesis 1. *Faciamus hominem ad imaginem & similitudinem nostram.* Ubi illud verbum, *faciamus*, designat pluralitatem faciendum. Et cap. 3. *Ecce Adam quasi unus ex nobis factus est*, Et 11. *Venite descendamus, & confundamus linguam eorum.*

Ad idem faciunt illa testimonia Scripturæ, in quibus pluries nomen Dei repetitum invenitur: Itaque 6. *Sauus sanctus sanctus Dominus Deus Sabaoth.* Ubi Trinitas Personarum in nomine sanctus ter repetito designatur, & unitas in essentia, illis verbis numeri singularis, *Dominus Deus Sabaoth.* Exodi etiam 3. sic habetur. *Hac dices Filius Israel: Dominus Deus Patrum vestrorum, Deus Abraham, Deus Isaac, & Deus Iacob, &c.* Ubi unitas exprimitur dicendo, *Dominus Deus*: Trinitas verò, ex nomine *Deus*, tribus vicibus repetito colligitur.

11 Præterea Scriptura variis in locis processionem, generationem, paternitatem, & filiationem in Deo ponit: hæc autem sine reali Perso-

narum distinctione salvari nequeunt: ut enim ait Augustinus libro 1 de Trinitate. cap. 1. *Nulla omnino res est quæ seipsam gignat ut sit.* Et Tertullianus contra Praxean, *Omne quod prodit ex aliquo, secundum sit ejus necesse est de quo prodit, non idem tamen est separatim: secundum autem ubi est, duo sunt, & tertius ubi est, tres sunt: tertius enim est Spiritus à Deo & Filio: sicut tertius à radice fructus ex frutice, & tertius à fonte rivus ex flumine, & tertius à sole apex ex radio.*

Nec valet dicere cum Sabellianis: hæc vocabula denotare in Deo distinctionem Personarum, non entitativè & realiter, sed secundum diversa officia seu munera, quæ gerit unica persona, Patris per creationem, Filii per incarnationem, & Spiritus Sancti per justificationem; seu secundum diversorum effectuum connotationes. Hoc enim subterfugium præcluditur à S. Thoma 4. contra Gentes cap. 5. in fine, ostendendo quod ubi ponitur vera filiatio & paternitas, debet poni diversum suppositum seu persona. Ut enim ait Tertullianus libro citato cap. 10 *Vt maritus sim, habeam oportet uxorem, non ipse mihi ero uxor: sic etiam ut pater sim, filium habeo, non ipse mihi ero filius. Et ut filius sim, patrem habeo, non ipse mihi ero pater.* Scriptura autem ponit in Deo veram paternitatem & filiationem, juxta illud Joannis ultimo, *Vt finis in vero Filio ejus Iesu Christo:* Ergo & veram & realem Suppositorum seu Personarum pluralitatem & distinctionem.

Præterea in Scriptura processio & generatio ponitur in Divinis, antecederet ad omnia creata, & ante incarnationem, & sanctificationem creature: Filius enim dicitur ante Luciferum genitus, & Divina Sapientia prodisse ex ore Altissimi ante omnem creaturam, & Verbum esse in principio apud Deum, & per illud omnia fuisse facta: Ergo intra ipsum Deum ponitur realis & vera Personarum distinctio, & non solum ex diversa connotatione, aut respectu ad effectus ad extra, vel ad incarnationem.

Ad quod Joannis 1. Filius dicitur esse apud Patrem, vel in sinu Patris: quæ etiam sine reali Personarum distinctione verificari nequeunt, quia idem non dicitur esse apud se, & in sinu suo, quantumcumque diversa officia & munera exerceat. Quamvis enim Rex Galliarum sit etiam Comes Ptovinciæ, & Dux Burgundiæ, illasque Provincias regat & gubernet; quis tamen dicat, Comitem Provinciarum, aut Ducem Burgundiæ, esse apud Regem Galliarum, vel in sinu ejus requiescere?

15 Possunt etiam in ejusdem veritatis confirmationem, pia ex novo Testamento adduci testimonia: duo tantum sufficient. Primum sumitur ex ultimo capite Matthæi, ubi dicitur: *Baptizantes eos in nomine Patris, & Filii, & Spiritus Sancti*, Quibus verbis, ut notat D. Thomas ibidem, uterque extremus error Sabellii & Arrii convellitur: unitas enim essentia exprimitur dicendo singulariter in nomine, non pluraliter in nominibus: Trinitas verò personarum dicendo, *Patris & Filii & Spiritus sancti*. Secundum habetur prima Joan. 5. ubi dicitur: *Tres sunt qui testimonium dant in celo, Pater, Verbum, & Spiritus Sanctus; & hi tres unum sunt.* Quibus etiam verbis Personarum distinctio cum unitate Essentia manifestè exprimitur.

16 Denique suaderi potest conclusio duplici congruentia sumptâ ex D. Thoma quæst. 9. de potentia art. 9. Prima est: Oportet in Deo veram & propriam rationem amicitia salvari in summo gradu: At sine reali personarum distinctione non potest

Potest salvari in Deo vera, propria, & summa ratio amicitia: Ergo datur in Deo realis Personarum distinctio. Major constat, omnem enim quod perfectionem sine imperfectione dicit, reperitur in Deo: amicitia autem hujus conditionis est. Minor autem probatur. In Deo enim per ordinem ad creaturas, summa amicitia esse nequit; cum illas summè non possit diligere, non enim summè diligibiles sunt; nec ad seipsum potest habere amicitiam, nisi sit realis diligens & dilecti distinctio: amicitia namque est ad alterum, cum redamationem & æqualitatem importet, teste Philosopho 8. Ethic. cap. 3. & 5. redamatio autem & æqualitas, realem extremorum distinctionem exposcat. Unde Gregorius homil. 17. in Evang. docuit charitatem minùs quàm inter duos haberi non posse: Ergo stare nequit in Deo vera, propria, & summa ratio amicitia, absque reali Personarum distinctione.

17. Secunda congruentia est. Ad bonum spectat quod sit communicativum sui: Ergo ad summum bonum pertinet summè se communicare: Sed sine reali Personarum distinctione, non salvetur summa Dei communicatio: Ergo admitenda est in Deo realis Personarum distinctio. Minor probatur: Creaturis Deus non communicat se summè, nam summa communicatio est communicatio summi boni, summo modo: creaturis autem, etsi summa bonitas communicetur, non tamen summo modo communicatur: sibi autem ipsi summè communicare suam bonitatem non potest, nisi realis Personarum distinctio admitatur; nam inter communicantem, & illum cui sit communicatio, realis distinctio requiritur: Ergo sine reali Personarum distinctione, nequit subsistere summa communicatio Bonitatis Divinæ. Unde Cyrillus libro 2. Theauri cap. 1. *Non potest esse perfecta Deitas, nisi filium habeat, & fructum ex se patriat.*

18. Confirmatur: Deus est felicissimus: Ergo debent esse plures Personæ in Divinis. Probatur Consequentia: nulla enim perfecta est jucunditas, nulla vera sine societate felicitas: creaturæ autem cum sint dissimiles, & ab æterno non fuerint, non possunt dare Deo veram & perfectam societatem, ut egregie discurrit S. Doctor infra quæst. 31. art. 3. ad 1. his verbis: *Licet Angeli & anima sancta semper sint cum Deo, tamen si non esset pluralitas Personarum in Divinis, sequeretur quod Deus esset solus vel solitarius. Non enim tollitur solitudo per associationem alicujus quod est extranea natura. Dicitur enim aliquis solus esse in horto, quamvis sint ibi multe plantæ, & animalia. Et similiter dicitur Deus esse solus vel solitarius, Angelis & hominibus cum eo existentibus, si non essent in Divinis plures Personæ. Unde præclare Tertullianus contra Praxean. cap. 5. Ante omnia Deus erat solus, ipse sibi & mundus, & locus, & omnia; solus autem, quia nihil aliud extrinsecus præter illum: ceterum ne tunc quidem solus: habebat enim secum quam habebat in semetipso rationem scilicet suam.*

19. Dices, Ex infinitate divinæ naturæ colligimus eam esse unam & immultiplicabilem: Sed personæ divina, ut distincta virtualiter ab essentia; non minùs est infinita: Ergo non minùs est una & immultiplicabilis.

Respondeo distinguendo Majorem. Ex infinitate

nitatis simpliciter, concedo: Ex infinitate in certo quodam genere, nego. Similiter distinguo Minorem. Persona divina, ut distincta virtualiter ab essentia, non minùs est infinita simpliciter, nego Minorem; secundum propriam rationem relativam, concedo Minorem, & nego Consequentiam.

Explicatur: Dupliciter potest considerari Persona in Deo. Primò ut imbibit transcendentaliter ipsam divinam essentiam; & hoc modo est infinita simpliciter; quia tamen ut sic non consideratur in ratione personæ, non est inconvenientis quod in ratione personæ multiplicetur. Secundo potest considerari, quatenus secundum propriam rationem relationis distinguitur virtualiter à natura, & hoc modo non exigit infinitatem simpliciter, sed intra propriam rationem; quæ ratio cum sit relativa, dicit necessariò exclusionem termini quem respicit, atque adeò non petit infinitatem simpliciter, sed tantum in propria ratione, v.g. Paternitas in ratione Paternitatis, & ideo non excludit quamcumque aliam Personam, sed tantum aliam Patrem. Si autem essentia divina multiplicaretur, cum illa non opponatur relativè, nec consequenter distinguatur ratione talis oppositionis, deberet distinguì per rationem formalem & essentialem, quam non haberet alia natura, à qua hæc distingueretur.

### ARTICULUS III.

*Unitas essentia inter Patrem & Filium contra Arrianos probatur.*

Deo secundò: Secunda Trinitatis Persona 10. est ejusdem substantiæ & naturæ cum Patre. Probatur primò conclusio ex Joan. cap. 10. ubi Christus de se ipso loquens ait: *Ego & Pater unum sumus*: quibus verbis distinctio personalis exprimitur, dicendo, *Ego & Pater*; unitas autem essentia, cum additur, *unum sumus*: quod intelligendum esse non de sola unitate affectûs, sed de unitate consubstantiali essentia, probant Basiliius libro 1. contra Ennochium, Chrysostomus in hunc locum; & alii Patres communiter: idque constat ex verbis immediatè antecedentibus: *Et non rapiet quisquam eas de manu mea, Pater meus quod dedit mihi majus omnibus est, & nemo potest rapere de manu Patris mei: Ego & Pater unum sumus*: Ex quibus verbis duplex argumentum conficitur, ad probandum Christum loqui de unitate consubstantiali essentia. Primum est: Si solum accepisset à Patre unionem secundum affectum, quod Pater illi dedit, majus omnibus non esset; non enim quidquam omnia superat, nisi perfecta Divinitas: Sed Christus ait, *quod dedit mihi Pater, majus omnibus est*: Ergo cum se unum cum Patre faceret, loquitur de unitate essentia. Unde Augustinus serm. 56. de verbis Domini: *Quod ait unum, audiant Arriani: quod ait sumus, audiant Sabelliani; & nec illi æqualem, nec illi alterum negando, sint vani.*

Secundum argumentum est: Unitatem istam sumpsit Christus pro medio, ad probandum neminem posse ex ipsius manu proprias oves eripere, in hunc modum. Nemo potest illas rapere de manu Patris mei: Sed ego & Pater unum sumus:

T

Ergo

Ergo nemo potest illas de manu mea ex-  
pere. Sed hic discursus omni robore careret, nisi lo-  
queretur de unitate cum Patre consubstantiali  
in essentia; cum ex sola hac unitate æqualitas  
virtutis arguatur: Ergo cum docet se unum  
cum Patre esse, loquitur de unitate consubstan-  
tiali essentia.

12. Nec obstat illud Joan. 17. Christi ad Patrem  
pro Discipulis orantis: *Charitatem quam dedisti  
mihi dedecis, ut sint unum, sicut & nos unum sumus.*  
Ex quod deduci videtur, unitatem Christi cum  
Patre non esse per identitatem essentia: exopta-  
bat enim Discipulis unitatem quam habent  
Pater & Filius: Sed non petebat illis unitatem  
consubstantiali essentia: Ergo inter Patrem  
& Filium hæc unitas non reperitur. Hoc, in-  
quam, non obstat, cum enim inter Christum  
& Deum Patrem, duplex unitas reperitur:  
scilicet amoris, quæ vocatur affectiva, & unitas  
consubstantialis per identitatem essentia:, pri-  
mam solam, non secundam Discipulis exopta-  
bat: quia tamen prima non excludit secundam,  
ex illa non sequitur secundæ unitatis inter  
Deum Patrem & Christum negatio.

23. Secundò probatur: Inter Patrem & Filium  
est necessaria ad minus convenientia specifica  
in natura: Sed Verbum est Filius naturalis Pa-  
tris: Ergo est ejusdem naturæ cum illo: cum-  
que natura divina numero multiplicari ne-  
queat, ut constat ex fide, & ratione naturali,  
multisque argumentis demonstrat D. Thomas

Dis-  
103.

1. contra Gent. cap. 42. & nos fuisse ostendi-  
mus in Tractatu de natura Dei, ejusque attri-  
butis, politeismum expugnando: consequens  
fit, quòd inter primam & secundam Personam  
inventiatur omnimoda identitas essentia: & na-  
turæ. Major pater, Minor verò probatur ex  
variis locis Scripturæ: nam Psalm. 2. & 88.  
Matth. 11. Joan. 5. ad Roman. 1. ad Hebr. 1.  
& alibi passim, Christus Filius Dei appellatur.  
Imò etiam in veteri Testamento hoc nomen  
Filii Dei reperitur: nam Daniel. 3. Nabuchodo-  
nosor ait optimatibus suis: *Nonne tres viros mi-  
simus in medium ignis compeditos? Qui respondentes  
Regi dixerunt: vere Rex. Respondit & ait: Ecce ego  
video quatuor viros solutos, & ambulantes in medio  
ignis, & nihil corruptionis in eis est. & species quartæ,  
similis FILIO DEI.* Ubi Augustinus orat. contra  
Judæos, Paganos, & Arrianos, cap. 15. O  
alienigena unde tibi hoc? *Quis tibi annuntiavit Fi-  
lium Dei? Quæ lex, quis Propheta annuntiavit tibi  
Dei Filium? Nondum quidem mundo nascitur, &  
similitudo nascentis à te cognoscitur. Vnde tibi hoc?  
Quis tibi istud annuntiavit? nisi quia scilicet sic te  
divinus signis tra illuminavit, ut cum illic apud te cap-  
tivi tenebantur inimici Judæi, sic dices testimonium  
Filio Dei. Bellè etiam Chrylogos Iern. 48.  
expendens verba illa Judæorum, Nonne hic est Sa-  
bri filius? subdit: *Dicebant, hic est Sabri filius, sed  
eius Sabri filius non dicebant. Dicebant Sabri filius,  
ut arte vili ars laceret authoris; & deitatis nomen,  
fabrile nomen absconderet. Christus erat Sabri fi-  
lius, sed illius, qui mundi fabricam fecit, non malleo,  
sed præcepto; qui elementorum membra, non ingenio,  
sed jussione compexit; qui massam sæculi, aucto-  
ritate, non carbone conflavit; qui Solem non terre-  
no igne, sed superno calore succendit; qui lunam, te-  
nebras, noctem formavit & tempora; qui stel-**

A las variâ luce disjinxit: qui cuncta fecit ex nubi-  
bus, &c.

Respondent Arriani, Christum Dei Filium 14.  
in Scriptura appellari, vel ratione creationis,  
vel ratione justificationis; ex quibus filiationis  
modis non sequitur identitas in natura cum  
Patre.

Sed hæc evasio frivola est, & contra illam ob-  
stat primò, quòd si hæc solâ ratione Christus es-  
set Filius Dei, posset primogenitus dici, non  
posset tamen unigenitus appellari: Sed Chris-  
tus in Scriptura dicitur Filius Dei unigenitus,  
ut constat ex illo Joan. 1. *Vidimus gloriam ejus, quasi  
unigeniti à Patre:* Ergo non est Filius, largita-  
tione creationis, neque adoptivus, ratione justi-  
ficationis, sed naturalis & verus, ratione æternæ  
generationis.

Secundò, Filius verus idem est quod filius  
naturalis: Sed Christus dicitur verus Filius Dei,  
primæ Joan. ultimo, *Verissimus in vero Filio ejus:* Er-  
go est Filius naturalis.

Tertio, Moïses, utpote vir justus & sanctus,  
fuit filius Dei adoptivus, & tamen Paulus ad  
Hebræos 3. illum servum appellat, per compa-  
rationem ad Christum ut Filium; at enim; *Moy-  
ses quidem fidelis erat in tota domo ejus, tanquam fa-  
mulus, Christus verò tanquam filius in domo sua:* Ergo  
Christus non est filius ratione creationis, vel  
justificationis, sed ratione naturalis & æternæ  
generationis.

Quartò, Hoc filiationis genus reperitur et-  
iam in Angelis: Sed Christus aliâ ratione dicitur  
filius, ac Angeli, ut constat ex Paulo ad Hebræos 1. sic dicente: *Qui enim dixit aliquando An-  
gelorum, Filius meus es tu, ego hodie genui te?* quod  
ad Christum dictum est: Ergo Christus est Fi-  
lius verus & naturalis, per veram & propriam  
generationem.

Denique, Matthæi 16. laudatur maximè  
Petrus, eò quod alius de Christo dicentibus il-  
lum esse Heliam, aliis Hieremiam, aut unum ex  
Prophetis, ipse Christum esse Filium Dei vivi  
confessus est: Sed non debuisset ita laudari &  
extolli hæc Petri confessio, si de filiatione adop-  
tiva procederet, cum etiam alii sentientes Chris-  
tum esse Heliam, aut Hieremiam, vel alterum  
ex Prophetis, ipsum Filium Dei adoptivum con-  
fiterentur: Ergo Petrus in Christo filiationem  
naturalem agnovit.

Potest etiam probari conclusio ex illo Psal-  
mi 109. *Dixit Dominus Domino meo, sede à dextris  
meis.* Ubi David eodem & pari modo Domi-  
num vocat illum qui dicit (qui utique est Pa-  
ter) & illum cui dicit, nempe Filium: Ergo si  
tam Dominus est Christus, ac Pater, tam verus  
Deus est ac ille; quia potestas illa supremæ do-  
minii in Deitate fundatur. Hoc loco usus est  
Christus Dominus Matthæi vigesimo secundo  
ad probandum suam Divinitatem: Petrus  
Actorum 2. & Paulus ad Hebræos 1. ubi etiam  
ponderat illam particulam, *sede à dextris meis,*  
quæ contra ponitur omni creaturæ quantum-  
cumque excellentissimæ; nulla enim sedet ex  
propria dignitate & meritis, sed ministrat: *Ad  
quem (inquit) Angelorum dixit: Sede à dextris meis,  
quoad usque ponam inimicos tuos scabellum pedum  
tuorum? Nonne omnes sunt administratores spiritus in  
ministerium misit, &c.*

Confir-



16. Confirmatur ex Augustino super eundem Psalmum, ubi notat quod Dominus Pater dixit Domino, scilicet Filio, *sede a dextris meis.* Sed quia ex hoc quod Filius sedet ad dexteram Patris, aliqui suspicari possent quandam superioritatem in Patre, respectu Filii; sicut eam ostendit Rex, cum filium aut principem ad dexteram suam collocat; ut hoc excludat, & indicet omnimodam esse æqualitatem inter Patrem æternum, & Filium, postea subiungit: *Dominus a dextris tuis,* & docet Patrem ad dexteram Filii residere. Ad eandem æqualitatem ostendendam, Christus dixit: *Ego & Pater unum sumus;* seipsum primò nominans, quod videretur præ se ferre quandam inurbanitatem, nisi hoc dixisset ad evertendam illam hæresim, & quam præbiberat in Ecclesia orituram, quæ dicebat quod Pater erat tempore, dignitate, & potentia antefior & perfectior Filio.

Denique probatur conclusio: Qui operatur omnia opera Dei, Deum adæquat in virtute; & cum virtus consequatur naturam, Deum etiam in natura adæquat: Sed Verbum operatur omnia opera Dei, ut constat Joan. 1. *Omnia per ipsum facta sunt.* & sine ipso factum est nihil: Ergo Patrem in virtute & natura adæquat.

17. Quod si Arriani respondeant, opera Dei Filium facere, non ut principale agens, sed ut ministrum & instrumentum Patris, ex quo non sequitur quod sit illi æqualis in virtute. Contra hanc evasionem arguo primò ex illo Joan. 5. *Quacunque facit Pater, hæc & Filius similiter facit:* Sed Pater virtute propriâ, & ut agens principale operatur: Ergo & Filius.

Secundò, Instrumentum & minister non operatur in vi proprii verbi, sed in verbo principalis agentis imperantis: Sed Apostolus ad Hebr. 1. ait quod *Christus portat omnia verbo virtutis sue:* Ergo non ut minister aut instrumentum, sed ut principale agens operatur.

Tertiò, Instrumentum & minister non operatur ut vult, sed secundum dispositionem alterius voluntatis sibi imperantis; unde nec similis aut tantus honor debetur ministro, quantum Domino imperanti: Sed Joan. 5. dicitur, *Sicut Pater mortuos vivificat, ita & Filius quos vult vivificat,* & *Pater omne iudicium dedit Filio,* ut omnes honorificent Filium, sicut honorificant Patrem: Ergo idem quod prius.

18. Argumenta Arrianorum non erant alicujus ponderis: sic enim arguebantur Pater est major Filio: Joan. 14. *Pater major me est.* Filius est Patri subiectus 1. Corinth. 15. *Cum omnes ei subiecti fuerint, tunc ipse filius subiectus erit ei,* scilicet Patri. Præceptum a Patre accepit: Joan. 14. *Sicut mandatum dedit mihi, sic facio.* Patri etiam obedivit: ad Philip. 2. *Factus obediens usque ad mortem.* Ab ipso clarificatus est: Joan. 12. *Pater clarifica Filium tuum.* Insuper ab eo potestatem accepit, Matth. ultimo: *Data est mihi omnis potestas in celo & in terra.* Fuit etiam in tempore genitus: Psalm. 2. *Ego hodie genui te.* Sed hæc omnia cum vera Filii Divinitate, cum æqualitate ad Patrem, & identitate essentie cum illo repugnant: Ergo Filius non est ejusdem naturæ cum Patre.

19. Respondeo in Christo duas esse naturas, humanam scilicet & divinam: secundum istam, æqualitatem, coeternitatem, & consubstantialitatem habet cum Patre: secundum humanitatem minor est Patre, subditus illi & obediens,

Tom. II.

præcepta suscipiens, & ab illo clarificatus: potestatem etiam judicariam ipsi ut homini convenientem accepit in tempore; Divinam autem illi convenientem ut Deo, non in tempore, sed æterno habet. Quod si in tempore dicitur data, est quia in tempore fuit manifestata; & sic dicitur in tempore genitus, quia in tempore illius æterna generatio fuit manifestata hominibus. Ceterum si hæc argumenta Arrii aliquid probarent; convincerent etiam, Filium non esse omnium creaturarum supremam, ejus contrarium ipse docebat: cum ad Hebræos 1. dicitur minoratus ab Angelis. Sicut ergo ex hoc non sequitur inferioritas Christi respectu Angelorum, nisi tantum ratione humanæ naturæ; ita ex eo quod tempore major Filio dicitur, non infertur Filium esse minorem Patre, nisi tantum secundum humanitatem.

Secundò arguebant Arriani. Vera Divinitas defectu scientiæ non patitur: Sed in Filio defectus scientiæ invenitur, ut constat ex Marci 13. ubi Christus loquens de die judicii ad suos Discipulos, dixit: *De die autem illo, vel hora, nemo scit, nec Angelus calo, neque Filius, nisi Pater.*

Hoc testimonium cui potissimum Arriani confidebant, varias patitur explicationes. Prima est: hæc verba, *neque Filius,* intelligi de Filio hominis, non naturali, sed adoptivo. Sed illa displicet: quia Filius adoptivus supponebatur exclusus per illam particulam, *nemo,* id est nullus homo, & per illam, *vel Angelus in calo;* omnis enim filius adoptivus, vel est Angelus, vel homo: Ergo superflue adderetur, *neque Filius hominis,* si per Filium hominis, filius adoptivus Dei intelligeretur.

Secunda explicatio est: Christum ignorare diem judicii, non quia Deus, sed quatenus homo est; sumendo ly, *quatenus,* non specificativè, sed reduplicativè; id est non negando quod humanitas Christi prædictum diem cognoverit, sed quod illum cognoverit scientiâ humanâ, illum enim non scivit, nisi revelatione divinâ. Quam explicationem doctissime defendit noster Malvenda lib. 2. de Antichristo cap. 23.

Tertia explicatio est sancti Augustini libro 1. de Trinit. cap. 12. & libro 83. questionum quæst. 32. ubi docet quod ideò Christus dicitur nescire diem judicii, quia non facit hominem alium quem aut Angelum scire diem illum; sicut è converso ex persona Dei dicitur Genes. 22. *Nunc cognovi quod timeas Dominum,* id est cognoscere alios feci, ut explicat idem Augustinus tomo 4. lib. de Essentia Divinitatis. Hanc interpretationem amplectitur S. Thomas in compendio Theologiæ cap. 242. & Cassiodorus ad Psalmum 9. eamque latè prosequitur noster Alvarez in commentariis super Ilaïam, cap. 7. numero 31.

Ad idem tendit quod alii dicunt: Christum diem illum nescivisse, ut Legatum Patris æterni, & Doctorem Gentium, in ordine scilicet ad publicationem, sed veluti sub secreto, & non ad revelandum aliis: quo modo loquendi sæpius uti solemus, dum ea rogati quæ sub secreto accepimus, illa nos ignorare respondemus.

Huic interpretationi acquiescunt omnes fere Theologi, & Scripturæ Interpretes, excepto Maldonato, qui illam ut improbabilem rejicit: quia (inquit) si Christus ideò diceretur nescire judicii diem, quia illum nobis non revelavit, vel

quia nescivit illum ad alios revelandum, eadem ratione dici posset Patrem illum ignorare, cum nemini illum Pater revelaverit. Unde aliam interpretationem subjungit, dicens solum Patrem dici scire diem judicii, quia solus Pater ex officio illum sciebat; solus enim Patris, inquit, est constituere diem, quo mundus solvendus est. Quæ interpretatio merito displicet Malvendæ, ubi suprà, illamque impugnat hac ratione. Ad Christum ex officio pertinet judicium mundi, juxta illud Joan. 5. *Pater non judicat quemquam, sed omne judicium dedit Filio*: Sed ad officium Judicis pertinet diem scire quo judicaturus est: Ergo Christus illius diei notitiam ex officio habuit.

Sed quidquid sit de Maldonati explicatione, à communi recedendum non est, maxime ex tam levi fundamento, cui facile responderetur cum D. Thoma 3. parte quæst. 10. art. 1. ad 1. negando sequelam. Nam licet Pater diem judicii nobis non revelaverit, illum ramen Christo ut homini revelavit; unde sub secreto illum scivit, solum respectivè ad nos; non tamen absolutè, sicut Christus, qui illum diem nemini revelavit.

34. Denique arguebant Arriani. Vel generatio Filii est jam absoluta, vel non? Si absoluta est: Ergo habuit finem: At quod habuit finem in tempore, habuit etiam initium. Si autem non est absoluta: Ergo Filius non est perfectus, cujus generatio non est absoluta & perfecta.

Sed hoc sophisma facile diluitur, dicendo perfectam esse Filii generationem, non quasi cessaverit; est enim actio æterna, juxta illud Psalmi 2. *Ego hodie genui te*, id est in æternitate genero; sed quia illius generationis terminus perfectè existit. Eodem sensu creatio mundi est perfecta non quasi cessaverit, conservatur enim perpetuò, & conservatio est perpetua & durans creatio; unde Christus ait Joan. 5. *Pater meus usque modo operatur*, scilicet mundum creans; sed quia mundus existit perfectè, perfectà est mundicreatio.

#### ARTICULUS IV.

*Spiritum sanctum esse verum Deum, ac proinde ejusdem essentia cum Patre & Filio, contra Macedonios ostenditur.*

**D**ico tertio, Spiritum sanctum esse verum Deum, ac proinde Patri & Filio consubstantialem,

35. Probatur primo: Habere Templum, & esse nostram beatitudinem ac finem ultimum, soli vero Deo convenit: Sed hæc in Scriptura tribuuntur Spiritui sancto: Ergo verus Deus est. Minor probatur: Deprimo enim dicitur 1. ad Corinth. 6. *An nescitis quoniam membra vestra templum sunt Spiritus sancti*: De altero verò 1. Petri 1. *Spiritu sancto misso de celo, in quem desiderant Angeli prospicere*: Ille autem in quem Angeli desiderant prospicere, est eorum beatitudo ac finis ultimus: Ergo, &c.

36. Secundò: Solius Dei est, propria secreta cognoscere, unde Isaiæ 24. in persona Dei dicitur: *Secretum meum mihi*. Revelatio etiam mysteriorum, est solius Dei opus, juxta illud Danielis 2. *Est Deus in celo revelans mysteria*. Sed hæc Spiritui sancto conveniunt, ut de primo constat 1. ad Corinth. 2. *Spiritus omnia scrutatur etiam profunda Dei*. De secundo patet 1. ad Corinth. 14. *Spiritus*

*A loquitur mysteria*: Ergo Spiritus sanctus est verus Deus.

Tertiò: Esse ubique, soli Deo competit; unde 37. Hieremiæ 23. in persona Dei dicitur, *Celum & terram ego impleo*. Sed hoc convenit Spiritui sancto, juxta illud Sapientiæ 1. *Spiritus Domini replevit orbem terrarum*: Ergo idem quòd prius.

38. Quattò: Creatio est opus solius Dei: Sed creatio Spiritui sancto tribuitur: Ergo est verus Deus. Minor constat ex Psalm. 32. ubi dicitur: *Verbo Domini confirmati sunt, & Spiritu oris ejus omnis virtus eorum*. Et Psalm. 103. *Emitte Spiritum tuum, & creabuntur*. Et Judith 16. *Missi Spiritum, & creata sunt*.

B Quintò: Resuscitare à mortuis est operatio propria Dei, unde Joan. 1. dicitur: *Sicut Pater suscitavit mortuos, & vivificavit, sic Filius quos vult vivificat*: Sed virtus resurrectionis Spiritui sancto convenit, ut constat ex Paulo ad Roman. 8. sic dicente: *Qui suscitavit Jesum Christum à mortuis, vivificavit & mortalia corpora vestra, propter inhabitantem Spiritum ejus in vobis*: Ergo est Deus.

Denique, Loqui per os Prophetarum, est proprium solius Dei, juxta illud Numerorum 12. *Si quis fuerit inter vos Propheta Domini, in visione apparuit ei, vel per somnium loquar ad illum*: Sed hoc Spiritui sancto attribuitur, dicitur enim in Actibus Apost. cap. 1. *Oporet impleri Scripturam, quam prædixit Spiritus sanctus per os David*. Et 2. Petri 1. *Spiritu sancto inspirati locuti sunt sancti Dei homines*: Ergo Spiritus sanctus est verus Deus.

Dices cum Macedonianis: Dei operationes attribui Spiritui sancto, non per autoritatem, sed per ministerium. Verum in contrarium militat illud Pauli 1. ad Corinth. 12. ubi diversis donis Dei enumeratis, subdit: *Hæc omnia operatur unus atque idem Spiritus dividens singulis prout vult*: Sed per ministerium operans, & non per autoritatem, non tam operatur ut vult, quam alterius arbitrio subjecitur: Ergo Dei operationes, non per ministerium, sed per autoritatem, Spiritui sancto attribuantur. Addo quod Psalm. 32. Spiritus sanctus dicitur firmare celos, ut Spiritus oris Dei: Non ergo ut minister aut instrumentum illius; sic enim esset extranea persona, non verò ipsius oris divini Spiritus.

Contra Divinitatem Spiritus sancti opponere 42. bat olim Macedonius, primò illud ad Roman. 8. *Spiritus postulat pro nobis*: At si Spiritus S. esset Deus, non postulari, sed dari: Ergo non est verus Deus.

Secundò opponere bat id quod Joan. 16. de Spiritu sancto dicitur: *Quacumque audierit loquetur, & annuntiabit vobis*: At qui audire debet, & instrui, ut aliis loquatur, non est Deus, qui instructione non eget: Ergo, &c.

E Ad primam objectionem respondeo cum Augustino Epist. 121. cap. 15. Paulum asserere quòd Spiritus sanctus postulet, quia interpellare sanctos facit. Unde suprà dixerat: *Adjuvat infirmitatem nostram*. Vel etiam dici potest cum S. Thoma super hunc locum Apostoli, quòd Spiritus sanctus postulat, id est postulantes nos facit. Sicut Genes. 22. dicitur, *Nunc cognovi quòd timeas Dominum*, id est cognoscere feci.

Ad secundam dicendum cum Basilio contra Eunomium, Spiritum sanctum audire à Patre & Filio ea quæ loquitur; non per instructionem & disci-

disciplinam inferioris ad superiorem, sed per communicationem ipsius essentiae & scientiae divinae, quam à Patre & Filio per aeternam processionem accipit.

## ARTICULUS V.

*Tres tantum Personas esse in Deo, auctoritate & ratione probatur.*

44. Dico ultimò: In Deo tres sunt Personae, & non plures, neque pauciores. Conclusio est de fide, definita à multis Conciliis, & in Symbolo Athanasij, illis verbis: *Unus ergo Pater, non tres Patres; unus Filius non tres Filij; unus Spiritus Sanctus, non tres Spiritus Sancti.* Constat etiam ex illo 1. Joan. 5. *Tres sunt qui testimonium dant in caelo: Pater, Verbum, & Spiritus Sanctus.* Quae propositio quamvis exclusionem non exprimat, pro exclusiva tamen accipitur, communi Ecclesiae, Patrum, & Theologorum consensu; ac proinde non solum est de fide, quod in Deo sint tres Personae, sed etiam quod non sint plures. Unde in Concilio Lateranensi cap. *damnamus*, de summa Trinit. de fide Cathol. dicitur: *In Deo solummodo Trinitas est, non quaternitas.*

45. Rationem hujus veritatis non posse ab haereticis tradi, docet D. Thomas quaest. 9. de potentia art. 9. quia cum fateantur, Filium & Spiritum Sanctum esse creaturas; atque vis productiva creaturarum in inexhaustibilis sit, nulloque illarum numero possit finire; non potest ab ipsis certus Personarum Divinarum numerus assignari.

46. Ratio autem D. Thomae loco jam allegato, & 4. cont. Gent. cap. 26. potest ad hanc formam reduci. In Deo est una tantum Persona improducta, & duae productae: Ergo sunt tres, & non plures personae. Antecedens pro prima parte constat, nam distinctio personalis in Divinis, solum est secundum relationes originis, ut infra ostendemus: Sed inter Personas improductas non potest relatio originis intercedere, cum una ab altera non procederet, aliàs improductae non essent: Ergo in Deo esse non potest nisi una Persona improducta. Pro secunda parte probatur: Processio in Divinis non est secundum actionem transeuntem, sed immanentem: Atque actiones immanentes tantum sunt duae, scilicet intelligere & velle: Ergo processiones divinae tantum sunt duae, una per intellectum, altera per voluntatem; & consequenter Personae terminantes processiones, tantum sunt duae, scilicet Verbum procedens per intellectum & Amor productus per voluntatem.

47. Dices: hoc argumentum solum probari, quod in Deo tantum sit processio per intellectum, & per voluntatem, ac proinde quod Personae procedentes sint Verbum & Amor; non tamen quod in divino intellectu non sint plures processiones, & plures illarum termini; & idem de voluntate: ac per consequens non convinci non esse in Deo plures Personas quam tres.

48. Sed contra primò: Si in divino intellectu essent plures processiones quam una, essent actu infinitae processiones, cum semel pluribus quam una concessis, nequeat illarum terminus vel numerus constitui aliqua ratione: Sed non sunt concedendae processiones actu infinitae in intellectu divino: Ergo neque plures.

49. Secundò: Si essent plures processiones in intel-

lectu divino, vel illae essent species, aut numero tantum diversae: Neutrum dici potest: Ergo &c. Minor pro prima parte constat: nam divina intellectio, quae est processionis principium, vel formaliter ipsa processio, est una unitate specificata: Ergo processio & terminus processionis, qui cum ipsa adequatur, non possunt specificè distinguui. Pro secunda vero parte ostenditur. Primò: Distinctio solum numerica sumitur à materia vel subiecto: Sed processiones divinae, atque illarum termini, carent materia & subiecto, cum sint per se subsistentes: Ergo nequeunt solo numero distinguui.

Secundò: Distinctio tantum numerica ex limitatione provenit, unde natura divina, quia limitata non est, non potest multiplicari numero: Sed processiones divinae, & illarum termini, quid limitatum non sunt: Ergo non possunt solo numero multiplicari & distinguui.

Obijcies primò: Sicut scientia & amor attribuantur Deo, ita & potentia: Si igitur secundum intellectum & voluntatem sint duae processiones in Deo, videtur quod debeat esse tertia secundum potentiam, & per consequens quod sint plures Personae quam tres.

Respondeo cum D. Thoma hic quaest. 27. art. 3. ad 1. *Quod potentia est principium agendi in aliud, unde secundum potentiam accipitur actio ad extra; & sic secundum attributum potentia, non accipitur processio Persona Divina, sed solum creaturatum.*

Obijcies secundò: Generatio in rebus creatis ex natura fecunditate procedit: Ergo similiter in Deo, praeter duas processiones, quarum una est per intellectum, & alia per voluntatem, ponenda est alia ex naturae fecunditate proveniens, & consequenter alia Persona procedens, distincta à Verbo, & Spiritu Sancto.

Confirmatur, & magis illustratur haec ratio. Tantum differt natura in Deo ab intellectu, quantum intellectus à voluntate: Ergo sicut in Deo ponitur una Persona quae procedit per intellectum, ut Verbum, & alia procedens per voluntatem, ut Amor, ita debet dari alia quae procedat per modum naturae, ut Filius.

Ad objectionem respondeo: Generationem in rebus creatis non procedere immediate à natura, sed mediante potentia generativa. Unde etiam in Deo (de quo philosophari debemus cum analogia & similitudine ad res creatas, seclusis imperfectionibus) nulla datur processio quae sit immediate à natura, ut praeter intellectum & voluntatem, ut infra ostendemus contra Durandum; sed generatio est immediate ab intellectu, qui ut est in Patre, habet rationem potentiae generativae; & spiratio activa est à voluntate, quae ut est in Patre & Filio, habet rationem potentiae spirativae. Quare

Ad confirmationem, dato & non concessio Antecedente, de quod disputant Theologi in materia de Attributis, nego Consequentiam & paritatem: Ratio discriminis est, quia natura in Deo non est immediate operativa, sicut intellectus & voluntas.


Obijcies tertio: In Deo sunt quatuor relationes: scilicet Paternitas, Filiatio, Spiratio, & Processio: Ergo & quatuor Personae. Consequentia videtur manifesta, quia, ut infra dicemus, Personae Divinae constituantur & distinguuntur relationibus.

37 Respondeo concessio Antecedente, negando Consequentiam: nam ut docet D. Thomas infra quæst. 30. art. 2. ad 1. & quæst. 9. de potentia art. 9. ad 27. Licet sint quatuor relationes in Divinis, una tamen earum, scilicet Spiratio, non est proprietas personalis, neq. constituit Personam, & ideo non sunt in Deo nisi tres Personæ.

§. I.

*Dari in Deo Processiones, auctoritate Scriptura, ratione Theologica, & duplici congruentia ostenditur.*

Dico igitur, dari in Deo processiones, per quas una persona ab alia procedit. Probatur primum: De Mysterio Trinitatis, & i. processionibus divinis sciendum est juxta id quod ex Scriptura habemus; cum hæc rationis naturalis captum superent: Sed ex Scriptura habemus dari in Deo processiones, quibus una Persona ab alia procedit: Ergo ita sentiendum est. Minor probatur, nam Eccles. 24. Divina sapientia dicitur ex ore Altissimi (est ex intellectu Patris) produsse. Et Sap. 7. vocatur emanatio quedam claritatis omnipotentis Dei. Et Michea 5. dicitur, Egressus ejus ab initio à diebus æternitatis. Clarius adhuc eadem veritas in novo Testamento exprimitur: nam Joan. 7. Christus de se ipso sic ait: Ego scio cum (scilicet Patrem) quia ab ipso sum. Et cap. 8. Ego à Deo processio. Et cap. 15. de Spiritu Sancto loquens, ait: Cum venerit Paracletus, quem ego mittam vobis à Patre, Spiritum veritatis, qui à Patre procedit.



## DISPUTATIO II.

### De processionibus Divinarum Personarum.

*Ad questionem 27. prima partis.*

DE ventorum origine, quos, ut ait Psalmista, Divina Sapientia educit de thesauris suis, disputant Philosophi cum Aristotele in libris Meteororum, & Seneca lib. 5. naturalium questionum cap. 4. De processione verò Divinarum Personarum, quæ ut ait Bernardus serm. 1. Penitenc. Posuit nubem latibulum suum, agunt Theologi cum Doctore Angelico in hac parte quæst. 27. Verum si adeò obscura & arcana est ventorum quos natura producit origo, ut vix de ea Philosophi aliquid certi audeant asserere, quis æternam & ineffabilem Divini Verbi, & Sancti Pneumatis originem agnoscere & explicare valeat? Generationem illius, & istius processionem, quæ enarrabit? Stupet certe natura, suspicit ratio, Philosophia miratur, dum audit unam Personam Divinam, ab alia sine ulla prorsus causalitate & dependentia originari; in alio sine passionem recipi; ad alium non tanquam ad effectum, sed tanquam ad simplicem terminum tendere. Fides tamen hæc docet, enim natura obsequi, parere ratio, & Philosophia subjici debet; ut constabit ex dicendis in hac disputatione, in qua de existentia, quidditate, & principio divinarum processionum disceptemus: & cur uni ex illis, non verò alteri, ratio generationis conveniat. discutimus: invocata prius, his carminibus, Spiritus Sancti gratia.

*Aura potens, amor ignipotens, spirabile nomen:  
Amborum communis amor, cæli aurea flamma:  
Sancte veni, Sanctus accende ardoribus orbem.  
O Divum flamen, nostrum te mentibus affla.*

## ARTICULUS I.

*An sint in Deo processiones ad intra?*

SCILICET duplex est Divinarum actionum genus, aliud immanentium, aliud transcendentium, per illas ad intra agit, per hæc aliquid ad extra operatur: ita & à Theologis dux distinguntur divinarum processionum species; ad intra videlicet, & ad extra; immanentium & transcendentium. Per illas una Persona divina ab alia procedit; per istas verò creaturæ à Deo tanquam à primo principio & prima causa emanant. De primis solum hæc agimus cum Sancto Doctore, & primo inquirimus an illæ de facto dentur in Deo?

Constat ergo ex sacris litteris dari in Deo ab æterno processionem, Divinarum Personarum productivas; quas non licet per metaphoram interpretari, ut faciunt hæretici: primum ob regulam Augustini, quæ asserit verba Scripturæ in proprietate esse accipienda, quando ex eis nullum sequitur absurdum; nulla autem sequitur absurditas ex eo quod in Deo verè & propriè processiones ponantur, ut constabit ex argumentorum solutione: secundò ob auctoritatem Conciliorum, & SS. Patrum, propriè eas exponentium; sic enim habetur in Symbolo Concilii Niceni: Credo in Deum Patrem & in Jesum Christum Filium ejus unigenitum. & ex Patre natum ante omnia secula: Deum de Deo, lumen de lumine, Deum verum de Deo vero. Et ibidem asseritur, Spiritum Sanctum à Patre Filioque procedere. Idem proficitur Concilium primum Constantiopolitanum in suo Symbolo, ubi de Spiritu Sancto hæc adduntur: Credimus in Spiritum Sanctum Dominum, & vivificantem, & ex Patre procedentem, & cum Patre & Filio adorandum. His concinunt Athanasius in suo Symbolo quod in Ecclesia cantatur; Dionysius Areopagita cap. 1. de divinis nominibus, Gregorius Thaumaturgus in sua fidei confessione, Iulianus in Dialogo cum Triphone, Hilarius, Augustinus, alijque sancti Patres, relati hic a Gonzale, & à Salmanticensibus.

Probatur secundò conclusio ratione Theologica. De fide est dari in Deo tres Personas distinctas in unitate essentiae, ut contra Sabellianos & Arianos disputatione præcedenti ostendimus: Sed distinctio realis Personarum in unitate essentiae, abiq. processione minus ab alia subsistere nequit: Ergo dantur in Deo processiones. Minor probatur: Tum quia ex D. Thoma supra quæst. 11. art. 3. & 1. cont. Gen. cap. 42. omnis multitudo sicut debet reduci ad unum, ita debet derivari ab uno principio. Tum etiam, quia cessante processione, cessat oppositio originis; cessante autè oppositio originis, non possunt plures Personæ distinguui, nisi diversitate naturæ. Unde Hilarius in libro de Synodis: Cum unus

Deus



*Deus sit, duo inaccessibiles esse non possunt. Et D. Thomas infra quæst. 33. art. 4. ad 4. aliterit quod ponere duos inaccessibiles, est ponere duos Deos, & duas naturas divinas.*

4. Denique licet non possit conclusio ratione naturali evidenter ostendi, potest tamen duplici congruentia suaderi. Primam fusc prosequitur Richardus à S. Viatore libro 3. de Trinit. infinitam namq; bonitatem & fecunditatem, qualis est naturæ divinæ, decet summa & infinita communicatio: unde dicitur Isaia 66. *Nunquid qui alios parere facio, sterilis ero?* At seclusa procellione unius Personæ ab alia, summa & infinita communicatio nequit subsistere; cum ad extra solum finito modo possit Dei natura diffundi: Ergo datur in Deo unius Personæ ab alia processio.

5. Secunda, quæ utitur D. Thomas hic art. 1. in corpore, potest sic proponi. Quicumq; intelligit, ex hoc ipso quod intelligit, producit aliquid intra se, quod est conceptio rei intellectæ, & dicitur Verbum: Sed Deus est intelligens, imò & in supremo intellectualitatis gradu: Ergo in sui cognitione producit Verbum; cumq; verbi accidentaliter productio divinæ naturæ non cõgruat, restat debere esse Verbum substantiale in Deo.

6. Ut autem vis hujus congruentiæ melius percipiat, & solvatur instantia quæ fieri solet in contrarium: Advertendum est, quod quando D. Thomas ait: *Quicumq; intelligit, ex hoc ipso quod intelligit, producit Verbum*, hoc non debet intelligi, de quacumq; intellectiõne (non enim de ratione intellectiõis ut sic, est Verbi productio, ut constat in visione beatifica, in qua, juxta communem Thomistarum sententiam, Beati nullum producant verbum) sed de intellectiõne connaturali, quæ quælibet creatura intellectualis seipsam intelligit. Unde vis hujus congruentiæ in eo stat, quod cum creaturæ intellectuales, etiam perfectissimæ, in omni sua connaturali intellectiõne verbum producant, congruum est quod Deus, qui est in supremo gradu naturarum intelligentium, per suam intellectiõnem connaturalem, quæ est sui ipsius cognitio, D etiam Verbum producat.

7. Dices: Angelus seipsum connaturaliter intelligit, & tamen in cognitione sui non producit verbum, cum ejus substantia sit præsens immediatè per seipsam proprio intellectui: Ergo principium illud D. Thomæ sic explicatum, non est universaliter verum.

Respondeo negando Antecedens: licet enim substantia Angeli sit per seipsam præsens proprio intellectui, per modum actus primi, & speciei intelligibilis, non tamen per modum actus secundi, & termini actu intellecti: quia ad hoc requireretur quod esset in supremo intelligibilitatis gradu, & actus purus omnem potentialitatem excludens. Unde licet substantia Angeli suppleat vices speciei impressæ in cognitione sui, nequit tamen gerere vices verbi & speciei expressæ, ut docet D. Thomas 4. cont. Gent. cap. 11. ubi de Angelis seipsos cognoscentibus loquens, ait: *Licet intentio intellecta sit eis omnino intrinseca, non tamen ipsa intentio intellecta est eorum substantia, quia non est idem in eis intelligere & esse.*

8. Aliiter etiam potest principium illud Divi Thomæ explicari, intelligendo illud per distributionem completaram, non ex parte intellectiõnum,

A sed ex parte intelligentium; ita ut sensus sit: Omne intelligens, eo ipso quod intelligit (id est, eo ipso quod est in intellectualem naturam in aliqua intellectiõne verbum format. Et sic intellectum hoc principium, est universaliter verum: nulla enim datur natura intellectualis, quæ in aliqua intellectiõne verbum non producat; ut constat inductione in naturam angelicam & humanam, quæ non solum in omni cognitione naturalis, sed etiam in aliqua supernaturali, verbum producant, v.g. in cognitione fidei, vel prophetiæ. Cum ergo Deus sit naturæ intellectualis, & in supremo intellectualitatis gradu existat, congruum est in eo reperiri aliquam intellectiõnem producentem Verbum, quæ est intellectiõ Paterina; quamvis ab intellectiõne essentiali, quæ convenit Filio & Spiritui Sancto, & Deo secundum se considerato, & ut abstrahit à personis, Verbum non producat: quia in illis non est intelligere cum modo fecunditatis, sicut in Patre, defectu oppositiõis relativæ, & distinctiõis realis à termino procedente.

Dices: Quamvis creatura in omni cognitione naturali, & in aliqua supernaturali, verbum producant, illud tamen non formant quando versantur circa objectum infinitum clarè visum: unde, ut suprà dicebamus, in sententia Thomistarum, in visione beatifica nullum verbum producit: Ergo cum Deus seipsum clarè videat, & comprehendat, ex creaturis arguendo, potius concludi deberet, Verbum ab intellectu divino non produci, quàm ejus oppositum.

Confirmatur: Productio verbi in nobis provenit ex imperfectione, nimirum ex indigentia ipsius intellectiõis, quæ requirit objectum in ratione termini intra ipsum intellectum, & ex defectu objecti, quod non habet sufficientem actualitatem, & conjunctionem cum intellectu, in ratione termini intellectiõis: Ergo cum intellectiõ divina sit supra omnem illam imperfectionem elevata; ex eo quod in intellectiõne creata reperitur expressio verbi, convincitur non reperiri in divina.

Ad objectionem respondeo, concessio Antecedente, negando Consequentiam: nam quod intelligentia creata, circa objectum infinitum clarè visum, verbum non producat, provenit ex duplici capite. Primò quia in creaturis productio verbi non est ex fecunditate, sed ex necessitate; & cum circa objectum infinitum, quod de se est in ultima actualitate, verbi productio necessaria non sit; consequens est, quod in ejus clara visione verbum ab intellectu creato non producat. Secundò id provenit, quia objecto infinito per essentiam repugnat per verbum creatum representari quiddam, non minus quàm per speciem impressam creatam, ut in Tractatu de visione Beata ostensum est. Ex quibus rationibus nulla militat in intelligente increato: tum quia Verbum non ex necessitate, sed ex fecunditate producit: tum etiam quia verbum ab illo productum, est ejusdem naturæ, ejusdemq; immaterialitatis cum objecto intellecto, ac proinde ex nullo ex illis capitibus ei repugnat producere Verbum. Unde vis congruentiæ D. Thomæ consistit in hoc: Omnis intelligentia creata circa proprium objectum in aliqua intellectiõne verbum producit: Ergo & intelligens increatus, circa suum objectum, Verbum increatum producit, cum talis

Dis.  
2.  
art. 1.

talis productio non repugnet ex aliis capitibus.

12. Ex quo patet solutio ad confirmationem: concessio enim Antecedente, neganda est etiam Consequentia. Nam quamvis intellectiones creatæ habeant producere verbum ex imperfectione, scilicet ex indigentia, & defectu sufficientis actualitatis in objecto ad quod reiminantur; id tamen quod est producere verbum, est perfectio quædam; dicit enim fecunditatem, quæ quamvis in creaturis non possit esse nisi adjuncta imperfectione, nulla tamen apparere repugnantia, quominus possit ab imperfectione depurari, & sic depurata esse in Deo. Unde sit ut valde congruè inferatur à D. Thoma, supposita fidei revelatione, intellectiorem divinam habere illam fecunditatem, & producere Verbum: quia omnis perfectio in creaturis reperta, debet esse formaliter in Deo, si ab omni possit imperfectione depurari.

### §. II.

*Solvuntur argumenta in contrarium.*

13. Obijcies primò: Enti à se, & primo principio, repugnat ab alio procedere: Sed quævis Persona Divina est ens à se, & primum principium: Ergo nequit una ab alia procedere.

Respondeo distinguendo Majorem: processione ab alio ut à causa, concedo: ut à principio originis, omni dependentià & causalitate seclusa, nego. Unde esse à se, dupliciter sumi potest; primò ut excludit principium extraneum seu alterius naturæ, & sic omnes Personæ Divinæ, & quælibet illarum est à se: secundò ut excludit reale principium ejusdem naturæ, & sic solus Pater est à se.

14. Dices: Non potest intelligi processio sine dependentiâ personæ procedentis à producente: Ergo si una persona non possit ab alia dependere, non potest ab illa procedere. Consequentia patet, Antecedens probatur. Procedere ab alio, est non posse esse sine illo: Sed non posse sine alio esse, est ab illo dependere: Ergo procedere dependentiam importat.

Respondeo negando Antecedens: ad cujus probationem, nego Minorem: nam unum relativum sine alio esse non potest, nec omnipotentia sine possibilitate creaturarum, in veteri sententia; & tamen nec relativum à correlativo dependet, nec omnipotentia à possibilitate creaturarum. Plus ergo ad dependentiam requiritur, quàm necessaria connexio, scilicet quòd sit ratione subordinationis ad aliud, ad quàm necessariò exigitur aliteras in natura. Solutio est D. Thomæ in opusculis contra errores Græcorum cap. 7. ubi ex Athanasio docet, Patrem non posse esse sine Filio, & Spiritu Sancto, & tamen illis non egere, eò quòd conveniat in essentia cum illis. Et 4. contra Gent. cap. 4. ad 9. ait, unam Personam Divinam non pendere ab alia, quamvis sine ea esse nequeat, quia eadem est essentia utriusque.

51. Instabis: Quod procedit ab alio, debet habere distinctum esse, distinctamque; saltem numero naturam ab illo: Ergo si Personæ Divinæ in eadem numero natura subsistant, una non potest ab alia procedere.

Respondeo negando Antecedens: non enim necessarium est, ut omne quod procedit ab alio, habeat naturam aut esse distinctum ab illo, sed

A sufficit quòd habeat distinctum modum essendi: nam ab intellectu informato specie intelligibili procedit verbum, quod est ejusdem naturæ cum specie, & objecto per illud representato, sub diverso tamen modo essendi. Quamvis igitur in divinis sit unica simplex natura, & unicum simplex esse; hoc tamen non tollit veram rationem processionis, quia non obstat unitate naturæ, est distinctio realis Personarum, seu diversus modus subsistendi in eadem natura.

16. Secundò responderi potest, distinguendo Antecedens: Quod procedit ab alio, processione corporeà & materiali, concedo Antecedens; processione intellectuali, nego Antecedens, & Consequentiam. Solutio est D. Thomæ hic art. 1. ad 2. ubi sic discutit: *Quod procedit secundum processionem quæ est ad extra, oportet esse diversum ab eo à quo procedit. Sed id quod procedit ad intra processui intelligibili, non oportet esse diversum, imò quantum perfectius procedit, tanto magis est unum cum eo à quo procedit. Manifestum est enim, quòd quantum aliquid magis intelligitur, tanto conceptio intellectualis est magis intrinseca intelligenti, & magis unum. Nam intellectus secundum hoc quòd actu intelligit, secundum hoc fit magis unum cum intellecto. Unde cum Divinum intelligere sit in fine perfectionis, necesse est quòd Verbum Divinum sit perfecte unum cum eo à quo procedit, absque omni diversitate.*

Obijcies secundò: Quod procedit ab alio est indigentis naturæ: At in Personis Divinis nulla est indigentia, sed summa perfectio: Ergo nec processio. Minor constat, Major probatur. Omne procedens recipit aliquid ab eo à quo procedit: Sed quod recipit est indigentis naturæ, nisi enim indigeret, non reciperet; unde in rebus naturalibus receptibilitas attribuitur materię, & Actum 10. dicitur: *Beatius est dare quàm accipere*: Ergo quod procedit ab alio est indigentis naturæ.

- D Respondeo ex D. Thoma quæst. 10. de potentia art. 1. ad 13. *Quod recipiens antequam recipiat indiget, ad hoc enim accipit ut indigentiam repleat, sed postquam jam accepit, non indiget, habet enim quod indigebat. Si ergo aliquid est quod receptioni non præexistit, sed semper est in receptis, hoc nullo modo est indigens. Nilius autem non fit accipit à Patre, quasi prius non habens, & postea accipiens; sed quia hoc ipsum quod est, habet à Patre: unde non sequitur quòd sit indigens. In forma igitur respondeo, distinguendo Majorem: Quod procedit ab alio est indigentis naturæ, si procedat in tempore, & successivè, concedo. Si processio sit æterna, & tota simul, nego.*

18. Instabis: In æternis non potest dari prioritas & posterioritas: Sed processio necessariò involvit ordinem prioris & posterioris inter personam producentem & productam: Ergo nulla potest dari processio ab æterno.

19. Respondeo distinguendo Majorem: In æternis non potest dari prioritas & posterioritas, temporis seu durationis. concedo Majorem, Originis, vel naturæ, nego Majorem. Similiter distinguo Minorem. Processio involvit ordinem prioris & posterioris, prioritate originis vel naturæ, concedo. Temporis aut durationis semper, nego. Nam lux Solis emittit ex se splendorem, & tamen Sol non fuit prius tempore, quàm ejus splendor, sed solum prius origine

origine seu naturā. Idem dicendum cum pro-  
 portionē de processione Verbi Divini, quod  
 procedit à Patre, ut lux à Sole, seu ut splendor  
 gloriæ ipsius, ut dicit Apostolus ad Hebr. 1.  
*Splendor enim* (ut notat S. Thomas ibidem) *est il-  
 lud quod à fulgore primo emittitur: unde cum sapien-  
 tia sit quædam lux spiritalis, prima conceptio sapientiæ  
 est quasi quidam splendor. Verbum ergo Patris, quod est  
 quidam conceptus intellectus ejus, est splendor sapien-  
 tiæ quæ se cognoscit.*

20. Obijcies tertio: Si daretur in Deo processio,  
 illa esset secundum actionem immanentem, &  
 non transeuntem, ut docet S. Thomas hic art. 1.  
 Sed non potest dari processio in Deo, ratione  
 actionis immanentis: Ergo &c. Minor probatur,  
 quia ut dicitur 9. Metaph. inter actionem imma-  
 nentem & transeuntem, hoc intercedit discrimen,  
 quod actio transiens habet terminum produ-  
 ctum, non autem actio immanens.

21. Respondeo concessa Majori, negando Minorem.  
 Ad cujus probationem, dicendum est cum  
 Cajetano, quod discrimin positum à Philoso-  
 pho inter actionem immanentem & transeuntem,  
 dupliciter explicatur: primo quoad neces-  
 sitatem, secundum quoad ordinem. Primo modo  
 intellectum, consistit in eo quod actio imma-  
 nens, ex ratione communi & generica, non pe-  
 tit habere terminum productum, actio verò  
 transiens, ex communi conceptu actionis trans-  
 euntis, terminum productum exposcit; cum quo  
 stat quod aliqua actio immanens terminum ha-  
 beat productum. Sicut relatio transcendentalis  
 à prædicamentali distinguitur, per hoc quod  
 prima non petit universaliter realem existen-  
 tiam termini, prædicamentalis verò universaliter  
 terminum existentem exposcit; cum quo ta-  
 men comparitur, quod aliqua relatio transcen-  
 dentalis, sine termino existente nequeat subsi-  
 stere; ut constat in relatione notitiæ intuitivæ  
 ad objectum, & in relatione actionis ad princi-  
 pium, quæ transcendentales sunt, & tamen rea-  
 lem terminorum existentiam exposcunt. Secun-  
 do modo intellectum prædictum discrimen,  
 consistit in eo quod actio transiens habet termi-  
 num productum, ad quem ut ad finem ordina-  
 tur; immanens autem terminum à se produ-  
 ctum pro finem non respicit, sed potius terminus  
 est propter actionem immanentem. Et ita in  
 verbo, & in intellectu creata contingit: non  
 enim intellectus est propter verbum ut finem,  
 sed potius verbum est propter intellectum, cum  
 ad hoc verbum producatur, ut intellectus in  
 illo contempletur objectum.

## ARTICULUS II.

### In quo divinæ Processiones consistant?

Ostendimus articulo præcedenti dari proces-  
 siones in Deo: nunc examinandum restat  
 quid illæ sint, sive in quo essentialiter consistant.  
 Quæstio autem procedit præcipue de divinis  
 processionibus activè sumpris. Ex cujus resolu-  
 tione constabit, in quo passivæ processionibus  
 consistant.

#### S. I.

Referuntur sententiæ, & primæ rejicitur.

22. In hac ergo celebri controversia, quatuor te-  
 perio Authorum sententiæ. Prima docet, di-  
 vinas processionibus non esse veras & proprias

Tom. II.

actiones, sed tantum resultantias quasdam, seu  
 emanationes; & nam Personam oriri ex alia,  
 eo ferè modo quò proprietates oriuntur ab es-  
 sentia; non per veram actionem, sed per quan-  
 dam resultantiam, & simplicem emanationem.  
 Ita Suarez libro 1. de Trinit. cap. 8. & Molina  
 hic disp. 1.

Secunda sententia est Scoti in 1. dist. 2. quæst.  
 7. qui divinas processionibus esse veras actiones  
 ultrò proficitur; vult tamen illas ab actibus in-  
 telligendi & volendi esse ex æquo & totaliter di-  
 stinctas; & dictionem non includere formaliter  
 intellectum; nec inspirationem activam, voli-  
 tionem; & sic salvare putat, quod licet intelli-  
 gere & velle sint operationes communes omni-  
 bus Personis, non tamen dicere & spirare.

Huic Scoti sententiæ annexi potest opinio  
 quæ tribuitur Henrico, Argentinæ, Marfilio,  
 Richardo, & alijs, qui non distinguunt duos ac-  
 tus in intellectu; alterum qui sit cognitio, alter-  
 um qui sit dictio, sicut Scotus; sed duas cogni-  
 tiones seu intellectiones, unam absolutam, &  
 communem toti Trinitati, quæ nihil producit;  
 alteram notionalem, & Patri propriam, ex qua  
 Verbum generatur. Et idem proportionaliter  
 dicunt de volitione.

Quarta & ultima sententia, quam Thomistæ  
 amplectuntur, unicum tantum intelligere essen-  
 tiale in Deo agnoscit, quod ut modificatum re-  
 latione Paternitatis, habet rationem dictio-  
 nis, & producit Verbum; & similiter unicum  
 velle essentialiter, quod prout modificatur per re-  
 lationem Spiratoris, habet rationem spirationis  
 activæ, & Spiritum Sanctum producit.

Dico ergo primo: processionibus divinis esse  
 verè & propriè actiones immanentes ac vitales,  
 & non puras ac simplices emanationes.

Probatur primo ex D. Thoma hic art. 2. ubi  
 ait: *Verbum procedit per modum intelligibilis actionis,  
 quæ est operatio vitæ.* Et art. 3. *Processio Verbi* (in-  
 quit) *attenditur secundum actionem intelligentem.*  
 Et art. 5. *Processiones in Divinis accipi non possunt, nisi  
 secundum actiones quæ in agente manent.*

Probatur secundò conclusione contra Sur-  
 rem, argumento ad hominem: nam hic Author  
 disp. 18. Metaph. sect. 3. docet contra Thomistas  
 proprietates produci ab essentia per veram ac-  
 tionem, & non tantum per resultantiam: Sed  
 relationes divine constitutivæ Personarum sunt  
 proprietates, ut omnes Theologi farentur: Ergo  
 juxta hujus Authoris principia, debent à Deo  
 per veram actionem produci.

Probatur tertio: Simplex resultantia est ab  
 ipsa natura substantiali immediatè, saltem re-  
 spectu primæ proprietatis: Ergo si processio  
 Verbi, quæ est prima proprietas, sit resultantia,  
 erit immediatè à natura divina; quod tamen  
 negant Suarez & alij Theologi contra Duan-  
 dum, ut patet ex dicendis articulo sequenti.

Probatur quarto: Persona subsistens debet  
 produci per veram actionem: Sed processionibus  
 divinæ producunt personas subsistentes, ut est  
 certum de fide: Ergo sunt veræ actiones. Major  
 probatur, quia persona subsistens non potest  
 non esse substantialis terminus, per se primò  
 terminans actionem.

Dices: In rebus creatis quamvis generatio  
 terminetur ad personam subsistentem, tamen in  
 sententia Thomistarum non est vera actio, sed  
 tantum resultantia ex alteratione præcedenti:  
 Ergo falsum est quod persona subsistens debeat  
 semper

semper produci per veram actionem.

Sed contra: Nam ex hoc convincitur veritas nostræ conclusionis. Idcirco enim in creatis generatio non potest esse vera actio, quia ordine quodam subsequitur ad veram actionem, scilicet alterationem, tanquam complementum illius, unde est tantum resultantia: Sed divinæ processiones non consequuntur ad aliquam actionem: Ergo non sunt simplices emanationes, sed veræ & propriæ actiones.

28. Dices, Processiones divinas consequi ad intellectionem & volitionem.

Sed contra: Si hoc ita esset, processiones divinæ totaliter distinguerentur ab intellectione & volitione, quod negat ipse Suarez, & nos falsum esse ostendimus §. sequenti.

29. Denique probari potest conclusio, destruendo præcipuum hujus Authoris fundamentum. Vera & propria actio vitalis ac immanens, potest ab omni defectu & imperfectione depurari: Ergo est perfectio simpliciter simplex, quæ reperitur formaliter in Deo. Consequentia patet: Antecedens verò, præterquam quod constabit ex solutione argumentorum, potest breviter suaderi. Conceptus virtutis activæ potest denudari ab omni imperfectione, & attribui Deo: Ergo & conceptus actionis. Consequentia patet: quia actio multo perfectior est quam virtus activa, cum sit magis actualis. Antecedens probatur ex D. Thomas supra quæst. 25. art. 1. in corp. ubi sic ait: *Manifestum est, quod unumquodque secundum quod est actu & perfectum, secundum hoc est principium activum aliquis: ostensum est autem supra quod Deus est purus actus & simplex, ac universaliter perfectus; unde sibi maxime competit esse principium activum.*

Confirmatur: Deus, saltem respectu productionis creaturarum, habet virtutem activam, imò & actionem ab omni imperfectione denudatam: Ergo vera & propria ratio actionis potest ab omni imperfectione depurari, & reperiri in Deo formaliter.

## §. II.

### *Solvuntur objectiones.*

30. Obijcies primò: D. Thomas hic art. 1. in corp. Divini verbi processionem, *Emanationem intelligibilem* appellat: Ergo sentit divinas processiones non esse veras & proprias actiones, sed puras ac simplices emanationes.

31. Respondeo concessio Antecedente, negando Consequentiam: nam D. Thomas loco citato emanationem non strictè, & prout est pura ac simplex resultantia, sed in latiori quadam significatione usurpat, prout emanatio contra actionem corporalem & transientein distinguitur; & intendit tantum puritatem illius actionis significare, ac ostendere eam esse ab omni dependentia & causalitatis imperfectione immunem. Pro quo facit quoddam hoc nomen, *emanatio*, usurpari solet ad exprimendum processionem creaturarum à Deo, à quo dicuntur emanare, & tamen verà actione producuntur ab ipso: Sed quia illa actio creativa, ex parte Dei excludit omnem imperfectionem, idèò emanatio dicitur. Idem in præsentia evenit.

32. Obijcies secundò: Idem S. Doctor quæst. 2. de potentia art. 1. sic habet: *Potentia quæ in Deo ponitur, nec propriè activa, nec passiva est, cum in ipso non sit nec prædicamentum actionis, nec passionis, sed*

*sua actio est sua substantia.* Quibus verbis manifestè videtur denegare divinis actibus veram rationem actionis.

Sed facillè responderetur, loqui D. Thomam de actione prædicamentali & transiente, quæ cum motu identificatur, ut constat ex ratione quæ utitur; quia nempe in Deo non est prædicamentum actionis nec passionis, sed sua actio est sua substantia: actionem autem isto modo acceptam, libenter fatemur in Deo non reperiri. Non autem negat D. Thomas veram & propriam actionem, quæ prædicamentalis non sit, nec cum motu identificata.

- Obijcies tertio: In rebus creatis relationes non sunt per veram & propriam actionem, sed resultant ex fundamento, posito termino; ut docet Aristoteles in prædicamentis cap. de relatione, ubi ait, ad relationem non dari per se motum: Ergo similiter relationes in Deo non producuntur per veram actionem, sed per simplicem resultantiam & emanationem. Consequentia videtur manifesta, quia debemus loqui de divinis, per analogiam & cum propositione ad creata.

- Respondeo concessio Antecedente, negando Consequentiam, & paritate. Ratio discriminis est, quia relationes creatæ, cum sint accidentales, & debiles ac diminutæ entitatis, non possunt aliter fieri, quam per puram emanationem, & simplicem resultantiam: Divinæ autem, cum sint substantiales, & divinarum Personarum constitutivæ, habent perfectionem substantiarum, & rerum per se substantientium, quarum est propriè fieri, & idèò producuntur per veram actionem.

- Obijcies quartò cum Suare: De ratione actionis, quæ verè & propriè est actio, sunt plures imperfectiones, nempe ratio motus, egressio ab agente, & quoddam illius terminus sit realiter actus, sicut & principium est realiter agens, & consequenter quoddam terminus sit verè effectus: Sed huiusmodi imperfectiones processionibus divinis repugnant: Ergo & vera ratio actionis.

- Respondeo negando Majorem: etenim de ratione actionis solum est quoddam sit ultima actualitas agentis, ab illo egrediens egressu formali aut virtuali: in egressu autem virtuali à principio nulla imperfectio importatur; sicut necin eo quoddam proprietates divinæ in essentia virtualiter radicatur, & virtualiter ab illa dimanent, aliqua imperfectio invenitur. Nec sequitur Deum verè & propriè esse agentem ad initia, sed tantum esse verè & propriè intelligentem, & cum proprietate producentem: nam hoc nomen agens, ex communi usu loquendi inter Latinos, sumitur pro principio producente per veram efficientiam, & veram causalitatem: sicut nec sequitur ex eo quoddam Pater sit principium Verbi, quoddam Verbum principium dicatur, ut docet D. Thomas infra quæst. 33. art. 1. ad 2. quia hoc nomine denotatur minoritas aut inferioritas, quæ Verbo non competit.

- Quoddam si adhuc urgeas in hunc modum: 33. Actio est nobilior suâ potentia, ad quam comparatur sicut actus secundus ad actum primum: Ergo si datur in Divinis vera actio, erit ibi aliquid per modum actus primi & secundi, & tanquam aliquid nobilior & minus nobile. Occurrit Angelicus Doctor supra quæst. 25. articulo primo ad 2. dicens: *Quandocumque actus est aliud à potentia, oportet quod actus sit nobilior potentia: sed actio Dei non est aliud ab ejus potentia, sed*



*utrumque est essentia divina, quia nec esse ejus est aliud ab ejus essentia; unde non oportet quod aliquid sit nobilius quam potentia Dei.*

## §. III.

*Impugnatur sententia Scoti.*

**D**ico secundò, processiones divinas activè sumptas, non esse actus ex æquo distinctos ab intelligere & velle; sed dictionem ac spirationem formaliter includere intellectiōnem & volitionem.

39. Probatur primò conclusio: Ex eo probant Theologi cum D. Thoma hic art. 7. duas tantum esse processiones in Divinis, quia in natura intellectuali sunt tantum duæ actiones, scilicet intelligere & velle; Sed hæc ratio non concluderet, si vera esset sententia Scoti, & si præter actiones intelligendi & amandi, darentur in natura intellectuali aliæ actiones intellectus & voluntatis: Ergo &c.

40. Probatur secundò: Si Filius & Spiritus Sanctus non procederent per actum intelligendi & volendi formaliter, sed per alios actus formaliter aut ex natura rei ab intellectu & volitione distinctos, Filius ex vi suæ processionis non posset dici sapientia genita, nec Spiritus Sanctus, amor aut dilectio Patris & Filii: Consequens est falsum: Ergo &c. Sequela Majoris patet: nam sapientia & amor pertinent ex sua natura, ex intellectu & volitione procedere.

41. Probatur tertio conclusio, destruendo præcipuum Scoti fundamentum. Idcirco enim ille Author fingit in intellectu Dei actum ab intellectu essentialiter formaliter & ex natura rei distinctum, ne cogatur admittere quod Verbum procedit per actionem intelligendi essentialē, & tribus Personis communem: Sed hoc non evitatur, admitrendo in intellectu Dei actum ab intellectu essentialiter distinctum: Ergo ruit præcipuum ejus fundamentum. Minor, in qua posita est difficultas, probatur. Illa actio formaliter ex natura rei ab intellectu essentialiter distincta, est in ratione actionis actus absolutus, sicut & intellectio ipsa: Ergo in ratione actionis, communis est & essentialis, sicut & ipsa intellectio. Consequentia patet, Antecedens probatur. Actio illa in ratione actionis ab intellectu dimanantis, non est formaliter relatio; hæc enim nec productiva est, nec per modum actionis segreditur ab intellectu, cum sit terminus divinae naturæ, ipsam in ratione personæ constituens: Ergo talis actio, sub conceptu actionis, quid absolutum est, sicut & intellectio; nam in Deo quidquid non est relativum, est absolutum, & pertinet ad essentialia; ac proinde sequitur ex sententia Scoti, quod Pater per actum absolutum, & tribus Personis communem, suum Verbum producat. Quidni ergo idem posset concedere de ipso intelligere essentialiter, ut frustra multiplicentur actiones in Deo?

41. Denique probatur conclusio: In nobis intellectio & dictio non sunt actus totaliter & ex æquo distincti, sed dictio essentialiter intellectiōnem includit, eique solum superaddit quendam modum causalitatis & efficaciz: Ergo idem à fortiori dicendum erit in Deo. Consequentia patet: si enim ea quæ distinguuntur in inferioribus, sunt indistincta in superioribus: multò magis indistincta in inferioribus, erunt idem in superioribus. Antecedens verò fuscè solet ostendi à nostris Thomistis in libris de anima, potestque breviter suaderi.

Tom. II.

**P**rimò ex D. Thoma hic art. 1. ubi docet quoddam quicquid intelligit, ex hoc ipso quod intelligit, producit verbum: Si autem intelligere esset actus ex æquo à dictione distinctus, falsum esset quod quicquid intelligit, ex hoc ipso quod intelligit, exprimat Verbum, imò illud exprimeret, inquantum haberet aliam actionem ab intellectu distinctam: Ergo ex D. Thoma intellectio & dictio in nobis non distinguuntur, sed dicere est intelligere, cum hoc quod est se se exprime aliquam conceptionem, ut inquit idem S. Doctor quæst. 4. de verit. art. 2. ad 5.

Secundò probatur idem Antecedens: Juxta S. Thomam, verbum est intellectiōnis terminus: ita enim expresse docet infra quæst. 34. art. 1. ad 2. Et 4. cont. Gent. cap. 11. his verbis: *Est autem de ratione interioris verbi, quod est intentio intellectus, quod procedat ab intelligente secundum suum intelligere, cum sit quasi terminus intellectualis operationis*: Sed verbum est terminus dictionis: Ergo dictio formaliter est intellectio.

Eadem veritas triplici ratione suadetur. Prima sic potest proponi. Respectus ad terminos se habentes ordinatè, non sufficiunt ad constituendum actus ex æquo distinctos: Sed respectus ad Verbum & terminum productum (in quo dictio consistit) & respectus ad objectum cognitum (in quo consistit intellectio) sunt ad terminos ordinatè se habentes: Ergo non sufficiunt ad distinguendum adæquatè dictionem & intellectiōnem, & consequenter dictio non erit actus ex æquo ab intellectu distinctus, sed erit formaliter intellectio. Major est certa: nam una & eadem actio potest duos terminos producere, unum primariò, & alterum secundariò: ut constat in actione quæ essentia producit, secundariò terminata ad passiones; & una actio potest ad duo objecta terminari, primariò ad unum, ad aliud secundariò; ut patet in visione beatifica, primariò terminata ad Deum, secundariò ad creaturas: Ergo termini ordinatè se habentes, non significant actiones ex æquo distinctas. Minor autem probatur primò ex D. Thoma infra quæst. 34. art. 1. ad 3. ubi ait: *Dicere importat principaliter habitudinem ad verbum conceptum, nihil enim aliud est dicere, quam proferre verbum, sed mediante verbo importat habitudinem ad rem intellectam, quæ in verbo prolato manifestatur intelligenti*: Ergo ex mente D. Thomæ verbum & res intellecta ordinatè se habent in terminando habitudinem dictionis & intellectiōnis. Secundò probatur eadē Minor. Respectus terminatus ad verbum, non sinit in illo, sed transit ad rem intellectam, cum verbum essentialiter sit representatio objecti: Ergo objectum intellectum & verbum ordinatè se habent:

**E** Secunda ratio ad probandum dictionem ab intellectu adæquatè non distinguì, si potest formari. Omnis actus intellectus est formaliter intellectio: Sed dictio est actus intellectus: Ergo dictio est intellectio formaliter. Minorem concedunt Adversarii, Major autem, in qua est difficultas, probatur primò à simili: Omnis actus voluntatis est volitio, omnis actus potentiz visive est visio, &c. Ergo pariter omnis actus intellectus est intellectio.

Probatur secundò: C objectum adæquatè specificativum intellectus, est verum & intelligibile, ut docent Philosophi in Metaphysica: Ergo omnis actus intellectus debet esse intellectio. Consequentia patet: nam actus tendens in objectum, sub ratione veri & intelligibilis, est intellectio; sicut

sicut tendentia in obiectum, subtractione boni & appetibilis, est volitio.

Probatur tertio: Intellectus est potentia adæquate intellectiva: Ergo omnis actus eius est actus intelligendi, seu intellectio. Consequentia patet, quia si intellectus esset elicitivus alicuius actus qui non esset intellectio, ex hac parte non esset intellectus; cum non possit vocari intellectus, nisi elicitivus intellectus, & sic non esset adæquate intellectiva. Antecedens autem probatur. Intellectus est potentia adæquate cognoscitiva: Ergo & adæquate intellectiva. Hæc consequentia patet: nam in potentia immateriali, qualis est intellectus, ratio cognoscitiva & intellectiva coincidunt; cum non reperiatur in ipsa alia ratio cognoscitiva, quam spiritualis, quæ est ratio intellectiva. Antecedens verò probatur dupliciter: Primum quia visus est adæquate visivus, & sic de aliis sensibus: Sed intellectus est perfectior & universalior in ratione cognoscitiva, quam quicumque sensus: Ergo est adæquate cognoscitivus, & non ex parte. Secundò Intellectus est adæquate & perfectè immaterialis: Sed ad immaterialiorem ratio cognoscitiva sequitur, ut ostenditur in Tractatu de Attributis: Ergo intellectus est potentia adæquate cognoscitiva.

Denique probatur Major principalis hujus secundæ rationis: Actus qui non est intellectio, sufficit ad specificandam potentiam, ex æquo ab intellectu distinctam: Ergo omnis actus potentie intellectivæ, formaliter est intellectio. Consequentia patet, Antecedens probatur. Non alia ratione volitio specificat potentiam ab intellectu distinctam, nempe voluntariæ, nisi quia formaliter intellectio non est: Ergo omnis actus qui non est intellectio, specificare valet potentiam ab intellectu distinctam.

Neque valet si dicas, distinctionem, quamvis sit actus ab intellectu distinctus, non valere ad specificandam potentiam ab intellectu distinctam; quia intellectiorem supponit, & ab illa ut à principio penderet. Non valet, inquam, nam etiam volitio est intellectu posterior (nihil enim volitum, quin præcognitum) & ab illa dependet ut à principio effectivo, ut aliquid volunt, vel saltem tantquam à necessaria conditione, ut omnes fatentur; & tamen illa specificat potentiam ab intellectu distinctam: Ergo quamvis dictio supponeret intellectiorem, & ab illa ut à principio penderet, hoc tamen non obstat, quin illa specificaret potentiam ab intellectu distinctam, si esset actus ex æquo ab intellectu distinctus.

47 Tertia ratio ad probandum quod dictio est formaliter intellectio, sic proponitur. Dictio attingit verbum in esse intelligibili formaliter: Ergo est formaliter intellectio. Consequentia patet: nihil enim potest attingere obiectum sub ratione intelligibilis formaliter, nisi intellectio. Antecedens autem probatur. Dictio habet attingere verbum in ratione representantis obiectum formaliter, cum verbum essentialiter sit imago & representatio obiecti: Sed hoc est attingere illud in esse intelligibili seu intellectu formaliter: Ergo dictio attingit verbum in esse intelligibili formaliter.

46 Dices primò: Actus quorum termini & modi tendendi sunt distincti, distinguuntur ex æquo: Sed dictio & intellectio respiciunt distinctos terminos; prima enim respicit verbum productum, secunda obiectum cognitum; gaudentque modis tendendi diversis, nam dictio respicit verbum, il-

lud producendo, intellectio verò suum obiectum respicit per modum puræ contemplationis, & ipsum non producit: Ergo dictio & intellectio distinguuntur ex æquo, & consequenter dictio non est formaliter intellectio.

47 Respondeo distinguendo Majorem: Si distinctio terminorum & modi tendendi, formalis sit, concedo Majorem: si sit materialis, nego Majorem; & sub eadem distinctione Minoris, nego Consequentiam: nam cum termini distinctionis & intellectiōis ordinatè se habeant, ordine primarij & secundarij, tota illorum distinctio, & modi tendendi, in illis materialis est. Instoque exemplò intellectus, in quo ratio productiva verbi, & ratio intellectivæ identificatæ inveniuntur, non obstantia diversitate terminorum, & modi tendendi; quia propter illorum ordinem, talis diversitas materialis est. Insto etiam in ratione productivæ, & intellectivæ, quæ in eodem actu divini intellectus, per ordinem ad creaturas, reperiuntur abique distinctione formalis; eo quod ordinatè ad obiectum intellectum, & ad terminum productum compatiuntur.

48 Dices tuus: Dictio intellectus creati est prior intellectu: Sed id quod est prius, non includit posterius formaliter: Ergo dictio intellectus creati non est formaliter intellectio. Minor patet, Major verò probatur. Prius est verbum producti, quod sit per distinctionem, quam obiectum intelligi, quod ab intellectu præstat; cum ad hoc producat verbum, ut intellectus in eo contempletur obiectum: Ergo dictio intellectus creati est prior intellectu.

49 Respondeo distinguendo Majorem: Dictio adæquate concepta, est prior intellectu, nego Majorem; inadæquate concepta, concedo Majorem; & sub eadem distinctione Minoris, nego Consequentiam. Nam licet personales divina, subtractione hypostasis, prior sit relatione sub conceptu referentis; quia tamen prior iste conceptus est inadæquatus, non sequitur illam esse relationem formaliter. Item licet in relatione creatæ, prior sit respectiva subiecti, quam correlativa seu termini; quia tamen conceptus iste inadæquatus, non licet inferre, relationem creatam terminum formaliter non respicere. Et ratio est, quia potest unica eademque forma duplicem respectum inadæquatam habere, sub quorum uno aliquid minus exteatur, quod sit prius eadem formæ, prout aliud minus præstat. Et ita contingit ut dictio creatæ, quæ sub uno conceptu inadæquato exercet minus productionis verbi, & sub alio minus contemplationis obiecti; quorum primum, hoc secundum præcedit, abique eo quod liceat colligere, distinctionem non esse intellectiōnem formaliter.

### S. III.

*Alter descendit modus rejicitur, & vera sententia stabilitur.*

Dico tertio, Non datur in Deo intellectio notionalis & relativa, in linea intellectiōis, virtualiter ab absoluta distincta.

50 Probatur primò: Prædicata absoluta non multiplicantur propter identitatem cum relationibus, ut docet D. Thomas quæst. 9. de potentia art. 9. ad 3. Sed intellectio est unum ex prædicatis absolutis in Deo: Ergo ex identitate cum relationibus non multiplicatur virtualiter.

51 Secundo probatur: Non datur in Deo duplex intel-

intellectus, unus absolutus, alter relativus, ut fatentur omnes Theologi: Ergo nec duplex intelligere, absolutum unum, & relativum alterum. Consequentia tenet ex paritate rationis.

32. Probatur tertio: Actio intelligendi essentialis, in ratione intellectus est infinitè perfecta; cum sit cognitio attingens omne objectum cognoscibile, sub omni modo quò cognoscibile est: Ergo non datur intellectio notionalis, virtualiter ab absoluta distincta. Consequentia probatur: Idem in Deo non distinguimus duplicem misericordiam vel justitiam, quia quilibet intra proprium genus est infinitè perfecta: Ergo eadem ratione non debet in Deo distingui duplex actio intellectus.

33. Denique probatur: Si daretur in Deo intelligere notionale, virtualiter ab essentiali & communi distinctum, solum posset sic ab eo distingui per relationem: nam notionalia non aliter distinguuntur in Deo ab essentialibus & communibus: nisi quia illa dicunt relationem, non verò ista: Sed relatio non est sufficiens ad constituendum aliquid intelligere divinum ab intelligere essentiali & communi formaliter aut virtualiter intra lineam intellectus distinctum; quia omnis intellectio est actus secundus vitalis, & perceptio objecti, dicens ordinem ad suum objectum ut objectum illius est; regulario verò divina, neque est actus vitalis, neque perceptio objecti, sed terminus naturæ divinæ, constitutus personæ; nec dicit ordinem ad objectum, sed tantum ad suum correlativum: Ergo &c.

Quod diximus de intellectu, dicendum est de volitione: quia de utraque eodem proportionali modo philosophandum est. Unde sicut non debet in Deo admitti duplex intelligere, unum essentiali, & alteram notionale, ut jam ostendimus, ita nec duplex velle.

34. Dices: D. Thomas in 3.ª quæst. 37. art. 2. ad 1. ait: *Esse sapientem vel intelligentem in Divinis non fitur nisi essentialiter, & idem non potest dici quòd Pater sit sapiens vel intelligens Filio; sed diligere sumitur non solum essentialiter, sed etiam notionaliter.*

Ergo quamvis in Deo admitti non debeat duplex intelligere virtualiter distinctum, unum essentiali, & alterum notionale, bene tamen duplex velle.

35. Respondeo concessio Antecedente, negando Consequentiam: nam D. Thomas ibi solum intendit, inter nomen intellectus & dilectionis hoc statuere discrimen, quòd primum non dicitur de Filio in Divinis; quamvis enim secunda Trinitatis personæ Verbum denominatur, non vocatur tamen intellectio aut cognitio: alterum verò attribuitur Spiritui Sancto; ille enim non solum amor, ut impulsus, sed & dilectio appellatur. Ex quo inferit S. Doctor quòd licet non possit dici, quòd Pater est sapiens aut intelligens Filio, bene tamen quòd Pater & Filius diligunt se Spiritui Sancto.

Dico ultimum, processiones divinas activè sumptas, esse ipsosmet actus intelligendi & volendi, cum speciali tamen modificatione, intellectus & volitioni virtualiter superaddita.

36. Explicatur & simul probatur conclusio. Quamvis actualis productio Verbi in Divinis sit formaliter ipsum intelligere: quia tamen intelligere absolute & cum præcisione sumptum, est commune tribus Personis, & in Filio & Spiritu Sancto non exprimit Verbum; inde fit ut in quantum formaliter est productio, debeat aliquid addere supra

A seipsum absolute & cum præcisione sumptum: quod cum non possit esse aliquis actus specialis, virtualiter ab ipso distinctus, ut ostendimus, debet esse quædam modificatio, ratione cuius sit expressio Verbi in Patre; non autem in Filio, & Spiritu Sancto. Quod explicatur exemplo ex naturalibus desumpto. Sicut enim per actum scientiæ naturalis producit habitus scientiæ, absque eo quòd esse productionem talis habitus, dicat speciem rationem actionis, distinctam ab actu scientifico; sed ita ut ipsemet actus sciendi sit productio illius, non absolute, & quatenus præcisè est actus denominans scientem & scitum, sed prout est modificatus per quandam formalitatem modalem secunditatis & causalitatis. Ita similiter in Divinis verbum exprimitur per illummet actum, qui est intelligere, quatenus tamen habet speciem modificationem sibi superadditam, ob quam exprimit illud. Quod non est ita intelligendum, ut illa formalitas sive modificatio sit ipsa expressio Verbi; aliàs esset actio specialis ab intellectu saltem formaliter distincta; sed ita solum ut compleat intellectiorem in ratione dictionis sive expressionis Verbi; ob quam rationem non incongruè ab aliquibus dicitur expressio, sive productio Verbi ut quo, quia est illud quo intellectio habet exprimere Verbum ut quod.

Est tamen hæc differentia inter scientiam & intellectiorem creatam producentem verbum, ex una parte, & intellectiorem divinam ex alia, quòd modus sive formalitas illa quam intellectio creatæ & actus sciendi dicunt, in quantum habent rationem productionis, est aliquid in recto ab illis importatum, quo habent complere vim & efficaciam inferendi verbum, aut habitum scientiæ; & hoc quia ratione suæ limitationis non sibi formaliter identificant quiddam ad hoc minus requiritur: at verò modificatio quam dicit intellectio divina, ut productiva Verbi, est aliquid ab ea solum in obliquo importatum, & tanquam connotatum: quia ratione suæ infinitatis habet ex se formaliter quiddam in recto requiritur ad expressionem Verbi. Illud autem obliquum sive connotatum nihil aliud est quàm relatio Paternitatis, sive modus specialis quo est in prima Persona, vel in Persona constituta per relationem Paternitatis: unde quia illam modificationem non dicit formaliter in Filio, & in Spiritu Sancto, sed oppositam, non est in eis actualis expressio Verbi, sed solum simplex intellectio. Quod verò illa modificatio sit illud quod modò assignavimus, patet ex eo quòd quiddam aliud divina intellectio dicit, præter huiusmodi connotatum, habet etiam in Filio & Spiritu Sancto.

#### §. IV.

Corollaria præcedentis doctrinæ.

E X dictis inferes primò: duplex esse discrimen inter dictionem intellectus creati & intellectus divini. Primum est, quòd in dictione creatæ ordo ad verbum productum est prior ordine ad objectum intellectum; quia non nisi in illo, & ratione illius, ad objectum terminatur: dicitio autem divina, prius intelligitur terminata ad objectum sub conceptu intellectus, quàm ad Verbum productum; quia Verbum non est necessarium, ut in illo & ratione illius cognoscatur objectum: imò Verbum ex infinita fecunditate, & cognitione essentialis & Trinitatis procedit, ut infra videbimus.

Secundum discrimen inter utramque est, quod A dictio creata comparatur ad intellectum ut sic, tanquam species ad genus: dictio autem divina non sic comparatur, sed ut res cum modo, ad rem sine modo. Primum patet: nam dictio creata essentialiter distinguitur ab intellectu non producente verbum, & cum illa univocè convenit in ratione intellectus: Ergo dictio, creata comparatur ad intellectum ut sic, uti species ad genus. Secundum manifestè probatur: intellectus divina non multiplicatur virtualiter intra lineam intellectus, per intellectum notionalem & essentialem, ut supra ostendimus: Ergo dictio non comparatur ad intellectum divinam, ut inferior in linea intellectus; & aliàs illi superaddit modum supra explicatum: Ergo differt ab illa ut includens ab inclusio, & sicut res cum modo, à re sine modo. Ratio autem cur dictio creata ab intellectu non producente verbum differt in linea intellectus, non autem dictio divina ab intellectu divina, est, quia intellectus creata producit verbum, habet objectum distinctum ab intellectu non producente; cum prima circa objectum creatum, secunda circa objectum increatum, Deum scilicet clarè visum, versetur; idcirco differt in linea intellectus, dictio vero divina, in ratione intellectus, & divina intellectus, habent idem objectum formale, nempe immaterialitatem divinam, & divinam essentiam; & idcirco intra lineam intellectus non distinguuntur.

59. Infero secundò contra Scotum, Suarezem, & alios: processionem divinas activè sumptas, non identificari adæquatè cum relationibus principiorum, v. g. generationem activam cum relatione Patris. Patet etiam hoc corollarium ex dictis: Nam, ut s. præcedenti ostendimus, dictio in Deo non est actus ab intellectu essentiali virtualiter adæquatè distinctus: At si identitate adæquatè cum Paternitate gauderet, non posset non distingui virtualiter adæquatè ab intellectu essentiali, cum ab illa virtualiter adæquatè Paternitas distinguatur: Ergo generatio activa cum relatione Patris adæquatè non identificatur, sed absolute cum respectivo importat.

60. Sed oppones in contrarium celebre testimonium D. Thomæ infra quæst. 41. art. 1. ad 2. ubi ait: *Remota motu, actio nihil aliud importat quam ordinem originis, secundum quod à causa aliqua vel principio procedit in id quod est à principio: unde cum in Divinis non sit motus, actio personali producentis, nihil aliud est, quam habitudo principii ad personam que est à principio: quæquidem habitudines sunt ipsæ relationes.* Quibus verbis non solum videretur favere oppositæ sententiæ, sed etiam ad illam suadendam, hoc argumentum insinuare. Secluso motu ab actione, non remanet nisi sola relatio: Sed à processione divina secluditur motus: Ergo in illa non remanet nisi sola relatio; & consequenter generatio, & quævis alia processio activa, adæquatè in relatione consistit.

61. Ad testimonium D. Thomæ quidam ex nostris respondent, loqui D. Thomam de actibus notionalibus, secundum id quod addunt ad actus essentialis, in quibus prout sic, ex hic quæ in actione creata inveniuntur, non remanet nisi sola relatio. Sed melius responderetur, loqui D. Thomam de processionibus divinis, quantum ad id à quo nomen processionis fuit impositum ad significandum, non verò quoad rem significatam: quia ut ibi docet, processio fuit imposita ad significandum, à motu in quo ordo realis fundatur; & quia

à processionibus divinis secluditur motus, consequens fit, quod loquendo de processione, quantum ad id à quo nomen fuit ad significandum impositum, non remaneat nisi relatio sola; ex parte tamen rei significatæ, præter motum & realem egressum, importatur in nomine actionis ratio ultimæ actualitatis, quæ in divinis processionibus invenitur. Unde ad argumentum in forma respondeo, distinguendo Majorem. Secluso motu ab actione, non remanet nisi sola relatio; ex his quæ importat actio, quantum ad id à quo nomen actionis fuit impositum, concedo Majorem: ex his quæ importat actio, ex parte rei significatæ, nego Majorem. Et in isto in actione essentiali intellectu divini, à qua secluditur motus, & tamen in illa non remanet sola relatio, sed vera ratio actionis & intellectus. In isto etiam in creatione activa, à qua etiam secluditur motus, & tamen non remanet in illa sola relatio; aliàs cum relatio fundatur in creatione sit relatio rationis, in ente rationis creatio consisteret.

Quod diximus de processionibus activis, dicendum est de passivis, servatâ proportionem: unde si cur actio intelligendi, prout in Patre, seu ut modificata relatione Paternitatis, est generatio activa; ita ipsum intelligi, ut in Filio, seu ut filiatione modificatum, est nativitas & origo passiva: quare utramque relatio ingreditur, non ut forma, sed ut complementum formæ, ut magis patebit ex dicendis articulo sequenti.

### ARTICULUS III.

*Quodnam sit principium quo Divinarum processionum?*

#### §. I.

*Quibusdam præmissis referuntur sententiæ.*

Suppono primò, duplex tolerare à Philosophis 63. distinguere principium alicujus operationis: unum quod vocant, *principium quod*, & est ipsum suppositum operans; unde communiter dicitur quod actiones sunt suppositorum: alterum quod appellant *principium quò*, & est forma seu virtus, quæ mediante supposito operatur. Et hoc secundum adhuc est duplex; remotum scilicet, sive radicale; & proximum, seu formale; ut videre est in productione ignis vel caloris: proximum enim ejus principium quò, est calor; radicale verò, forma substantialis ignis, à qua calor emanat tanquam proprietas.

Suppono secundò principium quod divinarum processionum esse ipsum suppositum Patris & Filij; Patris quidem respectu generationis, & Patris & Filij simul respectu spirationis. Quod enim realiter procedit, realiter debet distinguere à principio à quo procedit, propter oppositionem relativam, quæ inter producentem & productum repetitur: unde cum in Divinis solæ Personæ distinguantur realiter, illæ solum possunt esse principium quod divinarum processionum. Quare Concilium Lateranense cap. *Damianum*, de summa Trinitatis & fide Catholice decernit essentiam divinam nec generare, nec spirare. His præmissis.

Celebris restat difficultas & controversia inter Theologos, quodnam sit principium quod, tam remotum, quam proximum divinarum processionum? Cum enim in Patre generante Filium, & in Patre & Filio producentibus Spiritum Sanctum



etiam, inveniatur relationes, perfectionesque absolutæ, & inter istas natura, quæ est radix omnium aliarum; merito in dubium revocatur, in qua ex illis formalitatibus principium quod divinarum processionum consistat?

65. In cuius difficultatis resolutione, tam variè opinantur Auctores, ut tot ferè sint sententiæ quot capita. Durandus enim 1. dist. 6. quæst. 2. docet naturam divinam esse nedum radicale, sed etiam proximum & immediatum principium divinarum processionum, ob suam fecunditatem, quæ ipsi convenit ratione infinitatis; ex quo inter processionem in Deo esse priores actibus intelligendi & volendi, & fore in Deo esse, quamvis per impossibile non esset intelligens. Hic tamen Author non sibi constare videtur: nam ibidem dist. 7. quæst. 2. num. 16. asserit solas relationes esse principium quo divinarum processionum: quæ sententia tribuitur etiam D. Bonaventuræ ibidem qu. 1. eamque sequuntur aliqui Recentiores.

Contrarium docere Gabriel in 1. dist. 7. quæst. 1. 2. & 3. & quidam alij, quos suppresso nomine citat D. Thomas quæst. 2. de potentia art. 2. pro principio quo divinarum processionum, solam perfectionem absolutam assignantes.

Alij ex utroque, in recto, nempe ex relativo & absoluto, principium quo proximum divinarum processionum consisti existant. Pro qua sententia referuntur Albertus magnus in 1. dist. 7. quæst. 2. Richardus quæst. 1. eamque D. Thomam tenuisse in 1. dist. 7. quæst. 1. art. 2. sentit Cajetanus infra quæst. 41. art. 5. Illam ex Recentioribus docent Arrubal, Zuniga, & alij.

Sunt etiam aliqui Auctores qui distinguunt inter processionem, ut productio, & ut communicatio est; & sub priori ratione principium ejus quo solam relationem, sub posteriori autem, perfectionem absolutam assignant. Ita quidam, quos sine nomine citat Durandus ubi suprâ, quos ex Recentioribus sequitur Alarcon hic tract. 5. disp. 6. cap. 2.

Denique sententia quæ est communis in Schola Thomistarum, docet principium quod radicale & remotum divinarum processionum esse naturam divinam, proximum verò & immediatum, intellectum & voluntatem; relationibus Paternitatis & Spirationalis activæ de connotato solum & in obliquo ingredientibus. Ita Cajetanus, Bannez, Nazarius, Gonzalez, Joannes à sancto Thoma, alij; Thomistæ hic, & infra quæst. 41. art. 5. quibus subscribunt plures ex Recentioribus.

## §. II.

*Durandi sententia rejicitur.*

Deo primò, naturam divinam, ut præintelligitur intellectui & voluntati, non esse principium quo proximum divinarum processionum; sed intellectum & voluntatem ad formalem constitutionem talis principij concurrere.

66. Probatur primò conclusio: Filius in Scripturis dicitur Verbum Psal. 44. *Eructavit cor meum Verbum bonum.* Joan. 1. *In principio erat Verbum,* & alibi passim; & Spiritus Sanctus dicitur charitas, vel amor productus: 1. Joan. 4. *Diligamus nos invicem, quia charitas ex Deo est;* quæ verba de Spiritu Sancto explicat Augustinus. 15. de Trinit. cap. 17. Sed verbum est terminus productus per intellectum; & amor est terminus productus per

A voluntatem, ut de se est manifestum, nec à Durando negatur: Ergo intellectus & voluntas divina ingrediuntur formalem constitutionem principij processionum in Deo.

Respondet Durandus: Filium dici *Verbum* & Spiritum Sanctum *Amorem*, non propriè, sed metaphorice, & per quandam approbationem & similitudinem: quia nempe sicut intellectus est prima proprietates naturæ intellectualis, & voluntas secunda; ita Verbum primò procedit, & secundò Spiritus Sanctus: ideoque Filius *Verbum*, & Spiritus Sanctus *Amor* vocatur.

Sed contra primò: Ex eo quòd allegata testimonia in rigore accipiuntur, nullum sequitur inconveniens: Ergo abiq; fundamento confutatur Durandus ad metaphoricæ locutiones.

Secundò etiam ratione loca Scripturæ in quibus secunda Persona dicitur Filius, possunt in metaphorico sensu explicari, quod est absurdum; aliàs Verbum propriè Filius non esset. Patet sequela: Nam quo jure Durandus testimonium, in quibus secunda Persona dicitur Verbum, ad metaphoricum sensum detorquet. poterit etiam ea in quibus dicitur Filius, in metaphoricæ sensu explicare.

Tertio huic responsioni opponendum est quod habet D. Thomas infra quæst. 3. art. 1. ad 1. ubi appellat Originem, *fontem Ariarum*, eò quòd diceret Filium Dei non esse propriè Verbum, sed metaphoricè.

Denique eo ipso quòd secunda Persona non procedat per intellectum, & tertia per voluntatem, nulla extat ratio ordinis & proprietatis processionum in Deo, ut statim dicemus: Ergo nulla erit ratio cur una dicatur Verbum, & alia Amor.

Probatur ergo secundò conclusio. Vel divina natura est principium quo divinarum processionum, sub ratione omnino eadem, vel sub ratione divisa? Si primum, sequitur evidenter nullam posse assignari rationem, cur una præcedat aliam; cur una generatio sit, & non alia? cur Verbum ab una tantum Persona, & Spiritus Sanctus à duabus procedat? quæ omnia absurda reputantur à Theologis. Si verò secundum dicatur, sic subsumo. Sed hæc rationum diversitas, in nullo alio consistere potest, quàm in eo quòd divina natura, prout intellectiva est, sit principium primæ processionis; secundæ verò, prout volitiva: Ergo intellectus & voluntas necessariò ingrediuntur principium quo divinarum processionum.

Denique Durandi sententia rejicitur, ex eo quòd de Divinis philosophari debemus per analogiam & similitudinem ad res creatas, seclusis imperfectionibus: Sed in rebus creatis operationes immanentes, scilicet intelligere & velle, non sunt immediatè à natura, præintellecta suis virtutibus & potentijs, sed ab intellectu & voluntate: Ergo & in Deo.

Dices, magnum quantum ad hoc inter Deum & creaturas discrimen intercedere: creaturæ enim, cum sint naturæ potentialis & finitæ, indigeant principijs proximis ad operandum; Dei autem natura, cum sit infinita, & actus purissimus, non eget concursu principij proximi ad suas operationes.

Sed contra: Licet concursus principij proximi realiter à natura distincti, infinitati & puritati naturæ divinæ repugnet; non tamen concursus principij proximi, virtualiter solum aut eminenter à natura distincti, & cum illa realiter identifi-

cantur:

cati: Intellectus & voluntas virtualiter solum aut eminenter à natura divina distinguuntur: Ergo punctati & infinitati divinæ naturæ non præjudicat, quòd divinæ processiones ab intellectu voluntate, tanquam à principio proximo immediate procedant, & à divina natura radicaliter tantum & mediatè.

## §. III.

*Fundamenta Durandi convelluntur.*

71. **O**bjicies primò: SS. Patres Hilarius in lib. de Synodis, Damascenus lib. 1. de fide cap. 8. vocant processionem Filij, *opus naturæ*. Et D. Augustinus 15. de Trin. cap. 20. ait: *Verbum per quod omnia facta sunt, esse Filium Dei naturæ*: Ergo ex SS. Patribus, processio Verbi in Divinis, est immediate à natura, & non ab intellectu.

72. Respondeo concessio Antecedente, negando Consequentiā: nam generatio Verbi dicitur à SS. Patribus esse *opus naturæ*, aut à natura, quia est ab illa ut à principio radicali, medio intellectu ut virtute proxima; vel quia est per ipsum intelligere, quod est constitutum divinæ naturæ, ut in Tractatu de attributis ostendimus.

73. **D**ig. 2. **A**rr. 1. Addo quod SS. Patres locis citatis agunt contra Arrianos, qui dicebant processionem Filij esse liberam; atq; adeò Verbum divinum esse creaturam; quibus ut se opponant, dicunt illam esse opus naturæ, hoc est necessarium & naturale, non verò liberum: non autem intendunt docere illam esse à natura divina tanquam à proximo & immediato principio.

74. **O**bjicies secundò: Etiam si intellectus & voluntas maneant extra constitutionem formalem principij quo divinarum processionum, & istæ sint immediate à natura; potest tamen sufficiens ratio ordinis processionum assignari: Ergo ruit præcipuum fundamentum nostræ sententiæ. Consequentia patet ex suprà dictis, Antecedens verò probatur. Et si attributa divina immediate à natura, hoc est non mediā potentiā dimanent, potest tamen sufficiens ratio reddi, cur unum immediatius quàm aliud naturæ conveniat, & cur unum mediante alio dimanet ab illa: Ergo etiam si Filius & Spiritus Sanctus absq; mediatione intellectus & voluntatis producantur ad intra, poterit sufficiens ratio assignari ordinis divinarum processionum; & cur una aliam supponat, & mediante illā conveniat.

75. Respondeo negando Antecedens, ad cujus probationem, nego Consequentiam & paritatem. Ratio discriminis est, quia proprietates non petunt medijs principijs proximis à natura dimanare; & licet aliquando una mediante aliā connectatur cum natura, prima tamen immediate illi convenit; ac proinde ut assignetur ordo dimanationis in proprietatibus, necessarium non est ad principia proxima illis priora recurrere: actus autem seu operationes conveniunt naturæ, quæ est remotum & radicale principium, medijs principijs proximis: ac proinde ratio ordinis inter operationes non potest reddi ex natura immediate, sed medijs principijs proximis operationis; sive realiter à natura distinctis, qualiter in creatis contingit, sive eminenter seu virtualiter, qualiter contingit in Deo.

76. **O**bjicies tertio: Secundum idem proportionaliter debet fecunditas generativa competere creaturis & Deo: Sed fecunditas generativa in creaturis reperta, non convenit illis per intelle-

ctum & voluntatem; creaturæ enim purè spirituales generationis capaces non sunt; creaturæ autem corporales & mixtæ, qualis est homo, non per intellectum & voluntatem, sed per aliam potentiam generant sibi simile: Ergo vis generativa non convenit Deo, ratione intellectus, sed ex ipsa naturæ fecunditate immediate procedit.

77. Respondeo distinguendo Majorem, illamq; concedo de creaturis purè spiritualibus, nego autem de creaturis corporalibus: quia licet creaturis primi generis non competat facultas generativa substantialis, convenit tamen illis vis generativā accidentalis: productio enim verbi creati est quadam intelligibilis generatio; unde communiter dicitur, ab intellectu & objecto pari notiam, partus autem generationē significat. Et licet hujusmodi generatio accidentalis sit, & generatio rerum corporalium sit substantialis; non huic, sed illi debet divina generatio assimilari: tum quia Deus est naturæ intellectualis: tum etiam quia quæ illi attribuuntur, debent esse per similitudinem & analogiam ad perfectiores creaturas, quales sunt spirituales & intellectuales. Addo quod hoc argumentum Durandi, facile potest in ipsum retorqueri, hoc modo. Secundum idem proportionaliter debet fecunditas generativa cōpetere creaturis & Deo: Sed fecunditas generativa in creaturis reperta, non convenit illis immediate à natura, sed mediante aliquā potentiā: Ergo & in Deo.

78. Deniq; sic arguit Durandus. Qualis est ordo rei inter realiter differentia, talis est ordo rationis inter differentia ratione: Sed ubi intellectus & voluntas differunt realiter, productio est realiter vi naturæ, non autem intellectus aut voluntatis: Ergo sic est in Deo, in quo intellectus & voluntas solum differunt ratione.

79. Respondeo negando Minorem intellectam universaliter: in Angelis enim, in quibus intellectus & voluntas realiter differunt, productio non est vi naturæ immediate, sed vi intellectus & voluntatis, ut constat ex dictis: similitudo autem divinæ productionis, non debet esse ad res corporales, sed ad res spirituales, propter rationem assignatam. Potestq; fieri instantia contra Durandum: nam ubi substantia & natura differunt realiter, productio non est vi substantiæ principij formalis; & tamen in illius sententiā productio divina ad intra habet pro principio quo proximo personalitatem divinā, nempe generatio Paternitatem: Ergo tenetur Durandus solvere argumentum factum.

## §. IV.

*Impugnatur alia sententia, & vera statuitur.*

80. **D**ico secundò: Principium quo, sive proximum, sive remotum divinarum processionum, non est sola relatio, nec sola perfectio absoluta. Ita D. Thomas infra quæst. 41. art. 5.

81. Probatur prima pars duplici ratione, quam ibidem insinuat. Prima est: Principium quo actionis generativæ aut productivæ, est id in quo genitū aut productū producentia assimilatur; cum intentio agentis ea sit, ut terminum productum sibi assimilet in principio quo agit: At personæ producentis personis producentibus non in relatione, sed in absoluto assimilantur: Ergo non relatio, sed perfectio absoluta connotans relationem, est principium quo processionū in Deo.

82. Secunda ratio D. Thomæ est: Proprietas 80. relativa

relativa est veluti individualis conditio divinæ Personæ: Arid quod pertinet ad esse individuale, non est id quo generans generat: *alioquin* (inquit S. Doctor) *Sortes generaret Sortem*; sed id per quod constituitur in ratione Personæ: *Vnde neque Paternitas potest intelligi ut quo Pater generat, sed ut constituit Personam generantis alioquin Pater generaret Patrem*: Ergo propter eas relativas in Patre, non est principium quo generandi.

Eandem rationem tangit quæst. 2. de potentia art. 2. ad 5. his verbis: *Paternitas non est in Patre per modum forme speciei, sicut humanitas in homine; per enim in eo est divina natura: vel in eo est, ut ita dicam, sicut principium individuale, est enim proprietas personalis. Et ideo non oportet quod sit generatio in principium principaliter, sed quodammodo contellendum; aliter sequeretur quod Pater per generationem, non solum Deitatem, sed Paternitatem communicaret, quod est inconveniens.*

81. Aliâ ratione suaderi potest eadem prima pars conclusionis: nam si Paternitas v.g. esset potentia generativa in Patre æterno, & principium Divinæ generationis: vel hoc haberet sub conceptu expresso Paternitatis, & ut est relatio exercita, vel sub ratione formæ hypostaticæ, & ut haberet rationem subsistentiæ & personalitatis? Neutrum dici potest: Ergo principium quo divinæ generationis non potest in sola relatione consistere. Major constat, Minor autem: quoad utramque partem, probatur. Et in primis quod Paternitas sub conceptu expresso Paternitatis non possit esse principium quo generationis, patet manifestè: quia sub illo conceptu fundatur in generatione, eamque secundum nostrum modum concipiendi supponit; & consequenter supponit etiam potentiam generativam in Patre, seu principium quo generationis. Quod verò non possit hoc præstare, sub conceptu formæ hypostaticæ, probatur. Principium quo alicujus productionis debet esse activum, saltem ut quo: Atqui relatio ut habet rationem personalitatis, seu formæ hypostaticæ, non est activa, etiam ut quo, sed est purus terminus naturæ, eam in ratione personæ constituit: Ergo licet sub hac ratione sit conditio necessaria ad agendum, seu potius modus intrinsecè complens virtutem agendi, non tamen est principium quo generationis.

82. Secunda pars conclusionis, quæ assertit solam perfectionem absolutam non esse principium quo divinarum processionum, est etiam D. Thomæ loco citato, & quæst. 2. de potentia art. 2. Et ostenditur primò: Principium quo reale debet, saltem inadæquatè, realiter distinguì à termino producto: Sed si potentia generativa v.g. adæquatè consisteret in perfectione absoluta, secundum nihil sui à termino producto realiter distingueretur: Ergo principium quo proximè vel remotum divinarum processionum, non consistit adæquatè in perfectione absoluta.

83. Secundò probatur eadem pars: Si principium quo divinarum processionum in perfectione absoluta adæquatè consisteret, compereret omnibus Personis; perfectiones enim absolutæ toti Trinitati communes sunt; & sic potentia generativa esset non solum in Patre, sed etiam in Filio, & consequenter Filius esset potens generare, sicut & Pater: unde cum in Deo omne possibile existat, Filius de facto generaret alium Filium à se distinctum, & sic in Deo plures essent personæ

A quàm tres, quod fidei catholica repugnat. 84.

Respondent Adversarij: quod licet potentia generativa sit in Filio, non sequitur tamen Filium posse generare: quia fieri potest quod forma sit in aliquo subiecto, & tamen ei non tribuatur suum effectum, aut quasi effectum formalem, ob subiecti incapacitatem; ut patet in anima rationali, quæ in pilis existens, eis non tribuit omnem suum effectum formalem, nimirum sensum.

Sed contra Filius est capax omnis effectus formalis absoluti adæquatè: At eo ipso quod principium quo generandi in perfectione absoluta adæquatè consisteret, effectus illius formalis esset adæquatè absolutus: Ergo Filius esset capax non solum formæ, sed etiam effectus, vel quasi effectus formalis ejus, & consequenter esset potens generare. 85.

Dico tertio: Principium primum & radicale divinarum processionum est divina essentia, ut modificata relatione. Itaque D. Thomas ubi suprà.

Probatur primò ex SS. Patribus. Nam Cyrillus lib. 1. thesauri cap. 7. dicit *Generativam virtutem esse essentiam Dei*. Et Damascenus lib. 1. de fide orthodoxa cap. 8. *Generatio (inquit) est natura, non sicut generantis, sed sicut ejus quo generat*. Idem docuit Joannes Theologus in Concilio Florentino sess. 18. his verbis: *Dixi Filium ex Patre, & Patris substantiâ generari, idem significare, ita tamen ut Persona sit produciens & generans, principium autem quo ipsa persona generat, sit id quod solum communicabile est*. Videri etiam potest Anselmus in Monol. cap. 2. ubi loquens de Spiritu Sancto ait: *Pater & Filius non ex relationibus suis, quæ plures sunt, sed ex ipsa essentia, quæ una est, emittunt tantum bonum*. Unde etiam Dionysius de divinis nomin. cap. 2. vocat Filium & Spiritum Sanctum, *Facundæ Divinitatis gemmas, & gemina*.

Probatur secundò ratione D. Thomæ suprà insinuatâ. Principium quo primum & radicale generationis est id in quo genitum cum generante convenit per similitudinem, aut per identitatem: At id in quo Filius genitus cum Patre generante convenit, non est relatio, sed natura divina: Ergo hæc est principium quo primum & radicale generationis Verbi, non absolute considerata, sed ut modificata relatione paternitatis. 86.

Potestque hoc declarari exemplo desumpto ex rebus creatis: videmus enim quod eadè forma, prout est in diversis subiectis, & diversimodè in illis modificata, diversos præstat effectus: nam calor v.g. in animali generat carnem, non in igne, & in fœmina producit lac, non in viro; & gratia in nobis, qui sumus persona extranea, constituit filium adoptivum, non in Christo, qui est persona divina. Idem cum proportionem sentiendum est in proposito: nam divina essentia, ut est in Patre, & relatione Paternitatis modificata, habet rationem potentie generativæ radicalis, & principij quo primi & remoti divinæ generationis: eadem verò essentia, ut est in Patre & Filio, & ut modificata per relationem Spiratoris, est potentia spirativa, & productiva Spiritus Sancti. Unde D. Thomas de potentia quæst. 2. art. 1. sibi hoc argumentum proponit. *Si Pater generat in Divinis, oportet, quod conveniat ei secundum naturam: Sed eadem natura est in Patre, & Filio & Spiritu Sancto: Ergo eadem ratione Filius & Spiritus Sanctus generabunt*. Cui argumentum sic respondet. *Dicendum, quod licet sit eadem natura in Patre & Filio, est tamen secundum alium modum*, 87.

E 88.

*dupl, scilicet cum alia relatione; & ideo non oportet quod qua conveniunt Patri per naturam suam, conveniant etiam Filio.*

Dico quatuor: Principium quo proximum generationis Verbi, & productionis Spiritus Sancti, esse intellectum & voluntatem Dei, ut modificantur relationibus Paternitatis & Spirationalis activæ.

39. Probatur primò conclusio: Natura divina, connotatà Paternitate, est principium quo remotum & radicale processionis Verbi, ut jam ostendimus: Ergo intellectus divinus cum eadem connotatione, erit principium quo proximum huiusmodi processionis. Consequenter probatur primò. Idipsum quod remotè præstat divinæ naturæ, potest proximè intellectus præstare in ordine intelligibili: Ergo si natura Dei, connotatà Paternitate, radicalem præstat concursum, intellectus divinus, cum eadem connotatione, proximum concursum præstabit in generatione Verbi. Secundo, in creatis in id in quod natura influat radicaliter, influunt potentè ad naturam consecretur, tanquam principia proxima: Ergo pariter in Divinis, servatà proportione.

90. Probatur secundò conclusio: Intellectus divinus ad generationem Verbi concurrir, ut supra ostendimus, & contra Durandum docent communiter Theologi: Sed non concurrir per modum principij quo primi aut remoti: Ergo ut principium quo proximum. Major constat ex supra dictis: Minor autem probatur. Principium quo primum, remorum, aut radicale, debet esse radix proximi: Sed divinus intellectus, prout à natura distinguitur, non est radix relationum aut attributorum: Ergo nequit ut principium primum, vel radicale, ad generationem Verbi concurrat; & consequenter vel nullum ad illà præstat concursum, quæ est sententia Durandi, vel exhibet immediatum, ut principium quo proximum, sicut asserit nostra conclusio.

Dico quintò: Relationem & formam absolutam non importari ex æquo in principio quo divinarum processionum, nec tanquam duas partes constituentes principium; sed absolutum importari ut formam, & relationem ut modum talis formæ.

91. Primum probatur: Nami præcipua intentio agentis, non est ad distinctionem, sed ad similitudinem cum termino producto: Ergo quamvis in principio quo agendi utrumque importetur, non tamen ex æquo, sed unum in recto, & aliud in obliquo. Unde D. Thomas infra quæst. 41. art. 5. ait, *Potentia generandi significat in recto naturam divinam, & in obliquo relationem.*

92. Secundum patet, quia al si sequeretur generationem Verbi non esse adequatè univocam, sed partim æquivocam, quia terminus esset similis agenti in principio quo agendi, & eidem agentis dissimilis in alia parte principij: At divina generatio est perfectissimè univoca: Ergo relatio & forma absoluta non se habent ut duas partes, constituentes principium quo divinarum processionum.

93. Confirmatur: Ex opposita sententia sequitur, idem omninò importari in principio quo agendi, & in producente ut quod: Sed hoc dici nequit, cum omnes Theologi inter principium quo, & agens ut quod, distinctionem agnosceant: Ergo nec illud.

Dico ultimò, perfectionem absolutam, ut relatione modificatà, esse principium quo divinæ

A processionis, tam prout est productio, quam prout est communicatio. Est contra ultimam sententiam quam defendit Alarcon.

Probatur breviter: Unius & ejusdem actionis unum debet esse principium formale: Sed processio in Divinis sub utraque ratione est indivisibilis actio: Ergo sub utraque ratione unum illi respondet formale principium.

Confirmatur: In creatis quando unum communicatur, & aliud producit, utrumque; ex vi ejusdem principij præstatur; etenim ex vi ejusdem principij remoti & proximi producit homo, & anima unitur corpori: Ergo pariter in Divinis, servatà proportione.

B Confirmatur ampliùs: Si principium quo processionis, ut est communicatio, esset natura divina, principium verò illius ut est productio, esset proprietas personalis, processio Verbi non esset generatio adæquatè univoca, sed partim æquivoca, ut supra arguebamus: Consequens est falsum: Ergo &c.

Ex dictis in hoc §. inferes, terminum quo divinarum processionum esse aliquid absolutum in recto, connotans relationem. Quod patet eadè ratione quā ostendimus id de principio quo: nam in termino quo, seu formali, debet terminus productus cum producente cōvenire: At in relationibus convenientiam non est, benetamen in absoluto: Ergo absolutum, connotatà relatione, est terminus formalis divinarum processionum.

#### §. V.

*Præcipua solvuntur objectiones.*

O B j i c i e s primò: Athanasius dialogo primo de Trinitate ait: *Pater hypostasi gignit*: At gignit principio quo generationis: Ergo illud est divina Paternitas, seu hypostasis. Unde Ambrosius lib. 4. de Fide ad Gratianum cap. 4. *Generatio*, inquit, *paterna proprietatis est, non potentia*. Et Augustinus libro 1. de Trinit. cap. 5. ait: *Ecceipso Patrem dici & esse Patrem, quod est ei Filius*: Sed Patri est Filius, ex vi potentie generativæ: Ergo est Pater ex vi illius; cumque sit Pater ex vi Paternitatis, hæc & non natura, vel intellectus, est potentia generativa, & principium quo divinæ generationis.

Respondeo Patrem gignere hypostasi, non ut principio quo proximo vel remoto, sed ut complemento principij quo, tam remoti quam proximi, connotatè & in obliquo per utrumque importari; neque aliud voluisse Athanasium. Et eodem modo explicant Ambrosius, videlicet generationem in Deo non esse potentiam sumptè absolutè, sed potentiam ut in Patre, per proprietatem modificatè: nam per hoc solum salvatur æqualitas in omnipotentia inter divinas Personas; quam in illo capite volebat Ambrosius contra Arianos defendere.

Ad Augustinum dicatur, quod si verba illa sint Augustini, intelligenda sunt in sensu causali: Patrem scilicet cō esse Patrem fundamentaliter, quod est ei Filius; & hoc verum est, quia potentia generativa, per quam Pater generat, fundamentum est Paternitatis; non autem in sensu formali, ita ut id quod generat, sit formale constitutum Patris in ratione Patris.

O b j e c t e s secundò difficile testimonium D. Thomæ in 1. dist. 11. quæst. 1. art. 3. in corpore, ubi sic habet: *Generatio non egreditur ab essentia, inquantum essentia, sed inquantum est Paternitas;* & si



*Et ista duo, scilicet essentia & paternitas, differunt A in Divinis, egredereur ab utraque generatio, sed à Paternitate immediatè, & ab essentia sicut à primo principio.* Ex quibus verbis hoc argumentum conficitur. Si Paternitas realiter ab essentia differret, generatio esset à Paternitate immediatè, & mediatè realiter ab essentia: Sed modo virtualiter distinguuntur: Ergo generatio est immediatè à Paternitate, & mediatè virtualiter ab essentia; & consequenter Paternitas est principium quo immediatum generationis.

101. Respondeo primò ex Cajetano infrà quæst. 41 art. 5. D. Thomam in libris sententiarum in ea fuisse sententia, ut assereret essentiam esse principium generationis Verbi, non prout in Patre, sed prout est Paternitas; quam sententiã infrà quæst. 41. art. 3. retulit, & expressè refutavit; & juxta illam rectè ajebat D. Thomas, quòd si realiter Paternitas ab essentia differret, generatio esset à Paternitate immediatè, & mediatè ab essentia.

102. Vel secundò dicatur, quòd cum Paternitas sit principium quo proximum, non formaliter, sed completivè, ut connotata ab intellectu, qui est principium quo immediatum; verum est dicere, quòd si distinguereur realiter ab essentia, generatio esset ab illa immediatè, non tanquam à ratione formali principij, sed tanquam à complemento rationis formalis: & ita etiam verificatur modò, non quoad realem mediationem, sed solum quoad virtualem.

103. Objicies tertio: Principium quo generationis est id à quo Pater redditur & denominatur potens generare: Sed Pater redditur & denominatur potens ad generandum, à relatione Paternitatis: Ergo illa est principium quo divinæ generationis. Major pater, Minor autem, in qua est difficultas, probatur multipliciter. Primò, quia denominatio propria, non à forma communi; sed à propria debet provenire: At denominatio potens generare, est proprijsima Patri: Ergo non ab essentia, quæ communis est, sed à ratione Patri propria debet provenire.

Secundò, Eo modo se habet actio personalis ad personam, quo essentialis ad naturam: sed posse ad actionem essentialem, est à natura: Ergo posse ad personalem, est à personali proprietate.

Tertio, Id quod dat esse, dat posse operari: Sed Paternitas dat Patri esse Patrem: Ergo & posse generare.

Quartò, Imperfecta est forma quæ dat esse, & non operationem: Sed à personalitate divina omnis imperfectio relegari debet: Ergo cum det Patri esse Patrem, dat etiam illi posse generare.

104. Respondeo concessa Majori, negando Minorem: ad cujus primam probationem, distinguo Majorem. Denominatio propria non debet provenire à forma communi, in sua communitate relicta, concedo Majorem; ut appropriata, nego Majorem, & concessa Minori, nego Consequentiam. Itaq; hoc argumentum solum probat, quòd denominatio potens generare non proveniat à natura divina absolute, sed ab illa ut appropriata Patri, & modificata per relationem paternitatis, ut antea exposuimus.

105. Dices: Talis denominatio est à natura divina ut appropriata: Ergo secundum id quod est ratio appropriandi: Sed ratio appropriandi Patri naturæ, est Paternitas: Ergo formaliter est à Paternitate.

Respondeo, distinguendo Antecedens: ly ut, reduplicante rationem formalem, nego Antecedens: reduplicante complementum formæ, con-

cedo Antecedens, & distinguo Consequens eodem modo: Ex quo solum sequitur talem denominationem esse à Paternitate ut à complemento, non autem ut à ratione formali.

Ad secundam probationem Minoris principalis, distinguo Majorem: Eo modo se habet actio personalis ad personam &c. quoad denominationem agentis ut quod, concedo Majorem: quoad rationem principij quo, nego Majorem, & concessa Minori, nego Consequentiam. Itaq; sicut concretum naturæ est agens ut quod à ratione essentiali, v. g. volens ut quod, & intelligens ut quod; ita concretum personalitatis, scilicet persona, est generans ut quod, & spirans ut quod; & in hoc tenet æquiparatio, non autem quoad rationem principij quo. Et ratio est, quia cum personalitas sit veluti conditio individuans; nequit esse principium quo productionis communicative, sed id pertinet ad solam naturam, & connotatà relatione.

Ad tertiam probationem, distinguo Majorem: Id quod dat esse veluti specificum, dat posse operari, concedo Majorem; quod dat esse veluti individuale, nego Majorem. Similiter distinguo Minorem: Personalitas dat Patri esse Patrem, veluti individuale, concedo Minorem: veluti specificum Patri, nego Minorem, & Consequentiam.

Ad ultimam probationem distinguo Majorem: Forma quæ dat esse, & non operationem, est imperfecta: pure negativè, concedo Majorem: privativè, nego Majorem, & concessa Minori, nego Consequentiam. In istis argumentum in Spiritu Sancto, cujus personalitas dat illi esse, & non operare, operatione productivà ad intra, absq; eo quòd inde aliqua sequatur imperfectio.

Objicies quartò cum Durando: A quo contraveniunt uni, & repugnans alteri, debet ille inesse per id quod differt ab alio: At generatio convenit Patri, & repugnat alijs Suppositis: Ergo inest Patri per id in quo differt ab alijs Suppositis, nẽ per relationem, non per id in quo cum illis convenit, nempe per naturam; & consequenter illa & non ista erit principij quo generandi. Major primò probatur exemplo: Nam quia ratiocinari inest homini, & repugnat bruto, dicitur convenire homini per id in quo differt à bruto: Ergo id de omni actu uni conveniente, & alteri repugnante dicendū est. Secundò ex Aristotele I. Ethic. probante beatitudinem non esse operationem sensitivæ partis, sed intellectivæ, quia inest homini & non bruto; & ideo debet homini convenire secundum partem intellectivam, per quam differt à bruto, non secundum sensitivam, in qua cum illo convenit: Ergo idem quod prius.

Respondeo distinguendo Majorem: si differentia sit in esse specifico, concedo Majorem, si sit in esse individuali, nego Majorem, & concessa Minori, nego Consequentiam: quia differentia personarum in Deo non est in esse veluti specifico, sed veluti individuali, ut docet D. Thomas qui 2. de potentia art. 2. ad 5. cujus verba supra retulimus. Unde patet solutio ad primam & secundam probationem Majoris: nam differentia hominis à bruto, est formalis & specifica, & non individualis & numerica.

Objicies quinto: Si intellectus, prout in Patre, esset principij quo proximum generationis Verbi, verū esset dicere, intellectus generat; sicut quia est principium quo proximum virtuale intellectus, est verum dicere, intellectus divinus generat: At alia propositio, intellectus generat, non est minùs falsa quàm ista, essentia generat, cuius

salūtas declarata est in Concilio Lateranensi sub A  
Innocentio III. contra Abbatem Joachimum in  
cap. *Damnatus* de summa Trinit. Ergo intelle-  
ctus in Deo non est principium quo proximum  
generationis Verbi.

112. Respondeo retorquendo argumentum, istae  
enim propositiones etiam sunt falsae, *Paternitas  
generat: Filiatio generatur*, ut docet D. Thomas  
infra quæst. 32. art. 2. ad 2. & communiter Theo-  
logi cum illo; & tamen juxta Adversarios, Pater-  
nitas est virtus generativa ut quo: Ergo ex eo  
quod essentia & intellectus sint principium quo  
remotum & proximum generationis Verbi, non  
sequitur affirmari debere de essentia & intelle-  
ctu, quod generent: quia licet sint principium  
quo generationis, non tamen generant ut quod;  
ad hoc enim requiritur realis distinctio à geni-  
to; nec possunt pro personis supponere, utpote  
abstracta. Nec est eadem ratio de actibus essen-  
tialibus, quoad hoc quod est predicari de essen-  
tia & intellectu, quia isti actus realem distin-  
ctionem personarum non petunt.

113. Obijcies sexto: Principium debet distingui  
realiter à principiato, ut docet Aristoteles 1.  
Ethicorum: Atqui sola Paternitas realiter à Fi-  
lio distinguitur: Ergo illa sola est principium  
quo generationis Verbi.

Respondeo ex D. Thoma quæst. 2. de poten-  
tia art. 2. ad 3. Majorem esse veram de principio,  
& principiato ut quod, non autem de principio  
& principiato ut quo.

114. Sed contra hanc solutionem dupliciter potest  
instari. Primum argumento Durandi: Principium  
quo magis obtinet rationem principij, quam  
principium quod: etenim principium quo est  
principium ratione sui, principium autem quod,  
non nisi ratione illius. Item principium quo, se  
toto est principium, principium autem quod,  
non se toto, sed ratione principij quo: Ergo si  
principium quod petit à termino producto rea-  
liter distingui, à fortiori principium quo realem  
distinctionem à termino exposcet.

115. Secundò contra eandem responsionem ar-  
guitur. Principium ad principiatum realiter re-  
fertur, illudque realiter continet ac producit: Sed  
non potest hæc præstare, nisi realiter distingua-  
tur à principiato; cum nihil possit ad seipsum  
realiter referri, & multò minus se continere &  
producere: Ergo idem quod prius.

116. Ad primam instantiam respondeo, quod licet  
principium quo formalitè obtineat rationem  
principij, quam principium quod, propter ratio-  
nes allegatas; non tamen ita adæquatè, cum in  
principio quod importetur quidquid exigitur  
ad rationem principij, secus autè in principio quo;  
unde nõ sequitur quod si principium quod debeat  
distingui realiter à termino producto, etià prin-  
cipium quo distinctionem realem ab illo exposcet.

117. Ad secundam respondeo primò, Majorem esse  
universaliter veram de principio quod, non  
autem de principio quo. Vel distingo Majorè:  
Principium ad principiatum realiter refertur &c.  
secundum illud quod importat in recto, semper,  
nego: secundum illud quod dicunt in obli-  
quo & de connato, concedo. Et ita contingit  
in proposito: nam essentia divina, ut est in Patre,  
ratione relationis paternitatis à qua modifica-  
tur, & quam connatat in obliquo, refertur rea-  
liter ad filiationem, quæ etiam in termino quo  
divinæ generationis in obliquo importatur, il-  
lamque realiter continet ac producit,

*Alia argumenta solvuntur.*

**A**liud argumentum difficile adduci potest  
ad probandum, principium quo divinarum  
processionem in perfectione absoluta adæquatè  
consistere. Nam potentia generativa reperitur  
in Filio: At si principium quo generandi non con-  
sisteret in solo absoluto, potentia generandi in  
Filio non esset: Ergo in sola perfectione absolu-  
ta consistit. Minor pater, Major autem, in qua  
est difficultas, multipliciter ostenditur. Primum  
ex Augustino lib. 3. contra Maximin. cap. 12. ubi  
habetur: *Abfit autem, ut quomodo putas, potentior  
sit Pater Filio, quia Creatorem genuit Pater, Filium  
autem non genuit Creatorem, neque enim non potuit,  
sed non oportuit.* Quibus verbis aperte docet Au-  
gustinus, Filium generare potuisse, non tamen  
generare oportuisse: Sed posse generare, est effe-  
ctus vel quasi effectus formalis potentie gene-  
rativæ: Ergo juxta Augustinum, potentia gene-  
rativa reperitur in Filio.

Secundò, Unumquodque in tantum perfectum  
est, inquantum potest sibi simile generare, ut do-  
cet Aristotel. 4. Meteor. Sed Filius est summe per-  
fectus: Ergo potest generare Filium sibi similem.

Tertiò, Juxta D. Thomam quæst. 2. de poten-  
tia art. 5. potentia generativa sub omnipotentia  
comprehenditur: At omnipotentia convenit  
Filio: Ergo etiam generandi potentia.

Quartò, Si in Patre & non in Filio esset po-  
tentia generativa, Filius non esset æqualis Patri  
in potentia, ac proinde nec in omnipotentia ad-  
æquaretur cum Patre: Consequens est absur-  
dum: Ergo &c.

Quintò: Si in Filio non esset potentia genera-  
di, esset in illo aliquis defectus potentie & digni-  
tatis: Sed hoc non potest dici: Ergo nec illud.  
Sequela Majoris manifeste videtur: Nam po-  
tentia generativa est aliqua potentia, & aliqua  
dignitas & perfectio: Ergo si hæc Filio deesset, in  
illo esset aliquis defectus potentie & dignitatis.

- D** Respondeo negando Majorem. Ad primam  
probationem dicatur Augustinum solum negare  
Filio privativum defectum potentie ad gene-  
randum Creatorem, non autem defectum negati-  
vum, qui non ponit imperfectionem in ipso:  
ideò Augustinus dixit illum non genuisse; *non  
quia non potuit, sed quia non oportuit*; non quod  
senserit esse Filio possibilem alterius Filij ge-  
nerationem, sed quia defectus purè negativus po-  
tentie generativæ, melius explicatur dicendo,  
*quia non oportuit*, quam *quia non potuit*; quæ verba  
sonare videntur defectum privativum dicentem  
imperfectionem. Solutio est D. Thomæ quæst.  
9. de potentia art. 9. ad 1.

**E** Ad secundam probationem dicendum, doctri-  
nam Aristotelis verificari in rebus corruptibili-  
bus, secus autè in illis quæ corruptioni subiectæ  
non sunt: Deus autem incorruptibilis est, & ideò  
illius natura potest perfectissime Filio compe-  
tere, absque potentia productiva sibi similis.  
Ratio autem explanationis traditæ est, quia na-  
tura corruptibilis, cum non possit conservari in  
uno solo individuo, appetit sui conservationem,  
mediâ successivâ individuum generationis; &  
ideò individuum carens potentia productivâ sibi  
similis, in quo illius natura conservetur, deficit  
à fine quem intendit natura, ac per consequens  
est imperfectum. Natura autem incorruptibilis,  
quia

quia in uno individuo perpetuo salvatur & conservatur, non appetit productionem alterius, & ideo individuum illius, absque facultate generativa imperfectum non est: ut constat in Angelis, quorum quilibet in sua specie est perfectus, absque dicta difficultate; & similiter in cælis. Unde quod in Deo detur potentia generativa, non est ex indigentia, sed ex summa fecunditate naturæ; sicut non ex indigentia, sed ex fecunditate, Verbum à Patre producit, & à Patre & Filio Spiritus sanctus.

111. Ad tertiam probationem, distinguo Majorem. Potentia generativa continetur sub omnipotentia, absolute considerata, nego Majorem: sub omnipotentia, prout est in Patre, concedo Majorem, & concessa Minori, nego Consequentiam.
112. Ad quartam nego sequelam Majoris: Nam ut docet D. Thomas quaest. 9. de potentia art. 9. ad 3. eadem potentia est in Patre & Filio; in Patre ut generet, in Filio ut generetur; ac proinde ex eo quod Pater possit generare, & non Filius, non sequitur Patrem esse potentiores Filio. Unde
113. Ad quintam probationem, Nego sequelam Majoris: ad cuius probationem, distinguo Antecedens. Potentia generativa est aliqua potentia, & aliqua dignitas: distincta à potentia terminandi generationem, nego Antecedens: eadem cum potentia terminativa generationis, concedo Antecedens, & nego Consequentiam. Itaque quamvis desit Filio potentia generativa, non sequitur in illo esse defectum alicujus potentia & perfectionis: quia talis potentia desit illi solum sub uno munere, nempe generandi activè, non tamen sub omni munere, cum in illo sit potentia terminandi generationem; quæ duo munia non differunt perfectione, sed relatione: eadem namque absoluta perfectio, connotando Paternitatem, dat posse generare, & connotando Filiationem, dat posse generari.
114. Instabis: Potentia generativa est distincta à potentia terminativa generationis: Ergo per hoc quod Filio competat potentia terminativa generationis, non salvatur quod illi aliqua potentia non desit. Consequentia patet ex dictis: Antecedens autem probatur, Primò quia actio & passio ad diversa reducuntur principia; agit enim aliquid ratione formæ, in quantum est in actu, patitur autem in quantum est in potentia, ratione materiæ: Sed generare & generari in Divinis se habent per modum actionis & passionis: Ergo referuntur ad diversa principia, & consequenter potentia generativa distincta est à potentia terminativa generationis. Secundò probatur idem Antecedens: Potentia distinguitur per actus: Sed generare est actus distinctus à generari: Ergo potentia generativa est distincta à potentia terminativa generationis.
115. Respondeo negando Antecedens: cum enim potentia generativa, & potentia terminativa generationis, solum differant penes relationes quas connotant, Paternitatem scilicet & Filiationem; potentia verò sit aliquid absolutum, & absolutum per relativum multiplicari non possit; sit quod potentia generativa nequeat in ratione potentia à passiva generabilitate distingui: Unde
119. Ad primam Antecedentis probationem, dicatur veram esse Majorem in actione transeunte, falsam autem in actione immanente: ut constat in volitione, cujus principium activum est voluntas, & tamen eadem voluntas terminare potest volitionem; & sub eadem distinctione

Tom. II.

A Minoris, nego Consequentiam: nam generatio in Divinis non est actus transiens, sed immanens; & similiter generari, per modum passionis immanetis significatur; & idè non oportet ad diversa principia reduci, sed eidè realiter potentia in Patre est principium generationis, & in Filio, connotata filiatione, est generationis terminus. Ita D. Thomas quaest. 9. de potentia art. 9. ad 4.

Ad secundam probationem Antecedentis, 127.

concessa Majori, nego Minorem. Nam sicut potentia generativa est divina essentia, connotata Paternitate, & generabilitas, eadem divina essentia, connotata Filiatione: ita actualis generatio est divina intellectio, connotata Paternitate; & generari est passivum intelligi, connotata Filiatione: intelligi enim & intelligere, non sunt actus realiter distincti in Deo, & consequenter nec generare & generari realiter distinguuntur, quoad id quod in recto important, sed solum quoad relationes quas dicunt de connotato; qualiter etiam potentia generativa, à potentia terminativa generationis distinguitur.

Quæ doctrina est D. Thomæ quaest. 2. de potentia art. 5. in corpore, quod ita concludit. Similiter ergo dicendum est de actione & potentia: nam generatio significat actionem, cum aliquo respectu, & potentia generandi significat potentiam, cum respectu unde ipsa generatio est Dei actio, sed prout est Patris tantum; & similiter potentia generativa est Dei omnipotentia, prout est Patris tantum. Ita D. Thomas l. quando de activa generatione & potentia generativa: id ipsum dicturus, ut procedat consequenter, de generatione passiva, & potentia terminativa generationis.

#### ARTICULUS IV.

*Cur una ex divinis processionibus sit generatio, & non altera?*

##### §. I.

D *Pramittuntur quæ apud omnes sunt certa, & ratio dubitandi proponitur.*

**D**UO tantum certa, & indubitata fide tenenda, supponimus. Primum est, præter processionem Verbi, dari in Deo aliam, per quam Spiritus Sanctus procedit.

Probat, primò: de fide est dari tertiam Personam, quæ Spiritus Sancti nomine appellatur, & quæ est verus Deus, sicut Pater & Filius, ut disputatione præcedenti contra Macedonianos ostendimus: At hæc tertia Persona non est à se, aliàs darentur duo innascibiles, & consequenter duo Dii, quia ut supra ex D. Thomæ regulis: *Ponere duos innascibiles, est ponere duos Deos, & duas naturas divinas*: Ergo est ab alio, vel ab alijs, scilicet à Patre & Filio: Sed non potest esse à Patre & Filio, nisi ab utroque procedat: Ergo præter Verbi generationem concedenda est alia processio in Divinis, scilicet Spiritus Sancti, quam publicâ voce profitetur universalis Ecclesia, tum in Symbolo Nicæno, dicens: *Credo in Spiritum Sanctum Dominum, & vivificantem, qui ex Patre Filioque procedit*. Tum in Symbolo Athanasij, his verbis: *Spiritus Sanctus à Patre & Filio, non factus, nec creatus, nec genitus, sed procedens*.

Probat, secundò ratione quâ habet D. Thomas hic art. 3. Quemadmodum omne intelliges

X 3

pro-

Producit aliquid ad intra, quod dicitur verbum, ita etiam quicumque diligit, producit amorem vel impulsum, quemdam rationem ejus amatum est in amante. At qui ob am rationem, probabiliter inferimus dari in Deo Verbi processionem, ut constat ex dictis art. 1. Ergo etiam supposita fide, posuimus inferre à similitudine aliam esse in Deo processionem per viam amoris, quæ Spiritus sancti processio appellatur. Minor & Consequentia patent ex lapsu dictis. Tota difficultas est in probatione Majoris, quæ extranei à Schola D. Thomæ non aliter probant, quam quia omnis actio debet habere terminum à se productum: Dicitio autem est actus voluntatis, sicut intellectio est actus intellectus: Ergo debet habere aliquem terminum à se productum. Illa tamen propositio universaliter sumpta, vera non est: nam actiones immanentes, quæ potius sunt qualitates, quam actiones prædicamentales, non habent terminum necessarium, sed tantum permixtum: ex quo intulimus in Tractatu de visione Beata, Beatos videndo divinam essentiam, nullum formare verbum creatum. Unde illa Major alia via probari debet.

130. Observandum est igitur: Quod cum omnis actio debeat aliquo modo attingere objectum, circa quod versatur, aliàs daretur actio in distans, quod implicat, ut docent Philosophi in libris Physicorum; & actio immanens sit in ipso agente, ejus objectum debet etiam intra illud existere, ac illi intus conjungi, vel ratione sui, vel ratione alicujus supplementi vicem illius. Unde sicut objectum intellectus fit præsens intellectui, vel per se ipsum, si sit per se primo intelligibile, ut in visione Beatica contingit; vel per similitudinem, ut fit in aliis intellectibus creatis; & objectum voluntatis debet esse præsens voluntati, eique aliquo modo conjungi; & cum hæc unio non possit fieri mediante specie & similitudine objecti (quia vis appetitiva non petit assimilari objecto, sed in illud ferri) debet fieri per inclinationem & propensionem. Unde sicut ex hoc quod aliquis rem aliquam intelligit, provenit quadam intellectualis conceptio rei intellectæ in intelligente, quæ dicitur verbum: ita ex hoc aliquis rem aliquam amat, provenit quadam impressio, ut ita loquar, rei amate in affectu amantis, secundum quam amatum dicitur esse in amante, sicut & intellectum in intelligente. Verba sunt D. Thomæ infra quæst. 37. art. 1. Quare idem S. Doctor 1. 2. quæst. 28. art. 1. ad 2. docet de ratione amoris triplicem esse unionem; unam à qua procedit, quæ est unio similitudinis, quæ est causa amoris; aliam in qua consistit, quæ est impetus & impulsus quidam in rem amatam; & alteram quam efficit vel exoptat, quæ est unio realis, quam amans quare habere cum re amata.

131. Dices cum Valentia, cui hæc ratio D. Thomæ non placet: quod quamvis amatum debeat esse præsens intra amantem, per inclinationem, non propterea debet produci à voluntate creata aliquis terminus, qui sit pondus & inclinatio; quia illa præsentia objecti sufficiens fit per actum amoris, qui est actualis inclinatio. Unde D. Thomas quæst. 4. de verit. art. 2. ad 7. optime dixit: *Voluntas non habet aliquid progrediens à se ipsa, quod in ea sit, nisi per modum operationis: intellectus autem habet non solum per modum operationis, sed etiam per modum termini.*

132. Sed contra à primò: D. Augustinus 14. de Trinitate, cap. 3. & D. Thomas infra quæst. 93. art. 7.

A dicunt hominem in se habere imaginem Trinitatis, quia assimilatur ei in productione verbi, & tamen mini amoris: Sed hoc esset falsum, si nihil homo produceret per voluntatem, solum enim assimilaretur Deo in actibus essentialibus intelligendi & volendi: Ergo &c.

Contra secundò: Sicut objectum intellectus non fit præsens formaliter intellectui, per ipsam intellectiōem, sed per aliquem terminum ab illa productum, qui est ejus imago & similitudo expressa: ita nec objectum amatum fit formaliter præsens ipsi amanti, per actum amoris, sed per aliquem terminum ab illo productum, qui habeat rationem impulsus ac ponderis inclinantis in illud: juxta illud Augustini 13. Confess. cap. 9. *Pondus meum amor meus: amore feror quocunque feror.*

Neque obstat discrimen quod D. Thomas assignat inter intellectum & voluntatem: ex hoc enim solum sequitur, per actum amoris non produciur aliquid quod habeat rationem imaginis & similitudinis respectu rei volitæ; sicut per intellectiōem produciur verbum, quod est imago & similitudo expressa rei cognitæ: non tamen infertur, non produci aliquid terminum, qui habeat rationem ponderis ac impulsus, impellentis & inclinantis in rem amatam. Unde quando S. Doctor dicit, quod per voluntatem non produciur aliquid nisi per modum operationis, non intendit negare per actum amoris aliquid terminum in voluntate produci, qui re ipsa & de facto sit terminus; sed solum intendit declarare, quod terminus ille, quia se habet per modum viæ & tendentiæ in aliud, habet modum operationis, non verò termini, ut rectè notavit Cajetanus hic art. 3.

Secundum, quod ut fidei veritatē supponimus, est processio Verbi, generationem esse, non autem processionē Spiritus sancti. Quod omnis Scripturæ testimonio constat ex Symbolo Athanasii, ubi de Persona Filii sic dicitur: *Filius à Patre solo est, non factus, nec creatus, sed genitus.* Et de Persona Spiritus sancti: *Spiritus sanctus à Patre & Filio, non factus, nec creatus, nec genitus, sed procedens.*

Confirmatur: Passim in Scriptura Filius vocatur unigenitus, id est solus genitus: Ergo sola productio Filii est vera generatio, non autem Spiritus sancti processio.

Dices: Etiam frequenter in sacris litteris Filius Dei appellatur primogenitus: Ergo habet alium posteriorem genitum, scilicet Spiritum sanctum. Sed nego Consequentiam. Nam ut dicitur in Concilio Ephesino cap. 4. *Filius Dei nuncupatus est primogenitus & unigenitus; primogenitus comparatione ad filios adoptivos; & unigenitus per exclusionem alterius Filii naturalis.* Unde Augustinus libro de fide & Symbolo cap. 4. sic habet: *Secundum id quod unigenitus est non habet fratres; secundum id autem quod primogenitus est, fratres vocare dignatus est omnes, qui post ejus primitias in Dei gratia nascimur per adoptionem filiorum.*

Hæc ut omnino certa & indubitata supponimus. Quod autem in examē vocamus, est cur processio Verbi sit generatio, non autem processio Spiritus sancti? Ratio dubitandi, eaq; difficillima est, quia generatio vivitum propria, quæ sola reperitur in Deo, est origo viventis à vivente conjuncto in similitudine naturæ: quæ definitio videtur convenire non solum processionis verbi, sed etiam processionis Spiritus sancti: hæc siquidem est origo viventis: Spiritus enim sanctus est vi-

vens,



vens, non minus quam Verbum) & à vivente conjuncto; cum sit terminus actionis immanens, & intimè conjungatur suo principio, ratione identitatis in natura cum illo aliunde etiam est similis in natura, cum eandem naturam Patris & Filii per suam processionem accipiat: Ergo nulla est ratio assignabilis, cur uni & non alteri processionis ratio generationis conveniat, sed hoc solà fide tenendum est. Ita sentit Magister in 1. dist. 13. ubi ait: *Inter generationem verò Filii, & processionem Spiritus sancti, dum hic vivimus, distinguere non valemus.* Ei suffragari videtur Augustinus libro 3. contra Maximin. dicens: *Distinguere inter illam generationem, & hanc processionem, nescio, non valeo, non sufficio.* Tunc certè venit Deus ab Aulro, & sanctus de monte Pharan (id est de monte umbroso) ut dicitur Abac. 3. quando Spiritus sanctus à Patre & Filio procedit: ab Aulro quidem, quia ex amore procedit: de monte verò umbroso, quoniam ineffabilis & obscurissima est ejus processio. Quid de illa tamen sentiant Theologi, & quæ circa propositam difficultatem sit verior aut probabilior sententia, breviter hic exponendum est.

## §. II.

*Duplex dicendi modus rejicitur.*

**I**cet processio Spiritus sancti obscurissima sit, & posuerit tenebras latibulum suum, ut ait Bernardus serm. 1. Pentecostes: nec possit assignari aliqua ratio evidens ac demonstrativa, cur productioni Verbi, non verò processioni Spiritus sancti, ratio generationis conveniat: Theologi tamen, ut Hæreticorum argumentis possint occurrere, ad reddendam hujus rei rationem aliquam congruentem & probabilem, laudabiliter infuderunt. Missis autem quorumdam veterum Theologorum sententiis, quæ jam à Scholis eliminatæ sunt.

Primus dicendi nodus est Aliacensis, relativè Vazque hic disp. 113 cap. 3. asserentis idè Spiritum sanctum non esse genitum, bene tamen Verbum; quia hoc ibi uno tantum, ille verò à duobus procedit.

Sed hæc sententia displicet, ac rejicitur communiter: Primo quia per nullam particulam in definitione generationis expressam, excluditur quòd illius terminus à duobus procedat: si enim per aliquam, maxime per istam, à *vivente*, quæ cum in singulari principium designet, pluralitatem principiorum videtur excludere: Sed per hanc non excluditur: Ergo &c. Minor probatur: Terminus per generationem productus, etiam in singulari exprimitur, cum dicatur, *origo vivens*; & tamen per hoc non excluditur, quòd ex vi ejusdem generationis activæ duo viventes procedant: Ergo etiam si principium in singulari exprimitur, perperam inde colligitur, non posse à duobus aliquod procedere ut gentium.

Secundò, Quòd Spiritus sanctus à duobus procedat, non obstat quin procedat ut illis similis in natura, ex vi processionis: Ergo hoc non impedit quin ejus productio sit vera generatio. Consequentia patet, Antecedens probatur: Tum quia duo ad productionem alicujus viventis concurrentia possunt in natura adunari: Tum etiam, quia in creatis filius à patre & matre producit, & tamen procedit ut illis similis in natura: Ergo quòd Spiritus sanctus à duobus producar, non obstat, quin illis similis in natura procedat.

**T**ertio, Si Pater & Filius per intellectum producerent Spiritum sanctum, verè esset verbum, & consequenter filius, ac proinde genitus: Ergo non idè non est genitus, nec filius, quia à duobus procedit, sed quia non procedit per intellectum, sed per voluntatem: quæ est ratio D. Thomæ, quam inferius explicabimus.

Si opponas D. Augustinum 15. de Trinitate cap. 27. ubi inquit, *Cur non dicatur natus esse, sed potius procedere Spiritus sanctus?* Cui difficultati sic respondet: *Quoniam si etiam ipse, Filius diceretur, amborum utique Filius diceretur, quòd absurdissimum est; filius quippe nullus est duorum, nisi patris & matris: absit autem, ut inter Deum Patrem & Deum Filium aliquid tale suspicemur.* Idem docet S. Thomas quest. 10. de potentia art. 2. ad 11. Ergo ex mente D. Augustini & S. Thomæ, per hoc quòd Spiritus sanctus à duobus procedat, à ratione geniti & filii sufficienter excluditur.

Respondet primò, Augustinum rationem istam non absolute ut sufficientem dissi, sed solum ut sufficientem his qui extendi non valent in amplius, ut constat ex capitis initio, ubi ait: *Sufficit autem interim his qui extendi non valent in amplius, &c.* Id est illis qui ex humanis moventur ad rimanda divina.

Secundò respondeo, Quòd cum Spiritus sanctus sit à duobus Personis, quia est per voluntatem, & ex amore mutuo Patris & Filii procedit, Verbum verò ab una tantum, quia est per intellectum, & consequenter per modum similitudinis; signum quidem evidens est, Verbum propriè generari, non autem Spiritum sanctum, quia hic à duobus, illud verò ab una tantum Persona procedit, non tamen est ratio à priori, & hoc solum volunt D. Augustinus & S. Thomas locis allegatis.

Secunda sententia docet Verbum esse Filium, quia accipit ex vi processionis naturam, ad alterius suppositi productionem secundam; & Spiritum sanctum idè Filium non esse, quia licet ex vi processionis sit similis suo principio in essentia, non tamen in natura sub conceptu naturæ, eò quòd hæc consistat in secunditate alterius suppositi productiva, quam Spiritus sanctus suà processione non accepit. Ita docent D. Bonaventura, Alensis, & Richardus à S. Victore: quos ex Recentioribus sequuntur Zuniga disp. 2. de Trinit. dub. 20. & Martinus disp. 24. sect. 9.

Sed hæc etiam sententia non placet, & rejicitur primò ex D. Thoma infra qu. 35. art. 2. in corp. ubi aliquorum sententiam, qui ex hoc Spiritum sanctum defendebant non esse imaginem, quia cum Patre & Filio non convenit in notione principii, hac ratione confutat; quia similitudo aut æqualitas non attenditur in relationibus, non autem principii relationem importat. Ex quibus hoc argumentum conficitur. Similitudo requisita in persona genita ad rationem generationis, non est in relativis, sed in absoluto: At similitudo in secunditate productiva alterius suppositi non est in absoluto præcisè, sed in absoluto, adjunctà relatione in obliquo & de connotato, ut patet ex dictis articulo præcedentibus: Ergo hæc ad rationem generationis necessaria non est.

Secundò, Si esset necessaria prædicta similitudo ad rationem Filii in Divinis, maxime quia in creatis ita cōtingit, quòd scilicet filius est similis generanti in secunditate productiva alterius suppositi: Sed ex hoc non colligitur: Ergo &c. Probatur Minor: Vis productiva alterius suppositi, in qua

in qua filius assimilatur patri in creatis, est vis generativa; & tamen ex hoc inferre non licet, de ratione & Filii in Divinis esse, assimilari principio producenti in vi generativa: Ergo nec licet colligere, debere illi assimilari in vi productiva.

148. Tertiò, De ratione Filii in Divinis solum est, assimilari suo principio in natura, sub conceptu naturæ: At conceptus naturæ in toto rigore salvatur absq; vi productiva alterius suppositi: Ergo si convenit Spiritui sancto ex vi processionis, erit genitus & filius, etsi non assimilatur principio productivo sui in fecunditate productiva. Major constat ex definitione generationis viventium. Minor autem ostenditur primò ex communi Patrum doctrina, assensentium tres Divinas Personas esse non solum unius essentia, sed etiam unius & ejusdem naturæ: At si de conceptu naturæ esset facultas realiter productiva alterius suppositi, tres Personæ Divinæ, licet essent ejusdem essentia, non essent ejusdem naturæ; cum fecunditas productiva alterius suppositi, non competat Spiritui sancto: Ergo conceptus naturæ salvatur absque fecunditate productiva alterius suppositi.

Secundò probatur eadem Minor. Si de conceptu naturæ, prout ponitur in definitione generationis viventium, esset vis productiva alterius suppositi ejusdem naturæ, sequeretur primò, Filium non esse Patri similem in conceptu adæquato naturæ. Secundò, Patris & Filii naturam eandem non esse: Utrumque est absurdum, aliàs Verbum non esset filius, cum de ratione filii sit adæquata patris naturam ex vi processionis accipere: Ergo, &c. Sequela quoque utramque partem probatur. Natura Patris est generativa, & spirativa, natura autem Filii tantum spirativa: At vis generativa differt à spirativa: Ergo non esset in Filio adæquata Patris natura, nec Pater & Filius ejusdem naturæ essent.

Tertiò eadem Minor principalis ostenditur. Non est de ratione naturæ, quòd sit principium in alio, seu in ordine ad alium, sed sufficit quòd sit principium mortis ejus in quo est; ut constat in naturis cælorum & Angelorum, in quibus reperitur ratio perfectissima naturæ, absque vi productiva, etiam radicali, alterius suppositi: Ergo conceptus naturæ in toto rigore salvatur, absque vi productiva alterius, per hoc scilicet quòd sit radix aliarum operationum immanentium, vel transeuntium.

149. Quartò rejicitur hæc sententia. Patres Latini disputantes cum Græcis, ut probarent Spiritum sanctum à Filio procedere, nunquam usi sunt hac ratione, nempe quòd si Spiritus sanctus à Filio non procederet, Verbum Divinum non esset Filius: At si in ratione Filii constitueretur per hoc quòd assimilaretur Patri in vi spirativa, hac ratione procul dubio usi fuissent, ut Græcorum errorem confutarent: Ergo &c.

150. Confirmatur, & magis illustratur hæc ratio. Omnes Doctores disputantes, an si Spiritus sanctus non procederet à Filio, distingueretur ab illo? supponunt in data hypothesi remanens Filium formaliter: At si de ratione Filii esset fecunditas productiva alterius suppositi, hoc non possent supponere: Ergo sentiunt id non esse de ratione geniti & filii.

151. Confirmatur amplius: Conditionalis ista: si Spiritus sanctus non procederet à Filio, non distingueretur ab illo, utilis est ad investigandam rationem formalem multiplicandi Personas Divinas, ut

docent Theologi in fratr. quæst. 36. At si Verbum constitueretur in ratione filii formaliter, per fecunditatem productivam Spiritus sancti, omnino inutilis esset, cum esset propositio implicatoria ex vi terminorum, ut hæc: *Si homo est, & non rationalis esset*: Ergo fecunditas ista a. . . ius suppositi productiva, non est de ratione filii ex vi filiationis, nec de generationis conceptu.

Pro opposita tamen sententia adduci potest quidam locus ex Concilio Florentino, qui nonnullam videtur habere difficultatem. Sumitur ex sessione ultima §. *Quoniam Græci suspicantur*, ubi hæc verba habentur: *Credentes Spiritum sanctum nequaquam ex Filio procedere, necesse est ut Spiritum sanctum intelligant à solo Patre procedere, ac consequenter non esse filium*. Ex quibus verbis sic licet arguere. Ex mente Concilii, qui negant Spiritum sanctum à Filio procedere, coguntur negare dari Filium in Divinis: Ergo Filius in ratione talis constituitur per virtutem producendi Spiritum sanctum: Ergo natura in cuius similitudinem filius debet prodire, dicit virtutem producendi alium sibi similem; & consequenter ex eo quòd huiusmodi virtus & fecunditas desit Spiritui sancto, rectè inferitur non esse filium, ejusque processionem generationem non esse.

Respondent nonnulli apud Ariagiam disp. 153. 47. sect. 6. hæc verba Florentini, *Ac consequenter non esse filium*, intelligenda esse de Spiritu sancto, ita ut lenius sit: *Ac consequenter Spiritum sanctum non esse filium*.

Sed contrà: Ibi Concilium infert absurdum, quod ex sententia Græcorum sequitur: At negare Spiritum sanctum esse Filium, non absurdum, sed Catholicū est: Ergo aliud ibi inferitur.

Respondet secundò impleti Ariaga ibidem, Definitiones & Canones Conciliorum esse de fide, secus autem argumenti facta à Conciliis: inconveniens autem illatum non est definitio, sed argumentum, quo Concilium probat Spiritum sanctum procedere à Filio.

Sed hæc etiam solutio non placet: nam licet verum sit, argumenta facta à Conciliis non esse de fide, sunt tamen magis auctoritatis; & contrariæ sententiæ sufficeret, quòd Concilium eam veram existimasset, etsi non definitivè.

Respondetur igitur duo inferri à Concilio, ex eo quòd Spiritus sanctus à solo Patre procederet. Primum est, non procedere à Filio, quod ipsum est contra fidem; ex quo secundò inferitur, non esse Filium; quæ consequentia immediata & formalis non est, sed mediata & materialis, ac si ita argumentaretur: si Spiritus sanctus à Filio non procederet, Pater non communicasset Verbum vim spirativam: Ergo nec naturam divinam, & consequenter Verbum Filius non esset. Patet hæc Consequentia: Nam cum in vi spirativa non opponantur Pater & Filius, eadem ratio est de communicatione facultatis spirativæ, ac de communicatione naturæ: Ergo si illam non communicasset, nec naturam communicasset: ex quo rectè inferitur, Verbum non fore Filium. Ut autem Concilium oppositæ sententiæ faveret, consequentia facta deberet esse immediata & formalis.

Obijciunt secundò de sepe flores illius sententiæ. In creatis omnes generationes viventium per se tendunt ad communicandam naturā fecundā, & productivam alterius viventis; licet per accidens hoc impediri possit, ut contingit in generatione muli: quamquam mulos esse in Asia fecundos

cundostestetur Theophrastus, à Vazque relatus; sicut & simia, infecunda in Europa, fecundae sunt in Asia & Africa: Ergo ascendendo à creatis ad Divina, rectè inferitur processionem Spiritus Sancti non esse generationem: eò quòd non tendat ad comunicandam naturam fecundam, & alterius Personae Divinae productivam.

157. Confirmatur: Illa particula posita in definitione generationis viventium, scilicet, *in similitudinem naturae*, debet intelligi de natura strictè & rigorosè sumpta: Sed natura in stricta acceptione, est natura fecunda, & productiva alterius viventis; nam si realiter productiva non sit, est natura veluti mortuo modo: Ergo idem quod prius.

158. Ad objectionem, concessio Antecedente, nego Consequentiam: nam à creatis ad Divina non valet discursus in subiecta materia. Cum enim vis productiva, quam Filius à Patre per generationem recipit, sit vis generativa; si ab humanis ad Divina valeret consequentia, sequeretur quòd non solum processio Spiritus Sancti, sed etià Verbi productio, non esset vera generatio: quia licet Filius à Patre virtutem spiratam accipiat, potentia tamen generandi ab eo non recipit, sicut in humanis filius eam recipit à patre.

159. Ad confirmationem, concessio Majori, nego Minorem: nam, ut suprà annotavimus, in Caelis & in Angelis salvatur ratio stricta naturae, absq; vi productiva alterius suppositi. Item in Deo secundum se considerata, & ut abstrahit à personis & relationibus, vera & stricta ratio naturae reperitur; & tamen pro eo priori non concipitur in eo fecunditas, ut vis productiva Filij & Spiritus Sancti; hæc enim supponit essentiam divinam esse per relationem Paternitatis modificatam. Cur ergo similiter in Spiritu Sancto non salvabitur ratio stricta naturae, absq; vi productiva alterius suppositi?

160. Confirmatur: Sicut natura definitur per hoc quòd sit principium motus &c. ita definitur vivens, per hoc quòd est se movere: Sed ratio vitæ, perfectissimè, & cum omni proprietate, salvatur in Deo, absq; vi productiva reali, per hoc quòd sit principium virtuale actionis vitalis: Ergo etiam propria ratio naturae in illo salvatur, per hoc quòd divina essentia sit radix virtualis actionum intelligendi & volendi, absq; facultate productiva alterius suppositi.

## §. III.

*Canariensis & sequacium sententia improprie.*

161. PRæter duos dicendi modos jam impugnatos est celebris sententia aliquorum, qui docent ideò Verbum esse Filium, non autem Spiritum Sanctum; quia licet utriq; ex vi processionis communicetur divina natura; & consequenter utriq; ut similis vi principio procedat, tamen Spiritus Sanctus non procedit per modum imaginis, quòd ad rationem filij & geniti necessariū erat. Ita Vazquez disp. 13. cap. 7. Turrian<sup>9</sup>, Alarcón, & quidam alij Recentiores, secuti Canariensem hic art. 1. Placuit etiam hæc sententia Joanni de Portugal Episcopo Vifensi libro 2. de Processione Spiritus Sancti, cap. 18. nec illam omnino reprobabat Bannez hic art. 4. dub. 1.

162. Difficet tamen cæteris Theologis, & rejicitur primò. Quia videtur esse manifesta contradictio in hoc quòd illi Authores asserunt, nem-

A pe Spiritum Sanctū procedere ut similem Patri & Filio, ex vi suæ processionis, & tamen non esse illorum imaginem. Nam ut docet S. Thomas infra quest. 35. art. 1. & 39. art. 1. post Augustinum & Anselmum, ut aliquid habeat rationem imaginis, duo solum requiruntur, nempe quòd sit alteri simile, & quòd sit ab illo expressum & deductum: At si semel concedatur, Spiritum Sanctum procedere ex vi suæ processionis in similitudinem naturæ cum Patre & Filio, utrumq; habebit, ut patet: Ergo erit illorum imago.

Confirmatur: Non alia ratione filius in creatis est imago naturalis patris, nisi quia per generationem accipit naturam formaliter, in qua illi assimilatur. Item Verbo Divino non alia de causa ratio imaginis convenit, nisi quia procedit ut similis in natura Patri, ex vi suæ processionis: Ergo si concedatur Spiritum Sanctū ex vi suæ processionis procedere ut similem in natura Patri & Filio, non potest negari esse illorum imaginem. Unde S. Thomas infra quest. 35. art. 2. nō alter probat Filio convenire ratione imaginis, non autem Spiritui Sancto, nisi quia *Filius procedit ut Verbum, de cujus ratione est similitudo speciei ad id à quo procedit, non autem de ratione amoris; quamvis hoc conveniat amoris qui est Spiritus Sanctus, inquantum est amor Divinus.* Quasi diceret: ideò Filium esse imaginem, non verò Spiritum Sanctum, quia Filius procedit ut similis suo principio ex vi suæ processionis, eò quòd procedat ut Verbum, quod est similitudo expressa objecti; non autem Spiritus Sanctus, quia procedit ut amor, qui non est similitudo, sed pondus & inclinatio in rem amaram: quam rationem latius infra exponimus.

Respondetis primò: Ideò filium in creatis, & Verbum in Divinis, esse imaginem Patris, quia recipit naturam eà intentione ut Patrem repræsentet, quod non competit Spiritui Sancto.

Sed contra primò: D. Thomas loco jam relato non assignat hanc rationem, quia Filius in Divinis habet rationem imaginis, non verò Spiritus Sanctus, sed potius recurrit ad similitudinem, quæ uni competit ex vi suæ processionis, non verò alteri.

Secundò, Vel solutio procedit de intentione primaria naturæ, vel de secundaria? Primum est falsum, solum enim imago intentionalis per se primò ad representandum à natura ordinatur: secundum autem est verum. Cæterum eo ipso quòd ex vi productionis intendatur similitudo termini cum principio in natura, secundaria rōd intenditur ejus representatio; nec aliunde hæc secundaria intentio, quam ex illa primaria colligi potest. Ergo si Spiritus Sanctus accipit ex vi processionis naturam sui principij formaliter, ex secundaria intentione, ad representandum ordinabitur, ac per consequens erit imago.

Respondetis secundò, Ad rationem imaginis non sufficere representationem illius, in quo convenit terminus cum principio, sed insuper representare debere id in quo discriminatur ab illo, quod convenit Verbo, secus autem Spiritui Sancto; & ideò imago non est, quamvis naturam sui principij accipiat ex vi processionis.

Sed contra: Vel ideò Verbum repræsentat quæ sūt propria Patris, quia accipit ex vi processionis Patris naturam, & ratione ipsius naturæ vel quia ad Patrem relativè se habet, & ratione relationis? Si primò, etiam Spiritus Sanctus accipit ex vi processionis sui principij naturā, in sententia quā impugnamus, & consequenter quæ sunt illi

illi propria repræsentare poterit. Si secundum, A  
etiam Spiritus Sanctus ad Patrem, & Filium suâ  
relatione refertur; & consequenter ratione rela-  
tionis, quæ illis propria sunt poterit repræsentare:  
Ergo nihil ei deerit ad rationem imaginis.

168. Dices, Spiritum Sanctum non refertur ad Pa-  
trem & Filium, secundum proprias relationes,  
sed secundum relationem Spiritatoris utrique  
communem.

Sed contra: Licet non sit imago illorum se-  
cundum proprias relationes, erit tamen imago  
illorum, secundum istam communem, per quam  
Pater & Filius distinguuntur à Spiritu Sancto.  
Unde S. Thomas infra quæst. 35. art. 2. impu-  
gnans rationem aliquorum, qui dicebant Spiritum  
Sanctum non esse imaginem Patris & Filij,  
quia sic esset una imago duorum, quod videtur  
impossibile, subdit: *Sed hoc nihil est, quia Pater &  
Filius sunt unum principium Spiritus Sancti: unde ni-  
hil prohibet sic Patri & Filij (inquantum sunt unum)  
esse unam imaginem, cum etiam homo totius Trinitatis  
sit una imago.*

169. Adde quod, Relativa proprietates Spiritus San-  
cti, & quod sit mutui amor, essentialiter petit  
relationes Paternitatis & Filiationis, ut inter se  
distinctas, tanquam modificantes vim spiritivâ:  
de quo infra quæst. 36. Ergo ob istam connexio-  
nem, utramque repræsentabit: sicut Verbum re-  
praesentat non essentia solum, sed & paternita-  
tem, ratione connexionis quam habet cum illa.

170. Respondebis tertio: Ad rationem imaginis re-  
quiri quod alicui repræsentet: unde cum Spiritus  
Sanctus nemini repræsentet (nō enim reprefen-  
tat intellectui creato, ut patet, nec intellectui  
Patris aut Filij, quia Pater & Filius, licet diligant  
se Spiritu Sancto, non tamen se cognoscunt Spi-  
ritu Sancto) ille non habet rationem imaginis.

171. Sed contra primo: De ratione imaginis non est  
quod actualiter repræsentet, sed sufficit quod  
quantum est de se sit repræsentativa prototypi:  
nemine enim vidente aut cogitante, tabella fi-  
guram & lineamenta Cæsaris exprimens, verè  
dicitur esse ejus imago.

Deinde: Licet Pater & Filius non se cogno-  
scant Spiritu Sancto, uterque tamen cognoscit se  
in Spiritu Sancto, tanquam in correlativo ha-  
bente eandem naturam cum ipsis: sicut Pater  
cognoscit se in Filio, quia est ejusdem naturæ  
cum illo. Unde sicut Christus dicebat Philippo,  
*Qui videt me, videt & Patrem meum*, ita Spiritus  
Sanctus dicere potest, *Qui videt me, videt Patrem  
& Filium.*

172. Secundò contra eandem sententiam princi-  
paliter arguitur. Ratio imaginis est aliquid con-  
sequens ad passivam generationem, & illa pos-  
terior: Ergo non potest probari à priori, pro-  
cessionem Verbi esse generationem, non au-  
tem processionem Spiritus Sancti, quia Ver-  
bum est imago Patris, non verò Spiritus sanctus.  
Consequentia patet: Antecedens probatur.  
Nun quia in humanis prius habet filius quod sit  
genitus à patre, eò quod illi similis in natura  
producat, quàm quod sit patris imago; hoc  
enim ex illo sequitur. Tum etiam quia in Divi-  
nis etiam, prius intelligimus Personam Filij ge-  
nitam, quàm relationem imaginis. Nam ut ait  
D. Augustinus libro 7. de Trinit. cap. 2. *Ed quod  
nata est, & Verbum, & imago, & filius intelligitur.* Et  
ut docet S. Thomas infra quæst. 40. art. 4. *Origines  
passive significare, simpliciter procedunt secundum  
intellectum proprietates personarum procedentium,*

etiam personales. Unde subdit ibidem ad 3. *Nati-  
vitas secundum intellectum procedit filiationem.* Con-  
cipiuntur enim à nobis hujusmodi origines, ut  
fundamenta relationum. Prius ergo concipimus  
Personam Filij generari, eò quod ei natura  
divina communicetur ex vi suæ processionis,  
quàm concipiamus in ea relationem imaginis:  
unde solum à posteriori, non verò à priori pos-  
sumus colligere Verbum Divinum esse genitum  
& Filium, non autem Spiritum Sanctum, quia  
illi & non isti convenient ratio imaginis.

Denique eadem sententia impugnatur, retor-  
quando in ipsam telum, quod in Cajetanū Vaz-  
quez contorquet, & ut ubi videtur validè: vide-  
licet, Philosophis in definitione generationis  
non posuit quod sit processio in similitudinem  
ex vi processionis: Ergo illa particula, *ex vi pro-  
cessionis*, non ad definitionem spectat, sed ad glos-  
sam, adjectionemque; Cajetani, & aliorum Tho-  
mistarum: unde stando in sola & mera defini-  
tione Philosophi, quæ ipsam quidditatem gene-  
rationis exprimit, non habet Cajetanus, quomo-  
do à processione Spiritus Sancti rationem gene-  
rationis excludat. Retorqueo, inquit hoc mo-  
do: Aristoteles non posuit in definitione genera-  
tionis, quod procedat aliquid in similitudinem  
naturæ, per modum imaginis & repræsentationis:  
Ergo illa particula, *per modum imaginis & repræ-  
sentationis*, non pertinet ad definitionem genera-  
tionis, sed ad glossam & adjectionem Vazque-  
zij. Quomodo ergo salvat ipse quod Processio  
Spiritus sancti non est generatio, stando in mera  
definitione Philosophi? Dicit, se non addere defi-  
nitioni, sed explicare vim illius particule, *in si-  
militudinem*. Bene: fed idem dicunt Thomistæ, se  
nō addere definitioni generationis illā particu-  
lam, *ex vi processionis*, ut pariem definitionis, sed  
tantum per modum explicationis, ad declaran-  
dum scilicet, quod ut aliqua actio generatio sit,  
ejus terminus debet esse formaliter similis: de  
quo infra. Ergo vel Vazquez malè impugnat  
Thomistæ, vel insufficienter processionem Spi-  
ritus Sancti à ratione generationis excludit.

Objicit in primis Vazquez varia SS. Patrum  
testimonia, asserentia de ratione filij esse, quod  
sit sui Patris imago; ex quo infert, quod cum Spi-  
ritum Sancto ratio imaginis non conveniat, non  
potest dici Filius, nec ejus processio, generatio.

Sed totum hoc libenter concedimus, & in hoc  
probando Vazquez inaniter tempus consumit.  
Solum contendimus, hæc duo quæ asserti, nempe  
quod Spiritus Sanctus ex vi processionis recipit  
Dei naturam, & tamen non est ejus imago,  
inter se pugnare, & manifestam contradictionem  
involvere, ut supra ostensum est.

Dices: Spiritus Sanctus de facto est similis suo  
principio in natura, similitudine per processionem  
accepta, etsi non ex vi processionis; & tamen de  
facto & re ipsa imago non est: Ergo etiam si ex vi  
processionis, ut similis suo principio procedat,  
poterit non esse imago ex vi processionis.

Quod amplius urgetur. Ignis genitus ab i-  
gne, non est imago ignis generantis, cùm ex illo  
non magis in generantis notitiam veniamus,  
quàm cujusvis alterius, & tamen ab illo similis  
in natura procedit: Ergo etiam si Spiritus San-  
ctus ex vi suæ processionis accipiat naturam di-  
vinam, & in illa suo principio assimiletur, pote-  
rit tamen non esse imago illius.

Ad argumentum respondeo, negando Confe-  
quentiam: quia ut docet D. Thomas in 1. dist. 28.  
quæst.



quæst. 1. art. 3. ad 4. nomen imaginis, et si impossum sit ab æqualitate & similitudine, non est impossum ad significandam rem, cui ex modo suæ processionis non competit similitudo; & ideo quamvis aliquid in re & absolute sit simile alteri, & ab illo procedat, non est dicendum imago absolute & in re, nisi ex modo & vi suæ processionis similitudinem habeat, quod Spiritui Sancto non convenit. Unde inquit Anselmus in monologio cap. 33. *Sic amor aperit se prolem negat, qui dum à Patre & Filio procedere intelligitur, non statim tam perspicuam exhibet se contemplantis ejus ex quo est similitudinem: quamvis ipsum considerata ratio doceat omnino id ipsum esse, quod est Pater & Filius.* Ac si appetit diceret, ideo est Spiritum Sanctum imaginem non esse, nec Filium; quia licet sit ejusdem naturæ cum Patre & Filio, non tamen ex vi formalissima suæ processionis, illorum similitudinem in natura præ se fert.

- 177 Ad confirmationem, nego Majorem; Nam cum (teste D. Thomâ in 4. quæst. 33. art. 2.) in uno ovò simili respectu alterius ovî, non aliâ ratione non interveniat ratio imaginis; nisi quia non procedit ab illo, non est cur ab igne genito rationem imaginis ignis generantis excludamus. Quod autem illo cognito, non magis in ignis generantis cognitionem veniamus, quam in cognitionem cujusvis alterius ignis, ideo est, quia sunt homogenea & ejusdem figuræ. Imò & hoc ipsum in viventibus contingere potest, nempe cum pater & filius non assimulantur in figura exteriori, sed in natura solum; tunc enim qui filium cognoscit, non magis veniet in cognitionem parentis, quam aliorum hominum, quo non obstante, filius verò obtinet rationem imaginis.
- 178 Opponit secundò Vazquez alia Patrum testimonia, excludentia Spiritum Sanctum à ratione generitæ & Filii, quia imago non est. Ita Anselmus ubi supra, Richardus à S. Victore libro 6. de SS. Trinit. cap. 19. & sequentibus, & D. Thomas 4. contra Gentes cap. 11. Ergo vera ratio quare Spiritus Sanctus non est genitus neque Filius, est quia ut imago non procedit.

- 179 Respondeo concessio Antecedente, distinguendo Consequens. Vera ratio à priori, nego: à posteriori, concedo. Cum enim, ut supra dicebamus, ratio imaginis sit aliquid consequens ad passivam generationem, rectè à posteriori colligitur, Spiritum Sanctum non esse genitum, nec consequenter Filium, quia non habet rationem imaginis. Sicut à posteriori rectè infertur, eum non esse animal rationale, quia non est risibilis. Cæterum ratio à priori cur Spiritus Sanctus non sit Filius vel imago Dei, est quia ex vi processionis non procedit similis principio in natura, ut supra ex D. Thoma ostendimus; & magis §. sequenti exponemus.

## §. IV.

Sententia D. Thomæ exponitur.

Dico primò: Ratio proxima & immediata, cuius processio Verbi sit generatio, non autem processio Spiritus Sancti, est quia Verbum procedit in similitudinem naturæ, ex vi processionis, non verò Spiritus Sanctus. Ita docet D. Thomas in 1. dist. 13. quæst. 1. art. 3. ad 3. dist. 28. quæst. 2. art. 2. in corp. Primo ad Annib. dist. 13. quæst. unicâ art. 3. Quæst. 10. de potentia art. 2. ad 11. & 22. Quarto contra Gentes cap. 11. & 19. & in præsentî quæstione art. 2. & 4.

Tom. II.

Probat primò: In definitionibus verba accipienda sunt in sensu formali, ne definitio unus alteri conveniat, puta definitio linæ, superficiei. Ergo quando in definitione generationis dicitur, quod vivens debet procedere in similitudinem naturæ, hoc debet intelligi de similitudine, quæ conveniat genito formaliter ex vi processionis; & non solum materialiter vel concomitanter. Ergo ideo processio Verbi est generatio, non verò processio Spiritus Sancti, quia Verbum procedit in similitudinem naturæ formaliter, & ex vi processionis, non verò Spiritus Sanctus.

Probat secundò: Actiones ad eundem terminum terminatæ, diversificantur ex diverso modo procedendi, & tendendi in illum, ut communiter docent Philosophi, & variis exemplis declarant: Ergo etiam processio Verbi, & processio Spiritus Sancti, distinguuntur propter diversum modum tendendi in terminum; & unâ habere rationem generationis, non verò aliâ, eo quod una tendat in similitudinem naturæ formaliter & ex vi sua, non verò altera, quamvis per utramque naturâ divinâ communicetur.

Confirmatur & magis illustratur hæc ratio ex D. Thoma 4. contra Gentes cap. 23. *Si res aliqua naturam alterius ab eo acciperet, non per genitum, sed per alium quemcumque modum, ratione filiationis careret, ut patet, si aliquis homo virtute sui divinitus ad hoc concessa, hominem faceret ex aliqua sui corporis parte, vel etiam exteriori modo, sicut facit artificata, productus homo; productus filius non diceretur, quia non procederet ab eo ut natus.* Ergo similiter licet Spiritus Sanctus sit similis Verbo, & in eadem numero natura cum illo subsistat; quia tamen non habet talem similitudinem & naturam ex vi, seu ex modo ipso processionis, sicut Verbum: vel quia, ut loquitur S. Doctor in 1. ad Annibaldum dist. 13. quæst. unicâ art. 3. *Processio Spiritus Sancti ex ratione modi procedendi, non dicit conformitatem naturæ, quam dicit generatio; ideo ejus productio non habet rationem generationis; sicut Verbi processio.*

Dices: Definitionibus rerum nihil est superaddendum, sed ut jacent sunt accipiendæ: At in definitione generationis viventium; non est illa particula, *ex vi processionis*: Ergo absque fundamento illi additur, ut Spiritus Sancti processio à generationis ratione excludatur.

Respondeo nihil esse addendum definitionibus, ut pattem definitionis, posse tamen aliquid illis addi, per modum explanationis alicujus partis, & hoc non est addere, sed definitionem explicare: illa autem particula, *ex vi processionis*, non additur ut pars prædictæ definitionis, sed ad explicandum, quod ut aliqua actio generatio sit; ejus terminus debet esse formaliter similis, id est per illam accipere per se primò & formaliter principii naturam; Et certè, ut vidimus, Vazquez, cujus est hoc argumentum, addit definitioni traditæ, quod debeat ejus terminus procedere per modum imaginis; & Zuniga, quod debeat procedere cum fecunditate & virtute productiva alterius. Si ergo ipsis licuit definitioni Aristotelis illas particulas addere, cur nobis non licebit, non addere particulas definitionibus rerum, sed illas explicare?

Dico secundò: Ratio fundamentalis & radicalis, cur processio Verbi sit generatio, non autem processio Spiritus Sancti, est quia processio Verbi est per intellectum, processio verò Spiritus Sancti per voluntatem. Ita D. Thomas locis con-

Y 2 cluſione

elisione precedenti citatis, & hic art. 4. ubi sic dis-  
currit. *Sciendum est, quod hac est differentia inter  
intellectum & voluntatem, quod intellectus fit in actu  
per hoc quod res intellecta est in intellectu secundum  
suam similitudinem: voluntas autem fit in actu,  
non per hoc quod aliqua similitudo voluti sit in vo-  
luntate, sed ex hoc quod voluntas habet quandam  
inclinationem in rem positam. Processio igitur qua  
attenditur secundum rationem intellectus, est se-  
cundum rationem similitudinis, & in tantum po-  
test habere rationem generationis, quia omne ge-  
nerans generat sibi simile. Processio autem qua  
attenditur secundum rationem voluntatis, non consi-  
deratur secundum rationem similitudinis, sed ma-  
gis secundum rationem impellentis & moventis in  
aliquid. Et ideo quod procedit in Divinis per mo-  
dum amoris, non procedit ut genitum, vel ut Fi-  
lius, sed magis procedit ut Spiritus, quo nomi-  
ne quadam vitalis motio & impulsio designatur,  
prout aliquis ex amore dicitur moveri vel impelli ad  
aliquid faciendum. Hæc D. Thomas, Quibus  
verbis tuadamentalem nostræ conclusionis ratio-  
nem exposuit. Ideo enim processio Verbi est  
generatio, non autem processio Spiritus Sancti,  
quia Verbum procedit in similitudinem natu-  
ræ, ex vi processionis, non autem Spiritus San-  
ctus, ut precedenti conclusionem ostendimus: Sed  
Verbum habet quod procedat in similitudinem  
naturæ, ex vi suæ processionis, quia procedit per  
intellectum; id verò non habet Spiritus Sanctus,  
eo quod procedat per voluntatem. Ergo ratio  
fundamentalis & radicalis, cur processio Verbi sit  
generatio, non autem processio Spiritus Sancti,  
est quia Verbum procedit per intellectum, & Spi-  
ritus Sanctus per voluntatem. Minor probatur:  
Intellectus ut abstrahit à creato & increato, est as-  
similativus; intellectio enim fit per assimilatio-  
nem potentie cum objecto, ut docetur in libris  
de anima; unde Philosophus libro 3. de anima re-  
ctu 37. docuit animam esse quodammodo omnia,  
quia est omnium cognoscitiva; & communiter di-  
citur quod intellectus intelligendo hominem, fit  
homo, & intelligendo lapidem, fit lapis, unde in-  
tellectus in supremo & perf.issimo suo analo-  
gato, est assimilativus perfectissimæ similitudine,  
qui est identitas in natura. Voluntas verò non est  
potentia assimilativa: nam proprius modus ope-  
randi voluntatis, non est per assimilationem ad  
objectum amatum, sed per inclinationem & pro-  
pensionem in illud, ut §. 1. ostendimus: quare  
quantumcumque crescat voluntatis perfectio, non  
habet ex propria ratione terminum similem  
principio vel objecto producere, sed impulsus  
perfectissimus ad illud. Ergo ideo Verbum Divi-  
num habet quod procedat in similitudinem natu-  
ræ, ex vi suæ processionis, non autem Spiritus San-  
ctus; quia Verbum procedit per intellectum, &  
Spiritus Sanctus per voluntatem.*

186 Dices primò: De ratione geniti & filii est esse si-  
miles generanti in natura, sub conceptu naturæ:  
Sed Verbum Divinum ex eo quod per intellectum  
procedat; non est simile producenti in natura,  
sub conceptu naturæ: Ergo ex hac ratione non  
rectè colligitur esse genitum, vel Filium. Pro-  
batur Minor: Intellectus enim ex proprio con-  
ceptu solum est assimilativus termini cum obje-  
cto, seu specie impressa, quæ unitur vice obje-  
cti cum principio: At ratio objecti, & ratio speciei,  
virtualiter distinguuntur à natura divina sub con-  
ceptu naturæ: Ergo ex eo quod Verbum Divinum  
per intellectum procedat, non est simile produ-

centi in natura, sub conceptu naturæ.

187 Respondeo primò: concessa Majori, ne-  
gando Minorem: ad cuius probationem, ne-  
go etiam Minorem. Nam ut ait D. Thomas su-  
pra quæst. 14. art. 4. *In Deo intellectus, intelligens,  
& id quod intelligitur, & species intelligibilis, & ip-  
sum intelligere, sunt omnino unum & idem.* Cuius  
ratio est, quia cum hæc omnia in rebus creatis  
pertineant ad eandem lineam intellectualem, &  
distinguantur solum ex limitatione & potentiali-  
tate creaturæ, identificantur in Deo, etiam sine  
distinctione virtuali, ut in Tractatu de attributis o-  
stendimus. Unde hoc ipso quod Verbum Divi-  
num, ex vi suæ processionis procedat ut simile ob-  
jecto cognito, aut speciei intelligibili quæ ge-  
nit vices illius, procedit ut simile producenti in  
natura.

188 Secundò responderi potest, distinguendo Ma-  
jorem secundi syllogismi. Intellectus solum est  
assimilativus terminis ad speciem & objectum, se-  
cundum conditionem speciei & objecti, nego  
Majorem: secundum naturam quæ est objectum  
& species, concedo Majorem, & data Minori,  
nego Consequentiam. Nam intellectus produ-  
cens Verbum, non intendit illi communicare ratio-  
nem speciei impressæ, aut rationem objecti,  
sed naturam in specie contentam, quæ exercet mun-  
us speciei. Unde quamvis daretur quod in Deo  
ratio speciei & objecti distinguenter virtualiter  
à natura, non sequitur Verbo Divino non commu-  
nicari naturam Divinam, sub conceptu naturæ, ex  
vi suæ processionis.

189 Dices secundò: De ratione geniti & filii est as-  
similari producenti in natura, sub modo essendi  
naturali: At Verbum Divinum, ex eo quod per  
intellectum procedat, non habet assimilari pro-  
ducenti in natura, sub modo essendi naturali: Er-  
go ex eo quod Verbum Divinum per intellectum  
procedat, non rectè probatur esse genitum & Fi-  
lium, cuiusque processionem esse generationem.  
Major patet, Minor verò in qua est difficultas,  
probatur. Intellectus solum petit assimilari obje-  
cto in esse intelligibili & intentionali, non verò in  
esse entitativo & naturali; alioquin intelligendo  
lapidem, fieret lapis in esse entitativo; & co-  
gnoscendo plantam, fieret planta in esse natu-  
rali, quod absurdissimum est: Ergo Verbum Divi-  
num ex eo quod per intellectum procedat, non  
habet assimilari producenti in natura, sub modo  
essendi naturali.

190 Respondeo concessa Majori, negando Minore-  
m, ad cuius probationem dicendum est, quod  
licet intellectus creatus, quia imperfectus est, &  
ex indigentia verbum producit, solum sit assimi-  
latus termini cum objecto, in esse intentionali &  
intelligibili, intellectus tamen divinus, quia perfe-  
ctissimus est, & verbum non ex indigentia, sed  
ex infinita fecunditate producit; assimilativus est,  
non solum in esse intelligibili, verum etiam in esse  
entitativo & naturali. Unde intellectus abstrahens  
ab utroque, etsi positivè non petat assimi-  
lationem termini ad objectum, in modo essendi na-  
turali, permittit tamen hujuscemodi assimilatio-  
nem in aliquo sibi inferiori, nempe in supremo sui  
analogato.

191 Instabis: Esse intelligibile in Deo distinguitur  
jaltem virtualiter ab esse naturali & entitativo:  
Ergo Verbum potest perfectè assimilari pro-  
ducenti in esse intelligibili, ex vi processionis,  
absque eo quod ei assimilem in esse naturali,  
Consequentia videtur manifesta: Nam quia in  
Deo

Deo unio affectiva virtualiter distinguitur à naturali, Spiritus Sanctus ex vi suæ processionis recipit unionem secundum affectum, non tamen unionem seu identitatem in natura: Ergo similiter, &c.

192. Respondeo negando Antecedens: cum enim esse intelligibile ad lineam intellectuales pertineat, identificatur cum natura divina (quæ, ut alibi ostendimus, per ipsam intelligere putissimum & actualissimum constituitur) absque virtuali discrimine. Unde repugnat quoddam Verbum Divinum perfectè assimilatur producenti in esse intelligibili, ex vi processionis, nisi etiam ex vi processionis perfectè ei assimilatur in esse naturali, seu in natura, sub modo essendi naturali & entitativo: licet Spiritus Sanctus possit ex vi processionis recipere unionem secundum affectum, absque eo quod ex vi ejusdem processionis accipiat unionem in esse naturali, seu identitatem in natura; quia cum unio affectiva ad lineam volitivam pertineat, est quid consequens naturam divinam, nec metaphysicam ejus constitutionem ingreditur, ut in Tractatu de voluntate Dei fusè ostendimus.

193. Urgebis: Licet esse intelligibile & naturale non distinguantur in Deo virtualiter, eminenter tamen seu æquivalenter distinguuntur: Sed hæc eminentialis distinctio sufficiens est ut Verbo Divino communicetur formaliter natura divina sub modo essendi intelligibili, ex vi processionis, absque eo quod sub modo essendi naturali, formaliter ex vi processionis communicetur: Ergo sufficit, ut Verbum Divinum non procedat simile formaliter in natura sub conceptu naturæ, & consequenter ut ejus processio non sit generatio. Major, & utraque Consequentia patent: Minor verò, in qua est difficultas, variis exemplis ostenditur. Nam sola eminentialis distinctio inter intellectiōem & naturam divinam, sufficit ut à visione beatifica participetur formaliter divina intellectiō, non autem natura; & e contra, à gratia habituali participetur formaliter natura, & non intellectiō. Item sola eminentialis distinctio inter essentiam sub conceptu speciei, & sub conceptu naturæ, sufficit ut uniatur membris Beatorum formaliter sub conceptu speciei, non autem sub conceptu naturæ. Denique: sola distinctio eminentialis inter rationem Verbi & rationem Filii in secunda Trinitatis Persona, sufficiens est ut suppositum Verbi, Christum ut hominem, Filium naturalem constituar, absque eo quod constituar illum in ratione Verbi: Ergo pariter sola distinctio eminentialis inter esse intelligibile & naturale, sufficit ut licet ex vi processionis communicetur Verbo Divino natura sub modo essendi intelligibili, non communicetur tamen sub modo essendi naturali, & sub proprio conceptu naturæ.

194. Respondeo concessa Majori, negando Minorem. Ad cujus probationem dicendum, duplicem dari in Deo distinctionem eminentialem: una est talis simpliciter & absolute, & præcindendo ab omni ordine & analogia ad creaturas, qualis reperitur inter essentiam & attributa, vel inter absolutam & relativam; & hæc vocatur absolute distinctio virtualis: alia est quæ dicitur eminentialis solum secundum quid, & per respectum & analogiam ad res creatas, participantem unam perfectionem Dei, non verò aliam. Hoc modo distinguuntur in Deo essentia & natura, existentia & essentia, ratio filii & ratio verbi; relatio ut generis minus formæ hypostaticæ, & relativæ, & na-

tura divina, ut habet rationem naturæ, à seipsa ut gerit vices speciei, & intellectus, juxta probabiliorē sententiam. Prima distinctio sufficit, ut Deus possit unum ad intra communicare, alio non communicato; sicut Pater de facto communicat suam essentiam Filio, non verò suam paternitatem, vel potentiam generativam: secunda verò sufficit quidem ad hoc ut unum possit ad extra communicari, alio non communicato, non tamen ut possit ad intra communicari. Patet hoc in exemplis adductis: implicat enim quoddam Pater communicet essentiam Filio, non communicatā existentia & naturā; & quoddam Filium producat in ratione filii, nisi etiam illum producat in ratione verbi, & sic de cæteris. Quia ergo esse intelligibile & naturale distinguuntur eminenter hoc secundo tantum modo, & solum per analogiam ad creaturas; repugnat quoddam Pater æternus communicet suam essentiam Filio, sub modo essendi intelligibili, nisi etiam illam ei communicet, sub modo essendi naturali & entitativo. Quamvis in rebus creatis hæc duo possint separari, & Deus de facto uniat suam essentiam membris Beatorum, per modum speciei, & formæ intelligibilis; & repugnet tamen, quoddam illam eis communicet per modum formæ naturalis, & in esse entitativo, ut in Tractatu de visione beatifica fusè declaravimus.

§. V.

Alia argumenta solvuntur.

Obijcies primò: Quidquid habet Spiritus Sanctus ex sua processione & origine, habet ex vi suæ processionis & originis: Sed Spiritus Sanctus ex sua processione & origine, habet divinam naturam; non enim illam habet à se, sed ab alio communicatam; alioquin darentur duo innascibiles in Trinitate, quod est hæreticum: Ergo habet illam ex vi suæ processionis & originis, & consequenter non minus erit genitus, quam Filius.

Respondeo negando Majorem: non enim quidquid convenit termino producto per processionem, communicatur illi ex vi processionis, sed solum id quod est ratio formalis terminandi processionem: quod verò ratio formalis terminandi non est, licet communicetur per processionem, propter identitatem cum ratione formaliter terminandi, non tamen communicatur formaliter ex vi processionis. Unde quia natura divina non est ratio formalis terminandi processionem Spiritus Sancti, sed quid identificatum cum ratione formali terminandi, nempe cum ratione impulsus, quæ formaliter terminat, consequens sit, quod licet communicetur per processionem, non tamen ex vi processionis.

Instabis: Divina Natura est id quod primariò terminat processionem Spiritus Sancti: Ergo est ratio formalis terminandi, & consequenter non solum convenit Spiritui Sancto per processionem, sed etiam ex vi processionis. Utraque Consequentia patet ex dictis, Antecedens autem probatur. Per id Spiritus Sanctus primò terminat processionem, quod prius ei convenit: Sed prius ei convenit divina natura, quam ratio impulsus, aut quodlibet aliud attributum; quia Divinitas est eminenti quodammodo radix omnium attributorum, non solum in Deo ut præintellecto Personis, sed etiam in quacunque Persona: Ergo



divina natura est id quod terminat processionem A  
Spiritus Sancti.

198. Respondeo negando Antecedens, ad cuius probationem, distinguo Majorem. Per id Spiritus Sanctus primò terminat processionem, quod priùs ei convenit: in intentione, concedo Majorem: in executione, nego Majorem; & sub eadem distinctione Minoris, nego Consequentiam. Itaq; id quod priùs convenit in intentione, & in genere finis seu rationis finalis, est ratio primaria terminandi actionem, non id quod priùs convenit in executione, & in genere subiecti aut principii. Constat hoc in multorum sententia, asserentium unicà actione produci partialem substantiam, & partialem quantitatem: quæ actio non à substantia partiali, quæ prior est ordine executionis, & in genere causæ materialis, sed à partiali quantitate, quæ prior est in intentione, & in genere causæ finalis, speciem desumit. Constat etiam in sententia aliorum, asserentium unicà actione produci qualitates alterativas, & formam substantialem: quæ actio, non à qualitatibus priùs in executione productis, sed à forma substantiali, quæ prior est in intentione, specificatur. Licet autem natura divina priùs veluti executivè communicetur Spiritui Sancto, quàm omnia attributa, quia est veluti subiectum & radix illorum; in intentione tamen, & in genere rationis finalis, non ita contingit, sed actio voluntatis primò in intentione ad communicandum attributum inclinatur, nempe rationem impulsus: & idèò non natura, sed attributum, est ratio primaria terminandi, & specificandi processionem Spiritus Sancti.

199. Dices: Quodcumque eadem actione producit natura & proprietas, natura non solum est prior in ordine executionis, sed etiam intentionis: Ergo quando eadem actione communicantur natura & attributum, natura gaudet utraque prioritate: Sed Spiritui Sancto eadem actione communicatur ut natura & attributum: Ergo natura divina respectu talis actionis, nedum in executione, sed etiam in intentione attributum præcedit.

200. Respondeo verum esse Antecedens, quando primò producantur natura & proprietas, secus autem quando non primò producantur, sed jam producta natura supponitur; ut constat in aggeneratione, quæ quia substantiam jam productam supponit, licet producat partialem substantiam, cum partiali quantitate, non tamen fertur intentio naturæ primariò in partem substantiæ, sed in quantitatem partialem. Quia ergo in Deo processio per voluntatem, jam supponit communicatam naturam, sub conceptu naturæ, per generationem Verbi, idèò primariò in intentione, non ad naturam communicandam, sed ad attributum terminatur.

201. Dices rursus: Omne agens intendit producere sibi simile, nedum in principio proximo agendi, sed etiam & maximè in radicali: igitur enim v. g. calefaciendo, non solum intendit producere sibi simile in calore, sed etiam in forma substantiali; & pater non intendit solum sibi assimilare filium in potentia generativa, sed etiam & maximè in natura: Sed essentia divina est principium radicale productionis Spiritus Sancti, sicut voluntas est formale & proximum: Ergo Pater & Filius producendo Spiritum Sanctum, intendunt sibi simile in natura, & non solum in attributo; & consequenter processio Spiritus Sancti per se primò tendit in ordine intentionis ad communicandam divinam naturam, & non solum aliquod ejus at-

tributum, scilicet rationem impulsus.

Respondeo Majorem esse tantum veram, quando agens agit per virtutem proximam, destinaram ad communicandam naturam; quando verò agit per alias virtutes, intendit ad summum sibi simile formaliter in principio proximo. Unde cum intellectus in Divinis sit potentia per se primò destinata ad communicandam naturam, non autem voluntas: Pater & Filius producendo simul Spiritum Sanctum per voluntatem, non intendunt simili in natura formaliter, ex viduali productionis, bene tamen Pater, per intellectum producendo Filium.

- B Obijcies secundò: Spiritus Sanctus procedit formaliter ut persona divina: Ergo ut habens naturam divinam. Consequentia videtur manifesta, quia Persona Divina non potest non dicere naturam divinam. Antecedens verò probatur primò, Spiritus Sanctus ex vi suæ processionis procedit ut subsistens in aliqua natura: Non creata, aliàs esset natura: Ergo divina: subsistens autem in natura divina, est persona divina: Ergo procedit formaliter ut persona divina.

Secundò: Spiritus Sanctus habet ex vi suæ processionis illud quod est constitutivum personæ divinæ, nempe relationem originis: Ergo procedit formaliter ut persona divina.

- C Tertiò, Spiritus Sanctus procedit ut realiter distinctus à Patre & Filio: Sed non distinguitur realiter, nisi inquantum est una ex personis divinis: Ergo idem quod prius.

Quartò, Spiritus Sanctus formaliter ex vi processionis procedit ut est: Sed est formaliter persona divina: Ergo procedit formaliter ut persona divina.

Propter hæc argumenta, quidam concedunt Spiritum Sanctum procedere formaliter ut personam divinam, licet negent illum procedere formaliter ut Deum, sed illi minùs consequenter loquuntur: cum enim persona divina nihil aliud sit, quàm subsistens in natura divina, si hæc non convenit Spiritui Sancto, ex vi processionis, non potest procedere formaliter ut persona divina. Unde prætermisâ hac solutione, respondeo, negando Antecedens. Ad cuius primam probationem, negatur Spiritum Sanctum formaliter procedere ut subsistentem in aliqua natura: solum enim ex vi processionis procedit ut amor subsistens subsistentiæ relativæ.

Ad Secundam verò probationem, dicendum Spiritum Sanctum habere quidem vi suæ processionis subsistentiam relativam per quam constituitur persona, non tamen formaliter ut constituentem personam: quia persona constituitur ex subsistentia relativâ ut modificante naturam; ar verò Spiritus Sanctus non habet illam formaliter vi suæ processionis, ut modificantem naturam, sed præcisè ut modificantem amorem seu impulsum in obiectum amatum. Quare procedit quidem Spiritus Sanctus ut subsistens in amore formaliter; ut subsistens verò in natura, materialiter & identicè tantum, propter identitatem naturæ cum amore; amor enim perfectissimus vindicat sibi, etiam ex propria linea, quòd sit subsistens. Unde propterea (ut tertie probationi satisfiat) Spiritus Sanctus procedit ut realiter distinctus à Patre & Filio, quia procedit ut amor modificatus per substantiam relativam, distinctam à subsistentia Patris & Filii.

Ad quartam probationem, distinguo Majorem: Spiritus Sanctus formaliter ex vi processionis



nis proceditur est: sub omni formalitate quæ est, nego Majorem: sub aliqua, concedo Majorem: & concessa Minori, nego Consequentiam. Et in isto .n. homine genito, & homine creato, quibus quantum ad esse eadem prædicata conveniunt; & tamen diversis formalitatibus terminantur, unus generationem, & alter creationem; hanc sub ratione communis entis creabilis, illam verò sub ratione aliqua peculiari entis. In isto etiam in corpore Christi Domini, existentis in sacramento altaris per transubstantiationem: nam licet in eo corpus Christi sit vivens, & animatum animâ rationali, non terminat tamen transubstantiationem sub ratione viventis aut animati formaliter, sed sub ratione corporis, ut docetur in Tractatu de Eucharistia. Non ergo requiritur, quod omne prædicatum formaliter se habens ad esse, formaliter etiam se habeat ad terminandam actionem.

107. Obijcies tertio: Spiritui sancto ex vi suæ processionis communicatur existentia divina: Ergo & divina essentia. Consequentia patet; nam in Deo essentia & existentia identificantur sine virtuali discrimine: unde si existentia divina Spiritui sancto ex vi processionis communicatur, non potest non illi communicari etiam ex vi processionis divina essentia. Antecedens verò probatur, quia cuilibet termino producto communicatur per se primò ex vi processionis existentia, cum producere nihil aliud sit quam dare esse.

108. Respondeo distinguendo Antecedens: Communicatur existentia, tanquam conditio generalis cujuslibet productionis, concedo Antecedens: tanquam quid pertinet ad rationem formalem processionis ipsius, nego Antecedens, & Consequentiam. Dupliciter enim potest per aliquam productionem communicari existentia: primò tanquam per se primò specificativa talis productionis, eo modo quo terminus per se primò specificans generationem substantialem, est forma substantialis: secundò tanquam conditio generalis, quia hoc est necessarium ex communi ratione productionis; nec tamen existentia est formale specificativum cujuslibet productionis. Verbum ergo Divinum recipit primo modo existentiam, ex vi suæ processionis; quia recipit intelligere, quod est formalissimè esse Dei, ut docet D. Thomas hic art. 2. secundo autem modo Spiritus sanctus.

109. Obijcies quartò: Processio per intellectum non habet rationem generationis in Deo in quantum est intellectio; aliàs omnis intellectio esset vera generatio; sed solum quatenus est divina: Atqui processio amoris in Deo, habet etià quòd sit divina: Ergo ratio generationis illi convenit.

110. Respondeo distinguendo majorem: Intellectio in Deo habet rationem generationis, solum quatenus est divina, prout *ly divina* dicit rationem constitutivam divinæ naturæ, concedo Majori: prout *ly divina* significat rationem entis increati, transcendens essentiam, relationes, & attributa, nego Majorem. Similiter distinguo Minorem: Processio amoris in Deo habet quòd sit divina: secundo modo, concedo Minorem: primo modo, nego Minorem, & Consequentiam.

111. Obijcies quintò: Sequitur ex nostra sententia, Spiritum sanctum esse Filium realiter & identicè per processionem, esto non formaliter ex vi processionis: Consequens est absurdum: Ergo & insufficientis ratio à nobis tradita. Probatur sequela primò: Cui convenit definitio

A cum addito, cum eodem addito convenit definitum; Sed Spiritui sancto convenit definitio filii, cum hoc addito, scilicet materialiter & identicè; cum sit procedens in similitudinem naturæ identicè per processionem, etsi non ex vi processionis formaliter: Ergo est identicè filius.

Secundò, Quod est simile producenti in natura formaliter ex vi processionis, est ex vi processionis formaliter filius: Ergo quod est simile producenti in natura per processionem identicè, est filius identicè per processionem.

Tertio, Spiritus sanctus est Deus identicè per processionem; quia per eam illi communicatur identicè natura divina: Ergo pariter erit per processionem identicè filius, etsi non formaliter ex vi processionis; quia per processionem habet esse similem identicè in natura Patri & Filio.

Respondeo negando sequelam: ad primam probationem, nego Minorem: nam licet conveniat Spiritui sancto esse similem producenti in natura, cum illo addito, nempe identicè, definitio tamen filii non convenit illi cum addito; eò quod verba definitionis formaliter sint accipienda; ac proinde, cum in definitione filii dicatur, quòd in similitudinem naturæ procedat, debet explicari formaliter ex vi processionis, unde addendo materialiter, ponitur aliquid destruens definitionem generationis, & rationem filii: Per quod ad secundam probationem constat solutio.

C Ad tertiam nego consequentiam, & paritatem. Ratio discriminis est, quia in definitione Deitatis non ponitur quòd competat vel non competat per processionem, aut ex vi processionis, bene tamen in definitione geniti & filii: unde ut Spiritus sanctus sit Deus, necessarium non est, quòd Deitas illi competat formaliter ex vi processionis, bene tamen ut sit genitus & filius.

Obijcies sextò: Ideò Verbum procedit in similitudinem naturæ cum suo principio, quia procedit ut simile objecto intellecto: Sed etiam Spiritus sanctus ex vi suæ processionis procedit ut similis objecto amato: Ergo non minus procedit in similitudinem naturæ, quam Verbum. Major est Divi Thomæ hic art. 4. & patet, quia objectum intellectum est essentia divina Minor verò probatur. Ideò verbum procedit ut simile objecto intellecto, quia intellectus constituitur in actu completo per similitudinem objecti cogniti: Sed etiam voluntas constituitur in actu completo per similitudinem objecti amati: Ergo Spiritus sanctus ex vi suæ processionis procedit ut similis objecto amato. Major est D. Thomæ citari, & constat; terminus enim per actionem productus, debet maximè assimilari formæ, quæ constituit principium in actu completo, & est ipsi ratio agendi: Ergo ex hoc quod similitudo objecti constituit intellectum in actu completo, sequitur terminum per intellectionem productum, debere esse in similitudinem objecti.

E Minor autem probatur: Voluntas constituitur in actu completo per illud, à quo sumitur specificatio actionis, & terminus per eam producti: Sed specificatio volitionis, & terminus per eam producti, sumitur ab objecto, & similitudine ejus expressa, per quam voluntas determinatur ad volendum hoc objectum potius quam aliud: Ergo voluntas constituitur in actu completo, per similitudinem objecti amati.

Respondeo hoc argumentum tangere gravem difficultatem, quam resolvunt cōsueverunt Theologi 1. 2. quæst. 9. an scilicet objectum amatum, in

in intellectu per suam similitudinem expressam, concurrat activè ad sui amorem cum voluntate. Cajetanus, quem multi sequuntur, tenet partem affirmativam: Ferratensis verò & plures alii, negativam; asserentes objectum cognitum extrinsecè solum & objectivè ad specificationem actus voluntatis concurrere. Quidquid sit de hac opinionum diversitate: omnes Authores in hoc conveniunt, quòd objectum cognitum se habet aliquo modo ut forma, quâ voluntas determinatur, ut in hunc potius quàm in illum actum prorumpat. Quo posito, salvari debet quare nihilominus non pertineat ad voluntatem producere formaliter similitudinem, sicut illam producit intellectus; quia objectum est forma, quâ ultimo cõpletur in ratione principii intellectiois.

215. Advertendum est igitur: quòd licet similitudo objecti in intellectu existens, sit aliquo modo forma, tam respectu voluntatis, quàm intellectus; aliter tamen, & aliter: nam scilicet ad intellectum, ut forma in esse rei, hoc est ut forma realiter efficiens, perficiens, & actuans ipsum intellectum: ad voluntatem verò se habet ut forma in esse cognito; quia non inhæret illi, sed cum ea concurrat ut cognita, & ut illi ostensa; solumque in genere causæ finalis, & formalis extrinsecæ, seu specificantis ipsam volitionem, ut in Tractatu de actibus humanis ostendimus. Est autem proprium formæ in esse rei, determinare subiectum ad terminum sibi similem producendum; at verò formæ in esse cognito, sive concurrentis ut cognitæ tantum, proprium est, inquantum huiusmodi, ad se inclinare illud ad quod comparatur ut forma tali modo; atque ita & causare terminum, qui non sit per modum similitudinis, sed potius per modum actualis ponderis & inclinationis ad se ipsam, quatenus repræsentat objectum; sive quatenus continet in esse repræsentativo bonitatem & convenientiam, quam habet objectum in se. Sive ergo ponatur quòd objectum in intellectu existens per suam similitudinem, activè concurrat ad actum voluntatis, sive non, salvatur quòd voluntas non debet producere simile, sed potius inclinationem.

Unde in forma ad argumentum respondeo, concessa Majori, negando Minorem, ad cuius probationem, distingo Majorem: idè verbum procedit ut simile objecto intellecto, quia intellectus constituitur in actu completo per similitudinem objecti cogniti: ut per formam in esse rei, & realiter ipsum efficienter & actuante, concedo Majorem: ut per formam tantum in esse cognito, seu solum ostensam & cognitam, nego Majorem, & sub eadem distinctione Minoris, nego Consequentiam.

216. Obicies ultimum: Proprium est voluntatis amanti producere tanquam terminum, unionem amanti cum re amata: Ergo perfectissima voluntas intra propriam lineam, producit perfectissimam unionem; Sed perfectissima unio in natura substantialis, est identitas numerica: Ergo voluntas Divina ex vi propriæ lineæ habebit communicare Spiritui sancto eandem naturam.

Nec valet si dicas, voluntatis esse proprium, producere unionem summam secundum affectum. Nam licet hoc sit verum in creatis, sicut in illis verum est, quòd intellectus producit simile secundum esse repræsentativum tantum, in Divinis tamen id erit verum de unionem secundum naturam, sicut ex parte intellectus verum est de esse entitativo.

A Respondeo solutionem datam esse bonam. 217. Ad impugnationem, nego paritatem. Licet enim quantum perfectior est amor, tantò perfectior debeat esse unio; id tamen debet semper esse intra lineam amoris, non verò extrinsecè: at verò identitas in natura, est extra lineam amoris, non autem extra lineam intellectus, ut patet ex suprà dictis.

§. VI.

Corollaria ex dictis.

EX dictis in decursu hujus articuli, quædam corollaria notata digna deduci possunt, quæ breviter hic exponam.

In primis ergo ex dictis colligo, Verbum Divinum, ex vi suæ processiois, procedere ut Deum, secus verò Spiritum sanctum.

B Prima pars hujus corollarii à quibusdam ex nostris negatur: quia existimant quòd procedere ut Deum, denotat Deitatem produci. Sed fundamentum hoc falsum est: Verbum enim procedere ut simile formaliter ex vi processiois, conceditur ab omnibus Theologis, absque eo quòd similitudo dicatur producta: Ergo Verbum procedere ut Deum, non est Deitatem produci, sed ex vi processiois communicari: quare cum Verbo, & non Spiritui sancto, divina natura ex vi processiois communicetur, ut patet ex suprà dictis, Verbum ex vi processiois procedit ut Deus, non verò Spiritus sanctus. Unde hæc consequentia: Spiritus sanctus ex vi suæ processiois est Deus spiratus: ergo ex vi suæ processiois est Deus, non valet: quia in antecedente, particula, ex vi, reduplicat spiratum, & facit ut processio appellet suprà illum; ac denotat rationem impulsivæ, vel passivæ spirationis, esse terminum formalem processiois Spiritus sancti, quod verissimum est. In consequente verò reduplicat rationem Deitatis, & significat illam esse terminum formalem ejusdem processiois, quod est falsum.

Colligo secundò, rationem Verbi & Filii in secunda Trinitatis Persona esse formaliter idem absque virtuali discrimine; & solum distingui ratione alicujus connotationis, quæ in ratione Verbi, non verò in ratione Filii importatur.

D Hoc etiam corollarium sequitur evidenter ex principiis jam statutis: Nam si Verbum Divinum non esset formalissimè Filius, processio Verbi, seu dictio divina, non esset formalissimè generatio: Consequens est falsum, ut patet ex dictis: Ergo & Antecedens. Sequela Majoris probatur: Eodem modo distinguuntur processiones, quo illarum termini formalissimè sumpti: Sed Verbum & Filius sunt termini divinæ dictionis & generationis: Ergo si virtualiter inter se differant, divina dictio, seu Verbi Divini productio, non erit formalissimè generatio.

E Præterea: Satio Verbi & Filii virtualiter inter se differant, daretur in Deo quinque relationes, & sex notiones: Consequens est contra D. Thomam, & communem Theologorum sententiam: Ergo &c. Sequela probatur: quia tam distingueretur relatio Verbi à relatione Filii, quàm distingueretur relatio Spirantis à relatione Patris & relatione Filii, scilicet virtualiter: Sed hæc virtualis distinctio sufficit, ut relatio spirationis activæ numeretur ut distincta à relatione Paternitatis & Filiationis: Ergo eadem virtualis distinctio sufficeret, ut numeraretur relatio Verbi ut distincta à relatione Filii. Et idem dicendum esset de notionibus.

Accedit etiam authoritas D. Augustini, qui (referent

(referente D. Thomâ infrâ quæst. 34. art. 2. ad 3.) **A** ait: Verbum Divinum, eo dicitur Verbum quo Filius. Ex quibus hoc argumentum conficio: Deus non est eo intelligens quo volens, nec eo iustus quo misericors; propter distinctionem virtutalem, quæ inter voluntatem, & intellectum, nec inter iustitiam ac misericordiam reperitur: Sed ex Augustino, Verbum Divinum eo dicitur verbum quo Filius: Ergo ratio Verbi, & ratio Filii identificantur in secunda Trinitatis Persona, absque virtuali discrimine.

Quod autem distinguantur ratione alicujus connotationis, quæ in ratione Verbi, non verò in ratione Filii importatur, ut asserit secunda pars corollarii, manifestum est. Nam Verbum connotat representationem creaturam, quam non connotat ratio Filii, qui solum dicit ordinem ad generantem. Item Verbum, in ratione Verbi, & ut manifestativum, dicit ordinem ad totam Trinitatem quam manifestat; Filius verò, in ratione Filii, solum dicit respectum ad Patrem, à quo generatur.

**219** Advertendum tamen est, hanc connotationem in Verbo non importari magis principaliter & in recto, sed minus principaliter & in obliquo: Verbum enim in recto & magis principaliter dicit relationem realem ad Patrem dicentem; in obliquo autem & minus principaliter importat respectum rationis ad creaturas, in eo representatas & manifestatas. Unde S. Thomas infrâ quæst. 34. art. 3. ad 4. *Nomen ideo principaliter est impositum ad significandum respectum ad creaturas, & ideo pluraliter dicitur in Divinis. Sed nomen Verbi principaliter impositum est ad significandum relationem ad dicentem, & ex consequenti ad creaturas, in quantum se intelligendo intelligit omnem creaturam.* Et quæst. 4. de veritate art. 5. in corp. *Quia Pater principaliter dicit se generando Verbum suum, & ex consequenti creaturas, ideo principaliter, & quasi per se, Verbum refertur ad Patrem; sed ex consequenti, & quasi per accidens, refertur ad creaturas: accidit enim Verbo, ut per ipsum creatura dicatur.* Unde quando in corpore ejusdem articuli ait, hoc nomen Verbi imponi ad significandum aliquid absolutum, cum aliquo respectu, solum intendit docere, quòd Verbum Divinum, in ratione Verbi, non importat solum relationem ad dicentem, sed etiam divinam naturam ut repræsentant. Nam in Verbo adæquate sumpto duo includuntur, nempe ratio representationis actualissimæ objecti, & insuper ratio expressi, realiterque producti ad dicentem. Unde licet in linea absoluta, & in Verbo præintellecto Personis, non possit reperiri ratio Verbi propriè & adæquate, defectu relationis realis ad dicentem, improprie tamen & inadæquate illi competit: quatenus in divina essentia invenitur ratio intellectui in ultimâ actualitate, & repræsentationis actualissimæ, naturæ, attributorum, & creaturarum, ut in Tractatu de attributis ex eodem S. Doctore ostendimus.

rationale animam esse, quæ tota est in toto corpore, & tota in minima ejus parte. Existimant alii Deum esse, qui totus ubique est, & nullibi est. Verissima est utraque sententia: mihi tamen addere licebit, relationem maximum quid in minimo esse. Vix enim explicari potest, quanta sit ejus tenuitas, debilitas, ac fragilitas. Nullius ferè est entitatis & subsistentiæ, nullius adivitatis ac efficacix, nullius soliditatis ac permanentiæ; vaga semper ac nutans, semperque mobilis inter duos terminos, huc & illuc discurrit; & vel subjecti cui adhæret, vel termini quem respicit, destructione, vel propriæ fragilitatis pondere, eodem ferè momento quo nascitur, evanescit. **B** Ubi tamen in Deo reperitur, tanta est ejus dignitas, nobilitas, ac majestas, ut sacratissimum Trinitatis mysterium, quo nihil in Christiana Religione nobilius & excellentius est, in solis relationibus originis fundetur ac subsistat, illique divinæ constituentur ac distinguantur personæ; ac denique illis sublati, penitus ruerent præcipua nostræ fidei fundamenta. Unde Angelicus Doctor, ubi de divinis processionibus, quæ sunt fundamenta divinarum relationum discurrit, statim de ipsi relationibus disputat; acturus postea de divinis personis, tam in communi, quam in particulari.

## ARTICVLVS I.

*An inter relationem divinam, & divinam essentiam, sit aliqua distinctio actualis ante operationem intellectus.*

## §. I.

*Premittuntur quæ sunt certa de fide, & referuntur sententiæ.*

**S**uppono primò tanquam certum de fide, dactri in Deo relationes reales. Quod, relictis pluribus Conciliorum & SS. Patrum testimoniis, duplici ratione probat D. Thomas hic art. 1. **D** Prima habetur in argumento *de contra*, his verbis: *Pater non dicitur nisi à paternitate, & Filius à filiatione: si igitur paternitas & filiatione non sunt in Deo realiter, sequitur quod Deus non sit realiter Pater & Filius, sed secundum rationem intelligentiæ tantum, quod est hæresis Sabelliana.*

Quòd si contra rationem istam obijcias: Deus dicitur realiter dominus, & tamen relatio domini non est realis in Deo. Similiter Christus denominatur realiter filius B. Virginis, & tamen filiatione in ipso non est nisi relatio rationis, ut docet S. Thomas 3. parte quæst. 25. art. 5. Ergo etsi relatio paternitatis, non realis sed rationis esset, denominaretur tamen realiter Patrem.

**E** Respondeo denominationem à nomine relativo tunc esse realem, etiam si relatio sit rationis, quando fundamentum est reale, à quo tunc provenit realis denominatio: unde licet relatio domini in Deo, & filiationis in Christo, rationis sit: quia tamen earum fundamentum est reale, nempe creaturarum productio, & B. Virginis generatio, Deus dicitur realiter dominus & Christus realiter filius B. Virginis. Cæterum in Patre divino, si paternitas non esset realis, non daretur reale fundamentum: nam paternitas supra generationem fundatur, quæ requirit realem distinctionem geniti à generante; cumque distinctio in divinis personis fumatur à relationibus,

## DISPUTATIO III.

*De relationibus divinis.*

*Ad quæst. 28. D. Thomæ.*

**Q**uærent Philosophi quid illud sit, quod maximum in minimo est? Consent aliqui Tom. 11.

nibus, si istæ non essent reales, distinctio realis A inter personas esse non posset, ac proinde nec realis generatio unius ab altera, supra quam fundatur paternitas: unde sublatâ realitate relationum, reale fundamentum non manet, à quo possit denominari realiter Pater.

- 3 Secunda ratio, quam habet S. Doctor in corpore articuli, sic ab eo proponitur. *Cum aliquid procedit à principio ejusdem naturæ, necesse est quod ambo, scilicet procedens & id à quo procedit, in eodem ordine conveniant, & sic oportet quod habeant reales respectus ad invicem. Cum igitur processiones in Divinis sint in identitate naturæ, necesse est quod relationes, quæ secundum processiones divinas accipiuntur, sint relationes reales.*

Præterea: Cum personæ divinx realiter distinguantur, & hæc distinctio non possit esse secundum aliquid absolutum, quia perfectiones absolute toti Trinitati communes sunt, necesse est illam desumi ab aliqua relatione reali; & sic necessarii poni debent in Deo relationes reales. Ita discurritidem S. Doctor qu. 8. de potentia art. 1.

- 4 Confirmatur: Cum divinx personæ summâ unitate ac simplicitate gaudeant, minimâ omnium oppositionum debent inter se opponi ac distinguui: Sed oppositio relativa omnium minima est, nam illa quæ contradictoriè, contrariè, aut privativè opponuntur, sese mutuo excludunt, & ab eodem subiecto expellunt; quæ autem relativâ oppositione gaudent, tantum abest quod sese excludant aut expellant, quin potius ita se mutuo inferunt ac ponunt, ut uno destructo non possit aliud subsistere: Ergo in Trinitate necessariò poni debent relationes reales, quibus divinx personæ inter se relativè opponantur, & realiter distinguantur.

- 5 Neque huic orthodoxæ veritati officit quod dicit Boëtius in libro de Trinitate: *Similis est relatio in Trinitate Patri ad Filium, & utriusque ad Spiritum Sanctum, ut ejus quod est idem, ad id quod est idem.* Non officit, inquam, quia ut declarat D. Thomas hic art. 1. in resp. ad 2. *Boëtius assimilat relationes, quæ sunt in Divinis relationi identitatis, (quæ est secundum rationem tantum) non quantum ad omnia, sed quantum ad hoc solum, quod per huiusmodi relationes non diversificatur substantia, sicut nec per relationem identitatis.*

- 6 Quando verò ipsemet S. Doctor in corpore ejusdem articuli ait: *Solum in his quæ dicuntur ad aliquid, inveniuntur aliqua secundum rationem tantum, & non secundum rem: non intendit docere relationè in creatis non esse verum accidens reale, & realiter efficiens subiectum; sed loquitur de relatione in communi, & secundum rationem analogam, quâ abstrahit à relatione reali & rationis; illudq; inter relationem & alia prædicamenta discrimen constituit, quod licet in aliis prædicamentis possit fingi aliquid secundum rationem, puta chimæra, per modum substantiæ, quantitatis, aut qualitatis; in ea tamen, nec ratio substantiæ, nec quantitatis, nec qualitatis, verè & absolute invenitur, sicut in relationibus quas intellectus format, verè & absolute reperitur ratio relationis in communi. Nam relatio sic sumpta secundum propriam rationem solum significat respectum ad aliquid, qui verè & absolute in relationibus rationis invenitur. Quantitas autem aut qualitas, secundum propriam rationem, etiam in communi sumptam, & superiorè ad eam quâ prædicamenta constituuntur, significant aliquid inherens alicui, quod verè & ab-*

solute in chimæra, per modum quantitatis aut qualitatis conficta, non reperitur; sicut nec esse per se, in chimæra conficta per modum substantiæ.

- Suppono secundò tanquam fidei veritatem: Relationes quæ in creaturis sunt accidentia inherencia subiecto, in Deo, ut sic loquar, substantificari: Tum quia, cum Deus sit actus purus & immutabilis, est incapax omnis formæ accidentalis: Tum etiam quia relationes in Deo sunt divinarum personarum constitutivæ, & (ut postea ostendemus) cum divina natura seu substantia realiter identificate: Tum denique, quia hoc exigit summa & incircumscripta divini esse immensitas & infinitas. Deus enim (explicatur hæc ultima ratio) est, ut docet Nazianzenus oratione in natali Domini, tanquam infinitum quoddam essentia pelagus, *πλάγος θείας*: Videmus autem hanc esse Oceani proprietatem, ut omnium fluviorum, rivulorū, & fontium aquas, in ipsum perenni cursu fluèntes, in seipsum transformat; ita ut cum ejus vastissimum sinum subeunt, pereant omnium fluminum tituli, nomina, & qualitates, & una sit maris aqua. Similiter ergo omnia quæ in creaturis proprios & innatos habent defectus, ubi immensum hoc Divinitatis Pelagus intrant, propriis statim liberata imperfectionibus, in unam & simplicissimam Dei mutantur naturam; ita ut, sicut docet Gregorius, apud Deum labentia stent, mutabilia immutabilitatem consequantur, temporalia æternitatem; & ipsa accidentia subsistant.

- Suppono terciò tanquam de fide certum: Relationes & essentiam in Deo non distinguui realiter entitativè. Cujus contrarium docuisse Gilbertum Porretanum, referunt D. Thomas hic art. 2. & infra quæst. 39. art. 1. D. Bonaventura in 1. dist. 13. art. 1. & frequenter id censent ceteri Theologi, contra Vazquem disp. 120. cap. 1. & 2. assentient Gilbertum solam distinctionem formalem inter relationes & essentiam posuisse. Sententia tamen Gilberti damnata est in Concilio Rhemensis sub Eugenio III. ubi fuit definitum tres personas divinas esse unam essentiam Dei, & relationes ipsas esse Deum, quod in sententia Gilberti verificari non potest. Er in Concilio Lateranensi definitur, in Divinis non esse quaternitatem rerum: esset autem rerum quaternitas, si relationes entitativè realiter ab essentia differrent.

- Potrà præterquam quod Gilberti sententiæ falsitas ex dicendis constabit, breviter hæc ostenditur, & simul probatur nostra suppositio. Primò, quia in Divinis omnia sunt unum, ubi non obstat relationis oppositio: At inter relationes & essentiam non intercedit relationis oppositio, cum nec essentia ad relationes, nec relationes ad essentiam referantur: Ergo relationes & essentia sunt unum entitativè.

- Secundò, Ex opposita sententia sequitur evidenter, personas divinas simplices omnino non esse, sed compositas realiter ex essentia & relatione: Consequens est absurdum: Ergo &c. Probatur sequela: Compositio est distinctorum unio: At in persona divina daretur unio relationis & essentia, realiter distinctarum: Ergo & realis compositio.

- Terziò, Relatio divina est ens reale, ut ostendimus: At non est ens reale creatum, aliàs persona divina ex creata & divina entitate constaret: Ergo est saltem identicè ens reale divini, & consequenter nequit à divina essentia realiter entitativè distin-



distingui. Unde Concilium Rhemense contra Gilbertum definiens, sic ait art. 3. *Credimus nullas omnino res, five relations, five proprietates, five singularitates, five unitates dicantur, adesse Deo, quæ sint ab æterno, & non sint Deus. Cui sententia Episcoporum* (inquit D. Bernardus serm. 80. in Cantica) *Gilbertus humiliter acquiescens, tam hac, quam cetera digna reprehensione inventa, proprio ore damnavit.*

12. Præcipuum autem fundamentum quo ducatur Gilbertus, ad ponendam distinctionem realem entitativam inter relationes & essentiam, etat (ut refert Otto Frisingensis, de rebus gestis Frederici Imperatoris libro 1. cap. 56.) *Ne videlicet juxta Arium, sicut personarum, etiam pluralitatem admitteret essentiarum; vel secundum Sabellium, ad essentia singularitatem, etiam Christiana fidei religio pluralitatem perfringeret Personarum: hac Theodoretus contra Sabellium utens auctoritate: Qui enim naturam & personam idem esse intelligit, in divisionem Arii incidit, aut in confusionem Sabellii. Et illa Hilarii: Non est idem natura quod res natura.*

13. Verum hoc fundamentum ruinofum est: Nam ut docet D. Thomas hic art. 3. ad 1. & infra quæst. 39. art. 1. possunt aliqua esse idem uni tertio, & tamen illo non multiplicato, plurificari, propter oppositos respectus quos in suis propriis rationibus important: ut patet in motu, quo non multiplicato, plura in ætate & passio, quæ cum illo identificantur. Et si proprietates entis oppositione relativæ inter se gaudent, sicut divinæ personæ, possent multiplicari realiter, ratione entis, in eis transcendentaliter inclusâ, manente immultiplicatâ. Unde licet admittatur identitas realis inter relationes divinas & essentiam, non opus est propterea cum Arrio dividere essentiam, vel cum Sabellio in singularitatem redigere personas. Ut enim eleganter ait Tertullianus contra Praxean cap. 8. *Trinitas per consertos & connexos gradus à Patre decurrens, & Monarchia nihil obstrept, & eorum quæ statum protegit.* Et D. Bernardus 5. de consider. cap. 8. *Non abducimur ab hac unitatis professione, assertionem trium: cum in hac Trinitate non recipimus multiplicitatem, sicut nec solitudinem in unitate. Quam obrem cum dico unum, non me turbat Trinitatis numerus, qui essentiam non multiplicat, non variat, nec partitur. Rursum cum dico tria, non me arguit intuitus unitatis, quæ illa quæcumque tria, seu illos tres, nec in confusionem cogit, nec in singularitatem redigit, &c.* Unde verba Theodoretus, quæ Gilbertus in favorem suæ sententiæ allegabat, intelligenda sunt de identitate tam secundum rationem, quàm secundum rem, sive de identitate tam virtuali, quàm formali. Si enim natura & persona in Deo, ita essent unum, ut plures non æquivalerent, & virtuali non gauderent distinctione, non possent, indivisâ manente essentia, multiplicari personæ; nec communicari essentia, incommunicabili manente relatione. Sed de hoc infra redibit sermo, cum fundamenta Durandi & Scoti convellemus. In eodem sensu ait Hilarius, *non esse idem naturam, quod res natura:* quia scilicet differunt virtualiter, & quoad modum significandi. Quo pacto D. Thomas quæst. 8. de Potentia art. 2. ad 14. similia verba Augustini, infra referenda, exponit.

14. Hæc igitur ita suppositis: quod in dubium vertimus est, an licet relatio & essentia divina non distinguantur realiter entitativè tanquam duæ res, distinguantur tamen aliqua distinctione a-

tem. II.

A Qualitate operationem intellectus. In quo res reperio Theologorum sententias.

Prima est Durandi in 1. dist. 33. quæst. 1. asserentis relationes divinas distinguere ab essentia, distinctione modalis, hoc est, non tanquam rem & rem, sed ut rem & modum.

Secunda est Scoti in 1. dist. 2. quæst. 7. & dist. 8. quæst. 4. & pluribus aliis in locis, in quibus inter relationes & essentiam ponit distinctionem quandam, quam vocat formalem, aut ex natura rei, & quam dicit præcedere intellectum omni modo: de qua distinctione plura diximus in Tractatu de Attributis.

Tertia & vera sententiâ defendit, essentiam & relationes nullo genere actualis distinctionis ante operationem intellectus gaudere, sed realiter formaliter identificari cum illis, & solum virtualiter & ratione ratiocinatâ ab illis distinguere. Hanc tenent omnes Thomistæ, imò & omnes ferè Theologi, exceptis Scoti Discipulis, qui subtilis Magistri vestigiis in hærentes, distinctionem formalem actualem, & præcedentem omnem mentis operationem, inter divinam essentiam & relationes ac attributa defendunt.

## §. II.

Sententia Durandi rejicitur.

C Dico primò: Inter relationes & essentiam 15 non datur distinctio realis modalis.

Probatur primò: Quia non minus ex sententiâ Durandi sequitur personam divinam esse realiter compositam, quàm ex sententiâ Gilberti, supra impugnata. Sicut enim si esset distinctio entitativa inter essentiam & relationes, resulteret ex illis compositio realis entitativa in persona divina, ita etiam si distinguantur modaliter ab essentia, resulterat ex illis compositio modalis, quæ summæ Dei simplicitati repugnat.

Respondet Durandus, negando sequelam 16 Majoris. Quia (inquit) ex modo & re modificata non resulterat compositio realis: omnis enim realis compositio est per hoc quod unum alteri in hæreat, vel illud informent; modus autem non in hæret rei cuius est modus, nec illam informat; unde si humanitas Christi diuinitati Verbo, haberet alium modum essendi, non tamen haberet aliam compositionem.

Sed contra primò: Compositio nihil est aliud 17 quàm distinctio unio: Ergo si modus à re cuius est modus realiter distinguatur, & ex illis unitis unum tertium resulteret, voluntariè asseritur non resulteret compositum.

Secundò: Ex hac responsione sequitur, Angelum esse omnino simplicem in linea substantiæ: Consequens est contra communem Theologorum consensum: Ergo &c. Probatur sequela: Angelus enim, juxta hanc solutionem, non est compositus ex natura & substantia, & aliis est expertus compositionis ex materia & forma: Ergo erit simplex omnino in linea substantiæ.

Tertiò rejicitur hæc solutio: Christus est Persona composita ex substantia Verbi, & humana natura, ut docet D. Thomas 3. p. quæst. 2. art. 4. quem communiter sequuntur Theologi, & consentit ipse Durandus in 3. dist. 6. quæst. 3. & tamen nec natura humana in hæret substantiæ Verbi, neque substantia in hæret naturæ humanæ; cum ex utroque imperfectio maxima in Verbo inferatur, scilicet Verbi mutatio: Ergo quod personalitas divina sit modus naturæ non in hærens, non impedit quin

Z 2

ex na-

ex natura & personalitate refuget realis compositio, si semel asseratur realiter modaliter inter se distinguatur. Ad casum autem à Durando adductum, dicendum est, quod si humanitas à Verbo diiuncteretur, componeret personam humanam, cum tamen antea non componeret personam creatam.

- 10 Probatur secundò conclusio: Nam ut suprà arguebamus contra Gilbertum, in Concilio Lateranensi, in capite *damnamus* de summa Trinitate & fide catholica, definitum fuit contra Abbatem Joachim, in Deo non esse quaternitatem rerum: Sed si relationes realiter modaliter ab essentia differrent, esset in Deo rerum quaternitas, scilicet tres relationes, & divina essentia; unde Patres Concilii non aliam assignant rationem, cur in Divinis non sit quaternitas rerum, nisi quia personæ identificatur cum divina essentia, dicunt enim: *Quadam summa res est Pater, Filius, Spiritus Sanctus, non quaternitas, quia qualibet trium Personarum est illa res*: Ergo &c.

- 21 Respondet Durandus, ibi non damnari quamlibet quaternitatem, cum omnes Catholici admittant quaternitatem relationum in Deo, sed solum quaternitatem personarum, quam Abbas Joachim ponebat in Deo, & imponebat Magistro Sententiarum: vel ad summum proscribi quaternitatem rerum, aut entitatum; & totum hoc salvari, admissâ distinctione modalis personalitatis à natura divina: quia relationes divine non constituunt quatuor personas, sed tantum tres; & cum sint modi quidam incompleti, nec plures res, nec plures entitates dici possunt.

- 22 Ceterum quod primò in hac responsione asseritur: scilicet in hac definitione Concilii Lateranensis damnari tantum quaternitatem personarum, nullatenus sustineri potest. Tum quia constat, Abbatem Joachim hanc non imposuisse Magistro. Tum etiam, quia ex hoc sequitur, quod posset, salvâ fide hujus definitionis, defendi quaternitas entitativa rerum; dummodo illa entitas à Personis distincta, persona non esset: Consequens est contra omnes Theologos, & expressè pugnat cum causali Concilii dicentis: *Quadam summa res est Pater, Filius, & Spiritus Sanctus, non quaternitas, quia qualibet trium Personarum est illa res, videlicet Substantia, Essentia, seu Natura Divina*: Ergo &c.

- 23 Contra id verò quod secundo loco dicitur: nempe relationes divinas non esse res aut entitates, sed tantum modos incompletos, multipliciter arguitur. In primis enim esse modum incompletum, & non entitatem & rem, est maxima imperfectio, & importat dependentiam quandam à re quam modificat: Ergo non debet attribui Deo; & in hoc Durandus populus videtur errasse, quam Gilbertus.

- 24 Secundò: Vel modus ille est creatus, vel increatus: Si creatus, non potest naturam divinam efficere & modificare, esset enim magna imperfectio modificari & informari aliquo creato. Si est increatus, est actus purus: Ergo summa entitas: Ergo non est modus, qui est infima entitas, & minor accideret, sed est substantia, quæ est nobilior.

- 25 Tertiò: Si divine relationes sint modi, & non res, aut entitates, sequitur in Deo non esse Trinitatem rerum, seu entitatum, sed tantum modorum, & tres divinas personas modaliter tantum inter se distinguatur: Consequens est contra fidem: Ergo solutio data non consonat fidei. Sequela Majoris, quantum ad primam partem, manifestata

videtur: Nam in Deo tres sunt tantum relationes personales: Ergo si illæ non sint res & entitates, sed tantum modi quidam incompleti, efficientes divinam essentiam, sequitur in Deo non esse Trinitatem rerum, seu entitatum, sed tantum modorum. Probatur verò quantum ad secundam. Non aliter distinguuntur personæ inter se, quam personalitates ad invicem, cum distinctio personarum ex personalitatum distinctione sumatur: Ergo si divine personalitates modaliter solum inter se differant, sequitur divinas personas modaliter solum & non realiter inter se differre.

Denique, Eto quod divina personalitas modus sit, verè tamen à parte rei existit: Ergo vel existentia divinâ, vel existentia creatâ, inter quas non datur medium: Secundum est hæreticum: Ergo primò est dicendum. At non potest existere existentia divinâ realiter à se distinctâ, alias non esset actus purus, sed in potentia ad illam: Ergo existentia divinâ ei realiter identificata; & consequenter essentia divina, quæ à sua existentia est distincta, debet cum relationibus realiter identificari.

Argumenta Durandi eadem ferè sunt ac fundamenta Scoti: unde §. 4. diluentur.

### 6. III.

*Impugnatur sententia Scoti.*

**C** Dico secundò: Inter relationes & essentiam divinam non est distinctio realis formalis, sive ex natura rei, ante intellectus operationem.

Probatur primò: Quæ sunt omnino idem, non distinguuntur actu ante intellectus operationem; cum omnimoda identitas omnem realema talem distinctionem excludat: At relationes & essentia divina sunt idem omnino, ut constat ex Concilio Lateranensi sub Innocentio III. cap. *damnamus* de summa Trinit. ubi sic habetur: *Licet igitur alius sit Pater, alius Filius, alius Spir. S. non tamen aliud, sed id quod est Pater, est Filius, & Spiritus Sanctus: IDEM OMNINO*. Et ex Augustino libro 7. de Trinit. cap. 6. ubi ait: *Non aliud est Deo esse, aliud Personam esse, sed IDEM OMNINO*: Ergo nulla distinctioe aquali ante operationem intellectus gaudere possunt.

Probatur secundò: Quæ distinguuntur actu ante operationem intellectus, non differunt solâ ratione: At relationes solâ ratione ab essentia differunt: Ergo non distinguuntur formaliter, vel ex natura rei, ante operationem intellectus. Major patet, Minor probatur ex Concilio Florentino sess. 3. in qua Joannes Latinus Theologus dixit: *Divina Substantia & Persona, re quidem sunt idem, secundum autem modum intellectus nostre differunt*. Quod statim Marcus, Græcus Theologus concessit, & confirmavit Andreas, dicens sess. 19. *In communi, tum Græcorum, tum Latinorum Doctorum Theologia, multum differt simpliciter proferre divinam substantiam, vel Patris Filii quæ substantiam* (hoc est substantiam, ut ibi statim explicat) *haudquaquam tamen ed proferre debetis, ut re differant, quandoquidem solâ ratione ac intelligentiâ differre creduntur*. Ubi ne quis diceret, differre solâ ratione, idem significare, ac differre ratione formali à parte rei, ut Scoti Discipuli exponunt: consulto additum est, *ac intelligentiâ, vel secundum modum intellectus nostre*: ut intelligeremus solam distinctionem rationis, quæ fit per intellectum, esse inter divinam essentiam, & personas seu relationes.

29 Tertiò probatur conclusio, evertendo præcipuum Scoti fundamentum, qui ex eo probat paternitatem distingui ab essentia formaliter, quod essentia communicatur Filio, & non Paternitas: At hæc ratio, vel probat entitativam utriusque distinctionem, vel non convincit formalem: Ergo vel nimis probat, vel nihil probat. Major patet, Minor probatur. Essentia communicatur entitativè Filio, & Paternitas entitativè negatur de illo, & non solum formaliter; aliàs Pater & Filius formaliter solum, & non entitativè distinguerentur: Ergo si ex hoc quod essentia divina communicatur Filio, & non Paternitas, aliqua realis distinctio colligitur, debet colligi nedum formalis, sed etiam entitativa. Unde, ut supra vidimus, Gilbertus Porretanus eodem fundamento ductus, asseruit relationes divinas realiter entitativè distingui à divina essentia, eique esse solum assistentes, sive extrinsecus affixas.

30 Confirmatur & magis illustratur hæc ratio: Communicari entitativè, & esse incommunicabile, possunt de eadem entitate affirmari, ratione infinitatis in entitate, ut omnes Catholici contra Gilbertum profitentur: Ergo communicari, & non communicari formaliter, possunt etiam de eadem formalitate verificari, propter infinitatem rationis formalis; & consequenter ex eo quod essentia communicatur Filio, & non communicatur illi paternitas, malè infert Scotus, inter essentiam & paternitatem distinctionem realem formalem reperiri.

31 Deniq; probari potest conclusio, & distinctio illa Scotica confutari, variis & efficacissimis rationibus, quibus in Tractatu de Attributis ostendimus, divinam attributa, nec inter se, nec ab essentia divina, distinctione illà formali, seu ex natura rei, ante operationem intellectus distinguui. Rationes illas breviter & compendiosè hic attingemus; quia fusè & lato calamo eas loco citato prosecuti sumus, & ibidem Scotistarum responsiones adduximus, & confutavimus: unde ex hoc loco petenda sunt quæ hic desiderari possunt.

32 Prima ergo ratio sumitur ex divina simplicitate, quæ non minùs videtur lædi ac violari distinctione illà formali Scoti, quàm distinctione entitativà Gilberti, & modali Durandi. Cum enim compositio nihil aliud sit quàm distinctio in uno, sicut unio distinctorum entitativè, facit compositionem entitativam; & unio distinctorum modaliter, compositionem modalem; ita unio distinctorum realiter formaliter, est compositio realis formalis.

33 Secunda ratio est, quia omnimoda simplicitas non minùs distinctioni quàm compositioni opponitur: simplicitas enim est species unitatis, unitas autem in indistinctione consistit: Ergo omnimoda simplicitas, est omnimoda unitas, & omnimoda indistinctio.

34 Tertia ratio petitur ex infinitate Dei, sicut enim entitas infinita petit identitatem entitativam, cum omni eo quod in suo conceptu imperfectionem non dicit; ita infinitas formalis petit formalem identitatem cum omni ratione, quæ in suo conceptu nullum defectum importat; & per consequens cum divinis relationibus & attributis, quæ in suo conceptu nullam dicunt imperfectionem. Unde egregie Cajetanus infrà quæst. 39. art. 1. §. Ad evidentiam horum: Scitò quod sicut in Deo secundum rem, sive in ordine reali, est unitas non purè absoluta, aut resultans ex utraque,

A sed eminentissimè & formaliter habens quod est respectivi, imò multarum rerum respectivarum, & quod est absoluti: ita in ordine formali, seu rationum formalium secundum se, non quoad nos loquendo, est in Deo unica ratio formalis, non purè absoluta, nec purè respectiva; non purè communicabilis, nec purè incommunicabilis, sed eminentissimè ac formaliter continens & quidquid absolute perfectionis est, & quidquid Trinitas respectiva exigit. Oportet autem sic esse, quia oportet cuilibet simplicissima rei secundum se maxime uni, respondere unam adequatam rationem formalem: alioquin non esset per se primò unum intelligibile à quovis intellectu. Et confirmatur, quia Verbum Dei unicum tantum est: constat enim verbum si perfectum est, adequare id cuius est. Fallimur autem (tubdit doctus ille Cardinalis) ab absolutis & respectivis ad Deum procedendo, eò quod distinctionem inter absolutum & respectivum, quasi priorem re divinà imaginamur; & consequenter illam sub altero membro oportere poni credimus; & tamen est totum oppositum, quoniam res divina prior est ente, & omnibus differentiis ejus; est enim super ens & super unum &c. Propterea quemadmodum virtutes inferiores, non ut dearticulata & distincta inter se, ad unam Solu virtutem, etiam formaliter elevantur; multò magis absolutum & respectivum ad unam rem & rationem formalem divinam elevantur.

35 Quarta ratio. Id habet essentia divina, ratione suæ infinitatis, quod habet ens ratione suæ transcendentiæ: Sed ens ratione suæ transcendentiæ ita habet includi in suis proprietatibus & modis, seu rationibus contrahentibus; ut nec per intellectum quidem possit ab eis perfectè præscindi, sicut docent Philosophi in Metaphysica: Ergo & divina essentia, ratione suæ infinitatis, tam intimè clauditur in relationibus & attributis, ut ab illis nedum ullà distinctione reali actuali, sed nec rationis quidem per modum excludentis & exclusi distingui possit.

36 Denique, Omne subiectum à forma realiter distinctum, ad illam comparatur ut potentia ad actum, & perfectibile ad perfectum: Ergo si essentia divina à relationibus & attributis realiter modaliter, aut formaliter distingueretur, esset ab illis perfectibilis & a quabilis, & ad illa se haberet, sicut potentia ad actum, & perfectibile ad perfectum; quod rationi & perfectioni actus purissimi repugnat.

37 Mitto rationes Philosophicas, quæ militent contra distinctionem illam Scoti, quam aliqui ex ejus Discipulis dicunt, nec realem esse, nec rationis, sed mediam inter utramque: quod ceterè monstrum est in Metaphysica. Cum enim omnis distinctio, non secus ac unitas, sequatur entitatem; sicut nulla entitas fingi potest media inter ens reale & rationis, ita nec ulla distinctio.

## §. IV.

Durandi & Scoti fundame solvuntur.

Objicies primò: Augustinus 7. de Trinit. c. 4. ait, quòd Deus non eo Deus est, quo Pater: Sed Deus est Deus Deitate, & Pater Paternitate: Ergo Deitas non est Paternitas.

Respondet cum D. Thoma qu. 8. de potentia art. 2. ad 14. quòd quando Augustinus dicit Deum non eo esse Deum quo Patrem, intelligit, non eo, non quoad realitatem & entitatem, sed quoad modum significandi: quia Deus Paternitate significatur ut ad alteru se habens, Deitate verò, ut in se consistens. Et quod hic sit verus  
Z 3. Augu-



Augustini sensus, patet ex eo quòd ibidem cap. 6. ait: *Cum dicimus Personam Patris, non aliud dicimus quam substantiam Patris.* Et ibidem asserit, quod non aliud est Deo esse, aliud Personam esse, sed idem omnino, ut suprà retulimus: quod certe non diceret, si aliquam distinctionem realem inter divinam essentiam & paternitatem agnosceret.

38 Dices: Augustinus ibidem statuit hoc discrimen inter sapientiam divinam & paternitatem, quod Pater eo est Deus, quo est sapiens, non autem eo Deus est quo Pater: Sed hoc discrimen non potest subsistere, nisi paternitas realiter distinguatur ab essentia: Ergo distinctio aliqua realis inter essentiam & relationes ponenda est; cumq; illa non possit esse entitativa, ut deside-  
certum est, & suprà contrà Gilbertum ostendimus, debet esse modalis, ut asserit Durandus, vel saltem formalis, & ex natura rei, ut docent Scotus & ejus Discipuli. Major & Consequentia parent, Minor verò probatur. Sapientia virtualiter distinguitur à divina essentia: Ergo ut verum sit, Deum non esse Deum eo quo Pater est, bene autem eo quo sapiens est, inter Paternitatem & Deitatem major quam virtualis est constituenda distinctio, & per consequens realis modalis, vel formalis ex natura rei.

39 Respondeo concessa Majori, negando Minorem: ad cuius probationem, concedo Antecedens, & nego Consequentiam. Nam D. Augustinus ibi non loquitur de constitutivo Deitatis in ratione naturæ, & prout ab attributis distinguitur, sed de esse absoluto communi tribus Personis, sive attributali, sive per modum naturæ. Sic autem loquendo de Deo, subsistit prædictum discrimen, quod statuit inter divinam sapientiam & paternitatem: nam quamvis utraq; virtualiter solum distinguatur à divina natura per modum naturæ, prima tamen pertinet ad esse absolutum Divinitatis, ut tribus Personis commune, tanquam constitutivum illius, non in esse naturæ, sed in aliquo esse absoluto & attributali, non tamen altera. Et sic verum est dicere, quòd Pater & est Deus quo est sapiens, non autem eo est Deus quo Pater.

40 Objicies secundò: Duo prædicata contradictoria non possunt verificari de uno & eodem, absque distinctione actuali, secluso opere intellectus: Sed duo prædicata, contradictoria verificantur de essentia divina & relationibus: Ergo habent aliquam distinctionem actualem, secluso opere intellectus. Minor pater, quia de essentia verificatur quòd sit communicabilis, de relationibus verò quòd sit incommunicabilis. Major verò probatur: quia si duo prædicata contradictoria verificarentur de uno & eodem, sine distinctione actuali, secluso opere intellectus, verificaretur simul idem realiter esse & non esse, quod est impossibile.

41 Huic argumento (quod est præcipuum fundamentum Adversariorum) omissis variis solutionibus, quas in Tractatu de attributis, loco suprà citato, fusè expendimus, breviter respondeo, negando Majorem: sufficit enim distinctio virtualis, ut de aliquà re actu una, possint verificari extrema opposita contradictoriè, & consequenter ut non sint formaliter contradictoria respectu ipsius. Cum enim distinctio virtualis, quoad hoc æquivalet distinctioni actuali: sicut de duobus actualiter distinctis enunciantur duo extrema contradictoriè opposita (puta de

substantia in creatis, quòd non sit ad aliud, & de relatione, quòd ad aliud se habeat) ita si aliquæ res superior, ratione suæ eminentiæ, identificent sibi rationem substantiæ & relationis, illisq; æquivalet; duo extrema contradictoriè opposita debent de illa posse verificari, quatenus est ita virtualiter plura ratione suæ eminentiæ. Et sic cum Dei substantia, utpote eminentissima, comprehendat simul rationem essentia & relationis, cum virtuali distinctione, debet simul de illa verificari, quod sit communicabilis, & quod sit incommunicabilis.

Potestque hæc doctrina duplici exemplo illustrari. Nam anima rationalis, simplici suæ entitate, æquivalet formis plantarum in virtute vegetandi, & formis brutorum in virtute sentiendi, & aliquatenus Angelis in virtute intelligendi; verumque est de illa dicere, virtutem intelligendi illi convenire, quàm mens est, id est quatenus æquivalet Angelis, & non convenire illi quàm anima est; sumendo nomen animæ pro eadem, quatenus vegetans & sentiens est. Item licet in re sit eadem potentia volendi, quæ est principium liberum, & principium operandi per modum naturæ; sitamen secundum priorem considerationem vocetur libertas, & secundum posteriorem vocetur natura, tunc de eadem re est verum dicere: libertas eligit, natura non eligit; libertas peccat, natura non peccat, & similia. Cur ergo similiter simplicissima Dei entitas, ratione infinitæ amplitudinis & eminentiæ quæ gaudet, & quæ æquivalet absoluto & respectivo non æquè, poterit secundum diversas æquivalentias diversa, & contraria prædicata suscipere; ac de illa verificari, quòd sit communicabilis secundum quod æquivalet absoluto, & incommunicabilis prout æquivalet relationi & personalitati. Unde ad probationem in contrarium dicendum est, quòd de eodem formaliter non potest simul verificari esse & non esse; bene tamen de eodem materialiter, & secundum diversas rationes & formalitates, seu æquivalentias, ut patet in exemplis adductis.

Quare in hac materia, ab affirmativa de prædicato infinito, non valet consequentia ad negativam; ut si dicas: *Substantia divina est non communicabilis: Ergo non est communicabilis*, quia tunc committitur aliquis defectus, & arguitur à terminò non distributo ad distributum. Potestque hæc fallacia hoc exemplo aptissimo declarari: Si quis ita argueret: *In Garumna sunt non pisces: ergo in Garumna non sunt pisces*: non valeret consequentia, quia negatio infinitanter sumpta in antecedenti non distribuitur pro omnibus quæ sunt in Garumna, bene tamen in consequenti. Unde in antecedenti facit hunc sensum: est aliqui in Garumna quod non est pisces: & in consequenti significat nihil esse in Garumna, quod sit piscis. Idem defectus committitur in proposito. Nam cum dicitur: *formalitas divinæ substantiæ est non communicabilis*, negatio infinitanter sumpta non distribuit essentiam seu entitatem divinam, quoad omnia quæ includit, vel quibus æquivalet; aliàs propositio esset falsa. Cum verò dicitur, quòd eadem formalitas non est communicabilis; negatio sumpta neganter, distribuit substantiam, quoad omnem suam formalitatem, & facit hunc sensum, quòd substantiæ divinæ formalitas, secundum nullam suam rationem est communicabilis.

Ex his solum manet aliud argumentum, cui potius



potissimum confidunt Adversarii, & quod etiam est unum ex præcipuis Durandi & Scoti fundamentis. Illa enim (inquiunt) distinguntur distinctione aliquâ actuali ante operationem intellectus, quorum unum realiter, & independentè ab omni operatione intellectus communicatur, alio non communicato: Sed essentia divina realiter, & independentè ab omni operatione intellectus, communicatur Filio per æternam generationem, non verò paternitas; ut enim dicitur in Concilio Florentino in litteris sanctæ unionis, *Omnia quæ Patris sunt, ipse Pater unigenito Filio suo gignendo dedit, præter esse Patrem*: Ergo essentia divina & paternitas distinguuntur distinctione aliquâ actuali, saltem modali, vel ex natura rei, ante operationem intellectus.

43 Sed (præterquam quod hoc argumentum probat dari non solum modalem aut formalem, sed etiam entitativam distinctionem inter essentiam divinam & paternitatem; cum essentia divina entitativè communicetur Filio, & paternitas entitativè negetur de illo, & non solum formaliter; aliàs Pater & Filius formaliter solum, & non entitativè distinguerentur, ut supra arguebamus) solutio patet ex jam dictis. Sicut enim distinctio rationis, fundata in eminentia rei, sufficit ut de illa possint verificari prædicata contradictoria, ita eadem distinctio rationis sufficit, ut re ipsa Pater Filio communicet divinam essentiam, non verò paternitatem. Ita expressè docet D. Thomas quæst. 7. de potentia art. 1. ad 5. his verbis: *Dicendum quod de eo quod est idem re, & differtens ratione, nihil prohibet contradictoria verificari, ut docet Philosophus 3. physic. Sicut patet quod idem punctum re, differtens ratione, est principium & finis, & secundum quod est principium non est finis, & è contrario. Unde cum essentia & proprietas sint idem re, & differant ratione, nihil prohibet, quin unum sit communicabile, & aliud incommunicabile*. Idem docet in hac parte quæst. 39. art. 1. ad 2.

44 Ratio autem hujus doctrinæ est, quia licet distinctio rationis non sit à parte rei, ejus tamen fundamentum (eminentia scilicet, seu virtualis divinæ entitatis & substantiæ multipliciter) à parte rei reperitur, & præcedit omnem intellectus operationem. Pluralitas autem virtualis in Deo idem præstare potest, quod facit multiplicitas formalis in rebus creatis: sicut lux Solis, quia est calor virtualiter, totum id præstat, quod facit calor formalis. Cum ergo in rebus creatis multiplicitas formalis faciat quod unum communicetur, alterò non communicatò, idem præstare poterit in Deo multiplicitas virtualis, seu infinita divinæ substantiæ & entitatis eminentia, ratione cujus absoluto & respectivo, & per consequens entitati communicabili & incommunicabili perfectè æquivaler.

45 Hæc doctrina & responsio variis exemplis illustrari potest. Nam, ut supra dicebamus, sola eminentialis distinctio inter intellectum & naturam divinam, sufficit ut à visione beatifica participetur formaliter divina intellectio, non autem natura; & è contra à gratia habituali participetur formaliter natura, & non intellectio. Item sola eminentialis distinctio inter essentiam divinam, sub conceptu speciei & formæ intelligibilis, & sub conceptu naturæ, sufficit ut unius mentibus Beatorum formaliter sub conceptu speciei, & in esse intelligibili, non autem sub conceptu naturæ, & in esse entitativo. Denique

A eadem eminentialis continentia ac distinctio facit, ut anima rationalis non eodem modo se communicet omnibus partibus corporis humani, & ut aliquas informet solum secundum gradum vegetativum, alias secundum gradum sensitivum, & in aliis opera vitæ rationalis exerceat. Cur ergo eadem eminentia non poterit idem præstare in Deo, in operationibus ad intra, & facere quod Pater per æternam generationem communicet suam essentiam Filio, non communicando illi paternitatem? Unde hæc & similes objectiones procedunt ex eo quod non consideramus, quod illa præstantissima ratio divina est supra omne ens, & ejus divisionem; subindeque supra omne communicabile & incommunicabile; quæ sunt divisiones entis limitati & finiti; & ita absq; ulla sui limitatione & distinctione, eminenter utrumque; munus præstat & relativi & absoluti; & secundum quod præstat munus relativi, est incommunicabilis; secundum verò quod præstat munus absoluti, est communicabilis: quare hæc divina ratio communicatur Filio, quoad absoluta, & non quoad relativa.

Contra hanc solutionem & doctrinam instat 46 Aureolus apud Capreolum in 2. dist. 1. quæst. 3. Effectus in actu habet causam in actu: Sed quod non sint contradictoria communicabile & incommunicabile, distingui & non distingui, est effectus in actu ante omnem actum intellectus: Ergo habet causam in actu; sed causa ejus est distinctio: Ergo est ibi distinctio ante omnem actum intellectus. Nec sufficit respondere, quod ibi est distinctio fundamentaliter: sic enim causa non esset in actu, & tamen effectus esset in actu, contra Philosophum 5. Metaph. & 2. Physicorum.

Ad hanc instantiam acutissime responder 47 Cajetanus infra quæst. 39. art. 1. concedendo quidem, hunc effectum, scilicet quod non sint contradictoria (seu impossibilia) communicabile & incommunicabile, habere causam in actu in Divinis, quæ non est alia nisi distinctio; sed tamen non oportet ut sit distinctio actualis in actu, sed satis est distinctio virtualis in actu: effectus enim in actu, non necessariò requirit talem causam in actu, quæ determinatè sit causa univoca, sive formaliter continens effectum, sed requirit causam tantum in actu sufficientem, sive ea univoca sit, sive æquivoca; ut patet in calore actu productò, qui non solum potest esse ab igne, qui est actu calidus formaliter, sed etiam à Sole, qui est tantummodo eminenter, sive virtualiter calidus. Ita in proposito, quod assertio & negatio non repugnent, potest provenire vel ex causa univoca in actu, quæ erit distinctio actualis in actu eorum, de quibus assertio & negatio dicuntur; vel ex causa sufficienti quidem, & in actu, sed æquivoca. Et hujusmodi est distinctio virtualis, quæ actu reperitur inter essentiam & relationem, à qua tanquam à causa æquivoca procedit prædictus effectus. Hanc doctrinam bene notandam esse monet Cajetanus in omnibus materiis, ubi de causa distinctionis secundum rationem ex parte rei à Scotistis & aliis molestamur: *hoc enim uno (inquit) omnium ora obstrues.*

## ARTICULUS II.

*An essentia divina sit de conceptu formali & quidditativo relationum, & e converso?*

## §. I.

*Quibusdam præmissis referuntur sententia, & prima conclusio statuitur.*

**N**otandum primò, aliqua posse inter se realiter formaliter identificari, & tamen unum non esse de conceptu quidditativo alterius: ut patet in homine, in quo singularitas realiter formaliter à gradu specifico & generico non distinguitur, ut suppono ex metaphysica, & tamen non est de conceptu quidditativo speciei, sed se habet ut accidens logicum vel metaphysicum respectu illius. Item rationalitas est identificata realiter formaliter cum animalitate, & & tamen nemo dicit esse de quidditate illius, aliàs non posset à rationalitate præcindi; sicut ens à suis modis seu differentiis præcisum non est. Quamvis ergo divinæ relationes realiter formaliter identificentur cum essentia, ut contra Scotum articulo præcedenti ostendimus: adhuc restat dubium, an essentia sit de conceptu quidditativo relationum, & relationes de conceptu essentia: Pro cuius resolutione.

Notandum secundò, essentiam divinam dupliciter posse concipi: uno modo, conceptu quasi transcendentali, prout præcisè dicit rationem entis increati, & actus puri, quæ in omnibus perfectionibus divinis transcendentaliter includitur; sicut ens creatum transcendentaliter se habet ad substantiam & accedens, & ad omnes perfectiones creatas; alio modo, prout reduplicativè significat rationem divinæ naturæ, & quatenus est eminenti quodam modo radix divinarum operationum & attributorum.

**N**otandum tertio, duobus modis aliquid ad essentiam seu quidditatem alterius posse pertinere: primò ut ejus constitutivum, seu differentiam essentialem; quo pacto rationalitas ad essentiam hominis pertinet: secundò ut modum aut terminum intrinsecum, à quo petit essentialiter modificari aut terminari; sicut modi essendi per se & in alio se habent respectu entis. His præmissis.

**C**irca propositam difficultatem tres sunt celebres sententiæ. Prima docet, nec essentiam esse de conceptu quidditativo relationum, nec relationes de conceptu quidditativo essentia. Ita Molina d. sp. 6. concl. 4. Vazquez disp. 121. cap. 2. Alarcon Traët. 5. disp. 2. cap. 13.

Secunda existimat essentiam quidem esse de conceptu formali relationum, sed relationes non esse de conceptu essentia. Hanc defendunt ex Thomistis Ferrariensis, Zumel, & González; & ex Patribus Societatis Suarez, Granado, & Arrubal.

Tertia deniq; quæ communior est in Schola D. Thomæ, asserit essentiam esse de conceptu relationum, & relationes de conceptu essentia. Non tamen ab omnibus eodè modo defenditur hæc sententia. Quidam enim distinguunt essentiam divinam per modum transcendens, & per modum naturæ: priori modo assunt esse de quidditate relationum, & e converso relationes de conceptu quidditativo essentia, secus autè in posteriori acceptione. Alii hujus distinctionis non fa-

ciunt mentionem. Alii denique expressè affirmant essentiam divinam sub utraq; ratione esse de quidditate essentia. Pro explicatione veritatis.

Dico primo: Ratio entis divini est de quidditate divinarum relationum.

Probatur primò ex Divo Thomæ infra quæst. 33. art. 3. ad 1. ubi de communibus & essentialibus loquens, ait: *illa includuntur in intellectu proprium: in intellectu enim Persona Patris intelligitur Deus.* Ex quibus verbis hoc argumentum conficio. Essentia divina, ut habet rationem transcendens increati, includitur essentialiter in persona divina: Ergo & in divina personalitate. Consequentia probatur: Tum quia in Divinis nihil dicit concretum quoad rem, quod non dicat etiam abstractum, licet differant quoad modum significandi; unde D. Thomas hic & quæst. 8. de potentia art. 2. eodem modo philosophatur de concretis & de abstractis. Tum etiam quia sicut totum quod est de formali conceptu Dei, est etiam de conceptu formali Deitatis; ita & totum quod est de conceptu formali Patris, est etiam de conceptu formali paternitatis.

Probatur secundò conclusio ex eodem S. Doctore hic art. 2. & infra quæst. 39. art. 1. ubi docet, quod sicut se habet esse inherens & accidentale respectu relationis creatæ, ita se habet esse substantiale divinum, respectu relationis increatæ ac divinæ: Sed esse inherens & accidentale est de conceptu formali relationis creatæ, ut docetur in Logica: Ergo esse substantiale divinum, seu ratio substantia: divinæ & increatæ, est de conceptu formali relationis divinæ.

Tertio suadet eadem veritas: Si divinæ relationes non includerent in suo conceptu rationem entis divini, non includerentur in conceptu illius & consequenter isti conceptus distinguerentur cum mutua exclusione: Sed hoc est impossibile: Ergo &c. Major ab adversariis ultro conceditur. Minor autem, quam negant, sic probatur. Ex conceptibus mutuo se excludentibus non potest non resultare compositio saltem rationis: At hæc cum simplicitate divinarum personarum nequit subsistere: Ergo &c.

Respondetis, quod licet divina simplicitas excludat realem aut formalem compositionem, imò compositionem metaphysicam ex genere & differentia; non tamen excludit omnem compositionem virtuales, aut rationis, quæ ex genere & differentia non sit.

Sed contra: Non minoris imperfectionis est compositio rationis ex forma sive modo, & subiecto, quam ex genere & differentia; cum in utraq; aliquid potentialitatis admisceri sit necessarium; non enim minus comparatur ut potentia subiectum ad formam, quam genus ad differentiam: At compositio admissa, est ad minus ex forma sive modo, & subiecto: Ergo non minus relegari debet à Deo, quam compositio ex genere & differentia.

Addo quod, datà inter formalitates divinas mutuam conceptum exclusionem, per bonam consequentiam inferretur possibilis compositio metaphysica ex genere & differentia: Ergo si hæc relegatur à Deo, non minus removeri debet distinctio conceptuum, cum mutua exclusionem objectiva. Probatur Antecedens: nam eo ipso quod sit possibilis mutua exclusio conceptuum, poterit dari conceptus aliquis non communis, à particularibus omnibus præcisus; v.g. ratio communis personarum, à tribus personis omnino præcisus: At qui

Atqui admissa communitate ista cum præcisione omnimoda, ponitur univocatio, cum in tali conceptu nulla actus importetur diversitas; & univocatio admissa, conceptus ille communis, genericus erit: Ergo admissa mutua exclusione objectivâ conceptuum, per bonam consequentiam inferitur possibilis compositio metaphysica ex genere & differentia.

57. Denique probatur conclusio ratione; quâ utitur S. Bernardus contra Gilbertum serm. 80. in Cantica, ubi sic ait: *Recedant novellæ non Diaboli, sed Hæretici, qui magnitudinem quâ magnus est Deus, & item bonitatem quâ bonus, sed & sapientiam, quâ sapiens, & iustitiam quâ iustus, postremo Divinitatem quâ Deus est, Deum non esse impissimè disputant. Sed si Deus non est, quid est?* Eodem modo nobis licebit argui e: Cum enim paternitas, ut distinguitur virtualiter à natura divina, sit essentialiter ens, & non sit creatum, ut patet; si non est essentialiter ens divinum & increatum, quid essentialiter est? cum inter ens à se & ab alio, & inter creatum ac increatum, nihil possit assignari medium.

58. Responder Vazquez ubi supra: quod licet inter esse ens à se, & ab alio, inter creatum & increatum, in re non detur medium, factâ tamen aliquâ reduplicatione, vel addito aliquo modo, potest medium assignari: Sicut inter esse album & non album, in re medium non datur, si tamen reduplicatio fiat de homine ut discursivo, prout sic, nec albus, nec non albus est: Ita pariter, inter hoc quod est relationem à parte rei esse ens creatum, vel increatum, non datur medium, unde relatio divina à parte rei ens increatum est: reduplicando tamen supra relationem, ut virtualiter ab essentia distinctam; nec est essentialiter ens creatum, nec increatum; sed solum relatio.

59. Sed contra primò: Reduplicatio illa distinctionis virtualis ab essentia, non tollit quin essentialiter prædicetur de illa ratio entis ut sic; alioquin divinæ relationes sub tali reduplicatione essent purum nihil, aut merum ens rationis: Ergo nec tollit quod de illa essentialiter prædicetur aliquod ex membris, per quæ adæquate dividitur ens: Sed non ens creatum: Ergo ens divinum & increatum. Minor subsumpta, & ultima Consequentia patent: prima autem probatur: Nam verificato ente ut sic; si nullum ex membris dividendibus verificetur, illa non adæquabitur rationem divisi, & consequenter divisio adæquata non erit.

60. Contra secundò: De quocumque affirmatur ens, & negatur ens divinum; affirmatur ens creatum, non solum in re, sed quavis factâ reduplicatione: Ergo patet affirmato ente, & negato creato, rectè colligitur affirmatio entis divini, non solum in re, sed etiam sub quacumque reduplicatione:

Addo quod exemplum adductum est omnino extra rem. Divisio enim hominis in album & non album, non est essentialis, sed subjecti in accidentia: unde cum accidentia subjecto non competant, nisi ut existentia, & sint extra rei essentiam, nec ratione essentia cum reduplicatione subjecto convenient; consequens fir quod addito, ly *essentialiter*, vel reduplicatâ essentia, nec unum nec alterum externum de subjecto affirmetur, sed subjectum præcidendi ab utroque extremo. In nostro autem casu divisio est essentialis, & divisum cum illa reduplicatione con-

veniens est essentialiter, ac proinde aliquod extremum, sive unum ex membris dividendibus, cum illa reduplicatione ei competere debet.

## §. II.

## Statuitur secunda conclusio.

Dicto secundò: divina essentia, non solum sub ratione entis increati, sed etiam sub ratione naturæ considerata, est de quidditate divinarum relationum. Hæc conclusio licet sit contra aliquos recentiores Thomistas, asserentes naturam divinam sub conceptu naturæ non includi intrinsicè & essentialiter in divinis relationibus, manifestè tamen sequitur ex fundamentis iam statutis; quæ vel nihil probant, vel hanc etiam conclusionem evidentè demonstrant:

In primis enim certum est, essentiam divinam, nedum sub ratione entis increati, sed etiam sub conceptu naturæ consideratam, esse de essentia & quidditate divinarum personarum. Sicut enim persona humana essentialiter includit naturam humanam, cuius est individua substantia, ita & persona divina naturam divinam essentialiter debet includere: Ergo divina essentia, sub ratione naturæ, est de essentia & conceptu formali divinarum relationum & personarum: Consequentia patet ex supra dictis: nam, ut supra ex D. Thoma dicebamus, nihil dicit concretum in Deo, quod non dicat etiam abstractum; licet quantum ad modum significandi differant: Unde sicut totum quod est de conceptu Dei, est etiam de conceptu formali Deitatis; ita omne quod essentialiter importatur in conceptum divinarum personarum, includitur etiam in conceptu divinarum personarum, seu relationum:

Præterea, Si relatio in Deo non includeret in suo conceptu divinam essentiam, ut reduplicatur habet rationem naturæ, non clauderetur etiam in conceptu ipsius essentia, ut concedunt illi Auctores contra quos disputamus: At hæc mutua exclusio repugnat simplicitati Dei: Ergo &c. Probatur hæc Minor: quia eo ipso quod divina natura non claudat, nec claudatur in conceptu paternitatis, erit in potentia ad illam; an quæ ab illa determinabilis & actuabilis: Ergo ex illa & paternitate resultabit compositio rationis ex actu & potentia; quæ (ut supra ostendimus) non minus pignat cum simplicitate Dei, quàm compositio ex genere & differentia. Ut ergo hoc inconveniens vitetur, asserendum est, essentiam divinam, etiam sub formalitate naturæ consideratam, esse de conceptu quidditativo divinarum relationum, nec posse ab illis perfectè abstrahi; sed implicite saltem in eis includi.

Confirmatur & magis illustratur hæc ratio: Relatio divina non solum determinat sui modificat Deitatem sub ratione essentia, vel entitatis increatæ; sed etiam sub conceptu naturæ, & quatenus est radix divinarum operationum, & actuum notionalium: Ergo si ex hoc quod determinat Deitatem sub ratione essentia, vel entitatis increatæ, cum mutua exclusione conceptuum, sequitur compositio rationis ex essentia & relatione; ex eo etiam quod determinet Deitatem sub conceptu naturæ, & detur mutua exclusio conceptuum, inferitur compositio rationis ex relatione & essentia per modum naturæ consideratæ.

Dices fortè, quod ut nulla ex Deitate sub conceptu naturæ, & ex paternitate, resultet com-

positio, sufficit Deitatem sub conceptu entitatis increare claudu in conceptu paternitatis.

Sed contra: Est ratio entis, transcendentaliter inclusa in substantia, transcendat differentias contrarias substantiæ; quia tamen hæc sub proprio conceptu non transcendit illas, facit cum eis compositionem metaphysicam: Ergo quod ratio entis divini & increati transcendentaliter imbibatur in Deitate sub conceptu naturæ, & claudatur essentialiter in conceptu paternitatis, non impedit quominus ex Deitate sub conceptu naturæ, & ex paternitate illam terminante, resultet compositio rationis, si Deitas sub ratione naturæ non sit de conceptu essentialiter paternitatis.

65. Tertiò probatur conclusio. Quidquid prædicatur de paternitate realiter, essentialiter prædicatur de illa: Sed essentia divina, ut habet rationem naturæ, prædicatur realiter de paternitate: Ergo & essentialiter. Minor patet, Major autem probatur. Subiectum prædicationis est essentialiter in potentia ad id quod realiter de illo & non essentialiter prædicatur; sicut est etiam in potentia formali ad id quod prædicatur de ipso entitativè & non formaliter: Sed paternitas divina ad nihil est in potentia essentialiter, quod de ipsa realiter prædicetur; aliàs actus purus non esset: Ergo nihil prædicatur de divina paternitate realiter, quod essentialiter non prædicetur de illa.

Confirmatur: Quidquid prædicatur realiter de paternitate divina, debet prædicari de illa cum summa unitate possibili: At unitas identitatis essentialis major est, quam unitas solius identitatis realis; & aliàs est possibilis, ut ex argumentorum solutione constabit: Ergo & c.

66. Denique in favorem ejusdem conclusionis militat evidens testimonium D. Thomæ, desumptum ex primo ad Annibaldum dist. 33. quæst. unicâ art. 1. ad 4. quod ita procedebat. *De quocumque prædicatur essentia, prædicantur essentialia attributa: hæc autem non prædicantur de proprietatibus; non enim dicitur quod paternitas sit sapiens, vel quod creet: Ergo proprietates non est essentia.* Cui argumentum sic respondet: *Ad quartum dicendum, quod attributa essentialia possunt significari in abstracto, vel in concreto: si in abstracto, sic essentialiter prædicantur & de essentia & de proprietate in abstracto acceptis; dicimus enim quod essentia divina, vel etiam paternitas, est bonitas vel sapientia Dei.* Ex quibus verbis evidenter probatur nostra conclusio. Nam argumentum quod sibi D. Thomas opposuerat, procedebat de divina essentia, nedum per modum essentia, vel entitatis increate, sed etiam per modum naturæ considerata: At de illa prout sic asserit prædicari essentialiter, si in abstracto sumatur, de divinis relationibus: Ergo manifestè sentit divinam essentiam sub ratione naturæ esse de conceptu illarum essentialiter. Major in qua est difficultas, probatur. Argumentum procedebat de essentia, quatenus est radix attributorum: At essentia, prout est attributorum radix, non est essentia per modum essentia tantum, vel entitatis increate, sed etiam per modum naturæ: Ergo & c. Probatur Major: Et enim major argumenti erat hæc: *De quocumque prædicatur essentia, prædicantur essentialia attributa;* quam propositionem concessit D. Thomas: At hæc propositio solum est vera de essentia, ut est attributorum radix: Ergo argumentum procedebat de essentia ut radice attributorum.

67. Confirmatur hic discursus, & amplius expli-

catur. Nam de quo prædicantur essentialiter attributa in abstracto, prædicatur essentialiter natura divina per modum naturæ: Sed D. Thomas loco allegato apertè fatetur prædicari essentialiter attributa in abstracto de paternitate: Ergo de illa prædicatur essentialiter divina essentia sub conceptu naturæ. Probatur Major: Attributa divina, sive in concreto, sive in abstracto, radicanur in divina natura sub conceptu naturæ: Ergo non stat ea prædicari de aliquo essentialiter, de quo non prædicetur natura divina sub conceptu naturæ.

Confirmatur amplius: non minorem difficultatem reperiunt Aversarii in eo quod attributum sapientia, ut habet rationem attributi, & ut virtualiter distinguitur ab essentia, sit de conceptu formali divinarum relationum, quam quod natura divina, ut habet rationem naturæ, & quatenus est radix attributorum, ad conceptum quidditativum illarum pertineat: Sed D. Thomas primum concessit, ut patet ex verbis relatis. Ergo & illi secundum debent concedere.

Ex dictis inferes primò, Deitatem sub ratione essentia consideratam, includi essentialiter in relationibus: Tum quia ratio essentia & naturæ identificantur in Deo sine virtuali discrimine, ut in Tractatu de attributis ostensum est: Tum etiam quia rationes quæ id probant de Deitate sub conceptu naturæ, à fortiori id demonstrant de Deitate sub conceptu essentia.

68. Inferes secundò, Deitatem sub conceptu essentia & naturæ, esse de quidditativo attributorum conceptu, quod multi concedunt qui respectu relationum id negant; constatque eisdem argumentis, quibus respectu relationum hujusmodi inclusionem ostendimus.

### §. III.

*Diluantur argumenta Aversariorum.*

Contra præcedentes conclusiones inprimis Opponent Aversarii celebrè testimonium D. Thomæ, desumptum ex quæst. 8. de Potentia art. 2. ad 6. ubi ait: *Per se autem prædicatur aliquid de aliquo, quod prædicatur de eo secundum propriam rationem; quod verò non secundum propriam rationem prædicatur, sed propter coincidentiam, non etiam prædicatur per se.* Cùm ergo dicitur: *essentia divina est paternitas, non prædicatur paternitas de essentia divina, propter identitatem rationum, sed propter identitatem rei; & similiter nec essentia de paternitate, quia alia est ratio essentia & relationis.* Ergo sentit Divus Thomas, essentiam divinam non esse de ratione formali relationum, nec de illis prædicari essentialiter, sed veluti accidentaliter. Unde ibidem subdit: *Licet in Deo nullum sit accidens, est tamen quadam similitudo incidentis, inquantum qua de se invicem prædicantur secundum accidens, & differunt ratione, sunt unum subiecto.*

70. Respondeo primò Divum Thomam in hac parte quæst. 39. art. 6. ad 2. expressè asserere, quod tam ista propositio est per se: *Pater est Deus:* quam ista, *Deus est Pater.* Unde quando loco allegato dicit hanc propositionem: *Essentia divina est paternitas:* non esse per se, intendit solum non esse per se, ex parte modi significandi, non autem ex parte rei significatæ; hic enim ibidem se explicat in resp. ad 4. ubi ait: *Relationes divina, licet significant id quod est divina essentia, non tamen per modum essentia: quia non per modum*



*modum inexistens, sed per modum se habentis ad aliud, eam significant.* Unde juxta D. Thomam, divinæ relationes, quantum ad modum significandi, se habent per modum accidentis, & prædicantur veluti accidentaliter de divina essentia, quamvis ex parte rei significatæ sint de conceptu ejus quidditativo, & de illa prædicentur essentialiter, ut §. sequenti ex eodem S. Doctore ostendemus.

72 Secundò responderi potest, D. Thomam, nomine prædicationis per se, & secundum propriam rationem, intelligere id quod prædicatur de aliquo, tanquam expressum ejus constitutum: hoc autem modo, nec paternitas de essentia, nec essentia de paternitate prædicatur; paternitas enim non est expressum constitutum naturæ divinæ, nec essentia est expressum constitutum paternitatis; sed quid implicite inclusum in illa, ratione summæ actualitatis. Non autem negat D. Thomas, essentiam per se formaliter de paternitate enuntiare, tanquam prædicatum transcendentaliter in illa inclusum, imò potius id docet locis suprà allegatis.

73 Obicit secundò Vazquez: Relationes divinæ, saltem per rationem, adveniunt divinæ essentiae, & personas divinas constituunt: Sed non possent per rationem advenire essentiae, nec personas divinas constituere, si divinam essentiam in suo conceptu includerent: Ergo essentiam in suo conceptu non includunt. Major patet, Minor etiam quoad primam partem videtur certa. Quod enim intelligitur advenire alteri, illud secundum rationem non includit; sicut quod alteri advenit realiter, non includit illud realiter. Probatur verò quantum ad secundam. Constitutum non potest dicere totum quod est in re constituta: Atqui si relationes in se includerent divinam essentiam, dicerent totum quod personæ divinæ; illæ enim relationem tantum cum divina natura important: Ergo non possent personas divinas in ratione personæ constituere. Sicut si rationale in suo conceptu includeret essentialiter animal, non constitueret propriè hominem, sed potius esset ipse homo.

74 Respondeo concessa Majori, negando Minorem, quantum ad utramque partem. Ad probationem primæ partis dicendum est, veram esse Majorem de eo quod advenit alteri, illudque determinat quoad explicitum & implicitum; secus autem de eo quod solum advenit & determinat quoad explicitum: ut patet in ente, cui secundum rationem adveniunt modi essendi per se, & in alio, illudque per rationem determinant; & tamen ens est de conceptu modorum, quia modi secundum rationem solum explicitam concipiuntur enti advenire, illudque per majorem solum expressionem determinare & contrahere. Unde quia relationes divinæ, solum quantum ad rationem explicitam, concipiuntur essentiae advenire, illamque per majorem solum expressionem determinare, hoc non impedit, quin divina essentia in eis implicite includatur. Quare.

75 Ad probationem secundæ partis ejusdem Minoris, distinguo Majorem. Constitutum non potest dicere totum quod est in re constituta, explicite concedo: implicite nego: nam modus essendi per se constituit ens in ratione substantiæ, & tamen ratione entis in suo conceptu implicite includit. Item Deus dicitur propriè Deitate constitui, quamvis Deitas, quantum ad rem significatam, importet totum quod Deus, Cur ergo si

militer, paternitas v.g. non poterit personam Patris constituere, quamvis implicite divinam essentiam includat, & consequenter implicite dicat totum quod explicite in persona Patris importatur?

Explicatur hoc magis. Duplex est genus constitutionis: una est per compositionem realem, vel rationis; qualis est constitutio physica hominis ex corpore & anima, & constitutio metaphysica ex animali & rationali: altera est per omnimodam simplicitatem, qualis est constitutio divinæ naturæ & personæ. Quod primo modo constituit, neque explicite, neque implicite potest totum includere, quod in re constituta reperitur: ut patet in exemplo adducto de constitutione hominis, nam neque anima realiter includit corpus, neque rationale includit animal per rationem, sed illud à suo conceptu excludit. Quod verò secundo modo constituit (ut contingit in proposito) non debet quidem explicite dicere totum quod est in re constituta, potest tamen implicite illud in se includere: nam, ut dicebamus, Deitate constituitur Deus, tanquam formā, & tamen Deitas, quantum ad rem significatam, importat totum quod Deus.

Tertiò arguunt Adversarii ex pluribus absurdis & inconvenientibus, quæ videntur sequi ex nostra sententia. In primis enim, si divina essentia de paternitate prædicetur essentialiter, de illa etiam prædicabitur essentialiter quòd sit communicabilis tribus personis: Sed hoc repugnat, cum incommunicabilitas sit de ratione paternitatis: Ergo &c. Sequela Majoris probatur. De quo prædicatur essentialiter divina essentia, prædicatur etiam omne prædicatum illi essentialiter: Sed esse communicabilem tribus personis, est prædicatum essentialiter divinæ essentiae: Ergo si divina essentia de paternitate prædicetur essentialiter, de illa etiam prædicabitur essentialiter quòd sit communicabilis tribus personis.

Secundò inferunt, si essentia divina in relationibus essentialiter includeretur, multiplicatis relationibus, illa realiter multiplicaretur: Sed hoc est contra fidem, & destruit mysterium Trinitatis: Ergo &c. Sequela probatur: Non alià ratione, multiplicatis realiter relationibus, multiplicatur entitas divina, nisi quia entitas divina transcendit relationes, & in illis essentialiter includitur: Ergo si divina essentia in relationibus essentialiter includatur, illasque transcendat, multiplicatis realiter relationibus, illa realiter multiplicabitur.

Tertiò sequeretur, inquit, produci essentiam divinam, productam filiatione: quia non alià ratione, producta filiatione, producitur ejsus realitas, nisi quia est illi essentialis: Ergo si divina essentia sit essentialis filiationi, producta illa, producetur.

Quarò, Si divina essentia prædicetur essentialiter de filiatione, hæc propositio erit vera: *Filiatio est entitas improducta*: At hoc est falsum, cum opposita propositio sit vera, scilicet, *Filiatio est entitas producta*: Ergo &c.

Denique inferunt, Si essentia divina includatur essentialiter in paternitate; sicut verum est dicere, quòd Pater essentia divinam intelligit, ita dici poterit, quòd Pater paternitate intelligit: Sed hoc videtur absurdum: Ergo idè quod prius.

Respondeo negando hæc absurda & inconvenientia sequi ex nostra sententia. Unde ad primum, nego sequelam Majoris: ad cujus probationem, distinguo Majorem: De quo prædicatur

essentialiter divina essentia, prædicatur etiam omne prædicatum illi essentielle: vel absolute, vel cum addito, concedo Majorē: absolute semper, nego Majorem; & sub eadē distinctione Minoris, nego Consequentia. Itaq; de paternitate non potest absolute & sine addito dici, quod sit communicabilis Filio, bene tamē cum addito, & cum specificatione essentia. Unde licet hæc propositio sit falsa: *Paternitas est communicabilis Filio*: hæc tamen est vera: *Paternitas est essentia divina communicabilis Filio*. Et certe Adversarii eadē difficultate premuntur, cum fateantur hanc propositionem esse veram, *Paternitas est realiter essentia divina*: hanc autem falsam: *Paternitas est realiter communicabilis Filio*. Sicut ergo, ut essentia divina prædicetur realiter de paternitate, necessarium non est quod communicabilitas prædicetur realiter absolute, sed solum cum addito & specificatione essentia, asserendo: Paternitas est essentia divina realiter communicabilis. Ita in nostra opinione est dicendum de prædicatione essentiali.

83 Dices: Intellectio, volitio, iustitia, & misericordia, aliaq; divina attributa prædicantur absolute, de quocumque prædicatur essentia divina: Ergo pariter de paternitate absolute dici poterit, quod sit communicabilis tribus personis, si de illa prædicetur essentialiter divina natura.

Sed nego Consequentiam: quia prædicata quæ essentialiter affirmantur de essentia vel natura divina, sunt in duplici differentia: alia enim de illa affirmantur abiq; reduplicatione superioritatis ejus, & virtualis distinctionis quā a relationibus differt: alia verò prædicantur de illa, ut superior est ad personas, & reduplicatā virtuali distinctione ab illis. Prædicata primi generis absolute prædicantur, de quocumq; absolute affirmatur essentia; unde absolute dicuntur de paternitate intellectio, volitio, &c. secus autem prædicata posterioris conditionis. Cum ergo communicabilitas affirmetur de essentia, cum reduplicatione superioritatis realis, quam habet ad tres personas, & virtualis distinctionis ab illis, consequens est, quod non affirmetur de quavis relatione absolute, sed cum addito & specificatione essentia.

Hoc explicari potest exemplo desumpto ex Philosophia. Nam essenziale est enti, quod sit specificativum nostri intellectus; & tamen quamvis ens absolute dicatur de rationalitate, non dicitur absolute de illa quod sit specificativum intellectus humani, sed cum addito & specificatione entitatis. Unde hæc propositio est falsa: *Rationalitas specificat intellectum humanum*: hæc autem vera: *Rationalitas sub conceptu entitatis intellectum humanum specificat*; & hoc non alia de causa, nisi quia specificatio convenit enti, non absolute, sed cum reduplicatione expressionis proprii conceptus, & distinctionis quā gaudet à differentis.

84 Ad secundum inconveniens, nego sequelam Majoris. Ad cujus probationem, concessio Antecedente, nego Consequentiam, & paritatem. Ratio discriminis est, quia realitas divina transcendit relationes per modum prædicati communis communitate rationis, abstrahentis à relatione & absolute: transcendentia autem divinæ essentia non est per communitatem rationis, sed realem; & ideo, relationibus multiplicatis, non debet divina essentia multiplicari realiter.

35 Ad tertium, nego etiam sequelam: ad cujus

A probationem, distinguo Antecedens: Non alia ratione, productā filiatione, producitur ejus realitas, nisi quia est illi essentialis: per modum prædicati communis communitate rationis, concedo Antecedens: Ex præcisa ratione prædicati essentialis, nego Antecedens, & Consequentiam. Essentia enim divina est essentialis relationibus, ut communis, non communitate rationis, sed reali: unde sicut hac ratione non multiplicatur realiter, ad realem multiplicationem relationum, ita nec producitur, illis productis.

Ad quartum admitto sequelam Majoris, & 86 nego Minorem: non enim opponuntur ista, filiationem scilicet divinam esse entitatem improductam, & esse entitatem productam: quia unum convenit filiationi ratione essentia, & alterum ratione expliciti quod dicit filiationem. Sicut hac de causa conceduntur istæ propositiones: Tres divinæ personæ sunt una res, & sunt tres res: prima est vera ratione essentia quam Personæ implicat: secunda ratione relationum quas exprimit, qui constat ex infra dicendis.

Ad ultimum inconveniens nego sequelam: 87 Licet enim intelligere, per quod natura divina constituitur, de paternitate essentialiter prædicetur; istaque propositio sit verissima: *Paternitas divina est essentialiter intelligens, imò & ipsum intelligere*: non potest tamen dici, quod Pater paternitate intelligit: quia in hac propositione reduplicatur explicitus conceptus paternitatis, & distinctio virtualis quā ab essentia divina distinguitur; sicut supra dicebamus de hac propositione: *Paternitas divina est communicabilis*. Unde sicut hic syllogismus: *Essentia divina est pluribus communicabilis: Paternitas est essentia divina: Ergo Paternitas est pluribus communicabilis*: non valet, nec est propriè expositivus, quia medium est commune multis; ita nec iste: *Pater intelligit divinā essentia: Paternitas est formaliter divina essentia: Ergo Pater paternitate intelligit*. Si enim iste est expositivus, constat termino communi: si autem non est expositivus, sed in modo Darii, ut contendit Vazquez, oportet quod terminus medius sit plenè distributus in Majori: quo posito, Major est falsa: quia sensus ejus est, quod Pater tanquā ratione formali intelligit omni eo quod identificatur cum essentia, quod est falsum.

Obicies quattuor contra secundam conclusionem. Natura divina, sub formalitate naturæ, est radix divinarum attributorum: Sed non potest dici quod paternitas sit radix divinarum attributorum; attributa enim conveniunt divinæ essentia, ut præintelligitur relationibus & personis: Ergo natura divina, sub formalitate naturæ, non potest de relationibus divinis essentialiter prædicari.

88 Respondeo concessa Majori, distinguendo 89 Minorem: Non potest dici quod paternitas sit radix divinarum attributorum, absolute & sine addito, concedo Minorem: cum addito & specificatione naturæ, nego Minorem, & Consequentiam. Solutio patet ex supra dictis: nam eodem modo philosophandum est de hac propositione: *Paternitas est radix attributorum, ac de ista: Paternitas est communicabilis Filio*. Unde sicut de paternitate non potest absolute & sine addito dici, quod sit communicabilis Filio, bene tamen cum addito & specificatione essentia, ut cum dicitur: *Paternitas est essentia divina communicabilis Filio*. Ita pariter non potest absolute & sine addito de paternitate enuntiarī, quod sit radix divinarum attributorum.

attributorum, benè tamen cum addito & specificatione naturæ divinx, dicendo : Paternitas est natura divina, quæ est radix divinorum attributorum.

Obijciunt ultimò quidam Recentiores Thomistæ contra eandem conclusionem. Si essentia divina, sub formalitate naturæ, in relationibus essentialiter includeretur, deberet ab illis contrahi & determinari : Sed essentia divina, sub formalitate naturæ, non potest à relationibus divinis contrahi & determinari; quia sub hoc conceptu & formalitate consideratur ut ultimò contraria ac determinata in propria linea, ac proinde ut non ulterius contrahibilis per alias lineas : Ergo essentia divina, sub conceptu & formalitate naturæ, non potest in relationibus divinis essentialiter includi.

91 Respondeo distinguendo Majorem. Deberet ab illis contrahi & determinari, determinatione propriâ & rigorosâ, sicut genus contrahitur per differentiam, nego Majorem : determinatione impropriâ, quæ fit per modum majoris expressionis, sicut minùs explicitum determinatur per magis explicitum, concedo Majorem ; & sub eadem distinctione Minoris, nego Consequentiam. Patet hæc responsio ex dictis in solutione ad secundum argumentum. Sicut enim ut essentia divina, sub ratione entitatis increatæ, in divinis relationibus essentialiter includatur, non requiritur quod ab illis propriâ & rigorosâ determinatione contrahatur, sed sufficit quod divinx relationes magis explicant aliquam formalitatem, quæ in illa implicite tantum continetur : ita etiam, ut eadem, ut eadem essentia, sub formalitate naturæ, in paternitate includatur, non oportet quod ab illa propriè determinetur, sed satis est, quod per paternitatem magis explicetur aliqua formalitas relativa quæ in conceptu naturæ divinx implicite continetur.

92 Neque valet, si dicas paternitatem non tenere : quia essentia divina, sub ratione entitatis increatæ, considerata, se habet per modum transcendentis, secus autem si consideretur sub conceptu & formalitate naturæ. Hoc, inquam, non obstat : quia quoddam habet ens increatum, ratione suâ transcendentis, id habet essentia divina sub formalitate naturæ, propter summam puritatem & actualitatem quâ gaudet, ratione cujus non potest esse, nec concipi ut in potentia ad aliquâ formalitatem absolutam vel relativam, sed illam debet in suo conceptu saltem implicite includere : alioquin, ut suprà dicebamus, ex illis duabus formalitatibus aut conceptibus fiet compositio rationis in Deo, quæ divinx simplicitati non minùs repugnat, quàm compositio ex genere & differentia.

93 Advertendum tamen est, quoddam licet essentia divina, sub conceptu & formalitate naturæ, in divinis relationibus essentialiter includatur, tamen ut in illis includa, amittit expressionem essentia & naturæ, & per modum relationis exprimitur. Quod si solum hoc velint, qui negant naturam sub conceptu naturæ claudi in conceptu relationum, quia scilicet per talem inclusionem expressionem illam amittit, libenter eis assentimur. Cæterum in hoc nullum discrimen inter essentiam divinam sub ratione entitatis increatæ, & sub formalitate naturæ, reperio : nam etiam ratio entis increati in paternitate includa, propriam expressionem entitatis amittit, & per modum relationis exprimitur.

Tom. II.

## §. II.

Altera difficultas resolvitur.

Deo tertio, relationes esse de conceptu essentiali Divinitatis.

Probatum primò ex D. Thoma infra quæst. 39. art. 6. ad 2. ubi docet hanc propositionem: *Deus est Pater*: non minùs esse per se, quàm *istam*: *Pater est Deus*. Unde cum hæc posterior sit per se primo modo, quia prædicatum est de essentia subiecti, ut jam ostendimus, idem dicendum est de priori.

Addo quod idem S. Doctor quæstione præcedenti art. 2. ad 3. ait: *In ipsa perfectione divini esse continetur & Verbum intelligibiliter procedens, & principium Verbi &c.* Unde Cajetanus ibidem & 3. parte quæst. 2. art. 2. ad 3. & quæst. 3. art. 3. asserit quod si Deitas pro meritis definiretur, includeret in sua ratione formali non solum quid est sapientia, iustitia, misericordia, & reliquorum attributorum, sed etiam quid est paternitas, filiationis, & spirationis.

Eadem veritas ex fundamentis suprà statutis facile potest suaderi. Ut enim §. 1. & 2. ostendimus, & fatentur Auctores secundæ sententiæ, cum quibus in præsentis disputamus: Essentia divina includitur essentialiter in conceptu relationum : Ergo & relationes in conceptu essentialiter. Probatum hæc Consequentia : quia impossibile est duos conceptus objectivos ita inter se comparari, ut unus essentialiter includatur in alio, & alius pariter non includatur in ipso. Unde quia ens per rationem includitur in omnibus differentiis, à nulla potest per rationem perfectè separari ut communiter docetur à nostris Thomistis, in Antepædicamentis, & in Metaphisica. Ratio autem hujus doctrinæ est, quia abstractio seu præcisio est motus quidam separativus : terminus autem ad quem separationis non potest in termino à quo separationis reperiri : Ergo eo ipso quoddam unum in alio essentialiter continetur, illud in quo includitur, per rationem ab eo separari aut præcindi non potest.

Confirmatur : Id præstat perfectæ præcisio per conceptum, quod realiter facit realis separatio : sed impossibile est quoddam unum sit realiter perfectè separatum ab altero, nisi etiam alterum sit perfectè separatum ab illo : Ergo etiam repugnat duos conceptus objectivos ita se habere, ut unus perfectè per rationem abstrahat ab alio, & alius non sit pariter per rationem perfectè præcisus ab illo.

Dices : Animal perfectè abstrahit ab homine & equo, & tamen homo & equus non possunt concipi sine animali : Ergo duo conceptus objectivi ita possunt inter se comparari, ut unus essentialiter includatur in alio, quamvis iste pariter non includatur in illo.

Sed facile respondetur, negando Antecedens : genus enim non abstrahit propriè à speciebus, ad quas ut totum potentiale comparatur, sed à differentiis essentialibus, quæ se habent velut partes, unâ cum illo totum metaphysicum componentes, ut docetur à nostris Thomistis in Logica & Metaphysica.

Tertiò principaliter probatur conclusio ex aliis fundamentis suprà statutis. Essentia divina est realiter formaliter paternitas : Ergo est paternitas essentialiter. Antecedens constat ex dictis contra Scotum articulo præcedenti. Consequentia autè probatur primò : Ideo essentia divina est paternitas per identitatem formalem, quia formalitas essen-

essentia est infinita in ratione formalitatis : At etiam infinita est in ratione essentiali. Ergo est paternitas per identitatem essentialem.

Secundò probatur eadem consequentia : Ideò primum conceditur, quia aliàs formalitas Divinitatis esset in potentia ad paternitatem formaliter, & ex utraq; resultaret in Patre compositio realis formalis : Ergo eadem ratione, si Divinitas non est paternitas per identitatem essentialem, erit ad paternitatem in potentia essentialiter, & ex utraq; resultabit in Patre compositio essentialis.

Tertiò probatur : Prædicatum competens realiter formæ, non prout in potentia, sed ratione actualitatis, & prout in actu, non solum realiter, sed etiam essentialiter enuntiatur de illa : Atqui paternitas convenit Divinitati realiter, non prout in potentia, sed ratione summæ actualitatis : Ergo non solum realiter, sed etiam essentialiter prædicatur de illa.

Quartò : Si semel admittatur, prædicatum aliquod realiter formaliter enuntiari de Deo, & non essentialiter, cur repugnat Deitatem realiter formaliter de paternitate prædicari, & tamen non enuntiar de illa essentialiter ? Ergo si hoc secundum repugnat, ut fateantur Auctores contra quos disputamus in præfenti, primum etiam erit impossibile.

29 Deniq; omisiss aliis rationibus, probatur conclusio ex alio fundamento supra exposito. Essentia divina, cum sit actus purissimus, identificat sibi relationes summæ identitate possibili, imò & imaginabili, dummodo ex illa nullam sequatur inconveniens : Sed identitas essentialis, major est identitate solummodo reali formali, & aliàs ex tali identitate essentialis cum relationibus, nullū sequitur inconveniens : Ergo identificat illas, non solum reali formali, sed etiam essentiali identitate. In Majori nulla est difficultas, illamque multi ex Adversariis assument, ad probandum Divinitatem de relationibus essentialiter prædicari. Minor etiam pro prima parte, probatione non indiget : pro secunda verò probatur primò. Si enim aliquid inconveniens ex tali identitate inferretur, maxime esset, quòd cum omne quod de prædicato essentialiter dicitur, debeat etià de subiecto essentialiter enuntiar, si filiatio v.g. essentialiter conveniret essentiali, & essentia paternitati, fieret inde, ut filiatio essentialiter competere paternitati, & hæc esset vera propositio : *Paternitas est Filiatio essentialiter* : Sed hoc inconveniens non sequitur : Ergo &c. Probatur Minor : Ex identitate formali reali filiationis cum essentia, & essentiali cum paternitate, non sequitur paternitatem cum filiatione formaliter identificari, aut filiationem de paternitate enuntiar formaliter, eò quòd cum identitate reali formali stet inter illa distinctio rationis : Atqui etiam cum identitate essentiali filiationis cum essentia, & essentiali cum paternitate, stat inter illa distinctio rationis : Ergo ex identitate essentiali utriusq; relationis cum essentia, non sequitur interrelationes identitas aut prædicatio essentialis.

100 Explicatur hoc magis : Non minùs lumine naturali notum est, quæcumq; identificantur cum tertio, identificari inter se, quàm principium illud cui inniuntur Adversarii : *Quando quidpiam prædicatur de quopiam, quidquid prædicatur de prædicato, prædicatur etiam de subiecto* ; imò hoc secundum supra primum fundari debet : Sed primū non tenet, quando extrema identificata realiter cum tertio, ratione distinguuntur ab illo, ut do-

cet D. Thomashic art. 3. ad 1. vel quando non identificantur cum tertio adæquate ; quare ex identitate reali relationum cum essentia non licet colligere realiter eas identificari inter se : Ergo pariter secundum principium ad sui infallibilitatem exposcit, ut prædicatum de subiecto enuntietur sine distinctione virtuali seu rationis ab ipso, vel prædicatione essentiali adæquate ; & consequenter ex eo quod essentia de paternitate essentialiter prædicetur, & de essentia filiationis, non licebit colligere filiationem de paternitate essentialiter dici, eò quòd essentia virtualiter & ratione à paternitate & filiatione distinguatur, & nulla ex istis adæquet essentiam.

Secundò probatur eadem Minor principalis. Quod dicitur ut proprietas de prædicato, non minùs debet ut proprietas de subiecto enuntiar, quàm quod essentialiter dicitur de prædicato, debeat essentialiter dici de subiecto : Sed filiatio v.g. prædicatur de Deo ut proprietas, in sententia Adversariorum, absque eo quod de Patre, cui convenit essentialiter Deitas, ut proprietas prædicetur : Ergo etiam poterit de essentia dici essentialiter, & tamen de Patre aut paternitate non essentialiter prædicari.

Tertiò probatur contra illos, qui nobiscum affirmant essentiam divinam essentialiter includi in relationibus. Illi enim fatentur filiationem produci, & tamen negant produci essentiam, etiam si essentia in paternitate essentialiter includatur : Ergo pariter, non obstat quod paternitas includatur in essentia essentialiter, poterit communicari, proindeque stare poterit essentialis inclusio paternitatis in essentia, absque eo quod paternitas debeat prædicari de Filio, de quo essentialiter prædicatur essentia ; cum prædicatio in communicatione fundetur.

Quod amplius confirmatur. Non minùs communiter docetur à Conciliis & Patribus, paternitatem esse Patri propriam, & non communicari Filio, quàm quod Deitas illi communicetur : Sed ad veritatem primi necessariū non est, quod omne prædicatū, essentialiter in paternitate inclusum, sit Patri proprium, & Filio non communicatum : Ergo ad veritatem secundi necessariū non erit, quòd omne prædicatum essentialiter in paternitate contentum, Filio communicetur.

Deniq; contrà omnes Adversarios eadem Minor principaliter suadet. Illi enim fatentur essentialis esse divinæ naturæ, quòd sit communicabilis tribus Personis : Sed hoc prædicatum non enuntiat essentialiter de Patre, hæc enim propositio est falsa : *Pater est communicabilis tribus Personis* : Ergo ex eo quòd filiatio v.g. essentialiter prædicetur de essentia, & hæc de Patre etiam essentialiter, non sequitur debere enuntiar de illo filiationem.

Dico ultimò, Relationes divinas non esse de conceptu quidditativo divinæ naturæ, ut metaphysicum ejus constitutivum, vel per modum prædicati essentialis, sed tanquam modos aut terminos, quibus natura divina essentialiter petit modificari aut terminari.

Prima pars conclusionis patet : Nam id metaphysicè constituit naturam divinam, quod primò in illa intelligitur, & se habet ut radix aliarum divinarum perfectionum : Sed id quod primò in Deo intelligitur &c, non sunt relationes, sed aliqua perfectio absoluta : Ergo relationes ad metaphysicam divinæ naturæ constitutionem non pertinent.



106. Secunda pars non est minùs certa: Prædicatum enim quidditativè alicujus naturæ debet æquè latè patere ac ipsa natura, & prædicari de quocūque illa prædicatur: Sed paternitas verbi gratià non æquè latè patet ac divina natura, nec dicitur de quocumque; illa prædicatur nam divina natura prædicatur de Filio, non verò paternitas: Ergo relationes non sunt de conceptu quidditativo divinæ naturæ, tanquam prædicata illius essentialia. Unde restat ut ad ejus conceptum quidditativum pertineant, tanquam termini aut modi à quibus essentialiter petit modificari aut terminari, sicut modi essendi per se & in alio, ad conceptum quidditativum entis pertinent.

## §. V.

*Convelluntur fundamenta adverse sententia.*

107. Obijciunt in primis Adversarii; D. Thomas quæst. 8. de potentia art. 2. ad 6. docet prædicationem istam, *Deus est Pater*, non esse per se formalem, sed identitatem: At si paternitas includeret essentialiter in Divinitate, esset propositio per se formalis, cum omne prædicatum essentialiter in aliquo inclusum, per se formaliter enuntietur de illo: Ergo paternitas in Divinitate essentialiter non includitur. Et infra quæst. 33. art. 3. ad 1. ait, *Communio absolute dicta esse de intellectu propriorum, sed non de converso: in intellectu enim persona Patris intelligitur Deus, sed non convertitur*: Ergo ex mente D. Thomæ, paternitas in conceptu Divinitatis essentialiter non includitur.

108. Obijciunt etiam plura SS. Patrum testimonia, quæ etiam videntur militare contra nostram sententiam. Nam Boëtius in libro de Trinitate, ait Trinitatem non dici substantialiter de Deo. Et D. Augustinus 5. de Trinitate cap. 6. & sequentibus, docet relationes non prædicari de Deo secundum substantiam. Et Damascenus libro 3. de fide cap. 6. sic habet: *Characterica autem hypostases non nature sunt*. Denique Athanasius dialogo 2. de Trinitate contra Anomæum, dicit generationem non esse quid essentialē.

109. Ad D. Thomam respondeo illum in primo testimonio solum negare prædicationem istam, *Deus est Pater*, esse per se formalem, formalitate constitutionis & expressionis, quod libenter fateamur; relationes enim non exprimentur in conceptu essentiali, nec metaphysicè illam constituunt: non autem negat esse formalem, formalitate inclusionis.

Vel secundò dicatur, illam prædicationem non esse per se formalem, per modum prædicati essentialis, eo modo quo attributa de essentiali dicuntur: esse tamen formalem, per modum terminationis & modi essentialis, ut in ultima conclusione exposuimus.

In secundo etiam testimonio, solum intendit communia esse de intellectu propriorum, tanquam prædicatum illis essentialē, enuntiatum de omni de quo propria prædicantur: quæ ratione propria non sunt de intellectu communium, quia nec sunt prædicata essentialia, sed modi essentialis; nec prædicantur, immediate saltem, de omni de quo communia prædicantur. Et hoc sufficiebat intento D. Thomæ, quod erat, communia esse priora propriis, subsistenti consequentiâ, quia nempe non valeret: est Deus, ergo Pater.

110. Eodem modo intelligenda sunt & explicanda SS. Patrum testimonia ab Adversariis allegata:

A solum enim intendunt, relationes divinas non prædicari de Deo essentialiter, per modum constitutivi, vel per modum prædicati essentialis: qualiter attributa de Deo enuntiantur, non negant tamen de illo dici essentialiter, per modum terminationis, aut modi essentialis.

Secundò arguunt: Juxta Concilia & SS. Patres, Pater communicat Filio totam essentialitatem, ita enim expressè habetur in Concilio Lateranensi cap. *Firmiter*, & cap. *Damnatus*, & in Florentino in litteris sanctæ unionis: At si paternitas esset de essentiali Divinitatis, Pater generando Filium non communicaret illi totam essentialitatem, cum non communicet illi paternitatem: Ergo paternitas ad essentialiam Divinitatis non pertinet.

Confirmatur primò: Si paternitas esset de Divinitatis essentiali, Filius non esset perfectus & integer Deus; quia illi desceret aliquid ad essentialiam Divinitatis pertinens, nempe ipsa paternitas, quæ illi per æternam generationem non communicatur, ut definitur in præfatis Conciliis: Consequens est falsum, & hæreticum: Ergo idem quod prius.

Confirmatur secundò: In illo priori originis, quò Pater intelligitur constitutus, & potens generare, & nondum intelligitur Filius generatus, intelligitur tota & integra, ac perfecta Divinitas; & tamen non omnes relationes & personæ ibi intelliguntur: Ergo illæ non sunt de Divinitatis essentiali.

C Ad objectionem respondeo, Patrem communicasse Filio totam essentialitatem, non tamen totaliter: quia ei communicavit constitutivum Deitatis in essentialitate, & omnia attributa & prædicata essentialia, non tamen omnem modum essentialē. Ex quo solum sequitur, paternitatem non pertinere ad essentialiam Divinitatis, ut constitutivum ejus metaphysicum, vel ut prædicatum essentialē, quod libenter fateamur: non tamen quòd non pertineat ad essentialiam illius, tanquam modus essentialis. Et quidè in sententia Adversariorum, ex eo quòd SS. Patres doceant, Patrem communicasse Filio totam substantiam, non licet inferre illi communicasse paternitatem, quæ tamen ad substantiam Deitatis pertinet, ut illi fatetur. Insuper ex eo quòd doceant Patrem non communicasse Filio paternitatem, non licet colligere non communicasse illi Divinitatem, quæ in sententia plurimum ex Adversariis est de paternitatis essentiali. Pater ergo ex eo quòd Patres doceant, Patre communicasse Filio totam suam essentialiam, non licet inferre, vel paternitatem de essentiali Divinitatis non esse, vel communicatam fuisse Filio.

D Ad primam confirmationem respondeo primò, negando absolute Majorem: Tum quia relationes non addunt perfectionem ad essentialiam divinam, ut dicemus articulo sequenti; unde ex eo quòd singulis personis non competat, non tollitur quin quælibet persona sit integer Deus, integritate perfectionis: Tum etiam, quia non omnis modus essentialis Divinitati, singulis personis debetur.

Vel secundò, majoris claritatis gratiâ, distinguo eandem Majorem: Filius non esset perfectus & integer Deus, integritate prædicatorum essentialium sibi debita, nego Majorem: integritate modorum essentialium, qui Divinitati debentur, & non singulis personis, concedo Majorem. Hoc idem argumentum Adversarii tenentur solvere, loquendo de integritate reali, sicut nos illud solvimus, loquendo de integritate essentiali.

E Ad secundam confirmationem, similiter respondeo,

deo, quod in illo priori originis, quo Pater intelligitur constitutus, & potens generare Filium, intelligitur à nobis tota essentia, quia pro tali signo in eo concipiuntur omnia attributa & prædicata essentialia; sed non intelligitur totaliter, quia non explicatur pro illo signo omne quod pertinet ad essentiam divinam, tanquam modificativum & terminativum illius.

117. Tertiò obijciunt: Quidquid essentialiter prædicatur de Divinitate, prædicatur etiam essentialiter de singulis personis divinis: At de Patre non prædicatur essentialiter filiatio, neque contra de Filio paternitas: Ergo paternitas & filiatio non sunt de essentia Divinitatis.

Hoc argumentum plurimum extollunt & magnificant Adversarii, illudque Sanez evidēs ac demonstrativum appellat. Longè tamen à veritate distat illius iudicium: nam argumentum illud est purè sophisticū, ac simile illi quod Hæretici formant contra Mysterium Trinitatis, hoc modo: Quidquid entitativè & realiter est Deus, seu essentia divina, est in qualibet persona divina, & de illa prædicatur: Sed filiatio v.g. est realiter entitativè Deus, seu essentia Dei: Ergo filiatio convenit cuilibet personæ divinæ, & de illa prædicatur. Quare sicut hoc argumentum est purum sophisma, & peccat mutando quid in ad aliquid (quod D. Thomas appellat fallaciam accidentis in Divinis) ita & argumentum Suaris. Unde

118. In forma respondeo primò, distinguendo Majore: Quidquid essentialiter prædicatur de divina natura, tanquam quid, seu per modum prædicati quidditativi, eo modo quo attributa de illa enuntiantur, prædicatur etiam essentialiter de singulis personis divinis, concedo Majore. Quod prædicatur tanquam ad aliquid, & per modum relationis, seu tanquam modus inadæquatus divinæ naturæ, nego Majorem. Paternitas autem & filiatio, ut sæpè diximus, nō sunt prædicata quidditativa divinæ naturæ, nec ad metaphysicam ejus constitutionē pertinent, sed solū sunt modi quidam inadæquati & inconvertibiles, à quibus essentia divina, ob infinitam suam secunditatem, petit essentialiter modificari & terminari: unde illis sublati, destrueretur divina essentia.

Potestque hoc explicari, vel exemplo entis, quod essentialiter petit modificari per modos existendi per se, & in alio: unde illi sunt de conceptu quidditativo entis, quamvis totam ejus latitudinem & amplitudinem non adæquent, nec sint cum eo convertibiles. Id enim, ut sæpè diximus, habet essentia divina ratione infinitatis, & summæ actualitatis, quod habet ens ratione suæ transcendentiæ & communitatis. Aptius adhuc exemplum esset ad hoc explicandum, si natura humana subsisteret à parte rei separata ab individuis, ut ponebat Plato in tali enim casu natura identificaret sibi essentialiter omnia individua, & tamen quodlibet seorsum esset inadæquatum respectu illius.

119. Secundò responderi potest argumento Suaris, aliter distinguendo eandē Majorem: Quidquid essentialiter prædicatur de Divinitate, prædicatur etiā essentialiter de singulis personis: vel absolutè, vel cum reduplicatione essentiae, concedo Majorem: absolutè semper, nego Majore. Similiter distinguo Minorem: de Patre non prædicatur filiatio: absolutè, concedo Minorem: cū reduplicatione essentiae, nego Minorem, & Consequentiam. Solutio patet ex supra dictis: sicut enim hæc propositio: *Paternitas est communicabi-*

*lis*, absolutè concedi non potest, bene tamen cū addito, & specificatā essentiā ex parte subiecti, dicendo scilicet: *Paternitas est essentia divina, pluribus communicabilis*. Ita etiam ita: *Pater est filiatio*, absolutè concedenda non est; bene tamen ita: *Paternitas est essentia, quæ filiatio essentialiter est*.

Obijcies ultimò: Si relationes essentialiter includerentur in divina essentia, illa non esset purè absoluta, sed partim absoluta, & partim relativam: & ad aliud relatam, proprius enim effectus relationis est, constituere relatum ad aliud.

Respondeo quòd hoc inconveniens sequeretur, si relationes includerentur in essentia divina explicitè & constitutivè, aut per modum prædicati essentialis: secus autem, ex eo quòd implicitè tantum, & tanquam modi quidam inadæquati in ea includantur: ut patet exemplo entis sapius adducto. Ex eo enim quòd modus differentialis prædicamenti relationis implicitè in ente includatur, non sequitur rationem entis ut sic esse ad aliud relatam, quia ad hoc necessarium esset ut explicite & constitutivè in illo importaretur.

Dices: Ex eo quòd ratio entis includit implicitè diversitatem modorum, non gaudet perfectā unitate, sed solū unitate analogā: Ergo pariter, si divina essentia implicitè contineat diversitatem relationum, perfectā unitate & simplicitate non gaudebit.

Respondeo distinguendo Antecedens: Præcisè ex illa causa, nego Antecedens. Ex illa, & quia aliàs finitus conceptus est, & communis solū communitate rationis, concedo Antecedens, & nego Consequentiam: nam conceptus explicitus essentiae divinæ infinitus est, & communis, non communitate rationis, sed reali.

### ARTICULUS III.

*Quomodo realis relationum distinctio stare possit, cum perfecta identitate illarum in essentia:*

Hanc difficultatem meritò appellat Gregorius Nyssenus, *ÆNIGMA SACRATISSIMUM*, ejus perfectā intelligentia & solutio usque ad claram Dei visionem differenda est. Unde non otiosè in Evangelio dicitur, de nocte venisse quemdam ad amicum suum, & rogasse: *Amice accommoda mihi tres panes*, quos non esse aliud quàm Trinitatis cognitionē (quæ verus animi cibus est) docet August. Serm. 29. de verbis Domini. De nocte enim venit: quia caliginosa & obscura est, quandiu in hac vita mortali sumus, & trium personarum in unitate indagatio, & Beatorum est verius, quàm hic petegriantium. Quod etiā fortè sub mysterio indicatum est Genes. 18. ubi dicitur Abraham in ostio Tabernaculi fuisse, quando tres vidit, & unū adoravit: quasi tunc incipiat anima in Trinitate personarum naturæ unitatem aspicere; cū in extremis constituta, & tabernaculo corporis egreditur.

Quia tamen Catholicus Doctor debet fidei Mysteria defendere, & ostendere illa principiis luminis naturalis minimè repugnare, nec esse contra rationem, quamvis sint supra rationem: idcirco proposita difficultas breviter discutienda est; & quomodo realis relationum aut personarum distinctio, cū perfecta identitate illarum cū essentia, coherere possit, breviter oportet exponere.

Ratio

Ratio autem dubitandi, eaque gravissima, petitur ex illo communi principio, quod est precipuum totius artis syllogisticæ fundamentum: *Quæ sunt eadem uniter se, sunt eadem inter se*: Sed (subsumitur) divinar relationes realiter identificantur cum essentia, ut supra ostensum est: Ergo realiter identificantur inter se.

224 Hoc argumento oppressi Hæretici, & huic veluti scopulo allidentes, naufragium in fide fecerunt, & in varios errores prolapsi sunt. Sabellius enim pluralitatem ac distinctionem realem personarum sustulit: Arrius essentia unitatem negavit: Gilbertus Porretanus distinctionem realem entitativam inter essentiam & relationes posuit. Catholici verò Doctores, ut durandus & Scotus, saltem distinctionem modalem, aut formalem ex natura rei, inter relationes & essentiam finxerunt. Nominules è contra in alio extremo positi, eane ratione quidem distinguere inter se docuerunt. Denique Suarez & Vazquez, ut ab hac difficultate facilius se expedirent, dixerunt præfatum axioma tenere solum in rebus creatis, non verò in Deo; in quo propter infinitatem potest eadem numero natura in tribus personis realiter distinctis subsistere. Sed hi omnes modi dicendi superius impugnati sunt, excepto ultimo, qui merum effugium est, & propositæ difficultatis elusio, non solutio; potestque facile confutari: Nam principium illud (ut diximus) est precipuum, ac ferè unicuique totius artis syllogisticæ fundamentum: illa enim ex identitate extremorum cum tertio, facta in præmissis, infert in conclusione identitatem illorum inter se: Sed ars syllogistica non minus locum habet in Deo, quam in creaturis: Ergo & præfati principij veritas. Hac ergo solutione rejectâ.

225 Aliter propositæ difficultati occurrendum est, ac dicendum cum Angelico Præceptore quæst. 8. de potentia art. 2. ad 7. & 12. argumentum & 1. ad Annibal. distin. 33. quæst. unica art. 1. ad 1. & hic art. 3. ad 1. Axioma illud philosophicum esse universaliter verum, quando extrema identificantur cum tertio re & ratione, quando autem realiter identificantur cum tertio, ratione tamen distinguuntur ab illo, non esse universaliter verum. Unde cum relationes divinæ essentialiter sint idem cum essentia, ratione tamen ab illa distinguuntur, ex identitate illarum cum divina essentia, non sequitur identificari realiter inter se.

226 Ratio autem huius doctrinæ est, quia eo ipso quod extrema ratione distinguuntur à medio possunt ex eo capite quo differunt importare oppositionem relativam, & ratione illius realiter inter se distinguere, quamvis à medio, cum quo oppositionem non habent, realiter non distinguantur. Et ita contingit in Deo; quia enim paternitas & filio ratione & virtualiter ab essentia distinguuntur, explicant rationes oppositas inter se, secus autem cum essentia; & idè inter se realiter distinguuntur, quamvis idem sint cum essentia. Sicut si per impossibile tres entis proprietates, scilicet unum, verum, & bonum, (servatâ perfectâ identitate cum ratione entis in eis transcendentaliter inclusâ) oppositione relativâ inter se gauderent, ratione huius oppositionis realiter inter se distinguerentur, quamvis à ratione entis in eis imbibita ratione tantum differrent.

227 Eiusdem mysterij aliquod cernitur vestigium in actione, passione, & motu, quæ D. Thomas hic art. 3. ad 1. in exemplum illius adducit: Nam

A licet actio & passio à motu distinctione solum modali distinguantur, differunt tamen realiter inter se, distinctione reali Majori, propter oppositionem quam habent. Et si motus esset tantæ perfectionis & amplitudinis, ut posset sibi omnino realiter identificare actionem & passionem, cum sola distinctione rationis ratiocinatæ; & huic actio & passio, ratione oppositionis quâ gaudent realiter inter se distinguerentur. Dixi ali-quod cerni vestigium: quia ut ait idem S. Doctor in 1. dist. 33. quæst. 1. art. 1. ad 2. *Omnia similia, quæ ad explicandam unitatem essentie cum distinctione personarum, ex creaturâ adduci possunt, plus habent de dissimilitudine, quam de similitudine, & idè magis abducunt à veritate mysterij quam in ejus veritatem intelligendum inducant.*

Sed contra istam solutionem, & illius axiomatis explicationem à D. Thoma traditam, obici potest, quod idem S. Doctor 2. contra Gentes cap. 9 ut probet quod potentia Dei & illius actio sunt idem, arguitur: *Quæ uni & eidem sunt eadem, sibi invicem sunt eadem: Divina autem potentia est ejus substantia, ejus etiam actio est ejus substantia: Ergo in Deo non est aliud potentia, & aliud actio.* Ita de verbo ad verbum D. Thomas. At potentia & actio non identificantur & ratione cum divina substantia, sed tantum realiter, cum distinctione rationis: Ergo juxta D. Thomam tenet præfatum principium, non solum quando extrema re & ratione identificantur cum tertio, sed etiam cum solum realiter identificantur cum illo.

Hanc difficultatem movet Ferrariensis loco 129 nuper allegato, & respondet distinctionem rationis ratiocinantis extremorum à tertio non obflare, quominus ex identitate reali cum illo, realis illorum identitas inter se colligatur; bene tamen distinctionem rationis ratiocinatæ, quæ ortum habet ex rebus secundum se, & non ex sola imperfectione nostri intellectus: potentia autem & operatio solum ratione ratiocinante distinguuntur ab essentia divina; paternitas verò & filio, ratione ratiocinatâ, seu virtualiter ab illa differunt, & idè ex identitate potentia & operationis cum divina essentia, rectè intulit D. Thomas illas realiter identificari inter se, quamvis ex identitate relationum cum essentia, realis earum identitas inter se non inferatur.

Hæc solutio probabilitate non caret, quia tamen non habet locum in opinione plurium Thomistarum, qui operationem & potentiam ab essentia divina virtualiter differre existimant, ut proposita difficultas, in omni sententia resolvatur.

E Secundo, & fortè melius respondetur, distinctionem rationis ratiocinatæ extremorum à medio, non inferre positivè distinctionem realem extremorum inter se, sed tantum permisso: id est permittit ut in aliqua materia realiter inter se extrema distinguantur, non obstante reali identitate cum tertio. Tunc autem excurret permisso, quando extrema distinguuntur ratione per formalitates importantes oppositionem, & quia paternitas & filio in Divinis ab essentia distinguuntur virtualiter, & ratione ratiocinatâ, per formalitates oppositas relativè, inde fit, ut ex reali identitate, quam habent cum essentia divina, non inferatur realiter identificari inter se. Caterum potentia & operatio, licet distinguantur ratione ratiocinatâ ab essentia (qualiquè



probabiliter sentiunt) non tamen important formalitates oppositas relativè; & idèd ex earum identitate cum divina essentia rectè intulit D. Thomas illas identificari inter se.

131 Hæc doctrina est expressa D. Thomæ hic art. 3. ad 2. quod ita procedebat: *Sicut paternitas & filiatio, secundum nominis rationem, distinguuntur ab essentia divina, ita & bonitas & potentia: Sed propter huiusmodi rationis distinctionem, non est aliqua realis distinctio bonitatis & potentie divine: Ergo neque paternitatis & filiationis.* Cui argumento sic respondet: *Ad secundum dicendum, quod potentia & bonitas non important in suis rationibus aliquam oppositionem, unde non est similis ratio.* Sentit ergo, quod quando extrema, ratione distincta à medio, non important rationes oppositas relativè, tunc identitas illorum cum tertio arguit realem identitatem illorum inter se; secus autem quando important rationes inter se relativè oppositas, ut contingit in subiecta materia. Quare idem Sanctus Doctor in 1. sent. dist. 2. quæst. 1. artic. 5. ad 4. hæc scribit: *Licet sapientia divina secundum suam rationem differat ab aliis attributis, non tamen illis opponitur: cum sapientia bonitatem & alia attributa secum compatiatur esse in eodem subiecto, & idèd non habet rationem distinguendi supposita divinæ naturæ, sicut habent relationes oppositæ: sed sicut sapientia divina realiter facit effectum sapientiæ, propter veritatem rationis ipsius quæ manet, ita relatio facit veram distinctionem, propter relationis veram rationem quæ salvatur.* Quibus verbis non solum resolutionem nostram confirmat, sed etiam rationem fundamentalem insinuat: cur relationes divinæ, non obstante reali identitate cum essentia, realiter inter se distinguuntur. Nam proprium est rei infinitæ identificare sibi res, salvis earum rationibus formalibus: unde sicut ratio formalis sapientiæ (quæ est cognoscere res per altissimam causam) perfectissimè salvatur in deo, non obstante identitate ejus reali cum essentia; ita & ratio formalis relationis debet in eo perfectè salvari, non obstante identitate reali illius cum natura divina: Sed propria ratio ac essentia relationis est, opponi suo correlativo. & ab eo realiter distingui: Ergo divinæ relationes, salvæ reali identitate quam habent cum essentia, opponuntur relativè inter se, & ratione hujus oppositionis realiter inter se distinguuntur. Hic est profundissimus D. Thomæ discursus, & vera ac germana hujus principij, quod totius artis syllogisticæ fundamentum est, explicatio & intelligentia: ex qua faciliè diluuntur aliquæ instantiæ, quæ à quibusdam Recentioribus opponi solent in contrarium.

132 Sic enim arguunt Molina & Vazquez: Rectè infertur Petrum esse animal, ex hoc quod sit idem cum homine, à quo tamen petreitas & animalitas distinguuntur ratione: Ergo licet extrema à tertio ratione differant, rectè infertur ea realiter identificari inter se, ex eo quod realiter cum tertio identificentur.

133 Præterea, Ex hac solutione & doctrina D. Thomæ sequitur syllogismus expositivum esse prorsus inutile: Sed hoc non est dicendum: Ergo &c. Sequela probatur: Quando extrema re & ratione identificantur cum tertio, sunt synonyma inter se: Sed nulla est necessitas probandi synonymia sibi esse idem; ita enim notum est ac apertum, tunicam & indumentum

A identificari inter se, ut probatione non egeat; imò stultum sit talem probationem intendere: Ergo si principium illud: *Quæ sunt eadem uni tertio, sunt eadem inter se:* Solùm est universaliter verum, quando extrema re & ratione identificantur cum tertio, sequitur syllogismus expositivum nullius esse utilitatis.

134 Sed adhuc patet responsio ex supra dictis. Ad primum enim jam diximus, ex eo quod extrema ratione distinguantur ab aliquo tertio, non posse positivè inferri ea realiter distinguì inter se, sed tantum permisivè; & permissionem tunc exerceri, quando extrema distinguuntur ratione à tertio, per formalitates importantes oppositionem relativam. Unde quia animal & Petrus non distinguuntur ratione ab homine, per formalitates relativè oppositas, sicut paternitas & filiatio in Divinis distinguuntur ab essentia: hinc sequitur rectè inferri, Petrum esse animal, ex eo quod Petrus & animal sint idem cum homine; non tamen rectè colligi, Patrem & Filium realiter identificari inter se, ex eo quod paternitas & filiatio ratione solum ab essentia differant.

Ad secundum, nego etiam sequelam. Ut enim 135 utilitas syllogismi expositivij salvetur, sufficit quod quamvis solum in terminis synonymis habeat vim universalem, & sine instantia; inter extrema tamen ratione distincta à medio, quæ synonyma non sunt, habeat vim in ferendi in materia particulari, sicut vera habet; quia (ut modo dicebamus) principium illud philosophicum: *Quæ sunt eadem uni tertio, sunt eadem inter se:* tenet in extremis identificatis realiter cum medio, quamvis differant ab illo ratione, si illa extrema non important formalitates oppositas.

Secunda solutio rationis dubitandi initio 136 positæ, & secunda præfati axiomatis explicatio, sumitur etiam ex D. Thoma in 1. dist. 33. quæst. 1. artic. 1. ad 2. ubi hæc scribit: *Si aliquando duo sunt idem, secundum id quod idem sunt, in quo cumque est unum, est & alterum: Paternitas autem & essentia divina sunt idem secundum esse, & idèd sicut in Filio est esse essentie, ita & in Patre est esse paternitatis, quia in Divinis non est nisi unum esse. Sed paternitas habet aliquid in quo non unitur cum essentia, scilicet rationem paternitatis, quæ est alia à ratione essentie: Unde secundum illam rationem respectus potest esse in Patre & non in Filio, seu distinguere Patrem a Filio.* Quibus verbis declarat S. Doctor, ea quæ sunt eadem uni tertio, esse eadem inter se, secundum id quod est ratio identificationis intertio, non verò secundum aliud. Unde quia esse, seu essentia, est ratio in qua paternitas & Filiatio identificantur, non verò ipsa relatio aut personalitas; sequitur quod Pater & Filius sint idem in essentia, seorsus realiter, non verò idem personaliter, seu in relatione. Eandem interpretationem tradunt Capreolus in 1. dist. 2. quæst. 4. Ferrariensis 2. cont. Gent. cap. 9. & Scotus in 1. dist. 2. quæst. 4.

137 Contra illam tamen arguunt Molina, Valentia, Suarez, & alii Recentiores, in hunc modum. Si ex identitate extremorum cum tertio, solum inferretur illorum identitas in tertio, probaretur idem per idem, & esset manifesta petitio principij: Sed hoc non est dicendum: Ergo &c. Probatur Major: Identitas extremorum in medio affirmatur in præmissis: Ergo si pro conclusione inferatur sola ista identitas, idem per idem probatur, & petitur principium.



Respondeo negando Majorem: ad probationem, nego Antecedens. Aliud enim est identitas extremorum cum medio, aliud verò identitas extremorum in medio: quia in primo importatur medium, ut extremum identitatis aliorum extremorum cum illo: in altero autem medium importatur, non ut extremum, sed ut medium identitatis; extrema verò sunt illa, quorum identitas cum medio in præmissis affirmatur: v. g. in hoc syllogismo: *Hæc essentia divina est paternitas: Hæc essentia est filio: Ergo paternitas & filio sunt idem in essentia, vel ejusdem essentie*: in præmissis importatur essentia, ut extremum identificationis filiationis & paternitatis: in conclusione autem non sic importatur, sed extrema sunt paternitas & filio, essentia autem est medium in quo & ratione cujus inter se identificantur.

139. Tertia explicatio præfati axiomatis est Capreoli, Nazarij, Salvanticensium, & aliorum, qui docent illud habere locum tantum in his, quæ sunt idem cum tertio adæquate & convertibiliter: scilicet autem in his quæ illi sunt idem inadæquate, & inconvertibiliter. Unde quia quælibet relatio divina identificatur cum essentia, duntaxat ut modus inadæquatus & inconvertibilis, ut patet ex dictis articulo præcedenti, non potest inferri, quamlibet relationem esse idem cum altera relatione, ex eo quod sint idem in essentia divina.

140. Dices primò: In hoc syllogismo: *omnis homo est animal: Petrus est homo: Ergo Petrus est animal*: Minor extremitas identificatur inadæquate & inconvertibiliter cum medio; nam ly *Petrus*, non est idem omni homini; & tamen inferitur ex hujusmodi identitate minorem extremitatem esse idem cum majori, scilicet Petrum cum animali: Ergo expositio adducta non valet; vel si valeat, etiam hæc argumentatio erit legitima: *Paternitas est essentia: Filiatio est essentia: Ergo Paternitas est filio*.

141. Respondeo quòd quamvis in hoc, & similibus syllogismis, minor extremitas identificetur inadæquate & inconvertibiliter cum medio, major tamen ipsi identificatur adæquate, & illud excedit: unde identitas minoris extremitatis cum majori, non inferitur in conclusione, ex inadæquata identitate illius cum medio, sed potius ex adæquata identitate istius cum illo: nam hoc ipso quòd animal identificatur adæquate cum homine, oportet etiam quòd identificetur cum Petro, sub homine contento. Unde hæc argumentatio valet, non autem alia: quia in alio syllogismo nulla extremitas adæquate identificatur cum medio.

142. Dices secundò: Explicatio tradita menti Aristotelis & omnium antiquorum Philosophorum adversatur: illi enim probabant, eo ipso quod eisdem tertio duo identificentur, necessario debere identificari inter se: Ergo non admittent posse duo inadæquate identificari cum tertio.

143. Respondeo totum hoc esse verissimum. Etenim Gentiles Philosophi, lumine fidei destituti, & solius rationis naturalis dictamine ducti, non potuerunt assequi notitiam mysterij Trinitatis; in quo solo invenitur inadæquata identitas distinctionum realiter cum uno singulari. Unde explicatio tradita præfati axiomatis, non est Gentilis Philosophi, sed Philosophi Christiani; qui fidei lumine instructus, & de mysterio Trinitatis edoctus, Gentilium errores corrigit. Neque ex eo quod mysterium Trinitatis sit contra principium illud, prout à Philosophis intellectum, sequitur

Tom. II.

A esse lumini rationis contrarium: licet enim omne quod illi sunt affectui, sit rationi naturali conforme, non tamen omne quod non affectui fuerunt, rationi naturali adversatur. Gentiles enim Philosophi nihil supernaturale cognoverunt, & tamen supernaturalia contra naturam non sunt, sed potius conformia naturæ; hoc est ei consona & convenientia.

Ex dictis colliges, syllogismum istum expositorium: *Hæc essentia divina est Pater: Hæc essentia est Filius: Ergo Filius est Pater*; duplici laborare defectu. Primus est, quia medium, scilicet *hæc est essentia divina*, non singularizatur perfecte; cò quòd quamvis essentia divina singularis & individua sit, est tamen communis realiter tribus personis, ac proinde in supponendo æquivalet termino communi. Unde sicut hæc consequentia non valet: *Petrus est homo: Paulus est homo: Ergo Petrus est Paulus*; quia medium est commune per rationem: ita consequentia facta non tenet, quia est commune realiter.

144. Secundus defectus (si forte à præcedenti distinguitur) est, quia medium se habet æquivocè in supponendo: nam in Majori supponit pro Patre, in Minori autem pro Filio. Unde sicut ista consequentia non valet: *Petrus est homo: Paulus est homo: Ergo Petrus est Paulus*; quia ly *homo* in Majori supponit pro uno individuo, & in Minori pro alio. Ita prima consequentia à nobis facta non tenet: quia in Majori, *hæc essentia divina*, verificatur pro uno supposito, & in Minori pro alio. Quare ut in Divinis rectè arguatur, debet singulare distribui hoc modo: *Omnis res quæ est essentia divina, est Pater: Filius est res quæ est essentia divina: Ergo Filius est Pater*. Vel aliter: *Hæc essentia divina secundum omnem sui formalitatem est Pater: Filius est hæc essentia divina: Ergo Filius est Pater*. In his syllogismis nullus quidem est æquivocationis defectus, sed falsitas in Majori & in Consequentia reperitur. Licet enim verum sit, quòd aliquares, quæ est essentia divina, est Pater, falsum tamen est, quòd omnis res, quæ est essentia divina, sit Pater. Item licet essentia divina, secundum aliquam formalitatem sit Pater, non tamen secundum omnem, cum aliqua illius formalitas, sit filio. De quo videri potest Bannez in summulis, in Tractatu de modo arguendi in Divinis.

#### ARTICVLVS IV.

*An spiratio activa realiter à paternitate & filiatione distinguitur?*

E Suppono tanquam certum & indubitatum, præter paternitatem & filiationem, esse in Patre & Filio aliam relationem, quæ *spiratio activa* appellatur. Cum enim Pater & Filius realiter à Spiritu Sancto distinguantur, & omnis distinctio realis in Divinis proveniat ex oppositione relativa; aliunde verò Pater & Filius per paternitatem & filiationem se invicem tantum respiciant, ideo præter paternitatem & filiationem debet dari alia relatio, quæ respiciant Spiritum Sanctum, eique relativè opponantur. De hac ergo relatione, quæ (ut dixi) *spiratio activa* appellatur, inquirimus, an à paternitate & filiatione realiter distinguatur?

Partem affirmativam tenent Durandus & Sco-

tus, admittentes distinctionem modalem aut formalem ex natura rei, inter spirationem activam, & paternitatem, ac filiationem. Negativa tamen communis est apud Theologos, eamque expressè docet Sanctus Thomas in 1. dist. 27. quæst. 1. art. 1. Unde.

147 Dico breviter, spirationem activam non distinguere realiter, sed tantum virtualiter, à paternitate & filiatione.

Probatur primò ratione quam indicat S. Doctor, loco citato. In Divinis omnia sunt unum, ubi non obviat relativa oppositio: At relatio spirationis relativè non opponitur paternitati & filiationi: Ergo realiter ab illis non distinguitur.

Præterea: Si realiter ab illis distingueretur, daretur in Deo quaternitas rerum imò & personarum: illa enim spiratio constitueret Spiratorem, à Patre & Filio realiter distinctum, qui esset aliquid in natura divina subsistens, & consequenter persona divina.

148 Nec valet responsio Durandi, dicentis spirationem non constituere personam divinam, quia cum sit communis Patri & Filio, non est subsistens incommunicabiliter; quod necessariò requiritur, ut aliqua relatio in divinis sit constitutiva personæ. Non valet (inquam) hæc responsio: repugnat enim quod spiratio activa realiter à paternitate & filiatione distinguatur, & tamen sit communis Patri Filio; quia (ut suprà dicebamus) non potest ab aliis realiter distingui, nisi illis relativè opponatur, nec potest illis relativè opponi, si sit communis Patri & Filio, quia incommunicabilitas ad oppositionem relativam necessario consequitur.

149 Deinde, Ex hac Durandi & Scoti sententia sequitur; patrem æternum non esse omnino simplicem, sed compositum ex paternitate & spiratione; vel saltem esse minus simplicem quàm Spiritum Sanctum, in quo unica tantum spirationis passivæ relatio reperitur. Sequela patet: ut enim suprà dicebamus, agendo de distinctione relationum ab essentia, sicut ex unionis duarum entitatum realiter distinctarum resultat compositio realis entitativa; ita ex unionis modi aut formalitatis realiter distinctæ, compositio modalis aut formalis exurgit.

150 Quod verò spiratio activa virtualiter saltem à paternitate & filiatione distinguatur, patet: quia illæ relationes diversos terminos respiciunt; unde cum distinctio specifica relationum à diversitate terminorum sumatur, illæ specie (virtualiter saltem) in ratione relationis differre debent.

151 Obijcies primò: Si spiratio activa virtualiter solum à paternitate distingueretur, posset de illa prædicari; sicut unum attributum prædicatur de alio, quia ab illo virtualiter tantum distinguitur: Consequens est falsum, ut colligitur ex D. Thoma infra quæst. 32. artic. 3. ad 3. Ergo & Antecedens.

152 Respondeo negando sequelam Majoris: nam, ut notat idem S. Doctor ibidem, sicut licet hæc propositio sit vera: *Divina potentia est divina scientia*, ista tamen est falsa: *Attributum potentie, est attributum scientie*: quia quando dicitur, *Attributum*, exprimiuntur illæ divinæ perfectiones secundum rationem explicitam quam important, sub qua ratione non sunt idem formalissimè ipsæque distinctio virtualis, quæ distinguuntur inter se, per modum consignificati; & non solum per modum conditionis, exprimitur, ut Tractatu de Attributis in communi declaravimus. Ita pariter, licet hæc propositio sit vera: *Paternitas*

A *est spiratio*, hæc tamen est falsa: *Relatio paternitatis est relatio spirationis*: quia quando additur illud nomen *Relatio*, tunc explicite, & per modum consignificati, importatur respectus ad terminum, qui non est idem in paternitate & spiratione; prima enim respicit filiationem, altera verò processionem, seu spirationem passivam.

153 Obijcies secundò: Paternitas & spiratio activa sunt duæ relationes: Ergo & duæ res: Ergo realiter distinguuntur. Hæc ultima consequentia patet, prima verò probatur. Multiplicato inferiori, debet multiplicari superior: Sed res est quid superius ad relationem realem: Ergo si paternitas & spiratio sint duæ relationes reales, erunt etiam duæ res.

154 Respondeo concessio Antecedente, negando primam Consequentiam: quia variatur appellatio Nam nomen numerale, *duæ*, in Antecedenti applicat suprà relationem; unde denotat solum multiplicatam relationem realem, ad quam sufficit quamlibet esse realem, licet non distinguantur realiter, sed tantum virtualiter. in consequenti verò appellat supra realitatem, unde denotat multiplicatam rerum, & consequenter quod distinguantur sicut res à re. Quare ad probationem respondeo, eo tantum modo debere multiplicari superius, quo multiplicatur inferius: in proposito autem inferius non multiplicatur cum mutua distinctione reali: Ergo nec superius cum hac distinctione reali debet multiplicari, quod tamen denotatur in illa propositione: *Paternitas & spiratio sunt duæ res*.

155 Instabis: Paternitas & Spiratio sunt duæ relationes, ut docet Divus Thomas loco nuper allegato: Ergo & duæ res relativæ. Consequentia videtur manifesta: nam relatio & res relativa idem prorsus sonare videntur.

156 Respondeo concessio Antecedente, negando Consequentiam. Licet enim relatio & res relativa quoad rem significatam sint idem, tamen ex parte modi significandi, qui maxime attenditur in propositionibus, distinguuntur: quia illud nomen, *relatio*, simpliciter enuntiatum, exprimit relationem per modum puri respectus, & in ordine ad connotatum extrinsecum, seu terminum correlativum: quando verò dicitur, *res relativa*, tunc relatio exprimitur per modum formæ. Unde dicere quod in Patre sint duæ relationes, est dicere quod sint respectus ad diversos terminos, quod verissimum est: affirmare verò quod in illo sint duæ res relativæ, est asserere quod in illo sint veluti duæ formæ, quod est falsum.

## ARTICVLVS V.

*An relationes divinæ addant aliquam perfectionem relativam ad essentiam?*

157 Non inquirimus hic, an relationes divinæ, ut virtualiter ab essentia distinctæ, dicant perfectionem, sed id tanquam certum supponimus. Cum enim distinctio virtualis relationum ab essentia, non sit distinctio rationis per modum excludentis & exclusi, ut articulo 2. ostendimus, relationes divinæ, etiam ut virtualiter distinctæ ab essentia, illam implicite includunt; & consequenter infinitam ejus necessariò amantur à Deo, & debent adorari adoratione latræ, ut docet Sanctus Thomas hic art. 2. in argumento, *sed contra*, Quod ergo in dubium vertimus, est:

an sicut attributa addunt ad essentiam perfectionem aliquam absolutam, virtualiter distinctam à perfectione essentiae: ita etiam relationes, præter absolutam perfectionem essentiae, quam implicite includunt; insuper ratione conceptus relativi, & quatenus sunt puri respectus ad terminum, vel (ut alij loquuntur) secundum rationem ad; explicant perfectionem aliquam relativam, virtualiter distinctam à perfectione essentiae, vel solum absolutà essentiae perfectione gaudeant.

Partem affirmativam tenent Suarez lib. 3. de Trinitate capit. 9. & 10. Granado tomo 3. in 1. partem, tract. 3. disp. 5. sect. 2. Valentia, Arrubal, Ruiz, & ex nostris Ledesma de divina perfectione quaest. 3. art. 2. & Gonzalez hic disput. 6. sect. 2.

Sententia tamen negativam in schola Divi Thomae communior est, eamque defendunt omnes ferè antiqui Thomistae; quibus subscribunt plures ex Recentioribus, quos citant & sequuntur Salmanticenses hic disput. 6. dubio 2. Unde fit.

## §. I.

*Sententia negativa præsertim.*

**D**ito igitur, divinas relationes non addere perfectionem relativam ad essentiam.

Hanc conclusionem videtur docere D. Thomas variis in locis, præsertim quaest. 2. art. de potentia art. 5. & infra quaest. 42. art. 4. ad 2. ubi asserit, relationem secundum rationem sui generis, & in quantum est relatio, non habere quod sit aliquid, sed solum quod sit aliquid; ex quo infert, quodd quiddam dignitatis & perfectionis habet Pater, habet & Filius. Et ibidem docet perfectionem & dignitatem in Divinis pertinere ad essentiam, & non ad relationem. Quod etiam docuit Augustinus lib. 7. de Trinitate cap. 1. & 6. ubi ait, *Bonitatem & magnitudinem perfectionis in Divinis, non relative, sed ad se dici*. Ex quibus verbis hoc potest argumentum confici: Relationes ad essentiam nihil addunt absolutum, ratione ab illa distinctum: Sed ex Augustino ratio perfectionis in Deo, non relative, sed ad se dicitur: ergo relationes divinae non addunt perfectionem ad essentiam, ratione ab illis distinctam.

Præterea suaderi potest conclusio ratione quam insinuat S. Thomas hic art. 2. ubi hoc discrimen inter relationem & alia prædicamenta constituit, quod in aliis generibus à relatione, etiam propria ratio generis accipitur secundum comparisonem ad subiectum, sed ratio propria relationis non accipitur secundum comparisonem ad illud in quo est, sed secundum comparisonem ad aliquid extra. Quorum verborum sensus non est (ut aliqui male interpretantur) quod relatio in quantum talis, & prout ab aliis prædicamentis distinguitur, non sit inherens subiecto, sed illi tantum afflisset, ut de relationibus divinis olim fingeat Gilbertus: sed intendit S. Doctor hanc differentiam inter relationem & alia prædicamenta statuere, quod alia prædicamenta respiciunt subiectum ratione sui, in illo sistendo, & ponendo in illo aliquid, per quod subiectum se habet ad se & non ad aliud; ut patet in quantitate, quæ secundum propriam rationem ponit in substantia extensionem partium, per quam illam perficit in se & ad se: relatio verò, non respicit subiectum, ratione sui, & sistendo in illo, seu ponendo in illo aliquid, per quod sit tale in se & ad se, sed ordinando illud

ad terminum, & ratione ipsius termini.

Ex qua doctrina Angelici Præceptoris, hoc potest in favorem nostræ sententiæ & conclusionis formari argumentum. Ratio perfectionis debet sumi per respectum ad subiectum inspectum ratione sui: At relatio nullum sibi peculiare subiectum respicit ratione sui, in illo sistendo, sed ratione termini seu correlativi; cum eo ipso quod conceptus aliquis relativus sit, etsi subiectum respiciat, debeat illud respicere ordinando illud ad terminum, & ratione ipsius termini: Ergo nihil relativum potest ex se obtinere rationem seu conceptum perfectionis; & consequenter relationes divinae, ex vi proprii & relativi conceptus, non addunt perfectionem ad essentiam divinam. Minor, & utraque consequentia patent. Major autem, in qua solum potest esse difficultas, sic ostenditur. Perfectio debet respicere subiectum perfectibile, per commensurationem cum illo: At nisi subiectum ratione sui respiciat, non commensuratur cum illo, sed cum termino, qui est ratio respiciendi subiectum: Ergo ratio perfectionis debet sumi per respectum ad subiectum, inspectum ratione sui, & non ratione alterius.

Tertio suaderi potest conclusio. Si relationes adderent perfectionem ad essentiam, illi etiam adderent bonitatem; nam bonum & perfectum convertuntur, ut docet D. Thomas supra quaest. 5. artic. 3. Sed relationes divinae non addunt bonitatem ad essentiam: Ergo nec perfectionem. Major patet, Minor probatur primo. Si relationes adderent bonitatem ad essentiam, cum talis bonitas non esset bonitas medij, esset bonitas ultimi finis: At non possunt addere bonitatem ultimi finis; aliis darentur plures ultimi fines relativi, quod nullus concedit, sicut nec plura relativa principia: Ergo divinae relationes non addunt bonitatem ad essentiam, sed infinità solum essentiae bonitate gaudent.

Secundo probatur eadem Minor. Si bonitas realiter multiplicaretur in personis divinis, illæ possent dici tres boni, non solum adjectivè, sed etiam substantivè; quia significatum tam materiale quam formale hujus nominis, *bonus*, multiplicaretur: Sed tres personæ divinae non possunt dici tres boni, sicut nec tres magni, substantivè, ut docet Augustinus 5. de Trinit. cap. 8. his verbis: *Magnus Pater, magnus Filius, magnus Spiritus Sanctus: non tamen tres magni, sed unus est magnus. Et bonus Pater, bonus Filius, bonus Spiritus Sanctus: nec tres boni, sed unus est bonus*. Ergo bonitas non multiplicatur realiter in personis divinis.

Tertio eadem Minor ostenditur ratione à priori. In tantum aliquid est bonum & perfectum, in quantum est in actu existentiae, vel ad illam ordinem dicit ut docet S. Thomas supra quaest. 4. art. 1. & quaest. 5. art. 1. Sed divinae relationes, ratione sui, neque sunt in actu existentiae, neque ordinem dicunt ad illam, sed solum ratione essentiae divinae quam includunt: Ergo ratione sui non dicunt bonitatem, sed solum ratione essentiae. Major patet: Minor etiam, quantum ad primam partem, constabit ex dicendis articulo sequenti, ubi ostendimus relationes divinas non gaudere proprijs existentijs relativis, sed per absolutam divinæ naturæ existentiam in illis inclusam existere. Probatur verò quantum ad secundam: Relatio (ut supra dicebamus) secundum sibi propria nihil respicit, nisi ordinando ad terminum, quia totum ejus esse est ad aliud se habere: At existens



quenter saluatur perfecta ejus cum Patre æqualitas. Hæc ultima consequentia patet, altera verò probatur: Filius enim non potest constitui summè perfectus, nisi à formæ seu à perfectione, ipsum formaliter perficiente.

- 170 Confirmitur: Si aliqua perfectio absoluta competere Patri formaliter & intrinsecè, non verò Filio, etiam si per circumfessionem esset in Filio, Filius non esset summè perfectus formaliter, nec Patri in perfectione æqualis: Ergo iste modus habendi perfectionem relativam paternitatis, non est sufficiens, ut in Filio salventur ratio summè perfecti, & perfecta ejus cum Patre æqualitas.

## §. II.

*Satisfit objectionibus Adversariorum.*

- 171 Obijciunt in primis Adversarij quædam Conciliorum & Sanctorum Patrum testimonia, in quibus tres substantiæ divinarum personarum vocantur perfectæ. Sic enim habetur in 6. Synodo actione 4. *Credimus Divinitatem Patris, & Filij, & Spiritus Sancti esse in tribus perfectis substantiis.* Similia verba referuntur actione 18. in ecclia Constantini Pagonati

- 172 Verum hæc ne leviter quidem attingunt nostram sententiam. Nam, ut initio articuli diximus, non negamus substantias & relationes divinas, etiam ut virtualiter ab essentia distinctas, dicere perfectionem; sed contendimus perfectionem illam non esse relativam, & virtualiter distinctam à perfectione essentia, sed absolutam & indistinctam ab ipsa perfectione essentia, quæ in illis includitur.

- Obijciunt secundo celebre Damasceni testimonium libro 1. de fide cap. 11. dicentis. *In proprietatibus paternitatis, filialitatis, & processionis secundum causam & causalem (seu causatum) & personalem perfectionem (id est existentiam modum) differunt intelligimus.* Quibus verbis aperte videtur admittere differentiam in proprietatibus seu relationibus divinis, quantum ad perfectionem; & per consequens plures perfectiones relativas in personis divinis. Unde Clichtoveus ejus Commentator, in commentario ad hunc locum dicit: *Ob hujusmodi diferentes proprietates, personalis invenitur in Divinis perfectio.*

- 174 Respondeo Damascenum per perfectionem personalem non intelligere perfectionem relativam, seu quæ conveniat relationibus & personis ex vi propriæ linear, sed ipsam perfectionem absolutam essentia, quæ ut inclusa in personis divinis, & diversimodè ab illis modificata, seu ut in illis habens diversum existendi modum, personalis appellatur, & quodammodo in illis diversificatur, saltem quantum ad modum habendi. Quod autem hæc interpretatio sit legitima, patet ex illis verbis Damasceni: *Personalem perfectionem, id est existentiam modum;* tum ex ejus Commentatore, qui post verba relata, statim subdit: *Nam principalior est existendi modus Patris, qui à nullo est, quam cæterorum duorum, qui ab eo sumunt originem;* & principalior item modus subsistendi Filij, & ratione ordinis præstior, quam Spiritus Sancti ab eo procedentis &c. Quibus verbis aperte declarat, per perfectionem personalem, quam ex Damasceno in divinis personis admittit, se nihil aliud intelligere, quam ipsam perfectionem absolutam divina naturæ; quæ quia est in Patre à se, & à nullo habita, ac tanquam in fonti principio Divinitatis, Pater dicit aliquem prius, saltem originis, qui non con-

A venit Filio; & ratione cujus à S. S. Patribus major illo appellatur, juxta illud Io. 14. *Pater major me est.*

Obijcies tertio: Mysterium Trinitatis dicit summam & infinitam perfectionem in Deo: Sed illud relationes divinas, quibus personæ constituentur, includit: Ergo divinz relationes dicunt summam & infinitam perfectionem in Deo. Minor constat, Major probatur. Naturam divinam esse tribus suppositis communicatam, est maxima perfectio; & propterea essentia creata, ratione suæ finitatis & imperfectionis, unitantum potest supposito communicari: Sed mysterium Trinitatis consistit in hoc quoddam natura divina tribus suppositis communicatur: Ergo illud dicit summam & infinitam perfectionem in Deo.

## B

Unde Cyrillus lib. 2. Thesauri cap. 1. *Non potest esse perfecta Divinitas, nisi Filium habeat, & fructum ex se pariat.* Et D. Thomas quæst. 9. de potentia artic. 5. ad 23. *Ad perfectionem* (inquit) *Divinitatis pertinet ut sint plures modi existendi in Divinitate, scilicet sit ibi à quo alius, & ipse à nullo, & alius quis qui est ab alio: non enim esset omnimoda perfectio in Divinis, nisi esset processio Verbi & Amoris* Et hic quæst. 27. art. 2 ad 3, dicit: *In ipsa perfectione divini esse continetur & Verbum intelligibiliter procedens, & principium Verbi.*

## C

Confirmitur ex eodem Angelico Doctore, qui opusculi 1. contra errores Græcorum cap. 7. asserit Patrem sine Filio non esse perfectum, nec Patrem & Filium sine Spiritu Sancto; refertque Athanasium dicentem, Patrem sine Verbo fore mutum, & utrumque sine Spiritu Sancto non esse vivum. Et quæst. 9. de potentia art. 5. ad 24. dicit: *Non potest Patri esse plenum gaudium de seipso, nisi in Filio: sicut nec homo de seipso gaudet, nisi per conceptionem quam de seipso habet.* Cui consonat illud Zenonis Veronenfis: *Letatur Pater in alio se, quem genuit ex se.*

## D

Ad objectionem respondeo, distinguendo Majorem: Mysterium trinitatis dicit summam perfectionem, se tenentem ex parte naturæ divinz, quæ tribus personis communicatur, concedo Majorem: provenientem à relationibus divinis, quæ sunt termini divinz communicationis & fecunditatis, nego Majorem. Ut enim suprà ostendimus, tota perfectio quæ in mysterio Trinitatis relucet, se tenet ex parte naturæ divinz, quæ summè & infinite perficit divinas personas, non verò ex parte relationum, quæ sunt puri respectus ad terminum & correlativum, & puri termini divinz fecunditatis & naturæ, qui nullam addunt perfectionem, sed tantum dant illi subsistere incommunicabiliter, quod (ut infrà ostendimus) nulla perfectio est; in hoc enim quod est alteri non posse communicari, nulla relucet perfectio. Unde ad probationem Majoris, eodem modo distinguo: Majorem naturam divinam esse tribus suppositis communicatam, est maxima perfectio: se tenens ex parte rei communicatæ, concedo Majorem: se tenens ex parte relationis & modi quo communicatur, nego Majorem; & coenescit Minor, distinguendum est Consequens, distinctione Majoris.

Solutio est D. Thomæ quæst. 2. de potentia art. 5. in corp. ubi postquam dixit quod paternitas non est in Filio, propter oppositionem paternitatis & filiationis, subdit: *Nectamen sequitur, quod quamvis paternitatem Filius non habeat, quam Pater habet, aliquid habeat Pater, quod non habet Filius: nam ipsa relatio secundum rationem*



sui generis inquantum est relatio, non habet quod A sit aliquid, sed solum quod sit ad aliquid: quod sit verò aliquid secundum rem, habet ex illa parte quā inest, vel ut idem secundum rem, ut in Divinis vel ut habens causam in subiecto, ut in creatis, Hæc D. Thomas. Quibus verbis aperte declarat, totam perfectionem, quæ est in divinis, oriri ab essentia, non verò à relationibus: quia relatio secundum conceptum relativum, & ut est purus respectus ad terminum, non est aliquid, sed ad aliquid; nec exprimit ordinem ad esse, ex quo ratio Perfectionis & bonitatis sumitur, sed ad correlativum, quod cum habeat rationem puri termini, nullam in eam influit perfectionem, sed solum B præbet ei distinctionem & incommunicabilitatem. Ex quo infer S. Doctor, quod quamvis paternitatem Filius non habeat, quam Pater habet, non sequitur tamen quod aliquid habeat Pater quod non habeat Filius; quod falsum esset, si relationes adderent aliquam perfectionem essentia: cum enim perfectio illa esset relativa, & consequenter incommunicabilis, Pater ratione paternitatis haberet aliquam perfectionem, quæ non esset in Filio, & per consequens aliquid esset in Patre, quod non esset in Filio.

178

Ad testimonia SS. Patrum in primis dico, quod licet relationes divinæ nullam dicant perfectionem in Deo, arguunt tamen & indicant summam perfectionem in illo, infinitatem scilicet ac fecunditatem. Unde sicut ex defectu possibilitatis creaturarum inferitur à posteriori, & per locum extrinsecum, destructio divinæ omnipotentia: ita pariter ex negatione relationum & processio- C num in Deo, rectè colligitur arguitur, si in illo non esset processio Verbi & Amoris, illumque infinità perfectione cariturum, si per impossibile paternitate & filiatione careret.

179

Secundò respondeo, hæc duo maxime inter se differre, nempe quod relationes ad perfectionem Divinitatis pertineant, & quod perfectionem divinæ naturæ superaddant: Nam ad perfectionem essentia: infinite perfectæ potest pertinere, communicare se alicui rationi formali, quæ ex vi sue linear non afferat perfectionem, dummodo sit capax accipiendi imperfectionem illius, eam in se intinse includendo. Patet hoc in ente, ad cuius perfectionem pertinet communicari, & includi in verò, ut tali, licet verum, ut tale, secundum id quod superaddit enti, non dicat perfectionem & bonitatem distinctam virtualiter ab ente sed eandem prorsus ut communicatam & derivatam ab ente in actu, quod in ipso vero transcendentaliter includitur. Ita pariter, licet relationes divinæ non afferant perfectionem, virtualiter distinctam à perfectione essentia: verificatur tamen illud quod dicunt SS. Patres, & præsertim S. Thomas, relationes divinas, seu plures modos existendi in Divinis; ad perfectionem Divinitatis pertinere, & in ea contineri: Tum quia in natura divina radicaliter continentur, tum etiam quia perfectionem infinitam divinæ essentia: in se recipiunt & intinse claudunt.

180

Ad confirmationem respondeo, quod quando S. Thomas dixit Patrem non esse perfectum sine Filio, eique non esse perfectum gaudium de seipso, nisi in Filio; per hoc non intendit, quod Filius aliquam perfectionem Patri aut divinæ essentia: afferat; sed solum intendit docere, personas divinas esse inter se correlatas, & intinse connexas unamque non posse subsistere sine alia. Vel etiam

quia divina essentia; ratione suæ fecunditatis & infinitatis, habet quod sit communicabilis tribus personis, rectè à posteriori colligitur, illam non fore infinite perfectam, & ab illa Patrem non habiturum omnimodam perfectionem, si illa non communicaretur alius duabus personis divinis.

Dices: Idem S. Doctor quæst sequenti artic. 3. probat reperiri in Deo rationem personæ, quia persona est summa perfectio: Sed hæc ratio non valeret, si personalitas in Divinis non adderet aliquam perfectionem ad essentiam: Ergo illi addit aliquam perfectionem.

Respondeo concessa Majori, negando Minorem: licet enim divinæ personæ ratione subsistentia: relativæ perfectionem non exerceant, duplicem tamen implicent, natura scilicet intellectualis, quam dicunt in obliquo & de connotato, & subsistentia: absolutæ, quam includunt & supponunt. Unde ex eo quod divina essentia contineat in se omnem perfectionem, rectè inferi D. Thomas reperiri in Deo rationem personæ. Nec D. Thomas dixit, personam ut sic, & prout est analogice communis Deo & creaturis, significare formaliter perfectionem, sed significare id quod est perfectissimum in tota natura, nempe subsistens in rationali natura; quod verum est, licet perfectionem de formali non explicet: ad hoc enim sufficit, quod duplicem illam perfectionem, naturæ scilicet intellectualis quam connotat, & subsistentia: absolutæ quam supponit, implicite includat. Sed de hoc redibit sermo disputatione sequenti.

## §. III.

Alia objectiones proponuntur & solvuntur.

Obijcies quartò: Perfectum, secundum Aristotelem, est cui nihil deest in proprio genere; equam definitionem admittit D. Thomas supra quæst. 4. artic. 1. Ergo perfectio in integritate consistit. Sed paternitas v.g. est integra, integritate relativà, quæ ratione distinguitur ab integritate essentia: Ergo est perfecta perfectione relativà, ratione distincta à perfectione essentia:.

182

Respondeo explicando definitionem traditam. Perfectum est cui nihil deest in proprio genere, dicente perfectionem, concedo: in quocumque genere, nego. Sic autem esse intelligendam & explicandam hanc definitionem Aristotelis, patet primò, quia à D. Thoma ibidem sic explicatur: ait enim, *perfectum esse, cui nihil deest, secundum modum suæ perfectionis*. Patet secundò in decreto De illo, cui, prout ab actu necessario distinguitur, nihil deest in proprio genere; & tamen prout sic perfectionem non dicit, aliàs aliquam potuisset Deo deesse perfectio. Tertio patet, quia aliàs peccatum, secundum formalissimum conceptum peccati, perfectum esset; cum ei ut sic nihil deest ex his quæ ad proprium genus desiderantur: quod licet fortè ab Adversariis admittatur, est tamen contra Aristotelem, expressè asserentem, non nisi metaphysicè vitium & peccatum dici perfectum; & contra manifestam rationem: nam aliàs verum esset absolute dicere, perfectionem aliquam subterfugere divinam causalitatem, cum peccatum, sub ratione peccati, non canisetur à Deo.

183

Obijcies quintò: perfectio formalis consistit in convenientia ad illud cuius est perfectio: At divina personalitas, prout ab essentia distincta, convenientis est personæ constituta, cum omne constitutivum

184

tivum consonum & convenientis sit constitutus: Ergo prout sic distincta, perfectio est personae constituta, & consequenter admittenda erit in divina personalitate perfectio relativa, à perfectione essentiae ratione distincta.

185 Respondeo distinguendo Majorem: Constituitur in convenientia, ut est in actu existentiae, vel ut exprimit ordinem ad illam, concedo Majorem: sine tali expressione, nego Majorem, & sub eadem distinctione Minoris, nego Consequentiam. Solutio patet ex suprà dictis: ostendimus enim in tantum aliquid esse bonum & convenientis, in quantum est in actu existentiae, vel dicit ordinem ad illam. Unde cum relationes divinae, ratione sui, non dicant ordinem ad existentiam, sed solum ratione essentiae quam includunt, ratione sui non dicunt perfectionem, sed solum ratione essentiae. Ratio autem cur divinae relationes, sub proprio conceptu non exprimat ordinem ad existentiam est illa quam §. 2. ultimo loco tradidimus: quia scilicet totum esse relationis in se referre consistit, unde nihil respicere potest, nisi ordinando ad terminum.

186 Ex hoc colliges notabile discrimen, quod inter divinas relationes & attributa versatur. Sicut enim suprà dicebamus, relationem creatam in hoc ab aliis praedicamentis differre, quod alia praedicamenta respiciunt subiectum, ratione sui, in illo sistendo, & ponendo in eo aliquid, per quod subiectum perficitur in se, & non in ordine ad aliud: ratio vero non respicit subiectum ratione sui, & sistendo in illo, sed ordinando illud ad terminum, & ratione illius. Ita etiam divina attributa respiciunt essentiam ratione sui, illamque perficiunt in se, & non in ordine ad aliud, quod habeat rationem puri termini, & per consequens ei addunt perfectionem aliquam virtualiter & ratione distinctam: relationes vero ex propria ratione explicita, non respiciunt divinam essentiam, sed terminum sibi correlatum, ac proinde divinae essentiae non addunt aliquam perfectionem virtualiter distinctam, sicut attributa, sed tantum purum respectum, à perfectione vel imperfectione abstractentem.

177 Dices: Relationes addunt essentiae entitatem virtualiter distinctam: Ergo & perfectionem. Consequentia videtur manifesta, nam bonitas & perfectio consequuntur ad entitatem.

Respondeo primò, antecedens non esse certum, & negari à pluribus, qui existimant, quod licet divinae relationes gaudeant realitate distincta virtualiter à realitate essentiae, non tamen entitate: unde docent tres relationes posse quidem dici tres, non tamen tres entitates. Sed quidquid sit de hoc, de quo dicemus disputatione sequenti: dato Antecedente, nego Consequentiam. Ad cujus probationem, distinguo Antecedens. Bonitas & perfectio consequuntur rationem entis, ut in actu existentem, concedo Antecedens. Sub praecisa ratione entitatis, nego Antecedens. Mathematica enim, prout subsunt abstractioni à materia sensibili & singulari, sunt vera entia realia, & tamen, quia abstrahunt ab ordine ad existentiam, prout sic non sunt bona, ut docent nostri Thomistae in Metaphisica.

188 Instabis: Subsistentia Verbi Divini, ut virtualiter ab essentia distincta, terminat naturam humanam, & supplet vices subsistentiae & personalitatis creatae: Ergo ut sic dicit perfectionem. Consequentia videtur bona: subsistentia enim Verbi divini non potest supplere vices subsistentiae creatae, nisi eminenter omnem eius perfectionem

A contineat: At eminentialis continentia perfectionis, necessario praesupponit rationem perfectionis formaliter: Ergo subsistentia Verbi Divini, ut virtualiter ab essentia distincta, dicit perfectionem formaliter.

189 Confirmatur: Personalitas Verbi Divini, prout ratione distincta ab essentia, sanctificat immediate humanitatem Christi, in sententia satis frequentia apud nostros Thomistas: At sanctitas necessario perfectio est, cum debeat subiectum constituere sanctificatum, & obiectum congruum divinae dilectionis, quod non potest nisi à forma perfecta praestari: Ergo prout distincta ab essentia formaliter est perfectio.

B Ad instantiam, concessio Antecedente, distinguo Consequens: Ergo ut sic dicit perfectionem relativam, virtualiter distinctam à perfectione essentiae, nego: absolutam, & indistinctam à perfectione essentiae, concedo. Solutio patet ex suprà dictis. Sicut enim personalitas Verbi Divini, tametsi relativa sit, continet eminenter subsistentiam creatam, quae absoluta est, ex eo quod quavis non explicet rationem absolutam, imbibit tamen illam: ita similiter, quavis non explicet perfectionem, quia illam implicat, potest perfectionem subsistentiae creatae eminenter continere, & illius effectum praestare. Per quod patet responsio ad probationem Consequentis: concessio enim Majori, distinguenda est Minor: eminentialis continentia perfectionis necessario praesupponit perfectionem relativam, & ratione distinctam à perfectione essentiae, nego: absolutam, indistinctam à perfectione essentiae, concedo. Et distinguo Consequens dictione Minoris.

191 Ad confirmationem similiter distinguo majorem: Personalitas Verbi Divini, prout ratione distincta ab essentia, sanctificat: ratione absolutae perfectionis essentiae quam essentialiter includit, concedo Majorem: ratione illius quod explicat, & essentiae superaddit, nego Majorem. Licet enim forma quae sanctificat, in hac sententia, sit subsistentia & ratio, ratio tamen sub qua sanctificat, non est id quod explicat & superaddit essentiae (quod, ut suprà dicebamus, est ratio puri respectus, abstrahens à perfectione vel imperfectione) sed est ipsa perfectio essentiae quam implicat, & transcendentaliter includit, hanc enim est totius sanctitatis & perfectionis fons & origo.

## §. IV.

## Solvitur alia obiectio.

192 Obijcies sextò: Si in Deo esset unica subsistentia, illa sine dubio ratione sui diceret perfectionem ab essentia distinctam, redderet enim naturam: divinam ultimò completam & terminatam. At nulla est ratio assignabilis, cur ex distinctione personarum in Deo, personalitas amittat rationem perfectionis: Ergo divinae personalitates, seu relationes, ratione sui dicunt perfectionem, à natura distinctam.

Confirmatur: Personalitas creata dicit perfectionem, realiter modaliter à perfectione naturae distinctam: Ergo à fortiori personalitas divina addit divinae naturae perfectionem, saltem ratione distinctam.

193 Ad objectionem, concessio Majori, nego Minorem. Si enim unica daretur in Deo personalitas, tunc personalitas vel esset ipsissima Dei essentia sine distinctione virtuali, ut plures sentiant de subsistentia absoluta, quam Thomistae agnoscunt in Deo

secundum se considerato, & præintellecto personis: vel saltem tunc personalitas adderet aliquid absolutum ad essentiam, & consequenter perfectionem ratione ab illa distinctam. Modo verò nihil addit absolutum, sed tantum purum respectum ad terminum correlatum, & ideo non addit perfectionem: nam perfectio, ut supra ostendimus, in sola ratione absoluta consistit. Et per hoc patet solutio ad confirmationem, & discrimen inter personalitatem creatam & divinam, prima enim per aliquid absolutum constituitur, altera verò consistit in solo respectu ad terminum correlatum.

194 Neque ex hoc inferas, personalitatem creatam esse perfectiorem divinam: sicut enim licet sapientia creata afferat propriam existentiam, ac proinde aliquam actualitatem & perfectionem, quam sapientia divina non affert: nihilominus, quia hoc non provenit ex perfectione simpliciter, sed potius ex imperfectione sapientie creatæ, cui non repugnat ut unum per accidens cum essentia constituat, è contra verò, quod sapientia increata non afferat propriam existentiam, oritur ex summa & infinita eius actualitate & perfectione, ratione cuius non potest unum per accidens cum divina natura constituere, non potest colligi sapientiam creatam esse in suo ordine perfectiorem increatam. Ita pariter, licet personalitas creata aliquam perfectionem, involutam imperfectionibus, afferat naturæ quam terminat, divina verò nullam bonitatem aut perfectionem divinæ essentie superaddat: quia tamen hoc provenit ex imperfectione naturæ creatæ, quæ cum finitæ & limitatæ sit perfectionis, potest per aliquid absolutum terminari, & reddi incommunicabilis, & ex summa divinæ naturæ perfectione, quæ cum sit infinitè perfecta & secunda, ac tribus personis communicabilis, non potest per aliquid absolutum ultimò terminari ac reddi incommunicabilis, sed solum per relationes inter se oppositas, quæ (utpote puri respectus ad terminum seu correlativum) secundum rationem explicatam, nullam dicunt perfectionem: non rectè infertur, personalitatem creatam esse divinæ perfectionem. Maxime verò, quia licet divina personalitas, quatenus est purus respectus ad terminum & correlativum, nullam explicet perfectionem: implicitè tamen continet infinitam perfectionem divinæ essentie, quā infinitè perficitur, & per consequens quamlibet personalitatem creatam in infinitum excedit.

## ARTICVLVS VI.

*An divine relationes gaudeant existentii relativis, realiter inter se, & ab existentia essentie, virtualiter, seu ratione distinctis.*

195 **S**uppono tanquam certum & indubitatum in Theologia, dari in Deo, ut præintellectu relationibus seu personis, existentiam communem, absolutam, & essentialem. Patet hæc suppositio: Tum quia Deus est ipsum esse per essentiam, iuxta illud Exodi, *Ego sum quisum*: unde Hilarius lib. 2. de Trinit. *Non aliquid magis proprium Deo quam esse intelligitur*. Tum etiam, quia Deus, ut præintellectus relationibus personalibus, operatur intelligendo & volendo; operari autem supponit esse. Adde quod Deus essentialiter est increatus, immutabilis, æternus, &

**A**ctus purissimus: ratio autem increati consistit in existere à se: immutabilitas verò & æternitas, vel sunt ipsum esse divinum, vel necessariò illud supponunt: Item ratio actus puri in summa actualitate consistens, ipsissimam existentiam designat: Ergo necessariò ponenda est in Deo, ut præintellecto relationibus & personis, existentia absoluta, essentialis, & communis. Hoc præsuppositum.

**B** Inquirimus, an præter existentiam illam absolutam & communem, dentur in personis divinis tres relativæ & propriæ, realiter inter se, & virtualiter, seu ratione, ab existentia essentie distinctæ? Affirmant Suarez lib. 3. de Trinitate cap. 5. Arrubal. disp. 104. cap. 3. & quidam alii Recentiores. Negant verò Thomistæ cum S. Doctor, locis statim referendis, quibus subscribunt Vazquez, Granado, & alii.

### §. I.

*Conclusio negativa statuitur, & auctoritate D. Thomæ probatur.*

**D**ico igitur, non dari in Divinis tres existentias relativæ, realiter inter se, & virtualiter ab existentia absoluta essentie distinctas. 196

Hanc conclusionem ita clarè & expressè docet S. Thomas, ut de eius mente dubitare, sit veluti tenebras soli offundere, ac in meridie cæcutire. Nam quæst. 2. de potentia articul. 6. sic ait: *Non est concedendum, quod aliquid absolutum in Divinis multiplicetur: sicut quidam dicunt quod in Divinis est duplex esse, essentiale & personale: omne enim esse in Divinis essentiale est, nec persona est nisi per esse essentie*. Idem habet quæst. 8. articul. 2. ad 11. & quæst. 9. artic. 5. ad 19. & quæst. 1. de veritate artic. 5. ad 18. Item 3. parte quæst. 17. artic. 2. ad 3. hæc scribit: *Quia persona divina est idem cum natura, in personis divinis non est aliud esse persone, & aliud esse nature: & ideo tres persone non habent nisi unum esse: haberent autem triplex esse, si in eis esset aliud esse persone, & aliud esse nature*. Quo nihil clarius & expressius dici potest. 197

**D** Præterea in primo dist. 13. quæst. 1. artic. 1. ad 1. postquam distinguit inter esse, suptrum pro quidditate, & pro actu existendi, sic ait: *Et sic dico, quod non oportet quod esse essentie divine sit ad aliud se habere, quia illud esse, in quo paternitas & essentie univertur, significatur ut esse quod est actus essentie: Non autem univertur in esse quod significat definitio rei, quia alia est ratio paternitatis, qua ad aliud refertur, & alia ratio essentie*. Idem ferè repetit in solutione ad 2. Ex quibus verbis hoc potest confici argumentum, ad præcludendam viam solitæ evasioni Adversariorum, quæ plura Divi Thomæ testimonia conantur eludere, dicendo illum solum negare in personis divinis multiplex esse essentiam, non verò multiplex esse existentiam. Hanc distinctionem inter existentiam paternitatis & essentie negat D. Thomas, quam inter rationem paternitatis & rationem essentie admittit: At inter rationem essentie & paternitatis solum admittit distinctionem virtualem, ut fatentur Adversarii: Ergo inter utriusque existentiam distinctionem virtualem excludit; & consequenter divinas relationes existentis relativis, ab existentia essentie ratione distinctis, non gaudere existentiam. 198

Confirmatur primò: D. Thomas ex eo probat existentiam relationum esse eandem cum existentia



essentia, secus autem illarum rationes; quia ratio relationis se habet ad aliud, & relativa est; existentia verò illius est absoluta: At formalitates absolutæ non multiplicatur realiter in relationibus, nec relationes addunt ad essentiam aliquid absolutum: Ergo juxta D. Thomam existentia non multiplicatur realiter in personis divinis, nec relationes addunt ad essentiam existentiam aliquam, sed solum gaudent existentia absolutà ipsius essentia.

199 Confirmatur secundò: Idem Sanctus Doctor quæst. 8. de potentia art. 2. ad 11. ait: *In Divinis non est esse nisi essentia, sicut nec intelligere nisi intellectus, & propter hoc, sicut in Deo est tantum unum intelligere, ita est tantum unum esse*: Sed in Deo, præter intelligere absolutum, non datur triplex intelligere relativum, ut præcedenti disputatione ostendimus, & ipsi Adversarij profitentur: Ergo similiter, præter esse absolutum essentia, non datur triplex esse relativum in personis divinis.

## §. III.

*Eadem veritatem ratione suadetur.*

IN favorem nostræ conclusionis non solum militat evidentia Divi Thomæ testimonia, sed etiam plures efficaces rationes illam suadent.

200 Prima est: In Deo non sunt tres essentiaæ relativæ, sed unica essentia absoluta: Ergo nec dantur tres relativæ existentiaæ, sed unica, & absoluta. Consequentia videtur manifesta: quia existentia convertibiliter cum essentia se habet, ac cum illa proportionatur & adequatur, subindeque immultiplicatà essentia, multiplicari nequit existentia. Præterea si in Divinis sit multiplicatio realis entitatum aut realitatum, non multiplicatà realiter essentia, cur etiam illa stare non poterit cum unitate & immultiplicatione existentia? Antecedens verò probatur. Tum quia id expressè docent Augustinus lib. 1. de Trinitate, cap. 8. his verbis: *Non dicimus in Deo tres essentias*: & Divus Thomas infra quæst. 39. art. 5. ad 1. ubi explicans dictum illud Augustini: *Filius est essentia de essentia*: dicit in rigore sermonis usurpandum non esse, cum inter Patrem & Filium non detur essentiarum distinctio. Tum etiam, quia essentia divina & natura divina usurpantur pro eodem: Sed in nullo sensu dantur in Deo tres naturæ relativæ: Ergo nec tres essentiaæ. Ad id quod si in Deo admittantur tres essentiaæ relativæ, etiam admittendæ erunt in ipso tres divinitates relativæ, & consequenter tres Dij, cum essentia divina idem prorsus sit quod Divinitas:

Secunda ratio. Non datur in Deo duplex ratio increati, cum virtuali distinctione, sed una quæ essentia & relationes increatæ constituuntur; aliæ tres personæ essent tres increati substantivè, contra illud Athanasij, *non tres increati, sed unus increatus*: Ergo nec dantur tres relativæ existentiaæ. Probatur Consequentia primò à paritate rationis. Si enim una ratione increati relationes & essentia, increata constituuntur, cur etiam una existentia absolutà, immultiplicatà realiter, non poterunt existere relationes & essentia?

201 Secundò probatur Consequentia à priori: Nam ens divinum constituitur extra nihil (in quo formaliter existentia consistit) per esse increatum, sicut ens creabile, per hoc quod terminat creationem: Ergo si tres relationes in una ratione increati realiter immultiplicatæ conveniunt,

A una etiam existentia immultiplicatà realiter existent.

Probatur tertio: Cum ratio increati consistat in hoc quod est existere à se, repugnat multiplicari realiter existentiam in personis divinis, nisi etiam in illis ratio entis increati realiter multiplicetur, velè contra, rationem entis increati in personis divinis manere immultiplicatam, multiplicatà illis realiter existentia.

202 Tertia ratio. Quæ absoluta sunt, non multiplicantur in Divinis: Sed existentia relationis absoluta est: Ergo non multiplicatur in personis divinis. Major est certa, Minor verò (præterquam quod est D. Thomæ locis suprà citatis) sic potest suaderi. Existentia non convenit relationi per ordinem ad terminum quem respicit, sed desumitur à subjecto in quo recipitur, sive ut alij dicunt, existentia non convenit relationi, secundum rationem ad, sed secundum rationem in. Unde Cajetanus hic art. 2. ait: *Actualis existentia, etiam relationis, non est ad aliquid, ut docet Divus Thomas in 1. dist. 33. quæst. 1. art. 1. ad 1.* Ergo existentia relationis absoluta est.

Confirmatur: Illud quod tribuit existentiam relationi, debet habere aliquam activitatem, vel saltem aliquam causalitatem erga illam exercere; existentia enim est veluti sistenter rei extra causas: Sed terminus relationis, cum habeat solum terminare & rationem puri termini exerceat, omni activitate caret, & nullam causalitatem erga relationem exercet: Ergo existentia relationis non sumitur ex termino quem respicit, & sic non relativæ, sed absoluta est.

204 Quarta ratio. Relationes divinæ existunt per existentiam essentiaæ: Ergo existentis relativis non gaudent. Antecedens est certum: nam sicut natura divina intinè includitur in relationibus, ita & ejus existentia: Repugnat autem existentiam alicui subiecto communicari, nisi reddat illud existens; sicut impossibile est sapientiam esse in aliquo, & illi non dare esse sapientem. Consequentia verò probatur. Cum existentia sit ultima actualitas, & ultimus terminus rei quam terminat, implicat eandem rem existere per duas existentias; haberet enim duas ultimas actualitates, & duos ultimos terminos: Ergo si relationes divinæ existant per existentiam essentiaæ, non gaudent existentiaæ relativis & sibi propriis.

205 Confirmatur primò: Existere prout abstrahit à creato, & increato, consistit in hoc quod est aliquid extra nihil constitui: At entitas extra nihil posita, non potest iterum constitui extra nihil: Ergo eadem entitas duplici existentia actuari non potest.

206 Confirmatur secundò: Si possit eadem entitas duplici existentia actuari, nulla esset ratio, cur divina essentia duplici existentia non existere una absolutà & sibi propria, & alià relativà, desumptà à relationibus divinis cum modificantibus. Sicut in sententia quam impugnamus, relationes divinæ duplici gaudent existentia, una relativà & sibi propria, alià absolutà & communis, quam ab essentia in eis transcendentaliter inclusa desumunt.

207 Ultima ratio. Si darentur in personis divinis tres existentiaæ relativæ, etiam illis concedendæ essent tres æternitates relativæ: Sed in eis non possunt admitti tres æternitates relativæ: Ergo nec tres existentiaæ relativæ. (Major videtur certa: Primò, quia cum æternitas vel ab existentia divina non distinguatur, vel sit modus illius; non



stat in personis divinis multiplicari existentiam, non multiplicatā in illis æternitate. Secundò, quia cum duratio nihil aliud sit, quàm continuatio rei in esse; non possunt dari in personis divinis plures existentia, nisi etiam dentur plures durationes, & consequenter plures æternitates; cum æternitas nihil aliud sit, quàm duratio rei omnino immutabilis.

Minor verò probatur: Si admittantur in personis divinis tres æternitates relativæ, poterunt tres personæ divinæ dici tres æterni, non solum adjektivè & secundum quid, sed etiam substantivè & simpliciter: Consequens est falsum, imò & erroneum, & contra Symbolum Athanasij, dicentis tres personas divinas non esse tres æternos, sed unum æternum, sicut nec tres increatos, aut tres immensos, sed unum increatum & unum immensum: Ergo &c. Sequela probatur: Multiplicatā formā, & subjectō seu suppositō, etiam nomen substantivum multiplicatur, ut docent Dialectici in summis: Sed si in personis divinis dentur tres æternitates relativæ, multiplicabitur in illis forma significata per hoc nomen: æternus, scilicet æternitas: Ergo tres personæ divinæ poterunt dici tres æterni, non solum adjektivè, sed etiam substantivè.

Respondet primò Suarez, ubi suprà: quod licet dentur in personis divinis tres existentia, imò & tres durationes, non tamen tres æternitates: quia (inquit) æternitas est attributum absolutum, secus verò existentia, aut duratio, & idè hæc multiplicatur in relationibus, non autem æternitas.

Sed hæc responsio est mera petitio principij: Cum enim, ut dicebamus, æternitas vel ab existentia divina non distinguatur, vel sit modus illius; querimus cur æternitas absoluta & existentia, verò abstrahat ab absoluta & relativa? Item, cum æternitas nihil aliud sit quàm duratio esse divini, omnino immutabilis, inquirimus quare in personis divinis dentur tres durationes omnino immutabiles, & non tres æternitates? hæc enim manifestam repugnantiam videntur involvere.

Confirmatur: Duratio adæquatè dividitur in æternitatem, ævum, & tempus, ut suppono ex quæst. 10. & idè multiplicatā duratione, debet necessariò multiplicari æternitas, ævum, aut tempus: Sed duratio divinarum personarum, cum sit omnino immutabilis, & carens principio & fine, non est ævum, aut tempus, ut patet: Ergo est æternitas: Ergo multiplicatā existentia & duratione illius in tribus personis, debet multiplicari etiam æternitas.

Confirmatur amplius: Multiplicatā existentia in personis divinis, necessariò debet multiplicari in alijs ratio actūs puri, ratio enim actūs puri in summa actualitate consistens, ipsissimam existentiam designat, ut suprà dicebamus: multiplicatā autem in personis divinis ratione actūs puri, immutabilitas etiam multiplicari debet, & consequenter æternitas; quæ super immutabilitatem fundatur: Ergo datis pluribus existentijs relativis, concedi etiam debent plures æternitates.

Respondet secundo Arribal, y durationem distinguere ab existentia rei durantis, & idè non oportere quod multiplicatā existentia in personis divinis, in illis duratio & æternitas multiplicentur; vel quod duratio divinarum personarum relativa sit, quamvis illarum existentia sit relativa.

Sed contra primo: in frequentiori Adversariorum sententia duratio ab existentia rei durantis distincta est.

Contra secundò: Duratio est continuatio rei in esse: Ergo si duratio divinarum personarum, non relativa, sed absoluta sit; illarum esse, non relativum, sed absolutum erit.

Contra tertio: duratio rei convenit illi ratione existentia (esto distinguatur ab illa) Ergo vel existentia non multiplicatur in personis divinis, vel etiam duratio multiplicari debet. Probatur Consequentia: sicut enim quia immutabilitas sequitur ad rationem actūs puri, & ad immutabilitatem æternitas; eo ipso quod ratio actūs puri distinguere in relationibus, fatetur Adversarij debere in illis immutabiles & æternitates distinguere. Ita similiter, si duratio sequitur existentiam, multiplicatis realiter existentijs, debent etiam durationes, & consequenter æternitates multiplicari.

Tertio alij respondent, quod licet in divinis personis non dentur tres æternitates absolute, quia æternitas absoluta ad solam naturam divinam consequitur, bene tamen tres æternitates relativæ. Ad probationem verò in contrarium dicunt, quod Athanasius negat solum in divinis tres æternos absolute & simpliciter, non tamen cum addito, scilicet in genere relativò.

Verum hæc responsio temeritate non caret: ex illa enim sequitur, salvâ fide, & absque injuria contextus Athanasij, posse concedi tres personas divinas esse tres Deos, aut tres omnipotentes relativè: Consequens est absurdum & hæreticum: Ergo &c. Sequela probatur: Athanasius eisdem verbis negat tres Deos, & tres omnipotentes, quibus etiam negat tres æternos: Ergo si liceat interpretari Athanasium de tribus æternis, non relativè, sed absolute, cuilibet etiam licebit eodem modo illum exponere, ac dicere, illum solum negare, tres divinas personas posse dici tres Deos, aut tres omnipotentes, absolute & simpliciter, non tamen cum addito, & relativè.

Præterea, Cum juxta illos Autores, eodem modo multiplicetur existentia in relationibus divinis, quo res, aut entitates, sicut personæ divinæ absolute & sine addito dicuntur tres res, aut tres entitates: ita necum cum addito, sed etiam absolute, poterunt dici tres existentes, & consequenter tres æterni: quia cum æternitas, vel ab existentia non distinguatur, vel sit modus illius, eodem modo multiplicatur, quo existentia, ut suprà dicebamus.

### §. III.

#### *Solvuntur objectiones.*

Obijciunt primò Adversarij, quædam SS. Patrum testimonia, quæ videntur favere illorum sententia. In primis enim Augustinus lib. 5. de Trinit. cap. 6. dicit: *Aliud est esse Deum et aliud esse Patrem*: Ergo præter existentiam absolutam quæ Deus existit, aliquid esse relativum in Patre videtur admittere. Item Cyrillus Alexandrinus dialogo de Trinit. lib. 1. loquens de Patre & Filio sic ait: *Verque subsistit, propriamque habere dictum existentiam*. Similiter Richardus à S. Victore lib. 4. de Trinitate cap. 17. ponit in Deo tres existentias incommunicabiles, ac proinde relativæ. Denique D. Thomas quæst. 9. de potentia art. 5. ad 23. hæc scribit. *Ad perfectiorem Divinitatis pertinet, ut sint plures modi existendi in Divinis*.

Ad Augustinum respondeo ex doctrina Divi

Thomæ, locis suprà relatis, esse sumi dupliciter: primò pro ratione per definitionem explicata: secundò pro esse existentie. Quando ergo Augustinus affirmat, quòd aliud est esse Deum, aliud esse Patrem, loquitur de esse in priori acceptione, non autem in posteriori. Cyrillus autem & Richardus sumunt ibi existentiam, pro substantia personali, & non pro actu essendi, ut constat ex ipso textu utriusque, & idem dici potest de verbo Thoma. Vel etiam responderi potest, illum solum velle, quòd existentia essentialis & absoluta diverso modo conveniat divinis personis, non verò quòd in illis sint plures existentie relativæ. Sicut enim divina essentia, licet unica & indivisibilis, alio modo est in Patre, & alio modo in Filio, & Spiritu Sancto: in Patre si quidem est à se habita, in Filio verò, ut communicata à Patre per generationem; & in Spiritu Sancto, ut ab utroque per inspirationem communicata: ita & ejus existentia, unde potest dici, quòd dantur in divinis tres modi existendi ejusdem esse, & in eodem esse, non tamen tres existentie relativæ.

Obijciunt secundò: Existentia relationis divinæ debet esse relativa: Ergo & ratione distincta ab existentia essentia, & multiplicata realiter. Consequentia patet, Antecedens probatur primò, quia existentia debet proportionari, & in eodem genere convenire cum entitate, cujus est existentia; quare entitas substantialis nequit existentia accidentaliter extra causas constitui, neque entitas accidentaliter existentia substantiali: Ergo existentia relationis divinæ debet esse relativa.

Secundò probatur idem Antecedens, ex ipsa definitione relativorum: relativa enim illa sunt, quorum totum esse est ad aliud se habere.

Tertiò probatur: Si existentia divinarum relationum non esset relativa, sed absoluta, sequeretur quod Pater æternus esset ad se, & non ad alium; quod est contra rationem relativorum.

Respondeo negando Antecedens, ad cujus primam probationem, distinguo Antecedens: debet proportionari, quoad rationem communem substantiæ & accidentis, concedo Antecedens. Quoad alias peculiari rationes, nego Antecedens & Consequentiam. Ratio discriminis est, quia essentia & accidentia debent se mutuo respicere, & unum per se constituere; unde cum substantia sit absoluta ab omni respectu ad extrinsecum, nec possit cum accidente unum per se constituere; consequens est quod convenientia in ratione substantiæ desideretur inter existentiam & essentiam, scilicet vero convenientia in aliis peculiaribus rationibus, quibus mutua respicientia sine tali convenientia competere potest.

Vel secundo responderi potest ad eandem primam probationem Antecedentis negati, distinguendo Antecedens. Existentia, & primum illius susceptivum, debent proportionari, & prædicta convenientia gaudere, concedo Antecedens: Existentia & secundum susceptivum, nego Antecedens & Consequentiam: non enim relativo divina, sed essentia, est quasi primum susceptivum divinæ existentie.

Potest hæc responsio duplici exemplo illustrari. Primum est de essentia divina ut habet rationem speciei intelligibilis: ut sic enim habet omnino, & eandem convenientiam tantum cum intellectu divino, quem per se primo respicit, non autem cum intellectu humano, quem perficit secundario. Secundum defumitur ex naturalibus, nempe ex materia & anima rationali, quæ existentia homine

A per unicum simplicem existentiam immaterialem; quia cum anima rationalis sit primum susceptivum existentie, materia verò secundarium tantum; existentia non debet proportionari omnino materiæ, sed animæ rationali.

Ad secundam probationem Antecedentis principalis respondetur, esse quod ponitur in definitione relativorum, non sumi pro existentia; nam esse quod pro existentia sumitur in relatione, non est ad aliud se habere, sed inesse, ut docet D. Thomas quest. 8. de potentia artic. 2. ad 12. Sumitur ergo ibi esse, pro quidditate, seu ratione formali. Unde ad tertiam probationem distinguendum est Antecedens: Pater æternus esset ad se, quoad existentiam, concedo: quoad quidditatem seu rationem relativam, nego.

Obijciunt tertiò: Quælibet realis productio tendit ad existentiam rei productæ, quæ aliàs sine tali productione non esset: Sed personalis productio in Divinis, non tendit ad existentiam absolutam essentia, tum quia existentia essentia non producit, tum etiam quia supponitur in persona producente: Ergo necessariò tendit ut in terminum proximum, in existentiam personalem relativam, ratione distinctam ab existentia essentia.

Respondeo distinguendo Majorem: tendit ad existentiam, ut producendam vel communicandam entitati productæ, concedo Majorem: semper producendam, nego Majorem, & etiam Minorem, quam non convincunt duæ probationes adductæ. Non quidem prima, quia licet productio debeat ad existentiam terminari, non tamen semper debet illam producere. Nec etiam secunda: quia quamvis existentia essentia supponatur in Patre, pro priori originis ad Filium, non tamen supponitur ut Filio communicata, & idèò generatio tendit ad illum, non ut producendam, nec Patri communicandam, sed ut communicandam Filio. Et certè principalius tendit productio ad terminum formalem, quam ad existentiam rei, quæ terminus formalis non est, sed conditio termini; & tamen divina essentia, quæ in sententia plurium ex Adversariis est formalis terminus productionis personalis, non producit, sed communicatur: Ergo licet terminetur ad existentiam, non rectè colligitur illam debere esse productam. Et ratio à priori est, quia rem producere, est illam existentem constituere, quod cum possit fieri, vel producendo existentiam, vel existentiam aliàs productam, seu inproductam communicando, idèò non est de ratione productionis existentiam producere.

Obijciunt quartò: Relationes creatæ habent propriam existentiam, distinctam ab existentia subjecti & fundamenti: Ergo & relationes divinæ. Antecedens recipitur communiter à Thomistis in Philosophia, est enim relatio ens completum in suo genere, realiter distinctum à fundamento, atque ita postulat sibi proprium actum essendi. Consequentia verò probatur ex paritate rationis.

Respondeo concessio Antecedente, negando Consequentiam, & paritatem: nam idèò relatio creta habet propriam existentiam, distinctam ab existentia subjecti & fundamenti, quia est limitata, & ratione limitationis non potest cum subjecto & fundamento identificari, sed debet necessariò cum eo facere compositionem accidentalem: relatio verò divina caret limitatione, atque ita identificat sibi quicquid est absolutum in Deo, & consequenter existentiam essentialem. Unde ex infinita perfectione divinarum relationum proveni-

quod non habent propriam existentiam, sed A  
cassant per existentiam naturæ; & ex imperfectio-  
ne relationum creaturarum, quod afferant pro-  
prias existentias.

227 Obijciunt quinto: Existentia est forma quæ ali-  
quid constituitur extra nihil: Sed divinæ relatio-  
nes & essentia differunt in hoc quod est poni ex-  
tra nihil: Ergo differunt in ratione existentie. Major  
est certa, Minor probatur, Filiatio v.g. est ex-  
tra nihil per productionem, & ab alio ut princi-  
pio, essentia autem sine productione, & à se; cum  
filiatio sit producta, essentia verò improducta:  
Ergo differunt in hoc quod est esse extra nihil.

228 Respondeo distinguendo Majorem: Est for-  
ma quæ aliquid constituitur extra nihil, completè  
& totaliter, concedo Majorem. Incompletè & in-  
choativè, nego Majorem. Similiter distinguo  
Minorem: Divinæ relationes & essentia, differ-  
runt in hoc quod est poni extra nihil: incompletè  
& inchoativè, concedo Minorem. Completè &  
totaliter, nego Minorem, & Consequentiam.

Expliciter: Ad rem extra nihil ponendam duo  
concurrunt, ut docent nostri Thomistæ in Me-  
taphysica; entitas scilicet, veluti subiectum exi-  
stentie, & existentia ipsa. Entitas ut est subiectum  
existentie, pro priori naturæ ad illam, & in eo si-  
gno in quo causæ suas exercent causalitates, est  
extra nihil in completè, inchoativè, vel (ut alii lo-  
quuntur) in esse vitali; ratione verò existentie est  
extra nihil completè & totaliter: quod in creatis  
contingit cum distinctione reali inter entitatem  
& existentiam, in Divinis verò cum distinctione  
virtuali secundum aliquos, aut eminentialiter secundum  
omnes. Dicimus ergo, in hoc quod est esse  
extra nihil inchoativè (quod competit relationi  
ratione entitatis) diversitatem esse inter filiatio-  
nem & essentiam divinam, secus autem in hoc  
quod est esse extra nihil complete (quod conveni-  
unt illi ratione existentie) nisi ad summum quoad  
modum, quatenus essentia hoc habet à se, filiatio  
verò ut communicat ab alio, ad quam diversi-  
tatem modalem non requiritur diversa existentia,  
sed sufficit eadem, primariò essentie conveniens,  
& secundariò filiatiõni communicata. Sicut ut  
essentia divina alio modo dicatur esse in Patre, &  
alio modo in Filio: non requiritur quod diversi-  
ficetur, aut multiplicetur in illis, sed sufficit quod  
in Patre sit à se habita, in Filio verò, ut communi-  
cata à Patre per generationem.

229 Obijciunt ultimò Adversarii, & est præcipuum  
illorum fundamentum. Existentia nihil aliud est,  
quàm entitas actualis: Sed relationes divinæ, ut  
virtualiter distinctæ ab essentia, sunt tres entita-  
tes actuales, realiter distinctæ inter se, & ratione  
ab entitate actuali essentie: Ergo sunt tres exi-  
stentie realiter distinctæ inter se, & ratione ab exi-  
stentia essentie.

230 Respondeo primò, negando Majorem. Ut enim  
docent nostri Thomistæ in Metaphysica, existen-  
tia non est res ipsa actualis, sed potius ipsa actua-  
litas, quæ sinitur extra causas, & ponitur extra il-  
larum causalitates & dependentias: unde existen-  
tia dicitur quasi extra causas sistentia.

231 Respondeo secundò, data Majori, distinguen-  
do Minorem: Sunt tres entitates actuales, nume-  
ro cadente super entitatem, concedo Minorem:  
eandem super ipsam actualitatem, nego Minorem,  
& consequentiam. Itaq; sicut tres personæ di-  
vinæ sunt & dicuntur tres sapientes adjective ab  
eadem sapientia, & tres omnipotentes ab eadem  
omnipotentia: ita sunt & dicuntur tres entitates

actuales, ab eadem actualitate & existentia in illis  
inclusæ; quia in nominibus adjectivis numerus  
non formas sed subiectum numerat, ut docent  
Dialectici in summulis.

Dices: Paternitas, prout ratione distincta ab  
essentia, non solum est actualis, sed est etiam  
actualis ab actualitate essentie ratione distincta:  
Ergo gaudet existentia relativà, ratione distincta  
ab existentia absoluta essentie. Consequentia vi-  
detur bona: quia existentia in actualitate consti-  
tuit. Antecedens verò probatur primò: quia pater-  
nitas, ut ratione distincta ab essentia, non est po-  
tentialis; potentialitas enim dicit imperfectionem  
deo repugnantem: Ergo prout sic distincta, est  
actualis, imò & actualitas. Probatur secundò:  
quia paternitas, ut ratione ab essentia distincta,  
actu refert Patrem æternum ad Filium, illumque  
à Filio actu distinguit: Ergo ut sic est actualitas,  
quædam, ratione distincta ab actualitate essentie.

Respondeo primò, distinguendo Antecedens:  
Est actualitas entitativa, ratione distincta ab  
actualitate essentie, transeat antecedens. Est  
actualitas existentie, nego Antecedens, & Con-  
sequentiam: ad cujus probationem eadem distin-  
ctione utendum est, & concessio utroque Antece-  
dente, eodem modo distingui debet utrumque  
Consequens. Solutio patet ex his quæ docent no-  
stri Thomistæ in Physica, admittentes in partibus  
compositi plures actualitates entitativas; negan-  
tes verò plures existentias.

Respondeo secundò, negando Antecedens. Ad  
cujus primam probationem, concessio Antece-  
dente, nego Consequentiam. Nam ut paternitas,  
prout virtualiter distincta ab essentia, non sit po-  
tentialis, non requiritur quòd prout sic distincta,  
sit actualis explicitè, sed sat est ut implicet actua-  
litate essentie: sicut ut sit increata, sufficit quod  
ratio entis increati in illa implicet includatur, nec  
exigitur quod illa in personis divinis multiplice-  
tur; aliàs (ut supra dicebamus) darentur in Di-  
vinis plures increati substantivè. Similiter ad se-  
cundam probationem, concessio Antecedente,  
neganda est Consequentia: quia ut paternitas  
actu refert Patrem æternum ad Filium, illumque  
à Filio actu distinguit, non est necesse quod ra-  
tione explicitè ei actualitas conveniat, sed sufficit  
quod ei competat ratione essentie, quam implici-  
tè includit.

## DISPUTATIO IV.

De personis divinis.

Ad questionem 29. D. Thome.

A Consideratione divinarum processionum  
& relationum, juxta præscriptum ordinem  
initio tractatus, ad considerationem divinarum  
personarum in communi descendimus, & duo  
brevis hic examinanda suscipimus. Primum  
est, an ratio personæ verè & propriè reperitur  
in divinis? Alterum: quodnam sit formale si-  
gnificatum hujus nominis, *Persona Divina*?  
Per quid verò divinæ personæ constituantur, di-  
temus infra, quando de personis in comparatione  
ad relationes sive proprietates differemus.



## ARTICVLVS I.

*Præ ratio personæ verè & propriè reperitur in Divinis.*

## §. I.

*Explicita definitio personæ, sententia affirmativa statuitur.*

**A** Ntequam quæsito respondeamus, definitio personæ in communi, à Boëtio tradita, & à D Thoma hic art.1. approbata, breviter explicanda est.

Sic ergo definitur persona à Boëtio: *Persona est rationalis naturæ individua substantia.* In qua definitione, primò *substantia*, ponitur loco generis, & supponit pro substantia completa. Quare per hanc particulam, non solùm accidentia, sed etiam substantia incompleta, ut partes, tum integrales, tum essentialia excluduntur à ratione personæ, & idèò anima rationalis, quamvis propriè gaudeat substantiâ, & si parata à corpore existat, in statu tamen separationis non potest dici persona. Secundo additur *ly individua*, ut per hoc excludantur naturæ universales, & secundæ substantiæ, scilicet genera & species, quæ propriè personæ non sunt. Unde D. Thomas hic art.1. ad 2. ait, per hoc quod additur individua, trahi substantiam ad standum pro substantia prima, quæ à Græcis *hypostasis* dicitur, & quæ supra singularitatem addit incommunicabilitatem. Propter quod Richardus à S. Victore, ad maiorem huius definitionis explicationem, addit ad individuum substantiam, particulam, *incommunicabilis*, quæ (ut notat D. Thomas in 3. ad Annibal. dist 5. quæst. unicâ art. 2.) triplicem communicabilitatem à persona excludit, scilicet communicabilitatem universalis ad inferiora, partis ad totum, & naturæ ad suppositum, à quo sustentatur, vel terminatur. Quamobrem licet humanitas Christi sit substantia individua, & completa, quia tamen communicatur alteri ut supposito sustentanti, scilicet Verbo Divino, non potest dici persona: nec similiter natura divina, quamvis secundum se gaudeat substantiâ absolutâ (ut infra ostendimus) quia communis est tribus Suppositis, à quibus terminatur, & redditur incommunicabilis.

Denique prædictæ definitioni additur, *rationalis seu intellectualis naturæ*, ut per hoc excludantur à ratione personæ supposita naturarum irrationalium. Unde D. Thomas hic art. 2. docet suppositum primam substantiam, personam, hypostasim ita inter se comparari, ut suppositum & prima substantia sint omnino idem; sicut & modo ex communi usu pro eodem sumuntur persona & hypostasis. Persona verò seu hypostasis non differt à supposito seu prima substantia, nisi ut inferius à suo superiori; quia persona non dicitur nisi de primis substantiis naturæ intellectualis; suppositum verò dicitur de omnibus primis substantiis cuiuscumque naturæ. Hæc definitione personæ præmissâ & expostâ, inquirimus utrum ratio personæ sic explicata, verè & propriè reperitur in Divinis?

Sententiam negativam olim tenuisse Laurentium Vallam Grammaticum, libro 6. elegantiarum cap. 34. referunt Recentiores. Fundamentum illius erat: quia existimabat nomen personæ non significare substantiam, sed animi vel corporis

**A** qualitatem, per quam unus homo differt ab alio ex quo sit quoddam una & eadem res, seu substantia, plures dicatur gerere personas; quia plures representant, aut vice earum fungitur. Vnde olim Sabelius, licet crederet in Deo unicum tantum dari suppositum, unumque subsistens: quia tamen plurimum munere fungi dicebat; Patris per creationem, Filij per incarnationem; & Spiritus Sancti per rationalis creaturæ sanctificationem; plures in Deo admittere personas non renebat.

In Deo tamen verè & propriè rationem personæ reperiri, tanquam de fide certum, tenendum est. ita enim definitur in variis Conciliis, præsertim in Toletano 11. in confessione fidei, & in Lateranensi cap. firmiter. tenetque communis usus Ecclesiæ, & universalis Patrum ac Theologorum consensus. Vnde in Symbolo Athanasij dicitur: *Alia est persona Patris, alia filij, alia spiritus sancti*. Sed ubi alia & alia persona cum proprietate inveniuntur, reperitur etiam cum proprietate persona: Ergo ratio personæ propriè reperitur in Deo. Ratio etiam id suadet. Persona enim, ut ostendimus, est rationalis, seu intellectualis naturæ individua (id est incommunicabilis) substantia: Sed in Deo est intellectualis natura, & substantia incommunicabilis, ut infra patebit: Ergo in illo ratio personæ invenitur.

Præterea, ut discurret D. Thomas hic art. 3. Quidquid perfectionis & dignitatis est, reperitur in Deo: Sed persona significat quod est perfectissimum in tota natura: Ergo propriè reperitur in Deo. Probatur Minor: nam persona ex parte naturæ importat quod sit intellectualis, quæ est ex genere suo omnium naturarum dignissima; modus etiam existendi quem dicit, dignissimus est, scilicet quod sit per se existens: Ergo persona significat id quod est perfectissimum in tota naturâ.

Ad fundamentum verò, seu potius observatorem Grammaticalem Laurentij Vallæ, dicendum est cum D. Thoma in 1. dist. 26. quæst. 1. art. 2. ad 1. iudicium de nomine non debere esse secundum id à quo imponitur, sed secundum id ad quod significandum instituitur: lapis enim dicitur à lædendo pedem, & tamen omne quod lædit pedem non est lapis. Quamvis ergo nomen personæ sit impositum à representando, seu à personando; quia, ut notat Boëtius in libro de duabus naturis, olim in comœdiis recitatores ad representandum aliquem cuius gesta recitabant, larvâ quâdam faciem velabant, & sic recitationem suam personabant: inde tamen tractum est nomen ad significandos ipsos homines substantialiter in se; & hoc modo frequens est usus huius vocis in iure civili, cum agitur de actione seu injuria personarum; imò & in scriptura, ut patet ex illo Sapientiz 6. non subtrahes personam cuiusdam Deus: & ex illo Actuum 17. Non est personarum acceptor Deus? & ex Symbolo Athanasij, ubi habetur: *neque confundentes personas* græcè dicitur *ἁπορώμεν*. Tandem apud Theologos idem nomen usurpatum est, ad significandam cuiuscumque intellectualis naturæ, sive divinæ, sive Angelicæ, sive humanæ, individuum & incommunicabilem substantiam.

## §. III.

*Solvuntur objectiones.*

**O**bjicies primò: Persona est rationalis naturæ individua substantia: Sed Deus non est propriè substantia; Ergo nec persona propriè.



Minor ostenditur primò ex Augustino libro 7. de A Trinitate cap. 5. ubi agit: *Manifestum est Deum ab- usivè substantiam vocari*: Sed quod abusivè dicitur, non propriè, sed impropriè dicitur: Ergo Deus non est propriè substantia.

Secundò probatur ratione quam idem S. Doctor ibidem insinuat. Substantia dicitur à substantando accidentibus, sed Deus accidentibus subesse non potest, nec dici quod subest bonitati, vel omnipotentia, aut aliis perfectionibus quæ dicuntur de ipso: Ergo non est propriè substantia.

7 Respondeo negando Majorem: Ad cuius primam probationem dicatur, substantiam considerare dupliciter: nempe quoad id à quo nomen impositum est, scilicet subesse accidentibus: vel quoad rem significatam, scilicet per se esse. Primo modo solum abusivè potest Deus dici subestare perfectionibus suis. Secundo autem modo, cum proprietate dicitur & est substantia quia propriè existit per se, imò per se maxime existit: & hoc solum dico intendisse Augustinum. Per quod ad secundam minoris probationem patet solutio, sumpta ex D. Thoma quæst. 9. de potentia art. 3. ad 1. & hic quæst. 29. art. 3. ad 2.

8 Obijcies secundò: Si in Deo verè & propriè reperiretur ratio personæ, etiam in illo esset propriè ratio hypostasis; nam ut suprà diximus, persona & hypostasis idem omnino significant: Ex quo ultioris sequeretur, quod sicut in Deo dicuntur esse tres personæ, ita etiam in illo dicerentur tres hypostases, imò & tres substantiæ: cum persona sit rationalis naturæ individua substantia: Sed neutrum videtur in Deo attendendum: Ergo in Deo verè & propriè non reperitur ratio personæ. Minor probatur ex Hieronymo in epistola ad Damasum, ubi loquens de nomine hypostasis ait: *Taceantur tres hypostases & una teneatur: nomen hoc non bonæ suspensionis est & c. mihi credite, venenum sub melle latet.* Item ibidem subdit: *Suscepit nobis dicere unam substantiam*: Ergo ex Hieronymo dici non potest dari in Deo tres hypostases, vel tres substantias.

9 Respondeo concessa Majori, negando Minorem, quantum ad utramque partem. Licet enim olim fuerit de his vocibus, *persona* & *hypostasis*, magna inter Græcos & Latinos controversia, quam refert Divus Gregorius Nazianzenus orat. 21. Nam Latini nomen græcum *hypostasis* idem esse ac *usiam*, hoc est essentiam, putantes; Græcos, qui tres hypostases asserabant in Deo, hæreticos Arrianos appellabant: Græci verò exultimantes personas solum dici ad similitudinem earum, quas in comædiis tragædiisque homines representant, & quas ipsi & *ὑποστάσεις* vocant; idemque suppositum seu hypostasium agere plures personas; Latinos, qui solum unam hypostasim, tres verò personas in Deo esse affirmant, hæreticos Sabellianos vocabant: de qua controversia consuluit D. Hieronymus Summum Pontificem Damasum, epistolâ ad ipsum missâ. Nunc tamen utriusque nominis significatione plenè notâ, utroque indifferenter utitur Ecclesia; & sicut in Deo dicuntur esse tres personæ, ita & tres hypostases. Similiter licet absolutè & sine addito non sit dicendum dari in Deo tres substantias; quia hoc nomen substantia, absolutè prolatur, pro essentia usurpatur; bene tamen cum hoc addito, *tres substantias individuales*, ut docet S. Thomas quæst. 9. de potentia art. 2. ad 9. Vnde ad verba Hieronymi, quæ videntur militare in contrarium, dicendum est cum D. Thoma hic art. 3. ad 3. quod Hie-

ronymus dicit sub hoc nomine (*hypostasis* aut *substantia*) venenum latere: quia antequam significatio huius nominis esset plenè nota apud Latinos, hæretici per illud simplices decipiebant, ne constituerent plures essentias, sicut consueverunt plures hypostases: propter hoc quod nomen substantiæ (cui respondet in græco nomen *hypostasis*) communiter accipitur apud nos pro essentia.

10 Obijcies tertio contra rationem quâ Divus Thomas probat in Deo verè & propriè reperiri rationem personæ. Persona non significat id quod est perfectissimum in tota natura. Ergo ratio D. Thomæ falso nititur principio, & consequenter est nulla. Antecedens probatur primò, Quia natura est perfectior personalitate: Ergo persona non significat id quod perfectissimum est. Secundo, Quia persona significat personalitatem: Sed hæc perfectionem non dicit: Ergo non significat perfectissimum in tota natura. Minor probatur: Si personalitas ut sic diceret perfectionem, non posset contrahi personalitate relativâ: Sed contrahitur per illam: Ergo perfectionem non dicit. Sequela probatur: perfectio contrahi non potest formaliter per differentiam, quæ formaliter perfectio non sit: Sed personalitas relativâ, pro eo quod addit ad divinam naturam, ratione cuius munus personalitatis sortitur, perfectionem non dicit, in veriori Thomistarum sententia, quam disputatione præcedenti defendimus: Ergo si personalitas ut sic dicat perfectionem formaliter, non poterit contrahi per relativâ personalitatem divinam.

11 Respondeo cum Cajetano hic art. 4. negando Antecedens. Ad primam probationem, præterminislo Antecedente, nego Consequentiam. Nam licet cõperatione factâ naturæ, cum modo personalitatis, illa personalitatem excedat, de quo disputant Metaphysici: tamen includens utrumque, qualiter includit persona, quodlibet separatim excedit. Sed enim compositum ex materia & forma superat formam, quamvis hæc sit materiæ perfectior, & sicut compositum ex essentia & existentia excedit in perfectione essentiam, etsi essentia perfectior sit existentia: ita natura sub modo per se existendi perfectior est naturâ secundum se.

12 Ad secundam probationem dico in persona triplicem perfectiorem reperiri, scilicet independentiæ à subiecto in hæsiōis, independentiæ à subiecto sustentationis, & incommunicabilitatis alteri tanquam supposito. prima & secunda perfectionem dicunt: tertia à perfectione vel imperfectiōe præcindit. Prima convenit cuilibet substantiæ ex conceptu substantiæ: secunda convenit tantum divinæ naturæ, ratione subsistentiæ absolutæ: tertia convenit Deo, non ratione subsistentiæ absolutæ, sed subsistentiæ relativæ, quæ licet perfectionem non explicat, duplicem tamen implicat, scilicet naturæ, quam in suo conceptu claudit, & subsistentiæ absolutæ, quam includit & supponit, ut disputatione sequenti patebit. Nec Divus Thomas dicit personam ut sic significare formaliter perfectionem, sed significare id quod perfectissimum est in tota natura: quod verum est licet perfectionem de formali non explicet. Unde in forma ad argumentum, concessa Majori, distinguo Minorem: personalitas non dicit perfectionem, explicitè & formaliter, concedo Minorem: implicitè saltem & præsuppositivè, nego Minorem, & Consequentiam: nam licet persona, ex parte formalis & directi significati, non semper explicet perfectionem, illam tamen semper implicat & præsupponit.

## ARTICVLVS II.

*Quidnam sit significatum formale ac directum  
huius nominis, Persona Divina.*

§. I.

*Quibusdam præmissis, referuntur sententiae.*

13 **N**otandum primo ex D. Thoma quæst. 9. de potentia art. 4. Duplex in nominibus esse significatum: unum formale, quod significat id per quod res formaliter constituitur, & aliud materiale, in quo ratio formaliter expressa reperitur. v.g. hoc nomen, *homo*, significat formaliter compositum ex anima & corpore, materialiter vero significat habens cor, cerebrum, & alia sine quibus non reperitur corpus animatum. Interdum etiam per significatum formale intelligitur id quod explicitè in ipsa nominis significatione importatur per materiale verò, id quod implicitè tantum in ea continetur.

14 **N**otandum secundò, Significatum alicuius nominis, adhuc esse duplex: directum scilicet & indirectum. Directum est quod in casu recto solet explicari: indirectum vero est quid connotatum & importatum in obliquo. Huius exemplum habemus in definitione personæ in communi, supra à Boëtio tradita: nam cum dicitur *individua substantia*, exprimitur significatum directum illius: cum verò additur, *rationalis naturæ*, explicatur significatum indirectum.

15 **N**otandum tertio, Relationem originis in Deo esse adeo eminentem & perfectam, ut ratione suæ perfectionis & eminentiæ, æquivalcat non solum omnibus relationibus, sed etiam subsistentiis & personalitatibus creatis: ex quo fit, quòd ita exerceat munera relationis & personalitatis, ac si in ea ratio personalitatis & relationis realiter distinguerentur. Huius ratio est, quia relatio divina non est accidens, & inhærens subiecto, sicut relatio creata, sed est indentificata cum substantia divina, atque ita ex vi propria linear, est quid substantiale, & subsistens. Unde Theologi in divinis relationibus duos conceptus, seu duo munia in adæquata distinguunt, scilicet formæ referentis, seu puri respectus ad terminum, & formæ hypostatice subsistentis: ut latius exponemus, quando agemus de Divinarum Personarum constitutione.

Dis. 11.  
art. 1.

16 **C**irca propositam difficultatem, tam variaz sunt & multæ Authorum opiniones, ut earum diversitas vix possit in ordinem aliquem redigi: claritatis tamen gratia, omnes sententias ad quinque præcipuas reducemus. Prima est Durandi in 1. dist. 23. quæst. 1. ubi docet hoc nomen, *Persona Divina*, de formali significare secundum intentionem. Secunda est Scotti ibidem quæst. unica, assentientis significare formaliter negationem communicabilitatis. Tertia docet hoc nomen significare directè essentiam vel naturam divinam. Ita quidam sine nomine relati à Magistro in 1. distinct. 25. & à D. Thoma distinct. 23. quæst. 1. art. 3. quæst. 9. de potentia art. 4. & hic quæst. 29. artic. etiam 4. Cui sententia etiam ex parte adhæsit Magister, docens personam divinam absolute sumptam significare essentiam, cum autem additur terminus numeralis aut partitivo, cum dicimus, *tres personæ* vel cum dicimus: *alia est persona Patris, alia Filij*, &c. significare hypostasim subsistentem. Quarta sententia est Aureoli apud Capreolum in 1. distinct. 25. quæst. 1. artic. 2. assentientis nomen perso-

Tom. II.

**A**nz divinæ, nec essentiam, nec relationem in recto significare, sed constitutum ex illis. Quinta & ultima sententia, quam defendunt Thomistæ, & plures extranei, affirmat formale & directum huius nominis significatum esse relationem divinam, non in abstracto, sed in concreto.

**B** Verum quia, ut in tertio notabili diximus, in relationibus divinis duo conceptus in adæquato solent distingui, formæ scilicet referentis, seu puri respectus ad terminum, & formæ hypostatice subsistentis: adhuc restat difficultas, sub qua ex his duabus formalitatibus, divina relatio pertineat ad significatum formale & directum huius nominis, *Persona Divina*.

§. II.

*Rejiciuntur quatuor primæ sententiæ, & ultima ut vera eligitur.*

**D**ico primò, formale significatum huius nominis. *Persona Divina*, neque esse secundum intentionem, neque solam negationem communicabilitatis.

Probatur breviter contra Durandum & Scotum. Persona Divina de formali significat id per quod personæ divinæ formaliter constituuntur: At personæ divinæ, neque per secundam intentionem, neque per solam negationem communicabilitatis, sed per aliquid reale & positivum, formaliter constituuntur, ut ostendimus infra, quando agemus de constitutione divinarum personarum: Ergo persona divina, neque secundum intentionem, neque solam negationem communicabilitatis, sed aliquid reale & positivum de formali significat.

Dis. 11.  
art. 1.

**D**ico secundò, Personam divinam non significare directè essentiam vel naturam divinam, sed indirectè tantum & in obliquo.

Probatur primò: Persona ut sic, est rationalis naturæ individua substantia: Ergo persona divina est individua naturæ divinæ substantia: Sed in hac definitione natura divina, non in recto, sed in obliquo importatur, ut patet: Ergo non in recto sed in obliquo significatur hoc nomine, *Persona Divina*.

**E** Probatur secundò: Non stat multiplicari personam, non multiplicato significato illius formali & directo: Sed persona divina multiplicatur, non multiplicata natura: Ergo hæc non est significatum directum huius nominis, *Persona Divina*, Minor est de fide: Major autem constat ex regula communi Dialecticorum, assentientium terminum numeralem cadentem supra subiectum, numerare illius significatum formale & directum: Sed *Persona Divina* est terminus substantivus: Ergo ut dicatur pluraliter, oportet multiplicari illius significatum formale & directum.

Nec valet si dicas cum Magistro, illo tantum convinci, hoc nomen, *Persona Divina*, cum dicitur in plurali, non significare naturam: non autem quòd non significet illam, cum absolute profertur.

Nam in contrarium obstat primò quòd nomen non variat significatum ex adjuncto termino numerali & partitivo, ut per se patet, docetque D. Thomas, solutionem istam percludeas in 1. dist. 23. quæst. 1. art. 3. Ergo si persona divina significat essentiam directè, cum absolute profertur, idem retinet significatum, addito termino numerali aut partitivo.

Obstat secundò, quòd nomina quæ in Deo substantiam absolute significant, non dividuntur per

D d

additionem terminorum numeralium, ut docuit D. Thomas ibidem, constatque in hoc nomine, *Deus*, quod quia significat absolute substantiam, non possunt dici plures Dii, nec Pater potest catholicè dici alius Deus à Filio, vel è contra: Ergo si persona divina significat in recto naturam, Pater, Filius, & Spiritus Sanctus, non dicuntur tres personæ, nec Pater dicitur alia persona à Filio, nec è contra.

Dico tertio: Relatio in concreto est significatum directum & formale huius nominis, *Persona Divina*, in abstracto autem sumpta, solum in obliquo importatur. Ita D. Thomas in 1. dist. 23. quæst. 1. art. 9. de potentia art. 4. & hic art. etiam 4.

- 22 Prima pars conclusionis probatur: Significatum in recto seu directum personæ ut sic, est subsistens incommunicabile in natura intellectuali, ut patet ex definitione personæ supra exposita: Ergo significatum in recto seu directum huius nominis, *Persona Divina*, est subsistens distinctum & incommunicabile in natura divina: Sed sola relatio in concreto est subsistens distinctum & incommunicabile in natura divina, absoluta enim in Deo, quamvis subsistentia sint, non tamen sunt incommunicabilia, nec in personis distincta: Ergo relatio in concreto significatur directè & in recto, hoc nomine, *Persona Divina*. Quod amplius explicari potest. Subsistentia personalis divina in concreto est significatum directum & formale huius nominis *Persona Divina*: Sed subsistentia personalis divina in concreto idem est quod relatio in concreto, cum personalitas in Deo non sit modus absolutus, sed relativus: Ergo significatum formale & directum prædicti nominis, est relatio divina in concreto.

- 23 Quod autem illa in abstracto sumpta, solum indirectè & in obliquo in huius nominis significatione importetur (quod est secunda pars conclusionis) manifestum est. Nam constituens importatur solum in obliquo & indirectè per nomen significans constitutum: Sed relatio in abstracto, ut significatur his nominibus, *relatio*, *paternitas*, & *filialis*, significatur ut constituens & forma: Ergo solum in obliquo & indirectè importatur per nomen significans constitutum, quale est *Persona Divina*.

- 24 Ex his impugnata manet sententia Aureoli. Si enim sola relatio divina in concreto sit formale & directum huius nominis significatum, & natura divina in obliquo solum & de connotato in eo importetur, non potest totum constitutum ex illis, hoc nomine formaliter ac directè significari.

- 25 Dico ultimò, Personam divinam non significare de formali relationem, ut formaliter est respectus ad terminum, sed quatenus est substantialiter subsistens, & gerit vires formæ hypostaticæ. Ita D. Thomas hic art. 4. ubi ait: *Persona Divina significat relationem in recto, & essentiam in obliquo, non tamen relationem in quantum est relatio, sed in quantum significatur per modum hypostasis.*

- 16 Ratio etiam id suadet: Nam ut docet idem S. Doctor quæst. 9. de potentia art. 4. ad 13. Persona divina secundum nomen non refertur ad aliud, ac proinde non est nomen formaliter relativum, sed absolutum: Ergo illius significatum formale non est relativum formaliter, nec per consequens divina relatio, ut exercet munus referendi, & quatenus est formaliter respectus ad terminum. Consequentia est evidens: nomen enim per significationem formaliter constituitur, & consequenter nomen non relativum, sed absolutum, petit pro forma significationem non relati-

vam, petit pro forma significationem non relativam, sed absolutam formaliter.

Confirmatur & magis illustratur hæc ratio. Si formale significatum huius nominis, esset relativum formaliter, seu divina relatio, quatenus exercet munus referendi, & ut formaliter est respectus ad terminum; hoc nomen, *Persona Divina*, relativè diceretur; & consequenter sicut Pater dicitur & est Filii Pater, & è contra, ita etiam diceretur Pater persona Filii, & Filius persona Patris: Sed Pater persona Filii non dicitur; & oppositum asserere, absurdum reputat Augustinus lib. 1. de Trin. cap. 6. ut ait: *Non placet ut dicamus Patrem personam Filij*: Ergo significatum formale huius nominis, *Persona Divina*, non est relativum formaliter, seu ipsa divina relatio, ut exercet munus referendi, & quatenus formaliter est respectus ad terminum, sed quatenus est subsistens, & gerens vires formæ hypostaticæ. Unde D. Thomas hic art. 4. ad 1. explicans dictum illud Augustini: *In Trinitate cum dicimus personam Patris, nihil aliud dicimus quam substantiam Patris, ad se quippe dicitur persona, non ad Filium*: dicit quod hoc nomen, *Persona*, dicitur ad se, non ad alterum, quia significat relationem, non per modum relationis, sed per modum substantiæ, quæ est hypostasis.

Ex quo intelligit, aliter significari divinas relationes nomine personæ divinx, & aliter his tribus distinctis nominibus: Pater, Filius, & Spiritus Sanctus. Nam persona divina significat formaliter & explicitè relationes divinas, sub conceptu subsistentium incommunicabiliter, sicut persona in communi significat subsistens incommunicabiliter in qualibet natura intellectuali, implicite verò & de materiali significat illas sub conceptu relationum, & pro ut exercet munus referendi ad terminum seu correlativum. E contra verò tria prædicta nomina significant formaliter & explicitè relationes sub conceptu relationum, & quatenus sunt respectus ad terminum, implicite verò, & de materiali, sub conceptu subsistentium eas important.

## § III.

## Solvuntur objectiones.

28 Contra primam conclusionem sic arguit Durandus. Persona, secundum Boëtium, est rationalis naturæ individua substantia: Sed individuum de formali secundam intentionem significat: Ergo & persona divina.

Respondeo individuum posse sumi dupliciter, Logicè scilicet & Metaphysicè. Primo modo secundam intentionem formaliter significat, altero verò, non secundam intentionem, sed modum incommunicabiliter subsistendi de formali importat, & sub hac ratione definitionem personæ ingreditur.

29 Arguit secundò Scotus in eadem conclusionem. Persona est rationalis naturæ incommunicabilis substantia: Sed ly *incommunicabilis*, solam negationem communicabilitatis significat: Ergo persona in communi, & consequenter persona divina, dicit per formali solam negationem communicabilitatis.

Respondeo negando Minorem. Sicut enim quando dicitur, quod Angelus est immaterialis, & equus irrationalis, ly *immaterialis* & *irrationalis*, non solam negationem, sed aliquid positivum de formali significant, etsi negationem circumlocutivè, vel à posteriori explicent: ita etiam, quando dicitur, quod persona est naturæ rationalis incommunicabilis substantia, ly *incommunicabilis*, solam negationem non significat, sed aliquid positivum, fundans negationem communicabilitatis.



30 Dices: In persona divina nihil potest assignari positivum, in quo negatio communicabilitatis fundetur: Ergo illa solam negationem de formali significat. Consequentia patet, Antecedens probatur. Si in persona divina aliquid positivum daretur, in quo fundaretur illa negatio, maxime relatio: Sed hæc non potest fundare negationem communicabilitatis: Ergo in persona divina nihil potest assignari positivum, id quo negatio communicabilitatis fundetur. Minor probatur: Paternitas v. g. vel fundat negationem communicabilitatis ex ratione relationis ut sic, vel ex conceptu talis relationis: Non primum, aliàs etiam relatio Spiratoris incommunicabilis esset. Nec secundum, nam paternitas ex conceptu paternitatis solum importat ordinem originis ejus à quo alius, in quo nulla ratio incommunicabilitatis importatur. Ergo divina relatio non potest esse fundamentum negationis communicabilitatis.

31 Ita arguunt quidam Recentiores Scotistæ, quorum argumento respondetur, negando Antecedens, ad cuius probationem, nego Minorem. Ad probationem illius, nego etiam Minorem pro secundæ parte: nam eo ipso quod paternitas in Deo sit relatio originis per actionem intellectus, habet taliter convenire uni personæ, quod nulli alteri competere possit; ac proinde fundat negationem communicabilitatis: relatio autem Spiratoris, quia fundatur in origine Spiritus Sancti, qui est terminus mutui amoris, petit esse duabus personis communis; & consequenter negationem communicabilitatis fundare non potest.

32 Obijcies tertio contra secundam conclusionem Quidquid ingreditur definitionem, & conceptum formalem ac quidditativum alicujus rei, pertinet ad significatum formale nominis quo significatur: verbi gratiâ, quia animalitas & rationalitas ingrediuntur definitionem hominis, & sunt de conceptu formali & quidditativo illius, dicuntur esse formale significatum hujus nominis, homo: Sed essentia vel natura divina definitionem personæ ingreditur, & est de conceptu formali & quidditativo divinarum relationum, ut disputatione præcedenti ostendimus: Ergo divina essentia vel natura, hoc nomine, *persona divina*, de formali significatur.

33 Respondeo distinguendo Majorem: quidquid ingreditur definitionem, directè & in recto, concedo Majorem: in obliquo solum & de connotato, nego Majorem; & sub eadè indistinctione Minoris, nego Consequentiam. Solutio patet ex suprâ dictis, & ex definitione personæ, in qua natura intellectualis, non in recto, sed in obliquo tantum importatur, definitur enim, *rationalis natura ind-*

34 *vidua seu incommunicabilis substantia*

Instabis: de persona divina prædicatur natura divina in concreto, prædicatione formali; cū hæc propositio formalis & vera sit: *persona divina est Deus*. Sed si natura divina non ingrederetur in recto constitutionem personæ divinæ, & non esset de formali significato illius, non posset sic prædicari: Ergo natura divina in recto ingreditur constitutionem personæ divinæ, &c. Major est certa, Minor probatur. De eo quod solum in obliquo importat naturam aliquam, non potest in sensu formali talis natura prædicari, nomine illam importante in recto: Sed Deus in recto importat naturam divinam: Ergo non posset prædicari formali prædicatione de persona, si ad ejus constitutionem, & formalem significationem, solum in obliquo ingrederetur natura divina.

A Respondeo concessa Majori, negando Minorem. Ad illius probationem, distinguo Majorem: nomine importante naturam in recto, in significando & supponendo, concedo Majorem: nomine importante naturam in recto, solum in significando, non autem in supponendo, nego Majorem; & sub eadè distinctione Minoris, nego Consequentiam. Nam hoc nomen *Deus*, licet Divinitatem in recto significet, supponit tamen pro habente Divinitatem: in qua suppositione importatur non in recto, sed in obliquo Divinitas: cūque persona divina sit habens naturam divinam formaliter, sit quoddam de illa prædicetur natura divina in concreto, prædicatione formali. Licet enim nomen *Deus*, & nomen *Persona Divina*, differant in significato directo, conveniunt tamen in suppositione directâ: quia *Deus* directè supponit pro eo pro quo supponit directè *Persona Divina*.

Obijcies quartò cū Aureolo: Nullum constituens significatur in recto, nomine constituitur: Sed relatio ut subsistens constituit personam divinam: Ergo non significatur in recto aut directè nomine *Persona Divina*.

Respondeo concessa Majori, negando Minorem. Cū enim dicitur, relatio ut subsistens: idem est ac si diceretur, relatio in concreto: pro ut sic autem non significatur ut constituens, sed ut constitutum: in abstracto; verò significatur ut constituens, quia significari ut constituens, est significari: ut formam, & ut quo aliquid est tale; qualiter significatur relatio nominibus non concretis, sed abstractis, qualia sunt *paternitas, personalitas, subsistentia*, & his similia: nominibus autem concretis significatur non ut constituens, sed ut constitutum: v. g. Pater non significat paternitatem ut formam, & ut quod Pater est Pater; nec ut referens, sed ut quod est, & quod refertur, quodque relatione constituitur. Et hoc nomine, *Persona Divina*, non significatur personalitas ut forma constituens personam, sed ut persona personaliter constituta.

Obijcies ultimò: D. Thomas quæst. 9. de potentia art. 4. in corp. docet quod sicut nomen *bomo*, significat formaliter compositum ex anima & corpore, materialiter verò significat habens cor, cerebrum, & alia, sine quibus non reperitur corpus animatum: ita hoc nomen *Persona Divina*, significat de formali distinctum subsistens in natura divina, de materiali autem significat relationem, vel relativum.

Respondeo D. Thomam ibi loqui de relatione quatenus formaliter exercet munus relationis, & ut est respectus ad terminum; sub quaratione de materiali tantum à persona divina significatur, ut in ultima conclusione ostendimus: non verò loqui de relatione, ut est subsistens, & quatenus gerit vices forniæ hypostaticæ, Nam (ut ibidem ait S. Doctor) *Persona Divina significat de formali distinctum subsistens in natura Divina*: Distinctum autem subsistens in natura divina, non potest esse nisi relatio in concreto, seu relativum illud enim solum præstat incommunicabilitatem, & distinctionem in Divinis.

Potest etiam dici cū Nazario, D. Thomam loco allegato solum intendere, quod persona divina de materiali significat relationem, ex parte modi significandi & concipiendi, sive prout materialiter, idem est, ac non explicitè: non tamen negare, quin significet relationem formaliter ex parte rei conceptæ, & implicitè.



## DISPUTATIO V.

*De pluralitate personarum.**Ad quest. 30, D. Thome*

**D**E pluralitate personarum in Deo fuisse egimus disputatione præmissa, confutando errorem præter & Sabellij, qui unicam in Deo personam adnocebant. Unde circa hanc questionem duo tantum hic nobis occurrunt examinanda. Primum est, an in Deo, ut præintellecto relationibus & personis, detur aliqua subsistentia absoluta & communis? Secundum, an præter illam tres adhuc relative & propriæ in personis divinis admittendæ sint?

## ARTICVLVS PRIMVS.

*An in Deo, secundum se considerato, & ut præintellecto relationibus & personis, detur aliqua subsistentia absoluta?*

**I**n hujus difficultatis resolutione duæ sunt celebres sententiæ, omnino oppositæ. Prima negat dari in Divinis aliquam subsistentiam absolutam, communem tribus personis, & propriam divinæ naturæ; & consequenter asserit divinam naturam subsistere in divinis personis, per proprias tantum earum subsistentias relativas. Ita Vazquez in præsentī disput. 125. cap. 3. Arrubal, Meratius, alique Recentiores, & ex nostris Aravius 2. tomo metaph. libro 7. quest. 2. art. 3. & novissimè P. Nicolai 3. p. quest. 3. art. 3. ad 1. ubi cum D. Thomas dicat: *Et per hunc modum potest intelligi quid (natura divina) assumat naturam humanam, ratione suæ subsistentiæ, vel personalitatis*: advertit in notis quod D. Thomas non concludit posse naturam divinam assumere, sed intelligi posse assumentem, quia intelligitur ut persona, tamen non sit. Et postea subdit: *Quibus oculis ergo subsistentiam absolutam, quæ rationem personæ non habeat, illius confidiores viderunt? ubi tam aperte subsistens pro persona, ut & subsistentia pro personalitate, vel pro subsistentia personalitatis, quinque inculcatur.* &c.

Secunda sententiæ, illi opposita, hujusmodi subsistentiam admittit in Deo secundum se Considerato, & ut præintellegitur personis. Ita Cajetanus suprà quest. 3. art. 3. quest. 29. art. 4. infra quest. 39. art. 4. tertiâ parte quest. 2. art. 2. circa solut. ad 3. & quest. 1. art. 2. Illam etiam defendunt alij Thomistæ, & ex extraneis Molina, Suarez, & Granado, qui plures alios refert; & egregie offendit contra Vazquem, Cajetanum; non esse primum Auctorem hujus subsistentiæ.

**2** Hanc tamen litem & controversiam existimo magis esse de nomine, quàm de re, & procedere ex diversâ hujus nominis, *subsistentia*, acceptione & intelligentia. Unde ut omnis tollatur æquivocatio, & facilius hæc questio resolvatur

Observandum est ex D. Thoma, quest. præcedenti art. 2. *Ex eo quod res aliqua per se existit, & non in alio, vocati subsistentiam*: illa enim subsistere dicimus, quæ non in alio sed in se existunt. Unde sicut aliquid dicitur esse in alio duobus modis: primò quia ab illo dependet ut recipiat esse: secundò quia illi communicatur, quatenus ab illo

**A** non dependeat, ut constat in anima rationali, quæ dicitur esse in materia, etsi non dependeat ab illa. Ita etiam dupliciter aliquid potest dici per se existere, ac proinde subsistere: primò quia existit independentè ab alio: secundò quia alteri non potest communicari. Ex quo fit, subsistentiam accipi posse, & pro perfectitate excludente dependentiam, & pro perfectitate excludente communicationem. Hac observatione præmissâ, faciliè poterit resolvi difficultas proposita. Unde fit.

§. I.

*Duplici conclusione difficultas proposita resolvitur.*

**D**ico ergo primò: Si subsistentia accipiat pro perfectitate excludente communicabilitatem alteri ut supposito, non est ponenda in Deo secundum se considerato, & ut præintellegitur relationibus & personis.

Conclusio est omnino certa: Natura enim divina, ut præintellegitur relationibus, tribus personis est communicabilis, & de facto illis communicatur: Ergo ut sic non potest gaudere aliqua subsistentiâ, quæ tribuat incommunicabilitatem alteri ut supposito.

**C** Confirmatur: Subsistentia in hac secunda acceptione, nihil aliud est quàm personalitas: Sed in Deo, pro priori ad relationes, non datur personalitas: Ergo nec subsistentia in secunda acceptione. Minor probatur: Cum enim personalitas sit constitutivum personæ, si in Deo, pro priori ad relationes, daretur personalitas, Deus in illo priori esset persona, & sic darentur quatuor personæ in Deo; quod est contrâ fidentem, & expressam definitionem Concilii Lateranensis, negantis in Deo personarum quaternitatem.

**D**ico secundò: Si subsistentia usurpetur pro perfectitate, excludente dependentiam ab alio in existendo, convenit naturæ divinæ secundum se consideratæ, & ut præintellegitur relationibus & personis.

Probatur conclusio primò ex Agathone Papa, in Epistola quæ habetur in sexta Synodo actione 4. parum à principio, ubi dicitur: *Confitemur trium subsistentiarum sive personarum unam subsistentiam.*

Secundò ex Augustino 7. de Trinit. cap. 4. dicente: *Omnis res (scilicet substantialis) ad seipsam subsistit, quantum magis Deus?* Idem docent Hieronymus epist. 57. ad Damasum, Cyrillus Alexandrinus, & alij SS. Patres, quos referunt Carmelitæ Salmanticenses hic disp. 9. dubio 5. §. 2.

**E** Tertiò ex S. Thoma, qui eandem veritatem variis in locis apertissime docet. Nam in 1. dist. 27. quest. 2. artic. 1. sic ait: *Natura Divina est in se habens esse subsistens, nullâ intellectâ personarum distinctione.* Et in 3. dist. 6. quest. 2. artic. 2. ad 2. asserit quod in Deo ipsa essentia subsistens est, unde ei secundum se debet esse, imò ipsa est suum esse subsistens. Et 4. cont. Gentiles capit. 14. dicit, quod in Deo sunt plures res subsistentes, si relationes consideremus, & una res subsistens, si consideretur essentia. Denique quest. 9. de potentia art. 5. ad 13. In Divinis (inquit) proprietates personales habent, quid supposita naturæ divinæ ab invicem distinguant, non autem sunt principia subsistendi divinæ essentie, ipsa enim divina essentia est secundum se subsistens.

Ex quibus locis respondere possumus ad animand.

versiones P. Nicolai, nos iisdem oculis subsistentiam absolutam quæ non habeat rationem personæ, legere, quibus legimus in locis à nobis citatis, quod *divina essentia est secundum se subsistens, quod proprietates personales non sunt principium subsistendi divine essentie &c.* Et quamvis forsitan D. Thomas 3. p. Ita explicandus sit, quod etiam si nulla intelligeretur in Deo personarum distinctio, sed intelligeretur solum natura divina subsistens, ac subinde habens rationem personæ, qualem intelligunt Iudæi, & Philosophi posuerunt, qui unicam in Deo personam admittebant; attamen ex locis suprâ positis facile convincitur, D. Thomam voluisse quod etiam si concipiatur natura divina ut prævenit personas, quâ ratione non habet rationem personæ, adhuc tamen potest naturam humanam assumere.

Nec obstat D. Thomas dixisse, *posse intelligi naturam assumere &c.* Etiam apud D. Thomam & reipâ, idem est posse intelligi, & non repugnare, quia quæ repugnant, non possunt intelligi, si quidem quæ possunt intelligi, non repugnant, quia non est impossibile apud Deum omne verbum: Cum ergo D. Thomas dixerit, posse intelligi naturam divinam posse assumere, etiam ipsa natura divina potest assumere naturam humanam.

Alio modo conatur Vazquez eludere testimonium suprâ adducta D. Thomæ & SS. Patrum: respondet enim, D. Thomam, & alios SS. patres allegatos, usurpare subsistentiam pro existentia.

Sed hæc solutio multipliciter potest confutari: Primò quia si valeat hæc responsio, eodem modo, & pari facilitate, eludi poterunt omnia testimonia, quibus ipse Vazquez & alii Authores probant contra Durandum, & alios infrâ referendos, dari in personis divinis tres subsistentias relativas, nam eodem modo glossari poterunt, & dici SS. Patres in illis locis subsistentiam usurpare pro existentia: Ergo Vazquez hac responsione arma subministrat Adversariis ad infringendam vim omnium argumentorum, quæ adducit contra Durandum, & alios negantes in Divinis tres subsistentias relativas.

Secundò, Si locis allegatis subsistentia sumeretur pro existentia, quando D. Thomas ait, quod divina essentia est suum esse subsistens, sensus esset, quod Deus est suum esse existens, vel existentia existens; quod esset inutilis repetitio, & barologia intollerabilis.

Tertiò, Ex eo quod in Deo ipsa essentia divina subsistens est, inferit D. Thomas quod ei secundum se debetur esse, imò quod ipsa est suum esse: Sed hic discursus non valeret, imò esset omnino nugatorius, si per ly. *subsistens*, intelligeret existentem, nam idem esset ac si diceretur, ex eo quod in Deo ipsa essentia esset existens, ei deberi existentia: Ergo &c.

Denique D. Augustinus immediate ante verba relata, sic habet: *Sicut ab eo quod esse appellatur essentia, ita ab eo quod est subsistere, subsistentiam dicimus:* Ergo quando subdit: *Omnes res ad seipsam subsistit, quanto magis Deus:* non loquitur de existentia, sed de subsistentia, seu modo per se existendi, excludente dependentiam ab alio ut sustentante, quem dicimus, pro priori ad relationes & personas, convenire divinæ essentia.

## §. II.

*Eadem veritas ratione suadetur.*

PRæter tam evidentia testimonia, plures sunt rationes egregiæ, quibus eadem veritas efficaciter suaderi potest.

Prima est. Deitatis concretum, quod per hunc terminum, *hic Deus*, significatur, non constat præcisè ex natura divina, & existentia: Ergo includit necessariò subsistentiam: Non relativam, nam hic Deus prædicatur de tribus personis, ut quid secundum rem commune illis: Ergo absolutam. Antecedens probatur: Concretum Deitatis significare debet aliquid per modum habentis, sicut ly *homo*, significat habens humanitatem: Sed natura divina, etiam prout existens, si à subsistentia secludatur, non significatur per modum habentis, sed potius tanquam id quo aliud constituitur in ratione Dei; sicut humana Christi natura, præcisà à subsistentia Verbi, quantumvis intelligatur existens per creatam existentiam, non dicitur homo, sed humanitas; nec in concreto significatur, sed abstractè, necetiam est id quod est, sed id quo Christus Dominus constituitur in ratione hominis: Ergo concretum Deitatis, quod significatur hoc nomine, *Deus*, non constat ex natura præcisè & existentia, sed ex natura per subsistentiam terminata.

Secundario. Deus, ut præintelligitur personis, est subsistens: Sed non subsistentiæ personali & relativæ, ut in prima conclusione ostendimus: Ergo subsistentiæ essentiali & absolutæ. Minor patet, Major autem, in qua solum potest esse difficultas, probatur primò. Deus, ut præintelligitur personis, creat, & operatur res ad extra, alias non essent indivisa opera Trinitatis ad extra, est etiam in illo priori intelligens & volens: Ergo in illo priori est subsistens. Probatur Consequentia: nam ut ait D. Thomas infrâ quæst. 75. art. 2. *Nihil potest per se opera, nisi quod per se subsistat:* Unde commune axioma est: *Actiones sunt suppositorum, vel subsistentium.* Ratio etiam id suadet: Cum enim subsistentia sit actus substantialis, prius naturâ convenit quàm operatio, quæ ex communi conceptu actus spiritualis non est.

Secundò probatur eadem Major: Subsistere dicit maximam perfectionem, dicit enim modum essendi perfectissimum: Ergo non debet Deo denegari, etiam ut præintelligitur tribus personis. Consequentia patet: Tum quia omnis perfectio imaginabilis debet reperiri in divina essentia: Tum etiam quia, ut suprâ ostendimus, relationes nullam addunt perfectionem ad divinam essentiam, sed potius totam perfectionem quam habent, ab illa accipiunt.

Tertio eadem Major ostenditur. Divina essentia intra suam lineam est infinita: Ergo & subsistens. Probatur Consequentia: Ideò natura creata, intra propriam lineam non subsistit, sed ratione sui suppositi, quia finita est, & sic dependet ab illo ut à sustentante: Ergo si divina natura intra propriam lineam sit infinite perfecta, erit subsistens intra propriam lineam.

Denique eadem Major suadetur ratione desumpta ex Tractatu de Incarnatione. Nam ut docet S. Thomas 3. p. quæst. 3. art. 3. abstractis per intellectum personalitatibus, potest Deus assumere naturam creatam: Ergo Deus, ut præintelligitur personis, est subsistens. Consequentia

patet: si enim in illo priori non esset subsistens, A non posset supplere vices subsistentie creatæ, & reddere naturam creatam subsistentem; implicat enim illam reddi subsistentem, nisi per subsistentiam propriam, vel alienam: Ergo non posset illam assumere, in hoc enim consistit assumptio, quod Deus terminet naturam alienam, & suppleat vices subsistentie creatæ.

## § III.

*Ratio fundamentalis expenditur.*

- 11 **T**ertia ratio, quæ est fundamentalis, sumitur ex principiis suprâ statutis. Nam per subsistentiam absolutam, quam dicimus convenire naturæ divinæ secundum se, nihil aliud intelligimus, quam perfectatam excludentem dependentiam ab alio ut sustentante: Sed natura divina, secundum se, & ut præintelligitur relationibus & personis, gaudet tali perfectitate & independentiâ; cum non dependeat à relationibus in existendo, sed potius relationes per eius existentiam existant, ut disputatione præcedenti ostensum est:
- 12 Ergo natura divina secundum se, & ut præintelligitur relationibus & personis, gaudet subsistentiâ absolutâ,

Huic argumento dupliciter respondent Adversarii. Aliqui enim concedunt naturam divinam, pro priori ad relationes & personas, per se existere, independentem ab alio ut sustentante; negant tamen quod subsistat, quia (inquiunt) in independentia ab alio in existendo, non salvatur ratio subsistentiæ, sed solum in perfectate excludente communicabilitatem alteri ut supposito; quæ perfectas, pro priori ad relationes, non competit naturæ divinæ, cum sit communicabilis tribus personis.

- 13 Secundo alii respondent, negando quod naturæ divinæ, pro priori ad relationes, competat perfectitas in existendo, per exclusionem dependentiæ à sustentante: nam (inquiunt) in existendo dependet à relationibus; neque ex hoc existunt aliquam imperfectionem redundare in divinam essentiam, eo quod relationes ab illa realiter sint indistinctæ.

Sed neutra solutio satisfacit. Prima enim, ut suprâ annotavimus, totam hanc controversiam devolvit ad questionem de nomine: in questione autem de nomine, potius standum est auctoritati Augustini & D. Thomæ, quam iudicio recentiorum authorum; & temerarium est dicere cum Vazque. Hieronymum & Augustinum non satis intellexisse huius nominis significationem. Unde cum illi SS. Patres, & præcipue D. Thomas, locis suprâ allegatis, perfectatam jam explicatæ tribuant nomen subsistentiæ, non est cur illud ei denegemus, præsertim cum ratio id suadeat: de eo enim quod per se existit, perfectate independentiæ, absolute verum est dicere existere per se: Ergo absolute verum est dicere quod subsistit. Consequentia probatur: nam (ut suprâ ex D. Thoma observavimus) in perfectate existendi subsistentia consistit: nec aliâ ratione animæ rationalis separata à corpore subsistit, nisi quia sic separata, perfectate independentiæ gaudet, etsi communicabilis sit.

- 14 Confirmatur: Subsistentia creata duo præstat naturæ quam terminat: primum, quod existit per se, perfectate independentiæ; secundum, quod per se existit perfectate incommunicabilitatis: At di-

vinæ relationes, quia dant secundam perfectatam, dicuntur & sunt vera subsistentia: Ergo si formalitas absoluta tribuat divinæ essentiae primam, erit vera subsistentia, & nomine subsistentiæ absoluta gaudebit.

Secunda solutio omni probabilitate caret, & facile potest confutari. Nam existentia ut exercita convenit essentialiter naturæ divinæ, in statu absoluto consideratæ: Ergo ut illi conveniat, à relationibus, quæ posteriores sunt, non dependet; & consequenter per se convénit illi, perfectate excludente dependentiam à sustentante.

Præterea, Si divina essentia non existeret ut quod, pro priori ad relationes, sed ratione illarum, intelligeretur pro eo priori imperfecta, etiam si relationes, ratione quarum existeret, essent ab ea realiter indistinctæ: Ergo pariter si non existat perfectissimo modo, consistente in perfectate excludente dependentiam à sustentante, non salvabitur in illa debita perfectio; quamvis relationes, ratione quarum ei conveniret perfectas in existendo, realiter ab illa non distinguuntur.

Confirmatur: Imperfecta esset divina intelligentia, si verbo indigeret, & ex indigentia verbum produceret; etsi verbum ab illa realiter non distinguatur: Ergo pariter imperfecta esset divina existentia, si indigeret relationibus ut per se conveniret essentia; etsi relationes realiter ab illa sint indistinctæ.

## §. IV.

*Solvuntur obiectiones.*

**C**ontra istam conclusionem obijciunt in primis Adversarii: Subsistentia, juxta Concilia & SS. Patres, quorum plura referunt testimonio, idem significat latine, quod Græcè *hypothesis*: Sed nullus Theologorum audeat concedere hypostasim absolutam in Deo, ut præintellecto relationibus & personis: Ergo nec subsistentia absoluta in illo admittenda est.

- 19 Respondeo distinguendo Majorem: Subsistentia idem significat latine quod Græcè *hypothesis*: in aliqua sui acceptione, eaque frequenti, concedo Majorem. In omni sua acceptione, nego Majorem. Nam sicut hoc nomen, *substantia*, dupliciter sumitur, & pro supposito, & pro essentia; & in prima acceptione conceduntur tres substantiæ in Deo, & negatur una substantia; in secunda vero conceditur una, & negantur tres substantiæ, de quo D. Thomas quæst. præcedenti artic. 2. ad 2. & hic artic. 1. ad 1. Ita hoc nomen *subsistentia*, dupliciter accipitur: primum pro perfectate excludente dependentiam à sustentante: secundum pro perfectate excludente communicabilitatem supposito primo modo est una, & non plures: secundum plures & non una, & in hac secunda acceptione correspondet nomini græco *hypothesis*.

Advertendum tamen est, quod sicut non dicimus absolute tres substantias, ne detur occasio erroris; sed solum cum addito, scilicet tres substantias individuas, ut suprâ art. 1. ex D. Thoma observavimus. Ita etiam, ne detur occasio erroris absolute dicendum non est, dari in Deo unam subsistentiam, sed solum cum addito, addendo scilicet, absolutam, vel aliquid aliud, denotans nos loqui de absoluta subsistentia.

Obijciunt secundo: Si Deus pro priori ad relationes subsisteret, esset persona: Sed hoc non est dicendum, aliàs in Deo daretur personarum qua-



ternitas, quod in Concilio Lateranensi damnatum fuit; Ergo Deus, pro priori ad relationes, non subsistit. Sequela Maioris probatur: Persona nihil aliud dicitur, quam subsistens in natura intellectuali: Ergo si Deus, pro priori ad relationes, subsisteret, esset persona.

22 **Huic argumento patet solutio ex dictis in prima conclusione.** Maior enim distinguenda est: Si subsisteret subsistentia significante perfectitatem, excludentem communicabilitatem alteri ut supposito, concedo Maiorem: Si subsisteret subsistentia accepta perfectitate, excludente solum dependentiam ab illo in existendo, nego Maiorem. Vel clarius: si subsisteret subsistentia personalis & incommunicabili, concedo Maiorem: si subsistentia absoluta & communicabili, nego Maiorem. De ratione enim personae est, quod sit subsistens in natura intellectuali incommunicabiliter, ut constat ex definitione illius supra exposta.

23 **Dices:** Si Deus pro priori ad relationes sit subsistens, subsistentia absoluta, erit saltem semi-persona: quia licet ei desit incommunicabilitas, quae ad integram & completam rationem personae requiritur, habebit tamen subsistentiam, seu perfectitatem in existendo, quae est unum ex requisitis ad rationem personae.

24 **Respondeo** negando sequelam; quamvis Cajetanus & quidam alii eam concedant. Sicut enim ex eo quod equus participet rationem animalis, quae est unum ex praedicatis essentialibus hominis, non potest dici semi-homo: ita etiam licet Deus, pro priori ad relationes, gaudeat subsistentia, quae est unum ex requisitis ad rationem personae, non tamen debet dici semi-persona. Ratio est: quia essentiae rerum consistunt in indivisibili, & se habent sicut numeri, qui ex additione vel deductione unitatis mutant speciem. Unde sublati differentia essentiali & specifica, statim solvitur species; quamvis unum ex praedicatis essentialibus remaneat.

25 **Obijcit** tertio Vazquez: Deitas praeterea personis, non potest esse principium generandi ut quod ad intra: Ergo non potest intelligi ut sic subsistens.

**Sed** nego Consequentiam. Ad hoc enim ut Deitas intelligatur principium quod generationis aeternae Filii, debet concipi cum paternitate, ut est ratio incommunicabiliter subsistendi, quia de consideratione realis distinctio inter generans & genitum, quae non potest esse nisi per relationes: ut autem Deitas intelligatur ut subsistens, sufficit ut intelligatur existens per se, & independentem à quocumque alio, quod illi convenit secundum se, & ut praeterea relationibus & personis.

26 **Obijcit** quarto: Ut divina natura subsistat, sufficiunt tres subsistentiae relativae: Ergo frustra ponitur subsistentia absoluta.

**Respondeo** negando Antecedens: nam relationes non tribuunt naturae divinae subsistere subsistentia accepta pro perfectitate independentem à sustentante, sicut nec illi tribuunt independentiam à subiecto inhærentis, sed solum tribuunt illi incommunicabilitatem, & ideo subsistentia absoluta, ad praestandum primum necessaria est.

27 **Dices**, in Deo utrumque posse praestari à relationibus: sicut in creatis personalitas utramque perfectitatem tribuit naturae quam terminat, reddendo illam independentem ab alio ut sustentante, & incommunicabilem alteri ut supposito.

**Sed** hoc negandum est: independentia enim à

**A** sustentante, cum perfectio maxima sit, non potest à relatione praestari, quae ratione sui in nostra sententia perfectio non est, & etiam si detur quod perfectio relativa sit, essentiam in linea absoluta perfectio modo existentem supponit, ut supra dicebamus. Unde patet, disparitas ad exemplum adductum: nam in natura creata potest ab eadem forma praestari quod perfectionis est, nempe independentia à sustentante, & quod est incommunicabilitatis: in Deo autem id quod est perfectionis, non potest praestari nisi ab essentia, & incommunicabilitas non potest oriri nisi à relationibus.

**Dices** rursus: Si in Deo esset una tantum persona personalitas utrumque praestaret, redderet enim naturam divinam independentem ab alio ut sustentante, eique incommunicabilitatem tribueret: At nulla est ratio, cur tres personalitates, quas Religio Christiana fatetur in Deo non praestent totum id quod tunc praestaret unica personalitas: Ergo idem quod prius.

**Respondeo** concessa Maiori, negando Minorem: Nam in hoc casu, vel personalitas non esset virtualiter à natura divina distincta, vel ad minus esset perfectio absoluta: nullum autem est inconveniens, quod in dependentia à sustentante, quae (ut diximus) maxima perfectio est, conveniat essentiae divinae dependentem ab aliqua perfectione essentiali & absoluta, praeteritum si talis perfectio identificetur cum essentia, sine virtuali discrimine. Modò verò tres personalitates, quas Religio Christiana in Deo agnoscit, & relativae sunt, & virtualiter ab essentia distinctae, illaque posteriores. Est autem inconveniens, quod modus perfectissimus existendi (qualis est subsistentia, prout dicit independentem ab alio ut sustentante) competat Deo dependentem à relationibus, quae ratione sui perfectiones non sunt, sed totam perfectionem quam habent, desumunt à divina essentia, quae in illis includitur.

29 **Obijcit** quarto: Subsistere est per se existere, vel non in alio, seu cum repugnantia ad essendum in alio: At natura divina, pro prioria ad relationes, hac perfectitate non gaudet, cum potius petat in personis existere: Ergo pro illo priori non subsistit.

**Respondeo** distinguendo Maiorem: per se vel non in alio sustentante, concedo Maiorem: ut praecise terminante, nego Maiorem, in omni subsistentiae actione. Et sub eadem distinctione Minoris, nego Consequentiam: nam licet natura divina petat esse in personis, ratione fecunditatis, non tamen petit esse in illis ratione indigentiae ut existat exercitè, sed hoc habet ratione sui, unde est in personis praecise ut terminantibus, non ut sustentantibus.

30 **Dices** Sufientari à supposito, est ab illo compleri: Sed natura divina completur per subsistentias relativae: Ergo ab illis sustentatur. Minor probatur: cum enim natura divina petat subsistentias relativae, illae debent aliquo modo ad naturam spectare, cumque ad illam non pertineant ut proprietates, debent saltem ad illam pertinere ut complementa, seu ut modi quibus completur.

31 **Respondeo** distinguendo Maiorem: sustentari à supposito est ab illo compleri: complementum requisito ob indigentiam ad existendum exercitè, concedo Maiorem: requisito ob solum fecunditatem naturae & existentiae, nego Maiorem: & sub eadem distinctione Minoris, nego Consequentiam: nam relationes divinae, cum con-



pleant naturam, complemento orto ex summa A  
fecunditate, ratione cuius petit existere in tribus  
personis, non tamen complemento orto ex indi-  
gentia, ut exercitè existat, quia cum hoc non sta-  
ret summa perfectio absoluta essentia: sicut nec  
summa perfectio divinæ intellectus subsisteret,  
si verbum esset complementum eius ex indigen-  
tia, & ex infinita divini intellectus fecunditate non  
procederet.

32 In talibus: Divina essentia non potest existere  
sine relationibus: Ergo subsistentia relativæ sunt  
complement ex indigentia naturæ ad existendum.

Sed nego Consequentiam, & insto, tum in  
possibilitate creaturarum, sine qua omnipotentia  
subsistere nequit, tum in divina intellectione quæ  
sine verbo non potest existere, & tamen nec crea-  
turarum possibilitas requiritur ex indigentia, sed  
ex fecunditate omnipotentia, nec verbi produ-  
ctio ex indigentia, sed ex fecunditate intelle-  
ctionis.

Obijcies ultimò: Si natura divina ratione sui ef-  
fect subsistens, Deitas non posset intelligi in ab-  
stracto, quòd enim affert essentialiter subsisten-  
tiam, non potest intelligi, nisi ut id quod est, &  
consequenter nisi in concreto.

Respondéo distinguendo Majorem: non posset  
intelligi in abstracto, si conciperetur ut est in se,  
concedo Majorem: si concipiatur imperfectè &  
per analogiam ad res creatas, qualiter à nobis con-  
cipitur, nego Majorem. Nos enim assueti rebus  
materialibus & creatis, concipimus naturam di-  
vinam inadæquatè, non concipiendo illam ut est  
subsistens, & idèò illam in abstracto, & per mo-  
dum formæ constituentis concipimus.

## ARTICULVS II.

*An subsistentia in personis divinis realiter  
multiplicetur.*

34 Hanc quaestionem sub aliis terminis aliqui pro-  
ponunt, inquirentes an præter subsistentiam  
absolutam, quæ divinæ essentia secundum se con-  
siderata convenire ostendimus, dentur in per-  
sonis divinis tres subsistentia relativæ, realiter in-  
ter se distinctæ, & virtualiter à subsistentia absoluta  
essentia?

Partem negativam tenet Durandus in 1. dist. 13.  
quaest. 2. existimans tres personas divinas totam  
rationem subsistendi desumere à subsistentia ab-  
soluta essentia in illis inclusa, incommunicabilita-  
tem verò præstari à relationibus, & consequenter  
tres subsistentias relativas, ad constituendas divi-  
nas personas, esse omnino superfluas. In eandem  
sententiam videntur inclinare Capriolus in 1. dist.  
26. quaest. 1. articulo 1. concl. 3. & Ferrariensis 4.  
contra Gentiles cap. 26. eique favent Nazarius & As-  
turicensis, locis infra allegandis.

Alii tamen Thomistæ partem affirmativam de-  
fendunt, & præter subsistentiam absolutam &  
communem, quam in Deo, ut præintellecto rela-  
tionibus & personis, agnoscunt, tres alias relativas  
& incommunicabiles in divinis personis admit-  
tunt.

§. I.

*Statuitur prima conclusio.*

Dico primò: Subsistentia pro perfectate inde-  
pendentia sumpta, non multiplicatur in per-  
sonis divinis,

Probatur primò conclusio: Unica existentia 35  
essentia sufficit, ut existant relationes divinæ, ut  
disputatione præcedenti ostensum est: Ergo una  
existentia essentia perfectas, sufficit ut illæ per se  
existant, & consequenter non multiplicabitur  
illis realiter subsistentia accepta pro huiusmodi  
perfectate. Consequentia patet: nam idèò sufficit  
unica existentia essentia, quia infinita est in ratio-  
ne existentia: At etiam subsistentia essentia infi-  
nita est in ratione excludentis dependentiam à su-  
stentante: Ergo etiam unica perfectas indepen-  
dentia sufficit ut divina natura & personæ per se  
existant.

probatur secundò: Absoluta non multiplican- 36  
tur in Divinis: Sed subsistentia, pro perfectate  
independentia sumpta, est quid absolutum: Ergo  
in personis divinis non multiplicatur. Maior pa-  
tet: nam omnia in Deo sunt unum, ubi non ob-  
viat relationis oppositio. Minor verò probatur:  
Illud est absolutum, quod convenit Deo pro pri-  
ori ad relationes & personas, ut per se manifestum  
est: Sed subsistentia, pro perfectate independen-  
tia accepta, convenit Deo ut præintellecto rela-  
tionibus & personis, sicut articulo præcedenti o-  
stendimus: Ergo est quid absolutum & commu-  
ne tribus personis.

Confirmatur & magis illustratur hæc ratio. 37  
Quæ conveniunt personis ratione essentia, non  
verò ratione relationum, non multiplicatur real-  
iter: Sed subsistentia, ut dicit perfectatem inde-  
pendentia ab alio sustentante, convenit personis  
divinis ratione essentia, & non ratione relatio-  
num: Ergo in illis realiter non multiplicatur. Mai-  
or est certa, & patet ex dicendis disp. sequenti.  
Minor verò, in qua est difficultas, probatur primò  
ex D. Thoma, qu. 9. de potentia art. 5. ad 13. ubi ait,  
quòd proprietatis personales habent quòd subsi-  
stant ab essentia: Sed hoc non potest intelligi de  
subsistentia pro perfectate incommunicabilitatis  
accepta, illa enim, ut ostendimus conclusionem se-  
quenti, convenit personis divinis ratione relatio-  
num: Ergo debet verificari de subsistentia accepta  
pro perfectate existendi opposita dependentia. 38

Secundò suadetur eadem Minor: Ea quæ per-  
fectionem dicunt, conveniunt personis divinis  
propter essentiam; non verò propter relationes,  
quæ in nostra sententia, ratione sui, perfectiones  
non sunt, sed totam bonitatem & perfectionem  
quam habent, ab essentia in illis inclusa desumunt:  
Atque perfectas independentia in existendo, ma-  
xima perfectio est, ut patet ex dictis articulo præ-  
cedenti: Ergo non convenit personis divinis, ra-  
tione relationum, sed solum ratione essentia. 39

Tertiò probatur Minor principalis: Perfectas  
independentia ab alio sustentante convenit ra-  
tionibus divinis, ex eo quòd sint substantiales,  
& non accidentia, sicut relationes creatæ: Sed id  
habent ex identitate cum divina substantia seu es-  
sentia, ut patet: Ergo talis perfectas illis convenit  
ratione essentia. Itaque personalitas Patris, v.g. &  
est ratio subsistendi independentem, & ratio sub-  
sistendi incommunicabiliter: primum non habet  
ex vi linearæ relativæ, sed ratione essentia in illa in-  
clusa, secundum verò ratione propriæ linearæ, &  
idèò multiplicatur subsistentia in secunda acce-  
ptione, ut sequenti conclusionem videbimus, secus  
autem in prima, de qua solum in hac conclusionem  
loquimur.

Dices, Ex hoc sequi, personalitatem Patris in-  
tra propriam lineam non obtinere completam 40  
personalitatis rationem: Consequens videtur fal-  
sum:

sum: Ergo &c. probatur sequela: De ratione A completæ personalitatis est quoddam sit ratio subsistendi, nedum incommunicabiliter, sed etiam independenter: Tum quia de ratione personæ utraque perfectas est, & consequenter utraque à completæ personalitate debet provenire: Tum etiam, quia personalitas creata habet ratione sui utramque perfectitatem præstare. Ergo si paternitas ratione suæ lineæ utramque non exhibet, non obtinebit intra propriam lineam completam personalitatis rationem. Ex quo ulterius sequitur, aliquid ad personalitatem spectans, à divina natura provenire; ac proinde illam esse: cū personam, ut loquitur Cajetanus.

41. Respondeo negando sequelam: ad cujus probationem, nego Antecedens, quod non convincunt duæ probationes adductæ. Non quidem prima: quia licet utraque perfectas sit de conceptu personæ, cū tamen ad personam constituendam ingrediantur natura & personalitas, potest una à natura, & altera à personalitate præstari. Nec etiam secunda: quia quod personalitas creata utramque perfectitatem præstet ratione sui, provenit ex imperfectiōe naturæ creatæ, quæ ante personalitatem subsistens non est, nec existens. Sicut nec valet ista conclusio: Personalitas creata naturam primò subsistentem constituit: Ergo est de ratione personalitatis ut sic primò subsistentem naturam constituere: cū plures ex illis contra quos nostra conclusio procedit, absolutam subsistentiam agnoscant in deo, & consequenter teneantur fateri, personalitatem divinam non esse primam rationem subsistendi divinæ naturæ.

## §. 11.

## Statuitur secunda conclusio.

Dico secundo: Subsistentia pro perfectitate incommunicabilitatis accepta, realiter multiplicatur in personis divinis.

42. Probatur primò Juxta Concilia & SS. Patres dantur plures subsistentiæ in Divinis: Sed non plures substantiæ, accepta subsistentia pro perfectitate independentiæ à sustentante, ut præcedenti conclusione ostendimus. Ergo debent saltem multiplicari, si subsistentia pro perfectitate incommunicabilitatis accipitur. Major probatur ex sexta Synodo generali actione 11 ubi dicitur, quod Sanctissima Trinitas numerabilis facta est personarum subsistentiis: Idipsum habetur in Concilio Nicæno Iccano, in exemplari litterarum Theodori Patriarchæ Hierosolymitani; & in Lateranensi secundo, approbato à Martino I. consulto, & multis aliis in locis.

43. Id etiam docent SS. Patres, Ambrosius in Symbolo. Apostol. cap. 2. ubi ait: *Catholicam est, ut & unum Deum secundum unitatem substantiæ fateamur, & Patrem, & Filium, & Spiritum Sanctum, in sua quemque subsistentia sentiamus.* Cyrillus Alexandrinus dialogo de Trinit. lib. 3. his verbis: *Omni nostre fidei sermo hic tendit, ut unam videamus Deitatis naturam, quæ in tribus subsistentiis propriis subsistit.* Athanasius sermo de Deipara dicens: *Vnum Deum in tribus subsistentiis predicamus, in quibus una est substantia.* Denique Damascenus lib. 1. fidei cap. 9. ait quod *Filius propriam habet subsistentiam, præter eam quæ Patri est.*

44. Respondebis primò, apud Concilia & SS. Patres, quando pluraliter subsistentiæ dicuntur, accipi subsistentiam pro personalitate.

Sed contra primò: Nam vel acceptio ista est

Tom. II.

propria, vel impropria locutio? Si primum, habemus intentum, scilicet subsistentiam in aliqua sui propria acceptione pluralificari in Divinis: si secundum, sine urgenti necessitate Conciliorum & Patrum verba ad imperfectum sensum detorqueatur quod est inconveniens: Ergo &c.

Secundò: Si locis allegatis subsistentia pro personalitate sumeretur, verba illa sextæ Synodi: *Trinitas numerabilis facta est personarum subsistentiis*, redderent hunc sensum nugatorium: Trinitas numerabilis est personarum personalitatibus: Sed hoc non est dicendum: Ergo nec illud.

Tertiò: Personalitas in recto est subsistentia, cū juxta D. Thomam quæst. præcedenti art. 2. nihil aliud sit personalitas, quam subsistentia in rationali natura: Ergo si juxta Concilia & SS. Patres, dantur in Deo plures personalitates, etiam subsistentia multiplicabitur in personis divinis.

45. Respondebis secundò, Concilia & SS. Patres locis allegatis sumere subsistentiam in concreto, seu pro re subsistente: unde quando affirmant plures esse in Deo subsistentias, idem est, ac si dicerent in divinis esse plures res subsistentes; ad quod necessarium non est, ut subsistentiæ multiplicentur, sed sufficit quod sint plures personæ eadem subsistentiā gaudentes.

46. Sed hæc etiam responsio eadem facilitate rejicitur quā præcedens. Primò, quia Concilia & SS. Patres loquuntur de subsistentiis ut de formis, aut veluti formis, quibus Sanctissima Trinitas constituitur, & numeratur, ut patet ex verbis sextæ Synodi, jam relatis: sed hoc est loqui de subsistentiis in abstracto, & non in concreto: Ergo Concilia & SS. Patres non sumunt subsistentiam in concreto, sed in abstracto.

Secundò: Dato & non concesso, quod Concilia & Patres sumant terminum illum pro concreto, adhuc tamen sequitur dari tres subsistentias in Divinis: nam ut docet D. Thomas infra quæst. 39. art. 3. ad multiplicationem concreti substantiæ vi necessarium est multiplicari formas: quocirca non possunt in sensu catholico tres personæ dici tres Dii, quā nomen, *Deus*, substantivum est, & una est solum forma per illud nomen significata, scilicet Deitas: Sed hoc nomen, *subsistens*, non minus substantivum est, quā hoc nomen, *Deus*, cū significet per modum substantiæ; & aliunde forma per hoc nomen significata, est substantia: Ergo si juxta Concilia & SS. Patres dantur in Divinis plures res, aut personæ subsistentes; consequenter etiam plures in personis divinis subsistentiæ, seu subsistendi rationes, admittendæ sunt.

Dices: Licet hoc nomen, *subsistens*, sit concretum substantivum, interdum tamen sumitur adjectivè à Cœciliis & SS. Patribus: sicut hæc nomina *omnipotens, æternus, sapiens*, utraque acceptionem admittunt.

Sed contra: Concilia & SS. Patres, ut supra dicebamus, loquuntur de hoc nomine, *subsistentia*, tanquam de forma constituyente & distinguente personas: Sed acceptio formæ pro concreto adjectivè, est impropria locutio; unde nullus Theologorum audebit asserere, tres dari in Deo omnipotentias, etiam si catholicè concedatur tres omnipotentes adjectivè: Ergo Concilia & SS. Patres, locis allegatis, non sumunt hoc nomen, *subsistentia*, vel *subsistens*, pro concreto adjectivè.

Præterea: Esto quod ly *subsistens*, ita usurparetur, adhuc haberetur intentum. Nam concretū adjectivum non potest pluralificari, nisi pluralificetur

E c

ratio habendi formam ab eo importatam: Sed ratio habendi formam importatam per concretum adjectivum; non est aliud quam subsistentia; illa enim est prima ratio sustentandi aut quasi sustentandi formam: Ergo quamvis daretur quod subsistentia sumatur à Patribus pro concreto adjectivo, oportet quòd ipsa subsistendi ratio pluri-ficaretur.

Denique respondebis, subsistentiam divinam triplicem appellari à Concilijs & SS. Patribus, non ex eo quod ratio formalis subsistendi in personis divinis multiplicetur, sed quia subsistentia absoluta, in personis divinis inclusa, diversimodè ab illis modificatur, & diversis incommunicabilitatis modis terminatur. Sicut conceditur in Deo plures potentie notionales, generativa scilicet & spirativa, absque pluralitate rationis formalis producendi, quæ in utraque est absoluta; per hoc solum quod ratio illa absoluta, diversis relationibus terminetur. Ita Vincentius Asturicensis in manuscriptoribus de origine gratiæ, & Nazarius infra quest. 39. art. 4. contr. versâ 1.

Sed hæc responsio & doctrina fusè impugnatur §. sequenti. Interim tamen potest consutari: Primum quod si hæc responsio valeret, eodem modo dici posset, in personis divinis triplicem dari existentiam, imò & triplicem essentiam & naturam; quia non solum subsistentia, sed etiam divinitas existentia & natura, in personis divinis inclusa diversimodè ab illis modificatur, & diversis incommunicabilitatis modis terminatur: Sed hoc dici nequit: Ergo nec illud.

Secundò impugnatur prædicta responsio: Damascenus suprà relatus ait, quod Filius propriam habet subsistentiam, præter eam quæ Patris est: Sed hoc erit falsum, si ratio formalis subsistendi in personis divinis non multiplicetur; ex eo enim quòd subsistentia absoluta à paternitate & filiatione diversimodè modificetur, solum colligi potest, quod Filius habet subsistentiam sibi propriam, non tamen sibi propriam, & diversam ab ea quæ Patris est: Ergo præfata responsio inenit Damasceni repugnat.

Tertiò, SS. Patres docent multiplicari in Divinis personalitates: Sed illæ non possunt multiplicari, nisi etiam subsistentia, seu ratio per se subsistendi incommunicabiliter, in personis divinis multiplicetur, ut infra ostendemus: Ergo non sufficit ad salvanda dicta Conciliorum & SS. Patrum, admittere unicam subsistentiam absolutam à relationibus divinis diversimodè modificatam & terminatam, ut magis patebit ex dicendis §. sequenti.

### §. III.

#### Conclusio ratione suadetur.

Ratio fundamentalis nostræ conclusionis sumitur ex illo communi Theologorum principio, quo asserunt, ea quæ relativa sunt, & quæ personis divinis ratione relationum conveniunt, realiter multiplicari in illis: At subsistentia, pro perfectate incommunicabilitatis accepta, in Deo relativa est, & convenit personis divinis, ratione relationum, non verò ratione essentiae, aut perfectionum absolutarum: Ergo realiter in illis multiplicatur. Major est certa, & patebit ex dicendis disputatione sequenti. Minor verò probatur: Subsistentia ut dicit modum subsistendi incommunicabiliter, est constitutiva personarum in Deo: Sed personæ divinæ constituuntur per aliquid relati-

vum, ut constat ex dicendis infra, quando agemus de constitutivo divinarum personarum: Ergo subsistentia, ut dicit perfectatam incommunicabilitatis, seu modum subsistendi incommunicabiliter, relativa est, & personis divinis convenit ratione relationum, non verò ratione essentiae, aut perfectionum absolutarum.

Respondent Adversarij: Personas divinas non constitui per subsistentias relativas, virtualiter distinctas à subsistentia absoluta essentiae, sed per ipsam subsistentiam absolutam, non quidem ut absoluta est, sed ut est modificata per relationes divinas. Cum enim (inquiunt) in ratione personarum duo tantum importentur, scilicet subsistere incommunicabiliter: primum tribuitur personis divinis à subsistentia absoluta essentiae in illis inclusa; alterum verò præstatur à relationibus, quæ ratione oppositionis relative quæ gaudeat, sunt fundamenta distinctionis & incommunicabilitatis in personis divinis. Et ita superfluum videtur & otiosum, præter subsistentiam absolutam, tres relativas in personis divinis admittere: cum ipsa subsistentia absoluta, ut tribus relationibus modificata, possit præstare totum id, quod ad rationem & constitutionem personæ divinæ requiritur.

Hæc responsio & doctrina continet præcipuum fundamentum adversæ sententiæ: quare non negligenter consutanda est, sed varijs rationibus Theologicis demonstrandum, præter subsistentiam absolutam & communem, personis divinis convenientem, ratione essentiae, tres adhuc subsistentias relativas ac proprias, & ratione relationum illis convenientes, necessariò esse admittendas.

Prima ratio jam insinuata est, & colligitur ex dictis suprà disp. 4. art. 2. Ibi enim ostendimus, significatum formale & directum huius nominis, *persona divina*, esse subsistens incommunicabiliter: unde ut personæ divinæ multiplicentur, utrumque debet necessariò multiplicari realiter, subsistentia scilicet, & incommunicabilitas; & ita ad constituendas & multiplicandas personas divinas: non sufficit unica subsistentia, per relationes modificata, ut contendunt Adversarij, sed ipsæ relationes divinæ debent secum deferre suas subsistentias relativas & sibi proprias, à subsistentia communi & absoluta essentiae in illis inclusa, virtualiter distinctas.

Confirmatur primò: Nam (ut ibidem monstravimus) significatum formale huius nominis, *persona divina*, non est relatio secundum munus referendi, sed secundum munus subsistendi incommunicabiliter: Ergo ut ratio personæ in Deo multiplicetur, debet non solum multiplicari relatio secundum rationem ad, & quatenus est respectus ad terminum, sed etiam secundum rationem in, & prout habet rationem subsistentiæ, & formæ hypostatice; & consequenter non solum in Deo admitti debent tres relationes modificantes subsistentiam absolutam, sed etiam tres subsistentiæ relative, & personales, divinas personas in ratione hypostatice & personæ constituentes. Unde Divus Thomas infra quest. 40. art. 3. hæc scribit: *Non enim proprietates personales præintelliguntur advenire hypostasibus divinis, sicut formæ subjecto præexistenti, sed servantur secum sua supposita, in quantum sunt ipse Persona subsistentes.* Et ibidem in resp. ad 2. ait: *Paternitas Pater non solum est Pater, sed etiam Persona, & quis, sive hypostasis.*

Confirmatur amplius: Non potest in Deo multiplicari persona, nisi etiam multiplicetur personalitas: Sed personalitas non potest multiplicari, nisi

etiam multiplicetur substantia. Ergo non potest multiplicari persona in Divinis, nisi substantia multiplicetur. Major patet: nam personalitas est constitutiva personæ, sicut humanitas hominis: quare sicut non possunt dari plures homines, nisi dentur plures humanitates, ita nec potest multiplicari persona, nisi personalitas multiplicetur. Unde S. Thomas infra quæst. 39. art. 3. ad 4. *Forma significata per hoc nomen, persona, non est essentia, vel natura: sed personalitas: unde cum sint tres personalitates, non singulariter, sed pluraliter predicatur de tribus.* Minor verò sic ostenditur. Multiplicato inferiori debet etiam multiplicari superius, quod est commune communitate rationis; sicut multiplicatis hominibus aut equis, debet multiplicari ratio animalis: Sed substantia est quid superius ad personalitatem, quæ supra substantiam addit quod sit incommunicabilis, & naturæ intellectualis, ut docet D. Thomas quæst. præcedenti art. 2. Ergo multiplicata personalitate necessario debet multiplicari substantia.

54 Secunda ratio. Multiplicato principio quod actionis notionalis, debet multiplicari ratio substantiæ, & non tantum modus incommunicabilitatis: Sed in personis divinis, multiplicatur principium quod actionis notionalis: Ergo non solum incommunicabilitas, sed etiam substantia debet in illis multiplicari. Minor est certa: nam aliud est principium quod generationis, & aliud principium quod spirationis. Major autem probatur ex illo communi Philosophorum axiomate quo asserunt actiones esse substantium: unde sicut ex hoc intulimus, in Deo, secundum se considerato, admittendam esse substantiam aliquam absolutam, ratione cuius sit principium quod creationis, conservationis, & aliarum operationum ad extra, quæ indivise sunt, & toti Trinitati communes; ita ex eodem principio sequitur in Patre v. g. præter incommunicabilitatem, admittendam esse aliquam substantiam relativam, per quam constituitur in ratione principij quod actionis notionalis, scilicet generationis; & aliam in Filio, per quam unâ cum Patre constituitur principium quod spirationis activæ.

55 Hoc argumentum probat solum in Patre & Filio admittendas esse substantias relativas & personales: veruntamen facile potest ad Spiritum Sanctum extendi. Nam sicut principium quod, ita & terminus quod actionis notionalis, debet esse subsistens incommunicabiliter; sicut enim actiones, ita & passiones, aut quasi passiones, sunt substantium: Sed Spiritus Sanctus est terminus qui actionis notionalis, scilicet spirationis activæ, per quam producit: Ergo non minus gaudere debet substantiâ relativâ & incommunicabili, quam Pater & Filius.

56 Tertia ratio. Incommunicabilitas quam dicunt personæ divinæ, non est pura negatio, sed fundatur in aliquo positivo: At illud non potest esse aliud, quam substantia: Ergo in personis divinis, præter tres incommunicabiles, tres substantiæ admittendæ sunt. Major patet ex dictis disp. præcedenti art. 2. Minor vero probatur: quia si illud positivum non esset substantia, se haberet per modum formæ adjacentis; & cum sit constitutum personæ in esse personali, persona divina, ex sua formalissima ratione, se haberet per modum formæ adjacentis rei existentis: quod est absurdum, & accedit ad errorem Gilberti Porretani, qui divinas personas essentia divinx assistentes, illique veluti adjacentes esse fingeat.

Tom. II.

A Secundò probatur eadem Minor. Si positivum illud, in quo divinarum personarum incommunicabilitas fundatur, ex propria ratione non esset subsistens, sequeretur quod essentia divina, præintellecta huiusmodi positivo, esset suppositum & persona; atque ita, aut una tantum, aut quatuor essent personæ in Deo: Sed hoc dici nequit, ut patet: Ergo &c. Sequela probatur: Suppositum, seu persona, est substantia incommunicabilis alteri ut supposito: Sed essentia divina, ut præintellecta huiusmodi positivo, esset incommunicabilis alteri ut supposito: Ergo esset suppositum & persona. Probatur Minor: quia non esset incommunicabilis nisi illi positivo, quod ex se non esset subsistens, sed potius per eam subsisteret; & se haberet ad illam ut forma ad subsistens: ex eo autem quod aliquid sit incommunicabile alteri ut formæ, ad sustentandam illam, non tollitur ab eo quod sit suppositum; ut patet in Verbo Divino, quod communicatur hoc modo humanitati ad illam sustentandam: Ergo &c.

Ultima ratio. Si Persona Verbi Divini v. g. non haberet aliam substantiam, quam absolutam unio humanitatis ad Verbum, fuisset facta immediate in aliquo absoluto, & communi tribus personis; ac proinde omnes tres personæ essent incarnatæ. Sequela probatur: Unio humanitatis immediate facta est ad substantiam; quia unita est Verbo ab subsistendū in illo, & subsistere est effectus formalis substantiæ: Ergo si in Verbo non sit nisi substantia absoluta, unio humanitatis immediate facta est ad aliquid commune & absolutum.

#### §. IV.

De corollariis præcedentis doctrinæ.

EX dictis colligitur triplex discrimen, quod inter substantiam & existentiam reperitur; triplexque ratio, cur substantia debeat in personis divinis multiplicari, non verò existentia. Nam in primis existentia non habet quod sit formale constitutum personæ, sicut substantia. Secundò, nomine personæ divinæ formaliter & directè significatur subsistens, non verò existens. Tertiò existentia dicitur tantum uno modo, substantia verò dupliciter.

Colligitur etiam major confirmatio doctrinæ à nobis traditæ supra disp. 3. art. 5. cur scilicet relationes divinæ non addant perfectionem ad essentiam, et si gaudeant propriis substantiis: quia scilicet ratio substantiæ, quam addunt, non consistit in perfectitate independentiæ, quæ perfectio est sed in perfectate incommunicabilitatis, quæ ordinem ad existentiam non exprimit, nec perfectionem dicit; in hoc enim quod est alteri non esse communicabile, nulla relucet perfectio.

#### §. V.

Solvuntur objectiones.

PRÆcipuum Adversariorum fundamentum sumitur ex autoritate D. Thomæ, qui videtur favere illorum sententiæ: docet enim quæst. 8. de potentia art. 3. ad 7. & 8. & 9. quod *relatio in Divinis distinguit inquantum est relatio, constituit autem hypostasim, inquantum est divina essentia.* Et quæst. 9. art. 5. ad 13. *In rebus* (inquit) *creatis principia individuanda duo habent, quorum unum est quod sit principia subsistendi, natura enim communis de se non subsistit nisi in singularibus* Ecce ij



aliud est quod per principia individuantia supposita naturæ communis ad invicem distinguantur. In Divinis autem proprietates personales hoc solum habent, quod supposita divine naturæ ad invicem distinguant, non autem sunt principium subsistendi naturæ divine: ipsa enim natura divina est secundum se subsistens: sed e contra proprietates personales habent quod subsistant ab essentia. Ex quibus verbis hoc argumentum conficitur. Si relationes divinæ deferrent secum proprias subsistentias, illæ essent rationes subsistendi divinæ essentia: At qui relationes non sunt rationes subsistendi divinæ naturæ, sed potius habent à natura divina quod subsistant, ut asserit D. Thomas, locis relatis. Ergo secundum principia doctrinæ D. Thomæ, relationes divinæ non deferunt secum proprias subsistentias relativas; sed habent quod subsistant à subsistentia absoluta essentia: quæ in illis includitur.

61 Respondent plures ex nostris Thomistis, quod quando S. Thomas asserit, quod relationes divinæ non habent quod subsistant, nisi in quantum sunt divina essentia: ly *in quantum*, denotat solum radicem, non verò rationem formalem subsistendi; & significat, quod licet relationes divinæ, ex vi suæ lineæ & rationis formalis, habeant quod subsistant, & personas divinas constituent: quod tamen hoc munus præstent, provenit tantum à principio radicali à divina essentia quam includunt.

62 Hæc tamen responsio non videtur menti S. Doctoris conformis. Primò, quia D. Thomas in responsione illa ad 13, constituit hoc discrimen inter omnem naturam creatam, & divinam, quod divina à se subsistit, & proprietates ab illa; creata autem non ita, sed proprietates dant illi subsistere; & ab aliis distingu. At ly *in quantum*, denotante naturam pro radice, & non pro ratione formali subsistendi in proprietatibus, non salvatur hoc discrimen; nam etiam in natura angelica, proprietates individuantes habent radicaliter à natura quod subsistant: Ergo ly *in quantum*, non radicem, sed rationem formalem subsistendi designat.

Secundò, D. Thomas ibidem asserit, quod proprietates personales non dant divinæ essentia quod subsistat: Sed hoc erit falsum, si particula *in quantum*, solum radicem, non verò rationem formalem subsistendi excludat: Ergo idem quod prius. Minor patet in exemplo adducto: Nam licet in natura angelica proprietates individuantes habeant radicaliter à natura quod subsistant, quia tamen rationem formalem subsistendi secum deferunt, dant illi quod subsistat formaliter: Ergo pariter, si proprietates personales in Deo propriam subsistentiam secum deferant, dabunt essentia divinæ quod subsistat, quamvis rationem illam subsistendi, at illa ut à principio radicali habeant.

Tertiò ibidem S. Doctor ait, relationes ratione sui distinguere supposita: quod tamen illa subsistentia constituent, habere in quantum sunt divina essentia: At ly *in quantum*, denotante radicem, non subsistit hoc discrimen, nam etiam radicaliter habent ab essentia quod supposita distinguant, sicut & totum esse ab essentia radicaliter habent: Ergo non radicem, sed rationem formalem denotat particula *in quantum*. Hac Ergo responsione prætermittit.

63 Melius respondetur, quod quando S. Thomas

A dicit relationes divinas habere quod subsistant à essentia, non loquitur de subsistentia ut dicit perfectitatem incommunicabilitatis, de qua in præsentem agimus, sed de subsistentia pro perfectitate independentiæ lumpat: cum enim subsistentia sub hac acceptione sit maxima perfectio, provenit non solum radicaliter, sed etiam formaliter à divina essentia, non verò à relationibus, quæ ratione sui perfectionem non dicunt. Unde hæc testimonia D. Thomæ primam conclusionem super præstatutam confirmant; secundæ tamen nequaquam præjudicant.

B Neque huic interpretationi & solutioni obstat, quod D. Thomas ibidem ait, nempe quod relatio constituit hypostasim, in quantum est divina essentia: quod non videtur posse verificari de subsistentia, ut dicit perfectitatem independentiæ: hæc enim hypostasim non constituit, sed solum de subsistentia prout dicit perfectitatem incommunicabilitatis. Hoc, inquam, non obstat, quia D. Thomas ibi non loquitur de constitutione hypostasim in ratione personæ, sed in ratione subsistentis, subsistentia absolutæ, de qua loquitur, ut satis aperte colligitur ex responsione illa ad 7, ubi post verba allegata, statim subdit: *Relatio enim in quantum est relatio, non habet quod subsistat vel subsistere faciat; hoc enim solum subsistentia est.* Quibus ultimis verbis aperte declarat, se loqui de subsistentia quæ convenit relationi divinæ, quatenus est substantialis, & non accidentalis, sicut relationes creatæ: Sed hæc est subsistentia, ut dicit perfectitatem independentiæ, & ab alio sustentante, ut patet: Ergo de illa loquitur.

C Ex his patet solutio ad argumentum ex præallegatis testimoniis deductum. Respondetur enim, distinguendo Majorem: Si relationes divinæ deferrent secum proprias subsistentias, illæ essent rationes subsistendi divinæ essentia, in priori acceptione subsistentiæ, prout scilicet dicit perfectitatem independentiæ, nego Majorem: in posteriori acceptione, & prout importat perfectitatem incommunicabilitatis, concedo Majorem; & sub eadem distinctione Minoris, nego Consequentiam. Licet enim relationes divinæ perfectitatem independentiæ non tribuant essentia divinæ, sed potius ab illa accipiant, illi tamen dant perfectitatem incommunicabilitatis alteri ut supposito.

D Dices: Si paternitas verbi gratia hanc perfectitatem incommunicabilitatis essentia divinæ tribueret, redderet naturam divinam aliis personis incommunicabilem; & sic destrueretur Mysterium Trinitatis, quod consistit in hoc quod eadem numero natura, tribus suppositis realiter distinctis communicetur.

E Sed nego sequelam: hoc enim peculiare est naturæ divinæ, ob suam infinitam perfectionem & fecunditatem, quod in tribus suppositis subsistat, atque adeo quod veluti in adæquate per quamlibet personalitatem & subsistentiam terminetur. Unde paternitas habet quidem quod reddat naturam divinam alteri Patri incommunicabilem, non tamen Filio, vel Spiritui Sancto.

64 Vel etiam responderi potest ex doctrina S. Thomæ quæst. 2. de potentia art. 5. in corp. quod quælibet relatio divina reddit naturam divinam incommunicabilem, non absolute, & quoad rem habitam, sed secundum quid, & quoad modum habendi. Diverso enim modo natura divina est in Patre & Filio, nec potest esse in Filio, eo modo quo in Patre. In Patre enim est ut à se habita, & principium generandi: in Filio ut ab alio, nec est

generandi principium; & in Spiritu Sancto ut à Patre & Filio communicata, neque ibi est principium alterius processionis. Unde quælibet subsistentia relativa constituit naturam divinam incommunicabilem alteri personæ, non absolute, sed sub peculiari & proprio modo, quo quælibet persona divina illam habet.

66 Objicies secundò: Ratio subsistentiæ est aliquid absolutum: Ergo nulla datur in Divinis subsistentia relativa. Consequentia patet, Antecedens probatur ex Augustino suprà relato, dicente: *Omnia res ad seipsam subsistit, quantum magis Deus*: Sed illud quod est ad se & non ad aliud, absolutum est: Ergo ratio subsistendi est aliquid absolutum.

67 Respondeo negando Majorem: sicut enim in rebus creatis inesse accidentis nec absolutum nec respectivum est, sed abstrahens ab utroque, eò quòd aliquod accidens inhæreat absolute, ut quantitas & qualitas; aliud vero inhæreat referendo ad terminum, sicut relatio: ita similiter in Deo ratio subsistentiæ ut sic nec absoluta nec respectiva est, sed abstrahit ab utroque, est enim absoluta in Deo secundum se considerato, & ut præintellecto divinis relationibus; relativa verò in personis divinis, ut tribuit illis rationem subsistendi incommunicabiliter.

Ad Augustinum verò, dicendum est ipsum ibi loqui de subsistentia, ut dicit perfectitatem independentiæ ab alio sustentantæ, quæ absoluta est, & dicitur ad se, non verò ad aliud; unde convenit personis divinis, ratione essentiali, non verò ratione relationum. Vel etiam dici potest cum D. Thoma, quæ sit, præcedenti art. 4. ad 1. & in 1. dist. 23. quæst. unica art. 3. ad 1. & ad Annibaldum ibidem art. 2. ad 1. & de potentia quæst. 9. art. 4. ad 3. divinam personam dici subsistere ad se per subsistentiam relativam, quia divina persona ut à nobis concepta (per analogiam scilicet ad creaturas) non significat relationem secundum munus referendi ad terminum, sed ut subsistentem incommunicabiliter, sub qua ratione non exprimitur respectum ad terminum; & quamvis re ipsa illum importet ex parte rei significatæ, non tamen ex parte modi concipiendi & significandi.

69 Objicies tertio: quia existentia est ultimus terminus, non potest altera existentia actuari, nec præter absolutam relativam in Deo conceditur, ut in 3. disputatione ostendimus: At subsistentia etiam est terminus ultimus in linea subsistendi: Ergo per aliam terminari non potest, nec præter absolutam concedi relativam.

70 Respondeo primò, distinguendo Minorem: Subsistentia personalis est ultimus terminus, concedo Minorem. Non personalis, nego Minorem. Subsistentia enim absoluta & essentialis, sicut non est incommunicabilis, ita nec habet rationem ultimi termini, sed tantum termini constituentis naturam ut quod, & nostro modo intelligendi reddit illam ultimo capacem existentiam.

71 Respondeo secundo, distinguendo rursum eandem Minorem. Subsistentia est ultimus terminus, in linea independentiæ, vel incommunicabilitatis, concedo Minorem: in utraque linea, nego Minorem. Similiter distinguo Consequens: non potest terminari per aliam ejusdem rationis, concedo: diversæ rationis, nego. Itaque subsistentia, quæ est ratio perfectitatis independentiæ, actuari nequit per aliam quæ sit ratio independentiæ, bene tamen per aliam quæ sit ratio in-

communicabilitatis. Et è contra subsistentia incommunicabilis non potest per aliam actuari, quæ sit ratio incommunicabilitatis; bene tamen per aliam, quæ sit ratio independentiæ.

Quærent hic aliqui, an ratio personæ ut sic de tribus personis divinis univocè vel analogicè prædicetur?

Breviter respondeo (hæc enim difficultas nullius ferè momenti est, inagique pertinet ad Logicam, quàm ad Theologiam) probabilius esse, & principiis suprà statutis conformius, illam non prædicari univocè, sed tantum analogicè, non analogiâ attributionis, sed proportionalitatis; eoque ferè modo, quo ratio entis ut sic de Petro & Paulo prædicatur.

Ratio fundamentalis hujus responsionis est: quia ratio univoca, cum debeat esse perfectè una, nec ullam in suo conceptu importare diversitatem, debet esse perfectè præcisà à differentiis inferiorum. Unde cum non possit dari perfectà præcisio ex parte utriusque extremi, nisi detur etiam ex parte alterius, ut loco citato ostendimus; si in Deo daretur aliqua ratio univoca, deberet etiam dari perfectà præcisio conceptum, seu distinctio rationis per modum excludentis & exclusi, & consequenter aliqua compositio rationis, tanta quanta est compositio ex genere & differentia, quod divinæ simplicitati repugnat: Ergo ratio personæ divinæ non est univoca, sed analogà respectu trium personarum; & cum non possit esse analogà, analogiâ attributionis, eò quòd ratio personæ intrinsecè & essentialiter in qualibet ex tribus personis divinis reperitur, restat ut sit analogà respectu illarum analogiâ proportionalitatis; eò ferè modo quo docent Philosophi ens esse analogum ad duo individua ejusdem peciei.

Neque obstat quòd D. Thomas in 1. dist. 25. quæst. 1. art. 3. impugnet sententiam aliquorum, qui dicebant personam divinam analogicè prædicari de tribus personis; & postea concludant eam esse communem, sicut ratio animalis est communis homini & asino; quod etiam repetit in 1. ad Annibaldum, eadem distinctione, quæstione & articulo. Non, inquam, hoc obstat, quia S. Doctor ibi solum intendit docere, personarum ut sic non esse analogicè communem tribus personis, secundum communiter intentionis aut proportionis, seu puri respectus rationis (ut docebant illi quorum sententiam impugnavi) sed secundum communiter rationis fundatam in re: ad quam explicandam affert exemplum animalis respectu hominis & asini; non quòd velit esse paritatem in modo communitatis, ita ut utraque sit univoca, sed solum in ipsa communitate, ita ut utraque sit essentialis & quidditativa, & rationis cum fundamento in re. Et quòd hæc interpretatio sit legitima, aperte colligitur ex eo quòd ibidem docet, quòd licet ratio personæ sit communis, non est tamen sicut universale. Et hic art. 4. ait non esse aliquid commune, sicut genus vel speciem: si autem univocè de personis divinis prædicaretur, deberet illis esse communis per modum universalis, imò tanquam genus, vel species: omnis enim ratio univoca & quidditativa, debet esse, vel generica, vel specifica, vel differentialis: Sed ratio personæ ut sic non est differentialis, ut patet: Ergo si univocè de tribus personis prædicetur, debet tanquam genus aut species de illis prædicari.

## DISPUTATIO VI.

*De pertinentibus ad unitatem vel pluralitatem in divinis.*

*Ad questionem 31. Divi Thomae.*

**P**ostquam Divus Thomas egit de personis divinis in communi quaest. 29. & de illarum pluralitate quaest. 30. differit quaest. 31. de his quae ad unitatem & pluralitatem pertinent in Divinis: circa quod aliquae occurrunt difficultates, articulis sequentibus discutienda.

## ARTICULUS I.

*Statuitur regula & conclusio generalis, ex qua plures resolvuntur difficultates.*

1. **V**T clarè dignoscatur, quae nomina singulariter vel pluraliter dicantur in Deo.  
Dico breviter: Quae conveniunt personis ratione solius essentiae, singulariter tantum dicuntur; Quae solum eis conveniunt ratione proprietatum, dicuntur tantum pluraliter: Quae autem eis competunt, ratione proprietatum, & ratione essentiae, dicuntur pluraliter & singulariter.
2. Conclusionem istam Theologorum nullus quem viderim negat. Deducitur ex Concilio Toletano secundo, in professione fidei, ubi de personis divinis loquens, sic ait: *Hoc solum numerum insinuat, quod ad invicem sunt, & in hoc numero carent, quod ad se sunt.* Eam etiam ferè expressè tradit August. 5. de Trinit. cap. 8. in principio, his verbis: *Quapropter illud praecipue teneamus, quidquid ad se dicitur praestantissima illa & divina sublimitas substantialiter dici: quod autem ad aliquid, non substantialiter, sed relative; tantumque esse vim & ejusdem substantia in Patre, & Filio, & Spiritu Sancto, ut quidquid de singulis ad se ipsos dicitur, non pluraliter in summa, sed singulariter accipiat.* Cum autem sit idem dici relativè, & ratione relationis competere; & absolute dici, idem ac ratione essentiae convenire; manifestè ex Augustino habetur, ea pluraliter dici in Divinis, quae ratione relationis conveniunt; & singulariter, quae non ratione relationis, sed ratione essentiae competunt personis divinis.
3. Idipsum hac ratione suadet. Relatio multiplicatur in divinis personis; essentia autem una manet in illis: Ergo quae conveniunt illis ratione solius essentiae, retinent unitatem; quae ratione solius relationis, unitate non gaudent, sed pluraliter solum dicuntur; quae verò conveniunt ratione utriusque, dicuntur singulariter, quatenus competunt ratione essentiae; & pluraliter, quatenus ratione relationis conveniunt.
4. Ex hac regula generali sequitur primo, quod dicantur tres personae in divinis, & nullatenus una persona: quia ratio personarum non convenit ratione essentiae, nec pro illa accipi potest, sed tantum pro relatione subsistente, de quo D. Thomas infra quaest. 39. art. 3. & 4. Unde cum modo, communi Ecclesiae consensu, persona & hypostasis pro eodem accipiantur; sicut in divinis dicuntur tres personae, & non una, ita & tres hy-

A postales, non verò una hypostasis dici debent.

Sequitur secundò, quod subsistentia dicatur una, & concedantur plures: primum, quatenus subsistentia pro perfectitate independentia accipitur: secundum verò, prout pro perfectitate incommunicabilitatis usurpatur. Quia subsistentia, primo modo accepta, convenit personis divinis ratione essentiae; in secunda verò acceptione illis competit ratione relationum. Patet ex dictis disputatione precedenti.

Sequitur tertio, quod una existentia concedatur in Deo, & nullatenus plures: quia ut supra ostensum est, existentia absolute dicitur, & convenit personis divinis ratione essentiae, non verò ratione relationum.

Ex quo sequitur quarto, nec aeternitatem, nec durationem, nec rationem increati pluraliter dici in divinis: quia haec omnia attributa, vel non distinguuntur ab existentia divina, vel saltem sunt modi illius; unde illa immultiplicata, non possunt pluralificari.

Sequitur quinto, tres personas divinas non posse dici tres perfectos substantivè, sed tantum adjective: quia ut disp. 3. docuimus, perfectio realiter non multiplicatur in personis divinis, cum non conveniat illis ratione relationum, sed tantum ratione essentiae. Unde cum bonum sit idem quod perfectum (teste D. Thomae supra quaest. 5. art. 1.) etiam bonitas non multiplicatur in personis divinis, nec illae possunt dici tres boni substantivè, sed tantum adjective, ut expressè docuit Augustinus in quaestione de Trinitate, in principio: ubi quaerens, *Cur tres personas, non tres Deos, nec tres omnipotentes, nec tres bonos, nec tres magnos dicere, fas est?* Respondet, *Quia Deus, & omnipotens, & magnus, & bonus, substantialia nomina sunt, & ad se dicuntur.*

Sequitur sexto, non dari in divinis plures infinitates, sed tantum unam: nam infinitas sequitur non realitatem, sed perfectionem; est enim proprietatis quantitas virtutis, quae idem est quod perfectio: Ergo si perfectio solum ratione essentiae convenit personis divinis, & ideo in illis non multiplicatur, idem de infinitate dicendum erit.

Sequitur septimo, quod divinae personae dicantur una res, & plures res; una res, quae est essentia; & plures res; quae sunt relationes: eo quod realitas, quae in esse non conficitur sed ratio consistit, & pro essentia accipitur, & pro relationibus. Hoc docuit expressè Augustinus lib. 1. de Doctrina Christiana cap. 5. his verbis: *Res quibus fruendum est, Pater, & Filius, & Spiritus Sanctus est.* Statim addidit: *Trinitas una quaedam summa res.* Idem docuit etiam Anselmus libro de Incarnatione Verbi cap. 3. ubi ait: *Omnes Christianos sentire, quod persona divina secundum propria sunt tres res; ita tamen ut secundum essentiam communem sint una & eadem prorsus, absque separatione vel divisione.* Docuit etiam idipsum D. Thomas infra quaest. 39. art. 3. ad 3. his verbis: *Discendum quod hoc nomen, Res, est de transcendentibus; unde secundum quod pertinet ad relationes, pluraliter praedicatur in Divinis; secundum verò quod pertinet ad substantiam, singulariter praedicatur.* Quibus verbis corollarium nostrum, & docuit, & probavit.

Nec in contrarium facit definitio Lateranensis, quae refertur in cap. *Damnatus* de summa Trinitate; ubi decernitur: Patrem, Filium, & Spi-



ritum Senſum, eſſe nam quandam ſummam rem, quæ eſt eſſentia: nam per hoc non negatur eſſe tres res relativæ.

Sequitur octavò, dari in Divinis tres unitates, & unam unitatem: primum ratione relationum, ſecundum ratione eſſentia.

Probatur primò: In Divinis datur unitas eſſentia, pluralitaſque perſonarum: At pluralitas perſonarum ſine diſtinctione unitatum ſalvari non poteſt: Ergo dantur plures unitates relativæ, & una unitas abſoluta,

12. Probatur ſecundò: Unitas in realitate indiviſa conſiſtit: A t realitas & indiviſio conveniunt cui- libet ex perſonis divinis, nedum ratione eſſentia, ſed etiam ratione relationis: Ergo unitas ratione utriusque convenit.

Sequitur ultimò, tres perſonas divinas propriè loquendo non poſſe dici tria individua. Nam D. Thomas quaſt præcedenti art. 4. in corp. hoc diſcrimen conſtituit inter *ly aliquis homo*, & *ly perſona*, quòd primum ſignificat de formali natu- ram, alterum verò perſonalitatem: Sed natu- ra non multiplicatur in Divinis: Ergo nec indivi- dum; & conſequenter hæc propoſitio conceden- da non eſt: *Tres perſone divinae ſunt tria indivi- dua*.

13. Dices: Individuum eſt indiviſum in ſe, & divi- ſum à quolibet alio, ut docent Philoſophi in Me- taphyſica: ſed tres perſonæ divinae ſunt tres res, quarum quælibet eſt indiviſa in ſe, & diviſa à qua- libet alia: Ergo ſunt tria individua.

Reſpondeo diſtinguendo Majorem: Indivi- dum eſt indiviſum in ſe, & diviſum à quolibet alio, diviſione natu- ræ concedo Majorem: di- viſione ſolùm perſonali, nego Majorem: & ſub eadem diſtinctione Minoris, nego Conſequen- tiam.

## ARTICVLVS II.

*An ens ſubſtantivè acceptum, pluraliter dicatur in Divinis?*

14. PArtem affirmativam tenent Suarez, Vazquez, Molina, Ruiz, & alij, relati à Salmanticenſibus diſp. 10. dub. 1. & ex noſtris Gonzales & Joannes à S. Thoma.

Fundamentum illorum eſt primò, quia ens tranſcendit, relationes & eſſentiam, non minùs quàm res; Sed quia res eſſentiam & relationes tranſcendit nedum ſingulariter, ſed etiam plurali- ter dicitur in Divinis, ut ex D. Thoma jam vidi- mus: Ergo & ens.

Secundò, Eſti ens ab exiſtentia fuerit ad ſigni- ficandum impoſitum, non tamen illam de formali ſignificat, ſed entitatem: At eſto admittatur una ſolùm exiſtentia in Divinis, dantur tamen plures entitates relativæ, ſicut & plures realitates: Ergo etiam dantur plura entia ſubſtantivè.

- Partem negativam docent alij, quos referunt & ſequuntur Salmanticenſes loco citato, ducti pri- mo autoritate D. Thomæ in 1. diſt. 25. quaſt. 1. art. 4. ubi ſic ait: *Nomen entis ſumitur ab eſſe rei, & idè cum unum & idem ſit eſſe trium perſonarum ſi ens ſumatur ſubſtantivè, non poteſt pluraliter predicari de tribus perſonis, quia forma à qua im- ponitur, ſcilicet eſſe, non pluraliſcitur in eis: ſi autem ſumatur participialiter & adjectivè, ſic pluraliter predicari poteſt.* Quod etiam repetit ſolutione ad 1. & ad Annibaldum ibidem.

A Secundò hac ratione ejuſdem Divi Thomæ: Nomen ſubſtantivum accipit numerum à forma ſignificata: At forma ſignificata per hoc nomen, *ens*, non multiplicatur in perſonis divinis: Ergo nomen *ens*, ſubſtantivè ſumptum, non dicitur pluraliter, de perſonis divinis. Major eſt certa, Minor probatur. Forma ſignificata per hoc no- men, *ens*, eſt exiſtentia: tum quia id docet D. Thomas loco citato; tum etiam, quia cum ſigni- ficato hujus nominis, *ens*, omnes illius paſſiones debent converteri, & ſolùm cum ente exiſtente convertuntur: Sed exiſtentia non multiplicatur in perſonis divinis, ut diſputatione præcedenti fuſè oſtendimus: Ergo forma ſignificata per hoc nomen, *ens*, non multiplicatur in perſonis divi- nis.

B Tertiò eandem partem negativam ſic probant: Eſto admittatur *ens* non ſignificare de formali exiſtentiam, tamen formale ſignificatum illius non eſt entitas utcumque, ſed prout eſt principi- um exiſtendi: At entitas, prout ſic, non pluraliſca- tur in perſonis: Ergo nec formale ſignifica- tum entis ſubſtantivè accepti in illis multiplicatur.

C Pro hac lite componenda, diligenter obſervan- dum eſt, ens nominaliter tribus modis poſſe ſumi. Primò ſumitur ut eſt concretum exiſtentia, ſecundò, ut eſt concretum ſolus eſſentia, quate- nus eſt principium exiſtendi. Tertiò, ut eſt concretum entitatis, quatenus opponitur nihilo. De prima & ſecunda acceptione non poteſt eſſe dubium: utramque enim efficaciter probant argumenta ſecundæ ſententia. Solùm poteſt eſſe difficultas de tertia; unde illa probatur pri- mò: Omni abſtracto poteſt dari concretum: At entitas, ut nihilo opponitur, abſtractum eſt, cui nullum aliud concretum assignabile eſt quàm ens: Ergo ens poteſt accipi ut concretum enti- tatis oppoſitæ nihilo.

Secundò probatur hæc tertia acceptio entis no- minaliter: Mathematica, prout ſubſunt abſtra- ctioni à materia ſenſibili & ſingulari, ſunt verè entia; cùm pertineant ad prædicamentum quan- titatis, quæ eſt unum ex inferioribus entis, & ta- men prout ſic, nec exiſtunt, nec dicunt ordinem ad exiſtentiam, ut docetur in Metaphyſica; Ergo ens nominaliter non ſolùm ſumi poteſt ut eſt concretum exiſtentia, vel eſſentia dicentis ordi- nem ad exiſtentiam, ſed etiam, ut eſt concretum entitatis, ut opponitur nihilo.

D Probatur tertiò: Materia & forma ſunt duo entia realiter partialiter diſtincta: At ſi ens ſolùm poſſet accipi ut concretum exiſtentia, vel ſolius eſſentia ut eſt principium exiſtendi, non poſſent dici duo entia partialia; cùm in vera Thomiſta- rum ſententia, nec exiſtentia partialibus gau- deant, nec diverſis eſſentia, prout eſſentia eſt principium exiſtendi; Ergo poteſt ſumi ut con- cretum entitatis oppoſitæ nihilo. Hoc ita ſuppo- ſito, & probato, facilis erit reſolutio difficultatis propoſitæ. Unde.

E Dico primò: Ens quatenus concretum exiſten- tia, & eſſentia, prout eſt principium exiſtendi non predicatur pluraliter de divinis perſonis.

Hanc concluſionem probant fundamenta pro ſecunda ſententia adducta. Nomen enim ſubſtan- tivum accipit numerum à forma ſignificata: Sed forma ſignificata hoc nomine, *ens*, prout eſt con- cretum exiſtentia, vel eſſentia, quatenus eſt exi- ſtendi principium, non multiplicatur in perſonis divinis; cùm in illis ſit unica tantùm exiſtentia, &



unica essentia, quatenus est existendi principium: Ergo hoc nomen, *ens*, quatenus est concretum existentia, vel essentia, prout est existendi principium, non prædicatur pluraliter de divinis personis.

20 Dico secundò: *Ens* ut est concretum entitatis, quatenus opponitur nihilo, pluraliter dicitur de personis divinis.

Hæc conclusio probatur ex principio opposito. Entitas enim, ut præcisè opposita nihilo, pluralificatur in personis: Tum quia sic sumpta non est minus transcendens, quam realitas; hæc autem quia transcendens est, pluraliter dicitur; Tum etiam, quia personæ realiter entitative distinguuntur: sicut autem distinctio realis non stat sine distinctione realitatis, ita distinctio realis entitativa sine distinctione entitatum nequit subsistere: Ergo *ens*, prout concretum entitatis oppositæ nihilo, pluraliter dicitur de personis divinis.

21 Ex quibus patet solutio ad fundamentum primæ sententiæ: illud enim solum probat *ens* prout est concretum entitatis, quatenus opponitur nihilo, pluraliter dici de personis divinis, quia illud relationis & essentiam non ininus transcendit, quam res: unde secundam conclusionem statuit, primam tamen non attingit.

22 Ad fundamentum verò secundæ sententiæ dicendum est, quod quamvis nomen entis sumatur ab esse rei, non tamen solum significat entitatem ut existentem, vel essentiam, quatenus est existendi principium, sed etiam entitatem quatenus opponitur nihilo: quia (ut docent Philosophi) aliud est id à quo nomen imponitur, & aliud id ad quod significandum imponitur. Unde, ut supra dicebamus, licet in mathematica, quæ talia, nec existant, nec dicant ordinem ad existentiam, tamen sunt verè entia realia. Item materia prima est entitas distincta à forma, quamvis in sententia Thomistarum, eadem cum illa existentia gaudeat, nec dicat ordinem ad existentiam, nisi mediante formâ quam recipit. Ita pariter, licet divinæ relationes eandem cum divina essentia existentiam habeant, nec existant per existentias relativas sibi proprias, possunt tamen dici tria entia, non quidem simpliciter & absolute, quia *ens* absolute & simpliciter dicitur solum de entitate ut existente, vel prout est existendi principium, sed cum addito, nempe tria entia relativa aut personalia.

23 Quæ res primò, an veritas realiter multiplicetur in personis divinis?

Respondeo non multiplicari. Ita D. Thomas 1. diff. 19. quæst. 5. art. 3. ad 1. & ad Annibal. ibidem quæst. 5. art. 2. ad 6 ubi docet quod licet res, æ est communis absolute & relativo, multiplicatur in Divinis, & ab æterno fuerint plures res, quia fuerint plures personæ; tamen ab æterno non fuerint plura vera, quia verum est essentiale. Quibus verbis rationem fundamentalem huius responsionis insinuat: Illa enim quæ conveniunt personis divinis, ratione essentia tantum, & non ratione relationum, non multiplicantur in illis: Sed veritas personis divinis, ratione essentia, non verò ratione relationum, cõvenit: Ergo non multiplicatur in illis. Minor probatur: Veritas transcendentis consistit in entitate ut intelligibili, sicut docetur in Metaphysica: Sed intelligibilitas divinis personis competit ratione essentia, eo quod in Divinis sola essentia habeat rationem speciei intelligibilis, & objecti motivi, respectu sui, attributorum, & relationum, ut in Tractatu de attributis ostensum est: Ergo & veritas.

A Confirmatur: Veritas super immaterialitate fundatur, sicut & cognoscibilitas, ut docet D. Thomas supra quæst. 14. art. 1. At immaterialitas divinarum personarum est tentum una: Ergo & veritas. Probatur Minor: Immaterialitas divina idem est omnis potentialitatis exclusio, in qua excluditur ratio actûs puri consistit: Sed ratio actûs puri non multiplicatur in personis divinis, ut ex supra dictis patet: Ergo nec immaterialitas.

Dices: Hæc veritas, *Pater generat*, est distincta ab ista, *Spiritus Sanctus à Patre & Filio procedit*; cum prædicatum & subiectum unius distincta sint ab extremis alterius: Ergo veritas pluraliter dicitur in Divinis.

B Respondeo veritates illas esse distinctas materialiter, non autem formaliter: quia licet prædicatum & subiectum unius distincta sint ab extremis alterius, tamen in eadem omnino immaterialitate conveniunt: Veritas autem (ut supra dicebamus) est affectio entitatis ut immaterialis. Sicut ergo, licet hæc duæ conclusiones: *Ens mobile consistat materia & formâ. Privatio est unum ex principis ad generationem requisitis*: materialiter & in esse entis differant specie, non tamen formaliter & in esse scibilis; quia substant eadem abstractioni à materia singulari, & lumini eorundem principiorum, ut explicare solent nostri Thomistæ, quando agunt de unitate specifica scientiarum ita etiam quamvis istæ veritates: *Filius à Patre generatur. Spiritus Sanctus à Patre, Filioque procedit*, sint materialiter diversæ, non tamen formaliter, quia in eadem immaterialitate & actualitate conveniunt. Unde Divus Thomas quæst. 1. de veritate. art. 5. ad 18. ait: *Omniū istorum enuntiativum: Patrem esse, vel generare: Filium esse, vel genitum esse, secundum quod ad rem referuntur, est veritas una, quæ est veritas prima & æterna.*

Quæ res secundò: An hoc prædicatum aliquid plurificetur in Divinis?

C Respondeo negativè: nam aliquid idem est quod, aliud quid: in Divinis autem, licet sit alius & alius, non tamen aliud & aliud, ut patebit exendis articulo sequenti.

### ARTICVLVS III.

Quibus nominibus, ad declarandam in divinis unitatem in essentia, & distinctionem in personis, utendum sit?

R Ecitæ ait Augustinus Philosophis liberum esse, quibus voluerint uti verbis: Theologis verò, dum agunt de sacro Trinitatis mysterio, ad certam regulam loqui esse per necessarium. Quia in hoc præcipue mysterio (inquit Hieronymus) ex verbis inordinate prolatis incurritur hæresis. Quare D. Thomas in hac quæstione exactè explicat, quibus nominibus in mysterio Trinitatis utendum sit ad errores Hæreticorum devitandos, & ad declarandam unitatem seu consubstantialitatem divinarum personarum, & illarum pluralitatem & distinctionem. Quod etiam breviter in hoc articulo præstandum est.

Dico ergo primò: in Divinis utendum esse nomine Trinitatis, non triplicitatis; Deumque trinum, non triplicem esse appellandum. Ita D. Thomas hic art. 1. in corp. & in solutione ad 3.

Probatur primò ex Concilio Toletano 11. in confessione fidei, ubi dicitur: *Deus non triplex, sed Trinitas & dici & credi debet.* Idem docet Augustinus

Augustinus libro sexto, de Trinitate, capite septimo. A

19. Probatur secundò ratione D. Thomæ: Nomina enim illa, duplex, triplex, &c. opponuntur simplicitati, & important aliquid compositionis, vel, ut dicit S. Thomas, inæqualitatem proportionis: est autem error ponere in Deo aliquid oppositum simplicitati, vel inducens inæqualitatem. Cæterum hoc nomen *trinus* seu *trinitas* dicit absolute numerum trium, sine diminutione simplicitatis, vel additione inæqualitatis: Ergo Deus trinus, vel Trinitas, non verò triplex appellari debet.

30. Dico secundò: Filius in divinis potest dici alius à Patre, non tamen aliud: & contra unum cum Patre, non verò unus dicendus est. Ita D. Thomas art. 2.

Ratio est: quia, ut ait idem S. Doctor *ibidem in respons.* ad 4. nomen neutrum significat aliquid magis confusum & nondum formatum; nomen autem masculinum aliquid magis formatum & distinctum: unde quia proprium est suppositi distinguere, & ultimò complere seu formare, nomina masculina magis attribuantur personis, & neutra naturæ. Ad significandam ergo naturæ divinæ unitatem, dicimus; neutraliter Patrem & Filium esse unum: & ad evitandam distinctionem in natura, negamus Patrem esse aliud à Filio. Contra verò ad designandam distinctionem in personis, utitur nomine, *alius*, masculinè, dicendo: *Pater est alius à Filio*; & non adhibemus hoc nomen *unus* masculinè, nisi adiungatur terminus trahens ad naturam divinam, ut cum dicitur: *Pater & Filius sunt unus Deus*.

31. Notat autem D. Thomas in eodem articulo, in utendo nominibus importantibus distinctionem aut unitatem, cautè esse procedendam, ad vitandum duos errores extremos: unum Artii, qui in Trinitate personarum poluit trinitatem essentia: alterum Sabellii, qui cum unitate essentia: poluit unitatem personæ. Ad primum vitandum, non est utendum in Divinis nomine *diversitatis*, vel *differentia*: unde dicendum non est, *Filium esse diversum à Patre*, aut ab illo *differentem*; quia hæc nomina important distinctionem in forma: nomen etiam *separationis* aut *divisionis* vitandum est: quia separatio est partis à toto, aut à comparte; divisio autem totius in partes cum summa simplicitate pugnat. Ne autem tolleretur æqualitas inter personas divinas, non est dicenda una dispar ab alia; & ne tollatur illarum similitudo, non est dicenda una ab aliena seu discrepans ab alia; quia quod alienum aut discrepans est, non est omnino simile.

32. Ad fugiendum verò errorem Sabellii, docet vitanda esse hæc omnia; *singulare, unicum, & solitarium*. Unde Pater, & Filius, nec singularis, nec unicus, nec solitarius Deus dicendi sunt: quia primum tollit unitatem essentia: istis tribus personis, secundum excludit numerum personarum; tertium tollit illarum consortium.

33. Dico tertio: Hæc dictio exclusiva *solus*, si sumatur categorématique, addit nequit terminus essentiali, bene tamen si sumatur syncategorematicè. Ita D. Thomas art. 3.

Probatur: quia primo modo denotat solitudinem oppositam personarum societati: istæ enim propositiones: *Deus est solus, Pater est solus*, faciunt hunc sensum: *Deus est solitarius & sine comitatu*: Pater est sine consortio: Si verò sumatur secundo modo, non dicit solitudinem, sed excludit alia diversæ naturæ à consortio præ-

Tom. II.

dicari. Ut quando dicimus: *Solus Petrus currit*, non denotatur quòd solitarius sit, cum possit habere multos secum existentes; sed solum excludit alios à consortio cursûs. Et sic, inquit D. Thomas, affirmari potest: *solus Deus est æternus, omnipotens, &c.* quia per hoc non denotatur, quòd Deus societate personarum non gaudet, sed omnia alia, præter Deum, æterna non esse.

Notat autem idem S. Doctor in solutione ad 1. quòd si in Deo Trinitas personarum non esset, solitarius diceretur, etiam si creati fuissent Angeli & homines: solitudo enim non tollitur per coexistentiam simultaneam aliorum extraneæ naturæ; unde verè dicitur aliquem hominem esse solum in horro, quamvis in illo sint plantæ & bruta, si nullus sit alius homo.

Dices: Si unus homo & unus angelus essent in beatitudine, nullus eorum solitarius diceretur, & tamen specie differunt: Ergo solitudo tollitur per consortium suppositi diversæ naturæ.

Respondeo Angelum & hominem, in ordine ad beatitudinem, convenire specie aromati, eò quòd potentia obedientialis, in ordine ad beatitudinem, non comperat illis ratione ultimæ differentia: sed ratione gradûs generici naturæ intellectuales; qui gradus, est generiosus sit respectu operationum naturalium, respectivè tamen ad visionem beatificam comparatur non secundum vim naturalem, sed secundum obedientialem; quæ una specie est in Angelis & hominibus, ut in Tractatu de Visione beatifica explicari solet.

Instabis: Saltem sequitur ex hac doctrina, quòd si Angeli fuissent creati in statu puræ naturæ, non fuissent inter illos societas, sed quilibet illorum mansisset solitarius: Consequens falsum videtur: Ergo &c. Sequela probatur: Nam tunc omnes Angeli differrent specie; Ergo si solitudo non tollitur per consortium aliorum suppositorum diversæ naturæ & speciei, Angeli in statu puræ naturæ creati, fuissent solitarii.

Respondeo quòd, licet Angeli in esse puræ naturæ differant specie metaphysicè, conveniunt tamen specie in ordine ad convicium politicum in modo operandi; & hæc diversitas est quæ requiritur, ut unum suppositum alteri societatem non faciat. Cætera quæ docet D. Thomas in hac quaestione facili sunt, & ex sola lectione textûs percipi possunt.

## DISPUTATIO VII.

### De Cognitione divinarum Personarum.

Ad Quaestionem 32. divi Thomæ.

D ivinarum personarum cognitio vetus ac solidus est animi cibum, quo viatores per fidem nutriuntur in via, & comprehensores per speciem & clarissimam visionem plenè & perfecte reperiunt in patria. Unde Augustinus expendens verba illa de veris Lucæ 11. *Amice accommoda mihi tres panes: illa de Domini* Serm. 20. trinitatem personarum cognitione intelligit, & subdit: *Cum perveneris ad tres panes, hoc est ad cibum & intelligentiam Trinitatu, habes & unde vivas & unde pascas*. De hac ergo cognitione, & de notis seu notionibus, quibus divina personæ tum inter se, tum ab essentia discernuntur, breviter hinc cum S. Doctore differendum est. FF AR-

## ARTICULUS I.

*An ex effectibus naturalibus mysterium Trinitatis demonstrari possit?*

1. **P**ARTEM affirmativam tenuit olim Raymundus Lullius, existimans ex rebus naturalibus deduci posse rationes omnino evidentes, quibus mysterium Trinitatis veritas ipsis etiam Mahometanis & infidelibus demonstrari possit: quamvis ipsum conetur excusare Vazquez. Sed quidquid sit de ejus mente, huic sententiae, seu potius errori, favere videntur quidam antiqui Theologi, ut Richardus à S. Victore, Henricus, & Joannes Gersonius, Cancellarius Parisiensis, qui licet concedant, seclusam omni revelatione divinam, non posse mysterium Trinitatis ab intellectu creato cognosci; suppositam tamen aliquam ejus revelationem, saltem extrinsecam, asserunt posse lumine naturali inveniri rationes, quibus hujus mysterii existentia demonstrative probetur. Oppositum docent ceteri Theologi cum Magistro in 1. dist. 2. & cum S. Thoma videm dist. 3. quest. 1. art. 4. & in presenti quest. art. 1.

## §. I.

*Conclusio negativa statuitur.*

2. **D**ICO igitur: Ex effectibus naturalibus mysterium Trinitatis non potest demonstrari, etiam supposita divina revelatione.
- Probatur ratione D. Thomae: Effectus cognitus sive quidditative, sive comprehensive, non ducit in cognitionem causae, nisi sub ea ratione sub qua ab illa procedit. Atqui effectus naturales non procedunt, nec pendunt per se à Deo, ut trino, sed solum quatenus uno: Ergo ex illis, etiam ut comprehensis, non potest cognitio demonstrativa Trinitatis haberi. Major est certa: nam cognitio causae ex effectu fundatur in dependentia, quam effectus habet ab illa: Ergo ex effectu non potest cognosci causa, nisi sub ea ratione quae terminat dependentiam illius, & sub qua effectus ab illa producit. Minor autem probatur: Creatura procedunt per se à Deo, ratione omnipotentiae, per modum virtutis proximae, & ratione Divinitatis, ut principii radicalis: Sed omnipotentia & Divinitas conveniunt Deo pro priori ad relationes, quibus constituuntur personae: Ergo per se non dependent à Deo, quatenus trino, sed quatenus uno. Unde si per impossibile Deus non esset trinus in personis, sed in unica persona subsistens, ut existimabant olim Philosophi Gentiles, adhuc manerent creaturae, cum perseveraret virtus productiva illarum, scilicet omnipotentia.
3. **C**onfirmatur & magis illustratur haec ratio, hoc exemplo aptissimo. Sicut effectus procedentes ab artifice, v. g. tabella depicta à pictore, vel domus ab aedificatore constructa, ejus quidem artem & indultum manifestant: quia ab illa procedunt, & per se dependent; non tamen ejus colore, figuram, staturam, velles, & similia, quae per se non currunt ad operis productionem, sed merè per accidens & concomitanter se habent in artifice ut artificiosè operante: Ita pariter, quamvis ex inspectione creaturarum, & ex artificiosa hujus mundi fabrica, infinitam supremam illius artificis artem, sapientiam, & potentiam cognoscamus, juxta illud Apostoli ad Roman. 1. *Invisibilia Dei per ea quae facta sunt, intellecta conspiciuntur, sempiterna quoque virtus ejus ac Divinitas*: ex illis tamen ad noticiam Trinitatis de-

venire non possumus: quia Deus ut trinus, per se non concurret ad productionem creaturarum, sed ut omnipotens, & sapiens, ac supremus artifex; & quia divinae relationes, quae activae non sunt, & habent rationem puri termini, non insiunt in opera Dei ad extra, sed solum personae divinae in ratione principii quod actionum notionalium constituunt.

Haec ratio non solum probat, seclusam divinam revelationem, ex effectibus naturalibus mysterium Trinitatis non posse demonstrari, sed nec etiam illam suppositam: quia revelatio non dat effectibus Dei dependentiam ab ipso, quatenus trino: Ergo si defectu connexionis cum Deo, quatenus trino, non potest ante revelationem ex illis Trinitas personarum demonstrari, etiam revelatione supposita, non poterit Deus ut trinus ex creaturis demonstrative cognosci.

## §. II.

*Præcipuae objectiones solvuntur.*

**C**ONTRA præcedentem conclusionem in primis obijci potest, quòd Philosophi Gentiles cognoverunt mysterium Trinitatis: Sed nulla fuit eis facta revelatio supernaturalis: Ergo seclusam omni revelatione supernaturali, ex effectibus naturalibus potest mysterium Trinitatis evidentè cognosci. Minor, & Consequentia parent, Major verò probatur: quia multa inveniuntur dicta à Philosophis Gentilibus de hoc mysterio. In primis enim Aristoteles 1. de celo, loquens de numero ternario, dicit quòd per illum oportet nos Deum magnificare. Item Pythagoras, teste eodem Aristotele, docuit ipsum omne, ac omnia, tribus esse definita: propter quod in Deorum sacrificiis numero ternario uti solebat. Item Avicenna olim dicebat, quod El, & Elohim, & Jehova, tres personae, & unus Deus, creantur mundum: Similiter Trigeminitus asseruit quòd *Mors genuit Monadem, & in se ipsum reflexit ordinem*: quibus verbis manifestè videtur exprimi generationem Verbi, & processum Spiritus Sancti. Denique Augustinus libro 7. Confess. refert se legisse in libris Platoniorum, non quidem eisdem verbis, sed similibus, multa ad Sanctissimam Trinitatis noticiam pertinentia, v. g. illud quod de aeterna Verbi generatione scribit Joannes: *In principio erat Verbum, & Verbum erat apud Deum, & Deus erat Verbum.*

**C**onfirmatur: In pluribus naturae operibus aliqua relucere videntur Trinitatis vestigia, ex quibus Gentiles Philosophi potuerunt hoc mysterium cognoscere, vel saltem aliquam illius habere suspicionem. Nam, ut egregiè annotavit Joannes Bongus, in libro quem edidit de mystica numerorum significatione, ita in numero ternario luit natura, ut primo aspectu videatur in creatura & inscrutabilis Trinitatis imaginem in cunctis suis operibus insculpsisse. Tres enim sunt gradus naturarum constitutivi: scilicet esse, vivere, & intelligere. Tria rerum naturalium principia: materia, forma, & privatio. Tres durationum mensurae: tempus, aevum, & aeternitas. Tres temporis partes: futurum, praesens, & praeteritum. Triplex quantitatis species: linea, superficies, & corpus. Tres caelos tantum admittunt Philosophi. Triplex in ipsis virtus: motus, calor, & lux. Triplex vitae principium, anima rationalis, sensitiva, & vegetativa. Triplex in anima rationali potentia: intellectus,



memoria, & voluntas. Tres Angelorum Hierarchia, & qualibet in tres choros diuisa. Triplex eorum operatio: purgatio, illuminatio, & perfectio. Triplex eorum status: naturæ, gratiæ, & gloriæ. Triplex eorum motus: circularis, rectus, & obliquus, ut docet Dionysius in libro de cælesti Hierarchia. Denique ut aiebat olim Pythagoras: omnia tria sunt, & tria unum.

7 Ad objectionem respondeo, negando Majorem. Ad cuius probationem respondet primò D. Thomas hic art. 1. ad 1. quòd Philosophi non cognoverunt Trinitatis mysterium per propria, quæ sunt Paternitas, Filiatio, & processio Spiritus Sancti, iuxta illud Apostoli 1. ad Corinth. 2. *Loquimur Dei sapientia, quam nemo principum huius sæculi cognovit* id est nullus antiquorum Philosophorum, qui fuerit veluti principes secularis doctrinæ, ut exponit glossa: sed solum cognoverunt quædam essentialia attributa; quæ appropriantur personis divinis; sicut potentia Patri, sapientia Filio, & bonitas Spiritui Sancto.

8 Ad illud verò Aristotelis, Pythagoræ, & aliorum, qui numerum ternarium appellabant divinum, cumque in sacrificiis tanta cum religione adhibebant: Respondet deorum sacris fuisse adhibitum, non propter mirabilem illam trium personarum Triadem, in unitate simplicissimæ essentia subsistentem, quam antiqui profus ignorarunt, sed propter eminentem supra omnes alios huius numeri perfectionem. Nam in numero ternario omnia veluti includuntur: quia continet unum, cui competit ratio principij; & duo, quibus convenit ratio medij; & tria, quæ habent rationem finis, ut explicant Zanardus, & Bongus ubi suprâ.

9 Ad hunc autem Trismegisti locum, *Monus genuit Monadem* &c. dicit referendum esse hoc dictum, non ad generationem Filij, vel processionem Spiritus Sancti, sed ad productionem mundi: nam unus deus, unum mundum produxit, propter sui auiorem.

10 Ad illud Augustini, qui refert se legisse in libris Platoniorum: *In principio erat verbum* &c. respondet quòd ibi verbum non sumitur secundum quòd significat personam genitam in divinis, sed secundum quòd per verbum intelligitur ratio idealis, per quam deus omnia condidit, quæ Filio appropriantur.

11 Secundò responderi potest cum eodem S. Doctore in 1. dist. 3. quæst. 1. art. 4. & ad Annibal. ibidem quæst. 2. art. 2. aliquos Gentiles Philosophos pervenisse ad aliquam notitiam mysterij Trinitatis, non ex inspectu, creaturarum vel ex rationum naturalium demonstratione, sed ex Hæbræorum magisterio & Scripturarum sacrarum lectione. Certissimum enim est, antiquos Philosophos sæpius in Iudæorum doctores consuluisse, ut de Pythagoræ & Apollonio refert Hieronymus. Ipsos etiam sacræ Scripturæ libros interdum lectitasse, constat Aristotelis testimonio, qui lecto Genesio libro, de Moyse ejus Auctore dixisse fertur: *Pulchra profecto scribit hic barbarus, si ea probaret.* Et D. Thomas loco citato ad Annib. ait: *Plato legisse dicitur libros legis & Prophetarum per quos aliqualem cognitionem Trinitatis habere potuit.* Potuerunt etiam illi Philosophi aliqualem huius mysterij haurire notitiam ex versibus Sybilarum; quibus quamplurima Christianæ religionis arcana, in præmium illudatæ virginittatis revelata sunt: vel etiam ex dæmonum revelatione, ut docet D. Thomas locis citatis. Dæmones enim,

A qui in primo suæ creationis instanti, in quo in gratia creati sunt, huius mysterij fidem habuerunt, de illo interdum homines fuisse allocutos, indicat illud Serapidis responsum, qui consulenti Thuli, qui in Ægypto regnavit, quinquam esset se beatorum dixisse fertur.

*Principio deus est, tum sermo, at Spiritus istus.*

*Additur: hæc tria sunt cœva, & tendentia in unum.*

Ita refert ex Suida Ludovicus Vives, libro 10. de civitate Dei cap. 23.

Ad confirmationem dicendum est, quòd licet in creaturis aliqua reluceant Trinitatis vestigia, ex his tamen, seclusâ divinâ revelatione, humana ratio non potest in aliquam eius notitiam, vel visissimam suspensionem venire. Nam, ut docet D. Thomas in 1. dist. 33. quæst. 1. art. 1. ad 2. *Omnia similia quæ ex creaturis ad explicandum hoc mysterium adduci possunt, plus habent de similitudine: idè magis abducunt à veritate huius mysterij, quam in eius veritatem intellectum inducant.* Unde Dionysius libro 1. de divinis nominibus: *Nullus numerus, aut unitas, aut secunditas, aut aliud quippiam apernit arcanum illud divinitatis, quod omnem rationem superat & intelligens tiam.*

In huius rei typum, Ezechielis 10. thronus Sanctissimæ Trinitatis dicitur esse positus super quatuor animalium capita: quia (ut interpretantur Doctores) huius mysterij subtilitas, quadruplicis cognitionis creatæ gradus transcendit; sensitivæ scilicet, per bovem; phantasiæ, per leonem; rationalis, per hominem; & angelicæ, per aquilam figuratæ.

### §. III.

*Convelluntur alia fundamenta adverse sententia.*

Contra præcedentem conclusionem plura congerit argumenta Raymundus Lullius, quæ evidentia & demonstrativa existimat; quia tamen nullius ferè momenti sunt, his prætermittis.

Contra illam argui potest primò. Communicatio nature divinæ ad intra, potest ratione naturali evidenter probari: Sed illâ cognita mysterium Trinitatis cognoscitur: Ergo huius mysterij existentia potest ratione naturali demonstrari. Minor patet, Major autem, in qua consistit difficultas, probatur. Cum enim natura boni sit esse diffusivum sui, & nature lumine notum, omne bonum se posse communicare & diffundere, juxta suam naturam, naturali ratione cognoscitur, bonum finitum posse finite communicari, & bonum infinitum, qualis est natura divina, posse communicari infinite: Sed solum communicationem nature divinæ ad intra esse infinitam simpliciter, etiam lumine naturali manifestum est: Ergo potest lumine naturali evidenter demonstrari communicationem nature divinæ ad intra.

Confirmatur: Lumine naturali notum est, omnes perfectiones in deo reperiri: Sed constat etiam lumine naturali, maximam esse perfectionem, generare sibi simile: Ergo eodem lumine manifestum est, generationem in deo reperiri, & consequenter Verbi productionem: esto lumine naturali processio Spiritus Sancti cognosci nequeat. Unde glossa ordinaria super cap. 8. Exodi, dicit quòd Magi Pharaonis defecerunt in tertio signo, id est in notitia tertiarum personarum, scilicet Spiritus



ritus Sancti, & sic ad minus duas cognoverunt.

- 16 Confirmatur amplius: Nullius boni possessio potest esse jucunda, sine consortio: Sed in divinis est infinitæ bonitatis possessio jucundissima; & hæc sunt naturaliter nota: Ergo est naturaliter notum, esse consortium in divinis, & consequenter pluralitatem personarum in divina natura.

- 17 Ad argumentum respondeo, negando Majorem, ad cuius probationem, distinguo Majorem. Naturali ratione cognoscitur bonum infinitum posse communicari infinite, ex parte modi communicandi, concedo Majorem. Ex parte rei communicatæ, nego Majorem; & sub eadem distinctione Minoris nego Consequentiam. Nam licet communicatio divini bonitatis ad extra, non sit infinita ex parte rei communicatæ, est tamen infinita ex parte modi, quo Deus se communicat ad extra, educendo res à nihilo, ad quod requiritur virtus infinita; & solum hæc communicationis infinitas potest ut possibilis lumine naturali demonstrari, non autem possibilitas communicationis infinita ex parte rei communicatæ.

- 18 Dices: non minus est conformis bono infinito communicatio infinita ex parte rei communicatæ, quam bono finito communicatio finita ex parte rei communicatæ: Sed quia est bono finito conformis, potest de illo per rationem naturalem demonstrari: Ergo pariter communicatio infinita, etiam ex parte rei communicatæ, poterit de bono infinito demonstrari.

- 19 Sed facile respondetur distinguendo Majorem: Non minus est conformis, in re ipsa, concedo Majorem. Quoad nos, nego Majorem: & concessa Minori, nego Consequentiam. Nam vim communicandi convenientem bono creato propriis viribus cognoscimus, quia est proportionata verbus nostri intellectus: virtutem autem quam Deus habet se communicandi ad intra, non possumus propriis viribus apprehendere; quia non suppetunt nobis hujusce cognitionis principia, sola ratione naturali consultata; & ideo quamvis in re ita sit conformis naturæ divinæ communicatio ad intra, sicut bono creato est conformis suæ propria communicationi; hæc tamen potest à nobis per vires naturæ cognosci, secus autem illa.

- 20 Ad primam confirmationem dicendum est quod licet lumine naturali notum sit, in Deo reperiri omnes perfectiones simpliciter simplices, id est quæ nihil habent imperfectionis admixtum, lumine tamen naturali non constat, generationem esse hujusmodi; imò potius lumen naturale dicitur, generationem non posse fieri sine divisione naturæ & substantiæ: in genito & in generante, nec per consequens sine imperfectione. Unde quod generatio sit perfectio simpliciter simplex, nullamque in suo conceptu involvat imperfectionem, non cognoscimus certo, nisi per divinam revelationem, quæ docemur in Deo esse Filium à patre genitum ante omnia sæcula, ejusdemque substantiæ & naturæ cum illo.

Quare ad illud quod dicitur de Magis Pharaonis, respondet D. Thomas hic art. 1. ad 1. *Quod illi dicuntur descisse in tertio signo, id est in cognitione tertie persone, quia à bonitate quæ Spiritui Sancto appropriatur, deviaverunt, dum cognoscentes Deum, non sicut Deum glorificaverunt ut dicitur ad Romanos 1.*

- 21 Ad secundam confirmationem dicatur, quod possessio boni non est jucunda sine consortio, in supposito non habente omnimodam rationem boni: si verò omnem rationem boni in se possi-

A deat, rationabiliter negari potest, ad jucundam talis boni possessionem requiri consortium.

Secundum in eandem conclusionem argui potest: deus ut Unus non minus est supernaturalis, quam ut Trinus: Sed non obstante hac supernaturalitate, unita divinæ naturæ, lumine naturali demonstrabilis est, ut patet ex dictis in tractatu de attributis: Ergo etiam trinitas personarum lumine naturali demonstrari potest.

Respondeo distinguendo Majorem: Non minus est supernaturalis, entitative, concedo Majorem. In ratione cognoscibilis, nego Majorem. Cum enim deus ut Unus habeat connexionem cum effectibus naturalibus quos naturalis ratio potest cognoscere, non verò ut Trinus; ut Unus, non est supernaturalis in ratione cognoscibilis, bene tamen ut Trinus.

Dices: Cognoscibilitas sequitur entitatem: Ergo si deus ut Unus non minus sit entitative supernaturalis, quam ut Trinus, etiam in ratione cognoscibilis æquæ erit supernaturalis.

Respondeo verum esse Antecedens, de cognoscibilitate immediata, hæc enim commensuratur cum entitate ad quam sequitur; falsum autem de cognitione aut cognoscibilitate mediata, & in alio; hæc enim non sequitur absolute ad entitatem, sed ut connexionem cum illo, in quo, vel ex quo cognoscitur. Et quia in hac connexionem est discriminis inter Deum ut Unum, & ut Trinum (nam sub prima consideratione est formaliter cum effectibus naturalibus connexus, secus autem sub secunda) hinc fit, quod licet æquiparentur Deus ut Unus & ut Trinus, quoad rationem supernaturalis, in cognoscibilitate immediata, in mediata tamen differant; & Deus ut Unus hoc genere cognitionis sit lumine naturali intellectus cognoscibilis, secus autem Deus ut Trinus.

Obijcies tertio: Imago ducit in cognitionem prototypi: Sed in homine est imago Trinitatis, ut docet D. Thomas infra quest. 93. art. 5. constatque ex illo Genesis 1. *Faciamus hominem ad imaginem & similitudinem nostram*: Ergo homo potest ex cognitione sui, ad Trinitatis notitiam pervenire.

- D Respondeo ex D. Thoma ibidem in resp. ad 3. quod licet in homine sit imago trinitatis, non potest tamen nos ducere ad illius notitiam; quia talis imago deficiens & imperfecta est, ut ex loco præallegato Genesis colligitur. Nam particula illa, *ad imaginem*, motum quemdam tendentem in perfectionem designat, ut notat ibidem S. Doctor. Ratio etiam id suadet: Nam licet in anima nostra sint tres potentie, sicut in divina natura tres persone, illæ tamen nec per se subsistent, sicut persone divinæ, nec realiter identificentur cum substantia animæ, sicut relationes cum divina essentia: vel si realiter identificentur cum anima (ut aliqui Philosophi docent) realiter non distinguuntur inter se, sicut persone divinæ. Unde (ut supra ex eodem Angelico Doctore annotavimus) hæc imago magis abducit à veritate mysterij Trinitatis, quam in ejus veritatem intellectum inducat.

Obijcies quarto: Effectus ducit in cognitionem idææ & exemplaris à quo dependet: Sed plures sunt effectus creati, qui à divinis relationibus & personalitatibus exemplariter dependunt; nam personalitas creatæ v.g. imitatur divinam, & illam tanquam causam exemplarem respicit: item paternitas creatæ, est quædam imago & expressio paternitatis divinæ, & ab illa ut à causa exemplari dependet; unde Apostolus ad Ephes.

3. *Flecto genua mea ad Patrem Domini nostri Iesu Christi, ex quo omnis paternitas in calis & interra nominatur* Ergo ex effectibus creatis possumus pervenire ad Trinitatis notitiam,

27. Respondeo concessa Majori, negando Minor. Nam (ut docet S. Thomas supra quæst. 15. artic. 1. ad 3.) idea seu exemplar creaturarum in Deo est ipsa divina essentia, ut est principium operandi, & prout cognita ut diversimodè imitabilis & principabilis à creaturis. Unde cum relationes & proprietates personales in Deo, non sint principium operandi ad extra, nec ad efficiendum creaturarum concurrant, ratione illius quod superaddunt essentia, non habent rationem. Ideæ vel exemplaris respectu creaturarum. Id verò quod dicit Apostolus de paternitate divina, secundum quandam attributionem vel appropriationem intelligendum est. Sicut enim sapientia creata dicitur derivari à Filio, & charitas à Spiritu Sancto, quia licet hæc attributa sint omnibus personis communia, quodammodo tamen Filio & Spiritui Sancto appropriantur: Ita pariter paternitas divina, per quandam appropriationem dicitur fons, & origo, ac exemplar totius fecunditatis & paternitatis creata.

28. Dices: Personalitas creata est participatio personalitatis divinæ: Ergo ab illa ut à causa efficiente & exemplari per se dependet.

Respondeo distinguendo Antecedens: Personalitas creata est participatio personalitatis divinæ: secundum id quod implicite includitur in personalitate divina, nempe secundum rationem subsistentiæ absolutæ, concedo Antecedens: ratione illius quod personalitas divina addit ad essentiam & perfectiones absolutas, nego antecedens: cum enim ratione illius superadditi perfectionem non dicat, nequit eminenter continere personalitatem creatam, quod necessarium erat, ut hæc divinam participaret.

29. Nec obstat, subsistentiam absolutam non esse incommunicabilem: nam licet non sit formaliter incommunicabilis, est tamen incommunicabilis eminenter: sicut licet Deus non sit discursivus formaliter, est tamen discursivus eminenter. Unde sicut hoc sufficit ut discursus hominis participet divinum intelligere, & exempletur ab illo, ita sufficit ut personalitas creata sit participatio subsistentiæ Dei absolutæ, & exemplariter ab illa causetur.

In istis: personalitas Verbi, ut distincta à subsistentia absoluta, supplet vices personalitatis creatæ, terminando humanitatem: At nisi illam eminenter contineret, non posset illius vices supplere: Ergo personalitas divina, ratione illius quod super addit ad essentiam, eminenter continet personalitatem creatam, non verò ratione subsistentiæ absolutæ, quam includit implicite, & per consequens personalitas creata est participatio divinæ, ratione illius quod personalitas divina addit ad essentiam, & perfectiones absolutas.

30. Respondeo duo præstari à personalitate creatæ propriæ naturæ quam terminat: primum est independentia ab alio ut sustentante, quod perfectio est: secundum est incommunicabilitas alteri ut supposito terminanti, quod perfectionem non explicat. Primum supplet personalitas Verbi ratione subsistentiæ absolutæ quam implicite includit: secundum, ratione subsistentiæ relativæ, quam superaddit essentia; ad quod necessarium non est quod contineat eminenter continentiam

Tom II.

A effectivâ incommunicabilitatem quam supplet, sed sufficit quod illam contineat eminenter formaliter.

Obijcies quintò: Intellectus humanus ex divina revelatione & illustratione perficitur & roboratur, etiam in ordine ad ea quæ naturaliter potest cognoscere; cum omne inferius, ex conjunctione cum superiori, etiam in ordine ad proprium objectum perficiatur: ut patet in virtutibus moralibus, quæ perficiuntur ex conjunctione cum charitate & virtutibus infusis; & in cognitiva, quæ perficitur & redditur capax alicuius imperfecti discursus, ex conjunctione quam habet in homine cum potentia intellectiva, ut docetur in libris de anima: Ergo licet intellectus humanus non possit ex propriis viribus ante revelationem demonstrare existentiam Trinitatis, id tamen poterit revelatione suppositâ.

Confirmatur: Intellectus creatus ante omnem revelationem non potest fide humanâ credere existentiam Trinitatis, & tamen illâ præsuppositâ id potest; ut constat in Hæreticis, qui discredentes aliis fidei nostræ mysteriis, huic assentiuntur, non fide divinâ & supernaturali, quæ carent, sed humanâ & naturali: Ergo pariter, licet nequeat intellectus creatus ante omnem revelationem demonstrare naturaliter existentiam Trinitatis, præsuppositâ tamen divinâ revelatione, illam ex effectibus naturalibus demonstrare potest.

Ad objectionem respondeo, concessio Antecedente, negando Consequentiam. Quantumcumque enim intellectus perficiatur in ordine ad ea quæ naturaliter potest cognoscere, nunquam tamen potest in illis, vel ex illis, cognoscere ea quæ in eis cognoscibiliter non continentur. Unde cum (ut ostendimus) effectus naturales, defectu connexionis cum Deo ut Trino, nequeant ex se ad illius ut Trini cognitionem movere, intellectus humanus, etiam suppositâ divinâ revelatione, ex illis nequit demonstrationem Trinitatis elicere. Sicut ex principio non habente necessariam connexionem cum aliqua veritate, nunquam potest intellectus, quantumcumque lumine fidei, aut alterius habitus supernaturalis perficiatur, talem veritatem demonstrare, & ex illo principio necessariam conclusionem inferre.

Ad confirmationem, concessio Antecedente, nego etiam Consequentiam & paritatem. Ratio autem discriminis est, quia fides humana utitur extrinseco testimonio; ac proinde, cum addit, revelatione suppositâ, testimonium extrinsecum, quod ante eam adesse non poterat; inde fit, quod possit mysterium Trinitatis credi fide humanâ, revelatione suppositâ, non verò antecederet ad illam. E contra verò demonstratio naturalis nititur principiis ab intrinseco connexis cum objecto cognoscendo: unde cum revelatio non præbeat effectibus naturalibus connexionem intrinsecam cum mysterio Trinitatis; illi (suppositâ etiam revelatione) non minùs manent imponentes ad inducendam huius mysterii evidentem cognitionem, quam antecederet ad illam.

#### S. IV.

*Duo corollaria notatu digna.*

EX dictis colliges primò, Mysterium Trinitatis, etiam sub ratione possibilis, per rationem naturalem non posse evidenter cognosci: nam si posset evidenter demonstrari ut possibile, posset etiam demonstrari ut existens, cum lumine natu-

Et iij

rali notum sit, Deum (ut, ope actum purissimum) A  
non posse esse in potentia ad aliquam entitatem  
aut perfectionem, & per consequens quidquid  
possibile est in Deo, in eo actu reperiri.

Colliges secundo, Nedom in effectibus natura-  
libus, sed nec etiam in supernaturalibus, cum Deo  
ut principio efficiente comparatis, posse eviden-  
ter cognosci Trinitatis mysterium. Idem enim in  
effectibus naturalibus, Deus ut Trinus nequit e-  
videnter cognosci, quia à Deo quatenus Trino  
non causantur efficienter, nec ab illo ut sic per se  
dependent: Sed eadem ratio valet pro effectibus  
super naturalibus, nam illi etiam non procedunt  
efficienter à Deo ut Trino, nec per se ab illo de-  
pendent: Ergo ex illis, quantumcumque compre-  
hensis, non potest Deus ut Trinus evidenter cog-  
noscisci, *Dixi in effectibus supernaturalibus, cum*  
*Deo ut principio efficiente comparatis:* quia qua-  
dam sunt entia supernaturalia, quæ Deum ut est  
in se, tanquam objectum specificativum respi-  
ciunt, quæ proinde, si ad illum ut objectum com-  
parentur, non possunt evidenter cognosci, nisi  
etiam evidenter cognoscatur Trinitatis myste-  
rium. Unde docent nostri Thomistæ 3. p. quæst.  
11. ex visione beatifica, evidenter cognita, Trini-  
tatem personarum evidenter cognosci, ratione  
connexionis quam visio habet cum illa. non ut ef-  
fectus cum causa efficiente, sed ut actus cum ob-  
jecto

38 Dices, Si visio beatifica à Deo ut Trino tan-  
quam ab objecto dependeat, à Deo etiam ut Trino  
tanquam à causa efficiente procedet: Ergo in  
illa, ut in Dei effectû, poterit mysterium Trinita-  
tis evidenter cognosci. Consequentia patet, An-  
tecedens verò probatur. Nam, ut docent nostri  
Thomistæ in libris de anima, & in Tractatu de  
visione beatifica, objectum mediante specie quam  
imprimit, effectivè in cognitionem influit, juxta  
commune illud Augustini effatum, quo asserit ex  
objecto & potentia pari notitiam, sicut ex con-  
cursu maris & fluminis gignitur proles: Ergo si  
Deus, ut Unus & Trinus, sive divina essentia, ut  
tribus personis communicata, sit objectum visio-  
nis beatificæ, illa à Deo ut Trino, tanquam à cau-  
sa efficiente pendebit.

Respondeo distinguendo Antecedens: Si visio  
beatifica pendet à Deo ut Trino; tanquam ab  
objecto motivo, à Deo etiam ut Trino tanquam  
à causa efficiente procedit, concedo Antecedens.  
Si dependeat ab illo, ut ab objecto purè termina-  
tivo, nego Antecedens. Ad cuius probationem  
similiter dicendum est, quod objectum motivum  
influit effectivè in cognitionem, non verò ob-  
jectum purè terminativum. Itaque licet essentia di-  
vina, ut actu tribus personis communicata, & ut  
contineat relationes & attributa, terminet visio-  
nem beatificam, non tamen movet per se ad illam,  
nec gerit vices speciei, ut actu communicata  
tribus personis; sed tantum ratione perfectionis  
absolutæ, & prout virtualiter à linea relativa di-  
stinguitur: aliàs paternum intellectum moveret  
ad Filii generationem, ut actu communicata Fi-  
lio; & consequenter Filius à seipso ut à principio  
procederet: Item una persona ratione suæ subsi-  
stentiæ relativæ, posset habere aliquem concu-  
sum effectivum ad extrinsecum: quod tamen commu-  
niter negant Theologi: Tum quia relationes divinæ  
non sunt activæ, cum habeant rationem puri ter-  
mini. Tum etiam, quia aliàs opera Trinitatis ad  
extra, non essent indivisa, nec toti Trinitati com-  
munia, ut in Tractatu de attributis suis declaravi-  
mus.

## ARTICULVS II.

An & quod dentur notiones in divinis?

## § I.

Quid nomine notiois intelligant Theologi, brevi-  
ter explicatur.

NOmine notiois intelligimus cum D. Thoma  
hic artic. 2. ad 2. propriam rationem cogno-  
scendi personam divinam; sumendo illam rati-  
onem, non pro formalis conceptu, quod illam  
personam specialiter cognoscimus, & discerni-  
mus ab aliis; sed pro conceptu objectivo, seu ali-  
qua nota speciali, sigillo, & veluti caractere,  
tenente se ex parte ipsius personæ, ratione cuius  
ipsam cognoscimus, & à quacumque alia discer-  
nimus. Ex qua definitione seu potius descriptio-  
ne.

Colligitur primò cum Cajetano hic, quod no-  
tio proprie loquendo significari debet in abstra-  
cto: est enim formale cognoscendi principium;  
formale autem principium cognoscendi, sicut &  
formale principium essendi, congruentius in ab-  
stracto significatur, quod est modus formæ, quam  
in concreto; Ergo sicut personalitas, quia est for-  
male principium essendi personaliter, proprie  
significatur in abstracto, ita & notio.

Nec obstat, Augustinum 1. de Trinit. cap. 6.  
pro notionibus Patris & Filii assignasse genitum,  
& ingenitum esse, quæ concreta sunt: ibi enim  
concretum pro abstracto usurpavit. Neque hoc  
inconveniens est, quando non disputatur cum  
Hæreticis, cum quibus verborum rigor, & om-  
nimoda proprietas servanda est.

Colligitur secundo discrimen quod inter rela-  
tiones, proprietatem, & notiones versatur. Nam  
licet hæc tria in eadem formalitate absq; virtuali  
distinctione conveniant: primum tamen isti for-  
malitati convenit per respectum ad correlativum;  
secundum per comparationem ad personam, cu-  
jus est proprietas; tertium comparative ad intel-  
lectum, cui est ratio manifestandi personam con-  
stitutam. Quæ doctrina est D. Thomæ in 1. dist.  
26. quæst. 2. artic. 3. ex qua ibidem infert, prius  
intelligi in relatione rationem respectus ad ter-  
minum seu correlativum, deinde rationem pro-  
prietatis, ac tandem rationem notiois: eo quod  
nihil possit esse ratio manifestandi aliud, nisi sit  
illi proprium; nec illi possit esse proprium, nisi  
ab aliis distinguatur, quod in Divinis fit ratio-  
nem.

Colligitur tertio, tria requiri ut aliquid dicatur  
notio in Divinis. Primum est, quod significet ali-  
quid pertinens ad originem: quia relationibus  
originis distinguuntur personæ. Secundum, quod  
pertineat ad dignitatem, vel saltem illam denotet;  
quia persona nomen dignitatis est, ut docet  
Divus Thomas supra quæst. 29. artic. 3. ad 2. Ter-  
tium, quod dicat aliquod speciale: quia quod est  
commune tribus personis, non potest esse ratio  
discernendi unam personam ab alia. Itidem S.  
Doctor loco citato ex primo sententiarum. His  
præmissis, facile poterit resolvi difficultas propo-  
sita. Unde sit.

## §. II.

*Respondetur Quæstio.*

**D**ico primò, ponendas esse in Divinis notionibus. Ita communiter docent Theologi, cum Magistro in 1. dist. 26. & cum D. Thoma hic art. 2. ubi hanc conclusionem duplici ratione demonstrat.

45. Prima est: Catholici debent habere nomina abstracta, quibus utantur ut respondeant Hæreticis, inquirentibus quoniam Pater, Filius, & Spiritus Sanctus sint personæ? Sed rationes obiectivæ correspondentes his nominibus, & ab illis significatæ, sunt notiones; quia sunt proprietates personales, non utrumque, sed ut principia quibus personæ divinæ innotescunt: Ergo in divinis poni debent notiones.

46. Secunda ratio est: Oportet habere nomina, quantum fieri potest, ad explicanda omnia quæ sunt in divinis: Sed in una persona Trinitatis, v. g. in Patre, sunt duæ relationes, scilicet paternitas, & spiratio activa: Ergo oportet habere nomina, ad explicandam non solum unitatem personæ, sed etiam pluralitatem relationum: rationes verò obiectivæ, his nominibus significatæ, sunt verè notiones, utpote participantēs definitionem notionis: Ergo in Divinis notiones admittendæ sunt. Minorem probat D. Thomas. quia spirationi activæ correspondet pro termino relatio spiritali, & paternitati filialis, quæ diversæ relationes sunt; unica autem relatio ad duos terminos non potest referri: Ergo non correspondet ipsi in Patre unica sed duplex relatio.

47. Dices: Una relatio secundum speciem terminari potest ad plures relationes; ut constat tum in patre plures filios habente, ad quos una relatione refertur, cum tamen ex patre filiorum plures relationes correspondant; tum etiam in albo, quod unicæ relatione similitudinis omnia respicit quibus assimilatur, cum tamen in quolibet illorum distincta sit relatio; tum denique in filio quem unicæ relatione patrem & matrem respiciere, tener frequentior Philosophorum sententia, cum tamē relatio patris & relatio matris specie distinguantur: Ergo ex eo quòd in Filio & Spiritu Sancto, ad quos Pater refertur, plures sint relationes, non rectè colligitur relationes quibus illos respicit specie virtualiter esse distinctas.

48. Respondeo distinguendo Antecedens. Ad plures relationes, specie adæquate distinctas, nego Antecedens: numero solum differentes, aut specificè inadæquate in ratione terminandi, concedo Antecedens, & nego consequentiam, quam non probat exempla adducta. In primo enim & secundo, solo numero distinguuntur relationes terminantes. In tertio, etsi paternitas & maternitas specificè distinguantur, illarum tamen distinctio inadæquata est & partialis, in ratione terminandi relationem filiationis: quia eo modo comparantur relationes istæ ad terminandam relationem filiationis, quo patris & matris activus & passivus concursus ad causandam filii nativitatem. Sicut ergo ad istam inadæquatè & partialiter se habet utriusque concursus, ita eorum relationes inadæquatè & partialiter terminant relationem filii. In nostro autem casu, processio & filio terminantes paternitatem & activam & spirationem, non se habent partialiter, sed rectè terminant.

**A** Dico secundò, dari in divinis quinque tantum notiones: nempe paternitatem, & innascibilitatem in Patre; filiationem in Filio; spirationem activam in Patre & Filio, ut sunt principium Spiritus Sancti; & processionem seu spirationem passivam in ipso Spiritu Sancto. Ita D. Thomas hic art. 3.

Probat ratione illius: cum notio pertineat ad ordinem originis, tot debent poni notiones, sunt ordines originum ad dignitatem pertinentes: Sed isti non sunt nisi quinque: Ergo quinque tantum dantur notiones in Divinis. Minor probatur: In divinis non sunt nisi duæ processionēs, ex quibus quilibet importat duplicem ordinem positivum originis; processio quidem per intellectum, quæ est generatio, importat ordinem ejus à quo est alius, qui ordo vocatur paternitas, & est notio Patris; & ordinem ejus qui est ab alio, diciturque filialis, quæ est notio Filii. Secunda etiam processio importat duplicem ordinem similem; nempe ejus à quo est alius, qui ordo est spiratio activa, per quam produciuntur Spiritus Sanctus, & hæc est notio Patris & Filii, in quantum sunt principium Spiritus Sancti; & ejus qui est ab alio, & hic dicitur spiratio passiva, quæ est notio Spiritus Sancti. Præter illos ordines originis positivos, est adhuc alius ad originem negativè spectans, nempe ordo ejus à quo est alius, & qui non est ab alio; qui pertinet ad ordinem originis, eo modo quo negationes pertinent ad ordinem affirmationum; & sic est innascibilitas, quæ est alia notio Patris. Sed non est alius modus originis ad dignitatem pertinens, præter quinque assignatos, ut ex solutione argumentorum constat: Ergo non sunt in Divinis nisi quinque notiones assignatæ.

## §. III.

*Solvuntur Objectiones.*

**D** Obijcies primò: Generatio in Patre, & nativitas in Filio, habent rationem notionis: Ergo dantur plusquam quinque notiones in Divinis. Consequenter pater, Antecedens probatur. Generatio & nativitas sunt rationes cognoscendi Patrem & Filium, & aliàs ad dignitatē spectant; quod sufficere ad rationem notionis patet ex dictis: Ergo rationem notionis obtinent.

Respondeo negando Antecedens, ad cujus probationem dicendum est, quòd ut aliquid obtineat rationem notionis in Divinis, debet esse ratio cognoscendi personam divinam in seipsa: generatio verò & nativitas, cum sint nomina significantia origines in fieri & tendentia, notificant tantum actus notionales divinarum personarum, non verò ipsas personas divinas in se ipsis, & ideo notiones non sunt.

Addo quòd, generatio & nativitas possunt considerari, vel in recto, vel in obliquo: primo modo digni aliquid absolutum, unde ut sic non possunt esse notiones: secundò modo paternitatem & filiationem, quæ sunt duæ ex notionibus assignatis, important: & ita sub hac consideratione numerum notionum angere videntur.

Obijces secundò: Ratio Verbi & ratio Filii virtualiter distinguuntur in Filio (& idem dicendum de ratione boni & amoris in Spiritu Sancto). Atrano verbi notio est, cum ad originem spectet, & dignitatem importet: Ergo dantur in Filio duæ notiones, & tandem in Spiritu Sancto;

49.

50.

51.

52.

60;



cto; & consequenter plures sunt notiones, quam quinque assignatae.

33. Respondeo primò, negando Antecedens: cum enim ratio representationis connotata à Verbo, non distinguitur virtualiter à ratione naturæ, quæ in conceptu Filii importatur; eò quòd illæ duæ rationes ad eandem lineam intellectualem pertineant; etiam ratio Filii, & ratio Verbi in secunda Trinitatis persona identificantur sine virtuali discrimine, ut in 2. disp. ostensum est.

Art. 4.  
§ ultimo.

34. Præterea, dato & non concesso, quòd ratio Filii & Verbi distinguantur virtualiter, quantum ad perfectiones absolutas, quas de connotato important: tamen certum est, rationem Verbi, pro eo quòd in recto dicit, nempe relatione, non distinguui virtualiter à ratione Filii; esse autem notionem, non competit Verbo aut Filio ratione connotati, vel absoluti, sed ratione illius quòd ab utroque in recto importatur, quod est relatio.

35. Obijcies tertio: Spiratio activa non est notio: Ergo non dantur quinque notiones. Consequentia patet, Antecedens probatur. Notio debet esse proprietas personalis, nam quòd non est proprium, non potest esse ratiocognoſcendi personam in sua propria ratione: Sed spiratio activa non est proprietas personalis; cum duabus personis conveniat, scilicet Patri & Filio, simul spirantibus & producentibus Spiritum Sanctum: Ergo rationem notionis non obinet.

36. Respondeo negando Antecedens, ad cuius probationem dicatur cum D. Thoma *opuscul. 3. cap. 59* proprietatem dici dupliciter. primò absolute, secundo comparative. Sic risibilitas, quæ est proprietas hominis, est proprietas absoluta; esse verò bipedem, est proprietas ipsius comparative ad quadrupedia. Ita etiam in proposito, spiratio activa non est proprietas absoluta, quasi conveniens uni personæ, sed comparative, in ordine scilicet ad Spiritum Sanctum, cui ipsa non convenit.

37. Obijcies ultimò: Innascibilitas in Patre vel sumitur pro materiali, vel pro formali? Si primum, non est notio à paternitate distincta, cum de formali significet paternitatem. Si secundum, notio est, cum negatio sit, & consequenter dignitatem non explicet, de ratione enim notionis est quòd ad dignitatem pertineat, ut supra diximus: Ergo non sunt quinque notiones in Divinis.

38. Huic argumento patebit solutio ex dicendis disputatione sequenti, ubi significatum formale hujus nominis *ingenitum* quod est id eac innascibile, exponemus. Nunc breviter respondeo, eligendo secundam partem dilemmatis. Ad probationem in contrarium dicendum est, ad rationem notionis necessarium non esse quòd sit dignitas, sed sufficit quòd circumlocutivè & à posteriori dignitatem explicet; sicut nec requiritur quòd sit personalitas, sed quòd personalitatem notificet. Licet autem innascibilitas ratione sui formaliter dignitas non sit, tamen à posteriori explicat dignitatem personalem primæ personæ, scilicet auctoritatem principii, per modum capitis & fontis omnium divinarum personarum, ut latius expendemus disputatione sequenti.

39. Dices: Si notio in negatione consistere posset, sequeretur plures alias dari notiones, quam quinque enumeratas: nam in Filio negatio procedendi per voluntatem, quæ *inspirabilis* dicitur, & in Spiritu Sancto negatio procedendi per intellectum tanquam terminum genitum, quæ

*ingenibilis* appellatur, rationem notionis obtinebunt; & sic ad minus dabuntur septem notiones in Divinis: Sed hoc non admittitur à nobis: Ergo &c.

Respondeo negando sequelam Majoris: Inspirabilitas enim nec dignitas est, nec dignitatem denotat. Et idem de ingenerabilitate dicendum: Tum quia, supposito quòd aliquid producatur, non dicit, ex nostro modo concipiendi, dignitatem, quòd careat hoc, vel illo modo productionis: Tum etiam, quia inspirabilitas sumpta ratione sui, creaturæ potest competere, & similiter ingenerabilitas cum creaturæ non spirantur, & possint produci per actionem quæ generatio non sit, innascibilitas autem, quæ in negatione omnis principii consistit, explicat dignitatem, scilicet auctoritatem principii, per modum capitis & fontis omnium divinarum personarum; solumque primo supposito perfectissimæ naturæ intellectualis competere potest.

Hujus discriminis radicem assignavit D. Thomas 1. ad *ambrosium dist. 28. quest. 1. art. 1. ad 3* quia scilicet, quòd affirmatio est specialior, eò universalior evadit negatio; & contra quòd universalior fuerit affirmatio, eò illius negatio est contrarior: ut constat in negatione animalis, quæ imitator est, & paucioribus convenit, quam negatio hominis; quia animalis affirmatio universalior est affirmatione hominis. Quia ergo inspirabilitas est negatio peculiaris processionis, & ingenerabilitas negatio processionis per intellectum, quæ etiam specialis processio est; innascibilitas autem est negatio processionis ut sic quæ universalior est qualibet ex his processionibus; consequens est quòd primæ negationes universales sint, nec ad intellectuale naturam coarctatæ, subindeque dignitatem non denotent; ista autem negatio coarctetur ad naturam intellectualem, & illius dignitatem delignet.

## DISPUTATIO VIII.

### De persona Patris.

Ad quest. 33. D. Thoma.

Duo sunt nomina, quæ primæ personæ divinx solent attribui; primum est nomen Patris, quod est tantæ religionis & excellentiæ, ut Cyrillus asserat, hoc præclarissimum nomen magis ei quam Deitulum convenire: Hoc enim (inquit) dignitatis, illud substantialis significativum est proprietatis. Deum enim si dixeris, verum omnium Dominum ostendisti: Patrem verò si appellaveris, proprietatem retigisti. Deus dicitur & Dominus, quatenus mandum creavit: Pater appellatur, quia Filium æternum sibi consubstantialem, & Deum genuit.

Cum hac Cyrilli cogitatione concordat id quòd refertur Joann. 20 scilicet Christum apparentem Magdalenz post resurrectionem, jussisse illi ut hæc annuntiaret Discipulis: Ascendo ad Patrem meum, & Patrem vestrum, Deum meum, & Deum vestrum. Ubi præmittit titulum Patris, eumque Dei titulo antepont; Quia (inquit Theodoretus) appellatore Patris magis quam Domini delectatur.

Secundum nomen quòd primæ personæ convenit, est nomen ingeneri, seu innascibilis, quod etiam summæ dignitatis est ac excellentiæ: hoc enim

enim nomine designatur, Patrem nedum in divina personarum Triade, primum tenere originis; sed insuper totius Divinitatis inexhaustum esse fontem principium. Unde Dionysius in libro de divin. Nomin. *Solus fons supersubstantialis Deitatis est Pater. Et Concilium Toletanum sextum: Confitemur Patrem ingentium, incrementum, fontem & originem totius Divinitatis, apud quem non tam paternitas, quam paternitatis principatus.*

4. Sed advertendum est, hoc nomine non solum negationem generationis strictè sumptæ importari (sic enim non est Patri proprium, sed convenit etiam Spiritui Sancto, quia ille non est filius nec genitus, nec ejus processio est vera generatio, ut in 2. disp. ostendimus) sed etiam negationem omnis processionis & communicationis ab alio; quo pacto soli Patri convenit, cum ille solus à nullo procedat, & quidquid habet à nullo recipiat.

Circa primum nomen nihil occurrit dicendū, Circa secundum quæri solet, an innascibilitas, quæ per hoc nomen, *ingentium*, significatur, per aliquid positivum, vel purè negativum, in ratione notionis constituitur? Quam difficultatem articulo sequenti breviter resolvemus.

## ARTICULUS UNICUS.

*An innascibilitas per negationem, vel per aliquid positivum in ratione notionis constituitur?*

5. In hujus difficultatis resolutione tres reperio Authorum sententias: Primatenet, innascibilitatem, ut est Patris notio, aliquid positivum importare. Pro qua sententia referuntur D. Bonaventura, Aureolus, & quidam alii antiqui Theologi, quos ex modernis secutus est Philippus à S. Trinitate *hic disp. 6. dubio 3.*

Secunda docet illam constitui in ratione notionis per respectum rationis, qui intelligitur in Patre in eo signo, quo concipitur constitui in ratione personæ, & Fili generationem præcedere, Ita Vazquez *disp. 137. art. 1.*

Tertia aliter illam in ratione notionis importare aliquem respectum transcendentalem, quo Pater, tanquam fundamentale Trinitatis principium, indivisè Filium & Spiritum Sanctum respicit. Ita Alarcon *hic disp. 7. cap. 1.* Pro veritatis declaratione

6. Dico, innascibilitatem non constitui in ratione notionis per aliquid positivum, sed per negationem omnis processionis vel productionis passivæ, quam de formali significat. Ita expressè docet S. Thomas in 1. dist. 28. qu. 1. art. 1. ubi ait: *Licet ingentium nihil ponat quod sit de intellectu ejus constitutive, non tamen sequitur quod non possit esse notia; quia illud cujus ratio consistit in remotione, optimè per negationem certificatur, sicut cæcit.* Quo nihil clariùs & expressius dici potest. unde mirum est quod Philippus à S. Trinitate, hunc locum ceter pro sua sententia.

7. Probatur etiam conclusio ex eodem S. Doctore *hic art. 4. ad 1.* ubi postquam refutavit sententias illorum, qui dicebant innascibilitatem, propter est Patris proprietatem, vel significare quod à nullo sit, & quod sit principium aliorum, vel universalem auctoritatem, vel fundamentalem plenitudinem, sic concludit. *Et ideo dicendum est secundum Augustinum, quod ingentium negationem generationis passivæ importat. Et paucis interposi-*

tis, ait: *Nec propter hoc sequitur quod ingentium non debeat poni propria notio Patris, quia prima & simplicia per negationem notificantur.* Ex quibus sic arguo: Primum argumentum D. Thomæ intendebat probare, innascibilitatem non esse notionem, eò quod notio ponat aliquid in eo cuius est; ingentium autem nihil ponit, sed remonet, cum negationem importet. Cui argumentum responderet, quod licet ingentium, seu innascibilitas, negatio sit, tamen esse potest notio Patris, quia implicia per negationes notificantur: At si sentiet, ingentium in ratione notionis, non per negationem, sed per positivum constitui, non sic responderet, sed facilius argumentum solveret, asserendo quod licet negationem significet, non tamen per illam, sed per positivum in ratione notionis constituitur: Ergo innascibilitas, non per aliquid positivum, sed per negationem omnis processionis vel productionis passivæ, in ratione notionis constituitur;

Secundò probatur conclusio ratione fundamentali. Ad rationem notionis sufficit, quod notificet aliquid personale, pertinens ad dignitatem; nec requiritur quod ipsa notio, ratione sui dignitas sit: At negatio, significata nomine ingentis, notificat in Patre aliquid pertinens ad dignitatem, scilicet primum originis, & immediatam terminationem paternitatis respectu naturæ divinæ, quæ dignitas nullà aliâ proprietate explicatur: Ergo etiam si ratione sui dignitas non sit, erit notio ratione sui. Minor patet, Major autem probatur primò ex doctrina D. Thomæ jam adducta. Secundò, quia non magis requiritur ad rationem notionis, quod significet aliquid ad dignitatem spectans, quam quod significet proprietatem personalem; cum primum ex secundo colligatur: Sed ut aliquid notio sit, non requiritur quod ratione sui sit proprietatem personalem; sed sufficit quod proprietatem personalem circumlocutivè significet, seu notificet: Ergo etiam non requiritur quod ratione sui dignitas sit, sed solum quod circumlocutivè notificet dignitatem. Tertiò probatur eadem Major contra Vazquem, argumento ad hominem. Nam ille docet ut vidimus, innascibilitatem in ratione notionis per relationem rationis constitui: Sed ratio rationis, cum nihil reale & positivum sit, ratione sui nullam dicit perfectionem aut dignitatem (est illam notificet aut explicet) Ergo ad rationem notionis non requiritur quod ratione sui dignitas sit, sed sufficit quod dignitatem explicet aut manifestet.

Denique probatur conclusio specialiter contra Alarcon, destruendo præcipuum ejus fundamentum. In Patre non datur aliquis respectus transcendentis, quo indivisè Filium & Spiritum Sanctum respicit: Ergo innascibilitas per respectum illum transcendentalem non potest in ratione notionis constitui. Consequentia patet, Antecedens probatur. In Patre non datur aliquis unus & communis influxus, quo in Filium & Spiritum Sanctum influat: Ergo neque unus respectus transcendentis, quo indivisè utramque personam respiciat. Antecedens est certum: Filium enim adequatè procedit per intellectum, & Spiritus Sanctus per voluntatem, nec datur alia tertia ratio influendi in ipsos. Consequentia verò probatur. Omnis respectus quo in divinis una persona aliam respicit, sive sit transcendentis, sive prædicamentalis, aut quasi prædicamentalis, debet in influxu & ori-

G g gine

gine activa vel passiva fundari : Ergo si in Patre non datur unus & communis influxus, quo in Filium & in Spiritum Sanctum influat, non poterit dari unus respectus transcendentalis, quo indivise utramque personam respiciat, ut docet Alarcon, sed adæquatè Filium respiciet paternitate, & Spiritum Sanctum spiratione activâ.

10. Sed opponit ille Author, quod Pater vocatur à SS. Patribus *Fontana Divinitatis*, seu *fundamentale Trinitatis principium*; unde ad notionem Patris pertinet hoc quod est esse principium universale, & veluti primam radicem aliarum personarum: At in ratione principii radicalis Filii & Spiritus Sancti non constituitur per paternitatem & spirationem; cum per illas solum comparatur ad Filium & Spiritum Sanctum, ut proximum illorum principium: Ergo per formalitatem aliquam ab illis distinctam; quæ cum absoluta non sit, nec sit relatio prædicamentalis, erit utrique transcendentalis relatio, quâ ut principium radicale indivise utrumque respiciet; & consequenter hæc fundabit negationem ingenerati, & innascibilitatem in ratione notionis constituet.

11. Respondeo concessâ Majori, negando Minorem. Ad cujus probationem dicendum est, paternitatem posse considerari dupliciter, scilicet ut est relatio, & ut est substantia, seu forma hypostatica, primò terminans & modificans naturam divinam. Sub priori consideratione non constituit Patrem fundamentale Trinitatis principium, seu principium radicale Filii & Spiritus Sancti, sed solum illum refert ad Filium; bene tamen sub posteriori, quia ut sic fundat in Patre incapacitatem essendi ab alio, & connotat divinam naturam, ut à se & non ab alio habitam; unde sub hac ratione paternitas de materiali & fundamentaliter hoc nomine, *ingentum*, prout est Patri proprium, & notio illius, importatur.

12. Dices, ex hoc sequi, innascibilitatem non esse notionem à paternitate distinctam; nam ad constituendam diversam notionem, requiritur conceptus objectivus virtualiter saltè distinctus, ut disputatione præcedenti dicebamus: Sed paternitas, ut forma hypostatica, non distinguitur virtualiter à se ipsa ut referente: Ergo si ut forma hypostatica hoc nomine *ingentum* de materiali importetur, innascibilitas non erit notio à paternitate distincta.

13. Sed facile respondetur, negando sequelam Majoris. Ad cujus probationem dicendum est, quòd ad constituendam diversam notionem, requiritur conceptus objectivus virtualiter distinctus, saltè ex parte illius quod de formali significat; non tamen semper exigitur, quòd virtualiter sit diversus ex parte ejus quod fundamentaliter & de materiali tantum importat. unde cum paternitas, ut gerit munus substantiæ & formæ hypostaticæ, primò modificans naturam divinam, de materiali solum & fundamentaliter hoc nomine, *ingentum*, prout est Patris notio importetur, illud quod de formali significet negationem omnis processionis, seu passivæ productionis, quæ virtualiter à paternitate distinguitur, innascibilitas erit notio à paternitate distincta.

## DISPUTATIO IX.

## De Persona Filii.

Ad questionem 34. & 35. D. Thomæ.

**V**aria in sacris litteris Dei Filiius fortitur nomina, quæ sub duodenario numero Ambrosius lib. 2. de Fide in prologo ex variis tam veteris quam novi Testamenti locis collegit. Vocatur enim Filius Dei, Verbum, Imago, Idea, Principium, Sapientia, Lux, Candor, lucis æternæ, Character, Figura substantiæ, Speculum, Veritas. De quibus nominibus hæc subiungit idem Ambrosius: *in sanctis istis lapides, Sardius, Iaspis, Smaragdus, Chrysolitus, & alii, quibus sancti Aaronis, qui Christi figuram gerunt, vestimentum intextitur. Hic verum amittit est sacre doctrinæ, hac vestis nuptialis, hic textus prophetarum, quibus non verum ista contexere. Filius Dei dicitur, quia ex Deo Patre nascitur. Verbum, quia ex ore Altissimi cum perfecta ejus notitia prodit. Imago, splendor gloriæ, & speculum quia nihil ei deest quominus perfectè Patrem exprimere possit. Vapor virtutis Dei, quia ejusdem cum Patre naturæ. Candor lucis æternæ, quia ei coæternus. Character, à Patre personali differentia, non essentiali perfectione discretus.*

Ex his nominibus alia sunt quæ respectum dicunt ad Patrem, ut Filius, Verbum, Imago; alia quæ relationem ad creaturas expriment, ut idea, principium, exemplar alia propria & notionalia, ut Filius, Verbum, & Imago: alia omnibus personis communia, & Filio appropriata, ut lux, virtus, vita, principium, idea &c.

De his omnibus nominibus non agit D. Thomas in præfenti, sed tantum de duobus præcipuis, scilicet de nomine Verbi, & Imaginis: quia (inquit) ratio Filii ex ratione Patris consideratur. Unde hujus S. Doctoris vestigiis in hærentes, solum de ratione Verbi & Imaginis in hac disputatione differemus.

## ARTICULUS I.

An Verbum ex cognitione omnium personarum divinarum per se procedat?

**T**ertullianus in Apologetico, agens de æterna & arcana Christi generatione; & Gentilium Philosophorum, qui ex proprio cerebro tot vana fallorum Deorum fixere commenta, insipientiam irridens: *Accipite* (inquit) *hanc fabulam, simile est vestris*. Alludit, ni fallor, ad illam fabulam, quâ Poëtæ fluxerunt Minervam ex Jovis cerebro prodissse. Aliquid enim simile docet fides Christiana, ubi divinæ generationis pandit arcanum: credit enim increatum æterni Patris Filium ex fecundissima ejus mente ante sæcula genitum fuisse, juxta illud divinæ Sapientiæ verbum: *Ego ex ore Altissimi prodii*: id est, ex intellectu Patris, qui est veluti os spiritualis substantiæ. Unde in præfenti inquirunt Theologi, ex quorum objectorum cognitione Verbum divinum producat? & num ex omnium personarum divinarum notitia per se procedat?

## §. I.

*Quibusdam promissis referuntur sententia.*

Diff. 7.  
Art. 1.

1. **S**uppono primò, id per se in quarto modo ad alicujus productionem concurrere, quod per se exigitur ut principium illius: id autem non per se in quarto modo perfectatis se habere, quod licet sit idem cum principio, à termino tamen non petitur ut ejus principium. Sicut Trinitas personarum, etsi cum divina natura & omnipotentia realiter identificetur, non tamen est per se necessaria quarto modo perfectatis ad productionem creaturarum: quia illa (ut supra ostendimus) per se non petitur pro principio sui Deum ut trinum, sed ut unum & omnipotentem.

2. **S**uppono secundo, Cognitionem ex qua Verbum procedit, esse non solum quidditativam, sed etiam intuitivam, imò & comprehensivam divinæ essentia. Patet etiam hæc suppositio: nam Verbum divinum procedit per cognitionem perfectissimam; Sed cognitio intuitiva perfectior est abstractiva; & illa quæ comprehendit objectum, nobilior eā, quæ illud solum quidpiatativè & intuitivè cognoscit: Ergo cognitio ex qua Verbum procedit, non solum est quidditativa, sed etiam intuitiva & comprehensiva.

Adde quod, Verbum divinum procedit per intelligere primordiale & constitutum divinæ naturæ: Sed illud non solum est quidditativum, sed etiam intuitivum & comprehensivum divinæ essentia: Ergo & cognitio ex qua Verbum procedit. His præmissis

3. Circa propositam difficultatem quatuor reperio sententias. Prima negat Verbum ex cognitione alicujus personæ divinæ per se procedere, sed solum ex cognitione essentia, & perfectionum absolutarum. Ita Scotus in 1. diff. 22. quest. 1. & alibi.

Secunda docet, Verbum per se procedere ex cognitione essentia, & primæ personæ, non verò ex cognitione sui, & Spiritus Sancti. Ita Puteanus: *presenti dubit. 2. conclusionem ultimā*. & quidam alii, quos sine nomine refert Arrubal diff. 123. cap. 5.

Tertia asserit Verbum per se in quarto modo perfectatis procedere ex cognitione Patris, & sui, non autem Spiritus Sancti. Hanc tenet Vazquez *disput. 142. cap. 4.* quem sequitur Alarcon ejus discipulus, *hic disput. 8 cap. 8.* pro hac sententia referens Turrianum, Ægidium Lusitanum, & alios.

Quarta sententia, quæ est communis in Schola D. Thomæ, & quam sequuntur plures ex Recentioribus, existimat Verbum divinum ex cognitione omnium personarum divinarum per se in quarto modo perfectatis procedere. Unde sit

## §. II.

*Sententia Scoti rejicitur.*

4. **D**ico primò Verbum per se in quarto modo ex cognitione paternitatis procedere.

Probatur primò cum duo ratione manifestā. Verbum per se in quarto modo procedit ex cognitione illorum quæ per se repræsentant: Sed per se repræsentat non solum essentiam, sed etiam paternitatem: Ergo per se petit ex utriusque cognitione procedere. Major constat: nam omne per se repræsentatum à verbo creato, debet per se in specie impressa quæ intellectus fecundatur repræsentari: Ergo similiter omne repræsentatum per se à Verbo increato, debet repræ-

Tom. 11.

**A** sentativè contineri in cognitione, quā median-  
te procedit: sicut enim intellectus creatus red-  
ditur fecundus per speciem impressam ad pro-  
ductionem verbi, ita intellectus divinus consti-  
tuitur fecundus cognitione actuali. Minor au-  
tem probatur: Verbum divinum est per se im-  
ago, non hujus Dei, prout omnibus personis  
communis: cum ab illis, prout sic, realiter non  
distinguitur, qualiter imago debet à prototypo  
distingui; sed est per se imago Patris, à quo rea-  
liter distinguitur, & à quo realiter procedit: At-  
qui imago per se repræsentat id cuius est imago:  
Ergo Verbum per se repræsentat non solum  
Patris naturam, sed etiam ejus paternitatem.

**B** Unde Christus dicebat Philippo: *Philippe qui  
videt me, videt & Patrem meum.* Et Apostolus ad  
Hebræos 1. Filium appellat *figuram substantie  
Patris* live, ut habet versio Græca, characterem  
hypostasis ejus: *καταχρηστικῶς ὡς ἰσοδότης αὐτοῦ.*

Probatur secundo conclusio. Verbum divinum  
per se procedit ex cognitione comprehensiva di-  
vinæ essentia, ut fateatur Scotus, & ejus discipu-  
li: Sed essentia divina non potest comprehen-  
di, nisi ab illa cognoscatur paternitas: Ergo Ver-  
bum divinum per se procedit ex cognitione illius.  
Minor probatur: Essentia divina compre-  
hendi non potest, non cogniti in illa & ex illa,  
quidquid ex vi illius cognoscibile esset in di-  
vina essentia, & ex illa, cognoscibilis est pater-  
nitas: Ergo nequit comprehendi essentia, cog-  
nitione non terminatā ad paternitatem.

Respondent Scoti: quod licet in essentia di-  
vina possit paternitas absolute cognosci, non ta-  
men pro omni signo, pro priori scilicet originis  
Filii, quia in tali signo & prioritate non est cog-  
noscibilis; unde in tali signo comprehenditur  
essentia, quamvis in ea paternitas non cognosca-  
tur.

Sed contra primò. Pro omni priori, & pro  
omni signo quo divina essentia cognoscitur, de-  
bet cognosci ut radix paternitatis; quia hoc es-  
sentialiter ei convenit, licet natura creata essen-  
tialiter competat esse radicem suarum proprietatum:

**D** Sed ut sic cognosci nequit, non cognita pa-  
ternitate in illa, & ex illa: Ergo paternitas est  
cognoscibilis in essentia pro omni priori. Major  
patet. Minor verò probatur. Non minus ad cog-  
nitionem radicis ut talis exigitur cognitio ra-  
dicati, quàm ad cognitionem relationis, quia  
relativè radix enim ut talis dicit ordinem ad il-  
lud cuius est radix: Ergo sicut paternitas, ut ta-  
lis, non potest cognosci, non cognita relatione  
ad quam refertur, ita nec essentia divina ut radix  
paternitatis, non cognita ipsa paternitate.

Secundo pro priori originis Filii intelligitur  
essentia ut in Patre, non enim nisi prout in Pa-  
tre cognitio divina est principium, vel actio, quā  
Filius producit. Ergo pro illo priori paterni-  
tas est cognoscibilis in divina essentia. Patet  
Consequentia: Nam paternitas est cognoscibi-  
lis, pro omni priori quo est: Ergo si est pro  
priori originis Filii, est cognoscibilis pro illo  
priori.

Explicatur ampliùs hæc ratio. Cognitione divina  
non est fecunda ad generationem Filii, prout  
convenit huic Deo absolute (aliàs ut fecunda,  
esset omnibus personis communis) sed prout  
modificata per paternitatem: Ergo pro omni  
priori, pro quo fecunda intelligitur, debet in-  
telligi paternitas ut illam modificans; Sed pro  
omni priori, pro quo intelligitur paternitas, ut

Gg 2

mo-



modificans cognitionem divinam, est intelligibilis in vi essentiae divinae: Ergo pro omni priori, quo intelligitur Dei cognitio fecunda, paternitas in divina essentia intelligibilis est; & consequenter, non cognita paternitate, non poterit pro illo priori Dei essentia comprehendi.

## §. III.

*Præcipue Objectiones solvuntur.*

9. **O**bjiciunt in primis Scotistæ: Cognitio non pendet per se ab objecto secundario, sed tantum à primario & specificativo: Atqui sola divina essentia est objectum primum & specificativum divinæ intellectus, ex qua Verbum procedit; relationes verò & personæ, ad objectum tantum secundarium pertinent, ut in Tractatu de Attributis docuimus: Ergo Verbum per se non procedit ex cognitione paternitatis & aliarum relationum, sed solum ex cognitione essentiae.

*Disp. 2. art. 5.*

10. Confirmatur & magis illustratur hæc ratio. Objectum primum prius cognoscitur quam secundarium; unde divina cognitio prius terminatur ad essentiam, quam ad paternitatem: Sed in illo priori sufficiens est ad producendum Verbum: Ergo ex illa, prout præcisè ad essentiam terminata, Verbum procedit.

11. Respondeo primò, retorquendo argumentum in Adversarios: nam plures ex Scoti Discipulis docent Verbum per se procedere, non solum ex cognitione essentiae, verum etiam attributorum: Sed attributa, sicut & relationes, pertinent ad objectum tantum secundarium divinæ intellectus: Ergo ex eo quòd relationes ad objectum tantum secundarium divinæ intellectus pertineant, non rectè inferitur Verbum divinum ex cognitione paternitatis & aliarum relationum non procedere.

12. Respondeo secundò distinguendo Majorem: Cognitio non pendet per se ab objecto secundario: quando sine illo objectum primum potest intuitivè & comprehensivè cognosci, concedo Majorem: si sine illo non possit haberi cognitio intuitiva & comprehensiva objecti primarii: nego Majorem: & sub eadem distinctione Minoris, nego consequentiam. Nam licet paternitas & alie relationes ad objectum tantum secundarium divinæ intellectus pertineant: quia tamen cognitio essentiae, quæ est primum ejus objectum, non potest esse intuitiva, nec comprehensiva, nisi ad relationes terminetur, ut ostendimus §. sequenti, Verbum divinum non solum ex essentiae attributorum, sed etiam paternitatis & aliarum relationum cognitione procedit.

13. Ad confirmationem distinguo etiam Majorem: Objectum primum prius cognoscitur quam secundarium, prioritate à quo, concedo Majorem: prioritate in quo, subdistinguo Majorem: si secundarium in primario includatur essentialiter, nego Majorem. Si non includatur, concedo Majorem. Unde quamvis relationes ad objectum secundarium divinæ cognitionis pertineant: quia tamen essentialiter includuntur in essentia, ut ostendimus disp. 3. vel saltem, ut omnes fateantur, cum illa essentialiter connectuntur, essentia non cognoscitur prius quam relationes, prioritate in quo, sed solum à quo, quia est ratio sub qua relationes terminantur cognitionem divinam.

14. Arguunt secundò Scoti Discipuli: Verbum solum per se procedit ex cognitione illius quod per se representat: Sed representat tantum es-

sentiam & non paternitatem: Ergo ex cognitione solum essentiae per se procedit. Major est certa, Minor verò probatur. Verbum representat Patrem, ut imago illius: Sed non est imago Patris ratione paternitatis, sed ratione essentiae; cum solum assimiletur Patri in essentia, non verò in paternitate: Ergo per se representat tantum Patris essentiam, non autem paternitatem.

Respondeo concessà Majori, negando Minorem. Ad cujus probationem, concedo etiam Majorem, & distingo Minorem: Verbum est imago Patris ratione essentiae, inadæquate, concedo: adæquate, nego. Utenim docet D. Thomas *quæst. sequenti art. 1.* duo sunt de ratione imaginis, similitudo scilicet, & origo seu expressio: unde imago non solum representat debet id in quo est similitudo, sed etiam id à quo tanquam à principio procedit; & consequenter Verbum, prout imago, non solum representat per se Patris naturam, sed etiam adæquatum principium à quo procedit; ac proinde ipsam relationem paternitatis, quæ per se requisita in principio quo, per modum connationis (ut disp. 2. docuimus) & in recto principio quod. Nec ex eo quòd solum in natura Verbum sit similitudo, rectè colligitur esse imaginem Patris solum ratione naturæ; quia ad rationem imaginis non solum exigitur similitudo, sed etiam distinctio.

15.

Neque etiam obstat, si dicas, solam similitudinem esse rationem, quare imago representet exemplar: unde cum verbum solum in natura Patri assimiletur, solum representabit per se Patris naturam.

16.

Responderetur enim, negando Antecedens: nam etiam deductio seu processio imaginis ab exemplari, est ratio cur imago illud representet: principium enim in eo cujus est principium cognoscitur, & Pater se in Filio ut principium Filii cognoscitur, ut docet D. Tho. in 1. dist. 27. q. 2. a. 2. ad 4.

## §. IV.

*Sententia Puteani refellitur.*

**D**ico secundò: Verbum per se in quarto modo ex cognitione sui procedere.

Probat per se procedit ex cognitione Paternitatis, ut §. præcedenti ostendimus Sed paternitas non potest cognosci, nisi etiam cognoscatur filiatio, eò quòd relativa sit simul naturæ & cognitione: Ergo Verbum non solum ex cognitione paternitatis, sed etiam ex notitia sui procedit.

17.

Dices, Verbum procedere ex cognitione paternitatis, ut est forma hypostatica, non autem ut exercet munus relationis, sub quo solum est simul naturæ & cognitione cum filiatione.

18.

**E**d contra primò: Ex hac responsione sequitur Verbum non procedere ex cognitione Patris, ut Pater est; cujus oppositum docet Pateanus loco citato. Sequela probatur: Pater per paternitatem, sub expresso conceptu relationis, in ratione Patris constituitur: Ergo non cognoscitur paternitate, sed conceptu relationis, non cognoscitur Pater formaliter in quantum Pater, & consequenter Filius ex cognitione Patris, ut Pater est, non procedit.

19.

Præterea, cum paternitas, ut forma hypostatica & ut relatio, sit vel unus & idem conceptus virtualiter multiplex, vel duo inadæquate inter se connexi, ut constabit ex dicendis infra, quando agamus de constitutivis divinarum personarum

*Disp. 11. art. 2.*

narum, repugnat comprehendi paternitatem A sub conceptu hypotaxis, illà non cognitâ sub conceptu referentis.

20. Probatur secundò conclusio. Verbum procedit ex cognitione comprehensiva essentia: Sed hæc nequit comprehendi, nisi in illa cognoscatur filiatio; cum ex vi illius sit cognoscibilis non solum paternitas, sed etiam filiatio: Ergo Verbum non solum ex cognitione paternitatis, sed etiam filiationis per se procedit.

21. Respondetis: Pro priori originis ad Verbum, essentiam divinam ut cognitam esse quidem medium sufficiens cognoscendi paternitatem, non tamen filiationem; quia cum filiatio pro illo priori non sit, cognoscibilis non est: unde pro illo priori non potest comprehendi essentia, non cognitâ paternitate, bene tamen non cognitâ filiatione.

22. Sed contra primò: Pro illo priori est cognoscibilis essentia ut radix filiationis; cum hoc prædicatum absolutum & essentiale sit; Sed non potest essentia ut radix filiationis cognosci, non cognitâ filiatione; quia (ut suprà dicebamus) radix ut talis comprehendi nequit, nisi cognoscatur id cuius est radix: Ergo pro illo priori potest in essentia, & ex illa, cognosci filiatio & consequenter filiatione non cognitâ, essentia comprehendi non potest.

Secundò. Prioritas illa non est durationis, imò nec naturæ, sed tantum originis: Ergo cum illa sit simultanea filiationis & paternitatis duratio, & consequenter simultanea utriusque cognitio. Consequentia patebit ex dicendis infra, impugnando sententiam Vazquii.

## §. V.

*Præcipua Putcamus fundamenta convelluntur.*

23. Obijciens primò cum Puteano: Sola intellectio essentia, prout in Patre, est secunda ad Verbi productionem: Ergo Verbum ex solius essentia & paternitatis cognitione procedit. Consequentia videtur bona: Antecedens autem probatur ex communi doctrina, asserente intellectio nem ad generandum secundam, non esse communem, sed notionalem, & Patri propriam: Ergo sola intellectio essentia, prout in Patre, est secunda ad generandum.

24. Hoc est præcipuum a macerè unicum hujus Authoris fundamentum. Sed in hoc hallucinatus est, quòd inter subiectum & terminum cognitionis, ex qua Verbum procedit, ideoque distinguitur. Unde facile respondetur, distinguendo Antecedens: sola intellectio essentia prout in Patre est secunda, *ly prout* denotante subiectum seu principium generans, concedo Antecedens: denotante objectum seu terminum cognitionis, quæ est generandi principium, nego Antecedens, & Consequentiam. Itaque libenter concedimus, quòd essentia & trium personarum cognitio est secunda solum prout est in Patre, non verò prout in Filio & Spiritu Sancto: negamus tamen, quòd solius essentia & paternitatis cognitio secunda sit, & quòd illa tantum per se concurrat ad Verbi productionem; nam etiam cognitio Filii & Spiritus Sancti, prout est in Patre, & prout paternitate affecta & modificata, est secunda ut quo, & per se concurrat ad Verbi generationem.

25. Obijciens secundò. Filiatio in eo primo signo, quo divina intellectio terminatur ad essentiam, non est cognoscibilis: Ergo Verbum ex cognitione illius non potest procedere. Consequentia patet, Antecedens probatur, Notitia intuitiva

supponit suum objectum existens: Sed Filius in illo signo, in quo divina intellectio terminatur ad essentiam, non supponitur existens, cum in tali signo non supponatur productus: Ergo in illo priori notitiam intuitivam terminare non potest; cumque abstractivè cognosci nequeat, in tali signo cognoscibilis non est.

Quidam hoc argumento convicti, docent Verbum non procedere ex cognitione sui intuitiva, sed abstractiva. Ita Raphael de Averfa *hæc. 3. concl. 5.* & quidam alii.

Hæc tamen doctrina aliis Theologis displicet, & communiter rejicitur. Primò, quia Verbum procedit ex cognitione beatifica Patris; Sed beatitudo Patris in cognitione intuitiva Trinitatis consistit, ut de beatitudine nostra communiter docent Theologi: Ergo Verbum ex cognitione intuitiva Trinitatis, & per consequens sui ipsius, procedit.

Secundò, Verbum procedit ex cognitione intuitiva essentia: Sed essentia divina non potest in se videri, non visis personis, ut in Tractatu de Visione beatifica ostensum est: Ergo idem quòd prius.

Tertiò, Verbum procedit ex illa cognitione sui, quam Pater illi generando ei communicat: At notitia sui quam Pater Verbo communicat, non est abstractiva, sed intuitiva; alias Verbum seipsum abstractivè tantum cognosceret: Ergo Verbum ex intuitiva sui cognitione procedit.

Quartò, Objectum abstractivè cognoscit debet ab essentia præcendere: At Verbum ab essentia in Dei cognitione præcendere nequit, cum essentia sit illi essentialis: Ergo non potest abstractivè cognosci.

Denique, ad rationem notitiæ intuitivæ (ut §. sequenti ostendimus) sufficit coexistentia cum suo objecto, in eadem durationis mensura: At notitia quæ Verbum procedit, illi in eodem instanti coexistit: Ergo est intuitiva Verbi. Unde

Ad argumentum respondeo, negando Antecedens. Ad cuius probationem dicendum est, cognitionem intuitivam supponere suum objectum existens, quando est purè speculativa, & nullo modo practica, tunc verò quando est eminenti modo speculativa & practica. Patet hoc in scientia visionis Dei, quæ quia eminenti quodam modo est speculativa & practica, non supponit, sed facit iterum existentiam & futuritatem; sive, ut loquitur D. Gregorius, *Non existentia videndo creat, & existentia videndo continet.* Id etiam constat in intellectu creato, qui cognoscendo entia rationis, illa efficit; & quædam actione quæ verbum producit, illud videt & contemplatur. Cum ergo cognitio, ex qua Verbum divinum procedit, sit veluti practica respectu illius, non debet supponere illud ut existens, sed potius debet illi tribuere existentiam, illudque videndo producere, ac producendo videre.

## §. VI.

*Sententia Vazquezii impugnatur.*

Deo quartò, Verbum per se in quarto modo ex cognitione Spiritus Sancti procedere.

Probatur primò ex D. Thoma hic art. 1. ad 3. ubi ait: *Sic ergo una sola persona convenit dici, eo modo quo dicitur Verbum, eo verò modo quo dicitur res in Verbo intellecta, cuius est persona convenit dici: Pater enim intelligendo se, & Filium & Spiritum Sanctum, & omnia alia quæ ejus scientia continentur, concipit Verbum, ut sic tota Trinitas Verbo*

Gg 3

dica-

26.

Disq. 5.  
Art. 2.

27.

Lib. 32.  
Moral.  
cap. 6.

28.

*dicatur.* Ex quibus verbis hoc argumentum conficio. Verbum per se procedit ex cognitione illius quod dicitur, id est repræsentatur, Verbo: Sed Verbo dicitur non solum Pater, & Filius, sed etiam Spiritus Sanctus: Ergo ex cognitione Spiritus Sancti per se procedit.

19. Confirmatur: Hæc propositio D. Thomæ: Pater intelligendo se, & Filium, & Spiritum Sanctum, concipit verbum, facit sensum formalem; aliis non aliter esset vera, quam ista: Pater diligendo se, & Filium, & Spiritum Sanctum, concipit Verbum: quod est absurdum: Sed ut sit in sensu formali vera, necessario exigitur quoddam Verbum per se ex cognitione Spiritus Sancti procedat: Ergo per se procedit ex cognitione illius.

30. Secundò probatur conclusio ratione generali, quæ ostendit Verbum esse omnium personarum divinarum cognitione procedere. Cognitionis essentia divina, ex qua Verbum procedit, non solum est quidditativa, sed etiam intuitiva, & beatificans, ac comprehensiva: Sed has tres condiciones seu perfectiones habere nequit, nisi ad tres personas divinas per se terminetur: Ergo Verbum per se ex trium personarum cognitione procedit. Major patet ex secunda suppositione. Minor verò probatur, quantum ad singulas partes. Et in primis, quod non cognitio personis, divina intellectu, ut est in Patre, non possit esse intuitiva essentia, videtur manifestum: nam cognitio intuitiva in hoc differt ab abstractiva, quod hæc fertur solum ad naturam & quidditatem rei, & abstrahit ab ejus substantia & existentia; illa verò fertur in rem, ut est in se subsistens & existens; unde scientia Dei, prout terminatur ad res merè possibiles, non est intuitiva & visionis, sed abstractiva & simplicis intelligentia; eò quod res sub statu illo merè possibilitatis abstrahant ab existentia, ut docetur in Tractatu de Scientia Dei: Sed natura divina subsistit & existit in tribus personis: Ergo repugnat cognitionem intuitivam de illa haberi, nisi tres persone divinae cognoscantur.

Quoddam etiam cognitio ex qua Verbum procedit non possit esse beatificans, nisi ad tres personas divinas per se terminetur, patet: quia cognitio divina non intelligitur beatificare Deum, nisi ut terminata ad totam Trinitatem, ut docet ipse Vazquez l. 2. quæst. 3. diff. 13. & nos de visione beatifica, quæ divinæ beatitudinis participatio est, in Tractatu de Visione Dei ostendimus.

Denique, quod non possit esse comprehensiva, ostenditur. Primò, quia ut aliquid comprehendatur debet cognosci, quidquid in illo vel ex illo cognoscibile est: At essentia divina est medium, in quo non solum attributa, sed etiam personæ divinae cognosci possunt: Ergo illis non cognitio non potest comprehendi.

Secundò, Essentia divina comprehendi non potest, nisi ut secunda, & tribus personis communicabilis cognoscatur: Sed ut sic cognosci nequit, non cognitio ipsius personis divinis: Ergo idem quod prius. Major est nota: nam esse communicabilem tribus personis, est prædicatum absolutum divinæ essentia: Ergo implicat essentiam Dei comprehendi, nisi ut communicabilis tribus personis cognoscatur, Minor etiam patet, nam essentia, ut communicabilis tribus personis, essentialiter cum illis connectitur: Sed implicat cognosci comprehensive id quod essentialiter cum alio connectitur, non cognito termino essentialis connexionis; sicut nec relatio sine termino, nec cognitio sine objecto comprehendi

possunt: Ergo implicat cognosci essentiam divinam, ut secundam, & tribus personis communicabilem, nisi ipsæ personæ divinae cognoscantur.

Respondet Alarcon ubi supra, divinam essentiam esse communicabilem tribus personis ordine quodam, prius scilicet Patri, deinde Filio, ac tandem Spiritui Sancto: unde comprehensio terminata ad illam prius debet illam attingere, prout communicatam Patri & Filio; & ab illa prout sic debet Verbum procedere, pro prioris terminationis ad tertiam personam.

Sed contra primò: Hæc communicabilitas essentialiter tres personas pro termino exposcit: Ergo implicat essentiam ut communicabilem comprehendi, non cogniti tribus personis.

Secundò, aliud est naturam esse communicabilem tribus personis cum ordine, & istum ordinem cognosci: aliud verò talem ordinem esse inrer cognitionem communicationis essentia, ita ut prius cognoscatur uni personæ communicatæ quam alteri. Primum est verum, secundum falsum, nam simul omnino divina cognitio ad essentiam ut tribus personis communicatam terminatur: Ergo non stat Verbum ex cognitione terminationis ad unam personam & non ad aliam procedere.

Tertiò, divina Natura, utpote radix attributorum, est prior illis virtualiter, & tamen inferre ex hac prioritate non licet cognitionem prout ad essentiam solum terminatam, per se ad Verbi productionem concurrere; cum (ut faterentur Auctores istius sententia) ex omnium attributorum cognitione Verbum per se procedat: Ergo ex eo quod communicatio essentia ad primam & secundam personam, sit prior communicatione ad tertiam non licet colligere ex cognitione essentia, ut duabus tantum personis communicatæ, per se Verbum procedere.

Denique prius convenit divina essentia Patri quam Filio, & tamen Verbum non procedit per se ex sola cognitione essentia, ut convenienti Patri, sed etiam illius ut communicatæ, ut § 4. contra Puteanum ostendimus, & concedunt Auctores contra quos in præsentis disputamus: Ergo idem quod prius.

Probatur tertiò conclusio ratione speciali, quæ ostendit Verbum ex cognitione Spiritus Sancti per se procedere. Pater generando Filium, per se illi communicat non solum naturam, sed etiam virtutem spiritivam, & relationem spiritoris activi; & per consequens, generando Filium, talem virtutem & relationem cognoscit; non enim illam communicat, nisi cognoscendo, seu nisi per cognitionem & intellectum, quæ Filium generat: Sed virtus spirativa & relatio spiritoris non possunt cognosci, nisi Spiritus Sanctus cognoscatur: Ergo Verbum ex Spiritu Sancti cognitione procedit. Major patet, Minor etiam est evidens, quantum ad secundam partem, quod scilicet relatio spiritoris non possit cognosci, nisi Spiritus Sanctus cognoscatur: relatio enim spiritoris respicit Spiritum Sanctum, tanquam suum terminum & correlativum; relatio autem fuit simul cognitione. Probatur verò quantum ad primam partem, sive quoad vim spiritivam. Vis spirativa non potest perfecte cognosci, nisi cognoscatur ut distincta à virtute generativa, & creativa: Atqui illæ virtutes non distinguuntur entitative, & ex parte subiecti, sed solum terminative, & ratione diversorum terminorum; quia vis spirativa est solum

Diff. 5.  
Art. 2.

31

32

33

ad Spiritum Sanctum; vis generativa solum ad Filium; & vi creativa solum ad creaturas: Ergo virtus spirativa non potest perfecte cognosci, nisi Spiritus Sanctus cognoscatur.

35. Confirmatur: Sicut enim non potest intelligi, quod Deus alicui det virtutem ad aliquem effectum, nisi cognoscat talem effectum ad quem datur; nec quod infundat Angelo speciem representativam leonis, nisi cognoscat leonem: ita etiam repugnat videri, quod Pater generando Filium, virtutem spirativam, sive productivam Spiritus Sancti, illi communicet, & ipsam Spiritum Sanctum, ad quem producendum datur, non cognoscat.

36. Respondent Vazquez & Alarcon, ubi supra, hanc rationem solum probare, Verbum, ut Spiritatorem, ex cognitione Spiritus Sancti procedere, non autem Verbum sub ratione Filii formaliter. Distingunt enim in processione Filii duos conceptus inaequatos; unum quo processio illa attingit Filium in ratione Filii formaliter, & ad hanc terminationem inadæquatam dicunt non requiri per se cognitionem virtutis spirativæ, aut relationis spiratoris, nec proinde Spiritus Sancti; alium quo procedit ut spirator, & ad istum virtutis spirativæ, & relationis spiratoris, ipsiusque Spiritus Sancti cognitionem per se requiri fatentur.

36. Sed contra hanc doctrinam & responsum militare videtur definitio Florentini in litteris sanctæ unionis, ubi sic dicitur: *Et quoniam omnia que Patri sunt ipse Pater unigenito Filio suo gignendo dedit, prater esse Patrem, hoc ipsum quod Spiritus Sanctum procedit ex Filio, ipse Filius a Patre æternaliter habet, à quo æternaliter etiam genitum est.* Quibus verbis Concilium declarat, quod Pater gignendo dedit omnia Filio, & consequenter, hoc quod est Spiritum Sanctum procedere ab eo; Ergo hoc quod est Filium esse spiratorem Pater gignendo communicat Filio; ac proinde in eo signo quo concipitur Verbum generate: ut Filium illud in ratione etiam spiratoris producat & cognoscit, cum cognoscendo producat; & per consequens Verbum, etiam sub ratione Filii consideratum, ex Spiritu Sancti cognitione procedit.

37. Confirmatur & magis illustratur hæc ratio. Ille inadæquatus & posterior conceptus, quo dicitur procedere Filius ut spirator, pertinet ad generationem & nativatem Filii: Ergo implicat Filium ut perfectè & completè genitum cognosci a Patre, nisi etiam ut spirator cognoscatur ab illo. Consequenter patet, Antecedens probatum. Vt enim ex Florentino jam vidimus, Filius per generationem accipit à Patre esse spiratorem: Ergo cum nondum intelligitur ab illo spiratorem activam accipere, nondum intelligitur perfectè genitus, nec generatio perfectè completa; quia pro alio posteriori, etiam generando, Pater dat Filio spiratorem esse.

## §. VII.

*Solvuntur Objectiones.*

38. Obijciens primò: Cognition intuitiva terminatur ad objectum ut existens: Sed in illo priori, in quo Verbum à Patre procedit, Spiritus Sanctus non existit, cum nondum intelligatur productus, ejusque productio Verbi generationem supponat: Ergo Verbum ex cognitione intuitiva Spiritus Sancti non procedit.

39. Respondeo concessa Majori, negando Mi-

norem: nam productio Verbi. Spiritus Sancti processionem & existentiam prioritate solum originis antecedit: prioritas autem originis, cum non sit prioritas in quo, sed à quo, non impedit extemorum coexistentiam, nec per consequens rationem notitiæ intuitivæ. Patet hoc in intellectione creata: licet enim intellectio creata, ut habet rationem dicti omnis, verbum mentis prioritate naturæ & causalitatis antecedit; quia tamen simul in eodem instanti temporis existit cum illo, rationem cognitionis intuitivæ obtinet. Item si potentia visiva esset efficax ad faciendum suum objectum, etsi pro priori à quo non intelligeretur objectum existens ante visionem; quia tamen poneretur in eorum instanti in quo fieret ipsa visio, tanquam terminus ejus, illa tunc esset notitia intuitiva quia ad rem ut existentem terminatur.

40. Quod potest confirmari, ex eo quod ad notitiam intuitivam non magis requiritur simultas cum objecto cognito, quam ad rationem simultas cum termino: At non obstant prioritate originis quæ in divinis reperitur, datur relatio Patris ad Filium, & Patris ac Filii ad Spiritum Sanctum: Ergo non obstante hac prioritate, poterit etiam dari in Patre, generate Verbum, cognitio intuitiva Filii & Spiritus Sancti; & per consequens Verbum poterit non solum ex sui ipsius, sed etiam ex Spiritus Sancti notitia intuitiva procedere, etsi verbi productio prioritate originis Spiritus Sancti processionem antecedit.

Huc doctrinæ & responsum faver Augustinus 15. de Trinitate cap. 26. ubi sic ait: *In illa summa Trinitate quæ Deus est intervalla temporum nulla sunt, per quæ possit ostendi, aut saltem requiri, utrum prius de Patre natus sit Filius, & postea de ambobus processerit Spiritus Sanctus. . . . Nunquid ergo possumus querere, utrum jam processerat de Patre Spiritus Sanctus, quando natus est Filius, an nondum processerat, & illo nato de utroque processit, ubi nulla sunt tempora: sicut possumus querere ubi invenimus tempora, voluntatem prius de humana mente procedere, ut queratur quod inventum proles vocetur. . . . Non possunt prius ista queri, ubi nihil ex tempore inchoatur, ut ex consequenti persiciatur in tempore. Quapropter qui potest intelligere sine tempore generationem Filii de Patre, intelligat sine tempore processionem Spiritus Sancti de utroque.* Quibus verbis declarat, in eodem instanti æternitatis in quo generatur Verbum produci etiam Spiritum Sanctum; ac proinde processionem Verbi solâ prioritate originis & instantis à quo, quæ notitiæ intuitivæ non derogat, processionem Spiritus Sancti præcedere.

42. Obijciens secundò cum Vazquez: Si Verbum ex cognitione Spiritus Sancti prioriter ederet, esset ejus imago: Sed hoc non potest dici: Ergo nec illud. Sequela Majoris probant: nam verbum universaliter est imago illius objecti, ex cujus cognitione procedit.

43. Respondent aliqui, Verbum non esse imaginem Spiritus Sancti, quia licet ex ejus notitia procedat, tamen Spiritus Sanctus non est principium Verbi in esse rei, sed in esse intelligibili, sive in esse objecti cogniti tantum: At verò ut aliquid sit imago alienius, necesse est ut procedat ab eo tanquam à principio in esse rei.

Sed hæc responsio displicet: Tum quia, ut statim dicemus, falsum est Spiritum Sanctum habere rationem principii in esse intelligibili, respectu productionis Verbi: Tum etiam, quia licet



cet hac responsio salvet quoddam Verbum non sit imago naturalis Spiritus Sancti, sicut est Patris, non tamen quin sit ejus imago intentionalis; nam Verbum est imago intentionalis objecti, à quo medià specie intelligibili procedit. Hanc ergo responsione rejecta

44. Respondeo negando sequelam Majoris. Ad cujus probationem dicatur Verbum esse solum imaginem intentionalem illius objecti, ex cujus cognitione procedit tanquam principii talis cognitionis, sive quoddam medià specie intelligibili movet intellectum ad ejus productionem; non verò illius, ex cujus cognitione tanquam termini solum ipsius intellectiois procedit. Unde cum Spiritus Sanctus non sit principium notitiæ, per quam Verbum produciatur, sed solum terminus ex cujus cognitione procedit; eò quod in Divinis sola essentia gerat vices speciei, & objecti motivi, respectu intellectiois divinæ, non verò relationes; non potest dici quoddam Verbum sit imago intentionalis Spiritus Sancti, quamvis ex ejus cognitione procedat.

### ARTICULUS II.

*An Verbum per se procedat ex cognitione creaturarum possibilem?*

**N**egant Scotus, Vazquez, & Alarcon ubi lupia: quibus subferunt Attrubal *disput.* 123. *cap.* 5. & 6. Turrrianus *disput.* 28. *dubio* 3. & Pelantius *hic disput.* 2. Affirmant verò Thomista, & plures ex Recentioribus, quos citant & sequuntur Salmanticenses *disput.* 12. *dubio* 2. & Joannes à S. Thoma *disput.* 15. *art.* 2. Unde sit

S. I.

*Conclusio affirmativa statuitur.*

**D**ico igitur, Verbum divinum per se procedere ex cognitione creaturarum possibilem.

45. Probatur primò ex D. Thoma, verbis articulo præcedenti adductis, quibus docet Patrem intelligendo se, & Filium, & Spiritum Sanctum, & omnem creaturam, producere Verbum. Ubi D. Thomas iisdem verbis affirmat, Patrem intelligendo creaturas producere Verbum, quibus docet, ipsum intelligendo se; & Filium, & Spiritum Sanctum, illud producere: At hoc non solum concomitantè, sed etiam per se in quarto modo perferatis est verum, ut articulo præcedenti ostensum est: Ergo & illud.

46. Confirmatur: Verbum divinum per se procedit ex cognitione illorum, quæ ex visus processionis exprimit: Sed exprimit non solum essentiam, attributa, & personas, sed etiam omnes creaturas posibles: Ergo per se ex illarum cognitione procedit. Major patet, Minor probatur ex eodem D. Thoma super caput 1. Joannis lectione 1. ubi ait: Verbum divinum est expressivum totius quod in Deo est, nec solum personarum, sed etiam creaturarum; aliàs esset imperfectum. Et hic art. 3. docet, quoddam sicut scientia divina est tantum cognoscitiva Dei, creaturarum autem cognoscitiva & factiva: ita Verbum divinum est expressivum solum Dei, creaturarum verò expressivum simul & operativum. Et *quest.* 4. de Veritate art. 4. ad finem corporis, asserit omnia quæ sunt in scientia Patris exprimi per Verbum: in scientia autem Patris continentur non solum personæ divinæ, sed etiam creaturæ posibles: Ergo Verbum ex visus processionis illas exprimit.

47. Probatur secundò conclusio ratione funda-

mentali. Verbum divinum per se in quarto modo procedit ex cognitione comprehensiva divinæ essentiae & omnipotentiae; & per consequens ex cognitione illorum, sine quibus omnipotentia comprehendi non potest: Sed omnipotentia comprehendi nequit, non cognitis creaturis sub ratione possibilem: Ergo per se in quarto modo ex illarum cognitione procedit. Major est etæta, & patet ex dictis articulo præcedenti. Minor verò, in qua est difficultas, ostenditur primò ex D. Thoma *suprà quest.* 14. *art.* 3. ubi probat Deum alia à se cognoscere, quia se comprehendit ut causam; virtus autem causæ comprehendi non potest, non cognitis effectibus in illa contentis. Quod etiam asserit *contra Gent.* cap. 55. *ratione* 3. Et *suprà quest.* 12. *art.* 8. Et 3. *parte quest.* 10. *art.* 2. ubi docet, Animam Christi in Verbo non cognoscere omnia quæ continentur in potentia divina, quia aliàs illam comprehenderet: cognoscere autem omnia quæ sunt in potentia creaturæ. Et rationem reddit: *Comprehendit enim in verbo omnis creatura essentiam, & per consequens potentiam, & virtutem, & omnia quæ sunt in potentia creaturae.* Sentit ergo D. Thomas, ex cognitione omnium effectuum in causa, inferri comprehensionem causæ, & causam comprehendi non posse, non cognitis effectibus in illa contentis.

Secundò suadetur eadem minor. Non stat causam comprehendi, nisi in ea cognoscatur omne, quod in illa & ex illa potest cognosci: sed creaturæ sunt cognoscibiles in omnipotentia divina, cum in illa continentur perfectissimè: ergo omnipotentia comprehendi non potest, non cognitis creaturis possibilem.

Tertiò probatur ratione D. Thomæ ubi *suprà* Virtus causæ comprehendi non potest, nisi cognoscantur omnes effectus in tali causa contenti: Sed omnipotentia est virtus operativa Dei, in qua continentur creaturæ posibles: Ergo illis non cognitis comprehendi non potest.

- Respondent primò Adversarii: Quod sicut ad hoc ut potentia visiva comprehendatur, non est necessarium cognoscere in particulari omnia visibilia ad quæ potest se extendere, sed sufficit cognoscere visibile ut sic; & quemadmodum Angelus comprehendit proprium intellectum, & tamen non cognoscit omnes cognitiones quas potest habere (aliàs omnia objecta talium cognitionum cognosceret & consequenter omnia possible) ita Deus potest comprehendere suam omnipotentiam, quamvis in illa non cognoscat omnes creaturas in particulari, per hoc solum quoddam cognoscat factibile & possibile ut sic.

- Sed contrà: licet hoc sufficiat ad comprehensionem potentiae visivæ, aut intellectivæ creatæ, non tamen ad comprehensionem divinæ omnipotentiae. Ratio discriminis (quæ etiam probatio conclusionis confirmabitur) est, quia ut comprehendatur aliqua potentia aut virtus, oportet cognoscere illam in quantum est cognoscibilis, & consequenter attingere ea omnia quæ in ipsa continentur, & eo modo quo continentur. Est autem hæc differentia inter potentiam visivam, & divinam omnipotentiam, quia quoddam potentia visiva ex propriis meritis non est cognoscitiva omnium visibilium in particulari, sed hoc ipsi convenit per species impressas quibus occurratur, ideo illa non continet ex se aliquam visionem in particulari, sed solum

solum rationem visionis ut sic; unde ut comprehendatur, (sufficit attingere visibile ut sic. Ceterum omnipotentia divina continet creaturas non solum secundum rationes communes & genericas, sed etiam secundum specificas & individuales: quia cum effectus per se primò illi correspondens, sit ratio universalissima entis, quæ in omnibus differentiis, non solum specificis, sed etiam individualibus transcendentaliter includitur, est causa productiva omnium creaturarum, etiam quantum ad rationes numericas & individuales.

42. Similiter inter angelicum intellectum, & divinam omnipotentiam, notabile intercedit discrimen, quo eam ratio nostræ conclusionis amplius confirmabitur. Nā intellectus angelicus ratione sui non est causa completa, sed totum incompleta, omnium intellectuum quos elicere potest; cum ratione sui non habeat subiectum speciem omnium possibilium repræsentativas, quæ ultra intellectum ad alia cognoscenda requiruntur: omnipotentia vero completissimè continet omnes effectus creabiles, sumptos in particulari. Et propterea quamvis intellectus Angeli possit comprehendere, absque eo quòd omnes cognitiones in particulari quas elicere potest cognoscantur, non tamen omnipotentia divina, non cognitis omnibus creaturis possibilibus, ad quas potest se extendere.

43. Respondet secundò Vazquez, veram esse maiorem de comprehensione virtutis per se relatæ ad effectus; talem autem de comprehensione virtutis per se ad effectum non relatæ: unde cum divina omnipotentia sit absoluta ab omni respectu ad creaturas, comprehendere potest, et si creaturæ possibiles in particulari non cognoscantur.

Diff. 2. Verum hæc responsio & doctrina suæ à nobis  
art. 1. impugnata fuit, in Tractatu de Scientia Dei, ad quem Lectorem remittimus, ne eadem sæpius repetatur.

44. Denique alii respondent, Patrem æternum producendo Verbum, cognoscere quidem omnes creaturas possibiles in essentia sua, & in omnipotentia tanquam in causâ; hanc tamen cognitionem per se non inesse ad Verbi productionem, sed ad illam merè per accidens & concomitantem se habere.

Sed hæc etiam responsio confutata manet ex dictis. Cum enim Verbum per se procedat ex cognitione per se distincta, ac proinde comprehensiva divinæ essentiae & omnipotentiae, debet etiam per se procedere ex cognitione illorum, sine quibus omnipotentia comprehendi nequit: Ergo si non possit comprehendere, nisi creaturæ possibiles in illa cognoscantur (ut jam ostendimus) Verbum divinum ex cognitione creaturarum possibilium per se procedit; illarumque notitia per se inluit ad eas productionem, & non merè per accidens & concomitantem ad illam se habere.

## §. II.

*Solvuntur objectiones.*

45. Obijciunt in primis Adversarii celebre testimonium D. Thomæ, desumptum ex quest. 4. de verit. art. 5. in fine corp. ubi ait, *Verbum principaliter, & quasi per se referens ad Patrem, sed ex consequenti, & quasi per accidens ad creaturas: accedit enim Verbo, ut per ipsum creatura dicatur.*

Respondeo quod sicut ly per se potest duplici-  
Tom. II.

ter sumi: primò ut idè significat quod ratione sui: secundò, ut idem sonat, quod essentialiter: ita ly per accidens, quod ei contraponitur, dupliciter sumitur: primò modo, ut idem est quod, per aliud: secundò modo, ut idem significat quod, accidentaliter. Quando ergo D. Thomas dixit, Verbum per accidens ad creaturas referri, priori modo debet intelligi; quia scilicet Verbum non repræsentat creaturas ratione sui primariò, sed secundariò, & ratione essentiae prius repræsentatæ, non autem posteriori modo.

Nec obstat quòd Divus Thomas rationem assignans, cur Verbum non per se, ed per accidens ad creaturas referatur, hæc verba subiungit: *Accedit enim Verbo, ut per ipsum creatura dicatur*: quibus denotare videtur, accidentaliter contingere quod verbo convenit, quod repræsentat creaturas. Non, inquam, hoc obstat: nam sicut ly per accidens duplicem illam patitur acceptionem: ita enim verbum accidet. Unde idem fuit dicere, quod accidet verbo, ac dicere, quòd ei non competit per se primò creaturas repræsentare, sed secundariò ex parte obiecti; quia ad illas terminatur median-  
te divinà essentia ut primò repræsentatæ.

Dices: Si hæc interpretatio esset legitima, etiam possemus dicere, accidere Verbo quòd repræsentat Patrem: Consequens est falsum, & contra D. Thomam in contextu allegato: Ergo etc. Probat sequela: Verbum repræsentat Patrem per aliud, hoc est ratione essentiae prius repræsentatæ, quæ sicut est primarium obiectum cognitionis divinæ, ita etiam repræsentationis Verbi: Ergo si dicitur repræsentare creaturas per accidens, quia repræsentat illas secundariò, ratione divinæ essentiae prius repræsentatæ, dicitur etiam repræsentare Patrem per accidens, & illi accidere quòd exprimat Patrem.

Respondeo negando sequelam: nam licet Verbum repræsentet Patrem, ipsum, & Spiritum Sanctum, ratione essentiae: quia tamen hæc ab illis est indistincta realiter & formaliter, & in illis essentialiter inclusa, non potest dici repræsentare Patrem per accidens, id est per aliud: bene tamen creaturas, quia illæ distinguuntur realiter à divina essentia.

Obijcit secundò Vazquez: Si Verbum ex cognitione creaturarum procederet, si nesciret Verbum creaturatum, ita & illarum imago dici posset; præsertim cum in persona Filii ratio verbi & imaginis non distinguantur virtualiter: Sed Verbum divinum non est, nec dici potest imago creaturarum: Ergo ex cognitione illarum non procedit.

Respondeo negando sequelam: Majoris: quia licet ratio Verbi, imago, & Filius, distinctentur in secunda Trinitatis personæ, sine virtuali distinctione, differunt tamen in modo significandi, & per ordinem ad diversa connotata. Etenim Filius ut Verbum, importat rationem manifestationis; ut Filius, processionem & similitudinem, seu ideitatem in natura; ut Imago, rationem originis & imitationis: unde quia Verbum divinum repræsentat creaturas, dicitur illarum verbum; quia tamen non originatur à creaturis, nec imitatur illas, non est, nec dicitur imago creaturarum; sicut nec dicitur illarum filius, quia nec procedit ab illis, nec illis in natura seu specie assimilatur. Ratio autem cur Verbum producat ex cognitione creaturarum, & tamen ab illis non procedat, assignatur à D. Thoma q. 4. de Verit. a.

H b

4. ad

Ad 7 ubi docet, quòd tunc solum verbum ab A  
objecto diciur procedere, quando scientia ex qua  
procedit, à rebus desumitur: unde cum divina  
scientia, ex qua Verbum divinum procedit, à  
creaturis desumpta non sit, Verbum divinum  
est verbum creaturarum, non tamen ab illis pro-  
cedit.

51. Sed opponer aliquis: Verbum quod format  
Angelus quando alium intelligit, est imago ob-  
jecti cogniti, & consequenter ex objecto proce-  
dit; & tamen species impressa, ex qua tale verbum  
causatur, non est desumpta ab objecto, sed infusa  
à Deo: Ergo verbum est imago objecti, & proce-  
dit ab illo. quamvis scientia ex qua originatur,  
non sit à rebus desumpta.

52. Respondeo quòd licet species impressa, quā  
unus Angelus alterum Angelum, vel alias res  
creatas intelligit, non sit desumpta, vel dependens  
à rebus cognitis, effectivè; est tamen desumpta,  
scu dependens ab illis, specificativè; specficatur  
enim ab objecto repræsentato: scientia autem  
Dei ex qua Verbum procedit, nec effectivè, nec  
specificativè à creaturis desumitur, aut dependet:  
unde dispar est ratio.

53. Obijciunt tertio Vazquez: Id pefe in quarto mo-  
do pefcitatis ad divini Verbi productionem non  
concurrit, quòd si per impossibile auferretur, Ver-  
bum manere ejusdem rationis ac modo: Sed dato  
per impossibile, quòd hæc vel illa creatura quæ  
possibilis est, impossibilis redderetur, Verbum  
divinum intrinsecè invariatur subsisteret: Ergo  
possibilitatis creaturarum per se in quarto modo ad  
productionem Verbi non concurrit. Major patet  
ex suprà dictis. Mihi orem verò probat Vazquez:  
quia (inquit) ridiculum & absurdum videtur di-  
cere, Deum ideo esse Deum, & ideo Verbum in  
rali natura & proprietate personali procedere,  
quia hæc vel illa creatura, v. g. finis, aut pñua-  
cus talis aut talis figuræ aut coloris, possibilis est:  
Ergo etiam ridiculum & absurdum erit asserere,  
quòd si hæc vel illa creatura quæ possibilis est, im-  
possibilis redderetur, Verbum divinum intrinse-  
cè invariatur non maneret.

Confirmatur eadem Minor: Deus cum sit pri-  
mum ens, ita ex se pefectus est, ut nullā ad sui  
consistentiam aut pefectionem creaturā indige-  
at: Ergo licet aliqua creatura ex his quæ modo  
sunt possibiles, impossibilis redderetur, Deus sem-  
per maneret Deus, & Verbum divinum intrinse-  
cè invariatur subsisteret.

54. Confirmatur ampliùs: Magis necessarium à mi-  
nùs necessariò dependere non potest: Sed neces-  
sitas processionis Verbi, major est necessitate pos-  
sibilitatis creaturarum; cum illa sit necessitas entis  
à se, hæc verò necessitas entis dependentis ab alio:  
Ergo Verbum in sui productione à possibilitate  
creaturarum dependere non potest: Ergo nec ex E

55. Ad objectionem respondeo, concessā Majori,  
negando Minorem. Ad cujus probationem dica-  
tur verum esse Antecedens, si illa particula *ideo* di-  
cat causam à priori, cur Deus sit Deus, aut cur  
Verbum in tali natura aut proprietate procedat;  
tali sum autem si dicat signum à posteriori, & ter-  
minum necessariæ connexionis, quæ reperitur in-  
ter possibilitatem creaturarum, & existentiam  
Dei, ac Verbi divini productionem. Unde

56. Ad primam confirmationem, concessā Antece-  
dente, nego Consequentiam: quia Deum non fore  
Deum, si creaturæ possibiles implicarent, non  
provenit ex indigentia quam Deus habeat crea-

urarum, sed ex summa peffectione & fecundita-  
te Dei, & ex dependentia creaturarum ab ipso;  
non enim esset Deus, si omnipotens non esset, &  
infinitè fecundus ad extra; nec hoc posset esse,  
si repugnarent creaturæ possibiles: unde negatio  
divinitatis ex negatione omnipotentis & fecun-  
ditatis radicalis ad extra, tanquam à causa vel  
ratione à priori proveniret; ex repugnantia autem  
creaturarum, non ut à causa, sed ut à signo, in-  
ferente à posteriori negationem omnipotentis, &  
fecunditatis radicalis ad extra.

Ad secundam confirmationem respondeo, con-  
cedendo totum primum argumentum, & negan-  
do ultimam consequentiam. Ut enim Verbum  
divinum ex cognitione creaturarum possibilem  
per se procedat, non requiritur quòd ab illis de-  
pendeat, seu quòd illi indigeat, sed solum quòd  
cum illis necessariò connectatur: licet autem  
magis necessarium à minùs necessario depende-  
re non possit, potest tamen cum illo per se con-  
necti, & illud ad sui consistentiam exigere. Sic-  
ut necessitas principiorum major est necessitate  
conclusionis, & tamen cum illa taliter per se  
connectitur, quòd si per impossibile conclusio  
redderetur falsa, falsificarentur principia, & illo-  
rum veritas desiceret: aliàs posset in bona conse-  
quentia Antecedens esse verum, & consequens  
falsum.

C Dices: Eo ipso quòd Verbum divinum ita ne-  
cessariò cum possibilitate creaturarum connecta-  
tur, ut sine illa subsistere nequeat, à creaturis de-  
pendet: Ergo si dependentia à creaturis Verbo  
divino repugnet, illi etiam repugnabit necessaria  
cum illis connexio. Consequentia patet, Antece-  
dens probatur. Id ab alio dependet, quòd sine il-  
lo nequit subsistere: Ergo si Verbum divinum  
sine possibilitate creaturarum subsistere non pos-  
sit, ab illis ut possibilibus dependet.

Confirmatur: Ea mutuo inter se dependent,  
quæ mutuo sese inferunt & auferunt: Sed darā  
necessariā connexionem inter productionem Verbi  
divini, & creaturatum possibilitatem, selemutuo  
D inferrent & auferrent: Ergo mutuo inter se de-  
pendent.

Respondeo negando Antecedens: ad cujus pro-  
bationem, nego Majorem. Unum enim relativum  
sine alio nequit subsistere, & tamen non dependet  
ab illo; aliàs relativa simul naturā & cognitionem  
non essent. Ad dependentiam ergo requiritur,  
quòd unum non possit sine alio subsistere, ratione  
subordinationis ad illud: hoc autem non convenit  
Verbo divino, respectu creaturarum possibi-  
lium; quòd enim sine illis subsistere nequeat,  
non est ratione subordinationis ad illa, sed potius  
ratione dependentis creaturarum possibilem ab  
omnipotentia.

Ad confirmationem distinguo Majorem: Si mu-  
tuo se inferant & auferant à priori, concedo Ma-  
jorem: si unum à priori, & aliud à posteriori, nego  
Majorem; & sub eadem distinctione Minoris, nego  
Consequentiam. Etenim possibilis creatura-  
rum non infer à priori existentiam omnipoten-  
tis, sed solum à posteriori, & à signo, ut jam  
explicatum est.

Quartò arguunt Scotistæ. Divina cognitio prius  
intelligitur terminata ad essentiam, quàm ad crea-  
turas sub esse possibili: Sed pro illo priori est fecun-  
danda ad productionem Verbi: Ergo Verbum  
ex illa prout sic terminata procedit, & conse-  
quenter non procedit per se ex cognitione possibi-  
lium. Probant Majorem: Essentia divina est  
obje;

objectum primum divinx cognitionis, creaturæ autem objectum secundarium: Sed cognitio prius intelligitur terminata ad objectum primum, quam ad secundarium, cum hoc ratione illius terminet cognitionem: Ergo cognitio divina prius intelligitur terminata ad Dei essentiam, quam ad creaturas possibiles.

63. Hoc argumentum confirmant, eo quod principium infinitum movens ad duos terminos, quorum unus finitus est, & alter infinitus, prius ad infinitum quam ad finitum moveat, utpote cum infinitus sit illi magis connaturalis: Sed divina essentia, ut secundum intellectum Patris, est principium infinitum movens ad dictionem Verbi, quod est terminus infinitus, & ad cognitionem creaturarum, quæ sunt aliquid finitum: Ergo prius movet ad dictionem Verbi, quam ad cognitionem creaturarum; & consequenter dictio Verbi prior est cognitione creaturarum.

64. Ad objectionem respondeo, negando Majorem. Ad probationem, concessa Majori, distinguo Minorem, illamque concedo de prioritare à quo virtuali objectiva; nego autem de prioritare in quo, etiam rationis, quando objectum secundarium essentialiter cum primato connectitur, & ad istius comprehensionem requiritur illius cognitio; qualiter in præfenti contingere constat ex dictis. Unde

65. Ad confirmationem, distinguo Majorem: Principium infinitum movens ad duos terminos &c. prius ad infinitum quam ad finitum movet: Si ad ejus comprehensionem cognitio termini finiti necessaria non sit, concedo Majorem. Si ad ejus comprehensionem termini finiti cognitio requiratur, nego Majorem. Unde cum Verbum divinum ex cognitione comprehensionis essentiae procedat, & essentia ut gerens vices speciei intelligibilis, & prout intellectum divinum, ut est in Patre, ad dictionem seu productionem Verbi secundat, comprehendi nequeat, nisi creaturæ possibiles in illa ut in causa cognoscantur; dictio seu productio Verbi in Deo, non est prior cognitione creaturarum possibilium, sed potius possibilis, cognita in essentia divina tanquam in causa. Prioritate à quo productionem Verbi præcedunt.

66. Arguunt rursus Scoti Discipuli: Spiritus Sanctus non procedit ex amore creaturarum possibilium: Ergo nec Verbum ex illarum cognitione. Antecedens est certum, & constabit ex dicendis disputatione sequenti: Consequentiam verò non aliter probant, quam ex paritate rationis.

67. Sed negatur illa Consequentia & paritas. Ratio discriminis est: quia omnipotentia divina, ut comprehensa in ratione cognoscibilis, cum creaturis possibilibus necessario connectitur; eo quod de conceptu comprehensionis sit terminata ad objectum, cognoscendo quidquid est in illo cognoscibile, creaturæ autem possibiles sunt cognoscibiles in omnipotentia Dei. Hæc verò ut amabilis, etiam amore comprehensivæ, non connectitur cum creaturis possibilibus: quia in illo statu non sunt capaces terminandi amorem divinum, ut in Tract. de Voluntate Dei ostensum est: Cui ratione autem amoris comprehensionis solùm est attingere in objecto amato quidquid in illo, & ratione illius, diligibile est. Sed de hoc rursus redibit sermo disputatione sequenti.

68. Dices, Omnipotentia divina ut cognoscibilis, non connectitur essentialiter cum creaturis possibilibus in particulari, sed solùm cum enre creatibili & possibili ut sic: Ergo non valet assignatum

Tom. II.

discrimen. Consequentia pater, Antecedens probatur. Nulla potentia ut cognoscibilis, per se connectitur cum termino materiali, sed tantum cum formali: At ens creabile ut sic est terminus formalis divinx omnipotentiz, creaturæ verò in particulari sunt terminus tantum materialis illius: Ergo &c.

Respondeo distinguendo Antecedens: Omnipotentia divina ut cognoscibilis solùm quidditative, non connectitur cum creaturis possibilibus in particulari, concedo Antecedens. Ut cognoscibilis non solùm quidditative, sed etiam comprehensive, qualiter cognoscitur ab intellectu divino, nego Antecedens. Ad cuius probationem similiter dicendum est, ad cognitionem quidditativam potentiz sufficere cognitionem termini vel objecti formalis: ad comprehensionem verò requiri cognitionem omnis termini, vel objecti, etiam materialis, in illa contenti.

### ARTICULUS III.

*An Verbum divinum per se procedat ex cognitione futurorum?*

#### §. I.

*Referuntur Sententia, & vera eligitur.*

IN hujus difficultatis resolutione triplex versatur sententia. Prima absolute affirmat Verbum divinum ex cognitione futurorum procedere. Sic Valentia *cap. 8 de Trinit. puncto 2* Ruiz *disp. 63. sect. 4.* & Zuniga *disp. 9. dub. 7.*

Secunda docet illud per se procedere ex cognitione futurorum contingentium sub conditione, scilicet verò futurorum in statu absoluto, in hanc sententiam inclinare Molinam circa hunc articulum, testatur Arrubaj; illamque tueri debent omnes scientiz mediz assertores, si velint loqui consequenter ad sua principia, ut patebit infra dicendis.

Tertia defendit, Verbum divinum ex nullis futuri cognitione procedere. Hanc tenent communiter nostri Thomistæ, quos sequuntur plures ex Recentioribus, cum quibus

Dico primò, Verbum divinum ex cognitione futurorum absolutorum per se non procedere.

Hanc conclusionem probant aliqui, ex eo quod processio Verbi est prior in Deo decreto libero, & scientiæ visionis, per quam Deus futura absoluta cognoscit. Hæc tamen ratio non videtur efficax: quia actus notionales & necessarij non sunt priores liberis, prioritate in quo (in ordine taliem ad intellectum divinum) sed solùm prioritate à quo, ut frequentius docent nostri Thomistæ in materia de scientia Dei, & eundem probant Salmonienses in Tractatu de Scientia Dei: prioritas autem à quo, cum non sit prioritas existentiz, aut durationis, sed solùm causalitatis, vel originis, non impedit coexistentiam extremorum, nec rationem notitiæ inveniæ, ut supra docuimus: Ergo quod processio Verbi sit prior in Deo decreto libero, & scientiæ visionis, non obstat quin futurorum cognitio per se concurret ad Verbi productionem.

Confirmatur: Cognitio ex qua Verbum procedit, prius prioritate à quo terminatur ad Filium, quam ad Spiritum Sanctum; & prius ad essentiam & attributa, quam ad creaturas possibiles; & tamen hæc prioritas non obstat, quin Verbum ex

H h 2

cogni-

Diff. 2.  
Art. 4.

Diff. 7.  
dubio 4.

Art. 1.  
§. ultimo.

70.

71.

72.



cognitione Spiritus Sancti, & creaturarum possibilem per se procedat, ut articulis præcedentibus ostensum est. Ergo quoddam Deus necessarii, prioritate à quo libera Dei decreta, & rerum futuritionem præcedant, non impedit quin Verbum ex futurorum cognitione procedat. Hæc ergo ratio- ne prætermittitur.

73. Probatur primò conclusio ratione fundamen- tali. Cum processio Verbi sit absolute necessaria, non satis est, ut aliquod objectum per se ad illam concurrat, quod illud sit cognoscibile, & de facto cognoscatur ab intellectu divino, in eo signo, in quo Verbum procedit; sed insuper requiritur, quod sit absolute necessarium, seu quod habeat necessariam connexionem cum essentia divina, quæ est objectum primum & formale intellectus divini: Sed futura contingencia (supposito etiam libero divini voluntatis decreto, à quo futuritionem habent) non sunt simpliciter & absolute necessaria, sed tantum secundum quid, & ex suppositione decreti, nec habent necessariam connexionem cum divina essentia, ut ex se patet: Ergo Verbum divinum ex illorum cognitione non procedit.

74. Confirmatur: Illud per se ad productionem Verbi divini non concurrat, quod si auferretur, Verbum maneret omnino invariaturum, & ejusdem rationis ac antea: Sed sublatà à Deo futurorum contingentium cognitione, Verbum divinum omnino invariaturum subsisteret: Ergo illa per se ad ejus productionem non concurrat. Major patet, Minor verò suadetur primò ex Anselmo in monol. cap. 30. ubi sic ait: *Sive Deus cogitetur nullà alià existente essentia, sive aliis existentibus, necesse est Verbum illius coæternum illi, esse cum ipso.* Et cap. 31. *Si nihil unquam aliud esset, nisi summus ille Spiritus, ratio tamen cogit, Verbum illud, quo se dicit, ex necessitate esse.* Ubi aperte docet Anselmus, etiam si nihil esset futurum, Verbum divinum omnino invariaturum mansurum: At si nihil esset futurum, nullus futuri cognitio esset in Deo: Ergo sublatà in Deo futurorum contingentium cognitione, Verbum divinum omnino invariaturum subsisteret.

Secundò probatur eadem Minor: Divina voluntas ex suppositione quod creaturæ sint futuræ, non immutatur, aut aliter se habet, ac se haberet ex suppositione quod non essent futuræ; decretum enim à quo res habent futuritionem, nullam in voluntate Dei inducit mutationem. At divini voluntate invariata manente, debent etiam intellectus Dei, & Verbum per illum productum, invariata subsistere; quia propter naturalem sympathiam, & summam colligationem voluntatis & intellectus Dei, nec non Verbi per illum producti, nequit aliqua variatio intrinseca esse in aliquo istorum, nisi alia etiam intrinsece varietur: Ergo sublatà à Deo futurorum contingentium cognitione, Verbum divinum omnino invariaturum subsisteret.

75. Probatur secundò conclusio: Ut Verbum ex cognitione futurorum procederet, deberet hæc scientia prius origine convenire Patri, quàm Verbo: Sed prius origine Patri convenire non potest: Ergo nec Verbum ex futurorum cognitione procedere. Major patet, Minor probatur. Cum scientia futurorum sit innixa decreto, ut in Tractatu de scientia Dei probatum est, eodem modo de illa philosophandum est, ac de ipso decreto: Sed libera divini voluntatis decreta, prius origine non conveniunt Patri; sicut enim actiones ad extra sunt

toti Trinitati communes, ita & decreta libera indivisa sunt, & tribus personis communia, ac proinde non prius uni quàm alteri competunt: Ergo pariter scientia futurorum, innixa decreto, ac in eo fundata, non convenit prius Patri quàm Filio.

76. Tertiò suaderi potest conclusio ex fundamentis articulo præcedenti statutis. Illud solum per se ad Verbi productionem concurrat, quod per se & essentialiter requiritur, ut cognitio ex qua procedit sit infinita & comprehensiva: Sed ad hoc essentialiter non requiritur, quod ad futura contingencia terminetur: Ergo Verbum non procedit per se ex illorum cognitione. Major patet ex supra dictis, Minor verò probatur. Ut Deus se ipsum comprehendat, sufficit quod perfectissimè penetret suam omnipotentiam, & in illa cognoscat quidquid per illam potest producere; nec per se requiritur quod cognoscat futura, aliàs si Deus decrevisset nullam creaturam producere (in quo ea si nulla creatura esset futura, ac proinde non esset in Deo cognitio futurorum) non posset se ipsum comprehendere, quod est absurdum.

77. Respondet Ruiz ubi supra: Quod et si ad cognitionem comprehensivam Dei, absolute & simpliciter non requiratur cognitio creaturarum futurarum, bene tamen ex suppositione quod sint futuræ; & ideo ex suppositione decreti, à quo res habent futuritionem, Verbum per se ex futurorum cognitione procedere.

78. Sed hæc responsio vim argumenti non infringit: Quia, ut dicebamus, illud solum per se ad Verbi productionem potest concurrere, quod per se & essentialiter requiritur, ut cognitio ex qua procedit sit infinita & comprehensiva: Ergo si cognitio futurorum ad cognitionem comprehensivam Dei absolute & simpliciter non requiratur, sed tantum per accidens, & ex suppositione decreti, & futuritionis rerum, cognitio futurorum ad productionem Verbi per se non potest concurrere, sed ad illam merè per accidens & concomitantè se habet. Addo quod, cum productio Verbi divini sit simpliciter & absolute necessaria, per se non potest pendere ex aliqua suppositione libera & contingenti, qualis est suppositio divini decreti, & futuritionis rerum.

Dico secundò: Verbum divinum non procedere per se ex scientia futurorum conditionalium: sit tamen in Deo admittatur scientia media, seu cognitio futurorum conditionalium, à decreto independentis, illòque anterior, negari non potest Verbum divinum ex illorum cognitione procedere.

79. Prima pars hujus conclusionis patet ex dictis in præcedenti: Verbum enim divinum, cum sit in sua entitate omnino necessarium, nec possit non esse in Deo, ex aliqua scientia libera, & quæ potuit absolute Deo non convenire, non potest per se procedere: Sed cognitio futurorum contingentium conditionalium est omnino libera (cum liberum divini voluntatis decretum, non minus quàm scientia futurorum absolutorum, supponatur) & potuit absolute Deo non convenire, ut in Tractatu de scientia Dei ostensum est: Ergo Verbum divinum ex illa per se non procedit.

80. Altera verò pars breviter suadetur: Ut aliquod objectum per se ad Verbi productionem concurrat, duo tantum requiruntur, nempe quod sit cognoscibile in eo signo in quo Verbum procedit, & quod sit absolute necessarium: Sed utrumque convenit futuris conditionalis, si illa sit futura ante decretum & prædefinitionem divini voluntatis: Ergo

Ergo admittā scientiā mediā, sequitur Verbum divinum ex futurorum cognitione procedere. Major patet, Minor etiam quantum ad primam partem est evidens: quia in signo antecedenti decretum concipiuntur actus notionales & necessarii, & consequenter processio Verbi: Ergo si in tali signo res contingentes sunt sub conditione futuræ, & habeant veritatem objectivam determinatam (ut docent assertores scientiæ mediæ) sunt cognoscibiles ut futuræ ab intellectu divino, in eo signo in quo Verbum à Patre procedere intelligitur.

81. Quantum verò ad secundam partem (quod nimirum futura conditionata sint absolute necessaria, si independenter à divino decreto, & in signo rationis illud antecedente, sunt determinatè futura) fusè probata est conclusio in Tractatu de Scientia Dei. Tum quia jam erunt futura ante primum principium, & primam radicem totius libertatis & contingentiæ, arque ex vi & natura oppositionis contradictoriæ, quæ est causa necessaria necessitatè absolutâ: Tum etiam, quia erunt futura pro omni signo & instanti imaginabili, ut ibidem latè expendimus: Ergo admittā in Deo scientiā mediā, negari non potest, Verbum ex futurorum conditionatorum cognitione procedere. Unde Molina qui hoc admittit (ut testatur Arrubal) magis consequenter ad sua principia philosophatur, quam alii defensores scientiæ mediæ, qui hoc negant.

## §. II.

*Solvuntur argumenta in contrarium.*

82. Contra præcedentes conclusiones obijciunt in primis Adversarii testimonium Augustini, de Trinit. cap. 11. & 14. ubi docet Verbum divinum esse de omnibus quæ sunt in scientia Dei. Et D. Thomæ hic art. 2, ad 3. afferentis quod Pater intelligendo se, & Filium, & Spiritum Sanctum, & omnia alia quæ in ejus scientia continentur, concipit Verbum. Atqui creaturæ, non solum ut possibiles, sed etiam ut futuræ, in scientia Dei continentur: Ergo Verbum non solum ex cognitione possibilium, sed etiam ex scientia futurorum procedit.

83. Ad Augustinum respondeo, Verbum divinum esse de omnibus quæ sunt in scientia Dei, etiam de contingentibus: repræsentat enim non solum possibilia, sed etiam futura; quamvis non sit ortum ex futurorum scientia, sed illa merè concomitanter & veluti accidentaliter ad ejus productionem se habeat.

84. Ad D. Thomam dicatur, illum ibi loqui de scientia Dei naturali & necessaria, quæ scientia simplicis intelligentiæ appellatur, quæ non se extendit ad res contingentes & futuras, sed tantum ad possibilia terminatur.

Neque obstat quod idem S. Doctor in 1<sup>a</sup> q. 37. art. 2, ad 3. ait, Patrem dicere omnia Verbo, sicut diligit omnia Spiritu Sancto; ex quo infert Zuniga, ipsum intelligendum esse de scientia futurorum & existentium, ad quæ dilectio, ex qua Spiritus Sanctus procedit, terminatur. Nam illa comparatio D. Thomæ non debet tenere quantum ad omnia: alias sequeretur quod Verbum ex scientia possibilium non produceret, eò quod Spiritus Sanctus, ut disputatione sequenti ostendimus, ex illorum amore non procedat: sed valet solum quantum ad hoc, quod dictio quæ Verbum producit, ad futura & existentia termina-

tur, sicut & dilectio ex qua Spiritus Sanctus procedit: quamvis hæc terminatio, nec ad Verbi productionem, nec ad processionem Spiritus Sancti per se concurrat, sed ad utramque merè concomitanter se habeat.

Obijciunt secundò, Verbum per se in quarto modo procedit ex cognitione comprehensivæ essentia: At hæc, supposito decreto de creaturis futuris, per se petit terminari ad illas: Ergo tali decreto supposito, Verbum per se procedit ex notitia futurorum. Major est certa, Minor probatur. Comprehensio est cognitio objecti, & omnium quæ in illo sunt cognoscibilia: Ad supposito decreto de existentia futurorum, illa sunt cognoscibilia in essentia divina: Ergo tali decreto supposito, comprehensio essentia per se petit terminari ad futura.

Confirmatur: Verbum debet in actu secundo exprimere ac repræsentare omnia objecta, quæ ab essentia divina, ut habet rationem speciei intelligibilis, & principii quo divinæ intellectio- nis, veluti in actu primo repræsentantur: Sed supposito decreto, essentia divina ut gerens vices speciei intelligibilis, & ut habet rationem principii quo divinæ intellectio- nis, est per se repræsentativa non solum rerum possibilium, sed etiam futurarum: Ergo supposito decreto, Verbum non solum possibilia, sed etiam futura per se repræsentat.

Ad objectionem respondeo, distinguendo Majorem ex cognitione comprehensiva essentia, ut terminata ad objecta necessaria, (seu cum ipsa essentia divina necessariò connexa, concedo Majorem: ut terminata ad objecta libera, & cum essentia divina necessariò non connexa, nego Majorem. Unde cum essentia divina sit necessariò connexa cum creaturis possibilibus non verò cum futuris, cognitio comprehensiva illius per se petit ad possibilia, non verò ad futura contingencia terminari.

Vel secundò responderi potest, concessā Majori, negando Minorem: ad cujus probationem, distinguo Majorem. Comprehensio est cognitio objecti, & omnium quæ in illo sunt cognoscibilia, per se & ratione alicujus formalitatis necessariæ, concedo Majorem. Per accidens, & ratione alicujus suppositionis, aut formalitatis liberæ & contingentis, nego Majorem. Similiter distinguo Minorem: supposito decreto futura sunt cognoscibilia in essentia, ratione alicujus formalitatis necessariæ, nego Minorem. Ratione alicujus formalitatis aut suppositionis liberæ & contingentis, concedo Minorem, & nego Consequentiā Solutio patet ex supra dictis: ad comprehendendam enim aliquam potentiam, sufficit quod cognoscantur objecta, quæ per se & necessariò in illa continentur. nec requiritur quod illa ad quæ per accidens & contingentem se extendit, attingantur. Unde, ut supra dicebamus, si Deus decrevisset nihil ad extra producere, nihil ut futurum cognosceret, & tamen perfectissimè suam omnipotentiam comprehenderet, videndo infinitas creaturas possibiles, quæ in illa ut in causa eminentissimo modo continentur.

Ad confirmationem, concessā Majori, neganda est Minor: cum enim res ut futuræ, non sint cum divina omnipotentia necessariò connexæ, sicut creaturæ ut possibiles, essentia divina, ut habet rationem speciei intelligibilis, & principii quo divinæ intellectio- nis, non est per se repræsentativa futurorum contingentium, sed per acci-

cident tantum & concomitanter; quatenus scilicet ei veluti accidentaliter seu contingenter advenit liberum divinarum voluntatis decretum; unde cum Verbum divinum, ex vi suae processionis, illa solum objecta repraesentet, quae per se in essentia, ut gerente vices speciei intelligibilis, & intellectum Patris fundant, continentur; futura contingentia per se & ex vi processionis non exprimit, sed illorum cognitio ad ejus productionem merè per accidens & concomitanter se habet.

90. Obijciunt secundò Adversarii, & instant contra solutionem jam datam, Verbum divinum de facto repraesentat & exprimit creaturas, non solum ut possibiles, sed etiam ut futuras: Sed talis expressio ac repraesentatio illi convenit ex vi processionis: Ergo ex vi illius repraesentat creaturas, non solum ut possibiles, sed etiam ut futuras. Major est certa, Minor probatur. Quidquid Verbum habet, accipit à Patre per aeternam generationem, juxta illud Christi Joann. cap. 17. *Omnia mea, tua sunt.* Et illud cap. 17. *Mea doctrina non est mea, sed ejus qui misit me.* Sed quidquid Verbum accipit à Patre per aeternam generationem, habet ex vi suae processionis: Ergo expressio & repraesentatio futurorum, ex vi suae processionis illi convenit.

91. Respondeo concessis Majori, negando Minorem. Ad cujus probationem dicendum est, quòd etsi Verbum omnia quae habet, habeat per suam processionem, non tamen omnia habet ex vi suae processionis, sed aliqua per suam processionem identicè tantum & concomitanter illi conveniunt. Sicut disp. 2. dicebamus, quòd licet Spiritus Sanctus per suam processionem habeat naturam divinam à Patre & Filio communicatam, illam tamen non accipit ex vi suae processionis, sed concomitanter tantum & identicè, in quantum amor seu impulsus, quem ex vi suae processionis recipit, realiter identificatur cum natura divina.

92. Dices: Filio ex vi suae processionis formaliter solum convenit natura divina, non verò attributa; cum sola natura sit formalis & primarius terminus divinae generationis; & tamen per se procedit, non solum ex cognitione essentiae, sed etiam attributorum: Ergo quamvis libera repraesentatio futurorum, illi non competat primario ex vi processionis, sed tantum secundario: debet tamen ex cognitione illorum procedere.

93. Respondeo, Attributa communicari Filio ex vi processionis, per se secundario; & idcirco procedere ex cognitione illorum: repraesentationem autem rerum futurarum & existentium, quia ab aliqua suppositione libera & contingenti dependet, per accidens solum competere Verbo; & ideo illud per se procedere ex cognitione attributorum, & creaturarum possibilem, line quibus divina omnipotentia comprehendere non potest; non verò ex cognitione futurorum, quae cum divina omnipotentia, aut aliis attributis, necessariam connexionem non habent.

### §. III.

*Duo Corollaria notata digna.*

94. EX dictis inferes primò, Verbum divinum per se procedere ex cognitione divinarum decretorum sub conceptu entitatis, per accidens verò seu concomitanter, ex cognitione illorum sub conceptu terminationis ad creaturas.

A Patet hoc corollarium: quia Verbum per se procedit ex cognitione essentiae, ut terminata ad formalitates necessarias, seu necessario cum essentia connexas; per accidens verò, seu concomitanter, ex cognitione illius, ut terminata ad formalitates liberas, & cum essentia necessario non connexas: Sed libera Dei decreta, sub conceptu entitatis increatae quam explicant, necessaria sunt, & cum essentia divina necessario connexa, defectibilia verò seu contingentia, sub conceptu terminationis ad creaturas, cum sub illa ratione & formalitate potuerint in Deo non esse, ut in Tractatu de Voluntate Dei fusiè explicatum est: Ergo &c.

B Inferes secundò, plures esse distinguendas terminationes in intelligentia, per quam Verbum producit. Prima est ad essentiam divinam, ut ad ejus objectum formale & primum; & secunda ad attributa, & relationes, ut ad proprietates, vel modos objecti formalis & primarii; tertia ad creaturas possibiles: ultima ad res existentes & futuras. Tres primae per se & ex vi processionis Verbo divino conveniunt; quarta verò solum concomitanter, & veluti per accidens. Unde si per impossibile aliqua ex tribus primis tolleretur, Verbum divinum, vel omnino destrueretur, vel mutaretur intrinsecè: secus verò, si ultimà tantum terminatione careret.

C

### ARTICULUS IV.

*An propriè, & perfectè, ac soli Filio, ratio imaginis conveniat in Divinis?*

TRIA, ut patet, in hoc articulo inquirimus: Primum, an ratio imaginis verè & propriè Filio Dei competat? Secundum, an perfectè in illo reperitur? Tertium, an illi tantum, non autem Spiritui Sancto conveniat? Pro resolutione, sit

D

### §. I.

*Praemittitur unum quod apud omnes est certum, ex quo inferuntur quaedam corollaria.*

Supponendum est ex D. Thoma hic art. 1. & infra quest. 93. art. 1. & 2. ad veram & propriam rationem imaginis duo requiri. Primum est similitudo, non quaecunque, sed perfectè: id est quae sit in specie, aut saltem in signo speciei, quale est figura in rebus corporalibus: similitudo enim in gradu generico, aut analogo, vel etiam in accidentibus communibus, non sufficit ad rationem imaginis; unde vermiculi in homine producti, non sunt ipsius imaginis, nec etiam paries albus est imago hominis albi. Secundum quod ad propriam rationem imaginis requiritur, est expressio, seu origo ab eo cujus dicitur imago: unde unum ovum, quamvis perfectè simile alteri, non est imago illius, quia non est ab illo expressum seu productum, ut ex Augustino ibidem refert S. Thomas. Ex hac suppositione

Inferes primò, quòd sicut triplex potest reperiri similitudo ab alio expressa, scilicet in re artificiali, intentionali, & naturali: ita triplex potest dari imago, nimirum artificialis, ut statua, vel tabella; intentionalis, ut species impressa, & expressa; & naturalis, ut filius respectu patris

Inferes secundò, quòd tanto perfectior est imago

Disp. 3.

Art. 1.

91.

96.

97.

98.



imago, quantum perfectior est similitudo procedens ab alio: unde imago artificialis est omnium imperfectissima, quia importat similitudinem in aliqua tantum qualitate, quæ designat rationem speciei, scilicet figuræ. Imago intentionalis secundum obiectum gradum, quia importat similitudinem, non solum in signo speciei, sed etiam in ipsa specie seu natura, sub modo tamen essendi intelligibili, vel intentionali. Denique imago naturalis est omnium perfectissima, quia importat similitudinem in specie seu natura, sub modo essendi naturali seu extrinseco.

99. Inferes tertio, rationem imaginis duplicem importare respectum: unum producti ad producentem, qui semper realis est; cum inter producentem & productum semper debeat esse realis distinctio: alterum similitudinis ad exemplar seu prototypum in natura seu signo naturæ; & hic realis est, quando natura in qua fundatur est realiter distincta in prototypo & imagine, ut contingit in creatis; rationis verò, quando eadem numero natura in utroque existit, ut fides docet de Personis divinis.

100. Inferes quarto, imaginem non dici essentialiter in divinis, sed personaliter tantum: quia essentia divina non est ab alio expressa seu producta, sed tantum communicata.

Dices, in creatis ratio imaginis importat primario aliquid absolutum, nempe qualitatem: Ergo & in Deo.

Sed negatur consequentia, & paritas; nam in creatis propter limitationem, imago potest distingui a prototypo, ratione alicujus perfectionis absolutæ, non verò in divinis, propter infinitatem, ratione cuius omnia sunt unum, ubi non obviat relationis oppositio.

## §. II.

*Difficultas proposita triplici conclusione resolvitur.*

101. Dico primo, rationem imaginis verè & propriè secundæ Trinitatis personæ convenire. Conclusio est certa de fide, & colligitur ex variis Scripturæ locis, in quibus Filius vocatur imago Patris. Ad Coloss. 1. *Qui est imago Dei invisibilis.* Ad Hebræos 1. *Qui cum sit splendor gloriæ, & figura substantiæ ejus.* Patet etiam ex dictis in suppositione: utraque enim conditio ad rationem imaginis requisita, competit filio: quippe qui procedit à Patre, & illi perfectè similis est in natura. Unde Christus dicebat Joann. 10. *Ego & Pater unum sumus.* Unum denotat perfectam essentialitatem similitudinem, imò & unitatem: (*sumus*) personarum distinctionem, & per consequens processionem unius ab alia.

Addo quod, Christus verus est æterni Patris Filius, ejusque Verbum: Sed Filius est imago naturalis Patris, & Verbum imago intentionalis objecti quod manifestat: Ergo ratio imaginis verè & propriè secundæ Trinitatis personæ competit.

102. Dico secundò, Ratio imaginis non solum verè & propriè, sed etiam perfectissimè competit Verbo divino. Patet etiam hac conclusio ex suprà dictis: cum enim de ratione imaginis sit similitudo, tantò perfectius aliquid habet rationem imaginis respectu alterius, quantum magis illi assimilatur in natura: unde, ut suprà annotavimus, imago artificialis est omnium

imperfectissima, quia importat similitudinem in aliquatantum qualitate, quæ est signum speciei: Sed Filius in divinis perfectissimè assimilatur Patri in natura, cum eadem numero natura in utroque existat: Ergo est perfectissima illius imago.

Hanc rationem egregiè expendit S. Doctor in 1. dist. 28. quæst. 2. art. 1. ad 3. ubi sic dicitur. *Invenitur quidam gradus perfectionis imaginis: dicitur enim quandoque imago alterius, in quo invenitur aliquid simile qualitati alterius, quæ designat & exprimit naturam ipsius, quamvis illa natura in ea non inveniat: sicut lapis dicitur esse imago hominis, in quantum habet similem figuram, cui non subsistit natura illa cuius est signum; & sic imago Dei est in creatura, sicut imago Regis in denario, ut dicit Augustinus, & hic est imperfectus modus imaginis. Sed perfectior ratio invenitur, quando illi qualitati, quæ designat naturam substantiæ, est eadem natura in specie; sicut est imago Patris in filio suo, quia habet similitudinem in figura, & in natura quam figura significat. Sed perfectissima ratio imaginis est, quando eandem numero formam & naturam invenimus in imagine cum eo quem imitatur: & sic est Filius perfecta imago Patris: quia omnia attributa divina, quæ sunt per modum qualitatis significata, simul cum ipsa natura sunt in Filio, non solum secundum speciem, sed secundum unitatem in numero.*

Addo quod, Filius Dei in Scriptura dicitur character, sive sigillum, imago, & speculum: inter quæ hoc invenitur discrimen, quod sigillum simplicem formæ similitudinem ceræ imprimit, absque ullo colorum fuce: imago picturam superaddit; & perfectiorem adhuc vultus similitudinem: speculum perfectissimam, utpote in quo omnes intuentis se motus & gestus ita figurantur, ut viva sit quædam imago, quæ ad incipientes motum se moveat, rideat cum ridente, fleat cum flente. Quare Filius Dei nedum character & imago Patris dicitur, sed & speculum sine macula: quia nedum vera, sed viva est, & perfectissima ejus imago, quæ Patris motus omnes, opera, & affectus exprimit, sive, ut ait Basilus, *etiam se monstrat Genitorem.* Dicitur character in ordine ad creaturas: imago & speculum in ordine ad Patrem: sigillum in operibus ad extra: verbo eum (inquit Rupertus) *Deus spirat omnia,* præsertim electos, quos idcirco Apostolus vocat in Christo signatos; imago denique & speculum in actionibus ad intra, quas perfectissimè exprimit ac repræsentat.

Addo etiam, quòd creatæ imagines, vel non sunt veræ, quia fideliter non repræsentant prototypum; vel sunt inanitates & mutæ, quia carent vitæ & facultate loquendi; vel denique inane & vacuæ, quia carent virtute & operatione. Et imago ista (inquit A. ubrolius) *veritas est, imago ista Deo virtus est: non mutæ, quia verbum est; non inane, quia virtus est: non vacuæ, quia vita est; non mortuæ, quia resurrectio est.*

Dico tertio, Ratio imaginis convenit soli Filio, non autem Spiritui Sancto. Est contra Doctores Græcos, sentientes non solum Filio, sed etiam Spiritui Sancto convenire rationem imaginis. Est tamen communis inter Latinos, eamque docet & probat sanctus Thomas hic artic. 2. hac ratione. *Sicut (inquit) Spiritus Sanctus, quamvis suâ processionem accipiat naturam Patris, sicut & Filius, non tamen dicitur natus: ita licet accipiat speciem similem Patri, non dicitur imago: quia Filius procedit, ut verbum, de cuius ratio-*

103.

104.

105.

Lib. 1. de Fide c. 4.

106.



tione est similitudo speciei ad id a quo procedit, non autem de ratione amoris, quamvis hoc conveniat amori qui est Spiritus Sanctus, in quantum est amor divinus.

Art. 3. Quam rationem fuisse expendimus disp. 2. probando processionem Verbi esse generationem, non autem processionem Spiritus Sancti.

107. Respondent Adversarii, quod licet Spiritus Sanctus non habeat formaliter ex vi suae processionis similitudinem in natura cum Patre, habeat tamen similitudinem in signo naturae, scilicet in amore divino, qui est divinus naturae proprietates, seu attributum: similitudo autem in signo naturae, sufficit ad rationem imaginis, ut patet ex supra dictis.

108. Sed contra Ratio imaginis quae convenire potest personis divinis, debet esse perfectissima: Sed illa quae est solum secundum similitudinem in signo naturae, est omnino imperfectissima, ut supra offendimus, & docet D. Thomas loco nuper allegato: Ergo non potest convenire Spiritui Sancto.

Addo quod, valde probabile est, in rebus tantum corporeis reperiri rationem imaginis ex sola similitudine in accidentibus naturam designantibus; nec adhuc in omnibus, sed in his tantum quae sequuntur quantitatem, scilicet in figuris, & situ.

### §. III.

#### Solvuntur Objectiones.

109. Obijcies primò contra hanc ultimam conclusionem illud ad Rom. 8. Quos praeservit, & praedestinavit conformes fieri imagini Filii sui: hanc enim imaginem Filii plures ex SS. Patribus (ut Basilium, Cyrillum, & Athanasium) dicunt esse Spiritum Sanctum: Ergo ille est imago Filii.

Respondeo quod locus ille Apostoli debet explicari per constitutionem intransitivam; ita ut intelligatur de imagine, non quae sit alia à Verbo, sed quae formaliter sit ipsum Verbum. Vel etiam dicendum, pro reverentia illorum Patrum, quod Spiritus Sanctus dicitur imago Filii, lato modo sumptà imagine, pro eo scilicet quod est alteri simile, quamvis ab eo non habeat formaliter vi suae processionis illam similitudinem. Ita S. Thomas opus. 1. cap. 10.

110. Obijcies secundò: Spiritus Sanctus est infinitè similior Patri & Filio, quam creaturae Deo: Sed creaturae sunt imago Dei: Ergo multò magis Spiritus Sanctus Patris & Filii.

Respondeo quod creaturae non sunt imagines Dei, nisi valde imperfectae: quia nec habent eandem speciem aut numero naturam, nec aliquod perfectum naturae divinae signum, quamvis habeant aliquam imperfectam cum ea similitudinem. Adhuc tamen magis propriè illis convenit ratio illa imperfectae imaginis, quam Spiritui Sancto, quia habent illam imperfectam similitudinem à Deo, formaliter ex vi suae productionis comparantur enim ad illum veluti quaedam artefacta ad artificem; atque ita sicut artifex facit artefactum formaliter ad similitudinem idae quam mente praekoncepit, ita Deus condidit creaturas, respiciendo ad seipsum, ut ad earum exemplar: At verò Spiritus Sanctus non habet similitudinem in natura, formaliter ex vi suae processionis, sed identicè tantum, & concomitantè, ut in 2. disp. explicatum est. Solutio est divi Thomae in 1. ad Annibaldum dist. 28. qu. 2. art. 2. ad 3. ubi cum proposuisset hoc idem ar-

Art. 4.

gumentum, sic respondet: Dicendum quod in artificio invenitur species artis, etiam apud nos, non autem in amore artificio. Et ideo creatura, in quantum habet speciem artis aeternae, quae est Filius Dei, dicitur imago, & ad imaginem, non autem Spiritus Sanctus, qui est amor.

Ex dictis colliges, pulchritudinem seu speciem rectè attribui se appropriari Filio Dei, iuxta illud quod dicit Hilarius lib. 2. de Trinitate: Aeternus est in Patre, species in imagine, usus in numero. Nam ut docet sanctus Thomas infra quæst. 39. art. 8. ad pulchritudinem tria requiruntur, integritas scilicet seu perfectio, quae enim manca & diminuta sunt, eo ipso turpia sunt; debita proportio seu consonantia, ut patet in corporalibus; ille enim homo non dicitur pulcher, qui non habet membra debite proportionata, & coaptata: denique splendor seu claritas, unde quae habent colorem nitidum, pulchra esse dicuntur. Hæc autem secundæ sanctissimæ Trinitatis personæ perfectissimè conveniunt: cum enim sit Filius Dei naturalis, habet in se totam & integram Patris naturam: cum sit ejus imago, perfectam habet cum illo proportionem, convenientiam, & similitudinem: denique cum Verbum sit, est lux & splendor intellectus, ut Damascenus dicit, & magis patebit ex dicendis digressionem sequenti.

C

#### DIGRESSIO UNICA.

Praecipua Verbi divini Encomia, in primo capite Evangelii D. Ioannis contenta.

I. Ioannes inter ceteros Evangelistas non immerito aequilæ comparatur: quia (ut dicit Augustinus) ceteri tres Evangelistae, tanquam cum domine Domino in terra ambulantes, de Divinitate ejus pauca dixerunt. Iste autem, quasi pigrus in terra ambularet, exiit se non solum super terram, & super omnem ambitum aeris, & cæli, sed super omnem etiam exercitum Angelorum, omnemque constitutionem invisibilium potestatum, & pervenit ad eum per quem facta sunt omnia. Vel, ut loquitur D. Thomas in prologo super commentaria in Joannem, Ioannes figuratur per aquilam, quia cum alii tres Evangelistae circa ea quae Christus in carne est operatus occupati, designentur per animalia quae gradiuntur in terra, scilicet per hominem, vitulum & leonem, Ioannes super nebulam infirmis aris humiliter aquila volans, lucem incommutabilis veritatis, altissimam atque firmissimam oculis cordis intuetur, atque ipsam Deitatem Domini nostri Iesu Christi, quæ Patri aequalis est intendens, eam in suo Evangelio sicut praecipue commendare. Hic illa aquila de qua dicitur Job 39. Nunquid ad praecursum tuum elevabitur aquila, & in arduis ponet nidum suum? oculi ejus de longè prospiciunt. Vel potius illa quæ Ezech. 17. describitur: aquila, inquam, illa magnarum alarum, quæ venit ad Libanum, tulit medullam Cedri, summam frondem ejus avulsit, & transportavit eam in terra Chanaan: hoc est, quæ ad cælos evolavit, altissimæ Cedri medullam, id est æterni Patris Filium, ejusque notitiam in terrenas hominum mentes transtulit, statim initio sui Evangelii dicens: In principio erat Verbum, & Verbum erat apud Deum, & Deus erat Verbum. Quibus quatuor aut quinque verbis, omnes haereseis exclusi piscator noster. Inquit Ambrosius:

111.

Tract. 16 in Joann.

Lib. 1. de Fide Trinit.

lius: Quod enim erat in principio, non includitur tempore; non principio praevenitur: Ergo. Arius contemnat. Quod autem erat apud Deum, non commixtione confunditur, sed maiestatis Verbi apud Patrem solidâ perfectione distinguitur, ut Sabellius obmutescat. Et Deus erat Verbum. Non ergo in prolatione sermonis hoc Verbum est, sed illa caelestis designatione virtutis, ut confundatur Plotinus. Quod verò erat in principio apud Deum, sempiterna Divinitas in Patre & Filio inseparabilis unitas edocetur, ut crubescant Eudoxius & Eunomius. Postremo, cum omnia per ipsum facta dicantur, ipse conditor novi utique testamenti & veteris designatur, ut Manicheus locum tentationis haberi non possit. Ita piscator bonus intra unum omnes rete conclusit, ut faceret inhabiles fraudi, quamvis essent inutiles captivi.

113. Ut autem hac & plura alia divini Verbi encomia facilius intelligantur, recolendum est illud quod saepe in hac disputatione inquisivimus, nempe Verbum divinum esse eternum ex divinitatis intelligentiae fecunditate productum: ex hoc enim tam præclaro & augustissimo fonte, omnes ejus prærogativæ ac excellentiæ manant, & præcipua illius à verbo creato discrimina.

114. In primis sicut divina intelligentia est æterna, immortalis, carens principio & fine, semper in actu, nunquam in potentia: ita & Verbum per illam productum, æternum ac immutabile est, & omnis potentialitatis expers. Tu dicis (inquit Augustinus), aliquid modo, quia tacitas paulo ante, & ecce nunc nuncium verbum profers: cum autem proferre cæperis, rumpis silentium, & quodammodo generas verbum, quod antea non erat. Non sic Deus genuit Verbum: dicere Dei sine initio est & sine fine, & tamen unum Verbum dicit.

In principio, inquit Joannes, erat Verbum, id est ab æterno, seu ante omnia tempora. Hoc enim Verbo, erat (inquit Hilarius) transcurrentia tempora, transcenduntur sæcula, tollantur ætates. Unde Ambrosius eadem Evangelistæ verba expendens, sic in Arianos invehitur: Ioannes dicit: erat, erat, erat, quæ erant, & tu Hæretice dicta quod non erat. Cui ergo relinquis, Ioanni in Christi peccatore reconvulenti, an Ario intercessus sua viscera voluntantes?

Sed quod mirabilis adhuc in huius Verbi generatione videtur, est quod illa non solum careat principio, sed etiam fine, nec solum est ab æterno, sed etiam manet in æternum, semper antiqua, & semper nova. Unde in Scriptura Christus, Oriens appellatur: Ecce vir oriens nomen ejus, Zachar. 6. quia, ut ait Lyranus, semper nascitur, & semper natus est: Oriens quod auroram non habuit, & quod nescit occasum: Oriens quod nulla præcessit obscuritas, cui non lucedit, & cui nullæ unquam permiscerentur tenebræ: Oriens, ut ait Propheta, ante luciferum genitum, id est ante omnia sydera, & per consequens ante omnia tempora; ut ibidem explicat Augustinus, dicens quod Lucifer pro syderibus positus est, tanquam à patre totum significante Scripturâ, & ex eminenti stella omnia sydera.

Secundò, cum intelligentia divina sit actio immanens, Verbum quod per illam produciatur, ita à Patre procedit & exiit, ut nunquam separatur ab illo. Unde Zeno Veronensis Filium, nobilem cordi Patris inquilinum, appellat. Nam (inquit Chrysologus) processit de Patre, & à Patre penitus non abscissus. Sermo in Patre semper (addit Tertullianus) prolixior enim Deus sermonem, sicut radix fruticem, & fons fluvium, & Sol radi-

um &c. Nec dubitaverim Filium dicere & radicem fruticem, & fontis fluvium, & Solis radium... Nec frutex tamen à radice, nec flumen à fonte, nec radium à Sole discernitur, sicut nec à Deo sermo. Unde ait Joannes: Et Verbum erat apud Deum.

Tertiò, cum intelligere in Deo sit esse seu natura Dei, ut Tractatu 1. ostensum est: Verbum ex divina intelligentia procedens, non potest non esse ejusdem naturæ cum Patre, illique non solum coæternum, sed etiam consubstantialitæ, ut egregie discutitur D. Thomas super cap. 1. Joann. lectione 1. ubi ait, hæc esse differentiam inter Verbum divinum & humanum, quod verbum nostrum non est ejusdem naturæ nobiscum, sed Verbum divinum est ejusdem naturæ cum Deo, & ideo est aliquid subsistens in natura divina. Nam ratio intellecta quam intellectus videtur de aliqua re formare, habet esse intelligibile tantum in anima nostra; intelligere autem in anima nostra non est idem quod esse naturale anime, quia anima non est sua operatio; & ideo verum quod format intellectus noster, non est de essentia anime, sed est accidens ei. In Deo autem idem est intelligere & esse; & ideo Verbum intellectus divini non est aliquod accidens, sed pertinet ad naturam ejus; unde oportet quod sit subsistens, quia quidquid est innatura Dei, est Deus &c. Quare Joannes addit quod Deus erat Verbum. Quo verbo uti est inquit Augustinus) ut plenius & efficacius Filii æqualitatem & consubstantialitatem cum Patre assereret, omnimodique tergiversationi Hæreticorum adiutorem præcluderet, quovis ergo Filium Dei agnoscerimus, & non solum quodvis, ut contendeant olim Arianis; & quidem tantâ pertinaciâ ac perveraciâ, ut unius litteræ additio Ecclesiæ unitatem lætaverit: pro una enim littera (inquit Hilarius) diu pugnatum est, sed ipso & vicit, & consubstantialitas tandem de errore triumphavit.

Quandò, cum intelligere in Deo sit eminentissimo modo speculativum & practicum: ejusque scientia non solum dicativa, sed etiam effectiva, ut Tractatu 3. ostensum est; Verbum ex divina intelligentia procedens, non solum est speculativum, sed etiam operativum; nec solum creaturas exprimit ac repræsentat, sed etiam illas efficit & conservat: unde in Scriptura vocatur virtus & sapientia Patris, ejus idea, & brachium; & Pater dicitur omnia portare Verbi virtute sua. Denique, ut ait D. Joannes, omnia per ipsum facta sunt. Omnia (addit Augustinus) quæ fixa in cælo sunt, quæ fulgent desuper, quæ volitant sub cælo, & quæ moventur in universa natura rerum, omnis omnino creatura, ut intelligatur ab Angelo usque ad vermiculum.

Cui consonat, quod Moyses mundi originem deserviens, in singulis operibus tali utitur modo loquendi: Dixit Deus, fiat lux, & facta est lux. Dixit Deus, fiat firmamentum, & sic de aliis. Quæ omnia Plalmista comprehendit, dicens: Dixit & facta sunt: dicere enim est verbum producere. Sic ergo intelligendum est, quod Deus dixit, & facta sunt: quia Verbum produxit, per quod res in esse produxit, sicut per earum rationem perfectam. Ita dicitur Thoma 4. contra Gent. cap. 13. Vbi etiam egregie observavit, quod Verbum Dei in hoc differt à ratione quæ est in mente artificis, quod Verbum Dei est Deus subsistens, ratio autem artificis in mente artificis non est res subsistens, sed solum intelligibilis forma: forma autem non subsistens non competit proprie ut agat (agere enim rei perfecta & subsistens est) sed est ejus ut ea agatur, et

116.  
1. 1. 2.  
Art. 1.

117.  
1. 1.  
Art. 1.

115.  
Serm. 3.  
de æterna  
Verbi ge-  
nerat.

Libro  
contra  
Praxe-  
am.

et enim forma principium actionis quo agens agit. Ratio igitur domus in mente artificis non agit domum, sed artifex per eam domum facit: Verum autem Dei quod est ratio rerum factarum à Deo, cum sit subsistens, agit, & non solum per ipsum aliquid agitur; & ideo Dei Sapientia ait Proverb. 8. Cum coeram cuncta componens. Et Ioann. 5. Dominus dicit: Pater meus operatur. & ego operor.

Sed quia (ut ibidem notat S. Doctor) idem est causa conservationis rerum, & productionis ipsarum: sicut omnia per Verbum facta sunt, ita & per Dei Verbum conservantur in esse. Vnde Psalmista dicit: Verbo Domini celi firmati sunt. Et Apostolus ad Hebræos 1. ait de Filio, quod portat omnia verba virtutis sue. Item D. Joannes, ubi asseruit omnia per Verbum esse facta, statim addit: sed ipso factum est nihil: ut per hoc denotaret, omnia quæ per Verbum facta sunt, per Verbum, & in Verbo conservari. Vnde idem Angelicus Doctor ibidem leſt. 2. Quodam sunt qui non intelligunt operante, nisi quantum ad fieri, cum possint sic fieri, postquam fuerant facta, absque agentis influxu: sicut domus indiget quidem artifice, quantum ad suum fieri, sed tamen persistit in suo esse absque artifice influenti. Ne ergo credat aliquis omnia per Verbum sic facta esse, quod si causa eorum, quantum ad fieri solum. & non quantum ad conservationem in esse: ideo consequenter Evangelista subiungit, & sine ipso factum est nihil, hoc est, nihil factum est extra ipsum, quia ipso ambet omnia, conservans ea.

118. Quinto, in Deo prima & perfectissima ratio vitæ consistit in intelligere: quare D. Thomas supra quest. 18. art. 3. probat quod Deus obtinet perfectissimum gradum vitæ, et quod in summo intellectualitatis apice existit: Ergo cum Verbum ex divina intellectione procedat, debet non solum esse vivens, sed etiam vitale ac vivificans, & ipsa vita per essentiam, in qua omnia quæ facta sunt, ab æterno vivunt. Et ideo subdit Joannes: Quod factum est in ipso vita erat. Quæ verba expendens S. Thomas ibidem leſt. 1. sic ait: Res dupliciter considerari possunt, scilicet ut sunt in seipsis, & ut sunt in Verbo. Si considerentur secundum quod sunt in seipsis, sic non omnes sunt vitæ, nec etiam viventes, sed aliquæ carent vitæ, aliquæ vivunt. Sicut facta est terra, facta sunt etiam & metalla, quæ nec vitæ sunt, nec vivunt; facta sunt animalia, facti sunt homines, qui secundum quod sunt in seipsis, non sunt vitæ, sed vivunt solum. Si verd considerentur secundum quod sunt in Verbo, non solum sunt viventes, sed etiam vitæ: nam rationes in Sapientia Dei spiritualiter existentes, quibus res factæ sunt ab ipso Verbo, vitæ sunt. Sicut arca facta per artificem, in se quidem nec vivit, nec vitæ est: ratio verd arca quæ præcepit in mente artificis, vivit quodammodo, in quantum habet esse intelligibile in mente artificis: non tamen est vitæ, quia ipsum intelligere artificis non est sua essentia, neque suum esse. In Deo autem suum intelligere est sua vitæ, & sua essentia: & ideo quidquid est in Deo, non solum vivit, sed est vitæ ipsa, quia quidquid est in Deo, est sua essentia: unde creatura in Deo est creatrix essentia. Si ergo considerentur res secundum quod in Verbo sunt, vitæ sunt.

Hanc doctrinam ab Augustino didicerat D. Thomas: ille enim Tract. 1. in Joann. eadem Evangelistæ verba expendens, eam discretè tradidit, his verbis: Faber facit arcam. Attende arcam in arte, & arcam in opere: arca in opere non est vitæ;

Arca in arte vitæ est, quia vivit anima artificis, ubi sunt ista omnia antequam perficiantur. Sic ergo quia sapientia Dei, per quam facta sunt omnia, secundum artem continet omnia antequam fabricet omnia, hic quæ sunt per ipsam artem, non continuo vitæ sunt, sed quidquid factum est, vitæ in illo est. Terram vides, est in arte terra: cælum vides, est in arte cælum: Solem & Lunam vides, sunt & ista in arte, sed foris corpora sunt, in arte vitæ sunt.

119. Sexto, Verbum divinum non solum est vita per essentiam, in qua omnia vivunt, & vivificantur; sed est etiam lux vera, quæ omnia suo fulgore illustrat, & illuminat omnem hominem venientem in hunc mundum. Vnde subdit Evangelista: Vita erat: lux hominum. Et Propheta regius Psalmo 35. ubi dixit: Apud te est fons vitæ statim subjicit: Et in lumine tuo videbimus lumen.

Licet autem singulis SS. Trinitatis personis prælata hæc lucis appellatio competat: Pater enim lux est, Filius ejus splendor, Spiritus Sanctus utriusque lumen infinitum; Pater lux ingenua, Filius lux genita, Spiritus Sanctus lux à Patre Filioque effusa; Pater primumque lumen, Filius lumen de lumine, & Spiritus Sanctus lumen ab utroque lumine: nihilominus speciali titulo præteritum hoc lucis nomen Filio appropriatur. Lux enim prima est Solis emanatio, ex qua postmodum calor erumpit: At Filii vapor est Omnipotentis, candor divinis lucis, paternæ gloriæ splendor, ex quo Spiritus Sanctus, notionalis utriusque amor, scintillat. Lux ad nostram spectat: Filius verd per viam cognitionis procedit. Denique lux obscura quæque manifestat: Verbo autem æternus Pater secretiora mentis luz arcana revelat. Vnde S. Thomas 4. contra Gent. cap. 13. ait: Ioann. 1. dicitur quod vitæ erat lux hominum: quia scilicet ipsum Verbum, quod vitæ est, & in quo omnia vitæ sunt, manifestat ut lux quædam mentibus hominum veritatem: juxta illud Prophete: Emitte lucem tuam, & veritatem tuam.

Verbum ergo lux est, sed lux quæ in tenebris nostræ mortalitatis lucet, & quæ, ut ait Bernardus, Nube carnis tegitur: non ut obscuretur, sed ut temperetur. Vnde subdit Evangelista: Verbum caro factum est, & habitavit in nobis: ut scilicet splendor gloriæ Patris, & Angelorum lumen, fieret lux hominum, & illuminaret omnem hominem venientem in hunc mundum. Et idcirco Iſaias cap. 9. mysterium hoc quasi jam factum conspiciens, lætaturus exclamabat, dicens: Populus qui ambulabat in tenebris, vidit lucem magnam, habitantibus in regione umbrae mortis, lux orta est eis.

Septimo, cum unica sit Patris dictio & intellectio, unum solum potest esse illius Verbum: illud enim est terminus adæquatus cognitionis divinæ; cum per illud & in illo, ut supra ostensum est, Pater æternus essentiam, attributa, relationes, & omnes creaturas possibiles cognoscat. Vnde Augustinus lib. 15. de Trinit. cap. 14. Novit itaque omnia Deus Pater in seipso, novit in Filio. Sed in seipso tanquam seipsum, in Filio tanquam Verbum suum, quod est de his omnibus quæ sunt in seipso, Omnia similiter novit & Filius, in se scilicet tanquam ea quæ nata sunt de iis quæ Pater novit in seipso. In Patre autem tanquam ea de quibus nata sunt quæ ipse Filius novit in seipso. Scitnt ergo invicem Pater & Filius, sed ille gignendo, iste nascendo. Et Tract. 21. in



in Joann. Sic ergo demonstrat Pater omnia quæ fecit, *Filius, ut in Patre sit omnia Filius.* Videndo enim natum est, & nascendo videt. Sed non aliquando non erat natus, & postea natus est, sicut non aliquando non vidit, & postea vidit: Sed in eo quod est illi videre, in eo est illi esse, in eo est illi natus esse. Et paulo post: Verbum Patris est Filius, nihil dixit Deus quod non dixit in Filio: dicens enim Filio quod facturus erat Pater per Filium, ipsum Filium genuit per quem se erat omnia. Similia docet D. Thomas in cap. 1. Joann. ubi exponens hæc verba Evangelistæ, Verbum caro factum est: Hæc (inquit) est differentia inter Verbum divinum & humanum, quod verbum nostrum est imperfectum, sed Verbum divinum est perfectissimum: quia enim nos non possumus omnes nostras conceptiones uno verbo exprimere, ideo oportet quod plura verba imperfecta formemus, per quæ divinam exprimamus omnia quæ in scientia nostra sunt. In Deo autem non est sic: cum enim & seipsum, & quicquid intelligit, per essentiam suam unico actu intelligat, unicum Verbum divinum est expressivum totius quod in Deo est, nec solum personarum, sed etiam creature, aliis esset imperfectum.

Addo quod, inter Angelos quod magis aliqui dignitate præcellunt, eo paucioribus speciebus & verbis ad enuntiandos proprios conceptus utuntur: Ergo cum Deus supremum intellectus altitatis apicem attingat, unico Verbo perfectissimo omnia suæ infinitæ sapientię arcana manifestat. Unde ait Propheta Ps. 61. Semel locutus est Deus, duo hoc audiui. Semel enim loquitur Deus, quia unicum Verbum ab æterno protulit. & continuo profert: sed duo audit Propheta, quia hoc unico Verbo Pater omnia declarat.

Nec mirum quod Deus tantum semel loquatur: homines enim sæpe loquuntur, quia illorum verba, cum nihil aliud sint quam inanis quidam & vacuus fluxus ærem verberans, mox fluunt & transeunt, ac subito evanescunt: Verbum autem Dei, cum sit ipsa veritas subsistens, ipsaque Dei substantia, non transit, sed permanet semper ac subsistit. Unde Bernardus: *semel locutus est Deus, semel utique, quia semper, una enim & non interpellata sed continua locutio est.* Hinc Propheta regius Psalmo 44. linguam Patris æterni, Verbum increatum proferentis, comparat calamo scribæ velociter scribentis: quia ut ibidem egregie notat Augustinus quod lingua ducitur, sonat & transit: quod scribitur, manet. Cum ergo dicat Deus Verbum, & Verbum quod dicitur non sonet & transeat: sed & dicatur & maneat: scriptis hoc maluit Deus comparare quam sonum.

Unicum ergo est Dei Verbum, quia perfectissimum, & infinitum Unicum, quia unico actu suæ infinitæ sapientię Pater omnia comprehendit. Unicum, quia non transit, sed in æternum permanet. Unicum, quia unici Patris unicuique est Filius Unicum tandem, quia in illo absconditi sunt omnes thesauri Sapientię & Scientię Dei. Unde Joannes illius encomia his verbis concludit: *Vidimus gloriam ejus, gloriam quasi unigeniti a Patre, plenam gratia & veritate.*

Denique, cum intellectio sit actio omnino immaterialis, & immaterialis ratio à priori intellectus, ut docet D. Thomas *supra* quæst. 14. art. 1. ubi probat Deum esse summæ intelligentem, quia est summæ immaterialis: Verbum divinum est immaterialiter genitum; & per consequens illius generatio purissima & castissima est. Neque enim (inquit Tertullianus) *Filius natus est de Patris semine. non de sororis incesto, nec de stupro filia*

*aut conjugii aliena: Deum Patrem passus est, non squammatum, aut cornutum, aut plumatum amatorium, aut in aurum conversum. Iovis enim ista sunt nomina vestri.* Nascitur ex Deo Patre Filius, sicut radius ex sole, flos ex virga, rivulus ex fonte, & sicut verbum ab intelligente. Nec radio Sol corrumpitur, nec flore virga foedatur, nec fons ex rivuli fluxu fordescit, nec verbum corpore, sed mente generatur. Radius, Solis est splendor; Flos, virgæ ornatus; rivus, fontis decus & ornamentum; & verbum, purissimus intellectus terminus, ejusque perfectio, & complementum. Unde D. Thomas hic art. 2. ad 3. *Ad exprimendas diversas Filii Dei perfectiones, diversæ attribuantur nomina. Nam ut ostendatur conaturalis Patris, dicitur Filius, ut ostendatur coæternus, dicitur splendor, ut ostendatur omnino similis, dicitur imago, ut ostendatur immaterialiter genitus, dicitur Verbum.*

Sed quod adhuc mirabilis est, Verbi divini generatio, non solum pulchra & casta est, sed etiam splendida & cum claritate, juxta illud Sapient. 4. *O quam pulchra est casta generatio cum claritate!* Casta est, quia immaterialis, & a Patre virginæ, à quo, sicut omnis paternitas, ita virginitas quam in terris imitaremur effluxit, juxta illud Nazianzeni: *Prima Tris virgo est.* Splendida est & cum claritate: quia à Patre lumen in splendoribus Sanctorum, & inter meridianos æternitatis fulgores, ac æternorum luminum irradiatione (id est ex perfectissima ac comprehensiva essentia, personarum, attributorum, & creaturarum omnium possibili cognitione) perficitur. Unde Dei Filius ex sinu Patris procedit, non solum plenus gratia, decor, ac pulchritudine, sed etiam scientia, sapientia, & veritate, ut D. Joannes infine ejusdem primi capituli attestatur.

Ex his deduci possunt plures prærogativæ & excellentiæ, quæ Dei sermone conveniunt: cum enim ille sit quidam à Verbo divino effluxus, ejusque imago & participatio plures ejus prærogativas, & perfectiones participat.

In primis vix explicari potest, quanta sit illius virtus ac fecunditas: est enim quasi semen Dei, quo anima spiritualiter fecundata Deum concipit, & quo fideles Dei Filii in eo & Dei quodammodo efficiuntur, juxta illud Prophetæ Ps. 81. *Ego dixi Dei estis, & filii excelsi omnes.* Ex quo Christus in Evangelio argumentum desumpsit, ad probandum suam divinitatem. Si enim, inquit, illos dicit Deos Scriptura, ad quos sermo Dei factus est, quem Pater sanctificavit, & misit in mundum, vos dicitis quia blasphematis, quia dicit: Filius Dei sum. Ubi Eucherius: Si illi dicuntur Dei, ad quos Dei sermo factus est, & ideo quidam Dei dicuntur, quia sermonem Dei custodimus, quare non magis ipsi sermo Dei dicitur Deus?

Sed quod mirè magis non solum Dei Filios adoptivos Dei sermo constituit sed ipsi sunt etiam Filium Dei naturalem, ante omnia sæcula æterna Patris locutione & ditione genitum, in tempore generavit: verbo enim Omnipara Virgo Verbum concepit & peperit, ut lepide expendit Bernardus homil. 4. super Missus est, ubi sic eam alloquitur: *Responde Virgo verbum, & suscipe Verbum, propter suum, & conceptu divinum, mitte transitorium, amplectere sempiternum. Quid tardas, quid trepidas? Crede, confitere, suscipe. Aperi Virgo beata cor fidei, labia confessioni, visceri Creatori.*

Nec minor hujus divini Verbi efficacia ac fecunditas in ore Sacerdotis cernitur: ubi enim

Serm. de  
Verbo  
Abas.

111.

Apolog.  
cap. 21.

122.

E

123.



us excitatus est. Ille enim super cap. 3. Joann. A  
ad illa verba: *Non enim ad mensuram dat Deus Spiritum: docuit Spiritum Sanctum vocari Spiritum Filium, non quod ab illo procedat, sed quia per Filium hominibus datur. Quem errorem postea alii Græci tantâ pertinaciâ amplexi sunt, ut à communione Ecclesiæ Latinæ tempore Leonis IX. sub annum 1024. infelicitè recesserint.*

3. Catholica veritas, quæ asserit Spiritum Sanctum à Patre, Filioque procedere, in variis Conciliis definita est. Primò in Concilio Barenfi, apud Barium in Apulia coacto, ab Urbano II. circa annum 1097. quo tempore maxime fervebat Græcorum Schisma: in quo Concilio S. Anselmus omnino convicit Græcos. Secundò in Lateranensi sub Innocentio III. Deinde in Lugdunensi sub Gregorio X. Et tandem in Florentino sub Eugenio IV. ubi hæc res summa diligentia pertractata est, & consentientibus etiam Græcorum præcipuis, ac præsentè Orientis Imperatore, Spiritum Sanctum à Patre Filioque procedere definitum fuit, & in litteris sanctæ unionis insertum. Ibidem etiam sess. 4. Andreas Doctor Latinus adduxit vetustissimum codicem Græcorum, Synodi 7. generalis, in cujus actione 7. legitur de Spiritu Sancto: *Qui à Patre Filioque procedit.* Unde creditur alios codices Græcos, in quibus non habetur illa particula, *Filioque*, fuisse à Græcis schismaticis corruptos.

4. Præter Conciliorum definitiones, in ejusdem veritatis confirmationem plura Scripturæ testimonia adduci possunt. Primi generis sunt ea, in quibus Spiritus Sanctus dicitur esse Spiritus Filii Dei: ad Rom. 8. ad Galat. 4. & ab illo mitti, Joann. 15. Non potest enim dici aliquis alterius esse, nisi iste in illum auctoritatem habeat; cùmque auctoritas inter personas divinas nequeat esse titulo domini ac servitutis, debet esse auctoritas originis. Unde quemadmodum Filium esse Patris, denotat Filium habere originem à Patre, ita Spiritum Sanctum esse Filii, significat ipsum à Filio procedere. Item, ut egregie discurret D. Thomas 4. contra Gent. cap. 24. Mittens aliquam auctoritatem habet in missum: Oportet igitur, quod Filius mittens Spiritum sanctum habeat aliquam auctoritatem in illum: sed non domini vel majoritatis, ut patet: Ergo originis.

Si quis autem dicat, quod etiam Filius à Spiritu sancto mittitur, juxta illud Isaï 61. Spiritus Domini super me, evangelizare pauperibus misit me: Considerandum est (inquit angelicus Doctor) quod Filius à Spiritu Sancto mittitur, secundum naturam assumptam: Spiritus autem non assumpti naturam creatam, ut secundam eam possit dici missus à Filio. Unde si à Filio mittitur, secundum naturam divinam ab eo mittitur, & consequenter ab eo procedit.

5. Secundi generis testimonia ea sunt, in quibus Spiritus sanctus dicitur à Filio accipere, Joann. 16. Ille me clarificabit, quia de meo accipiet, & annuntiabit vobis. Omnia quæcumque habet Pater, mea sunt: propterea dixi, quia de meo accipiet. Ex quibus verbis duplex argumentum conficitur. Primum est: Spiritus sanctus accipit à Filio scientiam, ut interpretatur Augustinus, Cyrillus, & Chrysostomus ad illum locum: Ergo de illo accipit substantiam & essentiam, & consequenter ab illo procedit. Secundum est: Omnia quæ habet Pater sunt Filii, præter id in quo relative opponuntur, ut verba tradita testantur: Atqui spiratio activa convenit Patri: Ergo pariter debet convenire

Filio; & per consequens Spiritus sanctus ab utroque procedere.

Confirmatur: Christus ipse in præallegatis verbis hanc facit consequentiam: *Omnia quæ habet Pater mea sunt: Sed Spiritus Sanctus accipit à Patre: Ergo de meo accipiet.* Ergo similiter bonitas hujus consequentia concedi debet: *Omnia quæ habet Pater sunt Filii: Sed Pater habet, ut ab illo procedat Spiritus Sanctus: Ergo id etiam habet Filius; & consequenter Spiritus sanctus procedit ab illo.*

7. Neque valet responsio Græcorum, dicentium Spiritum sanctum accipere de eo quod Filius dicit esse suum: quia accipit de thesauro sapientie Patris, qui etiam thesaurus est Filii, non Filio dante, sed duntaxat Patre.

Non valet, inquam, hoc effugium: nam si valeret, posset pariter dicere Spiritus sanctus de Filio, ille de meo accipiet: Consequens est falsum, frustra enim hoc sibi Filius tribueret ut speciale: Ergo &c. Sequela est manifesta: nam quia essentia Patris pertinet etiam ad Spiritum sanctum, Filius accipit de aliquo quod pertinet ad Spiritum sanctum, dum accipit essentiam à Patre; Ergo si eo solum titulo Spiritus sanctus dicitur à Filio accipere, quia accipit essentiam & scientiam à Patre, quæ sunt etiam Filii, solo Patre illam dante, & non Filio, poterit similiter dici, Filium à Spiritu sancto scientiam & naturam accipere.

C Testimonia tertiz classis ea sunt, in quibus Christus dicitur insufflasse in Discipulos, dicendo illis: *Accipite Spiritum Sanctum*, Joann. 20. hoc enim denotat quod ipse spirat & insufflat hunc divinum amorem. Ita Augustinus lib. 15. de Trinit. cap. 26. Cùm resurrexisset à mortuis (inquit) & apparuisset Discipulis suis, insufflavit, & ait: *Accipite Spiritum Sanctum, ut etiam de se procedere ostenderet.* Illi concinit Bernardus serm. 8. in Cant. his verbis: *Insufflavit & dixit: Accipite Spiritum Sanctum. Osculum professus est. Quid, corporeus ille statum? Non, sed invisibilis Spiritus; quia propterea in illo Domini consensu datum est, ut per nos intelligeretur, & ab ipso pariter, tanquam à Patre procedere, tanquam verè osculum, quod osculanti osculatoque commune est.* Unde etiam Ps. 32. Spiritus sanctus dicitur oris Dei Spiritus id est Verbi divini, quod os est Patris, ut ait Ambrosius.

D His locis novi testamenti addi possunt hæc verba Psalmi 109. quæ Pater dicit ad Filium: *Tecum principium in die virtutis tuæ, in splendoribus sanctorum ex utero ante luciferum genui te.* Illis enim Pater æternus apertè declarat, se esse cum Filio principium in die æternitatis, in quo in splendoribus sanctorum (id est in lumine suæ inhnitæ sapientiz, ipsum generat: sed non potest in die æternitatis esse principium nisi Spiritus sancti, cùm creator æternus non à Deo non processerint;

9. Ergo ab æterno Spiritus sanctus à Patre, Filioque procedit. Unde dies ille æternitatis vocatur dies virtutis Filii Dei: quia nec in creatione, nec in redemptione, nec in aliis operibus ad extra, ita relucet infinita ejus virtus & potentia, sicut in productione Spiritus sancti. Quod declarat Lippomanus ex illo Exodi 28. ubi Deus ait Moyli: *Laminam facies de auro purissimo, in qua sculpes opere scultorum Sanctum Domine.* Id est nomen Dei Trigrammaton, quod significat principium. Hoc enim portat in fronte iunioris sacerdos: quia hæc est magna gloria Pontificis nostri Jesu Christi, esse in die æternitatis (in quo à Patre in splendoribus sanctorum

generatur) uba cum illo principium personæ di-  
vinæ, scilicet Spiritus Sancti.

10. Accedit etiam unanims ferè Patrum consen-  
sus, ante ortum schisma Græcorum, qui æqua-  
let traditioni Ecclesiasticæ, & Apostolicæ. Primo  
loco sese offert S. Martialis Galliarum Aposto-  
lus, & unus ex primis D. Petri Discipulis, qui in  
Epistola quam scripsit ad Burdigalenses cap. 10.  
Spiritus Sanctum à Patre Filioque procedere  
apertissime docet, his verbis: *Verbum in quod cre-  
didistis, Filius est unigenitus ante omnem substantiam:*  
*Spiritus vero non est genitus, sicut Verbum, quia & Spi-  
ritus Sanctus in divina aequalitate gloriosus, processit*  
*inseparabiliter ab eo qui genuit, & ab eo quoque qui geni-  
tus est.*

11. Idem docent alii Patres, non solum Latini, sed  
etiam Græci: ut Athanasius in Symbolo fidei, ubi  
sic habetur: *Spiritus Sanctus à Patre & Filio, non sa-  
ctus, nec creatus, nec genitus, sed procedens.* Basilii  
lib. 2. contra Eunomium. Chrysostomus homil.  
de Expositione Symboli, ubi loquens de Spiritu  
Sancto, ait: *Iste est Spiritus procedens de Patre &  
Filio, qui dividit donis prout vult.* Didymus lib. de  
Spiritu Sancto, ubi exponens illud Christi Joann.  
16. Non enim loquetur à semetipso, subdit: *Hoc est*  
*sine me, & sine meo & Patris arbitrio, quia ex Patre*  
*& ex me est: hoc enim quod subsistit & loquitur, à Pa-  
tre & à me illi est.* Cyrillus denique Alexandrinus,  
qui expressè in hoc puncto restitit Theodoro, in  
defensione non anathematismi. Qui plura cu-  
pit, legat D. Thomam opusculi. 1. quod contra erro-  
res Græcorum de mandato Urbani IV. compo-  
suit, ubi cap. 32. & sequentibus, plura SS. Pa-  
trum adducit testimonia.

12. Præcipue notandum est illud Nazianzenior.  
3. de Theologia, ubi divinam Trinitatem comparat  
tribus primis personis generis humani: scilicet  
Patrem, Adæ, quia Pater à nulla persona, ut A-  
dam à nullo homine, est ortus: Filium vero Evæ,  
quia Eva ex Adami substantia processit, ut Filius  
à solo Patre: Spiritum Sanctum Sethi, quia ab  
Adamo & Eva ortus est, ut Spiritus Sanctus à Pa-  
tre & Filio procedat.

13. Non est etiam omittendum illud Athanasii  
serm. 4. ubi comparat Patrem Soli, Filium luci  
seu splendori, & Spiritum Sanctum ardori seu ca-  
lori; & docet quod sicut à Sole procedit lux, &  
à Sole & luce calor, ita & à Patre Verbum gene-  
ratur, & à Patre Filioque Spiritus Sanctus produ-  
citur. Quam veritatem, licet abstrusissimam,  
Mercurius Trifigemistus subodoratus erat, vel in  
sacris Scripturis legerat, dum in Pymandro cap. 8.  
hæc scripsit: *Mens autem Deus, utriusque sexus so-  
cunditate plenissimus, vita & lux, cum Verbo suo men-  
tem alteram opificem peperit, quæ quidem ignis, atque*  
*spiritus nomen.*

14. Contrariam clara & aperta Scripturæ & Pa-  
trum testimonia, nihil habent Græci Schisma-  
ti quo se ruantur, præter animi pertinaciam, ob  
quam sub misera Mahometanorum servitute ge-  
munt. Constantinopoli à Turcis capta, ipsâ die  
Pentecostes, Spiritui Sancto consecrata: ut veri-  
ficetur illud quod Christus dixit Matth. 12. *Qui*  
*blasphemiam dixerit in Spiritum Sanctum, non*  
*remittetur ei, neque in eo sæculo,*  
*neque in futuro.*

\* \* \*

## §. II.

*Eadem Veritas rationibus theologicis  
suadetur.*

PRæter Scripturæ & Patrum testimonia, quæ-  
dam rationes theologicæ in ejusdem veritatis  
confirmationem adduci possunt. Illas reducit D.  
Thomas hic art. 2. ad tres.

- Prima & præcipua est: Si Spiritus Sanctus non  
procederet à Filio, non distingueretur ab illo: cum  
omnis distinctio realis in personis divinis ex op-  
positione relativa oriatur, & oppositio relativa  
funderetur in processione unius personæ ab alia.  
De quo fusè dicemus §. sequenti.

- Secunda est: Illud quod procedit per modum  
amoris, debet necessariò procedere à Verbo, eò  
quod nihil amari possit, nisi quod verbo conci-  
pitur: Sed Spiritus Sanctus procedit ut amor:  
Ergo à Verbo procedit. Unde idem S. Doctor  
intra quæst. 43. art. 5. ad 2. *Filius est Verbum, non*  
*qualecunque, sed spirans amorem.*

- Dices: Falsum est quod amor procedat à ver-  
bo. Primum quia licet amor dependeat ab apprehen-  
sione & actu intellectus (nihil enim volitum  
quin præcognitum) non tamen à verbo; ut patet  
in visione beatifica, à qua oritur amor perfectis-  
simus, & tamen per illam nullum producit  
verbum, ut in Tractatu de Visione beatifica o-  
stensum est. Secundò, quia amor non dependet  
à cognitione, sed à re cognita & apprehensa: Ap-  
prehensio verò solum se habet ut conditio, &  
non ut aliquid influens in amorem. Tertiò, quia  
intellectus essentialis, & verbum communiter di-  
ctum, sufficientissimè repræsentant bonitatem  
divinam voluntati, ut amor ex illa procedat. Deni-  
que, quia cognitio & verbum effectivè non  
concurrunt ad actum amoris, sed finaliter tantum  
& objectivè: quod non sufficit ad probandum  
intentum, cum solum quæstio sit, an Spiritus San-  
ctus activè procedat à Verbo.

- Hæc tamen frivola sunt, & vim rationis D.  
Thomæ non infringunt. Non primum quidem:  
quia licet in visione beatifica nullum detur ver-  
bum creatum, essentia tamen divina gerens vi-  
ces verbi, concurrat ad amorem beatificum. Nec  
secundum: eò quod in Deo verbum, cognitio,  
& res apprehensa, sint unum & idem; & sic in  
Divinis verum est quod amor est à conceptu &  
verbo mentis. Nec etiam tertium: quia in Divi-  
nis datur amor essentialis, & amor notionalis:  
Ergo sicut verbum essentialiter & communiter  
dictum influit in amorem essentialem, ita ver-  
bum notionale, quod est verbum propriè di-  
ctum, in amorem notionalem influit. Denique  
nec ultimum: quia valde probabile est, amorem  
non solum finaliter & objectivè, sed etiam ef-  
fectivè à conceptione mentis, sive ab objecto  
ut intellectu procedere, ut fusè & acutè probat  
Cajetanus infra quæst. 90. art. 2. Vis præcipue  
probationis in eo consistit, quod in actu volun-  
tatis duo sunt considerata, scilicet exerciti-  
um, & specificatio; quamvis autem voluntas  
ex se sit sufficienter in actu, quoad exercitium  
sui actus, quia ipsa est primum movens quoad  
exercitium, non est tamen sufficienter ex se in  
actu quoad specificationem sui actus, aliæ  
omnes actus ipsius essent ejusdem speciei, sicut  
ipsa unus est naturæ: eo proportionali modo  
quo omnes actus caloris sunt ejusdem speciei,  
quia

quia calor ex se est determinatus quoad specificationem suae actionis. Oportet igitur quod deus aliud principium, quod cum ipsa voluntate causet specificationem actus: hoc autem non potest esse aliud quam ipsum obiectum, ut actus intellectus, sive ut existens in intellectu in ratione termini intellectus. Ergo illud actiue ad specificationem actuum voluntatis concurrir.

Præterea, dabo quoddam breue sententia Cajetani minus probabilis sit, ac altera quæ docet obiectum cognitum finaliter tantum & obiectiue ad specificationem actuum voluntatis concurrere, de quo in Tractatu de actibus humanis: temper tamen stat vis rationis D. Thomæ, nam semel habito, quod de ratione amoris in communi, analogice sumpti, sit procedere à verbo, ex diversa deinde conditione verbi creati & increati, debet inferri, quod creatum finaliter, increatum verò actiue, etiam per modum principii, ad amorem concurrat: quod Verbum increatum procedat ut persona subsistens in natura divina; & consequenter ut habens voluntatem divinam, quæ elicitive & actiue spiratur amor.

Tertia ratio: Licet plura, materialiter & solo numero distincta, possint absque ullo ordine inter se ab uno & eodem procedere: quo pacto plures cuncti materialiter distincti procedunt ab eodem artifice absque ullo ordine. & similiter ab intellectu Angeli plures intellectiones solo numero distinctæ: ea tamen quæ procedunt ab eodem principio, tanquam formaliter & specie ab illo distinctæ, semper ab illo procedunt, cum aliquo ordine originis aut causalitatis, vel saltem cum ordine excessus secundum perfectionem. Quo pacto plures substantiæ immateriales, totiusque cuncti specierum universi, procedunt à Deo: ex quo ordine perfectionis oritur etiam ordo localis in cælis & elementis, ut quæ suprema sunt in gradu perfectionis, sint etiam suprema loco. Et similiter in Angelis idem ordo servatus est à Deo in donis gratiæ, quæ est in eorum naturali perfectione. Cum ergo Filius & Spiritus Sanctus procedentes ab uno & eodem Patre, distinguantur formaliter & specie, aut quasi specie, cum aliquo ordine ab illo debent procedere; & cum in Divinis non possit esse alius ordo, quam originis, superest ut vel Filius procedat à Spiritu Sancto, vel è contra Spiritus Sanctus à Filio: unde cum Adversarii primum non admittant, necesse est ut fateantur secundum.

## §. III.

Convelluntur præcipua fundamenta Græcorum.

Fundamenta Græcorum Schismaticorum levissima sunt, & ad tria præcipua capita reducuntur. Primum est, quia Christus in Evangelio, de principio Spiritus Sancti loquens, solum Patrem nominat, dicens: Spiritus qui à Patre procedit. Secundum, quia in Symbolo Concilii Nicæni, in quo fides universalis Ecclesiæ exposita est, Spiritus Sanctus solum à Patre procedere dicitur. Sicut enim in illo habetur: Credo in Spiritum Sanctum Dominum, & vivificantem, ex Patre procedentem, cum Patre & Filio adorandum. Et in fine huius Symboli subiungitur: Qui aliter docuerit, vel aliter predicaverit, anathema sit. Addunt quod Leo III. Romæ prædictum Symbolum, transcripsum

in tabula argentea, post altare B. Pauli posita, posteris reliquit (pro amore, ut ipse ait, & cautela fidei orthodoxæ) in qua tabula, particula illa *Filiusque non legitur*.

Subiiciunt Damasceni locum lib. I. fidei cap. 7. & 8. ubi ait: Spiritus Sanctus à Patre procedit, & in Filio quiescit. Et paulò infra: Spiritum Sanctum dicimus ex Patre, ex Filio non dicimus. Et alibi: Spiritus Sanctus ex Patre quidem est, non autem ex Filio, sed Spiritus oris Dei.

Hæc tamen, ut dixi, frivola sunt. Ad primum enim responderetur, Christum, dum de processione Spiritus Sancti in Evangelio loquitur, ideo solum Patrem nominare, quia ad illum solet referre totum quod fuit, & quod totum ab illo habeat. Vnde Joann. 7. dicebat: *Mea doctrina non est mea, sed ejus qui misit me*. Quæ verba expendens Augustinus Tract. 29. in Joann. hunc modum loquendi Christi admittit, & subdit: *Si non tua, quomodo tua? si tua, quomodo non tua? Tu enim dicis utrumque, & mea doctrina, & non mea*. Cui quæstioni sic respondet: *Quæ est doctrina Patris, nisi Verbum Patris? Ipse ergo Christus doctrina Patris, si Verbum Patris. Sed quia verbum non potest esse nullius, sed alicujus, & suam doctrinam dixit seipsum, & non suam, quia Patris est Verbum. Quid enim tam tuum, quam tu? Et quid non tantum, quam tu? si alicujus es quod es?*

Ad secundum dicendum cum D. Thoma hinc art. 2. ad 2. quod quia tempore Concilii Nicæni nondum exortus fuerat error dicentium Spiritum Sanctum non procedere à Filio, non fuit necessarium ut explicite poneretur in ejus Symbolo, quod Spiritus Sanctus à Filio procederet: continebatur enim implicite in hoc quod dicebatur procedere à Patre. Nam (ut supra dicebamus) omnia quæ habet Pater sunt Filii, exceptis his in quibus relative opponuntur: in spiratione autem à Filio Patri relative non opponitur. Unde quando in aliis Conciliis, Nicæno posterioribus, hæc particula, *Filiusque*, Symbolo addita fuit, non tam fuit addita, quam veteris in Symbolo Nicæno implicite contentæ, major expressio seu explicatio.

Ad verba Damasceni respondet idem S. Doctor ibidem in responsione ad 3. Plures ex Græcis in hoc fuisse secutos Theodoricum Nestorianum Theodoretum legendum puto) inter quos fuit etiam Damascenus. Vel dici potest, Damascenum solum velle, Filium, non habere quoddam producat Spiritum Sanctum, eo modo quo Pater illud habet: nam Pater illud habet à se, Filius verò à Patre, à quo per æternam generationem virtutem spirativam accepit. In quo etiam sensu Augustinus 15. de Trinit. cap. 17. dicit Spiritum Sanctum principaliter à Patre procedere. Idem (inquit) addidi principaliter, quia & de Filio Spiritus Sanctus procedere reperitur. Sed hoc quod ille Pater dedit, non jam existenti, & nondum habenti, sed quiddam Virginito Verbo dedit, & genuendo dedit. Sic ergo enim genuit, ut etiam de illo donum commune procederet, & Spiritus Sanctus, Spiritus esset amorum.

## §. IV.

Alia Difficultas resolvitur.

Supposita veritate fidei, quæ docet Spiritum Sanctum non solum à Patre, sed etiam à Filio procedere, inquit Theologi, an si à Filio non procederet, distingueretur ab illo? Quæ sup-



suppositio licet sit impossibilis, non est tamen inutilis. Sicut enim utiliter in scholis hæc questiones agitantur: An si Deus non esset immutabilis, esset æternus? An si in Deo relationes non essent, manerent personæ distinctæ? An si homo non esset risibilis, esset distinctus ab equo? Prima ad investigandum, an immutabilitas sit ratio æternitatis? Secunda, ad intelligendam rationem formalem constitutivam & distinctivam personarum. Tertia, ad dignoscendum quæ sit formalis ratio constituens hominem, & ipsum ab equo distinguens. Tamen si omnes istæ suppositiones sint impossibiles. Ita pariter, quamvis suppositio nobis facta impossibilis sit, quia tamen conducit ad intelligendam rationem formalem distinctivam Filii à Spiritu Sancto, & ad refellendum Græcorum Schismaticorum errorem, otiosa & inutilis censeri non debet.

Dico igitur: Si Spiritus Sanctus à Filio non procederet, ab illo non distingueretur realiter. Ita D. Thomas *hic art. 2.* & omnes Thomistæ, contra Scotum, ejusque Discipulos in *1. dist. 11. quest. 2.*

26. Probatur primò ex Concilio Toletano 16. in confessione fidei, ubi de Spiritu Sancto dicitur: *Qui in sancta præstititur Trinitate tertia persona esse, pro eo quod à Patre Filioque condonatur:* Ergo si non esset donum procedens à Patre & Filio, non esset tertia persona ab illis distincta.

27. Probatur secundò conclusio ratione fundamentalis. In divinis omnia sunt unum, ubi relationis oppositio non obviat: At in hypothesei quòd Spiritus Sanctus non procederet à Filio, non daretur inter illos relationis oppositio: Ergo nec realis inter utrumque distinctio. Minor patet: nam omnis oppositio relativa in divinis in origine & processione unius personæ ab alia fundatur. Major verò probatur primò ex Concilio Toletano 2. in professione fidei, ubi de personis divinis loquens, licet: *Hoc solum numerum insinuat, quòd ad invicem sunt.*

Secundò ex Florentino sess. 18. ubi Joannes Theologus, ad disputandum contra Græcos ex Ordine Prædicatorem assumptus, licet: *sola relatio apud omnes tam Græcos quam Latinos Doctores, divinæ processionis personarum multiplicat: cui etiam duo illa à quo & ad quod conveniunt.*

Tertiò ex Dionysio cap. 2. de divin. Nomin. ubi ait, *benignissimas personarum discretionem esse derivatæ processionis.*

Quartò ex Boëtio libro de Trinitate circa finem, asserente quòd sola relatio in divinis Trinitatem multiplicat.

Quintò ex Anselmo libro de Process. Spiritus Sancti cap. 2. propè principium, ubi docet quòd Pater & Filius in omnibus unum sunt, nisi in his in quibus inter eos distinguitur relationis oppositio.

Sextò probatur eadem Major ratione: Cum enim in omnibus perfectionibus absolutis sit inter personarum divinarum unitas perfectissima, in relationibus autem realis inter illas inveniatur distinctio, argumentum evidens est, solam relationis oppositionem causam esse realis distinctionis inter illas.

28. Respondent aliqui, hanc rationem, & præallegata testimonia, solum probare distinctionem, quæ de facto inter personas divinas reperitur, ex relativa oppositione procedere, non verò quod ex hypothesei quòd Spiritus Sanctus à Filio non

A procederet, non posset absque oppositione relativa realis inter illos salvari distinctio.

29. Sed hæc responsio frivola est: Nam in divinis quidquid est possibile, de facto est; & quidquid de facto non est, omnino impossibile est: Ergo si de facto non datur distinctio in personis divinis, nisi ratione oppositionis relativæ, fundatæ in origine, omnino impossibile est divinas personas aliter inter se distingui, quàm oppositione relativæ, fundatæ in origine; & consequenter quævis suppositio tollens inter Filium & Spiritum Sanctum relativam oppositionem in origine fundatam, tollit etiam realem utriusque distinctionem. Sicut quia rationalitas est formalis ratio distinguendi hominem à bruto, quæcumque hypothetis, auterens rationalitatem ab homine, tollit distinctionem ejus à bruto.

30. Respondent secundò Scotistæ, non esse idem oppositionem relationis, & oppositionem relativam; gaudet enim relatio duplici oppositione, unâ relativâ, & alterâ disparatâ. Quando ergo communiter Patres & Theologi affirmant, solam oppositionem relationis esse rationem distinctionis realis inter divinas personas, hoc non est intelligendum de oppositione relationis tantum relativæ, sed vel de relativæ, vel de disparatæ: in casu autem questionis haberet Spiritus Sanctus oppositionem relationis disparatam cum Filio, etiam non relativam, ac proinde posset realiter ab eo distingui.

31. Hæc responsio & doctrina præcipuum est Adversariorum fundamentum, & ferè unicum punctum, ad quod reducitur celebris hæc inter Angelici & subtilis Doctoris Discipulos controversia. Unde contra illam multipliciter arguitur.

32. Primò: Aliqua esse ad invicem, non verificatur propriè, nisi relativè se habeant: Ergo personas divinas distingui per hoc quòd ad invicem sunt, non salvatur cum proprietate, nisi distinctio ab oppositione relativæ proveniat: Sed Concilium Toletanum verbis allegatis docet personas divinas inter se distingui, per hoc quòd ad invicem sunt; Ergo intendit illas oppositione relativæ, non verò disparatæ, inter se distingui. Unde ibidem explicans qualiter personæ divinæ ad invicem sunt, hæc subiungit: *Quod ergo Pater, non ad se, sed ad Filium est; & quod Filius est, non ad se, sed ad Patrem est. Similiter Spiritus Sanctus non ad se, sed ad Patrem & Filium relatione refertur.*

33. Secundò, Joannes Theologus in Concilio Florentino ait, quòd sola relatio divinæ processionis & discriminis est in personis divinis, nisi per hoc quòd una per onest ab altera: At hoc esset falsum, si personæ divinæ non solum oppositione relativæ, sed etiam disparatæ possent ab invicem distingui; nam ut una persona disparatè se habeat ad alteram, non est necessarium quòd ab illa procedat: Ergo præfata responsio Florentini doctrinæ contradicit. Item idem Joannes Theologus ibidem allerit, *quod substantia cum personis communicat, proprietates verò nequaquam communicabiles sunt; quod quidem exaltationis vi creditur evenire.* Sed quod provenit ex vi relationis, ex oppositione relativæ, non verò ex disparatæ oritur: Ergo incommunicabilitas, & per consequens distinctio divinarum personarum, ex sola oppositione relativæ, non verò à disparatæ, provenit.

Tertiò,



35. Tertiò, Anselmus asserit quòd in Divinis omnia sunt unum, ubi non obviat relationis oppositio: Sed oppositio disparata, cum non sit relativis propria, sed absolutis & relativis communis, relationis oppositio appellari non potest: Ergo juxta Anselmum, oppositio disparata non est ratio distinctionis in Divinis, sed tantum relativa.

34. Quarta, Distinctio quæ oritur ex oppositioe disparata, provenit ex finitate & limitatione: Sed personæ divinæ infinitæ & illimitatæ sunt: Ergo ratione oppositiois disparatæ ad invicem distinctum non possunt. Major patet in misericordia & justitia, amore & sapientia, quæ sunt perfectiones disparatæ; & tamen in ente infinito, in quo omni imperfectione & limitatione carent, identificantur realiter. Unde D. Thomas quæst. 7. de Potentia art. 8. ad 4. probat in Deo non esse aliam oppositionem, quàm relativam. *Quia in aliis oppositis semper alterum est imperfectum: hoc autem in relativis non oportet, imò utrumque considerari potest ut perfectum.*

35. Confirmatur: Si aliquæ formæ disparatæ, ratione oppositiois disparatæ, possent in Divinis distingui realiter, maximè illæ quæ pertinent ad ordines primò divinos, ut sunt ratio entis absoluti & relativi, quia illæ magis disparatæ sunt: Sed in Divinis ratio entis absoluti, & ratio relativi, non distinguuntur realiter; relationes enim cum essentia divina & perfectionibus absolutis realiter identificantur, ut disp. 3. ostensum est: Ergo distinctio ex oppositioe disparata proveniens, locum non habet in Divinis.

36. Quintò, quod relationes distinguant personæ divinas, debet provenire à relationibus formalissimè sumptis, & secundum oppositionem quæ illis solis competit: Sed distingui per relationes, ut sunt formæ disparatæ, non est distingui per illas, secundum oppositionem illis solis convenientem, quia oppositio disparata est communis formis absolutis & relativis: Ergo distinctio quæ competit personis divinis ex relationibus, non provenit ex oppositioe disparata, sed relativa.

37. Tertiò probatur conclusio, & si quis impugnaret præcedens solutio Relatio spiritalis non est distincta realiter à paternitate & filiatione: At hujus identitatis seu indistinctionis, nulla alia potest assignari ratio, quàm carentia oppositiois relativæ: Ergo sola oppositio relativa, est ratio distinctionis realis in personis divinis.

38. Respondent Scotistæ, negando Minorem. Dicunt enim rationem hujus indistinctionis non peti ex eo quòd illæ relationes non opponuntur relativè inter se, sed quia opponuntur disparatè realiter, sed ratione vel ex natura rei. Q. uòd si ab illis quærat, cur relatio spiritalis realiter disparatè non opponatur filiationi & paternitati, relatio autem spiritalis ex proprio conceptu opponatur realiter disparatè relationi Geniti & Filii? Respondent cum subtili Doctore, rationem hujus discriminationis esse, quia non repugnat idem agens duplici actione duos terminos producere, sicut repugnat eundem terminum duplici processione adæquatè produci: unde cum relationes spiritalis & paternitatis super actionem ut in agente fundentur, relatio autem Geniti in passiva generatione, & relatio spiritalis in passiva processione, hinc fit quòd relatio spiritalis reali oppositioe disparatè gaudeat cum relatione Geniti, secus verò relatio spiritalis cum paternitate & filiatione.

39. Sed hæc solutio non satisfacit: Nam quando dicunt eundem terminum non posse duplici processione adæquatè produci, vel loquuntur de distinctione virtuali utriusque processiois, vel de distinctione reali? Si primum, falsum est non posse eundem terminum realiter duplici processione virtualiter distinctè procedere; imò est impossibile quòd processiones passivæ solum virtualiter distinguantur, & quòd illarum termini realiter inter se differant, cum passiva processio adæquatè identificetur cum termino. Si secundum, est peritio principii: cum enim passivæ origines in relatione consistant, asserere quòd relationes spiritalis & Geniti distinguantur realiter, quia passivæ origines realiter distinguuntur, est idem per idem respondere, & principium petere; nam quoad hoc eadem est difficultas, quomodo in prædicto casu distinguantur realiter origines, sine eo quòd una ab altera sit, ac quomodo realiter differant relationes, absque relativa oppositioe.

Præterea, si ex creaturis argumentum sumitur; non minus repugnat terminum productum cum actione sui principii, & aliquà illius relatione identificari, quàm eundem terminum duplici processione adæquatè produci: At primo non obstante, filio producta in Divinis identificatur realiter cum actione spiritali Patris, & cum relatione spiritalis, quia inter filiationem & spiritalitatem non datur relativa oppositio: Ergo non obstat secundo, relationes spiritalis & Geniti realiter identificabuntur, si ab illis auferatur relativa oppositio.

## §. IV.

## Solvuntur Objectiones.

Obijcies primò: Tota ratio quare Spiritus Sanctus non distingueretur à Filio, si non procederet ab illo, est ratio illi relativè non opponeretur: Sed hæc ratio nulla est: Ergo præcipuum nostræ sententiæ fundamentum corruit. Major patet ex dictis §. præcedenti, Minor autem probatur: Tum quia filialis realiter distinguitur Filium à Spiritu Sancto, & tamen illi relativè non opponitur, cum non referat Filium ad illum, sed ad Patrem: Tum etiam, quia si per impossibile Spiritus Sanctus non procederet à Patre, sed à solo Filio, adhuc realiter distingueretur à Patre, cum tamen relativè non opponeretur: Tum denique, quia et si Spiritus Sanctus relativè non opponeretur Filio, processio tamen unius differret ab origine alterius, una enim esset per intellectum, & altera per voluntatem; & una haberet rationem generationis, non verò altera: Ergo quavis Spiritus Sanctus non opponeretur relativè Filio, sufficienter distingueretur ab illo. Unde Anselmus lib. de Process. Spiritus Sancti cap. 1. sic ait: *Habent utique à Patre esse Filium ac Spiritus Sanctum sed diversimodè, quia alter nascendo, alter procedendo, ut alii per hoc sint ad invicem. Et postea subdit: Nam si per aliud non essent plures Finitæ & Spiritus Sanctus, per hoc solum essent diversi.*

Respondet concisè Majori, negando Minorem. Ad cuius primam probationem, respondet Suarez filiationem, et si non referat Filium ad Spiritum Sanctum, esse tamen formalem terminum relationis spiritalis, & hoc sufficere ut illi relativè opponatur. Duplicitè tamen hæc solutio: Nam licet verum sit sufficere ad realem distinctionem, terminatè formaliter relationem oppositam, falsum tamen est filiationem esse rationem formalem terminandi relationem spiritalis: ut enim docent nostri Thomistæ in Logica, eadem forma quæ est ratio referendi, est ratio terminandi relationem oppositam; quocirca ibi dicunt relatio-

nes formaliter ad correlativa terminari: At filiatio non est ratio referendi Filium ad Spiritum Sanctum: Ergo nec ratio terminandi relationem spiritali, quâ Spiritus Sanctus refertur ad Filium. Hæc ergo solutio prætermittit.

94. Respondeo ad primam illam probationem, quod licet Filius per filiationem non opponatur relativè formaliter Spiritui Sancto, illi tamen radicaliter opponitur, eò quod filiatio sit radix relationis Spiritalis, quâ Filius formaliter refertur ad Spiritum Sanctum, eique relativè opponitur.

44. Neque obstat, si dicas, quod essentia divina est radix paternitatis, nec tamen propterea opponitur radicaliter filiationi, cui formaliter opponitur paternitas: Ergo similiter filiationi non opponitur radicaliter Spiritali passivæ, seu Spiritui Sancto, ex eo quod sit radix spiritalis activæ, seu relationis Spiritalis, quâ Filius relativè formaliter Spiritui Sancto opponitur. Non obstat, inquam: Respondetur enim, negando consequentiam & patetatem. Ratio discriminis est, quia essentia est aliquid absolutum, & radix communis omnium relationum, non peculiaris alicujus; & ideo nulli ex illis opponitur, nec ab aliqua illarum distinguitur: Filiatio verò non est aliquid absolutum, sed relativum; & ita est radix spiritalis activæ, seu relationis Spiritalis, ut cum illa adequetur, neque sit radix alterius.

45. Ad secundam probationem dicendum est, quod si Spiritus Sanctus procederet à solo Filio, adhuc opponeretur relativè mediata Patri, eò quod procederet mediata ab illo, quia Pater daret Filio virtutem, quâ spiraret Spiritum Sanctum, & ita mediata produceret Spiritum Sanctum; & hoc sufficeret ad distinguendum Patrem à Spiritu Sancto. In casu autem, quo Spiritus Sanctus non procederet à Filio, neque mediata neque immediata ipsi relativè opponeretur.

46. Dices: Essentia divina daret etiam Patri paternitatem, & tamen non opponitur Filio mediata: Ergo ex hoc, quod Pater det Filio spirationem activam, non sequitur Patrem opponi mediata Spiritui Sancto.

Respondeo quod essentia divina dat paternitatem solum per virtutalem emanationem, non autem per realem processionem, & oppositionem cum Patre: Pater autem dat Filio spirationem activam per realem processionem, & oppositionem cum illo; argue aded Patrem dare realem virtutem Filio, cum mediata oppositione cum Spiritu Sancto, non verò essentia Patris paternitatem, cum oppositione mediata cum filiatione; quia oppositio mediata cum uno, debet supponere immediatam cum alio, ratione cujus mediata dicatur opponi alteri.

47. Ad tertiam probationem Minoris dicendum est, quod si Filius & Spiritus Sanctus relativè non opponerentur, processionibus quibus producerentur non essent realiter inter se distincti: quia, ut docet D. Thomas *suprà* quest. 27. art. 3. ad 3. processio per voluntatem differt à processione per intellectum, ratione ordinis originis quem dicit ad illam: unde ordine originis sublato, non esset duplex, sed una processio realiter, cum virtuali tantum distinctione: sicut voluntas in Deo virtualiter solum differt ab intellectu, & est posterior illo, origine tantum virtuali. Neque obstat quod una esset generatio, non verò altera: hoc enim solum arguit distinctionem specificam virtutalem inter illas, non verò realem formalem.

48. Dices: Processio per voluntatem divinam essentialiter petit pro termino impulsu seu amo-

rem personaliter subsistentem: sed amor personaliter subsistens, realiter & personaliter distinguitur à Filio: Ergo processio per voluntatem est sufficiens ratio distinguendi Spiritum Sanctum à Filio.

Respondeo distinguendo Majorem: Processio per voluntatem, ut dicitur ordinem ad principium quod, concedo Majorem: ut dicitur solum ordinem ad principium quod, nego Majorem; & concessa Minori, distinguendum est Consequens distinctione Majoris.

Explicatur: Processio per voluntatem considerari potest pene ordinem ad principium formale, scilicet voluntatem, & pene ordinem ad principium quod, scilicet Patrem & Filium, ut in eadem virtute spiritali communicant. Ex prima ordine solum petit pro termino impulsu, subsistentem subsistentia absoluta: ex secundo petit impulsu personaliter subsistentem in natura divina. Cum ergo in prædicta hypothesis non maneat processio per voluntatem cum ordine ad principium quod adequatum, scilicet Patrem & Filium, sed solum cum ordine ad voluntatem ut in Patre, consequens est quod non maneat cum exigentia termini formaliter constituentis personam, sed adveniatis personæ constitutæ.

Ad testimonium Anselmi, quod aperte videtur favere adversæ sententiæ, respondent aliqui, illum in hujus difficultatis resolutione fuisse valde anxium & dubium. Cui solutioni videtur acquiescere ipsemet Scotus ubi *suprà*, dicens: *Nolo multum circa ejus intentionem immorari. Sed melius responderetur cum D. Thoma quest. 10. de potent. art. 5. ad 2. Anselmum non ex propria sententiæ allegata verba protulisse, sed disputativè tantum, supposita sententiæ Græcorum; distinguendum realiter Spiritum Sanctum à Filio, per hoc solum, quod Filius à Patre per intellectum, & veram generationem producat, Spiritus verò Sanctus per voluntatem, & non nascendo, sed procedendo. Quod autem hæc interpretatio legitima sit, inde colligitur, quod aliis Anselmus dicitur esse aperte contrarius: nam in illo libro de processione Spiritus Sancti, quem adversus Græcos composuit, sæpe repetit & inculcat vulgatum illud Theologorum axioma: *In Divinis omnia sunt idem, ubi relationis oppositio non obviat.**

Obijcies tertio: in data hypothesis, quod Spiritus Sanctus non procedat à Filio, maneret in Filio ratio formalis, quæ illum de facto realiter distinguit à Spiritu Sancto: Ergo maneret Filius realiter à Spiritu Sancto distinctus, & è contra. Consequentia patet: manente enim ratione formali, est, & usque etiam formalis perfectio. Antecedens verò probatur: Ratio formalis distinguendi modò Filium à Spiritu Sancto, est filiatio: At in illo casu filiatio maneret in Filio: Ergo & ratio formalis, quæ illum distinguit à Spiritu Sancto. Major probatur: id est ratio formalis distinguendi, quod est formalis ratio constituendi; At ratio formalis constituendi Filium in ratione personæ, est filiatio: Ergo etiam filiatio est ratio formalis illum distinguendi à Spiritu Sancto.

Huic argumento, quod est præcipuum adversæ sententiæ fundamentum, respondet Cajetanus hic art. 2. negando filiationem esse rationem formalem distinguendi realiter Filium à Spiritu Sancto. Ad probationem autem, desumptam ex eo quod idem est constitutivum & distinctivum, dicit id esse verum in formis absolutis, secus in relativis; nam sicut esse relationis est in ordine ad cor-

49.

50.

51.

relativum, ita distinctio illius solum est à correlativo, unde quia filiation non refert Filium ad Spiritum sanctum, non distinguit realiter ipsum à Spiritu sancto, sed ratio formalis hujus distinctionis est relatio Spiratoris.

52. Hanc solutionem & doctrinam Cajetani impugnant communiter Recentiores, ex eo quod relatio creata non solum à correlativo, sed etiam ab aliis distinguatur realiter, v.g. relatio similitudinis quā unum album ad aliud refertur, non solum ab extremo simili distinguitur, & distinguit realiter suum subiectum, sed etiam ab aliis, live relativis, live absolutis: Ergo falsum est quod Cajetanus asserit, relationem solum à suo correlativo distinguere aut distingui realiter.

53. Verum hi Auctores subtilem Cajetani mentem non perceperunt: ille enim non negat relationem creatam distingui realiter ab aliis ad quæ non refertur: Sed duplicem distinctionem in relatione considerat, unam ipsi & aliis prædicamentis communem, alteram ipsi propriam & peculiarem. Prima non est tantum respectu correlativi, bene tamen secunda: quia distinctio relationi peculiaris, debet esse relativa, ac proinde ad correlativum solum petit terminari. Utique hæc distinctio in relatione creata potest esse realis: quia illi ob sui limitationem non debetur identitas cum his ad quæ non refertur, & ad quæ disparatè se habet. In relatione verò divina illa solum distinctio quæ peculiaris est generi relativo, & quæ ex oppositione relativa provenit, realis esse potest: quia (ut supra dicebamus) in relationibus & attributis divinis (ratione infinitatis & illimitationis quæ gaudent) distinctio ex oppositione disparata proveniens locum habere non potest.

54. Cæterum quamvis hæc Cajetani solutio subtilis sit & acuta, & ab illis Authoribus inefficaciter impugnetur; displicet tamen, nisi juxta infra dicenda intelligatur & explicetur; & replicetur. Primum ex D. Thoma *quest. 10. de Potent. art. 5.* ubi cum sibi in argumento 13. objecisset, quod filiatione est proprietas realiter distinguens Filium a processione, cui tamen relativè non opponitur; non respondet negando filiationem distinguere Filium realiter à Spiritu sancto; sed ait, quod licet filiation non opponatur relativè processioni, procedens tamen relativè opponitur Filio. At si Filius non distingueretur à Spiritu sancto per filiationem, sed per spirationem, facilius argumentum solveret, negando Antecedens: Ergo doctrina ex Cajetano relata, ad mentem D. Thomæ non est.

Secundo, Distinctio Filii à Spiritu sancto personalis est: Ergo à proprietate personali ut à ratione formali præstari debet: At spiratio activa proprietas personalis non est, cum communis sit Patri & Filio: Ergo non per illam formaliter, sed per filiationem distinguitur realiter Filius à Spiritu sancto.

Tertiò, Filiatione ratione sui est incommunicabilis realiter Spiritui sancto; aliàs ratione sui personalitas non esset: Ergo ratione sui Filium realiter à Spiritu sancto distinguit. Hæc ergo solutio prætermittenda.

55. Ad argumentum respondeo negando Antecedens. Ad cujus probationem, distinguo Majorem: Ratio formalis distinguens Filium à Spiritu sancto, est filiation, sub expresso filiationis conceptu quo refertur ad Patrem, nego Majorem. Prout est radix spirationis, concedo Majorem; & distinguo Minorem: maneret in prædicto casu filiation,

A sub primo conceptu, concedo Minorem; sub secundo, nego Minorem, & Consequentiam.

Dices, esse radicem spirationis, est quod commune Patri & Filio: Ergo filiation non distinguit personaliter Filium à Spiritu sancto, sub conceptu radices spirationis sed sub expresso filiationis conceptu. Consequentia videtur bona; nam id quod distinguit personaliter Filium à Spiritu sancto, debet esse Filio proprium & peculiare.

Respondeo quod licet conceptus radices sit communis sit Patri & Filio, talis tamen motus radices peculiaris est filiationi; & sub isto per se, realiter distinguit Filium à Spiritu sancto.

Juxta hanc solutionem, Cajetani doctrina sepe impugnata, potest verum sententiam recipere; unde ibidem ex industria addidimus (nisi juxta infra dicenda intelligatur) nam si quando Cajetanus negat filiationem esse rationem formalem distinguendi realiter Filium à Spiritu sancto, id intelligat de filiatione sub expresso filiationis conceptu quo refertur ad Patrem, verum dicit: secus autem si id neget de filiatione prout est radix spirationis. Similiter cum addit, quod ratio formalis hujus distinctionis est relatio Spiratoris, hoc verum est de relatione Spiratoris, ut ad aliter contenta in filiatione; non autem de relatione Spiratoris in se formaliter considerata. Cum enim (ut supra dicebamus) distinctio Filii à Spiritu sancto personalis sit, à proprietate personali, ut à ratione formali, debet procedere.

C Obijcies tertiò: Dato quod Spiritus sanctus à Verbo tanquam à principio activo non procederet, si tamen Verbum esset conditio ad illius productionem necessaria, realiter distingueretur ab illo: Ergo in hyporheli facta in nostra disputatione, realis inter utrumque perseveraret distinctio. Consequentia patet. Antecedens probatur. Amor creatus distinguitur realiter à Verbo, & tamen, juxta probabiliorē sententiam, non dependet ab illo ut à principio effectivo, sed solum ut à conditione ad ejus productionem necessariā requilita: Ergo similiter, etsi Spiritus sanctus à Verbo tanquam à principio activo non procederet, si tamen Verbum esset conditio ad ejus productionem necessaria, ab illo distingueretur realiter.

Respondeo negando Antecedens: Ad cujus probationem, concedo Antecedente, nego Consequentiam, & obviarem. Ratio discretiva est, quia in creatis, ob limitationem, non solum produciens ut quod, sed et in principium quo, & conditio, seu complementum principii, petunt realiter a termino producto distingui. In Divinis autem, ob infinitatem sicut principium quod non distinguitur realiter à termino, ita nec id quod solum esset conditio principii, peteret realiter à termino producto distingui.

E Dices: Paternitas non est principium productivum Filii, sed tantum conditio vel complementum principii productivi, & tamen realiter à filio distinguitur: Ergo non solum in creatis, sed etiam in Divinis, id quod se habet per modum conditionis, aut complementi principii, petit realiter a termino producto distingui.

Sed nego Consequentiam. Paternitas enim non habet distingui realiter à Filio, ex eo præcisè quod se habeat per modum conditionis, aut complementi principii productivi illius; sed quia est ipsa ratio referendi Patrem ad Filium, & quia concretum illius est principium produciens ut quod.



## ARTICULUS II.

*An Spiritus Sanctus pro principio sui productio duas personas simul spirantes per se postulet?*

62. **N**Egant Scotus & ejus Discipuli in 1. dist. 12. qu. 1. Affirmant D. Thomas locis infra allegandis, & alii Theologi communiter. Unde fit §. I.

*Conclusio affirmativa statuitur.*

**D**ico breviter, Spiritum sanctum pro principio sui productivo per se duas personas exigere, Patrem scilicet & Filium.

63. Probatur primò ex D. Thoma hic art. 4. ad 1. ubi formaliter docet, quòd si attendatur virtus spirativa, Spiritus sanctus procedit à Patre & Filio, inquantum sunt unum in illa: si verò considerentur supposita spirationis, sic Spiritus sanctus procedit à Patre & Filio, ut sunt plures; procedit enim ab eis ut amor unitivus duorum Idem docet quæst. 0. de Potentia art. 2. ad 15. his verbis: *Cum Spiritus Sanctus sit amor unitivus & nexus duorum op. 1. t. quid à duobus spiretur.* Et in 1. dist. 11. quæst. 1. art. 2. & art. 4. ad 2. ponit distinctionem inter creationem, & processionem Spiritus sancti, in hoc quòd creatio est actus trium personarum, non secundum quòd distinguuntur, sed secundum quòd univertur in essentia: quia etiam per intellectum remota distinctione personarum, adhuc remanebit creatio: sed spiratio est actio conveniens pluribus suppositis secundum quòd distinguuntur.

64. Probatur etiam conclusio ratione: Spiritus sanctus ex vi suæ proprietatis personalis quam modò habet, distinguitur realiter à Patre & Filio: Ergo per se, & ex vi ejusdem proprietatis personalis, postulat realiter ab illis procedere. A necedens patet: quia non distinguitur ab illis per accidens, sed per se, atque ita non aliunde quàm ex vi suæ proprietatis personalis. Consequentia verò probatur: quia realis distinctio in Divinis, non est nisi per oppositionem relativam, nec oppositio relativa, nisi ratione originis unius personæ ab alia, ut patet ex dictis articulo præcedenti.

65. Deinde, Amor per se petit procedere, non ab ipsa natura immediatè, ut à principio quod, defectu oppositionis relativæ, sed ab aliqua persona: Constat autem ex dictis ibidem, quòd per se petit procedere à persona Verbi; nec potest negari quin etiam petat per se procedere à Patre: cum ille sit primum principium spiritivum ut quod; & cum hoc ipsum quòd Spiritus sanctus procedit à Filio, ipse Filius à Patre habeat, à quo æternaliter genitus est, ut in Concilio Florentino dicitur: Superest igitur Spiritum sanctum per se postulare ad sui productionem, duas personas spirantes, scilicet Patrem & Filium.

66. Tertiò id efficaciter suadet ratio, quæ D. Thomas locis allegatis insinuat: Spiritus sanctus ex sua proprietate personali habet quòd sit mutui ac reciproci amoris terminus: Sed amor non potest esse nec intelligi mutui ac reciproci, sine pluralitate suppositorum. Ergo Spiritus sanctus ex sua proprietate personali pro principio sui productivo pluralitatem suppositorum ex postulat, Minor patet, Major autem probatur, Spiritus sanctus per se petit ex perfectissimo & fecundis-

**A**lmo amore procedere: Sed hujusmodi amor est amor amicitie mutui ac reciproci; ille enim multò perfectior est amore concupiscentie, vel simplicis benevolentie: Ergo Spiritus sanctus ex sua proprietate personali exigit ex mutuo ac reciproco amore procedere.

**C**onfirmatur: Spiritus sanctus ex vi suæ processionis habet, quòd sit nexus individuus Patris & Filii, ac suavissimum osculum utriusque, ut passim docent SS. Patres, præsertim D. Bernardus *serm. 8. in Cant.* cujus verba infra referemus: At hæc sine amore mutuo & suppositorum pluralitate intelligi nequeunt, ut patet: Ergo Spiritus sanctus, pro principio sui productivo, per se duas personas exigit.

## §. II.

*Solvuntur objectiones.*

**O**bjiciunt primò Scotistæ: Quando in uno supposito est adæquata virtus ad producendum aliquem terminum, per accidens ad productionem illius se habet suppositorum pluralitas: Sed in una solum persona divina, v. g. in Patre, est adæquata vis spirativa, seu productiva Spiritus sancti: Ergo ad ejus productionem pluralitas suppositorum per se non requiritur, sed per accidens se habet.

**C**onfirmatur, & magis illustratur hæc ratio: Pluralitas personarum per se non concurrat ad productionem creaturarum, ut disp. 7. art. 1. docuimus: At id non alià ratione, nisi quia virtus productiva creaturarum est adæquate in qualibet persona, ratione Deitatis: Ergo si vis spirativa ratione Deitatis refideat adæquate in Patre, dualitas personarum ad illius productionem per se non exigitur.

**A**d objectionem respondeo distinguendo Majorem: si in illo supposito sit adæquata virtus, & etiam omnis conditio à termino postulata, concedo Majorem: si aliqua conditio deficiat, nego Majorem; & concessâ Minori, nego Consequentiam: nam licet in Patre sit adæquata virtus, non tamen est in illo omnis conditio à termino postulata, ut constat ex dictis. Unde ad confirmationem, concessâ Majori, nego Minorem: ideo enim pluralitas personarum per se non concurrat ad productionem creaturarum, quia in qualibet persona refidet vis productiva, omnisque conditio à creaturis postulata.

**D**ices, si Patri desit aliqua conditio ad productionem Spiritus sancti requisita, non erit perfectum illius principium: Sed hoc non est dicendum: Ergo nec illud.

**S**ed negatur sequela: Cum enim principii quod perfectio sumatur ex principio quo, & nihil speians ad principium quod desit Patri aut Filio; licet cuilibet illorum seorsim aliqua desit conditio, potest tamen quilibet dici perfectum Spiritus sancti principium.

**O**bjiciunt secundo: Si per impossibile Pater sine Filio maneret, posset spirare, & Spiritum sanctum producere: Tum quia id suppositum articulo præcedenti: Tum etiam quia adhuc Pater haberet voluntatem fecundam: Ergo Spiritus sanctus non petit per se à Patre & Filio procedere. Consequentia patet: quia non alià ratione disp. 7. probavimus, Trinitatem personarum non concurrere per se ad creaturam productionem, nisi quia, si per impossibile Deus esset unus & non trinus, adhuc remaneret creatura.

Re.



72. Respondeo distinguendo Antecedens: posset A producere Spiritum Sanctum, qui esset ejusdem rationis adæquatè cum Spiritu Sancto, qui de facto datur, nego Antecedens; quin non esset adæquatè ejusdem rationis, transeat Antecedens, & distinguo Consequens: Ergo procedere à duobus personis non est de ratione Spiritus Sancti, adæquatè considerati nego: in adæquatè considerati, concedo. Solutio patet ex supra dictis; si enim Spiritus Sanctus à solo Patre procederet, caretet aliquâ proprietate personali, quam habet ex vi suæ processionis, scilicet esse terminum mutui amoris, & suavissimum duarum personarum nexum & osculum.

73. Instabis: In data hypothefi Spiritus Sanctus maneret terminus mutui amoris: Ergo esset ejusdem rationis adæquatè cum Spiritu Sancto, qui de facto datur. Antecedens probatur: quia procederet ex amore, quo Pater & Spiritus Sanctus se mutuò diligenter: Ergo procederet ut terminus mutui amoris.

74. Respondeo negando Antecedens. Ad probationem, distinguo Antecedens: procederet ex amore, quo Pater & Spiritus Sanctus se mutuò diligenter, quatenus esset Patris subjectivè, & Spiritus Sancti objectivè, concedo Antecedens: quatenus esset utriusque subjectivè, seu principiativè, nego Antecedens, & Consequentiam, Amor enim solum intelligitur mutuus adæquatè, quando est subjectivè seu principiativè à duobus suppositis se diligenter, non verò quando est unus principiativè, & objectivè solum alterius.

75. Obijciunt tertio: Ratio mutui nullam addit perfectionem ad amorem divinum: Ergo ex eo, quod Spiritus Sanctus petat procedere ex amore perfectissimo, non rectè inferitur, postulare per se procedere ex amore mutuo, quo se diligunt Pater & Filius, Antecedens probatur: Nam ratio mutui solum addit vel relationem rationis, vel relationes reales personales: At relatio rationis perfectio non est; relationes etiam personales perfectionem essentiali non addunt, ut disp. 3. vidimus: Ergo ratio mutui nihil addit perfectionis ad amorem divinum essentiali.

76. Respondeo primò, quod licet ratio mutui non addat perfectionem, addit tamen modum perfectionis amoris essentiali, & illius complementum; & hoc sufficit, ut Spiritus Sanctus per se procedere petat ex amore mutuo; quia procedere debet ex amore essentiali, ut completo, & terminato, & quasi affectu modo sibi debito. Sicut in Tractatu de Beatitudine docent nostri Thomistæ, quod licet relationes divinarum perfectionem ad essentiali non addant, non tamen fover beatus ille, qui essentiali divinam videret sine personis, dato per impossibile quod ita contingeret: quia de ratione beatitudinis est, non solum perfectiones divinas videre, sed etiam illarum modos, & ad illas prout sunt in se terminari.

Respondeo secundò cum Salmanticensibus hic disp. 15. dubio 5. quod licet relationes & ratio mutui non addant ad amorem essentiali perfectionem entitativè, addunt tamen explicativè, & arguitivè: quia si Deo non conveniret, ex hoc argueretur in illo alicujus perfectionis defectus. Unde cum Spiritus Sanctus petat procedere ex amore essentiali, ut explicante omnem perfectionem, petit procedere ab illo, ut terminato & modificato relationibus paternitatis, & filiationis, & per consequens ex amore mutuo Patris & Filii.

## ARTICULUS III.

An Pater & Filius propriè sint, dicanturque unum Spiritus Sancti principium?

Ratio dubitandi est, quia licet in Patre & Filio sit una virtus spirativa, sunt tamen duo supposita spirantia, & per se ad spirandum requisita: Ergo vel dicendi sunt duo principia, & non unum Spiritus Sancti principium, vel unum & duo. Consequentia probatur: Ad actionem enim non solum concurrunt principium quo, sed etiam suppositum agens ut quod: Ergo si Pater & Filius sint plura supposita spirantia & quod, dici debent plura principia, & non unum, vel ad minus unum & plura; primum, ratione unitatis virtutis, secundum, ratione pluralitatis suppositorum.

Hoc argumento convicti Durandus & Gregorius docuerunt Patrem & Filium duo Spiritus Sancti principia posse dici: Gabriel verò & Okam unum, & plura.

Sed hæc sententia, ut erronea vel temeraria, communiter rejicitur, præsertim ob definitionem Concilii Lugdunensis, relatum in cap. *fidei* de sum. Trinit. & fide Cathol. in sexto, ubi damnantur illi, qui temerario ausu asserere presumperint, quod Spiritus Sanctus à Patre & Filio, tanquam ex duobus principiis, & non tanquam ex uno procedat. Item in Florentino in litteris sanctæ unionis, duo ab omnibus Christianis tanquam de fide credenda lanciantur: primum, quod Spiritus Sanctus à Patre & Filio produciatur; secundum, quod ex utroque, tanquam ab uno principio, & unica spiratione procedit. Ubi particula *tanquam*, non est diminutiva, ut dicit Gregorius, sed expelliva, seu explicativa: sicut cum Joann. 1. dicitur: *Vidimus gloriam ejus gloriæ quasi unigeniti à Patre.*

Eadem veritas suaderi potest duplici ratione D. Thomæ hic arr. 4. Prima est, quia Pater & Filius in omnibus sunt unum, in quibus non obviat relationis oppositio: At in hoc quod est esse Spiritus Sancti principium, non opponitur relativè: Ergo sunt unum principium.

Secunda ratio sumitur ex differentia, quæ inter nomen substantivum & adjectivum reperitur: primum enim, qui formam per modum per se stantis significat, ad sui pluralitatem petit pluralitatem formæ significatæ; adjectivum verò, quia significat formam ut secum non afferentem proprium suppositum, sed ut alteri adjacentem, numerum non à forma, sed à subiectis accipit: At hoc nomen, *principium Spiritus Sancti*, substantivum est, & forma significata (virtus scilicet spirativa) non pluralitatem in Patre & Filio, sed unica in illis est, sicut & unica essentia ac voluntas: Ergo Pater & Filius sunt, & dici debent, non duo principia Spiritus Sancti, sed cum proprietate unum.

Ad rationem verò dubitandi Molina hic disp. 2. Nazarius contrav. 2. & Becanus tract. de Trinit. cap. 6. respondent principium spirativum non supponere immediate pro Patre & Filio, sed pro spiratore ut quod, utrique communi, & ratione ab illis distincto, consistente in relatione spirationis, subsistente ut quod in natura & voluntate divina. Unde sicut non obstante quod tres personæ divine personaliitate distinguantur, dicuntur unus Deus, & unus Creator, eo quod

hic Deus ut subsistens, unus sit, & illis communis: ita Pater & Filius sunt unum Spiritus Sancti principium, quia in una ratione Spiratoris subsistens ut quod conveniunt.

81. Hæc tamen solutio & doctrina displicet communiter nostris Thomistis. Et rejicitur primò, quia D. Thomas hic art. 4. ut salvet, Patrem & Filium esse unum principium spirituum, non recurrit ad unum subsistens, distinctum ratione à Patre & Filio, sed ad unam virtutem spirativam, ut constabit ex infra dicendis.

82. Secundò, quia idem S. Doctor ibidem in respons. ad 4. docet in hac propositione. *Pater & Filius sunt unum principium Spiritus Sancti*, prædicatum non habere determinatam suppositionem: At si daretur hic Spiritor communis, subsistens ut quod, pro quo ly principium supponeret, prædicatum determinatè suppositione gauderet: sicut prædicatum hujus propositionis, *Tres persone sunt hic Deus*, determinatè supponit, quia pro prior ad relationes Deitas subsistit ut quod: Ergo D. Thomas non admittit unum subsistens distinctum ratione à Patre & Filio.

83. Tertiò, idem Doctor angelicus in 1. dist. 11. *quest. 1. artic. 4. ad 2.* inter creationem & spirationem hoc discrimen constituit, quòd illa est actio naturæ, ista verò personalis: At prima, quia non est notionalis seu personalis, petit pro principio subsistens ut quod, toti Trinitati commune: Ergo quia spiratio est notionalis ac personalis, petit à persona solum provenire; & consequenter subsistens commune Patri & Filio non poterit esse principium spirans ut quod.

84. Quartò, spiratio activa non effertur secum propriam subsistentiam: Ergo principium spirativum non est unum subsistens distinctum virtualiter à Patre & Filio. Consequentia patet, Antecedens probatur. Subsistentia dupliciter accipitur, vel pro persone opposita dependenti ab alio, ut sustentante, vel pro persone opposita communicationi, ut suprà ostensum est: At relatio spirationis ratione sui formaliter non est subsistentia in priori acceptione; sed ut (ut ibidem demonstravimus) aliarum relationes ratione sui subsistentia sic accepta non gaudent; sed solum ratione essentiae, quæ in illis includitur; nec etiam in secunda acceptione, aliàs esset personalitas: Ergo &c.

85. Denique, Pater in Divinis est primum spirandi principium: At si daretur subsistens commune spirans ut quod, virtualiter à Patre & Filio distinctum, Pater non esset primum spirandi principium, sed potius illud commune subsistens: Ergo &c. Hæc ergo solutio rejicitur.

86. Ad rationem dubitandi respondeo, concessio Antecedente, negando Consequentiam. Ad cujus probationem, nego etiam Consequentiam, ob rationem traditam, probando nostram sententiam: quia scilicet principium, nomen substantivum est, & idcirco ad sui pluralitatem multiplicationem formæ desiderat. Quia ergo, etsi duo sint supposita, est tamen una virtus spirativa, de formali significatione nomine principii spirativi, hinc fit, quòd Pater & Filius non dicantur duo principia spirativa, propter suppositorum pluralitatem; sed unum, propter unitatem spirativæ virtutis. Sicut tres personæ SS. Trinitatis appellari non possunt plures Divi: quia licet sine plura supposita, forma tamen significata hoc nomine, *Deus*, scilicet Deitas, seu natura divina, una est in illis & immultiplicata.

Dices, si plures personæ divinæ eandem humanitatem assumerent, dicerentur plures homines, ut docet Cajetanus 3. parte *quest. 3. art. 6. & 7.* Ergo licet unica sit virtus spirativa in Patre & Filio, poterit tamen, propter suppositorum pluralitatem, plura principia appellari.

Respondeo primò negando Antecedens: hæc enim sententia Cajetani rejicitur communiter à Thomistis in Tractatu de Incarnatione, ubi docent, quòd si plures personæ divinæ unam naturam assumerent, vel una persona plures naturas, non essent plures homines, sed unus; de quo ibidem dicemus.

Respondeo secundò, dato Antecedente, negando Consequentiam & paritatem. Nam qui sententiam Cajetani tenent, fundatur in eo quòd ille terminus, *homo*, dictus de divinis personis, haberet proprietates aliquas termini adjectivi; quia humanitas eis adveniret, absque identitate cum illis: principium autem de Patre & Filio, & Deus de tribus personis, substantivè omnino dicuntur, & idcirco par est ratio.

Dices rursus: Quando dicitur quòd Pater & Filius sunt unum principium Spiritus sancti, non potest assignari aliquid, pro quo supponat ly *unum principium*: Ergo vel non sunt unum principium, vel saltè admitti debet Spiritor communis subsistens, pro quo supponat, ut docent Molina & Nazarius. Consequentia patet, Antecedens probatur. Ly *unum principium* non supponit pro Patre, aliàs falsò de Filio diceretur; nec pro Filio, aliàs non posset verè affirmari de Patre; nec pro utroque simul, aliàs de nullo illorum seorsim posset enuntari: Ergo nihil pro quo supponat assignari potest; præsertim, si huic Spiratori communis subsistentia denegetur.

Respondeo negando Antecedens, ad cujus probationem dicendum est, in hac propositione: *Pater & Filius sunt unum principium Spiritus sancti*. ly *unum principium*, supponere pro Patre & Filio copulativè, seu collectivè; ex quo non sequitur, non posse verè affirmari de Patre & Filio seorsim: nam quando de illis sic prædicatur, non supponit collectivè pro utroque, sed pro subsistente in virtute spirativa, communi utrique communitate reali ex parte virtutis, & communitate solum per rationem ex parte subsistentiæ, non verò reali, ut existimant Molina & Nazarius. Quod rectè declaratur exemplo hujus propositionis: *Pater & mater sunt causa filii*: in qua prædicatum pro utroque parente supponit, quia uterque ad generationem filii requiritur. In his tamen propositionibus: *Pater est causa filii*: *mater est causa filii*: prædicatum non supponit collectivè pro utroque, sed pro principio filii abstractè ab activo & passivo.

Ex quo intelliges, quòd dum S. Thomas hic art. 4. ad 4. dicit prædicatum hujus propositionis: *Pater & Filius sunt unum principium Spiritus sancti*: non habere suppositionem determinatam, sed confusam pro duabus personis; non sumit ibi suppositionem confusam in rigore dialectico, sicut quando dicitur, *alter oculus est necessarius ad videndum*; sed per suppositionem confusam, intelligit copulativam, seu collectivam; & solum intendit docere, quòd sumendo principium Spiritus sancti adæquatè, ut dicit virtutem spirativam, & omnem conditionem ad spirandum necessariam, non supponit determinatè pro Patre, nec determinatè pro Filio, sed

pro

87.

88.

Dist. 4. art. 5.

89.

90.

91.

92.

pro Patre & Filio, per modum cuiusdam collectionis. Sicut in creatis quando dicitur, quod pater & mater sunt causa filii: si ly, causa, sumatur adequatè pro principio totali & adæquato generationis, nec pro solo patre, nec pro sola matre supponit sed pro utroque parente, per modum cuiusdam collectionis. Ita enim se explicat S. Doctor ibidem in respons. ad 6. ubi ait, quod ly, principium, supponit confusè & indistinctè pro duabus personis simul.

93. Ex dictis colliges, quòd licet Pater & Filius non possint dici duo Spiratores, possunt tamen duo Spirantes appellari: quia ut ait S. Thomas ubi supra in respons. ad 7. *Spirans, nomen adiectivum est, Spirator verb, substantivum: unde Pater & Filius sunt duo Spirantes, propter pluralitatem suppositi; non autem duo Spiratores, propter unitatem spirationis.* Et in hoc sensu ibidem docet intelligendum esse Hilarium, cum dixit 1. de Trinit. *Spiratum sanctum esse à Patre & Filio auctoribus;* ibi enim (inquit) ponitur substantivum pro adiectivo.

94. Ad complementum huius dispositionis, quæres primò, quam relationem potentia spirativa de connotato importet? an relationem spirationis, an verò relationes paternitatis & filiationis?

Respondeo illam de connotato importare relationem Spiratoris, paternitatem verò & filiationem esse solum conditiones requisitas in principio spirante ut quod. Ita intelligitur ex D. Thoma hic art. 4. ad 1. ubi ait: *Si attendatur virtus spirativa, Spiritus sanctus procedit à Patre & Filio, in quantum sunt unum in virtute spirativa, quæ quodammodo significat naturam cum proprietate.* Ut autem insinuet, quænam esset illa proprietas, subiungit: *Neque ista inveniuntur unam proprietatem esse in duobus suppositis, in quibus est una natura.* Quibus verbis manifestè declarat, quòd proprietas illa, quam importat virtus spirativa simul cum natura, est relatio spirationis activæ: quia illa sola est communis Patri & Filio.

95. Ratio etiam id suadet: Id enim est connotatum à principio quo productivo, quo principium quod respicit terminum productum; cum nò possit principium intelligi line ordine ad terminum: A c Pater & Filius non respiciunt Spiritum sanctum per paternitatem & filiationem, sed per relationem Spiratoris: Ergo non paternitas & filiatio, sed relatio Spiratoris connotatur à principio quo spirativo.

Præterea, si potentia spirativa paternitatem & filiationem de connotato importaret, non esset communis Patri & Filio: quia nulli ex illis adæquatum illius connotatum competeret nam nec Patri filiatio, nec Filio paternitas competit.

96. Dices: Spiritus sanctus per se procedit ex amore mutuo, ut articulo præcedenti ostendimus: Sed amor non potest esse mutus, nisi paternitas & filiatio in principio spirativo intelligantur: Ergo paternitatem & filiationem de connotato importat.

Respondeo distinguendo Minorem: nisi in principio spirativo intelligantur, in principio spirativo ut quod, concedo Minorem: in principio spirativo ut quo, nego Minorem, & Consequentiam. Ut enim amor sit & intelligatur mutus, sufficit quod paternitas & filiatio sint conditiones requisitæ in principio spirante ut quod, non autem requiritur quòd sint connotatum seu complementum potentia spirativæ, seu principii spirativi ut quo.

97. Dices rursus: Relatio solum ponitur ex parte

A principii, ut aliquo modo realiter distinguatur à termino: Sed per paternitatem & filiationem principium spirativum sufficienter à Spiritu sancto distinguitur: Ergo per illas sufficienter completur in ratione principii.

Respondeo primò negando. Majorem: nam etiam relatio ponitur ex parte principii, ut terminum sub ratione producti respiciat, quod per paternitatem & filiationem principium spirativum habere non potest.

Secundò respondeo negando Minorem: licet enim per paternitatem & filiationem Pater & Filius realiter à Spiritu sancto distinguantur, illa tamen distinctio est solum radicalis, & veluti inchoativa: quia non provenit à paternitate & filiatione, nisi quatenus radicaliter continent spirationem; unde ista adhuc requiritur, ut formaliter & completè à Spiritu sancto distinguantur.

Quæres secundò, ex quorum amore Spiritus sanctus procedat?

Huius quæstio solutio facile haberi potest ex dictis supra de Processione Verbi: unde breviter responderetur, Spiritum sanctum procedere ex amore omnium quæ sunt formaliter in Deo, id est essentia, attributorum, & personarum; non verò ex amore creaturarum, sive possibilem, sive existentium, sive futurarum, quæ in Deo eminenter tantum continentur.

Prima pars huius responsonis patet, nam Spiritus sanctus procedit ex amore perfectissimo: Sed amor perfectissimus, est amor omnium: quæ sunt formaliter in Deo: Ergo Spiritus sanctus procedit ex amore omnium quæ sunt formaliter in Deo; hoc est essentia, attributorum, & personarum.

Secunda verò probatur: Creaturæ possibiles non sunt diligibiles à Deo, vel eò quòd in statu mere possibilitatis omni bonitate careant, ut aliqui existimant: vel quia licet gaudeant bonitate transcendentali, quæ dicit integritatem in proprio ordine, carent tamen bonitate formali, quæ consistit in convenientia respectu alterius, ut alii probabiliter sentiunt: de quo diximus in Tractatu de Voluntate Dei.

Tertia etiam pars ostenditur: Processio Spiritus sancti est naturalis & necessaria. Sed amor creaturarum, sive existentium, sive futurarum, est liber: Ergo non potest per se concurrere ad processionem Spiritus sancti, sed ad illam merè per accidens & concomitanter se habet sicut diximus de scientia futurorum contingentium in ordine ad productionem Verbi. Unde quando S. Thomas hic art. 2. ad 3. ait: *Si ut Pater dicit se, & omnem creaturam, Verbo quod genuit, ita diligit se, & omnem creaturam, Spiritu sancto: solum intendit, quòd sicut cognitio productiva Verbi, concomitanter se extendit ad creaturas existentes & futuras; ita amor quo Spiritus sanctus producit, concomitanter ad illas terminatur.* Quòd etiam significare voluit D. Bernardus, cum in Tractatu de vita solitaria docuit, quòd in osculo Patris & Filii, ex quo Spiritus sanctus procedit, medium quodammodo se invenit anima sancta. Per hoc enim solum intendit, quòd eodem amore & osculo, quo Pater & Filius spiritum sanctum producant, electos suos secundariò, vel concomitanter diligunt, & veluti osculantur.

Disp. 1.  
Art. 4.  
§. 3.



## DIGRESSIO PRIMA

## De tribus Nominibus Spiritus Sancti propriis.

Quilibet ex personis divinis tria sibi propria habet & peculiaria nomina: Patris, Ingentis, & fontalis principii, prima: Filii, Verbi, & Imaginis, secunda. Spiritus Sancti, Amoris, & Doni, tertia. De primo tertie personae nomine agit D. Thomas *quest. 36. art. 1. de aliis vero quest. 37. & 38.* Nos vero de illis in hac Digressionem breviter disseremus.

## §. I.

## Cur tertia sanctissima Trinitatis persona Spiritus Sanctus appelletur.

99: **V**ariæ solent huius nominis assignari rationes. Prima sumitur ex D. Thoma 4. contra Gent. cap. 19 ubi sic discuitur: *Quia amatum in voluntate existit, ut inclinans, & quodammodo impellens intrinsecus amantem in ipsam rem amatum; impulsus autem rei viventis ab interiori, ad spiritum pertinet; convenit Deo per modum amoris procedenti, ut spiritus dicatur, ejus spiratione quasi quoddam aspiratione existente. Hinc est quod Apostolus spiritus & amoris impulsus quemdam attribuit: dicitur enim ad Rom. 8. Qui spiritus Dei agitur, hi filii Dei sunt. Et 2. ad Corinth. 3. Charitas Christi urget nos.*

100. **A**ddo quod Spiritus Sancti processio plures & egregias cum respiratione nostra habet similitudines & analogias. Sicut enim ab interiori corporis, nempe à corde, pulmone, & visceribus, respiratio provenit; ita & dilectio quâ Spiritus Sanctus procedit, intima ac visceralis est, & ex infinita Patris ac Filii bonitate proveniens. Sicut respiratio à calore cordis capitur, ita & divina illa spiratio ex infinito charitatis ardore procedit. Sicut respiratio continua est, & nunquam interumpitur, quando homo vivit; ita & suavissima illa Patris & Filii dilectio & spiratio, æterna est, & omnis successione ac vicissitudinis expers. Sicut respiratio est actio maximè vitalis, & vitæ corporeæ conservativa; ita & illa dilectio est perfectissima vitæ divinæ operatio. Unde Athanasius relatus à D. Thoma opusc. 1. cap. 7. de Arianis loquens, qui negabant Filium & Spiritum Sanctum esse consubstantiales Patri, sic ait: *Mutum faciunt Patrem & sine verbo, qui omnibus rationalibus facultatem dedit loquendi. Mortuum etiam ipsum Patrem dicunt, & expertem viventis nature, inquantum scilicet negant Spiritum Sanctum coessentialium Patri. Illi concinunt Cornelius Mollus, dum in libro de divina Historia hæc scribit: An non habet Verbum Deus, ut sit mutus? An non habet Spiritum, ut sit mortuus? Loquitur Deus, & erudit Verbum: vivit Deus, & spirat Spiritum. Verè inquam spirat, non emittit solum, sed attrahit & retinet. Si homo emitteret spiritum, & non attraheret, non viveret. Porro alium aërem attrahit, alium remittit, suspirat, ut respiret. At verò Deus eundem spiritum à se emittit, & in seipso retinet: ideoque non tantum spirat, sed etiam respirat. Denique sicut respiratio fovet calorem nativum, & nimium cordis ac pulmonum ardorem, dulci refrigerio temperat: ita Spiritus Sanctus in nobis ardorem concupiscentiæ refrigerat,*

**A** & divini amoris calorem & flammam, suavisimo suarum inspirationum statu nutrit & fovet. Unde ab Ecclesia, in astu temperies, ac dulce refrigerium appellatur.

Itaque cum tertia sanctissima Trinitatis persona, à Patre & Filio, ut suavisimum utriusque halitus, & aura lenis procedat; ejus processio, spiratio convenienter appellatur, & illi nomen Spiritus rectè convenit: præsertim cum sit veluti osculum Patris & Filii, ut infra ex D. Bernardo referemus. Sicut enim personæ se se osculantes spiritum & halitum è corde emittunt, & immittunt ad invicem: ita Pater osculando Filium, sacram amoris sui auram efflat; quâ (ut infra ostendemus) nedum ipse vivit, sed omnia extra se vivificat,

**B** Præterea nomen Spiritus ideo tertie appropriatur personæ, quod suis donis nos spiritualiter efficiat, & in quandam divinæ spiritualitatis trahat participationem. Unde Magister in 1. distinctione 18 dicit duplicem nos accepisse à Deo Spiritum, unum quo essemus, & alium quo sancti & spirituales essemus. Nam spiritu creato, qui est anima rationalis, sumus; spiritu autem increato, qui est Spiritus Sanctus, spirituales & sancti sumus. Homo enim (inquit Basilii) spiritu Sancto sanctum animal factum est. Utrumque Spiritum Deus Adam in sua creatione infudit, juxta illud Genes. 2. Formavit hominem de limo terræ, & insufflavit in faciem ejus spiraculum vite. Sed quia per peccatum spiritum gratiæ & charitatis amisit; ejus culpâ condignâ satisfactione deletâ, Christus post mortem & resurrectionem suam, rursus insufflavit, & dixit Discipulis suis: Accipite Spiritum Sanctum. Ita præclare Ambrosius, verba allegata Genes. expendens: *Insufflaverat tibi Deus (inquit) ut inspirationis sua dono haberes gratiam, quam tibi culpa sustulerat: factus eras in animam viventem sed quia peccator signaculum tenere non potuit, propterea venit Jesus, & cum hæc dixisset, insufflavit dicens: Accipite Spiritum Sanctum.*

**D** Spiritualitati convenienter adiungitur sanctitas, & tertia sanctissima Trinitatis persona, merito Spiritus Sanctus nuncupatur. Licet enim sanctitas sit aliquod attributum, tribus personis commune, ut sacrum declarat trisagium, quod Seraphici Spiritus Isaia 6. decantant: speciali tamen titulo Spiritui Sancto tribuitur, quia illi ex vi processione, & ratione proprietatis personalis convenit, ut docet sanctus Thomas in 1. dist. 10. qu. 1. art. 4. ad 4. ubi sic discuitur: *In opere natura non est vivere rectum & non rectum; quia natura semper eodem modo operatur: bene tamen in opere voluntari; quia voluntas non semper eodem modo operatur: & ideo convenienter sanctitas, quæ rectitudinem voluntatis importat, adiungitur processioni Amoris, & non generationi quæ est opus nature.*

**E** Confirmatur: si Actus charitatis, quæ est solam quædam imperfecta divini amoris participatio, & veluti quædam scintilla, ex illo purissimo divine charitatis igne in cor humanum progrediens, perfectissime creaturam rationalem sanctificat, & omnia ejus delet peccata, juxta illud Christi ad Magdalena: *Vimissa sunt ei peccata multa: quoniam dilexit multum; quanto magis perfectissima illa dilectio, & suavissima Patris ac Filii spiratio, erit actus infinitæ sanctitatis, & terminus illius purissimus & sanctissimus.*

Deinde divinus ille Spiritus, rectè Sanctum appel-

101.

102.

103.



appellari potest: quia est creaturæ rationalis sanctificator, & totius sanctitatis fons & origo. Nam, ut ratiocinatur Doctor angelicus in 1. dist. 15. quest. 5. art. 1. ad 1. in compendio Theologiae cap. 47. sanctum tribus modis sumitur: Primum pro eo quod est purum ac mundum; & sic sanctificatio dicitur emundatio à peccato per gratiam. Secundum sanctum idem est quod cultui divino deputatum & consecratum; & hoc modo dicitur templum sanctificari, sicut & vasa quæ ad ministerium templi serviunt; sed multò magis rationalis creatura, quando ad obsequium Dei applicatur. Tertiò sanctum idem est quod firmum, seu in bono confirmatum. Et in his tribus modis sanctus Spiritus Sancto appropriatur. Ille enim per infusionem gratiæ sanctificantis creaturam rationalem mundat & purificat; & ubi à terrenis affectibus humana corda separavit, illa Deo arctissimo charitatis nexu coniungit. Ex quo secundus erumpit sanctitatis radius, videlicet consecratio, & divino cultui addictio & applicatio: amor enim est principium ordinationis in Deum, & id per quod maxime dedicamur & consecramur Deo. Et tandem animam à terrenis affectibus separatam, & Deo consecratam, in virtute firmat ac confirmat, illique immobilitatem quandam in bono tribuit; quæ tertius est sanctitatis radius, seu character.

## §. II.

*Cur Spiritus Sanctus, amor appelletur?*

104. SECUNDUM Spiritus Sancti nomen est amor, quod duplici titulo ei convenit: Primum ex vi processionis & proprietatis personalis. Sicut enim ex hoc, quod aliquis rem aliquam intelligit, provenit aliqua intellectualis conceptio reintellectæ in intelligente, quæ dicitur verbum: ita ex hoc, quod aliquis rem aliquam amat, provenit quædam impressio, ut ita loquar, rei amata in affectu amantis, secundum quam amatum dicitur esse in amante, sicut & intellectum in intelligente. Et hæc amor seu impulsus appellari solet, ut supra dist. 2. art. 4. ex S. Doctore ostendimus.

105. SECUNDUM Spiritus Sanctus amor nuncupatur, ratione suæ operationis, quatenus scilicet nos reddit amantes, nobis infundendo gratiam & charitatem, per quam amici & amatorum Dei constituimur, juxta illud Apostoli ad Romanos 5. *Charitas Dei diffusa est in cordibus nostris per Spiritum Sanctum, qui datus est nobis.* Nam ut discurret S. Thomas 4. contra Gentiles cap. 21. ca. quæ à Deo in nobis sunt reducuntur in Deum, sicut in causam efficientem & exemplarem: in causam quidem efficientem, in quantum virtute operativâ Dei aliquid in nobis efficitur: in causam verò exemplarem, secundum quod id, quod in nobis à Deo est, aliquo modo Deum imitatur. Cum ergo eadem virtus sit Patris, & Filii, & Spiritus Sancti, sicut, & eadem essentia, oportet quod omne id, quod Deus in nobis efficit, sit sicut à causâ efficiente, simul à Patre, & Filio, & Spiritu Sancto. Verbum tamen sapientiæ, quo Deum cognoscimus, est propriè repræsentativum Filii, & similiter amor, quo Deum diligimus, est proprium repræsentativum Spiritus Sancti; & sic charitas quæ in nobis est, quamvis sit specialis Patris, & Filii, & Spiritus Sancti, tamen speciei quædam ratione dicitur esse in nobis per Spiritum Sanctum, juxta illud A-

Tom. II.

A postoli ad Romanos 5. *Charitas diffusa est in cordibus nostris per Spiritum Sanctum qui datus est nobis.* Ad quod respiciens Bernardus Epist. 107. sic exclamat: O geminum, ipsūque firmissimum Dei erga nos amoris argumentum! Christus moritur, & meretur amari. Spiritus afficit, & facit amari. Ille facit cur ametur, iste ut ametur. Ille suam multam dilectionem in nobis commendat, iste & dat. In illo cernimus quod amemus, ab isto suum unde amemus. Charitas inquit ab illo occasio, ex isto affectio.

## §. III.

*Cur nomen Domini Spiritui Sancto attribuitur?*

106. TERTIUM nomen Spiritus Sancti est Donum, quod etiam personali proprietate ei competit. Ut enim jam ostendimus, Spiritus Sanctus procedit ut amor notionalis Patris & Filii; amor autem est primum donum quod confertur amico, & ad quod cætera consequuntur: Ergo Spiritus Sanctus ex sua proprietate personali habet quod sit Donum.

Confirmatur, & illustratur hæc ratio ex D. Thoma hic artic. 2. ubi ait: *Donum propriè est datio irreducibilis, secundum Philosophum, id est quod non datur intentione retributionis; & sic importat gratitudinem donationem: ratio autem gratiæ donationis est amor; ideo enim damus gratiæ aliquid, quia volumus ei bonum. . . .* Manifestum est, quod amor habet rationem primi datiois, per quod omnia dona gratuita donantur. Unde cum Spiritus Sanctus procedat ut amor, procedit in ratione domini primi. Quare Joann. 9. Filius dicitur nobis ex amore datus: Sic Deus dilexit mundum, ut Filium suum unigenitum daret. Et primò ad Corinthios 12. *Alii datur per Spiritum sermo sapientiæ, alii autem sermo scientiæ secundum eundem Spiritum.* Et postea inulcis donis enumeratis sic concludit Apostolus: *Hæc autem omnia operatur unus atque idem Spiritus, dividers singulis prout vult.* Denique ubi Christus Matth. 7. dicit: *Si vos, cum sitis mali, nosti bona data dare filiis vestris,*

D *quantò magis Pater vester dabit bona petentibus se.* Lucas cap. 11. ait: *Quantò magis Pater vester dabit Spiritum bonum.* Id est (ut explicat Athanasius) Spiritum Sanctum, qui est donorum omnium maximum, & inexhausta bonorum omnium, quæ in nos à Deo fluunt, origo. Nam (inquit Basiliius) per Spiritum Sanctum datur in paradysum restitutio, in regnum celorum reditus, in adoptionem filiorum reverisio, datur fiducia Deum appellandi patrem, consortem fieri gratiæ Christi, filium in suum appellari, æternæ gloriæ participem esse, & ut semel omnis dicam, esse in omni benedictionis plenitudine. Ipse (addit Chrysostomus) nostra imaginis est reformatio, mentis perfectio, anime instauratio. Spiritus Sanctus author est fidei in Deum, & Spiritu mentalium oculorum nostrorum Sol, interni nostri hominis lux. Lucifer in pectore celo. Spiritus Sanctus ipse opulentia filiorum Dei, ipse æternorum bonorum thesaurus, ipse Arrabon & pignus æterni regni, ipse primitia vitæ æternæ, ipse signaculum gratiæ Baptismi. Spiritus Sanctus ipse solum facit quod nos à Deo in filios adoptati sumus, ipse corda nostra Deo conglutinat. Spiritus Sanctus ipse cibus est diligentiam Christi, quo nunquam satiantur. Ipse potus est animarum filiorum Dei, ipse charitas eorum qui sibi conjuncti sunt. Spiritus Sanctus copula est unionis nostræ cum Christo, animarum exultatio, cordis tripudium; Spiritus Sanctus lugentium consolatio, maestitudo depositio, mentis requies, sapientiæ communicatio, prudentia inven-

L. 16. de Spiritu Sancto.

Serm. 2. de Spiritu Sancto.

tio. prescientia illustratio. Hoc Propheta illustrantur, hoc idiotia sapientiā conduuntur, Spiritu Sancto Reges inunguntur, Sacerdotes ordinantur, Doctores illuminantur, Ecclesie sanctificantur, altaria fundantur, unguentum consecratur, aquae purgantur, Demones abiguntur, morbi curantur. Illic Spiritus (subdit Cyrtianus) rubri maris aquas siccavit, & suspensis hinc inde vehementibus fluitibus ab ollis carnum, & Aegypti pulmentariis, populum ad spiritalem eremi libertatem eduxit incolorem; & alimentu celestibus pavit, manna quasi rorem matutinum insensuens graminiis, quod colligi iussu est ad mensuram.

107. Dux tamen circa hoc nomen occurrunt difficultates, breviter hic resolvendae. In primis enim donum debet esse illius a quo datur: unde cum Spiritus Sanctus non possit dici esse Patris & Filii (hoc enim dominium & subjectionem importare videtur, quae inter personas divinas reperi nequeunt) Spiritus Sanctus donum Patris & Filii appellari nequit.

Præterea, cum donum duplicem respectum importet, unum ad personam a qua datur, alium ad personam cui datur; & nulla creatura ab æterno existat, cui Spiritus Sanctus donari possit; nomen do-ni non videtur posse Spiritui Sancto ab æterno, ratione lux processionis, ac proprietatis personalis, competere; sed solum in tempore, & per extrinsecam designationem a creaturis desumptam.

108. Verum primam difficultatem resolvit D. Thomas hic art. 1. ad 1. ubi docet donum esse posse alterius tripliciter; vel per modum identitatis, quasi a dante indistinctum, vel per modum possessionis, quasi danti subditum; vel per modum originis, quasi a dante originatum seu procedens. Primo modo essentiae divinae convenit esse donum; & hoc sensu Hilarius dicit lib. 8. de Trinit. divinam essentiam esse donum, quod Pater dat Filio; quatenus scilicet per modum identitatis eam habet. Secundo autem modo gratia sanctificans, habitus charitatis, & alia bona creata, dona Dei esse dicuntur. Tercio denique modo, Spiritus Sanctus donum Patris & Filii appellatur, quia ab utroque procedit.

109. Secundæ etiam difficultati occurrit idem angelicus Doctor ibidem respons. ad 4. ubi dicit: Donum non dicitur ex eo, quod actu datur: sed in quantum habet apertitudinem ut possit dari: unde ab æterno divina persona dicitur donum, licet in tempore detur. Quam doctrinam ex Augustino desumpsit lib. 5. de Trinit. cap. 15. ubi de Spiritu Sancto loquens, ait: Quia sic ab æterno procedebat, ut esset donabile, jam donum erat, & antequam esset cui donaretur. Aliter enim intelligitur cum dicitur donum, aliter cum dicitur donatum: nam donum potest esse, & antequam detur: donatum autem, nisi datum fuerit, nullo modo dici potest.

\* \*

\*

## DIGRESSIO SECUNDA.

De aliis nominibus Spiritus Sancto propriis, vel appropriatis.

PRÆTER tria nomina jam explicata, quæ personalia sunt, plura alia recenseri solent, quæ vel sunt illi propria, vel saltem appropriata.

In primis solet Spiritus Sanctus Patris & Filii nexus, seu indissolubile Trinitatis vinculum appellari: quia est amor notionalis Patris & Filii; amor autem est ignea catena, flammæque nexus, quæ amantium corda inter se copulantur; sive (ut ait Augustinus) vitta coccinea duos copulans, vel copulare appetens, amantem scilicet, & amatum: unde & Dionysius amorem definit. vim unitivam; & unionem inter præcipuos amoris effectus enumerat, itaque Spiritus Sanctus Patris & Filii nexus convenientissimè appellatur: tripliciter namque uniuntur Spiritus Sanctus Trinitatis Personæ, unitate scilicet essentiae, attributorum identitate, & individui amoris affectu; sive (ut loquitur S. Thomas) per consonantiam & convenientiam amoris: quia citi per impossibile poneretur, quod non essent unum in essentia & attributis, ad perfectam tamen iucunditatem oporteret in illis intelligi unionem amoris.

Deinde Spiritus Sanctus, individuus Patris & Filii nexus dicitur, quia exit a Patre & Filio per eandem habitudinem, quæ est communis spiratio, & ad illos unica passiva spirationis relatione refertur. Unde hoc etiam nomen Spiritui Sancto proprium est. Licet enim Pater Filium & Spiritum Sanctum respiciat, & Filius Patrem & Spiritum Sanctum: tamen nec Pater potest dici Spiritus Sancti & Filii nexus; nec Filius Patris & Spiritus Sancti vinculum appellari: quia Patet diversis relationibus Filium & Spiritum Sanctum respicere, illum paternitate, istum spiratione. Et similiter Filius per filiationem refertur ad Patrem, & per spirationem ad Spiritum Sanctum.

Ex hoc nomine derivatur aliud: nam Spiritus Sanctus, non solum individuus Patris & Filii nexus, sed etiam suavissimum utriusque osculum nuncupari solet. Quod egregiè expendit & declarat D. Bernardus serm. 8. in Cant. ubi hæc verba Spontæ: Osculetur me osculo oris sui, explicans ait: Sicuti Pater osculans, Filium osculatus accipitur, non eris abs re osculum Spiritum Sanctum intelligi, utpote qui Patre Filique imperturbabilis pax sit, gluten firum, individuum amor, indivisibilis unitas.

Tertiò idem amoris Spiritus, vinculum & nexus est, quo proximo copulamur. Quod enim (inquit Augustinus) est anima corpori humano, hoc est Spiritus Sanctus corpori Christi, quod est Ecclesia. Hoc agit Spiritus Sanctus in tota Ecclesia, quod agit anima in singulis corporis nostri membris, Anima, ut docet Seneca, vinculum est, quo singula ejus membra coherent: Spiritus Sanctus nexus est Ecclesie, quo omnia ejus membra mystica conjunguntur; & funiculus ille triplex, qui difficile rumpitur, ut dicitur Eccles. 4. Et enim fideles triplici nexu conjunguntur & copulantur: unitate scilicet fidei, & caritatis in via, & claræ visionis in patria. Unde Pater unionem merito appellatur, naturæ vinculum, gratiæ gluten, Christianorum pax & harmonia, omnium.

omniumque creaturarum felicissimum hymen. Et Job. 25. dicitur facere concordiam in sublimibus : quia terrenis cœlestia, humana divinis, supra in infimis, Verbum & carnem in Christo, virginitatem & cœcunditatem in Maria, libertatem & efficaciam gratiæ in homine, mirabili nexu, ac indissolubili tectere sociavit.

114. Quartus Spiritus Sanctus Pateris & Filii gaudium seu complementum appellari potest: producit enim per amorem, quo Pater sibi complacet in Filio, ac in illo suavissimè delectatur; juxta illud Zenonis Veronenfis : *Laturus Pater in alio se quem genuit ex se.* Unde sicut Apostolus ad Galat. 3. ait, gaudium esse fructum Spiritus Sancti, ita etiam meriti dicere possumus Spiritum Sanctum esse fructum gaudii, quo Pater ab æterno gaudet & lætatur in Filio.

115. Quinid Spiritus Sanctus, Paracletus seu consolator noncupari solet. Nam, ut dicitur S. Thomas 4. contra Gentes cap. 22. *Proprium amicitie est, quod aliquis in presentia amici delectetur, in ejus veris & factis gaudeat, ac in eo consolationem contra omnes anxietates inveniat : unde in tristitia maxime ad amicos consolationis causâ, confugimus.* Quia igitur Spiritus Sanctus Dei nos amicos conjuvit, & eum in iudiciis habitare facit, & nos in ipso; consequens est ut per Spiritum Sanctum, gaudium de Deo, & consolationem habeamus, contra omnes mundi adversitates & impugnationes: unde in Psalmo 50. dicitur: *Redde mihi lætationem salutari tuam, & Spiritum principalem confirmame.*

116. Ob eandem rationem etiam Spiritus Sanctus uocatio ab Ecclesia appellatur. Nam omnia vulnera animæ nostræ sanat: illam ad omnia virtutum opera facili inobilem reddit; omnium cœlestium charitatum donis eam spiritualiter reficit ac impinguat; demum illam spiritualiter sanctificat, & ut loquitur Propheta, oleo faciem ejus exhilarat. Unde meriti exclamat Richardus: *Habet oleum Deus, habet oleum mundus; ad oleum Dei vasa deficiunt, oleum mundi in vasis defuit; oleum Dei, dulcedo æternorum; oleum mundi, delectatio presentium; illa sufficit, ista deficit.*

117. Denique Spiritus Sanctus virtus Altissimi in Scriptura dicitur: Tum quia primum est divinum omnium operum ad extra principium, ut patet ex infra dicendis: Tum etiam quia est notionalis ac Patris & Filii: amoris autem maxime virtus est, nihil enim tam durum tamque ferreum est (inquit Augustinus) quod non amoris igne vincatur: Tum denique, quia facit Dei Spiritus est præpotens auctor, cui movendi & impellendi vis innata est. Quare Isaïæ 25. Spiritus robustiorum dicitur esse quasi turbo impellens parietem. Et A. 1. 2. Spiritus Sancti adventus ad modum turbæ, seu Spiritus vehementis, ab Evangelista describitur. Item apud Ezechiel. cap. 1. cœlestis currus animarum velocissimè huc atque illuc ferebantur: quia Spiritus viæ erat in rois, illaque sacri Pneumatis præpotens assultus movebat. Unde etiam quæso tam stupenda Sansoni vis, quæ leones in se intruentes, quasi hædos dilacerabat? nisi quia intruerat in eum Spiritus Domini, ut dicitur Judic. 14. Unde in Apostolos tanta fortitudo & constantia, quæ Christum intrepide prædicabant, & hujus sæculi potentissimos auctores resistebant, nisi quia induti fuerant virtute ex alto, & Spiritum Sanctum in die Pentecostes receperant?

Tom. II.

A Quocirca D. Gregorius homil. 30. in Evangel. hæc verba Palmitæ expendens, *Verbo Domini celi firmati sunt, & Spiritu oris ejus omnis virtus eorum*: per cœlos intelligit Apostolos, & addit: *Cœlorum ergo virtus de Spiritu sumpta est: quia mundi hujus potentissimos contrarie non presumerent, nisi eos Sancti Spiritus fortitudo solidasset.*

Præter hæc nomina jam exposita, plura in Scriptura repetuntur hujus divini Spiritus encomia. Nam Sapientiæ 7. Spiritus intelligentiæ dicitur rectus, bonus, principalis, dulcis, sanctus, mundus, simplex, subtilis, modestus, dilectus, securus, certus, mobilis, humanus. Rectus (inquit Cornelius Muslus) quia prava vertit in directa, & aspera in vias planas. Bonus, quod omnia mala pelluntur, vel cooperantur in bonum. Principalis, qui principes nos facit, perturbantium omnium dominos, victoriam triumphatores. Dulcis, per quem amara omnia dulcescunt, dum charitas diffunditur in cordibus nostris. Sanctus, quod peccata remittuntur, & peccatores sanctificantur. Mundus, quod nihil mundus, qui facit mundos, cui non placent nisi mundi. Simplex, qui effugit fictos, & odit omnem dolum. Subtilis ad illebandum, & ad scrutanda, & examinanda iudicia profunda Dei. Modestus, sancti pudoris & verecundie author. Discretus, qui aperit ora minorum, & linguas infanum facit esse discretas. Securus furtivi & presentis. Certus, quia nec fallitur, nec fallit. Mobilis, abruptans omnes injustas moras impio otii, negligentia & tarditatis impatiens. Humanus, omnium hominum amans animas.

118.

Lib. 3. de sacris litteris.

### DIGRESSIO TERTIA.

De effectibus seu operationibus attributis Spiritui Sancto, respectu totius creaturæ.

D Licet indivisa sint opera Trinitatis, ut Augustinus dicit, quædam tamen appropriantur magis uni personæ quàm alteri, propter aliquam specialem conformitatem ad id, quod est proprium est. Unde quædam sunt, quæ Spiritui Sancto, secundum illam appropriationem, specialiter convenire dicuntur, ut creare, ornare, gubernare, & vivificare; quæ in ordine ad omnes creaturas illi conveniunt, ut docet S. Thomas 4. contra Gent. cap. 20.

In primis ergo tertiæ personæ opus creationis attribuitur, & Spiritus Sanctus in scripturis palam Creator, ac mundi opifex appellatur: quia, ut inquit S. Thomas loco citato, *Bonitas Dei est ratio volendi quod alia sunt, & per suam voluntatem res in esse produci: amor igitur, quo suam Bonitatem amat, est causa creationis rerum.* Vide Dionysius cap. 4. de divinis nominibus, ait, quod divinus amor non permittit Regem omnium sine gemitu in se ipso manere. Item Plato, & quidam alii antiqui Philosophi amorem, mundi opificem, & tecum omnium causam esse voluerunt, ut dicitur 2. Metaph. Et Zoroaster olim dicebat, ex uno igne omnia esse genita: quia omnia, quæ in hoc mundo videntur, ex infuso divini amoris igne proveniunt. Cum ergo Spiritus Sanctus procedat per modum amoris, quo Deus amat seipsum, est principium creationis rerum: & cum in actionibus ad intra sterilis sit (non vitio naturæ, sed ineffabilis jarcami sacramento)

119.

Lib. 2.

mentis)



vocalium ipsi accentus videntur esse animæ quædam; quod eorum sono acuto vel gravi voces ipsæ formentur, quasi vivant, vigeant, spirent, & loquantur. Hinc porro ad musicam derivatio fit spirituum: intentiones enim & inflexiones, inclinationes, & elevationes in tonis & cantibus, spiritus sunt, quibus animata musica tantam vim habet, ut possit amorem excitare, infundere gaudium, & timores pellere. Ventus etiam spiritus nuncupatur, qui halitu suo vitali omnia elementa quasi vivificat: nam sine illo terra languesceret, ac corrumpere, mare immotum maneret, & veluti mortuum; & ignis nisi sua aliqua aurâ ventilaretur, vivere diu non posset. Denique anima quâ vivimus, spiritus appellatur, & spirare in nobis vivere est: quia quandiu spiramus, tandiu vivimus; & dum spirare definimus, vivere cessamus. Si ergo tanta est spiritus creati virtus, ut ab ipso omnis creaturæ motus, sensus, vita, & operatio pendeat: quanta erit spiritus increati potentia, vitalitas, & efficacia quoniamalis est Patris Filique amor, divinique peccatoris impulsus, afflatus, & spiritus, ac aura vitalis? Unde, ut notat D. Thomas ubi supra, Spiritus Domini initio mundi dicitur ferri super aquas, non quasi ipse moveatur, sed quia est primum motus principium. Et in Symbolo, nos in Spiritum sanctum, *Domnum & Vivificantem*, credere profitemur: quia non solum infundit suâ virtute & potentia omnia moderatur & regit, sed etiam vivifico suo halitu illa fovet, conservat, fecundat, movet & vivificat. Et ideo corporum resurrectio specialiter illi tribuitur. Nam sicut Deus in creatione mundi, statum animam membris dedit; significans (inquit Augustinus) Spiritum sanctum, qui divino suo halitu omnia vivificat: ita & in resurrectione eodem Spiritu vitam, quam omne mortale genus culpâ primi parentis amisit, restituet ac reparabit; & ut loquitur Apostolus ad Roman. 8. *Vivificabit mortalia corpora nostra, propter inhabitantem Spiritum eius in nobis*: adimplens quod olim promiserat per Ezechielem Prophetam cap. 37. his verbis: *Ecce ergo aperiam tumulos vestros, & educam vos de sepulchris vestris, & scietis quia ego Dominus, cum aperueris sepulchra vestra, & dederis Spiritum meum in vobis, & vixeritis.*

## DIGRESSIO QUARTA.

## De Effectibus attributis Spiritui Sancto respectu rationalis creaturæ.

123. PRæter quatuor effectus explicatos, qui omnibus creaturis communes sunt, alii solent attribui Spiritui S. respectu rationalis creaturæ, quæ gratiæ & donorum supernaturalium capax est. Illi autem sunt: facere nos familiariter cum Deo conversari, ejus secreta & mysteria nobis revelare, illius bonæ & donis nobis largiri peccata remittere, mentem renovare, adoptionem filiorum tribuere, ad percipiendam regni cælestis hæreditatem nos præparare, & denique ad ipsam æternam felicitatem gloriam nos perducere. De quibus effectibus eruditæ & eleganter disserit D. Thomas 4. contra Gentes cap. 21. & 22.

124. Tres ergo primi effectus, quos Spiritus sanctus operatur in nobis, sunt familiaris cum Deo conversatio, divinorum secretorum & mysteriorum revelatio, & bonorum, seu donorum Dei largitio

A seu communicatio. Cum enim (ut egregie dixerit S. Thomas loco citato) per Spiritum sanctum charitas in cordibus nostris diffundatur, teste Apostolo ad Rom. 5. & charitas sit perfecta cum Deo amicitia; per Spiritum sanctum non solum amantes, sed & amici Dei constituimur; juxta illud Proverb. 8. *Ego diligentes me diligo*. Hoc autem amicitia proprium est, quod amicus familiariter cum amico conversetur & illi sua secreta revelet: cum enim amicitia conjungat affectus, & duorum faciat cor unum; non videtur extra cor suum aliquis id protulisse, quod amico revelat. Requiritur etiam ad perfectam amicitiam, quod amicus bona quæ habet amico communi-  
B cet: quia cum amico habet alterum se, debet ipsi subvenire sicut & sibi, bona illi communicans. Porro hæc tria in nobis præstat Spiritus sanctus: facit enim quod in oratione familiariter cum Deo loquamur, & conversemur; juxta illud Apostoli ad Philipp. 3. *Conversatio nostra in cælis est*. Divina etiam mysteria & secreta nobis revelat, ut docet idem Paulus 1. ad Corinth. 2. dicens: *Scriptum est quod oculus non viderit, nec auris audivit, nec in cor hominis ascendit, quæ preparavit Deus diligentibus se, nobis autem revelavit per Spiritum sanctum*. Item ibidem ait, *Spiritus omnia scrutatur, etiam profunda Dei*, id est scrutari nos facit per donum sapientiæ, ut ibidem explicat Glossa: sicut etiam gemitibus inenarrabilibus pro nobis postulare dicitur, quia nos facit postulare. Item per Spiritum sanctum Dei bona & dona nobis communicantur, ut declarat idem Apostolus ibidem cap. 12. dicens: *Altidatur per Spiritum sermo sapientiæ, alii autem sermo scientiæ secundum eundem Spiritum; & postea multis enumeratis, concludit: Hæc omnia operatur unus atque idem Spiritus, dividens singulis prout vult*. Hæc D. Thomas.

125. PRæterea per Spiritum sanctum remittuntur peccata, & homo interior renovatur. Nam, ut dicitur idem S. Doctor loco citato, per hoc quod aliquis alterius amicus constituitur, omnis  
D offensæ removetur; amicitia enim offensæ contrariatur, unde dicitur Proverb. 10. *Universa delicta operit charitas*. Cum igitur per Spiritum sanctum Dei amici constituimur, consequens est quod per ipsum nobis remittantur peccata. Et ideo Dominus dixit Discipulis Joann. 20. *Accipite Spiritum sanctum: quorum remissionem peccata, remittuntur eis*. Unde cum peccata remissio non fiat nisi per infusionem gratiæ & charitatis, per quam anima interior renovatur, ut in materia de justificatione doceatur: hinc sequitur, quod etiam interior mentis renovatio Spiritui sancto attribuitur: juxta illud Psalm. 103. *Emite Spiritum tuum & creavimus, & renovabis faciem terræ*.  
E Quid enim per faciem terræ, nisi animæ conscientia designatur? Unde Chrysostomus in illa verba Matth. 6. *Faciem tuam lava*, sic dicit: *Spiritualiter facies animæ conscientia intelligitur: sicut enim in conspectu hominum gratiosa est facies pulchra, sic in oculis Dei speciosa est conscientia munda*.

126. Item quia ex benevolentia quam quis habet ad alium, contingit quod eum sibi adoptat in filium, ut sic ad eum hæreditas adoptantis perveniat; convenienter Spiritui sancto adoptio filiorum Dei attribuitur, secundum illud ad Roman. 8. *Accipiti Spiritum adoptionis filiorum in quo clamamus abbas Pater*. Ita S. Thomas ibidem: ex  
Ll 3 quo



quo infert. per Spiritum sanctum nos à duplici servitute liberari, nempe passionum & peccati, quo nos bono apparenti subiciunt; & timoris, quo metu gehennæ bona operamur, juxta illud Apostoli ad Roman. 8. *Non accepistis spiritum servitutis veterum in timore, sed spiritum adoptionis filiorum.* Unde notat Chrysologus, quod filio prodigo, & servitute redeunti, paterfamilias annulum posuit in manu ejus, in signum perfectæ libertatis: annulum, inquit, honoris, titulum libertatis, pignus Spiritus Sancti. Item Chrysostomus & Eusebius Emisissent lepide advertunt, Spiritum sanctum post Pentecosten advenisse: quia Pentecostes, sive quinquaginta annorum circulus emensus, Jubilæi tempus erat, id est annus remissionis, quo & servus dabatur libertas, & omnis hæreditas ad proprios revertebatur.

Denique cum ad filios hæreditas de jure pertineat, juxta illud Apostoli ad Roman. 8. *si filii, & heredes:* ad Spiritum sanctum pertinet, non solum nos adoptare in Dei filios, sed etiam nos præparare, & reddere habiles ad percipiendam æternæ gloriæ hæreditatem, & ad illam nos perducere, ita S. Thomas loco citato, ubi ait: *sicut ad hoc quod corpus aliquod ad locum igni perveniat, oportet quoddam igni assimiletur, levitatem acquirens, ex qua motu ignis proprio moveatur, ita ad hoc quod homo ad divinæ fructuosæ beatitudinem, quæ Deo propria est secundum suam naturam, perveniat, necesse est, primo quidem quod per spirituales perfectiones Deo assimiletur, & deinde secundum eas operetur, & sic tandem prædictam beatitudinem consequatur.* Dona autem spiritualia nobis per Spiritum Sanctum dantur, ut ostensum est, & sic per Spiritum Sanctum Deo configuramur, & per ipsum ad bene operandum habiles reddimur, & per eundem ad beatitudinem nobis via preparatur. Quæ tria Apostolus insinuat nobis 2. ad Corinth. 1. dicens: *Vixit nos Deus, & signavit nos, & dedit pignus Spiritus in cordibus nostris.* Et ad Ephes. 1. *Signati estis Spiritu promissionis sancto, qui est pignus hæreditatis nostræ.* Signatio enim ad similitudinem configurationis pertinere videtur, quæ autem ad habilitationem hominis ad perfectas operationes; pignus autem ad spem quæ ordinatur in cælestem hereditatem, quæ est beatitudo perfecta. Hæc D. Thomas. Quibus verbis egregie docet, Spiritum Sanctum non solum nos adoptare in Dei filios, sed etiam nos præparare ac reddere habiles ad percipiendam regni cælestis hæreditatem (in quo divina adoptio distinguitur ab humana, quæ non tribuit, sed supponit potentiam seu capaciatem percipiendi hæreditatem) illamque amoris Spiritum, non solum salutis portum nobis ostendere, sed etiam ad illum efficacissimam suam motionem & impulsu nos perducere. Unde ait Ambrosius proprium Spiritus Sancti munus esse, ut prædestinatos in cælestem patriam deducat, juxta illud Prophetæ Psalm. 142. *Spiritus tuus bonus deducet me in terram rectam.* Et Cyrillus hæc verba Exodi 33. *Facies mea præcedet te, & requiem dabit tui.* expendens: *Dei facies, inquit, Spiritus Sanctus appellatur, quoniam ipsi Dei essentiam ostendit.* Cuiusmodi Anastasius Synaita in hæc Psalmi verba: *Signatum est super nos lumen vultus tui Domine: Lumen, inquit, divini vultus Spiritus Sanctus est, rectâ viâ deducens in gloriam.*

Sicut ergo Deus olim ducebat populum Judaicum per desertum in terram promissionis, nos per columnam ignis, & die per columnam nubis; ita & Christianos per Spiritum sanctum ad

patriam cælestem deducit. Ignea hæc nobis in hujus sæculi nocte columna præfulget: nubes ista incinerantes in die refrigerat; hic peregrinationis nostræ dux & comes, qui gressus nostros dirigit in viam salutis, errantes in cælestem patriam reducit, ibique perennes lingulis decernit gloriæ mansionem. Nec mirum: Sanctus quippe Spiritus personalis est Patrii illique amoris: amoris autem proprium hoc munus est, si Platoni fides habenda sit, ut animas in cælum reducat, suis quamque colloca sedibus præcujuslibet meritis varios ordinat gloriæ gradus, faciaturque omnes in illa distributione quietos: ut videri potest apud Ficinum in convivio orat. 4. cap. 6.

Ad quoque, proprium Spiritus sancti munus est, gratiam & charitatem cordibus nostris infundere, ut supra cum D. Thoma ostendimus: Gratia autem est semen gloriæ, & fons aquæ salientis, in vitam æternam, ut dicitur Joann. 4. Charitas etiam est principium meriti, & mensura claræ Dei visionis, auræque illius, quæ apud Ezechielem A gelus altitudinem & latitudinem templi gloriæ mensurabat. Jure ergo merito Spiritui sancto tribuitur Sanctorum in cælis glorificationis: illeque ob suam infinitam pulchritudinem, ad se specialiter dicitur trahere Seraphinorum affectus ac desideria, juxta illud 1 Petri. 1. *Spiritus Sanctio iussu ætæ, in quem desiderant Angeli propinquare.* Unde ut ex Cyrillo & Anastasio Synaita vidimus) Dei facies appellatur: Tum quia Patrem & Filium nobis ostendit: Tum etiam, quia sicut pulchritudo specialiter relictis in vultu; ita (inquit Rupertus) more nitet divinus Pater, amore adornatur æternus Filius, amore etiam pulchrescit & venustatur Spiritus Sanctus. Quam suavis igitur est, Domine, Spiritus tuus! Spiritus tuus super mel dulcis, & hæreditas tua super mel & favum. Eccles. 24.

#### DI GRESSIO QUINTA.

De variis Spiritus Sancti figuris & apparitionibus.

REddè observavit angelicus Doctor intract. 43. art. 7. quod quia Deus providet omnibus secundum uniuscujusque modum, est autem modus connaturalis hominis ut per visibilia ad invisibilia manuducatur: ideo conveniens fuit ut per aliquas visibiles creaturas, invisibiles Divinarum Personarum missiones manifestarentur, juxta illud Dionysii cap. 1. de Eccles. Hierarch. *Non aliter fas erat infirmitati nostræ lucere divinum radium, nisi sui sacrosancti varietate velaminum, quibus ad superius forentur, occultantur.* Ex quo ibidem infert, conveniens fuisse quod Spiritus sanctus sub variis formis & figuris Christo & Apostolis appareret, & sub specie columbæ, aquæ, ignis, venti, & lingue igneæ, sed mundo manifestaretur, ut patebit ex infra dicendis,

#### §. I.

Cur sub specie & figura columbæ Spiritus Sanctus apparuerit?

PRima Spiritus Sancti apparitio fuit sub specie & figura columbæ Nam, auctore D. Basilii homil. 2. in Exameron: Sacer ille spiritus in ipsius nascentis mundi exordio, sub specie aviculæ

cule (non alterius cetere quam columbe) ferebatur super aquas, ut dicitur Gen. 1. vel ut habent alie versiones, volitabat super aquas, incubabat aquas: volitare autem & incubare, proprium avis est. Item in ipsius Ecclesie nascens principio, sub eadem specie apparuit: nam Jesu baptizato & orante, apertum est cœlum, & descendit Spiritus sanctus corporali specie sicut columba in eum, ut dicitur Luca 3. Hinc est quod sæpe sapius hujus simplicissimæ aviculæ figuram assumpsit, quoties sanctissimis Ecclesie Doctoribus apparuit, Sic enim Ambrosii, Gregorii, Doctoris angelici, Ambrosii Sansebonii, & aliorum auribus sub forma columbe assistere visus est. Cur vero hujus potius similitudine aviculæ, quam generosæ aquilæ, aut vulturis speciem inducere voluerit? nunc à nobis inquirendum est.

129.

Lib. 3  
de sacra  
Hist.

Prima ratio sumitur ex D. Thoma loco nuper relato, in resp. ad 6, ubi docet Spiritum sanctum sub specie columbe, quæ avis fecundissima est, apparere voluisse, ad significandam spiritualem ipsius fecunditatem. Licet enim divinus ille Spiritus in Divinis nihil generet, nullamque personam producat: ad extra tamen tantæ vi pollet, adcoque fecundus est, ut nihil in tempore à Deo in creaturas procedat, cujus ipse auctor non sit. Cælos ille (inquit Cornelius Mussus) terram, elementa, cunctaque animantia produxit, produxitque fovet, conservat, vivificat, & renovat: natura conditor, gratia auctor, glorie consuminator, verum, omnium universale principium, divini caloris sublimis quidam vapor & halitus, qui vivax semper, prepes, & velox, nihil habet remissionis, sed operosus & efficax, nec unquam vel labore, vel radio victus, universam naturam fovet & alit, mundum conservat, vegetat animas, permulcet animos, elementa permiscet, cælos regit & permeat, dat pondus ventis, fecundas annos & tempora.

Nec solum in operibus naturæ fecundus est, sed etiam in ordine gratiæ: cum ab ipso omnia fluant charismata gratiarum; sicut omnes spiritus vitales à corde exeunt, ut supra declaratum est; & omnium qui in Christo renascuntur, & in Dei filios adaptantur, parens ac genitor sit, juxta illud Leonis Papæ: *Omni homini renascenti baptisma est, imitatur uti virginis, eodem spiritu replente fontem, qui replevit & virginem.* Et serm. 5. cap. 5. *Virtus Altissimi, & obumbratio Spiritus Sancti, quæ fecit ut Maria pareret Salvatorem, eadem facit ut regeneret undi credentem.* O miram ergo, & stupendam hujus divini Spiritus fecunditatem! qui quod in Divinis non allequitur, hoc in creaturis exequitur: in Deo foelicitet sterilis, filium non generat; in humanis fecundissimus, numerosam filiorum prolem Deo gignit. Ad quod respiciens Sponsa, exclamat Cantic. 1. *Osculetur me osculo oris sui.* Ubi mellissimus Doctor: *Tanta, inquit, efficacia osculum sanctum est (scilicet Spiritus sanctus, qui Patris & Filii suavitissimum est osculum) ut ex ipso, mox cum acceperit illud Sponsa, concipiat; tumescentibus utrumque uberibus, & lacte quasi pinguis sentiens in testimonium.*

Serm. 9.

Sed quod adhuc mirabilius est, Spiritus ille amoris, propriæ ad intra sterilitatis conficius, divini amoris simulacrum fecunditatem; aliam adhuc prolem tanto parente dignam appetit, in novam voluit erumpere partum; & qui vetus est

A Deus, Deum ipsum in utero Virginis generavit, illumque, à quo divinam in æternitate naturam recipit, humanam in tempore carnis circumdedit. Incarnatio enim Verbi divini, opus est Spiritus sancti; opus Spiritus, Virginis partus; opus Spiritus, fructus ventris virginis; opus Spiritus, flos ille de quo scriptum est in Canticis: *Ego flos campi, & lilium convallium.* Nam ut egregie observavit divus Bernardus: hortus in hoc differt à campo, quod hortus quidam ut floreat, hominum manu & arte excultus, campus vero ex semetipso naturaliter producit flores, & absque omni humana diligentia adjutorio. Unde & ibidem subdit: *Christus non se debuit florem horti professari, ne humano videretur opere generatus. Pulchre autem & convenientissime flos campi sum ait, qui & absque humana industria prodit.*

Serm.  
47. in  
Cantic.

B Secunda ratio cur Spiritus sanctus in specie columbe, potius quam in aquilæ, apparere voluerit est propter puritatem & munditiam, quam Spiritus sanctus specialiter diligit. Columba enim castissima est toti cœlestibus incumbit, nec unquam vel minimum granum è terra attollit, quin statim in cœlum oculos attollat, non circa cadavera & carnes volitat, sed residet juxta fluentia aquarum, ubi cœli imago relucet, semper ejus obtutibus obijciuntur cœlestia, semper superna contemplantur. Ita etiam Spiritus sanctus munditiam mentis & corporis diligit, non nisi vacuus ab omni carnali & terreno affectu mentes adimpit, nec nisi in mundis cordibus quiescit, juxta illud Genes. 6. *Non requiescet Spiritus meus in homine, quia caro est.*

C Ter legimus columbam à Noë ex arca emissam. Primâ vice rediit, quia non invenit ubi requiesceret pes ejus. Secundâ vice reversa est, olivæ ramum ore deferens. Tertiâ demum emissâ, inventâ requie, habitavit in terra, per diluvium purgata, & quasi renovata. Emissio illa columbe figura est, ut docent SS. Patres, adventus Spiritus sancti, qui primò invisens creaturam, non invenit quomodo super eam requiesceret; adeo nimirum impietas omnia occupaverat & omnis enim caro corrumperat viam suam. Rursus emisit Deus columbam Spiritus, & inventâ requie apud fideles & mundos, in eis habitavit, nificavit, & mansionem fecit.

D Tertia ratio insinuat ut à D. Bernardo serm. 1. de Epiph. ubi ait: *Nec mirum è ad indicandum Agnum Dei venit columba, quia nihil melius agnovit quam columba. Quod agnum in animalibus, hoc columba in avibus: summa utriusque innocentia, summa mansuetudo, summa simplicitas. Quid enim sic alienum ab omni malitia sit ut agnus & columba nocere cuiquam nescint, ledere non noverunt. Idem docet Palschius libro 2. in Matth. dicens: Spiritus Sanctus in specie columbe apparuit, ut per eam exponeret, quales futuri erant, qui ad gratiam ejusdem Spiritus pervenirent. Columba enim sel non habet, & ex hoc insinuat, quod in selle amaritudinis esse non debet, quisquis ad gratiam Spiritus Sancti venire exoptat.*

E Non est omittendum quod ait Tertullianus in libro de Baptismo cap. 8. *Quemadmodum post aquas diluvii, quibus iniquitas antiqua purgata est, post baptismum (sic ita dixerim) mundi pacem cœlestis ira præco columba terris annuntiavit, dimissa ex arca, & cum olea reversa; quod signum etiam apud nationes patet pratenditur: ira post vetera delicta, columba Sancti Spiritus advolat, pacem*

130.

131.

pacem Dei asserens emissae de caelo, ubi Ecclesia est arca figurata. Concinit Chrylogus serm. 160. his verbis: Hodie Spiritus Sanctus supernaturat aquis in specie columba: ut sicut illa columba Noë nuntiaverunt diluvium discesse mandis; ita ista indice nosceretur, perpetuum mundi cessasse naufragium; neque, sicut illa, veteri oliva sarculum portaret, sed totam in caput parentis novi chrismati pinguedinem funderet, ut impleatur illud quod Propheta predixit: Propterea unxit te Deus tuus oleo latitiae, praefor- tibus tuis.

132. Denique sanctus Thomas 3. parte quaest. 39. art. 6. in Corp. docet conveniens fuisse, ut Spiritus sanctus in specie columbae, quae simplex est animal, appareret: ut significaretur, omnes baptismo Christi baptizandos, si simplici corde & non fide accedant, Spiritus sancti gratiam recepturos. Et ibidem in respons. ad 4. plures & egregias assignat rationes, seu congruentias, cur Spiritus sanctus in specie columbae super Christum baptizatum apparere voluerit. Dicendum (inquit) quod Spiritus Sanctus in specie columbae apparuit, propter tria: Primum quidem propter dispositionem qua requiritur in baptizato, ut scilicet non sitis accedat; quia sic dicitur Sapient. 1. Spiritus Sanctus disciplinae effugiet sitim: columba autem est animal simplex, astutia & dolo carens, unde dicitur Matth. 10. Estote simplices sicut columba. Secundo ad designandum septem dona Spiritus Sancti, quae columba suis proprietatibus significat. Columba enim secus fluenta habitat, ut inde viso accipere, mergat se, & evadat, quod pertinet ad donum sapientiae, per quam Sancti secus Scripturae divinae fluenta resident, ut incursum diaboli evadant. Item columba meliora grana eligit, quod pertinet ad donum scientiae, quia Sancti sententias sanas, quibus pascuntur, eligunt. Item columba alienos pullos nutrit, quod pertinet ad donum consilii, quo Sancti, eos homines qui fuerunt puli (id est imitatores diaboli) doctrinam nutriunt & exemplo. Item columba non lacerat rostro, quod pertinet ad donum intellectus, quo Sancti bonas sententias lacerando non pervertunt, hereticorum more. Item columba felle caret, quod pertinet ad donum pietatis, per quam Sancti iram irrationabilis carent. Item columba in cavernis petra nidificat, quod pertinet ad donum fortitudinis, quo Sancti in plagis mortis Christi, qui est petra firma, nidam ponunt, id est, suum refugium & spem. Item columba gemitum pro cantu habet, quod pertinet ad donum timoris, quo Sancti delectantur in gemitu pro peccatis. Tertiò apparuit Spiritus Sanctus in specie columbae, propter effectum proprium baptismi, qui est remissio peccatorum, & reconciliatio ad Deum: columba enim est animal mansuetum; & ideo sicut Chrysolomus dicit super Matth. in diluvio apparuit hoc animal, ramum ferens olive, & communem orbem terrarum tranquillitatem annuntians.

Homil.  
12.

133.

Quærent aliqui, an illa columba, in qua Spiritus sanctus apparuit, fuerit verum animal?

Respondet sanctus Thomas ibidem artic. 7. affirmativè. Sicut enim, inquit, non decebat, ut Filius Dei, qui est veritas Patris, aliqua fictione uteretur; & ideo non phantasticum, sed verum corpus accepit: ita etiam conveniens non erat, quod Spiritus sanctus, qui Spiritus veritatis est, ut dicitur Joann. 16. figmentum aliquod adhiberet; & ideo etiam ipse veram columbam formavit in qua appareret, licet ipsam in

A unitatem personæ non assumpserit, sicut Christus humanam naturam.

## S. II.

Cur aqua figuram Spiritus Sanctus assumpserit?

Columbae libenter resident juxta fluenta aquarum, ut dicitur Cantic. 5. Zephyri etiam super rivulorum & fontium aquas amoenissime ludunt. Quid mirum ergo, quod Spiritus sanctus, qui sub purissimæ columbae, & zephyri jucundissimi specie in Scriptura exhibetur, aquæ speciem assumere dignatus sit, & tam libenter in aquis quiescat, ut de ipso, quod Tertullianus de Christo scripsit, dicijure merito possit: Nunquam sine aqua Spiritus Sanctus. In ipsius enim mundi exordio, hoc purissimum elementum, tanquam propriam sedem ac vehiculum, assumere dignatus est. Unde idem Author libro de Baptismo cap. 13. In primordio fecit Deus caelum & terram. Terra autem erat invisibilis & incomposita, & tenebrae erant super abyssum, & Spiritus Dei super aquas ferebatur. Habes homo in primis etatem venerari aquarum, quod antiqua substantia; debet dignationem, quod divini Spiritus sedes; gravior silicio, quod tunc elementum. Nam & tenebrae tota adhuc caltu siderum informes, & tristis abyssus, & terra imparata, & calum rude: solus liquor semper materia perfecta, lata, simplex, de suo pura, dienum vestaculum Deo subiebat. Item cum Christus ad ripam Jordanis baptizaretur, statim descendit Spiritus sanctus, & sub specie columbae super aquas volitavit, ut illas sanctificaret & fecundaret, atque illis vim fideles per Baptismum regenerandi tribueret. Tunc (addit Tertullianus) ille sanctissimus Spiritus super emundata & benedicta corpora, libens à Patre descendit super baptismi aquas, tanquam pristinam sedem recognoscens conquiescit, columba figurâ delapsus. Denique adeo placuit illi sacrum hoc habitaculum, ut per aquam adventum suum, & gratiam quam in cordibus nostris diffundit, significari ac figurari voluerit. Nam Christus mulieri Samaritanæ dicebat: Si scires donum Dei, & quæ est qui dicit tibi, da mihi bibere, tu petiisses ab ipso, & dedisset aquam vivam, Aqua hæc (inquit Cyrillus) vivificans gratia Spiritus Sancti est. Quod ipsemet Evangelista aperte declaravit, dicens: Die magno festivitatis stans Iesus, & clamabat dicens: si quis sitit veniat ad me, & bibat. Qui crediderit, flumina de ventre ejus fluent aqua viva. Et statim addit: Hoc autem dixit de Spiritu, quem accipere erant credentes in eum.

E Et certè non poterat sub aptiori symbolo Spiritus sancti gratia designari, quam sub aquæ specie; live ejus origo, & inclinatio, live ejus proprietates, aut effectus considerentur. Aqua enim in primis manat ex rupibus, & quibus ut plurimum fontes (saturantur) ex locis excellis ad ima descendit, & è montibus profluit in convales, juxta illud Prophetæ Psalm. 103. Qui emittit fontes in convallibus, inter medium montium petras misibunt aqua.

Deinde aqua quatuor habet proprietates seu effectus præcipuos; scilicet lavare, refrigerare, rigare ac fecundare terram, & sitim extingueret.

Simi;



Similia repetiuntur in Spiritu sancti gratia. A  
In primis enim illa è petra manat & scaturit, à Christo scilicet, qui teste Apostolo 1. ad Cor. 10 mystica petra est, è qua omnes gratiarum rivuli & fontes profiliunt. Unde Rupertus egregie observavit, quod petra illa desecit, quæ Moyses virgâ bis percussa, aquas largissime profudit (juxta illud Psalmi 77. *Percussit petram, & fluxerunt aquæ, & torrentes inundaverunt*) egregia fuit Christi figura: Nam Christus (inquit) *lapis est, qui percussus verberet crucis, effudit in nos Spiritum veritatis.*

Deinde sicut aqua ex montibus & locis excellis profluit in convalles; ita & gratia semper ad ima descendit, & à monte divinitatis profluit in convallem humilitatis. Unde præclare Augustinus serm. 27. de verbis Domini: *Confluit aqua ad humilitatem convallu, denat at de tumoribus cellu.* Et serm. 2. de verbis Apostoli: *Cum timore & tremore, id est cum humilitate, vallem facite, imbrem suscipietis de pressis implentur, alta siccantur.* Gratia pluvia est, quid ergo mirari, si Deus superbi resistit, humilibus autem dat gratiam? idèd noli altum sapere, sed time: time ut implerari; noli altum sapere, ne siccetur.

Præterea mystica illa Spiritus sancti aqua, animam laxat, & mundat à fordibus peccatorum, secundum illud Ezech. 36. *Effundam super vos aquam mundam, & mundabimini ab omnibus iniquamentis vestris.* Concupiscentiæ flammæ extinguit vel temperat: unde Spiritus sanctus ab Ecclesia dulcis refrigerium appellatur. Item desertum animæ peccatricis, sterile ac siccitate laborans, spiritaliter rigat & fecundat, illudque reddit veluti hortum & paradysum amœnissimum, omni decore ac venustate eximium, omnium virtutum floribus conspicuum, omniumque fructuum ubertate præclarum.

Demum divina hæc Spiritus sancti aqua, terrenorum & carnalium desideriorum sitim extinguit, juxta illud Christi ad Samaritanam: *Omnis qui bibit ex aqua hac, sitiet iterum: qui autem bibet ex aqua quam ego dabo ei, non sitiet in æternum.* Et statim rationem assignans, subdit: *Aquam quam ego dabo ei, fiet in eo fons aquæ salientis in vitam æternam.* Cum enim gratia sit semen æternæ gloriæ, quæ est perfectissima omnium desideriorum quies ac satietas, proprius ejus effectus est, omnem famem & sitim extinguere: omniaque desideria summi ac lætissimi boni possessione complere, juxta illud Prophetæ: *Satiabor cum apparuerit gloria tua.* Hanc ergo aquam à Christo potulemus, & cum Samaritana ei dicamus: *Domine da mihi hanc aquam.* Sed ut illam nobis donet, aliam à nobis exposcit, aquam scilicet lachrymarum. *Sitis enim* (inquit Chrysologus) *lachrymas penitentium, esuris gemitus peccatorum.* Has etiam cælestes aquas Spiritus sanctus multum diligit; nec minus in eis delectatur, quam in aquis Jordanis, quas contactu suo sanctificavit. Illis libenter incubat cælestis illa columba, quæ in ipso mundi exordio ferebatur super aquas. Super illas amœnissime ludit, ac spirat divini zephyrus amoris, & ex illis ignem cælestem charitatis elicit: sicut olim tempore Nehemiæ, ex aqua in puteo inventa sacer ignis exiliit, ut sacra Machabæorum refert historia.

## §. III.

*Cur sub ignis specie Spiritus sanctus apparere voluerit?*

Mzum est quòd Spiritus sanctus, qui pacis & concordie Spiritus est, contrarias tamen & inter se pugnantes figuras assumere voluerit, & sub specie aquæ & ignis, quæ sibi adversantur, in mundo visibiliter apparere. Variæ tamen & egregiæ hujus rei hic suppetunt rationes.

Prima est, ut divinitatis suæ infinitam potentiam & majestatem inoueret. Nam quòd forma aliqua nobilior est & superior, eò perfectius & unitius inferiora, licet diversa & contraria, in seipsa colligit & connectit, juxta illud commune Scholæ estatum: *Quæ dispersa sunt in inferioribus, unita sunt in superioribus.*

Secundò per hoc significare voluit, ipsius speciale munus esse, contraria unire, & pugnantia inter se conciliare.

Tertiò, conveniens erat, quòd Spiritus fecundissimus in operibus ad extra, & totius fecunditatis author & parens (ut antea fuscè declaratum est) duo illa elementa assumeret, quæ ad omnes generationes concurrunt, & quæ sunt veluti duo prima totius fecunditatis creatæ principia: nam ex aqua & igne, si ve ex calore & humore omnia generantur, ut fuscè demonstrat Cicero lib. 1. de Natura Deorum, & Lactantius lib. 2. in inst. cap. 1. ac egregie declarat Quidius 1. Metamor. his versibus:

*Quippe ubi temperiem sumpserat, humorque calorque  
Concipiunt, & ab his oriuntur cuncta duobus.  
Cumque sit nix aquæ pugna, vapor humidus omnes*

*Res creat, & discordes concordia, subitus apta est.*

Denique Spiritus sanctus in mundo visibiliter apparuit, ut mundum à peccatis purgaret: unde conveniens erat, ut sub illorum elementorum specie se præberet visibilem, quibus mundus purgatus, aut purgandus est. Mundus autem aquis diluvii olim tempore Noe purgatus est, & post diem judicii igne purificabitur: Ergo conveniens erat, ut Spiritus sanctus sub figura aquæ & ignis in mundo visibiliter appareret.

Præter has rationes generales, non desunt alie peculiates, quibus ostendi potest fuisse conveniens, ut Spiritus sanctus specialiter sub ignis figura & specie se præberet visibilem. Prima est, quia ignis Divinitatis symbolum est, juxta illud Deut. 4. *Deus noster ignis consumens est:* Ergo ut Spiritus sanctus ve verum Deum, & Patri, Filioque consubstantialem ostenderet, oportebat ut sub ignis specie monstraretur. Ita præclare D. Gregorius homilia 30. In Evang. ubi ait: *Patri & Filio cœternus Spiritus in igne monstratur: quia incorporeus, ineffabilis atque invisibilis ignis est Deus: attestante Paulo, Deus noster ignis consumens est: Deus quippe ignis dicitur, quia per hunc peccatorum rubigo consumitur.*

Item Spiritus sanctus notionalis est amor Patris & Filii: amor autem ignis quidam est, & sub ignis specie effingi solet, ac semper à Poetis inter flammæ & ignes depingitur. Unde sicut Tertullianus, suprà relatus, de Christo dicebat: *Nunquam sine aqua Christus:* ita & de Spiritu sancto dicere licet: *Nunquam sine igne amor, nunquam sine flamma Spiritus sanctus.*



133 Præterea, Sicut ignis in propria sphaera quiescit, & extra illam in continua est agitatione & motu: ita Spiritus sanctus in terra Divinitatem non operatur non rationaliter, nec ullam producit personam divinam, sed est Patris & Filii suavissima quies, ac veluti utriusque centrum, ut quidam dicunt extra verò continuò operatur, & est omnium externarum operationum principium, ut suprà fusè ostensum est. Et ideo Genesis primo dicitur: Spiritus Domini ferebatur super aquam. Ubi Chrysostomus: *Mihi videtur, inquit, hoc significare, quod affuerit effici: quædam & vitalis operatio aquæ, & non fuerit simpliciter aqua stans & immobilis, sed mobilis, & vitalem quandam vim habens: nam quod immobile, omnino inuile est; quod verò movetur, ad multa conducit.*

140 Adde, quod ignis septem habet proprietates seu effectus præcipuos, similes his quos Spiritus sanctus operatur in nobis. Ignis enim urit, purgat, illuminat, homogenea congregat, disgregat heterogenea, liquefacit, & in cinerem redigit. Similia Spiritus sanctus operatur in nobis. Nam sui amoris igne corda nostra exurit, iuxta illud Augustini in Soliloquiis. *Ignis fuit, quàm dulciter ardes, quàm desideranter adurere exurit, inquam, non ut consumat ac destruat, sicut ignis corporeus, sed potius ut augeat, purget, ac perficiat; non sicut ac ignis qui Moysi in rubo apparuit, quo rubus ardebat, & non contumebatur.*

Oronari-  
rio 18.  
in Psal.  
118.

Unde præclare Ambrosius: *Ignem Dominus misit in terram, non ut eam Sodomitano rursum, sicut scriptum est, arderet incendio; non ut eam donata munere fecunditatis, aut usu vel flore viriditatis exueret; opus enim suum Dominus probare magis atque augere quàm minuire aut damnare consuevit. Quen ergo Dominus ignem in novo populo testamento, qui secretos mentium, divine ardore cognitionis, nisi immaret affectus; qui vaporem fidei & devotionis adoleret, qui cupiditatem virtutis accenderet.* Et Bernardus: *Ignis qui Deus est, consumit quidem, sed non affligit; ardes suavit, desolat feliciter, est enim verè carbo desolatorius, sed quisque in pitia exercet vim ignis, ut in anima vicem exhibeat unionis.*

Serm. 57.  
in Caneli-  
ca.

141 Secundus hujus divini ignis effectus est purgare corda, & illa à terrenis separare affectibus: cum enim Spiritus sanctus purissimus sit, & nedum sanctus, sed ipsa sanctitas, totiusque origo puritatis & sanctitatis, ut fusè antea declaratum est, non nisi in purgatis ab omni peccatorum labe cordibus requiescit. Unde merito adulationis Spiritus appellatur, quia sui amoris igne spinas & vepres peccatorum adurit. Vnde Chrysologus: *Ager quoties longè incuriâ sylvescit, & toto luxuria agrestu sordescit horrore, peritissimi cultoris utique semper aperitur & purgatur incendio, ac studio benigno cultor ignis apponitur, ut excussis sentibus reveletur prima facies campi, præstetur agricolæ libertas fiat facilis via vomeri, sit germinis serax sterilis diu terra, & longa ac mæsta otia lato letissima jam repenset in fructu.*

Serm. 64.

142 Ex purgatione sequitur illuminatio, quæ tertius Spiritus sancti effectus est. Sicut enim in rebus corporeis diaphaneitas est proxima dispositio ad recipiendam lucem (quæ idcirco à philosophis diaphani definitur) ita & in spiritualibus puritas mentis est ultima dispositio ad sapientiam, quam idcirco Divus Augustinus, *purificata mentis intelligentiam*, appellat. Vnde postquam Spiritus sanctus humana corda sui amoris igne purgavit, confestim

A mentes eorum illuminat, & suæ infinitæ sapientie luce perfundit, iuxta illud Theonotum primo. *De excelso missi ignem in oñibus mentibus, & erudit me.* Quàm magnus ergo Doctor charitas! Quàm felix Spiritus sancti schola: Quàm velox (inquit Leo Papa) *sermo sapientie*: & ubi Spiritus sanctus magister est, quàm erudit discipulus quod docetur! Ecce (subdit Gregorius) implet eum barædun puerum, & Psalmistam facit; implet pastorem armeniarum, sicomoros pellicanem, & Prophetam facit; implet abstinentem puerum, & iudicem senum facit; implet piscatorem, & predicatorum facit; implet persecutorem, & doctorem Gentium facit; implet publicanum, & Evangelistam facit. O qualis iste ardeat ignis Spiritus! nullà ad descendum morà agit ut in omne quod voluerit. Mox enim ut tetigerit mentem, docet, solimque tetigisse, docuisse est.

Quartus ejus effectus est congregare homogenea, omnesque fideles in unitatem fidei & charitatis colligere. Nam sicut in malo punice (ait Gregorius) uno exterius cortice, interius grana minuantur; sic innumeros sancti & Ecclesie populos unitas fidei coniegit, quos inter diversitas meritorum tenet.

143

Disgregat etiam heterogenea, illaque ab invicem secedit: videlicet à terrenis cælestia; spiritualia à carnalibus; ab humanis & creatis, divinis & increata.

C Denique idem amoris Spiritus, calore fidei & devotionis ardore, Sanctorum corda liquefacit, eaque per donum timoris, & virtutem humilitatis, veluti in cinerem redigit. Vnde Spoula dicebat in Canticis: *Anima mea liquefacta est, ubi sponsus locutus est.* Et Abraham Deum allocutus exclamabat: *Loquar ad Dominum, cum sim pulvis & cinis.*

Non est prætermittenda alia egregia inter ignem & Spiritum sanctum similitudo & analogia. Ignis enim naturà quidem beneficus, per accidens tamen nocet; igne eversa est Sodoma: igne conflagravit universus orbis; igne torquentur demones; ignis denique, divina vindicta thesaurum & instrumentum est, ut ait Tertullianus. Ita pariter Spiritus sanctus naturà suà benignissimus ac suavissimus est, amor est, charitas est, bonitas est, ipsaque Patris, Filiique suavitatis. Ille tamen levit in impios & obduratos, & severissimam de illis vindictam sumit; amor quippe læsus fit furor, ut quidam ait; & charitas, ut inquit Bernardus, pie solet favire, & patienter novit irasci. Columba ista, licet mitissima aliquando irascitur, cuiusque ira adeò timenda est, ut exclamet Propheta: *A facie gladii, olum & singuli ad terram suam fugient.* Hic advocatus, qui nunc Patrem pro nobis interpellat gemitibus inenarrabilibus, in die iudicii arguet mandum de peccato, de iustitia, & de iudicio, ut dicebat Christus Joannis docimo octavo. Ille qui nunc hominum consolator est ac defensor, tunc erit impiorum accusator, iudex ac tortor. Unde miser ille epulo, qui cruciabatur in flammis, nesciebat quid diceret, dum Abraham rogabat ut mitteret Lazarum, qui intingeret digrum suum in aquam, & refrigeraret linguam ejus. Nam per digrum designatur Spiritus sanctus, qui, dextra Dei digitus, ab Ecclesia appellatur: Ille autem dominatos non refrigerat, sed cruciat, non solatur, sed torquet. Hæc Dei unctio gladium

145

E

dium divinæ iustitiæ non hebetat, sed acuit & limatur hoc lenimine fiat acutior. Hic facer divini oris flatus, non extinguit, sed accendit inferni incendia, & *primum eius magis ardere facit, ut dicitur Job 41. Denique ignis iste (inquit Hieronymus) qui descendit super apostolos, dupliem est naturæ; lumen habet credentibus, tenebras, supplicia quoque incredulis.*

## §. IV.

*Cui Spiritus sanctus in forma ventis sui spiritus  
v. vehementis advenit*

146 **Q**uarta Spiritus sancti apparitio fuit sub forma ventis & spiritus vehementis, ut dicitur Act. 2. cuius figuræ & apparitionis plures etiam suppetunt rationes egregiæ.

In primis Spiritus sanctus sub forma ventis apparere voluit, ut personalis ejus proprietas monstraretur: procedit enim per viam amoris, & tanquam notionalis amor Patris & Filii; amor autem, cum sit veluti quidam impulsus, quo voluntas amantis impellitur in amatum, recte per ventum seu spiritum vehementem designatur. Et certe si ventus ex Anistorele. exhalatio quædam sit, quid aptius quæso ad designandam processionem Spiritus sancti? Cum enim procedat viâ amoris, recte exhalatio divina dici potest; amare namque est animam exhalare: unde & anima plus ubi amat, quam ubi animat, esse perhibetur.

147 Deinde, sicut ventorum origo abstrusa est; illicque soli cognita, qui educit eos de thesauris suis: ita & Spiritus sancti processio, ejusque in hominum mentes illapsus, secretissima & obscurissima sunt. Unde Christus dicebat Joannis tertio. Spiritus ubi vult spirat, & vocem eius audis, & nescis unde veniat, aut quo vadat. Et Abacuc tertio. *Deum ab Austro veniet, & sanctus de monte Pharan.* Ab Austro, quæ regio calidissima est, venire dicitur Spiritus sanctus, quia ex amore procedit & ex solo bonitatis & charitatis impulsu in animas sanctas illabitur. De monte vero Pharan (seu quod idem est, de monte obscuro & umbroso) proficisci dicitur, quia processio ejus obscurissima est, & posuit te nebras latibulum suum, ut ait Bernardus, ejusque in animam justi adventus, seu illapsus, secretissimus. & ab hominibus sensibus remotissimus, juxta illud Job capite nono. *Si venerit ad me, non video eum, si abierit, non intelligam.* Allusit ad hoc nesciens antiquitas: Syoniam enim, recte Pausaniâ, noctu sacrificabat ventis, subobscura esse dicentes eorum naturam; & Aristoteles fugillat omnes retro Philosophos ut inscios naturæ ventis. Sanè si ea cæcitat homo ignorantia, ut naturam ventis adhuc ignoret, posteriori ratione mens ejus caligat in indagine Spiritus sancti, qui proinde jure merito ventus esse dicitur.

148 Præterea inter effectus ventis & Spiritus sancti, plures & eximie repetiuntur similitudines & analogiæ. Ventis enim purgant aëtem, colligunt nubes, easque in pluviam resolvunt, glaciem liquesciunt, & hortos perficiunt, ac suavisimos ex illis faciunt exhalare odores. Non dissimilis certe Spiritus sancti operatio: purgat enim supervacua, & noxia quæque repellit, ut lepidè declarat Cyprianus his verbis: *Flatus ille a carnali palea corda purgat. Ignis iste ferum concupiscentia consumit.* Deinde facit hic ventus nubes colligit

Tom. II.

A peccatorum in cordibus penitentium, quæ charitatis igne liquefactæ, in suavisissimum lachrymarum imbrem solvantur, juxta illud Psalmistæ: *Flabit Spiritus eius, & fluent aquæ.* Unde idem Cyprianus: *Quoties te video suspirantem, non dubito Spiritum sanctum inspirantem: quoties intusor stentem, sentio Spiritum sanctum ignoscentem.* Item calidissimus ille divini amoris flatus, corda peccatorum obdurata liquefacit, & in aquam lachrymarum resolvit, ut Augustinus egregiè declarat in hæc Psalmistæ verba: *Converte Domine captivitatem nostram, sicut torrens in Austro, ubi sic fatur: Quomodo frigus ligat aquam ne currat, ita & nos illigat frigore peccatorum gelavimus. Austro autem calidus veniens est: quando flat Austro, liquescit glacies, & impletur torrentes... Gelavimus ergo in captivitate, constringebant nos peccata nostra: flavit Austro Spiritus sanctus, dimissa sunt nobis peccata, soluti sumus à frigore iniquitatis, tanquam glacies in sereno, sic solvuntur peccata nostra.* Denique divinus ille amoris Austro, animam sanctam, quæ amœnissimus cœlestis Sponsi hortus est, suis inspirationibus perficit, & ex illa suavisissimi nos omnium virtutum facit exhalare odores, ac stillare aromatum charismata. Hoc aptè noverat Sponsa in Canticis, dum cœlestem Sponsum, seu Spiritum sanctum alloquens dicebat: *Veni Austro, perfla hortum meum, & fluent aromata illius.*

C Ultima ratio, cui Spiritus sanctus sub specie 149 ventis & spiritus vehementissimi, Apostolis in cœnaculo congregatis apparere voluerit, fuit ut castum & sanctum timorem illis incuteret, quo se ad ejus gratiam recipiendam diligentissimè præpararent. Nam timor [ait Zeno Veronensis] Spiritus sancti conceptaculum est, juxta illud Prophetæ: *A timore suo concepimus & parturivimus Spiritum.* Timor fidus est divinæ gratiæ comes & custos. Timor (inquit Tertullianus) mundities animi, per etatis mior, instrumentum penitentiæ, fundamentum salutis. Timor denique quasi quidam cussus super innumerabiles gazas, in ultimo charismatum ponitur, ad conservandas incomparabiles gratias, ut bellè ait Petrus Cellensis. Unde sicut Spiritus sanctus nunquam est in anima justis sine amore, ita nec sine timore: nam res sollicita plena timoris amor. Super quem (inquit divina Sapientia) requiescit Spiritus meus, nisi super humilem, & trementem sermones meos? Quid Mariâ Virgine timidi, quæ ad Angeli conspectum et vocem præ timore turbata est? Virginitatem enim (inquit Ambrosius) est trepidare, & ad omnes viri assatus vereri. Ecce Spiritus sanctus supervenit in illam. Quid timidi Apostolis, cum Spiritum sanctum receperunt? Induri erant omnes in cœnaculo præ timore Judæorum, ut ait facer textus: at inter sacros timores Spiritu sancto repleti sunt. Denique Sethaphi illi Spiritus, qui incendium interpretantur, et qui divini amoris igne repleti sunt, sic ante thronum Dei volitant, ut a larum tremulo videantur suspensum volatu, nec tam volare quam trepidare; eò timidiorem, quod sanctiores, et in charitate seu ventiores.

Notant Astrologi, quod stellæ quæ altius à terra assurgunt, & sublimiorem in cœlo locum sortitæ sunt. Scintillantes, & quasi trepidantes apparent. Unde commune illud proloquium: stellæ quæ sunt prope nos non scintillant, trepidant verò quæ ab oculis nostris longissimè recedunt. Idem observa inter Sanctos & reprobos discernit. Reprobi qui terrenis adherent, nec Deum timeant, nec homines reverentur: San-

M m 2

Qi

Et quorum conversatio in cœlis est, in timore & tremore propriam operantur salutem, eo timidiore quod sanctiores. Time ergo (inquit Bernardus) cum arripieris gratia; time, cum abieris, time cum diuino reverteris, & hoc est semper pavidum esse. Succedant vicissim sibi animo tres isti timores, secundum quod gratia vel adesse dignatur, vel offensam recedere, seu iterum placata redire sentietur.

## § V.

*Cur Spiritus sanctus, sub figura linguae igneae, super Apostolorum capita descendit?*

**P**lures huius apparitionis, seu figurae, sancti Patres adducunt rationes.

Prima & praecipua est: Quia Spiritus sanctus venit, ut Chistum clarificaret, & manifestaret hominibus, iuxta illud Joan. 16. *Ille me clarificabit, quia de meo accipiet*: interpres autem verbi in mente latens, est lingua, quae per sermonem ac loquelam illud exterius prodit & manifestat: Ergo conveniens erat, ut Spiritus sanctus sub specie linguae Apostolis appareret. Hanc rationem insinuat D. Antonius de Padua serm. 1. de Spiritu sancto: *Linguae inquit, assultu, qui pro Verbo venit: cognat enim habet linguam cum verbo, ut ab invicem ne queant separari.*

Secunda ratio est Augustini serm. 187. de tempore, ubi docet, quod quia per confusionem linguarum, quae contigit in edificatione turris Babel, dissipatus erat mundus, congruum erat illud in unitatem fidei & charitatis per Spiritum sanctum, sub forma linguae igneae apparentem, reduci. Eam (inquit) linguarum diversitate, Ecclesia continet unitatem; ut quod discordia dissipaverat, colligeret charitas: & humani generis, tanquam unius corporis membra dispersa, ad unum caput Christum compaginata, redigeret, & in sancti corporis unitatem dilectionis igne conflaret. Unde Spiritus sanctus scientiam vocis habere dicitur, iuxta illud Psalmista: *Spiritus Domini replevit orbem terrarum, & hoc quod continet omnia, scientiam habet vocis.* Scientia vocis est musica, quae diversitatem vocum & tonorum suavi concordia temperat. Scientiam istam Spiritus sanctus habere dicitur, quia diversas gentes & populos, unius Evangelicae veritatis concentu & concordia mitigat, ac in unitatem fidei congregat. Venit ergo Spiritus sanctus tanquam doctissimus veritatis praecceptor. Nam sicut in musica, & harmonico choro, in quo variae resonant voces, & ad melodiam concinunt, quaedam aliter modulatae sublimius personant; aliae profundum mulces gradum infimiùs tenent; aliae mediarum servant tenorem; nec vocum diversitas harmoniam confundit, sed mirè servat, & eleganter concinnat, imò ex vocum varietate concors discordia modulatae conflatur: sic in Evangelicae veritatis & doctrinae concentu, (inquit Rupertus) licet variae sint Doctorum & Praedicatorum linguae; unius tamen debet esse sententiae consensus: ideo licet sub variis & dispersis linguis Spiritus sanctus apparuerit, unicus tamen ignis supra singulos sedet.

Tertia ratio insinuat ad D. Gregorio hom. 30 in Evang. dicente: *In linguam igneam apparuit Spiritus, quia omnes quos repleverit, ardentes pariter & loquentes facit.* Concionatoris enim, & viti Apostolici lingua, ignea esse debet, ut divini amoris flammam in cordibus hominum accendat. Unde ibidem addit Gregorius: *Linguae igneae Doctores ha-*

**A** bent, quia dum Deum amandum praedicant, corda audientium inflammant. Nam otiosus est sermo Doctoris, si praebere non valet incendium amoris. Et Doctor serm. 1. mellifluus de sancto Aedrea loquens sic ait: *Ex abundantia cordis os loquitur est, & charitas quae fervebat in corde, quasi scintillae quajam ardentissimae emittit in voce.*

Nec mirum quòd viti Apostolici ignitum debeant habere eloquium, & linguam divini amoris igne flagrantem: sunt enim divini verbi dispensatores ac ministri, Dei autem Verbum, nedum lucidum est, ac splendidum, sed dignum & ardens, & divinum spirans ac inspirans ardorem: etenim Patet aeternum Verbum producitur, non qualecumque, sed Verbum spirans amorem ut supra ex D. Thoma vidimus.

Denique Spiritus sanctus venit ut hominem interiori reformaret: & ideo ab Augustino, *Picarius Redemptor* appellatur; hominis autem reformatio debet à lingua incipere, quae (teste D. Jacobo) est universae iniquitatis. Omnia corporis nostri membra servum iniquitatis, ut testatur Apostolus ad Rom. 7. attamen hoc membrum illi, alterum huic, est lingua omnibus. Est quippe armamentarium omnis generis sceleribus; impudicitiae, quia ipsa est quae loquitur, proditque amorem; furto, quia pauperem circumvenit, liquidas suis verbis adulatoriis palliando usuras; vindictae, furoris, superbiae, &c. Hinc bellè Chrysostomus de lingua divitis Epulonis sic ait: *Lingua plus ardet, quia misericordia uti facit jubere neglexit; in lingua majus sensit incendium, quia male dixit pauperi, misericordiam contradixit. Lingua in tormentum prima est, quae derogando pauperi, pauperi blasphemavit Auditori.*

Totus mundus positus est in maligno, sive (ut interpretatur Angelicus Doctor) in malo igne, sed praeter ceteris corporis humani membris, lingua malo igne inflammatur. Unde à D. Jacobo rotæ ignita & inflammata appellatur. Ut ergo praecipuum hoc corporis membrum & organum expiaretur, oportebat illud sacro Spiritus sancti igne purificari: & ideo convenientissimè in figura linguae igneae Spiritus sanctus apparuit.

## DISPUTATIO XI.

## DE CONSTITUTIVO DIVINARUM PERSONARUM.

*Ad quaestionem 40. D. Thoma.*

**P**ostquam D. Thomas personas divinas, tam in communi, quam in particulari, absolute consideravit, illas denique comparat ad alia quae connotant. Et primò ad essentialiam quam includunt, quaestione trigesima nona; secundò ad relationes quibus constituuntur, quaestione quadragesima; tertio ad actus notiones quos eliciunt, vel terminant, quaestione quadragesima prima; quarto ad invicem illas conferri, quaestione quadragesima secunda: & tandem comparat illas ad creaturas, ad quas mittuntur, quae ibi 41.

De his omnibus divinarum personarum comparationibus non agemus in praesenti: quia quae concernunt comparationem ipsarum ad essentialiam,

tiām, & ad actus notionales, in secunda & tertia A  
disputatione sufficienter explicata sunt. Unde  
solum nobis restat hic differendum de aliis tri-  
bus comparationibus, circa quas occurrunt tres  
celebres quæstiones. Prima est de constitutivo  
divinarum personarum. Secunda de illarum æ-  
qualitate & ordine. Tertia de illarum mis-  
sione, & in anima justi habitatione. De prima in  
hac disputatione dicemus, de aliis in sequentibus;  
& sic totum Tractatum de Trinitate absolvemus

## ARTICULUS I.

*An in personis divinis admittenda sint pro-  
prietates, quibus constituantur & dis-  
tinguantur?*

**P**artem negativam tenuit olim Propositivus,  
relatus ad D. Thoma hic art. 1. & supra quæst.  
32. art. 2. quem secutus est Gregorius de Arimino  
in 1. dist. 26. & 27. quæst. 1. art. 2. ubi docet  
personas divinas constitui & distingui seipsis,  
non verò per aliquas proprietates. Ceteri tamen  
Theologi hanc sententiam rejiciunt, & variis  
notant censuris: quidam hæreticam, alii erro-  
roneam, alii errori proximam, alii temerariam  
appellanti. A quibus censuris abstinendo, & S.  
Doctores modestiam imitando, sit

§. I.

Conclusio affirmativa statuitur.

**D**ico igitur: Dari in personis divinis prop-  
rietates aliquas reales, quibus constituuntur,  
& inter se distinguuntur.

Ita colligitur ex variis Conciliis, præsertim ex  
Lateranensi cap. firmiter, ubi dicitur: *Sanctissima  
Trinitas secundum communem essentiam est indivisa, se-  
cundum vero personales proprietates distincta.* Item in  
Concilio Florentino sess. 1. assertur *personas divi-  
nas per suas proprietates differre.* Et sess. 18. Joannes  
Theologus Latinus sic ait: *Persona ex substantia  
proprietasque subsistit.* Idem habetur in Epistola  
Sophronii, à sexta Synodo generali approbata.  
Denique Ecclesia in præfatione Missæ Festi SS.  
Trinitatis cantat: *Veni personæ proprietates, in essentia  
unitas, & in maiestate adoretur æqualitas.*

**N**ec valet si dicas cum Præpositivo, abstra-  
ctum in his locis accipi pro concreto, id est, pro-  
prietatem pro persona, sicut cum dicitur: *Rego  
majestatem vestram;* aut cum Gregorio, locutiones  
Conciliorum esse intransitivas, atque adò non  
esse sensum, quòd personæ constituantur pro-  
prietatibus tanquam formis, sed quòd consti-  
tuantur seipsis, utpote quæ sunt ipsæ prop-  
rietates. Non valet, inquam, hæc responsio: ex illa e-  
nim sequitur, modum loquendi Ecclesiæ & Con-  
ciliorum esse prorsus ineptum ac nugatorium.  
Nam quando proprietates dicuntur esse in per-  
sonis, adorari in personis, & distinguere perso-  
nas, idem esset ac si diceretur, quòd personæ sunt  
in personis, & adorantur in personis, & distin-  
guuntur personis: quod est nugatoria repetitio,  
& barologia intolerabilis.

**P**robatur insuper conclusio ratione funda-  
mentali. Quæ non differunt se totis, sed aliquo  
sui, habent aliquid sibi proprium & peculiare,  
quò constituantur & distinguantur: Sed perso-

næ divinæ non differunt se totis, sed aliquo sui.  
Ergo in illis dantur proprietates quibus consti-  
tuuntur ac distinguuntur. Major patet, Minor  
probat per primò. Si personæ divinæ se totis dif-  
ferrent, distinguerentur per essentiam, & conse-  
quenter in essentia: Sed hoc non potest dici, cum  
secundum fidem essentia & natura sit eadem  
realiter in tribus personis divinis: Ergo personæ  
divinæ se totis non differunt.

**S**ecundò probatur eadem Minor, destruendo  
præcipuum Adversariorum fundamentum. Si  
ob aliquam rationem personæ divinæ non dis-  
tinguerentur nec constituerentur aliquo sui, sed  
se totis differrent, maxime quia in illis prop-  
rietates relativa & essentia sunt realiter & formaliter  
idem: Sed hæc ratio nulla est: Ergo non se totis,  
sed aliquo sui distinguuntur & constituuntur.  
Major continet præcipuum Adversariorum  
motivum, Minor autem probatur. Ut persona  
divina non se tota, sed aliquo sui constituatur &  
distingatur, sufficit distinctio virtualis & ratio-  
nis ratiocinatur inter prædicata in persona re-  
perta: Sed hæc distinctio inter illa prædicata in-  
venitur: Ergo non obstat realis formalis prædi-  
catorum identitas, ut persona divina non se to-  
ta, sed aliquo sui constituatur & distingatur.  
Minor in Tractatu de attributis, contra Grego-  
rium & alios Nominales demonstrata fuit. Ma-  
ior autem sic ostenditur. Illa distinctio sufficit ut  
de una & eadem entitate verificentur prædica-  
ta contradictoria, ut in disp. 3. ostensum est: Ergo  
pariter sufficit, ut uno prædicato, & non alio,  
constituatur & distingatur.

**S**ecundò, distinctio virtualis, quæ inter intel-  
lectum divinum & voluntatem versatur, sufficit  
ad verificandum, quòd Deus per intellectum &  
non per voluntatem intelligatur: & e contra quòd  
voluntate & non intellectu formaliter amet  
sufficit etiam ad salvandum, quòd Verbum pro-  
cedat per intellectum, & non per voluntatem;  
& Spiritus Sanctus per voluntatem, & non per  
intellectum: Ergo eadem distinctio sufficit, ut  
persona divina uno & non altero prædicato  
constituatur & distingatur.

**C**onfirmatur: Non major distinctio requiri-  
tur, ad hoc ut Pater paternitate & non filia  
distingatur & constituatur, quàm ut volun-  
tate essentiam Patris communicari & convenire  
Filio, & non communicari Filio, nec illi conve-  
nire paternitatem: Sed hoc secundum esse ve-  
rum, non obstante identitate reali formali es-  
sentia & paternitatis, disp. 3. ostensum est: Ergo  
etiam primum salvabitur, hac identitate non  
obstante.

§. II.

Solvuntur obiectiones.

**O**bjicies primò cum Gregorio: Idem non  
potest constituere seipsum: Sed quidquid  
est in personis divinis, realiter cum illis identifi-  
catur. Ergo nulla potest dari proprietas in perso-  
nis divinis, per quam constituantur & distin-  
guantur, sed seipsis immediate constitui ac dis-  
tingui debent.

**R**espondeo distinguendo Majorem: Idem  
omni modo identitatis, concedo Majori. Idem  
cum distinctione virtuali, & rationis ratiocina-  
tæ, nego Majorem; & sub eadem distinctione  
Minoris, nego Consequentiam. Duplex enim  
datur rerum constitutio, una compositionis,  
alia



alia simplicitatis: exemplum primæ habemus in homine, qui physice constituitur ex corpore & anima, & metaphysice ex genere & differentia: exemplum secundæ in ente, quod sub ratione veri, boni, ac unius, per suas proprietates, & modos ab eo realiter indistincto, constituitur. Ad primam constitutionem requiritur distinctio realis, vel rationis, quæ sit per modum excludentis & exclusi: ad aliam verò sufficit distinctio virtualis, seu rationis ratiocinata, per modum expliciti & impliciti, sive includentis & inclusi. Unde cum hoc secundo modo paternitas à Patre distinguatur (Pater enim explicite & constitutive importat naturam divinam, quam paternitas implicite solum & per realem transcendentiam includit) Pater per paternitatem in ratione personæ constituitur.

9 Dices cum Gregorio: Paternitas non est magis simplex, quam Pater: Sed paternitas, quia simplex est, nullo à se distincto constituitur: Ergo nec Pater.

Respondeo concessa Majori, negando causalem Minoris: Paternitas enim non ideo non constituitur aliquo ab ipsa distincto, quia simplex est; sed quia in abstracto & per modum formæ significatur, nec constat formalitatibus virtualiter distinctis: unde cum Pater per modum totius & concreti significetur, & constet ex natura & paternitate, quæ virtualiter distinguuntur; per aliquid à se virtualiter distinctum, nempe per paternitatem, constituitur.

10 Obijces secundò: Constitutum dependet & causatur à constituente: Sed Pater in divinis à nullo potest dependere vel causari: Ergo nec constitui.

Respondeo distinguendo Majorem: Dependet & causatur, dependentiæ & causalitate reali formali, aut reali virtuali, concedo Majorem: dependentiæ reali formali, semper, nego Majorem. Similiter distinguo Minorem: Pater à nullo potest dependere vel causari, dependentiæ & causalitate reali formali, concedo Minorem: reali virtuali, nego Minorem, & Consequentiam.

11 Explicatur: De ratione Dei solum est à nullo dependere per dependentiam realem formalem, quod autem à nullo dependeat dependentiam à se virtuali, nec formali per rationem, solum est de conceptu nature divinæ, prout ab attributis distinctæ: cum enim illa sit prima perfectio, quæ cum fundamento in re concipitur intra Deum; nec realiter formaliter, nec realiter virtualiter, nec formaliter per rationem potest aliam perfectionem supponere; & consequenter non potest ullo ex his modis causari. Aliæ autem perfectiones, sicut illam virtualiter supponunt, & virtualiter ab illa dimanant, ita virtualiter causantur; nisi fortè fiat vis in verbo dependere vel causari, quod videtur de notate imperfectæ: hinc tamen imperfectio omnino tollitur, addito *virtualiter*, aut *formaliter per rationem*; unde cum his additamentis bene potest concedi, attributa dependere & causari à natura divina, & Patrem à paternitate seu personalitate per quam constituitur.

12 Querunt hic aliqui, an constitutio divinæ personarum realis vel rationis dici debeat?

Respondeo illam non debere dici realem formaliter, sed tantum virtualiter. Ratio est, quia ad realem constitutionem, præter realitatem constituents, requiritur distinctio realis illius à constituto: Sed quamvis proprietates

A constituentes divinas personas sint reales, non sunt tamen ab illis distinctæ, distinctione reali virtuali, & formali per rationem: Ergo constitutio divinæ personarum non est realis formalis, sed realis virtualis, & formalis per rationem; sicut divina natura non est radix attributorum realiter formaliter, sed tantum realiter virtualiter, & formaliter per rationem.

## ARTICULUS II.

*An persona divina constituantur & distinguantur proprietatibus absolutis, vel relativis?*

B Quidam antiqui Theologi olim existimaverunt personas divinas proprietatibus absolutis constitui ac distingui. Pro qua sententia referuntur Joannes de Ripis, Lichetus, & Lincolnensis; eamque probabilem reputat Scotus in 1. dist. 26. quæst. unica; cui adhæsit Theodorus Smiling disp. 2. quæst. 1. num. 16. Hæc tamen opinio tanquam hæretica, aut erronea, vel ad minus temeraria rejicitur ab aliis Theologis; qui tanquam fidei Catholicæ dogma, personas divinas relativis proprietatibus constitui & distingui, unanimi fere consensu profitentur.

## §. I.

*Vera sententia statuitur.*

Dico igitur: Personæ divinæ non distinguuntur, nec constituuntur proprietatibus absolutis, sed relativis.

Probatur primò conclusio ex illis verbis quæ habentur Matth. ultimo: *Baptizantes vos in nomine Patris, & Filii, & Spiritus Sancti*. Et 1. Joan. ultimo: *Tres sunt qui testimonium dant in celo, Pater, Verbum, & Spiritus Sanctus*. Ex quibus locis sic arguo: Proprietates explicatæ nominibus relativis, sunt relativæ: Sed nomina quibus in Scriptura explicantur proprietates personales, & personæ constitutæ, sunt relativæ: Ergo proprietates personales, in Scriptura explicatæ, relativæ sunt, & non absolutæ.

Probatur secundò ex Concilio Florentino sess. 18. ubi Joannes Theologus Latinus sic ait: *Persona ex substantia, proprietatibusque subsistit*. Ubi proprietatis nomine relationes intelligi, constat ex illis verbis ibidem subjunctis: *Ista substantia cum personâ communicat, proprietates vero nequaquam communicabiles sunt; quod quidem ex relationis vi creditur evenire*: Ergo personæ divinæ relationibus constituuntur: nam divinam personam ex substantia, proprietatibusque subsistere, idem est ac substantiâ, & proprietate constitui.

E Quod amplius urgetur ex aliis verbis Basilianis Patriarchæ, in oratione pro unione cap. 6. ubi præmissâ identitate reali relationis & originis, sic ait: *Ideo utroque quidem modo distinguuntur divina persona; prius tamen & principaliter, secundum modum intelligendi, per relationes, per quas etiam constituuntur persona divina*. Quo nihil clarius & expressius pro nostra conclusione dici potest. Et licet verba prædicta non sint definitio expressa Concilii: quia tamen tacite fuerunt ab illo approbata, magnam habent auctoritatem, ita ut absque ingenti auidacia & temeritate illis repugnare non liceat.

16. Tercio suadetur conclusio ratione fundamēntali. Quod est unicum personæ divinæ distinctivum, debet esse illius constitutivum: Sed sola relatio personarum divinarum distinguitur: Ergo illas constituit. Major patet ex communi doctrina Philosophorum, qui docent unumquodque distingui ab aliis per id per quod in suo esse constituitur (v.g. quia homo per rationalitatem in esse hominis constituitur, per illam à cæteris rebus distinguitur) & per consequens idem esse distinctivum & constitutivum in rebus. Minor autem disputatione præcedenti multis Conciliorum & SS. Patrum testimoniis, ac rationibus demonstrata fuit, & potest adhuc breviter suaderi. Divina infinitas petit, ut quævis divina perfectio aut formalitas sibi realiter identificet omne id, cum quo non opponitur relative, ut patet discurrendo per omnes: idem enim misericordia & iustitia, voluntas & intellectus, natura & attributa, potentia & ejus operatio, non distinguuntur realiter in Deo, quia non referuntur realiter relatione; item relatio divina non differt realiter ab essentia, quia ad illam non refertur: Spiritio etiam activa à paternitate & filiatione realiter non distinguitur, quia licet Spiritio Patrem & Filium ad Spiritum Sanctum referat, non tamen ad paternitatem, nec ad filiationem refertur: Ergo sola relativa oppositio realem potest in Deo inducere distinctionem; & consequenter sola relatio potest distinguere realiter personas divinas.

Confirmatur: Ab eo solum oritur distinctio in personis divinis, à quo oritur incommunicabilitas: Sed incommunicabilitas à sola relatione provenit, cum omnes formalitates & perfectiones absolutæ, tribus personis communes sint: Ergo & personalis distinctio.

## §. II.

*Adversariorum argumenta solvuntur.*

17. Obijcies primò: Persona divina constituitur per substantiam: Sed substantia in Deo est quid absolutum: Ergo persona in Divinis per proprietatem absolutam constituitur. Major patet, Minor verò probatur primo ex Augustino lib. 7. de Trinit. cap. 4. dicente: *Omnes res ad se ipsam subsistit, quando magis Deus.* Sed quod est ad se & non ad aliud, absolutum est; Ergo substantia in Deo est quid absolutum. Secundo probatur eadem Minor ex Divo Thoma qn. 9. de potent. art. 7. ad 13. ubi docet personas divinas habere ab essentia quod subsistant: Sed quod personis divinis convenit ratione essentiae, absolutum est. Ergo idem quod prius. Probatur tertio: Substantia ex proprio conceptu explicat perfectionem: Sed relatio in Deo perfectionem non explicat, ut disp. 3. docuimus: Ergo substantia in Deo non in relatione, sed in aliquo absoluto consistit.

18. Respondeo distinguendo Majorem: Persona constituitur per substantiam ut dicit perfectitatem independentem ab alio ut sustentante, nego Majorem; ut dicit perfectitatem excludentem communicabilitatem alteri tanquam supposito, concedo Majorem. Similiter distinguo Minorem: Substantia in Deo est quid absolutum, sumpta pro perfectitate independenti, concedo Minorem: sumpta pro perfectitate incommunicabilitatis, nego Minorem. Ad cuius primam & secundam probationem, dicendum est, D. Au-

gustinum, & S. Thomam, locis allegatis, loqui de substantia in prima, non verò in secunda acceptione. Ad tertiam probationem eodem modo respondendum est, distinguendo Majorem, eamque concedendo de substantia, ut dicit perfectitatem independentem, & negando de substantia, ut dicit perfectitatem incommunicabilitatis, ut supra fuisse expendimus.

Obijcies secundò: Persona est idem quod suppositum rationalis naturæ, ut docet Divus Thomas supra quæst. 29. art. 2. Sed in Deo suppositum constituitur per aliquid absolutum: Ergo & persona. Minor probatur: Illud absolutum est, quod Deo convenit pro priori ad relationes: Sed suppositum pro priori ad relationes Deo convenit: Ergo absolutum est. Major patet, Minor probatur, Actiones sunt suppositivorum, ut ex Aristotele communiter docent Philosophi: Sed velle, intelligere, & creare, conveniunt Deo, pro priori ad omnem relationem, cum sint actiones toti Trinitati communes: Ergo pro priori ad omnem relationem intelligitur ratio suppositivum Deo.

Respondeo concessa Majori, negando Minorem. Ad probationem verò illius dicendum est, quod quando Philosophi docent actiones esse suppositivorum, accipiunt suppositum pro re subsistente, sive communicabili, sive incommunicabili sicut constat in anima rationali, quæ separata à corpore operatur ut quod, eliciendo intellectionem & volitionem, cum tamen sit communicabilis corpori. Ut ergo aliquid operetur ut quod, sufficit ut sit subsistens, licet non sit suppositum; ac proinde ex eo quod Deus, ut præintellectus relationibus, intelligat, velit, creet, &c. non sequitur esse suppositum, sed tantum esse subsistentem substantiæ absolutæ, ut loco supra citato ostendimus.

Obijcies tertio: Si relatio constitueret personam divinam, uniretur essentiae, ut ex illa & essentia resisteret persona: Sed non potest relatio essentiae divinæ uniri illam constitueret relationem, cum omnis forma subiecto unita præbeat illi suum esse & formalem; formalis autem essentia relationis sit tertium: Ergo relatio in Divinis nequit constituere personam.

Respondeo concessa Majori (intellectu de unione virtuali, & per rationem) negando Minorem, quam non convincit probatio: nam forma unita subiecto non præbet illi omnem quæ continet effectum, sed duntaxat illum cuius subiectum est capax: cum autem divina essentia capax quidem sit, ut per relationem constituatur terminata, non tamen ut per illam constituatur relata; quia ad hoc requireretur, quod distingueretur realiter à termino ad quem referretur, essentia autem divina à nulla ex divinis personis reali distinctione distinguitur; idcirco relatio primum illi præstat; non verò secundum.

Obijcies quarto: Persona divina est aliquid per se unum: Sed ex relatione & essentia non potest unum per se resultare, ut patet in rebus creatis, in quibus ex subiecto & relatione resultat unum tantum per accidens: Ergo persona divina non constituitur ex essentia & relatione.

Respondeo concessa Majori, negando Minorem. Triplex enim inter relationes divinas & creatas reperitur notabile discrimen: nam relationes in Deo pertinent ad lineam substantiæ, realiter identificantur cum essentia, & existentia illius existunt, ut disp. 3. ostendimus; & con-

era verò relationes creatæ accidentales sunt, & à substantia seu subiecto cui insunt realiter distinctæ, juxta probabiliorē sententiā; nec ad esse illius trahuntur, sed habent existentiam sibi propriam, distinctam ab existentia substantiæ. quare licet ex relatione creatæ & substantia unum per se resultare non possit, bene tamen ex relatione divinæ, & essentia.

## ARTICULUS III.

*Quomodo persona Patris per relationem constituitur, & ab aliis distingui possit?*

## §. I.

*Ratio dubitandi proponitur, & varii dicendi modi referuntur, ac refelluntur.*

**R**atio dubitandi ad generationem supponitur constitutus in esse personæ, cum persona prius sit quam operetur. Sed paternitas non convenit Patri pro priori ad generationem, sed subsequitur ad illam; ut enim docet Philosophus 5. Metaph. text. 2. generatio est paternitatis fundamentum; Ergo per paternitatem non constituitur in ratione personæ.

Confirmatur, & utgetur magis hæc ratio. Quod subsequitur ad aliquid, non constituitur, sed supponens personam, non potest ipsum constituere in ratione personæ: Atqui paternitas subsequitur ad generationem, cum fundetur supra illam; generatio autem non constituit, sed supponit constitutam personam Patris, quippe cum rei constitutio ad actionem supponatur: Ergo paternitas non constituit, sed supponit constitutum Patrem in ratione personæ.

**H**oc argumentum Theologorum ingenia diu exercuit, & illos in diversa placita, varioque dicendi modos abire cecit. In primis enim Vasquez disp. 359, cap. 5. & sequentibus, difficultatis pondere oppressus, illique succumbens, fateretur hoc argumentum convincere, Patrem non constitui in ratione personæ per paternitatem; unde ibidem docet, formam constitutivam illius esse innascibilitatem, seu rationē fontalis principii.

**S**ed hæc responsio & doctrina cæteris Theologis displicet, & aperitissime contrariatur D. Thomæ 1. ad Annibaldum dist. 27. qu. 1. art. 3. ad 2. ubi ait quod ratio ingeneri præsupponit paternitatem. Et hæc art. 3. ad 3. docet quod innascibilitas non constituit, nec distinguit personam Patris: *Hoc enim, inquit, esse non potest, cum ingenerum nihil ponat, sed negativè dicatur.*

**R**esponder Vasquez: Quod licet innascibilitas negatione explicetur, non tamen in negatione, sed in positivo consistit.

Sed contra: Vel illud positivum est aliquid absolutum, vel respectivum; Si primum dicatur, sequitur personam Patris per aliquid absolutum constitui, quod negat Vasquez. Si secundum, erit ipsa relatio paternitatis: in Patre enim non est alia relatio quam paternitas, vel spiratio.

**R**esponder Vasquez, illud positivum esse relationem, non realem, sed rationis; cum enim, inquit, constitutio divinarum personarum non realis, sed rationis sit, per relationem rationis fieri potest.

Hæc tamen responsio facile potest confutari.

**N**am licet constitutio personæ divinæ non sit realis sed rationis, ex defectu distinctionis realis inter constituentia inter se, & inter constituentia & constitutum, constitutum tamen reale est: sicut constitutio hominis per rationale, non est realis, sed rationis, & tamen constitutum est reale: Ergo quamvis constituentia solum distinguantur ratione, debent tamen esse realia, nam constitutum reale nequit per aliquid rationis constitui.

Secundus dicendi modus est Alarcon discipuli Vasquez, qui cum illo fatetur, rationem formalem constitutivam Patris non esse paternitatem, sed relationem fontalis seu radicalis principii: vult tamen relationem illam non esse rationis, sed realem, non quidem prædicamentalem (ne plusquam quatuor relationes prædicamentales in Deo cogatur admittere) sed transcendentalē.

Verum hæc sententia, seu potius modus explicandi sententiam Vasquez, est omnino improbabilis. Nam ex eo probant Theologi, personæ divinas relationibus constitui, & non modis absolutis; quia juxta commune axioma, *In Divinis omnia sunt idem, ubi relationis oppositio non obstat*: Atqui hoc axioma nequit intelligi de oppositione relativa transcendentali, sed tantum de prædicamentali: Ergo vel assertendum est illud argumentum esse inefficax (quo admissio, totum robur illius sententiæ evanescit) vel dicendum, nullam personam relatione transcendentali constitui. Minor, in qua solum sita est difficultas, ostenditur primò. Axioma illud semper intellectum est de oppositione relativa, prædicamento relationis propria. Sed sola oppositio relativa prædicamentalis, propria est prædicamento relationis; transcendentalis autem aliis prædicamentis convenit, sicut & ipsa relatio transcendentalis per omnium entium genera divagatur: Ergo non potest intelligi de oppositione relativa transcendentali, sed solum de prædicamentali.

**S**ecundò, illa quæ in creatis opponuntur relativè solum transcendentaliter, translata in Deum non retinent realem oppositionem, ut constat in actione & principio, potentia et obiecto, natura et proprietatibus: hæc enim in creatis opponuntur relativè transcendentaliter, quia actio ad principium transcendentaliter refertur, et similiter potentia ad obiectum, et proprietates ad naturam à qua dimanant; et tamen quia non constituuntur per seipsæ prædicamentalem, actio et principium in Deo, non opponuntur realiter transcendentaliter, nec potentia cum obiecto, nec proprietates cum natura divina: Ergo idem quod prius.

**T**ertio, Axioma illud ab omnibus intelligitur de relativa oppositione, proveniente à relatione quæ verè et proprie relatio est: At relatio transcendentalis non est verè et proprie relatio, sed aliquid absolutum: Ergo non intelligitur de oppositione relativa transcendentali, sed de prædicamentali.

Ex quo ulterius modus ille dicendi Alarcon impugnari potest: ex illo enim sequitur personam Patris per aliquid absolutum constitui; quod ille non admittit, et repugnat communi Theologorum sententiæ. Sequela patet: relatio enim transcendentalis non est vera et propria relatio, sed aliquid absolutum ab aliquo extrinseco dependens, et illud connoscens; ut communiter docent Philosophi, et patet in potentiis et habitibus.



quæ per transcendentealem ordinem ad objectum constituuntur, & tamen sunt accidentia absoluta, & non relativa: Ergo si persona Patris relatione transcendentali constituitur, sequitur illam non per relationem, sed per aliquid absolutum constitui.

34 Hinc confutata manet aliquorum sententia, qui docent paternitatem in Divinis esse relationem solum transcendentalem, & idcirco illam non supponere generationem; nec in ea fundari, sicut paternitatem creatam, quia relatio prædicamentalis est. Si enim divina paternitas esset relatio solum transcendentalis, non esset vera & propria relatio, sed quid absolutum; & ita Pater per aliquid absolutum in ratione personæ constitueretur: Consequens est falsum, ut supra ostendimus: Ergo paternitas divina non est, nec dici debet relatio transcendentalis, sed prædicamentalis. Est, inquam, sive dicitur prædicamentalis, non quod sit prædicamento relationis, sed quia esset in illo, si non esset actus purus; vel quia cum relatione creata prædicamentali convenit in respiciendo terminum ut purum terminum: licet enim respiciat Filium ut productum, quia tamen talis productio est sine causalitate & dependentia, non obstat quin illam ut terminum purum respiciat. Unde inter relationes divinas & creatas notabile intercedit discriminem: nam in creatis non datur productio sine dependentia; & idcirco si relatio creata respiceret terminum ut productum, illam ut à se dependentem, & per consequens, non ut purum terminum respiceret: in Divinis verò productio absque dependentia invenitur; ex quo fit, quod paternitas divina Filium ut purum terminum respiciat, quamvis ad illum ut à Patre productum terminetur.

35 Quartus modus dicendi est nostri Herræ, in manuscriptis ad istam questionem, ubi docet quod licet paternitas creata supponat generationem, quia accidens est, non tamen divina, quia est substantialis & subsistens, unde ista pro priori ad generationem in Patre intelligi potest, etiam sub conceptu & munere referendi. Videatur hæc doctrina habere fundamentum in D. Thoma: nam hic art. 2. ad 4. docet, quod relatio præsupponit distinctionem suppositorum, quando est accidens: si verò subsistens sit, non supponit, sed secum deferri suppositorum distinctionem. Et in 1. dist. 27. quæst. 1. art. 2. sic ait: *Ipsa relatio potest tripliciter considerari, vel inquantum est relatio absoluta; & ex hoc non habet quod præcedat operationem, imò magis quod sequatur: vel inquantum est relatio divina, quæ est constitutus personam, & est ipsa persona subsistens; & sic præcedit secundum intellectum operationem; vel inquantum est ipsa operatio personalem, & sic sunt simul secundum intellectum, & idem.* Quibus verbis satis videtur innuere, quod paternitas divina, quamvis ex conceptu relationis ut sic operationem sequatur, quia tamen divina, substantialis, & subsistens est, etiam sub expresso relationis conceptu, generationi præsupponitur.

36 Sed nec placet modus iste dicendi: licet enim ex eo quod paternitas divina non sit accidens, sed substantia, habeat quod non supponat generationem accidentalem, sicut paternitas creata, vel ad summum quod sub conceptu subsistentis & formæ hypostatice ad generationem præintelligatur, non tamen quod generationem substantialem non præsupponat, & ad illam, sub conceptu & munere referendi, non sublegetur. Suppono ex D. Thoma hic art. 4. in corp. distinctionem.

Tem. II.

A guin paternitate rationem relationis, & rationem formæ hypostatice, & sub priori consideratione generationem supponere, ac super illam fundari, sub alia vero generationem præcedere, & personam constituere. Quod etiam docuerat S. Doctor supra quæst. 29. art. 4. ad 1. quæst. 9. de potentia art. 4. & quæst. 10. art. 3. Nec contrarium docet locis in favorem Herræ adductis, sed solum statuit discrimen inter paternitatem creatam & divinam, consistens in hoc, quod creata sub omni conceptu generationem supponat; divina vero sub uno conceptu supponat generationem, & sub alio illam præcedat, ut infra explicabimus.

B Addo, quod ex illa sententia sequitur, dato per impossibile, quod prima persona Trinitatis non generaret secundam, fore nihilominus Patrem. Sed hoc absurdum est, cō quod implicet concipi patrem non gerentem filium, cum pater sit filii pater: Ergo, &c. Sequela probatur: Nam juxta hunc modum dicendi, paternitas divina non fundatur in generatione, nec illam supponit sub aliquo sui conceptu, sed ad illam adæquatè præsupponitur: Atqui prius, inquantum prius, non dependet à posteriori, manetque, illo per impossibile ablato; sicut per impossibile voluntate ablata, intellectus remaneret, quia intellectus voluntatem præcedit: Ergo ex illa sententia sequitur, filio per impossibile ablato, vel à prima persona non genito, adhuc remansurum Patrem nedum in esse personæ, sed etiam in esse Patris.

38 Confirmatur & magis urgetur hæc ratio. Quia absoluta in Deo sunt priora notionalibus & proprietatibus relativis, idcirco istis per impossibile ablatis, adhuc absoluta remanent: Ergo si paternitas adæquatè sumpta, est prior generatione filii, hæc per impossibile ablata, paternitas divina, & pater in esse Patris remaneret.

39 Confirmatur amplius: Id dicitur remansurum alio per impossibile ablato, quod hoc non intellectus intelligitur: Sed eo ipso quod paternitas sumpta adæquatè, præcedat generationem filii, intelligitur paternitas, non intellectus generationis: Ergo eo ipso concedendum est mansuram paternitatem, ablata per impossibile generatione.

D Denique alii docent paternitatem, ut est subsistens substantia absoluta essentia, consistere personam Patris, & prout sic non sequi, sed antecedere generationem; sub conceptu vero explicito & differentiali relationis, supra generationem fundari, & Patrem in esse personæ constitutum supponere. Pro qua sententia referuntur Durandus, Capreolus, & Ferratiensis. Sed illa, cuiuscunque Authoris sit, confutata manet ex dictis supra disp. 5. ubi ostendimus personas divinas non posse constitui in ratione personæ per substantiam absolutam, sed solum per relativam, quæ sola potest fundare, seu præstare incommunicabilitatem, & distinctionem in personis divinis.

6. II.

Vera solutio proposita discutatur.

Hic ergo modis dicendi relictis, vera proposita sit difficultas solutio sumitur ex D. Thoma hic art. 4. & aliis locis supra citatis, ubi docet, quod paternitas divina dupliciter considerari potest, per modum scilicet relationis, & per modum formæ hypostatice: primo modo sumpta

Na

su-



suprà generationem fundatur, & Patrem in ratione personæ constitutum supponit: secundo autem modo ad generationem supponitur, & Patrem in esse personæ constituit. Juxta quam doctrinam, ad rationem dubitandi initio propositam respondetur, concessâ Majori, distinguendo Minorem. Paternitas non convenit Patri, pro priori ad generationem, sed subsequitur ad illam: paternitas, ut est relatio, concedo Minorem: ut est forma hypostatica, nego Minorem. & Consequentiam, vel distinguendo Consequens, distinctione Minoris. Similiter ad confirmationem, concessâ etiam Majori, distinguo Minorem: Paternitas ut est relatio, seu ut exercens munus referendi, sequitur ad generationem, & supra illam fundatur, concedo Minorem: ut forma hypostatica, & ut gerens munus subsistentiæ, nego Minorem, & distinguo Consequens eadem distinctione. Solutio est D. Thomæ hic art. 4. dicentis: *Proprietas personalis Patris potest considerari dupliciter: uno modo ut est relatio, & sic secundum intellectum præsupponit actum notionalem, quia relatio, in quantum hujusmodi, fundatur super actum: alio modo scilicet ut constituitur in persona, & sic oportet quod præintelligatur actui notionali: sicut persona agens præintelligitur actioni.*

Eandem doctrinam & solutionem sub aliis terminis tradit Capreolus in 1. dist. 25. quæst. 1. ubi docet, quod relatio in Divinis consideratur dupliciter, scilicet ut forma individualis, & quatenus est relatio; & sub prima ratione dicit dare incommunicabilitatem, & personas constituitur; sub secunda verò personam constitutam, originemque supponere. Similiter Cajeranus hic art. 4. ait paternitatem in Divinis posse significari dupliciter, scilicet ut conceptam, & ut exercitam; & primo modo antecedere generationem, & patris personam constituitur, ac exercere munus hypostaticæ formæ; secundo verò generationem subsequi, & in illa fundari, ac exercitium formæ relativæ, ipsumque actum referendi habere.

## §. III.

## Solvuntur obiectiones.

**43** Contra hanc responsionem & doctrinam est D. Thomæ desumptam, in qua tota hujus difficillimæ questionis solutio consistit, plura nec levia obijci possunt argumenta. In primis enim ex illa videtur sequi, quod in Divinis pro priori ad generationem Filius intelligatur: Sed hoc absurdum est: Ergo &c. Sequela probatur: Pater non potest concipi, nisi intelligatur Filius, quia relativa sunt simul cognitione: Ergo si in Divinis Pater pro priori ad generationem intelligatur constitutus per paternitatem, Filius etiam antecedenter ad actum generandi intelligitur.

**44** Respondeo negando sequelam: quia Pater antecedenter ad actum generandi non constituitur per paternitatem, secundum munus referendi ad terminum (sub qua ratione est simul cognitione cum Filio) sed sub munere subsistendi incommunicabiliter: quo pacto non concipitur in ordine ad Filium, nec intelligitur esse simul cognitione cum illo.

**45** Instabis: Non potest relatio concipi, nisi intelligatur secundum suam essentiam, & rationem differentialem, quâ à cæteris entibus differt: Sed propria essentia relationis est ad aliud se habere, seu respicere terminum, & per hoc à cæteris prædicamentis differt: Ergo non potest pro aliquo priori intelligi, nisi concipiatur secundum munus referendi ad terminum.

Constat, & urgetur amplius: Impossibile est concipere aliquam formam communicatam vel uniti subiecto, nisi illi tribuat suum effectum formalem: Sed effectus formalis relationis est actu referre: Ergo eo ipso quod intelligitur unita vel communicata subiecto, intelligitur ut actu referens: & per consequens implicat quod paternitas pro priori ad generationem intelligatur constitui Patrem in ratione personæ, nisi etiam pro illo priori intelligatur ut actu referens Patrem ad Filium.

Ad instantiâ respondeo, concessâ Majori, distinguendo Minorem: essentia relationis est respicere terminum, ut quo, per modum entitatis informantis respiciendo subiectum, concedo Minorem: ut quod, & exercite attingendo terminum, nego Minorem. Sicut enim calor non calefacit ut quod in exercitio, sed est id quo colidum calefacit: ita etiam relatio non respicit ut quod & exercite terminum, sed id est quo subiectum exercit & ut quod illud respicit. Ex quo fit, quod illa in aliquo prioritate afficiat subiectum, vel in se reddatur subsistens si subiectum non habeat, priusquam attingat terminum ut quod in exercitio, quia hoc exercitium dependet ex illo quod habet in subiecto. Prius ergo consideratur relatio ut afficiens subiectum, aut subsistens, quam ut attingens terminum ut quod, & in illo priori divina relatio intelligitur à nobis constituitur personam in ratione personæ. Unde

Ad confirmationem dicendum est, quod licet forma in re existens debeat in re omnem suum effectum formalem subiecto capaci præbere, si tamen ex illa plures effectus formales proveniant, non est necesse ut omnes subiecto præter pro omni priori: unde potest in aliquo priori intelligi ut tribuens alium. Constat hoc in anima rationali, quæ pro aliquo priori tribuit gradum corporeitatis, pro quo non præstat gradum vegetandi, sentiendi, & ratiocinandi. Quamvis ergo paternitas in Divinis habeat pro effectu, vel quasi effectu formali, referre actum Patrem ad Filium, & pro priori ad actum generationis intelligatur primæ personæ conveniens, non oportet tamen quod pro illo priori illam constituat actu relativam, sed sufficit quod pro signo posteriori, secundo ad generationem, præbeat talem effectum.

Secundo contra eandem distinctionem, & doctrinam D. Thomæ insurgit Durandus, & ait ex illa sequi, Patrem, pro priori ad generationem, intelligi constitutum per aliquid absolutum: Consequens est falsum, ut patet ex suprâ dictis: Ergo &c. Probatur sequela: Licet possit intelligi ratio communis, nullâ intellectuâ ratione differentiali, ut animal, non intellectus rationali aut irrationali; non tamen stat, de contento sub ratione communi negari unum ex dividendis illam, quin alterum affirmetur: Sed juxta D. Thomam, pro priori ad originem actuum intelligitur prima persona constituta per aliquid, & negatur esse relativum: cum negetur Patrem pro illo priori esse relativum ad Filium: Ergo necessario affirmatur prima persona constituta per aliquid absolutum.

Hoc tamen argumentum, etsi acutè excogitatur, ex non penetrat doctrinam D. Thomæ procedi: Unde facile ad illud responderetur, negando sequelâ: ad cuius probationem concessâ Majori, distinguo Minoris: negatur esse relativum, sub omni relatio-

relationis conceptu, nego Minorem; sub aliquo relationis conceptu, concedo Minorem, & nego Consequentiam. Nam licet pro priori ad originem activam intelligatur persona Patris constituta, & negetur de illa pro tali priori relatione sub conceptu expresso *ad*, non tamen negatur relatio sub omni relationis conceptu. Nam in divina relatione invenitur conceptus expressus *ad*, & ratio *in*, seu conceptus subsistentis; licet autem pro priori ad originem activam non intelligatur paternitas sub conceptu expresso *ad*, intelligitur tamen sub conceptu formæ hypostaticæ; ac proinde de Patre ut sic constituto non negatur adæquate relatio, sed tantum inadæquate; quod sufficit ut non affirmetur constitui per aliquid absolutum.

51 Dices: Ut Pater intelligatur constitui per aliquid relativum, debet de illo affirmari relatio, secundum ultimam differentiam, quæ differt ab entibus absolutis: At relatio non differt ab accidentibus absolutis, penes rationem *in*, imò potius in illa ratione cum illis convenit, sed solum per rationem *ad*: Ergo debet affirmari de Patre relatio, non solum secundum rationem *in*, seu secundum conceptum subsistentiæ & hypostaticæ formæ, sed etiam secundum rationem *ad*, & sub expresso relationis conceptu.

52 Respondeo concessâ Majori, distinguendo Minorem: non differt ab entibus absolutis penes rationem *in*, adæquate, concedo Minorem; inadæquate, nego Minorem, & Consequentiam. Sicut enim actio, licet dicat habitudinem non solum ad principium à quo egreditur, sed etiam ad subiectum in quo recipitur, differt tamen à passione, non solum in prima, sed etiam in secunda habitudine; quia passio dicit ordinem ad subiectum, sistentem in illo; actio verò importat habitudinem ad illud, cum exigentia essentiali ordinis ad principium. Ita pariter, licet relatio respiciat subiectum, illique inhaereat, sicut & alia accidentia; differt tamen ab illis, inadæquate saltem penes inhaerentiam, seu rationem *in*; in eo quod illa accidentia absoluta, ut quantitas & qualitas, respiciunt subiectum ratione sui, in illo sistentem, & ponendo in eo aliquid per quod se habet ad se, & non ad aliud; relatio verò secundum propriam rationem sui generis, non respicit subiectum ratione sui, & sistentem in illo, seu ponendo in illo aliquid per quod sit tale in se, & ad se, sed ordinando illud ad terminum, & ratione illius, ut supra disp. 9. art. 5. explicatum est. In Deo verò, in quo relatio non est inhaerens, sed subsistens, ratio subsistentiæ relationi propria, per hoc differt à subsistentia absoluta, quæ omnibus perfectionibus divinis communis est, quod hæc non connectitur essentialiter cū respectu ad terminum, nec cum essentialiter exigit, bene tamen illa. Ex ista paternitas, etiam sub conceptu subsistentiæ, & formæ hypostaticæ, à perfectionibus absolutis inadæquate distinguitur, nec absoluta, sed relativa est; quia licet conceptus *ad*, seu respectus ad terminum non explicet, illū tamen implicat & imbibit, & cū eo essentialiter connectitur.

53 Instabis: Hoc non sufficit, ut paternitas, sub conceptu formæ hypostaticæ, relativa dicatur: nam essentia divina imbibit relationes, & connectitur cum illis, & tamen ejus conceptus non est relativus, sed absolutus: Ergo pariter quoddam subsistentia in paternitate inclusa imbibit in se respectum paternitatis ad Filium, & cum illo connectitur, non sufficit ut sit formaliter in linea relationis.

Tom. II.

A Sed nego consequentiam, & pariter N. m. divina essentia est inlibat in se relationes, & cum illis connectitur, cum nulla tamen illarum adæquatur aut convertitur; & ideo connectio essentiae cum relationibus, non constituit illam formaliter relativam, sed illi convenit ratione infinitatis. Ratio verò subsistentiæ in paternitate inclusa, connectitur cum *ad* paternitatis, connectione adæquate & convertibili; & taliter paternitas subsistentem constituit quod in subsistendo non sinit, sed illam subsistentem reddit, ut eam ad Filium referat.

Obijcies tertio: Paternitas in Divinis personam constituit per illum conceptum & formalitatem, per quam tribuit incommunicabilitatem; Sed illam non præstat, in quantum est subsistens, sed solum quatenus respicit terminum & correlativum quononitur: Ergo non constituit Patrem in ratione personæ, ut habet rationem formæ hypostaticæ subsistentis, sed sub conceptu explicito relationis, seu respectus ad terminum.

Confirmatur: Constitutum rei debet illam distinguere ab aliis: Sed paternitas sub formæ hypostaticæ conceptu, in signo antecedente generationem, non distinguit Patrem à Filio; cum in illo priori Filius adhuc non intelligatur: Ergo nec Patrem in tali signo in ratione personæ constituit.

C Ad objectionem respondeo distinguendo Majorem: per illum conceptum & formalitatem, per quam tribuit incommunicabilitatem, primariam, concedo Majorem; secundariam, seu supponentem aliam priorem, nego Majorem; & sub eadem distinctione Minoris, nego Consequentiam. Nam persona constituitur per primam incommunicabilitatem: hanc autem non præstat relatio, sub expresso relationis conceptu, nam ut sic supponit originem, & hæc supponit constitutam personam; & consequenter prout sic relatio supponit incommunicabilitatem priorem, & personam constitutam. Sicut relatio Spiratoris, quamvis sit incommunicabilis personæ procedenti ut termino voluntatis, non tamen constituit personam, quia illius incommunicabilitas prima non est, sed aliam priorem supponens, & origo sub conceptu originis etiam est incommunicabilis: quia tamen priorem incommunicabilitatem ex proprio conceptu supponit, non constituit personam, sed illā constitutā supponit.

Ad confirmationem responderetur negando Majorem: licet enim constitutum rei debeat esse distinctivum illius ab aliis, non tam est necesse est, quod illam actu ab aliis distinguat. Sicur quoque Adam, antequam essent alii homines, constituebatur, actu illum ab aliis non distinguebat, sed solum distinctivum illius erat. Unde licet conceptus subsistentiæ, seu formæ hypostaticæ, actu non distinguat Patrem à Filio, in signo antecedenti generationem, in quo Filius nondum intelligitur: quia tamen potest illum à Filio distinguere, & essentialiter exigit connecti cum respectu ad terminum, quo Pater actu à Filio distinguitur, per illum Patrem in ratione personæ constitutum. Solutio est D. Thomæ quæst. 3. de potent. art. 3. ad 7. ubi hæc sentit: De ratione hypostasis duo necesse est esse: quorum primum est, quod sit per se subsistens, & in se indivisa: secundum est, quod sit distincta ab aliis hypostasis ejusdem naturæ. Si tamen contingat in eadem natura alias hypostases non esse, nihilominus hypostasis erit: sicut Adam, quando non erat

Na a

alia

*hypostasim in humana natura. Semper ergo necessarium est intelligere hypostasim generantem, ante generationem, quantum ad id quod hypostasis subsistit in se una existens, non tamen inquantum est ab alio hypostasibus ejusdem nature distincta, si per solam hujusmodi generationem alia hypostases ejusdem nature originantur. Si autem Adam non fuit distinctus ab aliis hypostasibus ejusdem nature, priusquam mulier ex ejus costa formaretur, & ejus filii ab eo propagarentur. In Divino autem non multiplicantur hypostases, nisi per processionem aliarum personarum ab una: prius ergo est intelligere hypostasim Patris, inquantum est subsistens, quam generationem, non tamen inquantum est distincta ab aliis hypostasibus ejusdem nature, quia non procedunt nisi hac generatione supposita.*

58 Obijcies quintò: Non minus est de ratione actionis naturam supponere, quam de ratione relationis ut experimentis respectum ad terminum, præsupponere personam: Sed in sententia frequentia apud Thomistas, quam in Tractatu de attributis, ut probabilior defendimus, actio intelligendi, quæ substantialis est & subsistens, non supponit constitutam divinam naturam, sed illam primò constituit: Ergo pariter paternitas divina, etiam sub egressu relationis conceptu, Patris personam constituere potest.

39 Respondeo primò, negando Majorem: ratio enim actionis immanens, cum sit actus perfectus, & non habeat rationem actionis, nisi tantum grammaticaliter, non consistit in egressu à principio, sicut actio transiens & prædicamentalis, sed in ratione ultimæ actualitatis, in qua nulla egressio importatur.

Secundò quæ Majori, distingo Minorem: Intellectio divinam naturam constituit, sub conceptu explicito operationis & egressionis à principio, nego Minorem: sub ratione ultimæ actualitatis gradus intellectivi, concedo Minorem: & nego Consequentiam. Ex hoc enim solum potest inferri, quòd si actio intelligendi, sub conceptu ultimæ actualitatis, constituit divinam naturam, non autem sub conceptu egressionis à principio: ita paternitas, non sub conceptu respectus ad terminum, sed sub ratione formæ hypostaticæ, personam constituit.

60 Obijcies ultimò: Ratio formæ hypostaticæ & relationis in paternitate non distinguuntur virtualiter, sed sunt duæ tantum formalitates, aut munia inadequata illius: Ergo quicquid dicitur de una, debet etiam affirmari de alia; & per consequens si paternitas, ut forma hypostatica, constituit personam, illam etiam constituit, ut est relatio.

61 Respondeo primò, plures Theologos non improbabiler admittere distinctionem virtualem, silem inadequatam, inter rationem formæ hypostaticæ, & relationis, fundatam in divina eminentia, ratione cujus una indivisibilis entitas æquivalat pluribus perfectionibus, in creaturis realiter distinctis, & ad diversas lineas pertinentibus, relationi scilicet, & subsistentiæ. Sed quicquid sit de hoc.

62 Respondeo secundò, dato Antecedente, negando Consequentiam: nam de secunda Trinitatis persona verum est dicere, quòd est verbum creaturarum, & quòd non est filius illarum; & tamen ratio verbi & ratio filii non distinguuntur virtualiter. Divinitas etiã unitur mentibus Beatorum ut species, non autem ut intellectio, vel natura; & tamen in probabiliore sententia, species, intellectio, & natura, sunt una & eadem

A formalitas, absque virtuali discrimine. Item in Verbo Divino ratio termini vitalis, & representationis, non distinguuntur virtualiter; & tamen uniri potest mentibus Beatorum, prout est representatio actualissima, & non potest uniri sub ratione termini vitalis intellectiois. Cur ergo similiter de paternitate, ut est forma hypostatica, affirmari non poterit, quòd Patrem in ratione personæ constituat, & negari de illa ut est relatio? quamvis conceptus formæ hypostaticæ & relationis identificentur in illa sine virtuali discrimine.

## §. IV.

*Alia argumenta solvantur.*

Licet ex dictis §. præcedenti plura argumenta, quibus probari solet personas divinas per aliquid absolutum constitui, faciliè dissolvi possint; ut tamen illorum solutio melius percipiat, ea breviter hic proponemus, ac diluamus.

Obijciunt ergo primò: Nulla persona habet per propriam actionem formam sui constitutivam; cum rei constitutio ad actionem supponatur: Sed Pater habet paternitatem per propriam actionem, scilicet per generationem; cum ideò sit Pater, quia generat: Ergo paternitas non constituit Patrem in esse personæ.

Secundò, Si Pater pro priori ad generationem, per paternitatem in ratione personæ constitueretur, sequeretur quòd foret Pater, quamvis per impossibile non generaret: Sed hoc absurdum & chimericum est: Ergo & illud. Probatur sequela: Quòd prius est alio, esset, posteriori per impossibile ab alio: Ergo si pro priori ad generationem Pater in ratione personæ per paternitatem constituitur, esset Pater, quamvis per impossibile non generaret.

Terriò, Id quod productio termino oritur, non potest terminum constituit, alias idem à seipso oriretur: Sed relatio filiationis oritur productione termino; hæc enim est differentia inter actionem & relationem, quòd actio est causativa termini, relatio autem posito termino oritur: Ergo filiatio divina secundam Trinitatis personam non constituit terminum generationis, sed illam in ratione termini constitutam supponit, & consequenter etiam in ratione personæ.

Denique, Juxta Philosophum §. Physic. ad relationem non datur per se motus, nec per se actio: Ergo relatio non potest constituit terminum per se actionis: Sed persona Filii est terminus per se actionis generative: Ergo non constituitur per relationem in ratione personæ.

Hæc tamen argumenta ex principiis supra statuta faciliè dilui possunt. Unde ad primum, concessa Majori, distingo minorem: Pater habet per propriam actionem paternitatem, ut relatio est, concedo Minorem: ut est forma hypostatica, nego minorem, & consequentiam. Vel distingo Consequens, distinctione minoris, & concedo consequentiam de paternitate sub conceptu relationis: nego autem de paternitate, sub conceptu formæ hypostaticæ.

Ad secundum nego sequela majoris: ad cujus probationem, concessa Antecedente, nego Consequentiam. Licet enim pro priori ad generationem, Pater per paternitatem, ut habet rationem subsistentiæ, & formæ hypostaticæ, in ratione personæ constitutus intelligatur, non tamē in ratione



Patris; cum hæc denominatio supponat generationem, & oriatur a paternitate, ut relatio est, sub qua formalitate & conceptu, in illo priori non intelligitur. Unde licet Pater per paternitatem in ratione personæ constituitur, non sequitur illum futurum Patrem, licet non generaret; quia paternitas, prout Patrem in esse Patris constituit, supra generationem fundatur, ac proinde nequit intelligi manere, generatione sublata.

Nec etiam sequitur (ut tacite obiectioni occurramus) manuram primam Trinitatis personam, si Filium non generaret: nam cum primarius ille conceptus, sub quo paternitas personam Patris constituit, sit nãd quatuor quidam conceptus differentialis ipsius paternitatis, imbibens in se secundarius, & intimè cum illo connexus intra lineam relationis, non potest primarius manere, secundariò per impossibile ablato; & cum secundarius manere non possit, generatione sublata, consequens fit, quòd nec primarius possit intelligi manere, sublata generatione.

Ad tertium, concessa Majori, distingui Minor, illamque concedo de relatione quæ est accidens, nego autem de relatione quæ substantia est: hæc enim, licet sub conceptu explicito referentis intelligatur posito termino oritur, sub conceptu tamen subsistentis, & formæ hypostatice, non oritur posito termino, sed terminum actionis per se primò constituit. Filiatio autem divina non est relatio accidentalis, sed subsistens & substantialis; & idèd quamvis sub expresso conceptu referentis non constituitur terminum, sed intelligatur subsequi ad terminum constitutum, sub ratione tamen subsistentis & formæ hypostatice, non sequitur ad positionem termini, sed Filium in ratione termini & personæ constituit. Et per hoc patet solutio ad ultimum argumentum, Major enim distinguenda est, & concedenda de relatione accidentali ac inherente; neganda verò de relatione substantiali & subsistente,

## §. V.

*Corollarium precedentis doctrinæ.*

EX dictis in hoc articulo, infertur personas divinas per origines activas & passivas non constitui. Ita D. Thomas hic art. 2. & alii Theologi communiter, contra D. Bonaventuram, & Richardum à S. Victore.

Probatum primò: Priùs est aliquid constitui in suo esse, quàm operari: Ergo Pater priùs concipitur constitutus in esse personæ, quàm generans Filium; & per consequens nequit per generationem in ratione personæ constitui. Idem patet de Filio: nam generatio passiva non est forma dans esse formaliter, & via ad formam formaliter constituentem: Petrus enim v.g. non habet esse formaliter per suam nativitatem, sed tantum vitaliter; quia scilicet nativitate inducitur humanitas, illum formaliter constituens in esse hominis: Ergo Filius in Divinis non constituitur in esse personæ formaliter per nativitatem, aut passivam generationem, sed tantum vitaliter, quatenus est via ad filiationem formaliter constituentem. Quo argumento usus est D. Thomas quæst. 8. de potentia art. 3.

Confirmatur, & magis illustratur hæc ratio. Constitutum rei debet significari ut manens in illa, non autem ut ab illa egrediens, vel in illam tendens: Sed origo activa significatur ut egredi-

ens a persona, passiva autem, ut in personam tendens: Ergo origo, in quantum talis, non est forma constitutiva personam.

Confirmatur amplius: Constitutum rei habentis esse fixum & permanentem, debet significari ut fixum & permanentem, non ut valeat: Sed origo activa vel passiva, non significatur ut aliquid fixum & permanentem, sed ut habens esse valeat: persona autem divina aliquid permanentem est: Ergo origo activa vel passiva non est forma constitutiva illius. Quæ etiam ratio est D. Thom. hic art. 2.

Idem corollarium suaderi potest ex principiis disp. 2. statutis. Ibi enim ostendimus, originem in Deo, tam activam, quàm passivam, importare in recto aliquid absolutum, & de connotato solum & in obliquo dicere relationem ut modificantem: v.g. generatio activa consistit in intellectione divinæ, ut est in Patre, & prout per relationem paternitatis modificatur: generatio verò passiva consistit in eadem intellectione, ut communicata Filio, & per relationem filiationis modificata. Ex qua doctrina, ibidem fuscè statuta, hoc potest argumentum confici. Origine tum activa quàm passiva in recto aliquid absolutum est: Atqui constitutum personæ divinæ non est absolutum in recto, sed respectivum; cum sit incommunicabile, & distinguens realiter personam, quòd soli respectivo potest competere: Ergo origo sive activa, sive passiva, personas divinas non constituit.

## §. VI.

*Solvuntur argumenta in contrarium.*

OBJicies primò: Fulgentius lib. 1. de fide ad Petrum cap. 1. sic ait: *Quia aliud est genuisse, quàm natum esse; aliudque procedere, quàm gennisse, & natum esse: manifestum est quòd alius est Pater, alius Filius, alius Spiritus sanctus.* Ubi per origines distinguit divinas personas. Item Damascenus lib. 1. de fide cap. 2. dicit: *Patrem, Filium, & Spiritum sanctum, omnino esse unum, excepta ingenti generationis, & processionis proprietate.* Et ipse D. Thomas hic art. 2. quamvis dicat personas constitui priùs & principalius relationibus, addit tamen constitui etiam aliquo modo per origines.

Respondeo hæc omnia testimoniis posse explicari de constitutivo quasi à posteriori, & quoad nos: quia nos ex reali processione unius personæ ab alia, colligimus, primarium divinarum personarum constitutum esse ipsas relationes. Specialiter verò ad Augustinum respondet D. Thomas qu. 8. de potentia art. 3. ad 14. per nomina originum, ipsum intellexisse ipsas relationes originum; quòd manifestius est de Damasceno.

Ad ipsum verò D. Thomam dicendum est, quòd cum origines, secundum id quòd addunt supra actus essentiales, pertineant ad lineam relationum, sicut ipsæ relationes sine distinctione virtuali, re ipsa potest dici quòd origines ad constitutum personarum pertineant, hoc ipso quòd relationes ad illud pertinent. Sicut quia intellectus, species intelligibilis, & intelligere, pertinent ad eandem lineam, re ipsa illa omnia pertinent ad constitutum naturæ divinæ. Cum hoc tamen fiat, quòd loquendo de constitutivo divinarum personarum, secundum nostrum modum concipiendi, sicut loquimur in præfenti, debeamus dicere personas constitui relationibus, non originibus, propter rationes adductas. Et idèd notanter hic S. Doctor ait: *Nostro modo concipiend*



*personas constituit non originibus, sed relationibus.*

76 Obiectis secundò: Primum rei distinctivum est etiam ejus constitutivum: Sed generatio activa distinguit Patrem ab aliis personis divinis, cum conveniat Patri, & repugnet Filio, & Spiritui sancto; & aliàs est prior paternitate, utpote fundamentum illius, & consequenter primò distinguit: Ergo Patrem in esse personæ constituit.

77 Respondeo concessa Majori, distinguendo secundam partem Minoris: est prior paternitate, sub explicito relationis conceptu, concedo Minorem; sub formalitate & conceptu subsistentiæ seu formæ hypostaticæ, nego Minorem & Consequentiam, Licet enim distinctio præstita Patri à generatione activa, sit prior illà quam præbet relatio ut referens, non tamen est prior illa quam præstat personæ Patris paternitas, ut forma hypostaticè subsistens; & consequenter non generatione activa, sed paternitate sic sumptà, Patrem in esse personæ constituitur.

78 Dices, Generatio passiva est prior filiatione, etiam ut habet rationem subsistentiæ, & formæ hypostaticæ, cum sit veluti fieri illius: Ergo Filius per originem passivam in ratione personæ constituitur.


Sed nego consequentiam: licet enim generatio passiva filiationem præcedat prioritate à quo se habet tamen ut aliquid viale & fluens, non verò ut aliquid fixum & permanens, quod ad rationem constitutivam requiritur, ut patet ex suprà dictis.

79 Instabis: Licet origo passiva, sub explicito conceptu originis, se habeat per modum fluxus & viæ; sub conceptu tamen subsistentis, quem implicite importat, se habet ut aliquid fixum & permanens: Ergo sub illo conceptu implicite personam Filii poterit constituere. Consequentia probatur: licet enim relatio non explicet rationem subsistentiæ & formæ hypostaticæ, quia tamen illam implicat, potest personam Filii constituere: Ergo pariter idem poterit præstare generatio passiva.

Simile argumentum fieri potest de origine activa: quamvis enim paternitas, sub explicito relationis conceptu, non constituat Patris personam, sed constituatam supponat; sub conceptu tamen subsistentis quem implicat, illum, per nos constituit in ratione personæ: Ergo pariter, quātūvis origo activa sub explicito conceptu egressionis & viæ, non constituat, sed supponat personam Patris, sub conceptu tamen subsistentis, quæ implicite importat, poterit illà constituere.

80 Respondeo concessa Antecedente, negando Consequentiam: ad cujus probationem, nego similiter Consequentiam & paritatem. Ratio discriminis est: quia respiciencia termini, quam relatio explicat, non repugnat inhærentiæ, vel subsistentiæ; imò taliter relatio explicat respectum ad terminum, quod alterum horum petit; inhærentiam relatio creata, & subsistentiam divina: conceptus autem explicitus viæ, non petit permanentiam implicitam; ut constat in generatione creata, quæ quamvis pro explicito inhæreat, non tamen permanentiter inhæret, sed vitaliter & transeuntiter: idemque de divina est dicendum, quod nempe explicet rationem viæ; & licet implicet subsistentiam, & revera permanens sit; ex vi tamen conceptus quem explicat, non expofcit permanentiam, quam exigere deberet, ut secundum conceptum implicitum subinducere posset rationem formæ hypostaticæ, & esse constitutivum personæ. Ex quo patet responsio

A ad similem instantiam, quæ de origine activa procedit, & discrimen, quod inter paternitatem & generationem activam reperitur.



## DISPUTATIO XII.

*De aequalitate, & similitudine Divinarum Personarum.*

*Ad questionem 42. D. Thome.*

B Prætermittimus quæ de actibus notionalibus docet S. Thomas quæst. 41. quia de illis, & de illorum principiis disputat. 2. fuscè pertractatum est, agendo de processionibus Divinarum Personarum, & solum hîc agimus de illarum æqualitate & similitudine, de qua idem sanctus Doctor differit quæst. 42.

### ARTICULUS UNICUS.

*An similitudo & æqualitas Divinarum Personarum sine relationes reales, vel rationes?*

S. I.

*Præmittuntur quæ de fide sunt certa, & referuntur sententia.*

SUPponimus tanquam certum de fide, personarum divinarum esse inter se perfectissimè similes & æquales, illa enim (ut docet Aristoteles 5. Metaph. cap. 5.) similia & æqualia dicuntur, quorum una est qualitas, & quantitas: sumendo qualitatem vel strictè, prout convenit rebus creatis, vel largè, prout idem significat quòd forma, & quantitatem, pro extensione abstrahente ab extensione dimensioniva, seu molis, & ab extensione perfectionis & virtutis: Sed personæ divinæ in eadem divinitatis forma, & in eadem essendi magnitudine communicant: Ergo sunt perfectissimè similes & æquales. Unde in Symbolo Athanasii sic habetur: *Qualis Pater, talis Filius, talis Spiritus sanctus*. Et ibidem personæ divinæ cœternæ dicuntur & æquales. Item Psal. 109. vers. 1. Filius dicitur sedere à dextris Patris. Et in fine ejusdem Psalmi è contra Pater describitur ut sedens ad dexteram Filii, subdit enim: *Domine à dextris tuis*. Non quòd personæ divinæ mutent sedes, & modò Filius ad dexteram Patris, modò Pater ad dexteram Filii sedeat: sed ut designetur, nullam inter illas graduum aut dignitatum distinctionem, sed perfectissimam in gloria, maiestate, potentia, & perfectione inveniri æqualitatem.

Sed in contrarium objici potest hoc difficile argumentum. Cui deficit aliqua dignitas & perfectio alteri competens, non est illi æqualis in dignitate & perfectione: Sed Filio deest dignitas aliqua & perfectio Patri conveniens: Ergo in dignitate & perfectione non est Patri æqualis, Probatur Minor: Paternitas est aliqua dignitas & perfectio: Sed illa convenit Patri, & non Filio: Ergo aliqua dignitas competens Patri, non convenit Filio.

Huic argumento variis modis occurrunt hî qui censent relationes divinas perfectionem rela-

relativam ad essentiam superaddere. Sed vera A illius solutio est quam tradit D. Thomas hic art. 4. ad 7. ubi docet perfectionem, magnitudinem & dignitatem, non dici relativè, sed absolutè tantum in Deo. Unde perfectio, magnitudo, & dignitas paternitatis, non est distincta, sed omni- no eadem cum magnitudine, perfectione & dignitate filiationis; ac proinde, licet Filio non con- veniat paternitas, convenit tamen illi magnitu- do, perfectio & dignitas paternitatis. Et è con- trario, quamvis Patri non conveniat filiatio, in eo tamen reperitur magnitudo, dignitas, & per- fectio filiationis. Ex quo ulterius fit, ut cum dis- tinctione, oppositioneque relationum, subsi- stat omnimoda personarum æqualitas.

Nec valet si inest: Paternitas est aliqua digni- tas & perfectio: Sed paternitas convenit Patri, & non Filio: Ergo aliqua dignitas conveniens Pa- tri, non convenit Filio. Non valet, inquam, ut e- nim docet D. Thomas mutatur ad aliquid, in quid id est, ex negatione relationis, infertur ne- gatio absoluti: quia licet paternitas, perfectio & dignitas sit, non est tamen dignitas aut perfectio relativa, sed absoluta. Unde si sicut ista consequen- tia: Paternitas est essentia divina: Sed paternitas convenit Patri, & non Filio: Ergo essentia con- veniens Patri, non convenit Filio: non valet, quia essentia Patris absoluta est, paternitas verò est relatio. Ita consequentia facta non tenet, propter eundem defectum.

3 Obijcies secundò: Persona cui non convenit alterius potentia, non est illi in potentia æqua- lis: Sed Filio non convenit aliqua potentia Pa- tris: Ergo non est æqualis Patri in potentia. Ma- jor patet, Minor autem probatur. Filio non con- venit potentia generandi, aliàs posset generare alium filium sibi similem, quod implicat: Sed hæc potentia convenit Patri: Ergo Filio non convenit aliqua potentia Patris.

4 Huic argumento suprà disp. 2. fusè satisfeci- mus: unde breviter respondeo, concessa Majori, negando Minorem. Ad probationem distingo Majorem: Filio non convenit potentia generan- di, sumptà generatione activè, concedo Majo- rem: sumptà passivè, nego Majorem: & concessa Minori, nego Consequentiam. Nam eadem po- tentia est in Patre & Filio in Patre, ut activè ge- neret; in Filio, ut passivè generetur; ac proinde nulla potentia convenit Patri, quæ non compe- tat Filio, etsi non conveniat utrique sub eodem respectu. Ita D. Thomas hic art. 6. ad 3. & quæst. præcedenti art. 6. ad 1. ac pluribus aliis in locis.

5 Instabis: Ex hac solutione & doctrina saltem sequitur esse aliquam potentiam activam in Pa- tre, quæ non sit in Filio, & consequenter ambo non esse in potentia activa æquales. Probatur sequela: Potentia generandi, sumptà activè ge- neratione, est aliqua potentia: Sed hæc convenit Patri & non Filio, ex concessis: Ergo aliqua po- tentia activa reperitur in Patre, quæ non con- venit Filio.

6 Præterea ex eadem responsione sequitur Spi- ritum S. non esse æqualem Patri in potentia: Ergo ex illa tollitur divinarum personarum æqua- litas. Probatur sequela: Potentia generandi est in Patre, & non in Spiritu S. activè vel passivè sumptà generatione; cum Spiritus S. nec gene- rare, nec generari possit: Ergo si idem Pater & Filius sunt æquales in potentia, quia potentia generandi, quæ est in Patre ut generet, est in Fi- lio ut generetur, Spiritus sanctus non erit æqua- lis in potentia Patri.

Ad primam instantiam respondeo negando 7 sequelam. Ad probationem distingo Majorem est aliqua potentia activa, sumptà absolute, nego Majorem: est aliqua potentia activa, ut modifi- cata paternitate, concedo Majorem, & concessa Minori, nego Consequentiam. Vel distingo Consequens: aliqua potentia activa non conve- nit Filio, sumptà absolute, nego. Ut modificata per paternitatem, concedo. Nam potentia gene- rativa non est potentia distincta in ratione po- tentiæ ab omni potentia, vel intellectu Patris, sed est omnipotens, vel intellectus prout in Patre. Unde ut potentia generandi activè, non conve- niat Filio, sufficit quòd illi non competat respec- tus paternitatis; ac proinde, cum ex negatione potentiæ generandi activè infertur negatio po- tentiæ activæ, vel neganda est consequentia: quia mutatur ad aliquid in quid, id est ex negatione relationis infertur negatio alicujus absolute: vel claritatis gratia potest consequens data distin- ctione distingui. Ita colligitur ex doctrina Divi Thomæ hic art. 6. ad 3.

Dices: Aliqua operatio convenit Patri, quæ 8 repugnat Filio: Sed cui convenit operatio, con- venit potentia operativa; & cui operatio repu- gnat, potentia operativa non convenit: Ergo ali- qua potentia activa convenit Patri, quæ Filio non convenit. Probatur Major, Generatio sumptà a- ctivè est aliqua operatio. Sed generatio sic sum- pta, convenit Patri, & repugnat Filio: Ergo aliqua operatio convenit Patri, quæ Filio repugnat.

Respondeo negando M. jorem. Ad probatio- nem distingo Majorem: Generatio sumptà a- ctivè est aliqua operatio, sumptà absolute, nego Majorem. Est aliqua operatio, ut modificata pa- ternitate, concedo Majorem; & concessa Minori, nego Consequentiam. Vel distingo Conse- quens: Ergo aliqua operatio convenit Patri, quæ Filio repugnat, sub conceptu actualitatis & ope- rationis, nego: quæ Filio repugnat, ut modificata relatione paternitatis, concedo. Quæ distinctio constat ex suprà dictis, & traditur à D. Thoma in 1. dist. 3. 1. quæst. 1. art. 1. ad 2.

Ad secundam instantiam nego sequelam: Ad 9 probationem dicatur generationem sumptam passivè consistere in passivo intelligi, connotata filiatione: licet autem filiatio non conveniat Spiritui sancto, convenit tamen illi passivam in- telligi; & per consequens convenit illi generatio passiva, pro eo quod importat in recto: & quia solum id quod in recto importat, perfectionem dicit, convenit Spiritui sancto passiva generatio, quoad omnem suam perfectionem: & conse- quenter Spiritus sanctus æqualis est Filio; quia defectus connotati non addentis perfectionem, æqualitati non obstat.

Hisigitur suppositis, de quibus nulla est inter 10 Doctores Catholicos controversia: restat ut ex- aminemus, an relationes similitudinis & æqua- litatis divinarum personarum, reales sint, vel ra- tionis? In cujus difficultatis resolutione duæ sunt celebres sententiæ omnino oppositæ. Prima as- serit hujusmodi relationes esse reales in Deo, & inter se distinctas ex natura rei. Ita Scotus in 1. dist. 3. 2. quæst. unica, quem sequuntur eius Di- scipuli, Rada 1. parte, controversia 26. art. 3. Smi- sing disp. 2. de Trinit. quæst. 3. Franciscus Felix cap. 9. de Trinit. difficult. 2. & alii.

Secunda sententia huic opposita, nullam rela- tionem realem, præter quatuor relationes origi- nis, agnoscit in Deo: unde relatione æqualitatis & sit

& similitudinis divinarum personarum asserit A  
esse rationis. Ita docent communiter Theologi  
cum D. Thomas hic art. 1. ad 4. & pluribus aliis  
in locis,

## §. 11.

*Sententia Scoti rejicitur.*

**D**ico igitur, relationem æqualitatis inter di-  
vinas personas, non esse realem, sed rationis  
11 Probatur primò: Ut relatio sit realis, requiritur  
realis non solum extremorum, sed etiam fundamen-  
torum distinctio. Sed fundamentum æ-  
qualitatis divinarum personarum est idem, nempe  
magnitudo essentiae, quæ est eadem numero  
in illis: Ergo quamvis realiter distinguantur per-  
sonæ, non tamen referuntur relatione reali æ-  
qualitatis: idemque dicendum est de relatione si-  
militudinis. Minor patet, Major autem, quam  
negant Adversarii, ostenditur primò. Relatio  
non solum à subiecto dependet, sed etiam à  
fundamento: Ergo ut realis sit, requiritur realis  
non solum subiectorum, sed etiam fundamen-  
torum distinctio.

Præterea, Ut aliqua relatio sit realis, exigitur  
realis distinctio subiectorum, quæ primò refer-  
runtur per illam: Sed subiecta primò relata rela-  
tione æqualitatis & similitudinis sunt fundamen-  
ta: Ergo ut æqualitas aut similitudo sit realis, re-  
quiritur realis distinctio non solum extre-  
morum, sed etiam fundamentorum. Major est evi-  
dens, Minor autem, in qua est difficultas, suadet  
primò. Æqualitas, supra quam relatio æquali-  
tatis fundatur, est passio quantitatis: Ergo primò  
convenit quantitati, & ratione illius quanto; ac  
proinde quantitas est quæ primò refertur rela-  
tione æqualitatis.

Secundò, Duo quanta idem æqualia sunt, quia  
habent quantitates æquales: Ergo idem referuntur  
relatione æqualitatis, quia prius quantitates,  
æqualitatem fundantes, invicem referuntur; &  
consequenter subiecta primò relata relatione æ-  
qualitatis, sunt ipsa fundamenta. Quæ ratione uti-  
tur Cajetanus hic art. 2.

12 Respondent Scotistæ, fundamenta relatio-  
nem æqualitatis & similitudinis non referri ut  
quodd, sed tantum ut quo, non formaliter (hoc enim  
modo sola relatio refertur) sed ut quo funda-  
mentaliter; sunt enim rationes quibus extre-  
ma constituuntur subiecta referibilia: ut autem  
referantur ut quo, distinctio realis non est; ut constat in ac-  
tione & passione, quæ fundant relationem secun-  
di generis, & consequenter referuntur ut  
quo, & tamen realiter non distinguuntur.

13 Sed contra: Duæ quantitates non solum ut  
quo, sed etiam ut quod sunt extensæ; ut quod et-  
iam sunt bicubitz, vel tricubitz: Ergo non so-  
lum ut quo, sed etiam ut quod sunt æquales; &  
consequenter non solum ut quo, sed etiam ut  
quod referuntur relatione æqualitatis. Idemque  
argumentum fit de duobus qualitativis, quæ ut  
quod sunt intensæ aut remissæ, & consequenter  
ut quod sunt similes vel dissimiles.

Deinde, Licet inter actionem & passionem  
non intercedat distinctio realis entitativa, bene  
tamen distinctio modalis, aut realis formalis, ut  
docetur in Philosophia: Sed magnitudo essentie  
quæ fundat relationem æqualitatis inter perso-  
nas divinas, nullâ distinctio reali in Patre &  
Filio distinguitur: Ergo illud exemplum magis

confirmat, quàm infirmet nostram sententiam.

Secundò probatur conclusio: Ex sententia Sco-  
ti sequitur dari in Deo prædicata realia solo nu-  
mero distincta: Consequens est falsum: Ergo &  
Antecedens. Sequela patet: Relatio æqualitatis,  
quæ Pater respicit Filium, solum numero distin-  
guitur ab altera relatione, quæ Filius respicit Pa-  
trem: sicut relationes similitudinis, quibus Pe-  
trus & Paulus ad invicem referuntur, distinguun-  
tur solum numero: Ergo si relationes illæ sint  
reales, dantur in Deo formalitates, & prædicata  
realia, solum numero distincta. Falsitas autem  
Consequens ostenditur primò. Distinctio so-  
lum numerica à materia desumitur, ut docet D.  
Thomas pluribus in locis: Sed in Deo non est  
materia: Ergo nec distinctio numerica.

Secundò, Quæ solum numero differunt, sunt  
composita compositione metaphysicâ ex actû &  
potentia: Sed talis compositio repugnat Deo, cû  
sit actus purissimus: Ergo & numerica distinctio.

Terriò, Cui essentialis est singularitas, repug-  
nat multiplicatio numerica; unde probat Theolo-  
gi Deum non posse numero multiplicari, quia  
essentialiter est singularis: Sed singularitas est de  
essentia cuiuslibet prædicati divini: Ergo implicat  
esse in Deo prædicata realia solum numero  
distincta. Major patet, Minor autem probatur.  
Quodlibet prædicatum divinum est ens à se, &  
per essentiam: Sed ens à se & per essentiam, sicut  
existentia essentialiter convenit, ita & singulari-  
tas est de essentia cuiuslibet prædicati divini.

Quartò, Quod prædicatum aliquod numero  
multiplicetur, ex limitatione provenit, ratione  
cuius non continet quidquid pertinet ad speciem,  
seu totam perfectionem speciei; unde Petrus,  
quia numericè à Paulo distinguitur, limitatè na-  
turam speciei participat: Sed limitatio repugnat  
omni prædicato divino: Ergo implicat esse in  
Deo prædicata realia, solum numero distincta.

Deniq; falsitas supradictæ sequelæ probatur.  
Omnis Dei formalitas est per se ipsam individua-  
das: Sed quod per se ipsum individuum est, non  
potest multiplicari numero: Ergo nulla Dei for-  
malitas potest numero multiplicari. Minor pa-  
tet, Major autem probatur. Quod per se ipsum  
individuum non est, individuatur per aliud: Sed  
nulla Dei formalitas potest per aliud individua-  
tionaliter resultare in Deo compositio, cû omne  
quod ex alio & alio coalescit, compositum sit:  
Ergo omnis Dei formalitas, & omne prædica-  
tum divinum, individuum est per se ipsum, Quo  
argumento usus est D. Thomas t. contra Gen-  
tes cap. 42. ut probaret Deum esse unum.

Terriò probatur conclusio ex alio absurdo & 15  
inconvenienti, quod sequitur ex Scoti sententia.  
Si enim æqualitas & similitudo divinarum per-  
sonarum essent relationes reales, sequeretur in  
Deo dari plures relationes reales quàm quatuor;  
Consequens est falsum, & contra communem  
Theologorum sententiam: Ergo & Antecedens.  
Sequela Majoris est evidens: nam relationes æ-  
qualitatis & similitudinis sunt reales, & à rela-  
tionibus originis formaliter ex natura rei dis-  
tinctæ, ut docent Scotus & eius Discipuli: Ergo  
dantur in Deo plures relationes reales quàm  
quatuor: unde ipsemet Scotus loco suprà citato  
in qualibet persona divina duas relationes simi-  
litudinis, duas æqualitatis, & duas identitatis  
constituit, quarum unâ ad unam personam, &  
altera ad aliam refertur: ex quibus resultant  
decem



decem & octo relationes reales; & adjunctis quatuor relationibus originis, resulant viginti duæ relationes reales in Divinis. Imò ulterius juxta numerum attributorum, quæ in sententia Scoti ex natura rei differunt inter se, & ab essentia, relationes reales similitudinis deberet multiplicari. Quæ omnia (ut inquit Vazquez) frivola sunt; & à communi Theologorum sensu penitus aliena.

## §. III.

*Scotistarum fundamenta solvuntur.*

16. **A**rguunt in primis Scotii Discipuli contra præcedentem conclusionem. Si æqualitas personarum relatio realis non esset, maxime quia fundamentum illius, nempe magnitudo essentia, non distinguitur realiter in personis divinis: Sed hæc ratio nulla est: Ergo æqualitas personarum est relatio realis. Major est præcipuum fundamentum nostræ sententiæ. Minorem verò multipliciter ostendit. Primò, quia paternitas & filiatio in creaturis sunt relationes reales: Sed fundamentum paternitatis non distinguitur realiter à fundamento filiationis: Ergo ut relationes sint reales non est necessaria distinctio realis fundamentorum. Probatur Minor: Fundamentum paternitatis est generatio activa, & fundamentum filiationis passiva generatio: Sed actio & passio realiter non distinguitur: Ergo fundamentum paternitatis creatur non distinguitur realiter à fundamento filiationis. Simile argumentum fieri potest de paternitate, & filiatione divina. Fundamentum enim paternitatis divina est ipsum intelligere, filiationis verò ipsum intelligi: Sed actualis intellectio in Deo non distinguitur realiter à passivo intelligi: Ergo fundamenta paternitatis & filiationis divina non sunt realiter distincta.

17. Secundò probatur Minor principalis. Relatio æqualitatis fundatur in unitate quantitatis: Sed quando quantitas, vel magnitudo est una numero in diversis subiectis, est major unitas: Ergo est perfectius relationis æqualitatis fundamentum. Et per consequens, si quando quantitates aut magnitudines sunt diversæ in subiectis, resultat in illis relatio realis æqualitatis, à fortiori illa exurget, quando unica tantum quantitas, aut magnitudo in illis reperitur.

18. Tertiò, cum fundamenta relationum æqualitatis realiter multiplicentur, non fundant quantenus distincta sunt, sed quatenus unus; alias non fundarent relationem æqualitatis, sed diversitatis: Ergo quando non multiplicantur realiter, fundant relationem realem. Patet Consequentia: nam posita causa etiam confurgit effectus: Ergo si causa realitatis relationis est unitas magnitudinis, & unius distinctio ab alia materialiter se habet: posita unitate magnitudinis, & semotà distinctione, realis confurgit relatio.

19. Denique Minor principalis suadet. Si eadem numero quantitas constituitur in diversis subiectis, illa se respicient relatione reali æqualitatis; & tamen fundamentum in tali casu erit unum numero in illis: Ergo unitas essentia in tribus personis divinis non obstat, quominus relatione reali æqualitatis invicem referantur.

20. Respondeo concessa Majori, negando Minorem. Ad cujus primam probationem tripliciter responderi potest. In primis dici potest, fundamentum paternitatis & filiationis non esse generationem activam & passivam, sed potentiam

generativam, & generabilitatem passivam, quæ in creaturis realiter distinguitur; generationem autem activam & passivam esse solum conditiones requisitas, non ad esse prædictarum relationum, sed tantum ad fieri. Quæ doctrina suaderi potest: Tum quia fundamenta, cum sint causæ efficientes relationum, & illarum subiecta ut quo, petunt durare quamdiu relationes durant: generatio autem activa & passiva transeunt, & permanent relationes: Tum etiam quia fundamentum debet esse in eodem subiecto, in quo est relatio fundata, cum sit ratio recipiendi illam: generatio autem activa (juxta probabiliorē sententiam) non in Patre, sed in Filio recipitur, ac proinde fundamentum paternitatis non est.

**B** Secundò responderi potest, admissis prædictis relationes supra actionem & passionem fundari, negando Minorem: quod nempe realiter non distinguantur; licet enim non distinguantur realiter entitative, distinguuntur tamen realiter formaliter, vel ut alij volunt, distinctione modalis, quod sufficit ut possint relationes realiter distinctas fundare. Nam etsi distinctio fundamentorum ad realitatem relationis necessaria sit, non tamen tanta debet esse in fundamentis distinctio, quanta in ipsis relationibus: ut constet in generatione activa & passiva, quæ in divinis realiter distincta non sunt, pro eo quod dicunt in recto, sed tantum secundum id, quod important in obliquo; & tamen paternitas & filiatio realiter distinguuntur pro recto.

**C** Tertiò dici potest, quod licet ad relationem realem non sit necessaria realis fundamentorum distinctio ex conceptu relationis realis ut sic; bene tamen ex conceptu relationis primi generis, quæ in unitate fundatur; nam ut supra ostendimus, in hoc genere relationis subiecta primò relata sunt fundamenta, secus in alijs generibus; & ideo realis fundamentorum distinctio necessaria est ad realitatem relationis primi generis, esto ad aliarum relationum genera non requiratur. Ex quo patet solutio alterius argumenti, quod ibidem subjungitur, scilicet disparitas ad aliud exemplum de paternitate & filiatione divina, quod ibidem adducitur: paternitas enim & filiatio divina non sunt relationes primi, sed secundi generis.

**D** Addo intellectionem divinam non absolute sumptam, sed ut continentem paternitatem sub munere originis, fundare paternitatem sub munere referentis; & passivum intelligi non absolute; sed prout connotatis filiationem sub munere originis passivæ, fundare illam sub conceptu referentis; prout sic autem realiter distingui, si non pro eo, quod dicunt in recto, saltem pro eo, quod de connotato importat.

**E** Ad secundam probationem Minoris principalis, distinguo Majorem: Relatio æqualitatis fundatur in unitate quantitatis, singularis, nego Majorem: in unitate plurium quantitatum, concedo Majorem. Similiter distinguo Minorem: quando quantitas, vel magnitudo est una in diversis subiectis, est major unitas; unius singularis quantitatis, concedo Minorem: duarum quantitatum, nego Minorem & Consequentiam. Æqualitas enim, ut supra dicebamus, non est per se primò inter subiecta quanta, sed inter quantitates: unde petit fundari supra unitatem quantificatum, ac proinde requirit unitatem cum distinctione ipsarum quantitatum.

Ad tertiam probationem distinguo Antecedens.



dens : Non fundant quatenus distincta sunt, ly *quatenus* dicente rationem formalem fundandi, concedo Antecedens: dicente conditionem necessariam, nego Antecedens, & Consequentiam. Ad cuius probationem, distinguo Antecedens: posita causa etiam confurgit effectus, si adfint omnes conditiones ad illius productionem necessariae, concedo Antecedens: si desit aliqua conditio necessaria, nego Antecedens, & Consequentiam. Itaque licet distinctio quantitatis non sit ratio formalis fundandi relatione aequalitatis, & propterea non sit relatio veritatis, quae distinctionem tanquam rationem formalem fundandam requirit; est tamen conditio ad illam fundandam necessaria: unde quando unitas tanta est, ut realem quantitatum distinctionem excludat, non potest realis relatio aequalitatis exurgere; & ideo, si unica & eadem numero quantitas esset in duobus subiectis, relatione reali aequalitatis non se respicerent; sicut nec duo parietes albi relatione reali similitudinis referrentur, si in utroque eadem numero esset albedo, ut docent nostri Thomistae in Philosophia: per quod patet solutio ad ultimam probationem.

25. Obijciunt secundò: Si relatio aequalitatis, aut similitudinis non esset realis, nec realiter distincta in personis divinis, maxime quia repugnat dari in Deo praedicata realia solo numero distincta: Sed haec ratio nulla est: Ergo &c. Major patet ex supra dictis, Minor verò probatur. Quamvis praedicatis Dei absolutis repugnet numero multiplicari, non tamen praedicatis relativis: Sed aequalitas personarum est formalitas relativa: Ergo non repugnat illi numero multiplicari. Major probatur: Etsi enim praedicatis Dei absolutis repugnet multiplicatio specifica, non tamen praedicatis relativis; nam paternitas & filio in Divinis specie differunt: Ergo idem dicendum est de multiplicatione numerica.

26. Respondeo concessâ Majori, negando Minorem. Ad cuius probationem, nego Antecedens: nam quae distinguuntur specie, conveniunt in genere: nulla autem formalitas Deo intrinseca sub genere continetur: talis esset composita ex genere & differentia, quod ad huius puro repugnat. Unde paternitas & filio in Deo non differunt distinctione specifica, sed in essentia sunt idem; prout verò ab essentia distinctae, & in linea relativa, se totis differunt, & primo diversae sunt sicut rerum differentiae.

27. Dices, non minus conveniunt paternitas, & filio divina, in ratione relationis, quam paternitas & filio creata: Sed quia istae conveniunt in genere relationis, non sunt se totis diversae, sed specificè distinctae: Ergo paternitas & filio divina non distinguuntur se totis, sed distinctione specifica.

Sed nego Majorem: Nam paternitas & filio in creatis univocè in ratione relationis conveniunt; in Divinis verò solum analogicè, analogia proportionalitatis: quia nihil potest ut genus, vel ut praedicatum univocum de Deo & creaturis dici, nec de ipsis divinis praedicatis comparatis inter se. Prima univocatio repugnat ratione dependentiae creaturarum à Deo: secunda ob divinum praedicatorum transcendentiā; omne enim, quod enunciatur de Deo, vel de ejus formalitatibus, transcendit ipsas, nec ab eis potest perfectè praecindi; & ideo tã ratio personarum, ut de tribus personis divinis e-

nunciatur, quam ratio relationis, dicuntur analogicè analogiā proportionalitatis, ut in fine quintae disputationis ostensum est.

## §. IV.

*Aliis Scotistarum argumenta diluuntur.*

PRæter argumenta proposita, quibus Scotistae Thomistarum fundamenta conantur infringere, alia proponunt ad probandum relationes aequalitatis, & similitudinis in personis divinis reales esse, & non rationis.

Inprimis sic arguunt: Quod Verbo convenit ex vi processionis, & adoratur ab Ecclesia, reale est: & non rationis: Sed Verbo convenit ex vi processionis esse æquale Patri, & personarum divinarum aequalitas adoratione latræ ab Ecclesia adoratur, ut patet ex illis verbis, quæ in præfatione Missæ Iesû S. Trinitatis cantantur: *Unam essentiam unitam, & in personis proprias, ac in maiestate adoratur aequalitè*. Ergo illa non est relatio rationis, sed realis. Addunt quòd Arius, & ejus sequaces damnati sunt ab Ecclesia, quia negaverunt personarum aequalitatem: Sed ridiculum est dicere, illos ab Ecclesia fuisse damnatos, quòd relationem aliquam rationis, & ante intellectus creati fictionem non existentem, in personis divinis agnoscere recusaverint: Ergo relatio illa realis est, & ante omnem mentis fictionem in Deo existens.

Respondeo æquale duobus modis sumi, fundamentaliter scilicet & formaliter: primo modo unitatem quantitatis cum negatione excessus importat: secundò dicit relationem realem, si adfint omnes conditiones ad illius resultantiam necessariae; rationis verò, si aliqua desit. In priori acceptione, divinarum personarum aequalitas ab Ecclesia adoratione latræ adoratur, & Verbo convenit ex vi processionis, ex vi cuius accipit Patris naturam: & hoc Ariani negabant, Filium creaturam esse asserentes, & consequenter diversae naturæ à Patre, illicque inferiores, propter quod ab Ecclesia meritò damnati sunt. In secunda verò acceptione (nempe relativa & formali) aequalitas nec covenit ex vi processionis Verbo, nec adoratur adoratione latræ, nec de aequalitate sic sumpta cum Arianis olim controversia fuit.

Arguunt secundò: Si divinarum personarum aequalitas non esset relatio realis, sed tantum rationis, non conveniret personis divinis ab æterno, sed tantum in tempore; cum ens rationis non existat, nisi dependenter ab operatione & fictione intellectus creati, qui ab æterno non est: Consequens est falsum & absurdum: Ergo & Antecedens.

Huic argumentò respondens aliqui, negando sequelam Majoris: nam ens rationis (inquitur) potest dupliciter existere, primò existentia sui fundamenti, secundò existentia propria: priori modo existit ante intellectus apprehensionem; secundo autem non nisi dependenter ab illa. Ut autem personae divinae ab æterno sint, & dicantur æquales, sufficit quòd relatio aequalitatis primo illo modo existendi ab æterno existat.

Sed haec solutio & doctrina displicet: Tum quia existentia realis non potest reddere, nisi realiter existens; ens rationis autem non potest existere realiter, subindeq; repugnat illud existere per existentia reale fundamenti. Tum etiã quia ens ratiois est illud, quod habet solum esse objectivè in intellectu: At si existeret per existentiam

tiam fundamenti, non haberet solum esse obiectivè in intellectu, sed præter modum illum existivè in intellectu ei competere: Ergo ens rationis non potest existere per existentiam fundamenti. Unde

32. Respondent alij, relationem æqualitatis divinarum personarum ab æterno existere, non vi rationis intellectus creati, sed per esse obiectivum, quod habet in intellectu divino; cui ens rationis efficere non repugnat, sicut de respectibus idearum docent plures ex Thomistis.

Sed hæc etiam solutio non placet. Nam ens rationis petit fieri per actionem intellectus, rem aliter ac est, concipientis: unde cum hic modus concipiendi repugnet divino intellectui, omnia ut sunt in se concipienti, nullum ens rationis potest ab illo formari; nec proinde existere per hoc, quod habeat esse obiectivum in intellectu divino, ut in tractatu de scientia Dei ostendimus, agendo de ideis in mente divina existentibus, & de respectibus, quibus illæ multiplicantur. His ergo solutionibus prætermisiss,

Dis. 7.  
art. 2.

33. Ad argumentum respondeo, distinguendo sequelam Majoris: æqualitas personis divinis ab æterno non conveniret, sumpta formaliter, & prout relationem importat, concedo Majorem: sumpta fundamentaliter, & prout dicit unitatem magnitudinis cum negatione excessus, nego Majorem; & sub eadem distinctione Minoris, nego Consequentiam. Ut enim in solutione præcedentis argumenti dicebamus, æquale duobus modis sumitur, fundamentaliter scilicet, & formaliter: primo modo unitatem quantitatis cum negatione excessus importat: secundo, dicit relationem in tali unionem fundatam: primo modo æqualitas convenit personis divinis ab æterno, & independenter ab operatione & fictione intellectus creati; posteriori autem modo illis competit solum in tempore, & ab operatione intellectus creati dependet. Quod autem, ut personæ divinx ab æterno sint, & dicantur æquales, sufficiat quod æqualitas primo modo sumpta illis ab æterno conveniat, patet: nam idem, sumptum formaliter, relationem rationis importat, quæ ab æterno non existit, & tamen ab æterno Deus est, & dicitur idem sibi. Relatio etiam Domini in Deo non est realis, sed rationis; & tamen ante omnem intellectus fictionem, Deus est, & dicitur Dominus creatorarum, quia illi convenit fundamentum relationis Domini, nullo intellectu fingente. Item relatio filiationis Christi ad beatam Virginem, non est realis, sed rationis, ut docet D. Thomas 3. parte quest. 35. art. 5. & tamen quia fundamentum dictæ relationis convenit Christo ante intellectus fictionem, dicitur filius Virginis realiter, etiam si nullus intellectus fingat relationem rationis. Ita similiter in proposito personæ divinx ab æterno sunt, & dicuntur æquales: quia ab æterno illis convenit fundamentum æqualitatis; quamvis relatio, per quam æquales relative constituuntur, realis non sit, sed rationis; nec illis ab æterno, sed in tempore conveniat.

34. Sed contra istam solutionem insurgunt Scotistæ, & dicunt primo, quod ex illa sequeretur, de homine ut à parte rei existente, prædicari, quod sit species; & de animali, ut à parte rei existente, quod sit genus: Consequens est falsum: Ergo &c. Sequela patet: nam homini à parte rei convenit fundamentum relationis speciei, & animali fundamentum relationis generis: Ergo si

A personæ divinx dicuntur æquales à parte rei, quia illis ut realiter existentibus convenit fundamentum relationis æqualitatis, de homine à parte rei existente prædicabitur esse speciem, & de animali esse genus.

Secundo, juxta nostram doctrinam non convenit personis divinis, ut à parte rei existentibus, fundamentum relationis æqualitatis: Ergo de illis ut sic non potest dici esse æquales. Consequentia patet ex dictis, Antecedens probatur. Fundamentum relationis æqualitatis non est solam unitas quantitatis, vel magnitudinis cum negatione excessus, nisi adjuncta distinctione unius quantitatis ab alia, ut supra docuimus: Sed hujusmodi distinctio non convenit personis divinis ut à parte rei existentibus: nam licet inter se distinguantur proprietatibus relativis, essentia tamen unius, supra quam fundatur æqualitas, non est à parte rei distincta ab essentia alterius: Ergo personis divinis, ut à parte rei existentibus, non convenit fundamentum relationis æqualitatis.

Tertio, Effectus formalis sine forma existere nequit: Sed esse æquale, est effectus formalis relationis æqualitatis: Ergo sine illa personæ divinx, ut à parte rei existentes, non possunt esse, nec dici æquales.

Denique si personæ divinx ab æterno sint, & dicantur æquales, nullâ ratione existente, superfluit omnino relatio æqualitatis: Sed hoc dici non debet: Ergo nec illud.

Hæc tamen instantiæ prædictæ solutioni non obstant. Ad primam enim responderetur, negando sequelam & paritatem. Ratio autem discriminis est, quia fundamentum proximum relationis speciei non convenit homini, ut à parte rei existenti, sed tantum remotum: ut autem denominationis relativæ subiecto conveniat, oportet ut fundamentum proximum illi competat. Et hoc in nostro casu contingit: nam fundamentum proximum relationis æqualitatis est unitas magnitudinis cum negatione excessus, quod personis divinis convenit à parte rei. Et in isto argumentum in relatione domini, quæ non nisi per intellectum convenit Deo, cum sit rationis; & tamen Deus dicitur realiter Dominus, quia fundamentum prædictæ relationis convenit Deo: ex quo non inferitur, idem dicendum esse de denominatione speciei, vel generis respectu hominis aut animalis.

Ad secundam, nego Antecedens. Ad cujus probationem, distinguo Majorem: ita ut distinctio unius quantitatis ab alia sit fundamentum vel ratio fundandi relationem æqualitatis, nego Majorem: distinctione se habente tantum ut conditione, & unitate ut ratione fundandi, concedo Majorem; & concessâ Minoris, nego Consequentiam. Solum enim sequitur, non convenire personis divinis à parte rei conditionem requisitam, ut sequatur relatio æqualitatis, non autem quod fundamentum talis relationis illis realiter non conveniat.

Ad tertiam concessâ Majori, distinguo Minorem: esse æquale formaliter & relativè, est effectus formalis relationis æqualitatis, concedo Minorem: esse æquale fundamentaliter, nego Minorem & Consequentiam; vel distinguo Consequens distinctione Minoris.

Ad ultimam nego sequelam: Nam licet relatio æqualitatis ab intellectu nostro consistat, necessaria non sit ad esse divinarum personarum, nec ad illarum unitatem in essentia, necessaria tamē

est, ut ab intellectu nostro pro hoc statu concipiatur æquales: nos enim viatores illas ut æquales concipere non possumus, nili ad modum quo res creatæ constituuntur æquales, ac proinde non nisi relativè, relatione consecutâ ad nostram apprehensionem: undè prædicta relatio superflua censeri non debet, sicut nec relatio dominij in Deo nostram subsequens apprehensionem superflua censetur, quamvis ad esse Dei nullatenus requiratur, nec ut realiter Dominus sit.

42. Obijciunt ultimò Scoti Discipuli: Verbum divinum, cum sit imago Patris, refertur ad illum relatione similitudinis: Sed hæc relatio, ut potè eadem cum relatione Filij, realis est, & non rationis: Ergo in personis divinis reperitur relatio realis similitudinis.

43. Respondeo in Verbo divino duplicem distinguere à Theologis relationem similitudinis; unâ, quæ supra unitatem essentis divinæ fundatur; alterâ, quæ licet imitatem illam supponat, vel connotet, supra illam tamen non fundatur, sed supra originem, vel expressionem, aut naturæ divinæ communicationem. Prima relatio est æquiparentiæ, hoc est ejusdem denominationis in utroque extremo, & pertinet ad primum genus: altera est disquiparantæ, seu diversæ denominationis in extremis nec est primi, sed secundi generis. Prima distinguitur à filiatione, non autem secunda. Prima denique (de qua solum in præsentem est questio) non est realis, sed rationis, eò quòd ratio fundandi (unitas scilicet divinæ essentis) in utroque extremo non multiplicetur: altera verò realis est; quia illius fundamentum, scilicet passiva generatio, realiter distinguitur ab activa generatione, (altem ratione illius, quod in obliquo importatur, ut antea explicatum est.

## §. V.

## Corollarium notatum dignum.

44. EX dictis inferes contra Raphaëlem de Aversa hic quærit. 2. sect. 2. & quosdam alios Recentiores, in personis divinis non dari relationem realem æqualitatis, aut similitudinis, fundatam in proprietatibus personalibus, & virtualiter distinctam à relationibus originis. Theologi enim, præter quatuor relationes originis nullam aliam in Deo relationem realem agnoscunt: Atqui si daretur relatio realis æqualitatis, aut similitudinis supra paternitatem aut filiationem fundata, & virtualiter ab illis distincta, iam plusquam quatuor relationes reales in Deo admittendæ essent, ut manifestum est: Ergo non datur talis relatio.

45. Deindè, si divinarum personarum similitudo attendetur, non solum secundum perfectiones absolutas, sed etiam secundum proprietates relativas, sequeretur Filium esse magis similem Patri, quàm Spiritum sanctum: Sed hoc absurdum est: Ergo & illud. Probatur sequela: Filius enim assimilaretur Patri in relatione Spiratoris, in qua Spiritus sanctus illi assimilari non potest: Ergo esset Patri similior.

Præterea, cum relationes divinæ non gaudeant perfectione relativâ, virtualiter à perfectione essentis distinctâ, sed infinitam tantum essentis perfectionem implicite includant, ut substantia perfectionem implicite includant, ut substantia

Dis. 3. pra ostensum est, ratione solum essentis possunt  
a. 1. 5. æqualitatem fundari: relatio enim æqualitatis fundatur in unitate magnitudinis, seu perfectionis cum negatione excessus, ut patet ex supra dictis.

Denique admittâ adhuc aliâ sententiâ, quæ docet relationes perfectionem relativam essentis superaddere, concedenda non est inter divinas personarum relatio æqualitatis aut similitudinis fundata in proprietatibus personalibus: quia, ut docet D. Thomas hic art. 1. ad 4. una relatio non potest aliam relationem fundare, aliâ daretur processus in infinitum: Sed proprietates personales sunt formaliter relationes: Ergo super illas fundari non potest relatio realis æqualitatis, aut similitudinis.

46. Dices Pater & Filius in ratione personæ constituuntur proprietatibus relativis, & tamen ut sic constituti refertur ad Spiritum sanctum relatione Spiratoris virtualiter distinctâ à paternitate & filiatione: Ergo relatio divina capax est, ut referatur per aliam relationem realem virtualiter distinctâ.

Respondeo concessio Antecedente, distinguendo Consequens: Relatio divina sumpta in abstracto capax est, ut referatur, nego. Sumpta in concreto, & prout idem est quod persona, concedo. Sicut enim persona Patris, quamvis per relationem constituta in ratione personæ, est principium quod generationis, & refertur ut quod per paternitatem sub conceptu referentis; ita Pater & Filius relationibus constituti, sunt principium quod processionis Spiritus sancti, & refertur ut quod relatione Spiratoris. Hæc tamen relatio non fundatur in paternitate & filiatione, sed in spiratione activa utriusque communi. Ex quo tantum sequitur, relationem divinam concretive sumptam (quâ ratione idem est quod persona) esse capacem, ut referatur ut quod, relatione, non in ipsâ, sed in spiratione activa fundata, quod libenter fateamur: non autem quod possit esse fundamentum ulterioris relationis, per quam ipsa in abstracto sumpta referatur ut quod.

47. Querunt hic aliqui, an personæ divinæ sint & dici debeant æquales, non solum in magnitudine & perfectione, sed etiam in æternitate & duratione? Ratio dubitandi est, quia inter illas reperitur prioritas & posterioritas originis, quæ ipsarum coæternitati videtur ob stare.

De fide tamen certum est, personas divinas esse in duratione æquales. Hoc patet primò ex symbolo Athanasij, ubi dicuntur esse unus æternus: At æternitatis unitas non patitur inæqualitatem durationis: Ergo tres personæ divinæ sunt in duratione æquales.

Secundò patet, quia duratio immutabilitatem consequitur, immutabilitas verò actualitatem: Sed tres personæ divinæ sunt ejusdem æqualitatis, cum sint ejusdem essentis & existentis: Ergo sunt ejusdem immutabilitatis, & consequenter ejusdem durationis.

48. Tertiò, ut egregiè discutitur D. Thomas hic art. 2. quòd terminus productus non coexistat suo principio, vel provenit ex imperfectione principij, quia nempe non statim ab initio est perfectum omni perfectione; ut constat in puero, qui ob debilitatem virtutis generare non potest: vel quia agens liberum est, & pro sua libertate non statim producit effectum: vel denique, quia actio, per quam terminus producit, est successiva: Sed nihil horum reperitur in processione divinarum personarum; nam Pater v. g. non ex electione libera, sed naturaliter Filium producit; illius enim natura ab æternò fuit perfecta; & actio quoque, quâ Filium producit, non est



est successiva: Ergo personæ divinæ coeternæ sunt, ac in duratione æquales. Unde, ut notat idem S. Doctor, supra quæst. 34. art. 2. ad 3. & super cap. 1. Joan. lect. 1. Filius, splendor Patris, in Scriptura appellatur, ut Patri coeternus ostendatur, sicut splendor est coævus luci. Idem docet Ambrosius lib. 4. de fide, his verbis: *Lux splendorem generat, nec comprehendi potest, quod splendor luce posterior sit, aut lux splendor e antiquior: quia ubi lumen, & splendor est; nec splendor potest esse sine lumine, quia & in splendore lumen, & in lumine splendor est. Unde & Apostolus splendorem gloria Filii dixit, quia splendor paternæ lucis est Filius: coeternus, propter virtutis æternitatem; inseparabilis, propter claritatis unitatem.*

43. Ad rationem verò dubitanti respondent alii, negando in Divinis reperiri prioritatem originis: quibus favere videtur D. Thomas hic art. 3. ubi concedit inter divinas personas ordinem sine prioritare verbis ferè mutatis ex Augustino lib. 5. contra Maximinum cap. 14. Alij cum Scoto in 1. dist. 28. quæst. 3. talem prioritatem inter personas divinas admittunt. Cajetanus verò hic in commentario articuli 3. censet esse diffinitionem tantum de nomine: linguam cohibendam esse, nec concedendam prioritatem realem absolute, sed ad summum cum addito, nempe prioritatem realem originis. Quidquid tamen horum aliteratur, persiluit semper divinarum personarum coeternitas, & in duratione perfecta æqualitas: huic enim non officit prioritas realis originis, sed tantum prioritas durationis, & prioritas à quo realis causalitatis; quarum utramque fides relegat à personis divinis.

49. Agunt etiam hic alii de mutua ac reciproca utrius personæ divinæ in alia existentia, quæ à Latinis, *Circuminfessio*, & à Græcis *πρωτοπρεσβυτερία*, appellatur; & quærent quomodo una persona dicatur esse in alia?

Huic quæstioni respondet D. Thomas hic art. 5. quamlibet personam divinam tribus modis esse in alia. Primò quidem ratione essentie, quæ omnibus personis communis est: Secundò ratione correlationis mutue, quæ unum relativum dicitur esse in alio secundum intellectum. Tertiò ratione originis, quæ cum sit actio immanens, exigit ut id quod procedit, maneat in principio à quo procedit, & non separetur ab illo. Unde Zeno Veronensis Verbum Divinum, *nobilem cordis Patris inquitilinum*, appellat. Et Tertullianus in Apolog. cap. 17. ait: *A matrice non recessit, sed excessit.* Item Divus Augustinus 7. de civit. primam Trinitatis personam, patrem & matrem simul appellat; ad significandum discrimen, quod inter Patrem Divinum & patres terrenos intercedit: hi enim filios extra se generant; ille verò in suo pectore, & divinitatis suæ visceribus, Verbum productum retinet, quò metaphoricè materna quædam proprietas declaratur. Ad quod alludens Synesius, antiquissimus Doctor, hymno 3. de Patre æterno canit: *Tu pater & mater, radix & summus ramus, semina & mas: inest quod parit, inest quod paritur.*

Idem in Spiritus Sancti processione observavit Mulsus Bituntinus, libro de sacra historia, ubi hæc scribit: *Vivit Deus & spirat Spiritum, Verè, inquam, spirat; non emittit solum, sed attrahit & resinet. Si homo emitteret spiritum, & non attraheret, non viveret. Porro alium aerem attrahit, alium emittit: sic spirat, ut respicit. At verò Deus eundem Spiritum.*

Tom. 11.

tum à se emittit, & in seipso retinet: idèque non tantum spirat, sed etiam respicit. Non emittit Spiritum suum, ut radix arboris, sed ut ignis calorem, lux lumen, ut mens sapientiam, amor amorem. Num separatur amor ab amante? Amor quidem extasim facit, quia impulsus est amanti: separationem tamen nullam infert, quia nexus est individuum, catena suavisima, quæ invicem colligantur amantes, ut jam non sint duo, sed unum; in nobis unitate affectus, in Deo unitate etiam substantiæ, ob summam divinæ naturæ simplicitatem.

Denique de hac ineffabili personarum divinarum circuminfusione, in quodam hymno canit Ecclesia:

In Patre totus Filius,

Et totus in Verbo Pater.

Et ipsemet Christus Joan 14. perfectam illius intelligentiam usque ad claram Dei visionem differendam esse docet, dicens: *In illa die (æternitatis scilicet & beatitudinis) cognoscetis, quia ego in Patre, & Pater in me est.*

Cæterum licet in hac mortali vita, mirabilem hanc unius personæ in alia existentiam non videamus perfecte cognoscere; pollumus tamen illam participare, & aliquam ejus imaginem in nobis exprimere. Nam ut dicitur 1. Joan. 4. *Deus charitas est, & qui manet in charitate, in Deo manet, & Deus in eo.* Quæ verba mellissimus Doctor expendens, licet ait: *Deus charitas est, quid præterius? & qui manet in charitate, in Deo manet, quid securus? & Deus in eo, quid jucundus?*

Tractant etiam hic aliqui de applicatione seu appropriatione essentialium divinis personis, de qua D. Thomas supra quæst. 39. art. 8. ubi quærit: *Utrum convenienter à sacris Doctoribus sint essentialia personis attributa?* Et respondet affirmativè: Cum enim (inquit) Deum non cognoscamus nisi per creaturas, sicut quoad dupliciter has cognoscimus, primò ut in se absolute, secundò ut sunt quid unum, tertio ut habent virtutem ad agendum, quarcò ut dicunt habitudinem ad effectus: ita quoad dupliciter cognosci potest Trinitas, & totidem modis attribuantur illi essentialia.

In primis enim si considerentur persone in se absolute, valer appropriatio Hilarii, dicentis, *Æternitas in principio, species in imagine, usus in munere*: æternitas enim rectè appropriatur Patri, quia sicut æternitas non habet initium, ita nec Pater originem. Pulchritudo Filio, quia illa tribus constat, nempe integritate, nam mutila sunt deformia; proportionè ad exemplar, unde tabella aptè exprimens monstrum, pulchra dicitur; & colore vivido, ac luce, quæ pulchritudinem animat. Hæc verò tria competunt Filio, ex vi suæ originis, quia habet totam Patris naturam, est illi simillimus, & candor lucis æternæ. Item usus rectè attribuitur Spiritui sancto, cum sit donum quò fruimur.


Juxta secundam considerationem valet attributio Augustini, qui Patri appropriat unitatem, quia nihil supponit, cum sit persona improducta: æqualitatem Filio, quia æqualitas non supponit, & importat unitatem, cum respectu ad alterum; & concordiam Spiritui sancto, quia est nexus Patris & Filij, ut fusè supra declaravimus.

Juxta tertiam considerationem valet attributio communis, sive attendamus quæ propria sunt



cuiuslibet personæ, siue dissimilitudinem illarum à creaturis: sic ex utroque capite Patri competit potentia, tum quia est principium omnium processionum, tum quia est dissimilis patribus creatis, veritate de iulibus: Filio sapientia, tum ratione originis, cum sit Verbum & terminus cognitionis infinite Patris, tum dissimilitudine à filiis creatis, ut plurimum iuventute insipientibus: Bonitas Spiritui Sancto, tum origine, quia est amor bonitatis increatae, tum dissimilitudine ab amore creato, sæpe malo, & inordinato.

Tandem secundum ultimam considerationem valet attributio Pauli dicentis, omnia ex ipso, per ipsum, & in ipso esse. Omnia enim sunt ex Patre, tanquam ex efficiente per potentiam; per Filium tanquam per exemplar & principium de principio creaturarum; & in Spiritu Sancto, qui omnia continet non quidem ratione idearum (nam verbo proprium est, sic continere omnia) sed ratione bonitatis Dei, quæ res conservantur, & ad illum ut finem ultimum ordinantur.



## DISPUTATIO XIII.

### DE MISSIONE DIVINARUM personarum.

Ad questionem 43. D. Thoma.

**H**ÆC disputatio se habet per modum coronidis ad totum istum tractatum: ultima enim consideratio comparativa personarum divinarum est in ordine ad creaturas, secundum quod dicuntur ad illas mitti, vel ad eas venire: unde de missione divinarum personarum ultimo loco cum Sancto Doctore hic agendum est.

### ARTICULUS PRIMUS.

*Quid sit missio, & quibus personis conveniat?*

#### §. I.

*Premittuntur quæ apud omnes sunt certæ, & referuntur sententiæ.*

1. **M**issio in communi significat processionem seu egressionem ab aliquo cum destinatione ad aliquem effectum, vel ad aliquem locum de novo: unde ad illam quatuor concurrunt, scilicet persona mittens, persona missa, terminus ad quem, & egressio seu processio eius qui mittitur. Potest autem, ut docet Divus Thomas hic art. 1. tripliciter fieri: vel per imperium, sicut dominus mittit servum in villam: vel per consilium, sicut medicus dicitur mittere Regem ad balneum: vel per originem, sicut flos emittitur à arbore, radius à sole, & rivus à fonte. Ex quo patet missionem reperiri in Divinis, seculis tamen imperfectionibus, quæ in creaturarum missione contingunt: vere enim una persona ab alia egreditur (non per imperium, aut consilium, sed per originem) sique speciali modo præfens creaturæ, non per loci mutationem, sed per novi effectus productionem. Unde Divus Thomas in 1. ad Annibald. dist. 15. quæst. unicæ art.

1. egregie observat, quod in missione creaturæ quatuor reperiuntur; unum ex parte mittentis, scilicet authoritatis; alterum ex parte missi, scilicet separatio eius à mittente; tertium ex parte termini à quo, scilicet loci mutatio; quartum ex parte termini ad quem, scilicet effectus aliquis, ad quem producendū persona missa destinatur. Et subdit, primum & ultimum, quia perfectionis sunt, convenire personis divinis: licet enim in Divinis non deorū authoritas per modum imperij, bene tamen per modum originis: secundum verò & tertium, quia imperfectionem dicunt, à missione divinarum personarum relegari. Et articulo precedenti in responsione ad 3. docet, quod licet Angeli superiores non mittantur, quia non possunt mitti sine loci mutatione, quæ illis non convenit, bene tamen personæ divinz, nam illæ non mutant locum, cum ad nos mittuntur.

Hæc sunt certæ & indubitata apud Theologos. Sed dissidium ac disputatio est inter illos, pro quo supponat divina missio; an pro ipsa productione effectus, quæ temporalis est; an verò pro processione & origine personæ divinz, quæ ab æterno illi competit? Quidam missionem in solo temporali effectui collocant, alij in sola origine, per quam personæ missæ communicatur potentia & voluntas producendi effectum temporalem, ratione cuius fiat novo modo præfens creaturæ.

#### §. I I.

*Vera sententia statuitur.*

**D**ico tamen, nec solam processionem æternam, nec solum effectum temporalem, esse missionem, sed illam pro utroque supponere, & utrumque importare; in recto quidem ipsam personarum originem, in obliquo verò novum effectum in creatura productum.

Probatur primò ex D. Thoma hic art. 2. ad 3. ubi ait: *Missio includit processionem æternam, & aliquid addit, scilicet temporalem effectum*; subindeque illud inter missionem & generationem ponit discrimen, quod missio importat habitudinem ad principium, in ordine ad terminum temporalem, generatio autem in ordine ad terminum æternum.

Favet etiam Augustinus lib. 2. de Trinit. cap. 5, ubi ait: *A Patre exire, & venire in hunc mundum, mitti est.*

Probatur secundò: Missio divina essentialiter importat originem à persona mittente: Ergo non est solum operatio Dei externa & temporalis, si ve novus modus essendi in creatura, sed origo æterna personæ missæ, ut connotans operationem externam & temporalem. Consequentia patet, probatur Antecedens. Missio personæ divinz essentialiter importat exitum à persona mittente: Sed hic exitus nequit esse alius, quam origo æterna ab illa: Ergo essentialiter importat talem originem. Major est certa, missio siquidem essentialiter dicit egressionem ex eo à quo fit: Minor verò probatur. Duplex tantum est egressio à mittente: una moralis, consistens vel in imperio, ratione cuius inferiores à superiori siue domino, & Angeli à Deo dicuntur mitti & egredi; vel in precibus, aut consilio, siue suaione, ratione quorū in humanis homo dicitur mitti ab alio homine ad aliquod munus, si ve officium exercendum: altera est physica, consistens in naturali origine, ratione cuius radius v.g. dicitur emit-

tià Sole ad illuminandum : Sed egressio quam essentialiter importat divinæ Personæ missio, nequit esse moralis ; utpote quæ abstrahi non potest ab imperfectione, vel in persona missa, vel in persona mittente, ut constat : Ergo debet esse physica, consistens in origine naturali.

5. Probatur tertio : Si missio non supponeret pro origine seu exitu à mittente, prout connotat effectum in creatura productum, aut producentium, sed tantum pro ipsa productione effectus, non esset ratio, cur Pater non diceretur mitti, cum producat effectum temporalem quem connotat missio aliarum personarum, scilicet gratiarum : opera enim ad extra indivisa sunt, & toti Trinitati communia, ut communiter docent Theologi, & D. Augustinus egregio exemplo declarat : *Cytharam, inquit, respice ; ut musicum melos soni dulcibus reddat, tria pariter adesse videntur, ars, manus, & chorda, & tamen unus sonus auditur. Ars dicitur, manus tangit, chorda resonat ; nec ars, nec manus sonum reddunt. Tria operantur, sed sola chorda resonat : cum corda autem pariter ars & manus operantur. Sic non Pater, nec Spiritus Sanctus susceperunt carnem, & tamen cum Filio pariter operantur.*

## §. III.

*Solvitur obiectio ex autoritate D. Thomæ descripta.*

6. COntra hanc conclusionem proponi potest argumentum ex autoritate Divi Thomæ desumptum. Nam S. Doctor in 1. dist. 1. §. quest. 1. art. 2. referens opinionem, quæ dicebat missionem in Divinis consistere, non in aliquo relativo, sed in aliquo essentiali, subdit : *Et hoc mihi verius videtur, considerant virtute vocabuli : missio enim, secundum rationem sui nominis, non dicit exitum ab aliquo sicut à principio, à quo missio esse habet ; sed solum in ordine ad effectum missionis ponitur auctoritas alius ad missum. Et ibidem ad Annibaldum quest. unica art. 2. Alij, inquit dicunt, quod missio significat principium quod essentialiter est, & hoc videtur verius : Atque effectus de novo productus in creatura, est id quod in missione est essentialiter, utpote à tota Trinitate ; non verò origo, quæ est quid personale : Ergo in doctrina D. Thomæ, vel missio personæ divinæ consistit solum in novo effectu, seu in novo modo essendi in creatura ad quam terminatur, juxta primum locum ; vel saltem, juxta secundum, principaliter consistit in illo effectu ; subindeque non de connotato solum ipsum importat.*

7. Pro solutione hujus objectionis, nota missionem personæ divinæ duobus modis posse considerari, primò secundum denominationem præcisè quam habet ex termino ad quem, secundò quoad entitatem suam. Si primo modo consideretur, ut eam consideravit Divus Thomas locis in objectione citatis, verum est quod non consistit, saltem principaliter, in aliquo notionali ; quale est origo sive processio æterna personæ missæ ; sed in aliquo essentiali, quod est effectus de novo productus in creatura, utpote cum ab eo, tanquam à termino ad quem, non verò ab ipsa origine æterna, desumatur missionis denominatio. Cum hoc tamen stat, quod si loquamur de eadem missione non quoad denominationem

A nem præcisè, sed quoad entitatem denominationem, ipsa magis principaliter importet originem, & solum de connotato novum & specialem effectum ad quem terminatur in creatura.

## §. IV.

*Corollaria notatu digna.*

8. EX dictis colliges primò, missionem divinæ personarum sic posse definiri, aut descripti : *Missio est processio originis à mittente, cum novo modo existendi in alio.*

9. Colliges secundò, non posse unam personam seipsam mittere, licet possit seipsam dare : quia sicut nulla persona procedit à se, ita nec mittitur à se.

10. Colliges tertio, Patrem æternum à nullo mitti, et si seipsum det, aut veniat cum aliis personis, ad inhabitandum in anima per gratiam sanctificatam. Patet etiam hoc corollarium : quia persona Patris à nullo procedit, cum sit innascibilis, & totius divinitatis fontale principium. Addo quod, sicut omne mobile, reduci debet ad aliquod primum movens immobile ne fiat processus in infinitum, sic & omne missum ad aliquod mittens non missibile, ut egregie observat Divus Thomas primo ad Annibaldum ubi suprà art. 3. Ergo cum in Divinis Filius mittat Spiritum Sanctum, & ipse à Patre mittatur, Pater à nullo mitti potest. Unde Augustinus libro contra Sermonem Arrianorum cap. 4. *Solus Pater non legitur missus : quoniam solus non habet auctorem à quo sit genitus, vel à quo procedat.*

11. Colliges quartò, Filium à Patre mitti, quia ab illo exit per æternam generationem : unde Christus Joan 8. *Ego ex Deo processi, & veni in mundum.* Quæ verba expendens Cyrillus ait : *Filius mittitur à Patre, ut verbum à mente, splendor à Sole.* Item Spiritus Sanctus à Patre & filio mittitur, quia ab utroque procedit, ut suprà contra Græcos Schismaticos ostensum est. An verò Filius à Spiritu Sancto mittatur, difficultas est, propter celebre Isaïæ testimonium, in quo Divina Sapientia cap. 48. dicit : *Misit me Dominus Deus, & Spiritus ejus.* Quem locum licet plures referant ad humanam Christi naturam, secundum quam missus est à Spiritu Sancto ad prædicandum ; Augustinus tamen lib. 2. de Trinitate cap. 5. illum intelligit de ipsa persona Verbi Divini, quam docet fuisse à Spiritu Sancto missam, ut homo fieret, seu ut humanam carnem indueret. Verum hæc intelligenda & explicanda sunt de missione verbi inadaquate sumpta, ratione scilicet effectus ab ea connotati : ille enim non solum à Patre, sed etiam à Spiritu Sancto procedit ; unde ratione illius Filius potest dici aliquo modo à Spiritu Sancto missus, ut colligitur ex Divo Thoma hic art. 8. ubi ait : *Sigiliter mittens designetur ut principium personæ quæ mittitur, sic non qualibet persona mittit, sed solum illa cui convenit esse principium illius personæ ; & sic Filius mittitur tantum à Patre, Spiritus autem Sanctus à Patre & Filio. Si verò persona mittens intelligatur esse principium effectus, secundum quem attenditur missio, sic tota Trinitas mittit personam missam.*

12. Colliges ultimò, missionem Filij, & missionem Spiritus Sancti, ex parte effectuum quos connotant, in hoc potissimum differre, quod missio Verbi, cuius processio per intellectum est, atten-

attenditur præcipue secundum illa dona quæ ad intellectum pertinent, ut donum intellectus, scientiæ, sapientiæ, & consilij: missio vero Spiritus Sancti, per amorem procedentis, ordinatur potissimum ad communicanda alia dona, quæ ad voluntatem spectant, ut donum fortitudinis, pietatis, & timoris. Ita Divus Thomas in primo ad Annibald. dist. 1. q. 1. unica art. 5. *Quædam, inquit, habent similitudinem cum proprio Filij, inquitum procedit ut Verbum, sicut illa quæ pertinent ad cognitionem, ut donum sapientiæ & scientiæ; & in huiusmodi donis dicitur mitti Filius, Quædam verò dona habent similitudinem cum proprio Spiritus Sancti, qui procedit ut amor, sicut illa quæ pertinent ad affectum, ut charitas; & in huiusmodi donis dicitur propriè mitti Spiritus Sanctus, quævis omnia dona, ex hoc ipso quod dona sunt, ad Spiritum Sanctum pertineant, qui est primum donum. Et hic art. 5. ad 3. sic ait: Ille due missiones communicant in radice gratiæ, sed distinguuntur in effectibus gratiæ, qui sunt illuminatio intellectus, & inflammatio affectus.*

## ARTICULUS II.

*An missio invisibilis fiat solum secundum dona gratiæ sanctificantia?*

13. **M**issio divinarum personarum, ex parte effectuum temporalium quos connotat, invisibilem & invisibilem dividi solet. Missio visibilis est illa, quæ fit in aliquo effectu sensibiliter apparente, & representante personam missam: sive creatura illa visibilis in unitatem personæ assumatur, ut in incarnatione factum est: sive in illa solum ut in signo sanctificationis, quam facit persona missa, manifestetur; ut quando Spiritus Sanctus in specie ignis super Apostolos in die Pentecostes apparuit. Missio autem invisibilis est illa quæ fit in aliquo effectu spirituali & invisibili, qualis est illa quæ fit in justificatione peccatoris per donum gratiæ invisibilis; de qua Job cap. 9. dicitur: *Si venerit ad me, non video eum; si aberit, non intelligam.* In missione visibili mittitur una persona, & manifestatur sine alia: in invisibili verò nunquam una sola persona mittitur, sed duæ procedentes; & Pater, licet non mittatur, venit tamen & communicat se cum aliis ipsi animæ, secundum illud Christi Joan. 14. *Si quis diligit me, sermonem meum servabit, & Pater meus diligit eum, & ad eum veniemus, & mansionem apud eum faciemus.* Denique missio visibilis fieri potest per quamlibet rem sensibilem, ordinis etiam naturalis; potest enim Deus assumere ad unionem hypostaticam quamlibet naturam creatam, & uti quolibet signo sensibili ad suam præsentiam in creatura rationali manifestandam: missio verò invisibilis non fit nisi ratione alicujus doni supernaturalis, in anima producti. Porro quia inter dona supernaturalia, quædam cum gratia sanctificante connexa sunt, ut charitas; alia verò cum ea connexionem non habent, sicut fides informis, spes, gratiæ gratis datæ, auxilia ad justificationem remotè disponentia; inquit Theologi, anmissio invisibilis fiat solum secundum dona primigenieris?

14. Partem negativam tenent quidam, relati à Suare libro 12. de Trinitate, capite 5. quos se-

A quutus est Arriaga disput. 55. sect. 4. dicto 6. ubi ait posse absolute dici missionem invisibilem, etiam si non fiat per dona gratiæ sanctificantis, sed per alia dona supernaturalia; ut sunt inspirationes, auxilia, & habitus supernaturales à charitate distincti. Sententia tamen affirmativa communis est apud Theologos, eamque expresse docet Angelicus Doctor in 1. dist. 14. quest. 2. art. 2. & hic artic. 3. Unde sit

### §. I.

*Conclusio affirmativa statuitur.*

**D**ico igitur: Missionem invisibilem divinarum personarum, non dici nisi ratione gratiæ & charitatis.

2. Probatum primò ratione Divi Thomæ hic art. 3. Missio invisibilis divinarum personarum non fit nisi cum novo & invisibili modo existendi in anima rationali: Atqui nec per solam fidem, nec per spem, nec per gratias gratis datas, sed per solam charitatem & gratiam justificantem, Deus speciali & novo modo in anima rationali existit: Ergo missio invisibilis divinarum personarum, non fit nisi ratione gratiæ, & charitatis. Major patet ex definitione missionis supra exposita. Minor verò probatur: Nam ut ibidem docet Divus Thomas, modus ille specialis quo Deus existit in anima, consistit in eo quod illi præsens est, ut cognitum in cognoscente, & amatum in amante (cognitione scilicet & amore procedentibus ex perfectissima amicitia, ut articulo sequenti declarabimus) Sed Deus non est præsens hoc modo animæ rationali, nisi per gratiam & charitatem, per quam solum fit perfecta hominis cum Deo amicitia, ut docet idem Angelicus Præceptor 2. 2. quest. 23. art. 1. Ergo &c.

16. Confirmatur primò: Cum fide, spe, cæterisque donis gratuitis, stare potest peccati reatus: Sed specialis illa Dei præsentia cum peccato incompossibilis est; ut enim dicitur Proverb. 17. *Longe est Dominus ab impijs:* Ergo specialis Dei præsentia non habetur per fidem, aut spem, vel alia dona gratuita, sed solum per gratiam & charitatem.

17. Confirmatur secundò: Spiritus Sanctus ad creaturam rationalem mittitur; ut in ea sicut in templo suo inhabitus; juxta illud Apostoli 1. ad Corinth. 6. *Nescitis quia templum Dei estis vos, & Spiritus Sanctus habitat in vobis:* At nemo Dei templum efficitur, nisi per gratiam & charitatem: Ergo secundum hoc tantum donum missio invisibilis Spiritus Sancti attenditur. Unde Augustinus libro 3. de Trinitate cap. 4. *Spiritus Sanctus procedit temporariter ad sanctificandam creaturam.* Ex quibus verbis Angelicus Doctor hic art. 3. in argumento *sed contra*, sic concludit: *Cum sanctificatio creature non fit nisi per gratiam gratum facientem, sequitur quod missio divine persone non fit nisi per gratiam gratum facientem.*

18. Confirmatur tertio: Per invisibilem divinarum personarum missionem, Deus est in homine, & homo in Deo; unde, ut supra annotavimus, per illam fit in nobis imago quædam mirabilis illius circumfessionis, per quâ una persona divina residet in alia; propter quod Cant. 4. *divina*

divinæ illæ emissiones *Paradisus* appellantur: Sed Deus non est in homine, nec homo in Deo, nisi per charitatem, ut patet ex illo 1. Joan. 4. *Deus charitas est, & qui manet in charitate, in Deo manet, & Deus in eo*: Ergo idem quod prius.

- 19 Adde quod in missione invisibili nobis datur personæ divinæ, ut anima illas in se habeat, illique perfruatur, ut docet Divus Thomas hic art. 3. Sed habere potestatem fruendi personā divinā, provenit solum à gratia & charitate, ut ait idem S. Doctor ibidem, & patet ex eo quod fructus pertinet ad amorem, quem aliquis habet de ultimo expectato, quod est finis, ut idem Præceptor Angelicus docet 1. 2. quæst. 11. art. 1. Ergo missio invisibilis divinarum personarum non fit nisi per gratiam & charitatem.

- 20 Præterea, ut idem S. Doctor discursit loco citato ex sententiis, missiones divinarum personarum ad hoc præcipue ordinantur, ut reducant creaturam rationalem in Deum, ut in finem ultimum, à quo per peccatum avertitur & recedit: Sed regressus creaturæ rationalis in Deum, ut in finem ultimum, non fit nisi per gratiam & charitatem, quæ hominem Deo ut ultimo fini conjungit: Ergo missio invisibilis divinarum personarum fit solum ratione gratiæ & charitatis.

## §. II.

*Solvuntur obiectiones.*

- 21 **O**bjicies primò: In Incarnatione fit quædam specialis missio Verbi Divini ad humanitatem assumptam, & Spiritus Sancti ad B. Virginem, juxta illud Lucæ 1. *Spiritus Sanctus superveniet in te*: Sed duplex hæc missio non fit secundum dona gratiæ sanctificantis, aut talem ab illis essentialiter non dependet; posset enim fieri Incarnatio sine ullo dono gratiæ collato naturæ assumptæ, ut si Deus assumeret naturam irrationalē, quæ donorum gratiæ incapax est, vel naturam rationalem omnibus donis gratiæ spoliatam, aut si ex matre peccatrice nasceretur: Ergo divinarum personarum missio à gratia sanctificante & donis illius non dependet.

- 22 Confirmatur: In Eucharistia, factâ consecratione, fit missio personæ Filii, qui tunc ibi existit de novo corpus Christi, ex vi conversionis, & persona Verbi per concomitantiam: Sed hæc missio non est secundum infusionem gratiæ sanctificantis in animam, tum quia ibi non est anima quæ sanctificetur, sed solum substantia panis, quæ convertitur in corpus Christi, & accidentia quæ remanent; tum etiam, quia ut ait D. Thomas hic art. 6. ad 4. gratia non est in Sacramento ut in subiecto, sed ut in instrumento: Ergo idem quod prius.

- 23 Confirmatur ampliùs: Si quis iustificaretur per visionem beatificam, sine habitu gratiæ haberet missionem invisibilem Spiritus Sancti factam ad se; quia speciali modo esset in anima per justificationem & beatitudinem: Ergo sine donis gratiæ sanctificantis fieri potest invisibilis missio divinarum personarum.

- 24 Ad objectionem respondeo primò, missionem Verbi Divini, quæ fit in Incarnatione, non esse invisibilem, de qua solum hic agimus, sed visibilem, ratione naturæ assumptæ. Secundò dico, in Incarnatione communicari naturæ assumptæ gratiam unionis; quæ perfectiori modo sanctificat, quàm gratia habitualis, totâq; ejus per-

fectionem & sanctitatem eminentissimo modo continet: unde etiam si natura rationalis à Verbo assumpta, omni dono accidentali careret, per ipsam tamen substantialem personæ sanctitatem perfectissimo modo sanctificaretur. Si autem Verbum naturam irrationalem, & donorum gratiæ incapacem assumeret, non esset tunc vere & propriè missio, sed solum physica communicatio sui. Licet enim missio non consistat in morali egressione ab alio, per imperium, aut suasionem; & requirit tamen ut is qui mittitur, modo intellectuall, & ut persona, exeat, & procedat ad illum cui mittitur: in illo autem casu Verbum Divinum modo intellectuall ad illam naturam non procederet, nec illi in ratione personæ, sed solum in ratione suppositi, uniretur. Vel etiam dici potest quòd illa assumptio naturæ irrationalis esset missio; quia licet non sanctificaret illam naturam, cò quòd sanctitatis incapax sit, esset tamen de se illa actio ordinabilis ad sanctificandum alios; quod sufficit ad rationem missionis, ut patet in apparitione Spiritus Sancti in linguis igneis, quæ fuit vera missio, quia ordinabatur ad sanctificandum Apostolos.

Ad illud quod de B. Virgine subjungitur, dicendum est, Spiritum Sanctum ad illam supervenisse, quando concepit Dei Filium, quia tunc novum augmentum gratiæ recepit: missio autè Spiritus Sancti non solum fit quando primò infunditur gratia, sed etiam quando novum ejus augmentum acquiritur, ut patet ex istis dicendis. Si autem de potentia absoluta esset divina maternitas sine sanctitate, tunc non superveniret in eam mater Spiritus Sanctus, per modum missionis simpliciter, quia non habitaret in easdem esset solum missio secundum quid, quatenus Spiritus Sanctus efficere tale donum maternitatis simul cum aliis personis divinis. Sicut etiam fit quædam missio impropria & secundum quid, cum fides informis, vel auxilia ad gratiam remotè disponencia infunduntur.

Ad primam confirmationem respondetur, quòd de Sacramento Eucharistiæ possumus loqui, vel quoad sumptionem, vel quoad consecrationem. Si loquamur de sumptione, nulla est difficultas, quia in illa datur infusio, vel augmentum gratiæ; si verò de existentia corporis Christi in Sacramento, quæ fit per conversionem panis in ipsum, fiat sermo, duplex adhiberi potest solutio. Prima est, quòd illa non est missio specialis personæ filii ad sacramentum: sed est missio ipsius Christi ad hominis, seu corporis ejus, ut ibi existat. Secunda est, dato quòd illa conversio & transubstantiatio sit missio personæ, pertinet tamen ad missionem visibilem redactivè, quatenus corpus Christi hic existit sub speciebus Sacramentalibus, quæ visibiles & sensibiles sunt.

Ad secundam confirmationem dicendum est, quòd ille qui iustificaretur per visionem beatificam, sine habitu gratiæ, haberet gratiam sanctificantem eminentem, aut æquivalentem, quia haberet consummationem gratiæ / sufficientem ad remissionem peccatorum, & actus conaturaliter & de se gratiam in subiecto exigentem ad invisibilem autem Spiritus Sancti missionem, sufficit quòd infundantur dona gratiæ sanctificantis, vel formaliter, vel æquivalenter. Unde, ut supra dicebamus, cum Verbum assumeret humanitatem, gratia habitualis spoliata, fieret nihilominus ad illam specialis Spiritus Sancti missio: quia hypostatica æquivaleret



gratiz sanctificanti, & totam ejus sanctitatem & perfectionem eminentissimo modo condunt.

- Obijcijs secundò : Personæ divinæ habent specialem præsentiam in creatura rationali, independentem à gratia & charitate : Ergo missio invisibilis illarum fit non solum per gratiam & charitatem, sed etiam per alia dona ab illis separabilia. Consequentia patet ex suprà dictis. Antecedens probatur, Spiritus Sanctus fit speciali modo præsens animæ, cum per auxilium gratiæ illam movet ad actum attritionis supernaturalis, quam donum Deitellæ, & Spiritus Sancti impulsus, docet Sacrosancta Synodus Tridentina sel. 14. cap. 4. Item Summo Pontifici, vel Concilio generali, res fidei definitivas, datur specialis quædam Spiritus Sancti assistentia & præsentia, ne in hujusmodi definitionibus errare possint, ut docetur in Tractatu de fide ; & tamen tunc non fit nova gratiæ & charitatis infusio. Denique per fidem, & per dilectionem Dei naturalem, Deus fit præsens animæ, ut cognitum in cognoscente, & amatum in amante : Sed hanc solum præsentiam habent personæ divinæ in anima per missionem invisibilem, ut docet D. Thomas hic art. 3. Ergo independentem à gratia & charitate personæ divinæ specialem præsentiam, & existentiam habent in nobis.

- Respondet quod licet personæ divinæ, independentem à gratia & charitate, specialem quandam præsentiam in creatura rationali habere possint, non tamen illam, quæ ad veram & propriè dictam missionem requiritur. Nam vera & propriè dicta missio requirit præsentiam specialem, quæ fit per modum mansionis & inhabitationis in anima; ut patet ex illo Joan. 14. *Si quis diligit me, diligetur à Patre meo, & ad eum veniet, & mansioem apud eum faciet;* hæc autem præsentia & inhabitatio non fit nisi per gratiam sanctificantem : per auxilium enim quò Spiritus Sanctus animam ad actum attritionis movet, nondum illam inhabitat, sed tantum ad ostium cordis pulsatur, juxta illud Apocal. 3. *Ece ego ad ostium, & pulso* : unde Tridentinum loco citato loquens de contributione illa imperfecta, quæ attritio appellatur, dicit illam esse Spiritus Sancti impulsus, non adhuc quidem inhabitantis, sed tantum moventis. Idem dicendum est de speciali illa Spiritus Sancti assistentia, quæ datur Summo Pontifici, aut Concilio generali, ad res fidei definiendas; per illam enim Spiritus Sanctus non inhabitat animam, sed tantum intellectum movet, instruit, ac dirigit, ne in veritatis cognitione aberrat : unde talis præsentia specialem missionem non requirit, sed pertinet ad generalem Dei præsentiam, quæ Deus est in rebus per operationem.

Cum autem aliquis fidei informis & dilectionis naturalis actus elicit, habet quidem Deum præsentem in anima, ut cognitum in cognoscente, & amatum in amante, sed non cognitione & amore ex perfectæ amicitia procedentibus, de quibus solum in præsentiloquitur D. Thomas, dum docet per missionem invisibilem, Deum fieri præsentem animæ, ut cognitum in cognoscente, & amatum in amante, ut infra patebit. Adde quod, ad veram & propriè dictam missionem, requiritur quòd Deus in anima tanquam in templo suo inhabitet, ut patet ex suprà dictis : per fidem autem informem, aut dilectionem naturalem, Deus non habitat in anima tanquam

in templo, ut docet Augustinus Epist. 57. ubi ait : *illi ad templum Dei non pertinent, qui cognoscunt Deum, non sicut Deum glorificant.*

### §. III.

Corollarium notatu dignum.

EX dictis colliges, triplicem dari in homine invisibilem divinatum personarum missionem. Prima fit in Baptismo, vel in prima peccatoris justificatione : tunc enim personæ divinæ incipiunt speciali modo præsentem esse in anima, per gratiam mundatam & sanctificatam, & in ea ut in templo suo habitare.

Secunda fit quando homo justificatus novum gratiæ augmentum acquirit, seu cum de novo proficit in gratia; sive intensive, perfectioris actus charitatis eliciendo ; sive extensive, dum ad novum aliquod munus aut statum excellentem assumitur, puta cum in Sacerdotem vel Episcopum consecratur, vel cum omnibus tenuntiat, & religiosus efficitur, ut docet D. Thomas hic art. 6. ad 2. tunc enim Deus in illo, tanquam in templo suo, modo aliquo specialissimo incipit habitare, ut eleganter declarat Bernardus Serm. 6. de Dedicatione, in quo fratres suos alloquens, sic ait : *Domestica nobis celebritas, dedicatio domus nostra ; magis autem domestica nostra ipsorum dedicatio : nostra si quidem illa aspersio, nostræ illi benedictio, nostra consecratio fuit, quæ per manus Sanctorum celebrata Pontificum, etiam hodie anniverfarij reditu votiva laudum ad memoriam revocatur.*

Tertia denique missio est illa quæ fit in Beatis, tum in ipso beatitudinis principio, in quo Deus incipit esse novo modo in anima, per unionem essentia suæ, in ratione speciei intelligibilis, tum etiam post beatitudinem adeptam, per varia charismata & dona gratiæ, seu novas revelationes quam accipit Beatus extra verbum, in quibus etiam communicatur Deus novo modo, secundum manifestationem aliquorum effectuum, qui ad ipsum statum beatitudinis ordinantur : ut etiam docet D. Thomas hic art. 6. in respons. ad 3. ubi ait : *Ad Beatos, si facta missio invisibilis, in ipso principio beatitudinis. Postmodum autem ad eos fit missio invisibilis, non secundum intentionem gratiæ, sed secundum quod aliqua mysteria eis revelantur de novo.*

### ARTICULUS III.

*Verum in missione invisibili, persona divina, ratione gratiæ, fiant specialiter, etiam secundum substantiam suam, præsens in anima iusti?*

### §. I.

*Quibusdam præmissis conclusio affirmativa statuitur.*

SUPponimus ut certum, quod cum mittuntur personæ divinæ, non solum dona creata gratiæ, sed etiam ipsæ personæ divinæ & increata nobis dantur, ut expressè docent Magister sententiarum in 1. distinctione 14. & D. Thomas ibidem ; Ratioque id laudet. Tum quia Scriptura dicit Spiritum Sanctum esse in nobis ut in templo suo ; quod de donis gratiæ non potest verificari, ut potest cum templum non consecratur donis

donis creatis, sed ipsis personis divinis; Tam etiam quia eadem Scriptura expressè distinguit iactet hoc quod est dari dona creata gratiæ, & dari ipsam personam increatam Spiritui Sancti, cum dicitur ad Roman. 5. *Charitas Dei diffusa est in cordibus nostris per Spiritum Sanctum, qui datus est nobis*; frustra autem distingueret Scriptura inter charitatem diffusam, & Spiritum Sanctum datum, si dari Spiritui Sanctum, non esset aliud quàm dari dona gratiæ, seu charitatem diffundi; Ergo in missione invisibili, non solum dona creata gratiæ, sed etiam ipsæ personæ divinæ & increatæ nobis dantur. Unde Augustinus serm. 185. de tempore: *Affuit Spiritus Sanctus in hac die fidelibus, non solum per gratiam visitationis & operationis, sed per ipsam præsentiam Majestatis; atque in vasa non jam odor balsami, sed ipsa substantia sacri fluxus unguenti*. Et Bernardus serm. 3. de verbis Domini: *Magna Dei misericordia, quia donum dat aquale sibi; nam donum ejus Spiritus Sanctus est. Ut ergo ames Deum, habitet in te Deus*. Eandem veritatem Seneca, licet Gentilis, agnovisse videtur, dum scripsit Epist. 74. *Deum ad homines venit, imò quod proprius est, in homines venit, nulla sine Deo mens bona est*.

Certum est igitur, in missione invisibili non solum dari dona creata gratiæ, sed etiam ipsas personas divinas, ac proinde illas fieri intimè præsentem animæ iusti. Sed difficultas est, & gravis controversia, an personæ divinæ, ratione gratiæ, fiant specialiter, etiam secundum substantiam suam, præsentem ipsi animæ.

31 Ratio dubitandi est, quia duo tantum apparent modi, quibus per gratiam sanctificantem personæ divinæ dici possint præsentem animæ, ad quam mittuntur; quorum tamen neuter sufficit ad ralem earum præsentiam, quæ sit simul specialis & substantialis. Ille enim qui convenit ipsis, quatenus causant in homine iusto donum gratiæ sanctificantis, licet substantialis sit, non est tamen specialis, sed communis omnibus Dei effectibus. Alter verò, quem dicunt eadem personæ, in quantum consequenter ad collationem talis doni, cum omnibus ejus proprietatibus, cognoscitur & amatur ab anima, munere illo prædita, specialis quidem existit, sed tamen secundum quod distinguitur ab alio priori, est solum denominatio extrinseca, quæ ex vi sua non requirit substantialem Dei præsentiam intra animam iusti: licet enim Deus, ratione suæ immensitatis, non existeret intra hominem, sed tantum in cælo; in creatura tamen, à qua intelligeretur & amaretur, esset ut cognitum in cognoscente, & amatum in amante. Nec urget quòd gratia, & charitas uniant animam amanti cum divinis personis cognitæ & amatæ; quia cum illa unio sit tantum affectiva, quatenus videlicet amans inclinatur & affectum habet ad personam amatam, non verò effectiva; ex ea colligi nequit alia præsentia divinarum personarum in homine iusto, præter objectivam & affectivam, minimè verò realem & substantialem. Ea propter Vazquez supra disp. 30. cap. 3. & hic in expositione art. 3. Alarcon disp. 9 c. 9. Ruiz disp. 109. sect. 3. ab eodem Alarcon relatus, negant in missione invisibili personas missas fieri secundum suam substantiam præsentem in anima iusti, præsentiam aliquà speciali, sed tantum communem, quam Theologi vocant præsentiam immensitatis: aded ut si per impossibile Deus non esset immensus, Filius & Spiritus Sanctus non forent per gratiam realiter præsentem ani-

32 mæ illi, ad quam dicuntur mitti.

Oppositum tamen docent omnes Thomistæ, Suarez, Cornelius à lapide, & alii quos referunt Salmanticenses: nimirum personas divinas, quæ dicuntur invisibiliter mitti ad hominem, speculati- quoad suam substantiam modo, ita ejus animæ fieri præsentem, ratione gratiæ, ut si per impossibile non esset intra illam per essentiam, præsentiam, & potentiam, existerent tamen in ea secundum suam substantiam. Quod explicant exemplo missionis visibilis Verbi in carne. Si enim per impossibile Divinum Verbum non esset ratione suæ immensitatis realiter præsentem humanitati Christi, sed ipso tamen quòd illi hypostaticè uniretur, & eret illi intimè & substantialiter præsentem. Pro hac sententia,

Dico: In missione invisibili divinarum personarum, Filius & Spiritus Sanctus, ratione gratiæ sanctificantis, sunt specialiter, etiam secundum substantiam, præsentem in anima iusti.

Probatur primò: Personæ Filii & Spiritus Sancti debent in invisibili sui missione esse alio modo præsentem animæ iusti, quàm per immensitatem; Sed nisi specialiter, etiam secundum substantiam suam, sint intra illam, non erunt alio modo ipsi præsentem, quàm per immensitatem: Ergo &c. Major est certa; alioquin enim, cum ubicumque pro ducitur aliquis effectus, ibi Deus sit eo ipso præsentem per immensitatem, quoriscunque novi effectus productio fieret in anima iusti, toties personæ Filii & Spiritus Sancti, invisibiliter concurrentes ad eam, dicerentur eo ipso invisibiliter mitti ad animam; quod tamen Vazquez non audeat concedere. Minor verò probatur. Personas divinas esse alicubi præsentem solum per immensitatem, est esse præsentem solum quatenus ibi operantur aliquem effectum; præsentia enim immensitatis in operatione fundatur, ut ostendimus in Tractatu de attributis, agendo de attributo immensitatis: Sed nisi specialiter, etiam secundum substantiam suam, sint præsentem animæ ad quam mittuntur invisibiliter, erunt solum intra ipsam, quatenus producant aliquem effectum, nempe gratiam sanctificantem, ut de se patet: Ergo non erunt alio modo ipsi præsentem, quàm per immensitatem.

Probatur secundò: Personas divinas fieri præsentem animæ, ut cognitum in cognoscente, & amatum in amante, cognitione & amore procedentibus ex perfectissima amicitia; est esse ibi præsentem specialiter, etiam secundum substantiam suam: At in missione invisibili personæ divinæ, ratione gratiæ sanctificantis, sunt præsentem animæ iusti, sicut cognitum in cognoscente, & amatum in amante, cognitione & amore procedentibus ex perfectissima amicitia: Ergo fiunt illi præsentem specialiter, etiam secundum suam substantiam. Minor, quæ est D. Thomæ hic art. 3. est omnino certa: cum enim gratia & charitas faciant perfectissimam amicitiam inter Deum & hominem, lubindeque sint principia cognitionis, & amoris procedentis ex illa amicitia, constat quòd in missione invisibili, personæ divinæ ratione gratiæ sanctificantis fiunt præsentem animæ iusti, ut cognitum in cognoscente, & amatum in amante, cognitione & amore procedentibus ex perfectissima amicitia. Major vero probatur, & explicatur. Cum proprium sit amoris amicitie perfectissimæ, exigere unionem inter amicos, non solum secundum affectum, sive per conformitatem affectivam, sed etiam

Disp. 4.  
art. 5.

etiam quod fieri potest, per inseparabilem præsentiam, & conjunctionem substantialem; si cognitio & amor, quibus divinæ personæ dicuntur esse præsentis in, anima ad quam mittuntur, sicut cognitum in cognoscente, & amatum in amante, procedant, sicut de facto procedunt, ex perfectissima amicitia, non possunt non esse ibi eo ipso præsentis præsentia speciali simul & substantiali.

34 Confirmatur & magis illustratur hæc ratio ex D. Thoma 1.2. quæst. 28. art. 1. ad 2. ubi docet, quod amor amicitie triplicem includit unionem: unam quam supponit, & quæ est causa & fundamentum amoris, nempe unionem similitudinis: alteram quam formaliter facit, sive in qua formaliter consistit; amor enim (ut ait Augustinus) est junctura quedam, duo autem copulans, & veluti vitæ coecina, ligans amantem cum amato; tertiam ad quam tendit, & quæ desiderat; & hæc est unio realis quam amans querit habere cum re amata. Unde, ut testatur Philosophus 2. Politic. Aristophanes dixit, quod amantes desiderarent ex amobus fieri unum, sed quia id non possunt præstare, ununtur inter se eo modo quo possunt, per conversationem scilicet, colloquia, & alia hujusmodi. Cum ergo amor Dei sit efficacissimus, & possit assequi quod intendit; ex vi gratiæ & charitatis quam causat in anima, ei unior, non solum objectivè & secundum affectum, sed etiam realiter & substantialiter: ut ut si per impossibile non esset illi præsens, ratione suæ immensitatis, adhuc esset in ea specialissimè & realissimè modo; sicut specialiter & realiter est in Beatis per gloriam, & in Humanitate Christi per unionem hypostaticam.

35 Probaturs tertiò: in patria ratione charitatis personæ divinæ sunt præsentis animæ justis, præsentia simul speciali & substantiali: Ergo & in via Consequentia est legitima: charitas enim viæ & charitas patriæ, sunt ejusdem speciei atomæ, quia utrobique tendunt in Deum, ut est summum bonum in se ipso. Antecedens verò est manifestum, cum enim in patria anima per charitatem perfectissimè fruatur Deo; fruitio autem perfectissima Dei non fit nisi de Deo poscisse secundum ejus substantiam, evidens relinquitur, Deum in patria, ratione charitatis, fieri præsentem animæ justis, præsentia speciali simul & substantiali.

36 Confirmatur: Visio Beatifica exigit præcisè ratione sui præsentiam Dei, nedum objectivam, sed etiam entitativam & substantialem cum anima: Ergo & charitas, sive patriæ, sive viæ. Antecedens est certum: visio enim Beatifica exigit ratione speciei impressæ, quæ est ejus principium formale, & cujus vicem Deus immediatè per suam substantiam supplet, unionem substantialem Dei cum intellectu Beati. Consequentia verò probatur: Nam, ut ait D. Thomas ubi suprà in respons. ad 3. amor est magis unitivus, quam cognitio: Ergo si visio Beatifica, quia est cognitio perfectissima Dei, requirit ex se substantialem Dei præsentiam cum intellectu Beati, à fortiori perfectissimus amor amicitie, quo Deus hominem justum diligit, exigit realem & substantialem ejus præsentiam in anima justis.

37 Dices primò: Amor quo ex divina charitate diligitur proximus, non minus est perfecta amicitia, quam ille quo ex eadem charitate diligitur Deus: & tamen non requirit intimam, realem, & substantialem præsentiam proximi in volun-

A. tate, sive anima, ipsum diligentis: Ergo nec illam requirit amor amicitie, quo Deus ex charitate, & gratia diligitur.

Sed negatur consequentia, & paritas: Ratio discriminis est, quia licet Deus & proximus eodem omnino habitu charitatis diligantur, Deus tamen amatur tanquam objectum primum, & proximus tanquam secundarium: amicitia autem perfectissima non exigit necessariorum conjunctionem substantialem & intimam, nisi cum objecto primato dilecto.

Dices secundo: Gratia sanctificans, & omnia ipsius dona, sunt speciales effectus Dei: Ergo personæ divinæ non sunt aliter præsentis ratione donorum illorum in anima justis, quam modo generali, quo Deus ut agens primum est præsens singulis rebus per suam immensitatem.

Sed nego etiam consequentiam, licet enim gratia sanctificans cum suis donis, considerata in ratione effectus Dei, non dicat aliam præsentiam divinam personarum in anima, quam illam quæ Deo convenit, ratione immensitatis, & omnibus effectibus Dei communis est: quia tamen considerari potest insuper secundum quod tribuit animæ cui inhæret, quod cognoscit & diligit Deum, cognitione & amore ex perfectissima amicitia provenientibus, fit inde, ut præter præsentiam Dei substantialem, in ratione primæ & universali causæ, exigit insuper aliam quæ est in ratione objecti, intimè quoad suam unitatem præsentis potentie.

C Alia argumenta solum probant, cognitionem & amorem, quæ non pertingunt ad rationem amicitie perfectissimæ, non exigit specialem præsentiam rei cognitiæ & amate in cognoscente & amante: cum quo fiat, quod cognitio & amor, quæ sufficiunt ad amicitiam perfectissimam, qualis est cognitio & amor Dei, quæ eliciuntur ab anima existente in gratia, necessariorum præsentiam illam exigant.

## S. II.

### Corollaria præcedentis doctrinæ.

EX dictis colligitur primò, Præter tres modos generales, quibus Deus existit in rebus per essentiam, præsentiam, & potentiam, dari tres alios speciales, quibus fit speciali modo præsens creaturæ intellectuali, scilicet per gratiam, per gloriam, & per unionem hypostaticam. Tres primi ad attributum immensitatis pertinent: alii duo speciales ad invisibiles divinarum personarum missiones spectant: tertius ad missionem visibilem Verbi Divini, quæ in Incarnatione facta est. Per gratiam Deus est præsens animæ, ut amicus & sponsus, & sicut cognitus in cognoscente, & amatum in amante, cognitione & amore ex perfecta amicitia profluentibus, ut antea explicatum est. Per gloriam mentibus Beatorum intimè illabitur, illisque per modum speciei & formæ intelligibilis, mirabili & ineffabili modo unitur, ut in Tractatu de visione Beatificæ ostendimus. Per unionem verò hypostaticam Verbum Divinū terminat humanitatem ei; per modum subsistentiæ & personalitatis conjungitur. Unde hæc unio seu præsentia est omnium nobilissima & præstantissima. Injustis enim & Beatis Deus præsens est per dona creata & accidentalia gratiæ & gloriæ: Christo per gratiam increatam & substantialem. In aliis sic est, ut ipsi non sint Deus per essentiam, sed tantum per participationem:

in Christo siceffixit, ut ille sit verus Deus, ac naturalis Dei Filius. Denique cæteris per partes, Christo verò tota se infudit nedum gratiæ, sed etiam Divinitatis plenitudo; unde Psalmista dicit: quòd Deus unxit illum præ cæteris confortibus ejus. Et Augustinus Epist. 67. hoc inter Christum & alios Sanctos, quod inter caput & cætera membra distinctim obsevat. Sicut enim licet anima insit realiter & substantialiter singulis corporis partibus, in capite tamen, in quo vigent omnes sensus, modo specialissimo residet: ita quamvis in hominibus iustis & sanctis Deus sit per gratiam & charitatem substantialiter præsens; in Christo tamen, tanquam in capite, in quo sunt omnia charismata gratiarum, specialissimo modo inhabitat, secundum illud Apostoli ad Coloss. 2. *In ipso habitat omnis plenitudo Divinitatis corporaliter.* Unde Christi humanitas speciali titulo templum Divinitatis appellatur, juxta illud Christi Joan. 2. *Solus templum hoc, & post triduum excitabo illud:* quod Christus dicebat de templo corporis sui, ut ibidem subdit Evangelista.

41 Colligitur secundo, Modum quo Deus adest Summo Pontifici, aut Conciliis generalibus, res fidei definientibus, non esse ita nobile & perfectum, ac illud quo præsens est animæ iusti. Primus enim est generalis, quo Deus adest ut Regens & Dominus: secundus specialis, quo præsens est tanquam Amicus & Sponsus. Per primum dat suam, per secundum dat seipsum. Primum præbet tantum lumen & sapientiam; altero infundit charitatem & gratiam. Illo denique Deus solum movet, instruit & dirigit intellectum ne in veritatis cognitione aberraret, isto verò animam mundat, ornatur, sanctificat & consecrat, ut in ea, non solum tanquam in templo suo, sed etiam ut in cælo resideat & inhabitet: sicut egregie expōdit Augustinus in Plal. 122. explicans verba illa Psalmistæ: *Ad te levavi oculos meos, qui habitas in cælis. Quid, inquit, est cælum Dei? Omnes sanctæ anime: nam & Apostoli, quamvis in terra essent carne, cælum erant, quia in illis Dominus sedens, per totum mundum ambulabat.*

42 Colligitur tertio, Animam per peccatum mortale, non solum creatam gratiæ dona, sed ipsas etiam personas divinas & increatas amittere. Nam (ut supra ostendimus) per missionem invisibilem non solum dona creatam gratiæ, sed ipsas etiam personas divinas & increatas dantur animæ, ut in illa speciali modo inhabitent, illisque tanquam bono sibi proprio ac peculiari, per actus

A cognitionis & amoris perfruatur. Ergo dum homo peccat mortaliter, non solum perdit dona creatam gratiæ & charitatis, sed ipsas etiam personas divinas & increatas. Licet enim post peccatum illæ sint adhuc præsentis animæ præsentia generalis, quæ ratione imminuitatis Deo conveniunt; in illa tamen non resident amplius specialis illæ, & mirabili, ac ineffabili præsentia, quam ratione gratiæ & charitatis habebant; nec anima tunc habet jus illis perficiendi, tanquam bono sibi proprio & peculiari. Unde amissio gratiæ est maxima omnium jaçturarum quæ fieri possunt. Iratiis enim solum dona Dei perduntur: in ista ipsemet donator amittitur, & tres SS. Trinitatis personæ ab anima, in qua ut in templo specialiter habitabant, recedunt. Hinc egregie D. Bernardus in patris sermonibus ait: *Est Trinitas creatrix, Pater, & Filius, & Spiritus sanctus, ex qua cecidit creatrix trinitas, memoria, ratio & voluntas. Est trinitas per quam cecidit, videlicet suggestio, delectatio, & consensus: est trinitas in quam cecidit, scilicet impotentia, caritas, & immunitas. Denique trinitas per quam resurgit, nimirum fides spes, & charitas.*

Addo, quod sicut per gratiam & charitatem fit in nobis mirabilis quædam circuminfectio seu mutua Dei in homine, & hominis in Deo existentia, ut antea declaratum est: ita pariter per peccatum fit mutua quædam separatio & elongatio hominis à Deo, & Dei ab homine: cum hoc tamen discrimine, quòd circuminfectio gratiæ & charitatis incipit à Deo, qui prius hominem diligit, quàm ab homine diligatur, ut dicitur 1. Joan. 4. separatio verò mutua quæ fit per peccatum incipit ab homine qui prius deserit Deum, quàm ab illo deseratur, ut ex Augustino docet Tridentinum sessio 6. cap. 11.

43 Cætera quæ docet D. Thomas in hac questione, facilia sunt, & ex sola textus lectione percipi possunt. Unde hanc disputationem, & totum hunc Tractatum, his egregiis Augustini verbis, ex libro 1. de Trinitate desumptis, placet concludere. *Ubi queritur unitas Trinitatis, Pater, & Filius, & Spiritus sanctus, nec periculosus alicubi erratur, nec laboriosius aliquid queritur, nec fructuosius aliquid invenitur. Non pigebit me si ubi hesito, quærerem: ne pigebit si ubi erro, discere. Quousque ergo hoc audis, vel legis, ubi pariter certum est, pergat mecum; ubi pariter hesitat, quærat mecum; ubi errorem suum cognoscit, r. deat ad me; ubi mecum, revocet me. Ita ingrediamur simul charitativam, tendentes ad eum, de quo scriptum est: quæritis faciem eius semper*

Disq. 122  
Art. 1. ubi  
in fine





## TRACTATUS SEPTIMUS.

## DE ANGELIS.

A quæst. 50. primæ partis, usque ad 65. &amp; à 106. usque ad 114.

## PRÆFATIO.

Orat. 13.  
pag. 211.

**R**ERYM ordinem sequimur, Amice Lector, cum post editum de Deo Trino Tractatum, illum qui de Angelis est, damus. In valvis enim SS. Trinitatis veluti excubantes ministros, Dionysius collocat Angelos: imò augustissimum illorum cætum, Trinitatem alteram, gloriosâ planè nomenclaturâ, Nazianzenus appellat. Hactenus Solem unum, tribus (ut idem Sanctus Doctor loquitur) luminibus gloriosum, de Deo Uno & Trino diffusantes, contemplati sumus; nunc primum in eius micantes radios oculos deflectendo, Angelum rerum omnium creaturarum fastigium merito inuenimus; quippe qui primus luminis æterni radius existit, & ut è veteribus quidam, adumbrata lux est, in umbra Divinitatis producta; cuius iterum lucus in umbra, anima rationalis; & in huius etiam umbra, anima sensu: & a prodicitur: sicque continuâ ac successivâ lucis diffusionem, eò debiliore, quò longius à suo fonte se iunct; donec in umbram tandem informem, scilicet materiam, lucis omnis ac perfectiōnis expertem, desinat.

Ceterum difficilis est, & homine maiorem exigit ea, quam aggredimur, de Angelis tractatio. Horum sanè laudes facile quisque congerit, dum eos Divina intelligit propiores esse Naturæ: & res inferiores ita superare, ut in sese omnium dignitatem, omnium decora, felici planè compendio complectantur. Latius hic sese aperit disendi campus, in quo excurrere discat mortali facundia: sunt enim Empyreæ domus purpurati Dynastæ, Triadis honorarj, Palatini cælestes, primique luminis accensa facibus; nihil terrena concretionis habentes; nihilque prorsus maculosa silius argilla, quam in mortalia corpora rerum molitor Deus digessit. Si Philonem audias, aures & oculi Dei existunt: Theologiæ sunt miracula: si Basilium, Cœlestes litteræ: si Origenem, Cœlorum officinæ: si Damianum, Voces mundi: si Ambrosium, Dei ipsius officia: si Tertullianum, & manus, quibus beneficia largitur: si Hilarium consulis, ut eorum componas panegyrim. Hæc & similia latissimè circumfusa sunt spacia, in quibus facile possit excurrere mortali facundia: sed Angelorum definire naturam, proprietates explorare, & explicare officia, sanè res ardua est. Hoc tamen potissimum habet præ ceteris Scholæ Thomistica, ut Tractatum de Angelis, etsi difficillimum, potiori iure sibi vendices, quæ præ ceteris Angelicum Doctorem agnoscat. Enim verò quis melius Doctore Angelico noscere potuisses Angelos? Sanè ut in aliis ceteros, ita in hoc de Angelis Tractatu, seipsum, quia homine maior scripsit, superavit: nec cuiusquam iniuriâ augustissimum Doctorem Angelici titulum est affectus Aquinas nosser, quem ab Ezechiele primum bos mutus, initio cum studiis incuberes, nuncupatus accepit. Etenim quem Prophetæ 1. cap. in hac mystica animalium visione, bovem dixerat, post capite 10. Cherubinum dicit; ut mirum sit bovem tam subito transformatum in Cherubinum, aut Chervinum al quando bovem fuisse. Sed hæc felix in Thoma metamorphosis, bovem evasisse in Cherubinum, Socium etiam Aquinatem Angeli agnoverunt, dum zonâ, non solum ut virginitatis pramiò, sed ut eiusdem militiæ cingulo donarunt; adeò ut non tam candidatum Angelorum, quam socium effecerint. Certè agnoscunt se pares, & vel ipsius societatis & consuetudinis iure æquum est socias sibi esse invicem cognitos. Quare & tibi polliceri, Amice Lector, & mihi sperare audeo, ceteris hunc de Angelis Tractatum inferiorem non futurum: cum in ipso semper Angelicus Doctor loquatur, & mihi ipsum audire videar, ut Angelum Ioanni loquentem: Hæc scribe Ecclesiæ.

# DISPUTATIO PROOEMIALIS.

## De existentia & creatione Angelorum.



U<sup>A</sup> post disputationem de A

§ I.

*Dari Angelos divina revelatio docet.*

Sanctissimo Trinitatis Myste-  
rio, Divus Thomas circa  
productionem creaturarum,  
& earum à Deo emanationem  
tractavit, philosophica sunt,  
& in Physica vel Metaphysi-  
ca explicari solent: quare ea hic prætermittimus,  
& ad quæstiones de Angelis, Deo fa-  
vente, ipsisque sanctissimis Spiritibus juvan-  
tibus, gradum facimus. Sed antequam scho-  
lasticas difficultates, quæ in hoc Tractu ex-  
plicari solent, aggrediamur, & quæ idem  
sanctus Doctor de substantia, loco, mo-  
tu, cognitione, volitione, gratia, me-  
rito, peccato & pœnâ, locutione & illu-  
minatione, ordinibus & hierarchiis, mis-  
sione & custodia Angelorum, à quæstione  
quinquagesima usque ad sexagesimam quintam,  
& à centesima sexta usque ad centesimam deci-  
mam quartam fusi pertractat, exponamus,  
aliquid de illorum existentia & creatione præ-  
mittendum esse censuimus.

### ARTICULUS PRIMUS.

*Unde probetur dari Angelos?*

Quamvis unaquæque facultas objectum  
suum totale supponat, nihil tamen ob-  
stat, quo minus objectum veluti parziale &  
secundarium non ita certum habeat, quin ex-  
istentiam illius investiget. Quod tunc ma-  
ximè solet contingere, vel quando res, de  
qua agitur, valde remota & ignota nobis est;  
in quo casu vix potest separari quæstio, quid est;  
à quæstione, an est; vel quando scientia uni-  
versalis est & multa complexens, sicut Me-  
taphysica: tunc enim potest objectum suum,  
præsertim parziale, quantum ad existentiam  
probare. Utrumque autem in præsentem concur-  
rit: in primis enim substantia immaterialis,  
quam vocamus Angelum, à cognitione sen-  
sibili & humana valde remota est: aliunde ve-  
rò Theologia se habet in ordine supernaturali.  
sicut Metaphysica in ordine naturæ; quæ idcirco  
vocatur *Theologia naturalis*; sicut sacra doctri-  
na appellari potest *Metaphysica supernaturalis*: ex  
quo fit ut existentiam objecti hujus Tractatus  
possit comprobare. Quare in ipso hujus o-  
peris limine, unde probetur dari Angelos, in-  
quirimus.

Dari Angelos, seu substantias aliquas in-  
tellectuales & incorporeas, negabant o-  
sim quidam Philosophi apud Aristotelem quarto  
Physicorum textu quinquagesimo secundo  
& quinquagesimo septimo, asserentes nihil esse  
in mundo, præter res corporeas. Quem erro-  
rem sequuti sunt Sadducæi, dicentes non  
dari Resurrectionem, neque Angelum, ne-  
que ullum Spiritum, ut refert sanctus Lucas  
Actuum 23. Cum autem illi solas Moysis Scri-  
pturas admitterent, ad illum errorem confu-  
tandum, solis testimonii ex Moysis libris de-  
promptis utendum est.

Primo loco occurrit illud quod habetur Ge-  
nesis tertio. *Collocavit Dominus ante Paradysum vo-  
luptatis Cherubim, ad custodiendam viam ligni vi-  
tae.* Item ibidem capite decimo nono dicitur:  
*Venerunt duo Angeli Sodomam respicere.* Capite vige-  
simo secundo, *Angelus Domini de caelo clamavit di-  
cens: Abraham Abraham.* Capite vigesimo o-  
ctavo, *Vidit Iacob sialam, & Angelos Dei descen-  
dentes & ascendentes per eam.* Exodi vigesimo ter-  
tio, *Ecce ego mitto Angelum meum, qui præcedat te,  
& custodiat in via.* Denique, ut ait Divus Gie-  
gorius homilia trigesima quarta in Evang. *An-  
gelos & Archangelos pene omnes sacri eloquii pagina tes-  
tificantur.* Et Augustinus in Psalmum centesimum  
tertium. *Angelos (inquit) novimus ex fide, &  
multi apparuisse scriptum legimus & tenemus: nec in-  
de dubitare fas nobis est. Spiritus autem Angeli sunt  
& cum Spiritus sunt, non sunt Angeli: sicut verò mi-  
runtur, sunt Angeli; Angelus enim officij nomen est  
non naturæ. Quærit nomen huius naturæ & Spiritus est.  
Quærit officium, Angelus est.*

Respondebant Sadducæi, Angelos, quo-  
rum Scriptura Moysis facit mentionem, esse  
tantum quoddam animi motus, & cogitatio-  
nes quas Deus hominibus immittit; putà An-  
gelum, de quo dicitur Genesis vigesimo se-  
cundo, quod prohibuerit Abrahamum ne I-  
saac occideret, fuisse cogitationem, quam  
Deus excitavit in mente Abraham, quæ cogno-  
sceret Deum nolle Isaac opere ipso immolari.

Sed hæc Sadducæorum interpretatio erat  
manifesta Scripturæ corruptio. Nam ipsi Mo-  
ysis Scriptura dicit Angelos de caelo descendere,  
apparere in terris, loquari cum Jacob, lo-  
qui, miracula facere, præesse hominibus,  
deduxisse filios Israel in columna nubis, & si-  
milis quæ tantum personis & substantiis viven-  
tibus, non autem cogitationibus convenire  
possunt. Et de illo ipso Angelo, qui missus est  
ad Abraham, ut prohiberet immolationem  
Isaac, legitur Genesis vigesimo secundo: *Ecce  
Angelus Domini clamavit de caelo, id est consti-  
tutus*

turus in superiori aëris regione clauavit; clamavit autem dicens, *Abraham Abraham!* scilicet voce humanâ, sensibili, externâ, affatus est Abrahamum: Ergo non erat cogitatio in mente Abraham posita, ut somnabant Sadducei.

**4** Dices: Si Moyses Angelorum existentiam agnovit, cur initio Genesis, rerum omnium creationem exactè describens, nullam productionis Angelorum fecit mentionem?

Respondent aliqui, prætermisam fuisse à Moysè Angelorum creationem, ne populus Judaicus, ad idololatriam nimium propensus, Angelos tanquam Deos adoraret.

Sed hæc responsio displicet: Quia eadem ratione debuisset Moyses nusquam Angelorum mentionem facere: Atqui sæpius de ipsis in Genesi loquitur, ut patet ex locis suprà allegatis: Ergo eâ ratione creationem illorum non prætermisit.

Verus existimo, ideo Moysen creationis Angelorum non meminisse, quia sui instituti ratio id non postulabat. Ut enim ait Hieronymus Epist. 139. solum voluit Moyses ordinem creationis rerum corporalium describere: quia solum in rebus corporeis creandis fuit illa series & varietas dierum, quam præcipuè Moyses explicare in Genesi intendebat.

## §. II.

*Naturalis ratio Angelos esse demonstrat.*

**f** **P**robatur: Ratio naturalis dicit Deum condidisse hoc universum perfectum: Sed universi perfectio exigit, ut in eo sint substantiæ quædam purè intellectuales, quas Angelos appellamus: Ergo dari Angelos ratio naturalis ostendit. Major patet, Minor autem ostenditur primò ratione D. Thomæ hic art. 1. Perfectio effectus consistit in assimilatione ad causam, in ea ratione & perfectione secundum quam causa est: unde communiter dicitur, quòd agens agit sibi simile: Sed Deus, cum sit naturæ purè intellectualis, agit tantum per intellectum & voluntatem: Ergo ad universi perfectionem requiritur, quòd in aliqua sui parte Deo secundum hanc rationem assimiletur; & per consequens quòd in eo sint substantiæ aliquæ purè intellectuales, seu intellectu & voluntate præditæ, quæ Angeli appellantur.

**6** Dices, Hanc rationem nimis probare: probare enim omnes creaturas in particulari, quæ à Deo perfectæ fuerunt conditæ, debere esse intellectuales, ad hoc ut perfectæ assimilantur Deo.

Sed contra: Cùm Deus non intendat perfectionem cuiuslibet creaturæ in particulari absolute, sed tantum in ordine ad bonum seu perfectionem universi; sicut universi perfectio non exigit in omni creatura, sed in aliqua tantum, perfectam assimilationem cum Deo creatori: ita non quælibet creatura, sed aliqua tantum debet esse intellectualis: maxime, quia alioquin nulla esset in rebus graduum distinctio; subindeque tolleretur perfectio universi, quæ ex multiplici graduum diversitate confurgit.

**7** Secundo probatur Minor principalis: Bonum seu perfectio universi consistit nedum in unione partium ipsius inter se, sed etiam in unione perfecta ipsius cum Deo, tanquam cum

lucio principio; perfectio enim cuiuslibet effectus consistit in circulo, sive in reditu ad suum principium: propter quod figura & motus circularis sunt omnium figurarum & motuum perfectissima: Sed unio perfecta universi cum Deo tanquam cum sua causa, nequit fieri nisi per creaturam intellectualem; quia non fit nisi mediante cognitione & amore, quorum sola creatura intellectualis est capax: Ergo universi perfectio exigit, ut in eo sint substantiæ intellectuales, sive Angeli.

**B** Tertiò eadem Minor suadet: Universi perfectio in ordine consistit: Sed ordo universi postulat, ut in eo sint substantiæ purè intellectuales: Ergo idem postulat ejus perfectio. Minor probatur: Nam ut discurret sanctus Thomas quæstione de spirit. creaturis articulo quinto ab uno extremo ad aliud non pervenitur, nisi per media; unde sub cælo, ordine nobilitatis & subtilitatis & ignis, sub igne aër, sub aëre aqua, sub aqua terra: Ergo à Deo, qui est in summo rerum vertice, non pervenitur ad substantiam corpoream, quæ est extremè divinæ spiritualitati & simplicitati opposita, nisi per multa media; inter quæ est substantia spiritualis non unita corpori, à qua ad substantiam unitam, & deinde ad purè corpoream descenditur: unde etiam Deus dicitur media per superiora, & infima per media gubernare & disponere.

**C** Denique eadem Minor ostenditur. Ad universi perfectionem requiritur, ut omnes gradus essendi contineat; alioquin non posset dici universum simpliciter, quod ex propria ratione, ut nomen ipsum indicat, postulat universitatem quandam creaturarum producibilem à Deo, saltem secundum gradus communes: At si in eo non darentur substantiæ purè intellectuales, gradus omnium perfectissimus, scilicet intellectivus, universi deficeret: Ergo universi perfectio postulat, ut in eo substantiæ purè intellectuales existant.

**D** Confirmatur. In homine, qui microcosmus, epilogus universi, vel parvus mundus, aut parvum universum dicitur; dantur omnes essendi gradus, vivendi, sentiendi, & intelligendi, adunati: Ergo à fortiori in magno universo debent dari; & per consequens in eo debent esse creaturæ purè intellectuales & incorporeæ.

**10** Dices primò, Hanc rationem nimis probare: nam si universi perfectio exigeret, ut in eo essent omnes gradus essendi possibiles, requireret etiam, ut in eo Deus produceret perfectissimas creaturas, quas potest producere: Sed hoc non est dicendum; nam ut docet D. Thomas suprà quæstione vigesima quinta, articulo sexto. Deus qualibet re à se factâ, potest facere meliorem: Ergo nec illud.

Sed contra: Licet universi perfectio ad sui integritatem omnes creabiles essendi gradus requirat, non exigit tamen omnes modos habendi tales gradus, sive omnes species sub illis contentas: quia gradus essendi sunt finiti, tam à quàm potentia, nec possunt dari nisi tres, scilicet esse, vivere, & intelligere, ut docet Divus Thomas suprà quæstione vigesima secunda, articulo quarto ubi ait: *Post Bonitatem Divinam quæ est finis à rebus separata, principale bonum in rebus consistens, est perfectio universi, quæ quidem non est, si non omnes gradus essendi inveniantur in rebus: unde ad Providentiam Divinam pertinet, omnes gradus entium producere.* Modi verò essendi, sive species sub illis gradibus con-

contentæ, sunt in infinitum multiplicabiles; saltem in supremo gradu, scilicet intellectu: unde ad perfectionem universi non est necesse, omnes rerum possibilem species actu produci, cum hoc repugnet, sed sufficit quod habeantur omnes gradus essendi.

11 Dices secundò, Gradum intellectuum reperi in homine secundum animam, quæ intellectualis est: unde licet non essent Angeli, gradus intellectus universi non deesset.

Sed contra primò: Gradus intellectualis ab anima rationali valde imperfecte participatur; quia licet illa spiritalis sit quoad substantiam, est tamen corporea quoad modum, ut potest forma corporis; & in operatione intellectuali à sensibus & phantasmatibus dependens: non convenit autem perfectioni & pulchritudini universi, quod alii gradus inferiores, perfecti & completi sunt omnium verò supremus ac nobilissimus, imperfectus & incompletus relinquatur.

Secundò, Accidit intellectuali operationi, & pertinet ad imperfectionem ipsius, quod à corpore dependet: sicut est de imperfectione visus & perceptibilis, quod necesse habeat videre in obscuro: quod autem per accidens adiungitur aliquid, non in omnibus cum eo invenitur: Ergo præter animam rationalem, debet dari aliqua substantia pure intellectualis, non indigens corpore ad intellectualem operationem & hæc est natura Angelica. Ita S. Thom. quæst. citatæ de spirit. creaturis. Confirmatur: Si datur in rerum natura unum extremum, & medium, congruum est dari aliud extremum: Sed in ordine entium datur aliquid omnino materiale, sicut lapis; & aliquid medio modo se habens, sicut homo, qui partim corporeus, partim spiritalis est: Ergo debet dari aliud extremum, substantia scilicet pure intellectualis, quam Angelum vel intelligentiam appellamus.

### §. VII.

*Dari Angelos ipsa quoque docet experientia.*

12 Probatur: Experientia constat multa ab Energumenis fieri, quæ vires totius naturæ corporeæ superant: videmus enim puellas rusticæ & ignaras, linguam maternam vix talentes, dæmonopolexia affectas, loqui Latinâ, Græcâ & Hebraicâ lingua, pangere carmina, divinare, & secretâ detegere: Sed hoc non possent præstare, nisi ab aliqua superiori & incorporea substantia moverentur, quæ nulla alia esse potest, quàm malus Angelus, sive Dæmon: Ergo dari Angelos in rerum naturâ, ipsa etiam probat experientia. Major patet, Minor autem probatur. Effectus illi mirabiles & extraordinarii, neque Deo, neque animæ separata, nec ulli causæ naturali attribui possunt: Ergo necessario reduci debent in dæmones, seu malos Angelos illarum puellarum corpora obliedentes, vel possidentes. Consequentia patet ex sufficienti enumeratione: vix enim aliud assignari potest, à quo effectus illi possint procedere. Antecedens verò probatur, discurrendo per singula. In primis enim, quod effectus illi immediate à Deo ut speciali motore procedere nequeant, manifestum videtur: tum quia repugnat sanctitati Dei, quod specialiter & miraculose operetur tam indecentia, cuiusmodi sunt pluriimæ quæ fiunt & dicuntur ab Energumenis: tum e-

*Tom. II.*

tiam, quia si Deus immediate illa in ipsis præstaret, non egeret humoribus corporum; nec proinde medicinâ, aut alio corporeo remedio, ejus effectus impediretur, & tamen videmus arreptitios medicamentis, & musicâ saltem per aliquod tempus, interdum sanari, non certè ob aliquam causam, nisi quia Dæmon eos nequit torquere, nisi pravos humores ipsorum concitando; quibus si non interetur, nec eos possit vexare, nec cura supra dicta in illis exerceri.

Quod etiam illi effectus ab anima separata proficisci nequeant, licet non parvi certitudine constet, ex eo tamen suaderi potest, quod cum animæ ex natura sua sint formæ corporis organice (ut demonstrant earum operationes sensitivæ eis naturales) in corpore habent summam suam perfectionem; atque adeo non est probabile, quod extra corpus perfectius operentur, quàm in corpore; & quod separata plus possint in corpora, quàm conjunctæ: Sed conjunctæ effectus illos mirabiles præstare non possunt: Ergo nec separata.

Addo quod, si semel admittatur dari animas spirituales & immortales, à corporibus separatas, nulla erit ratio negandi esse in rerum natura alias substantias intellectuales completas, quas angelos seu intelligentias appellamus, ut supra ostensum est: unde Sadducæi, qui negebant dari Angelos, consequenter etiam dicebant nullum esse spiritum, ut habetur Actuum 23.

Denique, quod illi effectus nulli causæ naturali adscribi possint, videtur omnino evidens. Etenim quod aliqui dicunt, illos prodire à melancholia, vel atrabile, aut complexione corporis vitata, ridiculum est, ut late & optime docet Fernelius libro 2. de abditis rerum causis cap. 16. Quomodo enim melancholia nos alienorum secretorum consciis, peregrinorumque idiomatum sine labore peritos faceret? Nec minus delirant, qui mirabiles hujusmodi Energumenorum motus & effectus, syderium præstare verò Lunæ, influxibus adscribunt. Quis enim ibi luminarem efficaciam comminiscatur, ubi secreta cordium arcana aperiantur, ubi peregrina idiomata, & varia linguarum genera audiuntur? quæ omnia syderum virtutem superant, imò & aliquid divinum sapiunt. Unde egregie Tertullianus in Apologetico: *Dæmones sumentes quasdam temporum sortes, emulantur divinitatem, dum sursum divinationem.*

Simile argumentum defumum potest ex operibus Magorum & Incantatorum; à quibus etiam fiunt multa, parvis quibuldam rebus admotis, verbisque prolati, quæ omnem verborum, & corporeæ cujusvis substantiæ vim; manifestè superant; & quæ proinde solis spiritibus malignis, ad illorum signorum præsentiam hæc operantibus, adscribi possunt. Magienim ferunt in aëra, invisibiles se præbent, figuram mutant; ligant conjuges, grandines & procellas immitunt, tempestates excitant; in speculis exhibent imagines rerum quæ fiunt in locis remotis: imò ut notat Tertullianus: *Phantasmata edunt, desunt. Vbi storum inclamant animas, pueros in eloquium oracula eliciunt, multa miracula, circulatorum præstigia ledunt, somnia immitunt; & per hos capra & mensa divinare consueverunt.* Id est (ut interpretatur Zephyrus) Magi in Necromantiis animas defunctorum; Dæmonum potentia concitatis, percontantur: in Hydromantis edunt per pueros oracula.

Qq



oracula, somnia immitunt, perstringunt in multis rebus oculos nostros; ita ut non modò boves, capræque loquantur, sed & mensæ apud Gymnosophistas, quas apollonius ille Thyaneus vidisse Philostrato testatur. Quid denique admirandas Dæmonum operationes, & ficta miracula commemorem, quibus apertissimè declaratur eorum existentia? Nam ut cum eodem Tertulliano loquar Phantasmata Castorum, & aquam cribro gestatam, & navem cingulo promotam, & barbant actu irrusatam, ut numina lapides crederentur, & Deus verus non quæretur. Id est (eodem Zephyro interprete) nullum est ostentum, quod non facile Spiritibus angelicis. Hac ratione Castorum phantasmata dicuntur Macedonici belli victoriam eadem horâ Romanis annuntiassè, Et inter Virgines Vestales, altera nomine Tuccia, cribro continuit aquam: altera Claudia, navem magnæ Matris, vado Tyberini hærentem, cingulo suo ducere potuit. Et Domitii fusca barba, solo Castorum tactu rufa enituit, ad fidem dictorum faciendam. Quis ergo sanæ mentis angelorum existentiam negare poterit, & eniti adversus id, quod nedum divina revelatione, SS. Patrum, totiusque Ecclesiæ testimonio, Gentilium Philosophorum autoritate, naturali ratione, sed propriâ ipsorum etiam Dæmonum confessione, totque experientiis comprobatur?

## ARTICVLVS II.

*Vtrum Angeli ante mundum corporeum à Deo creati sint?*

16 **A**ngelos non esse ab æterno productos certa fides est: cum nulla creatura fuerit ab æterno, sed in principio temporis, ut definitur in Concilio Lateranensi, cuius verba infra referemus. Unde solum dubitari potest, an Angeli ante mundum corporeum, vel simul cum illo, à Deo creati fuerint? Quod dubium movetur præcipue propter Patres Græcos, qui olim docere Angelos ante mundum corporeum à Deo fuisse conditos: hoc tradunt Origenes, Basilus, Chrysostomus, Nazianzenus, quem refert & sequitur Damascenus, libro 2. fidei cap. 3. imò, si Cassiano credimus, col. lat. 8. cap. 7. indubitatum apud fideles omnes id fuit.

17 **D**uo autem sunt præcipua hujus sententiæ fundamenta. Primū est: Si Angeli creati essent cū modo corporeo, creationis illorum mentionem aliquam fecisset Moyses, rerum omnium creationem initio Genesis exactè describens: Atqui nullam mentionem illorum fecit, cum de creatione mundi corporei loqueretur: Signum igitur est, illos non fuisse cum mundo corporeo creatos.

Secundum sumitur ex nobilitate naturæ Angelicæ: conveniens enim videtur, quod Angelus creaturas omnes corporales, sicut perfectione, & nobilitate naturæ, ita & tempore ac duratione præcedat. Unde Job 14. de Lucifero sub nomine Behemot dicitur: *Ipsè est principium viarum Domini.*

Addeit Cassianus loco citato, non esse credendum, Deum tot sæculis, ante creationem corporeæ creaturæ, mansisse otiosum; sed afferendum, illum bonitatem suam spiritualibus creaturis communicasse, antequam corporeas produceret. His tamen non obstantibus

18 **D**ico primò: Angeli non fuere creati ante

**A** mundum corporeum, Ita docent omnes ferè Patres Latini, cum Augustino 11. de civit. Dei cap. 6. & 9. & Scholastici cum S. Thoma, infra quæst. 61. art. 3.

Probatur ex Concilio Lateranensi cap. firmiter, ubi asseritur, *Deum simul ab initio temporis utrumque de nihilo condidisse creaturam, spirituales & corporeas, Angelicam & mundanam.* Licet enim hæc definitio nostram conclusionem non reddat omnino de fide certam, ei tamen tantam tribuit certitudinem, ut non possit saltem sine temeritate negari, sicut infra patebit.

**B** Præterea conclusio ex Scriptura colligitur. Nam Exod. 20. v. 11. dicitur: *Sed diebus fecit cælum & terram, & mare, & omnia quæ in eis sunt:* At sine dubio Angeli sunt in mundo, & in cælo: Ergo intra spatium illorum sex dierum à Deo conditi sunt: Ergo non ante cælum & terram, quæ Deus initio sex dierum creavit. Unde Epiphanius hæresi 65. illud inquit *evidenter divinus sermo declarat, neque post sidera productos Angelos, neque ante cælum, terramque constitutos.* Est enim certa illa, & immutabilis sententia, *ante cælum ac terram nihil omnino conditarum verum existisse; quoniam in principio creavit Deus cælum ac terram, ut illud sit creandi principium, ante quod creati ex rebus omnino nulla fuerit.*

**C** Adde quòd Ecclesia, in hymno de Transfiguratione, ut doceat Verbum divinum esse Deum, ait ipsum superare antiquitate omnes creaturas; & hoc enuntiat, dicens illud esse *antiquius cælo & chao*, id est mundo sublimitari nondum digesto: At non bene diceretur Verbum Divinum creaturis antiquius, ex eo quòd sit antiquius cælo & chao, si Angeli ante cælum & chaos à Deo fuissent conditi, ut manifestum est: Ergo idem quod prius.

Denique optima est hæc congruentia, quam affert D. Thomas infra quæst. 61. art. 3. Angeli sunt partes universi, & una cum creatura corporea totum quoddam integrale componunt, quod apparet ex ordine unius creaturæ ad aliam: Sed nulla pars perfecta est, à suo toto separata: Ergo non est probabilis, quod Deus, cuius perfecta sunt opera, sicut dicitur Deuter. 32. creaturam angelicam seorsim ante alias creaturas produxerit.

**D** Non placet hæc ratio Pererio libro 1. in Genes. cap. ultimo: quia, inquit, Angeli non sunt partes universi, nisi quia ipsum hoc modo habet rationem partis, extra totum perfectionem suam retinet, ut patet in gubernatione extra navim, & in duce extra exercitum.

**E** Sed hæc instantia frivola est: licet enim Angeli ad hoc universum, tanquam illius rectores & administratores, ac calorum motores pertineant; sunt tamen partes integrantes illius, & una cum rebus corporeis (ut modo dicebamus) totum quoddam integrale & naturale componunt: nulla autem pars integralis, separata à suo toto, perfecta est. Unde patet disparitas ad exemplam allegatam: cum enim navis, aut exercitus non sint totum naturale, sed artificiale, gubernator non est pars naturalis navis, nec dux pars naturalis exercitus, è contra verò, cum hoc universum sit compositum naturale ex partibus naturaliter ad invicem coopatis conlurgens, Angelus est pars naturalis ad ejus perfectionem integraliter pertinens: Ergo licet gubernator extra navim, & dux extra exercitum,

tum, naturæ suæ perfectionem retineant, non tamen Angeli, si extra hunc mundum corporeum fuissent producti.

- 22 Dico secundò: Probabile est, Angelos in ipso mundi corporei initio, seu primâ diæ creationis, à Deo fuisse conditos.

Hoc satis clarè indicat Concilium Lateranense loco allegato, dum ait: *Deus simul ab initio temporis condidit creaturam Angelicam & mundanam*. Id ipsum etiam non minus apertè significatur Job 38. ubi habetur, quòd cum Deus appenderet fundamenta terræ, laudabant eum alba matutina, & jubilabant omnes Filii Dei, vel ut legitur in Hebræo: *Omnes Angeli Dei*, vel ut Chaldaei vertunt: *Omnes cæus Angelici*: At terræ fundatio facta est tertiâ die, quâ Deus iussit congregari aquas in locum unum, ut appareret arida; tunc enim fuit erecta in colles, & depressa in valles, ac constituta in centro gravitatis quod nunc habet: Ergo tertiâ diæ creationis mundi, Angeli jam creati erant: unde credibile est, ipsâ primâ diæ, quâ Deus cælum & terram creavit, Angelos fuisse conditos. Hinc notat Beda initio Exameron, quod ubi Moysès dixit: *In principio creavit Deus cælum & terram*, statim subiungit: *terra autem erat inani & vacua*; supple, non autem cælum, quod (inquit) fuit creatum, plenum Angelis.

- 23 Unde patet responsio ad primum Patrum Græcorum fundamentum. Respondetur enim Moysen, cum dixit: *In principio creavit Deus cælum & terram*, nomine cæli comprehendisse Angelos, ut contentum in continente. Vel, ut alii volunt, Angelorum fecit mentionem, cum dixit Genes. 2. *Igitur perfecti sunt cæli, & omnis ornatus eorum*; Hebraicè *exercitus eorum*; hoc enim nomine comprehendi possunt non stellæ tantum & alia. Deuter. 4. sic dicta, sed & maxime Angeli, ut constat ex Lucæ 2. & Apocal. 1. 2. ubi Angeli, *sæclorum militia*, vel *cælestis exercitus*, nuncupantur, & boni cum malis præliantes inducuntur. Vel denique dici potest, quod Moysès Angelorum creationem prætermisit, nec expressam illius fecit in Genesi mentionem: quia ibi solum creationis rerum corporaliū ordinem describere intendebat, ut suprâ ex D. Hieronymo annotavimus.

- 24 Ad secundum respondeo, quod sicut homo, quamvis aliis rebus corporeis nobilior, non debuit tamen prius illis creari; sicneque Angelus ante mundum corporeum, sed simul cum illo: quia (ut suprâ dicebamus) unâ cum mundo corporeo totum quoddam integrale componit. Quod verò de Behemot Job 41. dicitur, ad litteram interpretari debemus de Elephante, aut alio simili animali, quod principium viarum Dei dicitur; id est (ut exponit Pineda ibidem) caput, & primum, vel præcipuum dignitate, non inter omnia Dei opera simpliciter, sed inter animalia bruta. Nec obest, quòd multi Patres eodem loco per Behemot intelligunt Luciferum: nam Lucifer quoque dici potest principium viarum Domini, prioritate nobilitatis, aut dignitatis, non temporis aut durationis; juxta opinionem plurimorum Patrum, qui Luciferum putant primum Angelorum fuisse. Unde ait Beda quæst. 9. ex variis: *Lucifer prius creatus existit, ordinis prælatione, non temporis quantitate*.

- 25 Id verò quod addit Cassianus, non esse credendum, Deum tot sæculis ante creationem corporeæ creaturæ fuisse otiosum frivolum est.

Tom. II.

quia ab æterno Deus operatur ad intra, per actus cognitionis & amoris infiniti; quibus Verbum & Spiritum sanctum producit. Et si hæc ratio aliquid concluderet, probaret Angelos fuisse creatos ab æterno. Unde refert S. Augustinus libro 14. de civit. cap. 5. quòd eodem argumento nonnulli olim utebantur, ad probandum mundum fuisse ab æterno productum.

Querunt hic aliqui, an post definitionem Concilii Lateranensis, assenserint Deum simul ab initio temporis utramque condidisse creaturam, spiritualement & corpoream, Angelicam & mundanam, opinio Patrum Græcorum, dicentium Angelos fuisse ante mundum corporeum conditos, hæretica vel erronea reputanda sit? Affirmant Ferrariensis, Canis, Molina, Valentia, & alii, existimantes hanc sententiam manifestè pugnare cum definitione Concilii, & per consequens ab errore non posse excusari.

Nihilominus S. Thomas infra quæst. 63. art. 3. 27 dicit hanc sententiam non debere censeri errorem, propter autoritatem Gregorii Nazianzeni; cuius tanta est, ut ait Hieronymus, in doctrina Christiana autoritas, ut nullus unquam ejus dictis calumniam inferre presumpserit. Idem sententiæ nostris Cajetanus, & Sixtus Senensis, & ex Patribus Societatis Granados, Petavius, & Vazquez, qui dis. 224. cap. 2. præfata verba S. Doctoris ponderans, ait: *Quisque doctus & prudens modestiam Doctorem Angelici imitari debet, qui in hoc articulo, non dico tot antiqui & gravissimi Patribus, sed solum Nazianzeno tantum dedit, ut prorem sententiam damnare ullo modo ausus non fuerit: quâ suâ modestiâ S. Doctor Theologorum nostri temporis nimiam in judicando de aliorum sententiis licentiam non leviter reprehendit*.

Ad definitionem verò Lateranensis ibidem respondet, Lateranense, dum ait Deum simul ab initio temporis utramque condidisse creaturam, loquutione de similitudine temporis, sed de paritate creationis: quemadmodum, inquit, Psalm. 48. dicitur *simul insipientes & stultus peribunt*, id est pariter, quamvis non eodem tempore, moriantur. Petavius verò libro 1. de Angelis cap. 15. docet Lateranensem per particulam, *simul*, significasse solum æqualitatem intentionis Dei in producenda creatura spirituali & corporea: etenim, inquit, hoc decrevit Lateranense contra errorem Origenis, qui dicebat directâ Dei intentione spirituales tantum creaturas primò à Deo conditas esse; corporeas verò fuisse creatas per accidens, occasione peccati commissi à creaturis spiritualibus, ut nempe in creatura corporea, tanquam in carcere, punirentur creaturæ spirituales.

Hæc tamen interpretationes non videntur legitime: licet enim particula illa, *simul*, interdum idem significet ac *pariter*, Lateranense tamen apertè ibidem declarat se loqui de similitudine temporis: quia non dicit tantum: *Deus condidit simul*, sed addit: *simul ab initio temporis utramque condidit creaturam*. Item ibidem statim subiungit ac deinde *humanam*, supple creaturam, formavit illa autem particula, *deinde*, nihil aliud significare potest, quam posteriorem temporis; quia creatura humana condita est sexto mundi die, cum tamen primò fuerint creati Angeli simul cum cælo & terra. Porro sicut particula, *deinde*, necessariò significat posterioritatem temporis, ita & particula, *simul*, denotat ejus similitudinem. Ex quo etiam confutata manet Petavius

responsio: nam si Concilium voluisset per particulam, *simul*, declarare tantum, æquè primâ Dei intentione factas esse creaturas corporales ac Angelos, particulam *simul*, maximè in hominem debuisset cadere; propriè enim sunt homines qui æquè primò intenti sunt à Deo ac Angeli, mundus verò corporeus propter homines creatus: At in Lateranensi particula, *simul* non cadit in hominem; dicit enim: *Fecit simul utramque creaturam ab initio temporis, spirituales & corporeas, ac deinde humanam*: Ergo per particulam *simul*, non significat solum æqualitatem intentionis Dei in producenda creatura spirituali & corporea. Unde his responsionibus præmissis,

- 30 Respondeo quòd licet Concilium ibi loquatur de similitate temporis, & intendat Deum simul tempore & duratione utramque creaturam, spirituales & corporeas, Angelicam & mundanam condidisse; quia tamen hoc dixit incidenter, nec ibidem Patrum Græcorum sententiam damnare intendebat, sed solum duos errores proscribere, nempe Aristotelis dicentis omnia esse ab æterno, & Origenis ponentis solas creaturas spirituales per se fuisse à Deo productas, illis verò peccantibus creasse corpora, quasi vincula quædam, quibus substantiæ spirituales alligarentur (ut ait S. Thomas opusc. 23. Decretalem illam exponens) Patrum Græcorum sententia, etiam post illam definitionem, non debet censeri hæretica, vel erronea; licet à temeritate non possit excusari ille, qui his temporibus assereret Angelos ante mundum corporeum à Deo fuisse conditos.

Potestque hæc responsio confirmari, & illustrari exemplo definitionis Concilii Tridentini sess. 6. can. 11. ubi damnans errorem Lutheri, asserentis nos iustificari per gratiam Dei extrinsecam, ait justificationem nostram esse per qualitatem inhabitantem; & tamen quia hoc dixit incidenter, ibique solum intendebat errorem Lutheri proscribere; opinio quæ negat charitatem & virtutes infusas esse habitus, seu qualitates animarum hærentes, non censetur, post illam etiam Tridentini definitionem, hæretica, vel erronea: quia ad dignoscendum an aliquid sit ab Ecclesia definitum, attendendum est ad errorem quem intendit damnare; quæ verò incidenter apponuntur, non censentur esse fidei dogmata.

### ARTICULUS III.

*In quo loco Angeli creati sunt?*

- 31 Circa locum in quo Angeli creati sunt, magna est incertitudo; res enim pure pædet ex voluntate Dei, de qua nihil in Scriptura traditur. Ex illa tamen satis apertè colligitur, Angelos in aliquo cælo fuisse conditos: nam ad Coloss. 1. dicitur: *Per ipsum, & in ipso condita sunt universa in cælo & in terra, visibilia & invisibilia, sive Throni, sive Dominationes &c.* Ut autem sit apta distributio, oportet quòd sicut præcipua ex visibilibus, plantæ, animalia, & homines in terra creata sunt: ita & invisibilia, Throni, & Dominationes in cælo condita sint. Sed in quo, an in Empyreo, vel sydereo, aut alio inferiori? omnino incertum est.

- 32 Suarez libro 1. de Angelis cap. 4. existimat eos non in cælo Empyreo, sed in sydereo fuisse conditos: primò quia sicut homo non fuit creatus in paradiso terrestri, sed extra illum, & po-

stea in ipsum translatus; ita Angeli non debuerunt creari in loco proprio tunc Beatitudinis, qui est veluti supernaturalis paradisi; sed extra illum, ut postea juxta sua merita in ipsum transferrentur.

Secundò, quia ad cæli Empyreï dignitatem pertinet, ut semper fuerit ab omni labe peccati purissimum: si autem Angeli in illo creati sint, subinde etiam in illo peccaverunt.

Tertiò adducit illud Isaïæ 14. de Lucifero allegoricè dictum: *Ascendam in cælum, & similis ero Altissimo*: si enim, inquit, in cælo Empyreo fuisset, non desiderasset illuc ascendere, neque in aliud superius, quod nullum est.

Nihilominus probabilior est sententia D. Thomæ infra quæst. 61. art. 4. asserentis Angelos fuisse creatos in cælo Empyreo: Nam, ut articulo præcedenti ostendimus, probabilior est Angelos ipsâ primâ die creationis mundi fuisse conditos; cum Lateranense dicat: *Deus ab initio temporis utramque simul condidit creaturam, spirituales & corporeas, Angelicam & mundanam*: At primo die creationis non fuit creatum cælum sydereum, sed tantum Empyreum; dicitur enim Gen. 1. secundo die factum esse firmamentum, & quarto luminaria & stellas in eo collocata; per firmamentum verò cælum sydereum intelligitur, ut docent Beda & Strabus, relati à D. Thoma infra quæst. 68. art. 1. ad 1. Ergo Angeli non in cælo sydereo, sed Empyreo creati sunt. Unde idem Strabus super hæc verba Genesios: *In principio creavit Deus cælum & terram, ait: Cælum non visibile firmamentum hic appellat, sed Empyreum, id est igneum, vel intellectuale, quod non ab ardore, sed à splendore dicitur, quod statim factum, Angelus est repletum.*

Præterea, ut ibidem S. Doctor discursit, Cum Angeli sint pars nobilissima universi, & creati sint ut toti naturæ corporeæ præficerent, coveniens fuit ut in loco omnium nobilissimo & supremo crearentur: locus enim semper dignitati locati responderet, ut patet in ipsis corporibus, quæ quanto meliora sunt, tanto superiori loco collocantur: Sed non est locus in toto universo nobilior Empyreo, nec illo superior: Ergo conveniens fuit ut in illo Angeli crearentur. Idque significare videtur Scriptura Ezech. 28. ubi sub figura principis Tyrii loquens de primo Angelo ante suum lapsum, ait: *In deliciis paradisi Dei fuisti: cælum enim quod est paradisi, non est cælum syderum, sed Empyreum*: Ergo in isto & non in illo Angeli creati sunt. Unde Hieronymus, loquens de cælo ex quo cecidit Lucifer, ait: *Vnde ille cecidit per superbiam, possumus nos ascendere per humilitatem.*

Ad primum ergo Suaris fundamentum, respondeo ex D. Thoma infra quæst. 102. art. 4. negando paritatem. Ratio autem discriminis est, quia paradisi terrestris fuit locus congruus habitationi humanæ, quantum ad incorruptionem primi status; & incorruptio autem illa non erat hominibus secundum naturam, sed ex supernaturali Dei dono: Ut ergo hoc gratiæ Dei imputaretur, non humanæ naturæ, Deus hominem extra paradisum fecit, & postea ipsum in paradiso posuit. *Cælum autem Empyreum* (addit ibidem S. Doctor in resp. ad 1.) *est locus congruus Angelis quantum ad eorum naturam, & idè ibi sunt creati.*

Ad secundum respondendo locum corporeum (quale est Empyreum) peccato spirituali (quale fuit peccatum malorum Angelorum) non con-



## DISPVTATIO II.

## De substantia Angelorum secundum se.

Ad questionem 50. prime partis.

**T**Res, inquit Athanasius, invenimus substantias ab hominibus incomprehensibiles, quas nemo unquam vidit, neque videre supra terram poterit; videlicet Dei, Angelorum, & animarum. De prima egimus Tractatu primò, ubi fusi de natura divina, ejusque attributis disseruimus. De anima rationali disputant Philosophi in libris de anima. Unde hic superest agendum cum S. Doctore de Angelorum substantia secundum se; acturi postea de illa in ordine ad corpora, & loca.

## ARTICULUS PRIMUS.

*Utrum Angeli sint omnino incorporei & immateriales.*

**A**ngelos habere corpora aërea, seu subtilia, & tenuia, aëris instar, ideòque *aëreas potestates*, in Scriptura appellari, docere olim plures ex SS. Patribus, ut Iulianus, Clemens Alexandrinus, Irenaeus, Tertullianus, Origenes, Basilii, Hilarius, Ambrosius, Augustinus, Rupertus, Bernardus, & alii, quos refert Petavius tomo 3. Theologicorum dogmatum cap. 2. Idem quoque tradit Petrus Chrysologus Serm. 52. de demonibus loquens: *Cum tenuis (ait) & aërea natura carnem nesciat, resurescens, velut cura spirans orbem totum temporis transcat in momento.* Ubi ex aëre corpus iis affingit. Cassianus item Collat. 17. cap. 13. tam Angelos quam humanas animas habere corpora definit, his verbis: *Licet pronuntietur nonnullas esse spirituales naturas, ut sunt Angeli, Archangeli, cateraque virtutes, ipsa quoque anima nostra, vel certe aër iste subtilis; tamen incorporea nullatenus estimande sunt: habent enim secundum se corpus, quo subsistunt; licet multò tenuius quàm nos.* Nam sunt corpora secundum Apostoli sententiam ita dicentis: *Et corpora caelestia, & corpora terrestria.*

His annumerari solent Recentiores duo, Euginus scilicet lib. 8. de peregrini philosophia, & Cajetanus, qui licet hic in commentario primi articuli, cum D. Thoma, & aliis Scholasticis doceat, Angelos esse omnis prorsus corporis expertes; tamen in annotationibus ad secundum caput Epistolæ ad Ephesios ait, consonare verè Philosophiæ, quòd Dæmones sint Spiritus aërei: nonne autem aëris dicit se non intelligere elementum aëris, sed subtile corpus nostris sensibus ignotum: etenim non solum ventos & aërem *trivuat*, seu spiritus appellamus, sed etiam tenuissimas in humano corpore sanguinis partes, seu radios quosdam sanguinis purissimi, qui in corde & cerebro efformantur, & ad mortis ac sensus officia, per nervos in reliquas corporis partes diffunduntur.

## §. I.

*Ita sententia ut temeraria rejicitur.*

**D**ico tamen, hanc sententiam, post Lateranense Concilium, non posse sine temeritate defendi.

Qq 3

Pro-

inquamari: unde nullum est inconveniens, quòd Angeli in Empyreo peccaverint, & ex illo ad tartara detrudi fuerint. Imò hoc maximè ad humilitatem & instructionem nostram conducere videtur: Ex hoc enim discimus (inquit Bernardus) quòd nusquam est securitas, neque in cælo, neque in paradiso, multò minus in mundo. In cælo enim cecidit Angelus sub præsentia Divinitatis; Adam in paradiso de loco voluptatis; Iudas in mundo de schola Salvatoris.

**36** Ad tertium respondet D. Thomas infra quæst. 61. art. 4. ad 3. quòd illa verba Luciferi: *Ascendam in cælum*, non sunt intelligenda de cælo aliquo corporeo, sed de cælo SS. Trinitatis; in quod Angelus peccans ascendere voluit, exoptans aliquo modo ipsi Deo æquiparari, unde addebat: *& similis ero Altissimo.* Addo locum illum nimis probare: nam cum ibidem immediate subdatur: *Ascendam, super altitudinem nubium*, si locus ille ad litteram esse intelligendus, probaret Luciferum non solum extra Empyreum, sed etiam infra nubes fuisse ereatum; quod nullus hæcenus somniavit.

**37** Pro complemento hujus disputationis postulabis, cur Angeli à Deo creati fuerint?

Respondeo illos ob quatuor præcipue fines à Deo fuisse conditos. Primò propter divinarum laudum concentum: unde Plato eos *Syrenes* appellat; Bernardus, *Cæli cantores*; Gregorius, *divinarum laudum præcones*; Zoar, *Volucres cæli, qui perpetuo cantu divinas laudes celebrant.* Hinc etiam aliqui apud Lorinum in Psal. 104. sic Angelum definiunt: *Angelus est animal laudans Deum*; sive ut ait Athanasius, *Hymnus indefinens, & laus irrequiescens magnificentiæ Dei.*

Notat verò S. Thomas in 1. dist. 2. quæst. 1. art. 3. ex Chrysostomo, quòd licet omnes Angeli continuo laudent Deum; diversimodè tamen illius laudes celebrant: quidam enim illum laudant ut maiestatem, quidam ut bonitatem, alii ut sapientiam, alii ut fortitudinem, quidam secundum attributa absoluta, alii secundum relativas; ut nulla sit in Deo perfectio, quæ aliquo speciali encomio à supremis illis Spiritibus non celebratur.

**38** Secundo Angeli à Deo creati sunt, ut mundum corporeum regerent, & creaturæ corporali præessent: Divina enim Providentia solet regere inferiora per superiora, & corporea per spiritualia, ut ait D. Thomas infra quæst. 113. art. 1. Unde Angeli vocantur *mundi rectores*, & Divina Providentia administrari; orbemque portare dicuntur, juxta illud Job cap. 9. *Deus cujus ira nemo resistit, sub quo curvantur qui portant orbem.* Hanc veritatem Seneca licet gentilis agnovit: sic enim satur apud Lactantium: *Deus cum prima fundamenta molis pulcherrime jaceret, & hoc ordiretur, quo neque majus quidquam novit natura nec melius, ut omnia sub ditionis suis irent, quamvis ipse per totum se corpus intenderat, tamen ministros regni sui Deos (id est Angelos) genuit.*

**39** Tertiò Angeli creati sunt ut hominibus opitulerentur, & eos regant ac custodiant: ut constat ex illo Apostoli ad hebr. 1. *Omnes sunt administratorij spirituum in ministerium missi, propter eos qui hereditatem capiunt salutis*; & magis infra patebit, cum agemus de custodia Angelorum.

**40** Denique Angeli ad hoc specialiter à Deo conditi sunt, ut æternam beatitudinem conficerentur; utpotè qui sicut, ut ait Augustinus 11. de civit. cap. 9. *Cælestis Hierusalem magna pars, & eo beatiore, quòd nunquam peregrinata.*

Tom. II.

Lib. 1.  
inquit.  
cap. 36.Dist. 14.  
art. 1.



Probatur: nam Lateranensi in cap. firmiter de A  
summa Trinitate, sic ait: *Firmiter credimus quoddam  
unus est solus verus Deus, æternus & c. qui ex nihilo con-  
didit utramque naturam spirituales & corporales,  
Angelici videlicet mundanæ; & deinde huma-  
nam, quasi communem, ex corpore & spiritu constitu-  
tam* Ubi primò concilium asserit, Angelos esse  
spiritus; quemadmodum anima hominis est  
spiritus: Sed anima hominis nullo prorsus  
corpore constat, sed est omnino immaterialis &  
spiritualis, ut in alio Concilio Lateranensi sub  
Leone X. definitum est: Ergo etiam Angeli  
omnino spirituales & incorporei sunt.

Deinde Concilium ait hominem esse sub-  
stantiam mediam, & communem inter Angeli-  
cam & corporalem creaturam: quia homo con-  
stat spiritu & corpore: Ergo Angeli, qui non  
sunt medii inter spirituales & corporalem sub-  
stantiam, non constant corpore & spiritu.

Præterea Concilium opponit & distinguit  
Angelos ab omni substantia corporeæ: Sed inter  
corporales substantias sunt aliqua corpora tenuia  
& subtilia, æthereæ, aut cælestia: Ergo sentit  
Angelos esse omnino immateriales & incorpo-  
reos. Unde in Scriptura simpliciter spiritus ap-  
pellantur; quod nomen non posset illis attribui,  
si aliqua haberet corpora naturaliter sibi unita:  
homines enim, licet animâ spirituali constent,  
non possunt dici simpliciter spiritus, quia con-  
stant etiam corpore. Imò quando homines sub-  
tilia & incorruptibilia corpora post resurrectionem  
habebunt, non erunt, neque dicentur sim-  
pliciter spiritus: nam Christus Lucæ 24. post re-  
surrectionem suam negavit se esse spiritum,  
quia corpus habebat: *Paspate* (inquit) & videre,  
quia spiritus carnem & ossa non habet, sicut me vide-  
ti habere.

3 Favent etiam SS. Patres: Dionysius enim  
cap. 1. de cælesti Hierarchia, Angelos vocat spi-  
ritus simplices, nullis figuris præditos. Et cap. 2.  
docet representari quidem symbolis corpo-  
reæ, at tamen non esse illis symbolicis represen-  
tationibus, aut ulli corporeæ speciei affines, sed  
esse puros spiritus. Id ipsum docet Nazianzenus  
orat. 34. ubi naturam Angelicam vocat *ἀσώματον*  
id est, intelligibilem & incorpoream, Gregorius Nyssenus lib. 1. contra Eunomium,  
ubi *ἀσώματος πνεύματος*, id est, incorpoream creatu-  
ram, similiter Angelos nominat, Theodoretus  
quest. 20. in Genesim, ubi ait quod Angeli & Ar-  
changelus sunt incorporeæ sanctæque naturæ. Dama-  
scenus lib. 2. fidei cap. 3. ubi Angelos definit sub-  
stantiam intelligentem, materia atque corporis ex-  
pertem. Denique Angeli à Patribus Græcis pas-  
sum *ἀσώματος*, id est, incorporei, vel *νοῦ*: hoc est  
mentes, seu intelligentiæ: nuncupantur: cujus ap-  
pellationis causam exponit Maximus Martyr  
in scholiis ad cap. 1. lib. de cælesti Hierarchia:  
ubi, inquit, id est mentes appellantur etiam Græcorum  
Philosophi intelligentes, sive Angelum virtutes: quon-  
iam ex toto mens est quilibet spiritum; ac totum sub-  
stantiam, in formam suam veluti substantiatam, habes  
mentem viventem.

Similia docent Patri Latini: nam Leo Papa  
ad Turibium scribens, fidem veram, ait, quæ est  
Catholica, omnium creaturarum, sive spiritua-  
lium, sive corporearum, bonam confiteri sub-  
stantiam. Gregorius deinde Magnus 4. Dialogo  
cap. 29. interroganti Petro de apostatis spiri-  
tibus, qui è cælo dejecti sunt, corporeos an in-  
corporeos illos esse suspicaretur, ita respondet:

Quis sapiens esse spiritus corporeos dixerit? Et A  
Moial. cap. 9. Angelus (inquit) solummodo spiri-  
tus: homo verò & spiritus est, & caro. Augustinus  
etiam libro 1. Retract. cap. 11. & 13. & libro  
2. cap. 14. retractat quod alibi scripserat, Ange-  
los esse animas, atque dicendos non animas,  
sed spiritus. Demum Ambrosius in cap. 1. Epi-  
stolæ ad Hebræos, hæc scribit: *Quæ huius na-  
tura* (scilicet angelicæ) *nomen spiritus est: quæ  
officij? Angelus est. Ex eo quod est, spiritus est: ex eo  
quod agit, Angelus est.*

Non est præmittendum, plures ex SS. Pa-  
tribus, qui Angelos appellant corporeos, aliter  
hoc nomen usurpasse, quam fert communis  
usus. Quidam enim corporeum appellant quid-  
quid certo loco definitur, & non est ubique,  
sed potest moveri. Sic Angelos esse corporeos  
Rupertus ac Bernardus eâ ratione probant,  
quia & locales sunt, & loco moventur, & Cas-  
sianus Collat. 7. cap. 13. solum Deum incorpo-  
reum esse dicit, quia est ubique, & omnia penetrat.  
Alii corporeum id appellant, quod et si spiri-  
tuale propriè sit, non tamen est omnino sim-  
plex, sed aliquibus accidentibus & qualitatibus  
informatur & afficitur. Et in hoc etiam sen-  
su Angelorum substantia dici potest corporea,  
cùm sit imbuta qualitatibus adjunctis, purâ gra-  
tiâ infusâ, speciebus impressis, actibus suis; &  
ita ex substantia Angeli, & ornamentis seu  
qualitatibus ei adjunctis, aliquod compositum  
accidentale resultat, ut ex dicendis intrâ pate-  
bit. Unde Augustinus Epist. 28. *Si eam solum in-  
corpoream placet appellare naturam, quæ summe in-  
commutabile, & ubique tota est, corpus est anima,  
quoniam late aliquid ipsa non est.*

Demum nonnulli ex SS. Patribus Angelos  
dicunt esse corporeos, comparative ad Deum,  
ut Damascenus libro 1. fidei, & Gregorius  
Magnus 2. Moral. cap. 3. ubi Angelicos spi-  
ritus comparatione quidem nostrorum corporum  
spiritus esse dicit; sed comparatione summi & in-  
circumscripsi spiritus esse corpus. Cuius dicti egre-  
giam rationem assignat D. Thomas hic art. 1.  
ad 1. verba Damasceni exponens: *Substantia  
incorporea* (inquit) *medium sunt inter Deum &  
creaturas corporeas: medium autem comparatum  
ad unum extremum, videtur alterum extremum; si-  
cut tepidum, comparatum calido, videtur frigidum;  
& hac ratione dicitur quod Angeli, Deo comparati,  
sunt materiales & corporei.*

## §. II.

Angelos omnium prorsus corporum esse expertes ra-  
tione suadetur.

Angelos esse omnino immateriales & in-  
corporeos, variis rationibus demonstrat D.  
Thomas quest. unicâ de spirit. creaturis art. 1.  
secundo contra Gentes cap. 90. & 91. & hic art.  
1. & 2. quarum hæc elegantissima est. Pulchri-  
tudo & perfectio universi requirit, ut in eo sint  
aliquæ substantiæ purè intellectuales, quæ An-  
geli appellantur: Sed creatura purè intellectu-  
alis debet esse omnino immaterialis & incorpo-  
rea: Ergo Angeli omnis prorsus materiæ &  
corporis expertes sunt. Major patet ex dictis  
disputatione præcedenti, ubi cum eodem S.  
Doctore ostendimus, perfectionem & ordi-  
nem universi exigere, ut in eo sint aliquæ crea-  
turæ, quæ perfectè assimilantur Deo in gradu  
intelle-

Intellectuali. Unde idem Angelicus Præceptor 2. A  
contra Gentes cap. 93. *Perfectio universi maxime  
consistit in substantia separata.*

Minor autem ostenditur primò, quia ut in  
Tractatu de attributis ostendimus, immaterialitas  
est radix intellectualitatis, & corpus impedi-  
mentum scientiæ, juxta illud : *Corpus quod corrumpitur,  
aggravat animam, & terrena inhabitatio sensum de pri-  
mi multa cogitantem* ; Unde Tertullianus libro de  
anima cap. 20. *Opimitas sapientiam impedit, exi-  
tas expedit.* Ergo substantia purè intellectualis debet  
esse omnino immaterialis & incorporea.

Secundò eadem Minor suadetur ratione D.  
Thomæ hic art. 1. & 2. Substantiam rei oportet ef-  
se proportionatam suæ operationi, quia operatio  
est actus & bonum substantiæ operantis : Sed in-  
telligere, quod est proprius actus intellectualis  
substantiæ, est operatio penitus immaterialis, &  
quæ non potest esse actus corporis, seu alicujus  
virtutis corporeæ : Ergo substantia purè intelle-  
ctualis est omnino immaterialis & incorporea.  
Major pater, Minorem verò probat D. Thomas,  
huc ex eo quòd omne corpus determinatur ad  
hic & nunc ( id est respicit tantum singularia &  
tempori subiecta ) cognitio verò intellectualis at-  
tingit veritates universales & æternas, seu ab om-  
ni tempore & loco abstrahentes. Tum etiam,  
quòd in tantum aliquid intelligitur, in quantum à  
merita abstrahitur ; nam formæ in materia sunt  
individuales formæ, quas intellectus non apprehendit  
secundum quod hujusmodi : Ergo intel-  
ligere est operatio purè immaterialis, & quæ non  
potest esse actus corporis

Hanc rationem latius expendit, & magis illu-  
strat quæstione citatâ de spiritualibus creaturis,  
art. 2. ubi sic ratiocinatur : *Omnes spirituales sub-  
stantiæ intellectuales sunt ... Talis igitur potentiam  
oportet in substantiis spiritualibus requirere, quæ sit pro-  
portionatâ ad susceptionem formæ intelligentis : huius-  
modi autem non est potentia materiæ primæ ; nam ma-  
teria prima recipit formam contrahendo ipsam ad esse  
individuale ; forma verò intelligibilis est in intellectu abs-  
que huiusmodi contractione : sic enim intelligit intel-  
lectus unumquodque intelligibile, secundum quod forma e-  
st in eo ; intelligit autem intellectus intelligibile præ-  
cipue secundum naturam communem & universalem, &  
sic forma intelligibilis in intellectu est secundum ratio-  
nem suam communitatem. Non est ergo substantia intel-  
lectualis receptiva formæ ex ratione materiæ primæ, sed  
magis per appositam quandam rationem : unde mani-  
festum sit, quòd in substantiis intellectualibus illa prima  
materia, quæ de se omni specie caret, eius pars esse non po-  
test*

Ex hoc intelliges quid velit idem S. Doctor hic  
art. 2. dum docet materiam recipere formam, ut  
secundum illam constitutur in esse ; intellectum  
verò recipere formam secundum rationem formæ.  
Per hoc enim declarare intendit diversum modum  
quo materia & intellectus proprias formas recipi-  
unt : materia liquidem recipit formam in esse natu-  
rali, coarctando, limitando, & dividuando illâ ;  
intellectus verò recipit formam in esse repræsen-  
tativo, secundum totam ejus latitudinem, & universali-  
tatem, & ut repræsentat naturas abstractas à con-  
ditionibus materialibus & individualibus, cum  
quibus, parte rei reperiatur, hoc autem est re-  
cipere formam secundum rationem formæ, ut ex-  
plicare solent nostri Thomistæ in libris de ani-  
ma.

Dices : anima rationalis est intellectiva, & o-  
peratione in intellectualem elicit ; & tamen est  
forma corporis, & ab illo dependet in suis ope-  
rationibus : Ergo licet substantia angeli intellectu-  
alis sit, potest naturaliter esse unita alicui corpori,  
& ab illo in suis operationibus dependere.

Sed contra primò : Corpus humanum idè o-  
perationi animæ rationalis deservit, quia medi-  
ante cognitione sensitivâ ministrat ei speciem ob-  
jectorum ; quâ necessitate sublatâ, inutilis esset u-  
nio animæ cum corpore : Sed corpus angelicum  
ad hoc munus ineptum esset, cum non haberet  
organum sensûs, nec facultatem sentiendi : esset  
enim immortale, incorruptibile, inalterabile & in-  
capax tactûs, subindeque aliorum sensuum : Ergo  
inutile esset ad operationes intellectuales angelici.

Præterea, ut dicitur D. Thomas 2. contra  
Gent. cap. 91. ratione 7. & hic quæst. sequenti art. 1.  
animæ rationali competit uniri corpori, quia est  
imperfecta, & in potentia existens in genere in-  
tellectualium substantiarum, non habens in sui  
natura plenitudinem scientiæ, sed acquirentem eam  
per sensus corporeos à sensibilibus rebus ; in quo-  
cunque autem genere invenitur aliquid imperfec-  
tum, oportet præexistere aliquid perfectum :  
tum quia imperfectiora sunt propter perfectiora ;  
tum etiam quia natura non est magis sollicita de  
imperfecto, quàm de perfecto, sed potius è con-  
tra, ut ait Cajetanus in commentario illius articu-  
li : Ergo oportet quòd ante animas humanas, quæ  
intelligunt accipiendâ à phantasmatibus, sint ali-  
quæ intellectuales substantiæ, non accipientes  
cognitionem à sensibilibus, & per consequens  
omnino à corporibus separata.

Has rationes D. Thomas, tanquam minus effi-  
caces, prætermittit Vazquez hic disp. 178 cap. 4.  
& angelos esse incorporeos probat, tum ex ma-  
gna velocitate quâ moventur : nam Job. 1. dixit  
Sathan : *Circuivi terram, & perambulavi eam* : tum  
ex eo quòd intrant in humana corpora, & ca-  
penetrant sine divisione : quod non possent facere,  
si essent corporei.

Verum hic Author aurum & margaritas abji-  
cit, ut vitrum & fistulas colligat : istæ enim ratio-  
nes nullius momenti sunt, quia corpora, etiam  
maxima, ingenti velocitate moveri possunt, ut pa-  
tet in corporibus celestibus : Nam ut Astrologi  
notant, stellæ quæ sunt in circulo majori firma-  
menti, tantâ celeritate volvuntur, ut in minuto  
horæ pertranseant plusquam septingenta millia  
leucarum, quod est plusquam centies circute to-  
tam terram in minuto horæ. Quòd verò An-  
geli intrent in corpora, dici potest id procedere à  
subtilitate suorum corporum ; sicut aer intrat per  
poros, vel quia ita subtiliter possunt dividere cor-  
pus, ut ad illud intrent, licet non sentiantur. Unde  
rationes illæ non probant Angelos carere omni  
corpore, sed solum crassiori & densiori, ideoque  
nullæ sunt.

### §. III.

Brevi responsio ad ea quæ pro Angelorum corpo-  
ritate adduci solent.

Contra præcedentem conclusionem in primis  
opponi solet Concilium Nicænum secundum  
actionem 5. columnâ 5. ubi approbare videtur sen-  
tentiam Joannis Episcopi Thessalonicensis, asse-  
rentis Angelos idè posse depingi, quod sint cor-  
poris, & quia apparuerunt hominibus in forma  
corporea. Respons.

Respondeo Concilium approbasse tantum conclusionem, scilicet Angelos posse depingi, & illam secundam ipsius rationem, quia hominibus apparuerunt in specie corporeae: non verò primam illam, quod sint corporei. Patet id, tum quia Concilium hoc tantum approbavit, quod ex Epistola Joannis Thessalonicensis retulerat Tarasius Patriarcha, qui Concilio praeerat: Tarasius verò ea tantum quae diximus proposuit Concilio approbanda: tum etiam quia aliis Concilium duo contradictoria protulisset: cum in illa actione 4. re-  
 feratur & approbatur sententia Athanasij, asserentis Angelos esse incorporeos: & sancti Angeli, *ὁράματα*, id est incorporei, applicantur. Imò ibidem hæc professio fidei continetur: *Veneramus imagines Sanctorum, & incorporeorum Angelorum, qui tanquam homines figuram humanam insu apparuerunt.*

Objiciunt secundum: Sapientia Angelorum in Scriptura visum sunt oculis corporeis hominum, & in figura humana Patribus & Prophetis apparuerunt: ab Abraham convivio excepti sunt; cum Angelo per totam noctem luctatus est Jacob; Tobiam in itinere comitatus est Raphael, à duobus Angelis Loth de Sodoma ejectus est: Angelos per scalam gradus ascendentes & descendentes vidit Jacob: similia narratur Gen. 18. 19. 28. 32. & in libro Tobiae: Atqui hæc non videntur potuisse convenire Angelis, seu ab illis præstari, nisi essent corporei: Ergo non sunt omnino spirituales & incorporei.

Respondeo negando Minorem: licet enim Angeli sint omnino spirituales, nec ulla habent corpora naturaliter sibi unita, possunt tamen ex aere, vel ex alia materia tenui & subtili, formare corpora, & illa movere localiter, ac in eis se præbere visibiles, & cum hominibus loqui & conversari: quamvis in corporibus illis assumptis operavitur corporeæ exercere nequeant, ut disputatione sequenti patebit.

Tertio objicitur: Aliqui Angeli dicuntur in Scriptura genuisse homines: At hoc non possent, nisi essent corporei: Ergo idem quod prius. Minor videtur certa, Major vero probatur ex illo Gen. 6. *Videntes filij Dei filias hominum quod essent pulchrae, acceperunt sibi uxores ex omnibus quas elegerant. Gigantes autem erant super terram in diebus illis. Postquam ingressi sunt filij Dei ad filias hominum, illaque genuerunt &c.* Ubi versio Septuaginta habet: *Ingressi sunt Angeli Dei ad filias hominum.* Unde Clemens Alexandrinus, Tertullianus, Philo Judæus, Lactantius, & alij quos refert Pererius disp. 1. in versum 6. cap. 6. Genesim, existimarunt primum peccatum Angelorum fuisse impuram illam commixtionem cum filiabus hominum, & Angelos scæminarum pulchritudine illectos, eas adamasse, & ex concubitu cum ipsis, gigantes procreasse. Hinc Tertullianus in libro de velandis virginibus cap. 7. ad Angelos refert illud quod dicit Apostolus 1. ad Corinth. 11. mulieres in Ecclesia debere velari, *propter Angelos Dei*: ne scilicet eorum pulchritudo illecebra. sit Angelis adeas libidinosæ amandas. Unde addit: *Debet ergo administrari facies tam periculosa, quæ usque ad caelum scandala iaculata est.* Eidem sententiæ favere videtur Ambrosius lib. 1. de Virginibus, aliquantulum à fine, ubi alloquens Virgines, sic ait: *Nec mirum si pro vobis Angeli militent, quæ Angelorum moribus militatis: meretur eorum presidium castitas virginum, quorum vitam meretur: & quid pluribus exequar laudem castitatis? Castitas enim Angelos fecit:*

*A qui enim eam servavit, Angelus est: quæ perdidit, diabolus.*

Respondeo primò negando Majorem: Ad cuius probationem dico, in vulgata editione, quæ est conformis hebraica, non legi, *Angeli Dei*, sed *filij Dei*: nomine autem filiorum Dei, convenientissimè intelliguntur filij Seth, qui soli erant cultores veri Dei, & acceperunt uxores ex femine Cain, quæ dicuntur filia hominum, quia imitatur mores parentum suorum, rebus terrenis erant addictæ, sicut earum progenitores. Vel nomine *filiorum Dei*, ibi intelliguntur homines staturâ proceri: ita enim Scriptura altissimos montes & arbores vocat, *montes Dei, & cedros Dei.* Vel denique intelliguntur filij Magnatum, juxta hebræum *Heleim*, quod nobilibus & iudicibus tribuitur, Exodi 7. versu 1. & Psal. 81. versu 1. Ex his filiis Magnatum nati sunt viri potentes, tamosi à sculo, ut habetur in textu citato. Ita Chrysostomus, Augustinus, Cyrillus, & alij SS. Patres, quos sequitur D. Thomas quæst. sequenti art. 3. ad 6.

Ratio etiam huic interpretationi favet: nam ibidem versu 5. dicitur diluvium esse à Deo immissum, propter detestanda hominum peccata: & asseritur præcipuum inter hæc peccata fuisse nefariam illam commixtionem filiorum Dei cum filiabus hominum: Ergo quando ibidem dicitur: *ingressi sunt filij Dei ad filias hominum*, id de hominibus, non verò de Angelis, intelligendum est.

Addo id non posse verificari (quod scilicet hoc peccato Angeli primò lapsi fuerint) nec de primo ipsorum lapsu: quia multis sæculis ante illam commixtionem filiorum cum filiabus hominum, quæ contigit paulò ante diluvium, Angeli jam lapsi erant: eorum enim princeps, non multò post creationem mundi, primos parentes sub figura serpentis decepit, ut dicitur Sapient. 2. nec de Angelis jam lapsis: quia Angeli post lapsum in peccatum, non vocantur amplius *filij Dei*, sed *imundi spiritus*.

Si quis autem sequi velit versionem Septuaginta, in qua legitur: *Videntes Angeli Dei filias hominum* & c. dicere poterit, viros sanctos in Scriptura plerumque Angelos Dei appellari, ut annotavit Ambrosius in libro de Noë cap. 4. & docet Augustinus 15. de civit. cap. 23. probatque ex Matth. 12. ubi Joannes, juxta Prophetiam Malachiæ, *Angelus* appellatur. Et Deuter. 32. ubi vulgata editio habet: *Constituit terminos populorum, juxta numerum filiorum Israel*, Septuaginta legunt: *juxta numerum Angelorum Dei*. Quia ergo filij Seth erant justii, & veri Dei cultores (quamvis postea habitando cum filiabus Cain, prævaricatores facti fuerint) *filij Dei*, vel *Angeli Dei*, appellantur. Unde ad locum Apostoli, à Tertulliano supra allegatum, dicendum est, quod quando Apostolus præcipit mulieres velari in Ecclesia, propter Angelos Dei, per Angelos (ut ait Divus Thomas) intelligit sacerdotes, qui in Scriptura Angeli Dei appellantur, quia ejus nuntij seu ministri sunt, ut patet ex illo Malachiæ 2. *Labia sacerdotum custodiant scientiam, quoniam Angelus Domini exercituum est.* Quando verò Ambrosius suprà relatus ait: *qui servat castitatem, Angelus est: qui perdidit, diabolus*: non loquitur de Angelo & diabolo secundum naturam, sed secundum mores: & solum intendit, illum qui castitatem servat, Angelo similem esse. Unde ibidem subdit: *Vbi integritas, ubi castitas, ubi claritas Angelorum est, illic filia virginum.*



nam. Nec incongruum quifquam putet, quod Angeli  
 istis comparantur; cum Iulium se Christus ipse memo-  
 raverit, dicens: *Ego flos campi, & liliū convallium.*  
 Ergo si lilia celeſtu paradisi Angeli ſunt, Eccleſiaſtici  
 & terreni hortuli virgines lilia erunt. Et contra im-  
 pudici aſſimilantur Diabolo, qui inmundus ſpi-  
 ritus in Scriptura appellatur, & in locis humen-  
 tibus & aquis (quibus molles & cœnoſe vo-  
 luptates ſignificantur) habitare dicitur, ut  
 Gloſſa annotavit in hac verba Job cap. 40. *Sub*  
*umbra dormit Behemot (Dæmonis figura) in ſecre-*  
*to calami, & in locis humentibus.*

18 Quarto obijciunt: Res corporeæ non poſſunt  
 agere in ſpiritus: Sed aliqua res corporeæ agunt  
 in Angelos: Ergo illi non ſunt puri ſpiritus, ſed  
 habent aliqua corpora naturaliter ſibi unita. B  
 Major videtur certa, Minor verò probatur va-  
 riis exemplis in Scriptura contentis. In primis  
 enim Angeli mali in inferno torquentur, & alli-  
 gantur igne corporeo, ut conſtat ex illo Marth.  
 25. *Diſcedite a me maledicti in ignem æternum, qui*  
*paratus eſt Diabolo & Angelis ejus.* Item aliquibus  
 rebus corporeis fugantur Dæmones: nam  
 Tobiz 6. dixit Raphaël ad Tobiam: *Si particu-*  
*lam cordis ejus (ſcilicet piſcis quem Tobias cœ-*  
*perat) imponas ſuper carbones, ſumus ejus extricat*  
*omne genus dæmoniorum, ſive à viro, ſive à muliere.*  
 Et 1. Regum 16. ad melodiam citharæ David,  
 ſpiritus malus recedebat à Saul: Ergo aliqua res  
 corporeæ agunt in Angelos.

19 Reſpondeo quòd licet res corporeæ non poſ-  
 ſint agere in ſpiritus, virtute propria, poſſunt  
 tamen à Deo aſſumi ut instrumenta, & elevari  
 ad contingendum contactu virtutis ſpirituale  
 ſubjectum; ut patet in aqua Baptiſmi, quæ ele-  
 vatur à Deo ad producendam gratiam in anima  
 pueri. Cur ergo ſimiliter ſpiritus, ab igne cor-  
 poreo, ut divinz virtutis & operationis instru-  
 mento, torqueri, detineri, & alligari non pote-  
 runt? Cur (inquit Auguſtinus) non dicamus,  
 quamvis miris, verum tamen modis, etiam ſpiritus in-  
 corporeos poſſe penā corporali ignis affici, ſi ſpiritus  
 hominum, etiam ipſi poſſe in corporeis, & nunc po-  
 terunt includi corporaliſus membris, & tunc pote-  
 runt corporum ſuorum vincula inſolabiliter alligari?  
 Adhærebunt ergo ſpiritus Dæmonum, à ſpiritus Dæ-  
 mones, ſicet incorporei, corporeis ignibus cruciandi non  
 ut ignes ipſi, quibus adhærebunt, eorum junctura inſpi-  
 centur, & animalia ſunt, quæ conſent ſpiritu &  
 corpore, ſed ut dixi, miris & ineffabilibus modis ad-  
 herendo, accipientes ex ignibus penam, non dantes igni-  
 bus vitam.

Lib. de anima 197.  
 Addo quòd ſi hoc argumentum valeret, pro-  
 baret etiam, quòd anima humana non eſſet ſub-  
 ſtantia ſpirituale: quia quando ſeparata eſt,  
 igne inferni aut purgatorii cruciatur ac detine-  
 tur. Vnde egregie Tertullianus de anima divi-  
 tiſepuloni loquens ait: *Dolet apud inferos anima*  
*cujuſdam, & punitur in flamma, & cruciatur in*  
*lingua, & de digitis anima ſuſcitioris, implorat auxi-*  
*lium rotis.*

20 Addo ſecundam instantiam ſimiliter dicen-  
 dum eſt, dæmones fugari rebus corporeis, vel  
 phyſice, ut ab instrumentis divinz virtutis, vel  
 moraliter, quatenus illæ ſunt inſtitutæ à Deo ad  
 aliquod factum ſignificandum. Unde in cenſio  
 illa jecoris piſcis apud Tobiam, non fugavit  
 Dæmonem vi ſua corporeā, ſed virtute divini,  
 & propter myſterium quod ſignificabat: per il-  
 lam enim figurabatur fervor orationis Tobiz,  
 & ſacræ conjugis ejus, vel mors Chriſti Domini,

A in cruce charitate conſumpti; cuius virtute om-  
 nia fugantur aut ligantur Dæmonia, ut docent  
 Auguſtinus & alii Patres apud Serrarium quæſt.  
 3. in cap. 8. Tobiz. Unde ibidem dicitur, quòd  
 quando Tobias protulit partem jecoris, poſuit-  
 que eam ſuper carbones vivos, Tunc Raphaël An-  
 gelus apprehendit Dæmonium, & reliquit illud in de-  
 ſerto ſuperioris Egypti.

Ad illud quòd additur de muſica David, re-  
 ſpondetur quòd ſpiritus ille malus, canente Da-  
 vid, & pulſante citharam, recedebat virtute di-  
 vinā, vel propter hymnos illos & pſalmos quos  
 canebat David, qui erant verba ſacra, ad quo-  
 rum deprecationem virtus divina fugabat Dæ-  
 mones. Vel dicendum quòd muſica illa concu-  
 rebat indirectè ad hunc effectum, mitigando tri-  
 ſtitiā Regis, & temperando humorem melan-  
 cholicum, quo mediante Dæmon illum vexa-  
 bat; aut excitando animam ejus ad divinorum  
 & celeſtium contemplationem. Id enim virtute  
 muſicæ fieri poſſe; & propter hoc ab Eccleſia  
 inſtitutum eſſe, quòd in omni cultu divino ali-  
 quid conſonantiæ muſicæ adhibeatur, ut videli-  
 cet animus hominis excitetur ad Deum, docet  
 S. Thomas ſuper Pſalmum 32. explicans illum  
 verſum: *Conſitemini Domino in cithara.*

Addo quòd lyra Davidis erat figura  
 Chriſti in cruce pendentis: ſicut enim in cithara  
 chordæ, ſic membra Chriſti ſuper lignum crucis  
 tendebantur, ut annotavit Auguſtinus; qui iaci-  
 co Chriſtum cruci aſſixum, *Mifereri dicit lyram*  
 appellat; & docet per memoriam paſſionis ejus  
 omnia fugari Dæmonia: unde lyra illa Davidi-  
 cæ, non ſolum ratione harmoniæ, ſed etiam ra-  
 tione figuræ ſeu myſterii, virtutem habebat ex-  
 pellendi ſpiritus malum à corpore Saul.

Obijcit ultimò Cajetanus, ubi ſuprà: Omnes  
 gradus viventium corporeorum eſſe conceden-  
 dos, ut potè neceſſarios ad perfectionem & pul-  
 chritudinem univerſi: Ergo ſicut dantur vege-  
 tantia ſine ſenſu, & ſentientia ſine motu pro-  
 greſſivo, ſic dari debent intelligentiæ ſine ſenſu,  
 cum ſolo motu progreſſivo, quales erunt An-  
 geli præditi corporibus æreis: Ergo tales con-  
 cedendi ſunt.

Sed negatur Conſequentia: Licet enim ad  
 perfectionem univerſi requiratur ut in eo ſint  
 omnes gradus eſſendi poſſibiles, qui ſunt tan-  
 tum tres, ſcilicet eſſe, vivere, & intelligere, ut  
 diſputatione præcedenti oſtendimus; non ta-  
 men ut in eo ſint omnes modi habendi tales  
 gradus, ut ibidem declaravimus: intelligere  
 autem ſine ſenſu, cum ſolo motu progreſſivo,  
 non conſtituit ſpecialem gradum, ſed tantum  
 eſt quidam ſpecialis modus habendi gradum  
 intellectualem.

## §. IV.

## Corollarium ex dictis.

EX dictis colliges contra Alenſem, D. Bona-  
 venturam, & Richardum, Angelos non  
 componi ex materia ſpirituale, quæ quantitati  
 ſubjecta non ſit. Ratio eſt, quia materia, quæ cum-  
 que illa ſit, recipiendo formam, illam contrahit  
 & limitat ad eſſe individuale: ſubſtantia autem  
 purè intellectualis (ut ſuprà dicebamus) nata  
 eſt recipere formas intelligibiles, cum quadam  
 amplitudine & univerſalitate, & ut abſtractas à  
 conditionibus individuantiſus; ſubindeque ma-  
 teriam cuiuſcuſque rationis excludit, etiam  
 ſpiritualem,



Addo quod implicat dari materiam purè spirituale. Nam ut discit S. Thomas opusc. 1 §. cap. 7. repugnat dari materiam, quæ ex se non sit pura potentia in ratione substantiæ, per exclusionem saltem omnis actus & perfectionis formalis: Sed materia purè spiritualis nequit esse pura potentia in ratione substantiæ: Ergo nec habere veram rationem materiæ. Major patet, Minor probatur. Materia spiritualis, si daretur, ex vi suæ spiritualitatis, non solum supra materiam corporealem, sed etiam supra formas corporeas elevaretur; esset enim ordinis superioris ad illas: Ergo cum forma corporea sit actus & non pura potentia, materia spiritualis illam excedens esset etiam actus; imò magis haberet de actu, quam quilibet forma corporea: Atqui (subsumo) entitas actualior quilibet formæ corporeæ, nequit habere rationem puræ potentiæ, ut patet: Ergo materia purè spiritualis, nequit esse pura potentia, in ratione substantiæ.

- 26 Obijcies primò: Augustinus 12. confess. dicit quod Deus fecit materiam communem visibilem & invisibilem: Invisibilia autem sunt substantiæ spirituales: Ergo substantiæ spirituales habent materiam: Non corpoream: Ergo spiritualem.

Respondeo ex D. Thoma quæst. unicâ de spiritualibus creaturis, art. 1. ad 4. D. Augustinum nomine materiæ visibilem & invisibilem, non intelligere materiam primam, sed informatam, sive potentialitatem quandam, proportionaliter communem materiæ corporeæ & substantiæ spirituali; quatenus scilicet materia prima caret omni specie seu actu, Angelus verò prius est creatus quam converteretur ad Verbum, à quo illuminatur, atque ad eò in potentia intelligibili fuit productus.

- 27 Obijcies secundò: Ubique reperitur aliqua forma, ibi debet reperiri materia illi proportionata, juxta commune illud axioma, *actus & potentia sunt ejusdem generis*: Sed in substantiis spiritualibus reperitur aliqua forma spiritualis & incorporea: Ergo etiam intra illud genus dari debet materia spiritualis.

Respondeo illud axioma solum verificari de actu receptibili, & dependente à materia, non autem de irreceptibili & independente à materia, qualis est substantia Angeli.

- 28 Obijcies tertio: Si substantia Angeli esset omnis compositionis substantialis expertis, esset omnino simplex: Sed hoc non est dicendum, cum simplicitas sit attributum soli Deo conveniens: Ergo nec illud.

Sed negatur sequela Majoris: quia summa simplicitati non solum repugnat componi, sed etiam componere: licet autem in essentia Angelii nulla sit realis compositio, ipsa tamen cum existentia Angelum componit; existentia enim in omnibus rebus creatis, tam spiritualibus, quam corporeis, realiter distinguitur ab essentia, & per consequens realem cum ea compositionem facit, ut docet D. Thomas 2. contra Gent. cap. 52. & 53. & hic art. 2. ad 3. ubi ait: *Licet in Angelo non sit compositio forme & materie, est tamen in eo actus & potentia: quod quidem manifestum potest esse ex consideratione rerum materialium, in quibus invenitur duplex compositio. Prima quidem forme & materie, ex quibus constituitur aliqua natura: natura autem sic composita, non est simplex esse, sed esse est actus ejus,*

- 29 Obijcies ultimò: Compositio ex genere &

differentia supponit compositionem ex materia & forma; cum genus sumatur à materia, & differentia à forma, ut variis in locis docet Aristoteles: Sed substantia Angeli, cum sit finita, & terminis essentia terminata, ex genere & differentia componitur: Ergo illa pariter constat ex materia & forma.

Respondeo Majorem veram esse in substantiis materialibus, non verò in spiritualibus. Nam ut ait D. Thomas hic art. 2. ad 1. *In rebus materialibus aliud est quod determinat ad specialem gradum, scilicet forma, & aliud quod determinatur, scilicet materia: unde ab alio sumitur genus, & ab alio differentia. Sed in rebus immaterialibus non est aliud determinans & determinatum, sed unaquæque earum secundum seipsam tenet determinatum gradum in entibus; & idem genus & differentia in eis non accipitur secundum aliud & aliud, sed secundum unum & idem, quæ tamen differunt secundum considerationem nostram: inquantum enim intellectus noster considerat illam rem ut indeterminatam, accipitur in eis ratio generis, inquantum verò considerat ut determinatam, accipitur ratio differentia.* Licet ergo in substantiis materialibus genus desumatur à materia, tanquam à prima radice, & differentia à forma: in spiritualibus tamen non est aliud principium generis & differentia, quam ipsamet essentia, ut habet rationem determinabilis & determinativi, sive potius magis distat ab existentia, aut appropinquat ad ipsam, ut explicare solent nostri Thomistæ in Logica,

## ARTICULUS II.

*An multitudo Angelorum, numerum specierum materialium, & naturæ humanæ individuum, excedat?*

### §. I.

*Premittuntur quæ apud omnes sunt certa.*

**T**ria ut certa supponimus, & aliud vertimus in controversiam. In primis certum est maximam ac prorsus stupendam esse Angelorum multitudinem: Deienim, summi Principis & potentissimi Imperatoris numerosam familiam, & copiosum exercitum esse decet; juxta illud Proverb. 14. *In multitudine populi dignitas Regis, & in paucitate plebis ignominia Principis.* Unde Daniel. 7. dicitur: *Milia militum ministrabant ei, & decies centena milia assistebant ei.* Ex Joannes in Apocalypsi ait: *Et erat numerus eorum computatus, quibus verbis innumerabilis multitudo significatur, quam Latinus interpretis expressit: Et erat numerus eorum milia millium:* sic eniam incertus numerus & propemodum infinitus exprimitur. Similiter Psal. 67. Propheta ait: *Currit Dei decem milibus multiplex.* Ubi Hebræica vox *מליון* quantum Chaldeus Paraphrastes, tum plerique Hebræorum, ita intelligunt, ut Angelos significet: Vulgata verò multiplicem, scilicet Angelorum numerum, significare intellexit & expressit. Demum Job 25. dicitur: *Nunquid est numerus militum ejus?* Ubi militum nomine intelliguntur celestium virtutum exercitus, ne exponit D. Greg. 17. Moral. c. 9. subdens: *In cognitione humane rationis, supernorum spirituum numerus non est: quia quanta sit illa frequentia invisibilis exercitus nescit.*

Super-

*Superiorum vivum numerum infinitus & definitus exprimitur; ut qui Deo est numerabilis, est hominibus innumerabilis demonstratur. Idem docet Ambrosius 7. in Lucam ad cap. 15. dicens innumerabiles esse greges Angelorum, Archangelorum, Dominatorum &c. Item Cyrillus Hierosolymitanus catechesi 17. ait: Ex loci magnitudine incolarum multitudo estimari solet. Est autem universa terra puncti instar in celi medio. Quibus verbis significat, quod sicut vastitas celi Empyreus est pene incomprehensibilis, comparata ad terram, ita & Angelorum multitudo per comparationem ad res corporeas & materiales. Quæ etiam comparatione utitur D. Thomas hic art. 3.*

- 31 Hinc exclusa manet sententia aliquorum existimantium, eam esse rationem multitudinis hominum, ad Angelorum numerum, quæ est unius ad nonaginta novem: quoniam id suadere parabola illa videtur hominis, qui centum oves habens, unam amisit, quam relictis nonaginta novem, quæsitum abiecit, & inventam humeris reportat: nam ovis illa unica, humana esse natura vulgo creditur, Angelis verò reliquæ. Ita Hilarius in Matth. Can. 18. ubi sic ait: *Ovis una, homo intelligendus est; & sub homine uno universitas sentienda est. Sed in unius Ade errore, omne hominum genus aberravit. Ergo nonaginta novem non errantes, multitudo Angelorum cælestium opinanda est; quibus in cælo est letitia, & cura salutis humana. Et Ambrosius lib. 7. in Lucam: Dives igitur pastor, inquit, cuius omnes nos centesima portio sumus, habet Angelorum, habet Archangelorum, Dominationum, Potestatum, Thronorum, aliorumque innumerabiles greges, quos in montibus dereliquit: qui quoniam sunt rationabiles, non immerito hominum redemptione latantur. Demum Gregorius Nyssenus lib. 11. cont. Eunomium: Idem qui omnem creaturam rationalem pascit, relicto in excessis non errante, ac supermundano grege, ad errantem ovem, nostram videlicet naturam, præ amore hominum recedit. Est enim multesima, minimeque portio natura humana, si cum universo comparatur; quæ sola, ut est in parabola rationalis centurie, per salutem aberravit. Ex dictis, inquam, exclusa & confutata manet hæc sententia, cum quia Scriptura locis adductis innumerabilem propè docet esse Angelorum multitudinem: tum etiam, quia comparatio illa quæ D. Cyrillus, & S. Thomas utuntur, indicat multò maiorem esse Angelorum copiam, quàm ut eam proportionem ad homines habeat, quæ est nonaginta novem ad unum: longè enim excessu maiore, terra superatur à cælo empyreo, quàm unitas à centenaria. Nec testimonia Patrum quæ adduximus, huic favent sententiæ, nam iis solum indicatur summus amor quo Deus naturam humanam in mysterio Incarnationis profecutus est, eò quòd tale mysterium, non in bonum & gloriam Angelorum, sed in salutem & redemptionem hominum, ordinaverit. De quo fusè in Tractatu de Incarnatione.*

Math.  
18. &  
Luc. 15.

Ad cap.  
15.

Ad cap.  
15.

Dist.  
1.  
art. 1.

2o. 2.  
de mi-  
seris  
cap. 61.

- 32 Secundò, certum & indubitatum est apud omnes, Angelorum multitudinem, etsi maxima ac pene innumerabilis sit, non esse tamen infinitam: quod multis argumentis probat Guillelmus Parisiensis Episcopus. Et inter articulos Parisiis damnatos à Stephano Episcopo, recensetur iste: *Item quod substantia separata, sunt in actu infinite: infinitas enim non est impossibilis, nisi in rebus materialibus.*

- 33 Tertiò ut certum supponimus, quòd licet Tom. II.

A maxima & stupenda sit Angelorum multitudo, non tamen probabile aut credibile est, illam esse tantam, quòd numerum omnium individuorum huius universi excedat, ut I. Yranus & quidam alii existimant. Quis enim crederet eos esse plures omnibus maris arenis, & aeris atomis, & arborum foliis, quæ fuerint, sunt, & erunt. Addamus muscas, culices, pulices, vermes, formicas, haleces, cum cæteris fluviarum marisque piscibus; grana tritici, hordei, avenæ, milii, & aliorum leguminum, quorum innumera prope modum est multitudo. Certè licet absolute non repugnet tantam, imò & maiorem dari Angelorum multitudinem: eum potentia Dei infinita sit, & nullo finito numero exhaustiri possit; hoc tamen ordini ejus Sapientiæ & Providentiæ non videtur conveniens, ut infra patebit. Unde solum restat dubium, an tanta sit Angelorum multitudo, ut saltem omnes species rerum corruptibilium, & omnia naturæ humanæ individua adæquet, vel excedat?

## §. II.

*Duplici conclusione difficultatem resolvitur.*

Dico primò, Angelorum multitudinem numerum specierum materialium excedere. Ita colligitur ex Dionysio de cælesti Hierarch. cap. 14. ubi ait (referente D. Thomâ hic art. 3.) *Multi sunt beati exercitus supernarum mentium, infirmam & constitutam excedentes nostrorum materialium numerorum commensurationem.* Quæ verba de excessu multitudinis Angelorum supra omnia huius universi individua non posse intelligi constat ex dictis in secunda suppositione: Ergo Dionysius saltem intendit Angelorum multitudinem numerum specierum materialium excedere.

Nec valet quod ait Vazquez hic disp. 180, cap. 2. Dionysium non loqui de numero, ut ita dicam, numerato, sed numerante; id est illum non velle, quòd Angelorum multitudo superet numerum specierum materialium & corruptibilium; quæ sunt res numeratæ, sed solum quòd tanta sit, ut ad eam colligendam non satis valeant notæ numerales, seu termini quibus ad numerandum homines uti solent.

Non valet, inquam, hæc responsio: Quia numeri numerantes non sunt materiales, sed intelligibiles: Atqui Dionysius loquitur de numeris materialibus, ut patet ex verbis allegatis: Ergo non loquitur de numeris numerantibus, sed numeratis, seu de ipsis speciebus rerum materialium & corruptibilium, quæ sunt res numeratæ. Et ita hunc locum Dionysii intellexit D. Thomas quæst. 6. de potentia art. 6. ubi ait: *Substantia incorporea, ut dicit Dionysius 14. cap. cælestis Hierarchie, omnem multitudinem specierum materialium transcendunt.* Et 2. contra Gent. cap. 92. ratione 5. Dionysius (inquit) 14. cap. cælestis Hierarchie docet quòd numerus substantiarum separatarum excedit omnem materialem multitudinem. Non ergo loquitur Dionysius de numero intelligibili & numerante, ut dicit Vazquez, sed de materiali & numerato, seu de ipsis rerum materialium speciebus, ut ait S. Thomas.

Eandem veritatem demonstrat idem S. Doctor, loco proximè citato, variis rationibus, quarum elegantissima hæc est. *Ordo (inquit) universi exigere videtur, ut id quod est in rebus no-*

*bilis, excedat quantitate vel numero ignobiliora.* Ignobiliora enim videntur esse propter nobilitate: unde oportet quod nobilitate, quasi propter se existentia, multiplicentur quantum possibile est; & ideo videmus quoddam corporea incorruptibilia, scilicet celestia, tantum excedunt corporalia, scilicet elementaria, ut hac quasi non habeant notabilem quantitatem in comparatione ad illa. Sicut autem celestia corpora digniora sunt elementariis, ut incorruptibilia corruptibilibus; ita substantia intellectuales omnibus corporibus, ut immobile & immateriale mobili & materiali. Excedunt igitur in numero intellectuales substantia separate, omnium rerum materialium multitudinem.

- 35 Circa quem discursus (quo etiam utitur hic art. 3.) duo esse observanda monet Ferrariensis in expositione illius capituli, ubi ait: *Circa excessum nobiliorum supra ignobiliora, intelligendum est primum, quod S. Thomas facit comparationem inter ea que per se pertinent ad perfectionem universi, ut dicitur de veritate quest. 5. art. 3. Hac autem sunt que habent perpetuitatem, ut substantia intellectuales, corpora celestia, & species rerum corruptibilium, non autem talium specierum individua: ideo propositio S. Thome in istis est intelligenda: quantum enim aliquod istorum que perpetuitatem habent est nobilissimum, tanto excedit quantitate vel numero ignobiliora.* Intelligendum secundum, quod nobilitas istorum dupliciter potest considerari: uno modo secundum gradus specificos tantum, ut scilicet illud dicatur nobilissimum, quod nobiliori differentia specifica constituitur: alio modo secundum gradum ordinis rerum in universo, qui attenditur secundum diversos modos essendi; ut scilicet dicatur perfectius in rebus, quod ad superiorem & perfectiorem ordinem in universo pertinet. Cum ergo dicitur nobilitate in rebus oportere excedere numero vel quantitate ignobiliora, intelligendum est non de nobilioribus secundum gradum specificum tantum, sed de nobilioribus secundum ordinem & modum essendi, scilicet de iis que ad superiorem modum essendi pertinent. Unde tollitur instantia qua fieri posset de auro, argento, lapidibus pretiosis, balsamo, & huiusmodi; que quidem sunt multo alii corporibus nobiliora, & tamen neque magnitudine, neque multitudine alia excedunt: constat enim quod de istis non intelligitur propositio S. Thome, quia non sunt superioris ordinis in universo, quam alia corruptibilia, cum & ipsa de ordine corruptibilium sint, licet sint nobiliora secundum gradum specificum.

- 36 Dices, Multitudo animalium, aut etiam plantarum, incomparabiliter superat multitudinem omnium hominum; & tamen homines sunt incomparabiliter perfectiores animalibus & plantis, non solum quoad gradum specificum, sed etiam quantum ad modum essendi; cum illi secundum animam immortales sint & incorruptibiles: Ergo non est verum, quod Deus ea que sunt perfectiora, quantum ad gradum, seu que superiorem & perfectiorem ordinem in universo obtinent, in maiori multitudine creaverit, quam minus perfecta, seu ad inferiorum gradum pertinentia.

- 37 Huic instantie patet responsio ex jam dictis: Nam distinguendum est Antecedens, & concedendum de multitudine numerica animalium & plantarum; negandum vero de multitudine specifica: animarum enim rationales, que sunt, vel erunt, in multitudine excedunt species omnium animalium & plantarum, licet eorum individua non superent: ratio autem D. Thomae (ut ex

A Ferrariensis annotavimus) procedit de *excessu multitudinis substantiarum inter se* qualium supra species, non vero supra individua rerum materialium & corruptibilium, ut aperte declarat S. Doctor in eodem capite ratione 4. his verbis: *Non videntur igitur esse minoris multitudinis forma que sunt extra materiam, quae dicuntur substantias separate, quam sint species materialium rerum.*

Aliam egregiam huius multiplicationis seu excessus ibidem proponit rationem, peritam ex eo quod genus intelligibile suapte natura videatur magis multiplicabile, quam corporeum: siquidem numeri, dimensiones, figuræ, proportionales, corporum raritas, motuum velocitas, in ipsis corporibus semper terminata sunt; in mente autem nullos certos fines habent, sed in immensum protenduntur.

Præterea demonstrari potest conclusio ex doctrina quam tradit infra quest. 113. art. 2. ubi docet cuilibet rerum materialium generi, & cuilibet ipsarum speciei, imò & cuilibet individuo naturæ humanæ, ratione perpetuitatis quæ gaudet, proprium & determinatum Angelum in custodiam assignari: ex hoc enim evidenter sequitur, Angelos multitudinem specierum rerum materialium & corruptibilium incomparabiliter excedere.

C Dico secundò, probabile videri, Angelos esse multò plures quam homines.

Probatèr: quia iuxta communem sententiam Patrum & Theologorum, ex una tantum Hierarchia designantur custodes hominum, & quilibet hominum, suum proprium habet custodem; qui alterius hominis custos nec erit, nec fuit: Ergo hæc sola Hierarchia ad minus æquat numerum hominum: Ergo hi excedunt numero ab Angelis, ratione aliarum Hierarchiarum; exceptis etiam demonibus, quos in numerum Angelorum computamus in presenti.

Confirmatur ex revelatione S. Birgittæ, cui à B. Virgine dicitur significatum, pro quolibet homine pluraquam decem Angelos reperiri: ut refert Dionysius Carthusianus in cap. 14. Dionysii Areopagitæ, de celesti Hierarchia.

## ARTICULUS III.

*An sint, vel esse possint plures Angeli in eadem specie?*

### §. I.

*Præmittitur quod apud omnes est certum, & refertur sententia.*

E Suppono tanquam certum, contra quosdam antiquos Theologos, in natura Angeli posse reperiri, & de facto dari diversitatem specificam; & per consequens omnes Angelos solo numero non esse diversos.

Prima pars huius suppositionis videtur omnino certa: Deus enim est infinitus in ratione substantiæ spiritualis, quemadmodum in omni alia perfectione: Ergo in tali ratione est infinita varietate participabilis, & imitabilis; & per consequens ab unica specie creata intellectualis substantiæ exhaustiri seu adæquate participari nequit.

Confir-



41 Confirmatur: Incredibile est in gradu vegetandi tot reperiri arbores & plantas, inter se specie diversas, totque genera animalium in gradu sentiendi; & in gradu omnium supremo ac nobilissimo, nempe intellectuali, nullam dari posse diversitatem specierum. Ex quo probata manet secunda pars: si enim diversitas specifica Angelorum possibilis sit; cum illa ad universi pulchritudinem multum conducatur, credibile non est, Deum qui tantā varietate specierum materialium mundum corporeum exornavit, unicam tantum Angelorum speciem in mundo spiritali & intellectuali voluisse producere.

Addo quod Angelus receperit gratiam, juxta capacitatem naturalium: Ergo cum tanta sit in illis diversitas in gratia, & in officiis, negari non potest, aliquos saltem esse specie seu naturā diversos. Unde solum dubitari potest, an tanta sit inter Angelos naturarū diversitas, ut nulli dentur, imò nec dari possint, solo numero intra eandem speciem differentes.

42 In cuius dubii resolutione duplex est celebris sententia. Prima asserit inter Angelos creatos reperiri multos ejusdem speciei. Ita Scotus, Suarez, Vazquez, & alii Recentiores communiter. Secunda, quæ est D. Thomæ, Discipulorum ejus, Ægidii Romani, Granadi, & aliorum, docet omnes Angelos ita differre specie, ut reputari illos solo numero intra eandem speciem multiplicari.

## §. II.

## Statuitur prima conclusio.

Dico ergo primò, omnes Angelos de facto distinguui inter se specie.

43 Probatum primò ex Dionysio, qui 5. cap. de celesti Hierarchia ait: *Enuntiant sanctorum voluminum traditiones, superiores substantias esse graduum inter se celsitudine differentes*. Atqui (subsumo) differentia gradualis ad minus significat diversitatem specierum; plura enim individua solo numero differentia, non differunt inter se diversis gradibus, seu graduum celsitudine: Ergo ex Dionysio omnes Angeli de facto inter se specie distinguuntur.

44 Id etiam suaderi potest variis rationibus, adductis à D. Thomæ 2. contra Gent. cap. 93. Prima est: Quæcumque sunt idem specie, differentia autem numero, habent materiam: differentia enim quæ ex forma procedit, inducit diversitatem speciei: quæ autem ex materia, inducit diversitatem secundum numerum. Substantia autem separata non habent omnino materiam, neque quæ sit pars earum, neque cui intantur ut forma: impossibile est igitur quod sint plures unus speciei. Hæc ratio magis urgebitur conclusionem sequenti, ubi ostendemus diversitatem numericam in substantiis non posse aliunde sumi, quam ex materia, vel ex ordine ad illam; & per consequens implicare contradictionem, quod substantiæ omnino à materia separata, & nullum ad eam ordinem dicentes, solo numero intra eandem speciem multiplicentur.

45 Secunda ratio D. Thomæ sic procedat: Ad hoc sunt plura individua in una specie in rebus corruptibilibus, ut natura speciei, quæ non potest perpetuò conservari in uno individuo, conservetur in pluribus; unde etiam in corporibus incorruptibilibus non est nisi unum individuum in una specie: substantia autem se-

parata natura potest conservari in uno individuo, ed quod sunt incorruptibiles, ut supra ostensum est: Non igitur oportet in illis substantiis esse plura individua ejusdem speciei.

Dices: Anima rationalis est incorruptibilis, & tamen multiplicatur numero intra eandem speciem, cum omnes animæ rationales sint ejusdem speciei atomæ: Ergo ex eo quod Angeli sint incorruptibiles, non rectè inferitur eos non multiplicari intra eandem speciem.

Sed contra: Licet anima rationalis sit in se incorruptibilis, hoc ipso tamen quod est forma corporis, subindeque quid in se incompletum, debet ad multiplicationem ipsius corporis numericè multiplicari. Angelus autem non est forma corporis, sed per se subsistens & completa: unde cum Deus nihil faciat frustra, & ad conservationem naturæ incorruptibilis non sit necessaria individuatorum pluralitas, rectè inferri S. Thomas non oportere in substantiis separatis esse plura individua ejusdem speciei.

Dices rursus: Multiplicitatem individuatorum intra eandem speciem, non solum requiri ad conservationem speciei, sed etiam ad perfectionem & pulchritudinem universi, quæ consistit non solum in specierum varietate, sed etiam in aliqua individuatorum ejusdem speciei similitudine.

46 Sed hanc responsionem ibidem impugnat S. Doctorum. 4. subdens: Id quod est speciei in unoquoque, dignum est eo quod est individuationis principium, præter rationem speciei existens. Multiplicatio igitur specierum plus addit nobilitatis & perfectionis universo, quam multiplicatio individuatorum in una specie: perfectio autem universi maximè consistit in substantiis separatis: magis igitur competit ad perfectionem universi, quod sint plures secundum speciem diverse, quam quod sint multe secundum numerum in eadem specie.

47 Confirmatur ex eodem Angelico Præceptore quæst. unicâ de spirit. creat. art. 8. ubi lic discutitur: Bonum universi est ordo partium illius, sicut ordo partium exercitiis est bonum exercitiis: unde Apostolus dicit ad Roman. 13. quæ à Deo sunt, ordinata sunt. Ordo autem perfectus invenitur in his quæ specie differunt, quàm inter illa quæ numero solum distinguuntur: eò quod in omnibus individuis unus speciei non est ordo nisi secundum accedens; conveniant enim in natura, & differunt secundum principia individuantia, & diversa accidentia, quæ per accedens se habent ad naturam speciei: quæ autem specie differunt, ordinem habent per se, & secundum essentialia principia; invenitur enim in speciebus rerum una abundare super aliam, sicut & in speciebus numerorum, ut dicitur in 8. metaph. Ergo tantum abest, quod perfectio universi requiratur pluralitatem numericam Angelorum intra eandem speciem, quin potius bono & pulchritudini universi illa repugnare videatur.

48 Confirmatur amplius: Universum in tres præcipuas partes dividitur, in infimam scilicet, quæ continet generabilia & corruptibilia; mediam, continentem sphaeras cœlestes; & supremam, quæ Angelos complectitur: Si ergo corpora cœlestia (quæ sunt media universi pars) careant ordine per accedens, & nulla in eis reperitur multitudo individuatorum intra eandem speciem; à fortiori universi perfectio & pulchritudo requirit, quod in suprema parte, nempe in natura Angelica, sit purus ordo per se, non admixtus ordini per accedens;

Rr 3

&amp; per



& per consequens sola diversitas specifica, nullaque individuorum pluralitas intra eandem speciem. Unde D. Thomas caput 93. citatur libri 2. contra Gentes sic concludit: *Substantia separata sunt perfectiores, quam corpora celestia; sed in corporibus celestibus, propter eorum perfectionem, non inveniuntur nisi unum individuum unius speciei; tum quia unumquodque eorum constat ex tota materia sue speciei; tum etiam quia in uno individuo est perfectio virtutis speciei, ad compleendum illud in universo, ad quod sua species ordinatur; sicut precipue patet in Sole & Luna: multo igitur magis in substantiis separatis non inveniuntur nisi unum individuum in una specie.*

50. Dices: Stellæ sunt corpora celestia: At illæ non differunt specie inter se, nec a cælo in quo exsistunt: Ergo falsum est id quod ait D. Thomas, quod scilicet, in corporibus celestibus, propter eorum perfectionem, non inveniuntur nisi unum individuum unius speciei.

Respondeo concessâ Majori, negando Minorem: cum enim, juxta probabiliorē sententiam, stellæ non sint continuæ, sed tantum contiguæ cum cælo, specie inter se, & a cælo in quo sunt, distinguuntur: sicut omnes cæli distinguuntur specie ab invicē, ut docet D. Thomas loco citato, & in questione de spirit. creat. art. 2. Adde in alia etiam opinione, quæ docet stellæ esse non solum contiguas cum cælo in quo sunt, sed etiam continuas, & partes crassiores illius, dictum D. Thomæ verificari: nam juxta hanc sententiam stellæ non constituunt individuum, totaliter & adæquate a cælo distinctam, sed sunt idem individuum cum cælo in quo exsistunt; sicut diversæ partes corporis humani, unicum cum illo individuum totale constituunt.

### §. III.

#### *Solvuntur objectiones.*

61. Contra istam conclusionem obijciunt in primis Adversarii quædam SS. Patrum testimonia, quibus videtur docere Angelos esse ejusdem naturæ & speciei. Athanasius enim qu. 2. ad Antiochum docet, quod eadem esset essentia Angelorum, sicut una est essentia hominum. Et Anselmus lib. 2. *Cor Deus homo* cap. 2. 1. Omnes Angeli (inquit) sunt unius naturæ. Idem docet Basilus lib. 3. contra Eunomium.

62. Sed facile respondetur, illos SS. Patres, nomine essentia, naturæ, vel speciei, intelligere speciem subalternam, & essentiam genericè communem, nempe gradum intellectualitatis completæ, in quo omnes Angeli univoce conveniunt. Vel etiam dici potest cum S. Thomas questione citatâ de spirit. creat. art. 8. ad 1. eos loqui de Angelis, non secundum quod considerantur in esse naturali, sed prout ordinantur ad beatitudinem: nam sic omnes Angeli sunt ejusdem rationis: quia omnes nati sunt uno modo pervenire ad beatitudinem, vel ab ea deficere, scilicet immobiliter & irreparabiliter, statimque post primam electionem. Adde hæc testimonia militare contra Adversariorum sententiam, & ab illis exponi debere: licet enim illi negent omnes Angelos esse specie diversos, existimant tamen in natura Angelica dari aliquam diversitatem specificam: cum tamen SS. Patres relati dicant omnes Angelos esse unius essentia & naturæ.

Obijcies secundò: omnes animæ rationales sunt ejusdem speciei: Ergo & omnes Angeli. Consequentia videtur bona ex paritate rationis: sicut enim animæ rationales in gradu ratio-

nalitatis, ita & omnes Angeli in gradu puræ intellectualitatis conveniunt.

Sed nego consequentiam & paritatem: duplex enim reperitur ratio discriminis. Prima est, quia inter latitudinem animæ rationalis non potest esse magis & minus, eò quod omnes intelligent per eandem speciem, nempe per species à sensibus acceptas, & à phantasmatibus abstractas: At verò intra gradum naturæ puræ intellectualis, sunt diversi modi intelligendi per species magis aut minus universales, ut infra patebit. Secunda differentia est, quia anima rationalis individuatur per ordinem ad materiam; quod non potest convenire Angelo, cum sit substantia intellectualis completa, nullum dicens ordinem ad materiam.

Obijciens tertio: Sicut inferiora elementa sunt ornata plantis & animalibus, & cælum sydereum stellis, ita etiam cælum Empyreum ornatum est Angelis: Sed in plantis & animalibus inveniuntur multa ejusdem speciei, similiter etiam videtur quod omnes stellæ sint unius speciei, quia communicant in una forma nobilissima, quæ est lux: Ergo videtur pari ratione, quod vel omnes Angeli, vel aliqui conveniant in una specie.

Respondeo cum D. Thoma loco citato de spirit. creat. in resp. ad 12. quod ornamenta terræ & aquæ, quia corruptibilia sunt, & ad infimam universi partem pertinent, in qua reperitur ordo per acciden. admixtus ordini per se, id eò requirunt multitudinem individuorum in eadem specie: secus verò ornamenta cæli Empyrej, aut syderej; quia illa incorruptibilia sunt, & ad mediam & supremam universi partem, quæ (ut supra ostendimus) caret ordine per acciden. pertinent. Unde falsum est, quod omnes stellæ sint ejusdem speciei, imò omnes specie inter se differunt, sicut Luna & Sol. Nec obstat quod illæ in eadem lucis forma communicent: lux enim, ut ibidem ait S. Doctor, non est forma substantialis earum, cum sit qualitas per se sensibilis; quod de nulla forma substantiali dici potest. Addit etiam non esse lucem ejusdem rationis in omnibus stellis, aut corporibus celestibus: Quod patet (inquit) ex eo quod diversorum corporum superiorum radij diversos habent effectus.

Obijcies quartò: Inter Angelos est perfecta amicitia & societas: Sed ad perfectionem amicitia & dilectionis, requiritur similitudo in natura, juxta illud Eccles. 1. 3. *Omne animal diligit sibi simile*: item perfecta societas & consortium non potest reperiri nisi inter supposita ejusdem naturæ; unde D. Thomas supra quæst. 31. art. 3. ad 1. sic ait: *Licet Angeli & anime sanctæ semper sint cum Deo, tamen si non esset pluralitas personarum in Divinis, sequeretur quod Deus esset solus vel solitarius; non enim tollitur solitudo per affectionem alicujus modo extraneæ naturæ: dicitur enim aliquis solus esse in horto, quamvis ibi ibi multe plantæ & animalia*: Ergo inter Angelos reperitur similitudo in natura seu specie, & per consequens omnes non sunt diversæ speciei.

Respondeo ad perfectam amicitiam & societatem non requiri similitudinem in specie atomica, sed sufficere convenientiam in specie subalternâ, seu in gradu intellectualitatis, & in modo operandi. Nam charitas quæ Deum diligimus, est vera amicitia cum Deo, & perfecta cum illo societas, juxta illud 1. Joan. 1. *Societas nostra sit cum Patre, & Filio ejus Jesu Christo*: & tamen

& tamen Deus & creatura intellectuales distinguuntur plusquam specie; & ne quidem in genere conveniunt. Licet ergo omnes Angeli sint specie inter se diversi, quia tamen in gradu intellectualitatis, & in eodem modo operandi in ordine ad convitium politicum conveniunt, omnesque ad eundem finem beatitudinis ordinantur perfecta amicitia, politione, ac societas inter illos reperitur; & similiter inter animas beatas & Angelos, quamvis in omnium sententia, animarum rationales ab Angelis specie differant. Addit D. Thomas loco citato de spir. creat. in solut. ad 5. *Quod cum affectio sequatur cognitionem, quanto cognitio est universalior, tanto affectio eam sequens magis respicit commune bonum, & quanto cognitio est magis particularis, tanto affectio ipsam sequens, magis respicit privatum bonum; unde & in nobis privata dilectio, ex cognitione sensitiva oritur; dilectio vero communis & absoluti boni, ex cognitione intellectiva. Quia ergo Angeli quando sunt altiores, tanto habent scientiam magis universalem, ut Dionysius dicit 12. cap. Angelice Hierarchy, ideo eorum dilectio maxime respicit commune bonum. Magis ergo diligunt se invicem, si specie differant, quod magis pertinet ad perfectionem universi, ut ostensum est, quam si in specie convenirent, quod pertineret ad bonum privatum unius speciei.*

Obijcies ultimum: Si in qualibet specie non essent plures Angeli, sequeretur quod plures Angelorum species totaliter damnarentur, quod divinæ pietati repugnare videretur. Sed facile respondetur, quod hoc non est inconveniens, quod tota aliqua species integrè beatificetur in quolibet Angelo beatitudinem obtinente: ita non debet reputari inconveniens, quod tota aliqua species damnetur; recompeniatur enim integra damnatio aliquarum specierum, integrè aliarum beatificatione.

### §. IV.

*Secunda conclusio stabilitur.*

Dico secundò, etiam de potentia Dei absoluta, non posse Angelos intra eandem speciem multiplicari.

Hæc conclusio est expressa sententia D. Thomæ hic art. 4. ubi dicitur: *Quidam dixerunt quod omnes Angeli sunt unius speciei. Sed hoc est impossibile: ea enim quæ conveniunt specie & differunt numero, conveniunt in forma, sed distinguuntur materialiter: si ergo Angeli non sunt compositi ex materia & forma, ut dictum est supra, sequitur quod impossibile sit esse duos Angelos unius speciei: sicut etiam impossibile esset quod essent plures albedines separata, aut plures humanitates, cum albedines non sint plures, nisi secundum quod sunt in pluribus substantiis. Et infra quest. 75. art. 7. improbens sententiam Origenis, docentis Angelos, & animas humanas, esse unius speciei, dicit formaliter: *Non potest intelligi quod aliqua forma separata sit nisi una unius speciei: quod autem intelligi nequit, repugnat, & non potest de absoluta Dei potentia fieri. Item in questione de spir. creat. art. 8. ait: Si Angelus est forma simplex, abstracta à materia, impossibile est etiam fingere quod sint plures Angeli unius speciei.* Quibus verbis hanc fundamentalem nostræ conclusionis insinuat rationem: Repugnat quod forma simplex, & à materia tam actu quam aptitudine separata, seu quæ nullum dicit ordinem ad materiam, solo numero multiplicetur: Sed talis est natura Angelica: Ergo repugnat illam intra eandem speciem solo numero multiplicari. Minor patet ex dictis art. 1. major verò, quam*

A negant Adversarii, multipliciter ostenditur. Primo ex Aristotele 12. Metaph. cap. 8. text. 4. dicens: *Quæcumque numero sunt multa, eam materiam habent.*

Neque valet solutio Scoti, dicentis Philosophum nomine materiæ non intelligere materiam primam, sed hæcceitatem, seu differentiam individualementem; quæ quia se habet materialiter respectu essentia, materia totius appellari potest, ad distinctionem materiæ primæ, quæ materia partis dicitur, eo quod una cum forma totum componat. Non valet, inquam, hæc responsio: cum quia Aristoteles ibi docet primum motorem esse incorporeum & spirituale, & catere materiæ; ac lucinde ibi loquitur de materiæ, ex cuius carentia Deus redditur spiritualis & incorporeus, quæque non est hæcceitas, seu differentia individualis, sed materia prima, ut patet tum etiam, quia ibi Philosophus probat primum motorem esse unicum numero, & non plures, ex eo quod caret materiæ: si autem nomine materiæ hæcceitatem, seu differentiam individualementem intelligeret, nihil probaret: quia dici posset plures primos motores habere plures hæcceitates, seu differentias individuales, quamvis materiæ careant; imò ejus discursus esset omnino nugatorius, meraque petitio principij: sensus enim esset, ideo primum motorem esse unum, & non plures, quia non habet plures hæcceitates, seu differentias individuales: Sed hoc ipsum est probandum, quia de hoc est difficultas, quare scilicet non sint in Deo plures differentia individuales: Ergo peteret principium, & non probaret intentum. Ergo Philosophus ibi loquitur de materiæ prima, non verò de hæcceitate, seu differentia individuali.

Secundò probatur Major exemplo quo utitur Divus Thomas hic articulo 4. scilicet albedinis, quæ si esset ab omni subiecto, tam actu, quam aptitudine, separata, repugnaret illi in plura individua dividi: Cum albedines (inquit) non sint plures, nisi secundum quod sunt in pluribus substantiis.

Tertiò eadem Major ratione suadetur. Illi formæ repugnat dividi in plura individua, cui repugnat diversimodè participari: Atqui formæ irreceptibilis materia & subiecto, repugnat diversimodè participari: Ergo & in plura individua dividi. Major est certa: cum enim omnia individua unius speciei atomæ conveniant in perfectione intrinseca & essentiali suæ speciei, solumque differant in diversis modis substantialibus habendi eā, illi formæ repugnat habere plura individua, cui repugnat diversimodè haberi, sive participari à pluribus individuis. Minor verò probatur. Illi formæ repugnat diversimodè participari, cui repugnat limitato sive inadæquato modo communicari: Sed formæ irreceptibilis in materia & subiecto, repugnat limitato modo communicari: Ergo diversimodè participari. Major est certa: ut enim aliqua forma diversimodè participetur, necesse est quod modi, quibus participabilis est, sint finiti & limitati; alioquin non essent distincti & inæquales, subindeque falsum esset quod forma diversimodè & inæqualiter participaretur. Minor verò probatur. Illi formæ repugnat inadæquato & limitato modo participari, cui repugnat illud omne à quo potest provenire quod limitato modo participetur: cum enim unumquodque limitetur per suum oppositum, puta actus seu forma specifica per potentiam,

entiam, five materiam, vel subiectum, ut alicui formæ non repugnet inadæquato & limitato modo participari, necesse est quod ipsi non repugnet illud undopotes provenire limitatio & inadæquatio participationis illius, scilicet materia aliqua five subiectum: At qui formæ irreceptibili in materia & subiecto, repugnat illud omne à quo potest provenire quoddammodo limitato & inadæquato participetur, ut ex ipsis terminis constat. Ergo illi repugnat inadæquato & limitato modo participari.

- 63 Confirmitur & magis illustratur hæc ratio. Substantiæ simplices, & à materia omnino separata, sunt infinitæ secundum quid, & intra propriam speciem: quia caret limitativo illius, scilicet materia, quæ habet limitare formam, sicut subiectum limitat accidentia, ut docet Sanctus Thomas hic articulo 2. ad 4. his verbis: *Substantia immateriales create sunt finite secundum suum esse; sed infinite secundum quod eorum forma non sunt recepta in alio: sicut si diceremus albedinem, separatam existentem, esse infinitam secundum rationem albedinis, quia non contrahitur ad aliquod subiectum: Sed quod intra aliquam speciem est infinitum, non potest intra illam multiplicari; sicut quod est infinitum simpliciter, non potest esse nisi unum, ut idem Sanctus Doctor declarat supra questione 1. r. articulo 3. ubi unitatem Dei ex eius infinitate demonstrat: Ergo forma simplex, & à materia omnino separata, solo numero multiplicari non potest.*

Confirmatur ampliùs: Ideo infinitum simpliciter non potest esse nisi unum, quia totam entis perfectionem continet, ut docet Divus Thomas ubi supra: Sed forma intra aliquam speciem infinita, totam illius perfectionem continet: Ergo intra illam multiplicari non potest.

- 64 Respondet Suarez lib. 1. de Angelis cap. 1. §. formam abstractam, & intra aliquam speciem infinitam, omnem ejus perfectionem essentialem continere, non tamen totam ejus perfectionem entitativam; quia illa abstractio & infinitas non impediunt quod talis forma sit individua: omnis autem natura creata individua, addit aliquid secundum rationem ipsi speciei, quod non est de essentia ejus. Sed hæc responsio impugnabitur infra: ostendemus enim singularitatem in formis seu substantiis separatis nihil superaddere speciei, easque per eandem omnino rationem constitui in esse specifico & individuali; & per consequens omnem speciei perfectionem, tam entitativam, quam essentialem continere.

- 65 Denique principalis Major ratione fundamentaliter probatur. Materia, vel ordo ad illam, est id à quo tanquam à prima radice unitas & distinctio numerica desumuntur: Ergo forma quæ caret omni materiâ, & ordine ad illam, non potest solo numero multiplicari. Consequentia patet. Antecedens probatur. Unitas enim & distinctio numerica nequeunt à forma ut à prima radice procedere, eo quod omnis unitas aut distinctio proveniens à forma, formalis sit, & consequenter specifica ac essentialis. Distinctio etiam numerica, seu individualis, non potest tum ab existentia; cum existentia naturam individuum supponat (natura enim communis non est immodiata & per se ipsam capax existentie) nec etiam à subsistentia; ob eandem rationem; unde humanitas Christi, ut individua, fuit præsupposita assumptioni; nec denique potest eadem distinctio

numerica, cum sit intrinseca & substantialis (sic enim duo individua non distinguuntur essentialiter, distinguuntur tamen intrinsece, & substantialiter) ab accidentibus provenire: Ergo solum potest à materiâ, vel ex ordine ad illam, ut à prima radice desumi.

Respondet Suarez ubi supra, res carentes materiâ distingui numericè, per proprias entitates. Sed hæc responsio frivola est: nam licet duo individua per proprias entitates numericè distinguantur, debet tamen in illis assignari principium aliquod radicale, unde distinctio illa numerica desumatur; quia quilibet gradus metaphysicus debet fundari in entitate physica, & ab illa ut tali tanquam à prima radice desumi: unde Philosophi docent in rebus corporeis genus sumi à materiâ, & differentiam à formâ; in spiritalibus verò illud sumi à tota essentia ut determinabili: istam verò ab eadè ut determinativâ, ut supra art. 1. §. ultimo ex Divo Thoma declaravimus. Cum ergo in forma simplici, & à materiâ tam aptitudine quam actu separata, nihil possit assignari, à quo ut à prima radice distinctio numerica proveniat, sequitur illam non posse intra eandem speciem solo numero multiplicari. Dixit autem, *tam aptitudine, quam actu*: quia ad distinctionem numericam alicujus formæ sufficit quod sit apta informare materiâ; unde accidentia Eucharistica, à subiecto separata, solo numero distinguuntur à pluribus aliis, quia dicunt habitudinem ad aliquod speciale subiectum à quo divinitus separata sunt. Similiter anima rationalis, etiam prius naturâ quam infundatur corpori, & post separationem à corpore, est una numero, & ab aliis numericè distincta, propter specialem habitudinem quam dicit ad hoc numero corpus potius quam ad aliud. Ex quo solute manet plures Adversarij instantia.

Ex hoc etiam patet, Deum, non solum de potentia ordinaria, fed neque etiam de extraordinaria & absoluta, posse plures Angelos ejusdem speciei, & solo numero distinctos, producere. Deficiente enim principio interno distinctionis & multiplicationis numericæ, repugnat fieri distinctionem & multiplicationem numericam. Sed natura Angelica, cum careat omni materiâ, & ordine ad illam, caret omni principio numericæ distinctionis; quia remoto omni ordine ad materiâ, solum restat in Angelis forma in ratione & officio formæ, hoc est in ratione specificandi & formalisandi; hoc enim est munus formæ, scilicet dare speciem rei: Ergo Deus, etiam de potentia extraordinaria, & absoluta, nequit plures Angelos solo numero diversos producere.

Dices, Non repugnat adungi Angelis ab extrinseco aliquod principium, quod non sit materia, per quod fiat distinctio & multiplicatio individualis.

Sed contra: Cum differentia individualis (ut supra dicebamus) sit intrinseca & substantialis, repugnat illam provenire ab aliquo quod sit accidentale Angelo, & ab ipso separabile: Sed quidquid à Deo communicatur præternaturaliter Angelo, est accidentale, & separabile ab ipso: Ergo non potest substantia Angeli distingui aut multiplicari numericè, per aliquid illi præternaturaliter à Deo communicatum; sicut repugnat genus connaturaliter dividi, nisi per differentias connaturales & ejusdem ordinis.

Addo quod, proprium est causæ intrinsecæ, causare per propriam entitatem, & non per aliquid



quid superadditum : unde communiter dicitur, quòd in causis intrinsecis non datur distinctio potentie ordinariæ & extraordinariæ : Sed principium individuationis habet rationem causæ intrinsecæ, non verò extrinsecæ : Ergo solum per propriam entitatem , & non per ali- quid illi adjunctum, unitatem aut distinctionem individualement causare potest.

## §. V.

*Præcipue objectiones solvuntur.*

**69** **C**ontra hanc conclusionem in primis objicit Suarez loco citato testimonium Divi Thomæ, desumptum ex opusculo 16. §. restat autem, ubi in fine solutionis primæ objectionis Averrois ait: *Valde ruditer argumentantur ad ostendendum, quod Deus facere non possit quod sint multi intellectus ejusdem speciei, credentes hoc implicare contradictionem.* Unde addit Suarez, opinio Divi Thomæ videtur fuisse, quòd possunt esse plures Angeli, eo numero distincti, de potentia Dei absoluta, non autem de potentia ordinaria: nam ita (inquit) vilis est explicare mentem suam in dicto opusculo 16. Quare ibidem num. 5. hæc verba, quasi essent sancti Doctoris, italico caractere conscripta, refert: *Licet substantia separata non habeat in sua natura causam distinctionis, nec naturalem causam multiplicationis, possunt tamen sortiri multiplicationem ex supernaturali causa, nec esset implicatio contradictionis:* hæc Suarez. Ubi sinceritatem & fidelitatem, nedum in sententia, sed etiam in verbis D. Thomæ referendū, maxime desiderio. In primis enim falsum est, quòd ibi D. Thomas sentire videatur, posse dari plures Angelos solo numero distinctos, de potentia Dei absoluta, non autem de potentia ordinaria: ibi enim non agit de Angelis, sed de intellectibus humanis, inter quos & Angelos magnum versatur discrimen, ut patet ex supra dictis. Falsum est etiam, quòd D. Thomas ibidem scripserit illa verba, quæ ex ipso refert Suarez: *Licet substantia separata non habeat in sua natura &c.* sed solum ista: *Sic ergo intellectus, si naturaliter esset unus omnium, quia non haberet naturalem causam multiplicationis, posset tamen sortiri multiplicatam ex supernaturali causa, nec esset implicatio contradictionis.* Quod non tantum dicimus propter propositum, sed magis ne hæc argumentandi forma ad alia extendatur: sic enim possent concludere, quod Deus non potest facere quòd mortui resurgant, & quòd cæci ad visum reparentur. Unde Suarez loco INTELLECTUS, posuit SUBSTANTIAS SEPARATAS; & quod D. Thomas dixit de intellectu humano, voluit ille dici de Angelis.

**70** **U**t ergo S. Doctoris mens clarè percipiatur, sciendum est, illum ibi disputare contra Averroistas, qui ponebant intellectum humanum esse separatum & unum, & nullo modo multiplicari posse, quia in se materialis forma non est: formam autem immaterialem dicebantur non posse multiplicari, etiam per ordinem ad materiam, sed hoc implicare contradictionem, quia habere materiam dicebantur requiri ad multiplicationem materialem. Ad quod D. Thomas dicit, quòd substantiæ separatae sunt individua & singulares, non autem individuari ex materia, sed ex hoc ipso quòd non sunt natae esse in aliis, & per consequens non participari à multis. Ex quo, inquit, sequitur, quòd si aliqua forma nata est

**A** participari ab aliquo, ita quòd sit actus alicujus materie, illa potest individuari & multiplicari per compositionem ad materiam. Ostensum est autem, quòd intellectus est virtus animæ, quæ est actus corporis: in multis igitur corporibus sunt multi animæ. Hæc D. Thomas. Ex quo patet intentum illius in prædicto loco esse, quòd non repugnet intellectualem naturam, ex eo quòd intellectualis est, multiplicari, dummodo dicat ordinem ad materiam. De Angelis autem nihil ibi tractat: quia repugnancia multiplicationis eorum non oritur ex natura intellectuali, ex eo quòd immaterialis & incorporea est, sed ex eo quòd omnino separata & irreceptibilis sit, ita quòd nec materiam includat, nec ordinem dicat ad illam, ut antea declaratum est. Quando verò S. Doctor ait: *Si intellectus naturaliter esset unus omnium, quia non haberet naturalem causam multiplicationis, posset tamen sortiri multiplicationem ex supernaturali causa, nec esset implicatio contradictionis, &c.* solum intendit reprobare illam consequentiam & formam argumentandi: *Aliquid ex natura sua repugnat alicui: Ergo etiam supernaturaliter id repugnat.* Quam consequentiam merito eadem argumentationem appellat, eò quòd plura sint quæ naturaliter repugnant rebus, & tamen ex supernaturali & divina virtute illis convenire possunt, ut lapidi sursum ferri, cæco videre, mortuis resurgere &c. ut ipse ibidem apertè declarat.

Obijciunt secundo aliqui, tres istos articulos: **71**  
*Quia intelligentia non habent materiam, Deus non potest facere plures ejusdem speciei. Idus non potest multiplicare individua sub una specie, sine materia. Forma non recipiunt divisionem, nisi secundum materiam: olim fuisse proscriptos, & damnatos ut erroneos ab Academia Parisiensi.*

Verum hæc censure imprudenter in doctrinam Divi Thomæ lata, anno 1325. à Stephano Episcopo Parisiensi, qui erat caput Universitatis, revocata est, & D. Thomæ doctrina approbata, & multis encomiis celebrata, ut videri potest apud Bergomensem, in tabula aurea. Idem fecere plures summi Pontifices, quos initio primi Tomi retulimus. Addo quod liber prædictam Academiæ Parisiensis censuram continens, proscriptus est, & librorum prohibitorum catalogo inscriptus.

**72** **O**bjicitur tertio: Si Angeli non possent solo numero multiplicari, maxime quia individuatō sumitur à materia, vel ab ordine ad illam, tanquam à prima radice: Sed hoc fundamentum nimis probat: Ergo &c. Major patet ex supra dictis, Minor probatur. Nam ex hoc principio sequitur non dari individuationem in natura Angelica, & Angelos habere unitatem specificam tantum sine numerica; eo modo quo Plato ponebat rerum ideas separatas: Sed hoc videtur ridiculum: Ergo absurdum videtur dicere, individuationem sumi à materia, vel ab ordine ad illam.

**73** **R**espondeo concessâ Majori, negando Minorem. Ad cupus probationem nego sequelam Majoris: nam ut inquit D. Thomas quæst. unica de spirit. creaturis art. 2. ad 4. *Sicut forma quæ est in subiecto, vel materia, individuatur per hoc quod est esse in hoc; ita forma separata individuatur per hoc quod non est nata in aliquo esse: sicut enim esse in hoc excludit communiter atern universalis quod prædicatur de multis, ita non posse esse in aliquo.* Idem docet supra quæst. 3. art. 2. ad 3. ubi sic ait: *Forma quæ sunt receptibiles in materia, individuantur per materiam.... sed illa forma quæ non est receptibilis in materia, sed*



alicui speciei infimæ repugnaret communicari pluribus, hæc repugnantia proveniret vel ex perfectione, vel ex imperfectione talis speciei? Non ex perfectione, quia (inquit Rada post Scotum) communicabilitas convenit naturæ sive quidditati divinæ, quæ tamen est summæ perfectæ: non etiam ex imperfectione, quia pluribus communicari convenit speciebus infimis substantiæ corporeæ, quæ tamen sunt imperfectiores speciebus infimis naturæ Angelicæ: Ergo nulli speciei infimæ repugnat pluribus communicari.

Pro solutione hujus objectionis, nota cum Cajetano opus. de ente & essentia cap. 5. quæst. 9. triplicem esse speciei infimæ sive quidditatis communicabilitatem. Prima est quæ fit cum limitatione ipsius ad certum gradum suæ perfectionis, & dicitur communicabilitas naturæ universalis respectu suorum inferiorum. Secunda est quæ fit absque limitatione naturæ ad certum gradum suæ perfectionis; quo pacto natura sive quidditas divina dicitur communicabilis tribus personis. Tertia denique est illa quæ fit per assumptionem alicuius naturæ ad hypostaticam unionem; & ita natura humana dicitur communicabilis tribus personis divinis, inquantum videlicet quilibet ex illis potest illam assumere ad unionem hypostaticam. His positis, in forma ad argumentum respondetur, negando Antecedens, de quacunque ex illis tribus communicabilitatibus intellectum: si enim intelligatur de prima communicabilitate, falsum est, ut constat exemplo naturæ divinæ: si de secunda, falsum est etiam, quia nulla essentia, sive quidditas, vel species infima creata, est communicabilis hoc modo: si denique antecedens intelligatur à Scoto & Rada de tertia communicabilitate, falsum est etiam, ut patet exemplo naturæ divinæ, quæ non potest assumi à pluribus suppositis ad unionem hypostaticam. Ad probationem in contrarium, dico primam communicabilitatem repugnare cuilibet speciei infimæ Angelorum, propter ipsius perfectionem; secundam verò, propter ipsius imperfectionem, negativè tamen sumptam pro carentia scilicet actus puri, qui est summa perfectio. Quoad tertiam communicabilitatem, fateor illi convenire propter limitationem, inquantum videlicet esse distinguitur ab ejus essentia; sed inde nihil contra nos: quod enim natura Angelica possit assumi à qualibet ex personis divinis ad unionem hypostaticam, subindeque hoc modo fit illis communicabilis, non concludit possibilitatem plurium Angelorum, solo numero inter se sub illa differentia.

Obijciunt quidam: Potest Deus, annihilato uno Angelo, ejus speciem reproducere in aliquo individuo: Sed non in eodem qui erat antea; quia idem numero Angelus annihilatus non potest reproduci, in sententia Thomistarum, assertentium quod si eadem numero anima non remaneret incorrupta, sed simul cum ipso corpore omnino destrueretur, non posset idem numero homo resurgere, ut expressè docet S. Thomas in 4. dist. 44. quæst. 1. art. 1. quæstionum. 2. ad 3. Ergo in diverso individuo ab eo quod fuerat prius; subindeque possibilia sunt plura individua sub eadem specie ultima naturæ Angelicæ, saltem de potentia Dei absoluta.

Respondeo concedendo quod Deus, annihilato uno Angelo, possit ejus speciem reproducere.

in aliquo individuo, negando tamen quod illud individuum non foret illud idem quod fuisset annihilatum, sed diversum. Ad probationem in contrarium dico, quod licet non possit idem numero homo, annihilatâ animâ rationali ipsius, resurgere, bene tamen iterum creari, sive reproduci. Ratio disparitatis est, quia resurrectionis, non verò reproductio, sive iterata creatio hominis, existentiam partis ipsius, scilicet animæ rationalis requirit.

Denique obijciunt Adversarii plures instantias, ad destruendum præcipuum fundamentum nostræ sententiæ, & ad probandum, divisionem numericam non sumi à materia, ut à prima radice: nam duæ animæ rationales, inquit, distinguuntur numero, & tamen non constant materiâ. Item duo lumina gloriæ, duæ visiones beatificæ, duo actus intellectus ad voluntatis Angelicæ, circa idem objectum simili modo tendentes; duo habitus supernaturales fidei, spei, aut charitatis, numericè differunt, & tamen carent materiâ.

Sed faciliè respondetur, quod licet illa non constant materiâ, eam tamen connotant & respiciunt: nam animæ rationales dicunt ordinem ad diversa corpora quæ informant; accidentia verò spiritualia, ad subiectum cui inhzrent, quod licet immateriale sit, gerit tamen vices materiæ, quatenus illa recipit & sustentat.

Dices cum Martinono: Si ad distinctionem purè numericam sufficit esse materiam improprie sumptam, id est subiectum spirituale, vel illam respicere: Angelis non deerit principium distinctionis purè numericæ, quia Angelus est materia hoc sensu, inquantum est subiectum spirituale suorum actuum, & aliorum accidentium: Ergo possibiles erunt plures Angeli solo numero diversi.

Verum hæc instantia & ratiocinatio frivola est: Nam quando Thomistæ docent ad distinctionem numericam sufficere subiectum, loquuntur de distinctione numerica accidentium, non verò substantiarum; quas volunt individuari à materia, signata quantitate, vel ex ordine ad illam, ut antea declaravimus. Unde faciliè respondetur, distinguendo Antecedens: si ad distinctionem purè numericam sufficiat materia improprie sumpta, id est subiectum, Angelis non deerit principium distinctionis purè numericæ, respectu accidentium spiritualium quæ in eorum substantia recipiuntur, concedo Antecedens: respectu plurium individuorum sub eadem specie infima naturæ Angelicæ contentorum, nego Antecedens, & Consequentiam.

## ARTICULUS IV.

*Verum Angeli sint ex natura sua incorruptibiles?*

Certum est Angelos non esse corruptibiles, & quæ sit per dissolutionem compositi, & separationem formæ à materia: illi enim (ut art. 1. ostendimus) sunt omnino immateriales. & incorporei. Unde Tertullianus in libro de anima, immortalitatem animæ rationalis, hoc discursu demonstrat: *si structilis, & dissolubilis: si dissolubilis, jam non immortalis: nam & dividi, dissolvi est: & dissolvi, mori est.* Simili discursu utitur Maximus Martyr in Opusculo quodam quod sic dicitur: *Magister*

tur: Consequens enim, ait, arbitror esse immortale. A  
aliquid ex eo quod est simplex. Quinam porro id sequatur, accipe. Nulla res omnino seipsam potest corrumpere, alioquin ne omnino quidem constituta fuisset. Quae enim corrumpitur, ex contrariis corrumpitur: ideo omne quod corrumpitur, dissolubile est: quod autem dissolubile est, plures habet partes: quod verò ex partibus componitur, nimirum diversis iis constat. Iam quod diversum est, non est idem. Quamobrem anima cum sit simplex, neque ex differentibus constans partibus, non est composita, neque dissolubilis, ideoque corruptionis erit expers, & immortalis.

Certum est etiam, illos posse à Creatore suo privati suo esse: igitur enim Deus liberè eos creavit, ita & liberè eos conservat, & sic potest absolute non conservare. Unde solum dubitari potest, an in Angelis sit potentia intrinseca ad non esse, seu ad desitionem, ratione cuius possint dici ab intrinseco corruptibiles (corruptione largè usurpatà, prout significat quaecumque desitionem rei quae transit de esse ad non esse) vel an careant tali potentia, & solum sint corruptibiles ab extrinseco, & per ordinem ad potentiam Dei absolutam, quae illos annihilare potest?

86 Vazquez hic disp. 182. cap. 2. secutus Scotum, Alensem, Gabrielem, & Aureolum, contendit Angelos non esse immortales & incorruptibiles per naturam, sed solum per gratiam; eosque esse annihilabiles, non solum per potentiam Dei extrinsecam, sed etiam ex intrinseca sua natura, ac subinde per aliquam potentiam ad non esse in illis existentem. Opposita tamen sententia communis est apud Theologos, eamque expressè docet S. Thomas hic art. 5. ejusque Discipuli, quibus subscribunt Suarez, Molina, Lessius, & alii.

## §. I.

Conclusio affirmativa statuitur.

87 Dico igitur, Angelos ex sua natura esse immortales & incorruptibiles.

Probatur primò ex Concilio Lateranensi, ubi approbatur definitio Leonis X. qui animam naturà suà immortalem esse docuit; quod à fortiori de Angelis intelligendum est, ut Vazquez admittit.

88 Respondent Adversarii, Pontificem solum velle, quòd anima sit immortalis in ordine ad agentia creata, à quibus non potest destrui; non tamen per ordinem ad Deum, à quo ut primà causà ordinis naturalis, & per consequens de potentia ejus ordinaria, destrui valet.

Sed contra: Uraliquis dicatur simpliciter immortalis, non sufficit quòd ab aliquibus non possit occidi; sed quia terminus ille, *immortalis*, negativus est, requirit ut à nemine simpliciter occidi valeat, eo modo quo simpliciter dicitur immortalis; si enim ab uno solo occidi possit, jam est absolute mortalis; sicut gratia, licet à solo peccato expelli possit, absolute tamen dicitur corruptibilis: Ergo cum Deus intret numerum naturalem agentium, imò ipse sit præcipuus inter illa agentia; ut aliquid dicatur simpliciter non posse destrui naturaliter, non sufficit quòd non possit destrui ab aliis agentibus, si ab uno agente, & verò à præcipuo, scilicet Deo, destrui possit.

Quod evidenter confirmo à contrario, in productione (ex qua bonum argumentum ad destructionem fieri ipse Vazquez fateatur) & sic infuso: Etiam si anima à nulla creatura valeat pro-

duci, non tamen id sufficit ut dicatur naturaliter improducibilis, quia posse à Deo produci, sufficit ut absolute & simpliciter dicatur naturaliter producibilis: Ergo quòd illa à creatura destrui non possit, non sufficit ut absolute & simpliciter dicatur immortalis, si à Deo naturaliter destrui potest. Unde cum Pontifex animam rationalem simpliciter immortalem esse asserat, non solum immortalitatem respectu creaturarum, sed etiam respectu Dei, ut primi agens naturalis, illi attribuit.

Probatur secundo conclusio ex SS. Patribus, qui naturam Angelicam definientes, dicunt Angelum esse substantiam incorpoream, intellectualem, & immortalem. Ita Athanasius in libro de communione divinitatis, & Augustinus de cognitione veræ vitæ cap. 6. definitio autem debet explicare naturam rei, & quæ per se & ab intrinseco illi competunt, non verò quæ per accidens, & ab extrinseco: Ergo sicut Angelo ab intrinseco & ex natura sua competit esse intellectualem & incorporeum, ita & esse immortalem & incorruptibilem.

Confirmatur ex Cyrillo Alexandrino libro 8. thesauri cap. 2. ubi habet hæc verba: *Quæ naturæ principè insunt, ea respectu Creatoris nihil sunt: quare sicut ignis combustivus quidem est, sed non Deus; sic Angelus immortalis quidem est, sed non Deo.* Confirmatur, inquam, & alio ex illis verbis: *in enim bona sit hæc comparatio, oportet quòd quemadmodum ignis naturæ infusa est vis combustiva, ita & naturæ Angelicæ infusa sit immortalitas; & sicut Deus, negando concursus igni ad comburendum, privaret illum aliquo sibi connaturaliter debito; ita si denegaret Angelo conservationem, eum aliquo privaret quod à natura habere debet, sive quod ei connaturalitatis titulo debitum est.*

Probatur tertio conclusio ratione fundamentali, desumpta ex D. Thoma quaest. 5. de potentia art. 3. ad 12. ubi ait: *Licet creatura incorruptibilis ex Dei voluntate dependeat, quæ potest eis præbere esse & non præbere, consequuntur tamen ex divina voluntate absolutam necessitatem essendi, in quantum in tali natura causantur, in qua non sit possibilitas ad non esse: talia enim sunt creatura, qualia Deus ea voluit, ut Hilarius ait libro de Synodis.* Et solutione ad 9. docet ea quæ sunt incorruptibilia per naturam, in hoc distinguenda his quæ sunt incorruptibilia per gratiam, quòd in istis est potentia ad non esse in ipsa natura (quæ tamen totaliter reprimatur ex virtute Dei) secus verò in illis.

Ex quo sumitur præcipuum fundamentum nostræ sententiæ. Ut enim aliquid dicatur corruptibile ex natura sua, requiritur quòd habeat in seipso intrinsecum aliquod corruptionis principium, scilicet potentiam aliquam ad non esse; nec sufficit quòd possit desine esse per potentiam Dei extrinsecam, quæ potest ab illo concursum conservativum subtrahere: Sed in Angelis nulla datur potentia intrinseca ad non esse: Ergo quamvis Deus absolute possit illos suo esse privare, illosque in nihilum redigere, propterea tamen nec sunt, nec dici debent ex sua natura corruptibiles. Major patet: nam ut ait S. Thomas hic art. 5. ad 3. *Non dicitur aliquid corruptibile, per hoc quod Deus possit illud in non esse redigere, subtrahendo suam conservationem, sed per hoc quod in seipso aliquid principium corruptionis habet, vel contrarietatem, vel falsam potentiam materiam.* Unde

Unde quamvis Deus absolute possit destruere A  
cœlos, & separare formam cœli ab ejus materia,  
aliam formam loco illius introducendo: quia ta-  
men carent principio intrinseco corruptionis  
strictæ sumptæ (scilicet primis qualitatibus alte-  
rantibus, & materiâ alias formas appetente) di-  
cuntur incorruptibiles. Item lapis dici non po-  
test naturâ suâ mobilis sursum, etiam respectu  
Dei : quia licet Deus possit movere lapidem  
sursum, caret tamen principio intrinseco ad lo-  
cum sursum inclinante.

Minor verò, quam negat Vazquez, probatur  
ratione ejusdem D. Thomæ ibidem in corpore  
articuli. Forma subsistens, & à materia independ-  
dens, nullam habet potentiam intrinsecam ad  
non esse : Sed Angelus est forma subsistens, & à  
materia independens : Ergo nullam habet po-  
tentiam intrinsecam ad non esse. Minor patet  
ex dictis art. 1. Major verò suadetur: quia ut ibi-  
dem ait S. Doctor, *esse secundum se competit forme*,  
id est forma per seipsam, & sine aliquo superad-  
dito, est determinata & proportionata ad sus-  
cipiendum esse; in quo differt à materia, quæ  
cum sit pura potentia, non determinatur ad re-  
cipiendum tale esse, nisi mediante tali formâ:  
unde cum in re quæ est determinata ad unum  
oppositorum, non possit esse naturalis potentia  
ad recipiendum alterum (nam per determina-  
tionem ad unum tollitur indifferentiâ in forma  
per se subsistente & independente à materia,  
non potest esse naturalis potentia ad non esse.

93 Eadem ratione probat infrâ quæst. 75. art. 6.  
animam humanam esse incorruptibilem: *Mani-  
festum est (inquit) quod id quod secundum se conve-  
nit alicui, est inseparabile ab ipso. Esse autem per se  
convenit formæ quæ est actus; unde materia secundum  
hoc acquirit esse in actu, quod acquirit formam; secun-  
dum hoc autem accidit in ea corruptio, quod separatur  
forma ab ea. Impossibile est autem quod forma separe-  
tur à seipsa, unde impossibile est quod forma subsistens  
desinat esse.*

94 Quod amplius urgetur: Nam omnis potentia  
ad non esse, provenit à materia: ergo repugnat  
quod in forma per se subsistente, & omnino im-  
materiali, sit aliqua potentia intrinseca ad non  
esse. Consequentia est manifesta. Antecedens  
probatur. Nulla potentia, nullusque appetitus  
respicit per se primò non esse, ut dicitur 1. Ethic.  
& probat D. Thomas suprâ quæst. 19. art. 9. ex  
eo quod omnis potentia & inclinatio naturæ  
tendit per se ad bonum : non esse autem ut sic  
non habet rationem boni unde in rebus creatis  
secundariò solum & per accidens potest dari  
potentia aut inclinatio ad non esse, in quantum  
scilicet in illis est potentia vel appetitus ad  
aliud esse impossibile cum illo quod de fa-  
cto possident : sic potentia ligni v. g. est per se  
primò ad esse ignis; sed quoniam esse ignis est  
impossibile cum esse ligni, secundariò &  
per accidens dicitur potentia ligni respicere &  
tendere ad non esse ligni: Atqui nulla datur po-  
tentia in rebus creatis, quæ secundariò sit ad nō  
esse, præter materiam primam; quia sicut sola  
materia prima est in potentia ad formam substân-  
tialitatem impossibilem cum ea quam habet; ita  
illa sola est in potentia ad recipiendum esse im-  
possibile cum eo quod illi convenit : Ergo  
omnis potentia ad non esse provenit à materia;  
& per consequens (ut ait S. Thomas infrâ quæst.  
104. art. 4.) in rebus immaterialibus talis po-  
tentia non reperitur. Unde rectè concludit hic

Tom. II.

art. 5. *ipsa immaterialitas Angeli est ratio quare An-  
gelus est incorruptibilis secundum naturam.*

Ex quibus patet Ariagani hunc profundissi- 95  
mum D. Thomæ discursum minimè penetrasse,  
dum dixit hic disp. 2. sect. 6. subc. 11. *Hanc ra-  
tionem rectè quidem probare Angelos corruptione pro-  
pria destitui non posse: ut per annihilationem eos non  
posse destrui, minimè persuaderi.* Cum enim in re-  
bus immaterialibus nulla decur potentia intrin-  
seca ad non esse (ut jam ostendimus) rectè pro-  
batur ex eo quod Angelus est forma per se sub-  
sistens & immaterialis, illum non esse ab intrin-  
seco & ex natura sua corruptibilem, nedum  
corruptione illâ strictè sumptâ, quæ generationi  
opponitur, & sit per dissolutionem composici,  
ac separationem formæ à materia, sed nec etiam  
corruptione largè acceptâ, quæ desitionem rei,  
& transiitum de esse ad non esse importat: esto sit  
corruptibilis extrinsece, & per potentiam Dei  
absolutam, qui potest illum redigere in nihil-  
um, subtrahendo suam conservationem, ut ma-  
gis ex argumentorum solutione patebit.

## 6. II.

*Diluuntur argumenta adversa sententiæ.*

C Contra præcedentem conclusionem obijci 96  
solet, quod in 6. Synodo generali actione  
11. recitatur, & actione 13. approbatur Episto-  
la Sophronii, in qua dicitur: *Intellectualia (id est  
Angeli & animæ rationales) nullatenus quidem  
moriuntur, neque corrumpuntur; non tamen sunt  
immortalia per naturam, neque in essentiam incor-  
ruptibilem transiunt, sed gratiam eis largitus est  
ad corruptione & morte ea coercentem &c.* Idem do-  
cet Damascenus lib. 2. fidei cap. 3. ubi ait: *Ang-  
elus est substantia intellectualis &c. per gratiam non  
naturâ immortalitatem consecuta.* Et infrâ: *Immor-  
talis est Angelus, non naturâ, sed gratiâ.* Item Am-  
brosius lib. 3. de fide cap. 2. *Nec Angelus (inquit)  
est naturaliter immortalis; cujus immortalitas est in  
voluntate Creatoris.*

Respondeo quod quando Sophronius dixit 97  
creaturas intellectuales non esse immortales  
per naturam, solum voluit quod illæ ex natura  
sua habent, ut ab extrinseca causâ (à Deo scilicet  
creatore & conservatore) pendeant in suo  
esse, subindeque possint desinere & annihilari  
per subtractionem concursus conservativi ipsa-  
rum, juxta illud Sapient. 11. *Quomodo posset ali-  
quid permanere, nisi tu voluisses; aut quod à te voca-  
tum non esset, conservaretur?* Cùm verò addit eos  
habere immortalitatem à gratia, loquitur de  
gratia largè accepta, prout gratuita creationis  
& conservationis dona complectitur. Nam ut  
docent Patres Africani apud S. Augustinum  
Epist. 95. dona naturalia, quatenus ex gratuita  
Dei voluntate tribuuntur, non incongruè gra-  
tia appellantur.

Dices: Si Angelus ex natura sua immortalis 98  
sit & incorruptibilis, concursus conservativus  
illius non est gratuitus, sed titulo connaturalitatis  
ei debitus: Ergo non potest appellari gra-  
tia, etiam in hac largâ gratiæ acceptione, omnia  
dona gratuiti concessa comprehendente.

Sed nego consequentiam nam licet hic con-  
cursus in se naturaliter sit debitus, est tamen  
gratuitus in radice, ratione scilicet creationis,  
quæ nullo titulo debita erat, fuitque purè gratis  
donata: hoc autem sufficit ut gratia appellari  
possit; nam ad Roman. 6. vita æterna, quamvis  
debita meritis, gratia tamen appellatur, ratione

Sf 3

primæ



Et similitudo Dei, sortior Angelo: Sed adflatu Dei generosior spiritu materiali, quo Angeli constiterunt. Qui facit, inquit, Spiritus Angelos, & apparitores flammam ignis. Qui nec universitatem homini subiecit infirmo dominandi, & non puriori Angelu, quibus nihil tale subiecit. Quo loco ita innuit argumenta, quibus hominem Angelo prætare probat. Primum est, quia homo est ad imaginem Dei, de Angelo verò nusquam id legitur. Unde Ambrosius: Angeli ad ministerium, homo ad imaginem. Secundum, quia mundus est conditus in gratiam hominum, non verò Angelorum, & homines omnibus creaturis dominantur, ut dicitur Genes. 1. & Psal. 8. Tertium, quia hominum substantia constat ex ipso halitu & inspiratione Dei, ut habetur Genes. 2. Angelorum verò substantia, (inquit) ex aëre vel igne sumpta est, iuxta illud Psal. 103. Qui facit Angelos suos spiritus, & ministros suos ignem urentem. Addi potest, hominem, non verò Angelum, omnes gradus essendi in se continere, & elleque veluti mundi compendium, horizontem temporis & æternitatis, vinculum rerum corporearum & spiritualium, ac universi nexum & hymenæum. Huic Tertulliani sententiæ subscribere videtur Gregorius Vennetius, qui ut testatur Suarez, existimavit homines non solum gratiæ, sed & naturæ ac potentiæ, Angelos superare.

Dico tamen primò, certum est Angelos esse naturæ perfectiores, quàm homines.

Hæc veritas aperre ex Scriptura colligitur: Nam Christus Psal. 8. & ad Hebr. 2. dicitur paulo minus Angelis minoratus, seu inferior: Sed hoc non potest intelligi de donis gratiæ, ut patet, sed solum de natura assumptæ: Ergo natura humana à Verbo assumptæ, inferior est Angelicæ. Unde ibidem apostolus, ut ostendat Verbum Divinum omnibus creaturis præcellere, illud comparat tantum cum Angelis, & ait quod præ Angelis differens nomen hereditavit, id est excellentius: quod evidens argumentum est, Angelos inter omnes creaturas primum locum tenere, & excellentiæ naturæ hominibus esse superiores, iuxta illud 2. Petri 2. Angeli virtutis & fortitudine sunt majores, supple hominibus. Unde Hieronymus: Tanta est dignitas Angelorum, ut omnis natura humana, illis comparata, pueritia nuncupetur.

Favet alij Sancti Patres: nam Dionysius cap. 4. de divin. nomin. ait: Angelus est divini silentij interpretes, lumen clarum, divine bonitatis radius, imago Dei, latentis lucis declaratio, speculum purum, perfectum, integrum incorruptum, non inquinatum, suscipiens totam (si est conveniens dicere) pulchritudinem nostræ deiformitatis, & mundi resplendere faciens in seipso (quemadmodum possibile est) bonitatem Dei. Et cap. 5. Angelos in vestibulo collocatos esse dicit super substantiæ Trinitatis: id est propius quàm ceteras omnes creaturas ad Deum accedere, non dignitate gratiæ (ut infra ostendemus) sed perfectione naturæ. Item cap. septimo: Perfectissime (inquit) intelligenda sunt Angelicæ mentes: eo quod nullus intervenit, ab ipso Divinitatis principio, sacris intuerentur, & propter ordinis dignitatem, ad pulchritudinem quæ materie expertis est perducantur. Hæc virille semper elatus, nusquam repens, & verè volucris cæli, ut eum meritis Chrysostomus appellat.

Areopagitæ concinit Nazianzenus, ejusque Commentator Nicetas, quæ cælestes illos Spiritus sic describunt: Angeli sunt primi luminis æterni radij, primique splendoris administri, superna gloria

speculatores & testes, supercælestes & purissima natura, ad malum immobiles, vel certè non facile mobiles, perpetuos choros circa principem illam causam agitant, purissimo splendore illinc persufa, & summa illa pulchritudine adeò informata, ut ipsa quoque alia lumina efficiantur, ac per primi luminis influxiones & communicationes, alios illuminare possint. Unde (subdit Augustinus) tanta est Angelorum excellentia, ut omnia quæ Deus condidit, nature dignitate præcedant. Hi principium viarum Dei, & filij ejus primogeniti, ac primigenia illa lux, quam Deus cunctis suis operibus præfecit. Hi divinarum laudum præcones eximij, & cæli cantores, qui perpetuo cantu divinas laudes celebrant; seu alia

illa matutina, de quibus dicitur Job 38. Vbieras cum me laudarent astra matutina, & jubilarent omnes filij Dei. Hi montes illi æterni, & sublimes, ac cælestes, primos divinæ lucis radios excipientes, de quibus Psalmo 75. Illuminans tu mirabiliter à montibus æternis. Hi etiam (ut notat Hilarius) sunt lilia agri, candore nitentia, & decore eximia, quæ non laborant, neque nent, quia nec rebus corporalibus afficiuntur, nec terrenis occupationibus implicantur. Hi denique omnino incorporei, immateriales, immortales, incorruptibiles, & quantum ad esse immutabiles existunt: omnium rerum naturalium cognitionem habentia actu semper intelligunt, idque sine compositione & discursu: volunt efficaciter; eligunt inanimiliter; & tantâ velocitate moventur, ut avium volatus incredibili celeritate vincant: unde nudis pedibus, & alati, in sacris paginis depinguntur, ut videlicet eorum ad parendum celeritas demonstretur. Pedes (inquit Dionysius) mobilitatem, celeritatem, atque cursum insinuant sempiternitatis ad Divinam tendentis: pennasque Sanctorum Spirituum præ Theologia effingit; quippe aliis significatur celeritas alis ascendens, alarum quæ levitas; quod terreni corporis sarcinæ liberati, toti absque ulla admixtione, vel pondere, ad celsa ferantur.

Quis ergo audeat hominem Angelum, non dico præferre, aut æquare, sed vel etiam comparare hominem, inquam, materię immersum, luto infixum, & carne indutum: quæ (ut ait Trismegistus) indumentum est infirmitatis, praviæque fundamentum, corruptionis vinculum, velamen opacum, viva mors, sensitiuum cadaver, sepulchrum circumversile, domesticus fur. Hominem, qui (ut loquitur Augustinus) dum nascitur, sperma est seditum: dum vivit, saccus est stercoreum: dum moritur, cibum est verminum. Hominem infirmum ac fragilem, formatum de pulvere, de luto, de cinere, quodque vilis est, de spurcissimo spermate: conceptum in pruritu carnis, in fervore libidinis, in fœtore luxuriæ, quodque deterius est, in labe peccati natum ad laborem, rinvorem, dolorem: quod quæ miserius est, ad mortem, ut ait Innocentius Papa in libro quem scripsit de vilitate conditionis humanæ. Hominem denique, qui flos, fœnum, umbra, ventus, vapor, ac universa vanitas in Scriptura appellatur, & qui ratione mutabilitatis & inconstantiæ, à SS. Patribus columbæ, pavonis, & cameloonti comparatur, Vidiſti (inquit Philo) aliquando columbæ cervicem, radijs solis expositam, quæ in multis modis colores variet: puniceum, caeruleum, igneum, & carbunculij speciem referentem, pallidum item & rubicundum, & alios omnigeno. Vidiſti (addit Tertullianus) pavonem, cujus plumæ vestis, & quidem de catactylis, omni conchilio depressior, quæ colla floruit: & omni patagio auratior, quæ terra fulgent: & omni sylvæ sylvior, quæ cauda jacent: multicolor, discolor, versicolor: numquam

Can.  
5. in  
blas.

De can.  
lesi  
Hic  
rarch.  
cap. 15.

801

in Pi-  
mandr

In soli-  
tione

F



quam ipsa, sed semper alia, est semper ipsa, quando alia; toties mutanda, quoties movenda. Vidisti camelentem, qui oscitans vespitur, sollicitans ruminat? cui de vento vibus, & qui totus sub pampino de corio suo ludit. Hominem imaginare: hic enim tot & tantis alternantium vicissitudinem moribus variare consuevit.

Quod petijt spernit: repetit quod nuper omisit:  
Assuat, & vita disconvenit ordine toto,  
Dirruit, edificat, mutat quadrata rotundū.

- 109 Ratio autem præcipua nostræ assertionis, & prædictorum hæcenus in ejus probationem, radicalis est ista: Cum natura Dei omnium etiam excogitabilium perfectissima existat & nobilissima, ex creatis illa alteram superat in perfectione & nobilitate, quæ divinæ propior est & similior: Sed natura Angelica, cum humana ad divinam comparata, ita se habet: Ergo eam in perfectione & nobilitate excedit. Minor probatur: Cum natura Dei sit omnium simplicissima, quod aliqua ex creatis minus habet de compositione, eò propior & similior ei existit: Sed natura Angeli minus est composita quam natura hominis; caret enim compositione physica ex materia & forma, & ex corpore ac spiritu; quarum tamen humana nullo modo expers existit: Ergo natura Angelica est propior ac similior Deo, quam humana. Unde Dionysius ait quod ultimum in elementis est terra, in corporibus materia prima, & in rebus intellectualibus anima nostra. Et Athanasius asserit, quod quantum differt à Luna Sol, & argentum ab auro, tantum præcellit ac splendet natura Angelica, præ animarum humanarum substantia,

- 110 Ad primum ergo Tertulliani fundamentum, nego Antecedens, quod scilicet Angelus non sit ad imaginem Dei creatus, quemadmodum homo: nam Ezechielis 28, Lucifer vocatur Signaculum similitudinis. Subjungit Rupertus: Cujus similitudinis, nisi sanctæ & adorandæ Trinitatis? Sancta quippe Trinitas ipsa est magnitudo, sapientia, & pulchritudo, quas Lucifer participavit. Item Greg. lib. 32. Moral. cap. 18. eundem locum exponens, subdit: Licet homo ad similitudinem Dei creatus, Angelo tamen quasi majus aliquid tribuens, non eum ad similitudinem Dei condidit, sed ipsum signaculum Dei similitudinis dedit: ut quod subtilior est in natura, eò in illo similitudo Dei plenius credatur expressa. Unde D. Thomas infra qu. 93. ar. 3. quærit, num Angelus sit magis ad similitudinem Dei quam homo? Et concludit assertivè, quia cum intellectus qualis natura in qua divinæ imaginis ratio primò & per se consideratur, in Angelo sit perfectior, ipse simpliciter magis est ad imaginem Dei, quæ àm homo. Neque hoc negat Ambrosius supra relatus, sed tantum docet de Angelo non ita expresse haberi in Scriptura, sicut de homine quod sit creatus ad imaginem Dei. Cujus lepidissimam rationem asserit Theophylactus: Ne videlicet Angelica natura altitudo, fluxum ad impietatem hominem præcipitaret, existimantem illam ejusdem esse dignitatis cum Deo: ubi è contra hominis tenuitas & humilitas munus nos, firmat quæ tale quid sufficeretur.

- 111 Ad secundum respondeo Scripturam his locis, in quibus tribuit homini excellentiam & dominationem, seu principatum supra alias creaturas, loqui de creaturis corporeis, non verò de spiritualibus: ut ex ipso textu Genesis patet, dicitur enim: Dominamini pisces maris, & volatilibus cæli, & animantibus quæ moventur super terram.

A Quod autem mundus conditus non sit in gratiam Angelorum, ostendit potius illorum excellentiam: quia ut puri spiritus non egent creaturis corporeis, quemadmodum homines.

Ad tertium dicendum est, locum Scripturæ à Tertulliano allegatum, non significare Angelorum substantiam ex aère vel igne esse sumptam, ut perperam illi existimavit; sed esse intelligendum, sicut Athanasius, relatus in secunda Synodo Nicæna, actione 4. exponit: nempe quod Deus facit Angelos suos spiritus, id est veloces, ut sunt spiritus seu venti; & ministros suos flammam ignis, id est activos & efficaces, ut est flammæ ignis. Quo sensu Deus ipse Deuteronomio 4. dicitur esse ignis consumens.

B Ad quartum quod subjungitur dicendum, quod licet Angelus omnes gradus essendi in se non contineat formaliter, quemadmodum homo, eos tamen continet eminenter, id est perfectiori & nobiliori modo, & per consequens est homine perfectior & nobilior. Quod verò homo sit universi compendium, hoc solum declarat illud esse creaturam mixtam, ex corpore ac spiritu constantem, seu, ut ait Nazianzenus, mixtum adoratore, ac proinde Angelo, qui est substantia simplex, & purus spiritus, inferiore. Unde Augustinus 9. de civit. cap. 13. Homo medium quiddam est inter pecora & Angelos; inferior Angelis, superior pecoribus; habens cum pecoribus mortalitatem, rationem verò cum Angelis.

C Dico secundò: naturam Angelicam in aliquibus donis gratuitis & supernaturalibus esse humanæ inferiore.

Probat, quia natura humana unione hypostatica decorata fuit, & ad esse personale Verbi Divini assumpta, non verò Angelica; juxta illud Apostoli ad Hebr. 2. Nusquam Angelos apprehendit, sed semen Abrabæ. Ideo (ut lepide advertit Anastasius Synaita) nunquam invenies in novo Testamento Angelos vocari Deos, licet in veteri lege hoc nomen plerumque illis tribuatur, ut notavit Augustinus lib. 9. de civit. cap. 18. & patet ex illo Psalmi: Deus Dearum Dominus locutus est, id est, Deus Angelorum: Tunc enim nondum deificata erat hominum natura, nec ad esse personale Verbi Divini assumpta: propter quod etiam Angeli tunc sinebat se ab hominibus adorari, ut in variis Scripturæ locis refertur. Nunc verò, quia per Incarnationis mysterium natura humana supra Anglicam evecta est, adoraturus Angelum Joannes, ab Angelo prohibetur Apocal. 19. Unde Ambrosius: Redemptio sanguinis Christi hoc fidelibus contulit, ut filij Dei, sicutique Angelorum efficerentur: idèque petimuseis Angelos adorari ab homine, qui super se adorabat hominem Deum. Egregie item Gregorius: Angeli (inquit) quos prius infirmos, abjectosque decesserant, jam socios venerantur. Hinc est enim quod Loth & Josue Angelos adorant, nec tamen adorare prohibentur: Joannes verò in Apocalypsi sua adorare Angelum voluit: sed tamen idem hunc Angelus ne se debeat adorare compescitur, &c. Eandem assignat rationem D. Thomas 2.2. quæst. 84. art. 1. ad 1. his verbis: Prohibitum est Joannes Angelum adorare Apocal. ultimo, tum ad ostendendum dignitatem hominis quam adeptus est per Christum, ut Angelis æquetur: unde ibi subditur: Conservus tuus sum & fratrum tuorum. Tum etiam ad excludendum idololatriæ occasionem: unde subditur: Denique adora.

Præterea natura humana insigni gaudet privilegio, quo caret Angelica, dignitate scilicet sacerdotij;

Acti; quæ ex triplici capite summopere com-  
mendatur. Primò, quòd imperium in animas ex-  
erceat, & potestatem ligandi atque solvendi ha-  
beat, ut dicitur Matth. 16. Secundò, quòd my-  
stico Christi corpori, videlicet Ecclesiæ, domi-  
netur: hanc enim expiat sacerdos, illustrat, per-  
ficit, ac deificat, ut docet Dionysius in libro de  
Ecclesiæ Hierarch. Hinc sacerdotes dicti sunt  
Theurgi, id est, *Deos facientes*. Unde Ecclesiæ. 7. eo-  
dem præcepto jubemur & Deum, & sacerdotem  
honorare: & in Constitutionibus Apostolicis  
Clementis Romani, libro secundo cap. 29. de-  
cernitur Episcopos debere honorari ut Deos.  
Tertiò, Sacerdos ipsi etiam vero Christi corpori  
imperat: quia ipsum (ut loquitur Hieronymus  
Epist. ad Heliodorum) *sacro ore conficit*, & ad ejus  
verbum, præsens altari sistitur ipsum Dei Ver-  
bum, per quod omnia facta sunt. Hinc merito ce-  
lebratur illa sententia, quæ D. Augustino, & S.  
Gregorio tribuitur: *O magna Sacerdotum dignitas,  
in quorum manibus, velut in utero Virginis, Christus  
quotidie incarnatur!* Addit Chrysostomus: *Quod  
Angeli videntes horrescunt, neque libere audent in-  
tueri, propter emicantem inde splendorem, hoc nos  
passimur, huic nimium: & quod longe mirabilius  
est, huic imparamus, huic præcipimus; obediēte  
Deo voci hominū*, ut dicitur Josue 10. Hinc S.  
Ephrem sacerdotium appellat *Stupendum mira-  
culum, omnium ornamentorum præstantissimum, bo-  
norum omnium quæ in hominibus sunt apicem, divi-  
num quoddam, omniumque quæ inter homines expe-  
runtur, velut extremam metam*. Et Theophanes  
Nissenus ait: *Sacra mysteria Angelis sunt amabilia  
& formidanda, ipsamque sacerdotium venerantur*.  
Nec mirum: Angelis enim Deus denegavit,  
quod sacerdotibus magnifico dono concessit.  
Illi augustissimum Euchariæ Sacramentum  
adorant, hi celebrant & conficiunt: illi sanctos  
colunt, isti homines sanctificant: illi Deum in  
hominibus glorificant, hi homines deificant: illi  
denique manna conficiunt, & Israelitico populo  
ministrant; isti verò panem & vinum in corpus  
& sanguinem Christi convertunt, ac fidelibus  
distribunt.

116 Erant olim Cherubini & in Tabernaculo  
Moysis, & in Templo Salomonis; sed in Taber-  
naculo supra propitiatorium, in Templo autem  
infrà propitiatorium constituti. Quorum verò  
hæc? sane quia in Tabernaculo, hoc est in Syna-  
goga, non formidabant Angeli divinis se inge-  
rere sacrificiis; ut patet in sacrificio Manuë, de  
quo dicitur: *Cumque ascenderet flamma altari in  
caelum, Angelus pariter in flamma ascendit*: At verò  
in Templo, hoc est in Ecclesiâ, sacrificium Eu-  
charistiæ, & sacerdotes ejus ministros adeò ve-  
nerantur Angeli, ut prout in terram se dejiciant,  
infrà propitiatorium constituti: hos enim sæpe  
interram pronos, demissis vultibus ante altare,  
in Ecclesiâ viderunt sanctissimi viri, ut refert  
Chrysostomus. Licet ergo in donis naturalibus  
Angeli hominibus superiores exsistant, in qui-  
busdam tamen donis gratuitis & supernaturali-  
bus, ut in unione hypostatica, & sacerdotii di-  
gnitate, natura humana Angelicam superat.

*Corollarium ex dictis.*

Ex dictis inferri potest, Angelorum naturam  
non esse simpliciter in perfectione infinitam, li-  
cet possit dici infinita secundum quid.

Prima pars hujus corollarii patet ex dictis:  
nam cum Psal. 8. dicatur hominem esse paulò in-  
feriorem Angelis; & manifestum sit naturam

humanam esse in omni sua perfectione & opera-  
tione finitam; etiam evidens est, quòd Angeli  
non sunt in perfectione aut virtute simpliciter  
infiniti: alioquin non paulò minùs, sen aliquo  
parvo gradu, dilarent homines ab Angelis, sed  
infinita distantia: nam omne infinitum actu ex-  
cedit infinita distantia quidquid finitum est.

Natura ergo Angelica multipliciter finita est.  
Primò quantum ad essentiam, quæ ex genere &  
differentia constat. Secundò quantum ad esse,  
quod ab ejus essentia distinguitur. Tertiò quan-  
tum ad potentiam, quæ finitam habet activitatis  
sphaeram. Quartò quantum ad scientiam & vo-  
luntatem, quæ limites suos habent. Quintò  
quantum ad locum; non enim sunt ubique, sed  
solum ubi operantur, ut infrà patebit. Ideò ut  
notat Dionysius de celesti Hierar. cap. 1. apud  
Ezechielem, & alios Prophetas, Angeli geo-  
metrica gestant instrumenta, mensuras scilicet  
& cubitos, quibus nectum templi altitudinem  
& longitudinem metiantur, sed etiam ostend-  
unt, finitam esse propriam eorum naturam &  
potentiam. Id enim solum terminò caret (inquit  
Damascenus) quod minimè creatum est: omnis au-  
tem res condita, à Deo conditore terminatur.

Quòd verò natura Angelica sit infinita secun-  
dum quid, docet D. Thomas hic art. 2. ad 4. his  
verbis: *Omnis creatura est finita simpliciter, in quan-  
tū esse ejus non est absolute subsistens, sed limitatur ad  
naturam aliquam cui advenit. Sed nihil prohibet ali-  
quam creaturam esse secundum quid infinitam. Crea-  
tura autem materiales habent infinitatem ex parte  
materie, sed finitatem ex parte forme, quæ limitatur  
per materiam in qua recipitur. Substantie autem  
imateriales creatæ, sunt finite secundum sumum esse,  
sed infinite secundum quòd eorum forme non sunt re-  
ceptæ in alio: sicut si diceremus albedinem separatam  
existentem, esse infinitam, quantum ad rationem albe-  
dinis, quia non contrahitur ad aliquod subiectum. Esse  
tamen ejus esse finitum, quia determinatur ad ali-  
quam naturam specialem. Et propter hoc dicitur in  
libro de causis, quòd intelligentia est finita superioris, in  
quantum scilicet recipit esse à suo superiori: sed est in-  
finita inferioris, inquantum non recipitur in aliqua  
materia. Hæc S. Doctor: quibus verbis utramque  
partem corollarii, & docuit, & probavit.*

### DISPUTATIO III.

*De modo quo Angeli corpora assumunt.*

*Ad questionem 51. D. Thomæ.*

Postquam D. Thomas quæst. 50. Angelorum  
substantiam absolute consideravit, quæst.  
sequenti eam in ordine ad corpora con-  
templatur; & querit primò, utrum Angeli ha-  
beant corpora naturaliter sibi unita: de quo fuse  
egimus disp. præcedenti. Secundò querit, an illi  
assumant corpora: & responderet affirmativè, im-  
pugnataque errorum quorundam antiquorum,  
qui dicebant omnes Angelorum apparitiones in  
Scriptura relatas, contigisse in visione Prophe-  
tæ, hoc est secundum imaginationem; & nun-  
quam in aliquo sensibili corpore. Illud enim (in-  
quit) quod in imaginariâ visione videtur, est in sola im-  
aginatione videns: unde non videtur indifferenter ab  
omnibus. Scriptura autem divina sic introducit in-  
terdum Angelos apparentes, ut communiter ab omni-

bus viderentur. Sicut Angeli apparentes Abrahae, visi sunt ab eo & tota familia eius, & à Loth, & à civibus Sodomorum. Similiter Angelus qui apparuit Tobiae, ab omnibus videbatur. Ex quo manifestum sit huiusmodi contigisse secundum corpoream visionem.... talis autem visio non videtur nisi corpus. Cum igitur Angeli neque corpora sint, neque habeant corpora naturaliter sibi unita, ut ex dictis patet, relinquunt quod interdum corpora assumunt.

2 Dices, Non videri necessarium, ut quod ab omnibus indifferenter videtur, secundum visionem corpoream videatur: nam quid impedit Angelum immutare simul omnium qui occurrunt imaginationes? in quo casu videretur ab omnibus indifferenter, & tamen per visionem imaginariam.

3 Sed contra: Verisimile non est, posse Angelum virtute propria immutare indifferenter omnes concurrentium imaginationes, aut totius alicujus multitudinis: quia hæc immutatio requirit actionem continuatam, quæ producatur & diu conservetur species in omnibus huiusmodi imaginationibus: actio autem Angeli, utpote finita & limitata, non videtur ita posse simul ad diversa ferri.

Addo, Christo Domino apparuisse Dæmonem visibiliter; & tamen non potest dici illum habuisse potestatem immutandi illius phantasiam. Item ante peccatum in statu innocentie Diabolus potestatem non habebat immutandi hominum phantasiam, & tamen visibiliter Evæ apparuit, sub figura serpentis, & per consequens secundum visionem corpoream, non verò imaginariam. Sed pro majori huius materie declaratione, quædam difficultates breviter hic resolvende sunt.

4 Querens ergo primò, quæ requiratur ut corpus dicatur ab Angelo assumptum?

Respondeo primò, requiri ut corpus assumptum uniatur Angelo: quia assumere, idem est ac ad se sumere, seu sibi unire, ut ait D. Thomas quæst. 6. de potentia art. 7. ad 1. Secundò, quòd ei uniatur, ut motor mobili: non enim ei potest uniri, ut forma materie, cum sit natura totalis & completa, neque unione hypostaticâ, cum nulla personalitas, præter infinitam, possit terminare alienam naturam, ut suppono ex Tractatu de Incarnatione. Hæc tamen conditio non sufficit, aliàs Angeli moventes corpora cælestia, dicerentur illa assumere: sed insuper requiritur, quòd Angelus corpus assumptum ita formet & moveat, ut per ipsum nobis representet proprietates intelligibiles, vel suas, vel superiorum Angelorum, vel ipsius Dei, quando ejus personam gerit ut legatus illius. Ex quo inferes, quòd licet, regulariter loquendo, Angeli nō assumant corpus alicujus veri animalis; quia ut ait D. Thomas hic art. 3. ad 2. non ita congruè eorum proprietates & opera spiritualia designantur per tale corpus, ac per corpus quod non habet veritatem illius nature quam ostendit; possunt tamen illa assumere, quia per ea possunt representare personas & proprietates Angeli; sicut per proprietates columbae, quæ super Christum baptizatum in Jordane apparuit, persona Spiritus sancti, ejusque effectus designabantur, ut docet D. Thomas 3. p. quæst. 39. art. 7. ad 3. & fusè Tractatu præcedenti exposuimus, differendo de variis Spiritus sancti apparitionibus.

Querens secundò: ex qua materia formantur corpora assumpta ab Angelo, & quâ virtute?

Respondeo quoad primum, Angelos posse formare corpora assumpta, ex quolibet elemento, imò & ex pluribus commixtis: cum omnia corpora Angelis obediunt quoad motum localem: magis tamen competere, quod ex aëre corpus allumant, quia ut ait S. Thomas quæst. 6. de potentia art. 7. ad 7. *Aer potest infusari facilliter, & sic figuram recipere & retinere, & per alicujus lucidi corporis oppositionem, diversimodè colorari, sicut in nubibus patet.* Addit ibidem, idem esse dicendum de vapore & fumo, qui in aëris naturam tendunt, eique maxime assimilantur: unde propterea aliquando dæmones, in corporibus assumpti apparentes, sulphureum vel piceum odorem exhalant.

Quoad secundum verò respondet idem S. Doctor hic art. 2. ad 3. quòd *Angeli assumunt corpora ex aëre, condensando ipsam virtute divinâ.* Per virtutem autem divinam, quidam eam intelligunt, quam Angeli à Deo acceperunt simul cum natura: virtutem enim naturalem & propriam Angelorum ad hoc sufficere colligitur ex eodem Angelico Præceptore quæst. 6. de potentia art. 7. ad 10. Dici etiam potest, D. Thomam loqui de apparitionibus supernaturalibus Angelorum, quales fuerunt factæ Abraham, Tobiae, Danieli, & B. Virginii: in his enim virtute divinâ & supernaturali, formata fuisse corpora assumpta ab Angelis beatis, valde probabile est. At cum Dæmones assumunt corpora ad peccandum, & tentandum homines, non est credibile virtutem supernaturalem & divinam illis adesse, ut talia corpora forment. Formant ergo illa, virtute propria, saltè applicando activa passivis: quâ etiam ratione, eos vera animalia edificare posse, ea scilicet quæ sine semine generari possunt, docet D. Thomas infra qu. 114. art. 4. dicens, quòd magi Pharaonis, per virtutem Dæmonum, veros serpentes & ranas fecerunt.

Querunt etiam hic aliqui, utrum anima separata possit propriâ virtute assumere corpus, & in eo visibiliter hominibus apparere?

Respondeo id non posse naturaliter: quia ut docet D. Thomas infra quæst. 117. art. 4. anima non movet localiter nisi corpus vivificatum quod patet ex eo quòd si aliqua pars corporis animati mortificetur, non amplius obedit animæ ad motum localem: Sed anima separata non potest naturaliter aliquod corpus vivificare, ut patet: Ergo neque potest naturaliter illud assumere, & localiter movere. Dixi, *naturaliter*, quia id posse virtute divinitus & supernaturaliter ei communicatâ, extra dubium est; hancque virtutem supernaturalem ex vi status beatifici animas Sanctorum permanentem habere, ac proinde posse apparere hominibus, cum voluerint, satis probabile est: secus animas damnatorum. Unde istæ non possunt apparere hominibus, cum volunt; & quando illis apparent, hoc fit ex speciali dispositione divinæ providentiæ, quæ virtutem supernaturalem ad assumenda & movenda corpora, per modum transmittit tunc illis communicat.

In articulo 3. quærit D. Thomas utrum Angeli in corporibus assumptis vitæ sensitivæ operæ exercere valeant? Et respondet illos in corporibus assumptis operationes vitales non elicere: cum in huiusmodi corporibus vitâ sensitivâ non vivant, nec potentias sensitivas habeant: posse tamen aliquas actiones similes vitalibus, quoad motum localem, aut terminum ejus, non quoad vitalita-



ualitatem, exercere; v.g. locutionē, quoad sonum qui ex collisione aeris causatur; & motum progressivum, quantum ad terminum, qui est ubi. Unde idem S. Doctor ibidem in resp. ad 5. docet quod comestio Christi, post resurrectionem, fuit vera comestio: quia licet cibus non converteretur in substantiam eius, sed resolveretur in præjacentem materiam, tamen Christus habebat corpus talis naturæ in quod posset cibus converti. Quare optimè ait Gregorius, quod Christus comedit, ut per effectum comestionis, veritas paterecet carnis. Comestio verò Angelorum, cum in assumptis corporibus apparuerunt Abraham & Tobia, non fuit vera comestio, sed figurativa spiritualis comestionis: quia cibus ab illis sumptus, neque converterebatur in corpus assumptum, neque corpus illud talis erat naturæ in quod posset alimentum converti. Hinc Angelus Raphaël dixit Tobia: *Cum essem vobiscum, videbar quidem manducare & bibere, sed ego potui invisibili & cibo uti. Quem cibum & potum invisibilem Nazianzenus in lib. de laudibus virginitatibus, loquens de Angelis, ita explicat:*

*Optimus hic cunctis cibus est, ut Numine Sammo Exsatiem mentem, Triadisque in lumine lucem Immenfam excipiant.*

Accedit D. Bernard. Serm. 30. in Cantica dicens. *Lacryma penitentium vinum sunt Angelorum: quia in illis odor vite, sapor gratia, gustus indulgentia, sanitas redemptis innocentie, reconciliatio iuventutis, & serenata conscientia suavitatis.*

9. Quæ sunt hæc aliqui, an Dæmones in corporibus assumptis generare possint?

Respondeo eos non posse generare generatione vitali & propriè dictâ, cum vix sensitivæ expertes sint, & proprium semen habere non possint: illos tamen posse esse generationis ministros, & generare ministerialiter, movendo scilicet semen humanum de loco in locum. Ut enim notat D. Thomas hic art. 3. ad 6. potest Dæmon in corpore assumpto fieri succubus ad virum, & ab eo semen recipere, & postea faciundo se incubum ad mulierem, semen susceperum utero ejus infundere: sicque postea ex tali semine, Dæmonis ministerio in utero femine infuso, generari fœtus; qui tamen filius Dæmonis dici non debet, sed illius hominis à quo est semen acceptum, ut ibidem observat S. Doctor.

## DISPUTATIO IV.

### De loco Angelorum.

Ad quaestionem 52. D. Thomæ.

Comparatâ Angelorum substantiâ ad corpora, quæ ab illis assumuntur, mox eam D. Thomas considerat in ordine ad loca quibus sunt præsentēs; & querit primò, utrum Angelus sit in loco? Secundò utrum possit esse in pluribus locis simul? Tertiò, utrum plures Angeli possint esse in eodem loco? Circa quæ graves occurrunt difficultates, sequentiis articulis discutienda & resolvenda.

### ARTICULUS PRIMUS.

*Quenam sit Angelus proxima ratio existens in loco, tum connaturali, tum violento?*

#### S. I.

*Quibusdam præmissis referantur sententia.*

Supponit titulus Angelos esse in loco. Hoc autem dupliciter potest intelligi: Primò per commensurationem ad ipsum locum; in quo sensu nulla res spiritualis potest esse in loco: nam cum locus sit superficies corporis ambientis, & consequenter aliquid extensum; illud tantum potest esse in loco per commensurationem ad ipsum, quod habet in se extensionem quantitativam. Secundò potest aliquid dici esse in loco, quatenus est indistans & realiter præfens corpori quod dicitur locus; & in hoc sensu D. Thomas in 1. dist. 37. quæst. 3. art. 1. asserit esse de fide quod Angeli sint in loco: quia, inquit, secundum fidem nostram ponimus Angelos immediate circa nos operari: agens autem & passum debent esse simul, ut docet Philosophus 7. Physic. & Angelus, ut ait Damascenus libro 2. fidei cap. 3. est ubi operatur. Querimus ergo, quanam sit ratio formalis proxima, per quam Angelus existit in loco, tam connaturali, quam violento? Pro cuius declaratione.

Suppono secundò, duplicem nos posse assignare rationem formalem & proximam alicujus concretij, nam quâ prædictum concretum constituitur formaliter in esse talis; quomodo color constituit formaliter coloratum, & relatio similitudinis inter duo alba, constituit illa propriè & formaliter similia, & magis ad propositum, ubi circumscriptivum constituit corpus in loco existens: aliam verò per quam idem concretum constituitur, non proximè formaliter, sed tantum causaliter & fundamentaliter in esse talis; ex eo quod est proxima ratio causans & fundans rationem formalem & formaliter constitutivam; ut in exemplis allatis ratio mixti est ratio proxima causaliter constituens duo alba similia, & contactus quantitativus est ratio proxima causaliter constituens corpus in loco, & fundans ipsam ubicationem.

Suppono tertio, locum corporeum in quo dicitur existere Angelus, duplicem distingui: unum ipsi connaturalem, alterum illi violentum, sive præternaturalem. Locus connaturalis Angelo dicitur ille ad quem liberè se applicat per suam voluntatem, subindeque quem sibi subijcit: violentus verò, in quo non se liberè collocat, sed contra suam voluntatem collocatur, subindeque cui subijcitur; qualis est v.g. igois inferni, respectu Dæmonum. Inquirimus ergo, quæ sit ratio proxima, ex qua Angelus causaliter & fundamentaliter habet esse in loco, tam connaturali, quam violento?

Prima sententia docet, rationem formalem causaliter proximè & immediatè tribuentem Angelo quod sit in loco, esse ipsam substantiam Angeli secundum se consideratam, sive ex vi propria linear. Ita Scotus, ejusque Discipuli, quos sequuntur Molina, Valentia, alique ex Recentioribus.

Secunda assignat pro fundamento talis ubicationis & præsentia, modum aliquem unionis,



per liberam Angeli voluntatem productum, quo ante omnem operationem transeuntem corpori seu loco corporeo unitur. Hanc docent Vázquez disputatione 188. & 189. & Alarcon hic disputatione 5. cap. 5. & 6.

Tertia, quam Angelicus Doctor, ejusque Discipuli profitentur, asserit rationem formalem immediate fundantem ubicationem Angeli in loco connaturali, esse operationem virtualiter transeuntem: rationem verò fundantem ejus ubicationem in loco violento, aut præternaturali, esse passionem, per quam contra suam voluntatem alicui loco corporeo alligatur. Subscribit ex Patribus Societatis Franciscus Amicus hic disputatione 5. sect. 2. conclusio. 2. ubi asserit Angelos esse in loco, per solam operationem transeuntem in locum, quæ alia esse non potest, quam impetus localis in eo productus.

5 Mitto sententiam Suarez lib. 4. de Angelis cap. 2. 3. 7. & 8. dicentis Angelos esse in loco per aliquod ubi seu modum præsentie, illorum substantiæ superadditum, & ad prædicamentum ubi pertinentem: hic enim dicendi modus explicat quidem formam ipsam, quæ Angelus formaliter redditur præsens loco, sed non declarat illius fundamentum, seu rationem formalem proximam, de qua solum in præsentia disputamus; hic enim solum inquirimus, an sicut ubi corporeum convenit substantiis materialibus, median-  
te quantitate; ita conveniat Angelis, mediâ illorum substantiâ, vel solum mediante potentiâ ad extra operativâ, seu operatione transeunte quâ ad extra circa corpora operantur. Unde hæc sententia, tanquam diminuta & insufficiens, & punctum præsentis difficultatis non attingens, relinquenda est. An verò ubi Angelicum sit aliquis modus Angelorum substantiæ superadditus, & ad prædicamentum ubi pertinet, infra dicemus.

## S. II.

*Sententia Scoti rejicitur.*

**D**ico primò: Substantia Angeli secundum se, & remotâ operatione, non est ratio formalis proximè fundans ubicationem sui, sive causaliter immediatè tribuens Angelo quod sit in loco.

6 Probatur primò: Quod est proxima ratio fundandi ubicationem Angelicam, seu immediatè tribuens Angelo quod sit in loco, importat determinationem aut limitationem in ordine ad locum; cum per illud ita sit hic, ut non alibi: Sed substantia Angeli secundum se, & remotâ operatione, non importat talem determinationem; ordo enim ad locum extra essentiam & accidentalis est Angelo. unde D. Thomas in 1. dist. 37. quest. 3. art. 1. ad 4. & quest. 3. de poenitentia art. 1. §. ad 2. docet Angelum posse ab omni loco absolvi, seu in nullo loco existere, quando nullam operationem circa locum habet: Ergo substantia Angeli secundum se, & remotâ operatione, non est proxima ratio fundandi ubicationem angelicam, seu immediatè tribuens Angelo quod sit in loco: sed ut hoc ei conveniat, aliquid ei superaddendum est, quod non potest esse aliud, quam operatio virtualiter transiens, ut infra patebit.

7 Confirmatur: Ut substantia materialis vel spiritalis creata, sit in tempore, aut alia mensura extrinseca, aliquid ei superaddendum est, propria scilicet & intrinseca ejus duratio, quæ (ut docent nostri Thomistæ in Philosophia) distinguitur ab esse substantiali, tanquam modus vel

accidens illius: Ergo & ut sit in loco ordo enim ad locum non minus extra essentiam & accidentalis est, quam ordo ad tempus, aut aliam mensuram extrinsecam.

Confirmatur amplius: Prima & potissima operatio cujuslibet substantiæ, est magis ipsi intrinseca & immediata, quàm ubicatio; & idè immensitas, quæ est propria ubicatio Dei, non est illi tam intrinseca, quàm intelligere cum, istud pertineat ad constitutivum nature, ut Tract. 1. ostendimus, immensitas verò sit dumtaxat attributum: Sed nec Angelus, nec ulla alia substantia, est sibi proxima & immediata ratio operandi; quia inter operationem, & quolibet substantiam creatâ, mediat potentia proximè operativa, ut docet D. Thomas infra quest. 54. art. 3. & ibidè ostendimus: Ergo à fortiori non potest esse sibi proxima ratio fundans ubicationem in loco.

Probatur secundò conclusio: Substantia corporea, ex vi suæ lineæ præcisæ, non est ratio formalis proximè fundans ubicationem in corporibus, sive immediatè illis tribuens esse in loco: Ergo nec substantia spiritalis in rebus incorporeis & immaterialibus. Consequentia est legitima: cum enim solum substantia materialis, sive corporea, sit id quod propriè & in rigore est in loco, substantiæ verò spirituales sint in loco æquivocè tantum, aut metaphoricè, ut docet D. Thomas hic art. 1. & ostendemus infra; si substantia corporea non habet ex vi suæ lineæ, præscindendo à quantitate, quod sit ratio formalis proximè fundans ubicationem in corporibus, & tribuens illis immediatè esse in loco, sed solum hoc habeat ratione quantitatis; potiori ratione substantia spiritalis non habebit ex vi suæ lineæ, & ratione sui, quod sit ipsi Angelo ratio formalis proximè & immediatè illi tribuens esse in loco. Antecedens verò probatur: Illud solum est in corpore ratio formalis proximè fundans ipsius ubicationem, sive immediatè illi tribuens esse in loco, quod est ipsi ratio formalis proxima & immediata tangendi locum; sola siquidem ista ratio est fundamentum proximum ubicationis corporum, sive formalis ipsorum præsentie ad locum: Atqui substantia corporea nequit ratione sui sive ex vi propriæ lineæ, esse in corpore ratio formalis proxima & immediata tangendi locum: substantia enim corporea non tangit locum immediatè, ratione sui, sed ratione quantitas inter ipsam & locum mediantis: Ergo substantia corporea ratione sui, sive ex vi propriæ lineæ præcisæ non est ratio formalis, proxima, & immediatè, fundans ubicationem in corporibus, sive immediatè illis tribuens esse in loco.

Respondent Adversarij, substantiam corpoream habere ratione sui, & intra propriam lineam, vim tangendi locum immediatè; impeditur tamen à quantitate quâ afficitur, ne illum actu immediatè contingat: unde si esset à quantitate separata, illum ratione sui immediatè contingeret.

Verum hæc responsio duo implicancia involvit, quod scilicet substantia corporea sit in ipso corpore per se ratio formalis, & immediata contingendi locum, & quod hic immediatus contactus impediatur à sua quantitate. Quod enim convenit alicui substantiæ per se, sive ratione sui, nequit impedi ab ejus proprietate, virtualiter saltem inseparabili ab illa, qualis est quantitas respectu substantiæ materialis: Ergo si quantitas impedit immediatum contactum substantiæ

Substantiæ corporeæ ad locum, signum est substantiam illam non esse per se proximam rationem immediatè contingendi locum.

- 12 Confirmatur seu magis explicatur hæc ratio: Quando aliquid convenit alteri per se, non potest ab illo per se oriri impedimentum ad habendum illud quod per se illi competit: Sed quantitas oritur per se ex substantia materiali: Ergo repugnat quòd substantia materialis habeat per se esse rationem proximam contingendi locum, & tamen quòd hoc impediatur per quantitatem.

Addo quod, si hæc responsio valeret, eadem ratione dici posset, substantiam spirituales esse per se & ex vi propriæ lineæ rationem formalem immediatam intelligendi, solùmque per accidens impediri ab intellectu, ne immediatè ratione sui intelligat: Sed hoc absurdum est: Ergo & illud.

- 13 Denique suaderi potest conclusio, ex absurdo & inconvenienti, quod ex Adversariorum sententia sequitur. Si enim substantia Angeli secundum se, & antecedenter ad operationem virtualiter transeuntem, esset proxima ratio fundans ubicationem, seu immediatè tribuens Angelo quòd sit in loco, Angelus semper certum sibi locum vendicaret, & non posset in majori aut minori pro suo libito existeret: Sed hoc dici nequit: Ergo nec illud. Minor infra patebit, Major probatur. Substantia Angeli intra propriam lineam est quod invariabile, semper enim eandem habet perfectionem substantialem, & nunquam in suo esse substantiali variatur: Ergo si illa secundum se, & antecedenter ad operationem, sit proxima ratio fundans ubicationem angelicam, seu immediatè tribuens Angelo quòd sit in loco, semper certum sibi locum vendicabit, nec poterit, pro suo libito, in majori aut minori intra sphaeram suæ activitatis existere.

- 14 Confirmatur: Ex eo quòd quantitas molis sit in nobis ratio formalis efficiendi in loco, non potest corpus Petri v. g. occupare, sive replere, modò majorem, modò minorem locum, nisi fiat aliqua mutatio intrinseca in ipsius quantitate, puta per condensationem, vel complicationem, aut rarefactionem: Ergo similiter, si substantia in Angelo, secundum id quòd habet intra propriam lineam, sit ratio formalis proxima efficiendi in loco, non poterit Angelus aliquando in majori, aliquando in minori loco existere, nisi ipsa ejus substantia intrinsecè & intra propriam lineam varietur; quod tamen est impossibile.

- 15 Respondent Adversarii, negando illud inconvenienti sequi ex sua sententia: quia substantia Angeli, inquit, non est illi ratio existendi in loco, nisi ut applicata per actum imperii, aut voluntatis angelicæ, ad talem vel talem locum; sub qua ratione fundare potest ubicationem & præsentiam modò ad majorem, modò ad minorem locum.

- 16 Sed contra primò: Si substantia Angeli non sit illi ratio existendi in loco, nisi ut applicata per actum imperii, aut voluntatis Angelicæ, sequitur substantiam Angeli posse ab omni loco absolvi; quòd quamvis sit verum, negatur tamen ab Adversariis. Sequela patet: quia Angelus potest suspendere omnem actum liberum suæ voluntatis, & per consequens nulli omnino loco suam applicare substantiam.

- 17 Præterea efficaciter impugnatur hæc responsio: Quando Adversarii dicunt, substantiam Angeli, non secundum se præcisè, sed ut applica-

tam diversimodè, per actum imperii, aut voluntatis Angelicæ, esse illi rationem formalem proximam efficiendi modò in majori, modò in minori loco, juxta beneplacitum ejusdem Angeli: vel per hoc volunt, quòd applicatio substantiæ Angelicæ ad talem vel talem locum sit ratio formalis proxima efficiendi in majori vel in minori loco, vel causa efficiens illius præsentis, vel conditio sine qua non? Primum dici non potest ab Adversariis: alias enim, cum libera applicatio substantiæ Angelicæ ad locum, sit operatio ipsius, virtualiter saltem transiens, sive exercitium virtutis activæ ipsius in locum, incident in sententiam S. Thomæ quam impugnant, scilicet virtutem operativam Angeli, unà cum exercitio suo, sive cum actuali operatione, esse rationem formalem & adæquatam proximè fundantem ipsius ubicationem, sive causaliter immediatè illi tribuentem quòd sit in loco corporeo. Si autem dicitur secundum, vel tertium, nempe quòd applicatio libera substantiæ Angelicæ, est causa efficiens, vel conditio sine qua Angelus non esset modò in majori, modò in minori loco, substantia verò ipsius Angeli est causa sive ratio formalis diversitatis ejusmodi effectuum. Contra est, quia causa efficiens, vel conditio sine qua non, quantumcumque variabilis, non potest mediante causâ formali invariata manere, producere diversum effectum formalem; subindeque licet velit Angelus applicare suam substantiam modò ad majorem, modò ad minorem locum, si tamen ipsa ratio substantiæ, quæ invariabilis est intrinsecè, sit ei causa formalis efficiendi in loco, nunquam poterit existere nisi in æquali loco. Et hoc patet à simili in nobis: quamvis enim libera applicatio sit causa efficiens, vel conditio necessaria requisita, ad hoc ut potius in isto loco, quam alibi existamus: nisi tamen varietur intrinsecè nostra quantitas, nunquam efficiet mediante illâ, quòd majorem vel minorem locum occupemus.

Dices, disparitatem esse inter substantiam corpoream & Angelicam: illa enim est in loco per omnimodam commensurationem totius quantitatis cum toto loco, & partium ejusdem quantitatis cum partibus loci; hæc verò est tota in toto, & tota in qualibet parte, sicut anima rationalis in corpore, & corpus Christi in Eucharistia; unde sicut anima rationalis, absque sui variatione intrinseca, potest informare nunc majorem nunc minorem materiam, & corpus Christi aliquando esse sub majoribus, aliquando sub minoribus dimensionibus, sive speciebus, juxta voluntatem consecrantis; ita & Angelus absque intrinseca variatione suæ substantiæ poterit aliquando in majori, aliquando in minori loco existere, juxta beneplacitum suæ voluntatis.

E Sed contra: Quòd aliqua substantia sit tota in toto aliquo loco, & tota in qualibet parte illius loci, non facit quòd illa possit se constituere aliquando in majori, aliquando in minori loco, prout sibi libuerit: nam Deus est totus in toto loco corporeo, & totus in qualibet parte illius, & tamen non potest non replere omnem locum creatum. Item, ut exemplo Adversariorum utar, anima rationalis est tota in toto corpore, & tota in qualibet ejus parte: & tamen non potest ad libitum aliquando informare totum corpus, aliquando solùm unam partem illius. Unde quòd illa possit informare modò minorem materiam,

dum scilicet primò actu corpus pueri, modò majorem, quando nimirum idem puer crescit. hoc non provenit ex eo quod est tota in toto corpore, & tota in qualibet ejus parte, sed quia ex natura sua determinata est ad hoc ut primò actu et minore materia, deinde majorem, in propriam substantiam hominis conversam. Similiter quòd corpus Christi possit aliquando sub minoribus, aliquando sub majoribus dimensionibus panis existere, juxta beneplacitum consecrantis, signantis materiam in illud convertendam, provenit ex natura live institutione sacramenti Eucharistie, ipsam ad hoc determinante. At verò substantia Angeli non est per se & ab intrinseco, live ex natura sua, determinata ad hoc ut pro diversis temporibus sit nunc in minori loco, postea verò in majori: quin potius, cum sit omnino invariabilis ab intrinseco, oportet consequenter quod determinet ipsum Angelum ad existendum semper in æquali loco, si sit illi (ut volunt Aversarii) ratio formalis proxima existendi in loco.

## §. III.

*Modus dicendi Vazquezij impugnatur.*

20 **D**ico secundò: Ratio formalis per quam Angelus in loco constituitur, & in qua fundatur ubi Angelicum, non est modus aliquis unionis ad corpus, per liberam Angeli voluntatem productus, & ex illa omnino pendens, quo ante omnino operationem transeuntem conjungatur corpori. Ita communiter Theologi contra Vazquem.

21 **P**robatur breviter: Primò quia unio illa Angeli ad corpus, seu locum corporeum, fictitia est & chimerica; neque enim est unio materie cum forma, vel accidentis cum subiecto, aut nature cum supposito, vel partis cum parte, ut de se patet; nec etiam est unio agentis cum passivo, aut moventis cum mobili, ut docet Vazquez: Sed nulla alia unio præter istas excogitari potest: Ergo &c.

22 **C**onfirmatur: Modus unionis inter aliqua extrema solum ponitur, quando ex illis unitis resultat unum aliquod tertium; cum unio sit quasi via ad unum: Sed ex Angelo & loco corporeo non constituitur aliquod tertium, quod sit unum ab eis distinctum, ut ostendit D. Thomas 2. cont. Gent. cap. 56. *Sunt enim unum* (inquit) *in agendo & patiendo, quod non est esse unum simpliciter*: Ergo inter illa nullus debet poni modus unionis, qui sit ratio fundandi ubi Angelicum.

23 **A**ddo quòd in corporibus non requiritur talis modus antequam operentur, sed solum quædam juxta positio, ex qua quædam solum denominatio extrinseca in extremis resultare solet: cur ergo in angelis necessarius erit?

Deinde, Vix potest intelligi, quomodo Angelus mediante illo modo suæ substantiæ superaddito, contingat locum & corpus, antequam in ipsum agat: ut enim docet D. Thomas ubi supra, & in 1. dist. 37. quæst. 3. art. 1. non est nisi duplex contactus, nempe proprius eorum, quorum ultima sunt simul, & contactus metaphoricus, qui est per actionem: Sed contactus proprius Angeli repugnat; cum ei non sint puncta, vel lineæ, aut superficies, quæ sunt corporum ultima; metaphoricus verò, qui est per actionem, Angelo non convenit antequam aliquid agat in corpus: Ergo &c.

24 **P**raterea, Si per liberam Angeli voluntatem produceretur modus unionis, quo Angelus esset

**A** unicus corpori, seu loco corporeo, talis modus non solum produceretur in Angelo, sed etiam in corpore: nam sicut Angelus corpori, ita & corpus Angelo uniatur; imò cum corpus magis sit mutabile, quam Angelus, modus ille potius ex parte corporis, quam ex parte Angeli se teneret: Sed productio talis modi in corpore, est actio virtualiter transiens: Ergo Angelus non erit in loco ante omnem operationem transeuntem: Unde Alarcon Vazquis discipulus, postquàm loco supra citato exasperatus in sententiam Thomistarum, qui dicunt Angelum esse in loco per operationem transeuntem, falsitatis eam damnavisset, imò risu quodam exceperit eorum responsionem, qui dicunt operari Angelos in quibusdam corporibus aliquas qualitates occultas, postea mitior efflatus cap. 5. docet operationem transeuntem, & applicationem virtutis operativæ, quam antiqui Theologi posuerunt pro præsentia Angelica explicanda, venerandam & sequendam esse; non ut Angelus per talem operationem contingat corpus, ut dicunt Thomistæ; sed ut per illam producat unionem cum corpore, quàm mediante Angelus est in loco, ut Vazquez asserit. Ex quo deduci potest contra illos Autores argumentum ad hominem. Idem enim negant rationem formalem præsentia Angelicæ esse operationem, quia, inquit, priusquam Angelus operetur in aliquo corpore, debet illi esse præsens & conjunctus localiter; cum præsentia agentis ad passum sit conditio prærequisita ad actionem: Atqui similiter priusquam detur modus ille unionis ad corpus, à Vazque excogitatus, Angelus debet esse præsens loco: Ergo non magis per illum modum, quàm per operationem transeuntem, potest Angelus in loco existere. Major patet, Minor verò probatur. Ante illum modum requiritur actio productiva illius, & unitiva ad talem locum. Sed hæc operatio nequit esse absque præsentia Angeli ad locum cum non detur actio in distans, & cum Angelum, priusquam aliquid operetur in aliquo corpore, debeat esse illi præsens & conjunctus localiter, ut illi Authores contra Thomistas arguunt. Ergo modus ille unionis Vazquezij, supponit præsentiam Angeli ad corpus, ejusque in loco existentiam, si vera sunt illius principia.

Denique, modus ille dicendi non explicat quomodo Angelus possit esse in loco præternaturali & violento: cum enim in illo sit contra suam voluntatem, ratio formalis per quam in eo constituitur, non potest esse aliquis modus unionis, per liberam Angeli voluntatem productus, & ex illa omnino pendens; neque etiam potest in eo esse per unionem ab alio Angelo superiori productam, quia unus Angelus alterius substantiam intrinsece immutare non potest: unde ait S. Thomas qu. 3. de potentia art. 7. ad 1. *Dens in natura operatur, non autem unus Angelus in alio*: Ergo &c.

## §. IV.

*Sententia D. Thomæ statuitur.*

**D**ico tertio: Ratio formalis proximè & immediate fundans ubicationem Angeli in loco connaturali, live causaliter proximè illi tribuens esse in tali loco, est operatio virtualiter transiens.

Hanc conclusionem ita clarè & expresse docet S. Thomas, ut de ejus mente nullus relinquitur dubitatio. Nā 1. dist. 37. quæst. 3. art. 1. licet ait: *Quod aliquid determinetur ad locum aliquem,*



quem, hoc non est nisi inquantum per aliquem motum applicatur ad locum illum & non ad alium: hac autem applicatio vel intelligitur secundum situm aut contactum, vel secundum formam, vel secundum operationem aliquam? Secundum formam: sicut anima est in corpore: quomodo Angelus in re locali esse non potest, cum non sit actus corporis. Secundum determinatum situm: sicut punctus in linea quam terminat, quomodo Angelus in loco non est, quia extensio eius omnino à situ absoluta est. Secundum contactum: sicut in loco est corpus. Contactus autem dicitur dupliciter, proprie & metaphorice: proprie tangere est habere ultimam simul; & patet quod hoc Angelo convenire non potest: tactus autem metaphorice est per actionem, sicut dicitur contristans tangere; & iste tactus Angelo potest convenire. Relinquitur ergo, quod Angelus definiti vel determinati non potest ad locum aliquem, nisi per actionem & operationem. Et post pauca subdit: Angelus & quilibet substantia incorporea, non potest esse in corpore vel in loco, nisi per operationem, que effectum aliquem in eo causat. Et infra: Angelus est in loco, quatenus operatur circa aliquod corpus locatum, vel motum, vel lumen, vel aliud huiusmodi.

27 Videri etiam potest quodlibet 1. art. 4. ubi hac habet: Sicut corpus est in loco per contactum dimensionis quantitatis, ita Angelus est in loco per contactum virtutis: Si quis autem velit virtutis contactum operationem vocare, propter hoc quod operari est proprius virtutis effectus; dicatur quod Angelus est in loco per operationem: ita tamen quod per operationem non intelligatur sola motio, sed quacunque unio, quæ suæ virtuti, sc. corpori unit, præfendo, vel continendo, vel quocunque alio modo. Ubi advertendum est, nomine unionis non esse intelligendum modum unionis. præcedenti impugnatum, sed (ut ait Ferrarientis 3. contra Gentiles cap. 68.) quantumque aliam operationem, à motione locali distinctam; operatio enim agentis, transiens in passum, est ejus cum passio unio, & rei in passu productæ effectio. Unde cum subdit, quod Angelus est in loco præfendo, hoc non debet intelligi de præfidentia habituali, sed actuali supra corpora inferiora; ad quam requiritur ut præficiens actus influat in id cui præfedit, & aliquam operationem erga illud exerceat: vel si intelligatur de præfidentia habituali, & sine ulla operatione erga corpus, quæ tangat illud; dicendum est, D. Thomam per talem præfidentiam explicare præfidentiam ordinis, quam habet Angelus, cum per dictamen practicum ordinat se erga aliquem locum, ut infra cum Cajetano exponemus.

28 Præterea idem S. Doctor 3. contra Gentiles cap. 68. sic discurre: Omne quod est in loco, vel in re quacunque, aliquo modo contingit ipsam, res enim corporea est in aliquo sicut in loco, secundum contactum quantitatis dimensionis; res autem incorporea in aliquo esse dicitur, secundum contactum virtutis, cum caret dimensionis quantitate. Sic igitur si habet res incorporea ad hoc quod sit in loco per virtutem suam, sicut si habet res corporea ad hoc quod sit in loco per quantitatem dimensionis. Quibus verbis hanc rationem fundamentalem nostræ conclusionis insinuat: Id debet esse in Angelo ratio formalis proxima, & immediata essendi in loco connaturali, seu ratio fundandi proximè ubicationem in illo, per quod actus illi tangit, sed illi non tangit nisi per operationem virtualiter transiensem: Ergo talis operatio est in Angelo ratio formalis proxima, & immediata essendi in loco connaturali. Major patet exemplo corporum: idem enim in rebus

A corporeis quantitas dicitur ratio formalis proxima & immediata essendi in loco, seu fundandi ubicationem in illo, quia substantia corporea non contingit locum, nisi ratione quantitatis. Minor verò probatur: nam juxta Aristotelem 2. Physic. cap. 5. & D. Thomam ibidem, & loco supra relato ex 1. sent. duplex tantum est contactus; unus proprie dictus, qui est quantitatis molis seu dimensionis; alter improprius & metaphoricus, qui est à quantitate virtutis, nempe operatio virtualiter transiens: Sed Angeli, cum immateriales & incorporei sunt, locum corporeum per quantitatem molis, & contactu proprie dicto contingere nequeunt: Ergo illum solum tangunt, contactu virtutis, qui fit per operationem virtualiter transiensem.

Confirmatur: Illud proximè fundat ubicationem Angeli in loco connaturali, quod est ipsi ratio tangendi nunc majorem, nunc minorem, nunc indivisibilem locum, prout ipsi libuerit: Sed sola operatio virtualiter transiens hoc habet, utpote quæ sola est libera, subindeque variabilis, ut docet sanctus Thomas loco supra citato ex primo sentent. artic. 2. his verbis: Licet Angeli potest esse divisibilis vel indivisibilis, aut magnus, vel parvus, secundum quod operatio ejus innodiat ad magnum vel parvum terminatur: Ergo sola operatio virtualiter transiens, proximè fundat ubicationem Angeli in loco connaturali.

Potest etiam suaderi conclusio aliâ ratione ex doctrina D. Thomæ desumptâ. Ratio formalis proximè fundans ubicationem Angeli, sive causaliter illi tribuens esse in loco connaturali, debet esse ita elevata & eminens, ut ratione illius possit Angelus quando voluerit se ab omni loco absolvere: Sed hoc solum potest convenire operationi Angeli, non verò ejus substantiæ: Ergo ratio formalis proximè fundans ubicationem Angeli, sive causaliter illi tribuens esse in loco connaturali, non est substantia Angeli, sed solum ejus operatio virtualiter transiens. Minor est certa: Illud enim quod ita tribuit Angelo esse in loco, ut simul sit ratio ipsum absolvendi ab omni loco, quando voluerit, debet esse aliquid liberum, & talis naturæ, quod possit adesse vel abesse ab Angelo, quando voluerit: Substantia autem Angeli est aliquid omnino necessarium, nec potest Angelus ea spoliari, quando voluerit, è contra verò operatio virtualiter transiens, liberè ei convenit. & potest cum voluerit illam suspendere, vel omnino ab ea cessare: Ergo &c. Major autem, in qua est difficultas, & quæ ab Adversariis negatur, sic potest suaderi: Angelus potest seipsum absolvere ab omni loco, quando voluerit: Ergo ratio formalis illi tribuens esse in loco connaturali, debet esse ita elevata & eminens, ut possit etiam illi esse ratio absolvendi se ab omni loco. Consequentia patet, Antecedens verò ostenditur primò ex D. Thomâ, loco supra citato ex 1. sent. art. 1. ad 4. ubi ait: Non reputo inconveniens, quod Angelus sine loco possit esse & non in loco, quando nullam operationem circa locum habet. Et quæst. 3. de potentia art. 19. ad 2. Nihil prohibet (inquit) Angelos non esse in loco, si voluerint. Videri etiam potest quodlib. 6. art. 3. ubi idem expressè docet.

Præterea idem Antecedens ratione suadet: Perfectissima forma substantialis, scilicet anima rationalis, hoc ipso quod perfectissima, non obligatur corpori, sed potest ab illo absolvi, & seorsum separari.



separata existere; & cum illi unitor, minimè illi subordinatur, sed potius illud sibi subdit & subordinat: Ergo similiter locabilia perfectissima, qualia sunt intelligentiæ, non subordinantur, etiam in ratione locabilis, loco corporeo, sed potius cum illi coniunguntur, cum sibi subijciunt & subordinant. Consequentia probatur: quia major est connexio formæ cum materia, quam rei locabilis cum loco: Ergo si perfectissima forma possit penitus à materia absolvi, nec illi subordinetur, cum eam informat; multò potius ratione perfectissima res locabilis poterit absolvi ab omni loco, nec subordinabitur loco, cum illi applicabitur, sed potius illum sibi subijciat ac subordinabit.

**Tertiò** Antecedens principale ostenditur. Angeli ante mundum corporeum à Deo creari poterant; imò illòs ante mundi corporei machinam à Deo fuisse conditos, docent plures ex Patribus Græcis, quos disput. 1. retulimus: Sed tunc nullus fuisset locus corporeus: Ergo Angeli possunt ab omni loco corporeo absolvi, esseque in rerum natura, & tamen nullibi existere, ut magis ex solutione argumentorum patet.

**¶** Denique probari potest conclusio ratione quam inlinuat Sanctus Thomas hic art. 1. in corp. ubi ait: *Substantia incorporea sua virtute contingens rem corpoream, continet ipsam, & non continetur ab ea: anima enim est in corpore ut continens, & non ut contenta. Et similiter Angelus dicitur esse in loco corporeo, non ut contentum, sed ut continens aliquo modo.* Unde quod de anima dicit Gregorius Nyssenus in libro de anima: *Neque in corpore est ut in vase, sed corpus potius in ea* (ut in continente scilicet & movente, qui est unus ex modis essendi in alio assignatis ab Aristotele 4. phys. cap. 3.) dici etiam potest de Angelo, cuilibet corpori unito; illum scilicet esse in loco, non ut contentum sed ut continentem locum. Ex qua doctrina hoc potest argumentum confici. Angelus non est in loco connaturali, ut ab eo contentus, sed potius ut illum continens: At si esset in illo per suam substantiam, non vero per operationem, esset in illo ut contentus, non ut continens; nam continere dicitur locum, non formaliter, aut materialiter, sed effective: Ergo Angelus non est in loco per suam substantiam, sed duntaxat per suam operationem.

**¶** Dico ultimò: Ratio formalis proximè fundans ubicationem Angeli in loco violento, est passio ex parte Angeli se tenens, qui scilicet ab aliquo agente patitur, & ita alligatur ut non permittatur ipsum alibi operari.

Probatur: Quilibet contactus rei locabilis & loci est ratio formalis proximè fundans ubicationem: unde sicut ubicatio Angeli in loco connaturali fundatur in contactu activo, quo Angelus per actionem transiuntem aliquod corpus effective contingit, illudque activè continet, & sibi subijciat ac subordinat, ut antea declaratum est; ita ejus ubicatio in loco præternaturali & violento, fundari debet in contactu passivo, quo Angelus ab aliquo agente corporeo patitur vel ita ab illo ligatur, & detinetur, ut impediatur ne possit operari ubi vult, & secundum quod vult. Unde Cajetanus hic art. 3. ait Angelos naturaliter locari in loco per operationem. Demones vero per pati potius quam per agere. Sed de hoc plenius agemus infra tractando de pena demonum.

**¶** Advertendum tamen est, me ex industria di-

xisse, rationem formalem proximè fundantem ubicationem Angeli in loco violento esse passionem, quæ Angelus ab aliquo agente corporeo ita patitur, ut ab illo ligetur & impediatur ne possit operari ubi vult: quia sola passio Angeli à loco corporeo non est sufficiens ad hunc effectum, sed illa solum quæ talis est conditionis, ut ratione illius Angelus ita ligetur, ut non permittatur ipsum alibi operari. Unde licet Demones, etiam dum in isto aëre existunt, aliquid patiantur ab igne inferni, non dicuntur tamen in inferno tanquam in loco existere, quia talis ignis permittit ipsos operari in aëre, & extra infernum, usque ad diem judicii.

**¶** Præterea observandum est, quod licet animæ puerorum sine baptismo mortuorum, per passionem seu passivam alligationem in limbo existant; hæc tamen passio, seu passiva alligatio non habet in illis rationem pœnæ sensus: quia cum non apprehendant illum locum, nec illam detentionem, ut sibi disconvenientem, ex illa non tristantur, nec ei reluctant; quod tamen necessarium esset, ut prædicta detentio & alligatio rationem pœnæ sensus haberet: propter quod etiam, licet dicantur ibi existere tanquam in loco præternaturali, non tamen tanquam in loco violento.

#### §. V.

*Expediuntur difficultates, quæ contra D. Thomam sententiam proponi solent.*

**C**ontra sententiam paragrapho præcedenti expositam, variis modis insurgunt Adversarij. Primò argumentantur à priori: quia Angelus antecedenter ad operationem est in loco. Secundò aliquibus exemplis, quibus ostenditur Angelos aliquando esse in loco sine operatione transiente. Tertiò ab inconvenientibus. Quas omnes difficultates & objectiones D. Thomas prævidit ac resolvit, ut ex dicendis patet.

Primum ergo Adversariorum fundamentum sic proponitur. Prius est Angelum esse in loco corporeo, quam in eo operari: Ergo operatio virtualiter transiens non potest esse ratio formalis proximè & immediatè fundans ubicationem seu præsentiam Angeli in loco corporeo. Consequentia est manifesta, Antecedens probatur, Primo prius est Angelum esse quam operari: Ergo similiter prius est esse in loco, quam operari in loco. Secundo, Approximatio seu applicatio agentis ad passum est conditio necessaria prærequisita ad operandum tertio illud, ut docent Philosophi 7. Physic. Tertio probatur ex Scriptura & SS. Patribus, qui docent Angelos accedere ad corpora, vel ad Spiritus, ut circa rese ejusmodi operentur: nam Danielis 10. Gabriel Angelus dicit: *Michael venit mihi in adiutorium*, scilicet ad Hebræos liberandos à servitute. Et Zachar. 2. ut duo Angeli possent invicem loqui, accessit unus ad alium. Item Matth. 4. dicitur: *Angeli accesserunt ei* (scilicet Christo) & ministrabant ei. Denique Damascenus de fide cap. 17. sic habet: *Quia Angelus promptè acceleriter transit, ideo in diversis locis operari dicitur: Ergo ille transitus ad diversa loca præcedens est, & dat Angelis conditionem prærequisite ut possint operari.*

Respondeo D. Thomam quodlib. 1. art. 4. idem argumentum sibi opponere Sic enim ait: *Videtur quod Angelus non sit in loco secundum operationem tantum. Prius est enim quam operari: Ergo prius est esse in loco, quam operari in loco: Sed posterius non est causa prioris: Ergo operari in loco,*

non est causa quare Angelus sit in loco. En ipsissimum Adversariorum fundamentum; cui S. Doctor sic respondet: Ad primum dicendum quod nihil prohibet aliquid esse prius simpliciter, quod non est prius quantum ad hoc; sicut corpus subiectum est simpliciter prius superficie, sed non quantum ad hoc quod est colorari; & similiter prius simpliciter est corpus quam radius, tamen ipsum est in loco per tactum dimensione quantitate; & similiter Angeli per contactum virtutis. Quem locum expendens Capreolus in 2. dist. 2. quæst. 1. art. 3. ad 1. contra 1. ait: Ex hoc apparet, quod sicut prius est corpus esse quam tangere, tamen posterius est corpus esse in loco, quam corpus tangere locum: ita in proposito prius est Angelum esse, quam operari; tamen posterius est Angelum esse in loco, quam operari in loco.

7. Eandem doctrinam fusius exponit Cajetanus hic art. 1. & supra quæst. 8. art. 1. ubi rectè observat in re locata tria esse: v. g. in corpore est substantia quæ locatur, quantitas quæ est ratio locandi, & relatio præsentis, quæ sequitur ad illa duo, tanquam ad proprium fundamentum. In Angelo similiter est substantia, quæ est præsens ut quod; contactus virtutis, qui est præsens ut quo; & ipsa relatio præsentis, confurgens ex illis duobus; quam relationem quidam volunt esse distinctam ab alia quam habet idem Angelus ad corpus, sicut agens ad passum; licet Cajetanus probabiliter sentiat eam non esse distinctam. Hæc ergo tria possunt diversimodè considerari, & juxta diversas considerationes habere rationem prioris & posterioris: nam si considerentur ut sunt entitates quædam existentes in rerum natura, sic prior est in Angelo substantia quam operatio, & operatio prior quam relatio; sicut etiam in corpore prior est ipsa substantia, quam quantitas & relatio. Si verò considerentur, non absolute ut entitates sunt, seu ut rationes existendi in rerum natura simpliciter, sed prout rationes essendi in loco: sic quemadmodum in rebus corporeis prior est quantitas quam substantia, & deinde sequitur ipsa relatio: ita in rebus spiritualibus prior est ipsa operatio quam substantia Angelica; quas tanquam ad subiectum & rationem fundandi resultat relatio præsentis. Unde ad argumentum in forma respondeo, negando Antecedens: ad cuius primam probationem, concesso Antecedente, nego Consequentiam & paritatem. Ratio discriminis est, quia Angelum esse simpliciter & absolute, non est effectus formalis operationis, bene tamen Angelum esse in loco: unde cum omnis causa sit prior saltem naturæ suo effectui, prius naturæ est Angelum operari circa aliquod corpus, quam fieri illi præsentem localiter; licet hæc duo simul existant, similitudine temporis & durationis, ut infra magis exponemus.

32. Ad secundam probationem Antecedentis dicendum est, quod licet in agentibus corporeis approxinatio agētis ad passum sit conditio prærequisita ad operationem; quia nimirum agunt per virtutem subiectam in quantitate, atque adeo ab illa dependentem, & cā loco, cui omnino commensuratur: in agentibus tamen spiritualibus, nempe Deo & Angelis, quorum virtus operativa, sive quantitas virtutis, non subiectatur in quantitate, nec proinde commensuratur loco, approxinatio non est conditio antecedens operationem, sed in eodem instanti concomitans illam; imò talis approxinatio, unio, & præsentia spiritus ad locum, est ipsamet operatio Angelica in locum, adeo ut Angelus operando in corpus

A ipsi approxinetur, uniatur, applicetur, & ipsum tangat: sicut anima nostra informando corpus, illi approxinatur, unitur, & illud tangit, & sicut si quantitas in nobis esset activa, operando & agendo tangeret, & sibi uniret aliud corpus.

Dices: Quando agens spirituale est finitæ virtutis, operatur per actionemeductivam formæ de subiecto: Ergo debet prius esse conjunctum subiecto, quam circa illud operetur. Consequentia patet: nā actioeductiva egreditur ab agente ut conjuncto subiecto in quod agit, & dependenter ab ipso: Ergo prius est, agēs actioneeductiva esse conjunctum subiecto, quam in illud operari.

Respondeo verum esse, agens spirituale finitæ virtutis operari semper per actionemeductivam, quia virtus finita non potest attingere totam rei entitatem; non esse tamen necessarium, ut prius simpliciter quam operetur, sit conjunctum subiecto, sed sufficere quod ipsi conjungatur, per ipsammet operationem; quæ habet duo munera inadequata, scilicet conjungere agens subiecto, & in eo causare effectum, ita ut unum sit prius alio, in diverso genere causæ: nam in genere causæ materialis prius est agens conjungi subiecto, per operationem, quam in eo producere effectum; e contra verò in genere causæ efficientis prius est operationem causare effectum, quam conjungere agens passio. Sicut prius est in genere causæ efficientis formam introduci in materiam à generante, quam accidentia ab ea connaturaliter emanare: e contra verò in genere causæ materialis prius est accidentia recipi in materia, & eam disponere ad introductionem formæ à qua dimanant, quam formam introduci, ut docent nostri Thomistæ in libris de generatione.

Ex quo patet solutio ad tertiam probationem: 41. nam quando Scriptura & SS. Patres dicunt Angelos vel spiritus accedere ad corpora ut circa illa operentur, solum intendunt declarare munus illud inadequatum, quo prius natura in genere causæ materialis Angelus conjungitur subiecto per operationem, quam per illam in eo producat effectum. Vel per accessum & approximationem Angelorum ad corpora, ut circa illa operentur, significatur præsentia quædam inchoativa & incompleta, quam habet Angelus quando incipit se ordinare ad aliquem locum, ut ibi operetur: quam præsentiam Cajetanus hic art. 1. appellat præsentiam ordinis; docetq; tres præcipue conditiones ad illam requiri, nempe iudicium practicum de operatione nunc vel tali tempore ab ipso Angelo exercenda; electionem illius operationis; & expeditionem potentis executive: oportet enim quod talis potentia non ligetur virtute aliquâ superiori, aut in aliquo alio opere non occupetur. His suppositis conditionibus, docet Cajetanus Angelum fieri præsentem loco inchoativè & incompletè, seu in actu primo, prius naturæ quam operetur, & per ipsam operationem completè & in actu secundo.

Deniq; cum Scriptura dicit, quod Angeli accesserunt ad Christum, ut ei ministrarent; quod ingressus est Angelus Gabriel ad Mariam, & similia; hæc debent intelligi de accessu & ingressu Angelorum, qui sit per motum localem continuum aut discretum, quique in diversis eorum operationibus sibi invicem succedentibus, & circa diversa loca elicitis, consistit, ut disputatione sequenti dicemus. Et idem Damascenus supra relatus ait: Quia Angelus promptè & citò pertransit.

*in variis locis operari dicitur.* Unde ibidem docet operationem esse rationem formalem, quare Angelus in loco existat, dum ait: *Angelus in loco esse dicitur, propterea quod ibi operatur*: nam particula illa, *propterea*, causalis est, ac proinde, causam, cur Angelus in loco existat, aperte significat. Idem docet Gregorius Nilenus relatus à D. Thoma in 1. dist. 37. quæst. 3. art. 1. quamvis errore Typographi, loco Nisleni, politus sit Nazianzenus. Unde opus. 1. 5. cap. 18. eundem locum ex Nisleno, non ex Nazianzeno refert.

## §. VI.

*Secundum Adversariorum fundamentum diluitur, & solvuntur argumenta ex aliquibus exemplis desumpta.*

43. **S**ecundò arguunt Adversarii ex aliquibus exemplis, quibus ostendunt Angelos posse esse in locis, in quæ nullam habeant operationem transeuntem, de qua solum est disputatum. Primò, inquit, omnes Angeli creati sunt in cælo Empyreo, ut disp. 1. ostendimus, & in eo adhuc perseverant beatis; & tamen nihil in eo operantur actione transeunte; quia Angeli nihil possunt operari in corpora, nisi per motum localem, ut colligitur ex S. Thoma infra quæst. 110, art. 3. cælum autem Empyreum non potest moveri ab Angelis motu locali, cum sit corpus immobile. Dicere autem quòd Angeli actionem aliquam transeuntem nobis cum suo termino occultam in illud exerceant, ut Ferrariensis & quidam alii Thomistæ videntur asserere, est, inquit, ad humanæ ignorantie asyllum confugere, & difficultatem fugere, non solvere: nam si valeret hæc responsio, quævis alia argumenta per ignorantiam solutionis solvi possent. Unde Alarcon (ut supra vidimus) risu quodam illum excipit, & tanquam absurdam ac ridiculam suggillat & spernit.
44. **S**ecundum exemplum est de Dæmonibus, qui igne tartareo alligati, & ut loquitur Scriptura 2. Petri 2. *ruentibus inferni devincti*, in abyssis seu locis inticis detinentur: Atqui ibi non agunt in flammis inferorum; imò & contra ab illis patiuntur: Ergo Angeli existunt in locis, in quibus, vel in quæ nullam actionem transeuntem eliciunt.
45. **A**liud exemplum ex Scriptura desumitur. Dicitur enim Tobia 8. quòd Asinodæus Dæmon ab Angelo Raphaële religatus est in deserto superioris Egypti; ne scilicet ulli rei nocere posset actione sua & operatione transeunte, quæ illi spiritus in se maligni, sunt in alia malefici, quantum possunt: At Asinodæus in locum illum, in quo divinitus detinebatur, nullam actionem transeuntem exercebat, nec illud desertum movebat localiter, imò seipsum localiter movere non poterat: Ergo idem quod prius.
46. **A**lia instantia fieri potest de animabus Patrum in veteri Testam. quæ descendeant in Lymbū, tanquam in locum suum, eoque deferreantur per Angelos, ut de anima Lazari dicitur. Lucæ 16. & tamen dici non potest eas aliquā actione transeunte egisse in locum Lymborum, in quo usque ad adventum Christi detentæ sunt. Eadem difficultas procedit de animabus puerorum sine baptismo mortuorum, quæ in Lymbo tanquam in carcere perpetuò tenebuntur; & tamen nulla potest fingi actio transiens, quam in illum per totam æternitatem eliciant.
47. **U**ltima denique instantia sit. Ex Scriptura constat Angelos cultores ordinariè præsentare ei

A se iis qui eorum curæ sunt commissi, eosque ubique comitari: Sed incredibile videtur, Angelos continuā actione non interruptā, erga clientelæ agere: Ergo localis eorum præsentia non fundatur in operatione virtualiter transeunte.

Hæc tamen instantia ex fundamentis supra statutis facile dilui possunt. Ad primum enim, quæ de bonis Angelis in cælo Empyreo existentibus procedit, in primis dico illam posse retorqueri contra Vazquem & Alarcon, qui (ut supra vidimus) docent Angelos esse præsentem loco, per modum aliquem unionis ad corpus, eorum substantiæ superadditum, & per liberam Angeli voluntatem productū. Ridiculū enim & absurdum videtur, quòd Angeli per totam æternitatem occupentur in producendo modo aliquo unionis cum cælo Empyreo, ita quòd si unico momento ab illa occupatione, & modi illius productione desisterent, statim ex Empyreo caderent, nec eorum ampliùs in cælo locus inveniretur.

Addo quòd, cum productio illius modi sit aliqua actio virtualiter transiens, ut supra ostendimus, illi Auctores negare non possunt, bonos Angelos habere, & per totam æternitatem habituros actionem aliquam transeuntem in cælo Empyreum. Unde dum Alarcon ut ridiculam sugillat Thomistarum sententiam, suam, ac se ipsum, risui Theologorum exponit. Hoc præmissis,

**R**espondeo Angelos habere aliquam operationem circa cælū Empyreum, quamvis ad huiusmodi operationis plenā noticiam perungere non possimus. Nec debet hoc esse mirum: primò, quia ut ait D. Thomas in 4. dist. 45. quæst. 1. art. 1. ad 1. incorporea sunt in loco, modo speciali qui non est nobis plenè manifestus: secundò, quia non cognoscimus cælum Empyreum esse, & in eo residere Beatos, nisi discursu Theologico. Et hoc tantum voluit Ferrariensis 3. contra Gentes cap. 68. cum dixit: *Non oportet sollicitari quā operatione agat in cælum Empyreum angelus: quia sicut nobis non plenè cognita est natura angelica, neque cæli Empyreici natura, ita nec nobis note sunt omnes operationes, quibus potest aliquid in cælo Empyreico & in corporibus operari.* Unde Augustinus 2. de Trinit. cap. 10. de Angelorum miraculis & operationibus disputans, hæc ait: *Mibi omninò utile est ut meminerim vtriusque meorum, fratresque meos admonere, ut meminerint suarum, ne ultra quāmtutum est, humana progrediatur infirmitas: quemadmodum enim hæc faciant Angeli, vel potius quemadmodum Deus hoc faciat per Angelos suos, nec oculorum acie penetrare, nec fiducia rationis enucleare, nec proventus mentis comprehendere valeo, ut tam certus loquar ad omnia, quæ requiri de his rebus possunt, quāvis essem Angelus, aut Propheta, aut Apostolus.*

**E**xterius licet ignorantiam nostram fateamur, nec perfectè allequi possimus, quid sit hæc operatio angelica circa cælum Empyreum; dno tamen de huiusmodi operatione dici possunt, rationi & doctrinæ D. Thomæ valde conformia. Primum est, per illam produci aliquod lumen, quo magis perficitur innatus splendor Empyreici. Licet enim non possit Angelus immediate qualitates alterativas producere, v.g. calorem & frigus, sed solum applicando activa passivis, bene tamen lucem, ut docet S. Thomas in 1. dist. 37. quæst. 3. art. 1. ubi ait: *Angelus est in loco, in quantum operatur circa aliquod corpus localem, vel motum, vel lumen, vel aliud huiusmodi.* Ratio etiam id tuetur: nam lux est suprema omnium quali-



qualitatum corporearum, natura autem inferior in sui supremo attingitur a natura superiori; quia, ut ait Dionysius 7. de divin. nomin. & refert D. Thomas infra quæst. 110. art. 3. *Sapientia divina conjungit fines primorum principii secundorum.* Porro ex hac luce corpus illud cœleste maxime decoratur & ornatur: si enim de Beatis dicitur Apoc. 21. *Afferent gloriam suam & honorem in illam* (scilicet civitatem cœlestem) multo magis Angelis; luce suâ speciali civitate illam gloriosissimam efficient. Et in hoc sensu intelligendum puto quod docent Capreolus & alii ex Thomistis, videlicet Angelos beatos in cœlo Empyreo ornatum quandam producere: ille enim ornatus non est aliud, quam lux illa producta ab Angelis in Empyreo, quâ, ut dixi, innatus ejus splendor magis perficitur, & corpus illud cœleste, mirum in modum ornatur, ac decoratur.

51. Nec dicas cum Suare, quod substantia perfectissima, quale est cœlum Empyreum, debuit a suo conditore cum tota perfectione sibi debita procedere, subindeque omne lumen ei debitum ipsi ex vi suæ creationis communicari. Respondetur enim, substantiam perfectissimam non debere procedere a suo conditore, nisi cum perfectione sibi debita in suo ordine, & ratione cujus ita in se completa sit, ut non indigeat subordinari alteri ejusdem ordinis, & per eam compleri: non esse tamen contra rationem substantiæ perfectissimæ creatæ, quod indigeat subordinari causâ superiori, & ab ea compleri. Sic quamvis Angeli inferiores perfecti sint, indigent tamen illuminari a superioribus; & universaliter, quamvis sublimaria per suas naturales facultates sint in suo ordine completa ad operandum, nunquam tamen possunt in actum exire, nisi eorum virtus per cœlorum influxum confortaretur & juvaretur; ut docet D. Thomas 1. 2. qu. 109. art. 1.

52. Nec dicas rursus: Quod si cœlum Empyreum tantâ luce & splendore esset ornatum, emitteret ad nos radios, & videretur a vobis, sicut & alia corpora cœlestia. Respondetur enim cum sancto Thoma infra quæst. 66. art. 3. ad 4. negando sequelam: *Quia, inquit, cœlum Empyreum non habet lucem condensatam, ut radios emittat sicut corpus solis, sed magis subtilis; vel habet claritatem gloriæ, quæ non est conformis cum claritate naturali.*

53. Pro solutione aliarum instantiarum, quæ contra hanc responsionem fieri possent. Advertendum est, quod licet influxus talis luminis in Empyreum sit invariabilis ex parte Empyreï recipientis, non tamen ex parte Angelorum influentium: quia dum aliqui a cœlo illo recedunt, alii suppleunt influxum eorum, & virtutem suam extendunt ad illam Empyreï partem cui illi præsidebant, ipsisque reverentibus eam retrahunt, ut suis illis restituantur locis.

54. Secundum quod de prædicta Angelorum in cœlum Empyreum operatione probabiliter dici potest, sumitur ex doctrina S. Thomæ infra quæst. 66. art. 3. ad 2. & quodlibet 6. art. 19. ubi docet cœlum Empyreum influere perpetuitatem & stabilitatem convenientem motibus corporum inferiorum: *Sicut* (inquit quæst. 66. citatâ) *supremi Angeli qui assistunt, habent influentiam super medios & ultimos qui mittuntur, quamvis ipsi non mittantur, secundum Dionysium cap. 8. cœlest. Hierar. Ita cœlum Empyreum habet influentiam super corpora quæ moventur, licet ipsum non moveatur.* Et pro-

Tom. II.

A *per hoc potest dici, quod, insit in primum cœlum quod movetur, non aliquid transiens & adveniens per motum, sed aliquid fixum & stabile, puta virtutem continendi & causandi, vel aliquid hujusmodi ad dignitatem pertinentis.* Angeli ergo existentes in Empyreo insitunt in illud virtutem, quâ prædictum cœlum juvetur ad influendam hanc perpetuitatem & stabilitatem, & ex conjunctione ad influxum angelicum reddatur efficacius. Nam ut idem S. Doctor quodlibet citato differtur: *Totum universum est unum unitate ordinis, ut patet per Philosophum 1. 2. Metaph. Hac autem unitas ordinis attenditur secundum quod ordine quodam reguntur corporalia per spiritualia, & inferiora corpora per superiora, ut Augustinus dicit in 3. de Trinitate.* Unde sicut hæc unitas ordinis, sine aliquo influxu Empyreï in corpora inferiora salvari nequit, ita nec sine aliquo influxu & actione Angelorum in cœlum Empyreum.

Addo cum illustissimo D. de Marinis, Avonionensi Archiepiscopo, in Commentariis ad quæstionem 52. D. Thomæ art. 1. cap. 3. *Quod forte, sicut infernus locat Dæmones quia ut instrumentum divina virtutis agit in illos, eos detinendo; unde resultat in illis passio doloris: sic cœlum Empyreum, ut instrumentum divina virtutis, suavitè detinet spiritus, ex quâ detentione, & quasi complexu, resultat in eis passio lætitiæ, & gaudii accidentalit.*

Quod diximus de Angelis, idem cum proportionem de animabus Beatis in Empyreo existentibus sentiendum est: cum enim illæ in separationis statu se habeant sicut puri spiritus, & ad modum spiritus operentur, atque species infusas ad intelligendum recipiant, sicut Angeli; illæ etiam, vel virtute naturali, vel mediante virtute qualitatum gloriæ, ad producendam lucem in Empyreo, vel ad juvandam prædictum illius in corpora inferiora influxum, non minus quam Angeli possunt concurrere. Possunt etiam in illo statu moveri localiter, ut patet de anima Christi, quam de fide certum est descendisse ad inferos, & iterum ascendisse ad sepulchrum. Utrum autem id possint animæ Beatæ, virtute naturali, vel solum virtute qualitatum gloriæ, disputant Theologi, aliis affirmantibus, aliis negantibus id posse virtute naturalis; istisque aperte facere videtur D. Thomas infra quæst. 117. art. 4. ubi ait: *Animæ separatae suâ naturali virtute non potest movere aliquid corpus.* Quod etiam repetit in responsione ad 1. dicens: *Cum anima secundum suam naturam determinetur ad movendum corpus cujus est forma, nullum aliud corpus suâ naturali virtute movere potest.* Quamvis Joannes à S. Thoma hic disp. 20. ait. 2. hæc testimonia conetur exponere, assertens quod quando S. Doctor negat animabus separatis vim loco motivam, loquitur de suis in ratione formarum, non verò inquantum operantur ut spiritus in vi statû separationis: unde ibidem ait, animas posse habere contactum virtuales ad corpora quæ non informant, & movere ea, ac se movere per contactum & assistentiam ad illa; licet multo infirmior sit vis motiva naturalis in animâ, quam in Angelo. Idque probat ex eo quod naturaliter possunt animæ separatæ velle mutare loca; nam animæ quæ sunt in purgatorio, desiderant esse in cœlo: frustra autem daret illis natura appetitum, seu voluntatem mutandi loca, si eas potentia motiva talis voluntatis executivâ privaret. Utrumque probabiliter sustineri potest, licet pars negativa menti D. Thomæ videatur conformior.

E *conformior.* N. 2. Ad



Ad alia exempla adducta (de Dæmonibus scilicet in inferno existentibus; de Almodeo in deserto superioris Aegypti à Raphaële ligato; de animabus Patrū veteris Testamenti, & puorum sine baptismo mortuorum, in Lybmo de- tentis) patet solutio ex suprà dictis. Illi enim spiritus ibi tanquam in loco connaturali non existunt, sed tanquam in loco violento, aut præternaturali: quando autem dicimus Angelos, vel animas separatas, per operationem trans- euntem in loco existere, loquimur de loco con- naturali, non autem de violento, aut præterna- turali: ostendimus enim in ultima conclusione, rationem formalem talisubiectionis & præsen- tiæ esse passionem, seu passivam alligationem, quā spiritus ita detinentur & alligantur, ut non permittantur alibi operari. Neque hoc est mu- tare rationes formales existendi in loco, sed proportionatè assignare illas: sicut corpus Chri- sti naturaliter existit in loco per extensionem quantitatis, supernaturaliter verbò, & modo spi- rituali ac indivisibili, per conversionem sacra- mentalē.

Addo quod, spiritus alligati corpori, fortè non ita alligantur, quòd priventur omni actione in ipsum, ita ut purè existant per passionem, sed aliquid permittuntur operari, plus vel minus, prout fuerit strictior vel minus stricta alligatio, per quam corpus, ut instrumentum Dei, impe- dit & coercet virtutem operativam Angelis; sicque causat in illo majorem vel minorem pœ- nam. Ita Ferrarientis 3. contra Gent. cap. 86. ad 1. dicens: *Aliquid in ignem agunt, aut motum, aut aliquid aliud nobis ignotum.*

Ad illud quod additur de Angelis custodi- bus, respondeo illos circa nos semper operari a- liquo pacto, vel continendo imaginationem, vel suggerendo bonas cogitationes, vel impediendo nociva: sicut enim infinita propemodum sunt pericula quæ nos latent: ita & ferè infini- tæ & quasi continuæ sunt actiones, quas Angeli boni circa nos exercent. Quando verò nihil cir- ca nos operantur, tunc solum circa nos habent præsentiam illam ordinis, quam suprà ex Caje- tano exposuimus, ut satis apertè docere videtur D. Thomas infra quæst. 1. 3. art. 6. ad 3. dicens: *Angelus licet interdum derelinquat hominem loco, non tamen derelinquit eum, quantum ad effectum custodia: quia etiam cum est in celo, cognoscit quid circa homi- nem agatur: nec indiget morâ temporis ad motum localem, sed statim potest adesse.*

### §. VII.

*Convelluntur alia fundamenta adversæ sententiæ.*

**T**ertio arguunt Adversarij: Si Angelus per operationem transseuntem in loco existat, sequitur quòd si cesser ab omni operatione ex- terna, vel itque solum contemplari, nullibi erit: Sed hoc videtur inconveniens: Ergo & illud. Sequela Majoris patet: sublata enim ratione formali, tollitur effectus formalis. Minorem autem probant: Primò quia substantia Angeli actu existens, nec tamen operans ad extra, finita est & limitata: Sed quod habet esse finitum & limitatum, existitque in rerum natura, alicubi sen in aliquo determinato loco existit; non enim potest esse ubique, cum immetitas sit at- tributum soli Deo ratione infinitatis conveni- ens: Ergo substantia Angeli, etiam non ope-

rans ad extra, alicubi existit. Secundò probant eandem Minorem, quia substantia materialis, ablata quantitate, remaneret adhuc in loco: Ergo & substantia Angeli, cessante omni ope- ratione ad extra. Consequentia patet, ex paritate rationis, Antecedens probatur à Suare & Molina: nam si Deus ab aqua existente in vase au- ferret quantitatem, tunc substantia illa aquæ re- maneret in eodem loco, scilicet intra illud vas; cum enim remaneret in rerum natura, & non esset extra prædictum vas, deberet utique esse intra illud.

Addunt, quod si semel ablata quantitate ab aqua existente in vase, Deus postea, suspenden- do illud miraculum, aquam illam suæ naturæ relinqueret, quantitas ex aquæ illius substantia intra vas ipsam de novo resularet: quod si- gnum est aquæ substantiam ibidem remansisse; alioquin non esset ratio cur potius intra vas, quam alibi prædicta quantitas resularet.

Respondeo D. Thomam in 1. dist. 37. quæst. 3. art. 1. idem omnino argumentum sibi oppo- nere. Sibi enim objicit quarto loco: *Si per ope- rationem conveniat sibi (id est Angelo) esse in loco, non nisi in quantum operatur circa locum aliquem: Sed Angeli non operantur semper circa corporalia: Ergo aliquando non alicubi essent. Nec ubique sunt, quia hoc Dei proprium est: Ergo nusquam sunt, quod videtur absurdum.* Cui argumento sic respondet: *Ad quartum dicendum, quod hoc non reputo inconve- niens, quòd Angelus sine loco possit esse & non in loco, quando nullam operationem circa locum habet: neo est inconveniens ut tunc nusquam, vel in nullo loco esse dicatur; sicut etiam non est inconveniens, quòd nullo colore coloratus dicatur: sed hoc tamen non est imaginabile, quia imaginatio continuum non tran- scendit.* Itaque illud magnum absurdum quod aliqui reputant, nempe quòd Angelus possit non esse in loco, seu ab omni loco absolvi, est in- conveniens imaginationis, non rationis; illique qui sic arguunt (inquit Vazquez) dum loquuntur de spiritualibus, non possunt oblivisci cor- poralia. Unde ad primam probationem in con- trarium respondet S. Doctor ibidem in corpore articuli: *Sed ista est valde rudè probatio, quia pro- cedit ex equivocatione finis: cum enim dicitur essen- tia Angeli finita, accipitur finis pro fine essentie & virtutis... & non pro fine dimensionis: locus autem dicitur finiens, vel finitus, secundum terminos quanti- tatis dimensionis: finis autem secundum utramque ac- ceptionem, nullam commensurationem seu proportio- nem habet: unde non oportet ut quod est finitum in es- sentia, ad terminos loci finiat. In forma ergo ad argumentum respondeo, distinguendo Mayo- rem. Substantia Angeli actu existens, nec tamen operans, finita & limitata est, finitate & limita- tione facta per terminos essentie, concedo Mayo- rem: finitate & limitatione facta per terminos loci, nego Mayorem. Similiter distinguo Mayo- rem: Quod habet esse finitum & limitatum, finitate & limitatione facta per terminos loci, est alicubi tanquam in loco, concedo Minorem: Quod est finitum & limitatum, finitate & limita- tione facta per terminos essentie præcisè, nego Minorem, & Consequentiam.*

Ad secundam probationem, nego Antece- dens: ad cujus probationem, nego quòd abla- ta quantitate ab aqua intra vas existente, sub- stantia aquæ ibidem remaneret: in eo liquidem eventum, licet aqua illa esset in universo, ut pars in toto, cum aptitudine existendi in loco, nulli-

bitamen tanquam in loco remaneret, subindéq; nec de illa verificaretur, quod esset actu intra vas, vel extra illud, sed solum quod esset in potentia radicali & remota ad existendum in illo vase, aut extra illud.

61. Ad illud quod subiungitur, dico quod licet ablata divinitus quantitate aquæ intra vas aliquod existentis, si Deus postea relinqueret aquam illam suæ naturæ, tunc resisteret ex substantia illius nova quantitas intra vas, hoc tamen non ideo contingeret, quia dum aqua illa existeret sine quantitate, pisset in vase tanquam in loco, sed ex eo præcisè quod suæ naturæ relicta, exigeret recuperare priorem quantitatem, & consequenter præsentiam & ubi-cationem ad locum illum quem antea replebat.

62. Instat Molina, dicens se non posse capere quomodo aqua illa, sublata quantitate, remaneret in rerum natura, & tamen non esset alicubi; sicut nec quomodo Angelus subtrahens applicationem suæ virtutis operativæ ad locum, adhuc existeret in rerum natura, & tamen nullibi esset. Verùm licet ista duo concipi non possint, sequendo, sicut sequitur Molina, imaginationis ductum, quæ continuum non transcedit: si tamen Theologus, vel Philosophus, relicta imaginatione quæ in his rebus seducit, sequatur rationem, tunc facile concipiet, quod si licet non sit imaginabile corpus, nisi sub aliqua figura, potest tamen divinitus dari sine illa, ita, inquam, concipiet, quod dari possit aliqua substantia creata, quæ sit pars huius universi, ac quæ adeo in ipso existat tanquam in suo toto, & tamen de se quæ quantitas, vel applicationis ipsius ad locum, non sit alicubi tanquam in loco.

63. Obijciunt quartò: Si operatio Angeli virtualiter transiens in locum, esset illi ratio formalis essendi in loco, sequeretur Angelum, qui movet primam sphaeram, esse in tota illa sphaera tanquam in loco, utpote cum agat in totam illam: Consequens non debet admitti: Ergo, &c.

64. Respondeo negando sequelam: Non enim quælibet operatio Angeli in locum corporeum est illi ratio formalis essendi in loco, sed illa tantum quæ est ab ipso immediate in mediatione suppositi; subindéque cum non agat immediate in mediatione suppositi in totam primam sphaeram, sed movendo unam partem immediate in mediatione suppositi, moveat alias solum mediante ista, ac proinde immediate solum in mediatione virtutis; non est formaliter tanquam in loco nisi in una parte illius primi orbis, nempe in illa quæ est in Oriente, vel in alia, quæ per motum circularem illi succedit. Ita S. Thomas hic art. 2. ubi ait: *Nec tamen oportet quod si aliquis Angelus movet caelum, quod sit ubique* (seu in toto caelo) *primò quidem, quia non applicatur virtus eius, nisi ad id quod primò ab ipso movetur. Ina autem pars caeli est in qua primò est motus, scilicet pars Orientis. Unde etiam Philosophus in octavo Physicæ, virtutem motoriam calorum attribuit parti Orientis.* Ex quo intelliges, quod si Angelus moveret lapidem, ex cuius motu alia moverentur, non oporteret quod esset nisi ubi esset primum motum, ut ait idem S. Doctor in 1. dist. 37. quæst. 3. art. 2. Similiter si Angelus moveret baculum pertingentem à terra usque in cælum, non esset in toto illo baculo, sed in ea tantum parte cui suam applicaret virtutem, vimque movendi seu impulsu imprimere.

65. Obijciunt quintò: Quod est Angelo ratio for-

malis essendi in loco, debet esse in ipso: At operatio transiens non est in Angelo, sed in corpore circa quod operatur; cum actio transiens non recipiatur in agente, sed in passivo: Ergo talis operatio non est Angelo ratio existendi in loco.

Respondeo concessa Majori, negando Minorem: Ad cuius probationem dico, actionem per quam Angelus operatur ad extra, esse formaliter immanentem, & virtualiter solum transuentem, ut infra patebit; ac proinde in ipso Angelo recipi, licet effectus per illam productus, in corpore circa quod Angelus agit recipiatur.

Obijciunt ultimò quidam Recentiores in manuscriptis: Operari in aliquo loco, non est propriè in eo esse: Sol enim non est propriè in visceribus terræ, sed tantum in cælo, licet in visceribus terræ operetur; & secundum Divum Thomam 3. parte quæst. 52. art. 2. anima Christi Domini verè & propriè descendit solum in Lymbum Patrum, non verò in infernum damnatorum, quia descendit ad Lymbum Patrum per suam realem præsentiam & substantiam, ad infernum verò damnatorum per suos effectus tantum. Sed Angeli verè & propriè in locis corporeis existunt: Ergo in illis non fuit tantum præsentem per operationem.

Respondeo distinguendo Majorem: Operari in aliquo loco immediate in mediatione tantum virtutis, non est propriè in eo existere, concedo Majorem: Operari in aliquo loco immediate, tam in mediatione suppositi, quam in mediatione virtutis, nego Majorem. Unde quia Sol non operatur in visceribus terræ immediate per suum suppositum, sed tantum per virtutem à se diffusam, non est propriè in visceribus terræ. Similiter anima Christi verè & propriè non fuit in inferno damnatorum: quia in eo non fuit immediate per suum suppositum, sed tantum per suos effectus. Quando autem dicimus Angelos existere in loco per operationem transuentem, id intelligimus de operatione transiente, quæ exit ab Angelo immediate in mediatione suppositi; non verò de illa quæ procedit ab illo immediate solum in mediatione virtutis, id est per virtutem à se diffusam & derivatam. Unde supra dicebamus, quod licet Angelus in tota prima sphaera motum localem efficiat, non tamen toti sphaeræ substantialiter præsens est, sed solum parti orientali, cui primò applicat suam virtutem, & in quam agit immediate non solum in mediatione virtutis, sed etiam in mediatione suppositi.

Præterea advertendum est, illos Autores multum hallucinari, & laborare in æquivoco, dum ista duo confundunt: substantia Angeli est in loco: Angelus est in loco per suam substantiam; hæc enim valde diversa sunt. Nam hæc propositio: *substantia Angeli in loco existit*, verissima est, & solum denotat substantiam Angeli præsentem fieri loco, tanquam subiectum, seu rem quæ est in loco, & movetur localiter; quod libenter concedimus, & nullus Thomistarum negavit. Ista verò: *Angelus est in loco per suam substantiam*, falsa est, & à Thomistis negatur: significat enim substantiam Angeli secundum se, ac intra propriam lineam consideratam, esse rationem formalem quæ tribuit Angelo quod sit in loco, seu quæ fundat immediate ubi angelicum; quod à veritate & mente D. Thomæ penitus esse alienum supra ostendimus. Solutio ad alias instantias, quæ con-

tra nostram sententiam fieri possent, patebit ex dicendis §. sequenti.

## §. VIII.

## Corollaria præcedentis doctrine.

- 70.** **E**X dictis colliges primò, Angelum non esse propriè in loco, sed tantum metaphoricè. Nam ut aliquid sit in loco propriè, non sufficit quòd habeat realem præsentiam suæ substantiæ ad locum (hanc enim habet Deus in omnibus locis, & anima rationalis in corpore, & corpus Christi in Eucharistia; & tamen non sunt in illis ut in loco propriè dicto) sed insuper requiritur, quòd à loco circumscribatur & mensuretur; unde ait S. Thomas in 4. dist. 10. quæst. 1. art. 3. quæstionc. 1. *Nihil per se & propriè loquendo est in loco, ut in loco, nisi quòd loco circumscribitur.* Et in 1. dist. 37. quæst. 3. art. 1. ad 1. *Locus (inquit) est nomen mensuræ; unde esse in loco propriè, significatur ut esse in mensura.* Sed Angelus in loco corporeo ratione operationis existens, ab eo non circumscribitur, nec mensuratur, ut patet; imò potiùs illum effectivè continet & mensurat, ut suprà ex eodem S. Doctore ostendimus: Ergo licet ratione operationis virtualiter transeuntis, sit intimè & substantialiter præsens loco corporeo, non est tamen in eo propriè tanquam in loco, sed impropriè tantum & metaphoricè.
- 71.** Confirmatur: Angelus dicitur esse in loco, ex eo quòd illum tangit: Sed illum non tangit contactu proprio; sed metaphoricè, ut patet ex suprà dictis: Ergo non est in loco propriè, sed tantum metaphoricè, inquantum scilicet habet aliquid simile rei locali, nempe ut determinetur ad hunc locum potiùs, quam ad illum, ut ait S. Thomas loco ultimo citato, & infra magis declarabimus. Ex quo inferes, &
- 72.** Colliges secundò, ubi angelicum non esse proprium & prædicamentale, sed metaphoricum. Ubi enim consequitur ad locum, ejusque naturam sapit: Ergo si Angeli non sint in loco propriè, sed metaphoricè, non habent ubi proprium & prædicamentale, sed metaphoricum tantum & impropriè dictum.
- 73.** Confirmatur: Ubi prædicamentale, ex Gilberto Porretano, est circumscriptio corporis à circumscriptiōne loci proveniens: Sed Angeli non circumscribuntur à loco: Ergo non habent ubi prædicamentale, sed tantum metaphoricum. Unde ait S. Thomas, vel auctor opusculi 48. tract. de prædicamentis cap. 1. de prædicamento ubi, de Angelis loquens: *De talibus non potest propriè dici esse in loco: nam ea que sunt in ubi continentur in loco; sed hujusmodi magis continentur locum, quam continentur à loco: non ergo propriè sunt in ubi.*
- 74.** Confirmatur ampliùs: Illud solum pertinet ad prædicamentum ubi, quòd facit per se primò suum subiectum præsens præsentia loci, non autem quòd dar per se primò aliud genus præsentia, putà agentis ad passum, formæ ad materiam, vestis ad vestitum, quamvis secundariò & ex consequenti faciat etiam præsens loco: At ubi angelicum non causat per se primò præsentiam loci, sed tantum ex consequenti; primariò enim & directè facit præsentiam agentis ad passum: Ergo ubi angelicum non pertinet ad prædicamentum ubi. Major constat, quia effectus formalis ubi prædicamentalis est facere rem præsentem loco: Ergo hoc ipsi convenit per se primò. Unde etiam præsentia & conjunctio animæ ad corpus, non est ubi prædicamentale,

mentale, licet nequeat informare nisi in aliquo loco; & præsentia vestis ad rem vestitam, licet sine loco esse non possit, quia tamen per se primò non constituit rem in loco seu ubicatam, sed indutam, non ponitur in prædicamento ubi. Minor etiam probatur: quia præsentia resultans aut quasi resultans ex contactu agentis ad passum, vel patientis ad agens, est directè & per se primò præsentia agentis ad passum, vel è contrariè ex consequenti verò, quia tale passum vel agens est in loco, habet quòd sit præsentia ad locum. Similiter præsentia quæ resultat ex unione animæ ad corpus, primariò & directè est præsentia informationis, secundariò vero & ex consequenti, præsentia ubicalis: non quòd tales præsentia secundariè, sint verè & propriè præsentia locales, & ubicales (jam enim quilibet eorum poneretur in duobus prædicamentis) sed quia aliquam habent cum præsentia locali, & cum ubi prædicamentali, similitudinem & analogiam, sequenti corollario exponendam.

Dices: Ratio substantiæ est univocè communis substantiæ spirituali & corporeæ: Ergo ubi erit etiam commune univocè ubi circumscriptivo seu corporeo, & definitivo seu spirituali; subindèque utrumque in prædicamento ubi ponetur: maximè quia non est assignabile aliud prædicamentum, in quo directè possit collocari ubi angelicum.

Respondeo concessio Antecedente, negando 76. Consequentiam & paritatem: quia ut aliquid pertineat directè ad prædicamentum substantiæ, sufficit quòd componatur ex genere & differentia; hoc vero competit substantiæ spirituali: ut autem aliquid directè ponatur in prædicamento ubi, oportet quòd resiliat ex circumscriptiōne loci corporei (ut patet ex definitione seu descriptione ubi, à Gilberto tradita, & à Philosophis communiter recepta) & quòd per se primò & directè faciat præsentiam in loco: hæc autem non conveniunt ubi angelico, ut patet ex dictis.

Ad illud quòd additur dicendum est, quòd cum præsentia Angeli ad locum, nihil aliud sit quàm ejus operatio, formaliter immanens, & virtualiter transiens, secundum quòd exit ab Angelo immediatè à immediate suppositi, & dicit ordinem transcendentalem ad locum, ut sequenti corollario declarabimus; ad illud prædicamentum directè pertinet, ad quòd spectant actiones formaliter immanentes: illæ autem in prædicamento qualitatatis ponuntur, ut docent nostri Thomistæ in Philosophia: Ergo & ubi angelicum.

Colliges tertio, ubi angelicum non distingui realiter formaliter ab ipsa operatione Angeli, seu contactu virtutis angelicæ ad locum, sed esse ejusmodi operationem, secundum quòd ab ipso Angelo immediatè à immediate tam suppositi quàm virtutis procedit, dicitque ordinem aut quasi ordinem transcendentalem ad locum.

Patet hoc corollarium ex præcedenti: cum enim ubi angelicum non sit prædicamentale, sed metaphoricum; nihil aliud esse potest quàm ipsa operatio Angeli, ut habet aliquam similitudinem & analogiam cum ubi corporeo, consistentem in eo quòd sicut ubi corporeum & prædicamentale ponit corpus realiter præsens & unitum loco, ac limitat ipsum ad hoc ut sit ita præsens uni loco, ut non sit in alio; ita similiter operatio Angeli in loco, quòd



cum, considerata secundum respectum quē dicit ad illum, ponit substantiam Angeli præsentem & unitam tali loco, illamque limitat ad hoc ut ita sit præsens loco ad quod, ut non sit alibi.

78. Confirmatur: Quod anima rationalis facit informando corpus, id præstat Angelus agendo circa corpus; quia ipse est forma activa, non informativa: Sed ex eo quod anima rationalis informat corpus, non acquirit aliquid ubi distinctum ab ipsa informatione; quia ipsa informatio secundario facit eam esse in loco: Ergo ex eo quod Angelus operatur in corpus, non acquirit aliquid ubi ab operatione distinctum; sed ipsam operatio virtualiter transiens, ut ponit Angelum substantiam præsentem & unitam loco, & dicit ordinem transcendentalem ad illum, est ipsum ubi angelicum.

79. Ex quo intelligas, quod sicut relationes in Divinis ratione suæ eminentiæ & perfectionis tria diversa munia præstant: constituunt enim personarum divinas personaliter seu incommunicabiliter subsistentes, notionaliter operantes, & inter se relatas, seu relativè oppositas; unde eminenti quodammodo habent rationem subsistentiæ, seu formæ hypostaticæ, rationem originis tam activæ quam passivæ, & rationem relationis, seu puri respectus ad terminum. Ita ut prius secundum rationem primum munus illis conveniat, deinde secundum, postea tertium, ut l' ractu præcedenti fusè ostendimus. Ita pariter operatio Angeli virtualiter transiens, tria ratione suæ perfectionis & excellentiæ præstat; conjungit enim agens subiecto seu passivo, in eo effectum producit, & Angelum ubicatum seu loco præsentem reddit; unde tria munia in ad quæta habet, scilicet rationem applicationis ad locum, rationem operationis in loco, seu productionis effectus in illo, & rationem ubicationis, seu præsentiae in loco. Primum munus prius illi convenit; nam prius in genere causæ materialis est, agens conjungi subiecto per operationem, quam in eo producere effectum, ut §. 4. exposuimus: deinde secundum, quia in genere causæ efficientis prius est Angelum operationem in loco causare, quam in eo ubi seu præsentiam acquirere: postea tertium, quia ubicatio seu præsentia Angeli, cum sit præsentia agentis ad passivum, operationem virtualiter transeuntem, ut est productio effectus ad extra, tanquam fundamentum proximum, seu rationem à priori, & causam virtutalem supponit; eo fere modo quo in Divinis relatio secundum rationem ad, & ut est puri respectus ad terminum seu correlativum, seipsam ut habet rationem originis, tanquam rationem fundandi supponit.

80. Ex his etiam intelliges, quod licet in corpore locato quatuor reperiantur, hoc ipso quod in loco constituitur; nempe substantia corporea, quæ ponitur in loco; quantitas dimensiva, quæ est ratio locandij; ubicatio seu præsentia localis, quæ est aliquis modus ad prædicamentum ubi pertinet; & denique relatio prædicamentalis mensurati ad mensuram, quæ resultat ex eo quod corpus locatum à loco mensuratur & circumferibitur: In Angelo tamen non reperiuntur nisi tria; scilicet ejus substantia, quæ præsens & indistans à loco corporeo constituitur; contactus virtutis, seu operatio virtualiter transiens, quæ metaphoricè habet rationem ubicationis & præsentiae; & relatio prædicamentalis, non mensurati ad mensuram, sed potius agentis ad pas-

sum, & causæ ad effectum; quæ quia est relatio agentis per virtutem intraneam, & non diffusam, est etiam metaphoricè relatio indistantiæ, quia habet cum ea similitudinem.

Contra hoc corollarium duo possunt argumenta fieri. Primum est: Angelus verè movetur de loco in locum: Ergo cum quilibet motus debeat habere terminum intrinsecum subiecto quod movetur, in Angelo debet admitti aliquid ubi intrinsecum, ejus substantiæ superadditum, & ab ejus operatione distinctum, quod per motum ejus localem producatur seu acquiratur, & per quod formaliter præsens loco denominetur.

Secundum potest sic proponi: Quæ virtualiter distinguuntur in Deo, differunt realiter in creaturis: Sed immensitas, quæ est veluti ubi Dei, virtualiter distinguitur ab ejus omnipotentia; cum hæc dux perfectiones diversæ attributa in Deo constituent: Ergo ubi angelicum realiter distinguitur ab ipsa operatione Angeli, seu contactu virtutis angelicæ ad locum.

Hæc tamen levia sunt & magis sententiæ nostræ confirmant, quam infirmant. Licet enim omnis motus propriè dictus, qui est actus imperfecti, & in actione formaliter transeunte consistit, aliquem terminum intrinsecum debeat in subiecto quod movetur producere; secus tamen motus improprius & metaphoricus, in operatione formaliter immanente, & virtualiter tantum transeunte consistens, qualis est motus angelicus: quia licet iste per se ordinetur ad producendum aliquem terminum ad extra, non tamen ad producendum terminum in ipso mobili recipiendum; cum hoc sit proprium actionis formaliter transeuntis, & motus physici, qui est actus imperfecti, ut docent nostri Thomistæ in Physica. Ex quo de sumi potest argumentum ad hominem, contra Joannem à S. Thoma, qui existimat ubi angelicum esse aliquem modum ab operatione Angeli realiter distinctum, & ad prædicamentum ubi reductivè saltè pertinens; & tamen cum aliis Thomistis docet motum localem Angelorum esse operationem formaliter immanentem, & virtualiter tantum transeuntem. Hæc enim non posse inter se coherere, vel ex eo convincitur, quod omnis motus localis, habens pro termino aliquid ubi realiter à se distinctum, sit motus physicus, seu actus imperfecti; eo enim ipso ita actuatur & perficitur mobile, ut ipsum promoveat per se ad ulteriorem terminum recipiendum; actio autem formaliter immanens, & virtualiter tantum transeuntes, non est actus imperfecti; quia licet per se ordinetur ad producendum aliquem terminum ad extra, scilicet effectum, non tamen ad producendum terminum in ipso mobili recipiendum; hoc enim est proprium motus physici, & actionis formaliter transeuntis: Ergo si motus localis Angeli sit operatio formaliter immanens, & solum virtualiter transiens, non producit in Angelo aliquid ubi, ab ipso realiter distinctum; aliàs talis operatio esset actus imperfecti.

Ad aliud argumentum in primis dico, Majorem non esse universaliter veram: nam ratio entis, veri, & boni, distinguuntur virtualiter in Deo, & tamen non differunt realiter in creaturis. Item juxta adversariorum principia, essentia & existentia, natura & essentia in Deo gaudent virtuali discrimine; & tamen illi docent ea realiter identificari in creaturis.



24. Respondeo secundò, datà Majori, negando Minorem: nam ut docent Salmanticenses hic, probabiliter dici potest, immensitatem & omnipotentiam non esse attributa virtualiter & ex æquo distincta, sed duas rationes inadæquatas unius & ejusdem attributi, secundum nostrum modum concipiendi distinctas; eo modo quo de scientia & omnipotentia communiter docent nostri Thomistæ in Tractatu de scientia Dei.

25. Colliges quartò, Angelum per se & ratione suam non habere situm, propinquitatem, aut distantiam, sed solum per accidens & ratione loci corporei, in quo per operationem virtualiter transeuntem existit. Ita Cajetanus hic §. *Sed advertendum*, ubi ait: *Angelus est per accidens distans aut propinquus loco alicui, secundum corpus in quo est; ita quòd distantia non redundat in ipsum Angelum, sed predicatur de ipso, ratione corporis in quo est; & sic est propinquus loco propinquo illi corpori, distans à distante*. Ratio hujus est: quia cum propinquitatem & distantiam localis inportent quoddam genus comparationis inter extrema ut sunt in loco, non possunt intelligi inter aliqua, nisi illa sint in loco, ut locus est: Sed teste D. Thoma in 1. dist. 37. quæst. 3. art. 1. ad 2. *Esse in loco, ut in loco, non convenit Angelo, nisi per accidens, inquantum scilicet corpus assumptum, vel corpus cui per operationem applicatur, in loco est*: Ergo situs, distantia, & propinquitatem localis, illi non competunt, nisi per accidens, & ratione corporis in quo est.

26. Ex quo intelliges, quòd si Deus mundum corporeum destrueret, vel si Angelos ante mundi corporei machinam condidisset (ut plures ex Patribus Græcis factum existimant) Angeli non essent inter se propinqui, vel distantes positivè, sed negativè tantum, propinquitatem scilicet aut distantiam physicà: hæc enim (ut ostendimus) convenit Angelis solum per accidens, & ratione corporum quæ tangunt, vel spatii in quo remanent. Dixi autem, *propinquitatem aut distantiam physicà*: quia tunc posset unus Angelus agere in alium, actione morali, eum illuminando, aut illi imperando, & ratione hujus illuminationis, vel imperij, moralem quandam præsentiam & propinquitatem erga illum habere.

27. Dices: Angelianæ vel extra mundum corporeum producti, haberent eandem naturam, easdemque facultates quas nunc habent, ac proinde possent se movere localiter; non enim essent stupidi, fixi, & immobiles sicut rupes: Ergo possent acquirere situm, per quem aliqui essent aliis propinqui, alii verò ab aliis distantes.

Confirmatur: Propinquitatem & distantiam æquè contradictoriè opponuntur, ac curvitas & rectitudo, & similia: quemadmodum ergo non potest dari lineam, quæ non sit recta, aut curva; ita non possunt esse duæ substantiæ inter se nec distantes nec propinquæ.

Confirmatur ampliùs: Destructà corporei mundi machinà, adhuc Angeli manerent præsentès & indistantes à Deo: Ergo & inter se.

28. Ad objectionem respondeo, quòd licet in illa hypothesi Angeli haberent in actu primo facultatem loco motivam, illa tamen per accidens, defectu loci, qui nullus tunc existeret, non posset in actum reducere. Sicut si omnia destruerentur corpora, & solæ animæ rationales à Deo crearentur, illa quidem haberent vim informativam, per accidens tamen, defectu corporum, actum informantes esse non possent. Et similiter, si

A Deus totam panis substantiam annihilaret; Sacerdos ratione characteris haberet in actu primo potentiam consecranda corpus Christi; & tamen per accidens, defectu materiæ, potentiam illam non posset in actum reducere. Denique si Deus omnia corpora quæ sunt in mundo, uno tantum excepto, destrueret, illud nec posset moveri localiter, nec acquirere novum ubi, vel propinquitatem, aut distantiam; quia hæc necessitudo supponunt alia corpora simul existentia.

Ad primam confirmationem dicendum est, quòd licet propinquitatem aut distantiam inter se contrariè opponantur, quia tamen sunt proprietates respectivæ, & important quoddam genus comparationis inter extrema ut sunt in loco, nulla potest, destructo omni loco corporeo, dari positiva distantia aut propinquitatem, sed negativa tantum. Sicut quia æqualitas & inæqualitas sunt proprietates respectivæ quantitatis (una enim quantitas dicitur æqualis per ordinem ad alteram cui commensuratur, & inæqualis per ordinem ad aliam quam excedit, vel à qua exceditur) si daretur una tantum quantitas, illa neque esset æqualis, neque inæqualis, sed ab utroque abstraheret. Unde, concessio Antecedente, neganda est Consequentia & paritas: curvitas enim & rectitudo non sunt proprietates respectivæ, sicut propinquitatem & distantiam.

Ad secundam confirmationem nego similiter Consequentiam & paritatem: quia Deus est præsens & indistans à creaturis per operationem virtualiter transeuntem, quæ producit & conservat esse in omnibus rebus, ut in Tractatu de Attributis, agendo de immensitate Dei, fuisse ostendimus: unde licet mundi corporei machinam destrueret, esset tamen intimè præsens & indistans ab Angelis; quia in illis continuà creatione & conservatione esse produceret & conservaret. At verò præsentia Angelorum ad corpora, non sic fundatur in actione creativa (quæ nulli creaturæ potest cōpetere) sed in actioneeductiva, atque adeò supponit subiectum corporeum in quod agit, & ex quo formam educat: subindeque destructis omnibus corporibus, nulla potest in Angelis dari vel concipi positiva propinquitatem aut distantiam, sed tantum negativa.

Ex quo  
D Colliges quintò, Angelos nec actu nec potentia esse in spatiis imaginariis, aut supra cælos: quia scilicet ibi nullam actionem transeuntem possunt elicere; cum nullum sit corpus quod moveant localiter, aut ex quo formam substantialem vel accidentalem educant.

Dices: Beati in corporibus suis gloriosius possunt esse se supra cælos; ut certum est de Christo Domino, qui in corpore suo gloriosè eminet supra omnem cælorum altitudinem: Ergo & Angeli. Consequentia videtur manifesta: quandoquidem agilitas corporum Beatorum est tantum quædam imitatio agilitatis Angelorum.

Sed nego Consequentiam, & paritatem: corpora enim glorificata secum deferunt quantitatem & extensionem localem, ratione cujus non solum spatium reale, sed etiam imaginarium replere possunt: scilicet autem Angeli, cum sint omnino spirituales & incorporei, nec sint in loco nisi per accidens, & ratione corporum quæ assument, vel circa quæ operantur, ut supra ex D. Thoma ostensum est.

Instabis: Licet Deus sit spiritus purissimus, & omnis corporis expers, est tamen supra cælos, &

extra mundum, seu in spatiis imaginariis; cum ratione immensitatis omnia spatia possibilia & imaginabilia repleat: Ergo quod Angelus sit incorporeus, non impedit quin supra cœlos, & in spatiis imaginariis possit existere, ibique per motum localem ferri.

Respondeo Deum ratione immensitatis esse supra cœlos, & extra mundum, aut in spatiis imaginariis, negativè, vel in potentia; quatenus ejus virtus & substantia non comprehenditur nec limitatur à locis, sed potest novos mundos supra cœlos creare; ibi tamen actu & positivè non existit, cum ibi nihil actu operetur, ut tract.

1. agendo de attributo immensitatis, ostendimus & aperte colligitur ex D. Thoma in 1. dist. 37. quæst. 2. art. 3. in argumento *sed contra*, ubi sic ait: *In quocunque est aliquid, illud oportet esse, quia in nihilo nihil omnino est*: & ex D. Bonaventura ibidem puncto 2. art. 1. quæst. 2. alligente, *stultum est dicere, Deum esse in eo quod nihil est*.

34. Urgebis: Si Deus sit in potentia supra cœlos, & in spatiis imaginariis, etiam Angelus poterit dici præsens illis spatiis, si non actu, saltem in potentia.

Sed negatur consequentia, & paritas: quia quantum ad hoc inter Deum & Angelum notabile reperitur discrimen. Cum enim virtus divina versetur circumscribitur, tanquam circa propriū subiectum, & ex eo creaturas possit educere, potest dici esse per potentiam in spatiis imaginariis, quia in illis potest operari, & novos mundos producere: Angelus verò non potest dici esse per potentiam in illis: quia ille non operatur per virtutem creativam, sed per eductivam; nec facit, sed præsupponit subiectum in quo operatur: unde cum in spatiis imaginariis nihil sit circa quod possit operari, non potest dici ibi esse etiam per potentiam. Si tamen Deus supra cœlos aliquid corpus crearet, tunc posset Angelus per motum localem illuc se transferre, ibique tanquam in loco existere: quia tunc posset corpus illud movere localiter, aut aliam actionem transeuntem circa illud habere.

35. Colliges sexto, quod licet corpus posset localiter moveri in vacuo, non tamen Angelus: quia ut aliquid moveatur localiter, requiritur alterum & duobus, vel quod supponat spatium reale quod suo modo repleat & occupet; vel quod illud se cum deferat: corpus autem, utpote extensum, secum deferret spatium reale, non verò Angelus, cum sit spiritus & incorporeus; nec tale spatium in vacuo supponit: Ergo corpus posset localiter moveri in vacuo, non tamen Angelus, saltem loquendo de motu continuo; nam motu discreto non transeundo per mediū, posset Angelus applicari corpori existenti in vacuo, moveri ad corpus distans: ut patebit ex dicendis disputatione sequenti.

36. Colliges septimò, unum Angelum non posse esse in essentia alterius, nec in essentia animæ rationalis, tanquam in loco: quia nullus spiritus creatus potest illabi & applicari menti alterius, aut intra terminos substantiæ vel essentia ejus operari. Nam ut ait D. Thomas in 2. dist. 8. quæst. 1. art. 5. ad 3. *In essentiam non intrat nisi ille qui dat esse, scilicet Deus creator*. Juxta illud Ezechiel. 44. *Porta hæc clausa erit: non aperietur, & vir non transibit per eam: quoniam Dominus Deus Israel ingressus est per eam*.

Idem docent SS. Patres: Didymus enim lib. 3. de Spiritu Sancto, *negat mentem ipsam & princi-*

*tem illi.*

A *pale cordis ingredi Sathanam, aut in sensum ejus, atque, ut ita dicam, aditum cordis introire: siquidem hæc potestas solius est Trinitatis*. Cui & Palschalius Lib. 2. de Spiritu Sancto c. 1. assentitur ita scribens: *Dæmones corporis latebras intrare possunt, anima verò interiora adire non possunt*. Sciendum ergo est, quod spirituum alium nequitiarum dolosa subtilitas illa membrorum loca sua turbat incursum, quæ interdum vino nimio, vel febrilitate fatigantur accensu. In anima itaque sensus inimica tentatio per malitiam scit irrepere, in anima verò recessus per naturam nescit insinuari. Et ideo huiusmodi spiritus immundos, humane mentes, ac pectora, non naturatum infusione capiunt, sed voluntatum pravitate concipiunt. Cujus rei argumentum hoc affert, quod interiores animæ cogitationes, neque Dæmones, neque Angeli per sese cognoscunt, quod variis Scripturæ testimoniis ostendit, & tandem sic concludit: *Manifestum est quod penetrare animarum substantias nequeunt, quantum conscientias scire non possunt*. Demum S. Bernardus Serm. 5. in Cantica hæc scribit: *Illud scitote nullum creatorum spirituum per se nostris mentibus applicari; ut videlicet nullo mediante nostro, suive corporis instrumento, ita nobis immisceatur & infundatur, quo ejus participatione docti sive doctiores; vel boni sive meliores efficiamur*. Nullus Angelorum, nulla animarum, hoc modo mihi capabilis est, nullus ergo capax. Nec ipsi Angeli ita se alterutrum capiunt. Sequetur proinde prærogativa hæc summo ac incircumscripto spiritui, qui solus cum docet Angelum sive hominem, scientiam, instrumentum non querit nostræ corporeæ auri, sicut nec sibi oris. Per se infunditur, per se innescit; purus capitur à puro.

B Ratio etiam suffragatur: Si enim Angelus intra terminos substantiæ vel essentia alterius Angeli, aut animæ rationalis operaretur, deberet ibi operari aliquid quod esset intra terminos prædictæ essentia; id autem est, vel ipsa essentia, vel existentia, vel substantia: At nihil ex illis potest producere: Ergo non potest intra terminos substantiæ vel essentia alterius Angeli aut animæ rationalis operari, nec per consequens illabi in essentiam Angeli vel animæ, nec ibi esse tanquam in loco, cum non sit in loco, nisi per operationem.

C Dices: Joan. 13. de Juda proditore dicitur: *Post buccellam introivit in eum Sathan*: At tunc non intravit in corpus ejus, sed in animam: Ergo Dæmon menti hominis illabi potest, & in animam ejus intrare; subindèque in ea tanquam in loco existere: unde Gregorius 17. Moral. cap. 18. *Dæmon si suggestioni ejus primò non resistit, repente totus ad interiora cordis illabitur*.

Respondet D. Thomas in commentario super hunc locum Joannis: *Dæmon in hominem ingressus dupliciter potest intelligi: Primò quia intrare potest in corpus hominis, sicut patet in his qui corporaliter à Dæmonio vexantur; & sic potest diabolus essentialiter in hominem intrare. Secundo, quod menti Dæmon essentialiter illabitur; & sic nullus potest intrare in hominem, nisi solus Deus*. Dicitur tamen illabi Dæmon menti humane per affectum & effectum malitiæ, inquantum scilicet homo ab eo seductus, sequitur eum ad perpetrandum malum. Sed cum supra dixerit: *Cum diabolus jam misisset in cor, &c.* hic autem dicit, introivit in eum Sathanas, videtur aliud esse mittere & intrare. Sed ad hoc dicendum, quod hoc non est dictum ad significandum differentiam, sed augmentum malitiæ. Tunc enim dicitur diabolus mittere aliquid malum in cor hominis, cum homo præbet ei assensum ad malum, tamen cum quadam trepi-

D datione

X x

datione, an hoc facere debeat: sed tunc intrat in cor, quando homo totaliter dat se ad sequendum ejus instinctum, & in nullo ei resistit. Intravit ergo in eum Satan, ut plenius possideret, & ad perpetrandam malitiam duceret in quem prius miserat ut deciperet. Hic ergo illapsus Daemonis in animam peccatoris, improprius est & metaphoricus; & de illo loquitur Gregorius, dum ait, quod Daemon in interiora ejus illabitur: verus enim illapsus de quo hic loquimur, & de quo fusiùs infra dicemus, agendo de illuminatione Angelorum, est intima præsentialitas, cum præsidentia, imperio, & perfecta cognitione ejus qui illabitur, ad eum cui fit illapsus: quomodo nulla creatura, etiam spiritalis, potest in substantiam alterius illabi.

## §. 1X.

Alia corollaria notanda digna.

**O**mnia ferè quæ docet D. Thomas de loco Angelorum, deducuntur ex illo principio quod sæpe repetit & inculcat, nempe Angelum esse in loco, per applicationem suæ virtutis, seu per operationem virtualiter transeuntem. Ex hoc enim

38. Infertur primò contra Durandum in 1. dist. 37. Angelos non esse ubique: cum enim eorum virtus operativa sit finita & limitata, sicut & eorum natura, certam & limitatam habent suæ activitatis sphaeram, nec possunt eodem momento potentiam operativam omnibus locis applicare. Unde Gregorius, etsi Angelos corpore carere censeat, ut supra ostendimus, loco tamen circumferibi aliterit: In hoc (inquit) est nunc natura angelica, à natura nostra conditione distincta, quod nos & loco circumscribimur, & cecitatu ignorantia coarctamur. Angelorum vero spiritus, loco quidem circumscripti sunt: sed tamen eorum scientia longè super nos incomparabiliter dilatatur. Et deinde subdit: Et mittuntur igitur & assisunt, quia per hoc quod etiam circumscripti sunt, exeunt. Similia habet Theodoretus quæst. 3. in Genesim, ubi ait: Licet expertem corporum fateamur esse naturam Angelorum, circumscripti tamen asserimus illorum substantiã. Item Damasc. lib. 2. fidei cap. 3. Circumscripti sunt (inquit) quoniam cum in celo sunt, non sunt in terra; cum in terram à Deo mittuntur, non manent in celo. Ac deinde: Cum autem intelligentia sint, etiam intelligibilibus in locis sunt, non corporum more circumscripti: non enim ut corpora secundum naturam figurantur, neque triplici dimensione constant; sed eo ipso sunt in loco, quod intelligibilibus præsentes sint, & agant ubicumque esse iussi sunt, nec possint eodem momento simul hic esse, & illic agere. Unde inter articulos Parilii damnatos à Guillelmo ejusdem urbis Episcopo, ille ponitur: Angelus in eodem instanti potest esse in diversis locis, & est ubique, si vult esse ubique. Quo decreto Durandi potissimum notatur opinio.

Nec huic sententiæ favet Tertullianus in Apologetico cap. 22. ubi de Angelis ait: Omnis spiritus ales, hoc est Angeli & Demones. Igitur momento ubique sunt: totus orbis illis locus unus est. Hoc enim dixit Tertullianus, non quod existimaret Angelos ubique, seu in toto orbe existere, sed ut summam illorum velocitatem & agilitatem declararet: tam promptè enim & celeriter moventur, ut videantur ubique esse; unde in Scriptura veloces appellantur, & Augustinus asserit, quod omnium avium volatus incredibili celeritate vincunt. Fundamentum autem Durandi minus firmum est; existimare enim Angelos esse

in loco per potentiam operativam; unde cum illa sit indifferens ad operandum in omni loco, ex hoc infertur Angelos esse ubique. Ad quod facile respondetur, Angelos esse in loco per potentiam operativam, non nudè sumptam, seu in actu primo consideratam (quo pacto est indifferens ad operandum in quacumque loco) sed per potentiam operativam, ut applicatam ad operandum, & ad actum secundum redactam; sub qua ratione non est indifferens ad operandum ubique, sed alicui certo & determinato loco est applicata & determinata.

Infertur secundò ex eodem D. Thomæ principio, quod etsi Angelus inextensus sit & indivisibilis, potest tamen esse in loco extenso & divisibili. Ita docet hic art. 2. his verbis: *Quidam imaginationem transcendere non valentes, cogitantur indivisibilitatem Angelis, ad modum indivisibilitatis punctis; & ideo crediderunt quod Angelus non posset esse nisi in loco punctali. Sed manifeste decepti sunt: nam punctum est indivisibile habens situm: sed Angelus est indivisibile extra genus quantitatis & situs existens: unde non est necesse quod determinetur ei unus locus indivisibilis secundum situm, sed est divisibilis, vel indivisibilis.*

Probatur etiam ratione: Angelus est in loco per applicationem suæ virtutis. Sed illam alicui spatio extenso & divisibili applicare potest. Ergo & in eo tanquam in loco existere. Minor probatur: quia licet potentia operativa Angelis, & ejus operatio, sint in se formaliter indivisibiles, sunt tamen virtualiter extense & divisibiles, eo quod inferant & causent immediate passionem & effectum divisibilem, & extensum in subiecto circa quod operantur.

Explicatur magis: Hæc est differentia inter indivisibile, quod est tale, ratione limitationis & imperfectionis, sive quia non pertingit ad perfectionem divisibilitatis; & inter indivisibile, ratione perfectionis elevatæ supra materiam, & divisibilitatem, quod illud nec formaliter nec virtualiter est divisibile, sed omnino indivisibile; & sic limitatur ad hoc ut non possit etiam virtualiter coextendi rei divisibili, sed habeat situm in continuo tanquam terminus, vel tanquam nexus partium illius: illud verò est divisibile virtualiter; quia sicut habet esse elevationis supra materiam & divisibilitatem formalem; ita habet eminenter seu virtualiter perfectionem divisibilitatis; & ex hoc provenit, quod possit virtualiter coextendi rei divisibili. Angelus autem est indivisibilis, non defectu perfectionis ad divisibilitatem requisitæ, sed propter elevationem supra totam naturam materiale & divisibilem. Ergo non limitatur ad hoc ut tantum sit in indivisibili, sed potest virtualiter coextendi loco formaliter divisibili, illique virtutem suam operativam applicare.

Infertur tertio ex eodem principio contra Gregorium de Valentia hic disp. 4. quæst. 3. punct. 1. Angelum non necessitari aut coarctari ad existendum in toto loco seu spatio suæ virtuti operative adæquato, sed posse in minori se collocare. Ita communiter docent Theologi cum S. Thoma hic art. 2. Verum hi qui sentiunt Angelos esse in loco per suam substantiã, vel per aliquem modum ubicationis, aut unionis cum loco corporeo, difficile possunt aliquam hujus corollarii reddere rationem: quia substantia Angeli intra propriam lineam est invariabilis, semperque habet eandem perfectionem substantialem; ubi au-

Disp. 13.

Art. 1.

Lib. 2.  
Moralium,  
43

100.

101.



tem, seu modus præsentis vel unionis ad corpus non potest modo esse major, modo minor, nisi detur aliqua causa vel principium causans vel fundans talem mutationem & diversitatem; quæ tamen nulla potest ab Adversariis assignari. In primis enim causa fundans huiusmodi diversitatem, non potest esse ipsa voluntas Angeli, ut vult Suarez: quia voluntas est solum causa vel conditio applicativa Angeli ad locum, non verò causa vel ratio formalis per quæ existit in loco: effectus autem formalis non variatur ex sola variatione conditionis applicantis, ratione formalis manente invariata, ut patet in nobis, qui licet liberè voluntate nos moveamus & applicemus ad loca, non possumus tamen in minori aut majori loco pro nostra voluntate nos collocare, nisi in quantitate dimensiva (quæ est causa formalis, per quam in loco constituimur) fiat per compressionem aut dilationem aliqua mutatio. Non sufficit etiã pro ratione huius diversitatis, & maioris aut minoris præsentis ad locum, assignare ipsam indivisibilitatem substantiæ Angelicæ, ut assignat Arubal: nam indivisibilitas, quæ est negatio quantitatis, est æqualis in omnibus Angelis; & tamen unus potest occupare maiorem locum, quàm alius; imò stante eadem indivisibilitate in eodem Angelo, potest ipse modo in maiori modo in minori loco existere.

Huius ergo corollarij vix aliquam rationem probabilem assignare possunt Recentiores. Efficaciter tamen illud probant Thomistæ ex illo principio, quod D. Thomas frequenter hic usurpat, nempe Angelos esse in loco per applicationem suæ virtutis: hanc enim pro suo libito, vel totum locum adæquato, vel solum medietati, aut tertiæ parti illius, vel minori applicare possunt; & sic vel in toto adæquato, vel tantum in media, aut tertia parte illius, vel etiam in minori, prout voluerint, se collocare.

102. Ex quo etiam fundamento contra Scotum & Vazquem inferunt hic Thomistæ, Angelum posse in minori & in minori loco in infinitum, imò & in solo puncto se collocare: quia potest suam virtutem & operationem ad minorem & minorem partem sui loci adæquari, usque in infinitum, imò & ad solum indivisibile illius applicare. Et verò si quid obstaret, maximè quia non videtur posse Angelum operari in minori & minori loco, aut in puncto; cum tam parva possit esse quantitas minoris loci, ut nullius transmutationis sit capax: quod magis urget de puncto, in quod solum nihil potest agere, vel ipsum movere localiter; quia ut probat Aristoteles 6. Physic. & docet S. Thomas quæst. sequenti art. 1. ad 1. indivisibile secundum quantitatem per se solum moveri nequit. Verum hæc ratio nullius est ponderis: nam in primis quælibet pars corporis, etiam minima, est composita ex materia & forma, & consequenter habet accidentia: Ergo est capax transmutationis. Deinde, esto non possit Angelus solum punctum movere; potest tamen soli puncto impetum & impulsium imprimere, quo corpus in quo est moveatur, sicque soli puncto suam virtutem applicare. Licet enim punctum non possit esse subiectum adæquatum motus localis, bene tamen subiectum impetus & impulsus: ut patet si planum perfectum opponeremus perfectæ sphaeræ deorsum cadenti, & illud iterum sursum repelleremus; sicut enim planum non tangeret sphaericum nisi in puncto, ut docent Philosophi in libris Physicorum; ita non in-

Tem. II.

A ciperet illi imprimere vim impulsivam, nisi per Punctum. Si ergo actio corporis in corpus, potest immediatè à puncto incipere; nõ est cur non possit etiam à puncto incipere operatio Angeli. Item si unum corpus contactu dimensivo possit in solo puncto tangere aliud; cur non poterit Angelus contactu suæ virtutis solum punctum contingere, eiq; impetum & impulsu imprimere?

Favet S. Thomas hic art. 2. dicens: *Angelus est indivisibile extra genus quantitatis & situs existens: unde non est necesse, quod determinetur ei unus locus indivisibilis secundum situm, sed vel divisibilis, vel indivisibilis.* Quis ut verbis ratione à priori insinuat, cur Angelus possit in loco minori & minori in infinitum, vel etiam in solo puncto se collocare. B Cum enim ipse Angelus, & ejus operatio sint elevatioris ordinis supra genus quantitatis & situs; sicut ratione talis elevationis est ita independentis à loco, ut possit ab omni loco se abstrahere, sic potest se applicare indifferenter cui-cunque voluerit, sive magno, sive parvo spatio, sive indivisibili ipsius: sicut Corpus Christi in Sacramento Eucharistiæ potest esse sub minoribus & minoribus speciebus, sub quibus substantia panis & vini conservari potest; quia non est ibi commenturativè ad species, sed quodam elevatiori modo.

In contrarium objicit Valentia: Ideo unus Angelus maiorem occupat locum quàm alter, quia est nobilioris naturæ, eumque in perfectione substantiali excedit: Sed natura Angeli non mutatur substantialiter, semper enim eandem perfectione substantiali habet: Ergo semper est in loco suæ virtutis & perfectioni naturali adæquato, nec potest in maiori aut minori existere.

Hoc argumentum difficultatem habet in sententia illorum, qui docent rationem formalem, immediatè tribuentem Angelo quòd sit in loco, esse ipsius substantiam secundum se consideratam, & ex vi propriæ lineæ: in nostra tamen sententia, nullus est roboris & momenti. Facile enim respondetur, quòd licet à quantitate perfectionis substantialis Angeli oriatur tanquam à prima radice, quòd possit esse in tanto loco: ratio tamén proxima, per quam in loco constituitur formaliter, est virtus operativa, ut liberè applicata, & virtualiter extensa in ordine ad locum per operationem: unde sicut sine mutatione perfectionis substantialis, aut virtutis etiam operative, potest Angelus operari circa magnam aut parvam quantitatem, intra sphaeram suæ activitatis; ita potest nunc in loco sibi adæquato, nunc in minori se constituere; eo proportionali modo, quo si aliquod corpus haberet in sua dispositione extensionem quantitatis in ordine ad locum, posset eam nunc ad maiorem, nunc ad minorem locum applicare, intra tamen latitudinem sui loci adæquati: nam operatio libera Angeli se habet proportionaliter ad virtutem operativam, sicut extensio in ordine ad locum ad quantitatem dimensionalem.

Obijcies secundò: Si angelus posset in solo puncto se collocare, posset etiam in alio Angelo tanquam in loco existere; quia utrique competet indivisibilitas: Sed hoc est absurdum: Ergo & illud.

Respondet Suarez; negando paritatem: quia punctum, cum sit extremum lineæ, habet situm, & consequenter certam distantiam ad polos mundi; non autem angelus, cum sit indivisibile extra genus quantitatis & situs existens, ut supra

XX 2 ex



ex D. Thoma retulimus: unde cum ad rationem loci requiratur talis distantia determinata, punctum potest esse locus Angeli, non vero alius Angelus.

Hæc solutio optima est, sed parum congruit cum principiis huius Auctoris: ille enim lib. 4. de Angelis cap. 8. expresse docet inter ipsos Angelos, secundum se spectatos, dari propinquitatem, & distantiam, & non solum ratione corporum.

108. Alia ratio disparitatis assignari potest: punctum enim, cum sit indivisibile habens situm, & intra genus quantitatis existens, potest ab Angelo contactu virtutis tangi, ejusque imperium & impulsus immediate recipere, ut antea declaratum est: secus vero Angelus, cum sit omnino spiritalis & incorporeus, & cum sit, ut ait D. Thomas, indivisibile extra genus quantitatis & sitis existens: unde cum Angelus sit in loco per applicationem & contractum suæ virtutis, unus Angelus in puncto, non vero in alio Angelo, tanquam in loco potest existere.

## ARTICULUS II.

*Utrum unus Angelus possit in pluribus locis adæquatis simul existere?*

109. Duplex solet distingui locus in Angelis: unus adæquatus, qui Angelo ita proportionatur, ut possit quidem in illo toto existere, non tamen ad maiorem se collocare: alter inadæquatus, in quo ita existit, ut tamen ad maiorem valeat se extendere, qualis est quælibet pars illius magnitudinis, quæ est locus adæquatus illius. Inquirimus ergo, an Angelus naturali, aut supernaturali virtute, possit in pluribus locis adæquatis simul existere? De inadæquatis vero, discontinuis, & inter se distantibus, dicemus articulo sequenti.

Dico primò: Unus Angelus non potest naturaliter in pluribus locis adæquatis simul existere. Hæc conclusio est ita certa, ut oppositum reputetur error à Magistris, inquit S. Thomas in 1. dist. 37. quaest. 3. art. 2.

110. Probatur primò: Si Angelus posset esse naturaliter simul & semel in duobus locis adæquatis, eadē ratione posset esse in tribus, & in quatuor, & sic in infinitum, & consequenter posset esse ubique: quod supra ostendimus esse erroneum: unde Durandus malè audit apud Theologos, eo quod doceat Angelos ubique existere.

111. Probatur secundò: Si Angelus posset esse simul & semel in pluribus locis adæquatis, non esset necesse quod se moveret, & quod transiret de loco in locum: Consequens est falsum, & repugnans Scripturæ, ut patebit disputatione sequenti: Ergo & Antecedens.

112. Probatur tertio ratione à priori. Adæquatum dicitur illud, quod neque excedit, neque exceditur. Ergo implicat dicere, quod Angelus simul & semel sit in pluribus locis, quorum quilibet sit adæquatus. Probatur Consequentia: quia ne iter esset adæquatus: non primus, quia excederetur ab Angelo existente in aliis; non etiam alia loca, quia similiter excederentur ab Angelorum prioris: Ergo, &c.

113. Denique probatur conclusio ratione D. Thomæ hic art. 2. quæ sic potest proponi: Angelus est in loco per applicationem suæ virtutis ad locum: Sed non potest suam virtutem ad plura lo-

ca, ut plura sint, applicare: Ergo nec in pluribus locis adæquatis existere. Major patet ex supradictis: Minor ostenditur ex differentia, quæ inter potentiam divinam & angelicam reperitur: nam cum virtus divina per se primo respiciat ens producibile ut sic (quæ ratio intinse imbibitur in omni conceptu quantumcumque differentialis) habet ut possit attingere non solum aliquid unum ens, vel plura sub una ratione formali, sed etiam plura ut plura sunt; quia attingit per se primò rationem quæ transcendit id per quod sunt plura ut plura; & per consequens pluribus locis, etiam ut plura sunt, inò & infinitis, si darentur, applicari potest. At virtus angelica, cum non sit creativa, sicut divina, sed solum educitiva, & respiciat aliquid determinatum ens, non potest attingere plura ut plura, nec pluribus locis, ut plura sunt, applicari: quia ratio illa determinata secundum quam Angelus effectum attingit, non transcendit rationes differentiales plurium. Hic est profundissimus D. Thomæ discursus hic art. 2. desumptus ex differentia quæ inter virtutem divinam & angelicam reperitur. Angelus enim (inquit) est virtutis & essentie finite: Divina autem virtus & essentia infinita est, & universalis causa omnium; & ideo virtute omnia contingit, & non solum in pluribus locis est, sed ubique: virtus autem Angeli, quia finita est, non potest attingere omnia, sed ad aliquid unum determinatum. Unde cum Angelus sit in loco per applicationem suæ virtutis ad locum, sequitur quod non sit ubique, nec in pluribus locis, sed in uno loco tantum. Ex quo infer ibidem in fine articuli, quod esse in loco, diversimodè convenit corpori, & Angelo, & Deo. Nam (inquit) corpus est in loco circumscriptivè, quia commensuratur loco: Angelus autem non circumscriptivè, cum non commensuretur loco, sed definitivè, quia ita est in uno loco, quod non est in alio: Deus autem neque circumscriptivè, neque definitivè, quia est ubique.

Confirmatur & magis illustratur hæc doctrina D. Thomæ: Limitatio operativæ virtutis non solum impedit ne agens possit ad omnem effectum sese extendere, sed nec etiam ad quantumcumque distantiam operari: demonstratur enim in physica, certam esse sphaeram activitatis respectu cuiuscumque agentis finiti, ultra quam non potest operari: Ergo etiam virtus operativa Angeli habere debet certam suæ activitatis sphaeram, ultra quam non possit operando se extendere, nec per consequens ultra illam Angelum præsentem constituere. Quanta autem sit latitudo illius, non potest determinari à nobis: duo tamen certa nobis esse debent. Primum est, quod sicut non est omnium Angelorum æqualis virtus, sed major in perfectioribus, ita etiam non est æqualis sphaera activitatis; sed major vel minor, secundum quod magis vel minus in natura perfecti sunt. Unde etiam certum existimo, nullum dari Angelum ita perfectum, ut ejus virtus possit se simul extendere ad operandum in toto universo: cum enim mundus iste ad manifestandam Dei virtutem conditus sit, non videtur conveniens quod virtus finita Angelorum, qui de facto creati sunt, totum universum adæquet; sed soli Deo reservari debuit, quod totum mundum replet, juxta illud Jeremiæ 23. Numquid non celum & terram ego impleo? Dixi, Angelorum qui de facto creati sunt: quia non reputat Deum creare aliquem Angelum ita perfectum, ut ejus virtus ad operandum in toto universo possit se simul extendere: ille enim propterea

per se non esset immetus; quia non esset ubique per se, sed tantum per accidens; ut optime explicat D. Thomas supra quæst. 2. art. 4. his verbis: *Esse autem ubique per se dico id, cui non convenit esse ubique per accidens, propter aliquam suppositionem factam: quia sic granum nihil esset ubique, supposito quod nullum aliud corpus esset. Per se igitur convenit esse ubique alicui, quando tale est, quod quilibet suppositione facta, sequitur illud esse ubique. Et hoc proprie convenit Deo: quia quocumque loco ponatur, etiam si poneretur infinita, præter ista quæ sunt, oportet in omnibus esse Deum; quia nihil potest esse nisi per ipsum. Sicut igitur esse ubique primum & per se convenit Deo, & est proprium ejus.*

115. Dico secundò: Quamvis unum corpus non possit etiam de potentia Dei absoluta, simul esse in pluribus locis adequatis, unus tamen Angelus potest supernaturaliter in pluribus locis naturaliter suæ virtuti adequatis existere.

Probatur & simul explicatur differentia inter corpus & Angelum. Corpus enim est in loco circumscriptivè per quantitatem tanquam per causam formalem, quæ ipsi corpori dat & unitatem numericam, & simul occupationem loci: unde fit quòd plura loca occupare non possit, sine pluribus quantitatibus; quia effectus formalis (cùm non sit nisi ipsa forma ut communicata subiecto) nequit in multiplicata ipsa forma, multiplicari: implicat autem plures quantitates dari in uno & eodem corpore; cùm à quantitate, aut saltem à materia signata quantitate, corpus habeat suam unitatem numericam; & ideo corpus habens plures quantitates, esset unum ex suppositione, & non esset unum, ob multiplicationem quantitatum. At verò Angelus est in loco per operationem, quæ pendet ab ejus virtute in genere causæ efficientis: potest autem Deus virtutem causæ efficientis augere, & sic efficere quod ille Angelus, qui v.g. non poterat operari nisi quia spatium unius leucæ, in multo majori operetur. Unde notanter dixi in conclusione: *In pluribus locis naturaliter suæ virtuti adequatus: quia ille locus, in quo Angelus per operationem procedentem à virtute sic ampliata existeret, esset revera locus adequatus operationi Angeli, & virtuti ejus sic ampliatae; quamvis naturale illius virtutem excederet.*

116. Advertendum est etiam, quod quamvis Angelus extra locum adequatum suæ virtuti operativæ, sive naturalis, sive gratiæ, esse non possit, modo sibi connaturali, hoc est libere se ad illum per operationem applicando; nullum tamen videtur inconveniens concedere, Angelum existentem in uno loco adequato connaturaliter, per virtutis applicationem, posse in alio, imò & in pluribus aliis, de potentia Dei absoluta per passionem constitui. Sicut enim Corpus Christi, per unam rationem locandi potest esse in uno loco circumscriptivè, & per plures conversiones, modosque sacramentales, in pluribus hostiis: ita etiam non videtur repugnare, quòd Angelus per unam rationem locandi, scilicet potentiam operativam, determinatam per operationem, sit in uno loco ipsi adequato, secundum talem rationem locandi, & per plures alias sit simul in pluribus aliis. Porro ad hoc ut ita eveniret, deberet Deus ita in locis præternaturalibus Angelum per passionem detinere, ut eum non impediret alibi operari.

## ARTICULUS III.

*Utrum unus Angelus possit naturaliter esse simul in duobus locis inadæquatis, inter se distantibus, absque eo quòd sit in medio?*

## § I.

*Proponitur status difficultatis, & conclusio affirmativa statuitur.*

**C**ertum est, posse unum Angelum esse simul in pluribus locis inadæquatis continuis, & inter se non distantibus: cùm enim possit esse in loco divisibili, ut supra ostensum est, potest simul esse in ejus partibus, quæ sunt loca inadæquata respectu Angeli existentis in toto illo loco. Unde solum difficultas est, an possit esse in duobus locis inadæquatis discontinuis, & inter se distantibus, contentis tamen intra spheram suæ activitatis. Supponamus v.g. Angelum, cuius spheræ activitatis ad spatium trium leucarum extendatur; & in qualibet ex illis leucis esse unam civitatem: quaeritur, an Angelus possit simul esse in illis duabus civitatibus, quæ in prima & tertia leuca continentur, absque eo quòd sit in civitate intermedia, quæ in secunda leuca edificata est? Vel ut exemplo adhuc faciliiori utar, quaeritur utrum Angelus possit in quatuor unius aule angulis existere & operari, absque eo quòd exultat & operetur in medio? Negant Suarez, Molina, Valencia, Vazquez; quos unus ex nostris Joannes à S. Thoma sequutus est. Afferunt verò communiter omnes Thomistæ, cum quibus

Dico, posse Angelum esse in duobus locis inadæquatis inter se distantibus, intra spheram suæ activitatis contentis, absque eo quòd existat in medio.

Probatur primò ratione fundamentali, desumpta ex principiis supra statutis. Angelus est in loco per liberam applicationem suæ virtutis ad illum, ita ut cùm voluerit, possit virtutem suam applicare toti spheræ suæ activitatis, vel etiam aliquibus ejus partibus, & in eis tantum localiter existere, ut supra contra Valentiam ostendimus: Ergo nihil prohibet, quominus possit illam applicare duabus extremitatibus, & in illis, relicto medio intacto, collocari: sicut & homo potest simul movere duos lapides inter se distantes, quamvis nihil moveat & operetur in medio.

Confirmatur primò: Angelus potest se subtrahere à toto loco adequato, & nullibi existere; cùm sit in toto loco adequato per liberam applicationem, ut supra ostensum est: Ergo cùm sit etiam liberè in singulis ejus partibus, potest se à qualibet parte subtrahere, & consequenter à medio, remanendo in extremis.

Confirmatur secundò: Tota ratio propter quam nullum corpus potest esse in duobus locis, etiam partialibus, discontinuis, & distantibus, est quia corpus est quid continuum & dependens à loco, subindeque non potest esse in locis discretis, nisi ejus quantitas dividatur: hæc autem ratio locum non habet in Angelis, cùm careant quantitate, & sint independentes à loco: Ergo isti possunt esse in duobus locis partialibus, discontinuis, & inter se distantibus.

Confirmatur tertio: Corpus Christi potest si-

simul & semel poni per verba consecrationis in pluribus hostiis separatis & inter se distantibus, quamvis non existeret in medio; imò potest delinere esse in partibus intermediis ejusdem hostiæ, si illæ corrumpantur, manendo tamen in extremitatibus nondum corruptis; quia scilicet non est in Eucharistia commensurativè ad locum, sed modo quodam perfectiori & elevatiori: Atqui similiter Angelus non existit in loco, per commensurationem ad illum, sed modo quodam elevatiori, & à legibus loci absoluto & independenti, ut suprà ostensum est: Ergo etiam Angelus poterit se collocare in pluribus locis inadæquatis inter se distantibus, absque eo quòd existeret in medio.

122. Responder Joannes à S. Thoma, quòd licet Angelus sit in loco per liberam applicationem suæ virtutis, & sit absolutus à legibus loci, in eoque non sit commensurativè ad ipsum, sicut res corporis, sed modo quodam elevatiori, & ideo possit se subtrahere à toto loco, aut ab aliquibus partibus illius, non tamen ab intermediis, manendo & operando in extremitatibus aliis (inquit) esset in pluribus locis, ut plura sunt; nam loca illa partialia & inadæquata neque essent unum entitativè, ut patet, neque continuitate, essent enim divisa & discontinua: neque ordine, quia non derivaretur operatio ex uno ad aliud, sed æque primò inciperet ab utroque. Cum ergo Angelus non possit esse in pluribus locis, ut plura sunt (teste D. Thomà hic art. 2. & in 1. dist. 37. quæst. 3. art. 2.) repugnat etiam illum esse in duobus locis inadæquatis inter se distantibus, absque eo quòd existeret in medio.

123. Hoc est præcipuum ac fere unicum hujus Authoris fundamentum, quod facile potest convelli. Licet enim illud inconveniens sequeretur, si Angelus poneretur in pluribus locis inadæquatis, quorum unus esset extra spheram propriæ activitatis, non tamen si ponatur in pluribus intra spheram propriæ activitatis contentis; quia hoc ipso quòd loca partialia & inadæquata contineantur intra spatium illud ad quod potest Angelus extendere suam virtutem, simul unicâ operatione in illud operando, habent rationem unius loci simpliciter. Et hujus ratio est, quia ab alio sumitur unitas loci, respectu rei corporeæ, & ab alio, respectu rei spiritualis: nam respectu rei corporeæ desumitur ab unitate formalis superficie ambientis; quæ unitas formalis, ut docetur in physica, requirit vel unam superficiem continuam, vel plures contiguas, sub eadem determinata distantia ad polos & centrum mundi: At verò respectu rei spiritualis desumitur unitas loci ex eo quòd aliquod corpus ita situatum sit, ut possit simul ab Angelo per suam virtutem operativam & operationem tangi & possideri. Cum enim res spiritualis sit in loco per operationem, unitas loci ipsius non plus requirit, quam requirit unitas unius operati: Sed unitas unius operati, requirit solum quod sit simul unicâ vi operativâ, & unicâ operatione attingibile: Ergo etiam unitas loci rei spiritualis, nihil aliud requirit, quam quòd sit ita dispositus & situatus, ut secundum omnes suas partes possit simul unius illius virtuti operativæ, unice operationi adæquate subijci. Unde ait S. Thomas hic art. 2. in responsione ad objecta: *Totum illud cui immediate applicatur virtus Angelî, reputatur ut unus locus eius.* Sicut ergo locus baculi, cujus una medietas est in aqua, & altera in terra, unus esse dicitur, quia

quavis superficies aquæ & terræ realiter distinguantur, conveniunt tamen in ratione unius mensuræ continentis & mensurantur locatum, quæ in loco se habet ut formale: ita pariter, licet duo vel plura loca inadæquata Angeli inter se distantia, intra spheram ipsius activitatis contenta, nec entitativè, nec continuitate, nec ordine unum sint, sunt tamen unus locus formaliter, quia conveniunt in eo quod in loco Angeli se habet ut formale, nempe in hoc quod est ab eadem virtute & operatione Angeli simul tangi & possideri.

## §. II.

*Solvuntur objectiones.*

Contra conclusionem nostram obijciunt in primis Recentiores: Anima nostra, quamvis perfectissima, quantum ad modum informandi, nequit informare partes extremas corporis, scilicet caput & pedes, quin simul informet intermedias, v.g. collum & pectus. Item lumen, quamvis perfectissimum, non potest derivari à Sole in partem extremam spatii, nisi per media: Ergo similiter Angelus non potest simul esse in duobus locis inadæquatis, inter se distantibus, absque eo quòd existeret in medio.

Sed negatur consequentia & paritas, quantum ad utrumque exemplum. Quantum ad primum quidem: tum quia anima sumit suam unitatem ab unitate corporis quod informat; partes autè distinxit & divisit non sunt unum corpus, sed plura: tum etiam quia anima rationalis informat corpus, suppositis dispositionibus, quarum prima est quantitas continua; Angelus verò nec sumit suam unitatem à corpore seu loco, nec ipsum informat. Quantum verò ad secundum: quia Sol & lumen sunt quid corporeæ & quantum; & ideo debent commensurari spatio & quantitati corporis per quod diffunditur lumen. At oppositum dicendum est de Angelo, propter oppositam rationem, quia scilicet ipse est independens à loco, nec alligatur legibus loci; unde modus essendi in pluribus locis inadæquatis, non exigit in Angelo commensurationem ad locum, ut antè explicatum est.

Obijciunt secundò: Si posset Angelus naturaliter esse simul in pluribus locis inadæquatis inter se discontinuis, posset simul esse in pluribus locis quilibet distantia à se remotis, sicque simul esse in cælo & in terra: Sed hoc non est dicendum: Ergo nec illud. Sequela Majoris probatur. Tota ratio cur in nostra sententia possit simul esse in duobus locis inadæquatis inter se discontinuis, est quia illa duo loca simul sumpta non excedunt locum totalem & adæquatam ipsius Angeli: Atqui poterit designari in cælo breve aliquod spatium, & aliud in terra; imò & in singulis mundi extremitatibus, quæ omnia simul juncta locum Angeli adæquatam, v.g. unius leucæ, non excedant: Ergo semel amisso, quòd possit naturaliter loquendo esse simul in duobus locis inadæquatis, inter se discontinuis, non potest consequenter negari, quin possit esse in pluribus locis, quilibet distantia à se remotis, sicque simul in cælo & in terra existere.

Confirmatur: Si distantia quæ est inter duo loca inadæquata Angeli, inter se discontinua, non impedit quominus sit in illis, absq; eo quòd existat in intermediis, hoc etiam non impedit alia major distantia: si enim semel Angelus potest discontinuare præsentiam suam & operationem,



operando inadæquatè in diversis locis separatim & discontinuis, parùm refert quòd multùm aut parùm illa discontinuentur.

127. Respondeo ad objectionem, negando sequen-  
tiam Majoris. Ad cujus probationem, nego Ma-  
jorem: tota siquidem ratio, cur Angelus possit  
naturaliter esse simul in duobus locis inadæqua-  
tis, quamvis inter se discontinuis, est non solum  
quia non excedunt locum adæquatum illius An-  
geli, sed etiam & maximè, quia non continentur  
intra spheram activitatis ipsius, seu spatii ejus  
adæquati: duo autem spatia in cælo & in terra  
designata, quantumcumque sint breviora, ratione  
tamen distantie quæ intercedit inter utrumque,  
sunt extra spheram activitatis cujuscumque An-  
geli; utpote cum nullus sit Angelus, cujus ac-  
tivistatis sphaera tanta sit, ut à cælo usque in ter-  
ram possit se extendere. Per quod patet ad con-  
firmationem: quando enim distantia inter ali-  
qua loca maxima est, hoc impedit quo minùs  
hæc loca intra spheram activitatis Angeli con-  
tineantur, subindeque quòd ad illum per modum  
unius loci comparentur, sed tunc habent ratio-  
nem plurium: unde cum Angelus non possit in  
pluribus locis, ut plura sunt, simul existere, non  
potest etiam in pluribus locis inadæquatis, intra  
spheram propriæ activitatis non contentis, se  
collocare; licet id possit, quando loca partialia  
& inadæquata intra spheram activitatis illius  
continentur, quia tunc illa se habent per mo-  
dum unius, ut anteà declaratum est.

128. Dices: Loca illa inadæquata, si comparentur  
ad diversos Angelos, habent rationem plurium  
locorum, propter discontinuitatem & distantiam  
quam habent inter se: Ergo ob eandem ratio-  
nem, respectu unius Angeli, non per modum u-  
nius, sed per modum plurium se habent.

129. Respondeo negando Antecedens: Nam loca  
illa, si comparentur ad distinctos Angelos, ha-  
bent rationem plurium locorum, non propter  
distantiam, sed propter pluralitatem virtutis quæ  
attingit illa: unde non sequitur illa respectu e-  
jusdem Angeli habere rationem plurium, cum  
per unam virtutem ab illo attingantur.

130. Insitabis: Licet Angelus per unicam virtutem  
& potentiam loca illa partialia & inadæquata  
attingat, illa tamen contingit per plures opera-  
tiones; quæ interdum sunt diversæ rationis, ut-  
pote inferentes & causantes in illis effectus spe-  
cie diversos, puta in uno lumen, in alio motum,  
aut aliud quippiam: Ergo loca illa partialia &  
inadæquata se habent, etiam respectu ejusdem  
Angeli, non per modum unius, sed per modum  
plurium locorum.

131. Sed dato Antecedente, nego Consequentiam:  
licet enim Angelus loca partialia & inadæquata  
intra spheram suæ activitatis contenta, per ope-  
rationes diversæ rationis contingeret, illa tamè  
non per modum plurium, sed per modum unius  
loci se haberent: quia tota hujusmodi operatio-  
nem diversitas, se haberet merè materialiter, &  
illæ respicerentur ab Angelo, sub una ratione  
formali, quatenus scilicet essent applicativæ ad  
illud spatium, quod potest unicà totali operatione  
tangere & possidere. Unde rectè observavit Na-  
varetta, quòd si Angelus existens per operatio-  
nem univocam in loco sibi adæquato, aut in ex-  
tremitatibus ipsius, & non in medio, vellet ope-  
rationem mutare, & in aliqua parte incipere ope-  
rari effectum diversæ rationis, non mutaret  
locum, quia illa mutatio & diversitas operatio-

nis se haberet materialiter; eo modo proportio-  
nali, quo per mutationem superficiem ambientium,  
servatà eadem distantia ad polos & centrum mun-  
di, res materialis non mutat locum, sed semper  
conferetur in eodem loco formaliter remanere:  
quia mutatio illa superficiem se habet materia-  
liter, & unitas formalis loci, ex determinata di-  
stantia ad polos & centrum mundi desumitur.

Obicies tertio: Si Angelus simul esset in duo-  
bus locis inadæquatis, discontinuis, ac inter se  
distantibus, haberet simul duplicem præsentiam  
saltem numero distinctam, respectu illorum lo-  
corum: Sed hoc non debet admitti: Ergo nec il-  
lud. Minor probatur: quia non est assignabilis  
actio per quam acquireret duplicem illam præ-  
sentiam: neque enim posset illam acquirere, per  
motum continuum, nec per discretum. Suppo-  
namus v. g. quòd per unam horam Angelus fuisset  
in extrema parte aule, & postea non relicta  
illà extremà parte fieret præfens alteri oppo-  
sitæ, non autem intermedii; ibi non esset motus  
continuus, quia spatium non esset continuum;  
nec etiam discretus, quia ut infra dicemus, ad  
motum discretum requiritur derelictio termini  
à quo, hic autem non defereretur terminus à  
quo, cum supponamus Angelum in priori loco  
remanere: Ergo, &c.

- C Respondeo distinguendo Majorem: Duplicem  
haberet præsentiam, inadæquatam, concedo:  
adæquatam nego: esset enim in illo casu unica  
duntaxat præsentia adæquata, per quam Angelus  
utrumque locum ut unum adæquatè respiceret.  
Ad probationem in contrarium dico, illam se-  
cundam præsentiam non fore acquirendam per  
motum continuum, nec per discretum, sed per  
mutationem quandam ad motum discretum re-  
ductam. Sicut enim, quando Angelus occupat  
minorem locum quam possit, & deinde paula-  
tim occupat locum adæquatum, acquirit etiam  
præsentiam per mutationem, quæ reducit ad  
motum continuum: ita in proposito acquireret  
secundam illam præsentiam, per mutationem,  
quæ reduceretur ad motum discretum, de quo  
infra.

#### ARTICULUS IV.

*Utrum plures Angeli possint simul esse in  
eodem loco?*

Hujus difficultatis resolutio facilis est, sup-  
posita distinctione loci Angeli in materia-  
lem & formalem, naturalem & violentum, ade-  
quatum & inadæquatum (de qua supra) & di-  
stinctione causæ efficientis in principalem & in-  
strumentalem; de qua Philosophi 2. Physico-  
rum His ergo distinctionibus suppositis,

- Dico primò: Plures Angeli possunt simul in  
eodem loco materiali existere.

Probatur: Locus materialis dicitur corpus il-  
lud seu spatium, in quo Angelus operatur: Sed  
plures Angeli possunt eidem corpori vel spatio  
simul se applicare, diversos specie effectus in eo  
producendo, v. g. si unus Angelus producat lu-  
cem in hac parte aeris, & alter motum; quia si  
non repugnat idem subiectum suscipere diver-  
sos effectus, neque repugnat plures Angelos,  
quemlibet in ratione diversigentis, illi uniri:  
Ergo plures Angeli possunt simul in eodem lo-  
co materiali existere.

Confirmatur: Tobie 8. dicitur quòd Raphael  
Angelus apprehendit demoniùm, & reliquit il-  
lud



lud in deserto superioris Ægypti: Ergo tunc simul erant in eodem loco deserti duo Angeli, unus ut alligans, & alius ut alligatus. Item Marci 5. asseritur fuisse in uno homine legionem Dæmonum, id est sex mille sexcentos sexaginta sex: non est autem credibile, quod singuli diversæ corporis illius hominis particule occuparent, licet absolute hoc non esset impossibile: Ergo plures in eadem parte existerant, vel per operationem diversos in ea effectus producendo, vel quod probabilius est, per alligationem, & passivam detentionem.

Dico secundo: plures Angeli non possunt in eodem loco formali adæquato & connaturali, per modum causarum principalium, simul existere.

136. Probatur: Unitas formalis loci in Angelis non sumitur ex eo quod eundem habeant situm, eandemque distantiam ab polos & centrū mundi (ut perperam docent Vazquez, & quidam alii) sed ex unitate virtutis operativæ, & operationis ab ea procedentis; adeo ut totum illud spatium sit formaliter unus locus, ad quod per suam virtutem operativam, & unicam operationem illi adæquatam, potest Angelus se extendere, ut articulo præcedenti ostendimus; & rationem ibidem assignavimus, quia nimirum sicut prima ratio quæ corpus dicitur esse actū in loco, est superficies à qua continetur, ita prima ratio per quam immediatè Angelus est præfens loco, est ejus virtus operativa & operatio; atque adeo sicut ab unitate superficiæ corporis ambientis, desumitur unitas loci rei corporeæ; ita ab unitate virtutis operativæ & operationis adæquatæ cujuslibet Angeli, desumitur unitas formalis loci ipsius; cum primum in unoquoque genere sit mensura cæterorum: Atqui (subsumo) plures Angeli non possunt eandem numero operationem tanquam causæ totales & principales elicere; cum idem numero effectus non possit exire à duabus causis totalibus & adæquatis, saltem principalibus, nec inter se subordinatis, ut docet D. Thomas hic art. 3. & fuse probant nostri Thomistæ in 2. Physicorum, idque omnes concedunt saltem de potentia ordinaria, de qua solum in præsentī loquimur: Ergo plures Angeli non possunt in eodem loco formali adæquato, per modum causarum principalium existere. Dixi, *per modum causarum principalium*, quia non repugnat duas causas totales instrumentales eundem numero effectum producere; ut idem S. Doctor 3. parte quæst. 82. art. 2. ad 2. docet de pluribus Sacerdotibus de novo ordinatis, eandem hostiam cum Episcopo ordinante consecrantibus, si simul verba consecrationis proférant: unde etiam possunt plures Angeli assumi à Deo ut instrumenta, ad producendum in eodem loco unum & eundem effectum; & sic in eodem loco formali, per modum causarum instrumentalium, existere.

137. Dico tertio: Possunt plures Angeli esse simul in eodem loco, qui sit violentus utrique, vel qui sit connaturalis uni, & violentus alteri.

Probatur prima pars: Possunt plures Angeli pati ab eodem corpore, per hoc quod ibi simul alligantur & detineantur; videmus enim arte magica plures Dæmones virtute superiorum eodem corpori alligari; & multò magis virtute divinā id potest fieri: Ergo cum sint in loco violento per passionem, & alligationem (ut art. 1. conclusionē ultimā declaravimus) possunt simul

A plures Angeli in eodem loco violento existere.

Ex quo probata manet secunda pars: Nā cum unus Angelus superior alligat alium inferiorem alicui loco, tunc uterque est in prædicto loco, superior ut agens & alligans, & ut in loco connaturali; inferior verò ut patiens & alligatus, & tanquam in loco violento: Ergo duo Angeli possunt esse in eodem loco, qui sit connaturalis uni, & violentus alteri.

Dico ultimum: Non repugnat absolute duos vel plures Angelos esse in eodem loco formali, connaturali, partialiter & inadæquatè: quamvis regulariter bonis Angelis id non conveniat.

Prima pars probatur: Non repugnat quòd duo vel plures Angeli ūam virtutem, quæ aliàs esset

B sufficiens ad totum effectum, ita attemperent, ut partialiter conjungatur cum alia ad producendum eundem effectum; quia cum sint agentia libera, possunt moderatione uti in exercitio suæ virtutis, & sic coaptare illam cum virtute alterius, in ordine ad eundem effectum: Sed hoc esse in eodem loco formali partialiter & inadæquatè, ut patet ex suprà dictis: Ergo non repugnat plures Angelos in eodem loco formali & connaturali partialiter & inadæquatè existere.

Quod autem hoc bonis regulariter loquendo non conveniat, colligitur ex D. Thoma hic art. 3. & in 1. dist. 37. quæst. 3. art. 3. quia cum Angeli sint suprema entia universi, & agentia perfectissima, non operantur regulariter ut causæ partiales, sed immediatè contingunt locū, per modum agentis & continentis perfecti, & quilibet eorum est sufficiens, vel suū, vel virtute divinā, ad producendos effectus ad quos destinatur, ut ait S. Doctor locis citatis: unde propterea cuilibet orbi cœlesti unicuique tantum Angelus assistit. Dixi, *regulariter*, quia aliquando plures Angeli, ad denotandam excellentiam effectus, aut etiam in honorem illius propter quem talem operantur effectum, concurrunt ut causæ partiales. Sic Christo Domino, propter reverentiā ipsius, plures Angeli ministrabant; quos valde probabile est sæpe applicatos fuisse eidem spatio, per ejusdem effectus productionem, quamvis potuerint illi applicari, per productionē diversarum effectuum. Addidi, *bonis Angelis*, quia cum mali perdidierint suam reſtitutionem per peccatum, & in omnibus actionibus quas exercent, congruum rebus ordinem pervertant, non est mirum si ex sua nequitia, & maxime ad decipiendos homines, aut torquendos energumenos, affeſcent interdum se simul eidem loco aut corpori applicare ad producendum partialiter eundem effectum, quem quilibet eorum totum posset producere. Et ita contingisse videtur in illo energumeno, in cujus corpore Dæmonum legio habitabat: quid enim tam diversum in illo corpusculo, vel in diversis ejus partibus, potuissent operari?

## E DISPUTATIO V.

De motu locali Angelorum.

Ad quæst. 53. D. Thome.

Q Uia motus localis est acquisitio loci: explicato modo quo competit Angelis esse in loco, sequitur ut de motu locali ipsorum disputemus, ejusque existentiam, naturam, speciem, & durationem exponamus.

## ARTICULUS IV.

*An, & quot modis, Angelus possit moveri localiter?*

Dico primò, Angelos posse moveri localiter, seu de uno loco transire in alium: quamvis talis motus, per comparationem ad corporalia, sit tantum æquivocè motus.

Prima pars hujus conclusionis est contra Herveum & Durandum, qui ex opposito fundamentò negant Angelos posse moveri localiter: Herveus quidem, quia existimavit Angelos non esse in loco; Durandum verò, qui putavit illos esse ubique; quod duo fundamenta supra à nobis impugnata sunt. Unde hæc pars nostræ conclusionis ab aliis Theologis recipitur; & colligitur manifestè ex variis Scripturæ locis, quibus asseritur Angelos descendere de cælo, ut Matth. 28. *Angelus autem Domini descendit de cælo; vel in cælum ascendere, ut Judicium 13. Cum ascenderet flamma altaris in cælum, Angelus Domini pariter in flamma ascendit; Lucæ 2. Discessit Angelus à pastoribus in cælum. Item Job. 1. Sethan ait: Circumspicite, & perambulavimus. Et Iobiz 3. Raphaël Angelus dixit: Omnia itinera ejus frequenter ambulavi.*

Ratio etiam suffragatur: Cum enim Angeli intellectu & voluntate præditi sint, possunt cognoscere & appetere præsentiam in aliquo loco, vel absentiam ab illo; Sed frustra naturalem appetitum eis tribueret, si potentiam loco motivam, quâ ad illa loca possent accedere, vel ab eis recedere, denegaret: Ergo Angeli possunt moveri localiter, seu de uno loco transire in alium.

Secunda pars conclusionis, quam negant Recentiores, expressè docetur à D. Thoma hic art. 1. ubi ait: *Sicut esse in loco, æquivocè convenit corpori & Angelo, ita etiam & moveri secundum locum. Et in 1. dist. 37. quæst. 4. art. 1. Quia, inquit, moveri in loco, sequitur ad esse in loco, idem eodem modo convenit Angelo moveri in loco, sicut esse in loco; & utrumque est æquivocè respectu corporaliū.*

Confirmatur: Motus localis proprie dictus, qualis est in rebus corporeis, est actus existentis in potentia, ac proinde actus imperfectus; talem autem non esse motum Angeli docet idem S. Doctor citatus hic in resp. ad 2. dicens: *Motus qui est secundum applicationem virtutis, est existentis in actu: quia virtus rei est secundum quod actu est. Item motus localis in rebus corporeis habet pro termino modum aliquem ubicationis, pertinentem ad prædicamentum ubi, non autem in Angelis, cum ubi Angelicum non sit realiter distinctum ab operatione Angeli, per quam existit in loco ut dispositione præcedenti ostensum est: Ergo motus Angeli, comparativè ad motum corporeum, est tantum æquivocè motus.*

Dico secundò, Angelos possunt moveri localiter motu per se, & motu per accidens.

Prima pars est certa, quia Angelus potest operari successivè in diversis corporibus immotis, aut in diversis ejusdem corporis immoti partibus: tunc autem Angelus moveretur localiter, quando quidem fieret præsens successivè diversis locis; & non moveretur per accidens, quia supponitur nihil aliud moveri, sed corpus, in quo successivè operatur, manere immotum: Ergo moveretur per se.

Tom. II.

Secunda vero pars suadetur: Aliquid moveri per accidens, est moveri ad motum alterius cui conjungitur; sive hæc conjunctio sit per modum quo forma substantialis aut accidentalis unitur subjeto; sive ut agens unitur passivo; sive ut sacramentaliter contentum sacramentaliter continenti, qui modus est proprius corporis Christi sub speciebus sacramentalibus: sed Angelus potest uniri corpori, saltem ut agens passivo, & motor mobili, & ad motum illius moveri: Ergo motu per accidens moveri potest: sicut anima per accedens movetur, ad motum corporis; & corpus Christi in Eucharistia, ad motum specierum. Unde S. Thomas supra quæst. 1. art. 2. ad 3. *Angeli moventur per accidens, motu hujusmodi corporibus (scilicet quæ assumunt) cum sint in eis, sicut motores in mobilibus: & ita sint hic quod non alibi: quod de Deo dici non potest. Unde licet Deus non moveatur, motus huiusmodi est, quia ubique est: Angeli tamen moventur per accedens, ad motum corporum assumptorum.*

Dices: Impossibile est, aliquid moveri localiter, nisi mutet locum: Sed Angelus existens in corpore quod movetur, non mutat locum: Ergo non movetur etiam per accidens. Major patet, Minor probatur. Angelus est in loco per operationem: Sed non operatur in alio loco, quàm in prædicto corpore: Ergo non mutat locum.

Respondeo distinguendo Majorem, nisi mutet locum, vel per se, vel per accidens, concedo Majorem: per se semper, nego Majorem. Similiter distinguo Minorem: Angelus existens in corpore quod movetur non mutat locum: per se, concedo Minorem: per accidens, nego Minorem. Ad cuius probationem dico, quod licet operatio sit Angeli ratio existendi per se in loco, ratio tamen alicubi existendi tantum per accidens, non est operatio ipsius, sed motus localis corporis in quo existit & operatur: subindeque ratione talis motus, non vero alicujus operationis de novo productæ, dicitur Angelus moveri per accidens. Sicut licet informatio sit ratio formalis per quam anima existit in corpore, ut tamen illa per accedens moveri dicatur, non requiritur quod alius corpus de novo informet, sed sufficit quod corpus in quo existit & cui per modum formæ conjungitur, moveatur localiter.

Dices rursus: Si Angelus moveretur per accidens ad motum corporis in quo existit, sequeretur illi posse simul moveri & quiescere, nec non duobus motibus contrariis, qualis est motus sursum & motus deorsum, simul moveri: Sed hoc videtur absurdum: Ergo & illud, Sequela majoris patet, in casu, quo unus Angelus existeret in duobus lapidibus, tanquam in loco a sequo, & unus ex illis moveretur, altero remanente immoto: vel in casu quo unus sursum, & alius deorsum moveretur.

Respondeo primò, negando sequelâ Majoris: nam ut ait D. Thomas in 1. dist. 37. quæst. 4. art. 1. ad 4. *Nihil movetur per accidens, moto eo in quo est, nisi definitive sit in eo, ita quod non in alio: sic anima movetur per accidens, moto toto corpore, & non motu a manu tantum. Unde cum in casu proposito Angelus in quo libet illo lapide definitivè non esset, idè nec simul moveretur & quiesceret, nec motibus contrariis per accidens moveretur: sicut anima non simul movetur & quiescit, quando immoto pede brachium movetur; nec motibus contrariis per accidens movetur, ex eo quod unum brachium sursum, & aliud deorsum moveretur.*

Secundò responderi potest, datâ Majori, negando Minorem: nullum enim est in conveniètiis, quod eadem res per accidens, & secundum quid, simul

Y y

simul

simul moveatur & quiescat, aut duobus modis contrariis moveatur; ut patet in corpore Christi existentis in Eucharistia, quod movetur per accidens in una hostia, & in altera quiescit; in una movetur sursum, & in alia deorsum.

11. Dico tertio: Motus localis Angeli, quo per se movetur, consistit in diversis contactibus quantitatis virtutis, quibus sine intermedia quiete tangit successivè diversa corpora; sive in diversis operationibus circa diversa loca absque prædicta quiete.

Est contra Recentes, qui docent prædictum motum Angeli consistere vel in continua acquisitione existentie in alia, atque alia parte spazij, vel in variatione modi ubicationis, aut unionis ad corpora, per quem volunt Angelos perire in loco constitui. Et tamen D. Thomæ hic art. 1. ubi ait: *Quia Angelus non est in loco, nisi secundum contactum virtutis sui dictum est, necesse est, quod motus Angeli in loco nihil aliud sit, quam diversi contactus diversorum locorum successivè, & non simul.* Et in 1. dist. 37. quæst. 4. art. 1. ubi hæc scribit: *Dicitur Angelus esse in loco, in quantum applicatur loco per operationem; & quia non simul est in diversis locis, ideo successivum operationum, per quas in diversis locis esse dicitur, motus ejus vocatur.* Quibus verbis conclusionem nostram & docuit, & probavit: Angelus enim est in loco per operationem virtualiter transeuntē, quæ contractus virtutis appellatur, ut disputatione præcedenti finē monstravimus: Ergo movetur loco quatenus variat operationem circa diversa corpora, eaque sine intermedia quiete successivè contingit.

12. Dices: Angelus qui movetur primum mobile, manet immotus localiter, & tamen successivè agit in diversas partes illius: Ergo motus localis Angeli non consistit formaliter in successione aut continuatione operationis ipsius in diversas partes loci corporei.

Respondeo ad motum localem Angeli non sufficere, quod operetur successivè in diversas partes alicujus corporis, sed requiri necessariò, quod operetur in diversa loca: illic autem partes primi mobilis, quas Angelus ejus motor successivè tangit, non sunt diversa loca, sed unus tantum locus formaliter, propter eandem determinatam distantiam ad polos, & centrum mundi, in qua tanguntur. Ita D. Thomas supra quæst. 51. art. 3. ad 3. ubi ait: *Angelus movetur per accidens ad motum corporum assumptorum; non autem ad motum corporum celestium, etiam si sint in eis sicut motores in mobilibus: quia corpora celestia non recedunt de loco secundum motum. Nec determinatur spiritui moventi orbem loci secundum aliquam determinatam partem substantia orbis, que nunc est in oriente, nunc in occidente, sed secundum determinatum situm: quia semper est in oriente virtus movens, ut dicitur in 8. Physicorum.*

13. Dices tursus: Prius, saltem ordine naturæ, requiritur, quod Angelus sit præsens tali loco secundum suam substantiam, quam in eo operetur: Ergo motus localis Angeli, quo sit præsens diversis locis, non consistit in diversis ejus operationibus circa diversa loca. Consequentis patet, & necedens probatur: Tùm quia approximatio, seu præsentia agentis ad passum est una ex conditionibus necessariis prærequisitis ad operandum: Tùm etiam quia si Angelus non deberet prius esse præsens loco, quam in eo operetur, sequeretur Angelum non habere limitatam spheram suæ activitatis ex parte loci; quia nulla erit ratio, propter quam Angelus impediatur ad

operandum simul in diversis locis propter majorem aut minorem illorum distantiam.

Respondens negando Antecedens. Ad cujus primam probationem dico hanc esse differentiam inter agentia spiritalia & corporea, quòd in istis præsentia agentis ad passum est prior (saltem prioritate naturæ, quam operatio; in illis vero è contra operatio est prior præsentia prioritate naturæ. Ratio autem discriminis est, quia agentia corporea agunt per virtutem in quantitate subjectionis, & ab illa dependentem; unde in illis, sicut operatio præsupponit virtutem operativam, ita & à fontiori quantitatē, subinde quæ contractum quantitativum, qui est ipsi ratio formalis essendi in loco; & ita nihil mirum, si in illis esse in loco sit prius, quam operari. Ceterum operatio agentium spiritalium non supponit in ipsis aliquem contractum, qui sit proxima ratio essendi in loco, sed ipsa operatio virtualiter transiens habet rationem contractus applicativi ad locum; unde illa debet præsentiam Angeli in loco prioritate naturæ antecedere: sicut quia informatio animæ habet rationem contractus virtutis respectu corporis, prius natura est, quòd anima informet corpus, quam fiat illi præsens. Itaque præsentia Angeli in loco, in quo operatur, eo prius modo requiritur, quo requiritur corpus, quod informat anima, esse organicum: quia scilicet Angelus per operationem sit præsens loco, sicut per informationem animæ corpus fit organicum; ut docet Philosophi in libris de anima, explicantes definitionē animæ à Philosopho traditā.

Ad secundam probationem Antecedentis, nego sequelam: nam licet Angelus priusquam operetur non debeat esse in loco, in eo tamen est per operationē; quæ cum procedat à virtute Angeli finita, non potest ad omnia se extendere; subindeque limitata est Angeli sphaera ex parte loci. Unde S. Thomas quæst. præcedenti art. 2. ait: *Virtus Angeli quæ finita est, non se extendit ad omnia, sed ad aliquid unum determinatum.*

Dico quarto: Motus localis, quo per accidens movetur Angelus ad motum corporis, in quo localiter existit, in nullo alio consistit, quam in motu locali inhzrente tali corpori.

Probat: Sicut motus nobis movetur omnia quæ sunt in nobis, ut ait Philosophus; ita motor aliquo corpore, in quo localiter existit Angelus, per accidens ipse Angelus movetur: Ergo sicut motus localis, quo anima nostra per accidens movetur ad motum corporis, quod informat, in nullo alio consistit, quam in motu locali inhzrente ipsi corpori, à quo extrinsecè & per accidens mota denominatur: ita etiam motus localis, quo Angelus per accidens moveri dicitur, nihil aliud esse potest, quam motus localis inhzrens ipsi corpori, quod per se movetur, & in quo Angelus operatur; à quo etiam secundariò & per accidens denominationem moti recipit.

Confirmatur: motus, quo corpus Christi in Sacramento Eucharistie movetur ad motum specierum, consistit præcisè in motu locali inhzrente ejusmodi speciebus: Ergo idem dicendum est de motu illo, quo movetur Angelus ad motum corporis, in quo localiter existit: nam ut colligitur ex D. Thomæ 3. p. quæst. 76. art. 6. ad 1. Christus in Sacramento Eucharistie eodem modo movetur (motu scilicet per accidens) quo movetur Angelus.

Ex his intelliges, Angelum non moveri motu per accidens ad motum corporis, in quo localiter



existit, sicut homo qui vehitur navi, movetur per accidens ad motum ipsius navis. Ratio est, quia (ut docet D. Thomas 3. p. quæst. 76. art. 6. ad 1.) aliter moventur per accidens, & ad motum alterius, ea quæ per se possunt esse in loco, sicut corpora; & aliter ea, quæ per se non possunt esse in loco, sicut formæ & spirituales substantiæ, quales sunt Angeli: corpora enim per accidens, & ad motum alterius moventur efficienter, ut patet in exemplo adducto hominis, qui vehitur navi, quique per accidens ad motum navis efficienter movetur, quatenus navis suo motu eum quasi impellit, sicque est causa motus in ipso: At verò Angeli moventur formaliter ipso motu corporis in quo sunt, sicut & formæ spirituales; nec enim quando homo movetur, causatur in anima aliquis motus localis in ipsa receptus, sed motu ipso recepto in homine ea formaliter moveri dicitur. Quo etiam modo moveri dicitur Christus in Sacramento Eucharistiæ ad motum specierum.

18. Ex dictis etiam habes resolutionem cuiusdam difficultatis, quæ non parùm negorij multis facessere videtur, nempe in quo subiecto sit intrinsecus motus Angeli? Dicendum est enim, motum localem, quo Angelus per se movetur, esse inhærensive in ipso Angelo, si consideretur secundum illud, quod dicitur in recto; si verò consideretur secundum id, quod connotat in obliquo, recipi in loco corporeo, cui applicatur motus verò; quo per accidens moveri dicitur esse solum inhærensive in eo corpore, ratione cuius movetur.

19. Prima pars huius resolutionis sequitur ex principiis supra statutis. Nam supra ostendimus, motum localem Angeli, quo per se movetur consistere in diversis eius operationibus circa diversa loca: Sed illæ operationes, cum sint formaliter immanentes, intrinsecus in ipso Angelo recipiuntur; cum autem sint virtualiter transientes, inferunt passionem & effectum corporeum in loco, cui Angelus applicatur, productum: Ergo motus localis Angeli importat aliquod partim ei intrinsecum, & partim extrinsecum; & est inhærensive in ipso Angelo secundum illud, quod dicitur in recto, recipitur verò in loco corporeo secundum id, quod in obliquo importat. Unde falsam existimo Cajetani sententiam afferentis, motum localem Angeli esse in loco simpliciter loquendo, non verò in Angelo: in illo enim subiecto motus esse debet, cui suum effectum formalem communicat: Sed motus localis communicat Angelo, non verò loco suum effectum formalem: Ergo debet esse in Angelo, non verò in loco quoad illud quod dicitur in recto. Probatur Minor: Effectus formalis motus localis est relinquere unum locum, & accedere ad aliud: Sed hoc tribuitur Angelo, non verò loco, ut patet: Ergo motus localis communicat Angelo, non verò loco suum effectum formalem.

20. Altera verò pars huius resolutionis manifesta est: cum enim motus, quo per accidens Angelus moveri dicitur, nihil aliud sit, quam motus localis ipsius corporis, in quo Angelus localiter existit, prout extrinsecus, & secundario Angelum denominat motum, ut supra ostendimus, evidens est, motum, quo Angelus movetur per accidens, esse solum inhærensive in eo corpore, quod movetur, non verò in ipso Angelo. Sicut motus, quo per accidens Christus movetur in Eucharistia, ratione specierum, non in ipso Christi corpore, sed in speciebus subiectatur; forma enim, quæ extrinsecus tantum, & secundario aliquid subiectum denominat, non debet in illo recipi, si-

cut illa, quæ effectum formalem primarium, & intrinsecum denominationem ei tribuit, itaque licet motus quo Angelus per se movetur, illi inhæreat saltem secundum id, quod importat in recto, ut antea exposuimus, non tamen ille, quo extrinsecus tantum & per accidens moveri dicitur.

## ARTICULUS II.

*Verum Angelus motu tam continuo, quam discretu moveri possit?*

B Duplex distingui, vel concipi potest motus localis; unus continuus, & alter discretus. Motus localis continuus, juxta D. Thomam hic art. 1. dicitur ille, in quo mobile per partes deserit terminum à quo, & per partes acquirit terminum ad quem: discretus verò, in quo contra mobile deserit totum simul terminum à quo, & acquirit totum simul terminum ad quem. Inquirimus ergo, utrum Angelus hoc duplici motu localiter moveri possit?

## §. I.

*Prima pars quæsti resolvitur.*

C Deo primo: Angelus motu continuo moveri potest. Ita communiter docent Theologi cum S. Doctore hic art. 1. contra Gregorium in 2. dist. qu. 6. & Vallesium in lib. de sacra Philosophia cap. 47. ac Hervæum in 1. dist. 37. qu. 2. ar. 3.

Probatur: illud mobile movetur motu continuo, quod locum aliquem divisibilem successivè & divisibiliter acquirit: Atqui Angelus, dum movetur, locum aliquem divisibilem successivè, & divisibiliter potest acquirere: Ergo & motu continuo moveri. Majore est certa: Per hoc siquidem præcise motus localis continuus differt à motu discreto, quod per continuum acquiritur successivè & divisibiliter, sive per partes terminus ad quem; per discretum vero totus simul acquiritur. Minor vero probatur: Locum successivè & divisibiliter acquirere quantum sufficit ad continuitatem motus, nihil aliud est, quam mobile sine interruptione sui motus, prius ad propinquiores partes spatij pervenire, quam ad remotiores: Sed hoc præstare potest Angelus; cum enim locus ejus ad quatuor sit divisibilis, dum unam partem illius occupat, potest paulatim operationem suam extendere ad reliquas partes illius sine intermedia quiete: Ergo Angelus dum movetur, locum aliquem divisibilem successivè & divisibiliter potest acquirere.

Confirmatur primò: Ideo corpus dicitur motu locali motu continuo, quia ejus locus est divisibilis, & illum deserit paulatim & per partes sine intermedia quiete, & eodem modo acquirit aliam: ita ut quantum deserit per partes de loco habito, tantum acquirit de novo de illo, cui fit præteritus: Atqui similiter locus Angeli, saltem ad quatuor, est divisibilis, potestque sine intermedia quiete deserere per partes unum ex locis sibi inadæquatis, & eodem modo acquirere alium, ita ut quantum deserit per partes de illo, in quo erat, tantum acquirit de alio novo, in quo se constituit: Ergo potest moveri localiter motu continuo.

Confirmatur amplius: Omnes conditiones ad rationem motus continui necessariæ repetiri possunt in motu Angeli: Ergo potest motu continuo moveri. Consequentia manifesta est: Antecedens verò ex dicendis §. sequenti patebit.



simul moveatur & quiescat, aut duobus modis con-  
tineretur moveretur; ut patet in corpore Christi  
existente in Eucharistia, quod movetur per acci-  
dens in una hostia, & in altera quiescit; in una  
movetur sursum, & in alia deorsum.

11. Dico tertio: Motus localis Angeli, quo per se  
movetur, consistit in diversis contrariis quan-  
titatibus virtutis, quibus sine intermedia quiete tan-  
git successivè diversa corpora; sive in diversis o-  
perationibus circa diversa loca absque prædicta  
quiete.

Est contra Recentiores, qui docent prædictum  
motum Angeli consistere vel in continua acqui-  
sitione existentie in alia, atque alia parte ipsius,  
vel in variatione modi ubicationis, aut unionis  
ad corpora, per quem volunt Angelos per se in  
loco constitui. Est autem D. Thomæ hic art. 1.  
ubi ait: *Quia Angelus non est in loco, nisi secundum con-  
tactum virtutis, ut dictum est, necesse est, quod motus An-  
geli in loco nihil aliud sit, quam diversus contactus diver-  
sorum locorum successivè, & non simul.* Et in 1. dist.  
37. quæst. 4. art. 1. ubi hæc scribit: *Dicitur Ange-  
lus esse in loco, in quantum applicatur loco per operatio-  
nem; & quia non simul est in diversis locis, idem successio-  
nalis operatio, per quam in diversis locis esse dicitur,  
motus ejus vocatur.* Quibus verbis conclusionem  
nostram & docuit, & probavit: Angelus enim est  
in loco per operationem virtualiter transeuntē,  
quæ contactus virtutis appellatur, ut disputatio-  
ne præcedenti fuit monstravimus: Ergo move-  
tur loco quatenus variat operationem circa di-  
versa corpora, eaque sine intermedia quiete suc-  
cessivè contingit.

12. Dices: Angelus qui movetur primum mobi-  
le, manet immobilis localiter, & tamen successivè  
agit in diversas partes illius: Ergo motus loca-  
lis Angeli non consistit formaliter in successione  
aut continuatione operationis ipsius in diversas  
partes loci corporis.

Respondeo ad motum localem Angeli non  
sufficere, quod operetur successivè in diversas  
partes alicujus corporis, sed requiri necessariò,  
quod operetur in diversa loca: ille autem partes  
primi mobilis, quas Angelus ejus motor succe-  
ssivè tangit, non sunt diversa loca, sed unus tan-  
tum locus formaliter propter eandem determi-  
natam distantiam ad polos, & centrum mundi,  
in qua tanguntur. Ita D. Thomas supra quæst.  
51. art. 3. ad 3. ubi ait: *Angeli moventur per acci-  
dens ad motum corporum assumptorum; non autem ad motum  
corporum celestium, etiamsi sint in eis sicut motores in  
mobilibus: quia corpora celestia non recedunt de loco se-  
cundum totum. Nec determinatur spiritui moventi ap-  
paret locus secundum aliquam determinatam partem sub-  
stantie orbis, que nunc est in oriente, nunc in occidente, sed  
secundum determinatum situm: quia semper est in orien-  
te virtus movens, ut dicitur in 8. Physicorum.*

13. Dices tertius: Prius, saltem ordine naturæ, re-  
quiritur, quod Angelus sit præsens tali loco se-  
cundum suam substantiam, quam in eo ope-  
retur: Ergo motus localis Angeli, quo sit præsens  
diversis locis, non consistit in diversis ejus ope-  
rationibus circa diversa loca. Consequentia pa-  
ter, a necedens probatur: Tum quia approxi-  
matio, seu præsentia agentis ad passum est una  
ex conditionibus necessariis prærequisitis ad o-  
perandum: Tum etiam quia si Angelus non de-  
beret prius esse præsens loco, quam in eo ope-  
retur, sequeretur Angelum non habere limitatam  
sphaeram suæ activitatis ex parte loci: quia nulla  
erit ratio, propter quam Angelus impediatur ad

operandum simul in diversis locis propter ma-  
jorem aut minorem illorum distantiam.

Respondeo negando Antecedens. Ad cuius  
14. primam probationem dico hanc esse differenti-  
am inter agentia spiritualia & corpora, quod in  
istis præsentia agentis ad passum est prior (saltem  
prioritate naturæ, quam operatio; in illis vero è  
contra operatio est prior præsentia prioritate  
naturæ. Ratio autem determinans est, quia agen-  
tia corpora agunt per virtutem in quantitate  
subiectatam, & ab illa dependentem; unde in  
illis, sicut operatio præsupponit virtutem ope-  
rativam, ita & à fortiori quantitatem, subinde quæ  
contractum quantitativum, qui est ipsi ratio infor-  
malis essendi in loco; & ita nihil mirum, si in illis  
esse in loco sit prius, quam operari. Ceterum  
operatio agentium spiritualium non supponit in  
ipsis aliquem contractum, qui sit proxima ratio ef-  
fendi in loco, sed ipsa operatio virtualiter transi-  
ens habet rationem contractus applicativi ad lo-  
cum; unde illa debet præsentiam Angeli in loco  
prioritate naturæ antecedere: sicut quia infor-  
matio animæ habet rationem contractus virtutis  
respectu corporis, prius natura est, quod anima  
informet corpus, quam fiat illi præsens. Itaque  
præsentia Angeli in loco, in quo operatur, eo  
priorius modo requiritur, quo requiritur corpus,  
quod informat animam, esse organicum; quia sci-  
licet Angelus per operationem fit præsens loco,  
sicut per informationem animæ corpus fit orga-  
nicum; ut docet Philosophus in libris de anima, ex-  
plicatis definitione animæ à Philosopho traditæ.

Ad secundam probationem Antecedentis,  
negosequela: nam licet Angelus priusquam o-  
peretur non debeat esse in loco, in eo tamen  
est per operationem; quæ cum procedat à virtute  
Angeli finita, non potest ad omnia se extendere;  
subindeque limitata est Angeli sphaera ex parte  
loci. Unde S. Thomas quæst. præcedenti art.  
2. ait: *Virtus Angeli quia finita est, non se extendit ad  
omnia, sed ad aliquod unum determinatum.*

Dico quarto: Motus localis, quo per acci-  
dens movetur Angelus ad motum corporis, in quo lo-  
caliter existit, in nullo alio consistit, quam in  
motu locali in hærente tali corpori.

15. Probatur: Sicut motus nobis movetur omnia  
quæ sunt in nobis, ut ait Philosophus; ita moto  
aliquo corpore, in quo localiter existit Angelus,  
per acci- dens ipse Angelus movetur: Ergo sicut  
motus localis, quo anima nostra per acci-  
dens movetur ad motum corporis, quod informat, in  
nullo alio consistit, quam in motu locali in hæ-  
rente ipsi corpori, à quo extrinsecè & per acci-  
dens mota denominatur: ita etiam motus localis,  
quo Angelus per acci- dens moveri dicitur, nihil  
aliud esse potest, quam motus localis in hærens  
ipsi corpori, quod per se movetur, & in quo An-  
gelus operatur; à quo etiam secundariò & per acci-  
dens denominationem moti recipit.

Confirmatur: motus, quo corpus Christi in  
16. Sacramento Eucharistie movetur ad motum  
specierum, consistit præcisè in motu locali in hæ-  
rente ejusmodi speciebus: Ergo idem dicendum  
est de motu illo, quo movetur Angelus ad  
motum corporis, in quo localiter existit: nam ut  
colligitur ex D. Thomæ 3. p. quæst. 76. art. 6.  
ad 1. Christus in Sacramento Eucharistie eodem  
modo movetur (motu scilicet per acci- dens)  
quo movetur Angelus.

Ex his intelliges, Angelum non moveri motu  
17. per acci- dens ad motum corporis, in quo localiter  
exi-

existit, sicut homo qui vehitur navi, movetur per accidens ad motum ipsius navis. Ratio est, quia (ut docet D. Thomas 3. p. quest. 76, art. 6. ad 1.) aliter movetur per accidens, & ad motum alterius, ea quæ per se possunt esse in loco, sicut corpora; & aliter ea, quæ per se non possunt esse in loco, sicut formæ & spirituales substantiæ, quales sunt Angeli: corpora enim per accidens, & ad motum alterius movetur efficienter, ut patet in exemplo adducto hominis, qui vehitur navi, quique per accidens ad motum navis efficienter movetur, quatenus navis suo motu eum quasi impellit, sicque est causa motus in ipso: At verò Angeli moventur formaliter ipso motu corporis in quo sunt, sicut & formæ spirituales; nec enim quando homo movetur, causatur in anima aliq[uod] motum localem in ipsa receptum, sed motu ipso recepto in homine ea formaliter moveri dicitur. Quo etiam modo moveri dicitur Christus in Sacramento Eucharistiæ ad motum specierum.

18. Ex dictis etiam habes resolutionem cuiusdam difficultatis, quæ non parùm negotij multis facere videtur, nempe in quo subiecto sit intrinsecus motus Angeli? Dicendum est enim, motum localem, quo Angelus per se movetur, esse inhærensivè in ipso Angelo, si consideretur secundum illud, quod dicitur in recto; si verò consideretur secundum id, quod connotat in obliquo, recipi in loco corporeo, cui applicatur motum verò; quo per accidens moveri dicitur esse solum inhærensivè in eo corpore, ratione cuius movetur.

19. Prima pars huius resolutionis sequitur ex principiis supra statutis. Nam supra ostendimus, motum localem Angeli, quo per se movetur consistere in diversis ejus operationibus circa diversa loca: Sed illæ operationes, cum sint formaliter immanentes, intrinsecus in ipso Angelo recipiuntur, cum autem sint virtualiter transientes, inferunt passionem & effectum corporeum in loco, cui Angelus applicatur, productum: Ergo motus localis Angeli importat aliquid partim ei intrinsecum, & partim extrinsecum; & est inhærensivè in ipso Angelo secundum illud, quod dicitur in recto, recipitur verò in loco corporeo secundum id, quod in obliquo importat. Unde falsam existimo Cajetani sententiam afferentis, motum localem Angeli esse in loco simpliciter loquendo, non verò in Angelo: in illo enim subiecto motus esse debet, cui suum effectum formalem communicat: Sed motus localis communicat Angelo, non verò loco suum effectum formalem: Ergo debet esse in Angelo, non verò in loco quoad illud quod dicitur in recto. Probatur Minor: Effectus formalis motus localis est relinquere unum locum, & accedere ad aliud: Sed hoc tribuitur Angelo, non verò loco, ut patet: Ergo motus localis communicat Angelo, non verò loco suum effectum formalem.

20. Altera verò pars huius resolutionis manifesta est: cum enim motus, quo per accidens Angelus moveri dicitur, nihil aliud sit, quam motus localis ipsius corporis, in quo Angelus localiter existit, prout extrinsecus, & secundariò Angelum denominat motum, ut supra ostendimus, evidens est, motum, quo Angelus movetur per accidens, esse solum inhærensivè in eo corpore, quod movetur, non verò in ipso Angelo. Sicut motus, quo per accidens Christus movetur in Eucharistia, ratione specierum, non in ipso Christi corpore, sed in speciebus subiectatur; forma enim, quæ extrinsecus tantum, & secundariò aliquid subiectum denominat, non debet in illo recipi, si-

cut illa, quæ effectum formalem primum, & intrinsecum denominationem ei tribuit. Itaque licet motus quo Angelus per se movetur, illi inhæreat saltem secundum id, quod importat in recto, ut antea exposuimus, non tamen ille, quo extrinsecus tantum & per accidens moveri dicitur.

## ARTICULUS II.

*Utrum Angelus motus tam continuus, quam discretus moveri possit?*

Duplex distingui, vel concipi potest motus localis; unus continuus, & alter discretus. Motus localis continuus, juxta D. Thomam hic art. 1. dicitur ille, in quo mobile per partes deserit terminum à quo, & per partes acquirit terminum ad quem: discretus verò, in quo è contra mobile deserit totum simul terminum à quo, & acquirit totum simul terminum ad quem. Inquirimus ergo, utrum Angelus hoc duplici motu localiter moveri possit?

## §. I.

*Prima pars questionis resolvitur.*

Dico primo: Angelus motu continuo moveri potest. Ita communiter docent Theologi cum S. Doctore hic art. 1. contra Gregorium in 2. dist. qu. 6, & Valesium in lib. de sacra Philosophia cap. 41. ac Hervæum in 1. dist. 37. qu. 2. art. 3.

Probatur: Illud mobile movetur motu continuo, quod locum aliquem divisibilem successivè & divisibiliter acquirit: Atqui Angelus, dum movetur, locum aliquem divisibilem successivè, & divisibiliter potest acquirere: Ergo & motu continuo moveri. Majore est verba: Per hoc quidem præcisè motus localis continuus differt à motu discreto, quod per continuum acquiritur successivè & divisibiliter, sive per partes terminus ad quem; per discretum vero totus simul acquiritur. Minor vero probatur: Locum successivè & divisibiliter acquirere quantum sufficit ad continuitatem motus, nihil aliud est, quam mobile sine interruptione sui motus, prius ad propinquiores partes spatij pervenire, quam ad remotiores: Sed hoc præstare potest Angelus; cum enim locus ejus adæquatus sit divisibilis, dum unam partem illius occupat, potest paulatim operationem suam extendere ad reliquas partes illius sine intermedia quiete: Ergo Angelus dum movetur, locum aliquem divisibilem successivè & divisibiliter potest acquirere.

Confirmatur primò: Ideo corpus dicitur motu locali motu continuo, quia ejus locus est divisibilis, & illum deserit paulatim & per partes sine intermedia quiete, & eodem modo acquirit aliam ita ut quantum deserit per partes de loco habito, tantum acquirit de novo de illo, cui fit præterit: Atqui similiter locus Angeli, saltem adæquatus, est divisibilis, potestque sine intermedia quiete deferere per partes unum ex locis sibi inæquatis, & eodem modo acquirere alium, ita ut quantum deserit per partes de illo, in quo erat, tantum acquirit de alio novo, in quo se constituit: Ergo potest moveri localiter motu continuo.

Confirmatur ampliùs: Omnes conditiones ad rationem motus continui necessarias reperiri possunt in motu Angeli: Ergo potest motu continuo moveri. Consequentia manifesta est: Antecedens verò ex dicendis §. sequenti patebit.

## S. II.

Coluntur objectiones,

23. **O**bjicies ergo primum: Ad continuationem motus tres saltem requiruntur conditiones, nempe divisibilitas spatii, a qua divisibilitas motus dependet: unitas seu continuatio temporis (quando enim intercedit mora & quies, non est amplius unus motus) & divisibilitas mobilis, ut docet Philosophus 6. Physic. cap. 4. & 10. ex quo ibidem inferri punctum non posse moveri motu continuo: Sed hæ conditiones non videntur posse convenire motui locali Angelorum, præcipue ultima: Ergo non movetur motu continuo. Minor probatur: Imprimis enim Angelus cum sit indivisibilis, & inextensus, non potest se collocare in spatio extenso & divisibili: item ejus operationes non mensurantur tempore continuo, sed discreto; ejusque substantia, cum sit immaterialis & omnino indivisibilis: Ergo conditiones ad continuationem motus requiritæ, non videntur posse convenire motui Angelico.

24. **R**espondeo tunc cessā Majori, negando Minorem: nam tres illæ conditiones convenire possunt motui Angelico licet non ita proprio, nec cum illo rigore, cum quo in motu locali corporum reperiantur. Cum enim Angelorum motus comparatus motui locali corporum, sit æquivocè tantum motus, ut supra ostendimus, etiam ejus continuas, comparata motui corporum, debet tantum esse æquivocè talis, seu habere aliquam proportionem, similitudinem, & analogiā cum continuas motu corpori. Prima ergo conditio motui Angelorum convenit: quia licet Angelus sit indivisibilis & inextensus, potest tamen in loco divisibili & extenso se collocare, ut disp.

Art. 1. §. 5. precedenti ostendimus: cum etiam non sit indivisibilis ratione limitationis & imperfectionis, sicut punctum, quod ad perfectionem divisibilitatis non potest pertingere; sed ratione perfectionis, ut ibidem declaravimus; non limitatur ad hoc, ut sit indivisibilis, sed potest virtualiter coextendi loco formaliter divisibili, illique virtutem suam operativam applicare. Unde secunda conditio ad continuationem motus requiritur, scilicet unitas, aut continuatio temporis motui Angelico non deest: quia licet operationes, quibus Angelus deferit simul locum, qui est terminus ad quod, & simul, id est non per partes, acquirit terminum ad quem, mensurentur tempore discreto, ut infra prærebit illa tamen operatio, seu illæ operationes, quibus per partes acquirit unum locum, & relinquunt alium, debent mensurari tempore continuo.

Quantum ad tertiam conclusionem, de qua major videtur esse difficultas, similiter dicendum est, illam motui Angelico convenire: quia licet Angelus entitativè, & quantum ad substantiam non sit divisibilis, ut locutus tamen, extensus ac divisibilis est, ut potè in spatio extenso ac divisibili existens. Sivè, ut alij dicunt, quamvis non sit divisibilis formaliter, est tamen divisibilis virtualiter, vel æquidistantiè; quia ratio formalis, per quam locatur ejus scilicet operatio, quatenus est virtualiter transiens, divisibilis est, ut potè inferens & cauans effectum divisibilem, & extensum in loco corporeo.

25. **D**ices: Quod movetur localiter motu continuo, partim est ad terminum ad quod, & partim in ter-

mino ad quem: Ergo debet habere partes, & per consequens esse divisibile formaliter.

**R**espondeo illud quod movetur localiter motu continuo, debere quidem esse partim in termino ad quod, & partim in termino ad quem; partialitate tamen illam non esse necessariò referendam ad substantiam ipsius mobilis, sed sufficere quòd referatur ad locum; sufficit enim quòd virtus ejus partim uni, & partim in alteri loco applicetur, ut docet S. Thomas hic art. 1. ad 1. & art. 3. ad 3. ubi ait: *Angelus est partim in uno loco continuorum, & partim in alio; non quòd substantia illius sit partibilibus, sed quia virtus sua applicatur ad partem primi loci: & ad partem secundum.*

**O**bjicies secundò: Motus Angeli consistit in diversis contactibus & operationibus illius circa diversa loca; ut art. precedenti ostendimus: Sed illi diversis contactibus & operationes non possunt unum motum continuum efficere: Ergo motus Angeli non potest esse continuus. Minor probatur: Operationes illæ interdum sunt specie diversæ: Sed quæ specie differunt, continuari non possunt, licet possint esse contigua: Ergo illæ unum motum continuum efficere nequeunt. Minor videtur certa, Major vero probatur. Angelus descendens, v. g. à cælo in terram, potest cauare in cælo motum, in ære lucem, aut in una parte æris motum localem rectum, & in alia circularè: Sed illi motus, aut operationes specie differunt, ut patet: Ergo operationes, ex quibus motus localis Angeli constat, interdum sunt specie diversæ.

**R**espondeo illas operationes esse quidem interdum specie diversas materialiter & entitativè, formaliter tamen, & prout ratio efficitur in loco, sive quatenus sunt locativæ, & applicativæ ad locum, esse ejusdem rationis, ac prout possunt unum unitate continuitatis motum efficere. Sicut dispositione precedenti dicebamus, locum formaliter non variatur per mutationem, aut diversitatem specificam superficiei, aut ambituum, dummodo eadem distantia ad polos & centrum mundi servetur: quia diversitas illa merè per accidens & materialiter se habet; cum unitas formalis loci ex determinata distantia ad polos & centrum mundi sumatur.

**O**bjicies tertio, auctoritatem D. Thomæ ex 23. 1. sent. dist. 37. quæst. 4. art. 1. ubi concludit, motum Angeli non esse continuum, quod etiam formaliter docet quodlibet art. 9.

**R**espondeo primum, D. Thomam solum velle motum Angeli non esse continuum necessariò, sicut in rebus corporeis, sed posse esse discretum, ut dicemus §. sequenti.

Secundò responderi potest, D. Thomam negare solum motui locali Angelorum continuitatem formalem & propriè dictam, qualis reperitur in motu locali corporum, non tamen virtutalem, & quæ fit tantum æquivocè talis, qualis solum motui Angelico convenit, ut supra annotavimus.

**T**ertio dici potest, S. Doctorem loqui de motu Angelorum, secundum quod dicit operationes Angeli, ut sunt formaliter immanentes, & quatenus se tenent ex parte ipsius; sub qua ratione non mensurantur tempore continuo, sed discreto; non verò loqui de motu Angelorum, ut importat eas ad operationes, quatenus sunt virtualiter transientes, & habent terminum ad extra productum; sic enim habent continuitatem, quatenus contingunt diversà loca successivè, & sine quære intermedia, & tempore continuo mensurantur.



## §. III.

*Altera difficultas resolvitur.*

**D**ico secundò, Angelos posse moveri localiter motu discreto. Est contra Scotum, Molinam, & quosdam alios. Est tamen divi Thomæ hic art. 1. & pluribus aliis locis.

29. Probatur, deferere per ultimum esse totum aliquem locum, & immediatè post per primū esse acquirere alium totum simul, & non per partes, est moveri motu discreto: Sed hoc potest præstare angelus: Ergo motu discreto moveri potest. Major constat ex dictis initio hujus articuli: per hoc siquidem differt motus discretus à continuo, quòd in motu continuo, mobile per partes deferat terminum à quo, & per partes acquirat terminum ad quem: in motu autem discreto è contra mobile deferat totum simul terminum à quo, & immediatè post, totum simul terminum ad quem acquirat. Minor verò probatur: Angelus est indivisibilis, subindeque non commensuratur loco in quo existit: Ergo potest per ultimum esse suæ operationis deferre totum aliquem locum, & immediatè post, per primum esse alterius operationis in totum alium locum, illum totum simul acquirere. Probatur consequentia primò: quia hoc ipso quòd angelus non commensuratur loco, non debet esse in illo secundum exigentiam ejus, subindeque nec moveri continuè & per partes in loco illo, licet sit continuus. Secundò probatur eadè consequentia. Ex sola mobilis extensione provenit quòd non possit acquirere totum simul terminum ad quem: Sed angelus hoc ipso quòd est indivisibilis, caret extensione: Ergo &c. Probatur tertio: anima rationalis, eo ipso quòd est indivisibilis, in momento actuatur totum corpus divisibile, & in instanti totum simul ipsum deferat: quidni igitur poterit angelus locum aliquem totum simul & semel deferre, & alium immediatè post similiter totum simul acquirere?

30. Confirmatur: sed corpus non potest moveri motu discreto, sed continuo tantum, quia cum sit extensum, subindeque habeat partes correspondentes partibus loci, non potest simul totū aliquem locum deferre, sed necesse est quòd ultima pars sui, prius egrediatur ab ultima parte loci in quo est, & ingrediatur alium locum, quàm prima pars: Sed angelus caret extensione: Ergo motu discreto moveri potest.

## §. IV.

*Respondetur argumentis in contrarium.*

31. **O**bjicies primò: De ratione motus etiam discreti est quòd sit unus: Atqui motus quo angelus ita se habet, quòd per ultimum esse suæ operationis deferat totum simul terminum à quo, & immediatè post per primum esse alterius operationis, acquirat totum simul terminum ad quem, non est unus, sed aggregatum ex pluribus instantaneis mutationibus: Ergo non est motus discretus. Major est certa, probatur Minor. Motus interruptus quicquid, non est unus: Sed iste motus angelus est interruptus aliqua quiete: Ergo non est unus. Minor probatur: angelus non acquirat terminum ad quem in instanti immediatè sequenti, aliàs cum ex suppositione deferat totum terminum à quo in instanti, duo instantia si-

**A**bi immediatè succederent: Ergo in tempore medio inter illa duo instantia intercedit aliqua quies. Respondeo concessi Majori, negando Minorem. Ad cujus probationem, nego similiter Minorem: & ad hujus probationem, nego quòd angelus non-acquirat totum terminum ad quem in instanti. Ad probationem verò in contrarium dico, quòd licet in tempore nostro duo instantia non possint sibi immediatè succedere; bene tamen in tempore discreto & angelico, quo motus discretus & operationes libere Angeli mensurantur: nam tempus illud nihil aliud est, quàm indivisibilium durationum five instantium numerus, ut infra patebit.

**B** Objicies secundò: Angelus non movetur motu discreto, dum est in termino à quo; nam in termino à quo mobile nondum movetur, sed adhuc quiescit: neque quando pervenit ad terminum ad quem; quia quando mobile est in termino ad quem, jam est motum, & non movetur amplius: neque ut est partim in termino à quo, & partim in termino ad quem; nam ut docet S. Thomas hic art. 1. ad 1. tunc solam partem est angelus in termino à quo, & partem in termino ad quem, quando movetur motu continuo: Ergo angelus nunquam movetur motu discreto, sed solum motu continuo.

**C** Respondeo angelum in neutro termino præcise & absolute in tempore moveri motu discreto, sed in utroque, prout unus dicitur abitudine ad alium: successio enim & habitudo unius termini ad alium, habet rationem alicujus medij. Ita S. Thomas hic in resp. ad 1. ubi ait: *Si motus non esset continuus, posset dici quid aliquid movetur dum est in termino à quo, & dum est in termino ad quem: quia ipsa successio diversorum ubi, circa eandem rem, motus diceretur.* Et in 1. distinctione 37. questione 4. art. 1. ad 3. Et idè, inquit, loquens de motu discreto Angeli, nec in A. nec in B. movetur, licet A. & B. sint partes ejus: sed successio horum quòd est esse in A. & esse in B. motus ejus vocatur.

**D** Pro majori luce hujus solutionis & doctrinæ, observandum est Cajetanò hic art. 1. §. in responsione ad primum, existentiam in termino à quo posse sumi dupliciter, nempe aut secundum se & absolute, aut ut dicit ordinem cujusdam potentialitatis ad existentiam in termino ad quem sibi immediatè succedenti. Si sumatur primo modo, verum est Angelum, dum est in termino à quo, non moveri: si autem sumatur secundo modo, falsum est; quia secundum hanc rationem est terminus successione discretæ, in qua consistit motus discretus; & hoc satis est ut existentia sic sumpta dicatur inchoativè successio & motus. Similiter existentia in termino ad quem, potest dupliciter sumi, scilicet absolute, vel ut dicit ordinem actuantis & terminantis potentialitatem, quam importat existentia in termino à quo. Primo modo sumpta non dicitur motus, sumpta tamen secundo modo, dicitur motus terminativè. Ratio verò ob quam quælibet ex his existentis, ut dicit ordinem ad alteram, potest dici motus discretus, sumitur ex propria natura hujus motus; nam motus discretus, nihil est aliud quàm numerus diversarum operationum, ratione quarum angelus est successivè in diversis locis; unde sicut numerum componat unitates, non quidè absolute considerat, sed una in habitudine ad aliam, sic etiam motum discretum componunt operationes diversæ, non absolute sumptæ, sed prout una dicit ordinem ad aliam.



## ARTICULUS III.

*Utrum Angelus possit transire de uno loco ad alium non transiendo per medium?*

*Conclusio affirmativa statuitur.*

36. **P**ostquam Doctor Sanctus articulo 1. hujus questionis docuit Angelum motu continuo & discreto posse moveri. articulo sequenti quaeritur, utrum Angelus transeat per medium? & duas statuit conclusiones. In prima docet, quod si motus Angeli sit continuus, non potest moveri de uno extremo in alterum, nisi transeat per medium: Quia ut dicitur in 6. *Physic. medium est in quod prius venit quod continuus mutatur, quam in quod mutatur ultimum.* Ordo enim prior & posterior in motu continuus, effunditur in ordinem prioris & posterioris in magnitudine, ut dicitur in 4. *Physic.* In altera verò conclusione asserit, quod si motus Angeli non sit continuus, possibile est quod pertranseat de aliquo extremo in aliud, non pertransito medio: Tum quia si Angelus suo motu discreto omnia loca intermedia pertransiret; actu numeraret media infinita, quod est impossibile; inter quolibet enim duo extrema loca, sunt infinita loca media, siue accipiantur loca divisibilia, siue indivisibilia: Tum etiam, quia substantia Angeli non est subdita loco, ut contenta, sed est superior illi, ut continens; unde in potestate ejus est applicare se loco, prout vult, vel per medium, vel sine medio. Idem docet in distinctione 37. quæst. 4. art. 1. & ibidem ad Annibaldum quæst. 2. art. 1. ad 4. & quodlib. 1. art. 5.

37. Hanc Angelici Præceptoris doctrinam non sequuntur; nec approbant Scotus, Suarez, Molina, Valentia, & alij ex Recentioribus; quibus non adhaeret Vazquez; imò potius severè in eos animadvertit, dicens hęc disputatione 196. cap. 3. Recentiores illos de rebus spiritus alium serè in omnibus instar rerum corporalium philosophari; illisque necessariū esse sensibilia relinquere; & alio rem modum spiritus alia contemplandi infigillatim. Pro resolutione hujus celebris quæstionis.

38. **S**upponendum est, quod sicut Philosophi distinguunt duo genera partium in quantitate continui, scilicet communicantium, seu proportionalium & non communicantium, seu aliquotiarum; ita etiam medium quod Angelus omittere potest transiendo de uno extremo ad aliud potest esse duplex, communicans scilicet, & non communicans: v. g. si Angelus existens in primo palmo unius corporis tripalmaris, velit transire ad tertium palmarum, medium non communicans erit secundus palmarum, qui ut distinctus ab alijs duobus habet suam magnitudinem, nec de extremis aliquid participat; medium verò communicans erit si sumatur aliquid de primo palmo, & aliquid de secundo, vel aliquid de secundo, & aliquid de tertio. Porro ista media communicantia de extremis sunt infinita in potentia: nam post aliquam partem indeterminatam primi palmi potest à quolibet puncto mensurari aliquis palmarum, qui aliquid participet de primo, & aliquid de secundo; & cum puncta, partesque proportionales sint infinitæ in potentia, media etiam participantia erunt in potentia infinita. Hoc supposito, sit

**D**ico igitur, Angelum posse moveri motu discreto, absque eo quod transeat per medium; siue illud sit communicans, siue non communicans cum partibus intermediis.

39. **P**robatur primò conclusio ratione fundamentali, quam Divus Thomas insinuat locis citatis. Angelus est in loco per operationem, siue applicationem liberam suæ virtutis ad locum: Ergo potest moveri motu discreto de uno loco ad alterum extremum, siue transitu per medium. Probatur consequentia: quia sicut ex eo quod Angelus sit in loco per applicationem liberam suæ virtutis ad locum, liberum illi est applicare toti loco sibi adæquato suam virtutem, vel solum parti inæquata; ita propter eandem rationem potest libere applicare eandem virtutem partibus extremis alicujus partij, non applicando eam, siue non operando in intermedijs: in quo casu constat, quod movebitur de extremo ad extremum, siue transitu per medium. Ita discit D. Thomas loco citato ex primo sententiarum, ubi sic ait: *Essentia Angelus secundum se absoluta est ab omni loco, & non desinitur ad locum, nisi per operationem: non autem per operationem secundum quod exiit ab essentia, sed secundum quod terminatur ad operationem in loco.* Unde quando operatur circa hunc locum, ab essentia sua (cum non sit ex se determinata vel obligata ad locum illum, sed indifferenter se habent ad omnia in quantum in se est) potest egredi operationem statim ad locum proximum vel remotiorem; nec operatio ad distans dependet ab operatione ad propinquum.

**C**onfirmatur primò: Ideo corpus non potest moveri de extrema parte alicujus, ad aliam partem extremam, siue transitu per medium, quia cum sit in loco per commensurationem ad ipsū, & tanquam illi subditum, ex eo quod continetur ab illo, debet sequi in suo motu leges ipsius: Atqui Angelus non ita existit in loco, sed ut continens, & superior illi, atque adeo ab eo independens: Ergo de uno extremo ad aliud potest moveri, non transiendo per medium. Ita idem S. Doctor quodlibet 1. art. 5. dicens: *Quia corpus est in loco sicut contentum ab eo, idcirco oportet quod in movendo sequatur loci conditionem, ut scilicet pertranseat media, priusquam ad extrema loci proveniat.* Sed cum Angelus sit in loco per contactum virtutis, non subditur loco ut contentum ab eo, sed magis continet locum, sua virtute supereminens in loco: unde non habet necesse ut sequatur in suo motu conditiones loci, sed voluntatis sue subest quod applicet se per contactum virtutis huius loco & illi, & sit illi absque medio. Sicut etiam intellectus potest applicari in eligendo uni extremo, puta albo, & postea nigro indifferenter, vel cogitando vel non cogitando de medijs coloribus: quamvis corpus subiectum colori non possit moveri de albo in nigrum, nisi per media.

**E** Confirmatur secundò: Ideo corpus Christi potest definire esse in media parte hostiæ consecratæ, remanendo in extremis partibus, quia est ibi modo elevato, quamvis supernaturali: Sed Angelus existit in loco, modo descendendi elevato, quamvis naturali. Ergo potest existere in partibus extremis alicujus partij, non existendo in intermedijs, tubi indeque moveri discreto de una ad aliam, non transiendo per medium.

Pro-

42. Probatur secundo conclusio, & specialiter ostenditur Angelum posse transire de extremo ad extremum, non pertransitum medio communicante cum partibus intermedijs, discursu quem habet D. Thomas hic artic. 2. Inter quilibet duo loca extrema mediant infinita loca communicantia, cum indivisibilia, cum divisibilia: Sed non potest Angelus transire discretè per omnia illa: Ergo oportet necessitè, quòd in suo motu locali discreto, relinquat aliqua ex prædictis locis intermedijs impertransita; ac proinde poterit transire de extremo ad extremum, non pertransito medio communicante. Major constat ex suppositione ante conclusionem facta, & fusè ostenditur à D. Thoma loco citato. Minor verò probatur. Infinitum non potest pertransiri dinumerando, alioquin etiam dinumerando ad ultimam ejus unitatem deveniretur, & ita non esset quid infinitum, sed finitum: At si Angelus discrete per omnia illa media pertransiret, ea omnia, subindeque infinitum dinumeraret. Ergo ea discretè pertransire non potest.

43. Dices: Angelus motu continuo pertransit omnia media communicantia, tam divisibilia, quam indivisibilia; & tamen propterea non dicitur infinitum dinumerare: Ergo idem dicendum est de motu discreto ejusdem Angeli.

Sed negatur consequentia, & paritas: ratio disparitatis est, quia ut rectè advertit Vazquez hic in explicatione secundæ articuli, in motu continuo, etiam mobile infinita loca pertransit, ea non numerat; & utpote cum numerus in discretione consistat, & numerari nihil possit, nisi discretè.

44. Probatur ultimò conclusio specialiter de medio nullo modo communicante. Primò quia non videtur major ratio, cur Angelus in suo motu discreto ab uno extremo loci ad aliud extremum, possit media communicantia impertransita relinquere, quam media non communicantia: Sed potest primum, ut jam ostensum est, & concedunt Scotus & Suarez: Ergo & secundum. Major probatur: Tota ratio quam afferunt Adversarii, cur Angelus in suo motu discreto de extremo ad extremum non possit aliquid medium non communicans impertransitum relinquere, est quia, inquit, ordo naturæ exigit quòd mobile prius per partes viciniores transiret, quam attingat remotiores: Sed hæc ratio vel nullam habet vim in motu Angelico, propter independentiam Angeli à loco; vel equaliter procedit de medijs participantibus, quæ viciniore sunt, quam partes remotæ, ac de medijs non communicantibus: Ergo &c.

Secundò Dum Angelus existens in cælo, in terram descendit motu discreto, non potest omnia media non communicantia pertransire: nam juxta Adversarios motum suum discretum unico instanti perficit: Sed inconcepibile est, Angelum uno instanti cælo in terram descendere, & omnia media pertransire; alioquin eodem momento esset in pluribus locis sibi adzquaris, vel saltè in loco majori quam sit ille maximus quem habere potest: Ergo plura media etiam non participantia, in suo transitu prætermutare debet.

## §. II.

## Solvuntur objectiones.

45. Objicies primò auctoritatem Divi Thomæ hic artic. 2. ubi secundo loco sibi objicit:

A Anima potest suâ cogitatione transire de uno extremo ad aliud, non transiendo per medium: Ergo Angelus poterit eodem modo moveri. Respondet autem negando paritatem: *Quia Angelus, inquit, dum movetur localiter, applicatur ejus essentia diversis locis: anima autem essentia non applicatur rebus quas cogitat, sed potius res cogitatae sunt in ipsa*: Ergo ex Divo Thoma Angelus nequit transire de uno extremo ad aliud, relicto medio.

Respondeo Divum Thomam in argumento quod sibi objicit, velle probare, quòd angelus possit motu continuo transire de uno extremo ad aliud, relicto medio, exemplo animæ rationalis, quæ per cognitionem etiam continuum potest cogitare de locis extremis, non cogitando de medijs, & quantum ad hoc rectè respondet esse differentiam inter cognitionem & motum, quòd cogitatio, etsi continua, non applicat substantiam ipsis rebus, sed trahit res ad se; potest autem cogitatio continua trahere ad se res non continuas: per motum verò continuum non potest applicare spatij non continui suam substantiam; quia hoc est contra rationem continuitatis ex parte motus.

Obijciunt secundo Adversarii: Anima rationalis non potest informare partes extremas corporis, non informando intermedias: Ergo neque Angelus moveri de uno extremo ad aliud, non transiendo per medium, Probatur consequentia: quia sicut anima se habet in informando, ita Angelus in agendo & movendo.

Respondeo concessio antecedente, negando Consequentiam, & paritatem. Ratio disparitatis est, quia anima unitur corpori, ut forma materiæ, ac proinde omnino necessariò & dependenter à dispositionibus ad talem unionem requisitis, inter quas præcipua est colligatio & continuatio partium corporis: Angelus verò unitur loco, ut agens passivo, vel ut motor mobili, subindeque liberè, & independenter à quacumque corporis dispositione, & per consequens independenter à partibus intermedijs loci, potest se applicare ad extrema, & in illis operari.

Obijciunt tertio: angelus non potest prætermittere, vel inverttere ordinem partibus hujus universi præfixum: Sed ordo partibus hujus universi præfixus, est ordo situæ, consistens in eo quòd nulla creatura possit rem ulteriorem sine priori attingere: Ergo angelus non potest extrema alicujus spatij, non tactis locis intermedijs, contingere.

Huic argumento facillè responderetur, concessâ Majori, negando Minorem: nam ut optimè ait Cajetanus, ordo situæ præfixus à Deo partibus universi materialibus, consistit in eo quòd ignis sit sursum, terra deorsum, ær & aqua inter utrumque mediant &c. unde hunc ordinem non potest Angelus inverttere, faciendo quòd unum elementum locum alterius occupet, vel quòd gravia sursum, & levia deorsum tendant, vel inducendo vacuum in rerum natura, ac destruendo mirabilem illam unionem & colligationem partium universi, in qua ejus perfectio & pulchritudo consistit: non enim Deus angelis orbem terræ subiecit, ut ait apostolus, ad Hebræos 2. Quoad existentiam verò & præsentiam Angelum ad partes universi, non est positus hic ordo à Deo, ut prius tangat partes intermedias quam extremas: imò potius, ratione suæ immaterialitatis & spiritualitatis, à tali obligatione quam habent cor

portat, liber est. Unde secundò responderi potest distinguendo Minorem: Ordo partibus hujus universi præfixus consistit in eo, quòd nulla creatura possit rem ulterius sine priori contingere. Nulla creatura corporalis, & contenta à loco, legibusque loci subiecta, concedo Minorem. Nulla creatura spiritalis, & continens locum, atque independentem ab illo, nego Minorem & Consequentiam.

31. Dices: Angelus est subditus legibus temporis, quàmvis ad hoc, quòd non possit transire de præterito ad futurum absque eo, quòd transeat per præteritum: Ergo vultur subditus erit legibus loci, quoad hoc, quòd non possit transire de uno extremo alicujus spatij ad aliud, nisi per medium; non enim minus est ordo inter partes permanentes spatij, quàm inter partes successivas temporis.

32. Sed negatur Consequentia & paritas: Ratio discriminis est, quia Angelus non potest ratione suæ durationis tangere partes futuras temporis, antequam existant; hoc enim est proprium æternitatis, ut alias ostensum est: partes autem extremas spatij, quæ de facto existunt, cum sint permanentes, potest Angelus tangere, non tangendo intermedias.

33. Obijciunt quatuor: Sequitur ex nostra opinione, corpus, v. g. lapidem posse moveri de extremo ad extremum absque eo, quòd transeat per medium; si nimirum Angelus illud deferat in suo motu discreto de extremo ad extremum absque transitu per medium. Sequitur etiam Angelum posse extendere suam operationem ultra sphaeram activitatis saltem in casu, quo distantia locorum, inter quæ esset motus discretus Angelus, superaret latitudinem sphaeræ activitatis illius.

34. Respondeo negando utramque sequelam: primam quidem, quia Angelus deferens corpus aliquod, non potest moveri motu discreto; non potest enim tollere à corpore, quia sit in loco, per commensurationem & contactum quantitativum, & consequenter quin moveatur per commensurationem suarum partium ad partes loci: unde hoc ipso, quòd Angelus vult se movere portando aliquod corpus, necesse est, ut motus ejus sit continuus. Alteram vero sequelam nego, quia ut Angelus operaretur ultra sphaeram activitatis, deberet manendo in loco, in quo est, & consequenter operando circa illud, operari in alio ad quamcunque distantiam; quod nostra sententia non ponit: quia si Angelus movetur, oportet quod relinquat terminum à quo, dum a libi incipit operari, ut alium locum acquirat.

35. Obijciunt, quinquò: In quolibet motu debet dari aliquod moveri ante mutatum esse: Ergo debet dari aliquod medium inter terminum à quo, & inter terminum ad quem. Consequentia probatur: quia dum mobile est in termino à quo, non dum movetur, dū vero est in termino ad quem, est in mutato esse.

36. Respondeo cum D. Thoma hic art. 2. ad 3. quòd in motu discreto, in quo mutatum esse est pars motus, non debet dari moveri ante mutatum esse; sed solum in motu continuo, in quo mutatum esse non est pars, sed terminus: de quo infra redibit sermo.

37. Denique obijci Molina, quod transitus ille Thomistarum statim, ut menti sese offert, judicatur impossibilis: unde, inquit, non tam pertinet ad nos illum impugnare, quàm ad illos eum probare.

Verum respondeo, quòd transitus ille (non

Thomistarum, sed Angelorum) judicatur quidem impossibilis ab his qui sequuntur ductum imaginationis, quæ continuum non transcendit, ut ait S. Thom. in 1. dist. 37. quæst. 3. art. 2. non tamen ab illis, qui sensibilia relinquentes, de rebus spiritualibus longè aliter de corporeis philosophantur. Unde ut supra retulimus, Vazquez prudenter Recentiores illos admovent, ut corporalia & sensibilia relinquant, & altioremodum spiritualia contemplandi investigent.

Addo, transitum illum, licet à sensibus remotissimum, non debere tamen judicari impossibilem, cum etiam corpus Christi, quòd modo quoddam spirituali adest in Eucharistia, per divinam potentiam in cælo simul, & in varijs terræ locis præsens quotidie fiat sine ullo medij transitu. Quo respexisse videtur sponsa, dum Cant. 2. ait: *Ece venit in salicibus montibus, transiitque colles, simul caprea, hinnuloque cervorum.* Salu in montibus, qui supra cæli altitudinem ascendit; transiit colles, qui in instanti sine transitu per medium fit præsens corporaliter in terra, & in pluribus altibus simul adest absque eo, quòd corporibus inter medijs assistat. Cur ergo judicabitur repugnans, quòd Angelus ex sua spiritualitate connaturaliter habeat non dependere à transitu per medium, quòd corpus potest habere supernaturaliter, si quidem spiritus naturaliter non dependet à commensuratione corporis sicut dependet corpus: Ergo quòd corpus supernaturaliter accipit, potest Angelus connaturaliter habere.

Addo etiam, quòd si anima rationalis possit de suo corpore migrare in aliud, immediate informaret illud, etiam si esset distans, non informando prius corpora intermedia: quidni ergo similiter poterit Angelus uniri corpori distanti, non informativè, sed activè absque eo, quòd animæ sit corpori intermedio? nam sicut anima se habet in informando, ita Angelus in agendo, & movendo.

#### ARTICULUS IV.

*Utrum motus Angelus, tam continuus, quàm discretus in instanti per correspondentiam ad nostrum tempus fieri possit?*

PRO resolutione hujus difficultatis, quam movet D. Thomas hic art. 3. notandū est, quòd cum moveri localiter nihil aliud sit, quàm acquiescere de novo aliquem locum, duplicè possumus distinguere motum localem, juxta duplicem modum, quo aliquis potest fieri de novo præsens alicui loco, unà improprium, qui dicitur simplex mutatio, quando scilicet taliter acquiritur locus de novo, quòd non relinquatur alius locus positivus, sed proceditur à simplici negatione; alium proprium & strictè sumptum, qui est transitus de uno loco positivo ad alium, cōstans duplici mutatione, unà quæ deferretur unus locus, & alià quæ alter acquiritur; cum tamen in priori non interveniat nisi una mutatio, quæ acquiritur locus de novo. Proposita difficultas non procedit de simplici mutatione, quæ non fit verè & propriè motus; nam certum est illam posse fieri in instanti tam Angelico, quàm nostro, puta si Angelus de novo crearetur in aliquo loco, vel si supponamus Angelum nullibi existentem, aut operantem incipere in instanti operari in aliquo loco.

Solum



Solùm ergo quæstio est, an motus localis Angeli propriè dictus, & constans ex positiva derelictione unius loci, & acquisitione alterius, possit fieri in instanti, per correspondentiam ad nostrum tempus, sive unica operatione Angeli, quæ uni tantum instanti nostri temporis coexistat?

Affirmant Scotus, Molina, Suarez, & alij Recentiores: negant Thomistæ cum præceptore Angelico hic art. 3. quibus subscribit Vazquez disp. 197. dicet ratione D. Thomæ non approbet.

## §. I.

*Pars negativa defenditur.*

**D**ico igitur: Motus Angeli, sive continuus, sive discretus, unico instanti fieri nequit. Ita S. Thomas hic art. 3. in calce corporis articuli dicens: *Vnde relinquitur quod motus Angeli sit in tempore; in continuo quidem tempore, si sit motus eius continuus; in non continuo autem, si motus sit non continuus.* Idem docet in 1. dist. 37. quæst. 4. art. 3. & quodlibeto 11. art. 4.

99. Probatur primò conclusio, specialiter de motu continuo, ratione à priori. Nullum successivum fieri potest in instanti: Sed motus continuus Angeli successivus est: Ergo in instanti fieri nequit. Major est evidens: nam fieri successivè, est fieri paulatim, & partè post partem; fieri verò in instanti, est fieri totum simul. Minor verò probatur primò. Continuum dividitur ab Aristotele in permanens & successivum: Sed motus continuus Angeli non est quid permanens, ut patet: Ergo successivus est. Secundò, Ubi est intrinsecè prius & posterius, ibi est intrinsecè successio: Sed in motu continuo Angeli est intrinsecè prius & posterius: Ergo & intrinsecè successio. Minor probatur: In spatio ut pertransibili motu continuo, est ordo prioris & posterioris: Ergo & in ipso motu. Hæc consequentia patet: alias enim motus adæquaretur spatio, & non adæquaretur: adæquaretur quidem, quia, ut supponimus illi responderet, & ex eo esset continuus: non adæquaretur verò quia non haberet ordinem prioris & posterioris, sicut spatium. Adde quod, cum spatium sit permanens, in eo non est ordo ille prioris & posterioris, nisi secundum denominationem extrinsecam à motu in ipsum redundantem: intantum enim in aliquo spatio permanenti intelliguntur partes priores & posteriores, in quantum secundum aliquod sui est prius motu pertransibile, & posterius secundum aliud.

60. Probatur secundò conclusio, & magis adhuc ostenditur motum continuum Angeli non posse fieri in instanti, ratione quam articulo præcedenti insinuavimus. Angelus motu continuo transiens ex uno loco in alium, tangit omnia loca intermedia: Sed non potest Angelus descendens v. g. à cælo in terram, omnia loca intermedia unico instanti contingere; aliàs simul contingeret plura loca naturali suæ virtuti adæquata, & simul esset in cælo, & in aëre intermedio; quod disputatione præcedenti ostendimus esse impossibile, & expressè negatur à Damasceno libro 2. fidei cap. 3. dicente, Angelum non posse simul esse in cælo & in terra: Ergo motus continuus Angeli, non potest fieri in instanti.

Potest hæc ratio illustrari exemplo corporis bicubitalis, quod finico momento columnam centum cubitorum pertransiret, simul in pluribus locis sibi adæquatis existeret: Ergo similiter,

Tom. 11.

A si Angelus in una leuca, tanquam in loco sibi adæquato existens, unico instanti spacium centum leucarum motu continuo pertranseat, in pluribus locis adæquatis simul existeret.

Hæc duæ rationes probant etiam motum discretum Angeli non posse fieri in instanti, quod sic ostenditur. Successio unius operationis post aliã, non potest fieri in instanti; implicat enim in instanti esse successionem, aliàs instans esset divisibile in partem priorem & posteriorem: Sed motus discretus Angeli est successio unius operationis post aliã: Ergo in instanti fieri nequit. Minor probatur: Motus discretus Angeli importat unam operationem, per quam Angelus sit in termino à quo, & aliam per quam sit in termino ad quem: Sed non potest utramque illam operationem importare, ut simul existentem; aliàs illi duo termini non essent termini à quo, & ad quem, sed haberent rationem unius loci adæquati resultantis ex duobus partialibus: Ergo motus discretus Angeli est successio unius operationis post aliã. Major patet: Nam omnis motus propriè sumptus debet esse inter duos terminos positivos, per hoc enim differat simplici mutatione: Ergo motus localis discretus Angeli debet esse inter duo loca in quibus Angelus existat. Atqui (subsumo) Angelus existit in loco per operationem, ut supra vidimus: Ergo motus localis discretus Angeli debet importare unam operationem, per quam sit in termino à quo, & aliam, per quam sit in termino ad quem.

Præterea, si Angelus unico instanti posset duo corpora motu discreto contingere, posset in unico instanti in duplici loco sibi adæquato existere: supponimus enim quodlibet corpus successivè contactu ab Angelo, esse locum adæquatum illius.

Denique probatur conclusio ratione D. Thomæ hic art. 3. quæ potest sub hac forma proponi. Mutationes instantaneæ sunt termini alicuius motus continui: Sed motus discretus Angeli non est terminus alicuius motus continui: Ergo non est instantaneus. Minor est evidens: Major probatur primò inductione in omnibus mutationibus quæ naturaliter in instanti sunt: nam generatio est terminus præviæ alterationis, & illa terminatio terminus motus localis, quo Sol ad orientem nostrum accedit.

Secundò probatur ratione: Non est possibile quod aliquid toto aliquo tempore quiescat in aliquo termino, & in instanti terminativo illius temporis sit in alio termino; sicut enim de ratione intrinsecæ motus est quod in quocumque parte signata, vel in quocumque indivisibili motus, etiam in illo modo intrinsecè terminat motum, mobile alio modo se habeat quam prius; ita in quacumque parte signata, vel in quocumque indivisibili quietis privativæ (de qua loquitur S. Doctor) quiescens debet eodem modo se habere ac prius, etiam in ultimo indivisibili extrinsecè illam terminante; quies enim exigit uniformitatem, sicut motus difformitatem: Atqui si illud quod toto aliquo tempore in aliquo termino quiescit, in instanti terminativo illius temporis esset in alio termino, in tali instanti non eodem modo se haberet ac prius, ut patet: esset siquidem in diverso termino & loco: Ergo implicat quod aliquid toto aliquo tempore quiescat, & & quod in instanti terminativo illius temporis sit in alio termino: alioquin in illo instanti simul quiesceret & non quiesceret, ac se haberet & non haberet eodem modo, ut consideranti patebit.

Z z

Hanc



lumine speculativè cognoscimus Deū esse summum bonum, ac propterea summo modo diligendum, & tamen solis viribus naturæ non possumus id practicè judicare: ita similiter quavis in Angelo principium intelligendi & operandi ad extra realiter non differant, non sequitur tamen, quòd quidquid Angelus potest intelligere, possit & operari, sed intellectus ut practicus, seu ut potentia operativa habet limitatam activitatem sphaeram, quam non habet ut est speculativus, & principium cognoscendi & intelligendi.

60. Dices rursus: Modus agendi duntaxat per imperium non est conveniens ulli creaturæ, sed soli Deo possibilis, cujus voluntati omnia subiecta sunt.

Respondeo modum agendi duntaxat per imperium non esse convenientem ulli creaturæ purè corporæ: vel mixtæ, seu constanti ex spiritu & corpore, benè tamen substantiæ simplici, & purè intellectuali: cum enim in ista non possunt dari, nisi potestæ purè spirituales, quæ sint tantum duæ, intellectus scilicet & voluntas; quidquid agit, vel ad intra, vel ad extra, hoc totum mediatis illis potentiis, subindeq; per actum imperij, elicuit ab intellectu, ut moto & applicato à voluntate, operari debet, ut supra adduxim<sup>9</sup>. In hoc tamen differt imperium Angeli ab imperio Dei, quòd primum est limitatæ & finitæ virtutis, habetq; determinatam suæ activitatis sphaerâ: Divinū verò est infinitæ virtutis & efficacitæ, & se extendit non solum ad ea, quæ sunt, sed etiâ ad ea, quæ non sunt ut ait Apostol<sup>9</sup> ad Rom. 4.

## DISPUTATIO VI.

### De ævo & tempore Angelorum.

Explicato motu Angelorum, consequens est, ut mensuram existentiae & operationum ejus exponamus, & de ævo ac tempore Angelorum breviter differamus. Undè sit

### ARTICULUS UNICUS.

#### Quæ sit mensura esse Angeli, & operationum ejus?

Dico primò, esse Angeli mensurari ævo. Ità D. Thomas supra quæst. 10. art. 5. quodlib. 5. art. 7.

1. Probat<sup>9</sup>ur: Esse Angeli non potest mensurari tempore, nec æternitate: Ergo ævum est propria ejus mensura. Consequentiâ patet: quia tres tantum dantur mensuræ durationis rerum, scilicet æternitas, ævum & tempus. Antecedens verò, quoad primam partem, est etiam manifestum: Nam tempus est solum mensura rerum successivarum & corruptibilium; esse autem Angeli est totum simul & incorruptibile supposito influxu divino, quem connaturaliter postulat, ut disp. 1. art. 4. ostensum est: quoad ad secundâ verò partem convincitur ex ipsâ æternitatis natura, quæ definitur duratio rei omnino immutabilis; qualis profectò non est substantia Angeli, quippe quæ (ut ibidem monstravimus) pluribus mutationibus obnoxia est.

2. Confirmatur: Nam ut docet D. Thomas locis citatis, æternitas mensurat durationē rei omnino invariabilis, & secundum substantiam, & secundum operationem; temp<sup>9</sup> mensurat duratio-

A nem rei variabilis in esse & in operatione; nam mensurat res corruptibiles, quæ sunt in perpetuo fluxu & corruptione: unde D. Basilii homil. 1. in exameron ait: *Quæ sunt orta, quia aut incrementa, aut decrementa suscipiunt, fixationem autem stabilitatemque nullam, aut perennem obtinent*, à temporis ipsius contineri natura: ævum denique medio modo se habet; nam mensurat esse invariabile, & tamen admittit variationē secundum operationes. Subsumo autem: Sed Angelus, licet sit immutabilis secundum esse substantiale, comparatur secum mutabilitatem quantum ad aliquas operationes: quia Angeli mutabiles sunt, & secundum locum, & secundum diversas cognitiones & affectiones, quas possunt exercere vel non exercere quando voluerint: Ergo esse Angeli ævo mensuratur.

Confirmatur ampliùs: Esse Angeli est inferioris ordinis ad esse divinum, & superioris ad esse rerum corruptibilium: Ergo debet mensurari aliquâ mensurâ, quæ sit inferior æternitati, & superior temporis cum inter mensuram & mensuratum debeat esse proportio: Sed hæc mensura nulla alia esse potest, quam ævum, quòd, ut ait D. Thomas, ubi supra, medium est inter æternitatem & tempus: Ergo idem quod prius.

Obijci<sup>9</sup>et: Duratio Angeli, cum sit indivisibilis & tota simul, continet omnes temporis differentias, & coexistit præterito, & futuro: Sed omnibus temporis differentiis coexistere proprium est æternitatis: Ergo duratio Angeli non est ævum, sed æternitas.

Respondeo quòd licet in Angeli duratione non sit aliqua successio, sed suam durationem totam simul habeat, in eâ tamen actu non continentur omnes differentie temporis: quia ut aliqua duratio possit simul continere præteritū, præteritū, & futurum, non sufficit, quòd sit indivisibilis, & tota simul, sed insuper requiritur, quòd intra lineam durationis sit infinita: unde cum æternitas utroq; hoc privilegio gaudeat, & sit duratio infinita simul & indivisibilis, utpote mensura esse divini, quod est infinitum & simplicissimum; in unico nunc indivisibili omnes temporis differentias continet, & ut ait D. Bernardus serm. 80. in Cantica: *Tempora sub ea transeunt, non ei futura non expectant, præterita non recogitant, præsentia non expectantur*. Ævum verò, quamvis sit indivisibile & totum simul; cum tamen sit finitum, utpote mensura esse Angeli, quod finitum & limitatum est; non coexistit rebus temporalibus, nisi quando actu sunt, & earum transitum, & adventum expectare debet, ut ea continere & mensurare possit. Unde ævum assimilatur baculo fixo in medio fluminis, vel arbori ad ripam plantatæ: quæ non coexistit simul & semel toti aquæ fluenti, sed paulatim & successivè non quidem per sui mutationem & successionem, sed per mutationem & fluxum ipsius aquæ, quæ continuo fluit ac decurrit. Æternitas verò, ratione sui vastissimi lûnis, rectè comparatur ripæ aut alveo, qui tamquam fluminis semper continet, nec ejus fluxum & transitum expectat, ut illum mensuret: nam ut ait D. Thomas supra quæst. 14. art. 13.

Æternitas tota simul existens, ambet totum tempus. De quo plura diximus in Tractatu de scientia Dei, agendo de præsentia rerum in æternitate.

Dico secundò, operationes Angelorum diversas habere mensuras, & aliquas mensurari æternitate participatâ, alias ævo, alias tempore discreto, & alias tempore continuo.

virtus maxima, & consequenter infinita, ad movendum in non tempore, sive in instanti.

70. Secundo dico, quod sicut non colligitur perfectio infinita in aliqua causa, ex eo quod possit producere plura & plura individua in infinitum intra eandem speciem: ita non colligitur potentiam loco motivam Angeli esse infinitam simpliciter, ex eo quod possit movere in majori & majori velocitate, & consequenter in minori & minori tempore in infinitum: ad hoc enim sufficit potentia finita superioris ordinis ad potentiam loco motivam rerum corporearum, & ab omnibus impeditis expediri. Unde in forma respondeo negando sequela Majoris, ad cuius probationem, distinguo Antecedens. Potentia quæ potest perfectiorem & perfectiorem effectum producere debet esse simpliciter infinita, si perfectior effectus requirit in tali causa maiorem perfectionem, concedo Antecedens: si non requirit maiorem illam perfectionem, nego Antecedens. Quamvis autem in productio intentionis & intentionis visionis beatæ, requiratur maiorem perfectionem intensivam in lumine gloriæ, movere tamen in majori & majori velocitate, subindeque in minori & minori duratione in infinitum, non est de genere horum effectuum, qui requirunt maiorem & maiorem perfectionem intensivam in potentia; sicut nec infinitas individuum producibilium ab eadem causa: sed solum exigit, ut diximus, remotionem omnium impedorum, ac potentiam loco motivam superioris ordinis ad potentiam loco motivam omnium corporum. Unde D. Thomas supra cap. 2. §. art. 2. ad 3. docet infinitatem divinæ potentie non manifestari in motu; cum tamen constet illam motum velociorem & velociorem in infinitum efficere posse.

71. Dices rursus, Hinc sequi Angelum superiorem non posse velocius moveri quam inferiorem; quia æque bene potest inferior moveri majori & majori velocitate in infinitum: Sed hoc videtur absurdum. Ergo & illud.

Respondeo concessa Majori, negando Minorem: nam sicut non est inconveniens, quod Angelus superior non sit magis immaterialis quam inferior, quia utrique convenit immaterialitas simpliciter, ratione elevationis supra gradum corporeum; ita nullum est inconveniens, quod Angelus superior non possit velocius moveri, quam inferior; quia ambo ex elevatione quâ in suo motu habet supra corporea, possunt moveri in majori & majori velocitate: quamvis cum hoc sit, quod Angelus superior habeat nobiliori modo suum illi motum velociorem & velociorem, quam inferior, puta quia potest moveri minus multiplicando operationes circa spatium, propter maiorem sphaeram activitatis: sicut in corporibus equus habet nobiliori modo cursum rationis velocitatis, quam canis; quia ratione maioris extensionis paucioribus gressibus æquale spatium percurrit æquali tempore.

Ad quod licet Angelus superior non possit velocius & in minori duratione moveri, quâ inferior, potest tamen velocius movere corpora: virtus enim quam habet Angelus ad efficiendum motum velociorem & velociorem in infinitum, tantum se extendit ad motum ipsius, non autem ad motum corporum; quæ cum ex se non sint tantæ velocitatis capacia, etiam si ad propria loca moveantur, aliquo modo moventi extrinseco resistunt: unde Angelus qui movet cælum superius, majoris est virtutis & perfectionis eo qui mo-

vet cælum inferius; cum cælum superius majori velocitate ab intelligentia moveatur, quam inferius.

Ex his colliges, miram & prorsus stupendam esse Angelorum celeritatem, illamque omnium corporum velocitatem incomparabiliter excedere: potest enim Angelus motum continuo, intra brevem temporis morulam, longum spatium peragere; & motu discreto, in duobus instantibus, ab uno loco in alium, quantumcumque distantem, se transferre, non transiendo per medium, ut supra ostensum est. Quæ ratione SS. Patres hanc Angelorum celeritatem ita exaggerant, ut dicant eos esse ubique, & in momento totum orbem peragere. Ita Tertullianus in Apolog. cap. 22. *Omni spiritus, inquit, ales est, hoc Angeli & Demones: igitur momento ubique sunt: totus orbis illis locus unus est, qui ubique quod geratur tam facile sciunt, quam enuntiant: velocitas divinitas creditur, quia substantia ignoratur.* Hieronymus verò Epist. 25. contra Vigilantium cap. 2. *Demones, inquit, toto vagantur orbe, & celeritate nimia ubique perascunt.* Item Nazianzenus orat. 34. de celestibus virtutibus ait: *Loca omnia peragunt, omnibus impigre adsunt, tum ob ministerij promptitudinem, tum ob naturæ levitatem.* Denique Dionysius de celesti Hierarchia cap. ultimo: *Pennatos, inquit, Sanctorum Angelorum pedes Theologia finxit: pennæ enim declarant sursum accere valentem celeritatem.* Ob eandem rationem ibidem docet eos in Scriptura appellari ventos, flammam ignis, nubes, aquilas, rotas igneas, flumina, et equos &c. quia hæc omnia summam velocitatem inveniunt. Interdum etiam in Scriptura ad eandem velocitatem declarandam Angeli dicuntur in momento operari: nam Sapientia 18. habetur quod duo temporis momento Angelus omnia Egyptiorum primogenita interfecit. Et Cyillus Alexandrinus in commentariis in Habacuc docet, illum Angelum in puncto temporis in foveam leonum ubi erat Daniel delatum fuisse, ut ei prandium afferret: quod facer textus innuere videtur, dum ait: *Apprehendit enim Angelus Domini in vertice eius, & portavit eum capillo capitis sui, posuitque eum in Babylone super locum in impetu spiritus.* Verum licet Angelus potuerit subito & quasi in ictu oculi transerre Habacuc ex iudæa in Babylonem, & eadem celeritate reducere, id tamen in instanti non potuit operari: quia ut præclare Testatus cap. 2. Exodi in hanc rem philosophatur, *Quantumvis subitanea sit Angeli operatio, oportet tamen dari aliquod tempus in quo fiat, quantumcumque parvum sit.* Sicut enim Deus non potest communicare Angelo quod possit creare, quia repugnat creaturæ; & quia creare est potentia infinita, quæ soli Deo convenit: ita operari sine tempore, non potest communicari creaturæ, quia arguit potentiam infinitam, quæ nullo modo communicabilis est.

Dices: Illuminatio fit in instanti, & si corpus moveretur per vacuum, ejus motus etiam in instanti fieret; quia tunc nulla esset resistentia media, à qua successio motus localis oritur: Ergo similiter motus localis Angeli in instanti fieri potest.

Respondeo concessa Antecedente, quantum ad primam partem, negando Consequentiam & pariter: nam in motu locali Angeli idem Angelus transit per medium ad extremum, & ibi nullus est ordo causalitatis: Ad illi illuminatione eadem pars luminis quæ est in medio, transit ad

art. 7. expresse negat ævum subiectivè esse in Luciferò: quia ævum consideratù in ratione mensuræ, nò respiciet esse simpliciter & absolutè, sed esse secundùm quod habet minùs de mutabilitate accidentali adjunctum. Unde quia Lucifer, ab uno summo bono recedens, variis se imèrit rerum quarum primatum ambivit affectionibus, aliisque inordinatis, ac depravatis mutationibus, iniquus signum dicitur illi Ezechiel. 28. *In multitudine negationum tua repleta sunt interiora tua iniquitate, & peccasti: ideo operando amisit rationem mensuræ respectu aliorum æviteriorum.* Unde ait D. Thomas opusculo citato: *Supposito quod Lucifer fuisset maximus Angelorum, si fuisset, in ævo ævum ut in subiecto: Sed quia eius natura non est perfecta perfectione gloria eterne, non est in eo aliquid quod sit eius mensura, sed in eo qui magniter omnes est gloriæ particeps.*

11. Neque obstat quòd in speculabilibus Lucifer maneret æquè perfectus licet antea: sufficit enim quòd in practicis ita sit mutatus, quòd maiorem mutabilitatem & disformitatem in operando incurrit. Præterquam quòd valde credibile est, quòd adverterem se ex inclinatione & ordinatione naturali inclinari ad intelligendum sine divisione specierum suarum, dividit illas ex odio in Deum, & sæpius cum illa divisione cognoscit, quàm secundùm modum connatalem & proportionatum suæ naturæ, ut ita verificetur quòd in inferno nullus ordo, *sed sempiternus horrore inhabitat*, ut dicitur Job cap. 10.

42. Alia sententia, licet pia ac probabilis videatur, est etiam à mente D. Thomæ & à veritate alienatu quia idem S. Doctor locis citatis docet ævum residere in supremo bonorù Angelorum: tum etià quia licet anima Christi excedat in donis supernaturalibus omnes Angelos, in naturalibus tamen minoratus est paulominùs ab Angelis, ut dicitur Psal. 8. & ad Hebræos 1. ævum autem est mensura naturalis ordinis, & daretur in in Angelis, si essent in puris naturalibus.

Addo quòd operationes Christi, extra visionem Beatificam, etià nli supernaturales sint, in modo tamen operandi, qui conformatur modo naturali, minus universaliter modo procedunt, quàm operationes Angelis: sicut de speciebus scientiæ in suis animæ Christi docet S. Thomas 3. p. quæst. 1. art. 6. & sic minùs rediguntur ad unitatem & uniformitatem, quàm species Angelorum: illud autem habet ratione mensuræ, quòd simplicius & uniformius est: Ergo ævum in ratione mensuræ non est subiectivè in anima Christi. Multò minus est in anima Beatissimæ Virginis, ut quidam volunt: quia licet illa in beatitudine & donis supernaturalibus omnes Angelos excedat, est tamen in natura illis inferior; uniformitas autem manendi & operandi in æviteriis, præcipuè attenditur ex natura ipsius substantiæ spiritalis, ut pertinet ad ordinem naturalem, licet illa possit augmentum ex gratia & gloria recipere: unde S. Thomas opusculo citato ait: *Ille qui perfectiorem naturam habet in gloria, habet in se unde alij mensurantur.*

43. Dicendum igitur est cum eodem S. Doctore locis citatis, & cum pluribus ejus Discipulis, Luciferò peccante, durationem Angeli supremi qui remansit in gratia, rationem mensuræ accepisse respectu durationum aliorum Angelorum: quia illa retinuit maiorem uniformitatem naturalem in suis operationibus, quæ ex adhesionem ad Deum, & unionem ad summum Bonum, per gratiâ & gloriam, perfecta & consummata fuit. Sicut enim si

A daretur quòd jam motus primi mobilis deficeret ab illa uniformitate & regularitate quam habet, statim ejus duratio rationem mensuræ respectu motuum inferiorù amitteret, & illa ratio mensuræ remaneret aut resularet in corpore celesti quòd magis uniformiter & regulariter moveretur: ita pariter statum atque Lucifer, per peccatum ab uno summo bono recedens, defecit à regularitate & uniformitate quam habebat in operando, amisit rationem mensuræ respectu aliorù Angelorum, & supremus inter bonos Angelos, qui immobilis permanfit in regularitate & uniformitate quam habebat in operando, rationem illam mensuræ acquisivit. Nec est inconveniens, quòd ævum possit mutare subiectum materialiter loquendo: nam formaliter non mutat, cum subiectum ævi formaliter, sit illa substantia immutabilis, quæ minori mutabilitati in operando conjuncta est, seu quæ est radix operationù magis regularium & uniformium, ubicumque aliàs hoc invenitur. Sicut locus formaliter sumptus, est superficies ambiens, ut tot gradibus distans à polis & centro mundi, quæcumque aliàs illa sit materialiter & in individuo. Et sic fuisse qui est supremus Angelus, & minori mutabilitati obnoxius, redderet mutabilior quàm ille qui est ei inferior, amitteret ejus duratio rationem ævi seu mensuræ quæ petit maiorem uniformitatem & duratio inferioris Angeli qui maneret uniformior, diceretur ævum, seu mensura durationis aliorum Angelorum.

Dices Ad hoc ut aliqua duratio possit dici mensura respectu aliarum, oportet quòd sit notior illis, ad hoc enim mensuræ ordinantur, ut per eas nobis notificetur quantitas mensurati: Sed duratio Angeli supremi, non est quid notius quàm sint durationes cæterorum Angelorum: Ergo nò obtinet ratione mensuræ. Minor probatur: Quia quilibet Angelus inferior longè clariùs cognoscit propriam & intrinsecam durationem, & ea omnia quæ sunt intra se, quàm durationem & alia quæ sunt in Angelo superiori: Ergo duratio Angeli supremi non est quid notius, quàm durationes cæterorum Angelorum.

D Respondeo, ad rationem mensuræ nò semper requiri quòd sit notior quoad nos, & ex parte cognoscētis, sed sufficere quòd sit notior quoad se, & ex parte rei cognoscētis: causa enim est mensura perfectionis effectus, quia licet effectus sint magis & prius nobis noti quàm causa, vià originis & imperfectionis, tamen causa sunt magis notæ quoad se, & vià perfectionis & resolutionis: unde ut perfectus & beatificus effectus cognoscamus, deducimus eos in principia & causas, & eorum perfectionem, ex perfectione & nobilitate causæ veniamus, ac metimur. Quare licet Angelus inferior coheratur, & cognitionem magis sibi proportionatam, magisq; adæquantem modum cognoscibilitatis objecti, propriam & intrinsecam durationem, & ea omnia quæ sunt intra se cognoscatur: quia tamen cognoscendo Angelum superiorem, videt ejus durationem longè perfectioris & regularioris esse, eà quæ sibi suisque operationibus naturalibus, convenit in se in durationem Angeli supremi, operationumque ejus, tanquam ad regulam ac mensuram reducit, & uniformitatem suæ durationis, per uniformitatem durationis Angeli superioris cognoscit.

Quæres secundò, an sit unum número tempus Angelorum, quòd sit mensura actuum liberorù, sicut est unum eorum ævum, quò illorum operationes naturales & necessariæ mensurantur?

Ratio



Ratio dubitandi est, quia actiones liberæ Angelis supremi non videntur habere uniformitatem requiritam ad rationem mensuræ, cum ipse possit habere plures, vel pauciores operationes liberæ, vel etiam omnem actum liberum suspendere, subindeque videtur in eo non dari unum numero tempus continuū, vel discretum, quo mensurentur actus liberi aliorum Angelorum.

Deinde, actiones liberæ Angelis superioris non sunt cognitæ ab inferiori, sed ei occultæ: Ergo non habent rationem mensuræ, quæ debet esse notior mensuræ.

Præterea, Angelus inferior in suis actionibus liberis nullo modo subdiatur superiori: Ergo quoad illas operationes nullo modo mensuratur ab illo.

Denique contingere potest, quod dum Angelus inferior liberè operatur, superior nullum actum liberum eliciat: Ergo non poterit tunc actio libera Angelis inferioris regulari & mensurari per tempus & durationem operationis liberæ Angelis superioris.

- Propter hæc argumenta plures ex nostris Thomistis negant dari unū tempus in supremo Angelo: quo actiones liberæ Angelorum inferiorū mensurentur; sicut datur unum ævum, quod naturales ac necessarias metitur illorum operationes, nempe cognitionem naturalem, quā se cognoscunt, & amorē, quo se naturaliter diligunt.
17. Nihilominus Cajetani sententia, quæ unum numero tempus in supremo Angelo magis ordinatè & regulariter operante agnoscit, videtur probabilior, ac principiis supra statutis conformior. Ratio autē huius est, quia illa, quæ sit multiplicata & dispersa, debet mensurari & regulari per illud, in quo sunt magis unita; per ea enim, quæ ad maiorem unitatē accedunt, cetera mensuramus & regulamus, ut docet Arist. 4. Physic. c. 14. Sed multe operationes Angelorum inferiorum reperiuntur in unica supremi Angelis operatione unitæ; cum hic intelligat per species universales, pluraque objecta representantes, quā Angelus inferior; ita ut si quatuor aut quinquē operationes requirantur in Angelo inferiori ad aliqua objecta cognoscenda, quæ aliquando, vel etiā una in Angelo superiori ad eorundem cognitionem sufficiant; quia aliquando una species repræsentat intellectui Angelis superioris illa omnia, quæ per quatuor, vel quinquē species intellectui Angelis inferioris repræsentantur: Ergo Angelus supremus est in operando mensura & regula inferiorum, & per consequens duratio etiam operationū ipsius, est mensura & regula durationis operationum Angelis inferioris. Sicut enim per unicam speciem, & unicam intellectionem Angelus superior cognoscit ea, quæ per plures species, & intellectiones ab inferiori cognoscuntur, ita unito instanti intellectione perultrat illa, in quorum cognitione plura instantia Angelus inferior consumit.
18. Ex quo patet responsio ad primum fundamentum adversæ sententiæ; licet enim Angelus superior possit habere modo plures, modo pauciores actiones liberæ; quia tamen per species magis universales intelligit, quā Angelis inferiores, & plures rationes percipit in quolibet objecto, minùs multiplicat suas operationes, quā Angelis inferiores: ubi autem est minor multiplicitas, est major simplicitas ac uniformitas; quia difformitas & confusio nascitur ex multitudine minùs ordinata: unde in actibus liberis Angelis su-

A premi reperitur uniformitas sufficiens ad rationem mensuræ.

Ad secundum respondetur, quod licet operationes liberæ Angelis superioris ex se & ex natura sua sint occultæ, sunt tamē manifestabiles, & de facto plures manifestantur Angelis inferioribus per illuminationes, locutiones, aliaque actiones hierarchicas; quod sufficit ut modus procedendi Angelis superioris in suis operationibus liberis possit ab inferiori cognosci, ei que pro regula & mensura suorum actuum liberorum deservire. Ex quo habes solutionē ad tertium: licet enim Angelus inferior in suis operationibus liberis non subdiatur superiori Angelo effectivè, etiamē subdiatur exemplariter, quatenus ad eius modū operandi simpliciorē & magis uniformē debet se conformare; sicut etiam esse unius nō dependet ab alio effectivè, & tamen, ut supra vidim⁹, mensuratur per ævum & durationē alterius: ad rationem enim mensuræ, ut talis est, non requiritur necessariò, quod sit causa effectiva respectu mensurati, sed sufficit, quod sit causa exemplaris illius.

Ad ultimum dicendum est, quod si contingat Angelum supremum nullum elicere actum liberum, dum inferior liberè operatur, tunc operatio libera Angelis inferioris mensurabitur, vel tempore particulari & intrinseco, non verò tempore communi & extrinseco in solo supremo Angelo exsistente; sicut cum tempore Josue Sol, ac per consequens primum mobile, in quo est tempus, stetit, motus corporum inferiorum tempore solum particulari & intrinseco, non autem communi & extrinseco mensurabantur: Vel tunc operatio libera alterius Angelis superioris poterit habere rationem regulæ & mensuræ respectu actus liberi elicitæ ab inferiori: sicut supra dicebamus, quod si motus primi mobilis cessaret, vel ab ea, quam habet, regularitate, & uniformitate deficeret, tunc ratio mensuræ respectu motuum inferiorum in alio corpore cælesti resisteret, quod magis uniformiter & regulariter moveretur. Accidit enim tempori, quod sit numerus motus firmamenti (inquit D. Thomas in 2.ª quæst. 66. art. 4. ad 3.) in quantum hic motus est primus motorum; si autem esset alius motus primus, illius motus mensura esset tempus: quia omnia mensurantur primo sui generis. Propter hoc fortasse Aristoteles definiens tempus, solum ait, illud esse numerum motus secundum prius & posterius. Non dixit numerum motus primi mobilis: quia accidentale est tempori, quod per motum primi mobilis, vel alterius corporis cælestis mensuretur.

## DISPUTATIO VII.

### E De quidditate cognitionis Angelicæ.

Ad quæstionem 54. D. Thomæ.

Explicatis hiis, quæ ad substantiam Angelis pertinent, consideratam tam in ordine ad se, quam per respectum ad alia, exponenda nobis sunt cum D. Thomæ ea, quæ spectant ad eius cognitionem; quæ sunt præcipue quatuor, nempe quidditas ejusmodi cognitionis; medium ipsius, scilicet species intelligibilis; res, seu objecta, quæ ab ea attinguntur; & modus, quo illa fit. De quibus disserit S. Doctor à quæst. 54. usque ad 59. De primo agemus in hac disputatione; de alijs verò in sequentibus.



## ARTICULUS UNICUS.

*Utrum intelligere Angeli sit eius substantia, vel eius esse?*

**S**uppono tanquam certum, Angelos intellectuali cognitione præditos esse. Pater hæc suppositio: Primò quia Angelus est substantia omnino immaterialis, ut disput. 2. ostensum est; immaterialitas autem est radix intellectualitatis ut docet D. Thomas suprà qu. 14 art. 1. & pluribus aliis in locis. Secundò, natura Angelica est liberi arbitrii compos, & perfectæ beatitudinis capax: hæc autem à natura intellectuali originē habent aut complementum. Tertiò, Angelus ad imaginem Dei constitutus est; imò perfectiori modo similitudinem Dei participat, quam homo: unde *signaculum similitudinis* Ezechiel. 28. appellatur, ut eleganter expendit Gregorius lib. 39. Moral. cap. 18. dicens: *Licet homo ad similitudinem Dei creatus sit, angelo tamen quasi minus aliquo tribuens, non eum ad similitudinem Dei conditum, sed ipsam similitudinem Dei similitudinis dicitur: ut quod subitior est in natura, id in illo similitudo Dei plenius credatur expressa.* Porro imago Dei in notitia & mente præcipue splendet: unde D. Thomas infrà qu. 39 art. 3. probat Angelum magis ad similitudinem Dei esse, quam hominem, quia intellectualis natura in eo perfectior est. Deniq; Angeli in Scriptura describuntur loquentes inter se, & cū hominibus: omnis autem locutio præsupponit in loquente cognitionem, cū loqui sit exprimere animi sui conceptus: certum igitur ac indubitatum est, Angelos intellectuali cognitione præditos esse. Unde solum potest revocari in dubiū, an per suam substantiam & essentiam, vel per aliquam actualitatem ab ea realiter distinctam, sint intelligentes, scilicet respectu alicujus objecti?

**P**artem affirmativam tenuisse videtur Commentator 1. & 2. metaph. textu 52. ubi docuit quod in substantiis separatis essentia & operatio non distinguuntur, ac proinde quod intelligere Angeli est ejus substantia. Ad quam opinionem proximè accedit Durandus in 2. dist. 3. qu. 5. ad 1. asserens quod licet intellectio illa quæ Angelus intelligit alia à se, distinguatur realiter à substantia ejus, non tamen intellectio quæ seipsum intelligit.

**D**ico tamen: Intelligere Angeli non est ejus substantia, vel ejus esse. Ita D. Thomas hic art. 1. & 2. & communiter Theologi, licet Valentia ejus rationes non approbet.

**P**robatur primò: Visio Beatifica est quædam intellectio: Ac certum est illam realiter distinguere à substantia Angeli: cū nulli creaturæ possit esse connaturalis, & multo minus illi identificata, ut in Tractatu de visione Beata ostensum est: Ergo aliqua Angeli intellectio, non est ejus substantia. Idem dicendum est de aliis intellectioibus supernaturalibus, quas Angelus, sive in via per fidem, sive in patria per alios habitus elicuerunt, vel eliciunt: Ergo certum est plures dari intellectiones in Angelis, quæ ab eorum substantia vel essentia realiter distinguuntur. Unde Dionysius de celesti Hierarchia cap. 2. dividit Angelum in substantiam, virtutem & operationem. Et Augustinus lib. 1. de civit. cap. 10. ait: *Licet Angelus semper sit sapiens, non est tam: n. suum sapere; & licet semper sit intelligens, non est suus intellectus & suum*

Tom. II.

**A** intelligere, quia participationem tantum sapientia & intellectus, sapiens est & intelligens. Hinc etiam à Nazianzeno & Damasceno appellantur Angeli secundaria lumina, ex primario ac sempiterno lumine splendorem haurientia.

**E**x quo deduci potest secunda ratio, & contra Durandum probari, Angelum non intelligere seipsum per suam substantiam. Si enim Angelus esset intelligens seipsum per suam substantiam, & cætera objecta, per actus & qualitates productas, ejus actus intelligendi non haberent uniformitatem, sed toto genere inter se diarent; alii enim essent substantia, & alii qualitates, ut patet: Se 1. hæc varietas absurda videtur: Ergo & Durandi sententia.

**P**rerærea, Si Angelus esset per substantiam suam intellectio sui ipsius, esset etiam amor sui per substantiam; hæc enim connexa & proportionata sunt, intellectio nimirum & amor: Atqui Angelus non est essentialiter sui amor: Ergo nec sui intellectio. Minor probatur: Si Angelus esset amor sui per substantiam, talis amor esset essentialiter, ac invariabiliter rectus in Angelo: Sed hoc dici nequit: Ergo nec illud. Sequela Majoris patet: Tota siquidem substantia Angeli est creata à solo Deo, quæ autem à solo Deo sunt, necessaria & essentialiter ordinata sunt. Minor verò suadetur: Angeli mali non habent rectum & ordinatum sui amorem; cū rectus & ordinatus sui amor, non possit subsistere cum peccato & odio Dei: unde Ps. 10. dicitur: *Qui diligit iniquitatem, odit animam suam.* Ergo in Angelis amor sui non est essentialiter & invariabiliter rectus.

**T**ertiò probatur conclusio rationibus D. Thomæ. Prima est: Si substantia Angeli esset suum intelligere, esset actus purus; quia ubi identificaret ultimam actualitatem ordinis intellectualis, ac proinde nihil haberet potentie alitatis admixtum: Sed nulla substantia creata potest esse actus purus: Ergo substantia Angeli non potest esse suum intelligere.

**D**ices: Quamvis substantia Angeli non esset in potentia ad intelligere, esset tamen in potentia ad alios actus, v. g. ad subsistentiam, vel existentiam, aut ad volitionem: unde cū de ratione actus puri sit omnem prorsus potentialitatem à se excludere, quamvis substantia Angeli esset suum intelligere, non esset propterea actus purus.

**S**ed contrà: Quod identificat sibi remotius, debet sibi identificare propinquius: Ergo si Angelus sibi identificet suum intelligere, quod est quid remotius à propria substantia, quam sint virtus intellectiva, esse, & subsistentia, identificabit etiam sibi virtutem intellectivam, subsistentiam & existentiam: unde necessariò erit actus purus; & in genere entis, quia ultima actualitas illius generis est esse; & in genere intellectuali, cuius ultima actualitas est intelligere.

**C**onfirmatur: Linea intellectualis est omnium linearum perfectissima, & radix aliarum in natura intellectuali: Ergo si substantia Angeli sit ultima actualitas, sive, subinde, actus purus in linea intellectuali, id etiam debebit habere in aliis lineis in illa priori radicatis; & per consequens debebit esse suum velle, sicut & suum intelligere; & sui amor, sicut & sui intellectio.

**S**ecunda ratio D. Thomæ sic procedit. Si intelligere Angeli esset ipse substantia, esset etiam subsistens, sicut & ipsa Angeli substantia: Sed

Aaa

in-

teligibilis tanquam vicaria ipsius objecti, & non sufficit sola extrinseca objecti presentia, ut asserit Vasquez loco citato.

Confirmatur: Objectum ut est extra intellectum, habet solum rationem termini notitiae intellectualis, aut determinationis intellectus ad illam: Ergo ut sit illius principium, necessarium debet esse intra intellectum, illicque uniri ut forma intelligibilis, intellectum constituens in actu. Quod adeo verum est, ut etiam objectum potentiae appetitivae, licet appetitione terminare possit ut est a parte rei, nequeat tamen esse illius principium, aut movere ad illam, nisi mediâ formâ, seu specie intelligibili intra animâ existente.

Minor autem, quæ asserit essentiam Angeli non posse habere rationem speciei representatâ alia à se, probatur ratione D. Thomæ hic art. 1. Substantia Angeli nequit representare alia distinctè & secundum proprias eorum differentias, sed tantum confusè, & secundum rationes communes: Ergo non potest habere rationem speciei intelligibilis, per quam Angelus alia à se clarè & distinctè, & secundum proprias eorum differentias cognoscat. Consequentia patet, Antecedens probatur. Substantia Angeli non continet alia à se distinctè, & secundum proprias eorum differentias, sed tantum secundum rationes communes entis, substantiae, & intellectualitatis: Ergo illa non representat distinctè, &c. Consequentia est legitima: substantia enim Angeli cum non sit per se primò ad representandum instituta, nequit alia à se representare, nisi quatenus illa in sua entitate continet. Antecedens verò fuadetur: Nam vel substantia Angeli proprias rerum differentias formaliter contineret, vel eminenter? Non formaliter, quia diversorum generum, & diversarum specierum, diversæ, imò & oppositæ sunt differentiae, atque adeo non possunt eadem rei formaliter convenire. Non eminenter, quia continentia eminentialis rerum secundum proprias differentias, illi tantum potest competere, qui est causa entis in tota sua latitudine, scilicet Deo. Quod sic ostenditur: Cum enim rerum differentia, utpote se totis diversæ, in nulla ratione conveniant, nisi in ratione entis, & aliunde una debeat esse ratio, sub qua omnes suos quælibet causa contineat & producat effectus; non potest aliqua causa eminenter continere res omnes secundum proprias differentias, nisi sub universali ratione entis illas inspiciat, possitque subinde quidquid sub ratione entis continetur attingere: atque adeo cum hoc soli Deo competat, solus etiam ipse in sua essentia & omnipotentia res omnes creatas & creabiles, secundum proprias earum differentias continet; sicque sola essentia & omnipotentia Dei potest habere rationem mediâ, in quo res omnes creatæ & creabiles, clarè, distinctè, & secundum proprias earum differentias cognoscuntur. Unde S. Doctor hic quaest. 55. art. 1. in resp. ad 3. sic habet: *Et quia sunt infra Angelum, & ea quæ sunt supra ipsum, sunt quodammodo in substantia eius: non quidem perfectè, neque secundum propriam rationem, cum Angelus essentia finita existens, secundum propriam rationem ab aliis distingatur; sed secundum quandam rationem communem. In essentia Dei sunt omnia perfectè, & secundum propriam rationem, sicut in prima & universali virtute operativa, à qua procedit quicquid est in quacunque re proprium vel commune. Et idè Deus per-*

fectissimam suam habet propriam cognitionem de rebus omnibus, non autem Angelus, sed solum commune.

Confirmatur & magis illustratur hæc ratio & doctrina D. Thomæ. Una res non potest representare aliam perfectè, nisi vel ratione convenientiæ & similitudinis cum illa, vel ratione causalitatis, vel quia est effectus illius, & procedit ab illa: Sed nullo ex his modis potest essentia Angeli representare distinctè & perfectè alias creaturas: Ergo nec habere rationem speciei representantis alia à se. Major patet, Minor probatur. Nam in primis Angelus non procedit ab aliis creaturis ut effectus, sicut procedit à Deo; subindeque licet hac ratione possit representare Deum tanquam effectus ejus, non tamen creaturas. Similiter Angelus non est causa aliarum rerum: multæ enim ab ipso fieri nequeunt, puta res spirituales, & ordinis gratiæ, cælum, aliaque omnia quæ per creationem solum fieri possunt; & sic non possunt illa representari in ipso sicut in causa. Quantum ad alias res quæ per generationem & motum fiunt, non possunt in essentia, aut in virtute Angeli, etiam ad eas concurrentis per motum suum, perfectè representari aut cognosci: Tum quia Angelus non causat totum quod in re invenitur, & ex quo componitur; non enim causat materiam: Tum etiam quia non causat formam virtutis suâ immediatè, sed applicando activæ passivæ, & præcisè per motum localem: unde etiam ex vi suæ virtutis & causalitatis, non cognoscit formas istas & effectus ut sunt in se, sed quatenus pendunt à motu locali, & ab activis & passivis quæ applicat; ideoque nec perfectè, sed solum confusè eas cognoscit. Deniq. si attendatur sola convenientia & similitudo Angeli cum aliis rebus, constat quòd non perfectè potest illas representare, nec cognoscere per suam essentiam, etiam in multis prædicatis non convenit cum illis. Nec in vi hujus similitudinis potest etiam Deum cognoscere, nisi valde confusè & imperfectè. Veruntamen quia ipse est effectus Dei valde perfectus, potest ex sui ipsius cognitione, plus per essentiam suam de Deo cognoscere, quam ex aliis effectibus, ut infra patebit. Constat ergo Angelum non posse alia à se per suam substantiam representare, nec cognoscere, sed debere intellectum ejus aliquibus speciebus perfici ad res cognoscendas.

Obijcit Valentia contra hanc rationem Divi Thomæ: Angelus per speciem leonis v. g. perfectè cognoscit ipsum leonem; & tamen leo non continetur formaliter vel eminenter in tali specie, utpote cum ipsa sit accidens, leo verò substantia: Ergo licet substantia Angeli non continet formaliter vel eminenter omnia entia naturalia, malè tamen inde inferimus, quod per eam, tanquam per formam intelligibilem, non possit illa cognoscere.

Respondet quòd licet species intelligibilis per quam Angelus cognoscit leonem, non continet formaliter naturam leonis in esse entitativo, illam tamen continet formaliter in esse intentionali seu intelligibili, imò in tali esse est ipsamet substantia leonis, ut ostendimus in Tractatu de visione beatifica, & fuscè probant nostri Thomistæ in libris de anima.

Dices: Quamvis substantia Angeli non contineat omnia entia naturalia in esse naturalia seu

6.

8:

Disp. 2.  
art. 1.  
notabili  
3.

entitativo, ea tamen continet in esse intentionali seu intelligibili: Ergo si sufficiat ad hoc ut Angelus per speciem leonis perfecte & distincte naturam ejus intelligat, quod hujusmodi species contineat substantiam leonis in esse intelligibili, ipsa etiam substantia Angeli poterit habere rationem medii, in quo clare & distincte omnia entia naturalia cognoscantur.

Respondeo negando Antecedens: nam ut egregie observavit Cajetanus hic artic. 3. duo sunt entium genera; unum eorum quæ per se primo instituta sunt ut sint, & alterum eorum quæ per se primo instituta sunt ut representent. Ea quæ sunt primi generis, non continent naturarum rerum in esse intentionali vel intelligibili, nec sunt formales illarum similitudines: unde non possunt illas representare, seu habere rationem medii in quo clare & distincte cognoscantur, nisi eas in esse entitativo eminenter contineant (repugnat enim illas in esse entitativo contineri formaliter in alio) ut supra vidimus. Illa verò quæ ad secundum genus pertinent, cum ad perfectionem naturæ cognoscitivæ, quatenus cognoscitiva est, ordinentur, & cognitio fiat per assimilationem potentie cum objecto, ideo sunt formales rerum similitudines, easque in esse intentionali seu intelligibili formaliter continent etiam secundum proprias illarum differentias & rationes. Unde cum substantia Angeli non sit per se primo instituta ad representandum, sicut species intelligibilis, per quam cognoscit, v. g. naturam leonis, non debet continere illam naturam in esse intentionali vel intelligibili, sicut illam continet talis species.

Ex quo intelliges quomodo species quas sententia communis admittit in intellectu Angelico, quamvis sint in essentia & perfectione finitæ contineant nihilominus & representent plures naturas específicas, puta omnes illas quæ continentur sub genere animalis; non verò Angeli substantia: Ratio enim disparitatis constat ex dictis, quia nimirum cum Angeli substantia sit de genere illorum entium quæ per se primo instituta sunt ad essendum, si plures naturas específicas contineret, eas in esse naturali & entitativo continere deberet; quod tamen est impossibile, eò quod specificæ illarum naturarum differentia, sint inter se oppositæ in esse entitativo, ac proinde impossibiles: contra verò cum species eorum mentibus indita per se primo instituta sint ad representandū, & ea quæ in esse entis opponuntur, non sint opposita in esse representativo; ut verbi gratia albedo & nigredo in esse quidem entis sunt qualitates contrariæ, sed non in esse representativo; unde & in una specie superioris ordinis, puta in specie sensus communis continentur: hinc fit, quod species intelligibilis supremæ v. g. Angeli, quamvis sit finitæ & limitatæ perfectionis, plures tamen naturas específicas inter se oppositas simul continere & representare possit.

Obijcies secundò: Essentia Angeli est radicaliter intellectiva totius entis: Ergo ipsa comprehendens, necesse est omnia quæ sub ente continentur comprehendere: Sed quilibet Angelus comprehendit suam substantiam: Ergo per eam comprehendit omnia alia quæ sub ente continentur. Subsumptum & Antecedens à nullo negari possunt; secunda Consequentia sequitur necessarîo posito Antecedente; prima verò sic probatur. Ut

essentia Angeli cognoscatur comprehensive, necesse est quoddamtingatur prout est radicaliter intellectiva omnis entis; aliàs non attingeretur quantum intelligibilis est ex parte rei intellectæ: Sed nequit hoc modo intelligi, nisi ejus cognitio attingat omnia quæ sub ente continentur: Ergo, &c.

Confirmatur: Ad comprehensionem omnipotentia divinæ requiritur quoddam cognoscantur omnia possibilia, quia est factiva omnium possibilium: Ergo etiam ad comprehensionem essentia Angelicæ requiritur quoddam cognoscantur omnia quæ sub ente continentur; quia est illorum omnium radicaliter intellectiva.

Respondeo quod ut essentia Angeli cognoscatur quantum cognoscibilis est, oportet quidem ut attingatur prout est intellectiva radicaliter omnis intelligibilis, etiam secundum proprias rationes: sed ad hoc non requiritur nisi confusa cognitio omnium intelligibilium. Ratio est, quia in eo quod est esse radicaliter intellectivum omnium intelligibilium, etiam secundum rationes distinctas, non involvitur actualis eorum continentia, aut habitudo ad illa secundum speciales rationes, sed solum indifferens capacitas ad proprias eorum species recipiendas, quibus actualiter contineat, & determinatè respiciat: unde fit ut ad comprehensionem illius, quod est solum radicaliter intellectivum omnium intelligibilium, non aliud requiratur, quam quod cognoscatur ejus capacitas, ut indifferens ad qualibet intelligibilium formas recipiendas; in quo non importatur nisi confusa eorum notitia. Ex quo patet responsio ad confirmationem: concessio enim Antecedente, neganda est consequentia & paritas: nam omnipotentia divina continet omnia possibilia per modum potentie in ordine intelligibili, sicut essentia Angeli.

## ARTICULUS II.

*Verum Angeli intelligent per species à rebus acceptas?*

Clebris est hæc controversia inter Angelici & Subtilis Doctoris Discipulos: nam licet Scotus concedat Angelum à principio suæ creationis habere species inditas rerum universalium, imò & illorum individuorum quæ in illo instanti simul cum ipso exabant, subindeque eas non accipere ab ejusmodi objectis; contendit tamen ipsum mutuari à rebus species illorum singularem quæ decursu temporis fiunt, nec ipsi ab initio nota sunt, imò quod posset Angelus universaliter loquendo omnes omnino species ab objectis desumere, nisi per accidens aliquæ in prima sui productione fuissent illi inditæ. Oppositum docet D. Thomas hic art. 2. quem sequuntur communiter Theologi, excepto Richardo, Gregorio, & paucis aliis.

### §. I.

*Conclusio negativa statuitur, & ex Scriptura, & SS. Patribus suadetur.*

Ico igitur Angelos non intelligere per species à rebus acceptas, sed eas accepisse à Deo in primo instanti creationis,



Probatur primò ex Sacra Scriptura Ezech. 28. *Tu signaculum similitudinis, plenus sapientiâ, & perfectus decore. .... in die quâ conditus es .... perfectus in viâ tuâ à die conditionis tuæ.* Quæ verba continent exprobrationem Luciferò factam, quod malè usus fuerit tot perfectiõibus, quibus à primo suæ creationis puncto præditus fuerat; inter quas numeratur plenitudo sapientiæ, ad quam necessariò requiruntur species: Ergo Luciferus (& idem dic de aliis Angelis) ab initio suæ conditionis habuit rerum species sibi inditas, non verò illas successu temporis à rebus accepit.

Confirmatur: Angelus fuit creatus in gratia; unde dicitur *plenus sapientiâ, & perfectus decore. .... perfectus in viâ suâ à die conditionis suæ.* Ergo in illo primo instanti debuit habere aliquem actum supernaturalem dispositivum ad illam; non accepit enim gratiam & justificationem ut parvulus, sed ut adultus, & per proprium actum se disponendo: Ergo debuit habere cognitionem supernaturalem à quaregularetur actus voluntatis disponens ad gratiam: Ergo & species, sine quibus talis cognitio haberi non potest.

Probatur secundò ex Dionysio cap. 7. de divinis nominibus ubi formaliter dicit, quod *Angeli non congregant divinam cognitionem à rebus divisibilibus aut sensibilibus.*

Probatur tertio ex Augustino lib. 2. super Genesim ad litte. cap. 8. & lib. 4. cap. 24. & lib. 5. cap. 4. ubi asserit res fuisse à Deo creatas prius in mente Angelorum, quam in creatis genere: Sed non poterant esse creatæ in mente Angelorum, nisi in esse intentionalitè quod habent in speciebus: Ergo omnium rerum species fuerunt à Deo inditæ mentibus Angelorum: unde in libro de causis propositione decimâ dicitur: *Omni intelligentia plena est forma.*

Nec dici potest, hæc Scripturæ & SS. Patrum testimonia solum convincere, Angelum à principio suæ creationis habuisse indicas species repræsentantes res quoad rationes universales, non verò species repræsentantes singularem, maximè illa quæ decurrit temporis sunt. Nam contra est, quia si istæ species infuse Angelo, quasque naturaliter exigit, repræsentent ita res in universali, quod non possint deservire ad cognoscenda singularem, quando illa producantur, sed indigeat Angelus novâ specie ipsius singularis, ab illo acceptâ, ut docet Scotus, sequitur quod Angelus ex natura sua requirat species valdè imperfectas & confusas; quia repræsentatio solum in universali, & quæ non potest extendi ad singularem, est repræsentatio imperfecta; & sic Angelus non esset à die creationis suæ plenus sapientiâ, quia carenter aliquâ sapientiæ parte, câ scilicet quæ versatur circa singularem.

Confirmatur: Scientia solum in communi sive in universali sufficit ad summum ad perfectiendum intellectum speculativum, non verò practicum: Sed qui non habet intellectum practicum perfectum, non potest vocari ab solutè (sicut in Scriptura vocatur Angelus) plenus sapientiâ: Ergo &c.

Confirmatur amplius: Si Angeli acciperent species à singularibus quæ successu temporis decurrunt, falsum esset quod ait Dionysius citatus, Angelos scilicet non congregare divinam cognitionem à rebus divisibilibus, aut sensibilibus: hæc enim singularia divisibilia & sensibilia sunt. Denique D. Augustinus locis citatis docet res

fuisse creatas prius in mente Angelorum, quam in seipsis: Ergo loquitur de rebus secundum quod terminant divinam productionem sive creationem: Sed illam terminant secundum esse individualè, non verò secundum rationes communes & universales: Ergo docet mentibus Angelorum fuisse inditas species repræsentantes res in singulari, non verò solum in communi & in universali.

Dices cum Gregorio, Augustinum non loqui de cognitione naturali creaturarum, sed de supernaturali, quæ res istius universi cognoscuntur ab Angelo in Verbo per visionem Beatificam.

Sed contra primò: Augustinus de eacognitione loquitur quam habuerunt Angeli ex quo facti sunt, seu in primo instanti suæ creationis: At non fuerunt in sua creatione Beati, ut ostendit D. Thomas infra quæst. 62. art. 1. Ergo non loquitur de cognitione seu visione Beatifica.

Contra secundò: Ibi Augustinus loquitur de cognitione communi omnibus Angelis ante lapsum malorum: Sed hæc non est cognitio habita per visionem Beatificam, ut patet: Ergo idem quod prius. Nec obstat D. Augustinus cognitionem illam appellare cognitionem in Verbo: nam ut docet D. Thomas loco proximè citato ad 3. etiam cognitione naturali cognoscit Angelus res in Verbo, licet imperfectè.

## §. II.

Rationes D. Thomæ expenduntur.

Præter tam clara & expressa Scripturæ & SS. Patrum testimonia, multæ superunt rationes egregiæ ex D. Thomæ desumptæ, quibus nostra conclusio veritas efficaciter suaderi potest.

Prima quam habet hic art. 2. & secundo contra Gent. cap. 69. sic procedit. Idem consequendus est ordo & distinctio inter substantias spirituales (servatâ tamen proportionem) ac inter substantias corporeas: Sed inter istas hic est ordo & distinctio, ut substantiæ superiores, quales sunt cælestia corpora, habeant à Deo suam potentiam (scilicet materiam primam) totaliter expletam per formam, ab instanti primæ conditionis, ita ut prædicta materia non habeat successivè accipere ab aliis agentibus novas formas: Ergo etiam inter substantias spirituales admittendus est proportionaliter similis ordo & distinctio; ita ut superiores inter illas, nempe Angeli, habeant à primo instanti suæ creationis, & à Deo, totaliter completam suam potentiam, nempe intellectum, per formas intelligibiles; & contra inferiores substantias, quales sunt animæ nostræ, non habeant illam à Deo completam à primo instanti quo conditæ sunt, sed paulatim & successivè prædictas formas intelligibiles acquirant.

Confirmatur & magis illustratur hæc ratio. Quamvis species intelligibilis sit forma accidentalitè, habet se tamen respectu intellectus considerati prout se undum se est tabula rasa, sicut actus primus ad puram potentiam; quomodo etiam se habet forma substantialis ad materiam primam: Angeli sicut est possibile, & de facto datur corpus, cuius materia primæ potentia sit à prima sua productione completa per actum primum illi correspondentem, puta per formam substantialem; ita erit possibile, & de facto dabitur substantia intellectualis, cuius intellectus potentia sit à primo instanti suæ creationis completa



cipitur, & esse intelligibile: Atqui si creatura intellectus equalis carens sensibus & phantasia recipere species ab objecto sensibili, jam ejusmodi objectum transiret ab esse materiali & sensibili quod habet in se, ad esse intelligibile, non transiundo per esse imaginabile sive phantasticum, ut constat: Ergo fieret transitus ab extremo in extremum, sine transitu per medium, à natura inter illa constitutum.

33 Dices cum Scoto: Vel esse imaginabile sive phantasticum est medium necessarium ex parte objecti, vel solum ex parte potentie cognoscentis? Primum dici non potest: alias (inquit) nullus intellectus, etiam divinus, posset cognoscere esse sensibile, nisi prius haberet esse in imaginatione. Si autem secundum dicatur, nulla erit ratio D. Thomæ: quod enim est medium necessarium respectu potentie inferioris & debilioris, non est tale respectu superioris & efficacioris: unde quamvis datur quod esse imaginabile sit medium ex parte potentie inter esse omnino sensibile & esse intelligibile ab intellectu humano, non sequitur tamen illud esse medium inter esse omnino sensibile & esse intelligibile ab intellectu angelico.

34 Sed contra: Licet esse imaginabile sit medium inter esse omnino sensibile, & esse intelligibile, necessarium non solum ex parte potentie cognoscentis, sed etiam ex parte objecti materialis quod debet cognoscere hoc ipso tamen quod tale objectum non præcisè secundum quod est terminativum, sed quatenus est motivum intellectus, & causativum sui speciei, indiget tali medio, non sequitur, ut malè infert Scotus, quod nullus intellectus possit naturaliter cognoscere objectum sensibile, nisi prius habeat esse in imaginatione; sed tantum sequitur quod huiusmodi objectum non possit movere intellectum, & immittere sui speciem in ipsum, nisi transiundo per imaginationem: cum quo tamen stat, quod sicut intellectus divinus & angelicus possunt ipsum cognoscere absque eo quod immitat ejusmodi species, ita possunt de illo perfectam habere notitiam, absque eo quod prius tale objectum habeat esse in aliqua imaginatione vel phantasia.

35 Hæc ratio, sicut & duæ præcedentes, probant solum Angelos non recipere species à rebus corporeis, & potest magis expendi vis illius. Quia inferior non potest attingere superius, nisi in infimo illius, ac per suum supremum; nam ut docet Dionysius 7. de divin. nomin. ordo universi postulat ut supremum infimi attingat infimum supremi: Sed infimum ordinis intelligibilis est humanus intellectus, supremum verò ordinis sensibilis est phantasma: Ergo sensibile non potest attingere ordinem intelligibilem, nisi in solo intellectu humano, & per phantasma.

36 Nec dicas phantasma contineri sub sensibili ut sic, subindeque non esse medium inter sensibile & intellectuale. Respondetur enim sensibile summi dupliciter: primo pro eo omni quod sensu percipitur, & hoc modo sub se continet phantasma: secundò strictius pro objecto extra existente, & sensus externos immediatè immutantes inter istud autem & intelligibile mediat phantasma, quod est supremum sensibilis primo modo sumpti.

## §. III.

Corollaria notata digna.

37 **E**X dictis colliges primò, in Angelis non esse intellectum agentem & possibilem, sicut in nobis, nisi fortè æquivocè. Nam ut ait S. Doctor 2. contra Gentiles cap. 96. *Intellectus possibilis & agens in anima intellectiva inveniuntur propter hoc quod accipit cognitionem intellectivam à sensibilibus: nam intellectus agens est qui facit species à sensibilibus acceptas esse intelligibiles: intellectus autem possibilis est in potentia ad omnes formas sensibilibus cognoscendas: cum igitur substantia separata non accipiant cognitionem à sensibilibus, non est in eis intellectus agens & possibilis: unde & Aristoteles in 3. de anima intellectum possibilem & agentem inducens, dicit eos in anima oportere poni.* Quibus verbis corollarium illud & docuit & probavit.

38 Colliges secundo, Angelum non posse, etiam supernaturaliter, intelligere per species à rebus naturalibus acceptas. Ratio est, quia cum species quam accipit intellectus, ipsa in genere causæ formalis perficiatur, nihil autem possit supernaturaliter causa formalis, nisi quod potest naturaliter; ut intellectus Angeli posset supernaturaliter intelligere per species à rebus corporeis desumptas, deberet id posse naturaliter: quod tamen constat ex tertia probatione fieri non posse.

Adde quod cum species perficiatur, subindeque actuet intellectum, non minus autem implicet id quod est materiale, cuiusmodi est species desumpta à rebus corporeis, actuare formam omnino spirituales, qualis est Angelus, quam materiam actuare formam; Angelum speciem accipere ab objecto corporeo, manifestam arguit implicantiam.

39 Dices, Quamvis species desumpta à rebus corporeis sit materialis, posse tamen Deum ipsam depurare ab omnibus conditionibus materialibus, & sic depuram immittere in intellectum Angeli.

40 Sed contra: Intellectus Angeli in illo casu speciem illam non recipiet immediatè ab ipso objecto, sed à Deo; unde perinde se haberet in receptione illius, ac si nullo modo esset desumpta à tali objecto, eamque à solo Deo productam reciperet.

Adde quod talis species, etiam sic depurata à conditionibus materialibus, adhuc diceret habitudinem sive dependentiam ab objecto corporeo à quo esset desumpta, utpote sibi essentiali, sicque remaneret adhuc corporea: unde existimo quod neque etiam in illo casu posset Angelus ipsam etiam diviniùs recipere; quia nimirum aliàs id quod est materiale, actuaret id quod est purè spirituale,

Colliges tertio, Angelum non posse recipere species à rebus etiam spiritualibus, puta ab aliis Angelis.

40 Probatur: Ut unus Angelus produceret species intelligibiles in intellectu alterius, deberet illi immittere illius. Sed hoc repugnat: Ergo & illud. Minor probata fuit supra disp. 4. art. 1. §. 7. coroll. 7. Major verò suaderet quia deberet Angelus immediatè immutatione suppositi huiusmodi species intra intellectum alterius producere; cum enim sint spirituales, non possent diffundi per medium: Ergo per earum productionem Angelus constitueretur secundum esse naturale intra

nali beneficio intellectus agentis: Ergo à fortiori A  
convenit intellectui Angelico.

Respondet distinguendo Majorem: Si dicant  
perfectionem simpliciter, & ab omni imperfe-  
ctione puram, concedo Majorem: si dicant  
perfectionem solum secundum quid, & imper-  
fectionem admixtam, nego Majorem. Sicut enim  
licet intelligere per discursum, & componendo  
ac dividendo, sit aliqua intellectus humani per-  
fectio; tamen quia est solum perfectio secun-  
dum quid, habens admixtam imperfectionem,  
intellectui Angelico non convenit, ut infra vide-  
bimus. Ita pariter, quia habere vim educendi  
species ex rebus sensibilibus, non dicit perfectio-  
nem simpliciter in nobis, sed secundum quid tan-  
tum, cum supponat imperfectionem potentiali-  
tatis & inferioritatis in gradu intellectuali, non  
debet reperiri in Angelis.

Obijciunt quarto: Non minoris efficaciz est  
objectum intelligibile in actu, quam sensibile  
in actu intra suam lineam: Sed sensibile in actu  
diffundit speciem in sensum: Ergo etiam obje-  
ctum intelligibile in actu, qualis est res spiritua-  
lis, diffundit speciem sui in intellectu Angelico,  
utpote non dependente à sensibus: Ergo  
quavis Angeli non accipiant species à rebus  
materialibus, eas tamen habent à rebus immate-  
rialibus.

Respondet quod etsi sensibile in actu diffundat  
speciem in sensum, intelligibile tamen in actu non  
immitit speciem in intellectum. Ratio dispari-  
tatis est, quia sensibile in actu habet hanc virtu-  
tem ex eo quod est objectum potentiz apte reci-  
pere species successive; intelligibile verò in actu  
est objectum proportionatum potentiz, quæ natu-  
raliter est in actu respectu omnis intelligibilis;  
quatenus omnem intelligibilem formam postulat  
habere ab initio, suæ conditionis, & eam actu  
recipit à Deo: unde intelligibile in actu, non ha-  
bet virtutem diffundendi suam speciem in præ-  
dictam potentiam; quia nulla datur virtus acti-  
va cui non correspondeat aliqua passiva. Ne-  
que ex hoc sequitur, quod sit minoris efficaciz,  
quàm sensibile in actu; sicut nec sequitur quod  
sit minoris efficaciz, quàm ignis verbi gratia,  
quavis non possit calefacere: quia cum hoc fiat  
quod sit principium perfectioris & immateria-  
lioris operationis, quàm objectum sensibile, &  
perfectiori modo, nimirum per modum speciei  
impressæ, ad sui cognitionem concurrat, ut  
dicemus disputatione sequenti; & sic quavis  
non habeat illam vim diffundendi speciem, est  
tamen simpliciter efficacius, quàm objectum  
sensibile.

Obijciunt quinto: Si species Angelorum es-  
sent infusæ à Deo, & non à rebus acceptæ, es-  
sent supernaturales; quod enim à Deo infun-  
ditur; & ab illo solo fieri potest, supernatura-  
le est.

Respondet species non esse supernaturales,  
licet infundantur à Deo: quia non infunduntur à  
Deo ut auctore supernaturali, sed à Deo ut ope-  
rante juxta naturalem capacitem Angeli, &  
exigentiam ejus: sicut infundit & creat animam  
rationalem, quando materia est disposita. Ita  
S. Thomas infra quæst. 29. art. 1. ubi tertio loco  
sibi obijci: quod si anima separata intelligeret  
per species intelligibiles divinitus infusas, hæc  
cognitio non esset naturalis, sed gratiæ. Et re-  
spondet negando hoc sequi: Quia (inquit) Deus

est auctor non solum influentia gratuiti luminis, sed  
etiam naturalis.

Obijciunt ultimum: Si Angelus non acciperet  
species à rebus, sed eas ab initio suæ productio-  
nis haberet, cognosceret futura contingencia, &  
cogitationes cordium, etiam quandiu manent se-  
cretæ; utpote cum ad illorum cognitionem re-  
quirantur solum potentia cognoscitiva, & species  
intelligibilis illorum repræsentativa: Sed hoc dici  
nequit, ut patebit disputatione sequenti: Ergo  
nec illud.

Respondet negando sequelam: nam ut ibidem  
ostendimus, quavis species futurorum contin-  
gentium, & cogitationum cordis, sint repræsentati-  
væ illorum in actu primo, & ad hoc tamen ut ea  
repræsentent in actu secundo & in exercitio, re-  
quitur, tanquam conditio sine qua non, exis-  
tentia futurorum, & manifestatio cogitationum  
cordis.

### ARTICULUS III.

An species per quas Angelus intelligit, ab eius  
essentia fluant ut propriæ passionēs?

Pariter affirmantem tenent Bannez, Naza-  
rius, & Valentia hic; pro qua etiam citant  
Capreolum & Cajetanum. Sententia tamen ne-  
gans communior est in Schola. D. Thomæ, &  
principis supra statutis conformior, eamque do-  
cent Ferrariensis 2. contra Gentes cap. 58. Na-  
varretatomo 3. controversi. 55. Salmanticenses,  
Joannes à S. Thoma, & alii; unde sit.

#### S. I.

Hæc sententia ut probabilior eligitur.

Dico igitur, species intelligibiles Angelorum,  
non esse propriæ & in rigore proprietates  
ipsorum.

Probatur primò ex D. Thoma infra quæst. 89.  
art. 1. ad 3. ubi ait: Anima separata non intelli-  
git per species innatas &c. sed per species ex influentia  
divini luminis participatas, quarum anima fit parti-  
cipe, sicut & aliæ substantiæ separate. Et art. 3. in  
corp. Anima separata (inquit) intelligit per species  
quas recipit ex influentia divini luminis, sicut & An-  
geli. Ergo sicut species non fluunt ab essentia  
animæ separata, ut propriæ ejus passionēs, ita nec  
ab essentia Angeli.

Confirmatur: Quando D. Thomas loquitur de  
speciebus Angelicis, dicit illas esse infusas à Deo:  
quod tamen esse falsum, si essent veræ proprie-  
tates: potius enim deberent dici concretæ, aut  
eductæ de potentia subiecti, quàm infusæ, quia  
essent productæ per eandem actionem quâ ipsa  
substantia Angeli; nam actio agentis quodam  
veluti ordine terminatur primò ad essentiam, &  
secundò ad proprietates, ut docetur in 2. Phy-  
sicorum.

Probatur secundò conclusio ratione fundamen-  
tali. Qual bet natura ex se & ab intrinseco deter-  
minata est ad habendas has proprietates, potius  
quàm alias: v. g. natura humana ab intrinseco  
determinata est ad risibilitatem; natura equi ad  
hinnibilitatem &c. Sed natura angelica ex se & ab  
intrinseco non est determinata ad habendas has  
potius quam illas species; sed hoc pendet solum  
ab extrinseca & libera Dei voluntate: Ergo spe-  
cies intelligibiles non fluunt ab essentia Angeli  
tanquam veræ & rigorosæ proprietates. Major

Bbb

pater

patet, Minor probatur. Certum est Angelum non habere omnes species rerum naturalium possibilem, ab initio suæ creationis, sed solum omnium generum & specierum rerum existentium; quia aliis cum sint possibilia infinita entia naturalia, intellectus Angeli esset simpliciter & actu infinitus in esse intelligibili. quod verò habeat species rerum existentium, non provenit ex determinatione naturæ Angelicæ, sed ex decreto Dei, quo disposuit has quæ modo existunt creaturas in esse ponere: unde si decrevisset aliud universum constans ex aliis speciebus & generibus rerum producere, Angeli non habuissent eas quas modo habent species, sed omnino diversas; & si infirmisset facere plures Angelos, vel plures naturas rerum, plures species intelligibiles mentibus Angelicis impressisset, ut ait S. Thomas hic quæst. 56. art. 2. ad 2. Ergo natura Angelica ex se & ab intrinseco ad habendas has potius quam illas species determinata non est.

59

Dices naturam Angeli esse determinatam ad habendas species rerum naturalium, supposito quod illæ existant; & hoc sufficere ut verò ab ea dimanent per modum passionum.

Sed contra primò: Materia sublunaris, hoc ipso quod est à Deo creata, habet naturalem determinationem ad habendam aliquam formam; hoc tamen non sufficit ad hoc ut talis forma verè ab ea dimanet per modum proprietatis: Ergo quævis natura Angelica habet prædictam determinationem ad species, illa tamen non sufficit ut sint ejus proprietates: maxime quia intellectus Angeli est determinatus ad habendas species rerum naturalium, supposito quod existant, ex eo quod ex se pura potentia; quæ naturaliter exigit actuari ab intelligibili in actu; unde comparatur ad species, per modum tantum principii passivi & potentialis, non autem ullo modo per modum principii activi; quod tamen requiritur ad passionum resultantiam.

Contra secundò: Prius naturæ species repræsentativæ rerum naturalium fuerunt in mente Angelorum, quam res ipsæ existerent: Ergo non potuerunt res ipsæ nondum existentes esse conditiones, sine quibus species illæ per modum passionum non resultarent ab essentia & intellectu Angelorum,

Addo quod non congruit limitationi naturæ Angelicæ, ut possit esse ita proportionata cuilibet universo possibili, ut eo existente, per naturalem resultantiam emitteret ex se species repræsentativas illius.

Tertiò probatur conclusio ex variis absurdis & inconvenientibus, quæ videntur sequi ex adversa sententia. Nam si species intelligibiles Angelorum essent eorum proprietates, sequeretur primò Deum non potuisse in alio universo creare Angelos qui modo sunt: Sed hoc videtur absurdum, cum Angeli qui nunc existunt non pendeant essentialiter ab hoc universo: Ergo &c. Sequela probatur: Species quæ habent Angeli qui sunt in hoc universo, ita repræsentant naturas específicas hujus universi, quod non repræsentant alias: Ergo si iidem Angeli ponerentur in alio universo, deberent habere alias species, & consequenter alias proprietates: Atqui mutatis proprietatibus, non essent iidem Angeli qui modo sunt: Ergo si species intelligibiles Angelorum, essent eorum proprietates, Deus non posuisset in alio universo creare Angelos, qui modo

A sunt. Imò eadem etiam ratione sequeretur Deum non posse creare in hoc universo unum Angelum ex possibilibus in alio universo. Sequeretur etiam, quod si Deus crearet unum Angelum perfectiorem omnibus illis qui nunc existunt (quod possibile esse nemo dubitat) talis Angelus vel non posset cognosci ullo modo ab his qui nunc sunt; vel si cognosceretur, deberet Deus mutare istorum essentias: quia deberet eis dare speciem repræsentativam illius Angeli superioris, quæ esset nova illorum proprietas, requirens proinde novam essentiam.

Denique, Si species Angeli ab ejus essentia dimanarent tanquam proprietates, sequeretur Angelum posse per suam essentiam cognoscere alia à se: Sed hoc est falsum, ut patet ex articulo primo hujus disputationis: Ergo &c. Sequela probatur: Qui comprehendit aliquam essentiam, cognoscit in ea omnes proprietates naturales: Ergo si hujusmodi sunt species intelligibiles, Angelus comprehendens propriam essentiam, cognosceret omnes species ab ea manantes, ac per consequens objecta per tales species repræsentata: cum species intelligibiles fumant specificationem & distinctionem ex objectis,

Respondet Nazarius, species intelligibiles esse proprietates naturæ Angelicæ, non quatenus sunt repræsentativæ objectorum, sed quatenus sunt quædam accidentia in ordine physico & entitativo: unde comprehensæ essentia Angeli, species ejus intelligibiles cognoscuntur secundum esse entitativum quod habent, & quatenus sunt qualitates, non verò secundum esse intentionale & repræsentativum: quod tamen posterius esset necessarium ad hoc ut Angelus cognoscendo suam essentiam, & species, in illa cognosceret alia à se; quia species secundum suum esse entitativum non continent objecta, sed tantum secundum esse intentionale & repræsentativum.

Sed contra primò: Cum esse repræsentativum in specie sit per se primò intentum à natura, esse verò entitativum secundariò solum intendatur ab illa; nō potest species, secundum esse entitativum considerata, comparari ad essentiam Angeli per modum proprietatis rigorose, nisi etiam eodem modo comparatur ad illam secundum esse repræsentativum: utpote cum secundarium necessariò sequi debeat modum & rationem primari.

Secundò, Si species intelligibiles essent naturæ Angelicæ proprietates, hoc haberent in quantum sunt principia operationis propriæ Angelorum: Sed non sunt illius principia, ratione esse entitativi formaliter (quamvis tale esse materia liter seu concomitanter ad illam requiratur) sed ratione esse intentionalis & repræsentativi; sic enim sunt formæ intellectus, & quasi semina objectorum: Ergo si sunt proprietates, id debet illis convenire secundum esse intentionale & repræsentativum.

Tertiò, esse entitativum & esse repræsentativum speciei intelligibilis nō producuntur distinctis actionibus: unde si species Angelorum secundum esse intelligibile non dimanant ab essentia Angeli, sed producuntur à Deo per actionem distinctam ab illa quæ producit substantiam Angeli, oportet quod etiam secundum esse entitativum terminent propriam actionem quæ sit educatio, atque adeo quod non sint proprietates, etiam secundum esse entitativum.

Respondet secundò Bannes: quod licet species

61



intelligibiles secundum esse tam repræsentativum quam entitativum dimanent à natura Angelique tanquam proprietates, quia tamen non continentur formaliter in illa, sed tantum virtualiter, sive radicaliter; ex eo quòd comprehendatur essentia Angeli, non sequitur quòd ejus species intelligibiles, & objecta per illas repræsentata, secundum proprias & distinctas eorum rationes cognosci debeant: ut enim hoc sequatur, non sufficit contentiva virtualis hujusmodi specierum in essentia Angeli, sed requiritur formalis.

Verum hæc etiam responsio facili potest confutari. Constat enim res distincte & proprie cognosci per causas suas, imò tunc est scientifica & propria rei cognitio, quando per suas causas cognoscitur; & tamen res sive effectus non continentur in suis causis, nisi radicaliter & virtualiter; formaliter quippe non sunt nisi in se & extra causas: Ergo si species intelligibiles quibus Angelus alia à se cognoscit, sint rigorosæ proprietates ipsius substantiæ; non obstante quòd radicaliter solum in illa continentur, si tamen substantia illa comprehendatur ab Angelo, poterit per ipsam perfecte & distincte cognoscere suas species, nec non objecta per illas repræsentata.

## §. II.

*Solvuntur objectiones.*

62. **O**bjicies primò: D. Thomas hic art. 2. species Angelorum vocat formas illis connaturales: Sed non possent sic appellari, si ab illorum essentia ut propriæ passionem non fluere: Ergo species Angelorum sunt propriæ & in rigorosorum proprietates.

63. Confirmatur: Idem S. Doctor infra quæst. 64. art. 1. probat cognitionem naturalem Dæmonum non esse ablatam aut diminuatam per peccatum, quia sequitur eorum naturam. Et hic quæst. 54. art. 4. ad 1. ait quod in Angelo non generatur scientia, sed naturaliter adest: Acquisitæ species non resultarent ab essentia Angeli ut propriæ passionem, non possent dici quod scientia sequitur naturam Angeli, & naturaliter illi adest: Ergo idem quod prius.

64. Respondet ad argumentum, concessa Majori, negando Minorem; licet enim species intelligibiles Angeli non fluant ab ejus essentia ut propriæ passionem, possunt tamen dici formæ illi connaturales; & hoc ex triplici capite. Primò quidem quia sunt debite Angeli: cum enim ille sit perfectissimus inter creaturas intellectuales, exigit connaturaliter esse in actu primo completo ad intelligendum, & ad cognoscendas cunctas rerum naturas ad ordinem hujus universi pertinentes, ut articulo præcedenti declaravimus. Secundò quia Angeli species illas simul cum sua natura in instanti creationis receperunt; juxta quem modum etiam justitia originalis, si Adam non peccasset, diceretur connaturalis posteris, & omnes cum justitia originali nascerentur. Tertiò species dicuntur connaturales Angelo, propter potentiam & aptitudinem passivam naturalem, quam ad illas habet intellectus Angelicus, secundum quam rationem etiam receptio lucis dicitur connaturalis diaphano. Unde S. Thomas 1. 2. quæst. 6. art. 5. ad 2. *Dicitur aliquida naturalia dupliciter: uno modo quia est à natura sicut à principio activo; sicut calefacere est naturale igni: alio modo secundum principium passivum,*

*A quia scilicet est innata inclinatio ad recipiendum actionem à principio extrinseco; sicut motus celi dicitur esse naturalis, propter aptitudinem naturalem calefactu corporis ad talem motum.*

Ad confirmationem respondeo, D. Thomam primo loco solum velle quòd cognitio naturalis, subindeque species intelligibiles, consequantur naturam Angelicam, consecutione debiti, non emanationis: ad quod sufficit quòd Angelus exigit naturaliter species sibi communicari. In secundo verò loco, ly *naturaliter*, contraponitur huic quòd esset recipere scientiam per acquisitionem & discursum.

**B** Objicies secundò: Accidentia quæ producuntur per eandem actionem quæ producitur substantia, sunt proprietates illius: Sed species intelligibiles per eandem actionem quæ fit Angeli substantia, producuntur, scilicet per creationem; concreantur enim cum ipsa Angeli substantia, non verò ex illa educuntur; tum quiaeductio præsupponit subjectum, hæc verò species incipiunt cum ipsa substantia Angeli; tum etiam quiaeductio fit per transmutationem subjecti, Angelus autem non transmutatur in productione specierum intelligibilium: Ergo species intelligibiles Angelorum, sunt eorum proprietates.

**C** Respondet Joannes à S. Thoma, negando Majorem: Non tantum enim proprietates, sed etiam quæcumque accidentia alicui connaturaliter debita, sive sint proprietates, sive non, in instanti generationis per eandem actionem per quam fit subjectum producuntur: unde cum species intelligibiles sint debite Angelis in instanti creationis; quamvis non sint rigorosæ illorum proprietates, eò quòd substantia Angeli non determinet Deum per modum principii activi, sed tantum passivi ad illas producendas; tamen per eandem actionem creativam, quæ fit substantia Angeli, producuntur.

**D** Hæc solutio probabilitate non caret: meliùs tamen respondetur, datà Majori, negando Minorem: hujusmodi enim species per actionem eductivam producuntur. Ad probationem in contrarium, dicendum est, ad educationem non requiri necessariò quòd subjectum supponatur prius tempore productum, & formæ educendæ privatum, sed sufficere quòd præcedat formam prioritate naturæ, & producat per actionem distinctam ab ea quæ forma producitur: undeeductio non debet fieri semper cum actuali transmutatione subjecti, sed sufficere quòd de se sit transmutativa illius. Patet hoc in gratia collata Angeli, & Adamo, in instanti creationis; illa enim, juxta communem sententiam, non fuit creata, sed de potentia obedienciali illorum educta; quia licet subjectum non præcesserit in aliquo instanti privatum hujusmodi formæ: *Deum enim (inquit Augustinus) erat in Angelis si- mul condens naturam, & largiens gratiam;* fuit tamen per distinctam actionem productum; unde licet ibi non fuerit actualis subjecti transmutatio, illa tamen actio ex se erat transmutativa illius; utpote productiva formæ quæ non erat cum eo necessariò connexa, & quæ proinde poterat illud prius tempore productum supponere. Idem cum proportionem dicendum est in præsentem.

**E** Objicies tertio: Nulla res patitur violentiam, per hoc quod sibi auferantur accidentia communia, sed tantum si auferantur propria: Atqui si



Angelus produceretur sine speciebus, pateretur A violentiam, sicut & nunc si ab eo auferrentur; Ergo illæ sunt veræ & rigorosæ proprietates, & non solum accidentia communia naturæ Angelicæ.

70. Respondeo, ut aliquid dicatur pati violentiam, sufficere quoddam ei denegetur vel auferatur id quod requirit ad suum complementum, & ad quod per modum principii activi vel passivi inclinatur: nam causa secunda habens obiectum applicatum, & virtutem proportionatam in suo ordine, esset in statu violento, si negaretur illi concursus Dei; & corpus ultimò organizatum, si non infunderetur anima, licet causa secunda ad Dei concursum, & corpus ad animam, non habeant inclinationem activam, sed tantum passivam: unde cum natura Angelica species intelligibiles ad suum complementum requiratur, & illas per modum principii, saltem passivi, conaturaliter respiciat, ut supra vidimus, Angelus pateretur violentiam, si abique illis produceretur, vel si nunc ab eo auferrentur; quamvis ab ejus essentia activè non dimittuntur ut propriæ ejus passionibus.

Obijcies ultimò: Si species Angeli non essent naturales ejus proprietates, homo esset perfectioris naturæ quam Angelus: Sed hoc dici nequit: Ergo nec illud. Sequela Majoris probatur: Natura intellectiva quæ potest seipsam reducere in actum ex propriis principii, perfectior est eâ quæ ab intrinseco, & ex propriis principii non potest se in actum reducere: Atqui natura humana ratione intellectus agentis potest seipsam reducere in actum, acquirendo species, quod tamen non potest natura angelica, si species intelligibiles ab ejus essentia non fiant tantquam proprietates: Ergo si species Angeli non essent naturales ejus proprietates, homo esset perfectioris naturæ, quam Angelus.

72. Respondeo negando sequelam: ad cujus probationem, nego absolute Antecedens. Nam ex Aristotele 2. de celo textu 60. & ex Divo Thoma 1. 2. quæst. 5. art. 5. ad 2. natura illa quæ bonum suum consequitur nobilior, & nobiliori modo, etiamsi id fiat cum exteriori auxilio, perfectior est & nobilior illa quæ bonum suum imperfectius consequitur ex seipsa: sicut homo est nobilior brutis, etsi non possit acquirere propriam perfectionem & beatitudinem, nisi cum auxilio externo Dei.

#### ARTICULUS IV.

*Verum Angeli per species universales intelligant, & eo universales, quò ipsi sunt in natura superiores?*

73. Quæstio non procedit de universali in causando, quo pacto Deus & corpora celestia dicuntur universalia, quia plures & diversas causas effectus; nec de universali in prædicando, quomodo naturæ communes, & per operationem nostri intellectus à suis inferioribus abstractæ, per comparationem ad illa appellantur universales: sed de universali in representando, quod scilicet plura obiecta simul representant, non confusè & secundum aliquam rationem communem in qua conveniunt, sed clarè & distinctè, & secundum proprias rationes specificas & individuales. Unde sensus tituli est, an

Angeli intelligant per species plura obiecta clarè ac distinctè representantes, & tantò plura, quantum sunt in natura superiores & perfectiores?

Negat Scotus, & omnes illi qui docent Angelum desumere suas species ab objectis, quibus favet Vazquez hic disp. 203. cap. 2. dicens ex hypotesi (quam tamen negat) quod dantur species in Angelis, adhuc non posse cum fundamento, imò nec cum probabili conjectura affirmari, quod superior per speciem universaliorem naturas sibi inferiores intelligat.

B Sententia tamen affirmans, communis est apud Theologos, eamque expressè docet S. Thomas hic art. 3. omnesque ejus Discipuli; licet Ferrariensis 2. contra Gentes cap. 98. ejus doctrinam censcat esse intelligendam de Angelis superioribus in hierarchia vel ordine, non in gradu specifico & naturæ: alii verò existimant species Angeli superioris dici universales, non quod plures naturas & quidditates specificas representent, sed solum quia representant plura ejusdem naturæ individua, aut plures ejus proprietates & modos.

S. I.  
*Vera sententia statuitur.*

C Dico primò: Angeli intelligunt per species universales, hoc est plura obiecta simul representantes.

74. Probatur primò: Species angelicæ non sunt desumptæ à rebus, sed immediate à divina essentia exemplatæ ac derivatæ, ut art. 3. ostendimus: At quamvis species ab objecto causata, illam solum quidditatem & naturam à qua causata sunt, representent, quia ex ipso objecto à quo causantur determinationem & limitationem habent; illæ tamen quæ immediate exemplatæ ac derivatæ sunt à divina essentia, possunt plures naturas representare: sicut & ipsa divina essentia à qua derivatæ sunt, & cujus sunt effluxus & participationes, ut est species exemplarum rerum, omnes naturas creatas & creabiles clarè & distinctè representant.

75. Confirmatur: Species quas intellectus noster exprimit ex aliis præconceptis, putà species montis auri, chimæ, &c. plura continent diversæ naturæ: quia non exprimuntur, nec consequenter mensurantur à rebus ut sunt in se, sed ut sunt in intellectu, qui potest adunare quæcumque distincta sunt. Item figura impressa ceræ & chartæ continet eanem, leonem, & alia; cum sit tamen una figura: quia non mensuratur à rebus prout sunt in seipsis, sed juxta modum essendi quem habet in sigillo in quo uniuntur, & à quo derivantur. Denique imago domus expressa in charta ab artifice, continet ligna, lapides, & cætera ad domus constructionem requisita: quia non accipit unitatem ab illis rebus, ut in seipsis, sed ut sunt in intellectu eas adunante, & ex illis unam formante ideam domus faciendæ. Cum ergo pariter species angelicæ non exprimantur, nec mensurentur à rebus quas representant, ut sunt in seipsis, sed prout sunt in essentia divina ut in specie & idea sicut divina essentia, una & simplicissima existens, plures naturas & quidditates clarè & distinctè representare potest, ita & species angelicæ ab illa derivatæ exemplatæ.

76. Probatur secundo: Virtutes in causis inferioribus divixæ, adunantur in causis superioribus & altioris ordinis; Sed species impressæ sunt quædam

virtutes representativæ, aliquo modo complentes naturam intellectivam: Ergo quæ in speciebus inferioribus sunt divisa & dispersa in representando, adunantur in superioribus, atque adeo cū species angelicæ sint superiores; habebunt virtutē representandi plura, quæ non representantur nisi per plures species inferiores. Major probatur ex illo communi axioma Dionysii: *Quæ sunt dispersa in inferioribus, adunantur in superioribus*. Et patet etiam inductione: nam species sensibilis, verbi gratiā visibilis, representat sensibile proprium & sensibile commune, quæ tamen in esse entis distinguuntur realiter. Deinde objecta omnia quæ per singulas species singulis sensibus externis distinctē representantur, per unicam speciem sensus communis representantur; & omnia quæ à sensibus tam internis quam externis percipiuntur sub distinctis realiter specificativis, attinguntur ab intellectu sub unica ratione formali. Idem etiam apparet in aëribus & scientiis; quæ quantō superiores & perfectiores sunt, tantō objectum suum modo simpliciori & universaliori attingunt, ut infra exponemus.

77 Probatur tertio conclusio: Perf. & simplicis creaturæ universi debet convenire perfectissimus modus cognoscendi; dummodo ille sit possibilis creaturæ, nullamque involvat repugnantiam: Sed modus intelligendi per species universales in representando, multo perfectior & nobilior est, modo cognoscendi per species particulares, seu unam tantum naturam representantes, ut de se constat; & aliunde modus ille cognoscendi nullam involvit repugnantiam, ut ex argumentorum solutione patet: Ergo Angelicæ naturæ denegari non debet.

78 Dico secundò: Angelus quò superior est in essentia, eò per species universales, sive plura distinctē representantes, intelligit.

Probatur ratione Divi Thomæ hic art. 3. quæ sic in formam redacta potest proponi. Quo Angelus est similior Deo in ordine intellectuali, eò per species universales debet alia à se cognoscere: Sed eò est similior Deo, quò est superior in essentia: Ergo quò superior est alteri in essentia, eò per species universales debet intelligere. Minor constat, M. ut verò probatur. Quò Angelus est similior Deo in ordine intellectuali, eò magis divinas perfectiones ad talem ordinem pertinentes participare debet: Sed perfectē intelligere plura per unam speciem universalem, est perfectio divina spectans ad ordinem intellectuale: Ergo quò Angelus est similior Deo in gradu intellectuali, eò magis debet ejusmodi perfectionem participare; subindeque per speciem plura distinctē representantem, atque adeo universalem, intelligere. Minor patet, Major verò ex eo manifesta videtur, quò quantō magis creatura in suo ordine accedit ad Deum, tantō magis perfectiones divinas ad talem ordinem pertinentes participare debet.

79 Dices, Hoc esse verum quando perfectio divina participabilis est à creatura: vis autem cognoscendi omnia per unam speciem, non est à creatura participabilis, sicut nec ratio actus puri & per essentiam.

Ut hæc responsio confutetur, & ratio Divi Thomæ magis illustretur & stabilietur, Advertendum est cum Cajetano hic, perfectiones Dei alias esse formaliter communicabiles, secundum id quod formaliter & simpliciter exprimunt;

cujusmodi sunt sapientia, bonitas &c. alias verò incommunicabiles, ut esse actum purum, ens per essentiam &c. Inter quas hæc est differentia quoad proprium, quòd quamvis creaturæ possint esse similes Deo quoad omnes, secundum eas quodammodo ad eum appropinquando; tamen appropinquo secundum perfectiones prioris generis, sit per majorem accessum ad illas, hoc est per hoc quòd magis & magis participatur perfectio quàm dicit earum ratio formalis. At verò major secundum alias appropinquo, sit potius per majorem recessum ab opposito: in quo quidem recessu, quamvis involvatur participatio perfectionis quam in se dicunt, non attingitur tamen, ut habeatur illud quo formalissime simpliciter constituuntur. Quantumcumque enim aliquid appropinquet Deo quoad actum, nunquam tamen habebit rationem formalem actus puri simpliciter; sicut quod appropinquet Deo quoad sapientiam, habet formaliter rationem sapientie simpliciter dictæ.

Advertendum præterea, supremam universi portionem, id est Angelos, ex sua natura sibi vindicare assimilationem cum Deo, secundum omnes perfectiones simpliciter: cuilibet enim Angelo inest existentia, bonitas, sapientia, veritas &c. In hoc ergo consistit tota vis rationis D. Thomæ, quòd Angeli superiores debent intelligere per pauciores & universales species, quia sunt similiores Deo, quoad omnes perfectiones simpliciter; non solum enim intelligere est perfectio simpliciter, sed etiam intelligere omnia per unum: unde quamvis intelligere per unum, non possit ita participari à creaturis, ut illud formaliter & simpliciter habeatur; potest tamen participari per recessum ab opposito, ita ut minus de multiplicitate mediū ad intelligendum habeatur.

Huic rationi affinis est alia quam habet idem S. Doctor 2. contra Gentes cap. 98. & quæ potest sic proponi. Intellectus Angelicus est medius inter intellectum divinum & humanum: unde cum medium debeat aliquid participare de utroque extremo; Angelus habet aliquid de puritate & actualitate intellectus divini, & aliquid de potentialitate & compositione intellectus humani; & per consequens non intelligit omnia per unam speciem, sicut Deus, nec per species ita particulares, sicut anima nostra: sed per species magis vel minus universales, juxta majorem vel minorem ejus accessum ad Deum, & majorem aut minorem ejus recessum ab anima nostra.

Tertia ratio quæ sumitur ex quæstione 8. de verit. art. 10. hæc est: Quò aliqua species est magis actualis & immaterialis, eò etiam debet esse magis universalis: Sed species quibus Angeli intelligunt, eò sunt magis actuales & immateriales, quò Angeli sunt superiores in natura: Ergo quò Angelus erit superior in natura, eo intelliget per species universales. Minor patet: quia quò intellectus Angeli sunt superiores, eò sunt magis actuales & immateriales; dimanant enim à substantia magis actuali & immateriali: Ergo species eò erunt magis actuales & immateriales, quò intellectus quem afficiunt erit superior; perfectivum siquidem & perfectibile, intellectivum & intelligibile, debent sibi correspondere, præsertim in immaterialitate, utpote quæ est radix tam intellectualitatis, quàm intelligibilitatis.

tis. Major verò probatur: Tum quia proprium est  
 materiæ contrahere, limitare, & individuarè  
 subindeque quòd aliquid magis abstrahit a materia,  
 eò erit universalis: Tum etiam inductione:  
 nam sensus internus, quia est magis immateria-  
 lis quàm externus, cognoscit per species magis  
 universales; & intellectus adhuc per universa-  
 liores, quia est magis immaterialis, quàm sen-  
 sus internus; denique Deus, quia est actus pur-  
 us & summè immaterialis, intelligit per speciem  
 magis universalem, quandoquidem se &  
 alia per unicam speciem intelligit.

Probatum denique conclusio ratione desumpta ex 2. sent. dist. 3. quæst. 2. art. 2. In omnibus scientiis & artibus, siue speculativis. siue operativis, oportet quòd illa quæ est altior & ordinativa aliarum, consideret rationes magis universales: Sed Angeli superiores habent scientiam ordinativam scientiarum inferiorum, tam practicam, quam speculativam; cum superiores inferiorum actus & officia disponant, eosque perficiant & purgent, ut docet Dionysius: Ergo scientia Angelorum superiorum est universalior, & consequenter habet species universalesiores. Major probatur inductione: Nam sub civili scientia est ars militaris; sub militari equestris, & sic deinceps: unde propterea civilis considerat bonum humanum absolute; militaris verò bonum humanum, ut determinatum ad res bellicas; & ob hanc rationem scientia inferior accipit sua principia à superioribus per quæ suas conclusiones à priori demonstrat. Ex hoc adhuc clarius est in scientiis speculativis: nam metaphysica, quæ est ordinativa aliarum, inquantum examinat principia universalissima, considerat rationem entis absolute; aliæ verò scientiæ speculativæ versantur circa aliquam determinatam ipsi us entis partem.

“ Huic rationi D. Thomæ consonat id quod docet Dionysius cap. 2. 1. cœlestis Hierarchie: scilicet quod superiores Angeli participant scientiam magis in universali, quam inferiores: Consonat etiam id quod dicitur in libro de causis: nempe quod intelligentiæ superiores habent formas magis universales,

Neque valet responsio Vazquezii, dicentis Dionysium loco citato nullam facere mentionem de speciebus Angelicis, sed solum intendere quod Angeli superiores habent scientiam, quæ ad plura objecta se extendit quàm scientiam inferi-  
rum. Non valet, inquam, hæc solutio: quia ibi Dionysius loquitur de scientia naturali Anglo-  
rum: hæc autem in superioribus non se extendit ad plura objecta, quàm in inferioribus, cum totum universum, & quidquid naturalis est ordi-  
nis, ipsis etiam inferioribus Angelis pateat, ut infra dicemus, & ipsemet Vazquez concedit. Unde licet Dionysius ibi non faciat expressam mentionem de speciebus Angelicis: ex hoc tamen quod Angeli superiores participant scientiam magis in universali, quàm inferiores, aperte colligitur, species in Angelis superioribus esse universales, quàm in inferioribus: cum enim, ut recte arguit Suarez, superiores Angeli non attingant aliqua objecta quæ non cognoscantur ab inferioribus, loquendo de scientiarum natu-  
ralium; non potest testificari quod superiores Angeli participant scientiam magis in universali, quàm inferiores, nisi quia primi intelligunt per species universales quàm alii. Unde idem Dio-

nyfius ibidem ſuprà cap. 7. lixerat, quòd Ange-  
lide ſupremo ordine omnia intelligunt quæ infe-  
riores, ſed in paucioribus & magis unitis radiis:  
nomine radiorum vocans ſpecies intelligibiles,  
quia Angelus mediis illis ita ceruet omnium noti-  
tia implendet, ſicut Sol ſuis fulget radiis.

§. II.

*Corellaria notata* digna.

**E**X dictis colliges primò, nullum de facto esse Angelum, qui non habeat species universales representantes plures naturas. Angelus siquidem infimus magis excedit hominem in perfectione intellectuali, seu in actualitate & immaterialitate, quam Angelus supremus excedat infimum: Sed propter excessum in hujusmodi perfectione, Angelus supremus habet species universales, & plures naturas representantes, quàm species infimi: Ergo etiam Angelus infimus habebit species universales & plura representantes, quàm representent species hominis.

Confirmatur: Ratio ob quam Angeli possunt intelligere per species universales, est quia non intelligunt per species acceptas à rebus, sed à Deo naturaliter inditas: At hoc commune est omnibus Angelis: Ergo possunt per species universales omnes Angeli intelligere.

Colliges secundo, quod quando D. Thomas hic art. 3. ait: *Quantò Angelus fuerit superior, tantò per pauciores species uniuersitatem intelligituum apprehendere poterit: & ideo oportet quod eius forme sint uniuersifiores*: non loquitur de superioritate in hierarchia vel ordine (ut Ferrariensis existimat) sed *quod grauè specificò, & in natura*, ut alii Thomistæ interpretantur.

Patet etiam hoc corollarium : Tum quia nomen illud, *superior*, absque ullo addito, superioritatem in natura significat : Tum etiam, quia ratio quâ D. Thomas utitur ad hoc probandum id aperte declarat. Hac nempe ratio sumitur ex eo quod Angelus superior majorem habet assimilationem ad Deum, ut antea declaravimus : sed non solum Angeli qui sunt superiores in hierarchia & ordine, sed etiam illi qui sunt superiores in natura & gradu specifico, quavis sint ejusdem ordinis vel hierarchiæ, magis assimilantur Deo, quam alii illis inferiores in perfectione naturæ : Ergo D. Thomas non solum loquitur de Angelis superioribus in hierarchia, vel ordine, sed etiam de superioribus solum in gradu specifico & in natura.

Confirmatur ex eodem S Doctore quæst. 8.  
de verit. art. 10. ubi docet Angelum tanto per  
universaliores species intelligere, quanto plus in  
illo fuerit de actu, & minus de potentia: Sed hoc  
constat inveniri in quolibet Angelo superiori  
quoad gradum specificum, quamvis non sit su-  
perior quoad hierarchiam, vel ordinem: Ergo,  
idem quod prius.

Colliges tertio, Universalitatem specierum Angelicarum consistere in hoc quod plures naturae seu quidditates specificas repraesentent. Non potest enim haec specierum universalitas consistere in hoc quod repraesentent plura individua actualia ejusdem speciei: cum etiam infimus Angelus in specie repraesentante naturam specificam cognoscat omnia ejus actualia individua. Nec consistit etiam in hoc quod repraesentent plura possi-



possibilia : quia Angelus non habet naturalem inclinationem ad cognoscendas res merè possibiles; cum illæ non sint partes hujus universi. Non consistit insuper in repræsentatione plurium proprietatum ejusdem naturæ : nam eadem species intelligibilis repræsentat quidditatem specificam, & simul ejus proprietates. Nec similiter in repræsentatione plurium modorum accidentalium : quia si illi pertinent ad ordinem providentiæ naturalis, repræsentantur per species quæ repræsentant quidditates aut singularia quibus accidunt; si autem spectant ad ordinem gratiæ, & providentiæ supernaturalis, non cadunt sub cognitione naturali Angelorum, sed cognoscuntur per scientiam infusam, & revelationem extra verbum. Superest ergo ut universalitas specierum angelicarum, consistat in repræsentatione plurium quidditatum pertinentium ad hoc universum.

## §. III.

*Diluntur fundamenta adversæ sententiæ.*

88. **O**bjicies primò contra primam conclusionem. Cognoscere aliquid in universali, est cognoscere illud imperfectè : Sed intelligere objecta per species universales, est ea cognoscere in universali. Ergo est illa imperfectè cognoscere : unde cum cognitio imperfecta non debeat admitti in Angelis, dicendum est illos per species universales non intelligere.

89. Respondeo distinguendo Majorem : Cognoscere aliquid in universali, ex parte rei cognite, est cognoscere illud imperfectè, concedo Majorem : cognoscere aliquid in universali, ex parte mediæ cognoscendi, nego Majorem. Similiter distinguo Minorem : intelligere objecta per species universales est ea cognoscere in universali, ex parte mediæ cognoscendi, concedo Minorem : ex parte rei cognite, nego Minorem. & Consequentiam. Solutio est D. Thomæ hic art. 3. ad 2. ubi ait : Cognoscere aliquid in universali dicitur dupliciter : uno modo ex parte rei cognita, ut scilicet cognoscatur solum universalis natura rei : & sic cognoscere aliquid in universali est imperfectum ; imperfectum enim cognosceret hominem, qui cognosceret de eo solum quod est animal : alio modo ex parte mediæ cognoscendi, & sic perfectum est cognoscere aliquid in universali, perfectior enim est intellectus, qui per unum universale medium potest singula propria cognoscere, quam qui non potest.

90. Instabis : Cognoscere per speciem universalem, est cognoscere naturam aliquam universalem, ut præcisam à singularibus, vel à conditionibus eam contrahentibus : Ergo est cognoscere in universali, ex parte rei cognite.

Sed nego Antecedens : nam, ut supra annotavimus, universalitas specierum non consistit in eo quòd repræsentent naturam aliquam communem à differentiis determinantibus præcisam (sic enim per illas non haberetur nisi confusa rerum notitia) sed in hoc quòd plures naturas specie distinctas, seu plures quidditates específicas, clare, & distinctè, & secundum proprias illarum differentias repræsentent.

91. Urgebis : Species intelligibilis desumit suam unitatem specificam ab objecto quòd repræsentat, & cujus est formalis similitudo : Ergo repugnat quòd species angelica plures naturas & quidditates specie diversas secundum proprias earum

A differentias manifestet. Consequentia patet : repugnat enim quòd unica species habeat plura & diversa specificativa.

Confirmatur. Si species angelica plures naturas seu quidditates specie diversas, clare & distinctè, ac secundum proprias earum differentias, simul repræsentaret, Angelus posset plura ut plura intelligere : Consequens est falsum, ut docet D. Thomas quæst. 58. art. 2. & pluribus aliis in locis : Ergo & Antecedens. Sequela probatur : Angelus potest simul unico actu cognoscere quæcumque per unam speciem repræsentantur ; quandoquidem intellectus angelicus tantæ est immaterialitatis, quantæ ipsa species, atque adeò tantæ intellectualitatis, quantæ intelligibilitatis ipsa species : Ergo si species angelica potest simul plura objecta ut plura repræsentare, seu plures naturas & quidditates secundum proprias earum differentias, poterit etiam Angelus plura ut plura simul intelligere.

Confirmatur ampliùs : Si unica species intelligibilis plures naturas & quidditates specie diversas repræsentaret, illæ naturæ essent idem inter se in esse intelligibili : Sed hoc videtur absurdum : Ergo & illud. Probat Minor : Illæ naturæ unitertio indivisibili, scilicet speciei, in esse intelligibili identificarentur ; species enim est ipsum objectum in esse repræsentativo & intelligibili, ut docent nostri Thomistæ in libris de anima : Ergo identificarentur inter se in esse intelligibili.

Huic difficultati instantiæ variè occurrunt nostri Thomistæ. Quidam respondent distinguendo Majorem : Species intelligibilis desumit suam unitatem specificam &c. ab objecto primario, concedunt : à secundario, negant. Et assignant rationem : quia, inquirunt, species est similitudo formalis objecti primarii, secundarii verò est duntaxat similitudo virtualis : objectum autem primarium speciei angelicæ, plures naturas specie diversas repræsentantis, est ratio quadam generica illis communis, ipsæ verò naturæ sunt objecta tantum secundaria, virtualiter per illam quoad proprias idarum differentias repræsentata : atque adeò ab ipsis naturis non sumit species suam unitatem specificam. Ex quo inferunt, Angelum plures illas naturas & quidditates specie diversas cognoscentem, plura ut plura non intelligere : quia illas non attingit nisi quatenus in ratione illa generica & communi conveniunt & adunantur ; sub qua ratione habent modum unius, & non plurium.

Sed hæc solutio displicet : Tum quia falsum est speciem angelicam non esse formalem, sed tantum virtualem similitudinem illarum naturarum & quidditatum quas repræsentat : Tum etiam, quia non possunt plures naturæ clare & distinctè, & secundum proprias differentias, mediante alio objecto prius ac per se repræsentato, cognosci, nisi in illo secundum proprias rationes continentur : nulla autem ratio generica clare & distinctè continet inferiora secundum proprias eorum rationes & differentias, sed in potentia tantum & in confuso : Ergo repugnat quòd in illa plures naturæ & quidditates specie diversæ distinctè repræsententur & cognoscantur secundum proprias differentias. Hoc enim proprium est speciei create, quæ cum per se primò repræsentet naturam divinam, in qua sola possunt eminentissimo modo plures naturæ secundum proprias suas differentias contineri, potest habere rationem

92

93.

94.

nem



nem medii, in quo omnes creaturæ existentes, A  
futuræ, & possibiles, clarè & distinctè, ac secundum proprias suas differentias repræsententur & cognoscantur.

95. Respondent secundò alii, species intelligibiles, quæ sunt à rebus acceptæ, suam unitatem specificam ab objectis desumere, secus verò illas quæ non sunt desumptæ à rebus, sed ab ideis divinis, & specie increata exemplatæ, & derivatæ. Sicut enim objectum scitum est solum mensura scientiæ cujus est causa; ita & objectum repræsentatum est solum mensura ejus speciei quæ ab ipso causatur: unde cum species angelicæ non sint acceptæ à rebus, ab illis nec mensurantur, nec specificam unitatem desumunt; sed potius è contra objecti unitas ab unitate speciei dependet, sicut unitas sigillati ab unitate sigilli. Ita colligitur ex D. Thoma in 2. dist. 3. quæst. 2. art. 2 ad 1. dicente: *Est quoddam universale ad rem, quod est prius re ipsa, sicut forma domus in mente edificatorum: & per hunc modum sunt universales forme rerum in mente Angelica existentes; non ita quod sint operativa, sed quia sunt operativæ simile.* Itaque sicut formæ operativæ, licet unitatem habeant per ordinem ad suum effectum, eam tamen non habent ab illo, nec ab ipso mensurantur, sed potius è contra: ita & species universales angelicæ non mensurantur, nec habent ab objecto suam unitatem, sed potius objectum ab ipsis; istud enim unum est, quia per unam speciem repræsentatur & intelligitur; hæcque unitas sufficit ut sit terminus habitudinis speciei ad ipsum. Ad id quod supra disp. 4. diximus locum Angeli habere unitatem à virtute continentis illum: cur ergo non poterit idem dici de objecto repræsentato per speciem Angeli, habere scilicet unitatem in ratione objecti à specie illud repræsentante? sicut etiam sigillatum (ut supra dicebamus) unitatem sumit à sigillo, licet res valè de diversis exprimat ac repræsentet. Hanc doctrinam & solutionem approbo.

96. Aliter tamen argumento respondeo, distinguendo scilicet Majorem: species intelligibilis desumit suam unitatem ab objecto quod repræsentat, formaliter & in esse objecti spectato, concedo Antecedens: materialiter & in esse entis considerato, nego Antecedens, & Consequentiam.

Explicatur: Sicut Philosophi docent quod res consideratæ à scientiis diversæ sunt in esse rei, unum tamen in esse scibilis, & in ratione objecti, quatenus subsunt eidem rationi *sub qua*, iisdem scilicet principiis, & eidem abstractioni à materia, ut explicari solet in Metaphysica: ita nunc dicimus quidditates & naturas específicas per speciem universalem repræsentatas, esse quidem plures & specie diversas in genere entis, unum tamen in ratione objecti; à quo ut fit sumitur unitas specifica speciei intelligibilis. Habent autem hanc unitatem, non ab una ratione *qua* (nam hæc objectum constituit in genere entis, & multiplex est) sed ab una ratione *sub qua*, quæ objectum constituit in genere objecti, & una est specie atomà. Porro hæc ratio *sub qua* est quædam habitudo, quam illæ naturæ formaliter ut sunt objectum unius speciei angelicæ important: ita ut una species Angeli sit v. g. repræsentativa immediate omnium lapidum vel herbarum ut cōducunt ad medicinalem virtutem, vel ut pertinet ad climata hujus regionis: alia sit similitudo avium, qua-

tenus tali regioni deserviunt, aut tali fini, vel secundum quod deservit homini, vel quatenus pertinent ad ornatum integri elementi, v. g. aeris, vel terræ, ubi est finis altior & universalior; & sic de aliis.

Ex quo patet responsio ad primam confirmationem: licet enim Angelus possit simul & eodè adu cognoscere omnes quidditates seu naturas repræsentatas per speciem intelligibilem universalem quam habet: quia tamen naturas illas & quidditates non potest attingere, nisi prout subsunt eidem habitudini & rationi *sub qua* jam explicatæ; quo pacto non habent rationem plurius, sed unius (sunt enim unum formaliter & in ratione objecti) hinc fit illud non posse plura ut plura simul intelligere.

Ad secundam confirmationem neganda est sequela Majoris; quia species intelligibilis universalis, non est adæquata similitudo uniuscujusque ex objectis distinctis quæ repræsentat, sed potius excedens, ut hic art. 3. ad 3. explicat D. Thomas: licet autem quando tertium identificatur, aut est simile adæquate duobus extremis, hæc debeant esse eadem aut similia inter se, secus tamen quando inadæquate idem aut simile illis est; nam tunc aliquo modo excedit unumquodque ex illis, ut Tractatu præcedenti exposuimus.

Obijcies secundò contra secundam conclusionem. Si quo Angelus est superior, ed per universales species intelligeret, sequeretur posse dari Angelum qui omnia intelligeret per suam substantiam: Sed hoc non debet admitti. Ergo nec illud, Sequela probatur: Supponamus enim supremum Angelum nunc de se dō intelligere omnia per duas species, scilicet per propriam substantiam gerentem vices speciei, & alia à se per unicam speciem ejus substantiæ superadditam: Tunc sic: Deus potest creare alium Angelum isto perfectiorem: Ergo & qui intelligat omnia per pauciores species, atque adeo per solam suam substantiam.

Respondeo negando sequelam. Ad probationem dico, datà illà hypothesi, omnibus Angelis præexistentibus superaddendam esse novam speciem, quæ repræsentetur Angelus de novo productus: sicque Angelus qui antea erat supremus inciperet intelligere omnia per tres species; scilicet seipsum per propriam substantiam: alia sibi inferiora per speciem accidentalem illi ab initio creationis inditam; & Angelum de novo creatum, per aliam speciem accidentalem ei de novo superadditam. Et sic semper procedendum est, si abeat in infinitum in creatione Angelorum: semper enim superior habebit pauciores species, non per minorationem dualitatis, sed per additionem seu multiplicationem pluralitatis in inferioribus, ut loquitur Cajetanus hic art. 3. contra eandem.



## DISPUTATIO IX.

### De objecto cognitionis Angelicæ.

Ad quæst. 56. & 57. D. Thome.

Objectum cognitionis Angelicæ est duplex, spirituale scilicet & materiale: de primo agit S. Doctor quæst. 56. de altero quæst. 57. Nos verò de utroque in hac disputatione differemus.

## ARTICULUS PRIMUS.

*Utrum Angelus cognoscat seipsum per suam substantiam tanquam per speciem impressam & expressam?*

## §. I.

*Utrique pars quaestii resolvitur.*

**D**ico primò : Angelus seipsum cognoscit per suam essentiam, tanquam per formam sive speciem intelligibilem; subindeque non indiget aliquâ specie accidentali ad sui cognitionem. Ita communiter docent Theologi cum S. Thoma hic quaest. 56, art. 1. contra Marilium & Vazquem, asserentes Angelum indigere specie intelligibili in sui cognitione; & contra Scotum in 2. dist. 3. quaest. 10 dicentem quod licet Angelus cognitione intuitivâ possit se cognoscere per suam essentiam tanquam speciem, cognitione tamen abstractivâ seipsum cognoscit per speciem superadditam.

Probatur conclusio ratione fundamentali. Species intelligibilis est provisa à natura tanquam vicaria ipsius objecti, quando objectum ipsum non potest uniri cum potentia intellectiva in esse intelligibili; nam si objectum ipsum possit seipso in esse intelligibili uniri, frustra desideratur aliud vices ipsius gerens, cum ipsum objectum sit quod debet intelligi: Sed essentia Angeli potest seipsâ uniri in esse intelligibili cum intellectu ipsius. Ergo Angelus non indiget specie accidentali ad sui cognitionem; sed seipsum cognoscit per suam substantiam. Major patet, Minor probatur. Ut objectum per seipsum uniatum cum intellectu in esse intelligibili, & munus formæ seu speciei intelligibilis præstet, tres requiruntur & sufficiunt conditiones. Prima est, quod seipso sit intelligibile in actu, & idcirco res materiales non possunt uniri intellectui. Secunda est, quod sit proportionatum in immaterialitate cum potentia cognoscitiva, ita ut ad minus sit æquè immateriale ac ipsa; cum enim debeat ei uniri ut forma intelligibilis, debet ad minus eam æquare in immaterialitate. Tertia tandem est, quod sit intimè unicum cum ipsa potentia. Atqui essentia Angeli tres illas conditiones habet: cum enim sit *expers* omnis materiæ, est intelligibilis in actu; species namque intelligibilis non aliter reddit objectum intelligibile actu, nisi separando illud à materia: est etiam proportionata, utpote ejusdem immaterialitatis cum proprio intellectu, qui ab ea dimanat tanquam proprietas: unde etiam est intimè illi conjuncta; nam proprietas & essentia maximè unita sunt, & magis quam intellectus & species ab extrinseco adveniens. Ergo essentia Angeli potest seipsâ uniri in esse intelligibili, cum intellectu ipsius.

**Confirmatur:** Ideò in visione beatifica Deus per suam essentiam, tanquam per speciem intelligibilem, videtur à Beatis, quia divina essentia, respectu intellectus Beati, habet tres illas conditiones enumeratas: primam quidem, quia est maximè intelligibilis, imò ipsa intelligibilitas in actu: secundam verò, quia licet inter divinam essentiam, & intellectum creatum secundum se consideratum, non sit debita proportio, bene tamen inter ipsum ut elevatum lumine gloriæ, quo

Tom. II.

A mediante sit deiformis, & particeps divinæ intellectualitatis, ut vidimus in Tractatu de visione beata: tertiam denique, quia divina essentia intimè unitur cum eodem intellectu sic elevato & deificato: Ergo cum essentia Angeli habeat tres illas conditiones in ordine ad cognitionem sui, non est cur negetur, Angelum seipsum intelligere per suam essentiam, tanquam per formam intelligibilem, quod etiam magis patebit ex solutione argumentorum.

**Dico secundò:** Substantia Angeli non gerit vices speciei expressæ in cognitione sui, sed Angelus intelligendo se, format aliquod verbum, ab ipsa intellectione & substantia Angeli realiter distinctum. Est contra Cajetanum supra quaest. 27. art. 1. §. ad tertium, ubi docet Angelos non formare verbum in propria cognitione: cujus sententiam probabilem reputat Nazarius, etiam ex mente D. Thomæ: sed alii Thomistæ oppositum tenent. Et quoad mentem D. Thomæ, non videtur ulla esse posse difficultas, nisi velimus ad ea quæ sunt evidentiis illa voluntariis adhibere interpretationes: nam 4. cont. Gent. cap. 11. sic formaliter ait: *Perfectior igitur est intellectus: vita in Angelis, in quibus intellectus ad sui cognitionem non procedit ex aliquo exteriori, sed per se cognoscit seipsum.* Nondum tamen ad ultimam perfectionem vita ipsorum pertingit: quia licet intentio intellecta sit in eum omnino intrinseca, non tamen ipsa intentio intellecta est eorum substantia; quia non est in eum idem intelligere & esse. Ubi S. Doctor, per intentionem intellectam, intelligit speciem expressam, sive verbum, ut concedunt Adversarii: Ergo ex D. Thoma, ipsa substantia Angeli non gerit vices verbi seu speciei expressæ in cognitione sui.

**Ratio etiam id suadet:** Hoc enim inter speciem impressam & expressam reperitur discrimen, quod species impressa est forma intelligibilis, at verò species expressa est in actu secundo intellecta; ita ut esse intrinsecum istius sit esse intellectum: illius verò sit esse intelligibile, nondum per tingens ad ultimam actualitatem ordinis intelligibilis: quamvis autem essentia Angeli sit ex se forma intelligibilis, non est tamen tantæ perfectionis, ut sit ex se forma intellecta in actu secundo: unde fit ut non possit immediatè per seipsam terminare propriam cognitionem; sed necessaria sit species expressa, in qua habeat illam actualitatem, quam ex se non habet, ut sit propriæ cognitionis terminus.

**Confirmatur:** Ut natura Angeli esset verbum, deberet identificare sibi intellectionem, & per consequens esse actus purus in ordine intelligibili: Sed hoc dici nequit, ut precedenti disputatione vidimus: Ergo nec illud. Sequela Majoris probatur: Substantia quæ habet ex se rationem verbi, habet etiam rationem speciei intelligibilis: Ergo cum inter speciem intelligibilem & verbum mediet intellectio, oportet quod sibi identificet etiam intellectionem, & consequenter quod intelligere sit ejus esse, subindeque quod sit actus purus in ordine intelligibili. Et hoc est quod intendit S. Thomas loco proximè citato, dum ait quod in Angelis intentio intellecta non est eorum substantia, quia non est in eis idem intelligere & esse.

**Confirmatur amplius:** Ideò essentia divina potest supplere vices verbi in visione beatifica, quia *Dispositio*, ipsa est intelligibilis in actu secundo & actus purus simpliciter, ut in Tractatu de visione beata

Ccc

est.

ostensum est. Ergo cum Angeli substantia non sit actus secundo intelligibilis, nec actus purus simpliciter, non potest in cognitione sui gerere vices verbi & speciei expressæ; sed Angelus intelligendo se, format aliquod verbum, ab ipsius intelligentia & substantia realiter distinctum.

## §. II.

*Solvuntur obiectiones.*

8. **O**bjicies primò contra primam conclusionem, auctoritatem D. Thomæ ex libro 3. contra Gentes cap. 51. ubi dicit hoc esse proprium essentia divinz, ex hoc quòd est veritas ipsa, & purus actus, etià in genere intelligibilium, quòd possit esse principium formale quo intellectus intelligit, & non informare illum intellectum secundum esse. Ergo ex D. Thomæ sola essentia divina potest gerere vices speciei intelligibilis.

9. Respondeo cum Cajetano hic & Ferrariensi 2. contra Gent. cap. 8. D. Thomam non loqui de quocumque intellectu, sed de alieno tantum: sola enim essentia divina habet propter suam infinitatem, & purissimam actualitatem, quòd possit uniri alieno intellectui ut principium formale, non in esse entitativo, sed intelligibili.

10. **O**bjicies secundo: Species intelligibilis unitur intellectui per modum formæ ipsam complementis & determinantis ad speciem cognitionis: Sed substantia Angeli non unitur proprio intellectui per modum formæ complementis & actuantis ipsum: Ergo ei non unitur ut species intelligibilis. Major patet, Minor probatur. Essentia Angeli unitur intellectui, sicut subiectum cum accidente, & radix cum proprietate: Sed quòd se habet per modum subiecti & radices, non actuat & complet, sed potius actuat & completur: Ergo substantia Angeli non unitur proprio intellectui per modum formæ complementis & actuantis ipsum.

11. **C**onfirmatur: Implicat duo habere mutuam dependentiam adinvicem, in eodem genere causæ: Sed intellectus Angeli unitur cum essentia tanquam forma cum potentia, sive subiecto radicali, & ut principium formale operandi & intelligendi: Ergo repugnat quòd etiam substantia Angeli per modum causæ formalis uniatur ejus intellectui.

12. **A**d objectionem respondeo essentiam Angeli esse simul formam naturalem & intelligibilem; & inquantum formam naturalem, esse subiectum & radicem suarum proprietatum, & consequenter intellectus & voluntatis; inquantum verò formam actu ex se intelligibilem, uniri cum proprio intellectu, per modum speciei intelligibilis, ultimò ipsum complementis & determinantis ad sui cognitionem; non repugnat enim quòd aliquid in uno ordine sit forma alterius & in alio formetur ab ipso: unde nec est inconveniens quòd intellectus sit forma essentia Angelicæ in esse entis, & quòd essentia Angeli sit forma sui intellectus in esse intelligibili; ita ut quemadmodum essentia habet in esse entis ab intellectu quòd sit principium specialium operationum, nempe intellectuum, ita etiam in ordine intelligibili intellectus habeat ab essentia ultimum complementum, ultimamque determinationem ad hanc operationem in specie. Solutio est D. Thomæ quaest. 8. de verit. art. 6. ad 2. ubi ait: *Essentia Angeli, quantum non possit comparari ad intellectum eius ut actus ad potentiam in essendo; comparatur tamen ad*

*ipsum ut actus ad potentiam in intelligendo. Et in resp. ad 6. Nihil prohibet (inquit) aliquid esse in altero, & illud in eo, diversis modis: sicut ut totum in partibus, & è converso: & sic est in proposito, essentia enim Angeli est in intellectu eius, sicut intelligibile in intelligente: intellectus autem in essentia sicut potentia in substantia.*

**A**d confirmationem dico nullum esse inconveniens, duo habere mutuam dependentiam ab invicem in eodem genere causæ remoto, dummodo sit in diverso genere proximo, aut secundum diversas species; subinleque unionem duorum ex parte utriusque posse pertinere ad genus causæ formalis remotum, dummodo sit in diverso genere proximo, aut secundum diversas species illius: v. g. essentia in creatis est potentia receptiva existentia, & principium formale specificativum ipsius; ideò enim existentia est hujus speciei determinata, quia oritur ab hac essentia; aliunde verò ipsa existentia est actus & forma respectu essentia, & atque illi formaliter in actu exercito esse tale in specie existens, sive ens participialiter: unde unio essentia cum existentia, ut se tenet ex parte essentia prout receptiva, pertinet ad genus causæ materialis; prout verò per modum causæ formalis determinat existentiam ad speciem, pertinet ad genus causæ formalis: similiter prout se tenet ex parte existentia, quatenus informat & actuat essentiam, reduciatur etiam ad genus causæ formalis universale & remotum; est tamen diversum genus proximum, aut diversa species causalitatis formalis. Nullum ergo est inconveniens quòd essentia & intellectus Angeli habeant similiter mutuam dependentiam in eodem quidem genere remoto causæ formalis, in diverso tamen proximo (maximè prout ad duos ordines pertinent, entitativum scilicet & intelligibilem) & quòd eadem materialiter unio intellectus cum essentia Angelica, tanquam formæ cum potentia, sive subiecto radicali, sit etiam unio ipsius essentia cum intellectu, tanquam formæ ex se intelligibilis cum potentia cognoscente ab ipsa dimanante. Etenim sicut eadem essentia Angeli est forma naturalis & simul intelligibilis, & inquantum forma naturalis est principium radicale & formale intellectus, inquantum verò forma intelligibilis est illius obiectum, omnino in immaterialitate ei proportionatum: ita etiam postulat unam & eandem realiter unionem, quâ uniatur intellectui in ordine naturali, tanquam subiecto & principio radicali; & in ordine intelligibili, per modum formæ intelligibilis.

**O**bjicies terciò: Nulla substantia creata potest in doctrina D. Thomæ esse immediatè operativa, ut patet ex dictis disputatione præcedenti: Sed si Angelus seipsum intelligeret per suam substantiam, tanquam per formam seu speciem intelligibilem, talis substantia (quæ ut patet creata est) immediatè operativa esset: Ergo Angelus non potest seipsum cognoscere, per suam essentiam, tanquam per formam seu speciem intelligibilem. Minor probatur: Quòd unitur intellectui per modum speciei intelligibilis, activè concurrat ad intelligentiam, sicut & ipsa species intelligibilis: unde in Tractatu de visione beatifica ostendimus essentiam divinam, unitam intellectui beatorum per modum speciei intelligibilis ad visionem beatificam activè concurrere: Ergo si substantia Angeli ejus intellectui per modum speciei ad sui cognitionem uniatur, aliqua substantia creata erit proximè & immediatè operativa.

Respon-

Disp. 2.  
art. 4.3.



17. Respondeo primò, concessâ Majori, negando sequelam Minoris. Est enim substantia angelica habeat rationem speciei respectu sui intellectus in ordine ad sui cognitionem, non est tamen necesse quod immediatè per seipsam, sed sufficit quod mediante intellectu, tanquam suâ virtute, efficienter ad ejusmodi cognitionem, concurrat: ita ut intellectus Angeli oriatur ab ejus essentia, tanquam à natura, & tanquam ab objecto actu intelligibili; subindeque tanquam virtus utriusque utriusque subordinatus, immediatè per seipsam activè concurrat ad intellectionem, in esse naturæ & intelligibili consideratam. Ratio hujus solutionis est: quia licet ad rationem speciei intelligibilis requiratur, quod duo exequatur munia; unum scilicet in genere causæ formalis unitis objectum cum potentia, aliud verò in genere causæ efficientis, respectu intellectionis; priorque debeat indispensabiliter à specie immediatè per seipsam præstari: non est tamen necessarium indispensabiliter, quod secundum munus immediatè per ipsam speciem præstetur, sed sufficit quod hæc mediante intellectu tanquam virtute ejus; ita ut ipsa intellectio in genere causæ efficientis sit solum ab intellectu tanquam à causa proxima, & à specie intelligibili, solum tanquam à principio radicali.

16. Respondeo secundò, quod licet substantia Angeli non possit esse immediatè operativa, per modum potentiz, & in esse entitativo, bene tamen per modum speciei, & in ordine intelligibili. Cum enim species intelligibilis non sit potentia, sed determinatio in esse intelligibili potentiz activæ & proximæ, scilicet intellectus, in ordine ad specificationem actus; ad hoc ut substantia Angeli exerceat munus speciei in ordine ad cognitionem sui, non est necesse quod concurrat ad illam per modum potentiz activæ, sed sufficit quod concurrat per modum determinationis potentiz operative in ordine intelligibili, quod secundum non implicat, sicut primum.

17. Addo, ideo in Schola Divi Thomæ substantiam non posse esse per modum potentiz proximæ operativæ in ordine entitativo, quia cum existentia substantiæ creatæ & operatio sint actus distincti oportet quod etiam substantia (quæ est potentia per se primo ad esse) & principium proximum operationis (quod specificatur ab operatione) distinguantur realiter. Cæterum esse substantiæ angelicæ ut habentis rationem formæ intelligibilis, & operatio quæ est intellectio, non distinguuntur realiter, eò quod existentia totius ordinis intelligibilis sit ipsum intelligibile, quod est ultima actualitas talis ordinis.

18. Dices: Si substantia Angeli in ordine intelligibili posset esse immediatè operativa, & per se primò intellectionem tanquam proprium actum respiceret, sequeretur quod aliqua substantia creata posset aliquid extra prædicamentum per se primò respicere: Sed hoc repugnat rationi substantiæ: Ergo & illud. Sequela Majoris patet: nam intellectio angelica, cum sit accidentis, est extra prædicamentum substantiæ. Minor verò probatur: quia in hoc distinguitur prædicamentum substantiæ ab accidentibus, quod cum illud sit perfectissimum, debet esse omnibus modis completum intra suam lineam, ac proinde habere intra illam suum proprium specificativum, nec potest ab aliquo extrinseco specificari, accidentia verò, cum non sint entia simpliciter, sed entis entia, hoc est affectiones substantiæ, quæ dicitur

Tom. II.

A simpliciter ens, non habent suum specificativum intra propriam lineam, sed possunt speciem emendicare ab aliquo extrinseco.

19. Respondeo negando sequelam Majoris: quia ad rationem speciei intelligibilis, materialiter & per accidens se habet quod in ordine entitativo sit substantia, vel accidentis; & sic ex eo quod substantia Angeli, in ratione speciei intelligibilis formalissime sumpta, respiciat per se primò intellectionem, non sequitur quod prout habet rationem substantiæ, in esse entitativo illam per se primò respiciat.

B Obijciens quartò: De ratione speciei intelligibilis est quod inhæreat, cum non possit aliter uniri intellectui, quam per inhærentiam: Sed substantia Angeli, cum sit per se subsistens, inhæreere nequit: Ergo nec habere rationem speciei intelligibilis in cognitione sui.

Respondeo negando Majorem: Cum enim species intelligibilis pertineat ad gradum intellectivum, qui est perfectio simpliciter simplex, & formaliter reperitur in Deo, ut est certum de se, si, saltem quantum ad speciem expressam; ipsaque divina essentia in visione Beatificæ vice speciei intelligibilis gerat, ut in Tractatu de visione beata ostendimus, falsum est quod prædicta species includat essentialiter imperfectionem inhærentiæ aut informationis; sed unitur intellectui per aliâ unionem altioris, quæ est aliqualis identificatio & potest non incongruè informatio intelligibilis appellari, ut ibidem fusè exposuimus. Si ergo aliquando species intelligibilis inhæreat, hoc ei convenit per accidens & materialiter, in quantum habet esse accidentale: quod contingit quando est ab objecto entitativè distincta. Unde D. Thomas hic quæst. 56 art. 1. *Nihil differt ad hoc quid forma sit principium actionis, quid ipsa forma sit aliquando inhærens, & quid sit per se subsistens: non enim minus calor calefacit, si esset per se subsistens, quam calefacit inhærens. Sic igitur etsi aliquid in genere intelligibilium se habeat ut forma intelligibilis subsistens, intelligit seipsam.*

D Dices: Est quod de ratione speciei intelligibilis non sit quod inhæreat intellectui: debet tamen illi subordinari: Sed essentia Angeli, illius intellectui subordinari nequit: Ergo nec habere rationem speciei intelligibilis in cognitione sui. Minor patet: quia subordinatio dicit dependentiam, quæ non est in essentia Angeli respectu intellectus. Major probatur: Omne principium quo subordinatur principio quod: Sed species intelligibilis est principium quo, intellectus verò principium quod: Ergo species intelligibilis subordinatur intellectui.

Respondeo distinguendo Majorem: Species intelligibilis debet intellectui subordinari, quando species est accidentis, tanquam Major: quando est substantia, & radix intellectus, nego Majorem. Ad probationem in contrarium dicendum est principium quo subordinari principio quod, quando dependet & sustentatur ab ipso, estque ejusdem ordinis cum illo: si verò non sustentetur ab illo, sed potius ipsum sustinet, aut sit altioris ordinis, non subordinatur illi, sed potius illud sibi subordinat: essentia autem Angeli, intellectum ejus sustentat, & sic etiam in ratione speciei non subordinatur illi.

Addo quod, licet in aliis rebus principium formale quo subordinetur principio quod, non tamen id est admittendum in intellectu & specie intelligibili. Ratio autem disparitatis desumitur ex propria natura intellectus & speciei, seu objecti

Ccc ij

di



25. **E**i intelligibilis: nam in aliis rebus principium formale quo non transit in naturam principii quod, seu non identificatur cum eo, sed manet omnino ab illo distinctum, ita ut ex utroque unum tertium non resultet: at verò in ordine intelligibili intellectus transit in speciem seu objectum intelligibile; quia intellectus fit ipsa res intellecta, in esse intentionali; & idè dato quòd intellectus suo modo insuat ut quod, adhuc species seu objectum non subordinabitur illi, intellectus est intelligibiliter ipsa species seu objectum, & nihil subordinatur sibi ipsi.

Obijcies ultimò contra secundam conclusionem. Substantia Angeli non solum est intelligibilis in actu, sed etiam actu est intellecta ab intellectu angelico; ille enim est semper in actu secundo respectu cognitionis sui, ut infra dicemus: Ergo habet sufficientem actualitatem ut gerat vires non solum speciei impressæ, sed etiam expressæ in cognitione sui.

26. Respondeo concessio Antecedente, negando Consequentiam. Licet enim substantia Angeli sit semper actu intellecta ab Angelo, hoc tamen convenit ei per accidens, & non essentialiter; aliàs esset suum intelligere, & actus purus in ordine intellectuali, ut supra ostendimus: ut autem haberet rationem verbi seu speciei expressæ, deberet esse essentialiter intellecta; quia de essentia verbi est actu intelligi, seu æqualem intellectio-  
nem terminare.

## §. III.

*Corollaria ex dictis.*

27. **E**x dictis colliges primò, quòd sicut Angeli cognoscunt suam substantiam, per eandem ipsam substantiam tanquam per speciem, ita & per eandem cognoscunt omnes suas proprietates. Ratio est, quia sicut ipsa substantia est forma intelligibilis, seipsam repræsentans intellectui, ita est forma intelligibilis illi repræsentans ea quæ continent, & quorum est radix & origo: Sed substantia Angeli suas proprietates continet, & est illarum radix & origo: Ergo est forma intelligibilis repræsentans intellectui Angeli suas pro-  
prietates.

Addo quod, quicquid repræsentat unum quidditative & comprehensive, repræsentat etiam omnia quæ cum eo connectuntur: Sed essentia Angeli repræsentat seipsam proprio intellectui quidditative & comprehensive, & cum suis proprietatibus connectitur: Ergo etiam illi omnes suas proprietates repræsentat.

28. Colliges secundò, quod licet supponeremus Angelum habere cognitionem abstractivam sui, intelligendo suam substantiam, solum quantum ad prædicata essentialia, & non quantum ad substantiam & existentiam, ut vult Scotus, ejus tamen substantia haberet rationem speciei intelligibilis, respectu talis cognitionis.

Probat, quia etiam hac factâ suppositione substantia Angeli esset actu intelligibilis, proportionata proprio intellectui, eique intimè unita; quæ sunt conditiones necessariæ & sufficientes ut aliquod objectum habeat rationem speciei intelligibilis, ut supra vidimus: unde in tali casu Angelus propriâ substantiâ tanquam specie in-  
adequatè uteretur, ad cognoscenda nimirum sua solum prædicata essentialia, non attingendo suam substantiam & existentiam.

29. **A** Colliges tertio, animam rationalem non posse in statu informationis seipsam per seipsam intelligere, sed intelligere aliqui specie accidentali in sui cognitione: cum enim sit forma corporis, non est actu sed potentia tantum intelligibilis in statu informationis. Quando verò fuerit separata à corpore, tunc intelligit seipsam per suam substantiam tanquam per speciem quia tunc intelliget modo angelico, nec indigebit speciebus acceptis à rebus sensibilibus, aut conversione ad phantasmata.

30. Colliges quartò, unum Angelum non posse cognoscere alios per suam substantiam tanquam per speciem. Ratio hujus est, quia species est perfecta, & formalis similitudo objecti: substantia autem unius Angeli non perfecte assimilatur substantiæ alterius, imò est diversæ naturæ & speciei ab illa, ut supra ostendimus: Ergo non potest esse species repræsentativa illius. Ita S. Thomas quæst. 8. de verit. artic. 7. ubi sic discutit: *Cum omnis cognitio sit per assimilationem, Angelus per essentiam non potest plus de alio Angelo cognoscere, quam hoc in quo essentia est similis: unus autem Angelus alteri non assimilatur nisi in natura communi; & sic sequeretur quòd unus alium non cognosceret cognitione completa*

31. Confirmatur: Ut aliquid habeat rationem medii ducentis in perfectam cognitionem alterius, debet illud continere vel formaliter vel eminenter: Sed substantia unius Angeli neutro modo alterius substantiam continet, ut patet ex supra dictis: non enim continet illam formaliter, cum illam superet, vel superetur ab illa in perfectione essentiali; nec etiam eminenter, cum eminentialis continentia rerum secundum proprias differentias, soli Deo, qui est causa totius entis in tota sua latitudine, competere possit: Ergo substantia unius Angeli non potest habere rationem speciei vel medii ducentis in perfectam cognitionem alterius. Hinc.

32. Colliges quintò, unum Angelum non posse cognoscere aliterum per substantiam ipsius Angeli cogniti: tum propter rationem jam assignatam: tum etiam propter aliam, quæ sic breviter deducitur. De ratione speciei impressæ est ut uniatur cum potentia cognoscitiva: Sed substantia unius Angeli non potest uniri cum intellectu alterius: Ergo nec esse species repræsentativa illius. Major patet ex supra dictis, Minor etiam facile suadet. Nam vel unio illa esset per identitatem, vel per naturalem colligationem (quomodo proprietates uniuntur essentia) vel per veram inhaerentiam, vel per illapsum? Atqui nullo ex his modis potest substantia unius Angeli uniri intellectui alterius: Ergo nullo modo. Major sufficientem continet inductionem, Minor breviter probatur. Non enim potest unio illa fieri per identitatem, cum unus Angelus sit distinctus ab alio: nec per naturalem colligationem, cum unus non sit proprietas alterius, & unus possit existere, altero non existente: nec etiam per inhaerentiam, quia substantia non potest inhaerere: nec denique per illapsum, ut disputatio-  
ne quarta ostendimus; quia talis illapsus requirit plenum & perfectum dominium unius Angeli (quod tamen non habet) ad immutandum & movendum intellectum alterius: unde hæc prærogativa summo & circumscripto spiritui reservatur, ut ait Divus Bernardus serm. 5. in Cantica: Ergo &c. Cognoscit itaque unus Angelus alterum, non per alterius substantiam, sed per spe-

speciem ejus in intellectu suo existentem, ut ait D. Thomas hic art. 2. ad 3. Et in corpore ejusdem articuli dicit quod unicuique spiritualium creaturarum à verbo Dei impressa sunt omnes rationes rerum omnium, tam corporalium, quam spiritualium

Colliges sextò, Angelum cognoscere Deum per suam substantiam, tanquam per speciem. Ita D. Thomas hic articulo 3. ubi ait aliquid posse cognosci tripliciter: Vno modo per presentiam suæ essentia in cognoscens; sicut si lux videatur in oculo.... Alio modo per presentiam suæ similitudinis in potentia cognoscitiva; sicut lapis videtur ab oculo, per hoc quod eius similitudo resultat in oculo. Tertiò modo, per hoc quod similitudo rei cognita non accipitur immediatè ab ipsa re cognita, sed à re aliqua in qua resultat; sicut videmus hominem in speculo. Postea subdit: Cognitio autem quæ Angelus per suam naturalia cognoscit Deum, media est inter has duas, & simulatur illi cognitioni quæ videtur res per speciem ab ea acceptam. Quia enim imago Dei est in ipsa natura Angelì impressa, per suam essentiam Angelus Deum cognoscit, inquantum est similitudo Dei. Quibus verbis corollarium istud & docuit, & probavit. Nam si essentia Angelì habet rationem speciei & principii quo, respectu cognitionis sui, etiam debet esse species & forma respectu cognitionis eorum quorum est similitudo; eadem enim specie quæ videtur imago, videtur etiam res per eam representata: Atque substantia Angelì est imago & similitudo Dei: juxta illud Ezechiel. 18. Tu signaculum similitudinis: Ergo hoc ipso quod haberet rationem speciei respectu cognitionis sui, debet etiam habere rationem speciei respectu cognitionis naturalis Dei. Veruntamen quia Deus non est objectum primò sed secundariò tantum per essentiam Angelì representatum (nam essentia Angelì ut habet rationem speciei, seipsam per se primò representat) subdit Divus Thomas: quod magis ista cognitio tenet se cum speculari, quia & ipsa natura Angelica est quoddam speculum divinam similitudinem representans. Quibus verbis declarat, quòd licet substantia Angelì habet rationem speciei intelligibilis & mediæ quo, in ordine ad cognitionem naturalem Dei, magis tamen se habet ut objectum prius cognitum, quod mediū in quo, seu medium quod appellatur. Unde eodem modo cum proportionem debemus de essentia Angelì respectu cognitionis naturalis Dei philosophari, quo de essentia divina respectu cognitionis creaturarum: sicut enim essentia divina est medium quo & in quo Deus cognoscit creaturas, quia non representat illas nisi secundariò, & mediante sui representatione; ita & essentia Angelì habet rationem mediæ quo & in quo, in ordine ad cognitionem naturalem Dei.

Dices primò: Essentia unius Angelì habet majorem similitudinem cum essentia alterius Angelì, quam cum essentia Dei, utpote cum non conveniat cum Deo nisi analogicè, cum alio verò Angelo univocè; & tamen non potest habere rationem speciei intelligibilis ad cognoscendum alium Angelum, ut præcedenti corollario vidimus: Ergo multò minus ad cognoscendum Deum.

Sed negatur consequentia, & paritas. Ratio disparitatis est, quia essentia unius Angelì non est effectus alterius Angelì, bene autem ipsius Dei; secundum quam rationem habet ipsum repræ-

sentare, utpote imago & similitudo illius, ut antea declaravimus.

Dices rursus: Si Angelì per suam essentiam tanquam per formam intelligibilem, naturaliter Deum cognoscerent, sequeretur naturalem illum singulorum cognitionem quam habent de Deo, esse, sicut eorum essentiam, diversæ speciei: Sed hoc non debet admitti: Ergo nec illud. Sequela Majoris constat: Cognitione enim quam habet Angelus de aliquo objecto, desumit suam unitatem à specie per quam illud intelligit: Ergo cum essentia cujuslibet Angelì specie differat ab essentia alterius, si illa habeat rationem speciei respectu cognitionis naturalis quam quilibet habet de Deo, evidens est cognitionem naturalem de Deo esse diversæ speciei in quolibet Angelo. Minor verò probatur: Cognitione beatificans Angelos beatitudine naturali, debet esse ejusdem speciei in omnibus: Sed cognitio naturalis quam habent de Deo est talis: Ergo non debet distinguì speciem ipsi. Minor est certa, Major verò probatur primò, Quia beatitudo supernaturalis est ejusdem speciei in omnibus Angelis: Ergo & naturalis. Secundo, Quia cognitio de Deo, naturaliter beatificans Angelos, terminatur in quolibet ad idem objectum formale, scilicet ad Deum ut auctorem & finem naturæ. Tertiò, Quia si medio habitu sapientiæ naturalis, qui est ejusdem speciei in omnibus, sicut sapientiæ supernaturalis.

Respondendo concessa Majori, negando Minorem. Ad cujus probationem, nego Majorem; & ad ejus primam probationem, nego consequentiam & paritatem. Ratio disparitatis est, quia beatitudo supernaturalis Angelorum habet in omnibus idem objectum formale primarium, scilicet Deum ut auctorem & finem supematuralem: beatitudo autem naturalis eorumdem, si consistat in cognitione Dei, non habet idem objectum primarium in omnibus, sed diversum, nempe propriam uniuscujusque essentiam, ad quam primariò terminatur, & secundariò tantum ad Deum. Per quod patet ad secundam probationem ejusdem Majoris: cognitio siquidem illa naturaliter Angelì beatificativa non terminatur nisi secundariò ad Deum, subindeque non ab ipso, sed ab essentia Angelì, quam per se primò respicit, specificatur. Addo quòd cognitio illa naturalis quam habet Angelus de Deo, mediante suâ essentia tanquam specie, non oritur in singulis ab eodem, sed à diverso medio, nempe à propria uniuscujusque essentia ex quo fit quod habeat modum actualitatis & immaterialitatis diversum. Ad ultimam probationem, nego quòd habitu sapientiæ naturalis sit ejusdem speciei in omnibus Angelis: dato enim quòd habitus naturales in Angelis reperti distinguantur ab eorum intellectu, debent specie inter se distinguì, sicut essentia & intellectus in quibus sunt.

## ARTICULUS II.

Utrum Angelì inferiores comprehendant superiores?

### §. I.

Quibusdam præmissis referuntur sententia.

Suppono primò, comprehensionem in rebus spiritualibus dici per analogiam ad eam quæ in rebus corporeis reperitur. In rebus autem materia-

terialibus fumitur dupliciter : primò prout idem est ac afsecutio quæ terminat infecutionem; quod enim infecutiones tandem attingimus, dicimur comprehendere: secundo pro continentia five inclusionis totali unius quanti intra aliud, adeò ut undequaque terminis ipsius claudatur. Similiter ergo in rebus spiritualibus comprehensio fumitur dupliciter, ut notat D. Thomas suprà quæst. 12. art. 7. ad 1. primò pro afsecutione, obtentione, & possessione illius quod appetebatur; in quo sensu visio beata dicitur comprehensio, & ab ea Beati appellantur comprehensores: secundo pro adæquatione quâ spiritualis aliqua operatio, putâ intellectio, adæquat aliquod objectum, attingendo illud, quantum attingibile est, & in hoc sensu fumitur in præfenti.

Suppono secundò contra Vazquem, Angelos superiores comprehendere inferiores. Probatur breviter : Quilibet Angelus seipsum comprehendit, utpote cum habeat vim intelligendi suæ naturæ proportionatam, ejusque intellectualitas illius intelligibilitatè adæquet : Ergo cum Angelus alteri superiori, vim intelligendi perfectiorem habeat, quàm inferior, sicut & nobiliorem naturam, à fortiori inferior comprehendi poterit à superiori. Difficultas ergo solum restat, an Angeli inferiores comprehendant superiores ? in cuius resolutione tres sunt sententiae.

Prima sententia absolute affirmat Angelum inferiorem comprehendere superiorem. Ita Bannez suprà quæst. 16. art. 2. & Salmanticenses hic disp. 6. dubio 3. Secunda, quam docent Nazarius, Marcus à Serra, & alii, id absolute negat. Tertia est media, quam sequitur Joannes à S. Thoma, ponens Angelos inferiores, ex vi solius propriæ virtutis intellectivæ, non comprehendere superiores; quanvis de facto comprehendant, quia lumen naturæ ipsorum perficitur & roboratur per illuminationem superiorum.

### §. I I.

#### *Statuitur prima conclusio.*

**D**ico primò, Angelum inferiorem, ex vi solius virtutis naturalis sui intellectus, non comprehendere superiores.

Probatur primò conclusio ratione fundamēti. Ad comprehensionem requiritur ut objectum tam perfectè cognoscatur, quantum ex propria natura cognoscibile est. Sed Angelus inferior non cognoscit superiorem hoc modo: Ergo ipsum non comprehendit. Major est certa, nam ut ait D. Thomas in 4. dist. 49. quæst. 2. art. 3. *Tunc dicitur aliquid per cognitionem comprehendere, quando cognitum stat sub actu virtutis cognoscitivæ, & non excedit ipsam.* Minor verò probatur primò ex eodem S. Doctore 2. contra Gent. cap. 98. ubi admittit hanc propositionem ex libro de causis : *Substantia separata inferior, cognoscit superiorem secundum modum substantiæ cognoscitivæ, non secundum modum substantiæ cognite, sed inferiori modo.* Ex libro de causis lectione 8. circa finem, loquens de intelligentia, inquit : *Superiora cognoscit per modum substantiæ suæ, inferiori modo quam res superior sit in seipsa.* Ergo ex D. Thoma Angelus inferior non cognoscit superiorem tam perfectè, quantum ex propria natura cognoscibilis est.

Secundò probatur eadem Minor ratione : Angelus superior ex sua natura est cognoscibilis suâ propriâ cognitione : Sed inferior non potest il-

lum tam perfectè cognitione cognoscere; cum non adæquet illum in vi intellectivâ, sicut nec in immaterialitate & perfectione naturæ. Ergo idem quod prius.

Tertiò eadem Minor suadet ab inconvenienti : Si enim Angelus inferior tam perfectè cognosceret superiorem, quàm superior à seipso cognoscitur, & quàm ex natura sua cognoscibilis est, Angelus superior non cognosceret perfectiùs Deum, cognitione naturali, quàm inferior; subindeque non esset illo beatiore, beatitudine naturali : Sed hoc non debet admitti : Ergo nec illud. Minor patet, Sequela verò Majoris probatur. Non potest dari perfectior cognitio Dei ex effectibus naturæ, quàm sit illa quæ est comprehensiva ejusmodi effectuum : Sed si Angelus inferior semel comprehendat propriâ virtute Angelum superiorem, comprehendet etiam in vi præeis talis virtutis quemlibet alium effectum naturæ, ut concedunt Adversarii : Ergo nulla ex effectibus dari poterit cognitio Dei perfectior tali cognitione inferioris Angeli; sicque ex illis effectibus non cognoscet Angelus superior perfectiùs Deum, virtute propriâ, quàm ipsum cognoscat Angelus inferior.

Confirmatur & magis illustratur hæc ratio principalis. Ad comprehensionem requiritur perfectè adæquatio cognoscentis cum cognoscibili, adeò ut tanta sit vis cognoscitiva cognoscentis, quanta cognoscibilitas objecti : Sed Angeli inferiores non adæquant perfectè cognoscibilitatem superiorum : Ergo nec eos comprehendunt. Major patet ex prima suppositione, Minor verò probatur. Intantum aliquid est cognoscibile in quantum est actu; unde quod non adæquat alicujus rei actualitatem, non adæquat etiam ejus cognoscibilitatem : Sed Angeli inferiores non adæquant actualitatem superiorum : Ergo nec illorum cognoscibilitatem. Minor quamvis sit evidens, adhuc probatur : quia intantum aliquid est perfectum, in quantum est in actu ; subindeque quod non adæquat alicujus perfectionem, non adæquat etiam ejus actualitatem : constat verò Angelum inferiorem non adæquare perfectionem superioris; cum distinguantur specie, & species se habeant veluti numeri, quorum unus excedit alium, aut ab illo exceditur : Ergo Angeli inferiores non adæquant perfectè cognoscibilitatem superiorum.

Respondent Bannez & Salmanticenses, omnes Angelos esse æquales in intelligibilitate & actualitate, secundum gradum, qui consistit in elevatione supra materiam dicente omnimodam independentiam ab illa, tanquam à subiecto & ab objecto; & hoc sufficere ad comprehensionem, non obstante inæqualitate quam habent in modo habendi gradum illum; five in ratione specifica; quia excessus secundum rationem specificam se habet materialiter.

Sed contra : Per intelligibilitatem secundum gradum non redditur intelligibilis tota entitas Angeli : Ergo ut inferiores comprehendant superiores, non sufficit quòd adæquent eorum intelligibilitatem, secundum gradum & rationem genericam, sed requiritur adæquatio secundum rationem specificam. Consequentia est evidens : quia comprehensio debet adæquare intelligibilitatem quæ reddat totam rei entitatem intelligibilem, aliàs non adæquaret totam rei entitatem. Antecedens verò probatur : Intelligibilitas sequitur entitatem per modum passionis; unde non magis



magis extenditur quàm ipsa entitas: Ergo impossibile est quod intelligibiles quæ consequitur ad gradum immaterialitatis, omnibus Angelis communi, reddat totam cuiuslibet Angeli entitatem intelligibilem.

42. Secundo probatur conclusio: Non potest Angelus inferior comprehendere superiorem, nisi comprehendat etiam species ejus intelligibiles: Sed Angelus inferior non comprehendit species intelligibiles Angeli superioris: Ergo nec ipsum comprehendit. Minor est formaliter D. Thomæ quæst. 16. de malo, art. 8 ubi sic habet: *Vnusquisque intellectus aliter se habet ad species intelligibiles superioris intellectus, & aliter ad species inferioris intellectus: nam species intelligibiles superioris intellectus sunt universaliores, & ideo non possunt comprehendere per species intelligibiles inferioris intellectus.*

Probatur etiam eadem Minor ratione. Vel Angelus inferior cognosceret speciem quæ Angelo superiori repræsentat omnia sibi inferiora, per unam speciem, per unam cognitionem, & per unum verbum, vel per plures species, plures cognitiones, & plura verba: Neutrum dici potest: Ergo &c. Prima pars Minoris patet: quia si prædictam speciem Angeli superioris inferior Angelus cognosceret per unam speciem &c. jam species impressæ Angeli inferioris essent æquæ universales ac species impressæ & expressæ Angeli superioris, quod tamen esse falsum constat ex dictis disputatione præcedenti. Secunda verò pars probatur: Quando res aliqua cum omnibus ad eam pertinentibus cognoscitur, non simul, sed sigillatim, & per partes, non potest dici comprehendere, sicut in rebus corporeis non potest aliquod vas dici comprehendere aliquid liquorem, si possit tantum seorsim & per partes continere illum, quando autem Angelus inferior per diversas cognitiones cognosceret totam speciem superioris, non cognosceret eam nisi veluti partem post partem: Ergo illam non comprehenderet.

Major verò, quod scilicet Angelus inferior non possit comprehendere superiorem, nisi etiam comprehendat species ejus intelligibiles, probatur primò, argumento ad hominem, contra Adversarios: Contra Bannem quidem, quia ipse tenet quod species Angeli sunt proprietates ipsius; unde cum ad comprehensionem essentiaæ necessarium sit comprehendere ejus proprietates, ad quod illæ radicaliter continentur in essentia, non potest Angelus inferior comprehendere superiorem, nisi etiam possit ejus species comprehendere.

Contra Salmanticenses verò probatur eadem Major: Ratio propter quam ipsi ex D. Thoma deducunt, Angelum inferiorem comprehensive cognoscere superiorem, est quia assensum quemlibet Angelum debere comprehendere omne ens naturale; totumque universum esse obiectum sufficienter proportionatum cuiuslibet substantiaæ intellectuali completæ, ad hoc ut ab ipsa comprehendatur: Atque species angelicæ pertinent ad ordinem naturalem, cum sint accidentia connaturalia præcipuarum partium universi: Ergo si Angelus inferior possit comprehendere substantiam Angeli superioris, poterit etiam ejus species comprehendere.

Secundo probatur eadem Major ratione. Angelus potest comprehendere omne illud quod non habet magis de intelligibilitate, quàm ipse de intellectualitate: Sed si Angelus inferior com-

prehenderet superiorem, species superioris non haberet magis de intelligibilitate, quàm inferior de intellectualitate; quia species non sunt magis intelligibiles quàm substantia vel intellectus cui sunt connaturales; substantia verò Angeli superioris non esset magis intelligibilis, quàm substantia inferioris esset intellectualis, si ab ipso comprehenderetur, cum comprehensione (ut supra dicebamus) essentialiter consistat in adæquatione virtutis intellectualis potentia cognoscitivæ cum intelligibilitate objecti: Ergo si Angelus inferior comprehenderet superiorem, ejus etiam species comprehenderet.

Huic argumento duobus modis respondent Salmanticenses. In primis negant Majorem: ad cuius primam probationem ex ipso primis principis desumptam, dicunt nomine entis naturalis, quod voluit posse comprehendere à quocumque intellectu angelico, intelligi ens naturale sub modo essendi entitativo, non verò sub modo essendi intentionali seu intelligibili: unde cum substantia Angeli superioris, sub modo essendi entitativo continueatur, ejus verò species ad modum essendi intelligibilem pertineant; ex eo quod quilibet Angelus totum ordinem naturæ comprehendat, solum potest inferri, Angelum in inferiorem substantiam Angeli superioris, non vero ejus species comprehendere. Ad secundam vero probationem dicunt esse disparitatem inter substantiam Angeli superioris, & ejus species: substantia enim Angeli superioris habet omnes condiciones requiritas ad hoc ut comprehendatur ab inferiori, cum tamen species intelligibili Angeli superioris desit una conditio, nempe quod sit cognoscibilis per unam cognitionem ab inferiori.

Hæc tamen facile possunt confutari. Primum quidem: quia nomine entis naturalis, quod Adversarii volunt debere comprehendere ab intellectu cuiuslibet Angeli, non solum intelligitur ens naturale materiale, & non intelligibile in actu, sed etiam immateriale & in actu intelligibile: Ergo species deservientes intellectuali naturæ, & redentes obiectum actu intelligibile pertinebunt ad ordinem entis naturalis, & erunt obiectum comprehensionis angelicæ, tanquam aliquid pertinens ad naturam intellectualem, & intellectuali deserviens. Alterum vero: quia in hoc videtur esse manifesta repugnantia, quod scilicet species Angeli superioris non possit unico actu & unica specie adæquate ab Angelo inferiori cognosci, bene tamen esse intellectus & substantia: nam tota ratio, cur species intellectus Angeli superioris non possit ab Angelo inferiori unico actu & unica specie adæquate attingi, est quia est universalior quàm species intellectus Angeli inferioris; ut docet D. Thomas loco supra relato ex quæstione 16. de malo: Atqui similiter intellectus superioris Angeli est universalior intellectu Angeli inferioris; utpote cum uterque debeat proportionari propriis speciebus: Ergo &c.

Addo quod essentia cognitionis comprehensive consistit in adæquatione intellectualitatis potentia, cum intelligibilitate objecti: unde illa adæquatione semel posita, debent adesse omnes condiciones necessariæ ad comprehensionem; sicut posita rationalitate, necessario ponuntur omnia requisita ad esse hominis. Vel ergo intellectus Angeli inferioris adæquat intelligibilitatem & immaterialitatem speciei Angeli superioris, vel non? Si primum: Ergo habet omnia necessaria ut ipsam comprehendat. Si secundum: Ergo



nata virtuti intellectivæ Angeli inferioris; utpote cum hæc omnia continentur sub ente naturali universaliter sumpto, quod est objectum proportionatum intellectus Angeli, etiam inferioris: Ergo hæc omnia ab Angelo inferiori attinguntur.

Respondendo negando Majorem: ad cognitionem siquidem comprehensivam objecti requiritur insuper, quod omnia quæ sunt formaliter & eminenter in ipso cognoscantur tantâ cognitione quantâ cognoscibilia sunt, ita ut cognitio non solum adæquet objectum in esse entis consideratum, sed etiam consideratum in esse objecti, sive cognoscibili: cognitio enim comprehensiva non addit supra cognitionem quidditativam, saltem necessario, plarium rerum noticiam, sed adæquationem modi cognitionis activæ cum modo & perfectione cognoscibilitatis objecti: ea autem quæ sunt in Angelo superiori, excedunt in cognoscibilitate, sicut in entitate, virtutem cognitionis quam habet Angelus inferior de ipsis; propter quem excessum, licet dicantur tali virtuti proportionatas, proportionem specificationis, non tamen proportionem adæquationis & comprehensionis.

Instabis tamen: D. Thomas suprà quæst. 12. art. 8. idèd à posteriori collegit intellectum creatum non posse cognoscere omnes creaturas possibiles in Deo, quia alias comprehenderet Deum, videndo omnia quæ sunt in ipso tam formaliter quàm eminenter: Ergo censet ad cognitionem comprehensivam objecti, sufficere quod omnia in ipso tam formaliter quàm eminenter contenta cognoscantur.

Respondendo negando consequentiam. Cum enim ex una parte ad cognitionem omnium creaturarum possibilem, quæ sunt infinitæ, opus sit lumine infinito, & cognitione in actu simpliciter infinita; ex alia verò parte cognitio simpliciter infinita & in actu, non possit esse minor cognoscibilitate Dei, etiam adæquate sumptâ, cognitio omnium possibilem, si daretur, adæquaret totam cognoscibilitatem Dei; subindeque non est mirum quod esset comprehensiva illius.

Obijciunt tertio: Intellectus per se & connaturaliter exigens habere speciem quidditativè representativam objecti, & connaturaliter recipiens cognitionem ejusdem objecti, debet posse comprehendere tale objectum: Sed intellectus Angeli inferioris connaturaliter exigit habere speciem quidditativè representantem Angelum superiorem, & connaturaliter recipit ejus cognitionem: Ergo ipsum comprehendere potest. Major probatur: Species quidditativè representans objectum, est ipsum objectum in esse intelligibile & ejusdem omnino immaterialitatis in esse representativo cum ipso; unde cognitio comprehensiva talis speciei in esse intelligibili, nō potest non esse comprehensiva objecti representati. Sed si intellectus Angeli inferioris connaturaliter petit habere speciem Angeli superioris, potest illam speciem secundum esse intelligibile spectatam comprehendere; quia potest comprehendere quidquid est sibi connaturale, & eo modo quo est connaturale; illa autem species est secundum esse representativum connaturalis Angelo inferiori, eò quod quilibet Angelus connaturaliter exigit habere species omnium entium naturalium pertinentium ad hoc universum: Ergo &c.

Respondendo ad comprehensionem Angeli superioris.

Tom. II.

perioris necessarium fore quod Angelo inferiori esset connaturaliter debita species representans superiorem, juxta modum ipsius superioris, & non tantum juxta modum inferioris: quia si modus essendi objecti cogniti, sit supra modum essendi cognoscentis, species non recipitur omnino connaturaliter in cognoscente, sed supra ejus naturam: sicut autem est quod species representans Angelum superiorem, recipitur in inferiori, secundum modum ipsius inferioris Angeli, & non secundum modum superioris, ut docet formaliter D. Thomas suprà relatus; & patet, quia quidquid recipitur, ad modum recipientis recipitur. Ad probationem in contrarium respondeo, admittendo quod species quam habet Angelus inferior de superiori, sit secundum esse intelligibile ipse Angelus superior, etiam secundum excessum immaterialitatis quem habet supra inferiorem: ex hoc tamen solum sequitur, quod Angelus inferior cognoscat superiorem, quantum ad illam majorem immaterialitatem quoad rem, non verò quod comprehendat ipsum: quia ad hoc posterius non sufficit quod species representet illam majorem immaterialitatem Angelii superioris, sed præterea requiritur quod species sit, secundum esse diminutum quoad eandem, ejusdem immaterialitatis cum Angelo superiori, & quod intellectus cognoscentis habeat illum modum universalitatis in cognoscendo, quem habet Angelus cognitus, vel alium perfectiorem & magis universalem: quia alias Angelus superior non attingitur quantum est attingibilis ex natura sua, & illo modo quo de facto attingitur per proprium intellectum.

### ARTICULUS III.

*Per quam speciem Angelus cognoscat singularia?*

Certum est Angelos cognoscere singularia, etiam materialia. Nam ut discurrit D. Thomas hic quæst. 57. art. 2. fides Catholica docet hæc inferiora administrari per Angelos, secundum illud ad Hebræos 1. *Omnes sunt administratores spiritus*: si autem singularium notitiam non haberent, nullam providentiam habere possent de his quæ in hoc mundo aguntur, cum actus non sint nisi singularium. Præterea secundum philosophicæ documenta ponuntur Angeli motores orbium cælestium, & quod eos moveant secundum intellectum & voluntatem. Item cum singularium cognitio hominibus conveniat, non potest denegari Angelis, qui habent vim intelligendi perfectiorem, magis unitam, & ad plura se extendentem.

Hoc supposito, inquirunt Theologi, per quam speciem Angeli cognoscant singularia, & omnia eorum accidentia? In cujus difficultatis resolutione Scotus in 2. dist. 3. quæst. ultima, & dist. 9. quæst. 2. negat Angelum pereandem speciem, quâ intelligit naturam communem, cognoscere directe ejus individua. S. verò Bonaventura ibidem dist. 7. quæst. 2. licet id concedat, contendit tamen, accidentia communis, sive quæ non per se conveniunt individuis, ab Angelo cognosci per proprias illorum species.

Ddd

s. I.

## §. I.

*Statuitur vera Sententia.*

59

**D**ico tamen : Angelus cognoscit directè singularia, & omnia eorum accidentia, per eandem speciem, per quam naturam specificam illis communem intelligit. Ita S. Doctor, quoad individua præcisè, hic art. 2. in corp. & in solutione ad 3. his verbis : *Dicendum quod Angeli cōsunt singularia per formas universales, quæ tamen sunt similitudines rerum, & quantum ad principia universalia, & quantum ad individuationis principia.* Quoad accidentia verò quodlib. 7. art. 2. in solutione ad 1. ubi sic ait : *Sicut autem per unam speciem concretam potest Angelus cognoscere diversa individua, ita etiam multis amplius potest per unam cognoscere quicquid est in uno individuo; ut non oporteat eum aliam speciem habere, quæ cognoscat colorem & odorem unius pomi, sed simul cognoscendo hoc pomum, cognoscit quicquid est in pomis illo, & essentialiter, & accidentaliter.*

60

Probatur unicà, sed efficaci ratione. Species quæ Angelus utitur in cognitione rei materialis, non repræsentat præcisè naturam specificam, sine singularitate; sed simul utrumque, etiam directè, cum omnibus accidentibus : Ergo per eandem speciem cognoscit directè singularia, & omnia eorum accidentia, per quam naturam specificam illis communem intelligit. Consequentia patet. Antecedens probatur. Species, quæ utitur Angelus ad cognoscendam rem etiam materiale, est participatio immediata divinæ essentia, secundum quod habet rationem speciei intelligibilis : Ergo sicut essentia divina non repræsentat solam naturam specificam, sed etiam ad rationes individuales, cum omnibus earum accidentibus, directè extenditur, ita & species quæ utitur intellectus Angeli. Probatur Consequentia : quia effectus debet, quantum fieri potest, assimilari suæ causæ : non est autem impossibile, si ve non repugnat, neque ex parte essentia divinæ in ratione speciei considerata, neque ex parte ipsius speciei Angelicæ, ab ea per participationem derivatæ, quod hæc sicut illa repræsentet simul naturam specificam, ejus individuationem, & omnia ipsius accidentia : Ergo de facto species Angelica hæc omnia repræsentat. Probatur Minor quoad speciem Angelicam (nam ex parte essentia divinæ satis constat nullam esse repugnantiam) probatur, inquam, quia cum hac universalitate prædicta species remanet adhuc, etiam in repræsentando, finita simpliciter, & solum infinita secundum quid; quatenus scilicet, repræsentando naturam specificam, repræsentat simul omnia ejus individua, etiam possibilia, contenta in virtute causarum naturalium pertinentium ad hoc universum; ad quod non requiritur infinita perfectio in tali specie; sicut ad hoc ut natura specifica, per eam repræsentata, omnia sua individua, etiam possibilia, contineat, non desideratur in ipsa infinita perfectio, ut magis patebit ex solutione argumentorum. Atqui si in hujusmodi specie non requiratur infinitas ad omnia supra dicta simul repræsentanda, nulla potest dari repugnantia quin ea repræsentet : Ergo &c.

61

Confirmatur primò : Anima nostra per plures species & potentias cognoscit directè naturam specificam, ejus individua, & accidentia : Ergo per eandem speciem & potentiam debet

A Angelus directè & simul cognoscere ea omnia. Probatur consequentia : quia quæ possunt potentia inferiores divisim, possunt & superiores conjunctim.

62

Confirmatur secundò : Idè species quæ utitur intellectus noster, pro statu præsentis, solam naturam communem directè repræsentat; quia fit per abstractionem à phantasmatibus, atque adè à singularitate : Sed hæc ratio cessat in specie quæ utitur Angelus; utpote quæ non desumitur à rebus, mediante phantasmate : Ergo non est ratio propter quam concedi non debeat, quod repræsentet directè & simul naturam specificam & ejus individua.

B.

## §. II.

*Solvuntur obiectiones.*

**O**bjicies primò : Si species angelicæ naturam aliquam specificam repræsentantes, omnia ejus individua manifestarent, essent infinitæ perfectionis : Sed hoc dñci nequit : Ergo nec illud. Sequela probatur : Intra quamlibet naturam specificam possibilia sunt infinita individua : Sed posse infinita individua repræsentare, infinitam perfectionem dicit : Ergo si species angelicæ naturam aliquam specificam repræsentantes, omnia ejus individua manifestarent, essent infinitæ perfectionis.

63

Respondet ex Divo Thoma quæst. 20. de veritate artic. 4. ad 1. ex eo quod species Angelicæ possint infinita individua repræsentare, non sequi illas esse infinitas simpliciter, sed tantum secundum quid : sicut natura, sub qua continentur infinita illa individua, est solum infinitæ perfectionis secundum quid; quia non obstat quod sub se infinita contineat, est definita ad certum genus, certamque differentiam; & sicut scientia indita animæ Christi se extendit ad infinitas cogitationes & actus amoris, quos Angeli & Sancti per totam æternitatem eliciuntur sunt; & tamen est simpliciter finita, & solum secundum quid infinita, ut docet idem S. Doctor loco citato & 3. p. quæst. 10. art. 3. ad 2.

64

Dices cum Scotto : Ubi pluralitas numeralis requirit majorem perfectionem, ibi infinita pluralitas requirit infinitam perfectionem simpliciter; sicut si portare simul plura pondera, inferat virtutem intensivè majorem; posse simul portare infinita, arguit virtutem infinitè intensam, sive intensivè infinitam : Sed posse repræsentare plura individua, dicit majorem perfectionem, quam posse repræsentare unum tantum : Ergo posse repræsentare infinita, arguit in specie angelica infinitam virtutem simpliciter.

65

Respondet Majorem esse veram, quando pluralitas numeralis requirit majorem perfectionem secundum intensiorem determinatam, ut contingit in exemplo adducto, non tamen, quando requirit majorem perfectionem secundum gradum specificum ordinis superioris : stat enim quod una perfectio altioris ordinis, quamvis simpliciter finita sit, tantæ tamen sit perfectionis quod excedat infinitas perfectiones inferioris ordinis; & eminenter æquivalet eis; ut patet in actu charitatis, qui æquivalet quantum ad bonitatem & perfectionem, imò superat infinitos actus amoris naturalis : unde ut una species Angelica æquivalet infinitis speciebus nostris, quarum quælibet unam tantum quidditatem, vel

66

num tantum individuum repræsentat, non requiritur quod sit infinite perfecta, sed sufficit quod sit ordinis superioris.

67 Obijcies secundo: Cognitio intuitiva desumitur ab objecto præfenti, & consequenter fit per species ab eo acceptas: Sed Angelus cognoscit intuitivè singularia, quando existunt: Ergo illa cognoscit per species ab illis acceptas, non verò per species universales sibi ab initio infusas.

68 Respondeo quod quamvis cognitio intuitiva debeat necessariò terminari ad objectum præfens, non est tamen necessarium, ut species ab eo desumatur aut dependeat, sed potest esse expressa ab aliquo alio superiori, in quo objectum illud secundum omnia quæ habet continetur & repræsentatur: unde species quibus Angeli singularia existentia intuitivè cognoscunt, sunt expressæ ab essentia divina, in qua huiusmodi singularia continentur & repræsentantur, secundum quod existunt in actu exercitio in sua propria temporis differentia.

69 Obijcies tertio: Si Angelus cognosceret singularia, & omnia eorum accidentia, per eandem speciem, unica species rationes inter se oppositas & repugnantes, puta albedinem & nigredinem, sessionem & stationem, vitam & mortem, quæ eidem individuo successivè conveniunt, simul repræsentaret. Item cum species sit formalis similitudo objecti quod repræsentat, si eadem species naturam singularem & omnia ejus accidentia repræsentaret, illa simul esset substantia & accidens. Præterea Angelus posset naturaliter cognoscere futura contingentia, quia per illam speciem sibi ab initio infusam cognosceret durationem in qua singularia habitura essent existentiam: Sed hæc non debent admitti: Ergo &c.

70 Respondeo ad primum, non esse contra rationem speciei excedentis & eminentis, ut simul & uniformiter repræsentent rationes oppositas, tanquam partialia & inadequata objecta, eo quod repræsentet objectum principale in quo hæc continentur; maxime cum repræsentet illa ut convenientia eidem objecto, pro diversis temporibus; sub qua ratione inter se non habent oppositionem & repugnantiam.

71 Ad secundum satis probabiliter dici posset, species Angelorum non repræsentare accidentia illa, nisi solum virtualiter, atque ita non esse formales ipsorum similitudines: species enim non debet necessariò esse formalis similitudo nisi objecti primarii, aut saltem eorum quæ directè & per se ad illud pertinent. Verum conformius ad suprâ dictare spondendum est, non esse inconveniens quod eadem species sit simul in esse intelligibili substantia & accidens: quia res quæ in esse entitativo & naturali opponuntur, in esse repræsentativo & intelligibili conveniunt & adunantur, ut fusè antea declaratum est.

72 Ad tertium nego sequelam: licet enim species Angelorum repræsentent semper rerum naturas, singularitatem, existentiam, durationem, imò & exercitium omnium istorum, non repræsentant tamen illa in actu exercitio, sed in actu signato, & per modum quidditatis possibilis, abstrahendo ab actuali exercitio, actu exercitio. Ratio est, quia species Angelicæ habent naturalem determinationem ad illa omnia actualiter repræsentanda, quæ actu pertinent ad hoc universum, eo modo quo ad ipsum pertinent: omnia autem illa

Tom. II.

A habent suo modo suas quidditates, secundum quas per modum possibilem nondum in actu exercitio existentium continentur in virtute causarum naturalium, & sic in illis contenta pertinent ad hoc universum; atque ita & semper repræsentantur à speciebus angelicis, & ab Angelis cognoscuntur: quando verò singularia ponuntur in esse, tunc repræsentatur natura, ut in actu exercitio conjuncta hic & nunc cum singularitate, existentia, duratione, & aliis accidentibus quæ tunc illi conveniunt; subindeque tunc cognoscitur ab Angelo natura singularis, ut in actu exercitio existens & durans.

B Nec sequitur hinc quod species angelicæ, dum postea in actu exercitio ista repræsentant, debeant intrinsicè mutari, seu perfectionem aliquam intrinsicam de novo recipere: nam quod hæc in actu exercitio antea non repræsentarent, non proveniebat ex defectu perfectionis aut actualitatis in illis, sed solum ex defectu exercitii & actualitatis in objecto, quod antea non erat in actu exercitio existens & durans. Unde D. Thomas quodlib. 7. art. 3. ad 2. *Quando aliquid de novo incipit esse præfens, Angelus cognoscit illud, non scilicet aliquid innovatione in ipso Angelo, sed in re cognoscibili, in qua est aliquid quod prius non fuit.* Et quæst. 16. de malo art. 7. ad 3. *Quod demon, inquit, non cognoscit id quod est futurum, non provenit ex eo quod intellectus suus sit in potentia, sed ex eo quod singulare futurum, nondum participat formam speciei, cuius similitudo actu præexistit in intellectu demonis.* Potest hoc explicari exemplo relationis paternitatis, actu terminatæ ad unicum filium, quæ absque ulla sui mutatione, aut additione alicujus intrinseci, terminatur & extenditur ad alios de novo genitos; & idem dic de similitudine parietis, & aliis huiusmodi: quia formæ illæ sunt talis naturæ, ut habeant determinationem ad communicandum illi effectum formalem, posito solum aliquo extrinseco connotato.

D Dices: Licet hoc possit dici de relativis, non tamen de absolutis; non potest enim res absoluta (qualis est species angelica) de novo habere determinationem intrinsicam quam antea non habebat, absque intrinseca sui mutatione: Sed repræsentare individua, ut existentia & duratia in actu exercitio, est denominatio intrinseca, quæ non convenit speciei Angeli ante productionem ejusmodi individuum: Ergo non habet illam absque intrinseca sui mutatione.

E Respondeo negando Majorem universaliter: licet enim vera sit in rebus absolutis inferioribus, non tamen in rebus absolutis eminentibus; qualis est species angelica, quippe quæ habet excellentem repræsentandi modum, in quantum est participatio modi repræsentandi divinæ essentiae: hinc enim fit quod sicut essentia divina, ut habet rationem speciei intelligibilis, antecederet ad determinationem, voluntatē divinæ circa rerum productionem non repræsentat eas ut existentes, aut futuras; & tamen post dictam determinationem, absque eo quod intelligatur aliquid ipsi in ratione speciei superaddi, repræsentat easdem res ut futuras, imò & ut existentes in æternitate, ut in Tractatu de scientia Dei fusè exposuimus: ita similiter species angelica repræsentativa alicujus quidditatis specificæ, antecederet ad productionem individuum, non dicitur illa repræsentare ut existentia in actu exercitio, bene tamen statimque existunt, quamvis

Ddd ij

extali

D. B. 4.  
art. 1.



contingentis in se, cum ex natura sua sit indifferens & indeterminatum; neque ex causis secundis, quæ etiam ex se indifferentes sunt ad unam vel alteram partem contradictionis: unde restat quod si determinationem & certitudinem habet, eam à divino decreto ad unam partem contradictionis determinantem desumant. Quare sicut Angelus non potest naturaliter decretum Dei videre, ita nec potest ex viribus naturæ, certam & infallibilem futurorum contingentium cognitionem habere.

- 11 Addo quod, licet in futuris contingentibus daretur determinata illa veritas objectiva, illam tamen Angeli non cognoscerent naturaliter, quia non pertineret ad ordinem universi, qui est ordo physicus, realis, & exercitius essendi, & non solum, objectivus: Sed species intelligibiles Angelorum, solum repræsentant ea quæ ad hunc ordinem universi pertinent: Ergo quamvis daretur quod in futuris contingentibus, independenter à divino decreto, daretur determinata veritas objectiva, propterea tamen Angeli naturaliter futura contingentia non cognoscerent.

## §. III.

*Solvuntur obiectiones.*

- 12 **C**ontra hanc conclusionem in primis obijci solet, quod Dæmones vel per se, vel per homines quos inspirant, multa futura libera prænuntiare soleant, ut regnorum mutationes, bellorum exitus, & similia quæ à liberis hominum voluntatibus pendet: unde cum in Dæmonibus nullum detur lumen supernaturale, sed sola scientia naturalis, quæ post peccatum in eis remansit, Angeli possunt virtute suâ naturali prævidere futura contingentia.

- 13 Respondeo Dæmones interdum futura prædicere, non quod ea per vires suæ naturæ certo cognoscant, sed quia aliis modis ea nosse possunt, Horum primus est experientiâ præteritorum, ut docet Augustinus variis in locis: si enim medici, agricolæ, & nautæ, ex præteritorum experientia, multa prænuntiant: à fortiori id præstare possunt Dæmones, qui ut ait idem S. Doctor libro 2. de Genesi ad litteram cap. 17. *Subtiliori pollent sensus acuminis, & experientia callidioris, propter magnam vite longitudinem.*

Deinde futurorum notitiam interdum accipiunt Dæmones à bonis Angelis; ea significatibus; vel ab hominibus Dei instinctu præditis, quales Prophetæ vel Sibyllæ fuerunt. *Audiunt enim ista* (inquit Augustinus) *& aerea potestates, sive Angelus nuntiantibus, sive hominibus.* Unde Tertullianus in Apologetico: *Dispositiones etiam Dei & tunc Prophetæ concionantibus exceperant, & nunc lectionibus resonantibus carpunt. Ita & hinc fumentes quasdam temporum sortes, annulantur divinitatem, dum fuvantur divinationem.*

Solent etiam Dæmones ea quæ imminere certo sciunt, aut quæ procul fiunt, alio in loco existentibus aperire, tanquam si quisquam (inquit Augustinus) de montis vertice aliquem longè videat venire, & proximè in campo habitantibus ante nuntiet. Etenim omnis spiritus ales, ut Tertullianus scribit, hoc & Angeli & Dæmones. Igitur momento ubique sunt. Totus orbis locus illi unus est. Quid, alicubi geratur tam facile sciunt, quàm enuntiant. Velocitas divinitas creditur, quia substantia ignoratur. Sic & Authores interdum videri volunt eorum quæ annuntiant. Idem docet Antonius Magnus apud Atha-

nasium, in ejus vita, dum suos adversus dæmonum fraudes, & affectionem illam divinationis instruit. Nam illos ait ob levitatem naturæ per cuncta discurrere, quæ jam cepta viderint, longisque nuntiare. *Non enim ea quæ nondum fieri cepta sunt, deserunt; quia Dominus solus conficius est futurorum: sed quorum conficiunt in actu initium, eorum sibi tanquam apud ignares vendicant de futuro fieri notionem, &c.* Ita & de Nili inundatione solenni, cum multas in Æthiopia viderint pluvias, & quibus fluvius intumescens, ultra alveum effluere consuevit, præcurrentes ad Ægyptum, nuntiant anni adventum.

- 14 Nonnunquam etiam, ut scribit Augustinus, nefandi illi spiritus ea quæ ipsi facturi sunt, de Genesi velut divinando prædicunt: quemadmodum & accepta divinitus potestate, ledunt primò, debinc remedia præcipiunt, ad miraculum nova, sive contraria, post quæ desinunt ledere, & curasse creduntur.

Demum futura Dæmones cognoscunt ex conjecturis, & siderum influentiis quas optimè norunt: cum enim sciant maximam hominum partem sequi potius passiones, influentiis syderum excitatas, quàm rationem, frequenter plura, sin certo, saltem conjecturaliter prævident, & tanquam vera prædicunt, licet conjecturaliter solum cognoscant. Ita D. Thomas 2. 2. quæst. 95. art. 5. ad 2. Et propter eandem causam judicarii etiam quandoque vera prædicunt. Veruntamen quia ars illa fallax est, & ut plurimum admixtam habet Dæmonis invocationem, ideò prohibetur jure divino, Deuteron. 18. Isaia 47. & Jeremia 10. nec non jure Pontificio, in Concilio Braccarensi 1. cap. 9. & 10. in Toletano 1. in assertionem fidei; à Martino I. ab Alexandro III. & Xisto V. imò & jure civili, codice de maleficiis & mathematicis.

Addit D. Hieronymus, Dæmones futura prænuntiantes solere ut plurimum mendacia jungere veritati, & suas sic temperare sententias, ut seu boni, seu mali quid acciderit, utrumque possit intelligi. Si aliquis (inquit) dixerit multa ab idolis esse prædicta, hoc sciendum, quod semper mendacium inmixerit veritati, & sit sententia temperavit, ut seu boni seu mali quid acciderit, utrumque possit intelligi. *Ve est illud Pyrrhi Regis Epitrotarum: Avo te Æacida Romanos vincere posse. Et Cræsi: Cræsus transfregit Halym, maxima regna perdet.* Cui consonat illud Tertullianus. *In oraculis autem quo ingenio ambiguitates temperent in eventus, sicut Cræsi, sicut Pyrrhi.* His & multis aliis modis fallit Dæmon miseros mortales, futurorum cognoscendorum illecebrâ delinutos. Nihil enim est cuius tantâ cupiditate teneantur homines, ac futurorum scientiâ, ut ait Chrysostomus homil. 78. in Joannem.

15 Obijcies secundo: D. Augustinus lib. 12. supra Genesim ad litteram cap. 13. docet quod animæ humanæ, secundum quod à sensibus corporis abstrahitur, competit futura prævidere. Unde etiam Tertullianus in libro de testim. animæ: *Recogita eam* (inquit) *in prasagium vatem, in omnibus augurum, in eventibus prospicem: non mirum si à Deo data homini, novit divinare.* Ergo id potiori jure Angelis, quibus perfectior est intelligendi virtus, concedi debet.

Respondeo ex D. Thoma infra quæst. 86. art. 4. ad 2. mentem Augustini esse quod anima rationalis possit futura libera & casualia cognoscere, non naturali virtute, sed per impressionem

Ddd iij

Lib. 2.  
de Genesi  
ad litteram  
cap. 17;

84.  
Ad cap.  
41. 1. 1. 1. 1.

Apolog.  
cap. 22.

85

86

Lib. 4.  
de Trinitate  
cap. 17.  
Cap. 22.

Lib. 4.  
de Trinitate  
cap. 17.  
Apolog.  
cap. 22.



aliquarum causarum superiorum, spiritualium & corporalium. Spiritualium quidem: sicut cum virtute divinâ ministerio Angelorum intellectus humanus illustratur, & phantasmata ordinantur ad futurâ aliqua cognoscenda: vel etiam cum per operationem Daemonum fit aliqua commotio in phantasia, ad præsignandum aliqua futura quæ demones cognoscunt. Huiusmodi autem impressiones spiritualium causarum magis nata est anima humana suscipere, cùm à sensibus alienatur: quia per hoc propinquior fit substantiis spiritualibus, & magis libera ab exterioribus iniquitudinibus: Contingit autem & hoc per impressionem superiorum causarum corporalium: manifestum est enim quoddam corpora superiora imprimunt in corpora (scilicet interiora.) Vnde cum vires sensitivæ sint actus corporalium organorum, consequens est quoddam impressione celestium corporum immutetur quodammodo phantasia. Vnde cum celestia corpora sint causa multorum futurorum, sunt in imaginatione aliqua signa quorundam futurorum. Hæc autem signa magis percipiuntur in nocte & à dormientibus, quàm de die & à vigilantibus, quia ut dicitur in libro de somno & vigilia, quæ deferuntur de die, dissolvuntur magis. Hæc S. Doctor.

A quantum ad universalitatem, non tamen quantum ad alia. Nam ut ibidem ait S. Doctor: Scientia indita animæ Christi fuit multis excellentior quàm Angelorum scientia, & quantum ad multitudinem cognitorum, & quantum ad scientiæ certitudinem: quia lumen spirituale gratiæ, quod est inditum animæ Christi, est essetudo excellentius, quàm lumen quod pertinet ad naturam Angelicam. Et ita species animæ Christi infusæ, utpote præternaturales, & deservientes scientiæ ejus supernaturali, repræsentant actu futura contingentia & libera, non tamen species Angelis connaturalibus, & eis ab initio suæ conditionis infusæ.

B Obijcies quinto: Angelus per vires suæ naturæ omnem veritatem naturalem cognoscit; Sed hæc est veritas naturalis: Hæc causa libera est: determinatur vel non determinatur ad hunc effectum: Ergo Angelus eam naturaliter cognoscit: Ergo in villarum contradictoriarum, & in veritate objectiva, quæ ex vi contradictionis in eis resultat, potest Angelus quidam sit determinatè futurum, vel non futurum, naturaliter præcognoscere.

Hoc præcipuè motivo ducitur Vazquez, loco supra citato, ad rejiciendam rationem D. Thomæ supra expositam, & ad docendum nullâ efficaciter ratione posse probari, Angelos non posse naturaliter futura contingentia cognoscere. Sed quam debile & infirmum sit hoc fundamentum, satis patet ex supra dictis. Licet enim Angelus naturali lumine veritatem allatæ disjunctivæ cognoscat; sicut & nos etiam illam cognoscimus; non sequitur tamen quoddam ex vi illius, seu ex vi contradictionis quam continet, possit determinata futurum alicujus contingentis cognosci: quia ad veritatem disjunctivæ, non requiritur quoddam partes ex quibus componitur sint determinatæ veræ, aut determinatæ falsæ, sed sufficit quoddam una ex illis, quæcumque illa sit, habeat veritatem aut falsitatem; seu quoddam ambæ non possint esse simul veræ & simul falsæ, sed sint in veritate aut falsitate impossibiles: alioquin cùm propositio illa disjunctiva non solum veræ, sed etiam necessaria sit, veritas determinata, quæ ex illa in propositionibus de futuro contingentibus resultat, non esset veritas libera & contingens, sed naturalis & necessaria; maxime cum vis & natura contradictionis fundetur in illo primo principio: *Quoddam est, vel non est*: quo nihil potest dari aut concipi magis necessarium. Veritas ergo determinata in propositionibus de futuro contingentibus, non oritur ex vi & natura oppositionis contradictoriæ, sed ex determinatione causarum, præsertim causæ primæ, quæ cùm sit primum liberum, & primum determinans, est prima radix totius libertatis & contingentie in rebus creatis, & ut ait D. Thomas I. Periherm. lect. 14. *Causa quædam profundens totum ens, & omnes eius differentias, & ideo ex ipsa voluntate divina, necessitas & contingentia in rebus originantur.* Unde antecederet ad divinum decretum, quod est libera determinatio voluntatis divinæ, nullum contingens potest esse aut concipi ut determinatè futurum, nec ulli dari veritas aut falsitas determinata in propositionibus de futuro contingentibus, ut in Tractatu de scientia Dei fusè ostensum est.

Dices: Si nihil est determinatè futurum in signo rationis antecedenti divinum decretum, sequitur quod omnes propositiones negativæ de futuro contingentibus, v.g. istæ: *Antichristus non erit: Petrus non disputabit*: pro tali signo erunt determinatæ

87 Obijcies tertio: Ævum est mensura perfectior tempore, eique superior: Ergo habet virtualiter coextendi ad tempus præteritum & futurum, sicut æternitas: Ergo cùm cognitio Angelica mensuretur ævo, non solum ad præsentia, sed etiam ad præterita & futura se extendit.

88 Respondeo quoddam licet ævum sit duratio perfectior tempore, eique superior: quia tamen est mensura intra lineam durationis finita, sicut ipsa Angeli substantia quam mensurat, intra lineam substantiæ finita est, & constans genere & differentia; ideo non continet simpliciter durationes rerum inferiorum, nec ad tempus præteritum & futurum virtualiter coextenditur; sicut æternitas, quæ intra lineam durationis infinita est, & mensura esse divini, in quo omnium creaturarum existentia eminentissimo modo continetur. Nec verò oportet quoddam omne nobilissimum continet minus nobilia, secundum proprias rationes, ut multis instantibus declarari possit: nam unio animæ rationalis cum corpore est nobilior unione cujuslibet alterius formæ, & tamen non continet unionem cujuslibet alterius formæ, secundum propriam rationem: item quamvis Africa sit major Aquitania, illam tamen non comprehendit.

Addo quoddam, licet daretur, ævum ad tempus præteritum & futurum posse virtualiter coextendi, sicut æternitas, ex hoc tamen non sequeretur Angelum posse intuitivè futura contingentia cognoscere: quia licet cognitio quam habet Angelus de se, sit necessaria, & mensuretur ævo; cognitio tamen quam habet de rebus contingentibus, libera est, & non mensuratur ævo, sed tempore discreto, quod est mensura actionum liberarum Angeli; ut supra disputatione sexta, quæ est de Ævo & tempore Angelorum, fusè declaratum est.

89 Obijcies quarto: Christus per species infusæ futura contingentia & libera cognoscit: Ergo & Angelus. Probatur Consequentia: quia species Angelorum sunt perfectiores, quàm sint species infusæ animæ Christi, ut docet S. Thomas 3. p. quæst. 11. art. 4.

90 Respondeo concessio Antecedente, negando Consequentiam. Licet enim species angelicæ sint perfectiores speciebus infusis animæ Christi,

94

95

Disput. 46 art. 4.

98

natē verā, & conformes suo objecto, cum verum sit in tali signo, nihil esse determinatē futurum. Pro solutione hujus instantiæ, & majori hujus doctrinæ explicatione.

Advertendum est, propositionem negativam ex duplici capite posse habere veritatem; vel quia ita est quod forma seu prædicationem non inest subjecto; vel etiam per non suppositionem extremi: v. g. de Petro albo verum est dicere, *Petrus non est niger*, quia uigredo ei non inest; & de Petro mortuo, vel nondum existente, verum est etiam dicere: *Petrus non est niger*, per non suppositionem extremi; quia videlicet si Petrus non sit, consequenter non est niger. Eodem ergo modo propositio negativa de futuro contingenti potest esse vera: vel quia futurum est quod forma non inest subjecto, ex decreto Deifici determinantis, aut ex indispositione causarum: vel quia nulla datur futuritio; tunc enim vera est propositio negativa per non suppositionem extremorum. Dico Ergo, quod cum Dei decretum, decernens quid futurum sit vel non sit æternum, ideò in rotatione inest contrariis determinata veritas aut falsitas, ex vi divini decreti: antecederet tamen ad decretum, ordine rationis & intelligentiæ, omnes negativæ sunt veræ; non quia ita futurum sit, sed quia nulla est futuritio; & consequenter habent veritatem per non suppositionem extremorum. Est ergo vera hæc propositio: *Petrus non disputabit*, non quia futurum sit quod non disputabit; sed quia nulla est futuritio seu determinatio disputationis vel non disputationis. Et idem dic de ista: *Antichristus non erit*.

94 Obijcies ultimò: Species Angelorum mentibus inditæ, non solum repræsentant singularem existentiam, sed etiam futura: Ergo cum quilibet Angelus suas species comprehendat, cognoscit in illis non solum res præsentēs, sed etiam ea quæ habitura sunt existentiam in aliqua differentia temporis.

95 Respondeo quod licet species Angelorum mentibus inditæ de se sint repræsentativæ singularium, quæ habitura sunt existentiam in aliqua differentia temporis, ea tamen de facto & in actu secundo non repræsentant, defectu alicujus conditionis ad actuale eorum repræsentationem necessariæ, actualis scilicet existentie & durationis illorum: nam ut ait D. Thomas hic art. 2. ad 3. *Ea quæ sunt præsentia, habent naturam, per quam assimilantur speciebus quæ sunt in mente Angelis; & sic per eas cognosci possunt: sed quæ futura sunt, nondum habent naturam per quam illis assimilantur; unde per eas cognosci non possunt*. Sicut ergo Deus antecederet ad sua decreta libera, non videt futura contingentia: quia licet per illo priori essentia divina in ratione speciei intelligibilis habeat ex parte sui omnia requisita ad illa repræsentanda, deest tamen illi extrinsecum connotatum scilicet decretum liberum, ad actuale eorum repræsentationem necessarium: ita pariter Angelus comprehendendo suas species, in illis futura contingentia non agnoscit: quia quamvis species illæ habeant omnia ex parte sui requisita, ad ea repræsentanda, deest tamen illis aliquid extrinsecum connotatum, nempe actualis existentia & duratio illorum, quæ (nisi à Deo revelentur) est conditio ad actuale eorum repræsentationem necessaria.

96 Quæres, num inter futura contingentia, quorum præsentia negatur Angelis, numeranda sint non tantum ea, quæ impediri possunt inter-

A ventu causæ liberæ, sed etiam illa quæ sunt à causis naturalibus, per accidens connexis, & quæ fortuita seu casalia appellantur?

Respondeo affirmativè: quia casalia & fortuita nullam habent in aliqua causâ determinationem, in qua certè & infallibiliter cognosci possint, sed omnino per accidens eveniunt, ut docet D. Thomas infra quæst. 115. art. 6. his verbis: *Quid aliquod corpus terrestre ignitum in superiori parte aeris generetur, & deorsum cadat, habet causam aliquam virtutem celestem. Et similiter etiam quid in superficie terra sit aliqua materia combustibilis, potest reduci in aliquod celeste principium. Sed quod ignis cadens huius materia occurrat, & comburat eam, non habet causam aliquod celeste corpus, sed est per accidens. Ergo futura casalia & fortuita ab Angelis naturaliter cognosci nequeunt.*

## §. IV.

*Resolvitur dubitatio incidens de cognitione Angelorum circa præterita.*

97 EX dictis oriri potest dubitatio, an Angeli naturaliter omnia præterita cognoscant? dico omnia: neque enim est dubium, quin Angeli ea quæ viderunt aliquando præsentia, deinde cognoscant, & recordentur esse præterita. Nec item est dubium, quin naturaliter cognoscere possint ea præterita, de quibus ex vestigiis suæ existentie relictis constare potest esse præterita. Sed difficultas tantum est, utrum Angeli cognoscant præterita libera, quorum non perceperunt præsentiam, & quæ nullum sui reliquere vestigium.

98 Partem affirmantem tenet Vazquez disput. 108. cap. 4. num. 20. Fundamentum ejus est, quia Scripturæ & Patres negant duntaxat Angelos cognoscere futura: Ergo, inquit, non debemus illis negare cognitionem rerum præteritarum. Ex adverso stant omnes alii Theologi, negantes Angelos cognoscere præterita contingentia seu libera, quæ non perceperunt præsentia, aut quæ nullum sui reliquere vestigium. Ratio est, quia præterita prius non cognita, & quæ sui nullum reliquere vestigium, ita se habent respectu intellectus angelici, ac si numquam fuissent; unde eodem modo de illis ac de futuris & nondum existentibus philosophandum est: Atqui contingentia quando sunt futura, naturaliter ab Angelo cognosci nequeunt, ut supra ostensum est: Ergo nec præterita quæ prius non fuerunt cognita, & quæ nullum sui reliquere vestigium. Unde ipse Vazquez sui immemor, dum de memoria Angelorum loquitur, disput. 111. cap. 12. num. 68. asserit quod non potest unus Angelus præteritam alterius Angeli cogitationem cognoscere per memoriam, nisi prius eam præsentem cognoverit.

99 Addo quod, Scripturæ æquè negat Angelis, & reservat soli Deo cognitionem præteritorum, ac futurorum; ut patet Isajæ 41. ubi Prophetia, ut ostendat idola non esse veros Deos, per apostrophen ait: *Appropinquate & annuntiate nobis quæcumque ventura sunt, aut priora quæ erant* (id est præterita) & dicemus, quia dii ostis vos. Ita hunc locum explicant Hieronymus in Isajam, & Gregorius homil. 1. Ezechiel, afferentes aliquando prophetiam cadere in præterita, ut in futura; & ideò Moysem narrantem exordium mundi, Prophetam dici, quia narravit præterita quæ

scire non potuit naturaliter. Ex quo patet falsum A  
ac ruinofum esse fundamentum Vazquezii.

## ARTICULUS V.

*Verum Angeli secreta cordium, & mysteria  
gratia, naturaliter cognoscere possint?*

## §. I.

*Prima pars quaestii resolvitur.*

100. **D**ico primò : Angeli non possunt per vires  
suar naturæ, & seclusâ Dei revelatione, aut  
speciali directione cogitantes, secreta cordium,  
seu humanæ aut angelicæ mentis cogitationes &  
affectus certò cognoscere. Ita D<sup>r</sup> Thomas hic art.  
4. & communiter Theologi contra Durandum in  
2. dist. 8. quæst. 5. docentem Angelos posse natu-  
raliter cognoscere cogitationes & affectus men-  
tis præsentis, non tamen futuros. Cui sententiæ  
favent Henricus & Hervæus, existimantes Ange-  
los posse naturaliter cognoscere cogitationes  
cordium, quantum ad substantiam, quamvis ipsas  
non possint cognoscere, quantum ad modum,  
seu quantum ad ordinem, & terminationem  
quam dicunt ad tale objectum, aut talem finem  
in particulari.

101. Probatur primò conclusio ex illis locis Scrip-  
turæ, in quibustanquam singulare Dei attribut-  
um refertur, quòd ipse est inspector seu scrutator  
humanorum cordium, 1. Regum 16: *Homo  
videt ea que parent : Dominus autem intuetur cor.* 2.  
Paralip. 6. *Tu solus nosti corda filiorum hominum.*  
Et Jeremiæ 17. *Pravum est cor hominis & inscruta-  
bile, quis cognoscet illud ? Ego Dominus scrutans  
corda & renes.* Quæ verba exponens D. Hierony-  
mus ait : *Hinc d'simus quòd nullus scit cogitationes  
hominum, nisi solus Deus.*

102. Respondet Durandus, id verum esse de cogi-  
tationibus hominum futuris, non tamen de  
præsentibus.

Sed contra : Scriptura hæc duo distinguit in  
Deo, & ut diversa attributa illi propria laudat,  
nempe esse præscium futurorum, & esse inspec-  
torem cordium : primum quidem Isaia 42. &  
aliis locis articulo præcedenti citatis : alterum  
verò Actuum 1. Psalmo 7. & aliis locis, quæ jam  
retulimus. Hinc Tertullianus libro 5. contra  
Marcionem cap. 11. ut ostendat Deum Marcio-  
nis non esse verum Deum, provocat illum ut &  
futura prænnuntiet, & occulta cordis revelet. At si  
solum esset proprium Deo cognoscere consilia  
cordium futura, & si Angeli possent videre cogi-  
tationes & affectus quos actu homo habet &  
format in mente, hæc duo non essent diversa ;  
unum enim includeretur in alio, ut patet : Ergo  
Scriptura locis citatis docet esse proprium Deo  
cognoscere cogitationes & consilia quæ homo  
actu habet in corde. Unde Isidorus Pelusiotâ li-  
bro 3. Epist. 156. *Ea que cogitatione voluntur  
(inquit) minime Diabolo cognita sunt Hoc enim di-  
vina duntaxat potentia, qua corda nostra sigillatim  
snaxit, peculiare est.*

103. Secundò probatur conclusio. Scriptura & SS.  
Patres probant Christum fuisse verum Deum, ex  
eo quòd internas mentis cogitationes cognove-  
rit : At si cognoscere secreta cordium, non esset  
actio Deo propria, & posset alteri quàm Deo,  
nempe ipsi Dæmoni. naturaliter convenire, non  
bene ex ea inferretur Christum esse Deum: Ergo

cognoscere secreta cordium, est actio Deo pro-  
pria, & nulli creaturæ humanæ vel angelicæ po-  
test naturaliter competere. Minor & Conse-  
quentia patent. Major autem probatur ex Joan.  
2. ubi dicitur, quòd Christus non credebatur se-  
metipsum aliquibus qui in ipsum se credere pro-  
ficebantur, quia eorum corda à se aliena esse  
cognoscebat: ex quo inferit Evangelista, indicans  
Christi Divinitatem : *Opus ei non erat ut qui tes-  
timonium perhiberet de homine; ipse enim sciebat quid  
esset in homine.* Laudatur etiam in Evangelio Na-  
thaniel, quòd ex eodem indicio agnovit Chri-  
sti Divinitatem. *Noverat enim (inquit Cyrillus Lib. 1.  
Alexandrinus) solum Deum scrutatorem esse cordium, in Joan.  
nec uni alteri mentem hominis patere. Item Chry-  
sologus serm. 50. dicit Pharisæo, cujus cor  
Christus cognoverat: Cape eius divinitatù insignia.  
Audi eum peccatoris tui penetrasse secretum. Aspice eum  
ad cogitationum tuarum latebras pervenisse. Intelligi-  
ge eum cordi tui tacita nudare consilia.* Et serm.  
94. *Dum Pharisæi cordis patefecit arcana, ipsum  
fuisse totius Prophetia demonstravit auctorem.* Eod-  
em argumento utitur Hieronymus in cap. 17.  
Jeremiæ, ubi ex illo Lucæ 11. *Ut vidit Iesus co-  
gitationes eorum, sic ratiocinatur. Nullus potest vi-  
dere cogitationes eorum, nisi solus Deus : Ergo Chri-  
stus est Deus.*

104. Tertiò suaderi potest conclusio ex aliis Scrip-  
turæ locis, in quibus ex prophetia, & cognitione  
cogitationum cordis, probatur Deum habitare  
in mentibus eorum hominum quæ eas cognos-  
cunt; quòd non esset necessarium, nec bene col-  
ligeretur, si alius quàm Deus posset revelare  
corda hominum. Sic 1. ad Corinth. 13. Paulus  
ait, quòd si quis Gentilis in cætum Christiano-  
rum interet ( loquitur Apostolus de suo tempore  
in quo ferè omnes pro heretabant ) *convincitur ab  
omnibus, diiudicatur ab omnibus, & occulta cordis  
eius manifesta sunt, & ita cadens in faciem, ado-  
rabit Deum, pronuncians quòd verè Deum in vobis sit;*  
105. quia scilicet manifestatis occulta cordis humani,  
quòd nemo potest facere nisi Deus.

Quartò probatur conclusio hac ratione proba-  
bili, quam variis in locis insinuat D. Thomas.  
Actus liberi nostræ voluntatis debent esse perfe-  
ctè sub ejus dominio : At non haberet voluntas  
plenum & perfectum dominium suorum actuum,  
si ipsa invitâ esset naturaliter aliis creaturis con-  
spicua ejus electio & deliberatio; esset enim hæc  
electio, ut ita dicam, quasi juris publici, nec per-  
fectè pertineret ad suum principium : Ergo non  
patent alienis oculis cordis humani secreta.

Denique probatur conclusio ratione fundamen-  
tali: Angelus non potest naturaliter cognoscere  
nisi ea quæ pertinent ad ordinem hujus universi,  
cujus est pars: At quælibet liberi voluntatis crea-  
tæ, intra eam existentes, nullumque inferentes ef-  
fectum ad extra, ad ordinem universi non perti-  
nent, sed sunt extra & quodammodo supra ip-  
sum: Ergo non possunt naturaliter ab Angelo co-  
gnosci. Major est certa: Tum quia Angelus ha-  
bet solum species repræsentativas eorum quæ ad  
hoc universum pertinent: Tum etiam, quia opor-  
tet assignare aliquem terminum cognitioni Ange-  
licæ; non potest autem alius terminus illi assi-  
gnari quàm latitudo totius universi: Tum deni-  
que, quia si cognitio naturalis Angelî ad ea quæ  
non pertinent ad universum se extenderet non  
esset ratio cur potius se extenderet ad u-  
num quàm ad aliud: & sic omnia possibilia & fu-  
tura contingentia attingeret.

Minor



Minor autem probatur : Ordo universi consistit in hoc quod cause particulares habeant concatenationem cum universalibus, seu in hoc quod inferiora regantur & moveantur per superiora, ut docet D. Thomas quodlib. 6. Unde ut aliqua causa inferior & particularis, ejusque operatio ad ordinem universi pertineat, debet habere necessariam cum aliis causis naturalibus & universalibus connexionem, esseque apta moveri ab illis: è contra verò si aliqua causa particularis sit talis conditionis & eminentiæ, ut in suis operationibus non dependeat à causis naturalibus & universalibus, sed à solo Deo, qui est extra & supra totum ordinem universi, oportet quod tales operationes sint extra, & quodammodo supratotum ordinem universi: voluntas autem humana, ratione libertatis & perfecti domini quod habet in suis actibus liberos, talis est nature, perfectionis, eminentiæ, ut in illis à solo Deo dependeat; quia solus Deus potest ei illabi, & intra ipsam operari: Ergo actus liberi voluntatis creatæ ad ordinem universi non pertinent, sed extra ipsum & quodammodo supra ipsum existunt.

Hanc rationem insinuat S. Thomas hic art. 4. ubi ex eo quod voluntas rationalis creaturæ, soli Deo subiaceat, & ipse solus in eam operari possit, infert cogitationes cordium & affectus voluntatum, à solo homine illos actus eliciente, & Deo cognosci posse: juxta illud Apostoli I. ad Corinth. 2. *Quæ sunt hominibus, nemo novit, nisi spiritus hominibus qui in ipso est.* Ad quæ verba idem S. Doctor sic ait: *Nec Angelus bonus, nec malus, e. a. quæ in corde hominibus latent scire potest, nisi inquantum per aliquos effectus manifestantur.* Cuius ratio accipi potest ex ipso verbo Apostoli, qui dicit eam ratione spirituum hominibus cognoscere quæ in corde hominibus latent, quia in ipso homine est. Angelus autem neque bonus neque malus illabitur menti humana, ut in ipso corde hominibus sit, & intrinsicè operetur, sed hoc solus Dei proprium est. Unde solus Deus est conscius secretorum cordium hominibus, secundum illud Iob. 16. *Ecce in celo testis meus, & in excelsis conscius meus.*

Eandem rationem fusiùs expendit idem S. Doctor quæst. 8. de verit. art. 13. his verbis: *Angelus naturaliter cognoscit per formas sibi indicatas, quæ sunt similitudines rerum in natura existentium: motus autem voluntatis non habet dependentiam, nec connexionem ad aliquam causam naturalem, sed solum ad causam divinam, quæ in voluntate sola imprimere potest.* Unde motus voluntatis, & cordis cogitatio, non potest cognosci in aliquibus similitudinibus rerum naturalium, sed solum in essentia divina, quæ in voluntatem imprimit; & sic Angeli cognoscere non possunt cogitationes cordium directè, nisi in verbo ei revelentur.

Denique idem S. Doctor quæst. 16. de malo art. 8. sic dicitur: *Id quod cadit sub ordine superioris non potest cognoscere inferior causa, sed solum superior causa movens, & ille qui movetur.* Si quis aliquis civis est sub preposito, tanquam sub inferiori causa, & sub Rege tanquam sub suprema, non poterit prepositus cognoscere circa civem si quid immediatè Rex circa ipsum ordinaverit; sed hoc scit Rex, & civis qui movetur secundum ordinem Regis. Unde cum voluntas interiori non possit ab alio nisi à Deo moveri, cuius ordini immediatè subest motus voluntatis, & per consequens voluntaria cogitatio, non potest cognosci neque à Demonio, neque à quocunque alio, nisi ab ipso Deo, & ab homine volente & cogitante. Ex his.

Inferes primò, quod cum D. Thomas probat actus liberos internos non cognosci naturaliter ab Angelis, quia quæ sunt à voluntate creatæ soli Deo subiacent; discursus ejus non resolvitur in illud principium: *Quæ sunt à solo Deo, sunt soli Deo cognita*, ut falsò existimant Suarez & alii Recentiores (nam principium illud si acceptum manifestè falsum est, ut patet in materia prima, elementis, cælis, & Angelis, quæ omnia sunt à solo Deo, & tamen nota sunt intellectui creato), sed potius in istud: *Quæ sunt ab aliqua causa, mota à solo Deo, sunt soli Deo cognita*, dummodo tamen non sint ab ea causa, in ordine ad universum, vel ad aliquid ad ipsum pertinens; & hujusmodi sunt ea quæ sunt à sola voluntate creatæ, id est, quæ ab ejus dominio plene dependent, & intra ipsam sistunt. Ex quo solvitur id quod posset dici de actibus necessariis, mere interioribus, qui sunt à sola voluntate à Deo mota; quia non sunt à voluntate cum dominio, sed eliciunt tantum; insuper dicunt ordinem naturalem ad ipsam, tanquam proprietates, vel tanquam aliquid ad ejus complementum naturaliter requisitum.

Dices, hanc rationem ita explicatam convincere, Angelum nullo modo posse cognoscere secreta cordis aliorum, etiamsi ad ipsum dirigantur: quia adhuc posita tali directione, manent extra ordinem universi, & consequenter extra objectum proportionatum intellectus angelici.

Sed negatur sequela: Quilibet enim intellectus angelicus habet virtutem proportionatam ad intelligenda quæcumque pertinent ad ordinem universi, & ad ipsum cognoscendum: unde si modò aliquis Angelus extra universum crearetur, intelligeret seipsum, & omnia ad se pertinentia; secus verò illa quæ sunt in hoc universo, ad quod, ut supponimus, non pertineret: hoc autem ipso quod ad aliquem Angelum diriguntur actus interni alterius, ex vi talis directionis, incipiunt ad illum pertinere, & consequenter ingredi latitudinem objecti proportionati sui intellectus; imò & incipiunt etiam pertinere quodammodo ad ordinem universi, quia illa pertinent ad ordinem universi, quæ vel ad ipsum, vel ad aliquam illius partem ordinantur. Nec tamen inde licet inferre, hoc ipso tales actus internos ab omnibus Angelis cognosci; utpote cum omnes Angeli habeant virtutem naturalem ad omnia cognoscenda quæ pertinent ad universum. Respondetur enim, quemlibet Angelum naturaliter quidem cognoscere quæcumque pertinent ad universum absolute & simpliciter, secus tamen quæ secundum quid tantum ad illud spectant: ex eo autem quod actus liberi unus Angeli ad alium diriguntur, incipiunt pertinere secundum quid tantum ad universum, utpote in ordine tantum ad illum Angelum ad quem diriguntur; & sic non est necesse ut ab omnibus cognoscantur, sed ab illo solum ad quem diriguntur; ut latius exponens infra, cum agemus de locutione & illuminatione Angelorum.

Inferes secundò, actus liberos nostræ voluntatis, & actus inter nos libere ab intellectu nostro procedentes, esse naturaliter cuilibet alteri intellectui creato occultos, nedum quoad modum libertatis, sed etiam quoad substantiam: quia cum sint independentes quoad substantiam à causis naturalibus, non pertinent ad hoc universum, etiam quoad substantiam & entitatem. Secus dicendum est.

Disp. 15.  
art. 1.  
C. 2.  
110.

Ecc

est



est de actibus potentiarum sensitivarum exter-  
narum aut internarum, & de actibus appetitus  
sensitivi: illi enim pendunt à causis universali-  
bus, & sic ad ordinem universi pertinent.

## §. II.

*Aliud corollarium notatu dignum.*

112. **E**X dictis etiam infertur contra Scotum, Ga-  
brielem, & aliquos Recentiores, Angelos ex  
vera impotentia intrinseca, & non ex sola subtra-  
ctione cōcursus divini, secreta cordium ignorare.

Patet hoc corollarium: Primò quia suprà ostendimus, Scripturam & SS. Patres tribuere Deo cognitionem secretorum cordis, tanquam specialè ejus excellentiam & prægativam: non esset autem specialis Dei excellentia, si esset proportionata virtuti naturali Angeli, & si Angeli cordis humani secreta, ex vera impotentia intrinseca non ignorarent, sed solum, ut docent prædicti Authores, quia Deus eis negaret concursum naturalem, sicut negavit igni Babylonico: Ergo quoddam Angeli cordium secreta ignorent, provenit ex vera impotentia intrinseca, & non ex sola denegatione cōcursus divini.

Secundò, Scriptura & SS. Patres suprà relati probant Christi Divinitatem ex cognitione & manifestatione secretorum cordis: Athæc probatio parum soliditatis haberet, si Angelus naturaliter, & cum concursu Dei connaturaliter sibi debito, ea penetrare valeret: posset enim aliquis morò dicere, non sequi Christum esse Deum ex eo quod secreta cordis penetrat & manifestet, sed ad summum esse Angelum, cum quo Deus secundum naturalem ejus exigentiam concurrat: Ergo idem quod prius.

Tertiò, Alii SS. Patres relati dicunt, Angelos æquè non cognoscere secreta cordis, ac non cognoscere futura contingentia: Sed futura contingentia non cognoscunt ex vera impotentia intrinseca, ut suprà ostendimus, & fatentur Adversarii: Ergo nec cordium secreta.

Quartò, Juxta hanc Scoti sententiam, cognitio cogitationum cordis non esset miraculosa, sed potius esset cessatio illius miraculi, quo Deus impedit talem cognitionem: sicut restitutio concursus, quem Deus igni Babylonico denegaverat, non fuit miraculum, sed potius fuit cessatio illius miraculi, quo naturalem ignis operationem impediēbat: Sed hoc videtur absurdum: Ergo &c.

Quintò, Angelus potest solum naturaliter cognoscere ea quæ pertinent ad ordinem universi, cujus est pars: Sed actus liberi voluntatis creatæ ad ordinem universi non pertinent, sed sunt extra, & quodammodo supra ipsum, ut suprà ostendimus: Ergo non potest illos naturaliter cognoscere; subindeque illos ignorat ex defectu potentie, & non ex sola denegatione concursus divini.

Denique contra eandem sententiam valde urget, quod Deus nunquam privat totum aliquod genus causæ (saltem à principio suæ conditionis) concursu connaturaliter debito ad aliquam actionem, ad quam habet naturalem inclinationem & virtutem proportionatam; alias inclinatio illa & virtus essent frustra. Nec valet si dicas, hunc concursum denegari ex rationabili causa, ne scilicet Dæmones acrius nos impugnent, cognitio cogitationibus nostris. Nam illa ratio non habet locum in bonis Angelis; & licet mali cognoscerent cogitationes nostras, aliunde tamen possent ligari, & ne nos infestarent arceri.

## §. III:

*Solvuntur obiectiones.*

**O**bjiciunt in primis Adversarii quædam testimonio SS. Patrum, asserentium Angelos suas cogitationes & affectus mutuo cognoscere. Ita videtur sentire Venerabilis Beda libro 2. in Job cap. 7. ubi ait: *Non enim quidquam affectuum suorum adinvicem latere spiritus potest: simplices enim creature, nullum habentes quasi obstaculum corpulentum, perspicua sibi sunt.* Et D. Gregorius libro 18. Moralium cap. 27. aliàs 31. *In beatitudine resurgentium, inquit, unus erit perspicabilis alteri, sicut ipse sibi: & cum uniuscuiusque intellectus attenditur, simul conscientia penetratur.* Unde concludit, civitatem Beatorum allegoricè vocari vitrum mundum; & immediatè post subjicit: *Nunc autem corda nostra, quandiu in hac vita sumus, quia ab altero in alterum videri non possunt, non intra vitrea, sed intra lutea vascula concluduntur.*

Respondeo illos SS. Patres solum velle quod Angeli non impediuntur propter membrorum corpulentiam, sicut homines, ne unusquisque mentem alterius penetrat & cognoscat. Nam ut ait D. Thomas hic art. 4. ad 1. *Cogitatio unius hominis non cognoscitur ab alio, propter duplex impedimentum, scilicet propter grossitatem corporis, & propter voluntatem claudentem sua secreta.* Primum autem obstaculum tollitur in resurgente, nec est in Angelis: sed secundum impedimentum manebit post resurrectionem, & est modò in Angelis.

Obijciunt secundò: Magi à Dæmonibus instructi revelant interdum secreta cordium, ut de Alberico quodam Mago testatur D. Augustinus lib. 1. contra Academicos cap. 6. Item Dæmones assistentes energumenis, cognoscunt imperia mentalia quæ Exorcistæ illis imponunt, v.g. quod exhibeant reverentiam erga talem rem sacram: Ergo Angeli possunt naturaliter cogitationes cordium cognoscere.

**R**espondeo Dæmones interdum revelare aliquas cogitationes cordis humani, non quod eas cerò intelligant, sed quia ex immutatione interna temperamenti corporei, vel ex quibusdam externis indiciis illas explorant, & conjecturaliter cognoscunt. Nam ut rectè ait D. Thomas hic art. 4. possunt Dæmones per indicia externa, vel pulsus, immutationem vultus, & alias corporis affectiones, deprehendere affectus mentis; quod & medici faciunt, sed illi è melius, quò subtilius hujusmodi mutationes corporales advertunt & expendunt. Idem docet Cassianus Collat. 7. cap. 1. his verbis: *Nihil dubium est, quod possint spiritus immundi cogitationum nostrarum attingere qualitates, sed indicis eas sensibilibus forissecus colligentes: id est ex nostris dispositionibus aut verbis, ac studiis in quæ propensius conspexerint nos inclinari.* Ceterum illas, quæ necdum de internis animæ proderint, adire omninò non possunt. Ipsas quoque cogitationes quas ingerunt, utrum susceptæ, vel quemadmodum susceptæ sint, non per ipsas animæ naturam, id est per illum interiorum motum, quò in abditis ejus absconditur, & ut manifestissus aliquid exprimam, in medullis, ut ita dixerim, sepius latitantem; sed ex motibus atque indiciis exterioris hominis deprehendunt: cum hos à prudentibus quoque viris sepius fieri videamus, ut scilicet interioris hominis statum, de figura & vultu, seu qualitate exterioris agnoscant.

Possunt

Possunt etiam Dæmones naturaliter cognoscere imperia Exorcistarum solâ mente concepta: quia eo ipso quod talia imperia mentaliter ad eos diriguntur, non manent amplius occulta, sed per talem directionem & ordinationem eis revelantur & manifestantur, ut patet in infâ, cum agemus de locutione & illuminatione Angelorum.

Obijcies tertio: Angelus potest cognoscere naturaliter quicquid continetur intra objectum proportionatum sui intellectus: Sed actus liberi continentur intra objectum proportionatum intellectus angelici: Ergo ab Angelo naturaliter cognosci possunt. Major patet, Minor verò suadetur. Omnis entitas naturalis continetur intra objectum proportionatum intellectus angelici: Sed actus liberi ad ordinem naturalem pertinent, ergo non sunt supernaturales, ut supponitur. Ergo continentur intra objectum proportionatum intellectus angelici.

Respondeo negando Minorem: ad cuius probationem, distinguo Majorem. Omnis entitas naturalis continetur intra objectum proportionatum intellectus angelici, entitas pertinet ad ordinem physicum, concedo Majorem. Pertinens ad ordinem moralem, nego Majorem. Similiter distinguo Minorem: actus liberi pertinent ad ordinem naturalem, moralem, concedo Minorem: physicum tantum, nego Minorem, & Consequentiam. Solutio patet ex suprà dictis: objectum enim proportionatum intellectus angelici est illud tantum, quod pertinet ad hoc universum, & cum eo connexionem habet: ea autem quæ ad lineam moralem & liberam pertinent, sunt extra hoc universum, & a solo Deo, ut est supra totum universum, dependent, ut antea exposuimus, subindeque non pertinent ad objectum proportionatum intellectus angelici.

Dices cum Scoto: Duo objecta ejusdem naturæ sunt duabus mentibus etiam ejusdem speciei & naturæ æque proportionata aut disproportionata: Sed cogitatio cordis unitas Angeli, puta Michaelis, & cogitatio Gabrielis, sunt duo objecta ejusdem naturæ, & mens Gabrielis ac mens Michaelis sunt ejusdem speciei: Ergo cogitatio quæ est in corde Gabrielis, est naturaliter æque proportionata Michaeli, ut eam cognoscat, ac Gabrielis ipsi, qui eam videt in corde suo.

Respondeo cum eadem distinctione: Duo objecta pertinentia ad ordinem physicum, concedo Majorem: pertinentia ad lineam moralem, nego Majorem. Ea enim quæ pertinent ad ordinem moralem & liberum, pendunt solum à voluntate à qua procedunt, & ab eo cui subiacet talis voluntas, & qui ipsi illabi ac in eam operari potest: sub indeque cogitatio à Gabriele elicitâ, ipsi solum est proportionata ut naturaliter eam cognoscat: & Deo, qui solus menti humanæ & angelicæ illabi potest, & in illis operari. Unde S. Thomas in commentario primæ Epistolæ ad Corinthios, explicans illa verba cap. 2. *Quis hominum scit quæ sunt hominibus, nisi spiritus hominis qui in ipso est?* sic habet: *Neque Angelus bonus, neque malus ea que in corde hominis scire potest, nisi per aliquos effectus manifestentur. Cuius rei ratio accipi potest ex ipso verbo Apostoli, qui dicit spiritum hominis ideo cognoscere que in corde hominis latent, quia spiritus hominis est in homine: Angelus autem, neque bonus, neque malus illabitur menti humane, ut in ipso corde hominis fit, & intrinsecus operetur, sed solus Dei hoc proprium est: unde solus Deus est conficius secretorum cordis hominibus,*

Item. II.

A secundum illud Job 16. *Ecce in celo sessum meus, & conficius meus in excessu.*

Obijcies quarto: Si Angelus superior non cognoscat cogitationes inferiores, nisi dependenter à revelatione seu manifestatione sibi factâ ab ipso Angelo inferiori, sequitur quod Angelus inferior illuminet superiores: cum manifestatio cuiuslibet veritatis ignota, sit quædam illuminatio. Sed hoc repugnat ordini hierarchico, & doctrinæ D. Thomæ in infâ quæst. 107. art. 2. Ergo & illud.

Respondeo negando sequelam Majoris: Licet enim Angelus inferior, dirigens suam cogitationem ad superiorem, & loquatur, non tamen ipsum illuminat: quia ut docet D. Thomas loco citato & 2. quæst. 181. art. 4. ad 2. nec non 9. de verit. art. 5. ad 6. plus requiritur ad illuminationem, quam ad locutionem: est enim illuminatio manifestatio veritatis superiori modo cognitæ, disponendo illam pro capitu alterius; & idcirco solum est in superioribus Angelis respectu inferiorum: locutio autem est sola ordinatio unus conceptus Angeli ad alium; qua ordinatione posita, tollitur ratio secreti respectu illius, & ab eo cognoscitur; unde convenit Angelis inferioribus respectu superiorum.

Ex dictis facile haberi potest refolutio alterius difficultatis in titulo propositæ, an scilicet Angeli mysteria gratiæ naturaliter cognoscere possint? Si enim Angelus non potest naturaliter cognoscere cogitationes alterius Angeli ex eius voluntate dependentes, multo minus potest cognoscere ea quæ ex sola Dei voluntate dependent, qualia sunt mysteria gratiæ. Unde sic argumetur Apostolus ad Corinth. 2. *Quæ sunt hominibus nemo novit nisi spiritus hominis qui in ipso est: ita & quæ sunt Dei nemo novit nisi Spiritus Dei.*

Confirmari potest hæc ratio, ex eo quod mysteria gratiæ sunt improporcionata propter supernaturalitatem cuiuslibet intellectui creato: Ergo non possunt ab ipso cognosci, nisi lumine supernaturali illustrentur & eleventur; ut fuscè ostendimus in materia de Incarnatione, quando inquiremus, an mysterium illud naturalis lumine ab intellectu humano vel angelico cognoscibile sit?

Quærunt hic aliqui, quæ mysteria supernaturalia Angeli per fidem in via cognoverint?

Breviter respondeo, Angelos per fidem in via cognovisse Deum esse Trinum, Authorem gratiæ, & Finem ultimum supernaturalem: quia creati sunt, ut tenderent propriis actibus in talem finem supernaturalem; quod non poterant facere nisi illum cognoscerent. Quantum verò ad mysterium Incarnationis, illud cognoverunt quoad substantiam, & quasdam etiam principales circumstantias, ut docet D. Thomas hic art. 5. ad 1. quia, inquit, *hoc mysterium est quoddam generale principium, ad quod omnia eorum officia ordinantur.* Addi potest, fuisse convenientissimum, ut tunc Angeli cognoscerent proprium caput: Christus autem est caput hominum & Angelorum, ut ait Apostolus ad Colos. 2. Ergo &c. Quantum verò ad alias huius mysterii circumstantias, illas non cognoverunt in via per fidem, sed vel à principio suæ beatitudinis in patria clarè & intuitivè eas viderunt in verbo; vel extra verbum, per speciales revelationes eis factas, de illis postea edocti sunt, secundum quod eorum officiis congruebat, ut testatur Dionysius cap. 7. de cœlesti Hierarchia. ubi hæc scribit: *Sacra Scriptura inducit quasdam cœlestes essentias ad ipsum Iesum questionem facientes, & addiscentes scientiam divinam eis operantibus.*

Ecc ij

vationis pro nobis, & Iesum eas sine medio docentem, ut patet Isaia 63. ubi querentibus Angelus: *Quis est iste qui venit de Edom? Respondit: Ego qui loquor iustitiam.*



## DISPUTATIO X

## De modo cognitionis Angelicæ.

Ad questionem 58. D. Thomæ.

**E**xplicatis quidditate, medio, & objecto cognitionis angelicæ; ad completam illius notitiam, superest tantum exponere modum illius, & difficultates aliquas quæ circa illud occurrunt, breviter resolvere.

## ARTICULUS I.

*Utrum Angeli semper sint in aliquo actu secundo intelligendi?*

**S**upponimus tanquam certum, Angelos non debere semper actu cognoscere omnia objecta quæ possunt naturaliter intelligi: nulla enim est necessitas ob quam Angeli debeant semper esse in actuali consideratione rerum omnium naturalium. Hoc supposito, inquirimus, an saltem respectu aliquorum objectorum semper debeant esse in actu secundo; & quænam sint illa objecta?

## §. I.

*Duplici conclusione utraque difficultas resolvitur.*

**D**ico primò, Angelum necessariò seipsum in actu secundo semper cognoscere. Est contra Vazquem, Puteanum, & quosdam alios Recentiores. Est tamen D. Thomæ quæst. 8. de verit. art. 6. ad 7. ubi ait: *Intellectus Angelus non est in potentia respectu essentia eius, sed respectu eius semper est in actu.* Et art. 14. ad 6. *Mens Angelus semper se actualiter intelligit: quod idè contingit, quia mens Angelus intelligit se per essentiam suam quæ semper informatur.* Quibus verbis conclusionem nostram & docuit & probavit: Cum enim Angelus intelligat se per suam essentiam, ut speciem intelligibilem, & semper illam habeat præsentem, eaque informetur in esse intelligibili, ut præcedenti disputatione declaravimus, manifestum est, Angelum semper & necessariò seipsum actu intelligere.

**P**ræterea, ut discurret idem S. Doctor 2. cont. Gent. cap. 97. *Omnis substantia vivens habet aliquam operationem vitæ in actu, quæ inest ei semper & necessariò, licet aliæ quandoque ei infint in potentia, sicut animalia semper nutriuntur, licet non semper sentiant.* Substantia autem separata sunt substantiæ viventes, nec habent aliam operationem vitæ, nisi intelligere & velle: Oportet ergo quòd semper & necessariò sint actu intelligentes respectu alicujus objecti, quod non potest esse aliud quàm propria eorum substantia, quæ est objectum maximè eis connaturale & proportionatum.

**C**onfirmatur: Omnis motus secundum naturæ ordinem debet reduci in primum motum determinatum ab ipsa natura, qui sit causa cæterorum: unde in animalis omnes motus vitales reducuntur in motum cordis, qui fluit quasi proprietas à natura animalis, ipsique semper convenit, ut docet

D. Thomas in opusculo de motu cordis: Ergo similiter omnis cognitio & volitio naturalis Angeli debet in cognitionem & dilectionem sui, tanquam in primam operationem ab ipsa natura determinatam & procedentem reduci.

**D**ico secundo, Angelos semper & necessariò cognoscere Deum ut suæ naturæ auctorem Ratio est, quia cum quilibet Angelus seipsum comprehendat, debet necessariò cognoscere habitudinem & dependentiam quam habet respectu Dei: Sed hæc dependentia cognosci non potest, nisi aliquo modo cognoscatur Deus: Ergo Angelus semper & necessariò Deum ut suæ naturæ auctorem cognoscit. Addo quod in illa Dei cognitione naturalis ejus beatitudo consistit: beatitudo autem (ut docet Aristoteles 10. Ethicorum) non est secundum habitum, sed secundum actum: Ergo &c.

**D**ico terciò: Intelligentiæ motrices cælorum continuò eos intelligunt: eos enim movent efficaci sui intellectus conceptione, ut supra in fine §. disp. ex Aristotele & D. Thoma ostendimus. Angeli etiam custodes suos clientes, & quæcumque eorum curæ commissa sunt, semper cognoscunt; quippe cum illis semper invigilent. Denique Dæmones semper suos cruciatu & alligationem ad ignem corporeum apprehendunt: torquentur enim cognitione suæ penæ & supplicii, à qua proinde nunquam eximuntur. E contra verò Angeli Beati semper sunt in actu respectu cognitionis & fruitionis Dei, & eorum quæ vident in verbo: quia in hac visione beatitudo eorum consistit; beatitudo autem non consistit in habitu, sed in actu, ut ex Aristotele dicebamus: Ergo &c.

## §. II.

*Solvuntur obiectiones.*

**C**ontra primam conclusionem obijci potest, quòd nullum objectum, præter Deum clarè visum, potest necessitate intellectum & voluntatem ad sui cognitionem & amorem: Ergo Angelus à propria substantia non potest ad sui cognitionem & amorem necessitari.

**S**ed faciliè respondetur, quod quamvis non necessitariò Angelus ad sui cognitionem & amorem, à propria substantia, tanquam ab objecto, quia non habet omnimodam rationem boni; bene tamen tanquam à principio, inquantum cognitio propriæ substantiæ est proprietas Angeli dimanans ab ejus essentia; eo ferè modo, quo motus cordis fluit quasi proprietas à natura animalis.

**O**bjiciunt secundo quidam Recentiores: Non videtur esse impossibile quòd se offerat Intellectui Angeli aliquod objectum, ita ipsum rapiens ad sui cognitionem & admirationem, & ita adæquatè illum occupans, ut aliquo tempore sui immemor esse possit, & manere in sola illius objecti contemplatione.

**R**espondeo hoc esse impossibile: Tum quia, ut jam dicebamus, cognitio sui fluit à substantia Angeli tanquam proprietas, & est prima operatio vitalis ipsius: Tum etiam quia substantia Angeli semper ejus intellectum per modum speciei intelligibiliter informat. Unde sicut si species alicujus objecti pupillâ oculi naturaliter afficeret, ab ejus visione non posset oculus desistere, quantumcumque aliud objectum excellens illi offerretur: ita pariter non potest aliquod objectum, quantumcumque excellens & perfectum, ad sui cognitionem & admirationem Angelum sic rapere, ut illum distrahat à propriæ substantiæ cognitione.



## ARTICULUS II.

*Vtrum Angelus possit multa simul intelligere?*

**P**RO resolutione huius difficultatis observandum est, duobus modis multa simul posse intelligi, nimirum vel ut multa sunt, vel ut sunt unum. Intelliguntur ut multa, quando sic intelliguntur ut non habeant ordinem ad aliquod unum intelligibile: ut unum verò, quando intelliguntur ut ordinata ad unum intelligibile. Hoc præmissio, sit.

## §. I.

*Conclusio negativa statuitur.*

**D**ICO igitur, nec Angelum, nec hominem posse plura per modum plurium intelligere, bene tamen per modum unius. Est contra Molinam, Vazquem, Suarezem, & alios Recentiores. Est tamen D. Thomæ hic art. 2. ubi sic habet: *Multa secundum quod sunt distincta non possunt simul intelligi, sed secundum quod univertur in uno intelligibili, sic simul intelliguntur.* Idem docet Aristoteles 2. Topic. cap. 4. loco 38. his verbis. *Contingit plura scire, cogitare autem non: per scire autem intelligit scientiam & cognitionem habitualement, & per cogitare, cognitionem actualem.* Unde Sueffanus ibi ait: *Sciunt enim habitu uno ferè infinita, aut problemata, aut conclusiones: discuntur autem & sermominantur de uno duntaxat.* Et Aphrodisæus: *Omnia, inquit, qui intelligit, unum aliquid intelligit: ut enim impossibile est plures orationes simul dici, sic etiam intelligi simul plura; nam intellectus est quedam oratio ipsius animæ quæ dicit in seipsa.*

Ratio etiam id suadet: Nam si intellectus plura ut plura simul intelligeret, vel unico actu, vel pluribus ea cognosceret? Neutrum dici potest: Ergo &c. Major patet, Minor verò quoad utramque partem suadetur. Et in primis quod plura ut plura non possint unico actu simul intelligi, videtur manifestum: Nam ut ait D. Thomas articulo citato, *Sicut ad unitatem motus requiritur unitas termini, ita ad unitatem operationis requiritur unitas objecti*: Sed plura ut plura non habent rationem unius objecti: Ergo nequeunt simul per eundem actum cognosci.

Quod verò nec diversis actibus possint plura per modum plurium ab eodem homine vel Angelo simul cognosci, sic ostenditur. Quælibet intellectus est ultima actualitas respectu intellectus & speciei intelligibilis a quibus procedit: Sed non est possibile quod eadem potentia aut eadem forma sit simul terminata pluribus actualitatibus ultimis: Ergo repugnat quod intellectus humanus vel Angelicus diversis actibus plura ut plura simul intelligat. Major patet, Minor probatur. Nam generaliter loquendo quælibet potentia terminata actualitate ultimâ, ita expletur per illam, ut quamvis ea objecta possint aliam recipere, non tamen simul cum præexistenti: propterea si quidem materia prima non potest recipere aliam formam substantialem simul remanente priori, quia cum ambæ sint ultime actualitates, prima actualitatem totam potentiam illius pro tempore quo est in materia; alioquin per illam esset & non esset ultimo actualitatem & terminata. Propterea etiam repugnat, quod eadem linea terminetur pluribus

Tom. II.

**A** punctis; quod idem corpus, secundum eandem sui partem, pluribus & diversis figuris sit figuratum; & sic de aliis.

Ex hoc probata manet secunda pars conclusionis: plura enim ut ordinata ad unum, possunt unica intellectione intelligi, quia de formali sunt tantum unum, licet de materiali sint plura: Ergo intellectus humanus vel Angelicus potest plura per modum unius intelligere. Hæc conclusio magis constabit ex solutione argumentorum.

## §. II.

*Solvantur obiectiones.*

**O**BJICIENS primò, Cognoscere diversa objecta per distinctos actus & diversas species, est plura ut plura cognoscere: Sed Angelus de facto diversa objecta per distinctos actus & diversas species simul cognoscit, simul enim clarè cognoscit Deum per essentiam divinam gerentem vices speciei, & seipsam per propriam substantiam, & alia à se per species accidentales ei infusas: Ergo plura ut plura simul intelligit.

Respondeo distinguendo Majorem: Cognoscere diversa objecta per distinctos actus & species, nullam inter se habentes habitudinem & subordinationem, est plura ut plura cognoscere, concedo Majorem: per distinctas species & actus inter se subordinatos, nego Majorem: ut enim communiter dicitur, *Vbi est unum propter aliud ibi est unum tantum.* Ad Minorem similiter dicendum est, quod quando Angeli Beati per essentiam divinam tanquam per speciem intelligunt Deum, & seipsos per propriam substantiam gerentem vices speciei, aliaque à se per species accidentales ei superadditas, tales intellectiones & species sunt inter se subordinatæ; ed quod essentia divina, per quam elicitur visio beatifica, est eminentissima, continens in se quidquid præteritis est in aliis formis intelligibilibus: unde omnes species Angelo inditæ, & substantia illius, se habent ad essentiam divinam aliquo modo sicut species quinque sensuum externorum ad speciem sensus communis, cum quæ non ponunt in numero, sed reputantur una species, quia illa repræsentat altiori modo quidquid istæ repræsentant. Similiter etiam species inditæ quodammodo subordinantur substantiæ Angelî, ut gerentis vicem speciei, quia hæc est aliquo modo excellens respectu illarum, cum repræsentet, confusè saltem, omnia illarum objecta. unde essentia divina potest esse ratio determinans ad usum aliarum specierum, & ad cognoscenda objecta per illas repræsentata; & similiter propria substantia potest esse Angelo ratio intelligendi seipsam, & mediâ sui cognitione, illum determinare & constituere in actu, ut possit uti qualibet specie indita.

**H**æc doctrina & solutio sumitur ex D. Thomæ quæst. 8. de verit. art. 14. ad 6. ubi sic ait: *Mens Angelî semper se actualiter intelligit... nec tamen cum mens Angelî quodammodo se intelligit & aliquid aliud, intelligit simul multa, nisi ut unum, quod sic patet: si enim aliqua duo ita se habeant, quod unum sit ratio intelligendi aliud, unum eorum erit quasi formale, & aliud quasi materiale; & sic illa duo sunt unum intelligibile, cum ex forma & materia unum constituatur. Unde intellectus quando intelligit aliquid per alterum, intelligit tantum unum intelligibile, sicut patet in visu: lumen enim est quod videtur color, unde se habet ad*

Ecc iiij

colo-



colorem quasi formale, & sic color & lumen sunt A  
unum tantum visibile, & simul à visu videntur,  
Essentia autem Angeli est ratio cognoscendi omne  
quod cognoscitur, quamvis non perfecte, propter quod  
formis supernaturalis indiget: cognoscit enim omnia per  
modum substantia sua, ut dicitur in libro de causis,  
& secundum propriam virtutem & naturam, ut dicit  
Dionysius cap. 7. de divin. nomin. unde cum in-  
telligit se & illa, non intelligit simul multa; nisi  
ut unum.

14. Dices: Angelus movens cælum, seipsum in-  
telligendo, simul cælum quod ab eo movetur in-  
telligit, cum moveat illud per intellectum & vo-  
luntatem: Sed cognitio cæli moti ab Angelo,  
nullam habet subordinationem ad cognitionem  
quam habet Angelus de seipso: Ergo Angelus  
potest cognoscere diversa objecta per actus di-  
stinctos, nullam inter se habentes habitudinem  
& subordinationem, subindeque plura ut plura  
simul intelligere.

15. Respondeo concessi Majori, negando Mino-  
rem: cælum enim & ejus motus pertinent quo-  
dammodo ad perfectionem Angeli ipsum mo-  
ventis, subindeque eorum cognitio ad perfectam  
Angeli notitiam ordinatur. Idem dicendum est  
de cognitione eorum quæ sunt commissa Ange-  
lorum custodiæ: illa enim cognitio ad perfectam  
Angeli custodiæ notitiam quodammodo perti-  
net, & per consequens facit quodammodo unum  
cum illa.

16. Obijcies secundò: Sensus tam externus quam  
internus cognoscit simul plura per modum plu-  
rium: visus enim simul videt plures homines,  
plura animalia, plures arbores, & alias res in  
prospectu positas; auditus etiam simul audit vo-  
cem loquentis, & sonum campanæ, tactus quo-  
que plures qualitates in eadem re simul percipit,  
nempe frigus, duritiem, aut molliem, & deni-  
que sensus communis objecta visus, auditus, gu-  
stus, tactus, & olfactus simul percipit: cur ergo  
hoc idem non tribuamus intellectui, qui multò  
perfectior facultas est, & maxime intellectui An-  
gelico.

17. Respondeo primò, negando Antecedens: nam  
quando plura objecta à sensibus externis vel in-  
ternis simul percipiuntur, non per modum plu-  
rium, sed per modum unius cognoscuntur, qua-  
tenus scilicet unum objectum adæquatam & to-  
tale unius sensationis efficiunt, & per unicam  
speciem representantur. Ita D. Thomas quod-  
lib. 7. art. 2. ad 1. ubi hæc scribit: *Sensus commu-  
nis quamvis sit una potentia secundum essentiam,  
tamen aliquo modo multiplicatur secundum esse,  
inquantum coniungitur diversis sensibus propriis;  
sicut unum centrum coniungitur pluribus lineis:  
unde immutationes omnium sensibilibus simul ter-  
minantur ad sensum communem; sicut motus qui  
est per omnes lineas, posset simul terminari ad  
centrum. Sed intellectus non multiplicatur modo  
predicto in plures potentias, & ideo non est simile.*  
Alia etiam inter intellectum & sensum tam exter-  
num quam internum reperitur differentia: nam  
sensus est potentia organica; & ideo potest in di-  
versis partibus organi diversas sensationes elicere;  
quod non potest intellectus, quia est potentia  
inorganica & indivisibilis. Unde secundò respon-  
deri potest, dato antecedente, negando conse-  
quentiam & paritatem.

18. Obijcies tertio: Plures simul dantur species in-  
telligibiles in intellectu humano, tum Ange-  
lico, non coordinate inter se, seu non ordinate ad

representandum unum, sed representantes plura  
ut plura: Quidni ergo in illo simul esse poterunt  
plures intellectiones & species expressæ, quibus  
plura ut plura cognoscantur.

19. Respondeo rationem disparitatis esse, quia spe-  
cies intelligibiles ex parte principii intellectivi se-  
tenent, & se habent per modum principii & con-  
causa intellectiōis; intellectio autem & species  
expressa sunt ultimus terminus, & ultima actua-  
litas potentia intellectiva, ut patet ex supra di-  
ctis; licet autem ejusdem possint dari plura prin-  
cipia partialia, & plures formæ & virtutes idem  
principium totale complentes; repugnat tamen  
eandem rem habere plures ultimas actualitates,  
pluresque terminos ejusdem rationis, & non sub-  
ordinatos, ut supra ostendimus.

### ARTICULUS III.

*Utrum in Angelis possit esse discursus?*

#### §. I.

*Quibusdam præmissis conclusio negativa statuitur.*

20. Scotus in 2. dist. 7. quæst. 1. admittit in Ange-  
lis discursum, tam circa naturalia quam circa  
supernaturalia. Ei favet Molina in præsentia, di-  
cens quod Angelus discurret per accidens circa  
objecta. Suarez verò libro 2. de Angelis cap. 33.  
docet angelos posse discurrere circa supernatura-  
lia, & circa naturalia quæ non possunt cognosce-  
re evidenter, qualia sunt futura contingentia, &  
cogitationes cordis. Econtra Divus Thomas &  
ejus Discipuli omnem prorsus Angelis denegant  
discursum, tam æqualem quam possibilem; &  
circa res tam naturales quam supernaturales; tam  
circa ea quæ evidenter cognoscunt, quam circa ea  
quæ conjecturaliter solum intelligunt. Pro cuius  
sententia declaratione, duo præmittenda sunt.

21. In primis cum eodem S. Doctore supra quæst.  
1. art. 7. observandum est, duplicem esse discursu-  
m; unum improprium, qui dicit tantum successio-  
nem actuum se consequentium absque illatio-  
ne, ut quando intellectus intelligit hoc post hoc:  
alterum proprium, qui non solum successio-  
nem, sed etiam causalitatem inter actus importat, ita ut  
prior causet & inserat posteriorem. De primo  
non est difficultas in præsentia, quia manifestum  
est illum reperiri in Angelo: cum enim non sit  
actus parvus, nec in esse intelligibili, nec in esse  
naturali, sicut Deus, omnia unico actu intelligere  
nequit, sed pluralitate actuum sibi succedentium  
indiget. Unde solum hic agimus de secundo dis-  
cursu.

22. Supponendum est etiam, ad verum & proprium  
discursum, non sufficere, quod unum objectum  
sit ratio cognoscendi aliud: alias scientia Dei &  
visio beatifica essent discursiva; cum essentia di-  
vina sit ipsi Deo & beatis ratio cognoscendi crea-  
turas: potentia etiam visiva esset discursiva; cum  
lumen sit illi ratio videndi colores, ut docent Ad-  
versarii. Verus ergo & proprius discursus duas ne-  
cessario requirit condiciones: prima est distinctio  
actuum, quæ sit realis, si discursus sit formalis:  
secunda est, quod sit illatio & vera causalitas inter  
actus, ita ut prior causet & inserat posteriorem;  
quod accidit quando intellectus intelligit hoc ex  
hoc, sive quando ex uno prius cognito devenit in  
cognitionem alterius posterioris cogniti: hæc ta-  
men prioritas & posterioritas non est semper  
dura

durationis, sed sapē est prioritas naturæ & rationis.

23 Quod confirmatur ex motu corporum, per analogiam ad quem dicitur motus seu discursus intellectualis: tunc enim est propriè motus seu discursus corporalis, quando corpus non solum attingit successivè medium, & postea finem, sed etiam attingit finem per medium, ita quod attingentia mediū sit causa perducens illud ad attingendum finem. Ex quo intelliges, magnam esse differentiam inter fixæ tria: videre aliquid in alio, videre post aliud, & videre ex alio. Deus enim videt omnia in seipso, non tamen post aliud, aut ex alio: Angeli vident unum post aliud, non tamen ex alio, ut infra patebit: homines verò vident unum post aliud, & ex alio. Videre in alio denotat omnimodam similitudinem ex parte actus; & prioritatem ac posterioritatem seu dependentiam inter objecta, ita ut unum sit ratio cognoscendi aliud. Videre post aliud, dicit successivum ex parte actuum, absque causalitate & dependentia unius ab altero. Videre autem ex alio, non solum distinctionem actuum, sed etiam causalitatem & dependentiam unius ab altero importat. His præmissis: pro resolutione difficultatis propositæ.

24 Dico, in Angelis nec dari, nec esse posse discursum propriè dictum. Ita D. Thomas quæst. 8. de verit. art. 1. sic dicens: *Sicut nos sine discursu principia cognoscimus simpliciter intuitu, ita & Angeli omnia quæ cognoscunt; unde & intellectuales dicuntur, & habent principiorum in nobis dicitur intellectus.* Et 1. 2. quæst. 89. art. 4. *Intellectus Angeli, inquit, non est discursivus ut scilicet procedat à principis ad conclusiones, sed utrumque intelligens, sicut in nobis contingit. Unde oportet, quod quandoque considerat conclusiones, consideret eas prout sunt in principis.* Idem docet ex professo hic art. 3. & probat in argumento *sed contra* ex Dionysio cap. 7. de divinis nominibus dicente Angelos non congregare divinam cognitionem à sermonibus diffusis, id est discursibus & sermonibus mentalibus. In corpore verò articuli probat duplici ratione.

25 Prima sumitur ex comparatione proportionali spirituum ad corpora; sic enim comparantur angelici spiritus ad humanos in acquirendo suam perfectionem, sicut corpora cœlestia ad terrestria. Quemadmodum igitur inter naturas corporeas supremum locum obtinent cœli, ita inter naturas spirituales principatum tenent Angeli: Atqui corpora cœlestia in hoc differunt à terrenis, quod hæc per motum valde imperfectum (augmentationis scilicet & alterationis) perfectionem suam adipiscuntur; illa verò sine motu (saltem imperfecto), sed ad summum perfectissimè inter corporeos, & valde elevato, (scilicet locali) suam habent perfectionem. Ergo in ordine ad cognitionem veritatis, quæ est perfectio naturæ spiritualis, discursus (qui est motus quidam spiritualis, omnium qui reperiiri possunt in linea intellectuali imperfectissimus) locum habebit quidem in hominibus, qui sunt substantiæ spirituales, terrestres, & inferiores, non tamen in Angelis, qui sunt spiritus cœlestes, & supremi in ordine intelligibili creati; sed ad summum poterunt moveri motu intellectuali communiter dicto, qualia est pura & simple apprehensio sine discursu.

Vis huius rationis innititur huic principio: Quæ sunt perfecta in aliquo genere, non debent acquirere suam perfectionem eo modo quo illa quæ

sunt imperfecta in eodem ordine; unde cœlum non acquirit suam perfectionem per motum alterationis & augmentationis, sicut corpora inferiora: Cum ergo Angelus sit perfectus in ordine intellectuali, non debet acquirere suam perfectionem per motum discursivum, eo modo quo intellectus humanus, qui infimum tenet locum in eodem genere.

26 Secunda ratio Divi Thomæ sic potest proponi. Ibi non est discursus formalis & propriè dictus, ubi non sunt plures cognitiones realiter distinctæ, quarum una causetur ex alia: Sed tales cognitiones non sunt in Angelis: Ergo illis discursus formalis & proprius non convenit. Major patet ex secunda suppositione, Minor verò luadetur. In illis non reperitur ordo ille cognitionum, qui visis principis simpliciter quodam intuitu, ex vi cognitionis principiorum, statim conclusiones ipsas intelligunt: Sed Angelus hoc facit: Ergo in eo ordo ille cognitionum, quarum una causetur ab alia, non reperitur. Major est certa: idè si quidem in cognitione conclusionum utitur discursu, quia non statim ex vi visionis principiorum eas intelligimus Minor verò probatur: Nam in nobis ex imperfectione & debilitate luminis intellectualis provenit, quod non statim ex vi visionis principiorum intueamur conclusiones in ipsis contentas: Ergo cum contra Angelus habeat perfectum & forte lumen intellectuale, visis principis, in ipsis absque nova cognitione intueatur conclusiones. Unde Angeli communiter dicuntur *intelligentes*; homines verò *rationales* appellantur; quia isti ratiocinando ad cognitionem veritatis perveniunt; Angeli verò per simplicem intuitum vident conclusiones in principis, & effectus in causis.

27 Dices primò cum Molina, hac ratione D. Thomæ rectè quidem concludi, quod Angelus non debeat necessariò uti discursu; cum hoc tamen stare, quod per accidens & ex sua libertate possit illo uti: quia licet visis principis, possit in eis eodem intuitu videre conclusiones, potest tamen per suam libertatem, videndo principia, ibi sistere, & statim per aliam cognitionem deducere conclusiones in illis principis contentas. Quod maxime verificatur in Doctrina Thomistarum, qui docent quemlibet Angelum posse per suam libertatem uti inadæquatè quolibet suâ specie, ad unum objectum inadæquatam ipsius cognoscendum: ex hoc enim sequitur manifestè, quod ex uno objecto partiali suæ speciei priùs cognito, possit procedere ad aliud objectum partiale ejusdem speciei cognoscendum, subindeque discurrere.

28 Sed contra primò: Quod est proprium homini, nequit nullo pacto convenire Angelo: Sed ratiocinari & discurrere est proprietas hominis, sicut esse rationale & discursivum est ipsius essentia: Ergo discursus & ratiocinatio, nec per se, nec per accidens potest Angelo convenire; sicut nec mugitus equo, nec latratus bovi. Nec obstat quod D. Gregorius homil. 10. in Evang. appellat Angelum, *animal rationale*: sicut nec quod dicit Damascenus lib. 2. fidei cap. 3. nimirum, quod *natura Angeli rationalis est, & liberâ potestate arbitrioque sulca.* Nam ut ait D. Thomas suprâ quæstione 51. art. 1. ad 2. D. Gregorius metaphoricè tantum nominat Angelum *rationalem animal*, propter similitudinem rationis: Damascenus verò rationale pro intellectuali, non pro discursivo usurpat: sicut Verbum Divinum in Scriptura λόγος, seu ratio Patris, id est ejus sapientia

pientia & intelligentia nuncupatur. Unde Justinus Martyr, referente Baronio, initio historię Ecclesiasticę, ait Christianos esse nominandos, quotquot è gentibus, licet adventum Christi præcesserint, cum ratione vixerunt; quia nimirum Christus est ratio & sapientia æterna.

29 Secundo magis impugnatur hæc Molinæ responsio: Angelus non potest pro sua libertate immutare modum naturalem suę cognitionis; utpote qui non subditur ipsius libertati, sed ex natura sua ei cognovit: cognoscere autem conclusiones, simul intiendo earum principia, absque illatione unius ex alio, est modus cognoscendi ei maxime connaturalis, quia ipsum exigit natura Angelica, ratione suę perfectionis & excessus supra naturas intellectuales inferiores. Unde (ut respondeatur ad id quod additur de doctrina Thomistarum) licet possit Angelus, utendo inadæquatè aliquā ex suis speciebus, solum in ipsa intueri principium, & ibi sistere. cum tamen postea utendo eadem specie, vult in ipsa intueri conclusionem, nequit id facere, ex illa priori cognitione deducendo aliam; sed eā omisā, debet talem elicere cognitionem, per quam simul intueatur & principium & conclusionem: quia (ut jam ostendimus) hoc exigit naturalis ejus modus cognoscendi.

30 Dices secundo cum Suarez, hac ratione D. Thomæ ad summum concludi, quod Angelus non possit discurrere circa objecta naturalia; subinde que cum ipsa adhuc stare, quod utatur discursu circa supernaturalia; cum circa ea non habeat ex se lumen perfectum, sed ad summum potentiam obediētiālem.

Sed contrā: Sicut gratia non deprimit naturam ad ordinem inferiorem, quia de se est immaterialior & elevatior quā natura, ita cognitio supernaturalium, quæ est aliquid Angelo gratuitum, non deprimit modum intelligendi ipsi connaturalem, sed potius ipsum perficit & elevat. Ergo Angelus cognoscendo supernaturalia, non deprimitur ad modum cognoscendi suę naturę inferiorē, qualis est modus cognoscendi per discursum; sed relinquitur cum modo intelligendi sibi connaturali, solumque cum eo elevatur ad altiorē ordinem.

Adde quod, lumen supernaturale de se non est discursivum, ut testatur D. Thomas 2. 2. quæst. 9. art. 1. ad 1. sed solum ex parte subiecti, quando scilicet est in subiecto ex se discursivo: Ergo cum Angelus, qui est subiectum talis luminis, in ordine ad cognitionem supernaturalem, ex se, sive ex sua natura non sit discursivus, non recipit tale lumen ut discursivum, subindeque non discurret circa supernaturalia.

31 Confirmatur: In hoc principio, *Christus est homo*, continetur necessariò hæc conclusio, *Christus est risibilis*: Ergo sicut lumine naturę Angelus uno & indivisibili actu cognoscit Petrum esse hominem, & esse risibilem, ut fatetur Suarez; ita lumine supernaturali fidei, unico & simplicissimo actu, illas duas propositiones simul attingit, & unico intuitu in hoc principio, *Christus est homo*, videt illum esse risibilem.

Ex quibus patet, quod non solum de facto Angelus non discurret, sed etiam quod nullo modo sit possibile ipsum discurrere, sive per se, sive per accidens, sive circa naturalia, sive circa supernaturalia. Sicut enim intellectus hominis quantumcumque imperfecte se habeat in aliqua cognitione, nunquam deijcitur ad hoc ut modo brutali

A cognoscat, nempe per instinctum & determinationem, non verò per arbitrium & discursum ita Angelus, quomodounque cognoscatur supernaturalia, futura contingencia, cogitationes cordis, & alia ejusmodi, nunquam tamen in modo cognoscendi ad hoc deprimitur, ut ea sicut homo per discursum propriè dictum intelligat.

## §. II.

## Præcipua objectiones solvuntur.

32 **O**bjicies primò: Illud agens intellectuāle est propriè discursivum, etiam circa naturalia, quod habet distinctas de illis cognitiones, quarum una cauētur ex alia: Sed Angelus ita se habet: Ergo discursivus est. Major constat ex suppositione ab initio facta. Minor verò probatur: Nam ex una parte Angelus ex cognitione sui cognoscit Deum, & ex cognitione causę naturalis intelligit illius effectus; ex alia verò parte istę cognitiones sunt distinctę & diversę, quia (inquit Molina) una est intuitiva, nempe cognitio quam habet Angelus de seipso, & illa quam habet de causa naturali; alia verò abstractiva, scilicet cognitio quam habet de Deo, ex cognitione sui, & cognitio effectus quam ex cognitione causę naturalis deducit: Ergo &c.

33 **C**onfirmatur: Angelus habet diversas & distinctas volitiones, quarum una cauētur ex alia; nam ex intentione finis, eligit media; & ex dilectione sui necessaria libere diligit alia à se: Ergo similiter potest habere diversas cognitiones, quarum una cauētur ex alia.

34 **R**espondeo ad objectionem, negando Minorem. Ad cujus probationem, concessā primā parte illius, nego secundam, quod scilicet cognitio illa quam habet Angelus de Deo, ex cognitione sui, sit distincta à cognitione suę essentię; & similiter quod cognitio effectuum quam habet ex cognitione causę naturalis ipsorum, sit formaliter diversa à cognitione talis causę. Ad probationem subjunctam incontrarium, quā convincit Molina ad concedendum Angelis discursum propriè sumptum, dico unam eandemque notitiam posse asse respectu diversorum objectorum intuitivam simul & abstractivam; ut constat in visione Beata, quæ unica numero existens in quolibet Beato, est intuitiva Dei & creaturarum existentium, abstractiva verò respectu possibilium: unde non est mirum quod eadem cognitione, quā Angelus suam essentiam intuitivè intelligit, Deum abstractivè cognoscat; & eadem notitiā, quā intuetur causam aliquam naturalem, abstractivè intelligat ipsius effectum.

35 **A**d confirmationem, dato Antecedente, nego Consequentiam & paritatem. Ratio disparitatis assignatur à D. Thoma infra quæst. 60. art. 2. in corp. ubi sic habet: *Cognitio intellectus sit secundum quod res cognita sunt in cognoscente. Est autem ex imperfectione intellectus naturalis in homine, quod non statim intellectus naturaliter habet omnia intelligibilia, sed quadam, à quibus in alia quodammodo movetur: sed actus appetitivus virtutis est de converso secundum ordinem appetitus ad res; quarum quadam sunt secundum se bona, & ideo secundum se appetibilia; quadam verò habent rationem bonitatis ex ordine ad aliud, & sunt appetibilia propter aliud. Unde non est ex imperfectione appetitus quod aliquid appetat naturaliter ut finem, & aliquid per electionem ut ordinatur ad finem. Quia igitur natura intellectus in Angelis perfecta est, invenitur in*



*ei sola cognitio naturalis, non autem ratiocinativa : sed invenitur in eis dilectio & naturalis & electiva.*

36 Obijcies secundò : In Angelis datur virtus bene consiliativa, quæ dicitur Eubulia : Sed hæc dicit inquisitionem & discursum : Ergo in Angelis reperitur discursus. Item Angeli sunt admirativi circa objecta supernaturalia, ut patet ex illo Isaïæ 63. *Quis est iste qui venit de Edom ? &c. & ex illo Cant. 3. Quæ est ista quæ ascendit per desertum sicut virgula fumi ? &c.* Sed qui est capax admirationis, est etiam capax discursus ; nam tunc admiratio contingit, quando ex cognitione effectus ducimur in cognitionem causæ ignotæ : Ergo Angeli sunt capaces discursus. Denique in Angelis reperitur scientia propriè dicta : At hæc importat discursum, cum cognitio conclusionis erga quam scientia versatur, ex cognitione principiorum causetur : Ergo idem quod prius.

37 Respondeo inquisitionem & discursum non requiri per se & essentialiter ad actum Eubuliz, sed tantum per accedens, & propter imperfectionem subiecti : unde in Deo reperitur actus Eubuliz, scilicet consilium, quantum ad certitudinem iudicii de rebus agendis ; etiam si in illo non sit discursus, nec inquisitio, ut docet D. Thomas suprà quæst. 22. art. 1. ad 1. Idem dicendum de Angelis. Similiter in illis est admiratio, quantum ad hoc quod dicit cognitionem rei occultæ, non autem quantum ad comparationem ejusdem rei ad ejus causam occultam, & quantum ad desiderium cognoscendi causam ; quæ duo involvunt discursum, & reperiuntur tantum in intellectu humano debiliore : unde in admiratione angelica non reperitur discursus.

Ad illud quod subjungitur de scientia, dicendum est imperfectionem discursus, seu quod cognitio scientifica ex priori cognitione causetur, non esse de ratione omnis scientiæ, sed solum de ratione illius quæ à cognitione principiorum realiter distinguitur : ut patet in scientia divina, quæ est verè & propriè scientia, & tamen non est discursiva formaliter, quia principia & conclusiones diversis cognitionibus non attingit, ut docet S. Thomas suprà quæst. 14. art. 1. ad 2. & in quæstionibus disputatis, quæst. 2. de scientia Dei art. 1. ad 4. ubi sic ait : *Discursus non contingit nisi secundum quod intellectus cognoscens principia, cognoscit in potentia tantum conclusiones : si enim actu cognosceret, non esset ibi discursus ; cum motus non sit nisi exitus de potentia in actum. Discursus ergo scientia in Deo, ratione certitudinis, non autem ratione discursus.* Cum ergo Angelus cognoscens principia, non cognoscat in potentia tantum conclusiones, sed unico & simplici actu videat conclusiones in principii, ut supra ostensum est, in eo reperitur scientia absque discursu formali, cum solo discursu virtuali : iste enim nullam imperfectionem importat, sed potius eminentiam & perfectionem ; cum consistat in unico actu æquivalente pluribus, ac virtualiter multiplici, in quantum scilicet unica formaliter cognitio prius naturæ terminatur ad causam, quam ad effectum ; prius ad principium, quam ad conclusionem, cum dependentia & causalitate virtuali ; ita quod terminatio ipsius ad causam & ad principium, sit ratio terminationis ejusdem ad effectum & conclusionem.

38 Obijcies tertio cum Suare. Esto Angeli non discurrant circa naturalia quæ cognoscunt evidenter, in illis tamen necessariò dari debet discursus circa supernaturalia, & circa naturalia

A quæ non possunt cognoscere evidenter : v. g. quando demones visus Christi miraculis, con-jiciebant ipsum esse Filium Dei ; vel dum ex ali-quibus signis, aut externis indiciiis, venantur ac explorant cordium secreta, & futura contin-gentia : si quidem ibi sunt duo actus, quorum unus causatur ab alio, scilicet visio mirabilium Christi, & suspicio divinitatis illius ; visio hujus signi externi, putà immutationis vultus, & sus-picio talis cogitationis in mente conceptæ. Ne-que valet si dicas, hæc omnia cognosci unico ac-tu, subindeque ibi nullum intervenire discursum, qui pluralitatem actuum, quorum unus sit causa alterius, essentialiter importat. Nam contra : Repugnat unum & eundem actum esse si-mul evidenter & obscurum, certum & opinati-vum, necessarium & liberum : Sed cognitio mirabilium Christi erat demonibus evidens, certa, & omnino necessaria ; cognitio verò di-vinitatis illius, inevidens, incerta, opinativa, & contingens : Ergo ibi erat diversitas actuum.

Respondeo approbando responsum inter arguendum datam. Ad probationem in contra-<sup>39</sup> rium dicendum est, quod sicut non implicat eundem actum cognitionis esse simul abstractivum & intuitivum, respectu diversorum, ut su-prà ostendimus ; ita non repugnat esse eviden-tem & obscurum, necessarium & opinativum : im-mò sæpè in nobis reperiuntur actus habentes omnes hujusmodi conditiones ; nam contingit multoties à nobis cognosci principium aliquod evidenter lumine naturali, & simul in eo quas-dam conclusiones in confuso tantum & opinati-vè ; quia non penetramus simul cum veritate hujusmodi principii veritatem illarum conclu-sionum, aut necessariam connexionem hujus-modi principii cum illis conclusionibus.

## §. III.

*Corollaria notatu digna.*

EX dictis in hoc articulo habes primò resolu-<sup>40</sup> tionem alterius difficultatis, quam pertra-ctat D. Thomas art. 4. hujus quæstionis, an scilicet Angelus intelligat componendo & dividendo : Ex eodem enim principio, quo suprà proba-tum est, Angelum non discurrere, deducitur etiam illum non uti formali compositione & di-<sup>D</sup>visione : quia sicut in principio videt statim conclu-siones, ita etiam cognito aliquo subiecto, cog-noscit etiam per unum simplicem actum om-nia quæ illi conveniunt aut repugnant : Ergo si-cur non discurret, ita nec componit aut dividit.

Dices primò : Intellectus Angelicus interdum utitur pluribus speciebus ad negandum a-<sup>41</sup> liquod prædicatum de subiecto, v. g. speciebus hominis & leonis, ad negandum quod leo sit ho-mo : Ergo tunc non cognoscit ea quæ repugnant subiecto, per unicum simplicem actum & concep-tum, sed per plures, juxta pluralitatem spe-cierum ; quia conceptus debet proportionari speciei à qua elicitor.

Respondeo primò negando Antecedens : quia ad propositionem negativam non est ne-<sup>42</sup> cessarium habere claram & distinctam cog-nitionem utriusque extremi ; sed sufficit cognos-cere repugnantiam unius extremi ad aliud ; ita quod illud extremum non cognoscatur quiddita-tivè, sed tantum ut alteri repugnans : ad istud autem non requiritur necessariò concursus du-plis speciei ; quia species repræsentans Angelo<sup>Fff</sup> aliquod



aliquod extremū, repræsentat etiam quiddam ei<sup>a</sup> A  
convenit aut disconvenit; v.g. species repræsen-  
tans hominē, repræsentat etiam equum & leonē,  
non quidditativē, sed prout non sunt homo.

43 Respondeo secundò: dato Antecedente, ne-  
gando Consequentiam: nam etiam si species sint  
plures, si tamen adincentur per modum unius,  
non est necesse quod dentur plures conceptus;  
maximè quando lumen intellectūs qui ipsis uti-  
tur est perfectum, ut in Angelo contingit: quan-  
do autem ille utitur pluribus speciebus ad ali-  
quid affirmandum vel negandum de subiecto,  
non utitur illis, ut plures sunt, sed ut se habent  
per modum unius, quia cognoscit unum obje-  
ctum per ordinem ad aliud. Unde quando addi-  
tur in objectione, quòd conceptus debet pro-  
portionari speciei, distinguendum est, debet  
proportionari speciei totali, ex pluribus partia-  
libus adunatis, ut sic loquar, compositæ, con-  
cedo: speciei partiali tantum, nego.

44 Dices secundò: Angelus interdum attribuit  
subiecto ordinis naturalis aliquod prædicatum  
supernaturale: Sed illud non potest per speciem  
rei naturalis repræsentari, nec per ejusdem con-  
ceptum cognosci: Ergo tunc necessariò datur  
duplex conceptus, & consequenter compositio.

45 Respondeo non repugnare quòd eodem con-  
ceptu intelligatur duplex objectum, unum natu-  
rale, & aliud supernaturale. Ut quidem si ob-  
jectum supernaturale cognoscatur quidditati-  
vè, attingetur per se primò per conceptum; ob-  
jectum verò naturale, secundum quòd quo-  
dammodo reducit ad supernaturale, secun-  
dariò tantum cognoscetur. Si verò objectum  
supernaturale non cognoscatur quidditati-  
vè, tunc conceptus & species per se primò attingit  
rem naturalem, & secundariò supernaturalem:  
sicut species creaturæ repræsentat hoc modo  
secundariò & connotativè creatorem.

46 Dices tertio: Veritas & falsitas non reperiun-  
tur in simplici apprehensione, sed solum in com-  
positione aut divisione, ut docetur in Logica:  
Sed veritas & falsitas sunt in intellectu Angeli-  
co: Ergo & compositio ac divisio.

47 Respondeo distinguendo Majorem: non sunt  
nisi in compositione & divisione formali aut  
virtuali, concedo Majorem: formali tantum,  
nego Majorem. Quamvis autem in intellectu  
angelico non sit compositio aut divisio forma-  
lis, in illo tamen reperitur compositio & divisio  
virtualis, sicut & virtualis discursus; quia sim-  
plex illi penetratio quidditatis, intellectus an-  
gelico conveniens, æquivalere nostræ compo-  
sitioni & divisioni; & idè in illa veritas aut fal-  
sitas reperitur, licet non possit reperiri in nostra  
simplici apprehensione, propter rationem op-  
positam.

48 Ex dictis etiam colliges plures prærogativas &  
excellencias, quibus scientia angelica eminet su-  
pra humanam. In primis enim scientia nostra li-  
mitata est, & ad certum genus entis coarctata ac  
definita: angelica verò ad omnia ferè naturalis  
ordinis scibilia se extendit, totius naturæ statū,  
& universi ordinem, rerum omnium creaturarum  
naturas, genera, species, & individua attingit;  
quia hæc omnia pertinent ad ordinem & pul-  
chritudinem universi, cujus regimini Deus An-  
gelos præfecit. Unde præclare Gregorius lib. 2.  
Moral. cap. 2. dicit: *In hoc natura Angelica est à na-  
tura nostra conditione distincta, quòd nos & loco cir-  
cumscribimur, & cæcitate ignorantia coarctamur*;

Angelorum verò spiritus, loco quidem circumscripti  
sunt, sed tamen eorum scientia longè super nos incom-  
parabiliter dilatatur; interius quippe exterioriq; scien-  
do diffusi sunt, quia ipsum fontem scientiæ contemplan-  
tur. Quid enim de his quæ scienda sunt nesciunt, qui  
sciunt omnia sciunt? Eorum itaq; scientia, comparatio-  
ne nostra scientiæ, valde dilatata est, sed tamen com-  
paratione divini scientiæ angusta. Augusta sanè,  
quia non omnia possibilia, nec futura, nec cogi-  
tationes cordium, nec mysteria gratiæ lumine  
naturalis cognoscunt; nec Deum ut est in se co-  
gnitione intuitivè vident, nec comprehendunt.  
Dilatatur tamen eadem scientia Angelorum res-  
pectu nostri, quia omnia sibi inferiora nedum  
intuentur, sed etiam comprehendunt.

Deinde, Scientia Angelorum semper est in ali-  
quo actu secundo, saltem quantum ad cogniti-  
onem sui, & Dei ut auctoris naturæ, sicut suprà  
declaratum est: non enim illis sicut nobis inest  
sensus, nec vigilæ, & somni vicissitudo, quæ in-  
tellectuales illorum operationes interpolentur.  
Non est etiam in potentia quantum ad ea quæ se  
teneat ex parte principii cognitionis: sicut enim  
corpora superiora, scilicet cælestia, non habent  
potentiam ad esse, quæ non sit completa per  
actum; ita cælestes intellectus, scilicet Angeli,  
non habent aliquam intelligibilem potentiam,  
quæ non sit totaliter completa, per species in-  
telligibiles eis connaturales, ut suprà vidimus.

Præterea Angelus non discurret, nec compo-  
nendo vel dividendo intelligit, sed unico intuitu  
videt effectus in causis, conclusiones in princi-  
piis; & cognito subiecto, statim omnia quæ illi  
conveniunt aut repugnant per unicum simplici-  
cem actum cognoscit. Hinc Dionysius cap. 7. de  
divin. nomin. ait, quod *l'irtus intellectualis Ange-  
lorum resplendet perspicua divinarum intellectuum  
simplicitate*. Et D. Bernardus serm. 5. in Cantica,  
*Cælestis spiritus, inquit, solâ vicinitate ac vivacitate  
naturæ sufficit apprehendere summa, & infima pene-  
trare*. Unde Angelorum scientia, non solum ha-  
bet rationem scientiæ, sed eminenti quodam  
modo est simul scientia & intelligentia, & æqui-  
valet nostræ scientiæ, & habitui primorum princi-  
piorum: quæ enim sunt divisa in inferioribus,  
adunantur in superioribus.

Denique in Angelis duplex solet distingui  
cognitio, matutina scilicet & vespertina, ut ex  
Augustino declarat Angelicus Doctor, hic art. 6.  
& 7. Cognitio matutina dicitur illa, quæ per  
lumen gloriæ, & visionem beatificam, vident  
res in verbo, id est in essentia divina gerente  
vices verbi & speciei expressæ: vespertina verò,  
quæ per species inditas res in seipsis cognoscitur.  
Nam ut ait Augustinus lib. 11. de civit. cap. 7.  
*Quia cognitio creatura in seipsa decoloratur est, ut ita  
dicam, quàm cum in Dei sapientia cognoscitur, ve-  
lut in arte per quam facta est; idè vesper a congruen-  
tius quàm nox dici potest*. Et lib. 4. de Genesi ad lit.  
cap. 28. *Multum interest, inquit, inter cognitio-  
nem rei cuiusque in Verbo Dei, & cognitionem in na-  
tura ejus; ut illud meritò ad diem pertineat, hoc ad  
vesperam, in comparatione eum lucis illius quæ in  
Verbo Dei conspicitur, omnis cognitio, quæ creatura-  
rum quamlibet in seipsa novimus, meritò nox dici  
potest*. Hæc autem distinctio cognitionis ange-  
licæ in matutinam & vespertinam, ab Au-  
gustino introducta est, ut caput primum Ge-  
neseos, in quo mundus sex dierum spatio à  
Deo dicitur conditus, facilius explaret. Cum  
enim quarto die Sol factus legatur, difficilè  
appa-

apparet quomodo ante quartum diem potuerit A esse distinctio inter mane & vespere, & series illa dierum, qui Solis circuitu peraguntur. Unde ut ab hac difficultate se expediret, de die spirituali, seu cognitione angelica, illud exposuit; ita ut sicut ex mane & vespere fit unus dies consuetus, sic ex utraque notitia, matutina & vespertina, unus dies angelicae cognitionis exurgat. De quo videri potest S. Thomas quaest. 8. de veritate art. 17. ubi duplicem hanc Angelorum cognitionem fuisse explicat.

practicum omnino immutabile, quod se & omnes illas perfectiones iudicat necessario debere amari: Ergo necessario cognoscit seipsum, cognitione practica causante amorem, & non solum cognitione merè speculativa, quae amorem non parit, ut contendit Ferrariensis loco citato. Consequentia pater, Antecedens probatur. Iudicium de aliquo obiecto diligendo est tunc immutabile, quando nulla potest esse ratio formandi iudicium oppositum: Sed nulla potest esse ratio ob quam Angelus formet iudicium oppositum iudicio de seipso diligendo: Ergo Angelus se & omnes suas naturales perfectiones comprehendens, format iudicium practicum omnino immutabile de seipso diligendo. Major patet, Minor probatur. Amor proprius non generat Angelum fastidium, sed delectationem; nec impedit, sed iuvat tanquam medium ad alias operationes, maxime verò ad dilectionem Dei: Ergo nulla est ratio ob quam Angelus formare possit iudicium contrarium iudicio de seipso diligendo; siquidem ratio ob quam potest haberi iudicium de suspensione amoris alicujus obiecti, aut de illius odio, est quia amor ille generat tedium, aut est impeditivus majoris boni.

Probatu secundo eadem prima pars, ratione quam insinuat S. Thomas quaest. 16. de malo art. 2. ad 6. ubi ait: *Quantum ad hoc operatio ejus (scilicet Angeli) immutabilis est, quod semper intelligit. Et similiter considerandum est circa voluntatem, cujus operatio proportionatur operationi intellectus.* Quibus verbis aperte declarat, quod sicut intellectus Angeli non potest cessare ab omni actu, ita nec ejus voluntas: sicut autem omnis cognitio Angeli, in cognitionem sui, tanquam in primam operationem ab ipsa natura determinatam & procedentem, reducitur; ita & omnis ejus volitio naturalis, in amore & dilectione sui fundatur; unde communiter dicitur: amabilia quae sunt ad alterum veniunt ex amabilius ad seipsum: Ergo amor naturalis quo Angelus seipsum diligit, necessario debet esse continuus & nunquam interruptus, tubindeque necessarius quoad exercitium.

Ex his probata manet secunda pars conclusionis. Nam in amore naturali quo Angelus seipsum diligit, includitur amor Dei tanquam auctoris & conservatoris proprii esse; cui consequenter Angelus non potest non velle existentiam, aliasque perfectiones, lumine naturali cognititas: Ergo si seipsum amat necessario quoad exercitium, eadem necessitate Deum ut auctorem & finem naturalem diligit. Unde sicut ex cognitione quae se & omnes suas naturales perfectiones comprehendit, resultat necessario iudicium practicum omnino immutabile de sui dilectione, ita & ex cognitione quae Deum ut auctorem & finem naturalem in seipso tanquam in speculo purissimo contempletur, oritur necessario iudicium practicum omnino immutabile, quo iudicat illum esse necessario diligendum, ut magis ex argumentorum solutione patebit.

## DISPUTATIO XI.

De dilectione Angelorum.

Ad quaestionem 60. Divi Thomae.

Absolutis his quae ad intellectum Angeli pertinent: ordo doctrinae postulat ut ad ea quae spectant ad voluntatem, naturam posteriorem intellectu, gradum faciamus. Sed quia ea quae in quaestione 59. docet D. Thomas de voluntate Angeli, facilia sunt, & patent ex his quae de potentiis animae rationalis docentur in Philosophia, hanc quaestionem praevertimus, ut de dilectione Angeli, quae est praecipuus voluntatis actus, breviter differamus.

## ARTICULUS UNICUS

*An amor, quo Angelus seipsum & Deum naturaliter diligit, sit necessarius, non solum quoad specificationem, sed etiam quoad exercitium?*

Certum & indubitatum est apud Theologos, Angelum seipsum amare necessario necessitate specificationis: cum ita adigatur ad amorem sui, ut actum contrarium, nempe odium sui, habere nequeat. Unde solum difficultas est, an seipsum & Deum necessario diligit, quoad exercitium? ita ut actum dilectionis naturalis sui & Dei, nunquam possit interrompere, seu ab illo omnino cessare?

## §. I.

Conclusio affirmativa statuitur.

Dico breviter, Angelum seipsum, & Deum ut auctorem naturam, amare necessario, etiam quoad exercitium. Est contra Ferrarium sem. 3. contra Gentes cap. 109. quem sequitur Vazquez in commentario art. 3. hujus quaestio- nis: est tamen communior inter Thomistas.

Probatu prima pars ratione fundamentali. Angelus cognoscit & contempletur seipsum necessario, etiam quoad exercitium, ut disputatione praecedenti ostendimus: Ergo eadem necessitate seipsum diligit. Probatu consequentia: tum quia operatio voluntatis proportionatur operationi intellectus, per quam dirigitur & regulatur: tum etiam, quia si Angelus seipsum necessario semper intelligit, vult necessario seipsum semper intelligere: hoc autem est seipsum amare; quia hoc est sibi velle maximum bonum.

Addo quod ex naturali cognitione, quae Angelus se & omnes suas naturales perfectiones comprehendit, resultat necessario iudicium

Tom. II.

## §. II.

Solvuntur objectiones.

Obijcies primo: Esse semper in actu secundo, arguit iniquitatem in potentia: Sed voluntas Angeli est finita: Ergo non est semper in actu

Fff 2

actu

actu dilectionis sui & Dei ut auctoris & finis A naturalis

Respondeo: esse semper in actu secundo per identitatem potentie cum actu, arguere infinitatem simpliciter, non tamen esse semper in actu secundo realiter distincto à potentia seu subiecto operante: Sol enim semper illuminat, & animalia gaudent continuo motu cordis & pulmonum: Cur ergo similiter Angelus non potest continnà sui cognitione ac dilectione gaudere? cum cognitio & dilectio sui in Angelis, se habeat sicut motus cordis & pulmonum in animalibus, & sit principium omnium operationum naturalium Angeli, sicut motus cordis est causa omnium motuum vitalium animalis.

Objicies secundo: Voluntas non necessitat quoad exercitium ad illum actum, in quo potest apprehendi aliqua ratio mali aut minoris boni: Sed Angelus aliquam rationem mali, aut minoris boni, in dilectione sui & Dei ut auctoris naturæ apprehendere potest: Ergo nec seipsum, nec Deum ut autorem naturæ diligit necessariò quoad exercitium. Major patet, Minor probatur. Angelus potest apprehendere dilectionem sui, ut impeditivam, ne toto conatu feratur in Deum ut ultimum finem: similiter potest continuum Dei dilectionem apprehendere, ut impeditivam exercitii libertatis circa suspensionem talis actus: Ergo aliquam rationem mali, aut minoris boni Angelus in dilectione sui, & Dei ut Auctoris naturæ apprehendere potest.

7 Respondeo concessa Majori, negando Minorem. Ad cuius primam probationem, nego Antecedens: cum enim Angelus non se amet nisi ut medium in ordine ad Deum ut finem; & amor mediorum non tollat aut minuat affectum ad finem, sed potius ex affectu ad finem nascatur amor mediorum; repugnat quòd Angelus sui dilectionem apprehendat ut impeditivam ne toto conatu feratur in Deum ut ultimum finem: sicut in supernaturalibus voluntas fertur simul per charitatem in Deum & in proximum, absque eo quod dilectio proximi impediat vel diminuat amorem Dei.

8 Ad secundam probationem, nego etiam Antecedens: nam quando aliquis actus versatur circa objectum dignum amore necessario, & cognitum ut tale, non potest exercitium libertatis circa illud apparere bonum, ut patet in amore beatifico: ex eo enim quòd versetur circa Deum dignum amore infinito, & cognitum ut talem, non potest ulla ratio boni honesti, utilis, aut delectabilis in exercitio libertatis circa illum apparere. Unde quia dilectio naturalis Dei in Angelo versatur circa Deum, cognitum naturaliter ut dignum amore necessario, non potest in suspensione illius amoris, & in exercitio libertatis, circa huiusmodi objectum, aliqua ratio boni apparere.

9 Dices, Solus Dei clarè visus potest necessitare voluntatem quoad exercitium amoris: Sed Angelus non habet naturaliter claram & intuitivam cognitionem Dei ut auctoris naturæ, sed tantum abstractivam: Ergo non potest necessitari ad exercitium amoris naturalis erga illum.

Respondeo quòd licet Angelus non habeat naturaliter claram visionem auctoris naturæ, habet tamen aliquid illi æquivalens, nempe iudicium variabile, quo iudicat ipsum esse summum ordinis naturalis, ad quod omnia

eo procedunt ut à primo principio; ex qua cognitione redditur naturaliter beatus: hoc autem sufficit ut determinetur ad exercitium amoris Dei ut auctoris naturæ super omnia; quia summum bonum in aliquo ordine beatificans, & actu possessum ut beatificans, necessitat quoad exercitium amoris sui. Porro Angelum habere illud iudicium invariabile, colligitur ex eo quod cognoscat necessariò seipsum comprehensive: in cognitione enim comprehensiva sui, non potest non involvi invariabilis cognitio Dei ut auctoris & conservatoris proprii esse, ac proinde ut boni sibi convenientis, & necessarij.

Ad quod, quamvis determinatio ad cognitionem & amorem Dei ut auctoris naturæ in Angelo non oriretur sufficienter ex parte objecti, procederet tamen ex ipsa natura substantiæ immaterialis, naturaliter exigentis habere ab initio totam perfectionem pertinentem simpliciter ad actum primum, requisitum ad hoc ut possit seredere modo sibi proprio ad actum secundum: unde cum cognitio & dilectio naturalis sui, & Dei ut auctoris naturæ, sit principium omnium operationum naturalium Angeli, & se habeat in Angelis veluti motus cordis in animalibus, vel sicut motus primi mobilis respectu motuum inferiorum, debet ab ipsa natura & substantia Angeli, per modum proprietatis procedere; sicut motus cordis fluit quasi proprietates à natura animalis, ut docet D. Thomas in opusculo de motu cordis.

Objicies tertio: Dilectio naturalis Dei, cum ejus odio est impossibilis: Sed Angeli mali, supplicia æternis addicti, Deum odio habent & execrantur, juxta illud Psalmi 73. *Superbia eorum qui te oderunt ascendit semper*: Ergo illum amore natural non diligunt.

Confirmatur: Cum Dæmon per peccatum sit averfus à Deo ut ultimo fine supernaturali, non potest esse conversus in illum ut ultimum finem naturalem; alioquin simul esset conversus & averfus à Deo: Ergo cum per dilectionem naturalem super omnia Angelus in Deum ut ultimum finem naturalem se convertat, implicat quod Angelus malus Deum dilectione naturali super omnia diligat.

Ad objectionem respondeo, Angelos malos Deum odio habere ut justum judicem, penas & supplicia infertentem, non tamen ut bonum universale totius naturæ, & auctorem ac conservatorem proprii esse & perfectionum naturalium, ut colligitur ex D. Thoma hęc art. 5. ad 5. ubi ait: *Illi qui non vident essentiam ejus (scilicet Dei) cognoscunt illum per aliquos particulares effectus, qui interdu eorum voluntati contrariantur; & sic hoc modo dicuntur odio habere Deum, cum tamen in quantum est bonum commune omnium, unumquodque naturaliter diligat plus Deum quam seipsum.*

Ad confirmationem dicendum est, non implicare quod Angelus sit conversus in Deum ut finem naturalem physicè, & simul ab illo averfus moraliter per peccatum: sicut etiam homo peccator in mortali existens, respicit Deum ut suum ultimum finem in ordine naturæ, non tamen moraliter. Quomodo autem cum conversione naturali in Deum ut ultimum finem naturalem, flet quod Angelus possit peccare mortaliter, etiam contra finem naturalem, patebit inferius. Nunc breviter dico, quòd licet dilectio Dei naturalis sit veluti proprietates Angeli, & naturaliter ab ejus

ab ejus substantia fluat, sicut motus cordis à natura animalis, ut supra ostensum est; potest tamen eà abuti, illamque vitare ex aliqua mala circumstantia, puta non diligendo Deum tanquam suam finem & beatitudinem naturalem, cum subordinatione necessaria ad eundem, ut auctorem & finem supernaturalem; de quo infra.

Dis.  
13.  
art. 3.

14. Quærit D. Thomas art. 5. hujus questionis, utrum Angelus naturali dilectione diligat Deum plusquam seipsum? Et respondet affirmative, idque probat triplici ratione. Prima est: quia quælibet pars naturaliter magis inclinatur in bonum totius, quam in suum; ut patet in manu, quæ naturaliter & absque deliberatione se exponit icui ad conservationem totius corporis; & in aqua, quæ contra propriam inclinationem ascendit sursum ad vitandum vacuum, totum naturæ inimicum. Et quia ratio imitatur naturam, hujus naturalis inclinationis imitationem invenimus in virtutibus politicis: est enim virtuosus civis, ut se exponat mortis periculo, pro totius reipublicæ conservatione. Cum ergo Deus sit bonum & finis universi, ac bonum universale totius naturæ, comprehendens omne bonum, sicut totum comprehendit omnes suas partes; & quælibet creatura magis sit Dei, quam pars totius, aut civis reipublicæ, manifestum est Angelum, & quælibet creaturam, dilectione naturali magis inclinari in bonum divinum, quam in bonum proprium.

15. Haec rationem D. Thomæ conatur enervare Scotus in 3. dist. 27. quæst. 2. dicit enim primum falsum esse illud principium: pars naturaliter diligit totum magis quam seipsum; nec verum esse quod pars se exponat pro conservatione totius; sed quod ipsum totum magis se diligendo quam partes, eas exponit pro conservatione sui; vel etiam partes præcipue minus præcipuas. Dicit secundò, quod etiam detur quod pars se exponat pro toto, non sequitur propterea quod magis diligit totum, quam seipsum; quia exponitur pro toto, propter identitatem sui esse cum esset totius, atque ita formaliter propter conservationem sui esse.

16. Sed hæc facile dissilantur: primum quidem, dicendo cum Cajetano, quod si pars seipsam exponat, si ve exponatur à toto, propter ipsum totum; quia tamen naturaliter exponitur, evidens signum est eam magis inclinari in bonum & conservationem totius, quam in seipsam: quia ut ait Aristoteles 2. physic. textu 78. *Vnumquodque sicut agitur naturaliter, sic aptum natum est* agi.


Alterum verò etiam rejicitur: quia ut rectè observat idem Cajetanus, falsum est quod pars se exponat pro toto, propter unionem aut identitatem quam habet cum illo; cum frequenter se exponat cum periculo perdendi unionem aut identitatem quam habet cum toto. Ratio ergo ob quam pars se exponit pro toto, est quia essentialiter est totius, & propter illud: unde cum quælibet creatura magis sit Dei, quam pars totius, rectè infert D. Thomas, Angelum & hominem naturali dilectione magis in bonum divinum, quam in bonum proprium inclinari.

17. Secunda ratio D. Thomæ est: Si Angelus seipsum naturaliter magis diligeret, quam Deum, naturalis ejus inclinatio esset perversa: Sed hoc dici nequit: Ergo nec illud. Minor patet: quia naturalis inclinatio Angeli esset perversa, ejus natura de se esset mala, utpote radix & princi-

A um perversæ inclinationis: atque ad eò Deus esset auctor mali: vel constituendum esset primum principium malorum: quæ omnia in Manichæis damnata sunt. Sequela Majoris probatur: Perversa est inclinatio quæ tendit ad diligendum magis medium, quam finem: Sed Deus habet rationem finis, quælibet autem creatura rationem mediæ ad illum ordinati: Ergo si Angelus seipsum naturaliter magis diligeret, quam Deum, naturalis ejus inclinatio esset perversa.

Denique, Si Angelus naturaliter magis seipsum quam Deum diligeret, charitas & gratia non perficerent, sed destruerent ejus naturam: Consequens est falsum: Ergo &c. Sequela Majoris patet: per gratiam enim & charitatem Angelus magis amat Deum, quam seipsum. Minor etiam est certa: sicut enim fides non destruit, sed elevat rationem; ita gratia & charitas non destrunt, sed perficiunt naturam, eamque elevant ad statum altiore.

Advertendum tamen est, quod licet Angelus naturali dilectione magis Deum quam seipsum amet, dilectione tamen liberâ & electiva, potest seipsum magis quam Deum diligere. Ratio est, quia Angelus, ex libera voluntate electione potest peccare, quandoquidem de facto peccavit: omnis autem peccans mortaliter, avertitur à Deo, & convertitur ad creaturam, præfertur bonum aliquod creatum bono divino: Ergo Angelus amore libero & electivo potest seipsum magis quam Deum diligere, ac præferre bonum proprium bono divino.



## DISPUTATIO XII.

*De gratia & gloria Angelorum.*

*Ad questionem 62. D. Thomæ.*

D Hæc usque de Angelis naturaliter consideratis: jam de eorundem perfectione supernaturali, gratiæ nimirum & gloriæ, dicendum superest: de qua D. Thomas quæst. 61. Quæ verò de tempore & loco creationis Angelorum quæst. 61. docet, disputatione proæmiali fuerit à nobis exposita.

### ARTICULUS I.

*Utrum Angeli fuerint in sua creatione beati?*

D Uplex in Angelis, sicut in nobis, distinguitur beatitudo: una naturalis, quæ est ultima perfectio ad quam natura angelica potest per vires naturæ pervenire, si ve perfectissima operatio quæ naturaliter potest Angelo convenire, cognitio scilicet & dilectio Dei ut auctoris naturæ: altera supernaturalis, quæ est ultima perfectio naturæ angelicæ, excedens naturalem ipsius facultatem, si ve perfectissima operatio ad quam supernaturaliter elevari potest; & consistit in clara Dei visione, ut dicemus in Tractatu de beatitudine. Inquirimus ergo, an duplex hæc beatitudo Angelis ab initio creationis concessa fuerit?



## §. I.

## Prima Conclusio statuitur.

2 **D**ico primò, Angelos fuisse creatos in beatitudine naturali. Ita Divus Thomas artic. 1. hujus questionis, ubi premisâ distinctione beatitudinis in naturalem & supernaturalem, subdit: Sic igitur dicendum est, quod quantum ad primam beatitudinem, quam Angelus assequi virtute sua natura potuit, fuit creatus beatus: quia perfectionem hujusmodi Angelus non acquirit per aliquem motum discursum, sicut homo, sed statim ei adest propter suam naturam & dignitatem.

3 Confirmatur: Angeli à principio suæ conditionis habuerunt cognitionem & dilectionem perfectam Dei ut auctoris naturæ: Sed in hac duplici operatione naturalis ejus beatitudo consistit; cum illa sit ultima perfectio ad quam natura angelica per vires naturæ pervenire potest: Ergo Angeli in beatitudine naturali fuerunt à Deo conditi.

4 Obijciat: Si Angeli fuissent creati in sua beatitudine naturali, in ea permansissent: Sed non omnes in ea permanserunt; Angeli enim damnati sunt infelicitissimi, & maximam anguntur trititiam: Ergo omnes Angelus non fuisse creati in sua beatitudine naturali. Sequela Majoris probatur: De ratione beatitudinis est inamissibilitas: Ergo si Angeli fuissent creati in sua beatitudine naturali, in ea permansissent.

5 Respondent aliqui concedendo Majorem: existimant enim quod licet Angelus simpliciter & absolute miser sit, possunt tamen dici beati secundum quid, beatitudine scilicet naturali, quæ in cognitione & dilectione auctoris naturæ consistit: sicut homo qui in hac vita contemplationem Dei perfectissimam haberet, quodammodo felix diceretur, tamen si absolute miser esset, & gravissimos cruciatus perferret.

Sed hæc solutio & doctrina displicet: beatitudo enim naturalis Angeli consistit quidem in cognitione & dilectione Dei ut auctoris naturæ, abique ulla tamen deordinatione ab illo; unde hanc beatitudinem naturalem habuerunt Angeli in statu innocentia ante peccatum, Dæmones verò illam per peccatum amiserunt: quavis enim directe & immediate contra Deum ut autorem naturæ non peccaverint, eo tamen ipso quod peccaverunt contra Deum ut auctorem supernaturalem, ab eoque deordinati sunt, indirecte, mediate, & per accidens, contra eundem Deum ut eum auctorem naturæ peccaverunt, & ab eo deordinati sunt.

6 Melius ergo respondetur, negando sequelam Majoris. Ad cujus probationem dicendum est, quod quamvis beatitudo naturalis sit inamissibilis respectu Angeli in puris naturalibus constituti: tamen Angelus elevatus ad ordinem supernaturalem, potest indirecte & per accidens illam amittere, peccando directe contra præcepta supernaturalia. Unde commune illud effectum ex Dionysio desumptum: *Naturalia in Dæmonibus remanserunt integra*: intelligendum est de naturalibus in esse purè phylico consideratis, qualia sunt substantia, potentia, species intelligibiles & hujusmodi; non verò de naturalibus quæ habent aliquod motualem admixtum, cuiusmodi sunt cognitio practica, & rectitudo voluntatis erga ultimum finem: hæc enim, sal-

A tem ad aliquid, per peccatum destructa fuerint Angelis.

## §. II.

## Stabilitur secunda Conclusio.

**D**ico secundò, Angelos non fuisse creatos in beatitudine supernaturali.

Probat, quia hæc (inquit S. Thomas) non est aliquid naturæ, sed naturæ finis: Ergo non debuit communicari Angelis per creationem.

Præterea, ut idem Doctor sanctus discurret: Quisquis fuerit visio essentia Dei, ita felici necessitate rapitur ad amandum Deum, ut nullo modo possit velle à Deo recedere & peccare: Cum ergo plures Angeli peccarint, evidens argumentum est eos caruisse visione beatâ divinæ essentia, in qua supernaturalis beatitudo creaturæ intellectus consistit.

Addo quod, unum ex specialissimis privilegiis animæ Christi collatis, ex eo quod esset Filius Dei naturalis, & haberet gratiam unionis hypostaticæ, ad quam titulo conaturalitatis consequitur gratia habitualis & gloria, fuit quod à primo instanti sui esse Deum permanenter intueretur: Ergo cum similis ratio concedendi tale privilegium, non currat in Angelis, dicendum est quod ab initio suæ creationis non viderunt intuitivè divinam essentiam, saltem visione permanenti.

An verò visione transeunti illam viderint, dubitant aliqui Auctores: Ratio autem dubitandi est, quia ex doctrina Divi Augustini libro 11. super Genesim ad litteram, & D. Thomæ 1. p. quæst. 12. art. 11. ad 2. & 2.2. quæst. 175. art. 3. idè Moyse & D. Paulus adhuc viatores viderunt divinam essentiam, visione transeunti, quia cum Moyse electus esset Doctor Judæorum, & D. Paulus Doctor Gentium, conveniens fuit eos immediate in Deo videre mysteria gratiæ, quæ alios erant edocuti, ut scilicet oculati testes facti mysteriorum quæ præcabant, possent dicere populo sibi commissis: *quod audivimus & vidimus, hoc testamur*. Sed pariter Angeli superiores, fuerunt veluti doctores inferiorum, ipsos per modum magisterii arrificiosi de mysteriis gratiæ illuminando, ut infra dicitur: Ergo saltem Angeli superiores viderunt à principio suæ productionis divinam essentiam per modum transeuntis.

Sententia tamen negativa communis est apud Theologos. Et probatur, quia hæc est regula generalis, & communis lex, quod nullus viator, dum est in statu viæ, divinam essentiam contempletur; cum visio essentia divinæ sit tota merces, & essentielle præmium Beatorum: At excipere aliquem à regula generali, & ordinaria lege, abique fundamento, ex Scriptura vel SS. Patribus desumpto, temerarium est: Ergo cum neque Scriptura, neque SS. Patres influant Angelos viatores vidisse aliquando divinam essentiam, id sine temeritate affirmari non potest.

Ad rationem verò dubitandæ in contrarium dicendum est, rationem illam D. Thomæ, ad probandum quod Moyse & D. Paulus viderint divinam essentiam, per modum transeuntis, dum adhuc essent in viâ, esse solum congruentiam; quæ supposito quidem fundamento quod habemus in Scriptura, hoc speciale privilegium duobus illis viris fuisse concessum, optima est, nihil tamen proflus concluderet, si ad hoc probandum nullum

Diff.  
15.  
art. 1.

nullum haberemus Scripturæ testimonium: unde cum ad simile privilegium aliquibus Angelis, etiam superioribus, concedendum, nullus Scripturæ locus afferri possit; quantumcumque id congruentiæ aliqua apparentes suadere videantur, non debemus tamen asserere, aliquos ex Angelis viatoribus, transeunter vidisse divinam essentiam.

12 Dices, In Scriptura satis aperte significari, hoc privilegium supremo saltem Angelo fuisse concessum: nam Ezechiel. 18. Prophetia sic affatur primum Angelum prævaricantem in persona Regis Tyrorum: *Tu signaculum similitudinis, plenus sapientia, & perfectus decore, in deliciis paradisi Dei fuisti: delicia autem paradisi, sunt amor beatificus, & gaudium de visione Dei: Ergo primum Angelus, dum esset adhuc viator, amore beatifico & visione Dei potitus est.*

Sed facile respondetur, per delicias paradisi, quibus dicitur aliquando potitus Lucifer, non intelligi visionem ipsam essentia Dei, sed in inferiores delicias, quas peccando amisit, nempe habitationem Empyrei, quod locus a venissimus est, & paradisi plenus delicias, in quo fuit Lucifer cum aliis Angelis creatus, ut supra ostensum est, & à quo post peccatum fuit dejectus, & in infernum detrusus. Vel etiam per delicias paradisi intelligi possunt dona illa gratiæ, quibus Angeli ab initio fuere ornati, & quæ Lucifer & alii Angeli apostata peccando amiserunt.

13 Dices rursus: Glossa interlinearis explicans illud Epistolæ Judæ verbum 6. *Angelos vero qui non servaverunt suam principatum*: per principatum intelligit spirituales Dei visionem: Ergo Angeli apostata Dei visione aliquando potiti sunt.

Respondeo Glossam, per spirituales Dei visionem, non intelligere claram & intuitivam divinæ essentia cognitionem, in qua beatitudo patriæ consistit; sed ibi accipere visionem Dei, pro cognitione supernaturali fidei, de qua immedia ante locutus fuerat Judas Apostolus, dicens: *Eos qui non crediderunt perdidit*: Demones enim non servasse fidem laudabilem, quæ est donum Dei, & quam habuerunt, dum fuerunt in via, docet D. Thomas 2. 2. quæst. 5. art. 2.

Eodem modo explicandus est Augustinus, dum lib. 11. de civit. cap. 22. ait quod *Angeli à principio fuerunt participes lucis & claritatis æternæ*: nam participatio nem lucis & claritatis æternæ, non intelligit claram Dei visionem, sed eminentem quandam cognitionem supernaturalem, à lumine fidei vel doni sapientie procedentem, quam ab initio creationis Angeli habuerunt. Similiter cum c. 29. docet omnes Angelos à principio habuisse cognitionem matutinam, per cognitionem matutinam intelligit cognitionem naturalem rerum in verbo cognito per ejus similitudinem in natura ipsius Angeli reducuntem. Nam ut ait D. Thomas hic quæst. 62. art. 1. ad 3. *Angelus dupliciter habet verbi cognitionem: unam naturalem, & aliam gloriam naturalem quidem, quæ cognoscit verbum per ejus similitudinem in sua natura re-lucentem: cognitionem vero gloriæ, quæ cognoscit verbum per suam essentiam. Et utraq; cognoscit Angelus res in verbo: sed naturali cognitione imperfecte, cognitione vero gloriæ perfecte. Prima ergo cognitio rerum in verbo affuit Angelo à principio sue creationis: secunda vero non, sed quando facti sunt beati per conversionem ad bonum: & hac proprie dicitur cognitio matutina.*

A Instabis: Idem Augustinus eodem lib. 11. de civit. cap. 9. loquens de Angelis bonis ait: *Tantò est felicitior illa portio, quanto nunquam fuit peregrinata à Deo*: At si boni Angeli aliquando caruissent Dei visione, peregrinati fuissent à Deo: Ergo boni Angeli ab initio creationis viderunt divinam essentiam, & fuerunt beati beatitudine supernaturali.

Propter hoc testimonium Ludovicus Vivez supra cap. illud 9. lib. 11. de civit. docuit bonos Angelos ab initio divinam essentiam clare vidisse, & in tali visione semper perseverasse: subindeq; perfecte beatos beatitudine supernaturali, etiam à primo instanti sui esse, extitisse. Verum hic locus Augustini varias patitur interpretationes. In primis responderi potest, S. Doctorem per hæc verba velle solum insinuare, viam Angelorum fuisse ita brevem, ut non possit merito nuncupari peregrinatio, quia peregrinatio longam quandam denotat viam. Vel etiam dici potest, Angelos bonos nunquam esse peregrinatos: quia dum essent in via, non fuerunt extra suam patriam exules, nec extra locum in quo conditi sunt; sicut primi parentes, qui post peccatum à paradiso terrestri depulsi sunt. Denique boni Angeli dici possunt nunquam à Deo peregrinati: quia illi semper adheruerunt per gratiam & charitatem, & nullum commiserunt peccatum, per quod creatura intellectualis verè à Deo recedit, & veluti peregrinatur: unde Lucæ 15. de filio prodigo dicitur, quod *peregre profectus est in regionem longinquam.*

## ARTICULUS II.

*Utrum Angelis necessaria fuerit gratia, & quando, ac quomodo illam receperint?*

## §. I.

*Resolvitur prima difficultas.*

Dico primò, Angelos indiguisse gratiâ, ut in Deum, prout est objectum beatitudinis supernaturalis, se converterent.

Probat ur ratione D. Thomæ hic art. 2. Voluntas non potest ferri in id quod est supra naturam, nisi ab aliquo principio supernaturali moveatur: Sed Deus, ut objectum beatitudinis supernaturalis, est supra omnem naturam creatam: Ergo voluntas creata non potest in illum ferri, nisi ab aliquo principio supernaturali mota. Minor patet, Majorem verò probat exemplo & ratione: Exemplo quidem caloris, qui non potest generare carnes, nisi ut instrumentum animæ; quia generare carnes est supra naturam caloris: Ratione verò, quia omnis voluntas est inclinatio naturalis in bonum conveniens secundum naturam: Ergo si aliquid est supra naturam, voluntas non potest in illud ferri, nisi moveatur ab aliquo principio supernaturali. Pro majori hujus rationis & doctrinæ declaratione.

Advertendum est, in qualibet re, tria potissimum reperiri, nempe ejus naturam; finem ad quem tendit, & in cujus adeptione quiescit; & inclinationem per quam in illum tendit: quæ tria proportionem inter se servare debent, atque ad id

adeo esse ejusdem ordinis : v.g. lapis habet naturam corpoream ; pro fivē verò centrum terræ, in quo quiescit ; & denique gravitatem, per quam tanquam per naturalem inclinationem continēdo ad illud fertur. In ordine ergo supernaturali hæc tria pariter distinguenda & admittenda sunt : nam in illo ordine gratia sanctificans tenet locum naturæ ; visio Beata est ultimus finis ad quem tendimus , & in quo solum creatura rationalis perfectè quiescit ; & denique charitas gratiam consequens, est inclinatio in illum finem , & veluti pondus quo in Deum tanquam in centrum ferimur, juxta illud Augustini in libro Confessionum : *Amor superpondus meum ; amore feror quocumque feror* : Unde sine charitate nulla creatura quantumcumque perfecta potest se in Deum , prout est objectum beatitudinis supernaturalis, convertere.

- 17 Præterea observandum est, hominem ex duplici capite indigere auxilio gratiæ, nempe propter naturæ sensibilibus & corruptæ impedimentum , & propter finem excedentem vires naturæ ; Angelum verò ex uno solum capite , ob excessum scilicet & elevationem objecti & finis supernaturalis. Ita colligitur ex S. Thoma hic in resp. ad 2. ubi ait : *Converti ad beatitudinem ultimam homini quidem est difficile, & quia est supernaturalis, & quia habet impedimentum ex corruptione corporis, & infectione peccati : sed Angelo est difficile, propter hoc solum quod est supernaturalis*. Ex quo patet, Janfenium & alios Recentiores, qui existimant necessitatem gratiæ efficacis ex sola infirmitate & corruptione naturæ esse desumendam , atque adeo ad statum innocentie hominum & Angelorum non debere hanc necessitatem extendi, valde hallucinari, totoque otio ab Angelici Doctoris principis aberrare. Inrò & Augustino apertissimè repugnare, qui lib. 12. de civit. cap. 9. differens de discrimine Angelorum , quorum alii aliis persistebunt in amore Dei, descenderunt ab illo, ita loquitur : *Aut minor accepit amoris divini gratiam, quam illi, qui in eadem persisterunt : aut si utique boni aequaliter creati sunt, istis mala voluntate cadentibus, illi amplius adjuti, ad illam beatitudinis plenitudinem pervenerunt. Confitemur igitur, etiam de sanctis Angelis posse dici, quod charitas Dei diffusa sit in eis per Spiritum Sanctum*. Ubi totam discretionem perseverantium Angelorum à non perseverantibus refundit in Deum, à quo amplius Angeli boni in gratia & charitate perseverantes adjuti sunt. Et rursus lib. de correctione & gratia cap. 10. proponit questionem, utrum perseverantia Adami foret donum acceptum à Deo, subindeque referenda in Deum discretio consequens illam ? Cui responderi eodem modo loquens de Angelorum ac de lapsum hominum perseverantia, scilicet *Deum sic ordinasse Angelorum & hominum vitam, ut in capitis ostenderet quid posset eorum liberum arbitrium, deinde quid posset sue gratiæ beneficium*. Utique quid posset eorum liberum arbitrium in peccato demonum & primorum parentum, & quid posset suæ gratiæ beneficium in perseverantia lapsum hominum, & Angelorum non labentium. At in perseverantia lapsum hominum ostendit Deus suæ gratiæ beneficium, discernens perseverantes à non perseverantibus : Ergo etiam in perseverantia Angelorum , siquidem omnino parem constituit Augustinus ordinationem & providentiam vitæ

A Angelorum & hominum. Unde Fulgentius libro 2. ad Trasimundum cap. 2. pari modo ascribit gratiæ divinæ reparationem hominis, & custodiam Angeli à ruina, sic enima : *Ipsa etiam homini reparando fuit necessaria : quia non aliam stantem Angelum à ruina potuit custodire, nisi illa quæ lapsum hominem post ruinam potuit reparare. Vna est in utroque gratia operata : in hoc ut surgeret, in illo ne caderet : in illo ne vulneraretur, in istius sanaretur : ab hoc infirmitatem repulit, illum infirmari non finit*.

Addo etiam quod Augustinus concione 2. in Psalm. 32. loquens de bonis Angelis, sub nomine & figura cælorum, hæc scribit : *Nec ipsi calis firmitatem sibi propriam præstiterunt : verbo Domini calis firmati sunt, & Spiritu oris ejus omnis virtus eorum non habuerunt aliquid ex se, & tanquam supplementum à Domino perciperunt : Spiritu enim oris ejus, non pars, sed omnis virtus eorum*. Similia habet Gregorius lib. 25. Moral. cap. 8. ubi quoque Angelis accommodat illud, Verbo Domini calis firmati sunt, & Spiritu oris ejus omnis virtus eorum, & ait, *Aliis cadentibus, alios à Deo fuisse solidatos, utique similes casuros, nisi solidati fuissent*. Demum Anselmus in libro de casu diaboli, affirmat quod in Angelis sanctis locum habet illud

C Apostoli : *Quid habes quod non accepisti ?* ut patet ex capite 1. cui titulus est : *Quod etiam ad Angelos dicatur : Quid habes quod non accepisti ?* Finis verò : *Vide si non solum homini, sed & Angelo potest dici, quia non habet quod non accipit*. Item cap. 2. sic ait : *Constat ergo quia ille Angelus qui stetit in veritate, sicut idè perseveravit, quia perseverantiam habuit ; ita idè perseverantiam habuit, quia accepit, & idè accepit, quia Deus dedit*. Igitur non minùs Angeli quam homines indigent gratiæ efficaci ut justè ac rectè vivant, & in bono perseverent. Unde Augustinus conc. 2. in Psalm. 70. *Angeli tibi debent quod justè vivunt, tibi debent quod beatè vivunt*. Potentiam tuam & justitiam tuam usquequo : usque in altissima qua secessisti magnalia. Ne putes hominem solum pertinere ad gratiam Dei. *Quid est Angelus, si deserat qui creavit ? De quo fuscè in Tractatu de voluntate Dei*.

Diff.  
5.  
art. 5.

## §. II.

Alia difficultas expeditur.

Dico secundò : Omnes Angeli à primo creationis suæ instanti gratiam sanctificantem receperunt. Ita S. Thomas hic art. 3.

- Probatur primò ex Scriptura : nam Ezechiel. 28. Propheta alloquens Luciferum, sub persona Regis Tyriorum, ait illi : *Tu signaculum similitudinis, plenus sapientiâ, & perfectus decore, in deliciis paradisi Dei fuisti : omnis lapis pretiosus operimentum tuum* . . . . . *Perfectus in viis tuis, à die conditionis tue, donec inventa est iniquitas in te*. Quem locum etsi non omnes Patres intelligant de Lucifero, inter quos est Augustinus lib. 11. de Genesi ad litteram capite 25. qui illum intelligit de membris diaboli, qui sunt homines mali ; communiter tamen illum interpretantur de Lucifero, sub persona Principis Tyriorum. Unde sic arguo : Lucifer fuit perfectus à die conditionis suæ, donec inventa

inventat est iniquitas in eo: igitur aliquid per peccatum amisit, quod à die conditionis suæ acceperat; alioquin non fuisset à die conditionis suæ perfectus, donec inventa esset iniquitas in eo: Sed hoc quod Lucifer per peccatum amisit, non potuit esse perfectio aliqua naturalis, cum omnia naturalia post peccatum manserint integra in Angelis, ut est commune Patrum & Theologorum axiomata: Ergo fuit aliqua perfectio supernaturalis, quæ non potest esse alia quam gratia habitualis, sub nomine signaculi Dei expressa, cum sit singularis participatio, & quasi character naturæ divinæ. Unde Bernardus serm. 5. in Cant. *similitudinem Dei illam appellat: Ambrosius lib. 6. Exameron. cap. 8. picturam Dei, & Nissenus homil. 4. super Cantica: Copiam divinæ essentiae.* Ergo Lucifer à die conditionis suæ, decore gratiæ sanctificantis fuit ornatus, omniumque virtutum infusarum, veluti celestium margaritarum, fulgore decoratus. Unde Gregorius lib. 32. Moralium cap. 18. explicans perfectiones quas à Deo in sua creatione acceperat: *In medio (inquit) ignitorum lapidum perfectus ambulavit, quia inter Angelorum corda, charitatis igne succensa, clarus gloriæ conditionis exiit. Quem bene extantum ac protegentem dicit: omne enim quod extanti protegitur, obumbramus. Et quia comparatione claritatis suæ, cæterorum claritatem obumbrasse creditur, ipse extensus & protegens fuisse perhibetur.* Reliquos enim quasi obumbrando opercit, qui eorum magnitudinem excellentiâ maiore transcendit.

Confirmatur: Lucifer dicitur loco citato in delicijs paradisi Dei fuisse: Sed ibi per paradysum non potest intelligi paradysus gloriæ, sed solum gratiæ, cum amore beatifico, & clarâ Dei visione potius non fuerit, ut articulo præcedenti ostensum est: Ergo Lucifer in prima sui conditione fuit exornatus donis gratiæ. Deinde eum subiungit Scriptura illum fuisse perfectum in viâ suâ, à die conditionis suæ, intelligitur haud dubie, eum fuisse optimè dispositum ad finem propter quem erat creatus: Sed non poterat Angelus ad illum finem rectè disponi & ordinari, nisi mediante gratiâ & charitate, ut patet ex conclusione præcedenti: Ergo illam ab initio creationis habuit. Demum Isaia 14. eidem Lucifero dicitur: *Quomodo cecidisti de celo Lucifer qui mane oriebaris?* id est quomodo amisisti splendorem quem habebas? At non amisit splendorem naturæ, quam integram retinet: nec splendorem gloriæ, quam nunquam habuit: Ergo solum splendorem gratiæ, quo in ipso suæ conditionis exordio illustratus est. Unde Ambrosius in Psal. 118. serm. 7. *Ipse diabolus per superbiam, naturæ suæ amiserit gratiam.*

Confirmatur ampliùs ex alijs SS. Patribus, qui aperte favent nostræ sententiæ: Basilus enim homil. in Psal. 32. Angelos docet cum ipsa sanctitate procreatos esse: *Non enim (inquit) velut infantes creati primum Angeli, deinde consummati, procedente paulatim exercitatione, digni facti sunt, qui spiritum recipere. Sed in prima constitutione, ac velut massa substantiæ ipsorum, una insitam habere sanctitatem.* Idem docet Damascenus lib. 2. fidei cap. 3. dicens: *Per Verbum Angeli omnes creati sunt, ac per Sancti Spiritus sanctificationem perfecti.* Eandem sententiam aperte docet Augustinus, varijs in locis, præsertim lib. 12. de civit. cap. 9. ubi de Angelis loquens sic ait: *Simul ut facti sunt, ei à*

Tom. II.

quo facti sunt, amore, cum quo facti sunt, adhererant: eoque sunt isti ab illorum societate discreti, quod hi in voluntate bona manserunt, illi ab ea deficiente mutati sunt; malâ scilicet voluntate, hoc ipso, quod à bono defecerant. Non valet quod ait Magister Sententiarum: per bonam illam voluntatem, amorem Dei naturalem, cum quo Angeli creati sunt, esse intelligendum. Augustinus enim ibi loquitur de amore illo ac bona voluntate, quam nisi operante adiutorio Creatoris Angeli habere non potuerunt. Nam statim ista subiicit: *Et istam (bonam voluntatem) quis fecerat, nisi ille, qui eos cum bona voluntate, id est, cum amore casto, quo illi adhererent, creavit simul in eis & condens naturam, & largiens gratiam.*

Potest etiam conclusio probabili ratione suaderi: Angeli non fuerunt creati in minori perfectione, quam primus homo: Sed in Theologia ferè certum est, Protoparentem in iustitia originali fuisse conditum: Ergo idem dici debet de Angelo. Probat Minor partim, quia id videtur insinuare Tridentinum sess. 5. de peccato originali, ubi dicit, *Adam per peccatum, iustitiam & sanctitatem perdidisse, in qua fuerat constitutus.* Secundo quia id aperte docet Anacletus Papa Epist. 1. dicens: *hominem idèò dici conditum ad imaginem Dei, quia in sui creatione gratiam, & ceteras habuit virtutes.* Tertiò, quia id Scriptura non obscure testatur, dum ait Eccles. 7. *Deus fecit hominem rectum;* rectitudo enim in Scriptura gratiam & sanctitatem significat. Deniq; probatur, quia filij qui ex Adamo nati fuissent, si in statu innocentie perseverassent, gratiam habuissent congenitam: Ergo & ipse Adam, qui erat ipsorum caput & exemplar, illam à principio conditionis habuit.

Aliam rationem probabilem adducit S. Thomas art. 3. huius questionis, quæ sic proponi potest. In prima creatione mundi Deus omnia fecit secundum seminales & originales rationes in suis principijs, & omnibus creaturis corporalibus semina iudidit, quæ tunc possint suos effectus naturales producere, ut docuit Augustinus lib. 8. super Genesim ad litteram cap. 3. Ergo cum gratia sit semen omnium donorum supernaturalium (propter quod semen Dei 1. Joan. 3. appellatur) conveniens fuit quod Deus in prima creatione spiritalis creaturæ, tam Angelis infunderet.

Contra hanc assertionem in primis obijci potest illud quod habetur Joan. cap. 8. nempe quod Diabolus homicida fuit ab initio. Et 1. Joan. 3. dicitur: *Qui facit peccatum, ex Diabolo est: quia ab initio Diabolus peccat.* Ergo ab ipso initio Diabolus fuit in peccato, non verò in gratia.

Sed facile responderetur, in utroq; loco verbum illud, *ab initio*, non intelligi mathematicè, & de primo instanti creationis Diaboli, sed tantum moraliter, id est paulò post mundi initium & Diaboli creationem: nam ibi sit mentio peccati quo Diabolus fuit homicida, persuadendo peccatum hominibus, & ita introducendo mortem in orbem terrarum: peccatum autem quo Diabolus decipit hominem, & mortem introduxit in mundum, non fuit commissum in instanti creationis mundi, nec creationis Angelorum, sed post hominum creationem. Addit D. Thomas quæst. sequenti art. 5. ad 1. ex Augustino 11. de civit. cap. 15. *Cum dicitur quod Diabolus ab initio peccat, non ab initio ex quo creatus est,*

Ggg

pecca-



peccare putandus est, sed ab initio peccati, scilicet quia A  
nunquam à peccato recessit.

24. Obijcitur secundò illud Ezechel 28. *Foramina tua in die qua conditus es prapara sunt &c.* Qui locus juxta Gregorij magni interpretationem lib. 3. Moral. cap. 18. significat Dæmonem creatum esse capacem charitatis, quâ si repleri voluisset, stantibus Angelis, tanquam positis in Regis ornamento lapidibus, inharere potuisset. Ergo juxta Gregorium, Lucifer non fuit creatus in gratia & charitate.

25. Respondeo Gregorium intelligendum esse de charitate, non simpliciter, sed aucta per merita, ut indicat verbum *repleri*, vel etiam consummata per beatitudinem & gloriam: alioquin sibi apertè contradiceret, cum ibidem paulò ante de eodem Lucifero dixerit: *Aurum opus decoris ejus extitit: qui sapientia claritate canduit, quam bene creatus accepit* Et infra: *In medio lapidum ignitorum perfectus gratia & decore ambulavit: quia inter Angelorum corda, charitatis igne succensa, clarus gloria conditionis extitit.*

26. Tertiò obijcitur quoddam testimonium Joannis Papæ 16. quæst. 2. cap. visus litteris, dicentis de diabolo: *Dolet satis, & erubescit, charitatem, quam in cælo nequivit habere, homines constantes ex lutea massa habere in terra.*

27. Responderetur tamen Pontificem illum ibi loqui de charitate consummata patriæ: vel si de charitate viæ loquatur, *habere*, ibi lumi pro servare seu retinere, & verbum, *nequivit*, non denotare impotentiam simpliciter & absolutam, sed ex suppositione malitiæ suæ, sicut & cum Joan. 8. dixit Christus Judæis: *Quò ego vado, vos non potestis venire: & cap. 5. Quomodo vos potestis credere?* Adde quòd in aliquibus codicibus legitur: *quam Dæmon nequit habere: quod verificatur de charitate in genere: cùm enim Dæmon nunc omni gratiæ auxilio sit destitutus, est impotens absolutè ad habendam charitatem.*

28. Deniq; obijcitur, Gratiâ esse medium inter naturam & gloriâ. Ergo debuerunt Angeli creati prius in pura natura, postea gratiam, & tandem gloriam consequi.

29. Respondeo ex D. Thoma hic art. 3. in resp. ad 3. quòd quamvis gratia sit medium inter naturam & gloriâ, ordine nature: tamen ordine temporis non semper requiritur quòd natura præcedat gratiam, aut gratia gloriâ, sed sufficit sola prioritas naturæ, ut patet in Christo, qui in primo instanti conceptionis simul habuit naturam, gratiam, & gloriâ.

### §. III.

#### Tertia difficultas elucidatur.

Dico tertiò: omnes Angeli statim ab initio acceperunt gratiam sanctificantem, per propriam dispositionem. Ita communiter docent nostri Thomistæ, contra Capreolum, & Victoriam, quos sequitur Molina in præsentis articulo.

30. Probatur ex D. Thoma hic art. 6. ubi docet, quòd Angeli qui habuerunt meliora naturalia, habuerunt plus de gratia & gloria, quia fortius & efficacius in Deum conversi sunt. Et 2. 2. quæst. 24. art. 3. ad 3. similiter asserit superiores Angelos factos esse meliores per gratiam, sen majorem & intensiorem gratiam recepisse, quia in illis fuit major conatus ad bonum: Ergo sentit Angelos per proprios actus se disposuisse ad gratiam sanctificantem.

Confirmatur ex eodem Angelico Doctore infra quæst. 95. art. 1. ad 5. ubi docet Adamum in primo instanti consensisse gratiæ, subindeq; per motum & consensum liberi arbitrij ad eam se præparasse: Ergo licet Angeli in primo instanti suæ creationis, gratiam sanctificantem receperint, ad eam tamen per liberi arbitrij motum & consensum præparare se potuerunt.

Confirmatur ampliùs: Idèò homines adulti non recipiunt gratiam sanctificantem, nisi mediante propriâ dispositione, quia libertatis usum habent pro infantibus, in quibus non exigitur illa præparatio libera: Sed Angeli statim ab initio productionis habuerunt usum liberi arbitrij: Ergo non est cur recipiant gratiam sanctificantem, aliter quàm per propriam dispositionem & consensum.

Addo quòd, per receptionem gratiæ sanctificantis inicitur amicitia inter Deum & creaturam; imò & quoddam spirituale matrimonium contrahitur: Sed amicitia fundatur in consensu amantium, & ad matrimonium contrahendum requiritur utriusq; partis consensus: Ergo gratia sanctificans non communicatur creaturæ intellectuali, usum libertatis habenti, nisi adsit ejus consensus.

Ex dictis inferes, Angelos in primo instanti suæ creationis elicuisse actum charitatis: quia, ut diximus, Angeli tunc receperunt gratiam per propriâ dispositionem; proxima autem dispositio ad gratiam est actus charitatis, ut in Tractu de justificatione docetur. Unde Angeli omnes in primo instanti suæ creationis habuerunt duos actus conversionis in Deum: unum quidem naturalem in Deum ut autorem & finem ordinis naturæ; qui fuit necessarius quoad specificationem & exercitiû, ut disputatione præcedenti ostendimus: alium autem supernaturalem, in Deum ut autorem & finem ordinis gratiæ; qui licet fuerit necessarius quoad specificationem, fuit tamen liber quoad exercitiû, subindeq; meritorius gloriæ: non tamen gratiæ sanctificantis, quia ab illa (ut infra dicemus) affectivè procedebat; principium autem meriti non cadit sub merito, ut communiter docent Theologi. Primus actus conversionis fuit prior alio, non prioritate durationis, sed naturæ; cùm natura sit prior gratiâ, & fundamentum ipsius.

Nec obstat, si dicas duos actus realiter distinctos in eodem instanti angelico esse impossibiles; cùm una operatio Angeli sit unum instans temporis angelici sive discreti. Responderetur enim, Antecedens esse verum de actibus inter se non subordinatis, secus autem de actibus adinvicem subordinatis; quales sunt conversio in Deum ut autorem & finem naturalem, & conversio in Deum ut autorem & finem ordinis gratiæ, eò quòd versentur circa idem objectum, quamvis sub diversa ratione. Unde cum Theologi dicunt, unam operationem esse unum instans Angelis; per unam operationem intelligunt omnes illas operationes, quæ quamvis sint distinctæ, habent tamen inter se subordinationem, ratione cujus possunt esse simul, & se habent per modum unius.

Dices primò: D. Thomas quæst. 16. de malo art. 4. ad 14. & 15. docet quòd Angelus in primo instanti suæ creationis movebatur in Deum, inquantum est author naturæ, non tamen ut est author gratiæ: idque probat in corpore articuli, quia

quia Angelus in eodem instanti non potest habere diversas conceptiones & affectiones, eò quòd diversæ operationes causent diversa instantia temporis angelici.

Respondeo D. Thomam hîc quæst. 63. art. 5. 36. & sententiam & rationem illam aptè retractasse: nam in resp. ad 3. & 4. expressè docet quòd Angelus in primo instanti suæ creationis beatitudinem meruit: Atqui illam non meruit cõversione naturali, sed solum cõversione charitatis, quæ est per gratiam, ut ipse ait hîc art. 4. ad 2. Ergo in primo instanti creationis habuit actum charitatis & cõversionis in Deum ut auctorem gratiæ. In corpore verò articuli rationem loco citato adductam impugnât, docens de operationibus, seu mutationibus instantaneas, sive earum terminos, in eodem instanti simul esse posse: Sicut, inquit, in eodem instanti in quo illuminatur luna à Sole, illuminatur aer à luna. Et in hac quæst. 62. art. 7. ad 3. sic habet: *Cognitio & dilectio naturalis ordinantur ad cognitionem & dilectionem gloria: unde nihil prohibet in Angelo esse & cognitionem & dilectionem naturalem, & cognitionem & dilectionem gloria.*

Dices rursus: Si Angelus in primo instanti creationis actum charitatis & cõversionis in Deum ut auctorem supernaturalem habuit, sequitur quòd in secundo instanti non potuit peccare: Consequens est falsum; nam ut infra dicemus, Angeli mali in secundo instanti peccaverunt: Ergo &c. Sequela probatur primò, quia Angelus talis est naturæ, ut cui objecto semel adhæserit, semper adhæreat, ut infra patebit: Ergo si in primo instanti creationis, in Deum ut auctorem & finem supernaturalem se convertit, non potuit postea ab illo separari & averti per peccatum. Secundò probatur: Si Angelus in primo instanti actum charitatis elicit, meruit tunc suam beatitudinem, & consequenter in secundo instanti illam accepit: Ergo cùm beatitudo sit impossibilis cum peccato, in illo instanti peccare non potuit.

Respondeo negando sequelam Majoris. Ad 38. cuius primam probationem dicendum est, Angelum talis esse naturæ, ut cui objecto ex perfecta electione ac deliberatione semel adhæserit, semper adhæreat: secus autem si alicui objecto adhæreat, sine perfecta electione & deliberatione, atq; ut motus & applicatus specialiter à Deo, ut contingit in proposito: nam actus ille charitatis, & cõversionis in Deum ut auctorem & finem supernaturalem, quem Angelus in primo instanti habuit, erat ei liber, solum quoad exercitium, non verò quoad specificationem; & procedebat à Deo ut speciali motore, ut infra patebit: unde in secundo instanti potuit peccare, & à Deo avertere.

Ad secundam probationem respondeo, quòd licet omnes Angeli in primo instanti beatitudinem meruerint per actum charitatis, necessarium quoad specificationem, & liberum quoad exercitium, non tamen in secundo instanti illam receperunt: solum enim fuit illis concessa post meritum, & actum dilectionis Dei, quem elicerunt ex propria deliberatione, motione, & applicatione; & qui proinde fuit liber, non solum quoad exercitium, sed etiam quoad specificationem: unde solum boni Angeli, qui huiusmodi actum in secundo instanti elicerunt, beatitudinem adepti sunt; mali verò qui tunc à Deo averti sunt, & ad bonum proprium conversi, illa

Tom. II.

A fuere privati, ut docet S. Thomas quæst. sequenti art. 5. ad 4. his verbis: *Omnes Angeli, in gratia creati in primo instanti meruerunt: sed quidam eorum statim impedimentum præstiterunt, suæ beatitudinis præcedens meritum mortificantes; & ideo beatitudinem quam meruerunt, sunt privati.*

Dico quaitò: Angeli supernaturalia dona gratiæ à Deo receperunt, juxta quantitatem perfectionum naturalium; ita ut quòd superiores fuerunt in perfectionibus naturalibus, eò excellentiora dona gratiæ & virtutum à Deo receperint. Ita D. Thomas hîc art. 6. & Theologi communiter, fundaturq; in SS. Patribus: Basiliius enim lib. de Spiritu Sancto cap. 16. hæc scribit: *Neque enim celorum virtutes suapte naturæ sanctæ sunt; nam si id esset, nullâ re differrent à Spiritu Sancto: sed juxta portionem quâ se invicem superant, à Spiritu habent sanctificationis mensuram.* Damascenus verò lib. 2. de fide cap. 3. *Per verbum Dei i inquit) creati sunt Angeli, & per sanctificationem Spiritu sancti perfecti, proq; sua dignitatis & ordinis ratione, illuminationem & gratiam participant, circumscripti sunt.*

Ratio assignari non potest, præter divinam voluntatem, qui placuit hunc modum Angelis servare, quem non servavit cum hominibus. Congruentia verò defunxit ex diverso modo operandi hominum & Angelorum: nam cùm homini, ob intrinsecum impedimentum appetitus sensitivi, à bono retardantem, connaturale non sit operari secundum totum posse principij operativi; sit autem connaturale Angelo, nullum habenti intrinsecum impedimentum à bono retardativum, potior ratio fuit, ut Deus accommo-  
C dandam se modo operandi angelico, eò majora dona gratiæ contulerit Angelis, quò superiores sunt in natura.

Idem dicendum est de gloria & beatitudine supernaturali: cùm enim, ut ait S. Thomas, Deus Angelos finaliter creaverit in ordine ad supernaturalem certitudinem, hoc ipso quòd alios alijs perfectiores condidit in natura, ad altiorum videtur beatitudinis gradum ordinasse: *Ut si edificator lapides polit ad construendam domum, ex hoc ipso, quòd aliquos pulchrius & decentius aprat, videtur eos ad honoratorem partem domus ordinare.*

Dices, Augustinus 11. de Civit. cap. 13. docet omnes Angelos æqualis felicitatis ab initio creatos esse: Ergo quò superiores fuerunt in perfectionibus naturalibus, eò majora dona gratiæ & gloriæ non receperunt.

Respondeo Augustinum intelligendum esse de æqualitate felicitatis secundum proportionem geometricam, non arithmeticam: solum enim vult Angelos fuisse creatos uniformes, hoc est ab initio omnes fuisse creatos in gratia, & beatitudine naturali, cum diversitate tamen & inæqualitate, tum in naturalibus, tum in supernaturalibus.

Ad plenioram autem hujus conclusionis intelligentiam, & solutionem argumentorum quæ fieri possent in contrarium: diligenter observandum est, quòd quando diximus Angelos supernaturalia dona gratiæ à Deo recepisse, juxta proportionem perfectionum naturalium, non eo sensu id debet intelligi, ut major perfectio naturalis unius, fuerit aliquo modo Deo causa motiva ad majora illa dona supernaturalia conferenda: nam sicut nullum donum merè naturale est Deo

Ggg 2 moti-

motivum ad suam gratiam creaturæ conferendam, alioquin gratia non esset gratia, sed merces & retributio; ita nec perfectius donum naturale est Deo motivum ad maiorem gratiam eidem naturæ conferendam: Sed in alio sensu, nimirum ita ut Deus ex mera sua libertate, & sapientia, voluerit majoribus gratiæ donis ornare, quos perfectioribus tribui Angelis decotaverat.

### ARTICULUS III.

*Quo pacto Angeli supernaturalem beatitudinem sibi promeruerint?*

**V**T certum & indubitatum supponimus, Angelos qui in accepta iustitia & sanctitate perseveraverunt, beatitudinem supernaturalem sibi promeruisse: cum enim beatitudo non merè gratuitò, sed propter merita conferatur hominibus, etiam debuit titulo meriti & non puræ & gratuitæ donationis tribui Angelis, præsertim cum nobilior sit aliquid habere per meritum, quàm sine merito, ut docet D. Thomas 3. p. quæst. 19 art. 3. Unde Augustinus de correptione & gratia cap. 11. *Angeli sancti, cadentibus alijs per liberum arbitrium, per idem liberum arbitrium steterunt ipsi, & huius mansionis debitam mercedem recipere meruerunt, tantam scilicet beatitudinis plenitudinem, quâ eis certissimum sit, semper se in illa esse mansuros.* Idem docent alij SS. Patres, præsertim qui post Augustinum floruerunt, quorum in eo consensus est, Angelos eo ipso quod in fide officioq; manserunt, deficientibus alijs, & principatum suum (ut Judas Apostolus loquitur) non deseruerunt, beatum illumq; perennemq; felicitatis statum meritos, adeptosq; esse. Unde solum difficultas est & controversia inter Theologos, de modo quo illi beatitudinem illam promeriti sint. Quidam enim existimant illam meruisse per opera beatitudinem subsequens, seu obsequia prævisa in hominum ministerium, ex obedientia ab Angelis exhibenda. Nam licet soli Angeli ultimi ordinis tertiæ Hierarchiæ, in hominum custodiam & ministerium destinentur, omnes tamen, etiam supremæ, hominum salutem cooperantur, instruendo & illuminando inferiores de rebus ad hominum salutem expectantibus juxta illud Apostoli ad Hebræos 1. *Omnes sunt administratorij spiritus, in ministerium missi, propter eos qui hereditatem capiunt salutis.* Ita docet Magister in 2. dist. 5. in fine, ubi ait, eâ lege sanctos Angelos felicitate sempiternâ donatos esse, quòd tale premium per obsequia nobis exhibita ex Dei obedientia & reverentia mererentur. Et ita premium præcessit meritum. Quod commentum, ut bellè ait Petavius, *Origenis lucernam olet, tamen si parronos habeat aliquos ex SS. Patribus, & antiquis Theologis.* Alij docent, Angelos beatitudinem sibi promeruisse per actus naturæ tantum præcedentes beatitudinem. Ita S. Thomas quodl. 9. qu. 4. art. 3. & in 2. dist. 5. qu. 2. art. 2. S. Bonaventura ibidem art. 3. quæst. 2. ubi ait hanc fuisse suo tempore communem, Agidius, Richardus, & alij. Tertia demum sententia asserit, Angelos beatitudinem meruisse actibus non naturæ tantum, verum etiam duratione beatitudinis præcedentibus. Hanc tenet S. Thomas hic art. 4. & communiter Theologi.

### §. I.

*Vera sententia triplici conclusione statuitur.*

**D**ico primò, Angelos sanctos non mereri beatitudinē per opera illam subsequens.

Probatur primò ratione quam insinuat D. Thomas hic art. 4. & fulsius expendit quæst. 19. de verit. 4. his verbis: *Meritum est causa præmij, non quidem per modum finalis causæ, sic enim magis premium est causa meriti, sed magis secundum reductionem ad causam efficientem, in quantum meritum facit premio dignum, & sic ad premium dispen-* **B** *dit autem quod est causa per modum efficientis, nullo modo potest esse posterius tempore, eo cuius est causa, unde non potest esse quod aliquis mereatur quod jam habet.* Unde sic arguo: Meritum se habet ad præmiū, sicut medium ad finem, via ad terminum, dispositio ad formam, & causa efficiens ad effectū: Sed implicat mediū subsequi finem, & viam esse posteriore termino, dispositionem formæ, & causam efficientem effectū: Ergo impossibile est meritum esse posterius termino, & per consequens Angelos sanctos mereri beatitudinem per opera illam subsequens. Et quamvis id non repugnaret, inconueniens videtur inducere in Angelis novum modum merendi gloriam ab eo quem Deus servat cum hominibus, qui est per actus fidei, spei, & charitatis, duratione præcedentes premium beatitudinis.

Confirmatur: Meritum connaturaliter postulat exerceri à persona, juxta conditionem ejus: Sed persona Angelica est suā naturā peccabilis: Ergo connaturaliter postulat ab ea exerceri cum libertate ad peccandum; unde cum Angelus in statu beatitudinis careat hac libertate, meritum connaturaliter postulat exerceri ab Angelo ut viatore, non verò ut comprehensore, præsertim respectu beatitudinis, quæ est ultimus terminus & fructus præcedentium laborum.

**D** Probatur secundò conclusio: Dæmones operibus malis continuò patratis, non augent sibi pœnam essentialē, sed tantum accidentialem: Ergo nec Angeli operibus bonis, quæ in statu beatitudinis eliciunt, augent sibi premium essentialē. Ratio utriusq; est, quia utriusque deest conditio ad merendum vel demerendum premium vel pœnam essentialē requisita, nimirum status via.

Dico secundò, Angelos sanctos non meruisse beatitudinem, per actus naturæ tantum & causalitate priores.

Probatur: Angeli meruerunt beatitudinem per actus supernaturales, regulatos cognitione obscurâ fidei, quâ Deum ut Authorē supernaturale cognoverunt: Sed hujusmodi actus nō possunt solâ prioritatem naturæ beatitudinē supernaturalem præcedere: Ergo Angeli sancti non meruerunt beatitudinē, per actus naturæ tantum & causalitate priores. Major patet, Minor probatur. Quod naturâ tantum beatitudinē supernaturalem præcedit, simul cū illa existit, cum prioritas naturæ, nō sit prioritas durationis, sed causalitatis: Atqui cognitio obscura fidei nequissimè existere cū visione beatifica, in qua beatitudo supernaturalis formaliter consistit, ut in Tractatu de virtutib; Theologicis ostēdemus: Ergo cognitio obscurâ fidei, & per consequens actus supernaturales per ipsam regulati, non possunt solâ

solâ prioritate naturæ beatitudinem supernaturalem præcedere.

Dico tertio, Angeli condignis actibus, non solum naturâ, sed duratione etiam præcedentibus, supernaturalem beatitudinem meruerunt.

Probat: Hic modus merendi beatitudinem est omnium connaturalissimus, cum meritum, ut supra dicebamus, se habeat ad præmium, sicut via ad terminum, dispositio ad formam, & causa efficiens ad effectum: Ergo ille debet attribui Angelo, respectu beatitudinis supernaturalis.

## §. II.

*Solvuntur objectiones.*

**O**bjicies primò contra primam conclusionem: Primus actus quem Angeli elicuerunt, fuit visio beatifica: Ergo illam meruerunt per actus eam præcedentes, sed solum per actus subsequentes, & eâ posteriores. Consequentia patet, Antecedens probatur ex Augustino libro 4. de Genesi ad litteram cap. 22. & 31. ubi docet Angelos prius habuisse cognitionem matutinam in verbo, quam vespertinam creaturarum in proprio genere: Sed cognitio matutina est visio Dei: Ergo primus actus quem Angeli elicuerunt, fuit visio beatifica.

Respondeo negando Antecedens, ad cujus probationem dicendum, quod cum Augustinus docet Angelos prius vidisse res in verbo, quam in proprio genere, ly prius non debet intelligi de prioritate simpliciter, sed de prioritate in ingressu beatitudinis, quando enim Angeli sancti ad beatitudinem supernaturalem, & claram Dei visionem pervenerunt, prius habuerunt cognitionem matutinam quam vespertinam, & prius viderunt res in verbo, quam in proprio genere.

Objicies secundò: Magnum præmium, qualis est gloria Angelorum, magna requirit merita: Sed non potuerunt Angeli in tam brevi spatio viæ, habere merita tanto præmio commensurata: Ergo per opera beatitudinem subsequencia, ipsam meruerunt.

Respondeo concessâ Majori, negando Minorem: cum enim Angeli gratiam & charitatem maximè intentam, in primo instanti creationis receperint, subindeque actualem habituali proportionatam; & secundum totum posse gratiæ operentur, actus intensissimos & ferventissimos charitatis, durante statu viæ elicuerunt, quibus plus gratiæ & gloriæ meruerunt, quam homo assequatur multitudine actuum, quos toto vitæ tempore elicit.

Objicies tertio contra secundam conclusionem: Non repugnat meritum naturâ tantum & causalitate præcedere præmium: Ergo Angeli sancti per actus tantum naturâ priores, beatitudinem mereri potuerunt. Consequentia patet, Antecedens probatur. In nobis simul est contritio ut dispositio ad gratiam, & gratia ut præmium contritionis. Item simul est actus quo meremur augmentum gratiæ & charitatis, & ipsum augmentum: Ergo non repugnat meritum naturâ tantum & causalitate præcedere præmium.

Confirmatur: Contritio eodem instanti quo informatur gratiâ, de condigno meretur gloriam: quid igitur repugnat, ut eodem instanti simul conferatur gloria?

Ad objectionem respondeo primò, hoc argumentum probare quidem quod absolute, & de potentia Dei extraordinaria, non repugnet

Tom. II.

**A** quod Angeli per actus solum naturâ priores, beatitudinem meruerint, quod non negamus, quia nimirum actus dilectionis Dei ut Authoris supernaturalis, quo Angeli beatitudinem meruerunt, potuit regulari aliâ cognitione quam fidei, nimirum cognitione evidenti abstractivâ Dei, sicut in Christo in quo fides non erat, actus meritorii per scientiam infusam regulabantur: Non ostenderetamen quod juxta legem à Deo pro Angelis & hominibus de facto statutam de beatitudine promerenda per actus à fide regulatos, hoc sit possibile, quia, ut supra dicebamus, hujusmodi actus cum clara Dei visione sunt incompossibiles.

**B** Respondeo secundò, concessâ Antecedente, negando Consequentiam: non enim cum quolibet præmio pugnat simul esse meritum, sed cum præmio dumtaxat ultimæ beatitudinis, quod extrahit creaturam à statu viæ ad merendum requisito, nec non pugnat cum merito per fidem infusam regulato, ut supra ostensum est. Unde

Ad confirmationem, nego etiam Consequentiam, nam actus fidei regulans contritionem, non pugnat cum merito & jure ad gloriam, bene tamen cum visione beatifica, & gloriæ possessione.

## §. III.

*Corollarium præcedentis doctrinæ.*

**E**X dictis inferes, Angelos sanctos non diu post creationem suam, claram Dei visionem fuisse consecutos, non expectatâ incarnatione Verbi, aut Christi glorificatione. Ita communiter docent Theologi, licet enim differant in assignandis pluribus vel paucioribus instantibus viæ Angelicæ, ut patebit ex dicendis articulo sequenti, sentiunt tamen omnes, illam brevem fuisse, eâque expletâ, bonos statim accepisse beatitudinis essentialis præmium, malos verò æternæ damnationis supplicium.

Ratio etiam id suadet: Si enim visio beatifica non sit data bonis Angelis propter custodiam hominum, sed propter actus meritorios quos durante statu viæ elicuerunt, ut in prima conclusione ostensum est; nulla est ratio cur Deus voluerit differre eorum præmium, usque ad Christi incarnationem vel resurrectionem, & quod illis plus dilata fuerit gloria, quam malis Angelis pœna, qui statim post peccatum, de cælo dejecti sunt, & in infernum detrusi. Unde Daniel. 7. & Job 12. longè ante incarnationem Verbi, dicuntur Angeli ad stare vel assistere ante Deum, quod idem est ac perpetuò videre Deum, & ab ejus visione nunquam recedere, ut docent Gregorius libro 2. Moralium cap. 2. & libro 17. cap. 9. Bernardus serm. 5. in Dedicatione Ecclesiæ, & alii Patres.

**D**ices primò, 1. Petri 1. dicitur: *In quem desiderant Angeli prospicere*: Sed desiderium est rei absens & nondum obtentæ: Ergo Angeli sancti nondum vident Deum.

Respondeo, verba illa Apostoli intelligenda esse de desiderio excludente fastidium, non autem visionem ipsam, ut interpretatur D. Gregorius libro 18. Moral. cap. 28. his verbis: *Quia de Deo per primum Ecclesiæ prædicatorem dicitur, in quem desiderant Angeli prospicere: sunt nonnulli qui nequam Deum videre vel Angelos suspicantur; & tamen dictum per Veritatem sententiæ ipsius: Angeli eorum in calis semper vident faciem Patris mei qui in calis est. Numquid ergo aliud veritas, aliud prædicator insonat veritatis? Sed si sententia utraque confertur, quia sibi*

Ggg 3

nequa-



nequaquam discordet, agnoscitur. Deum quippe Angeli & vident, & videre desiderant, & situnt intueri & intuentur. Si enim sic videre desiderant, ut effectui sui desiderii minimè persuantur, desiderium sine fructu anxietatem habet, & anxietas penam. Beati verò Angeli ab omni pena anxietatis longè sunt, quia & Psalmista ait: Satiabor dum manifestabitur gloria tua. Considerandum nobis est, quoniam satietatem solet fastidium subsequi. Ut ergo rectè subiit atque conveniant, dicat Veritas: Quia semper vident. Dicat Predicator egregius: Quia semper videre desiderant. Ne enim sit in desiderio anxietas, desiderantes satiantur: ne autem sit in satietate fastidium, saturati desiderant. Et desiderant igitur sine labore, quia desiderium satietas comitatur; & satiantur sine fastidio, quia ipsa satietas ex desiderio semper accenditur. Sic quoque & nos erimus, quando ad ipsum fontem vita venerimus. Erit nobis delectabiliter impressa sitis simul atque satietas. Sed longè aberit ab ista sitis neceffitas, longè à satietate fastidium; quia & sitientes satiabitur, & satiati sitiemus.

Eandem veritatem breviter expressit Petrus Damianus, in hymno de gloria Paradisi, ex dictis sancti Augustini collecto, hisce verbis:

*Vno pane vivunt cives utriusque patrie:*

*Aridi & semper pleni, quod habent desiderant.*

*Non satietas fastidit, neque James cruciat.*

*Inbiantes semper edunt, & edentes inbiant.*

Dices secundò: Gregorius Nazianzen. orat. 42. affirmat, diem resurrectionis Christi, *satiatem mundo fuisse, tam visibili, quam invisibili*. Ubi Nicetas ejus Interpres, per mundum *invisibilem*, Angelos sanctos intelligit: Atqui salus illa, respectu Angelorum, non potest alia intelligi, quam salus perfecta & consummata per visionem Dei, & fruitionem beatificam. Ergo Angeli non sunt adepti claram Dei visionem, usque ad Christi resurrectionem, & glorificationem.

Respondeo Nazianzenum, vel per mundum invisibilem intelligere animas Sanctorum Patrum, quæ in sinu Abrahamæ detinebantur: vel solum voluisse quòd Angeli tunc magnam gloriam accidentalem receperint; unde observant aliqui, Angelos ex eo tempore apparuisse in corporibus lucidis & gloriosis, non ante. Vel demum, ut interpretatur Nicetas, Nazianzenus verbis illis solum significare voluit, quod tunc ruinæ Angelorum rescirci ceperunt, licet Angelii ipsi non tunc primè in gloriam & beatitudinem essentialem receperint.

#### ARTICULUS IV.

*Quot morulis sive instantibus Angelorum via completa fuerit?*

##### §. I.

*Quibusdam præmissis referuntur sententia.*

41. **S**uppono primò, numerum instantium, ex quibus tempus angelicum constituitur, desumi ex numero vel diversarum quoad substantiam operationum liberarum, inter se ordinem successione habentium, ita ut una sit duratione posterior altera; vel saltem diversorum modorum intrinsecè & successivè eisdem substantialiter operationi angelicæ convenientem. Ita colligitur ex S. Thomæ hic art. 5. ad 2. sic dicente: *Angelus est supra tempus rerum corporalium: unde instantia diversa in his quæ ad Angelos pertinent, non accipiuntur nisi secundum successionem in ipsorum acti-*

**A** bus. Quibus verbis S. Doctor suppositionem istam & docuit & probavit. Ejus veritas etiam patet ex dictis disputatione sexta, in qua egimus de tempore Angelorum, quo mensurantur illorum operationes liberæ.

Suppono secundò, quòd quando loquimur hic de instantibus viæ Angelorum, non solum comprehendimus instantia intrinseca viæ, sed etiam instans extrinsecè terminativum, quale est instans damnationis in malis, & glorificationis in bonis. Unde quando inquiritur, quot instantibus Angelorum via completa fuerit? idem est ac si quæreretur, quot instantia fluxerint, à creatione Angelorum, usque ad glorificationem bonorum, & damnationem malorum inclusivè. His præmissis.

Circa difficultatem propositam triplex versatur sententia. Prima est Cajetani & Nazarii quæst. sequenti art. 6. docentium duo tantum instantia pro via tam malorum quam bonorum Angelorum esse constituenda: ita ut primum instans sit assignandum creationi Angelorum omnium, eorumque merito non plenè libero, id est actui charitatis, necessario quoad specificationem, & libero quoad exercitium, quem) ut articulo præcedenti insinuavimus) omnes Angeli tam mali quam boni in primo creationis instanti elicerunt: secundum autem assignandum sit merito plenè libero bonorum Angelorum, & peccato malorum; in cuius instantis termino, boni assecuti sunt præmium, & mali supplicium. Unde dicunt quòd primum instans fuit simpliciter via, & nullo modo terminus; secundum verò, tam respectu malorum, quam bonorum, fuit via simul & terminus.

Secunda opinio ponit tria instantia pro malis Angelis, & duo tantum pro bonis. Ita Bannez, Joannes à S. Thoma, Maius à Serra, & plures alii ex nostris Thomistis, qui dicunt quòd Angeli boni perseverantes in actu dilectionis quem elicerent in primo instanti creationis, unicum tantum instans fecerunt, post quod statim glorificati sunt; mali verò, eliciendo actum distinctum ab eo quem elicerant in primo instanti creationis, duo instantia sibi fecere, post quæ damnati sunt: unde comprehendendo instans glorificationis bonorum & damnationis malorum, illorum via duo tantum instantia, istorum verò tria complectitur.

Tertius dicendi modus asserit viam tam bonorum quam malorum Angelorum triplici instanti fuisse completam, seu tria fluxisse instantia à creatione Angelorum usque ad glorificationem bonorum, & damnationem malorum inclusivè. Ita Capreolus, Salmanticenses, & alii plures, etiam ex extraneis.

##### §. II.

*Hæc sententia ut verior & probabilior eligitur.*

**D**ico primò, viam malorum Angelorum triplici instanti fuisse completam.

Probatur contra Cajetanum & Nazarium: 44. Tot ponenda sunt instantia pro via demonum, quot fuerunt operationes realiter inter se distinctæ, sibi quæ succedentes, quibus eorum via fuit ultimò terminata: Atqui tres fuerunt hujusmodi operationes. Ergo & tria instantia. Major patet: nam, ut ostendimus in prima suppositione, instantia temporis discreti, de quibus hic

hic loquimur, multiplicantur juxta numerum operationum sibi succedentium. Minor verò probatur: Dæmones in primo instanti creationis elicerunt actum meritorium, & postea actum mortaliter peccaminosum; hunc verò secuta est damnatio: Sed illi operationes non solum distinguuntur realiter, sed etiam sunt inter se impossibiles: Ergo tres fuerunt distinctæ operationes, quibus Angelorum via fuit terminata. Major est certa: Minorem etiam admittunt omnes quoad primam & secundam operationem: cum enim prima sit conversio actualis in Deum ut ultimum finem simpliciter, secunda verò aversio actualis ab eodem, non possunt non distingui. Quoad tertiam verò, potest facili probari contra Cajetanum: Quia summa delectatio, & summa tristitia, sunt inter se impossibiles, respectu ejusdem subjecti: Sed Angelus in eo instanti in quo peccavit, habuit summam delectationem & complacentiam in sua perfectione naturali: Ergo non potuit simul habere summam tristitiam de pœna damni. Ergo damnatio quæ pro tertia operatione ponitur, est uedum distincta, sed & impossibilis cum actu peccaminoso Angeli, & multo magis cum actu meritorio.

45. Confirmatur: Impossibile est malum Angelum simul & in eodem instanti in via & extra viam fuisse, ut constat ex ipsis terminis, nec non ex eo quòd in via habuit fidem, spem, potentiam ad merendum, & plura alia dona supernaturalia, quæ cessante viâ, & extra illam positus, non conservavit: Sed dum primò peccavit, erat in viâ, ut patet; è contra verò dum primò damnatus est, erat extra viam, quia erat in damnatione, quæ est terminus viæ: Ergo implicat dæmonem simul & in eodem instanti primò peccasse & fuisse damnatum.

46. Confirmatur ampliùs: Malus Angelus, dum primò peccavit, erat in cælo Emphyreo; fuit verò punitus in inferno, & ignibus tartareis alligatus: Sed non potuit eodem momento esse in cælo, & in inferno: cum juxta Damascenum non possit Angelus simul esse in cælo & in terra: Ergo idem instantis non potuit esse mensura peccati & damnationis dæmonum; sed in uno instanti peccaverunt, & in alio damnati sunt.

Dico secundò, viam bonorum Angelorum triplici etiam constare instanti.

47. Probatur: Via bonorum Angelorum triplici tantum instanti completa est, illi instantis in quo Angeli plenè & perfectè meruerunt, eliciendo actum charitatis, liberum quoad specificationem & exercitium, sit distinctum ab eo in quo creati sunt, & imperfectè unâ cum Angelis malis meruerunt, eliciendo actum charitatis, liberum solum quoad exercitium; & ab altero in quo glorificati sunt, & præmium æternæ beatitudinis reportarunt: Sed instantis in quo Angeli plenè & perfectè meruerunt, ab instanti creationis & glorificationis illorum distinctum est: Ergo illorum via triplici tantum instanti completa fuit. Major patet, Minor verò quoad primam partem probatur contra Bannem, Joannem à S. Thoma, & alios, qui existimant instantis in quo Angeli boni perseveranter meruerunt, non distinguî à primo instanti creationis in quo omnes meruerunt. Nam, ut suprà dicebamus, instantia multiplicantur in Angelis secundum intrinsecam operationum variationem: Sed Angeli Beati non manserunt in iisdem operati-

A bus invariatis, quas simul cum aliis non perseverantibus habuerant in puncto creationis: Ergo non manserunt in eodem instanti, sed fecerunt sibi secundum instantis. Major patet, Minor probatur. In primo instanti creationis Angeli boni habebant ex parte intellectus judicium practicum, quo judicabant amandam esse propriam excellentiam beatitudinis naturalis, cum subjectione ad supernaturalem, at verò cum Lucifer & ejus sequaces ad suam excellentiam inordinatè & contempnâ divinâ regulâ conversi sunt, & suo exemplo alios tentarunt, Angeli Beati habuerunt judicium practicum, quo judicarunt amandam esse excellentiam beatitudinis naturalis, cum subjectione ad supernaturalem, non obstante etiam temptatione Luciferi & sequacium, ad oppositum invitante, & hoc judicium constat esse intrinsecè diversum à primo: similiter ex parte voluntatis sequitur esse actus proportionatus huic secundo judicio; quia diversitas in actibus intellectus practici, causat diversitatem in actibus voluntatis: Ergo Angeli Beati, à creatione usque ad glorificationem, in eadem operatione invariata non manserunt.

Nec valet responsio Joannis à S. Thoma, asserentis nullam fuisse variationem in judicio practico bonorum Angelorum, nec in actu voluntatis per illud regulato, sed actus illos mansisse intrinsecè invariantos, usque ad sequens instantis glorificationis, quia, inquit, idem omnino ab initio creationis proponebatur objectum quod postea: Non valet, inquam, hæc responsio: siquidem in initio creationis prædictum judicium practicum non proponebat voluntati conversionem in Deum ut finem supernaturalem, ut conjunctam cum temptatione à Luciferoproveniente, quæ tunc non erat, bene tamen immediate post, cum Lucifer cœpit peccare, & alios Angelos suo exemplo, suisque suasionibus ad peccandum inducere: Ergo facta fuit necessariò variatio intrinseca in judicio practico intellectus, & consequenter in actu voluntatis.

D Confirmatur & magis illustratur hæc ratio: Quoties insurgit aliqua difficultas de novo circa aliquam actionem, toties requiritur speciale judicium practicum, quo actio illa imperetur, & vincatur difficultas: Sed Angelis Beatis, ex hoc ipso quòd alii peccarunt, insutrexerit nova difficultas in conversione ad Deum ut finem supernaturalem, quam non habebant ante eorum lapsum: Ergo debuit etiam necessariò esse novum aliquod judicium practicum, quo hæc difficultas vinceretur; & consequenter novus voluntatis conatus, quia hæc duosle consequuntur.

E Addo quòd, non solum duæ operationes Angelis, successivè se habentes, exigunt duo instantia, sed etiam varietas intrinseca ejusdem operationis penes diversos modos ipsi convenientes; quia instantis angelicam nihil est aliud quàm unica operatio invariabiliter se habens quoad intrinsecam, sicut & ipsi instantis invariabile est quoad illa quæ intrinsecè importat: Atqui operatio quâ Angelus meruit in primo instanti creationis, in sua continuatione fuit variata, saltem quantum ad aliquem modum intrinsecum: Ergo dato etiam quòd actus quem Angelus in primo instanti elicit, idem manserit quoad substantiam, non fuit tamen idem sed diversum instantis, &c. Major patet, Minor probatur. Actus meritorius elicitus in primo instanti creationis, fuit necessarius quoad specificationem, & liber solum quoad

- quoad exercitium; actus verò charitatis quo meruit perseveranter, fuit liber tam quoad exercitium quam quoad specificationem, ut antea declaratum est: Sed necessitas & libertas sunt modi quidam intrinseci actuum: Ergo operatio quæ Angelus in primo instanti creationis meruit, fuit variata, saltem quantum ad aliquem modum intrinsecum. Major est certa, & conceditur ab Adversariis, Minor verò suadetur. Tum quia libertas actionis est specialis quædam ratio vitalitatis: Tum etiam quia quod habet potentia in actu primo, actio debet habere in actu secundo: Sed necessitas & libertas in actu primo sunt modi quidam intrinseci voluntatis, & non puræ denominationis extrinsecæ: Ergo & actualis libertas, quæ relucet in ejus operationibus, erit modus quidam illis intrinsecus, & non sola denominatio extrinseca, ut quidam ex Adversariis dicunt.
31. Addo etiam, quod actus intellectus, dirigens actum meritorium, liberum solum quoad exercitium, & cognitio dirigens actum meritorium, liberum tam quoad specificationem quam quoad exercitium, sunt actus inter se repugnantes, & impossibiles; quia unus proponit objectum sub indifferentia, alius verò sub ratione boni tantum: Ergo oportet quod actus meritorius in sua inchoatione & in sua continuatione, duplici instanti mensuretur. Consequentia probatur: actus meritorius in sua inchoatione est simul cum cognitione proponente objectum sub ratione boni tantum; ut continuatus verò, est simul cum iudicio indifferenti: Ergo si illæ cognitiones sint inter se repugnantes & impossibiles, ac duplici instanti mensurentur, etiā actus meritorius Angelus in sua inchoatione & in sua continuatione, inensurabitur duplici instanti.
32. Confirmatur & magis urgetur hæc ratio. Tota ratio propter quam actus meritorius vitæ æternæ, & amor beatificus, nequeunt, juxta Bannem & Joannem à S. Thoma, esse in eodem instanti, est quia diriguntur per cognitiones impossibiles; quamvis idem numero actus charitatis vitæ possit quoad substantiam continuari in patria: Ergo similiter, quamvis daretur quod actus charitatis, quem Angelus in primo instanti creationis elicit, in sua continuatione idem maneret, quantum ad substantiam, quia tamen iudicium quod Angelus habuit in primo instanti creationis, est impossibile cum eo quod habuit in eodem omnino liberè, ponenda sunt duo instantia distincta. Unde D. Thomas quæst. sequenti art. 6. ad 4. de Angelis ait: *Quod prima operatio fuit omnibus communis, sed in secunda sunt distincti: & ideo in primo instanti omnes fuerunt boni, sed in secundo fuerunt boni à malis distincti.*
33. Secunda pars Minoris principalis, quæ assertit instans in quo boni Angeli plenè & perfectè, seu cum perfectà deliberatione meruerunt, ab instanti glorificationis illorum fuisse distinctum, probatur contra Cajetanum & Nazarianum ex eodem S. Doctore hic art. 5. ad 2. dicente: *Instantia diversa in his quæ ad Angelos pertinent, non accipiuntur, nisi secundum successionem in ipsorum actibus. Non autem potuit simul in Angelis esse actus meritorius beatitudinis, & actus beatitudinis qui est fructus; cum unus sit gratia imperfecta, & alius gratia consummata: unde relinquatur quod oportet diversa instantia accipi, in quorum uno meruerit beatitudinem, & in alio fuerit beatus.* Quibus verbis S. Doctor rationem fundamentalem ad probandam hanc secundam partem Minoris inlinuat: in-

stantia enim angelica diversificantur secundum successionem in ipsorum actibus: Sed inter actum meritorium beatitudinis, & ipsum beatitudinis actum, est successio: Ergo non fuit idem instans meriti bonorum Angelorum, & præmii essentialis beatitudinis. Major patet, quia Angelus est supra tempus rerum corporarum. Minor verò probatur: Actus meritorius beatitudinis est actus gratiæ imperfectæ, actus verò beatitudinis est actus gratiæ consummatæ: Sed non est possibile simul in eodem instanti reperiri actum gratiæ imperfectæ, & gratiæ consummatæ: Ergo &c.

Confirmatur & magis illustratur hæc ratio: 54.

- B Gratia imperfecta, quam D. Thomas dicit principium meriti, non est aliqua gratia minoris intensiōis, quam consummata; siquidem aliquando intensior est gratia in viatoribus, quam in multis beatis; sed est gratia in statu imperfecto cujus actus regulatur per fidem: nam primum principium ex quo tam Angeli quam homines ordinantur in beatitudinem supernaturalem, & in eam tendunt, est gratia cum obscuro fidei lumine; sic enim est gratia viæ & peregrinationis: Atqui non potuit in Angelis simul esse gratia viæ, cujus actus regulatur per fidem, & gratia consummata, cujus actus regulatur per lumen gloriæ & visionem Beatam; quia inevidentia fidei repugnat in eodem subiecto cum evidentiâ luminis gloriæ & visionis Beatæ: Ergo non potuit in Angelis esse simul actus gratiæ imperfectæ, & gratiæ consummatæ: nec per consequens meritum simul, seu in eodem instanti, cum beatitudine; illud enim à gratia imperfecta viæ procedit, & per lumen fidei obscurum regulatur; hæc verò est à gratia consummata patriæ, & in clara Dei visione consistit.

Dices cum Cajetano & Nazario, quod licet 55. fides & meritum non potuerint manere in primo instanti beatificationis Angelorum, secundum imperfectionem quam important, nempe fides secundum obscuritatem, & meritum secundum quod est actus variabilis, & tendens in præmium nondum habitum; potuerunt tamen manere secundum perfectionem quam dicunt formaliter: puta fides, secundum quod est certa cognitio supernaturalium; & meritum secundum quod dicit conversionem in bonum supernaturale, aut prosecutionem ipsius: unde Cajetanus meritum cum imperfectionibus appellat *meritum ut in viâ*; meritum verò sine imperfectionibus vocat *meritum ut in termino*.

Sed contra primò: Fides & meritum secundum id quod dicunt perfectionis, seclusis imperfectionibus repugnantibus beatitudini, nec fidei, nec meriti rationem habent, quia imperfectiones illæ sunt de eorum ratione formali; obscuritas enim seu inevidentia v.g. est de ratione formali fidei, eaque sublata fides subsisteret nequit: dicere ergo fidem & meritum potuisse reperiri in Angelis in instanti glorificationis illorum, seclusis imperfectionibus beatitudini repugnantibus, est dicere nec fidem nec meritum tunc potuisse in Angelis reperiri.

Deinde, Vel mansissent in seipsis, vel solum in suo termino, visione scilicet & dilectione beatifica: Si hoc secundum dicitur, revera nec fides nec meritum mansissent formaliter, sed solum effectus sive terminus extrinsecus meriti. Si verò primum asseratur, oportet necessariò concedere fidem & meritum secundum proprias rationes dicentes

dicentes imperfectionem mansisse; quia fides & meritum nequeunt in se formaliter manere, nisi maneat totum hoc quod dicunt ex sua ratione formali: nam perfectio inclusam aliquo, nequit reperiri nisi vel in propria ratione illius, vel in aliquo superiori, in quo virtualiter, vel emmenter contineatur.

58 Ex his habes, totum negotium bonorum & malorum Angelorum, tribus instantibus fuisse absolutum. In primo omnes fuerunt creati in gratia, & operati tam operatione naturali quam supernaturali, ad quam à Deo ut speciali motore applicati sunt: unde in eo omnes quidem meruerunt, sed non plenè & perfectè: quia actus charitatis quem tunc eliciturunt, non fuit perfectè liber, sed necessariè quoad specificationem, & libet tantum quoad continuationem & exercitium. In secundo instanti Angeli boni in sua ad Deum conversione supernaturali, ex plena deliberatione, ac perfectè libetate, perseverantes, plenè ac perfectè meruerunt: Angeli verò mali, se libetè ad propriam excellentiam inordinatè convertentes, à Deo averti sunt, & peccaverunt. In tertio tandem boni consecuti sunt præmium æternæ beatitudinis: mali autem supplicium æternæ damnationis.

59 Dices: Instantia Angelorum diversificantur secundum numerum operationum ipsorum, ut supra ex D. Thoma ostendimus: Sed boni Angeli in medio suæ viæ habuerunt plures actus bonos, fidei scilicet, spei, charitatis, religionis &c. mali verò plures actus peccaminosos, superbiæ, invidiæ, &c. Ergo prædictum medium non fuit mensuratum uno instanti, sed pluribus; & ita totum negotium bonorum & malorum Angelorum, tribus tantum instantibus non fuit absolutum.

60 Respondeo ex eodem S. Doctore hic art. 5. ad 2. & supra quæst. 10. art. 5. ad 1. numerum instantium ex quibus tempus angelicum constituitur, componi ex numero operationum habentium inter se ordinem successionis, ita ut una sit post aliam; & idè plures operationes quæ sunt simul duratione, sive illæ pertineant ad eandem potentiam, sive ad diversas, diversa instantia temporis angelici non constituunt: unde cum prædicti actus tam in Angelis bonis quam malis fuerint simul, non exigunt plura instantia temporis angelici, sed unum tantum.

61 Queres, quanta fuerit mora & duratio uniuscuiusque, ex tribus instantibus enumeratis, per correspondentiam ad nostrum tempus?

Respondendo cum Salamanticensibus, & Joanne à S. Thoma, contra Nazarium, Suarezem, & Valentiam, primum instans angelicum, in quo omnes tam mali quam boni imperfectè meruerunt, solum durasse per unicum instans nostri temporis. Hoc enim aptè colligitur ex D. Thoma q. sequenti art. 6. ubi asserit probabiliter esse quod Diabolus statim post primū instans suæ creationis peccaverit: cum enim creatio, per correspondentiam ad nostrum tempus, fiat in instanti, si verum est Angelum peccasse immediatè post instans creationis, sequitur meritum ejus imperfectum durasse solum per unicum instans nostrum. Ratio etiam, quam idem S. Doctor ibidem innuat, id aptè cōvincit: nam à quo quæ Angelus elicitur in morula temporis, subsequente instantis creationis, fuit liber quoad specificationem & exercitiū, quia hunc actū præcessit actus elicitus in instanti creationis, ratione cuius voluntas Angeli intelligitur completa in actu primo, ad

Tom. II.

hoc ut possit seipsam movere in continuatione actus, vel in productione alterius: unde si in morula illa temporis, subsecuta instanti indivisibile creationis, non peccasset, sed dilexisset Deum ut finem supernaturalem, sicut dilexerat in primo instanti suæ creationis, fuisset redditus inflexibilis in tali amore, & consequenter impeccabilis; quia, ut infra patebit, Angelus redditur omnino inflexibilis per illum actum quem omnino liberè elicit, & in quo seipsam movet. Cum ergo Angelus malus non fuerit inflexibilis in dilectione Dei, dicendum est actum meritorium, quem habuit communem cum Angelis bonis, durasse solum per unicum instans nostri temporis.

B Ex quo sequitur, secundum instans in quo mali peccaverunt, & boni in bono perseverarunt, parti nostri temporis coexistisse: quia post instans nostri temporis, in quo omnes meruerunt, non sequitur aliud instans, sed tempus. Quantum autem fuerit illud tempus cui coexistit secundum instans angelicum, omnino incertum est. Solum constat tempus illud fuisse finitum ante lapsum Adami: nam quando ille peccavit, mali Angeli jam damnati erant; cum eorum Princeps Evam sub figura serpentis seduxerit, ut dicitur Genesis 3. aliunde verò cum mali Angeli de cælo lapsi sunt, & ad infernum detruşi, boni fuerunt in statu gloriæ; nec enim longius est dilata bonorum merces, quam pœna malorum.

C Quantum ad tertium instans, certum est quod loquendo de illo prout mensuravit primam receptionem præmii aut pœnæ Angelorum, ut stantem sub novitate essendi, certum est, inquam, quod coexistit instanti nostri temporis. Si verò loquamur de gloria aut pœna Angelorum, secundum permanentiam & durationem quam important, non mensuratur tempore nostro vel angelico, nec ævo, aut æternitate essentiali, sed æternitate participatā, ut in Tractatu de visione beatificæ ostensum est.

Contra primam pattem hujus resolutionis obijcere solent Recentiores verba illa Ezechiel 28. per allegoriam à Patribus receptam Luciferò dicta: *In medio lapidum ignitorū ambulasti, perfectus in viis tuis, à die conditionis tue.* Id est fuisse inter Angelos gratiā & charitate fulgentes, atq; unus ex illis: Sed ambulasse significat fuisse aliquod spatium temporis, quo ita conversatus est inter bonos Angelos Lucifer, adhuc perfectus in viis suis, & splendens gratiā à Deo infusā: Ergo primum instans creationis Angelorū, in quo omnes imperfectè meruerunt, & gratiā sanctitæte ornati sunt, non soli instanti, sed parti nostri tēporis correspondet.

Addit Suarez, non videri ita convenientes perfectæ naturæ intellectuali, qualis est angelica, subito transire de una operatione in aliam, quam aliquandiu durare in sua operatione: primum enim importat levitatem & inconstantiam, quæ non debet in Angelo admitti, præsertim in maximo sui negotio, qualis fuit conservatio divinæ gratiæ, & continuatio in dilectione Dei: secundum verò importat providentiam naturæ intellectuali perfectissimæ, qualis est angelica, concedendam: Ergo mali Angeli non solum per unicum instans, sed per aliquod tempus in actu dilectionis Dei perseverarunt.

Hæc tamen levia sunt: Ad primum enim respondet D. Thomas quæst. sequenti art. 6. ad 1. hæc verba Ezechielis tibi obijciens: *Quod per motus corporales qui per tempus mensurantur, quandoque in sacra Scriptura intelliguntur meta-* Hhh phoricè

Disp. 14. art. 1.

Disp. 6. art. 1. unice

62

63

64



phoricè motus spirituales instantanei; & sic per ambulationem intelligitur motus liberi arbitris tendentis in bonum. Per pluralitatem autem viarum designatur pluralitas actuum subordinatorum, quos in primo instanti creationis Angelos habuisse diximus, aut saltem multitudo terminationum ejusdem actus ad diversa objecta.

- 65 Ad illud quod addit Suarez, dicendum est, ad perfectionem naturæ omnino intellectualis, qualis est angelica, pertinere quod pro libito daret in sua operatione, vel si voluerit, et non tunc deat de una operatione in aliam; quia hoc denotat perfectam & expeditam intellectualitatem: quamvis aliunde in hoc transitu de una operatione in aliam possit intervenire leuitas, inconstantia, imprudentia, & aliae imperfectiones; quas in primo Angeli peccato intervenisse concedo, utpote qui ex n. mio & inordinato affectu circa propriam excellentiam procedens, non attendit negotio maximi momenti, scilicet sui ipsius in ultimum finem directioni. Adde quod, quamvis magis naturale esset Angelo, in actu ex perfecta libertate & electione elicto permanere per aliquod tempus, non tamen in actu ad quem non se movet, sed movetur à Deo: hic enim non potest durare in Angelo, nisi per instans nostrum; quia illo instanti transacto, si Angelus continuat eundem actum, non potest non operari movendo seipsum; cum supponatur ex vi primi instantis, & actus in eo elicti, completus in actu primo, ad hoc ut se moveat, sicut antea declaratum est.

## S. II.

*Expediuntur objectiones contra precedentes conclusiones fieri solita.*

- 66 Contra primam conclusionem, in qua diximus viam malorum Angelorum triplici instanti fuisse completam, obijciunt cum Cojetano & Nazario. In Angelis malis idem fuit instans damnationis & demeriti: Ergo illorum via duo tantum instantia includit. Consequentia patet ex supra dictis. Antecedens verò probatur primo ex Fulgentio, de fide ad Petrum cap. 3. ubi de malo Angelo ait: *Initium sua damnationis in ipsa voluntatis aversione invenit; ut non esset aliud incipere quam puniri, quam illius beatifici boni dilectione destitui.* Secundo probatur ex Damasceno libro 2. de fide cap. 4. dicente hoc in Angelis fuisse lapsum, quod in hominibus est mors: Sed homo in instanti mortis subit effectum damnationis: Ergo & Daemon in instanti lapsus. Tertio probatur idem Antecedens ratione. Instantia in Angelis sunt utraque penes diversa & successivè se habentia intellectus judicia: Atqui secundum iudicium quod mali Angeli habuerunt de amanda propria excellentia, manet in statu damnationis: Ergo in Angelis malis idem fuit instans damnationis & demeriti.

- 67 Confirmatur: Potest infligi poena simul cum patratum culpa, & ita contigisse in Angelis probatur: quia in eodem instanti in quo peccarunt, non viderunt Deum: Ergo fuerunt privati visione beatæ, in qua privatione consistit poena damnari. Adde quod in eodem instanti quo peccarunt, fuerunt inflexibiles in malo: Sed inflexibilitas in malo est propria damnatorum: Ergo in eodem instanti quo peccaverunt mali Angeli damnati sunt.

- 68 Respondeo negando Antecedens. Ad cuius primam probationem dicendum est, Fulgentium loqui de initio damnationis tantum extrinseco, ita

ut in secundo instanti in quo verificatur Angelum peccasse, & esse avertum à Deo, verificetur etiam, non quod tunc subit damnationem, sed quod subit immediatè post.

Ad Damascenum verò responderetur hoc in Angelis esse lapsum, quod in hominibus est mors, quantum ad invariabilitatem & inflexibilitatem voluntatis, non verò quantum ad alia.

Ad tertiam probationem, concessâ Majori, nego Minorem: nam in secundo instanti Angeli mali habuerunt hoc iudicium: amanda est propria excellentia, non consideratâ lege divini: modò verò iudicant amandam esse eandem excellentiam, quamvis sit contra legem divinam; habent enim conscientiam reinosum, quo considerant quod sit contra prædictam legem: hæc verò iudicia valde diversa sunt.

Ad confirmationem: Esto possit aliqua poena infligi cum patratum culpa, id tamen est negandum de poena Daemonum, propter rationem in conclusione adductas. Ad probationem in contrarium, concessâ Antecedente, neganda est consequentia: quia privatio propriæ non est carentia cuiuscumque formæ, sed formæ debite: pro illo autem instanti quo Angeli peccarunt, non erat illis debita gloria, quia nondum ipsam meruerant per actum deliberatum. Ad id quod additur de inflexibilitate Daemonum, dicendum est quod inflexibilitas in malo non solum convenit Angelis ut actum damnatis, sed ut immediatè post damnandis.

Obijciens secundo contra secundam conclusionem. Angeli boni non fecerunt sibi novum instans, per hoc quod perseveranter meruerunt, sed primum continuaverunt: Ergo ipsorum via duplici instanti terminata fuit, instanti scilicet meriti, & glorificationis. Consequentia patet ex supra dictis: Antecedens probatur. Angeli boni eundem, quem in primo instanti elicerant charitatis actum, continuaverunt quando in mali peccarunt; & licet habuerint diversa iudicia, unum tamen non repugnabat alteri, nec ipsum, aut operationem ex eo secutam excluderat, ut in malis Angelis accidit: Sed diversitas iudicii non sufficit ad diversificandum instans, nisi secundum contrarietatem primo, & illud, ac operationem ex eo secutam excludat: Ergo &c.

Confirmatur auctoritate D. Thomæ hic art. 5. ubi ait: *Angelus post primum actum charitatis quo beatitudinem meruit, statim beatus fuit.* Et clariùs quaestione sequenti art. 6. *Cum Angeli, inquit, per unum actum meritorium ad beatitudinem perveniant, ut supra dictum est (loco scilicet jam adducto) si Diabolus in primo instanti in gratia creatus meruit, statim post primum instans beatitudinem accepisset, nisi statim impedimentum præstisset peccando.*

Respondeo negando Antecedens, Ad probationem: dato quod bonus Angelus eundem charitatis actum continuaverit; quia tamen ille actus habuit novum modum repugnantem modo quem habuit in primo instanti, & regulatus fuit distinctâ cognitione, ideò diverso instanti in continuatione mensuratur. Sicut enim licet actus charitatis elicitus in via, possit idem numero continuari in patria, diversitas tamen iudicii, quo regulatur in via & in patria, n. ultriplicat instantia; nec idem instans angelicum, etiam per correspondentiam ad diversa instantia, vel partes nostris temporis, potest mensurare actum charitatis in duplici illo itatu viæ & patriæ. Ita similiter in proposito &c.

73 Ad confirmationem respondeo Divum Thomam in primo loco solum velle, quod Angelus post primum actum charitatis omnino liberum, hoc est tam quoad exercitium quam quoad specificationem, beatus fuit: in secundo vero quod statim post primum instans mensurans actum omnino liberum, nisi peccasset, beatitudinem accepisset.

74 Obijciis tertio in eandem conclusionem. In bonis Angelis idem potuit esse instans glorificationis & meriti: Ergo illorum via duo tantum includit instantia. Consequentia patet, Antecedens probatur primo, quia anima rationalis meretur in primo instanti egressione à corpore, quod tamen est sepe primum instans beatitudinis: Ergo etiam potuit Angelus in uno & eodem instanti mereri, & esse Beatus. Consequentia est evidens ex paritate rationis. Antecedens verò suadetur: quia Martyr non meretur coronam martyrii usque ad mortem inclusivè; cum ad veram rationem martyrii requiratur mors, quæ non est nisi in primo non esse animæ in corpore.

75 Confirmatur: Si quis existens in peccato mortali, attritus tamen & confessus, in instanti terminativo verborum absolutionis moriatur, ita ut primum non esse illorum verborum, sit etiam primum non esse talis hominis, in illo instanti separationis animæ, recipit gratiam sanctificantem, remissionem sui peccati, meretur præmium essentiale; & nisi impediatur ratione alicujus peccati in purgatorio luende, simul beatificatur: Ergo pariter Angelus in instanti terminativo sue viæ, potuit simul perfectè mereri, & præmium essentiale sui meriti recipere.

76 Confirmatur ampliùs: Aliquod meritum potest esse simul duratione cum præmio, solà prioritate naturæ ipsum antecedendo; ut patet de augmento gratiæ per actum ferventiorum: Cur ergo similiter meritum plenè liberum boni Angeli non potuit in eadem duratione esse, simul cum præmio essentiali ipsius, ita tamen quod prioritate naturæ illud præcesserit? Imò ita sentire videtur D. Thomas in 2. sententiarum dist. 5. quæst. 2. art. 2. ubi ait: *Meritum in bonis Angelis non præcessit præmium tempore, sed naturâ.*


77 Respondeo negando Antecedens, & ad illius probationem, nego pariter Antecedens. Ad hujus autem probationem, in primis dico esse satis probabile, non requiri ad coronam martyrii quod actum sequatur mors, sed sufficere quod tale vulnus infligatur, quod de facto per se natum est inferre mortem, quamvis ex aliquo accidente mors impediatur. Secundò dico, quod si mors sequatur, meritum tamen non extenditur formaliter usque ad instanti ipsius inclusivè, sed exclusivè tantum, & solum est in eo tempore in quo continuatur tolerantia vulneris actum inferentium mortem: unde sicut illa tolerantia primo non est in instanti mortis, ita nec meritum, sed immediatè antea fuit.

78 Ad primam confirmationem dicendum, quod si homo ille iustificaretur, non haberet gratiam ex merito, sed ex efficacia sacramenti, & ex opere operato. Dico si iustificaretur: quia satis probabile est, quod absolutione non sortiretur effectum, non defectu efficaciarum, sed defectu subiecti capaxis; subiectum enim capax effectus absolutionis, non est anima separata à corpore, sed totus homo viator.

79 Ad secundam confirmationem respondeo quod licet aliquod meritum possit esse simul duratione cum suo præmio, solà prioritate naturæ ipsum antecedendo, ut patet in exemplo adducto de augmento gratiæ per actum ferventiorum: tamè

A meritum vitæ æternæ nequit esse simul duratione cum ipsâ. Ratio disparitatis est, quia actus meritorius augmenti gratiæ, non mensuratur aliquâ cognitione incommensibili cum præmio, sicut mensuratur actus meritorius vitæ æternæ, ut articulo præcedenti ostensum est. Unde ad testimonium D. Thomæ dicendum est, ipsum non loqui ibi secundum propriam sententiam, sed juxta sententiam quorundam Theologorum, qui dicebant Angelos non fuisse creatos in gratia, sed posterius duratione ad suam creationem, fuisse eis simul datam gratiam & gloriam: cum enim gloria habeat rationem præmii, non potest alio modo idoneo defendi illa sententia, nisi admitte-do meritum fuisse naturâ prius quam gloriam.

Cætera quæ docet D. Thomas in aliis articulis hujus quæstionis, vel facilia sunt, vel ad alios Tractatus pertinent, ideoque prætermittimus, ut ad difficiliore hujus Tractatus quæstiones gradum faciamus. Unde sit



## DISPUTATIO XIII.

De primo peccato Angelorum,

Ad quæstionem 63, D. Thomæ.

C Duplex malum incurrit malus Angelus peccando, & avertendo se à Deo incommutabili bono, ut ad bonum proprium se converteret: primum est malum culpæ, alterum peccati. De utroque differit hic S. Doctor: de primo quidem in hac quæstione, quam inscribit de Angelorum malitia quoad culpam; de altero verò quæst. sequenti, ubi agit de peccato Demonum. Sed antequam de primo Angelorum peccato disputemus, discutienda est celebris difficultas, quam hic Theologi agitare solent; an scilicet possit dari aliqua creatura intellectualis, ex natura sua impeccabilis? Unde sit

D

## ARTICULUS I.

Utrum possit dari creatura intellectualis, ex sua natura simpliciter, vel saltem secundum quid impeccabilis?

N Nullam dari de facto intellectualem creaturam, quæ ex se impeccabilis sit, absoluta fides est: nam omnis creatura intellectualis, vel angelica est, vel humana: utramque autem de facto peccasse, apertè Scripturæ testantur, præsertim Job 4. ubi dicitur: *Ecce qui quiserviant ei non sunt stabiles, & in Angelis suis reperit pravitatem: quanto magis hi qui habitant domos luseas: &c.* Quasi diceret, ait ibi Gregorius: Si illi spiritus esse incommutabiles nequeunt, qui nullâ carnis infirmitate deprimuntur; quâ remiserat se homines in bono permanere constanter existimant: quos in eo quod intellectus ad summa evehit, carnalis infirmitas aggravans præpedit, ut per corruptionis vitium in semetipsis habeant, unde ab initia novitate veterascant. Unde S. Thomas hanc art. 1. ait quod tam Angelus quam quacumque creatura rationalis, si in sua natura consideretur, potest peccare; & cumque creatura hoc convenit quod peccare non possit, hoc habet ex dono gratiæ, non ex conditione naturæ.

Idem passim docent SS. Patres: Augustinus

enim libro 3. contra Maximum cap. 12. ait solum A  
Deum immortalitatem habere, nimirum quia est  
immutabilis solus: in omni enim mutabili natura, non  
nulla morse est ipsa mutatio. Tum paucis interje-  
ctis: Et creaturatum natura calidissimum mori potuit,  
quia peccare potuit. Nam & Angeli peccaverunt, &  
demonibus facti sunt, quorum est diabolus princeps; &  
qui non peccaverunt, peccare poterunt. Et cuiusque  
creaturæ rationalis præstatur, ut peccare non possit, non  
est hoc natura propria, sed Dei gratia. Quem locum  
uberrimè pertractat Fulgentius libro de fide ad

Cap. 3 Petrum, ubi intra alia: Illos quoque (ait) quos terre-  
norum corporum gravata nulla luculenta materies, id B  
est Angelicos Spiritus, quis non videat non unius naturæ  
esse eum Deo, sed factos ex nihilo, quorum naturalis  
mutabilitas in eo cognoscitur, quia ejusdem naturæ  
pars est in deterius permutata? Deinde postea cum  
dixisset Angelos sanctos in deterius non posse  
mutari, id unde illis accidat, his verbis expo-  
nit: Sed hoc ipsum quod ab illo statu beatitudinis, in

Cap. 23. quo sunt, mutari in deterius nullatenus possunt, non est  
eis naturaliter infirmum, sed postquam creati sunt, gra-  
tia divinæ largitate collatum. Scilicet Angeli natura-  
liter incommutabiles fuerint, nunquam de eorum con-  
sortio diabolus & ejus Angeli cecidissent. Belibus quo-  
que de Spiritu Sancto cap. 16. ait, Iuris sui ac liber-  
tatis esse invisibiles virtutes, & aquè in virtutem ac vi-  
tium vergere; ideoque ope Sancti Spiritus egere. Item

Lib. 3 Gregorius Papa: Natura (inquit) Angelica, etsi  
Mo. tal. contemplationi Authoris inherendo, in statu immu-  
taliter permanet, eo ipso tamen quo creatura est, in  
cap. 28. semetipsa vicissitudinem mutabilitatis habet.

bro 12. Denique Ildorus libro 1. de summo bono cap. 12.  
25. Gratia dicimus non naturæ esse incommutabiles Ange-  
los: nam si naturæ incommutabiles essent, Diabolus non  
utique cecidisset. Hoc præmissis tanquam certo.

Difficultas & controversia est inter Theolo-  
gos, an de potentia Dei absoluta dari possit crea-  
tura ex sua natura omnino impeccabilis: Dixi,  
ex sua natura, nam per donum aliquid gratuitum  
extrinsecè adveniens posse aliquem reddi sim-  
plicitèr impeccabilem, patet in Beatis, in huma-  
nitate Christi, & in Beata Virgine. Addidi, sim-  
plicitèr impeccabilis, vel saltem secundum quid: quia  
cum Deus ut ultimus finis distinguitur in sei-  
psum ut finem & autorem naturæ, & in seipsum  
ut finem & autorem gratiæ, potest aliqua crea-  
tura intelligi impeccabilis simpliciter, & secun-  
dum quid. Esset impeccabilis simpliciter, si non  
posset nõ referre omnia perfectè finem in Deum,  
tanquam in ultimū finem tam naturalem quam  
supernaturalem; quod contingeret, si contra aut  
præter ejus præcepta, tam naturalia, quàm su-  
pernaturalia, nihil penitus agere posset. Esset ve-  
ro impeccabilis secundum quid, si non posset  
deficere à recto ordine ad ultimū finem natu-  
ralem, violando aliquod ejus præceptum, aut al-  
iquid agendo præter ejus præcepta.

## §. I.

## Statuitur prima Conclusio,

2 Dico primò, nullam posse dari creaturam in-  
tellectualem ita perfectam, ut sit simplici-  
ter impeccabilis per naturam. Est contra quos-  
dam antiquos Theologos, quibus, seu favent Molina  
& alii moderni, docentes posse creati à Deo sub-  
stantiam aliquam, cui lumen gloriæ sit connatu-  
rale, & consequenter quæ sit ab intrinsecò im-  
peccabilis.

Nostra tamen conclusio passim docetur à SS.  
Patribus, exponentibus hæc verba Apostoli 1. ad  
Timot. 6. Qui solus habet immortalitatem: hoc e-  
nim intelligunt non solum de immortalitate op-  
posita morti naturali, seu amissioni sui esse, sed  
etiam de illa quæ contrariatur morti peccati: ut  
suprà ex Augustino vidimus, & eleganter decla-  
rat Hieronymus in Commentariis ad Epistolam  
Pauli ad Titum, sub initium, his verbis: Quo-  
modo solus Deus habere dicitur immortalitatem: ita  
& solus dicitur esse verax: non quod & ceteri non im-  
mortales & veritatis sint amatores, sed quod ille solus  
naturaliter sit & immortalis & verus: Ceteri vero  
in immortalitatem & veritatem ex largitione illius dono  
consequantur; & aliud sit verum esse, & quid habere  
per semet, aliud in potestate donantis esse, quod habes.  
Item Augustinus libro 12. de civit. cap. 1. & 6. &  
alibi sæpe, probat omnem creaturam posse pec-  
care, quia ex nihilo est. Quæ etiam ratione utitur  
Nilsson, Damascenus, Fulgentius, Gregorius  
Papa, & alii, eamque Prudentius his versi-  
bus insinnavit.

Miraris peccare animam, quæ carne coactam est.  
Sortita est habitare domum, cum peccet & ipse  
Angelus, hesitatum qui nescit adire caducum  
Carnis tabulæ. Peccat, quia factus & ipse est,  
Non genitus.

Eadem ratio à S. Thoma variis in locis addu-  
C citur, præsertim quæst. 24. de verit. art. 7. potest  
que breviter sic proponi. Natura quæ est defecti-  
bilis in suo esse, etiam defectibilis est in suis ope-  
rationibus: Sed omnis natura intellectualis crea-  
ta, hoc ipso quod est ex nihilo, est defectibilis  
in suo esse: Ergo & in suis operationibus etiam  
liberis: Ergo hoc ipso quod aliqua natura intel-  
lectualis est ex nihilo, est capax peccati. Minor  
patet, Major verò probatur. Potentia operativa  
& modus operandi, sequuntur modum essendi:  
Ergo potentia operativa, & operatio libera,  
fundatæ in natura defectibili, sunt etiam defe-  
ctibiles.

Dices, illas esse defectibiles entitativè, seu  
quantum ad esse, non tamen moraliter, & quan-  
tum ad rectitudinem ac bonitatem.

D Sed contra: Hoc ipso quod creatura est defe-  
ctibilis in modo operandi, est etiam defectibilis  
in attingentia objecti & finis: Sed ex attingen-  
tia, vel ex ordine ad objectum & finem, sumitur  
rectitudo seu bonitas moralis operationis: Ergo  
potentia operativa, & operatio libera, fundatæ  
in natura defectibili, sunt defectibiles, non so-  
lum entitativè, & quantum ad esse, sed etiam  
moraliter, & quantum ad rectitudinem & boni-  
tatem.

Dices rursus: Si hoc quod est creaturam ratio-  
nalem esse ex nihilo, esset ratio necessariò infe-  
rens in illa peccabilitatem, sive defectibilitatem  
moralem, non posset etiam per aliquid donum  
gratiæ reddi impeccabilis; quia quantumcum-  
que esset gratiæ & donis ejus persufus, semper re-  
maneret facta ex nihilo: Consequens non debet  
admitti, ut constat in Beatis, & in confirmatis in  
gratia: Ergo nec Antecedens.

Respondet distinguendo Majorem non pos-  
set reddi impeccabilis &c. per naturam, con-  
cedo: Ex accidenti & ab extrinsecò, nego: quia ad  
hoc posterius non est necessarium quod non sit  
ex nihilo, sicut ad prius, sed sufficit quod perse-  
veranter teneatur in aliquo dono gratuito, cum  
quo peccatum sit impossibile.

Secunda ratio quam habet idè S. Doctor loco  
citato,

citato, sic potest proponi. Ut aliqua causa indefectibiliter producat actionē, debet illius principium esse ei connaturale; nam ignis v.g. idēo connaturaliter & indefectibiliter calefacit, quia habet calorem sibi connaturalem: Sed nulla creatura rationalis potest habere connaturaliter omnia principia operationum, quibus tendit ac dirigitur in ultimum finem; id quod principia illa aliquando sint supernaturalia, ac proinde supra naturam, exigentiam, ac debitum cuiuscumque nature creatæ & creabilis: Ergo nulla potest dari creatura intellectualis, quæ ex sua natura in omnibus suis actionibus indefectibilis sit & impeccabilis.

Ex hoc facile intelligitur, quid intendat D. Thomas loco citato, dum asserit quod ut creatura intellectualis esset naturaliter impeccabilis, debet habere ex sua natura omnem rationem boni. Nam per omnem rationem boni, intelligit omnia principia omnium operationū, quibus tenderet in ultimum finem naturalem & supernaturalem: hæc enim principia non incongruē dici possunt rationes omnium bonorum, id est rationes cunctarum operationum, tendentium in omne bonum tam naturale quam supernaturale.

6 Tertia ratio desumpta ex articulo 1. hujus questionis, sic formatur. Principium quod non est regula suæ operationis, nec hujusmodi regulam habet inseparabiliter sibi conjunctam, potest deficere à rectitudine debita tali operationi, subindeque peccare: Sed nulla voluntas potest à Deo produci, quæ vel sit regula suæ operationis, vel illa regulā habeat sibi inseparabiliter conjunctam: Ergo nulla potest produci quæ sit ex natura sua impeccabilis. Major patet, & à D. Thomas hoc exemplo declaratur. Si manus artificis esset ipsa regula incisionis, artifex non posset nisi recte lignum scindere: contingit verò incisionem esse rectam & non rectam, quia rectitudo illius est ab alia regula, à qua virtus incisiva deficere potest. Minor verò probatur: Regula operationibus voluntatis debita, est ultimus finis; nam finis ultimus se habet in practicis, sicut primum principium in speculativis; unde sicut primum principium regulat omnes conclusiones, ita ultimus finis omnes operationes: Atqui nulla voluntas creata est suus ultimus finis, imo nec ex natura sua potest esse conjuncta suo ultimo fini simpliciter, id est tam naturalis quam supernaturali; quia finis cui potentia naturalis seu natura ex principiis intrinsicis conjuncta est, non est supernaturalis, sed naturalis: Ergo nulla voluntas creata potest esse regula, vel habere inseparabiliter conjunctam regulam suæ operationis.

7 Dices, Sufficit ad impeccabilitatem voluntatis, illam esse ex natura sua determinatam ad conformandum se regulæ: quamvis non sit ipsa regula, vel illi inseparabiliter conjuncta: Sed hæc determinatio potest convenire ex sua natura voluntati creatæ, vel saltem creabili: Ergo dari potest voluntas creata ex sua natura impeccabilis.

Sed contra: Determinatio principii ex natura sua ad conformandum se regulæ, est sufficiens conjunctio cum regula; & in hoc sensu etiam verum est, quod nulla voluntas creata est conjuncta suæ regulæ ex principiis intrinsicis, id est determinata ex natura sua ad attingendum objectum conformiter ad regulam: quia sub objecto voluntatis continentur res tam naturales

Tom. II.

quàm supernaturales; nulla autem voluntas creata est ex principiis intrinsicis determinata ad attingendum objectum supernaturale conformiter ad regulam.

Confirmatur: Ut voluntas esset determinata ad conformandum se regulæ supernaturali, oportere intellectionem quoque esse determinatum ad proponendum voluntati talem regulam, voluntas enim non fertur in objectum ignotum: Sed hoc est impossibile, aliās intellectus per sua naturalia, & sine revelatione, cognosceret finem supernaturalem, præcepta supernaturalia, & circumstantias quæ inveniuntur ex lege supernaturali; quæ tamen nulla creatura potest naturaliter cognoscere, cum dependant ex mera Dei voluntate, & noscantur solum ex Dei revelatione: Ergo &c.

Confirmatur amplius: Regula voluntatis est rectum dictamen rationis: Ergo regula operationum supernaturalium, est rectum dictamen supernaturale in ordine ad finem supernaturalem: Sed nulli creaturæ est connaturale habere iudicium & dictamen rectum circa supernaturalia: Ergo nulla creatura potest esse naturaliter determinata ad conformandum se suæ regulæ supernaturali.

Dices rursus: Virtutes morales ex sua natura sunt determinatæ ad attingendum infallibiliter bonum honestum: Ergo similiter voluntas creata potest ex sua natura esse determinata ad conformandum se suæ regulæ, & ad attingendum indefectibiliter totum suum objectum.

Sed nego consequentiam, & paritatem: duplex enim est ratio discriminis inter virtutes morales & voluntatem. Nam in primis voluntas est potentia, de cuius ratione est ferri in suum objectum cum indifferentia ad bene vel male; virtutes autem sunt habitus, qui sunt determinati ad bene: præterea voluntas respicit bonum ut sic; sub quo continetur etiam bonum supernaturale, ad quod attingendū nulla creatura habet ex se virtutem determinatam: habitus verò virtutum respiciunt particulare bonum ordinis naturalis; non enim hic loquimur de habitibus supernaturalibus, utpote qui nulli creaturæ sunt connaturales.

## §. II.

### Solvuntur objectiones.

EX dictis solum manet præcipuum Adversariorum fundamentum, quod sic proponunt. Potest, inquit, fieri à Deo creatura aliqua, quæ ex natura sua sit determinata ad bonū morale ut sic, & tamen indifferens ad diversā bona particularia: Ergo & quæ sit ex natura impeccabilis. Consequentia patet: creatura enim ex natura sua determinata ad bonum morale ut sic, quamvis sit indifferens ad diversā bona particularia, non potest male operari, sed tantum hanc vel illam operationem bonam omittit, eliciendo tamen aliquam moraliter bonam, in quo nullum est peccatum. Antecedens verò probatur: quia talis determinatio non requirit infinitatem; ut patet in Beatis, qui sunt omnino determinati ad bonum morale in communi, ratione visionis Beatificæ, etiam si talis visio non sit simpliciter infinita in ipsis: Ergo determinatio ad bonum morale ut sic non repugnat creaturæ.

Patet, inquam, ex dictis hujus argumenti solutio. Antecedens enim distinguendum est: quæ sit determinata ad bonum morale ut sic: si per

Hhh;

bonum



bonum morale ut sic intelligatur tantum bonum morale ordinis naturalis in communi sumptum, concedo Antecedens: si significetur bonum morale tam supernaturale quam naturalis ordinis, nego Antecedens: ad hoc siquidem requireretur quod cognitio boni moralis supernaturalis ordinis, esset tali creaturæ connaturalis; quod argueret in ea infinitatem simpliciter, cum nulla substantia creata & finita, aliquam formam ordinis supernaturalis connaturaliter possit exigere. Ad exemplum de Beatis dico, quod licet determinatio ad bonum morale ut sic, tam supernaturalis quam naturalis ordinis, proveniens solum ab extrinseco, atque adeo solum accidentaliter (qualis est quæ reperitur in Beatis, B ratione visionis Beatificæ) non arguat infinitatem in natura cui convenit, bene tamen determinatio ad bonum morale ut sic, naturale & supernaturale, quæ provenit ab intrinseco, sive quæ connaturaliter convenit naturæ.

- 12 Obijciunt secundò: Cæli sunt ex natura sua indefectibiles in operationibus suis; similiter bruta sunt impeccabilia, & immobilia ad bonum sensibile: Ergo à fortiori dari potest aliqua creatura intellectualis, quæ sit ex sua natura in suis operationibus indefectibilis, & quæ bono morali ut sic immobiliter adhæreat. Probatur consequentia: quia cum indefectibilitas in operando, & immobilis adhesio ad bonum, sit maxima perfectio; si reperitur in brutis & in cælis, non verò in natura intellectuali, sequitur naturam corpoream esse perfectiorem spirituali.

- 13 Respondeo concessio Antecedente, negando Consequentiam & paritatem. Ratio disparitatis est, quia cæli, & animalia bruta habent solum pro suo objecto & ultimo fine aliquod bonum particulare sibi proportionatum; subindeque non est mirum, quòd ex divina motione sint omnino determinata ad illud, & consequenter indefectibilia in omnibus suis operationibus: At verò creatura intellectualis, eo ipso quod intellectualis est, habet, vel saltem habere potest pro suo objecto & ultimo fine, bonum morale ut sic, tam supernaturale quam naturalis ordinis, ad quod in sua latitudine sumptum non potest ex principiis intrinsicis esse determinata ut supra ostensum est. Neque tamen inde sequitur, bruta esse perfectiora creaturæ intellectuali: est enim major perfectio quòd creatura intellectualis possit acquirere bonum supernaturale, quamvis possit etiam ab eo deficere, quam posse acquirere solum aliquod bonum particulare naturalis ordinis, licet indefectibiliter. Sicut enim (inquit Augustinus) melior est natura sentiens, etiam cum dolet, quam lapis qui nullo modo dolere potest: ita rationalis natura prestantior est, etiam misera, quam illa quæ rationis vel sensus est experta, & in quam proinde non cadit miseria.

- 14 Obijciunt tertio: Angelus non potest peccare contra præcepta naturalia, ut dicemus conclusionem 3; unde in puris naturalibus constitutus non potuisset peccare: Sed Deus potuisset illum condere in puris naturalibus, & illum non ordinare in finem supernaturalem: Ergo potuisset creare Angelum omnino impeccabilem.

- 15 Respondeo quod quamvis Angelus non esset ordinatus in finem supernaturalem, quia tamen haberet potentiam obedientialem, & capacitatem ut ordinaretur, non repugnet ei, quantum est ex sua natura, posse peccare, proindeque ex sua natura peccabilis esset: sicut etiam nul-

A. la lex esset ei imposita, peccare posset, quia lex ei imponi posset.

## §. III.

Statuitur secunda Conclusio.

Dico secundò: Licet nulla possit dari creatura intellectualis, ex natura sua simpliciter impeccabilis, non repugnat tamen produci à Deo aliquam, quæ sit impeccabilis secundum quid, & quæ præcepta legis naturæ violare nequeat, saltem directè, immediatè, & per se primò.

Hæc conclusio sequitur ex principiis in præcedenti statuta circa tertiam probationem. Licet enim ut creatura intellectualis sit ex sua natura impeccabilis simpliciter, requiratur quod sit ex sua natura determinata ad bonum morale, tam supernaturale, quam naturalis ordinis (quod nulli creaturæ ex sua natura & ex principiis intrinsicis convenire possit, ibidem ostendimus) ut tamen sit impeccabilis solum secundum quid, & in ordine ad præcepta purè naturalia, sufficit quod sit ex natura sua determinata ad bonum morale naturalis ordinis: hæc autem determinatio, cum sit omni ex parte & simpliciter naturalis, & quid finitum, puræ creaturæ non repugnat, sicut altera quæ arguit infinitatem simpliciter: Ergo licet nulla possit dari creatura intellectualis, simpliciter impeccabilis, & habito respectu ad legem tam supernaturalem quam naturalem, non repugnat tamen dari aliquam impeccabilem secundum quid, & per ordinem solum ad præcepta legis naturalis.

Probatur secundò: Potest dari aliqua creatura intellectualis, cui amor authoris naturæ super omnia sit connaturaliter debitus: Sed dilectio naturalis Dei super omnia, excludit omnia peccata quæ sunt contra legem naturæ: Ergo possibile est creatura intellectualis ex sua natura impeccabilis secundum quid, & per respectum ad legem & præcepta ordinis naturalis. Minor patet: nam diligere Deum ut ultimum finem naturalem, est virtualiter velle observare omnia præcepta naturalia, & sine tali virtuali volitione non potest stare dilectio Dei super omnia; sicut nec intensio efficacis finis, sine efficaci volitione mediorum. Major autem faciliè fua detur: Si enim dilectio Dei naturalis super omnia, nulli naturæ creatæ aut creabili posset esse connaturaliter debita, non esset naturalis, sed supernaturalis; quia illud dicitur supernaturale, quod est supra exigentiam ac debitum cuiuscumque naturæ creatæ aut creabilis. Hæc conclusio magis patet ex dicendis in sequenti.

## §. IV.

Tertia Conclusio stabilitur.

Dico tertio, Angelum non posse directè, & immediatè, & per se primò contra legem naturalem peccare; bene tamen indirectè, mediatè, & concomitantè. Ita communiter nostri Thomistæ contra Suarezem, Vazquezem, Molinam, & alios modernos: idque non obscurè infirmat D. Thomashic art. 1. ad 3. his verbis: *Naturale est Angelo quod convertatur motu dilectionis in Deum, secundum quod est principium naturalis esse: sed quod convertatur in ipsum, secundum quod est objectum beatitudinis supernaturalis, hoc est ex amore gratuito, à quo averti potuit peccando.* Et quæst. 16. de malo art. 2. in corp. universaliter asserit primum Angelorum peccatum non potuisse esse in aliquo pertinente ad ordinem naturæ. Item art. 3.

att. 5. in resp. ad 10. docet liberum arbitrium Angelorum non esse naturaliter vertibile, quantum ad naturalia sua, sed solum habere vertibilitatem respectu supernaturalium, ad quæ potest converti, vel ab eis averti.

19 Probatur insuper prima pars conclusionis ratione fundamentali. Angelus ex natura sua habet quod sit semper à primo instanti suæ productionis in actuali dilectione Dei super omnia, ut auctoris naturæ: Ergo & quod sit impeccabilis directè & immediatè contra Deum ut ultimum finem naturalem. Consequentia probatur: Primo quia, ut supra dicebamus, peccatum contra Deum ut ultimum finem naturæ commissum, cum dilectione Dei naturali impossibile est. Secundo, quia principium operationis quod est inseparabiliter conjunctum cum prima regula, ex qua sumitur tota bonitas moralis, nunquam potest operando peccare, cum non possit deficere à regula; sicut artifex qui haberet sibi inseparabiliter annexam regulam, nunquam posset ab illa operando deficere: voluntas autem quæ semper & necessar.ò est in actuali dilectione Dei ut auctoris naturæ, est semper conjuncta regulæ totius bonitatis moralis ordinis naturalis; ultimus enim finis naturalis, est prima regula totius moralitatis ordinis naturalis, cui omnes aliæ regulæ ejusdem ordinis subordinantur: Ergo &c.

Tertiò probatur eadem consequentia: Ex eo quod voluntas sit naturaliter determinata ad amorem auctoris naturæ, est etiam naturaliter determinata ad volendum omnia alia naturalia, sub ratione formali ipsius, & in ordine ad ipsum; sicut ex eo quod quilibet voluntas est naturaliter determinata ad bonum ut sic, est etiam naturaliter determinata ad tendendum in omnia sub ratione boni; & sicut voluntas beata, ex eo quod est determinata ad amorem finis supernaturalis, est etiam determinata ad omnia volenda aut nolenda cum subordinatione ad ipsum: Ergo ex determinatione voluntatis angelicæ ad dilectionem Dei naturalem, rectè inferitur, Angelum non posse directè & per se primò peccare contra Deum ut ultimum finem naturalem.

20 Confirmatur: Sicut repugnat quod intellectus sit bene dispositus, & plenè instructus circa principia, & tamen erret circa conclusiones; ita etiam stare non potest quod voluntas naturaliter sit recta in ordine ad ultimum finem naturalem, & non sit recta circa omnia media, quæ ad ipsum in quantum hujusmodi ordinantur; sicut enim se habent principia ad intellectum in speculabilibus, ita & in operabilibus se habent fines ad voluntatem: Sed voluntas in ordine ad ultimum finem naturalem rectificatur per dilectionem Dei naturalem: Ergo repugnat quod voluntas Angelica sit semper & necessar.ò in tali dilectione, & tamen quod circa media, quæ ad Deum ut finem naturalem conducunt, deordinetur, & legis naturalis præcepta transgrediatur.

21 Antecedens etiam primi argumenti, in quo præcipuè versatur difficultas, præterquam quod supra disp. 11. sufficienter demonstratum est, potest rursus sic probari. Angelus habet ex natura sua quod sit à primo instanti suæ productionis in actuali intentione sui ultimi finis naturalis: Ergo & in dilectione Dei super omnia ut auctoris naturæ. Consequentia patet, Antecedens probatur. Angelus habet ex natura sua quod sit à primo instanti suæ productionis semper completè potens se movere, & applicare ad volendū

quodcumq; sibi placuerit: Sed hoc non potest verificari, nisi sit semper à primo instanti sui esse in actuali intentione sui ultimi finis naturalis: Ergo &c. Minor est certa: cum enim voluntas angelica non nisi ex intentione finis tendat & moveat se ad alia, scilicet ad media, manifestum est quod non potest dici ex natura sua à primo instanti sui esse completè potens se movere, & applicare ad volendum quicquid vult, nisi ex sua natura sit à primo instanti sui esse semper in actuali intentione sui ultimi finis naturalis. Major verò probatur: Cum Angelus sit substantia intellectualis, media inter Deum, qui ex natura sua semper est in actu secundo, & hominem, qui naturaliter est prius in pura potentia quam in actu primo; ut aliquid participet de utroque extremo, debet esse in actu primo completo, subindeque completè potens ad se movendum ad actus secundos intellectus & volitionis.

Hæc ratio non solum probat Angelum non posse peccare directè contra præcepta purè naturalia, sed nec etiam contra positiva, quæ Deus ut auctor naturæ posset illi imponere. Nam etiam transgressio illorum præceptorum, cum actuali dilectione Dei ut auctoris naturæ impossibilis est: eò quod ab illo ut ab auctore & ultimo fine naturæ non minus avertat, quam violatio præcepti purè naturalis; quod sicut ostenditur. Ideò in transgressione præcepti purè naturalis creatura intellectualis avertitur à Deo ut ultimo fine naturæ, quia cum tale præceptum sit à Deo ut auctore naturæ, ejus transgressio est aversio ab auctore naturæ: Atqui similiter præceptum omne quod potest Deus pro sua libertate imponere Angelis in ordine ad ultimum finem naturæ, est ab ipso tanquam auctore naturæ: Ergo similiter ejus transgressio est aversio à Deo ut auctore naturæ.

Confirmatur: Ex eo quod voluntas Angeli ad naturalem Dei dilectionem determinata sit, est etiam determinata ad volenda omnia media ad illam necessaria; nam ex intentione finis voluntas movetur ad electionem mediatorum: Sed observatio præcepti positivi, à Deo, ut auctore naturæ impositi, est medium necessarium ad conservandam naturalem ejus dilectionem: Ergo voluntas Angeli ad illam ex natura sua determinata est; eo modo quo Beati ex vi beatificæ dilectionis manent determinati ad impletionem quorumlibet præceptorum, si venaturalium, si venaturalium.

Nec valet si dicas, eadem ratione dici posse voluntatem Angeli, ex vi determinationis ad amorem naturalem ultimi finis naturalis, manere etiam determinatam ad non violanda præcepta naturalia indirectè; aliàs non diligeret auctorem naturæ super omnia. Respondetur enim quod determinatio ad dilectionem, excludentem violationem indirectam præceptorum naturalium, debet etiam excludere violationem directam legis supernaturalis; quia lex naturalis non violatur indirectè, nisi ex eo quod primò & directè violatur supernaturalis, ut patet inferrius, probando secundam partem conclusionis: superat autem naturalem Angeli facultatem, esse determinatam ad dilectionem auctoris naturæ, excludentem directam transgressionem legis supernaturalis; hæc enim determinatio non est nisi à charitate in statu perfectò, in quo est conjuncta luminis gloriæ, & visioni beatificæ.

Ex his etiam consuetata manet responsio

Vazquezii, & aliorum, qui dicunt Angelum posse non attendere ad aliquod præceptum positivum, sibi à Deo ut auctore naturæ imposuit; subindeq; ex illius inconsideratione posse peccare. Cum enim consideratio talis præcepti positivi, ad conservandum amorem Dei naturalem necessaria sit; tunc saltem quando urget ejus obligatio, Angelus ad illam ex natura sua determinatus est: unde non potest ex illius præcepti inconsideratione peccare.

- 16 Probatur secundò prima pars conclusionis: Status naturæ integræ & sanæ, est naturaliter debitus Angelis: Ergo & impeccabilitas directè contra ultimum finem naturalem. Antecedens est certum: per hoc siquidem differt essentialiter Angelus ab homine, quòd quia iste essentialiter componitur ex partibus naturaliter sibi contrariis & adversis (scilicet appetitu sensitivo, & appetitu rationali) integritas naturæ ipsius (quæ consistit in perfecta subordinatione illorum appetituum) non est illi naturaliter debita, solumque ex dono gratiæ illi à Deo confertur: at verò Angelus, ex eo quod sit essentialiter substantia omnino simplex & spiritalis, naturaliter exigit integritatem suæ naturæ. Consequentia verò probatur: quia statui naturæ integræ & sanæ omnino repugnat peccatum directè contra ultimum finem naturalem; aliàs posset ejusmodi natura simul esse sana naturaliter, & infirma etiam naturaliter.

- 27 Denique eadem pars ratione probabili suaderi potest: Nam inter corpora datur aliquod ita perfectum ratione sive elevationis supra alia (nempe corpus cæleste) ut sit omnino indefectibile in suis operationibus naturalibus: Ergo similiter inter substantias spirituales creatas debet reperiri aliqua ita perfecta, ratione sive elevationis supra alias substantias spirituales, ut sit in actionibus naturalibus, immediatè & directè circa finem naturalem versantibus, peccare non possit.

- 28 Secunda pars conclusionis sequitur ex dictis in prima assertionem. Angelus enim est directè peccabilis contra legem & finem supernaturalem: Sed non potest directè peccare contra legem supernaturalem, nisi indirectè & consequenter peccet contra naturalem: Ergo Angelus contra legem naturalem indirectè & mediatè contra legem naturalem peccare potest. Probatur Minor: Licet finis naturalis, & lex ipsius, non præcipiant aliquid formaliter de supernaturalibus; dicant tamen, hoc ipso quod creatura intellectualis est ordinata ad finem supernaturalem, omnia naturalia esse ad illum ordinanda, hisque utendum esse ut in mediis in ordine ad illum: dicant pariter ejus leges esse servandas; unde transgressio directè præcepti supernaturalis, est violatio saltem indirectè legis naturæ, & istius distinctionis naturalis: cuicumque legitime præcipiatur in quacumque materia obediendum est: Ergo Angelus contra finem & legem naturalem, indirectè saltem & mediatè peccare potest, peccando scilicet directè contra finem supernaturalem.

#### §. I V.

##### *Solvuntur objectiones.*

- 29 EX dictis solum manet præcipuum Adversariorum fundamentum. Dæmones, inquit, quotidie peccant contra legem & finem naturalem; sunt enim mendaces, & hominibus

surta, fornicationes, adulteria, & alia peccata luadent, quæ constat esse contra legem naturalem: Ergo non sunt impeccabiles circa finem & legem naturalem.

Facillè enim responderetur, Dæmones peccata illa facere ex odio Dei auctoris supernaturalis; & rationem formalem in omnibus in quibus Diabolus peccat, esse deordinationem à fine supernaturali: ac proinde per se primò & directè, seu immediatè & formaliter peccare semper contra finem supernaturalem; contra naturalem verò solum quasi materialiter & mediatè, seu indirectè & per accidens: sicut damnati & desperantes indirectè & per accidens appetunt non esse, quod directè & per se appetere non possunt. Quemadmodum ergo, licet Dæmones aliqua interdum faciant, quæ sunt ex genere suo peccata tantum venialia; sicut cum homines provocant ad risum, vel ad mendacium jocosum, semper tamen peccant mortaliter, propter intentionem quâ hæc faciunt, ut docet D. Thomas 1.2. quæst. 89. art. 4. ad 3. Ita similiter, licet quædam facere videantur quæ sunt contra legem naturalem, quia tamen hæc faciunt ex odio Dei auctoris supernaturalis, contra finem supernaturalem peccant.

Obijciunt secundò: Peccatum Angelorum consistit in eo quòd non satis se subjecerunt voluntati Dei: At omni creaturam debere esse voluntati Dei subjectam, est præceptum legis naturæ, & veritas quæ solo lumine naturali cognosci potest: Ergo Angelus contra legem naturalem peccare potest, & de facto peccavit.

Sed hæc nullus sunt momenti. Major enim facillè distingu. potest: Peccatum Angelorum consistit in eo quòd non satis se subjecerunt voluntati Dei, ut auctoris naturæ, nego: ut auctoris & finis supernaturalis, concedo. Nam ut docet D. Thomas hic art. 3. Angelus primò peccavit in eo quod in sua perfectione & beatitudine naturali ut in ultimo fine quievit, eamque beatitudinem supernaturalem, quæ erat finis ejus ultimus, non ordinavit: in quo includitur transgressio legis supernaturalis, &aversio à Deo ut auctore & fine supernaturali. Vel etiam dici potest, peccasse, quia beatitudinem supernaturalem, ad quam erat ordinatus, voluit habere ex virtute suæ naturæ, & non ex auxilio gratiæ: quod etiam est legem supernaturalem transgredi, & à Deo ut auctore & fine supernaturali averti.

Obijciunt tertio: Ex nostra sententia sequitur Angelum posse ex viribus naturæ cognoscere quod datur finis supernaturalis: quia ex viribus naturæ cognoscit se esse peccabilem, idque esse connaturale omni creaturæ ex nihilo productæ; aliunde verò certus esset se esse impeccabilem contra finem naturalem, si hoc haberet ex principis extrinsecis: Ergo cognosceret se esse peccabilem contra finem supernaturalem, atque adeò dari finem supernaturalem.

Sed negatur sequela: ad cujus probationem dico, quod licet Angelus ex vi luminis naturalis cognoscat se esse impeccabilem directè contra legem & finem naturalem, non tamen scit distinctè & in particulari se esse peccabilem contra legem & finem supernaturalem, sed tantum in communi se esse peccabilem, ignorandò circa quid in particulari sit peccabilis: eo modo quo Dæmon cognoscendo per lumen naturale humanitatem Christi existere in rerum natura sine existentia creata, ignorabat tamen quomodo, & quâ aliâ existentia in particulari existeret.

Obji-

32. Obijciunt ultimò: Si Angelus in puris naturalibus constitutus, non posset peccare contra præcepta naturalia, eorum observatio non esset ei libera, nec subinde meritoria: Sed hoc non est dicendum: Ergo nec illud. Sequela probatur: Angelus esset ad illam observantiam ex natura sua determinatus: Ergo illa non esset ei libera.

Respondet distinguendo Majorem: Non esset ei libera, quoad specificationem, & libertate contrarietatis, concedo: quoad exercitium, & libertate contradictionis, nego. Sicut enim Beati liberè amant nos, & ea quæ non habent necessariam connexionem cum Deo, nec tamen peccare possunt circa talia objecta, sed ad illa necessitantur quoad specificationem: ita similiter Angelus in puris naturalibus constitutus, liberè quoad exercitium operaretur, & necessandò solum quoad specificationem. Licet enim in tali statu non haberet potentiam ad bonum & malum indifferentem, haberet tamen indifferentiam ad hoc vel illud bonum hîc & nunc amandum; quia non necessitaretur ad hoc ut semper esset in actuali amore omnis boni in particulari: hæc autem differentiam & libertatem sufficere ad meritum, patet in Christo, in beata Virgine, aliis Sanctis confirmatis in gratia, qui perfectissimè meruerunt, quamvis in illis non esset potentia ad peccandum, & indifferentia ad bonum & malum, nec subinde libertas specificationis & contrarietatis.

## ARTICULUS II.

## Quodnam fuerit primum peccatum Angelorum?

33. Circa primum Angelorum peccatum variæ sunt Theologorum sententiæ. In primis enim illi qui corpora vel Angelis omnibus, vel demonibus assignant, tale peccatum eorum fuisse censent, ut cum orbi huic administrando præpositi essent à Deo, mulierum capti specie, stupri cum eis consuetudinem habuerint; ac propter talem impietatem & flagitium, è cælo dejecti sint. Ita docet Clemens Alexandrinus lib. 2. Pædag. cap. 2. ubi ait quod mali Angeli, Dei pulchritudinem reliquerunt, propter pulchritudinem qua succcessit, & propterea è cælo de lapsos esse. Et lib. 3. Stromatum: Angeli quidam (inquit) intemperantiæ ducti, viti cupiditate, hîc è cælo deciderunt. Idem sentire videtur Tertullianus lib. de idololatria cap. 9. ubi malos Angelos vocat, desertores Dei, amatores feminarum, & propterea damnatos à Deo esse asserit. Et in libro de Virginibus velandis, cap. 7. ad Angelos refert illud quod Apostolus ait 1. ad Corinth. 11. mulieres in Ecclesia debere velari, propter Angelos Dei: ne scilicet earum pulchritudo, illecebra sit Angelis, ad eas libidinose amandas: quos (inquit) legimus à Deo è cælo excidisse, ob concupiscentiam feminarum. Unde concludit: Debet ergo adumbrari facies tam periculosa, quæ usque ad cælum scandalata jaculata est. Eidem sententiæ favere videtur Ambrosius lib. 1. de Virginibus, ubi sic ait: Quam præclarum autem Angelos propter intemperantiam suam, in seculum cecidisse de cælo; virginem propter castitatem in cælum transisse de seculo. Hic error fuit dissip. 2. art. 1. confutatus est, ibi enim ostendimus Angelos nulla habere corpora naturaliter sibi unita, sed esse puros spiritus, ab omni materiæ

Tom. II.

labe segregatos. Unde hac prætermisâ sententiâ:

Sunt aliqui inter Theologos qui asserunt primum Angelorum peccatum non fuisse quidem luxuriæ corporeæ, ut citati Authores existimaverunt, dicit tamen eos primum peccasse peccato luxuriæ spiritualis, consistentis in nimia delectatione seu complacentia de seipsis, seu de propria excellentia. Ita Scotus in 2. dist. 6. quest. 2. Alii invidiâ primum eos esse lapsos existimant, quia nimirum aut hominum generi invidisse volunt, aut eorum Principi & capiti Christo. Valentia verò, & nonnulli alii, censent primum Angelorum peccatum fuisse quidem superbiâ, potuisse tamen esse alterius generis aut speciei, puta inobedientiæ. Denique S. Thomas hic artic. 2. quem sequuntur omnes ejus Discipuli, & plures ex Recentioribus, docet in Angelis non fuisse, nec esse potuisse aliud primum peccatum, quam superbiâ.

## §. I.

## Statuitur primâ Conclusio.

Primo: primum Luciferi peccatum, rãdixque cæterorum, fuit superbiâ propriè dicta.

Probatur: De actibus liberis Angelorum sentiendum est juxta ea quæ ex Scriptura & ex SS. Patribus habemus; cum enim sint res supernaturales, de se nobis occultæ, solum mediante divinâ revelatione, quæ per Scripturam & SS. Patres ad nos derivatur, nobis manifestantur: Sed ex Scriptura & Patribus apertè colligitur, primum Angeli peccatum fuisse superbiâ propriè dictam: Ergo ita & non aliter sentiendum nobis est. Major patet, Minor verò ex variis Scripturæ & SS. Patrum testimoniis declaratur. In primis enim Isaia 14. in persona Regis Assyriorum allegoricè describitur peccatum principis Dæmonum: Sed ibi dicitur: *Detraha est ad inferos superbiâ tua: quomodo cecidisti de cælo Lucifer, qui dicebas in corde tuo, in cælum conscendam?* &c. quæ verba manifestæ sunt superbiæ: Ergo superbiâ fuit primum Luciferi peccatum. Item Ezechiel. 28. ubi fuit persona Regis Tyri describitur peccatum diaboli, illi dicitur: *Elevatum est cor tuum in decore tuo,* &c. Sed elevatio cordis, superbiâ est: Ergo & primum Luciferi peccatum.

Magis litteraliter id probatur aliis Scripturæ testimoniis: primum habetur Lucæ cap. 10. ubi sicut advertit D. Gregorius lib. 23. Moral. cap. 7. ut Christus reprimeret elationem discipulorum gaudientium de eo quod dæmones illis subiciebantur, dixit: *Videbam Sathanam sicut fulgur de cælo cadentem:* significans illum propter superbiâ cecidisse. Et Apostolus 1. ad Timotheum 3. ait Neophitum non esse eligendum in Episcopum, *ne in superbiâ elatus, in judicium incidat diaboli,* id est ne damnationem diaboli subeat, imitando ejus superbiâ. Ergo diabolus damnationem subiit propter superbiâ. Denique Tobia 4. Tobias dixit filio suo: *Superbiâ nunquam in tuo sensu, aut in tuo verbo dominari permittas: im ipsa enim initium sumpsit omnis perditio:* Atqui omnis perditio hominum, imò & Angelorum, sumplit initium à peccato principis dæmonum: Ergo peccatum illius fuit superbiâ, quam alii Angeli apostatæ imitati sunt.

Favent etiam SS. Patres, diabolum, ejusque satellites, non alio prius quam superbiâ peccato corruisse, passim asserentes. Nazianzenus enim

Iii

orat.



oratur. 38. dicit primum Angelum, ob splendorem prius appellatum Luciferum, propter superbiam, caliginem effectum esse. & nominatum. Hieronymus in cap. 16. Ezechielis, superbiam, primum diaboli, primumque peccatum vocat. Ambrosius vel alius Author Epistolæ ad Demetriadem, quæ inter Ambrosianas ponitur: Hæc superbia (inquit) à diabolo sumpsit exordium: qui quoniam suâ, quam à Creatore acceperat potentia & dignitate sibi placuit, seque Antihoni sui gloria comparavit, cum in Angelis quos in consensum impietatis sua traxerat, à celesti sublimitate deiecit. Ac subinde: sive itaque in lapsu diaboli, sive in pravaricatione hominis, initium peccati superbia est. Augustinus lib. 22. contra Faustulum cap. 87. ait quod Lucifer in veritate non stetit, sed à luce sua superna, quam de Deo habebat, superbia merito abscessit. Et in Psalm. 8. hæc verba Regii Vatis expendens: si mei non fuerint dominati tunc in maculatus ero, & emundabor à delicto maximo, per delictum maximum, intelligit superbiam, & subdit: Hoc est delictum, quod deiecit Angelum, quod ex Angelo fecit diabolum, eique in æternum interclusit regnum calorum. Prosper lib. 3. de vita contemptiva cap. 2. Superbia ex Angelo demones fecit, humilitas homines sanctus Angelis similes reddit. Demum Bernardus in primo sermone de Adventu: Initium omnis peccati superbia, quæ tam velociter ipsum quoque sideribus cunctis claris micantem æternæ caliginis obnubilavit Luciferum: quæ non modo Angelum, sed Angelorum principem, in diabolum commutavit. Et lib. 1. de anima: Superbia de superis ad ima precipitat, humilitas ab ima ad alta levat. Angelus è solo in tartara corrit: homo de mundo ad celum ascendit. Item in Tractatu de modo bene vivendi term. 37. Superbia (inquit) radix omnium malorum: Angelos deposuit, potentes travit, superbos deiecit. Hæc superbia communiter peccatum demonum appellatur: & Job 42. Lucifer vocatur Rex super omnes filios superbia, eod quod omne sublime videat. Ergo juxta Scripturam, & SS. Patres, primum Angeli peccatum fuit superbia.

38. Et hoc adhuc ex eo maxime suaderi potest, quod peccatum superbia materiam habeat proportionatam naturæ angelicæ: est enim superbia inordinatus excellentiæ appetitus, teste Augustino 14. de civitate cap. 13. & D. Thoma 2. 2. quæst. 162. art. 1. Appetitus autem excellentiæ, ex genere suo est valde spiritualis, ideòque natura purè intellectuali maxime proprius. Unde idem Augustinus lib. 11. de Genesi ad litt. cap. 15. advertit quod non peccavit Angelus, amando pecuniam, nec ex libidine; utpote qui naturam habeat totius corporis expertem; sed ex inordinate excellentiæ appetitu.

39. Potest hoc confirmari ex infra dicendis: quia nimirum, ut articulo sequenti ostendimus, primum peccatum Angelorum non fuit aliud quam dilectio proprii boni, propriaque perfectionis & excellentiæ, nempe suæ beatitudinis naturalis, non ordinando illam in Deum ut finem supernaturalem, sed ipsi ut fini ultimo inhærendo: Atqui hæc dilectio est amor seu appetitus inordinatus propriæ excellentiæ, ut constat; ut enim talis appetitus inordinatus, debet referri in Deum tanquam in ultimum finem supernaturalem: Ergo Angelus primò peccavit ex inordinato propriæ excellentiæ appetitu. Unde Gregorius lib. 34. in Job cap. 17. Ita Deus (inquit) super omnia est, ut ipse sub nullo sit. Leviathan verò iste ejus celsitudinis culmen aspicens, juxta perversæ libertatis appetit, ut præest ceteris, & nulli subesse,

A dicens: Ascendam super altitudinem nubium, & similis ero Altissimo. Cujus eo ipso similitudinem perdidit, quod esse ei superbe similis in celsitudine concupivit. Qui cum charitatem ejus imitari debuit, subditus accipit ejus celsitudinem, & hoc quod imitari poterat, amisit clatus. Celsus nimirum esset, si eique veraciter celsus esset, inhaerere voluisset. Celsus esset, si participatione vera celsitudinis contentus fuisset. Sed dum privatam celsitudinem superbe appetuit, jure perdidit participatam. Relicto enim eo, cui debet inhaerere principio, se sibi sufficere posse judicavit; & tantò magis infra se cecidit, quanto magis se contra gloriam sui conditoris erexit.

B Confirmatur amplius: Nolle subjici Deo ut excellentiori, est peccatum superbiae propriè dictæ: Sed Angelus amando suum bonum, suamque excellentiam, cum exclusione subordinationis ipsius ad Deum ut ad ultimum finem supernaturalem, noluit subjici Deo tanquam excellentiori: Ergo peccato superbiae propriè dictæ peccavit.

Dices tamen: Peccator in quocumque peccato lethali non vult subjici Deo ut excellentiori, & tamen non ob id peccat peccato superbiae propriè dictæ: Ergo ex eo quod Angelus in primo suo peccato noluerit subjici Deo ut excellentiori, malè inferimus, tale peccatum fuisse superbiae propriè dictæ. Consequentia patet, Antecedens probatur. Peccator in quocumque peccato lethali vult inhaerere sibi: tanquam ultimo fini, & aversi à Deo: Ergo & illi non subjici tanquam superiori.

C Confirmatur: Quamvis nolle subjici Deo ut excellentiori, constituat speciale peccatum superbiae, quando peccator directè & per se illud intendit, non tamen ipse se intendat aliquid aliud, ad quod conconstantur & per accidens solum se habeat notitia talis subjectionis: Sed Angelus primò peccans, per se & directè intendit hoc quod est nolle subjici Deo ut excellentiori; utpote cum ex una parte non peccaverit primò, eligenda aliquid quod esset malum ex parte rei volitæ, sed quod tantum esset malum ex parte modi appetendi, hoc est non appetendo illud eo modo quo debebat; ex alia verò parte, nolle subjici Deo, per se directè intantum, sit quid malum, non solum ex parte modi appetendi sive volendi, sed etiam ex parte rei volitæ: Ergo solum Deo subjici renuit, inquantum per se & directè voluit sibi ita: quoniam ultimo fini inhære; quod non constituit specialem rationem peccati superbiae, sed est conditio sequens omne peccatum.

Sed contra: Licet peccator in quocumque peccato nolit subjici Deo, cum hac tamen differentia contingit, quod in peccato superbiae per se, saltem ex parte modi volendi, hoc intendit, in aliis verò peccatis, solum per accidens & ex consequenti: v.g. in peccato luxuriæ, illud quod peccans per se intendit, non est aversi à Deo, sive nolle subjici illi, sed solum delectatio illa quæ ex rebus veneris provenit. Unde ad confirmationem dico, quod licet Angelus primò peccando per se ex parte rei volitæ non intenderit avertere se à Deo, & non subjicere se illi; ex parte tamen modi volendi seu operandi, per se hoc voluit, saltem virtualiter. Quod ut melius percipiatur,

Diligenter observandum est, non subjectionem ad Deum, duobus modis intendi posse à peccatore; per se & formaliter, & per accidens tantum ac materialiter: per se dicitur intendi in peccato superbiae propriè dictæ: per accidens in

omnibus aliis peccatis mortalibus, quatenus A  
scilicet in illis vult aliquod objectum malum, verbi gratia in peccato luxurie rem veneream (sub ratione delectabilis, ad cuius volitionem per accidens volita est non subiectio ad Deum, ex eo quod sit conjuncta cum predicto objecto, ut quid illarum ex ipso. Rursus non subiectionem ad Deum per se intendi, stat dupliciter: primo formaliter ex parte rei volitæ, & in actu signato, cum nimirum hoc quod est Deo non subijci, est res principaliter volita, vel ejus modus expressè volens: secundò virtualiter sive interpretativè tantum, & in actu exercito, in quantum scilicet aliquis vult objectum ex se honestum, & rationi ac regulæ divinæ conformem: attamen sic se habet in modo volendi, ac si vellet non subijci Deo, quatenus nimirum non curat de apponendo in suo actu, quo vult prædictum objectum honestum, illum modum quem præscribit divina regula; propterea enim virtualiter & interpretativè censetur velle ex parte modi volendi non subijci Deo, nec divinæ regulæ. Porro hoc secundo modo præcisè, non verò primo, Angelus in primo suo peccato voluit non subijci Deo, appetendo scilicet bonum rationi conformem & valde excellens, nempe suam beatitudinem naturalem, inordinato tamen modo, quatenus noluit attendere ad mensuram sibi à Deo in tali dilectione taxatam, ratione cuius, & se, & prædictam beatitudinem excellentiori alteri fini, nempe Deo, ut est objectum beatitudinis supernaturalis, debebat subijcere.

45. Denique probatur conclusio, convellendo præcipuum Scoti fundamentum. Idèò Scotus ponit Angelum primò non peccasse peccato superbiz, sed luxuriæ spiritualis: quia inordinatè sibi concupivit bonum spirituale delectabile, nempe suam beatitudinem naturalem, cuius appetitus, inquit, pertinet ad speciem luxuriæ spiritualis; quia sicut cupiditas inordinata boni delectabilis corporalis, constituit speciem luxuriæ corporalis; ita appetitus inordinatus boni spiritualis summè delectabilis, constituit speciem luxuriæ spiritualis. Probatur, inquam, ultimo conclusio, destruendo hoc frivolum & levissimum fundamentum: Primò quia inordinatus delectationis affectus nò solùm invenitur in luxuria, sed etiam in gula, aliisque similibus intemperantiæ vitiis: Ergo dato quòd primum Angeli peccatum consisteret in deordinato delectationis affectu circa propriam excellentiam, non idèò magis luxuria quàm gula spiritualis dici deberet.

Secundò, si amor concupiscentiæ quo Angelus beatitudinem naturalem inordinatè concupivit, esset luxuria spiritualis, sequeretur manifestè quòd quando aliquis inordinatè vult sibi divitias, vel cibos, vel honores, deberet poni in tali actu duplex deformitas, una pertiniens ad speciem avaritiæ, vel gulæ, vel superbiz, & altera ad speciem luxuriæ spiritualis; unde teneretur quis confiteri se commississe peccatum luxuriæ spiritualis: Sed hæc absurda sunt, & à communi Theologorum sensu penitus aliena: Ergo &c.

Tertiò, inordinata cupiditas cuiuscumque delectabilis, pertinet ad idem vitium, quod habet respicere per se primò tale delectabile; v.g. delectari inordinatè in cibis, pertinet ad gulam; in venereis, ad luxuriam; in honoribus, ad superbiam; sicut etiam in virtutibus, delectari de aliquo objecto, pertinet ad illam virtutem, quæ per se primò habet respicere tale objectum: Er-

go non pertinet ad luxuriam spirituales, tantquam ad particulare vitium ab aliis distinctum. Probatur Antecedens: quia bonum delectabile non est bonum per se primò sub ratione delectabilis volitum: delectatio enim est quid consequens ad possessionem boni convenientis, cum sit quies in bono convenienti; unde fit quòd omnis habitus respiciens aliquod objectum tantquam sibi convenientis, quando illud attingit, faciat delectationem: Ergo complacere sibi, aut delectari inordinatè in propria perfectione, aut inordinatè concupiscere delectationem quæ consequitur ad propriam beatitudinem, non constituit speciale peccatum luxuriæ spiritualis, sed pertinet ad illud idem vitium, cuius est inordinatè velle suam celsitudinem & excellentiam, scilicet ad vitium superbiæ. Quare magis adhuc absurdum est quòd ait Scotus, nempe delectationem inordinatam in contemplatione unius conclusionis Geometriæ, esse in nobis actum luxuriæ spiritualis: est enim ad summum actus curiositatis, & peccatum veniale.

## §. II.

## Statuitur secunda Conclusio.

Dico secundò, primum Angelorum peccatum non posse esse aliud quàm superbiæ propriè dictæ.

C Probatur conclusio hoc discursu: Omnia 46.  
peccata vel sunt peccata commissionis, vel omissionis; peccata autem commissionis vel sunt actus prosecutionis, vel fugæ seu recessus; & rursus peccata quæ sunt actus prosecutionis, vel sunt circa bona corporalia, vel circa spiritualia: Sed primum Angelorum peccatum non potest esse peccatum omissionis, neque actus per modum fugæ, nec prosecutio bonorum corporaliū: Ergo solùm potest esse prosecutio bonorum spiritualium: At hoc supposito non potest esse aliud quàm peccatum superbiæ propriè dictæ: Ergo primum Angelorum peccatum non potest esse aliud quàm superbia. Major patet: prima autem Minor, quantum ad singulas partes, declaratur. Et in primis quòd primum Angelorum peccatum non possit esse puræ omissionis, sic ostenditur. Ut omissio sit peccaminosa, debet esse voluntaria, seu volita directè vel indirectè, seu interpretativè; & quidem, vel per modum finis ultimi, vel tanquam medium ad finem ultimum ordinatum: Sed neutro modo fuit volita omissio ab Angelo, dum primo peccavit: Ergo nullo: Ergo non peccavit per putam omissionem. Major est certa, Minor probatur. Et in primis non potest dici, omissionem esse volitam ab Angelo per modum finis ultimi; quia omissio de se est negatio, vel privatio, nade ut sit appetibilis, debet necessariò veliri aliquo bono apparenti, & aliquo fine: si autem dicatur volita ut medium, aut finis intermedius in ordine ad ulteriorem finem, jam supponit finem ultimum prius volitum, finem, inquam, ultimum malum, ac Deo oppositum; quia omissio peccaminosa, cum non sit reprobabilis in Deum, non potest amari in ordine ad Deum ut finem ultimum: Ergo non fuit primò volita, sed supponit primum peccatum Angeli fuisse volitionem deordinatam circa illum ultimum finem, in ordine ad quem volita est ipsa omissio.

Confirmatur: Solùm potest dubitari de illa omisione quæ Angelus amavit suam beatitudinem naturalem, non ordinando illam ad super-

naturalem, utrum potuerit esse primum peccatum Angeli? Sed peccatum hoc non est omissionis, sed commissionis: Ergo primum Angeli peccatum non potuit esse omissionis, sed tantum commissionis. Major probatur: quia primus actus qui reperitur in Angelo est prædicta dilectio, utpote necessaria quoad exercitium & specificationem, & constituens Angelum in actu primo ad se movendum circa alia, ut antea declaratum est; aliunde verò præceptum quod primo obligavit Angelum, est præceptum negativum, quo tenebatur prædictum actum non elicere, nisi cum ordinatione ad finem supernaturalem. Minor etiam suadetur: Tum quia transgressio præcepti negativi, est peccatum commissionis, non verò omissionis: Tum etiam quia actus positivus inordinatus ex omissione alicujus circumstantiæ illi debetur, verbi gratia celebrare Missam sine vestibus sacris, aut orare sine attentione, non est peccatum omissionis, sed commissionis: Atqui dilectio illa quæ Angelus se suamque beatitudinem naturalem diligit, est actus positivus, inordinatus ex omissione alicujus circumstantiæ quam tenetur illi adhibere, scilicet subjectionis & ordinationis ad Deum ut ultimum finem supernaturalem, quæ est mensura seu modus servandus in dilectione propriæ excellentiæ, ad hoc ut sit ordinata & non peccaminosa: Ergo illa non potest esse peccatum omissionis, sed commissionis.

48. Explicatur & urgetur amplius: Peccatum omissionis dicitur carentiam alicujus actus specialiter præcepti: Sed in eo quod est Angelum diligere seipsum, & suam beatitudinem naturalem, sine ordinatione in finem supernaturalem, non importatur formaliter carentia alicujus actus specialiter præcepti, sed potius actus positivus cum mala circumstantia, hoc est cum carentia circumstantiæ bonæ, sine qua prohibetur exerceri ab Angelo: Ergo in hoc non est peccatum omissionis, sed commissionis.

49. Quod autem primum Angelorum peccatum, non possit esse actus per modum fugæ & recessus, ut dicitur in secunda parte Minoris primi argumenti, manifestum est: quia omnis actus volitionis & fugæ, supponit actum volitionis; nam cum nolitio vel fuga respiciant objectum repugnans & disconveniens; nihil autem dicatur disconveniens, nisi per ordinem ad conveniens, quia nimitum vel est lætium vel impeditivum convenientis; sit ut nunquam disconveniens fugiatur, nisi quia amatur conveniens, & consequenter fugam inordinatam disconvenientis, semper præcedit amor inordinatus convenientis: Ergo primum Angelorum peccatum, non potest esse actus per modum fugæ alicujus disconvenientis, sed necessarium debet esse prosecutio alicujus boni eorum naturæ convenientis.

\*Ex quo probatur tertia pars ejusdem Minoris  
50. principalis, quæ affert primum Angelorum peccatum non potuisse esse prosecutionem bonorum corporaliū: quia ut ait D. Thomas art. 2. hujus questionis, nihil afficitur nisi ad id quod est consonum & proportionatum suæ naturæ: Atqui non bona corporalia, sed sola bona spiritualia, sunt proportionata naturæ angelicæ: Ergo primum peccatum Angelorum, non potuit esse prosecutio inordinata bonorum corporaliū, sed solum prosecutio inordinata bonorum spiritualium.

51. Confirmatur: Eodem modo se habet appeti-

tus intellectualis in Angelis, quo sensitivus in animalibus: Sed appetitus sensitivus non potest affici nisi ad bonum sensibile: ergo nec appetitus Angelorum, nisi ad bonum intellectuale. Unde idem S. Doctor ibidem observat, quod licet omnia peccata, etiam carnalia, possint esse in dæmonibus casualiter, & secundum reatum, quatenus ad illa homines inducunt, non tamen formaliter & secundum affectum, Cujus rationem assignat Cajetanus: quia peccatum luxuriæ v.g. non reperitur formaliter nisi in eo qui per seipsum immediate potest actum venereum consummare; quod Angelo est impossibile, quia est formaliter operatio vitæ animalis, quæ caret Angelus: unde peccatum illud quod committunt dæmones inducens homines ad luxuriam, vel dum in corpore assumpto sunt incubi aut succubi, non est ejusdem speciei formaliter, cum peccato hominis luxuriosi, sed casualiter tantum.

Quod autem supposito quod primum Angelorum peccatum non possit esse aliud, quam inordinatus affectus circa spiritualia illis proportionata, sequatur hujusmodi inordinatus affectus debere esse actum superbiæ propriè dictæ, ratio D. Thomæ manifestè demonstrat: quia in affectu prosecutionis bonorum spiritualium, non potest esse peccatum, nisi per hoc quod in eo superioris regula non servatur: Sed non subdregular superioris, est peccatum superbiæ: Ergo in affectu prosecutionis bonorum spiritualium, non potest esse nisi peccatum superbiæ. Major probatur: quia bona spiritualia quantum sunt majora, tanto sunt meliora, & ideo non possunt nimis amari absolute; unde si in eorum amore sit excessus, oportet necessarium quod proveniat ex eo quod superioris regula non servetur.

Dices cum Vazque, ex hac ratione Divi Thomæ sequi primum Angelorum peccatum debuisse esse potius peccatum inobedientiæ, quam superbiæ: siquidem velle non subijci regulæ superioris, est propriè peccatum inobedientiæ, non verò superbiæ.

Respondeo quod velle per se non subijci divinæ legi, pertinet ad duo vitia, scilicet ad superbiam, & ad inobedientiam; cum hoc tamen discrimine, quod ad inobedientiam pertinet per modum fugæ & recessus, & quatenus formaliter lex divina habet rationem legis à Deo ut supremo legislatore dimanantis; ad superbiam verò pertinet per modum prosecutionis, & quatenus lex divina non habet formaliter rationem legis, sed regulæ dignitatis & excellentiæ creaturæ, à Deo ut excellentissimo, & singulis suas excellentias cum mensura distribuentem, dimanantis. Hujus rationem assignat Cajetanus 2. 2. quæst. 162. art. 1 sicut enim est proprium obedientiæ velle subijctionem ad divinam legem, ut formaliter est lex à supremo legislatore procedens; ita est proprium inobedientiæ nolle subijctionem ad illam, & ad Deum ut supremum legislatorem. Similiter fitur est proprium humilitatis moderari appetitum tendentem in excessu, apponendo illi modum subjectionis ad divinam legem, ut formaliter est regula illius; ita est proprium superbiæ apponere immoderantiam hujusmodi appetitui, & non subijctionem ad divinam legem, ut formaliter habet rationem mensuræ & regulæ propriæ dignitatis & excellentiæ. Quod ergo D. Thomas air quod non subdregular superioris est peccatum superbiæ, intelligendus est de non subjectione ad legem, non ut formaliter habet rationem

nem legis præcipientis vel prohibentis aliquem actum (sic enim non velle subijci legi est actus inobedientiæ) sed de non subiectione ad legem divinam, ut est regula & mensura dignitatis & excellentiæ omnium creaturarum; qua ratione nolle subijci legi divinæ, est actus superbiæ propriè dictæ.

## §. III.

*Corollaria præcedentis doctrinæ.*

54. **E**X dictis inferes primò contra Valentiam, primum Angelorum peccatū non fuisse, nec esse potuisse actum inobedientiæ. Ut enim suprā ostendimus, primum Angelorum peccatum non potuit esse actus inordinatus per modum fugæ & recessūs, sed debuit necessariò esse inordinata profectio; eò quòd omnis fuga mali sit ex amore alicujus boni, & ita voluit & fuga deordinata, debet supponere volitionem deordinatam: inobedientia autem, ut diximus, respicit divinam legem, per modum fugæ & recessūs ab ipsa: Ergo primum Angelorum peccatum, nec fuit, nec esse potuit actus inobedientiæ.

55. Nec valet si dicas cum Valentia, quòd quamvis actus volitionis deordinatus possit præsupponere volitionem deordinatam, non tamen necessariò, sed potest etiam præsupponere bonam, ut pater in eo qui vult non obedire quia vultorare. Non valet, inquam, nam præterquam quòd hoc est falsum; quia quando quis tenetur obedire alicui præcepto, peccat volendo pro tunc aliquid aliud quantumcumque; aliàs de se honestum, cujusmodi est oratio; ex eo quòd recta ratio dictat bonum etiam de se honestum non esse prosequendum, quando aliquid aliud impossibile est peragendum. Addi adhuc potest, Angelum non posse deordinari circa media, seu in electione, aut fuga alicujus ad consequendum finem, nisi prius deordinetur circa finem; quia debet incipere peccare à fine.

56. Inferes secundo, primum Angelorum peccatum non potuisse esse odium, vel desperationis, aut iniustitiæ: quia scilicet odium & desperatio pertinent ad quandam fugam voluntatis, attingentis objectum ut disconveniens & nocivum; iniustitia vero non versatur circa objectum quantum est de se moraliter bonum, sed circa malum, & ideo supponit errorem intellectu, per quem regulatur; in intellectu vero Angeli non potest esse error ante primum peccatum, ut infrā patebit: Ergo &c.

57. Inferes tertio, primum Angelorum peccatum non fuisse invidiam: quia ut discurrit D. Thomas in 1. dist. 5. quæst. 1. art. 3. ad 2. *Invidia est dolor aliene prosperitatis, in quantum est impeditiva alicujus boni proprii: Divina autem felicitas non est impeditiva alicujus boni proprii, nisi quod inordinate desideratur; quia ab eo omne bonum descendit: & ita odium & invidia loquuntur de utroque; simul) præsupponunt ali-quod peccatum, per quod voluntas deordinatur. Et sic non fuit peccatum ejus (scilicet Angeli) odium vel invidia.*

Nec obstat illud Basilij homilia de invidia: *Quid enim principem malorum Davonum ad bellum impulit? nonne invidia, per quam Dei adversarius deprehensus fuit?* Nam per hoc solum intendit malos Angelos, cum essent in via, peccasse peccato invidiæ: quia ait D. Thomas hic art. 2. *post peccatum superbiæ, consecutus est in Angelo peccante malum invidiæ.* Invidiam quippe (teste Augusti-

Lib. de sancti virginit. c. 31.

**A** no) superbiæ continuò parit, nec unquam est sine tali proleatq; comite. Unde idem S. Doctor lib. de Genesi ad litteram cap. 14. de Angelo peccante hæc scribit: *Nonnulli dicunt ipsum ei fuisse casum à superbiis sedibus, quòd inviderit homini factò ad imaginem Dei. Porro hæc invidia sequitur superbiæ, non præcedit. Non enim causa superbiendi est invidentia, sed causa invidendi superbiæ. Cui igitur superbiæ sit amor excellentiæ propriæ, invidia verò sit odium felicitatis aliene, quòd inde nascatur satis in promptu est. Amando enim quisque excellentiam suam, vel paribus invidet, quòd ei coquantur; vel inferioribus, ne sibi coæquantur: vel superioribus, quòd eis non coæquantur. Superbiendo igitur invidus, non invidendo quisq; superbus est. Merito initium omnis peccati superbiæ scriptura definit, dicens: initium omnis peccati superbiæ. Similiter Leo Papa Serm. 4. de Collectis, prius superbiâ quàm invidiâ deliquisse Sathanam asserit. Primum (inquit) superbus, ut caderet; deinde invidus noceret, &c.*

## §. IV.

*Solvuntur objectiones.*

**C**ontra præcedentes conclusiones objicit primò Scotus: Peccatum superbiæ propriè dictæ consistit solum in appetitu deordinato propriæ excellentiæ relatæ ad alios, cum scilicet aliquis vult alijs præesse, eosq; regulare: Sed primum Angelus non peccavit ex eo quòd voluerit alijs præesse eosq; regulare: Ergo non primò peccavit peccato superbiæ propriè dictæ.

Respondedo negando Majorem: nam ex quatuor speciebus superbiæ, quas D. Thomas 2. 2. quæst. 162. art. 4. refert ex Gregorio, tres primæ nihil dicunt de excellentia relativa, sed tantum quarta: & Augustinus 14. de civit. definit superbiæ, per celsitudinem, quæ est quid absolute, & alibi per excellentiam, quæ potest sumi relativè. Unde objectum superbiæ, in tota sua latitudine accepta, non est excellentia relativa, sed excellentia communiter se habens ad absolutam & relativam.

Objicit secundo: Peccatum superbiæ est appetitus inordinatus propriæ excellentiæ: Sed primum Angelorum peccatum non potuit consistere in tali appetitu: Ergo neq; in actu superbiæ. Minor probatur: Appetitus inordinatus propriæ excellentiæ, est ordinatus amor concupiscentiæ sui ipsius: Sed inordinatus amor concupiscentiæ, præsupponit necessariò inordinatum amorem amicitie: Ergo primum Angelorum peccatum, non potuit consistere in appetitu inordinato propriæ excellentiæ.

Respondedo concessâ Majori, negando Minorem. Ad cujus probationem, dico, inordinatum appetitum propriæ excellentiæ non esse solum amorem concupiscentiæ, sed etiam amicitie: nam cum amare sit velle bonum alicui, non potest esse amor concupiscentiæ, qui non sit etiam amicitie, neque e contra; siquidem quantum amor respicit bonum, quòd cumq; illud sit, est amor concupiscentiæ; ex eo quòd prædictum bonum, est id quòd concupiscitur; quantum vero respicit subiectum cui vult illud bonum, sive sit distinctum, sive non est amor amicitie, quia prædicta persona est id cui volu-



mūs illud bonum. Cūm verò additur, quòd inordinatus amor concupiscentiæ præsupponit necessariò inordinatum amorem amicitiae, respondendum est, hoc esse verum, non de reali & formali præsuppositione, sed de virtuali tantum, & adhuc in aliquo certo genere causæ, scilicet in genere finis cui; sicut etiam idem amor amicitiae præsupponit necessariò, non præsuppositione reali, sed virtuali, amorem concupiscentiæ: unde non est necessarium, quòd duo illi amores distinguantur realiter, sed solum quoad terminationem ad diversa objecta.

62. Obijciunt tertiò: Peccatum superbiæ specialiter dicitur, in eo solum consistit, quòd quis appetat quod non est sibi debitum, & quod non potest proprijs viribus adipisci: Sed Angelus in primo peccato non appetit aliquid quod non esset sibi debitum, & quod non posset proprijs viribus adipisci: Ergo non peccavit peccato superbiæ specialiter dicitur. Minor videtur certa: nam, ut dicemus articulo sequenti, Angelus primò appetit suam beatitudinem naturalem, quæ connaturaliter est ei debita, & quam proinde potest proprijs viribus adipisci, imò illam actū possidebat antequam peccaret, & tamen peccavit inordinatè illam appetendo. Major verò suadetur: quia cūm superbiæ idem sonet ac *super se ire*, superbus tantum ille dicitur propriè, qui appetit extolli supra se; quod non contingit nisi appetat aliquid quod non sit sibi debitum, nec ex proprijs viribus, acquiribile.

63. Respondeo negando Majorem: peccatum enim superbiæ non tantum in hoc consistit, quòd quis appetat id quod non est sibi debitum, sed etiam in eo quòd inordinatè propriam excellentiam & perfectionem sibi debitam intendat, sive quòd erga illam afficiatur, præter aut contra mensuram sibi à superiore præfixam: sic enim est nolle subijci superiori, ac illum spernere implicitè & interpretativè, subindeque super se ire, seu extollere se supra se: per quod patet ad probationem.

## ARTICULUS II.

*Quodnam fuerit objectum excellens circa quod Angelus primò superbiit*

### §. I.

*Quibusdam præmissis referuntur sententiae.*

**L**uciferum ex inordinato sublimitatis appetitu è cælo corruisse, ex suprà dictis apertissimè constat: quæ verò illa fuerit altitudo, qualisve excellentia quam appetiit, tam varia sunt Theologorum placita, ut torferè sint sententiæ, quot capita. Ut autem tanta opinionum diversitas in aliquem ordinem redigatur.

64. Præsupponendum est cum D. Thoma hic art. 3. Diabolum de facto appetiisse esse ut Deum: hoc enim formaliter in Scriptura habetur, ut patet ex illo Isaie 14. *Ascendam in cælum, similis ero Altissimo*: & ex illo Ezechiel 28. *Elevatum est cor tuum, & dixisti, Deus ego sum, & in cathedra Dei sedi in corde maris*. Unde Augustinus in libro de questionibus veteris testamenti, ait Diabolum elatione inflatum, voluisse esse ut Deum. Quod eleganter exprellit Nazianzenus, his verbis:

*Lucifer (eximio nam cūm frueretur honore) Sperabat regale Dei solumq̃, decusq̃: Dum Deum esse cupit, cætra caligine totus Obutus est:*

Quo autem pacto Lucifer voluerit esse ut Deus, non levis difficultas est: pro cuius declaratione.

Observandum est rursus cum D. Thoma, duobus modis intelligi posse, Diabolum appetiisse esse ut Deum, scilicet per æquiparantiam, & per similitudinem: rursus verò per æquiparantiam potest dupliciter intelligi, scilicet appetendo æqualitatem cum Deo absolute, vel cum Deo homine, sive incarnato, volendo sibi unionem hypostaticam ad aliquam personam divinam, hinc sciebat per revelationem unendam fore Verbo naturam humanam. Similiter etiam appetere esse ut Deum per similitudinem, contingit dupliciter, scilicet appetendo ei assimilari quoad id in quo creatura intellectualis nata est ei assimilari, nempe secundum dona gratiæ & gloriæ; & in hoc peccare non potuit Lucifer, nisi illam similitudinem appetierit, ut non habendā à Deo, sed ex propria virtute, & secundum iustitiam: secundò volendo ei assimilari in eo in quo creatura non est nata illi assimilari; & hæc similitudo potest attendi secundum multa, scilicet secundum negationem subordinationis & dependentiæ ab alio superiori; secundum dominium absolutum suprà alias creaturas intellectuales; & secundum quòd ipse est sibi sufficiens bonum, nec in ulteriore finem ordinatur.

- Hinc ortum habuit opinio nem diversitas inter Theologos. Quidam enim censent, Angelum peccasse appetendo æqualitatem cum Deo absolute. Ita docent ex antiquis Hugo à S. Victore in summa tract. 2. cap. 4. ubi ait: *Lucifer simile esse voluit Altissimo, non per imitationem, sed per æqualitatem*: Scotus in 2. dist. 6. quæst. 1. & ex Recentioribus Suarez, Vazquez, & Beccanus in præsentia. Alij dicunt peccasse appetendo unionem hypostaticam, ut Viguerius, Jacobus de Valentia; vel nolendo subijci Christo, illumque ut dominum recognoscere. Quem dicendi modum sequuntur Melchior Flavius in libro de regno Christi cap. 6. & Jacobus Naclantius traditione quarta Theologica. Sunt etiam qui existimant Luciferum per superbiam peccasse, eò quòd tyrannicum principatum, sive potestatem aliquam in alios Angelos cæterasque creaturas sibi non debitam appetierit, volendo verbi gratiā omnia dona, quæ à Deo in alias creaturas derivantur, mediante ipso in illas derivari, vel appetendo cæteras alias creaturas intellectuales teneri ipsi ad nutum obedire tanquam domino & principi. Denique Discipuli Divi Thomæ communiter docent, beatitudinem naturalem fuisse objectum excellens circa quod Angelus primò deliquit, inordinato modo eam diligendo, & non juxta regulam & mensuram præfixam à Deo, id est non ordinando illam in beatitudinem supernaturalem, nec subdendo eam Deo ut Authori supernaturali, & objecto beatitudinis supernaturalis longè excellentioris: hæc enim ordinatio & subiectio erat mensura & regula illi taxata à Deo in prosecutione beatitudinis naturalis & propriæ excellentiæ. Addunt aliqui Angelum non solum peccasse circa beatitudinē naturalem, sed etiam circa supernaturalem, illam per modum complementi aut quasi complementi suæ beatitudinis naturalis, proprijs

viribus acquirendi secundario appetendo: imò A  
Joannes à S. Thoma asserit non esse improbabile, quòd primò peccaverit circa beatitudinem naturalem, & circa supernaturalem, & etiam circa unionem hypostaticam.

## §. II.

*Primus dicendi modus refellitur.*

**D**ico primò: Objectum excellens, in cujus appetitione Angelus primò superbiit, nec fuit, nec esse potuit, omnimoda aequalitas cum Deo in natura. Ita expressè S. Doctor hic art. 3. & in 2. dist. 5. quæst. 1. art. 2. & quæst. 16. de malo art. 3.

67. Probatur primò ex D. Anselmo lib. de casu Diaboli cap. 4. ubi docet Angelum peccasse, appetendo illud ad quod pervenisset, si stetit: patet autem quòd non pervenisset ad omnimodam aequalitatem cum Deo: Ergo non peccavit illam appetendo. Unde ibidem ait: Si Deus cogitari non potest, nisi tam solus ut nihil illi simile cogitari possit, quomodo potuit Diabolus velle quod non potuit cogitare? non enim ita obtusa mentis erat, ut inhiat illud simile Deo cogitari posse uesiret. Nec valet quòd responderi Vazquez, nempe D. Anselmum non loqui in propria persona, sed in persona discipuli quem ibi inducit. Non valet, inquam, quia licet hoc ita sit, eo ipso tamen quòd D. Anselmus hoc dictum in persona discipuli non refutaverit, sed potius modum alium, quo Diabolus superbiire potuit, statim assignaverit, satis indicatur rationem illam in discipuli persona factam, à magistro tacitè approbatam fuisse.

68. Probatur secundò ratione desumptà ex locis D. Thoma citatis, quæ potest ad hanc formam reduci. Diabolus non potuit appetere omnimodam aequalitatem cum Deo: Ergo primum ejus peccatum, nec fuit, nec esse potuit, appetitus talis aequalitatis. Consequentia patet, probatur Antecedens. Nullus potest appetere id quod non potest apprehendere ut possibile: Sed Diabolus non potuit apprehendere ut possibile omnimodam aequalitatem cum Deo: Ergo nec eam appetere. Major videtur certa: objectum enim voluntatis est bonum & conveniens: illud autem quod non potest apprehendi ut possibile, non potest apprehendi ut bonum & conveniens; cum prima radix appetibilitatis & convenientiæ sit possibilitas, siquidem intantum aliquid dicitur bonum, inquantum est existens, aut dicit ordinem ad existentiam. Minor etiam non est minus evidens: Cùm enim Angelus seipsum perfectè comprehendat, cognoscit se esse ens creatum & per participationem, & nullum ens per participationem posse esse ejusdem naturæ: cum ente per essentiam: subindeq; non potuit Diabolus apprehendere ut possibilem omnimodam sui aequalitatem cum Deo in natura; maxime cùm ante primum ipsius peccatum, nullus præcesserit error in intellectu ejus, ratione cujus eligeret impossibile, sicut in nobis interdum accidit.

69. Respondet primò Vazquez, quòd licet Diabolus non potuerit habere actum judicii, quo judicaret esse sibi possibilem aequalitatem cum Deo, potuit tamen per simplicem apprehensionem (in qua non est veritas vel falsitas, nec consequenter error) eam apprehendere per modum possibilem & convenientis, subindeque eam appetere.

70. Sed contra primò: Falsum est voluntatem

posse moveri & regulari per simplicem apprehensionem, in actibus saltem libetis, sed ad hoc necessariò requiritur judicium intellectus; quia ad movendam voluntatem circa prosecutionem alicujus objecti, non sufficit quòd tale objectum proponatur illi ut bonum absolute & secundum se, sed requiritur insuper quòd proponatur ut còveniens: ipsi voluntati, sive volenti, subindeq; quòd interveniat in intellectu collatio illius cum volente, & volentis cum tali bono: quòd sine judicio esse non posse, et ipsi terminis constat.

Confirmatur & magis illustratur hæc ratio.

71. Licet in brutis æstimativa simpliciter apprehensione proponatur appetitui objectum sub ratione cò-

venientis aut disconvenientis; quia hoc facit non ex vi perfectionis suæ cognitionis, attingentis rationes propter quas habet objectum esse convenientis, vel disconvenientis, sed ex instinctu naturæ, illam determinantis ad proponendum objectum præcisè sub ratione convenientis, si sit conveniens, aut sub ratione disconvenientis, si fuerit disconveniens: intellectus tamen, qui non habet ex instinctu naturæ proponere objectum ut convenientis aut disconvenientis, sed ex perfectione suæ cognitionis, quâ percipit habitudinem convenientiæ aut disconvenientiæ objecti ad id cui est vel non est convenientis, ponderando rationes quibus redditur convenientis aut disconveniens, nequit per simplicem apprehensionem, talis ponderationis rationum incapacem, sed solum per compositionem, subindeq; per judicium saltem virtuale, proponere objectum ut convenientis. Dixi in actibus saltem libetis: quia in moribus indeliberatis, & qui non sunt propriè hominis ut homo est, voluntas movetur ex simplici apprehensione convenientis aut disconvenientis: quamvis adhuc aliqui contentant hujusmodi actus indeliberatos præsupponere aliquod judicium intellectus ipsi proportionatum, subitaneum scilicet & indeliberatum; de quo videri potest Cajetanus 1. 2. quæst. 77. art. 2.

72. Addo quòd, si simplex objecti propositio, in quo non est veritas aut falsitas, sufficeret ad movendam voluntatem Angeli, sequeretur quòd posset odio habere, aut nolle beatitudinem in communi, si nimirum apprehenderetur ab ipso per modum mali: si enim, ut volunt Adversarij, potest Angelus apprehendere omnino impossibile, per modum possibilem, cur non poterit apprehendere omnino bonum (cujusmodi est beatitudo in communi) per modum mali? Consequens autem est falsum: nam aliàs non necessitaretur voluntas, quoad specificationem, à beatitudine, & à bono in communi, cujus oppositum docet S. Thomas 1. 2. quæst. 10. art. 2. & communiter Theologi cum illo: Ergo, &c.

Deniq; subita apprehensio omnimodæ aequalitatis cum Deo, ut possibilis & convenientis, non potest compari in Angelo ante primum peccatum, cum cognitione comprehensiva sui, quâ videbat sibi esse omnino impossibilem hanc aequalitatem: Ergo non fuit in illo talis simplex apprehensio. Antecedens patet: nihil enim erat in Angelo, quòd talem cognitionem sui comprehensivam perturbaret; quia nec in eo erat habitus malus, nec aliquis moris passionis inordinatus. Unde etiam propterea non potest Angelus per simplicem apprehensionem apprehendere hominem ut irrationalem: maxime cùm

in Angelis non distinguatur apprehensio & iudicium, quia eodem actu cognoscunt prædicatum inesse subiecto.

74. Respondet secundò Suarez, rationem D. Thomæ probare quidem, quòd appetitu efficaci & absoluto non possit Angelus appetere perfectam cum Deo æqualitatem, non tamen convincere de appetitu inefficaci & conditionato; quem plures, etiam ex Thomistis, asserunt posse ferri circa impossibilia, etiam cognita ut talia: sicut de facto pænitens vellet non peccasse, & damnati Deum annihilari, si nimium hæc essent possibilia.

75. Sed hæc etiam responsio faciliè potest confutari: Primò, quia licet Angelus possit habere appetitum omnimodæ æqualitatis cum Deo, conditionatum ex parte objecti simul & subiecti, seu ipsius actus (qui appetitus consistit in hoc, quòd si poneretur aliqua conditio, subiectum haberet actum appetitionis quem de facto non habet) repugnat tamen illi habere appetitum prædictæ æqualitatis, conditionatum solum ex parte objecti: Ergo non potuit primò peccare appetendo sub conditione omnimodæ cum Deo æqualitatem. Consequentia patet: ratio enim boni, vel mali moralis, solum potest reperiri in appetitu conditionato ex parte objecti, non verò in appetitu conditionato ex parte actus: quia bonum vel malum morale non reperiuntur de facto in actu humano qui potest esse, sed tantum in eo qui de facto est; ille autem qui vult aliquid conditionatè ex parte actus, de facto nullum habere actum, sed tantum ita est dispositus, ut illum haberet, si poneretur conditio. Antecedens verò sic ostenditur: Implicat aliquam potentiam habere de facto actum quantumcumque inefficacè circa illud, quod non habere actum rationem formalem objecti, sed tantum sub conditione; verbi gratià implicat quòd visus videat parietem qui non sit actu coloratus, sed tantum sub conditione: Sed omnimodæ æqualitas cum Deo, non habet actum rationem objecti voluntatis Angeli (quæ est ratio boni & convenientis fundata in existentia aut possibilitate vera, vel apparenti, seu existimata) quia Angelus non potest cognoscere illam æqualitatè ut possibilem: Ergo implicat Angelum habere actum de presenti, quo velit illam æqualitatem, sed solum cum habere posset, si talis æqualitas posset apprehendi ut possibile.

76. Secundò dato & non concessio, Angelum posse appetere æqualitatem cum Deo, appetitu inefficaci, & conditionato solum ex parte objecti, primum tamen ejus peccatum nec fuit nec potuit esse situm in huiusmodi appetitu: Ergo hæc responsio Suaris non enervat vim rationis D. Thomæ. Consequentia patet, Antecedens quoad utramque partem probatur. Et in primis quòd de facto primum peccatum Angeli non fuerit appetitus inefficax, ex Scriptura evidenter colligitur: nam locis suprà citatis describitur peccatum Luciferi ut voluntas absoluta, quæ tenderet ad assequendum quod optabat, dum sic introducit eum loquentem: *In celum conscendam, super astra Dei exaltabo solum meum, sedeo in monte testamenti, in lateribus aquilonis, ascendam super altitudinem nubium, similis vero Altissimo.*

77. Confirmatur: Lucifer habuit plures Angelos socios suæ culpæ, qui ejus conatus promoverunt: At non potuerunt promoveri vel opere adjuvare otiosam illius complacèntiam in attribueda sibi

imaginariè Divinitate, & perfectæ cum Deo æqualitate: Ergo ejus culpa non fuit tantum complacèntia quædam otiosa in æqualitate cum Deo, seu appetitus inefficax talis æqualitatis.

Secunda verò pars Antecedentis, quòd scilicet non potuerit primum peccatum Angeli in huiusmodi appetitu inefficaci consistere, sic ostenditur: Primum peccatum Angelorum debuit necessariò esse appetitus deordinatus alicuius ut ultimi finis; siquidem appetitus naturalis Angelorum semper incipit à fine, & deordinatio circa media & fines intermedios, semper supponit deordinationem circa finem ultimum. Sed appetitus ultimi finis, in quantum huiusmodi, est appetitus efficax: Ergo primum peccatum Angelorum in appetitu aliquo inefficaci & conditionato consistere non potuit. Major patet, Minor verò suadetur: Tum quia appetitus ultimi finis, ut talis, est effectus dilectionis illius super omnia; diligere autem aliquid super omnia, est illud efficaciter velle, quia talis dilectio quantum est de se infert electionem mediorum: Tum etiam, quia de ratione ultimi finis est ut ejus gratià omnia alia fiant: Ergo non potest ut talis terminare appetitum inefficacem, utpote qui non habet inducere ad electionem mediorum.

Probatur tertio nostra conclusio alia ratione, 78. quam insinuat S. Doctor hic art. 3, in corp. & quæ potest sic proponi. Angelus non potuit primò peccare, appetendo appetitu prosecutionis suum non esse: Ergo nec appetendo per modum prosecutionis omnimodam æqualitatem sui cum Deo. Consequentia patet: sicut enim Angelus nequit simul esse ens per participationem, & ens per essentiam, ita non potest simul remanere Angelus, & habere omnimodam æqualitatem cum Deo. Antecedens verò probatur multipliciter: Primò quia unicuique inest naturalis desiderium proprii esse speciei & individualis, tanquam fundamenti omnium aliarum perfectionum. Secundò quia sibi aliquid per modum prosecutionis appetere, nihil aliud est quam appetere illud bonum sibi coniungi, sive velle possidere tale bonum; qui appetitus necessariò involvit affectum conservandi sub illo bono proprio esse, alioquin bonum illud non veller sibi, sed alteri. Tertio quia unusquisque ita necessariò appetit suam beatitudinem, saltem in communi, ut nequeat velle oppositum: appetitus autem beatitudinis necessariò includit affectum conservandi proprium esse; nullus siquidem potest esse beatus, nisi sit; unde rectè D. Augustinus ex hoc quod omnes homines beati esse volunt, infert quòd omnes immortales esse velint: Ergo Angelus non potuit primò peccare, appetendo appetitu prosecutionis suum non esse.

Dices: Licet non esse non possit appeti per se, bene tamen per accidens & ratione alterius, ut patet in damnatis, & in desperantibus: Ergo licet Angelus non potuerit per se appetere non esse, potuit tamen illud appetere per accidens, tanquam medium ad consequendam perfectam æqualitatem cum Deo.

Sed contra primò: Ideo non esse potest à damnatis appeti per accidens & ratione alterius, quia potest appeti in ordine ad aliquod bonum prius volitum, liberationem scilicet à pœnis & mœnibus: Sed non esse appeti non potest ab Angelo, ut conducens ad aliquod bonum; id quod æqualitas omnimodæ cum Deo in ordine ad quam solum potest appeti non potest apprehendi ab illo, sub

sub ratione boni, quia est simpliciter impossibilis, & ut talis necessarii cognoscitur ab Angelo suam essentiam perfecte comprehendente: Ergo non esse, non potest, etiam per accidens, ab Angelo appeti.

31. Secundò, Licet per actum fugæ possit quis per accidens velle non esse, non tamen per actum prosecutionis, ut docet & probat D. Thomas quæst. 16. de malo art. 3. ad 5. his verbis: *Cum aliquis vult à se aliquid removeri, utitur se ut termino à quo, quem non est necesse salvare in motu: & ideo potest aliquis appetere se non esse, ut careat miseriis (quod est velle non esse per actum fugæ & recessus à miseriis) sed cum aliquis appetit sibi bonum (per actum scilicet prosecutionis) utitur se ut termino ad quem: huiusmodi autem terminum necesse est salvare in motu; & ideo non potest quis appetere sibi aliquid bonum, quia habito ipse non remaneat.* Cum ergo primum peccatum Angeli debuerit esse actus prosecutionis, sequitur non potuisse primò peccare, appetendo non esse, ad habendam omnimodam æqualitatem cum Deo: quia eà habità ipse non maneret.

32. Instabis: Potest aliquis per actum prosecutionis hypostaticam cum aliqua persona divina unionem sibi appetere, quæ tamen est impossibilis cum propria existentia & subsistentia: Ergo potest aliquis sibi per accidens appetere non esse, non solum per actum fugæ, sed etiam per actum prosecutionis; & sic Angelus potuit primò peccare appetendo non esse ad habendam omnimodam æqualitatem cum Deo.

33. Respondeo non repugnare alicui per actum prosecutionis appetere sibi aliquid impossibile cum suo esse existentie, dummodo tamen non sit impossibile cum esse specifico & essentiali ipsius; qualis non est unio personalis cum Deo, bene tamen omnimoda æqualitas Angeli cum Deo. Huius ratio est, quia unumquodque naturaliter determinatur ad volendum suum esse specificum & essentialē, determinatur verò solum ad volendum aliquid esse existentie, sub quo conservetur esse specificum, sive illud esse existentie sit proprium, sive alienum.

## §. III.

*Solvuntur objectiones.*

34. Contra nostram conclusionem in primis obijciunt Adversarii plura Scripturæ & SS. Patrum testimonia, quibus asseritur quod Lucifer appetiit esse ut Deus, subindeque omnimodam cum ipso æqualitatem.

Sed facile responderetur cum S. Thomas h. c. art. 3. quod voluit esse ut Deus; non per æquiparantiam (appetendo scilicet perfectam æqualitatem cum Deo in natura) sed per similitudinem quandam proportionalem, quatenus scilicet voluit habere suam beatitudinem, sicut habet Deus, nempe vel supernaturalem ex propriis viribus; vel supernaturalem sine subiectione ad alium superiorem & excellentiorem finem, ut infra latius exponemus.

35. Dices: Isaia 14. Lucifer sub persona Regis Tyri ait: *Ascendam in cælum*: Sed hoc non potest intelligi de Emphyreo, in quo cum aliis Angelis fuit conditus: Ergo intelligitur de cælo Sanctæ Trinitatis, ut explicat S. Thomas supra quæst. 61. art. 4. ad 3. Voluit ergo conscendere ad æqualitatem Dei.

Tom. II.

A Respondeo cum eodem S. Doctore quæst. 16. de malo art. 3. ad 3. quod Lucifer voluit quidem ascendere in cælum Sanctæ Trinitatis, non tamen appetendo absolutam æqualitatem Dei, sed tantum aliqualem.

Obijciunt secundò: Si omnimoda æqualitas Angeli cum Deo, non posset esse objectum, circa quod primò superbiit, maximè quia, ut dictum est, hæc æqualitas est impossibilis: Sed hæc ratio nulla est: Ergo &c. Major patet ex suprà dictis, Minor probatur primò ex Aristotele 3. Ethic. cap. 2. dicente: *Electio quidem non est impossibile; voluntas autem est impossibile, puta immortalitatis.*

Secundò ex D. Thoma 1. 2. quæst. 13. art. 5. ad B 1. ubi sic habet: *Voluntas completa non est nisi de possibili quod est bonum volenti; sed voluntas incompleta est de impossibili, quæ secundum quosdam velleitas dicitur, quia scilicet aliquis vellet illud, si esset possibile: electio autem nominat actum voluntatis jam determinatum ad id quod est huic agendum, & ideo nullo modo est nisi impossibile.*

Tertiò probatur eadem Minor ex eodem S. Doctore quæst. 16. de malo art. 3. ad 9. ubi ait: *Voluntas quæ dicitur impossibile, non est perfecta voluntas, tendens in aliquid consequendum; quia nullus tendit in id quod existimat impossibile: sed est quadam imperfecta voluntas, quæ dicitur esse velleitas; quia scilicet aliquis vellet id quod existimat impossibile, sed sub hac conditione, si possibile esset: Ergo ex Aristotele & D. Thoma, impossibile potest appeti, affectu talem inefficaci & conditionato. Quod potest quarto suaderi ex illo actu ferventissimo dilectionis Augustini erga Deum, quem his verbis exprimebat: *Domine si tu es Augustinus, & ego possem esse Deus, mallet me quam me esse Deum.* Iusti etià læpè optant diligere Deum amore infinito, si esset possibilis. Denique multo res experimur, nos delectari de objectis impossibilibus, sub conditione tamen quod essent possibilis.*

Ut omnes illæ instantiæ facile diluantur: Notandum primò impossibile esse duplex, unum per se & absolute, & aliud per accidens & ex suppositione. Primum est quod ex ipsis terminis involvit contradictionem, ut hominem esse lapidem: hoc enim merito dicitur esse impossibile absolute & simpliciter, quia non est tale respectu huius auctoris loci, temporis, vel causæ, sed respectu omnium absolute. Secundum verò est illud quod non ex ipsis terminis, aut ex natura rei, sed ex aliqua tantum hypothesi, involvit contradictionem, sicut v. g. Judam non peccasse: hoc enim absolute non repugnat, sed solum ex suppositione quod de facto peccaverit.

Notandum secundò inter hæc duo impossibilia genera, notabile intercedere discrimen, in eo consistens, quod impossibile per se, quacumque suppositione facta, vel quacumque addita conditione, nihil habet entitatis aut bonitatis; ex quo provenit ut non possit appeti, nedum per electionē efficacem, tendentem ad executionem, sed neque etiam per simplicem voluntatem, sive per inefficacem voluntatis actum, etià sub conditione si esset possibile: at verò impossibile per accidens, licet ut stat sub illa suppositione impossibilitatis, & in sensu composito illius, non sit possibile, neque consequenter habeat aliquā rationem boni & convenientis, tamen secundum se sumptum, & ut per abstractionem purè præcisi vā abstrahit à tali suppositione & impossibilitate, sive in sensu diviso illius, habet per se aliquā possibi-



possibilitatem & bonitatem : & ita consideratum, licet non possit esse formaliter volitum per actum electionis ; quia proprium est electionis tendere ad exercitium, atque ita terminari ad objectum cum omnibus circumstantiis quas habet hic & nunc in particulari, & inter quas numeratur suppositio per accidens illi adjuncta, quâ redditur impossibile : Potest tamen esse volitum, per simplicem actum voluntatis, qui dicitur voluntas ; quia cum hic actus non tendat ad executionem, potest terminari ad objectum secundum se, abstrahendo à particularibus circumstantiis, unde propterea peccator vult inefficaciter non peccasse, quamvis ex suppositione quod peccaverit, hoc sit impossibile ; Angelus tamen non potuit appetitu etiam inefficaci, appetere omnimodam cum Deo aequalitatem, quia illa est per se & ex natura rei impossibilis.

Notandum tertio, live potius recolendum ex 39 Tractatu de scientia Dei, duobus modis appetitum conditionatum alicujus objecti intelligi posse, primò ita ut conditio se teneat tam ex parte actus quàm ex parte objecti ; secundò ita ut se teneat solum ex parte objecti. Quando conditio dicitur se tenere ex parte actus, non significatur esse in appetitu alicujus actum formalem, sed solum talem in eo repetiri dispositionem, ratione cujus præbeat fundamentum hic & nunc interpretandi, quod si poneretur conditio, daretur revera formalis appetitus hujusmodi objecti ; sicut v.g. si dicerem : *Ego vellem venari, si hoc liceret Clerico* : per hunc modum loquendi, non designare me habere actu volitionem circa venationem, sed potius significarem me illam habiturum, supposito quod ea liceret Clerico. Cum verò conditio se tenet ex parte objecti tantum, non verò ex parte actus, significatur actum illum non esse suspensum, sed formaliter existerre in voluntate quamvis non sortiatur suum effectum, nisi dependenter ab aliqua conditione, ex parte objecti se tenente, sicut si dicerem : *Volo quod si Petrus veniat cras in domum, prædeat mecum* : significaretur actualis & formalis volitio prandii, dependens tamen ab aliqua conditione, nimirum ab adventu Petri in domum. Et in hoc sensu ostendimus in Tractatu de scientia Dei, dari in Deo decreta conditionata de rebus conditionate futuris, quamvis multa illorum non fortiantur effectum, quia Deus decrevit absolute non ponere conditionem. His præmissis,

Disp.  
5.  
art. 2

90 in forma ad arguendum respondeo, concessâ Majori, negando Minorem. Ad cujus primam & secundam probationem, ex Aristotele & D. Thoma desumptam, dico ipsos non loqui de impossibili per se, quale est, Angelum esse omnino æqualem Deo, sed de impossibili solum ex suppositione, live per accidens, quale est illud quod afferunt in exemplum, scilicet immortalitas hominis in hac vita, quæ secundum se sumpta, & prout abstrahit à suppositione statûs corruptibilis hujus vitæ ; habet aliquam possibilitatem, bonitatem, & convenientiam, subindeque sic considerata, potest esse voluta, non quidem appetitu efficaci & absoluto, sed inefficaci & conditionato ex parte objecti tantum.

91 Ad tertiam probationem, ex alio D. Thomæ testimonio detumptam, dicendum est, S. Doctorem non loqui ibi de voluntate, seu actu voluntatis, qui sit actu, & sub conditione se tenente præcisè ex parte objecti, sed de actu qui esset, si illud objectum esset possibile, live qui est conditiona-

tus conditione se tenente non solum ex parte objecti, sed etiam ex parte ipsius actus ; quare appellatur à D. Thoma ibidem *velleitas*, quâ aliquis vellet id quod existimat impossibile, sub hac conditione, si possibile esset. Unde ad dictum Augustini respondeo cum Salmaticensis ; illud in ille conditionatum, conditione se tenente ex parte actus voluntatis, & ita non fuisse expressionem alicujus actus quæ de facto habuerit, sed quem habuisset, si tale objectum fuisset possibile. Ad illud quod subjungitur de sanctis viris, Deum amore infinito diligere exoptantibus, eodem modo respondendum est : illi siquidem ex ferventissimo amore ita disponuntur, ut merito judicent, quod si esset illis possibile amor in infinitum intentus erga Deum, elicerent ipsum ; sicque dicuntur habere voluntatem conditionatam ex parte actus diligendi Deum amore infinito.

Ad ultimam probationem respondeo com- 92 placentiam illam, quam in nobis interdum de rebus impossibilibus experimur sub conditione tamen quod essent possibiles, vel esse de ipsa cognitione hujusmodi objecti conditionari, vel si sit de objecto, non elici à voluntate, sed ab appetitu sensitivo : quia enim, dum quis per intellectum apprehendit rem aliquam impossibilem, sibi, sub conditione quod esset possibilis, fore convenienter, cogitativa tunc apprehendit illud idem objectum, ad instar alicujus possibili & convenientis, idè potest per talem apprehensionem movere appetitum sensitivum ad eliciendum aliquem actum circa tale objectum ; quia scilicet appetitus sensitivus sequitur simplicem apprehensionem : voluntas autem, cum non moveatur nisi ex præsupposito judicio quod objectum judicetur conveniens, manet tunc suspensa, nec ullum elicit actum formalem.

Neque valet si dicas, impossibile esse quod aliquis delectetur de consideratione alicujus objecti, nisi etiam delectetur de objecto considerato : subindeque si potest esse delectatio de consideratione objecti per se impossibilis, poterit etiam esse de ipsomet objecto. Respondetur enim, Antecedens esse verum de cognitione practica, proponente objectum ut conveniens, scilicet de cognitione speculativa, aut non proponente objectum, ut habens pro tunc convenientiam, ut contingeret in proposito.

Objici tertio : Dæmones & omnes damnati, 94 imò & peccatores gravissimi, odio habent Deum, atque ita velent, volitione absoluta ex parte actus, illum non esse : Sed Deum non esse, est objectum impossibile per se & ex natura rei : Ergo impossibile per se potest appeti, neque Angelus potuit primò peccare, appetendo omnimodam cum Deo aequalitatem, quamvis illa per se & ex natura rei sit impossibilis.

Ad hoc argumentum quoad homines facile 95 responderi potest, hoc odium procedere in illis ex errore, quo ob cæcitate, ex peccato & moribus inordinatis passionum provenientem, judicant objectum illud esse possibile, aut saltem illud sibi proponunt ut conveniens, non consideratâ impossibilitate illius. Verum quoad Dæmones, hæc solutio non videtur habere locum : quia illi per peccatum non amiserunt cognitionem sui comprehensivam, quâ cognoscunt se esse entia per participationem, dependentia ab ente per essentiam, omnino indefectibilibus. Unde posset dici primò, Dæmones non odio habere Deum, nisi

nisi ratione effectuum illis repugnantium, puta ratione poenae ab eo inflictae, aut obligationis ab eo impositae, ad aliquid faciendum vel omittendum; & sic per hoc odium eos non appetere absolutè Deum non esse, sed solum appetere non esse in eo actus liberos à quibus illi effectus proveniunt: non esse autem tales actus liberos in Deo, est solum impossibile per accidens & ex suppositione.

96. Secundò & melius responderi potest, quod Deum appetunt Deum non esse, non per se, sed per accidens, & ratione alterius, quatenus scilicet volunt liberari à miseriis, quod esse nequit, nisi Deo non existente. Omnimoda autem æqualitas cum Deo, si appeteretur ab Angelo, deberet appeti per se: si enim appeteretur ratione alterius, tanquam medium appeteretur, quod non potest esse sine errore, qui nequit esse in Angelo. Et dato quod huiusmodi æqualitas appeteretur ratione alterius, tunc volitio illius ratione cuius appeteretur, esset primum peccatum Angeli, non verò appetitus ipsius æqualitatis.

97. Obijciens ultimò: Ex eo quod Angelus appetat omnimodam cum Deo æqualitatem in natura, non sequitur necessariò ipsum appetere non esse sui: Ergo secunda ratio D. Thomae falso ninitur principio. Consequentia patet, Antecedens autem sic probatur à Vazque. Potest intellectus Angeli considerare bonitatem quae est in æqualitate cum Deo & non considerare non esse ipsius Angeli quod ex ea sequitur, illamque proinde proponere voluntati ut appetendam, & non proponere ut appetendum non esse ipsius Angeli: Ergo voluntas poterit velle æqualitatem cum Deo, quamvis non velit non esse Angeli.

98. Constat: Licet ex omnimoda cum Deo æqualitate sequatur non esse Angeli, tamen non est necessarium ut qui vult antecedens bonae consequentiae, velit etiam consequens expressè & actualiter, si ignoret aut non consideret consequentiam unius ex altero, aut si antecedens non velit absolute, sed tantum sub hac conditione, si stat simul cum opposito consequentis: Ergo idem quod prius.

99. Respondeo negando Antecedens. Ad cuius probationem, nego etiam Antecedens: quia ut intellectus Angeli moveat ejus voluntatem ad appetendam æqualitatem cum Deo, non satis est ipsum considerare secundum se bonitatem quae est in tali æqualitate, sed insuper requiritur quod eam consideret ut sibi convenientem: non potest autem eam sic considerare, quia videt esse impossibilem cum suo esse proprio, subindeque sibi potius disconvenientem, quam convenientem. Ex quo patet responsio ad confirmationem: negandum enim est, quod æqualitas cum Deo in natura, possit videri ut attributa seu conveniens Angelo; eò quod videatur impossibile cum esse illius; quam impossibilitatem non potest Angelus ignorare, vel non considerare. Adde etiam implicare contradictionem. Angelum velle æqualitatem cum Deo, sub hac conditione, si stat simul cum permanentia proprii esse: vellerem æqualitatem cum Deo, ut supponitur, & non veller illam, quia videret manifestè per nullam potentiam fieri posse, ut statet simul cum permanentia proprii esse.

## §. IV.

*Rejiciuntur alia dua sententiae, & vera statuitur.*

Deo secundò: Obiectum excellens circa quod Angelus primò deliquit, non fuit unio hypostatica.

Hac conclusio supponit primò Angelis in via existentibus revelatum fuisse mysterium Incarnationis, saltem quoad substantiam, ut ex Divo Augustino docet S. Thomas 2.2. quæst. 2. art. 7. ad 1. Ratio etiam id suadet: Nam membris intellectibus debita est notitia proprii capitis, ut debitam ipsi reverentiam exhibere valeant: Sed Christus est caput non solum hominum, sed etiam Angelorum, ut docet Divus Thomas 3. p. quæst. 2. art. 4. Ergo illis in via existentibus ejus notitia debuit communicari, subindeque mysterii Incarnationis, saltem quoad substantiam. Quod addo, quia cum Incarnatio Verbi, quantum ad ejus occasionem, dependeat à peccato Angelorum, non fuit congruum eis revelari illius occasionem, ne ante suum peccatum aliquam inde transgressionem conciperent.

Supponitur etiam, Deum imposuisse omnibus Angelis in via existentibus præceptum ut adorarent Christum, & eum tanquam proprium caput ac Dominum recognoscerent. Hoc enim colligitur ex Apostolo ad Hebræos 1. ubi ait: *Et cum iterum introduxit primogenitum in orbem terræ, dixit: Et adorent eum omnes Angeli ejus.* Imò est valde probabile, supposità divina dispositione decernente unionem hypostaticam, ejusque manifestatione factà Angelis in via existentibus eos statim debuisse, ex naturali quadam obligatione Christum ut Deum ac Dominum suum adorare, sequè illi subijcere. His nihilominus positis, adhuc asserimus, primum Diaboli peccatum non fuisse circa unionem hypostaticam.

Probatur primò: Primum Angeli peccatum debuit necessariò esse circa ultimum finem ab eo adipiscendum; cum teste D. Thomae 1.2. quæst. 163. art. 1. prius moveatur appetitus in finem, quam in id quod quaeritur propter finem: Sed unio hypostatica non est finis ultimus Angeli, ab eo acquirendus vel possidendus; neque enim est finis ejus naturalis, ut pater; neque supernaturalis ad quem elevatus fuerit, ut etiam evidens est: Ergo primum Angeli peccatum non fuit circa unionem hypostaticam.

Deinde si Angelus circa unionem hypostaticam primò peccavit, vel peccavit quia eam ut sibi debitam, & naturae suae viribus acquirendam appetiit, vel quia eam homini invidit, vel quia Christo tanquam proprio capiti & domino noluit se subijcere: Sed nullo ex his tribus modis potuit primò peccare: Ergo primum Angeli peccatum non fuit circa unionem hypostaticam. Major patet ex sufficienti inductione, Minor verò probatur, quantum ad singulas partes. Et in primis quòd Angelus non primò peccaverit, appetendo unionem hypostaticam, ut suae naturae debitam, ac propriis viribus acquirendam, videtur certum: quia non potuit Angelus peccare appetendo hoc modo unionem hypostaticam, nisi ex aliquo errore circa illam præcedente, ut constat; qui tamen error præcedere non potuit in Angelo primum ejus peccatum, ut patebit ex dicendis articulo sequenti.

Quòd etiam non primò peccaverit invidendo

Kkk 2 homi-

quia seipso voluit esse contentus. Vel denique, ut dicit Leo Papa Epist. 93. quia naturali excellentiâ malè ulus est. Sed hæc indicant peccasse Angelum, suam beatitudinem naturalem inordinate appetendo: Ergo &c.

112. Probarur secundò conclusio. Cùm superbia sit appetitus inordinatus propriæ excellentiæ, illud obiectum, circa quod Angelus primò peccavit, debet esse valde excellens, ipsi Angelo maximè proprium, & inordinate ab ipso appetitum: Sed tres illæ conditiones magis conveniunt beatitudini naturali Angeli, quàm cuiuscumque alteri bono: Ergo circa illam Angelus primò peccavit. Major patet, Minor verò declaratur, quantum ad singulas partes. Et in primis quod beatitudo naturalis Angeli sit bonum valde excellens, manifestum est: quandoquidem est aggregatum omnium perfectionum naturalium quæ convenire possunt Angelo, ejusque sapientiam, scientiam, potentiam, robur, decorem, & sui ac Dei amorem & contemplationem naturalem includit. Quoddè eadem beatitudo sit bonum Angelo magis proprium, etiam patet: quia est naturaliter Angelo debita; in quo differt à beatitudine supernaturali, quæ illi non debetur connaturaliter, sed solum ex meritis & auxilio gratiæ, subindeque est ab illo quodammodo aliena. Denique quoddè Angelus inordinate illam beatitudinem appetierit, probatur: quia cùm secundum communem sententiam creature intellectuales teneatur in primo instanti perfecti usûs rationis, se ad Deum ut ultimum finem supernaturalem convertere, si illi per fidematurali modo talis finis innotescat; subindeque in primo instanti deliberationis plenè cuiuslibet Angeli instaret præceptum ejusmodi conversionis ad Deum ut auctorem supernaturalem; hoc ipso quoddè Angelus adhæsit propriæ beatitudini naturali, non servatà regulâ prædictæ conversionis in finem supernaturalem, libi à Deo præfixa, inordinate omnino illam appetit. Unde D. Thomas 3. cont. Gent. cap. 10. *Sicut in nobis peccatum est, ex hoc quoddè bona inferiora, scilicet corporis, appetimus absque ordine rationis: ita in diabolo peccatum fuit in hoc quoddè proprium bonum non retulit in divinum bonum.*

113. Neque hinc sequitur, primum Angeli peccatum fuisse puræ omissionis, non verò commissionis, ut ait Suarez. Nam licet non ordinare suam beatitudinem naturalem in supernaturalem, tunc sit puræ quædam ommissio, quando omittitur actus dilectionis ipsius; si tamen non omittatur talis actus, sed verè quis diligat suam beatitudinem naturalem (sicut illum dilexit Angelus in primò suo peccato), tunc etiam si omittatur modus & debita circumstantia talis actus (in hoc consistens quoddè ad beatitudinem supernaturalem debeat ordinari) defectus talis ordinationis, non est peccatum puræ omissionis, sed commissionis.

Ratio huius est, quia ad hoc ut aliquod peccatum sit omissionis puræ, non satis est quoddè omittatur modus sive circumstantia debita alicui actui, sed requiritur insuper quoddè ipse actus omittatur: v.g. licet peccatum puræ omissionis sit non audire ut non celebrare Missam, quando quis ad id tenetur, audire tamen illam absque debita reverentia, ut celebrare absque vestibus sacris, non est peccatum omissionis puræ, sed commissionis sacrilegiæ, aut articulo præcedenti ponderatum est. Cùm ergo Angelus circa beatitudinem naturalem actum dilectionis non omittit, sed tantum modum & mensuram ipsius, eam absque ordinatione in-

A Deum ut finem supernaturalem appetendo, peccato commissionis, non verò puræ omissionis deliquit.

S. V.

Præcipuæ objectiones solvuntur.

CONtra hanc conclusionem obijciunt primò: 114. Obiectum primi peccati Luciferi, fuit aliquid nondum ab illo possessum: unde in Scriptura per verba de futuro explicatur, ut patet ex illo Isaïæ 14. *In calum conscendam, similis ero Altissimo*: item Ezechielis 28. nomine negotiationis insignitur, cùm dicitur Lucifero: *In multitudine negotiationis tue, repleta sunt interiora tua iniquitate, & peccasti*; negotiatio autem non terminatur ad obiectum actû possessum, sed possidendum: Atqui beatitudo naturalis possidebatur à Lucifero, dum peccavit; cum ea liquidem à Deo creatus est: Ergo obiectum primi peccati Luciferi, non fuit beatitudo naturalis illius.

Confirmatur ex Anselmo suprâ relato, dicente Diabolum appetuisse id ad quod pervenisset, si stetit: Sed non pervenisset ad beatitudinem naturalem, cùm illam haberet ante peccatum: Ergo illam inordinate non appetiit.

Ad objectionem respondeo distinguendo Majorem: fuit aliquid nondum possessum, materialiter, sive quoad entitatem, nego: formaliter, sive quoad rationem formalem, secundum quam ex modo volendi apparebatur, concedo. Similiter distinguo Minorem: beatitudo naturalis ab Angelo cùm peccavit possidebatur, materialiter & quoad entitatem, concedo: formaliter sive quoad rationem formalem secundum quam apparebatur, nego: non enim erat actû habita quoad rationem finis ultimi & perfectæ satisfacti; secundum quam tamen rationem ex modo appetendi Angelus tendebat in beatitudinem naturalem, eo ipso quoddè illam apparebat sine subordinatione ad supernaturalem. Unde

Ad confirmationem distinguo Minorem: Si Angelus stetit, non pervenisset ad suam beatitudinem naturalem, præcisè secundum se consideratam, concedo; nam ut rectè dicitur in objectione, illam sic habebat ante peccatum: non pervenisset ad suam beatitudinem naturalem, ut inamissibiliter possidendam, & ut subordinatam beatitudini supernaturali, nego: illam enim ante suum primum peccatum sub hac ratione non possidebat; quandoquidem poterat illam amittere, ac ordinationem ipsius in finem supernaturalem omittere, sicut de facto omisit: unde primum peccando, potuit illam sic consideratam habere pro obiecto sui peccati.

Obijciunt secundò: Si Diabolus peccasset, quiescendo in sua beatitudine naturali, tanquam in fine ultimo, & eam non ordinando ad supernaturalem, peccatum illius non fuisset superbiæ, sed pusillanimitatis: At hoc dici nequit: Ergo nec illud. Sequela Majoris probatur: Quiescere in minori: recusando tendere ad magna, propriæ virtutis vel à Deo acceptæ commensurata, pertinet ad pusillanimitatem, ut docet S. Thomas 2.2. quæst. 133. art. 1. Atqui beatitudo supernaturalis commensuratur divini gratiæ omnibus Angelis concessæ: Ergo si Angelus primò peccavit recusando beatitudinem supernaturalem, & quiescendo in naturali, ejus peccatum fuit pusillanimitatis, non verò superbiæ.

Respondeo negando sequelam Majoris, Ad 118. cujus



cujus probationem dicendum est, pertinere quidem ad pusillanimitatem, velle quiescere in minoribus, magnis relictis, ex terrore excellentiæ illorum: secus verò si ideò relinquantur magna, quia ex modo quo parva appetuntur, despiciuntur, ut contingit in proposito: ideò enim Dæmones, adhærendo beatitudini naturali, reliquerunt supernaturalem; quia ex modo tendendi in naturalem, sine subjectione scilicet ac subordinatione ad supernaturalem, istam deseperunt; quod propriè ad superbiam pertinet. Unde D. Gregorius libro 12. Moralium cap. 7. enumerans quatuor species superbiz (quas etiam refert D. Thomas 2.2. qu. 362. art. 4.) dicit peccatum Angeli esse in quattuor specie, consistente in hoc quòd quis de bonis habitis plus nimis gloriatur, volens illa singulariter possidere, spreto aliis, nempe beatitudine supernaturali, & aliis bonis ejusdem ordinis.

119. Obijciunt tertio: Circa objectum, quod voluntas diligit necessariò quoad specificationem & exercitium, non potest esse actus inordinatus & peccaminosus: Atqui beatitudo naturalis diligitur ab Angelo necessariò quoad specificationem & exercitium: Ergo illa non potuit esse objectum primi peccati Angelorum. Major probatur: quia actus moraliter malus debet esse liber.

Confirmatur: Amor quo Angelus in secundo instanti diligebat suam beatitudinem naturalem, fuit idem qui in primo: cum sit necessarius quoad exercitium: Sed in primo non fuit inordinatus, nec peccaminosus: Ergo nec in secundo.

120. Respondet ex Ferrariensi 3. cont. Gent. cap. 119. distinguendo Majorem: sub ea ratione sub qua diligitur omnino necessariò, concedo: sub alia ratione sub qua diligitur liberè, nego. Quamvis autem beatitudo naturalis, absolutè & secundùm se considerata, sit objectum omnino necessariò ab Angelo dilectum, ut subordinata tamen, vel non subordinata beatitudini supernaturali, liberè ab eo diligitur: & ideò licet non possit Angelus peccare in dilectione illius, absolutè & secundùm se considerata, bene tamen in dilectione illius ut non relatæ ad suam supernaturalem. Neque verò est inconueniens, quòd circa idem objectum, diversimodè consideratum, idem actus possit esse necessarius & liber: nam Christus Dominus circa ipsum Deum amandum secundùm se non erat liber, sed necessitabatur ex visione Beatificæ; licet circa eundem Deum, ut erat ratio diligendi creaturas, esset liber: cum per talem actum mereretur, sicut in Tractatu de Incarnatione docetur. Unde

121. Ad confirmationem dico, amorem quo Angelus in secundo instanti diligebat suam beatitudinem naturalem, fuisse eundem physicè & substantialiter ac in primo, non tamen moraliter ac modaliter: nam illi in secundo instanti advenit modus libertatis, quatenus in illo instanti poterat referre vel non referre suam beatitudinem naturalem in supernaturalem.

122. Obijciunt ultimò: Angelus non potest peccare per se primò, immediatè, & directè contra finem naturalem, sed tantùm indirectè, secundariò, & ex consequenti, peccando scilicet directè, immediatè, & per se primò, contra finem supernaturalem, ut suprà ostensum est: Ergo primum peccatum illius; fuit circa finem & beatitudinem supernaturalem, non verò circa naturalem.

123. Sed nego Consequentiam: quamvis enim ponatur Angelum primò peccasse, appetendo inordinatè beatitudinem tantùm naturalem, modo à nobis explicato, adhuc salvatur ipsum per se pri-

mò & immediatè peccasse contra præceptum supernaturale, quo prohibebatur amor beatitudinis naturalis, sine ordinatione ad supernaturalem: unde cum transgressio præcepti supernaturalis, obligantis sub morali, sit etiam aversio à Deo ut ultimo fine supernaturali, magis directè quàm à naturali, salvatur etiam Angelum prius fuisse aversum à Deo, ut ultimo fine supernaturali, quàm ab illo ut ultimo fine naturali.

Ex dictis faciliè intelliges, quomodo Angelus voluerit esse ut Deus, non per equiparantiam, sed per similitudinem proportionalem: sicut enim Deus in seipso propriam habet beatitudinem naturaliter, ita Angelus ex modo appetendi suam beatitudinem naturalem, voluit in seipso naturaliter habere ultimum finem, ac sibi sufficere ad suam felicitatem, & ut loquitur D. Bernardus suprà relatæ, seipso voluit esse contentus.

## §. VI.

### Statuitur ultima Conclusio.

Dico ultimò: Primum Angeli peccatum, nec fuit, nec esse potuit, appetitus expressus & formalis beatitudinis supernaturalis, ut acquirendæ viribus naturæ, & sine auxilio gratiæ, bene tamen appetitus virtualis & interpretativus illius.

- Primam partem probatur: Talis volitio supponit errorem ex parte intellectus; supponit enim hoc iudicium erroneum: potest acquiri beatitudo supernaturalis, ex viribus naturæ, ac sine meritis, & auxiliis gratiæ, quod est hæresis Pelagii: Sed error non potuit esse in Angelo ante peccatum, ut patebit articulo sequenti: Ergo nec talis volitio.

Confirmatur: Vel ille appetitus fuisset efficax, vel inefficax? Neutrum dici potest: Ergo &c. Minor quantum ad primam partem est evidens: nam volitio efficax beatitudinis supernaturalis, involvit, saltem virtualiter, volitionem mediourum ad illam consequendam necessariorum; media verò necessaria ad consecutionem beatitudinis supernaturalis, sunt vires supernaturales, & auxilia divini gratiæ. Probatur verò quantum ad secundam: quis ut ostensum est suprà, agendo de appetitu æqualitatis Dei, Angelus in primo peccato non potuit solum peccare ex inefficaci appetitu, sed ex aliquo sine efficaciter intento, & cuius gratiæ cætera appetentur; & de facto peccavit appetendo aliquid quod a sequi tentavit, non circa quod in effectum tantum complacentiæ elanguit, ut ibidem monstravimus: unde omnia quæ diximus circa inefficacem appetitum æqualitatis divini, currunt hic contra inefficacem appetitum supernaturalis beatitudinis.

Secunda etiam pars suadet: Nam D. Thomas perpetuò docet, Angelum reculasse habere beatitudinem supernaturalem ex gratia & beneficio Dei. Hoc potissimum docet articulo tertio huius questionis, ubi inquit: *In hoc appetit esse similia Deo, quia appetit ut finem ultimum beatitudinis, id ad quod virtute sue nature poterat pervenire, averrens suum appetitum à beatitudine supernaturali, quæ est ex gratia Dei: id est, reculans beatitudinem supernaturalem; quia est ex gratia: reculans autem beatitudinem supernaturalem, quia est ex gratia, non esset consequenda ex gratia: quoniam ex timore superbiz despiciat aliquod magnum bonum, ex eo quòd videt non posse haberi nisi beneficio alieno, tacite insinuat quòd si posset habere independentem ab alterius gratia, illud libenter ap-*



peteret. Unde quāto S. Doctor post verba re-

§. I.

lata subdit: *Velfi appetit ut ultimum finem illum Dei finititudinem qua datur ex gratia, voluit hoc habere per virtutem suam naturae, non ex divino auxilio secundum dispositionem: non loquitur de volitione formali & expressa beatitudinis supernaturalis, sed de virtuali tantum & interpretativa. Eodem modo intelligi & explicari debet id quod docet quæst. 16. de malo art. 2. ad 4. & art. 3. in corp. nempe Angelum peccasse ex eo quod beatitudinem supernaturalem consequi voluit, per virtutem suam naturae, & sine auxilio gratiae; quod etiam repetit in 2. dist. 5. quæst. 1. art. 2. Licet enim hæc testimonia significare videantur, fuisse in Angelo intentum consequendi positivè gloriam sine gratia, tamen revera non sunt intelligenda de intento positivè consecutionis formaliter, sed solum virtualiter & indirectè, ita ut reculaverit illum habere ex gratia; quod est virtualiter velle illum, si non esset ex gratia: aliàs enim esset contradictio in D. Thoma, negante in Angelo errorem speculativum ex una parte, ut patet in hac quaestione art. 1. ad 4. & supra quæst. 58. art. 5. & quæst. 16. de malo art. 6. & alibi sæpè; & ex alia concedente in illo volitionem expressam & formalem acquirendi beatitudinem supernaturalem ex viribus naturae, & sine auxilio gratiae; quæ volitio, ut ostendimus, errorem in intellectu necessariò supponit.*

128 Dices: Primum Angeli peccatum debet esse actus se habens per modum volitionis & consecutionis, non verò per modum recessus & fugæ: Sed reculere beatitudinem supernaturalem, ut habendam ex gratia & beneficio Dei, est actus se habens per modum fugæ & recessus ut patet: Ergo in eo primum Angeli peccatum nequit consistere, subindeque nec in virtuali volitione assequendi beatitudinem sine gratia.

Respondeo nos in primo Angeli peccato non assignare solam illam fugam & recusationem beatitudinis supernaturalem, ut habendam ex gratia. Non enim debet separari in Angelis recusatō beatitudinis supernaturalis, à voluntate manendi & quiescendi in sua naturali felicitate seu excellentia: quia sicut homo peccans appetitum rerum sensibilibus, simul recusat spiritalia & superiora bona, licet vellet ea habere sine labore, & non carendo fruitione rerum sensibilibus; ita etiam Angelus simul & eodem actu superbiæ recusat beatitudinem supernaturalem, ut acquirendam ex gratia & meritis, & adhæsit suæ naturali felicitati, ut suo ultimo fini, non ordinando illam in supernaturalem, ut antea explicatum est.

#### ARTICULVS IV.

*Quā viā peccatum in Angelorum mentes irrepserit?*

Angelos peccasse, idque inordinato propriæ excellentiæ & naturalis beatitudinis appetitu, sufficienter constat ex dictis: sed quæ fuerit illis causa peccandi, quā viā in eorum mentes virus hoc irrepserit, seu quæ fuerit secreta illa rima, quæ tanto malo aditum aperuerit, ænigma est obscurissimum, & ferè penitus inextricabile, humana sapientia incognitum, vixque ipsis Angelorum mentibus pervium. Ut tamen aliquis ejus notitia haberi possit, quædam breviter hic præmittenda sunt,

*Præmittenda ad resolutionem quaestionis.*

Suppono primo ex Tractatu de peccatis, quod omnis defectus voluntatis, provenit ex aliquo defectu intellectus proportionato ipsi defectui voluntatis, propter summam connexionem & dependentiam voluntatis ab intellectu, tam in esse, quàm in operari; quæ tanta est, ut ipsa voluntas emanet ab essentia, mediante intellectu, & nihil operetur nisi circa objectum sibi propositum, & ab ipso cognitum: propterea communiter dicitur, quod voluntas est potentia cæca, sequens ductum rationis, sive quod est appetitus rationis vel intellectualis; quia scilicet ejus objectum est bonum cognitum ab intellectu. Cum ergo peccatum sit aliquis defectus voluntatis, necessariò præsupponit aliquem defectum ex parte intellectus, vel ignorantiam, vel erroris, vel inconsiderationis. Unde Proverb. 14. dicitur: *Errant qui operantur malum: & sæpe in Scriptura, peccatum, stultitia vel ignorantia appellatur. Et hinc ortum est commune illud axioma, Omnis peccatus est ignorans, quod non debet intelligi de ignorantia speculativa, sed practica, & opposita dictamini prudentiæ. Hinc etiam Aristoteles 6. Ethic. docet, quod non potest esse* C peccatum in voluntate, existente in intellectu rectā prudentiā, hoc est rectā cognitione practica. Et D. Thomas quæst. 1. de virtut. art. 6. ad 1. *Ad prudentiam, inquit, pertinet judicare de singulis agibilibus, prout sunt nunc agenda; quod quidem iudicium corrumpitur per quodlibet peccatum; & ideo prudentiā manente homo non peccat.*

Neque huic suppositioni contrariatur quidam articulus Parisiensis, in quo dicitur: *Intellectu existente in apice rationis, potest voluntas in oppositum: hoc enim, ut interpretatur Cajetanus 1.2. quæst. 77. art. 2. intelligendum est de intellectu existente in apice rationis, quoad universalia principia, non autem quoad particularia, vel quoad universalia & particularia in habitu, non in actu; vel de intellectu existente in apice rationis speculativè tantum, non practicè; vel denique de intellectu stante in apice rationis, per modum consilii, non per modum imperii.*

Suppono secundò ex eodem Tractatu, quatuor defectus in intellectu hominis vel Angeli reperiiri, vel saltè excogitari posse. Primus omni intellectu creato & creabili communis est, & vocari solet *nescientia*, quæ est carentia cognitionis ejus quod quis non tenetur scire; unde ille non potest esse causa peccati. Secundus est ignorantia, quæ est privatio cognitionis habitus & actualis eorum quæ quis tenetur scire; quare potest esse causa peccati, si sit vincibilis, ut docet S. Thomas 1.2. quæst. 76. art. 2. Dixi *habituali & actuali*, quia si quis actu sciat aliquid, licet non sciat ex habitu, non potest dici ignorans: similiter si quis sciat aliquid habitu, licet actu non consideret, non dicitur ignorans, sed inconsideratus. Tertius est positivus error intellectus, consistens in falso de re aliqua iudicio. Quartus denique est defectus considerationis, sive inconsideratio; & hæc duplex est, una negativa, dicens carentiam actualis considerationis, quando quis non tenetur actualiter attendere; altera privativa, eandem carentiam involvens, sed pro illa differentia temporis in qua tenebatur intellectus actualiter considerare. Quæritur ergo, quins ex tribus ultimis

mis defectibus primum Angeli peccatum præcessit, an ignorantia, vel error, aut inconsideratio? pura enim nescientia non potest esse causa peccati, ut dictum est.

## §. II.

*Resolutio difficultatis propositæ.*

**D**ico igitur, primum Angeli peccatum non provenire ex ignorantia, vel ex errore, sed solum ex inadvertentia, seu inconsideratione. Ita D. Thomas 3. cont. Gent. cap. 110. ad 1. quæst. 16. de malo art. 2. ad 4. & hic art. 1. ad 4. & commentum Theologi contra Egidium & Pefantium, quos refert Nazarius.

133. Probatur prima pars: Angelus à principio suæ creationis habuit scientiam rerum omnium, tam naturalium, quam moralium, nec non revelationem & fidem eorum omnium, quæ ad honestè operandum in ordine supernaturali necessaria erant: Ergo non potuit ex ignorantia aliqua primum peccare. Consequentia patet: ignorantia enim alicujus objecti, non potest compari in aliquo intellectu, cum perfectâ scientia, aut fide, & revelatione illius. Antecedens verò probatum manet ex dictis disp. 6. art. 3. ubi ostendimus intellectum angelicum, ratione sui excessum in gradu immaterialitatis, in hoc differre à nostro, quod intellectus noster secundum se, & initio suæ productionis est in pura potentia, respectu omnium intelligibilium, etiam naturalium, caretque scientiâ habituali ipsorum: at verò intellectus Angeli habet congenitam scientiam habituale illorum omnino perfectam, & habitualiter extensam ad illa, nec non revelationem & fidem eorum omnium, quæ ad honestè operandum in ordine supernaturali requiruntur: unde Ezechiel. 28. Lucifer dicitur plenus sapientiâ, & perfectus decore, à die conditionis suæ, ut ibidè ponderavimus.

134. Ex hoc probata manet secunda pars conclusionis: Nam ut discuitur S. Thomas quæst. 16. de Dæmonibus art. 6. falsa opinio, siue error, est quædam defectiva operatio intellectus, sicut partus monstruosus est quædam defectiva operatio naturæ; defectiva autem operatio semper procedit ex defectu alicujus principii, sicut ex aliquo defectu seminis procedit monstruositas partus: At si Angelus à principio suæ creationis habeat scientiam rerum omnium naturalium, & revelationem eorum omnium, quæ ad honestè operandum in ordine supernaturali requiruntur, non habet defectum alicujus principii cognoscendi, ut manifestum est; cum hac enim scientia & revelatione aliquis defectus in principii cognoscendi objecta naturalia vel supernaturalia coherere nequit: Ergo si habet scientiam rerum naturalium, & revelationem supernaturalium &c. ante primum ejus peccatum, error, seu falsum judicium de aliquo objecto, in ejus intellectu reperiri nequit.

135. Confirmatur primò specialiter quoad errorem circa objecta supernaturalia. Duobus tantum modis concipere possumus Angelum errare circa objecta supernaturalia: vel judicando hæreticè falsa esse, quæ à Deo revelata sunt: vel judicando de illis aliquid, quod non est illi revelatum à Deo, nec per evidentem consequentiam ex revelatis deductum: Sed neutro modo potuit primum peccatum Angeli provenire ex errore: Ergo nullo modo. Major est certa. Minor probatur primò quoad primam partem: quia sicut

actus credendi præsupponit piam affectionem voluntatis applicantis ad fidem, ita judicium hæreticum, vel infidele, præsupponit malam voluntatem applicantem ad illud: Ergo præsupponit peccatum (voluntas enim applicans ad judicium hæreticum non potest non esse peccatum) quod tamen adhuc non potest esse primum in Angelis, quia, ut supra vidimus, primum Angelorum peccatum, debet necessariò esse actus prosecutionis finis ultimi: Ergo multò minùs illud judicium hæreticum, erit primum Angelorum peccatum. Et ex his probatur etiam Minor quoad secundam partem: quia etiam secundum judicium de objectis supernaturalibus, fieri non potest absque aliquo peccato temeritatis voluntatis, applicantis intellectum ad judicium de objecto superexcedenti, sine sufficienti fundamento. Unde D. Thomas loco citato ait: *In bono Angelo potest quidem respectu hujusmodi cognoscibilium (scilicet ordinis supernaturalis) esse defectus, sed simpliciter negationis, secundum quod Dionysius dicit cap. 7. Ecclesiastica Hierarchia, quod à nescientia purgantur. Non autem potest in eis esse defectus falsæ opinionis: quia cum voluntas eorum sit ordinata, non applicant intellectum suum ad judicandum de illis, quæ cognitionem eorum excedunt. Sed in malis Angelis, propter inordinatam & superbam voluntatem, potest esse respectu hujusmodi cognoscibilium, etiam defectus falsæ opinionis, in quantum exhibent presumptuosè suum intellectum, ad judicandum de his, quæ eos excedunt.*

Probatur rursus eadem secunda pars conclusionis: Sicut sensus non decipitur per se, sed solum per accidens, circa sensibile proprium, ita intellectus semper est verus, per se loquendo, circa proprium objectum; & ad summum decipitur per accidens, propter passionem insurgentem, aut actum vel habitum vitiosum, ratione quorum perturbatur; vel ab aliquo inferiori, puta phantasia, aut hujusmodi: Sed in Angelis nullæ sunt passiones, nec ante primum peccatum fuit aliquis habitus aut actus vitiosus, ut patet; nec denique potentia inferiores sensitivæ, à quibus obscuraretur vel perturbaretur eorum intellectus: Ergo ante primum peccatum, nullus potuit esse error in intellectu angelico.

Confirmatur: Error intellectus est malum quoddam grave naturæ rationalis: Sed non culpæ, nisi sit voluntarius, ac proinde præsupponit malum affectum voluntatis: Ergo peccat: Sed malum peccatæ supponit culpam: Ergo error non potuit reperiri in intellectu Angeli, ante primam ejus culpam.

Quod potest ampliùs confirmari ex Augustino lib. 3. de libero arbitrio, cap. 24. ubi sic ait: *Approbare vera pro falsis, non est natura instituti hominis, sed pena damnati*: Ergo multò minus est natura instituti Angeli, sed pena damnati; ac proinde non potest convenire Angelo ante peccatum.

Ex dictis hætenus probata manet ultima pars conclusionis: si enim ex una parte debuit necessariò præcedere aliquis defectus intellectualis, ut in prima suppositione monstravim⁹, & fusi⁹ in Tractatu de peccatis ostendimus: ex alia verò parte talis defectus non fuerit ignorantia, vel error, ut patet ex probatione primæ & secundæ partis conclusionis: cum nullus alius defectus intellectualis super sit, præter inconsiderationem privativā, necessariò sequitur eam in Angelis fuisse causam peccati, ac secretam illam causam, per quam

quam in illorum mentes virus hoc intravit. Unde D. Thomas quæst. 16. de malo art. 2. ad 4. *Semper in peccato defectus intellectus, vel rationis, & voluntatis proportionabiliter se comitantur: unde non oportet ponere in primo peccato Daemonis talem defectum intellectus, ut aliquid falsum existimaverit, puta aliquod malum esse bonum, sed in hoc quod defecit ab apprehensione sue regule & ordinis ejus.*

139. Confirmatur & explicatur amplius hæc pars ex doctrina ejusdem S. Doctoris quæst. 1. de malo art. 3. ubi hæc scribit: *Hoc ipsum quod non est attendere actum ad talem regulam (scilicet rationis) in se consideratam, non est malum, nec culpa, nec pena, quia anima non tenetur nec potest attendere ad hujusmodi regulam semper in actu. Sed ex hoc accipit primò rationem culpe, quod sine actuali consideratione regula procedit ad hujusmodi electionem. Sicut artifex non peccat in eo quod non semper tenet mensuram, sed ex hoc quod non tenens mensuram, procedit ad incidendum. Similiter etiam Angelus non peccavit ex eo præcisè quod non consideravit legem divinam, prohibentem amare beatitudinem naturalem, absque ordine & relatione in Deum ut authorem & finem supernaturalem, sed ex eo quod absque consideratione hujus regulæ & præcepti, beatitudinem illam adamavit, & in ea nimium sibi complacuit: unde tota malitia peccati Angelorum, refundenda est in inconsiderationem, seu potius in iudicium inconsideratum, quod prius est in genere causæ formalis ipsa electione mala, & quodammodo posterius in genere causæ efficientis, ut ex solutione argumentorum patebit.*

### S. III.

#### Solutio objectionum.

140. Obijciunt primò contra secundam partem conclusionis: D. Thomas in 2. ad Annibal. dist. 5. quæst. 1. art. 1. ad 1. ait: *Circa iudicium eligibilium in Angelo error esse potuit, quamvis non circa absolutam cognitionem eorum ad quæ naturalis cognitio se extendit.*

Respondeo S. Doctorem non loqui ibi de errore formali, sed solum de virtuali & interpretativo, qui in inconsideratione privativa consistit, ut clarè se explicat ibidem, dicens: *Intellectus Angeli licet in eligendis non possit ligare passionem, sicut in nobis accidit, potest tamen impediri à recto iudicio eligibilis, per omissionem aliquorum quæ consideranda sunt.*

141. Obijciunt secundò contra eandem partem: Si in Angelis non potuissent esse error ante primum peccatum, maxime quia est malum pœnæ, & sic nequit antecedere culpam: S. hæc ratio nulla est: Ergo &c. Minor probatur: quia inconsideratio est malum quoddam naturæ angelicæ, & nihilominus admittitur ante culpam.

Respondeo concessa Majori, negando Minorem. Ad cujus probationem dico, inconsiderationem, præcisè & secundum se sumptam, non habere rationem mali respectu naturæ angelicæ; nam juxta naturalem ejus conditionem est, quod non semper sit in actuali & omnino perfecta consideratione omnium rerum: unde hujusmodi inconsideratio solum habet rationem cuiusdam nudæ & puræ negationis; eo proportionali modo quo limitatio in creaturis, secundum se & præcisè sumpta, non habet rationem mali, sed est juxta naturalem conditionem earumdem creaturarum, habetque rationem nudæ

& puræ negationis respectu illarum. At verò error habet rationem mali propriè dicti, respectu naturæ angelicæ, quia est dispositio quædam positiva & disconveniens naturæ perfectè intellectuali; & propterea error qui secundum se est malum pœnæ, respectu prædictæ naturæ perfectæ, non potest esse ante malum culpe, & independentè ab eo; bene tamen prædicta inconsideratio secundum se & præcisè sumpta. Dico, secundum se, & præcisè sumpta: nam si consideretur secundum id quod aliunde habet, nempe ut est voluntaria, seu quatenus habens illam inconsiderationem, vult cum ea procedere ad opus, ad quod rectè exequendum requiritur inconsideratio, planum est illam non esse purè negationem, sed privationem, habereque rationem mali: verum tunc supponit in aliquo genere causæ peccatum voluntatis; & ita malum hoc non est ante primum peccatum, ut magis patebit ex infra dicendis.

Obijciunt tertio contra tertiam partem conclusionis: Juxta SS. Patres Angelus peccavit ex malitia; unde non est admittus ad pœnitentiam; sicut est admittus homo, quia peccavit ex infirmitate: Sed peccare ex malitia, non est peccare ex inconsideratione, sed potius ex plena deliberatione & consideratione; quia inconsideratio potius reduciat ad peccatum ignorantie & infirmitatis, quàm ad peccatum malitiæ: Ergo primum Angeli peccatum ex inconsideratione non processit: maxime cum ex Scriptura constet, Luciferum, ejusque sequaces, à bonis Angelis, & præsertim à Michaële dicente: *Quis ut Deus fuisse admonitis de his quæ considerare debebant, scilicet divinam similitudinem non esse superbi appetendam.*

Confirmatur: Eadem videtur esse ratio de primo peccato Angelorum, ac de peccato primorum parentum: Sed primi parentes non peccaverunt ex inconsideratione: Ergo nec Angeli. Minor probatur: nam Eva fuit admonita de præcepto divino, cum serpense dixit: *Cur præcepit vobis Deus, &c.* Adam verò non fuit seductus, ut dicitur 1. ad Timotheum 2.

Ad objectionem respondeo SS. Patres velle, ex eo peccatum hominis esse magis veniè dignum quàm peccatum Angelorum, quia licet utrumque processerit ex inconsideratione, inconsideratio tamen hominis non oriebatur ex pura malitia, sicut inconsideratio Angelorum, quatenus mala, sed ex infirmitate carnis cum ipso congenita. Ita formaliter D. Gregorius lib. 4. Moralium cap. 9. *Dua (inquit) ad intelligendum creaturas Deus fecerat, angelicam videlicet & humanam: utramque, verò superbia percussit; sed una regmen carnis habuit, alia verò nihil infirmum de carne gestavit: misertus ergo Creator, illam ad se debuit reducere, quam in perperatione culpe, ex infirmitate aliquid constat habuisse; & eò amplius debuit apostatam Angelum repellere, quo cum à persistendi fortitudine corruit, nihil infirmum ex carne gestavit.* Item lib. 9. cap. 28. *Angelorum (inquit) Spiritus idcirco irremissibiliter peccaverunt, quia tanto robustius stare poterant, quanto eos carnis commixtio non tenebat. Homo vero idcirco post culpam veniam meruit, quia per carnale corpus aliquid, quo seipso minor esset, accepit.*

Ad illud quod addit ex Scriptura dico, quod admonitio facta per Michaëlem & bonos Angelos, cum fuerit facta post visam superbiam & resistentiam malorum, fuit posterior, saltem naturā, peccato ipsorum; unde illa non potuit

impedire quòd mali Angeli ex inconsideratione peccarent; maxime quia ex vi hujus admonitionis solum habuerunt considerationem speculativam, non autem practicam & imperativam, quæ erat necessaria ad cõtinendam voluntatem.

146. Ad confirmationem, datâ Majori, nego; Minorem. Ad cuius probationem dicendum est, quòd licet Eva, diabolo proponente, consideraverit præceptum divinum; tamen cum ad Dei similitudinem à Dæmone propositam, per scientiam boni & mali consequendam, inclinauit affectum, præcepti considerationem abiecit, & ita divinam appetendo similitudinem, cum tali inconsideratione peccavit. Adam verò dicitur non fuisse seductus, quia non fuit primò seductus in universali, sed tantum in particulari eligibili, ut explicat S. Thomas supra caput citatum Apostoli lect. 3. his verbis: *Seductio autem duplex est, scilicet in universali, & particulari eligibili, quæ est ignorantia electionis. Quicumque ergo peccat, seductus est ignorantia electionis in particulari eligibili: mulier autem fuit seducta, ignorantia in universali, quando scilicet credidit quod serpens dixit; sed vir non credidit hoc, sed deceptus fuit in particulari, scilicet quòd gerendus esset mos uxori, & cum ea comedere deberet; & in expertus divine severitatis, credidit quòd facile ei remitteretur.*

147. Obijciunt ultimò: Si primum Angelorum peccatum, ex inconsideratione, seu iudicio inconsiderato procederet, tale iudicium deberet esse culpabile, subindeq; voluntarium, ut constaret: Sed non fuit culpabile nec voluntarium: Ergo ex illo non processit primum peccatum Angelorum. Probat Minor: Vel enim esset culpabile & voluntarium, per illum actum voluntatis quem regulat, & in quo consistit primum peccatum Angelorum, vel per alium actum priorem. Neutrum dici potest: Ergo &c. Probat Minor quoad primum: Tum quia cum omnis regula sit prior mensurato, iudicium illud debuit actum voluntatis quem regulat, & in quo consistit primum Angelorum peccatum, præcedere; atque adeò non fuit voluntarium per illum actum; Tum etiam, quia non salvaretur quòd quilibet defectus voluntatis oriatur ex aliquo priori defectu intellectus; nam si iudicium illud inconsideratum, fuisset malum & culpabile, per illum actum voluntatis quem regulabat, non ipse intellectus, sed potius voluntas fuisset prima radix defectus, tam sui ipsius, quam intellectus. Probat eadem Minor quoad secundum: quia prior ille actus, per quem tale iudicium esset culpabile, debuisset esse etiam regulatus per aliud iudicium inconsideratum; de quo idem posset fieri argumentum, & sic in infinitum. Sequitur ergo primum Angelorum peccatum, ex inconsideratione seu iudicio inconsiderato procedere non potuisse.

148. Huic difficili argumento respondent communiter nostri Thomistæ, iudicium illud inconsideratum, esse voluntarium & culpabile, per ipsum actum voluntatis quem regulat; ita ut iudicium antecedit in genere causæ formalis extrinsecæ & regulativæ, subsequatur verò in genere causæ efficientis: quia dicunt voluntatem Angeli per primam volitionem malam applicare & movere quantum ad exercitium intellectum, ad iudicium inconsideratum, & è contra intellectum per tale iudicium movere voluntatem quoad specificationem; subindeq; hoc adhuc posito salvati, quòd quilibet defectus vo-

luntatis oriatur ex aliquo defectu intellectus, priori in genere causæ formalis extrinsecæ & objectivæ, quamvis non simpliciter & in omni genere.

Verum nisi hæc solutio magis explicetur, satis graves patitur difficultates. Quamvis enim certum sit, voluntatem movere intellectum, quantum ad exercitium, & moveri ab ipso quoad specificationem; non videtur tamen possibile, primam volitionem malam Angelorum, potuisse dependere, & esse posteriori iudicio inconsiderato, etiam in genere causæ formalis extrinsecæ, si tale iudicium fuit ab illa in genere causæ efficientis: quia causa efficiens, naturâ saltem, præsupponit suo effectui ut existens, & consequenter extra omnem modum dependentiæ & causalitatis. Deinde iudicium regulans actum voluntatis, concurret ad illum in genere causæ efficientis, saltem moralis, secundum omnes, imò & physicæ, juxta Cajetanum, & plures alios ex nostris Thomistis: Sed implicat aliquid esse causam & effectum, prius & posterius respectu ejusdem, in eodem saltem genere causæ: Ergo tale iudicium non potest dependere, & esse posterius actui voluntatis quem regulat, in genere causæ efficientis.

Has tamen instantias solvere faciliè poteris, dicendo quòd licet repugnet causam efficientem dependere in genere causæ efficientis, aut etiam formalis, à suo effectui, secundum illam rationem secundum quam efficitur ab ea, ut probat utrumq; argumentum: nullum tamen est inconveniens, quòd aliquid sit causa efficiens alterius, secundum unam rationem, & quòd ab eodem secundum aliam rationem dependeat in quocumq; genere causæ: quia tunc non verificatur aliquid esse causam & effectum prius & posterius, respectu ejusdem. Sic autem contingit in proposito: nam illud iudicium inconsideratum habet & quòd sit cognitio ad tale objectum terminata, & quòd sit cognitio voluntaria & culpabilis: quatenus voluntaria & culpabilis, ita dependet in genere causæ efficientis à prima volitione mala Angelorum, ut in nullo genere causæ eam ut sic spectata præcedat, quatenus verò est cognitio ad tale objectum terminata, antecedit volitionem malam in genere causæ formalis extrinsecæ, dirigentis & regulantis; eam tamen sub illa ratione non subsequitur in genere causæ efficientis.

Ex dictis in hoc articulo intelliges, unicam tantum esse viam, per quam peccatum in naturam angelicam subintrare potuit, nempe inadvertentiam, seu inconsiderationem: cum tamen triplex in hominem ad peccatum pateat aditus, ignorantia scilicet, infirmitas, & malitia; imò ferè tot pateant viæ, quot sunt sensus aditus, quibus peccatum in animam intrat, & intra secretiora cordis illabitur. Per quinque enim corporis sensus (inquit Bernardus) velut per quinque portas, visum scilicet, auditum, gustum, odoratum, & tactum, sagittis suis nos vulnerat, & mors intrat in animam nostram. Respicit oculus, & mentis sensum avertit. Auris audit, & intentionem cordis insinuat. Odoratus cogitationem impedit. Os loquitur, & fallit. Per tactum ardor libidinis pro aliqua parva occasione excutitur, & nisi illico respuatur, subito totum corpus occupat, urit, & incendit. Præterea caro suggerit molliamundus vana, diabolus amara. Hæc quot ad peccandum irritamenta! quot laquei! quot viæ! undiq; tentamenta, undiq; pericula; quocumq; me verream, nulla est securitas.



## ARTICULUS V.

*Utrum Angelus in primo instanti suae creationis peccare potuerit?*

## §. I.

*Præmittitur quod apud omnes est certum, & re-feruntur sententia.*

1. **A**ngelum in primo instanti creationis non peccasse, ita certum est apud Scholasticos, ut D. Thomas quæst. 6. de Dæmonibus art. 4. & in 2. dist. 3. quæst. 1. art. 1. & hic art. 5. dicat contrarium opinionem fuisse reprobam ab omnibus Magistris tunc Patris Legentibus. Et meritò: aperte enim contradicit sacra Scriptura, in qua habetur Angelos malos fuisse aliquando bonos: v.g. Ezechiel. 18. de Luciferò dicitur: *Perfectus in viis tuis à die conditionis tuæ, inventa est iniquitas in te.* Et Joan. 8. dicitur Diabolum in veritate non sterile: & in canonica Jacobi, malos Angelos non servasse suum principatum. Denique Isaia 14. sub figura principis Babylonis de Diabolo dicitur: *Quando cecidisti de caelo Lucifer, qui mane oriebaris?* Quibus verbis etiam innuitur Luciferum valde manè, & dum oriebatur, è caelo cecidisse: quia immediatè post primum suæ conditionis instantis, in secunda scilicet discreti sui temporis mota, peccavit, ut disputatione præcedenti ostensum est. Unde in Concilio Lateranensi, cap. *firmiter* de summa Trinitate, sic habetur: *Diabolus & alii Dæmones, à Deo quidem naturæ creati sunt boni: sed ipsi per se facti sunt mali.* Et Origenes in homil. in Ezechiel. *Serpens, inquit, non semper fuit serpens, primò quidem à Deo bonus creatus: sed propria voluntatis pravitate Dæmon effectus.* Unde in Concilio Bracarensi 1. damnatur qui dixerit *Diabolum non fuisse prius Angelum bonum à Deo factum.* Deum si Angelus statim initio creationis peccasset, non fuisset in gratia conditus, cum peccatum & gratia, de lege factum Dei ordinaria, simul esse nequeant: Consequens repugnat Scripturæ & SS. Patribus disp. præcedenti art. 2. citatis: Ergo &c. Difficultas ergo solum est, utrum licet de facto Angeli in primo creationis instanti non peccaverint, in eo tamen, taltem de potentia Dei absoluta, peccare potuerint?

133. Partem affirmativam tenet Scotus in 2. dist. 5. quæst. 2. quem ex modernis sequuntur Suarez, Valquez, Molina, Valentia, & alii: negativa verò communis est in Schola D. Thomæ, eamque ex professo docent non solum S. Doctor, & omnes ejus Discipuli, sed etiam plures alii, tum antiqui, ut Alensis, Richardus, Divus Bonaventura, Hugo à S. Victore, tum moderni, ut Arubal, & Granado; quamvis diversis nitantur principiis.

## §. II.

*Conclusio negativa statuitur.*

134. **D**ico igitur: Angelus in primo instanti suæ creationis peccare non potuit.

Probatur primò conclusio ratione D. Thomæ hic art. 5. quæ sic potest proponi. Si Angelus in primo instanti creationis peccaret, tale peccatum Deo ut auctori ac motori speciali tribueretur:

Tom. II.

**A** Sed implicat peccatum Deo attribui: Ergò & Angelum in primo instanti creationis peccare. Minor patet, Major autem sic probatur à D. Thoma. Prima operatio quæ incipit cum ipso esse rei, tribuitur Auctori naturæ ipsius rei: Ergo si Angelus in primo instanti creationis peccaret, tale peccatum Deo ut auctori tribueretur. Consequentia est manifesta, Antecedens verò, in quo est tota difficultas, multipliciter suaderetur. Primò quia idcirco motus gravium & levium ad suum locum naturalem, sive centrum, dicitur inesse eis à generante, quia incipit cum esse illorum, quoribus producuntur extra locum suum naturalem. Secundò probatur exemplo tibie, quæ si nascatur curva, & statim incipiat claudicare, claudicatio reducitur in debilitatem principii generantis. Tertiò, quia idcirco motus cordis in animalibus generanti tribuitur, quia incipit unà cum ipsis animalibus. Ratio autem horum omnium est, quia operatio quæ incipit cum esse rei productæ, est veluti corollarium quoddam sequens ad naturam illius, & ita debet esse à agente dante illi esse: propter quod communiter dici solet, quòd qui dat esse, dat etiam consequentia ad esse, quæ nimirum in primo productionis instanti fiunt.

**C** Adde quòd operatio procedens à natura, secundum inclinationem ab Authore naturæ acceptam, ipsi naturæ auctori debet attribui, v. g. moveri sursum, dicitur inesse igni à generante, quia est secundum inclinationem quam habet à generante ad locum sursum: Sed operatio quæ incipit simul cum esse rei, procedit à natura secundum inclinationem ab auctore naturæ acceptam: Ergo ipsi naturæ auctori debet attribui. Major patet, Minor probatur. Cum res incipit esse, non habet aliam inclinationem & dispositionem, præter illam quam accipit ab auctore naturæ: Ergo si tunc operatur, oportet quòd operetur secundum inclinationem ab auctore naturæ acceptam.

Dices primò: Ignis in eodem instanti quo est, calefacit & illuminat, & tamen generanti non tribuitur illa calefactio & illuminatio: Ergo hæc propositio D. Thomæ: *Operatio quæ incipit cum ipso esse rei, tribuitur auctori ipsius rei*: falsa est, subindeque totus noster discursus, falso nititur principio.

**E** Sed contra: Hæc propositio Divi Thomæ non est intelligenda de omni operatione quæ incipit cum esse rei, sed de illa solum quæ se habet ut principium cæterarum, & constituit ipsam rem generatam in actu primo ad se movendum: & ita calefactio & illuminatio, licet incipiant cum esse ignis, non tamen tribuuntur generanti; sicut nec motus vitales qui sequuntur post motum cordis, etiam si simul tempore sint cum illis; quia hæc non incipiunt tanquam principia requisita ut ignis vel animal constituentur in actu primo, seu in statu connaturali & apto ad se movendum: at verò prima operatio Angeli, incipiens cum esse illius, ipsum in actu primo ad se movendum & operandum constituit, ut infra patebit: Ergo illa tribui debet Auctori naturæ, & à Deo ut speciali motore procedere.

Dices secundò cum Molina, Valentia, & Beca-  
no, quòd licet operatio naturalis, seu determi-  
nata ad unum per modum naturæ, quæ incipit  
cum esse rei, tribui debeat specialiter auctori ip-  
sius rei, ut patet in exemplis adductis, non tamen  
actio vitalis & libeta, qualis est prima Angeli ope-  
ratio:

LII 2

ratio:

ratio : nam eo ipso quòd sit vitalis & libera, debet A  
esse à principio intrinseco, non verò ab agente extrinseco, movente & applicante ad ipsam,

158. Sed contra : Licet de ratione actionis vitalis & liberæ sit quòd procedat à principio intrinseco eliciente, ei tamen non repugnat procedere à principio extrinseco movente & applicante, imò potius prima operatio libera hoc exigit necessarium, ut infra ostendemus, & manifestè declarat Divus Thomas 1, 2, quæst. 109. art. 2. ad 1. his verbis : *Homo est dominus suorum actuum & volendi & non volendi, propter deliberationem rationis, qua potest scire ad unam partem vel ad aliam : sed quod deliberet vel non deliberet ; etsi huiusmodi etiam sit dominus, oportet quòd hoc sit per deliberationem precedentem ; & cum hoc non procedat in infinitum, oportet quòd finaliter deveniatur ad hoc, quòd liberum arbitrium hominis moveatur ab aliquo exteriori principio, quod est supra mentem humanam, scilicet à Deo.*

Addo ex eodem S. Doctore quæst. 16. de malo art. 4. ad 6. quòd prima Angeli operatio, debet esse aliquà ratione naturalis : nam sicut natura est illud quod est prius in qualibet re, ita oportet ut illud quod pertinet ad naturam, sit prius in unoquoque : unde etiam in voluntate Angeli primò debet esse operatio, quæ dicatur naturalis, ratione aliquius determinationis ad unum, saltem quoad specificationem, ita ut antecedit operationem liberam quoad specificationem & exercitium.

159. Dices tertio cum Scoto : Licet operatio defectuosa incipiens cum esse rei productæ, tribui possit & debeat ipsius auctori, si solus in illam operationem influat, secus tamen si non nisi cum re producta influat in illam ; tunc enim defectus illius operationis, debet rei productæ, indebito modo operanti, duntaxat attribui ; unde cum solus Deus non influat in primam operationem Angeli, sed ipse Angelus eam simul cum Deo producat, si illa sit defectuosa, & defectus non debet in Deum refundi, sed in Angelum malè operantem, & à rectitudine divini concursus se subtrahenti.

160. Sed contra : Licet author rei productæ non influat solus in primam ipsius operationem, solus tamen ad illam movet & applicat, ut videbitur infra : hoc autem sufficit, ut defectus talis operationis illi tribuatur ; quia causa dirigens & applicans, non minus dicitur causa actionis, quàm causa eliciens,

161. Probatur secundò conclusio : Angelus in primo instanti suæ creationis, non potuit habere malam & defectuosam cogitationem intellectus : Ergo neque malam & defectuosam operationem voluntatis. Consequentia patet : quia ( ut articulo præcedenti ostendimus, & latius in Tractatu de peccatis expendimus ) non potest esse peccatum in voluntate, sine aliquo defectu in cognitione intellectus.

Antecedens probatur : cum illa cogitatio, quam in primo instanti habet Angelus, sit omnium prima, debet esse immixta à Deo ; siquidem non est liberè electa ab Angelo, quia ante omnem liberam electionem, præcedit prior cogitatio intellectus : Sed mala & defectuosa cogitatio, ex qua infallibiliter sequitur peccatum, non potest à Deo ut speciali motore immitti ; aliàs peccatum illi imputaretur : Ergo Angelus in primo instanti creationis, malam & defectuosam cogitationem intellectus habere non potuit.

Dices : Deus sæpè causat in nobis cogitationes,

ex quibus videt futurum peccatum ; & tamen non imputatur illi peccatum, nec nos excusamur ab huiusmodi peccato, quia cogitationes illæ relinquunt voluntatem liberam : Ergo licet prima cogitatio Angeli debeat esse immixta à Deo, non sequitur tamen quòd operatio voluntatis ad eam sequuta, attribuat & imputetur illi, si sit deficiens.

Respondeo, qualdam esse cogitationes quas Deus in nobis causat solum per modum causæ universalis, non excludendo quin simul sint ex libera applicatione voluntatis, & alias quas nobis specialiter immittit sine nobis, per modum moventis particularis : quamvis autem ad cogitationes primo modo à Deo immixtas, possit primò & immediatè sequi actus malus in voluntate, secus tamen ad cogitationes secundi generis. Et huius ratio est, quia non potest esse defectus in voluntate, nisi sit defectus in dictamine intellectus : in illo autem dictamine quod Deus format primo modo, potest esse defectus proveniens ab ipsa voluntate, quæ sub Deo prædeterminatè applicat intellectum ad illud formandum : at verò in secundo nequit esse aliquis defectus ; quia cum solus Deus ad illud applicet intellectum, ab illo solo proveniret ille defectus. Unde negandum est suppositum, loquendo de cogitationibus quas Deus immittit nobis sine nobis, quòd nimirum videat futurum ex illis immediatè peccatum : oportet enim quòd primus actus voluntatis ex illis sequatur sit rectus, quamvis postea possit voluntas se ad malum applicare, applicando intellectum ad aliquod dictamen deficiens ; sicut de factò demones in secundo instanti, cognitione à Deo immixta malè utentes, applicaverunt intellectum ad iudicium inconsideratum de sua excellentia ac beatitudine naturali diligenda, sine dependentia & subordinatione ad Deum ut autorem & finem supernaturalem.

Tertio probatur conclusio : Ut Angelus possit peccare in aliquo instanti, requiritur quòd possit seipsum movere & applicare ad illum actum qui dicitur peccaminosus : Atqui Angelus in primo instanti suæ creationis, non potest se movere & applicare ad primum actum quem elicit, sed ad illum debet necessarii moveri & applicari à Deo : Ergo in illo instanti peccare non potest. Major patet, Minor verò sic ostenditur. Ut Angelus possit seipsum movere & applicare ad primum actum, oportet ut per ordinem ad illum non esset in puta potentia, sed aliquo modo in actu : cum enim ex una parte movens reducat mobile de potentia in actum, ex alia verò id non possit præstare per potentiam, sed per actum ; ut Angelus se moveret & applicaret ad primum actum, debet præsupponi in actu priori, per quem ad primum actum se moveret & applicaret : Sed hoc manifestè involvit contradictionem : Ergo implicat quòd Angelus seipsum moveat & applicet ad primum actum ; sed necessarii ad illum debet moveri & applicari ab aliquo exteriori principio, scilicet à Deo ; sicut ad primum motum cordis animalis movetur à generante.

Confirmatur & magis illustratur hæc ratio : Licet voluntas, & qualibet alia potentia vitalis, elicitivè causet omnes suos actus, non causat tamen omnes applicativè, sive quod idem est, non se movet ad omnes, sed interdu specialiter debet applicari ab aliquo alio exteriori principio : cuius ratio est, quia voluntas non se applicat ad aliquem

quem actum, nisi ex prævio dictamine ad quod prius applicat intellectum, nec potest applicare intellectum, nisi ex aliqua priori notitia, quia nihil volitum, quin præcognitum: unde ne deret processus in infinitum, debet fieri resolutio omnium motuum voluntatis in aliquod principium exterius movens, à quo applicetur intellectus specialiter ad formandum dictamen, & consequenter etiam moveatur voluntas ad primum actum, ex quo ipsa possit postea se movere. Ex quibus evidenter concluditur, voluntatem angelicam elicere quidem primam operationem, quæ cum esse illius incipit, sed non se applicare ad illam: quia ante primam operationem, non potest formare in intellectu, aut applicare intellectum ad formandum dictamen, quo mediante se applicet, sed debet intellectus ab alio moveri ad huiusmodi dictamen formandum: non est autem alia causa à qua moveri possit intellectus, quam ipsemet Deus; cum ipse solus possit illabi menti angelicæ, & intra intellectum & voluntatem ejus operari: Ergo Deus debet movere & applicare intellectum Angelis ad primum illud dictamen, non solum ut motor generalis, & per influxum illum prævium & generalem, quo causas omnes ad agendum prædeterminat, juxta modum ipsarum, sed etiam ut motor particularis, & specialiter quodam modo, efficiendo scilicet respectu illius, quod facit ipsa voluntas respectu aliorum subsequentium. Unde sicut defectus in dictamine, ex speciali applicatione voluntatis procedente, & in actu voluntatis per illud regulato, refunditur in voluntatem applicantem, ita si esset defectus in primo illo dictamine ad quod Deus specialiter applicat, & in actu voluntatis per illud immediate regulato, talis defectus esset à Deo.

165. Dices: Si primus actus voluntatis angelicæ reduceretur in Deum, specialiter applicantem ad primum dictamen regulativum illius, talis actus non esset liber: Sed hoc non est dicendum: Ergo nec illud. Sequela probatur: Nam ille actus voluntatis non est liber, qui non regulatur per dictamen sive judicium prædictum quod fit in potestate voluntatis: At in casu posito primus actus voluntatis Angelicæ non regularetur per dictamen sive judicium prædictum, quod esset in potestate ipsius voluntatis, sed quod à solo Deo applicante procederet: Ergo non esset liber.

166. Respondeo distinguendo Majorem: Talis actus non esset liber omnino, id est quoad specificationem simul & exercitium, concedo: non esset liber aliquo modo, & saltem quoad exercitium, nego. Quamvis enim ad libertatem omnino completam, in qua voluntas dicatur se movere, sit necessarium quod reguletur per dictamen quod fit in ipsius potestate, & quod ex eius applicatione procedat, ad libertatem tamen contradictionis, & inchoativam libertatis completæ, sufficit judicium indifferens, quod utramque partem ut convenienter proponat, intimando tamen unam potius quam aliam esse hic & nunc omnibus pensatis eligendam. Addo quod, licet primum dictamen regulativum voluntatis angelicæ, non sit in potestate simpliciter, & quoad eius inceptiorem, est tamen in eius potestate secundum quid, & ex parte objecti, & quoad continuationem; quod sufficit ad libertatem exercitii.

167. Ex dictis inferes, quod si Deus produceret hominem in statu usûs rationis, primus actus quem haberet, esset necessarii ordinatio in bonum ho-

A nestum, sive intentio beatitudinis, saltem in communi, ad quem deberet à Deo applicari ut ab agente particulari: & sic in eodem instanti non posset habere actum aliquem malum; quia omnis actus quem haberet, esset ab illa prima intentione boni, prout esset ex speciali applicatione Dei; quamvis postea quando illa intentio defineret esse à Deo ut ab agente particulari, eod quod inciperet à voluntate liberè conservari, possent ab ea procedere plures actus mali, mediâ applicatione voluntatis.

## §. III.

## Solvuntur objectiones.

B **O**bjicies primò contra præcedentem conclusionem: Homo potest peccare in primo instanti usûs rationis: Ergo & Angelus in primo instanti suæ productionis. Consequentia videtur bona ex paritate rationis, Antecedens probatur: quia ut docet D. Thomas 1. 2. quæst. 89. art. 6. & eius Discipuli communiter, puer ad usum rationis perveniens, tenetur in primo instanti se convertere ad Deum; quod tamen præceptum non omnes, imò fortè pauci, adimplent.

Confirmatur: Homo in primo instanti suæ productionis, seu unionis animæ ad corpus, contrahit peccatum originale: Ergo similiter Angelus in primo instanti suæ productionis poterit aliquod peccatum contrahere seu committere.

C Ad objectionem respondet primò Joannes à S. 170. Thoma, concessio Antecedente, negando consequentiam & paritatem: quia puer perveniens ad usum rationis, elicit actum deliberatum, movendo se & formando sibi dictamen, quod proinde potest esse defectuosum; non autem Angelus in primo instanti creationis, ut supra ostensum est. Ratio hujus est: quia puer antecederet ad hunc actum quem elicit in primo instanti usûs rationis, habet alios actus imperfectos intellectus & voluntatis, ex quibus ad operandum deliberatè se movere: & quia illæ volitiones antecedentes, possunt versari, & frequenter versantur, propter malam assuetudinem puerorum, circa delectabilia rationi contraria, idèd licet non sint tunc peccaminosæ, defectu libertatis, potest tamen puer juxta illas applicare in primo instanti usûs rationis intellectum ad dictamen defectuosum, & consequenter voluntatem ad volitionem peccaminosam, absq; eo quod defectus refundatur in Deum, utpote qui solum concurrat & applicat per modum causæ generalis, ipsa verò voluntas pueri est causa specialiter applicans, & non tantum eliciens. Cæterum hæc ratio non habet locum in Angelis: quia Angeli non habent disponi ab actu imperfecto ad perfectum ut veniant ad usum rationis, sed statim à principio liberè operantur; unde antequam perveniant ad usum rationis, non eliciunt aliquam operationem imperfectam, ex qua se moveant & applicent ad actus deliberatos.

E Respondeo secundò cum multis aliis Thomistis, distinguendo Antecedens: homo potest peccare in primo instanti usûs rationis, si intelligatur de primo instanti initiativo attingenti usûs rationis, nego: si de terminativo, concedo.

Explicatur solutio: Homo non incipit attingere usum rationis in unico instanti physico, sed in aliqua morula temporis, longiori aut breviori secundum quod fuerit subtilioris aut rardioris ingenii; cujus ratio est, quia non attingit usum



rationis, per discursum formalem, procedendo de cognitione confusa & in communi, ad distinctam; unde in primo instanti illius morule, quod dicitur instans ininitiatum attingentis usus rationis, homo se habet sicut Angelus in instanti creationis, quia ejus intellectus applicatur à Deo ad primum dictamen rectum, ex quo infallibiliter sequitur primus actus rectus voluntatis: ex hoc verò actu applicat se ad consilium & deliberationem, in cujus instanti terminativo potest esse peccatum; sicut potuit esse in Angelo statim post creationem, quando plenè potuit deliberare & se movere. De hoc ergo instanti terminativo primi discursus humani, intelliguntur eaque docentur à Divo Thoma loco citato, non autem de instanti ininitiativo: quia omnis actus, quem in illo instanti homo potest habere, est ex speciali motione Dei; & sic in eo nequit esse peccatum; sicut nec in actu Angeli in primo instanti creationis elicitio. Est tamen hæc notabilis differentia inter Angelos in primo instanti creationis, & hominem in primo instanti ininitiativo primi discursus, quòd homo in tali instanti postulat solum applicari à Deo ad cognitionem & volitionem beatitudinis, sive boni in communi; ex quo potest immediatè postea se movere ad beatitudinem illam querendam in bonis sensibilibus, aut in bono honesto, Deo solum operante per modum agentis universalis: At verò Angelus ex alio gradu perfectionis quo excedit hominem, petit à Deo tunc moveri ut ab agente particulari ad cognitionem & amorem ultimi finis materialiter & in particulari; quia habet ex sua natura non procedere de potentia ad actum, sive de imperfecto ad perfectum, ut alibi explicatum est.

172. Ad confirmationem, concessio Antecedente, nego etiam consequentiam & paritatem. Ratio disparitatis est, quia anima hominis non contrahit peccatum originale, eo modo quo Angelus personale, per propriam scilicet operationem, sed illud contrahit, quia efficitur pars humane nature jam infectæ peccato primi parentis: ex hac autem differentia fit quòd contractio peccati originalis in puero, licet in primo instanti productionis ipsius contingat, non debeat refundi in Deum, sed in Adamum; secus verò contractio peccati actualis, quæ contingeret in Angelo in primo instanti sui esse. Solutio est D. Thomæ quest. 16. de malo art. 4. ad 21. ubi sic habet: *Anima in primo instanti sue creationis efficitur mala, non per actionem propriam, sed per unionem ad corpus infectum: unde non est simile ratio de Angelo, qui non potuit fieri malus nisi per alium proprium.*

173. Objicies secundò: Angelus in primo instanti sue creationis habuit omnia requisita, tam ex parte intellectus, quam ex parte voluntatis, ad hoc ut si veller, tunc peccaret: Ergo potuit in illo instanti peccare. Consequentia patet, Antecedens probatur: quia ex parte intellectus nihil aliud videtur requiri ad posse peccare, quam perfectus usus rationis; & ex parte voluntatis, nihil aliud quam perfecta libertas: Sed Angelus habuit utrumque in primo instanti sue creationis: Ergo &c.

174. Respondeo negando Antecedens: nam unum ex requisitis ad hoc ut Angelus possit peccare in aliquo instanti, est, quòd seipsum possit movere & applicare ad illum actum qui dicitur peccaminosus: non potest autem Angelus, ut vidimus, seipsum movere & applicare ad primum actum sui intellectus & voluntatis, sed necessariò debet hæc

A motio & applicatio fieri ab auctore nature angelice.

Addo quod, ad peccandum, ex parte intellectus requiritur defectuosum dictamen; & ex parte autem voluntatis libertas completa, & perfecta, & quæ sit contrarietatis & contradictionis, sive quoad specificationem simul & exercitium: Sed neutrum habuit Angelus in primo instanti sue creationis: Ergo falsum quod habuerit omnia requisita ad peccandum. Probatur Minor quoad dictamen: quia tunc non potuit defectuosum illud dictamen habere à se, cum ad primum dictamen voluntas non possit applicare intellectum, ut supra ostendimus: nec etiam à Deo, quippe qui non potest defectuosè applicare intellectum, seu ad formandum defectuosum dictamen movere. Probatur etiam eadem Minor, quoad perfectam & completam libertatem: quia tunc Angelus habuit solum libertatem contradictionis, sive quoad exercitium, non verò contrarietatis, sive quoad specificationem: Tum quia tunc debuit moveri specialiter à Deo, qui tamen non potest indifferenter movere ad bonum & malum, sed ad bonum tantum: Tum etiam, quia cum prius sit in voluntate, quòd sit natura, quàm quòd sit libera, consequens est ut operatio correspondens ipsi ut causæ naturali, prior sit aliquo modo, quàm operatio quæ correspondet ipsi ut agenti libero, ut supra ostensum est.

C Dices: Ad hoc ut Angelus in primo instanti sue creationis peccare poterit, sufficit quòd in eo instanti fuerit liber, libertate contradictionis & exercitii: Ergo saltem si hanc libertatem in primo instanti creationis habuit, in illo peccare potuit. Consequentia patet, Antecedens probatur. Angelus in primo instanti sue creationis tenebatur præcepto divino elicere actum dilectionis Dei super omnia: At si fuit liber quoad exercitium, respectu prædicti amoris, potuit tunc non amare, seu anteriorem illum omittere: maxime quia tunc Deus potuit illi denegare auxilium efficax ad illum elicendum; hujus enim auxilii collatio illi non erat debita, sed omnino liberalis & gratuita: Ergo tunc potuit Angelus peccato saltem omi sionis peccare: nam posse peccare peccato omissionis, est posse non elicere actum ad quem aliquis ex præcepto tenetur, seu posse illum omittere.

Respondeo negando Antecedens. Ad cujus probationem, concessa Majori distinguo Minorem. 176. Potuit non amare, seu amorem omittere, potentia consequenti, seu in sensu diviso, concedo: potentia consequenti, seu in sensu composito, nego. Vel secundò distinguo, potuit non amare, prout non amare dicit præcisè puram negationem amoris, concedo: prout dicit privationem amoris: nego. Vel tertio, potuit non amare, seu amorem omittere, omissione physica & naturali, concedo: omissione morali & culpabili, nego. Unde egregie Cajetanus hic art. 6. §. ad hoc breviter, ait voluntatem Angeli in primo instanti potuisse incurrere omissionem actus (quia aliàs libera non fuisset) non tamen omissionis peccatum.

Posunt autem hæc explicari exemplo Christi Domini, qui respectu actus cadentis sub præcepto fuit liber quoad exercitium; & tamen peccare non potuit: quia quamvis illum actum potuerit non elicere, potentia antecedenti, & in sensu diviso, non tamen potentia consequenti, & in sensu composito: vel quia licet potuerit omittere

talem



*Diff.*  
11. q. 3.  
talem actum, prout omisso est pura negatio actus oppositi, non tamen ut est privatio prædicti actus, ut debitor de quo plura in Tractatu de Incarnatione; cum agemus de concordia libertatis Christi cum ejus impeccabilitate.

Ad illud verò quod subjungitur de denegatione auxilii efficacis ad actum amoris eliciendum, dicendum est, quòd licet Deus possit absolute denegare Angelo in primo instanti suæ creationis tale auxilium efficax, non tamen ex hypothesi quòd illum elevaverit ad ordinem supernaturalem. Cum enim gratia perficiat Angelum, juxta modum naturæ ipsius, conditio autem naturæ angelicæ exigit habere in primo instanti dilectionem Dei ut ultimi finis naturalis; sit ut Angelo elevato ad ordinem supernaturalem debeatur actus charitatis; & ideo Deus, supposita hac elevatione, tenetur dare auxilium efficax ad eliciendum hunc actum in primo instanti: aliàs Angelus in primo instanti esset conversus in Deum ut ultimum finem naturalem, & privativè aversus ab eo ut sine supernaturali, ut pote ad quem ut talem tenetur se convertere. Sicut ex suppositione quod Deus imponat Christo Dominum præceptum dilectionis supernaturalis, tenetur illi dare auxilium efficax supernaturale, quia persona impeccabilis est.

177. Objicies tertio: Angelus in primo instanti suæ creationis mereri potuit, & de facto meruit, ut docet S. Thomas hic art. 3. ad 3. & 4. Ergo etiam in eodem instanti potuit demereri seu peccare. Consequentia probatur: quia plus requiritur ad merendum, quàm ad demerendum, nam mereri est bonum quoddam perfectum, demereri autem est malum.

178. Respondeo concessio Antecedente, negando Consequentiam. Ad cujus probationem dico non plus, imò minùs requiri ex parte indifferentiæ voluntatis ad merendum, quàm ad peccandum: nam ad merendum sufficit libertas quoad exercitium, ut patet in Christo, & in sanctis consummatis in gratia; cum tamen ad peccandum requiratur ista, & in super libertas quoad specificationem, seu libertas contrarietatis, quæ est inter bonum & malum. Tamen cum hoc stat commune illud axioma, nempe quòd plus requiritur ad bonum, quàm ad malum: quia ad bonum requiritur concursus omnium circumstantiarum debitum; ad malum verò sufficit defectus unius ex illis, juxta illud commune effatum: bonum ex integra causa; malum verò ex quocunque defectu.

Ad do quod, licet Angelus in primo instanti meruerit præmium perfectum & plenum, non tamen perfectò & pleno modo: quia licet liberè illud meruerit, non tamen omnino movendo se, sed ut peculiariter motus & applicatus à Deo ad eliciendum actum charitatis, necessarium quoad specificationem, & liberum solum quoad continuationem & exercitium: Ex hoc autem modo libertatis & meriti, non potest colligi, Angelum posse etiam demereri; nam Deus non potest speciali ratione applicare illum ad demerendum.

179. Objicies quartò: Angelus in primo instanti habebat potentiam peccandi; quia non erat tunc regula omnium suarum operationum: Ergo tunc peccare poterat.

Confirmatur: Angelo in secundo instanti non advenit aliquid intrinsecum, quod antea non haberet: Ergo in primo instanti idem potest

quantum ex principiis intrinsecis; & ita si ponatur impeccabilis pro primo instanti; solum erat impeccabilis ex mantenentia Dei extrinseca, subindeque, de absoluta saltem Dei potentia, in primo instanti peccare poterat.

Ad argumentum respondeo distinguendo. Antecedens: habebat potentiam peccandi, reducibilem ad actum pro illo instanti, nego: pro aliis instantibus sequentibus, concedo. Licet enim non esset sibi regula operandi, pro illo instanti, debebat tamen necessariò habere regulam bene operandi sibi conjunctam; quia non poterat ab alio moveri, quàm à Deo, per judicium rectum & indefectibile.

B Ad confirmationem distinguo Antecedens: non advenit aliquid intrinsecum, ex parte voluntatis, esto: ex parte intellectus, nego: nam in secundo instanti potest habere dictamen defectuosum, non verò in primo: unde quia defectuosum dictamen simpliciter est necessarium ex parte intellectus ad peccandum, ideo ex defectu alicujus intrinseci Angelus non potest peccare in primo instanti; cùmque Deus illud non possit supplere, nec formare in Angelo dictamen defectuosum (aliàs defectus in Deum refunderetur) Angelus, de potentia etiam absoluta, in eo instanti peccare non potest. Quapropter egregiè ait Joanes à S. Thoma, non posse dari peccatum in Angelo in primo instanti creationis, sine dictamine defectuoso: quòd si formatur à Deo, deficit Deus: si verò non formatur à Deo, pro illo instanti, non deficit Angelus; quia ex se formare illud non potest pro illo instanti & primo actu.

Objicies ultimò: Quamvis prima operatio Angeli non possit esse mala, ob rationes suprà assignatas, non sequitur tamen Angelum non posse peccare in primo instanti creationis: Ergo rationes illæ non probant intentum. Consequentia patet, Antecedens probatur: quia Angelus potest habere in primo instanti creationis plures operationes, quarum primà existente bonà, secunda vel tertia poterit esse mala & peccaminosa; & ita quamvis prima operatio Angeli non sit, nec possit esse mala, ille tamen poterit in primo instanti suæ creationis peccare.

D Respondeo negando Antecedens. Ad probationem dico, hoc ipso quòd prima operatio voluntatis angelicæ, debeat esse recta in primo instanti, impossibile esse quòd in eodem instanti aliqua operatio mala in eo reperiatur. Cujus ratio est, quia prima operatio Angeli, debet esse dilectio sui ipsius, & Dei ut auctoritatis tam supernaturalis quàm naturalis: cum hac autem dilectione Dei est impossibile, ut sit actio mala: Ergo primà operatio existente bonà, non possunt alia in eodem instanti elicite esse mala. Deinde si Angelus in primo instanti creationis posset habere plures operationes, quarum primà existente bonà, aliæ essent malæ, posset simul habere plures actus, per modum plurium, cujus oppositum suprà ostendimus. Ad do quòd operationes quæ sunt in eodem instanti, debent esse subordinatæ: nam ut docet D. Thomas quæst. 16. de malo art. 4. diversæ actiones Angeli non subordinatæ, diversæ constituunt instantia temporis discreti: Sed operatio bona, & operatio mala, non sunt subordinatæ, ut patet: Ergo non potest Angelus illas habere in eodem instanti.

Quæ D. Thomas docet in sequentibus hujus questionis articulis, facilia sunt, vel jam explicata:

Diff.  
12. a.  
7.

cara: quæ enim art. 6. dicit de via Angelorum, A ex professo supra tractavimus. In articulo autem 7. querit an supremus inter Angelos peccaverit? & respondet quod quamvis sententia Damasceni id negantis, nullâ censurâ notanda sit, sententia tamen affirmans est probabilior, & Sacra Scripturæ conformior: nam Job 40. Lucifer sub typo Behemot appellatur *Principium viarum Dei*: quæ verba sic interpretatur Gregorius 32. Moral. cap. 18. *Principium viarum Dei Behemot dicitur: quia nimirum cum cuncta creans ageret, hunc primum condidit, quem reliquis Angelis eminentiorem fecit.* Item Ezechiel 28. Lucifer appellatur: *signaculum similitudinis.* Quæ verba exponens idem Gregorius homil. 34. in Evang. subdit: *Non ad similitudinem Dei factus, sed signaculum similitudinis dicitur, ut quò in eo subtilior est natura, ed in illo imago Dei similis in finem expressa.* Mox subditur (pergit idem) *Omni lapis pretiosus operimentum ejus, novem autem ibi Propheta lapides numerat: quia novem sunt ordines Angelorum: quibus ordinibus ille primus Angelus idè ornatus & opertus existit, quia dum cunctis agnibus Angelorum prelatus est, ex eorum comparatione clarior fuit.* Demum Ezechiel. 31. de eodem Lucifero sub figura Regis Tyri dicitur. *Cedri non fuerunt altiores illo in paradiso Dei.... Omne lignum paradisi Dei non est assimilatum illi, & pulchritudinis ejus: quoniam speciosum fecit eum in multis condensisque frondibus.* Quæ verba similiter idem Gregorius ibidem expendens, subdit: *Quid namque accipit cedrus, abietibus, & platanis potest, nisi illa virtutum caelestium procera celsitudinis agmina, in æternæ laetitiae viriditate plantata: quæ quamvis excelsa sint condita, huic tamen nec prelata sunt nec æquata, qui speciosus factus in multis condensisque frondibus esse dicitur: quia prelatum ceteris Angelorum legionibus, tanta illum species pulchriorem reddidit, quanta & supposita Angelorum multitudo decoravit.* Unde Bernardus in primo sermone de adventu: *Initium omnis peccati superbia, quæ tam velociter ipsum quoque fidei sub cunctis claris micantem æternâ caligine obtenebravit Luciferum: quæ non modò Angelum, sed Angelorum principem in diabolum commutavit.*

184. Dices: Scriptura Luciferum inter Cherubinos collocat, eumque Cherubinum appellat, ut patet ex illis verbis Ezechielis 28. Tu Cherub extensus & protegens, posuisti te in monte sancto Dei: Sed ordo Cherubinorum est inferior ordini Seraphinorum, ut docet Dionysius 7. cap. cœlestis Hierarchiæ: Ergo Lucifer inter Angelos supremus non fuit.

Respondeo cum D. Thoma hinc art. 7. ad 1. Luciferum in Scriptura non denominari Seraphim, sed Cherubim, quia Cherubim denominatur à scientia, quæ potest esse cum peccato mortali; Seraphim verò ab ardore charitatis, quæ cum peccato mortali est impossibilis, & quam Lucifer peccando totaliter amisit, ut lepidè illi exprobat Bernardus, serm. 3. de verbis Isaïæ, his verbis: *Vt quid ergo, tu qui mane oriebaris Lucifer, in veritate non flevisti, nisi quia Seraphim non fuisti? Seraphim quippe ardens seu incensens interpretatur: tu verò habuisti miser lucem, sed ardorem non habuisti.* Bonum erat tibi, si ignifer magis esses quàm Lucifer, nec tam immoderato appetitu lucendi, ut etiam frigidus ipse, frigidam quoque eligeres regionem.

185. In articulo 8. concludit S. Doctor, primum Angelum per suum peccatum fuisse aliis causam peccandi, non cogentem, directam, & ex

parte principii actus peccaminosi moventem (quia sic sola voluntas peccantis est causa proprii peccati) sed indirectam, & moventem ex parte objecti, quatenus scilicet Lucifer, inordinatè amando propriam excellentiam, proposuit aliis objectum sui peccati absque regula divina; ad quod non est necesse (inquit in resp. ad 1.) peccatum primi Angeli fuisse prius in aliquo instanti temporis, sed sufficit præcessisse in instanti naturæ.

Huic conclusioni D. Thomæ favent innu- 186. mera Scripturæ testimonia: Apocalypsis enim cap. 12. legitur quòd Draco caudâ suâ tertiam stellarum cœli partem traxit. Quæ verba SS. Patres de Lucifero, cæterisque Angelis, cum ipso è cœlo cadentibus, interpretatur, Unde B Cyrillus Hierosol. catech. 2. *Iste, inquit, traxit ad ruinam multos.* Et Nazianzenus carm. 6. sic habet,

*Non solus cecidit Lucifer, verum agmine septu-  
ingenti, sceleris cui dux fuit atque magister,*

Dux scilicet per exemplum, & magister per suggestionem. Item Isaïa 14. eidem Lucifero dicitur: *Tu terram tuam disperdidisti, tu populum tuum occidisti.* Ubi Hieronymus: *Lucifer (inquit) quos sibi Deus in correptionem dederas, penitus perdidit.*

Ad do cum D. Thoma, quòd hoc habet ordo divinæ iustitiæ, ut ejus suggestioni aliquis consentit in culpa, & ejus potestati subdatur in pœna, juxta illud 2. Petri 2. *A quo quis superatus est, hujus & servus est:* Atqui omnes mali Angeli subduntur Lucifero in pœna, secundum illud Matthæi 25. *Ite maledicti in ignem æternum, qui parati estis diabolo & Angelis ejus:* Ergo illi adhæserunt in culpa.

Ex his intelliges, Luciferum, malorum Angelorum, omniumque reproborum caput, non immeritò appellari: cum non dignitate magis cæteris, quàm improbitate, & peccandi auctoritate ac exemplo præstet. Unde Gregorius lib. 4. Moral. cap. 14. *Sicut idem Redemptor noster una persona est cum congregatione bonorum: ipse namque caput est corporis, & nos hujus capitis corpus: ita antiquus hostis una persona est cum cuncta collectione reproborum: quia ipse eis ad iniquitatem, quasi caput præminet; illi autem dum ad persuasum deferriant, velut subjunctum capiti corpus inhaerent.*

In articulo ultimo docet numerum Angelorum qui permanferunt esse majorem: quia cum natura in paucioribus deficiat, illud quod est contra inclinationem naturalem reperitur in paucioribus: Sed peccatum est contra inclinationem naturalem creaturæ intellectualis: Ergo plures Angeli steterunt, quàm ceciderunt. Non est autem eadem ratio de hominibus: quia in homine est duplex appetitus, intellectualis & sensitivus, pluresque sequuntur sensitivum, quàm intellectivum, & idè plures homines perficiunt à bono rationis. De quo Cajetanus 1. 2. quæstione 71. articulo 2. & Ferrariensis 3. contra Gentes cap. 76.

## DISPUTATIO XIV.

De pœna Dæmonum.

Ad quæstionem 64. D. Thomæ.

**Q**uia pœna est effectus culpæ, merito, ab-  
solutâ quæstione de primo peccato An-  
gelorum, agitur de illorum pœna : quæ  
duplex est, una ab agente extrinseco infligta, al-  
ligatio scilicet ad ignem inferi, de qua S. Do-  
ctor articulo ultimo, alia ad solos actus interio-  
res pertinens : & hæc adhuc triplex est, una per-  
tinens ad intellectum, & vocatur obtenebratio,  
de qua art. 1. alix duæ pertinentes ad voluntatem,  
scilicet obstinatio in malo, & dolor, de qui-  
bus art. 2. & 3. Quantum ad obtenebrationem  
intellectus Dæmonum, & illorum dolorem, ni-  
hil occurrit dicendum; textus enim S. Thomæ  
clarus est, nec ullâ indiget interpretatione: circa  
verò illorum obtinationem & alligationem,  
duæ sese offerunt celebres controversiæ, sequen-  
tibus articulis resolvendæ.

## ARTICULUS I.

*Utrum obstinatio Dæmonum non solum ex sub-  
tractione Divinæ gratiæ, sed etiam ex liberi  
arbitrii inflexibilitate proveniat?*

**1.** Scotus & Gabriel in 2. dist. 7. quos sequuntur  
Suarez, Vazquez, Molina, & alii Recentiores  
communiter, contendunt unicam & propriam  
causam obstinationis Dæmonum esse subtra-  
ctionem divinæ gratiæ, quam propter eorum  
peccata iusto iudicio Deus abstulit: inflexibilitatem  
verò liberi arbitrii eorum, nec causam ef-  
fectualis obstinationis, nec libero eorum arbitrio  
convenire. Thomistæ verò cum S. Doctore hic  
art. 2. & aliis locis infra citandis, obstinationis  
Dæmonum (quæ nihil aliud est quàm immobi-  
lis adhesio voluntatis ad malum semel ab illis  
commissum, subindeque & impotentia ad pœ-  
nitendum de illo) duas assignant causas; unam  
extrinsecam & ex parte Dei ferentem, subtra-  
ctionem scilicet divinæ gratiæ; aliam intrinsecam,  
& se tenentem ex parte ipsorum Dæmo-  
num, nempe inflexibilitatem liberi arbitrii eor-  
um, ratione cuius exigunt causam extrinsecam,  
scilicet esse extra viam, & privari omni auxilio  
retrahente à malo. Unde fit

§. I.

Sententia D. Thomæ præfertur.

**2.** Ico ergo primò, connaturale esse Angelo,  
immobiliter adherere objecto quod semel  
omnino deliberatè & perfectè apprehendit &  
amplexus est; & ita radicem primam & potissimam,  
seu causam intrinsecam, unde provenit  
obstinatio in Dæmonibus, esse liberi eorum ar-  
bitrii inflexibilitatem. Ita D. Thomas in 2. dist.  
7. quæst. 1. art. 2. & ibidem ad Annibaldum, &  
quæst. 16. de malo artic. 5. & de verit. quæst. 24.  
art. 10. & hic art. 2. ubi sic discursit: *Ad inquiren-  
dum ergo causam huiusmodi obstinationis considera-  
ndum est, quòd vis appetitiva in omnibus proportiona-  
tur apprehensivæ, à qua movetur, sicut mobile à mo-  
tore, &c. Differt autem apprehensio Angelì ab apprehen-*

Tom. II.

**A** prehensione hominis in hoc, quòd Angelus apprehendit im-  
mobiliter per intellectum; sicut & nos immobiliter  
apprehendimus prima principia quorum est intellectus:  
homo verò per rationem apprehendit mobiler, ducen-  
tendo de uno ad aliud, habens viam procedendi ad  
utrumque oppositorum. Unde & voluntas hominis ad-  
heret alicui mobiler, quasi potens etiam ab eo discede-  
re, & contrario adherere: voluntas autem Angeli ad-  
heret fixè & immobiliter; & ideo sic consideretur arte  
adhesionem, potest liberè adherere & huic & opposito,  
in his scilicet quæ naturaliter vult; sed postquam iam  
adhesit, immobiliter adheret. Et ideo consuevit dici  
quòd liberum arbitrium hominis flexibile est ad opposi-  
tum, & ante electionem & post: liberum autem arbi-  
trium Angeli est flexibile ad utrumque oppositum ante  
electionem, sed non post. Sic igitur & boni Angeli sem-  
per adherentes iustitiæ, sunt illa confirmati: mali  
verò peccantes, sunt in peccato obstinati. Quibus ver-  
bis S. Doctor conclusionem nostram & docuit  
sub & probavit, ratione fundamentali, quæ potest  
sub hac forma proponi.

Connaturale est Angelo omnino fixè & im-  
mobiliter apprehendere objecta quæ deliberatè  
& perfectè apprehendit: Ergo etiam illi con-  
naturale est, fixè & immutabiliter ea eligere,  
eisque immobiliter adherere: Ergo obstinatio  
seu immobilitas voluntatis angelicæ in malo,  
provenit ex ipsamet natura intellectus & vo-  
luntatis Angeli, tanquam ex prima & intrinseca  
radice, & non solum ex subtractione divinæ  
gratiæ. Hæc ultima consequentia est evidens.  
Prima verò probatur: Tum quia sicut voluntas  
nostra ideo est mobilis de uno objecto in aliud,  
quia iudicium nostrum est mobile & flexibile; ita  
est contra si iudicium Angeli sit omnino fixum  
& immutabile, ejus voluntas immobiliter eli-  
get, & adheret objectis quæ deliberatè & per-  
fectè apprehendit: Tum etiam quia, ut observat  
hic S. Thomas, vis appetitiva in omnibus sequi-  
tur apprehensivam, & illi proportionatur: cuius  
evidens signum est, quòd appetitus sensuivus  
est boni particularis; intellectivus verò boni  
universalis, sicut sensus est apprehensivus sin-  
gularium, intellectus verò universalium. An-  
tecedens verò, in quo est difficultas, sic ostendi-  
tur. Intellectus perfectè apprehendens aliquod  
objectum unico intuitu & sine discursu, apprehendit  
illud omnino fixè & immobiliter; ideo enim  
nos fixè & immobiliter apprehendimus  
prima principia, cætera verò mobiler, quia illa  
per simplicem intuitum & sine discursu, hæc  
verò vel non perfectè, vel cum discursu cognos-  
cimus: Sed Angelus cognoscit omnia objecta,  
sive naturalia, sive supernaturalia, sine discursu,  
& simplici intuitu penetrando omnia quæ in il-  
lis continentur, ut disp. 10. art. 3. contra Scotum,  
Suarem, Molinam, aliosque Recentiores  
fussè ostendimus: Ergo illa omnino fixè & im-  
mobiliter apprehendit.

Confirmatur: Ut Angelus recederet & retra-  
heretur ab aliquo objecto quod elegit, deberet  
deprehendere in eo aliquam rationem, quam  
antea non cognovisset: Sed non potest ullam de  
novo in eo rationem deprehendere: Ergo nec  
ab illo dimoveri. Major est evidens, Minor pro-  
batur. Quia hoc ipso quòd Angelus non intelli-  
git res per discursum, sed simplici intuitu, pen-  
etrando conclusiones in principiis, & prædicata  
in subjectis, attingit eas modo comprehensivo,  
subindeque penetrando omnes earum rationes.  
Quia ergo Angelus in primo instanti plenè de-  
libera-

M m m

libera-

liberationis, apprehendit in principiis naturalibus perfecte illiusmodi comprehensionis, & in supernaturalibus certo fidei lumine cognitis, omnes rationes, & omnia motiva, quæ poterant ipsum vel ad objectum peccati inducere, vel ab eo retrahere, idcirco hoc ipso quod in alteram partem se convertit, ad eam declinavit irrevocabiliter. Et hæc est ratio propter quam homines, non autem Angeli, admissi sunt ad poenitentiam: quia scilicet Angelus ex sua natura est spiritus vadens & non rediens; homo verò flexibilis & mutabilis, & veluti arundo, quæ ad omnem flatum movetur.

4. Dices: Angelus in primo instanti plenè deliberationis potuit inadæquatè uti cognitione principiorum naturalium aut supernaturalium, ad cognoscendam unam veritatem quantum ad aliquid, & non quantum ad omnia, & ad apprehendendam in objecto, circa quod erat deliberatus, unam rationem, vel unum motivum, non verò aliud: Ergo etiam potuit circa illud variare affectum, quia variatio affectus necessariò sequitur variationem cognitionis.

5. Verum hæc instantia nullius est momenti: dato enim quod Angelus possit inadæquatè uti cognitione principiorum, sicut inadæquatè uti potest representatione specierum, non potest tamen hoc modo procedere perfectè iudicando & eligendo, sed oportet quod utatur suo connaturali modo cognoscendi comprehensivè: si aliquando autem perfectè & ex plena deliberatione iudicavit & eligit, certè maximè in primo instanti plenè libertatis, in quo urgebat occasio deliberandi de fine ultimo, & de æterna felicitate. Si enim prudentes ac solemnes viri in rebus magni momenti peragendis, ad omnes attendunt circumstantias, quas possunt deprehendere; merito iudicare debemus id non fuisse commissum ab Angelis; propterea non peccarunt ex ignorantia vel errore, sed cum perfectissima cognitione speculativa; quamvis in iudicio practico habuerint defectum considerationis, qui tamen potest cum perfectissima cognitione speculativa.

6. Addo quod, quamvis Angelus possit uti inadæquatè principio aliquo, aut specie, ad hoc vel illud cognoscendum, hoc ipso tamen quod applicat aliquod principium aut speciem ad aliquam speciem: plenè veritatem cognoscendam, necesse est quod consideret omnes rationes habitudinis, quas conclusio, seu veritas illa habet cum principio; quod est procedere semper modo comprehensivè, & attingendo principium secundum omnem rationem secundum quam est ratio huius conclusionis. Ex quo provenit, quod semel evidenter aut certò cognita aliqua conclusio speculativa vel practica in aliquo principio, nunquam amplius variari possit talis cognitio, nec consequenter electio, quæ per eam regulatur: & ita ad mutabilitatem seu flexibilitatem liberi arbitrii in Angelis non confert quidquam inadæquatus usus principiorum aut specierum, qui potest reperiri in intellectu angelico.

7. Probatur secundò conclusio alià ratione, quam habet S. Thomas locis citatis. Angelus est forma simplex, in qua scilicet non sunt vires apprehensivæ & appetitivæ, diversæ rationis: Ergo quando uni objecto per tales vires adhærebit, non poterit non immutabiliter adhærere. Probatur consequentia: quia hoc ipso quod non est in Angelo aliqua potentia inducens ad contrariam adhesionem, conjungitur & adhæret objecto veluti totus & totaliter.

A Confirmatur & magis illustratur hæc ratio. Ex triplici capite habet homo quoddam possit mutare falsam æstimationem de aliquo objecto semel habitam: primò ex impetu passionis, per quam intercipitur iudicium rationis: secundò ex inclinatione habitus, quæ facit ut habenti habitum, conveniens appareat objectum talis habitus; unde dixit Philosophus 3. Ethic. *Qualis unusquisque in se est dispositus, talis finis videtur ei*: tertio ex ignorantia in universalibus. Primo modo potest mutari falsa æstimatio, passionem deferenscente, vel ex contrarietate alterius passionis: secundo modo ex contrario habitu existente in alia facultate: v.g. falsa æstimatio, habitus ex inclinatione habitus existentis in appetitu concupiscibili, potest mutari per oppositum iudicium, habitum ratione habitus existentis in irascibili: tertio denique modo per hoc quod ille qui habet falsum iudicium de aliquo particulari eligibili, semper retinet æstimationem rectam de fine ultimo; qui cum se habeat in operabilibus, sicut primum principium in speculabilibus, potest corrigere iudicium illud falsum de particulari eligibili: sicut ille qui errat circa conclusionem speculativam, potest corrigi ex primo principio, discutendo: si verò quis erraverit circa ultimum finem, ille incorrigibilis est, quia non superest aliud principium ex quo possit corrigi. Porro nullum horum trium habet locum in Angelo: non quidem primum, aut secundum, quia peccatum Angeli non habuit ortum ex passione vel habitu: sed neque etiam tertium, quia peccatum Angeli fuit circa finem ultimum: Ergo Angelus non potest peccatum semel commissum retractare. Unde Fulgentius de fide ad Petrum cap. 3. *Omnes illi prævaricatores Angeli, nec malà possunt unquam voluntate cavere, nec penam; sed permancant eis injuste averseionis malo, permancet etiam iuste retributionis æterna damnatio*. Et Gregorius 34. Moral. cap. 6. *Cor autem qui hostis ut lapis indurabitur, quia nullam unquam conversionis poenitentiam molietur*. Item Laurentius Justinianus serm. in festo S. Michaelis: *Post electionem (loquitur de natura Angeli) fixi in bono, sive in malo, immutabilem habet firmitatem: ad quod enim se vertit, inflexibilis est*.

D Denique siaderi potest conclusio ratione probabili. Angelus, cum sit medius inter Deum & hominem, medio modo se habere debet, quoad suas electiones & volitiones omnino deliberatas: Sed Deus est omnino immutabilis ante & post electionem, homo verò mutabilis, etiam post electionem: Ergo Angelus erit quidem mutabilis ante perfectam electionem, non verò post illam.

E Dico secundò, causam extrinsecam obliationis demonum, esse subtractionem divinæ gratiæ, quam propter eorum peccata iusto iudicio Deus abstulit. Ita D. Thomas quest. 16. de malo art. 4. ad 3. ubi ait: *Deus est causa status Angelorum in quo sunt obliati in malo, non quidem sicut causando vel conservando malitiam, sed sicut non impartiendo gratiam. Sic enim dicitur aliquos induratos, secundum illud ad Roman. 9. Cujus vult miseretur, & quem vult induratur*.

Probatur etiam ratione: Cum enim subtracta gratiæ, ad detestandum peccatum & bonum faciendum requisita, infallibilis sit voluntatis affectio ad malum, oportet quod ex subtractione omnis gratiæ, sequatur in demonibus immutabilis ad hæc ad finem pravum, quem sibi præstituerunt; non



non consecratione sequatur, inquam, physica, & veræ causalitatis, sed consecratione logica, & illationis, seu per modum remotionis causæ prohibentis; sicut ex remotione salis sequitur corruptio carniū, & ex subtractione voluminæ casus lapidis qui ab illa sustentatur, ut in tractatu de scientia Dei fusè declaravimus: Ergo causa extrinseca oblationis Dæmonum est subtractio divinæ gratiæ.

Dis-  
4.  
art. 3

Ratio autem cur illis denegetur omnis gratia, petitur primò ex statu damnationis, quia est communis hominibus & Angelis: hic enim status habet quoddam sit status summæ miseriæ; status autem summæ miseriæ exigit subtractionem omnis gratiæ.

Addo quoddam, sicut gravibus & levibus extra centrum existentibus, debetur tōncursus, quo moveantur in centrum, non autem quando jam sunt in centro; ita etiam creaturæ intellectuall, existentis in termino, non debetur auxilium, quo moveatur ad terminum & ultimum finem: Ergo cum omne auxilium gratiæ sit de se directum ad ultimum finem, quiescit Deus & beatitudo, oportet quoddam statum ponens creaturam extra viam, reddat illam incapacem omnis gratiæ. Unde D. Thomas loco citato, in corpore articuli ait: *Non pertinet ad rationem divine sapientiæ, ut ulterius Dæmonibus gratia infundatur: per quam revocentur à malo primæ aversionis, in qua immobiliter perseverant; & rationem assignat, quia non sunt in statu viatorum.*

Secundò denegatio omnis gratiæ in Dæmonibus petitur specialiter ex modo operandi Angelis connaturali: nam cum habeant immobiliter adhærere objecto, semel per perfectam deliberationem electo, convenit ut ipsis non detur auxilium quo avertantur à tali objecto; Deus enim communicat gratuita, non destruendo naturalia, sed perficiendo, & ad modum ipsorum.

Potest etiam suaderi conclusio, ratione quam insinuat S. Doctor loco citato. *Mutatur enim, inquit, in nobis liberum arbitrium, ex causa intrinseca, & ex causa extrinseca; à seipso scilicet, & à Deo: Ergo si voluntas Dæmonum est immutabilis & obstinata in malo, hoc ex duplici causâ debet provenire, intrinsece scilicet, ex parte liberi arbitrii, & extrinsece, ex parte Dei, quæ non potest esse alia, quàm subtractio divinæ gratiæ. De qua loquitur Fulgentius de fide ad Petrum cap. 3. dum ait: De Angelis hoc Deus disposuit & implevit, ut si quis eorum bonitatem voluntatis perderet, nunquam eam divino munere repararet.*

## §. II.

### Solvuntur objectiones

Obijciunt In primis Adversarii contra primam conclusionem. Angeli ex Scriptura probantur aliquando reipsa mutasse suam electionem: Ergo sunt capaces ex natura sua mutandi electionem, & non invariables in voluntate semel suscepta. Consequentia patet, Antecedens probatur primò ex Danielis cap. 10. ubi habetur quoddam Angelus Perfarum cultores persequutus diu Angelo custodi Israelitarum captivorum in Assiria sed Babylone, volenti Israelitarum captivitatem solvere, quoniam videbat prodesse Israelitarum conversationem & religionem suis Persis. At tamen idem Angelus post auditam Dei voluntatem, per Michaëlem Archangelum, mutavit voluntatem, ac permisit liberari Israelitas captivos.

Secundò constat ex Scriptura, Dæmones mu-

tasse electionem & iudicium quod prius habuerant circa mortem Christi: prius enim Diabolus, cum misit in cor Judæ ut traderet Christum Judæis, Joan. 13. diligenter mortem Christi procuravit: postea verò per uxorem Pilati, Matth. 27. suadere conatus est Pilato, ut Christum non crucifigeret.

Tertiò constat omnes Angelos qui peccaverunt, mutasse priorem voluntatem, in qua creati sunt, quæquæ in primo instanti haberent: Ergo Angeli aliquando reipsa mutant suam electionem, subindeque possunt etiam mutare illam electionem, quâ inordinate primū suam excellentiam appetierunt, & peccatum commissum retractare.

Ut hoc argumentum solvatur, & prima conclusio magis explicetur, sciendum est, quod Angelus duobus modis judicatur & eligit aliquid, scilicet perfecte sive complete, & imperfecte sive incomplete: judicatur & eligit perfecte, quando procedit ex principiis sibi evidentibus, aut certis; tunc enim procedit modo comprehensivò, attingendo in illis principiis omnes rationes quæ possunt ad hoc iudicium & violationem inducere, aut ab ea revocare: tunc verò judicatur & eligit imperfecte, quando procedit ex principiis dubiis & conjecturalibus tantum: quia hoc ipso quod principia non sunt firma & convincentia, iudicium etiam non potest esse firmum, nec subinde electio regulata per illud. Præterea Angelus dicitur imperfecte judicare & eligere, quando non judicat & eligit ex propria deliberatione & applicatione, sed ut motus & applicatus à Deo: nam iudicium completum & perfectum in Angelo viatore, in quo est possum posse facere vias suas bonas aut malas, est iudicium plenè liberum, quoad specificationem, & exercitium, & ex propria voluntatis ejus applicatione procedens. Quando ergo diximus in prima conclusione, Angelum fixè & immobiliter apprehendere seu judicare, & immutabiliter velle seu eligere, hoc non debet intelligi de quocumque iudicio & volitione illius, sed tantum de iudicio perfecto & omnino completo, procedente ex principiis evidentibus aut certis cognitis, & ex propria Angeli deliberatione & applicatione (& idem dic de volitione seu electione illius) siquidem dum judicatur & eligit imperfecte, ex quibusdam conjecturis, non potest non judicare & velle variabiliter; quia non procedit comprehensive, sive ex principiis cognitis secundum omnem rationem quam habuit, sed secundum aliquam solum.

Ex hoc patet solutio ad argumentum propositum: Major enim distinguenda est, Angeli ex Scriptura probantur mutasse suam electionem, perfectam & completam, nego. Imperfectam & incompletam, concedo. Angelus enim Perfarum, quia voluntatem Dei ignorabat, nec omnium circumstantiarum & eventuum notitiam habebat, non perfectum & completum, sed dubium tantum & conjecturale habuit iudicium de voluntate Dei circa liberationem Iudæorum, & idè restitit Angelo Iudæorum, donec omnia novit per revelationem. Idem cum proportionem dicendum est de iudicio, & de electione quam Diabolus habuit circa mortem Christi: cum enim Dæmon non certò sciret, quoddam Christus esset verus Dei Filius, sed solum id ex quibusdam conjecturis suspicantur, iudicium illud quod prius habuit de morte Christi procuranda, non fuit totale & completum, sed dubium & conjecturale:

Mmm a

unde

unde potuissent illud mutare, subindeque volitionem ex illo sequutam.

Ad tertiam probationem similiter responderetur, primam voluntatem in qua Angeli creati sunt, & quam in primo instanti habuerunt, fuisse etiam incompletam & imperfectam (& idem dic de iudicio practico eam menfurante seu regulante) non quidem ex eo quod hoc iudicium, & talis volitio ex principiis dubiis & coniecturalibus processerint, sed ex eo præcisè quod non iudicarunt & voluerunt ex propria deliberatione & applicatione, sed ut moti & applicati à Deo: subindeque iudicium illud & electio non fuere plenè libera quoad specificationem & exercitium, sed necessaria quoad specificationem; quapropter in illis, ut suprà ostendimus, peccatum esse non potuit. Talis autem non fuit prava illa electio, quā inordinate mali Angeli suam excellentiam primò appetiere, sed fuit omnino deliberata, perfecta, & completa: unde illa est omnino fixa, immutabilis, & irrevocabilis, sicut & iudicium practicum per quod fuit regulata.

16. Dices, Diabolus experiendo pœnam damnationis, & videndo se esse subditum creaturæ corporeæ, scilicet igni, iudicat non esse sibi conveniens ligere seu petere tanquam finem ultimum suam beatitudinem naturalem, imò videt hanc sibi esse impossibilem: Ergo modò mutavit prævum illud iudicium, quo iudicavit (virtualiter) saltem & interpretative) amandam esse beatitudinem suam naturalem, absque dependentia & subordinatione ad supernaturalem; & consequenter malam etiam mutavit electionem inde sequutam.

17. Respondeo Diabolum, experiendo pœnam damnationis, iudicare quidem specularivè, non esse sibi eligendam beatitudinem naturalem; tanquam ultimum finem, non tamen practicè & affectivè, ac proinde semper in eo perseverare iudicium practicum quod habuit quando peccavit, & malam electionem quæ ex illo sequuta est. Unde Divus Thomas question. 16. de malo art. 5. ad 5. ait: *Diabolus non potest in se propriè loquendo culpam sentire, ita scilicet quod apprehendas & refugias quasi malum culpa suum peccatum, quia hoc pertinet ad mutationem liberi arbitrii.* Et Gregorius 34. Moral. cap. 14. *Appetitum, inquit, celsitudinis, vertit in rigorem mentis, ut damnationis jam per duritiam se malè egisse non sentiat.* Bernardus item Tractatu de gradibus humilitatis, circa primum gradum superbix, Luciferum alloquens, hæc habet: *Sic temperat Deus in vindicta sententiam, ut si velis respicere, non neget veniam; secundum autem duritiam tuam & cor impenitens, non possis velle, & ideò nec panā carere.*

18. Obijciunt secundò quædam testimonia SS. Patrum: Damascenus enim libro 2. de fide cap. 3. definitiis naturam Angeli, dicit Angelum esse liberi arbitrii semper mobilis: & paulò post loquens de Angelis beatis, dicit quod non eorum naturæ, sed gratiæ tribui debet immobilitas eorum à sua beatitudine: Atqui si essent liberi arbitrii inflexibiles, id naturæ eorumtribuendum esset: Ergo &c. Item Fulgentius lib. 1. de fide ad Petrum cap. 3. ait, *Recuperare iustitiam, divini numeru esse, non naturæ, & subdit, Si possibile esset ut humana natura, postquam à Deo aversa, bonitatem perdidit voluntatis, ex seipsa rursus eam haberet, multò possibilis hoc haberet angelica.* Quæ illatio falsa esset, si ab initio seculo Angelus esset in malo inflexibilis.

Ad primum dictum Damasceni respondeo, vel ipsum loqui de Angelo absolute ante electionem, vel de mobilitate ipsius quoad actus imperfectos; aut solum velle cum esse mobilem, secundum successionem intellectuum, & volitionum circa diversa objecta: licet enim Angelus unum ex aliis non cognoscat, potest tamen unum cognoscere post aliud.

Ad secundum respondeo non aliud verbis illis significari, quam Angelum non habere ex se & ex sua natura, proximè, & formaliter, quod non possit à beatitudine dimoveri; quia non potest ex seipso ad Deum ut objectum beatificum pertingere: Sed hoc debet habere à gratia, quæ naturam perficit secundum modum ipsius. Unde duplici de causa Angelus adheret immobiliter beatitudini quam possidet: primò scilicet ex generali ratione beatitudinis, cui competit inamissibilis secundò: ex speciali eiusdem beatitudinis ratione, quam habet ex eo quod est in tali subiecto, & perficit ipsum secundum modum ipsius, hoc est ad adherendum firmiter objecto, cum plena libertate semel electo.

Ad locum Fulgentii dico, quod cum ratio & causa recuperandi bonitatem amissam magis pensari debeat ex virtute arbitrii, quam ex flexibilitate illius; ideò D. Fulgentius attendens præcisè ad excessum virtutis angelicæ supra virtutem naturalem hominis, rectè dixit, quod si natura humana posset ex seipsa habere bonitatem quam perdidit, multò possibilis hoc esset naturæ angelicæ. Sicut rectè dicere possemus, quod si arundo existens in ripa fluminis, posset pertingere ad moenia civitatis, multò magis id posset pinus magna in eadem ripa existens: quævis enim arundo flexi possit versus civitatem, & pinus inflexibilis sit; ratio tamen pertingendi ad moenia, magis pensatur ex magnitudine, in qua pinus excedit arundinem, quam ex flexibilitate, quæ soli arundini convenit.

Obijciunt tertio quidam Recentiores: Si Angelus esset ex natura sua talis conditionis, ut facta electione peccati, necessariò in illa hereret invariabiliter, per hanc conditionem haberet ex perfectione sua, vel ex imperfectione? Primum dici non potest: quia incorrigibilis & impotentia emendationis, non est perfectio, sed potiùs summa imperfectio & miseria. Secundum etiam affirmari nequit: siquidem homo est naturæ suæ imperfectior Angelo, & tamen potest retrahere peccatum suum.

Respondeo eligendo primam partem dilemmatis: quod enim Angelus post electionem perfectam & completam, non possit à bono vel à malo resistere, oritur ex perfectione intellectus angelici, qui cum cognoscat res simplici intuitu & sine discursu, penetrando conclusiones in principiis, & prædicata in subiectis, apprehendit eas fixè & immobiliter, eo modo quo nos apprehendimus prima principia: subindeque eligit invariabiliter; cum vis appetitiva in omnibus sequatur apprehensivam, & illi proportionetur, ut antea declaratum est. Unde ad probationem in contrarium dicendum est, quod licet impotentia emendationis, nullam formaliter dicat perfectionem in Angelo, eam tamen arguit, seu præsupponit, nempe modum apprehendendi res sine discursu, & comprehensivè: sicut licet potentia peccandi, nullam in se dicat perfectionem, arguitur tamen & præsuppositivè illam importat; supponit enim libertatem in voluntate, & indifferentiam

judicii in intellectu, quæ sunt præcipue dotes ac perfectiones naturæ rationalis.

23 Obijcies quartò: Angelus post electionem manet plenè liber: Ergo potest eam revocare, vel non continuare. Antecedens est certum: nulla enim potentia activa, per hoc quod agit, seipsam destruit. Consequentia verò probatur: quia ut aliquis sit liber circa actum quem elicit, debet posse illum suspendere, vel elicere oppositum.

24 Respondeo concessio Antecedente, negando Consequentiam? Ad cujus probationem dicendum est, non esse necessarium ad hoc ut aliquis sit liber circa aliquem actum quem elicit & continuat, quod pro omni tempore & statu possit eum suspendere, & elicere oppositum, sed sufficit quod illa indifferentia habeatur in initio, quando primò elicitur: unde ut Angelus remaneat liber post electionem, non requiritur ut illum possit revocare, sed sufficit ut illam potuerit non habere, quando ad illam se determinavit.

Ex quo intelliges, tres esse libertatis gradus, secundum tres gradus naturæ intellectualis, scilicet humanæ, angelicæ, & divinæ. Primus gradus dicit indifferentiam ad eliciendum & non eliciendum actum, & ad revocandum vel non revocandum actum jam elicitum; & hic convenit homini, ob imperfectiorem cognitionis. Secundus dicit indifferentiam ad eliciendum vel non eliciendum actum, non autem ad revocandum illum jam semel elicitum, & hic competit Angelis, ob perfectiorem modum cognoscendi res sine discursu, & simplici intuitu, ut antea exposuimus. Tertius denique dicit indifferentiam, non ad eliciendum actum absolute & quoad suam entitatem, sed solum ad terminationem actus ad quodlibet objectum, aut per modum volitionis, aut per modum nolitionis; & hic gradus soli Deo convenit, ob summam ejus actualitatem & immutabilitatem, ut vidimus in

Diff.  
3.  
271.

Traçatu de voluntate Dei, agendo de ejus libertate. Sicut ergo Deus liberrimè vult aliquod objectum, quamvis ex suppositione quod actus illius terminetur ad illud per modum volitionis, non possit hoc modo non terminari: ita etiam Angelus libere vult quod semel elegit; quamvis non possit revocare electionem, quia talis est natura libertatis ipsius.

25 Obijcies ultimò: Si Dæmon esset impotens ad retractandum suum peccatum, tam ab intrinseco, ex natura suarum potentiarum; quam ab extrinseco, & subtractione omnis gratiæ, etiam actualis, continuatio in peccato non posset ei imputari ad culpam: Sed hoc non est dicendum; Ergo nec illud. Sequela Majoris probatur: quia impotentia excusat à peccato, ut communiter docent Theologi: imò ex hoc inferunt, urgente obligatione alicujus præcepti supernaturalis, Deum non posse denegare homini auxilium, saltem sufficiens, ad illud implendum, aliàs peccatum ei non posset imputari, cum nemo peccet in eo quod vitare non potest.

26 Respondeo negando sequelam Majoris. Ad cujus probationem dico quod impotentia excusat à peccato, quando est naturalis & involuntaria, secundum verò, si sit libera & voluntaria, seu descendens ex libera electione voluntatis. Quemadmodum enim si quis, navigatione suscepta, unicum quod habebat præ manibus brevium (sine quo officium ad quod obligatur recitare non poterat) in mare projiceret, conferretur singulis diebus peccare mortaliter, quoad usque illa projectio esset retractata, quia scilicet impotentia ad recitandum

Tom. II.

officium, ex actu aliquo libero & voluntario proveniret: ita pariter, quamvis Dæmon sit tam ab intrinseco ex natura suarum potentiarum, quam ab extrinseco ex subtractione omnis gratiæ, impotens ad desistendum à suo primo peccato, hoc ipso tamen quod talis impotentia & inflexibilitas in malo, non provenit, neque ab extrinseco, neque ab intrinseco, nisi facta suppositione primæ electionis omnino deliberatæ, continuatio in peccato iuste illi imputatur ad culpam. Solutio est D. Thomæ quæst. 16, de malo art. 5, ad 11, ubi ait: *Sicut ebrius tenetur non peccare, non quidem considerato præsentis statu, sed considerata ebrietatis voluntaria causa, secundum quam imputatur ei aliquid ad culpam. ita etiam potest intelligi quod Diabolus tenetur converti ad Deum, quamvis hoc ei sit impossibile secundum præsentem statum, quia in hunc statum ex voluntaria causa devenit.*

### §. III.

Corollaria notata digna.

EX dictis inferes primò, quod si Deus Angelis longiorem viam concessisset, centum videlicet annorum, mali Angeli toto illo tempore suæ viam mansissent in malo obstinati, non obstationem completæ & simpliciter tali, sed incompletæ & secundum quid.

Prima pars hujus corollarii patet ex dictis: nam, ut supra ostendimus, connaturale est Angelo immobiliter adherere objecto, quod semel omnino deliberatè & perfectè apprehendit & elegit. Secunda verò suaderetur: nam ad obstationem completam requiritur immobilitas in malo, proveniens tam ex intrinseca, quam extrinseca causa: licet autem tunc mali Angeli essent immobiles ex causa intrinseca, non tamen ex causa extrinseca: idèd enim, teste D. Thomæ quæst. 16, de malo art. 5, ex parte intrinseca immutabiles sunt, vel in bono, vel in malo, post primam electionem, quia tunc finitur in eis status viatoris: At in casu de quo loquimur, non finiretur in eis statim post primam electionem status viatoris; & ita dum talis status permaneret, Deus esset paratus ad eis conferendum auxilia supernaturalia: Ergo toto illo tempore mali Angeli non essent in malo completè & simpliciter obstinati, sed incompletè tantum & secundum quid.

Inferes secundò, causam obstationis in hominibus damnatis peti non solum ex subtractione divinæ gratiæ, sed etiam ex inflexibilitate liberi arbitrii: nam ut ait S. Thomas quæst. 24, de veritate art. 11. *Anima separata Angelo conformatur, & quantum ad modum intelligendi, & quantum ad indivisibilitatem appetitus, quæ sunt causæ obstationis in Angelo peccante: unde per eandem rationem in anima separata obstatio erit. In resurrectione autem corpus sequetur anima conditionem... & ita tunc eadem obstationis ratio manebit.* Ex quo sequitur, apprehensionem, quæ homo antequam moreretur judicabat non esse sibi conveniens poenitere, aut esse summum bonum quod verè non erat, fieri post mortem immutabilem, in instanti quo incipit ejus voluntas esse obstinata, sive sit primum instanti separationis à corpore, sive aliud instans. De quo vide Ferraciensem 4, cont. Gent. cap. 65.

Inferes tertio, tantam esse obstationem Dæmonum, ut nullum opus moraliter bonum ex omni parte efficere possint, sed si aliquando efficiant aliquod opus ex genere suo moraliter bonum,

M m m 3

num,



num, semper illud ex adjuncta circumstantia mala a ab ipsis vitari.

Ratio hujus corollarii est, quia ut recte ait D. Thomas in 2. dist. 7. quæst. 1. art. 2. sicut impossibile est voluntatem indeclinabiliter adhaerentem ultimo fini producere opus peccati, ita è contrario impossibile est à voluntate adhaerente immutabiliter perverso fini aliquid rectum opus provenire: Sed talis est voluntas Dæmonum; immobiliter enim, non solum ab extrinseco, sed etiam ab intrinseco, ut demonstratum est, adhaeret perverso fini, nempe suæ beatitudini naturali ut perversè voluit: Ergo nullà opus omni ex parte moraliter bonū efficere possunt. Major probatur, sicut cōfirmatio in bono, per quam voluntas indeclinabiliter adhaeret recto fini, est determinatio, saltem quoad specificationem, ad bonum honestum: ita obstinatio in malo, per quam voluntas inconvertibiliter adhaeret perverso fini, est quædam determinatio, saltem quoad specificationem, ad malum morale: Ergo sicut à voluntate confirmata in bono non potest procedere opus peccati; aliàs posset et alium appetere, & sic non esset ad bonum determinata quoad specificationem: ita à voluntate obstinata in malo, non potest bonum aliquod opus procedere; alioquin posset bonum velle, & sic non esset determinata ad malum quoad specificationem.

30 Nec obstat hæc impotentia ad bonum libertati Dæmonum: non enim ad eam salvandam requiritur, quod post electionem perversi finis sint indifferentes ad bonum & malum, sed sufficit indifferentia ad diversa mala; servato ordine ad eundem finem: sicut ad salvandam libertatem in Beatis non requiritur indifferentia ad bonum & malum, sed sufficit indifferentia ad diversa bona, servato ordine ad eundem finem.

Non obstat etiam quod damnati Sapient. 5. describuntur penitentiam agentes, & præ angustia spiritus gementes: per illa siquidem verba non describitur penitentia undequaque moraliter bona, sed coinquinata aliquâ malâ circumstantiâ, scilicet invidia salutis electorum; propter quod subdit sacer textus: *Dicentes, hi sunt quos habuimus aliquando in derisum, & in similitudinem improperii, & ecce quomodo computati sunt inter filios Dei, & inter sanctos fors illorum est.*

31 Dices: Dona naturalia manerunt integra in Dæmonibus, ut ex Dionysio docet S. Thomas hic art. 1. in corp. Sed opus morale ex omni circumstantia bonum, non est supra naturalem facultatem Angeli: Ergo illud potest Dæmon efficere.

Respondeo dona naturalia in Angelis mansisse integra, quantum ad ea quæ pertinent ad ordinem naturæ, non tamen quantum ad ea quæ pertinent ad ordinem moralem, cum totus ordo moralis ex intentione finis pendat, & finis intentio in Dæmonibus depravata sit. Unde licet opus moraliter bonum non excedat facultatem voluntatis absolute sumptæ, ipsius tamen jam obstinata, & sub prava affectione mali finis consideratæ, non solum superat facultatem, sed etiam illi omnino repugnat.

## ARTICULUS II.

*Quomodo ignis inferni liget Dæmones, & an detur alia pœna sensus, quæ acerbius eos torqueat?*

## §. I.

*Quibusdam præmissis referuntur sententia.*

**S**upponimus primò tanquam certum, ignem in quo cruciantur Dæmones in inferno, esse materiale & corporeum, non verò aliquid duntaxat spirituale, quod metaphoricè ignis dicatur, ut existimatur antiquitus aliqui Hæretici, pro eodem fumantes ignem illum, & propriam uniuscuiusque damnati conscientiam.

Ratio hujus suppositionis est. Primò quia Scriptura non solum pro dæmonibus, animabusque hominum damnatorum, à corporibus separat; sed etiam pro earum corporibus, post diem iudicii, ignem illum statuit in gehennam: de illis enim jam resuscitatis dicitur Matth. 25. quod ibunt in ignem æternum, qui paratus est Diabolo & Angelis ejus: Sed corpora non possunt puniti nisi corporali pœnâ (inquit D. Thomas quæst. 26. de verit. art. 1.) Ergo ignis ille corporeus est.

Secundò, Verba Scripturæ, ex communi regula D. Augustini, nunquam metaphoricè, sed in proprio sensu intelligenda sunt, nisi ex tali sensu aliquid sequatur abiurdi, aut Scriptura ipsa oppositum doceat alibi: At nihil priorius absurdi sequitur, ut constabit ex dicendis, si supplicium dæmonibus & aliis reprobis debitum (quod Scriptura sapius nomine ignis designat & vocat) de igne vero, subindeque corporeo, intelligatur, nullusque planè ex sacris litteris citari potest locus, tali intelligentiæ contrarius & repugnans: Ergo tale supplicium de igne vero & corporeo intelligendum est.

**T**ertio, Communis Patrum doctrinæ est, quod ille ignis sit corporeus: Divus enim Augustinus 21. de civit. cap. 10. loquens de Dæmonibus, *Adherbunt, inquit, spiritus incorporei, corporeis ignibus cruciandi.* D. Gregorius 4. Dialogorum cap. 29. postquam quæsitur an ille ignis sit corporeus, sic respondet: *Corporeum esse non ambigo.* D. Hieronymus in cap. 66. Isaïæ, & Epist. 59. cap. 2. inter Originis errores refert, quod ignem inferni, peccatorum conscientiam esse voluerit. Laurentius Justinianus de casto convivio cap. 18. de igne inferni hæc scribit: *Ignis est ibi corporeus, inextinguibilis, carens necessitate fomenti materialis, divinâ tamen virtute corpora concremans, spiritus autem non calefaciens, sed crucians: lucet quidem ad pœnam, minime tamen ad consolationem.* Demum aliis omisiss, D. Cyprianus libro de laudibus Martyrii cap. 12. infernum sic eleganter describit: *Sæviens locus, cui gehenna nomen est, magno plangentium murmure & gemitu, & eructantibus flammis per horrendam spissâ caliginis noctem, sæva semper incendia camini fumantis expirat; globus ignium ardens obstruitur, & in varios pœna exitus relaxatur. Tunc feriendi plurima genera, tum in se ipso convolvit quidquid ardoris emissi edax flamma cruciatur.* Sanè non spirituales & metaphorici, sed materiales & corporei ignis est ista descriptio Eidem veritati subscribunt omnes Doctores Scholastici.

Dices tamen: Vermis ille quem simul cum igne scriptu.



Scriptura designat pro pœna damnatorum, dicēdo Isaia 66. *Vermis eorum non morietur, & ignis eorum non extinguetur*: ille, inquam, vermis non potest intelligi nisi per metaphoram pro ipso conscientie remorsu: aliis enim, cum post diem iudicii nulla remansura sint animalia, quæ corpora depalcant damnatorum, eò quòd nimirum omnia illa finiēda sint, quæ ad res mixtas & viventia pertinebunt, præter hominem, falsò diceret Scriptura, vermem illum nunquam moriturum: Ergo similiter ignis quem pro tortura damnatorum Scriptura ibidem designat, non pro vero & corporeo, sed pro metaphorico duntaxat & spiritali igne accipiendus est.

Sed contra: nego consequentiam & paritatem: disparitas est, quia licet omnia pertinentia ad res mixtas & alia viventia, præter hominem, finire debeant post diem iudicii, eò quòd cessabit tunc omnis generatio, alteratio, & corruptio, elementum tamen ignis semper remanebit. Instabis: D. Ambrosius lib. 4. in Lucam titulo de parata cœna, dicit apertè ignem illum non esse flammarum corporalium.

Ad hoc respondeo, sensum propositionis illius esse duntaxat, quòd ignis ille non seviat in Dæmones, virtute flammarum corporalium, sed virtute spiritali, quā in ratione instrumenti elevatur & movetur à Deo ad illum effectum.

Supponit secundo difficultas proposita, Dæmones torqueri ab igne inferni, per alligationem eorum ad ipsum. Ratio in primis est, quia absque ejusmodi pœna non possunt plura ex locis Scripturæ salva consistere; qualia sunt illud Epistolæ canonice Judæ: *Angelos qui non servaverunt suam principatū, vinculis æternis sub caligine reservavit*: Et illud 2. Petri 2. *Deus Angelis peccantibus non pepercit, sed rudentibus inferni detractos in tartarum tradidit cruciandos*: Item illud Apocal. 20. *Apprehendit draconem, & alligavit eum per autos mille, & misit eum in abyssum, & clausit*.

Ratio est secundo, quia possibilis est & valde afflictiva hæc Dæmonum alligatio: possibilis, quia non fit virtute naturali ipsius ignis, sed supernaturali quam Deus ei tanquam instrumento suæ justitiæ communicat: afflictiva verò, quia nobilissimam creaturam rei ignobili, qualis est res omnis corporea, ad Angelum comparata, submittit, & ejus captivam reddit. Unde suppositioni nostræ subscribunt non solum D. Thomæ Discipuli, sed etiā D. Bonaventura, Scotus, Richardus, Suarez, Vazquez, Valentia, Bellarminus, & cæteri Theologi communiter; eamque expressè docet S. Thomas varijs in locis, præsertim. 4. contra Gent. cap. 90. ubi dicit quòd *substantie incorporee patiuntur ab igne corporeo, per modum alligationis cujusdam*. Et paulò post subdit: *Muldo igitur magis virtute divini spiritus dandi igni corporeo alligari possunt, & hoc ipsum est eis in afflictione, quòd sicut se rebus inanimatis alligatos in pœna*.

Duo tamen circa talem alligationem diligenter notanda sunt: primum est, ipsam (ut rectè advertit Joannes à S. Thoma) esse duplicem; unam præcisè quoad potentias Dæmonum, præscindendo à loco, quā nimirum ipse impediuntur ab exercitio connaturali operationum suarum; alteram per ordinem ad locum, ratione cujus Dæmones nequeunt operari, subindeque nec exire, saltem omnino & ad libitum, extra locum illum in quo sunt, sed ad summum aliquantulum, quando Deus, & ignis à quo detinentur, id permittunt. Quod dico propter illos Dæmones qui

A sunt in nostro aëre, & habent ipsum pro carcere: licet enim parum per illum discurrant, non tamen possunt pro libito & totalitèr ab illo exire, sed tantum aliquantulum magis vel minus intra ipsum sese movere, juxta permissionem divinam; non secus ac canis pede vel collo ligatus, sinitur quidem aliquantulum se movere, sed non nisi juxta laxationem majorem vel minorem funis: & hæc detentio vocatur pœna carceris. Duplicem illam alligationem indicare videtur Scriptura Threnorum 3. his verbis: *In tenebris collocavit me sicut mortuos sempiternos, circumdificavit adversum me ut non egrediar, aggravavit compedem meam*. Illa enim verba, *ut non egrediar*, detentionem, quoad locum, live pœnam carceris indicant: ista verò posteriora, *Aggravavit compedem meam*, alligationem sive impedimentum potentiarum; compedibus enim aggravatur & impeditur potentia loco motiva, per se les designata.

Secundum quod notandum est circa alligationem in ordine ad locum est, illam non cautari ab igne inferni, per modum præcisè termini & loci, cui Dæmon maneat ita alligatus, ut non ipse ignis, sed solus Deus concurret efficienter ad illam detentionem: non eo, inquam, solum modo ignis inferni concurret ad illam detentionem, sed etiam per modum cause efficientis non quidem principalis, sed instrumentalis, divina virtute elevata: Ratio est, quia non solum torquentur Dæmones, eò quòd detineantur in loco ubi gehennalis ignis est, sed etiam quia ab ipso igne affliguntur: ad hoc autem verificandum, necesse est omnino, ut rectè advertit Suarez, quòd ignis non solum sit terminus eorum alligationis, sicut infernus, sed etiam quod efficienter concurret ad eorum detentionem.

His præsuppositis: Difficultas est primum, quomodo utraq; illa alligatio fiat, an per aliquam formam realem & intrinsecam Dæmoni, ad prædicamentum qualitatis vel ubi pertinentem, cujus subjectum immediatum sit vel ipsa substantia Dæmonis, vel ejus potentia, vel utraque simul? Secundo, utrum præter illam alligationem detur aliud tormenti genus, quo acerbius ab igne inferni torqueantur Dæmones?

Aliqui ex Recentioribus, quos suppressis nominibus citant Salmanticens in suo de peccatis Tractatu, negant Dæmones detineri ab igne inferni, per aliquam formam in ipsis ab eo productam. Exiis verò quòd illam formam admittunt, Nazarius & Bannez dicunt eam pertinere ad prædicamentum ubi, alijs ad prædicamentum qualitatis. Quantum verò ad ejus subjectum immediatè receptivum, Salmanticenses loco citato docent esse tam ipsam substantiam Dæmonis, quam ejus potentias operativas, subindeque formam illam esse multiplicem. Ex Thomistis tamen Joannes à S. Thoma negat Dæmonis substantiam esse subjectum illius qualitatis immediatè receptivum, sed hoc solis potentis operativis convenire asserit. Denique quoad secundam partem difficultatis, Suarez, Vazquez, alijs: ferè omnes recentiores Theologi, Scholæ Divi Thomæ extranei, imò & antiquis Henricus, Scotus, Gabriel, & Richardus, negant alligationem Dæmonum ab igne tartareo causaram, esse sufficientem in ratione pœnæ sensus, sed aliud insuper tormenti genus esse quo acerbius cruciantur.

Differunt autem illi Auctores inter se in assignanda

36

C

D

38.

Dist.  
18.  
dub. 2.  
§. 2.

E

nanda quidditate huius alterius tormenti; aliquid enim cum Henrico quodlib. 8. quaest. 34. dicunt illud aliud tormentum consistere in calore ignis, in ipso Dæmone recepto: Scorus verò, Ægidius, Richardus, & Gabriel apud Vazquem, in receptione speciei intelligibilis repræsentativæ ipsius ignis, vel in ipsa ignis intellectiōe, ab ipso immediate in intellectu Dæmonis causata. Alij cum Suarez docent esse impressionem qualitaris scelerantis & deformantis ipsam substantiam Dæmonis, absq; eo quod aliquid ipsius destruat vel corrumpat. Alij deniq; existimant ignem torquentem Dæmones in inferno, causando in illis tristitiam ejusdem rationis cum illa, quam involuntate patitur anima conjuncta, quando corpus comburitur. Ita Magister Soto in 4. dist. 50. art. 3. quem aliqui Recentiores sequuntur. Communitur tamen Thomistæ nullum aliud tormenti genus, præter alligationem, pro pœna sensus in Dæmonibus agnoscunt.

## §. II.

*Prima difficultas resolvitur.*

**D**ico primò: ignis inferni ligat Dæmones, causando in ipsis formam realem, ad prædicamentum qualitatatis pertinentem; cuius immediatum subiectum non est ista substantia Dæmonis, sed solum ejus potentia operativa.

39. Prima pars conclusionis sic probatur: Ignis inferni ligat Dæmones efficienter, & intrinsecè; efficienter quidem, quia est instrumentum divinæ justitiæ quoad illum effectum, instrumentum autem dicit essentialiter efficientem causalitatem; intrinsecè verò, quia per solam formam extrinsecam nequeunt potentia Dæmonis ligari, si ab exercitio suarum operationum impeditur: hæc enim est differentia inter potentias, quæ per actiones formaliter transientes operantur, & potentias quarum operationes sunt formaliter immanentes; quales sunt ex omnes quibus præditi sunt Angeli) quod illi impediri possunt ab exercitio suarum operationum, per aliquid purè externum, non verò ista: Atqui non potest ignis inferni ligare Dæmones efficienter & intrinsecè, nisi causando aliquam formam realem, & ipsis intrinsecam; realem quidem, quia omni causæ efficienti debet assignari terminus realis productus; intrinsecam verò Dæmonibus, quia eorum alligatio est intrinseca: Ergo ignis inferni ligat Dæmones, causando formam realem, & ipsis intrinsecam.

40. Quòd autem talis forma ad prædicamentum qualitatatis pertineat, ut in secunda parte conclusionis asseritur, facile etiam suaderi potest. Nam forma malè efficiens & disponens suum subiectum, pertinet ad prædicamentum qualitatatis, & in prima ejus specie collocatur; ut patet de aegritudine, de habitibus vitiosis, de deformitate, & alijs similibus: Atqui forma illi intrinseca, quam ignis inferni causat in Dæmonibus, malè ipsos afficit & disponit, utpote cum eos cruciet & torqueat: Ergo pertinet ad prædicamentum qualitatatis.

41. Confirmatur: Forma illa quæ ignis inferni ligat Dæmones, non pertinet ad prædicamentum substantiæ; quandoquidem advenit enti jam cò-  
42. pletò & actualiter existenti: neq; ad prædicamentum quantitatis; cum in subiecto omnino spiritali recipiatur, neq; proinde ad situm aut habitum; quandoquidem prædicamenta ista supponunt quantitatem: non etiam ad prædicamentum

**A** mentum quando; utpote cum habitudo ad tempus, in qua consistit, non sit, sicut nec duratio ex qua resultet, subiecto suo nociva, nisi supposita disconvenientiæ formæ in eo existentis & durantis: non etiam ad prædicamentum actionis vel passionis; horum enim effectus formales solum sunt quòd agens agat, aut quòd passum recipiat, effectus verò formæ ab igne gehennali in Dæmonibus productæ, est quòd ipsi sint illi vel alteri corpori alligati: non etiam ad prædicamentum relationis; utpote quæ non ratione sui, sed solum ratione fundamèti, potest esse disconveniens subiecto: neq; tandem ad prædicamentum ubi, cum sola præsentia localis circumscriptiva, si in quantitate fundata, non verò spiritalis, ponatur in hoc prædicamento: Ergo superest duntaxat quòd ad prædicamentum qualitatatis pertineat.

Tertia pars conclusionis, quæ est contra doctrinam Salmanticensem, probatur primò: Illud in Dæmone est subiectum immediatum qualitatatis ligativæ, in eo ab igne inferni productæ, quod immediate alligatur loco ad tali ignem: Sed substantia Dæmonis non est id quod in ipso immediatum alligatur loco ab igne inferni, bene tamen ejus potentia: Ergo subiectum immediatum talis qualitatatis, non est substantia ipsa Dæmonis, sed ejus potentia. Major constat: cum enim qualitas illa sit veluti nexus & catena, quæ mediante ignis inferni alligat Dæmonem certo alicui & determinato loco, illud duntaxat est immediatum ejus subiectum, quod immediate ligatur & detinetur. Minor verò probatur: In Dæmone illud solum immediate alligatur loco ab igne inferni, quod immediate impeditur à sui extensione; ligatio enim, si compressio & coarctatio, nihil aliud est quam impedimentum extensionis: Sed substantia Dæmonis non impeditur immediate à sui extensione; utpote cum non sit immediate quanta quæritate virtutis, subindeq; nec immediate extensibilis, sed solum mediante potentia operativa: Ergo non ligatur immediate ab igne inferni, sed solum mediante potentia operativa.

**D** Confirmatur: Illud solum immediate ligatur in Dæmone ab igne inferni, subindeq; est subiectum immediatum qualitatatis ligantis, quod immediate impeditur ab egressu à loco cui alligatur; detentio enim in loco, si alligatio ad locum, nihil est aliud quàm impedimentum exitus extra illum: Sed substantia Dæmonis sicut non immediate egreditur sive movetur à loco, sed tantum mediante potentia, ita non impeditur immediate ab egressu à loco in quo ab igne inferni detinetur: Ergo &c.

**E** Probatur secundò: Idem in opinione Salmanticensi, non solum potentia Dæmonis, sed etiam ejus substantia, affici debet immediate qualitate ipsam alligante, ut tali corpori & loco subditus reddatur, tam quoad substantiam, quàm quoad potentiam: Atqui licet subiectum immediatum illius qualitatatis quæ ligatur Dæmonem, sit solum ejus potentia, redditur tamen per illam subditus corpori & loco, non solum quoad potentiam, sed etiam quoad substantiam: Ergo superflue omnino concedunt qualiteram illam afficere immediate tam substantia Dæmonis, quàm ejus potentiam. Minor probatur: Sicut impossibile est quòd Angelus existat activè in loco immediate, per potentiam operativam, nisi etiam ibi existat mediatè per substantiam; ita similiter non est possibile, quòd existat passivè in loco, tanquàm subditus immediatè

immediatè quoad potentiam, nisi etiam ibidem existat, tanquam ei subditus mediatè quoad substantiam.

45 Confirmatur primò: Substantia Dæmonis est principium radicale omnium ejus potentialiarum, ab eistandiu inseparabile, quandiu existunt: Ergo impossibile est quod potentia Dæmonis detineatur violentè in aliquo loco, nisi etiam consequenter, sive mediatè, ibidem detineatur violentè substantia, quæ est principium earum radicale: Ergo eo ipso quod potentia Dæmonis ratione qualitatibus immediatè eas afficientis subditur loco, in quo violentè detinentur, subditur etiam eidem loco, licet solū mediatè, ejus substantia, absque eo quod sit necesse quod recipiat aliquam qualitatem.

46 Confirmatur secundò: Quamvis substantia Dæmonis non afficiatur immediatè qualitate ligativà ab igne tartareo causatà, sed solū mediatè; non minùs tamen propterea cruciatur ex illa, quàm si eam immediatè in sua substantia reciperet: sive enim subjectio substantiæ omnino spiritualis loco corporeo, sit immediata, sive solū mediante ejus potentia, æquè est depressiva & humiliativa ipsius, subindeque æquè pœnalis & cruciativa: Ergo cūm ideo alferant Salmanticenses, subjectum immediatum, qualitatis Dæmonem alligantis, esse etiam ejus substantiam; quia putant aliquid conferre ad acerbius ipsum cruciandum, falsum omnino supponunt principium, subindeque & falsam ex eo deducunt conclusionem.

## §. III.

*Solvuntur objectiones.*

47 Contra primam partem conclusionis obijci-  
tur primò: D. Thomas in 4. dist. 44. quæst. 3. art. 3. quæstionem. 3. ad 4. sic habet: *Dicendum quod ignis non agit in animam, per modum influentis, sed per modum detinentis*: Atqui si ligaret Dæmones, causando in ipsis mediante igne inferni aliquam formam realem & intrinsecam, ageret in eos per modum influentis, ut constat: Ergo ignis inferni non agit in Dæmones, causando in ipsis formam realem.

48 Respondeo cum Joanne à S. Thoma, sensum verborum D. Thomæ non esse quod ignis non influat in animas quas detinet captivas; aliàs enim non concederet quod agit in ipsas, cūm agere in aliquem, quocumque modo sumatur, importet aliquem influxum in eum; sed solū voluit docere, id quod influat ignis ille in animam deservire duntaxat ad detinendum, non verò ad alternandum, vel corrumpeudum.

49 Obijciens secundò: Dæmones superiores interdu-  
m ligant virtute proprià & connaturali inferiores, certis quibusdam corporibus & locis, & tamen nihil propterea reale & intrinsecum in eis produciunt; aliàs posset Angelus virtute proprià operari physicè intra alium Angelum: Ergo à fortiori ignis inferni virtute divinà ligabit Dæmones, absque eo quod formam aliquam eis intrinsecam producat.

50 Respondeo distinguendo Antecedens: Dæmones superiores virtute proprià & connaturali ligant inferiores, physicè, nego Antecedens: ligant moraliter tantum, imperando eis tanquam sibi voluntariè subditis, ut mediante aliqua operatione sese constituant in aliquo loco, & ibi remaneant, concedo Antecedens, & nego Conse-

quentiam: ignis enim inferni ligat Dæmones, non moraliter duntaxat, sed physicè.

Obijciatur tertio: Non est necesse ut quod ligat aliud, ipsum præcisè impediendo ab operationibus ei connaturalibus, & à transitu de loco in locum, non est, inquam, necesse ut aliquid reale in eo producat: Sed ignis inferni hoc duntaxat modo ligat Dæmones: Ergo non est necesse quòd in eis producat aliquam formam intrinsecam. Minor constat, Major verò probatur. Videmus enim quòd manus lapidem in aëre suspensum detinet, ipsumque à connaturali operatione, quæ est tendentia ad centrum ei proprium, subindeque à transitu de loco in locum, impedit, absque eo quòd tamen aliquid intrinsecum in eo producat.

Respondeo distinguendo Majorem: Quod ligat aliud &c. non est necesse quod producat aliquid in eo, si illud aliud quod detinet, habeat potentiam & operationem formaliter externam & transeuntem, concedo: si careat tali potentia & operatione, solūque habeat internam, sicuti habet Dæmon, nego: eo enim ipso quòd omnis ejus potentia & operatio sit formaliter immanens, non potest ab ejus exercitio præcisè per aliquid externum impediti: unde ad exemplum altatum de lapide, negatur consequentia, propter disparitatem assignatam.

C Contra secundam partem conclusionis obijci-  
tur: Si forma illa, quæ ignis inferni ligat Dæmones, esset qualitas, vel esset qualitas spiritualis vel corporea: Neutrum dici potest: Ergo &c. Probatur Minor: in primis non est corporea, si enim virtus sive qualitas spiritualis nequit per modum permanentis recipi in subjecto ut docet expressè D. Thomas 3. p. quæst. 62. art. 4. ad 1. eadem ratione, inò à fortiori, qualitas corporea non poterit permanentiter recipi in subjecto spirituali. Sed neque etiam dici potest spiritualis: quia deberet quodammodo perfectè potius quàm alligare Dæmones: qualibet enim qualitas spiritualis est essentialiter perfectio sui subjecti, maxime si sit supernaturalis, ut est haud dubie qualitas ab igne inferni in Dæmonem producta, si detur.

Respondeo formam illam esse qualitatem spirituales. Ad probationem in contrarium dico: qualitatem spirituales esse quidem essentialiter perfectionem in se & absolutè, non tamen comparative ad hoc vel illud subjectum. Queniam modum enim frigus, etiam si perfectio quædam sit, non tamen est perfectio ignis quem corrumpit: sic qualitas spiritualis, ab igne inferni in Dæmonem producta, esto in se & absolutè perfectio quædam sit, non tamen per ordinem ad Dæmonem quem captivat & alligat. Neque obstat veritati hujus doctrinæ supernaturalitas illius qualitatis: non enim est supernaturalitas quoad substantiam; aliàs pertineret ad ordinem gratiæ; sed præcisè quoad modum, in quantum videlicet efficitur ab igne, modo ipsi supernaturali.

Contra tertiam partem conclusionis obijciunt primò Salmanticenses. Non repugnat Dæmonum substantiam affici immediatè qualitate eos alligante, conduci que hoc non parum ad eorum tormentum: Ergo asserendum est ita de facto contingere; atque adeò subjectum immediatum talis qualitatis esse etiam substantiam Dæmonis. Ultraque consequentia patet, Antecedens verò quoad primam probatur, Primò ex eo quod nulla, inquit, in eo ostendi possit  
N n n repugnan-



repugnantia: secundò quia si Deus produceret substantiam Angeli sine ullis potentiis, posset nihilominus ejusmodi substantiam alicubi passivè detinere, subindeq; eam qualitate alligante inmediate afficere. Quantum verò ad secundam partem Antecedentis, inde eam inferunt, quod non solum Dæmonis potentia (inquiunt) sed etiam ejus substantia sit ex natura sua absolutissima, & independens omnino à loco & à corpore: hinc enim sequitur majorem illi inferri violentiam, si ex utroque capite corpori & loco alligetur, id est, ex eo quod aliqua qualitas detineus recipiatur inmediate & in ejus substantia, & in potentia, quam si ex uno duntaxat capite id contingat, id est, si sola potentia inmediate recipiat ejusmodi qualitatem.

36 Respondeo negando Antecedens quantum ad utramq; partem. Quoad secundam quidem: quia mediata duntaxat ligatio substantia Angeli ad determinatum locum, æquè illius humilitativa est & depressiva, subindeque æquè cruciativa-acligatio inmediate, dato quod ista esset possibilis. Quoad primam verò: quia substantia Angeli non potest inmediate detineri ab illa qualitate, sed solum mediante potentia, ut in prima probatione demonstratum est. Ad primam autem probationem in contrarium respondetur, implicantiā, in eo quod asserit, sufficienter à nobis ibidem fuisse allatam. Ad secundā dico, quod sicut substantia corporea, sine quantitate à Deo producta, nullibi posset collocari tanquam in loco: ita similiter substantia Angeli, sine potentiis à Deo producta, nullibi posset tanquam in loco passivè detineri.

37 Obijciunt secundò: Independentem ab operationibus Dæmonum debemus in eis constitutere alligationem, per quam alicubi ab igne detineantur: Sed talis alligatio sic independens ab operatione, potest inmediate afficere eorum substantiam, ut constat: Ergo de facto sic eam afficit; subindeque qualitas, cujus est effectus formalis, inmediate in ea recipitur. Majorem ex eo dicunt esse evidentem, quod neque in animabus damnatorum existentibus in inferno, neque in eis quæ existunt in purgatorio, sit assignabilis actio transiens, per quam in illis localis quæ effectum operentur; & tamen non est dubium manere illis ligatas & detentas.

38 Respondeo distinguendo Majorem: Independentem ab operationibus Dæmonum elicitis, debemus constituere in eis alligationem: Esto. Independentem ab operationibus Dæmonum, impeditis propter alligationem potentiarum quæ sunt earum principia, nego Majorem. Cum enim ex una parte detentio in loco nihil aliud sit, ut diximus in prima probatione, quam impedimentum extensionis sive exitus extra illum; & cum aliunde non possit Dæmon se extendere, extensione cujus est capax (scilicet virtuali duntaxat) extra locum aliquem, sive exire ab eo, nisi mediante suā quantitate virtuali (quæ est potentia operativa, & ejus actus) consequens est non posse constitui alligationem aliquam in Dæmonibus independentem à potentiis operativis, aut earum operationibus impeditis. Ad probationem in contrarium dico, quod licet nec in animabus damnatorum, nec in illis quas detinet locus purgatorii, sit assignabilis operatio transiens, per quam de facto aliquid efficiant circa loca illa, potest tamen assignari actio transiens, per quam se extendent extensione virtuali ex-

tra loca illa, nisi impedirentur ab igne, & à qualitate per ipsum in eis producta, nempe actio productiva effectus ejusdem speciei, cum aliquorum quos producit Angelus, quando movetur de uno loco in alium.

Quæres, quænam ex potentiis Dæmonis sit subiectum inmediate qualitatibus ipsam alligantibus & captivantibus? Respondeo, juxta communem doctrinam Thomistarum, potentiam motivam & executivam in Angelis non distinguuntur ab intellectu practico, qualiter illam alligativam subiecti in practico Dæmonis intellectu, qui in ratione potentie motive & executive, ita per eam intrinsecè ligatur & coercetur, ut non possit uti suo lumine, suis speciebus, & suā virtute, eo modo & eā efficacia quæ requiritur, ut moveat se & alia ad libitum, per actum imperii practici, nisi prout permittitur ab ipso igne, ut magis patebit ex dicendis §. sequenti.

#### §. IV.

*Altera difficultas expeditur.*

Dico secundò: Effectus qualitatibus Dæmonibus alligantis, acerbissimum componunt cruciatum: nullumque aliud in substantiis spiritualibus assignari potest tormenti genus, quod ad pœnam sensus pertineat.

Antequam prima pars conclusionis probetur, sciendum est, plures in nostra doctrina esse effectus qualitatibus Dæmonibus alligantis. Primus est, Dæmonem ipsum submittere igni à quo alligandus est, sicut inferiorem superiori: qui effectus, licet non sit formaliter alligatio, quia tamen ex sua natura ad eam ordinatur, & requiritur præsuppositivè, sub ejus nomine comprehenditur. Secundus est alligatio potentiarum: primò in ordine ad ipsas, in eo consistens, quod intellectus Dæmonis non possit intelligere plura quæ vellet ipse Dæmon intelligere; & e contra necessiter, determinetur, & ligetur ad meditationem plurium quæ nollit meditari: secundò in ordine ad locum, inquantum videlicet ita cogitur remanere applicatus uni loco, ut non possit suam virtutem alibi applicare. Ex quo resultat tertius effectus, nempe ipsa incarceration, sive detentio in uno loco, eoque valde angusto, tanquam in carcere. His positis.

Probatur prima pars conclusionis: Tantus est cruciatus in Dæmonibus, ut illis esse actus resultans, quanta est eorum disconvenientia ad naturam angelicam: Sed hæc disconvenientia est maxima: Ergo & maximus, acerbissimusq; cruciatus ex his causatus. Major est certa: cum enim causi sive objectum doloris sit malum cognitum, malum autem alicujus sit quod ei disconvenit, quantitas doloris ex qualitate disconvenientie (supposita perfectâ cognitione, qualis est angelica) omnino pensari debet. Minor verò facile probatur, explicando in particulari disconvenientias & improportiones dictorum effectuum ad substantias omnino spirituales, quæ sunt earum subiecta. In primis si celsitudinem naturæ Dæmonum, eorumq; superbiam comparemus cum primo effectui qualitatibus eos alligantis (qui est Dæmonem igni submittere, tanquam inferiorem superiori, ut ab eo veluti mancipium vile tractetur) tantam repertemus disconvenientiam ortam ex illo capite, ut major excogitari nequeat. Ea est enim naturæ Dæmonum dignitas & præstantia, ut ei corporalia omnia jure naturæ subdantur & obsequantur: ea superbia,



bīa, ut neque Deo ipsi voluerint subijci, nec eum A  
tanquam superiorem venerari: & tamen rebus  
corporeis omnium vilissimis & abjectissimis  
subijciuntur, angusto in loco, veluti in carce-  
re, ab eis detinendi & in perpetuum deprimen-  
di. Habere itaque omnia corpora sibi naturali-  
ter subdita, & tamen infimis corporibus subijci,  
qualis improportio! Nolle humiliari Deo, &  
tamen vilissimæ creaturæ dominium suprà se &  
principatum recognoscere, ac subire, quæ dis-  
convenientia!

Non minor est inconvenientia quæ provenit  
ex secundo effectu, nempe ex alligacione poten-  
tiarum, tam in ordine ad se, quam per ordinem  
ad locum. Nam quanto aliqua forma est perfe-  
ctior, tanto est activior, & quanto activior, tan-  
to majorem habet inclinationem ad opera-  
ndum; unde detentio & alligacione operetur,  
non potest non esse illi maximè disconveniens  
ac repugnans: Angeli autem sunt fortissimè acti-  
vissimæ: Ergo non potest excogitari major dis-  
convenientia & afflictio, quam impedimentum  
ne operentur sicut & quando volunt. Item, ut  
dicunt S. Thomas quæ de anima art. 21. *Qualibet  
spiritalis substantia, quantum est de sua natura, non  
est obligata alicui loco, sed transcendit totum ordinem  
corporalium: quod ergo alligetur alicui, & determi-  
netur ad aliquem locum per quandam necessitatem, est  
contra ejus naturam, & contrarium appetitus natura-  
li*: Ergo & maximè illi disconveniens ac dolori-  
ferum.

62 Uthæc magis declarentur, verba Cajetani  
quæ habet tomo 3. opusculorum, in oratione de  
hac materia habita Romæ coram Julio II. Sum-  
mo Pontifice, referemus: in illis enim, quæ  
hæcænos diximus, elegantius describuntur, &  
alia superadduntur. Sic ergo loquitur doctissi-  
mus ille Cardinalis: *Definitus igitur non naturā,  
sed vi detentus in loco spiritus, naturalem libertatem  
ac dignitatem, quā nulli subijcitur corpori, quā omne  
corpus evincit, quā omni corpori præeminet præside-  
re, insensibilissimè perdidit, & se perdidisse miserrimè  
meret, atque merendo ineffabiliter cruciatur. Af-  
flictiatur intellectus, quando sua captivitas erum-  
nam non recitare subinde non potest; cumque mul-  
ta simul meditari nequeat, ab aliorum omnium qua  
levamen asferre possent consideratione prohibetur. Et  
quanquam meditatio pœnæ, pœna non sit, cum liber  
quis medietur solum, attamen ubi præsens est doloris obiectum, ubi  
suam vim exercet in meditantem, ubi denique medita-  
tio ipsa coacta est, nihil acerbius animum quàm hujus-  
modi consideratio afficere potest. Afflictiatur voluntas,  
quippe ab omni delectabili depulsa, id ferre compellitur  
quod designatur, respuit, abhorret: quàm maximè  
quod Dei iustitiam, cui præcipue invidet: divinam cel-  
situdinem magnificari in propria & ea abjectissima  
pœna, dolet, gemit, corroditur. Afflictiatur denique  
activa potentia: siquidem dicitur igni addicta, nullā  
aut certè modicā possunt exercitatione sese subjectis  
admoovere rebus. Quod eo intolerabilius est, quod tanta  
ei vis inest, ut commovere nutu singula possent. Acce-  
dit ad hæc, quod jugis perennisque est ei definitus car-  
cer, & dolor; ita ut nulla valeat minuire aut mollire  
adventus conditio, sed semper uti ab initio acerbissimè  
mæreere opus est: neque enim detrusi spiritus oblivione  
mederi, meditationi vacare, affectum deponere, se-  
se adhortari, facere (ut aiunt) de necessitate virtu-  
tem usque quaque valent. Nulla ei clementia aut  
varietatis spes; nulla in prætereuntis temporis even-*

Tom. II.

tu expectatio: sed quas luunt pœnas, nunquam ter-  
minandas aut minuendas certissime sunt, imò inviti,  
ad mærorum culmen, clarā luce vident.

Secunda pars conclusionis probatur, singulas  
eorum opiniones qui oppositum docuere im-  
pugnando. In primis enim non potest ignis tor-  
quere Dæmones, imprimendo illis suum calo-  
rem, ut docuit Henricus: tum quia accidens  
corporeum recipi non potest in substantia spiri-  
tuali: tum etiam, quia dato & non concessō  
quod calor ignis recipi posset in substantia vel  
potentia Dæmonis, nihil in ipsa dederat aut cor-  
rumpere, subindeque non esset illi, sicut sub-  
stantiæ corporeæ, causa doloris.

B Non minùs impossibilis est illa alia pœna allig-  
acioni superaddita, quam in Dæmonibus statu-  
it Agidius, Richardus, & Gabriel, dicentes  
eos torqueri per immisionem speciei repræsen-  
tativæ ipsius ignis, tanquam eorum tortoris, vel  
per intellectionem suæ miserie, immediatè ab  
igne inferni in eis causatam. Quantum enim ad  
intellectionem, cum sit actio vitalis & imma-  
nens, non potest fieri sive procedere à principio  
extrinseco, quale est ignis inferni respectu Dæ-  
monis, sed solum ab intrinseco. Quantum verò  
ad speciem, præterquam quod Dæmon ab initio  
suæ productionis imprellas habet ab auctore  
naturæ omnium rerum ad istud universum per-  
tinentium species, subindeque superflua omni-  
o videtur novæ speciei ignis inferni repræsen-  
tativæ impressio: dato & non concessō quod  
daretur talis species, non potest esse Dæmoni  
disconveniens, nisi vel quia ligat & necessitat in-  
tellectum Dæmonis, ut velit nolit intelligat per  
illam, vel quia illi repræsentat ipsum ignem, ut  
obiectum horribile & dissonum, ipsum illi pro-  
ponendo tanquam impedimentum & vincu-  
lum à quo detinetur & captivatur: illi autem  
duo effectus non distinguuntur à pœna alligatio-  
nis, sed sub ipsa continentur & comprehendun-  
tur, ut patet ex suprà dictis: Ergo &c.

Quoad aliud tormenti genus, consistens, ut 65  
ait Suarez, in qualitate substantiam Dæmonis  
fœdante & maculante, non minùs fictitium est:  
quia nulla forma est disconveniens suo subjecto,  
subindeque nec ipsi causa doloris & pœnæ, ni-  
si tollendo ab eo aliquid conveniens, vel impe-  
diendo, aggravando, aut retardando aliquam  
ejus inclinationem: non potest autem talis qua-  
litas doctrina sui Authoris esse disconveniens  
primo modo, quia, ut ipse ait, illa nihil destruit  
aut tollit à substantia Dæmonis: neque etiam  
secundo, quando quidem ex una parte retardatio  
& aggravatio inclinationum Dæmonis sunt  
effectus formales alligacionis, ut antea declara-  
vimus; ex alia verò eam docet Suarez & propo-  
nit tanquam omnino distinctam ab alligacione:

E Ergo &c.  
Respondet Suarez, qualitatem illam esse dis-  
convenientem naturæ Dæmonis, non ex eo quod  
tollat ab eo aliquid conveniens, vel impedi-  
at, aggravet, aut retardet aliquam ejus inclinatio-  
nem, sed quia fœdat, deturpat, & veluti macu-  
lat ejus substantiam.

Sed contra: Non potest intelligi quod aliqua 67  
qualitas reddat aliquod subjectum difforme,  
nisi aliquid ab eo removeat: Sed illa qualitas, in  
doctrina sui Authoris, nihil omnino tollit à  
substantia Angeli: Ergo illam fœdare, detur-  
pare, & maculare non potest.

Nnn 2

Con-

Confirmatur: Fœdari & deurpari est amittere aliquam pulchritudinem: Sed nullam ex qualitate illa quam fingit Suarez potest Angelus amittere pulchritudinem: Ergo per illam non potest Angeli substantia fœdari. Major patet, Minor probatur. Pulchritudo & perfectio naturalis mansit integra in Dæmonibus post peccatum; illa enim consistit in integritate substantiæ, per spicacitatem intellectus, & excellentiam voluntatis, quæ omnia remanent in Dæmonibus: pulchritudo verò supernaturalis, quæ provenit à gratia sanctificante, & virtutibus infusis, expellitur solum per peccatum ipsis contrarium: unde, si fuere privati Dæmones in secundo instanti in quo peccarunt; qualitas verò quam fingit Suarez, sive illis impressa solum in tertio instanti, in quo damnati sunt, ut ipse fatetur: Ergo &c.

68 Addo quod, impressio qualitatibus, de houestantis substantiam Angeli, non magis propriè dici potest combustio, quàm alligatio & detentio Dæmonum in igne inferorum ut in carcere: Atqui Suarez qualitatem illam fœdantem substantiam Angeli fingit, ut salver in rigore sententiarum Scripturarum & Patrum, quando dicunt ignem inferni urere Dæmones: Ergo qualitas illa inutilis est, & sui Auctoris intentio non deservit.

69 Non placet etiam illorum sententia, qui dicunt ignem inferni torquere Dæmones & animas separatas, causando in illis dolorem & tristitiam ejusdem rationis cum illa, quam in voluntate patitur anima conjuncta, quando corpus igne comburitur. Nam quidquid sit de animabus saltem respectu Dæmonum evidens est, nullum posse dari objectum, vel idem, vel ejusdem rationis cum objecto, de quo dolet anima corpori unita, propter adustionem vel alligationem ipsius corporis: Ergo nec potest dari in illis dolor ejusdem rationis. Consequentia patet: siquidem dolor, & quilibet actus appetitus sequi debet genus & conditionem objecti. Antecedens verò probatur: Objectum illius doloris quem patitur anima in voluntate, dum corpus igne exurit, est illa qualitas sensibilis & dolorifera, quatenus est destructiva compositi, cujus anima pars est, & voluntas inclinatur: Sed talis qualitas non potest reperiri in Angelo; quia Angeli sunt incapaces qualitatibus sensibilibus, neque sunt partes allicujus compositi physici: Ergo nec in eo reperiri potest objectum ejusdem rationis cum illo de quo dolet anima corpori unita, dum corpus exurit.

70 Confirmatur: Ignis urens, dum anima est in corpore, causat dolorem non modo sensibilem in appetitu corporeo, sed etiam spiritualem in voluntate, propter unionem & sympathiam quam anima habet cum corpore, & quia, cum voluntas sit appetitus totius suppositi, habet pro objecto bonum & malum ejusdem totius, sive ad animam sive ad corpus spectet, & de utroque percipit dolorem vel gaudium: Sed talis sympathia non potest esse in Angelo; cum non habeat aliquod corpus sibi naturaliter unitum, sicut anima, & sit essentialiter forma completa & per se subsistens: Ergo nec dolor ejusdem rationis cum illo quem patitur anima corpori unita.

## §. V.

## Præcipua objectiones solvuntur.

71 Obijciunt primò: Scriptura & SS. Patres distinguunt inter hoc quod est, esse in igne vel in inferno, & cruciari ibi ab ipso igne; imò in-

terdum asserunt spiritus ab igne inferni ureri, cremari, &c. Ergo præter alligationem, aliam pœnam sensus ab igne proveniente in Dæmonibus agnoscunt. Consequentia videtur bona, Antecedens verò constat ex historia divitis epulonis Lucæ 16. ejus enim anima in inferno existens, dicebat se non tantum detineri, sed etiam cruciari in flamma, unde & refrigerium aquæ postulabat. Hinc Tertullianus, libro de anima cap. 7. Dolet (inquit) apud inferos anima cujusdam, & punitur in flamma, & cruciatur in lingua, & de gemitu anime scilicet, implorat auxilium rosis. Et Gregorius lib. 4. Moral. c. 28. Res corporea incorporea exurit, dum ex igne visibili ardor, ut dolor invisibilis, trahitur: ut per ignem corporeum mens incorporea etiam incorporata flamma cruciatur.

Confirmatur ex Augustino 22. de civit. cap. 10. ubi ait: Miris ac ineffabilibus modis spiritus in corporeos panes corporalis ignis affligi: Sed si non affligentur aliter ab igne, quàm concipiendo tristitiam ex eo quòd sint illi alligati, non miris & ineffabilibus modis ab eo cruciarentur; facile enim est intelligere, eos divinâ virtute alligari igni, & inde concipere mororem: Ergo præter alligationem, alia pœna sensus ab igne proveniens, in Dæmonibus necessariò admittenda est.

Ad objectionem, concessio Antecedente, nego Consequentiam. Alligatio enim Dæmonum ad ignem inferni, non dicit simpliciter solum detentionem & incarcerationem, ut Adversarii autumant, sed etiam plures alios effectus supra explicatos, qui acerbissimi in Dæmonibus causant dolorem & cruciatum; unde ratione illorum verificatur testimonia Scripturæ & SS. Patrum, qui aliud pœnæ genus in Dæmonibus agnoscunt, præter hoc quod est detineri ab igne.

Ad illud quod addit de unctione, in primis dico, locutiones illas Scripturæ non posse in proprietate sermonis intelligi, sed necessariò esse in sensu metaphorico intelligendas: quia cum unctio sit passio corporea, manifestum est illam non posse in Dæmonibus & animabus separatis repetiri formaliter.

72 Secundò respondeo quod sicut aqua Baptismi dicitur lavare animam, non quod reipsa illam attingat & abluat, sed quia ipsa corporalis ablutio eam disponit, & reddit capace, ut eleveur à Deo tanquam instrumentum, ad producendam gratiam in anima pueri, & delendam maculam originalis peccati. Ita pariter in Scriptura ignis interni dicitur urere Dæmones, non quod reipsa illos comburat, sed solum quod torquet ipsos per ipsammet unctionem, quatenus per illam, utpote propriam actione ignis, modificatur actio principalis agentis, scilicet Dei, per quam modis supra explicatis, acerbissimi cruciatur.

73 Ad confirmationem dico, quod cum alligationem Dæmonum non possimus satis præteriti statu comprehendere, nonnullaque sint circa eam quæ non ita animum quærant, quamvis præter illam nullum aliud admittatur in Angelis prævaricatoribus tormentum, ad pœnam sensus pertinens, sufficienter tamen adhuc verificatur doctrina Augustini, asserentis illos miris & ineffabilibus modis ab igne tartareo cruciari.

Obijciunt secundò: Alligatio Dæmonum non pertinet ad pœnam sensus: Tum quia aliàs cum anima puerorum, qui soli originali peccato obnoxii decesserunt, manent in limbo semper alligati, falsa esset communis Theologorum doctrina, asserentem nullam esse in eis pœnam sensus:

sensûs: Tum etiam quia non videtur in alio consistere ejusmodi alligatio, quàm in eo quod Dæmones, à loco cæli exclusi & prohibiti, commorari cogantur infra cælum in aliquo alio loco; quod totum ad penam damni pertinet: Ergo præter detentionem illam necessariò admittendum est quiddam aliud in Dæmonibus, quod ad penam sensûs pertineat.

76 Respondeo negando Antecedens. Ad primam ejus probationem dico, existentiam puerorum cum solo originali decedentium in limbo, non esse propriè alligationem, sed esse duntaxat præsentiam ipsorum in tali loco. Ut enim anima dicatur alicui loco alligata, vel corpori, non sufficit quod ei sit semper præsens, sed requiritur in super quod ejus præsentia ad locum illum, sit cum subjectione, depressione, & violentia; quod tamen non habet præsentia illa quâ pueri dicuntur manere in limbo; quippe qui nullam omnino à loco illo patiuntur subjectionem aut violentiam, neque ab aliqua ex operationibus sibi connaturaliter debitæ vel volitis impediuntur, nec ad aliquod nolum applicantur. At verò existentia & remanentia Dæmonum in loco (quæ est effectus ignis tartarei) non est nuda eorum præsentia, sed præsentia tñ associata subjectione & violentiâ: utpote ratione ejus Dæmon quoad exercitium suarum operationum, & consequenter quoad suam naturam, subditur igni, ipsum ad ea duntaxat quæ non vult applicanti, & ab omnibus, vel saltem pluribus quæ vellet, impediendi.

Ad secundam probationem, nego illam; alligatio enim, quam ab igne inferni patiuntur Dæmones, præter eorum existentiam & remanentiam extra cælum, quæ sequitur ad penam damni, essentialiter dicit subjectionem ad ignem, ipsos loco violenter applicantem & detinentem: quod certè constituit penam, ab ea quæ damni dicitur valde diversam.

77 Obijciunt tertio: Pena sensûs necessariò admitti debet inæqualis in Dæmonibus, & minor in animabus quæ in purgatorio detinentur, quàm in illis quæ in inferno captivantur: Sed hoc non potest admitti, absque quod in Dæmonibus & in animabus illis consequatur pœna aliqua sensûs, ab eorum alligatione distincta: Ergo talis pœna necessariò admitti debet. Major est certa: pœna enim sensûs debet proportionari culpæ Dæmonum & animarum; culpa autem sive peccatum Dæmonum, non est in ipsis æquale; in animabus verò justorum, quæ captivæ ignis purgatorii, vel est veniale duntaxat, vel sit mortale, est peccatum remaneas tantum quoad penam; cum tamē in damnatis sit mortale non dimissum, neque quoad culpam, neque quoad penam. Minorem vero probat Suarez, quia (inquit) pœna alligationis vel detentionis non recipit magis & minus; est enim positiva præsentia in loco, indivisibilis & totalis in singulis.

78 Respondeo negando Minorem, & ejus probationem. Non enim alligatio Dæmonum ab igne tartareo causata, est nuda, ut existimavit Suarez, eorum præsentia in loco, sed, ut jam dixi, præsentia eos violentans & subjiciens igni; subindeque major vel minor in ratione alligationis & pœnæ; primò intensivè, juxta videlicet majorem vel minorem perfectionem specificam vel individualement naturæ singulorū Dæmonum vel animarum, quam subijci igni, & juxta inæqualitatem inclinationū quas in eis violentat; secundò

Tom. II.

A extensivè, vel quia unum ex Dæmonibus ligat in pluribus operationibus, quàm alium; animam autem in purgatorio existentem, relinquit liberam, quoad exercitium aliarum operationū, circa quas animabus in inferno positis nullam omnino relinquit libertatem; vel quia illas, aut unum Dæmonem subijciit pluribus corporibus ligantibus, quàm illam, vel alterum Dæmonem, putat igni, aquæ, terræ, sulphuri, & aliis.

Obijciunt ultimò: Multi sunt ex Dæmonibus qui non detinentur in inferno, nempe illi qui per nostrum aërem discurrere permittuntur, & qui propterea ab Apostolo *aëres potestates* appellantur: de quibus Tertullianus ait: *Habent de insolatu aeris & de vicinia syderum, & de cap. commercio nubium. cælestes sapere paraturas*: Ergo 79 vel nulla admittenda est in eis alia pœna, præter eam quæ est damni; vel si aliqua alia admittatur, sicut debet admitti, erit distincta ab alligatione ad ignem inferni.

Respondent aliqui, Dæmones qui sunt in hoc aëre caliginoso, nondum receperunt ultimum essentiale supplicium, nec complementum infernalium tormenti. Ita Cajetanus in Commentariis ad capit. secundum Epistolæ 2. D. Petri, ubi hæc scribit: *Servatos autem seu servandos Dæmones in judicium dicit* (Apostolus) *quia adhuc non sunt extremae damnationis subiecti: sed hoc extremo judicio reservatur. Unde & Dominus in Evangelio dicit de igne aeterno, qui paratus est Diabolo & Angelis ejus, & non dicit; qui jam datus est Diabolo & Angelis ejus. Huic sententia favent aliqui ex SS. Patribus: Fulgentius in libro de Trinitate, cap. 8. sic ait: *Quadam pars Angelorum, nolens sui Creatoris facere voluntatem, ab eis contemplatione dejecta, servatur in judicio puniendi, Petrus Apostolo dicente eos in judicium reservari. Et mox: In hujus aeris ima detruis, servantur in judicium puniendi. Gregorius 4. Dialog. cap. 29. Diabolum & Angelos ejus, in fine corporeo ignis cruciandos esse ait: Bernardus in Sermone de transitu S. Malachie: *Defuncti quidem* (inquit) *sed nondum promulgata sententia est. Denique jam Diabolo ignis paratus est, etsi nondum illi accipitur in ignem, modico adhuc tempore finitur malignari.***

Verum licet hæc sententia siquæ contraria non sit, cum nec Scriptura, nec Concilium ullum hæcenus docuerit, Dæmones omnes extrema illa supplicia perpeti, quæ parata iis esse iudex ipse dicit, non videtur tamen rationi consentanea: nam ut ait D. Thomas hic art. 4. ad 3. *Dicendum est quod idem judicium sit de malis animabus & malis Angelis, sicut idem judicium est de bonis animabus & bonis Angelis, præteritum cum Damascenus asserat id Angelis esse casum, quod hominibus est mors: Sed anime in peccato mortali existentes, statim post mortem recipiunt ultimum essentiale supplicium, nondum quoad penam damni, verum etiam quoad penam sensûs, ut patet de anima divus e pulonis Lucæ 16. dicente, *Crucior in hac flamma. Unde Gregorius 4. Dialog. Si esse Sanctorum animas in celo sacri eloquiis satisfactione credidisti, oportet ut per omnia esse credas, & iniquorum animas in inferno, quia ex retributione aeterna iustitia, ex qua iusti jam gloriuntur, necesse est per omnia ut & iniusti cruciantur. Nam sicut electos beatitudinis latificat, ita credi necesse est, quod à dei exitus sui ignis reprobos exurit. Quare cum Angeli tantæ beatitudinis percipiuntur, pariter dicendum**

Nnn 3

Cap. 18.

Lib. 5. fidei cap. 4.

Apo. 2. leg. de cap. 22.

est, Dæmones qui in hoc aëre caliginoso versantur, ultimum essentiale supplicium, nedum quoad pœnam damni, sed etiam quoad pœnam sensus receperunt.

80 Respondent secundò alii, Dæmones in hoc aëre existentes, secum deferre particulam quandam ignis infernalis, ibi ipsos incarcerantis. Ita docere videtur Glossa ordinaria ad cap. 3. Jacobi, ubi de Dæmonibus illis ait: *Portant secum ignem gehenne quocumque vadunt*. Eidem sententiæ favet Venerabilis Beda in Commentariis ad idem caput, ubi de Dæmonibus scribit: *Vbicumque in aere volitant, vel in terris, aut sub terris vagantur, sive detinentur, suarum sequuntur semper tormentorum sibi immarum, instar febricitantis, qui etsi in lectis ebrius, etsi in locis ponatur apricis, fervorem tamen, vel frigus insit sibi languoris evitare non potest*. Sic ergo Dæmones, etsi in templis colantur auribus, etsi per aera sua discurrant, igne semper ardent gehennali, & ex ipsa sua pœna commoventur, deceptis quoque hominibus somnitem vitiis, unde & ipsi pereant invidendo suggerunt.

81 Verùm hæc sententia multiplicat miracula sine necessitate: esset enim miraculum quod ignis ille coram oculis nostris positus non videretur: miraculum, quod existens prope hominem, neque cum combureret, neque calefaceret: miraculum deniq; quod Dæmon secum deferens ignem ingrederetur cubiculum omnino clausum.

82 Respondeo ergo primò cum D. Thoma hic art. 4. ad 3. Dæmones quamvis non alligentur aëti igni tataræo, dum sunt in hoc aëre, cruciari tamen eo ipso quod sciunt talem alligationem sibi deberi: sicut Angeli boni nihil suæ beatitudinis amittunt, quando ad nos mittuntur, quia sciunt locum cælestem sibi deberi; & captivus qui ad modicum tempus est extra carcerem, non minorem patitur pœnam, quia scit se citò debere incarcerari.

Addo ex eo quod aliqui Dæmones permittantur exire ad tempus ex inferno, & aliquid extra ipsum operari, non sequi propterea eorum pœnam diminui, vel alleviari; quia non permittuntur operari quod volunt, sed id solum unde maiorem pœnam reportant; quia vel homines vincunt & trahunt ad damnationem, & sic augetur eorum pœna accidentalis; vel ab hominibus vincuntur, & sic crescit eorum confusio.

Secundò dici potest ignem inferni elevari ut instrumentum divinæ iustitiæ ad alligandos Dæmones etiam in aëre existentes, ut non possint quæcumque volunt operari, nec esse ubi cumque volunt: unde se habent veluti feræ funibus alligatæ, quæ licet interdum discurrere permittantur, semper tamen incedunt subiectæ funi, & rectori funem teneant.

## DISPUTATIO XV.

### De illuminatione & locutione Angelorum.

Ad questionem 106. & 107. D. Thoma.

Postquam D. Thomas de Angelis, tam in esse naturali, quam in esse gratiæ consideratis, ac de illorum lapsu & pœna fusè tractavit, interponit sermonem de aliis creaturis, tum purè

corporeis, tum de creatura mixta seu composita ex corpore & spiritu, scilicet de homine, à quæst. 65. usq; ad 106. ubi agens de rerum gubernatione, resumptis Tractatibus de Angelis, & explicat modum quo movent creaturas, tum purè spirituales, tum purè corporeas, tum mixtas, seu ex spirituali & corporali natura compositas. Unde agit primò de illuminatione & locutione Angelorum quæst. 106. & 107. Secundò de bonorum & malorum Angelorum ordinatione quæst. 108. & 109. Tertiò de præsidencia Angelorum supra creaturam corpoream quæst. 110. Quartò de actione Angelorum in homines quæst. 111. Quintò de missione Angelorum quæst. 112. Ultimò de custodia bonorum Angelorum, & impugnatione Dæmonum quæst. 113. & 114.

## ARTICULUS I.

### Utrum unus Angelus illuminet alium?

Nonine illuminationis nihil aliud intelligunt Theologi, quàm manifestationem veritatis ignotæ: sicut enim per lumen corporeum manifestantur colores quando illuminantur; ita in spiritualibus, cum veritas aliqua manifestatur, dicitur fieri illuminatio, juxta illud ad Ephes. 5. *Omne quod manifestatur lumen est*. Hoc posito, sit.

#### §. I.

#### Conclusio affirmativa statuitur.

Dico breviter: unus Angelus alium illuminat. Ita communiter Theologi cum Divo Thoma hic art. 1. contra Durandum in 21. dist. 11. quæst. 3.

Probat per primò ex Scriptura, & SS. Patribus. Nam Isaiæ 63. & Psal. 23. quidam Angeli triumphum Christi ascenditis in cælum admirantes, sciscitantur à superioribus Angelis: *Quis est iste qui venit de Edom? Quis est iste Rex gloria?* ne nimirum ab illis discerent quod ignorabant, & circa illud mysterium plenius institerentur, sicut explicant & docent SS. Patres, præsertim Dionysius cap. 7 de cælesti Hierar. ubi hæc scribit: *Hoc Theologi plane tradunt, inferiores cælestium naturarum ordines, à superioribus ritè divina opera explicantibus, scientias discere: summos autem à Deo ipso pro suo capite edoceri mysteria Unde quasdam earum inducunt ritè à prioribus hoc docere, Dominum esse Virtutum cælestium, Regemq; gloria, eum qui in cælos, ut hominem decuit, assumptus est. Et capite sequenti docet quod Angeli secundæ Hierarchiæ purgantur, illuminantur, & perficiuntur per Angelos primæ Hierarchiæ, quos vocat specula perlucida, & ab omni labe pura, quæ primū divinæ lucis radium recipiunt, & sine invidia in eos qui sequuntur infundunt. Et lib. de Eccles. Hierarchia cap. 5. sic ait: Illustratores & sacra huius perfectionis Duces ac Principes, in subiectos sacros Ordines, benigne atq; pro capite cuiusq; datam sibi à perfectis, sapientiæq; effectrice Divinitate, divinarum rerum scientiam cognitionemve diffundunt. Unde ibidem Angelos appellat Pontifices: Quia conjunctam cum illuminandi vi, mundandi etiam expiandi que scientiam habent.*

Favet etiam alii SS. Patres: Nazianzenus enim orat. 40. in sanctum Baptisma, post initium: Angelum appellat, secundum lumen, & rivulum primi luminis, participationem ac ministerium illumina-



illuminationem habentem. Similiter Damascenus lib. 2. fidei cap. 3. *Secundaria* (inquit) *spiritualia lumina sunt Angeli, ex primario illo ac sempiterno lumine splendorem haurientes, nec lingua atque auribus opus habentes, citra sermonis administrulorum, cogitationes suas atque consilia inter se communicantes.* Et quia hoc testimonium intelligi posset de manifestatione secretorum cordis tantum, quæ ad illuminationem propriè dictam non sufficit, ut infra patebit, subdit eodem capite: *Alii alios ob ordinis vel nature præstantiam illustrent; illud quidem perspicuum est, eos qui præstantiores, subtilioresque sunt, splendorem & cognitionem inferioribus impertiri.* Athanasius etiam quæst. 31. ad Antiochum: *Throni, Cherubin, & Seraphim* (inquit) *immediatè à Deo discent, tanquam omnibus superiores, & Deo proximi.* Hi verò docent Ordines inferiores, & ita deinceps semper superiora docent inferiora, infima autem omnium ordinum sunt Angeli, qui hominum sunt Doctores. Deum Bernardus 5. de considerat. cap. 4. officia Cherubimorum describens sic ait: *Cherubim ex ipso sapientie fonte, ore Altissimi haurientes, & resplendentes fluentia scientia, universis cæli aribus infundunt.* Ex quibus patet, SS. Patres aperitè favere nostræ conclusioni, ac docere, Angelos inferiores illuminari à superioribus.

Nec valet responsio Durandi, dicentis SS. Patres solum velle, quod Deus illuminat Angelos inferiores mediantebus superioribus, non mediatione causalitatis, sed dignitatis, quatenus ipse prius illuminat superiores, & postea alios. Non valet, inquam, hæc solutio Tum quia verbum illud, *infundunt*, quo utuntur SS. Patres relati, causalitatem significat: Tum etiam quia ideò juxta Durandum Deus immediatè in mediatione dignitatis illuminat Angelos superiores, quia sunt perfectiores: hoc autem probat mediationem causalitatis; quia hic est ordo statutus à Deo, ut inferiora per superiora regantur & perficiantur; unde superiora corpora efficienter illuminant inferiora, & in Ecclesia superiores dicuntur illuminare inferiores, juxta illud ad Ephes. 3. *Mihi omnium Sanctorum munus data est gratia hæc illuminare omnes &c.*

3. Probatur secundò conclusio ratione D. Thomæ. Illuminare nihil est aliud, quam ignotam veritatem manifestare: Sed Angeli superiores manifestant inferioribus veritatem ignotam: Ergo eos illuminant. Minor probatur: quia Angelus superior accipit à Deo veritatem in universali quadam conceptione, quam inferior non potest percipere; utpote cui est conaturale attingere veritatem magis in particulari, cum non habeat species ita universales sicut Angelus superior, unde oportet quod Angelus superior, utendo suis speciebus inadæquate, & multiplicando actus, reddat illam proportionatam intellectui Angeli inferioris, juxta illud Dionisii supra citati: *Vnaqueque substantia intellectualis datam sibi à diviniore uniformem intelligentiam providè virtute dividit & multiplicat, ad inferioris sursum dūctricem analogiam*: id est juxta proportionem Angelorum inferiorum, eorumque capacitatem, ut possint in divina ferri.

4. Confirmatur ex D. Thoma quæst. 9. de verit. art. 1. ad 3. Sicut Medicus quia considerat res valde in particulari, non delumit sua principia immediatè à Metaphysico, qui considerat res

A maximè in universali, sed potius à Physico, qui non habet principia ita universalia sicut Metaphysicus, nec tam particularia sicut Medicus: jactatiam Angelus inferior non debet illuminari immediatè à Deo, habente universalissimam cognitionem, sed ab Angelo sibi vicino, qui non habet cognitionem ita universalem. In quo (ut notat ibidem S. Doctor) est differentia inter lumen corporale & spirituale, quia luminis corporalis quodlibet corpus est æquè capax; nam lumen æqualiter se habet ad omnes formas visibiles: ac verò luminis spiritualis non quilibet spiritus est æqualiter capax, edò quod lumen quodlibet spirituale non æqualiter se habeat ad formas omnes intelligibiles.

B Tertiò suaderi potest conclusio, alià ratione D. Thomæ hic art. 4. in corpore, ubi sic dicitur: *Omnes creatura ex divina bonitate participant ut bonum quod habent, in alia diffundant: nam de ratione boni est quod se alius communicet.* Et inde est etiam quod agentia corporalia similitudinem suam aliis tradunt, quantum est possibile. Quantò igitur aliqua agentia magis in participatione divina bonitatis constituuntur, tantò magis perfectiones suas mittunt in alios transfundere. Vnde B. Petrus monet eos qui divinam bonitatem per gratiam participant, dicens 1. Petri 4. *Vnusquisque sicut accepit gratiam in alterutrum illam administrantes, sicut boni dispensatores multiformis gratie Dei.* Multò igitur magis SS. Angeli, qui sunt in plenissima participatione divina bonitatis, quidquid à Deo percipiunt, subiectis impartiuntur.

C Constituitur: Sicut enim licet Deus possit omnia per se ipsum immediatè causare, non tamen vult, quia hanc perfectionem causandi vult etiam tribuere creaturis: ita etiam non vult quamvis possit, omnes creaturas intellectuales per se ipsum immediatè illuminare, sed aliquas aliis mediantebus, quia hanc perfectionem illuminandi vult aliquibus communicare. Unde ait Propheta Psal. 75. *Illuminans tu mirabiliter à montibus æternis*: id est sicut interpretatur D. Nazianzenus orat. 40. mediantebus Angelis supremis, qui metaphoricè montes appellantur, quia sicut montes primos Solis radios excipiunt, & inferioribus corporibus communicant, ita supremi Angeli divinas illustrationes immediatè à Deo recipiunt, & postea illas in inferiores effundunt, unde & eorum Magistri à Dionysio nuncupantur.

## S. II.

### Solvuntur objectiones.

O Bjectiones primò: Apocal. 21. dicitur quod civitas Hierusalem non eget Sole neque Luna, id est lumine creato, quia claritas Dei illuminavit eam: Ergo cum Angeli Beati sint cives hujus civitatis, non illuminantur nisi à Deo.

E Secundò, Beatificare, pertinet ad solum Deum: Sed illuminare est beatificare, saltem accidentaliter: Ergo solus Deus illuminat.

Tertiò, Intellectus Angeli inferioris est perfectior nostro intellectu agente: Sed intellectus agens ex sua perfectione habet quod non possit illuminari: Ergo Angelus inferior à superiori illuminari non potest.

Ad primam respondendum cum D. Thoma quæst. 8. de verit. art. 1. ad 13. illa verba Apocalyp-

his intelligi & pertinentibus ad visionem Beatorum.

- 9 Ad secundum dico quod beatificare essentialiter, tam effectivè largiendo lumen, quam obiectivè terminando visionem, pertinet ad solum Deum: beatificare autem accidentaliter, sicut potest pertinere ad aliquod creatum, per modum objecti, ita & quodammodo per modum efficientis: quamvis Deus semper dicatur absolute primus promotor; quia si aliquid creatum concurret, hoc totum est ex ordinatione ac dispositione infinitæ Dei Sapientie & Providentie.

Ad tertium nego paritatem: quia intellectus agens hominis non est cognoscitivus, bene autem intellectus Angeli inferioris: quod autem illuminatur, debet prius esse cognoscitivum.

### §. III.

*Corollaria notata digna.*

- 10 EX dictis colliges primò, quod licet superior Angelus inferiorem illuminet, non tamen e contra inferior superiorem. Ita D. Thomas hic art. 3.

Probatur: Licet Angeli inferiores possint loqui superioribus, & illis conceptus suos manifestare, id tamen non faciunt proportionando illis species, & confortando lumen, ac distinctius rem proponendo; quia nimirum inferiores sunt, & luminis imperfectioris: Ergo Angeli inferiores non illuminant superiores. Et in hoc (ut observat idem S. Doctor ibidem in respons. ad 1.) differt cælestis Hierarchia ab Ecclesiastica, quæ licet à cælesti derivetur, ac eam representet, & aliquantulum imitetur, non tamen perfecte consequitur ejus similitudinem: in Ecclesiastica enim interdum qui sunt Deo per sanctitatem propinquiore, sunt gradu infirmi, & scientiæ non eminentes; & propter hoc in illa superiores ab inferioribus doceri possunt.

- 11 Contra hoc corollarium obijci potest: Varia mysteria Angelis innoverunt per Ecclesiam, id est per Apostolos, ipsi Angelis inferiores; juxta illud Apostoli ad Ephes. 3. *Ut innoveret Principibus & Potestatibus per Ecclesiam multiformis sapientia Dei*: Ergo à fortiori superiores Angeli poterunt illuminari ab inferioribus.

- 12 Respondent quidam apud D. Thomam ibidem lect. 3. (quod etiam videtur innuere Glossa) concedendo Angelos fuisse illuminatos ab Apostolis; neque hoc esse inconveniens, quia Apostoli fuerunt *ὡς θεοὶ ἀπὸ τοῦ Θεοῦ*, id est à Deo immediate edocti: quare sicut superiores Angeli, quia immediate illuminantur ab ipso Deo, possunt alios illuminare; ita & Apostoli potuerunt illuminare Angelos. Unde Chrysostomus in Commentariis ad Epistolam ad Ephesios, prædictæ Apostoli verba exponens, fuisse demonstrat ab Apostolis illustratos esse Principatus & Potestates, hoc est supremos Angelorum ordines, & quæ hæcenus ignorabant, hos ab illis didicisse. Id autem potissimum fuit Gentium ad Christum, fidemque conversio, quam nondum scivisse Angelos demonstrat ex Gabrielis verbis ita S. Josephum alloquentis: *Vocabis nomen ejus Iesum: ipse enim salvum faciet populum suum à peccatis eorum*; tanquam solam Judaici populi salutem cognoverit. Item Hieronymus in Commenta-

riis ad illum locum, existimant Angelos plura ad Incarnationis mysterium, & conversionem Gentium nescivisse, ac per Ecclesiam intellexisse. Similiter Gregorius Nissenus homiliæ in Canticum Cantorum, eadem Apostoli verba expendens, docet per Ecclesiam innoverisse Angelis variam & multiplicem Dei sapientiam; id est (ut ipse interpretatur) magna & admirabilia quædam opera & mysteria, contrariis ex rebus contexta: *Hæcenus* (inquit) *simplicem & uniusmodi potestatem Dei, & efficientiam intelligebant Angeli, qui unâ & simplici Dei voluntate, ac solo verbo omnem illam conditarum rerum varietatem existisse viderant. Varium autem illud & multiplex genus sapientie, quod ex contrariis rebus inveniunt nexis, aptisque constat, per Ecclesiam manifestè cognoverunt*: quemadmodum Verbum caro factum est: utque vita cum morte miscetur: quomodo livore suo nostra vulnera per sanat: quomodo crucis infirmitate vires hostis evertit: quemadmodum id quod aspectabile non est, in carne manifestatur: utque captivos redimit idem ille qui emptor est, & pretium: tum quemadmodum mortem sic obijt, ut à vita non recederet, & hujus generis infinita. Addit aliquid majus & audacius, nimirum, fortassis Angelos, per sponsum sponsi pulchritudinem contuentes, obstupescidos esse; quam quidem pulchritudinem nulla omnino res videre & comprehendere potest. Quem enim nemo vidit unquam, ut dicit Ioannes, nec potest videre quispiam, ut Paulus testatur, ille corpus suum fecit Ecclesiam, & per eorum qui salvantur accessionem, in charitatem illam adificat, donec occurramus omnes in virum perfectum. In hacigitur Ecclesia, velut sponsi corpore, Angelos ait Nissenus, eum quem intueri hæcenus non poterant contemplatos esse. Quemadmodum qui Solis orbem, in quem dirigere oculos nequeunt, in aqua respiciunt. Similia habet Rupertus lib. 1. de vitiona Verbi Dei, cap. 29.

Sed contra: Quamvis aliquis viator sit perfectior in gratia, quam sit aliquis Angelus, semper tamen est imperfectior in statu, unde Christus dicebat Matth. 11. *Non surrexit inter natos mulierum major Ioanne Baptista: qui autem minor est in regno celorum, major est illo*: ad illuminandum autem requiritur perfectior status. Deinde Apostoli immediate quidem, quantum ad naturam humanam, fuerunt edocti à Christo: Sed Angeli beati immediate vident essentiam divinam: Ergo non est congruum quod illuminentur à viatoribus. Ita S. Thomas in cap. 3. Epistolæ ad Ephes. ubi hæc scribit: *Non est conveniens, nec ratio aliqua, ut dicamus sanctos, qui sunt in patria, doceri à quantumviscunque perfectis viatoribus. Nam licet inter natos mulierum non surrexerit major Ioanne Baptista, tamen qui minor est in regno celorum, major est illo, ut dicitur Luca 7. Dicere autem quod Demones doceantur ab hominibus, hoc absque præiudicio credibile est. Sed quod beati, qui immediate Verbum conspiciunt, quod est speculum sine macula, in quo relucet omnia, à viatoribus doceantur, dici non debet, nec conveniens videtur. Dicendum est ergo quod innoverit Angelis per Ecclesiam, primò per Apostolos prædicantes, non quod Angeli hoc didicerint ab eis, sed per eos. Hoc verò postea aptissimo exemplo declarat. Ut enim domum, vel exemplar potiùs domus, quod in mente est artificis, nullus hominum videt: ea verò ubi condita est, quilibet id quod ante in artificis animo latebat, edocet, non per domum, sed in domo. Sic nonnulla sunt rationes mysteriorum gratia, creature capium*

capum excedentes, quæ non sunt inditamentibus Angelorum, sed in solo Deo sunt occulta. Et idem Angeli non cognoscunt eas in seipfis, nec etiam in Deo, sed cognoscunt eas secundum quod in effectibus explicantur. Hanc doctrinam & solutionem brevius explicat in 2. sent. dist. 11. quæst. unica art. 4. his verbis: Angeli dupliciter accipiunt cognitionem aliquarum rerum: aut per illuminationem, & sic Angeli per homines nihil recipiunt, sed inferiores à superioribus illuminantur, & superiores immediatè à Deo, per quem modum multas rationes mysteriorum Ecclesia edocentur: aut per modum expletionis rerum; & sic futura contingentia cognoscunt, quando actus complentur, per hoc quod eorum causa ad effectus determinantur, ut in eis cognosci possint; & ita quedam quæ circa incarnationis mysterium nesciebant, quando explebantur, prædicantibus Apostolis, cognoverunt, non tamen ab Apostolis edocti. Quibus verbis aperte docet, Angelos non potuisse ab Apostolis edoceri, per modum illuminationis, cum ad illuminationem requiratur quod illuminari non sit in perfectione statui quam illuminans, sed tantum per modum expletionis rerum: in quo sensu loca adducta ex Chrysostomo & Gregorio Niseno intelligenda sunt.

14. Colliges secundò, Dæmones, quamvis sint superiores, non illuminare sibi inferiores. Ita D. Thomas infra quæst. 109. art. 3.

Probatur primò: Illuminatio est actus hierarchicus: Sed inter Dæmones nulla est propriè dicta hierarchia, nec ulli exercerent inter illos actus verè hierarchici, ut infra dicemus: Ergo nec vera est in illis illuminatio. Secundò, Illuminatio est semper cum purgatione & perfectione: quæ Dæmoni competere nequeunt, cum sit impurissimus & imperfectissimus. Tertiò, Illuminatio propriè dicta est manifestatio veritatis, secundum quod habet ordinem ad Deum, à quo est omnis lux: licet autem aliqui Dæmones clariùs percipiant veritatem, quam inferiores, illam tamen non ordinant ad Deum, sed ad suam nequitiam detorquent; ideoque non illuminant, sed potius tenebras inducunt.

15. Colliges tertio, illuminationem fieri de rebus naturæ, gratiæ, & gloriæ. Ita D. Thomas hic art. 1. ad 2.

Probatur: cum enim Deus sit summum bonum, & bonum (ut ait Dionysius) sit sui diffusivum: conveniens est ut Deus in triplici illo ordine creaturis intellectibus sepe illuminationem communicet, vel immediatè, si sint Angeli superiores, vel mediatè, si sint inferiores.

16. Confirmatur: Deus potest superioribus Angelis aliqua modo magis universali revelare, pertinentia ad ordinem necum gratiæ & gloriæ, sed etiam naturæ, quæ deinde ipsi revelent & proponant Angelis inferioribus modo magis particulari, & intellectu eorum proportionato: Ergo Angeli inferiores possunt illuminari à superioribus, de rebus, ad ordinem non solum gratiæ & gloriæ, sed etiam naturæ pertinentibus.

17. Dices primò: Quilibet Angelus comprehendit omnes res naturales à principio suæ creationis: Ergo non potest illuminari circa illas.

Respondeo quod in ordine naturali quilibet Angelus comprehendit omnes res naturales, secundum quod dependet à causis naturalibus, præsertim si sint inferiores Angeli: ea autem quæ pendent à causis purè conjugetibus, etiam in statu naturali, vel quæ ex aliquo speciali Dei beneficio fiunt, aut ab Angelis superioribus admi-

nistrantur, etiam si purè naturalia sint, non plenè comprehenduntur ab Angelis: unde de his Angelis inferiores possunt illuminari à superioribus.

Dices secundò: Quilibet Angelus inferior cognoscit comprehensivè visionem beatam alterius: Ergo cognoscit omnia ad quæ se extendit; subindeque unus Angelus non potest ab alio illuminari de his quæ pertinent ad statum gloriæ.

Respondeo dato & non concessio Antecedente, negando Consequentiam: quia ad cognitionem comprehensivam virtutis, aut etiam actus, non requiritur quod distinctè cognoscantur omnia objecta materialia aut secundaria ad quæ se extendit, sed sufficit cognitio confusa illorum; præcipue cum potentia aut actus non continent ea secundum suas speciales rationes per modum causæ. Quod addo: quia cognitio comprehensiva omnipotentis divinitus, aut etiam visionis quæ Deus seipsum intuetur, attingere debet necessariò omnia ad quæ terminatur; ed quod omnipotentia Dei, ejusque visio, per modum causæ contineant illa secundum speciales eorum rationes.

Ad complementum hujus corollarij, Advertendum est, quod de rebus pertinentibus ad gloriam, non potest fieri illuminatio in ipsa visione beata: tum quia hæc non potest crescere, nec subinde per eam aliquid de novo cognosci: tum etiam quia quantum ad visionem beatam omnes immediatè illuminantur à Deo. Solum ergo illuminatio fieri potest per revelationes extra verbum, per quas unus Angelus alteri manifestat rationes divinitus Providentiæ: quas videt in verbo, ut docet Divus Thomas hic art. 1. ad 1. his verbis: Omnes Angeli tam superiores quàm inferiores immediatè vident Dei essentiam: & quantum ad hoc unus non docet alium ..... Sed rationes divinarum operum quæ in Deo cognoscuntur sicut in causa, omnes quidem Deus in seipso cognoscit, quia seipsum comprehendit: aliorum verò Deum videntium, tantum unusquisque, in Deo plures rationes cognoscit, quantum eum perfectius videt. Unde superior Angelus plures in Deo de rationibus divinarum operum cognoscit, quàm inferior, & de his eum illuminat.

## ARTICULUS II.

### Quomodo unus Angelus alterum illuminet

Quamvis omnes Doctores, uno excepto Durando, in hoc conveniant, quod unus Angelus alterum illuminat, valdè tamen divisi sunt in explicando modo, quo sit hujusmodi illuminatio.

Prima sententia asserit illam fieri per hoc quod Angelus illuminans aliquid reale & physicum imprimat seu efficiat in intellectu Angeli illuminati. Verum in determinando & explicando quid sit illud quod efficiat, variant inter se Auctores hujus sententiæ. Henricus enim quodlibet 5. qu. 15. art. 7. dicit quod Angelus superior efficacitate suæ virtutis infundit aliquod lumen spirituale in inferiorem; quomodo Sol illuminat & infecta infundit illis lumen. Hervæus in 2. dist. 9. qu. 1. art. 2. vult quod Angelus superior intendat lumen naturale Angeli inferioris. Capreolus ibidem dist. 11. quæst. 2. ad priora argumenta Durandi contra secundam conclusionem, docet quod Angelus illuminans causat in intellectu illuminati aliquam qualitatem intentionalem, ad modum virtutis instrumentalis, sive lu-

minis, quo intellectus agens illuminat phantasmata. Suarez lib. 6. de Angelis cap. 13. asserit illud quod Angelus illuminans imprimat in Angelum illuminandum, esse speciem illius actus, quem per locutionem ei manifestat. Deniq; Scotus in 2. dist. 5. quæst. 2. existimat illud esse ipsum conceptum formalem, seu actum secundum, quo Angelus illuminatus cognoscit rem de qua illuminatur, ita ut intellectus non efficiat, sed recipiat illam cognitionem.

21. Secundus dicendi modus, quem tenent Bannez & Zumel in præfati, relati à Nazario, contendit Angelum superiorem efficienter physice illuminare inferiorem, non quidem imprimendo illi aliquid reale & physicum, ut voluit Authores præcedentes sententia, sed uniendo intelligibiliter suam virtutem intellectivam, sive suū lumē cū, virtute intellectiva, sive lumine intellectuali, Angelis inferioris, & efficiendo unū quodammodo principium cum illo ad cognitionem revelatæ veritatis.

22. Tertia deniq; sententia docet illuminationem Angelorum fieri solum per modum cuiusdā artificiosi magisterii, quatenus Angelus superior proponit inferiori objectum, antea ipsi incognitum, modo quodam illi proportionato, & ostendit medium live conceptum proportionatum ad illud concipiendum. Ita Divus Thomas & ejus Discipuli quos sequuntur nonnulli extraneis.

### §. I.

#### *Prima sententia rejicitur.*

**D**ico primò: Angelus superior non illuminat inferiorem physice, imprimendo vel cau-  
fando aliquid in eo.

23. Probat primò: Si illuminatio Angelorum fieret per impressionem alicujus realis in intellectu Angelī illuminati, Angelus illuminans deberet esse intinse intra intellectum Angelī illuminati: Sed hoc non requiritur ad prædictam illuminationem, imò nec fieri potest: Ergo &c. Major in primis declaratur: Non potest dari actio in distans, ut demonstratur in physica; aliunde verò illud quod imprimeretur, debet esse spirituale, cui repugnaret diffundi per medium: Ergo si Angelus illuminans imprimeret aliquid reale intellectui Angelī illuminati, deberet non solum per suam virtutem, sed etiam per suam substantiam, esse intra intellectum ipsius.

Minor verò quoad primam partem satis patet: ad hoc enim ut Angelī inter se loquatur, & consequenter ad hoc ut unus illuminet alium, non requiritur intima conjunctio ipsorum, & omnimoda indistantia: cuius evidens argumentum habemus in anima impij divitis, quæ existens in inferno loquebatur Abraham existenti in limbo Patrum, ut habetur Luca 16. unde ibidem dicitur: *Elevans oculos vidit Abraham à longè*; & deinde subditur: *Inter nos & vos chaos magnum firmatum est &c.* Quapropter Suarez non satis reformat quod audacter nimis asseruerat disp. 18. metaph. sect. 8. nimirum absolute esse probabile, quod ad locutionem & illuminationem Angelorum necessariò requiratur indistantia: non satis, inquam, hoc reformat, dum lib. 2. de Angelis capite 18. docet oppositum esse probabilius: non solum enim est probabilius, sed omnino certum de fide debet reparari, propter evidentem Sacre Scripturæ auctoritatem jam adductam,

A Dices tamen: Isaia 6. dicitur de Seraphim: quod alter clamabat ad alterum: Sed locutio clausa non habet locum, nisi propter distantiam ejus cui loquimur: Ergo videtur quod distantia impediat locutionem Angelorum.

Respondet ex D. Thoma quæst. 9. de veritate art. 6. ad 3. quod clamor ille qui Seraphim clamasse dicuntur, significabat solum magnitudinem eorum quæ loquebantur, scilicet unitatem Essentie & Trinitatem Personarum Divinarum, dicentes *Sanctus &c.* vel etiam ardorem affectus: nam ut ait Gregorius libr. 2. Moral. cap. 4. *Tantò quisque minus clamat, quantò minus considerat.*

B Probat eadem Minor quoad secundam partem, quod scilicet non solum possit illuminatio fieri sine illa intima conjunctione illuminantis cum illuminato, verum etiam quod conjunctio illa sit penitus impossibilis: quia illa est verus illapsus unius Angelī intra intellectum alterius: nulla autem creatura potest illabi intra mentem alterius: *hæc enim prerogativa summo & circumscripto Spiritui reservatur*, inquit Bernardus serm. 1. in Cant. Vel ut loquitur D. Thom. in 2. dist. 8. quæst. 1. art. 5. ad 3. *In essentiam non intrat, nisi ille qui dat esse, scilicet Deus Creator.* Juxta illud Ezechiel. 1. *Porta hæc clausa erit: non aperietur, & vir non transibit per eam: quoniam Dominus Deus Israël ingressus est per eam.*

C Respondet Suarez, illapsum quem SS. Patres attribunt soli Deo, esse tantum illum per quem illabens continet cum plena potestate & dominio rem in quam illabitur, in suo esse conservando illam: quia illabi in aliquid rem, non est utcumq; esse in illa, sed esse intra terminos essentie ipsius, hoc est intra existentiam: ex eo autè quod unus Angelus speciem, aut aliquid aliud intra intellectum alterius producat, non propterea operatur intra terminos essentie illius, sed potius supra illos; quia prædicta species habet se per modum circumstantis existentiam Angelī, & incipit in ejus intellectu prius existente: unde ad summum potest inferri quod Angelus illabitur in effectum illum à se productum, non vero in substantiam & intellectum Angelī.

D Sed contra primò: Divus Thomas 3. p. quæst. 64. art. 1. ait: *quod solus Deus operatur* (per modum principalis agentis) *interiorem affectum Sacramenti, quia solus Deus illabitur anima in qua Sacramenti effectus existit*: Ergo ex Divo Thoma non solum illapsus qui fit per modum contentis & dantis esse, seu qui est intra terminos essentie, sed etiam ille quo aliquid reale & physicum, in mentem alterius imprimitur, seu efficitur, soli Deo proprius est, & nulli creaturæ, saltem ut causæ principali, potest competere.

E Deinde, Cùm species intelligibiles vel sint rigorosæ proprietates Angelī, ut quidam existimant, vel saltem sint accidentia ei connaturaliter debita, ut alij probabilius sentiunt, solus ille potest eas per modum causæ principalis intellectui angelico imprimere, qui potest naturam Angelī creare & conservare: Ergo si unus Angelus non possit illabi intra mentem alterius, per modum dantis & conversantis ipsius esse, non potest etiam intra eam illabi per modum causæ principalis & producentis in ea species intelligibiles.

Probat secundò conclusio. Si Angelus superior illuminaret inferiorem, physice imprimendo aliquid in eo, vel illud sic impressū, esset aliquid lumen



lumen intellectuale, vel aliqua ejus intensio, vel nova aliqua species intelligibilis, vel qualitas quædam intentionalis, ad modum virtutis instrumentalis, sive luminis quo intellectus agens illuminat phantasmata, vel denique ipsemet actus secundus quo Angelus illuminatus cognoscit objectum de quo illuminatur? Nullum ex his omnibus dici potest: Ergo Angelus superior non illuminat inferiorem, imprimendo aliquid in eo. Major constat ex sufficienti modorum explicandi hanc causalitatem physicam enumeratione. Minor verò probatur sigillatim. Et primò quòd Angelus superior non illuminet inferiorem causando in eo aliquod lumen intellectuale, vel aliquam ejus intentionem, manifestum videtur: quia vel illud lumen esset naturale, nempe potentia intellectiva Angeli illuminari, vel supernaturalis: Non naturale, ejus enim productio solum pertineret ad creatorem naturæ angelicæ, quia unà cum ipsa, tanquam ejus proprietas creatur: quod idem de ejus intentione (si sit intentionibile) necessariò debet admitti; quia sicut illud solum agens potest intendere calorem, qui valet ipsum producere, ita Deus solus potest producere lumen naturale Angeli, valet illud intendere. Dixi autem, *si sit intentionibile*: nam potentia naturalis non sunt capaces augmenti intensivi vel extensivi, ut docetur in Philosophia, quia non habent latitudinem gradualem variabilis, sed in ipso instanti generationis dimittunt à natura ut principio radicali, ex vi actionis generativæ, cum tota perfectione intensiva, subindeque ut habitualiter extensæ ad totam sui objecti latitudinem: in quo differunt ab habitibus, qui in prima sui productione non se extendunt ad totam latitudinem, quam objectum ipsorum importat de materiali, sed acquirunt per actus repetitos augmentum perfectionis intensivæ & extensivæ: de quo videri possunt Complutenses in Tractatu de generatione, disput. de augmento qualitatibus.

Quòd verò lumen illud non sit supernaturale, patet: Tum quia D. Thomas hic art. 1. ad 2. ait, *Quòd unus Angelus non illuminat alium, tradendo ei lumen naturæ, vel gratiæ, vel gloriæ*. Tum etiam, quia illuminatio est interdum de rebus naturalibus, ad quas cognoscendas lumen supernaturale non requiritur. Tum denique, quia lumen supernaturale non potest produci nec intendi nisi à Deo ut auctore supernaturali, ut in habitibus supernaturalibus constat.

30. Nec dicas quòd licet unus Angelus non possit principaliter producere lumen supernaturale in intellectu alterius, bene tamen instrumentaliter: quia cum instrumenta divinæ virtutis non debeant necessariò suppositaliter contingere subjectum in quo produci effectum causæ principalis, non inde inferitur illapsus; sicut Sacramenta non illabuntur essentia animæ, cum in ea producant instrumentaliter gratiam. Ad hoc enim dicendum est, quòd etsi deus, hac ratione non convinci, unum Angelum non posse in alterius intellectu ut instrumentum divinæ virtutis lumen aliquod producere, certum tamen est, illuminationem non fieri hoc modo: nam unus Angelus illuminat alium, ob plenitudinem lucis quam copiosè recipit à Deo, non autem ex eo solum quod movetur ab illo per modum instrumenti, ad lucem in alterius intellectu producendam; quomodo posset etiam lapsus, aut quælibet alia res insensibilis, hujusmodi

A lucem producere. Unde si unus Angelus nequir lumen aliquod per modum causæ principalis in alterius intellectu producere, evidenter sequitur illuminationem non fieri per physicam luminis impressionem.

Secundò, quòd non possit Angelus superior novam aliquam speciem in intellectu Angeli inferioris producere, constat ex dictis supra disp. 6. art. 3. ubi ostendimus Angelum non accipere species à rebus, etiam spiritualibus, sed solum à Deo in primo instanti suæ productionis. Cum enim Angelus sit medium inter Deum & animà rationalem, & Deus sit semper in actu secundo intelligendi, anima verò nostra in potentia ad actum primum ordinis intellectuales, & veluti tabula rasa in ordine ad formas intelligibiles, natura angelica dabit habere ab initio omnem perfectionem requisitam ad actum primum intelligendi, subindeque recipere à Deo in primo instanti suæ creationis species intelligibiles, quibus intellectus constituitur in actu primo completus ad intelligendum. Unde D. Thomas qu. 9. de veritate art. 1. ad 10. ait: *Quando unus Angelus ab alio illuminatur, non insunduntur ei novæ species, sed ex eisdem speciebus quas prius habebat, intellectus ejus, confortatus per lumen superiorum, efficitur plurimum cognoscitivus.*

C Nec valet si dicas, hunc discursum procedere tantum de perfectione requisita ad actum primum naturalem, non verò ad supernaturalem: illuminatio autem est plerumque de rebus supernaturalibus. Ad hoc enim facile responderetur, quòd perfectio gratiæ conformatur perfectioni naturæ, & amplexit, ac perficit secundum modum ipsius unde quamvis Deus potuerit non communicare Angelis ullam perfectionem supernaturalem hoc ipso tamen quòd illos ad hujusmodi perfectionem ordinavit, debuit eam ipsis communicare juxta modum ipsorum; ob quam rationem dixi quos loco citato, eos non discurrere etiam circa supernaturalia.

Tertiò, quòd Angelus superior non causet in intellectu inferioris aliquam qualitatem intentionalem, ad modum virtutis instrumentalis, sive luminis quo intellectus agens illuminat phantasma, sic demonstratur. Est contra perfectionem naturæ Angeli, etiam inferioris, & modò perfecti intelligendi ipsius, quòd intelligat ut instrumentum Angeli sibi superioris; sic autem intelligeret res de quibus ab eo illuminatur, si illuminaretur ab illo per qualitatem intentionalem, ad modum virtutis instrumentalis in ejus intellectu productam; sicut phantasma ex eo quòd recipiat ad modum virtutis instrumentalis lumen quo intellectus agens ipsum illuminat, concurret consequenter per modum causæ instrumentalis ad intellectionem, ut docetur in libris de anima.

E Denique, quòd Angelus superior non efficiat in intellectu inferioris ipsum conceptum formalem, seu actum secundum, quo cognoscit rem de qua illuminatur, illo merè passivè se habente, ut docet Scotus, videtur certum: quia cum intellectio sit essentialiter actus vitalis & immanens, non potest esse ab alio principio extrinseco quàm à Deo, & debet elici ab eodem principio in quo recipitur; viventia enim, in quantum hujusmodi, sunt ea quæ se movent.

## §. II.

*Secundus dicendi modus confutatur.*

**D**ico secundò, Angelum superiorem non illuminare inferiorem, uniendo suum lumen cum lumine inferioris Angeli, sicq; simul cum eo efficiendo intellectiōnem hujus de quo ipsum illuminat.

45. Probatur contra Bannem & Zumel: Nam ideò isti Authores volunt Angelum superiorem unire suum lumen intellectuale cum lumine Angeli inferioris quem illuminat, simulq; ex istis duobus luminibus sic unitis, resultare unicum principium effectivum intellectiōnis objecti de quo fit illuminatio, quia existimant intellectum Angeli inferioris, præcisè cum proprio lumine, non esse physicè & completè potentem ad percipiendam veritatē de qua illuminatur: Atqui per talem physicam unionem non redditur magis physicè potens ad illam intellectiōnem: Ergo Angelus superior non illuminat inferiorem, uniendo suum lumen, cum lumine inferioris Angeli. Probatur Minor: Quod est physicè impotens ad aliquid, non redditur physicè potens ad illud, nisi ei physicè aliquid imprimatur, per quod imutetur & fiat potens; propterea si quidem natura angelica, secundum se impotens ad actus supernaturales, non redditur potens ad illos, per hoc quod Deus ut auctor supernaturalis per solam assentientiam ei uniatur, sed oportet insuper quòd illi imprimatur aliquid supernaturale prævium ad prædictos actus, ratione cuius reddatur proximè potens ad istos eliciendos, ut fusè ostendimus in Tractatu de visione beata: Atqui per unionem luminis Angeli superioris cum lumine inferioris, nihil physicè imprimitur luminī, nec intellectui Angeli inferioris, ut concedunt Adversarij, sed solum Angelus superior, cum suo lumine, intellectui inferioris Angeli assitit: Ergo si Angelus inferior non sit ex se physicè sufficiens potens ad percipiendam veritatē de qua illuminatur à superiori, non reddetur magis physicè potens, per unionem sui luminis intellectus cum lumine superioris Angeli illuminantis.

36. Probatur secundò conclusio. Si illuminatio angelica fieret per hanc conjunctionem & unionem luminis superioris Angeli, cum lumine inferioris, ita ut Angelus inferior ex tali conjunctione plures veritates attingeret, quàm præcisè ex vi proprii luminis, sequeretur quòd ex simili conjunctione luminis gloriæ quod est in Angelo inferiori, cum lumine gloriæ Angeli superioris, ipse Angelus inferior plures veritates attingeret in divina essentia, quàm posset attingere præcisè ex vi proprii luminis: lumen siquidem gloriæ non est minoris virtutis & efficientiæ, quàm sit lumen naturale Angeli: Sed hoc non admittitur ab Adversarijs: Ergo nec illud unde sequitur debet admitti.

37. Addo quòd, si Angelus superior, uniendo suum lumen intellectuale cum lumine inferioris, ad faciendum cum eo unicum principium, efficeret intellectiōnem de qua fit illuminatio, jam una eademq; intellectio fieret ab utroque Angelo, superiori & inferiori, ut à duabus causis totalibus & particularibus, sive ejusdem ordinis: Angelus enim inferior concurreret ad illam intellectiōnem, efficiendo in ea omnes rationes, etiam generales, quas Angelus superior po-

A test efficere, nempe rationem talis intellectiōnis secundum speciem, & rationem intellectiōnis ut sic in tali gradu immaterialitatis.

## §. III.

*Sententia Divi Thoma statuitur.*

- D**ico tertio, illuminationem Angelorum fieri solum per modum cuiusdam artificiosi magisterij, quatenus Angelus superior proponit inferiori objectum, antea ipsi incognitum, modo illi proportionato, & ostendit medium proportionatum ad illud concipiendum. Ita D. Thomas hic, art. 1. & quæst. 9. de verit. art. 1. & 5. ubi hæc scribit: *Superior Angelus habet cognitionem de rebus per formas magis universales: unde inferior Angelus non est proportionatus ad accipiendum cognitionem à superiori Angelo, nisi superior Angelus cognitionem suam quodammodo dividat & distinguat, concipiendo in se illud de quo vult illuminare, per modum talem quo sit comprehensibile ab inferiori Angelo; & talem conceptum suum alteri Angelo manifestando, illum illuminat. .... Et est simile de magistro, qui videt discipulum non posse capere ea quæ ipse cognoscit, per illum modum quo ipse cognoscit; & idem studet distinguere & multiplicare per exempla, ut sic possint à discipulo comprehendere. Quo nihil clariùs & expressius in favorem nostræ sententiæ dici potest.*

- C Probatur etiam conclusio ratione. Ad illuminationem duo tantum requiruntur, scilicet: 39. ostensio seu manifestatio objecti prius incogniti, & confortatio potentie: Sed artificiosum magisterium utrumq; præstat: Ergo per illud fit illuminatio in substantiis spiritualibus. Major patet: nam de illuminatione spirituali debemus loqui ad instar illuminationis corporeæ, utpote eum ex ordine ad illam deservatur: ut autem aliquid corpus lucidum illuminet potentiam visivam hominis, vel leonis, sufficit quòd manifestet objectum per lumen, & simul per ipsum confortet organum potentie visivæ. Minor verò probatur: Artificiosum magisterium consistit in hoc, quòd superior Angelus veritatem aliquam in uni versali acceptam, & per species universales cognitam, dividat, & velti masticee, eamq; sic divisam & masticeatam proponat per locutionem Angelo inferiori: Atqui ubi intervenit manifestatio talis objecti, & simul confortatio potentie; nam Angelus superior sic dividendo & masticeando objectum, ipsum illuminat, & quodammodo lumen intellectus Angeli superioris in eo splendet; proprium est autem luminis, ut ubicunq; fuerit, ostendat objectum, & confortet potentiam: Ergo per artificiosum magisterium, fit manifestatio objecti prius incogniti, & confortatio potentie intellectivæ Angeli inferioris. Unde S. Thomas ubi suprà art. 1. ad 2. Cum omne quod intelligitur, ex vi intellectus luminis cognoscatur, ipsum cognitum, in quantum hujusmodi, includit in se intellectuale lumen ut participatum ex cuius virtute habet intellectum confortare: sicut patet quando magister tradit discipulo aliquod medium demonstrationis, in quo participat lumen intellectus agentis ut in instrumento: prima enim principia sunt quasi instrumenta intellectus agentis &c. .... Unde per hoc quòd superior Angelus suum cognitum alteri Angelo demonstrat, ejus intellectus confortatur ad alia cognoscenda quæ prius non cognoscebat.

Confir-

40. Confirmatur ex eodem S. Doctore infra quæst. 117. art. 1. ubi ait duobus modis artem aliquam concurrere, scilicet efficiendo formam (sicut ars fabricis producit formam cathedræ) & adjuvando solum naturam, ac præbendo illi instrumenta, quibus expedite possit attingere effectum, quem sine illis non posset præstare. Sic medicina concurret ad sanitatem, non eam efficiendo, sed præbendo instrumenta naturæ, quibus munita per suam vim intrinsecam se reducat ad sanitatem: illud enim est ingenium naturæ, ut effectum aliquem attingat, ad iuta quibusdam instrumentis, quem sine illis non posset attingere. Unde cum Angelus superior, proponendo inferiori veritates divinas & dearticulatas, & medium proportionatum ad eas sic capiendas, præbeat illi instrumenta, quibus adjunctus cognoscit objecta quæ aliis non cognosceret, sufficienter dicitur adjuvare & confortare intellectum ejus ad attingendam veritatem ipsi ignotam, subindeque eum illuminare. Quare S. Thomas quæst. 9. de veritate art. 1. secundum hoc (inquit) *unus intellectus ab alio illuminari dicitur, in quantum traditur ei aliquid medium cognoscendi, quo intellectus confortatus potest in alia cognoscibilia, in quæ prius non poterat.*

## §. IV.

*Solvuntur objectiones.*

41. **O**bjicies primò contra primam conclusionem: D. Thomas hic art. 1. dicit quòd cum ad intelligendum duo concurrant, scilicet virtus intellectiva, & similitudo rei intellectæ, secundum hæc duo unus Angelus alteri veritatem notificare potest, primò quidem fortificando virtutem ejus intellectivam, secundò ex parte similitudinis, quatenus Angelus superior notitiam veritatis accipit in universalis quadam acceptione, ad quam capiendam inferioris Angeli intellectus non est sufficiens, & eam quodammodo dividit ut ab inferiori capi possit: Ergo D. Thomas non constituit Angelorum illuminationem in sola proportionata objectorum propositione, seu ostensione, (quam artificiosum magisterium appellamus) sed etiam in aliquo se tenente ex parte potentæ, & eam confortante ac immutante. Unde 1. dist. 9. quæst. 1. art. 2. ad 4. docet, quòd sicut in corpore est duplex lumen, scilicet intrinsecum, ingrediens compositionem pupillæ, & extrinsecum Solis vel candelæ; ita & in spiritibus est duplex lumen, unum intrinsecum, quo solus Deus dicitur illuminare, & alterum extrinsecum, quod supervenit ad confortationem luminis naturalis; & hoc modo unus Angelus illuminat alium. Et hic art. 1. ait quòd sicut minus calidum crescit in calore ex præsentia magis calidi, ita virtus intellectiva inferioris Angeli confortatur ex conversione superioris Angeli ad ipsum: Ergo sicut calor corporis magis calidi intendit ex sua propinquitate calorem minus calidi, sic Angelus superior illuminando inferiorem, ex sua conversione intendit lumen naturale illius.

42. **R**espondeo ad primum locum, D. Thomam in eodem articulo in resp. ad 2. expressè docere unum Angelum illuminare alium, non tradendo illi lumen naturæ, vel gratiæ, vel gloriæ, ut supra retulimus: ex quo manifestè sequitur illuminationem non fieri per impressionem alicujus luminis in intellectu Angeli illuminati; illud enim deberet esse lumen quoddam naturæ, gratiæ,

A vel gloriæ. Unde hæc duo, scilicet proponere objectum modo proportionatum intellectui Angeli illuminati, & fortificare lumen naturale ipsius, non ponunt in numero, sed important unâ & eandem actionem Angeli illuminantis: siquidem ex hoc ipso quòd Angelus superior veritatem quam universaliter intelligit, inferiori proponat modo ipsi proportionato, & ostendat ei medium proportionatum ad eam concipiendam, roboratur intellectus Angeli inferioris; sicut confortatur potentia visiva per assistentiam luminis exterioris, quo medium & objectum illuminantur; & sicut meus discipuli confortatur ex eo quòd magister ipsi proponit veritatem quam antea non cognoscebat, & medium quo eam demonstrativè cognoscat: quæ sicut discipulus possit illà ostensione potest exire in actum cognitionis hujusmodi veritatis, & potentia visiva in actum visionis, ita & Angelus inferior in actum cognitionis veritatis sibi antea cognita. Et ita clare mentem suam explicat S. Doctor qu. 9. de veritate art. 1. in corp. ubi legendum est. Unde

Ad secundum testimonium dicendum est, D. Thomam debere intelligi de lumine superveniente, non physice per realem inhaerentiam in intellectu Angeli illuminati, sed moraliter, per propositionem objecti divisi à lumine superioris Angeli, quòd subinde habeat confortare intellectum inferioris, non in se & intrinsecè, sed extrinsecè, & in ordine ad objectum, reddendo illud ipsi proportionatum.

Ad tertium verò respondeo, comparisonem illam à D. Thoma adductam, tantum in hoc tenere, quòd sicut minus calidum confortatur, & crescit in calore ex præsentia magis calidi; ita virtus intellectiva inferioris Angeli confortatur ex conversione superioris ad ipsum: non autem tenet quantum ad modum confortationis & incrementi: quia licet calor minus calidi confortetur & crescat per intensiorem physicam; virtus tamen intellectiva inferioris Angeli, confortatur & crescit per intensiorem tantum moralem.

43. **O**bjicies secundò contra secundam conclusionem. Multa in istis inferioribus confortantur, & perficiuntur ad operandum supra proprias vires, ex unione cum superioribus, quibus naturaliter subordinantur: nam color existens in pariete, ex unione cum luce quæ est in aëre circumstante, elevatur ad producendas species intentionales: phantasma per conjunctionem cum intellectu agente, fit potens producere species intelligibiles: item calor ex conjunctione ad formam ignis, producit alium ignem: Ergo similiter Angelus inferior ex conjunctione sui luminis, cum lumine Angeli superioris, confortatur, & fit potens ad cognoscendas veritates, proprias vires excedentes; & sic per illam conjunctionem, non verò per artificiosum magisterium, fit illuminatio Angelorum.

44. **R**espondeo negando quòd calor existens in pariete elevetur ad producendas species intentionales per unionem sui cum luce, quæ est in aëre circumstante (hæc enim solum disponit ipsum medium aërem ad recipiendas vias & deferendas species) sed hæc elevatio fit per lucem in ipso colore receptam: quod idem dicendum est de phantasmate; recipit enim aliquam virtutem spiritualem ab intellectu agente, quæ elevatur, tanquam instrumentum ipsius, producit species in intellectu possibili, ut explicari

illā, quā sibi mutuo divinarum rerum intellectum, ac divinas cogitationes impertiunt. Gregorius etiam Papa cap. 4. libri 2. Moral. de locutione Dei cum Angelis & Angelorum inter se copiosè & eleganter differt: aliter (inquit) loquitur Deus ad Angelos: aliter Angeli ad Deum: aliter Deus ad Sanctorum animas: aliter S.S. anime ad Deum: aliter Deus ad diabolum: aliter diabolus ad Deum. Nam quia spirituali natura ex corporea appositione nihil obstat, loquitur Deus ad Angelos sanctos eo ipso quo eorum cordibus occulta sua invisibilia ostendit: ut quidquid agere debeant, in ipsa contemplatione veritatis legant: ut velut quedam praecepta vocis sunt ipsa gaudia contemplationis: quasi enim audientibus dicitur, quod videntibus inspiratur. Tum quibusdam interpositis: Deus ergo Angelus loquitur, cum ei voluntas ejus intima, videntia manifestatur. Angeli autem loquuntur Domino, cum per hoc quod super semetipsos respiciunt, in motum admirationis surgunt. Nam ut antea dixerat: Vox Angelorum est in laude conditoris ipsa admiratio intima contemplationis. Virtutis divina miracula obstrupuisse, dixisse est: quia excitatus cum reverentia cordis, magnus est ad aures incircumscripti spiritus clamor vocis, quae vox se quasi per distincta verba explicat, dum sese per innumeratos modos admirationis format.

30. Ratio etiam suffragatur: Primò quia Angeli perfectam societatem inter se habent; utpote qui in varias Hierarchias & ordines descripti, coelestem illam & beatissimam Jerusalem, cujus praecipui sunt cives, in unius reipublicae formam componant: ad felicitatem autem perfectae communitatis & reipublicae, requiritur quod personae seu cives, ad ejus integritatem veluti partes attinentes, faciliè cordium secreta, & affectus in voluntate latentes, sibi mutuo patefaciant, quod absque locutione fieri nequit.

Secundò, Unus Angelus alium illuminat & docet, ut articulo praecedenti vidimus: Sed omnis illuminatio in Angelis est locutio, quamvis non omnis locutio sit illuminatio, ut infra patebit: Ergo unus Angelus alteri loquitur.

Tertiò, Quod potest virtus inferior, potest etiam nobiliori modo virtus superior: Sed homo, qui est inferior Angelo, potest alteri suum conceptum manifestare, in quo praecipue consistit locutio: Ergo etiam unus Angelus poterit alteri loqui.

Quartò, Angeli ad hoc praecipue conditi sunt, ut Deum continuis laudibus & hymnis celebrent: unde cali cantores, caelestes aves, de divinarum laudum praecanis, ad Sanctis Patribus appellantur; & Job 38. dicitur, quòd cum Deus appendebat fundamenta terrae, laudabant eum alba matutina, & jubilabant omnes filii Dei, vel ut habetur in Hebræo, Omnes Angeli Dei. Quomodo autem perpetuo cantu divinas laudes celebrare possent, si carerent facultate loquendi, nec possent inter se spiritualia miscere colloquia.

31. Verum quomodo ejusmodi locutio inter Angelos possit exerceri, gravis est controversia, & mira sententiarum diversitas. Qui enim assenserunt, illuminationem importare aliquid physicè impressum intellectui, eodem Angeli illuminati ab Angelo illuminante, autem proportionali modo discurrunt de locutione. Unde Scotus in 2. dist. 9. quaest. 2. docet Angelum loquentem producere notitiam actualem sui conceptus in intellectu audientis, ita ut intellectus audientis merè passivè se habeat ad illam, nullo modo ipsam

elicendo, sed tantum recipiendo. Suarez verò lib. 2. de Angelis cap. 6. asserit Angelum loquentem producere speciem sui conceptus in intellectu audientis. Qui verò illuminationem in solo magisterio artificioso, seu in sola manifestatione proportionata veritatis antea incognitae constituunt, dicunt locutionem Angelorum consistere in sola ordinatione conceptus loquentis ad eum cui loquitur. Ita D. Thomas hic art. 1. & de verit. quaest. 9. art. 4. ad 9. & 11. quem sequuntur omnes ejus discipuli, & quidam extranei. Denique alii contendunt angelicam locutionem consistere in formatione quorundam signorum, quibus conceptus loquentis manifestantur illi cui sic loquitur, eo modo proportionali, quo voces inter nos referunt animi nostri conceptus. Quod si quaeras, quanam & qualia sint hujusmodi signa? tripliciter respondent. Nonnulli enim apud Durandum dicunt signa illa sensibilia consistere in figuris quibusdam seu characteribus in caelo exaratis; sicut nos in charta voces vel litteras edimus, ut internos animi conceptus manifestemus. Alii verò asserunt signa illa, quibus Angeli ad invicem loquuntur, esse vel sonos sensibiles in aëre ab ipsis formatos instar vocum, vel nutus, aut signa aliqua in corporibus assumptis facta; & hunc dicendi modum approbat Durandus, rejecto alio tanquam frivolo & ridiculo. Alii tandem docent signa illa, quibus unus Angelus loquitur ad alterum, non esse corporalia, sed spiritualia, nempe qualitates aliquas spirituales significantes conceptus: pro qua sententia refert Suarez Marsilium, & quosdam alios infimae notae Theologos.

## §. II.

Sententia Scoti & Suarez rejectitur.

Dico primò: Locutio angelica non fit per influxum physicum Angeli loquentis in eo cui loquitur, causando in ipso notitiam actualem, vel speciem sui conceptus repraesentativam.

Probatur primò ex D. Thoma quaest. 9. de verit. art. 5. ad 2 ubi sic ait: *Angelus loquens nihil facit in Angelo cui loquitur, sed fit aliquid in Angelo ipso loquente, & ex hoc ab alio cognoscitur, modo prius dicto. Unde non oportet etiam quòd loquens infundat ei cui loquitur.* Et art. 6. ad 4. *Angelus (inquit) ad quem fit locutio, non recipit aliquid à loquente, sed per speciem quam penes se habet, & alium Angelum, & locutionem ejus cognoscit.* Quo nihil expressius dici potest, praetertim contra Suarezem, asserentem Angelum loquentem producere speciem sui conceptus in intellectu ejus cui loquitur.

E Probatur secundò conclusio: Si angelica locutio fieret per influxum physicum Angeli loquentis in audiente, producendo in eo notitiam actualem, vel speciem sui conceptus, inde fieret unus Angelum non posse alteri loqui ad quamcumque distantiam: cum enim sit limitata virtutis, non potest physicè agere, nisi intra distantiam limitatam: Consequens praeterea quòd est expressè contra D. Thomam hic art. 4. & qu. 9. de verit. art. 6. & contra illud Lucae 16. ubi anima divinis in inferno posita loquebatur Abraham in Lybmo existentij ex eo constat esse falsum, quòd faciat creaturam purè spiritua-



lém pendere in his quæ pertinent ad completum suæ naturæ à locali & corporea distantia.

34. Confirmatur: Vel Angelus, ut physice influat notitiam aut speciem sui conceptus in audiente, debet esse intra ejus intellectum, vel etiam id potest ad extra positus, & distans ab illo: primum (præterquam quod est contra communem Sanctorum Patrum & Theologorum doctrinam, asserentium quod Angelus non illabitur menti, sed solus Deus) non salvat quomodo unus Angelus possit simul loqui pluribus; cum non possit simul poni intra plures; nec etiam quomodo possit loqui ad Angelum distantem, ut constat. Secundum verò non potest admitti: nam ex una parte repugnat quod actus cognitionis, vel species ab Angelo distante producat in alio, nisi transeat per medium; ex alia verò conceptus, seu cognitio & species non possunt transire per medium corporeum, cum sint accidentia spiritualia, quæ non possunt per media corporea produci, illisque inherere.

35. Scio, suam respondere, hanc efficientiam physicam posse fieri independentem à situ & loco, subindeque absque eo quod illud accidens spirituale, quod per eam producitur, transeat per medium. Verum (præterquam quod hæc responsio est contra commune axioma philosophicum, asserens quod nihil possit agere in distans, nisi agat in propinquum) mirum est istum Authorem nosse admittere, quod Angelus motu discreto possit transire ad locum distantem, impertransito medio, & tamen asserere, quod impertransito medio producit aliquid in loco distant.

36. Probatur tertio conclusio ex alio inconvenienti, quod sequitur ex Suarez sententia. Si enim unus Angelus alloquatur alium per physicum influxum speciei sui conceptus, ratio secreti in ejusmodi locutione salvari non poterit: nam cum illa species non sit futurum contingens, nec actus liber, nec aliquid supernaturale, præsertim quando locutio est de rebus naturalibus, continetur intra objecta naturaliter cognoscibilia à quocunque Angelo, subindeque non est cur ab uno potius quam ab alio cognoscatur.

37. Denique probari potest conclusio rationibus illis, quibus supra demonstravimus, unum Angelum non illuminare alium per influxum physicum in ipsum: nam quantum ad hoc eadem est ratio de Angelorum locutione, ac de eorum illuminatione, ut consideranti patebit.

### §. III.

*Exploditur aliorum sententia, qui docent locutionem Angelorum fieri per aliqua signa.*

38. Dico secundò: Angelorum locutio non potest fieri per aliqua signa.

Probatur: Si locutio Angelorum consisteret in formatione signorum ex primientium conceptus, vel illa signa essent corporea, vel spiritualia? Neutrum dici potest: Ergo locutio Angelorum, per aliqua signa ficti nequit. Prima pars Minoris probatur: quia Angeli connaturaliter exigunt mutuam inter se societatem habere, atque adeò sibi loqui, manendo intra terminos gradus intellectuales, qui à corpore est independentes: Ergo ut se explcent, non indigent signis corporeis & sensibilibus. Et cerè valde diminuta esset & deficiens societas & communitas spiritualium

A substantiarum, si habendo vitam omnino separata à corporibus, & independentem ab illis, indigerent tamen ad sui communicationem sensibilibus signis.

Confirmatur: Quamvis nulla essent corpora, 39. posset tamen inter Angelos esse amicitia, & vitæ societas: Ergo & manifestatio conceptuum, sive locutio; utpote sine quâ prædicta amicitia seu vitæ societas subsistere non potest: Ergo falsum est, ejusmodi locutionem fieri medianibus signis sensibilibus.

Confirmatur amplius: Illa signa sensibilia non 60. possunt esse characteres cælo impressi, ut quidam dicunt; alias Angeli dicerentur scribentes potius quam loquentes: nec soni aut natus sensibiles ab ipsis in corporibus assumptis formati, ut alii existimant; cum quia alius non possent loqui, nisi assumendo corpora; tum etiam quia si nullum esset corpus, nullo modo possent loqui: Ergo signa illa ficticia sunt & chimerica.

Addo quod, hoc habet speciale Angelorum 61. locutio, quod possit fieri uni, absque eo quod aliis innotescat; quod esse non possit, si fieret per signa sensibilia, quæ sunt omnibus Angelis necessarii manifesta. Ex quo probatur secunda pars Minoris: Nam vel signa illa spiritualia, essent naturalia, vel ad placitum? Si essent naturalia, essent omnibus manifesta: similiter etiam si essent signa ad placitum; quia significarent ex impositione orta ex communi consensu Angelorum, & consequenter essent omnibus nota: Ergo si Angelus loqueretur per expressionem talium signorum, non posset uni loqui, quin loqueretur aliis, aut saltem illis suam locutionem manifestaret.

Pressi hac difficultate Authores hujus senten- 62. tiæ, distinguunt duo genera signorum in Angelis; quædam generalia & communia omnibus, quibus proinde tanquam lingua communi utuntur in suis locutionibus publicis; & alia specialia pro singulis, subindeque apta ut unus Angelus alteri tantum, quando voluerit, suos conceptus manifestet.

Verum hæc responsio obruitur ipsâ infinitate 63. signorum, & linguarum quas teneretur ponere in Angelis, si secretum vellet servari in eorum locutionibus. Demum enim quod aliquis Angelus vellet loqui duobus vel tribus simul, non reliquis, quâ lingua utetur? si privatâ, non intelligetur nisi ab uno, nempe ab illo cui soli est nota; quia pro illo solum est imposita: si communi, non poterit occultari aliis, quibus etiam nota est illa impositio; unde oportebit aliam linguam in Angelis instituire, non communem omnibus, nec privatam pro uno, sed communem pro aliquibus, & non pro aliis: cum autem combinationes istæ possint in infinitum multiplicari, idque per totam æternitatem; quia aliquando potest velle loqui duobus, modo quatuor, aut decem, aut viginti, aut pluribus, aut paucioribus; imò illis quibus modò loquitur, aut aliquibus eorum, potest postea velle occultare id quod manifestat aliis; oportebit quemlibet Angelum habere in finitas ferè linguas, sive infinita signa ad loquendum cum quibus voluerit, seorsim & secretè ab aliis.

Ex dictis confutata manet aliquorum senten- 64. tia, qui docent locutionem Angelorum fieri per immissionem alicujus qualitatæ spiritualis, significantis conceptus illorum. Primò quia D. Tho-

mas suprà relatus expressè docet quòd Angelus ad quem sit locutio, non recipit aliquid à loquente. Secundo, quia vix explicari potest quid sit illa qualitas spiritualis, in intellectu Angeli audientis producta à loquente; cum præter species & actus nihil sit in intellectu angelico: nam valdè probabile est nullum esse habitum naturalem in intellectu Angelorum; eò quòd habeant ratione specierum potentiam perfectam & completam ad attingendum omne verum naturale. Tertiò, si Angelus loquens aliquam qualitatem spirituales produceret in eo cui loquitur, illaberetur intra mentem illius: non posset enim talem qualitatem ad ipsum per aliquod medium transfundere, quia (ut suprà dicebamus) hoc repugnaret ejus immaterialitati. Denique juxta hanc sententiam non potest salvari secretum in locutione angelica: quia illa qualitas vel ex natura rei, vel solum ex Angelorum beneplacito, conceptus mentis significaret; quicquid autem dicatur, ejus significatio esset omnibus manifesta, ut patet ex suprà dictis: Ergo, &c.

## §. IV.

*Divi Thoma sententia stabilitur.*

**D**ico ultimò: Locutio Angelorum consistit in sola ordinatione seu directione conceptuum, per voluntatem loquentis ad eum cui loquitur. Ita D. Thomas hic quæst. 107. art. 1. & de verit. quæst. 9. art. 4.

64. Probatur ratione fundamentali, quam ibidem insinuat. Loqui alteri, nihil aliud est quàm suæ mentis conceptum illi manifestare: Sed unus Angelus per hoc solum manifestat alteri suum conceptum, quòd ipsum dirigit & ordinat ad illum per suam voluntatem: Ergo per hoc præcisè eum alloquitur. Major patet, Minor verò probatur. Ut conceptus unus Angeli manifestetur alteri, sufficit quòd ab eo possit cognosci: Sed ex eo præcisè, quòd unus Angelus conceptum suum ordinet voluntariè ad alterum ut ei innotescat, potest ille alter Angelus ipsum cognoscere: Ergo per talem ordinationem seu directionem illi manifestatur. Major est evidens, Minor probatur. Ut conceptus libet unus Angeli, possit actu cognosci ab alio Angelo, sufficit quòd reddatur de pertinentibus ad ipsum; eo ipso siquidem ponitur intra sphaeram intellectualitatis illius, quia quilibet Angelus natus est per species quas in se habet, sine alia impressione, vel actione objecti in ipsum, intelligere quicquid ad se pertinet: Sed ex eo præcisè quòd unus Angelus voluntariè ordinat suum conceptum ad alium, cõsineat illi possit innotescere, eo ipso, inquam, reddit ejusmodi cogitationem de pertinentibus ad ipsum; quia eo ipso vult talem conceptum ad illum pertinere: Ergo hoc ipso facit quòd illa cogitatio possit ab illo cognosci.

65. Confirmatur primò: Idèò actus liber unus Angeli est ex natura sua ante consensum voluntatis ipsius, incognitus alteri Angelo, quia ipse Angelus, qui liberè eum elicit, habet ex vi suæ libertatis dominium in talem actum, & jus conaturale sibi notitiam ipsius reservandò quandiu voluerit: Sed ex eo præcisè quòd dirigit ad alterum Angelum ejusmodi conceptum ut ei possit innotescere, eo ipso, inquam, cedit dominio & juri quòd habet, prædictum conceptum illi

A occultandi: Ergo eo ipso incipit manifestari illi Angelo ad quem dirigitur: subindeque Angelus sic ipsum manifestans, censetur sufficienter alterum Angelum alloqui.

Confirmatur secundò ex differentia quæ reperitur inter locutionem hominis & Angeli. 66. Homo enim non loquitur alteri ex hoc præcisè quòd ad illum dirigit suum conceptum vel voluntatem: quia, ut notat S. Doctor hic art. 1. ad 1. duplici obstaculo clauditur illius conceptus, ne alteri homini sit notus; primò quidem ipsa libertate voluntatis, ob quam est supra ordinem universi, & à nulla causa extrinseca, præterquam à Deo, dependet, ut disp. 7. art. 1. declaravimus; secundò grossitie corporis, ratione cuius homo debet uti aliquo signo sensibili, ad hoc ut alteri homini suum conceptum manifestet: conceptus autem unus Angeli occultatur alteri solo libertatis velamine; atque adeò hoc ipso quòd tollitur illud velamen, per hoc quòd ille conceptus ad alium Angelum dirigitur, & fit aliquo modo ipsius, illi manifestatur: licetque unus Angelus loquitur alteri, per hoc solum quòd illi manifestat suum conceptum. Et hic modus dicendi facilè salvat, quòd locutio Angeli possit esse secreta, & uni tantum cognita: C quia Angelus loquens potest ordinare suum conceptum ad unum, & non ad alios. Facile etiam explicat, quomodo possit unus Angelus alloqui simul plures alios, etiam distantes: nam potest ad plures, etiam distantes, dirigere suum conceptum. Quomodo autem malus Angelus possit mentiri & decipere alios, ex solutione argumentorum patet.

## §. V.

*Solvuntur objectiones.*

**O**bjicies primò contra primam conclusionem. Intellectus unus Angeli non est secundum se sufficienter constitutus in actu primo ad cognoscendum actus liberos aliterius, aliàs posset prohibito, & independenter ab alterius locutione & voluntate, eos cognoscere: Ergo debet fieri potens in actu primo, subindeque per receptionem alicujus phisici intrinsecè mutari. 67.

Confirmatur primò: Vel unus Angelus habet in se speciem repræsentativam conceptus alterius, vel non? Si primum; Ergo nihil illi deest ut illum cognoscatur independenter ab alterius voluntate. Si secundum: Ergo cum non possit illum absque specie cognoscere, eam de novo recipiat à loquente. 68.

E Confirmatur secundò: Dum unus Angelus alteri loquitur, ille cui sit locutio debet moveri & excitari, ad hoc ut attendat Angelo loquenti; cum non sit semper in actuali consideratione omnium quæ potest cognoscere: Sed non potest moveri ac excitari, nisi per impressionem alicujus phisici: Ergo aliquid phisicum ipsi imprimi debet. Major patet, Minor probatur: Tum quia objectum motivum non potest intelligi sine influxu phisico in potentiam: Tum etiam quia D. Thomas hic art. 1. ad 3. ait, quòd sicut per signum sensibile excitatur sensus, ita per aliquam intelligibilem virtutem potest excitari mens Angeli ad attendendum: At sensus excitatur per influxum phisicum speciei in ipsum, ut patet: Ergo etiam intellectus Angeli audientis debet exci-

tari per influxum physicum loquentis in ipsum.

70. Confirmatur tertio: Angelus loquitur homini, per impressionem alicujus physici, puta speciei intelligibilis. Ergo similiter alteri Angelus loquitur.

71. Ad objectionem respondeo negando Antecedens: est enim Angelus sufficienter constitutus in actu primo, quantum est ex parte sui, ad cognoscendum conceptus & actus liberos alterius, unde potest illos cognoscere, saltem abstractivè, & ut possibiles; ut tamen cognoscat illos, prout hic & nunc eliciuntur, & intuitivè, requiritur tanquam conditio, & veluti per modum approximationis, directio alterius Angeli; unde independentè ab illa, & Angelus loquentis voluntate, non potest eos cognoscere. Ex quo patet responsio ad primam confirmationem: respondetur enim quemlibet Angelorum habere in se speciem, quæ possit alterius conceptum repræsentare; ceterum in actuali repræsentatione dependet prædicta species à voluntate ejus cujus est ipse conceptus: sicut etiam quilibet habet speciem quæ repræsentet futurum contingens, & tamen actualis repræsentatio dependet ab existentia prædicti futuri contingentis, ut disp. 9. art. 4. ostensum est.

72. Ad secundam distingo Majorem: ut attendatur Angelus loquenti debet moveri & excitari, moraliter, concedo: physicè, nego: & sub eadem distinctione Minoris, nego Consequentiam.

Explicatur: Eo modo excitatur Angelus ad attendendum locutionem, quæ sibi fit ab alio, subindeque ad cognoscendum ejus conceptum, quo excitatur ad attendendum & cognoscendum individua quæ sub specie humana verbi gratià de novo fiunt: unde quemadmodum ad istam excitationem non requiritur quòd nova productio individuum naturæ humanæ, aliquid physicè causet & ponat in intellectu angelico, sed sufficit quòd species quam innatam habet Angelus de naturâ & quidditate talium individuum, posita illorum productione, tanquam conditione sine qua nequit ea repræsentare, determinetur de novo ad illa repræsentanda: ita similiter, ut intellectus unius Angeli efficaciter excitetur & moveatur ad attendendum locutionem alterius, & percipiendum id quod ipsi loquitur, non requiritur quòd per locutionem illam aliquid physicum de novo recipiat, sed sufficit quòd adveniat de novo ordinatio & directio voluntatis ex parte Angeli loquentis; quia per talem ordinationem auferitur velamen quod illius conceptum occultabat. Ideo enim ille actus Angelus loquentis non cognoscebatur ab audiente, quia non erat de pertinentibus ad universum, vel ad ipsum Angelum qui debet audire: per talem vero ordinationem fit de pertinentibus ad ipsum, subindeque ei manifestatur, ut antea declaratum est. Unde Divus Thomas in 2. dist. 11. quæst. 1. art. 3. ad 4. sic ait: *Angelus prout beatus est semper in actuali consideratione sui ipsius, & per consequens eorum quæ ad ipsum pertinent, quorum omnium ipse est ratio cognoscendi..... Quamvis autem unus Angelus ordinat locutionem suam ad alterum, efficitur locutio ejus de pertinentibus ad illum, & ita ab eo cognoscitur.* Ex quo patet, juxta doctrinam Divi Thomæ, nihil physicum de novo recipi in Angelo audiente ut excitetur, sed poni tantum de novo directionem seu

ordinationem Angeli loquentis, quæ est moralis quædam motio & excitatio. Unde cum dicitur objectum motivum non posse intelligi sine influxu physico in potentiam, respondendum est, id esse verum de objecto motivo physicè, secus verò de objecto movente & excitante tantum moraliter.

Ad locum verò D. Thomæ qui subjungitur, 73. dicendum est cum Cajetano, S. Doctorem nomine virtutis intelligibilis, per quam dicit mentem Angeli excitari ad attendendum alteri loquenti, intelligere ordinationem conceptus unius Angeli ad alterum, quæ habet virtutem moraliter excitativam, ea ratione quæ facit hunc conceptum esse de pertinentibus ad illum cui loquitur. Comparatio verò D. Thomæ tenet solum quantum ad motionem & excitationem, non verò quantum ad modum motionis & excitationis.

Ad tertiam confirmationem primò nego Antecedens: Angelus enim dum homini loquitur, non infundit illi novam speciem, sed species jam existentes tantummodo ordinat, vel movet tantum phantasmata, ex quibus postea intellectus agens elicit species. Secundò hoc dato, nego consequentiam & pariter est: homo enim potest recipere novas species, non verò Angelus, qui conditus est perfectus in sapientia, & à Deo omnes species in sua creatione recepit.

Obijcies secundò contra secundam conclusionem: Glossa in illud 1. Corinth. 13. *Si linguis hominum loquar & Angelorum, dicit Angelus loqui nutibus & signis.* Idem docet S. Bruno in scholiis ad locum illum prioris ad Corinth. Nam de Angelorum linguis loquens: *Quibusdam (inquit) signis alteri alter voluntatem suam significat.* Ergo Angelorum locutio fit per aliqua signa sensibilia.

Respondeo in tantum Angelos dici loqui per signa & nutus, in quantum speciebus utuntur ad loquendum, quæ per se primò sunt signa, & propter annexam ordinationem ad alterum Angelum, nutus metaphoricè dici possunt. Ita D. Thomas quæst. 9. de verit. art. 4. ad 12. ubi ait: *Nutus & signa hoc modo possunt in Angelis distinguere, ut signum dicatur ipsa species, nutus autem ordinatio ad alium: sed possibilitas hoc faciendi dicitur lingua.*

Obijcies tertio contra tertiam conclusionem: Si locutio angelica fiat per ordinationem conceptus unius Angeli ad alterum, sequitur locutionem Angelorum esse actum voluntatis, non verò intellectus, & linguam Angelorum esse eorum voluntatem, non autem intelligendi vim, ut ait Theodoretus suprâ relatus: Sed hoc non potest dici: Ergo nec illud. Minor patet: Loqui enim est manifestare conceptum: Sed proprium intellectus est manifestare, non autem voluntatis, quæ est potentia cæca: Ergo &c. Major verò probatur, nam Divus Thomas hic artic. 1. in corp. & in resp. ad 1. ait, quòd *voluntas ordinat conceptum mentis angelicæ ad manifestandum alteri*: Ergo si locutio angeli consistat in ordinatione conceptus mentis angelicæ ad alterum Angelum, illa erit actus voluntatis, & non intellectus.

Respondeo negando sequelam Majoris. Ad 77. cujus probationem dicendum est, quòd quando D. Thomas ait, quòd voluntas ordinat conceptum, non intendit hanc ordinationem esse à voluntate tanquam ab efficiente illam, sed solum tanquam a vi

tanquam à movente seu applicante intellectum ad eam eliciendam. Nam, ut ait idem S. Doctor 1.2. quæst. 17. art. 2. *Ordinare est proprius actus rationis*. Et 1.2. quæst. 83. art. 1. probat orationem non esse actum voluntatis, sed rationis: quia petere, sive deprecari, ordinationem quandam importat, unde pertinet ad rationem, cuius est ordinare. Ordinatio ergo conceptus mentis ad manifestandum alteri, quæ est locutio unius Angeli cum alio, actus intellectus est, præsupponens tamen actum voluntatis, ut de imperio & oratione, locis citatis dicemus.

78. Obijcies quartò: Ipsa ordinatio conceptus Angeli loquentis ad audientem est in se actus liber: Ergo est occultus Angelo audienti, subindeque per illum non potest ipsi manifestari conceptus Angeli loquentis.

Respondetur quòd licet prædicta ordinatio sit actus liber, quoad exercitium & usum quo fit, hæc tamen libertas non obstat quin sit manifestus alteri, quia hoc ipso quòd voluntas Angeli loquentis facit talem ordinationem sui conceptus ut innotescat alteri, seu potius movet & applicat intellectum ad eam efficiendam, vult illam pertinere ad alterum, subindeque ab illo cognosci.

79. Obijcies quintò: Actus liberi non sunt Angelis manifesti, ex eo quòd ordinantur ad illum: Ergo locutio Angelorum non consistit in directione conceptum unius ad alium. Consequentia patet, Antecedens verò probatur: quia aliàs à usus amoris, odii, & huiusmodi, unius Angeli vel Dæmonis erga alium, essent illi naturaliter noti, quia ad ipsum essentialiter ordinantur.

Respondetur distinguendo Antecedens: Non sunt manifesti ex eo quòd ordinantur ad illum, ex sua ratione specifica, & tanquam ad objectum, concedo: ex eo quòd ordinantur ex applicatione speciali libertatis, nego. Ex eo enim præcisè quòd aliquis actus ordinatur ad Angelum essentialiter tanquam ad objectum, non fit aliquid ipsius propriè loquendo, neq; ad ipsum pertinet cura de illo, bene tamen ex eo quòd per liberam voluntatis applicationem ad ipsum dirigitur; per hanc enim directionem & ordinationem, fit ejus objectum proportionatum, actualiter ipsi exhibitur sive applicatur.

80. Obijcies ultimò: Si locutio angelica fieret per directionem conceptum, malus Angelus loquendo alteri non posset unquam illi mentiri: Consequens est falsum: Ergo & Antecedens. Minor patet: nam Angeli mali re ipsa sunt spiritus fallaces, pleni dolo & omni malitià, & princeps dæmoniorum est mendax, & mendacii pater, & cum mendacium loquitur, de suo loquitur, ut asseritur in Evangelio: neque verò tantum est mendax, quando cum hominibus loquitur, & humano utitur idiomate, sed etiam quando cum aliis dæmonibus loquitur, & utitur idiomate sibi proprio; tunc enim maxime loquitur de suo. Sequela autem Majoris sic ostenditur: Mentiri est aliud manifestare exterius, & aliud habere interius in mente: Sed si angelica locutio fiat per directionem conceptus Angeli loquentis ad audientem, nunquam dæmon, alloquendo alterum, aliud ei manifestabit, quam illud quod habet in mente, solum enim illi manifestabit suum conceptum: Ergo nunquam illi mentietur.

81. Respondetur negando sequelam Majoris. Ad cuius probationem, concessa Majori, nego Mi-

norem: licet enim locutio angelica fiat per directionem conceptum, tamen dæmon, formatum in se conceptu aut affectu non directo ad alium, potest formare alium conceptum ad eum directum, quo neget se habere illum non directum, aut assermet se habere oppositum: in quo casu evidens est quòd aliud ei manifestabit, quam illud quod habet in mente, subindeque ei mentietur. Similiter etiam potest ad alium dirigere conceptum, quo neget se cognoscere aliquid de supernaturalibus, futuris contingentibus, aut cogitationibus cordium, quod tamen vera cognoscit; vel econtra quo assermet se de illis aliquid cognoscere, quod re ipsa non cognoscit.

B. Potest etiam conceptum quem habet manifestare alteri quoad substantiam, non verò quoad circumstantias ejus: in quibus omnibus actibus mendacium & deceptio in locutione dæmonis inveniuntur.

## §. VI.

## Corollaria notata digna.

EX dictis intelliges primò discrimen notabile, quòd inter locutionem humanam & angelicam reperitur: in nobis enim conceptus noster non est locutio, sed aliquid sensibilis locutione manifestatum: at verò in Angelo, qui non indiget vocibus ut alteri loquatur, ipse conceptus internus habet eminenti modo rationem manifestari, & manifestativi, & æquivaleret conceptui nostro, & voci significanti conceptum, ex quibus nostra locutio coalescit: nam ut est actus liber & internus, est res manifestata; ut directus verò, habet rationem manifestativi: ea siquidem quæ ob imperfectionem & limitationem dispersa sunt in inferioribus, inveniuntur unita in superioribus.

Intelliges etiam, locutionem angelicam in duobus potissimum differre ab illuminatione: Primò quia locutio est simplex manifestatio conceptus Angeli loquentis: illuminatio verò, præter manifestationem objecti, dicit confortationem intellectivæ potentie, modo superius explicato Unde S. Thomas quæst. 9. de verit. Intellectus aliquis deficit à cognitione alicujus cognoscibilis propter duo. Vno modo propter absentiam cognoscibilis: sicut dum cognoscimus gesta præteritorum temporum, vel aliorum locorum remotiorum, quæ ad nos non pervenerunt. Alio modo propter defectum intellectus, qui non est adeò fortis, ut possit perungere ad illa cognoscibilia, quæ penes se habet in primis: principis naturaliter notis, quæ tamen non cognoscit, nisi roboratus exercitio vel doctrinâ. Locutio igitur propriè est quæ aliquis ducitur in cognitionem ignorati, per hoc quod fit ei præsens quod aliàs erat sibi absens: sicut apud nos patet dum unus effert alteri aliquid quod ille non videt, & sic facit ei quodammodo præsens per loquelam. Sed illuminatio est quando intellectus confirmatur ad aliquid cognoscendum supra id quod cognoscerebat.

Secundò locutio & illuminatio angelica in eo differunt, quòd illuminatio est manifestatio occultæ, secundum quòd est à Deo formaliter, subindeq; veri inquantum veri formaliter: locutio autem non est revelatio occultæ, prout est à Deo formaliter; atque ita nec formaliter ut veri, sed prout est à voluntate Angeli loquentis, sive prout est volitum & liberum; quamvis aliàs in se sic verum materialiter & quasi per accidens: siquidem absolute posset esse falsum, & si contingat non esse falsum, hoc non habet ex vi rationis for-



malis secundum quam formaliter manifestatur. sed aliunde, nempe quia repugnat subiecto decipere vel mentiri, ob perfectionem statûs beatorum in quo est: unde, ut supra vidimus, malus Angelus alteri loquendo, potest illi mentiri, eumque decipere. Ita D. Thomas hic art. 2. ubi sic habet: *Ea quæ mente concipiuntur, ad duplex principium referri possunt, scilicet ad ipsum Deum, qui est prima veritas, & ad voluntatem intelligentis, per quam aliquid actû consideramus. Quia verò veritas est lumen intellectus, & regula omnis veritatis est ipse Deus, manifestatio ejus quod mente concipitur, secundum quod dependet à prima veritate, & locutio est & illuminatio; putà si unus homo dicat alii, saltem est à Deo creatam, vel homo est animal. Sed manifestatio eorum quæ dependent à voluntate intelligentis, non potest dici illuminatio, sed locutio tantum, putà si aliquis alteri dicat volo hoc addiscere, volo hoc vel illud facere. Cujus ratio est, quia voluntas creata non est lux, nec regula veritatis, sed participans lucem. Unde communicare ea quæ sunt à voluntate creata, inquantum hujusmodi, non est illuminare, non enim pertinet ad perfectionem intellectus mei, quid tu velis, vel quid tu intelligas, cognoscere, sed solum quid rei veritas habeat.*

Dices, Omnis Dei locutio est illuminatio: Ergo pariter omnis Angelus locutio, illuminatio dici debet. Consequentia videtur legitima ex paritate rationis. Antecedens vero probatur ex D. Gregorio libro secundo Moralium cap. 5. ubi ait, quod Deus ad Angelos loquitur, eo ipso quod eorum cordibus occulta sua invisibilia ostendit. Ergo omnis Dei locutio ad Angelos est illuminatio ipsorum.

Respondeo concessio Antecedente, negando consequentiam & paritatem. Ratio verò discriminis assignatur à D. Thoma articulo citato, in responsione ad tertium, ubi sic ait: *Ad tertium dicendum quod omnis Dei locutio ad Angelos est illuminatio, quia cum voluntas Dei sit regula veritatis, etiam scire quid Deus velit, pertinet ad perfectionem & illuminationem mentis create, sed non est eadem ratio de voluntate Angelus, ut dictum est.*

Inferes tertio, Angelos inferiores loqui ad superiores, licet eos non illuminent: ut enim ait S. Doctor quæst. 9. de verit. art. 5. in corpore: *Locutio potest esse in Angelis & in nobis sine illuminatione: quia quandoque contingit aliqua nobis manifestari per locutionem, ex quibus intellectus nullo modo ad intelligendum magis roboratur: sicut cum recitantur nobis aliqua historia, vel cum unus Angelus alteri conceptionem suam demonstrat; hujusmodi enim indifferenter possunt cognosci & ignorari ab eo qui habet debilem intellectum vel fortem. Sed illuminatio semper habet locutionem adjunctam, & in Angelis & in nobis: nos enim secundum hoc alium illuminamus, quod ei aliquid medium tradimus, quo intellectus ejus roboratur ad aliquid cognoscendum, quod per locutionem fit. Similiter etiam oportet quod & in Angelis fiat per locutionem. Superior enim Angelus habet cognitionem de rebus per formas magis universales. Unde inferior Angelus non est proportionatus ad accipiendum cognitionem à superiori Angelis, nisi superior Angelus cognitionem suam quodammodo dividat & distinguat, concipiendo in se illud de quo vult illuminare, per modum talem quo fit comprehensibile ab inferiori Angelo, & talem conceptum suum alteri Angelo manifestando, eum illuminat. Unde dicit Dionysius 15. capite celestis Hierarchie: *Vnaqueque intellectualis essentia donatam à sibi deiforme uniformem intelligentiam, provida virtute dividit & multiplicat ad inferioris ductricem**

*analogiam. Et est simile de magistro qui videt discipulum non posse capere ea quæ ipse cognoscit per illum modum quo ipse cognoscit; & ideo studet distinguere & multiplicare per exempla, ut sic possint à discipulo comprehendere. Dicendum est igitur, quod illa locutio quæ illuminationi adjungitur, superiores solum inferioribus loquuntur, sed secundum locutionem indifferenter loquuntur & superiores inferioribus, & è converso.*

Dices: Glossa super illud 1. ad Corinth. 13. *Si linguis hominum loquar & Angelorum, ait quod lingue sunt quibus Angeli prepositi minoribus significant quod de Dei voluntate primi sentiunt: Ergo Angeli inferiores non loquuntur superioribus, sed solum superiores inferioribus.*

Respondet S. Thomas ibidem in resp. ad primum, quod Glossa ibi loquitur de locutione adjuncta illuminationi, non verò de locutione simplici; unde verbis illis solum potest inferri, Angelos inferiores non illuminare superiores, non tamen inferiores Angelos non loqui superioribus.

Dices tursus: Quicumque loquitur alicui de aliquo ignoto ei, docet ipsum: Si ergo inferiores Angeli loquuntur superioribus de propriis conceptibus quos illi ignorant, videtur quod eos doceant & illuminent.

Respondeo negando Antecedens, ut enim ait S. Doctor articulo citato in responsione ad tertium: *Doctrina est proprie de his quibus perficitur intellectus: hoc autem quod unus Angelus cognoscit cognitionem alterius, non pertinet ad perfectionem intellectus ejus; sicut non pertinet ad perfectionem intellectus mei quod cognoscam res absentes quæ ad me non pertinent.*

Inferes quarto cum eodem Angelico Præceptore, hic art. 4. localem distantiam non impedire locutionem unius Angeli ad alterum. Nam locutio Angeli in intellectu alii operatione consistit, ut ex dictis patet: Sed intellectualis operatio Angeli omnino abstracta est & independens à tempore & loco: Ergo & locutio unius Angeli ad alterum, subindeque localis unius Angeli ab altero distantia eorum locutionem impedire nequit. Unde quando Isaia 6. dicitur de Seraphinis quod alter clamabat ad alterum; *Clamor ille* (inquit S. Thomas in resp. ad 2.) *non fit propter distantiam loci, sed significat magnitudinem rei quæ dicebatur, vel magnitudinem effectus, secundum quod dicit Gregorius 2. Moralium: Tandem quisque minus clamat, quanto minus desiderat, & juxta illud Ambrosii ad verba illa Psalmi 118. Clamavi in toto corde meo: Clamat cor nostrum, non sono corporis, sed cogitationum sublimitate, concentuque virtutum.*

Inferes quinto, unum Angelum posse loqui ad alterum, absque eo quod ejus locutionem alii percipiant. Ita S. Doctor articulo quinto, ubi sic discurrit: *Conceptus mentis unius Angeli percipi potest ab altero, per hoc quod ille cuius est conceptus, sua voluntate ordinat ipsum ad alterum. Potest autem ex aliqua causa ordinari aliquid ad unum & non ad alterum; & ideo potest conceptus unius ab aliquo non cognosci, & non ab alio. Et sic locutionem unius Angeli ad alterum potest percipere unus absque alio; non quidem impediens distantia locali, sed hoc faciente voluntaria ordinatione.*

## DISPUTATIO XVI.

*De hierarchiis, ordinibus, ac ministeriis Angelorum.*

*Ad quest. 108. & sequentes.*

**H**æc est ultima hujus Tractatus disputa-  
tio, in qua exponemus ea quæ docet D.  
Thomas à questione centesima octava,  
usque ad centesimam decimam quintam, & de  
hierarchiis, ordinibus, ac ministeriis Angelo-  
rum, eâ quâ poterimus brevitate & perspicuita-  
te disseremus.

## ARTICULUS I.

*Quot sint hierarchia & ordines Angelorum?*

§. I.

*Prima pars quæstii resolvitur.*

1.

**D**ico primò, tres esse Angelorum hierarchias.  
Ita communiter Theologi post D. Diony-  
sium de cœlesti hierarchia cap. 6. & D. Thomam  
hic quæst. 108. art. 1.

Probatur: Hierarchia, quæ latinè *sacer princi-  
patus* dicitur, est collectio personarum aliquo  
modo sacrarum, quæ sub uno Principe contin-  
entur: Atqui triplex est hujusmodi collectio in  
Angelis: Ergo & triplex hierarchia. Minor pro-  
bat: Multitudo ordinata sub Principe, multi-  
plicatur secundum diversos modos, quibus ab  
illo recipit gubernationem: unde quia Angeli &  
homines diverso modo recipiunt divinas illu-  
minationes quibus à Deo reguntur, (homines  
enim eas recipiunt per signa sensibilia; Angeli  
verò in intelligibili puritate, ut dicit Dionysius  
cap. 1. de cœlesti hierarchia) ideo alia est hominū  
& Angelorum hierarchia: Atqui etiam Angeli  
non recipiunt eodem, sed triplici diverso modo  
divinam gubernationem, seu illustrationes qui-  
bus à Deo gubernantur: Ergo &c. Minor sub-  
sumpta probatur: Nam, ut discurrit D. Thomas  
hic art. 1. cum Angeli superiores habeant uni-  
versaliorem cognitionem veritatis, quàm infe-  
riores, rationes rerum de quibus Angeli illumi-  
nantur possunt considerari tripliciter; primò  
secundum quod sunt à primo principio, quæ est  
universalissima consideratio; secundò prout  
dependent à causis universalibus, quæ aliquâ  
ratione multiplicantur; & tertio, prout appli-  
cantur singulis rebus, secundum quoddà suis  
propriis causis dependent: & sic oportet quodd  
Angeli primæ hierarchiæ cognoscant rationes  
divinæ providentiæ, v.g. salutem D. Petri, ut ex-  
plicat Ferrariensis 3. contra Gentes cap. 80. in  
causa universalissima, quæ est voluntas Dei:  
Angeli secundæ in principiis universalibus, putà  
in Passione Christi: Angeli tertiæ in causa par-  
ticulari, ut in martyrio ipsius.

Confirmatur: Nam ut ait Innocentius V. in  
2. dist. 9. quæst. unicâ art. 3. sicut in mente sapien-  
tis Regis potest quis videre regimen regni tri-  
pliciter; vel inspiciendo ejus voluntatem, quæ  
mover omnia; vel inspiciendo leges generales  
& consuetudines totius regni, quibus regit singu-  
la; vel deniq; inspiciendo consuetudines & le-  
ges speciales diversorum locorum, quibus regit  
specialia loca: ita Angelus tripliciter recipit il-

Tom. II.

**A** lumnationes de effectibus Dei; primò intuen-  
do illos in ipsa causa universalissima, scilicet vo-  
luntate divina; secundò in causis secundis uni-  
versalibus; tertio in causis specialibus. Primum  
pertinet ad primam hierarchiam; secundum ad  
secundam; tertium ad tertiam: nam qui de  
prima sunt, solum circa Deum occupantur, pro-  
pterea assistentes appellantur, qui verò de me-  
dia, operantur circa regimen generale, unde ab  
his effectibus generalibus accipiunt nomen, ut  
infra dicemus; qui de tertia, operantur circa re-  
gimen speciale aliquarum partium vel perso-  
narum universi, & ideo ab iis effectibus cognomi-  
nantur. Sicut in regno temporaliquidam occu-  
pantur circa officium personæ Regis; quidam  
circa regimen generale regni; & quidam circa  
regimen speciale particularium locorum.

**B** Ex alio principio desumunt alij diversitatem  
hierarchiarum in Angelis. Quia enim ordo hierar-  
chiæ est quosdam purgare, quosdam verò pur-  
gari; quosdam illuminare, & alios illuminari;  
quosdam deniq; perficere, & alios perfici, ut  
ait Dionysius cap. 3. cœlestis hierarchiæ, ideo  
juxta triplex hoc hierarchiæ munus, rectè in tres  
hierarchias ordinantur omnes Angeli: ita ut alij  
purgent, illuminent, & perficiant; alij purgen-  
tur, illuminentur, & perficiantur. Prima à solo  
Deo purgatur, illuminatur, & perficitur; ac mox  
mediâ hunc modo purificat, illuminat, & perfici-  
cit: media verò à superiori purgata, illuminata,  
& perfecta, in inferiore eisdem divinis effe-  
ctus præstat. Vel prima à nulla alia purgatur, il-  
luminatur, ac perficitur; sed inferiores purgat,  
illuminat, & perficit: secunda purgat, illumi-  
natur, ac perficitur à superiori, & tertiam pur-  
gat, illuminat, & perficit: tertia & ultima nul-  
lam aliam nisi humanam purgat, illuminat, &  
perficit; sed à superiore purgatur, illuminatur,  
& perficitur.

**C** Circa hunc discursum, & tres illos actus hierar-  
chicos, triplex occurrit difficultas, breviter  
hic resolvenda. In primis enim queri potest,  
quomodo, & qualis possit esse in cœlesti hierar-  
chia purgatio: Omnis enim purgatio est ab ali-  
qua impuritate: Sed in Angelis nulla est impu-  
ritas: Ergo nec ulla videtur esse purgatio.

Secundò, Difficile apparet, quomodo possit  
esse in cœlesti hierarchia illuminatio tam activa  
quàm passiva: vident enim Angeli beati Deum  
sine ullo medio, sicut est in seipso, & ab illo lu-  
men immediatè accipiunt: Quomodo ergo unus  
Angelus illuminat alium?

Tertio, Videtur quòd unus Angelus alium  
non perficiat: fieri enim perfecti, convenit viæ,  
quæ est status meriti; & repugnat termino, qui  
est status præmij: Ergo videtur quòd Angeli  
cùm sint in termino, & in statu præmij, non ha-  
bent in se perfici, sed solum perfectos esse.

**E** Ad primam difficultatem respondeo Angelos  
inferiores purgari à superioribus, non à pecca-  
to, vel errore, aut ignorantia propriè dicta, quæ  
locum non habet in Angelis) sed à nescientia;  
quæ in illis reperitur, cùm omnes veritates su-  
pernaturales non cognoscant.

Ad secundam dico, quòd Deus offert se im-  
mediatè Angelis beatis, quantum ad objectum  
beatitudinis: sed quantum ad revelationem oc-  
cultorum, quæ pertinent ad dispositionem uni-  
versi, & regimen Ecclesiæ, aut mysteria gratiæ,  
inferiores Angeli possunt à superioribus illumi-  
nari, & secundum hujusmodi revelationes, ad

Ppp 3

præmiun

præmium accidentale pertinentes, continendū perfici, quamvis in præmio essentiali sint perfecti: ex quo patet solutio tertiæ difficultatis.

7. Quæres primò: An tres illi actus hierarchici realiter inter se distinguantur, & ad diversas potentias pertineant?

Respondeo ex D. Thoma supra quæst. 106. art. 2. ad 1. hos tres actus purgandi, illuminandi, & perficiendi, ad intellectum pertinere; nec inter se distingui realiter tanquam tres operationes, sed esse unum actum sub triplici habitudine; ita ut dicatur purgatio, quatenus excludit ignorantiam non erroris aut privationis propriè dictæ, sed negationis austeritatis; & appelletur illuminatio, quatenus per illum confertur lumen (modo supra explicato, agendo de illuminatione Angelorum); itemque perfectio, quatenus mentem producit ad cognitionem veritatis, quæ est maxima perfectio naturæ intellectualis. Sicut inquit S. Doctor *et sic dicitur visum corporalem purgari, in quantum remouentur tenebræ: illuminari vero, in quantum perfunditur lumine: perfici vero, secundum quod producit ad cognitionem colorati.*

8. Quæres secundò, Utrum in Divinis vera sit & propriè dicta hierarchia?

Respondeo ex eodem Angelico Præceptore hic art. 1. in divinis personis esse quidem ordinem naturæ (id est originis: sed non hierarchiæ. Nam ut Dionysius dicit 3. cap. cælestis hierarch.ordo hierarchiæ est alios purgari, & illuminari, & perfecti; alios autem purgare, illuminare, & perfectere: quod absit ut in Divinis ponamus.

Ad quod hierarchia subiectionem dicit sub uno Principe, quæ etiam in personis divinis reperiri nequit.

Duplex ergo solum statuenda est hierarchia, cælestis scilicet sive Angelica, & humana sive Ecclesiastica, quæ ab alia derivata seu exemplata est: unde sicut illa triplex est, suprema scilicet, media, & infima; ita & ista, nempe Naturalis, Mosaica, & Evangelica, quæ duabus prioribus antiquatis, sola nunc superest. Item sicut Angelica plures continet ordines sive choros, ita & Ecclesiastica: nam ut ait Apostolus ad Ephes. 4. *Ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores & Doctores ad confirmationem Sanctorum, in opus ministerii, in edificationem corporis Christi.* Unde Dionysius post Tractatum de cælesti hierarchia, agit statim de Ecclesiastica: nimirum ed quoddam hierarchia Ecclesiæ sit expressa effigies superioris atque cælestis, sive imitatio Angelicæ, ut animadvertit Anastasius Sinaita in lib. de analog. contem. ex Apostolo, qui hierarchiæ nostræ ordines *ἀντίγραφα*, sive exemplaria cælestium, & quasi imitamenta beatorum mentium, appellat.

## §. II.

*Alia difficultas expeditur.*

9. Dico secundò: Tota beatorum Angelorum multitudo constat novem ordinibus sive choris, scilicet Seraphim, Cherubim, Throni, Dominationibus, Virtutibus, Potestatibus, Principatibus, Archangelis, Angelis. Ex quibus novem choris, tres primi componunt primam hierarchiam, tres secundi mediam, tres postremi ultimam. Ita S. Thomas hic art. 5. post Dionysium cap. 6. cælestis hierarchiæ, ubi sic habet: *Omnia Theologia cælestes essentias novem vocavit manifestativus cognominacionibus. His Divinus noster*

*Præceptor (Apostolus Paulus) in tres segregavit nomas dispositiones ad sancta Triadis imaginem. Et primam quidem esse dicit circa Deum existentem semper; & in hac Thronos, & Cherubim, & Seraphim, circa Deum immediatè collocat. Secunda verò esse ait ex Potestatibus, Virtutibus, Dominationibus completam. Et tertiam esse Angelorum, & Archangelorum, & Principatum dispositionem. Idem docent D. Marcialis in Epistola ad Tolofanos, Basilus in sua liturgia, Gregorius Magnus homil. 34. in Evang. & Damascenus lib. 2. de fide cap. 3. Colligitur etiam hic numerus ex Scriptura, cujus testimonio refert S. Thomas hic art. 5. in argumento sed contra.*

Prima ergo hierarchia quæ semper Deo assistit, in tres ordines distinguenda est, juxta, triplicem modum quo Angeli illius hierarchiæ Deum respiciunt. In primis enim aliqui habitudinem habent ad Deum, ratione excellentissime unionis, quæ fit per ardentissimum amorem, & hi Seraphim nuncupantur, à verbo hebraico *שרפ* saraph, quod latine accendere dicitur. Unde Dionysius *ἱεροσώτας* seu ignitos, Cyrillus Alexandrinus *ἐκ πυρὸς* seu calefactos, & Gregorius Papa ardentis vel incendentes: Demum Chrysostomus *ἱεροσώτας* seu ardentissimos, illos vocat. Illi inquit Gregorius quia ita Deo conjuncti sunt, ut inter illos & Deum, nulli alii Spiritus intersint, tanto magis ardent, quanto hinc vicinior vident. Quorum profecto flamma amor est, quia quod subtilius claritatem divinitatis ejus aspiciunt, ed validius in ejus amore flammescunt. De illis etiam hæc scribit Bernardus: *Eos ipsa charitas Deus in se adeo traxit, & absorbit, atque in eundem rapuit sancta affectionis ardorem, ut unus cum Deo Spiritus esse videantur: insuper profecto ignis, qui aerem quem inflamat, dum sui ei totum calorem imprimi, induitque, colorem, non ignitum, sed ignem fuisse cernitur.*

Secundò alij Deum respiciunt, ut sua secreta peculiariter ipsis revelantem, & hi Cherubim appellantur, quod vocabulum Dionysius *χερουβίμους*, id est profusionem sapientiæ, vel scientiæ: Augustinus & Hieronymus *plenitudinem sapientiæ vel scientiæ*, Chrysostomus verò, *πνευματικὴν γνῶσιν* multiplicatam scientiam interpretatur. Hos etiam Dionysius vocat *διωκτῆς*, seu divinæ pulchritudinis contemplativos; eo quæ ait esse specula perlucida ab omni labe pura, quæ primum divinæ lucis radium recipiunt, & sine invidia in eos qui sequuntur infundunt. De illis etiam hæc scribit Bernardus: *Cherubim ex ipso sapientiæ fonte ore Alisim haurientes, & resurgentes fluentia scientia, universis celi civibus infundunt.*

Tertio alij Deum ita respiciunt, ut peculiariter in eis sedentem, & in illuminationibus suis ultimatè conquiscentem, & hi Throni, auctor Dionysio, dicuntur, ob celsitatem & sublimitatem quemdam statum, qui supra infima quæque ac obiecta consurgit. Quippe toto conatu in Deum evediti, nihil humile sapiunt, & ab omni fæcæ materie sinceris ac liquidis illius haustus excipiunt, ac Deum quodammodo portat, & *ἐκ τοῦ ποταμοῦ* vocantur. Unde nomen Thronorum ibidem exponit per convenientiā ad materiales sedes, propter quatuor quæ in ipsis sedibus cōsiderare possumus. Primò sedes super terram elevantur: sic autem & ipsi Angeli, qui Throni dicuntur, elevantur usque ad hoc quod in Deo immediatè rationes rerum cognoscunt. Secundò in materialibus sedibus cōsiderare possumus firmitatē, quia

in ipsis firmiter aliquis sedet: è converso autem isti Angeli firmantur per Deum. Tertiò sicut sedes fulcipit sedentem, qui & in ea deferri potest: sic & prædicti Angeli fulcipiunt Deum in seipsis, & eum quodammodo ad inferiores ferunt. Quarto sicut sedes ex una parte est aperta ad fulcipiendum sedentem: ita & isti Angeli sunt per promptitudinem aperti ad fulcipiendum Deum, & famulandum ipsi. Ita S. Thomas hic art. 5. ad 6.

11. Sequitur secunda hierarchia, quæ rebus creatis præest, & ad quam spectat generalis dispositio rerum agendum. Quare primus ordo huius hierarchiæ sunt Dominationes, ad quas pertinet distribuere aliis ea quæ sunt agenda: Dominorum enim est faciendi præscribere. Unde Dionysius Dominationum vocabulum, conditionem à servili affectu & infima subjectione liberam, neque ulli tyrannicæ dissimilitudini, hoc est materiam cedentem, ac veræ dominationis, id est summum in omnia dominatum exercentis, divinitatis imitricem, significare docet. Gregorius verò inde nominari existimat, quòd mirā potentia præeminent, pro eo quòd eis cætera ad obediendum subiecta sunt. Unde Bernardus ait quod in inferioribus quinq; ordinibus aded supereminent, ut respectu horum ceteri videantur omnes administratores spiritus. & ad ipsos, tanquam ad dominos referri regimina Principum: utamina Potestatum, operationes Virtutum, & revelationes Archangelorum, curam & providentiam Angelorum.

Secundus ordo est Virtutum, quæ jam incipiunt generalia opera exequi, ut movere cælos, & facere opera mirabilia quæ ad gubernationem mundi, & Ecclesiæ regimen pertinent; & idè dicuntur Virtutes, quia divini virtute quā polent, signa & prodigia patrant. Vel ut ait Dionysius ubi supra: Virtutum appellatio virilem quandam, masculam, inconcussamq; fortitudinem significat, quæ in omnibus divinis suis actionibus prædest, ad nullas divinis illuminationes capiendas invalide, imbecillæ, sunt, sed firmitatem habent & vigorem, quem & in inferiora derivant.

Tertius est Potestatum, ad quas spectat inconcussus divinx providentiæ ordinem servare, removendo impedimenta, & coercendo Dæmones, ne illum pervertant. Unde Gregorius, Isidorus, Bernardus, & alii, inde huius nominis originem derivati dicunt, quòd hoc potentius ceteris in suo ordine perceptorum, ut eorum divini virtutes adversæ subiecta sint, quorum potestate refranantur, ne corda hominū tantum tentare prævaleant, quantum volunt. Dionysius verò ex eo vult Egypciæ, hoc est potestates, nuncupatas, quòd concinnè ordinatæ sunt, & ad excipienda divina sine ulla confusione liberæ sunt & erectæ, neque jure ac potestate sua per vim & tyrannidem abutuntur, sed inferiores ad imitationem supremæ illius potestatis benignè provehunt.

12. In tertia hierarchia ad quam pertinet executioni mandare, & applicare causis particularibus ordinem divinx providentiæ, sedem habent primum Principatus, quibus hoc nomen idè tributum Dionysius putat, quòd summe majestatis dignitate, præcipuā ratione imitantur & confecti student, ad idq; inferiores attrahunt, in quos ducatur & principatum exercent. Gregorius verò sic eos dictos ait, quia ipsis quoq; boni Angelorum spiritibus præstant, quia subiectis aliis dum quæcunque agenda disponunt, eis ad explenda divina ministeria principantur. Unde Bernardus ait, illorum moderamine & sapientiā, omnis in terris

A principatus constituitur, regitur, limitatur, transferunt, mutilatur, mutatur.

Ad eandem hierarchiam pertinent Archangeli, inter quos & Angelos medij, inquit Dionysius, qui mysteriorum consicij, non nisi magnis & præcipuis de causis ad illa nuntianda mittuntur, juxta illud Gregorij Magni: Qui minima nuntiant Angeli: qui verò summa annuntiant, Archangeli vocantur. Illis etiam datur cura personarum publicarum, ut Pontificum, Regum, & Principum. Demum Angeli qui minima nuntiant, & quibus privatorum hominum custodia commissæ est, innumum tenent locū in tertia hierarchia Unde Bernardus 5. de consid. cap. 4. Putemus Angelos dici, qui singulis hominibus dari creduntur. Putemus his præesse archangelos, qui consicij mysteriorū divinatorij, non nisi ob præcipuis & maximis causis mittuntur.

13. Porro hæc ordinum assignatio ac dispositio, à Dionysio facta, congrua sanè invenitur. Nam ut discitur D. Thom. hic art. 6. in his quæ rectè sunt disposita, supremum inferioris ordinis habet affinitatem cum infimo ordinis superioris; sicut infima animalia parum distant à plantis: Sed hoc reperitur in hac Angel. dispositione: Ergo illa est congrua. Minor probatur: nam supremus ordo Seraphinorum, qui denominantur ab incendio amoris, habet affinitatem cum Spiritu Sancto, qui est amor procedens, & ultimus terminus divinarū processionum. Similiter Throni, qui tenent infimum locum in prima hierarchia, habent affinitatem cum Dominationibus, quæ sunt in primo gradu secundæ hierarchiæ. Deniq; Principatus & Potestates habent affinitatem, quatenus pertinet ad Potestates ordinem subiectis imponere, qui ordo itatim designatur in nomine Principatus, quia ipsi sunt primi in executione, utpote præsidentes gubernationi gentium & regnorum, quod est primum principium in divinis ministerijs; bonum enim commune est dignius seu divinius quàm bonum particulare.

### §. III.

#### Solvuntur objectiones.

14. Quidam fieri possunt argumenta in contrarium, quæ breviter hic proponenda ac diluenda sunt. In primis obijci potest, quòd nomen Seraphim imponitur ab ardore, qui ad charitatem pertinet; nomen autem Cherubim à scientia: Sed charitas & scientia sunt dona communia omnibus Angelis: Ergo illa nomina non sunt specialium ordinum, sed omnibus Angelis communia.

Deinde, Scientia in patria nobilior est quàm charitas; cū in visione cōsistat formaliter beatitudo: Ergo Cherubini præterditi sunt Seraphinis, & in primo ordine collocandi, ut reipsa collocat Gregorius homil. 34. in Evang.

Præterea, Thronos speciale beatorum spirituum ordinem diximus, à Cherubinorum ordine diversum, eò quòd Deus in illis sedeat, & quiescat: Sed hoc convenit etiam Cherubini, nam per Psalmistam dicitur: Qui sedes super Cherubim appare: Ergo in prima hierarchia non debet admitti tertius ordo, à Cherubinorum ordine diversus.

Deniq; Gregorius citatus homil. 34. in Evang. ponit Principatus supra Potestates: Non ergo collocantur immediatè super Archangelos, ut Dionysius dicit.

Ad primum respondeo ex D. Thom. hic art. 5. ad 5. quòd nomen Seraphim non imponitur uni-

Cap. 7. de cælesti hierarchia

Lib. 5. de civ. dei.



tum à charitate, sed à charitatis excessu, quem A importat nomen ardoris. Similiter nomen Cherubim imponitur à quodam excessu scientiæ, unde interpretatur *plenitudo scientiæ*. Licet ergo charitas & scientia dona sint communia omnibus Angelis: quia tamen abundantius existunt in superioribus, ab hoc excessu nobiliorum in hierarchia celesti locum habere, & specialibus insigniti nominibus mutuerunt. Unde Gregorius ubi supra: *Quæ ex parte ab omnibus habentur, eis in privato nomine data sunt, qui hæc in munere plenius acceperunt.*

16. Ad secundum respondet S. Doctor hic art. 5. ad 3. *Quod cognitio est secundum quod cognita sunt in cognoscente: amor autem secundum quod amatus unius rei amata. Superiora autem nobiliori modo sunt in seipsis quam in inferioribus; inferiora vero nobiliori modo in superioribus quam in seipsis: idcirco inferiorum quidem cognitio præeminet dilectioni; superiorum autem dilectio, & præcipue Dei, præeminet cognitioni.* Vele etiam dici potest, quod Dionysius consideravit Seraphim in ordine ad statum huius viæ, ubi amor scientiæ præfuit: Gregorius vero consideravit Cherubim per respectum ad statum patriæ, in qua scientia amorem antecellit.

17. Ad tertium respondet, Deum dici in Scriptura sedere super Cherubim, non quod ad illos specialiter hæc excellentia & prærogativa pertineat, sed quia cum vineini sint Thronis, aliquam cum eis habent assimilitatem, & cognitionem, ratione cuius ea que Thronis sunt propria, Cherubinis interdum attribuantur. Ita Gregorius Magus homil. 14. citatâ in Evang. *Plerumque, inquit, ipsi beatorum spirituum ordines, vicinorum sibi ordinum vocabula fortiterunt. Thronos etenim, scilicet sedes Dei, specialem beatorum spirituum ordinem dixerunt; & tamen per Psalmistam dicitur: Qui sedes super Cherubim appare: quia videlicet dum in ipsis distinctionibus agminum Cherubim Thronis iunguntur, sedere etiam super Cherubim Dominus ex vicini agminis aqualitate perhibetur. Sic enim in illa summa civitate specialia quædam singulorum sunt, ut tamen sint communia omnium, & quod in se ex parte quisque habet, hoc in alio ordine totum possidet: sed idcirco nunc eodemque vocabulo communiter non censetur, ut ille ordo vocari privato minus iungitur, res nomine debeat, qui hæc in munere plenius accepit.*

18. Ad ultimum respondet S. Thomas hic art. 6. ad 4. *Quod si quis diligenter consideret dispositiones ordinum secundum Dionysium & Gregorium, parum vel nihil differunt si ad rem referantur. Exponit enim Gregorius Principatum nomen, ex hoc quod boni spiritibus præfuit: & hoc convenit Virtutibus, secundum quod in nomine virtutum intelligitur quædam fortitudo, dans efficaciam inferioribus spiritibus ad exceperenda divina munuscula. Rursus Virtutes secundum Gregorium videntur esse eadem quod Principatus secundum Dionysium: nam hoc est primum in divinis munusculis miracula facere; per hoc enim paratur via amuntiationi Archangelorum & Angelorum.*

Quæres primò, An hi ordines sint remansuri post diem iudicii.

19. Respondeo ex D. Thoma hic art. 7. ordines Angelorum remansuros post diem iudicii aliquo modo, & aliquo modo non remansuros. In illis enim duo possunt considerari, scilicet distinctio graduum naturæ & gratiæ & hæc semper in Angelis beatis remanebit, ut patet: & executio ministeriorum, quæ non remanebit: quoad hoc quod est homines in finem ultimum perducere, quia tunc completus erit numerus ele-

ctorum, bene tamen quantum ad officium illuminandi: nam post diem iudicii homines qui iam salutem erunt consecuti, aliquam illustrationem habebunt per Angelorum officia, ut ait idem S. Doctor ibidem in resp. ad 3. Ex quo facile intelliges quid velit Apostolus, dum ait 1. ad Corinth. 15. *Cum tradideris (scilicet Christus) regnum Deo & Patri, evacuabit omnem Principatum, & Potestatem, & Virtutem.* Sentius enim horum verborum est (ut explicat S. Thomas in responsione ad i.) quod cum Christus perduxerit omnes electos ad fruendum ipso Deo, tunc evacuabuntur Principatus, Potestates, & Virtutes. quantum ad hoc quod est homines in finem perducere, quia consecutio iam fine, non est necessarius tendere in finem. Vel (ut alij explicant) tunc evacuabit potestates ignitas, scilicet Dæmones qui & ipsi Principatus & Potestates appellantur ad Ephes. 6.) quia tunc non poterunt amplius tentare ac seducere homines, sed omnes tunc manebunt rudentibus inferni devincti, & ignibus tartares in perpetuum alligati.

Quæres secundò, An in malis Angelis diversitas ordinum remaneat?

Respondeo ex D. Thoma quæst. 109. art. 1. in malis Angelis non esse ordinem quoad perfectionem gloriæ, aut gratiæ (quamvis quoad istam fuerit aliquando bene tamen quoad perfectionem naturæ. Et hoc evidens est: nullum enim habent donum gratiæ, & aliunde naturalia in ipsis manserunt integra: unde etiam in ipsis est aliqua prælatio, quia ut ait idem S. Doctor hic quæst. 109. art. 2. *Cum alio sequatur naturam, quorumcumque, natura sunt ordinata, oportet etiam quod actiones sibi invicem ordinentur.* Non tamen propterea in Dæmonibus est propriè illuminationis: eo quod illuminatio propriè est manifestatio veritatis, secundum quod habet ordinem ad Deum qui illuminat omnem intellectum, ut in fine præcedentis disputationis annotavimus; perversitas autem Dæmonum hoc habet, quod unus non intendit alium ordinare ad Deum, sed magis ab ordine divino abducere: idcirco unus Dæmonialium non illuminat, sed seducit. Ita ibidem art. 3.

De his novem Angelorum Choris eleganter differit Bernardus lib. 5. de consid. cap. 4. ubi hæc scribit: *Quod sibi vult graduum hæc distinctio: Putamus Angelos dici, qui singuli singulis hominibus dari creduntur. Putamusque præfisse Archangelos, qui conscii mysteriorum divinarum, non nisi ob præcipuas & maximas causas mittuntur. Putamus super istos Virtutes esse, quarum nova vel opere signa & prodigia in elementis vel ex elementis facta apparent ad commotionem mortalium. Putamus Potestates superiores istis, quarum virtute potestas tenebrarum comprimatur, & coëctetur malignitas aeris huius, ne quantum vult noceat, ne malignari, nisi ut prosit, possit. Putamus Principatus his quoque prelatos, quorum moderamine & sapientia omnis in terra principatus constituitur, regitur, limitatur, transfertur, mutatur, mutatur. Putamus Dominationes adeo cunctis supereminere præfatis ordinibus, ut respectu horum ceteri videantur omnes administratores spiritus, & ad istos tanquam dominos referri regimina Principatum, tutamina Potestatum, operationes Virtutum, revelationes Archangelorum, curam Angelorum. Putamus Thronos alto etiam ab his evolisse recessu, quæ ex eo quod sedent Throni dicuntur, & ex eo sedent quod*

quod sedet in eis Deus. Quare quid istam sentiam senserunt? summam tranquillitatem, placidissimam serenitatem, pacem quæ exsuperat omnem sensum. Putemus Cherubim ex ipso sapientie fonte, ore Altissimi haurientes, & resuadentes fluentia scientia universis civibus suis. Putemus Seraphim spiritus rotos divino igne succensos, succendere universa; ut singuli cives singula sint lucernæ ardentes & lucentes; ardentes charitate; lucentes cognitione.

## ARTICULVS II.

*Virum Angeli superiores interduo mittantur in ministerium?*

## §. I.

*Quibusdam pramissis, referuntur sententia.*

**S**uppono primò, Angelos distinguere in assistentes & ministrantes, ut colligitur ex illo Daniel 7. *Millia millium ministrabant ei, & decies centena millium ministrabant ei, & decies centena millia assistebant ei.* Assistentes dicuntur illi, non qui essentiam divinam immediatè vident (hoc enim omnibus Angelis Beatis convenit) sed qui immediatè recipiunt illuminationes à Deo, vel ut ait D. Thomas hic quæst. 112. art. 3. *qui secreta divinorum mysteriorum in ipsa claritate divine essentia percipere possunt: unde tres soli ordines primæ hierarchiæ, scilicet Seraphini, Cherubini, & Throni, dicuntur assistere.* Ministrantes verò appellantur illi, qui ad mundi regimen & gubernationem, vel per modum exequentis, vel per modum disponentis ministrant: & ita aliæ duæ hierarchiæ dicuntur ministrare; cum hoc tamen discrimine, quod primus ordo secundæ solum per modum disponentis, alii verò quinque ordines per modum exequentis ministrant, ut patet ex dictis articulo precedenti.

**S**uppono secundò, quod sicut duplex est missio divinatorum personarum; una scilicet visibilis, qualis est missio Verbi ad naturam humanam; & alia invisibilis, qualis est missio Spiritus Sancti per gratiam ad animam iusti: ita etiam duplex distingui potest missio Angelorum; una visibilis sive exterior; & alia visibilis sive interior. Missio visibilis est quæ Angeli mittuntur ad exterius aliquid ministerium in his inferioribus exercendum; invisibilis verò fit per hoc quod superiores illuminant inferiores.

**S**uppono tertio, adhuc duobus modis Angelos mitti in ministerium exterius, mediatè scilicet & immediatè. Illi mittuntur immediatè, qui per se ipsos immediatè ipsum ministerium exercent: illi verò mittuntur mediatè, qui alios movent per imperium, ex speciali tamen ordinatione divina, ad ipsum ministerium immediatè exercendum.

**S**uppono quarto, omnes Angelos mitti missione visibili aut invisibili, mediatà vel immediatà: quia nimirum vel exercent exterius ministerium, vel alios movent ad illud exercendum, vel denique omnes superiores illuminant inferiores. His positis.

**D**ifficultas solum superest, utrum omnes Angeli mittantur immediatè missione visibili? In cuius resolutione dux sunt Auctor sententiæ: prima est Scoti, Durandi, Molinæ, Valentia, & aliorum, asserentium omnes Angelos immediatè mitti in ministerium, missione visibili; ita tamen ut inferiores regulariter mittantur, super-

Tom. II.

iores verò ex speciali tantum Dei dispensatione, & ad aliquem effectum extraordinarium. Secunda est D. Thomæ hic quæst. 112. art. 2. & 4. docentis ex Dionysio & Gregorio, Angelos primæ Hierarchiæ, qui assistentes dicuntur, nempe Seraphinorum, Cherubinos, & Thronos, & primum ordinem secundæ Hierarchiæ, qui est Dominationum, nunquam mitti ad exteriora ministeria, immediatè saltem; quamvis dici possent ad ea mitti mediatè, quatenus alios movent ad illa exercenda.

## §. II.

*Sententia D. Thomæ præfertur.*

**D**ico igitur, nec de lege ordinaria, nec extraordinaria, Angelos quatuor primorum ordinum, nempe Seraphinorum, Cherubinos, Thronos, & Dominationes, ad exteriora ministeria mitti; sed solum Angelos quinque ordinum inferiorum, scilicet Virtutes, Potestates, Principatus, Archangelos, & Angelos.

Prima pars conclusionis probatur primò ex SS. Patribus: Dionysius enim cap. 7. celestis Hierarch hoc expressè docet, & asserit se ita tradere, sicut à D. Paulo accepit. Unde illum refert & sequitur D. Gregorius homil. 34. in Evang. his verbis: *Docet autem Dionysius, quod ex minorum Angelorum agminibus foras ad explendum ministerium vel visibiliter vel invisibiliter mittuntur, scilicet quia ad humana solatia vel Angeli vel Archangelivenerunt.* Nam superiora illa agmina ab intimis nunquam recedunt; quoniam ea quæ præminent, usum exterioris ministerii nequaquâ habent. Et paulò post subdit: *Qui assistunt, sic contemplatione intimâ perfruantur, ut ad explenda foris opera minimè mittantur.*

Probatur etiam eadem pars ratione D. Thomæ hic art. 4. Illi Angeli solum mittuntur (de lege saltem ordinaria) in exterius ministerium, quorum nomina aut proprietates designant aliquod exercitium exterius: Sed nomina & proprietates quatuor ordinum superiorum, non significant executionem, seu exterius ministerium, bene autem nomina quinque ordinum inferiorum: Ergo Angeli quatuor primorum ordinum non mittuntur, saltem de lege ordinaria. Major patet, Minor probatur: quia nec imperiū (quod importat nomine Dominationum) nec quies seu tranquillitas mentis, aut plenitudo scientiæ, aut ardor charitatis (quæ significantur nomine Thronorum, Cherubinatorum, & Seraphinorum) designant ministerium exterius; bene autem nomina & proprietates Potestatum, Virtutum, Principatum, Archangelorum, & Angelorum: nam, ut articulo precedenti declaravimus, pertinet ad Virtutes dare aliis potestatem exercendi ordinationem; ad Potestates accere Dæmones; ad Principatus regere regna & Provincias; ad Archangelos nunciare magna; & parva ad Anglos: Ergo nomina & proprietates quatuor ordinum superiorum, non significant executionem, seu exterius ministerium, bene tamen nomina quinque ordinum inferiorum.

Confirmatur: Si Angeli superiores, de lege ordinariâ, ad exteriora ministeria mitterentur, inepta esset illa assistentium & ministrantium Angelorum partitio; quæ tamen à Theologis communiter recipitur, & ex variis Scripturæ locis colligitur, præsertim ex illo quem supra ex Daniele retulimus.

Qqq

Quod

- 31 Quod verò nec ex dispensatione divina, seu A lege extraordinaria, Angeli superiores ad exteriora ministeria mittantur; quæ est secunda conclusionis pars, ex eodem S. Doctore hic art. 2. suadet. Hoc habet ordo divinæ providentiæ, quod inferiora per superiora ordinatim administrantur, nisi obstat aliqua ratio in contrarium: Sed nulla est ratio cur ab hoc ordine recedatur in ministeriis Angelorum: Ergo nec ex divina dispensatione, seu lege extraordinaria, Angeli superiores seu assistentes, ad exteriora ministeria mittuntur. Major pater, Minor probatur. Ideo ordo naturæ prætermittitur, quia sic expedit ad gratiæ manifestationem, vel ad fidei confirmationem; ob eas enim duntaxat causas Deus agit aliquando contra ordinem in natura statutum: B Sed hæ rationes cessant in ministeriis Angelorum, quia illa pertinent ad ordinem gratiæ; & aliunde præmissio ordinis statuti non valet ad fidei confirmationem, cum non possit hominibus viatoribus innotescere: Ergo nulla est ratio, cur ab ordine statuto in ministeriis Angelorum recedatur.

- 32 Confirmatur primò: Nihil est tam arduum in ministeriis divinis, quod inferiores Angeli exercere non valeant: Ergo non debent propterea mitti superiores.

Confirmatur secundò: Si ad aliquid debuisset mitti aliquis Angelus ex superioribus, maxime ad nuntiandum mysterium Incarnationis, quod est summum & præstantissimum inter omnia divina mysteria: Sed ad hoc non fuit missus nisi unus ex Archangelis, scilicet Gabriel, ut docet D. Gregorius loco citato, dicens: *Qui summa nuntiant, Archangeli vocantur: hinc est quod ad Virginem Mariam Gabriel Archangelus mittitur*: Ergo Angeli superiores, etiam de lege extraordinaria, ad exteriora ministeria non mittuntur.

### §. III.

#### Solvuntur objectiones.

- 33 Contra hanc nostram assertionem vana militant argumenta. Nam primò Apollolus ad Hebræos 1. dicit quod *Omnes Angeli sunt administratorii spiritus, missi propter eos qui hereditatem capiant salutis*: Ergo ex tribus etiam primis ordinibus Angelis ad nos mittuntur. Unde Isaia 6. Seraphim volavit ad illum Prophetam, ut ejus labia mundaret. Et Genes. 3. Deus collocavit Cherubim cum flammeo gladio ante portam paradisi, ad custodiendam viam ligni vite.
- 34 Confirmatur primò: Lucæ 1. dicitur, *Missus est Angelus Gabriel à Deo*: Sed Gabriel est unus de superioribus Angelis; nam D. Bernardus homil. 1. super Missus est, ait: *Non arbitror hunc Angelum de minoribus esse, qui qualibet ex causa crebra soleant ad terram fungi legatione*: Ergo superiores Angeli à Deo mittuntur.
- 35 Confirmatur secundò: ex illis verbis Daniel. 10. *Michael unus de Principibus primis, venit in adiutorium meum*. Ubi de Michaelle utrumque asseritur, nempe illum esse de superioribus Angelis, & esse missum. Item Tobias 12. Raphael dicit: *Ego sum unus ex septem, qui astamus ante Dominum*: & tamen missus est in ministerium junioris Tobias: Ergo Angeli primæ hierarchiæ, qui, ut supra diximus, soli sunt assistentes, mittuntur interdum ad exteriora ministeria.

Confirmatur tertio: Angeli omnes vel assistunt, vel ministrant, ut colligitur ex Danielis. cap. 7. Sed Dominationes (qui sunt primi Angeli secundæ hierarchiæ) non assistunt, cum non recipiant immediatè illuminationes à Deo, sed per Angelos primæ hierarchiæ illuminentur: Ergo ministrant.

Ad objectionem respondeo, quod omnes Angeli sunt administratorii spiritus, quia omnes ministrant, & mittuntur missione visibili, aut invisibili, mediata vel immediata, ut antea declaratum est, & explicat D. Thomas hic art. 2. ad 1. Ad illud quod additur dicendum est, illum Angelum, qui labia Prophete ignito carbone purgavit, non fuisse ex ordine Seraphinorum, sed unum ex inferioribus Angelis; qui dictus est Seraphim, id est incensens, quia venerat ad incendendum labia Prophete, idque præstabat virtute & autoritate alicujus Seraphini, cujus efficientiam participabat, & cujus veluti vicarius & minister erat. Sic sæpè Angeli in veteri lege, Dei nomen assumebant, quia ejus personam sustinebant, ut patet ex illo Genes. 31. *Er dixit Angelus Dei ad me: Ego sum Deus Bethel*. Ita ex Dionysio cap. 11. cœlestis Hierarchiæ docent S. Thomas hic art. 2. ad 2. Et D. Gregorius homil. 34. in Evangelio ubi ait: *Hi spiritus qui mittuntur, eorum vocabulum percipiunt, quorum officium gerunt: qui enim ut peccata locutionis incendat, de altari Angelus carbonem portat, Seraphim vocatur, quod incendium dicitur*.

Ex quo patet responsio ad illud quod subjungitur de Cherubino, ante portam paradisi relictus collocato: ille enim (ut docet Cajetanus in cap. 3. Genes.) non fuit de secundo ordine primæ hierarchiæ (siquidem illud ministerium non videtur adeo excellens, ut intuitu ejus debuerit fieri dispensatio) sed magis aliquis ex infima hierarchia; quæ Cherubim dictus est, eo quod in ea custodia Cherubinis subordinaretur, & preberet ingressum paradisi, in quo erat lignum scientiæ, quæ Cherubinis attribuitur.

Similia docet Pererius in Genesim lib. 6. disp. de Cherubim quaest. 6. ubi hæc scribit: *Vera est illa Dionysii sententia, omnes proprietates omnium ordinum angelicorum in singulis etiam reperiri, verum hoc discrimine: proprietates superiorum ordinum reperiuntur etiam in inferioribus, sed per diminutam earum proprietatum participationem; proprietates autem inferiorum ordinum sunt item in superioribus, sed eminentius & excellentius. Cherubim igitur significat plenitudinem scientiæ, quæ per excellentiam est in octavo ordine, per participationem autem communicatur inferioribus ordinibus. Itaque hoc loco nomen Cherubim non significat spiritus celestes octavi ordinis, sed inferiorum ordinum Angelos: suprema enim Hierarchiæ spiritus non mittuntur à Deo ad exteriora ministeria. Angeli porro quibus custodia Paradisi assignata est, rite nominati sunt Cherubim, ex abundantia scientiæ, ut ex eo intelligeretur, vigilantissimum & sapientissimum Paradisi custodem esse à Deo positum, quem scilicet nemo aut dolus fallens, aut viribus vincens, in Paradisum intrare possit.*

Ad primam confirmationem respondetur concessâ Majori, negando Minor. Ad probationem ex D. Bernardi testimonio desumptam, dicendum est, Gabrielem non esse de minoribus, quia non est de infimo ordine Angelorum, qui minima nuntiant, sed de secundo ordine Archangelorum, qui annuntiant summa, ut cum D. Gregorio docet S. Thomas hic art. 2. imò nec esse de mi-

deminoribus secundi ordinis: nam ut cenſet D. Bernardus Epist. 77. ad Hugonem, Gabriël fuit Angelus cuſtos Beatę Virginis Marię: decuit autem ut ad cuſtodiam ejus, quę ad ſummum gradum gratię & glorię fuit à Deo electa, deputaretur ſummus Archangelus.

40 Ad ſecundam confirmationem reſpondeo, Michaëlem dici unum de principibus primis, non quod ſit Angelus ſupremi ordinis, aut hierarchię (ad ſecundum enim ordinem tertię hierarchię ſpectat) ſed quia Archangeli, quorum unus eſt Michaël, dicuntur principes Angelorum, ut docet D. Thom. hic quęſt. 113. art. 3. unde D. Hieronymus in locum citatum Danięlis 10. ait: *Principes autem primos, Archangelos intelligimus*: vel quia eſt unus de Angelis, qui velut principes univerſę terrę præfecti ſunt, qui olim conſtitutus fuit princeps Synagogę, & modò præſidet Eccleſiæ Chriſtianę.

41 Ad id quod quidam duos conſtituunt Michaëles; unum dicunt eſſe ſupremum omnium Seraphinorum, & primarium ducem cœleſtis militię in Eccleſiā triumphante; alterum Archangelum, & ſupremum ducem in Eccleſiā militante. Cū enim (inquiunt) perfectiones ſpirituales quę ſunt in quibuſdam Angelis per proprietatem, reperiantur in aliis per participationem; etiam nomina propria aliquorum Angelorū attribuntur aliis, ſecundum quod participant eorum proprietatem. Unde propterea Angelus qui olim præerat Synagogę Judæorum, & modò creditur præeſſe Eccleſiæ, dicitur Michaël, quia participat proprietatem ſupremi Angelorum bonorum, quantum ad hoc quod ſicut ſupremus Angelorum bonorum reſtitit aliis Angelis apoſtatis, perſiſtendo in bono, & dicendo: *Qui ut Deus*: ita etiam Angelus qui præſidet modò Eccleſiæ, reſtitit infidelibus, hæreticis, & aliis à fide Chriſtiana deficientibus. Quoties ergo in exterius aliquod miniſterium Michaëli mitti perhibetur, ſi ſermo ſit de miſſione immediatā, hoc non debet intelligi de primo Michaële, ſed de ſecundo, qui eſt talis ſolū per participationem: & de utroque ſub hoc nomine Michaëlis feſtum celebratur ab Eccleſiā.

42 Ad illud quod ſubjungitur de Raphaële, reſpondeo illum dici unum ex ſeptem Angelis qui aſtante Dominum, non quod ſit unus ex Angelis primę hierarchię, qui aſſiſtentes dicuntur (cuſtodia enim Tobię non fuit miniſterium adeo excellens, ut ab uno Angelo infimę hierarchię exhiberi non poruerit) ſed quia eſt unus ex multis Angelis qui aſtante ante Dominum, videntes faciem ejus ſemper: teſte enim Gregorio homil. 31. *ſeptenario numero univerſitas figuratur*: vel etiam quia eſt unus ex ſeptem Angelis, qui veluti principes univerſę terrę præfecti ſunt, de quibus ſæpè mentio fit in Apocalypſi.

43 Ad tertiam confirmationem, dicendum cum D. Thom. hic quęſt. 112. art. 4. ad 1. *Quod Dēmonationes computantur quidem inter Angelos miniſtrantes, non ſicut exequentes miniſterium, ſed ſicut diſponentes & mandantes quid per alios fieri debeat. Sicut Architeſtores in aediſciis nihil manu operantur, ſed ſolū diſponunt, & præcipiunt quid alii debeant operari.*

44 Pro completa hujus difficultatis reſolutione, advertendum eſt, quod quando dicimus Angelos quatuor primorum ordinum, de lege ordinaria, aut extraordinaria, ad exteriora miniſteria non mitti, hoc intelligimus de miſſione, quā

Angeli mittuntur ad ſalutem hominum, & de miniſteriis quę ad bonum electorum ordinantur: de illis enim ſolū procedit ratio D. Thomę ſuprà adducta, ut conſideranti parebit. Unde cum hoc ſtat, quod Angeli ſupremę hierarchię miſſi fuerint ad miniſtrandum Chriſto tanquam proprio capiti & domino: cū enim in Chriſto ſit ordo unionis hypſtaticę, qui eſt ſuperior ordini gratię, propter illum prætermitti potuit ordo qui ſervatur in miniſteriis Angelorum, qui attenditur ſecundum dona gratiarum; ſicut propter ordinem gratię interdum prætermittitur ordo naturę. Quapropter non videtur negandum, ſupremos Angelos in honorem Chriſti ad terram deſcendiſſe: primò quidem in die natiuitatis ejus: nam Chryſoſtomus Pſal. 8. in principio expendens illud Lucę 2. *Facta eſt cum Angelo multitudo militia cœleſtis cantantium, & dicentium: gloria in excelsis Deo*, aſſerit multitudinem illam ex omnibus Angelorum choris fuiſſe conſtatam. *Supernorum* (inquit) *chororum in Cherubim & Seraphim hoc eſt manus, Deum aſidue laudare, & hymni celebrare. Ex his choris etiam in terra apparuerunt, cum vigilantibus paſtoribus cantantes.* De Angelis item qui poſt teſtationem & jejunium Chriſto miniſtrant, facile credi poſteſt eos fuiſſe ex ſuperis, in honorem victorię quam de Lucifero Chriſtus reportarat. Veriſimiliſimum eſt etiam, quod Chriſto reſurgenti, & in cœlum aſcendenti, miſſi ſint Angelis ſupremę hierarchię, ut illi exhiberent ſanctulatum, ejuſque triumphum honorarent: unde cū Actorum 1. dicitur de Chriſto: *Sic veniet quemadmodum vidisti eum euntem in cælum*, credibile & probabile eſt, quod in die iudicii, non ſolū inferiores Angeli, ſed etiam ſupremi de cœlo deſcendent, ad maiestatem Chriſti oſtendendam, & ad terrorem malorum, & honorem bonorum.

Idque ſatis appetere colligitur ex illo Chriſti Matthę 25. *Cum venerit filius hominis in maiestate sua, & omnes Angeli ejus cum eo*: hæc enim verba Chriſti non poſſunt intelligi de omnibus Angelis univerſaliter, & ſecundum diſtributionem completam (alioquin nullus in Empyreo tunc Angelus remaneret) ſed cum aliqua reſtrictione, & ſecundum diſtributionem incompletam, quatenus ex omnibus hierarchiis & ordinibus Angelorum, plures tunc de cœlo cum Chriſto deſcendent. Sicut dicitur omne animal fuiſſe in arca Noë: quia ex omni genere & ſpecie animalium aliquod fuit.

Dices, Ex hac doctrina ſequi, Angelum, qui myſterium Incarnationis Beatiffimę Virginis nuntiavit, fuiſſe ex ſuprema hierarchia; cū tale myſterium ad ordinem hypſtaticum pertineat: Sed hoc repugnat doctrinæ D. Gregorii & S. Thomę, ut ſuprà vidimus: Ergo &c.

Reſpondetur negando ſequelam: Licet enim Gabriel ſolū ſit Archangelus, ut docet D. Gregorius ſuprà relatus, ſufficientis tamen dignitatis ſecundum divinam ſapientiam ad myſterium Incarnationis annuntiandum iudicari potuit; eſto myſterium illud ſit altiffimum, & ordinis hypſtatici, ſuperioris ad ordinem gratię ſanctificantis; quia ſola illius annuntiatio erat (ut ita dicam) extrinſeca, & yalde remota cooperatio ad illud: nam propinquius quodammodo illico operabatur ſanctiſſimus ſponſus Joſeph, qui per excellentem gratiam & ſanctitatem, dignus miniſter factus eſt tanti myſterii.



## ARTICVLVS III.

*An mundi gubernatio, & præsertim hominum custodia, Beatis Angelis à Deo commissa sit?*

**D**E Angelorum dignitate & gloria, variisque eorum hierarchiis & ordinibus, abundè satis pertractauimus, præcedentibus articulis: oportet nunc ut varia illorum ministeria explicemus, & ea que declaremus charitatis & benignitatis obsequia, quæ ab illis humanum in genus assidue derivantur. Nam *simultum est ad nos loqui de ea claritate & gloria, quæ in semetipsis, imò B* in Deo suo Angelis sanctis nostris omnino supereminet cordibus; de ea loquatur, quam nobis exhibent gratia & charitate, ut Bernardi verbis utar. In supernis enim Spiritibus non solum admirabilis dignitas, sed dignatio amabilis invenitur.

## §. I.

*Prima pars quesiti resolvitur.*

**46** Deo primò, Deus per Beatorum Angelorum ministeria hunc vitibilem mundum gubernat. Ita D. Thomas hic quæst. 110. art. 1.

Probatur ratione ipsius. Omnis particularis potestas gubernatur per superiorem & magis uniuersalem, sicut potestas Balliui per potestatem Regis: Sed virtus corporæ est magis particularis, quàm virtus spiritalis Angelorum, eique inferior, ut patet: Ergo ab illa regitur.

Præterea, ut discit idem S. Doctor 3. cont.

**47** Gentes cap. 78. *Quæ amplius de virtute diuina providentia participant, sunt executiva diuina providentia in ea que minus participant. Creatura autem intellectuales plus aliis de ipsa participant: nam cum ad providentiam requiratur dispositio ordinis, que sit per cognoscitivam virtutem, & executio que sit per operativam, creatura rationales utramque virtutem participant; reliqua verò creatura virtutem operativam tantum: Per creaturas igitur rationales omnes alia creatura sub diuina providentia reguntur.* Unde Augustinus libro 83. quæstionum, quæst. 79. ait: *Vnquam queres visibilis in hoc mundo, habet potestatem angelicam sibi præpositam.* Et Gregorius 4. Dialog. cap. 15. in hoc mundo visibili, inquit, nihil nisi per creaturam invisibilem disponi potest. Item Nazianzenus carmine 6. de ministrantibus Angelis sic ait:

*Pronaque ad obsequium pars altera sustinet orbem, Auxilioque suo servat.*

Ubialludere videtur ad illud Job. cap. 9. *Deus cuius ira memorasti, sub quo curvantur qui portant orbem.* Orbem enim, sancti Angeli sustinere & portare dicuntur, quia divinorum illorum Spirituum ministerio Deus utitur in hujus visibilis mundi gubernatione. Unde Philo Judæus libro 8. quæst in Genesim, columnis illos similes esse ait, *qua totas domos sustinent: Sic enim diuina illa Virgines mundum universum, & in humano genere id quod optimum, ac Deo charissimum est, sustinent.*

**48** Id eam solo luminis naturalis ductu agnovere quidam ex antiquis Philosophis. Trimegistus enim in Pyramdro cap. 1. Angelos mundi hujus gubernatores appellat: & cap. 8. ait, quod Deus creavit septem opifices circa septem circulos: hi sunt mundi hujus gubernatores. Quod

A fortè ex sacris paginis mutatus est: in Scriptura enim mentio fit septem spirituum, quos Deus mittit in omnem terram; haud dubium quia creaturarum omnium regimini à Deo præfecti sunt: unde merito putant Recentiores aliqui, eos significari per septem oculos, quos vidit Propheta in uno lapide, Zachariæ 3. Seneca etiam apud Laërtium, libro 1. cap. 1. sic fatetur: *Deus cum prima fundamenta molis pulcherrima jaceret, ut omnia sub dñicibus suis irent, quamvis ipse per totum corpus se intenderat, tamen ministros regni sui Deos (id est Angelos) genuit.*

Eadem veritas adumbrata videtur per scalam illam mysteris plenissimam, quam vidit Jacob Genesim 28. Illa enim (ut interpretantur Theodoretus & Cyrillus Alexandrinus) Dei providentiam circa hæc inferiora significabat: Angeli verò per eam ascendentes & descendentes, divinorum illorum Spirituum ministeria in hujus visibilis mundi gubernatione denotabant. Docetur, inquit Theodoretus, nihil negligenter & sine cura ab omnipotenti Deo administrari, sed ipsum omnia dispensare, sanctorum Angelorum utentem ministerio. Unde etiam apud Ezechielem Cherubini currum Dei ferre dicuntur, quia (ut explicat Novatianus) Deus Beatorum illorum spirituum ministerio utitur in hujus visibilis mundi gubernatione. Quod non est intelligendum de supremis illis spiritibus, qui in prima hierarchia secundum obtinent locum; illi enim, ut supra vidimus, semper Deo assistent, & ad externa ministeria nunquam mittuntur; sed de aliis Angelis quique inferiorum ordinum, qui Cherubini nomen interdum sortiuntur, eò quod aliquam proprietatem Cherubimorum participant nempe scientiam vel sapientiam, quæ ad regimen & gubernationem universi maxime requiritur; unde in illa aliquo modo Cherubinis subordinantur.

## §. II.

*Corollarium notatu dignum.*

**D**E Xhis colliges primò, errasse Aristotelem; dum solum in corpora cælestia immediatam præsentiam superioribus spiritibus seu intelligentiis tribuendam putavit; proindeque eos non plures esse credidit, quàm essent orbis quos moverent, seu cæli quibus administrandis præficerent. Colligitur, inquam, in hoc illum errasse: quia, ut vidimus, Angeli non solum cælestia, sed alia etiam inferiora corpora, Dei ordinatione administrant & regunt. Cujus rationem assignat D. Thomas hic quæst. 110. articulo primo ad 2. Quia præter operationes naturales, quæ in istis inferioribus corporibus exercantur, sunt etiam alie, quæ à principio naturali esse non possunt, sed contingenter ad naturam se habent, vel naturæ visibilis vim excedunt, ut patet de conversione virgæ in serpentem, de loquela asinæ, & aliis operationibus extraordinariis & miraculosis, de quibus in Scriptura fit mentio: licet autem ad actiones inferiorum corporum naturales, impressio sola, & motus aut influentia cælestium orbium sufficere videantur, neque ad illas requiri necessarii ullas operationes Angelorum, ut sint immediata earum principia, ad actiones tamen alias, quæ præter naturam sunt, vel accidenti naturæ, sufficere non possunt eorumdem corporum impressiones ac virtutes, quia ex seipsis ad naturales tantum effectus

effectus determinate sunt: sed ad illas ministerium Angelorum requiritur. Unde maxima omnium miraculorum quæ facta sunt in veteri Testamento, ut in liberatione populi Israël de Ægypto, in illius ductu per desertum &c. item Prophetarum illuminatio ad edenda oracula, Angelorum ministerio facta sunt: imò totius legis veteris traditio disposita est per Angelos, teste Apostolo. Denique, quod majus est, nullum est mysterium Christi Redemptoris, ad cuius publicationem, gloriam, & executionem, non plurimum contulerint ministeria SS. Angelorum, ut ex Evangelio constat.

Ex dictis etiam colliges, valde probabile esse, quod ex Gregorio docet D. Thomas hic quæst. 113. art. 2. nempe culibet rerum materialium generi, imò & culibet ipsarum speciei, proprium & determinatum Angelum in custodiam esse deputatum. Nam, ut ibidem discit S. Doctor, Angelorum custodia est quædam executio divinæ providentiæ. Dei autem providentiæ principaliter est circa illa quæ perpetuo manent, qualia sunt genera & species rerum corruptibilium: Ergo pro illarum conservatione & propagatione aliqui Angelus deputatus est. Unde Apocalyp. commemoratur Angelus aquarum multarum, id est ut explicant SS. Patres, Angelus qui præest aquis: & cap. 16. fit mentio de alio Angelo habente potestatem supra ignem. Ex quo Andreas Cæsariensis infert Angelicas potestates creaturis etiam irrationalibus esse præpositas, & earum custodiæ & conservationi invigilare. Quare cum sint duo modi custodiendi aliquid rem, removendo scilicet causas quæ ei nocere possunt, & promovendo bonum illius, utrumque exercent Angeli circa insensibilia: primum quidem, quia multa quæ nocere possent eorum productioni & conservationi, removen- t: secundum vero præstant, applicando activam passivis: hoc enim solum modo ad rerum corruptibilium generationem & propagationem possunt concurrere, ut docet D. Thomas hic quæst. 110. art. 2. & probat hæc ratio. Id quod imprimit immediate formam materiæ, debet habere similitudinem cum composito quod ex materia & forma resultat; vel quia est pariter compositum, vel quia eminenter ipsum continet quoad materiam & quoad formam: Sed Angelus non est similis composito, ullo ex prædictis modis; cum neque sit compositus ex materia & forma, ut patet, neque virtualiter aut eminenter utramque contineat; hoc enim soli Deo proprium est, cum sit ipsum esse per essentiam: Ergo Angelus non potest immediate inducere formam in materiâ, sed mediatè tantum, eam præparando ac disponendo ad receptionem formæ, per activorum & passivorum applicationem.

Ex quo intelliges, quam aliena sit à mente S. Doctoris eorum sententia, qui assentit viventia imperfecta, quæ ex putri materiâ generantur sine causa univoca, reduci in intelligentias cælorum motrices, tanquam in causas principales: ratio enim D. Thomæ mox allata convincit oppositum. Unde dicendum est, omnes illas productiones speciales viventium imperfectorum, reduci in ipsum autorem naturæ, suppletentem specialiter defectus causarum particularium; composita verò cælestia ad eas concurrere tanquam instrumenta Dei; ipsos autem Angelos se habere ut purè applicantes instrumenta illa, non verò ut ea elevantes.

Tom. II,

A Quærun- t hicaliqui, an Angeli virtute suâ naturali possint vera patrare miracula?

Respondeo negativè: quia miraculum verum, & tale simpliciter, est quando fit aliquid contra aut præter ordinem totius naturæ creatæ: sicut autem solus Deus est author totius naturæ, ita solus ille potest præter aut contra totum naturæ creatæ ordinem operari; unde dicit David: *Qui facit mirabilia solus.*

Addo quod Angeli pars mundi sunt: Sed pars non potest plus toto: Ergo naturæ ordinem & leges universi Angeli mutare non valent, juxta illud Apostoli ad Hebræos 2. *Non subiecit Deus Angelis orbem terræ futurum, id est mundum istum visibilem; qui futurus dicitur, non respectu nostri, sed respectu Christi, qui est ab æterno, cum orbis sit in tempore,* inquit S. Thomas ibidem lect. 2. Possunt tamen Angeli plures effectus mirabiles præstare, qui possunt dici miracula secundum quid, & respectu nostri, qui ea miramur quorum causas nescimus. Cum enim omnia corpora inferiora obediant illis ad motum localem & activa, quorum proprietates perspectas habent, applicando passivis, possunt multa efficere, quæ naturæ solius operatio nunquam fecisset, nisi artiarchiosâ illâ applicatione fuisset adjuta.

### C §. III. Statuuntur secunda conclusio.

D Ico secundò, homines per Angelos regi & gubernari.

Hæc conclusio sequitur ex præcedenti: si enim per Angelos totius hujus visibilis universi regimen exercetur, homo qui est præcipua hujus pars, debet ab illis regi & gubernari.

Præterea, ut discit D. Thomas hic quæst. 113. art. 1. Ordo divinæ providentiæ exigit ut mobilia ac mutabilia regantur inmutabilibus; ut patet in corporibus inferioribus & corruptibilibus, quæ moventur per cælestia & incorruptibilia: Sed homines, quantum ad animam & corpus, quantum ad cogitationes & affectus, mutabiles sunt, ut experientia constat, & colligitur ex illo Sapient. 9. *Cogitationes mortalium timida, & incerta providentiæ nostræ:* Ergo debent regi per Angelos.

Si autem quæras, quomodo Angeli homines gubernent, seu quos actus erga illos exercere valeant?

Respondeo ex D. Thomâ hic quæst. 111. illos tria præcipuè circa homines opera exercere posse. In primis enim eorum intellectum illuminare possunt, & ignorantie tenebris purgare: quia sunt (inquit Areopagita) *clara & illustra lumina, quæ habent manantes, & se foras effundentes illuminationes:* vel ut ait Nazianzenus, *secundi splendores, primi splendoris administri:* vel ut loquitur Damascenus, *secundaria lumina, quæ à primo lumine lucem hauriunt.* Unde in Apocalypsi vocantur *Lampades ardentes;* & apud Job *Astra matutina,* ob maximum clarissimumque splendorem quo præditi sunt. Illuminant ergo hominem, non infundendo ei species, vel aliquem habitum: quia, ut supra vidimus, non possunt illabi in mentem illius, sed proponendo veritatem modo ipsi proportionato, id est sub sensibilibus similitudinibus adumbratam: *Impossibile enim est* (inquit Dionysius de cælesti Hierarch. cap. 1.) *aliter nobis lucere divinum radium, nisi varietate sacrorum velaminum circumvelatum.*

Q 99 }

Unde

Unde Bernardus serm. 41. in Cantic. exponens illud, *Murennas aureas faciemus illi vermiculatas argento*, sic habet: *Aurum Divinitatis est fulgor; aurum sapientia est que desursum est. Hoc auro fulgentia quedam quasi veritatis signacula spondent se figuraturos ibi quibus id ministerii est, superni aurifices, hoc est Angeli boni, atque internis animis auribus inserturos: quod ego non puto esse aliquid, quam texere spirituales quasdam similitudines, & in ipsis purissima divina sapientia sensa animis contemplantis conspectibus importare, ut videat saltem per speculum & in enigmate, quod nondum facie ad faciem valet ullatenus intueri.*

55 Advertendum est autem, hanc esse differentiam inter Angelum illuminatum ab alio Angelo, & hominem pariter illuminatum, quod Angelus non solum cognoscit rem de qua illuminatur, sed etiam personam illuminantem, non autem homo. Ratio hujus disparitatis est, quia omnis illuminatio est locutio: Angelus autem cui sit locutio, cognoscit semper Angelum sibi loquentem; eò quod locutionem sibi factam percipiat per eandem speciem quâ Angelum sibi loquentem cognoscit: at verò homo, quia locutionem sibi factam ab Angelo non percipit per speciem repræsentantem Angeli loquentis substantiam, sed per speciem omnino distinctam; idèò quamvis percipiat locutionem & revelationem sibi ab Angelo factam, non tamen cognoscit quis sit ille Angelus loquens & illuminans.

56 Secundò possunt Angeli regere homines, movendo eorum voluntatem; non quidem ab intrinseco, & ex parte potentie (hoc enim inquit S. Thomas hic quæst. 111. art. 2. & supra quæst. 106. art. 2. soli Deo convenit, qui virtutem volendi creaturæ rationali contulit: sicut naturalem inclinationem solum illud agens potest mutare, quod potest dare virtutem quam consequitur inclinatio naturalis) sed ab extrinseco; & hoc dupliciter, repræsentando scilicet objectum; & concitando appetitum inferiorem, qui in eadem anima una cum voluntate radicatur. Ex quo inferit S. Doctor locis citatis, quod solus Deus efficaciter potest movere voluntatem hominis; Angelus verò per modum suadentis tantum, & ut manifestans aliqua bona creata, ordinata in Dei bonitatem. De quo 1.2. quæst. 10. ubi de motivo voluntatis, & modo quo à Deo movetur, fusè dicemus.

57 Tertiò possunt Angeli movere sensus hominis, tam internos, quam externos, ut docet S. Thomas ubi supra art. 3. & 4. illos quidem per commotionem spirituum & humorum, quibus turbatis, necesse est eos moveri & perturbari; istos verò, obijciendo illis aliquod corpus sensibile à natura formatum, aut de novo aliquod formando, ut cum apparent in corporibus assumptis. De quo supra disp. 3.

#### §. IV.

##### *Tertia conclusio stabilitur.*

58 Dico tertiò: Angelos Beatos ad custodiam hominum esse à Deo deputatos.

Hæc conclusio sic absolute sumpta est de fide: vix enim quidquam aliud est frequentius in Scriptura, & Sanctis Patribus. In primis dicitur Psal. 90. *Angelus meus Deus mandavit de te, ut custodiant te in omnibus viis tuis.* Ubi Bernardus serm. 12. *Si fidem consulas, ea tibi angelicam*

*probat non deesse presentiam. Adjunt igitur & adjunt tibi, non modò tecum, sed etiam pro te: adjunt ut protegant, adjunt ut presint.* Item Isaia 61. *Deus dicit: Super muros tuos Hierusalem posui custodes: Ubi Procopius & Cyrillus, Beatos Angelos, potentissimales cœli Virtutes interpretantur.* Denique Ad Rom. 12. ubi puella nunciavit stare Petrum ante januam, fideles dixerunt: *Angelus ejus est.* Ex quo intelligimus (inquit Chrysostomus) quod unusquisque Angelum habeat custodem.

Potest etiam suaderi conclusio ratione D. 59 Thomæ supra adducta: Rectus enim ordo divinz providentiæ postulat, ut inferiora per superiora, & mobilia ac variabilia per immutabilia & invariabilia moveantur & gubernentur. Deinde cum Deus hominibus Dæmones ad exercitum dederit, ut infra dicemus, divinam ejus bonitatem decet, ut bonos etiam Angelos ad eorum defensionem & custodiam destinaret. Item quia status hominum, prout sunt in via, puerorum statui ab Apostolo comparatur, sicut puer, quando parvulus est, & facilis ad casum indiget manu ductore sive pedagogo, quousque ad perfectam veniat ætatem; ita homines indigent custode spirituali, quousque perveniunt ad ætatem perfectam; scilicet alterius vitæ: maxime verò, quia quando in via sunt, multis quantum ad corpus, & quantum ad animam sunt obnoxii periculis, ratione quorum indigent custodiri per Angelos. Unde Dionysius eos appellat *bonos duces nostros: Tertullianus, Dei officiales & apparitores, qui universam hominum parataram modulantur: Cyprianus, salutis nostræ ministriales: Basilus, pastores: Cyrillus, duces populi: Bernardus: paranympbos, Athanasius denique, hominum pedagogo.*

Contra hanc assertionem objici potest, hujusmodi custodiam felicitatem Angelorum opponi: *Angeli enim eorum* (inquit Salvator Matth. 18.) *Semper vident faciem Patris mei.* Si ergo semper Deum vident, eique assistunt, quomodo hominum custodiæ incumbere possunt? si cœlum incolunt, quomodo in terra cum hominibus versantur?

Verum ad hoc facile respondetur, quod perpetua eorum assistentia coram Deo, seu perpetua contemplatio Dei, præsentiam illam & custodiam non impedit, nec illos ab ejusmodi contemplatione tale ministerium seu cura & providentia ullatenus retrahit, ut docet Divus Gregorius homil. 34. in Evang. ubi ait: *Hoc quoque de ipsis agminibus qua mittuntur certum tenemus, quia & cum ad nos veniunt, sic exterius implent ministerium, ut tamen nunquam desint interius per contemplationem: nam quæcumque mittantur, intra Deum currunt.* Unde Dionysius 4. de divin. nomin. docet quod Angeli moventur triplici motu, nempe circulari, recto, & obliquo: circulari quidem, in quantum uniformiter & indefinenter intuentur Deum; sic inquit D. Thomas 2. 2. quæst. 180. art. 6. ad 2. motus circularis uniformiter est circa idem centrum: recto verò, quando ad inferiora descendunt, inferioribus providendo: actandem obliquo, ex recto & circulari composito, in quantum Dei contemplationem, & providentiam de inferioribus conjungunt.

Quæres: An singulis hominibus, maxime fidelibus, singuli adjunt Angeli custodes?

Respondeo affirmative cum D. Thoma hic quæst.

quæst. 113. art. 2. Angelorum enim custodia (inquit) est quædam executio Divinæ Providentiæ, quæ primò versatur circa res incorruptibiles; unde suprà dicebamus, quod pro singulis rerum corruptibilium speciebus, ratione perpetuitatis quâ gaudent, aliquis Angelus deputatus est: homines autem non solum sunt incorruptibiles, quantum ad speciem, sed etiam, quantum ad proprias formas singulorum, quæ sunt animæ rationales, quod de aliis rebus corporeis dici non potest: Ergo licet talia individua rerum corporearum, non habeant Angelum deputatum ad suam custodiam, bene tamen singuli homines in particulari, ob eximiam scilicet animarum nostrarum dignitatem. Unde Hieronymus in cap. 18. Matthæi: Magna profecto dignitas animarum, ut unaquaque habeat ab ortu natiuitatis in custodiam sui Angelum delegatum. Et Seneca Epist. 90. ait, Vnicuique nostrum pedagogum dari Deum, non quidem ordinarium: sed hunc inferius nota, ex eorum numero quos Ovidius ait de plebe Deos. Item Epictetus apud Arrianum: Tutorem, inquit, cuiusque Deus assignavit singulorum genium, & hunc ipsum custodiendum tradidit, & quidem ejusmodi qui neque dormiat, neque falli possit. Nam cui tandem alteri præstantiori, ac sollicitiori custodiendumque nostrum committeret? Itaque quando januas oculis eritis, & tenebras intus induxeritis, memento te non nunquam vos solos esse dicatis, Non enim esis: Sed Deus intus est, & reser genius est. Plato etiam in Apol. pro Socrate ad Athen. ante medium, & in Phædo, ante finem, eandem veritatem disertè declarat, his verbis: Ita autem circumferetur, unumquemque mortuorum ad eo demone, qui viventem forsitus fuerat, in quemdam locum de industria duci, ubi oporteat omnes Manes congregatos ex rati constitutione, & iudicii formula, ad inferos proficisci, cum duobus præmandatum est, eos qui ad illa loca sunt, traducere. Existimabat autem Plato hujusmodi custodias deputatos esse hominibus, non ut eorum tantum curam in vita haberent, sed ut testes etiam ipsorum operum & cogitationum omnium post mortem apud Deos esse possent, ut testatur Apuleius in libro quem inscripsit de Deo Socratis. Idem Plato in Theage in persona Socratis sic loquitur: Est quoddam quod non Divino Numine abineuntis etiam atatis primordio committatur. Illud autem vox quadam est, quæ cum existit, mihi semper significat ejus rei quam sum sacrum dehortationem. Non verò ad quidquam suscipiendum me impellit. Quod si quis amicorum mihi aliquod communicat, & illa vox extiterit, illud idem nec sit, dehortatur, nec ut suscipiam permittit. De Socrate etiam narrat citatus Apuleius, quod etiam consiliat Tertullianus libro de anima cap. 1. quod ille à pueritia in sui custodiam habuerit Dæmonem, id est bonum Angelum, ut plerique interprecantur, & constat exiis quæ tali custodi tradidit Apuleius, vocat enim illum, Custodem singularem, præseantem domesticam, speculatorem proprium, curatorem intimum, observatorem individuum, arbitrum atque testem inseparabilem, malorum improbatorem, bonorum approbatorem: quæ omnia, præsertim ultima, non nisi bono Angelo convenire possunt.

Micum estigitur, hanc veritatem, quæ nec Gentiles & Paganos latuit, non innotuisse Calvinio: ille enim primò quidem de illa dubitat 1. initit. cap. 14. §. 7. postea verò super Psal. 90. tan-

quam merum commentum eam exhibet. Verum præter testimonia jam adducta, Gregorius Nyssenus in vita Moyſis ait, occultam esse traditionem, seu sermonem fidei dignum, ex paterna traditione acceptum ac descendentem; Angelum quemdam incorporatâ naturâ constantem unicuique in adminiculum vitæ fuisse à Deo constitutum. Id etiam disertè docet Basilus libro 3. contra Ennomum, ubi hæc scribit: Quod autem unicuique fidelium adſit Angelus, tanquam pedagogus aliquis, & pastor, vitam gubernans, nemo contradicat, qui Domini verborum meminerit dicens: Ne contemnatis unum ex his pusillis, quoniam Angeli eorum semper vident faciem Patris mei, qui in cælis est. Et Psalmista dicit: Castra metabitur Angelus Domini in circuitu timentium eam. Et Angelus qui eruit me à inventure mea, & alia id genus.

Addo quod Ecclesiæ ubique terrarum, publicè & constanter docet, singulos fideles invocare suum Angelum custodem, ad impetrandum à Deo auxilium, defensionem, & regimen, idque publico & solemni officio Angeli custodis: Sed Augustinus Epist. 118 jure pronuntiat, quod licet non habeamus de aliquo dogmate expressam Scripturæ definitionem, sufficit universalis Ecclesiæ consuetudo, contra quam disputare, C est, inquit, insolentissima insania: Ergo &c.

Dixi autem datos esse Angelos custodes singulis hominibus, maximè fidelibus, quia expressè de fidelibus loquuntur Scriptura & SS. Patres. Non tamen negari debet, etiam infideles & paganos, habere suos Angelos custodes: Tum propter rationem jam adductam, & ex dignitate ac immortalitate animæ rationalis petitam: Tum etiam, quia Divus Dionysius de cælesti Hierarch. cap. 9. asserit unum Angelum præfectum fuisse Regi Ægypti, & alterum Regi Babyloniorum; à quibus Pharaoni & Nabuchodonosori immissa fuere somnia recitata Genesis 41. & Danielis 2. Tum denique, quia ut ait Divus Thomas hic art. 4. ad 3. Sicut præſciti & infideles, & etiam Antichristus, non privantur interiori auxilio naturalis rationis, ita etiam non privantur exteriori auxilio totius naturæ humanæ divinitus concessæ, scilicet custodiâ Angelorum: per quam ejus non juvenitur quantum ad hoc quod vitam æternam bonis operibus mereantur, juvantur tamen, quantum ad hoc quod ab aliquibus malis retrahantur, quibus & sibi ipsi & aliis nocere possunt. Unde quando Apostolus dixit Angelos in ministerium mitti, propter eos qui hereditatem capiunt salutis, noluit illis verbis insignificare solis prædestinationis dari Angelos custodes, sed solum voluit declarare finem ministerii Angelici in universis esse hominum salutem, & ministeria Angelorum erga reprobos, in bonum electorum redundare.

Dixi etiam singulis hominibus dari singulos Angelos custodes: quia nec debuerunt omnes homines omnium Angelorum curæ committi indeterminatè, sed quilibet debuit uni certo commendari, ut singulorum salutis efficacius provideretur: nec duo debuerunt ab uno Angelo custodiri, quia possent ad invicem ita distare, ut non posset utrique simul Angelus succurrere. Unde Bernard. 5. de consider. cap. 4. ait: Patemus Angelos dici, qui singuli singulis hominibus dati creduntur. Et Chrysostomus homil. 3. in cap. 1. Epistolæ ad Colossenses, docet secundum numerum fidelium, esse numerum Angelorum.



zenus orat. 31. asserit dari Angelos civitatum & Ecclesiarum. Et carmine 6. de substantiis mentis perditis, seu Angelis ait:

*Illi homines, urbes isti, gentesque gubernant.*

Item Origenes lib. 1. Perier. cap. 8. tradit dari Angelos singularum Ecclesiarum, seu Episcopatum, id est ad custodiendas singulas communitates constitutos, & probat ex Apocalypsis 1. & 2. & 3. Idem habet homil. 20. & 23. in Num. & homil. 4. in Ezechiel. Denique Clemens Alexandrinus lib. 6. Strom. versum finem dicit: *Per gentes & civitates divise sunt Angelorum prefectura*: quod etiam asserit Epiphanius haeresi 53. & adducit illud Deuter. 32. *Constituit terminos gentium, juxta numerum Angelorum Dei*, ut habent Septuaginta. Quo loco etiam utitur Hieronymus Daniel. 7. licet ad litteram intelligendus sit de distributione terræ sanctæ, juxta numerum Tribuum: unde in vulgata editione sic legitur: *Constituit terminos imperii, juxta numerum filiorum Israel*. Gentiles etiam non singulis modo hominibus, sed etiam civitatibus ac locis, præesse beneficos genios arbitrati sunt. Unde Prudentius in secundo contra Symmachum.

*Quamquam cur Genium Romæ mihi fingitis unum?*

*Cum portis, donibus, thermis, stabulis soleatis*

*Assignare suos Genios? perque omnia membra*

*Urbis, perque locos Geniorum millia multa*

*Fingere, ne propria vacet angulus ullus ab umbra.*

72 Inferes nono, valde probabile esse, Sacerdotem peculiatem habere Angelum qui ei celebranti assistat, illum in tanto mysterio peragendo juvet ac dirigat, ejusque preces & hostias omnipotenti Deo offerat. Hoc enim plures cum S. Thoma 3. p. quæst. 83. art. 4. ad 9. deducunt ex verbis illis Canonis Missæ: *supplices te rogamus omnipotens Deus, jube hac perferri per manus Sancti Angeli tui, in sublime altare tuum, in conspectu divina Majestatis tue*. Idem colligitur ex Scriptura: nam Judic. 13. Manue sacrificante, *Cum ascenderet flamma altaris in caelum, Angelus Domini pariter in flamma ascendit*. Et Lucæ 1. Zachariæ incensum adolenti apparuit *Angelus Domini stans à dextris altaris*. Et certe si nascente Christo in stabulo, subito factus est cum Angelo multitudo militia celestis laudantium Deum, ut dicitur Lucæ 2. cur non etiam nascente Christo quod die sacramentaliter in altari, Angelus aliquis tanto mysterio specialiter assistat, qui Sacerdotem juvet ad illud attentè & devotè peragendum? Hunc verò Angelum aliqui censent illum esse cui templi vel altaris cura commissa est: alii verò probabilius existimant, esse proprium Angelum tutelarem Sacerdotis: cum enim Angelus unicuique mortali detur, ut illum in instruat & dirigat in iis quæ ad Deum conducunt, ipsius cura erit, Sacerdotem suæ tutelæ commissum dirigere ad Missæ Sacrificium ritè & attentè peragendum.

73 Inferes decimo, solos Angelos infimi ordinis deputari singulis hominibus custodiendis; Archangelos verò & Principatus, præfici custodiæ civitatum, provinciarum, & regnorum. Ita D. Thomas hic art. 3.

Probatur prima pars ex Gregorio homil. 34. in Evang. ubi ait: *Qui minima nuntiant Angeli: qui verò summa annuntiant, Archangeli vocantur*. Quod didicerat ex Dionysio, qui in libro de celesti hierar. cap. 9. asserit ex minorum Angelorum agminibus, foras ad explendum ministerium mitti, & ad humana venire solatia.

Ratio etiam id suadet: Tum quia custodia

Tom. II.

A singulorum hominum est infimum omnium ministeriorum exteriorum ad quæ Angeli mittuntur: Ergo infimo ordini Angelorum debet competere, Tum etiam, quia ordo infimus Angelorum est immediatè supra homines: Ergo cum habeat immediatum ordinem ad illos, secundum convenientem divinæ providentiæ dispositionem, debuit deputari ad illorum custodiam.

Nec obstat quod Angelis custodibus incumbat arcere Dæmones, ne hominibus noceant, eorumque insultus & tentationes impedire, imò & signa efficere: quæ omnia sunt propria officia Virtutum, ut supra vidimus, non verò infimi ordinis Angelorum. Non obstat, inquam, nam, ut ait D. Thomas hic art. 3. ad 3. *Etiā inferiores Angeli exercent officia superiorum, in quantum aliquid de dono eorum participant, & se habent ad superiores sicut executores virtutis eorum*. Et per hunc modum etiam omnes Angeli infimi ordinis, possunt & arcere Dæmones, & miracula facere.

Secunda pars hujus corollarii docetur etiam 75 à Divo Thoma, & ratione ipsius suaderetur. Quantò agens est superius, tantò est universalius, ut patet in Sole, & aliis corporibus celestibus, quæ sunt causæ universales generationis rerum inferiorum; & in Deo, qui cum sit primum & supremum omnium entium, est etiam prima & universalissima omnium causarum: Ergo ad superiores ordines Angelorum pertinent officia seu ministeria magis universalia, subindeque ad Archangelos custodia urbium vel Episcopatum, ad Principatus verò regimines provinciarum, regnorum, & imperiorum: unde (ut supra annotavimus) illi in Scriptura Principes appellantur.

Inferes ultimò cum D. Thoma quæst. 114 art. 76 1. & 2. homines impugnari & tentari à Diabolo: tum ob invidiam & odium quod concepit adversus hominem, quem icit esse capacem beatitudinis, quam ille per peccatum amisit: tum etiam propter superbiam, per quam (inquit S. Doctor) divina potestatis similitudinem usurpat, depulso sibi ministro determinator ad bonum impugnationem: sicut & Angeli Deo ministrant in determinatis officiis ad hominum salutem. Unde in Scriptura tentator, seductor, inimicus homo, & malus per antonomasiam appellatur: & Genesis 2. dicitur quod sub figura serpentis primos parentes tentavit ac seduxit. Hinc Gregorius lib. 33. in Job cap. 14. ait: *Behemoth dicitur ob malitiam, & in homines crudelitatem: Leviathan verò, hoc est serpens sive draco, propter astutiam, & nocendi artes*. Et Tertullianus lib. adversus Valentinum, Diabolum, serpentem lucifugam, quasi alia sapientem appellat; & subdit: *Christum columba demonstrare solita est, serpens verò tentare: illa à primordio divine pacis praxo, ille à primordio divine imaginis prado*. Notat etiam D. Gregorius ubi supra, quod Diabolus modò bellua, nunc draco, nunc avis appellatur: *Quia (inquit) per tot ad deceptorum cor se species infert, in quos eos nequitiis implicat. In eis quos ad sultitium luxurie excitat, jumentum est. In eis quos ad fastum superbie, quasi alia sapientes, elevat, avis est. In eis quos ad nocendi malitiam inflammat, draco est*. Vocatur etiam apud Job *uipacō-lon*, id est monstrum quoddam ex formica & leone compositum: tiollat enim (inquit idem Gregorius) ut formica, & ut leo sævit & debacchatur. Vel, ut alii volunt, formica & leo dicitur:

R r r

tur:


tur. quia eis qui illi fortiter resistunt, formica est, A  
leo verò adversus illos qui ejus tentationibus  
cedunt, & ab eo se vinci ac seduci patiuntur.

76 Advertendum est etiam cum D. Thoma loco  
citato art. 5. falsam esse sententiam aliquorum,  
asserentium Dæmonem semel victum, nec eum  
à quo victus est, nec ullum alium deinceps ten-  
tare: siquidem oppositum ex Scriptura manife-  
stè colligitur: dicitur enim Matth. 12. *Revertar  
in domum meam unde exivi: & Lucæ 4. consumma-  
tâ omni tentatione Diabolus recessit à Christo,  
usque ad tempus.* Unde apud Job dormire dicitur  
in umbra & in secreto calami, ac in locis hu-  
mentibus: sed somnum simulat, & dum dor-  
mire videretur, cor ejus ad excogitandas insidias  
vigilat: sicut vulpes & simiæ somnum fingunt  
ut aves decipiant. *Pervicacissimus hostis ille (ait  
Tertullianus) nunquam malitiæ suæ otium facit, qui  
tunc maximè sedit, cum hominem plenè sentit libera-  
tum; tunc plurimum accenditur, dum extinguitur.*

Verùm sicut Dæmones semper vigilant ad  
tentandos & decipiendos homines: ita & beati

Angeli ad eos custodiendos & defendendos, ju-  
xta illud Isaïæ 62. *super muros tuos Ierusalem con-  
stitui custodes, totâ die & totâ nocte in perpetuum non  
tacebunt.* Quæ verba expendens Bernardus serm.  
11. in Psal. 90. *Quantam (inquit) debet hoc verbum  
inferre reverentiam, asserere devotionem, conferre fidu-  
ciam: reverentiam pro præsentia, devotionem pro be-  
nevolentia, fiduciam pro custodia &c.*

Cætæra quæ docet S. Thomas de custodia 77.  
Angelorum, & de impugnatione Dæmonum,  
clara sunt, & nullâ indigent interpretatione.  
B Concludamus ergo hunc Tractatû de Angelis:  
*suspiremus ad eos de quibus loquimur, ait Gregorius:  
inveamus amicitiam cum Angelis, subdit Leo Papa:  
& magnum illum Dionysium imitemur, qui se  
philanthropos, hoc est amatorem Angelorum, nunc-  
cupabat. Redamemus eos, honoremus eos, quantum  
possumus, quantum debemus, addit Bernardus. To-  
tus tamen ei reddatur & amor & honor noster, à quo  
tam ipsis quam nobis est totum unde honorare possu-  
mus vel amare, unde amari honorari ve meremur.*



# TRACTATUS VII.

DE HOMINE, VARIISQUE STATIBVS  
Natura Humana.

## P R Æ F A T I O.



**N**ULLA est infra Angelum, cujus naturam, facultates, operationes, cateraque dotes, hæcenus satis explicuimus, alia nobilior homine creatura, & qua magis Auctoris imaginem referat, aut artem commendet. Vix ullam commendationem reperire est, quæ tum Philosophi tum Theologi exquisitum adeo opus & divinorum operum compendium non dignissimum censent. Egregie quidam ex Philosophis hominem contemplandis cæteris rebus natum, pretiosum animal, & oculum quemdam totius rerum universitatis nuncupavit. Sed illustriora sunt, quæ Nazianzenus habet Oratione 33. dum hominem vocat alterum Angelum, mixtum adoratorem, visibilis creaturæ spectatorem, mystem intelligibilem, eorum quæ in terra sunt Regem, terrenum pariter ac cælestem. Præterea quæ cæteri congerunt, hominem absolutissimum esse mundi compendium, temporis ac æternitatis orizontem, spirituum, corporumque sacrum vinculum, totiusque universi nexum & hymenæum, infinitæ Dei sapientia præclarissimum testimonium, molientis naturæ decus, opusque ejus perfectissimum, magnum miraculum, imò & miraculorum miraculum, de qua dicitur, ut olim Plato loquebatur. Sed mediæ quidem sententiæ quæcumque ad commendationem hominis spectant, complexus est Moyses, cum prima genesis rerum historiâ narrat, hominem post cætera quæ velut in experimentum artis præmissa sunt, Dei consilio, adhibitaque manu, quæ velut sinu exciperetur, productum fuisse; sui que opificis imaginem, quantum Divinitatis lineamenta lutum capere potuit, accepisse. Inferiores natura, rationis, sensusque expertes, cælum ipsum, & quæcumque cæli ambitu continentur, solo imperio, & ut inquit Tertullianus imperiali voce, producta sunt: Dixit & facta sunt, mandavit & creata sunt: federat majoris molis hominem condere: adhibetur consultatio, tota ars in usum revocatur, & ut inquit Sapiens, cum reverentia, de primæ hominis molitione, & blandiente verbo, ut addit Tertullianus, disponitur: Faciamus hominem. Tumultuariæ quodammodo (inquit Gregorius Nissenus) creatura reliqua divina producitur, solo imperio subsistens: hominis verò structuram, consilium antecedit, & ab artifice ipso quædam sermonis picturâ, quod futurum erat adumbratur.

Lib.  
de o-  
pificio  
hom.  
c. 23.

Nec verò id solum ad hominis animum spectat: ipsum corpus, ipsa caro, Dei Spiritus vagina, ut inquit Tertullianus, non solum sermone Dei constitit, sed etiam manu, propter prælationem, ne universitati compararetur, aut cum ulla universitatis creatura aspectabili, licet præstantissima, ne exceptis quidem sideribus, ipsoque Sole, jure conferri posset. Quod D. Prosper carmine de Providentia, ita eleganter expressit.

Cumque omnia verbo

Conderet, hunc manibus, quo plus genitoris haberet,  
Dignatur formare suis.

Descriptus hoc quoque Prudentius in Apotheosi, versibus istis elegantissimis &

Tantus amor terræ, tanta est dilectio nostri,  
Dignatur præpinguis humi comprehendere mollem  
Divinis glebam digitis: nec sordida censet  
Hærentis mæstæ contagia. Jussit ut lux  
Confieret: facta est ut jussit. Omnia jussu  
Imperitante novas traxerunt edita formas.  
Solut homo emeruit Domini formabile dextrâ  
Os capere, & flabro Deitatis figmine nasci.

Rrr 2

Sed

# DISPUTATIO PRIMA

De creatione Hominis, & statu innocentie.

**H**ÆC duo in hac disputatione coniungimus, quia insignes dotes & prærogativæ quas homo in sua creatione recepit, vix possunt intelligi, nisi dona & privilegia statûs innocentie, in quo primi parentes conditi sunt, explicentur, ut ex infra dicendis patebit.

## ARTICULUS I.

De productione Adami.

**C**onstat ex capite primo Geneseos, Deum, mundo corporeo jam condito, & ornato, sexto die à principio creationis, hominem condidisse, & velut in eleganter extructum & præparatum domicilium ac palatium, Regem & caput mundi corporei, propter quem reliqua corporea condita sunt, induxisse. Mosen autem imitatus videtur Ovidius, qui lib. 1. Metam. expōsitā omnium aliarum rerum procreatione, de homine subpicit:

*Sancius his animal, mentisque capaxius  
alta  
Deerat adhuc, & quod dominari in cætera  
posset,  
Natus homo est*

*Lib. de natu-  
ra ho-  
minis*

Cur autem homo postremo loco productus sit, variæ ac egregiæ à SS. Patribus afferri solent rationes. In primis enim (ut ait Nemelius) cum omnia propter hominem essent condita, oportebat primum quæ ad usum illius pertinebant parata esse, deinde eum qui iis usurus esset produci. Quam rationem eleganter explicat Philo in libro de mundi officio, ubi sic ait: *Ut igitur convivatores non prius ad cenam vocant, quam ad epulum necessaria præparaverint; & qui gymnico ludos, & theatrales exhibent, antequam spectatores in theatra vel stadia congregent, certatorum & eorum rerum, quæ ad oculorum vel aurium oblectamentum attriunt, copiam parant. Ita totius mundi princeps, tanquam certaminis aut convivii dator, hominem ad epulas & spectaculum vocaturus, quidquid ad utrumque pertinebat, apparavit: ut in mundum ingreßus, ille statim inveniret & convivium, & theatrum sacratissimum.* Simili ratione nititur Nazianzenus orat. 43. ubi ait quod prius construendum erat palatium, & postea Rex introducendus. Non enim, subdit Nyssenus, consentaneum erat, ut princeps ac rector existeret, antequam essent illi quibus imperaret: sed ut constituto jam imperio, tum Rex denum remitteretur.

*Lib. de opificio ho-  
minis  
cap. 2*

Deinde conveniens erat prius creari magnum mundum, postea parvum, qui esset totius mundi magni epitome & compendium. Vel ut ait Nemelius libro suprà citato, producta à Deo creatura purè spirituali, & purè corporea, oportebat esse quoddam vinculum utriusque, ut unum esset hoc universum, sibi que consentiens, nec à seipso

Tom. II.

**A** alienum. Vel, ut scribit Philo Judæus, ubi suprà, Consentaneum erat ut primo Dei operi, postremum responderet, atque ut initio Deus cælum condiderat, omnium sensibilem, exterorumque perfectissimum; sic ultimò hominem faceret, genitorum & corruptibilem longè præstantissimum, ac parvum ut sic dicere liceat cælum.

**B** Has & similes rationes breviter & compendiosè attigit Pererius in præfatione libri 4. in Genesim, ubi hæc scribit: *Verum cur (dicit aliquis) postremo loco generatus est homo? An quia ordine generationis quæ perfectiora, ea solum esse posteriora? An quod antea comparandum hominis fuerat domicilium, & domus omni instructa & ornata suppellectile, qui est mundus hic omnium rerum generibus completus? An quia homo rebus omnibus corporeis indiget, vel ad vitam agendam, tuendamque, vel ad doctrinas omnes, artesque percipiendas? An propterea ultimus creatus est, quod rerum omnium dominus & quasi finis? Nos enim omnium rerum, inquit Aristoteles, quasi finis sumus. An quod erat conveniens prius creari magnum mundum, qui esset totius mundi magni velut perfectum quoddam compendium, omnia quæ in magno mundo distinctè ac diffusè continentur, habens in se restricta & coarctata? An denique quod homines quædam media est inter corporeas res & incorporeas interjecta, & utriusque generis natura, ac proprietatum particeps? quod autem huius generis medium est, id appellant Philosophi medium per compositionem seu participationem extremorum, idque posterius extremis.*

**C** Plures etiam ex his rationibus indicat Nazianzenus orat. 42. ubi ait: *Hominem à Deo velut mundum quendam alterum, in parvo mundo supra terram collocatum, Angelum alium, nixtum adoratorem, visibilis creatura spectatorem, nyssen intelligibilis, eorum quidem quæ in terra sunt Regem, cælesti autem Regi subditum: terreum pariter ac cælestem.*

**D** Cæterum primi hominis productionem Moyses cap. 1. & 2. Geneseos, his verbis descripsit: *Et vidit Deus quod esset bonum, & ait: Faciamus hominē cuius imaginem & similitudinem nostram, & præstet piscibus maris, & volatilibus cæli, & bestiis, universæque terræ, omni que reptili quod movetur in terra. Formavit igitur Dominus Deus hominem de limo terræ, & inspiravit in faciem eius spiraculum vitæ, & factus est homo in animam viventem.* Ubi plura annotanda sunt, quæ hominis dignitatem & excellentiam mirum in modum commendant. Primum verbum illud *faciamus*, quod indicat, Deum cum ad aliarum rerum corporearum productionem solo usus sic imperio, Dixit & facta sunt, ipse mandavit & creata sunt, in creatione hominis, tanquam in exquisito & industriæ majoris opere, novâ quadam & singulari ratione atque oratione usum fuisse, ac prius veluti consultationem & deliberationem de eo condendo adhibuisse, non quod Deus consultatione & deliberatione egeat, sed ut

R r r 3 humani



humani officii dignitas aperta insinuetur: solent quippe officii diu deliberare, ubi aliquid magni momenti aggrediendum est, nec nisi præhabito maturo consilio, ad opus aliquod arduum manus admovent. Unde præclare Basilus homil. 10. in Hexameron: *Nesse vis te ipsum? vel hinc auspiciū sumo.* De nullo enim operum qua Deus eatenus considerat, vox ista: *Faciamus*, in litteras transmissa est: sed simplici verbo & mandato Dei omnia creata sunt. Erudire igitur hinc o homo, ac edisce, quanti unus tu estimandus venas. Neque enim generationem tuam velut pretii vulgaris, communi creaturarum mandato censuit attendendam. In Deo progreditur consultatio, quemadmodum tantum hoc animal proveci debeat ad vitam, *Faciamus* ait. En consulat sapiens, & quid secum staterit artifice, proponit discernendum. Reverendum (subdit Petrus Damianus) revera privilegium, nec ulli traditum creatura. Creatur illa sublimior numerositas Angelorum, & elementorum omnium ordinatur variata connexio, sed omnipotentis presentia opus tantum altitaturtate prospicit: ut vero venit ad hominem, & nobilis creatura disponitur, accingit se Trinitas ad creandum, & consilium accipit sapientia, ut creatura dignitas, Creatoris privilegio clara esse monstretur.

4 Deinde notanda sunt illa verba: *Ad imaginem & similitudinem nostram*, quibus altera in lignis hominis prerogativa designatur: cum enim res aliæ corporeæ, sint tantum veluti quædam signa & vestigia Creatoris, homo est perfecta quædam Divinitatis imago, ob liberum quo pollet arbitrium, & propter regiam dignitatem quam inter omnes terrenas obtinet, unde subdit Scriptura: *Ut præstis piscibus maris, & volatilibus cæli, & bestis terræ, omnique reptili quod movetur in terra.* Hinc Chrysostomus lib. 1. ad Stagiritum, Deum ait hoc in terris hominem esse voluisse, quod ipsimet in cælis erat. Et Nillessus lib. de opificio hominis cap. 4. *Anima* (inquit) regiam excelsumque dignitatem, longè à privata abiectione disjunctam, in eo demonstrat, quod nullus domino subiacitur, & sue potestatis est, ac suæ voluntate & libero arbitrio gubernatur. Cujus enim proprium illud est, quam Regis? Præterea imaginem esse naturæ omnibus imperantis, nihil aliud est, quam cum regia dignitate naturam esse conditam. Id quoque eleganter expressit Tertullianus lib. 2. contra Marcionem cap. 5. his verbis: *Liberum & sui arbitrii & sue potestatis invenio hominem à Deo institutum: nullam magis imaginem & similitudinem Dei in illo animadvertens, quam ejusmodi statum formam: neque enim facie & corporibus lineis, tam variis in genere humano, ad uniformem Deum expressus est, sed in eâ substantia, quam ab ipso Deo traxit, id est anime ad formam Dei splendens, & arbitrii sui libertate & potestate signatus est.*

5 Notandum etiam est, hominem non dici imaginem Dei, sed ad imaginemq; Dei, ad significandum (ut docet Angustinus) quod non ita perfectè refert similitudinem Dei, sicut Dei Filius. Quia (inquit) non omnino equalis fuit illa imago Dei, tanquam non ab illo nata, sed ab eo creata, hujus rei significanda causâ, ita imago est, ut ad imaginem sit, id est non æquatur paritate, sed quædam similitudine accedit. Similia habet D. Thomas 1. p. quæst. 55. art. 11. ad 3. ubi hæc scribit: *Ad designandum in homine imperfectiorem imaginem, homo non solum dicitur imago, sed ad*

A *imaginem, per quod motus quidam tendentis in perfectione designatur. Sed de Filio Dei non potest dici quod sit ad imaginem, quia est perfecta Patris imago.*

Subditur verò *ad similitudinem nostram*, quia inter imaginem & similitudinem Dei aliqua repetitur distinctio: imago enim significat dona naturalia, mentem scilicet, voluntatem, memoriam, ac liberum arbitrium: similitudo verò Dei refertur præcipuè ad dona gratuita & supernaturalia, ut sunt iustitia, sanctitas, innocentia, aliæque virtutes infusæ, cum quibus Adam creatus est, quæ fuerunt veluti ornamenta quædam & complementa imagini Dei superflua, & pulchritudinem ejusce venustatem mirum in modum augmenta. Ita Origenes lib. 3. Periarchon cap. 3. Basilus homil. 10. in Genesim, Ambrosius lib. 6. Hexameron cap. 7. & 8. & Bernardus serm. 1. de Annuntiatione, ubi hæc habet: *Ad imaginem & similitudinem Dei factus est homo: in imagine arbitrii libertatem, virtutes habens in similitudine; & similitudo quidem perit, verumtamen in imagine pertransit homo: imago siquidem in gehenna ipsa uri potest, non exurit, ardeat, non deleri.*

Alia denum prerogativa quam homo supra reliqua Dei operam in sua creatione recepit, ea fuit, quod principale ac summum fidei nostræ mysterium, hoc est Sanctissimæ Trinitatis, primum in hominis creatione indicatur & manifestatum esse legitur. Illa enim Dei verba, *Faciamus, & nostram*, significant multitudinem & distinctionem Divinarum Personarum. Ita verò, *Ad imaginem & similitudinem*, & quod præmittitur, *Dixit Deus*, & quod postea subditur: *Fecit Deus ad imaginem & similitudinem suam*, Divinæ Naturæ unitatem demonstrant: Ergo mysterium Sanctissimæ Trinitatis, primum in generatione hominis indicatum est, quod postea in ejusdem hominis regeneratione, quæ per Baptismum fieri debebat, aperte declarandum, & profitendum erat. Voluit autem Deus mysterium Trinitatis in creatione hominis potissimum significari, quia in homine expressior est atq; illustrior, quam in cæteris creaturis corporis, Divinæ Trinitatis imago, videlicet in memoria, intellectu, & voluntate, ac in mente fecunda, in verbo cordis quod ex ea procedit, & in amore qui ex utroque producit: nam Verbum Divinum, & Spiritus Sanctus, per intellectum & volitionem procedunt, ad similitudinem verbi & amoris humani, ut declarat Ambrosius in libro de dignitate conditionis humanæ.

Subdit Scriptura: *Formavit igitur Dominus Deus hominem de limo terræ, & inspiravit in faciem ejus spiritum vitæ, & factus est homo in animam viventem.* Quibus verbis quatuor causarum genera quæ in productione hominis concurrunt, breviter insinuat. Efficientem quidem dicens, *Formavit igitur Dominus Deus hominem*: Materiam, cum subdit, *de limo terræ*: Formam, cum addit, *Inspiravit in faciem ejus spiritum vitæ*, denique finem, dicens: *factus est homo in animam viventem.* Quæquam autem hominis expressius supra deciauerunt, cum dixit factum esse hominem ad imaginem & similitudinem Dei: id est ut quàm maxime fieri potest, similibus Deo, quod non contingit homini, nisi per visionem beatificam, per quam imago Dei in creatione illi impressa, & per gratiam & virtutes aucta & ornata, tandem completeretur & consummatur,

matut, per essentiam divinam in ratione speciei A  
impressa & expressa ipsius intellectui unitam,  
juxta illud Joan. 3. *Scimus quoniam cum apparue-*  
*rit, similes ei erimus: quoniam videbimus eum sicut*  
*est.*

9 Si autem quaeras, cur Deum vilem mate-  
riam, qualis est limus terræ, in productione ho-  
minis adhibuerit? Variè respondent SS. Patres: Hieronymus enim ait idcirco primi hominis  
corpus ex limo à Deo fuisse effectum, ut in-  
tuens homo metallum corporis sui, inveniat ni-  
hil eo esse vilius, nihil humilius, & sic homo de  
sua origine gloriarì nequeat, erubescere autem  
possit. Quæ cogitatio (inquit Basilus) *saluta-*  
*re quoddam amuletum est, adversus quodcumque pec-*  
*catum.* Procopius verò censet, Deum statim in B  
ipso mundi exordio, resurrectionis spem confir-  
mare voluisse, hominemque admonere, quòd li-  
cèt in pulvere resolvendus sit, non debet tam-  
en de futura resurrectione desperare, quan-  
doquidem æquali facilitate poterit Deus è pul-  
vere sepulchri corpora nostra reparare & resti-  
tuere, quia è pulvere terræ corpus Adami primò  
formare & effingere potuit. Demum Tertullianus  
exultimat Deum ab initio Divini Verbi in-  
carnationem præfigurare voluisse: *Quodcumque*  
*enim (inquit) limus exprimebatur, Christus cogita-*  
*batur homo futurus; quod & limus, & sermo caro,*  
*quod & terra tunc. Ita limus ille jam tunc imaginem*  
*inducens Christi futuri in carne, non tantum opus Dei*  
*erat sed & pignus.*

Lib.  
de re  
surr.  
carnis

10 Quantum verò ad creationem & infusionem  
animæ, ut eam Moyses describeret, usus est ver-  
bo *inspiravit* seu *insufflavit*: Primò quidem, ut  
placet Theodoro, ut insinuaret tam facilem  
esse Deo creationem animæ rationalis, quàm fa-  
cile homini est, statum ex ore suo mittere. Deinde  
ut innueret animam rationalem non educi  
ex potentia materiæ, sed extrinsecus advenire  
corpori, ex nihilo scilicet à Deo creatam, atque  
idcirco immaterialem & immortalem esse. I-  
tem ut significaret animam quodammodo pro-  
diisse ex ore Dei, id est ex ejus intellectu, qui os  
substantiæ spiritualis dicitur, subindeque capa-  
cem esse vitæ & sapientiæ Dei. Addit *in faciem e-*  
*jus*, sumendo partem pro toto, anima enim est  
in toto corpore. Ulus est autem hac phrasi, tum  
quia in facie maximè apparet vita, quæ per in-  
spirationem & respirationem oris & narum fir-  
tur etiam quia in ea maximè urgens sensus tam  
interiores quàm exteriores, animique motus in-  
notescunt, ut notat D. Thomas in frà quæst. 91.  
art. 4. ad 4. Tandem animam dixit esse *spiracu-*  
*lum vitæ*, quia ad vitam ita necessaria est respi-  
ratio, ut ne ad momentum quidem sine ea vi-  
tam ducere valeamus. Ubi verò Vulgata legit,  
*spiraculum vitæ*, Hebraica habet *רוח חיים* E  
*spiraculum vitarum*, quo significari putat Caje-  
tanus in commentariis ad hunc locum, tripli-  
cem vitam, quam anima rationalis tribuit ho-  
mini; nam licèt una sit tantum secundum sub-  
stantiam, potentià tamen & ipso effectu triplex  
est. Si quidem homini tribuit vitam vegetativā,  
sensitivā, & intellectivā; ad easque vitas  
tuendas & exercendas, triplici utitur spiritu,  
velut instrumento, nimirum vitali in corde, natu-  
rali in jecore, animali in capite generato.

11 Porro Adamum creatum fuisse à Deo perfe-  
ctum, secundum ætatem, & quantum ad molem  
seu magnitudinem corporis, constans est Theo-  
logorum sententia, post Magistrum in 2. dist. 17.

idque innuit Scriptura, dum asserit quod statim  
ut creati sunt Adam & Eva, Deus illis dixit, *Cres-*  
*cite & multiplicamini, & replete terram*, ex illis e-  
nim verbis aperte colligitur, Adamum & Evam  
firmā jam ætate, & ad generandum idoneā, esse  
procreatos. Ratio etiam id suadet: decuit e-  
nim perfecta esse prima illa Dei opera, quæ in  
mundi productione, proximè & immediatè ab  
eo facta sunt: sicut igitur cætera animalia, cor-  
poris mole, ætateq; perfecta condidit; ita quo-  
que ac multò etiam magis, quantò seilicet major  
est hominis, quàm aliorum animantium digni-  
tas, hominem in perfecta ætate & corporis ma-  
gnitudine condidisse existimandum est. Proba-  
biliter etiam productio Adæ facta est in instan-  
ti, sicut productio piscium & volatiliū, ac cæ-  
terorum animalium: nam modus ille producen-  
di, licèt sit altior modo naturali, est tamen valde  
conveniens primæ rerum productioni: à poten-  
tissimo creatore suo. Probabiliter verò cætera li-  
quorum sententia qui existimant corpus ho-  
minis prius tempore formatum, & postmodum  
Deum formato jam corpori animam infudisse.  
Hoc enim, ut ait S. Thomas in frà quæst. 91. art.  
4. ad 3. est contra rationem perfectionis primæ insti-  
tutionis rerum, quod Deus vel corpus sine anima, vel ani-  
mam sine corpore fecerit, cum utrumq; sit pars humana  
natura. Quibus verbis significat, quod cum Deus  
in prima illa rerum procreatione omnia fecerit  
in statu perfecto; & hæc sit natura partium, ut  
invicem disiunctæ, & extra totum quod consti-  
tuunt positz, sint in statu imperfecto, incon-  
gruum erat, quod vel corpus sine anima, vel ani-  
mam sine corpore separatim efficeret. Ad-  
do quod Scriptura ait Deum formasse hominem de  
limo terræ: Sed corpus non est homo sine anima:  
Ergo Deus non prius tempore formavit corpus,  
quàm animam illi infunderet, sed simul forma-  
vit corpus, & animam illi infudit, licèt ordine  
naturæ & generationis, formatio & productio  
corporis, infusionem animæ præcesserit, ideo-  
que utriusque productio, distinctè & separatim  
in Scriptura explicatur.

D Quærent, verò aliqui, an Adamus intra vel  
extra Paradisum terrestrem productus fuerit? 12  
Ad quod respondetur, ipsum haud dubiè extra  
Paradisum terrestrem fuisse conditum, hoc e-  
nim Moyses Genes. 2. innuere videtur, dum ait,  
*Tulit ergo Dominus Deus hominem, & posuit eum in*  
*Paradiso voluptatis, ut operaretur, & custodiret*  
*illum:* Si enim intra parad. sum esset creatus, non  
rectè diceretur, Deum tulisse hominem, & po-  
suisse in Paradiso. Idemque apertius significa-  
tur in frà cap. 3. ubi dicitur: *Ejecit Deus Adam ex*  
*Paradiso, ut operaretur terram de qua sumptus est.*  
Adam igitur creatus est ex terra, quæ erat extra  
Paradisum: locus verò ubi creatus est, penitus  
ignoratur, ut ait Anastasius Sinaitæ homil. 9. in  
Hexameron: quamvis plures Hebræorum asse-  
rant, Adam esse formatum in agro Damasceno  
ex *Adamah*, hoc est terra rubra, qualis est terra  
nondum elaborata, quæ vulgò terra virgo di-  
citur.

Cum autem Deus noluerit creare hominem in  
Paradiso, cum tamen Angelos in cælo condide-  
rit, in id & ipsa Eva, ut dicemus articulo sequen-  
ti, in Paradiso formata sit, nulla potest assignari  
ratio, cum ex sola Dei voluntate processerit. Di-  
ci tamen potest, idè Deum noluisse Adamum  
in paradiso creare, ut manifestius intelligeret,  
eum locum non esse sibi naturaliter debitū, sed  
sola

solâ Dei gratiâ concessum, nullamque habere possset de Deo conquendi causam, cum ex Paradiso propter peccatum ejiceretur, quasi loco sibi naturaliter debito & convenienti deturbatus esset; cum tamen Deus propter peccatum hominem naturalibus bonis privare minimè soleat. Addo quod habitatio paradisi non conveniebat homini secundum ejus naturam, sed propter donum immortalitatis, quod ei Deus, si in statu innocentie permansisset, concessurus erat: cælum verò Empyreum in quo Angeli creati sunt, fuit locus naturaliter maximè convenientis dignitati naturæ angelicæ, quippe quæ longè superior & præstantior sit omnibus corporibus, eisque præsideat. Eva autem in Paradiso ex costâ Adam formata est, quia ex ipso tanquam ex primo principio totius humani generis fuit efformata: primum autem principium totius alicujus generis oportet esse perfectum: debebat igitur ex Adam prout erat in statu perfectio secundum animam & corpus, & secundum habitationem, Evam procreari, subindeque illam in Paradiso terrestri formari.

## ARTICVLVS II.

## De formatione Evæ ex Adamo.

**H**istoriam formationis Evæ narrat Moyses Genes. 2. his verbis: *Dixit quoque Dominus Deus: non est bonum hominem esse solum, faciamus ei adiutorium simile sibi. Innixit ergo Dominus soporem in Adam, cumque obdormisset, tulit unam de costis ejus, & replevit carnem pro ea. Et edificavit Dominus Deus costam quam tulerat de Adam, in mulierem, & adduxit eam ad Adam. Dixitque Adam: Hoc nunc os ex osibus meis, & caro de carne mea: hæc vocabitur virago, quoniam de viro sumpta est. Quamobrem relinquet homo patrem suum & matrem, & hærebit uxori suæ, & erunt duo in carne una. Quibus verbis Moyses aperit in primis causam & necessitatem creandi mulierem, quia scilicet non erat bonum, ut viresceret sine muliere, sed necessarium erat, ut eam sociam & adiutricem haberet, nempe ad generandum prolem, siquidem ad alia omnia magis vir à viro alio, quàm à muliere adjuvari potuisset, ut eleganter declarat Augustinus lib. 9. de Genesi ad litteram cap. 3. ubi hæc scribit: *Si queritur ad quam rem fieri oportuit hoc adiutorium, nihil aliud probabiliter occurrit, quàm propter filios procreandos: sicut adiutorium semini terra est, ut virgulum ex utroque nascatur..... Nam si ad hoc adiutorium gignendi filios non est facta mulier viro, ad quod ergo adiutorium facta est? Si ut simul operaretur terram? Nondum erat labor ut adiumento viri indigeret, & si opus esset, melius adiutorium masculus fieret. Si solitudinis fortasse tacebat, quantum congruentius ad convivendum & colloquendum duo amici pariter, quàm vir & mulier habitarent.**

Deinde Moyses detectâ causâ & necessitate creandi mulierem, ejus formationem ex Adamo describit dicens, *Innixit ergo Dominus soporem in Adam.* Ubi Septuaginta legunt *et assupit*, id est mentis excessum, ut significet somnum illum, licet verum, non fuisse tamen purè somnum in quo ligantur sensus, & impediuntur actiones mentis, sed extaticum ex parte, cum Adam divinitus illustratus intellexerit non modo quid fieret, sed

& quò referretur efformatio mulieris ex ejus costa: nempe non tantum ad conjunctionem maritalem, sed & ad magnum illud mysterium conjunctionis Christi & Ecclesiæ, per conjugii significatum, juxta Apostolum ad Ephes. 5. Ne quis autem existimaret, somnum illum fuisse naturalem, & naturalibus ex causis profectum, Moses dixit, *Deum immisisse talen soporem in Adam*; unde mirari nemo debet, illum tam gravem aliumque fuisse, ut eo correptus tractationem costæ ex latere suo minimè senserit.

Soporem hunc mysticum eleganter Alcimus Avitus descripsit in primo libro de initio mundi, in his versibus.

*Cui pater omnipotens pressum per corda soporem  
Misit & immenso tardavit pondere sensus:  
Vixit nulla queat sopitis solvere mentes:  
Non si forte fragor securas verberet aures:  
Nec si commoto calum tunc intonet axe.*

*Quin nec pressa suam rapuissent membra quietem.*

Ergo dormienti viro costam Deus extraxit, ex eaque formavit mulierem, sive ut Scriptura loquitur, *edificavit*. Cujus verbi rationem hanc egregiam reddit Procopius: *Quoniam edificatio instat Deus istud egit. Nam illius ea lex est, ut ab exiguo cepto, paulatim incrementum capiat, & ad perfectum deducatur. Ita Deus modicæ parti corporis detracta, quod deerat adjungit. Similem rationem affert Tolstus dicens quod sicut ædificia fiunt ex materia rudi, quæ per operationem artificis accipit figuram quam antea non habebat, sic illa costa non habens figuram mulieris, ita est à Deo conformata, & concinnata, ut in speciem & naturam corporis muliebri evaderet. Catharinus verò ait mulierem non per modum naturæ, nec per generationem naturalem, sed per modum artis, seu per artificiosam Dei operationem, esse factam, idè quæ rectè dicenda edificata. Demum Cajetanus hanc reddit hujus vocabuli rationem seu interpretationem: *Mulier (inquit) concepta à generata proli est quasi domus, eam continens, protegens & fovens. rectè igitur, velut instat domus, edificata dicitur.**

Siautem quæras, cur costam Adæ adhibuerit Deus ad Evæ productionem?

Respondebo cum S. Thoma infra quæst. 92. 16 art. 2. Deum id præstitisse: Primò, ut Adam speciali prærogativâ esset principium suæ speciei, sicut Deus est principium totius universi.

Secundò, ut vir magis diligeret mulierem, eique inseparabilius adhereret, dum cognosceret illam ex se esse productam. Unde etiam communiter creditur costâ illâ desumptâ ex latere sinistro, in quod inclinatur cor. Hanc rationem indicat Basilus Seleuciensis orat. 1. de Adamo; ubi sic ait: *Non ex terra, sed ex latere membrum mutuatur. Corpus partitur, ut animus jungat. Et una natura, Opificis arte dividitur, ut unus animus efficiatur, imiteturque natura.*

*Ex homine effecta est mulier, cognatio quadam  
Mutuum & alternum inter se ut misceret amorem:  
Semet in alternis cogens agnoscere membris.*  
Canit Marius Victor lib. 1. in Genesim.

Tertiò, Deus Evam ex Adæ costâ producere voluit, ut ostenderet mulierem sociam & collateralem esse viri, non servam: at neque etiam dominam, sed viro capite suo inferiorem, eique subditam.

Demum Deus Evam ex Adæ costâ efformavit, ad designandum mysticè quod Ecclesia sumit à Christo principium. Unde Apostolus ad Ephes.

5. Sacramentum hoc magnum est: ego autem dico in A Christo & in Ecclesia.

Similia habet Moyses Baſcepha parte 1. libri de parad. ſo cap. 28. ubi etiam varias cenſet rationes, cur Deus Evam ex Adæ coſta formaverit. Prima, ut una eademque radix, & naſcendi principium eſſet omnibus hominibus ipſe Adam. Altera, ne diſcrent contentioſi homines, alium fuiſſe Adam, alium Evæ conditorem, ſed ſatiri cogerentur, ab uno eodemque Deo ambos eſſe formatos. Tertia; ut arctiore conſtringeret amore virum & ſeminam, eod quod hac ex illo eſſet orta. Quarta, ut eſſectum redderetur, quod Moſes de homine dicit: maſculum & ſeminam creavit eos. Quinta denique, ne ſemina principatum affectaret, qui viri eſt. De hac mulieris eſt coſta viri procreatioe vite acutum cuſpidem mulieris reſponſum ad Ephræmi ſciſcitati-  
onem apud Gregorium Nyſſenum in oratione de ejus vita.

Tom. 2.  
pag. 1036

17. Porro non tantum unam coſtam, ſed & carnem ex Adamo ſumptam fuiſſe ad Evæ productionem, intelligi poteſt ex verbis Adæ ſequentibus: *Hoc nunc es ex oſibus meis, & caro de carne mea.* Adſo majori materiâ opus fuiſſe ad producendam Evam in ſtatu perfectio, & ſolido, qualem natura humana poſtulat: ideoque Deum vel aliam materiam de novo creâſſe & addidiſſe, ut vult D. Thomas infra qu. 92. art. 2. ad 1. vel ut alij exiſtunt, conſervatione vicini aëris, & terræ, & aliorum elementorum, aut mixtorum uſum fuiſſe, licet denominatione à prima parte & principali ſe cundum Dei intentionem ſumpta ſit. Quemadmodum (inquiunt) multiplicatio quinque panum in deſecto facta eſt à Chriſto per additionem materiæ, quæ procul dubio longè major fuit, quàm materiæ & ſubſtantia quinque panum; nihilominus tamen veriſſimè dicitur, multiplicationem hanc ex quinque panibus hordeaceis eſſe factam, quoniam illi primi & principaliter ad id deſtinati, & adhibiti ſunt à Chriſto Domino.

18. Addit Moſes, quod Deus detractâ unâ ex coſtis Adami, ut ex ea formaret mulierem, *replevit carnem pro ea*, id eſt, ut ea impleret locum ejus; ſeu ut carnem Adæ ob detractiōem coſtæ interruptam & hiantem clauderēt. Quo ſignificatur mulierem ex viro accepiſſe robur, ac firmitudinem, quam ſignificabat coſta; virum autem accepiſſe à muliere teneritudinem & mollietatem animi, quam denotabat caro ei loco coſtæ data.

19. Demum experectus Adam ex myſtico illo ſomno, quem Deus illi immiſerat, ſpiritu Prophético, quo in tali ſomno ecſtaſi fuerat afflatus, exclamavit: *Hoc nunc es ex oſibus meis, & caro de carne mea, &c.* Quasi diceret, Domine Deus; quæ prius ad me adduxiſti animalia, non erant mihi ſimilia; hæc autem mulier, quam ad me adduxiſti, eſt planè ſimilis mei. Subjunxit ſtatim: *Quamobrem relinquet homo partem ſuam & matrem, & adhaerebit uxori ſuæ, & erunt duo in carne una*, ut neceſſitatem & conjunctionem mariti & uxoris eſſe omnium maximam declararet; & tam arctum & ſtrictum eſſe matrimonij vitulum, ut tantæ conjunctioni etiam neceſſitudo parentum merito poſthabenda ſit. Undè D. Thomas ſuper cap. 5. epistolæ ad Ephēſios, tractans hunc ipſum locum Moſis, hæc ſcribit: *Hæc verbi triplex conjunctio viri & mulieris designatur: prima per affectum dilectionis, quia tantus eſt affectus utriusque inter ipſos, ut parentes ſuos relinquunt. Nam licet quoad reverentiam, obedientiam,*

& ſubventionem plus debeat quiſque diligere patrem, quàm uxorem; attamen quoad domeſticam ſocietatem, adheſionem & cohabitatiōem plus debet diligere uxorem. Altera conjunctio viri & uxoris eſt in artifiſima eorum converſatione; unde dicitur: Et adhaerebit uxori ſuæ. In ſingulari, rem numero dicitur, uxori ſuæ, ut intelligatur pluralitas uxorum per ſe non eſſe bona, nec congruens perfectæ rationi matrimonij, uti ſuit à Deo primitus inſtitutum. Tertia conjunctio eſt per carnalem copulam, quod ſignificatur illis verbis: et erunt duo in carne una, id eſt in carnali opere; in qualibet enim generatione eſt virtus activa, & paſſiva: ſed in plantis utraq; ſimul eſt in eodem ſubjecto, in perfectis autem viventibus diſtinguuntur: quapropter eo tempore, quæ animalia ſunt in actu generationis, ita ſunt unum, ſicut omni tempore ſunt planta.

Narrationem hanc de formatione Evæ ex coſta Adæ dormientis, Cajetanus explicare conatur metaphoricè, & per quandam parabolam, quâ deſectus mulieris comparatione viri, & diminutio roboris ex corpore viri propter uxorem ſignificata fuerit: eâ præcipuè ratione inductus, ne Adam ante, vel poſt Evæ productionem monſtroſus fuiſſe dicatur exceſſu vel defectu unius coſtæ. Exceſſu, ſi habuit ante plures unâ, quàm ceteri homines. Deſectu, ſi non habuit ante plures, & unam in Evæ formatione amiſit. Adjicit præterea Cajetan⁹, ſatis inſinuaſſe Moſen, quæ narrat de productione mulieris ex Adamo, per metaphoram & parabolam eſſe accipiendam, cum dixit Evam eſſe adductam ad Adamum: nam ſi verè mulier ex viro formata eſſet, juxta illum fuiſſet, nec ex alio loco ad eum fuiſſet adducta.

Verum hanc ſententiam communiter rejiciunt Theologi & Scripturæ Interpretes, adverſaturque ei concors omnium Patrum, qui ex Adamo reverà formatam eſſe Evam affirmant, ſententia, idque ex narratione Moſis, quæ creatio Evæ deſcribitur, aperte colligitur: ait enim, Deum dormienti Adamo ex miſſe coſtam, ex eaque formatam eſſe Evam; Adamumque vaticinando dixiſſe: *Hoc nunc es ex oſibus meis, &c.* quod nihil potuit dici apertius, quo Evam reverà ex Adamo factam eſſe ſignificaret. Undè Hieronymus ſuper epistolam ad Philemonem, inter alia multa, quæ omnibus credenda eſſe affirmat, hoc commemorat, Evam ex coſta & latere Adami eſſe fabricatam. Innocentius quoque III. Extrâ de divortijs cap. Gaudemus, decernens divino jure prohibitum eſſe plures ſimul habere uxores, eam ſententiam, ut firmiſſimo argumento confirmat ex eo, quod ab initio una coſta viri in unam ſeminam ſit converſa.

Ad fundamentum verò Cajetani reſpondet S. Thomas infra quaſt. 92. art. 3. ad 2. Adamum ante formationem Evæ plures unâ habuiſſe coſtas, quàm reliqui homines habere ſoleant: neque propterea fuiſſe monſtroſum per exceſſum, quia coſta illa fuit de perfectione Adæ, non prout erat individuum particulare, ſed prout erat principium ſpeciei: ſicut ſemen eſt de perfectione generantis à quo deſcendit.

Hæc tamen ſolutio diſplicet Pererio lib. 4. 23. in Geneſin, diſp. de formatione hominis, quaſt. 6. quia (inquit) ex ea ſequitur Adam, ſcilicet ut particularem hominem, fuiſſe monſtroſum exceſſu illius coſtæ: ſicut ſi fuiſſet creatus biceps, aut tripes, ut ex uno ejus capite, vel pede formaretur Eva, non deſiſſet eſſe monſtroſus.



Sed hæc frivola sunt, & facile responderetur, quòd quamvis in rigore Philosophico in Adamo fuerit excessus naturalis numeri partium corporis humani, ille tamen monstruosus nullo modo dici debet, tùm quia occultus erat, & carnis deformitate apparentitum præcipue, quia monstrum definitur peccatum naturæ aberrantis à fine, id est peccantis per excessum, vel defectum in sua operatione: At hic excessus fuit optimæ eximie sapientiæ & providentiæ Dei: Ergo monstruosus dici nequit. Unde ad exemplum de duplici capite, aut triplici pede, nego paritatem propter apparentem deformitatem duplicis capitis, & triplicis pedis, quæ, ut diximus, in excessu illius colat non fuit.

24. Ad id verò, quod addit Cajetanus, nimirum quòd si Eva ex Adami costa facta esset, Scriptura non dixisset, Deum adduxisse Evam ad Adamum, cum juxta eam formata fuisset, variè respondent Scripturæ Interpretes. Aliqui dicunt, Evam dici ad Adamum adductam, ut eo loquendi modo significaretur, Evam conditam esse à Deo, ut esset Adæ sociæ, & ad generationem, & educationem prolis adiutorium maxime idoneum: quia Adam, cum primum Evam vidit, aperte confessus & testatus est. Alij dicunt, hoc loquendi modo significari, virum non esse propter feminam, sed feminam propter virum, ideòque non virum ad feminam, sed feminam ad virum adductam esse. Alij censent, eam significatum esse, uxorem ad domum viri accedere debere ad habitandum cum illo, non autem virum ad domum uxoris. Demùm Catharinus hæc Scripturæ verba sic interpretatur: *Et adduxit eam ad Evam, id est, hoc ipsum in ejus mentem inspiravit, ut ad illam, ex quo sumpta erat, accederet, tanquam ad virum suum, & conjugem inseparabilem, quatinus & ipse quoque agnovit ex se ipso esse, & idcirco diligendum, quæ ad ipsum veniebat, tanquam suam recognoscens originem.* Et denique complectenda erat, consummandumque matrimonium, quod ipse Deus tanquam conciliator & paranymphus iuris modis instituit, & firmavit, & tanquam pater & dominus jussit, ut hoc exemplo intelligeret, matrimonium liberorum non esse à turpibus personis, sed à propriis parentibus, honestè sive ac probè hominibus procuranda & concilianda. Ex illo autem tempore fuit inter Adam & Evam copula matrimonij omnino indissolubilis, quæ non talis est in alijs, priusquam carnaliter copulentur, quia non sunt una caro, sicut illi erant. Eandem rationem innuit Procopius in commentariis ad verba illa Geneseos: *Adduxit eam ad Adam, ubi sic ait: Ut affectum in illam ingeneraret viro, exigam ab eo partem carnis, & quod deceret pertexens, eam ad perfectum elaboratam deduxit, paranymphus partes pro sua humanitate suscipiens.*

### ARTICULUS III.

*Quibus donis, & privilegijs Adam in statu innocentie dotatus fuerit?*

25. Dico primò, Adamum non esse conditum in puris naturalibus, sed gratiâ sanctificante in sua creatione fuisse ornatum. Hæc assertio est contra Pelagianos, qui existimabant, Adamum in statu innocentie caruisse gratiâ sanctificante, ut patet ex art. 11, damnato in Concilio Palæstino, quo Pelagius asse-

rebatur, *Infantes recens natos in illo statu esse, in quo Adam fuit ante prævaricationem; ceterum est autem infantes recens natos, & nondum beneficio baptismi regeneratos, destitutos esse gratiâ sanctificante, ut ipsi tem Pelagiani fatebantur, eosque idcirco à regno celorum excludebant, quòd non essent sanctificati, & adoptati.* Est etiam contra Magistrum sententiarum in 2. dist. 24. D. Bonaventuram, Scotum & paucos alios, qui iustitiam originale primò parenti in creatione concessam separant à gratiâ sanctificante, ac docent accepisse Adamum initio habitum quendam, qui partem inferiorem superiori subiceret, non tamen gratiam illam, quæ filios & amicos Dei efficit, quæque ad vitam æternam promerendam necessaria est. Eam tamen docent communiter alij Theologi cum S. Thoma 1. p. quæst. 95. art. 1. ubi ait, quòd cum primus homo sic factus fuerit, ut ratio Dei subderetur, rationi verò inferiores vires, & animæ corpus; conveniens est illum in gratiâ fuisse creatum.

Eadem veritas ex Scriptura, Concilijs & SS. Patribus satis aperte colligitur: nam Ecclesiast. 7. dicitur: *Fecit Deus hominem rectum*: relictum autem hominis quantum ad animam, de qua loquitur Scriptura, attenditur penes conversionem ad ultimum finem simpliciter, quæ est effectus gratiæ & charitatis. Item ad Ephes. 4. Paulus sic loquitur: *Renovamini spiritu mentis vestre, & induite novum hominem, qui secundum Deum creatus est in iustitia & sanctitate veritatis*, id est vera, juxta phrasin Hebraicam. Quibus verbis secundum communem expositionem sanctorum Patrum & Interpretum docet Apostolus, nos renovari per Christi merita ad iustitiam illam & sanctitatem supernaturalem, in qua initio fuimus in Adamo. Favet etiam Tridentinum sess. 5. in decreto de peccato origin. can. 1. cum sic loquitur: *Si quis non confiterur primum hominem, cum mandatum Domini in paradiso fuisset transgressus, statim sanctitatem & iustitiam, in qua constitutus fuerat, amisisse, &c. anathema sit.* Idem quoque docent SS. Patres, qui etiam dicunt Adamum in sua creatione sanctificatum fuisse: sicut Deus creavit Angelos, simul in eis condidit naturam & largiens gratiam, ut loquitur Augustinus lib. 12. de civ. cap. 9.

Neque desunt congruentiæ ad eandem veritatem suadendam. Prima est: Deus alias creaturas corporeas in statu perfecto creavit, & arbores v.g. in ea magnitudine condidit, in qua fructus naturæ suæ proprios possent producere: Ergo pariter conveniens fuit, ut hominem in eo statu & perfectione crearet, in qua fructus meritorios vite æternæ, ad quam illum destinaverat, producere posset; subindeque ut gratiâ sanctificante, quæ est radix & principium meriti vite æternæ, illum ornaret.

Secundò, Deus Angelos in gratia creavit, ut ex Augustino vidimus: Ergo & Adamum, quem Chrysostomus homil. 15. in Genes. Angelum terrestrem appellat, & dicit ipsum in prima sui creatione Angelis fuisse simillimum.

Tertiò, Posterius Adæ nascituri erant in gratia, si ipse non peccasset: Ergo debuit ille ut caput eam habere in primo instanti: non enim credibile est, quòd illi in natiuitate aliquam prærogativam habituri essent, quæ primus illorum parens in sui exordio caruerit.

Quarta: Si non dicamus gratiam in primo instanti

stanti infusam fuisse Adamo, non nisi divinando potest assignari tempus, quo illam recepit: cur enim magis in hoc, quam in illo instanti? aut cur quando translatus est in paradisum terrestrem; cum paradisi ad hoc fuerit impertinens? Ergo melius est certum assignare instans: nulum autem est commodius, quam primum: igitur in illo recepit gratiam.

28. Dices: D. Augustinus in libro questionum novi & veteris testamenti; qu. 123. refellit eos, qui dicunt, Adamum in sua creatione accepisse Spiritum sanctum, & filium Dei fuisse per adoptionem: Sed quicunque habet gratiam, habet Spiritum sanctum, & filius Dei per adoptionem efficitur: Ergo Adam in sua creatione non accepit gratiam sanctificantem.

Respondeo, Authorem questionum novi & veteris testamenti non solum non esse S. Augustinum, ut in titulo ejus libri scribitur, sed neque esse hominem Catholicum, cum plura in hoc libro habeantur, quæ hæretica sunt, aut erronea, ut qu. 2. quod Deus creaverit mundum invidia diaboli: qu. 2. quod Eva non fuerit facta ad similitudinem Dei; & qu. 109. quod Melchisedech sit Spiritus sanctus, & sacerdos, licet non summus: quod Hieronymus episc. ad Evagrium reprehendit, & ait, Authorem libri, in quo hæc opinio de Melchisedech habetur, esse imperitum scientiæ & sermonis. Nec obstat quod D. Thomas 1. p. qu. 95. art. 1. ad 2. respondet ad authorem ex illo libro objectam, illamque explicat, Nam S. Doctor non vult discuti, an illud opus esset Augustini; nec ne, sed dato & non concessio, quod esset illius, respondet dici posse, ibi non negari absolute Adam habuisse Spiritum sanctum, sed tantum illum habuisse eo modo, quo est nunc in fidelibus, qui statim post mortem admittuntur ad vitæ æternæ participationem.

29. Dico secundò, Adamum in sua creatione virtutibus infusis, tam moralibus, quam theologicis, & donis Spiritus sancti fuisse ornatum.

Colligitur ex Scriptura Genes. 1. *Faciamus hominem ad imaginem & similitudinem nostram*: ubi imago refertur ad naturam intellectualem, & arbitrij libertatem; quæ primus homo in sua creatione dotatus est; similitudo ad virtutes, quibus tunc fuit ornatus, ut exponit D. Bernardus ferm. 1. de Annunt. *Ad imaginem* (inquit) *& similitudinem Dei factus est homo: in imagine arbitrij libertatem, virtutes habens in similitudine; & similitudo quidem pergit, verum tamen in imagine pertransit homo. Imago siquidem in gehennâ uri potest, non exuri, ardere, sed non deleri: similitudo non sic, sed aut manet in bono, aut si peccaverit anima, mutatur miserabiliter, juvenis in insipientibus similata. Item Eccles. 17. dicitur: Deus creavit hominem de terra, & secundum se vestivit illum virtute. Quo etiam loco creatio refertur ad naturam, indumentum virtutis ad superaddita dona. Unde Ambrosius libro de Eliâ & jejuniò cap. 4. *Operatus erat Adam virtutum velamine prorsquam parvulus crearetur.* Et Augustinus in concione ad Cæciliam. cap. 2, dicit, quod erat *pueritia armatus, temperantia compositus, claritate splendidus.* Item Bernardus sermone 1. de Annunt. *Quid* (inquit) *huic deerat, quem misericordia custodiebat, docebat veritas, regabat justitia, pax forebat?* Demùm Gregorius Nyssenus lib. de hominis officio cap. 4. ait quod dum Adam in sua creatione omnium animalium Rex constitutus est, loco purpure*

A *virtute est amicus. quæ est omnium maxime regia vestis; pro sceptro verò immortalitatis beatitatis fulcitur, ac pro diademate justitiæ corona eum exornat.*

Ratio etiam suffragatur: Nam ut præcedenti conclusionè ostendimus, Adam cum gratia sanctificante creatus est: Sed virtutes infusæ tam morales quam theologicæ, & Spiritus Sancti dona, talem gratiam perpetuo comitantur, ut dicimus in Tractatu de gratia: Ergo Adam virtutibus illis ac donis in sua creatione ornatus est.

B Confirmatur: Virtutum officium est, tam superiores quam inferiores animæ vires rectè componere: Sed Deus creavit hominem rectum, seu quantum ad partem inferiorem, & superiorem rectè dispositum: Ergo & virtutibus omnibus, tam moralibus quam theologicis è xornatus.

Sed observandum est cum D. Thomas 1. p. qu. 95. art. 3. quod inter virtutes aliquæ sunt, quæ nullam imperfectionem important, ut charitas & justitia: aliæ, quæ supponunt imperfectionem, perfectioni & felicitati statim innocentie repugnantes, ut poenitentia & misericordia, quæ culpam, & dolorem, ac miseriam præsupponunt: primæ fuerunt in Adamo quantum ad actum; secundæ verò habitum tantum in eo fuerunt: erat enim primus homo sic dispositus, ut si peccatum committeret, doleret; & si miseriam in alio videret, eam, ut posset, repelleret: sicut teste Aristotele 4. Ethic. cap. ultimo, vercundia est in viro studioso, quia sic est dispositus, quod vercundaretur, si turpe aliquid committeret.

Nec valet id dicis, hinc sequi fuisse in Christo poenitentiae habitum, quod Theologi in Tractatu de incarnatione communiter negant. Non inquam, valet: Nam Christus erat omnino impeccabilis: licet autem actus conditionatus de objecto absolute possibili sufficiat ad virtutem, non tamen actus de objecto vel materia simpliciter impossibili, unde in Angelis non est temperantia. Sed de hoc fusiùs in Tractatu de incarnatione.

D Dico tertio: Adamus in sui creatione plenitudinem scientiæ quoad naturalia à Deo accepit. Ita docet Scriptura Eccles. 17. ubi de primis parentibus dicitur: *Disciplina intellexit, deus replevit illos, creavit illi scientiam spiritus, sensu implevit cor illorum, & mala & bona ostendit illis.*

Eandem veritatem probat D. Thomas 1. p. quæst. 94. art. 3. duplici ratione: Prima est, quia Adam imposuit nomina animalibus, ut dicitur Genes. 2. Sed hoc periclitari facere non poterat, nisi ipsorum naturam & proprietates rectè cognosceret, ut præclare docet Chrysostomus homil. 14. in Genesim: Ergo illorum noticiam Deus ipsi in creatione infudit.

E Secunda sumitur ex eo, quod Adam à Deo primitivè institutus est, ut esset illorum principium, non solum quoad generationem, sed etiam quantum ad instructionem & gubernationem; unde sicut institutus est in statu perfectio quantum ad corpus, ut statim posset generare, ita institui debuit in statu perfecto quoad animam, ut statim posset alios instruere & gubernare: Ergo accepit scientiam omnium de quibus natus est homo instrui naturaliter, quæ sunt eæ quæ deducuntur ex principijs per se naturaliter notis. Unde Hugo Victorinus lib. 1. de sacram. p. 6. cap. 13. ait: *Reverit omnium quæ cum homine & propter hominem facta sunt, perfectam cognitionem hominem accepisse, nulli dubium esse debet, quoniam videlicet vel ad animæ eruditionem, vel ad corporalis*

poralis usus necessitatem pertinere videatur. Quare A  
plures existimant, Adamum cognitionis amplitudine & certitudine mortales omnes, Christo solo excepto, præcessisse. Cui non adversatur, quod Salomoni Dominus dixit 3. Regum 3. *De diti tibi cor sapiens & intelligens intantum, ut nullus ante te similis tui fuerit, nec post surrecturus sit.* Nam, ut exponit Lyranus, hoc intelligendum est respectu Regum, qui fuerunt ante eum, & post, ut ipse Salomon aperte declarat Ecclesiast. 1. dum ait: *Præcessi omnes sapientia, qui fuerunt ante me in Ierusalem.*

33. Nec solum rerum naturalium, sed etiam supernaturalium notitiam Adamus habuit; quandoquidem ad finem supernaturalem conditus erat. & de eo filios, ne potestque suos docere debebat; præcipue vero mysteria Trinitatis, & Incarnationis ei revelata sunt; quia terminus ad quem per fidem tendimus, est clara Dei unius & trini visio, & via, quæ ad illam tendimus, est mediator Dei & hominum Christus Jesus. Porro Incarnationis mysterium solum cognovit, quatenus ad consummationem gloriæ referebatur, non autem ut ordinabatur ad redemptionem a peccato: non enim præfatus fuit peccati sui, ut docet Augustinus lib. 11. de Genesi ad litt. cap. 18. alias tunc fuisset ruissimus, quæ miseria cum florentissimo innocentie statu coherere non potest. Ex quo intelliges, verum non esse, quod docet S. Prosper in capite primo primæ partis eorum trium, quos de promissionibus Dei & prædictionibus composuit, nimirum Adamo revelatum fuisse à Deo, quod ut Eva ex latere suo formata erat, sic Ecclesiam formatam iri ex latere Christi in cruce pendens. Si enim hoc Deus Adamo revelasset, ille futuram mortem & passionem Christi, hominis ex peccato liberandi causâ ab eo suscipiendam cognovisset, subindeque peccati sui fuisset præfatus.

Multi etiam existimant ipsi revelatum fuisse historiam conditionis & ruinæ Angelorum, geminæ utilitatis causâ, divini primum timoris, ne & ipse peccaret, & pari penâ plecteretur; amoris item in Deum, à quo creatus erat, ut amissam ab ipsis felicitatem ipse, ejusque posteritas consequerentur. An verò in raptu, quando Deus in ipsum soporem immisit, viderit divinam essentiam, subdubio relinquit S. Thomas 1. p. quæst. 94. art. 1. sed quæst. 18: de verit. art. 1. ad 13. nullum reputat inconveniens id asserere, sicut de Moyse & de Paulo dicitur.

34. Ex dictis in hac assertionem intelliges, singularem & improbabilem esse Cajetani sententiam super cap. 2. Genesis, Adâ fuisse communicatam scientiam rerum omnium corporaliū, præterquam elementorum, cælorum & siderum. Nam licet inferiorum rerum cognitio ad usum & conservationem corporalis vitæ, vel ad gubernationem hominum magis fortasse necessaria sit, tamen ad contemplationem & laudem Creatoris, cælorum scientia & consideratio magis provocare solet: Sed Adâ magis est data scientia propter Dei cognitionem, & laudem, quàm propter corporis conservationem, vel gubernationem aliorum hominum: Ergo &c.

35. Adâ, quod nulla ratio apparet excipienda cælos & astra: nam quod Cajetanus ponderat, Adamum imposuisse nomina brutis animalibus, non verò astris, quia hoc soli Deo reservatur juxta illud Psal. 146. *Qui numerat multitudinem stellarum, & omnibus ei nomina vocat, frivolum*

est: Tum quia non omnibus rebus, quatum scientiam Adamus habuit, nomina imposuisset; habuit enim perfectam scientiam lapidum, metallorum, arborum, & piscium, quibus tamen rebus nomina enim imposuisse nusquam legimus: Tum etiam quia falsum est, perfectam notitiam cælorum & stellarum solum Dei esse propriam: nam Angeli illam habent, & Salomoni etiam Deus illam communicavit; cum inter alia quæ ipse numerat Sapient. 7. quorum scientiam veram à Deo accepit, ponat *vicissitudinem permutationes, & commutationes temporum, anni cursus, & stellarum dispositiones.* Ex quo aliud argumentum contra Cajetanum solum potest: nam si Salomon hanc scientiam recepit, multo magis Adam, qui, ut supra diximus, vel majorem, vel certe non inferiorem scientiam accepit.

Ex hac ergo generali scientia, quam in Adamo fuisse ostendimus, tria solum rerum genera excipienda censuimus; unum eorum quæ vocantur futura contingentia; alterum eorum quæ nominantur arcana, vel secreta cordis; hæc enim nec ipsi Angeli naturaliter cognoscere possunt, ut in Tractatu de Angelis ostensum est: tertium omnium etiam præsentium individuorum cuiuslibet speciei: v. g. non sciebat Adam omnia individua piscium, nec omnem numerum arenæ aut lapidum; hujusmodi enim nec pertinet ad perfectionem humani intellectus neque conferebant ad gubernationem hominum, vel ad statum innocentie felicitatem. Ita D. Thomas loco citato 1. p. qu. 94. in calce corporis art. 3. ubi sic concludit: *De supernaturalibus tantam cognitionem primus homo accepit, quanta erat necessaria ad gubernationem vite humane secundum statum illum: alia vero quæ nec naturali hominis studio cognosci possunt, nec sunt necessaria ad gubernationem vite humane, primus homo non cognovit: sicut sunt cogitationes hominum, futura contingentia, & quedam singularia, puta quæ lapilli isceant in flumine, & alia huiusmodi.*

- Quantum verò ad cognitionem Dei, D. Thomas 1. p. quæst. 94. art. 1. censet Adamum cognovisse Deum anteriori cognitione quàm nos cognoscamus, & fuisse cognitionem ejus quodammodo mediam inter cognitionem præsentis statûs, & cognitionem patriæ quâ Deus per essentiam videtur. Idem docet Hugo Victorinus lib. 1. de Sacram. parte 6. cap. 14. his verbis: *Cognitionem Creatoris primus homo habuisse creditur, cognovit enim à quo creatus fuerat, non eo modo cognoscendi, quo ex auditu solo percipitur, quemodo à credentibus absens queritur, sed quadam interiori aspiratione, quâ Dei præsentiam contemplabatur; non tamen ita excellenter, sicut post hanc vitam sancti visuri sunt, neque ita in enigmate, qualiter in hac vita videtur.* Similia habet D. Bonaventura in 2. dist. 23. art. 2. qu. 2. ubi ait, quod cognitio hominis in statu innocentie, media erat inter cognitionem status gloriæ, & status miseriæ: sicut etiam locus Paradisi medius erat inter hanc vallem miseriæ, & patriam celestem. Addit paulo post, quod in solo statu gloriæ videtur Deus immediate & in sua substantia, ita ut nulla sit ibi obscuritas; in statu verò innocentie & naturæ lapsæ, videtur Deus mediante speculo, sed dis-fereenter. Nam in statu innocentie videbatur Deus per speculum clarum, nulla enim in anima erat peccati nebula: in statu verò miseriæ videtur per speculum obscuratum, propter peccatum primi hominis, & ideo nunc videtur per speculum & in enigmate: enigma enim sicut dicit Augustinus lib. 14. de Tri-

Diff. 9.  
art. 4.  
& s.

37.

D

E



nit. cap. 9. *effi similitudo obfcura.* Quam rationem fulius expendit. S. Thomas loco citato, ubi fic difcurrit: *Conftat Deum claris & eminenter videri per intelligibiles effectus, quam per fenfibiles & corporales. A confideratione autem plena & liquida intelligibilium effectuum retrahitur vel retardatur homo ab amore & occupatione circa res fenfibiles.* At primus hominem fecit Deus reftum, ut dicitur Eccii. 7. *qua reftitudo in eo erat, ut que funt inferiora in homine, fubderentur fuperioribus, & hec nullo modo impederentur ab illis: quapropter primus homo non impidebatur per res exteriores fenfibiles à clara & firma contemplatione rerum intelligibilium, quæ ex irradiatione primæ veritatis percipiebat, five naturali cognitione, five gratuita.*

38. Addo ex Auguftino lib. 11. de Genefi ad litteram cap. 33. quod *fortaffe intrinfecus & ineffabilibus modis Deus cum primis hominibus antea loquebatur, ficut etiam cum Angelis loquitur, ipfa incommutabili veritate illuftrans mentes eorum, ubi eft intellectus noffe fimul quæcumque etiam per tempora non funt final: fortè, inquam, fic cum eis loquebatur, etfi non tantà participatione diuina fapientia, quantum capitur Angelis, tamen pro humano modilo quantumlibet inuis, fed illo ipfo genere vifitationis & locutionis: fortaffe etiam illo, qui fit per creaturam, five in ecclafi fpiritalis, corporalibus imaginibus, five ipfis fenfibus corpora aliqui fpecie præfentatà vel ad videndum, vel ad audiendum, ficut in Angelis fuo folet videri Deus, vel fonnare per nubes.*

39. Dico quartò: Adam in ftatu innocentie habuit plenum dominium fuprà omnia animalia & corporea.

Rationem affignat S. Thomas r.p. quæft. 96. art. 2. ubi fic difcurrit. In homine quodammodo funt omnia: & ideo fecundum modum quo dominatur iis quæ funt in ipfo, competit ei dominari aliis: funt autem quatuor in homine, fcilicet ratio, in qua cum Angelo conuenit; vires fenfitivæ, in quibus conuenit cum animalibus; facultates vegetabiles, in quibus conuenit cum plantis; & corpus, fecundum quod conuenit cum rebus inanimatis: non dominatur autem rationi, fed per rationem dominatur viribus fenfitivis, per imperium; facultatibus autem vegetativis & corpori, per ufum: unde non competit ei dominari Angelis, cum quibus conuenit in ratione, fed animalibus per imperium, plantis verò & rebus inanimatis, per ufum. Cum ergo in ftatu innocentie homo dominaretur omnibus, quæ naturaliter debent ei effe fubjecta, non dominabatur quidem Angelis, bene tamen animalibus, plantis, & rebus inanimatis, per imperium, vel per ufum.

40. In huius dominiij fignum, Deus animantia Adamo adduxit, ut illis quali fervis nomina imponeret, ut copiofe difputat Chryfoftomus homil. 14. in Genefim. Multi etiam ex SS. Patribus art. 1. relatis, docent in tali dominio fitam effe fimilitudinem illam & imaginem Dei, quam in creatione ei impreffit; idque fati (ut ibidem annotauimus) intelligitur ex Domini verbis, qui cum dixiffet, *Faciamus hominem ad imaginem & fimilitudinem nofttram, quali explicans in quo illa fira effet fimilitudo, fubdit: Et præfti pifcibus maris, & volatilibus cæli, & beftiis, & omniue reptilibus quod mouetur in terra.* Cui conforat quod fcribit Ouidius lib. 1. Metam. ubi expofitò omnium aliarum rerum procreatione, de homine fubjacet:

*Sauis huius animal mentisq; capax, alta Deerat, adhuc, quod dominari in cætera poffet, Natus huius eff.*

Addit S. Thomas art. 3. citatæ quæftionis quod licet fuiffet æqualitas quoad fubftantiam inter homines in ftatu innocentie, fi perfeveraffet, fuiffet tamen inæqualitas in accidentibus: cum quia fuiffet diuerfitas fexus ad propagationem generis humani: tum etiam quia homines, cùm non fuiffent operati ex neceffitate natura, inæqualiter applicuiffent animam ad fcientias, & ad virtutes: tum denique ex parte corporis, quia in meliori folo, & fub benigniori fiderum afpectu nati & educati, fuiffent robuftiores, majores, pulchriores & melius proportionati. Ex quibus deducit, fuiffos fuiffe quodam in eodem ftatu, qui aliis dominarentur, non dominio defpotico, fed regali & monarchico: nam dominium defpoticum confituit fubditos omnino feros, ac proinde eft moleftum & pœnale, utpote cùm ordinem fubditos ad propriam dominantis utilitatem; ficut enim unicuique amabile bonum proprium, ita & contriftabile, quod illud bonum cadat in alterius ufum & utilitatem: unde dominium illud repugnat felicitati ftatus innocentie, omnem moleftiam & pœnam à fe excludentis; fectus verò dominium regale; quod fubditos relinquit liberos, & ipfos ordinat ad proprium bonum. Quod autem tale dominium fuiffet in huiusmodi ftatu, ex eo patet, quod conueniens eft, ut qui aliis fupereminet fcientiâ & virtute, hoc exequantur in utilitatem aliorum, fubindeque eis imperent, non appetitu dominandi, fed officio consulendi, ut ait Auguftinus 19. de civit. cap. 14.

#### ARTICULUS IV.

*Alia dona & privilegia ftatus innocentie recensentur, & explicantur.*

Dico primò: Homo in ftatu innocentie, antequam peccaret, errare aut decipi non poterat. Ita S. Thomas 1. parte quæft. 94 art. 4. & alij Theologi communiter, poft D. Auguftinum lib. 3. de libero arbitrio cap. 18. dicentem: *Approbare falſa pro veris, ut erret invitis non eff natura inſtituti hominis, fed pœna damnati.* Et in Enchirid. cap. 16. & fequentibus, ex profeſſo probat, quemcumque errorem, etiam in materia leviſſima, inter mala huius vitæ deputandum effe, & ad quandam miſeriam pertinere. Unde fic licet arguere: Omnis error vel deceptio eff malum hominis, quod per fe pertinet ad malum pœnæ, quæ ante malum culpæ non infligitur: Ergo in ftatu innocentie, quando culpa non effet, nec fuiffet error aut deceptio.

Confirmatur: Si homo in ftatu innocentie non peccaret, non pateretur ullum malum in corpore, putà mortem, ægritudinem, famem, fitim, & fimilia: Ergo multo minùs pateretur in anima aliquod malum: Sed error ac deceptio funt mala animæ, & defectus feu miſeria intellectualis nature: Ergo homo in ftatu innocentie, antequam peccaret, errare aut decipi non poterat.

Confirmatur ampliùs: Duplíciter poteft error vel deceptio in homine contingere, primò involuntariè fimpliciter, fecundò aliquo modo voluntariè, quatenus voluntas applicat intellectum ad iudicium falſum vel erroneù de aliquo objecto, quod paſſione appetitus fenſitivi follicitata &



permota, inordinatè amat vel detestatur: Sed neutro modo potuit in statu innocentie error vel deceptio contingere ante peccatum: Ergo homo in statu innocentie, antequam peccaret, non poterat errare vel decipi. Major patet: Minor verò quoad utramque partem suadet. In primis enim quod error vel deceptio in statu innocentie posteriorum odio accidere non potuerit, manifestum est, cum in illo felicissimo statu nulla esset passio obscurans aut perturbans rationem & movens voluntatem ad applicandum intellectum ad iudicium falsum & erroneum. Quod verò etiam priori modo non potuerit contingere, probatur ratione D. Thomæ loco citato, desumpta ex rectitudine illius status, in quo ita erant res hominis ordinatæ, ut quādiu anima Deo subiecta maneret, tandiū ipso homine inferiora superioribus subicerentur, nec superiora per inferiora impedirentur: Sed error aut deceptio priori modo contingens, est quædam inordinatio intellectus humani, proveniens ex phantasia vel aliquo inferiori, rectum rationis iudicium impediens: Ergo in illo statu non poterat esse error vel deceptio, etiam priori modo.

45. Dices primò: Eva decepta est a serpente, ut ipsa confessa est, dicens Genes. 3. *serpens decepit me*: unde Apostolus 1. ad Timoth. 2. ait: *Mulier seducta in prævicatione fuit*. Ergo in statu innocentie potuit esse, & de facto fuit deceptio ante peccatum.

Respondet Divus Thomas primâ parte quæst. 94. art. 4. in resp. ad 1. quod illa *seductio mulieris*, et si non præcesserit peccatum operis, subsecuta tamen est peccatum internæ elevationis: dicit enim Augustinus lib. 11. super Genes. ad litt. cap. 30. *quod mulier verbum serpentis non crederet, nisi jam incesset menti eius amor propriæ potestatis, & quædam de se superba præsumptio*. Hocque indicatur in verbis illis Genes. 3. *Vidit igitur mulier quod esset bonum &c.* nam in eis significatur, Evam interius jam affectam ad promissam serpentis: *scietur bonum & malum*, motam fuisse ad respiciendum fructum.

46. Instabis: Aut illa verba dixit Eva ad serpentem: *Præcepit nobis Deus &c.* ne forte moriamur, ubi per particulam *forte*, quandam internam dubitationem indicavit, reputans incertum eventum mortis si peccaret, quem Deus asseveranter promisiaverat. Ergo ieductio mulieris, peccatum etiam internæ elationis præcessit.

Respondet non esse additam particulam illam, *forte* ad significandam dubitationem eventus mortis, si ex ligno vetito comederet, sed ad significandam libertatem que in primis parentibus erat ad vitandam vel incurrendam mortem: in hoc enim sensu accipitur hæc illa particula in Scriptura, ut in Tractatu de scientia Dei ostensum est.

47. Dices secundò: Adam non cognoscebat cogitationes hominum, & futura contingentia, ut supra dictum est: Ergo circa eorum cognitionem decipi poterat.

Sed nego consequentiam: cum enim ipsius voluntas esset rectè disposita & ordinata, non applicabat intellectum ejus ad iudicandum de futuris contingentibus, de secretis hominum cogitationibus, & alijs quæ ejus cognitionem excedebant: sed circa eorum futuritatem vel existentiam iudicium suspendebat, ut de bonis Angelis communiter dici solet,

Dico secundò: Homo in statu innocentie venialiter peccare non poterat. Nam donum integritatis ita subijciebat appetitum inferiorem rationi, & rationem inferiori ejus superiori, ut neque appetitus sensitivus extraheretur ab imperio rationis, neque ratio inferior à dominio superioris; quādiu ipsa ratio superior, quæ est suprema pars hominis, per humilitatem, obedientiam, & amorem, Deo subiecta & subordinata maneret. De quo ex professo agemus in Tractatu de peccatis.

Dico tertio: Homo in statu innocentie erat immortalis, non quòd haberet impotentiam moriendi, sed quia habebat potentiam non moriendi, si legem sibi præscriptam servasset. Ita D. Augustinus lib. 7. de Genesi ad litt. cap. 2. §. ubi hæc scribit: *Corpus adam ante peccatum, & mortale erat, quia poterat mori, & immortale, quia poterat non mori: aliud est enim non posse mori sicut quædam naturæ immortales creavit Deus; aliud est autem posse non mori, secundum quem modum primus creatus est homo immortalis; quod ei præbatur de ligno vite, non de constitutione naturæ, à quo ligno separatus est cum peccasset, ut posset mori, qui nisi peccasset, posset non mori. Mortale ergo erat conditio corporis animalis; immortalis autem beneficio conditorum: si enim corpus animale, atque mortale, quia & mori poterat, quamvis & immortale, idè quia non mori poterat: neque enim immortale quod mori omnino non possit, erit, nisi spirituale, quod nobis saturum in resurrectione promittitur.*

Similia habet Hugo Victorinus in libro de sacramentis, ubi tres hominis distinguit status: primum naturæ institutæ, qui dicitur status innocentie, qui duravit à principio conditionis primæ hominis usque ad ejus peccatum: secundum naturæ lapsæ, & per peccatum Adami viciatæ: tertium naturæ restitute per gratiam, & perfectæ ac consummatæ per gloriam & viliorem beatificam. Et subdit quod in primo statu poterat homo mori & non mori; quia poterat peccare, & per consequens mori, licet & factum esset; & poterat, si voluisset, Deo obediendo, non mori: in secundo homo non potest non mori; quia necessitatem moriendi per peccatum incurrit, juxta illud Genes. 2. *In quacunque hora comederis morte morieris*: in tertio verò habebit homo non posse mori, juxta illud Apocal. 21. *Et mors ultra non erit*.

Non deest etiam ratio congrua: Etenim status innocentie erat velut quædam inchoatio futuri celestis gloriæ statûs, in qua, præter alia, tria sunt præcipua bona, consummatio gratiæ, impotentia peccandi, & impotentia moriendi: Conveniens igitur erat, ut in statu innocentie, si non consummata, copiosa certe daretur homini gratia; & si non impotentia moriendi & peccandi, saltem potentia non moriendi & non peccandi tribueretur. Ut autem clare percipiat in quo potentia illa non moriendi consisteret, seu unde donum illud immortalitatis, quòd habuit Adam in statu innocentie, oriretur.

Sciendum est, tres mortis hominis præcipuas esse causas. Prima est quòd ejus corpus rebus contrariis & inter se pugnantibus consistet; componitur enim ex quatuor elementis, & ex quatuor humoribus, & ex partibus non solum diversis, sed etiam contrariis naturas, affectiones, & vires habentibus; cerebrum quippe frigidissimum est, cor calidissimum, mollis & humida caro, os durum & siccum: contrariarum autem rerum consociatio & copulatio ad breve quidam ali-

48.

Diss. 9. art. 5.

49.

50.

51.

52.

Diss. 5. art. 1.

quod tempus constare potest, sed cum violentia sit, nequit esse perpetua. Altera causa est, quod calor naturalis, qui est ipsius animæ ad omnes functiones ejus naturales generale quoddam instrumentum, coheret humoris nativo, tanquam pabulo quo pascitur & sustentatur, ipsum continuè conficiens atque consumens; & licet per cibum ac potum refarciatur, non tamen secundum eam puritatem & sinceritatem quam primò habuit: quia verò omne agens physicum in agendo patitur, ipse quoque calor naturalis non agit sine passione; & quo fit paulatim minuatur & debilitetur, unde oritur corruptio sanitatis, diminutio virium, imbecillitas sensuum, senectutis incommoda, & malorum omnium extremum mors. Tertia causa mortis attenditur penes agentia extrinseca, quæ homini perniciem & interitum afferre possunt, cujusmodi sunt aer pestilens, aqua obruens & suffocans, ignis adurens, seva & venenata animalia, inimici homines, demones, &c.

33. In statu ergo innocentie, Deus contra tres illas causas mortis hominem potentissimis remediis, & validissimis prædiis usque adeò munierat, ut si in Dei gratia permanisset, nihil mali ex illis ei timendum esset. Etenim contra primam causam dederat Deus animæ hominis vim quandam supernaturalem, quâ posset res illas contrarias, ex quibus compositum est corpus hominis, in debita temperatione & æquabilitate omni tempore continere, ut docet S. Thomas 1. p. quæ. 97. art. 1. his verbis: *Non enim corpus eius (primi scilicet hominis) erat indissolubile per aliquem immortalitatis vigorem in eo existentem, sed inerat anima vi quadam supernaturaliter divinitus data, per quam poterat corpus ab omni corruptione præservare, quandiu ipsa Deo subiecta mansisset. Quod rationabiliter factum est: quia enim animæ rationalis excedit proportionem corporalis materie, conveniens fuit ut in principio ei virtus daretur, per quam corpus conservare posset supra naturam corporalis materie.* Quibus verbis aperte docet quod corpus Adam, in statu innocentie, erat quidem immortale, sed non per aliquod donum aut qualitatem ipsi inherenter; & sicut erunt immortalia & impassibilia corpora gloriosa, cum ex gloria animæ redundabunt dotes immortalitatis & impassibilitatis in corpus gloriosum; ratione quantum perfectè disponetur ut omnino subjiaciatur animæ, & ligabitur potentia materie ad alias formas, ne ullam amplius appetat; ac proinde nec poterit recipere actionem contrarij corruptentis, & ad aliam formam dependentis: hæc enim immortalitas excedit exigentiam alimentorum, & constituit vitam spiritualem, hoc est similem vitæ spiritibum, qui nullis indigent alimentis; qualem non habebat primus parens in statu innocentie, cum in eo statu cibus egeret ad vitam sustentandam, ut patet ex cap. 2. Genes. ubi sic Deus primos parentes alloquitur: *Ecce dedi vobis omnem herbam asserentem semen super terram, & universa ligna quæ habent in se seminem generis sui, ut sint vobis in cibum.* Non, inquam, talis inerat (juxta D. Thomam) immortalitas primo homini, sed oriebatur ex perfecta virtute supernaturaliter communicata animæ, ad hoc ut posset præservare corpus à corruptione: cum enim anima rationalis ex se habebat vim informandi corpus in omne tempus, quippe quæ suâ naturâ immortalis est; corpus autem humanum, quia est mortale & corruptibile, non sic per se ca-

A) pax immortalis vitæ; ut esset debita proportio inter corpus & animam, inter actum & potentiam, data erat animæ à Deo virtus illa præservandi corpus à corruptione, quandiu ipsa non se sponte infra corpora demitteret per peccatum.

Porro hanc virtutem Discipuli D. Thomæ communiter docent fuisse ipsam justitiam originalem, animæ primi hominis inherenter: illa enim, ut supra declaravimus, triplicem habebat effectum, nempe subicere mentem Deo, corpus animæ, & appetitum inferiorem superiori: unde non solum erat radix charitatis, quâ voluntas Deo ut ultimo fini subijcitur, sed etiam integritatis, quâ appetitus inferior rationi subditur, & immortalitatis atque impassibilitatis, quibus corpus animæ, ut potentia receptiva actui ipsam informanti, perfectè subordinatur & proportionatur. Quare S. Doctor supra quæ. 81. art. 5. ad 2. sic ait: *Immortalitas & impassibilitas primi status non erat ex conditione materie, sed ex originali justitia.*

Contra secundam causam mortis provifum erat homini in statu innocentie per arborem vitæ, quæ præter id quod omnium alimentorum communis est, hoc est alere & nutrire hominem, duplicem aliam habebat vim, & utramque perfectè admirandam: in primis enim fructus ejus, cum edebatur ab homine, tantam alimenti bonitatem habebat, ut non solum repararet ac reficeret nativum humorem, sed etiam primigenium ejus puritatem & integritatem ei restitueret: deinde calorem naturalem ita corroborabat & confirmabat, ut non timeret eum paulatim obtundi, debilitari, & languere; unde sensuum & virium languor & debilitas, ipsiusque tandem vitæ defectus procedit.

Contra tertiâ causam mortis, quæ provenit ex agentibus extrinsecis, prospectu erat homini in statu innocentie dupliciter. Primò quidem per humanam providentiâ: tunc enim homo excellens ratione & prudentiâ, scientiâque discernendi salutaria & convenientia sibi ab illis quæ noxia erant, & perniciosa, eaque præcavendi & declinandi. Unde dederat illi singularis Dei providentiâ & cura, Angelorum item custodia, quæ quæ ab illo prævideri non poterat extrinsecus nocitura, penitus arcebantur: unde nullû ei tunc periculum imminerebat ex animalibus, cum essent omnia mansueta, eique subiecta: nihil à demonibus timendum erat, à quorum insidiis præsidio Angelorum defendebatur; nec etiam à aliis hominibus, in nullo enim tunc voluntas nocendi alteri fuisset, sed inter ipsos regnasset perfectæ concordia & pax. Igitur contra tres illas mortis causas homo in felicissimo statu innocentie perfectissimè munitus, immortalis erat, non per impotentiam moriendi sed per potentiam non moriendi, ut supra præ ex Augustino vidimus, & eleganter declarat Gregorius magnus lib. 4. Moralium cap. 26. his verbis: *Ad hoc in paradiso homo positus fuerat, ut si se ad conditoris sui obedientiam vinculo charitatis adstringeret, ad celestem Angelorum patriam quandoque, sine carnis mortis transiret: sic usque est immortalis conditus, ut tamen peccare & mori posset; & sic mortalis est conditus, ut si non peccaret, etiam non mori posset; atque ex merito liberi arbitrij beatitudinem illius regionis attingeret, in qua vel peccare, vel mori non posset. Vigiliter post redemptionis tempus carnis mortis interposita, electi transierunt, illuc procul dubio parentes primi, si in conditionis sue statu persistissent etiam sine morte corporis transferri potuissent.*

77. Dico quarto, hominem in statu innocentie ab omni ægritudine, dolore, & tristitia fuisse immunitum. Ita D. Augustinus 14. de civit. cap. 10. ubi de primis parentibus in statu innocentie ait: *Quid timere aut dolere poterant in tantorum tanta affluentia bonorum, ubi non aberat quidquam quod bonæ voluntati non adipsiceretur, neque inerat quod carnem vel animum hominis fastidiret viventis offenderet, vel in aliquo molestaret?*

78. Ratio etiam suffragatur: Primò quia pati ægritudinem, dolorem, vel tristitiam, fuit pœna aliqua, quæ imposita est à Deo propter peccatum, ut patet ex condemnatione Evæ: *In dolore paries; & Adam: In sudore vultus tui vesceris pane tuo*. Ergo ante peccatum homo non erat huiusmodi malis obnoxius.

Secundo: Ægritudines & dolores sunt quedam vestigia mortis, & viæ ad interitum: Sed in statu innocentie homo non erat morti obnoxius, ut præcedenti conclusionem ostendimus: Ergo nec morbis, aut doloribus.

Tertiò: Status innocentie, ut supra dicebamus, erat quadam inchoatio futuri statûs celestis gloriæ: Sed in hoc statu non solum erit omnium bonorum affluentia, sed etiam immunitas & carentia omnium malorum: Ergo & in statu innocentie homo omnium bonorum copiâ, absque ullius profusumali experimento gaudebat. Unde Augustinus 14. de civit. cap. 26. *Vivebat, inquit, itaque homo in Paradiso sicut volebat, quando volebat quod Deus iusserat: vivebat fructus Deo, ex quo bono erat bonus: vivebat sine ulla egestate; & ita semper vivere habens in potestate. Cibus aderat, ne esuriret: lignum vitæ, ne illum senectû dissolveret: nihil corruptionis in corpore, vel ex corpore ullas molestias ullus eius sensibus ingerbat. Nullus intrinsecus morbus, nullus itcus metuebatur extrinsecus. Summa in carne sanitas; & in anima tota tranquillitas. Sicut in Paradiso nullus æstus, aut frigus: sic in eius habitatore nulla ex cupiditate, vel timore accedebat bonæ voluntatis offensus. Nihil omnino triste, nihil maneris latum: gaudium verum perpetuabatur ex Deo, in quem flagrabat charitas ex corde puro, & conscientia bona, & fide non ficta: atque inter se coniunguntur filia ex honesto amore societas, concors mentis, corporisque vigilia, & mandati sine labore custodia. Non lassitudo fatigabat otiosum, non somnus premebat invitum. Similia scribit Marius Victor lib. 1. in Genesim, ubi de primis parentibus loquens, habet hos verus:*

*Nec prorsum obnoxia morbis  
Corpora gestabant. Non hos cogebat ad esum  
Pausæ ignara fames: qui si mandata supremi  
Serrassent integra Dei, crudelia mortis  
Imperia, & diros necessitent usque dolores.*

59. Ad maiorem huius felicissimi statûs, & donorum ac privilegiorum, quibus homo in eo gaudebat, intelligentiam, placet hic insertere brevem & elegantem ipsorum descriptionem, quam tradit S. Thomas opusculo 2. cap. 185. his verbis: *Homo in sui conditione taliter institutus fuit à Deo, ut corpus omnino esset anima subiectum; rursusque inter partes anime, inferiores vires rationi absque repugnantia subiicerentur, & ipsa ratio hominis esset Deo subiecta. Ex hoc autem quod corpus erat anima subiectum, contingebat quod nulla passio in homine posset accidere, quæ dominio anime super corpus repugnaret; unde nec mors, nec infirmitas in homine locum habebat. Ex subiectione verò in-*

*feriorum virium ad rationem, erat in homine omni-modi mentis tranquillitas; quia ratio humana nulli inordinati passionibus subiebat. Ex hoc verò quod voluntas hominis erat Deo subiecta, homo referebat omnia in Deum sicut in ultimum finem, in quo eius iustitia & innocentia consistebat. Horum autem trium ultimum erat causa aliorum: non enim hoc erat exiuturæ corporis, si eius componentia considerentur, quod in eo dissolutio, sive quæcumque passio vitæ repugnans, locum non haberet; cum esset ex contrariis elementis compositum. Similiter non erat ex natura anime, quod vires etiam sensibiles absque repugnantia rationi subiicerentur; cum vires sensibiles naturaliter moveantur in ea quæ sunt delectabilia secundum sensum, quæ multoties recte rationi repugnant. Erat igitur hoc ex virtute superiori, scilicet Dei, qui sicut animam rationalem corpori coniunxit, omnem proportionem corporis & corporearum virtutum, cuiusmodi sunt vires sensibiles, transcendens ita dedit anime rationali virtutem, ut supra conditionem corporis ipsum continere posset, & vires sensibiles, secundum quod rationalem animam competeat. Ut igitur ratio inferiora sub se contineret, oportebat quod ipsa firmiter sub Deo contineretur, à quo prædictam virtutem habebat supra conditionem naturæ. Fuit ergo homo sic institutus, ut nisi ratio eius subduceretur à Deo, neque corpus eius subduci poterat à nutu anime, neque vires sensibiles à rectitudine rationis: unde quadam immortalis vitæ & impassibilitatis erat; quia scilicet nec mori, nec pati poterat si non peccaret. Peccare verò poterat, voluntate eius nondum confirmatâ per adeptiorem ultimi finis, & sub hoc eventu poterat mori & pati.*

Hæc S. Doctor, quibus imprimis docet, iustitiam originalem perfecisse humanam naturam secundum omnes suas partes; superaddens omnibus illis perfectionem quam naturalia principia secundum se non præstarent, tollensque defectus quos illa relinquerent: nam corpori tribuebat immortalitatem & impassibilitatem, per quas ejus passibilitatem & corruptibilitatem impediât: parti verò sensitivæ tribuebat omnimodam subordinationem ad rationem, tam quoad potentias cognoscitivas, quam quoad appetitivas; per quam subordinationem, inter ipsam partem sensitivam & rationem, concordiam & pacem constitueret, aufereretque rebellionem carnis contra spiritum, aliaque id genus: ipsi verò parti rationali tribuebat perfectum ordinem ad Deum, illuminando intellectum, & rectificando atque corroborando voluntatem, ut sine alio speciali auxilio posset, amore absoluto & efficaci, Deum, saltem ut auctorem naturæ, super omnia perfectè diligere, totamque saltem naturalem legem observare.

Deindeque asserit huiusmodi perfectiones ita fuisse concatenatas & inter se connexas, ut inferiores ex superiori consequerentur, & ab eâ esse fieri, & conservari deberent: ita ut tandiu & non amplius illæ permanerent in parte sensitiva & in corpore, quandiu illa perseveraret in mente & voluntate.

Tertiò docet, perfectionem iustitiæ originalis non eò pervenire, ut confirmaret voluntatē hominis in bono, sicut visio beatifica; sed reliquisse in eâ integrâ libertatem, tam quoad exercitium, quam quoad boni & mali specificationem; & ex hoc habuisse Adamum, ut licet de facili posset perseverare in bono, posset etiam defecti ad malum, subindeque peccando omnia illa dona & privilegia,



vilegia, quibus gaudebat, pro se & pro suis posteris amittere, ut infelix eventus satis ostendit.

60. Quæres primò, An in statu innocentie fuissent homines propagati per naturalem generationem?

Respondeo affirmativè cum S. Thoma infra quæst. 98. art. 2. cum enim naturale sit hominibus, ut unus ab alio propagetur per generationem, non fuit cur in statu innocentie non servaretur ille modus, qualiloquim, salvâ illius status perfectione servari potuit, semotis excessibus libidinosis in culpa, doloribus in partu, & similibus imperfectiõibus. Unde Augustinus 14. de civit. cap. 26. *Abst ut suspicemur non potuisse prolem fieri, sine libidinis morbo, sed eo voluntate nutu moveremur illa membra, quo cetera, & sine ardore & illecebrosos stinno, cum tranquillitate anima & corporis*. Subdit paulò post: *Tunc potuisse utero conjugis, salvâ integritate semineque genitalis, virile semen immitti, sicut nunc potest, eadem integritate salvâ, ex utero virginis fluxus menstrui cruoris emitti, eadem quippe viâ potest illud inungi, quâ hoc potest eggi*. Quibus verbis significare videtur, quod in statu innocentie virginalis integritas, ob commixtionem viri & femine, nequaquam fuisset violata. Quod tamen plures verum non existimant, quia modus quo nunc fit actus generationis per apertionem vulvæ muliebris, naturalis est, quippe qui etiam in cæteris animalibus servetur: quæ verò naturalia sunt homini, fuissent in eo in statu innocentie: ut enim rectè ait S. Thomas infra quæst. 99. art. 1. *Ea quæ sunt supra naturam solâ fide tenemus: quod autem credimus, auctoritati debemus*: unde in omnibus quæ de statu innocentie asserimus, sequi debemus naturam rerum, præter ea quæ auctoritate divinâ traduntur. Deinde cur vereamur dicere integritatem virginalem femine in statu innocentie per actum generationis fuisse corrumpeendam, cum non possimus inficiari quod ea corrumpebatuisset in partu, per egressum prolis ex utero? Nisi forte quis dicat, quod in eo statu habuissent omnes femine illud idem privilegium quod in beatissima Virgine veneramus, ut nimirum clauso utero filios suos viderent; quod insulsum videtur & absurdum.

61. Quæres secundò an in statu innocentie melius esset respectu ususque personæ matrimonium contrahere, quàm vi. ginitatem seu continentiam servare?

Respondeo affirmativè, quia actus generationis humanæ per se bonus est, unde abstinere ab illo, per se non est bonum, sed solum in quantum potest copula carnalis impedire majus bonum, puta rerum cœlestium contemplationem: At verò in statu innocentie usus matrimonij nullum majus bonum impedisset, cum enim non induxisset sæculares curas, vel cogitationes temporali-um rerum, quæ nunc ad onera matrimonij sustinenda, & ad filios alendos necessariae sunt, rerum divinarum & cœlestium contemplationem non impedisset: Ergo nulla ratio melioris boni, imò vix aliqua boni species, posset in illo statu in virginitate seu continentia inveniri. Unde D. Thomas infra q. 98. art. 2. ad 3. *Continentia in statu innocentie non fuisset laudabilis, quia in tempore isto laudatur, non propter defectum secunditatis, sed propter remotionem inordinatæ libidinis: tunc autem fuisset secunditas absque libidine*.

Quæres tertio, an fuisset in statu innocentie esus carni-um?

Tom. II.

A Respondeo negativè, nam Deus Genes. 1. versu 29. ad eum trutinum terræ, & herbarum ac arborum hominem tacite determinavit, cum dixit: *Ecce dedi vobis omnem herbam afferentem semen super terram, & universa ligna quæ habent in se seminem generis sui, ut sint vobis in escam*. Quam determinationem sustulit Genes. 9. versu 3. concedens post diluviũ specialiter usum carni-um, his verbis: *Omne quod movetur & vivit, erit vobis in cibum, & quasi olera virentia, dedi vobis omnia*. Quasi diceret Deus: Hactenus sola olera virentia vobis in cibum concesseram, sed nunc etiam animalium carnes vobis concedo; quia nimirum post diluvium, esus carni-um fuit hominialiquo modo necessarius, propter debilitationem tum hominum, tum herbarum & fructuum, ac terræ ipsius aquis diluvij debilitatæ & corruptæ. Unde S. Thomas 1. 2. quæst. 102. articulo 6. ad 2. *Ejus inquit, plantarum, aliorumque terræ nascentium fuit apud homines, etiam ante diluvium: ut esus animalium videtur post diluvium esse introductus: dicitur enim Genes. 9. Quasi olera virentia dedi vobis omnem carnem*. Et hoc idè quia esus terræ nascentium magis pertinet ad quandam simplicitatem vitæ; esus verò carni-um ad delicias & curiositatem vivendi. Etenim sponte herbam terra germinat, & cum modico studio quæ generantur ex terra, etiam in magna copia parari possunt: animalia verò necesse est magnum cum studio nutrire, & ad esum comparare: quocirca volens Deus populum suum reducere ad simplicitatem, multa Hebræis in genere animalium prohibuit. non autem ex genere plantarum.

Continentiam illius primæ ætatis ab esu carni-um, eleganter expressit Ovidius, his ver-

Metamorph. lib. 13.

*At vetus illæ ætas non polluit ora cruce,  
Tunc & aves tuæ movere per æra penat,  
Et lepus imparvidus mediis erravit in agris,  
Nec sua crudelitas piscem suspenderat hamo,  
Cuncta sine insidiis, nullamque sumentia fraudem,  
Plenaque pacis erant.*

D Nec dissimilia sunt quæ habet libro primo, ubi etiam tenuitatem & simplicitatem vicij primorum hominum sic describit:

*Contentique cibus nullo cogente creatis,  
Arbutos fetus, montanaque fraga legebant,  
Cornaque & in duris herentia mora rubetis,  
Et quæ deciderant patulâ Jovis arbore glandes.*

Boëtius item libro 2. de Consolatione Philosophiæ, metro 5. hos versus nec sententiâ nec elegantia dissimilis edidit, ad eandem primorum hominum parsimoniam, & frugalitatem commendandam.

*Felix nimirum prior ætas  
Contenta fidelibus arvis,  
Nec incerti perditæ luxu,  
Facili quæsera solebat  
Jesunia solvere glande,  
Bacchica munera nec norat  
Liquido consundere melle.  
Vtrum modo nostra redirent  
In mores tempora prisca.*

His addi potest, quod in statu innocentie, præcipua hominis cura & studium fuisset acquirendi rerum naturalium scientiam, & ex cognitione rerum sensibilibum assurgendi ad notitiam conditoris, sicut Damascenus docet libro 2. de fide cap. ultimo, his verbis: *Homo ante peccatum in terris corpore degens, animo cum Angelis diversabatur, in divina operibus intelligenti-*

Ttt

tia,



ria, talibusque studiis innotriebatur, ad solum conditorem per creaturas eius surgens, eumque contemplantis, incredibili voluptate perfundebatur atque laborabatur. Unde huic felicissimo statui victus ex his quæ terra gignebat, magis fuisset conveniens, quàm cibus ex animalium carnisbus; cum ille simplex, facilisque esset, ac sine ullo hominis labore & cura parabilis; iste verò non sine magno negotio comparari potuisset, multis enim opus est ad conficiendum homini cibum ex animalibus.

Quod diximus de esu carnis, id quoque de potu vini dicendum est, ille enim non fuisset in statu innocentie; nam licet tunc fuissent vites, non tamen ad potum vini, sed ad esum uvarum; & in felicissimo illo statu, vino non fuisset opus, abunde sufficientibus aquis humano potui, qui propter excellentem illarum bonitatem maximamque humani corporis sanitatem atque firmitatem, & jucundissimum simul & saluberrimum fuisset. Similiter ante diluvium non fuisse in usu vinum, valde probabile est, & colligitur ex eo quod Noë post diluvium cepit ferere vites, & vinum conficere, cuius potu turpissimè ebrietate correptus est, ut habetur Genes. 9.

63. Quæres quartò, utrum animalia quæ nunc sunt carnivora, ut leones & lupi, in statu innocentie, comederent carnes animalium, an solis plantis, vel fructibus uterentur in cibum?

Respondeo duas esse circa hoc SS. Patrum sententias: Basilius enim homil. 11. in Genesim explanans verba illa Genes. 1. *Ecce dedi vobis omnem herbam, & universa ligna, ut sint vobis in escam, & cunctis animalibus terra, &c.* hæc scribit: Non dixit dedi vobis pisces in cibum aut pecora: neque enim in eum usum hæc creavi. Primaria enim illa legislatio esum tantum indulsit fructuum: etenim nobis in commune cum feris ceterisque animalibus collatus est fructuum esus, cum tamen nunc paucas ferarum liceat videre ali fructibus. Nam quo tandem fructu pasci se panthera sufficit? quis fructus cedat leoni in cibum? at tamen fera ista transierit dum jugum legis nature passa sunt, vitam tolerabant esuritione fructuum. Hominem autem citum prenosceret Deus post diluvium nequaquam sibi ab inceptis cibis temperaturum, concessit quovis cibo vesci. Nam de animalibus loquens cum homine, omnia enim, inquit, quasi olera virentia tradidi vobis. Per hanc nobis indultam concessionem, & animalia quæque pari libertate donata sunt quidvis impune edendi. Ex eo tempore crudus leo vescitur, vultur hianti rostro cadavera affert. Neque enim vultur id habuit ab exordio sue creationis: nullum enim ætens reperiebatur morticinum quo se nutricarent vultures. At ne id quidem sinebat natura in suo consilii vigore. Neque tunc venatores consuetis feris operam dabant: neque dum id studio erat hominibus, cum nec fera suam rabiem exerts in homines dentibus exercerent: ut quæ necdum essent crudivora. Inolevit deinde vulturibus consuetudo victum querendi ex morticinis cadaveribus: ab initio autem & vultures & alia quæ nunc sunt carnivora, cygnorum in morem, indisereta erant & eadem omnibus vivendi ratio. Præter festumque herbis animal omnes sibi attendebat, & depasciebatur. Eius rei insigne quoddam & in canibus licet videre; dum enim studeant sibi ipsi mederi, eos videas identitatem depasci gratiam, non quod alendo cum gramen conveniat, sed quia citra operam humanam disciplinam, doctrinam

A cetantium naturâ, ad id bruta confugiunt, quod sibi naturali instinctu sentiunt usui futurum: Velim reputes tecum, istiusmodi fuisse tunc animalia (quæ hodie vides crudâ vesci carne) ut vim imaginativâ apprehenderent herbam vinum sibi collatam in cibum, convenientem sibi, & salubrem esse; atque ob eam causam eo cibo contenta, aliorum vite nequaquam insidiabantur. Hæc Basilius. Cui concinit Beda in Exameron, eadem Genesios verba explicans. Sic enim ait: Pater quia nec ipsæ aves raptu insimulorum alium vivebant, nec lupi insidias explorabat circum ovilia, nec serpenti pulvis panis eius erat; sed universa concorditer herbas viventibus ac fructibus arborum vesciebantur.

B Idem sensit Josephus libro primo Judaicarum antiquitatum, scribens ante primi hominis peccatum, nullum fuisse inter animalia dissidium.

Probatior tamen videtur alia sententia, 64. quæ censet animalia quæ nunc sunt carnivora, ab exordio mundi, & in statu innocentie, carnisbus in cibum usos esse. Ratio est, quia quod unicuique rei naturale est, semper ei convenit. Sed animalibus illis quæ nunc sunt carnivora, qualia sunt leones, lupi, aut vultures, naturale est vesci carnisbus. Ergo hoc omni tempore, subindeque ab exordio mundi, & in statu innocentie, eis competit. Major patet, Minor verò probatur ex Aristotele, qui primo libro politicorum distinguit tria genera animalium, quorum nonnullis naturale sit vesci tantum herbis, ut sint pecudes: aliis vesci tantum carnisbus, ut sunt lucicæ leones, quibusdam utrisque, ut homines. Deum ergo in statu innocentie animalibus illis ex natura sua carnivoris, miraculose denegasse esum carnis, fructibus verbi gratia murium, lupis ovium, avibus muscarum, parum probabilis est, & à Divo Thoma infirè quaest. 96. articulo primo ad 2. omnino irrationabile censetur. Verba ejus sunt: *Quidam dicunt quod animalia quæ nunc sunt ferocia, & occidunt alia animalia, in statu illo fuissent mansueta, non solum circa hominem, sed etiam circa alia animalia.* Sed hoc est omnino irrationabile: non enim per peccatum hominis natura animalium est mutata, ut quibus nunc naturale est comedere aliorum animalium carnes, tunc vixissent de herbis, sicut leones & falcones. Nec glossa Beda dicit Genes. 1. quod ligna & herba data sunt omnibus animalibus, & avibus in cibum, sed quibusdam. Fuisset ergo naturalis discordia inter quædam animalia; nec tamen propter hoc subtraherentur dominio hominis, sicut nec nunc propter hoc subtrahuntur dominio Dei, cum providentiâ hoc ratum dispensatur. Et huius providentiæ homo executor fuisset, ut etiam nunc apparet in animalibus domesticis: ministrant enim falconibus domesticis per homines gallina in cibum. Idem docet Abulensis quaest. 35. super caput primum Genesios, quævis postea super caput decimum tertium, quaestio 272. longè disputatione contendat probare, animalibus ante diluvium, nullum fuisse cibum ex carnisbus aliorum animalium, sed ex his tantum quæ terrâ nascuntur.

## ARTICULUS V.

*An iustitia originalis, quæ Adamo in statu innocentia, pro ipso & eius posteris fuit collata, esset habitus realiter distinctus à gratia sanctificante?*

65. **A**firmant aliqui ex nostris Thomistis cum Cajetano 1. p. quæst. 95. art. 1. Alij negant cum Soto lib. 1. de natura & gratia cap. 5. & Medina 1. 2. quæst. 83. art. 2. Suarez verò lib. 3. de hominis creatione cap. 20. & alij Recentiores existimant iustitiam originalem non fuisse utrumque aliquem habitum, sed multorum habituum complexione, quibus omnes hominis vires & facultates, tam in ordine ad finem naturalem, quam supernaturalem, perficiebantur. Pro resolutione hujus difficultatis,

66. Diligenter observandum est, iustitiam originalem posse sumi dupliciter; vel adquatè, ut includeret omnes eas perfectiones, dona & privilegia, quæ Adamo in statu innocentie pro ipso & eius posteris collata sunt; vel inadquatè, pro ea duntaxat perfectione, quæ erat primaria & principalis, & veluti radix & origo cæterarum. Hoc præmissis:

67. Dico primò: Iustitia originalis, adquatè sumpta, non erat una simplex qualitas vel habitus, sed plurium donorum & habituum aggregatio.

Hæc conclusio manifesta est: Non poterat enim unus & idem habitus tam diversas inter se corporis & animi facultates regere, aut in subiectis tam differentibus residere: Ergo iustitia originalis adquatè sumpta, includebat plures habitus perficientes omnes partes hominis, omnesque ejus facultates & potentias, tam in ordine ad finem naturalem, quam in ordine ad supernaturalem. Unde si hoc solum intendant Suarez & alij Recentiores, à veritate quidem non aberrant, sed punctum difficultatis non attingunt; præsens enim controversia non procedit de iustitia originali hoc modo considerata, sed de illa secundo modo spectata: de qua

68. Dico secundo: Iustitia originalis secundum perfectionem primariam quam ponebat in anima, & quæ erat radix & origo cæterarum, erat unus simplex habitus, nimirum gratia sanctificans, quæ licet esset ejusdem speciei cum nostra, habebat tamen diversum modum informandi ab eo quem habet nunc, ratione cujus erat origo multarum perfectionum, quæ modo ex ea non pullulant.

Ita docent Carmelitæ Salmanticenses in Tractatu de peccatis disp. 16. dub. 1. num. 7. Et hanc esse propriam mentem D. Thomæ constat ex 1. p. quæst. 95. art. 1. ad calcem corporis articuli, ubi sic ait: *Per gratiam in anima existentem, inferioræ subdebantur, scilicet Adamo in statu innocentie: At subdebantur per iustitiam originalem: Ergo hæc erat habitus gratiæ. Item quæst. 97. art. 1. ad 3. dicit primum hominem per penitentiam recuperasse gratiam, ad remissionem culpæ, non tamen ad amissionem immortalitatis effectum: Sed immortalitatis effectus erat à iustitia originali: Ergo sentit gratiam sanctificantem fuisse idem cum originali iustitia. Præterea quod 100. art. 1. ad 2. sic habet: *Necesse est dicere quod si pueri nati fuissent in originali iustitia, etiam nati**

Tom. II.

*A fuissent in gratia: Sed hæc illatio non esset bona, si iustitia originalis fuisset habitus realiter & entitativè à gratia distinctus, potuisset enim ab illa separari? Ergo, &c. Denum idem S. Doctor 1. 2. quæst. 83. art. 2. ad 2. Originalis iustitia pertinebat primordialiter ad essentiam animæ, erat enim donum divinitus datum humane nature, quam per prius respicit essentia animæ quàm ejus potentia. At sola gratia sanctificans residet in essentia animæ, virtutes verò, dona, & alij habitus infusi sunt in ejus potentia, ut docetur in Tractatu de gratia, & colligitur ex eodem Angelico Doctore 1. 2. quæst. 139. art. 4. Ergo iustitia originalis in primis parentibus, quantum ad primarium ejus effectum, qui erat radix & origo cæterorum; non erat aliqua virtus, donum, vel habitus, à gratia sanctificante distinctus.*

Ratio etiam id suadet: Nam ut docet D. Thomas 1. p. quæst. 100. art. 1. ad 2. iustitia originalis subiciebat animam Deo, non solum ut auctori nature, sed etiam ut auctori & fini supernaturali, hæcque erat primaria ejus perfectio, ex qua omnes alie dependebant: At subiectio ad Deum, ut auctorem & finem supernaturalem, est à gratia sanctificante: Ergo in ea consistebat iustitia originalis, secundum perfectionem primariam quam ponebat in anima, quæ erat radix & origo aliarum.

70. Quod verò talis gratia, ut in primis parentibus erat originalis iustitia, haberet modum informandi subiectum, diversum ab eo quem nunc habet in iustis, manifestum est: Nam gratia sanctificans, præcisè ex sua specie, non habet quod sit radix doni integritatis, & aliarum dotum, quas iustitia originalis ponebat in primis parentibus; aliàs modo eadem dona & privilegia causaret in nobis: Ergo aliquid fuit illi superadditum, ut talem effectum præstaret, cùmque hoc superadditum non potuisset esse alia forma speciei vel numero distincta, debuit esse saltem alius modus informandi ejusdem gratiæ; non quidem penes majorem intentionem (intensior enim modo est in aliquibus iustis gratia sanctificans, quam fuisset in aliquibus hominibus in statu innocentie, si ille perseverasset, & tamen illis non habet rationem originalis iustitiæ, sicut in istis) sed penes majus dominium gratiæ supra animam, majoremque subordinationem istius ad illam; eo proportionali modo quo in patria, post resurrectionem, ex plenissimo dominio gratiæ supra animam redundabant dotes in corpus, quæ perfectissimè illud animæ subordinabant & subiciebant; quo enim gratia magis dominatur menti, eo dat animæ majus dominium supra corpus, illudque magis ei subiecit. Sicut ergo gratia capitalis & habitualis in Christo, & gratia habitualis & sacramentalis in nobis, distinguuntur modaliter, ut plures existimant; ita gratia collata Adamo in statu innocentie, quæ habebat rationem originalis iustitiæ, & illa quæ nobis in statu nature lapsæ tribuitur distinctione modali inter se differunt.

Ex quo intelliges quid vellet D. Thomas in 2. dist. 32. quæst. 1. art. 2. ad 2. dum docet iustitiam originalem non habuisse quod excluderet rebellionem carnis ad spiritum, & corruptionem ac passibilitatem à corpore, in quantum iustitia erat, seu ex ipsa essentia & specie gratiæ secundum se sumptæ, *Sed ratione cujusdam accidentis annexi: hujusmodi enim accidens annexum, fuit procul dubio prædictus modus informandi; qui*

T t t 2 idcirco

idcirco dictus est accidens talis iustitiæ, quia erat extra illius essentiam, & distinctus ab ea, sicut modus à re, non autem quia esset alia forma, entitate & specie diversa.

72. Intelliges etiam, quod sicut gratia statûs innocentie, habebat peculiarem modum informandi subiectum, speciale dominium supra animam, quod non habet in statu naturæ lapidæ; ita etiam virtutes illius statûs, licet entitative & substantialiter essent ejusdem speciei cum nostris, habebant tamen quandam peculiarem modum dominandi appetitui, ita plenè & efficaciter, ut nullus quantumvis levissimus in eo motus præter ordinem rationis insurgeret.

73. Obijcies primò contra secundam conclusionem: D. Thomas 1. p. quest. 100. art. 1. ad 2. dicit subiectionem radicalem rationis ad Deum, quæ erat per gratiam gratum facientem, fuisse radicem originalis iustitiæ, in cuius rectitudine factus est homo: Ergo cum nihili possit esse radix sui ipsius, originalis iustitia, juxta Divum Thomam, erat habitus diversus à gratia sanctificante.

74. Respondeo D. Thomam non velle originalem iustitiam secundum se totam fuisse in huiusmodi subiectione radicalem; sed quia rectitudo iustitiæ originalis plura complectitur, scilicet subiectionem corporis ad animam, appetitûs sensitivi ad rationem, & rationis ad Deum, ipsum intendere, talem esse ordinem inter ista, ut subiectioni mentis ad Deum sit radix cæterorum: quasi diceret, quod inter ea quæ complectitur iustitia originalis, primum, & radix aliorum, est subiectioni mentis ad Deum, quæ est per gratiâ, ut idem S. Doctor 1. p. quest. 95. art. 1. his verbis declarat: *Erat rectitudo (in primo homine) secundum hoc quod ratio subdebatur Deo, rationi vero inferiores vires, & anima corpus: prima autem subiectione erat causa & secunda & tertia.*

75. Obijcies secundo: Idem Angelicus Doctor in 2. dist. 20. qu. 2. art. 3. in corp. docet quod duplex iustitia primo homini fuit collata; una originalis, quæ erat secundum debitum ordinem corporis sub anima inferiorum virium sub potentia superiori, & superioris sub Deo; alia gratuita, quæ actus meritorios eliciebat: Sed hæc erat ipsa gratia sanctificans, quæ est radix seu principium meriti vitæ æternæ, in ipsa, ut fructus in femine, contentæ, juxta illud Apostoli ad Roman. 6. *Gratia Dei vitæ æterna*: Ergo secundum D. Thomam iustitia originalis in Adamo erat habitus à gratia sanctificante diversus.

76. Respondeo, quod sicut licet gratia capitalis, & gratia habitualis in Christo, gratia habitualis & sacramentalis in nobis, non distinguantur realiter, sed sint unius simplex habitus; vocantur tamen duæ gratiæ, ob diversos effectus quos præstant, vel diversa auxilia quæ connotant: ita similiter, et si iustitia originalis, & gratia sanctificans, in Adamo essent idem habitus secundum rem; quia tamen differebant secundum rationem, per ordinem ad diversos effectus quos connotabant, seu causabant, diversa fortuitur nomina, & duplicis iustitiæ rationem & nomen obtineant: nam quatenus in Adamo hic habitus erat causa sanctificans, & principium meriti vitæ æternæ, gratia sanctificans, & iustitia gratuita dicitur: prout verò erat radix triplicis subiectionis, nempe corporis ad animam, appetitûs inferioris ad superiorem, & superioris ad Deum, aliorumque donorum & privilegiorum, quæ Deus A-

damo in sua creatione, pro ipso & suis posteris contulerat, iustitia originalis appellatur.

Obijcies tertio: Non potest idem habitus per se primò respicere naturam & personam. Sed iustitia originalis per se primò respiciebat naturam, erat enim bona dispositio naturæ, ut à primo capite per generationem in omnes propaganda; gratia verò sanctificans per se primò respicit personam quam sanctificat, non verò naturam: Ergo sunt habitus omnino diversi.

Respondeo primò negando Majorem: nam hoc quod est respicere primariò naturam vel personam, non dicitur vel multiplicat habitus; cum hoc proveniat ex extrinseca ordinatione Dei, & non ex ipsorum habituum natura: unde D. Thomas in 2. dist. 20. quest. 2. art. 3. in corp. ibidemque ad Annibaldum, ostendit quomodo sit distinctio omnino accidentaria, quod aliquis habitus, v. g. scientia, conferatur ut donum naturæ, vel ut beneficium personale.

Respondeo secundo, datâ Majori, negando Minorem: nam in statu innocentie non minùs gratia quam iustitia originalis respiciebat naturam primariò; sed quod utramque Deus Adamo ut donum naturæ, pro ipso & omnibus posteris concesserat, sub conditione quod innocentia perseveraret: unde per generationem, & mediante femine ut instrumento, utramque simul cum natura ille transfudisset in posteros, ut colligitur ex S. Thoma qu. 4. de malo art. 1. ad 9. ubi ait, quod ex peccato primi parentis destituta est caro eius illâ virtute, ut ex ea posset dici semen, per quod originalis iustitia in aliis propagaretur.

Nec obstat quod 1. p. q. 100. a. 1. ad 2. id retrahere videatur: loquens enim de statu innocentie, ait quod tunc gratia non fuisset transfusa per virtutem feminis, sed fuisset collata homini statim cum habuisset animam rationalem: sicut etiam statim cum corpus est dispositum, infunditur à Deo anima rationalis, quæ tamen non est ex traduce. Hæc, inquam, non obstant: his enim verbis (ut ibidem interpretatur Bannes) S. Doctor solum intendit docere, quod sicut anima rationalis dupliciter potest attingi per aliquam actionem; & secundum substantiam, & hoc modo attingitur à solo Deo per creationem; vel quantum ad unionem cum corpore, & hoc modo attingitur etiam à generante, medio semine secundum suam naturalem virtutem, quâ generans medio illo, & disponit materiam, & producit ipsam actualem unionem: ita gratia sanctificans, vel iustitia originalis, poterat dupliciter attingi; vel ut perficiebat animam absolute & secundum se; & hoc modo solius Dei erat effectus: vel quatenus eam perficiebat formalissimè ut unitam corpori, ipsumque informantem; & hoc modo attingeretur à generante in statu innocentie, mediante semine, ratione vigoris ei à Deo superadditi in ordine ad eam propagandam: quia generans non utcumque uniret animam corpori, sed ut haberent ipsam iustitiam originalem, atque adeo proportionali modo quo communicaret proli animam, ratione unionis, communicaret etiam talem iustitiam.

Obijcies quartò: Si iustitia originalis non esset habitus distinctus à gratia sanctificante, sequeretur Adamo per penitentiam, & nobis per baptismum restitui originalem iustitiam; cum Adamus per penitentiam recuperaverit gratiam quam per peccatum amiserat, eaque per sacramentum baptismi puero conferatur: Sed hoc dici nequit: Ergo nec illud.

82. Respondeo ex D. Thoma in 2. dist. 32. qu. 1. art. 1. Adamo per penitentiam, sicut & nobis per baptismum, restitui quidem iustitiam originalem, quantum ad suum primum & principalem effectum, qui est sanctificare animam, & subicere mentem Deo ut fini ultimo; non tamen propterea absolute concedendum esse, quod per baptismum, vel penitentiam restituatur iustitia originalis: quia hoc nomen absolute prolatum denotat vel ipsam iustitiam adaequate sumptam, quatenus omnia dona & privilegia, quibus homo in statu innocentiae gaudebat, complectitur, vel saltem ipsam gratiam sanctificantem, prout formaliter est radix & origo illorum, & quatenus habet peculiarem illum modum informandi subiectum, & speciale illud dominium supra animam, quod supra exposuimus: illa autem sub hac ratione & formalitate, neque Adamo per penitentiam, neque nobis per baptismum restituitur, & multo minus per illa Sacramenta recuperantur omnia illa dona & privilegia, quibus primi parentes in statu innocentiae gaudebant.

83. Obijcies quintò: perfectiones illae, quibus iustitia originalis perficiebat corpus, subijciendo illud animae; & appetitum sensitivum subordinando ipsum rationi, quamvis absolute essent supra naturam hominis, non tamen transcendebant eorum ordinem naturalem, sed solum intra hunc ordinem hominem perficiebant, ut de dono integritatis disputatione tertia dicemus: Ergo illarum radix debebat esse ejusdem ordinis, atque adeò distincta à gratia sanctificante, quae omnino est ordinis supernaturalis.

84. Respondeo concesso Antecedente, negando Consequentiam: nam sicut in Beatis dotes corporis, quamvis entitativè naturales, & supernaturales solum quantum ad modum, non postulant pro radice in anima aliquem habitum naturalis ordinis, sed sufficenter eas inferunt gratia consummata patris, & visio beatifica, ut docent Theologi in tractatu de beatitudine: ita similiter gratia status innocentis, licet esset entitativè supernaturalis, poterat esse radix & origo donorum integritatis, immortalitatis, & impassibilitatis ejusdem status, tamen illa essent naturalia quoad entitatem, & supernaturalia solum quantum ad modum: quamvis enim, quae sunt ordinis superioris, nequeant in re inferioris ordinis contineri, subindeque nec ab illis ullo modo produci; non tamen repugnat, quod ea, quae sunt ordinis inferioris, in re superioris ordinis, & per consequens effectus entitativè naturales in caulibus supernaturalibus eminenter contineantur: nam sicut causa aequivoca debet esse diversae speciei ac illius effectus, ita potest ad distinctum & superiorem ordinem pertinere.

## DISPUTATIO II.

### De paradiso terrestri.

Vsque adeò breviter & involutè de paradiso terrestri scripsit Moyses, ut ejus veram & propriam sententiam assequi, hujusque mirabilis loci naturam & qualitates penitus nosse, visum sit omnibus difficillimum. Unde Ambrosius de paradiso scribere ingressus, ita exoritur est: *De paradiso adoriendus sermo non mediocrem estum nobis videtur incutere, quidnam sit paradisus, & ubi sit, qualis sit, investigare & ex-*

Tom. II.

*planis cupiensibus.* Attamen, quia illius cognitio ad ea, quae de felicitate status innocentis diximus, perfecte intelligenda profusè necessaria est, disputationem istam praecedenti subnectimus, in qua, quae de paradisi terrestri natura, situ, magnitudine & amenitate à SS. Patribus, & Doctoribus Scholasticis communiter dici solent breviter colligemus. & quis, quantum, & qualis locus fuerit, in qua mundi parte conditus, & an adhuc perseveret in terra, ea, quae poterimus, perspicuitate exponemus.

### ARTICULUS I.

*An paradisus sit aliquis locus corporeus in aliqua determinata mundi parte conditus, & in qua?*

#### §. I.

*Referuntur sententiae, & verior, seu probabilior eligitur.*

PHILO libro de opificio mundi, & Origenes in libris super Genesin, negant paradisum esse locum aliquem corporeum & terrestrem. & totam paradisi historiam à Moysè c. 2. Genesios conscriptam, non literaliter, sed figuratè, & allegoricè accipi debere contendunt; unde Origenes paradisum ponit non in terra, sed in interio cælo, ad quod raptus est Paulus; per arbores paradisi virtutes Angelicas interpretatur; per flumina verò, aquas, quae supra firmamentum sunt. Item l. 4. ait: *Quis verò ita idiota inveniat, ut putet velut hominem quandam agricolam, Deum plantasse arbores in paradiso, &c.* Similia docere videtur Ambrosius in lib. quem de paradiso edidit, & epist. 42. quae est ad Sabinum, ubi recensitis aliorum Scriptorum varijs opinionibus, ut similis verò concludit, paradisum non fuisse locum terrestrem, sed quidpiam spirituale & intelligibile, quod ad mentem & spiritum Adami oblectandum, & quodammodo in hac vita beandum, pertinebat. Augustinus etiam in l. de heresibus c. 59. Seleucianos & Herminianos refert negasse visibilem paradisum, & in eodem errore fuisse Francicum Georgium refert Sixtus Senensis l. 3. Bibliot. annot. 106. Alij deniq; quos refert Hugo de S. Victore annot. in Genesin c. 2. docent paradisum, quem describit Moyses, non fuisse definitam aliquam regionem, aut certum quempiam terræ locum; sed nomine paradisi denotari universam terram, quae in primæva conditione ac statu suo ob eximiam bonitatem, amenitatem, & fecunditatem erat tota quasi hortus quidam amenissimus, & tanquam paradisus; quemadmodum Genes. 13. Sodoma & Gomorra fuisse dicuntur quasi paradisus Dei. Pro declaratione veræ & Catholicae sententiae, Dico primò, paradisum, quem describit Moy-

ses, locum fuisse visibilem & corporeum, non verò purè intelligibilem & spiritualem.

Probatur primò: nam ut rectè discitur S. Th. 1. p. qu. 102. art. 1. quae de paradiso in Scriptura dicuntur, per modum narrationis historicae proponuntur: Sed in his, quae Scriptura sic tradit, est pro fundamento tenenda veritas historica, alias nihil esset in Scriptura certum: Ergo ita est accipienda narratio Genesidis de paradiso; nò verò ad sensum purè mysticum & allegoricum pertrahenda. Unde Hieronymus Danielis 10. Philonem & Origenem pungit, & in illos allegoricos paradisum



paradisi Interpretes sic invehitur : *Contriceant eorum deliramenta, qui umbras & imagines in veritate sequentes, ipsam conantur evertere veritatem; ut paradysum, & flumina, & arbores putent allegoriarum legibus se debere subtrahere.*

3. Probatur secundò ex ipso textu Scripturæ sacræ, & historia paradisi, quam scribit Moyses Genes. 2. plura enim, quæ in ea referuntur, non possunt ad sensum mysticum, & allegoricum trahi, sed necessariò in sensu proprio & literali intelligi debent. Iuprimis in hac proprietate sine dubio intelligenda sunt illa verba : *Produxitque Dominus Deus de humo omne lignum pulchrum visui, & ad vescendum suave : nam visus ibi, propter pro sensu corporeo, & verbum vescendi, pro corporali manducatione accipitur ; alias quod cap. 3. dicitur : vidit mulier quòd bonum esset lignum ad vescendum, & pulchrum oculis, aspectusque delectabile, & tulit de fructu illius, & comedit, &c. non propriè, sed metaphorice esset intelligendum, atque ita omnia, quæ de peccato primi parentis Ecclesiæ credit, falsa essent. Unde Epiphanius in Anchorato: si non est (inquit) paradysus sensibilis, non est fons, non ficus, non solia, non comedit Eva, &c. sed veritas ipsa fabulata est.* Deinde additur in eo loco fluvium fuisse ad irrigandum illum, eumque in quatuor flumina dividi, quorum duo, scilicet Tigris & Euphrates, adhuc fusi nominibus cognoscuntur, ille in Assyria, iste in Armenia. Item Genes. 13. dicitur, quòd universa regio Jordanis irrigabatur sicut paradysus Domini, & sicut Ægyptus : ex qua comparatione rectè colligit Augustinus quærit. 27. in Genes. quòd sicut terra Jordanis propriè & sensibilibus irrigabatur, ita etiam paradysus; alioquin non rectè fieret comparatio, præsertim quia æquè fit ad irrigationem terræ Ægypti & paradisi. Denique Adamus dicitur extra paradysum productus, ac in illo positus, ut operaretur, & custodiret illum, (id est ipsum coleret corporali & suavi exercitatione) & ex eo propter peccatum inobedientiæ à Deo ejectus, postquam in aditu ejus Cherubin, ut ipsum ab ejus ingressu prohiberet : scilicet familia, quæ paradysum fuisse locum corporeum & terrestrem haud dubiè demonstrant.

4. Ratio etiam id suadet : Cum enim homo corporalis sit, & vitam immortalis, & suo modo felicem ac beatam in terris acturus esset, si in innocentia perseverasset; de centissimum fuit, divina providentiæ consentaneum, ut ipsum poneret in loco saluberrimo & jucundissimo, qui talitati esset proportionatus, & in quo omnia necessaria ad immortalitatem quandam corporis invenirentur : talia autem sunt, quæ Scriptura propriè intellecta de paradiso terrestri narrat : Ergo ille paradysus verè corporalis & terrestris fuit, non verò purè intelligibilis & spiritualis.

5. Favet etiam communis traditio Patrum Græcorum & Latinorum, qui id unanimi serè consensu apertè profitentur : sed duos adducere sufficiet, Augustinum scilicet & Chrysostomum. Ille homil. 13. in Genes. sic ait : *Idèd Moyses describens paradysum, & nomen loci in quo erat, scilicet Edem, & plagam orientalem, quam spectabat, & nomina fluminum è paradiso egredientium, serè nota omnibus, tam subtiliter & accuratè enarravit, ut non liceret nugari volentibus decipere simplices, dicendū nullum fuisse in terra paradysum, sed in celo, & alias fabulas, suæque somnia jactando. Nam sicam*

Moyses tantam in describendo paradiso diligentiam posuerit, nihilominus tamen fuisse nonnulli, fabulantes non fuisse super terram paradysum, multaque alià à doctrina Moysis alienissima inducentes, & verba ejus aliorum, quàm dicta sunt, detorquentes : quid futurum fuisset, si non tam minutatim, tam dilucide, ac minus tam enucleatè paradysum descripsisset ? Ille verò lib. 13. de civit. cap. 21 hæc scribit : *Nonnulli totum illum paradysum, ubi primi homines fuisse dicuntur, ad intelligibilia referunt, arboresque illis & ligna fructifera, in virtutes vite, moresque converunt, tanquam visibilia & corporalia illa non fuerint, sed intelligibilia significandorum causâ, eò modo dicta vel scripta sint. Quasi propterea non potuerit esse paradysus corporalis quia potest etiam spiritualis intelligi : tanquam idèd non fuerint due mulieres Agar & Sara, & ex illis duo filij Abrahæ, unus de ancilla, alius de libera, quia duo testamenta in eis figurata dicit Apostolus. Nemo itaque prohibet intelligi paradysum vitam beatorem : quatuor virtutes, prudentiam, fortitudinem, temperantiam, atque justitiam ; & ligna ejus, omnes utiles disciplinas ; & lignorum fructus, mores piorum ; & lignum vite, ipsam bonorum omnium matrem sapientiam ; & lignum scientiæ boni & mali, transgressi mandati experimentum. Possunt hæc etiam in Ecclesiæ intelligi, quæ melius accipiuntur tanquam prophetica indicia præcedentia futurorum : paradysum scilicet ipsam Ecclesiæ, sicut de illa legitur in Cantico Canticorum : quatuor autem paradysi flumina, quatuor Evangelia : ligna fructifera Sanctos : fructus autem eorum, operæ eorum : lignum vite, sanctum sanctorum, nique Christum : lignum scientiæ boni & mali, proprium voluntatis arbitrium. Hæc & si quæ alià commedius dici possunt de intelligendo spiritualiter paradiso, nemine prohibente dicantur, dum tamen & illius historia veritas fidelissima, rerum gestarum narratione commendata credatur. Quibus verbis Augustinus apertè declarat, rectè atque utiliter eos facere, qui de descriptione paradisi primò secundum sensum historicum & literalem exponunt, deinde per sensum mysticum ad interiores, & sublimiores quosdam rerum spiritualium & celestium intelligentias applicant.*

Dices secundò, Nominè paradisi terrestris non totam terram floribus, plantis, arboribusque ornata, sed locum particularem in regione orbis determinatam sitam, debere intelligi. Ita S. Thomas loco citato, & sancti Patres superius alligati, præsertim Augustinus lib. 8. de Genes. ad litt. cap. 7.

Probatur manifestè ex Scriptura, quæ ait paradysum in Oriente plantatum : tota verò terra nedum ad Orientem, sed etiam ad Occasum, Aquilonem, & meridiem satis diffusa jacet. Deinde subdit, Deum è loco, in quo Adamum considerat, ipsum in paradysum transfuisse, & postea in penâ peccati è paradiso ejecisse, & ante paradysum Cherubin constituisse ad custodiendam viam ligni vite : Sed Deus non creavit Adamum extra hunc terrarum orbem, ut ex illo in hunc transiret, nec ipsum ejecit in alium mundum, cum in hac nostra terra habitasse constet ; nec ante totum orbem Cherubim collocavit, ne primi parentes ex alio mundo in hunc irrumperent : Ergo paradysus terrestris non est tota terra, sed aliquis locus particularis in regione orbis determinatus situs.

Dico tertio, paradysum terrestrem in Orientis partibus esse situm, non sub Æquinoctiali, aut Zona torrida, sed sub Zona temperata : quæ

quæ autem regio illa sit, nihil certi definire a-  
pote.

Prima pars hujus assertionis est omnino certa: Tum quia Genes. 2. in textu Hebraico, & translatione Septuaginta interpretum dicitur: *Plantavit Dominus Deus paradysum in Edem ad Orientem*: Tum etiam, quia ut discurret D. Thomas 1. parte quest. 102. art. 1. *Paradisus convenienter in parte Orientali dicitur situs, quia credendum est, quod in nobilissimo loco totius terre sit constitutus: cum autem Oriens sit dextra cæli, ut patet per Philosophum in 2. de cælo, dextra autem sit nobilior, quam sinistra, conveniens fuit, ut in Orientali parte paradisus terrenus institueretur ad Deo.* Unde Isidorus in lib. Etymol. dicit, quod *Paradisus est locus in Orientis partibus constitutus.* Hinc Exquilitores historici perhibent, quod omnia aromata suavisissimi odoris circa loca maris orientalia, seu Indiarum fines nascantur, utpote quæ paradisi terrestri sunt magis vicina. Alij verò observant cum S. Thoma 2. q. 84. art. 3. ad 3. inde ortam fuisse consuetudinem orandi ad Orientem: nimirum quia versùs eam partem paradisus terrestris, per quem spiritalis significabatur, conditus fuit.

9. Secunda verò pars licet non sit ita certa, ac præcedens, est tamen valde probabilis: nam licet sub Æquinoctiali & Zona torrida multa reperiuntur temperatæ ac fertiles regiones, illæ tamen ex natura rei non sunt hujusmodi, sed ex accidenti aliquo, ut ex opacitate ingentium arborum, aut ex leni ventorum flatu, ardorem Solis temperant: Sed paradisum in loco omnium amenissimo, & ex natura rei temperatissimo plantatum fuisse decet: Ergo nec sub Æquinoctiali, nec sub Zona torrida, sed sub Zona temperata conditum esse verisimilius & probabilius est.

10. Denique quoddam regio illa orientalis, in qua paradisus plantatus est, cerò designari nequeat, ex eo patet, quod nullæ sint ad hoc indicandum nisi levissimæ conjecturæ. In primis enim quod aliqui dicunt, Paradisum terrestrum in Mesopotamia fuisse conditum, eò quod juxta textum Hebraicum, & versionem Septuaginta, dicatur plantatus in Edem ad Orientem, & Edem fuerit regio Mesopotamiæ, ut colligitur ex 4. Regum 19. frivolum est: quia hoc Edem Paradisi longè diversum est ab Edem Mesopotamiæ, cum Edem Paradisi cum quinque punctis, Edem verò Mesopotamiæ cum sex scribatur, ut linguæ Hebrææ periti observant. Addo quod in ipso Paradiso oriebatur fluvius, qui inde dividebatur in quatuor capita, quorum nomina sunt Euphrates, Tigris, Phison, & Geon: At in Mesopotamia nullus ejusmodi fluvius oritur: fluunt quidem per Mesopotamiam Euphrates & Tigris, sed non ibi oriuntur, sed in Armenia fontes suos habent; Phison verò & Geon, neque in Mesopotamia fontes habent, neque in ea ullo modo reperiuntur: nam ut infra ostendemus, Phison & Geon sunt Nilus & Ganges, quorum primus alluit Ægyptum, secundus verò transit per Indiam. Ergo Paradisi terrestris in Mesopotamia non fuit conditus.

11. Nec magis firmum aut solidum est, quod alij dicunt, nimirum Paradisum terrestrum propè regionem Damascenam fuisse plantatum: quia (inquunt) constat Hebræorum & plurimum ex nostris traditio est, Adam esse formatum in agro Damasceno ex *Adamah*, hoc est terra rubra, qua-

lis dicitur que terra Syria & Armenia: verissime autem est, Adam propè paradisum terrestrum, in quem postea introductus est, fuisse conditum. Non, inquam, hoc magis habet firmitatis: tum quia non est omnino certum, Adamum formatum fuisse in agro Damasceno: ait enim S. Anastasius Sinaita homil. 9. in Hexam. ignorari locum, ubi Adam compactus fuit, tum etiam quia esto quod Adam in agro Damasceno conditus sit, non rectè inde colligitur, Damascenam regionem proximam esse paradiso: cum tam facile Deo fuerit, Adamum ex remoto, quam ex propinquo loco in paradisum transferre.

Demum valde incertum est quod alij asserunt, nempe paradisum terrestrum in Indocytia fuisse positum, inter Indum & Gangem, prope Acesinem fluvium, eo loco, quo Hieroci celebri amini conjungitur: quia ibi plurimæ sunt fuscæ Indicæ, ex quarum folijs, quæ miræ sunt magnitudinis, dicunt primos parentes fecisse sibi perizomata, quæ Genes. 3. memorantur. Hanc enim conjecturam levissimam esse, convincit, quod fuscæ Indicæ per totam Indiam, etiam ultra Gangem progrediuntur.

## ARTICULUS II.

*Præcipuæ objectiones solvuntur.*

Obijcies primò contra primam conclusionem: Quod dicitur Genes. 3. de ambulatione Dei in paradiso post meridiem, non potest in sensu proprio & litterali intelligi, cum Deus incorporeus sit: Ergo nec alia, quæ de paradiso Scriptura capite præcedenti refert, sed ea necessario ad sensum spirituales & mysticum pertrahi debent.

Respondeo primò negando Antecedens: Nam deambulatio illa facta est per Angelum, Dei personam representantem in corpore assumpto, ut docet D. Gregorius lib. 28. Moral. c. 3.

Respondeo secundò, dato Antecedente, negando Consequentiam: cum enim Deus sit incorporeus, nequit ejus deambulatio intelligi corporaliter, quasi facta per ipsum, nullo assumpto corpore, sine maximo absurdo & inconvenienti: At nullum absurdum & inconvenienti sequitur, quod de paradiso corporali & visibili intelligantur ea, quæ describit Moyses Genes. 2. & 3. ut ex infra dicendis patebit.

Obijcies secundò: Apostolus 1. ad Corinth. 12. 15. scribit se raptum fuisse in tertium cælum, & continuo idipsum repetens, dicit se raptum in paradisum: igiturnon in terra fed tertio cælo est paradisus, ut docuit Origenes supra relatus.

Respondeo non esse eundem paradisum in quo Adam fuit positus à Deo, ac in pœnam peccati ab eo expulsus, & in quem raptus fuit Paulus: ut rectè docet cõmentarius S. Ambrosio à scriptis in c. 6. prioris ad Corinthi: Nam hoc nomen *Paradisus*, æquivocum est, & tripliciter in Scriptura usurpari solet, primò pro loco amenissimo, in quo Adam ante peccatum fuerat positus: secundò pro cœlesti patria, in qua Sancti locuntur, & Dei visione perfruuntur: tertio pro ipsa clara Dei visione, ubicunque sit, sive in cælo, sive in lybo inferni: unde Christus dixit latroni Lucæ 23. *Hodie mecum eris in paradiso*, id est in visione Dei, quamvis eo die uterq; ad lybum descenderit. Quando ergo Apostolus dicit se raptum fuisse in paradisum, nomen paradisi in secunda, vel tertia, nõ verò in prima acceptione usurpat.

Obijcies

oportuit paradifum excelliorem fuiſſe omnibus terræ montibus, ad minus viginti cubitis.

26. Econtra Pererius lib. 3. in Genef. diſp. de paradifo qu. 2. exiſtimat probabilis eſſe, illum in planitie aliqua ſitum eſſe: tum quia nimia altitudo non eſt ſana, ob vicinitatem ſyderum, & elementiguis: tum etiam, quia omnes planities ordinariè ſunt fertiliores, & meliores ut plurimum habent fructus.

27. Inter has ſententias extremè oppoſitas mediam ſequendam eſſe exiſtimo, & dicendum cum pluribus Doctõribus, paradifum neque ita eſſe demiffum, ut in planitie aliqua conſtitutus ſit; neque tum excelfum & elevatum, ut uſque ad globum lunarem, vel ſupremam aëris rigiouem pertingat, ut altiores terræ montes viginti cubitis excedat; ſed ipſum in ſuprema hujus infimæ regionis aëris parte poſitum eſſe, & ferè ad ſecundam aëris regionem pertinere.

28. Prima pars hujus aſſerctionis probatur contra Pererium rationibus pro prima ſententia adductis: illæ enim ad minus convincunt paradifum terreſtrem non in aliqua planitie, aut aliquo loco terræ infimo eſſe poſitum; alioquin nec liber eſſet à ventis & vaporibus terræ, nec quatuor flumina, quæ ex illo exeunt, commodè poſſent totam irrigare terram, & pertam varias orbis regiones diſcurrere.

29. Secunda verò pars ratione à Pererio inſinuata ſuadetur: nam locus adeò excelfus non eſſet ſalubris, nec habitacioni hominum accommodatus: eſt enim tertia regio aëris omnino inhabitabilis homini, ob nimiam ſiccitatem, ingentem ardorem, vehementem agitationem & volubilitatem, ex vicinia elementiguis, ex rapto & vertigine cœli, & ex multitudine corporum inflammatorum, ut ſunt comete, qui in ea regione generantur: nullus ibi flat ventus, nullus refrigerat imber aut ros, nulla fluminum, & fontium origo, nullus ſtirpium ſatus, nullus herbarum viror, & nullus ſlos, nulluſque fructus eſſe poſteſt, denique aër ſupremæ regionis eſt valde tenuis, ſiccus, & caduus, ſubindeque reſpirationi hominis, & refrigerationi cordis minimè conveniens. Unde D. Auguſtinus lib. 3. de Genefi ad litteram ca. 3. ait, in vertice olympi perhiberi aërem eſſe adeò tenuem, ut neque nubibus obumbretur, neque turbetur ventis, neque alites ſuſtinere queat, neque ipſos homines (ſi qui fortè vel ſacrificandi, vel inſpiciendorum ſydeum cauſa illuc aſcenderint) craſſioris auræ ſpiritu alere poſſit, eoſque ferè ſecum ſolitos ſpongiæ plenas aquâ, unde ſugant identidem humorem ad refrigerandum cor; aliter enim, ob ſummam illius aëris tenuitatem & ſiccitatem vivere non poſſent.

- Deinde, ſi tanta eſſet paradifi ſublinitas, ut uſque ad lunæ globum pertingeret, ab aliqua regione conſpiceretur; atque vel nobis, vel antipodis noſtris, aliquando Solis aut Lunæ conſpectum eriperet, præſertim cum ad Orientem ſitus eſſe credatur.

30. Addunt aliqui, quod ſi adeò excelfus eſſet ac ſublimis, ut eſſet facilis aſcenſus ejus, oportereſt baſim ſeu fundamentum illius occupare totam ferè terram, ut paulatim decreſceret, & ſuavem aſcenſum præberet hominibus, ex aliis terræ partibus ad illum conſcendentibus, ſi ſœliciſſimus innocentia ſtatuſ perſeveraſſet, ut facilè patebit conſideranti proportionem neceſſariò ſervandam inter cacumen montis & extenſionem radicum ejus. Unde SS. Patres ſuprà adducti, dum

A ajunt Paradifum uſque ad lunarem circulum perſtingere, aut cœlo proximum eſſe, utuntur hyperbole, ut ex altitudine hyperbolica ejus excellentiam demonſtrent; vel ut declarent in eo perpetuam aëris temperiem eſſe, & in hoc aſſimilari corporibus cœleſtibus, quæ ſunt abſque contrarietate, ut ait S. Thomas 1. parte qu. 102. art. 1. ad 1. *Magis tamen (ſubdit S. Doctor) ſit mentio de lunari globo, quàm de alio ſphærico: quia lunaris globus eſt terminus cœleſtium corporum verſus nos, & luna etiam eſt magis terræ aſſimilis inter omnia cœleſtia corpora.*

Tertia denique conſclusionis pars probata manet ex dictis: nam ſuprema hujus infimæ regionis aëris pars eſt convenientiſſimus locus habitacioni hominum, cum illa libera ſit à perturbacionibus, & nimia frigidiſſe & humiditate ſecundæ regionis, atque à nimio calore, qui ex reſſeſione radiorum Solis à terra aſcendentium ſolet provenire; neque ibi venti violenti ſint, & locus ille melius recipere poſſit influentias Solis & ſtellarum: Ergo probabilis & veriſimilis eſt paradifum terreſtrem in ea fuiſſe poſitum.

Neque obſtat quod ait Scriptura de quatuor fluminibus à paradifo exeuntibus, & totam terram irrigantibus: nam ſtutius per longa ſpacia deſcendens non petit neceſſariò magnam altitudinem ſcaturiginis, ut in multis fluminibus conſtat. Nilus enim per multa milliaria pergit viâ ſe, reſ planâ: ſimiliter Danubius, licet cadat ex aliquo monte, ſi tamen ad radices illius orietur, eodem plane modo pergeret poſtea per mediam ferè Europam, ac jam pergit. Ad illud verò quod ſubditur de aquis diluvij, quæ, teſte Scripturâ, quindecim cubitis ſuper omnes excelfos montes terræ aſcenderunt, inſrà dicemus, cum diſcutiemus an paradifus terreſtris adhuc extet, vel a quis diluvij deſtructus ſit?

#### ARTICULUS IV.

*Quanta magnitudinis fuerit Paradifus terreſtris?*

Hæc quaſtio non minùs obſcura & diſſicilis eſt, ac præcedens, nec in ejus reſolutione minori opinionum varietate Authores inter ſe diſſident. Nam paradifum terreſtrem fuiſſe locum ampliſſimum & vaſtiſſimum aſſerit Auguſtinus lib. 8. de Genefi ad litteram cap. 10. quod probat ex magno fluvio qui irrigabatur: quam etiam ſententiam ſic indefiniteſſe defendit propter eandem rationem de flumine, Moſes Barcepha in libro de paradifo cap. 1. ſ. ubi ait: *Neceſſe eſt ſpatioſum admodum atque amplum fuiſſe paradifum: eius enim rei fidem facit ingens illud flume quo irrigabatur.* Abulenſis autem Genef. 2. 3. quaſt. 98. dat illi circuitum duodecim circiter leucarum: Suarez verò lib. 3. de hominis creatione cap. 6. dicit hoc eſſe nimis parum; & ad minus æquare magnitudinem unius regni haud parvi, quale eſt Gallia, vel Hiſpania. Certè in re tam ardua & obſcura, & in tantâ opinionum varietate, diſſicile eſt quidquam certi deſignare. Probabilis tamen exiſtimo, paradifum non fuiſſe locum adeò patentem & ſpatioſum, ut quidam tradiderunt: Scriptura enim eum appellat hortum, & ait eum locatum fuiſſe in regione Eden, ad plagam ejus orientalem, atque in medio ejus fuiſſe lignum vitæ, & lignum ſcientiæ boni & mali: quæ omnia ſatis aperteſſe declarant, ipſum non fuiſſe adeò ſpatioſum, ut unius magni regni, qualis eſt Gallia



lia vel Hispania, amplitudinem adæquaret. Sanè non video, cur viginti aut triginta leucarum non sufficerent pro uno horto, & quare, quavis magnus esset fluvius ille quo paradysus rigabatur, spatium tot leucarum ad ejus de cursum non esset sufficiens: neque puto Augustinum, aut Moysen Barcepham, majorem requirere longitudinem.

33. Dices primò: Si Adam non peccasset, omnes ejus posterì manissent in paradysu terrestri: Sed illi in tam exiguo loco manere non potuissent: Ergo paradysus terrestris spatium viginti & triginta leucarum excedit, & ad minus unius magni regni, qualis est Gallia, vel Hispania, magnitudinem adæquat. Minor probatur Cum primi homines post peccatum serè ad mille annos viverent, si non intercessisset peccatum, multò longiori tempore vixissent, subindeq; numerosissimam prolem edidissent: Ergo non potuissent simul in paradysu manere, nisi ille sit locus vastissimus & amplissimus, & spatium viginti aut triginta leucarum excedat.

34. Respondeo primò negando Majorem: Nam si status innocentie perseverasset, non in solo Paradiso, sed in omni terra, sicut & modo, posterì adæ habitassent. Unde Adamo & Eva cum iustitia originali creatis, *Benedixit illis Deus, & ait: Crescite & multiplicamini, & replete terram, Genes. 1.* Ubi de universa terra nuper à se creata, etiam extra Paradysum, loquitur Deus: ad replendam enim solam terram Paradysi non erat opus tantà multiplicatione, quantam benedictio illa significabat. Item Moyses iisdem narrat, dixisse Deum homini, ut dominaretur cunctis animalibus, & iussiceret sibi omnem terram; concessit quoque illi, cibi causà, omnes herbas, & omnes fructus arborum universæ terræ: quæ omnia satis apertè declarant, in statu innocentie, non tantum in Paradiso, sed etiam extra ipsum habituros fuisse homines. Et sanè, cum non omnia in uno loco nascantur, si homines intra Paradysum tantummodo habitassent, nec scientiam rerum naturalium, quæ perceptione sensuum, multisq; experimentis comparatur, consecuti fuissent, nec ex cognitione & contemplatione tantorum Dei operum, quæ in variis mundi locis apparent, honestissimam voluptatem, quæ est suavissimum mentis pabulum, capere potuissent. Adde quod universa terra foret inculta, sylvestris & indecora, si esset deserta, & hominibus vacua, cum hominis industria & cultura multum ei ad fertilitatem, amoenitatem, & decorem conferat; imò esset omnino otiosa & in vanum à Deo creata, quod repugnat Scripturæ sacræ, dicenti Genes. 45. *Domino fecit terram, ipse plasset ejus non in vanum creavit eam, ut habitaretur formavit eam.*

Hæc solutio probabiliter non caret, & juxta illam dicendum est, quod si Adam non peccasset, & felicissimus innocentie status perseverasset, posterì ejus videntes Paradysum non posse cunctos capere, inde multià alias se contulissent terras, qui tamen scriptis edendi de fructu ligni vitæ causà, ad Paradysum venissent, vel talem fructum ad se deferri curassent, vel certè secum ramum aut semen talis arboris detulissent, ut ipsum ubi degissent, sererent, vel plantarent.

35. Secundo responderi potest, datà Majori, negando Minorem: cum enim in statu innocentie homines contra Solis rigorisque injurias, domibus non indigissent, & in fructibus, herbisque sufficientem cibum habuissent, facile valde mul-

ti habitare potuissent in Paradiso terrestri, etsi ille viginti aut triginta leucarum spatium non excederet; præsertim cum non omnes quotquot tunc erant nascituri, semper in eo mansissent, sed per generationes certis temporibus in coelum translati fuissent, ut docet Magister in 2. dist. 20.

- Dices secundò: Si paradysus terrestris spatium viginti aut triginta leucarum non excedat, quomodo tam diversas terras irrigare possunt quatuor flumina ex illo manantia, & per quatuor mundi partes adè inter se diffusas discurrere?

Respondeo ad hoc non requiri ingens spatium: non enim Danubius & Rhenus vicinissimos habent fontes, & unus descendit per totam Hungariam, & Thraciam, seque post Constantinopolim exonerat; alter verò in Holandia? Adde paradysum terrestrem in ea altitudine esse positum, commode possint inde in quatuor partes valde inter se diffusas quatuor illa ingentia flumina egredi, ut articulo præcedenti annotavimus.

## ARTICULUS V.

*Paradysi terrestris amoenitas, & pulchritudo declaratur.*

- PARADYSUM terrestrem esse locum amoenissimum & jucundissimum, Moyses apertè declarat, dum ipsum, *Paradysum voluptatis*, appellat, hoc est amoenissimum & delicatissimum, & quasi in ipsa voluptate & amoenitate positum. Unde Hebræi ipsum vocant *עֵדֶן* *Gan Eden*, quod hortus deliciarum interpretatur; nam apud Hebræos *גן* significat hortum, & *עֵדֶן* Eden verò delicias. Unde Leonius Parmenius Presbyter libro 1. historiarum veteris testamenti, quas carmine descripsit, habet hos versus:

*Ante hominem factum, pisces, volucresque, feraq;  
Cum Deus aquorem ereptam nuper ab undis,  
Arboribus, viridique ornaret gramine terram,  
Ipse voluptatis jam tunc oriente remoto,  
Montibus in summis hortum plantavit amicum.  
Unde Paradysus, hinc hortus deliciarum:  
Et requies meruit, & vita beata videri.*

- Mirè etiam SS. Patres ejus pulchritudinem & amoenitatem extollunt: Basilus enim oratione de Paradiso, his verbis eum describit: *Paradysus locus erat delicii omnifariam affluens, omnem creaturam sensibilem exuperans pulchritudinem; ob subtilitatem loci in quo erat, nulla sui parte tenebras admittens, sed exorientium siderum splendore semper illustratus; in quo nulla erat immodica ventorum vis, nulla tempestatum procella nullius hyemum horror, non nimia verus humiditas, non torrens æstatis ardor, non molesta & noxia autumnifecitas, sed temperata & pacifica omnium temporum inter se consonantium unio; ita ut quod in quaque anni tempestate optimum & jucundissimum est, in se haberet, veris amoenitatem, ubertatem æstatis autumnii hilaritatem, hyemis ætatem & quietem: eius terra pinguis erat & mollis, omniumque bonorum & voluptatum fertilis; quam verissime dixisse sibi licet lacte & melle.*

Similia habet Damascenus lib. 2. de fide cap. 1. ubi sic discurret: *Quia verò Deus plasmatum erat hominem ad suam imaginem & similitudinem, tanquam quendam regem & principem univærsæ terræ, & eorum quæ in ea sunt, præstuxit ei quandam veluti regiam, in qua diversans, beatam & omni ex parte felicem deduceret vitam. Et ipsa est divinus Paradysus, Dei manibus in Edem plantatus, letitia & voluptatis omnium promptuarium: Edem enim voluptas interpretatur. In oriente verò omni*



terra excellior collocatus est optimâ temperie, & aere subtilissimo atque purissimo splendidus; plantis semper virentibus insignis odoris suavitate refertus, plenusque lumine, univ[er]se sensibilibus venustatibus & pulchritudinis superexcedens intelligentiam; divinus profecto locus, ac dignus eius qui ad imaginem Dei creatus est incolatus. Unde Marius Victor lib. 1. in Genesim:

Illic quaque suis dives stat succibus arbor,  
Pomaque succidua pelluntur mitia Pomis.  
Quae jucunda epulis, & miri plena vigoris,  
Membra animosque fovent, pascuntque sapore & odore.

Sideribus hic terra vibrat distincta colores,  
Semper flore novo frondens, fructuque recenti.  
Hic fragiles solvunt calamos, animata vigore  
Muneris ambrosii, spirantia cinnama odores:  
Omnia certatim hunc congesta putabis in hortum.

40.

Demum Alchimus Avicus, Paradisi terrestris amenitatem his versibus celebrat:

Ahic ver assiduum cœli clementia servat.  
Turbidus Ausser abest, semperque sub aere sudo  
Nubila diffugiunt, iugi cessura sereno.  
Nec poscit natura loci quos non habet imbret,  
Sed contenta suo dotantur germina rore.  
Sic cum desit hyems, nec torrida serveat aestas:  
Fructibus autumnum, vel floribus occupat annum.

Quibus verbis Paradisi terrestris amenitatem & præstantiam quatuor pulcherrimum in rebus politam fuisse declarat: nempe in cœlo & aere, in aquis, & ipse terra solo. In cœlo summa erat salubritas, & omni tempore suavissima quædam æqualitas, quæ tanquam perpetuum quoddam ver causabat. In aere magna erat serenitas & puritas, fusindeque magna claritas: quia ut ait Beda, puritati æris claritas lucis proportionatur. Aquarum igitur erat copia irrigantium Paradisum: unde in magnis laudibus Sodomæ, antequam subverteretur, illud memoratur in primis Genes. 13. quod tota terra irrigaretur à Jordane fluvio, sicut Paradisus Domini. Terra etiam Paradisi optima erat & fertilissima ac sponte, sine labore & molestia hominis (non tamen sine ejus cultura) proferens quæcumque; omnes sensus hominis suavisimâ possent jucunditate & voluptate complere: gustui enim sapidissimas herbas & dulcissimos fructus suppeditabat; odoratui flores suavisimos, ac pretiosissima aromata producebat; visum quoque varietate colorum & figurarum venustate recreabat: unde Scriptura ait: *Produxit Dominus Deus de humo omne lignum pulchrum visu, & ad vescendum suave;* quibus verbis significat quod in Paradiso erant ligna, non solum ob necessitatem cibi, sed etiam ad delectationem visus, ut scilicet delectaretur homo in videndo tam pulchram varietatem. In alijs etiam locis Scripturæ, Paradisi pulchritudo ex varietate arborum, quæ nunquam comam aut virorem perdebant, mirum in modum commendatur: nam Ezechiel. 31. Spiritus Sanctus mirabilem Luciferi pulchritudinem describens, ait: *Cedri non fuerunt altiores illo in Paradiso Dei, & abietes non adæquaverunt summam ejus.* Et iterum: *Omne lignum paradisi non est assimilatum illi, neque pulchritudini ejus.* Item in Paradiso terrestri auditus lenissimo spiritantium aurarum sonitu, & dulci avium concentu demulcebatur; ut nullus esset sensus, qui sibi propriâ voluptate careret. Denique omnia tunc in veritate illi primæ rerum institutionis & felicissimo statui innocentie conveniebant, quæ Poëtæ mendaciter adscribunt aureæ ætati Saturni, per illam aliquantulum sub-

Tom. 11.

A olfacentes, atque procul quasi in tenui caligine prospectantes illam feliciorum rerum conditionem, quæ ante hominis lapsum florebat. Quod igitur de prima mundi ætate canit Ovidius, in mundi exordio & innocentie statu verum erat.

Ver erat æternum, placidique tepentibus auris  
Spirabant Zephyri: natos sine femine flores,  
Mox etiam fruges, tellus marata ferebat:  
Nec renovatus æger, gravidi carebat arstus.

41.

Potest etiam Paradisi amœnitas & præstantia ex fine ob quem à Deo conditus est suaderi. Nam, ut supra ostendimus, Deus illum condidit, ut esset consentaneus locus felicitati & innocentie, & ut incomparabilem celestis Paradisi pulchritudinem adumbraret in terris. Unde merito Damascenus loco supra relato dixit, Paradisum fuisse omnium letitiae & voluptatis promissionem, universa sensibilibus venustatibus intelligentiam excelsam. Atque, ut supra etiam ex Abulenfi annotavimus, Paradisus, quasi parans Dei visum, recte dictus est: ejus quippe habitatio erat veluti quædam celestis gloriæ præliatio & prægustatio. Sicut enim Beati in cœlo nullum habent à quo declinent malum, & omne habent quo perfruantur bonum: ita primi parentes in Paradiso terrestri omnium bonorum copiâ affluiebant, absque ullius prorsus mali experimento; ita ut nihil optare possent, quod ibi non esset, & nihil horere aut timere, quod ibi esset, ut eleganter expendit Augustinus 14. de civitate Dei cap. 10. his verbis: *Quid timere aut dolere poterant in tantorum tantâ affluentia bonorum; ubi non aberat quidquam quod bona voluntas non adipisceretur, neque inerat quod carnem vel animam hominis feliciter viventis offenderet, vel in aliquo molestaret?*

## ARTICULUS VI

## De arbore vitæ.

EThi in Paradiso omnia generâ arborum fuerint, tam earum quæ ad oblectandum aspec- 42.  
tum, quam aliarum quæ ad suavitatem cibi hominis pertinebant, ut ait præcedenti declaravimus: Scriptura tamen specialiter meminit duplicis arboris in medio paradisi plantatæ, nimirum arboris vitæ, & arboris scientiæ boni & mali. *Produxit* (inquit) *etiam Dominus Deus lignum vitæ in medio Paradisi, signumque scientiæ boni & mali.* Unde Marius lib. 1 in Genesim:

Hinc arbor vitæ, celsis petiti æra comis;

Illic diversos noctura pericia fructus

Notitiam rerum suspendit ab arbore tegi.

Prima, arbor vitæ dicebatur, quia ejus fructus 43.  
habebat virtutem conservandi vitam hominis, fortificando virtutem speciei contra debilitatem provenientem ex admixtione extranei. Unde Augustinus 14. de civit. cap. 26. *Cibus aderat homini ne esuriret, potus ne sitiret, & lignum vitæ ne senectus eum dissolveret.* Et in libro de questionibus veteris & novi testamenti asserit, quod vitæ arbor, medicina modo, corruptionem hominis prohibebat. Sed

Notandum est, quod in Hebræo pro ligno vitæ, ponitur lignum vitarum: primò quia homini vitam longissimam, & quæ esset instar multarum vitarum, quas nunc homines agunt, tribuebat: secundò, quia vitas omnes (vegetativam, sensitivam, & rationalem) in suo robore conservabat, ut ibidem exponit Cajetanus: tertio quia non uti tantum Adamo, sed & omnibus ejus posteris, si innocentie status perseverasset, 44.  
Vuu 2 vitam

vitam illam immortalem suppeditasset: denique quia dupliciter fovebat & sustinebat vitam hominis in primis enim consumptum vi caloris humanæ naturalem fructus illius arboris refarciebat, ac reficiebat; idque erat illi commune cum fructibus aliarum arborum Paradisi: deinde humorem naturalem imminutum ac deperditum redintegrabat, pari puritate & sinceritate eam quam prius habuerat etiam in ortu hominis; ipsum etiam calorem naturalem eam corroborabat, ut etiam continuo agendo non nihil pateretur, beneficio tamen illius cibi ita confirmaretur, ut nunquam debilitatus flaccesceret, unde senectus nascitur, & plures qui senectutem committantur defectus naturales; & uterque iste effectus proprius erat illius arboris.

45. Disputant verò Theologi, an talis vis servandi hominem ad corruptionem fuerit ei naturalis, vel supernaturalis? quibusdam cum Divo Bonaventura in 2. dist. 17. affirmantibus eam fuisse supernaturalem, & divinis indicem ligno vitæ, ad eum modum quo Sacramentis novæ legis inest virtus causandi gratiam: alijs verò cum Hugone à S. Victore, annot. in 2. cap. Genes. contendentibus eam fuisse naturalem, & ad instar medicinarum, corruptionem hominum prohibuisse; quamvis inter naturales singularis & extraordinaria esset, atque naturæ miraculum existimari posset. Et hæc sententia multò videtur probabilior, & Scripturæ conformior: Nam si virtus arboris vitæ fuisse supernaturalis, non adfuisse illi post peccatum hominis, nec peccatori homini profuisset: Atqui fuisse illam virtutem in arbore vitæ post peccatum hominis, aperte offendit Divina Scriptura, narrans propterea Deum singularem custodiam aditum Paradisi munivisse, & ante ipsum Cherubim cum flammeo gladio posuisse, ne homo ad Paradisum auderet intrare, & fructum arboris vitæ comedens, viveret in æternum: Ergo &c. Sic igitur virtus sacramentorum, quia supernaturalis est, in eo qui cum peccato ea suscipit, effectus suos non operatur; ita si virtus arboris vitæ fuisse supernaturalis, nihil profecto peccatori homini profuisset, nec ad custodiendam arborem vitæ opus fuisse ullo præsidio, sed satis fuisse Deum non assistere illi arbori ad effectum illum operandum.

46. Addo quod D. Thomas 1. p. qu. 97. art. 4. sic ait: Non poterat virtus ligni vitæ ad hoc se extendere, ut daret corpori virtutem durandi tempore infinito, sed usque ad determinatum tempus. Manifestum est enim quod quantum aliqua virtus est major, tanto imprimat durabiliorem effectum; unde cum virtus ligni vitæ esset finita, semel sumptum præservabat à corruptione usque ad determinatum tempus, quo finito vel homo translatus fuisset ad spirituales vitam, vel indigisset iterum sumere de ligno vitæ. At si virtus ligni vitæ esset supernaturalis, hæc argumentatio esset invalida: quia enim dubitet ipsum virtute supernaturali potuisse hominem vitam tempore infinito conservare? Ergo vis illa ligni vitæ naturalis erat.

47. Nec obstat quod ait Augustinus lib. 2. de Genesi ad litt. cap. 4. Erat ei (scilicet Adamo) in ligno ceteris alimentum, in isto sacramentum. Nam virtus illa ligni vitæ dicitur in se continui faciammentum, non quia supernaturalis erat, & similis virtuti causandi gratiam, quæ inest sacramentis novæ legis, sed quia mystice adumbrabat & figurabat Christi virtutem, ad gratiam & gloriam, seu vitam æternam conferendam.

## ARTICULUS VII.

De arbore scientiæ boni &amp; mali.

De arbore vitæ dictum est: proxime sequitur arbore scientiæ boni & mali; de qua primò quæri potest, in qua specie arborum fuerit? sed breviter respondeo, duas circa hoc esse Authorum sententias. Prima docet arborem illam fuisse ficum: quia primi parentes ex folijs ficulneæ fecerunt sibi perizomata, quibus suam nuditatem contegerent, ut dicitur Genes. 3. Secunda asserit illam fuisse malum, propter id quod scriptum est in Canticis c. 8. *sub arbore malo suscitavit: ibi corrupta est mater tua, ibi violata est genitrix tua.*

Sed existimo huius magis curioso quàm utilitatis quæstionis resolutionem esse prorsus impossibilem; cum Scriptura & SS. Patres de ea arbore nihil planè referant, ex quo dignosci possit in qua specie illa fuerit. Secunda tamen opinio majorem videtur habere probabilitatem & apparentiam: Testatur enim script. cap. 13. Genes. qu. 164. satis probabili argumento ostendit talē arborem non fuisse ficum, scilicet vel eo ipso quod ex folijs ficus primi parentes sibi fecerunt perizomata, quibus suam tegerent nuditatem. Nam cum statim ut comederunt fructum vetitū, senserint & malum in quod incurrerant, & bonum quo fuerant privati, haud dubiè ingens illius arboris, ex qua tantum damnum perciperant, horror & odium eos invaluit: timuissent igitur ejus folia contrectare, & sibi in usum vestis admove, majus aliquid malū ex ea sibi metuentes. Addo quod Genes. 3. dicitur arborem illam fuisse pulchram oculis, & visu delectabilem; quod profecto in arborem ficus minimè quadrat.

Deinde quæri solet, cur arbor illa, *arbor scientiæ boni & mali*, appellata sit? Cui etiam interrogationi breviter respondeo cum D. Augustino lib. 14. de civit. cap. 17. Magistro sent. in 2. dist. 17. & D. Thoma 1. p. quæst. 102. art. 1. ad 4. sic dictam esse illam arborem ab eventu, & ex eo quod eum illius consecutus est: accidit enim homini, ut tunc ex periculo cognosceret discrimen inter bonum quo ante peccatum fruebatur, & malum in quod peccando incurrat, ideoque scientiam haberet boni & mali, videlicet, ut vocant Theologi, experimentalem. Nam licet antea speculative nosset Adam discrimen boni & mali, post peccatum tamen practicè & per experientiam id magis cognovit: sicut medicus scientiā medicinæ cognitam habet differentiam sanitatis & ægritudinis, eam tamen ipse, amissā sanitatē, & in morbum elapsus, novā quadam ratione scilicet per experientiam, melius agnoscit. Quemadmodum igitur puteus quem fodere servi Isaac, puteus jurgij seu calumina, appellatus, ex jurgio & contentione quæ fuit inter pastores Geraræ, & pastores Isaac, ut habetur Genes. 26. sic ab eventu arbor scientiæ boni & mali dicta est, quia post ejus usum homo per experimentum pœna didicit quid intereffet inter obedientiam bonum, & inobedientiam malum, ut ait S. Thomas loco citato. Idem eleganter expressit Basilius Se-leucensis orat. 2. de Adam, his verbis: *Tantum in tabula, præceptum in arbore præscriptum, latentem intrus discernendi scientiam excitavit; obedientia & inobedientia discrimen ad arborem adscribens inde cognoscibile boni & mali lignum dicitur. Nam ab his quæ ille perdoctus est, lignum nomen accepit; & huius disciplina, arboris est appellatio.*

Poteſt

50. Potest etiam dici cum Ruperto lib. de Trin. & operibus ejus cap. 27. & Tostato super cap. 13. lib. Genf. qu. 154. & 155. nomen illud *scientia boni & mali* inditum fuisse ei arbori propter mendacia verba & fallacia promissa serpentis, qui primos parentes ad edendum ex ea pellexit & impulsit, mendacissimis verbis ipsis promittens, quod forent sicut Dij scientes bonum, & malum. Ex quo intelliges, absurdum esse Josephi sententiam lib. 1. antiquit. aientis, ideo arborem illam, arborem *scientia boni & mali*, appellatam esse, quod ejus fructus, si ederetur ab homine, ejus ingenij acumen auget, subindeque multum ad acquirendam scientiam conferret: nam si ita res se habuisset, promissum serpentis factum Evæ verum fuisset; quod tamen fuisse mendax & fallax, SS. Patres unanimiter docent.

## ARTICULUS VIII.

De fonte paradisi, & quatuor ejus fluminibus.

51. Moyses Genes. 2. paradisi fontem terrestrem describens, ait, quod in medio ejus erumpbat magnus fons, qui in quatuor capita, seu ingentia flumina dividebatur, quorum nomina erant Phison, Gehon, Tigris, & Euphrates.

De illo fonte paradisi dubium est, an intra paradisum dividatur in quatuor illa capita, seu flumina, vel extra paradisum?

Respondeo utrumque: esse probabile; plures enim satis rationabiliter existimant, quod statim in prima eruptione aquarum de fonte, ille in quatuor capita, seu flumina dividebatur ad irrigandum paradisum. Alij verò non improbabilius cum Basilio & Isidoro sentiunt, quod primò fluvius aliquis fluens de fonte illo irrigat totum paradisum, & postea aque ejus de loco paradisi descendentes, ad radices ejus magnos pariunt lacus totam paradisi terram ambientes, ut ex nulla parte paradisus adibilis sit; & quod ex illis lacubus emergunt quatuor flumina recensita, quæ per varias orbis regiones discurrunt.

52. Porro de fonte illo paradisi scribit Rupertus libro 2. de Trinit. & operibus ejus cap. 24. & 29. rem quam arbitror Lectori fore mirabilem magis quam credibilem: *Aquarum natura* (inquit) *per se salsæ est, nec idonea potui, sicut in seipso ostendit mare: ascendens autem de abyssu, quæ est matrix omnium aquarum, in illam quasi magni corporis terræ mammam, id est paradisi fontem, quodammodo lacteam assumit dulcedinem, & irrigat universa terræ superficiem, ut juxta Psalmistam, potent omnes bestia sylvæ, & expectent onagri in siti sua: imò ut dulcesceret omnis terra ad nutriendam herbam virentem, signumque pomiferum, quod jussa erat terra producere: atque hoc potissimum valet in terris orientaliibus, non solum panis & vini, sed etiam pretiosorum aromatum, metallorum, ac lapidum fertilissimè. Omnes igitur aque potabiles & salubres, ubicunque fluant, & undecunque appareant, de fonte paradisi per occultos meatus originem trahunt, & ex ejus dulcedine hoc habent, ut potabiles & salubres sint; & quodammodo jecur in corpore animalis fons est sanguinis, ut docent Physici, cunctis per corpus sparsis venis sanguinem dispensans, atque hoc ministerio vitam animalis conservans: sic ille fons universam terram per occultas venas irrigans, vegetat, & in multos redundat fontes & flumina.*

53. De duobus ultimis fluminibus à Moyse recensitis, nulla est apud Authores controversia: constat enim illos habere originem in montibus Armeniæ majoris; cursum per Mesopota-

miam, Assyriam, & Chaldeam; exitum verò in sinum Persicum: & unum vocari Tigrim, quod velocissimè & rapidissimè currat instar tigridis, vel sagittæ, quam Persæ & Medi tigrim appellant, teste Curtio: alium verò dici Euphratem, à voce Hebræa פָּרָה Parah significante fructificare & fecundare, eò quod ad modum Nili exundans terras riget & fecundet. Unde Cicero 2. de natura Deorum: *Mesopotamiam* (inquit) *fertilem efficit Euphrates, in quam quot annos quasi novos agros invehit.* Et Lucanus lib. 3. de eodem fluvio eleganter ait:

*Sparsus in agros*

*Fertilis Euphrates, Pharia vice fungitur unda.*

De duobus verò primis fluminibus, quæ Moyses Phison & Gehon appellat, disputant Scripturæ Interpretes, quænam illa sint; Cosmographi enim nullam eorum fecere mentionem, sed meminerunt tantum Tigris & Euphratis. Unde aliqui existimant Phison & Gehon non esse diversa flumina à Tigris & Euphrate, sed quædam illorū eruptiones, seu alveos: magnis enim fluminibus sæpe contingit in varios dispartiri alveos, quos vulgus ramos vel brachia appellat, ut patet in Danubio, Nilo, & Pado, seu Eridano. Ita Pererius in Genesim lib. 3. de paradiso.

Alij probabilius censent, hæc quatuor flumina esse prorsus inter se diversa, & fluvium, qui nominatur Phison, esse Gangem, Indicæ flumen, illumque, qui dicitur Gehon, esse Nilum, qui transiit per Ægyptum, & peragrat terram Æthiopiz, cui dominatur magnus Abissinorum Monarcha, quem vulgus Pretejoannem appellat. Sic docet Josephus lib. 1. Antiquit. cap. 2. Ambrosius lib. de paradiso cap. 3. Augustinus lib. 8. de Genes. ad litt. cap. 7. Hieronymus in libro tradit. Hebræicæ & epistolæ 4. ad Rusticum monachum, Epiphanius in Ancorato, & in epistola ad Joannem Hierosolymit. & plures alij SS. Patres ac Scripturæ Interpretes: idque insinuat videtur Scriptura Jeremiz 2. nam ubi vulgata editio habet: *Quid tibi vis in via Ægypti, ut bibas aquam turbidam?* in septuaginta Interpretibus legitur, *ut bibas aquam Gehon.* Et S. Hieronymus in commentario hujus loci testatur, semper in communi editione fuisse Gehon. Neque repugnat vulgata editio cum editione Septuagintæ; siquidem aquam Nili, qui à Septuaginta Interpretibus dicitur Gehon, verè turbidam esse testatur in eodem loco S. Hieronymus. Item Ecclesiastici 24. de viro sapiente dicitur: *Qui adimplet quasi Phison sapientiam, & sicut Tigris in diebus novorum: qui adimplet quasi Euphrates sensum; qui multiplicat quasi Jordanus in tempore messis; qui mittit discipulum sicut lacem, & assistens quasi Gehon in die vindicæ.* Quo loco Rabanus, Janfenius, & alij Interpretes, per Phison Gangem per Gehon, Nilum intelligi volunt: nam Ganges est flumen amplissimus, & hoc ipsum significat nomen Phison, dicitur enim à verbo Hebræo פָּשַׁח Pasch, quod est redundare, quia magis quam cætera flumina impleri solet; & ad hanc etymologiam allusit Ecclesiasticus dicens: *Qui adimplet quasi Phison sapientiam.* Nilus verò incrementum accipere incipit post solstitium æstivum, & in tempore vindicæ plenissimè esse solet; & ideo subditur loco citato: *Et sicut Gehon in die vindicæ.*

Præterea, ut rectè notavit Janfenius, comparare volens Ecclesiasticus sapientiam Dei quinq; celeberrimis fluminibus, descripsit ea flumina illo ordine, quem verè inter se habent: pri-



mus enim ab Oriente est Ganges, secundus Tigris, tertius Euphrates, quartus Iordanis, ultimus Nilus. Unde ipse ordo narrationis cogit, ut per Phison intelligamus Gangem, per Gehon Nilum; cum videamus primo loco nominari Phison, ultimo loco Gehon; neque ulla ratio esse possit, cur Iordanis prius nominatus sit; quam Gehon, nisi quia prior est quoad situm.

Denique si Phison & Gehon non essent diversa flumina à Tigri & Euphrate, sed eorum exundantia, vel eruptio, Moyses quatuor flumina, quæ oriuntur à paradiso, describens, debuisset prius recensere Tigrim & Euphratem, & postea Phison & Gehon, ut manifestum est: hoc autem non fecit, sed primò Phison & Gehon, deinde Tigrim & Euphratem nominavit: Ergo &c. Similiter si Phison & Gehon non essent flumina maxima & celeberrima, sed brachia tantum, seu rami Tigris & Euphratis, in eptè omnino Ecclesiasticus summam divinæ sapientiæ affluentiam illis fluminibus comparasset, loco supra relato: Sed hoc non est dicendum: Ergo nec illud. Ad do quòd Phison & Gehon dicuntur in Scriptura varias circuire regiones: At illa duo capita, quæ ex divisione Tigris & Euphratis nascuntur, brevissimum, rectissimoque tractu in mare Persicum demerguntur: Ergo idem quod prius.

### ARTICULUS IX.

*Nùm exstet adhuc paradysus terrestris?*

56. **N**egant Recentiores aliqui, existimantes Paradysum post Adæ casum paulatim aboleri cœpisse, ac tandem diluvio obstrutum & dissipatum fuisse, funditusque perisse. Primus huius sententiæ assertor fuit Eugubinus, quem ex Scholasticis secuti sunt Elthius in 2. sent. dist. 17. §. 18. & Suarez tomo 2. in 3. p. disp. 55. sect. 1. licet lib. 3. de hominis creatione & statu innocentie cap. 6. oppositum doceat. Ex Interpretibus verò Scripturæ, Oleaster in 2. & 3. cap. Genes. Janfenius in concordia cap. 143. Maldonatus in cap. 27. Matth. Pererius lib. 3. in Genes. quæst. 5. Genebrardus lib. 1. Chronograph. & alij eandem sententiam tenent.

§. 1.

*Pars affirmativa, ut probabilior, eligitur.*

57. **N**ihilominus paradysum adhuc extare, celebris & perantiqua sententia est, ingenti SS. Patrum, veterum & recentium Theologorum, nec non Scripturæ Interpretum agmine vallata, ut ostendit noster Malvenda in suo paradiso c. 82. & in Antichristo lib. 10. cap. 4. eamque etiam tam acriter defendit noster Sixtus Senensis lib. 5. Bibliothecæ annot. 36. ut dicat Eugubini opinionem, assertentis quòd Henoch & Elias non sint in paradiso terrestri, à vestra fidei regula exorbitare, Patribus contradicere, & divina Scriptura esse adversam.

58. **S**ed quidquid sit de tam severa & sacri censura, existimo sententiam, quæ adhuc paradysum superesse docet, Scripturæ sacræ, SS. Patrum, & celebriorum Theologorum doctrinæ magis esse consonam, fuisseque alteri præferendam.

Primum ostenditur ex cap. 44. Ecclesiastici, ubi sic dicitur: *Henoch placuit Deo, & translatus est in paradysum, ut det gentibus penitentiam.* Quibus verbis Scriptura aperte declarare videtur, Henoch asservari vivum in paradiso, ut extremo mundi & Antichristi tempore veniat, & o-

mnibus penitentiam prædicet, ut exponunt Strabius, Lyranus & alij; subindeque adhuc extare paradysum terrestrem, & aquis diluvij non fuisse destructum.

Nec valet seditas, in Græcis exemplaribus non haberi vocem illam, in paradysum, sed tantum legi: *Henoch placuit Deo, & translatus est exemplum patientiæ generationibus, vel ætatibus.* Nam præterquam quòd vulgata editio, in qua vox illa habetur, à Tridentinò & à tota Ecclesia recepta & approbata fuit, seu audentius asserit, non nullos Græcos codices eam habere: unde vulgatus Interpreter eam adjecit, vel quia in Græcis codicibus suo tempore legi, vel quia divino instinctu hanc esse mentem Authoris, & communem Ecclesiæ sensum, vidit, ut Janfenius loco citato annotavit.

Non obstat etiam, quòd alij dicunt, nempe paradysum nomen esse æquivocum, & interdu in Scriptura significare hortum, vel locum quemvis amenum & jucundum: unde etsi Henoch dicitur translatus in paradysum, non propterea cogimur intelligere positum in illo paradiso voluptatis, in quo fuit Adam, sed in loco alio terræ secreto, qui propter delicias & amenitatem recte dictus sit paradysus. Non valet, inquam, hæc responsio. Primò quia vox *paradysus*, quando in Scriptura generaliter hortum quemvis & pomarium significat, semper ponitur cum quibusdam adiunctis, ut Cantic. 4. *Emisiones tuæ paradysus maiorum puniceorum*; at cum solitarie & absolute ponitur, non indicat nisi illum paradysum per antonomasiam, quem Deus initio pro habitatione hominis innocentis in orientali terra plantavit; aut illum alium, cuius hic terrestri figuram & typum gerit, nempe cœlestem illum & divinum, qui est spirituum beatorum domicilium: unde cum de hoc secundo locus ille Ecclesiastici intelligi nequeat, necesse est ibi accipi pro paradiso illo terrestri, in quo Adam fuit positus. Secundo vulgatus Interpreter, ut supra dicebamus, vocem illam, in *paradysum*, addidit propter cōmunem Christianorum traditionem, asserentium Henoch & Eliam vivere in paradiso: At certa Christianorum persuasio est, eos in illo met paradiso, à quo pulsus fuit Adam, vitam degere: Ergo de eodem paradiso prædictus Ecclesiastici locus intelligendus est. Unde

Tertiò alij respondent, ex verbis illis Ecclesiastici haberi quidem, Henoch translatus fuisse in paradysum illum terrestrem, à quo Adam post peccatum depulsus est, at non propterea inde sequi, vel paradysum illum nunc existere, vel Henoch & Eliam in eo commorari: nam cum Henoch sexcentis annis, ut ex Scriptura colligitur, ante diluvium translatus fuerit in paradysum, potuit quidem toto illo tempore sexcentorum annorum in paradiso versari; sed paradiso per diluvium everso non jam ibi manuit, sed in alium locum translatus est.

Sed contrà primò: Non est verisimile Henoch per varia tempora mutasse loca, & primò in paradysum terrestrem, deinde in alium locum deportatum esse. Secundo, si tempore, quo Siracides scribebat, Henoch non erat in paradiso, quid opus erat dicere, eum translatus in paradysum ad prædicandam gentibus penitentiam, si ad prædicandam gentibus penitentiam, non inde, sed ex alio loco, ubi non degit, venturus est? verba enim Ecclesiastici id palam indicant, nempe Henoch positum esse in paradiso, sive inde

suo



suo tempore redeat in sæculum ad prædicandam gentibus poenitentiam, ut veteres Scripturæ interpretes semper intellexere. Tertiò, ut supra arguebamus, vulgata Interpres vocem illam in *paradisum*, addidit, propter communem Christianorum traditionem &c. Sed communis Christianorum traditio docet, Henoch in paradisum translatum, ibi cum Elia mansurum usque ad tempora Antichristi: Ergo &c. Denique, ut infra ostendemus, paradisus terrestris per diluvium destructus non est: Ergo hæc responsio falsa, aut saltem dubia & incerto nititur fundamento.

## §. II.

SS. Patrum & Theologorum testimonia.

62. PLura refert Malvenda loco citato cap. 83. SS. Patrum testimonia, ex quibus paradisum adhuc extare manifestè colligitur. In primis enim D. Irenæus lib. 5. adversus hæreses cap. 5. affirmat Apostolicam traditionem esse, Henoch & Eliam nunc manere in paradiso; idque se didicisse asserit à presbyteris, qui fuerunt Apostolorum Discipuli. Idem docent Iustinus Martyr qu. 85. ad Orthodoxos, Anastasius epistolà, quod *Nycæna Synodus sit recipienda*, Augustinus l. 1. de peccat. meritis & remissione c. 3. ubi ait, quod Henoch & Elias in paradiso de ligno vitæ pascuntur, sicut Adam ante peccatum, qui habebat de lignorum fructibus refectionem contra vetustatem. Item Hieronymus epist. 61. Henoch & Eliam *paradisi colonos* appellat. Denique S. Thomas 3. p. qu. 49. art. 5. ad 2. ait: *Henoch raptus est in paradisum terrestrem, ubi cum Elia simul creditur vivere usque ad adventum Antichristi*. Idem docent plures Scholastici, & Scripturæ interpretes, quosidem Malvenda ibidem recenset: unde Feuardentius in notis ad caput citatum S. Irenæi dicit: *Huic sententia tot suffragantur Auctores, ut ab ea non discedere, mihi religio sit*.

Secundò plures ex SS. Patribus paradisi pulchritudinem & delicatias describunt, ut eum adhuc extare, & de re præsentis se loqui manifestè ostendant, ut Tertullianus l. de iudicio Domini c. 8. Lactantius Firmianus, seu si quis alius est Auctor carminis de phenice, Marius Victor l. 1. carminum in Genesin; Alcimus Avitus l. 1. de initio mundi, Isidorus l. 14. Etymol. c. 13. & Damascenus l. 2. fidei c. 11.

Tertiò alij docent, idcirco in Ecclesia hunc vigere morem, ut ad Orientem converiti adoremus, quia in ea mundi parte situs est paradisus; ut Athanasius qu. 37. ad Antioch. Cyrillus Hierosolymitanus Catechesi mytagogicà l. 1. Basilisus, Gregorius Nyssenus, & Severus, citati à Moyse Barcephala lib. de paradiso cap. 13.

Quartò alij Gangem, Nilum, Tigrim, & Euphratem, etiam hoc tempore ex fonte illo, qui paradisum irrigabat, & ex ipso paradiso profuere, occultisque sub terram cuniculis in diversis mundi regionibus conspicuos fontes aperire dicunt; ut Augustinus lib. 8. de Genesi ad litt. Rupertus lib. 2. in Genes. cap. 24. & 29. Moyses Barcephala lib. de paradiso cap. 21. & Theodoretus quest. 29 in Genes.

Quintò alij asserunt, paradisum terrestrem quadam perpetuitate & incorruptione esse donatum. Ita Theophylus Antiochenus Episcopus, qui tempore Marci Aurelij floruit, lib. 2. ad Antiochum, ubi sic ait: *Paradisus æternitate donatus, in medio cæli & terre consistit, quantum ad alimentatam & pulchritudinem attinet. Externitate donatum dicit, quod tamdiu staturus sit,*

quamdiu mundus, ut eccle observat Malvenda. Similiter S. Athanasius qu. 48. ad Antiochum quaerit, *an corruptibilis dicendus sit paradisus, vel incorruptibilis?* Cui quaestioni sic respondet: *Neque corruptioni eum obnoxium dicimus in morem nostrarum plantarum & fructuum, qui à putredine & vermibus ardentur; neque tamen plane vicissim incorruptibilem secundum futuri sæculi incorruptibilitatem; sed respectu nostrorum fructuum & hortorum, omni corruptione est superior; ad futuram verò bonorum gloriam, quam oculus non vidit, nec auris audiuit, inferior est, & creditur.*

Denique D. Augustinus l. 2. de peccato originali adversus Pelagium & Celestium c. 23. licet dicat non pertinere ad fidem, *qualis, vel ubi sit paradisus*, subiungit tamen: *Cum tamen esse illud fides Christiana non dubitet*. Similiter Moyses Barcephala lib. de paradiso cap. 13. ait *Basilium, & ejus fratrem Gregorium Nyssenum, atque præter hos Dominum Severum, compertesseque alios opinari, paradisum ad Orientalem terram regionem extare. Quibus in locis notanda sunt verba illa temporis præsentis, esse; extare, quæ paradisum adhuc subsistere aperte declarant.*

SS. Patribus adjungi possunt Doctores Scholastici & Scripturæ interpretes, qui unanimi fere consensu in eandem sententiam conspirant, & paradisum adhuc existere asserunt. Eos latro calamo refert, & citat Malvenda loco citato, addens nullum Theologorum ante Petrum Lombardum, & nullum post ipsum, usque ad Eugubinum repertum esse, qui inveniit paradisum non extare, aut diluvio perijisse. Similia habet Ambrosius Catharinus in cap. 2. Genesidis dicens: *An nunc maneat ille paradisus cum suo ornata, non videtur tradendum esse in dubium. cum omnes Doctores, quos habentis legi, existimant eum adhuc manere, & ibi esse Henoch & Eliam.*

## §. III.

Ratio fundamentalis nostræ sententia.

64. RATIO fundamentalis nostræ sententiæ potest sic breviter proponi. Si aliqua ratio urgeret ad dicendum, paradisum tertiè item non amplius extare, maxime quia esset destructus aquis diluvij: Sed hoc dici nequit: Ergo nec illud. Major est præcipuum, & fere unicum fundamentum adversæ sententiæ. Minor verò licet ostendatur: Scripturæ & SS. Patres testantur Henoch non perijisse tempore diluvij, sed speciali Dei providentiâ ab aquis diluvij fuisse servatû: At convenientior hujus providentiæ & conservationis modus excogitari nequit, eo, qui asserit, speciali Dei miraculo effectum esse, ut aquæ diluvij paradisum non attingerent: Ergo paradisus terrestris aquis diluvij destructus non est. Major patet ex supra dictis: Minor verò suadetur referendo absurdos & ineptos modos, quos excogitarunt Adversarii, ut Henoch à diluvij aquis præservarent. Pererius enim & Viegas aiunt ipsum fuisse sublatum in æteris oras, aquis diluvij superiores, & suspensum in aëre toto illo caluvionis integro anno permansisse. Alij dicunt eum inter medios diluvij vortices inter immanes aquarum moles servatum esse, uti Jonam in profundo maris, & ventre Ceti. Nonnulli addit forsan in arcæ Noë angulo aliquo humanis oculis invisibilem delituisse, vel Angelum parvam arculam, ubi clausus servaretur, ipsi facile: Sed hæc sunt meræ divinationes & fœmnia, risu magis, quam refutationis digna: Ergo &c.

## §. IV.

## S. IV.

Præcipua objectiones solvuntur.

65. **O**bjiciunt inprimis Adversarij : Paradisus terrestris constabat arboribus, plantis, floribus, & alijs rebus naturâ suâ corruptibilibus & generabilibus; unde etiam homine non peccante, non duraturas semper easdem numero arbores & plantas, probabilissimum est, & videtur colligi ex sacro textu dicente : *Tuisti Dominus Deus hominem, & posuit eum in paradiso voluptatis, ut operaretur, & custodiret illum* : his enim verbis significare videtur, quod Adam in paradiso terrestris (licet sine molestia, imò cum recreatione) operari debeat, putâ inferere aliquas arbores, putare, plantare &c. siquæ hortum illum amoenissimum sibi custodire & conservare. Ergo cum homo desit jam; qui hæc præstet, ne dicamus Angelos esse hortulanos, videtur dicendum, illas arbores senio tabuisse; & à fortiori flores, & herbas, quæ naturâ suâ minùs durantes tandem sic paradisum penitus perijisse. Quod si propterea, quis diceret, Henoch illum translatus ex colere paradisum, adhuc magna restat difficultas; nam à peccato Adami ad translationem Henoch intercessere nongenti octoginta septem anni: non est autem credibile arbores, herbas, plantas, floresq; paradisi terrestris tam diu potuisse durare.

66. Respondent aliqui, Deum providentiâ quâdam speciali & extraordinariâ miraculose conservasse paradisum terrestrem usque ad translationem Henoch: quimodò unâ cum Elia hortum illum deliciarum excolit; unde (ut supra vidimus) S. Hieronymus eos *paradisi colonos* appellat. Existimo tamen, Cherubini paradisi cultoris, aut alterius Angeli operâ potuisse Deum sine miraculo illum conservare usque ad translationem Henoch: nam Angelus naturaliter habet virtutem, ut per motum localem possit putare arbores, easque inferere & plantare; quod facilius & convenientius iudico, quam recurere ad conservationem miraculosam earum arborum & plantarum; non sunt enim faciliè miracula fingenda. Nec majus inconveniens est asserere, aliquem Angelum fuisse paradisi hortulanum & cultorem, quàm ejus atriensem, seu januæ custodem.

67. Obijciunt secundò : Esto paradisus usque ad diluvium permanferit, & speciali Dei providentiâ, aut Angelorum ministerio, vel Henoch ipsum inhabitantis operâ & culturâ usque ad hoc tempus conservatus fuerit, postea tamen aquis diluvij penitus deletus est: illæ enim Genes. 7. dicuntur cooperuisse omnes montes sub universo cælo, atque adeo paradisum terrestrem, qui (ut supra ostendimus) celsitudine suâ non superabat, imò nec adæquabat altiores montes terræ: Ergo ille modò non extat.

68. Respondeo negando Antecedens, & ad illius probationem dicendum, hebraicam particulam *et* Col, id est, *omnis*, non semper ita stricte sumi, ut non patiat exceptionem, sed interdum hyperbolicè magnam partem universitatis significare: cujus varia exempla ex Scriptura collecta sunt à Petro Galatino l. 3. de arcanis Catholice veritatis c. 4. & ab Emanuele Sa in phrasibus Scripturæ: unde quando aquæ diluvij dicuntur operuisse omnes montes, intelligendum est, non de tota terra simpliciter, sed de terra tantum humano generi ad habitandum post Adæ lapsum concessa, adeoque non de paradiso, qui innocentie domicilium erat. Similis est Jo-

A cus in eodem c. 7. Genes. *Mortui sunt universi homines, remansitque solus Noë, & qui cum eo erant in arca*; est enim universalis propositio, *Mortui sunt universi homines*, non minùs quàm ista, *Cooperiti sunt omnes montes*: At certum est illam propositionem, *Mortui sunt universi homines*, intelligendam esse de hominibus, qui vitam mortalem in communi hac terra debebant, non de omnibus omnino; siquidem Henoch mortuus non est, quamvis non esset in arca: Igitur eodem modo propositio ista, *Cooperiti sunt omnes montes*, intelligenda est de omnibus montibus terræ, ubi erant homines peccatores, & morti destinati, non verò de montibus, aut regione paradisi.

B Ratio etiam id suadet: Nam Deus idcirco diluvium super terram induxit, ut homines propter peccata, & animantia (quia ijs abusi fuerant) extingueret: At in paradiso nec homines, nec animalia erant, eratque locus impollutus, & propria felicitatis, ac innocentie sedes. Quod verò ibi Adam uno tantum pomo semel abusus fuerit, propter hoc peccatum fat habuit Deus illum inde exturbare, nec locus, qui propriè iustorum erat, fieret deinde locus peccatorum.

Dices primò cum Perotio: Si paradisus intactus fuit aquis diluvij, frustra Noë arcam fabricasset, cum faciliè in paradiso cum sua familia, & animantibus tutus ab eluvione conservari potuisset.

C Respondeo cum Malvenda citato, paradisum genuinum esse locum hominum innocentie & felicitati in terris destinatum, nec ullo pacto convenisse Noë, ejusq; filijs; qui erant in peccato, & morti, ærumnisq; obnoxij: par verò esse illic degere Henoch & Eliam, ut potè puros, æternitatis candidatos, miseris viæ exemptos, maximiq; mysterijs consecratos: donec in novissimo tempore in hunc mundum redeant, ut pugnent contra Antichristum, illumque, ut loquitur Tertullianus, *sanguine suo extinguant*.

Dices secundò : Sine ingenti miraculo fieri non potuisse, ut aquæ diluvij paradisum non obruerint, quia illæ altissimos montes quindecim cubitis supergressæ sunt, ut ait Scriptura: Sed non sunt faciliè fingenda miracula: Ergo paradisus aquis diluvij destructus est.

D Respondeo miraculo quidem effectum fuisse, ne aquæ diluvij paradisum attingerint, sed illud miraculum non fingi à nobis pro arbitrio, sed necessariò affirmari ob Scripturæ divinæ testimonium : Scriptura enim testatur Henoch non perijisse tempore diluvij, nec tamen fuisse in arca, unde cogimur miraculum aliquod ponere, quod illum à diluvio conservaret: convenientius autem miraculum fuit, prohiberi aquas, ne paradisum obruerent, quàm Henoch in aëre supra aquas, aut in terra in medijs aquis per annum integrum ad instar piscis conservari, ut arguebamus supra.

Adde potest cum Valentia disp. de paradiso puncto 4. quod etsi daretur, aquis diluvij paradisum terrestrem cooperitum fuisse, eiq; penitus destructum & vastatum; illis tamen recedentibus, & Solis ardore exsiccatis, cum naturalis virtus plantarum, herbarum, & arborum, quibus erat confusus, in suis radicibus remanserit, facile potuit in pristinum statum redire, suamque primævam pulchritudinem, si non in gradu heroico, saltem in aliquo, qui antiquâ pulchritudinem & amoenitatē redoleret, recuperare. Certè tempore diluvij arbores multas mansisse integras, etiam

extra Paradisum, columba ostendit, quæ olivæ arborum virentibus foliis in rostro ad Noë portavit.

72. Obijcitur ultimò: Si extaret adhuc Paradisus integer, ab aliquo fuisset inventus, cum universus orbis notus fuerit hominibus, & per omnes partes ejus aliqui discurrerint: Sed à nemine unquam inveniri potuit: Ergo non extat.

Respondeo primò, idem argumentum fieri potuisse ante diluvium, præcellerunt enim mille quingenti anni, in quibus nullus hominum Paradisum invenit, quamvis non esset destructus: idem ergo contingere potuit post diluvium.

Respondeo secundò, non esse ita notas omnes orbis regiones, ut objectio supponit: ante centum enim & quadraginta annos detecta primum est America tota, de qua ante nihil sciebatur, quæ major est reliquis tribus partibus orbis simul sumptis. Narrat etiam Marcus à Serra 1. p. quæst. 102. art. 1. dub. 4. ad 3. quod in media ferme Hispania, ante paucos annos, in profundissimis vallibus, edificissimarum rupium muro circumfœptis, novæ gentes, antea ignotæ, detectæ sunt, quas *Batuecas* vocant. Quid ergo mirum, quod tam longo tempore Paradisus terrestris hominibus manserit occultus? Sicut enim (inquit Augustinus lib. 8. de Genes. ad litt. cap. 1.) occulto opere Dei factus est, ita peculiari curâ & providentiâ ipsius est occultatus. Addit D. Thomas 1. p. quæst. 102. art. 1. ad 3. quod *locus ille seclusus est à nostra habitatione aliquibus impedimentis, vel montium, vel marium, vel aliuscuius regionis, quæ pertransiri non potest.* Et hoc tertium membrum simpliciter approbat 2. 2. quæst. 164. art. 2. ad 5. dicens: *Ille locus præcipue videtur esse inaccessibilis, propter vehementiam æstus in locis intermediis.* Imò hoc significatum putat per gladium flammæum, cujus fit mentio Genes. 3. nam quia ille calor causatur ex motu circulari Solis, qui per Angelum fit, ideo putat & gladium illum appellari versatilem, & custodiam Paradisi Cherubino tribui.

73. Ex quo intelliges, fabulosa & commentitia esse, quæ in quibusdam apocryphis libris leguntur de Macario quodam Romano, & aliis tribus Monachis, qui cum omni studio sese ad investigandum Paradisi locum dedissent, peragratissimis longinquis regionibus, tandem ad ipsius Paradisi aditum pervenerunt; ab ejus tamen introitu prohibiti sunt, nec illuc accedere ausi, horribili illâ Cherubini custodiâ perterriti. Similiter commentitium est, aut saltem valde dubium & incertum, quod aliqui dicunt, nimirum locum Paradisi esse cognitum, & prope eum habitare aliquos populos; & neminem tamen in eum penetrare posse, eò quòd ex altissimo Paradisi monte magnum illud flumen quo irrigatur, tanto sonitu & fragore præcipitetur in subiacentem planitiem, ubi amplissimum quemdam facit lacum, ex quo quatuor illa à Moyse memorata flumina oriuntur, ut qui ejus paludis ripas accollunt homines, propter intolerabilem illum sonitum præcipitantis fluvii, omnes ab infantia usque obsurdescant, non secus ac de habitantibus ad Catadupas Nili prodigium est.

## DISPUTATIO III.

De statu naturæ integræ.

**H**Uc usque diximus de statu innocentie, nunc breviter agendum superest de statu naturæ integræ, qui licet in primis parentibus cum statu innocentie conjunctus fuerit, ab eo tamen distinctus fuit, potuitque ab illo separari, ut patebit ex dicendis articulo sequenti.

## ARTICULUS UNICUS.

*Quid sit naturæ integræ status, & quomodo differat à statu innocentie?*

**D**Urandus in 2. dist. 28. quæst. 1. existimat naturæ humanæ integritatem, seu statum naturæ integræ, nihil aliud dicere quam humanam naturam seu essentiam, cum omnibus facultatibus connaturaliter ex ea manantibus; puta corpus justæ magnitudinis, cum suis omnibus membris & organis, sanitate, ac viribus consentaneis; & animam cum suis omnibus facultatibus, tum organicis, nempe sensu, appetitu, & potentia motrice; tum inorganicis, nimirum intellectu & voluntate, cum carentia peccati quoad reatum poenæ & culpæ: ex quo inferre non posse hominem in pura condi naturæ, quin etiam in statu integræ naturæ creetur.

Sed hanc sententiam, & modum explicandi statum naturæ integræ communiter rejiciunt Theologi, asserentes hunc statum superaddere naturæ his donis instructæ, carentiam interioris dissidii & conflictus inter partem superiorem & inferiorem; subindeque pacem internam, seu perfectam subjectionem appetitus sensitivi sub rationali, quæ in eo consistit, ut appetitus sensitivus suâ operatione non præveniat imperium voluntatis, nec postquam operari cæpit, profectur eâ repugnantem, sed pro ejus nutu & arbitrio applicetur ad suos proprios actus, qui passionibus vulgò appellantur, quemadmodum facultas motrix ad motum progressivum. Unde Cajetanus 1. 2. qu. 109. art. 2. hujus secundi status ab aliis differentiam explicans, docet tale statum addere supra naturalia vigorem rationis, seu superioris partis animæ, ad conservandû statum rationi in nullo difflonem. Hunc autem vigorem dicit non esse naturæ simpliciter, quia non fluit ex natura; nec simpliciter gratiæ, quia ad nihil se extendit nisi ad bonum naturæ rationali proportionatum, scilicet vivere secundum rationem; sed esse quodammodo gratiæ, & quodammodo naturæ, pro quanto homo nunquam habet, nec habere potuit ex naturalibus hunc vigorem, sed ei advenit ex conjunctione ad iusticiam originalem. Sicut enim cogitativa ex conjunctione ad intellectum melius operatur, quàm intellectu absente; unde in homine (teste D. Thomâ 1. p. qu. 78. art. 4. in corp. & ad 5.) confertur, componitur, & dividitur, obaffinitatem & propinquitatem ad rationem universalem, seu intellectum: ita natura rationalis, ex conjunctione ad donum iustitiæ originalis, prædictum vigorem habuit.

Integritas ergo naturæ in tali vigore, appetitum sensitivum rationi perfectè subjiciente, fortiter

maliter consistit: nam licet sine eo natura nostra habere possit omnia quæ connaturaliter exigit, atque adeo in aliquo sensu integra appellari, placuit tamen Theologis, significationem vocum liberè instituentibus, hanc perfectionem vocare *integritatem naturæ*. Et hujus impositionis hæc videtur esse ratio. Natura humana sine illo dono est quasi regnum in se divisum, a se ipsis nimirum partis inferioris ad diversa tendentibus; caro enim concupiscit adversus spiritum, & spiritus adversus carnem, ut ait Apostolus: unde perfectio quæ huic dissensionis seu divisioni naturæ humanæ medetur, & à qua pacem & concordiam recipit, eam quasi unire, perficere, & integrare censetur, ut convenienter in suis motibus & affectibus progredi possit; subindeque rectè unio seu integritas naturæ dicitur, & status qui per eam constituitur, *status naturæ integræ* non incongruè appellatur.

4. Ex quo patet, statum integræ naturæ diversum esse à statu naturæ puræ; quia includit omnia quæ ad naturam pertinent, & addit aliquid ei non debitum, nempe prædictum vigorem, appetitum sensitivum rationi perfectè subjiacentem; ex quo fit quòd illi status sint inter se separabiles, & quòd homo in statu naturæ puræ sine dono integritatis creari poterit, ut disputatione præcedenti fusè ostendimus. Unde Pius V. & Gregorius XIII. hanc Michaëlis Baij propositionem damnarunt: *Falsa est doctorum sententia, primum hominem potuisse à Deo creari, & institui sine iustitia naturali*. Ubi per *iustitiam naturalem*, donum integritatis aut originalis iustitiæ, quo Adam in sui exordio dotatus fuit, intelligebat.

Liquet etiam ex dictis, statum naturæ integræ non includere essentialiter statum gratiæ sanctificantis: cum enim subiectio partis inferioris ad superiorem sit effectus formalis ordinis naturalis, à forma ejusdem ordinis provenire potest.

5. An verò idem status à statu innocentie seu originalis iustitiæ realiter distinguatur, dissensio & controversia est inter Theologos, aliis affirmantibus, aliis negantibus. Sed sententia affirmans videtur probabilior, & menti D. Thomæ conformior: Nam S. Doctor 1. 2. quæst. 109. art. 2. docet in statu naturæ integræ posse hominem per sua naturalia velle, & operari bonum suæ naturæ proportionatum, non autem bonum excedens: Ac si integritas naturæ & iustitia originalis essent idem realiter, hoc non esset verum; nam cum iustitia originalis sit donum superadditum naturæ, quod per illam, aut ex vi illius fit, non fit per naturalia, aut ex viribus naturæ; & cum probabilis sit, donum iustitiæ originalis esse idem realiter cum gratia sanctificante, ut ex suprà dictis patet, probabile etiam est, hominem iustitiâ originali præditum, posse velle & operari bonum superexcedens: Ergo juxta D. Thomam integritas naturæ à iustitiâ originali realiter distinguitur. Unde idem Doctor Angelicus 1. 2. q. 91. art. 6. in corp. sic ait: *Homo destituitur originali iustitiâ & vigore rationis: particula autem copulativa & diversitatem significat, ut rectè observat Cajetan. hic quæst. 109. art. 2.*


6. Ratio etiam suffragatur: Nam status naturæ integræ, ut diximus, formaliter constituitur per vigorem, appetitum sensitivum rationi perfectè subjiacentem: At status innocentie hunc quidem vigorem includit, aut supponit, sed præter illum plura alia importat dona & privilegia, nempe immortalitatem, indolentiam, immuni-

tatem ab omni errore & deceptione, & alia quæ disputatione præcedenti exposuimus: Ergo status naturæ integræ distinguitur à statu innocentie per modum inclusi ab includente. Unde quamvis in primis parentibus natura humana donum integritatis ex conjunctione ad iustitiam originalem habuerit, subindeque status naturæ integræ, & status innocentie, nunquam separari fuerint, sunt tamen ab invicem separabiles: potest enim communicari homini donum integritatis, abique originali iustitiâ, & aliis donis & privilegiis ei annexis.

Dices: D. Thomas 1. 2. quæst. 109. art. 2. & alii Theologi communiter, de statibus naturæ integræ & innocentie tanquam de uno loquuntur: Ergo existimant illos non distingui inter se realiter, nec posse ab invicem separari.

Sed nego Consequentiam: non enim ideo de illis tanquam de uno loquuntur, quòd putent eos non distingui, sed quia inter se conjuncti fuerint, & quia primi parentes non habuere donum integritatis, nisi ex conjunctione ad originalem iustitiam: vel quia integritatem naturæ latius accipiunt, ita ut non modo extinctionem fomitis, seu perfectam subjectionem appetitus inferioris ad rationem, sed etiam eam perfectionem quam primi parentes habuere ab originali iustitiâ, & donis ac privilegiis eam concomitantibus, comprehendat.

7. Hunc statum integræ naturæ supponunt communiter Theologi non solum esse possibilem (quod videtur per se notum, cum nullam involvat repugnantiam) sed etiam datum fuisse primis parentibus in sua creatione, quòd à posteriori colligitur ex eo quod Genes. 2. de illis dicitur, non vidisse se esse nudos, donec peccarent; id enim asseritur, non quòd nuditatem suam sensu visus non perciperent, sed quòd de illa non erubescerent, quia motus inordinatos tunc non patiebantur: ut exponit Augustinus lib. 14. de civitate Dei cap. 17. his verbis: *Sicut scriptum est, nudi erant, & non confundebantur, non quia eis nuditas esset incognita, sed quia turpis nuditas nondum inerat; quia nondum membra illa præter arbitrium libido movebat; nondum ad inobedientium hominum redarguendam, sua inobedientiâ quodammodo caro testimonium perhibebat*. Item Bernardus serm. 2. de Annuntiatione de primis parentibus ait: *Nonne contrariam legem invenerant in membris suis, quos de novo pudere coeperat nuditas? Timui ego, inquit, eò quòd nudus essem. Non sic miser, non sic pauld ante timebas, non quarebas solia, licet corpore nudus, sicut & modo, &c.*



## DISPUTATIO IV.

### De statu naturæ lapsæ.

Quæ de homine hæcenus diximus, pertinent vel ad declarationem humanæ naturæ dignitatem & præstantiam, vel ad demonstrandam excellentiam & felicitatem ejus status, in quo Deus condidit à se hominem collocavit: hæc autem disputatio iustissimum ac finestum, & velut tragicum continet tantæ felicitatis exitum, lapsum dico primorum hominum in peccatum, non ipsis tantum, aut uni vel multis gentibus calamitosum; sed cunctis hominibus quot sunt, quot erunt, quotquot adhuc

fue-



fuerunt exitiosum. Pauca verò de hoc statu in præsentidicemus, quia exacta illius discussio spectat ad materiam de peccato originali, de quo ejusque effectibus fusi in Tractatu de peccatis disp. 7. dilueremus.

## ARTICULUS PRIMUS.

*Quodnam fuerit primum Adæ peccatum à quo vitata & corrupta fuit hominis natura?*

1. **S**corus in 2. dist. 2. 1. quæst. 2. censet primum Adæ peccatum fuisse inordinatum uxoris amore, non quidem concupiscentiæ carnalis, quæ nondum excitata fuerat in membris ejus, sed amicitie seu benevolentie conjugalis: eam enim summo amore diligebat, quòd esset propter eximia corporis & animi ornamenta, summè amabilis; quòd unica esset mulier in toto terrarum orbe; quòd sua esset uxor, ex qua prolem susceperurus, totumque genus hominum propagaturus esset; quòd sibi à Deo in sociam esset data; denique quòd sua esset ex carne, ossibusque formata. Itaque ne delicias suas Adam contristaret, parvipendit præceptum Dei, & de fructu ligni vetiti, quem ipsi Eva obtulerat, comedidit. Cui sententiæ favere videtur Augustinus lib. 14. de civit. cap. 11. ubi ait: *Credendum est, illum virum suæ famina, uni unum hominem homini, conjugem conjugis, ad Dei legem transgrediendam, non tanquam verum loquenti credidisse seductum, sed sociali necessitudine paruisse.* Et lib. 11. Genesi ad litt. cap. 42. *Noluit (inquit) Adam Evam contristare, quam credebatur posse sine suo solatio constabescere, si ab ejus alienaretur animo, & omnino illi interire discordia: non quidem carnis victus concupiscentiæ, quam nondum in membris suis senserat, sed amicali quadam benevolentia, quæ plerumque fit ut offendatur Deus, ne homo ex amico fiat inimicus.* Nihilominus

2. Dico primum, primum Adami peccatum fuisse superbiam.

Hæc assertio aptè ex Scriptura colligitur: dicitur enim Eccles. 10. *Initium omni peccati superbia.* Et Tobia 4. *In ipsa (scilicet superbia) initium sumpsit omni perditio.* Quæ verba de primo Adami peccato, à quo omnis nostra perditio & peccatum originem trahit, intelligunt D. Augustinus 14. de civit. cap. 13. D. Thomas 2. 2. quæst. 163. art. 1. & D. Gregorius libro 34. Moral. cap. 17. ubi hæc verba Job: *Ipsè est rex super omnes filios superbia,* explanans sic ait: *ut Leviathan ipse id est diabolus, in cunctis quæ superius dicta sunt, caderet, sola se superbia percussit.* Neque enim per tot illos vitiorum ramos cresceret, nisi per hanc prius in radice putrisset; scriptum est enim, *initium omni peccati superbia:* per hanc enim ipse succubuit, per hanc se sequentem hominem gravavit; eo etenim solo salutem nostræ immortalitatis impetitur, quo vitam suæ beatitudinis extinxit.

3. Eandem veritatem rectè declarat Angelicus Doctor loco citato, ex ordine tentationis, quâ Diabolus primos parentes invasit: nam ut habetur Genes. 3. primum motivum quod illis proposuit ad comedendum de ligno vetito, fuit inordinata sui excellentia, nempe, *Eratis sicut Dei,* &c. quæ est proprium obiectum superbiæ; sciebat enim callidissimus hostis, nihil æquè effi-

cax ad illorum appetitum excitandum obijci posse, ac talem excellentiam; adeoque rectè deducitur, primos parentes hoc motivo fuisse primo elatos, & inde ad comedendum de ligno vetito processisse, per quam comestione ipse diabolus talem excellentiam assequendam promiserat. Idque perspicuè declaravit Deus, cum ironicè dixit Adamo: *Ecce Adam quasi natus ex nobis factus est, sciens bonum & malum:* haud dubiè ipsum arguens expetitæ ab eo affectatæque divitiæ similitudinis. Unde Augustinus in explic. Pf. 68. tractans illa verba: *Quæ non rapui tunc exolvebam,* ait, *primos parentes aperire voluisse divinitatem, & perdidisse sanctitatem.* Idem docet Bernardus serm. 1. de adventu, his verbis: *Andis fratres quid hac nocte lectum est in Esaiâ, dicente Domino: Principes tui insidites, vel ut alia translatio habet, inobedientes, socii furum: reverà enim Principes nostri, Adam & Eva, principia nostræ propaginis, inobedientes & socii furum, qui quod filij Dei est, serpentes, in obediendi serpente consilio, subripere tentant.* Quod non ita accipiendum est, quasi voluerint mutare naturam, & ex hominibus Dei per essentiam fieri (alias in errorem & infidelitatem, priusquam in elationem & superbiam lapsi essent) sed quòd optaverint fieri Dii per imitationem & similitudinem: idque duobus modis, ut docet D. Thomas loco citato art. 2. Primo quantum ad scientiam boni & mali, ut scilicet per virtutem propriæ naturæ determinarent sibi quid esset bonum, & quid esset malum ad agendum; 3. vel etiam ut per se ipsos præcognoscerent quid sibi boni vel mali esset eventurum. Secundò quantum ad potestatem operandi, ut scilicet propriæ naturæ operarentur ad beatitudinem consequendam. Unde August. lib. 11. de Genesi ad litt. cap. 30. dicit quod menti mulieris incerat: *amor propria potestati, & quadam de se superbia presumptio.* Et in Enchir. cap. 3. §. ait quod per superbiam homo in sua potius esse quam Dei potestate diluxit.

Non deest etiam efficax ratio ad veritatem nostræ conclusionis suadendam. Ut enim disputatione præcedenti declaravimus, in statu innocentie omnia in homine fuisse perfectè coordinata, ita ut unumquodque firmiter sub suo superiori contineretur, nempe corpus sub anima appetitus sensitivus sub ratione, & ratio inferior sub ratione superiori, quandiu ista sub Dei amore conservaretur; hujusmodi enim subiectio, & firmus ordo erat proprius effectus originalis iustitiæ, ex eoque fiebat ut appetitus sensitivus in nullum obiectum propenderet, nisi ex imperio rationis, nec similiter ratio inferior in aliquid tenderet, nisi iussu à superiori; atque adeo in tali statu omnes animi motus, siue prosecutionis, siue fugæ, ab ipsâ ratione superiori inchoari debebant; unde primum Adæ peccatum debuit habere pro obiecto tale bonum, ad quod talis ratio secundum se afficeretur: At ratio secundum se non afficitur ad bona sensibilia (hoc enim munus est appetitus sensitivi, vel ejusdem rationis, ut à tali appetitu sollicitatur, & ad ipsum deprellitur) sed solum afficitur ad spiritualia, in quibus excellentia rationalis naturæ consistit: Ergo Adæ peccatum fuit circa aliquod obiectum spirituale, fuitque reverà inordinatus appetitus excellentiæ in scientia, seu similitudinis Dei, subindeque actus superbiæ, quæ est amor inordinatus propriæ excellentiæ, illamque respicit ut proprium obiectum. Unde

5. Ad Augustini testimonia pro sententia Scoti adducta dicendum est, S. Doctorem iis locis vel le quidem amorem inordinatum erga uxorem fuisse priorem in Adamo, quam esset aperta ejus inobedientia; non tamen intendere illum fuisse priorem superbiâ occultâ. Nam lib. 14. de civit. cap. 13. contrarium his verbis docet: *Spontaneus est autem iste defectus: quoniam si voluntas in amore superioris immutabilis boni, à quo illustrabatur ut videret, & accendebatur ut amaret, stabilis permaneret, non inde ad sibi placendum averteretur, nec ex hoc tenebresceret & frigeretur; ut vel illa verum crederet dixisse serpentem, vel ille Dei mandato, uxuru preponeret voluntatem.*
6. Dico secundo, Adami peccatum ultra superbiz deformitatem, habuisse duplicem aliam malitiaz speciem, videlicet inobedientiaz & gulæ. Ita docet D. Gregorius homil. 10. in Evang. ubi numerans deformitates & peccata, per quæ à regione Paradisi discissimus, sic ait: *A regione etenim nostra, superbiendo, inobediendo, cibum veritum gustando, discissimus.* Favet etiam D. Thomas 1.2. quæst. 82. art. 2. ad 1. ubi reddens rationem, cur peccatum originale, cum sit unum, aliquando in Scriptura pluraliter dicatur, ait illud vocari iniquitates & peccata in plurali, quia in peccato primi parentis, quod per originem traducitur, fuerunt plures deformitates, scilicet superbia, inobedientia, gula, &c. Idem habet quæst. 4. de malo artic. 8. ad 1.
7. Colligitur etiam ex Scriptura, quæ asserit Adamum peccasse non solum peccato superbiz, fedetiam gulæ & inobedientiz. Nam Genes. 3. dicitur: *Quia audisti vocem uxoris tue, & comedisti de ligno, ex quo praceperam tibi ne comederes, maledicta terra in opere tuo, &c.* Et ad Rom. 5. *Per inobedientiam unius hominis peccatores constituti sunt multi, quod licet de inobedientia generaliter accepta, quæ in transgressione cujuslibet peccati includitur, explicari possit, convenientius tamen de inobedientia propria & speciali intelligitur; quia sic accipiuntur verba Scripturæ in sensu omnino proprio, & nulla ratio nos cogit ab eo sensu recedere: unde ita hunc locum intellexit S. Thomas 2.2. quæst. 163. art. 1. ad 1. licet alibi de inobedientia minus proprie & generaliter accepta ipsum exposuerit.*
8. Ratio etiam suffragatur: Adamus enim in primis propriam excellentiam ut finem & motivum primarium inordinatè appetiit, deinde voluit id quod sibi proponebatur ut medium ad talem excellentiam habendam, nimirum non subijci divino præcepto de non comedendo de ligno vetito, & tandem tale præceptum de facto violavit, & de fructu prohibito comedit. Ratione primi ille actus fuit actus superbiæ, cujus objectum est propria excellentia sine debita mensura; ratione secundi, fuit ibi malitia specialis inobedientiz, hæc enim consistit in contemptu & violatione divini præcepti, ut expressè voluit: ratione tertii, idem actus constitutus est in specie gulæ; quia cum præceptum esset de non comedendo, quilibet affectus tale præceptum violandi, fuit inordinatus appetitus cibi, in quo gula consistit.
9. An verò præter tres illas deformitates & malitiaz species, reperiatur etiam infidelitatis malitia in Adami peccato, disputant Theologi, aliis partem affirmativam, aliis negativam tenentibus. Probabilius existimo, Adamum non perdidisse fidem, nec in errorem aut infidelitatem lapsum esse: tum quia ita salvabitur, nunquam fidem defecisse in Ecclesia, ex quo cepit in Adam, quod non verificabitur, si in illo defecisse dicatur: tum etiam, quia cum Deus decrevisset illum à peccato educere, & ad se per gratiam revocare, valde expediebat remanere in eo habitus fidei & spei, ut sic facilius ad penitentiam excitaretur, & ad imploran tam divinam misericordiam, salutemque sperandam, induceretur; quod esset ei multò difficilius, & per principia intrinseca prorsus impossibile, si exincto penitus fidei lumine, omnino in tenebris remansisset.
- Nec obstat quod plures ex SS. Patribus, quos æfess Bellarminus lib. 3. de amissione gratiz cap. 4. asserant Adamum perdidisse fidem, aut in errorem esse lapsum: nam vel per fidem intelligunt fidelitatem, seu gratitudinem erga Deum, quæ est virtus moralis: vel si loquantur de fide quæ est virtus Theologica, solum intendunt, Adamum per peccatum amisisse fidem, ut erat viva & formata; sub hac enim ratione semper cum charitate amittitur. Quando verò dicunt ipsum in errorem fuisse lapsum, loquuntur de errore practico in quem incidit quicunque mortaliter peccat, ut in Tractatu de peccatis ostendimus, non autem de speculativo, qui ad hæresim vel infidelitatem pertinet: seu quod idem est, loquuntur de errore in particulari eligibili; non verò de errore circa eligibile in universali. Unde S. Thomas exponens verba illa Apostoli 1. ad Timoth. 2. lect. 3. *Adam non est seductus, mulier autem seducta in prevaricatione fuit, sic ait: Seductio est duplex, scilicet in universali, & in particulari eligibili, quæ est ignorantia electionis: quicunque ergo peccat, seducitur ignorantia electionis in particulari eligibili: mulier autem seducta fuit ignorantia in universali, quando credidit quod serpens dixit; sed vir non creditur hoc, sed deceptus fuit in particulari, scilicet quod gerendum esset mos uxori & cum ea comedere deberet, &c.*
- Ex dictis facile haberi potest decisio illius quæstionis, quam aliqui hic movere solent, an scilicet peccatum Adam fuerit omnium gravissimum? Dicendum enim est cum S. Thomas 2.2. quæst. 163. art. 3: quod si spectetur species peccati, non fuit omnium gravissimum; gravius enim fuisset, si peccasset per blasphemiam, per infidelitatem, per contemptum, aut odium Dei. Si verò attendantur circumstantiæ, gravissimum fuit: in primis enim valde aggravatur ex circumstantia personæ, quæ gratia, sapientia, virtutibus, pluribusque aliis donis & privilegiis præcellebat: *Quid enim (inquit Bernardus) huic deerat, quem misericordia custodiebat, docebat veritas, dirigebat justitia, pax forebat? qui erat Paradisi accessus, terre dominus, cæli civis, domesticus Domini Sabaoth, frater beatorum spirituum, & celestium coheres virtutum?* Nullam habebat ad malum proclivitatem, sed contra acerrimam ad bonum propensionem, ita ut summâ facilitate quantamlibet tentationem propulsare, omnique peccatum vitare, nullo labore posset: unde tantò fuit major ejus in peccando iniquitas, quanto major erat in eo non peccandi facilitas, ut perbellè ait Augustinus lib. 14. de civit. cap. 15. Deinde locus Paradisi, quem Adamus scelere suo dehonestavit ac dedecoravit, detestabilius fuisse ejus peccatum offendit: siquidem eo loci nulla erat peccandi occasio, nullumque malè agendi incitamentum, quin imò plurima & acerrima ad laudem

laudandum, colendum, & amandum Deum, ejusque jussis obtemperandum, incitamenta. Denique gravissimum fuit illud peccatum, si pensamus damna ex eo secuta, id est jacturam tot tantorumque bonorum, nunquam deinceps recuperandorum, & tot tantorumque malorum quæ peperit, necessitatem. Neque tale damnum in solum Adamum redundavit, sed suo casu & ruinâ omnes suos posteros, quotquot deinceps fuerunt, futurique sunt, in peccati & mortis exitum pertraxit. Unde Bernardus homil. 2. super Missus est, alloquens Adamum & Evam, sic ait: *Sicut omnium parentes, ita omnium filius peremptores; & quod infelix est, prius peremptores quam parentes.*

12. Quæres, qualis fuerit serpens, qui tentavit Evam in paradiso terrestri, eamque ad peccandum, & de ligno vetito comedendum, induxit?

Respondeo illum fuisse verum serpentem à Dæmone assumptum, per quem tanquam per organum suum formavit humanas voces. Ita enim docet Augustinus lib. 11. de civit. cap. 27. ubi de dæmone dicit: *In serpente locutus est, utens eo velut organo, movensque eju naturam, eo modo quo ille movere, & moveri illa potuit ad exprimendos verborum sonos.* Colligitur etiam ex verbis illis Scripturæ Genes. 3. *Sed & serpens erat callidior cunctis animantibus terra, quæ fecerat Dominus.* Hæc enim comparatio inepta foret, nisi de vero serpente sermo esset, ejusdemque generis cum cæteris animalibus terrestribus. Nam inter Dæmonem & bruta animantia non fieret apta comparatio. Unde non est audiendus Cajetanus, dum in Commentariis super Genesim docet, vocabulo serpentis, nec verum serpentem, nec ejus simulachrum & spectrum intelligi debere, sed solum Dæmonem, qui quoddam callidissimus sit, & hominibus nocendi cupidissimus, metaphoricè serpens in Scriptura crebro appellatur. Nec illam tentationem & sermonem Dæmonis cum Eva, externum & sensibilem fuisse putat, sed interno tantum suavis, suggestivus peractum. Hæc, inquam, sententia seu interpretatio abicienda est, quia totam historiam Mosaicam fidem pervertit, faciens enim figuratam & metaphoricam; quam ob causam in sexta Synodo generalis damnatus est Origenes. Et sanè, si quæ scribit Moyses de serpente, non historice, sed figuratè & allegoricè intelligenda sunt, cur non similiter quæ scripsit de Paradiso terrestri, de arbore scientiæ boni & mali, de quatuor fluminibus, de formatione Adam ex limo terræ, & Evæ ex costâ Adam, non potuerunt figuris & allegoriis subverti? Unde sicut Epiphanius in Origenem, & alios qui Paradisum terrestrem, in sensu figurali & allegorico interpretantur, sic invehitur in Anchorato: *Si non est paradysus sensibilis, non est fons, non ficus, nec folia, non comedit Eva, &c. sed veritas fabulata est.* Ita in præfenti contra Cajetanum licet arguere: Si serpens ille qui Evam decepit, non fuit verus serpens à Dæmone assumptus, sed solus Dæmon, qui metaphoricè serpens dicitur, &c. Ergo nec fuit Paradysus sensibilis, nec fons, nec ficus, nec folia, non comedit Eva, &c. sed veritas fabulata est. Neque obest quod alibi in Scriptura Dæmon vocetur serpens & draco, citra assumptionem serpentis & draconis, ut opponit Cajetanus: alia est enim ratio simplicis narrationis historice, alia visionis imaginariæ, vel narrationis prophetice, quales sunt illæ A-

pocal. 12. & Isaïæ 27. quæ à Cajetano adducuntur. Præterquam quod in Scriptura sæpius Dæmon vocatur serpens, respectivè ad tentationem primorum parentum in corpore serpentis assumpto, unde serpentis nomen in posterum retinuit.

Fundamento etiam caret quod ait Rupertus lib. 3. in Genesim cap. 2. serpentem nullum in Paradiso fuisse, neque in loco illo voluptatis, felicitatis, & innocentie esse debuisse, quia contra pulchritudinem & decentiam seu mundiciem illius loci hoc futurum fuisse existimat. sed Evâ corpore & oculis vagam, dum incontinentem per Paradisum deambulare, prospectasse qualis extra Paradisum mundus haberetur, sicque occasionem præbuisse serpenti extra Paradisum existenti, ut sermonem cum ea misceret, eamque tentaret, ac deciperet. Caret, inquam, fundamento hæc sententia: nam Scriptura Genes. 2. versu 19. testatur, Deum cuncta animalia de humo producta, & universa volatilia, ad Adamum in Paradiso existentem adduxisse, illumque omnibus nomina sua imposuisse: Ergo & serpenti. Item ex Genes. 3. constat arborem illam cujus fructus à Deo prohibitus est, in medio Paradisi fuisse. Tentatio autem non longè ab eadem arbore facta est: nam in progressu tentationis vidit mulier lignum, quod esset bonum ad vescendum; & pulchrum oculis, aspectuque delectabile Genes. 3. At Paradysus quam plurimorum hominum habitationi destinatus, non erat tam angustus, ut è medio serpentis extra fines illius existens posset ab Eva conspici vel audiri, ut patet ex his quæ de Paradisi terrestri magnitudine suprà dicta sunt.

Quæres secundo, cur Eva non cohorruiit aut obstupuit ad serpentis aspectum & loquelam? Respondeo, Evam ad conspectum serpentis non cohorruiisse, quia sciebat id genus animalia nocere sibi non posse in statu innocentie, imò perfectè sibi subiecta esse. Addit Pererius lib. 6. in Genesim disput. 4. quæst. 2. serpentem illum formosum & gratum aspectu fuisse, qualis est serpens qui appellatur Scytale, qui tantâ præfulget pellis varietate, nitore, ac venustate, ut admiratione sui aspicientes detineat, ut fersit Solinus cap. 39. his verbis: *Scytale tantâ præfulget tergi varietate, ut notarum gratiâ videntes retardet, & quoniam reptando pigror est, quos assequi nequit, miraculo sui capiat stupentes.*

Difficilius potest reddi ratio, cur Eva non obstupuit audiens serpentem illum secum loquentem & disputantem? Non videtur enim probabile quod aliqui dicunt, propterea non obstupuisse Evam, quia ignorabat facultatem loquendi nulli animali naturaliter esse datam: absurdum enim videtur, Evam in Paradiso, & in perfectio illo statu innocentie, ignorasse quod in statu naturæ corruptæ cuilibet mulierculæ notum & perfectum est. Præterquam quod putare serpentem loqui posse, insignis est mentis error & deceptio: in statu verò innocentie, nullus potuit esse error vel deceptio, ut suprà ostensum est: Non ergo existimandum est, Evam ante peccatum, in tanto fuisse errore, ut existimaret, serpentem & alia bruta animalia habuisse facultatem loquendi, sicut homines.

Nec dici potest cum Pererio, in Eva non fuisse falsâ illam existimationem, seu positivam deceptionem, sed tantum negativam: nam

præterquam quod, ut paulò ante dicebamus, incredibile videtur Evam in statu innocentie ignorasse quod in statu naturæ corruptæ cuilibet mulierculæ perspectum est, videtur impossibile in illa actione separare deceptionem à nescientia, quia Eva audivit serpentem loquentem, & illi respondit tanquam personæ intelligentiæ. Ergo necessariò putare debuit, illum quem audiebat, & ad quem loquebatur, intelligentem esse: Ergo si cogitabat, illud solum esse animal quod loquebatur, non habuit tantum nescientiam, sed etiam iudicium erroneum circa naturam & proprietatem, seu capacitatem animalium,

16. Melius ergo respondetur, Evam non putasse solum esse serpentem, qui loqueretur secum, sed existimasse per serpentem, aliquem spiritum angelicum loqui: ideo autem non oblituisse, quia sciebat esse Angelos & spiritus incorporeos, quorum aliquis per serpentem sibi loqui poterat. Ex illa tamen forma, non bonum esse spiritum suspicari facillè poterat, sed an bonus vel malus esset non iudicavit, toto animo & aviditate tam magnificis ejus promissis intenta. Atque hanc sententiam indicasse videtur D. Thomas infra quæst. 94. art. 4. ad 2. Nam cum secundo loco hanc ex verbis Augustini posuisset objectionem, propterea Evam, auctore Magistro sententiarum, non horruisse serpentem secum loquentem, quia officium loquendi accepisse eam à Deo putasset: solvens ipse postea eam objectionem, sic ait: *Ad secundum dicendum est, quòd mulier putavit serpentem accepisse loquendi officium, non per naturam, sed aliquà supernaturali operatione, quamvis non sit necessarium, auctoritatem Magistri sententiarum sequi in hac parte.*

17. Si verò quis quærat cur diabolus serpentis formam potius quam aliam quampiam assumpserit? Respondet Magister sententiarum lib. 2. dist. 21. *Ne fraus demonis nimis esset manifesta, in sua specie ille non venit; ne apertè cognitus, statim repelleretur. Ne nimis occulta eius fraus non faciliè caveri posset, non in alia forma venire permixtus est, quam serpentis, quæ nimis eius detegenda malitiæ admodum congruebat, ut per illud quod foris erat, astutiam tentantius facile posset semina animæ dvertere. Voluisset quidem demon in specie columba venire; hac nempe, ut animal innoxium & simplex, ad mulierem decipiendam congruentissimum diabolo fuisset instrumentum: sed non erat consentaneum & conveniens, ut per inmundum & malignum spiritum redderetur homini columba invisa & exosa, in cuius postea specie Spiritus Sanctus hominibus erat appariturus.*

18. Addo, serpentem congruens altitudo & malitiæ Dæmonis ad decipiendum hominem fuisse instrumentum: serpens enim occultè, callidè, atque insidiosè hominem mordet, & morsu quidem lethali: idque facit non metu, non aliquo incommodo aut commodo suo ductus, sed naturali odio hominis, & propensissimè ad ei nocendum naturæ instinctu. Quod significavit Scriptura Genes. 49. Jacob enim Patriarcha vaticinatus de tribu Dan dixit: *Fiat Dan coluber in via, Cerastes in semita, mordens angulas equi, ut cadat ascensor ejus retro.* Salomon quoque cap. 10. libri Ecclesiastes: *Si mordeat, inquit, serpens insistentio: nihil eo minus habet qui occultè detrahunt,*

## ARTICULUS II.

*Quas privationes & defectus, aut vulnera, Adæ peccatum in naturam humanam induxerit?*

Dico primò, naturam humanam, per Adæ peccatum, jultitià originali, gratià sanctificante, fide, spe, charitate, aliisque virtutibus & donis supernaturalibus fuisse spoliatam.

Probatum breviter: Certum est de fide, Adæ per peccatum amisisse gratiam sanctificantem, subindeque virtutes & dona, quæ eam inseparabiliter comitantur: nam in Concilio Arausicano can. 2. & Tridentino sess. 5. can. 1. decernitur anathema his, qui dixerint primum hominem per peccatum non amisisse sanctitatem & iustitiam, in qua conditus fuerat: Et Irenæus 3. contra hæreses cap. 37. ait: *quòd sanctitatis stolam, quam primus parens acceperat, amisit per inobedientiam:* Chrysostomus etiam quæst. 16. in Genes. dicit quòd *primus homo fuit Angelus terrestriis in paradiso, gratià indutus, quâ spoliavit eum diabolus:* Sed Adam non solum pro se, sed etiam pro omnibus suis posteris, gratiam & alia dona supernaturalia amisit: cum enim esset caput totius humani generis, prædicta dona à Deo acceperat, cum hoc pacto & conditione, quòd si non peccaret, ea cum natura transfunderet in posteris; si verò peccaret, & de fructu vitæ comederet, illa non solum pro se, sed etiam pro omnibus suis posteris amitteret: Ergo natura humana per Adæ peccatum, gratià sanctificante, fide, spe, & charitate, aliisque virtutibus & donis supernaturalibus fuit privata.

Dices, fidem & spem mansisse in Adamo post peccatum, ut articulo præcedenti diximus: Ergo per illud natura humana non contraxit istam virtutum privationem. Patet Consequentia: nam humana natura eisdem & non aliis perfectionibus spoliata est, quas Adamus pro se & pro omnibus amisit.

Respondeo illas virtutes mansisse in Adamo, ut perfectiones personales ipsius, non autem ut naturæ dona transfundenda in posteris cum ipsa natura: unde licet Adamus ob specialem indulgentiam ipsi ut personæ particulari factam, eas non amiserit pro se, amisit tamen pro nobis: & ideo per Adæ peccatum contraximus debitum illis carenti, seu nascendi cum privatione illarum. Et hoc in sensu intelligendus est S. Prosper dum resp. 1. ad excerpta Genuesium probat contra Semipelagianos fidem in posteris Adæ perisse, nec mixtum dono Dei, & per gratiam Christi posse recuperari; quia Adam perdidit fidem, & quidquid ille perdidit, posterius ejus in ipso perdidit: *Quomodo enim* (inquit) *fides in Adam perita, in quocunque filiorum ejus inveniretur, nisi eam Spiritus Sanctus, qui omnia in omnibus operatur, infunderet?* His enim verbis solum declarare intendit, quod Adam peccando amisit fidem pro nobis, & contraxit tunc debitum carenti illa, non quidem in propria persona, cum infidelitatis peccatum non commiserit, sed in omnibus suis posteris.

Ad majorem hujus assertionis intelligentiam  
advex.



advertendum est, quod licet peccatum primi parentis, omnes ejus posteros gratiā sanctificante, justitiā originali, & aliis donis supernaturalibus spoliaverit, non tamen eos privavit externo statu gratiæ, hoc est extrinsecā in beatitudinem supernaturalem ordinatione, ac mediorum ad eam obtinendam sufficientium præparatione: unde adhuc in natura lapsa retinet homo elevationem seu destinationem Dei ad finem & ordinem supernaturalem, quæ non esset in statu naturæ puræ; sed hæc, usque dum natura per gratiam sanetur, seip reparatur, non ponit in ea aliquid intrinsecum.

22. Dico secundò, naturam humanam per Adæ peccatum dono integritatis fuisse privatam.

Patet hæc assertio ex dictis in præcedenti: Adamus enim non solum gratiam sanctificantem & justitiam originalem, sed etiam donum integritatis cum tali pacto à Deo acceperat, ut si non peccaret, illud transunderet in posteros; si verò Dei præceptum de non comedendo de ligno vitæ transgrediretur, non pro se tantum, sed etiam pro omnibus suis posteris, illud amitteret.

23. Addo quod, cum homo repugnans divino præcepto, suam voluntatem deordinaverit, & à recto in Deum ut ultimum finem ordine ditraherit, æquum fuit, ut in penam hujus inobedientiæ ac deordinationis, rectus ordo potentiarum hominis perverteretur, adeoque corpus spiritui, & pars inferiori superiori reluctaretur. Vnde Augustinus: *Posteaquam præcepti facta est transgressio, cessavit gratia deferente divina, primi parentes de corporum suorum nuditate confusi sunt: senserunt enim motum inobedientis carnis suæ, tanquam reciprocā penam inobedientiæ suæ. Iam quippe anima libertate in perversum propriū delectata, & Deo designata servire, proprio corporis servitio restituebatur. Et quia superiorem dominum suo arbitrio deseruerat, inferiorem famulum ad suum arbitrium non tenebat; nec omnino habebat subditam carnem, sicut semper habere poterat, si Deo subiecta ipsa mansisset.* Et lib. 14. cap. 17. tractans verba illa Genes. aperti sunt oculi eorum, cumque cognovissent se esse nudos, hæc scribit: *Patent oculi eorum, sed adhuc non erant aperti, hoc est non attenti, ut cognoscerent quid ei indumento gratiæ præstaretur, quando membra eorum voluntati repugnare nesciebant. Quia gratiā remota, ut parā reciprocā inobedientiā plederetur, extitit in motu corporis quadam impudens novitas, unde esset indecens nuditas, & fecit attentos, reddiditque confusos. Aperti sunt, inquit, oculi amborum, non ad videndum, nam & antea videbant, sed ad discernendum inter bonum quod amiserant, & malum in quod ceciderant.*

24. Simili discursu utitur S. Thomas opusc. 2. cap. 192. ubi sic ait: *Quia tam ordinata integritas tota consistebat ex subiectione humana voluntatis ad Deum, consequens fuit, ut subductā humanā voluntate à subiectione divina, deperiret illa perfecta subiectione inferiorum virium ad rationem, & corporis ad animam: unde consensum est, ut homo sentiret in inferiori appetitu sensibili, concupiscentiæ, & iræ, & ceterarum passionum inordinatos motus, non secundum ordinem rationis, sed magis ei repugnantes, & eam plerumque obnubilantes; & quasi perturbantes: & hæc est repugnantia carnis ad spiritum.*

25. Dices: Eva per inobedientiam lapsa, non fuit continuò privata dono integritatis: Ergo neque nos eo privamur in penam inobedientiæ

primi parentis. Consequentia patet ex paritate rationis. Antecedens verò ex eo suadetur, quòd toto tempore inter Evæ & Adami peccatum interlapso, illa nec inordinatos concupiscentiæ motus, nec agentium contrariorum alterationes senserit, alioquin suam culpam agnovisset, neque ad esum pomi veriti Adamum induxisset.

Propter hoc argumentum, Abulenſis, Cajeta-  
nus, & Catharinus, censuerunt per delicta personalia, quale fuit peccatum Evæ, fuisse quidem exclusam gratiam sanctificantem, cum donis eam consequentibus, non verò donum integritatis. Sed contra hanc solutionem & doctrinam militat discursus Divi Thomæ jam relatus: cum enim gratia sanctificans aliorum donorum, quibus homo in statu innocentie gaudebat, basis & origo existeret, & integritas naturæ causaretur ex subiectione humane mentis ad Deum, ista per peccatum destructa, illa nullatenus stare potuit. Vnde melius responderetur negando Antecedens. Ad cujus probationem in primis dici potest, probabile esse quòd Eva, priusquam Adamum sui criminis socium haberet, quosdam inordinatos appetitus inferiores motus passa & experta sit; quorum tamen causam non investigavit, nec ullum ex his ruborem concepit, quia suam omnem cogitationem ad pomi esum marito suadendum convertit: unde licet comesto pomo, scientiam boni & mali, quam serpens ei promiserat, adepta non sit, tamen ad hoc non advertit. Deinde dico, quod licet Eva, statim post peccatum, integritatis dono privata fuerit, non tamen oportuit ut statim sentiret inordinatos motus naturæ lapsæ; non enim homo semper illos sentit aut experitur, quia vel non semper eorum occasiones sese offerunt, vel his attendere non vacat.

Dico tertio: Primi parentes post inobedientiam, & omnes eorum posteris, dono immortalitatis & impassibilitatis, quo natura humana in statu innocentie gaudebat, privati sunt, & variis miseriis ac crucibus, & mortique sacri obnoxii.

Patet ex Scriptura, Deus enim dixit Adæ Genes. 3: *Quia audisti vocem uxoris tuæ, & comediſti de ligno, ex quo præceperam tibi ne comederes, maledicta terra in opere tuo: in laboribus comedes cunctis diebus vite, in sudore vultus tui vesteris panem tuo, donec revertaris in terram de qua sumptus es, quia pulvis es, & in pulverem reverteris.* Quæ verba expendens Augustinus lib. 13. de civit. cap. 15. ait: *Inter Christianos qui veraciter Catholicam fidem tenent, constare, etiam ipsam corporis mortem non contriſſe nobis lege naturæ, sed meritis inſtitutam esse lege peccati: quia peccatum vindicans Deus dixit primo homini, in quo tunc omnes eramus: terra es, & in terram ibis.* Hinc lidior in libro Etymol. notat quòd mors à mordendo dicitur, quia cum primus parens fructum vetitum momordit, per mortuum incurrivit. Observat etiam Origenes homil. 6. in Leviticum, Deum Adæ & uxori ejus, post transgressionem, tunicas pelliceas fecisse, idoneas scilicet vestiendis peccatoribus, ut quæ mortalitatis, cui propter peccatum fuerat homo subiectus, & fragilitatis, quæ ex carnis corruptela oritur, iudices ac testes essent.

Dico quarto: Homo per peccatum originale non solum donis illis gratuitis, quibus in statu

innocentia erat ornatus, spoliatus est, sed etiam A in potentia naturalibus vulneratus.

Colligitur ex Scriptura & SS. Patribus : dicitur enim Isaia 1. *Omne caput languidum, & omne cor marens, à planta pedis usque ad verticem, non est in eo sanitas, vlnus, & livor, & plaga tumens. Et Pl. 40. Sana animam meam, quia peccavi tibi. Ubi Augustinus: Quid sanatnr (inquit) si nihil est vulneratum, nihil sauciatum, nihil debilitatum, atque vitiatum? Item Bernardus in eundem sensum præclare ait: Cecidimus omnes in Adamo sicut in lutum, & super acervum lapidum: unde & conquinati sumus originali culpa, sed & collisi, & confracti, & in omnibus viribus graviter vulnerati.*

29. Ad id etiam allusit Christus Lucæ 10. in parabola hominis descendentis ab Ierusalem in Jerico, de quo ait incidisse in latrones, qui exspoliaverunt eum, & plagis impositis abierunt, semivivo relicto. Nam SS. Patres hanc parabolam exponentes, observant quod in ea describuntur sex mala, in quæ homo per peccatum originale incidit. In primis enim illud hominem à Paradiso expulit: unde dicitur, *homo quidam, scilicet Adam, vel genus humanum, descendebat, nimirum per culpam; vel quia ascendebat per superbiam, descendebat per poenam & misericordiam: ab Ierusalem, quæ interpretatur visio pacis, nam antequam peccaret, erat in visione pacis, hoc est in Paradiso terrestri, ubi quidquid videbat, erat pax & læticia, ut ait Augustinus. Descendebat ergo à visione triplicis pacis, scilicet à Deo per obedientiam, à seipso per innocentiam, à toto mundo per prædicationem. Unde Gregorius 4. Dialog. cap. 1. Postquam, inquit, de Paradiso gaudium, culpa exigente, expulsum est primus humani generis parens, in huius cecitatis atque exilij quam patitur venit arumnam: quia peccando extra semetipsum suis, iam illa cælestis patriæ gaudia, quæ prius contemplantur, videre non potuit. In Paradiso quippe assueverat homo verbis Dei perfrui, & beatorum Angelorum spiritibus, cordis munditia & celsitudine visionis interesse. Sed postquam huc cecidit, ab illo quo implebatur mentis lumine recessit.*

Secundo peccatum originale non solum expulit hominem à Paradiso, sed etiam illum in miseria & defectu huius mortalitatis destruxit: unde dicitur, *quod descendit ab Ierusalem in Jerico*: nam Jerico luna interpretatur, & defectum nostræ mortalitatis significat; quia sicut singulis mensibus Luna decrescens deficit, ita & vita nostræ mortalitatis singulis momentis deficiens, quotidie evanescit.

Tertio peccatum subiecit hominem diaboli potestati; quod significatur per verba frequentia: *Et incidit in latrones*: ut enim dicit Ambrosius, hanc parabolam exponens: *Qui sunt isti latrones, nisi Angeli mortis & tenebrarum, in quos homo non incidisset, nisi eis, in mandati cælestis devius, se fecisset obnoxium?*

Quarto idem peccatum hominem spoliavit donis gratuitis: quare additur, *qui spoliaverunt eum*, indumentis scilicet gratiæ, integritatis, & iustitiæ originalis, ut explicat idem Ambrosius. Unde Genes. 3. dicitur quod Adam & Eva post peccatum cognoverunt se esse nudos; & Chrysostomus quæst. 16. in Genes. ait: *Primus homo fuit Angelus terrestris in Paradiso, gratiâ indutus, quâ spoliavit eum diabolus. Demum Laurentius Iustinianus serm. de S. Joanne Evangelista, ait quod Adam unius peccati consensu, immensus anima & cor-*

*poris, spirituales amisit divitiis: innocentia quippe candorem, immortalitatis solam, carnis incorruptibilitatem, animæ puritatem, contemplationis dulcedinem, spiritus libertatem, regnum celorum, Angelorum contubernium, amicitiam Dei perdidit.*

Quinto, peccatum vulneravit hominem in naturalibus; quare additur, *Et plagis impositis abierunt*: Peccata enim (inquit Beda) dicuntur plagæ, quia his natura humana integritas violatur.

Denique idem homo dicitur semivivus relictus, vel quia anima immortalis est, corpus verò mortale, ita ut medietas hominis mortis succumbat: vel quia, ut alii interpretantur, libertas arbitrij per peccatum originale immutata quidem est, sed non totaliter extincta.

B Potest etiam suaderi conclusio ratione quam habet D. Thomas 1. 2. quæst. 87. art. 3. Sicut in corpore humano vulnus dicitur, quando inter partes continuas & unitas fit aliqua ruptio vel divisio; ita in anima meritò appellatur vulnus ruptio illa vel divisio, quæ per peccatum in ejus potentiis facta fuit, dum ab ordine rationis, cui per iustitiam originalem, donumque integritatis, erant perfecte unitæ, fuerunt divise & separata per destitutionem prædicti ordinis. Unde cum per peccatum originale quatuor præcipuæ potentia proprie ordine ad objectum destituta sint; nimirum intellectus, qui destituitur ordine ad verum; voluntas, quæ destituitur ordine ad bonum honestum & rationi consonum; concupiscibilis, quæ destituitur ordine ad delectabile moderatum ratione; & irascibilis, quæ destituitur ordine ad arduum & difficile, ne promptè ac expedite feratur in illud; quatuor sunt vulnera homini per tale peccatum inflicta, nempe vulnus ignorantia, quo hebetatur ratio ad cognitionem veri; vulnus malitia, quo voluntas retardatur à prosecutione boni honesti; vulnus concupiscentia, quo appetitus concupiscibilis exardescit, & immoderate fertur in bonum delectabile contrarium rationi; & vulnus infirmitatis, quo irascibilis ad prosecutionem boni ardui languet & torpescit.

Ubi observandum est, illa vulnera non poni in ipsa substantia animæ, in qua peccatum originale residet, sed in potentiis, ubi sunt ejus effectus: quia tale peccatum secundum suam essentiam non potest propriè dici vulnus, sed potius infirmitas vel languor naturæ, ut patet ex S. Thoma 1. 2. quæst. 82. art. 1. per illud enim totus homo infirmatur & languescit; vulnera autem dicuntur peculiaria quidam defectus, qui in aliis partibus consequuntur, velut quedam infirmitates particulares. Sicut enim non appellamus vulnus febrem, quæ totum animal laborat, quæque residet in corde, ubi est principium vitæ, sed vocamus illam languorem & infirmitatem; vulnera verò sunt quibus læditur hæc vel illa pars determinata: ita respectu peccati, id quod inficit substantiam animæ, ubi est principium super naturalis vitæ, & quæ pro toto homine supponit, non debuit appellari vulnus, sed languor, vel infirmitas; nomen autem vulneris relinqui debuit illis defectibus, quibus partes ipsius animæ, scilicet potentia, deordinantur & læduntur.

## ARTICULUS III.

*An homo in statu naturæ lapsæ, per peccatum originale factus sit debiliior ad bonum & prœior ad malum, quàm fuisset in statu puræ naturæ?*

## §. I.

*Quibusdam præmissis referuntur sententia.*

**V**T status hujus celeberrimæ difficultatis, & variæ Authorum placita clariùs percipiantur, & faciliùs distinguantur, aliqua breviter præmittenda sunt.

32 In primis observandum est, quod cum homo duobus indigeat ad rectè operandum, nimirum viribus intrinsecis, & providentiâ Dei extrinsecâ, concursum ad agendum necessarium præparante & offerente; dupliciter etiam potest concipi, quod in statu naturæ corruptæ debiliior sit ad bonum morale, quàm fuisset in statu naturæ puræ, scilicet aut abintrinseco, si minores sint ejus vires ad tale bonum, quàm essent in puris naturalibus; vel ab extrinseco, si minus suavi Dei providentiâ protegetur, vel acriùs à Dæmone teneatur, aut concursus ad operandum bonum morale debitus ei denegetur.

33 Secundo notandum est, tribus modis intelligi posse, naturam humanam per peccatum originale factam esse debiliorem ad bonum morale ordinis naturalis: primò ex eo quod tale peccatum sit aliqua qualitas morbida & prava, inficiens animam & ejus potentias: secundò ex eo quod inducat & causet in anima pravum aliquem habitum inclinantem ad malum: tertio ex eo quod ipsa inclinatio ad bonum rationis, per illud diminuta sit. Quod ut magis declaretur,

34 Sciendum est ulterius ex doctrina D. Thomæ 1.2. quæst. 85. art. 2. in corp. inclinationem hominis ad bonum virtutis intelligi posse diminui duobus modis: nam quia fundatur in natura intellectuali, & tendit ad ipsum bonum honestum, potest intelligi diminui vel ex parte radicis, si ve per viam remissionis, ita quod gradus aliquos amittat, vel ex parte termini, per appositionem majoris impedimenti ad bene operandum. His præmissis:

35 Circa propositam difficultatem variè opinantur Auctores. In primis enim quidam antiqui Theologi, ut Gregorius de Arimino, Henricus, Gabriel, Okam, Richardus, & alii, docent naturam humanam per peccatum originale factam esse debiliorem ad bonum, & procliviorē ad malum, eò quod vel ex pmo verito, tanquam ex cibo venenoso, vel ex statu & sibilu venenoso serpentis, morbidam aliquam & malignam qualitatem contraxerit, quam non habuit ante peccatum, nec habuisset in statu naturæ puræ. Secundo alii volunt eam ad bonum morale factam esse imbecilliorē, ratione pravi alicujus habitus inclinantis in malum, qui ex Adami peccato in nobis resultat. Sic docent omnes illi Auctores, qui existimant peccatum originale non consistere in privatio, sed in positivo, nempe in habitu inclinante hominem ad bonum commutabile ut in ultimum finem, causato in nobis ex peccato Adami. Tertio alii qualitatem illam morbidam, aut habitum pravum, quem præcedentes sententiæ asserunt, excludentes, dicunt superadditam fuisse potentis nostris ex

**A** originali peccato majorem efficaciam vel intentionem, ratione cujus quasi à proprio & conaturali statu quem haberent in pura natura, ad statum prænaturalē extraxit, effrenatius, majorique impetu, tendunt in sua objecta, & in bona sensibilia contraria rationi. Ita sentiunt Jacobus Naclantus super cap. 6. Epistolæ ad Roman. ad illa verba, *Non ergo regnet peccatum*, & Corduba lib. 1. quæst. 45. Quarto Alvarez de auxili. disp. 45. & 47. & alii ex nostris Thomistis, in codicibus manuscriptis, fatentur quidem hominem per originale peccatum non esse infirmiorē quam esset in natura pura, aliquā diminutione intrinsecâ virium & facultatum suarum, sed contendunt illum esse debiliorem, accessu majorum impedimentorum ad bene operandum: cum enim peccatum originale hominem à Deo ut ab ultimo fine avertat, maximum præbet humano arbitrio impedimentum quoad boni prosecutionem. Quinto aliqui, quos suppresso nomine citat Suarez, Prologom. 4. de gratia, & sequitur Ant. Janfenius disp. 1. §. sect. 1. existimant hominem, saltem ab extrinseco, esse impotentiorē ad bene vivendum in natura lapsæ, quàm esset in natura puræ; quia (inquiunt) humana natura per originale facta est digna quod minus suavi Dei providentiâ protegetur, quàm protegeretur pura, & permittatur tentari acriùs à Dæmonibus, invidentibus homini eam felicitatem, à qua ipsi exciderunt; & quod ei denegentur plures cogitationes congruæ ad bene operandum, quæ in statu puræ naturæ ipsi concederentur. Alii denique docent, hominem in statu naturæ lapsæ nullo ex modis assignatis esse debiliorem ad bonum morale, quàm esset in statu naturæ puræ, sed in utroque statu easdem prorsus esse vires, eandem difficultatem ad bonum, & pronicitatem ad malum, cum in utroque sit donis supernaturalibus destitutus, habeatque contrarietatem appetituum, & varias perturbationes ab extrinseco. Unde in eo solum putant hominem lapsum distinguui ab homine in puris naturalibus existente, quod ille se haberet ut nudus, ille verò ut nudatus seu spoliatus: nam primus nūquam habuisset dona supernaturalia, nec exigentiam ipsorum; secundus vero iis in penâ peccati originalis privatus est. Ita ex nostris docent Cajetanus, Conradus, Medina, Aravins, Marcus à Serra, Gabriel à S. Vincentio hic qu. 109. art. 2. & Soto lib. 1. de natura & gratia cap. 13. ex aliis vero Scotus, Valeria, Bellarminus, Suarez, & Curiel. Unde sit

**C**

**D**

**E**

*Conclusio negativa statuitur.*

**D**ico igitur: Homo in statu naturæ lapsæ, non habens peccatum actuale, sed tantum originale, non est debiliior ad bonum morale, quàm esset in statu naturæ puræ.

Probatur primo ex D. Thoma, qui satis apertè favet nostræ sententiæ: nam 1.2. qu. 85. art. 1. loquens de effectu peccati, qui est privatio originalis iustitiæ, ipsum tribuit peccato originali, cum vero agit de alio effectu, qui est diminuerē inclinationem ad bonum, ipsum non tribuit peccato originali, sed duntaxat actuali. Verba ejus sunt: *Bonum natura humane potest triplisiter dici: primò ipsa principia natura ex quibus ipsa natura constituitur, & proprietates ex his causata, sicut potentia anima, & alia hujusmodi: secundò inclinatio ad virtutem est quoddam bonum natura: tertio potest dici bonum natura, donum originale iustitiæ, quod fuit in primo homine collatum toti humanæ naturæ.* Pr-



*minui* igitur bonum naturæ, nec tollitur, nec diminuitur per peccatum tertium verò bonum totaliter est ablatum per peccatum primi parentis: sed medium bonum naturæ, scilicet ipsa naturalis inclinatio ad virtutem, diminuitur per peccatum. Unde insinuet se loqui tantum de peccato actuali, quod vel est actus, vel illum secum affert, addit: *Per actum enim humanos fit quadam inclinatio ad similes actus.* Et similiter art. 3. ejusdem questionis, postquam docuit perfectam subordinationem virtutum inferiorum animæ ad rationem, & rationis ad Deum, quæ erat effectus iustitiæ originalis, subtractam fuisse per peccatum primi parentis, & in hac subtractione consistere vulnerationem naturæ nostræ, causamque per tale peccatum, subiungit ista: *Sed quia inclinatio ad bonum virtutis in unoquoque diminuitur PER PECCATUM ACTUALE, ut ex dicto patet, etiam ipsa sunt quatuor vulnera, ex alio peccato consequentia, in quantum scilicet per peccatum & ratio habetur per principium in agendum, & voluntas inducitur ad bonum, & magis difficultas bene agendi accrescit, & concupiscentia magis exardescit.* Quibus verbis manifeste ponit discrimen inter peccatum originale & actuale, quod effectus originalis est tantum destitutio iustitiæ originalis, per quam vires inferiores animæ subdebantur rationi, & ratio Deo: at verò effectus peccati actualis est præterea diminutio inclinationis ab bono rationis, sive major difficultas bene agendi. Unde Madina in commentario illius articuli ait: *Hæc est vera & divina theologia, quam docet Divus Thomas, & universi Theologi, quod ab homine in natura lapsa, per peccatum originale, ablata sunt tantum dona supernaturalia, quam veritatem Sanctus Doctor quærit. 87. sequenti, art. 7. clarè his verbis expresse: Pena originalis peccati est, quod natura humana SIBI RELINQUITUR, destituta auxilio originalis iustitiæ: his enim verbis aperte declarat, penam peccati originalis non esse aliam, quam quod homo recidat in suum statum naturalem, & donis supernaturalibus & gratuitis, quibus ornatus erat in statu innocentie, spoliatur: Ergo stando in principiis doctrinæ D. Thomæ, dicendum est, quod licet homo in statu peccati actualis minorem habeat inclinationem, & maiorem difficultatem ad bonum morale, quam haberet in statu naturæ puræ, quia per illud ad finem pravum convertitur, & generatur prava dispositio ad similem actum peccaminosum; non tamen homo qui existit in statu solius peccati originalis: cum enim illud consistat in sola privatione iustitiæ originalis, non habet convertere ad finem pravum, nec pravam inducere dispositionem.*

37 Probat secundum conclusio ratione Cajetani. Ex remote prohibens non sequitur maior aut minor effectus naturalis, quam ex natura ipsa sequatur, ut patet exemplo lapidis fursu detenti, ille enim, remoto prohibente, velocius non movetur, quam si fuisset motus solum à propria gravitate: Sed peccatum originale se habet solum ut removens prohibens in ordine ad motus inordinatos voluntatis, vel appetitus sensitivi: cum enim abstrulerit originale iustitiam, cuius signo potentia hominis ab inordinatis moribus compesciebatur, & amalo prohibebatur, consequenter est causa hoc modo, nimirum sicut removens prohibens, ut illæ effrenatæ & inordinate in sua objecta ferantur, sicut docet D. Thomas supra quærit. 82. art. 1. ad 3. & ad Rom. 5. lect. 3. Ergo ex peccato originali non sequitur aliqua inordinatio, vel debilitas potentiarum, in ordine ad prosecutionem boni, aut vitiationem

malæ, quæ non fuisset in natura pura.

38 Confirmatur: Homo per peccatum originale non fuit factus deterioris conditionis quantum ad corpus, quam fuisset in statu puræ naturæ: Ergo neque quantum ad animam & ejus potentias, ac proinde quidquid poterat tunc præstare, potest & modo. Antecedens est certum: corpus enim per peccatum originale non est redditum magis corruptibile, nec magis obnoxium morbis, laesibili, & aliis lujus vite incommodis, quam fuisset in statu naturæ puræ, sed fuit solum suæ naturæ, seu naturali conditioni relictum, & dono immortalitatis & impassibilitatis, quo in statu innocentie gaudebat, privatum. Consequentia verò probatur: Illud ipsum quod iustitia originalis faciebat in corpore, proportione servata, præstabat & in anima; corpus enim per iustitiam originale animæ subdebatur, & anima Deo: Ergo sicut corpus per destructionem originalis iustitiæ fuit suæ naturæ relictum, ita & anima.

39 Tertiò suadetur conclusio, discurrendo per singulos modos, quibus Adversarii docent naturam humanam in ordine ad bonum morale naturalis ordinis fuisse debilitatam, ac demonstrando nullum ex illis esse veritati consentaneum. In primis enim, quod illa non sit facta debilior ad prosecutionem boni, per impressionem alicujus qualitatæ morbide, vel pravi habitus inclinantis in malum, qui ex Adami peccato in ejus posteriores refluat (ut volunt Gregorius de Arimino, Henricus, & alii veteres Theologi) patebit ex dicendis in Tractatu de peccatis, ubi ostendemus, qualitatem illam esse fictitiam & chimericam, & ex peccato originali nullum pravum habitum in nos refluere, illudque non in aliquo positivo, sed in sola privatione originalis iustitiæ, formaliter consistere.

40 Deinde quod illa non sit proclivior ad malum, ac debilior ad bonum, ex eo quod inclinatio appetitus ad bona sensibilia, per additionem majoris efficacæ & intensiōis, facta sit major & vehementior, ut Naclātus & Corduba dicunt, non minus evidens est: tum quia, ut supra dicebamus, ex causâ naturali non sequitur, propter remotionem impedimenti, major aut minor effectus, quam secundum naturam posset sequi: tum etiam quia inclinatio naturalis ad bonum sensibile, cum sit proprietas naturæ humanæ, subindeque invariabiliter fluat à generante, & essentia rei genitæ, non est intensibilis aut remissibilis, nec suscipit majus & minus.

41 Tertiò quod homo in statu naturæ lapsæ non sit factus debilior ad bonum morale, per accessum majorum impedimentorum ad bene operandum, quam esset in statu naturæ puræ, facile contra Alvarem, & alios ex nostris Thomisticis potest suaderi: nam cum in statu naturæ puræ homo haberet inclinationem appetitus sensitivi ad bonum sensibile, sine fræno aliquo reprimente ipsum, & per consequens contrarietatem appetituum, rebellionem passionum, & varias perturbationes cum ab intrinseco, tum ab extrinseco, eadem plane haberet impedimenta ad bene operandum, quæ experitur in statu naturæ lapsæ.

42 Nec obstat, si dicas cum Alvare, quod homo in statu naturæ puræ non esset aversus à Deo ut ultimo fine, sicut in statu naturæ lapsæ, ratione peccati originalis, ab illo aversus est: nam cum hæc aversio non sit positiva, sicut ea quæ in peccato actuali reperitur, sed tantum privativa iustitiæ originalis (ut ipse Alvarez fatetur, nobiscum sentiens peccatum originale non in aliquo poi-

D. p. 7.  
art. 5.



sivo, sed in sola privatione iustitiæ originalis consistere (non se habet per modum impedimenti positivi ad bene operandum, sed tantum ut removens prohibens, nempe iustitiæ originale, quæ veluti frænum aureum motus inordinatos appetitus sensitivi in statu innocentie coerceret; unde à D. Thoma quæst. 4. de malo art. 2. ad 7. *Retinaculum viriū inferiorum* appellatur.

43 Adde quod, homo à Deo creatus in puris naturalibus, aut ab alio homine descendens per feminalem propagationem, & perveniens ad usum rationis, solum esset conversus ad bonum ut sic, non autem ad Deum ut ultimum finem, neque ex natura sua posset applicari à Deo nisi ad talem amorem boni ut sic, ex quo semovere posset ad querendam illam beatitudinem communem in bono sensibili, vel honesto, in Deo, vel in creatura: in quo distinguitur homo ab Angelo; nam iste ex altiori gradu perfectionis perit moveri à Deo, ut ab agente particulari, ad amorem finis particularis, & ad actum dilectionis Dei in primo instanti creationis applicari. Ex qua differentia oritur primum, quod homo etiam creatus à Deo in puris naturalibus posset peccare in primo instanti usus rationis, non tamen Angelus: secundo quod homo in statu naturæ puræ esset aversus à Deo, sicut in statu naturæ lapæ, cum hac solum differentia, quod in hoc statu privativè & culpabiliter à Deo aversus est, in illo vero solum negativè ab eo esset aversus. Quod explicat Cajetanus aptissimò exemplo nuditatis duorum hominum, quorum unus nunquam habuit vestes, neque ius ad eas; alter vero fuit prius vestitus, & postea denudatus ad castigationem alicuius criminis; nam nuditas in utroque est æqualis, & in hoc tantum differt, quod in primo habet rationem puræ & simplicis negationis, in secundo vero rationem privationis & pœnæ.

44 Denique quod homo in statu naturæ lapæ ad bene operandum non sit debilior extrinsecè, sive ex parte Dei denegantis concursum vel cogitationem congruam ad rectè agendum, sive ex parte Dæmonis acris & vehementius homines tentantis, quam fecisset in statu naturæ puræ, contra Anti-Jansenium breviter ostenditur: Primum quia non est potior ratio, cur homo post lapsum privetur auxiliis ex connaturali Dei providentia ipsi debitæ, quam internis facultatibus, ratione quarum ea auxilia postulari: Sed naturales hominis facultates non fuerunt ablatae aut diminutæ per peccatum, cum juxta Dionysium cap. 4. de divin. nomin. in homine, sicut in Dæmonibus, post peccatum naturalia manserint integra; ex quo inferit S. Thomas l. p. quæst. 95. art. 1. perfectam subjectionem corporis ad animam, & inferioris appetitus ad superiorem, non fuisse homini naturalem, quia si naturalis extitisset, in eo per peccatum lapsu permanisset: Ergo homo per originale non privatur auxiliis, aut cogitationibus congruis, ex connaturali Dei providentia ipsi debitæ. Et licet supponeremus ipsum per tale peccatum incurrisse debitum illis cavendis; nihilominus sentiendum esset, illud per merita Christi Redemptoris ei remitti, quandoquidem per ea condonatur etiam debitum cavendi auxiliis supernaturalibus.

Deinde quantum est ex parte Dæmonis, pro explorato habendum est, aut ipsum non esse fortius, & propensius ad tentandum, quam esset in statu puræ naturæ, aut hominem, suppo-

45 sità Christi redemptione, esse potentius ad resistendum.

Nec valet, si dicas, hominem purum non fuisse tentandum à Dæmone, sicut hominem lapsum: cum hoc alienum videatur à Dei providentia homini puro consentanea. Non valet, inquam, quia sicut homines potuerunt creati ordinati tantum ad beatitudinem naturalem, ita & Angeli: ex Angelis autem sic ordinatis, aliqui potuissent labi, & fieri Dæmones, subindeque hominibus adhuc positæ in via, & tendentibus ad beatitudinem naturalem, à qua ipsi excidissent, invidere, & conari eos ab ea avertere, impellendo ad peccatum, sicut nunc illis invident beatitudinem supernaturalem, à qua exciderunt.

## §. III.

*Solvuntur objectiones.*

Obijciunt in primis Adversarij: Juxta communem Theologorum pronuntiatum, homo per peccatum originale fuit spoliatus gratuitis, & vulneratus in naturalibus, ut articulo precedenti, conclusione ultimâ fuisse ostendimus: At hæc vulneratio, ut distincta à spoliatione gratuitorum, intelligi non potest absque diminutione virium naturalium ad bonum morale: sicut in ordine physico vulnus corporeum, absque aliqua debilitatione corporis, & virium corporearum diminutione, vix potest contingere. Unde S. Thomas in 2. dist. 30. quæst. 1. art. 1. ad 3. ait, quod tam Angelus, quam homo, per peccatum factus est minus habilis, & magis distans à finis consecutione: & propter hoc etiam homo gratuitus spoliatus, dicitur in naturalibus vulneratus, Luce 10. m. Glossa: Ergo &c.

Respondeo primum, concessâ Majori, negando absolute Minorem: sicut enim natura humana dicitur integra in naturalibus, ratione unionis, pacis, & concordie inter partem inferiorem & superiorem, inter appetitum sensitivum rationalem, quam originalis iustitia in statu innocentie faciebat; ita potest dici vulnerata in naturalibus, propter amissionem hujusmodi unionis sive subordinationis: nam sicut in naturalibus illud quod dividit & separat partes corporis inter se conjunctas, vulnerare dicitur, unde vulnus dissolutionis continui definitur; ita in moralibus divisio facta per peccatum inter partem superiorem & inferiorem hominis, prius unitas & subordinatas, non incongrue vulnus appellari potest, per metaphoram à solutione continui corporalis ductam. Unde Beda supra relatus: *Peccata dicuntur plage, quia bñ natura humana integritas violatur.*

Si istes, hominem in pura natura conditum non habiturum perfectam illam unionem, & subordinationem partis inferioris ad superiorem, & tamen non propterea dicendum fore vulneratum in naturalibus: Ergo nec in statu peccati originalis. Negabo. Consequentiā, quia de ratione vulneris est, quod dividat & separet inter ea quæ prius erant unita, vel saltem debuerant uniri: unde eadem divisio, quæ connotanda præexistente unionem extremorum, aut ejus debitum, habet rationem vulneris, hæc connotatione seclusa, nequit appellari vulnus; ut patet in divisione reperta inter digitos, quæ non est vulnus, quia digiti semper fuerunt divisi: si tamen quis nasceretur cum illis unitis & conglutinis, nullatenus eorum divisio fieri posset sine vulnere. Cum ergo in statu puræ naturæ non præcessisset in homine perfecta unitio, &

subordinatio partis inferioris ad superiorem, neque illa fuisset debita, divisio & discordia inter illas non habuisset rationem vulneris: modò verò cum talis unio in statu innocentie in homine præcesserit, ejusque debitum semper permaneat, nihil deest ad hoc ut divisio illa, facta per peccatum inter partem superiorem & inferiorem, habeat rationem vulneris, subindeque ut homo in statu peccati originalis dicatur non solum spoliatus gratuitis, sed etiam vulneratus in naturalibus.

48 Respondeo secundò, distinguendo Minorem: Vulneratio intelligi nequit sine diminutione virium &c. quas homo habuit in statu naturæ integræ, seu originalis iustitiæ, concedo minorem: quas habuisset in statu naturæ puræ, nego minorem, & consequentiam. Itaque ut homo dici possit per peccatum originale vulneratus in naturalibus, non requiritur quod ejus voluntas facta sit propensior ad malum, & debiliior ad bonum, ad eoque minus indifferens & indeterminata ad utrumque, quam esset ex natura sua, seu in puris naturalibus, sed sufficit quod sint minores vires in natura lapsæ, in ordine ad bonum morale ordinis naturalis. quam fuerint in natura integræ, seu in statu innocentie, vel originalis iustitiæ, ut revera minores sunt: in eo siquidem statu innocentie donum integritatis perficiebatur hominē, eumque reddebatur apertiorē & potentiorē etiam ad actiones naturales, puta dilectionem Dei ut auctoris naturæ, observantiam legis naturalis, &c. quam esset ex natura suāz unde hoc dono privatus ac spoliatus in penam peccati originalis, dicitur vulneratus in naturalibus, ut explicat S. Thomas supra quest. 85. art. 3. hic verbis: *Per iustitiam originalem perfectè ratio continebat inferiores animæ vires, & ipsa ratio à Deo perficiebatur, ei subiecta. Hac autem originalis iustitia subtrahita est per peccatum primi parentis: & idè omnes vires animæ permanent quodammodo destitutæ proprio ordine, quo naturaliter ordinantur ad virtutem, & ipsa destitutio VULNERATIO DICTUR NATURÆ.* Ex quo intelliges, quod quando idem S. Doctor, loco in objectione citato, ait: *Homo per peccatum factus est minus habilis, & magis diffians à fine consecutione, & propter hoc dicitur in naturalibus vulneratus,* loquitur de homine lapsò, comparativè ad statum innocentie, non verò per respectum ad statum naturæ puræ. In quo etiam sensu intelligi debet id quod habetur in Concilio Arausico, Valentino, & Tridentino, nempe liberum hominis arbitrium per peccatum Adæ fuisse infirmatum, & totum hominem in deterius secundum corpus & animam commutatum. Similiter quando in Tractatu de peccatis docent Theologi, peccatum originale minuere inclinationem hominis ad bonum honestum, & rationi consonum, hoc debet intelligi de inclinatione ad bonum honestum, quam habuit homo in statu naturæ integræ, non verò de ea quam habuisset in statu naturæ puræ, si in eo conditus fuisset.

49 Obijcies secundò: D. Anselmus libro de conceptu virginali cap. 5. comparat appetitum sensitivum, destitutum iustitiæ originali, cum fera quæ prius erat vincita, & postea ruptis vinculis ferocius sævit: sentit ergo talem appetitum, postquam destitutus est frano originalis iustitiæ, seu dono integritatis quo à malo compescēbatur, & coercēbatur, magis sævire, vehementiusque in bona sensibilia rationi contraria inclinare, quā fecisset in statu puræ naturæ, ubi nondum fuisset

A set alligatus; subindeque hominem in statu naturæ lapsæ, procliviorē esse ad malum, & debiliorem ad bonum, quam in statu naturæ puræ.

Respondeo exemplum illud D. Anselmi non tenere in omnibus, sed in eo solum, quod sicut fera, ruptis vinculis, operatur secundum suam naturalem feritatem: ita appetitus sensitivus, solum vinculo originalis iustitiæ, quam D. Thomas supra relatus, *retinaculum virum inferiorum* appellat, tendit in bona sensibilia effrenatè, & absque ordine & moderamine rationis, sicut ei competit ex natura sua: unde ex hac comparatione non rectè inferitur, appetitum sensitivum hominis in statu naturæ lapsæ vehementius in bona sensibilia rationi contraria inclinare, quam in statu naturæ puræ. Et ratio disparitatis manifestata est: fera enim dum est alligata, habet pro objecto suæ sevitiæ illam detentionem causatam ex vinculis, unde nemini, si postea illis ruptis plus sæviat, quam si vincula non fuisset: appetitus vero sensitivus hominis, dum erat ligatus per iustitiam originalem, seu donum integritatis, non habebat pro objecto suæ sevitiæ talem, ut sic dicamus, detentionem & alligationem; & idè non est cur soluto illo vinculo magis sæviat, aut immoderatiùs ad malum inclinet, quam si nunquam fuisset ligatus, seu quam si homo in statu puræ naturæ fuisset conditus: præsertim quia (ut supra ex Cajetano dicebamus) ex remote prohibens, non sequitur aut major aut minor effectus naturalis, quam ex natura ipsa sequatur.

Obijcit tertio Adversarij cum Alvere, & est 51 præcipuum illorum fundamentum: Homo in statu naturæ lapsæ, per originale peccatum averfus est à Deo, non solum prout est finis ultimus supernaturalis, sed etiam prout est finis ultimus naturalis: in statu verò naturæ puræ, cum à peccato originali esset immunitis, non esset ab illo ut fine ultimo naturali averfus: Sed hæc averfio maximum præbet humano arbitrio impedimentum ad boni honesti prosecutionē: Ergo homo in statu naturæ lapsæ, majora habet impedimenta ad prosecutionem boni honesti, seu boni moralis ordinis naturalis, quam habuisset in statu puræ naturæ, subindeque debiliior est ad operandum bene moraliter, non quidem diminutione aliquā intrinsicè virium & facultatem suarum, sed accessu majorum impedimentorum: Major videtur certa: Minor verò probatur. Sicut se habent principia in speculabilibus ad intellectum, ita se habent fines in operabilibus ad voluntatem, ut passim docent Aristoteles & S. Thomas: unde sicut ille fit male affectus circa conclusiones, & redditur incapax ad rectè discurrendum circa illas, qui caret notitiâ principiorum, & per ignorantiam vel errorem ad illis averfus est, absque ulla prorsus sui diminutione, aut suæ virtutis remissione: ita etiam voluntas ex hoc ipso quod ab ultimo fine est averfa, absque ulla prorsus sui diminutione, est minus habilis ad eligenda media ad illum conducentia, & ad tendendum in bonum honestum & rationi consonum.

Huic argumento respondet Suarez ubi supra, 52 negando Majorem: existit enim peccatū originale non avertere hominem à Deo ut est finis naturalis, sed solum ut est finis supernaturalis.

Sed hæc solutio displicet: Quia si peccatum originale non avertere hominem à Deo ut est finis naturalis, sequeretur parvulos in peccato

peccato originali decedentes habere beatitudinem naturalem, in fruitione Dei ut ultimi finis naturalis consistentem; quod à D. Augustino ferm. 14. de verbis Apostoli, ut dogma Pelagianum rejicitur, & à nobis fusè impugnabitur, in Tractatu de peccatis. Unde

Diff. 7.  
art. 7.  
§. 5.

§3 Melius respondetur, quod homo in statu naturæ lapsæ, per originale peccatum non est aversus à Deo ut ultimo fine naturali, aversione positiva, sed duntaxat privativè illius conversionis ad talem finem, non quæ esset in statu naturæ puræ, sed quæ esset in statu ultitioris originalis: cum enim homo naturaliter consistet ex duplici appetitu opposito, nimirum rationali, inclinante ad bonum honestum & rationi consonum; & sensibili, ad bonum sensibile rationi contrarium pertrahente; non exigit ex sua natura applicari à Deo ad amorem boni honesti, vel boni sensibilibus determinatè & in particulari, nec per consequens ad dilectionem Dei, ut auctoris naturæ, sed duntaxat ad amorem boni ut sic, & beatitudinis in communi, ex quo per discursum rationis, & electionem voluntatis, se movere possit ad querendam beatitudinem in particulari in bono honesto, vel in bono sensibili, in Deo vel in creatura, ut supra annotavimus: quare si fuisset conditus in statu naturæ puræ, in primo instanti usque rationis fuisset aversus à Deo, etiam auctore naturæ, non quidem aversione privativè & culpabili, sicut in statu naturæ lapsæ, sed purè negativè & inculpabili; caruisset enim conversione ad Deum ut naturæ auctorem, non propter aliquam culpam præcedentem, sed ob defectum naturalis conditionis. Unde hoc argumentum probat quidem minores esse vires hominis in natura lapsæ, quam in natura integra, non tamen quàm in natura pura.

§4 Obijciunt ultimò Adversarij cum Alvare disp. §. 1. de auxiliis: Homo in puris naturalibus conditus posset ex viribus propriis, & cum solo generali Dei concursu, Deum ut auctorem naturæ super omnia dilectione efficaci diligere; cum ad hoc naturali præcepto teneretur, & sine potentia non esset obligatio: Sed homo in statu naturæ lapsæ actum dilectionis Dei efficacem & perfectum cum solis viribus naturalibus, & generali Dei concursu, elicere nequit, ut communiter docent nostri Thomistæ in Tractatu de gratia, & nos ibidem ostendimus: Ergo in statu naturæ lapsæ minores habet vires, quàm habuisset in statu naturæ puræ.

Diff. 1.  
art. 4.

§5 Respondeo negando Majorem: nam ut dicemus in Tractatu de gratia, licet homo in puris naturalibus conditus, Deum ut auctorem naturæ posset efficaci dilectione super omnia diligere sine gratia, seu auxilio ordinis supernaturalis (quod status puræ naturæ excluderet) non tamen ex propriis viribus, & cum solo generali Dei concursu, sed ad hoc indigeret auxilio speciali ordinis naturalis, quod status puræ naturæ non excluderet, ut infra ostendemus: unde tale auxilium homini in puris naturalibus condito Deus offerret, quotiescunque præceptum dilectionis urgeret, hoc exigente suæ providentiæ suavitate, quæ nunquam impossibilia præcipit.

Diff. 6  
art. 1.

§6 Dices: Ut homo lapsus, existens in peccato mortali, efficaciter Deum naturæ Auctorem super omnia diligit, indiget non solum auxilio speciali ordinis naturalis, sed etiam auxilio supernaturali, & gratiâ habituali, ut docent nostri Thomistæ in Tractatu de gratia, & colligitur ex

Tom. II.

A S. Toma 1. 2. quæst. 109. artic. 3. ubi docet ad dilectionem Dei indigere hominem lapsum gratia sanante, quo nomine gratia habitualis intelligitur; constat ex artic. 4. sequenti: Ergo etiam in statu naturæ puræ homo indigeret auxilio speciali ordinis naturalis, ad actum efficacem dilectionis Dei elicendum nihilominus stat, illum in statu naturæ lapsæ minores habere vires, quàm habuisset in statu naturæ puræ.

Respondeo distinguendo Antecedens: indiget auxilio supernaturali, & gratiâ habituali, per modum principij elicentis, & dantis vires ad talem actum elicendum, nego Antecedens: per modum principij expedientis ab impedimento peccati, seu removens prohibens, nimirum aversionem à Deo ut ultimo fine, concedo Antecedens, & nego Consequentiam. Solutio patet ex dicendis in Tractatu de gratia, ubi examinabitur, an etiam homo justus indigeat auxilio supernaturali ad talem dilectionem elicendam. Ibi etiam fusè agemus de necessitate gratiæ in homine lapsò ad bene operandum, & ostendemus quod si illa in statu innocentie & integritatis homini sano ad rectè operandum necessaria fuit, à fortiori in statu naturæ lapsæ, homo debilis & infirmus eà indiget, juxta illud Ezechiel. 1. §. Quid fiet de ligno vitæ etiam cum esset integrum, non erat aptum ad opus: quàm magis cum illud ignis devoraverit, & combusserit, nihil ex eo fiet opus. Ubi quamvis historico sensu cives Hierosolymitanos intelligat Hieronymus, sensu tamen spiritali, intelligitur natura humana; ac si diceretur: Si natura humana, etiam integra, ex se non erat apta atque sufficiens suâ solâ virtute ad diligendum Deum, & rectè operandum, absque influxu vitæ, sive auxilio gratiæ divinæ, quomodo illud agere posset, cum per peccatum corrupta & extenuata esset?

Diff. 1.  
art. 4.

## DISPUTATIO V.

### De statu naturæ reparatæ.

Hic est quartus naturæ humanæ status, in quo nunc versamur, & in quo per Christi gratiam à peccato liberari, & salutem consequi possumus. Pauca autem de illo hic occurrunt dicenda, quia exacta illius explicatio ad Tractatum de gratia pertinet.

### ARTICULUS PRIMUS.

An primi parentes peccati sui veniam & aternam salutem consecuti fuerint?

Ratio dubitandi sumitur ab exemplo Angelorum, quibus via concessa non est ad remissionem peccati obtinendam: idem enim iudicandum videtur de hominibus in statu innocentie peccantibus: tum quia tantâ facilitate poterant cavere peccatum, ac Angelis: etiam quia non minoribus donis & beneficiis fuerant à Deo præventi. Unde olim Encratitæ dixerunt, Adam non fuisse per penitentiam à peccato suo liberatum. Tatianus verò dixit Adam & Evam damnatos esse, ut referunt Augustinus hæres. 5. Epiphanius hæres. 46. Eusebius lib. 4. Historiæ cap. 2. §. & Alphonfus à Castro verbo Adam hæres. 1. Aliqui etiam ex Scripturis Catholicis antiquis, qui librum Sapientiæ ut canonicum non

Yyy 3

amit-



admittebant, rem hanc dubiam & incertam esse dixerunt, quia extra illum librum nihil de hac re in Scriptura sacra invenitur. Ita opinatus est Rupertus lib. 1. in Genesim cap. 30. & 31. Pro veraz & Catholice sententia declaratione.

2 Dico primò, Adamum per penitentiam peccati sui veniam fuisse consecutum, & in gratiam Dei restitutum.

Probatum conclusio ex Scriptura: dicitur enim Sapient. 10. *Hec* (id est scilicet sapientia) *illum qui primus formatus est à Deo Pater orbis terrarum: cum solus esset creatus, custodivit & eduxit illum à deitio suo: id est à peccato suo illum liberavit, & in gratiam restituit, non enim aliter homo à peccato educitur.* Unde licet ex hoc loco non colligatur evidenter Adamum esse beatum, bene tamen illum à primo peccato fuisse justificatum: cumque Tridentinum sess. 4. definierit librum Sapientie esse canonicum, de iude certum est, Adamum suæ primæ transgressionis veniam fuisse assecutum. Quod etiam colligitur ex Apostolo 1. ad Corinth. 15. dicente: *Sicut in Adam omnes moriuntur, ita & in Christo omnes vivificabuntur.* Ex quo infert Irenæus infra citandus, quod si filii Adæ per Christum liberantur, multò magis ipse Adam liberatus fuit. Nam cum Christus venerit ad expugnandum dæmonem, & quos tenebat captivos, Adamum scilicet, & filios suos, redimendos, injustum videretur, filios Adæ, & non parentem ipsum à captivitate liberare.

3 Accedit suffragium SS. Patrum, quid unanimi fere consensu affirmant: Irenæus enim lib. 3. cap. 37. ait quod Adamus *transgressionis fecit penitentiam: penitentibus autem largitur benignitatem suam Deus.* Et hanc penitentiam dicit ostendisse Adamum, *faciendum sibi cinatorium ex solis fideis, quæ carnem possent affligere.* Afferit etiam ibidem, eos qui contradicunt saluti Adæ, consequenter dicere, non invenisse Christum ovem perditam. Tertullianus vero lib. 1. contra Marcionem cap. 2. 5. ait Deum non maledixisse Adam nec Evam, *ut restitutionis candidatos, ut confessione revelatos.* Gregorius lib. 6. Epist. 31. alias cap. 195. dicit quod Adam *per penitentiam ad vitam rediit.* Augustinus demum, Epiphanius, & alii, erroris damnant Encratitas id negantes, ut videre est apud Alphonsium à Castro suprà citatum.

Indicia vero seu conjecturæ hujus veritatis tres assignari possunt, una ex parte Dei, alia ex parte Christi, & tertia ex parte ipsius Adami, quas refert Suarez lib. 4. de amissione statûs in noentia cap. 9. Deus enim post lapsum benignissime tractavit Adamum, & magnam ejus curam fegit, illum ad penitentiam provocando, corrigendo, & leviter puniendo, ut eleganter expedit Chrysostomus homil. 7. ad populum sub finem. Verisimile etiam est, Adamum post peccatum expressam fidem Christi Redemptoris habuisse, ac in eo sperasse. Ille demum post peccatum magnam in se mutationem expertus est, vidit enim se donis & privilegiis julticiæ originalis, Paradisi terrestri habitatione, Angelorum consortio & familiaritate, aliisque innumeris gaudiis & privilegiis, quibus in felicissimo innocentia statu fruebatur, privatum esse: quæ vehementer illum ad penitentiam provocarunt, ut unusquisque facillè considerare potest.

4 Addit Pererius lib. 6. in Genesim, ad illaverba: *Fecit quoque Dominus Deus Adæ & uxori ejus tunicas pelliceas, & induit eos, Deum eo vestitu indicavit voluisse, quemadmodum Adamus, & qui-*

A vis peccatorum, nuditatem animæ suæ, ob scditatem peccati obtegere deberet. Etenim pelles mortuorum animalium figurabant virtutem penitentia, per quam moriendum est peccatis, omnesque carnales & terrenæ cupiditates, spiritûs vigore perdomandæ ac mortificandæ sunt. Sola enim penitentia ritè peracta, idoneum esse potest peccatorum integumentum, de quo licet intelligere illud quod dixit David: *Beati quorum remissa sunt iniquitates, & quorum tecta sunt peccata.*

Ad rationem verò dubitandi initio adductam, quare scilicet Deus homini peccanti locum penitentia concessit, non verò Angelo, respondet Gregorius magnus lib. 4. Moral. cap. 9. his verbis: *Domus ad intelligendum creaturas Deus fecerat, angelicam videlicet & humanam: utramque verò superbia percutit, sed una tegmen carni habuit, alia verò nihil infirmum de carne gessit: misertus ergo Creator, illam ad se debuit reducere quam in perpetracione culpæ ex infirmitate aliquid constat habuisse, & ed amplius debuit apostatam Angelum repellere, quod cum à persciscendi sortitudine corrui, nihil infirmum ex carne gessit.*

Dico secundò, Adamum salutem æternam consecutum esse.

Colligitur ex Scriptura Sapient. 9. ubi sic dicitur: *Per sapientiam sancti sunt quicumque placuerunt tibi Domine à principio.* Quorum primus Adam numeratur versu sequenti, his verbis: *Hec illum qui primus formatus est à Deo & c.* Non solet autem Scriptura ita loqui de mortuis in peccato mortali, & damnatis, dicereque illos placuisse Deo.

Favent etiam SS. Patres: Augustinus enim lib. 2. de peccatorum meritis cap. 34. de primis hominibus ait: *Post peccatum iuste vivendo, meritis creduntur per Domini sanguinem ab extremo supplicio liberati.* Hilarius in Psal. 119. Adam (inquit) *venia reservatus, & glorificatus in Christo est.* Hieronymus in cap. 1. Epistolæ ad Ephesios: *Adam è Paradiso ejectus, per Salvatorem revocandus erat.* Nazianzenus Orat. 3. de Adamo & Eva ait: *Virumque serpens decepit, utrumque Christus passione sua salute donavit.* Athanasius ferm. de passione asserit resurgente Salvatore, cum eo & ipsum Adamum resurrexisse. Idem docet Leo IX. in cap. *Illi duo de consecrat. dist. 1.* Epiphanius item hæresi 46. docet non sine mysterio Adamum sepultum fuisse in monte Calvarie, quia nimirum Adam efficaciam sanguinis Christi primus experturus erat. Demum Augustinus Epist. 59. ad Evodium ait, Ecclesiam ferè totam consentire, Christum, cum ad inferos descendit, inde Adamum liberaisse.

Quod diximus de justificatione & glorificatione Adami, eadem ferè certitudine de Eva sentiendum est, nam licet Scriptura Sapient. 9. & 10. de solo Adamo mentionem faciat, aliqui tamen ex Patribus suprà citatis, de utroque loquuntur. Ratio etiam suffragatur: Dedit enim Christum eripere de manu hostis illam singularem personam quam dæmon decepit, & per quam virum etiam superaverat: si enim adhuc serpenti subiecta esset, res fuc cessisset juxta serpentis nequitiam, & non juxta voluntatem Dei, & sic Deus esset quodammodo à serpente victus. Unde Hugo Victorinus verba illa Dei ad serpentem: *Inimicitias ponam inter te & mulierem, ipsa conseret caput tuum,* exponens, ex illis colligit, Evam rediisse in Dei amicitiam, & dæmonem tandem viciisse.



## ARTICULUS II.

*An homines in statu natura reparata per Christum, intensiorem gratiam, & plura ac majora merita habeant, quam habuissent in statu innocentia, si perseverassent?*

**P**artem affirmantem tenent D. Bonaventura in 2. dist. 29. art. 3. quæst. 6. Gabriel ibidem art. 2. & Perierius lib. 5. in Genesim disp. de gratia status innocentia, quæst. 5. propositione 3. ubi sic ait: Probabili conjectura arbitror, plus gratia dari hominibus in statu legis Evangelicæ, propter Christi adventum ac meritum, quam in statu innocentia fuisset datum. Si enim dignitas status innocentia requirerebat, ut multum gratia daretur hominibus in eo statu versantibus: multo tamen magis id exigere dignitas status Evangelici, cujus auctor & conditor est Christus, cujus infinitas meriti jure suo exposcit, ut plus gratia propter ipsum detur homini, quam fuisset ei propter dignitatem status innocentia tribuendum. Unde Christus dicebat Joan. 10. Ego veni ut vitam habeant & abundantius habeant. Et Apostolus ad Roman. 5. comparans peccatum Adæ cum gratia Christi, ait non sicut delictum Adæ, ita fuisse Christi donum, sed hoc fuisse illo abundantius & ubi abundavit, superabundasse gratiam. Unde Bernardus in sermone super hæc verba Apocal. *Signum magnum apparuit in celo, hæc scribit: Vebementer nobis vir unus & mulier una nocuerunt, sed gratia Deo, per unum nihilominus virum, & mulierem unam, omnia restituantur, nec sine magno sanore gratiarum; neque enim sicut delictum, ita & donum, sed excedit damni estimationem beneficij magnitudo.* Sic nimirum prudens & elementissimus artifex quod quassatum fuerat non confregit, sed utilius omnino refecit, ut nobis novum formaret Adam ex veteri, & Evam transfunderet in Mariam.

Hæc opinio probabilitate non caret, & eique adhærere videtur Serra infra quæst. 95. art. 5. ubi exponens conclusionem illam D. Thomæ, quâ allerit quod opera primi hominis fuerunt efficaciora ad merendum, quam nostra, subdit: *Hæc conclusio intelligenda est de operibus primi hominis, & nostris, consideratis ex vi conditionis utriusque status, natura scilicet lapsæ & integre absolutæ: nam si consideremus in statu nature lapsæ copiosam Christi redemptionem, ejusque virtutem, quæ, ut caput nostrum abundantiæ gratia & meritum insuit in membra, quodque ipse dixit Joan. 10. Ego veni ut vitam habeant & abundantius habeant, majora sunt merita hominum nunc, quam si Adam non peccasset.* Pro resolutione hujus difficultatis.

**D**ico breviter, si status innocentia durasset, communis quidem ac vulgaris hominum multitudo, intensiorem gratiam, & plura ac majora merita habuisset, quam ordinariè in hominibus lapsis communi modo viventibus inveniantur: magna tamen in statu nature lapsæ, & per Christum reparatæ, iustorum & sanctorum multitudo invenitur, quæ in intensione gratia, & in excellentia, multitudine, & varietate meritum, superat iustos & sanctos qui fuissent in statu innocentia. Colligitur ex D. Thoma in 2. dist. 29. quæst. 1. art. 3. ubi sic ait: *Considerando statum ad statum universalius homo ante peccatum ampliori gratia præditi fuisset, quam post: Sed tamen non est in. conveniens quod aliquis post statum peccati, multo*

**A** majorem gratiam habeat, quam aliqui habuissent etiam in primo statu, eo quod gratia non tantum datur secundum mensuram naturalis virtutis seu capacitatis, sed secundum contrarium, quem contingit esse majorem in eo qui minoris virtutis est: sicut etiam dicitur de comparatione hominum novi & veteris testamenti.

**P**rima pars hujus conclusionis probatur: In statu nature lapsæ, & per gratiam Christi reparatæ, vulgaris & communis hominum multitudo, sequitur impetum nature corruptæ, pluraque committit peccata, quibus ponit obicem divina gratia, & merito vitæ æternæ; quia nimirum, licet natura humana per gratiam sanctetur quantum ad mentem, remanet tamen in ea corruptio & infectio quantum ad carnem, per quam servit legi peccati, ut ait S. Thomas 1. 2. quæst. 109. art. 9. E contra verò in statu innocentia, cum nulla esset concupiscentia, & corruptio carnis, ad peccandum inclinans, homines minores & rariores peccandi occasionem, & plures bene operandi habuissent, subindeque rariùs peccassent, quam in statu nature corruptæ, & per consequens in illis copiosior gratia fuisset, nullo obstaculo in humana natura invento, ut ait S. Thomas infra quæst. 95. art. 4. unde cum quantitas meriti ex parte gratia attendatur, ut ibidem ait idem S. Doctor, si status innocentia durasset, communis ac vulgaris hominum multitudo, plura ac majora merita habuisset, quam ordinariè in hominibus lapsis communi modo viventibus inveniantur.

**Q**uod verò in statu nature lapsæ, & per Christum reparatæ, magna sit iustorum & sanctorum multitudo, qui in intensione gratia, & in excellentia, multitudine, ac varietate meritum, superant iustos & sanctos qui fuissent in statu innocentia, si perseverassent, patet in Joanne Baptista, Apostolis, innumeris Martyribus, Confessoribus, Monachis, ac Virginitibus, qui mirabile vitæ genus duxerunt, & opera virtutum stupenda fecerunt. Hic enim plane videtur esse quasi proprius & singularis effectus incarnationis & redemptionis Christi. Et per hoc faciliè explicantur testimonia Scripturæ & SS. Patrum, à Pererio adducta, faciliè intelligitur quomodo Christus venit ut homines vitam abundantius habeant, & ubi abundavit delictum, superabundet & gratia, nobisque plus boni ex meritis Christi adveniat, quam perdidieramus per peccatum Adami, & damni estimationem, beneficii magnitudo excedat. Quapropter Gregorius culpam Adæ felicem appellare non dubitavit, cum illius occasione tot & tanta ingenus humanum rededuxerint bona, præsertim verò insignis illud decus unionis hypostaticæ, quæ, ut ait Augustinus, adeo naturam humanam exivit, ut quo ascenderet alius non habuerit.

## ARTICULUS III.

*In quo differat gratia status natura lapsæ, & per Christum reparatæ, à gratia status innocentia?*

## §. I.

*Premittuntur quæ serè apud omnes sunt certæ.*

**C**ertum est in pluribus differre gratiam status nature lapsæ reparatæ, quam medicinalem vocant,

vocant, à gratia statûs innocentie, quæ gratia sanitatis appellari solet: & in primis in eo quod omnis gratia medicinalis sit ex Christi meritis, unde gratia Christi appellatur; gratia verò satisfactis ex illis non sit, ut in Tractatu de Incarnatione fuisse ostendimus. Secundò differunt in hoc quod gratia sanitatis ad id tantum fuit collata, ut homo (sanctitatem & innocentiam acceptam conservaret; gratia verò medicinalis ad hoc datur, ut à varijs peccati originalis & actualis vulneribus perfecte sanetur; quamvis hanc perfectam sanitatem non assequatur in hac vita, sed tantum in patria. Nam ut ait S. Thomas hic quæst. 109. art. 9. Licet natura humana per gratiam sanetur quantum ad mentem, remanet tamen in ea corruptio & infectio quantum ad carnem, per quam servit legi peccati, ut dicitur ad Roman. 7. Remanet etiam quædam ignorantia obscuritas in intellectu, secundum quam, ut etiam dicitur ad Roman. 8. quid oremus sicut oportet nescimus. Et art. 10. ad 2. dicit, quod est reparatio gratie Christi hic sit inchoata quantum ad mentem, nondum tamen est consummata quantum ad carnem, quod erit in patria. Item supra quæst. 85. art. 5. ad 2. Oportet (inquit) quod ad immortalitatem & impassibilitatem gloria que in Christo inchoata est, & per Christum nobis acquisita, perveniamus, conformati prius passionibus eius: unde oportet quod ad tempus eius passibilitas in nostris corporibus remaneat, ad impassibilitatem gloria promerendam conformiter Christo. Quam etiam rationem insinuat Tridentinum sess. 5. cap. 5. ubi docet quod quamvis per baptismum reatus omnis peccati originalis penitus tollatur, remanet nihilominus in baptizatis concupiscentia, seu fomes peccati, qui ad agonem in nobis relictus est, cum, teste Apostolo, non coronetur, nisi qui legitime certaverit. Hac in confesso sunt apud omnes. Unde

14 Dux tantum hic supersunt difficultates, breviter discutendæ. Prima est, an gratia sanitatis in eo præsertim differat à gratia medicinali, quod gratia sanitatis homo, si vellet, dissentire posset; gratia verò medicinalis à necessitate assentiatur, ut illi dissentire non valeat: Hanc enim utriusque differentiam assertit Calvinus in Ancidoto Concilij Trident. ad sess. 6. artic. 5. ubi in Patres Tridentinos invehitur, quod dicendo hominem in statu nature lapsæ posse gratiam oblatam abjicere, eique dissentire si vellet, id gratiæ medicinali tribuant, quod erat proprium gratiæ sanitatis; ipsique hac de causâ Pelagianismi notam inurit.

Adem ante Calvinum docuerat Lutherus, præcipue in libro de servo arbitrio, quem idcirco Concilium Sencenense, contra ejus errores celebratum anno 1528. merito affirmat in Marnichæismo incidisse, quando Pelagianismum vitare conatus est, ut solent hæretici ab uno extremo declinare in aliud oppositum. Ejus Concilij verba sunt in præfatione, longè post initium: In errorem Marnichæ incidit Lutherus, dum nimis anxie & scrupulose de stat. l. u. u. m. : metuens namque liberum arbitrium cum Pelagio asserere, omne bonum opus quod est in homine, Deo tribuit, & divinæ gratiæ nihil prorsus libero arbitrio: Neque tollens omnino liberum arbitrium Lutherus, statim, sicut Marnichæum, dum refugit esse Pelagianum.

15 Secunda difficultas est, an gratia medicinalis Christi in eo distingatur à gratia sanitatis, quod illa inoveat & determinet liberum arbitrium ad bonum: illa verò ejus nutum, seu motum, ac de-

terminationem expectaret, eique quantum ad efficaciam & usum subjeceretur. Hanc enim elle generalem differentiam inter auxilia nature innocentis, & nature lapsæ, repaia, contendit Jansenius varijs in locis, atque hoc discrimen esse doctrinæ de gratia ad Augustino traditæ basim; veram clavem, quâ aditus in scripta ejus aperiri dunt; annulum qui ceterorum dogmatum catenam trahit; & veluti filum Ariadneum, quo nisi quis regatur, tota ejus doctrina merus labyrinthus erit.

## §. II.

Prima difficultas expeditur, errorque Lutheri & Calvinii proficitur

B Dico Primò: Gratia medicinalis Christi non necessitat voluntatem ad consensum, sed in ea relinquit dissentendi potentiam: subindeque fictitia est illa differentia, quam Calvinus inter gratiam medicalem & gratiam sanitatis constituit.

Conclusio est certa de fide, definita in Concilio Senonensi contra Lutherum, decreto fidei 15. ubi dicitur, non esse tale Deitrahentis auxilium, cui resisti non possit: & in Tridentino contra Calvinum sess. 6. can. 4. his verbis: Si quis dixerit liberum arbitrium à Deo motum & excitatum &c. non posse dissentire si vellet anathema sit.

C Favent etiam SS. Patres, præsertim Augustinus, cujus autoritate Calvinus suum dogma propugnare maxime conatur. Nam lib. de corrept. & gratia cap. 8. ait, quod gratia causat in nobis liberrimam voluntatem. Et de spiritu & litt. cap. 34. hæc scribit: Profecto ipsum velle credere Deus operatur in homine: & in omnibus misericordia ejus prævenit nos: consentire autem vocationi Dei, vel dissentire ab ea, propria voluntatis est. Quibus verbis duo Augustinus inter se conciliat, quæ ab hæreticis nullâ arte sociari posse dicuntur: alterum, Deum per gratiam suam efficacem operari in nobis velle & credere, id est quicquid boni agimus: alterum, ita hæc operari, ut tamen gratiæ, per quam ea facit, dissentire possimus. Unde etiam D. Prosper lib. 2. de vocat. gent. cap. 28. idem asserit: Deus (inquit) ad obediendum sibi velle sic donat, ut etiam perseverantiam illam potestatem, quæ potest nolle, non auferat. Et similiter D. Thomas quodlib. 1. art. 7. ad 2. his verbis: Deus movet omnia secundum modum eorum: & idè divina motio à quibusdam participatur cum necessitate: à natura autem rationali cum libertate, propter hæc quod virtus rationalis se habet ad opposita: & idè sic Deus movet mentem humanam ad bonum, quod tamen potest huic motui resistere. Quibus verbis S.

E Doctor conclusionem nostram & docuit, & probavit: Motio enim divinæ gratiæ, quamvis sit efficacissima, & infallibiliter inserat suum effectum, utpote à Dei omnipotentia, & infinita suæ voluntatis efficacia descendens; attemperatur tamen & accommodatur nature subiecti quod movet: quare sicut causas necessarias movet ad unum per modum nature, non relinquens in eis potentiam ad oppositum, quia hoc ipsarum natura exigit; ita libera movet ad unum per modum liberi, id est sub indifferenti judicio rationis, & cum potentia ad oppositum, sicut earum conditio ac libertas exposcit. Unde idem Doctor Angelicus qu. 6. de malo art. 1. ad 3. rectè etiam ad propositum dicit, quod Deus movet voluntatem immutabiliter, propter efficaciam virtutis

*In illa momentū, quā desicere non potest (ecce efficaciam divinæ motionis, petitam non ex Dei præsentia, futurum nostræ voluntatis consensum explorante, sed ex efficacia infinita divinæ voluntatis, ipsum in nobis efficiente) sed propter naturam voluntatis mota, quæ indifferenter se habet ad diversā, non inducitur necessitas, sed manet libertas: ecce ejusdem motionis dulcedinem & suavitatem, naturæ voluntatis accommodatam, quā non lædit sed perficit libertatem, nec absūmī sed relinquit dissentiendi potentiam. Hinc Sacra Scriptura, ut hujus motionis efficaciam & suavitatem designet, gratiam Spiritus sancti interdum sub figura turbinis seu venti vehementissimi, aliquando verò sub specie dulcis zephyri & auræ lenissimæ, nobis exhibet. Hinc etiam sponsa Cantic. 1. dicit: Trahe nos, curremus in odorem unguentorum tuorum. Trahe nos: divinæ gratiæ in trahendis cordibus efficacissimam potestatem. Curremus in odorem unguentorum tuorum: en miram & ineffabilem ejus suavitatem: nihil enim unguento suavius, quo non læditur, sed perficitur motiva facultas, & faciliē mobiles redduntur potentiz.*

## § III.


*Alia difficultas resolvitur, & sententia lan-  
seni breviter consuitur.*

**§ 8** **D**ico secundò: Homo in statu innocentiz indigebat efficaci motione ad singulos actus, sicut in statu naturæ lapæ; licet tunc eā solum egeret, ratione subordinationis quam quilibet creatura habet ad Deum in operando: nunc verò ulterius indigeat eā, ob naturæ corruptionem & debilitatem. Ita D. Thomas 1. 2. quæst. 109, art. 1. ubi sic discuitur: *Manifestum est quod sicut motus omnes corporales reducuntur in motum celestem corporis, sicut in primum movens corporale, ita omnes motus tam corporales quam spirituales reducuntur in primum movens simpliciter, quod est Deus. Et ideo quantumcumque natura aliqua corporalis vel spiritualis POSSIT PERFECTA, non potest in suum actum procedere, nisi moveatur a Deo. Et art. 2. ait: Natura hominis potest dupliciter considerari, uno modo in sui integritate, sicut fuit in primo parente ante peccatum: alio modo secundum quod est corrupta in nobis post peccatum primi parentis: secundum autem utrumque statum natura humana indiget auxilio. Primo ad faciendum vel volendum quodcumque bonum, sicut primo movente, ut dictum est, scilicet articulo præcedenti. Quod respectu finis corporis ejusdem articuli secundi, dicens: In utroque statu indiget homo auxilio divino, ut ab ipso moveatur ad bene agendum. Denique art. 9. ejusdem questionis docet quod in statu naturæ corruptæ homo, etiam in gratia existens, indiget prædicta motione, propter duos: primò quidem ratione generalis, propter hoc quod sicut supra dictum est (art. 2.), nullas creatas potest in quemcumque actum prodire, nisi virtute motionis divinæ: secundò ratione specialis, propter conditionem statum humanæ naturæ, quæ quidem licet per gratiam servetur quantum ad mentem, remanens tamen in ea corruptio & infirmitas quantum ad carnem, per quam servit legi peccati. Ex quo patet, quod cum ratio ista specialis non haberet locum in statu naturæ integræ, in eo homo egebat divinā motione, ex uno solum capite, nimirum ratione subordinationis quam quilibet creatura habet ad Deum in operando. Deum enim (inquit idem sanctus Doctor in 2. distinctione 24. quæst. 1. artic. 4. ad 1.) operatur in voluntate & natura: sicut pri-*

Tom. II.

*A mai causa in secundis: & ideo sine ipso adjuvante, nec lapis in esse conservaretur, nec deorsum tenderet. Similiter etiam nec humana natura (quamvis integra) sine eo vel consistere potest, vel rectum motum voluntatis habere. Unde etiam Augustinus Epistola 106. ait: Natura humana, etiam si in illa integritate in qua condita est permaneret, nullo modo seipsam, Creatore suo non adjuvante, servaret. Et 12. de civitate cap. 9. docet quod Angeli bonam voluntatem, quā meliores essent, nisi operante adiutorio Creatoris habere non possent. Ad stipulam etiam Divus Bernardus in libro de gratia & libero arbitrio, columnā 7. ubi hæc scribit: Nostra quippe voluntas bona, à bono Deo creata, perfectam tamen non erit, quousque suo Creatori persciscit subiecta sit. Absit tamen ut ipsi sui ipsius perfectionem, Deo autem tantum creationem tribuamus: sicut longe nimirum melius sit esse perfectum, quam factum, & à deo ipso nefas videatur, Deo quod minus, nobis quod excellentius sit attribueri.*

Plura alia Sanctorum Patrum testimonia, variasque rationes in ejusdem veritatis confirmationem, in Tractatu de voluntate Dei adduximus, ibique præcipua Jansenii fundamenta confutavimus; unde ad hunc locum Lectorem remittimus, ne eadem inutiliter repetamus.

Diff. 5.  
art. 7.

## DISPUTATIO VI.

*De statu naturæ puræ.*

**H**ic est quintus & ultimus naturæ humanæ status, circa quem celebris occurrit contra Jansenium disputatio & controversia, sequentibus articulis resolvenda.

## ARTICULUS PRIMUS.

*An status naturæ puræ possibilis sit?*

## §. I.

*Quibusdam præmissis referuntur sententia.*

**S**uppono primò, quod status puræ naturæ duo importat seu requirit, unum positivum, & alterum negativum. Positivum in eo est, quod natura humana habeat quiddam est ei connaturale, seu debitum ex essentia suæ principis, potè suas omnes proprietates, habilitates, & facultates naturales, & concursus atque providentiam Dei sibi naturaliter debitam. Negativum in eo est, quod nihil habeat indebitum, sive quod ab intrinseco non possulet, sive malum, sive bonum; hoc est, ut neque peccatum habeat originaliter sibi annexum, peccatæque reatum ex illo sequentem; neque etiam affecta sit aliquibus gratiæ donis, aut perfectionibus naturæ indebitis. Dixi ut non habeat peccatum originaliter sibi annexum: quis sicut infirmitas corporis, & morbi, qui sequuntur ex naturali conditione, non excluduntur a statu naturæ puræ; ita neque morbi animi, qui propter naturalem fragilitatem, aut libertatis usum contrahuntur, ab eodem statu excludendi sunt.

Duo ergo dicit status naturæ puræ, nempe naturam, & ejus puritatem: natura includit ef-

sentiam, & quæ debentur connaturaliter ratione essentia: puritas excludit omnia indebita, seu ab essentia connaturaliter non postulata; vel ut alii dicunt, omnia dona gratuita, quæ sunt duplicis generis, quædam enim perficiunt hominem in ordine ad finem ipsi connaturalem, & operationes ordinis naturalis, ut donum integritatis, de quo supra diximus; alia in ordine ad finem supernaturalem & operationes ipsi proportionatas, ut dona gratiæ strictè sumptæ.

Suppono secundò, nunquam re ipsa statum puræ naturæ fuisse: quia Deus omnes creaturas rationales quas hæcenus condidit, ad finem & beatitudinem supernaturalem elevavit: imò Angeli simul cum natura gratiam sanctificantem in sua creatione adepti sunt, juxta illud Augustini: *Erat Deus in Angeli condens naturam & largiens gratiam*. Primis quoque parentibus, simul cum natura, adoptionis gratia concessa est, juxta illud Ecclesiæ 7. *Fecit hominem rectum*, quod non solum de rectitudine corporis, sed etiam animi, quæ est à gratia & charitate, intelligunt sancti Patres, præsertim Augustinus de corrept. & gratia cap. 10. idque Tridentinum sess. 4. indicavit, dicens: *Adamum peccando amisisse sanctitatem & justitiam, in qua constitutus fuerat*. Neque deest congrua ratio: Nam cum gratia sanctificans in instanti producibilis sit, non opus fuit eius infusionem post creationis instant differrè; *Nescit enim tarda molimina Spiritus sancti gratia*, ut ait Ambrosius.

Libro.  
in Lu-  
cæ 20.

Solum ergo difficultas & controversia est inter Theologos, an status puræ naturæ possibilis sit, non solum de potentia Dei & extraordinaria & absoluta (de hoc enim nullus dubitat, cum Deus absolute poterit hominem ad finem supernaturalem non ordinare, subindeque ipsum creare destitutum gratiæ sanctificantis, aliisque donis supernaturalibus, & ipsi indebitis) sed etiam de potentia ordinaria, seu ordinata, id est operante juxta naturalem rerum creatarum inclinationem?

In cuius difficultatis resolutione partem negativam tenet Janſenius: Nam tribus libris integris, quos de *statu nature pure* inscripsit, contendit primò, non potuisse homines expertes peccati originalis, creati à Deo sine gratia sanctificante, quæ est, inquit, ipsa charitas Dei super omnia; alioquin natura rationalis, mala, stulta, distorta, & perversa crearetur à Deo; quod ad errorem Manichæorum pertinet asserentium, quod Deus sit Author alicujus naturæ malæ. Atque hoc tanquam unum de præcipuis lux doctrinæ capitibus, omni quo potest modo, stabilire conatur; & contrarium dicit fuisse unum de capitalibus erroribus Pelagii, ab Augustino collisum; plerosque Scholasticæ doctrinæ Professores, quemadmodum in explicando naturæ lapsum statui, longissimè ab ejus mente deslexerunt, ita in asserendo puræ naturæ statu, procul à principis ejus immobilibus, quibus tota doctrina ejus adversus Pelagianos & Manichæos incumbit, filium humanæ rationis, potius quam Ecclesiasticæ traditionis consecrando, recessisse.

Secundò docet, felicem illum statum in quo Adam creatus fuit, connaturalem illi fuisse, ita ut aliter creati nequiverit, neque subijci morti, & aliis miseriis corporis, aut pari in animo ignorantiam & difficultatem, ex concupiscentia ortam. Itaque negat hominem potuisse à Deo creati in statu naturæ puræ, cum puritate dona supernaturalia excludente, tum etiam per exclusionem do-

norum integritatis & immortalitatis, quæ primis parentibus concessa sunt. Idem docent Gandavensis quodlib. 6. quæ. 11. & Estius in 2. dist. 26. cum hoc tamen discretimè, quòd primus asserit non solum donum integritatis seu subjectionem vitium inferiorum ad rationem, & membrorum corporis ad animam, sed etiam immortalitatis donum pertinere ad naturam hominis in sua puritate, ita ut sine illis homo expert peccati originalis creati à Deo non poterit: aliter verò docet quidem donum integritatis esse homini naturale, eique competens in puris naturalibus, sed fateretur immortalitatem primi hominis, ipsi fuisse indebitam & supernaturalem, subindeque; Deum potuisse creare hominem purum à peccato, obnoxium morti, & morbis ac doloribus corporalibus.

## §. II.

### Statuitur prima conclusio.

Deo primò: Primus parens, atque adeò totum genus humanum, potuit ante peccatum à Deo creati sine gratia gratum faciente; subindeque non ordinari ad claram Dei visionem & beatitudinem supernaturalem. Ita communiter docent Theologi Scholastici cum S. Thoma qu. 4. de malo art. 1. ad 14. ubi sic ait: *Carentia divina visionis dupliciter competat alicui, uno modo sic, quod non habeat in se unde possit ad divinam visionem pervenire; & sic carentia divina visionis competet ei, qui in solis naturalibus esset etiam absque peccato; sic enim carentia divina visionis non esset pena, sed defectus consequens omnem naturam creatam*. Quo nihil clarius & expressius contra doctrinam Janſenii dici potest. Angelico Doctore ad stipulatur Subtilis in 2. dist. 28. qu. unica, nu. 7. dicens: *Potuit aliquis esse purus naturalis, tam sine gratia, quam culpa*.

Favet etiam Bulla à Pio V. contra Bajum edita, & à Gregorio XIII. renovata, ac postea iterum ab Urbano VIII. confirmata: nam in ea sequentes Baii propositiones damnantur.

Deum non potuisset ab initio saltem creare hominem, qualis nunc nascitur: id est, destitutum justitiæ originalis, & gratiæ sanctificantis.

Humana nature exaltatio in consortium divina nature (per gratiam sanctificantem) debita fuit integritati primæ conditionis; ac proinde naturalis dicenda est, & non supernaturalis.

Accedunt SS. Patrum testimonia, præcipuè D. Augustini, cujus auctoritate maximè abutitur Janſenius: nam l. 3. contra Maximinum ca. 15. affirmat hominem ad similitudinem Dei formatum, idè fieri gratiæ filium, quia non est naturalis: si autè gratiæ filius Dei filius, non naturalis, hoc non est illi connaturale, seu connaturaliter debitum; nam implicat in terminis aliquid esse gratuitum, & esse naturæ debitum; subindeque potuit natura humana, pura omni peccato, sine tali dono creati.

Confirmatur: Angeli nunquam fuerunt infæci peccato originali, & tamen ex Augustino non potuerunt creati sine gratia: Ergo & homines, etiam peccati originalis labe immunes, sine illa possunt produci. Consequentia patet ex patitate rationis, Antecedens probatur ex Augustino lib. 13. Conf. c. 2. 3. & 4. ubi in Angelorum creatione duas Dei actiones agnoscit; unam quæ dedit eis esse suum substantiale, & facultates intelligendi ac volendi, omniaque earum facultatum ornamenta naturalia, puta species intelligibiles; & hanc actionem vocat Augustinus *creationem naturæ*; alteram verò actionem Dei admittit, quæ Angelis infusa



Infudit charitatem & amorem Dei sanctificantē; & hanc largitionem gratiæ appellat, & additam gratiā Deum hanc secundam actionem superaddidisse primæ, quàm per primam gratiā Angelos eduxerat ē nihilo: Sed Angelis in nihilo positis nullatenus debetur creatio: Ergo neque naturæ etiam angelicæ, puræ à peccato originali debetur charitas seu gratia sanctificans. Unde idem S. Doctor 12. de civit. c. 9. asserit ad Angelos etiam pertinere quod ait Paulus: *Charitas Dei diffusa est in cordibus nostris per Spiritum S.* id est ipsi prius gratiā infusa & non innata, seu connaturaliter debita; & Basilii lib. de Spiritu S. c. 16 *Ipsa* (inquit) *calestes Virtutes, non natura sua sancti sunt, sed à Spiritu sancto.*

8 Potest etiam conclusio hac ratione suaderi. Dona supernaturalia gratiæ & gloriæ, & ordinatio creaturæ ad finem supernaturalem, non respiciunt potentiam ejus naturalem, sed duntaxat obedientialem; ut cōmuniter docent Theologi, qui triplicem potestatem receptivam in creaturis distinguere solent; unam naturalem, in qua recipiuntur accidentia connaturalia subjuncta; alteram violentam, in qua lubjeantur accidentia contraria, & repugnantia illius naturæ, sicut se habet calor respectu aquæ; aliam verò obedientialem, quā creatura intellexit qualis subditur Deo ad recipiendas formas ordinis supernaturalis: Sed Deus non tenetur conferre creaturæ, etiam innocenti, & à peccato originali immuni, ea ad quæ non nisi obedientialiter, seu per capacitatem obedientialem perducibilis est; vel ipsam ad ea ordinare, ut de se patet: Ergo Deus non tenetur conferre dona gratiæ & gloriæ Angelo, vel homini innocenti, & peccato originali experti, aut ipsū ad clarā Dei visionem & beatitudinem supernaturalem ordinare.

9 Confirmatur primò: Omnis creatura est naturaliter & ex sua origine Dei serva, cū talis servitus in creatione fundetur: At servus non est naturaliter hæres domini sui, ut habetur Genes. 1. 1. Ergo nulla creatura, quantumcumque pura & innocens in sua origine, ex sua natura exigit dona gratiæ & gloriæ, nec ordinatur ad clarā Dei visionem & beatitudinem supernaturalem, quæ est hæreditas Dei. Hanc rationem insinuat Cyrillus Alexandrinus lib. 1. in Joan. cap. 13. ubi ait: *Creatura cū serva sit, nutu tantū & voluntate Patris, ad supernaturalem elevatur.*

10 Confirmatur secundò. Homines, etiam innocentes & Angeli, sunt filii Dei tantū adoptivi; nam filius naturalis unus est Christus: Atqui filius adoptivus, non jure nativitatis, sed assumptione gratiæ, & naturam non consequente, vocatur ad hæreditatem: Ergo nec Angeli, nec homines innocentes, possunt habere clarā Dei visionem [quæ est Dei hæreditas] naturā suā; sed debent elevari, hoc est, accipere aliquod donum naturæ altius, & ipsi indebitum, ut videant Deū. Unde Dionysius cap. 1. de divin. nomin. tribuit elevationi supra naturam, quod Beatæ mentes Deum videant, & ait *ea constanter & immobiliter ad illuminentem suū radium attollit, & congruo permixtum fibi illuminat: unum amore, velut in altū pennu sublevari.*

11 Confirmatur tertio: Si gratia & charitas sint connaturaliter debita Angelo, vel homini innocenti, seu peccato originali non infecto, ita ut non possit à Deo creari sine illis, de potentia saltem ordinata & per divinæ sapientiæ leges regulari; quitor gratiam sanctificantem, aut charitatem, Angelis & primis parentibus in creatione

A infusam, simul esse & non esse gratiam; erit quippe gratia, ut supponitur, & ipsū nomen significat; non erit verò gratia, quia gratiæ propriè dictæ repugnat quòd sit naturæ debita seu connaturalis, ut ex ipsius gratiæ notione & nomine constat.

12 Respondet Janfenius gratiæ propriè dictæ repugnare quidem debiti ortum ex jure seu opere creaturæ; non tamen ei repugnare debita, seu connaturalitates, decentias, congruentias, & æquitates, quæ oriuntur ex aliis capitibus: nihil enim connaturalius (inquit) innocenti imagini Dei, cum capacitate Dei naturaliter conditæ, quàm gratia: unde quamvis Deus eam ipsi negans, non faceret contra jus iustitiæ quòd sit in creatura, faceret contra sapientiam suam, quam non secūs ac iustitiam præterire non potest.

Addit quòd sicut Scholastici dicunt, gratiam sufficientem esse gratiam absolutè, & nihilominus esse debitam creaturæ rationali, etiam in hoc statu naturæ lapsæ, nec ei posse à Deo denegari; alioquin impossibilia juberet Deus, & homo peccaret in eo quòd vitare non posset: ita dici potest gratiam vel charitatem, siue quia natura innocens, seu peccati originalis expert, creari nō potest, esse gratiam propriè dictam, et si ex quadam connaturalitate ipsi debita sit.

13 Sed hæc responsio & doctrina facili potest confutari. Primò, quia idem Author lib. 1. de statu naturæ lapsæ cap. 2. & sequentibus, docet naturam humanam ex se ordinari ad Dei visionem & fruitionem, velut ad finem connaturalem, nihilque esse illi connaturalius: Ergo juxta ejus principia, homini innocenti, seu peccato originali experti, gratia & visio, ac fruitio Dei debentur, debito orto ex ipso jure naturæ, exigenti ab intrinseco hunc finem, & media ad ejus affectionem necessaria, & non solum debito orto ex sola Dei sapientia, vel aliqua congruitate.

14 Secundò falsum est quòd ait, gratiæ propriè dictæ tantū repugnare debiti ortum ex opere creaturæ, subindeque non desinere esse, ac verè dici propriè dictam gratiam, et si naturæ ipsi debeatur, dūmodo non præcesserit aliquod opus propriè dicti debiti sit. Hoc, inquam, falsum est, quia ut ostendimus in Tractatu de gratia, nomine gratiæ propriè sumptæ, & prout à natura distinguitur, intelligunt Scripturæ, Patres, & Concilia, donum gratitum naturæ superadditum, superans illius debitum & exigentiam, non verò id tantū quod non debetur operibus nostris; aliis liberum arbitrium, & facultates omnes tum corporis, tum animi, essent gratia propriè dictæ: nullum enim opus feceramus antequam essemus, propter quòd nobis hæc deberentur: quòd tamen absurdissimum est ut patet ex Augustino Epist. 95. ubi tum ipse, tum alii Patres Africani, reprehendunt Pelagiū, quòd ad vitandam condemnationem in Concilio Palæstino abusus esset nomine gratiæ, eo nomine intelligens liberum arbitrium nobis collatum in ipsa creatione, quòd sufficere volebat ad vitandum peccatum, & bene operandum; quòdque gratiam idèò esse intelligebat, quia gratis à Deo collatum est, quippe qui gratis nos creavit, & liberum arbitrium, aliaque dona gratis nobis contulit.

15 Tertiò exemplum quòd adducit Janfenius de gratia sufficienti, non est ad rem; idèò enim gratia sufficiens, quamvis aliquo modo debita creaturæ rationali, est gratia propriè dicta, quia non est ei debita absolute, sed supposita ejus e-

levatione & ordinatione in finem supernaturalem, quæ ipsi indebita est, & Deo planè libera, ita ut ab illa abstinere potuerit. At verò juxta Janfenium elevatio ipsa ad ordinem supernaturalem est debita naturæ innocentis, ita ut Deus ab illa abstinere non potuerit, nisi in pœnam peccati nec per consequens naturæ innocens, & peccati originalis expertus, creari sine gratia & charitate, aliisque mediis & auxiliis, ad finis supernaturalis affluendum necessarius.

## §. III.

## Secunda conclusio stabilitur.

<sup>16</sup> Dico secundò, de potentia Dei ordinaria, providente singulis rebus juxta id quod naturaliter exigunt, poritur homo, etiam ante lapsum Adami, creari in statu naturæ puræ quoad dona integritatis & immortalitatis, sive cum inclinatione efficiendi & rebellii partis sensitivæ adversus rationem, & cum necessitate moriendi. Ita expresse docet S. Thomas in 2. dist. 31. quæst. 1. art. 2. ad 3. his verbis: *Potest Deus à principio, quando hominem condidit, etiam alium hominem ex limo terræ formare, quin in conditione sua natura relinqueret, ut scilicet mortali & passibili esset. & pugnam concupiscentiæ ad rationem sentiens; in quo nihil natura humana derogaretur, quia hoc ex principii natura consequitur. Non tamen iste defectus in eo rationem culpæ aut pœnæ habuisset, quia non per voluntatem iste defectus causatus esset. Quia nihil clarius & expressius ad everrendam totam doctrinam Janfenii, & stabilendam nostram sententiam, dici potest. Item quod lib. 1. art. 8. ait: *Possibile fuit Deo ut hominem faceret in parvi naturalibus.**

<sup>17</sup> Hanc assertionem Bellarminus, Suarez & Anti-Janfenius ex eo probant, quod contraria inquitur sententia sit à Pio V. in Bulla contra Michælem Baium reprobanda. Verum licet inter damnatos Baii articulos, 26. sic habeat: *Integritas prima creationis, non fuit debita a natura humana exaltatio, sed naturalis ejus conditio. Et s. 2. Deus non potuisset ab initio creare hominem, qualis nunc nascitur.* Inde tamen concludi non potest efficaciter, opinionem quæ impossibilitatem status naturæ puræ præcise quantum ad donum integritatis astringit, in hac Bulla fuisse damnatam; sed tantum aliam, quæ præterea negat sine gratia sanctificantem, quæ absolute iustum & rectum constituit, hominem condidit à Deo potuisse. Hoc enim, ut rectè observat Estius, intentum erat Baii in citatis articulis, ita ut 26. intelligeretur ab eo de integritate, ut comprehendit gratiam habituale absolute iustificationis, & s. 2. de homine nascente modo cum privatione talis gratiæ. Unde per hanc Bullam, nulla quidem cadit censura in opinionem Estii: sed eam Janfenius & Henricus nullatenus evadere possunt; cum afferant hominem ante peccatum non potuisse produci sine gratia sanctificante, & immortalitatis dono: hæc enim doctrina expresse in Bulla præscribitur, ut articulo præcedenti quoad gratiam sanctificantem ostendimus: quantum verò ad immortalitatis donum, patet ex art. 74. Baii, qui sic habet: *Immortalitas primi homini non erat gratia beneficium, sed naturalis conditio.*

<sup>18</sup> Potest insuper suaderi conclusio ex Augustino, cujus auctoritatem potissimum confidit Janfenius. In primis enim S. Doctor l. 4. contra Julian. c. 17 loquens de primo hominæ ante peccatum, sic

A ait: *Gratia quippe Dei ibi magna erat, ubi terrenum & animale corpus, bestialium libidinem (hoc est, ut exponit etiam Janfenius, concupiscentiam effrenam) non habebat. Quia ergo vestitus gratia non habebat in nudo corpore quod puderet, spoliatus gratia sensit quod operire deberet.* Ceterò si gratia magna fuit, quod primus homo ante peccatum, bestialium libidinem, sive concupiscentiam effrenam non habebat, indebita erat naturæ hominis illius defectus carentia, atque adeò cum tali vitio naturæ suæ creari potuit, etiam antecedenter ad peccatum.

Neque potest dici quod Augustinus sumat ibi <sup>19</sup> nomen gratiæ pro dono gratiosè collato, licet naturaliter debito, eo sensu quo Concilium Constantinopolitanum sextum utitur nomine gratiæ, quando actione 11. definit Angelos esse per gratiam immortales. Non valet, inquam, ista responsio: quia licet hæc gratiæ acceptionem interdum approbat D. Augustinus, loco tamen citato sic eam usurpare non potuit; aliàs enim falsò addidisset, hominem hac gratia spoliatum fuisse, cum sit certissimum in communi doctrina Patrum, hominem, sicut & Angelum non fuisse spoliatum, ratione peccati, donis sibi naturaliter debitis, sed tantum indebitis.

Secundò idem Augustinus lib. 2. de Genesi ad <sup>20</sup> litt. c. 15. sic habet: *Possit non mori præstabitur Adamo de ligno vitæ, non de constitutione naturæ.* Quibus verbis aperte docet etiam donum immortalitatis non fuisse homini innocenti naturaliter debitum, sed gratuito & liberaliter concessum; subindeque sine illo potuisse creari. Unde ibidè subdit: *Mortali ergo erat conditio corporis animalis: immortalis autem beneficium conditor.* Et l. 14. de civit. c. 20. loquens de immortalitate primorum parentum: *Hic statim (inquit) tu de ligno vitæ quod erat in medio Paradisi, mirabili Dei gratia præstatur.*

Tertiò idem S. Doctor l. 3. de libero arbit. ca. <sup>21</sup> 20. præcipuum Janfenii fundamentum manifestè convellit, ait enim: *Quamvis ignorantia & difficultas (id est rebellio appetitûs difficilè obediens rationi) essent homini primordia naturalia, nec sic culpandus sed laudandus Deus esset, qui aalem hominem condidisset.* Quibus verbis aperte docet, non esse contra iustitiam vel sapientiam Dei, si in homine, nullius peccati reo, esset ab ortu ejus appetitus sensitivus rebellis rationi; subindeque divinæ iustitiæ aut sapientiæ non repugnare, quod hominem innocentem, & nullius peccati reum, sine dono integritatis creet.

Nec valet quod ad tam expressum & manifestum testimonium responderet Janfenius, nempe Augustinum illud scripsisse dum contra Manichæos disputaret, & antequam orra esset hæresis Pelagii; & contrarium docuisset Epist. 28. ad Hieronymum. Non valet, inquam, nam præterquam quod nihil habet Augustinus in illa Epistola contrarium, ut legenti constabit, cap. 9. lib. 1. retractionum (quem longè post disputationes ipsius contra Pelagium, & Epistolam ad Hieronymum scripsit) repetit in terminis quod l. 3. de libero arbitrio dixerat, illudque approbat. Item in libro de bono perseverantiæ, qui est ultimus, vel unus ex ultimis ejus libris, eandem sententiam iterum refert & laudat, ut infra patebit. Unde quidam Recentior rectè observat. Janfenium, qui cæteros Ecclesiæ Doctores contemnere videtur, & unum Augustinum revereri, ipsum tamen facere primò errantem in libris de libero arbitrio, secundò aliquatenus emendatum in <sup>22</sup> Epi.

Epistola ad Hieronymum , tertio gravius relapsum in libris retractationum , & quare in errore finaliter perseverantem , in libro de bono perseverantiz.

- 23 Nec melior est alia responsio , quam ad idem Augustini testimonium adhibet , nimirum Augustinum , dum ait Deum fore laudabilem & justum , quamvis homo à suis primordiis haberet difficultatem , & ignorantiam , quæ patitur ex rebellione appetitus sensitivi ; loqui de primordiis hominis , in quibus supponitur aliqua culpa originalis , non verò de primordiis hominis innocentis , & à labe peccati originalis immunis , Non valet , inquam , hæc interpretatio ; cum aperte repugnet menti & textui S. Doctoris , locis citatis , præsertim cap. 1. libri de bono persever. ubi sic ait : *Etiamsi verum esset quod dicitur Pelagiani , ignorantiam & difficultatem , sine quibus nullum hominem nascitur , primordia non supplicia esse natura ; vinceretur tamen Manichæi , qui volunt duas , boni scilicet & mali , esse naturas .* Hæc enim verba , primordia non supplicia esse natura , aperte declarant , S. Doctorem supponere rebellione appetitus non esse in homine propter ullum peccatum præcedens , sed ipsi convenire ex sua natura , & ex prima Dei institutione .

- 24 His argumentis ab auctoritate sumptis , accedit ratio manifesta , quæ sic potest proponi . Integritas naturæ , seu perfecta subjectio appetitus inferioris ad superiorem , non est homini connaturaliter debita ; Ergo potuit sine illa creari , non solum de potentia absoluta , sed etiam de potentia per sapientiam ordinata . Consequentia manifesta est : nam sapiens Dei providentia solum renetur providere rebus , juxta id quod connaturaliter exigunt , non verò juxta ea quæ sunt naturæ indebita . Antecedens vero sic ostenditur . Nulli nature debetur connaturaliter remedium defectus , qui est ipsi connaturalis , verbi gratiæ naturæ sublevari remedium corruptibilitatis . Sed integritatis donum , seu perfecta subjectio appetitus sensitivi ad rationem ; est remedium defectus homini naturalis , nempe rebellionis concupiscentiæ adversus rationem ; cum enim homo ex propria ratione & constitutione habeat quod componatur ex duabus partibus contrariis , rationali scilicet & sensitiva , & sit . ut ait Augustinus 9. de civit. cap. 13. *Medium quoddam inter pecora & Angelos , inferior Angelis , superior pecoribus , habens cum pecoribus mortalitatem , rationem verò cum Angelis ; duplici constat inclinatione seu appetitu , quorum unus tendit in bonum honestum & rationi consonum ; alter ad bonum sensibile & delectabile , quod interdum rationis legibus prohibetur , ut patet in ægroto sitiente & appetente frigidum , non obstantem quod ratio contrarium suadeat ; ex quo oritur pugna & rebellio concupiscentiæ adversus rationem , ut infelix experientia satis ostendit ; Ergo integritas naturæ , seu perfecta subjectio appetitus inferioris ad superiorem , non est homini connaturaliter debita .*

- 25 Eadem ratione convincitur , donum immortalitatis non posse esse homini connaturaliter debitum , cum sit remedium alicujus defectus , homini connaturalis , nempe mortalitatis , vel corruptibilitatis quæ ex intinseca ipsius constitutione sequitur , seu ex naturalibus ejus principiis , quæ sunt materia prima , & anima rationalis ; nam quia materia prima in nullo composita per ejus formam plenè satiatur , sed manet ubique fame-

lica , & cum appetitu ad aliam , consequenter dat locum contrariis qualitatibus , passionibus , & alterationibus corruptivis , quibus ipsa composita ad iterium & deitionem tendunt . Unde Cyrillus lib. 1. in Joan. cap. 15. ait , *Hominem supra naturam immortalitatem fuisse consecutum ;* & lib. 4. contra Julian. *Hominem corruptibili naturæ progenitum , Deo volente fuisse immortalem .* Similia habet Divus Thomas in 2. dist. 19. quæst. 1. art. 4. sic dicens : *Immortalitas illa & impossibilitas , quam homo habuit in primo statu , non inerat ei ex principii natura , sed ex beneficio conditoris ; unde naturalis proprie dici non potest , nisi forte naturale dicatur omne illud quod natura incipiens accipit ,* Et 1. parte quæst. 97. art. 1. de corpore primi hominis sic ait : *Non enim corpus ejus erat indissolubile per aliquem immortalitatis vigorem in eo existentem , sed inerat anime via quadam supernaturaliter divinitus data , per quam poterat corpus ab omni corruptione preservare , quando ipsa Deo subjecta mansisset .*

Confirmatur : Si dona integritatis & immortalitatis essent homini connaturaliter debita , in eo mansissent post peccatum ; nam post peccatum manent omnia pertinentia ad naturam , si ve ea fluât ex principii naturæ , si ve sint ei debita , ut constat in potentis & proprietatibus , quæ fluunt ex principii naturæ , & in concursu generali qui connaturaliter deditus est : Sed illa dona non manent in homine post peccatum , ut experientia satis constat : Ergo non sunt homini connaturaliter debita . Hæc ratio sumitur ex D. Thoma 1. parte quæst. 95. art. 1. ubi sic ait : *Manifestum est quod subjectio corporis ad animam , & inferiorum virium ad rationem , non erat naturalis , atque post peccatum mansisset , cum etiam in demonebus data naturalia post peccatum permanserint .* Et in 2. dist. 19. q. 1. art. 4. in 1. arguto . *sed contra ,* sic discitur : *Dionysius dicit in 4. cap. de divin. nomin. quod data naturalia demones per peccatum non perdidit ; Sed homo non amplius quam demon peccavit ; Ergo si immortalitatem naturaliter habuisset , eam nullatenus amisisset .*

## ARTICULUS II.

## Convelluntur fundamenta adversa sententia.

## S. 1.

Solvitur primum & præcipuum argumentum Janseii contra possibilitatem status naturæ puræ .

Nimis prolixum & molestum foret ea omnia persequi , quæ Janseius tribus integris libris contra statum puræ naturæ proposuit . Quare sat erit præcipuis ejus argumentis respondere , ex quorum solutione Lector faciliè judicabit , quid de aliis sentiendum sit .

Primum quod habet cap. 3. libri primi de statu naturæ puræ , potest sic proponi . Non potest creatura rationalis , innocens , & nullius peccati rea , à Deo creati incapax assequendæ veræ beatitudinis in qua quiescat : Sed homo creatus in natura pura , & donis supernaturalibus gratiæ & charitatis destitutus , esset incapax veræ beatitudinis : Ergo in eo statu creati non posset . Major videtur certa : naturalis enim est appetitus beatitudinis , ita ut homines non tantum velint , sed etiam non possint non velle esse beati , ut ait Augustinus in Enchirid. cap. 104. Minorem verò

*rationalis, aut vitiosa est cupiditas quâ mundus diligitur, quâ à Ioanne prohibetur, aut laudabilis ista charitas, quâ per Spiritum Sanctum in corde diffusâ, Deus amatur.* Igitur præter amorem Dei supernaturalem, diffusum in cordibus nostris per Spiritum Sanctum, datur alius amor Dei, qui non est vitiosa cupiditas, nimirum dilectio naturalis ipsius. Ex quo pater responsio ad primam probationem Minoris principalis Jansenianæ objectionis.

34 Ad secundam dicatur, homines à clata Dei visione exclusos, posse aliquâ beatitudine inferiori donari: nam ipse Adversarius docet, & ex Augustino probat, quod Adamus in statu innocentie, in quo non videbat Deum, habuit beatitudinem aliquam minus perfectam, & ut ipse loquitur, *decoloratorem*, visionem beatâ: Cur nego similiter non licebit nobis dicere, quod esset in statu puræ naturæ possibilis aliqua beatitudo, minus perfecta, & decolorator clarâ Dei visione? Si autem quæras in quo illa consisteret? Respondeo Theologos eam constituere in perfectissima & suavisima contemplatione Dei auctoris naturæ, quæ non pertingeret ad claram ejus visionem, sed esset duntaxat cognitio ejus abstractiva, & haberetur ex creaturis, præsertim ex substantiis separatis, cognitâ, non solum per species acquisitas, sed præcipue per intuitus, & per scientiam inditam. Addunt quod perfectissima illa cognitio, seu contemplatio, esset radix amoris naturalis Dei, & reliquarum virtutum naturalium, totiusque rectitudinis voluntariæ, subindeque omne peccatum, omnemque inquietudinem & anxietatem excluderet.

35 Dices: Homo suam illam Dei contemplationem adeptus, claram ejus visionem optaret, cum ex cognitione effectum exciteret naturalem desiderium videndi causam: Ergo illa contemplatio omnem inquietudinem non excluderet, nec omne desiderium hominis quietaret.

Respondeo quod ex tali contemplatione oritur quidem desiderium videndi causam, at illud non esset absolutum, sed tantum conditionatum: nam appetitus videndi causam, visus effectibus, in eo tantum est absolutus, cui apparet possibilis talis visio: unde cum homini in puris naturalibus existentem, non esset nota possibilitas divinæ visionis, in ipso tantum esset appetitus claræ visionis conditionatus, & imperfectus: conditionata autem & imperfecta voluntas, quæ velleitas dici solet, non movet hominem ut conetur obtinere rem desideratam, adeoque nec inquietudinem aliquam aut anxietatem parit: unde quidam Theologi admittunt in beatâ appetitum conditionatum, seu velleitatem habendi majorem beatitudinem, absque ulla tamen inquietudine inde consequente.

Cæterum non possumus ex ætâ definire omnes circumstantias futuras in illa beatitudine, quæ à Deo proponeretur hominibus in statu puræ naturæ. Aliqui putant quod in tali statu non esset futura resurrectio corporea mortuorum, sed homines qui bene operati essent in via, futuri essent beati tantum in anima, in qua præcipue consistit homo. Alii existimant in illo statu futuram corporum resurrectionem, subindeque homines in eo, non solum quantum ad animam, sed etiam quantum ad corpus, fore beatos. Alii dicunt, quod quando iustus ad debitum statum virtutis pervenisset, Deus in corpore & anima ipsum rapuisset, & vivum transulisset in locum

A à se determinatum, ibique eum conservasset in æternum, ut nunquam gustaret mortem: sicut Enoch & Eliam in paradysum transiit, ubi eos usque ad diem iudicii sanos & incolumes servabit. Sed hæc nimis incerta sunt, & facilius possunt inquiri quam resolvi.

## §. II.

Alia Jansenii argumenta solvuntur.

O Bbijcies primò cum Jansenio: Dona integritatis & gratiæ sanctificantis dicuntur à SS. Patribus fuisse naturalia primis parentibus, ait enim Cælestinus primus in Epistola ad Episcopos Galliæ, *Homines pravariatione Adæ naturalē possibilitatem & innocentiam perdidisti*: & Augustinus lib. 11. de Genesi ad litteram, dicit homines ea dona amittendo, *amisse posse naturā, & possibilitatem*: Ergo homines ante peccatum non potuerunt creati à Deo (de potentia saltem ordinata, & providente linguis rebus juxta id quod naturaliter exigunt) sine hujusmodi donis.

Respondeo non solum id quod homo naturaliter exigit, dici ipsi naturale, sed etiam id quod natura humana in sua origine & creatione accepit, quamvis ipsi indebitum & præternaturale sit: sic Augustinus serm. 14. de verbis Apostoli, vocat peccatum originale, *peccatum naturæ, seu naturæ*, non quod naturæ humanæ connaturale sit, sed quia à nativitate nobis inest: in quo etiam sensu Apostolus ad Ephes. 2. ait quod *sumus naturâ filii iræ*. Unde etiam dona integritatis & gratiæ sanctificantis fuerint Adamo indebita, & supernatam exigentia humanæ naturæ, vocari tamen potuerunt naturalia à SS. Patribus, quia ipsi fuere in primo instanti creationis concessa, ut disp. 1. ostendimus. Idque non diffusetur Jansenius, nam lib. de Gratia primi hominis cap. 9. aliquantò post initium, ait peculiarem esse Augustini ac discipulorum ejus phrasim, & Concilii Arausiacani, ut sub libertate & possibilitate naturali, ipsaque naturæ, totum illud comprehenderat, quod natura in ipsa prima conditione collatum est, etiam ipsa gratia habitualis, & alia dona supernaturalia tunc Adamo infusa.

O Bbijcies secundò: Ex D. Augustino Deus non potest alicui regnum cælorum sine ulla culpa denegare: Ergo etiam connaturaliter homini debitum, & sic non potest in puris naturalibus creati. Utræque consequentia patet: Antecedens probatur. Nam S. Doctor lib. 1. de peccat. meritis & remissi, c. 3. lib. 1. ad Bonifacium cap. 22. & lib. 2. cap. 2. & serm. 14. de verbis Apostoli cap. 3. 4. & 5. & alibi, impugnat hæresim Pelagianam, asserentem non dari peccatum originale, & consequenter baptismum non prodesse parvulis ad illius remissionem, sed solum ad ingressum in regnum cælorum: impugnat, inquam, ea ratione, quia si pueri innocentes absque ullo personalis aut originalis peccato nascerentur, nulli posset Deus iuste denegare regnum cælorum; unde sermone citato de verbis Apostoli, in Pelagium sic invehitur: *Quare patrimonium regni cælorum acripiis innocentibus? Quæ est ista iustitia Dei? Dic queso quid offensus parvulus non baptizatus, nullâ habens culpam? Sed hic discussus non valeret, si non existimaret beatitudinem supernaturalem esse ita homini connaturaliter debitam, ut ei non nisi propter*



39 propter culpam denegari possit: Ergo, &c.

Respondeo hunc discursum D. Augustini non fundari in hoc, quod beatitudo supernaturalis sit absolute debita creaturæ intellectuali, sed in ordine jam statuto, secundum quem creatura intellectualis est elevata & ordinata ad finem supernaturalem, qui est possessio regni cælorum; hoc enim ordine posito, non potest Deus alicui denegare regnum cælorum absolute, nisi ob ipsius culpam; cuius rationem assignat S. Augustinus, quia non potest alicui iuste pœna infligi, nisi propter culpam; exclusio autem à gloria, supposita tali ordinatione, non potest non esse pœna. Unde in Tractatu de prædestinatione communiter docent nostri Thomistæ, quod licet volerit reprobos, sine ulla causa ex parte ipsorum, à gloria excludere, prout exclusio à gloria dicit simplicem denegationem beneficii indebiti, noluit tamen exclusionem à gloria, ut est pœna in executione, nisi propter aliquod peccatum, vel personale, vel originale: nam supposita volitione non dandi gloriam reprobis, voluit permittere quosdam ipsorum mori in peccatis personalibus, quosdam in originali; propter huiusmodi peccata in executione illis æternam infligere pœnam, vel damni tantum, iis nimirum qui decedunt in solo originali: vel damni & sensus simul, putatis qui decedunt in peccatis actualibus: cum quo stat quod absolute potuissent creare hominem, non elevando ipsum ad ordinem & finem supernaturalem, & illi sine ulla iniustitia regnum cælorum denegare.

40 Addo quod, licet Pelagiani admitterent puerum, in statu naturæ puræ genitum, non posse absque baptismo ingredi regnum cælorum; quia tamen vitam, sive salutem æternam, existimabant eorum innocentie esse debitam; aliunde verò vita illa, absque ingressu in regnum cælorum, in quo duntaxat reperitur, haberi non potest; imò regnum Dei & vita æterna non distinguuntur (ut cap. 3. & 4. prædicti sermonis ostendit Augustinus) recte refertur doctrina, sive ex eo quod vita æterna innocentie parvulorum absque baptismo morientium esset debita, quod similiter ingressus regni cælorum esset eorum innocentie debitus; quasi sic arguens. Vita æterna per vos est debita innocentie parvulorum absque baptismo morientium: Sed eam assequi non possunt sine ingressu regni cælestis: Ergo non absque iniustitia pueri non baptizati, carentes, ut docetis, omni culpa, arceantur à regno cælorum. Sed inde nihil contra doctrinam nostram: non enim asserimus, sicut Pelagiani, vitam æternam, sive beatitudinem supernaturalem, fore debitam innocentie parvulorum, in statu naturæ puræ morientium, nec regnum cælorum à tali vita fecerimus.

41 Obijcies tertio: Homo non potest creati à Deo in statu in quo sit incapax rectitudinis & iustitiæ acquirendæ: Sed in statu naturæ puræ esset incapax illius; cum ex Augustino natura humana sine gratia sanctificante non possit habere quidquam iustitiæ & rectitudinis, nec ullam veram virtutem: Ergo homo non potest in statu puræ naturæ creati.

42 Respondeo concessa Majori, negando Minorem: nam ut in Tractatu de gratia ex ipso Augustino ostendemus, plures homines in statu naturæ lapsæ, extra statum gratiæ sanctificantis,

A imò & fidei, opera iustitiæ & virtutis exercent: sic enim loquitur Augustinus in libro de spiritu & littera, contra Pelagianum scripto, cap. 27. & 28. *Quadam facta infidelium & Christi gratia alienorum sunt, quæ secundum iustitiæ regulam, non modo vituperari non possunt, sed etiam merito rectius laudamus.* Et lib. 4. contra Julianum Pelagianum cap. 3. in fine capitis, permittit Juliano dicere, bona quædam opera fieri per vires naturæ, dummodo ea esse sterilia ad vitam æternam promerendam fateatur. At certum est, quod non esset infirmior homo in natura pura, quam in natura lapsa; Ergo similiter posset in statu naturæ puræ, sine gratia iustificante & fide, aliqua iustitiæ & virtutis opera exercere.

B Sed dices: Quod ergo vult Augustinus, cum dicit nullam esse veram virtutem sine gratia? 43

Respondeo Augustinum nomine veræ virtutis intellexisse virtutem, quæ valeat ad nos liberandos à peccato, & beatificandos beatitudine supernaturali, ut declarat lib. 4. contra Julianum, capite 3. Virtutes autem & opera iustitiæ, quæ essent in statu puræ naturæ, non possent intervenire ad comparandam beatitudinem supernaturalem, seu visionem beatificam, sed solum utiles essent ad acquirendam beatitudinem naturalem, in suavissima & perfectissima Dei contemplatione, & naturali ipsius dilectione consistentem, ut supra diximus.

C Obijcies quarto: Angeli, & res puræ corporeæ, non possunt (de potentia saltem ordinata & providente rebus juxta id quod connaturaliter exigunt) à Deo sine tota integritate suæ naturæ creati: Ergo nec homines, alias natura deterioris esset conditionis quàm reliquæ naturæ, etiam irrationales & puræ corporeæ. 44

Respondeo concessa Antecedente, negando consequentiam & paritatem: Ratio discriminis est, quia natura humana hoc habet peculiare inter omnes naturas, quod constituitur ex partibus naturaliter sibi invicem oppositis & repugnantibus, ac proinde non subordinatis: neque hæc deterioritas conditionis naturæ nostræ, ad alias ei inferiores comparatæ, magis ejus excellentiæ repugnat, quàm potentia ad peccandum, quæ non reperitur in brutis.

D Obijcies quinto: Deus de potentia sua ordinaria, seu ordinata, operante juxta exigentiam naturalem rerum, nullo naturæ nostræ præcedente peccato, non potest creare hominem in statu, in quo sit incapax assequendi suam beatitudinem naturalem: At homo in puris naturalibus conditus, esset incapax eam adipiscendi: Ergo, nullo naturæ nostræ præcedente peccato, non potest in statu naturæ puræ creati. Major patet: quælibet enim res creata exigit naturaliter affectionem sui ultimi finis, seu beatitudinem naturalis. Minor verò suadetur: Ut homo assequi possit beatitudinem naturalem, requiritur quod possit servare omnia præcepta legis naturæ; alias enim ea non observando peccabit; peccatum autem omne contra legem naturalem, cum sit essentialiter malum, sive miseria in ordine naturali, est impossibile cum beatitudine, etiam naturali: Sed homo in statu naturæ puræ non posset servare omnia præcepta legis naturæ, cum ea sine subordinatione appetitus inferioris ad superiorem diu servare nequeat, ob rebellionem continuam carnis contra spiritum, ex qua præceptum est in homine inclinatio ad vitia & peccata, 46

E

peccata, ut dicemus in tractatu de gratia: Ergo homo in puris naturalibus conditus, esset incapax pertingendi ad finem suum ultimum, seu naturalem beatitudinem.

- 47 Respondeo negando Minorem, Ad cuius probationem dico, quod licet homo in statu naturæ puræ careret subordinatione appetitûs inferioris ad superiorum, Deus tamen multis suppeditaret auxilia intra ordinem naturæ specialia, quæ talis subordinationis carentiam aliquantulum supplerent, unde illorum beneficio inclinationi appetitûs & rebellioni concupiscentiæ possent resistere, & à peccato abstinere, ac in observantia legis naturalis usque in finem perseverare, subindeque ad finem ultimum, seu beatitudinem naturalem pervenire. Nec dicas talia auxilia specialia statui puræ naturæ esse indebita: esto enim Deus concessionem huiusmodi auxiliorum in eo statu non deberet ipsi naturæ, ea tamen deberet suæ providentiæ, alias enim illa esset manca ac deficiens, si nullum ad finem destinatum perduceret.

- 48 Dices primò: Status naturæ puræ omne auxilium speciale, etiam ordinis naturalis, excludit; alioquin confunderetur cum statu naturæ integræ: Ergo homo in puris naturalibus conditus, non posset consequi suum ultimum finem per auxilia specialia ordinis naturalis, quæ Deus aliis quibus gratuito & ex speciali providentia, præpararet & conferret.

- 49 Respondeo negando Antecedens: status enim naturæ puræ auxilia specialia ordinis naturalis non excluderet, sed solum gratiam supernaturalem entitativè, vel naturalem per modum habitûs & formæ permanentis, qualis foret gratia sanans naturam, eamque integram constituens integritate naturali, ut constat ex dictis in tertia disputatione. Unde juxta hanc solutionem, status naturæ integræ non confunditur cum statu naturæ puræ, sed per donum illud habituale, appetitum sensitivum rationi perfecte subiciens, sufficienter ab eo distinguitur.

- 50 Dices secundò: Beatitudo ad quam homo naturaliter inclinatur, requirit tria, scilicet non posse offendi, non posse falli, seu perturbari, non posse mori: Sed hæc non possunt in statu naturæ puræ reperiri: Ergo non potest in eo statu reperiri beatitudo, ad quam homo naturaliter inclinatur. Minor patet: nam status naturæ puræ passibilitatem & mortalitatem includit, similiter & sollicitudines mundi, nec non contrarietatem appetituum, ex qua oritur sæpe mentis obnubilatio & deceptio. Major verò probatur: Ille solum est beatus, qui habet quidquid vult, qui nihil mali vult, & nihil patitur quod non vult, ut in pluribus locis monet Augustinus: Atqui homo naturaliter cupit non falli, non offendi, non turbari; imò ex hoc quod naturaliter vult beari, vult etiam non mori; quia stabilitas, quæ sine immortalitate haberi non potest, est de ratione beatitudinis: Ergo &c.

- 51 Respondeo quod cum creatura rationalis nec sibi identificet, nec sibi naturaliter cōnectat suum ultimum finem, de necessitate debet habere duplicem statum, scilicet motûs sive tendentis in finem, & quietis in ipso fine. Quare sicut duplex est modò status creaturæ intellectualis ordinatæ ab beatitudinem supernaturalem, scilicet status tendentis ad beatitudinem, in quo non est immunitas à deceptione & perturbationibus, nec immortalitas: & status quietis in hu-

A iusmodi fine, qui dicitur status patriæ, cui nulla ex huiusmodi prærogativa deest: ita si Deus voluisset non ordinare hominem ad finem supernaturalem, sed eum relinquere in puris naturalibus, habuisset duplicem illum statum, scilicet tendentem ad suum ultimum finem connaturalem, in quo non fuisset immunitas à deceptione, perturbatione, & morte; & statum quietis in huiusmodi fine, in quo non amplius ulla deceptio fuisset, nec mors, nec perturbatio. Porro hunc statum consecutus perfecte fuisset per mortem corporalem, exuendo scilicet mortalitatem quam habuisset ratione unionis animæ ad corpus, & remanendo solum secundum animam, absque ulla violentia; tum quia naturaliter anima non potest reuniri corpori; tum quia status separationis est connaturalis anime, sicuti status unionis: cum enim sit media inter substantias purè spirituales, & formas corporeas, participat aliquid de utroque extremo; unde sicut formæ purè immateriales subsistunt connaturaliter sine appetitu unionis cum corpore, & formæ materiales sunt connaturaliter in corpore sine appetitu separationis; ita anima rationalis habet connaturaliter duplicem statum, scilicet unionis cum corpore, in quo non appetit ex se separationem: & separationis, in quo ex suis naturalibus non appetit unionem.

C Obijcies sextò: Si integritas non esset debita homini naturaliter, non posset eam habere per suam naturalia, sed indigeret aliquo dono gratuito vires naturæ superante, ad eam habendam: Sed hoc dici nequit; alias status naturæ integræ non distingueretur à statu gratiæ, sed ad illum pertineret: Ergo integritas est homini naturalis, subindeque sine illa creari nequit.

Respondeo quod licet homo non possit habere integritatem per suam naturalia, sed ad hoc indigeat dono puræ naturæ superaddito, non est tamen necessarium, ut illud donum sit entitativè supernaturale, cum non debeat necessariò ordinari ad aliquem finem supernaturalem, sed ad integrandam perfectionem naturalem, & tollendos naturales defectus: unde potest esse de genere perfectionum naturalium, quatenus perfectio naturalis complectitur tam eas quæ sunt naturaliter debite, aut fluunt ex principiis naturalibus, quam eas quæ sunt consonæ ipsi naturæ, non elevando tamen ipsam ad aliquem finem supernaturalem, sed eam perficiendo in ordine ad naturalem: quare tale donum dicitur gratuitum solum secundum quid, quatenus est indebitum naturæ, quod Cajetanus appellat, *gratuitum possessivè*. De quo supra diximus, cum de statu naturæ integræ egimus.

E

## §. III.

*Diluntur argumenta sumpta ex parte concupiscentiæ, quam homini in statu naturæ puræ convenire diximus.*

Hæc argumenta sunt & lato calamo proferuntur Eftius in 2. dist. 26. §. 6. & Jansenius libro 2. de statu naturæ puræ capite 11. & sequentibus: nos autem breviter ea expedicimus.

Primum sic potest proponi. Nullum vitium est homini naturale: Sed concupiscentia, cum ad peccatum inclinatur, est quoddam vitium: Ergo non potest homini convenire naturaliter, nec

per consequens in statu naturæ reperiri.

55 Respondeo negando Minorem: concupiscentia enim in statu naturæ puræ non esset propriè vitium, sed solum defectus aliquis seu imperfectio naturalis, ex principiis naturæ consequens: sicut enim corruptibilitas omnem naturam ex materia & forma compositam sequitur, & sicut quamcumque naturam intellectualem creatam comitatur defectus peccabilitatis, eò quòd sit ex nihilo, à quo defectu Deus neminem liberat, nisi in statu beatitudinis: ita contrarietas appetituum in homine sequitur naturaliter ex intrinseca constitutione ipsius; neque ex natura in sua puritate constituta fluere, aut connaturaliter deberetur remedium istius defectus, sicut nec ipsi debitum esset remedium ut non moreretur.

59 Secundum argumentum: Concupiscentia non est à Deo, sed à peccato, ut passim docet Augustinus in libris contra Iulianum, & in libris de nuptiis & concupiscentia; unde Divus Joannes Apostolus Epistola 1. cap. 2. concupiscentiam dicit non ex patre esse, sed ex mundo: At si illa esset homini naturalis, eique in statu naturæ puræ conveniret, Deus qui est author naturæ, esset etiam author concupiscentiæ, & affectum seu motum qui ex illa sequitur: Ergo concupiscentia non est homini naturalis, subindeque in statu naturæ puræ, ipsi non conveniret.

57 Respondeo concupiscentiam posse sumi dupliciter, nempe ut est potentia appetitiva bonorum sensibilibus naturæ convenientium, & rationi minimè repugnantium, & quatenus est inordinata cupiditas boni delectabilis contrarij rationi, seu propensio appetitus in bonum rationi contrarium, quæ *somes peccati* appellatur: si primò modo sumatur, dubitari non potest quin sit nobis à Deo infusa, & ex primæ intentione illius, cum sit naturalis perfectio humanæ naturæ: si autem secundo modo accipitur, cum non sit perfectio, sed defectus humanæ naturæ, & ad potentiam peccandi pertineat, est præter intentionem Creatoris, & ex sola conditione materiæ oritur: sicut rubigo quam gladius ferreus contrahit, provenit ex sola conditione materiæ ferri, non verò à fabro ferrario, licet ipse gladium ferreum fecerit: quo exemplo utitur S. Thomas 1. 2. quæst. 85. art. 6.

58 Ad id quod, sicut Deus dicitur mortem non fecisse, sed per peccatum ipsam in mundum intrasse; quia Deus hominem ab initio immortalitatis beneficio donaverat, quod deinde in penam peccati subtraxit: ita non dici debet author rebellionis concupiscentiæ; qui pariter hominem creaverat cum dono integritatis, & perfectæ subjectione appetitus inferioris ad superiorem, quam ipse homo per peccatum amisit: inde rebellio concupiscentiæ per peccatum inducta dicitur, & inter peccata originalis vulnera numeratur.

59 Tertium argumentum: Illud solum conveniret appetitui sensitivo hominis in statu naturæ puræ, quod ei est connaturale: Sed appetere bonum delectabile, quando contrariatur bono rationis, sive concupiscere adversus rationem, non est connaturale appetitui sensitivo hominis, ut hominis est, quin potius hoc est omnino contra ejus naturam: Ergo ipsi in statu puræ naturæ non conveniret. Major patet: nam status naturæ puræ ea solum importat, seu exposcit, quæ homini debentur connaturaliter. Minor verò sua-

A detur: Licet appetitui sensitivo, præcisè sumpto in ratione appetitus sensitivi, abstracto ab hoc quod sit hominis, sive ab eo quod uniatur spiritui in eodem supposito, naturale sit concupiscere, nulla rationis aut spiritus habita consideratione: si tamen sumatur prout spiritui atque rationi in eodem supposito copulatur, tunc ei est naturale subesse rationi, nihil appetendo quod sit ipsi contrarium. Et ratio hujus est, quia cum pars inferior in homine sit instar fæminæ, respectu superioris, Augustinus dicente lib. 2. de Genesi ad litteram cap. 21. *Animalis illa pars nostra tanquam viro debet obedire rationi*; sicut pervertitur ovis naturalis est, quòd fæmina dominetur viro, ita & quod appetitus inferior spiritui dominetur, sicuti ei de facto dominatur, quando bonum sensibile, quod videt ab eo prohiberi, appetit.

Confirmatur primò ex D. Thoma 1. 2. quæst. 82. art. 3. ad 1. ubi sic loquitur: *Quia in homine concupiscentia naturaliter regitur ratione, in tantum concupiscere est homini naturale, in quantum est secundum rationis ordinem: concupiscentia autem qua transcendit limites rationis, in est homini contra naturam.*

Confirmatur secundò: Cum appetitus sensitivus in homine affinis sit rationi, debet ex tali affinitate aliquid rationis participare: Sed hoc non potest esse aliud quam inclinatio in bonum sensibile cum subordinatione ad bonum rationis: Ergo falsum omnino est, quòd concupiscere adversus spiritum, sit connaturale appetitui sensitivo hominis, ut hominis, seu prout spiritui & rationi in eodem supposito copulatur.

Ad objectionem respondeo, concessa Majori, 64 negando Minorem. Ad cujus probationem dico, quod licet appetitui sensitivo, ut univo spiritui in homine, connaturale sit subesse imperio rationis, non tamen despoticè, uti servus subditur suo domino, qui cum non sit sui juris, non habet renitendi facultatē (hoc enim pacto sola corpora membra obediunt rationi) sed politicè tantum & civiliter, uti civis paret Principi: adeo ut quemadmodum civis potest non obedire Principi, quando bonum publicum quod ei præcipitur, contrariatur bono proprio, hæcque potentia non est quidem perfectio libertatis civis, sed defectus, naturalis tamen, sicut potentia ad faciendum est naturalis cuilibet creaturæ, ita similiter possit appetitus sensitivus non obtemperare rationi, quando accidit bonum sensibile ei propriū contrariari bono rationis, sicque hæc potentia, seu potius impotentia, defectus quidam appetitus sed ei congenitus. Hæc doctrina desumpta est ex Divo Thoma 1. parte quæst. 81. art. 3. ad 2. eamque confirmat dictum Augustini in objectionem allatum, quod pars inferior in homine sit respectu superioris, instar fæminæ respectu viri: naturale enim est fæminæ quòd possit resistere viro, etiam in his quæ rationabilia sunt, quia in imperio ejus non despoticè, sed civiliter tantum subditur: Unde pervertitas ordinis quæ in tali resistentia accidit, est defectus naturalis.

Ad primam confirmationem respondent com- 63 muniter Thomistæ, dupliciter naturam hominis considerari posse vel secundum quod de facto à Deo instituta est in creatione primi hominis, nimirum cum donis integritatis & justitiæ originalis;

ginalis; vel secundum quod à Deo institui potuit, scilicet cum iis præcisè quæ naturaliter sunt ei debita: sensum autem D. Thomæ citati esse, quod concupiscentia: quæ transcendit limites rationis, sit contra naturam hominis, primo non secundum modo consideratam.

64 Ad secundam confirmationem dico, ex affinitate appetitus sensitivi cum ratione, derivari quidem aliquam inclinationem in ipsum, ad sequendum rationis ductum; verum non ita perfectam esse inclinationem istam, ut appetitum ipsum omnino & sine repugnantia rationi subijciat: tali enim inclinationi repugnat & reclamatione, eidem appetitui propria, circa bonum sensibile, rationi sæpè contrarium.

65 Quartum argumentum: Rebello concupiscentiæ est pudenda etiam impudenti, unde de ea merito erubescunt homines, & membra in quibus illa viget, tanquam pudenda tegere student, sicut fecerunt primi parentes post peccatum: Sed in puris naturalibus nihil esset pudendum aut erubescendum; quia tota natura est opus Dei, facit autem injuriarum Deo, qui de ejus opere erubescit, quemadmodum docet & ratiocinatur Augustinus lib. 2. de nuptiis & concupiscentia cap. 9. An forte enim creatura honestior est Creatore suo, ut quod Creatorem non pudeat instituire, hoc creaturam pudeat perficere? ut Juliano idem S. Doctor frequenter objicit: Igitur in statu naturæ puræ, nulla fuisset in homine rebello concupiscentiæ.

66 Respondeo concessa Majori, negando Minorem: hominem enim in puris naturalibus merito libidinis pudere, sicut & operis quod ex ea peragitur. Porro quod nunc magis ferat hominem spe&antium multitudinem, quando injustè irascitur homini, quam unus aspectum, quando justè miscetur uxori, idcirco est, quia pudet animum vinci à corpore, quod ei natura subiectum est: in aliis verò affectibus idè minus ipsum pudet, quia ipse animus à le vincitur, ut ait Augustinus 14. de civit. cap. 19. Illa autem ratio etiam curreret in statu naturæ puræ. Nec obstat quòd tota natura sit opus Dei, Deoque injuriarum faciat, qui de ejus opere erubescit: dupliciter enim potest aliquid à Deo esse in naturæ vel ut defectus & imperfectio sequens ex conditione materiæ, vel ut perfectio & bonum naturale; erubescere autem de defectu naturali à Deo relicto in natura, non est injuriosum Deo, sed solum erubescere de perfectione & dono à Deo collato. Unde quia Julianus ponebat libidine non esse bonam, & eatenus bonam, ut eam Deus primis hominibus concesserit tanquam munus & beneficium felicitate paradisi terrestriis dignum, idcirco Augustinus bene ratiocinatur, cum ait, ipsum injuriarum inferre Deo, erubescendo de Dei dono.

67 Ad do, quædam esse alia propter quæ agenda latebras quarimus, quæ tamen à peccato originali non fluxerunt, & in statu naturæ puræ homini convenissent, imò & fuissent necessaria: ejusmodi est verbi gratià ventrem exonerare, quod sine dubio naturale est homini, etiam non peccanti; neque propterea de illo àd erubescere, est erga Deum ingratum esse, aut eum, quasi pudendum quidpiam fecerit, reprehendere, sed solum vitiatem nostræ naturæ agnoscere, ejusque defectus & imperfectiones ei connaturales, & nobis ac brutis communes, pudere; qui

Tom. II.

A pudor plures parit utilitates humilitatis, de missionis animi, cognitionis nostri nihil, nostræque naturæ vililitatis, &c. Idem cum proportione dicendum de pudore & erubescencia, quæ in statu naturæ puræ oriretur in homine ex inobedientia partis sensitivæ, sive ex motibus libidinosis contra imperium rationis tumultuantibus: illi enim pariter essent defectus & imperfectiones homini connaturales, & ex conditione materiæ procedentes. Unde merito Augustinus lib. 1. de nuptiis & concupisc. cap. ultimo, & passim in libris contra Julianum, Pelagianos reprehendit, quod concupiscentiam seu libidinem, tanquam bonum naturale defenderent, eamque ubique malam appellat (non quòd revera mala sit, sed quia est defectus & imperfectio naturæ humanæ, vel ob nocumentum quod naturæ afferre potest, cum consensu arbitrii in quem impellit) & subdit: *Redditi accipit nomen mali quàm boni, quod erubescunt & mali & boni.*

Quintum argumentum: Si in puris naturalibus fuisset rebello membrorum, & turpitudine libidinis, in eo statu recta ratio dissuaderet matrimonium, & ad perpetuam continentiam incitasset: Sed hoc videtur absurdum: Ergo & illud. Sequela Majoris manifesta videtur: recta enim ratio suadet, ut mens rationalis nullo pacto sub libidine deprimitur, sed ut serenitate ejus tuendo, id quod aperte est laudabile, meliusque feceretur: continentiam autem esse meliorem, neminem Christianum fides Catholica dubitare sinir. Minor verò probatur: Si in statu naturæ puræ recta ratio dissuaderet matrimonium, & ad perpetuam continentiam incitasset, dissuaderet opus maxime naturale, & incitasset ad illud quod est humanæ propagationi contrarium; atque ita recta ratio cum naturæ conservatione pugnasset, quod videtur plane absurdum: item ex hoc sequeretur, matrimonium ex prima institutione naturæ, seclusis supernaturalibus, non tantum esse propter generationem filiorum, sed etiam in remedium concupiscentiæ; quem tamen matrimonii finem Doctores agnoscere non solent, nisi ex occasione peccati: Ergo &c.

Respondeo negando sequelam Majoris: licet enim in puris naturalibus fuisset rebello libidinis, non propterea recta ratio dissuaderet matrimonium in statu naturæ puræ, sed solum distasset huic libidini modum esse adhibendum in usu conjugii: si enim talem statum Deus instituisset, ex homine uno non veluisset omnes procreari, ut illà cognationis necessitudine humanum genus in unitate concordem pacis vinculo colligaretur: unde & homini præcepisset generationi operam dare, & recta ratio distasset tali præcepto esse obtemperandum, utendo scilicet moderatè matrimonio. Secluso autem illo præcepto, pluribus etiam in eo statu bonum fuisset, celibem vitam ducere, & abstinere à matrimonio, propter varia incommoda ei tunc ad hæsuræ, sicut & nunc.

Sextum argumentum: Si concupiscentia ex 70 Dei primæ institutione puram naturam condentis profluxisset, licitum fuisset quibuslibet ejus desideriis consentire, quidquid appetiisset dare, & omnes actus ad quos incitasset peragere, quod absurdissimum esse patet. Sequela probatur: Natura bona & pura, nulloque peccato infecta, non potest tacere aliquid malū juxta illud Christi Mat. 7. *Non potest arbor bona malos fructus facere;*

Aaaa 2

Unde



Unde illa est actuum humanorum norma secunda; imò eam sectari, est Dei artem & sapientiam naturæ conditricem sequi, ut docet Augustinus lib. 3. de libero arbitrio, cap. 15. lib. 4. contra Julianum, cap. 14. & pluribus aliis locis: Ergo si concupiscentia à natura pura, & nullo peccato viciata, prodiret, liceret omnes ejus motus & desideria sequi.

- 71 Respondeo negando sequelam Majoris, Ad cuius probationem dico, naturam bonam, agendo prout bona est, non posse naturaliter declinare in malum; sicut arbor bona, quatenus est bona, non potest malos fructus facere: natura tamen bona, prout defecibilis, potest aliquid malum facere; natura enim primorum parentum, & Angelorum qui peccarunt, bona erant, & à Deo condita, nulloque vitio depravata, antequam peccarent, & tamen peccatum ab illa prodiret. Unde quando dicitur, quod natura est regula actuum humanorum, & quod eam sequi, est sequi artem & sapientiam Dei eam condentis, hoc non debet intelligi de natura quomodoque spectata, sed spectata ut rationalis est, & prout dicitur id quod ipsi quæ rationali consentaneum est, seu quod recte rationi convenit, quod quæ à Deo ejus conditore intenditur & approbatur.

- 72 Septimum argumentum: Non est congruus ordo naturæ, ut pars inferior rebellet contra superiorem, eique dominetur: At hoc contingeret in statu naturæ puræ, si in eo esset rebellio concupiscentiæ, contra rationem; nam cum sine gratia voluntas non possit resistere motibus concupiscentiæ, in statu naturæ puræ (ubi omni gratia auxilio destituta esset) sub dominatu concupiscentiæ captiva teneretur, & careret libertate inde evadendi, & assurgendi ad amorem boni: Ergo in statu naturæ puræ, non esset rebellio concupiscentiæ contra rationem.

- 73 Respondeo non esse ordinem naturalem, id est naturæ rationali consentaneum, ut pars inferior pugnet & rebellet contra superiorem, multòque minus ut ei dominetur; sed huiusmodi pugnam oriri ex imperfectione naturæ, & defectu quemdam illius esse, ut supra diximus: dominatum verò appellari, quando coningit, oriri ex vitio & defectu voluntatis illi succumbentis, & minus efficaciter utentis jure & potestate quam habet cohibendi motus appetitus inferioris, aut saltem non illis consentiendi: quam potestatem haberet in natura pura, per peccatum minimè corrupta, & nunc etià in hoc statu naturæ lapsæ habet interdum sine auxilio gratiæ, quando motus illi non sunt adeò vehementes & importuni; si autem vehementiores essent, eos in statu puræ naturæ, cum auxilio speciali ordinis naturalis, posset comprimere, aut saltem eis non consentire, ut dicemus in Tractatu de gratia.

- 74 Adde quod hanc rebellionem appetitus sensitivi contra superiorem Deus permittit in hominibus, ex intentione plurius bonorum quæ ex ea eveniunt, si ei resistatur: ex ea enim homini suppeditatur occasio generosis exercendi virtutem, eamque efficiendi majori laude & præmio dignam. Sic dici solet hominum puritas esse laudabilior quam Angelorum: quia quod periculosius est certamen, èò illustrior existit victoria. Unde Ambrosius lib. de viduis: *Supergrèduntur virginibus conditionem humana natura, per quam homines Angelis assimilantur: major tamen est victoria hominum quam Angelorum, Angeli enim sine carne vi-*

*unt; virginis verò in carne triumphans.*

## S. IV.

*Solvuntur argumenta contra statum puræ naturæ, ex miseria corporis desumpta.*

Jansenius lib. 3. de statu naturæ cap. 6. & pluribus sequentibus, contendit non potuisse affligi naturam humanam miseriis corporis, quibus nunc affligimur, antequam per peccatum id promeruerit; adeoque non potuisse hominem creati in puris naturalibus, obnoxium morti, & morbis, laboribus, doloribus, aliisque vitæ hujus incommodis. Quod tam certum esse dicit in doctrina Augustini, ut ei nitatur tota illius disputatio adversus Manicheos & Pelagianos, tanquam basi capitali & præcipua, quæ si subtrahitur, doctrinam quam adversus illas pestes tradidit, tueri ab ineptiis, & absurditatibus, paralogismis, apertissimisque falsitatibus, impossibile sit. Unde

Primum ac præcipuum ejus argumentum sic 75 proponi potest. Non est justum hominem affligi morbis, doloribus, & morte, nisi hæc per peccatum promeruerit: At homo in pura natura careret peccato, etiam originali: Ergo injustum esset illum in eo statu, mortem, morbos, & alias corporis misérias experiri. Minor est certa. Majorem verò supponit Jansenius quasi ex le notam, cum manifestum sit, quod nullum malum advenire debeat creaturæ rationali, nisi ex ipsius culpa. Unde Augustinus lib. 3. de libero arbitrio cap. 9. *Si peccatum detrahatur, miseria perseverat, aut etiam peccata præcedit, recte deformari dicitur ordo atque administratio universitatis.*

Secundum petitur ex Scriptura, quæ speciali- 77 ter affirmat mortem non esse à Deo, sed à peccato, Sapient. 1. *Deum mortem non fecit, impii autem manibus & verbo asseruerunt illam:* ad Rom. 5. *Per peccatum mors.* At si illa esset homini naturalis, eique in statu naturæ puræ fuisset obnoxius, Deus qui est author naturæ, esset etiam mortis author, verèque dici posset fecisse mortem: Ergo mors homini naturalis non est.

Tertium sumit ex Augustino, qui in libris contra Julianum, & alibi sæpe contendit Pelagianos cognoscere debere homines esse natos in peccato originali, ex eo quod sint subiecti morti, morbis, doloribus, & aliis miseriis corporis. Quo etiam argumento interdum utuntur Doctores Scholastici, ut S. Bonaventura in 2. dist. 30. D. Thomas 4. contra Gentes cap. 52. Hieronymus Savanarola in Triumpho Crucis lib. 3. cap. 9. & alii, qui ex morte, morbis, aliisque miseriis in humano genere regnantibus, colligunt dari originale peccatum: hic verò discursus non concluderet, sed sponte sua caderet, & in fumum & auram evanesceret, si homo in statu puræ naturæ, in quo peccato originali careret, iidem miseriis foret obnoxius: Ergo idem quod prius.

Hæc sunt præcipua fundamenta Jansenii, quæ 79 ex principiis supra statutis facili dilui possunt. Ad primum responderetur, miseriis & afflictionibus corporeas dupliciter esse generis: quædã sunt defectus naturales consequentes ex ipsa hominis natura, seu materia ex qua constant, ut sunt morbi, & mors corporea: aliæ verò sunt homini præternaturales, ut pœna combustionis æternæ. Hæc secundas Deus nemini infert sine ejus culpa, unde de his intelligi debet Augustinus, cum docet

injustum esse creaturas rationales, nullius peccati reas, malis affligi, & cum ait: *Si peccatum detraxisset miseriam perfererat, aut etiam peccata prececidit, rectè de formari dicitur ordo atque administratio universitatis.* Primæ verò possunt homini advenire absque culpa, subindeque in statu puræ naturæ reperiuntur quia Deus non tenetur cursum naturæ, & actionem causarum naturalium impedire, ut creaturæ, etiam rationales, sint liberæ ab omni malo, quasi (inquit Augustinus) *essent summum & incommutabile bonum*: tum etiam, quia ex creaturarum, etiam rationalium, limitatione & mensura in suis bonis, & ex infirmitatibus ac imperfectionibus naturalibus, plurima redundant bona ad pulchritudinem universi, & ad commendationem omnipotentis & sapientis Dei: ut egregie declarat Augustinus Epistola vigesima octava, quæ est ad Hieronymum, ubi loquens de immatura innocentium morte, quæ nihil videtur acerbius in ordine universi, docet in ea relucere mirabilem divinæ providentiæ harmoniam & concentum; unde ad hoc intantum refert hæc verba (scilicet quadragesimo octavo, juxta editionem Septuaginta Interpretum: *Deus proferit numerosæ faculum, id est cum harmonia & concentu providentiæ suavisimo*; & subdit: *Si bonus facienda carminis artifex, novit quas quibus moras vocibus tribuat, ut illud quod canitur decedentibus ac succedentibus sonis, pulcherrimè currat ac transeat: quando magis Deus, cujus sapientia per quam fecit omnia longe omnibus artibus præferenda est, nulla in naturæ nascentibus & occidentibus temporum spatia, quæ tanquam syllaba ac verba ad particulas huius sæculi pertinent, in hoc labentium rerum tanquam mirabili cantico, vel breviter vel productius, quam modulatio præcongnita & præfixa deponit, præterire permittit?* Quibus verbis eleganter declarat, aliquam esse pulchritudinem universi, quod d. creaturæ aliæ aliis succedant, subindeque primæ intereant, ut secundæ subsequantur: interitus autem non potest creaturis sensu præditis evenire sine dolore, quia alteratio est viæ ad interitum, & alteratio fit cum dolore: Ergo nulla est inordinatio in universo à Deo condito, quod homines, etiam innocentes, moriantur, & morituri patiantur dolores sibi naturales. Imò potius in hoc relucet mirabilis ordo ac ineffabilis divinæ providentiæ suavitas: Nam munus illius est perducere homines ad finem ad quem ordinantur: At tolerantia dolorum & miseriarum, quas homines in statu naturæ puræ experirentur, ad hunc finem conduceret; cum esset eis occasio exercendæ virtutis, & augendæ beatitudinis naturalis, acquirendæ in termino, per meritum patientiæ in statu viæ exercite: Ergo, &c.

Addo, quod d. creaturæ irrationales, etiam innoxie, ut volucres, & agni innocentes, licet nullius peccati sint reæ, tamen pariuntur dolores, & mortem; quia hæc est conditio naturalis corporis quo constant: Sed corpus humanum ejusdem est naturæ & constitutionis, ac corpora animantium: Ergo etsi in statu puræ naturæ, homo esset omnis peccati, etiam originalis, expers, nihilominus morbis, doloribus, mortis, & aliis miseriis & defectibus naturalibus esset obnoxius.

80 Ad secundum argumentum ex Scriptura desumptum, respondeo verè dici Sapientis primo, Deum non fecisse mortem: quia, ut addit capite sequenti, *Deus creavit hominem inextinguibilem, invidiâ autem diaboli mors intravit in orbem ser-*

**A** *varum:* id est, cum Deus hominem in immortalitatis beneficio donasset, nunquam detraxisset, si homo à peccato, ut facillimè poterat, abstinuisset; ipsiusque intentio esset, ut non peccaret, & semper viveret homo; idcirco mors contra ipsius Dei intentionem, ex hominis peccato, & invidiâ diaboli inducitur, illo gratuite beneficio in pœnam peccati subtrahitur. Ita Divus Thomas prima secundæ, questione octuagesima quinta, articulo sexto, ad finem corporis articuli, & lectione tertia in caput quintum Epistolæ ad Romanos ubi exponens verba illa Apostoli: *Per peccatum mors*: subdit: *Natura humana dupliciter potest considerari, uno modo secundum principia intrinseca; & sic mors est ei naturalis; unde Seneca in lib. de remediis fortuitorum, ait quod mors naturalis est hominibus, non pœna. Alio modo potest considerari natura hominis, secundum quod per divinam providentiam fuit ei per justitiam originalem provisa: quia quidem justitia erat quadam relictio, ut mens hominibus esset sub Deo, & inferiores vires sub mente, & corpus sub anima, & omnia exteriora sub homine: ita scilicet quod quandiu mens hominibus Deo subderetur, vires inferiores subderentur rationi, & corpus animæ, indescienderet ab ea vitam recipiens, & exteriora homini, ut scilicet omnia servarent, & nullum ex eis nocuum mentum sentiret. Hoc autem providentiæ divina disposuit, propter nobilitatem animæ rationalis, quæ cum naturæ alteri sit incorruptibilis, debet autem ei incorruptibile corpus: sed quia corpus quod est ex contrariis compositum, oportebat esse organum sensus, & tale corpus secundum naturam suam incorruptibile esse non potest, suppletur potentia divina quod decet a natura humana, dante animæ virtutem continendi corpus incorruptibiliter: sicut faber, si passet, daret serrorem: quo cultellum fabricat, virtutem ut rubiginem nullam contraheret; Sic ergo postquam mens hominibus per peccatum est à Deo aversa, amisit virtutem continendi inferiores, & etiam corpus, & exteriora: & sic incurrit mortem naturalem à causis intrinsecis, & violentiam ab exterioribus nocu-*

**D** *Ad tertium sciendum est, Divum Augustinum & alios sanctos Patres, probantes contra Pelagianos existentiam peccati originalis, ex morbis, doloribus, morte & aliis miseriis, in humano genere regnantibus, supponere traditionem fidei & Scripturæ, quæ docet primum hominem, integritatis, immortalitatis, & indolentiæ beneficio à Deo fuisse donatum, cum pacto seu promissione ea dona & privilegia transcendendi in posteros, si non peccaret; unde cum Deus non sit injustus, seu infidelis, & deficiens promissis suis, ex morte, doloribus, morbis, aliisque miseriis, quæ Adæ filii ab ipso nativitatibus puncto experientur, rectè à posteriori colligunt, aliquod Adæ peccatum occasione Deo dedisse, ad auferenda ipsi & ejus posteris ea dona, quæ liberaliter & gratuito ipsis concesserat. Patet enim (inquit Prosper) culpa, ubi non latet pœna, & societas peccati, convincitur de communione sup-  
plij.*

Similiter sanctus Thomas agens cum Gentilibus, solâ Dei providentiâ suppositâ, ex iisdem defectibus & miseriis in humano genere regnantibus, valde probabiliter colligit originale peccatum: licet enim hominem in puris naturalibus creati, subisset divinæ potentie, nullique alteri ejus attributo repugnet: minus tamen decet suavem ejus providentiam, quæ secundum legem ordinariam creaturas administrat; & quæ singulis perfectionibus congrua perfectibilia præparat: juxta quam proinde animæ rationali

Comra  
Cellar.  
cap. 1.  
82.

naturaliter incorruptibili debeatur aut corpus A  
 similiter incorruptibile, aut saltem virtus conti-  
 nendi corpus incorruptibiliter, supra naturæ suæ  
 conditionem: unde attentâ tali congruitate, &  
 suavi Dei providentiâ, Deus ex se nunquam  
 creasset hominem in statu, in quo mortis, dolori-  
 bus, morbis, aliisque miseriis esset obnoxius, sub  
 indeque hujusmodi defectus & miseriæ sunt in-  
 dicia quædam & signa, seu argumenta probabi-  
 lia originalis peccati. Quare sanctus Doctor lo-  
 co in objectione citato, sic concludit: Sic igitur  
 hujusmodi defectus, quamvis naturales homini videan-  
 tur, absolute considerando humanam naturam ex parte  
 ejus quod est in ea inferri: & tamen considerando divinam  
 providentiam, & dignitatem superioris partis humane  
 nature, satis probabiliter probari potest hujusmodi defe-  
 ctum esse penales, & sic colligi potest humanum genus pec-  
 cato aliquo originaliter esse infectum.

83 Ex dictis hæc tenus intelliges, quinque dati  
 status in quibus natura humana est, vel fuit, vel

esse potuit, nempe felicem innocentiam statum,  
 de quo disputatione prima statum integritatis,  
 qui à præcedenti aliquo modo distinguitur, ut  
 disputatione tertia ostensum est: statum naturæ  
 lapsæ, & per peccatum originale fauciæ, de  
 quo disputatione quarta, statum naturæ per gra-  
 tiam medicinale Christi reparatæ, in quo in  
 præsentem versamur, & de quo actum est disputa-  
 tione quinta, & tandem statum naturæ puræ,  
 quæquidem nunquam extitit, sed tamen esse  
 potuit, ut totâ disputatione sextâ contra Janse-  
 nium fusè ostendimus. Præter quinque illos sta-  
 tus, qui competunt homini viatori, datur status  
 patris, seu termini, aut beatitudinis, quæ defini-  
 tur à Boëtio, statum omnium bonorum aggregatione  
 perfectum. De quo ultimo statu, in secunda parte  
 Theologiæ, Tractatu primo, qui erit de ultimo  
 fine & beatitudine, Tomo sequenti fusè disse-  
 remus.

## FINIS PRIMÆ PARTIS.

*Clypei Theologica Thomistica, contra novos  
 eius impugnatores.*









RENTAL OF EQUIPMENT  
Rev. G. DE LA ROSA  
P. 1000

1974



